

C O D E X
THEODOSIANVS
I A C O B I
GOTHOFREDI
TOMVS QVARTVS.

X1000

MAPOCER

1100 AT

11210H147

1115Y9 27A01

C O D E X THEODOSIANVS

CVM
PERPETVIS COMMENTARIIS
IACOBI GOTHOFREDI

VIRI SENATORII ET IVRIS CONSVLTI SVPERIORIS
SECVLI EXIMII.

PRAEMITTVNTVR
CHRONOLOGIA ACCVRATIO
CHRONICON HISTORICVM ET PROLEGOMENA
SVBICVNTVR

NOTITIA DIGNITATVM, PROSOPOGRAPHIA, TOPOGRAPHIA
INDEX RERVVM ET GLOSSARIVM NOMICVM.

OPVS POSTHVMMVM
DIV IN FORO ET SCHOLA DESIDERATVM
RECOGNITVM ET ORDINATVM AD VSVM
CODICIS IVSTINIANEI
OPERA ET STVDIO

ANTONII MARVILLII
ANTECESSORIS PRIMICERH IN VNIVERSITATE VALENTINA
EDITIO NOVA

IN VI. TOMOS DIGESTA

COLLATA CVM
CODICIBVS MSS. ANTIQVISSIMO WVRCEBVRGENSI
GOTHANO ET LIBRIS EDITIS
ITERVM RECOGNITA EMENDATA
VARIORVMQVE OBSERVATIONIBVS

AVCTA
QVIBVS ADIECIT SVAS
IOAN. DAN. RITTER, P. P.
TOMVS QVARTVS.



L I P S I Æ

SVMP TIBVS MAVR. GEORGII WEIDMANNI.
M D C C X L.

819245844

IN HOC TOMO

LIBRI DVO CONTINENTVR

LIBRO VNDECIMO agitur de Re Tributaria, de Relationibus & Appellationibus, de Testibus & Instrumentis.

LIBRO DVODECIMO agitur de Decurionibus seu de Muneribus & Honoribus municipalibus.

LIBRI

STAVRO MARIE GEORGE WIDMANN



LECTORI BENEVOLO

SALVTEM

IO. DAN. RITTER

IN ACADEM. LIPSIENS. PP.

Maxima hujus Tomi parte enarrantur, quæ ad intelligendas res municipales faciunt; & sunt lectu dignissimæ Gothofredi observationes, cum longissime superaverit Panciroli industriam. Singularemetiam vindicant sibi attentionem municipia, & ut latissimum Digestorum opus elucidari accuratius, & Principum constitutiones dijudicari possint. Verum hæc jam paucis placent; verendumque adeo, ne neglecta studia, quæ ab humanitate nomen capiunt, germanorum haut paucos, qui juris scientia imbutos se vulgo jactitant, reddant simillimos barbaris majoribus, quibus præter insignem loquacitatem, & formularum rite cantandarum peritiam, inerat nihil. Sed quorsum hæc! dum ob oculos quasi versantur romana municipia. Animus enim est de antiquitate municipali exponere, quam leviter tetigit Gothofredus *ad leg. 48. de decurionib.* Berterium sequens ἐν περὶ ἀνδρῶν διατρίβ. l. cap. 10. *Album* decurionum innuo, quod Ἰὼν πύλεων λούκωμα, item *Laterculum* ex Cedreno, ἢ βασιλευργεῖα καὶ ἀλλογιον ex Julio Noster ibidem *nota d.* vocat, & expressum scribit in marmore apud Gruterum, quod mox produco. Est adhuc lis sub iudice, quid album fuerit, & variz variorum sunt sententiz, quas non commemorabo. Antiquos solum videamus. Plauti locum in *Perfa* nil moror, sive enim ibi albo pariete, sive albo rete legatur, erit tamen utraque dictio translate apposita, de iis, qui dolos ornant quodam prætextu. *Album Pontificum* romanorum jam Anco regnante memoravit Livius lib. l. c. 32. *Longeque antiquissimum ratus* (Ancus) *Sacra publica*, ut ab Numa erant instituta, *facere*: omnia ea ex commentariis regis (Numæ) in *ALBUM* relata, *proponere in publico jubet*. Dionysius Halicarnassens. idem narrans *Antiquit. lib. 3. pag. 178. Edit. Sylburg.* illa Livii, in *album* relata, ita exponit, ἀνέγραψεν εἰς δέλτας, καὶ πρὸς θεῶν ἐν ἀγορᾷ πᾶσι τοῖς βυλομένοις σκοπεῖν. Has tabulas tandem vetustate abolitas scribit, addita causa: Χαίκεται γὰρ τῆλαι ἢ πω τὸς ἥσαν, ἀλλ' ἐν δρυῖναις ἔχοντο τοῖς σάνισιν οἱ το νόμοι καὶ αἱ περὶ Ἰὼν ἱερῶν διαγραφαί: Nondum enim in usu erant *columnæ æreæ*, sed in quernis tabulis incidebantur *tam leges, quam sacrorum ritus*. Fuit ergo *album* antiquissimis temporibus *querna tabula*, cui insculptæ aut incisæ literæ, quod est πρὸς τὴν χάραν, eodemque traho Dionis

)

illa

Ilia lib. 36. hiflor. pag. 19. Edit. Leunclav. de Edicto Prætorum, εἰ ἐροῖσιν γὰρ πάντα τὰ δίκαια καὶ ἂν δικάσων ἡμελλόν αὐτοὶ, συγγραφεῖς ἐξέλιθσαν, Prætores omnes ea, secundum quæ jus ipſi dicturi eſſent, albo inſcripta, proponebant, γραφεῖν enim eſt ſcribere inſculpendo. In ea ego ſum opinione, nigras olim in albo comparuiſſe literas, & quernas tabulas antiquitatem albas & album dixiſſe aptiſſime, cum cineritio ſunt colore. Fovet eandem ſententiam Cl. Fabrotus ad Theophilum: tabulas autem dealbatas fuiſſe ſtatuit; quod, tempora recentiora reſpiciens, & ego non negavero, uti paulo poſt dicam. Rudem antiquitatem nudis aſſeribus albis, politisque, atras inſcripſiſſe literas puto, ſicut pugillares eburnei poſtea, ne cera oculis debilitatis officeret, atramento picti ſunt, ut eſt apud Martialem Epigram. 5. lib. 14.

*Languida ne trifies obſcurent lumina cere,
Nigra tibi niveum litera pingat ebur.*

Albis literis edictum conſcriptum olim, legitur apud Theophilum *Inſtit. de action. §. 12.* ἄλβον δὲ λέγεται τὸ ἔδικλον διὰ τὸ λευκοῖς γραφεῖσθαι γράμμασι, quem ideo Janus a Coſta nugatorem appellat. Mitius vero ſentiendum eſt. Tribuuntur enim Theophilo vulgo, quæ a ſciolis ſemidoctoribus medio ævo, exulante fere omni jurisprudentia vetere, & rituum antiquorum notitia, inſtitutionibus ejus allita ſunt. Gloſſam puto ex gloſſis βασιλικῶν deſumptam, & a rudi librario, qui ad oram libri ſcriptam viderat, textui adjectam. Eadem enim ibi occurrunt verba: ἄλβον λέγεται τὸ ἔδικλον, διὰ τὸ γραφεῖσθαι λευκοῖς γράμμασιν: additis præterea; ἐπὶ γὰρ κοιναῖς τοῖς διατάγμασιν καὶ τοῖς παραγραφαῖς ἐξέλιθσαν, quæ majorem ignorantiam produnt. Mos certe diu in orbe tenuit romano leges inſculpenti tabulis ligneis, quod probat Edictum Juſtiniani, ad Archiepiſcopos & Patriarchas *Novell. 8. in fin. præfat.* ποιήſατε δὲ ἂν κάλλους καὶ τοῖς ἀντιθέτοις πᾶσιν ἀνθρώποις συμφωρότερον, ὥς περ αὐτὸν ἐγκολάψαντες ἢ ſαντοῖν ἢ λίθοις, ἐν τοῖς σοῦς τῆς ἀγιοτάτης ἐκκλησίας ἀναγράφητε, facietis autem melius, & illic habitantibus univerſis hominibus utiliſus, ſi eam inſculpenſes aut tabulis, aut lapidibus, in porticibus ſanctiſſimæ eccleſiæ deſcribatis. Λευκωμαῖς græci appellant album unanimi conſenſu: ratio tamen denominationis obſcura eſt. Album, (ſi græce tantum efferre in animo habebant latinam vocem) λευκὸν proprie vocandum erat. Λευκωμα innuit dealbatum quid. Videntur ergo romani ævo recentiori, quo nil, niſi quod elegans erat & ſplendidum, placebat, nudas olim tabulas, jam albo quodam induxiſſe colore, & ſplendoris gratia quod dixi, & ut oculos legentium melius feriret color ater. Memini me vidiſſe in baſilica vicinæ regionis tabulam ligneam creta obductam, cui monumentum affabre inciſum, literæque atro colore tinctæ erant. Ita & Romæ & in provinciis fuiſſe perſuadent græci, qui album oculis uſurparunt, dum λευκωμα appellant. Albus certe color ab ultima memoria romanis mirifice placuit, quod vel unica lex Pinaria docere poteſt. Etiam græcos olim dealbatas habuiſſe tabulas, invenio apud Demothe- nem *orat. 2. in Stephan. pag. 983. Edit. Wolff.* hic enim γραμματεῶν falſum eſſe arguens, λευκωμένον τε γὰρ ἐς, inquit. Tabulam dealbatam etiam fuiſſe album Senatorum ſtatuo, quod publice primus Auguſtus edidit, teſte Dio *lib. 55. pag. 550.* τὰ τε ὀνόματα ſυμπάντων τῶν βουλευτῶν ἐς λευκωμα ἀναγράφας ἐξέθηκε. Καὶ ἐξ ἐκείνης καὶ νῦν κατ' ἔθος ἔτι ποιῶται, omnia nomina Senatorum in albo conſcripta publice edidit, quod ab eo tempore nunc etiam quotannis fit: & Album citharædorum apud Suetonium, & album Judicum apud eundem nil aliud; & literæ iis inſcriptæ, quod hiſtoricus innuit, dum *erato* nomina ex albis tradit. Romam imitabantur potentiſſima in orbe romano municipia. Metropoliſ proconſularis provinciæ Carthaginem intueamur, inveniemus *Leges XII,* æri inciſas publiceque propoſitas, (teſtante Cypriano tractat. ad Donatum de gratia Dei pag. 7. Edit. Bræmens) theatra, balnea, fora, imo Capitolium, cujus mentio titulo de decurionibus: & Feſtos tabulis marmoreis inciſos in publico municipia ſtatuiſſe, teſtatur inſigne fragmentum apud Gruterum *CCIC. 1.* ex quo nonnulla adſcribo:

CN. DOMITIUS. C. SOSIUS
 K. IVL. L. CORNELIUS
 K. NOV. N. VALERIUS
 EX. K. IVL. AD. K. IVL
 PRAEFECTI
 T. LICINIUS. L. CORNELIUS
 EX. K. IVL. AD. K. FEBR
 C. PLOTIUS. C. ANNAEVS. II VIR
 EX. K. IVL. AD. K. FEBR
 SEX. TITIVS. L. GEMINIUS II VIR
 P. SEXTILIUS
 EX. K. IVL. AD. K. IAN
 L. SCVTARIUS. T. SEPTIMIUS. II VIR
 T. ANTONIUS. M. VALERIUS. Q
 IMP. CAESAR. III. M. VALERIUS
 K. MAIL. M. TITIVS
 K. OCT. CN. POMPEIUS
 EX. K. FEBR. AD. K. IVL
 M. METILIUS. L. ANNAEVS. AED
 HOC. ANNO. QVAESTORES. CREATI
 EX. K. IVL. AD. K. IVL
 C. SVLPITIUS
 C. SALVIUS BVBLCVS. Q

Atque hanc ipsam tabulam, quam Apianus primus publicavit, non addito loco unde sit, ego in Carthaginienſi etiam civitate propoſitam ſentio, motus nomine *Bubulci*. Familia enim *Bubulcorum* in Africa proconſulari fuit ſplendidiffima ad uſque tempora Valentiniani III. Placidiae filii, ad quem *Bubulcus* ſpectabilis vir & comes, in cauſa curialium proconſularis provinciae miſſus eſt, docente *lege 186. de decurion. & 34. de annon. & tribut.* & in decretis faciendis & nominationibus, ordinem ſenatum romanum imitatum eſſe, docet me *lex 142. de decur.* conjuncta cum egregio de ſenatu romano loco, apud Dionem *lib. 55. pag. 549. 550.* Uti ergo Senatorum romae nomina tabulae dealbatæ inſcripta ſunt, ita & Decurionum in provinciis: hinc illud *album curiae*, aut *album decurionum* paſſim obvium in jure, & apud auctores, quod ſine dubio, aut in aede publica, aut in aliqua fori parte, ad quam omnium hominum erat concurſus, & ubi negotia publica tractabantur, ſecundum *leg. 13. de legatis h. cod.* fuit propoſitum. Hoc autem albo non alii continebantur, quam Decuriones *ἐμπρακτοι*, qui in actu erant; & cum munera municipalia annua eſſent, ut in urbium omnium matre, & album quotannis renovandum erat. Id album innuit *lex 48. & 142. de Decurion.* & eo ſpectat titulus *Digeſtorum de albo ſcribendo.* - Eſt locus apud Suidam, quem vulgo de albo intelligunt, & mirantur verba Lexicographi, quæ ſingulare quid præferunt, dum *λευκάμας* ſcribit eſſe *τοῦχος γύψω ἀληθιμμένον*, *parietem gypſo illitum*, uti inconcinne verſum eſt. Verba hæc ſunt: *λευκάμα τοῦχος γύψω ἀληθιμμένον, πρὸς γραφὴν πολιτικῶν πραγμάτων ἐπιτήδειος*, quod ita interpretantur: *Λευκάμα paries gypſo illitus, cui res civiles apte inſcribi poſſunt.* Album. Multum gaudeo, facultatem mihi dari demonſtrandi, paucos eſſe, qui antiquis Lexicis recte uti ſciunt, & noſtra vocabularia cum Lexicis male confundi. Neſciunt boni viri, antiquos tantum collegiſſe ſingulares, raras, & a communi ratione dicendi abeuntes formulas, diſtionesque, quas adhibitas ab antiquis Græcis in ſcriptis obſervarant, ne legentibus aqua hæreret. Et ex hoc genere eſt Suidæ locus: Quem cum de albo interpres intellexit, graviter hallucinatus eſt, & hallucinantur, qui eo abutuntur. Fingas enim album intelligi veteris aut novæ Romæ Senatorum, ſcriberetur non poterat Suidas, eſſe *πρὸς γραφὴν πολιτικῶν πραγμάτων*; cum nuda Senatorum in eo nomina inciderentur. Finge *decurionum album*, & idem ſtatuendum eſt. Album *Prætorum* in urbe, aut in provinciis non continebat *πράγματα πολιτικά*, ſed ſcribendum fuerat, *λευκάμα εἶναι τοῦχος γύψω ἀληθιμμένον πρὸς γραφὴν πάντων τῶν δικαίων*, ex mente Dionis, ubi de ediſto Prætoris exponit. Hoc autem volunt verba. Decuriones, quod notum eſt, opera curabant publica, ſacras ædes, theatra, balnea reſciebant, muros civitatum ruentes inſtaurabant,


bant, ut abunde testatur titulus codicis *de operibus publicis*. Perfecto opere, quædam muri pars gypso illinebatur, ad inscriptionem nominum eorum, qui tunc ad gubernacula Reipubl. residebant, & quorum inprimis cura & industria, negotium hoc confectum fuerat. Hoc *ἀντιστοιχία* dici Suidas *d. l.* notat, qui ita vertendus, *muris gypso illitus ad aptam inscriptionem rerum civitatis*. Idem enim fiebat olim, quod hodie fieri videmus. Aliquando tamen ad perpetuandam rei memoriam nomina magistratuum marmori incisa sunt, quod muro includebatur, & tale marmor est, quod vidit Lipsius, & quod Philippus Berterius *περί τῶν διατρίβων* *l. cap. 10. pag. 847. Tom. IV. Thes. Jur.* & post eum Gothofredus meus *ad legem 48. de decurion. album decurionum esse credidit*. Adponere volui, uti apparet apud Gruterum CCCII. 2. cum ad intelligentiam variorum locorum in jure mirifice faciat.

Roma: ad templum D. Ludovici, in aribus privatis

| AB AELIO AP | |
|--------------------------------|------------------------------|
| RANTIBVS AVRELIIS RV | |
| ELICITER. ORDO. SACER | |
| DOMVS. AVG PALAT | |
| M. AVRELIVS RVFINVS | ITEM. X. PRIMI |
| M. AVRELIVS PALLADIVS | M. AVREL. RVFINVS |
| M. AVRELIVS ANVBION. VE | M. AVREL. PALLADIVS |
| | M. GRANIVS. VITALIO. EQ |
| | M. AVR. MAXIMVS. AVGG |
| | A. AEGR. EVNV |
| | D. FOL. L. CHRYSOGONV |
| ITEM. CLARISS. VIRI | C. TRES. AVGVSTALIC. V. E. D |
| | M. IVN. SELEVCVS. V. E. D. F |
| | M. AVR. PRAEPELAVS. V. |
| | M. AVR. THEODORYS. V |
| C. IVLIVS. DOMITIVS. HONORATVS | |
| C. VETTIVS. AQUILINVS | S. |
| ATTIVS. RVFINV | S. |
| PONTIVS. RABELLIANV | S. |
| VITRASIVS. POLI | O. |
| AMINN. SABINIANV | S. |
| SEPTIM. ANTIPATE | R. |
| PONTIVS. VERV | S. |
| ANNEIVS. RAY | S. |
| PETRONIVS. SEVERV | S. |
| VETTIVS. SCIPIO. ORFITV | S. |
| CORNELIVS. ARCHELAVS | |
| ANTISTIVS. ZOILLVS | |
| AELIVS. SAOTERV | |
| AEMILIVS. FRONTINIANVS | |
| | ITEM ORDO |
| | II. CL. ABASCANTV |
| | T. AEL. AGATOPV |
| | AVR. TVL. EYPREPE |
| | AVR. PETR. SOSTRATVS |
| | A. CAEDIC. PRISCIANVS. E |
| | IVL. MARCVS. CELERINVS |
| | MINDIVS. COSMODIANVS. |
| | M. AVR. ANTONIVS. E |
| | AVR. NVN. ELEVTHER. E |
| | M. AVR. BRAHITO. AVG |
| | AVR. CYRILL. EPIAEODIT |
| | AVR. CALL. MARO |
| | L. RVCCON. MAXIMIANV |
| | Q. OSTOR. VALERIV |
| | CALPVN. EVNVS. E |
| | M. AVR. VICTORIV |
| | P. NON. SABINIANVS. AVG |
| | EL. VALENTINIANVS. S |

vidit Lipsius

Vides primo loco scriptos *sacerdotes* domus Augustæ, sequuntur *virī clarissimi* & a principe codicillis honorariis donati, tertium locum occupant *Decemprīm*, sive principales, *ordo* reliquus agmen claudit. Et ita oportuit scribi in albo etiam *decurionum*, uti monet *Ulpianus* lib. 3. de Off. Procol. leg. 1. D. de albo scribend. *Decuriones* in albo ita scriptos oportet, ut lege *municipali* præcipitur: sed si *lex* cessat, tunc *dignitates* erunt spectandæ, ut scribantur eo ordine, quo quisque eorum maximo honore in municipio functus est: puta; qui *Duumviratum* gesserunt, si hic honor præcellat: & inter *Duumvirates* antiquissimus quisque prior is: deinde hi, qui secundo post *Duumviratum* honore in Republica functi sunt: post eos, qui tertio, & deinceps: mox hi, qui nullo honore functi sunt, prout quisque eorum in ordinem venit. Item leg. 2. In albo *Decurionum* in municipio nomina ante scribi oportet eorum, qui *dignitates* principis iudicio consecuti sunt: postea eorum, qui tantum *municipalibus* honoribus functi sunt. Ad *Laterculum* venio, quo nomine putavit *Gothofredus* insigniri *Decurionum* album a *Cedreno* hist. compend. pag. 135. Edit. Vener. inter S. R. B. verba hæc sunt: ἡ παρ' Ἑλλήσιν ὀπτή πλίνθος, λατέρουλον παρὰ Ῥωμαίοις. ἢ δὲ πλίνθος δημοσία, ἐφ' ἧ ταῖς τῶν βουλευτῶν, καὶ τὰ τῶν στρατευμάτων ὀνόματα ἀπογράφετο, καὶ ἐγράφετο ἐπὶ τείχεος εἰς τετραγώνου σχῆμα τύπος τις καὶ γραμμὴ πλίνθος. τίτλοι δὲ αὐτῇν τινὲς ὀνομαζέσθαι, ἐκ εἰδότες ὅς τίτλος κυρίως ἡ προσηγορία τῶν ἀξιωματῶν λέγεται, ἢ μὴν ἡ τετραγώνου γραμμὴ: hæc male versa: *Plinthon* Græci vocant *laterem* coctum. Erat autem *plinthus* quædam publica, in qua senatorum ac legionum nomina inscribebantur, quadrata figura in muro *Plinthus* erat, quidam titulum appellant: cum titulus non sit quadrangula figura, sed dignitatum præscriptio. Videntur autem mendosa illa, ἐπὶ τείχεος εἰς τετραγώνου σχῆμα τύπος τις καὶ γραμμὴ πλίνθος, & sensu fere carent, quæ levi mutatione ita restituo, ἐπὶ τείχεος εἰς τετραγώνου σχῆμα τύπος τις καὶ γραμμὴ πλίνθος: nimirum scribi quadratum in muro in figuram lateris; Locus enim hic idem vult, ac superior *Suidæ*. In muro scilicet vult *Cedrenus* quadrangularem figuram fieri, cui inscribi possit, quorum cura, quove tempore opera perfecta sint, πράγματα πολιτικά ait *Svidas*. Et addit hanc inscriptionem titulum a nonnullis vocari, forte quia nuda plerumque apparebant magistratuum nomina. Verba ita interpretanda: quod Græci *plinthon* dicunt, Romanis est *laterculum*: erat vero *laterculum* publicum, cui inscribebantur senatorum (*decurionum*) & legionum nomina: etiam inscribebatur muro in quadrangulari figura forma quædam lateris, quem titulum quidam appellant, qui ignorant, titulum esse dignitatis præscriptionem, minimeque quadratam figuram. Est itaque *Laterculum* codex, nomen habens a quadrata figura. Mathematici enim quadratam figuram ad aliquam latitudinem modo lateris surgentem, πλίνθιον vocant. In imperii notitia & majus & minus *laterculum* pictum apparet, in notitia *primicerii* notar. & *Magistri* *Scriniar*. Minoris facies hæc est,



quod vel ideo oculis omnium repræsentandum erat, quia credere nonnullos scio, album Decurionum nil aliud, nisi Codicem talem fuisse. Sed aliter sentiendum est. Laterculum enim quod noticia exhibet, & majus & minus continebat dignitatum & administrationum civilium vel militarium, mandatorum principalium & promotionum, & consuetudinum notitiam. Hinc vides in dicta noticia codicem hunc omnibus dignitatibus tribui, quo nimirum ad administrandam rectius provinciam, aut curandam rem militarem instructi accederent. Et qui edebant Codicem scriptum e serinio principis, a magistratibus & civilibus & militaribus, pecuniæ summam, navatæ diligentia ergo, petebant: hinc lucem accipiunt illa in Novella Justinian. 8. in *Edicti cap. 1. §. 1. ἀπὸ τῆ περιβλέπτου κίμης τῆς ἀνατολῆς ἔως. Ἐν τῷ θεῷ ἡμῶν κεβεκλίω νομίματα ζῷ. τῷ προμηθεῖ τῶν λαμπροτάτων τριβένων νοταρίων μετὰ τῶν τεσσάρων σκηνίαν τῷ δεῖς λατινέλε ν. ν. τῷ αὐτῇ βουθῶ ν. ν. a spectabili comite orientis sic. in sacro cubiculo sol. LXIII. primicerio clarissimorum tribunorum notariorum, cum quatuor seriniariis sacri laterculi sol. num. L. ejus adjutorii sol. III. Quod vero Cedrenus scribit de Laterculo senatorum aut decurionum ita intelligendum. Habebant Decuriones librum, in quo omnia eorum perscribebant nomina, qui Curiales erant, sed ἀπρακτοί, sive qui nexu quodam curiæ tenebantur, uti decurionum filii omnes, & alii, qui ab ordine nominati erant, & qui in municipiis etiam sacrorum munus obire tenebantur. Hunc librum Synesius *Epist. 92. in fin.* vocat ideo, notanter *πονηρὸν βιβλίον. Ὅτι, ἰνquit, ἐν τοῖς βουλευταῖς καὶ τὸν ἐμὸν ἀδελφὸν ἀξιοῖς ἀριθμεῖν, ἀλλ' ἐκ ἀπαλείψεως τῇ οἰκίαν ἀπὸ τῆς πονηρῆς βιβλίου, ubi male versum, eximis infelicibus tabulis. Laterculum enim intelligit, in quo ἀπρακτοί omnes, & curiæ fere omnia mancipia; ἐμπρακτοί sunt in tabula, quæ publice proponebatur, uti Romæ Senatorum, cum laterculum in curia fervaretur, ex quo probari debebat, hos vel illos nexu quodam curiali teneri. Imo minores huic laterculo inscripi sunt. En *legem 19. de Decurion. Quoniam nonnulli diversarum civitatum curiales intemperanter minores, quibus publica tutela debetur, ad curiæ consortium devocarum, ut septem vel octo annorum constitutos nonnullos nominasse firmentur &c.* hos nemo putabit albo κατ' ἐξοχήν sic dicto additos, quod catalogum continebat ἐμπράκτων. hinc Julianus in *Misopogone p. 367. Edit. Spanhem. τῆς βουλευτικῆς κατάλογον* vocat. Neque ei tabulæ adscripti sunt sacerdotes, sed munera tantum civilia obeuntes, hinc & marmor superius adductum, in quo primo loco sacerdotes domus Augustæ apparent, puto ad ædem sacram pertinere, quæ sumptibus municipii instaurata est, & cui ideo nomina eorum, qui sacra Dei aut Deæ procurabant, erant addenda. Existimo liquere, quid Album Decurionum sit, & quomodo differat a Laterculo. Nolo plura cumulare, & quamvis siam & Antonium Pagium, & Cl. VV. Bestium & Wielingium, nonnulla monuisse, quæ ad leges hoc Tomo contentas pertinent, servare tamen hæc & alia, peculiari observationum libro Tomo ultimo addendo, quam lectores addendis multis farigare malui, inprimis cum spes sit, recusum iri Tomum etiam primum, qui bibliopola non meum opus est, & in quo quod vehementer doleo quædam etiam alienis sunt apposita locis. Hæc te ignorare nolui, Lector humanissime. Vale & fave. Dabam Lipsiæ
e Museo clb lc cc xxxix. d. 3. Octobr.**





CODICIS THEODOSIANI LIBER VNDECIMVS.

QVO AGITVR DE TRIBVS:

Nempe

1. De RE TRIBVTARIA, titulis 28. prioribus.
2. De RELATIONIBVS, & APPELLATIONIBVS, decem titulis sequentibus, puta tit. 29. 30. 31. 32. 33. 34. 35. 36. 37. 38.
3. De TESTIBVS, & INSTRUMENTIS, tit. vlt. 39.

HVIVS LIBRI TITVLI.

- | | | |
|---|---|-------|
| I. De Annona & tributis. | rum possessionum. | |
| II. Tributa in ipsis speciebus inferri. | XXI. De conlatione aris. | |
| III. Sine censu vel reliquis fundum comparari non posse. | XXII. Ne conlationis translatio postuletur. | |
| IV. Ne conlatio per logographos celebretur. | XXIII. De protostasia. | |
| V. De Indictionibus. | XXIV. De patrociniis vicorum. | |
| VI. De superindicto. | XXV. De quadrimenstruis breuib. | P. 2. |
| VII. De exactionibus. | XXVI. De discussoribus. | |
| VIII. De superexactionibus. | XXVII. De alimentis quæ inopes parentes de publico petere debent. | |
| IX. De distrabendis pignoribus quæ tributorum causa tenentur. | XXVIII. De indulgentiis debitorum. | |
| X. Ne opera a conlatoribus exigantur. | XXIX. De relationibus. | |
| XI. Ne damna prouincialibus infligantur. | XXX. De appellationibus & pœnis earum & consultationibus. | |
| XII. De immunitate concessa. | XXXI. De reparationibus appellationum. | |
| XIII. Si per obreptionem fuerint impetrata. | XXXII. De secundo lapsu. | |
| XIV. De conditis in publicis horreis. | XXXIII. De dilationibus ex consensu. | |
| XV. De publica comparatione. | XXXIV. De his qui per metum iudicis non appellauerunt. | |
| XVI. De extraordinariis siue sordidis muneribus. | XXXV. Si pendente appellatione mors interuenerit. | |
| XVII. De equorum conlatione. | XXXVI. Quorum appellationes non recipiantur. | |
| XVIII. Qui a præbitione tironum & equorum excusentur. | XXXVII. Si de momento fuerit appellatum. | |
| XIX. De conlatione fundorum patrimonialium vel emphyteuticorum & rei priuata. | XXXVIII. De possessione ab eo qui his prouocauerit transferenda. | |
| XX. De conlatione donatarum vel relictarum. | XXXIX. De fide testium & instrumentorum. | |

DE ANNONA ET TRIBVTIS

TITVLVS I.

LIB. X. COD. IVST. TIT. XVI.

DE ANNONIS ET TRIBVTIS.

Tres Constitutiones *hoc tit.* continentur ad ECCLESIASTICAM Historiam spectantes; puta Constantini M. *lex i.* Theodosii Iun. *lex 33. & lex ult.*

PARATITLON.

RES ANNONARIA, *l. 7. de diuers. rescript. l. 20. 29. b. tit.* huius libri Titulis 28, prioribus comprehenditur, seu TRIBVTORVM & Annonarum ratio: quam omnem & nos hoc Paratitlo adumbravimus; ordinariam scil. & canonicam: nam de extraordinariis *suo tit.*

ANNONÆ igitur, *Rubr. & l. 11. & l. 15. inf. de Susceptor.* (vnde annonariæ functiones, *l. 14. b. t.* Annonariæ species, *l. 3. 15. b. tit. l. 15. sup. de erog. mil. ann. & l. vn. sup. de lusor. Danub.)* & TRIBVTA, *Rubr. & l. 2. 12. 16. 28. 31. 33. 35. b. t.* consistebant seu præstabantur, partim in prodigiis, *l. 1. sup. de fide & iur. basta: & l. 16. sup. de iure fisci.* seu in speciebus, *l. 2. 3. 15. 24. 29. hoc tit. l. vn. inf. ne per logograph.* unde annonariæ species, de quibus *sup.* iisque diuersis, *l. 29.* (veluti vino, *l. 6. hoc tit. & l. 2. 3. inf. tit. prox. l. 25. de erog. mil. ann. l. 15. 21. de Susceptorib.* frumento, *l. 21. l. 29. de Susceptorib.* hordeo, *d. l. 21. aridis proinde fructibus, l. 15. de Suscept.* pabulis, *l. 9. b. tit.* Oleo, sale, *l. 17. de cohortat.* larido, porcina, *l. 15. 21. de Susceptor.* vid. & *tit. de Suariis:* partim in pecunia, *l. 5. b. tit.* seu pretio, *d. l. vn. inf. ne conlatio per logograph.* auro, *l. 32. b. t. & d. l. vn. & toto tit. infr. de ponderatorib. & tit. de auri publ. prosequutor.* (vnde præstatio auraria, *l. 19. b. tit.*) argento, *d. l. 32.* (quæ aliquando pro speciebus data, *l. 29. & 37. seu ult. b. t.*) ære, vid. *inf. tit. 21. de conlat. aris:* ferro, *l. ult. de conlat. donat. l. 2. de Fabricensibus:* vestibus; equorum item & Tyronum præstatio erat, vid. *inf. suis tit.* Et hæc omnia

P. 3. de prouincialibus, *l. 5. 16. 23. 35. b. tit.* possessoribus, (qui pro possessoribus hic habendi: vid. *inf. mox*) *l. 2. 4. 6. 18. 21. 26. 29. 31. 32. 34. 35. 36. b. tit. l. 15. inf. de suscept.* in prouincia possidentibus, *l. 7. & 13. b. tit.* per vniuersum orbem Romanum, per Occidentem, (in Italia puta, *l. 6. 9. 12. b. tit.* & in ea a Cæsinatibus *l. 6. b. tit.* per suburbicarias item prouincias, *l. 9. b. tit.* per Africam diocesim, *l. 10. 11. 13. 16. 17. 30. 31. b. tit.* per Africam prouinciā, *l. 2. 24. 28. 29. 32. 34. b. tit.* per Galliarum Præfecturam *l. 26. b. tit.*) per Orientem, *l. 1. 14. 19. 21. 22. 23. & ult.* per Illyricum, *l. 33. b. tit.* fisco (vnde fiscalia, *l. 7. b. t.* fiscale onus, *l. 17. b. tit.* pensitatio fiscalis, *l. 12. b. tit.* pro tributo) præstabantur, (vnde præstatio auraria, *l. 19. b. tit.* æraria, *l. 6. su. ultim. de conlat. don. ferraria, d. l. ult.*) conferebantur (vnde conlatio, *l. 2. 15. b. tit.* conlatores, *d. l. 2. b. tit.*) soluebantur, *l. 18. 28. 35. b. tit.* exsolvebantur; *l. 7. b. tit.* pendebantur, *l. 3. b. t.* dependebantur *l. 29. 31. b. tit.* expendebantur, *l. 15. b. tit.* agnoscebantur, *l. 17. 36. b. tit.* cognoscebantur *l. 14. in fin.* pensitabantur, *l. 17. 35. b. tit.* vnde pensitatio, *l. 12. 18. b. t. & l. 12. quorum appellat.* ministrabantur, *l. 6. b. tit.* offerebantur (vnde oblatio, *l. 5. b. tit.* vid. *sup. tit. de oblatione equorum: item de oblatione votorum.*)

Et hæc quidem præstatio, Functio dicta, *l. 36. b. tit.* vnde functiones annonariæ *l. 14. b. tit.* functio publica, *l. 36. b. t.* munia functionis, *l. 14. b. t.* publica necessitas, *l. 10. b. t.* publica conlatio, *l. 2. b. tit.* publica deuotio, *l. 20. b. tit.* deuotio, *d. l. 20. 22. 29. 32. 34. 35. b. tit.* vnde collator ipse, Deuotus vel Deuotissimus, *l. 5. b. tit.* necessitas, *l. 15. b. t.* rei annonariæ necessitas, *l. 29. b. tit.* statuta necessitas, *l. 25. b. tit.* debita pensio, *l. 27. b. tit.* obsequium, *l. 18. b. t.* debita simpliciter, *l. 15. 19. 31. 34. b. tit. & l. 1. 3. 7. inf. de exactionib. l. 1. inf. de distrab. pign. & aliis locis* quamplurimis, quos concessimus ad *l. 6. sup. de diuers. rescript.* Capitatio, *l. 15. 33. hoc tit. & l. ult. inf. sine censu vel reliq. l. 2. de immun. concessa. l. ult. inf. de censu. l. 11. inf. de exact. l. 7. de Tironib.*

Conferebantur porro vel ad vsum Urbis Romæ, *l. 8. 9. 13. 18. 30. hoc tit.* (de quo vid. *inf. tit. de Canone frum. V. R.* ad Cellarii (Principis) vsum, *l. 6. b. tit.* ad militum vsum, seu militarem, *l. 1. inf. de indiction.* (de quo vid. *sup. tit. de erog. mil. ann.*) & limitaneorum, nominatim: vnde Limitaneorum annona, *l. 21. b. t.* de qua & accipienda *lex. 11. b. tit.* Titulus, *l. 3. inf.*

inf. de ponderatoribus, l. vn. de superindictio: & l. 19. b. tit. pariter vt debitorum, pro Tributorum debitoribus.

Eaque præstatio ordinaria erat: vnde & Canon dictus, l. 30. 31. b. tit. & l. 2. *inf. de indictione: l. 8. 13. inf. de extraord. (v. & d. tit. de Can. frum. V. R.)* Canonici Tituli, l. 36. b. tit. Canonica, l. 2. *inf. de Extraord.* præbitiones Canonicae, vel debita, l. 4. *inf. tit. prox.* Canonicae indictiones Tributorum, l. 14. *de proxim.* Item solemnisi penfitatio, l. 31. b. tit. *solemne munus tributariae functionis, l. 19. quorum appellat.* *solemnis expressio, l. 3. inf. tit. prox.* *solemnis titulus, l. vn. inf. de superindictio: (Solemnia, Hermogeniano, l. 1. D. de munerib. Ammiano lib. 17. cap. 3.)* *solemnis ratio, l. 64. sup. de cursu publ.* vnde & *solemnis species, l. 6. de exactionibus: rursus soliti Tituli, l. 19. b. t. solitæ species, l. 24. b. tit. (solita, Ammiano lib. 17. cap. 3.)* denique statuta necessitates, l. 25. b. t. Quibus opponuntur superindictum, V. t. *inf. de superindictio, superindicti Tituli, Extraordinaria, l. 5. b. tit.* quæque extra ordinem indicuntur, l. 29. b. t.

Annua erat omnis præstatio hæc, l. 18. 27. 35. b. tit. vid. l. 3. *inf. de conlat. fundor. patrim.* de quo mox pluribus.

Iraque ad hanc conlationem faciendam, *Indictio*, (de qua suo tit. *inf. tit. 5.*) l. 3. b. tit. a Principe fiebat singulis annis, (vnde *Annus*, & *Indictio*, pro eodem: l. 18. 35. b. tit. *anniuersaria consuetudine, l. 7. inf. de extraordin.* cuius hæc forma erat; *Delegatio, l. 1. hoc tit. & l. 8. inf. de extraord. l. 1. inf. ne conlat. per logogr. l. 2. 3. 4. inf. de indictionib.* seu *Delegatoria, l. 16. inf. de exactionib.* seu *Edictum l. 34. b. tit.* *Præceptio l. 27. b. tit.* *Præceptum, l. ult. sup. de constit. Princip. l. vn. inf. de superindictio: l. 7. inf. de extraord.* *solemnis expressio l. 3. inf. Tribut. in ipfis speciebus.* *Epistula, l. 8. inf. de extraord.* *Dispositio, l. 10. eod. tit. de extraord.* *emitteretur, d. l. 8. certo tempore, d. leg. 8. anniuersariis vicibus, d. l. 8. cui modus erat adscriptus manu Principis, l. 1. b. tit.* Huius Indictionis seu Delegationis particulares delegationes a scriuariis Præfecti Pr. fiebant, quæ per singulas prouincias trans mittebantur, l. 3. 4. *de Indictionib.* locisque celeberrimis publicabantur, d. l. 3. & 4. certo tempore, ante Indictionis (seu illationis) exordium, d. l. 3. & 4. Et quidem quatuor mensibus antequam collatio fieri deberet, l. 34. b. tit. In Ægypto tantum celeberrimis in locis per bis mensuum tempus proponebatur, l. 3. *inf. de Indict.* exinde quatuor menses dabantur ad collationem faciendam.

Post publicatam Indictionem fiebat PARTITIO, l. 26. b. tit. seu ADSCRIPTIO, l. 3. & d. l. 26. b. tit. l. 40. *de operib. publ.* de ea est titulus 10. lib. 13. l. 117. *inf. de Decurion. l. 3. inf. de extraord.* (vnde Adscribere, & Adscriptus plebis numerus, d. l. 26. b. t.) *distributio, l. 36. b. tit. l. 5. sup. de his que administ. l. 4. inf. de extraord.* de qua distributione plenius *Paratitlo inf. de Decurionib.* ubi de Principalibus, quibus id imminerebat. Inter eos videlicet penes quos fundorum dominia essent, l. 14. b. tit. (neque enim Coloni tenebantur, d. l. 14.) designatione distributa, l. 36. b. tit. Idque pro modo possessionum seu familiaris substantiæ, l. 1. & leg. 4. b. tit. (vnde & possessionum onera, d. l. 4.) pro modo capitationis & fortium, l. 15. 33. b. tit. ad modum centuriarum, l. 10. b. tit. glebæ professionis, l. 12. h. tit. pro modo professionis, l. 10. b. tit. pro portione suæ possessionis & iugatione, l. 49. *de operib. publ.* pro viribus singulorum, l. 49. d. tit. pro iugorum numero vel capirum, leg. 5. *de itin. muniend.* prout quisque terras censibus insertas seu obligatas teneret, leg. 28. b. tit. prout quisque proprio nomine libris censualibus teneretur, leg. 14. b. tit. vt quisque prædii emolumenta consequeretur, leg. 25. b. tit. Ersi Romæ constitutus & Senator, l. 7. 13. b. tit. pro defectis etiam, si alios opimos haberent, l. 4. 10. 17. b. tit. item si seruos ex alienis agris possiderent, l. 12. hoc tit. non si coloni fugitiui terras destituisent, l. 7. b. tit. non pro destitutis ab alio possessionibus, etsi opimas habuerit, l. 31. b. tit. Eaque Adscriptio fiebat a Principalibus, l. 117. *inf. de Decurion. l. 5. sup. de his que admin.* non a Logographis ciuitatum, l. vn. *ne conlat. per Logograph.* Idque Rectoris prouinciæ cura, consiliis, (vt & extraordinaria, l. 3. 4. *inf. de extraordinariis.*) quem ideo, facta adscriptione definitas quantitates & comprehensos modos adscriptione propria manu designare oportebat, l. 3. b. tit. & dict. l. 3. 4. *inf. de extraord.* Aliquando in id Censitores & Inspectores missi, l. 31. 33. b. tit. l. ult. *inf. de conlat. donat.* seu Peræquatores, d. l. ult. & tit. 11. lib. 13. Illud certe diligenter observatum, vt non plebs sola, leg. 26. b. tit. verum omnes omnino possessores, l. 1. 5. 6. 10. 25. 26. 36. b. tit. maximæ dignitatis aut infimæ, leg. 18. b. tit. cuiuscunque dignitatis, leg. 25. b. tit. indifferenter, leg. 36. b. tit. etiam Veterani, leg. 18. b. tit. Senatores V. R. in prouinciis possidentes, leg. 6. b. tit. hac collatione adstringerentur, pari omnes sorte tenerentur, leg. 26. b. tit. circa omnes par & æqualis inlationis formam teneretur, l. 20. b. tit.

Itaque nullus ab eâ IMMVNIS erat, l. 1. b. tit. nulli ea remitti poterat: Non à Vicario vel Rectore prouinciæ (ipso alioquin conueniendo, d. l. 1. b. tit.) nullius dignitatis priuilegio,

l. 25. b. tit. omni beneficiorum priuilegio amoto, l. 26. b. tit. abſque vllius beneficii exceptione, lex 36. b. tit. ne ex reſcripto quidem Principis, l. 1. 20. b. tit. & l. 7. ſup. de reſcript. Paucis admodum exceptis, de quibus vid. l. 1. 33. 36. b. tit. & de quibus Immunitatibus ſunt duo Tituli hoc libro, nempe tit. 12. de Immunitate conſeſſa: & tit. 13. ſuper obrept. vid. & tit. de Episcopis & Clericis.

Et hæc quidem de Canonicis & ordinariis Tributis, ſeu Titulis generalibus, vt loquitur, *l. 9. de Indulg. debit.* eorumque Indictione, quæ ſcil. omnibus & more ſolemni imminebant, vniformes in cunctos, *lex ult. inf. de ponderatorib.* quod argumentum hîc ſuſcepimus. Antequam vero ad eorum Exactionem, Illationem, Tranſmiſſionem pergimus; Notandum, quandoque pro rerum neceſſitate *SVPERINDICTA* quædam, de quibus eſt, *tit. 6. hoc lib.* vbi Paratitlon conſulendum. Fuerunt & *EXTRAORDINARIA* quædam onera & *SORDIDA*; de quibus eſt *Titulus 16. huius lib.* Quandoque etiam *DONATIS* & *RELEVATIS* poſſeſſionibus quædam indicebantur: de qua collatione eſt *titul. 20. huius libr.* Omitto etiam hic, quæ certis perſonarum generibus imminebant, vel vt loquitur *lex vltima inf. de ponderatorib.* Titulos, quos peculiaris in ſingulis, aut certa per paucos cogit Indictio: vt Senatoribus glebalis collatio, de qua eſt *libr. 6. titul. 2.* ac multo magis Prætorum & Quæſtorum editiones, *tit. 4. eod. libr. 6.* Negotiatoribus luſtralis collatio, de qua eſt *lib. 13. titul. 1.* Iis qui ex lucratiua cauſa aliquid de Curialium bonis poſſidebant, de quo eſt *titulus 4. libr. 12.* Omitto Veſtigialia, Portoria, id genus alia.

Ad Canonica, ſolemnia, & generalia Tributa redeamus, ſeu ad largitionales titulos. Nam & iſtud hic monendum, de Annonis & Tributis nos hic agere, non quæ ſicili Arcæ, ſed quæ Largitionibus inferebantur: nempe, quæ in prouinciis colligebantur, vel ad ſicalem Arcam, vel ad Largitionales titulos pertinebant: Fiſcalis Arca, *l. 12. de Numer.* Arca ſimpliciter, *l. 29. 30. de Suſceptor.* erant Reditus domui Principis debiti, *l. 14. de Suſceptoribus, l. 11. de iur. fiſci:* quorum cura ad Com. R. P. pertinebat, *d. l. 14. & d. l. 11.* Itaque iſtud eſt Arcæ ratiocinium, *d. l. 12. & d. l. 30.* Arcæ ratio; *d. l. 29.* qui hæc ſuſcipiebant, *Arcarii dicti, Rubr. & l. 14. 32. de Suſcept. l. 11. de iur. fiſci. l. 1. de his qui cum diſpenſ. contrax.* Largitionales vero tituli, *d. l. 12. de Numerar.* (vnde & aurum largitionale, *d. l. 30. de Suſceptor.*) erant Annonæ & Tributa, quæ *Canonis* nomine ſignificantur, quorum cura ad Comitem S. L. pertinebat. Hæc duo ratiocinia diſtincta erant, & eſſe debebant, *l. 30. de Suſceptor. l. 12. de Numerar.* Illa colligebantur ex proſcriptionibus & condonationibus, *lex vltim. de ponderatorib.* ex fundis rei priuatæ &c. vnde Rei priuatæ debita, *l. 6. de Indulgent. debitor.* Arca & Largitiones, vel ſacræ Largitiones ſeparantur, *d. l. 6. & l. vlt. de Conlat. donat.* quod referrur in conditis, & in Arca continetur, *l. 2. de his quæ ex publ. conlat.* quæ Ærario Principis debebant, *l. 9. de indulg. debitor.* denique ſacræ Largitiones, & Res priuatæ, diſtinctæ, *tit. de Palatin. ſacr. largit. & rer. priu.*

ADSCRIPTIONE facta, fiebat *EXACTIO*, de qua Exactione mox ſuo *tit. inf. 7. huius lib.* & quomodo cautum aduerſus Exactorum deprædationes, a quibus ea facta, *P. 5. vide interim l. 3. b. tit.* Hæc autem res omnis ad Præfecti Pr. curam pertinuit, *l. 3. 6. 9. 14. 15. 20. 21. 23. 26. 31. 33. 35. b. tit. lex 4. de paſcuis,* ad Vicariorum, *leg. 1. 10. 11. 12. 13. 16. 17. 25. 30. hoc tit. & l. vn. de off. Vicar. Rectorum prouinciæ, leg. 1. 2. 3. 9. 24. 28. 32. 34. 35. hoc tit.*

INLATIO tandem *l. 2. 22. 29. 32. 34 b. tit.* ſeu ſolutio, *l. 35. 36. 37. b. tit.* celebrabatur, *l. 13. b. t.* conlatio celebrabatur, *Rubr. l. vn. inf. ne conlat. per logograph. celebr.* & *SUSCEPTIO* a Suſceptoribus, de quibus *inf. ſuo tit.* ſpecierum annonariarum, *l. 15. b. tit.* fiſcalium Tributorum, *l. 16. b. tit.* annui tributi, *l. 35. b. t. annonæ, l. 15. inf. de Suſceptor.* Idque tripertita Satisfactione *d. l. 16. b. t.* vbi plene dico, tripertita Inlacione, *l. 11. inf. de exactionibus.* per tres vices, *dict. leg. 15. inf. de Suſceptoribus.* Sic vt per quaternos menſes anni curriculo diſtributo, tribus vicibus ſummam collationis. [omnem] Tributarius impleat, *d. l. 15. b. tit. l. 3. inf. de conlat. fundorum patrimonial.* Sic tamen vt vno tempore, ſi vellent, omnem ſummam ſoluerent, *dict. l. 15. b. tit.* In iſtis autem ſpeciebus tributa inferri oportebat, *l. 8. b. tit.* neque mutari canon poterat, *l. 30. b. tit.* excipe *leg. vltim.* de quo ſuo proxime *tit. Tributa in iſſis ſpeciebus inferri.* At Aurum nonniſi præſentibus Deſenſoribus præſtari oportebat, *leg. 19. b. tit.* in Africa nominatim aurum vel argentum Karthagine eiſque *Capitolio* inferri oportebat, in qua collatione eſſet Proconſulis Africæ adeundi copia, *leg. 32. 34. b. tit.* idque intra annum, *l. 2. inf. de Suſceptoribus, l. 35. hoc tit.* quando voluerint, *dict. l. 2. dict. l. 35. & l. 3. inf. de conlat. fundorum patrimonial.* Non ſoluentis intra annum Annonas (vrbicario canonî, aut rei priuatæ, omneſue alias,) pœnas, vide *lege 18. 27. 34. b. t.*

h. tit. Eaue susceptoribus tradebatur, de quibus *suo titulo inf.* Interueniebant huic translationi, susceptioni, exigendo ponderi, PONDERATORES, de quibus *suo tit. 7. lib. 12.*

IBI autem collatio facienda erat, ubi possessiones censita, seu censibus inserta essent: quare translatio eius vetita; *tit. 22. inf. ne conlat. translat.*

Cum satisfecissent possessores, accipiebant a Susceptoribus APOCHAS; *l. 2. 19. 32. b. tit. & l. 27. de susceptoribus;* seu securitates, *l. 19. b. tit. & l. 173. & 185. inf. de Decurionibus. l. 2. 27. 32. de Susceptorib. l. 2. b. t. de discussorib.* Cautiones, *l. 2. b. t.* Quarum formam vide *l. 19. hoc tit. & inf. l. 2. 19. 27. 32. de Susceptoribus.* Acceptas deinde ad Tabularios seu Sexagenarios deferrebant, *leg. 2. b. t.* Mox gestis inferebantur, *l. 32. de Susceptorib.* Quæ semel publicatæ gestisque lectæ susceptoribus imputabantur, *l. 26. de Susceptoribus.* neque reficari eas licebat, *l. 185. de Decurion.*

PERFERRI postremum oportebat susceptas species, *l. 2. b. tit. conuehi, l. 9. b. tit. deuehi, d. l. 9. b. t. tranuehi, l. 11. b. tit.* (vnde Translatio, *l. 22. b. tit. & apud Ammianum lib. 14. cap. 7. conferri l. 21. b. tit. proferri l. 13. de erog. milit. annon.* a possessoribus, Tabulariorum cura, *l. 9. 11. 13. b. tit.* alias, ad ciuitates singulas per menses singulos, *l. 2. b. tit.* alias, ad mutationes mansionesque singulas, *l. 9. b. tit.* ad instruendas mansiones, vel conferendas species, *l. 21. b. t. ad horrea, l. univ. inf. ne conlat. per Logograph.* certo ac denunciato tempore, *l. 9. b. tit.* alias denique ad *limitem* pro loco ac proximitate possessionum, *l. 11. b. tit.* non longius *l. 21. 22. b. tit.* omni itineris ac necessitatis habita ratione, *l. 21. b. tit.* At si longius transmittendæ essent, & quidem mari, vel flumine, per Nauicularios perferebantur, vnde transmissio ac peruectio, *l. 13. b. tit.* vekui canon Vrbicarius V. R. ex Africa: quo pertinet *d. l. 13. b. tit. vid. leg. 6. 10. 12. 14. 21. 24. 25. 30. 36. 37. 38. inf. de Nauicul. & l. 3. 4. 6. 7. ult. inf. de pred. nauicular. l. 2. 3. & ult. inf. de naufrag. l. 8. inf. de indulg. debitor.* Sed opportunus hic locus est, vt omnia quæ de hac Translatione & Prosecutione occurrunt, hic cumulemus.

Memorantur igitur in genere PROSECVTIO, *l. 147. de Decurion.* prosecutionis onus, *l. 2. de Iudeis:* a quo Immunes erant Equites Romani, *l. univ. de Equestri dignitate.* prosecutiones rerum fisci, *l. 161. de Decurionibus.* De prosecutoribus specierum largitionalium, vid. *l. 18. de Cursu:* De Translatione specierum largitionalium, vide *legem 13. 18. 20. 33. 40. 61. de cursu publ.* veluti vestium, auri, argenti, *dictis elgibus,* de annonarum Translatione, *lib. 7. tit. 5. de excoct. & translatione annonarum, l. 15. 23. de erog. mil. ann. l. 2. 9. 11. 21. 22. de annonis & tributis,* de animalium prosecutoribus, *titulus ne opera à conlator. l. 2. de Tractoriis: l. 2. de venat. ferar.* de prosecutionibus Equorum, *leg. ultim. de excusat. artif.* à quibus immunes erant pictores, *dict. leg. ultim.* de auri publici prosecutoribus *titul. 8. lib. 12.* Translationi necessarias Euectiones Vicarius fouebat, eo absente Rector prouinciæ, *l. 13. 18. 20. 33. 40. 61. de cursu:* Vicarium totius conlationis ac transmissiois cura constringebat: *l. univ. de offic. Vicar.* Naues quoque ad Translationem specierum annonarum destinata usurpata, *l. univ. de lusoriis Danub.* de frumenti prosecutoribus, id est, Naucleris, ad *legem 4. de Naufrag. & ad legem 31. de Nauicul.* De Bastagariis, vide *libr. 10. tit. 20. supr. & quidem l. 4. 11. eo tit. & l. 11. de Cohortaliis.*

Quod ASSERVATIONEM eorum attinet; Afferuandis speciebus annonariis erant horrea, in quibus ea condita erant: de quibus horreis & conditis, *tit. de cond. in publ. horr.* P. 6. & compluribus aliis *legib.* Hisque horreis Præpositi quidam erant: de quibus *tit. 6. lib. 12.* alique Custodes & Mensores, de quibus *l. 2. de condit. l. 1. de Can. frum. l. 9. de Suar.* Item Patroni horreorum, de quibus *tit. 23. lib. 14.* Ne quid vero VSRPARETVR, prouide cautum *lib. 12. t. 9.* RELIQVORVM exactioni, discussores subinde missi, de quibus *lib. 11. t. 26.* INDVLGENTIA contra debitores quandoque data, de qua *inf. tit. 28. de EROGATIONE,* seu in quos vsus ea erogata, vid. *tit. de erog. mil. ann. tit. de cond. in publ. hor. tit. de alim. que inop. tit. de Med. & Profess. tit. de mil. vest. tit. de Can. Frum. V. R. de frum. V. C. de annonis ciuicis.*

De IMMVNITATE a Tributis nulli tribuenda, exceptis tantum
quatuor tum rebus, tum personis; Constantini M.
Constitutio.

I. (a) Imp. CONSTANTINVS A. ad Proclianum. (b)

PRÆTER Privatas res nostras, & Ecclesias Catholicas (c), & domum Clarissimæ memoriz Eusebij ex Consule & ex Magistro equitum & peditum, & Artacis Regis Armeniorum, nemo ex nostra iussione præcipuis (d) emolumentis (e) familiaris iuuetur substantiæ: Dacianus enim V. C. Parricius, qui hanc olim gratiam (f) fuerat consecutus, auferri sibi id cum tanta instantia depoposcit, cum quanta alii poscere consueverunt. Ideoque omnes (g) pensitare debebunt, quæ manu (g) nostra delegationibus (h) adscribuntur, nihil amplius exigendi. (i) Nam si qui Vicarius, (k) aut Rector Prouinciæ, aliquid iam cuiquam crediderit remittendum, quod aliis remiserit, de propriis dare facultatibus compelleretur. Dat. xv. Kalend. Iul. Constantinop. (l) Constantino A. iv. & Licinio iv. Coss. [315.]

NOTAE.

- (a) Abest huius legis principium vsque ad *vers. Ideoque omnes à Cod. Iustin.* Omisit *Baronius* eam in annum suum referre. *GOTHFRED.*
- (b) *Proculianum*, Cod. Iust. An *Probianum*? Non puto. Praefectum Praetorio fuisse colligo, ex *sine legis*: ubi de Vicario & Rectore prouinciæ agitur: qui utique sub dispositione Praefecti Praetorio fuit: tum etiam ex eo, quod ad Praefectorem Praetorio curam res tributaria spectauit: ut probat vel *lex 3. 6. 9. 14. 15. 20. 21. 22. 26. 31. 33. 35. inf. hoc titulo*: *Zosimus lib. 2. cap. 33.* quoque de Praefectis Praetorio, eorum muneris fuisse ait, *τὰς ἀνωτάτω φέρει διὰ τῶν ἐκτελεστικῶν αὐτοῦ ἐμπόρων*, ubique terrarum tributa per apparatus suos exigere. V. & *Ennodium in V. Epiphani, pag. 1010. Tom. I. Oper. Sirmund.* Tandem Praefectum Praetorio Orientis fuisse, colligo ex Artacis Regis Armeniorum mentione *ID.*
- (c) De hoc dicam mox *ID.*
- (d) *Præcipuis*, id est, excipuis, immunibus: quodam præcipui præ aliis iure, *ἐξαιρέτως. ID.*
- (e) *Emolumenta* rei annonariæ *l. 1. inf. sine censu. ID.*
- (f) *Gratiam*, id est, immunitatem, indulgentiam: ut *l. 26. inf. ID.*
- (g) *Lex 4. Cod. Iust. eod. tit.* hinc desumpta est, *ID.*
- (h) Hoc recte habet: pro quo in Cod. Iust. *manus nostræ. ID.*
- (i) *Delegationes. h. l. & l. 8. inf. de extraordinar. l. vn. inf. ne conlatio per Logographos l. 2. 3. 4. inf. de Indictionibus: l. 22. in f. de erog. mil. ann. l. 54. de Decurionib. (quæ Delegatorum, l. 16. inf. de exactionibus, l. 22. de erog. mil. ann. Edictum, l. 34. inf. h. l. καὶ ἕκαστος ἑὸς γράμματι, edicta, quæ quotannis mittebantur, Libanio Orat. περὶ τῶν ἀγγαρίων, num. 3. pag. 33. edit. prima Gothofred. & pag. 383. Oper. minor. Gothofred. Edit. Cl. Trosc.* sunt descriptiones, commissiones, quibus exigendarum annonarum & tributorum modus continebatur: Suidas vocat *εὐχρησίων. ἀνάγκη δὲ κατὰ Ρωμαίους ἡ ἐκ τῆς αὐτοκρατείας, καὶ ἡ ἀνάγκη μετακομιδῆς. Delegatio. Sic apud Romanos vocatur procuratio rei frumentaria, & annonæ transportatio.* Inde autem dictæ, non quod ex ablegari mittique in prouincias solerent, quod etiam Accursius, Cuiacius, Brissolinus, alique credidere: verum quod his delegaretur, id est, mandaretur exigendorum tributorum munus. Ita *delegata* Iurisdictioni, pro demandata. Plura ad *l. 54. inf. de decurionib. & in Glossario. ID.*
- (j) *Exigendi*, omnes (possessores scil.) Quare etiam ineptum est, quod in *vulgatis Codicib. Iustin.* hic insertum, *vel remittendi potestatem esse*: quæ a *veteribus libris* recte absunt: quod & Cuiacius & Contius iam monuit. De quo mox plura. *ID.*
- (k) *Vicarios* respexit res tributaria: quod præter *leg. vn. de offic. Vicar.* insuper docet *l. 10. 11. 12. 13. 16. 17. 25. 30. inf. h. tit.* Vicarios, inquam, Praefectorum Praetorio, de quibus ut alibi plena manu, ita & ex *b. l. eos* sub initium Imperii Constantini M. iam fuisse liquet: de quo in *Απολυτικῷ* dixi plene aduersus communem errorem, quo à Constantino M. primum constituti creduntur: Quibus vel *lex 2 C. Iust. de pedaneis Iudicib.* eam in rem singularis, refutandis sufficit. *ID.*
- (l) Irreptitia vox, ex sequentis vocis occasione, ut hic, ita aliis pluribus *huius Codicis* constitutionibus. *ID.*

COMMENTARIUS.

CONSTANTINI M. tres Constitutiones (si modo prima hæc quoque Constantini est) primo loco occurrunt: ex quibus patet, hinc, quam enixo studio Princeps hic rei tributariæ, ne fraus ei fieret, prouiderit, quo pertinet *lex 1. & 2. inde, ne tributariæ rei obtentu miseri prouinciales vexarentur, quæ spectat lex 3.* Hæc prima vetatur regulariter IMMVNIS quisquam ab annona & tributis haberi vel fieri a quoquam Magistratu. Quam in sententiam est pariter *lex 20. 25. 26. 33. 36. hoc ipso tit. l. 6. 7. sup. de diuers. rescriptis, & Titulus integer infr. 12. de Immunitate concessa*: Idque, ne beneficio quidem aut rescripto Principis: *h. l. & d. l. 10. infr. & d. l. 7. de diu. rescript. & d. tit. de Immunitate*: Ac multo minus Iudicum, quibus profligandorum seu exigendorum tributorum sollicitudo imminueret, cuiusmodi erant Vicarii Praefectorum Praetorio, & Rectores prouinciarii: quod præter *hanc l.* docent aliz complures *huius tit. leges*: docebit & *tit. inf. de Exactionibus, & l. vn. sup. de off. Vicarii*: proposita alioquin his pœna, tributa ipsa de suo soluendi.

Excipiuntur tantum *hac l.* quatuor: quorum duo priora priuilegium reale continent: posteriora duo, personalia sunt. Primum igitur excipiuntur, *Res priuata Principis*: quæ a tributis immunes sunt, & esse debent; *h. l. & l. 36. inf. hoc tit.* Secundo excipit Imperator *hac l. Ecclesias Catholicas*: Quod quidem religiosum huius Principis institutum fuit. Postea enim quum satis diuitiarum in Ecclesiam congestum secuti Principes credidere, Ecclesiæ quoque tributis obnoxie factæ sunt: Constantii eam in rem *lex 15. inf. de Episcopis. Honori lex 40. inf. d. 1. de Episcopis.* De quo est & solemnis Ambrosii locus in oratione de Basilicis non tradendis, *pag. 104. Tom. V. Oper. Edit. Paris. Cardinal. Fel. cis de Mont. Alto. Si tributum, inquit, petit, (Princeps) non negamus. AGRI Ecclesiæ soluunt tributum.* Quod etiam Urbanus Papa agnoscit *23. q. 8. Canone, Tributum.* Vnde apparet, immunitatem hanc omnem in veteri Ecclesia Christiana iuris positiui fuisse. Et hæc quidem ita de ipsis Ecclesiis: nam & Clerici, quamuis a muneribus ciuilibus immunes essent, attamen tributis ferme obnoxii fuere: de

de quo dico *inf. tit. de Episcopis, Eccl. & Clericis*: ac nominatim ad *l. 40. eius tit.* Caterum Catholice nominatim Ecclesie *privilegium* hæc immunitas tributa ab Imp. *h. l.* pariter ut privilegium, quod continetur *l. 4. inf. de Episcopis, Eccl. & Cler.* Similiter ut Ecclesiasticorum privilegia *l. 1. inf. de hereticis*: de quo ad eas leges: Non igitur hæreticorum Ecclesie & Ecclesiasticis. Et hæc de duabus Immunitatibus realibus.

Personales duæ sequuntur. Primum Imperator Immunitatem a tributis *hac l.* tribuit Eusebii Clarissimæ memoriæ (qui proinde hoc tempore iam mortuus erat) Familiz seu Domui: de quo Eusebio id tantum memoratur *hac leg.* eum Ex-Confule & ex Magistro Equitum Peditumque fuisse. Huius Eusebii Consulis, cum nulla in aliis Fastis Consularibus mentio fiat, vnus Auctor peruetustus Consularium, & Notitiæ Præfectorum vrbis, meminit Anno Domini 311. his verbis: Consulibus, quos iusserint DD. NN. Aug. ex mense Septembris factus est Rufino & EVSEBIO V. Kal. Nouemb. Viuius Flavianus Præfectus vrbi. Quinimo mens ea mihi hunc illum ipsum Eusebium, esse patrem Eusebii & Hypatii postea Consulium, & Eusebii Constantii Imperatoris coniugis, de quibus videndus Ammianus Marcellinus, *lib. 21. cap. 6.* Similis porro huic est immunitas illa, quæ teste Capitolino, Gordiani Familiz a Senatu decreta, ut Tutelis atque Legationibus, & a publicis necessitatibus, nisi si vellent, posterius eius semper vacarent. Et vtrumque hoc immunitatis privilegium, Eusebii & Gordiani domui tributum, reuocat mihi in mentem geminum, quod in Gallia memorant de Odone le Maire, Euione Maiore, cognomento De Challos S. Mars: cui, posteriusque eius tributa a Philippo I. vel Henrico I. Rege omnium tributorum immunitas, eo quod Regii voti Vicarius & *deuotus*, ac velut *ἀντίστοιχος*, sacram peregrinationem, quam Rex vouerat, obisset: de quo præter alios v. vel Chopinum *lib. 3. de sacra Politia, tit. 2. n. 21. 22.* & Orationem Brettii. Quæ tamen ipsa immunitas, primo quidem Anno 1559. redacta fuit ad ea duntaxat, quæ terra marisve aut fluuiis vsus sui causa vexissent: & Anno 1578. ad eas tantummodo vectigalis species, quæ in Gallia pensitabantur eo tempore, quo immunitas concessa fuerat. Tandem parum profuit quingentorum annorum possessio: nam quia ingens eorum numerus compertus est, qui per prouincias falso sese familiz isti adscriberent, non minimo tributorum detrimento, abrogata penitus ea Immunitas est, æternoque silentio damnata, constitutione Regis Henrici M. A. D. 1601.

Altera *hac l.* immunitas personalis est, *Arfacis Armeniorum Regis* Domus. Nempe ut ab antiquo Romani inter instrumenta seruitutis Reges etiam habuere; ita Armeniorum Reges iam ab antiquo Romanorum fœderati & amici, etiam in obsequio Imperatorum hæc Constantini M. & Constantii tempestate, & deinceps Iuliani quoque fuere. Sane Zosimus (quod ad hanc leg. nostram proxime facit) *lib. 2. cap. 27.* post Licinianum bellum, octennio ferme post æram huic legi subscriptam, aperte indicat, Regem Armeniorum Constantino fœderatum & amicum fuisse, ubi historiam illam

iucundam narrat de Hormisdæ Persarum Regali opera Armeniorum R. ad Constantinum euadente. Iulianus quoque oratione *1. in Constantium, pag. 58. edit. Petau. & pag. 18. in fin. edit. Lips. Spanhem. Ἀρμενίωνες ὁμοῦ καὶ συμμάχοι*, Armenios veteres socios Romanorum vocat: Vide eundem *pagg. aliquot seqq.* Ammianus Marcellinus *ibidem* in rebus Constantii *lib. 20. cap. 11. in Gestis Anni 360. Constantius*, inquit, accitum Arfacem Armenie Regem, summaque liberalitate susceptum præmonebat & hortabatur, ut nobis Amicus esse perseveraret & fidus. Audiebat enim sapius eum tentatum a Rege Persarum fallacis, & minis & dolis, ut Romanorum societate posthabita, suis rationibus iungeretur. Qui crebro adiurans, animam prius posse amittere, quam sententiam, muneratus cum Comitibus quos duxerat, rediit ad regnum nihil ausus temerare postea promissorum, obligatus gratiarum multiplici nexu Constantio: inter quas illud potius excellebat, quod Olympiada Ablabii filiam Præfecti quondam Prætorio, ei copulauerat coniugem, sponsam fratris sui Constantii. [Hoc Constantio exprobat Athanasius, ad solit. vit. ag. p. 86. Tom. I. Oper. Edit. Lips. apud Weidm.] Quo dimisso a Cappadocia, ipse per Melitinam, minoris Armenie oppidum, & Lacotena, & Samosata, transito Euphrate Aedessam venit. Idem Ammianus in rebus Iuliani Anno 363. *lib. 23. cap. 2. ubi* de procinctu Parthico loquitur; Inter hæc, inquit, legationes gentium plurimarum auxilia pollicentium, liberaliter susceptæ remittebantur & c. solum Arfacem monuerat Armenia Regem, ut collectis copiis validis iubenda opperiretur, quo tendere, quid deberet urgere, propere cogniturus. vid. eundem *lib. 21. cap. 6. Idem lib. 25. cap. 7. in eiusdem Anni gestis*; Ne, inquit, Arfaci poscenti contra Persas ferretur auxilium Amico nobis semper & fido: Et cætera quæ ibi narrat de hoc Arface viuo capto a Persis. Sane & huc illud facit, quod de Scholaribus notamus ad *l. 8. inf. de annonis ciuicis*. Ex hac interim l. apparet, Armeniorum hunc Regem in Romania seu orbe Romano, bona quædam possedisse: quæ *hac leg.* immunitate ab annonis & tributis donantur.

Atque hæc quidem quatuor immunitates solæ *hac l.* excipiuntur, reuocatis cæteris omnibus, & in his etiam ea, quæ iam olim Datiano V. CL. Patricio concessa fuerat.

Quis autem hic Datianus fuit? qui & Patricius *hac l.* vocatur. In libello sane de munificentia Constantini, & apud Anastasium in Syluestro, sit mentio domus Datiani Antiochie, quam Constantinus B. Petro donauerit: Sed & Datiani mentio in hymno 5. v. 130. seu passione Vincentii apud Prudentium: & Præfidis Datiani in Martyrologio, 22 Ianuarii. Et hæc de Datiano sub Constantino M. vel circa eius tempora. Sub Constantio quippe memoratur quoque Datianus Comes, magis apud illum authoritatis, quique inter alios per Epistolam Athanasium hortatus dicitur, ut ad Constantium vocatus veniret, teste Athanasio ad solit. vit. ag. pag. 823. T. I. Oper. edit. Lips. apud Weidm. v. & Epiphanium *heresi 71. num. 1. pag. 829. Tom. I. Oper. edit. Colon. apud Ierem. Schrey.* Hic idem & sub eodem Constantio cum Ceresali consul fuit A. D. 358. De priore illo, cuius domus Antiochie, hæc

hæc lex accipienda videatur, utpote cui hic quoque iungatur *Rex Armeniorum*. *Patricius* vero hic idem vocatur, quæ antiquissima alioquin *Patriciorum* mentio mihi occurrit: de quo alibi *plene*. Posterior vero hic *Datianus Patricius* inter *Valentiniani* quoque initia memoratur a *Philostorgio* *lib. 8. c. 8.* ubi ait, inter alios, eius ope, consilio, *Valentinianum Imperatorem* factum, quod etiam *Nicephorus* ex eo habet *lib. 11. c. 1.* Idemque *Philostorgius* ait, hunc *Datianum Patricium* per literas consilium præbuisse ex *Galatia*, ubi ob senium hyememque (a *Iouiano* scil.) relictus fuerat: ubi & apud *Ancyram* *Valentinianum* ipsum relictum scribit *Am. Marcellinus lib. 26. cap. 1.* *Libanius* tandem, *Orat. inedita, ὡς ἐξ Ἀλασσῆς* inultos alios memorat, qui (sub *Constantio*) a sordidis pene natalibus ad summum fastigium perueniunt, *Philippum, Datianum, Taurum, Helpidium, Domitianum, Dulcitium.* Et vero de hoc *Datiano* hanc leg. accipio.

Memorable cum maxime de eo, quod hic narrat *Imperator*, euri immunitatem sibi olim tributam tanta instantia auferri depoposcisse, cum quanta alii poscere consueverunt. Utilem vero *Reipub. virum*, inuidiæ tantum non euitandæ. Non absumilis alioquin apud *Iustinum* antithesis de *Scythiis lib. 2. c. 2.* *Aurum & argentum perinde aspernantur, ac reliqui mortales appetunt.* Et *Sidonius, lib. 2. Epist. 13.* de *Damocle*; *Ille refugit celebritate diuitias deliciasque regales, qua solent appeti.*

Atque hæc quidem hæcenus, quorum multa suadere videntur, ut credamus subscriptionem & *Consules huic l.* subnotatos emendandos videri, *Constantioque Imperatori* eam adscribendam, in cuius tempora trium virorum *Eusebii* inquam & *Arfacis & Datiani* *Patricii* nomina incidunt. Verum nil temere nunc mutem: Maxime cum videam, *Ecclesias Catholicas* hic memorari, & immunitate donari, quod *Constantio* non conuenit, verum *Constantini* studio: de quo iam supra.

Itaque dicendum fuerit, *Arfacem* *Armeniorum Regem* etiam in ea *Imperii Romani* parte, quæ *Constantino* parebat, quædam possedisse: & *Constantino* quoque amicum fuisse.

Nunc ad sententiam legis redeamus. Cum hæc lex sit de *Immunitate* seu remissione nemini concedenda a quocunque *Magistratu*, imperite omnino faciunt, & in his *Amaya* nuper, qui de indigentorum tributorum potestate, ad quem ea pertineat, hic ἀπεσδιώσας, & prolixè, neque aliud ferme tractant. Ut & illud imperite, quod post illa *huius l.* verba, in fine, nihil amplius exigendi, hæc quæ in nonnullis *Codicibus* *Iustinianeis* inserta sunt, vel remittendi potestatem esse, quæ a veteribus & melioribus libris ablunt, idem *Amaya* tuetur, aduersus *Cuiacii, Contii, & parentis mei* mentem, spreteque *huius Codicis & Legis* auctoritate. Et quidem inepta ratione, quæ incertiam eius arguit. Nempe quod si hæc verba deessent, minime congrueret versus sequens: nam si qui &c. totusque eius contextus. Imo enim optime congruit. Nempe cum præcipuam sibi hanc curam *Constantinus* hac l. indixisset, ut omnes ad tributa tenerentur, neque quidquam eorum a iudicibus remitti posset, obiter tantum & velut per parenthesis id pro solatio addidit & inseruit, scil. quod retro etiam nihil amplius quam quod delegatione sua contineretur, exigi ab his posset: nihil amplius, inquit, exigendi; Quibus non ideo minus recte subiicitur vericulus, Nam si qui &c. qui omnino cohæret cum illis, omnes pensitare debebunt, quæ manu nostra delegationibus adscribuntur. Sed quid cum hoc homine congredior, qui aperte pronunciat, *Libri veteris & Codicis Theodosiani auctoritatem tanti apud se non esse, ut a fide Pandectarum Florentinorum recedat, & cogatur iurare in librum a muribus semicomsum.* Absint tales sententiæ. Vbi etiam quod de fide *Pandectarum Florentinorum* hic addit, imperitissime facit: Quid enim *Pandectis & quidem Florentinis*, cum *Codicibus Constitutionum*?

De APOCHIS tributorum solutorum, aduersus falsas & imaginarias.

II. (a) Idem A. ad Ælium Proc. Afric. (b)

POSSESSORES, cum satisfecerint publicæ conlationi, cautiones (c) suas ad Tabularios publicos deferant: ut eas Tabularii, siue Sexagenarii, (d) periculi sui memores, suscipiant a conlatoribus (ipsas species, quæ debentur; ex horreis suis ad ciuitates singulas, per menses singulos perlaturis) ne inlatio tributorum ex solis apochis (e) falsis (f) vel imaginariis cognoscatur: & cetera. Dat. Kal. Nou. Treu. *Constantino A. IV. & Licinio IV. Coss.* [315.]

NOTAE.

(a) Absit hæc lex a *Cod. Iust.* Iungenda illi est lex 1. inf. de exactionibus. *GOTHOFRED.*

(b) *Ælianus* Proc. Africæ sub *Constantino M.* Eidem hoc Anno inscribitur, lex 1. sup. de concess. adu. & l. 1. sup. de adu. fisci. Eius meminit *Constantinus M.* ipse, apud *Augustinum* in *Epistola* 68. (liv. 88. edit. *Benedictin.*) ad *Probianum* *Proconsulem* Africæ huius successorem, & lib. 3. contra *Cresconium* cap. 70. pag. 476, *Tom. IX. Oper. edit. Benedictin.* Denique hic est qui Anno 314. causam *Felici Aptungitani* iudicauit. Vide *Optatum Mileuitanum de Schismat. Donatist.* cap. 27. *ID.*

(c) Cautiones. i. apochas, ut mox, sine legis, & l. 19. 32. inf. Alias *Securitates* vocantur, d. l. 19. & l. 173. 185. inf. de decurionib. *ID.*

(d) De iisdem agitur. d. l. 1. *ID.*

(e) Sup. cautiones vocantur, verum ita quoque vocantur, l. 19. 32. *ID.*

(f) Falsis forte. *ID.*

COMMENTARIUS.

AΠΟΧΗ illationis tributorum, id est, cautiones, securitates, professiones, chirographa, *quittantie* tributorum solutorum, ne falsæ aut imaginariæ forte emittantur, & sic illationi tributorum fraus fieri possit, accurata forma hac Constantini M. constitutione inducitur: ut vice versa, idem sedulo cauit, ne Prouinciales seu Collatores concuterentur, l. 1. *inf. de exaction.* quæ huic est coniungenda; quo etiam pertinet eiusdem *lex 1. inf.* Eiusdem scilicet prouidentia est, cauere, ne quo commento tributis fraus fiat, ne quo tributariis.

Falsis igitur Apochis hac ratione occurrit, scilicet solutione facta susceptori tributorum, Apochas a Susceptore acceptas ad Tabularios vel Sexagenarios deferri iubet. Nempe *Tabularii* erant ii, qui publicas chartas tractabant, qui Breues & *λογαρια*, polyptica conficiebant tributorum, ut docet vel *d. lex 1. inf. de exact.* (de quibus alioquin peculiaris fuit *titulus 2. lib. viii. sup.* & de iisdem agitur *leg. 11. 13. inf. b. tit. & l. 30. inf. de susceptor.*) Quare *Tabularii* hi chartas istas seu Breues sub tempore exactionis faciendæ dabant exactoribus, quorum ut varia nomina fuerant, ut ostendit *d. lex 1. inf. de exaction.* ita de eorum numero fue-

runt qui dicebantur *Sexagenarii*, (quorum fit etiam mentio *d. l. 1. vbi de his dicam plenissime.*) Igitur, solutione tributorum facta susceptoribus, ne qua fraus inter Tributarios & Susceptores interueniret, falsis forte vel imaginariis Apochis emissis, voluit Constantinus M. has Apochas deferri ad Tabularios vel Sexagenarios, penes quos erant Breues illationis faciendæ, quod & postea deinceps obtinuisse docet *lex 27. inf. de susceptorib.* v. item *l. 2. inf. de discessorib.* ut ita Apochæ, cum Breuib; collatæ, de rei veritate fidem facere possent, & inspectis, secundum Apochas & Breues, ipsis speciebus illatis. Solæ Apochæ fidem facere non possunt, quia fictæ esse possunt: unde & *εἰκονικὴ ἀποχή* Lucilio, *lib. 12. ἀνθολογ. cap. 36. εἰς Νουμίδας. Epigrammat. 1. v. ult. fol. 93. verso edit. Aldin.* Qua ipsa cautela etiam inter priuatos sola Apocha debitorem non liberat, ut apparet ex *l. 46. §. 5. D. de administ. tut. & l. 19. D. de acceptilat. l. 13. C. Just. de solutionib.* Quid igitur? quæ sola fidem facere non potest, fidem faciet ipsi Breuib; admotis, & secundum utrumque *ἀντιστά*. Quod de perlatione specierum ad ciuitates singulis men-
sibus, additur, id alibi explicabitur.

ADSCRIPTIONIS modum (ad superexactionem euitandam) Rectores Prouinciarum propria manu designare debere.

III. (a) Idem A. Gregorio PF. P. (b)

MANV propria Iudices (c) vniuersi, periculo (d) suo, annonarias species & cetera quæ indictione (e) penduntur, definitis quantitatibus, & comprehensis modis, facta adscribitione, designent: Cuius obseruantia illa erit commoditas, ut, post successionem (f) quoque eorum, facile requiratur (g), an Exactores, ultra quam oportuit, de fortunis Prouincialium aliquid exculpere voluerunt. Dat. VII. Id. Octob. Nepotiano & Facundo coss. (336)

NOTA E.

(a) Absit hæc Lex a *Cod. Iustin. GOTHOFRED.*

(b) Eidem Gregorio inscripta hoc ipso Anno Constantini M. constitutio de naturalibus liberis & matribus eorum, quæ prima est *Cod. Iust.* Cuius etiam meminit Iustinianus *Novell. 89. cap. 15.* Meminit & Valentin. *l. 1. sup. de natural. filiis.* Eidem inscribitur Anno proximo *lex 2. sup. de contrahen. empe.* Denique hic est ille Gregorius Præfectus, de quo, & conuictis in eum Donati, Opatrus Mileuitanus *lib. 3. cap. 10.* Et ut omnino censeo, PP. Italicæ, sub quo Africa erat. *ID.*

(c) Iudices, id est, Rectores Prouinciarum. *ID.*

(d) Sic & in *leg. 2. sup. periculi sui memores. ID.*

(e) Facta, seu ex indictione. *ID.*

(f) Id est, posteaquam successum eis in Prouinciæ administratione fuerit: Neque enim mutem cum verbo, *successionem. ID.*

(g) Resciatur, & constare possit. *ID.*

COMMENTARIUS.

UT ADSRIPTIO, seu modus annonarum & tributorum (de qua plena manu in *paratit. 10*) Rectorum Prouinciæ dispositione fiebat, *l. 3. 4. inf. de extraordin.* ita factum propria manu designare iidem Rectores hac Constantini M. constitutione iubentur, pariter ut altera eiusdem constitutione *l. 4. inf. de extraord. sine ford. mun.* Nec absurdum quod *sine d. legis 4.* canetur, ut videlicet idem Rector prouinciæ subscribat exactis, id est, libris censualibus ciuitatum & Prouinciarum, quæ

& Encautaria dicuntur *l. ult. inf. de censu*: sine adscrip-tione, quæ a Tabulariis ciuitatum conficiebantur, ut docet *lex 1. & d. lex ult. inf. de censu.* Idque, quod Constantinus ipse hac *l.* proficitur, ut Magistratu seu administratione decedentibus Rectoribus, adhuc explorari & resciri possit, num exactores Prouin-
ciales superexegerint. Hac igitur quoque inter cæteras ratione superexactionibus occursum voluit Constantinus M. P. 10.

*De ΕΠΙΒΟΛΗ, seu ADIECTIONE sterilium fundorum ad fertiles,
ex eodem iure manantes.*

IV. (a) Imp. Constantius A.

SI quis ab Emphyteuticariis, (b) seu patrimoniali possessore, priuati iuris quippiam comparauerit, cuius substantia (c) alias possessiones sustentare consueuerat, & succisis quasi quarundam virium neruis reliqua (d) lababuntur, (e) earum possessionum onera subiturus est, quæ penes distractores (f) inutiles permanebunt. Dat. VIII. (g) Id Decemb. Theſſal. Feliciano & Titiano coss (337.)

NOTAE.

- (a) *Lex 1. C. Iust. de omni agro deserto, & quando steriles fertilibus imponuntur.* forte huic iungenda *lex 7. de exact.* GOTHOFRED.
(b) *Emphyteuticario*, Cod. Iust. *ID.*
(c) *ὑπογείας*, fertilitas, opimitas, fecunditas, dotes. *ID.*
(d) In Tilianæ & Cujacianæ editione *perperam*, *reliquam*. *ID.*
(e) *Labuntur*, Cod. Iust. male. *ID.*
(f) *Distractorem inopem*, Cod. Iust. *ID.*
(g) *Al. 111. ID.*

COMMENTARIUS.

ΕΠΙΒΟΛΗ quædam **STERILIVM** fundorum ad fertiles hac constitutione a Constantio Imp. inducitur: de quo *ἐπιβολῆς* iure moreque tres aliæ extant *hoc Codice* constitutiones: puta *l. vi. de Saurianis*, *lex 31. inf. & l. 4. sup. de locat. fund. emphyt.* quæ duæ postremæ viâ cum hac nostra, *Codice Iustiniano* in singularem *Titulum* coniectæ sunt, puta *Titulum de omni agro deserto, & quando steriles fertilibus imponantur*: sub quo ipso titulo hæc quoque *lex* posita est. De eadem *ἐπιβολῇ* exstant & Iustiniani *Novellæ* quædam: puta *Novella 128. c. 8.* duxque aliæ a Cuiacio reſtitutæ *πρὸς ἐπιβολῶν* 166. & *πρὸς ὁμοδύλων* 168. Videndus & Suidas, in voce, *ἐπιβολή*, & Constantinus Harmenopulus. *Επιβολή* est *Adiectio*, vt vocatur *l. ult. Cod. Iust. de omni agro deserto*, quoties opimos & fecundos seu fertiles fundos ex eodem iure manantes, ex iisdem bonis, ex eadem substantia, *ὁμοδύλων*, *ὁμοκλήσας*, de la mesme baillee manantes, possidenti, deserti, inutiles, defecti, minus idonei, deserti, afantici, fœnei, steriles, infertiles, *ἀπογοὶ* adiunguntur: & sic hac ratione, bonorum malorumque mixtura quædam, seu bonorum consolidatio fit, hisque ita consolidatis, is cui *adiectio* hæc facta est omnium ex æquo bonorum nomine tributa soluere cogitur: Ne alioquin, vt hæc *lex* eleganter loquitur, *possessionibus, quarum substantia alias consuevit sustentare, ad alium translatis, & inutilibus penes alium permanentibus; succisis quasi quarundam virium neruis, reliqua labantur*: i. inutiles oneribus & tributis residueant. Quod vtique sæpe eueniebat, Reipubl. damno, hac videl. ratione seu fraude quod locupletes fecundos pauperiorum agros per impotentiam, vt loquitur *lex 8. inf. de censitoribus*, vel momentariis eorum necessitatibus captatis, ad se traherent; vt docet quoque *lex 1. inf. sine censu*: & elegantissime *d. lex 8.* & compararent, inutilibus solis, & fœneis, qui tributis agnoscendis impares erant, penes eosdem inopes dominos relictis. Quare cum ea re res tributaria haud parum concideret, ad *ἐπιβολῆς* seu *Adiectionis* istius æquitatem & æqualitatem vt expresse dicitur *d. l. 8.* subinde decursum.

Atque vt cæteroquin id factum (quod etiam probatur *l. 31. inf. ibi, quæ ex eisdem bonis quæ retinent esse monstrantur*) ita in *Emphyteuticariis* nominatim, & patrimonialibus possessionibus, priuatæ denique rei fundis factum: vt patet ex hac nominatim Constantii constitutione: idque quod conicere licet, per Sardiniam: v. quæ dico ad *l. 7. inf. de exactiōibus*: vt ita eadem lege & conditione, & vt proprio verbo vtar, sub eodem *canone*, in nouos dominos infertiles migrant, quo primum in priuatos translati fuerant: *canone* videl. non huic aut illi possessionis regioni vel loco imposito; verum, vt Tertullianus loqueretur, vniuersitati & *massaliter*, i. ieiunorum compensatione facta: Nempe, cum *Emphyteuticarii* & patrimoniales *fundi*, in priuatos transferebantur, sub *canone* certo elocabantur: de quo *ſuo tit. sup. lib. 10. de locat. fundorum iuris emphyteut.* ita quidem vt toti possessioni canon in singula iugera imponeretur: & æqualiter quidem, in ipsa impositione compensatione quadam & æſtimatione facta fertilium & ieiunorum. Exinde possessores nonnulli fertiles solos in ditiores & potentiores transferebant, iisque vendebant; neque ideo maiorem tributum modum soluebant, sed canonem tantum impositum in singula iugera: sterilium vero fundorum Domini nihi soluebant. Ideo ad hanc *ἐπιβολήν*, & *Adiectionis* æquitatem & æqualitatem deuentum. Et hæc quidem est huiusce *legis* Sententia, quam Cuiacius non cepit: qui in *ſp. huius l.* non *emphyteuticum* vel patrimoniale fundum venditum putauit, sed ab *emphyteuticario* vel patrimoniali possessore, priuatum fundum tacito tantum hypothecæ iure nexum: quem vt lectio *Codiciſ Iustiniani* facilius in errorem induxit, ita potissimum *priuati iuris* in hac *l.* appellatio, qua sane patrimonialis & *emphyteuticaria* possessio significatur, *priuati* scil. *iuris*, id est, patrimonii Principis. Idem vero in eo errat, quod vocem *reliqua* in hac *l.* interpretatus est de tributorum reliquiis: cum reliqua *hac l.* sint reliquæ possessiones. Proinde tertio peccat, cum hac ratione *hanc leg. titulo*,

tulo, *sive censu vel reliquis fundum comparari non posse*, aptat. Igitur Accursianæ Interpretationes omnino retinendæ sunt. Hanc vero ἐπιβολὴν & Græcis quoque multi minus proprie intellexere, cum eam factam vel impositam scribere, vel πλαιοχωροὶς ἢ γάλασι, vicinis prædiorum defectorum, vt Simeon Metaphrastes apud Alemannum in Procopii ἀνecdōτοις c. 23. pag. 376. Edit. Venet. inter Script. R. B. vel σηλασάς κατὰ ἀναλογίαν τῆς ἐκάστου δυνάμεως, vt Cyrillus Scythopolitanus apud eundem p. 376. edit. cit. vel τοῖς τὰ χωρία καὶ ἡμένοις, P. 11. vt Procopius ἀνecdōτοις cap. 23. & ex eo Suidas in v. ἐπιβολή, qui & Iustinianum primum ἐπιβολῆς auctorem facit: ἐπιβολή enim tantum fiebat & erat fundorum ex eodem iure manantium: De qua ἐπιβολῇ ad praxin Gallicam multa egregie V. C. L. Loiseau du Desguerpissement lib. 5. c. 2. de l'addiction ou surcharge & accroissement des Terres desguerpies.

EXTRAORDINARIÆ cuidam pecuniarum indictioni, ne quis se ab ea immunem putaret, Ordinariæ seu Canonica nomen inditur a Constantio.

v. (a) Idem A. ad Vranium (b).

OMNES omnino ad oblationem (c) pecuniarum (d) oportet vrgeri: Lege enim nostra signarum (e) est, nec esse Extraordinaria, nec vocari, quæ specialiter (f) a Prouincialibus deuotissimis (g) conferenda sunt. Dat. III. Non. Feb. Constantio A. II. & Constante coss. [339.]

NOTAE.

- (a) *Lex 5. C. Iust. cod. tit.* Concordat prorsus huic *L. lex 2. inf. de indictionibus. GOTHOFRED.*
 (b) *Vranus* hic quis? *ID.*
 (c) *Oblationis* vox propria, quæ non extat. *ID.*
 (d) *Functionum publicarum*, ita Tribonianus immutauit in *Cod. Iust. ID.*
 (e) Id est, nominatim & signanter expressum, seu aperta definitione, vt loquitur *lex 2. inf. de indictionib. v. Gl. in voc. signare. ID.*
 (f) *Solemniter*, ita Tribonianus. Plane, contra *buius l.* sententiam. Specialiter autem, id est, speciali affectu & deuotione, & inuitabili necessitate: v. *Gloss. Theod. ID.*
 (g) Vox hæc hac in re propria. Vide *Glossarium Theodosi ID.*

COMMENTARIUS.

EXTRAORDINARIIS ab indictionibus cum regulariter quædam personæ immunes sint, saltem ab extraordinariis five sordidis muneribus, quandoque tamen ea Reipub. tempora incidunt, vt tum pecuniarum, tum & aliarum specierum superindictum seu Extraordinaria collatio & oblatio ita desideretur, vt ab his quoque nemo immunis esse debeat. Quod in *huius l.* specie statuitur. Eum vero in finem quia euenire sæpe solebat, ab huiusmodi *superindicto* excusatos se nonnulli velent, tanquam ab extraordinario munere, & appellatione Extraordinarii, velut Gorgonis capite obiecto, vel panno rubro efferati, collationem illam defugerent, & priuilegia sua obtenderent, ea re visum Principibus quandoque rei atrocitatem & inuidiam verbi lenitate mollire: ac nominatim cauere, ne Extraordinaria aut dicerentur aut crederentur, etsi *superindicti* nomine exigerentur, quin potius ordinaria seu Canonica censerentur, vt ita omnes huic necessitati parerent, amoto omni priuilegio quæ ordinariorum munerum *lex* est: v. *tit. D. de vacat. & excus. mun.* Id vero præstat *hæc l.* Constantius, quod & ipsum præstitit quoque postea Honorius geminâ germinâ *lege 2. inf. de indictionibus*, pari occasione & necessitate.

Hanc sane pertinere existimo ad apparatus belli Persici hoc anno, quo pecuniarum *superindictum* opus fuit. Sic enim Iulianus *orat. 1. pag. 67. & 68. edit. Petau. suu. pag. 21. edit. Lips. Spanhem. de eo ad Con-*
Tom. IV.

stantium loquitur: τῷ πολέμῳ, inquit, ΧΡΗΜΑΤΩΝ, & στήρεσις, & κορηγίας λαμπρὰς δομένας, ὑπάρχοντος δὲ ἑδνὸς σχεδὸν τῶν τοιούτων, αὐτὸς ἐξυῖρος & κατεστῆσας. Et mox: ΧΡΗΜΑΤΩΝ δὲ ἐπὶ τοῖς πόρεσις ἀκατέστην τὰς πόρεσις, καὶ τὰς συλλὰς, καὶ τὰς ἀθηγαῖοις προσδοκῶν, εἰς ἰσὺν λάσιον, ἢ ἐπὶ τῶν κατέστησας. ἡμῶν τῶν ἈΡΧΑΙΟΙΣ, πλὴν ἡμῶν πρὸς βραχὺ, & πρὸς εὐκαιρὸν, ἐχρῆν αἰδεῖσθαι δαπανήσασθαι τῶν λειτουργημάτων. Id est, cum bellum PECUNIAS & annonam, & expensas in gentes exigeret, nec eorum quicquam ferme suppeteret, ipse adinuensisti & constituiisti. Pecuniarum sinus excogitasti, non quidem euectis Tributis, & pensitationibus, prout Athenienses olim, in duplum, vel etiam vitra constitutis, verum antiquis inherens, nisi scibi ad breue tempus, & necessitatem, functiones grauiiores subeunda essent.

Ex his iam liquet, Tribonianum interpolatione sua *huius leg.* sensum penitus immutasse, relata ea ad *functiones publicas, & solennes*, quas ideo etiam voces hic substituit. Qua causa quæ ad *eam l.* a *Cod. Iustin.* Interpretibus notantur, huc nequicquam faciunt. Quia & Cuiacius ipse haud satis caute *hanc leg.* interpretatus videtur. Quare hinc simul liquet, non tantum de *huius Codicis* utilitate, verum etiam de Historicarum causarum vfu & necessitate, in his Constitutionibus probe intelligendis: quæ nisi ad *hanc leg.* adhiberentur, falsa omnino ea videri posset: Ecquis enim alioquin dubita.

dubitare posset: *Extraordinaria* ea omnino esse quæ extra ordinem imponuntur, quod tamen hic deserte negatur? Nempe Constantius Politico scemmate, urgente necessitate, extraordinariam illam & specialem collationem ad apparatus belli Perfici, cæterarum extraordinariarum collationum nomine exemptam iuit: quandoquidem ea summa Reipubl. necessitate urgente exigeretur: & ut ipse ait, *SPECIALITER a Prouincialibus DEVOTISSIMIS conferenda esset*, id est, quam pro Imperii defensione, atque adeo deuotione, quæ Imperio debebatur *specialiter*, id est, speciali affectu &

ineuitabili necessitate conferri oportet. Eo scilicet, pertinet vox *specialiter*, & altera *deuotissimorum* prouincialium, seu *a deuotissimis prouincialibus conferendi*: de quibus in *Glossario Theodosiano*. Quibus respondent illa Iuliani, *πὸς βραχὺν πρὸς τὴν ἀπορροήν αἰσθίσθαι, δαπανησώτων τῶν λειτουργημάτων*. Tandem ad usum & praxin, scemmate Politicum hac l. continetur, quod sæpenumero Principes sequuntur & usurpant. Imo & eo non subditi tantum, sed & populi exteri sæpe deluduntur: de quo egregius locus est *Saluiani*.

De VINI ad CELLARII vsus & collatione ab Italis.

VI. (a) Impp. CONSTANTIVS & CONSTANS (b) AA. Ordini Cæsinatium. (c)

VINVM, quod ad Cellarii (d) vsus ministrari solet, cuncti Italiæ possessores, iuxta statutum † Constantii, (e) fratris mei, conparent (f). Quod, ut fieri facilius possit, ab omnibus Italis nostris conferatur pecuniæ quantitas ea, quam Rufini, (g) Viri Clarissimi (h) & Inlustri Præfecti Prætorio, Parentis Amicique nostri, moderatio dandam esse censuerat. (i) Dat. XI. Kalend. Iun. Med. Constantio VII. & Constante III. AA. COSS. [354.]

NOTAE.

- (a) Iungenda huic est lex 42. inf. de Decurionib. GOTHOFRED.
- (b) Inducendum hoc Constantis nomen: nisi pro Gallo Cæs. id accipiamus: quanquam & hic iam occiderat ante mensem Decembrem, quo *hanc l.* datam mox probabo. ID.
- (c) Cæsinatium, d. l. 42. De qua ciuitate mox. ID.
- (d) Nostris. ID.
- (†) Quodnam statutum illud? ID.
- (e) *pp. Constantis*, ut mox ostendam. ID.
- (f) A vobis Cæsinatibus: ita hoc accipio. ID.
- (g) De hoc Rufino mox dicam. ID.
- (h) *Vir Clarissimus & Inlustris*, Præfecti Prætorio titulus, b. l. & l. 10. sup. de petitionibus: Viri Clarissimi Præfecti Prætorio l. 1. sup. de piscuis: & l. 15. sup. de prætoribus. ID.
- (i) Ante aliquot annos, cum Præfecturam prætorianam gereret: de quo mox. ID.

COMMENTARIVS.

DE VINI CELLARIENSIS annonæ, eiusque coemptione & collatione ad Cellarii Principis vsus, ab Italis faciendæ, est hæc singularis Constantii constitutio data A. D. 354. ad ordinem Cæsinatium (cui iungenda & lex 42. inf. de Decurion.) Quam, nobilem iam fecit Scriptorum in argumento *Suburbicariarum* disquisitio: ex quo semel eam, vna cum Sex. Aurelii Victoris loco, quem mox subiiciam, ad ANNONARIAS Regionem pertinere indicauiamus: Rem quantum potero, compendii nunc faciam.

Primo, *Cellarium* quid esset, prolixè ostensum est ad l. ult. sup. de officio Iudic. omn. ostensum inquam, hac appellatione significari omnia *βρώσιμα & πόσιμα*, id est species omnes ad esum & potum pertinentes. Et sane de vino id ex hac l. etiam liquet. Hinc & Cellarienses species dicuntur l. 32. sup. de erog. mil. ann. & l. 16. inf. de indulg. debitor. *Annonæ* vero proprie erant, quæ in cæteris speciebus conferebantur, veluti capito, ligno, aliis: vnde *annonæ & cellaria* coniunguntur d. l. ult. & apud Sulpitium Seuerum lib. 2. *sacra hist. c. 41. annonæ & cellarienses species d. l. 32.* Quanquam & latius

seu laxiore appellatione *Annonæ*, utrumque significabatur.

Ceterum, cum huiusmodi species annonarias & cellarienses, varios ad vsus collatas liqueat, atque in his, ad vsus militares, expeditionales, quin imo & Comitum Rectorumque prouinciarum vsus, sane hæc Constantii lex est de collatione ad *Cellarii Principis, vsus*, ut ex sequentibus mox apparebit.

De hac igitur cellariensium specierum collatione hæc obseruentur. Primo a quibus ea collatio facta fuerit: Nempe ait lex: *a cunctis Italiæ possessoribus*: mox, *ab omnibus Italis nostris*: Hic iam dubium: Num tota, quanta est, Italia, his verbis intelligenda sit, an vero pars quædam Italiæ tantum, quæ tamen hoc seculo specialis Italiæ appellationem meruerit? Et si id ita est, quænam illa specialis Italia fuerit, & quibus finibus coarctata? Quod prius igitur attinet, iamdiu est, cum huc Sex. Aurelii Victoris, coætanei Scriptoris, locum insignem trahebam. Is igitur cum dixisset c. 39. bellorum mole acris urgente, partitoque inter Diocletianum, Maximianum, Constantium, Galerium imperio,

imperio, Africam & Italiam Maximiano cecidisse, subiicit: *Hinc denique PARTI ITALIÆ inuectum Tributorum ingens malum: Nam sum omnis (Italia) eadem functione (tributaria) moderataque ageret: quo exercitus atque Imperator, qui semper aut maxima parte ADERANT (in ea Italiz parte) ALI possent, PENSIONIBVS INDVCTA LEX NOVA: Quæ (lex) sane, illorum (Maximiani) temporum modestia tolerabilis, in perniciem processit (post Maximiani tempora.)* Vides, hoc Victoris loco, duo functionum seu tributorum & pensionum genera: vnum vetus, quod ante Maximianum omni Italiz incumbebat: alterum recens a Maximiano institutum, idque parti tantum Italiz impositum, sed tamen vtrumque in speciebus annonariis: & recens quidem nominatim: quod vel ex eo patescit, quod ALENDO imperatori & exercitui, impositam id fuerit: vt mirer scribentem toti quidem Italiz olim annonarum specierum collationem impositam, at nunc parti Italiz a Maximiano non species annonarias, verum tributum, auri, argenti, æris, vestium, equorum imperatum.

A Maximiano igitur parti Italiz nouus annonariæ functionis & pensionis modus impositus, alendo exercitui & imperatori (& sic Cellarienses species) qui semper aut maxima parte, in ea Italiz scilicet parte, hærebant. Vt proinde hæc lex omnino eodem pertineat, quo Victoris locus ille: nam & de Italia vterque locus est, & de annona alendo Principi, seu cellariensi annona. Quare hac l. *Italia* appellatione nonnisi pars Italiz generaliter acceptæ exaudienda fuerit, quæ tamen ipsa specialiter *Italia* nomen hoc æuo meruerit.

At, quod posterius, nunc porro inquirendum, quænam illa Italiz pars esse possit. Primum igitur, cum Sex. Aurelius Victor disertè dicat, annona illam *parti Italiz* impositam a Maximiano, quo ipse & exercitus, qui semper aut maxima parte ADERANT, id est, in ea Italiz parte hærebant, ali possent, dispiciendum modo (quod a nemine factum hæcenus) in quam Italiz parte, maxime Maximianus Imp. hæserit. Id vero non aliunde temere melius, quam ex subscriptionibus legum Diocletiani & Maximiani colligi potest: nempe eum substituisse maxima parte, RAVENNÆ, quod docet l. 1. C. I. de iure aur. ann. VERONÆ l. 3. C. cod. ad l. Iul. de vi: l. 2. C. cod. commun. de succession. l. 1. C. cod. diuort. facto apud quem liber. MEDIOLANI, l. 9. C. cod. de pignor. act. l. 8. C. cod. ne de statu def. l. 2. C. Hermog. de calumniator. & apud veteris Consultation. Auctorem 8.5. in fin. pag. 818. edit. Schulzing. (quam etiam urbem sub Maximiano mirum in modum nouis cultisque mœnibus ornatam Sex. Aurel. Victor tradit, ibique etiam tandem purpuram deposuit.) AQVILEIÆ: quod colligi potest ex incerto Panegyrici Auctore ad Maximianum & Constantinum, c. 6. & 7. cuius initium est *Dixerint*. Sed & post Maximianum Seuerus Cæsar in eo tractu stetit cum exercitu, vt docet Zosimus lib. 2. cap. 10. Quinimo & in eam sese rursus a Maxentiana expeditione recepit. Et secuti deinceps Principes, Constantinus M. Constantius, Valentinianus &c. si quando in Italia consistere, maxima parte Aquileiæ, Mediolani, Rauennæ hæserunt:

vt harum proinde ciuitatum primam dignitatem ab hoc tempore repetere ferre soleam. Et notandum est summopere, quod idem Zosimus loc. cit. de Rauenna scribit, in quam se Seuerus Cæsar receprat: *τὴν Ράβιναν*, inquit, *πῶλιν ὀχυρὰν τε καὶ πολυάνθρωπον, καὶ τροφὴν ἔχουσαν πλεῖστον αὐτῇ τε καὶ τοῖς συν αὐτῇ στρατιώταις ἀρκούν:* id est, *Rauennam tum fuisse ciuitatem, non tantum munitam & populosam, verum & ANNONARVM COPIA abundasse, tum ipse Cæsari, tum exercitui sufficiente: & mox in eandem sententiam, cum de Maximiani aduersus Seuerum Rauennani motione agit, ait, Seuerum hac inuitum eiici non potuisse, ἀσφαλὲς τοῦ ὄψεως καὶ τροφῆς ἔχοντος ἀρκύσας, quod munita esset & commatu abundaret.* Quod omnino respondet Victoris loco: Atque exinde illud etiam colligitur, Annonæ istius cellariensis partem tum Rauennam comportatam. Quod & ipsum huius l. inscriptioni rursus optime conuenit: *ordinē* quippe *Cæsenatium* hæc lex inscripta est, qui Rauennæ proximi, & in eadem Flaminia erant, vnde & Cæsenatis Episcopus Rauennatis Archiepiscopi Suffraganeus fuit. vid. *veterem Episcopatum Notitiam*, & in Concilio Romano sub Papa Martino Cæsenas Episc. Rauennatis Archiepisc. locum tenuit. Et vero vetus *Notitia prouinciarum* Græca, *ἐπαρχίαν ἀνναναρίας* describens, *Rauennam* nominatim in ea collocat: *ἐπαρχία ἀνναναρίας, Ράβιννα, Φανὲς, ἐλκῆσσα, πῶλιν, πελάγους, πῶλαιον, κάστρον Φερντινόν, Κάστρον Σαλέριον* &c. Iam igitur ex his sequitur, in illa Italiz parte (annonaria) quam quærimus, fuisse, *Flaminiam, Aemiliam, & Liguriam, & Venetiarum prouinciam.*

Secundo procedat Trebellius Pollio, qui calente hoc Maximiani instituto, & sub hoc ipso Maximiano, scribebat, imo sub hac ipsa Tetrarchia, Diocletiani, Maximiani, Constantii & Galerii (vt ipse disertis verbis proficitur in *vita Claudii* cap. 3.) Is igitur Italiz prouinciarum recensum agens, in *Tetrico Seniore*, cap. 23. & his prouinciis Annonarum nomen iam ante Constantinum M. inditum arguit, & Italiz totius partem fuisse ostendit: & quænam illæ fuerint, haud obscure indicat. Nam cum dixisset, *Tetricum Senatorem P. R. quē iure Prædiali omnes Gallias antea rexerat, Imperiumque sibi vindicauerat, ab Aureliano Imp. victum, & per triumphum ductum*, subiicit: *Pudore tamen victus vir nimium seuerus (Aurelianus) eum quem triumphauerat, Correctorem totius Italia fecit, id est, Campaniæ, Samii, Lucaniæ, Brutiorum, Apuliæ, Calabria, Hetruriæ atque Umbriæ, Piceni & Flaminia, omnisque ANNONARIÆ REGIONIS.* Trebellius Pollio scilicet, totius Italiz prouinciarum recensum instituens, vbi eas nominasset, singulas, quæ ad dextram Urbis Romæ iacebant (quæque cum Annonariis nil commune habebant) reliquas deinceps, quæ ad læuam iacebant, recensurus, vbi nonnullas nominasset, (puta Hetruriam, Umbriam, Picenum & Flaminiam) breuitatis deinceps studio, loco singularum quæ recensendæ supererant, hæc subiicit *ἐπεξηγησάμενα, Omnisque Annonaria regionis*, ac si dixisset, *& vt compendio dicam, Annonarum omnium Regionum.* Atquin quænam recensendæ supererant? *Aemilia* vtique,

vtique, *Liguria, Venetiarum* provincia, *Hiftria*. Non & Alpes: hoc enim seculo Alpes ab Italia seunctas fuisse docet apertissime *lex i. sup. de desertorib.* saltem Graias, Pœninas, maritimas ex Ammiano Marcellino, Sex. Rufo, Festo, aliis. Iam tenemus itaque duobus argumentis, inter annonarias regiones, *Flaminiam, Æmiliam, Liguriam, Venetias, Hiftriam*, & sic quoniam vsque procurrerint Annonariæ. At vnde earum initium? Nempe a Tuscia & Piceno: Præterquam eniñ Hetruriam, Vmbriam, Picenum, (saltem partem earum) inter eas regiones referendas ex filo ipso verborum Pollionis colligi haud obscure potest, ita aliunde sane idcompetitissimum de Tuscia, & Piceno. Tusciæ enim annonariæ meminit Ammian. Marcellinus lib. 27. cap. 3. Gaius & Theodosius inter Auctores limitum pag. 260 edit. Rigalt. & pag. 253. edit. Goes. & Pelagius Episc. Rom. ep. anno 556. & Iornandes de regnorum success. sub f. Sed & Ammianus Marcellinus l. c. Pistoriense oppidum nominatim in ea memorat. Piceni annonarii quoque mentio in *Notitia Imperii* fol. 116. Et hæc quidem adeoannonariæ fuere, vt ad discrimen cognominum prouinciarum Suburbicariarum Tusciæ & Piceni, hoc cognomento *annonarii* distingui solitæ sint, & ad errorem tollendum ab his qui accurate loqui velent, distingui oportuerit. Quare confecta nunc res est, *Annonarias* videl. regiones partem Italiæ fuisse, in qua *Tuscia, Picenum, Flaminia, Æmilia, Liguria, Venetia, Hiftria*. Et sane quis non aperte videt, Pollionem *Annonarias regiones*, seu partem toti Italiæ opponere? Non enim exerte totius Italiæ prouincias seu regiones recensens, inter eas memorat *Omnem annonariam regionem*. Haud aliter atque Sex. Aurel. Victor, Duplicem tributorum functionem in Italia faciens, vnā antiquam totique olim Italiæ communem; alteram, Italiæ tantum parti propriam, apertissime *omnem Italianam, & partem Italiæ* distinguit? vt qui id negare audent, medio die cæcutiant. Hæc illa igitur est PARS ITALIÆ, quæ alendo exercitui & Imperatori in ea parte, maxima temporis parte hærenti, a Maximiano destinata fuit, quod Sex. Aurel. Victor prodit. Hæ illæ Annonariæ Regionēs: hæc illa tandem Italia: hi Itali, huius Italiæ possessores, quos vinup ad *Cellarii* (Principis scil.) vsus ministrare solitæ, hæc Constantii *lex* testatur. Qua causa non temere forte Constantius *Italos* suos vocauerit b. l. Ab omnibus *Italīs nostris*, inquit: Sed & Constantinus M. pariter l. 2. inf. de Extraordin. sue for. mun. (quam Consulari Æmilie & Liguriæ inscribi notandum est, pariter vt hanc obseruandum est inscribi ordini Cæsenatium) Ab *extraordinariis omnibus fundi patrimoniales atque emphyteuticarii per ITALIAM* Nostram constituti habeantur immunes: vt canonica tantum & consuetudo dependant, ad similitudinem per Africanos possessorum. Nempe hac l. Constantinus M. fundos illos per Italiam Annonariam ab extraordinariis oneribus omnibus immunes esse voluerit, vtpote qui iam satis onerati essent Canonica consueta functione annonaria, vt qui annonam ad Celarii vsus & Principis ministrarent: haud aliter atque Africani, eo quod annonam vrbi seu vrbicam subministrarent, ea iam impunitate fruebantur. Quod rursum

probat *lex i. inf. de extraordinariis*. Quod si ita est, iam altera hæc huius Codicis *lex* fuerit ad Italiam annonariam pertinet, & sic tertium argumentum, quo Liguria & Æmilia Annonaria comprobatur. Alioquin cum Italia constitutionibus Imperatorum simpliciter nominatur, totum illud Italiæ spatium intelligitur: quo vrbicariæ tantum Regionēs excluduntur: vt l. 9. inf. de extraordin. mun. Quamquam scio illud, *suis*, vel *Nostris*, affectus Principalis testimonium esse posse: quomodo forte eiusdem Constantini M. *lex i. sup. de his qui sanguin.* inscribitur: *ITALIS SVIS*: & idem in constitutionibus suis & epistolis, ROMAM SVAM vocauit.

Supereſt igitur illud hac parte, & ex hac leg. obseruandum, speciali *Italia* appellatione hanc Annonariam Italiam huius l. initio designari: Cuncti, inquit, *Italia possessorēs*. Nempe quadruplici significatu *Italia* iam olim accepta. Primo pro tota, quanta est Italia, in qua Roma etiam cum Vrbicariis regionibus erat. Secundo imo etiam quandoque Sicilia, Sardinia, Corsica, Italiæ appellatione venere. Tertio pro Italia, quæ extra Vrbem Romam, suburbicarias regiones seu centesimum miliarium & tres insulas est (quod postremum euidentissime ostendit *lex p. inf. h. l. lex vn. inf. si per obreption. l. 9. inf. de ordin. mun. & lex 2. sup. de integ. restit. & Notitia Imperii*. Quod negare sanus & siccus nemo potest. Quarto *Italia* specialius adhuc pro Italia Annonaria accepta: & vero hoc sensu hac l. exaudienda est, & sic relative ex rei, qua de agitur, qualitate. Neque dubito, quin eodem sensu in Synodi Sardicenis ep. ad Alexandrinos apud Athanasium Apol. 2. p. 756. edit. Lips. apud Weidm. dicatur, ἡ αἰγία σύνδος τῶν ἀπὸ Ῥώμης καὶ Ἰταλίας, Καμπανίας, Καλαβρίας, Ἀπυλίας. Et Athanasius ipse prouincias recensens, ex quibus Episcopi ad Synodum Sardicensem conuenerunt, *Ἰταλίαν, Πικηνίαν, Τροσκίαν, Καμπανίαν, Καλαβρίαν, Ἀπυλίαν, Βερτίαν, Συκίαν*. Idem Athanasius rursum ep. ad solitar. pag. 827 ed. cit. de Episcopis, qui secum communicabant: ἀπό τῆς μεγάλης Ῥώμης, καὶ τῆς Ἰταλίας πάσης: Καλαβρίας τε καὶ Καμπανίας, Βερτίαν τε. Neque alio sensu vetus chorographia facta, & ex Græco Latina redita, post *Calabrianam, Brittium, Lucaniam, Campaniam*, statim subiicit: Et postea, inquit, *ITALIAM*: mox in ea urbem Romam ponit, & Tusciam quæ proxime adiacet Campania: Tandem *Aquileiam & Mediolanum* in ea ponit. Mihi illud liquet, eos qui cautius post Annonarias institutas locuti sunt, totam Italiam, omnem Italiam, ἀπασαν Ἰταλίαν, ideo ferme dixisse, ne de hac speciali Italia Annonaria sensisse viderentur, etsi hoc posteriore Athanasii loco aliter factum. Neque alio sensu in Synodi Sardicensis subscriptionibus Tom. I. Concil. pag. 651. 652. 653. 654. Ed. Harduin. dicitur: Lucius ab Italia de Verona; Fortunatus ab Italia de Aquileia. Severus ab Italia de Rauennensi, Ursacius ab Italia de Brixia, Protasius ab Italia de Mediolano. Deinde, Maximus a Tuscia de Luca, Vincentius a Campania de Capua, Ianuarius a Capua de Benevento, Calepodius a Campania de Neapoli, Stercorius ab Apulia de Canusio. Neque alio, Arelatenſis Synodi subscriptiones

ones *Tom. I. Concil. ed. cit. pag. 266. 267. Ex provin-*
cia Italia ciuitate Mediolanensi Merocles Episcopus:
ex provincia Campania de ciuitate Capuensium
Proterius Episcopus; Ex provincia Apulia de ciuita-
te Arpiensium Episcopus Pardus. Neque alio sen-
su Ambrosius ep. ad Episcopos Italiae de S. Vitale
& Agricola: passi sunt in ciuitate Bononiae, pro-
vincia Italia. Neque alio sensu accipio in l. 4.
inf. de indulg. debet. vbi dicam adhuc. Ex Syno-
di Sardicenis interim subscriptionibus colligi quo-
que posse videatur, Italiam, & sic annonariam Tu-
sciam, Lucam non procurisse: sed ceteris hac par-
te constituisse.

Nunc de ipsa huius legis sententia, in qua tria
spectanda veniunt. Primum est, quod de Con-
stantii fratris sui statuto imperator hac l. memo-
rat: vbi sane legendum *Constantis*, non *Constan-*
zii: Est enim ipse Constantius huius leg. auctor,
cum iam frater ipsius Constans e medio subla-
tus fuisset ante biennium; cui Italia parebat. Ne-
que huic reclamaret huius *l. inscriptio*: nam qui
Constans Constantio in ea iungitur, non *Constan-*
tii frater, sed fraterculus, id est Gallus Cæsar accipi-
endus videatur, cui *Constantis* nomen inditum; de
quo consule *Consularia Theodosi*. Verum *Constan-*
tis nomen forte penitus hic inducendum. Quod-
nam igitur *Constantis* statutum illud fuit, id est,
quidnam eo comprehensum? quod contextus le-
gis non docet: generaliter enim ait, *Vinum, quod*
ad Cellarii usus ministrari solet, cuncti Italia pos-
sessores, iuxta statutum Constantii, fratris mei,
comparent? In subsidium itaque aduocanda est In-
scriptio, *Ordini Cæsenatium*. Nam quo *Ordini*
Cæsenatium tantum hac lex inscriberetur, quæ est
de vino ab omnibus Italis comparando, nisi statu-
tum *Constantis* Cæsenates nominatim spectaret?
Quare mens ea mihi, hoc voluisse *Constantem*,
vt videl. vinum istud Cellariense Itali compara-
rent a Cæsenatibus, quorum ager vrbi proximus
generosissimo vino nobilis fuit: Qua causa *Plinius*
lib. 14. cap. 6. Cæsenatia vina inter generosa Italix
mediteraneæ memorat. Sed & *Strabo* quoque *lib.*
5. p. 334. edit. Almouen. hoc ipso tractu maximam
vini copiam fuisse scribit, eique rei argumento
quoque esse ait vasa vinaria lignea, adeo magna, vt
domibus maiora essent. Proinde vt copia, ita no-
bilitate illustria fuere vina Cæsenatia: vnde nil
mirum, si ad Cellarii sui vsus *Constans* Imp. pri-
m. 15. mum, mox & *Constantius* ea comparari voluerint.

Secundo, comparisonis istius modus obseruan-
dus; Nempe quia nimis onerosum & operosum
græueque futurum omnibus Italis fuisset, si ip-
sæ hæc vina comparare cogerentur: Ideo, id vt
fieri facilius posset, pecuniæ quantitatem in id
conferre iussi Itali; cuius collationis quantitatem
seu modum a *Rufino P. Po.* definitam obseruari
Constantius hac l. iubet.

Porro, quod postremum, hic ille est *Rufinus*
PP. & quidem Italix, vt ex hac l. colligitur, sub
quo & *Illyricum* erat, cui inscribitur *A. D. 349.*
id est ante quinquennium *lex 3. Cod. Inst. de here-*
dit. decurionum, idque temporibus *Constantis*. Ei-
demque inscribitur sub *Constantio* ante biennium
A. D. 352. lex 5. Cod. Inst. qui testam. fac. poss. Ei-
demque bienno post in gestis *A. D. 356. meminit*

Ammianus Marcellinus, lib. 16. cap. 8. Itemque
Epiphanius hæres. 51. su. 71. cap. 1. pag. 829. edit. Co-
loniens. apud Jerem. Schrey. vbi Callicratem Exce-
ptorem huius Rufini PP. memorat, qui A. D. 351.
vel 357. collationi inter Basilium Ancyrarum, &
Photinum inter alios ταχυγέφυς interfuit. Tan-
dem hic est Rufinus PP. quem A. D. 350. a Mag-
nentio & Veteranione Tyrannis vna cum Mar-
cellino, Nunechio, Maximo, ad Constantium Le-
gatum missum, scribit Petrus Patricius in excerptis
legationum p. 20. Tom. I. Script. Rer. Byzant. edit.
Venet. quoque vno excepto ceteri in carcerem con-
iecti fuere. Alius vero ab hoc Aradius Rufinus,
de quo Symmachi Patris carmen quis accipiat,
in Auctuar. Symmachian. ep. 1. vbi inter alia v. 5. 6.

Principibus, quorum viguisti tempore, doctus
Aut calcaria ferre bonis, aut fræna Tyrannis.

Hic scil. *Aradius Rufinus* est Præfectus vrbi sub
Maxentio & Constantino M. teste Auctore Notitiæ
Præfectorum vrbi. Sed nobis sub vnum obtutum
colligere iuuat, quæ mihi de hoc *Rufino* nostro
occurrat, seruata annorum serie.

Sub **CONSTANTE**

A. N. D. 347.

Consul fuit cum *Eusebio*.

A. N. D. M. 349.

PP. Italix fuit, vt docet hæc *lex 6. Et inscribitur*
lex 3. Cod. Inst. de heredit. Decurionum.

Sub **MAGENTIO**

A. N. D. 350.

Legatus a *Magentio & Veteranione* missus ad
Constantium, atque ab eo humaniter habitus.
Petrus Patricius, in Excerptis Legat. pag. 20.
Tom. 1. Script. R. B. ed. Venet.

Sub **CONSTANTIO**

A. N. D. 352.

Ei inscribitur *lex 5. Cod. Inst. qui test. fac. poss.* qua
Eunuchis testandi facultas datur, exemplo om-
nium, id est, eadem ætate, quæ cæteris.

A. N. D. M. 354.

Eius meminit *Constantius Imper.* cum affectus sin-
gularis testimonio: cuius & factum quoddam
seu moderationem comprobatur, hac l. 6.

De eo v. & *Amm. Marcellinum* in huius *Anni Ge-*
stis lib. 14. cap. 10.

A. N. D. M. 356.

Ammianus Marcellinus eius meminit *lib. 16. cap. 8.*
quem diuitiarum cupiditatis arguit.

Eidem inscribitur hoc ipso Anno *lex 1. sup. si quis*
pecuniam consl. quæ dicitur *Acc. Constantina.*

A. N. D. M. 357.

Vide *Epiphanius hæres. 51. su. 71. cap. 1.*

Ex superioribus interim liquet, quænam causa
Annonarum regionum instituendarum fuerit,
seu vnde earum institutum repetendum sit, quæ
denique huius nominis causa sit. Nempe ob An-
nonarum specierum pensionem in vsum Princi-
pum in Italia cum exercitu semè commorantium,
vt proinde inane hic commentum sit, de Annonis in
vsus Præsidum & Magistratum, iam inde ab Augu-
sti æuo,

Pro COLONIS PROFUGIS Senatores nil de eorum terris possidentes non teneri.

VII. (a) Idem AA. ad Senatum.

CONPERTUM est, (b) pro Colonis profugis ad exsoluenda vos fiscalia (c) conueniri: iubemus igitur, si nihil ex eorundem (d) terris Senatorum quemquam possidere constiterit, ut nulla cuiquam pensitandi pro his, qui aufugerint necessitas imponatur. Dat. v. Non. Maii Tauro & Florentio Coss. [361.]

NOTAE.

- (a) Absit hæc lex a Cod. Iust. Iungendæ ei sunt leges octo, puta lex 12. 13. sup. de prætorib. lex 1. sup. de metatis. lex 1. inf. de public. comparat. l. 84. inf. de decur. l. 3. inf. de iustit. conlat. l. 1. inf. de protostasia. l. 7. inf. de oper. publ. quæ omnes vnius Orationis Constantianæ ad Senatum partes sunt. GOTHOFRED.
(b) Mihi scilicet. ID.
(c) Fiscalia; id est, annonas & tributa seu pensitationes Colonorum ID.
(d) Fugitivus seu profugus, eorumque terris Senatores Domini tributa seu annonas præstare nequaquam cogendi sunt. Hæc Constantianæ huius constitutionis sententia est, quæ maioris ad Senatum Constantinopolitanum Orationis ἀπόμνηρον est, iisque legibus omnibus, quas in Notis congesti coassanda venit. Quæ in vniuersum oratio tota est de Senatoribus, & eorum privilegiis & immunitatibus.

COMMENTARIUS.

P. 16.

PRO COLONIS (Originalibus scilicet, ut l. 14. inf.) FUGITIVIS seu profugis, eorumque terris Senatores Domini tributa seu annonas præstare nequaquam cogendi sunt. Hæc Constantianæ huius constitutionis sententia est, quæ maioris ad Senatum Constantinopolitanum Orationis ἀπόμνηρον est, iisque legibus omnibus, quas in Notis congesti coassanda venit. Quæ in vniuersum oratio tota est de Senatoribus, & eorum privilegiis & immunitatibus.

Ut ad huius leg. sententiam redeamus: videri possit isthæc huius l. aptanda: hoc præcognito Senatores ut latissime fines eorum & agri per provincias tendebant, ita per colonos eos exercuisse, eorumque nomine tributa soluisse, nihilo fecius atque alii Provinciales, de quo dicitur rursum aliquid ad l. 13. inf. Hoc præmissio videatur id h. l. statui, Senatores hoc casu non teneri tributa solvere, si colonis aufugientibus seu profugis, possessiones ipsæ iacerent: quasi æquum non sit ab his tributa pensitari, qui prædiorum emolumenta nulla sua culpa

non consequerentur. Quo sane ferme spectat, quod Symmachus, lib. 9. epist. 37. scribit. *Agri sororis meæ Italica Illustris famina, CVLTORE vacuati & fessi onere munerum publicorum iudicaria auctoritate resouendi sunt. Hanc opem de tui animi æquitate promissi.* Et proinde fuerit istud singulare Senatorum privilegium, quod in aliis per provincias possidentibus, & iniis commorantibus non æque competere docet lex ult. §. 4. inf. de patroc. vicor.

Verum non hæc huius leg. sententia est: sed isthæc; non cogi Senatores pro colonis alioquin suis, qui & capitationi subiacebant, & terrulas sæpe quasdam & peculia sua habebant: de quo plene dixi ad leg. 1. sup. de fugitiv. colon. profugis tributa solvere. Nam ut maxime terrulæ quodammodo sint dominorum Senatorum, attamen peculiaris eorum ratio est, & extra censum dominicum posita, cuius redditus ad Senatores dominos non spectabant. Quia neque capitationem pro his solvere tenentur. Et sic idem sensus huius leg. fuerit, qui legis 14. vers. sane infr.

ADÆRARI species vrbis Romæ, non debere.

VIII. (a) Imp. VALENTINIANVS & Valens AA. ad Symmachum P. V. (b)

NEMINI (c) aurum, pro speciebus Vrbis Romæ, liceat exigere de (d) futuro. Dat. Id. Iun. (e) Naisso, Diuo Iouiano & Varroniano Coss. [364.]

NOTAE.

- (a) Absit & hæc lex a C. Iust. De cuius rei ratione dicam tit. prox. Iungendæ huic omnino videntur lex. 4. §. 6. inf. de pistorib. lex 2. inf. de calcis coctior. lex vn. inf. de saccariis. lex 12. inf. de operib. publ. lex 1. inf. de canone frument. V. R. lex 5. sup. de panis. GOTHOFRED.
(b) Symmachus P. V. Romæ sub Valentiniano Sen. Epistolographi pater: v. Prefopogr. & Ammianum Marcellinum lib. 27. cap. 3. ID.
(c) Exactori. ID.
(d) In futurum. ID.
(e) 79. VI. Id. Iun. ut plerisque diarum legum. ID.

COMMENTARIUS.

MVTARI seu ADÆRARI pretio canonem vrbicarium, vrbis vrbis Romæ destinatum vetat hac l. Valentinianus Sen. pariter ut idem vetat sequente Anno, constitutione emissa ad eundem

Symmachum P. V. l. 1. 2. inf. tributa in ipsis speciebus. Pariter ut Theodosius M. l. 4. 5. eod. tit. (a quo diuersus est aliquo modo Theodosius Iun. l. ult. h. tit.) & Honorius l. 30. inf. hoc tit. & l. 5. inf. de canone frum.

frum. V. R. quæ de re etiam erit *infr.* specialis *titulus. Tributum in ipsis speciebus.* Id inquam vetatur a Valentiniano Sen. hac *constitutione*, quæ prolixæ, ad Symmachum P. V. utilitati Urbis Romæ ac potissimum annonæ Urbicæ consulenti constitutionis portio est, quod docent *leges* illæ, quas huic coniungendas dixi. Nempe, neque hæc postrema annonæ urbicæ consulendi ratio remedium & consilium est, si ipsæmet species annonariæ inferantur, non etiam, si aurum earum loco quod facilius interuertitur, quoque facilius etiam species ipsæ inferuntur: De quo ad *d. tit. Tributa in ipsis*

speciebus; ubi & de Simmaci studio hanc ad rem, annonæ, inquam, urbicæ cura, plura.

Atque ita quidem hæc *lex* intelligenda est, de annonariis speciebus, quæ in Urbis Romæ usum conferebantur. Grauis enim error est nuperi Scriptoris Doct. 3. *Miscell.* 23. p. 204. qui ex hac colligebat, urbem Romanam ipsam annonariam functionem agnouisse. Quod ridiculum est. Agitur enim hac *l. de speciebus urbis Romæ*, id est urbis Romæ vñbus destinatis, quæ ipsi conferebantur, non quæ ab ipsa.

P. 17.

De TRANSVECTIONE annonæ ad mutationes & mansiones
a quo loco, quoque tempore fieri debeat: & de
SVBVRBICARIIS Regionibus.

IX. (a) Idem AA. ad Mamertinum, PF. P. (b)

TABVLARIORVM (c) fraudes se refecasse, per Suburbicarias Regiones, Vir Clarissimus Anatolius Consularis, missa Relatione, (d) testatus est: quod pabula, quæ hactenus, ex eorum (e) voluntate atque arbitrio, ad Mutationes (f) Mansionesque singulas, animalibus cursui publico deputatis, repente atque inprovisè solebant conuehi, nunc in consilio, (g) ratione tractata, pro longinquitate vel molestia itineris, ab unoquoque oppido, certo ac denunciato tempore, deuehi ordinavit. Quod iubemus, ut etiam per omnes Italiæ Regiones pari ratione seruetur. Dat. Prid. Non. Mar. Treu. (h) Valentiniano & Valente AA. Coss. [365.]

NOTAE.

(a) Et hæc *lex* adest a *Cod. Iust. GOTHOFRED.*

(b) Mamertinus PP. sub Valentiniano scil. & quidem Italiæ. v. *Prosepozn. ID.*

(c) De Tabulariis fuit *sup. titulus 2. lib. 8. ID.*

(d) De his Relationibus erit *infr. titulus peculiaris hoc libro. ID.*

(e) Tabulariorum scil. *ID.*

(f) De his Mutationibus & Mansionibus iam actum quoque fuit *sup. lib. 8. tit. 5. de cursu publ. ID.*

(g) Consilium Rectoris Prouinciæ obserua: Neque enim hic reponendum, *Concilio*, quod quidam malebat. *ID.*

(h) Error in hac voce. *ID.*

COMMENTARIUS.

DE CONVECTIONE seu Transvectione Annonæ seu pabulorum, & ut hoc seculum loquebatur, *capiti*, ad mutationes & mansiones, & quidem deputatorum animalibus cursus publici, (de quo ipso pabuli genere est quoque *lex 60. & 64. sup. de cursu publ.*) est hæc Valentiniani Sen. constitutio A. D. 365. Quis videl. hac in re modus obseruandus sit, ac nominatim per Italiam totam: deriuato exemplo a parte eius, id est, a Suburbicariis regionibus, ad omnes Italiæ regiones, & quidem refecandis Tabulariorum fraudibus, & subleuandis ipsis collatoribus. Quam constitutionem nobilem etiam fecit Virorum Doctorum controuersia, in negotio de suburbicariis regionibus; ex quo semel ostensum est, quo sensu Italiæ regiones a Suburbicariis secerni soleant; de quo ut non prodige, ita aliquid etiam dicendum est.

Prius tamen ipsa legis sententia expendenda venit: Nempe duobus hac leg. collatorum utilitati consulitur, tum ratione loci, tum & temporis: videlicet transvectioni huic faciendæ habendam rationem longinquitatis & molestiæ itineris, id est, ab eo oppido transvectionem faciendam, quod ne-

que dissitum nimis, aut cuius iter non nimis confragosum: Deinde nec repente aut inprovisè hanc transvectionem Prouincialibus imperandam (ut ferme incerta & inopinata Prouinciales turbare solent, *l. 4. §. 4. D. de offic. Procons.*) Verum certo ac denunciato prius tempore. Ad prius pertinet, pariter *lex u. 21. & 22. infr.* quæ hanc in rem sunt admodum singulares: Itemque *lex 1. Cod. Iust. de fundis limitrophis. lex 15. sup. de erog. mil. ann. l. 4. infr. de Suariis.* Atque hæc etiam deprædandi materies fuit.

Eodem spectat hic Taciti locus, in vita Agricola c. 19. *Frumenti & tributotum auctionem æqualitate munerum mollire, circumcisis quæ in questum reperta, ipso tributo grauius tolerabantur &c. Deuortia itinerum & longinquitas regionum indecebatur, ut ciuitates a proximis hibernis in remota & auia deferrent, donec quod omnibus in promptu erat paucis lucrosus fieret.* Huc spectat Cicero- nis locus in Verrem lib. 3. c. 82. cum in eum locum quo imperabatur, frumentum portare nollet, instituerunt semper ad vltima ac difficillima loca apportandum frumentum imperare, ut vectura difficultate

ad quam vellent estimationem pervenirent. Valeriani inde Imp. mandatum apud Trebellium Pollion. in Balista c. 17. Ne Præfes provincialem, aut possessorem, cogat frumenta illic, ubi non habet dare, equum ubi non potest pascere: Quia, inquit, non est vlla prorsus melior, quam ut in locis suis erogentur quæ nascuntur, ne aut vehiculis aut sumptibus Republ. grauent: Eodem spectat hic locus Eumenii, in gratiarum actione Flauientium nomine cap. 7. Vidisti, ut militaris VIA sit CONFREGOSA, & alternis montibus ardua atque præceps, ut vix semiplena carpenta, interdum vacua transmittat: ex quo sepe accidit, ut obsequia nostra tarda sint, cum paucarum frugum nobis DIFFICILIOR SIT EVECTIO, quam ceteris plurimarum. Quo magis Imp. pietati tuæ gratias agimus, qui cum scires, ITINERVM regionum nostrarum aditum atque aspectum tam sædum, tamque asperum, tamen illo desistere dignatus es. Quæ omnia concinunt ei, quod hac l. dicitur, pro longinquitate vel molestia itineris. Item ei quod dicitur leg. 22. inf. ut plus haberet dispendii translatio, quam devotionis inlatio. Et l. 21. omnis itineris ac necessitatis habita ratione. Secundo Tabulariorum fraudibus nominatim hæc leg. occurritur hac in re, quod & ipsum dict. l. u. infr. exprimitur: Vnde interim liquet, quodnam tabulariorum

P. 18. rum in retributaria munus fuerit: Nempe collationis & transvectionis annonariæ sollicitudinem ad eos spectasse, quod docuit etiam lex 2. sup. docebit & lex 11. inf. quorum fraudibus sæpe occursum, ut hac l. & l. 11. inf. & l. 27. inf. de suscept. & l. 1. inf. de censu.

Secundo, de Mansionibus & Mutationibus, quarum hoc Codice multa mentio, heic semel & plane dicendum est: de Mansionibus sane agitur, præter hanc leg. l. 4. sup. de off. Rectoris provinc. l. 9. 12. sup. de re militari: l. 1. sup. ne quis in Palat. man. l. 1. 23. 35. sup. de cursu publ. l. 2. sup. de concuss. Aduocat. b. l. & l. 21. inf. b. t. l. 21. & 119. inf. de decurion. l. 21. inf. de suscept. De Mutationibus, b. l. & l. 34 36 53. 58. sup. de cursu publico.

MANSIONES igitur primum separantur appellatiōe a Ciuitatibus, l. 1. sup. ne quis in palat. man. l. 35. sup. de cursu publ. l. 2. sup. de concuss. Aduocat. l. 21. inf. de suscept. seu ab oppidis, d. l. 35. & d. l. 119. & vicis d. l. 35. sup. de cursu publ. separantur & a mutationibus hac l. Et vero hæc omnia ferme videre est quoque in Itinerario Burdigalensi, seu Hierosolymitano, quod sub Constantino M. conscriptum Petrus Pithæus extulit: vbi clare distinguuntur itinera per Mutationes, Mansiones, & Ciuitates: Mansiones certe Mutationibus præstabant. Hinc adeo pauciores Mansiones quam Mutationes, in eodem itinere erant. Hinc & in Mansionibus Palatia quoque Principum fuere, l. 1. sup. ne quis in Palat. man. Curie quoque & Curiales in nonnullis, ut in oppidis fuere, l. 119. inf. de decurionib. Fuere & in nonnullis Mansionibus Episcopi: sic enim act. 3. Concilii Chalcedonensis pag. 374 Tom. II. Concil. Ed. Harduin. memoratur Helpidius mansionis Thermanorum Episcopus. Et vero quid mirum, cum & alias ciuitates eundem vsum præstarent quem mansiones, quem mox aperio: Hoc tantum discrimine, quod mansiones non nisi geminum vsum præstarent: ut vice versa mutationes eundem vsum præstabant, quem mansiones, saltem

quoad cursum publicum: Denique in ciuitatibus mansiones erant & mutationes; in mansionibus, mutationes: At mutationes nudæ animalium mutationes erant. Atque ut mansionum vsum, quidque adeo fuerint, aperiam: Mansiones erant, in quibus, qui publica in causa coimebant, præter Principes ipsos, consistebant & manebant; veluti Iudices transeuntes, l. 4. sup. de off. Rector. prou. Tribuni & milites, l. 12. sup. de re milit. legati etiam exterarum Gentium, l. 9. eod. tit. Qua causa solitæ ac publicæ mansiones dicuntur, d. l. 12. & in aggere publico constitutæ erant l. 1. sup. ne quis in palat. man. collata l. 2. eiusdem tit. Manebant, inquam, tum alimonie causa atque annonarum, & cellariensium specierum consequendarum gratia, simul & cursus publici usurpandi. Geminum hunc videl. vsum præstiterunt mansiones. De cursu publico, ac proinde animalibus ibi cursui publ. destinatis fidem facit lex 1. 23. 35. sup. de cursu publ. Imo hæc ipsa lex 9. ad quam scribimus. De speciebus annonariis & pabulo fidem facit præter hanc ipsam leg. lex 21. inf. b. t. lex 2. sup. de concuss. Aduocat. Lampridii locus in Alexandro Seueri cap. 45. & Ambrosii Serm. 5. in Psal. 118. pag. 906. Tom. II. Oper. edit. Paris. Cardinal. Felicis de Monte Alto. Quare horrea in his fuere, ut ostendit lex 2. C. Iust. de condit. in pub. horreis. Ibidemque modii & sextarii habitui l. 21. inf. de suscept. His mansionibus præponebantur Præpositi mansionum ex corpore Curialium ciuitatis, in cuius territorio mansiones erant, l. 21. sup. de decurion. Harum denique instruendarum, annonis scil. & instaurandarum cura, ad Rectores Prouinciarum pertinebat, l. 4. sup. de off. Rector. prou. Et hæc de Mansionibus, quarum mentio apud Historiæ Augustæ Scriptores, Ammianum Marcellinum, Ambrosium, Hilarium, Hieronymum, Iornandem.

At Mutationes, seu ἀναγὰς nudum vsum cursus publ. præstabant: Quare & Ammianus lib. 21. c. 9. Vectus, inquit, mutatione celeri cursus publ. Quare eodem itinere plures mutationes quam mansiones emetiendæ erant; quod etiam videre est diserte in Itinerario Burdigalensi, non vno loco, mutationum & mansionum numero subinde collecto; his inter cætera locis, pag. 553. edit. Wesseling. Fit a Burdigala Arellate vsque millia CCCLXXI. Mutationes XXX. Mansiones XI. Item pag. 558. ed. cit. Fit ab Arellato Mediolanum. vsque Mil. CCCLXXV. Mutationes LXIII. Mansiones XXII. Solemnem locum geminum de mansionibus neque hic omittere possum. Prior est Lampridii in v. Alexandri Seueri cap. 45. Expeditiones bellicas habuit, de quibus ordine suo edisseram. Primum tamen eius consuetudinem dicam de rebus vel tacendis vel prodendis. Tacebantur secreta bellorum: itinerum autem dies publice proponebantur, ita ut Edictum penderet ante menses duos, in quo scriptum esset: Illa die, illa hora, ab urbe sum exiturus, & si Diu voluerint in prima Mansionem mansurus: deinde per ordinem Mansiones, deinde Statinae, deinde ubi Annona esset accipienda: & id quidem eo vsque quamdiu ad fines Barbaricos veniretur: iam enim inde tacebatur & omnes ambulabant, ita ne dispositionem Romanam barbari scirent. Alter est Ambrosii, Sermone 5. in Psal. 118. pag. 906. edit. Paris. Cardinal. Felicis de Monte Alto, Miles &c. itine-

Itinerarium ab Imperatore accipit. Et mox: Si alio ambulauerit itinere, annonam non accipit: Mansionem paratam non inuenit: quia Imperator ita iubet hac preparari omnia, quae sequuntur: &c.

Tertio iam succedit tractatus de Suburbicariis Regionibus, de quibus & l. 12. *inf. de indulg. debitor.* quae & suburbicariae partes vocantur, l. 12. *inf. de extraordin. mun.* suburbicariae prouinciae, *Novella Valentin.* inter Theodosianas 41. *de tiron.* l. 2. dicuntur & suburbanae, l. 13. *sup. de accusat.* & a Symmacho lib. 1. ep. 34. & lib. 2. ep. 74. item Urbicariae, l. 9. *inf. de extraordin. mun.* l. 3. *sup. quib. equor. vfus.* l. 3. *inf. tribut.* in ipsi spec. l. vn. *inf. si per obrept.* l. 14. *inf. de indulg. debitor.* & in *Notitia Comitum R. P.* & apud Gaium & Theodosium in corpore de limitibus p. 253. edit. Gös. Hæc enim promiscue pro eodem accipienda iam liquere debet. Et vero de eo iam liquet inter vtriusque partis Antesignanos.

At maior controuersia, quot numero fuerint, quique adeo earum fines, de quo dicendi materies erit *inf. l. 1. de calcis coctor.* vbi quatuor regiones indicantur. Illud saltem ex hac l. constat Italicae regiones a Valentiniano Suburbicariis regionibus opponi, pariter ut a Valentiniano Iun. *l. vn. si per obrept. fuer. impetr.* quæ Probo P. P. infribitur: Igitur Sinceritas tua id ipsum per omnem Italiam, tum etiam per urbicarias Africanasque regiones ac per omne Illyricum prælata oraculi huius auctoritate firmabit: & a Constantio iam antea l. 9. *inf. de extraordin. mun. ad Taurum PP.* Exemplo Africa debent fundi patrimoniales & emphyteutici per Italiam constituti ab extraordinariis omnibus excusari. Non enim per Italiam tantum, sed etiam per Urbicarias regiones, & Siciliam, patrimonialium & emphyteuticorum fundorum vires seruandas esse perspeximus. Et sic tres iam hæc de re leges tenemus iam inde a Constantii, cuius est d. lex 9. temporibus, Valentiniani Sen. cuius hæc est; Valentiniani Iun. quem auctorem habet d. lex vn. Quartum sub Theodosio Iun. est in *Notitia imperii Occidentalis*, sub dispositione Comitum R. P. vbi Procuratores per dioceses ita dist. gunt: Rationalis rei priuata per Italiam, Rationalis rei priuata per urbem Romam, & Suburbicarias Regiones cum parte Faustina, Rationalis rei priuata per Siciliam, Rationalis rei priuata per Africam.

At quibus Italia sic dicta limitibus coerceretur? quod sane sciri interest: hac enim iam ratione sciri poterit, quos intra fines Suburbicariae constituerint. Procedat igitur Principibus illis, quos dixi, omnibus prior Constantinus M. l. 2. *sup. de integr. restit. ad Bassum PP.* Placuit post completum XX. & V. annum, ex eo quo vicefimi & sexti anni dies illuxerit, ad interponendam contestationem in Vrbe Roma usque ad anni tricesimi extremum diem spatia prorogari, & intra centesimum urbis Romae miliarium, sitamen ab his Iudicibus, qui Roma sunt, fuerit iudicandum. Per omnem vero Italiam usque ad finem anni vicefimi & noni. In ceteris omnibus Prouinciis usque ad completum annum vicefimum & octauum. Nempè vides, ut Constantino M. Iuniores Principes Suburbicarias seu Urbicarias regiones Italicae opponunt, exorto iam Suburbicariarum nomine; ita ante exortum huius nominis a Constantino M. centesimum ab vrbe Roma & Italiam opponi. Quare oportet Suburbica-

Tom. IV.

rias regiones & centesimum idem esse. Sane & Constantinum M. ut altius adhuc assurgamus, non aliter Dio lib. 52. p. 548. edit. Henr. Stephani 1592. Τὴν τε Ἰταλίαν, inquit, πᾶσαν ὑπὲρ πεντηκονταὶ ἐπὶ ἡκαστοῖς ἀπὸ τῆς πόλεως σταδίους ἔσται. Nam eo loco 750. stadia præcise efficiunt 100. miliaria, quod alibi a me ostensum est. Imo, non aliter in epistola D. Seueri ad Fabium Chilonem P. V. ut refert Vlpianus l. 1. *inpr. D. de off. P. V.* Omnia omnino crimina, inquit, Praefectura urbis sibi vindicauit: nec tantum ea quae intra urbem admittuntur, verum ea quoque quae extra urbem intra Italiam Epistola D. Seueri ad Fabium Chilonem Praefectum urbi missa declaratur. Quo loco vox Intra, exclusiue accipienda, ut alibi pluribus ostendo: quod hactenus non perspectum, fecit ut hic locus cum altero eiusdem Vlpiani pugnare vulgo crederetur, quo nonnisi centesimum Praefecti urbis administrationi tribuit: cum tamen eadem sit sententia: Centesimum enim ab vrbe ad Italiam decurrit, seu inter urbem & Italiam iacet. Quare verissimum, Regiones Suburbicarias & centesimum idem esse: contra Italiae appellatione cum his Suburbicariae opponuntur, venisse Prouincias omnes ultra centesimum submotas. Eapropter ut Piceni & Tusciae pars intra Centesimum de Suburbicariarum numero fuit: ita submotior Piceni & Tusciae pars Annonaria & sic Italica fuit. Eapropter rursus Felix Campania ultra Centesimum submota, a Piceno & Tusciae Suburbicariis regionibus separatur l. 12. *inf. de indulg. debitor.* Neque his reclamare potest, quod de angustiore adhuc Italiae appellatione dictum est ad l. vinum 6. *sup. h. t.* Nam relative id accipiendum est pro subiecti argumenti ratione: Nam cum in ea leg. agatur de Annona cellariensi ab Italicae possessoribus ministrari solita; Cæterum eam annonam non nisi modica Italicae pars ministrauerit, quæ & ideo Annonaria dicta; sane Italiae appellationem angustiore ibi significato accipi oportet, pro Italia Annonaria. Quod & postea alio propagatum. Verum hic subsisto, cum peculiaribus libellis hoc negotium exactum sit. Forte erit & tempus, cum superioribus & alia adfuerint argumenta: vbi non postremo loco futurum esset, si aliunde specialius eruere liceret, quarum Prouinciarum Consularis fuerit Anatolius, quem Consularem Regionum Suburbicariarum hæc lex designat: quod apud Zosimum & Amm. Marcellinum frustra requiro.

Illud saltem ex hac l. discere licet, Consularis istius potestatem non intra vniam regionem Suburbicariam constituisse, verum plures Suburbicarias ei commissas, & forte omnes: sic ut iuncta earum administratio fuerit, sub Valentiniano Sen. saltem A. D. 365. antea quippe Suburbicariae cum cognominibus ab eodem regebantur: sic enim Tusciae Rector & Annonariae & Suburbicariae Tusciae præerat: quod ostendimus ad l. urbis Vulsinensium, *inf. de decurion.* quas tamen postea administratione seiunctas docet *Notitia imperii*, vbi Consularem Piceni Suburbicarii memorat. Sed & *Novella Maioriana* de adulteriis, infcribitur *Rogatio Consulari Tusciae Suburbicariae*: Vbi etiam obseruandum est, rursus totam Italiam opponi Suburbicariae Tusciae.

Illud interea quoque hic monendum, hanc

Suburbicarum Regionum & provinciarum appellationem enatam videri sub Constantio, & quidem A. D. 357. quarum etiam prima mentio

occurrit biennio post, A. 359. quo ipso Anno etiam *Quatuor Regiones* memorantur. De quo alibi proxius.

COMPENSATIO opulentarum & desertarum possessionum, ad eundem pertinentium, in re annonaria.

X. (a) Idem AA. ad Dracontium (b) Vic. Afric.

OMNES qui per Africam opulentas desertasve (c) centurias (d) possident, ad integrum professionis (e) modum necessitati (f) publicæ satisfaciunt. Dat. XVI. Kal. Iun. Med. Valentiniano & Valente AA. Coss. [365.]

NOTAE

- (a) Absit hæc *lex* a *Cod. Justin.* Iungenda porro ei videtur *lex prox.* 11. *inf.* quæ eidem etiam inscribitur. *GOTHOFRED.*
 (b) *Dracontius* Vicarius Africae sub Valentiniano Sen. A. D. 364. 365. 367. v. *Profopogr.* Eidem tres præterea *leges* hoc ipso *titulo* inscribuntur, *lex* 11. *prox.* *lex* 13. & 16. *ID.*
 (c) De *Desertis* centuriis mox. *Ve* autem hic pro *et*, quomodo & alias passim vel pro *et*. v. *Gloss. Theod. ID.*
 (d) De *Centuriis* his mox. *ID.*
 (e) *Professio.* De hac voce mox. *ID.*
 (f) *Necessitas* publica est res tributaria, passim *hoc tit.* & alibi vid. *Glossar. Theod. ID.*

COMMENTARIUS.

P. 20. STERILIVM agrorum eiusdem domini separatam ab opulentis rationem in inspectione reque tributaria haberi vetat *h. l.* Valentinianus Sen. id est, desertarum quoque seu fœnearum nihilominus possessionum nomine possessores censeri, tributæque inferre cogi iubet: si iidem Domini sint opulentarum. Denique vult Valentinianus compensationem & contributionem vtrarumque fieri, in re Annonaria. Quod ut intelligatur, sciendum est, Imperatores, ad provincialium querelas, sæpe *Inspectores* in provincias misisse, quo deserta & squalida loca censibus & tributis eximerentur: quod factum quoque ab Honorio *l. 2. in f. de indulg. debitorum*, per Campaniam, per Africam proconsularem & Byzacenam *l. 13. inf. de indulg. debitorum*: vbi illustre exemplum habemus: de quo plene suo titulo *infra de Censitoribus*. Id inquam factum sæpe. Verum non promiscue; super desertorum enim nomine querelas eorum, qui alios præterea opulentos agros haberent non admiserunt, neque admitti voluerunt: ut Valentinianus Sen. *hac l. & l. 17.* & similiter Theodosius M. *l. 3. inf. de Censitoribus*; Honorius, *l. 31. inf. b. l. 12. inf. inf. de indulg. debitor.* & *l. 14. inf. de censitoribus*. Et quidem per Africam nominatim *h. l. & d. l. 17. inf.* Etiam in hæredibus *d. l. 17.* Scilicet nisi quid aliud interueniat, vel suadeat, æquabile id & secundum naturam est, ut opulentarum possessionum substantia alias, & desertas sustentet, quibus sunt quasi quarundam virium nervi. Atque hanc eandem æqualitatem, seu æquabilitatem vrget Arcadius *l. 8. inf. de censitoribus*. Atque hæc est *huius leg.* sententia. Quæ quidem ipsa æquitas & æquabilitas militat in *ἐναβολῇ*, & vero inculcatur *l. 4. sup.* Quæ tamen ab hac re diuersa est, & perperam cum *hac l.* commisceretur.

In *hac vero leg.* tria obiter adhuc notamus. Primum est de *Centuriis*, quarum *h. l.* mentio fit: ut & *l. 13. inf. de indulg. debitor.* In Centurias scilicet diuisi agri olim fuere: de quibus Varro, Festus, & limitum Scriptores, indeque & agri diuisi, assi-

gnati, constituti per Centurias &c. Meminit & Iustinianus *Nouella 128.* *ἐπὶ τῆς τῶν δημοσίων ἀνύσσεως*, de exactione publicorum tributorum, in eadem re. Quis vero modus Centuriæ fuerit, ostendunt Scriptores *finium regundorum*, seu de limitibus: nempe ducentorum ferme iugerum. Est tamen vbi minore modo constabat centuria, est vbi maiore, sic ut etiam ducenta decem, vel ducenta quadraginta contineret. De quo Varro, Festus, Siculus Flaccus, *p. 18. 23. & 24. ed. Rigalt. fiv. pag. 15. & 20. edit. Goer.* Fragmentum agrarium de limitibus, *p. 298. p. 337. ed. Rigalt. & pag. 216. & 292. Ed. Goer.* & vetus Agrimenor Aggenus Urbicus in Iulii Frontini de limit. agror. commentar. ab init. *pag. 59. edit. Rigalt. & pag. 44. 45. edit. Goer.* & Frontinus in libello de Colonis, *p. 90. edit. Rigalt. & pag. 109. edit. Goer.* Hyginus de limitibus, *p. 213. ed. Rigalt. & pag. 154. 216. ed. Goer.* Sane etiam ex *d. l. 13. inf. de indulg. debitorum*, apparet in vna centuria fuisse ut minimum 141. vel 144. 180. iugera. Centuriæ porro non omnes opulentæ prorsus erant, sed pro parte desertæ: atque ita militibus & veteranis assignabantur pro æstimo vbertatis, neque eadem bonitate, de quo Siculus Flaccus, Frontinus & Geodetæ Græci, in quibus Heron & Pediasimus: Ad quas centurias per Africam hanc *leg.* pertinere omnino puto, pariter ut *d. legem 13.*

Deserta porro (quod hic secundo loco notandum,) centuriæ dicuntur pariter deserti agri *l. 12. inf. deserta simpliciter*, *l. 12. inf. de indulg. deb. deserta* & squalida loca, *l. 2. inf. de indulg. debitor.* minus idonei fundi, *l. 17. inf. inutiles*, *l. 4. sup. fœnei*, defectiue, *l. 3. inf. de exactionib.* vnde & prædiorum defectio, *l. 31. inf. destitutæ possessiones*, *d. l. 31.* vetus quoque Interpretes *Nouella 7. ἀπογενέσθαι* vertit *fancam possessionem*: Antica prædia *l. 3. inf. de Censitoribus*. Tot scilicet nominibus desertæ possessiones designantur: quibus familia v. & apud Geodetas Latinos, Græcos.

Tandem obseruandum, censualibus tabulis seu polyp-

polyptici *l. 13. inf. de indulg. deb.* inditas & profellus huiusmodi centurias siue opulentas, siue desertas, *b. l. & d. l. 13.* hisque pro æstimo vbertatis tributi modum impositum: qui *Professionis* modus dicitur *b. l. & d. l. 13.* de qua *Professionis* voce *inf. tit. de Censu:* v. & Auctores *finium regundorum* Siculum *p. 21. 25. edit. Rigalt. & pag. 18. 21. edit.*

Goës. Hygennum, p. 171. 206. ed. Rigalt. & pag. 160. 198. ed. Goës. Frontinum, p. 98. ed. Rigalt. & pag. 116. ed. Goës. Vlp. l. 3. §. 15. D. de censibus. Vetus fragm. legis Agraria, CCV. 1. in eo numero agrei professus erit. Quare professio iam pro ipsa pensione tributaria hoc Codice passim b. l. & l. 12. inf. vid. Gloss. Theod.

De TRANSVECTIONE annonæ ad limitem, ex quo loco fieri debeat.

XI. (a) Idem AA. ad Dracontium Vic. Afric.

PRO loco (b) ac proximitate possessionum annonæ (c) ad limitem (d) transfuehatur: Quæ (*) iussio haut difficile capit (e) effectum, si (f) Tabularii (g) metu præsentium tormentorum, a consuetis fraudibus arceantur. Dat. xv. Kal. Iul. Med. Valentiniano & Valente Coss. [365]

NOTAE.

- (a) *Lex 6. C. Iust. eod. tit.* Et coniungenda huic, vt videtur *lex. prox. preced. 10. GOTHOFRED.*
 (b) *Locis, Cod. Iust. ID.*
 (c) *Annonam ad limites transfuebi præcipimus:* ita immutatum hoc, *Cod. Iust. ID.*
 (d) Africæ videlicet, oppositum barbaris gentibus. At Tribonianus generalius, *limites. ID.*
 (*) *Sequentia omnia a Cod. Iust. relecta sunt. ID.*
 (e) *ꝛ. Capies. ID.*
 (f) Male hic nonnulli substituunt, *nisi. ID.*

P. 21. (g) De his *Tabulariis*, iam dixi ad *leg. 9. sup. ID.*

COMMENTARIUS.

DE TRANSVECTIONE, seu CONVECTIONE, Comportatione militaris Annonæ limitaneæ a prouincialibus faciendæ, est hæc Valentiniani Sen. constitutio; cui concordant in summam quatuor præterea *leges*, puta eiusdem Valentiniani *lex 9. sup. Valentis lex 15. sup. de erog. milit. ann.* Theodosii *M. lex 21. & 22. inf. hoc tit.* Nempe vt cæteroquin subleuandis collatoribus & prouincialibus constitutum, vt in annonæ transfuectione longinquitatis itinerisque ratio haberetur, id est, vt non remoti, sed in vicinia positi possessores annonæ ad mutationes, mansiones, castra, limites subueherent, ne alioquin haberet plus dispendii translatio, quam ipsæ deuotionis seu tributorum illatio, vt diserte ait *d. lex. 22. vnde & longæ subuectionis damna vocantur l. 4. inf. de Suariis.* Ita nominatim id *hac l.* statuitur, de annonæ ad limitem & militem transfuehenda. Eadem proinde hæc parte etiam limitaneorum annonæ ratio fuit, quæ cæterarum; quod Valenti fratri pariter placuit *d. l. 15. sup. de erog. milit. ann.* Atenim alia mens postea hæc parte sedit Theodosio *M. d. l. 21. inf. h. t.* limitaneorum, quippe annonam is ab hac Regula excepit: Quod tamen Triboniano displicuisse apparet ex *ea l. in C. Iust.* hæc parte interpolata, vbi hæc verba relecta sunt, *excepta limitaneorum annonæ.* Ingens nempe ac frequens istud in Imperio Romano subinde malum, quo Prouinciales afflicti. De Britannia iam olim testis Tacitus in *vita Agricole* c. 19. *Frumenti & tributorum auerſionem æqualitate munerum mollire, circumcisſis quæ in questum reperta, ipſo tributo grauius tolerabantur: namque per ludibrium affidere clauſis horreis, & emere vltro frumenta, ac vendere pretio cogebantur: deuortia itinerum & longinquitas*

regionum indicebatur, vt ciuitates a proximis hi-bernis in remota & auia deferrent, donec quod omnibus in promptu erat, paucis lucrosum fieret. Hæc primo statim anno comprimendo egregiam famam paci circumdedit; quæ vel incuria vel tolerantia priorum, haut minus quam bellum timebatur. Omitto sub Constantino Eumenii querelam, cuius verba iam ante conſignauimus ad *l. 9. sup.* Omitto & Valeriani Imp. verba apud Pollionem in *vita Ballistæ.* Quare ingenti malo, quod per Tabulariorum nominatim (quorum muneris erat transfuectio annonæ, vt ostensum *l. 9. sup.*) fraudes inoleuerat, vt præter *hanc l.* docet *d. lex 9. sup.* subinde quoque obuiam itum, & hæc quidem lege, accerrima pena proposita; metu, inquam, præsentium tormentorum, id est, certissima, quamque evitare non possent, pœna, vltimoque supplicio, *leg. mediterraneæ 22. inf. h. t.*

Pertinet autem hæc *l.* speciatim ad limitem Africæ, quam hoc tempore Aufstoriani Mauricæque aliæ gentes solito acrius incurſabant, vt scribit Amm. Marcellinus, *lib. 26. c. 4. V. eundem & lib. eod. cap. 5. & lib. 28. cap. 6.* De translatione alioquin annonæ militaris, seu *στρονομία*, ex Aquitania ad limitem Gallicanum, vide eundem Ammianum *lib. 14. cap. 10. & lib. 17. cap. 8.* vt & ex Britannia in Gallias, vide Eunapium in *Excerptis legationum ab init. pag. 11. ed. Venet. inter Scriptor. R. B. & Zosi- mum lib. 4. c. 10.*

Et hæcenus quidem de huius *l.* sententia. Falſum enim est, quod Amaya scribit, duo hæc *l.* conſiderari citra alimoniam militum, nempe ampliores fundos & viciniore, ita vt plus ſoluant qui maiores fundos habeant, quam qui minores: & viciniore, quam longinqui, vt ſic qui habent vicini-

ora prædia limitibus ad quos annona deferenda est, plus grauentur ex eo, quod releuantur in expensis itineris, &c. Duplici errore: nam neque de maioribus fundis hic agitur, sed de vicinioribus tantum;

pro loco (inquit lex) *ac proximitate*, id est, pro loci proximitate & vicinia: neque de Collationis modo hic quidquam definitur, sed de transuersionis tantum onere.

Pro PROFVGIS & TRANSEVGIS seruis possessores teneri.

XII. (a) Idem AA. ad Fauentium. (b) Vic. Ital.

QUISQVE, (c) ex desertis agris, veluti (d) vagos, seruos liberalitate nostra fuerit conuectus, pro fiscalibus pensitationibus ad integram glebæ (e) professionem, (f) ex qua videlicet serui videantur (g) manere, (h) habeatur obnoxius. Id etiam circa eos obseruari volumus, qui ex huiusmodi fundis seruos ad possessiones suas transire (i) permiserint; Etiam, (*) si Militares viri aliquos ex his penes se retentant, (k) conueniendi primitus sunt, ut aut restituant, quos perperam petierunt, aut sciant pro tributis obnoxios se futuros. Dat. Prid. Kalend. August. Med. Valent. & Valente AA. COS. [365.]

NOTAE.

(a) *Lex 3. Cod. Inst. de Agriculis & Censitis. GOTHOFRED.*

(b) *Fauentius* Vicarius Italix sub Valentiniano Sen. cuius nulla præterea mentio mihi occurrit. *ID.*

(c) Etiam militaris, *vers. etiam, inf. ID.*

(d) *Ceu. ID.*

(e) Id est, ad integram totius tributi præstationem totius terræ nomine, quomodo Tribonianus hic vocem *terra pro glebæ*, substituit. *ID.*

(f) De hac *Professionis* voce dixi ad l. 10. *sup.* Tribonianus hic substituit *possessionem. ID.*

(g) *Videantur* manere, pro manant. v. *Gloss. ID.*

(h) Malim reponere, *manere*, quomodo etiam nonnulli *Iustiniani* habent. *ID.*

(i) Vitro scil. non etiam Principis liberalitate. *ID.*

(*) Reliqua recisa absunt a *Cod. Inst. ID.*

P. 22. (k) De hac *Retentandi* voce vide *Glossarium. ID.*

COMMENTARIUS.

SERuos ex desertis agris *CEU* VAGOS, id est, domino penitus vacantes, qui possidet, quocumque modo eos possideat, & quisquis ille sit qui possidet, totius agri deserti tributum soluere tenetur, ex hac Valentiniani Sen. constitutione: Quocumque, inquam, modo possideat, siue Principis liberalitate & a Principe petitos: siue vitro in possessiones suas transeuntes. Perperam scil. serui ex desertis agris petuntur, quod *sine legis* etiam diserte exprimitur, cum alias seruos reuera vagos eiusdem Valentiniani constitutionibus recte petere liceat, puta l. 1. 2. *sup. si vagum pet. mancip.* & Theodosii M. l. 20. *sup. de petir.* Nempe ut iniectio ma-

nus in hæc mancipia, fisco competebat, quod docet d. lex 2. ita recte ab eodem petebantur. Quod non idem dicendum est de seruis agrorum desertorum, scilicet hi non recte petuntur; nisi sub hac conditione, ut videlicet indemnitate tributorum faciant petitores, ut loquitur d. lex 2. vel retentatores. Scilicet re ipsa compertum est, hacarte, hoc colore destitutos cultoribus agros deserti, remque tributariam concidere, ac maxime, vbi in militares viros huiusmodi nequam serui incurrerent. Reliqua fuse ad d. tit. *sup. si vagum petatur mancipium.*

XIII. (a) Idem AA. ad Dracontium (b) Vic. Afric.

PLACVIT, per singulos quosque annos reliqua (c) eorum, qui Romæ (d) consistentes (e) in Africa possident, missis breuib. (f) indicari: eosdemque compelli, ut Procuratores instructos (g) ad Officium (h) Tuæ Sinceritatis, pro celebranda (i) solutione, transmittant. Ut autem nihil de transmissione (k) ac peruectione (l) obscuritatis oriatur, Tabularios (m) Præfecti Annonæ Afric. sed (n) & Urb. Romæ ad Officium quod Sollertiæ Tuæ paret, deduci præcipimus, conlaturus apud acta, quid transmissum, quid peruectum sit; cuius rei indicia (o) manere, & perferri ad Scrinia Nostra debebunt; Eo nihilominus curando, ut plena instructio ad Officium Illustris Præfecturæ Prætorianæ deferatur. Dat. xv. Kal. Nou. PARISIS. (p) A. D. 365. Acc. xv. Kalend. Feb. Karthag. (q) Post Conf. Valentiniani & Valentis AA. A. D. [366.]

NOTAE.

- (a) Abeſt hæc *lex 2. Cod. Iuſt.* Sane fugitiua eſti non proriuſſit, attamen *titulo de Canone frum. V. R.* melius reddita fuiſſet. *GOTHOFRED.*
- (b) Eidem *Dracontio* Vicario Africæ inſcribitur *lex 10. & 11. ſup. b. 2. ID.*
- (c) *Reliqua λοιπάδες. V. Gloſſ. ID.*
- (d) Et in his maxime Senatorum, de quo dixi *ad l. 7. ſup. ID.*
- (e) Id eſt, poſiti. *ID.*
- (f) De hac *Brenium* appellatione, conſule *Gloſſarium. ID.*
- (g) *Inſtructos*, ab annoniſ ſcil. *ID.*
- (h) Officium Vicarii Africæ obſerua; de quo vide *Notitiam dignitatum e Cod. Theod. ID.*
- (i) *Celebrandi* vox hac in re propria; Conſule *Gloſſarium Theod. ID.*
- (k) Ex Africa. *ID.*
- (l) Romam. *ID.*
- (m) Tabularios Præſecti Annonæ Africæ obſerua, de quo in *ead. Notitia dignitatum. ID.*
- (n) Tabularios Præſecti Urbis Romæ obſerua, de quo in *eadem Notitia. ID.*
- (o) *Indicia* hic, quod ſupra *Breuiſ.* Ammianus *lib. 21. in f. Ei vehiculo inſidenti, vt principibus ſolet, Annonæ militaris offerebantur Indicia, vt ipſi nominant, proba; & animalia publica monſtrabantur.* Quanquam ibi *Indicia* ſunt ſpecimen Annonæ. *Digmata* vocantur *l. 9. inf. de Suariis.* Simili ſignificatu *Indicium, l. 10. inf. de ſuperexact. ID.*
- (p) *PARISIIS* data hæc *lex*: de quo mox. *ID.*
- (q) *Karthagine* ſedebat Vicarius Africæ. *ID.*

COMMENTARIUS.

ANNONÆ VRBICÆ, ſeu annonæ, Urbis Romæ, (quæ ſolemniter ex Africa Romam tranſmittebatur) ne fraus aliqua fieret, hac conſtitutione occurrit Valentinianus Sen. Quicæteroquin hac tempeſtate Annonæ Urbicæ ſerio proſpexit, quo & incorrupta & integra Romam tranſmitteretur, quod docet etiam *lex 2. inf. de canone frument. Urb. R.* quæ Præſecto annonæ inſcribitur, hoc ipſo Anno 366. Igitur & eo pertinent duo huius *l. capita.* Primo capite, ſolutioni ipſi cauendum credidit: ne forte per abſentiam eorum, qui annonam præſtare debebant, ea minus ſolueretur. Plurimi nempe, & in his maxime Senatores, Romæ conſiſtentes, per Prouincias poſſidebant, ac nominati in Africa, quod præter hanc *l.* docet quoque Symmachus *lib. 7. ep. 66.* Quare cum abſentibus iis non tam facile annonæ urbicæ exigi poſſent, plurimæque in *Reliquis* reſiderent, coloniſ & actoribus non ſatiſfacientibus, ſequentia duo Valentinianus Sen. conſtituit. *Primo*, per ſingulos annos hæc reliqua miſſis Breuib; a Vicario Africæ indicari oportere. *Secundo*, poſſeſſores Romæ conſiſtentes, Procuratores inſtructos (ab annoniſ ſcil.) ad ſolutionem faciendam ad officium Vicarii Africæ tranſmittere oportere: Procuratores, vel Actores, ut *l. 4. inf.* Et hæc ipſam ſolutionem ſpectant. *Secundo* capite, ne *Tranſmiſſioni & peruectioni* annonæ urbicæ quoque fraus aliqua fieret, hæc conſtituenda putauit: *Primo*, collationem apud Acta Vicarii Africæ faciendam a Tabulariis; collationem, inquam, tranſmiſſionis, id eſt, quantum annonæ ex Africa tranſmiſſum fuerit; *Rur-*

P. 23 ſum collationem peruectionis, id eſt, quantum reuera Romam fuerit peruectum, vt ita liquere poſſit penes quem fraus reſideat Annonæ interuerſæ: Modum autem collationis hunc præſcribit, nempe ad id faciendum vtriuſque Præſecti annonæ, tam Præſecti annonæ Africæ, quam Præſecti annonæ Urbis Romæ (quorum ille tranſmittendæ Romam, hic peruectæ ſuſcipiendæ & adminiſtrandæ ſolicitudinem gerebat) Tabularios, per quos ſcil. rationes huius annonæ con-

ſciebantur, ad Vicarium Africæ perducere oportere, ibi collaturos, quid tranſmiſſum, quid peruectum ſit, atque id omne in ſcripturam redigendum, ſeu vt loquitur *lex, Indicia* conſcienda, de qua voce iam in *Notis* dixi. Hoc ita facto ad ſcrinia Principis hæc Indicia perferri oportere: *Tandem & Præſectum Prætorio* (quem totius Annonæ cura ſpectabat) plene ſuper hoc inſtruum. Quæ omnia vt exactam urbicæ Annonæ conſulendi rationem continent; ita quam variæ Dignitates & Officia circa hanc annonam Urbis Romæ occupata fuerint, edocent. Nempe ſummo loco Præſectus P. poſt hunc præſecti duo Annonæ, quorum vnus in Africa, alter Romæ; ille tranſmittendæ, hic tranſmiſſæ ſuſcipiendæ deſtinatus. Vtrique ſuos & varios Officiales habentes, & in his Tabularios, qui annonæ tranſmiſſæ & peruectæ tabulas ſeu Indicia conſciebant; de quibus ſpecialius *inf. de canone frumentario Urbis Romæ*, ubi hæc *l.* melius quadraret. De Præſecto Annonæ Africæ illud interim moneri operæ pretium, cuius prima mentio occurrit in *l. 8. inf. de exactionibus: l. 12. de Nauicular. l. 2. de naufragio*, poſteaquam Africana annona Urbis Romæ deſtinata, Alexandrina vero Conſtantinopoli, exinde iam peculiare & nouos Præſectos annonæ duos inſtitutos, quorum vnus Karthagine Præſectus annonæ Africæ, de quo *b. l. & dictis legibus*: alter Præſectus annonæ Alexandriæ, de quo *l. 3. inf. de ſuſceptorib.*

Neque huius legis ſubſcriptionem omittere poſſum, caræ mihi ciuitatis contemplatu, vnde mihi origo. *Dat. PARISIIS.*

PARISIIS ſcil. Valentinianus Sen. ſine A. D. 365. conſtitit: vnde data hæc *lex* ſine huius Anni, & duæ præterea *hoc Cod.* conſtitutiones, puta *lex 3. ſup. de metallis: lex 11. ſup. de Numerar.* Et vero hæc pertinet Ammiani locus *lib. 26. cap. 5. in geſtis huius Anni 365.* Circa id tempus, aut non multo poſterius, in Oriente Procopius in res ſurrexerat nouas: quæ PROPE KAL. NOVEMBRIS venturo Valentiniano PARISIIS, eodemque nuntiata ſunt die. Qui Ammiani

miani locus suadere videatur, non *XV. Kal. No-
uembr.* hanc leg. datam, sed citiore aliquo Kalendarum Nouemb. die. Idem sane Ammianus *initio lib. 27.* Anni seq. 366. initio, eundem Valentinianum Parisiis hæsisse testatur *cap. 2.* Neque dubito, ad hanc ipsam ciuitatem, imo & ad hoc ipsum tempus referri oportere fidem illam, quæ inter *fragmenta* Hilarii, ex V. C. Petri Pithæi bibliotheca apud PARISIAM Ciuitatem, (ita enim rescribendum,) exposita ab Episcopis Gallicanis ad Orientales Episcopos missa dicitur. Nempe Parisiis congregati Episcopi Gallicani, occasione præsentis Valentiniani Imp. & quidem agente id & promovente Hilario Ep. Pictauiensi: quod ut ex ea ipsa fide satis colligere licet, ita & hanc inter cæteras

Parisiensem Synodum respexit Sulpitius Seuerus *lib. 2. cap. 45.* cum ait, Hilarium post reditum ab exilio cunctos ad emendationem & poenitentiam reuocasse, *frequentibus*, inquit, *intra Gallias conciliis*, atque omnibus fere Episcopis de errore prostentibus apud Ariminum gesta condemnant, & in statum pristinum Ecclesiarum fidem reformat. Iidemque de Saturnino Arelateni Ep. Ecclesia eiecto subiicit: quod & ipsum in Parisiensi illa Synodo memoratur. Inuat nunc breue Chronicon horum temporum oculis subicere, de vrbe Parisiensi, cuius etiam fit mentio in *Itinerario Peutingeriano Tabula 2. pag. 730. Operum M. Velferi edit. Norimbergens.*

CHRONICI PARISIENSIS PARS.

Sub CONSTANTIO Imp. &
IULIANO C.

AN. DOM. 358.

IULIANVS C. cum anno superiore apud SEMONAS hyemem exegisset, inde aduersus Germanos moturus, REMOS primum progressus, mox post Argentoratensem pugnam, FRANCORVMQVE conatus circa Mosam fluium, Decembri mense superioris anni, & Ianuario huius anni, repressos, acturus hyemem PARISIOS reuertit: Ammianus *lib. 16. cap. 12. lib. 17. c. 2.*

Iulianus apud PARISIOS hyemem agens, ante mentem Iulium in Alemannos & FRANCO SALIOS, Chamauos rursus mouet. Ammianus, *lib. 17. cap. 8.*

AN. DOM. 359.

Militis cuiusdam, Equestri turma militantis, apud PARISIOS nati, vindictæ ob commissum facinus metu ad Persas profugi, meminit Ammianus *lib. 18. cap. 6.*

AN. DOM. 360.

Iulianus C. hyemem agit apud PARISIOS, unde Britannis subsidio ire noluit, ne Rectore vacuas relinqueret Gallias, Alemannis tum ad sæuitiam incitatis & bella. Ammianus, *lib. 20. initio.*

Cum Constantius milites ex Galliis in Orientem euocasset, placuit eos per PARISIOS transire, ubi morabatur adhuc Cæsar nusquam motus; contra consilium & monita Iuliani, qui id maxime suaserat, veritus, ne id quod accidit, miles viso Cæsare res nouas agitare, ut scribit Libanius in *Orat. funebri pag. 284. edit. Morell.* & Iulianus ipse in *ep. ad Athenienses. pag. 284. edit. Lips. Spanhem.* Iisdemque aduentantibus in Suburbanis [*Paristorum*] occurrit Iulianus, eosdemque beneuolentia magna affatus, sibi conciliavit.

Mox PALATIVM [*Paristenfe Iuliani*] petiuere, ubi Iulianum Augustum appellauere, & ipsum seuto pedestri, & sublatius eminentem, populo silente Augustum renuntiauerunt, torque

draconarii capiti eius imposito. His auditis P. 24. etiam illi, qui antegressi iam fuerant duce Sinta, cum eo iam secuti PARISIOS reuerfi: Iulianus tribunali ascenso, oratione ad eos habita se commendauit, hoc inter alia statuto, dignitatum gradus & processus non alieno suffragio, verum meritis suffragantibus, a se deinceps conferendos. V. Ammianum *lib. 20. cap. 4. & 5. Zosimum lib. 3. cap. 9.*

Iulianus apud PARISIOS hybernis locatis, de Augusta dignitate sibi collata ad Constantium literas dedit. Ammianus *lib. 20. cap. 8. Zosimus, d. 1. 3. cap. 9.*

Constantius de his certior factus Leonam Quæstorem suum in Gallias misit: qui PARISIOS ingressus. Ammianus, *lib. 20. cap. 9.*

Inde mox Iulianus in limitem Germaniæ secundæ aduersus FRANCO Athuaros egressus est, Marcellinus *lib. 20. c. 10.*

Memorat Ammianus *lib. 21. c. 2.* & Iulianum apud PARISIOS exercuisse se in campo: simul & memorat, quid ei enenerit scutum quatienti.

Iulianus ipse in *Misopogone* suæ ipsius moræ PARISIIS meminit: eamque simul describit, & æreum commendat, quidque ibi occasione camini calefacti sibi contigerit, *pag. 340. 341. edit. Lips. Spanhem.*

Sane vocat eam *pag. 340. charam Lutetiam* Φιλὴν Λευκίαν: Lutetiam appellat PARISTORVM πολίχνην oppidum: vocat ἡσσαν *Insulam* & μεγάλην. Ammianus quoque *lib. 15. c. 11.* (qui sub Theodosio M. scripsit.) uocat *Lutetiam Paristorum castellum*, circum clausum ambitu insulari.

Pontes vtrunque ad eam sublicos fuisse, idem Iulianus scribit. *pag. 340. Zosimus lib. 3. c. 9.* vocat *Γερμανίας πολίχνην*: cum debuerit dicere *Λαγδανήσιαν.*

Sub VALENTINIANO
SENIORE.

AN. DOM. 367.

Valentinianus prope Kal. Nouembris PARISIOS venit, Ammianus *lib. 26. cap. 5.*

Constitutiones itaque aliquot PARISIIS a Valentiniano datæ hoc Anno; xv. Kal. Nouemb. *lex hæc 13. Cod.*

Cod. Theod. de Annona & Trib. ad Dracontium Vic. Africa iv. Id. Decemb. *lex 3. Cod. Tb. de metallis*: ad Cresconium Com. Metallorum Prid. Id. Decemb. *lex n. C. Tb. de Numerariis* ad Rufinum PP.

SYNODVS apud PARISIAM ciuitatem habita ab Episcopis Gallicanis: promouente Hilario Ep. Pictauiensi: vbi fides exposita & ad Orientales Epp. emissā, condemnata Synodo Ariminiensi. Quæ extat inter Hilarii *fragm.* Quam proculdubio, & Seuerus Sulpitius intellexit *lib. 2. cap. 45.* Neque dubito, quin ea Synodo Saturninus Arelatensis Ep. Ecclesia eiectus fuerit: vt indicium facitea fides *in fin.*

AN. D. 366.

Valentinianum initio huius Anni PARISIIS adhuc egisse duobus locis ostendit Ammianus *lib. 27. cap. 2.* vbi Alemannorum statim post Kal. Ianuarias in Germaniam transitum, Chariettonis Ducis per Germaniam interitum, & vexilla quædam direpta, ait, hac clade cum vltimo mœore [a Valentiniano] comperta, correcturum huiusmodi gesta Dagalaiphum a PARISIIS missum. Addit accitum paulo post, vt cum Gratiano susceperet insignia Consulatus, Iouinumque Equitem Magistrum accinctum &c. Mox subiicit Iouino redeuntī PARISIOS post claritudinem recte gestorum Imperatorem (Valentinianum) lætū occurrisse, eumque postea Consulem designasse.

Inde Remos progressus Valentinianus; v. Ammianum, & *Chron. Theod.*

Sub GRATIANO.

AN. D. 383.

Gratianus Imp. Parisiis Merobaudis Magistri militum prodicione superatus fugiensque apud Lugdunum occisus est, viii. Kal. Septembr. vid. *Chronicon Theodos.*

Sub VALENTIN. IVN. ET THEODOSIO M.

AN. D. 390.

Ammianus Marcellinus *lib. 15. cap. 11.* In illa insigni de Gallis *ἐκβάσει*, eiusque descriptione, eius quoque meminit, PARISIORVM castellum, Lutetiam nomine appellat. Addit, circumclaudi ambitu insulari: inde Sequanam & Matronam confociatim meare, meantesque protinus prope castra Constantia fundi in mare.

Sub VALENTINIANO III.

AN. D. 427.

Fit eius mentio duobus locis in *Notitia Imperii.* Ibi quippe memoratur, *In prouincia Lugdunensi Senonia, fol. 179. Præfectus classis Anderetianorum PARISIIS.*

Item *ibid. Præfectus Sarmatarum Gentilium a Chora PARISIOS vsque.*

Erat scil. hæc classis, vt & Sarmatæ Gentiles, illis locis, aduersus FRANCOS & BVRGVNDIONES, qui vicina iam tum loca tenebant: Chora fluuius est, qui hodie *Chœur*, non procul ab Augustoduno, Aualonem & Antifidorum inter.

P. 25.

XIV. (a) Idem AA. ad Modestum PF. P. (b)

PENES (c) quos fundorum dominia sunt, pro his Colonis (d) originalibus, quos in locis hisdem (e) censos (f) esse constabit, vel per se, vel per Actores (g) proprios, recepta Compulsione (h) sollicitudine, implenda munia functionis (i) agnoscant. (k) Sane quibus (l) terrarum erit quantulacumque possessio, qui in suis (m) conscripi (n) locis proprio nomine libris censualibus detinetur, ab huius (o) præcepti commonitione (p) discernimus: eos enim conuenit propriæ commissos mediocritati annonarias functiones sub solito Exactore cognoscere. (q) Dat. Kal. Maii. Constantinop. Gratiano (r) A. & Dagalaifo Coss.

NOTAE.

- (a) *Lex 4. Cod. Inst. de Agriculis censitis & colonis.* Concordat *lex 2. inf. sine censu vel reliquis*, & *lex 3. inf. de censu.* GOTHOFRED.
- (b) *Modestus* PP. Orientis sub Valente Imp. v. *Prosopogr.* vbi plene de eo dico ex Libanio, Am. Marcellino, Basilio, Gregorio in *Monodia Basilii*, Zosimo, Socrate, Idacio. *ID.*
- (c) *Hi penes quos* C. Inst. addita voce *bi.* *ID.*
- (d) De Colonis his consule *Paratitlon de fugitiuis colon.* *ID.*
- (e) *Eisdem.* C. Inst. *ID.*
- (f) *Censos* C. Inst. quod idem est. Sic Tertullianus *Apolog. cap. 13. Flominum capita stipendio CENSA ignobiliora.* *ID.*
- (g) *Exactores* C. Inst. male. *ID.*
- (h) De *Compulsoribus* dico ad *l. 34. inf. b. s. ID.*
- (i) *Functio*, plenius *sive l. functio* annonaria. *ID.*
- (k) *Cognoscant in fine leg. Agnoscendi* vox in hac re propria, v. *Gloss. & l. 17. inf. ID.*
- (l) Colonis scil. *ID.*
- (m) Proprius, ad se pertinentibus. *ID.*
- (n) *Conscripi* vox hac in re propria, vt apud Græcos *ἀνεγράφειν*, qua voce vitur Basilius *ep. 278.* (liu. 281. *edis. Benedicim.*) ad eundem PP. Modestum, qua eum rogat, vti Presbyterorum & Diaconorum immunitas a censu his seruetur. *ID.*

(o) *Huiusmodi* Cod. I. RITTER.

(p) *Communione* C. Iust. Neque tamen istud mutem: neque *Communitionem* vocat Imperator superius præceptura. GOTHOFRED.

(q) *Aguoscere*. C. Iust. vt sup. *initio* l. & l. 17. *inf.* ID.

(r) Male Consilatus hic ita notatur *hac* l. & l. 10. *sup.* de *pœnis*: & l. 1. *sup.* de *postliminio*: Nondum enim Gratianus Augustus erat. Rectius *Nob* P. vt in aliis *legib.* & in *Consularibus*. Imo in totum male hic Consilatus *huic* l. adscriptus: subscribens enim Gratianus A. 11. & Probo COSS. id est, A. D. 371. Modestus enim ab Anno decimum 370. Præfectus Prætorio Orientis fuit; vt alibi ostendo. ID. Vide *Chronologiam*, ad annum 366. & ibi *Petri Relandi* observationem. RITTER.

COMMENTARIUS.

PRO COLONIS an & quando fundorum domini tributa soluere cogantur, definit *hac* l. Valens Imp. Pro colonis, inquam, originalibus: Coloni scilicet originales: ipsa originis ratione, seu nascendi sorte fundos dominorum colebant, iisque adscripti & adstricti erant: de quibus dixi semel plene ad l. 1. de *fugitiuis colonis*. Igitur in hoc argumento ita distinguit Valens Imp. Vel coloni isti originales in Dominorum locis tantum censi vel censiti sunt, id est nullas habent ipsi proprias terras vel possessiones: vel iis est terrarum quantalacunque possessio, atque ideo in suis conscripti locis proprio nomine libris censualibus detinentur. Priore casu, domini fundorum, penes quos fundorum domania sunt, functiones pro colonis his implere seu tributa annonaeque soluere teneantur: & quidem vel perse, si videlicet praesentes sint; si absentes, per Actores suos: male enim *Cod. Iust.* per *Exactores*, : vel Procuratores, vt l. 13. *sup.* Nempe qui in distictis & diuersis prouinciis locisque fundos habebant, in his Actores habebant, qui eorum curam haberent, pensiones exigerent, de quibus passim *hoc Codice*, & apud Symmachum. Vid. vel lib. 5. ep. 87. (vbi inter alia, quod huic l. conuenit: Graue est enim nos quidem pro agris nostris Functionibus publicis esse munificos, Actores autem locorum, ne id quidem vel le redhibere, [soluere] quod sciunt per annos singulos esse soluendum.) Et lib. 9. ep. 6. 15. Ergo Domini ipsi hoc casu tributa pro colonis soluere tenentur, *recepta*, inquit, *compulsio* sollicitudi-

ne, id est, quæ interpretatio huc adferri potest, compellendorum colonorum ad solutionem onere in se recepto. Nempe fiscus remitti a dominis ad colonos non potest: verum etsi coloni pensiones non soluerint, ipsi domini fisco tenentur; saluo (vt hodie loquitur) regressu aduersus colonos: qui regressus, *Compulsio* sollicitudo vocatur. Nisi potius putemus, id his verbis indicari, dominos a *Compulsoribus* exigi posse: de quibus *Compulsoribus*, ad l. 34. *inf.* b. t. Posteriore vero casu, domini pro colonis non tenentur, earum videlicet possessionum nomine quas coloni proprio iure possident: nam & hi libris censualibus proprio nomine retinebantur: seu censualibus libris adscripti erant, sua scilicet quemque opera ferre æquum est. Quæ & ipsa sententia est *legis* 7. *sup.*

Hinc interim colligimus colonos etsi originales, etsi dominos agnoscerent, fundisque alienis nascendi sorte adstricti essent, attamen proprios quosdam aliquando fundos habuisse: & quidem modicos. Vnde *ὡς οὐκ οὐκ* illa: quibus erit *QVANTVLACVNQVE* possessio: & mox: eos enim conuenit propria commissos *MEDIOCRITATI* annonarias functiones sub solito *Exactore* cognoscere. Denique peculia sua quædam habebant, vt docet *lex* *vn. sup.* de *Inquilinis colonis*, l. *vn.* ne colonus in scio domino suum alienet peculium: l. 2. *Cod. Iust.* in quib. causis coloni dom. accus. *pos. l. vn. C. cod. de colonis* *Thrac.*

P. 26.

XV. (a) Idem AA. ad Probum PF. P. (b)

VNVSQVISQVE annonarias species, pro modo capitationis (c) & fortium, (d) præbiturus, (e) per quaternos menses anni curriculo (f) distributo, tribus vicibus summam conlationis implebit. (g) Si vero quisque (h) vno tempore omnia sua debita (i) optat expendere (k) proprio in accelerandis necessitatibus suo (l) vtatur arbitrio. Dat. xiv. (m) Kal. Iun. Remis, (n) Gratiano & Dagalaifo Coss. [366.]

INTERPRETATIO. *Ista lex hoc præcipit, vt in inferendo publicis borreis tritico, quod debet possessor pro rata canonis sui tribus illationibus, id est, quaternis mensibus singulas debitorum partes acceleret, vt per annum summa debiti canonis impleatur. Erit autem in ipsius arbitrio, si celerius potuerit, debita frumenta conuehere.*

NOTAE.

(a) Absit hæc lex a *Cod. Iust.* concordat huic *lex* *prox.* 16. & *lex* 15. *inf.* de *susceptoribus*: *lex* 11. *inf.* de *Exactionibus*. GOTHOFRED.

(b) *Probus* PP. sub Valentiniano Sen. cuius vero Præfecturæ hoc Anno 366? Non Italix: Anno quippe decemum 368. PP. Italix factus est post Rufinum, qui eam administrauerat A. D. 366. 367. vt docet *Chronologia*, & Anm. Marcellinus lib. 27. cap. 7. Quare PP. Galliarum hic accipiam: cuius Probi Præfecturæ Prætorianæ mentio in l. 1. *Cod. Iust. ne rei domin. vel templor.* & in tribus veteribus Inscriptionibus, quarum duæ Romæ: tertia Calderii prope Veronam. vide Gruterum CCCL. 1. 2. 3. & *Prosopograph.* ID.

(c) De hac *Capitationis* voce mox. ID.

(d) De hac *fortium* voce mox. ID.

(e) Absit *præbiturus* a *Cod. W.* RITTER.

(f) *Cir.*

de eundem & lib. XII. Var. 10. Tertius XII. Var. 16. Possessorum te precipimus admonere, ut trina illatione seruata assensu tributarium deuotus exsoluat: quatinus nec aliqui se sub immatura compulsionem ingeniscat exactum, nec iterum remissione letata [tentati] quisquam se dicat esse prateritum.

Cæterum huius instituti auctor mihi omnino videtur hic idem Valentinianus Sen. prouinciarum æquissimus tutor, in prouinciis admodum parcus, & tributorum vbique molliens sarcinas, quod Amm. Marcellinus de eo scribit lib. 30. cap. 9. quod ex hac l. & d. l. 3. inf. de conlat. fundor. quæ omnium prima est, & l. u. inf. de Exactionib. & d. l. 15. inf. de susceptoribus, haud obscure colligere licet: Et omnium expressissime ex d. l. u. Illud etiam, inquit, moderationi ADIECIMVS, ut tripartita esset inlatio Fiscalium pensionum: ubi vide etiam quæ de huius iuris processu ibi notamus.

Quancumque vero hæc ita constituantur, in arbitrio tamen cuiusque collocatur, ut vel vno tempore vnicaque solutione si velit, integrum annum, seu annuæ farium canonem expendere, id est, soluere festinata solutione, præstareque possit: id quod ipsum indicatur & l. 35. inf. hoc tit. & l. 4. Cod. Iust. de collat. fundor. patrimon. Ante Valentinianum, vna solutione circa finem anni eas inferri oportebat, quod indicat lex Valentiniani nostri 3. inf. de conlat. fundor. patrimon.

Et hæc quidem de Annonariis speciebus. Alia vero auri, seu auraræ præstationis ratio est: nempe idem Valentinianus aurum, quod circa finem anni inferri oportebat: intra quadraginta videlicet postremos anni dies, ex die X. Kal. Decembribus, in pridie Kalendas Ianuarias, quandocumque intra annum solui permittit, non tripartita solutione, verum vel vna, vel pluribus etiam: l. 3. inf. de conlat. fundor. patrimon. quod etiam Constantinus M. constituerat d. lege 2. inf. de susceptoribus. Ad quod ius postea Honorii constitutione reditum videtur, l. 32. inf. de susceptoribus: De cuius discriminis vel exæquationis ratione ad eas leges dicitur.

Atque hæc quidem de huius l. sententia: ubi duo adhuc notanda vel illustranda veniunt. Primum est de Capitatio: Capitatio vel de prædiis ipsis dicitur seu de modo quodam possessionis, qui census erat; vel de ipso census modo adscripto & imposito per capita seu iuga; quo sensu & l. 33. inf. & l. ult. inf. sine censu: ubi quoque dixi, & l. 2. inf. de immunit. concess. l. u. de exactionibus: l. 2. 4. & ult. inf. de censu: l. 2. sup. de excoctione: l. 36. inf. de decurion. l. ult. de patrocinii vicorum: l. 1. sup. ne quid pub. latitia. Hinc Capitatio & sortes hic iunguntur: capitatio prædii dicitur, l. 9. C. Iust. de act. empti: Vox hæc deducta a Capitibus, id est a iugis: Hinc & Capita siue iuga, l. ult. inf. de collat. donatar. l. 5. inf. de itinere mun. l. 6. inf. de extraordinar. Ingatio vel capitatio, l. ult. inf. de censu. l. u. inf. de exaction. iugorum capitatio, l. 1. inf. de immunit. concessa.

Hoc sensu Eumenius Gratiarum actione Flauientium nomine ad Constantium M. Septem milia CAPITVM remisisti, quartam amplius partem nostrorum CENSVM. Et mox: remissione ista septem millium capitum, viginti quinque millibus

dedisti vires. Eodem sensu Ammianus Marcellinus lib. 16. cap. 5. de Iuliano. Primitus partes eas (de Gallis loquitur) ingressus, pro CAPITIBVS singulis tributi nomine vicenos quinos aureos reperit flagitari, discedens vero septenos tantum, munera vniuersa complentes. Quo loco errant, qui vocem illam accipiunt pro capitis personæ tributo, seu censu. Idem Ammianus Marcellinus lib. 17. cap. 3. Dum eremissis, inquit, POSSESSIONVM damnis mederi posse credebatur, TRIBVTI Ratiocinia dispensauit: cumque Florentius PP. cuncta permensus, ut contendebat, quicquid in CAPITATIONE deesset, ex conquestis se supplere firmaret, talium gnarus, animam prius amittere, quam hoc finire fieri memorabat. Mox: Iulianus scrupulose computando & vere, docuit, non sufficere solum, verum etiam exuberare CAPITATIONIS calculum, ad comiteatum necessarios apparatus.

Eodem sensu Saluianus lib. 5. de Gubernat. cap. 8. Exterminati agellis suis, cum rem amiserint, amissarum tamen rerum tributa patiuntur: cum possessio ab his recesserit, CAPITATIO non recedit: proprietatibus carent, & vectigalibus obruuntur. Sidonius Apollinaris etiam Carmine 13. v. 19. 20. ab Imp. Maioriano, trium capitum remedium, seu releuationem postulauit, capta per deditionem Lugduno;

Geryones nos esse puta, monstrumque tributum:

Hic capita, ut viam, tu mihi tolle tria.

In Isidori Glossis, Capite census, Taxatio possessionum: Quare falluntur Iurisperiti nonnulli, sed & Sidonii Interpretes, qui aliter vocem Capitatiōis interpretati sunt. Et hæc de Capitatio.

Sortes (quod secundo loco notandum) hic & l. ult. sup. de locat. fund. iur. emphyt. non dicuntur quasi sorti commissæ, vel quæ per sortem contingunt in vna forte ductam; verum sunt possessiones & moduli agrorum certa mensura comprehensi. Fragmentum Agrarium de limitib. p. 216. edit. Wil. Goetti. Duo iugera iuncta in vnum quadratum, agrum efficiunt, quod sint in omnes partes actus bini in hunc modum. Quidam primum appellatum dicunt SORTEM, & centies ductum, Centuriam. Quomodo & Iulianus in Misopogone in fine, pag. 370. Oper. edit. Lips. Spanhem. γῆς κλήρες, ἵμας, τετραγώνος & φασὶν ἀπὸ τῆς ἑκάστης, ἀγροὶ ἰούγεον τριῶν μιλῶν ἰνσφρῦτος esse dixisti. Hinc & sortem suam claudere, Visigoth. lib. 8. tit. 5. l. 5. Hinc & Cap. 29. pitationis modus & sortium pro eodem, hac l. de quo ad leg. 2. inf. de censu: Hinc & fors pro hereditate, indeque Consortes, qui alias Cohæredes, l. 31. §. 4. D. de excusat. in veteri Inscript. apud Gruterum DXVI. 5. apud Festum voce erctum, & disertiones, & Sidonium lib. 4. ep. 24. Imo integræ etiam gentis regniue fors: hinc limes Gothicar fortis apud eundem Sidon. lib. 7. ep. 6. promotæ fortis limes, Eidem lib. 8. ep. 3. Sortes Vandalorum apud Victorem Vticensem lib. 3. Κλήροι Βανδύλων, Procop. Vandal. lib. 1. cap. 5. Sortes Gothicæ, leg. Visigoth. 10. tit. 2. l. 1. Gregorius Turonens. lib. 4. c. 50. Nisi me permiseris per tuam sortem hunc fluuium transire, cum omni exercitu meo super te pergam.

XVI. (a) Idem AA. ad Dracontium. (b)

PROVINCIALES nostri tributa fiscalia per anni curriculum triperita satisfactione restituant. (c) Dat. VIII. Kal. Nou. Nicomediae, (d) Post Consulatum Gratiani A. & Dagalaifi. [367.]

NOTAE.

(a) Abeft & hæc *lex* a *Cod. Iust. GOTHOFRED.*

(b) Vicarium Africae, cui inscribuntur quoque *lex* 10. 11. 13. *sup. hoc tit.* imo & hoc ipso anno, mense Aprilis extremo *lex* 4. *inf. de præd. nauicul. ID.*

(c) *Restituant* hic pro simplici præstant, pariter vt *l. 18. inf.* vide plura exempla in *Gloss. Theod. ID.*

(d) Non videtur hæc vox hic stare posse: de quo *mox. ID.*

COMMENTARIUS.

DE TEMPORE SOLVTIONIS tributorum triperita satisfactione per quaternos menses, eadem est huiusce legis sententia quæ superioris 15. *sup.* ad quam plene dixi. Illud hic tantum videntum est, cuiam Imperatori ea accepto ferenda sit. Sane enim, si subscriptioni stamus: vbi hæc *lex* data dicitur *Nicomediae*, tum Valenti adscribenda videatur: vtpote ad cuius Imperium Bithynia, & in ea *Nicomedia* pertineret: non vero Valentiniano, qui hoc tempore in Galliis agebat, vt videre est in *Chronologia Legum huius Anni*, & quidem vel Treuiris, vel Remis, vel Nemaſiæ, vel Ambianis, vbi & Gratianus a patre Augustus creatus fuit. Viceuerſa argumento inscriptionis tribuenda videatur hæc *lex* Valentiniano: dicitur enim data ad *Dracontium*: qui sane Vicarius Africae fuit: ad quem datæ plures leges A. D. 364. 365. & in his *hoc ipso titulo tres leges*, puta *lex* 10. 11. 13. *sup.* Imo & hoc ipso Anno 367. ad eundem data, dignitate expressa, Remis *lex* 4. *inf. de præd. nauicular.* & ad eundem, dignitate pariter vt hic omiſſa, data *Nemaſia lex* 3. *inf. de ponderatoribus*, vbi & Consula-

tus pariter vt hic designatur, *Post Consulatum Gratiani & Dagalaiphi*. Quare Valentiniano adscribenda videtur, non vero Valenti: qui etiam hoc Anno, Gothico bello illigatus non in Bithynia *Nicomediae* egit, verum in Thracia & Myſia Marci-anopoli, vel Dorostori: vt docet *Chronologia legum*. Proinde *Nicomedia* alia a Bithynia hic quærenda fuerit, vel certe alterius loci nomen substituendum: putet quis *Icoregiam* hic quadrare, quæ inter Remos & Treueros est. Ego *Nicomedia* nomen non temere inuitem: non magis quam *Nemaſia*, d. l. 3. *inf. de ponderatoribus*, & vtramque in Gallia Belgica vel prope collocem. Si mutare hic licet, pro *Nicomedia*, forte reponendum *Nimetaco*: transpositis duabus syllabis, vel *Nicromedio*: Certe, hoc tempore, vt & proximis annis cum Alemanni Gallias vastarent, inter alia memorat Ammianus Marcellinus *lib. 28. cap. 2.* Valentinianum a primis fundasse auspiciis, munimentum celsum & tutum præterlabente *Nicro* fluuio: quod & validum fuit, meatu fluminis aliorſum quoque verſo, labore militis.

XVII. (a) Imppp. VALENTINIANVS, Valens & Gratianus AAA. ad Crescentem (b) Vic. Afric.

HEREDES scribi, etiam pro minus idoneis (c) fundis, fiscale onus cogantur agnosce-re: (d) vel si renuntiandum hereditari putent, cedant his omnibus rebus, quas ex hisdem bonis quocumque titulo & iure perceperint. Dat. IV. Id. Iul. Contionaci, (e) Gratiano A. II. & Probo Coss. [371.]

INTERPRETATIO. *Hii qui heredes testamento scripti sunt, hereditariorum agrorum onus, id est, tributum cogantur agnoscere. Quod si hereditatem sibi damnosam credunt, cedant hiis omnibus rebus, quæ eis de hac ipsa hereditate poterunt prouenire.*

NOTAE.

E. 29.

(a) *L. 4. Cod. Iust. de omni agro deserto. GOTHOFRED.*

(b) *Crescentium*, *Cod. Iust. male*. Eidem Crescenti Vicario Africae inscribitur *lex* 9. *sup. de aſſorib. & procuratoribus* sed quæ perperam ad A. D. 365. refertur: retrahenda enim ad A. D. 373. v. *Consul. Theod.* Eiusdem meminit, Amm. Marcellinus *lib. 28. extremo*, in gestis huius ipsius Anni 371. *ID.*

(c) *Minus idonei fundi*, v. dicta ad *l. 10. sup. ID.*

(d) *Agnosendi* verbum proprium in hac re tributaria: dixi ad *l. 14. sup. ID.*

(e) *Contionaci*, (*Contionati* alibi expressum) tres aliæ constitutiones hoc mense ipso Iulio, & superiore Iunio datæ occurrunt: puta *lex* 5. *sup. de custod. rerum*: *lex* 3. *sup. de denuntiis*. *lex* 1. *sup. de naturalib. filiis*. *Contionacum* porro istud fuerit necesse est inter Treueros & Mogontiacum, vel circumcirca, quibus locis hoc Anno constitit Valentinianus: V. *Chronolog. nostram*, & Amm. Marcellinum *lib. 29.* in huius anni gestis *cap. 4.* Forte *Contionacum*, quæ hodie *Crucianicum*, *Krutzenach*, vel *Gentzingen* ad Nauam, *ID.*

COMMENTARIUS.

STERILIVM, seu minus idoneorum, simul & **ſecundorum** fundorum compensatio ad integra tributa ſoluenda, vt circa dominos obtinere debet, de quo *l. 10. ſup.* ita hac euſdem Valentiniani Sen. conſtitutione, per eandem Africæ diaceſim, circa **HÆREDES** ſcriptos firmatur: Nempe omnium ex æquo hæreditariorum fundorum nomine ſibi delatorum hæredes tributa agnoſcere tenentur, niſi malint ex æquo omnibus rebus hæreditariis renunciare. Nam, vt cæteroquin commodi & incommodi connexi, circa idem videl. connexa quoque ratio eſt, & hæres pro parte hæreditaria ſcindendo adire non poteſt, quaſdam partes repudiando, quaſdam agnoſcendo; *l. 1. 2. 36. D. de acquir. hæred. l. 20. in ſ. Cod. Inſt. de iure delib. l. 6. Cod. eod. de impub. & aliis ſubſtit. l. 38. D. de legatis 1. Paulus 3. ſentent. 6. 6. 12.* quæ etiam eſt vulgatæ regu-
læ *7. D. de regulis iuris ſententia*: Ita & hæredes vnius fundi nomine onus deſugere non poſſunt; tributum, inquam, deſerendo ſeu repudiando: vel eius nomine immunitatem poſtulare. Quomodo in ſp. huius *l.* factum fuiſſe videtur, cum videl. hæredes quidam ſcripti immunitatem non idoneorum fundorum nomine petiſſent apud Creſcentem Vicarium Africæ, aduerſus vel Inſpectores forte in id miſſos. Porro additur *ſine legis*, id obtinere debere *quocunque titulo & iure* hæredes ſcripti res ex bonis deſuncti perceperint: id eſt, etſi legati aut fideicommiſſi vel quocumque alio titulo conſecuti ſint: vt proinde, quod ſingulare, *hæredum ſcriptorum* appellatione *initio huius legis* etiam legatarii & fideicommiſſarii intelligendi ſint, compendio videl. ora-

tionis. Quod ſane in *l. 17. in ſ. de hereticis*, videre eſt. Ibi; *Non (habeant) etiam (licentiam) relin-quendi heredem nomine principali, non fideicommiſſario, non legatario, non tacito fideicommiſſo, vel quacumque in huiusmodi negotiis nuncupationem iuris ordo conſtituit.*

Et hæc quidem eſt genuina huius *l.* ſententia. Vnde de duobus iam apparet. *Primo*, non eſſe hanc leg. de *ἐπιβολῇ*, ſeu de Adiectione, non magis quam *d. legem 10. ſup.* quotiens videl. diſtracti fundi ſteriles, ab opimis ex eodem iure manantes ruſſum conſolidantur ad integram tributorum functionem: de qua *ἐπιβολῇ*, Adiectione fundi, fuit lex *4. ſup.* erit & lex *31. in ſ.* verum eo tendere, pariter vt *d. l. 10.* ne ſteriles a ſecundis & opimis diſtrahantur. Eadem tamen ſemper æquitatis & æqualitatis ratione. *Secundo*, ex ſuperioribus quoque apparet, non eſſe admittendam eam huius *l.* ſententiam, quam putabat Doctiſſimus Loiſæus tractatu *du deſguerpiffement lib. 5. c. 2. n. u.* Nempe putabat is, in ſpecie huius *l.* fraudulentum poſſeſſorem præſumptis hæredibus ſuis inter viuos opimos fundos mancipaſſe, donaſſe, ſterilibus ex eodem iure manantibus *ἐμοκῆνσις* in hæreditate ſua relictis: quos cum fraudis participes hæredes, re-tentis opimis repudiarent, Valentiniaſum, huic fraudi hac *l.* occuſſiſſe. Quod ſane non admitto, nihil enim tale in hac *l.* occuſſiſſe: etſi non dubitem, hoc caſu idem quoque dici oportere, atque adeo huius legis, vel etiam *ἐπιβολῆς* & adiectionis æquitatem, ad hanc quoque ſpeciem trahendam.

XVIII. (a). Imppp. Gratianus, VALENTINIANVS & Theod. AAA. ad Populum. (b)

QUISQVIS poſſeſſor, aut maximæ (c) dignitatis, aut infimæ, annonæ Urbis Æternæ (d) annuam penſitationem ſoluendo moram dilationis aduſerit, eius anni atque Indictionis (e) exordio, quæ nouum denuo annonæ com meatibus (f) poſceat obſequium, (g) duplum protinus, etiam graui coactus incommodo, reſtituere (h) cogatur: aut ſi forte non proſecerit (i) etiam geminati debiti in adceleranda ſolutione, correctio quadrupli (k) deinceps etiam, proprii dilapidatione patrimonii, veſtræ liberorumque veſtrorum alimonix (l) proſuturis, (m) ingratu & degener *Ciuis* exſoluatur. Dat. vii. Kal. Ianuar. Aquil. Syagrio & Eucherio Coſſ. [381.]

NOTAE.

(a) Ab eſt hæc lex a C. Inſt. Et tamen ad hanc legem traho, quod neſciunt Interpretes, legem 4. C. Inſt. *Comminationes, Epistolae, Program. Subſcript. Auctoritatem rei indicata non habere. GOTHOFRED.*

(b) Urbis Romæ ſcil. de cuius annona eſt hæc lex, quæque mox, *Urbis æternæ* dicitur. ID.

(c) Puta Illuſtris, veluti Praefectorius, &c. ID.

(d) Æterna urbs, pro vrbe Roma, V. *Gloſſarium Theodoſ. ID.*

(e) Indictio & annus pro eodem hac *l. & l. 35. in ſ.* De Indictionibus proprio capite agant in *Conſularibus Theodoſ. ID.*

P. 30. (f) Vid. leg. *vn. in ſ. de patronis heretorum portuenſum*; Ibi, *novis com meatibus* (nam ita reſcribendum, non, *nobis com meatibus*,) inferatur, & leg. *10. in ſ. de ſuſceptorib. Com meatus* vox hac in re propria; de qua vide *Gloſſarium Theod. & Symmachum paſſim*, itemque Ammianum Marcellinum. ID.

(g) Obſequi vox hac in re propria. V. *Gloſſar. & d. l. 4. ID.*

(h) Reſtituere pro ſimplici præſtare, hic & *l. 16. ſup. ID.*

(i) Non proſecerit correctio: ita hæc iungenda. ID.

(k) Suſtineri poſſeſcio, ſed malim, *quadruplum proſuturum. ID.*

(l) De hac Alimonia voce, vide *Gloſſarium. ID.*

(m) *ꝑꝑ. Proſuturi*, vel *proſuturum*: niſi malis *proſuturis iis*, puta duplo & quadruplo. ID.

COMMENTARIVS.

MORATOR Vrbicarii canonis, seu annuæ pensionis annonæ V.R. si intra annum quod debet, non intulerit, dupli pœna: si & tunc moratus fuerit, seu ut loquitur *lex 27. inf. resisterit*, & post secundam moram, Quadrupli hac Valentiniani Iun. Constitutione sine anni 381. multari iubetur; quo pertinet & *lex 27. & lex 35. inf. hoc tit.* Eodem spectat, saltem huiusce Iuris originem commonstrat, Gordiani constitutio, puta *lex 4. C. Iust. Comminat. Epistolas, &c. Interlocutio*, inquit, *Præsidis apud acta signata, ut nisi solutioni debitis, qui conuenitur, obsequium præstitisset, duplum seu quadruplum inferat: voluntas potius comminantis, quam sententia iudicantis est: cum placitum huiusmodi, nerei indicatæ auctoritatem obtineat, iuris ratio declaret.* Spectat scilicet hac lex ad publicos debitores, quo pertinent debiti & obsequii vocabula, quæ in re tributaria propria, quod iam alibi ostensum est. Quare & Græcorum & Accursiorum interpretationes ad eam nequicquam faciunt.

Enixam interim annonæ Vrbicæ, seu vrbis Romæ consulendi, Valentiniani Iun. curam hac tempestate, ex hac tota *leg.* videre est: Nempe quod frequentes admodum tum de annonæ Vrbicæ defectu querelæ ad Valentinianum perlatae fuissent, cuius-

modi querelæ frequentes apud *Symmachum* occurrunt. Etiam illa, quæ huic *l.* apprimè conuenit, *lib. 10. ep. 50.* ubi queritur, iam diu solitorum vectigalium decretas prouincias nihil contulisse; Vectigalium inquam, quorum ratio Hispanienses atque Alexandrinos inuicere debent **COMMEATVS**: (hæc ipsa vox hac *leg.* occurrit.) Illationem proinde sollemnis impendit; Quare orat Theodosium vel potius Valentinianum nostrum, ut *Aeternæ vrbis expensas a defectu sumptuum vindicet*, imploratque opem eius largam populi Romani ærario, ne cessantibus subsidiis necessaria deserantur, quæ hætenus persone tenues alieno ære tolerarunt: denique, ut auxilium ferat, priseque Populo Romano beneficia seruet, qui noua etiam deserret, & urbi annueret, quod prætermisso præterita suspendit, & quod futurus usus exposceret. Qui *Symmachi* locus eo quoque insignis est, quod ostendit, certas quasdam prouincias fuisse affectatas vrbicario Canoni, quæ vectigal quoddam annuum Vrbis Romæ ærario conferebant, quorum sumtu, subsidioque, seu ratione, annona ex Hispania & Ægypto coemebatur. Quæ illa proculdubio est annua pensio annonæ, si uad annonam vrbis æternæ, de qua hac *l.* agitur: & in qua soluenda multi possessores moram dilationis attulerant.

XIX. (a) Idem AAA. (b) Post alia. (c)

ID quod in titulis (d) debitis sub præstatione confertur *Auraria*, non aliter nisi scientibus Defensoribus (e) detur, quo sub eorum conscientia (f) (sicur & ante (†) præceptum est) soluantur debita, securitatesque (g) reddantur: (h) Custodita sanctione emissæ primitus (i) legis (*), quo Apocharum vel securitatum, quæ restituentur, digesta signatio cum a Susceptoribus dabitur, & formam indictionis teneat, & manifestationem eius, quæ fuerit exacta, præstationis ostendat. Dat. (k) Prid. Kal. Feb. Byritho, Richomere & Clearcho Coss. [384.]

NOTAE.

- (a) Abs est hæc *lex a Cod. Iust.* Iungenda autem illi *lex 4. inf. tributa in ipsis speciebus & lex 2. inf. de publica comparat.* Melius porro hæc *l.* sub tit. de susceptoribus, collocata fuisset. **GOTHOFRED.**
- (b) Perperam huic *l.* & prædictis duab. inscribuntur, *Idem AAA.* Tribuendæ enim sunt *Valentiniano, Theodosio, & Arcadio.* Vide *Consularia Theodos.* **ID.**
- (c) Nomen eius, cui hæc *lex* inscripta fuit, ubique intercidit, & hac *l.* & duab. illis *legibus*, quæ huic iungendæ sunt: Nisi potemus Edictum fuisse emissum ad prouinciales: quod ego puto. **ID.**
- (d) Quæ continentur *d. l. 4. & d. l. 2. Titulorum* appellatione passim intelligendæ sunt species seu genera functionum, seu tributorum. v. *Glossarium.* **ID.**
- (e) De his *Defensoribus* fuit *sup. tit. 11. lib. 1. ID.*
- (f) Id est, præsentia. **ID.**
- (†) Intelligit *legem* suam superiore anno 383. latam, puta *legem 18. inf. de susceptoribus.* **ID.**
- (g) *Securitates* hic & mox, sunt *Apochæ*: quod vel illa ostendunt, *Apocharum vel Securitatum.* **ID.**
- (h) *Reddantur* hic pro simplici, dentur; vel pro inuicem dentur, ut mox, pariter ut *l. 16. & 18. sup. resituantur*, pro præstabantur. **ID.**
- (i) *Primitus*, pro prius, hic & alibi. v. *Gloss.* **ID.**
- (*) Intelligenda, quod omnino existimo, *lex 18. inf. de Susceptor.* quæ Proconsuli Asiæ inscripta est, quæque Anno superiore data est. **ID.**
- (k) Ita quoque *d. l. 4. Tributa in ipsis speciebus.* Sed utrobique reponendum, ut habet *d. lex 2. de publica compar. PP. Byritho.* Nempe Theodosius M. hoc tempore Constantinopoli consistebat, ut docent *Consularia Theodos. verum de Berytho* mox.

COMMENTARIUS.

P. 31. **A**VRI collationi seu susceptioni Theodosius M. hac constitutione sua certam formam præstituit, tum ad prouincialium securitatem, tum ad euitandas susceptorum fraudes. Est scil. hæc constitutio pars prolixioris Edicti Theodosiani, quo non vna ratione prouincialium securitati & indemnitati annonas soluentium consultum iuit, vt docet *lex 4. inf. trib. in ipsi speciebus*, & *lex 2. inf. de publica compar.* quæ huic nostræ coniungendæ sunt. Et quidem edicto proposito Beryti, cuiusmodi complures aliæ *leges* ibidem propositæ hoc Codice occurrunt, vt *lex 2. sup. de agentibus in rebus*, *lex 11. sup. de Tironib.* *lex 41. sup. de cursu publ.* *lex 7. sup. de filiis militar.* apparit *lex 3. de his qui cum dispensat*, *lex 54. & 63. inf. de decurion.* *lex 9. inf. de lustr.* *conlat.* *lex 1. inf. de naufrag.* *lex 1. inf. de gladiator.* Nempe, etsi totius Phœnicis hac tempestate Metropolis foret Tyrus, attamen non Tyri, sed Beryti ferme *leges* proponi solitæ: vtpote quæ frequentissima esset totius prouinciæ ciuitas: Quod ante biennium ostendit singularis subscriptio *legis 11. sup. de tironibus*, quam ex urbe Constantinopolitana Theodosius M. miserat: hæc scil. *Dat. Tyro Metropoli: PP. Byrito.* Cuius subscriptionis hic sensus est, prius missam Tyrum hanc l. vt quæ Metropolis esset prouinciæ, & in qua Consularis Phœnicis hæreret: attamen exinde Beryti propositam. Quæ insignis est obseruatio: Nempe si frequentior esset in prouincia aliqua ciuitas, quam Metropolis, in ea *leges* propositas; sed ita tamen, vt suus Metropoli seruaretur honos, id est, vt prius ad Metropolum dirigerentur; exinde demum ad eam, in qua proponendæ essent. Igitur & hoc Theodosii M. Edictum Beryti propositum, quod ad Syriam Phœnicem emissum.

Et quia iam de Beryto egere cœpimus, alia insuper addenda, quæ istius verbi magnitudinem & gloriam hac tempestate arguunt, obtrita etiam aliquantum Tyro in metropoli. Primum iam olim liberalibus studiis, ac maxime iuris professione, Berytum nobilem fuisse, testis Gregorius Thaumaturgus Orat. Panegy. ad Origenem p. 186. 187. 188. Diocletiani item Codice Iustiniano ostendit *lex 1. qui etate vel professione se excusant*: quæ inscripta Seuerino & aliis Scholaribus Arabiæ: Cum, inquit, vos adfirmetis, liberalibus studiis operam dare, maxime circa iuris professionem, consistendo in ciuitate Berytiorum prouinciæ Phœniæ, prouidendo utilitati publicæ & spei vestræ decernimus, vt singuli usque ad vicesimum quintum annum etatis suæ studiis non auocentur. Eunapius quoque in vita Proeresii, p. 150. edit. Commelin. sub Constantio testis, vbi de Anatolio Berytio Phœniæ urbe oriundo agit: Καὶ τῆς τε, inquit, νομικῆς τελευτήσης παιδείας εἰς ἄκρον ἀφικόμενος, ὡς αὖ πατρίδα ἔχων τὴν Βερυτὸν, ἢ τοῖς τοιούτοις μὴ τῇ ἡποκάθηται παιδεύμασι: Et iuris ciuilibus scientia exacta clarissimus: nec mirum, quippe cui patria Berytos fuerit eiusmodi studiorum mater & alumna. Peruetustus Auctor descriptionis Gentium & totius mundi, de

Græco Latinus factus pag. 12. ed. Gothofr. & pag. 256. edit. Gronou. Berytus ciuitas valde delitiosa. Auditoria legum habens, per quam omnia iudicia Romanorum consistunt: Inde enim viri Docti in omnem orbem terrarum adsident Iudicibus, & scientes leges, cuncto diunt prouincias quibus mittuntur legum ordinationes. Libanii quoque locus insignis, Orat. 26. Apolog. p. 595. edit. Morell. sub Valente, & Ep. 329. ad eundem Anatolium, & Ep. 550. Tandem & Iustinianus quoque hanc ciuitatem Urbem Legum appellat, τὴν τῶν νόμων πόλιν, in constit. δέδωκεν ἡμῖν. §. 9. de veter. iur. enucleand. & in constit. ad Antecessores §. 7. vbi Nutricem Legum vocat, vt Eunapius, & Libanius ep. 550. μήτρα, matrem. De eadem schola v. Agathias lib. 2. p. 37. edit. Venet. inter Scriptor. R. B. Ex ea Dorotheus & Anatolius Iuris Professores exciti, Digesta cum aliis concinnarunt: e quibus postremum hunc ait Iustinianus in d. constit. δέδωκεν §. 9. ἀνδρὰ ἐκ τερφονίας σεμνῆς τῆς παρὰ Φωῖν. τῶν νόμων διδασκαλίας καταβαίνοντα; virum ex tertia stirpe laudabili iuris apud Phœnices interpretum descendentem. Agathias lib. 2. pag. 37. edit. cit. Βηρυτὸς ἡ καλίστη, τὸ Φοινίκων τέως, ἐγκαλλώπισμα, Berytus pulcherrimus ille tum temporis Phœniæ ocellus: & mox, cum urbem terræ motu corruisse, & magnam incolarum multitudinem mole ruinæ oppressam scripsisset, addit: πολλοὶ δὲ νοιοὶ ἐπηλυδὲς, εὐπατρίδαί τε καὶ παιδείας ἀριστὰ ἔχοντες, οἱ δὲ παρῆσαν τῆς Ῥωμαίων ἀντὶ ἀναλεξιμένοι νόμους τῷ γὰρ παλαιοῖ τῇ πόλει καὶ ὡς περ γέρας τι μέγιστον τὰ τοιαῦτα ἀντὶ ἀνέσθαι διδασκαλεῖα; multi etiam iuuenes advena nobiles & eruditi, qui addiscendarum legum Romanarum causa eo commearant. Erat enim hoc urbi patrium & veluti maxima honoris prerogativa, quod eiusmodi scholæ ei essent dicata. Nonnus Dionys. lib. 41. v. 396. Βηρυτὸς βιοτοιο γαληναῖοιο, ἰδιήη, Berytus vitæ tranquille nutritrix, & antea, v. 145. δίκης πέδον, ἀστυθευῖσιν, iuris solum, urbs legum. Zacharias Scholasticus, postea Episcopus Mitylenes, in Dialogo de Opificio mundi contra Philosophos, ab initio, pagin. 164. edit. Lips. Casp. Barthii 1655. in 4. Νομὸν μὲν ὁ Φίλος, ἔργος ἄγει παρὰ τὴν μήτρα τῶν νόμων, Legum meo eo compareant. Erat autem matrem legum compulit. (a) Secundo Comitum Orientis in ea sedem suam habuisse colligo ex l. 54. 63. inf. de decurionib. l. 41. sup. de cursu. Sed & non raro consularem Phœnices ex l. 9. de lustrali collat. Tertio, Negotiatorum frequentia celebrem colligo ex d. l. 9. de lustrali collat. Quarto, Conchyliolegulos, & sic purpuræ fucandæ baphium & muricem eo delatum, ex d. l. 9. quo pertineat forte & lex 11. de tironibus. Quinto, mercium exoticarum cataplum eo delatam, colligo ex leg. 1. inf. de naufragiis. Sexto, gladiatoris ludis frequentatam maxime statuo ex l. 1. inf. de gladiatorib. tollendis. Octauo, & cursum publicum tanquam in celeberrimam ciuitatem successisse ex leg. 43. sup. de cursu publico. Hæc ex hoc Codice de Beryto semel dixisse volui.

Nunc ad leg. redeamus. Dux eius sunt sententiæ, Prior, Aurum sciente & præfente Defensore ciuitatis

(a) Consule STRAVCHIVM in libello de Beryto, CASPAR. BARTHIVM in not. ad Zachar. Scholast pag. 244. 245. & EZECH. SPANHEM. in Obseruat. ad Juliani Imp. Orat. 1. pag. 36. 37. it. pag. 120. 121.

ciuitatis solui oportere: atque inuicem apochas, soluendi dari: confirmata anteriore quadam lege, qua hoc ipsum cautum iam fuerat: quam anteriorem cenſeo eſſe legem 18. *inf. de Suſceptorib.* Nempe, aurariæ ſeu auri ſolutionis peculiaris quædam ratio habita, ne qua arte a ſuſceptoribus interuerteretur, aut miſeri provinciales denuo exigerentur. Ideo Defenſoribus præſentibus eam ſolutionem fieri Theodoſius M. voluit. Defenſores enim ciuitatum, vt cæteroquin conſtituti poſſeſſoribus & collatoribus ab iniuria vindicandis (de quo docuit plene *Paratitlon de deſenſorib. ciuit.*) & quotidianis actibus præerant, l. 3. *diſto tit. de deſenſor. ciuit.* ita nominatim a ſuſceptorum fraudibus: quod etiam oſtendit eiſdem Theodoſii M. conſtitutio hac poſterior, puta lex 23. *inf. de ſuſceptoribus*, & quidem in eandem pene ſententiam: *Suſceptores*, inquit, *præſentibus Deſenſoribus*, & *modum iugationis poſſeſſorum*, & *ſpecies ſingulas*, vel earum *numerum quantitatemque præſcribant*: Quæ lex & ipſa eſt 10. *Cod. Inſt. de ſuſceptoribus*. Verum, vt dixi, peculiaris auri & Aurariæ ſolutionis ratio, hoc tempore habita. Adeo quidem, eodemque

fine, vt Honorius poſtea voluerit omne aurum & argentum per Africam Proconſularem a poſſeſſoribus in Karthaginenſi vrbe, ſub oculis iam Proconſulis Africæ poſci ſoluique, & Capitolio Urbis inferri: l. 32. 34. *inf. h. t.* ratione ibi nominatim adſignata: *in qua* (vrbe, inquit) *opportunitas eſt*, ſi *deprædator fraudum pareat*, *iudicis adeundi*: ne cui ſit *facultas apochas abnegari*, cum deuotio *Cognitori potuerit aperiri*: ſcilicet remotis omnibus, qui ad exactionem provincialium exquisita lucra *captare feſtinant*. Circa aurariam ſane collationem ſingularis quoque eſt Honorii lex 14. *ſup. de iure ſiſci*.

Secunda huius leg. ſententia eſt, de *Apocharum* auri illati forma & tenore: quidnam videl. apochis auri ſuſceptores inferere debeant, confirmata, nominatim ſuper hoc anteriore quadam ſua conſtitutione: puta *diſt. leg. 18. inf. de ſuſceptoribus*, vbi dicendi locus erit: cui reſpondet & lex 16. & 32. *eod. tit.* & lex 173. *inf. de Decurionibus*. Et ſic quinque de hac re hoc Codice conſtitutiones occurrunt.

XX. (a) Idem AAA. (b) ad Principium PF. P.

IN fraudem annonariæ rei, ac deuotionis (c) publicæ, elicitum damnabili obreptione Reſcriptum, manuſcriptum eſt (d) vires non poſſe fortiri. Circa omnes igitur par atque æqualis inflationis forma teneatur. Dat. VIII. Kal. Octobr. Aquil. (e) Arcad. A. I. & Bautone Coſs. [385.]

NOTAE.

- (a) L. 7. *Cod. Inſt. eod. tit.* Repetita hæc lex totidem verb. *titulo de diuerſis reſcriptis*: vbi ſeptimum hodie locum occupat. Iungenda huic lex 1. *Cod. Inſt. de fundis limitrophis*. GOTHOFRED.
(b) Iam ad leg. ſuperiorem notaui, & hanc leg. tribui oportere VALENTINIANO, Theodoſio & Arcadio. ID.
(c) De hac voce vide dicta ad leg. 7. *ſup. de diuerſ. reſcript.* RITTER.
(d) *Iure non poſſe vires*, ita d. l. 7. ID.
(e) In hac vrbe Valentinianus Iun. hoc tempore conſtitit. Vid. *Chronolog.* ID.

COMMENTARIVS.

RESCRIPTA, de vnus forte immunitate, in 375. quæ repetita *ſup. tit. de diuinis Reſcript.* vbi dicta huc arceſſi poſſunt.
IN fraudem Tributorum, inuolida eſſe iubet Valentinianus Iun. hac conſtitutione, Anno Domini

CONVEHI Annona Manſionatica, a proximis poſſeſſoribus:
Limitanea vero etiam a longius poſitis poteſt, ex hac Theodoſii M. conſt. A. D. 385.

XXI. (a) Imppp. Valentinianus, THEOD. & Arcad. AAA.
Cynegio PF. F. (b)

NEMO poſſeſſorum ad inſtruendas (c) Manſiones, (d) vel conferendas (e) ſpecies, excepta (f) Limitaneorum annonæ, longius delegetur: ſed omnis, (g) itineris ac neceſſitatis habita ratione. Dat. x. Kalend. Ianuar. Conſtantiſtop. Arcad. A. I. & Bautone Coſs. [385.]

NOTAE.

- (a) L. 8. *Cod. Inſt. eod. tit.* Concordant huic legi, lex 9. 11. *ſup.* & l. 22. *inf. prox.* & l. 1. C. *Inſt. de fundis limitrophis*: lex 15. *ſup. de erogat. mil. ann.* GOTHOFRED.
(b) Cynegius PP. ſub Theodoſio M. & quidem Orientis, vid. Zoſimum lib. 4. cap. 37. 45. & Indicem *Perſonarum*. ID.
(c) *Inſtruendi* vox hac in re propria: quod etiam docet lex 4. *ſup. de offi. Reſtor. pron. l.* 28. *inf. de Suſceptorib.* de quo dixi l. ult. *ſup. de off. iud. ciu.* ID.
Tom. IV.

- (d) De *Manfonibus* his dixi ad *d. l. 9. sup. ID.*
 (e) *Comportandas. ID.*
 (f) Refecata hæc exceptio a Tribon. de quo *moz. ID.*
 (g) Possessor scil. vel, *omnis itineris*: quanquam Tribonianus ita hunc locum immutavit, *sed omnes, &c. delegentur.* Et forte etiam ita hic legendum *omnis*, pro *omnes. ID.*

COMMENTARIUS.

CONVEHI annonam, *Manfonaticam* ad *Manfonas* (de quibus dixi plenissime ad *l. 9. sup. b. t.*) a proximis possessoribus, non a longius positis, iubet hac constitutione Theodosius Magn. A. D. 385. pariter, vt Valentinianus Sen. *l. 9. sup.* & rursum idem Theodosius M. *l. 22. prox.*

At ad *Limitaneorum* annonam conuehendam Theodosius M. etiam longius positos delegari posse statuit: quod limitis tuendi aduersus Barbaras gentes peculiaris quædam ratio esset: & nonnisi bene satur miles limitaneus, limitem recte tueretur: facile alioquin, ventre famelico, Barbaris li-

mitem prodituro: hac præsertim tempestate, Barbaris limitem perfulantibus, & si credimus Zosimo *lib. 4. cap. 32.* prouincialibus, tributorum onere attritis, Barbaros iam inuitantibus. Et tamen hoc ipsum Iustiniano displicuit: in cuius *Codice* ideo hæc *huius leg.* verba absunt, *excepta limitaneorum annona.* Et sane id Valenti etiam antea displicuerat, *l. 15. sup. de erog. mil. ann.* & Valentiniano Seniori *l. u. supr.* quibus visum, limitaneam quoque annonam nonnisi a proximis possessoribus conuehi debere. De quo iam dixi ad eam *l. u.*

P. 33.

De CONVECTIONE annonarum: quibus ex locis ad quæ loca.

XXII. (a) Idem AAA. Cynegio P F. P. (b)

MEDITERRANÆ ciuitates antea maritimis, & maritimæ mediterraneis onerabantur *expensis*, (c) vt (d) plus haberet dispendii translatio, quam deuotionis (e) inlatio: Hoc non solum in præsens, verum etiam in posterum prohibemus: ea lege, vt se ultimo nouerint supplicio puniendos, qui ista commiserint. Dat. III. Non. Septemb. Valentiz, (f) Honor. NB. P. & Euodio Coss. [386.]

NOTAE.

- (a) *L. 9. Cod. Iust. eod. tit.* Iungenda autem huic legi, *lex 113. inf. de decurionib.* non quidem paritate inscriptionis, aut argumenti, sed paritate subscriptionis: eodem quippe die data ex eadem vrbe, iisdem Coss. GOTHOFRED.
 (b) Cynegius P. P. sub Theodosio M: & quidem Orientis, cui ipsi inscribitur in eodem argumento *lex prox. sup. 21. ID.*
 (c) *Expensarum* vox hic proprie de militari annona. *ID.*
 (d) *Expensis*, sic vt &c. *ID.*
 (e) De hac *Deuotionis* voce dixi ad *l. 7. sup. de din. rescript.* quæ eadem est cum *l. 20. supr. b. t. ID.*
 (f) Ita quoque *d. l. 113. inf. de decurionibus.* Sed reponam ego MELANTIAE: causas reddidi in *Chronico Theodosiano* ad hanc ipsam *leg.* & *moz. reddam. ID.*

COMMENTARIUS.

CONVEHI seu transferri annonam, vt a proximis possessoribus iam antea sæpe constitutum est *l. 9. u. 21.* quæ & ipsa Theodosii est, *sup. b. t. l. 15. sup. de erog. mil. annona:* & quidem ab ipso Theodosio M. *d. l. 21. sup.* ita hac *l.* idem Theodosius nominatim huiusmodi e longinquo conuectionem damnat: & quidem sub capitali poena, qua mediterraneæ ciuitates ad maritimæ, & vicissim maritimæ ad mediterraneæ, annonas conuehere sæpe cogebantur: ratione addita: quam pluribus expendi iam & illustrari ad *d. l. 9. sup.* ac nominatim loco ex *Eumenio* laudato.

Cæterum emissâ hæc *lex* a Theodosio M. eo tempore, quo is Thraciam ab hostibus Grothingis inuasam his ipsis Coss. & hoc tempore vindicauit, vnde victor Constantinopolim postea regressus est IV. Idum Octobris: de quo alioquin videndus Marcellinus in *Consularibus*, & *Consularia Idacio subdita*: Historiam ipsam vid. apud Zosimum, *lib. 4. cap. 38. 39.* Quare tuto iam repo-

nendum existimo in subscriptione *huius leg.* & *leg. 113. inf. de decurionib.* quæ eodem die data est, MELANTIAE: qui locus sane in Thracia sollemnis fuit, XVIII. lapide a Constantinopoli: cuius mentio sit in vtroque *Itinerario* pag. 138. 230. 323. 332. edit. *Wesseling. & Tabul. Peutinger.* pag. 755. edit. *Norimberg. Oper. M. Velferi, & Melantiada* vel *Melantiana & Melanthiada* vocant, de qua & Am. Marcellinus *lib. 31. c. u.* Agathias, *lib. 5. pag. 158. edit. Paris. & pag. 110. edit. Venet. inter Script. R. B. Chronicon Alexandrinum* pag. 896. edit. *Raderi*, & ex *Agathia* Suidas voc. *Μελαντιάς*. Quare pertinet omnino hæc *lex* ad annonam militarem Thraciæ limitis potissimum, Scythicique: ac proinde ciuitates maritimas, & mediterraneas eius tractus: Scythici, inquam, limitis, qui in latius diffusiusque porrigebatur, *l. vi. sup. de Lusoriis Danubii.* Sane de annona militari Thraciæ & transuectione specierum annonarum eo; præter hanc *leg.* est. *d. l. unica, in f. & Zosimi locus, lib. 4. c. 10.*

XXIII. (a) Imppp. THEODOSIVS, Arcadius & Honorius, AAA.
Rufino PF.P. (b)

ÆRARIÆ præstationis adiectio, quam citra priscam consuetudinem, (c) Prouincialium humeris Tatianus inposuit, a cunctis penitus, salubri moderatione, remouenda est. Dat. prid. Id. Iun. (d) Constantinop. Theodosio A. IV. (e) & Abundantio Coss. [393.]

NOTAE.

- (a) Iungendæ huic legi sunt *lex 12. & 13. sup. de bonis proscriptorum. GOTHOFRED.*
(b) *Rufinus* PP. sub Theodosio Orientis: Tatiani in in ea Præfectura successor. v. quæ notauit in *Consular. Theod. anno superiore 392. ID.*
(c) *Consuetudo*, in tributis seruanda: v. quæ noto ad *l. 1. sup. de longa consuetud. & ad l. 15. inf. de exactionib. ID.*
(d) Ita quoque *d. l. 12. sup. de bonis proscriptorum.* Sed enim restituendum ex *d. l. 13. eod. tit. IAN. vbi & integrè expressum Ianuar. ID.*
(e) *ys. III. ut dictis legib. recte. ID.*

P. 34.

COMMENTARIVS.

ÆRARIÆ præstationis ADIECTIO quædam a Tatiano, prouincialium humeris superimposita: a Theodosio M. hac constitutione A. D. 393. tollitur: pariter, vt alia nonnulla eiusdem Tatiani acta irritantur, *l. 12. & 13. sup. de bonis proscript.* quæ huic *l.* coniungendæ sunt: Irritantur & alia paulo post hoc ipso Anno, mense prox. sequente, *l. 131. inf. de decurion.* Irritantur & filii huius Tatiani, Proculi, inquam, Præfecti Urbis Constantinopolitanæ, siue huius anni *l. 12. inf. de annoniis ciuic.*

Tatiani huius PP. Orientis historiam iam exsecutus sum ad *l. 9. sup. de indulg. crimin.* qua leg. vicissim triennio, & quod excurrit, post hanc *l.* data ab Arcadio Theodosii filio, fama restituitur huic Tatiano. Nempe (vt *lex* illa quoque ostendit, iuxta Ambrosium *Epist. 53.*) quemadmodum cum Tatianus offensionem incurrisset Rufini, acta eo satagente infirmata fuerant: ita viceuersa postea Rufino iam occiso, eidem Tatiano fama restituta est. Quare & hæc *lex Rufino* inscribitur, vt & *d. lex. 12. sup. de bon. proscriptor.*

Inter cætera igitur Tatiani Acta, hac *l.* nominatim infirmatur *Ærariæ* præstationis adiectio, quam is de nouo inuexerat citra priscam consuetudinem: Nempe cum Præfecti P. dispositioni &

solicitudini cura rei annonariæ incumberet, de quo iam sæpe dictum est: attamen superindictum seu indictionale augmentum Præfectus P. insinuare non potuit, vt docebit *lex vn. inf. de superindicto*: de quo alioquin indictionali augmento solemnis locus est apud Ammianum *lib. 17. cap. 3.* Similisque adiectio aduersus veterem pariter præstationis consuetudinem ab eodem Tatiano factam Antiochiæ infirmatur *d. l. 131. inf. de decurion.*

Ærariæ porro præstationis adiectionem hanc Cypriorum nominatim humeris impositam a Tatiano haud absurde quis suspicetur, (de quo dicitur *inf. tit. de conslar. aris*) sed nihilominus & aliis imponi potuit. Similiter porro Basilus *ep. 277. siv. 110. edit. Benedictin.* Modestum PP. rogat, vt tolerabilem ferri præstationem seu collationem montem Taurum incolentibus indici iubeat. *Ἐλευθερίαν ἀγροικίαν τὴν σωτηρίαν χάρισθαι, ἃ τοῖς τὸν ταύρον οἰκοῦσι τὸν σιδηροφόρον φορητὴν προσάξαι γυνέσθαι τὴν τῷ σιδηρῷ συντέλειαν, ὥς μὴ εἰς ἀπαξ αὐτῶς ἐκπρίβῃται, ἀλλὰ διαρκῆ αὐτῶν εἶναι τὴν ὑπηρεσίαν τοῖς δημοσίοις.* Miseris Rusticis salutem præstare reuelis, Taurumque ferri ferum incolentibus tolerabilem ferri collationem indici iubeas, quo videl. non simul & semel illi opprimantur, verum sufficiens eorum functio ad usus publicos esse possit.

XXIV. (a) Imppp. Arcadius & HONORIVS AA. Ennoio (b) suo Sal.

TEXTRINIS vel Gynecæis, ex more, a Corporatis Karthaginis species solitas (c) præstari cognouimus, sed inmodica (d) pro hisdem reddi (e) prezia, quod in dispendium nolumus fieri Corporatorum: atque ideo sublimitas (f) Tua pretiorum modum statuat. Dat. xii. (g) Kal. Ian. Mediol. Olybrio & Probino Coss. [395.]

NOTAE.

- (a) Abest hæc *lex a C. Iust.* Iungenda huic est *lex 149. inf. de decurion.* & *lex 25. inf. de nauicul.* Imo vt existimo & *lex 141. 142. 143. 144. 145. eod. tit. de decurionib. lex 53. inf. de appellat. GOTHOFRED.*
(b) Ita quoque reliquæ omnes constitutiones: nisi quod *d. lex 25. de nauicul.* habet *Ennodis.* Cæterum hic fuit Proconsul Africæ, quod præferunt nominatim quinque illæ *leges tit. de decurion. & d. lex 53. de appellat. ID.*
(c) *Solitæ* species, id est canonicæ, solemnes, quæ de more præstantur: Ita soliti Tituli, *l. 19. sup. & absolute, solito Ammiano lib. 17. cap. 3. ID.*
(d) Putem scribendum *modica*, vel, *iis modica. ID.*
(e) *Reddi*, id est, invicem præstari. V. *Glossar. Theodos. ID.*
(f) *Sublimitatis* appellationem Proconsuli Africæ tribui ab Honorio oblerua: pariter vs *d. l. 149. de decurionib.* quæ huic iungenda est. *ID.*
(g) Aliæ *leges* habent *XVII. Kal. Iun.* aliæ *VII. Kal. Iun. ID.*

Tom. IV.

E 2

COM.

COMMENTARIUS.

GYNECEIARIARVM specierum, id est, specierum, quæ a Corporatis Carthagenensibus conferebantur ad texturina Principis, quæ proprio vocabulo *Gynceia* vocabantur, de quibus suo peculiari tit. sup. lib. 10. de *Murilegulis & Gynceiariis*, & *Notitia Imperii*: Sed & Ammianus Marcell. lib. 14. cap. 7. & 9, ubi de Tyrio Texturino agit) pretium, hac Honorii constitutione a Proconsule Africæ statui iubetur: Hac, inquam, Honorii constitutione A. D. 395. quæ prolixæ Honorianæ constitutionis portio est, ut ex illis *legibus* omnibus liquet, quæ *huic* sunt coniungendæ. Ea vero constitutione Honorius in uniuersum commodis Curiarum, Civium & Corporatorum per Africam, neque una ratione consultum iuit, ac nominatim Civium ac Corporatorum vrbis Carthagenensium, (quæ totius Africæ caput erat) ut præter *hanc l.* docet *d. lex 145. inf. de decurion. Africani*, inquit, *sacerdotes Karthagini restitui, ibique arbitrato suo agere cum fauorabili editione placuit. Quod facientes Divi Patris nostri beneficium renouamus.* Quare, hoc primum argumento, censeo non Corporatorum cupiditati *hac l.* fibulam seu modum imponi, quasi immodica pretia exigerent, quod tamen præfert *huius l.* lectio: verum imo his consuli aduersus Præpositos Gynceis, quod

modica nimis pretia his pro speciebus præstitis soluerent: atque adeo legendum *hic* videri, *sed iis modica*. Et sane, quod secundum argumentum habeo, Honorius diserte indicat, id quod *hac l.* emendari iubetur, in Corporatorum dispendium factum. Tertio, ipso statim *legis* initio Corporatos mori solitæque præstationi satisfecisse ait Honorius: Quare non his modus imponi iubetur. Quid igitur? Iustum pretium Corporatis reddi vult *hac l.* Honorius pro speciebus & solitis, quas Gynceis ex more præstabant, ne ut hæcenus fiebat, id in dispendium eorum vergeret. Eum vero in finem pretiorum modum statui iubet ab Ennoio seu Ennodio Proconsule Africæ.

Ex *hac* interim *leg.* discere licet; Primum Karthagine fuisse Gynceum Principis, siue texturinum, de quo est pariter sup. l. 9. de *murileg. & gynce.* Imppp Gratianus, Valentinianus, & Theod. AAA. ad Eucherium [Procons. Africæ] *Qui texturini nostri mancipia occultatione celauerit: ternis libris auri pro singulorum hominum suppressione plectatur.* PP. Karthag. III. Kal. Mar. post consulatum Auxoni & Olybri. Men. init. eius & *Notitia Imperii* sub dispositione Comit. S. L. fol. 141. *Procurator* inquit, *Gynceii Karthaginensis Africa.* Secundo, de Corporatis Karthaginensibus dicitur ad l. 2. *infr. de collegiatis.*

ACTORIBVS *morantibus in tributis soluendis, ipsi prædiorum Domini tenentur.*

XXV. (a) Idem AA. Mineruio (b) Com. R. P.

OBSTINERE commodis (c) publicis, & statutis (d) necessitatibus, non possunt priuilegia dignitatum: Vnde, ut quisque prædii (e) emolumenta consequitur, si non, (f) euoluto anni spatio, intra sex menses omnem cui esse constructus dicitur, reliquorum (g) intulerit cumulum, (h) ad ipsos qui sunt Domini prædii, exactionem volumus pertinere. PP. (i) *in programme*, (k) *Vari* (l) *Viri Clarissimi Vicarii Vrb. Rom.* Honorio A. IV. & Eurychiano Coss. [398.]

NOTAE.

- (a) *Lex 10. vulgo 9. C. Inst. eod. t. GOTHOFRED.*
- (b) Mineruius Comes R. P. sub Honorio: Eidem inscribitur Anno superiore *lex 14. sup. de Tyronibus*; & *lex 1. C. Inst. de off. Com. S. P.* Hic idem Comes *Palatii* est, ad quem extant complures Symmachi Epistolæ, lib. 4. Et sane, eum Comitem etiam rerum priuatarum fuisse, indicat Symmachi *Epistola* 37. 42. & 43. Plura in *Profopogr. ID.*
- (c) *Commodorum* vox propria de re annonaria: v. *Glossarium.* Quinimo & speciatim, de annona vrbis Romæ, quo sensu accipitur l. 1. 3. *inf. tit. prox. tributa in ipsis spec. l. 8. inf. de Medic. & Professor. l. 3. inf. de canon. frum. V R. l. 6. inf. de suariis. ID.*
- (d) Id est publice constitutis, solitis, solemnibus & canonicis: neque enim fero hic mutantes illud in *statutis. ID.*
- (e) *De prædiis emolumentum*, ita *C. Inst.* Istud nostrum elegantius & Latinus, *ID.*
- (f) *Si non is*, ita *Cod. Inst.* quo nil opus. *ID.*
- (g) *Reliqua*, sunt *λοιμώδες*, passim: vid. *Gloss. ID.*
- (h) *Cumulus* est *ἄθροισμα*. Vid. *Philoxeni Gloss. ID.*
- (i) De hac subscriptione & propositione iam dictum quoque *sup. ad leg. 3. de offic. Reß. prou. ID.*
- (k) Absunt hæc, *in programme Vari Viri Clarissimi Vicarii Vrb.* a nonnullis Codicibus Iustinian. Editionib. De hac subscriptione *ad leg. 37. inf. de heret. & l. vn. inf. si per obrep.* vid. & *Paratis. de constit. Princip. ID.*
- (l) *Varus* Vicarius V. R. Ad hunc omnino pertinet Symmachi *ep. 16. Außuar. Paris. Edit. 1604.* vbi clare indicatur, eum Vicarium Vrbis Romæ fuisse, ut in *Profopogr.* ostendo. *ID.*

COMMENTARIUS.

DOMINOS PRÆDIORVM ipsos tributa solvendi, intra sex proximos menses tributa præteriti temporis & anni non soluerint, quacunque tandem, domini prædiorum, dignitate potiantur. Quo pertinet quoque *lex 14. sup. & lex 4. infr. sine censu.*

Hæc quidem *huiusce leg.* est sententia. Sed vt melius ea intelligatur, sciendum est, Primo, per eos qui emolumenta prædii consequi *hac l.* dicuntur, intelligi, non tantum Colonos originales, de quibus fuit *d. lex 14. sup. h. tit. erit & lex prox.* de quibus plene *Paratit. de fugitiuis colonis sup.* verum omnes omnino quocunque titulo & iure aliena prædia versantes, fructus colligentes, veluti Actores, nam & hi prædii emolumenta consequuntur, id est colligunt, percipiunt ipsi, non sibi, sed dominis: cuiusmodi Actores habuere per prouincias in dignitatibus positi, quod etiam ostendit *d. lex 14.* ostendit & Symmachus passim: deque his infinita mentio *hoc Codice*; item *Emphyteuticarii*, de quibus *hanc l.* veteres ferme Interpretes accepere: vt & de *Fructuariis* fundi: Hi inquam omnes vt emolumentum prædii consequuntur, ita canonem & tributum prædii præstare tenebantur: *l. 2. C. Iust. de iure emphyteut. l. 7. §. 2. l. 27. §. 3. D. de usufructu & quemadmodum quis utat. l. 28. D. de usu & usufruct. & redditu.*

Hi, inquam, omnes emolumentum prædii consequuntur: & tamen de *Actoribus* nominatim, vel potissimum, & *emphyteuticariis*, Honorium cogitasse censeo: De *Actoribus*, inquam, potissimum, quibus *Domini* prædiorum etiam apud Symmachum opponuntur *lib. 9. ep. 6.* Nempe, quod secundo obseruandum, *Actores prædiorum* ferme, quibus longinqua prædia committebantur, contumacia & duritia in soluendis tributis, & pensionibus censebantur, quod Symmachus testatur, *libro 5. ep. 87. lib. 9. ep. 6. & 15.* sic vt, quod idem Symmachus scribit, *d. ep. 6.* tanquam soluti legibus viuerent, quoniam procul positus nullus Dominorum terror incurreret. Quare ne horum contumacia partim, partim Dominorum securitate, nequam Actores constituentium tributariæ rei fraus fieret, & sollicitandorum Actorum Dominis sollicitudo *hac leg.* imposta: & pensioni seu canoni non satisfaciendis Actoribus, ab ipsis Dominis tributum exigî constitutum: cuius sollicitudinis & periculi testes sunt illæ Symmachi epistolæ: ac maxi-

me *ep. 87. l. b. 5. Nostrorum duritiam ferre non possumus, qui cum RELIQUA superiora nec dum soluerint, etiam pensionem proximi anni ferre detreçant.* Idcirco, quæso vt cum homine meo, quem ad exactionem titulorum misi, curam communicare *ep. 36. digneris, & religiosam operam libenter adstripar:* Graue est enim, Nos quidem PRO AGRIS NOSTRIS FUNCTIONIBVS PUBLICIS ESSE MUNIFICOS, Actores autem locorum, ne id quidem velle redhibere, quod sciunt per annos singulos esse soluendum.

Tandem obseruandum, sex mensium spatium *h. l.* post annum elapsum, id est, post tempus tributi soluendi elapsum, definiri, post quod Dominos exigî ipsos iubet Honorius. Sufficiens nempe hoc spatium visum, intra quod Domini prædiorum, quantumuis longe positorum, Actoribus suis imminerent, eosque ad solutionem vrgerent. Quare non satisfaciendis iam Actoribus, in Dominos periculum recidere vult, quasi penes eos culpa residente: qui Nequam Actores vltro præfecisse videntur; quibus non soluentibus, ipsi Dignitate sua sese tutos putabant. Nempe in Dignitatibus positi viri Romæ, suos Actores per prouincias habuere, non minus ipsis Actoribus contumaces, veluti Illustres Viri. Quare nullo Dignitatis priuilegio ab *huius l.* seueritate dominos immunes esse iubet Honorius, elegantissima sententia *initio l. præmissa.* Dixi Romæ: ideo enim hæc *lex proposita in programme Vari viri clarissimi Vicaris urbis Romæ:* de qua subscriptione in *Prolegomenis.* Cui Varo inter alias prouincias Campania & Apulia suberant, vt testatur Symmachus, ea quam dixi ad eum epistola.

Ad praxin igitur quomodo hæc *lex* deduci possit, seu ad quod argumentum ea *lex* trahi possit, hinc constat. Perperam enim a nonnullis ea aptatur quæstioni illi, quod tempus cessationis in soluenda pensatione requiratur, vt bona cessantis subhastari possint: vt recte notauit Menochius *de arbitr. lib. 2. c. 55. n. 6.*

XXVI. (a) Idem AA. Vincentio PF. P. Gall. (b)

OMNI amoto priuilegio beneficiorum, (c) possessores Sublimitas Tua præcipiet vniuersos muneribus (d) adstringi, earum scilicet prouinciarum, (e) ex quibus orta querimonia est, aut in quibus hæc (f) retinendæ (g) plebis ratio adscribitioque seruatur: Nullum gratia (h) releuet: nullum iniquæ partitionis vexet incommodum, sed parî omnes sorte teneantur: Ita tamen, vt si ad alterius personam transferatur (i) prædium, cui certus plebis numerus fuerit adscriptus, venditi (k) onera nouellus possessor compellatur agnoscere: cum plebem constet, non tam (l) in omnibus prædiis adscribendam, neque auferendam ab eo, (m) cui semel posthac deputata fuerit, &c. Dat. XIII. Kal. Iul. Med. Theodoro v. c. Cons. [399.]

NOTAE.

(a) Abest & hæc *lex* a *Cod. Iustin. GOTHOFRED.*

(b) *Vincentius* hic PP. Galliarum fuit iam inde ab Anno superiore 398. & per totum triennium fuit in ea dignitate A. 398. 399. 400. v. *Consular. Theod. ID.*

(c) *Beneficiorum*, id est immunitatum specialium: v. quæ noto ad *l. ult. sup. de constit. Princip. ID.*

(d) *Muneribus*, id est annonis & tributis. *Saluianus lib. 5. c. 8. Iuris sui agellos non habens, & agrorum munere vescantur. ID.*

(e) *Gallicanarum. ID.*

(f) *Quam indicasti. ID.*

- (g) *Retinere*, an hic est obnoxium facere, subiicere, obligare, ac proinde & vezare? Non: mox ut dicam. *ID.*
 (h) *Vi d. l. 1. sup. ID.*
 (i) *Venditione. ID.*
 (k) *Sibi. ID.*
 (l) *An reponendum, non tam hominibus, quam prædiis? ID.*
 (m) *Prædio scil. ID.*

COMMENTARIUS.

AEQVABILITATI tributariæ functionis seu tributorum soluendorum, aduersus Potentiorum iniurias, tenuioribus & miseris provincialibus per Gallias subleuandis hac constitutione data ad Vincentium PP. Galliarum, Honorius Imp. A. D. 399 consultum it.

Duplex scil. ex Gallicanis provinciis querimonia hac tempestate perlata fuerat: Prior, quod infirmiores ferrent sarcinas tributorum, imo sarcinas fortiorum: *iniqua* denique *partitionis incommodo* (vt hæc lex loquitur) *vexarentur*, dum alios & potentiores gratia releuaret. Quare Honorius huic malo obuiam iturus, & Gallicanas provincias hac parte vexatas subleuaturus constituit, vt omni amoto priuilegio beneficiorum seu immunitatum, possessores vniuersi muneribus adstringantur: nullum gratia releuet: pari tandem omnes sorte teneantur. Quod ius vt tralatitium, ita Gallicanis provinciis hac tempestate necessarium, sed iniquitate Potentiorum identidem perfractum, mox vt ostendam pluribus.

Secunda querimonia ex Gallicanis provinciis ad Honorium perlata, fuit de iniqua *plebis retinendæ ratione*, *adscriptioneque*. Quod quid sit, inuestigandum nobis venit. Et vero ex hac ipsa leg. Primum liquet, Prædiis seu possessionibus singulis certum plebis numerum fuisse adscriptum seu deputatum, seu in his prædiis cenfos illos, vt ait lex 14. *sup. Plebis*, id est colonorum originalium, vt eos vocat *d. lex 14. sup. colonorum simpliciter*, l. 3. *inf. de censu*: mancipia vocat adscripta censibus lex 2. *inf. sine censu*: de quibus plene semel dixi *sup. Paratit. de fugitiui Colonis*. Quare possessores prædiorum, onera istius plebis seu colonorum agnosceere compellebantur, & pro his tributa soluere: *h. l. & d. l. 14. & d. l. 2.* Possessores, inquam, non alii: *Cum plebem conficit*, inquit lex, *non tam hominibus quam prædiis* (ita enim hunc locum restituo) *adscribendam, neque auferendam ab eo cui semel posthac deputata fuerit*. Quod & ipsum tralatitium est, in tributis non personas sed ipsa prædia conueniri: de quo omni ad titulum *inf. sine censu vel reliquis*: cuius lex prima & ipsa ad Galliam pertinet. Quicquid tandem in venditione prædii conuenierit: quo pertinet & dicta lex 2. *inf. sine censu*: dicta lex 3. *inf. de censu*: & hac lex. Et quidem in sp. huius leg. quicquid tandem conuenierit inter emptorem & venditorem, vt videl. *venditor plebem retineret*, id est certam colonorum originalium partem, quorum nomine *adscriptiones* seu tributariam functionem agnosceret. Atque hæc est illa *retinendæ plebis ratio adscriptioneque*, quæ per Gallicanas provincias damnatur. *Retineri* plebs *h. l.* dicitur, cum venditor agri in se recipit, & penes se retinet onus & censum colonorum nomine. Ita pariter l. 3. *inf. sine censu*: omnes pro his agris, quos possident, publicas pensiones agnoscant, nec *pactionibus contrariis adiuuentur*,

si venditor aut donator apud se conlationis sarcinam pactione inlicita voluerit RETINERE. Ita in eodem argumento, l. 3. *inf. de censu*: *si quis prædium vendere voluerit, vel donare, RETINERE sibi transferendos ad alia loca colonos priuata pactione non possit*. Denique hoc duplici malo inter cætera vt Gallicanæ provinciæ laborauere, ita coherente & crescente factum, vt Barbaris gentibus mox patuerint, atque in eorum iura magis magisque Dei iudicio, transgressæ sint. Quod argumentum cum ex professo exequatur quadraginta annis post hanc leg. Saluianus Massiliensis Presbyter libro 5. *de Gubernat. Dei cap. 7.* hæc ipsa duo mala, quæ *h. l.* memorantur, inter cætera plura perstringit. Et quidem hoc ipsum, quamuis durum & inhumanum, minus tamen graue atque acerbum erat, si omnes *ÆQUALITER* atque in commune tolerarent. Illud indignius ac penalius, quod omnium onus non omnes sustinent, imo quod pauperculos homines tributa diuitum premunt, & infirmiores ferunt sarcinas fortiorum. Nec alia causa est, quod sustinere non possunt, nisi quia maior est miserorum sarcina quam facultas. Res diuersissimas dissimilimasque patiuntur, inuidiam & egestatem. Inuidia est enim in solutione, egestas in facultate. Si respicias quod dependunt, abundare arbitreris: si respicias quod habent, egere reperies. Quis aestimare rem huius iniquitatis potest? Solutionem sustinent diuitum, & indigentiam mendicorum. Et hæc quidem Saluianus ad priorem huius l. querimoniam spectantia: Ad posteriorem hæc eiusdem pertinent libro eodem cap. 8. Et quod dixi *VENDUNT*, utinam venderet visitatore, atque communi. Aliquid forsitan remaneret emptoribus. Nouum quippe hoc genus venditionis & emptionis est. Venditor nihil tradit, & totum accipit. Emptor nihil accipit, & totum penitus amittit. Et mox: Nam illud quale, quam non ferendum, atque monstrigerum, & quod non dicam pati humane mentes, sed quod audire vix possunt, quod plerique pauperculorum atque miserorum spoliati resculis suis, & exterminati agellis suis, cum rem amiserint, amissarum tamen rerum tributa patiuntur, cum possessio ab his recesserit, capitatio non recedit? Proprietatibus carent, & vestigalibus obruuntur: Quis aestimare hoc malum possit? Rebus eorum incubant peruasores, & tributa miseri pro peruasoribus soluunt. Post mortem patris, nati obsequiis iuris sui agellos non habent, & agrorum munere enecantur. Et ista quoque Saluianus ad posteriorem huius leg. querimoniam pertinentia, quod scil. venditores agrorum venditorum onera agnoscerent. Rationem, quomodo istud fieret, non explicat Saluianus, id explicant hæc lex, & d. lex 1. *inf. sine censu vel reliquis*: imo omnes illius tituli leges: lex 4. *sup. h. t.* Nempe vel censum sese agnituros spondendo: vel opimos fundos, seruatis & retentis iauilibus,

vendendo: vel retento plebis onere: Et hæc pactum istiusmodi non tantum fisci ratione, seu remomnia, captatis momentaneis miserorum vendito- spectu, verum & ipsorum paciscentium penitus inuuarum necessitatibus. Qua causa fortiter defendo, lidum fuisse: de quo ad *legem 1. inf. sine censu.*

XXVII. (a) Idem AA. Saluino (b) Com. R.P.

OPVLENTOS, quos annua solutione debitas inferre conuenerat pensiones, cum eo quod resedit indebitum, (c) quadruplum iubemus inferre. Hii vero, quos forte mediocritas (d) a contumaciæ huius excusat inuidia, simplam debiti summam omni maturitate redhibere (e) cogantur: quos tamen oportuerat pro media saltem præceptionis (f) condemnatione (g) retineri, (h) qui ad soluenda rei nostræ debita restiterunt. (i) Dat. Id. Nou. Rau. Stilichone & Aureliano Coss. [400.]

NOTAE.

- (a) Abest & hæc *lex* a *Cod. Iust. GOTHOFRED.*
 (b) *Saluinus* Comes R. P. sub Honorio: Hic proculdubio est, ad quem extat Symmachi *epistola 29. lib. 2. ID.*
 (c) *ꝑꝑ. Diuifim, in debitum. ID.*
 (d) *Mediocritas*, id est, paupertas. v. *Gloss. ID.*
 (e) *Redhibere*, pro simplici præstare, soluere. *ID.*
 (f) *Præceptio*, hic eodem sensu, quo Generale præceptum, *l. ult. sup. de constit. Princip.* Imperiale præceptum, *l. un. inf. de superindictis*, id est, quod alias Edictum dicitur, *l. 34. inf. b. t.* id est, Indictio, delegatio, delegatoria, quam de tributis soluendis emittebatur. *ID.*
 (g) *Condemnatio*, pro multa: v. *Glossar. ID.*
 (h) *Retineri*, est puniri, obnoxium reddi. *ID.*
 (i) Id est, *morati sunt. ID.* Cuiac. prim. & illam *4. exstiterunt. RITTER.*

COMMENTARIVS.

MORATORI, qui intra annum tributa rei priuatæ non soluit, si opulentus sit, præter id quod tributi nomine debet, quadrupli pœna mere pœnalis imponitur *hac* Honorii *constitut.* A. D. 400. Cui similis Valentiniani Iun. constitutio est, *lege 18. sup.* circa moratores Vrbicarii Canonis: *P. 38.* Quanquam ea non illico ad quadrupli pœnam peruenitur; sed post iteratam seu secundam moram & contumaciam. Et hæc de moratore opulento. Atenim mediocri seu pauperi hæc pœna remittitur, cum quadam Clementiæ ostentatione: nempe quod dimidia saltem plus multari debuissent. *ἡμιολίῳ*: nam et si *eos mediocritas a contumaciæ excuset inuidia*, vt *b. l.* dici obseruandum est; at tamen eo ipso quod *restiterunt*; id est, intra annum non soluerunt, multandi videbantur.

XXVIII. (a) Idem AA. Pompeiano (b) Procons. Afric.

VETERANI terras censibus obligatas, vt cognouimus, vindicarunt, pro quibus tributum soluere dedignantur. Quosunque igitur insertas censibus terras tenere fuerit deprehensum, ilico ad soluenda tributa compelli præcipimus. Dat. prid. Kal. Ian. (c) Med. Stilichone & Aureliano Coss. [400.]

NOTAE.

- (a) Abest & hæc *lex* a *Cod. Iust.* Iungendæ autem ei sunt *lex 27. inf. de susceptorib. & lex 3. sup. de concess. Aduoc.* Imo & *lex 2. sup. ad l. lul. de ambisur: lex 166. inf. de decurionib. l. 18. inf. de lustrali conlatione: Tandem & lex 60. inf. de appellationib. GOTHOFRED.*
 (b) *Pompeianus* Proconsul Africæ sub Honorio: de eo v. *Prosopogr. ID.*
 (c) Ita quoque *d. l. 27. & l. 3. At, Prid. Kal. Iun. d. l. 2. Prid. Kal. Iul. d. l. 166. & d. l. 18. Dat. Kal. Iun. d. l. 60. ID.*

COMMENTARIVS.

VETERANI quoque terras censibus obligatas, insertas, tenentes, tributa soluere iubentur ab Honorio *hac l.* Cui iungendæ non tantum *lex 27. inf. de susceptoribus: & lex 3. sup. de concess. Aduocat.* verum etiam cæteræ omnes illæ, quas in *Notis* congesti, quæque omnes vnus prolixæ Honorianæ constitutionis partes sunt: quæ emissæ fuit ad Africanorum querelam & legationem, Meciliano Legato misso, vt ostendit *lex 166. inf. de decurionib.* Inter cæteras autem querelas, aliquam multæ rem

Tributariam respexere, qua Africani non vna ratione atterebantur, partim susceptorum & Tabulariorum fraudibus: quo pertinet *d. lex 27. de susceptoribus*, partim compulsoforum depraedationibus, quo spectat *d. l. 3. sup. de concess. aduoc.* partim immunitate Potentiorum, quo pertinet *hac lex, & d. lex 18. inf. de lustrali conlat.* Atque ita etiam argumenti in commune paritate hæc quatuor *leges* inter se optime concordant. Igitur vt *b. l. ita & l. 18. inf. de lustrali conlat. immunitati*, quam Potentior quisque

quisque sibi vindicabat, Honorius occurrit: & hac quidem, veteranorum immunitati iniustæ. Neinpe Veterani a censibus tum demum immunes sunt, si non censibus obnoxias terras vindicare cœperint: de quo suo titulo *sup. de veteranis*. Denique neq; veteranorum obtentu tributorum modum infringi oportet.

XXIX. (a) Idem AA. Prouincialibus prouinciæ Proconsularis. (b)

PERPENSA (c) cura statuimus, Vt non amplius vobis aliquid extra ordinem indicetur, (d) quam rei annonariæ necessitas, ac deuotio (e) postularit, (*) Si quid vero de eodem modo (f) diuersarum (g) specierum potuerit redundare, futura iussimus inflationi (h) proficere, scilicet (i) vt in locis propriis conlata frumenta possessor dependat. Vt (*) vicenis solidis, qui in præteritum pro equis Curatoriciis (k) petebantur, duo solidi detrahantur: ita vt Proconsularis (l) Numidiæ cognoscat, octonos & denos solidos pro singulis equis debere persolvere: Byzaceni etiam Tripolitaniq; cognoscant, quinos denos pro singulis equis se debere præstare. (*) Sportularum autem nomine, quæ Comiti Sacri Stabuli præstabantur, nihil penitus inferendum. Dat. prid. Kalend. April. Med. Vincentio & Frauita Coss. [401.]

NOTAE.

- (a) Abest & hæc *lex a Cod. Iustin.* Iungenda autem ei est *lex 26. sup. de erog. mil. ann. & l. 63. sup. de cursu publ.* Imo iungenda ei & *lex 1. inf. de indictionib.* & forte *lex 28. inf. de susceptorib.* GOTHOFRED.
- (b) *Proconsularis prouincia* est Africa, quæ sub Proconsule erat: de quo v. Orbis Romani descriptionem c. *Cod. Tb.* vid. & *l. ult. inf. de susceptoribus*: & quæ dixi iam ad *l. 1. 28. sup. de erog. mil. ann.* Illud itaque mirum, cum hæc *lex* ad Africam Proconsularem spectet: nihilominus de Numidia, Byzacenis & Tripolitanis quoque caueri. Quare oportet, integram constitutionem, vnde hæc & *duæ illæ priores*, quas huic coniungendas dixi, desumpta est, *Prouincialibus prouinciæ Proconsularis & cæterarum Africa prouinciarum*, inscriptam fuisse: Esti *lex 1. inf. de indictionib.* quæ & huic iungenda est, speciatim *Pompeiano Proconsuli Africae* inscribatur. ID.
- (c) *Perpensa*: v. quæ dixi ad *l. 2. sup. de constit. Principum*. ID.
- (d) Reponendum *indiceretur*: vel *indicatur*, quod præfero. ID.
- (e) *Deuotio* hic pro annona, & militari speciatim: vt docet collatio *d. legis 1. inf. de indiction.* cum *hac l.* de hac alioquin *Deuotionis* significatione dixi plura ad *l. 7. sup. de diu. resc.* ID.
- (*) *Secunda sententia huius leg.* ID.
- (f) Id est quantitate & ratione collationis extraordinariæ. ID.
- (g) In speciebus diuersis *d. l. 1. inf. de indictionib.* ID.
- (h) Indictioni conlationique *d. l. 1. ID.*
- (i) *Sed &*, vt &c. ita hunc locum restituo. ID.
- (*) *Tertia sententia huius l. de Equorum curatoriciorum* affirmatione. ID.
- (k) Curatoricio nomine flagitari dicuntur, *l. 2. inf. de equorum collat.* de quo mox. ID.
- (l) Malim *Prouincialis*: Neque enim Numidia Proconsularis fuit, sed Consulari paruit, vt docet *Notitia Imperii fol. 154.* Sed & *Proconsularis* Numida, pro prouinciali eius prouinciæ, vix recte dicatur: quomodo *prouincia Proconsularis prouincialis* recte dicitur, vel *hac l.* Et quid si legamus: *Proconsularis & Numida*, id est, tam Proconsularis Africae scil. quam Numidiæ? ID.
- (*) *Quarta sententia huius leg. de sportulis Comitibus S. Stabuli*. ID.

COMMENTARIUS.

DE EXTRAORDINARIA MILITARIS ANNONÆ, & EQUORVM collatione est hæc Honorii Imp. *lex*, data A. D. 401. Quæ pars est prolixioris Honorianæ constitutionis, qua is Africa proconsulari potissimum prolixè consultum iuit, ne videl. extraordinaria militaris annonæ, equorumque, imo paraueredorum parangariarumque exactione, plus nimio grauaretur: Quod præter *hanc l.* docent *lex 26. sup. de erog. mil. ann. l. 63. sup. de cursu publ.* imo & *lex 1. inf. de indictionibus*, emendato die, quæ omnes ex eadem constitutione desumptæ, huic nostræ coassandæ veniunt. Ad quem eundem finem datæ ab eo hoc ipso anno, superiore partim mense, partim hoc ipso, *lex 2. & 3. inf. de Equorum conlat. l. 28. de susceptorib.* Et hanc quidem ideo constitutionem *perpensa cura* a se emissam ait, vt enixi studii sui, maturoque con-

silio susceptæ sollicitudinis indicium faceret: hæc enim est vocis *Perpensi* secretior significatio: de qua dixi plene semel ad *l. 2. sup. de constitut. Principum*. Antequam vero de ipsius *legis* sententia agimus, historica *huius leg.* occasio retexenda nobis est. Igitur sciendum est, tuendæ Africae vt iam antea, ita & hac tempestate militem in ea locatum fuisse: tum aduersus Barbaros, tum ne ea pars orbis Romani rebellaret. Quod paulo ante certe euenerat per Gildonis Tyrannidem, qui in ea aduersus Honorium rebellauerat, iam inde ab A. D. 396. imo & Arcadii Imperio eam adiectam voluerat. Et quanquam is iam Anno 398. debellatus fuisset, tamen Gildonianæ factionis reliquæ adhuc supererant. Sed & Marcharidus in ea quidam hostis publicus profligatus, de quo est hoc ipso anno 401. *lex 18. sup. de bonis proscriptorum*. Inde vero

vero Mauri eam laceſcebant, teſte Claudiano de bello Gildonico v. 283. ſeqq. & lib. 1. in Eutropium v. 400. Zoſimo, lib. 5. cap. 11. donec Stiliconis conſiliis & prouiſione liberaretur. His igitur malis motibusque afflicta, inter alia extraordinaria, annona militari, equisque militariſ opus fuit. Quo obtentu, ne prouinciales nimio plus attererentur, hac conſtitutione prouidendum credidit Honorius: His quatuor hac l. conſtitutis: nam & totidem huius l. ſunt capita.

Prima ſententia eſt de Modo extraordinariæ iſtius militariſ annonæ: Nempe id demum, ſeu id tantum Afriſ eonamine indicendum ſtatuit, quantum annonæ militariſ neceſſitas reuera depoſcere videretur: Nempe enim, ſicut nonniſi ſumma neceſſitate vrgente hæc indiſtio ſit, ita nonniſi quatenus neceſſitas poſtulat, facienda eſt. Id quod pariter continetur d. l. 1. inf. de Indiſtionibus, quæ huic inter alias coniungenda eſt: hoc tantum ferme diſcrimine, quod illa Proconſuli Africæ inſcribitur, hac & cætera Prouincialibus ipſis prouinciæ proconſularis: Quomodo de eadem re ad diuerſos eodem tempore ſcribi moris fuiſſe complures aliz hoc Codice leges oſtendunt: de quo peculiari capite in Prolegomenis. Verba igitur legis illius hæc ſunt: Id tantum, quod eſt neceſſarium intra Africam militibus conſiſtentibus, prouincialibus iubemus indiſci, ac iuxta matricularum fidem, quod exigit ratio, poſtulari. Ex his interim apparet quod initio dixi, hac tempeſtate milites intra Africam conſtituiſſe, tuendo eius limiti: ſubinde qua Barbaris, qua Tyranniſ in ea exorientibus repellendis.

Secunda ſententia eſt: Redundantem etiam ex hac extraordinaria militariſ annonæ collatione, quantitatem, id eſt, ſi quid poſt factam erogationem in milites ſuperfuerit, futuræ indiſtionis ſeu illationi proficere & imputari debere. Quod ipſum rurſum d. l. 1. continetur: Ita vt, inquit, ſi quid erogationibus redundarit in ſpeciebus diuerſis, vel præbitione, veſturisque, id futura Indiſtionis collationique proficiat. Non abſimiliter, pretia ſpecierum vrgente neceſſitate fiſco venditarum in collationem fiſco inferendam imputantur, l. 2. Cod. Juſt. vt nemini liceat inempt. ſpecierum. Similiter & ſumptus facti in tranſitu militum, Nouella 130. c. 3. Quæ tres imputationum ſpecies notandæ veniunt, vel eo magis, quod vix quidquam de præterito in futurum ſibi fiſcus imputari patitur.

Tertia ſententia Equorum Curatoriorum adæratio ſit, & quidem moderator, id eſt, eorum pretium conſtituitur, pro prouinciarum Africæ diſceſeos diuerſitate. Quod quid ſit paucis videndum eſt. Curatorici igitur Equi, qui b. l. vocantur, dicuntur Curatoricio nomine flagitari in l. 2. inf. de Equorum conlat. quæ & ipſa lex ad Africam ſpe-

ciat, imo & eidem Pompeiano Proconſuli Africæ hoc ipſo anno inſcribitur ante ſex ſeptimanas, cui & d. lex 1. inf. de indiſtionib. inſcribitur, quæ huic noſtræ coniungenda eſt. Sane ex eadem l. apparet, eos in vſum militarem exactos. Lex ita habet: Imp. Arcadiuſ & Honor. Ad Pompeiano Proc.

Afric.

Sicut dudum præceptum eſt, quamprimum Equorum, qui Curatoricio nomine flagitantur, in pretio maturetur exactio: ita vt vicini quidem ſolidi pro ſingulis equis a prouincialibus exigantur: ſepteni vero Contubernalibus miniſtrentur. Dat. Id. Feb. Med. Vincentio & Frauitta COSS. Eoſdem lex 3. d. 1. de equorum conlatione, vocare videri poſſit, Equos canonicos militares Diſceſeos Africana: quæ lex decem tantum diebus hac antiquior eſt. Quod non probo: de quo etiam ad d. l. 2. Curatoricios igitur equos diſtos quis exiſtimet, eo quod ab iis primum exacti ſeu collati, quibus per Africam cura aliqua demandata erat, quique ad agendas curas deſtinabantur, a quibus proinde pro huiusmodi actu Equi ſolemnnes collati fuerint; quod certe teſtatur Conſtaſtini M. ſingularis lex 2. ſup. de priuil. eorum qui in ſacro Palatio: Quibus & deinceps alii Honorati acceſſere, a quibus iidem equi ad militare ſubſidium, ſeu ad vſum armorum exacti: quod oſtendit lex 2. ſup. de decur. & ſilent. lex 3. ſup. de proximis Comit. diſpoſitionum: d. l. 2. ſup. de priuil. eorum qui in ſacro Palatio: l. vn. ſup. de oblat. equorum: l. vn. inf. qui a præbitione tironum excuſ. Ac nominatim Nauicularii codicillis ornati, l. 15. inf. de Nauiculariis: Nihilominus tamen Curatoricii ſemper a prima ſui origine diſti fuerint. Verum de eo plenius & certius ad d. l. 2. inf. de Equorum collat. & ad l. 3. cod. tit. P. 40.

Nunc de pretio iſtorum Equorum Curatoriciorum. Igitur, cum antea vicini pro ſingulis equis exigerentur, d. l. 2. inf. de Equorum conlat. cuius verba antea retuli, octodecim ſolidis nunc Numidæ taxantur, Byzaceni & Tripolitani quindenis. Nempe, quod notandum, Numidæ equi maiore pretio taxati ſeu adærat: hi quippe præſtantiffimi fuere: Quod præter hanc l. docet lex 15. inf. de nauicul. & Auctor veteris Orbis deſcriptionis ſub Conſtaſtino cap. 52. Numidarum Equorum inter præcipuos quoque meminit Vegetiuſ de re Veterinar. lib. 4. c. 7. Imo & eodem reſpicit aliquatenus lex 2. de cobortalib. Verum de Equorum adæratione ſeu taxatione ad leg. 1. inf. de Equorum collat.

Sequitur poſtrema huius leg. ſententia, qua vetat Honoriuſ Imp. quidquam ſportularum nomine pro his Equis Curatoriciis tribui Comiti S. Stabuli: de quo commodius ad d. l. 3. inf. de Equorum collat.

MVTARI canonem Africanum frumentarium, vrbis Romæ uſibus deſtinatum, ſub pæna dupli, vetat Honoriuſ Imp.

XXX. (a) Imp. Arcadiuſ, HONORIUS & Theod. AAA. Sapidiano Vic. Afric. (b)

SUPER mutando canone (c) a quolibet inpetrata Rescripta vacuentur (d): & si quid (e) deinceps ausus fuerit quæ prohibemus, postulare, in duplum teneatur obnoxius: Nam cum in priuatis causis, quæ contra leges fuerint elicitæ cassentur, rectius (f) in publicis negotiis quæ aduersum vetera (g) decreta extorta fuerint submouemus. Dat. prid. Non. Septemb. Altino, Arcadio (h) A. VI. & Probo Coss.

NOTAE.

- (a) Absent hæc lex a Codice Iustin. Iungendaque huic, meo quidem iudicio, mox vt ostendam, lex 5. inf. de can. frum. V. R. concordat etiam huic lex 4. sup. & lex 1. 2. 4. 5. inf. tributa in ipsis speciebus. GOTHOFRED.
- (b) Sapidianus Vicarius Africae sub Honorio. Huic inscribitur & anno 399. lex 34. inf. de Episcopis, & anno 409. lex 9. sup. de metatis, omissa tamen ibi dignitate. Proculdubio hic idem est, ad quem extat Symmachi ep. 16. lib. 9. vbi & publica eum, tractasse indicat: & Animalia ludorum apparatus præparari sibi ab eo deposcit: animalia, in quibus sane erant Lybica, seu Africana, quod idem Symmachus testatur, lib. 2. ep. 46. 76. lib. 7. ep. 122. v. & Cassiodorum Chronico. ID.
- (c) Frumentario vrbis Romæ, d. l. 5. ID.
- (d) Vacuentur, id est, pro nullis & inanibus habeantur. vid. Glossar. mox, cassentur: item submouemus, ID.
- (e) q. qui: expuncta litera d. quæ ex sequ. vocis occasione hic infarta. ID.
- (f) Rectius, id est, multo magis, potiori ratione. v. Gloss. ID.
- (g) Veterem dispositionem, d. l. 5. ID.
- (h) Emendandi hi Cōsules, mox vt ostendam, ID.

COMMENTARIUS.

MUTARI canonem vt cæteroquin non oportet (de quo erit etiam lex ult. inf. b. t.) ita canonem nominatim urbarium, destinatum vñbus vrbis Romæ, etiam Rescripto Principis mutari, vetat b. l. Honorius: pariter vt l. 5. inf. de canone frum. V. R. (quam huic coniungendam videri mox ostendam:) pariter vt vetuit Valentinianus Senior l. 8. sup. & l. 1. 2. inf. mox peculiari titulo, Tributa in ipsis speciebus: Imo & Theodosius M. per Orientem quoque pariter canonem mutari vetuit, l. 4. & 5. seu ult. inf. Trib. in ipsis speciebus. contrarius hac parte fuit Theodosius Jun. l. ult. hoc tit. Mutari, inquam, id est vel alia specie commutari, vel adærari, seu pretio taxari, vt l. 8. sup. Canonem inquam, vrbis Romæ frumentarium, qui ex Africa Romam subuehendus erat: Quare hæc lex inscripta Vicario Africae: de quo dicitur l. 3. inf. de canone frum. V. Rom. Adeo autem mutationi huic intercedit Honorius, vt si in posterum huiusmodi Rescriptum quis inpetrauerit, in duplum eum teneri velit. Quod ipsum omne continetur d. l. 5. inf. de canone frum. V. R. cuius subscriptio talis est, Dat. prid. Non.

Septemb. Altino, Theodoro V. C. Coss. Vides Diem mensem, & Locum in hac subscriptione, conuenire cum iis, quæ habet subscriptio huius l. Quare mihi mens ea omnino, hanc l. cum illa l. 5. coniungendam esse, atque adeo Coss. in hac emendandos. Præter argumenti paritatem, & subscriptionis similitudinem, & hoc insuper argumentum habeo: quod Honorius Arcadio VI. & Probo Coss. id est A. D. 406. toto, Rauenna consisterit: At enim Theodoro Coss. id est A. D. 399. indubie Patauo digressus mense Septembri Altini constitit: quod docet præterea lex 6. inf. de Canone frum. V. R. l. 15. inf. de exactionibus: imo & lex 16. sup. de bonis proscriptor: Et si fateor nil impedire, quominus Honorius & Altini A. D. 406. aliquando consistere potuerit: quomodo etiam A. 400. Mediolano digressum Altini substituisse, docet lex vn. inf. de patronis horr. Portuens. itemque sine Anni 401. l. vn. sup. de off. Vicarii.

Ratio tandem & argumentatio huius l. a minori ad maius elegans notetur: a priuatis videl. causis ad publica negotia.

P. 41. XXXI. (a) Impp. HONOR. & Theod. AA. Seleucho PF. P. (b)

POSSESSOR (*) Africanus pro destitutis (c) possessionibus cogetur (d) tributa dependere: Quod ne accadat, hac (**) definitione fancimus, Nullum possessorem, neque munificum (e) prædium, pro alienis debitis, (f) vel destitutione (g) esse detinendum: Neque eorum prædiorum depectione (h) prægrauari, quæ ex hisdem bonis quæ retinent, (i) nequaquam esse monstrantur: ne (k) vllis præstigiis atque commentis exactio mutiletur. Electos (***) igitur Inspectores (l) iam nunc (m) censuimus esse mittendos, vt eorum relatione integro canoni (n) & inlibatæ pensatione (o) solemnî, (p) quatenus prouideri debeat, æstimetur. Dat. Prid. Kal. Feb. Rau. Honor. VIII. (q) & Theod. v. AA. Coss. [412.]

NOTAE.

- (a) L. 12. Cod. Inst. de omni agro deserto. GOTHOFRED.
- (b) Seleucus PP. sub Honorio, & quidem Italix, quod docet Africa mentio b. l. & l. 52. inf. de hereticis. v. Profo. pag. ID.

(*) *Prima* hæc sententia historica recisa a Triboniano. *ID.*

(c) *Alienis.* *ID.*

(d) *ꝛꝑ. Cogitur:* sunt enim hæc verba Honorii malum memorantis, mox remedium proposituri. *ID.*

(**) Hinc iam desumpta est *d. lex 12. ID.*

(e) *Municipum* prædium, quod munus publicum seu tributa agnoscit. v. *Gloss.* Inanis coniectura est Gutherii *de off. domus Aug. l. 3. c. 14. pag. 637. edit. Lips.* qui interpretatur obnoxia municipib. cursus publici. *ID.*

(f) *Debitum,* de tributario. v. *Glossar. ID.*

(g) *Destitutionem* vocat prædium, seu possessionem destitutam, *sup. Cod. Iust.* hic legit, *destitutionibus esse retinendum. ID.*

(h) *ꝛꝑ. Defectione,* vt etiam hodie habetur in accuratis Editionib. *Cod. Iust.* antea editum fuerat, *defunctionibus.* Hinc & defecta prædia. v. *Glossar. ID.*

(i) Possessor scil. & prædium municipum: at *Cod. Iust. retinentur. ID.*

(k) *Nec,* C. Iust. Editiones quadam. *ID.*

(***) Et hæc postrema sententia historica a Triboniano recisa est, Non male forte. *ID.*

(l) De *Inspectoribus* his agitur rursus *l. 33. inf. & suo tit. inf. de Censorib. per auctorib. & Inspectorib.* plene. *ID.*

(m) *Iam nunc,* id est, ex die præsentis, continuo, illico *h. l. & l. 2. sup. de Palatinis S. L. l. 1. sup. de off. Reclor. prou. l. 2. sup. de Veteranis: l. 9. inf. de Iustali collas. l. 17. sup. de Tyronibus. vid. Gloss. Theod. ID.*

(n) *Canon,* pro tributo. v. *Glossar. ID.*

(o) *ꝛꝑ. Pensionationi,* ut habet Editio in 4. *ID.*

(p) *Solemnis* pensitatio. v. *Paratistion. ID.*

(q) *ꝛꝑ. IX. ID.*

COMMENTARIUS.

Sicut *Επιβολή* seu Adiectio, Compensatio *STERILIVM* seu destitutorum, anticomum fundorum, ex iisdem bonis manantium, propriorumque cum optimis æquissimo iure ad tributorum solutionem, & *hac leg. vt l. 4. sup.* vbi de *Επιβολή* plene, comprobatur (sic vt omnium ex æquo nomine idem integrum tributum soluere cogatur) ita contra alienorum steriliū fundorum ex diuerso iure manantium *Επιβολήν*, per Africam nominatim velut iniquissimam, abolet Honorius Imp. A. D. 412. *Επιβολή* non fit, seu sterilia fertilibus non imponuntur, nisi ex eisdem bonis *h. l. & d. l. 4. 17. sup. & l. 10. Cod. Iust. de omni agro deserto.* Non ex alienis: neque alius pro alio conueniri debet, *l. 2. inf. de exactionib. l. 186. inf. de decurionib. l. ult. sup.*

de exsecutionib. & exactionib.

Ceterum ne præstigiis aut commentis aliquibus, fraus tributis fiat, quorum exactio hoc tempore maxime vrgebatur, Inspectores in Africam mitti Honorius iubet: vt ita eorum relatione integro Canoni prouideri possit. *Inspectores* scil. extra ordinem in prouincias missi, qui tributariæ rei statum, fundorum ingenium & dotes inspicerent, & referrent: vt ita tributaria res ad eorum relationem, constitueretur, possessionibus tributa indicerentur: quod præter *hanc leg.* docet *lex 33. inf. h. t.* De his vt erit infra quoque *lex 33.* ita peculiaris *titulus u. lib. 13. de Censoribus, Per auctoribus & Inspectoribus:* vbi de his dicam plene.

XXXII. (a) Idem AA. Eucharis (b) Proconsul. Afric.

INLATIONEM omnem Auri vel Argenti a possessoribus in Karthaginensi Vrbe poscendam esse decernimus, in qua oportunitas est, si deprædator fraudum pareat, (c) Iudicis (d) adeundi, ne cui (e) sit facultas apochas abnegari, (f) cum deuotio (g) Cognitori (h) potuerit aperiri: Scilicet remotis omnibus, qui ad (i) Exactionem Prouincialium exquisita lucra captare festinant. Dat. Prid. Kalend. Mart. Rau. Honorio ix. & Theod. v. AA. Coss. [412.]

NOTAE.

(a) Et hæc *lex* abest a *Cod. Iust.* Iungenda porro illi sunt *lex 19. 20. 21. inf. de exactionibus: lex 31. inf. de Susceptoribus: lex 23. sup. de cohortalib. lex 9. sup. de curiosis.* Imo & *lex 22. 24. sup. de cohortalibus.* Concordat ex parte *lex 34. inf. GOTHOFRED.*

(b) *Eucharis* Proconsul Africæ sub Honorio: v. *Prosopogr. ID.*

(c) *ꝛꝑ. Fraudum quid paret:* vel *fraudem paret,* vel *fraudi iam pareat. ID.*

(d) *Iudicis,* id est, Proconsulis Africæ, de quo mox. *ID.*

(e) Possessori. *ID.*

(f) A Susceptore. *ID.*

(g) *Deuotio,* id est, illatio tributorum, v. *Gloss. ID.*

(h) *Cognitori,* id est, Proconsuli Africæ. *ID.*

(i) Id est, supra, præter exactionem, & cum exigunt. *ID.*

COMMENTARIUS.

AVRI, ARGENTI illationi, aduersus Susceptorum fraudes succurrit, EXACTORVMQVE depraedationi, concussioni occurrit, (& quidem per Africam Proconsularem) Honorius Imp. A. D. 412. hac leg. quæ prolixæ Honorianæ constitutionis pars est: qua in vniversum, de Susceptorum, Exactorum, Mancipum cursus publici officio prolixè egit (vt ex illis omnib. legib. quas huic coniungendas esse docui, liquet:) ita nominatim Susceptorum & Exactorum fraudibus, prædiis, spoliis, concussionibus, occurrendum credidit: quod arguunt, præter hanc l. d. lex 19. & 20. inf. de exactorib. & hæc quidem postrema elegantissima.

Huius igitur legis hæc sententia est; Aurum & argentum possessores inferre non alibi cogendos, quam in totius dioceseos Africæ Metropoli, quæ in orbe Africano quasi Roma erat, puta Karthagine, seu Capitolio Karthaginiensi, vt cauetur pariter l. 34. inf. h. t. Auri scil. & argenti, ac maxime aurariæ illationis, peculiaris quædam ratio habita, ne qua Susceptorum fraude interuerteretur, neue ad iteratam solutionem possessores adigerentur. Hoc fine igitur Theodosius M. constituit l. 19. sup. h. t. vt præsentem Defensorem ciuitatis aurum solueretur & apochæ collatoribus darentur: Eodem fine nunc Honorius sub oculis, non nudi Defensoris, qui quotidianis actibus præerat, l. 3. sup. de Defensorib. sed supremi Iudicis & Cognitoris Africæ, quem

quotidianum Iudicem Saluianus vocat, in vrbe Karthaginiensi aurum, argentum inferri iubet: & rursum per eandem Africam Valentinianus III. d. l. 34. inf. h. t. Idque de aliis Metropolibus pariter indicat lex 2. inf. de Susceptoribus. Et tamen displicuit Valentiniano Iuniori l. 17. d. t. de Susceptorib.

Rationem aperte hic adsignat Honorius: In Karthaginiensi vrbe, inquit, in qua opportunitas est, si depraedorum fraudum quid paret (ita enim restituo) Iudicis adeundi, ne cui sit facultas apochas abnegari, cum deuotio Cognitori potuerit aperiri. Scilicet, quod præter hanc l. innumeræ hoc Codice leges arguunt, quas in Notitia Dignitatum Theodosiana, congeram, Proconsul Africæ Karthagine sedem habebat. Saluianus quoque lib. 7. cap. 15. de Karthagine agens. Illic Honor Proconsularis: illic Quotidianus Iudex, & Rector: quantum ad nomen quidem Proconsul, sed quantum ad potentiam Consul.

Non omittere possum, quod d. l. 20. inf. de exactoribus, quæ huic inter alias coniungenda est, cauetur, non ab simili fine, aduersus Exactorum inquam fraudes, prædas, simili ratione: Nempe, in eadem vrbe Karthaginiensi in Secretario (Proconsulis Africæ) admissio populo Exactores idoneos, strenuosque ea l. ordinari oportere: & populari accusatione admissa, concussores grauiter puniri, multarique.

XXXIII. (a) Imp. THEOD. (b) A. Isidoro (c) PF. P. Illyrici.

ID ab vnaquaque prouincia censuimus (d) expetendum, quod ab hisdem nuper esse promissum Tua Sublimitas indicauit. Vt (e) vero nullus de cetero ad possessiones eorum (quod maxime reformidant) (f) Inspector (g) accedat, Macedonum reliqui (h) exemplum secuti, medix quantitatibus, vt obtulisse noscuntur, tributa suscipiant. (i) Sed Achiui, (k) qui protestati sunt, nihil a se ultra tertiam partem posse conferre, (l) illud exsoluant, ad quod se indubitanter fore idoneos pollicentur. Quæ dispositio in perpetuum obseruanda (m), initio Indictionis (n) octauæ congruum sumere debebit exordium: Sacrosancta (*) Theſſalonicensis Ecclesia (o) ciuitatis excepta: ita tamen, vt aperte sciat, propriæ tantummodo capitationis modum beneficio mei (p) Numinis subleuandum: nec externorum (q) grauamine tributorum Rempubicam Ecclesiastici nominis abusione ladendam. Dat. vi. Id. Octob. Constantinop. Victore v. c. CONS. [424]

NOTAE.

- (a) L. 12. C. Inst. eod. tit. & L. 8. Cod. eod. de Sacros. Eccles. GOTHOFRED.
 (b) In Cod. Inst. d. l. 8. perperam Imp. Carus. Item male Haloander in d. l. 12. Valentinianum (Tertium scil.) contra fidem antiquorum librorum adſociat. ID.
 (c) Isidorus PP. Illyrici, sub Theodosio Iun. vid. Profopogr. Eidem inscribitur hoc ipso Anno lex 4. inf. de spectacul. Hinc emendanda Inscriptio d. l. 8. ID.
 (d) Censumus, Cod. Inst. ID.
 (e) Nullus vero: ita C. Inst. Male. ID.
 (f) Reformidant. Cod. Inst. ID.
 (g) De Inspectore iam dictum ad l. 31. sup. dicitur plene suo tit. inf. de Censurib. &c. ID.
 (h) Id est, Macedones omnes, seu Macedoniæ dioceseos prouinciæ omnes, Achaia sola excepta. Quanquam inuoluta hic constructio (pariter vt mox infra Sacrosancta Theſſalonicensis Ecclesia ciuitatis) ita euoluenda: Macedonum exemplum, reliqui secuti. ID.
 (i) Suscipiant, id est, agnoscant, v. Glossar. ID.
 (k) Ita quoque veteres Cod. Iustin. & Paratitla Græca, quomodo & Accursius legit: Male in vulgatis Edition. Sed & bi. ID.
 (l) Vel legendum hic, vt Cod. Inst. conferri, vel præpositio; h, quæ supra, inducenda est. ID.

(m) Obseruanda.

- (m) *Obferuabitur*: ita *C. Iust.* rescatis sequentibus, vsque ad *Sacrofancta*. Nempe quia Historica sunt: qua ratione & superiora Tribonianus immutare debuerat. *ID.*
- (n) *Indictio octaua* hæc congruit Anne proxime sequenti 425. vt præter *hanc l.* docet Chronicon *Marcellini*, & alterum *Alexandrinum*. De *Indictionibus* omnia, quæ *hoc Codice* occurrunt collegi peculiari capite sub finem *Consularium Theodosianorum*, & dicam ad *tit. inf. de indulg. debitorum. ID.*
- (o) *L. 8. Cod. Iust. de Sacrof. Eccl.* hinc desumpta est. Cæterum & *hac l.* augeri Annales Ecclesiastici Anni D. 424. possunt, quam Baronius omisit in annum suum referre. Retulit sub Cari Imperio A. D. 284. errorem *Cod. Iustiniani* secutus: *ID.*
- (p) Inuoluta hic constructio, vt nonnullis aliis *huius l.* locis. Recte euoluit *Cod. Iustin.* in *d. l. 8.* at non & in *d. l. 12. ID.*
- (q) Ita quoque *d. l. 12.* at in *d. l. 8. Nostri. ID.*
- (q) Ita quoque *d. l. 12.* at *d. l. 8. Extranorum*: male. *ID.*

COMMENTARIVS.

MACEDONICÆ Diœceseos prouinciarum tributū **MODVS**, iuxta spontaneam earumdem oblationem, promissionem, pollicitationem, Inspectoris gratia facta, a Theodosio Iuniorē A. D. 424. sancitur: simul & quod alterum *huius l.* caput est, **THESSALONICENSIS** Ecclesiæ immunitas firmatur *hac l.* quæ & localis est, quod Acursius, Platea, Pyrrhus & alii post hos recte notarunt: imo & Temporaria, quam proinde mirum a Triboniano retentam.

De utroque separatim agendum est: Quamquam ante omnia sciendum, e duabus diœcesibus, quibus Illyricum Orientale, seu Præfectura Prætoriana Illyrici constabat, fuisse Macedonicam diœcesim: cuius speciales prouinciæ fuerunt *Achaia, Macedonia, Creta, Thessalia, Epyrus vetus, Epyrus noua, & pars Macedoniae salutaris*: vt docet Sex. Rufus Festus in *Breuiario ad Valentem cap. 7.* circa A. D. 370. & *Notitia Imperii* circa A. D. 427. fol. 15.

Macedonicæ igitur Diœceseos prouinciæ solitis tributis impares, & ab Inspectoribus sibi maxime metuentes, qui extra ordinem in prouincias subinde mittebantur, sed graues ipsis prouincialibus plurimum erant (de quibus iam *l. 31. sup. & suo titulo inf. de Censitorib. Peræuatoribus, & Inspectoribus*) ad Isidorum PP. Illyrici (sub quo Diœcesis Macedonia erat) spontanea oblatione perferri curauerant, quantam tributū partem soluere parati essent. Primi *Macedones* prouinciales mediæ tantum quantitati sese sufficere dixerant. Horum exemplum secuti & reliqui, (Cretenses, Thessali, Epyri) soli Achiui protestati fuerant, se ultra tertiam partem soluere non posse. Id per Isidorum PP. ad Theodosium Imp. perlatum *h. l.* confirmatur, acceptata vitronea Macedonia Oblatione, & Inspectoris, (de quo alibi) insuper gratia iis facta. Idque in perpetuum obseruari iubet, illam inquam dispositionem & oblationem vitroneam. Qua occasione Interpretes nugatorie hic agunt de Principe, quod teneatur ad conuentionem cum subditis celebratam obseruandam, & quod non possit reuocare priuilegia indulta ratione contractus. Et hæc de primo *huius leg.* capite.

Secundo capite **THESSALONICENSIS** Ecclesiæ immunitatem, a tributis *hac l.* firmat Theodosius Iun. Nempe Thessalonica ipsa, vt in secularibus pari passu cum maximis orbis Rom. & nobilissimis vrbibus ambulauit, ac Macedonicæ diœceseos metropolis fuit, *μήτηρ πόλης Μακεδονίας, mater omnis Macedoniae*, vt est in Antipatri *Epigrammate*

lib. 1. ἀνθολογ. cap. 26. Epigr. 5. v. 2. imo totius Illyrici Orientalis (quod Theodoretus testatur *lib. 5. c. 17. initio.*) *Θεσσαλονίκη*, inquit, *πόλις ἐστὶ μεγάλη καὶ πολυάνθρωπος*, eis μὲν τὸ Μακεδόνων ἔθνος τιλῆσα, ἡγεμένη δὲ καὶ Θιτταλίας καὶ Ἀχαιῶν, καὶ μὲντοι καὶ ἄλλων παμπόλλων ἐθνῶν, ὅσα τῶν Ἰλλυριῶν τὸν ὑπαρχόν ἡγεμόνον ἔχει: *Thessalonica* vrbs est maxima & populoſa, Macedonum quidem in gente posita, sed quæ caput est, tum Thessalia & Achaia, tum aliarum complurium prouinciarum, quæ reguntur a Præfecto Prætorio Illyrici. Ita Thessalonicensis Ecclesia & Episcopus iam olim Illyrici totius Primæ, præcipuoque honore fuit: de quo Acta *Synodæ Primæ Nicenæ* apud Gelasium *cap. 27. pag. 423. T. I. Concil. Edit. Harduin. & canon. 20. (su. 16. grec.)* Concil. Sardicens. Tom. eod. Concil. *pag. 651.* *Ἰλλυριῶν ἀρχιεπὶς*, de quo Procopius *orat. 4.* cuius verba excitat Philippus Berterius *Pithanon Diatrib. 2. cap. 2. pag. 866. Tom. IV. Thesaur. Iur. Vid. & quæ dixi ad l. 45. inf. de Episcopis.* Sane, quod omisit ille, omittunt & Ecclesiasticæ Historiæ Scriptores suo Anno memorare, & hæc *lex* argumentum illustre præbet. Ei nempe Thessalonicensi Ecclesiæ, vni in tota Macedonia diœcesi, imo in tota Præfectura Prætoriana Illyrici, singulari priuilegio immunitas a tributis a Theodosio Iun. tribuitur: idque non sine elogio: *Sacrofancta*, inquit, *Thessalonicensis Ecclesia ciuitatis excepta.* Sane vt Apostolica Ecclesia hæc fuit, in Metropoli vrbe fundata, ita præcipuo honore eius Antiflites fuere: quorum Catalogum aliquem nectit a Constantini M. temporibus Baronius A. D. 378. n. 42. 43. Eum vltius pertexam, vt ita ad eum deueniamus, qui *huius l.* tempore fuit:

ALEXANDER. *Constantini M.* temporibus fuit: Nicæno Concilio interfuit: eius literæ extant ad Athanasium.

AETIVS. Tempore Concilii Sardicensis, sub *Constantio.*

IRENIVS, vel **IREMINVS**, post Concilium Arminense sub *Constantio*: De eo Athanasius *Apolog. ad Constantium pag. 692. Tom. I. Oper. edit. Lips. apud Weidm.*

ACHOLIVS. Sub *Valente, & Theodosio M.* & tempore Concilii Constantinopolitani, v. Ambrosium *ep. 59. su. lib. 3. epist. 22. Tom. V. Oper. edit. Paris. Cardinal. Felices de Mont. Alto.* Epistolam Synodalem Concilii Constantinopolitani apud Theodoretum, *lib. 5. c. 9.* Hic Theodosium baptizauit. v. Sozom. *lib. 7. c. 4. & Socratem, lib. 5. c. 6.*

ANYSIVS, Acholio subrogatus (sub Theodosio M.) teste Ambrosio *ep. 59. 60. su. ep. 22. 23. edit cit.* Superstes fuit post Concilium Capuanum, id est, A. D. 389. testis idem Ambrosius *ep. 79.*

RUFVS, vel RUFIVS. Sub Theodosio Iunior, tempore Concilii Ephesini, & eo tempore, quo primum Nestorius motus suos exeruit: Celestini Ep. Rom. epistolam ad eum memorat Liberatus in *Breviario cap. 5.*

ANASTASIVS. Sub Theodosio Iun. tempore Concilii Chalcedon. *Rufum* igitur huius l. tempore fuisse apparet.

Sed ad rem. Singularem privilegio immunitas a tributis vni Theffalonicensi Ecclesiae per Illyricum tributa: de quo etiam dicam aliquid ad l. 21. *inf. de extraord.* ita ut exinde etiam duo observanda veniant. Primo, Ecclesias hac tempestate in commune a tributis immunes non fuisse: quod ut prolixius ostendi ad l. 1. *sup. h. t.* ita id *b. l.* egregie firmatur. Firmatur & l. 15. *inf. de Episcopis.* Et si ab initio Constantinus M. omnes Ecclesias Catholicas a tributis immunes fecisset, l. 1. *sup. h. t.* Nempe, inter initia respirantis a persecutionib. Eccles. & adhuc paupertinæ. Secundo, modus quoque quem huic singulari immunitati praeiituit Theodosius Iun. observandus est: Nempe ita Theffalonicensi Ecclesiae hoc privilegium tribuit, ut ne obtentu Ecclesiae & Ecclesiastici nominis *externi*, seu alii siue privati, siue Clerici, aut Ecclesiae per fraudem & collusionem hac immunitate potiantur; unde suspicio mihi, Episcopum Theffalonicensem, qui hac tempestate fuit, hisce fraudibus implicitum fuisse, suoque & Ecclesiae suae nomine aliorum quoque possessiones quasi suas defendisse: Itaque & Theodosio Iun. huic fraudi occurrere visum. Ita tamen, inquit, ut aperte sciat, propriae tantummodo Capitulationis modum beneficio mei nominis subleuandum: nec exterorum gravamine tributorum Rempublicam Ecclesiastici nominis *abusione* ledendam. Quomodo idem fraudi simili iam occurrit ante saeculum circa Ecclesiam Constantinopolitanam & Alexandrinam l. ult. *inf. de patrocini vicorum.* Sane ex l. 45. *inf. de Episcopis*, quae data A. 421. triennio

ante hanc leg. pariter colligere mihi videor, novatorem & turbulentum huius temporis Episcopum Theffalonicensem extitisse: ubi v. quae dico plura. Neque hic omittere possum, quod Malchus tradit, in *excerptis legationum* pag. 53. Tom. I. *Script. R. B. ed. Venet.* Episcopo eius vrbis claves traditas, τὰς κλῆς, inquit, τῶν πυλῶν ἐκ τῆς πόλεως λαβόντες, τῷ ἀρχιεπίσκοπῳ, claves civitatis a Praefecto acceperunt, & Archiepiscopo tradiderunt.

Ex his iam apparet, in hisce posterioribus verbis nihil hærere vitii, neque in hoc Codice, neque in Iustiniano, quod Leonclanius credidit in *paratitla* p. 221. Sensus enim apertissimus, Ecclesiam Theffalonicensem satis habere oportere, si ipsa immunis sit a tributis: atnon ideo hoc obtentu extraneæ & aliena tributa sub nomine suo subleuare debere: ut Græci etiam habent in *dict. Paratitl.* su. Theodori Balsamonis Diaconi collectione *Ecclesiasticar. constitution. tit. 2. pag. 1252. Tom. II. Bibliothec. Iur. Can. Hen. Iustelli.* ἡ γὰρ ἐπειδὴ αὐτῇ συγκατέστανται, διὰ τὸ τοῦ Θεοῦ ἀλλοτρία τελέσματα τῷ οἰκείῳ κατὰ φύσιν ὀνόματι: & quamvis hac remissionem tributorum est consecuta, propterea tamen aliena tributa sub nomine suo subleuare non debet. Ait lex exterorum gravamine tributorum, quibus scil. gravaretur Respublica, si fraudulentæ immunitati locus fieret Ecclesiastici nominis obtentu. Certe si quid mutandum foret, tum pro gravamine reponendum esset levamine. Extranea tributa hic opponuntur Ecclesiae tributis. Neque enim admittenda Heraldii interpretatio, qui id refert ad modum seu formam: ut extranea tributa sint, quæ insolito & inusitato modo percipiuntur: unde Respublica, quæ certam formam, & utilem exigendis tributis constituit, damnum pati potest.

Interim, hac l. aperte docemur, quid per Capitulationem hic intelligendum sit, ut de eo ambigere desinant deinceps Interpretes, ut iam olim ab his factum, qui ioculariter lapsi adeo. Nempe ex tota h. l. liquet Capitulationem esse, tributum soli & possessionum. De qua voce plura ad l. 15. *sup.* & plene in *Paratitlo* huius tituli: & ad l. 2. *inf. de Censu.*

XXXIV. (a) Imp. Theodosius & VALENTINIANVS AA. Celeri (b) suo Sal.

P. 44.

NVMQVAM, pro dissimulatione Iudicum Compulsore (c) aut Opinatore Africanus possessor mittatur in prædam: sed quatuor mensium ab Edicti publicati die indutiis datis, aurum à possessore Capitolio, (d) studio spontaneæ (e) deuotionis, (f) sancimus inferri: Ultra id tempus, si tarditas adferatur, tunc militi (g) debiti postulati delegandam esse rationem. Quæ pietatem nostram Viri Spectabilis Bubuli (h) Comititis & Legari discernere coëgit eloquium. (i) Dat. v. Kalend. Mart. (k) Post conf. Felicis & Tauri. [429.]

NOTÆ.

(a) Abest hæc lex a Cod. Iustin. Iungenda huic lex ult. *inf. de appellationib.* & lex 185. 186. *inf. de Decurionibus. GOTHOFRED.*

(b) Celer hic sub Valentiniano Tertio Proconsul Africae fuit: ut nominatim additur d. l. 185. 186. Meminit eius & D. Augustinus *ep. 210. & 237. su. ep. 56. & 57. edit. Benedic. ID.*

(c) Compulsari aut Opinatori: vel, de Compulsore aut Opinatore, vel denique addenda vox, *missio*. De quibus agitur etiam d. l. 186. quæ huic iungenda est. *ID.*

(d) Capitolium vrbis Karthagenensis scil. de quo mox. *ID.*

- (c) *Ἀντοπραγίας*, ID.
 (f) *Deuotionis* vocabulum hac in re proprium, vt iam sæpe dixi. ID.
 (g) Compulsori, aut opinatori. ID.
 (h) *γρ. Bubulci*, vt d. l. 186. quæ huic coniungenda est. ID.
 (i) *Eloquium* Legati, est id quod Legatus apud Principem eloquitur, & exponit. ID.
 (k) Ita quoque d. l. *ult. de appellatione*. at d. l. 185. & 186. Mail. ID.

COMMENTARIVS.

COMPULSOR aut OPINATOR tributis & quidem AVRI exigendis per Africam quando mitti debeat, definit hac constitut. Valentinianus III. A. D. 429 Quæ vt prolixæ constitutionis de re tributaria, & pensi vibus principis rei portio est (quod ostendit *lex 68. inf. de appellat.* & *lex 185. 186. inf. de decurion.* quæ huic iungendæ sunt.) Eaque constitutio tota emissâ ad querelam & legationem expressam prouinciæ Proconsularis Africæ, missâ in legato viro Spectabili Bubulco Comite, vt præter hanc l. pariter testatur d. *lex 186. inf. de decurion.* Legatio, inquit, Proconsularis prouinciæ, per Bubulcum Spectabilem Virum Comitem: De cuiusmodi legationibus & querelis, est *inf. peculiaris titulus, de legatis & decretis legationum.* Atque vt de variis hominum generibus querelæ subinde ad Principes perlatæ: ita nominatim de Compulsoribus & Opinatoribus cæterisque exactoribus.

Compulsores (quorum hac l. mentio fit, & d. l. 186. & l. 5. *sup. de off. Reſtoris prouinciæ*, & l. 7. *sup. de executor. l. 15. inf. de exaction. l. 3. & 4. sup. de concussionib. Aduocat. l. 4. inf. ne conlationis translatio postulat. l. 16. sup. de iure fisci.*) erant Exactores, qui tempore elapso, quo tributorum solutionem factam oportebat, ad compellendos prouinciales, eosque exigendos mittebantur: Hinc Instantia Compulsorum proprie, d. l. 4. *inf. ne conlat. translat. postulat.* Compulsorum horum meminit quoque Am. Marcellinus lib. 22. cap. 6. vbi & munus eorum satis indicat: Si compulsori qui aquam dederit, vt leuari debito possit, vel certe commodius per dilationem inferre que flagitantur &c. *Κατεσθῆγοντας* vocat Libanius orat. contra Florentium pag. 428 edit Morelli, Glossæ, Compulsionem ἡσπαράζω, ἀπαίτησις. Fit & mentio in Nouellis, & apud Cassiodorum, de quo mox. Græci ἐξωλεῦσας dixerunt; de quibus vide præterea l. *ult. C. Iust. de exactor. tribut.* & Nouellam Iustin. 128. cap. 6. Fit eius quoque mentio apud Ennodium *Epistolarum* lib. 7. *Epist. 10.* & apud Cassiodorum frequens VII. *Variar. 45.* & IX. *Var. 4.* & XII. *Var. 8.* Porro vel Curialib. vel Apparitoribus Reſtorum prouinciæ hoc munus imponebatur l. 4. *inf. ne conlat. transl.* De his & eorum deprædationibus, per Africam nominatim, cum variz querelæ exortæ fuissent, vt apparet ex hac l. & d. l. 186. & l. 3. *sup. de concussion. Aduocat. vid. & d. l. 5. sup. de off. Reſt. prouinc.* & d. l. 16. *sup. de iure fisci* subinde etiam repressi; tandem ex Africanis prouinciis penitus pulsi, d. l. 4. *de concus. Aduocat.* Mox & vniuersa Præfectura Prætoriana Italiz, Nou. Maioriani 4. At Anastasi Imper. constitutione indutum postea fuit, vt compulsores non prouincialibus ipsis, verum Iudicibus eorumque Officiis & Canonicariis imminerent, d. l. *ult. Cod. Iust. de exact. trib.* Iustiniani tandem constitutione nouissi-

ma sublati sunt penitus Compulsores, Nou. 128. Et hæc de Compulsoribus.

Opinatores, de quibus plenissime dixi ad l. 26. *sup. de erog. milit. ann.* erant Exactores annonæ militaris nominatim, modo sic, vt non prouincialibus, verum Iudicibus & eorum officiis imminerent, modo Prouincialibus ipsis, vt ex hac l. & d. l. 186. & l. 26. *sup. de erog. milit. ann. l. 1. de excoſt. & translat. ann. l. 16. de exactionib. l. 6. sup. de exsecutoribus*, liquet.

Igitur compulsores & Opinatores hos non illico exigendis prouincialibus mitti iubet Valentinianus Tertius, hac l. ne alioquin possessor in prædam mittatur, id est, prædæ obnoxius fiat, quod dissimulatione Iudicum sæpe fiebat. Quid igitur? *Ἀντοπραγίας*, id est, vt hac l. vocatur, spontaneæ deuotionis & illationis ius prouincialibus hac l. tribuitur: *ἀντοπραγίας* inquam, vel vt vocatur l. 4. *inf. ne conlation. translat. post. Autopraſtorum.* Spontaneæ scil. illationis ius, vti sibi Collatores tribui ambitiose subinde expetierunt; ita deprehendere licet, sæpe pro singulari priuilegio id nonnullis concessum, ne a solitis Compulsoribus exigerentur, vt docet *lex 15. inf. de exact.* & d. *lex 4. inf. ne conlat. translat.* Sed enim & in commune omnibus possessoribus nonnunquam tributum hæc lex ostendit, vbi videlicet de his compulsoribus & p. 45. eorum deprædationibus querelæ exoriuntur. Hac itaque constitutione Africanis nunc conceduntur induciæ quatuor mensium ab Edicto publicato, id est, ab Indictione publice proposita. Nam vt cætera Principum Edicta publice solemnibus locis proponi mos fuit; ita & Edicta Indictionum, l. 3. *inf. de indiction.* Induciæ, inquam, quatuor mensium tribuuntur, intra quos tributum auri sponte inferant, & quidem Capitolio vrbs Carthaginiensis. Nempe, vt iam Honorius aurum & argentum a possessoribus in vrbe Carthaginiensi posci, præstari iussit l. 32. *sup. h. t.* ita hac l. ostendit, id Capitolio eius vrbs illatum. Notum scil. iam, in præcipuis vrbus Capitolia fuisse, non Romæ, vel Constantinopoli modo (de Constantinopolitano vid. l. *ult. inf. de studiis liberal. V. R. & l. vn. sup. de professorib. qui in V. Constantinop.*) sed & ad horum instar alibi quoque: Capitolia, inquam, id est arces, vt Isidorus recte interpretatur: veluti Karthagine, hac l. cuius meminit & Cyprianus Ep. 55. edit. Pamel. *fiu. epist. 59. edit. Ioan. Felli Episcop. Oxon. ad Cornelium, pag. 134. Compelluntur adhuc insuper lapsi, vt linguis atque ore, quo in Capitolio ante deliquerant, Sacerdotibus conuictum faciant.* Vide & eundem tractat. de lapsis pag. 125. edit. cit. De aliis Capitolis alibi dictum.

Tandem quatuor his mensibus elapsis, si tributum solum non fuerit, Compulsores & Opinato-

natores tributo exigendo mitti iubentur, qui *Missis* scilicet hac voce designantur, vt docet *d. lex 4. inf. litis* appellatione hic designantur. *Apparitores* ne conlat. transl. possuletur.

XXXV. (a) Idem AA. Volufiano PF. P. (b) Post alia.

NE Prouinciales, (ad quorum vtilitates spectat omnis hæc nostra prouisio,) a deuotione (c) reuocet nimia securitas, & soluendi voluntas cessent (d) necessitates, submota ea quæ nostro ærario pensantur, hac ratione dissoluent, vt omni modo antequam elaboratur Indictio (e), annua tributa gratis beneficiis nostris possessor exsoluat. Si quis vero solutionem voluerit in tempora longiora differre, hunc prouinciæ Rector omni exactionis acerbitate (f) compellat: & cetera. Dat. xvi. (g) Kalend. Mar. Rau. post conf. Felicis & Tauri. [429.]

NOTÆ.

- (a) Abest & hæc lex a C. Iust. Et iungenda huic est proculdubio *lex 31. inf. de susceptor. GOTHOF.*
- (b) *Volufianus* sub Valentiniano Tertio P.P. & quidem Italiz: Cui eidem superiore Anno inscribitur *lex ult. sup. de Tyron.* vbi mentio fit *Proconsularis Prouinciæ* seu Africæ. Eidem inscribitur hoc ipso Anno famosa *lex 4. C. Iust. de legib. ID.*
- (c) *Deuotionis* appellatio quo sensu hic accipienda, iam sepe dictum, ac nominatim ad *l. 7. sup. de diuers. rescript. v. plenissime Gloss. Theod. ID.*
- (d) *vg.* et interpunge sic: & soluendi voluntas cesset necessitate submota, ea quæ nostro, &c. *ID.*
- (e) *Indictio*, id est, annus. *ID.*
- (f) *Acerbitate. ID.*
- (g) *III. in d. l. 31. inf. de susceptor. ID.*

COMMENTARIUS.

AUTOPRAGIAS ius hac l. pariter vt superiore, quemadmodum possessoribus tribuitur ab eodem Valentiniano III. ita & eidem modus quidam adhibetur; ne inquit, quod eleganter & vere dictum, prouinciales, ad quorum vtilitates spectat omnis hæc nostra prouisio, a deuotione reuocet nimia securitas, & soluendi voluntas cesset necessitate submota: (Nam ita hic locus constituendus est.) Nempe suo quisque arbitrio vt relinquitur; ita ferme nimia securitate a deuotione & debito officio reuocatur. De ipso primum Autopragias iure videamus: dein de modo ei appposito. Autopragiam igitur Valentinianus III. prouincialibus hac l. concedit, & quidem non iam quatuor mensibus post an-

num elapsum tributis, vt prox. l. 34. sup. verum plenissimam integri anni, haud aliter atque l. 3. inf. de conlat. fund. patrimon. & l. 2. inf. de susceptor. Quod quidem de Auri conlatione proprie accipiendum est, vt hæc l. loquitur, de iis quæ ærario pensantur: Annonariæ enim species per quaternos menses soluebantur, vt docet *d. lex 3. inf. de conlat. fundor. patrim. & lex 15. sup. b. t.* vbi plures alias leges cumulaui. Nunc de modo: Igitur anno elapso, omni acerbitate moratorem compelli iubet. Scilicet vt intra annum compelli a Palatino Compulsore nemo prouincialium debet; ita post id tempus omnem acerbitem adhiberi oportet.

P. 46.

XXXVI. (a) Idem AA. Flauiano (b) PF. P.

EXCEPTO patrimonio Pietatis Nostræ (cuius quidem redditus necessitatibus publicis frequentissime deputamus) vniuersos possessores functionis (c) in canonicis (d), & superindictitiis (e) titulis absque vilius beneficii (f) exceptione, agnoscere (g) oportere censemus. Igitur Tua Sublimitas, pragmatici (h) nostri statuta custodiens, indifferenter (i) cunctum (k) possessorem, obnoxium videlicet publicæ functioni, ad subeunda designatione (l) distributa compellet. Dat. III. Kalend. Maji, Rau. Basso & Antiocho Coss. [431.]

NOTÆ.

- (a) *Lex ult. C. Iust. de privilegiis domus Augustæ, vel rei priuata*, hinc interpolata est. *GOTHOF.*
- (b) *Flauianus* sub Valentiniano Tertio PP. Cui Anno quoque proximo 431. inscribitur *lex 3. sup. de decurion. & filen-tariis. ID.*
- (c) Pro *functionis*, vt habet Cod. Iust. *ID.*
- (d) In *Canonicis*, hæc Tribonianus resecavit. *ID.*
- (e) De *Superindictio* v. *inf. tit. peculiarem 6. ID.*
- (f) Id est, Rescripti singularis super immunitate: Quo sensu *beneficii* vocem accipi plerumque oportet, de quo iam dixi plene ad *l. ult. sup. de constitut. Principum. ID.*
- (g) *Agnosendi* vox hic propria. Dixi iam *sup. ad l. 14. b. t. ID.*

(h) Prag-

(h) *Pregnaticum Principis*, Edictum scil. v. *Paras. de constit. Princ. ID.*

(i) Pari atque equali inlacione, l. 7. *sup. de diuersis Rescriptis. ID.*

(k) *Consuetam* possessorem: vide *Glossarium*: id est, omnem possessorem. *ID.*

(l) *Designatio* hic non est Indictio seu Delegatio; Vide *Peratitlon* huius tit. Verum partitio, seu adscriptio, & distributio. *ID.*

COMMENTARIVS.

IMMVNEM a tributariis functionibus siue ordinariis & canonicis, siue superindictitiis, de quibus tit. 6. *inf.* quenuquam esse vetat hac constit. Valentinianus III. A. D. 431. quodcumque tandem beneficium Principis præstendat. Quam in sententiam est pariter *lex 1. 20. 25. 26. 33. sup. h. t. lex 6. & 7. sup. de diuersis. rescript. lex ult. sup. de constit. Princip. & tit. 12. inf. de immunit. concessa*: solum Principis patrimonium excipitur hac l. & l. 1. *sup.* & rationem addit Valentinianus Tertius, quod patrimonii sui redditus publicis necessitatibus frequen-

tissime deputet: Quod de Valentiniani animo metiendum est, quem singularis clementiæ famam captasse & necessitatibus publicis subueniendi gloriam ostentasse, neque tam ipsum quam Placidiam matrem, cuius nutu regebantur omnia (cum reuera tamen publicæ tum necessitates destituerentur, renuente magis magisque imperio) compertissimum est; ita ut vix vllius Principis constitutiones plus ciuilitatis in speciem spirent, quam huius ipsius Principis. Videnda saltem *lex 4. Cod. Iust. de legibus.*

XXXVII. (a) Idem AA. Dario (b) PF. P.

PRÆTERITIS, vicumque impetrata sunt, in suo statu manentibus, quoniam *munificentiam principalem nefas est reuocari*, in posterum, excepto Cyro Reuerendissimo Afrodisiensium ciuitatis Episcopo (cuius tanta sunt merita, ut etiam contra generalem huiusmodi sanctionem speciali beneficio (c) perfrui non vetetur) quicumque per Adnotationem nostram in auro voluerit tributa dependere, communicata æstimatione quinquennii sterilitatis ac fecunditatis, pro foro rerum venalium habita ratione, ex eadem summa, quæ eiusdem quinquennii perpenfis frugibus colligitur, partem quintam pro annis singulis soluere compellantur. Dat. v. Kal. Septemb. Apameæ, (d) Isidoro & Senatore Coss. [436.]

NOTAE.

(a) Abest hæc *lex* a C. *Iust.* velut temporaria & historica: Iungenda huic est *lex ult. inf. de indictionib.* quæ alioquin est *lex 2. C. Iust. eod. tit.* Cæterum hæc *lex* non minus recte statet sub *tit. prox. inf.* Eam Baronius ad annum suum 436. non retulit, etsi eius meminerit A. D. 431. n. 37. GOTHOF.

(b) *Darius* sub Theodosio Iun. PP. & quidem Orientis: ut expresse vocatur l. *ult. sup. de decurion. & silent.* quæ ei anno prox. 437. pariter inscribitur. *ID.*

(c) Beneficium speciale, id est priuilegium circa rem tributariam, v. *Gloss. ID.*

(d) Bithyniæ, v. *Chronol. ID.*

P. 47.

COMMENTARIVS.

MVTARI canon, etsi ordinarie non possit, id est, etsi SPECIERVM loco auri regulariter inferri non possit: contra, tributa in ipsis speciebus inferri oporteat (qua de re fuit, iam *lex 8. & 30. sup. h. t.* erit *lex 5. inf. de canone frum. V. R.* Imo erit Titulus peculiaris *prox. inf.* cui hac l. non minus recte aptari potuisset) attamen hac l. Theodosius Iun. An. Dom. 436. tres exceptiones admittit.

Primo, beneficia super hoc utcumque iam a nonnullis impetrata in suo statu manere concedit: Quoniam, inquit, *Munificentiam principalem nefas est reuocari*. In quo, ut in commune Principibus aliis alia subinde sententia stetit, quibus ea omnia rescripta, quæ in fraudem tributorum concessa fuerant, infirmare visum; ac nominatim Theodosio M. l. *ult. sup. de constitut. Princip. leg. 6. sup. de diuersis. rescript. & Valentiniano Iun. l. 7. eod. tit.* Ita diserte rescripta super mutando Canone vacuari iussa. *A. l. 30. sup. h. tit. & d. l. 5. inf. de Canone frument. V. R.*

Tom. IV.

Secundo. Cyrum Episcopum Afrodisiensium speciali beneficio & priuilegio excipit; cum insignis elogii prærogatiua; cuius, inquit, *tanta sunt merita, ut etiam contra generalem huiusmodi sanctionem speciali beneficio perfrui non vetetur*. Nempe hic Cyrus Afrodisiensium in Caria metropoleos Episcopus fuit, qui Ephesinæ Synodo Oecumenicæ quæ aduersus Nestorium, quinquennio ante hanc leg. latam celebrata fuit, præcipuus Nestorianæ hæresi conficiendæ, interfuit, ut docent eius Concilii acta; Et, si conicere licet, forte ipsius Nestorii in exilium mittendi auctor extitit: Quandoquidem hoc ipso Anno Nestorium in Oasim deportatum docet Theodosii Edictum seu mandatum super eo ad Isidorum PP. huius Darii, cui hæc *lex* inscribitur, in Præfectura Præt. decessore. Ob quæ similiaque, ingentia Cyri istius merita hic a Theodosio Iun. deprædicantur. Cæterum Afrodisiadis huius meminit quoque Plinius *Hist. Nat. lib. 5. c. 29. & Pomponius Mela lib. 1. c. 16.* qui & urbem Cariz nominatim facit, & Aphrodisium

G

vocat:

vocat: sed & Tacitus *lib. 3. Annal. cap. 62. vbi & Asyli apud eos meminit. Eadem & Liuii Aphrodisias Crene lib. 37. cap. 21. eademque cuius mentio in Oraculo apud Appianum in Mithridaticis. Fit certe quoque Aphrodisiensium ciuitatis mentio Nou. 160. Cum hac misceri non oportet alteram Afrodisiadem, quæ in Thracia fuit, cuius mentio fit, cum alibi, tum in utroque Itinerario: Cuius etiam nomen restituendum in Nouella Theodosii 30. subscriptione, vbi perperam hactenus editum *Afrodisiada*. Atque vt duas has ciuitates misceri non oportet; ita neque Cyrum Smyrneorum Episcopum, cum isto Afrodisiensium confundi.*

Postremo, Theodosius Iun. canonem deinceps mutari Adnotatione Principis promiscue permittit sub hac conditione, vt videlicet quinquennalis proventus ex possessionibus percipiendi æstimatione facta, & quidem sterilitate & fecunditate

communicata, idque omne pro foro & æstimatione rerum venalium, æstimationis ita factæ quintam partem singulis annis possessor in auro soluat: vbi Trias singularia occurrunt. Primo, lustralis conlationis species notanda, per singulos annos distributæ: Secundo, proportionis, æstimationisque ineundæ ratio, compensatione quinquennii facta steriliū & fecundorum annorum, *bon an. mal an.* Quod singulare admodum est: puta, vt lustro seu quinquennio colligatur frugum æstimatio, seu vt hæc lex loquitur, *communicetur æstimatio*. Quod in praxin vtiliter traduci potest, vbi de æstimatione frugum agitur, sterilitatis & fecunditatis habita ratione. Tandem pretii ratio pro foro & æstimatione rerum venalium, quæ communis & alias æstimatio est *hic*, & *l. 2. tit. prox. l. 2. inf. de publ. compar.* vide & Symmachum & Cassiodorum.



P. 48.

TRIBVTA IN IPSIS SPECIE- BVS INFERRI. TITVLVS II.

Nullus talis *Titulus* exstat in *Cod. Iust.* omisæque ibi omnes *Constitutiones huius Tituli*, cæteræque quæ in eandem sunt sententiam: unde colligimus, Iustiniano contrarium visum, vna *leg. 5. de Can. Frum. V.R.* excepta.

Ad Annonam Vrbicam seu Ciuicam Vrbis Romæ pertinet *lex 1. 2. 3. b. t.*

Ad Orientem *lex 4. 5. b. t.*

Ad hunc *Titulum* pertinent *lex 8. 30. & vlt. sup. tit. prox. & l. 5. inf. de can. Frum. V.R. lex vlt. inf. de conlat. aris.*

P A R A T I T L O N.

TRIBVTA, *Rubr. & l. vlt. inf. de conlat. aris*, id est species annonariæ, *l. 4. 5. b. t.* (veluti vinum, *l. 2. 3. b. t.* item species ad fabricas, *l. 2. sup. de fabricens.* (veluti ferrum, *d. l. 2. & l. vlt. inf. de collat. donat. xs, l. vlt. inf. de conlat. aris*: & *d. l. vlt. de collat. donat. & tit. inf. de collat. aris*: alizque ad reparationem operis publici, *l. 17. de operib. publ.*) Vrbis æternæ nominatim, popularibus commodis, seu populi vñibus destinatæ, *l. 1. 2. 3. & l. 8. 30. sup. de annona*: item militares, quo pertinent *lex 10. 14. 18. 20. 21. 22. 30. 31. 32. sup. de erog. mil. ann.* alizque præbitiones canonicæ vel debitæ, *l. 4. 5. b. t. ipsæ, Rubr. & l. 4. b. t. & l. 2. sup. de fabricens. & d. l. vlt. inf. de conlat. aris.* a Prouincialibus inferri, *Rubr. l. 4. 5. b. t. & d. l. 2. sup. de fabricens.* comportari, *l. 2. b. t.* solui, *l. 4. b. t.* perfolui, *l. vlt. inf. de conlat. aris*: conferri, *l. 3. b. t.* exfolui, *d. l. vlt. b. t.* postulari, *l. 1. 4. b. t.* debent: non autem apochari, *l. 1. 2. b. t.* id est nummus pro his aut postulari, *d. l. 1. b. t.* aut a prouincialibus volentibus inferri, *l. 5. b. t.* pretia eorum inferri, *l. 4. b. t.* pretio taxari, *d. l. 4. b. t.* aurum exigere, *d. l. 8. de annona & trib.* pecunias inferri, *d. l. 2. sup. de fabricens.* Alioquin securitates hoc modo editæ nullius sunt momenti, *l. 5. b. t.* dantem prouincialem & accipientem susceptorem reatus inuoluit, *l. 4. b. t.*

Breuitus; Mutari vt cæterarum annonarum præstatio, ita Canon Vrbis Romæ non potest, *l. 1. 3. 5. b. t. & d. l. 8. & l. 30. sup. de annona & trib. & l. 5. inf. de canone frum. V.R.* ne quidem ex Rescripto Principis, *d. l. 5. & d. l. 30.* vt nec aliz species, *d. l. vlt. inf. de conlat. aris*: nec Comitibus S. L. præcepto, nec Principis rescripto, *d. l. vlt.* Alioquin dupli poena quæ tenetur, *d. l. 5. inf. de canone frum. V.R. & d. l. 30. sup. de annona & trib.*

I. (a) Impp. VALENTINIANVS & Valens AA. ad Symmachum P.V. (b)

SCIAS, inhibitam esse apochandi (c) licentiam, ita vt, ne ex præsenti, aut futuro, vel præterito, sub hoc titulo (d) nummus a prouincialibus postuletur. PP. pridie Idus Aug. Valentiniano & Valente AA. COSS. [365.]

NOTAE.

- (a) Abest hæc lex a *Cod. Iustin.* pariter vt reliquæ omnes *huius tituli* Constitutiones. GOTHOFR.
- (b) *Symmachus* Præfectus Urbis, sub Valentiniano Sen. Romæ scil. Epistolographi autem hic pater est: qui & ipsa sub Valentiniano Iun. viginti annis post, A. D. 384. P. V. fuit. ID.
- (c) *Apochandi* voce hac, eodem sensu vitur rursus idem Valentinianus ad eundem Symmachum hoc ipso Anno l. 1. inf. ID.
- (d) *Tituli* vox hac in re propria: v. *Gloss. Theod.* ID.

II. (a) Idem AA. ad Symmachum P. V. (b)

P. 49. COMMODA (c) cogitantes Urbis Aeternæ, *Vini* speciem ita Prouinciales statuimus comportare, vt apochandi (d) præsumptione damnata, vina Romam portentur. In (*) tantumque, populi (e) vsibus profutura, prouisionis nostræ emolumenta porreximus, vt etiam pretio laxamenta tribuantur: Sanximus quippe, vt per vini singulas qualitates detracta quarta pretiorum, quæ habetur in foro (f) rerum venalium, eadem species a mercantibus conparetur. Dat. x. Kal. Nou. (g) Med. Valentiniano & Valente AA. COSS. [365.]

NOTAE.

- (a) Abest & hæc lex a *Cod. Iustin.* GOTHOFR.
- (b) Romæ, dixi ad *leg. super.* ID.
- (c) *Commoda* popularia eodem sensu l. 3. prox. v. *Gloss. Theod.* ID.
- (d) *Apochandi* voce hoc eodem sensu vitur l. 1. sup. ID.
- (*) Fugitiua hæc *huiusce legis* pars est ab hoc *titulo.* ID.
- (e) *Popularia* commoda l. 3. infra. ID.
- (f) De Foro rerum venalium, & pretio rerum secundum id, alias dixi: v. & l. ult. sup. tit. prox. ID.
- (g) *yp. Septemb.* vel *Octob.* nam hoc tempore iam Valentinianus ex Italia in Galliis, Præfectus Parisiis agebat v. *Consul. Theod.* ID.

COMMENTARIVS.

VALENTINIANI Senioris duæ constitutiones priimum hoc titulo locum occupant: quibus ad eundem Symmachum P. V. eodem Anno datis, VRBICÆ Annonæ consulit duplici ratione: cuius animus annonæ vrbicæ enixe consulendi, ex quamplurimis aliis eius constitutionibus ad eundem Symmachum P. V. datis, elucet: Atque in his ex l. 3. 4. 5. 6. 8. 11. inf. de pistorib. l. 5. & 8. sup. de pœnis: l. 1. inf. de canone frum. V. R. l. 1. inf. de nautis Tiber. l. 1. inf. de nauicular. l. 2. inf. de prædiis nauicul. tandem & l. 8. sup. de annona & trib. cuius eadem est sententia, quæ harum duarum. Ex quibus etiam coniectura fieri potest de Symmachi P. V. ingenio studioque in procuranda Romæ annona.

Primum igitur APOCHARI, (de qua voce mox) seu MUTARI, adærari canonem Urbis R. vetat, id est, aurum pro ipsa speciebus inferri, quod pariter ab eodem constitutum d. l. 8. anno superiore proximo, item ab Honorio l. 30. sup. eod. tit. de annona & trib. & l. 5. de can. frum. V. R. Nempe neque hæc postrema visa annonæ vrbicæ consulendi ratio: *Commoda*, inquit, cogitantes Urbis aeternæ; de quo iam dicere anteuerti ad d. l. 8. Atque vt in commune de aliis speciebus

Tom. IV.

annonæ vrbicæ seruientibus id constituit; ita speciatim de VINI specie, Populi Romani vsibus destinata; de quo VINO alioquin erit mox quoque lex 3. h. t. & lex 1. 3. inf. de calcis coctor. V. R. Eiusque peculiaris Prouincialis extitit sub dispositione P. V. vt testatur *Notitia Imperii fol. 118.* Tituli quoque vinarii huius Urbis Romæ & arcæ vinariæ iuxta d. l. 3. meminit Symmachus lib. 7. ep. 95. & lib. 10. ep. 47. Ex quibus etiam apparet, vinarii huius Tituli seu arcæ vinariæ debita sæpe admodum in reliquis hæsisse, eiusque discussionem a Principibus subinde demandatam, & diligenter agitatam: etiam ab hoc ipso Valentiniano Sen. Sic enim Symmachus ad Valentinianum Iun. scribens d. Epist. 47. ait: *Contemplari mihi rescriptum Numinis Vestri, quo arcæ vinariæ debita a Præfecto eius temporis, quo contracta dicuntur, erui censuisset, filere fas non fuit, quid temporum vestrorum congruat æquitati:* Et mox: *Diuo etiam Parente Numinis Tui Romana iura & fata moderante Præfectis ac discussoribus mandata prouincia est, & per vices amministratorum publici debiti occurrit exactio.* Sane Symmachus Pater (cui hæc l. inscribitur) vt cæteroquin Vrbiæ annonæ consuluisse,

luisse, ita propter vinum cum Populo Rom. col-
luctatus, ab Amin. Marcellino memoratur *lib. 27. cap. 3.* SYMMACHVS, inquit, *Aproniano successit, quo instante VRBS sacratissima otio COPISQVE abundantius solito fruebatur: & ambitioso ponte exultat atque firmissimo, quem condidit ipse, & magna ciuium letitia dedicauit, ingratorum, ut res docuit apertissima. Qui consumptis aliquot annis domum eius in Transiberino tractu pulcherrimam incenderunt, ea re perciti, quod vilis quidam plebeius infixerat, illum dixisse, sine Indice villo vel teste, libenter se VINO proprio calcariis extincturum, quam id VENDITVRVM PRETIIS, QVIBVS SPERABATVR.* Quæ postrema Ammiani Marcellini verba ad posteriorem *legis 2. partem* pertinere videntur.

Vt ad priorem redeamus; *Apochoandi* verbo utraque *l.* vitur Valentinianus: quod alias *aderandi* verbo exprimi solet, quod est pretio & pecunia taxare; vnde taxationes pretiorum, *l. 4. b. t.* Et sane hoc ipsum & *Apochoare* est, ut non tantum titulus, sub quo *hæ leges* positæ sunt, ostendit, verum & illa in *leg. 1. Ne, sub hoc titulo NVMMVS a Prouincialibus postuletur;* Item *lex 2. ibi;* ut *apochoandi* presumptione damnata, vina Romam portentur. Tandem utraque *lex* id ostendit collata cum *d. l. 8. sup. de annonæ & trib.* Nempe proprium hoc moris istius vocabulum, inuidiæ scil. leuandæ, hoc sæculo adinuentum est: Scilicet a re ordinaria & legitima, id est ab *Apochois*, seu *securitibus*, quas illata specie & tributo susceptores collatoribus dabant: quo pertinet *lex ult. b. t. Ne quis*, inquit, *pro speciebus annonariis pecunias existimet inferendas, scientibus cunctis &c.* SECVRITATIBVS hoc modo editis eos esse carituros. Et eo quoque ex parte pertinet diligens illa *Apochoarum* conficiendarum ratio, quæ præscribitur *l. 18. 32. infr. de susceptoribus. l. 19. sup. de ann. l. 173. inf. de decur.*

Altera ratio, qua Valentinianus Vrbicæ anno-
næ consultum it, *l. 2. est Vini taxatio;* nempe per singulas vini qualitates quartam partem pretii *p. 50.* ut tum habebatur in foro rerum venalium, vini pretio detrahit. De eius pretio sæpe laboratum Romæ, ciuesque conquesti. Quæ causa postea fuit, cur huius ipsius Symmachi P. V. domus Romæ incensa fuerit, ut ostendit Ammiani Marcel-
lini locus ille *supra* consignatus: de quo plenius dicitur *inf. ad l. 3. de calcis coctorib.* Est enim hæc huius *l.* pars ab hoc titulo fugitiua, pariter vt *lex 3. prox.* fugitiua est.

Cæterum, quicquam vini huius ad urbem Ro-
mam comportati, tributorum nomine, vsus fue-
rit, videamus. Calcis equidem coctoribus & ve-
cturariis vinum exinde præbitum docet *lex 1. & 3. inf. de calcis coctoribus.* Sed enim vltior ad-
huc & vberior seu amplior vsus eius fuit. Va-
lentinianus id indicat *initio legis 2. Comoda*, in-
quit, *cogitantes Vrbis æternæ, vini speciem ita prouinciales statuimus comportare, ut &c.* Mox: *In tantumque populi vsibus profutura, prouisionis nostræ emolumenta porreximus.* Et Gratianus *l. 3. prox.* Vinum, quod sollempnis expressio populari-
bus commodis ex Prouincialium collectione deside-
rat. Ergo vinum istud populi commodis vsibus
que proficiebat seu proderat: imo populi vsibus
erogabatur, ut dicitur *dict. leg. 3.* Sed an gratuito
id populo erogabatur? Aurelianus Imperator equi-
dem olim gratuitum Romæ vinum populo dare
cogitauerat, teste Vopisco in *V. Aureliani cap. 48.*
Imo & Constantinopol. authore Constantino M.
vinum quoque gratuitum datum, si fides Suidæ, in
v. Παλαῖνοι, & Codino, in *originib. Constantino-
pol. num. 15.* verum istud quo de nunc agitur Ro-
mæ non gratuitum populo datum, verum vendi-
tum publice, ut docet expresse hæc *lex 2. Vt*,
inquit, *eadem species a mercantibus compare-
tur.*

III. (a) Imppp. Valens, GRATIANVS & Valentinianus AA.A. ad Probianum P. V. (b)

VINUM, quod sollempnis (c) expressio (d) popularibus commodis (e) ex Prouincia-
lium collectione (f) desiderat, illico suscipiatur aduectum, ut erogationis pro tem-
pore cura præsterur, ut (g) ea vina populi vsibus erogentur, quæ natura sua processu(h)
temporis ferre non possunt. Quod peræque in omni vino, quod ex Vrbicaria Regione
(i) confertur, obseruandum esse censemus. Dat. xv. Kalend. Octob. Treu. (k) Gratiano
A. IV. & Merobaude Coss. [377.]

NOTAE.

- (a) Absert & hæc *lex* a *Cod. Iust.* quæ ab & hoc titulo fugitiua est. GOTHOFRED.
(b) Probianus P. V. Romæ sub Gratiano & Valentiniano Iuni. ID.
(c) Ita, sollempnis pensitatio, *l. 31. sup. tit. prox. de annonæ & trib. ID.*
(d) *Expressiōem sollempnem* vocat Indictionem, præceptionem, præceptum, delegationem, denique Edictum, quo ma-
nu Principis modus collationis adscriptus erat. v. Paratidon *tit. super.* Quare non mutanda hæc vox in *expensio.*
Scriptio simili sensu *l. 1. sup. de erog. mil. ann. digesta signatio. l. 19. sup. de annonæ. ID.*
(e) *Commoda Popularia* vocat, pariter vt populi commoda *l. 8. inf. de Medicis, & l. 3. inf. de Canone frum. V. R. &*
absolute, commoda, l. 2. sup. b. t. & l. 25. sup. de annonæ & trib. absolute, popularia, l. 2. sup. de studiis lib.
V. R. & Const. annonam seu rem annonariam; vide *Glossarium, ID.*
(f) Ferri potest hæc vox: est alius *malit collatione, ID.*
(g) *vt, Et. ID.*

(h) *77. processum. ID.*

(i) Quacunq; scil. Error enim est nonnullorum, qui *Regionis* appellatione totam diocesim Præfetti Urbis hic accipiunt. *ID.*

(k) Hinc apparet, *hanc l.* tribuendam esse Gratiano: qui per hæc tempora etiam Valentinianum fratrem haberet conso-rem, Italiam quoque & urbem Romam temperabat; de quo vide. *Consularia Theodof. ID.*

COMMENTARIUS.

VINUM Vrbicarii Canonis, quod scil. a provincialibus in usus Populi Rom. conferebatur (de quo fuit iam nominatim *lex 2. sup. est & lex 1. 3. inf. de calcis coctorib.*) ut statim aduectum illico suscipi iubet *hac l.* Gratianus. Ita & ea vina statim erogari populi vrbis quæ natura sua processum temporis, seu ut Plinius loquitur, *malam etatem*, ferre non possunt: *Erogari*, inquam, populi vrbis, quod etiam docuit iam *lex 2. sup.* quo pertinet arca vinaria; de quo *l. 3. inf. de calcis coctor.* Italica scil. ferme vina processum temporis non ferunt, contra quam Syra, de quibus *l. 25. sup. de erogat. milit. annona.*

Eademque ratio observari *hac l.* iubetur in omni vino, quod ex Vrbicaria regione confertur. Ex *Vrbicaria Regione*, id est ex quacunq; tandem ex Vrbicariis Regionibus, de quibus ut in commune specialibus libellis actum fuit, ita nonnulla etiam congesta sunt ad *l. 9. sup. tit. prox. de annona & trib.* Error enim est quorundam qui *Regionis*

appellatione hic omnem præfetti vrbis diocesim accipiendam volunt; ut & eorum, qui breviori gyro contra Vrbicariam regionem accipiant solum vrbis territorium; hoc est agrum Romanum solum ad exemplum coloniarum municipiorumque omnium, quorum *regiones* dictæ, quæ illarum finibus claudebantur.

Illud sane ex *hac l.* collata cum *l. 1. inf. de calcis coctor. V. R.* liquere potest, *Quatuor regiones*, quæ illa *l. 1.* nominantur, non alias esse, quam Vrbicarias istas: atque adeo viceversa Vrbicarias, nonnisi quatuor fuisse. Collectionis istius hæc ratio est, quod ut *hac l.* ita & illa de vini quoque collatione agitur.

Ex *hac* sane etiam liquet, provincias seu provinciales Vrbicariis regionibus opponi, pariter ut ab Italia Africanis regionibus & Illyrico separantur, *l. vn. inf. super obreption.*

Tandem observandum, *hanc l.* ab hoc titulo fugitivam esse.

IV. (a) Imppp. Gratianus, Valentinianus, & THEOD. (b)

AAA. ... (c)

EARVM rerum, quæ in præbitionibus canonicis, (d) vel debitis, (e) ex more poscuntur, non sunt pretia specierum, sed ipsæ quæ postulantur species inferendæ: scilicet, ut (quod maximum est, & unde omnis solet querela (f) procedere) in annuario (g) quoque (h) titulo species annonarias solvant: neque sub (i) taxationibus pretiorum dispendiosis occasionibus adquiescant: Nam & accipientem & dantem illicitæ transactionis reatus inuoluet; & cetera. (k) Dat. Prid. Kal. Feb. Biritho, (l) Richomere & Clearcho Coss. [384.]

NOTAE.

(a) Absit & hæc *lex* a *Cod. Instin.* Iungenda autem illi *lex 19. sup. tit. prox. de annona & trib.* & *lex 2. inf. de publica comparat. GOTHOFRED.*

(b) Perperam *hac l.* pariter ut *d. lex 2.* & *d. lex 19.* Gratiano, Valentiniano & Theodosio tribuuntur: Tribuendæ enim sunt *Valentiniano, Theodosio & Arcadio*; Vide *Consularia Theodof. ID.*

(c) Puto *hanc l.* & duas illas *l.* huic coniungendas, partes esse *Edicti* cuiusdam Theodosiani. *ID.*

(d) Id est, Ordinariis & annuariis. *ID.*

(e) *Debitis*, id est Tributariis, annuariisque; & sic vocabulum *vel* hic est exegeticum. Cæterum ita quoque *d. l. 19.* in *titulis debitis. ID.*

(f) Provincialium videlicet. *ID.*

(g) Ita quoque *l. prox. h. t. pro speciebus annuariis. ID.*

(h) An *quoquo*? Non adeo necesse est. *Quoque*, pro quocumque: vel *quoque*, pro etiam. *ID.*

(i) Ita diuisis vocibus hic legendum: male enim superioris Indicis auctor vocem *subtaxationis* hinc exculpebat. *ID.*

(k) Quæ continentur *d. l. 19.* & *d. l. 2. ID.*

(l) De *Berytho* & de hac subscriptione dixi plene ad *d. l. 19. ID.*

COMMENTARIUS.

THEODOSII M. constitutiones duæ sequuntur: quibus SPECIES ipsas annonarias, non vero pretia earum, inferri iubet. Hæc prior prolixioris Edicti Theodosiani pars est; quod provincialibus enixe consultum iuit circa rem tributariam: ad provincialium super eo querelas, quod *hac l.*

differte testatur, cui ut dixi iungendæ sunt *lex 19. sup. de annona & trib.* & *lex 2. inf. de public. compar.* Ac nominatim circa specierum taxationem grauissimæ querelæ exortæ, quæ provincialibus dispendiosæ erant, dum maximo pretio species istæ taxarentur: Scilicet, inquit, ut, quod maximum est,

est, & unde omnis solet querela procedere, in annonario quoque Titulo species annonarias soluant, neque sub taxationibus pretiorum dispendiosis occasionibus acquiescant. Ait, in annonario quoque titulo; quæ vox, quoque, si recte habet, neque in quoquo mutanda, tum exinde colligi videatur, facilius aliquando & alicubi specierum annonarum adrationem admissam: quæ alibi non tam facile, ut ex leg. sequent. & leg. 1. 2. 3. sup. puta ubi de annona urtica, urbis inquam Romæ, vel Constantinopoleos ageretur, vel Antiochena.

Quare hinc colligas, aliam & contrariam hu-

iuse prohibitionis Rationem hic verti, quam in specie legis 1. & 2. sup. & leg. prox. inf. Nam quod hic statuitur, id ad prouincialium indemnitate spectat: Illud, ad eius, cui conferitur, id est, publici utilitatem: Vtraque tamen, Transactio illucita, ut hac leg. vocatur. Viceuersa licita transactio, etsi spontanea, ea de qua l. 2. inf. de publica compar. quam & huic coniungendam ostendi. Sed tamen crediderim, reuera quoque ad alterum illum finem hanc quoque legem pertinere: de quo vid. quæ dico ad d. l. 2.

P. 52. V. (a) Imppp. Valentinianus, THEODOSIVS, & Arcadius AAA.
Cynegio (b) PF. P.

NE quis pro speciebus annonariis pecunias existimet inferendas: scientibus cunctis, quod si quis contra hanc Serenitatis Nostræ legem captiosum (c) aliquid putauerit perperrandum, Securitatibus (d) hoc modo editis eos esse carituros. Dat. xv. Kal. Ian. Constantinop. (e) Timasio & Promoto Coss. [389.]

NOTAE.

- (a) Abest & hæc lex a Codice Iustin. GOTHOFRED.
- (b) Atqui Tatianus hoc tempore iam Praefectus Prætorio erat, de quo vide Consularia Theodof. Cynegius porro hic PP. fuit per Orientem, ut diserte hoc ipso Anno vocatur l. 17. de cohortalib. De eo plene in Presopogr. ID.
- (c) Captiosum, est damnosum, v. Gloss. ID.
- (d) Securitatibus, id est Apochis, v. Glossarium. Vnde Apochatio in hac re l. 1. & 2. sup. ID.
- (e) Atqui hoc tempore Theodosius M. Mediolani erat: Vide Consularia Theod. ID.

COMMENTARIUS.

THEODOSIANÆ iteratæ huius constitutio- nis eadem est sententia quæ superioris: nisi quod huius legis eadem iam ratio est, quæ legis 1. & 2. sup. proinde ad annonam ciuicam Urbis Constantinopolitanæ pertineat. Deinde & hoc am-

plius habet, quod Apochas eo nomine nequicquam prodesse definit: Atque adeo prouincialem iterata exactione conueniendum; Quo pertinent etiam ea quæ de apochandi licentia dicuntur l. 1. & 2. sup. hoc tit.



SINE CENSU VEL RELIQVIS

(*)FVNDVM COMPARARI(**) NON
POSSE.

TITVLVS III.

Titulum hunc loco mouit Tribonianus, & in tractatum de emptione, venditione transtulit. Quare est hic Titulus positus lib. IV. COD. IVST. Tit. XLVII. Huic Titulo quoque conuenit Constantini M. lex 2. sup. de contrab. empt. Honorii lex 26. sup. de Annona & Trib. De hac ipsa materia, v. Ioann. Philippi és Arrefts de la Cour des Aides, art. 14.

(*) De Reliquorum voce v. Gloss.

(**) De quo l. 1. 2. 3. h. t. Item, donari. d. l. 3. h. t. vel quoquomodo dominium quisquam consequi, l. 5. seu ult. h. t.

I. (a) Imp. CONSTANTINVS A. ad Antonium Marcellinum,
Præsidem Prouinciæ Lugdunensis primæ. (b)

REI annonariæ emolumenta (c) tractantes, vt (d) cognosceremus, quanta (e) reliqua, (f) per singulas quasque prouincias, & per quæ nomina, ex huiusmodi (g) penitationibus resedissent, (h) cognouimus, hanc esse causam maxime reliquorum, Quod nonnulli, captati (i) aliquorum momentarias necessitates, sub hac conditione fundos opimos (k) comparent, & electos, *Vt nec reliqua eorum fisco inferant, & immunes eos possideant.* Ideoque placuit, vt si quem constiterit huiusmodi habuisse contractum, atque hoc (l) genere possessionem esse mercatum, tam pro solidis (m) censibus fundi comparati, quam pro reliquis vniuersis eiusdem possessionis obnoxius teneatur. (n) Dat. Kalend. Iul. Agrippinæ, (o) Constantino A. v. (p) & Licinio c. Coss.

NOTAE.

(a) L. 2. C. *Inst. eod. tit. GOTHOF.*

(b) De hoc dicam mox in *Interpretatione. ID.* Absunt hæc a Cod. Iust. in quo tantum legitur, *Imp. Constantinus A. ad Marcellinum. RITTER.*

(c) *Emolumentorum* vox hac in re propria: Ita l. 1. *sup. de annonæ & trib.* præcipua emolumenta. *GOTHOF.*

(d) Sententia hæc Historica vsque ad, *cognouimus* Cod. Iust. recisa est. *ID.*

(e) *Quanta*, id est, quot. Vid. *Gloss. ID.*

(f) *Reliqua* *domos*. Vid. *Glossar. Theod. ID.*

(g) Rei annonariæ. *ID.*

(h) *Residere* in reliquis dicitur, quod solutum non est. *ID.*

(i) *Captantes*, Cod. Iust. Neque tamen istud mutandum. *Captati*, id est, posteaquam captauerunt, cum captassent. Iurecius quoque dixit *penetratum semen Lib. IV. v. 1240.* pro postquam, seu cum penetrauit, aut penetratum

Agre admiscetur muliebri semine semen.

Hanc loquendi formam multis firmat Salmasius in *Solinum pag. 39. edit. Traiectin. ID.*

(k) *Opimos & electos*: hæc absunt a Cod. Iust. quod omissum non oportuit. *Opimi* fundi, b. l. quæ opulentiæ centuriæ, l. 10. *sup. de annonæ*: munifica prædia, l. 31. d. 2. ita rursus diserte in eodem argumento l. 8. *inf. de censitor. Quæ per impotentiam fundos opimos ac fertiles occuparunt, cum quasiuosos vberibusque pro rata portione suscipiamus infæcundos.* Quare in *opimos* id Fornerius Pater mutare non debuit. Symmachus quoque *lib. 9. ep. 27. prædia opima* dixit. *ID.*

(l) *Hæc lege* C. Iust. *Hoc genere*, id est, hac ratione. *ID.*

(m) *Solitis*, C. Iust. Quid si legamus *soluendis*, deinceps scil. quibus mox *reliqua* opponuntur? Ego hic nil muto. *ID.*

(n) Hic in C. Iust. subiicitur a Triboniano prima sententia legis 2. *sup. de contrahend. emptione. ID.*

(o) *Agrippinæ* in Gallia Belgica data hæc *lex*, de quo mox plura. *ID.*

(p) *29. II.* mox vt ostendam. *ID.*

COMMENTARIVS.

CONSTANTINI M. hæc *lex* est; pariter, vt *lex 2. prox. inf.* actertia præterea in eodem argumento eiusdem, puta *lex. 2. sup. de contrahend. empt.* de fundis sine censu vel reliquis non comparandis; quarum hæc postrema ad Præfecturam Italiæ, secunda ad Macedoniam, hæc vero ad Gallias pertinet: Ad Gallias, inquam, & censum Gallicanum, de quo alioquin Gallicano censu, sub Constantino M. locus est elegans apud Iulianum *Orat. 1. pag. 116. fin. pag. 34. edit. Lips. Spanhem.* Ac nominatim ad Prouinciæ Lugdunensem & Primam quidem hæc *lex* spectat, cuius Præfidi Antonio Marcellino ea inferbitur: Vnde interea liquet, Galliam Lugdunensem hoc Constantini M. tempore iam diuisam diuisamque fuisse. Sane & Sextus Rufus Festus, in *breuiario*, qui sub Valentiniano & Valente scribebat, & Ammianus Marcellinus *lib. 15. cap. 11.* qui sub Theodosio M. duas tantum *Lugdunenses memorant*; ita quidem, vt in Lugdun-

si Prima fuerint *Lugdunum, Cabillones, Senones, Bituriges, & Augustodunum*: in Secunda Lugdunensi *Rotomagi, & Turones, & Tricassini.* At enim postea in quatuor prouincias Lugdunensis diuisa, vt docet *Notitia prouinciarum Sconhouiana* sub eodem Theodosio M. *pag. 77. edit. Cellar.* quarum quarta *Senonia* vocata fuit, quod patet ex *Notitia Imperii, seu Breuiario* Theodosii Iun. *fol. 117. verso*: de qua Prouinciarum Gallicanarum diuisione *separato libello* actum fuit. In Prima Lugdunensi igitur fuerunt *Augustodunenses*, quibus ab hoc Constantino nostro *Flauensium* nomen inditum fuit: Flauia enim gens, & Flauium nomen Constantini, sic vt Augustodunum *Æduorum* ciuitas *Flauia* dicta fuerit, de Constantini M. in eam beneficiis. Et vero hæc Constantini M. *lex* eo prorsus pertinere videtur, cuius nomine *Emmenius* ei pro ipsis Flauiensibus solenni Panegyrico gratias egit, qui incipit *Si Flauia Æduorum,*

vbi nominatim gratias agit, ob septem millia capitum in CENSU, & RELIQUA quinque annorum, Flauientium ciuitati remissa: vbi ad principium *huiusce legis* hæc quoque verba faciunt *cap. 10. Releuaturus*, inquit, CENSUM, *definiisti numerum: RELIQUA remissurus, quantum deberemus INTERROGASTI, quæ interrogatio manifesta promissio fuit*, &c. Constantinus M. itaque Gallicanum censum retractans hac tempestate & indulgentias Lugdunensibus Primis reliquorum concessit, & censum imminuit, & ne de cætero in Reliquis aliquid porro resideret, causis repetitis in futurum hac l. cauit.

Et ita quidem huic l. aptandus omnino videtur ille Eumenii Panegyricus, qui Anno D. 312. habitus fuit, Quinquennialibus Constantini iam peractis, quod ipse nominatim indicat *cap. 13.* Quæ cum ita sint, ad eum ipsum Annum D. 312. hæc lex referenda videtur, id est, ad *Constantinum Augustum II. & Licinium Cæsarem Consules.* Quod præter superiora euincit quoque subscriptio legis: *Data quippe hac l. dicitur Agrippina.* Atquin Constantinus M. *Constantino Augusto V. Cor.* id est, A. D. 319. non in Gallia, verum in Pannonia hæsit: contra circa hæc tempora Anni 312. antequam in Maxentium mouisset, hæsisse Constantinum in Gallia inferiore, & quidem *Agrippina* nominatim, compertissimum est, ex altero eiusdem Eumenii Panegyrico, qui incipit, *Facerem*: vbi & pontem *Agrippinensem* in *Francos* extruxisse eum memorat. Atque exinde tandem aduersus Maxentium mouit.

Quod ipsam *huius l.* sententiam attinet, Primum huc arcessenda sunt ea, quæ ex Saluiano quoque notauimus ad l. 26. *sup. de annona & trib.* quæ & ipsa ad provincias Gallicanas pertinet. Deinde & de ratione *huius leg.* videndum erit.

Cuius occasione Quæstionem eam pertractare iuuat; vtrum videlicet conuentio ista inter emptorem & venditorem, donatorem & donatarium, vt pristinus dominus, id est venditor, vel donator, tributum prædii deinceps nihilominus soluat, respectu saltem ipsorummet contrahentium, valeat? sic vt etsi fisci ratione non valeat, eo tamen nomine aduersus pristinum dominum nouo domino seu emptori compstat, quanti eius interfuit fisco nihil pendere? Id quod in *sp. huius leg.* negandum est, ac proinde hanc pactionem penitus inualem esse. Quod vt Cuiacius recte scripsit ad *leg. 42. D. de pactionibus*: & recitat. in hunc tit. (& eo nomine Leonini *l. emend. 8.* censuram perperam incurrit,) ita veraratione id nondum euicit, quæ tamen apertissimis verbis continetur *hac leg. 1.* & ex horum tem-

porum ratione seu historia repetenda est. Ratio inquam est, tenuiorum oppressio per potentiorum emptorum iniuriam: Nempe hoc illud sæculum est, quo pauperiores parte vna, necessitate & penuria adacti; parte altera, perualioribus potentioribus obnoxii, rerum suarum dominium nulla non conditione transferre adigebantur. Ecce verba aperta *huius leg. 1.* Nonnulli, inquit, *captati aliquorum momentarias necessitates sub hac conditione fundos opimos comparant & electos, vt nec reliqua eorum fisco inferant, & immunes eos possideant.* Ecce disertæ Saluiani verba *lib. 5. de gubern. Dei cap. 8.* Nam illud quale, quam non ferendum, atque monstrigerum, & quod non dicam pati humana mentes, sed quod audire vix possunt, quod plerique pauperculorum atque miserorum spoliati rescutis suis, & exterminati agellis suis, cum rem amiserint, amissarum tamen rerum tributa patiuntur, cum possit ab his receperit, capitatio non recedit? Proprietatibus carent, & vectigalibus obruantur. Quis aestimare hoc malum possit? Rebus eorum incumbunt inuafores, & tributa miseri pro peruasoribus soluunt. Post mortem patris nati obsequiis iuris sui agellos non habent, & agrorum munere eneantur. Vides, qua conditione huiusmodi venditiones, donationesve fieri folerent; ac proinde quænam prohibitionis istius ratio fuerit; non fisci inquam tantum utilitas, verum tenuiorum & pauperiorum defensio, & potentiorum Emptorum odium.

Vt ita hac ratione omnino conficiatur illa quæstio; Quare vice versa, vbi nulla oppressionis iniquæ subest ratio, ibi licet quantum ad fisci rationem, talis conuentio seruanda non sit, tamen paciscentium ratione pactum iustum sit & seruandum: vt in specie *leg. 42. leg. 52. §. pen. D. de pactionibus.* Sane vbi fraudis consilium venditores iam participarent, ita iniustum hoc pactum esse aliquando voluit Constantinus M. vt etiam venditor particeps fraudis possessionem suam amitteret: emptor, pretium: *d. l. 2. sup. de contrah. empt.* Nempe non iam miseri, sed fraudulentis possessores & venditores in fraudem fisci huiusmodi pacta inibant, inopia, sua inutilem fisci actionem reddentes: quam etiam non vltimam reliquorum, id est tributorum non solutorum causam Constantinus M. rei æconomiarum emolumenta tractans cognouit. Et ita quidem accipienda est *d. lex 2.* quæ alioquin & irraticpabilis videri posset, aut sententiæ nostræ refragari. Quamquam & nihil adeo absurdum foret, si diceremus Constantinum post *hanc leg.* crescente malo seueritatem intendisse.

II. (a) Idem A. Acacio (b) Com. Macedoniæ.

MANCIPIA adscripta censibus intra prouinciæ terminos (c) distraherentur, & qui emptione dominium (d) nacti fuerint, inspiciendum (e) sibi esse cognoscant. Id quod in possessione quoque seruari rationis est: (f) sublati pactionibus eorundem, (g) onera, ac pensationes publicæ, ad eorum sollicitudinem spectent, ad quorum dominium possessiones eadem migrauerunt. Dat. (h) III. Kal. Mart. Thessal. Constantio & Maximo Coss. [327.]

NOTAE.

- (a) Absent hęc lex a *Cod. Iust.* Eique concordat *lex 26. sup. de ann. & tribut. & lex 3. inf. de censu; & lex ult. de patrocini. vicor. GOTHOFR.*
- (b) An hic idem Acacius Comes videatur, cuius meminit Constantinus *epistola sua ad Macarium & ceteros Palestinae Episcopos* apud Scriptorem *vite Constantini, lib. 3. c. 53.* quam inferuit Baronius *An. 326. n. 67. ID.*
- (c) *Termini* prouinciarum: vid. quę dixi ad *leg. 10. sup. de accusat. ID.*
- (d) Horum scil. mancipiorum. *ID.*
- (e) *Inspiciendum*, id est agnoscendum, vt *l. 3. inf. de immu. concessa. V. in Glossar. plura.* Et supplenda vox, *censum*, quę hic intercidit occasione vltimarum syllabarum pene geminarum superioris vocis. *ID.*
- (f) *q. Est: vt* (vel, &) *sublati. ID.*
- (g) *Emptorum*: vel rescribendum, *earundem* (possessionum) *onera. ID.*
- (h) *Dats*, hic accipiendum est pro *Reddita*: nempe Macedonię Metropolis fuit *Thessalonica*, cuius Comiti hęc lex inscribitur. *ID.*

COMMENTARIVS.

MANCIPIA, seu seruos censibus adscriptos, & POSSESSIONES, cum suo censu & onere ad nouum dominum & emptorem transire, non obstante contraria pactione, a Constantino M. iubentur. Mancipia, inquam adscripta censibus, id est, serui adscripti censibus: de quibus etiam agitur *l. 3. sup. de re milit. & l. 7. Cod. Iust. de agricolis & Rubr. de fugitiuis colonis, inquilinis, & seruis.* Alii enim sunt adscripti censibus, *l. vn. sup. de bonis Clericor. l. 2. Cod. Iust. in quib. caus. coloni:* Coloni scil. originales in iisdem locis censi, vt vocantur *l. 14. sup. de ann & tribut.* Coloni absolute, *l. 3.*

inf. de censu: seu plebs, *l. 26. sup. de ann. & tribut.* Homologi Coloni, *l. ult. inf. de patrocini. vicor. vers. Hii sane.* Adscripti coloni: de quibus *Paratitl. de fugit. colon.* in quibus tamen idem ius obtinet; nempe quod emptor onera fundi venditi colonorumque agnoscere iubeatur, non obstante contraria pactione.

Porro ne huic rei fraus fieri possit, mancipia intra eandem prouinciam, intra quam censibus adscripta sunt, vendi iubet Constantinus M. nempe, vt ita cuique prouincię suus census modus seruatur.

P. 55.

III. (a). Idem (b) IULIANVS A. ad Secundum (c) PF. P.

OMNES pro his agris quos possident, publicas pensitationes agnoscant: nec pactionibus contrariis adiuentur, si venditor aut donator apud se conlationis sarcinam pactione illicita voluerit retinere, (d) & si (e) necdum translata sit professio censualis, (f) sed apud priorem fundi dominium (g) forte permaneat, dissimulantibus ipsis, vt non possidentes pro possidentibus exigantur. Dat. XII. (h) Kal. Mar. Antiochię, Iuliano A. IV & Sallustio Coss. [363.]

INTERPRETATIO. *Fundum nullus audeat comparare, (i) sed omnes pro hiis agris qui ad eos quoquo modo peruenerint, publici canonis impleant functiones, nec de solutione tributi cuiusque liberum sit pacisci, sed siue donetur ager, siue vendatur, factus dominus integra rei tributa suscipiat.*

NOTAE.

- (a) *Lex 3.* seu *ult. Cod. Iust. hoc tit.* Iungenda vero huic *lex. prox. GOTHOFR.*
- (b) *q. Imp.* vt habet Richard. *ID.*
- (c) *Secundus PP.* Orientis sub Iuliano. v. *Prosopogr. ID.*
- (d) *Retinendi* vox hic propria: dixi ad *l. 26. sup. de annon. & trib.* quę huic concordat. *ID.*
- (e) *Et sic,* in Edit. Cuiac. *ID.*
- (f) *Professio* censualis, dixi ad *l. 10. sup. de annon. & tribut. v. & l. ult. inf. ID.*
- (g) *Dominum* C. Iust. & Edit. Richard. quanquam & istud sustineri potest. *ID.*
- (h) *AL. XIV* In *d. l. prox. III. ID.*
- (i) Sine censu scil. *ID.*

COMMENTARIVS.

IULIANI hęc constitutio est, in eundem sensum quo reliquę *huius tituli;* imo quo vel ipsa *Rubrica,* quę plenam sententiam continet: Pariter, vt altera eiusdem Iuliani *lex prox. 4.* quę huic coniungenda est: etsi Inscriptio variet: pro eo scil. more, quo ad diuersos super eadem re constitutiones & Edicta emitti solita: de quo in *Ptolegome Tom. IV.*

nis: Nempe hęc ad Præfectum Prætorio emissā est, utpote ad quem summa rei tributarię pertinebat: proxima vero *lex 4.* ad prouinciales sub *Edicti* nomine: utpote ad quorum commodum ea spectaret; quaque collatorum ipsorum utilitati consuebat.

Haud adeo vero ab hoc abludit, quod Iulianus ipse

ipse in *Misopogone* pag. 143. *su. pag. 370. edit. Lips.* Spanhem. scribit: γῆς κλήρος, οἶμα, τρισχιλίαις ἐφ' ἃς ἀπέχθης εἶναι, καὶ ἡγήσασθαι λαβεῖν, λαβόντες δὲ ἐνείμασθε πάντες οἱ μὴ δεύμενοι. Τῆτο ἐξελάσθην ἀνεφάνη σαφῶς. ἀφελόμενος δ' αὐτὰς ἐγὼ τῶν ἐχόντων ἡ δικαίως, καὶ πολυπραγμονήσας ἔδεν ὑπὲρ τῶν ἐμπεροδέν, ὧν ἔχον ἀτελεῖς, ἃς μάλιστα ἐχέειν ὑπολειπεῖναι, ταῖς βαρύνταις ἐμοὶ λειτεργίας αὐτὰς τῆς πόλεως: id est, *Agri iugerum tria millia infructuosa esse dixistis, vobisque concedi postulastis: cum vero id obtinistis, diuites soli ceteris fraudatis ea usurpastis. Hoc a me inquisitum, plane compertum est. Ego autem illos agros iniustus possessoribus ereptos, nihilque de iis quos immunes prius habuerant inquirens, quos maxime esse oportebat, grauissimis ciuitatis numeribus eos adscripsi.*

Peculiare id habet hæc Iuliani lex, quod in eius specie emptor nondum apud acta & paginis censualibus nomen suum professus erat. Quare dicendum

videbatur, tamdiu saltem venditorem venditi fundi censum præstare debere, quamdiu eius nomen non fuisset expunctum tabulis censualibus. Verum contra, hæc l. definitur: Nempe, illico vt emptus fundus fuit, vel donatione acceptus, statim eius onera in nouum Dominum transire; *et si necdum translata sit professio censualis, sed apud priorem fundi dominum adhuc permaneat. Denique non professionis, sed possessionis rationem haberi vult.*

Et rationem reddit, quod dissimulatione contrahentium id sæpe fieret, vt non possidentes reuera, sed tamen censibus inserti, quasi possidentes exigerentur. Quare & tandem postea l. ult. inf. b. t. constitutum, vt nouus dominus rei alienæ dominium consecutus, statim censualibus paginis postulet nomen suum adnotari, ac se sponderet soluturum: vt ita ablata molestia de Authore, id est, priore domino, vt recte ibi Interpretes, in succedentem, id est, præsentem dominum capitate transferretur.

IV. (a) Idem A. Edictum. Post alia.

DOMINVM qui fructus capit, tributa exigi iustum est. Dat. III. (b) Kal. Mart. Iuliano A. IV. & Sallustio Coss. [363.]

NOTAE.

(a) Abest hæc lex a *Cod. Iust.* Iungenda autem illi lex 3. *supra. GOTHOF.*

(b) XIII. d. l. 3. *sup. ID.*

P. 56.

COMMENTARIUS.

IULIANEI Edicti hæc portio est, quam putaret quis melius reddendam fuisse *tit. de annona & tributis*: quasi in ea non venditor seu pristinus dominus a nouo domino separatur, neque iubeatur, non obstante contraria pactione censum agnoscere; Quin potius pertinere videatur ad eum casum qui tractatur l. 25. *sup. de annona & trib.* Atque adeo opponi videatur potius dominus qui fundi fructus capit, & dominus qui fructus non capit; de qua ad eam l. 25. plura dixi ex l. 2 *C. Iust. de iure emphyteut.* l. 7. §. 2. l. 27. §. 3. *D. de usufructu & quemadmodum.*

l. 28. *D. de usu & usufruct. & redditu.* Denique huic l. magis videatur respondere, quod ex ipso met Iuliano ad l. *superiorem* notauimus. Verum, cum hanc l. eodem tempore datam video, quo *superiorem*; cum inscriptiones vtriusque inter se committo, super eadem re datas cenleo: ad diuersos tantum; nempe *superiorem* ad Præfectum P. hanc ad Populum: ad illum, utpote ad quem summa rei tributariæ spectabat: ad hunc, utpote tributa soluentem: Et sic vtriusque legis eandem sententiam facio.

V. (a) Impppp. THEOD. (b) Arcad. & Honor. AAA. Tatiano PF. P.

QVISQVIS alienæ rei quoquomodo (c) dominium consequitur, statim pro ea parte qua possessor fuerit effectus, censualibus paginis *nomen suum* postulet adnotari, ac se (d) spondeat soluturum, ablataque molestia de auctore (e) in succedentem capratio (f) transferatur. Dat. xv. Kalend. Octob. Constantinop. Tatiano & Symmacho Coss. [391.]

INTERPRETATIO. *Quicumque cuiuslibet rei dominium quolibet ordine adquisierit, continuo ea parte qua possessor effectus est, publicis libris nomen suum petat ascribi, ac se promittat tributum agri cuius possessor est, soluturum, ut remota de auctore, id est de priore domino, inquietudine, in præsentem dominum solutio transferatur.*

NOTAE.

(a) Et hæc lex abest a *Cod. Iustin.* quæ sane hoc titulo fugitiua est. *GOTHOF.*

(b) Perperam tribuitur hæc lex Theodosio Arcadio & Honorio. Tribuenda enim est *Valentiniano, Theodosio & Arcadio. ID.*

(c) Id est, etsi non in totum, sed pro parte tantum. *Quolibet ordine, Anianus. ID.*

(d) *Ac se respondeat*, Edit. Sichard. *ac respondeat*, prim. Cuiac. & illa in 4. *RITTER.*

(e) Id est, veteri domino: & vt Interpretes recte aiunt, *priori domino. GOTHOF.*

(f) *Capi-*

(F) *Capitatio*, pro tributo soli, *h. l.* de quo v. *Paratitikon de censu*: Saluianus *lib. 5. cap. 8. Possessio recedit, capitatio non recedit. ID.* MS. W. & Edit. Sichard. in *succedentem ut capitatio transf. RITTER.*

COMMENTARIUS.

THEODOSII M. hæc constitutio est: qua VETERUM dominorum securitati a molestia tributorum consulitur, translati in nouum dominum censu: & ut disertè *hac l.* dicitur, id agitur, ut *ablata molestia de auctore in succedentem capitatio transferatur: de auctore*, id est, a priore domino, ut rectè Interpres, *in succedentem*, id est, in præsentem dominum, ut rectè rursus Interpretatio *huic l.* subdita. Eum in finem igitur Theodosius M. *hac l.* translati alienæ rei cuiuscunque dominio hunc ordinem præscribit: puta, ut nouus dominus statim ut dominus factus fuerit, nomen suum in libros censuales, *aux Terriers* referri curet, atque ibi se censum soluturum spondeat. Idque est quod dicitur, *l. 3. sup.* translata professio censualis. Idque obseruari iubet, *Quoquomodo* quis dominium rei alienæ consecutus fuerit, *quolibet ordine*, ait Interpretatio, id est, quocunque titulo. Item, quod sequentia ostendunt, etsi non totum prædium, verum etiam pro parte tantum possessor fuerit effectus: ut ita expuncto prioris domini nomine, noui domini nomen substituatur. Vnde iam apparet, *hanc leg.* hoc titulo fugitiuam esse: neque enim id agitur *hac leg.* ut prohibeatur venditio sine censu, expressa pactione fieri, de quo ne verbum quidem in ea exstat: verum, ut ne vendi-

tione cum censu facta, pristinus seu vetus adhuc dominus censualium & exactorum molestiam patiatur: qui ab eo censum exigere volebant, eo obtentu quod eius nomen libris censualibus seu polypticis adhuc contineretur: Regulare enim est, ut ab his census exigatur, quorum nomina polypticis, seu encautariis publicis continentur, & ut alicubi hodie loquuntur, *catastris*: Forte etiam eo obtentu, quod noui possessores inopes essent, veteres locupletes: arg. *Nouella 17. cap. 8. §. 1.* Et hæc quidem est sententia *huius l.* argumento horum verborum, *ablata molestia*: Quæ doctissimus Loiseus *tractatu du Desguerpissement, lib. 4. c. 6. n. 5.* alio trahebat, quasi in specie *huius l.* venditor se censu onerasset, vel quod Censuales nolent emptoris seu noui domini nomen in libros censuales referre.

Illud nihilominus *hac* quoque *leg.* secundo notandum, & NOVORVM Dominorum securitati prospici in eo, quod *pro ea tantum parte*, qua possessores facti sunt, censum illi præstare teneantur, non in solidum, pro rata scil. portione diuisione, pariter ut *leg. 3. Cod. Iust. de collat. fundor. patrim. leg. 2. Cod. eod. de debitorib. ciuitat. C. constituitur, X. de relig. domib.* de quo vid. Loiseau *du desguerpissement, lib. 2. cap. 11.*



P. 57:

NE CONLATIO ○ PER LOGOGRAFOS CELEBRETUR. TITVLVS IV.

Abest hic *Titulus a Codice Iustin.*

(*) Recte *Conlatio*: male in nonnullis *editionib. conlocatio.*

I. (a) Imppp. Valentinianus, VALENS, & Gratianus AAA.
ad Modestum PF. P. (b)

SI quis conlator iugationem (c) suam Logografo commiserit, (d) eam fisco nouerit vindicandam. Quidquid (e) etiam, vel in pretiis, vel in speciebus, aut aurum (f) ordinem delegationis (g) oblitus, prætermisissis Susceptoribus aut horreis, (h) ad Logografos detulerit, omne hoc amissurum se esse cognoscat, & actionem a se debito ordine deposcendam. Officiales autem, qui ex huiusmodi commerciis aliquid fuerint accepisse detecti, quæ avaritia præcipitante captarant, exerta dupli animaduersione redhibebunt: (i) ipsis dumtaxat Logografis, in pristinae condicionis discrimine permansuris: si quidem his pro omnibus poenis sufficiat assiduo tormentorum periculo subiaccere. Dat. Prid. Non. April. Seleucia, (k) Modesto & Arintheo Coss. [372.]

- (a) Absit hæc *lex* a *Cod. Iust. GOTHOFR.*
- (b) *Modestus* PP. Orientis sub Valente, de quo multa mentio apud Ammianum; Libanium, Zosimum, Basilium, Gregorium: v. *Prosopogr. ID.*
- (c) *Iugationem* hic vocat possessionem, cuius modo pro modo iugerum census adscribendus est. Ita quoque *l. 49. inf. de operib. publ. l. ult. inf. de equor. conlat. l. 1. sup. ne quid publice latitia*: Denique *iugatio* est possessio per iuga & modulos terræ censenda. Hinc *capitatio aut iugatio* dicitur, *d. l. 1. item l. ult. de censu*: *iugatio*, vel *Capitatio* v. quæ dixi ad *l. 15. sup. de annona & tributis. ID.*
- (d) Censendam videlicet, æstimandam, adscribendam. *ID.*
- (e) *79. Qui quid*, quanquam & hoc ferri potest. *ID.*
- (f) Ferri potest; quanquam alius forte malit, *auro*. Interim observa triplicem collationem, pretiorum, specierum, auri, & sic aurum a pretiis distingui. Nempe *pretia* erant, quæ quandoque loco specierum exigebantur, & in ære, argento, soluebantur: Arem aurum, quod solenni collatione præstatur. De qua auri collatione, seu auraria præstatione, vide *l. 19. 32. 34. 35. sup. de annona & trib. ID.*
- (g) *Delegatio* hic & *l. 1. sup. de annona & trib. l. 8. inf. de extraord. l. 2. 3. 4. inf. de Iuditionib.* quæ & *Delegatoria* dicitur, est sollemnis expressio, præceptum, Edictum, cui modus collationis adscriptus erat: V. *Paratilon tituli de annona & tribut. ID.*
- (h) Id est, Præpositis horreorum, qui acceptam a Susceptoribus annonam adseruabant. *ID.*
- (i) Id est, *Restituent. V. Glossarium. ID.*
- (k) *Seleucia* hic accipienda est Seleucia Syria, quæ prope Antiochiam, cuius mentio apud Ammianum *lib. 14. cap. 8. & lib. 29. cap. 1.* ubi in Gestis anni 370. id est ante biennium, notat, hunc ipsum Valentem in nemoroso quodam inter Antiochiam & Seleuciam loco constitisse. Eam quoque designatam videre licet in *Itinerario Pentin-giano*. Vide & Stephanum in *Σελύκας*: dixi *tit. de Classis. ID.*

COMMENTARIUS.

LOGOGRAFIS *iugatio* committi, id est possessiones inspicendæ & describendæ, denique census modum eis adscribendi causa committi hæc Valentis *Constitut.* prohibentur: Item ipsa collatio per eos celebrari vetatur: id est eis inferri tributum modus interdicitur. Illud scil. per Censuales, hoc apud Susceptores fieri debet. Illi Censualibus libris tractandis Præpositi; hi suscipiendis annonis & in horrea condendis. Officiorum itaque confusio hæc *l.* occurritur; ne aliis in aliorum officium transeuntibus aliqua fisco fraus fieri possit.

Logografi, quorum tribus præterea legibus hoc *Cod.* mentio fit, puta *l. 6. sup. de diuers. offic. l. 8. sup. de cohortalib. l. 3. sup. de tabulariis. Logografs, & censuales*: & *Nouella Iustin. 128.* qui & plenius *Logografi Ciuitatum* dicuntur *d. l. 3. de tabul.* finitimum quoddam officium erat *Tabulariis, Censualibus, Scribis, Subscribendariis, Diurnariis*; Quare & his iunguntur tum ipso titulo *de Tabulariis, Logografs & Censualibus*; tum *d. l. 3. & d. l. 8.* Fuisse eos, ut ante hæc tempora, ita & huius constitutionis tempore de *Officialium* seu

Cohortalium numero, docet *d. lex 8. de cohortal. lex 6. de diuers. officiis*. Verum postea ex *Curialium* numero esse coepisse, docet *d. lex 3. sup. de Tabulariis*; & obnoxia valde hæc Officia fuisse iuxta hanc *l.* ostendit *d. lex 8. sup. de cohortalib.* Quandoquidem adsiduo tormentorum seu suppliciorum periculo subiacebant. Denique non aliud fuerunt *Logographi*, ut ex hac *leg.* colligi potest, simul & finitimis illis quæ dixi, *Officiis*, quam iique rationes conficiebant tributorum. Alii & finitimi his fuere per *Ægyptum & Nili tractum, Logographi Chomatium, de quibus leg. ult. inf. de conlat. vicorum.*

Illud obscurum est, quod *vers. Officiales* continetur. Nempe *Officiales* ex huiusmodi commerciis aliquid per auaritiam accepisse & capasse, cuius hunc sensum puto: *Officiales* *Iudicum*, qui id agere debebant, ut ne officiorum confusio fieret, lucellum aliquod exinde iam capasse, ut *Logographi* in aliorum Officiis inuolarent. Quare *commerciorum* appellatione id hæc *leg.* designatur: pari sensu quo *l. 15. inf. sup. de*

DE INDICTIONIBVS.

TITVLVS V.

LIB. X. COD. IVST. TIT. XVII.

De INDICTIONIBVS, annorum Indicibus, dicam *inf. tit. de Indulgentiis debitorum.*

PARATITLON.

INDICTIONVM, *Rubr. & l. 1. 4. b. 1. & l. 3. 18. sup. de annona & trib. & l. 14. sup. de proximis Comitib. dispos. l. 7. 8. 11. inf. de extraordin. muner. quæ & Indicta Symmacho, lib. 10. Ep. 41. forma hæc erat; Delegatio scil. l. 2. 3. inf. b. t. & l. 1. sup. de annona & trib. & l. 8. inf. de extraordin. mun. l. 1. vn sup. ne conlatio per Logograph. mittebatur certo tempore, d. l. 8. inf. de extraord. muner. anniuersariis vicibus, d. l. 8. emittebatur, d. l. 8. inf. de extraord. mun. promebatur, d. l. 8. cui manu Principis modus Indictionis adscriptus erat, d. l. 1. de annon. & trib. ad Præfectum Prætorio, d. l. 8. inf. de extraord. mun. Huius delegationis, a Scriniariis Præfecti Prætorio, l. 3. b. 1. fiebant particulares delegationes, quæ per singulas prouincias trans mittebantur, l. 4. b. 1. locis celeberrimis publicabantur, d. l. 3. & 4. certo tempore ante Indictionis exordium, dd. 11. 3. & 4.*

1. (a) Impp. Arcad. & HONOR. AA. Pompeiano (b) Proconf. Afric.

ID tantum, quod est necessarium, intra Africam militibus consistentibus, prouincialibus iubemus indici, (c) ac, iuxta matricularum (d) fidem, quod exigit ratio, (e) postulari: ita vt, si quid erogationibus redundarit in speciebus diuersis, vel præbitione, vecturisque, (f) id futuræ Indictioni conlationique (g) proficiat. Dat. v. Kalend. (h) April. Vincentio & Frauita Coss. [401.]

NOTAE.

- (a) Abest hæc *lex a Cod. Iust.* Iungenda autem ei, est *lex 29. sup. de erogatione militaris annona; & lex 63. sup. de cursu publico, & lex 29. sup. de annona & trib.* Cuius eadem prorsus est sententia. Et forte *lex 28. infr. de Susceptoribus. GOTHOF.*
- (b) Reliquæ *leges*, quas *huic* coniungendas dixi, inscribuntur *Prouincialibus prouinciæ Proconsularis. Pompeianum* interim *hic* obserua Proconsularem Africæ sub Honorio, de quo v. *Profopogr. ID.*
- (c) Extraordinaria Indictione, vt diserte docet *d. lex 29.* Quare fugitiua est hæc *lex*: nisi de omni Indictionum genere ordinariarum & extraordinariarum hunc *tit.* esse putemus. *ID.*
- (d) *Matricula. ID.*
- (e) Id est, necessitatis militaris & annonariæ descriptio. *ID.*
- (f) *Vectura.* Forte reponat quis hic, *iuncturisque*, vt ita Curatoricis equos designet, de quibus *d. l. 29.* verum de hoc mox. *ID.*
- (g) Id est, ordinariæ. *ID.*
- (h) *Prid. Kal.* Ita tribus illis *legibus*, quomodo & hic reponendum. *ID.*

P. 59.

COMMENTARIVS.

AFRICÆ Prouinciæ proconsulari, ne extraordinaria hoc tempore Militaris annonæ collatione, sed & indobita cursus publici usurpatione, attereretur, prolixa constitutione, cuius hæc nostra ἀπόμοιρον est, vt & reliquæ illæ, quas in *Notis* memorauimus, consultum voluit Honorius Imp. Anno D. 401.

Huius duæ sunt sententiæ. Prima, de *Modo* extraordinariæ annonæ militaris: Nempe id demum annonæ, militaris nomine extra ordinem Afris indici iubet Honorius, quod necessitas annonæ militaris reuera deposcere videtur. Nem-

pe, vt extra ordinem necessitate urgente hæc Indictio fit, ita nonnisi quatenus necessitas postulat ea facienda est. Id quod pariter continetur *legē 29. sup. de annona & tribut.* quæ & ipsa *huic* inter alias coniungenda est: hoc tantum ferme discrimine, quod hæc *Proconsuli Africæ* inscribitur, illa & cæteræ *Prouincialibus* ipsa *prouinciæ Proconsularis*: Quomodo de eadem re ad diuersos eodem tempore scribi motis fuisse, complures alix *hoc Codice* leges ostendunt: de quo peculiari capite in *Prolegomenis*. Verba *legis* illius hæc sunt: *Perpenſa cura statuimus, vt non*

amplius vobis aliquid extra ordinem indicetur, quam rei annonaria necessitas ac deuotio postularit.

Ex quo interim apparet, hac tempestate sub Honorio Imp. *Militem* intra Africam constituisse, tuendo videlicet limiti aduersus Barbaros potissimum, vel etiam ne ea Imperii pars rebellaret: Quod sane paulo ante quoque factum sub Gildone, qui & ipse in ea aduersus Honorium rebellauit, Anno Dom. 396. imo & Arcadii Imperio eam adiectam voluerat. Mauri denique Africam laceflebant: teste Claudiano *de bello Gildon. v. 283. seqq. & lib. 1. in Eutrop. v. 400. Zosimo lib. 5. cap. 11.* Verum Africa Stiliconis consiliis & prouisione mox liberata: quod etiam *Vetus Inscriptio* apud Gruterum CCCCXII. 3. Stiliconi posita testatur. De quo ad *dict. legem 29.*

Altera huius leg. sententia est: *Redundantem* etiam ex hac extraordinaria militaris annonæ collatione, quantitatem, id est, si quid post factam erogationem in milites, superfuisset, futuræ indictioni seu illationi proficere & imputari debere. Quod ipsum rursus *d. l. 29. continetur: Si quid vero,* inquit, *de eodem modo diuersarum specierum potuerit redundare, futura iussimus inlationi proficere, scilicet ut in locis propriis collata frumenta possessor dependat.* Non absimiliter pretia specierum urgente necessitate fisco venditarum in collationem fisco inferendam imputantur, *l. 2. C. Iust. ut nemini liceat in empt. specierum.* Similiter & sumptus facti in transitu militum: *Nouella 129.* Quæ tres imputationum species notandæ sunt, vel eo magis, quod vix quidquam de præterito in futurum sibi fisco imputari patitur.

Reliquis interea speciebus, quæ extra ordinem hoc tempore per Africam indictæ, præbitæque, connumerantur *hac leg. Vecturæ:* Vbi per *Vecturas* intelligo, iuncturas (quomodo etiam hic legendum quis putet, *iuncturis*que vel *veterinis*-

que) seu equos vecturis aptos, & sic equos Curatorios: de quibus nominatim agitur, *dict. leg. 29. sup. de annona & trib. quæ huic,* ut dixi, inter alias, coassanda est. Sic certe & *l. 6. de Scenicis,* eadem iunctura vox restituenda, vbi de ea voce plene. Quicquid sit, voce hæc *vectoris,* intelligendus est, non actus aliquis vehendi forte, verum species quædam, quæ extra ordinem velut necessaria postulata, erogata, collata, præbita: *Ita ut, si quid EROGATIONIBUS redundarit, in SPECIEBUS diuersis, vel præbitione, VECTURISQUE, id futura indictioni COLLATIONIQUE proficiat.* Vbi præbitionis quoque vox propria collationi specierum, tironum, equorumque: vid. *inf. tit. 18. qui a præbitione tironum vel equorum excus.* Hinc & præbitiones canonicæ, *l. 4. sup. tributa in ipsis speciebus.*

Postremum sub finem huius *l.* aliquid monendum, quod ad totum *titulum* pertinet; nempe *Indictionis* vocem pertinere & complecti omne Indictionis genus, siue canonis ordinarii, siue quid præter canonem indicatur. Est enim Viri alioquin doctissimi Valesii error in *Marcellini lib. 17. cap. 3.* qui indictionem esse ait, *quidquid præter canonem indicitur:* Nam imo huius *Codicis legibus,* huiusque æui vsu, *Indictio* proprie loquendo de *Canonicis* dicta, & a superindictione distincta passim: vid. saltem *l. 3. sup. de annis & tributis.* Vnde & Indictio pro Anno *l. 18. & 35. cod. tit. & distincti hic tituli de Indictionibus, & de superindictio.* Vnde & cum superindictum indicatur, non *Indictio* simpliciter dicitur, verum *novæ Indictiones,* ut apud Plinium, in *Panegy. c. 36. & Saluianum lib. 5. cap. 7. & 8.* indictionale augmentum Ammiano Marcellino *lib. 17. cap. 3.* Tandem id ostendunt huius tituli *leges:* quæ pertinent omnes ad *formam* Indictionum siue eæ ordinariæ sint, siue extraordinariæ.

P. 60. EXTRAORDINARIÆ cuiusdam pecuniarum indictioni, ne quis se ab ea immunem putaret, Ordinariæ, seu Canonice nomen inditur ab Honorio, A. D. 416.

II. (a) Impp. HONORIVS, & Theod. AA. Palladio (b) PF. P.

OMNES omnino, quocunque ex (c) titulo possidentes, quod delegatio (d) superindicti (e) nomine videtur amplexa, velut (f) canonem cogantur inferre: Et, (g) ne qua sit dubietas, hac aperta definitione decernimus, ut id potius *Canonis* vocabulo postuletur. Nulla igitur domus, vel sacri (h) patrimonii, vel Emphyteurici iuris, vel hominum priuatorum, etiam si priuilegium aliquod habere doceantur, (i) ab hac necessitate seiuncta sint: (k) quæ iam non extraordinarium, ut hætenus, sed ipsis (l) facientibus, *canonicum* nomen accepit. Dat. VII. Id. Ian. Rau. Theod. A. VII. & Palladio Coss. [416.]

NOTAE.

(a) *Lex 1. Cod. Iust. cod. tit.* Et concordat omnino huic *l. lex 5. sup. de annona & trib. GOTHOF.*

(b) *Palladius* sub Honorio, PP. Italix. v. *Presopogr. ID.*

(c) *Quocunque titulo,* Cod. Iust. RITTER.

(d) De hac *Delegationis* voce consule *Paratilon & Glossar. GOTHOF.*

(e) Ita quoque restituerunt in *Cod. Iust.* etsi antea haberet, *superindictionis:* quæ sane vox etiam proba est, ut docet *lex 5. inf. de extraordinar. ID.*

(f) *Canones*

(f) *Canones*, in C. Iust. *ID.*

(g) *Et vt ne qua*, Cod. Iust. *RITTER.*

(h) Domos trium generum obserua: *sacri patrimonii, euphyreusici iuris, & bauxinum priuatorum.* *GOTHOFR.*

(i) *Doceatur*, Cod. Iust. *ID.*

(k) *Sic*, Cod. Iust. *ID.*

(l) *Ipsis*, nobis scil. *ID.*

COMMENTARIVS.

EXTRAORDINARIIS ab Indictionibus cum regulariter quædam personæ immunes sint, saltem ab extraordinariis siue sordidis muneribus, de quib. *suo titulo de extraordin. siue sord. mun.* plenissime: quandoque tamen ea Reipub. tempora incidunt, vt tum pecuniarum, tum & aliarum specierum superindictum seu extraordinaria collatio & oblatio desideretur. Quod quia evenire sæpe solebat, simul & ab huiusmodi superindictio excusatos sese nonnulli vellent, tanquam ab extraordinario munere, & appellatione extraordinarii velut Gorgonis capite obiecto, vel panno rubro efferati, collationem illam defugerent, & priuilegia sua obtenderent; e re visum Principibus, rei atrocitatem & inuidiam verborum lenitate

emollire, ac nominatim cauere, ne *extraordinaria* aut dicerentur aut crederentur, etsi *superindicti* nomine exigerentur, quin potius ordinaria seu canonica censerentur, vt ita omnes huic necessitati parerent, amoto omni priuilegio. Id vero præstat *hac lege* Honorius; id præstitit antea Constantius gemina germana *lege s. sup. de annona & trib.* pari occasione & necessitate: vbi plura hanc ad rem. Hanc sane pertinere existimo ad eam rerum necessitatem, qua bellis vndique ingruentibus a Barbaris & Tyrannis passim imperium appetebatur, in quibus & Attalus Tyrannus: videnda hoc ipso Anno *lex ult. inf. de infirm. his quæ sub Tyrann.* Vbi de Barbarica depopulatione & clade agitur.

III. (a) Impp. THEODOSIVS, & Valentinianus AA. Isidoro PF. P. (b)

CVM omnis hoc Ægyptiaci tractus (c) possessoribus conducibile videatur, vt ante Kal. Mal prædelegatio (d) manifestetur in locis, (e) ne per ignorantiam conlatores, ad anni (f) prioris exemplum, ante delegationem missam ea cogantur exsoluere, quæ postmodum indebita, missa delegatione, forsitan prouocauit (g) euentus: Scriniariis (h) videlicet Sedis (i) Excellæ modis omnibus ordinata salubriter impleturis: ita vt Augustaliani (k) Officii, & Cohortalis, & Defensoris discrimine, in locis celeberrimis, per dismensurum (l) tempus, ad omnium perueniat notionem. Dat. Prid. Non. Iun. Constantinop. Isidoro & Senatore Coss. [436.]

NOTAE.

(a) Abest & hæc *lex a Cod. Iustin.* Iungenda autem illi est *lex 189. 190. 191. ipso & 192. inf. de decurion.* Item *lex 2. inf. de frumento Alexandrino: & lex 2. inf. de Alexandrina plebis primatib.* Concordat huic quoque *lex prox. inf. GOTHOFR.*

(b) *Isidorus PP.* Orientis sub Theodosio Iun. A. D. 435. 436. Ad hunc ipsum Isidorum P. P. extat quoque Isidori Pelusiotæ *Epistola 299. lib. 1.* quam ad *titulum de naufragiis*, exhibebo. Meminit eius & Theodoretus *ep. 47. ad Proclum Constantinopol.* quæ est de Censitore & Peræquatore, v. & *Prosopogr. ID.*

(c) *Tractus Ægyptiacus* pro diocesi Ægyptiaca: de quo vide Orbis Romani descriptionem ex *hoc Codice. ID.*

(d) *Prædelegatio*, id est delegatio ante emittenda. Pari modo *præaccommodari* dixit in *d. l. 2. inf. de Alexandr. plebis primat.* quæ huic inter ceteras iungenda est: Ita & *prædamnati, l. 2. inf. de hæreticis: & in Glossis Philoxeni, Prædamnatos, Προκαταγινώσκοντας.* Reliqua vide in *Glossario. ID.*

(e) Celeberrimis scil. vt *infra* & publicis. *ID.*

(f) Id est anni 435. sub Gigantio, de quo mox. *ID.*

(g) *γρ. Prouocabit;* quod eleganter dictum, neque muto in *reuocabit. ID.*

(h) *Scriniarios* nota Præfecti prætorio Orientis. *ID.*

(i) Id est, Præfecti Prætorio. *ID.*

(k) Id est, Præfecti Augustalis, de quo agitur & *d. l. 190. & 192. inf. de decurion.* Interim hæc Tria obserua; Officium Augustalianum, nempe totius dioceseos, Cohortalem prouinciæ; Defensorem ciuitatis. *ID.*

(l) *Dismensurum* tempus, pro bimestri; nisi malit quis *bismensurum. ID.*

COMMENTARIVS.

PUBLICANDÆ seu publicæ proponendæ Indictionis ratio seu modus, ac nominatim per omnem Ægypti tractum, *hac* Theodosii Iun. *constitutione* præstituitur An. D. 436. Quæ prolixæ

Theodosianæ constitutionis pars est, qua vt Alexandrinis, ita & Ægyptiis in commune, aduersus iniustas quorundam molitiones, consultum iuit. Modum igitur inter cetera publicandæ Indictionis

nis eo fine præscribit (Cum, inquit, omnis Ægyptiaci tractus possessoribus hoc conducibile videatur) hunc videlicet: *Primum*, ut in locis publicis & celeberrimis proponatur, ne per ignorantiam collatores exsoluere cogantur, atque ita ad omnium notitiam peruenire possit: quod in omnibus alioquin Edictis tralatitium est; de quo consule *Patillon de constitutionibus Principum, & Edictis*.

Secundo, *Ante Kalendas Maii* proponi & publicari id iubet; An quia id Indictionis per Ægyptum exordium erat: quod alioquin etiam cauetur *l. prox. inf.* Sane, cum alibi Indictionis exordium a Kalendis Septemb. initium sumeret, vel etiam a Kalend. Ianuariis, Antiochena Indictio a Kalendis Maii ducebatur: quod testatur Auctor *Chronici Alexandrini in Iulio Casare pag. 439. edit Raderi.* Ἰτος γὰρ Ἰσλίου ὁ δικτάτωρ ὁ ἐστὶν Μονάρχης, ἀπάντων ἐκράτησεν ἐν ὑπερφανείᾳ καὶ τυρανείᾳ ἐπὶ ἑτῇ δ', καὶ μῆνας ζ', πρὸ δ' εἰδὼν Μαίον τῆς πρώτης ἐπιμελήσεως, καὶ προετέθη ἐν Ἀντιοχείᾳ τῇ μεγάλῃ, ἐλευθερίᾳ αὐτῆς ὅτε καὶ Ῥωμαῖς ἐγένετο, τῇ καὶ τῇ ἀρετῆς μὲνός πεμφθεῖσα παρὰ τῷ αὐτῷ Ἰσλίου Καίσαρος, καὶ ἐκλήθη ὁ αὐτὸς Καῖσαρ Ἰσλίου δικτάτωρ ἐν Ἀντιοχείᾳ τῇ μεγάλῃ γὰρ καὶ τῇ ἀρετῆς μὲνός. Χρηματίζει ἐν τῇ μεγάλῃ Ἀντιοχείᾳ εἰς τιμὴν αὐτῆς ἑτῷ α'. Καὶ πρῶτον ἑτῷ τῆς ε' καὶ δεκαετηρίδος τῶν Ἰνδίων, ἀπὸ πρῶτης ἑτας γαῖς Ἰσλίου Καίσαρος. Item *Iulius Cæsar, Dictator, hoc est monarcha, superbum & crudele in omnes imperium exercuit annos quatuor, menses septem, IIII. Idus Maias Indictione prima.* Et donata est Antiochia magna libertate, quando se Romanis subiecit, a Iulio Casare XX. Maii illi denunciata. Et renunciatus est Iulius Cæsar Antiochia magna vrbe dictator, tertia & vicesima Maii. Incipit ergo Antiochia, ad eius ciuitatis illustrem memoriam, annus primus (Cui Iulii Cæsaris Dictatoris) & annus primus Indictionis, quæ annos continet quindecim a primo anno C. Iulii Cæsaris. Nempe ait, Indictionem primam Antiochenam a mense Maio suæ αὐτονομίας initium ducere. In Ægypto sane hæc ratio certissima est, neque alia querenda: quia tum messis peragebatur. *Plinius, lib. 18. c. 18.* Inarari certum est abiecta prius semina in limo digressi annis, hoc est, Nouembri mense incipiente: postea pauciruncant, quod botanistæ vocant: reliqua parnonnisi cum falce arua vixit, paulo ante Kal. Aprilis: peragitur autem messis, Maio. Et eodem lib. c. 7. In Ægypto hordeum sexto a satu mense (qui Abib Exodi 13. v. 4.) frumenta septimo metuntur. Leo Afer, testis αὐτόπτης descript. *Africa lib. 8. c. 4.* sub Aprilis initium segetes succidunt (Ægyptii) succisas confestim tritulant, neque spicam ad vigesimam Maii secundam relinquunt. Huc etiam

spectat, quod memoratur *Exodi 9. v. 32.* In Palæstina vero vno mense vel amplius serius messis peragebatur, a festo Paschatis ad festum Pentecostes vlque: quod ideo festum messis vocatur, peractæ scil. *Exodi 23. v. 15. & 16.* Iosephus lib. 3. *Antiquit. Iudaic. c. 10.* Hieronymus comment. in *Amos, c. 4. v. 7. pag. 70. Tom. VI. Oper. edit. Francf. apud Christ. Genssch.* Tandem & per bimestre tempus hoc Edictum proponi publice iubet *h. l.* Theodosius Iun. a Kalendis videl. Martii ad Kal. Maii vsque, ea ratione, quam nominatim addit: cui plane gemina est, quæ redditur *l. 4. prox. inf.* A mense igitur Martio Indictionis edictum in Ægypto proponi oportuit: similiter prorsus Iustinianus *Novella 128. cap. 1.* voluit per Iulii & Augusti bimestre tempus, particulares dispositiones collationum futuræ indictionis in foro vniuscuiusque diocesis proponi: Quod caput cum hac *l.* componi velim. Peragendæ porro eius rei curam Scriuarii Præfecti Prætorio imponit: Ab his scil. Scriuariis hæ Indictionum delegationes per prouincias & ciuitates emittebantur, de quibus Scriuariis suo titulo lib. 8. de Numerariis, *Actuariis, Scriuariis*: ut cæteroquin ad Præfecti Prætorio, eiusque officii curam res tributaria pertinebat, de quo sæpe. Tandem & propositionis periculum ac sollicitudinem per Ægyptum Officialibus Præfecti Augustalis, Cohortalibus etiam singularum prouinciarum, & Defensoribus singularum ciuitatum imponit. Quare iam hinc colligimus, Scriuarios Præfecti Prætorio delegationes seu Indictionum edicta emisisse: hos vero proponendorum similitudinem gessisse per vniuersam diocesim, eiusque prouincias & ciuitates.

Causam porro huiusce legis ferendæ historicam indicat hac *leg. ipsa* Theodosius Imp. Nempe quod superiore Anno 435. collatores per ignorantiam coacti fuissent exsoluere, quæ postmodum indebita fuisse euentus prouocauit, comprobauit. Quod cum attendo, pertinere id omnino existimo ad Gigantium Cappadocem Correctorem *Augustamnica* (quæ Ægypti prouincia erat,) qui hanc prouinciam plurimis calamitatibus affecit: inter cætera miseris possessoribus *via ἀπογραφή* coactis exsoluere indebitum tributorum modum: multis etiam eam ob rem fugere coactis, quæ causa etiam in vincula coniectus is, multatusque ab Imp. Theodosio: de quo Isidorus Pelusiota (quæ vrbs Pelusium Augustamnica primæ metropolis erat) lib. 1. ep. 231. 351. 352. 430. 483. 484. 485. 486. 487. 489. 490. e quibus etiam epistola 485. data est ad eundem Isidorum PP. cui hæc lex inscribitur: ep. vero 486. ad Florentium Ildori successeurem. De hac vero *via ἀπογραφή* Gigantii *ell. d. ep. 487. & 490.* ac potissima inter omnes 487.

IV. (a) Idem AA. Dario (b) PF. P.

PARTICULARI (c) delegationum notitia, ante Indictionis exordium singulis transmissa prouinciis, conlationis modum, a possessoribus multo ante prospectum, deuotionis (d) solitæ, non subitis calumniis, Tua Sublimitas faciat impurari, (e) vt & Prouincialibus subeundi dispendia (f) necessitas auferatur, & Officiis ingerendi (g) damna licentia denegetur. Dat. v. Kal. Septemb. Apamiæ, (h) Ildoro & Senatore Coss. [436.]

NOTAE.

- (a) *Lex* 2. seu *ult. C. iust. b. t.* Et iungenda ei *lex ult. sup. de annona & trib. GOTHOF.*
 (b) *Darius* PP. sub Theodosio Iun. & quidem Orientis, vt expresse vocatur, *l. ult. sup. de decur. & silent.* quæ ei pariter inscribitur Anno prox. 437. *ID.*
 (c) Ita *perginge* *diaturnitas ræv evstetadun*, particularis dispositio collationum, *Nda. 128. in pr. ID.*
 (d) Reponit Cuiacius, *deuotioni*: Si quid immutandum est, *malim legere, deuotione solita*, de quo mox plura. *ID.*
 (e) *Malim, importari*: mox vt ostendam. *ID.*
 (f) *Dispendii*, C. Iust. quod non necesse: Nam & mox *ingerendi damna. ID.*
 (g) *Inferendi* Cod. Iust. male: pari mutatione, qua in *l. 1. Cod. Iust. de oblat. voter.* cum *ingerendi vox* extet in *l. vn. sup. hoc Cod. eod. tit.* vnde ea desumpta est: vid. *Iuxturn in Symmachum lib. 4. ep. 29. ID.*
 (h) *Bithynia.* vid. *Chronicon Theod. ID.*

COMMENTARIUS.

PUBLICARI delegationis seu Indictionis formam hac leg. pariter vt superiore per prouincias, dispositione Praefecti Praetorio, ante Indictionis exordium iubet hac constitutione Theodosius Iun. quæ prolixioris constitutionis Theodosianæ pars est, qua rei tributariæ simul & prouincialium securitati consultum voluit, vt ostendit *lex ult. sup. de annona & tribut.* quæ huic iungenda est. Rationem, cui & similis occurrit leg. superiore, addit, vt ita modum collationis a possessoribus multo ante prospectum, deuotione solita non subitis calumniis importari contingat: nam ita hic legendum est, *deuotione solita importari*: manifestissimo hoc sensu, non subita & improuisa exactione, quæ vtique calumniæ species est, tributa inferri oportere: verum solita deuotione, atque animi in vtilitatem publicam propensione, & spon-

tanæ ac diligenti illatione. Nempe *deuotio & deuotio solita*, vt in commune de tributorum illatione dici solet, quod *Glossarium* prolixè ostendit, ita nominatim de spontanea diligentia, nulla vi aut calumnia, aut exactione præcipiti extorta, vt contra *indeuota desidia* dicitur de morâ facta in illatione tributorum, *l. vn. sup. de offic. Vicarii.* Quare hic omnino opponuntur, *deuotio solita & subita calumnia*: Calumniæ, inquam, quibus, vt sine huius *l.* indicatur, neque minus leg. 3. *sup. prouinciales* non ante præmoniti indubita sæpe exsoluere coguntur ab Officialibus: contra, si modum multo ante prospexerint, & prouincialibus necessitas subeundi dispendia auferatur, & Officiis ingerendi damna licentia denegatur.



P. 63.

DE SVPERINDICTO.

TITVLVS VI.

LIB. X. COD. IVST. TIT. XVIII

DES CREVÈS.

Cum hoc *Titulo* committendus *Titulus inf. de extraordinariis muneribus*: cuius *Tituli leges* vt complures huc spectant, ita & nonnullæ melius sub hoc *Titulo* collocatæ fuissent.

PARATITLON.

SVPERINDICTVM, Rubr. & *l. vn. b. t. l. 4. de decur. & silent. & l. 14. sup. de prox. Com. dispos. & l. 2. sup. de indiction. l. 16. 20. inf. de extraordin. mun.* superindictio, *l. 5. inf. de extraord. sue furd. mun. l. 33. de operib. publicis.* superindicti oneris pondus, *l. 3. inf. de conlat. donat.* superindicti grauamen, *d. l. 4. sup. de decurion. & silentiar.* superindictitii tituli pensio, *l. 36. sup. de annona: l. 3. sup. de decur. & silentiar.* Anianus ad *l. II. inf. de extraord. sue furd. mun. & Nouella Maioriani de indulg. debitor.* 4. superindicti tituli, Cassiodoro *l. Var. 26.* [augmentum &] superindictitium, *l. 4. sen. ult. inf. de conlat. fundor. patrim.* exquisiti tituli, Ammiano Marcellino *lib. 19. cap. II.* indicta extra ordinem, *l. 29. de annona.* superindictitia onera, Cassiodoro *V. Var. 14.* adiectio, *l. 23. sup. de annona.* augmentum *l. 4. inf. de collat. fundor. patrimon.* Cassiodoro *lib. IX. Var. 10.* extraordinarium nomen, *d. l. 2. sup. de indictionib.* extraordinaria indictio, *l. II. inf. de extraord. vbi vide plura: indictionale augmentum Ammiano Marcellino lib. 17. cap. 3. incrementa, ibid. conquisita, ibid. prouisiones, ibid. prouisi tituli, lib. 30. cap. 5. indictiones tributariæ Saluiano lib. 5. cap. 6. nouæ indictiones, eidem lib. cit. cap. 7. & 8.*

Tom. IV.

I

tributi

tributi cumulus, *dict. cap. 8.* Ab hoc immunes erant quidam, de quibus vide *l. 36. sup. de annona, & l. 14. sup. de prox. Comit. dispos. l. 2. 3. 4. sup. de decurion. & silentiar. l. i. 2. 4. 5. 6. 9. 13. 17. 20. 21. 22. & l. ult. inf. de extraordin. munerib. & d. l. ult. inf. de collat. fundor. patrimon.* Notandum quod Honorius proficitur, *l. 33. de operib. publ.* præcipuam sibi curam esse, ne prouinciales nostri superindictionibus prægrauentur.

I. (a) Imppp. Gratianus, VALENTINIANVS & Theodosius AAA. ad Proconsules, (b) Vicarios, (c) omnesque Rectores.

Nihil superindictorum nomine ad solas Præfecturæ (d) litteras quisquam Prouincialis exsoluat: Neque vllius omnino indictionis titulus, (e) etiam solemnissimus, (f) imminere, nisi eum (g) Nostro confirmata iudicio, & Imperialibus nexa (h) præceptis, (i) Sedis (k) Amplissimæ deposcat indictio, & cogat exactio. Dat. vii. (l) Kal. Iun. Med. Antonio & Syagrio Coss. [382.]

INTERPRETATIO. *Ista lex præcipit, ut nullum per (m) Rectores prouincia superindictum Prouincialibus imponatur, nisi forte ex hac re processisse præceptio Dominica (n) comprobetur: tunc enim id quod superindictum est aut peti aut exigi poterit, quando a rerum Domino cognoscitur constitutum.*

NOTAE.

- (a) *Lex vn. Cod. Iust. cod. tit. GOTHOF.*
 (b) Atqui non nisi vnicus Proconsul sub imperio Valentiniiani Iunioris fuit, puta Proconsul Africae; Imo fuit & Proconsul Hispaniae: de quo dixi ad *l. 14. sup. de accusation. ID.*
 (c) *V. leg. vn. sup. de Officio Vicarii:* vbi dixi. *ID.*
 (d) Id est Præfecti Prætorio: Nam hac parte Aniani interpretatio falsa est. *ID.*
 (e) *Tituli, & mox, etiam solemnissimus imminere,* MSS. W. G. & Edit. Richard. *RITTER.*
 P. 64. (f) *Solemnissimus titulus, id est, Canonicus & ordinarius: sic solemnissimus pensitatio, l. 31. sup. de annona & trib. solemnissimus ratio l. 64. sup. de cursu publ. solemnissimus expressio, l. 3. sup. trib. in ipf. specieb. Solemnissimus species, l. 6. de exactiob. Solemnissimus absolute l. 1. §. 1. D. de munerib. & apud Amm. Marcellinum, lib. 17. cap. 3. GOTHOF.*
 (g) *Nisi eam nostro confirmatam iudicio, & imperialibus nexa præceptis, sedis amplissimæ deposcat indictio,* ita Richardus edidit. *RITTER.*
 (h) *Nixa Cod. Iust. & Richard. ID.*
 (i) *Præcepta* hic sunt Edicta super Indictione; quo ipso sensu *præceptum* accipitur *l. ult. sup. de constitutionibus Principum.* Eodem sensu *præceptio, l. 27. sup. de annona & trib. GOTHOF.*
 (k) Id est, Præfecti Prætorio. *ID.*
 (l) Alias *VIII.* vt præfert Edit. in 4. *ID. Cod. Iust. XVIII. MS. W. & Richard. XVII. MS. G. XV. RITTER.*
 (m) Male. *GOTHOF.*
 (n) *Dominica, id est Regia. v. Gloss. ID.*

COMMENTARIVS.

PRÆFECTI PRÆTORIO soli literis suis neque superindicare neque indicare quicquam possunt, ex hac Valentiniiani Iun. constitutione: quod & ipsum iam antea cautum *l. 7. 8. 10. u. inf. de extraordin.* Vt maxime scilicet rei tributarie sollicitudo ad Præfectum Prætorio pertineret, quod ex infinitis huius Cod. legibus liquet, idque etiam Zosimus *lib. 2. cap. 23.* dilerte tradit, muneris eorum fuisse, curare *τὰς ἀναρχὰς φέρεας* ubique terrarum vectigalia: ipse tamen solus neque indicare, neque superindicare quicquam potuit; Quanquam & aliter quadamtenus obseruatum sub Constantio, docet *lex 7. & 8. inf. de extraordin.* Solius itaque reuera Principis istud est: Quare & Sidonius *lib. 2. epist. 1.* de Seronato Aruernæ euerriculo, *Indicit, inquit, ut Dominus, exigit ut Tyrannus:* & post; *Noua tributa perquirat: vbi Dominus pro Rege & Principe accipiendas: Nam & ita Interpres præceptionem dominicam dixit: & mox; Quando a rerum Domi-*

no cognoscitur institutum. De qua Domini appellatione pro Imperante plura ad Sidonium Doctiss. Sauaro. Quid igitur? Vt solius Præfecti Prætorio literas solas sequi hac parte vetantur Rectores Prouinciarum, puta Proconsules, Vicarii, Rectores (Nam hæc tria administrationum prouincialium genera, tres hi gradus, fuerunt; quæ ratio est inscriptionis huius *l.*) Ita Indictionum & superindictorum forma hæc præscribitur, puta, vt non ante exactionis vllius curam in se recipiant Administratores seu Iudices Spectabiles, Clarissimi, quam iudicium Principis præcesserit seu Imperiale præceptum, & Præfecti literæ his nexæ fuerint. Atque huc facit iam Ammiani Marcellini locus, *lib. 17. cap. 3.* sub Constantio in gestis anni 358. *Cum Florentius Præfectus Prætorio, quicquid in capitatione deesset ex Conquisitis se supplere firmaret, talium gnarus animam prius amittere, quam hoc finere fieri memorabat: Mox, Indictionale augmentum oblatum sibi, nec recitare,*

nec SVBNOTARE perpeffus, humi proiecit. Qui locus committendus cum l. 7. & 8. inf. de extraord. siue ford. munerih. ni fallor. Conqueritur & Saluianus suo xuo lib. 5. cap. 7. Veniunt plerumque noui nuntii, noui Epistularii a summis Sublimitatibus (id est a Præfectis Prætorio) missi, decernuntur nouæ Indictiones, &c.

Cæterum pertinet hæc quoque lex ad eum Valentiniani Iun. animum: quem Ambrosius in oratione super eius obitu, pag. 108. Tom. V. Oper. edit. Paris. Cardinal. Felicis de Mont. Alto deprædicat; Quid de amore prouincialium loquar, vel quo eos ipse complectebatur, vel qui ab iis consultori suo rependebatur, quibus nihil unquam Indici passus est? Præterita, inquit, non queunt soluere, Nova poterunt sustinere? Ex hoc laudant prouincia Iulianum. Et ille quidem in robusta etate; iste in processu adolescentiæ. Ille plurima repperit, & exharuit omnia; Iste nihil inuenit, & omnibus abundauit.

Sub finem huius legis de superindicto, ex Scriptoribus nonnullis exteris nonnulla hic adnotanda sunt: Ex Ammiano Marcellino primum, apud quem multa eius mentio: vocat is Exquisitos titulos lib. 19. c. 11. indictionale augmentum, lib. 27. c. 3. incrementum, ibid. conquisita, ibid. prouisiones, ibid. prouisos titulos, lib. 30. c. 5. Omitto Sidonium, Saluianum, Cassiodorum. Hæc illa sunt αὐξαναῖα, quæ restitui iam olim apud Synesium ep. 79. vbi hæcenus αὐλαναῖα editum, quo loco is de Andronico agit; δεινὸς γὰρ ἀνὴρ ὑποθήσεις ἐξεύρεσκον, τῇ τε αὐτῷ καὶ τῇ Θεῷ. Φύσει περὶ πᾶσιν ὃν ἐπὶ τῶν διαμαρτυρῶν ὅλη τὰς ἀπορήσεις ἐταξέ τῃ στρατιωτικῇ χρευσίᾳ τῇ καλῶν τερωνικῇ, καὶ συνήψε τὰ αὐξαναῖα καὶ αἰεὶ τι κανὼν ἐπὶ παλαιῷ κανόνι, ἐφ' ᾧ κατὰ φύλα καὶ δῆμους ἀνέκιστοται: est enim ad inuestigandas rationes suo & Thoantis ingenio dig-

nas solertissimus, quem carceri propositum exactorem militaris pecunia fecit, quam tyronicam vocant, & Auxanaq. adiunxit; ac semper nouum aliquod ex vetere malum: propter quod per gentes, ac conuentus excrucientur. Nempe ait Synesius, Andronicum ad inuestigandos & commiscendos titulos collatoribus vel debitoribus publicis graues, & suo & Thoantis cuiusdam ingenio solertissimum fuisse: quem etiam ex Commentariensi exactionibus militaris auri, quod Tyronicum vocant, præfecisse, & incrementa noua seu superindicta adiecis- se, ac semper nouum aliquod malum ad vetera, quo regiones populique cruentur. Quis vero nisi hebes plane, aut maligno animo, videat quam εὐσυχως hic αὐξαναῖον nomen conueniat; non enim tota series orationis id ostendit? non quæ statim subi- ciuntur, αἰεὶ τι ΚΑΙΝΟΝ ἐπὶ παλαιῷ ΚΑΝΟΝΙ? non vox ipsa συνήψε: Quibus nouæ indictiones, superindicta, augmenta, incrementa indicantur. Et tamen multis modis vana est, ac temeraria ista castigatio Dionysio Petanio, solum quia scil. ei nil tale in mentem venit: cum interea quid αὐλαναῖα sint, fateatur se non habere, quod certo dicat. Sed Grammaticæ leges Orbilius noster vrgat, ab eo, inquit, quod est αὐξάνω deriuari τὰ αὐξαναῖα nemo Græce vel mediocriter eruditus non dixerit. Ego vero non tam Græce peritus sum, quam ipse videri vult: & tamen dicat mihi quæso Orbilius, an Grammaticæ leges ferant dici Ergastiatorios l. 1. inf. de Alexandr. pleb. primatib. Ospraturam, l. ult. §. 19. D. de muneribus. id genus alia, quæ plebs Egyptia & Alexandrina passim commenta est. Nam quod in MSS. αὐλαναῖα dici constanter contendit, id nihil est: Nam si manuscriptorum fide standum est, valeant omnes emendationes, omnes coniecturæ, quantalibet εὐσυχία.

DE EXACTIONIBVS.

TITVLVS VII.

LIB. X. COD. IVST. TIT. XIX.

De exactionibus Tributorum.

Concordat huic omnino Titulus 8. libri 8. supr. de Exsecutoribus & Exactionibus; quo etiam Titulo duæ leges huius tit. repetuntur, quod inter errores huius Cod. Conditorum quoque deputo. Cæterum duæ Constitutiones ad ECCLESIASTICAM Historiam spectantes hoc titulo continentur: puta Valentiniani Sen. lex 10. Valentiniani Iun. lex 13.

PARATITLON.

EXACTIO, Rubr. l. 1. 8. 9. 15. 17. 18. 19. b. t. l. omnis 5. supr. de iis quæ administr. fiscalium debitorum, l. 4. 17. b. t. debitorum publicorum, l. 13. b. t. quæ & simpliciter Debita vocantur, l. 1. 7. b. t. & l. 1. infr. de distrab. pign. indeque debitores, d. l. 1. b. t. præstationum fiscalium, l. 4. b. t. fiscalium pensionum, l. 11. b. t. fiscalium pensionum, l. 12. b. t. specierum solemnium, l. 6. b. t. auri, l. 14. b. t. largitionalium titulorum, l. 18. b. t. a prouincialibus, l. 7. 8. 9. b. t. possessoribus, l. 16. 20. b. t. decurionibus,

rionibus, l. 2. b. t. actoribus cæterisque rei priuatæ Principis, l. 6. b. t. omnibusque obnoxiiis, l. 16. b. t. debitoribus, l. 1. b. t. debitoribus fisci, l. 5. b. t. conuictis debitoribus, l. 16. b. t. celebrabatur, l. 15. b. t. ab his qui *Exactores* hac de causa dicti l. 1. 10. 16. 20. 21. b. t. l. 1. *supr. de execut.* Qui quidem in Africa Karthagine in Secretario Proconsulis Africæ creabantur populo admissi, l. 20. b. t. in celeberrimo cœtu Curia, consensu & iudicio pariter omnium per Orientem l. 20. *infr. de Susceptor.* pro varietate prouinciarum conueniendorum ex officio Rectoris prouinciæ, qui solos potentiores: ex decurionibus, qui solos Curiales: At defensores, qui solos minores exigent, l. 12. 16. b. t. Hi vero plerumque sumpti ex Curialibus seu Municipibus, leg. 12. 16. *hoc tit. l. vn. supr. de priu. dom. Aug. l. 12. supr. de appell. l. 3. de bonor. Codicil. l. 8. 14. 117. infr. de decur. l. omnis 5. supr. de iis qua admin. Nouella Maioriani 4. de indulgent. reliquor.*

Exactorum nomina varia memorantur. Ducentarii, l. 1. 9. b. t. l. 1. *supr. de concuss. Aduoc. Centenarii d. l. 1. b. t. & d. l. 1. supr. de conc. Aduoc. & Sexagenarii, d. l. 1. b. t.* Illis Exactoribus imminabant pro tributorum varietate Iudices seu Rectores prouinciarum eorumque Officia, l. 3. 8. 11. 16. 17. b. t. Per Rectorem prouinciæ igitur celebrabatur exactio, l. 5. *supr. de executor.* nempe in fiscalibus tributis, imo, & in largitionibus, l. 18. b. t. non in priuatis, l. 11. b. t. quod postea abrogatum, l. 5. *supr. de exc.* item præfecti annonæ per Africam & Rationales [summarum] l. 8. b. t. (non etiam Maiores Iudices, puta Vicarii d. l. 8.) & Rationales [rei priuatæ] & procuratores, l. 11. b. t. At mittebantur quandoque extra ordinem milites, Opinatores dicti, l. 16. b. t. item Agentes in rebus, & Palatini (id est, Officiales Comitris S. L. & Priu.) l. 17. b. t. l. 5. *supr. de executor.* qui vicissim Iudicibus & eorum Officiis imminerent, non etiam ipsos prouinciales exigent, d. l. 16. 17. b. t. d. l. 5. & 6. *supr. de executorib.* quod, reducto iure antiquo de Palatinis, antiquarum, l. 18. b. t. Item Compulsores missi, l. 15. *hoc tit. de quibus l. 34. supr. de annona & trib.*

Cæterum, antequam exigent, breues prius debitorum a Tabulario accipere eos oportebat, l. 1. b. t.

Sed neque Solis die exigere poterant Christianum quemquam, leg. 10. 13. *hoc tit. leg. 1. 3. supr. de executoribus;* neque alium pro alio, leg. 2. b. t. & l. *ultim. supr. de executoribus.* Neque indebitum quem exigere, vel aliquam inquietudinem inferre, d. l. 1. b. t. sed sine concussione omni exactionem facere, d. l. 1. b. t. alioquin pœnis seuerissimis subiciuntur, de quibus vide l. 1. & 20. b. t.

Perpetui exactores esse prohibebantur, l. 22. *infr. de susceptor.* annui tantum esse poterant, l. 9. *supr. de executorib.* d. l. 22. *infr. de susceptor.* l. 16. b. t. Modum, quo obuiam itum eorum superexactionibus, vide l. 3. *supr. de annona & trib.* At prouinciales ipsi, contumaces, l. 16. b. t. per contumaciam satisfacere differentes, l. 4. b. t. debiti vigoris auctoritate cgebantur ad solutionem, l. 6. 16. *in fin. b. t.* puta custodia militari aperta, libera, l. 3. b. t. & pignorum capione, id est bonorum distractione, l. 3. 4. 7. 16. b. t. (v. *infr. tit. 9.*) non etiam carceris pœna, l. 3. 7. b. t. aut suppliciis, veluti plumbatarum aut plumbi verberibus, aut ponderibus, aliisque d. l. 3. & 7. b. t.

Reliqua petenda sunt ex titulo de executoribus lib. 8. De Exactionibus & Exactoribus, vid. & l. 8. 117. *infr. de Decurionib.* l. 1. de off. iud. ciuil. l. 1. de pignorib. l. 5. de Nauicular. l. omnis 5. de iis qua administr. l. 3. de bonor. codicill. l. 1. de his qui cum dispens. l. 2. de protostasia, l. 6. de question. l. 3. de priuileg. eor. qui in S. P. l. 12. de appellat. l. 3. ne conlat. traslat. l. 14. in fin. de ann. & tribut. l. ult. de fisci debitor. l. 2. 3. 4. de præd. Senator.

I. (a) Imp. CONSTANTINVS A. ad Ælium (b) Procons. Afric. Post alia.

DVCENARI, & Centenarii, siue Sexagenarii, non prius debent aliquem ex debitoribus (c) conuenire, quam a Tabulario (d) ciuitatis nominatim breues (e) accipiant debitorum: Quam quidem exactionem sine omni fieri concussione oportet: ita (*) vt, si quis in iudicio questus, quod indebite exactus est, vel aliquam inquietudinem sustinuit, hoc ipsum probare potuerit, seuera in Exactores sententia proferatur. Dat. Kalend. Nou. Treu. Constantino A. IIII. (f) & Licinio IV. Coss. [315.]

NOTAE.

- (a) *L. 1. Cod. Iust. eod. tit.* Et iungenda huic est *lex 1. supr. de annona & trib.* Forte etiam *lex 1. supr. de concuss. aduoc. & lex 1. supr. de aduoc. fisci.* GOTHOF.
- (b) *Æliano* huic Proconsuli Africæ hoc anno inscribuntur etiam *d. lex 1. supr. de concess. Aduocat. lex 1. supr. de Aduocatis fisci.* Eius ipsemet Constantinus meminit in *Epistola ad Probianum*, eius in Proconsulatu Africæ successor, apud Augustinum *Epist. 68* (su. 88. Edit. Benedictin.) & *lib. 3. contra Cresconium cap. 70. pag. 476. Tom. IX. Oper. edit. Benedictin.* plura dixi ad *dict. leg. 1. supr. de Aduoc. fisci.* vid. *Prosopograph. ID.*
- (c) *Debitoris* absolute, pro tributorum debitoribus, v. *Gloss. ID.*
- (d) De *Tabulariis* suo *tit. supr. lib. 8. v. & quæ scribo ad l. 1. infr. de Censu. ID.*
- (e) De *Breuius* vide quoque *Glossarium ID.*
- (*) Sequentia omnia refecauit Tribonianus. *ID.*
- (f) *ꝑꝑ.* Hic & mox *III.* vid. *Prosopogr. ID.*

COMMENTARIVS.

CONCVSSIONI Exactorum, quam *Φορολόγων ἀπανηρωπιάν* vocat Gregor. Nazianz. *Orat. 16. pag. 242. edit. Lips. apud Weidm.* (de qua *tit. de superexact.*) per Africam nominatim, occurrit *hac constitutione* Constantinus M. vt viceversa, ne illationi tributorum fraus fiat, *l. 2. supr. de annona & trib.* quæ huic iungenda est. Nempe eiusdem Constantini providentiæ fuit, eadem constitutione providere.

Duo hæc igitur *hæc leg.* constituit; Primum, vt non nisi Breuius debitorum, id est, designatione inferendi tributi a Tabulario ciuitatis acceptis Exactores quenuquam exigant. *Tabularii* scilicet ciuitatum erant qui Exactionis, Translationis tempestiuæ curam gerebant. Scilicet publicas chartas tractabant, & Breues seu designationes tributorum & *λογαρχικά* conficiebant, vt vel hæc *lex ostendit, & lex 13. supr. de annon. & trib. & lex 16. infr. hoc tit. & lex 3. infr. de indulgent. deb. & lex 1. & ult. infr. de censu.* de quibus alioquin peculiaris titulus fuit, *supr. lib. 8.* Denique nomina dominorum (debitorum) prodebant *l. 16. infr. hoc tit.* Ab his igitur Exactores Breues debitorum accipiebant, vt ita iuxta eorum modum exigerent: de iisdem Tabulariis vide *l. 27. & 30. infr. de susceptor.* e quibus *l. 27.* hæc verba continentur: *Item Tabulariis quadrimestris Breues publicari iubemus, vt si hisdem relate securitates fidelitor continent debitum, duplex non teneat exactio.* Igitur ab his Breues tributorum conficiebantur. Quare & translationis tempestiuæ cura ad eos pertinebat, vt docet *lex 9. u. supr. de annona & trib.* Viceversa & cautiones siue Apochæ solutorum debitorum ad hos deferbantur, vt præter *l. 1. supr. de annona & trib.* (quæ huic coniungenda est) docet *d. lex 27. infr. de Susceptoribus.* Alterum est de concussionibus exactorum & iis grauissime puniendis: de quo suo *tit. infr. de superexactionib. & tit. de concuss. Aduoc.*

Et hæc quidem huius *leg.* sententia est: ubi Nomina Exactorum varia expendenda veniunt, quæ *hæc leg.* memorantur. Nominantur scilicet Ducenarii, Centenarii & Sexagenarii. Sane Sexagenariorum fit quoque mentio *d. l. 2. supr. de annona & trib.* Ducenariorum, & Centenariorum, *l. 1. supr. de concussionib. Aduocat. siue apparitor.* quæ forte & ipsa, vt dixi, huic coniungenda est vna cum *l. 1. supr. de Aduocato fisci.* Nani & his dubus legibus ad eundem *Ælianum Proconsulem* Africæ hoc ipso Anno horum Exactorum concus-

sionibus, simul & *Aduocatorum fisci* occurrit Constantinus M. Neque dies etiam abludit.

De Ducenariis his (ac proinde de Centenariis & Sexagenariis) ardua inquisitio est: quandoquidem Ducenarii multi memorantur, qui cum his num iisdem sint, dubitatur. Nos de eo primum duo videamus quod Constantinum præcessit. Primo, memorantur apud Suetonium in *Claudio, cap. 24. Ducenarii Procuratores*, quibus etiam Claudius ornatum consular. indulgit: Hos ita dictos a numero stipendiorum seu pecuniarum, quas stipendii nomine accipiebant, tradit Dio, *lib. 53. pag. 580. Edit. Henr. Stephani, ἀπὸ τῆ ἀριθμῆ τῶν διδομένων αὐτοῖς χρημάτων, a numero pecuniæ, quam eius nomine acciperent.* De iisdem & veteres Inscriptiones accipiunt: vbi *Procuratores ad Sestertium Sexagies*, item ad *sestertium centies* memorantur: ita in inscriptione Romæ ante hortos Carpenfes in via, apud Gruterum *CCCCXL. 3.*

A E G I P P I.

L. MVSSIO. AEMILIANO
LAURENTI. LAVINATIVM
III. MILIT. V. E. PRAEF. VE... VL...
TRIVM. PROV. GALL. LVGDVNENS
NARBONENS. ET. AQVITANENS.
AD *SS.* LX. PROC. ALEX. PELVSI. PV...
AD *SS.* C. PROC. PORTVS VTRIVSQ. A...
VIR O. INNOCENTISSIMO
CODICARI. NAVICVLARI. ET
QVINQ. CORP. NAVIGANTES. OB
INSIGNEM. EIVS. ERGA. SE
BENIVOLENTIAM. AC SINGV
LAREM. ABSTINENTIAM.

item lapis, qui Antiquariæ in Hispania, apud Gruterum *CCCCXXXIV. 3.*

P. MAGNIO. Q. F. QVIR. RVFO. MAGONIANO
TRIB. MIL. III. PROC. AVG. XX. ET. TR. PER
HISP. BAET. ET. LVSITAN. ITEM. PROC. AVG
PER. BAETIC. AD. KAL. VEGET. ITEM. PROC
AVG. PROV. BAETI. AD. DVCEN. ACIE
PIEC. AMICO. OPTIMO. ET. BENE. DE
PROVINCIA. SEMPER. MERITO. D. D.

Apuleius *lib. 7. Metamorphos. pag. 123. init. edit.*
Lugd. B. 1623. apud Ioan. Maire. Nam Procura-
torum

torem Principis Ducenariaperfunctum, praeceuntem fueram aggressus. Secundo, apud Capitolinum in Vita Pertinacis cap. 2. Pertinax post Praefecturam cohortis, post Alae item regimen, post procuracionem alimentis diuidendis, post Classem Germaniae rectam dicitur, ad ducenum H. S. stipendium translatus in Daciam, posteaque vexillis regendis ascitus: inde Praetorius factus, primae legioni regendae impositus. Tertio, memorantur Ducenarii Iudices, quorum scil. quarta decuria erat ex inferiori censu, quique iudicabant de lenioribus causis, instituti ab Augusto, teste Suetonio c. 32. Quarto, Memorantur item Constantiniano saeculo Ducenarii inter Agentes in rebus: quorum mentio fit l. 8. 20. 21. sup. de Agentibus in rebus, & l. ult. sup. de Senatoribus: l. 3. 4. Cod. Iust. de Agentibus l. 1. Cod. eod. de off. Magistrum Officiorum. qui 48. numero erant d. l. 3. ex his Principes officiorum fumebantur, seu Ducenarii hi ad Principatum officiorum fumebantur, d. l. 8. 20. 21. & passim quoque testatur Notitia Imperii, inter caetera sub Proconsule Africae, ad quem haec lex scripta est: unde Ducenae Principatus d. l. 20. 21. & l. ult. sup. de Senatoribus. Qui quidem Principes Officiorum ex Ducenariis facti, variis dignitatibus & privilegiis decorabantur, de quibus d. l. ult. de Senatoribus, & d. l. 20. 21. Unde Ducenae dignitas d. l. 20. 21. l. 3. sup. de cohortalibus: l. 1. sup. de Caesarianis: l. 1. supra de murilegulis. leg. 5. infr. de decurionibus. Quinto, saeculo etiam Constantini proximo Procuratoris Ducenarii quoque mentio fit, apud Cyprianum ep. 68. n. 7. su. ep. 67. pag. 174. Edit. Ioannis Episcop. Oxoniens. apud quem, ait, Martialem quendam, actis publice habitis obtemperasse se idololatriae, & Christum negasse contestatum. Quomodo pariter, Ducenariorum mentio fit, qui executionibus seruiebant apud Photium num. 182. pag. 414. edit. Schotti. Ἐπιβασιλεύοντες Ῥωμαίων Δεκίς καὶ Ουαληριανὸς Περγένιος Δακηνάριος πρὸς τὰ γὰρ λαβὼν παρ' αὐτῶν, πάντας τὰς ἀνὰ τὴν Ῥώμην καὶ τὰς περὶ ἐπαρχίας χρεῖαντας βαρυτάτας βασάνους καὶ πικρὰς τιμωρίας εἰδωλολάτρεον ἐβιάζετο: imperantibus Roma Decio & Valeriano Perennium Ducenarium, accepto ab ipsis mandato, omnes romane orbis, & circum circa ditioris Christianos, exquisitis cruciatibus pœnisque acerbis ad idolorum cultum per vim compulisse: v. & epistolam Synodi Antiochenae apud Eusebium lib. 7. cap. 30. & alteram Synodi Mareoticæ sub Constantio A. D. 335. ad Ducenarium Palladium apud Athanasium, Apol. 2. pag. 794. edit. Lips. apud Weidm. Παλλάδιον Δακηνάριον. Sexto fit Ducenariorum mentio in actis collat. Carthaginensis sub Honorio Imp. ann. 411. Tom. I. Concil. Harduin. pag. 1049. & 105. vbi Vrsus, Petronius & Libosus Ducenarii, seu Ducennarii, Illustrium potestatum memorantur, dicebanturque adstitisse inter alios, post Protectores Domesticos, ante Apparitores Illustrium potestatum in Secretario, Marcellino Cognitori: iidemque Episcopis partium pro velo seu fo-

ribus constitutis rogabant Praesidem, num partes intromitti deberent: atque ita ad conflictum partium aditum faciebant. Septimo, in militia quoque armata fuere Ducenarii de quibus Vegetius lib. 2. cap. 8. qui scil. duas centurias seu ducentos homines ducebant in acie. Est & de iis Hieronymi locus aduersus Ioannem Hierosolymitanum ad Pammachium pag. 115. Tom. II. Opp. edit. Francf. apud Christ. Genssch. quem adduxi ad l. 3. sup. de Agentibus in rebus. Octauo, Ducenarii in scriiniis largitionum Comitatus varii erant, qui memorantur l. 7. 8. 9. sup. de palatinis S. L. Nono, erant & Ducenarii inter Scholares sub Magistris Officiorum Nouella Theodosii de scholaribus 29.

De Ducenariis nostris, qui hac l. memorantur & l. 9. infr. & l. 1. sup. de concuss. aduocatorum hæc comperio. Primo, Centenariis & Sexagenariis illi iunguntur b. l. & d. l. 1. de concuss. aduoc. Secundo, ex hoc titulo discimus, & expressis huius l. & d. l. 9. verbis, eos Exactoribus tributorum incubuisse seu Exactores fuisse, vt diserte vocantur sine huius l. Tertio, de his discimus, eos commissionis infamia sæpe laborasse b. l. & d. l. 9. & d. l. 1. sup. de concuss. aduoc. unde & tandem ab exactione prouincialium arceri iussi d. l. 9. Et hæc quidem hæctenus de his discimus: Ex quibus iam sunt diuersi a Iudicib. & Procuratorib. Ducenariis; fuisse diuersos item ab iis de quibus Capitolinus. Maior adfinitas cum his, de quibus Cyprianus & Photius, item cum his, qui inter Agentes in rebus erant, quique Principes officiorum fiebant, pariterne cum his de quibus in collatione Carthaginensi: hi omnes quippe executionibus imo & exactionibus quandoque incumbabant. Omnium maxime vero his respondere videntur ii Ducenarii, qui in scriiniis Largitionum Comitatus erant, vel Magistris officiorum, & potissimum illi: Palatini quippe sacrarum largitionum exactionibus incumbabant, de quo suo titulo. Illud etiam deprehendo, hos nostros non nisi sub Constantino M. & Valentiniano Sen. memorari, qui eos ab exactionibus submouit. Quod nominis rationem attinet, Ducenariorum horum cum Centenariis & Sexagenariis coniunctio, satis ostendit numero ita dictos. Sed an a numero stipendiorum, seu salarii quod colligerent, vt de ducenariis Procuratoribus ait Dio? An a numero hominum quib. stipati exhibant, exigebant, vt de Ducenariis in militia Vegetius? An a numero modoque tributorum, quæ ad horum exactionem pertinebant? Erant etiam inter exactores tributorum Minuscularii quidam, vt vocantur l. 3. infr. de indulg. debit. quomodo & Augustinus lib. 7. de Ciuitate Dei c. 4. Minuscularios vestigalium conductores memorat. Neque ab his recedunt Λαμπράτοι & εἰκοσάπρωτοι; quorum meminit Hermogenianus, & Arcadius Charilius, qui sub Constantino fuere, id est, l. 1. §. 1. l. 3. §. 10. l. ult. §. 26. D. de numerib. & honorib.

II. (a) Idem A. ad Pacatianum (b) Vic. Britanniarum. (c)

VNVSQVISQVE Decurio pro ea portione (d) conueniatur, in qua vel ipse, vel colonus, vel (e) tributarius eius conuenitur, & colligit, (f) neque omnino pro alio decurione, vel territorio (g) conueniatur: Id enim prohibitum esse manifestum est, & obseruandum deinceps; quo, iuxta hanc nostram prouisionem, nullus pro alio patiat^{P. 68.}ur iniuriam. Dat. XII. Kalend. Decemb. Constantino A. (h) & Licinio C. Cons. [319.]

NOTAE.

(a) Absit hæc lex a *Cod. Iust. GOTHOFRED.*

(b) *Pacatianus* Vicarius Britanniarum sub Constantino M. Forte hic idem qui postea P. V. Consul. & Pr. *ID.*

(c) De Vicariis Britanniarum (vide *Chronicon Britannicum ex hoc Codice.*) *ID.*

(d) Id est, territorio, vt mox. Neque audio Heraldum, qui lib. 1. *quæst. quotid. c. 9. n. 4.* reponerat hic, *possessione. ID.*

(e) Παράκλητος. Idem enim Colonus & Tributarius: de quo plene *supr. de fugitiuis colonis. ID.*

(f) Fructus scil. v. l. 4. *supr. sine censu. ID.*

(g) *Territorium* hic est possessio cuiusque Decurionis: eodem sensu l. 34. *infr. de operib. publ. & l. 186. infr. de decurion.* cuius eadem est cum hac l. sententia. Denique *Territorium* idem est, quod Gleba, & portio, vt vocatur initio huius leg. *ID.*

(h) *Augusto V.* scil. *ID.*

COMMENTARIVS.

ALIVM pro alio Decurionem, (ac per Britannias nominatim) hac l. tributorum nomine conueniri seu pignori quemquam vetat Constantinus M. Quæ eadem est sententia legis *ult. supr. de Exsecutor. & exact.* & legis 31. *supr. de annona & trib. & legis 186. infr. de Decurion.* Et hæc postrema quidem in eadem specie de Decurionib. Et tamen olim aliquando tributorum causa præcipuum hoc habuit, vt quemadmodum vnus ex *Vicariis* pro omnibus conueniri poterat, expediendi negotii causa, vt Papinianus scribit, in l. 5. D. *de censib.* ne scil. fiscus in plures distringeretur, (arg. l. 3. §. 6. D. *de administr. tut.*) denique tributorum iure (vt idem Papinianus ait:) id est, priuilegio fisci: Quod tamen sublatum postea, de quo expressus *Titulus, Cod. Iust. vt nullus ex Vicariis pro aliis vicanorum debitis conueniatur.* Idemque in Decurionibus aliquando obtinuit, quod hac l. & d. l. 186. aboleri oportuit. Quid igitur? Pro se tantum, vel pro Colonis suis conueniri Decurio potest: de quibus Colonis vid. *Parat. de fugitiuis colonis.*

III. (a) Idem A. ad Populum.

NEMO carcerem, plumbatarumque (b) verbera, aut pondera, (c) aliaque ab insolentia Iudicum repperta supplicia, in debitorum (d) solutionibus, vel a peruersis, vel ab iratis Iudicibus expauescat: Carcer poenaliū, (e) carcer hominum noxiorum (f) est, Officialium, (g) & cum denotatione eorum Iudicum quorum de officio coerciti citiores esse debebunt qui contra hanc Legem admiserint: Securi iuxta eam (h) transeant solutores. (i) Vel certe, si quis tam alienus ab humano sensu est, vt hac indulgentia (k) ad contumaciam abutatur, contineatur aperta & libera & in vsus (l) hominum constituta (m) custodia militaris: (n) Si in obdurata nequitia permanebit, ad res eius omnemque substantiam ciues (o) eius accedant, solutionis obsequio cum substantiæ proprietate suscepto: Qua facultate (p) præbita, omnes fore credimus prouiores (q) ad soluenda ea, quæ ad nostri vsus Exercitus pro communi salute poscuntur. Dat. Kalend. (r) Febr. Constantino A. VI. & Constantino Cæsare Coss. [320.]

NOTAE.

(a) L. 2. *Cod. Iust. eod. tit.* Et iungenda huic proculdubio lex *vn. supr. de Commissoriâ rescind. & lex vn. infr. de infirmendis poenis calibatus*, quinimo & lex 3. *supr. ad SC. Claudianum. GOTHOFRED.*

(b) De Plumbatis dictum plene ad l. 2. *supr. de quaest. & ad l. vn. supr. de bis qui potentiorum nomina. ID.*

(c) De Ponderibus hic est quoque Ammiani Marcellini locus lib. 29. *cap. 1. Intenduntur*, inquit, *eculei, expediuntur pondera plumbea, cum fiduculis & verberibus. ID.*

(d) Id est, *Tributorum*, de quo iam sæpe. *ID.*

(e) *Pœnales* hic dicuntur poena digni, Cyprianus de vanitate idolorum *pag. 14. Edit. Ioannis Episcop. Oxoniens. de Diabolis; cum sint ipsi pœnales, querere sibi ad pœnam comites &c.* Saluianus quoque lib. 5. *cap. 7. pœnalia* dixit. *pœnales* gladios, & *pœnalia* claustra Ammianus; & Augustinus *pœnalia* loca dixit, vide in *Glossario plur. ID.*

- (f) *Noxii sunt Rei criminum. ID.*
 (g) *Locus hic valde deprauatus de quo mox. ID.*
 (h) *ꝑꝑ. Eum, scil. carcerem, & satis inepte in C. Iust. Iuxta Praesidem. ID.*
 (i) *Solutores, id est, Collatores provinciales, possessores. ID.*
 (k) *Qua videlicet carceris, verberum aut ponderum molestia liberatur. ID.*
 (l) *Usum Cod. Iust. ID.*
 (m) *Instituta Cod. Iust. ID.*
 (n) *ꝑꝑ. Militari, ut etiam est in Cod. Iust. ID.*
 (o) *Conciues. In Cod. Iustin perperam exactor accedat, ut sequentia ostendunt: & ineptius adhuc infr. in nonnullis quo facultate praebita Exactori. ID.*
 (p) *Et indulgentia. ID.*
 (q) *Ut supr. Citatores. ID.*
 (r) *Restitue ex superioribus legibus Prid. Kal. Febr. Sardica PP. Kal. April. Rome. ID.*

P. 69.

COMMENTARIUS.

CARCARIS aut TORMENTORVM iniuria & vexatione debitorum, id est, tributarii & provinciales pro tributorum solutione *pour le payement de leurs taxes*, affici a Iudicibus vel Officialibus a Constantino M. vetantur hac constitutione; quae Constantiniani prolixioris *Edicti* pars est, quo in uniuersum humanitatis & indulgentiarum plenissimo, quamplurima & iniquissima iuga a Ciuium & provincialium ceruicibus depulsum iuit; vt docent praeterea *lex vn. supr. de commissoria rescind. lex vn. supr. de infirm. penis calib.* quaeque adeo hinc nostrae coniungende sunt, forte etiam *l. 3. supr. ad S. C. Claudianum.* Iuga, inquam, partim Legum; quo pertinet *d. lex vn. supr. de infirm. penis cal. l. 3. supr. ad S. C. Claudianum*: partim Creditorum, *l. vn. supr. de commissoria rescind.* partim Exactorum filique, *hac l.* Eaque rursum, vel ratione status personae, *d. l. 3. supr. ad S. C. Claud.* vel ratione corporis, *hac l. vel ratione bonorum, d. l. vn. supr. de infirm. pen. calib. l. 3. supr. de commissoria rescind.* Est itaque hoc quoque Constantini *Edictum*, cuius haec *lex* pars est, de earum Legum numero, de quibus Publius Optatianus Porphyrius, inter cetera Constantini *elogia*, hoc ipso tempore, *cap. 6. v. 21. Edit. Velfer.*

—*permulcens aspera Legum
Iustitia aeterna.*

Sane id ipsum quod *hac l.* continetur, cum postea in *usum* rursum venisset, *visum* quoque filio eius Constanti prohibere *leg. 7. infr. hoc tit.* eadem ratione addita; Cum, inquit, *hos cruciatus non insontibus sed noxiis constitutos esse noscatur.* Quae quidem singularis est *indulgentia* Constantini M. & Constantis: (Nam & ita hic vocatur, cum alias ob priuata debita carcer propositus sit; de quo *supr. tit. qui bon. ex leg. Iulia cedere possunt*) Id ipsum & in Gallia haud ita pridem constitutum: v. *Loiseum desguerp. l. 2. c. 1. n. 9.* Verum id ita a Constantino constitutum, vt ita Iudicibus immodice saeuientibus freni attemperiem quandam adhiberet, vt in simili idem Constantinus loquitur *l. 2. supr. de custod. reor.* quam causam & hic indicat; *aliaque, inquit, ab insolentia Iudicum reperta supplicia vel a peruersis vel ab iratis Iudicibus expauescat.* Quare & aduersus *hanc l.* admittentibus Iudicibus & Officialibus poenam comminatur, & Iudicibus quidem *denotationem*, id est, vt paulo

post prolixius ostendam, siue seueram ex animi sui motu censuram & indignationem, siue existimationis notam.

Illa quoque humanissima Clementissimi Principis cogitatio fuit, futuros nempe hac iam indulgentia proniores tributarios. Nempe ita euenire solet, vt exasperet nimia coërcitio; contra, proposita indulgentia, promptior quisque existat. Et ita quidem *legem* hanc intelligi oportet, cuius verba deprauatissima sunt, quae nihilo saniora exhibet *C. Iust.* ita; & *Officialium* & cum *denotatione eorum Iudicum, quorum de officio certiores esse debent, qui &c.* quem Cuiacius restituere le frustra saepius tentasse scribit Gutherius *de off. domus Augusta lib. 3. c. 17. p. 670. edit. Lips.* qui ita hunc locum interpretatur, intactis omnibus: quod scil. Iudicibus existimationis macula seu nota imponetur, de quorum officio refrænati Exactores citatores esse debuerunt, hoc est velocius ad Tribunal citari, vt meritas luerent poenas: reos enim voce praëconis ad Tribunal Iudicum vocatos, vnde citatus reus, *Papiniano l. 10. D. de pub. iud.* Quo nihil absonum magis fingi potuit. Ego ita restitui & interpungam; & *Officialium (cum denotatione eorum Iudicum quorum de officio coërcere citatores esse debebat) qui (Officiales sc.) contra hanc legem admiserint.* Nempe Tria hoc loco Constantinus indicit; Primum Officiales Iudicum esse de earum perforarum numero, qui carceris poena sint coërcendi, si contra *hanc leg.* admiserint. Secundo, Indices eorum, id est, istorum Officialium, si ipsos provinciales ob tributorum solutiones carcerare vel verberibus contra *h. l.* affecerint, *denotari* oportere, id est, Principis notam & indignationem incurerre; id enim est *denotatio*: nempe *denotare* est arguere & criminari; passim apud Tertullianum *lib. ad Nationes 1. c. 4.* Cur nos soli contra *Instituta naturae pessimi de bono denotamur?* & c. 14. *Quid itaque nostrum vnicum denotatis?* ita & initio libri de Pallio; *Gaudeo vos, inquit, tam prosperos temporum, cum ita vacat ac iuiat, habitus denotare pacis: denotare, id est carpere, censoria nota notare; & sexcentis aliis locis.* Hinc idem dixit, *denotator*, pro magis criminoso & inculpabiliore *lib. 1. ad Nationes, c. 10.* Eodem sensu dixit *lib. de pallio cap. 4.* *denotatum: Enimvero, inquit, iam dudum censoria intentionis Episcynio disperso quantum denotatus, passivitas offert libertinos.* denique *denotatio* hic pro existimationis nota, macula ignom.

ignominia: quo ipso sensu Firmicus horum temporum Scriptor lib. 3. *denotationis* verbum accepit; *Periuros, inquit, faciet, perfidos, & crebris ob hoc denotationibus miseros ganeones* &c. Tertio loco adiicitur ratio cur Iudices hoc casu notari oporteat, hac constructione; & Officialium cum denotatione eorum iudicum (de quorum officio esse debebat coercere citatores) id est, quod eorum officii esse debebat coercere citatores, seu incitatores Officiales suos, id est, cohibere, refranare, imo & punire vim, impetum, & iniuriam hanc Officialium, qui ad id prout suapte ingenio nimis essent; *Incitator*, vehemens, vehementior: Sic Thucydides *incitator fertur*, ut est apud Ciceronem in *Oratore* cap. 12. & apud eundem, *mundi incitatissima conuersio*, in *somn. Scip. cap. 5.* ita & *concitator cursus* apud Liuium lib. 35. cap. 29. vel etiam simpliciter, *citator*; citatum enim, velox, vehemens, apud *Apuleium*: & ut *citior* apud *Festum*, ita & *citator*.

Hinc iam patet, quam minus recte Tribonianus hunc locum interpolarit, sic ut ex eo nullum rectum sensum efficiat. Contra, quam huius *Cod.* ope facilius ad veram peruenire lectionem, & sic sensum liceat. Quam temerarium proinde sit hic Amayæ iudicium, n. 13. qui hunc locum in hoc C. magis corruptum esse arbitratur: addito, *ferre se non posse Criticos illos, qui pluris faciunt Theodosiani Codicis lectionem quam Iustiniani*; & apud quos plerumque alicuius libri pulvere extracti auctoritas plus valet, quam qui quotidie in manibus versantur. Quare & quod de certiorandis Officialibus a Iudicibus; ne carceribus vtantur, Idem scribit hic, & interpretatur, dilutum nimis est.

Et hæc quidem hætenus in debitorum fauor.

rem; vbi nota, neminem ob tributa in carcerem mitti posse: cui similis est eiusdem Constantini *lex 2. supr. de Cohortatibus*, neque verberibus affici. Quod tamen subinde factum: testis quoque Palladius in *Vitis Patrum* cap. 63. Ammianus quoque Marcellinus *sine lib. 22. de Egyptiis* agens: *Erubescit apud eos si quis non inficiando tributa, in corpore vibices ostendat.* Exemplum apud Dionysium Lycurgi Oratoris, qui publicanum ducentem in carcerem quendam tributum debitorem Atheniensem, grauiter multauit.

Atenium parte altera, quia & illud euenire solet, ut nonnulli tam alieni ab humano sensu sint, ut indulgentia ad contumaciam abutantur, (quod & hic eleganter a Constantino dictum) duo iam remedia proponit, quibus horum contumacia perfringatur, simul & fisco consulatur: Nempe contumacem, aperta, libera, & in usus hominum constituta custodia militari eos contineri iubet, de qua *ἀδίστατος Φυλακῆς*, seu militari præter Iurisconsultos nostros, præter Veteres, extat digressio Viri docti I. Lipsii ad *Taciti Annal. lib. 3. lit. B.* Tandem si in obdurata nequitia Tributarius permaneat, contumacem pignorum capione multari iubet, atque ita res eius cum censu distrahi. Quod & ipsum eidem rursum placuit, l. 4. prox. & Constantio filio eius, d. l. 7. inf. hoc tit. sic & l. 16. inf. seu l. 7. Cod. Inst. eod. Iudicibus & eorum Officialibus id iniungitur ut si imprudenter solutio differatur, contumacium debitorum prædia persequantur. Verum de hac pignorum capione & distractione tributorum causa, adhuc ad d. leg. 4. prox. & l. 16. inf. h. tit. & peculiarum titulum 9. inf. de distrabend. pignorum. quæ tributor. caus. ten.

VIR AMPLISS. CORNEL. van BYNKERSHOEK Obseruat. lib. 1. cap. 2.

(*) Ad hanc L. videamus, nunquid notari possit, quod aliorum fugit industriam. Constat hanc declamationem Constantinum ad populum edixisse ad coercendam scuitiam tributa exigentium, sæpe enim in hanc partem peccatum est, hodieque inter leges proluxe peccatur. Illustre eius rei exemplum olim annotauit Philo Iudæus in *Libr. de Legibus specialibus* ad 3. 4. & 5. *Præc. p. m. 673.* de eo quippe longum narrat, qui tributorum debitores, totasque eo nomine cognationes & vicos insigni crudelitate afflixit. Neque adeo contumax malum hæc Constitutione repressit Constantinus, quin continuo eius filii opus habuerint noua in hanc rem Constitutione, quæ extat in l. 7. C. *Th. de Exaction.* Et vel sic vicit nequitia sæculi & improbitas; nam ipse Iustinianus Rhinotmetus pecuniæ publicæ præficebat viros crudelissimos, qui fœde scuebant in obuium quemque, etiam Imperatoris matrem, ut Suidas scribit in *Ἰστορίαις ὁ Πύρρος* &c. Sed revertamur ad l. 2. nam locos communes contra Publicanos ubique videas collectos & excerptos.

Ait, *plumbatarumque verbera.* De *plumbatis* nihil dicam, cum satis dixerint Cujacius & Amaya hic, Iac. Gothofredus ad l. 2. C. *Th. de Quæst.* Ioseph. Scaliger *Epist. L. II. Epist. 146.* G. Pancirollus *Var. Lect. L. I. C. 41. p. 68.* Vidi & hodie huiusmodi plumbatas, & tusa illis corpora.

Ait, *Carcer pœnaliū, carcer hominum noxiōrum est.* Recta est hæc scriptura, quamuis in aliis libris variat. *Pœnaliū*, id est, eorum, qui pœnam meruerunt. Ita fere & alii loquuti sunt, *pœnale est occulte auferre* dixit Augustinus in C. 13. C. XIV. Q. V. *Pœnalis ferri* meminit Ammianus Marcell. L. XXXVIII. p. m. 644. *Noxiū* quoque pro *noce* dici in Codice obtinuit, idque simpliciter, sed hic est *hominum noxiōrum*, ut apud Senecam de *Bredis. Vita C. XIII.*

Ait, & Officialium, & cum denotatione eorum iudicum, quorum de officio certiores esse debebant, qui contra hanc legem admisserint. Verba sunt implicita & contorta, imo &, si Cuiacium audis, *deprauata*: dicit se sæpius frustra tentasse, si qua ratione posset restituere. „Alia est lectio in Codice Theod. ita enim ibi scribitur hic versiculus, in l. 3. de Exac. *quorum de officio coerciti citatores esse debent, qui &c.* Contra Amayam, qui Codicem Iustinianum in eo præfert, morose hanc scripturam defendit Iac. Gothofredus in *Comm. ad d. l. 3.* sed pace eius dixisse Tom. IV.

liceat, etiam minus tam intelligo in Theodosiano, quam Iustiniano. Nec multum profeceris, si pro *coherciti*, ut ipse, legas *cohercere*, mala emendatione & peiori interpretatione. Sed non placet his immorari, aliasque aliorum lectiones, vel de Vulgata sententias refutare; satis sincere mihi se habere videtur hic locus. Vult carcerem potius esse Officialium, & cum poena seu infamia huiusmodi Iudicum, qui officio suo non functi contra hanc L. admitterent: perinde hic est, *officio non fungi, & de officio debere censuram esse*. Igitur nihil deest, quare loquendi accuratio, & quis eam in Legibus Constantini quaesierit? *Theodosii lectio multis nominibus peior est, quam tamen & Gutherius de Offic. dom. Aug. L. III. C. 17. eam probasset, Amayx, quas debuit, poenas dedit*. Estque ipsius Amayx hic elegans & iusta indignatio: *nec ferre, inquit, possum istos Crimicos, qui pluris faciant Theodosiani Codicis lectionem, quam Iustinianei, & plerumque alicuius libri, & in eis ex pulvere extracti, auctoritas plus valet apud eos, quam qui quotidie in manibus versatur*. Atque ita fere, ut altius videantur sapere. sed pergo. De Officialibus autem hic edicit Constantinus, quia, si in his, quae specialiter vetita sunt, Praesidium imperio obsequantur, recte puniri constat §. 9. *Inst. de Publ. iud. l. 33. C. de Decur. l. vn. C. de Crim. pecul. Antib. Sed bodie C. de Offic. diu. iud. Antib. Hodie C. de Cnst. reor.* Quoniam vero ipsi Iudices grauius delinquant, iubet eos esse carceris inquilinos *cum denotatione*; alii, ut notat Accursius, *cum condemnatione*, quod tamen forte expositionis duntaxat loco adpositum est. *Denotare* sequiori aeuo usitatum pro *damnare, punire, reprehendere, corripere*, & eo sensu quamplurimis apud Tertullianum locis, ut Beatus Rhenanus *ad Pallium in princ.* & plenius adnotauit Cl. Salmasius *C. I. p. 93. & C. II. p. 173.* Postremis quoque saeculis in eandem sententiam ea vox accepta fuit, ita enim vsus videtur Imp. Fredericus in *Antib. Statuimus*, post *l. 19. C. de Episc. aud.* quamquam *denotati* ibi simpliciter esse possint *notati cum infamia*; ita sane est *denotare* apud Pomponium in *l. 54. ff. de Leg. I.* Quare probo, quod Iac. Gothofredus ait, *denotationem* hic esse pro *ignominia*, pro *nota existimationis*; locus Firmici, quem ipse attulit & etiam Salmasius indicauit, appropinquat est in eam rem. Alioquin generaliter dicendum, *denotare* esse pro *valde notare*, cum de augeat significationem, quemadmodum in verbo *deprecandi* aliisque obseruauit *C. II. Libr. sing. ad l. 9. ff. de L. Rhod. de iactu*.

Ait, *iuxta Praesidem*. In Codicibus Theodosii ante Gothofredum legitur, *iuxta tam*, puta *legem*, idque praefert Cuiacius. Gothofredus edidit, *iuxta eum*, puta *carcerem*, & ineptiae arguit lectionem Cod. Iust. Mihi tamen placet illud, *iuxta Praesidem*, nec ineptiam video; Praesidium enim est tributorum exactioni incumbere, ut ipse Cuiacius docuit ad *l. 11. C. de Ann. & trib.* antea hic dixit, *Iudices*, nam Praesides per eminentiam simpliciter appellantur *Iudices*: ad eum modum D. Hieronymum intelligo in *C. 41. C. VII. Q. I.* cum ait: *In apibus Princeps unus est, grues unam sequuntur ordina liserario, Imperator unus*, IVDEX VNVS PROVINCIAE. Et Theophilus *Inst. L. I. T. VIII. §. 2.* nunc *ἐπαρχίας ἀρχοντα* dixit, nunc *δικαστήν*. Praesides quoque intelligendum est in §. 9. *Inst. de Pub. iud.* nomine *Iudicum*, quos Theophilus ibidem transtulit *ἀρχοντες*: etenim mirari satis nequeo, esse Interpretes magis nominis, quibus monstri simile videtur, Iudices in *d. §. 9.* circa pecuniam publicam versari, quum, ut dixi, Praesides frequentissime ita appellantur, & ad eos omnis in Prouincia pecuniae publicae potestas pertineat.

Ait, *hac indulgentia*. Eaque Cuiacio videtur *summa*, Iac. Gothofredo *singularis*, quia, inquit, ob debita priuata carcerem patimur; sed magis est, ut nihil sit praeter magnifice inflatam verborum imposturam, Constantino perquam oppido familiarem: nam carcerem non patimur, nisi bonis distractis *l. 15. §. 2. & seqq. ff. de Re iud.* & patet bonis cedendi facultas. Quin si ante distractionem bonorum tributarii coherceantur custodia militari, & non soluentium bona, ut ait Cuiacius, secundum hanc Legem cum onere tributi aliis addicantur, non est sane, cur de ea sibi magnopere gratulentur. Quod ad mores equidem utilis esse potuit haec Lex, contra plumbatas nempe, & pondera, aliasque illius temporis scruities, sed quod ad ius attinet, nihil hic in debitoribus Fisci video praecipuum, nihil benignum.

Ait, *aperta & libera & in usum hominum instituta custodia militari*. Sunt hic nonnullae trix lectionum, at quae notentur, indignae. De custodia militari, & qui a carcere differat, dixit Lipsius in *Excurs. ad Tacit. L. III. Annal. l. B.* Exemplis militaris custodiae, quae ipse ibidem recensuit, velim addi ex eodem Tacito *L. IV. Hist. C. II.* & ex *actis Apost. C. XXVIII. §. 16.* & porro ex *b. l. disci* contra Lipsium, custodiam illam fuisse aliquando *& apertam & liberam*, nec, ut ille putabat, capriuos semper catenis ligatos.

Ait, *ad res eius omnemque substantiam exactor accedat*. In Theodosiano est, *cuius eius accedant*, quod Cuiacius & Gothofredus praeferrunt; ego tamen *exactoris* potius, quam *cuius* esse existimem pignora capere & mox distrahere, hoc enim agitur. Accursius ita haec verba accipit, ac si toto patrimonio excideret, qui tributum non soluit, quod valde crudele, nouum, ac iniustum esse, videtur: conuenit tamen ei, quod Cuiacius, haec interpretaturus, ait: *& bona eius addicuntur cum onere illationum debitarum*. Sed *omnem* non intelligimus aliter ac *quamcunque*, & vniuersam non aliter, quam si tributorum, quae debentur, quantitas eo excurrat.

Ait, *solutionis obsequio cum substantiae proprietate suscepto*. Hoc fauet additioni, qua de Cuiacius, sed ea quem usum habuisset, non animaduertit. Tributorum causa pignus capi, & inde Fisco satisfieri, tralatitium est; qui ignorat, id docent *Tit. & l. 1. & 2. C. de Capiendis & distrahendis pignoribus tributorum causa*. Sed nihil ibi de Cuiacii additione, eaque non nisi mera fabula est. Quis extraneus alterius patrimonium, ut tributis satisfiat, suscipiet, quod neque dominus ea conditione velit retinere? nihil huc facit *l. 8. C. b. T.* nam etiamsi hoc diceret, diceret de tributo reali, quo non soluto potest res, qua de agitur, in commissum cadere videri. Sed neque id probatum est, nam *l. 5. §. 2. ff. de Cens.* non agit de praedio, quod in commissum cecidit, sed de eo iure pignoris distrahendo *pro pecunia tributi, quod sua die non est redditum*, neque etiam negat fundi distractionem impediri oblatione debiti tributi, sed cautionis moratoriae. Aliud dicemus, si denunciatum fuerit, fundum,

dum, ni soluat^r, commissam iⁿi, quod raro equidem, sed tamen factum fuit, & fieri potuit. At nihil penitus hæc omnia de patrimonii additione, nihil de ciuib^{us}, quibus ea fieret. His igitur missis, non aliam hic intelligimus tributⁱ exactionem, quam vulgarem illam, quæ fit per pignorum capionem, distractionemque; & proprietatem susceptam non aliter accipimus, quam ad usque tributⁱ debitum, siue ea proprietas fuerit suscepta a Fisco, siue, quod magis est, distracta eo usque patrimonii pars, vel, si res ita tulerit, totum. Accurata verborum proprietas si nonnihil obstat, memento Legem hanc Constantini esse, neque adeo quicquam mut^o. Ceteroquin mallet^r, scriptum esse, *solationis obsequio cum substantia pro portione suscepto*, hoc est, curandum, vt tributis satisfiat, capta eam in rem, pignoris iure, bonorum parte, vnde satisfieri possit.

Græci *Lib. LVI. T. VIII. C. 6. Βασιλ. particulam finalem b. l. sic habent: 'Εν τριμηνίον ἀγνομήων, ὅτε καὶ ἀνὰ τοὺς πέντε ἀέρας ἀντὶ τῆς πεντηκостаίου ἡμέρας. Si contumax esse perseverauerit, tunc in possessionem bonorum ipsius Fiscus mittitur. Quæ translatio ad lectionem Codicis Iustiniani & nostram de ea sententiam notanda est, nihil enim ibi de ciuib^{us}, quibus bona essent addicenda; neque etiam de publicanda eorum proprietate, sed de capienda a publico possessione bonorum, quæ pignori futura essent pro exsequendis tributis.*

P. 70.

IV. (a) Idem A. ad Afros. (b)

QVONIAM subclamatione (c) vestra merito postulastis, (d) Ne qua bis qui prestationes fiscales differunt, reliquorum (e) laxitas (f) proueniret, (g) specialiter (h) præcipimus obseruari, vt res (*) eorum, qui fiscalibus debitis per contumaciam satisfacere differunt, distrahantur; comparatoribus data firmitate perpetua possidendi, &c. Dar. xv. Kal. Iun. Serdica, Constantino (i) & Maximo Coss. [327.]

INTERPRETATIO. *Quicumque agrorum suorum tributa implere contemnent, agri eius qui tributa sua contemnent exsoluere, ab exactore vendantur, & qui comparauerint, firmo iure hoc ordine empti possideant.*

NOTAE.

- (a) *Lex 1. Cod. Iust. de capiendis & distrahendis pignorum tributorum causa*: hinc desumpta est: Prima eius sententia recisa, velut Historica. *GOTHOFR.*
 (b) *Prouinciales*; hoc amplius additum in *C. Iust. ID.*
 (c) *Subclamatio* hic pro supplicatione & deploratione & comploratione: vt *l. 6. inf. de nauicular. & l. 3. inf. de superexact. & l. 2. de naufrag ID.*
 (d) *Postulatis*, MS. W. & Ed. Sich. *RITTER.*
 (e) *Reliqua ὑδάμματα, λοιπάδες*: v. *Gloss. Theod. GOTHOFR.*
 (f) Vt *laxamentum* in eadem re Ammiano Marcellino. *ID.*
 (g) Id est, *concederetur ID.*
 (h) Id est, *enixe ID.*
 (*) Hinc desumpta est *d. lex 1. ID.*
 (i) *Constantino C.V. & Maximo*, Cod. Iust. accurate. Male *Constantio*, in Edit. prior. Cuiac. illa in 4. & Sichard. *RITTER.*

COMMENTARIVS.

DILATIONEM debitoribus fisci cuiquam concedi vetat hac *l.* Constantinus M. & quidem ad Afros emissa, quam dilationem, reliquorum laxitatem, vocat; haud aliter atque Theodosius M. postea *l. 6. sup. de diuers. rescript.* quam alioquin legem neque Tribonianus neque Anianus intellexerunt.

Hanc sane Constantinus emisit ad Afrorum subclamationem, id est querelam & deplorationem, ad quorum in commune, damnum & præiudicium huiusmodi, dilationes non magis quam indulgentiæ, procedebant: quia scil. paucis data hæc indulgentia plebis iniuria est, inque eam recidere solet, de quo suo *tit. inf. de immunitate concessa*: Eodem pertinet, quod Ammianus Marcelli-

nus scribit de Iuliano, *lib. 16. cap. 5. Denique id eum ad usque Imperii finem & vita scimus utiliter obseruasse, ne per Indulgentias, quas appellant, tributaria rei concederet RELIQUA.* Norat enim hoc fact^o se aliquid locupletibus additurum, cum conslet ubique pauperes inter ipsa dictorum exordia soluere vniuersa sine laxamento compelli. Neque hæc postrema Prouincialium querelarum causa fuit.

Quid igitur? Contumacium res distrahi specialiter iubet, de quo iam ad *l. superiorem*: data emptoribus firmitate perpetua, si quid de his rebus boniue comparauerint possidendi; de quo vide peculiarem titulum *inf. de distrah. pignor. qua tribut. caus. tenentur.*

V. (a) Imp. CONSTANTIVS (b) A. Nemesiano (c) V. P. (d) Com. larg. (e)

QVOTIENS quis & priuati debitor inuenitur & fisci, arreptus (f) ab vno Offici^o teneatur: ad (g) vniuersi debiti solutionem, qui eum abstulit, coartetur: (h) ac

torius summæ exactionem in se suscipiat, qui eundem auellendum abstrahendumque (i) crediderit. Dat. iv. Id. Mal, Nizibi; (k) Amantio & Albino Coss. [345.]

NOTÆ

- (a) *Lex 3. Cod. Iust. eod. tit. GOTHOFR.*
 (b) Reponendi Imperatores, CONSTANTIVS & CONSTANS. ID.
 P. 74. (c) *Nemesiano* huic Comiti inscribitur quoque A. D. 340. *lex 30. inf. de Decurionib. ID.*
 (d) Ita quoque *C. Iust.* id est, *Viro perfectissimo*: (vid. *tit. de Perfectissimatus dignit.*) Male apud Baronium, *Præfecto Vrbi*: Male etiam qui tentant, *V. I.* id est *Viro Illustri*, vt sequens *Nota* docebit. ID.
 (e) Ita quoque in *Cod. Iust.* At Cujacius male *Sacr. Lar.* Neque enim hic Illustris Comes Sacrarum Largitionum fuit, sed Comes tantum Largitionalium, & Perfectissimus: de quo Comite dixi ad *leg. vn. sup. de Consular. & Præsid. ID.*
 (f) *Et abreptus &c. tenetur.* ita *Cod. Iustin.* nonnullæ Editiones. ID.
 (g) *Et ad, C. Iust.* nonnullæ Edit. ID.
 (h) *Coerceatur, C. Iust.* verum hic omnino legendum, *coartetur*: nisi malis, *cobortetur*: quod ipse non admitto. Pessime qui emendant, vt in *Cod. Iust. qui eum abstulit, coarceatur*: quem maioris autoritatis esse contendunt. O vacuum cerebro caput! ID.
 (i) *Subtrahendumque, C. Iust. ID.*
 (k) *Nizibi* hoc tempore constitit Constantius Imp. bello videl. Persico illigatus. Et vero hoc Anno prælium ab eo gestum haud procul Nizibi apud Singaram, nocturnum, parumque prosperum: de quo in *Chronico nostro, ID.*

COMMENTARIVS.

DIVERST generis & stationis vel potius rationis debita quando ab eodem, qui regulariter non nisi vnis exigendis præstitutus est, exigì possint, imò debeant, in singulari quadam specie, *hac l.* definiit Constantius.

Finge eundem esse debitorem & fisci, & priuati: *Priuati* inquam, id est priuatæ rei Principis. *Priuatum* enim absolute, vel etiam *Priuata*, pro re priuata Principis accipiendum. Hinc priuatarum Comes, seu Comitua *l. ult. sup. de locat. fundor. iur. emphyt. l. 49. inf. de appellat. & l. 9. de exsecutor. & l. 30. inf. de decurion.* Hinc Magistri priuatæ, *l. 14. inf. de decurion.* Hinc officium priuatarum, *l. 18 sup. de Palatinis Sacrar. Largit. & l. 17 inf. h. t.* & in antiqua inscriptione apud Gruterum CCCCLVIII. ΕΠΙΤΡΟΠΗ ΠΡΕΙΟΥΤΑΤΗΣ, & Capitolinus in *Macrino cap. 2.* dixit; *Priuatas curare*, pro res priuatas. Quod cum Accursius non intellexerit, de debitore priuati hominis hæc accepit.

Finge; inquam, eundem priuatæ rei Principis & fisci debitorem? sanè regulariter *Largitionales*, id est Officiales Comitum Largitionum (cui *hac lex* inscribitur;) non nisi fisci debitores exigere possunt; pariter vt *Priuati*, id est Officiales Comitum rerum priuatarum, non nisi rei priuatæ debitores exigere possunt, neque alteri in alterorum, sic vt dicam, stationem inuolare possunt. Quod etiam de susceptoribus & de Tabulariis pariter cautum, *l. 12. sup. de Numerar. l. 30. inf. de susceptorib.* ne promiscuis rerum actibus turbentur officia, *l. 23. Cod. Iust. de Testam.* Quo pertinet etiam *lex 1. Cod. eod. de Compensat. & lex 3. Cod. eod. de canone largit. tit.*

Sed finge nunc Largitionales Fisci debitorem in solutione cessantem corripuisse, auulisse, abstraxisse, id est comprehendisse, & custodia officii continere cœpisse, & sic libera & aperta custodia; quod vtique permissum aduersus tributorum moratores, *l. 3. sup.* Sane iidem Largitionales, si idem debitor sit quoque rei priuatæ, tam diu eum tenere, id est custodia sua continere debent, vsque quo vtrumque debitum soluerit: & sic vtriusque debiti & summæ exactionem in se suscipere debent. Præuentionis & capturæ hic singularis effectus est, vt quod ex se quis facere non potest, id iam facere possit, imò debeat; Et quidem in specie *huius l.* ideo, ne vno tantum debito exacto, & exinde debitore custodia dimisso, secundæ capturæ vel grauis, vel nullus amplius, subducente iam se debitore, locus esse possit.

Iam igitur facescant illæ Accursianorum interpretationes, qui cum non intellexerint quid sibi vellent illa, *abripere ab officio, auellere, abstrahere*, portentosam speciem posuerunt in priuato abstrahente debitorem publicum custodibus. Imò facessat ineptissima interpretatio eorum 1. qui quod de priuato *hac l.* dicitur, de priuata persona & creditore accipiunt. 2. item *vnus* officium, pro vno ex Officialibus. 3. Interpretum qui *legem* hanc de *abripiente* pariter seu eximente aliquem cum in carcerem ducitur: hoc sensu, eum, qui cum alius ab Officiali, detineretur, cum in carcerem duceretur eum vi exemit, ad vniuersi debiti solutionem compelli. *Φεῦ ἀπαθείας Αμαρᾶς*, cuius vt & similia scripta ad *hanc leg.* spongiæ incumbant.

VI. (a) Idem A. (b) ad Eustathium PF. P. Post alia. (c)

ACTORES, (d ceterique rei priuatæ nostræ, ad solutionem specierum (e) solemniū, (f) debiti vigoris auctoritate (g) cogantur: ne Prouinciales rei priuatæ nostræ fariget immunitas. (h) Dat. viii. Id. Mar. pp. Rom. Limenjo & Catullino Coss. [349.]

NOTAE.

- (a) *Lex 4. Cod. Iust. eod. tit.* Et iungenda huic est *lex 1. sup. de Iurisd. GOTHFR.*
 (b) Adscribendi sunt *Constantius & Constans*, quod testantur. Coll. subscripti. Vld. *Chronolog. & d. leg. 1. ibique Notarum. RITTER.*
 (c) Quae continentur *d. l. 1. GOTHFR.*
 (d) Ita quoque *d. l. 1. Actores ceterosque rei privatae nostrae. ID.*
 (e) *Specierum solemnium*, id est annonarum & tributorum. *ID.*
 (f) *Sollemnes species*, ut solitae species, sollemnis pensitatio, sollemnis expensio, sollemnis ratio, sollemnis titulus v. *Paulus. de annona & trib. ID.*
 (g) Ita quoque *d. l. 1. vim debita auctoritatis. ID.*
 (h) *Immunitas* in *C. Iust.* immani errore, quamquam & Accursius ipse notauit, alias legi *immunitas. ID.*

COMMENTARIVS.

P. 72.

ACTORES, quorum multa mentio hoc Codice, ut hac l. ita & d. l. 1. & 2. sup. de Iurisd. toto tit. de actorib. procurator. &c. quique cum rationalibus perperam miscentur, ceterosque rei privatae (retinenda enim haec lectio, ut pariter ostendit *lex 1. sup. de iurisd.* quae huic iungenda est,) id est, Procuratores, Conductores, Colonos &c. rem priuatam Principis exercentes, eadem vigoris auctoritate qua priuatos exigi iubet hac l. Constans Imp. pariter ut criminum reos eadem auctoritate a Iudicibus coerceri iubet *d. l. 1. sup. de iurisd.* quae huic coniungenda est ceu vnius & eiusdem constitutionis pars. Denique integra constitutione sua Constans rei privatae suae Actores ceterosque cohercere in animum induxit, qui ceteroquin Principalis nominis obtentu, priuatiuris frenos ferme excutebant, atque ad Prouincialium & priuatorum instar se redigi non patiebantur: Quo pertinent extrema illa huius l. *Ne prouinciales rei privatae nostrae fatiget immunitas*: Item illa *d. legis 1. Eo enim modo licentia inueterata desperationis inhibetur, si intelligant uno sibi ac pari studio viuendum esse cum ceteris*: De quo etiam aliquid dixi ad l. 16. sup. de bonis proscripti. Adeo etiam, ut iam ipsi Iudices prouinciarum his contra ire vererentur. Atque eo pertinent illa huiusce legis, de-

bili vigoris auctoritate cogantur: Item illa *d. legis 1. Iudices prouinciarum volumus vim debita auctoritatis assumere*. Atque ita vtrumque hoc accipiendum est; neque aut sollicitanda lectio, austeritatis voce, loco auctoritatis vtrubique subiecta; neque ad manum militarem, quod Cuiacius fecit, istud referendum: Ita quoque Honorius l. 16. inf. Iudicibus quoque eorumque officiis ceteris subuenimus, ut in contumaces debitores cuiuslibet dignitatis, auctoritatem suam exerant; & Constantius l. 1. sup. unde vi: Iudices auctoritatis suae formidabile ministerium obiciant. Nempe Constantem Iudices officii sui commonere, languentes eorum animos excitare, hac constitutione voluisse omnino apparet; Et quidem hac eius parte, ad exactionem specierum fiscalium seu annonarum & tributorum, aduersus Actores rei privatae, qui hanc in partem contumaces sese praebant, quique pro sui terrore perurgeti non poterant; pariter ut Potentum actores: Qua causa etiam vtrique Rectori prouinciae per prouinciam discurranti sui copiam facere & exhibere praesentiam iussi, & tamdiu publicis inhærere conspectibus, quamdiu in eodem oppido moraretur Rector. Maioriani Nouella 4. cap. habenda.

VII. (a) Impp. Constantius, & Constans AA. Bibuleno Restituto Praefidi Sardiniae.

PROVINCIALES, pro debitis, (b) plumbi verbera, vel custodiam carceris, minime sustinere oportet: cum hos (c) cruciatus non insonitibus, sed noxiis constitutos esse noscatur: Satis (*) vero sit, debitorem (d) ad soluendi necessitatem capione (e) pignorum conueniri. Dat. VIII. Idus Decemb. Thefal. Constantio VI. (f) & Constante III. AA. COSS.

NOTAE.

- (a) *Lex 2. C. Iust. de capiendis & distrabendis pignorum tributorum causa*, hinc desumpta est; recita priore eius sententia, posteriore tantum retenta. Concordat huic *lex Constantini 3. sup. b. t. GOTHFR.*
 (b) *Debitis*, id est tributis & annonis: ut mox, *debitorem*, id est, *debitorem annonarum*, quod a Triboniano nominatum adiectum est *d. l. 2. Vide Glossarium. ID.*
 (c) Ita quoque *d. l. 3. sup. Carcer penalis, carcer hominum noxiorum est. ID.*
 (*) Hinc iam desumpta est *d. lex 2. ID.*
 (d) *Debitorem annonarum*, ita *Cod. Iust.* de quo iam antea. *ID.*
 (e) *Capione*, *C. Iust. ID.*
 (f) Videtur haec *lex* potius referenda ad Annum 346. *ID.*

COMMENTARIUS.

CARERIS & TORMENTORVM iniuria & vexatione provinciales debitores tributorum scil. ad eorum solutionem adigi a Constante Imp. hac constitutione ventantur, pariter vt a Constantino M. l. 3. sup. eadem hic ratione proposita, quod *hor cruciatus non insonitibus, sed noxiis constitutos esse noscatur*. Eodem etiam remedio proposito: nempe quod pignorum capione Tributis consuli possit. A Constante, inquam; nam hic omnino huius constitutionis Auctor videtur, cui in Imperii diuisione, *Sardinia & Macedonia*, in qua *Thessalonica*, cesserat; de quo vid. Victor. cap. 41. Zosimum lib. 2. cap. 39. vid etiam Eusebium in *vita Eusebii*, pag. 45. edit. Commelin. Zonaram in *Anal.* pag. 9. Tom. II. Opp. edit. Venet. quæque notamus præterea in *Chronico*.

Neque illud omittendum, mendum hæere

videri in subscriptis Consulibus, atque adeo *huius* iungendam videri legem 4. sup. de annona & trib. nam & ea pariter *Data est VIII. Id Decemb. Thessal.* & in eodem rei tributariæ argumento versatur: quin & de emphyteuticariis fundis ea l. agitur: cuiusmodi sane fundi in *Sardinia* memorantur, l. vn. sup. de communi diuidendo.

Ex hac interim leg. & d. l. 3. sup. colligimus in vsum sæpe venisse & usurpatâ hæc tormenta aduersus tributorum inficiatores. Quæ & postea usurpata. Testis Amm. Marcellinus sub Valentiniano Iun. & Theodosio M. scribens, lib. 22. in f. vbi de Egyptiis. *Erubescit apud eos, si quis non inficiando tributa plurimas in corpore vibices ostendat*. Et quæ sequuntur de Egyptiorum duritie aduersus Tormentorum vim.

P. 73.

VIII. (a) Idem AA. (b) ad Taurum PF. P. (c)

EXACTIONES prouinciarum, (d) quas Rectores, aut Præfecti annonæ, (e) aut Rationales, (f) per Africam sustinent, a Maioribus Iudicibus usurpari non debent, sed ab his solis impleri, quibus cura exactionis imminet. Dar. iv. Non. Septemb. Dinumma: (g) Acc. Prid. Id. Nou. Karthag. Arbitione & Lolliano Coss. [355.]

NOTAE.

- (a) Abest hæc lex a Cod. Iuss. GOTHOFR.
- (b) Solius CONSTANTII nomen inscribendum: Vide *Consularia Theod. ID.*
- (c) *Taurus* PP. Italix sub Constantio & quidem Italix scil. quod præter alia ostendit & *Africa* mentio in ipsa lege, & subscriptio *Acc. Karthag.* vid. *Prosopogr. ID.*
- (d) Vel prouincialium. *ID.*
- (e) Id est, Præfecti annonæ Africæ, de quo in *Notitia dignitatum e Cod. Theod. ID.*
- (f) De Rationalibus Africæ vide *Notitiam Imperii*, & *Theodosianam nostram. ID.*
- (g) De subscriptione hac, mox in *Comment. ID.*

COMMENTARIUS.

QVIBVS NAM IUDICIBVS exactionis cura, ac nominatim per Africam, imminere debeat, desinit hac constitutione Constantius. Res eo redit; Minoribus tantum Iudicibus exactionis curam imminere, non etiam Maioribus Iudicibus: Minoribus, id est, tribus his qui memorantur, Rectoribus prouinciarum, Præfectis annonæ, & Rationalibus. & sic clarissimis & Perfectissimis: Maiores Iudices hac l. non alii sunt, quam Spectabiles, id est, Proconsules, & Vicarii. Maiores Iudices, vt alibi alio atque alio sensu dicuntur; de quo dixi plenissime in *Apolityco*: ita hoc Codice Maiores Iudices sunt omnino Spectabiles, qui alioquin & mediæ ætatis Iudices dicuntur l. omnis. 5. sup. de iis que admittunt. de quo omni plenius in *Notitia dignitatum Theodof.* Et tamen etiam ipsa exactionis cura Maioribus Iudicibus non imminuerit: attamen totius collationis & transmissionis cura eos constringebat; eoque fine ipsi Iudicibus imminabant, quod de Vicariis prolixè ostensum est l. vn. sup. de offic. Vicarii. De Proconsule fidei faciunt tot leges, hisce de re tributaria titulis, Proconsulibus inscriptæ. Quare ipsa exactio a collationis & transmissionis cura distinguenda est.

Obseruanda interim tria Iudicum genera,

quibus per Africam exactionis cura imminerebat. Nempe Rectores canonem tributarium exigebant: Præfecti annonæ Africa exigebant annonam Urbicam; de quo Præfecto annonæ Africæ vide l. 13. sup. de annona. l. 4. inf. de appellat. l. 2. 3. 12. 36. 38. inf. de nauiculariis. l. 2. inf. de naufragiis. Denique Rationales, Titulos Largitionales & rei priuatæ exigi curabant; de quibus Africæ Rationalibus vide legem 33. & ult. inf. de appellat. l. 2. sup. de alimentis que inopes parent. l. 2. sup. de iure fisci. l. 1. sup. de metallis. denique & Notitiam Imperii.

In Subscriptione, notanda *Dinumma*, vbi hæc lex data dicitur. *Dinumma* huius nulla alibi mentio occurrit; Sed necesse est eam fuisse in Lepontiis, vel in Rhætia, campisue Caninis, qui Liguriæ proximi: Auctor enim est Ammianus Marcellinus lib. 15. cap. 4. Constantium hoc tempore Mediolano egressum in Rhætias Camposque Caninos ad procinctum contra Alemannos Lentientes, vnde militem ad Brigantium lacum misit. In iisdem sane campis Caninis Gregorius Turonensis lib. 10. cap. 3. Bilitonem castrum collocat. In iisdem & Messacenses, vbi ante biestrem feruie data ab eodem Constantio lex 25. inf. de appellat. vbi

vbi dicam plenius. Quare necesse est *Dinuthimam* a Bilitione & Messacensibus ad Brigantium lacum hic esse vel *Dane*, vel *Dumils*, quæ recto itinere pergentibus interiacent, forte etiam *Damintz*.

IX. (a) Impp. VALENTINIANVS, & Valens AA. ad Dracontium (b) Vic. Afric.

DVCENARIOS (c) ab exactione Prouincialium, secundum Constitutionem (†) sacrae memoriae Constantii, probabilis Sinceritas Tua iubebit arceri. Dat. III. (d) Id. Mal. Hadrianop. Acc. VIII. Kalend. Octob. Karth. diuo Iouiano & Varroniano Coss. [364.]

NOTAE.

- (a) Abest & hæc *lex* a *Cod. Iust. GOTHOFR.*
 (b) *Dracontius* Vicarius Africæ sub Valentiniano Sen. Eidem inscribuntur & aliæ complures *leges*, quas ex Indiæ Personarum collige: Imo iam fuit *lex* 10. 11. 13. 16. *sup. de annona & trib. ID.*
 (c) De *Ducenariis* dictum l. 1. *sup. ID.*
 (†) Hæc Constantii Constitutio non extat. *ID.*
 (d) Eodem die, sed ad diuerfos data *lex* 2. *sup. de cohortal. lex* 18. *sup. de cursu publ. lex* 58. *inf. de decurion. & lex* 10. *inf. de nautic. quæ ipsa ad Africam pertinet. ID.*

p. 74.

COMMENTARIVS.

DVCENARII, de quibus ad l. 1. *sup. h. t.* ab exactione prouincialium iam antea Constantii constitutione (quam alibi non reperio) submoti, hac rursus Valentiniani constitutione submouentur; & quidem per diocesim Africæ: & sic Ducenarii omnium Reclorum per Africam, Byzacenæ, Numidæ, Tripolitanæ, vtriusque Mauritanie: nam hæ prouinciæ diocesim Africæ & sic Vicarium Africæ constituabant.

Submotorum autem ab exactione Ducenario-

rum hanc rationem puto, quod hi prouincialibus nimio plus metuendi erant, vtpote de Scholæ Agentium in rebus præcipui, & in officio Reclorum prouinciarum Principes; Vide quæ de his dixi, ad leg. 1. *sup. h. t. & Notitiam Imperii.* Hæc vero *lex*, inter alios plures comprobatur Amm. Marcellini lib. 30. cap. 9. testimonium, qui Valentinianum ait, in prouinciales admodum parcum fuisse, & Tributorum ubique molliuisse sarcinas.

X. (a) Idem AA. ad Florianum Conf. (b) Venetiæ.

DE SOLIS, qui dudum (c) faustus (d) habetur, neminem Christianum ab Exactoribus volumus conueniri: contra eos, qui id facere ausi sunt, (e) hoc nostri statuti (f) periculum sancientes. Dat. XI. Kal. Mal. Treu. Valentiniano & Valente AA. (g) Coss.

NOTAE.

- (a) Abest hæc *lex* a *C. Iust.* & extat altera *lex* in eandem sententiam, puta *lex* 13. *inf.* Repetitur autem hæc *lex* toridem verbis l. 1. *sup. de exsecutorib.* Meminit eius Baronius, A. 365. n. 44. *GOTHOFR.*
 (b) Forte, *Comitem rei privatae* dixi ad d. l. 1. *ID.*
 (c) Iam inde a Constantino M. vide *legem* 1. *sup. de feriis. ID.*
 (d) *Festus. ID.*
 (e) Sint, d. l. 1. & hoc ipsum pro, *fuertint. ID.*
 (f) Hoc nostri statuti interdicto periculum sancientes, ita d. l. 1. *ID.*
 (g) II. Scil. id est A. D. 368. vt ostendi ad d. l. 1. *ID.*

COMMENTARIVS.

DE DIE SOLIS immuni ab omnibus executionibus, est hæc Valentiniani Sen. constitutio ad Consularem Venetiæ emissæ: & ipsa est *lex* 3. *dist. tit. de exsecutoribus.* quæ iam *supra* habetur, l. 1. *sup. de exsecutoribus:* unde Interpretatio huc arcessi potest: pariter vt Valentiniani Iun. *lex* 13. *inf. hoc tit.* quæ

XI. (a) Idem AA. ad Florianum (b) Com. R. P.

OMNES prouinciis Præfidentes iussimus conueniri, vt a Rei Nostræ conuentione (c) cessarent, ne Principales necessitates (d) in publicum proferentes, eadem, qua hactenus, in colonos iniquitate sæuissent. Illud (e) etiam moderationi adiecimus, vt triper-

tripertita effiet inlatio fiscalium pensionum. Sinceritas (f) Tua Rationales, Procuratoresque commoneat; ut quidquid pro iugatione (g) vel capitatione (h) deposcitur, certantibus studiis deuotionis exsoluant. (i) Dat. VIII. Kal. Iun. Med. Valentiniano & Valente AA. Coss. [365.]

NOTAE.

(a) Absit hæc lex a Cod. Iust. GOTHOFR.

(b) Florianus Comes R. P. sub Valentiniano, Eidem inscribitur Anno superiore lex 20. sup. de cursu publico: & A. 367. lex 2. Cod. Iust. de bonis libers. v. Protopogr. ID.

(c) Id est, exactione. ID.

(d) Ira publicæ necessitates, quæ rei priuatæ opponuntur, l. 3. sup. de execut. ID.

(e) Sequentes duæ sententiæ ab hoc Titulo sunt fugitiuæ. ID.

(f) Sinceritatis titulus tributus Comiti R. P. ID.

(g) De hac iugationis voce dixi plene ad l. vii. sup. ne conlatio per Logograp. ID.

(h) De hac Capitationis voce dixi ad l. 15. sup. de annona & trib. ID.

(i) Exsculpant, vel exigant. ID.

COMMENTARIUS.

REI PRIVATÆ, id est tributorum ad rem priuatam Principis pertinentium, a Colonis rei priuatæ exactio, quorum cura & sollicitudine fieri debeat, hac constitutione definit Valentinianus Sen. Nempe hanc Rectoribus prouinciarum adimit; hac ratione addita; *Ne Principales necessitates in publicum proferentes, eadem, qua hætenus in colonos iniquitate scirent.* Cuius hæc sententia est, Rectores prouinciarum obtentu tributaræ collationis ad Principem eiusque necessitates spectantis in Colonos rei priuatæ summa iniquitate scirent. Quare reponendum hic omnino videatur, *ne Principales necessitates in publicum proferentes &c.* quanquam & vox *proferentes* mihi iam magis ardeat: Igitur Rectoribus prouinciarum huius exactionis cura adimitur: proculdubio ad Colonorum rei priuatæ querelas, qui de iniquitate & scintilla eorum apud Valentinianum Sen. conquesti fuerant. Cum viceuersa sub Constantio Colonis rei priuatæ. Principales nominis obtentu frænos legum executentibus, & tributa non soluentibus Indices, id est Rectores Prouinciarum eos debiti vigoris auctoritate cogere, seu exigere iussi fuissent l. 6. sup. b. t. Nempe prout horum aut illorum culpa esset, imo prout his vel illis Principes fauerent, ita varie hanc in partem constitutum.

Quid igitur? Rationalibus & Procuratoribus rei priuatæ hæc cura b. l. imponitur: qui scil. sub dispositione Comitum R. P. fuere, quosque adeo Comes R. P. commonere b. l. iubetur. (De quibus Rationalibus & Procuratoribus rei priuatæ per Occidentem, nam eo pertinet hæc lex, vid. Notitiam Imperii.) Commonere, inquam, *ut tributa certantibus studiis deuotionis exsoluant, ubi malum reponere exsculpant, vel exigant:* Sensus enim est, monendos Procuratores & Rationales a Comite R. P. ut tributa a Colonis priuatæ rei omni studio exigant: *Exsculpendi* vox exactionibus propria: ut docet lex 9. sup. de cohort. l. 44. 65. inf. de appellat. ac nominatim exactionibus tributorum,

l. 3. sup. de annona & tributis. Interim hinc colligere mihi videor, cur huius exactionis sollicitudo ad Rectores prouinciarum antea commeauit: nempe, quod procuratores & Rationales remissi & indulgentes ferme forent in exigendis colonis rei priuatæ: Quare reddita nunc eis ea exactione commoneri saltem iubentur, ut certantibus studiis deuotionis capitationem exsculpant. Verum postea Honorii constitutione, puta l. 5. & 6. sup. de execut. & exaction. remota exigentium permixtione, ut loquitur, Rectoribus prouinciarum & eorum officiis omnis exactio imposita. Et hæc de primo huius l. capite.

Alterum quod ab hoc titulo fugitiuum est, & tamen in eorundem colonorum rei priuatæ gratiam a se Valentinianus Sen. statui indicat his verbis, *Illud etiam moderationi adiecinus, est de Tempore soluendarum fiscalium pensionum:* nempe ut ex tripertita inlatione per quaternos scilicet menses inferantur; qua de re sunt tres præterea eiusdem Valentiniani Sen. constitutiones: puta lex 3. inf. de conlat. fundor. patrim. l. 15. sup. de annona & trib. l. 15. inf. de Susceptoribus, & Valentis lex 16. d. t. de annona & tribut. de quo dixi plene ad d. l. 15. sup. de annona. Stetitque id sub Theodosio M. ut ostendit lex eius vii. inf. de quadri-mensuris breuib. & Libanii locus Orat. ad Theodosium Imp. in Tisamenum pag. 448. edit. Morell. sub Arcadio & Honorio l. 17. inf. de decur. l. 27. inf. de Susceptorib. De Valentinianeis, quibus sane id primo introductum, illud obseruandum; omnium tempore primam, puta legem 3. inf. de conlat. fundor. patrimon. esse de emphyteuticariis possessoribus: hanc, de Colonis rei priuatæ: legem 15. & 16. sup. de annona. & l. 15. inf. de susceptorib. omnium postremas, de prouincialibus: ut forte non simul & semel id constitutum videri possit, sed per eos gradus tantum. Verum in fundis priuatis & emphyteuticariis postea aliter constitutum, l. 19. inf. b. tit.

XII. (a) Imppp. Gratianus, Valentinianus & THEOD. AAA.
Constantiano (b) Vic. Ponticæ. (c)

POTENTIORVM (d) possessorum domus, Officium prouinciæ Rectoris exigere debet: Decurio vero, personas Curialium conuenire: Minores autem possesores Defensor ciuitatis ad solutionem fiscalium pensitationum spectata (e) fidelitate compellere. Dat. v. Non. Mal. Merob. II. & Saturnino Coss. [383.]

NOTAE.

- (a) Abest hæc lex a Cod. Iust. GOTHOFR.
(b) Constantianus Vicarius Ponticæ sub Theodosio M. Eidem inscribitur hoc ipso Anno, lex 94. inf. de decurion, lex 10. inf. de heret. lex 7. sup. de desertorib. vid. Prosopogr. ID.
(c) De Vicario Ponticæ, vide Notitiam Imperii. Ponticæ autem prouinciæ sunt hæ: Bitbynia, Galatia, Paphlagonia, Honorias, Galatia salutaris, Cappadocia prima & secunda, Hellenopontus, Pontus Polemoniæ, Armenia prima & secunda. ID.
(d) Vide Glossarium. ID.
(e) Spectata fidelitas, est comperta, singularis: quæ vox spectati hoc passim sensu, apud Symmachum, v. Gloss. ID.

COMMENTARIVS.

VARII pro varietate seu diuersitate & conditione possessorum exactores hac Theodosii M. constitutione præponuntur: idque nominatim per Ponticam diœcesin, æquissima & humanissima distinctione, in tria vt possessorum, ita & exactorum genera. Nempe, Potentiores possesores, ab Officialibus prouinciæ Rectoris exigi iubet; Decuriones, a decurionibus, minores tandem possesores, a Defensoribus ciuitatum. Vbi minores, non sunt minores 25. annis, verum tenuiores oppositæ ad potentiores. Scilicet priores ideo ab Officialibus Rectoris prouinciæ, exigi iubentur, quod solita eorum contumacia maiore quoque auctoritatè munitos Exactores desideraret: Posteriores duo ideo, vt ab Officialium rapinis & sæuitia Decuriones & tenuiores illæsi seruarentur: Sane Defensorum hæc propria fuit cura, vt plebem & tenuiores potissimum defenderent & tuerentur; de quo vide plenissimum Paratitlon tituli, de Defensoribus ciuitatum. Quorum vt cæteroquin alii Principes officium subinde excitauit, auxeruntque: ita & Theodosius M. ex-^{p. 76.} citauit, auxitque, variaque his subinde imposuit: hac leg. & leg. vn. si quacunq; præditus potestate: leg. 19. sup. de annona & tributis: l. 23. inf. de Susceptoribus: l. 12. sup. de re militari: leg. ultim. sup. de defensoribus ciuitatum. De Curialium alioquin exactione agitur & l. 16. inf. vbi adhuc aliquid dicitur.

XIII. (a) Idem (b) AAA. ad Principium PF. P. (c)

SOLIS die, quem Dominicum (d) rite dixere maiores, omnium omnino litium & negotiorum quiescat intentio: Debitum publicum priuarumque nullus efflagitet: Ne aput ipsos quidem Arbitros, vel (e) e iudiciis flagitatos, vel sponte delectos, vlla sit agnitio iurgiorum: Et non modo notabilis, verum etiam sacrilegus iudicetur, qui a sanctæ religionis instinctu (f) ritue deflexerit. PP. (g) III. Non. Nou. Aquil. Honorio NB. P. & Euodio Coss. [386.]

NOTAE.

- (a) Abest hæc lex a Cod. Iust. Et totidem verbis repetita extat l. 3. sup. de executoribus. Eamque Baronius in Annum suum non retulit. Concordat huic lex 10. sup. GOTHOFR.
(b) Ita quoque d. l. 3. Atenim rescribendi hi Imppp. VALENTINIANVS Theodosius & Arcadius. ID.
(c) Italiæ scil. ID.
(d) Hanc sententiam inseruit Tribonianus legi 7. C. Iust. de feriis. ID.
(e) Arbitrorum duo genera: vel e iudiciis, id est a Magistratibus flagitati, vel sponte delecti, id est, Compromissa. ri. ID.
(f) Instituto, ita d. l. 3. sup. de execut. ID.
(g) Pro, Data. Et ex d. l. 3. sequentia supplenda sunt. Acc. VIII. Kal. Decemb. Rom. ID.

COMMENTARIVS.

DE DIE SOLIS ab omnibus exactionibus, vt lex 10. sup. repetita extat tit. sup. de executib. litibus, cognitionibus immuni, est hæc Valentiniani Iun. constitutio, quæ & ipsa, pariter vbi hæc ibi tertio loco posita est. Vnde interpretatio huc arcessi potest.

XIV. (a) Imppp. THEOD. Arcad. & Honor. AAA. Rufino PF. P. (b)

APPARITORES, quicumque in conlatione (c) Auri præcepti fuerint Officii sui adhibere seruitium, titulorum debita, & conlationum summas, relationis suæ fide & annotatione præscribant (d) sitque ex Officialis instructione Officium conscium, quid exactum, quidve perlatum (e) esse videatur: Ne (f) longinqui itineris diuersitate Susceptor abductus, & Curia suæ desit, & rei familiaris detrimenta sustineat. Dat. Pridie Idus April. Constantinopoli, Theod. A. III. & Abundantio Coss. [393.]

NOTAE.

- (a) *Lex 5. Cod. Iust. eod. tit.* Iungenda ei *lex 134. inf. de Decurionibus. GOTHOF.*
 (b) *Rufinus PP.* Orientis sub Theodosio M. vid. *Prosopogr. ID.*
 (c) Non mutanda hæc vox in *confectione. ID.*
 (d) Ferri potest hæc vox, etsi *Codex Iust.* habeat, *perscribant*, pariter vt *l. 23. inf. de susceptoribus. ID.*
 (e) Cuiacius restituit *prolatum*; de quo mox, *ID.*
 (f) *Nec. ID.*

COMMENTARIUS.

AURI exactio quomodo ab Apparitoribus præcepto Præfecti P^o missis fieri debeat, ne aliquin Susceptores a Curia suis abducantur, definit hac constitutione Theodosius M. quæ prolixioris constitutionis Theodosianæ pars est, vt docet *lex 134. inf. de decurion.* (quæ huic iungenda est) qua in vniuersum Curia ciuitatum destitutis consultum voluit, neque vna ratione: e quibus hæc inter cæteras est, quæ hac *l.* continetur, cuius utique causam aperte *sine legis* exprimit: *Ne longinqui itineris diuersitate Susceptor abductus, & curia suæ desit, & rei familiaris detrimenta sustineat.* Scilicet cum aurum per longinqui itineris diuersitatem exigendum esset, noluit Theodosius Susceptores, qui Curiales erant (quod ostendet plenius *titulus inf. de Susceptor.*) a Curia suis abduci, trahique ab Apparitoribus, & secum adferri: auro suscipiendo vel rationibus conficiendis. Quid igitur? Hanc operam omnem nauare iubet Apparitores illos, seu Officiales solos. Itaque iis id iniungit, vt exacti & perlati rationes conficiant: Exacti, inquam, & perlati, id est eius quod exactum & in sacras largitiones vel ad Rem priuatam perlatum fuit. Neque enim probo, quod ex Græcis hic Cuiacius restituit *prolatum*, id est dila-

tum, quodque in reliquis hærens, Græcorum auctoritate, qui ita reddunt *τὸ μὲν ἀπὸ τῆς, τὸ δὲ ἐκ τοῦ λαοῦ* *ἀπὸ τῆς*. Neque enim proferendi debiti Apparitoribus potestas fuit; etsi verum illud sit quæcumque tandem efficaciam seu instantiam in exigendo adhibeant, in debitis vel reliquis aliquid semper residere, quo pertinet omnino *lex 9. supr. de exsecutoribus.* Quod tamen *prolati* aut *proferendi* voce non recte designaretur.

Rationes itaque exacti, & perlati, Officiales conficere iubentur, vt ex eorum instructione totum officium conscium sit, id est, vt rationes ab his confectæ in Scrinia Officii Præfecti Prætorio referantur: nam & hic alius est Cuiacii lapsus, cum putauit, ad susceptorem has siue rationes siue relationes perferendas: Aperta enim sunt hæc verba; *sitque ex Officialis instructione Officium conscium.* Verum de hoc exactiois genere Præfectianis seu apparitoribus P. P. committi solito, plenius ad *l. 5. 6. 7. 9. supr. de exsecutorib. & tit. infr. Ne Præfectianus exactoris fung. off.* De exactioe multæ a Præfecto Prætorio, & quidem ab eodem Rufino PP. (cui hæc *lex* inscribitur) impositæ per Præfectianos, est Synesii locus, *ep. 127.*

XV. (a) Impp. Arcad. & HONOR. AA. Messalæ PF. P. (b) Post alia.

QVONIAM plerique callidis (c) precibus Rescripta impetrasse dicuntur, ne a solitis Compulsoribus (d) exigantur, præsentii iussione monemus, ne, prætento (e) velut quodam beneficio Clementiæ nostræ, quidquam in Exactione celebranda vetustati (f) & consuetudini derogetur. Dat. IV. Kalend. Octobr. Altino, Theodoro v. c. Cons. [399.]

NOTAE.

- (a) Absit hæc *lex* a *Cod. Iust.* Iungenda autem illi *lex ult. infr. de canone frumentario Urbis Romæ GOTHOF.*
 (b) *Messalæ PP.* Italiae sub Honorio Imp. v. *Prosopogr. ID.*
 (c) Cur callidæ? dicam ad *l. 4. infr. ne consulas. translat. ID.*
 (d) De his dixi plene ad *l. 34. supr. de annona & trib. ID.*
 (e) Dicam ad *l. 4. ID.*
 (f) *Vetustas & Consuetudo* in tributis nominatim spectantur; v. *leg. 23. supr. de annona & trib. & l. 131. infr. de Decurion. l. 13. in fin. D. de pollicitat. l. 4. §. 2. leg. 9. §. 6. D. de publicanis. v. quæ noto ad l. vn. supr. de longa consuetud. ID.*

COMMENTARIVS.

AVTOPRAGIAS seu Autopractorum beneficium seu Rescriptum, id est, ut quis non a solitis Exactionibus & Compulsoribus (de quibus plenissime dixi ad l. 34. *supr. de annona*, & ad l. 4. *infr. ne conlationis transl. post.*) exigatur; verum ut spontanea tantum deuotione tributa inferat, hac Honorii constitutione infirmatur: pariter ut a Theodosio Ian. d. l. 4. *infr. ne conlationis transl. postul.* ubi de hoc Autopractorum beneficio plenius. Caterum ex coniunctione legis *ult. infr. de canone frument.* V. R. colligere licet Honorium Imper. hac leg. Canoni vrbicario, seu vrbis Romæ nominatum, sublato Autopractorum beneficio, consultum iuisse.

XVI. (a) Idem AA. Hadriano PF. P. (b)

MISSI Opinatores (c) cum delegatoriis, (d) Iudicibus eorumque Officiis insistant, ut intra anni metas id quod debetur accipiant: Nihil his sit cum possessore commune, cui non Militem, (e) sed Exactorem, si sit obnoxius, conuenit imminere. Iudices itaque, qui Prouinciales passî fuerint Opinatoribus delegari, (f) eiusdem quantitatî duplex pœna retinebit: & Apparitores ex quolibet Officio sententiam deportationis excipient, si, per semet exigendos, voluerint delegare Militibus: & Curiales temporale manebit exilium, si eos, quos sollemniter exigere consueverunt, Opinatoribus putauerint esse tradendos: cum Iudicem oportet (g) inquirere debitores Tabularios, fideliter prodere (h) nomina dominorum: (i) Apparitores siue Curiales, consuetudine seruata regionum, conuictis debitoribus inminuere: Ut perceptis congruis emolumentis, (k) Opinatores impleto anno ad proprios Numeros valeant remeare. Qui si vltra annum protracti Iudices fuerint, (l) & Officia, absque vlla mora, de proprio cogentur (m) exsoluere militibus quod debetur, ipsis aduersus obnoxios (n) repetitione seruata. Quod si ad nos aliqua de retentis Opinatoribus (o) querela peruenerit, in duplum ab his protinus exigetur, ut partem debitam miles, reliquum (p) fiscus accipiat. Iudicibus quoque, eorumque Officiis, eatenus subuenimus, ut in contumaces debitores, cuiuslibet dignitatis, auctoritatem (q) suam exerant: ac si inpudenter solutio differatur, Actores, Procuratores, eorumque prædia persequantur; de eorum quoque nominibus ad Nostram Scientiam relaturi. Dat. III. Id Iul. Med. Vincentio & Frauita Coss. [401.]

NOTAE.

- P. 78. (a) L. 7. *Cod. Iust. cod. tit.* Videatur huic l. iungenda lex *ult. C. cod. de Lucris aduocat. & concussionibus Officiorum seu apparitorum. GOTHFR.*
- (b) Hadrianus PP. Italiae sub Honorio. v. *Prosopogr. ID.*
- (c) De Opinatoribus his dixi ad l. 34. *supr. de annona & trib.* & ad l. 26. *supr. de erogat. milit. annone. ID.* In C. Iust. additum, Opinatores, id est exactores militaris annonae. RITTER.
- (d) De his delegatoriis vide Paratitlon tituli, de annona & tributis, pariter l. 1. *supr. de excoct. annon.* Opinatores, quibus species in diuersis prouinciis delegantur: & mox: cum Opinatores prouinciis delegantur, GOTHFR.
- (e) Ita quoque d. l. 34. *supr. de annona & trib.* ita & mox *infr. si voluerint delegare militibus:* & mox Opinatores ad proprios numeros valeant remeare. ID.
- (f) Id est, passî fuerint, prouinciales ab Opinatoribus exigi. ID.
- (g) Oporteat, C. Iust. ID.
- (h) Prouidere, C. Iust. male. ID.
- (i) Debitorum. C. Iust. ID.
- (k) Emolumenta congrua vocat debitas præstationes & annonas: ita rei annonariz emolumenta, l. 1. *supr. sine censu:* item præcipua emolumenta, l. 1. *supr. de annona & trib.* fiscalia emolumenta, l. 13. *infr. de Susceptor.* Ac nominatum de annona militari, ut hac l. ita l. 28. *infr. de susceptoribus.* In vniuersum emolumentum quicquid debetur, ut mox *infr.* militibus quod debetur. In Glossis Philoxeni & Cyrilli emolumentum ἀφίστα, χρηματισ, ID.
- (l) Manifesta hic transpositio est, quod etiam ostendit *Cod. Iustin.* Quare legendum, qui si vltra annum protracti fuerint, Indices & Officia. &c. ID.
- (m) Cogantur, *Cod. Iust. RITTER.*
- (n) Obnoxii sunt debitores tributorum. GOTHFR.
- (o) Ab Opinatoribus in C. Iust. ID.
- (p) Reliquum, *Cod. Iust. RITTER.*
- (q) Ita quoque l. 6. *supr. hoc tit. fin. l. 4. C. l. cod. tit. l. 1. supr. de iurisdictione:* quibus locis dixi. GOTHFR.

C O M M E N T A R I V S.

DE MILITARIS annonæ exactione est hæc Honorii constitutio: ad duplicem finem comparata partim ad ipsorum provincialium illationem, id est, ne eius exactionis obtentu provinciales indebite vexentur: tum etiam, ut militaris annona debita celeritate exigatur: quæ duo diuellenda non sunt: Hactenus enim militari annonæ consultum oportet, ut ne ideo provinciales vexentur: viceversa provincialibus hactenus consulendum, ne militari annonæ, quam non patitur, mora fiat. Eo itaque spectant sequentes sententiæ.

Prima, *Opinatores*, id est, militaris annonæ Compulsores, (de quibus plenissime dixi ad l. 34. *supr. de annon. & trib. & ad l. 26. supr. de erog. milit. annonæ*;) non possessores seu tributarios provinciales exigere debere, hisque imminere: verum iudicibus & eorum Officiis imminere debere, ut illi videlicet exactionem maturent. Nempe *Opinatores*, quia milites erant & ex numeris militibus mittebantur, (quod non vno loco huius l. indicatur, & d. l. 34. *supr. de annona & trib.*) provincialibus graues terrorique maxime erant atque his metuendi, prædasque ab his agebant: ut cæteroquin difficile his est morum custodire mensuram: ut eleganter Cassiodorus, lib. I. Var. II. Quare eos exigere subinde vetiti ut hac l. ita l. 26. *supr. de erog. milit. annonæ*: etsi alioquin hac parte variatum, de quo vide & l. 34. *supr. de erog. milit. ann. & d. l. 34. supr. de annona & trib. l. 186. infr. de decurion. & d. l. 1. supr. de excoctione*. Quare miles & exactor hac leg. opponuntur, cuius nomen non adeo metuendum ut militis: idque ipsum indicatur d. l. 34. *supr. de annona*: ibi, *ultra id tempus si tarditas adseratur, tunc militi debiti postulati delegandam esse rationem*: Et poena multiplex hic additur Iudici, Officialibus, Curialibus, qui passi fuerint aut voluerint provinciales ab

Opinatoribus exigi. Nam hos exactionis cura manebat distinctis muniis & personis, de quo insignis est hac l. locus, *Iudicem*, inquit, *oportet inquirere debitores*, id est, Iudicem tributariorum nomina sedulo inquirere acceptis Breuibz a Tabulariis, mox Apparitores & Curiales conuictis debitoribus imminere & exigere *pro consuetudine regionum*. Scilicet alibi Curiales, alibi Apparitores Exactores erant, imo quandoque alii alios exigebant, puta Officiales Potentiores: Curiales sui Ordinis viros, l. 12. *sup. h. tit.* Poenæ autem hæc sunt: nempe Iudici *dupli* poena imponitur: Apparitoribus poena *deportationis*: Curialibus, *temporale exilium*. Et sic grauiores multo quam in specie l. *prox. infr.* vbi dicam.

Secunda sententia ad celeritatem annonæ militaris exigendæ pertinet; scilicet intra anni metas eam præstari iubet (vide & l. 9. *sup. de execut. rib.*) ut ita Apparitores anno completo ad proprios numeros remeare possint, poena Iudicibus & Officialibus imposita, puta de proprio annonas soluere eos iubet, salua eis aduersus possessores tributarios actione, quo non præstato in duplum multari iubet: Duplum inquam: non mere poenale, sed mixtum: id est, sic ut partem debitam, & sic annonam quæ inferri debuit, miles consequatur, & militari annonæ proficiat, reliquum fisco cedat.

Vicenerat ut negligentibus Iudicibus Officialisque eorum poena iniungitur: ita contra his subuenitur hac eadem lege, auctoritasque eorum animatur armaturque: Auctoritatem scilicet suam exerere in contumaces debitores cuiuslibet dignitatis iubetur: quo spectabat pariter lex 6. *supr. hoc tit.* quæque ei in simili iungenda est lex 1. *sup. de iurisdic.* Quinimo & ad se referri iubet Honorius de his qui impudenter solutionem differunt, ut ita digno supplicio subiunguntur.

R. 79. XVII. (a) Impp. Honorius & THEODOSIVS AA. Anthemio PF. P. (b)

NEQVE (c) Agentes (d) in rebus, neque sacrarum Priuatarum, (e) vel largitionum Palatina (f) officia, ex quacumque causa, ex quocumque titulo fiscalis debiti, cum ad provinciam mittuntur, possessores per se (g) audeant conuenire: siue id ex præterito reliquum (h) trahatur, seu præsentis temporis tributo (i) solui conueniat: sed Rectores provinciarum frequenter adeundo commoneant, eorumque Officiis incumbant. Quod si Rector provinciarum imminentem sibi memoratorum declinare molestiam quæret, (k) vel qualibet alia ratione hisdem (l) propria auctoritate publicæ exactionis permiserit curam, tam ipse, quam Officium eius vicena auri pondo fisco dependent. (m) Dat. VII. Id. Decembr. Constantinop. Basso & Philippo Coss. [408.]

N O T A E.

- (a) Lex 2. C. *lusi. de canone largitionum Titulorum*, sub quo titulo eam Tribonianus collocauit, sublata Aggnauium in rebus mentione. GÖTHOFER.
 (b) Anthemius PP. Orientis sub Theodosio Iun. de quo ad l. 167. *infr. de Decurion.* v. etiam *Prosopogr. ID.*
 (c) Neque Agentes in rebus, hæc recidit Tribon. *ID.*
 (d) De Agentibus in rebus fuit peculiaris titulus *supr. lib. 6. tit. 26. ID.*
 (e) Sacrarum vel priuatarum largitionum: ita Cod. *lusi. male, sacra priuata* non minus dicuntur quam *sacra largitiones*. Ita officium sacrarum priuatarum, l. 13. *de Palatinis S. L. & R. P. Priuatarum* absolute pro *Re-rum priuatarum*, de quo dixi ad l. 5. *supr. ID.*
 (f) De his Palatinis fuit *supr. titulus* peculiaris *lib. 6. tit. 39. ID.*

- (g) Id est, *ipfi*: *ID.*
 (h) Reliquum *id est*: *ID.*
 (i) Ferri hoc potest: nunc respondeant hæc duo ex præterito & præsentis temporis tributo: quanquam *C. Iust.* habet *tributa*; quod melius. *ID.*
 (k) *Quærens*, Cod. Iust. edit. Cuiac. at hoc quoque legitimum est. *ID.*
 (l) *Palatinis iisdem*, ita *C. Iust.* propter sublatam videlicet Agentium in rebus antea mentionem. *ID.*
 (m) *Dependant*, Cod. Iust. *RITTER.*

COMMENTARIVS.

AD VRGENDAM tributorum illationem missi ex Palatio, exactionem ipsi facere ventantur a Theodosio M. cuiusmodi tres hic memorantur: AGENTES scil. IN REBUS, etsi subinde eis exactiones tributorum & Titulorum fiscalium committerentur, aliaque executiones, quod docet *lex 4. 7. sup. de excusatorib.* de quo plene *Paratitlo de Agentibus in reb.* sed & Ambrosius *lib. 2. c. 29. seu ult. in fin.* Item PALATINI, id est, Officiales Comitum sacrarum Largitionum, & Comitum Rerum priuatarum, de quibus plene suo quoque *tit.* etsi fiscalium Titulorum eis sollicitudo immineret; atque eo fine quem dixi, & Agentes in rebus & Palatini in prouinciis subinde mitterentur: Attamen ipsi Exactoris publici munere fungi a Theodosio Iun. *hac l.* vetantur, pariter vt a Valentiniano Iun. *leg. 10. sup. de Palatinis S. L. & R. P.* & ab Honorio, *l. 5. 6. sup. de Excusatorib.* & a Valentiniano III. *leg. 32. inf. de suscept.* & a Maioriano *Nouella 4. de indulgent. reliquor. c. ad illam quoque*: vbi rationem eius rei, pluribus & eleganter reddit. Quod & ipsum de Opinatoribus cautum, *l. 16. prox. sup. seu l. 7. Cod. Iust. eod. tit.* Et in eo quoque similiter, quod Iudicibus seu Rectoribus prouinciarum, eorumque officialibus multa imponitur si passi fuerint, vel nominatim iniunxerint eis publicam exactionem, siue dum a molestia horum sese liberare student, vel vt hic dicitur, *imminentem sibi memoratorum declinare molestiam* quaerunt, *taschent se rachepter de leur importunité*; vel qua alia ratione, in prædam scil.

hos forte corrupti mittendo: nam ita id accipio. Et quidem multa iam *hac leg.* grauior, quam *d. l. 10. sup. de Palatinis*: At mitior pœna quam si Opinatoribus exactionem iniunxissent, *d. l. 16. sup.* Qui & ipsi alioquin, velut militaris annonæ compulsores mittebantur, non vt possessores exigere, verum vt Iudicibus & eorum Officiis imminerent, quo illi exactionem maturarent. Quærunr vero Interpretes, cur hoc casu nostro mitior pœna imponatur: illo vero, multo seuerior, sæuiorque, *d. l. prox. sup.* cum tamen idem debitum versetur? Admitto hanc rationem, quod milites opinatores, cingulo armatæ militiæ terribiles & metuendi magis sint, quam Palatini: de quo ad *illam leg.* Tandem similiter, quia id tantum muneris eorum esse dicitur, vt Rectoribus immineant & eorum Officialibus, commonendo, vrgendo ad exactionem. Verum reddita mox Palatinis Largitionum Titulorum exactio Anno proximo, constitutione ad eundem Anthemium data, puta *l. 18. prox. infr.* qua proinde *hac* hac parte abrogatur. Item reddita a Valentiniano Tertio, vt docet *lex 32. infr. de susceptoribus*. Illud ex *d. l. 18.* discimus, hanc *legem* latam fuisse ad legationem prouinciæ Achaïæ, cui procul dubio grauis visa Palatinorum exactio ob notissimam eorum auaritiam & frequentes concussiones: de quibus vide Valentiniani Tertii duas Constitutiones inter *Nouellas Theodosianas, tit. 42. de Palatinis*, quæ perperam a nonnullis Theodosio adscribuntur.

P. 80.

XVIII. (a) Idem AA. Anthemio PF. P. (b)

LARGITIONALIVM titulorum exactionem, Palatinorum obsequiis, vetustatis more consecratum, (c) iuxta priscam consuetudinem, celebrari censemus; recens conditæ legis (†) in hac parte auctoritate sequestrata, (d) quæ ritu vetustatis neglecto, Palatinæ munera dignitatis intempestiua Legatorum Achiuorum (e) admonitione abstulerat. Ideoque huius statuti præceptionem, per quam Palatinos veteri exigendi functioni constrinximus, commoniti Rectores obseruent. Dat. v. Kalend. Octobr. Constantinop. Honor. VIII. & Theod. III. AA. COSS. [409.]

NOTAE.

- (a) Absent hæc *lex a Cod. Iust.* prælata superiore *lege*, & quia hæc temporaria est. Iungenda autem illi *lex 169. infr. de decurionibus*. neque adeo improbabilius *lex vn. sup. de Nili oggeribus non corrupendis*: & *lex 2. sup. quis in gradu præferatur*. *GOTHOFR.*
 (b) *Anthemius PP.* Orientis sub Theodosio Iun. v. *Profopogr. ID.*
 (c) *79. Consecratam*, vt habet Edit. in 4. *ID.*
 (†) Intelligit *legem 17. prox. sup. ID.*
 (d) *Sequestrata*, id est, abrogata, antiquata. *ID.*
 (e) De Achiuis vide & *l. 33. sup. de annona & tributis*. Hinc interim discimus Achaïam hoc tempore sub PP. Origenis fuisse: Postea enim sub PP. Ilyrici fuit. v. *Notitiam Imperii. ID.*

COMMENTARIUS.

PALATINIS redditur *hac leg.* a Theodosio Iun. exactio Titulorum seu tributorum Largitionum: abrogata hac parte *leg. superiore*, & sic veteri iure priscaque consuetudine reducta: *hac tantum parte*, ut nominatim *hac ipsa l.* dicitur: Quare stare voluit, quod de Agentibus in rebus

eadem superiore l. constituerat, ne hi videlicet provinciales exigere. Illud ex *hac leg.* discimus, superiorem legem latam fuisse ad Legatorum Achiuorum admonitionem seu petitionem: quam nunc Theodosius Iun. *intempestiuam* vocat.

XIX. (a) Idem AA. Euchariorum (b) Proconsul. Afric.

TERTIAM partem canonis fundorum Priuatorum; vel sextam, Emphyteuticorum, ex Kal. Mar. sicut consuetudo deposcit, reliquam vero canonis summam, ex Kal. Iul. par erit postulari: ne præpostera exactioe possessor ad redimendam conventionis cogatur iniuriam; & cetera. Dat. Frid. Kal. Mar. Rau. Honor. IX. & Theod. V. AA. COSS. [412.]

NOTAE.

(a) Absit *hac lex* a Cod. Iust. Iungendae autem huic sunt *duae leges prox.* puta *lex 20. & 21. seu ult. infr.* Item *lex 23. supr. de coheredib. lex 9. supr. de curiosis: lex 32. supr. de annona & trib. lex 31. infr. de Susceptoribus. GOTHOFR.*

(b) *Euchariorum* Proconsul Africae sub Honorio: v. *Protopogr. ID.*

COMMENTARIUS.

DE TEMPORE exigendi & inferendi canonis id est, pensionis, fundorum rei priuatae Principis & Emphyteuticorum, est haec Honorii constitutio, ut ab hoc titulo fugitiua (pariter ut altera sententia *legis n. supr.*) ita prolixioris Honorianae constitutionis pars, ut ostendunt *leges illae*, quas huic coniungendas dixi, & in his quoque duae proximae ultimaeque huius tit. qua constitutione potissimum iustae Tributorum illationi & Exactioi Honorius enixe consultum iuit: idque per provinciam Proconsularem Africae nominatim.

Igitur cum tripartita alioquin solutione, id est, per quaternos menses ter in anno tributa inferri mos esset, ut docuit *lex n. supr. hoc tit. lex 15. & 16. supr. de annona & trib.* ubi plene dixi: *lex 15. infr. de susceptor. lex 3. infr. de conlatione fund. patrimon.* & quidem a rei priuatae quoque & Emphyteuticariis possessoribus, *d. l. n. supr. & d. l. 3. infr. de conlat. fund. patrim.* hac constitutione alia ratio probatur secundum consuetudinem, & quidem intra Africam, scilicet ut duabus solutionibus canon praestetur, ita ut ex Kalendis Martiis tertia fundorum priuatorum, sexta emphyteuticorum praestetur: Reliquum, id est, duae Tertiae, & quinque Sextae ex Kalendis Iuliis. De fundis equidem patrimonialibus & emphyteuticis & eorum conlatione in genere est peculiaris *titulus 19. infr. est & titulus 3. lib. 10. de locatione fundorum Iuris Emphyteutici & Reip. & templorum: ut &*

titulus 4. de Actorib. procuratorib. Conductorib. rei priu. & tit. 5. qui conductores rei priu. Deque his plene in *paratitlo d. tit. de locatione fundorum iuris emphyteutici.*

Verum singularis haec admodum differentia hic occurrit inter fundos priuatos, & Emphyteuticos: puta ut Tertia pars canonis fundorum priuatorum praestetur ex Kal. Martiis: Sexta vero tantum, Emphyteuticorum: singularis haec inquam differentia est, cuius rationem indagare difficile est: Nisi quod emphyteuticorum fundorum grauior canon seu pensio erat, utpote qui perpetuario iure locarentur, atque ideo minor canonis portio ab emphyteuticariis prima solutione solueretur.

Notanda etiam solutionis tempora: inchoanda videl. ex Kal. Martiis: complenda vero ex Kal. Iul. Nempe post quatuor menses. Quorum omnium rationem reddere difficile est: nisi quod potissima pars Canonis a Kal. Iuliis ideo praebita, ut quia tum iam perceptae collectaeque fruges ex fundis. Certe ex Valentiniani Sen. constitutione, *l. 3. infr. de conlat. fundorum patrim.* Emphyteuticorum annonam per quaternos menses, & sic tribus vicibus in anno soluebant: aurum vero quocunque anni tempore soluere poterant: cum antea ex die x. Kal. Decembr. in prid. Kalendarum Ianuariarum aurum solueretur. De quo ad *eam leg.*

XX. (a) Idem AA. Euchariorum (b) Proconsul. Afric. Post alia.

CONSTITUTO tempore, publice, aput Karthaginem, in Secretario, admissio populo, Exactorum ordinabuntur (c) idoneae strenuaeque personae. De quibus si popularis accusatio vlla processerit, in eorum locum alios par erit (d) destinari: ita ut seuera indagatione, si in concussione possessorum deprehensi fuerint, ilico & capitali periculo subiaceant, & direptorum quadrupli poena ex eorum patrimonio eruetur. (e) Iudices autem triginta librarum auri multae aceruitate sciant se esse plectendos, nisi ea quae salubriter ordinata sunt, necessaria deuotione compleuerint. Dat. pridie Kal. Mart. Rau. Honorio IX. & Theodosio V. AA. COSS. [412.]

INTERPRETATIO. *Hæc lex præcipit, exactores ad exigendas tributarias functiones idoneos esse mittendos, ita ut si de hiis populi vlla accusatio processerit, id est, querela deposita fuerit, in eorum loco alii dirigantur, (f) ut habitâ diligenti inquisitione, si in dispendia Prouinciarum de superexactionis crimine conuinci potuerint, & capitali periculo subiaceant, & eorum facultatibus in quadruplum quæ sunt superexacta reddantur. Iudices vero prouinciarum xxx. librarum auri se noverint pœna feriendos, si ea quæ statuta sunt implere neglexerint.*

NOTAE.

- (a) Abest & hæc lex a *Cod. Iust.* eique iungenda sunt omnes illæ leges, quas ad *superiorem* cumulaui, & in his ea
 fa lex superior, & lex prox. *ult. infr. GOTHFR.*
 (b) *Eucherio*, MSS. W. G. & Sichard. *RITTER.*
 (c) *Ordinentur*, Sichard. in MSS. est *ordinabantur. ID.*
 (d) *Alios oportet*, Sichard. *ID.*
 (e) *Ernatur*, Sichard. *ID.*
 (f) *Deligantur*, prior Cuiac. & Edit. in 4. *ID.*

COMMENTARIVS.

DE EXACTORVM ORDINATIONE, eorundemque *Concussionis & Superexactionis* reorum pœna, est hæc Honorii lex, quæ constitutionis prolixioris portio est, ut ad *l. superiorem* dixi, qua in vniuersum iustæ tributorum exactioni per Africam consultum iuit. Ordinationis igitur Exactorum forma hæc præstituitur: Primum, ut Karthagine, & sic in vrbe metropoli totius prouinciæ Africæ ordinentur: pariter ut in eadem vrbe Karthaginensi aurum & argentum inferri iubet, *l. 32. supr. de annona & tribut.* quæ huic inter cæteras coniungenda est: In magna igitur hominum luce Exactores ordinari voluit, vbi & ipse Proconsul Africæ & hominum opportunitas erat. Imo (quod Secundum) Secretario ipsius Proconsulis publice populo admissi Exactores ordinari iubet, sedente videlicet ipso Proconsule in Secretario, populo adstante, ut ita idoneæ & strenuæ personæ eligantur. A quo more non abludit, quod de ordinatione Episcoporum Christianorum etiam Alexander Severus apud Lampridium *cap. 45. memorat*; quodque idem Alexander in Rectoribus prouinciarum, Præpositis, vel Procuratoribus ordinandis facere solebat. Tandem neque abfimilis mos in eadem Karthagine coram populo, & in foro, quem describit Auctor *librorum, de promissionibus & prædictionibus Dei: Incalculis*, inquit,

eburneis nomina Proconsulum conscripta Karthagine in foro coram populo a presenti Iudice sub certis vocabulis citabantur, & erat sollemnis dies, ALBI CITATIO. Hi qui auaritiam superantes *Rempubl. fideliter egerant, abique flagitiis facinoribusque etiam absentes honorabantur: eo: vero, quos rapacitas vicerat, populus conuictis sibilisque notabat.* Populari igitur accusationi, ut hac *l.* nominatim dicitur, atque adeo & prædicationi, quo pertinet vterque locus & Lampridii, & Auctoris libri *de promissionibus*, locum fecit hac *l.* Honorius. Et hæc de ordinatione Exactorum.

Sequitur POENA eorundem, tum & Iudicum. Illis nempe in concussionem possessorum deprehensis, vel ut Interpretes recte, de superexactionis crimine conuictis, capitalem pœnam imponit cum pœna Quadrupli: His vero, si superius statuta neglexerint, xxx. librarum auri multam indicit. Quod capitalem pœnam attinet, eadem & antea Valentiniani forte lege & Arcadii, superexactioni imposita fuit, ut testatur *lex i. infr. tit. prox. de superexact.* vbi dicam. Quod Quadrupli pœnam spectat, sancita ea quoque *l. n. infr. de Extraord.* & a Leone quoque reducta *Novella 61. abrogata* pœna Capitali.

P. 82.

XXI. (a) Idem AA. Eucharis suo (b) Sal.

GRAVE, & contra rerum ordinem, iudicamus, ut idem Municeps (c) & ciuitatis necessitatem, & Exactoris (d) publici (e) subire cogatur officium. Quod ne contingat, generali lege sancimus, Cognitoris cuius interest iussioni, (f) ad prædia Mansuetudinis Nostræ, vel quæ sub fisci nominæ coeperint retineri, moderanda, vel ex suo Corpore (g) idoneos quosque dare (h) debere, vel ex his si qui perfuncti sacramento militiæ absolutione potiuntur. Ab his namque conuenit, a quibus ratio ob prædam (i) discuti (k) consuevit, administrationem sustinere (l) huiusmodi prædiorum. Iudicibus iraque atque Officiis pœnam quinquaginta librarum auri inponimus, nisi commode (m) obtemperauerint definitis. Dat. prid. Kal. Mart. Rau. Honorio ix. & Theod. v. AA. COSS. [412.]

NOTAE.

- (a) Abest & hæc lex a *Cod. Iust.* Quibus porro iungenda sit, iam ad *duas superiores leges* ostensum est, quæ ipsæ & de earum numero sunt. *GOTHFR.*
 (b) Proconsuli Africæ, ut cæteris legibus. *ID.*

(c) Mu-

- (c) *Municeps* hic pro *Decurione* pariter vt *l. 41. infr. de operib. publ. & variis legibus, sic. infr. de decurion & l. 5. C. luss. de omni agro deserto. ID.*
- (d) Hic graue vulnus refidet, a quo sibi *buias Cod.* Conditores non cauerunt: Rescribendum enim, & *Actoris*. Quare fugitiua hæc *lex* est; de quo mox plura. *ID.*
- (e) *ꝑ. Publice*: vel sane *Actor Publicus* dicitur, qui res fiftales administrat, vel Principis. *ID.*
- (f) *ꝑ. lussione. ID.*
- (g) *Corpus Iudicis* hic pro *Officio* seu *Officialibus* *Rectoris* prouinciz accipiendum est. *ID.*
- (h) *ꝑ. Dari. ID.*
- (i) Vid. *l. 2. infr. de discussor. ID.*
- (k) Vid. *infr. titulum, de discussor. ID.*
- (l) *ꝑ. Sustineri. ID.*
- (m) *Σύγχρησις* hæc: dictum enim potius oportuit *commode definitis obtemperauerint. ID.*

C O M M E N T A R I V S.

FUGITIVA hæc Honorii constitutio est; & Erratum non leui errore hac parte ab huiusce *Codicis* Conditoribus, nimia festinatione tum & praua lectione in errorem inductis. Neque enim hic legendum, & *Exactoris*; verum & *Actoris*. Est scilicet hæc *lex* de *Actore*, id est, moderatore, administratore prædiorum Principis; quod vt tota *lex* ostendit; ita hæc nominatim verba euincunt: ad prædia *Mansuetudinis Nostræ*, vel quæ *subfisci* nomine cæperint retineri moderanda: Et mox; Ab his conuenit administrationem sustineri huiusmodi prædiorum. Induxisse in errorem potuit quoque Conditores huius *Codicis*, quod proluxa illa Honoriana constitutione, cuius hæc nostra pars est, aliquam multa de *Exactoribus* & *Susceptoribus* contineantur, vt docent duæ superiores *leges*, & *lex 31. infra, de susceptoribus. lex 32. supr. de annona & tribut. lex 23. supra de cohortalibus*, quæ huic omnes iungendæ sunt. Verum vt varia eius constitutionis capita fuerunt; ita ea *Curialibus* nominatim prospectum Honorius voluit, ne humilibus *Officiis* & extraordinariis oneribus occuparentur, vt diserte docet dicta *lex 31. infra, de susceptoribus*. Contra iis humilia officia & extraordinaria imponi voluit, a quibus ratio eorum officiorum explorari & discuti de more solet; vt tum hæc *lex* tum dicta *lex 31.* ostendunt: quæ hac parte geminæ germanæ sunt. Illius *legis* verba hæc sunt: *HUMILIBVS officiis, aut extraordinariis oneribus occupari Curiales non patimur, ne publi-*

ca vacillet utilitar. Susceptionem itaque vestium EQUIVS est, ab OFFICIO Proconsulari, vel ab his qui in eodem MERERVNT, sollempniter procurari. Horum namque interest huiusmodi EXPLOKARE RATIONEM, & querere qualitatem eorum, quorum ad contuendum cura commodior est. Neque enim æquum est, vt ad officium lucella curialem susceptionis tantum damna pertineant. Hanc igitur ab Ordinibus iniuriam submouemus: exceptis his, si qui Curialium officio memorato, aut militasse, aut militare fuerit deprehensus.

Sententia igitur huius *l.* hæc est, *Decurionem*, qui vtique ciuitatis subit necessitatem, non debere cogi ad officium *Actoris* publici, id est, moderatoris, administratoris prædiorum, vel rei priuatæ, vel *fisci*, verum ex corpore *Officialium* huiusmodi *Actores* eligi oportere, vel sane ex eorum numero, qui in eodem officio meruerunt, id est, qui perfuncti opus militiæ sacramento absolutione potiuntur. Quæ omnia de *susceptoris* vestium officio *d. l. 31. inf. de susceptoribus*, cauentur: Et ratio quoque vtroque eadem, quod ab iis hæc officia sustineri conueniat, a quibus huius officii ratio explorari seu discuti conuenit, ac si diceret: *Discussoribus* alicuius *Officii*, ipsum officium conuenientius imponi: *Discussoribus* inquam: id est, qui rationes gestionis alienæ explorant & discutiunt: de quibus dicitur *infr. tit. 26.*



DE SUPEREXACTIONIBVS.

P. 83.

TITVLVS VIII.

LIB. X. COD. IVST. TIT. XX.

Concordat *supr. tit. x. de concuss. Aduocator. siue apparitorum: lib. VIII.*
& hoc ipso libro, *Titul. XI. ne damna prouincialib. infligantur.*

P A R A T I T L O N.

SUPEREXACTIO. *Rubr.* superexactionis crimen *l. 1. hoc tit. & Interpretatio ad l. 20. supr. tit. prox. Concussio, d. l. 20. supr. de exactionibus*, in *Exactoribus*, si videl. vltra debitum eliciant, *l. 2. b. s.* vel etiam maioribus mensuris arque ponderibus subiectis posses-

possessores damno afficiant, *l. 3. b. t. capitis periculo plectitur, d. l. 1. hoc tit. & d. l. 20. supr. de exactionibus.* Et quod superexactum fuerit restitui prouincialibus debet, *l. 2. hoc tit. ex bonis susceptoris & exactoris, & quidem in Quadruplum dict. l. 20.* De hoc superexactionis crimine sunt horum Imperatorum constitutiones: Constantini M. *l. 1. de concuss. aduoc. l. 3. de annona & trib. lex 1. de exactionibus: Valentis, l. 11. infr. de extraord. Arcadii lex 1. b. t. Honorii lex 20. de exactionibus.*

I. (a) Imp. ARCADIVS & Honorius AA.
Cæsario PF. P. (b)

SI quis Exactorum superexactionis crimen (c) fuerit confutatus, eandem poenam subeat, quæ Diui Valentiniani (†) sanctione dudum fuerat definita: Capitis namque periculo posthac cupiditas (d) amouenda est, quæ prohibita toriens, in hisdem sceleribus perseuerat. Dat. prid. Non. Mart. Constantinop. Cæsario & Attico coss. [397.]

NOTAE.

- (a) *Lex vn. Cod. Iust. cod. tit. ex hac l. & sequente conflata & interpolata est, & quidem ἀποδυσίγus; sic vt huius l. sententia postremum ibi locum obtineat, & anteuertat sententia d. legis prox. GOTHOF.*
(b) *Cæsarius PP. Orientis sub Arcadio: v. Prosopogr. ID.*
(c) *Crimine Cod. Iust. recte. ID.*
(†) Hanc constitutionem non reperio, nisi intelligat legem *11. infr. de extraord. mun. de quò mox: vel legem 1. ne damna prouincialib. inflig. ID.*
(d) *Cupiditatis vox; hac in re propria: Vide Glossarium. ID.*

COMMENTARIVS.

ARCADII Imp. hæc in Superexactores constitutio est: id est, in Exactores ultra quam oportet exigentes, & sic collatores concutientes: In quos variae extant diuersorum aliorum Principum constitutiones, puta Constantini M. *lex 3. supr. de annona & trib. l. 1. supr. de Exactionibus: lex 1. de concuss. Aduocatorum* (cuius eiusdem est & in publicanos concussores *lex vn. de vectigalibus*:) Fuit & Valentiniani, quæ *b. l. memoratur Imp. Valentis lex 11. infr. de extraordinar. Honorii lex 20. supr. de exactionibus.* Hæc inquam in Exactores superexigentes constitutiones occurrunt: Plures enim aliæ occurrunt in Discussorum, Peræquatorum, Compulsorum, Officialium concussionibus, quæ ab hac specie diuersæ sunt: imo & Iudicium. Quæ superexactionum & concussionum species ab hac diligenter distinguendæ sunt, ne incondito tractatu hæc commisceantur cum Exactorum superexactione, quam *Φερόλογον ἀπανθροπίας* vocat Gregorius Nazianzenus, *Orat. 16. p. 242. edit. Lips. seu. Colon. apud Weidm. Leo Nouella sua δι. δικηλῆς ὑπερεκτένοντας τὰ τέλη*, vocat.

Nos de hac Arcadii lege nunc videamus: et si illud manifestum, Valentiniani constitutionem hac l. firmari: Item, capitalem superexactores poenam imponi. Hæc inquam clara sunt: at enim dubium illud quidnam Valentiniani leg. comprehensum fuerit, & quatenus Valentiniani constitutio firmetur. Videri igitur possit hac l. Arcadii Valentiniani legem firmare in præteritum: in posterum vero, seu Posthac capitalem poenam & sic seueriorem superexactores imponere: vt ita Valentiniani lex ad capitalem poenam non processerit, verum Quadrupli tantum poenam imposuerit: Certe a Valente hæc Quadrupli poena statuta *l. 11. infr. de extraordinar.* cui Valentiniani quoque nomen inscriptum est. Eandem poenam Hono-

rius imposuit Peræquatoribus, ac Discussoribus, qui in damnum prouincialium aliquid acceperint fuerint conuicti: *l. 7. infr. de censitoribus.* Imo poenam vtramque idem Honorius Exactores superexactionis reis imposuit *l. 20. supr. de exactionibus.* Constantinus non expressa poena, seueram sententiam in Exactores proferri voluit, seu competentem in eos seueritate vindicari, *l. 1. supr. de concuss. Aduocatorum.* Videri igitur possit Valentinianus quoque Quadrupli poenam superexactioni imposuisse: cui locum esse voluerit hac l. Arcadii in præteritum: in posterum vero capitalem poenam sanxerit; *Capitis namque periculo Posthac cupiditas amouenda est, quæ prohibita toriens, in hisdem sceleribus perseuerat.* Quibus verbis omnino indicari videtur, poenam nunc a se intendi, nil proficiente superiorum Legum & in his Valentiniani disciplina. Atenim videri quoque possit Valentiniani lege capitalem poenam superexactionibus propositam fuisse: Atque adeo nulla temporis distinctione, hac l. eam confirmari, executionique tradi iuberi, quod certe verba eius, & series nihiloscilicet ferunt. Certe Valentiniano capitalis poena placuit, in specie *leg. 1. infra, ne damna prouincialibus:* aduersus concussionem Officialium. Quicquid huius sit, Valentiniani certe moribus lex illa conuenit: quem Ammianus *lib. 30. cap. 9.* scribit, in prouinciales admodum parcum fuisse, & *Tributorum ubique molliuisse sarcinas.* At enim sublata hac poena, reducta Dupli & Quadrupli poena a Leone *Nouella δι. περί τῶ πῶς δεῖ ζημιῶσαι τὴν διοικήσας ὑπερεκτένοντας τὰ τέλη*, tributorum exactores, si plus quam debeant exegerint, qua poena afficiantur. De Dupli poena est quoque in hac ipsa re *lex 2. Cod. Iust. ex quibus causis infamia:* cuius sententiam & lectionem vindicaui ad *l. 6. supr. de diuers. rescriptis.*

II. (a) Idem AA. Apollodoro Proconf. Afric.

QUID QUID ultra debitum elicatum fuerat, (b) eruatur: quod Prouinciæ restitui protinus oportebit. Dat. prid. Id. Mart. Stilicone & Aureliano Coss. [400.]

NOTAE.

(a) Interpolata; vt dixi, ad superiorem, hæc lex, l. vn. C. l. cod. tit. GOTHOF.

(b) Vocem hanc mox expendo. ID.

COMMENTARIUS.

HONORII e tribus in superexactores constitutionibus hæc vna est, & prima quidem omnium: posteriores hæc enim sunt, lex 3. prox. infr. & lex 20. supr. de exactionib. tit. prox. Sane vt hæc, ita & d. lex 20. ad Africam Proconsularem pertinet. Atenim hæc non superexactorum pœnam continet, sed provincialium tantum qui superexacti fuerunt, indemnitati consulit: Id enim hæcenus cauetur; Vt quicquid superexactum est, ex bonis superexactoris eruatur & Prouinciæ superexactæ protinus restituatur, quæ inanis non est constitutio; Ferme enim alioquin vt repetundarum, ita cupiditatis huius seu concussio-

nis & superexactionis iudicium ipsorum provincialium concussorum respectu inane esse solet, & vitrix prouincia plorat, quod Iuuenalis dixit Satyr. l. v. 50. Cæterum peculiaris quædam superexactorum inquisitio, & forte singularis cuiusdam personæ hac l. ibi, FVERAT, ERVATUR, indicatur; Denique ad proscripti alicuius historiam ea procul dubio pertinet, e cuius bonis quod ultra debitum elicatum fuerat, equi & provincialibus restitui iubetur, ultra debitum, id est, ultra tributi modum: de quo debiti significato consule Glossar.

III. (a) Impp. HONOR. & Theodos. AA. Cæciliano (b) PF. P. Post alia.

VEL VT licito committi, frequenti læsorum deploratione (c) didicimus, vt maioribus subiectis mensuris arque ponderibus graui possessor damno quatiatur: Iubemus, (d) vt cura & solertia Defensorum hoc fieri a Susceptoribus non sinant, deprehensosque ad Iudicium dirigant, cum ipso commissæ fraudis indicio (e) idem (f) fieri notum est: vt Prouincialibus nostris contestari iniurias suas cupientibus actorum confectio a Defensoribus, Ordinibus, Curatore & Magistraribus (g) denegetur: Idque gratia (h) tribuatur eorum, quos rationabiliter intellexerint arguendos: Quod ne accadat, nouerint cuncti Prouinciales, quotiens petitam sibi Actorum copiam a memoratis viderint denegari, querelæ propriæ libellum conscriptum, eo tenore quo fuerat, contestandum, in frequentioribus ciuitatum locis adfigendum conueniendosque Scribas, Tabularios, & cetera Officia publica commonenda, per quæ libellum colligi oportebit, arque inuitis supra memoratis personis sub Actorum confectioe ingeri; quorum quæstione (i) fides possit inquiri, quæ (k) probata in eos quos gestorum petitam confectioem negasse constiterit, vigor iudiciarius exeratur. Dat. XII. Kalen. Febr. Rau. Honorio VIII. & Theod. XII. AA. Coss. [409.]

NOTAE.

(a) Lex 9. seu pen. C. Inst. de defensoribus ciuitatum, hinc interpolata est: omissa inter alia hic priore huius l. sententia, velut historica: Iungenda autem illi est lex ult. infr. de fidei testimonio & lex 5. & vltim. de exhibendis reis, & lex vn. supr. ne pastoribus dentur filii nutriendi. l. ult. vt intra annum. Quinimo & lex ult. supr. de abolition. lex ult. supr. de maleficis: lex ult. supr. de custodia reor. Quin & lex 8. Cod. Inst. de defensoribus. GOTHOF.

(b) Cæcilianus PP. Italiae sub Honorio, v. Profopogr. ID.

(c) Comploratione, l. 6. infr. de nauiculariis: subclaminatione l. 4. supr. de exactionib. ID.

(d) Quare iubemus. ID.

(e) Indicium, id est, notoria, elogio, digmate. ID.

(f) Locus hic ita constituendus est: Indicium. Id etiam fieri notum est. Est enim hæc noua & secunda huius l. sententia, & quidem ab hoc titulo ferme aliena. Scriptum fuerat, Id enim: inde error, vel reponere, Item. ID.

(g) Similis Magistratuum series in d. l. 5. supr. de exhibendis reis. ID.

(h) Ferri quidem hoc potest; sed malum tamen, gratia: Vide interim legem 7. infr. de Censorib. ID.

(i) Huic sententiæ accedit d. lex ult. supr. de fidei testimonio. ID.

(k) Vt probata; qua fide scilicet. ID.

COMMENTARIVS.

HONORII altera hæc est *hoc titulo* in superexactionibus deque superexactionis & concussionis provincialium crimine constitutio A. D. 409. quæ quidem pars est prolixissimæ Honorianæ Constitutionis, de *Processu Criminali*, portio: vt docent nouem *leges* illæ, quas *huic* coniungendas esse iam in *Notis* dixi: Et sane, hac ipsa illius constitutionis parte, nihil aliud agit Honorius, quam vt ostendat modum, quo Accusatio superexactionis contestatioque iniuriarum institui, in contestationem deduci, ad Iudices deferri possit: Quandoquidem variis rationibus eueniebat, vt iniurias suas contestari, qui superexacti læsique fuerant, vel non auderent, vel non possent. De eo autem nominationem superexactionis genere *h. l.* agi obseruandum est, quo susceptores (de quibus erit peculiaris *titulus inf. lib. 12.*) *Mensuris & Ponderibus* maioribus subiectis graui damno collatores & provinciales adiciebant. Cui sane Susceptorum fraudi occurritur pariter tribus aliis *huius Cod.* constitutionibus, puta, *l. 19. 21. 32. d. tit. de susceptoribus*, & a Valentiniano III. *Nouella inter Theodosianas 25.* vt cæteroquin hæc res curam Principum sæpe meruit, de quo ad eas *leges* plenissime.

Duo itaque Remedia duobus malis, quæ hoc tempore precrebuerant, opponit *hac leg.* Honorius Imp. Et illi quidem quod diximus de Maioribus mensuris & ponderibus subiectis, istud opponit: Iniungit scilicet, *Defensoribus* ciuitatum hanc curam & sollicitudinem, vt deprehensos superexactiones, qui maioribus mensuris atque ponderibus possessores damno affecerint, ad Iudices dirigant cum indicio fraudis commissæ: quod relatum est in *leg. pen. Cod. Iust. de defens. ciuit.* Vt cæteroquin propria hæc *defensorum* cura fuit, plebem ab improbitatibus insolentium vindicare, ac nominationem a Susceptorum improbitate: de quibus ideo *Defensoribus*, constitutione sua, vnde hæc *lex* desumpta est, multa hanc in rem cauit: præter hanc *legem, l. 5. supr. de exhib. reis: & l. 8. Cod. Iust. de defens. ciuit.* Deque his vide plenissimum *Paratitlon tituli, de defens. ciuit.* Vindicare, inquam, non quidem vt ipsi puarent, verum vt puniendos Iudicibus sisterent, vt iuxta *hanc leg.* docet *d. lex 5. supr. de exhibend. reis*; quæ *huic* inter alias iungenda est; *lex 2. supr. de defens. ciuit. lex 12. infr. de paganis*: misso vna elogio seu notoria, id est, criminis qualitate & probatione, quod hic *Indicium commissæ fraudis* vocatur; de qua voce vide *Glossarium*.

Alterum remedium, non iam exactorum concussionibus, vel superexactionibus tantum, verum quibuscunque iniuriis oppositum, istud est; quod iniuriam seu concussionem passis instituendæ eo nomine accusationis modum præscribit Honorius; puta vt concussi, iniuriamve passi, contestentur suas iniurias apud Defensores, Ordines, (id est, Curias Municipiorum) Curatores & Magistratus, id est, Duum-viros, quibus iidem & cæteroquin Rei passim offerebantur, & actis municipalibus tradebantur, *d. l. 5. supr. de exhib. reis*, (quæ *huic*, vt dixi, inter cæteras iungenda est: vid. & *leg. vn. supr. si quacunq. præd. pot.* & in vniuersum testationes apud eorum acta fiebant, vt docet præter hanc, *lex 2. infr. de Canone frum. V. R. lex 5. infr. de repar. appell.* de quo plene ad *leg. 20. infr. de Decurion.* Tralatitium igitur id iam fuit, id quod *hac ipsa leg.* indicatur. Et sane id *hac leg.* non primum constituitur, sed memoratur; imo & ideo memoratur, vt his deficientibus & reculantibus contestantibus iniurias suas actorum copiam facere, alio Remedio læsis consultum esse possit; eo quod gratiæ reorum sæpe tribuentes iniurias suas contestantibus, vel contestari cupientibus actorum seu gestorum petitam confectionem denegarent. Remedium igitur *hac leg.* Tertium tale est: scilicet definitur, actorum copia a prædictis denegata, libello publice affixo in frequentioribus ciuitatum locis, læsos iniuriam suam contestari posse, atque libellum collectum actis inferi a Scribis, Tabulariis, & cæteris officiis publicis.

Et hæc quidem est *huius leg.* sententia, quæ singularis admodum est, velut triplicem iniuriæ & concussionis vindicandæ vel saltem contestandæ *p. 16.* modum continens: & quidem postrema hæc, per libellum publice affixum: vbi & hoc Quartum singulare, quod colligi hunc libellum velit a Scribis, Tabulariis, & cæteris Officiis publicis: Deim ab iis inuitis, superioribus actis inferi, vt ita postea & Scribarum, Tabulariorum, & Officiorum illorum publicorum quæstione fides veri inquiratur: & illi, qui actorum confectionem denegarunt, puniantur. Vnde inter alia discimus de Scribis & Tabulariis, eos inter Officia publica fuisse, eos circa Acta versatos; denique eos Conditionales fuisse, & quæstioni subiectos ad fidem Veri quærendam, de quo suo titulo *sup. lib. 8. tit. 2.* Nisi *Quæstionis* vocem *hic*, pro inquisitione accipiamus,

DE DISTRAHENDIS PIGNORIBVS, QVÆ TRIBVTORVM CAUSA TENENTVR.

TITVLVS IX.

LIB. X. COD. IVST. TIT. XXI.

De Capiendis & distrahendis pignoribus tributorum causa.

Huic Titulo affinis est Titulus XVIII. lib. X. *sup. de fide & iure hactæ*: quem consule. Addatur *lex 3. 4. 7. 16. sup. de exactionibus*: *lex 1. sup. de pignoribus*.

PARATITLON.

PIGNORA *Rubr. l. 7. sup. de exactionib.* (id est res *l. 4. d. t.* quæcunque res, *l. 1. de off. iud. omn. res & substantia l. 3. sup. de exaction.* puta prædia *l. 16. in f. sup. de exaction.* seu fundi *l. 2. b. t.* domus *l. 1. de officio iudic. omn. mancipia l. 1. 2. b. t.*) provincialium *l. 1. b. t.* qui fiscalibus debitis per contumaciam satisfacere differebant *d. l. 4. de exaction.* qui impudenter solutionem differebant *d. l. 16. de exaction.* ob cessationem tributorum *l. 2. b. t.* a Iudicibus *d. l. 3. 7. de exaction.* Iudicum iussu *l. 2. b. t.* capiebantur (vnde pignorum caprio, *d. l. 7. de exaction.* & *l. 2. b. t.*) occupabantur *l. 2. b. t.* Mox conuento debitore & apud Iudicem interpellato *l. 2. b. t.* duorum mensium spatium transacto, quod dominis indulgebatur ad soluenda tributa *l. 1. b. t.* si solutio cessasset *l. 2. b. t.* distrahebantur, *Rubr. & d. l. 4. de exaction.* sub hasta *d. l. 2. b. t.* (v. tit. *de fide & iure hactæ sup.*) quibuscunque *l. 1. b. t.* ciuibus *l. 3. sup. de exactionib.* comparatoribus data firmitate perperua possidendi, *d. l. 4. de exaction.* & *l. 2. b. t.* Excipiuntur seruī aratores aut boues aratorii, qui etiam in tributorum causis, pignoris causa de possessionibus abstrahi non poterant, *l. 1. sup. de pignoribus*.

I. (a) Imp. CONSTANTINVS. A. * (b)

QVONIAM decessoris tui litteræ, missæ ad Proculianum Tribunum (c) & Magistrum Officiorum, continent, *Quorundam Prouincialium mancipia (d) abducta pro pignore sub Officio (e) retineri, eo quod Vestes (f) canonicas, (g) vel Equos (h) minime intulerunt, atque hæc mancipia, neque dominos solutis debitis recepisse, neque alios comparasse, veritos ne hæc rescinderetur distractio, iubemus, duorum mensium spatium ad soluenda debita (i) mancipiorum dominis indulgeri: quo transactionis (k) debita fuerint persoluta, firmiter mancipia comparabunt quicunque ad emptionem accesserint.* PP. Prid. Kal. Ian. Castulone, (l) Seuero & Rufino Coss. [323.]

P. 87.

NOTAE.

- (a) Abest hæc *lex* a *Cod. Inst.* velut historica ferme. GOTHOFR.
- (b) Rectori Baticæ *hanc l.* inscriptam fuisse oportet, pariter vt *lex 2. inf.* mox vt ostendam: cuius etiam Decessorem in eo Præsidatu memorat *hæc ipsa lege. ID.*
- (c) *Tribunus & Magister officiorum, b. l. & similiter lege 1. inf. de paganis*: quæ eiusdem Constantini M. est, decem plura mox, & ad *d. leg. 1. ID.*
- (d) Non tamen instrumenta aratoria, *l. 1. sup. de pignor.* quæ & ipsa Constantini M. est. *ID.*
- (e) Officiales Rectoris Baticæ nota. *ID.*
- (f) Vide & *l. 2. prox. inf. ID.*
- (g) *Canonica*, id est quæ tributi nomine solemniter præstantur: v. *Glossar. ID.*
- (h) Vide & de equis Hispanicis, *legem 1. inf. de equis curulibus.* De *Equorum* collatione, *suis titulis. ID.*
- (i) *Debita* hic & infra rursus, bis pro tributorum debitis: v. *Gloss. ID.*
- (k) *q. Quo transactio, nisi debita, &c. ID.*
- (l) De hac *Urbe* mox dicam. *ID.*

COMMENTARIVS.

DISTRACTIONI pignorum (veluti mancipiorum seu seruorum) quæ ob tributa, puta vestes, iumenta seu Equos non soluta, capta fuerunt & abducta ab Officialibus (de qua pignorum capione fuerunt quoque *lex 3. 4. 7. 16. sup. de exactionib. lex 1. sup. de pignorib. e quibus d. lex 1. & dd. leges 3. & 4. eiusdem Constantini M. sunt*) certam formam *hac l. præscribit Constantinus M. ad relationem Præsidis Bæticæ (de quo mox) Duplici fine: partim, ne tributarii ipsi temere, etsi ob tributa non soluta, rebus suis pignori captis priuarentur: tum etiam, vt ad huiusmodi pignorum emptionem alii tuto & intrepide accederent; cui vitrique hæcenus per Bæticam Hispaniæ provinciam (nam eo *hanc l. pertinere mox ostendam*) non recte prospectum fuerat. Formam igitur hanc proponit: Ad primum scil. finem, LAXAMENTVM duorum mensium dominis tribuit post pignora capta, ad ea luenda, soluendaque quæ diximus tributa: Pignora igitur Constantinus ob tributa illa non soluta illico quidem capi; at non & illico distrahi voluit; quin bimestre adhuc tempus ad ea luenda dominis tribuit. Non tam facile scilicet bonis, ac nominatim in specie *huius leg. seruus suis, miseris tributarios exui voluit Constantinus M. quos sæpe non tam contumacia, quam rei familiaris tenuitate tributa illa morari contingeret. πρὸς πρὸς δαλψω* igitur & ad conficiendam pecuniam, vel species corrogandas, bimestre spatium & tempus tribuendum, credidit. Eodemque pertinet conuentio illa *debitoris & apud Iudicem interpellatio, quam l. proxima inf. Constantini M. filius per eandem Bæticam requirit. Huic vero laxamento bimestri non absimile est illud, de quo agitur l. vn. sup. de usuris rei iudic. & l. 31. in f. D. de re iudic. & in ipsa lege XII. Tabularum, tab. 3.**

Illud cum primis obseruandum, Constantinum *h. l. hoc bimestre laxamentum πρὸς vestium & Equorum debitoribus tribuere, at non etiam specierum annoniarum & fiscalium: de quibus est quoque Constantini M. filii constitutio illa prox. 2. inf. vbi dicam plenius. Ad posteriorem finem assequendum, vt *hac l. ita & l. prox. inf. & l. 1. sup. de fide & iure hæstæ, id est, ad emptores prouocandos, id constituitur, emptionem perpetuam firmitatem habituram, sic vt distractio ea rescindi non possit. Perpetui scil. domini spes, emptioni pro telo est: de quo paulo plenius ad leg. prox. inf.**

Nunc ad historica *huius l.* Primo notandum *hanc l. pariter vt lex prox. inf. pertinere ad Bæticam Hispaniæ provinciam, quod ostendit illius subscriptio, PP. Castulonæ. Castulo scil. in Oretanis, teste Ptolomæo & Stephano, in provincia Bætica fuit ad Bætin fluium, magna iam olim ciuitas, de qua vide Liuium lib. 24. c. 41. & Silium Punicor. lib. 3. v. 99. & v. 391. & Plinium lib. 3. cap. 3. Cuius Episcopus, paulo post hanc l. Anianus Concilio Sardicensi interfuit; hodie Calsona vocatur, de qua vide sis Nonii Hispaniam cap. 64. cuius obseruationibus hæc nostra deinceps ex hac l. accedat, eam videl. Bætice metropolim fuisse, atque inibi Rectorem sedem suam habuisse. Neque*

temere est, quod Antoninus in Itinerario a Castulone & in eam itinera designet *pag. 402. 404. edit. Wesseling.* His duabus obseruationibus Hispaniam spectantibus accedat *ex hac l. tertia, partim & ex leg. prox. inf. Vestes & Equos Hispaniam, ac nominatim Bæticam, contulisse; quo utroque scil. Hispania nobilis fuit. De equis Hispanis & eorum nobilitate plene dicam ad l. 1. inf. de equis curulibus, vbi pariter equi Hispani sanguinis memorantur. Claudianus quoque panegy. in Manlii Theodori Cos. de ludis curulibus Consularibus agens v. 283. seqq.*

*Illustret Circum sonipes, quicumque superbo
Persstrepit hinnitu ВѢТИМ, qui splendida
potat*

Stagna Tagi, madidoque iubar aspergitur auro.

De Vestibus seu vestium collatione fidem facit pariter *lex prox. inf. De utroque est & hic veteris Geographi (qui xx. circiter annis post hanc leg. scribebat sub Constantio & Constante Imp. quem edidimus ipsi) locus, vt inepti Interpretis verba habent; c. 50. Deinde ad Gallia Spania, terra lata & maxima, & diues viris doctis, in omnibus negotiis: quorum ex parte dicimus: Oleum enim, & liquamen, & VESTEM variam, & lardum, & IVMENTA mittens omni mundo sufficiens, omnia bona possidens, & præcipua in omnibus bonis. De lana & lacernis Bætice res nota: de quibus Strabo, Plinius, Martialis, Tertullianus de Pallio. De Equorum alioquin in commune collatione erit hoc ipso libro peculiaris titulus inf. XVII. & titulus XVIII. Qui a prabitione tironum & equorum excusentur. Fuit & Titulus, de oblatione equorum, penult. lib. VII. Vt & vestium collatione tit. VI. de militari veste, eod. libro.*

Secundo *hac l. obseruandum, De Tribuno & Magistro officiorum: Constantini M. seculo ad eum de præcipuis quibusque, quæ ad scientiam Principis perferenda essent, a magistratibus tum Urbicis, tum provincialibus, literas mitti solitas; sub quo etiam serinia Epistolarum erant. Quod altera quoque lege Constantini M. hoc Codice confirmatur, l. 1. inf. de paganis; quæ Maximo P. V. inscribitur. Idemque deinceps factitatum ostendunt dux Symmachi epistolæ lib. 10. puta ep. 37. & 57. Et sic per officiorum Magistrum res Principi innotescebant, vt in sp. d. l. 1. & huiusce leg. Quare & hæc lex a Constantino lata ad indicium Magistris Officiorum.*

Notandum & illud Tertio loco, *hac leg. ita pariter d. l. 1. inf. de Paganis: Tribunum & Magistrum officiorum dici. Nempe Tribuni nomen hoc æuo Magistro officiorum conueniebat, quod ex his duabus eiusdem Constantini legibus discimus. Quo tempore scil. Illustres nondum fuisse, certe Magistris officiorum Illustribus nondum accensebantur, quod diu post factum, de quo ad l. 1. inf. de Quæstorib. Magistris officiorum. Antea quippe Spectabiles erant, & Proconsulibus minores, mox illistantum maiores; l. 22. de cursu publ. & d. l. 1. de Quæstorib. &c. vbi dixi. Quare crassus error est Gutherii lib. 3. de off. domus Augustæ*

c. 10. Qui Tribuni nomen Magistro officiorum nullo modo conuenire posse prodidit: atque ideo in hac l. duas dignitates diuerfas indicari, Tribuni scil. quam Proculianus, gessit, & Magistri officiorum, qui non nominetur: vt ita, &, dictio hic disiunctiua sit, non copulatiua. Qui & illud ignorauit, non tantum hac l. Sed & d. l. i. Tri-

buni & Magistri officiorum mentionem fieri. Tribunitia dignitas hoc æuo erat, quæ & aliis quam militaribus tribuebatur: sed tamen militaribus proximis: Certe & hoc æuo Tribuni & Notarii coniunctis titulis dicebantur: de quo ad l. 2. sup. de Primicerio & Notariis.

II. (a) Imp. CONSTANTIVS (b) A. ad Egnatium Faustinum (c) Præsidem Beticæ.

SI quis fundum, vel mancipia, (d) ob cessationem tributorum, vel etiam ob Vestium, (e) Auri, argentique debitum, quæ annua exactione soluuntur, occupata, conuen- to (f) debitore, & aput Iudicem interpellatione celebrata, cum solutio cessauerit, sub hasta (g) distracta comparauerit, perpetuam emptionis accipiat firmitatem: Cum (h) si Minoris forte persona fuerit inserta, necesse sit, quempiam (i) legitimæ defensionis indiguisse persona: Præsertim, (*) cum, ad iuris etiam præsentis & veteris æquitatem, illud quoque indulgendum esse ducamus, vt scilicet, par conditio, etiam in hac pignorum capione, seruetur, quæ ob fiscale debitum fuerint occupata: Nihilque interfit, vtrumne Officium summæ rei, (k) vel Procuratoris, an certe Rector (l) Prouinciæ id quod debitum fuerit, deleget, (m) si etiam in hac (n) debitores forte cessauerint, conditione (o) iuris expressa. Dat. Prid. Id. Decemb. Feliciano & Titiano Coss. [337.]

N O T A E.

- (a) *Lex ult. C. Iust. si propter publicas pensiones venditio fuerit celebrata*, hinc interpolata est. GOTHOFR.
- (b) *vg. CONSTANTINVS*, quomodo etiam in *Cod. Iust.* habetur; non tamen Constantinus M. sed *Constantinus Iun.* de quo mox. *ID.*
- (c) *Egnatius Faustinus* Præses Beticæ sub Constantino Iuniore. *ID.*
- (d) Pariter vt in specie *legis 1. sup.* Additum autem in *C. Iust.* hic, *aliæve rem. ID.*
- (e) De hac *Vestium* collatione & quidem in Hispania Bética, iam dixi ad l. *superiorem. ID.*
- (f) De hoc iam dicere anteuerti ad l. *superiorem. ID.*
- (g) Vide *tit. de fide & iure hasta, sup. ID.*
- (h) *Si autem minoris*, ita *Cod. Iust. ID.*
- (i) *Legitimæ defensionis venditioni personam adesse*, ita *Cod. Iust.* Hic vero ita reponam: *Quampiam legitimæ defensionis interuenisse personam*, vel *quempiam &c. interuenisse persona*: de quo mox plura. *ID.*
- (*) Hæc sententia vsque ad, *nihilque interfit*, a *Cod. Iust.* abest. *ID.*
- (k) *Summæ rei Procuratoris*, ita *C. Iust.* omissa voce, vel, de quo mox. *ID.*
- (l) *Rectoris Prouinciæ id*, ita *Cod. Iust. ID.*
- (m) *Proposueris*: ita *C. Iust.* coteris resecatis, *Deleget* autem, id est exigendum committat: nam hoc sibi vult delegandi, delegationis & delegatoris vox: v. *Gloss.* & interim *legem 16. supra de exactionibus. ID.*
- (n) *vg. In hoc*, scil. fiscali debito. *ID.*
- (o) Id est eadem conditione quam superius expressimus, id est interpellationis solemnæ apud Iudicem, & sub hasta quoque distractionis: nisi malit quis hic *conuentione iuris expressa. ID.*

C O M M E N T A R I V S.

DE FORMA distrahendorum pignorum, quæ tributorum & fiscalium debitorum causa capiuntur, ne temere & abrupte vendantur, est hæc pariter Constantini Iunioris constitutio: *Constantini*, inquam, *Iunioris*, non Constantini M. qui tempore huius legis iam decesserat, ante septem ferme menses, de quo vide *Confularia Theodosiana*: Non etiam *Constantii*; Constantino quippe Iuniori Arelatensi, non Constantio in diuisione Imperii Hispaniæ cesserant, ad quarum prouinciæ Beticam hæc lex pertinet. Quod cum aliunde notum sit, illud tantum hæcenus nouum addere iuuat, quod docet Incerti *Monodia* in hunc Constantinum Iun. quam ex Bibliotheca Palatina cum euifsem, Federico Morello

viro Clarissimo & eruditissimo communicauit, communicatam ipse edidit: Nempe Constantinum hunc Iun. Arelatensem ex *Hispania* sponsam sibi despondisse eo ipso tempore, quo aduersus fratrem Constantem profectus, apud Aquileiam mox interemptus est, id est quadriennio post hanc leg. Vide eam *Monodiam pag. 13. & 14.*

Formam igitur distractionis isti pignorum præscribit eodem fine, quo Constantinus Pater l. 1. sup. hanc, vt videlicet pignora non ante distraherentur, licet iam capta, quam debitore conuenito & apud Iudicem interpellatione celebrata, & tum eo in solutione cessante; quam *conditionem iuris* mox *sine legis* vocat; nisi *conuentionis* vox ibi substituta: adeo quidem, vt hanc *iuris veteris æquitatem*

tatem vocet; & sic, id etiam ante hanc legem obtinuisse indicet, quod ipse in præsens confirmet. Et *aquitatis* & *indulgenti* verbo rationem indicat, quam *superiori lege* iam satis expendimus. Et hæc quidem in genere.

Atenim Constantinus Iun. duo iam specialia ad iuris illius præsentis & veteris æquitatem adiungit seu constituit. Primum est, hoc ius in omnis generis publicis debitis obtinere oportere; non tantum scilicet in vestium, auri, argenti debito, verum etiam in *fiscalibus* debitis & tributis, id est in speciebus annonariis, veluti oleo, liquamine, lardo, (quas species Hispaniam contulisse mox ostendam.) Quæ magna est Constantini Iun. indulgentia, maior paterna, l. i. sup. quod etiam duabus postremis huius leg. sententiis indicatur. Indulgentia quippe siue laxamentum a Constantino M. tributum, non nisi vestium & equorum collationem respiciebat, quæ utique modicam dilationem facile admitterent: At non etiam solemnem annonariorum specierum collationem, quæ nullam dilationem aut moram pati videbantur: At enim hæc Constantini Iun. indulgentia eo quoque nunc porrigitur.

Alterum singulare est, ut si de Minorum pignoribus & rebus, ob cessationem tributorum distrahendis agatur, necesse sit, *Quampiam legitimæ defensionis interuenire personam*: quod utique singulare est; Nam etsi ubi de priuato iure agitur, reque priuata, necesse sit legitimam defensoris personam interuenisse, eique denunciationem & conuentionem factam, de quo vide l. i. sup. de Carboniano Edict. l. ult. sup. unde vi: Atenim in publicis longe aliud obseruandum videbatur. Sed enim hac parte idem ius tribuit minoribus Constantinus Iun. Sane Valentinianus Sen. postea constitutione ad Viuentium P. P. Galliarum (sub cuius dispositione Hispaniæ quoque fuerunt) puta l. i. sup. de fide & iure hæstæ. Minoribus quorum res ob cessationem tributorum venditæ sunt, simpliciter repetitionis facultatem ademit. Et hæc de ipsa legis sententia.

Nunc singularia sectemur: Primum obseruari cupio *tributorum* & *fiscalis debiti* appellatione proprie venire annonarias species, & quæ prodiga in annonario titulo dicuntur, d. l. i. sup. de fide & iure hæstæ. Secundo de *Officio summæ rei* videntum est, quod etiam a Procuratore hac constitutione separatur: Perperam enim in Cod. Iust. ea commiscetur: quod etiam Cuiacio fraudi fuit VIII. Obseru. 32. quasi *officium summæ rei*, & *officium Procuratoris*, hic idem sint: cum tamen omnino differant: ut differunt *Rationalis summarum*, & *Procurator vel Rationalis rei priuata*. Hos enim in Notitia Imperii Occidentalis sub dispositione Comitum S. L. fol. 140. distingui videmus, ut & sub dispositione Comitum R. P. fol. 144. ubi inter alia *Rationalis summarum HISPANIÆ*, & *Rationalis rei priuata per HISPANIAS* memorantur. Et vero lex hæc pertinet ad hos Rationales & Procuratores Hispaniæ: quibus alioquin etiam *Rationali-*

bus Hispaniarum inscribitur Constantini M. lex vn. sup. de his qui se deferunt. Summa autem rei, hic, ut & l. 7. Cod. Iust. ubi causæ fiscales: quæ & ipsa est Constantini M. pro *summarum*, positum: quomodo alioquin & in inscriptione legis 7. sup. de iure fisci: & in Notitia Imperii dicitur: Quomodo & Actor *Summarum* dicitur apud Suetonium Domitiano, c. 11. & DISPENSATOR SYMMARVM in veteri lapide apud Gruterum MXIV. 1. Neque ideo tamen hic illud *summæ rei* mutandum. Exstat & vetus Inscriptio apud Gruterum CCLXXXII. 6. quam Cuiacius loc. cit. quoque eduxit; in qua VAL. HONORATVS. V. P. RAT. S. R. dicitur: ubi Scaliger has notas RAT. S. R. interpretatus in Indice suo (qui Corporis veterum inscriptionum anima est) *Rationalis sacrarum remunerationum*: cui fauere videtur lex 20. sup. de Palatinis S. L. & l. 41. inf. de appellat. ubi Comes sacrarum Remunerationum, & Palatini sacrarum Remunerationum nominantur. Ipse tamen malim *Rationalem summæ rei* interpretari; quandoquidem etiam sacræ remunerationes designandæ fuissent geminis SS. & RR. ita RAT. SS. RR. Inscriptionem hic apponere iuuat, ideo quoque, quod in hæc ipsa tempora incidit.

PIISSIMO AC FORTISSIMO
FVNDATORI PACIS
AC PVBLICAE
LIBERTATIS
AVCTORI
D. N. FLAVIO VAL.
CONSTANTINO
NOBILISSIMO CAES
VAL. HONORATVS V. P.
RAT. S. R. D. N. M. Q. EIVS

Huc quoque iam olim referebat Cuiacius quod de Aurelio Cyrenio in Gallieni non rescripto, verum Edicto apud Eusebium lib. 7. hystor. Eccles. c. 13. dicitur, ὁ τῶ μεγίστῃ πρᾶγματι περὶ αὐτῶν. Quod & ipsum doctiss. Valefius nuper probauit in excerptis p. 112. Sed Eusebius infeliciter voces illas *summæ rei* expressit per hæc τῶ μεγίστῃ πρᾶγματι; Summa enim rei, est summa pecuniæ καθόλου λόγος, ratiocinium omnium pecuniarum: quomodo & Dioni in Excerptis Valefianis pag. 769. Aurelius Eubulus dicitur τῶ καθόλου λόγῳ ἐπιτετραμμένος: & in commune Rationales Græcis καθολικοὶ dicti apud Auctorem vitæ Constantini lib. 4. c. 36. Athanasium ep. ad solitar. vitam agentes pag. 847. & pag. 849. edit. Colon. siu. Lips. apud Weidm. & in Glossar. Philoxeni: & Officiales eorum Catholiciani: Vid. Glossar. Basil. voc. Ραθιοαλῆς. (a) Denique *summa* hic non adiectiuo significato, quasi *μεγίστη*, sed substantiuo significato: est scilicet *summa ποσότης, κεφάλαιον, καθ' ὅλην, summa rei*, ut summa curæ, Reipublicæ, naturæ, voti, miraculi, imperii, victoriæ, rerum, & similia: quomodo & Præfecto Prætorio *summa rerum* ple-

plenior & plurali iam significatu commissa hoc ipso tempore dicitur. Ceterum quia duo substantia duriuscule coniunguntur, *Officium*, vel *Rationalis summa rei*, ideo alibi *Rationalis summarum* dicitur. Errant enim qui hæc duo distinguunt, quasi *Rationalis summa rei* fuerit generalis, *summarum* vero particularis: ille καθολικός, hic κεφαλαιός: ubi & alter error est: idem quippe sunt in *Basilicis κεφαλαιον* & καθόλου, nempe *ratio summa*. Tandem hic *summa rei*, *Res* pro facultatibus seu opibus. Et hactenus quidem de *Officio summa rei*, & de *Procuratoribus*, & quomodo ab inuicem differant. De utrisque ex *sine leg.* discimus, virosque exactioni præfuisse rerum priuatæ rei debitarum, veluti vestium, auri, argenti: Rectores vero prouinciarum, fiscalium debitorum, annonarum.

Superfunt sublegenda ex *hac l.* quæ *HISPANIAM* spectant. Primo *Baticam* Præsidem suum hoc tempore habuisse notandum est: cum tamen postea Consularem habere cœperit, & sic dignatione aucta fuerit, quod docet *lex 3. sup. de bonis proscriptor.* iam sub Constantio; sub Valentiniano, ut testatur *Rufus Festus in breuiario cap. 5.* sub Theodosio Iun. ut testatur *Notitia Imperii fol. 156.* Quare vetus Inscriptio, in qua *Consularis Batica* memoratur, ad Constantini M. tempora referri non potest, verum ad Constantium Iun. qui procul dubio paulo post *hanc leg.* Consularem ex Præfidali fecerit. Inscriptio ita habet *Cordubæ*, apud Gruterum CCLXXXIII. 8.

FORTISS. ET. INDVLGENTISS
PRINCIPI. DOMINO. NOSTRO
CONSTANTINO. VICTORI
PERPETVO. SEMPER. AVGVSTO
DECIMVS. GEMINIANVS
VIR. CLARISS. CONSVLARIS
PROVINCIAE. BAETICAE
N. M. Q. E.
D I C A T I S S I M V S

Nisi *Constantii* nomen in hac Inscriptioe aut expressum aut exprimi oportuisse putemus. Secundo de fiscalibus & annonariis speciebus, præter Vestes, (de quibus ad *l. superiorem*) præter aurum & argentum, quæ Hispania conferebat, Anonymi Geographi, qui sub Constantio & Constante scripsit, octo ferine annis post *hanc l.* hic locus occurrit. Deinde ad *Gallia Spania* terra lata & maxima, & diues viris doctis in omnibus negotiis: quorum ex parte dicimus. *OLEVM* enim, & *LIQVAMEN*, & *vestem variam*, & *LARDVM*, & iumenta mittens omni mundo sufficiens, omnia bona possidens, & præcipua in omnibus bonis. Insuper autem & *SPARTI* virtutem omni terræ præstans, videtur quidem necessaria apud multos, quoniam omne nauium genus saluat, & per ipsum quamprimum omnem negotium videtur: apud multos autem debilis esse videtur. Postremo de *Rationalibus Summæ rei* & *Procuratoribus* per Hispanias, de quibus *sine huius legis* agitur, iam modo dixi.



NE OPERÆ () A CONLATORIBVS EXIGANTVR. TITVLVS. X.

LIB. X. COD. IVST. TIT. XXIV.

(*) CORVÉES, Bobades, ou Vouades, & Vinades.

P A R A T I T L O N.

OPERÆ, *Rubr. l. 1. 2. b. t. l. 4. 15. inf. de extraordinar.* obsequium, *l. 1. 2. b. t.* ad prosecutionem equorum vel diuersorum (id est rerum aliarum & diuersarum, *l. 2. b. t.*) cum animalia, quibus prosecutio debetur, aduenerint, *l. 1. b. t.* quoties Collegiati numero impares sunt, *l. 1. 2. b. t.* Collegiati, id est, qui prosecutionis officio funguntur, *l. 2. b. t.* impares, inquam, puta maiore animalium numero repente veniente, *d. l. 2. b. t.* a conlatoribus, *Rubr. b. t.* prouincialibus, *l. 1. 2. b. t.* rusticis *l. 1. inf. b. t.* agricolis, *l. 4. inf. de extraordin.* exigi, *Rubr. b. t.* expeti, *l. 1. b. t.* (vnde operarum præbitio, *l. 1. b. t.* non oportet. Ne videlicet ipsas vrbes perdat abductio rusticorum [ab opere rustico] *l. 1. b. t.* Verum ab otiosis, *l. 1. b. t.* id est ab iis, qui caupona, propola, tabernaria lucrum familiare sectantur *l. 1. b. t.* a tabernariis oppidorum, *l. 2. b. t.* In pontium instauratione, reformatione, aliud vid. *l. 2. inf. b. t.*

I. (a) Imppp. VALENTINIANVS, Valens & Gratianus AAA. ad Viuentium PP. P. (b)

OPERARVM præbitionem, quæ incire a Prouincialibus (c) hætenus expetita est, Sinceritas Tua cessare præcipiat. Nullum autem qui Caupona, vel Propola, vel Tabernaria lucrum familiare sectetur, (d) cum animalia quibus prosecutio debeat, (e) aduenerint, si Collegiati (f) numero inpaes videbuntur, (g) ab (h) hoc obsequio esse patiatur: *Melius enim est, ut otiosorum sit ista sedulitas, quam ipsas quoque perdat vrbes tristis abductio Rusticorum.* Dat. x. Kalend. Mart. Treu. Valentiniano NB. P. & Victore Coss. [369.]

P. 91.

NOTAE.

- (a) *Lex vn. Cod. Inst. cod. tit.* Primam tantum huius l. sententiam vsque ad *Nullum autem*, continet, resecatis cæteris. GOHTOFER.
 (b) *Viuentius PP.* Galliarum scil. sub Valentiniano Sen. V. *Propogr.* & Ammianum Marcellinum. *ID.*
 (c) Id est, rusticis, ut *sine leg. ID.*
 (d) *Seclatur. ID.*
 (e) *Debetur. ID.*
 (f) De Collegiatis, *inf. tit. 7. lib. 14. ID.*
 (g) *Videbuntur*, pro erunt. v. *Gloss. Theod. ID.*
 (h) *Optus*: cui similis in eodem ferme argumento l. 10. *inf. de Episcop. & Cler.* Ab hominibus etiam eorum, qui mercimoniis student, cuncta dispendia esse sancimus: vbi vide quæ notauimus plura. *ID.*

COMMENTARIVS.

VALENTINIANI Sen. hæc constitutio est, data ad Viuentium PP. Galliarum, de operis, & nominatim quidem ad prosecutionem animalium, id est equorum, a prouincialibus non exigendis. Ad equorum, inquam, prosecutionem, qui proculdubio ad vsum militarem hoc tempore conferebantur, & transferebantur ex Hispania in Gallias, vbi hoc tempore Valentinianus consistebat, bello aduersus Alemannos illigatus: de quo vide Ammianum Marcellinum lib. 28. cap. 2. & *Consularia Theodos. huius Anni.* Quare, cum ad istius belli apparatus maiore animalium seu equorum numero iam opus esset, quo vsum armorum instrueretur; & vero magno numero repente aduenerint, vsum Valentiniano prouincialium seu rusticorum subleuandorum studiosissimo, eos operarum istarum præbitione seu prosecutione liberare. Vbi Operarum præbitio, non est præbitio domus forte, vel iumenti vel nauigii, vel vehicularum, curruumve, aut alimoniarum, vt male Amaya hic, qui omnia commiscet, & in vnam lancem omnia promiscue congerit; sed nudarum operarum præbitio hic indicitur, & ministerium, ut vocatur *leg. 1. Cod. Inst. ne rusticani*: obsequium, sedulitas, ut *hac l.* vocantur, per quæ rustici abducuntur ad prosecutionem Equorum, ad quas operas hætenus illicite per Gallias adigebantur, Collegiatis videlicet ad id non sufficientibus, numeroque animalium ipsis numero imparibus. Erant scilicet in prouinciis certa Corpora & Collegia destinata prosecutionibus rerum fiscalium, vel ad vsum Principis, vel in vsum armorum & militiarum: quorum fit rursum mentio, l. 2. *prox. inf.* & l. 2. *sup. de tractoriis & statuiis*: & l. 47. *sup. de cursu publ.* De auri nominatim publici prosecutoribus erit titulus VIII. lib. XII. Fit alioquin & apud Symmachum mentio lib. 5. ep. 56. Prosecutorum, qui equos, sed priuatos, prosequiebantur.

Igitur Prouinciales seu rusticos hac operarum & prosecutionis sarcina atteri vetat Valentinianus *hac l.* Ne, inquit, ipsas quoque perdat vrbes tri-

stis abductio rusticorum: quæ ratio iustissima est: ac maxime si in id tempus operarum præbitio, seu animalium prosecutio incidat, ut hæc *lex* incidit, quo iam rationibus agricola insistere debet; cui concordat *lex 4. inf. de extraordin. muner.* vid. & ea, de quibus ad *leg. 1. sup. de pignoribus*: & titulum *Cod. Inst. ut rusticani ad nullum obsequium deuocentur.*

Quid igitur? Caupones, Propolas, Tabernarios eo adigi iubet Valentinianus, otiosam videlicet hominum turbam: *Melius est*, inquit, *ut otiosorum sit ista sedulitas*, &c.

Et hæc quidem ita nunc Valentinianus, & quidem per Gallias. Postea enim illicita hæc operarum istarum a rusticis exactio, magnorum sæpe per Gallias tumultuum fomes fuit, quod ut de Bagaudarum tumultu iam notum est: ita illud hætenus ignoratur, *legem 1. C. Inst. ne rusticani ad vllum obsequium deuocentur*, ad illum ipsum Bagaudarum tumultum pertinere: Est enim ea *lex* Diocletiani & Maximiani ad Carausium; sic enim legendum, non *Carisium*. Quem sane Carausium ciuem Menapiz Bagaudico illo bello factis promptioribus enituisse scribit Aurel. Victor Schotti cap. 39. Lex illa ita habet: *Exemplum literarum Diocletiani & Maximiani AA. AD CARISIVM. Ne quis ex RVSTICANA plebe, quæ extra muros posita capitationem suam detulerit, & annonam congruam præstat, ad vllum aliud OBSEQUIVM deuocetur, neque a Rationali nostrorum fiscalium vel EQVORVM MINISTERIVM subire cogatur.* Cum hac leg. nunc componatur Victoris locus de *Cesar. c. 39.* Diocletianus, inquit, *vbi comperit Carini discessu Helianum Amandumque per Galliam excita manu AGRESTIVM ac latronum, quos Bagaudas incolæ vocant, populatis late agris plerasque urbium tentare; MAXIMIANVM statim Imperatorem iubet. Huic postea a cultu numinis Herculei cognomentum accessit. Sed Hercules in Galliam profectus, fufus hostibus aut acceptis, quæta omnia breui patrauerat.*

rat. Quo bella CARAVIVS Menapia ciuis, factis promptioribus cñituit: eoq̃ eum, simul quia gubernandi (quo officio adolescentiam mercede exercuerat) gnarus habebatur, paranda classi ac propulsandis Germanis maria infestantibus prefecere.

Ex hac interim lege exemplum ad alios casus derivari potest, vbi Cauponibus, Propolis, Tabernariis, velut otiosæ turbæ, quædam iniungi possunt; quæ ab aliis, ac nominatim a rusticis exigi non debent, &c.

P. 92.

II. (a) Idem AAA. ad Catafronium (b) Vic. Italiæ (c) Post alia.

OPERAS, ad prosecutionem equorum, vel diuersorum, (d) neminem Prouincialium præbere permittimus, quia non ignoramus, per vniuersas Italiæ ciuitates esse quam plurimos, (e) & hunc esse morem, vt quotiens in pares videntur, qui prosecutionis officio, (f) maiore animalium numero repente veniente, Tabernariis oppidorum hoc iniungatur obsequium. (g) Causam (h) vero pontis Lipientiæ nolumus nostris præiudicare decretis, videlicet (i) ob reparationem eiusdem aliquis numerus excusatus habeatur, sed ita eum instaurari oportet, vt a possessoribus Ciuitatis (k) eius, territorio (l) suo, quotiens vsus poposcerit, reformetur. Dat. XVIII. Kal. Septemb. (m) Valentiniano & Valente III. AA. COSS. [370.]

NOTAE.

- (a) Abest & hæc lex a Cod. Iustinian. quia localis est & temporaria. Iungenda autem illi lex 31. *supr. de cursu publico*. GOTHOF.
- (b) Catafronius, Vicarius Italiæ sub Valentiniano Sen. cui Catafronio præter hanc leg. & d. l. 31. inscribitur Anno 377. lex 24. *infr. de Episcopis*. ID.
- (c) Italiæ diocesis hæc quibus finibus coerceretur, plene dictum ad l. ult. *supr. quibus equorum vsus*. Illud saltem ex hac l. liquet, Venetiam prouinciam in ea fuisse, in qua Lipientia fluuius, de quo mox. ID.
- (d) Mercurius in Nonium pag. 110. hic legere mallebat *diuersorum*; Quod minus probo, de quo mox. ID.
- (e) Tabernarios scilicet. ID.
- (f) *ꝑꝑ. Qui e prosecutionis officio*, scil. sunt, id est, Collegiati vt vocantur l. 1. *supr.* Atque hac vnica restitutione sententiam huius loci integram habemus. ID.
- (g) Ita quoque l. 1. *supr.* ID.
- (h) Malim: *Causæ vero pontis Lipientiæ nolumus nostris* (id est, per nostra) *præiudicari decretis*, apertissimo sensu. Quanquam rigidus aliquis & illud tueri posset. ID.
- (i) *ꝑꝑ. Videlicet vs.* ID.
- (k) *Opitergium* intelligit, mox vt ostendam. ID.
- (l) De territoriis ciuitatum iam sæpe alibi. ID.
- (m) Supplendum ex d. l. 31. *supr. de cursu publ. Triueris*. ID.

COMMENTARIVS.

VALENTINIANI Sen. hæc altera constitutio est, de Operis a collatoribus non exigendis. Atque vt superior ad Galliam spectat, ita hæc ad Italiam; inscribitur enim ea Italiæ Vicario: ac nominatim ad Venetiam prouinciam; vt ex ponte Lipientiæ, quo de hac l. agitur, apparet. Et est hæc constitutio, maioris constitutionis Valentinianæ pars, vt docet lex 31. *supr. de cursu publ.* (quæ huic coniungenda est:) Quæ constitutione in vniuersum indebitis exactionibus circa cursum publ. & circa operas per Italiam occursum voluit Valentinianus Sen.

Huius legis hæc sententia est: Operas Prosecutorias, extra ordinem, non sufficientibus ordinariis animalium prosecutoribus, de quibus animalium prosecutoribus agitur & l. 2. *supr. de tractor. & statuis*; & l. 2. *infr. de venat. ferarum*: de quæ iisdem accipio legem 1. *supr.* & plene dixi parat. de annona, & tribut. & qui ex ordinario prosecutionis officio sunt (qui Collegiati vocantur l. *superiore*;) vtpote maiore animalium numero repente veniente, non a prouincialibus, verum a Tabernariis exigi oportere, iuxta morem qui iam obtinebat, quæ ipsa est sententia d. legis 1. *supr.* Et ratio-

nem hanc hac l. addit, quia plurimi sint huiusmodi, per vniuersas Italiæ ciuitates tabernarii: vt proinde non tantum æquius sit, has eis operas iniungi, vtpote otiosis: quæ ratio fuit legis 1. *supr.* verum quia etiam facillime id exequi possint, vtpote cum plurimi essent. Et hæc de operis prosecutoriis.

Aliam vero rationem haberi vult Valentinianus Operarum ad reparationem pontium (de quæ alioquin pontium reparatione, vid. & l. 36. *infr. de operib. publ.* & l. ult. *de itinere muniendo*.) ac nominatim in specie huius l. Pontis Lipientiæ: Scilicet a pontium instructione, reparatione, nullum genus hominum, nullus numerus excusatus habetur b. l. & d. l. ult. *infr. de itinere muniendo*, vbi dicoplenius. Et, vt b. l. dicitur, qui territorij alicuius est, & territorij ipsius pontes reformare tenetur: Qui locus in foro versantibus utilis esse potest: Nam & alioquin recte tradunt Doctores, *finis Iurisdictionis & territorij per onerum præstationem probari*: Quo etiam spectat locus insignis Siculi Flacci de conditionibus agrorum, pag. 29. edit. Rigalt. & pag. 25 edit. Goes. Vide Alexandrum Confl. 166. n. 2. & Confl. 226. n. 2. vol. 2. & Hieronymum de Monte tractatu de finibus Regundis, c. 52.

Nunc quæ huius tit. propria sunt illustremus. Primum, ait lex, ad prosecutionem Equorum, vel diuersorum: Non audio Mercerium reponentem diuersorum (quod etiam Merillio meo recte displicebat lib. III. Obs. cap. 39.) quasi scilicet de operarum exactione & diuersorii postulatione hac l. agatur, & verumque ab Imperatoribus hac l. prohibeatur. Nam imo tuenda est hæc lectio: Primum argumento Rubricæ, sub qua hæc lex collocata est, quæ utique est de operis tantum: rursus arg. totius huius legis, quæ & ipsa tota de operis est, neque quicquam habet quo diuersorum spectare possit: Tandem, quia diuersorum appellatione hic intelligendæ sunt cæteræ species fiscales omnes, præter Equos seu animalia: Operas, inquit lex, ad prosecutionem Equorum, vel diuersorum; ac si diceret, Equorum & quarumcunque tandem specierum fiscalium, quæ varix sunt & diuersæ, quomodo mercium diuersarum commeatibus dicitur leg. 1. de litor. & itin. custod. operarum atque artificum diuersorum, l. 15. de extraordin. vid. plura similia in Glossario. Quare neque accedere possum Merillio, qui hæc verba, vel diuersorum, ita accipiebat, id est, quamvis diuersi (seu complurimi) equi aduenerint: accepto, vel, pro quamvis: & diuersorum, pro multorum. Atque ita hic locus est accipiendus. Neque admitterem, si quis putaret, aurum & argentum signate hic accipi ea voce oportere, quo alioquin sensu apud Græcos διαφόρων appellatio accipi solet, vt Maccabæorum 2. c. 1. & 3. vid. & Ecclesiastici cap. 7. v. 20. & cap. 27. τῶ διαφόρων vox eo sensu sæpe apud Aristotelem, Dionys. Halic. alios. Ita quoque Theophrastus Charact. 10. pag. 32. edit. Casaubon. ut in Glossar. notauit.

Secundo de Liguentia, & Ciuitate (cuius sine l. mentio fit) ponteque Liguentiæ videndum est. Liguentia, quæ hodie Liuenza, Fluius in regione Italix, Venetia, fuit. Plinius lib. 3. cap. 18. Sequitur decima Regio Italia, Adriatico mari appositæ, Venetia, cuius fluius Siliis ex montibus Tau-risani. Oppidum Altinum, flumen LIQUENTIA ex montibus Opitergini, & Portus eodem nomine, &c. Licenna corrupte in Itinerario Peutingeriano. Apud Virgilium IX. Æneid. v. 679. seqq.

Quales aëria LIQUENTIA flumina circum
Sive Padi ripis, Athesin seu propter amicum
Conferunt gemina quercus.

Vbi Seruius: Liguentia Venetia Fluius est, inter Altinum & Concordiam, quem nunc commemorat, &c. Vbi etiam, quidquid Seruius dicit, vel aduersus eum nonnulli; dixit, vel dixisse potuit Virgilius, non inuita ipsius Musæ, Liguentia flumina, pro Liguentiæ: quomodo idem dixit Simethia flumina, vide quæ doctissimus Cluuerius, Italia antiqua lib. 1. c. 78. p. 165. 166. Et hæc quidem de ipso Liguentiæ flumine. Pontis Liguentiæ meminit quoque Paulus Diacon. Longobardicor. lib. 5. c. 39. vbi ait, eum a Foro Iulii passibus 48. millibus distasse; fuisseque in itinere Ticinum pergentibus; Cluuerius diligentissimus scriptor, oppidum quod hodie la Motta, fuisse putat: Cuius diligentiam in hoc argumento hæc lex fugit. Quod Ciuitatem, quæ hic memoratur attinet, est ea omnino Opitergium, Oderzo, Vderzo, Ouederzo, hodie. Nam etsi ipsa non ad Liguentiam proprie sit, attamen territorium eius illi adsitum erat: vnde ista hac l. a possessoribus ciuitatis eius territorio suo reformetur: Quinimo & Liguentia fluius ex montibus Opiterginis oriri dictus Plinio, d. lib. 3. c. 18.

Vt ad huius l. historiam nunc descendam, notandum huius pontis Liguentiæ reparationi Valentinianum hac l. prospectum iuisse hoc tempore, aduersus Alemannorum, Quadorum & Marcomannorum metuendos in Italiam, & Venetiæ prouinciam hoc tempore incurfus: Eo saltem tempore. Sane enim Ammianus Marcellinus, in huius ipsius Anni 370. gestis, lib. 28. cap. 5. memorat, Alemannos per Rhetias a Theodosio Magistro Equitum cælos, captos, & ad Italiam iussu Principis missos, Padum circumcoluisse. Itemque triennio post hanc leg. A. D. 372. lib. 9. cap. 6. scribit, a Quadis ac Marcomannis Aquileiam diu obsessam, & OPITERGIUM excisam.

Ex hac interim lege quoque discimus, Venetiam ad diocesim Italix pertinuisse, quod alioquin etiam ostendit lex 27. de appellat. & sub Vicarii Italix dispositione fuisse.

NE DAMNA PROVINCIALI- BVS INFLIGANTVR. TITVLVS XI.

Huic titulo respondet in Cod. Iustin. Titulus 54. lib. II. Ne Rusticani ad vllum obsequium deuocentur. Hoc titulo consulitur Rusticanis aduersus priuatorum in publico munere constitutorum iniurias: superiore, aduersus eas, quæ publico obtentu inferantur.

I. (a) Imp. VALENTINIANVS & Valens AA. ad Probum
PF. P. Illyrici. (b)

SI qui eorum, qui prouinciarum Rectoribus obsequuntur, quique in diuersis agunt Officiis Principatus, (c) & qui, sub quocunque prætectu muneris publici, possunt esse terribiles, Rusticano cuiuspiam, necessitatem obsequii, quasi mancipio sui iuris, inponat, (d) aut seruum eius, vel forsitan bouem in vsus proprios necessitatesque conuerterit, siue (*) xenia aut munuscula quæ *Canonica* ex more fecerunt, extorserit, vel sponte hæc, quæ inprobata sunt, oblata non recusauerit; sublati (e) omnibus facultatibus, ultimo (f) subiugetur exitio: & nihilominus Rusticanum, qui *se in eiusdem operas sponte propria detulisse* responderit, (g) par pœnæ seueritudo constingat. Eadem (*) vero circa eos censura seruatur, qui xenia aut munera deferri sibi a possessoribus cogunt, aut oblata non respiciunt. Dat. prid. Kal. Octobr. Agrippinæ, Valentiniano & Valente AA. (h) Coss.

INTERPRETATIO. Si quicumque ex hiis qui prouinciarum Rectoribus coniunguntur, (i) aut militant, vel qui agunt in diuersis officiis Principatus, vel quicumque sub occasione publici actus videntur esse terribiles, rusticano alicui necessitatem seruitutis, velut sui iuris mancipio, imposuerint, aut seruum ipsius, aut bouem in sui operis utilitatem transfulerint, siue xenia, aut qualibet munera crediderint exigenda, vel si oblata non recusauerint, ultimo exilio (k) deputantur, & rerum suarum amissione damnantur.

NOTAE.

- (a) Lex 2. C. Iust. ne rusticani, hinc interpolata est. GOTHOFR.
(b) Nullibi præterea hoc Codice Probi Præfectura Prætoriana Illyrici ita nominatim designatur, de quo mox: & ad leg. 7. supr. de metall. ID.
(c) De Principibus officiorum dictum plenissime Lib. vi. tit. de coheredibus, Principibus, &c. ID.
(d) Imponant, C. Iust. & Scharid. vt mox, conuerterint. ID.
(*) Absit hæc sententia a Cod. Iust. vsque ad, sublati, pariter vt postrema sententia, quæ de eadem re est. ID.
(e) Ablatis, C. Iust. Scharid. & MS. G. ID.
(f) Perpetuo subiugentur exilio, C. Iust. de quo mox. ID.
(g) Responderit, Cod. Iust. male: *responderis*, hic est, quod pro defensione sua vel alterius allegatur; dicitur, vid. Gloss. ID.
(*) Hæc postrema sententia absit pariter vt *vers. siue xenia*, qui de eadem re est, a Cod. Iust. Porro hæc non nisi repetitionem continet. ID.
(h) Ad quos Consules Valentinianos hæc lex referenda sit, mox inquiram. ID.
(i) Obsequuntur, in ipsa leg. ID.
(k) Exitio, in ipsa leg. ID. Exitio legunt impressi libri omnes præter ultim. Paris. MS. G. ultimo exitio deputati, rerum suarum amissione damnabuntur. RITTER.

COMMENTARIUS.

CONCUSSIONIBVS Officialium Rectorum prouinciarum, & in his Principum Officii, & quorumcumque aliorum, qui muneris publici obtentu prouincialibus seu rusticanis terrori esse possunt, occurrit seuera hac constitutione Valentin. Sen. idque per Præfecturam Prætorianam Illyrici. Vnde patet hanc leg. conici quoque potuisse in *titulum, de concussionibus Aduocatorum siue Apparitorum, lib. 8.* Quanquam & affinitas superioris tit. hunc secum traxisse videtur: hoc tamen discrimine, quod superiore titulo operæ publicæ a prouincialibus rusticanis exigi vetantur; hoc titulo, siue hac l. operæ & obsequia priuata. Quinimo ad tributorum Exactores hæc lex spectare videatur, puta ad Compulsos, Opinatos, id genus alios, qui prætectu muneris publici & exactionis terribiles esse possunt. Tria igitur hac l. prohibentur illis, quæ dixi, hominum generibus. Primo, ad obsequium rusticis vocare, id est, horum opera, quasi mancipii sui iuris uti: denique ministeria priuata ab his exigere.

Secundo prohibentur & eorum seruis vel forte bubus in proprios vsus & necessitates uti. Tandem quod Tribonianus recidit C. Iust. in d. l. 2. Xenia aut munuscula ab his accipere vetantur duobus locis: Xenia, inquam, aut munuscula, cuiusmodi iam illi *canonica ex more fecerant*: vt ait hæc lex; id est, ita a rusticis exigebant ac si publice debita & solemnia essent. Haud aliter atque quamplura eius generis hoc ipso seculo, tanquam canonica, milites a prouincialibus sub variis & exquisitis titulis exigebant, veluti cœnaticum, l. 10. supr. de erog. milit. ann. Salgamum, tit. de salgamo hospitibus non præbendo, sup. lib. 7. lauacra seu priuatum, eod. lib. tit. ne Comitibus & Tribunis lauacra præstentur, & l. 12. sup. de metatit. Item hospitalitatis præbitionem, d. l. 12. id est, annonæ & capiti exactionem. Quod & ipsum ab Officialibus de quibus hac l. agitur exigi consuevit, & in ciuitatibus & in mansionibus, puta vt tam sibi quam animalibus alimonie sine pretio ministrarentur, docet l. 2. supr. de Concussionibus Aduocatorum

catorum *sue Apparit.* Addantur his & *Stillaturæ* quas Duces seu Tribuni a militibus exigebant, de quibus *l. 28. 29. sup. de erog. milit. ann.* Cæteroque de Xenii & munusculis, quæ Rectores provinciarum ipsi, vel etiam Legati, a provincialibus accipiebant, videndus Cato in *Oratione de innocentia sua* quam citat Isidorus *Origin. lib. 20. cap. 3. lex 6. §. 3. D. de offic. Procons.* Sidonius Apollinaris, *lib. 5. Ep. 7.* Tandem & publicæ lætitiæ nuncii aliquid exigere soliti, cui occursum variis constitutionibus, quæ extant *sup. tit. ne quid publicæ lætitiæ nuntiis.* Cum his vero xeniis & munusculis nil commune habent, exquisitorum detestanda nomina titulorum, de quibus Am. Marcellinus *lib. 19. cap. 11.* id enim pertinet ad novas tributorum species, non ad concussionis Officialium.

Tria porro seueritatem & censuram huius *l.* arguunt, quamque res hæc Valentiniano provincialium æquissimo Tutori curæ fuerit. Primo, quod hæc non tantum exigi, verum etiam ultro dantibus aut ingerentibus rusticis, & sic ultro tributa accipi vetet; Cuius prohibitionis ratio hæc est, ne aliquin crimini vel exactioni iniustæ obtentus quærat. Et ut maxime sponte tributum quid dicatur, reuera tamen sponte id fieri non videtur; quia ipsa muneris publici occasione vel prætextu, ut ait *lex* personæ illæ terribiles sunt, de quo plenius ad *d. tit. ne quid publ. latit.* Secunda seueritas est ipsius pœnæ: Nempe his & bonorum proscriptionis & ultimum exitium minatur Valentinianus, pro quo postremo Tribonianus perpetuum exilium subiecit. Postrema, eaque grauissima seueritas est, quod pari pœna constringitur rusticum, qui se sponte propria operas detulisse responderit: responderit, inquam, non ut Tribonianus supposuit, *desponderit*, id est, excusando Officiali id dixerit, quæ magna seueritas & censura est: sed eo malum istud iam processerat, ut impendentis istius pœnæ metu ipsorummet etiam rusticorum animi erigerentur.

Et hæc quidem de legis sententia: Sed enim duo hic præterea notanda illustrandaque veniunt, quæ occurrunt in inscriptione huius *l.* & in Subscriptione, quæ *Notularum* modum excedunt, quæque ad aliarum legum illustrationem factura sunt. Primo igitur notandum, in Inscriptione, *Probum* dici *in præfectum pratorio Illyrici*: At nullibi præterea hoc Codice hæc Probi Præfectura Prætoriana ita nominatim designatur, etsi de Illyrico eius dispositioni supposito, aliæ *leges* indicium faciant. *lex*, inquam, *28. sup. de cursu publ. lex 7. & 8. sup. de metallis*: ut & de Macedonia, *d. l. 7. & 8.* Idque etiam colligi potest ex quamplurimis aliarum Legum subscriptionibus: Denique etiam Amm. Marcellinus passim quoque exerte testatur: in genere *lib. 27. 28. 29. 30.* inter alia *lib. 30. cap. 3.* in gestis Anni 373. 374. *Offertur Præfecti relatio Probi, docentis Illyrici clades.* In specie, de Pannonia, *lib. 30. cap. 5. & lib. 29. in gestis Anni 373. cap. 6. Præfectus Pratorio agens apud Sirmium Probus &c. de Epiro, lib. 30. cap. 5.* De Carnuto Illyriorum oppido *lib. 30. cap. 5.* Et vero hæc ipsa Præfectura Prætoriana est, in qua Rufinus successit A. D. 368. eodem Marcellino teste *lib. 27. cap. 11.* qui & ipse Mamertino successerat. In ve-

teri quoque Inscriptione apud Gruterum CCCCL. 3. nominatim dicitur *Præfectus Pratorio quater; Italia, Illyrici, Africa, Galliarum.*

SEXTO. PETRONIO. PROBO

ANICIANAE. DOMVS
CVLMINI. PROCONSULI
AFRICAE. PRAEFECTO
PRAETORIO. QVATER
ITALIAE. ILLYRICI. AFRI
CAE. GALLIARVM. CON
SVLI. ORDINARIO. CON
SVLVM. PATRI. ANICIVS
HERMOGENIANVS
OLYBRIVS. V. C. CONSVL
ORDINARIVS. ET. ANI
CIA IVLIANA. C. F. EIVS
DEVOTISSIMI. FILII
DEDICARVNT.

Ausonius etiam *Ep. ad eum ipsum 16.* eum *Syrmi* egisse docet. Claudianus tandem in *Probi filii eius & Olybrii Consulatum. v. 57. seqq.*

*Acta Probi narrare queam, quot in ordine gentes
Rexerit, ad summi quoties fastigia iuris
Venerit, Italia late cum freno teneret,
ILLYRICOSQUE sinus, & quos arat Africacampos.*

Atenim, nullibi præterea quam in hac *l.* *Præfectus Pratorio Illyrici* vocatur; cum tamen non vni Illyrico præfuerit: verum Italæ, Africæ, Illyrico, quomodo & Mamertinus & Rufinus, cui is successit eam Præfecturam gessere, ut exerte testatur Amm. Marcellinus. Et certe quamplurimis *legibus* id firmatur, ex quibus apparet, eum his tribus diocesibus simul præfuisse: quas in *Prosopogr.* & in *Chronologia* videre est. Quare mirum id, pariter ut in veteri Inscriptione, *Illyrici* Præfecturam Prætorianam, vnam e quatuor, quibus ille functus dicitur, numerari, quod huic *legi* proximum: a quo neque Claudianus abit. Forte igitur vel aliquando Probus vni Illyrico præfuit: quod vix mihi persuadeo, vel ideo Præfectus Pratorio Illyrici dicatur, quod ibi ferme hoc tempore ageret, Barbaris Illyricum persultantibus, de quo Amm. Marcellinus. Illud certum, *Illyrici* appellatione vtrumque Illyricum, quod in Orientale & Occidentale postea diuisum, hic comprehendit: etsi diocesum Macedonicam ab Illyrico seu Illyrici tractu separari videmus *l. 7. & 8. de metallis*, quarum prior ad eundem Probum PP. data est. Indiuisum enim hac tempestate Illyricum erat, quod testatur hoc ipso tempore Sextus Rufus Festus in *Breviario ad Valentinianum*, rectius ad *Valentem cap. 7.* ut & diserte Zosimus scribit *lib. 4. cap. 3.* Valentinianum (qui huius *leg.* auctor est,) in Imperii diuisione: totum sibi Illyricum seruasse: Hæc ut ita se habent, ita idem ille Probus qui PP. Illyrici hic vocatur, alibi PP. *Italia* nominatim: ut docet collatio *legis 6.* cum *l. 7. sup. de metallis*, quæ eidem Probo PP. inscribitur. Verum de hoc plura ad *l. 7. sup. de metallis*. Et hæc de Inscriptione.

Non minor dubitatio circa Subscriptionem : Ad quos inquam Consules Valentinianeos hæc lex referenda sit, quando numerus ei nullus appositus est. Crediderim igitur, referendam eam ad *Valentinianum & Valentem II. Coss.* id est, A. D. 368. vel ad *Valentinianum & Valentem III.* id est, A. D. 370. argumento subscripti loci, *Dat. Agrippinae.* & si ad priores Coss. ea referenda, id est, ad A. D. 368. tum eo pertinet, quod superiore Anno 367. *Franci & Saxones*, Gallicanos tractus quia quisque erumpere potuit, terra vel mari prædis acerbis incendiisque & captiuorum funeribus violarunt, teste Am. Marcellino *lib. 27. cap. 8.* Si ad posteriores consules, id est, ad Annum 370. tum eo id pertinet quod eo ferme tempore, teste Amm. Marcellino, Valentinianus Rhenum omnem a Rhetiarum exordio adusque Oceanum magnis

molibus communiuit, castra altius & castella extollendo & turres assiduas. Hinc igitur eo ipso tractu Rheni variaz per hos annos, ab A. D. 368. a Valentiniano constitutiones datæ: Vangionibus, *lex 3. infr. de prædiis nauicular.* Brisiaci, *lex 8. sup. de priuil. cor. qui in S. Palat.* Altæ ripæ, *lex 4. infr. de reparat. appellat.* Mogontiæ *lex 2. de Scanicis*, aliisque eo tractu, in quibus & Complatum & Contionacum, ut existimo. Tandem, hæc lex Agrippinæ data: quæ FRANCIS opposita erat, cum quibus ut & Alemannis Valentiniano hoc tempore res fuit; de quo consule *Chronicon nostrum.* Neque audiendus Valefius, qui in *Gestis Veterum Francorum lib. 1. p. 44.* hanc leg. ad A. D. 365. refert, & Valentinianum hoc tempore Agrippinæ fuisse ait, ut cum Francorum Regibus, antiqua ex more iniret foedera.



DE IMMUNITATE CONCESSA. TITVLVS XII.

P. 96.

LIB. X. COD. IVST. TIT. XXV.

Titulus ita conceptus, De Immunitate nemini concedenda.

Iungantur in eandem sententiam, *lex ultim. supr. de Senatoribus lex 1. 20. 25. 26. 33. 36. supr. de Annon. & Tribut. lex 6. 7. supr. de diuers. Rescript. Titulus item prox. ut & lex ultim. infr. de censu: vid. & tit. de lustr. conlat. l. 5. de oper. publ. l. 1. 2. 3. 4. 5. 6. de itin. muniend.*

PARATITLON.

IMMUNITAS, *Rubr. l. 1. 2. b. t. Gratia, l. 1. & 26. supr. de annon. & tribut.* Venia debita quantitatibus, *l. ult. hoc t.* Capitationis indulgentia, *l. 2. b. t.* Absolutio, *l. ult. b. t.* ut quis præcipuis emolumentis familiaris iuuetur substantiæ, *l. 1. supr. de annona & trib.* id est, ut immunitas sit ab annonis & tributis, *l. 2. b. t.* regulariter concessa non valet. Priuilegia hæc *l. 1. b. t.* priuilegia a debitis, *l. vn. supr. de priuil. dom. Augusta*, omnibus derogantur, *l. 1. b. t.* elicita suffragio sanctiones cassæ sunt, *l. 3. b. t.* Omnium enim rerum & personarum in publicis functionibus æqua debet esse inspectio, *d. l. 3. b. t.* Functio vectigalium ab omnibus æqua ratione dependi debet, *d. l. 3. hoc tit.* quibus similes regulas vid. *supr. tit. de annona & trib. infr. tit. de lustrali conlatione: infr. tit. de censu*, & quæ notabo ad *l. 9. infr. de lustrali conlatione.*

I. (a) Imp. CONSTANTINVS (b) A. ad Marcellinum. (c)

PUBLICVS, ac noster Inimicus (d) diuersis immunitatem dederat, iugorum capitationibus, (e) & professionibus amputatis: (f) Iubemus ergo, ut omnibus omnino hæc priuilegia derogentur. (g) Dat. III. Kal. Maii, (h) Acyndino, & Proculo Coss. [340.]

NOTAE.

(a) Absent hæc lex a *Cod. Just.* velut temporaria. *GOTHOFR.*

(b) *ꝑꝑ. Imp. CONSTANS:* de quo mox. *ID.*

(c) Comitum S. L. de quo mox. *ID.*

(d) *Constantinum* fratrem intelligere videtur: de quo mox. *ID.*

(e) De *Capitatione* semel dixi ad *l. 1. 5. supr. de annona & trib. ID.*

(f) *Am.*

(f) *Ampuatis*, id est, remissis censu, & censuali professione: de quo v. *tit. de censu: infr. ID.*

(g) *Derogari*, non auferri, detrahi. *ID.*

(h) *Aquileia* procul dubio, quomodo hoc ipso mense ibi data est *lex 3. supr. de dilationib. & lex 3. supr. de Adu. catis fisci*: vel certe haud procul. *ID.*

C O M M E N T A R I V S.

CONSTANTIS hæc constitutio, meo quidem iudicio, est: emissæ ad *Marcellinum Com. S. L.* qua immunitates a *Constantino Arelatenſi fratre suo* datas renocat.

Vbi Tria probanda mihi veniunt. *Primo*, hanc Constitutionem non *Constantini*, sed *Constantis* esse: *Constantius* scilicet *Arelatenſis* iam occisus fuerat hoc Aprili mense a *Constantis* fratris exercitu: Quem mensis characterisimum est *Veterum* nemo exerce prodat, qui hunc *Consulatum Acyndini & Prœculi* assignare contenti fuerunt; attamen vel hæc ipsa *lex* ei rei argumento esse potest: quæ sane actus *Inimici* proſtigati rescindit: cuiusmodi non alius hoc tempore fuit, quam *Constantinus*, vt tertio loco ostendetur.

Secundo, *Marcellinum*, cui hæc *l.* inscribitur, *Comitem S. L.* fuisse non ipsum tantum *huius legis* argumentum ostendit, verum etiam *Zosimus* id nominatum prodit; qui eundem postea *Magnentiani* motus & *Tyrannidis* aduersus *Constantem* auctorem fuisse ostendit, *lib. 2. cap. 42.* περὶ δὲ δυσχεραίνοντες οἱ περὶ τὴν αὐλήν, ἐπειδὴ τῆς περὶ θήραν τέρεψιν αὐτὸν ἐγκείμενον εἶδον, ἡγεμόσι περὶ τὸτο χρησάμενοι Μαρκελλίνῳ τῷ τῆς ταμείας προεσηκῶτι, & Μαγνητίῳ τῷ τὴν ἀρχὴν ἐπιτετραμμένῳ τῶν Ἰοβιανῶν & Εὐρυλιανῶν (τὰ γὰρ αὐτὰ ἐπ' αὐτῷ) τρώπων τοιῶδε τὴν ἐπιβλήν τὴν κατ' αὐτὸ σκυωρῆσι. γενέθλιον ἔξεν ἡμέραν οἰκίᾳ παλῶς ὁ Μαρκελλῖνος ἐπὶ πᾶν, ἐκάλει περὶ ἐστιασὶν ἄλλος τε πολλὸς ἐξ ἡλικίας τῆς στρατοπέδῳ, & Μαγνητίῳ σὺν αὐτοῖς: τῷ δὲ συμποσίῳ μέχρι μέσων ἐκλαθέντος νυκτῶν, ὁ Μαγνητίος: id est, *Quæ cum Palatini moleste ferrent, viderentque, venaticis cum voluptatibus deditum, Ducibus ad id vsu Marcellino Comite Sacrarum Largitionum, & Magnentio, cui creditum in Iouianos & Herculanos, quæ legionum nomina sunt, imperium erat, hunc in modum insidias ei moluntur: Marcellinus natalem filii sui affuisse dicens, ad conuiuium tum alios multos in exercitu eminentes, tum & Magnentium cum ipsis inuitauit: ea conuensatione mediam ad noctem producta, Magnentius, &c.* Quare dubium mihi quoque nullum, emendandam Inscriptionem *legis 3. supr. de honorariis codicillis*, quæ hoc ipso Anno data est: vbi editum, ad *Marcellinum P. P.* tum superioribus rationibus, tum & argumento *illius ipsius legis*, quia ibi, de *Exactionibus tributorum*, item de *Discussoris, Peræquatoris* munere agitur.

Tertium hæc *l.* inquirendum superest: Quisnam ille sit, quem vt *publicum ita & suum Inimicum* *Constantis* hæc *l.* vocat, Et vero non alius

finigi potest, quam *Imperator & quidem Constantinus* *Constantis* frater; Quam *Imperator*, inquam; folius enim *Principis* fuit immunitates concedere, vt proinde non alius quam *Imperator* finigi possit: *Publicum* autem *inimicum* ideo quoque vocauerit, quia nil adeo publicæ vtilitati aduersum atque priuatae quorundam immunitates, quæ vtrilibi dicitur, plebis iniuria sunt. De *Constantino* porro fratre nominatum *Constantem* sentire, & ipsa temporum ratio, & res ipsa ostendit. Hunc scilicet *inimicum* habuit *Constantis*; inconciliantibus, dissidiaque fouentibus inter fratres quam plurimis, & in his *Amphilochio* quodam, *Tribuno Paphlagone*, vt videre est ex *Monodia*, quam ex *Bibliotheca Palatina* ipse eduxi, & *Doct. Morello* communicauit, qui eam publici iuris fecit, & *Ammiano Marcelino lib. 21. cap. 6.* Sed & orto inter eos dissidio super *Africa Proconsulari & Italia*, vt docet *Zosimus lib. 2. cap. 41.* Quare tandem apud *Aquileiam* ab exercitu *Constantis* interfectus *Constantinus*; de quo præter *Zosimum* videndus vterque *Victor*, *Hieronymus in Chronico*, *Philostorgius* item *lib. 3. c. 1.* *Socrates lib. 2. cap. 5.* *Sozomenus lib. 3. c. 2.* *Consularia Idacio subdita*, & *Zonaras Annalium lib. 13. Tom. II. Oper. pag. 9. edit. Venet.* Quorum nonnulli diserte rei gestæ *Acyndinum & Proculum COSS.* (qui huic legi subscripti sunt) adsignant: aliis interea *Constantem*, aliis *Constantinum*, in crimen vocantibus. Sed notum iam illud, aliorum victorias alios *Tyrannos* facere. His accedat subscriptio *legis 3. supr. de dilation. & lex 3. supr. de aduocatis fisci*: quæ leges dicuntur, datæ vel subscriptæ *Aquileia*, vbi certe *Constantinus* cæsus fuit. Si cui tamen verosimile non videatur, *Constantem*, fratrem suum publica lege *Inimicum suum* vocasse, qui proculdubio interfecti eius inuidiam a se anoliri conatus est; tum dicendum saltem videatur, *Præfectum Prætorio* aliquem, qui *Constantino* fratri ad hæserat, indicari, penes quem rei tributariæ summa erat. Ego tamen a priore sententia vix dimoueor. Certe cum hæc *lex* *Constantini M.* non sit, hinc apparet, quam male de *Licinio* id nonnulli interpretati sint.

Ex illis duabus interim legibus, & hac tertia, colligere licet, *Constantino* fratre cæso, *Constanti* non aliam vel potiore in infidisse curam, quam vt rei tributariæ & fisco, per eas provincias, quæ fratri paruerant (& in his per *Africam*) consuleret, per immunitates attritis: quas ideo reuocat omnes hæc *Derogatoria lege* sua.

IMMUNITATE capitationis quid contineatur.

II. (a) Imp. IVLIANVS A....

OMNES omnino, quicunque *Capitationis* (b) indulgentiam immunitatemque meruerunt, (c) non solum ex annonario (d) titulo, verum etiam ex speciebus ceteris, (e) atque

atque largitionibus, (f) excepti sunt, (g) immunefque erunt: Neque enim præstanda diuidimus: *Melius quippe est munificentia compendium integrum competere, quam sapius postulari.* Dat. prid. Kal. Maii, Constantinop. Mamertino & Neuita Coss. [362.]

NOTAE.

- (a) Abest & hæc lex a *Cod. Iust.* Non adeo improbabiler autem iungatur huic lex 1. *infr. de Auro Coronario.*
GOTHOFR.
 (b) De *Capitationis* voce, dixi semel ad *leg. 1. §. de annona. ID.*
 (c) A nobis. *ID.*
 (d) Qui in speciebus annonariis præbetur. *ID.*
 (e) An auro & argento? vid. eiusdem Iuliani *leg. 1. infr. de indulg. debis. ID.*
 (f) Largitionibus. *ID.*
 (g) Malim, *sint. ID.*

COMMENTARIUS.

P. 93.

IMMUNITATE seu Indulgentia Capitationis singulari privilegio tributa quid contineatur, hac Iuliani constitutione definitur: Nempe contineri definit, plenissimam immunitatem quorum: unque tandem titulorum & collationum; non modo, inquam, collationis annonariæ seu specierum annonariarum; verum etiam cæterarum quarumcunque specierum, quæ largitionibus Principis inferuntur, puta vestium, auri, argenti, æris &c.

Et rationem addit Iulianus non iuris, vel *ἐννομίου*, verum *ἀρετῶν* & ostentandæ tantum humanitati & indulgentiæ suæ: *Neque enim*, inquit, *præstanda diuidimus: Melius quippe est, munificentia compendium integrum competere; quam sapius postulari.* Vnde interim colligimus, Iulianum de immunitatibus a se concessis hic agere, quibus ideo latissimam interpretationem nunc adhibet: cuius alioquin Principis *Munificentia*, liberalitatis, indulgentiæ, immunitatis concessæ, innumera alia exempla exstant. Prædicat ea Amm. Marcellinus *lib. 25. cap. 4.* Fidem faciunt indulgentiæ reliquorum ab eo datæ, ut & certæ partis Tributorum solemniū, de quibus ipse *in Misopogone*, & *cp. 47.* Fidem facit indulgentia illa, quam Antiochenisibus detulit, cuius ipse quoque meminit *Misopogone extremo pag. 370 edit. Lips. Spanhem.* γῆς κλήρης, ὁμοίαι, τριχιλίαις ἑφάλε ἀπόρως εἶναι, καὶ ἡγήσασθε λαβεῖν, λαβόντες δ' ἐνέμασθε πάντες οἱ μὴ δούλοιοι. τὸ τοῦ ἐξέλασθαι ἀνεφάνη σαφῶς. ἀφελόμενοι δ' αὐτὰς ἐγγὺς τῶν ἐχόντων δίκαιας, καὶ πολυπραγμονήσας ὁδὸν ὑπὲρ τῶν ἐμπεροσθεν, ὧν ἔχον ἀτελεῖς, ὅς μάλιστα ἐχρῆν ὑποτελεῖς εἶναι, ταῖς βαρυτάταις

ἐνέμα λειτεργίας αὐτῆς τῆς πόλεως. καὶ νῦν ἀτελεῖς ἔχουσιν οἱ καθ' ἑκάστον ὑμῖν ἐνιαυτὸν ἱπποβοφῶντες, γῆς κλήρης ἑφῶς τριχιλίαις, ἐπινωία μὲν καὶ οἰκονομία τῆς θεῆς ἡμῶς καὶ ὁμοθυμα, χαλεπὴ δ' ἐμῇ. Id est, Agri iugerum tria millia infructuosa esse dixistis, vobisque concedi postulastis, cum vero id obtinuistis, diuites, soli cæteris fraudatis, ea usurpastis. Hoc a me inquisitum, plane compertum est. Ego autem illos agros iniustis possessoribus ereptor, nihilque de superiore IMMUNITATE inquirens eorum quos vectigales maxime esse oportebat, gravissimis ciuitatis rebus administrandis attribui. Et nunc qui apud vos quotannis equos alunt, habent IMMUNITA tria prope millia iugerum, partim Patruī & cognominis mei prudentia ac diligentia, partim meo beneficio. Fidem faciunt Indulgentiæ aliæ debitorum & Immunitates aliæ datæ, de quibus dicam plenius ad l. 1. *infr. de indulg. deb.* sane de earum quoque numero est Indulgentia auri coronarii, quæ continetur l. 1. *infr. de auro coronario*, quæ ex eadem constitutione desumpta mihi, huicque adeo iungenda videtur. Nunc ad rem. Data igitur immunitate *Capitationis*, cum quæreretur iam, quidnam ea immunitate contineretur, id hac *leg.* explicandum duxit Iulianus. Et si alioquin ipsa *Capitationis* voce, cuius indulgentia data, id satis indicetur: nempe *Capitationis* appellatione venit omnis generis collatio, iugerum seu capitum nomine, seu quæ pro possessionibus penditur in quacunque tandem specie, de quo consule quæ dixi ad l. 15. *supr. de annona & trib.*

III. (a) Imp. VALENTINIANVS & Valens AA. ad Florentium Com. S. L. (b)

OMNIVM rerum ac personarum, quæ priuatam (c) degunt vitam, in publicis functionibus æqua debet esse inspectio. (d) Hoc ideo dicimus, quia nonnulli priuatorum elicitas suffragio (e) proferunt sanctiones, quibus Vectigalia, (f) vel cetera eiusmodi, quæ inferri fisco moris est, sibi adferant esse concessa: (g) Hoc, (*) si quando Militibus nostris, hisve, qui in Palatio nostro degunt præstamus, adprobandis se sacramentis Militaribus adgineri, quod concessimus firmum sit atque robustum. Cæterum, si quis priuatorum eiusmodi Rescriptione nitatur, cassâ eadem sit: *Vectigalium enim non parua functio est, quæ debet ab omnibus*, qui negotiationi, (h) seu transferendarum mercium habent curam, *æqua ratione dependi.* (i) Dat. x. Kal. Mart. Med. Valentiniano & Valente AA. Coss. [365.]

NOTAE.

- (a) *Lex 6. C. Iust. de vectigal. & commissis*, hinc desumpta est. *GOTHOFR.*
 (b) Eidem *Florentio* Com. S. L. inscribitur Anno superiori, *lex 6. infr. de lustrali conlat.* quæ & argumēto huic prorsus conuenit; & anno prox. *lex 11. infr. de susceptor. ID.*
 (c) *Privata* vita, & *infr. privati*, qui sibi, non militiæ, aut Palatio vitam degunt. *ID.*
 (d) *Inspicere*, est agnoscere & sustinere ac subire. *vid. Glossar. ID.*
 (e) Id est, rescripto Principis: vt *infr. mox, rescriptione. ID.*
 (f) *Vectigalium* vox de lustrali quoque collatione usurpatur *hac l. & l. 20. infr. de lustr. conlat. ID.*
 (g) *Concessa*, id est, relaxata, remissa. *ID.*
 (*) Hæc sententia abest a *Cod. Iust. ID.*
 (h) *γρ. Negotiationis*, ut est in *Cod. Iust. ID.*
 (i) *Exceptis Nauiculariis cum sibi gerere rem probabuntur*: hoc additum a Triboniano, *Cod. Iust. ex leg. 24. infr. de Nauicular. ID.*

COMMENTARIUS.

VALENTINIANI Sen. hæc constitutio est, aduersus priuatas immunitates, pariter vt *lex 6. infr. de lustrali conlatione*: quæ eidem *Florentio* Com. S. L. inscribitur, & vtrique aduersus immunitatem quorundam *Negotiatorum* a *Vectigalium* præstatione, seu lustrali conlatione, scripta est: Ex quibus vt & aliis quamplurimis apparet, quantum odium huiuscemodi priuatis immunitatibus *Valentinianus* indixerit: quo pertinent in summam duæ elegantes sententiæ tum *huius l. initio*, tum & *fine*.

Et *Milites* tantum vel *Palatinos* excipit, quibus priuatas huiusmodi immunitates concessas firmas esse iubet.

Est autem nominatim hæc *lex* de *vectigali* seu portorio præstando pro *Isagogico* & *Exagogico* ab his, qui *negotiationis* & *transferendarum mercium* curam habent: Item de lustrali conlatione qua etiam *Militares* regulariter tenentur *l. 13. infr. de*

lustrali conlat. quo titulo hac de re plenius. *Lustralis* interim collationis definitio hic obiter notetur, quæ scilicet dependebatur ab iis, qui *negotiationis* seu *transferendarum mercium* curam habebant: De qua suo titulo. Conuenit vero hic omnino *Libanii* locus in *Florentium* p. 427. 428. edit. *Morrelli*: τῆς δὲ ἐστὶν ὁ ἀφόρητος φόρος, ἀργυρὸς ἢ χρυσὸς φέρειν προσιδσας πρὸς αὐτὴν τὰς δυνάμεις πωλετηρίας: ὄνομα μὲν γὰρ εὐπρεπὲς ἀπὸ τῶν ἐμπορέων τῷ πρόρω τῷ τῇ θαλάττῃ δὲ ἐκείνων εἰς διάδοσιν χρωμένων, οἷς μάλιστα ἀεὶ πρὸς φέρουσιν αἱ χεῖρες, ἀπὸ πλουτῶν διαφερόντων δὲ ἐκείνων εὐνοῦντος. Hoc autem est tributum intolerabile, non ferendum, argentum & aurum, quod exhorrescere efficit accedentia dira quinquennialia. sed enim nomen speciosum & decorum a mercatoribus huic quaestui: aquore autem illis ad distributionem utentibus, quibus ægre pannonem manus porrigunt, nec vero effugit neruorum sutor sartorque.

IV. (a) Imppp. Arcad. HONOR. & Theod. AAA. Basilio (b) Com. S. L.

SALVBREBUS (c) licet ante prospectum meminerimus Oraculis, (d) vt eorum penitus vacuaretur (e) obreptio, (f) qui largitionalibus quippiam commodis derogantes, absque Palatini officii notione, veniam (g) debitæ quantitatibus Mansuetudinis nostræ absolutione meruerunt, iterandæ tamen copiam præceptionis amplectimur, vt, præiudicio segregato, non triplum modo, cui primitus videbatur (h) obnoxius, verum etiam quadruplum, dispendio digniore, (i) exsoluat. Prælatæ (k) literis Viri inlustri Com. sacrarum largitionum III. Id. Iun. Honor. VII. & Theod. II. AA. COSS. [407.]

NOTAE.

- (a) Abest hæc *lex* a *Cod. Iust. GOTHOFR.*
 (b) De hoc *Basilio* Comite S. L. accipiendum videtur quod *Zosimus* scribit gestis Anni proximi 408. lib. 5. cap. 40. quem & *Hispanum* fuisse ait. *ID.*
 (c) *Salubria* vocat, quæ utilitati publicæ simul & priuatiæ consulunt. *ID.*
 (d) *Oraculis*, id est, constitutionibus: *vid. leg. vn. infr. tit. prox. & Gloss. & paratiston de Constit. Princip. ID.*
 (e) *Vacuari*, id est, nullum robur obtinere, in irritum deuocari: vt *l. vn. infr. tit. prox. ID.*
 (f) Id est, publica habita ratione Rescripti seu beneficii specialis. *ID.*
 (g) *Veniam*, id est immunitatem. *ID.*
 (h) *Videbatur*, id est, erat. *ID.*
 (i) *Dignius* vocat *dispendium*, id est, conuenientius. *ID.*
 (k) De hac subscriptione, quæ singularis, *vid. in Prolegom. & quæ dicam mox ad tit. prox. ID.*

C O M M E N T A R I V S.

AD FORMAM immunitatis a Principe impetrandæ pertinet hæc Honorii Constitutio: Nempe definit, nullam *Immunitatem* valere posse, absque Palatini officii notione, id est, nisi Palatini Sacrarum Largitionum prius huiusmodi preces, quibus immunitas petitur, instruxerint. Cuius rei non alia ratio est, quam quia immunitatem a Principe petentes ei facile obrepebant, modo iugationis ementito, vel etiam quæsitis aliis fraudibus, quod aperte his verbis indicatur: *ut eorum penitus vacuaretur OBREPTIO, qui &c.* Quare instrui huiusmodi preces a Palatinis Largitionalibus, penes quos huius rei notitia erat, Honorius omnino vo-

luerit; Neque primus tamen ipse; verum &, quod ipsemet profitetur, alii ante ipsum Principes. Repetitur itaque ab eo ius hoc tantum, aucta tamen iam pœna. Nam cum tripli hætenus pœna his imposita fuisset, qui sine Palatini officii notione huiusmodi Immunitates impetrassent, ipse iam Quadrupli pœnam imponit, quæ Quadrupli pœna hic notanda est.

Notabilis tandem est huius l. subscriptio, *Præ lata literis viri Illustris Comitissæ sacrarum Largitionum*: de qua in *Prolegomenis*: imo & ad l. *un. tit. prox.*



P. 100.

SI PER OBREPTIONEM FVERINT IMPETRATA (*)

T I T V L V S. XIII.

(*) Rescripta seu beneficia personalia immunitatis: vel rescribendum hic loco, *fuertint, fuerit impetrata*: Immunitas scil. de qua *superiore titulo*, ex quo etiam l. *ult.* vide.

I. (a) Imppp. Gratianus, VALENTINIANVS; & Theod. AAA.
ad Probum PF. P. (b)

PRIVILEGIA omnia, paucis concessa personis, in (c) perniciem plurimorum, in irritum deuocentur, omnesque huiusmodi immunitates, quacumque ambitione meruerunt, (d) ad æquale prouincialium ceterorum consortium reducantur: profitque (e) iugatio Reipublicæ, (f) hætenus suspensa: (g) *Et in quo* (h) *libentius adquiescant, proprio æquanimitem* (i) *docemus exemplo, id contemptui haberi* (k) *quod immune hætenus habeatur* (l) *facile persuademus* (m) *ab omnibus faciendum esse quod fecimus.* Igitur Sinceritas Tua id ipsum per omnem Italiam, tum etiam per Urbicarias, Africanasque regiones, ac per omne Illyricum, prælata (n) Oraculi huius auctoritate, firmabit. Dat. iv. Kal. Feb. Med. Merob. II. & Saturnino Coss. [383.]

N O T A E.

- (a) Abest & hæc lex a Cod. Inst. Concordat eiusdem Valentiniani Iun. constitutio hoc ipso Anno data paulo post, mense Martio; l. *ult. infr. de censu siue adscript.* GOTHOFR.
- (b) *Probus* PP. sub Valentiniano Iun. scilicet Italia, Africa, Illyrici: ut apparet vel ex *sine leg.* de quo mox. *ID.*
- (c) Similis sententia l. 9. *infr. de lustrali.* *ID.*
- (d) Personæ illæ. *ID.*
- (e) Cum antea plurimis, plebi, Reipublicæ, noceret paucorum immunitas: initio huius l. & d. l. 9. *ID.*
- (f) Id est, ciuitati, in cuius territorio immunis hætenus iugatio seu possessio erat. *ID.*
- (g) Immunis habita, facta. *ID.*
- (h) *In quo*, pro simplici, *quo*, nisi putemus scriptum fuisse *ETIM quo*, id est, etenim quo: sed prius illud placet. *ID.*
- (i) *Æquanimitem* opponit immunitati & ambitioni: & sic æquanimitem vocat, cum quis æquo animo, æqua sorte cum aliis viuendum sibi putat, indifferenter *ἀνεκτικῶς* vid. l. 7. *supr. de diu. rescript.* l. 36. *supr. de annona & trib.* *ID.*
- (k) Locum hunc ita constituo. *Id enim contemptui habentes quod immune hætenus habeatur.* Quanquam scio, aliter quoque locum hunc restitui posse. *ID.*
- (l) *γγ. Habeatur.* *ID.*
- (m) *γγ. Persuademur.* *ID.*
- (n) De hac subscriptione mox, & in *Prolegomenis.* *ID.*

COMMENTARIUS.

VALENTINIANI Iun. hæc ciuilitatis, Æquanimittatis, plenissima constitutio est, de immunitatibus omnibus iugationis alicuius, seu certorum iugorum rescindendis & reuocandis: suo in id exemplo prælato, ad Probum Præfectum Prætorio Italix: cui cur peculiaris hic *Titulus* destinatus fuerit diuinare non possum, cum nil aliud contineat, quam quod *superiore titulo* continetur. *Quare* in ea interpretanda ea tantum lectabimur, quæ in *παρόδῳ* continet.

Primum est, quod hanc constitutionem Valentiniani Iun. esse dixi, cuius est in eandem sententiam *lex 20. sup. de annona & trib.* seu *lex 7. supr. de diuers. rescript. & lex ult. infr. de censu.*

Secundum est, enixum voluntatis suæ hac parte argumentum, exemplo videl. suo prælato, quod & ipsum præfert *d. l. ult.* additaque elegantissima sententia; cui similes alibi passim occurrunt: quale vel illud Paterculi *lib. 2. cap. 126. recte facere Princeps ciues suos faciendo docet*: item illud Senecæ *Thyeste Act. II. v. 213.*

Rex velit honesta, nemo non eadem volet.

Omitto his similia, quæ pleniore manu Lipsius *Politico- rum lib. 2. c. 9.* obuia passim. Priora magis placent. De Theodosio M. huius in Imperio Collega Pacatus in *Panegyrico ad Theodosium ipsum, cap. 14.* ubi inter alia, decantatum illud, *Exasperat homines imperata correctio: blandissime iubetur exemplo*, & Theodosius ipse ad Honorium filium, apud Claudianum multa in hanc rem, ubi inter cœtera decantatum illud in *IV. Consul. Honorii, v. 299.*

—componitur Orbis
Regis ad exemplum.

Ingerit hoc ipsum Arcadio Synesius in *extremo de Regno.* Sed cum primis vide quæ de hoc ipso Valentiniano nostro Iun. memorat Ambrosius in *orat. de eius obitu.*

Tertium est de Præfectura Prætoriana Probi, sub qua quatuor Diœceses, puta Italiam, Vrbicarias Regiones, Africam, Illyricum fuisse, *sine legis diserte docemur*: de quo alioquin Probo, Valentiniani huius actus dirigente, vide Socratem *lib. 5. cap. 11.* Sozomenum *lib. 7. cap. 13.* De Præfecturis eius sub Valentiniano patre ad *leg. vn. sup. ne damna prou.* ubi Claudianum quoque laudauimus, *panegyrico in Consulatu Olybrii & Probini v. 57. seqq.*

*Acta Probi narrare queam; quod in ordine gentes
Rexerit, ad summi quoties fastigia iuris
Venerit, ITALIÆ late cum frena teneret
ILLYRICOSQUE sinus, & quos arat AFRICA
campos.*

Quarto, notandus cum primis distinctus *Diœcescon*, quæ hic nominantur recens: Quo nomine hæc Valentiniani Iun. constitutio inter nobilissimas iam esse cœpit, ex quo *coniectura de Suburbicariis regionibus & Ecclesiis* eam laudauit. Hæc *Tom. IV.*

enim *lex* de earum numero est, quæ hæc quatuorclare & distincte præstat. Primo, Quatuor diœcesibus Præfecturam Prætorianam Probi, & sic Italix constituisse: nempe *Italia* specialiter dicta, *Vrbicariis* Regionibus, *Africa*, & omni *Illyrico*, de quo alibi fufe, & quidem de Illyrico omni ad *l. 7. sup. de metallis & l. 2. sup. de constit. Princip.* Secundo notandum circa *Italia* diœcesum, eam ab Vrbicariis distingui, & sic Italiam hanc extra Vrbicarias regiones quærendam: cum alias *Italia* appellatio totam, quanta ea est, Italiam, comprehensio etiam Vrbicariis regionibus, complectatur: de quo dixi plene alibi. Tertio, Quod *Vrbicarias Regiones* attinet, hic videmus, eas ut ab Italia, ita & ab Illyrico & Africa separari: ac proinde quærendas eas extra Italia diœcesim specialiter acceptam, extra Illyricum & Africam. Vnde iam id impetratum est, vtriusque partis confessione, non debuiffe diligentissimum alioquin Annalium Ecclesiasticorum Scriptorem, *Vrbicarias* regiones in Africam & Illyricum, imo in totum orbem Romanum, porrigere. Hoc vero nunc satis: nam quod fines harum regionum *Vrbicariarum* attinet, eos alibi circumscriptos reperies.

Quinto neque illud omittendum, *Illyrici omnis* appellatione hic, ut & aliis locis multis, vtrumque Illyricum, quod in Orientale & Occidentale postea recessit, comprehendi: vtpote Illyrico nondum diuiso; quod post Valentinianum Iun. demum cuius hæc *lex* est, factum est: de quo dixi semel ad *leg. 2. sup. de constitutionib. Principum.*

Postremo loco notandum, quod iubet Valentinianus Iun. hanc legem, *Prælati huius Oraculi auctoritate firmari a Probo Præfecto Prætorio*: quomodo & (ut omitam alias *leges*, quas congero in Prolegomenis, & in *Paratitlo de constitutionib. Princip.*) *l. ult. sup. tit. prox. Prælati literis Viri Inlustres Comitibus S. L.* Mos hic scilicet olim fuit, ut Magistratus iuberentur Constitutiones seu Edicta Principum publice sub Edicto seu Programmate proponere & proferre, imo & anteferre, *præferre*: Præferre, inquam; Sic ut *lex* Principis præcederet, sequeretur mox Edictum Magistratus; quod recte probauit Sirmondus, 2. *Propemptici, cap. 2.* quod etiam *huius leg.* verba clare præferunt. Quanquam, verum ut fatear, vim in hoc verbo non omnem facio: *Præferre* enim auctoritatem dicitur, qui alicuius rei auctoritatem obtendit, quocunque loco & ordine obtendat. Id ergo melius certius comprobatur ex *Nouellarum* subscriptionibus; *Nouellæ*, inquam, Valentiniani de *Testamentis*: de *sepulchris*: de *libertis*: ubi diserte ex dicuntur, *Antelato Edicto Præfecti Prætorio*, ubi perperam Vir Clarissimus emendabat, *Antelato Edicto*: Comprobatur id quoque Edicto Præfectorum, quo *lex* Theodosii, promulgata de Nestorii libris, inter *Acta Synodi Ephesine Part. IV. pag. 1718. Tom. I. Concil. Haradin.* ubi aiunt diserte Præfecti, *ἵνα τῷ θεῷ πατρὶ ὁ νόμος προλαμπτεν προσεταξαμεν, legem diuino lumine plenam præluere iussimus.* Comprobatur & Edicto Marcellini Tribuni & Notarii ad Collationem Carthaginensem missi ab Honorio, ubi proposito Edicto

Edicto Honorii, ipse mox ista subiicit. *Quid Clementissimus Princeps Dominus noster Honorius pro Catholica fidei confirmatione decreuerit, antelatorum apicum tenore monstratur. Vid. Gesta prima collation. num. 4. pag. 1052. Tom. I. Concil. Harduin.* Et recte Sirmondus, qui ex ipsa decori specie id etiam adstruebat: Cui enim verisimile fiat, Principum legem iudicum Edictis subiectas fuisse? Idem

vero recte contrariam sententiam perperam fulciri demonstravit his verbis; *Lex proposita sub Edicto: ut Nouella Valent. de præscript. 30. ann.* Hæc enim verba non ordinem denotant, sed modum proponendi: *Sub*, idem est, quod *per* Edictum. Idem denique ostendit & *πρωτάματα & προθέματα* non ideo dici quod præponerentur, sed quod *palam* præponerentur.



DE CONDITIS (C) IN PVBLICIS HORREIS. TITVLVS XIV.

LIB. X. COD. IVST. TIT. XXVI.

(*) Urbicarii canonis, de quo *lex* 1. & 2. *militaris annonæ*,
de qua *lex* 3.

P A R A T I T L O N.

CONDITA, *Rubr. l. 1. b. t. & l. 3. 15. sup. de erogat. milit. ann. l. 2. inf. de his quæ ex publ. contat. l. 9. inf. de suariis. fiscalia condita, l. 16. d. tit. de erogat. milit. ann. horreorum condita, l. 10. sup. de numerariis, sunt, quæ in horreis habentur, l. 1. b. t. in publicis horreis, Rubr. veluti frumentum, l. 1. b. t. reposita ad vsum Urbis Romæ, l. 1. 2. b. t. ad erogationem militaris annonæ, l. 1. 3. 5. 11. 16. 17. 32. sup. de erogat. milit. ann.*

HORREA, *l. 4. 17. 35. 37. inf. de operib. pub. l. 3. b. t. enim quædam erant in quibus ea reconderentur, & ex quibus rursum erogarentur, partim Romæ seu apud urbem Romanam, l. 1. 2. b. t. l. 12. inf. de operib. publ. horrea Romana Symmacho lib. 3. ep. 55. partim in portu Urbis Romæ: unde horrea Portuensia: de quibus suo tit. inf. de patronis horreorum portuensium: & condita portuensia, l. 9. inf. de suariis: partim in prouinciis; quorum alia Romano populo destinata, ut in Africa: de quibus Ammianus Marcellinus lib. 28. cap. 6. de quibus dixi ad l. 16. inf. de Susceptorib. alia erogationi militaris annonæ per limites & castra, d. l. 1. 5. 11. 15. 16. 17. 32. sup. de erogat. milit. ann. Hæc horrea omnia dicta, & horrea publica, Rubr. b. t. l. 32. sup. de erog. milit. ann. horrea fiscalia, l. 16. sup. de erogat. milit. ann. l. 12. inf. de operib. pub. l. 16. inf. de susceptor. l. 1. inf. de equis curulib. Ab his horreis, horreaticæ species, l. 3. seu ult. b. t. De his Conditis sequentia constituuntur.*

Primo iubentur Condita in Urbis Romæ vsum ita expendi, ut videlicet vetus frumentum prius expendatur, *l. 1. b. t.* *Secundo* non ante aliquid ex his diuidatur Ciuibus pro annona ciuica, quam integer canon ex Africa inuectus fuerit, *l. 2. b. t.* *Tertio*, His custodiendis, admetiendis, Custodes & Mensores adpositi, *l. 1. in f. b. t. vide & l. 9. inf. de suariis: l. vn. inf. de patron. horr. portuens. l. 1. inf. de canone frum. V. R.* *Quarto*: Usurpans aliquid ex his, deportationis pœnam & bonorum omnium proscriptionem patitur, *l. ult. b. t. l. ult. inf. de canone frum. V. R. l. 12. inf. de operib. publ. l. 2. sup. de his qui cum dispensatore. de quo suo tit. Vid. inf. de his quæ ex publica collatione illata sunt non usurpandis: & nominatim l. ult. eod. tit.*

I. (a) Impp. VALENTINIANVS, & Valens AA. ad
Volusianum P. V. (b)

CAuens, (c) ne Urbaniciiani (d) Officiales annonariis necessitatibus misceantur,
omnia partecipe Præfectura Annonaria disponas, ac iubeas ad curam propria (e) reuocari.

uocari. Ante omnia (*) autem (f) quæ in horreis (g) habentur, expendi volumus, ita ut non prius ad id frumentum tendatur (h) expensio, quod sub (i) Præfectura tua, Urbis horreis infertur, quam vetera condita fuerint erogata. Si (k) forte vetustate species (l) ita corrupta est, ut per semet erogari sine querela non possit, eidem ex noua portione miscetur, cuius adiectione corruptio velata damnum fisco non faciat. Ad istud autem negotium, arbitrato ac tuo iudicio, nobilis, (m) prudens, fidelis, optime sibi conscius, pro integritatis meritis, (n) adponatur custos ac Menfor, qui vel frumenta modio metiatur, vel iustis æstimationibus colligat, quanta habeantur in condito. Dat. VI. Id. April. Diuo Iouiano & Varroniano Coss. [364.]

NOTAE.

- (a) *Lex 1. Cod. Inst. eod. tit. lib. 10. t. 26.* hinc desumpta est, recisa prima *huius leg.* sententia seu temporali. Iungenda autem illi *lex 1. Cod. eod. de off. P. V.* quæ subscriptione caret, ut & *lex 1. Cod. eod. de Apparitoribus Pref. annonæ.* GOTHOFR.
 (b) *Volusianus P. V.* (forte Apronianus) Romæ sub Valentiniano Sen. vid. *Prosopogr. ID.*
 (c) Prima hæc sententia abest a *Cod. Inst. ID.*
 (d) De *Urbanicianis* his Officialibus dixi quoque iam ad l. 8. *sup. de Agentibus.* Dicti autem *Urbaniciani*, Officiales Præfecti Urbis seu Apparitores, ut vocantur d. l. 1. *Cod. Inst. de off. Appar. Pref. ann.* quomodo Præfecti pratorio Apparitores, *Præfectiani*, Præfecti annonæ, *Annonarii. ID.*
 (e) *78. Proprium. ID.*
 (*) Hinc iam desumpta est *lex 1. Cod. Inst. eod. tit. ID.*
 (f) Abest autem a *Cod. Inst. ID.*
 (g) Urbis scil. *ID.*
 (h) *Extendatur. Cod. Inst. ID.*
 (i) Id est, tempore Præfecturæ tuæ. *ID.*
 (k) *Et si, Cod. Inst. ID.*
 (l) Annonaria scil. *ID.*
 (m) *Nobis prudens, Cod. Inst. quædam Editiones, male. ID.*
 (n) *Integritate mentis, Cod. Inst. male. ID.*

COMMENTARIUS.

URBICÆ annonæ variis rationibus & quatuor quidem, quot etiam *huius l.* capita sunt, hac constitutione consulit Valentinianus Sæ. quem Principem innumeris aliis *legibus* eidem annonæ enixo studio consuluisse liquet: Quod & ipsemet diserte profitetur l. 1. *Cod. Inst. de off. P. V.* quæ huic iungenda est.

Primum igitur, (quod ab hoc titulo alienum est) Præfectum Urbis, etsi Urbicæ annonæ curam gereret, sub eius dispositione Præfectus annonæ fuisset, (quod etiam *Imperii Notitia* ostendit fol. 118. & Sidonius Apollinaris lib. 1. *ep. ad Campanium 10.*) attamen de annonæ eum quicquam dispo- nere vetat, nisi *participet Præfecto Annonæ*; Id quod expressius adhuc Valentinianus definiuit d. l. 1. *C. Inst. de Officio P. V.* quæ eiusdem constitutionis pars est, & huic proxime cohæsit: Ea sic habet; *Impp. Valentin. & Valens AA. ad Volusianum Præfectum Urbis. Studentibus nobis statum Urbis, & annonariam rationem aliquando firmare, in animum subiit, eiusdem annonæ curam non (non omnem maioribus deferre potestatibus) omnibus deferri potestatibus. Et ne Præfectura Urbis abrogatum sibi aliquid putaret, si totum (id) ad officium annonarium redundasset, eidem Præfecturæ sollicitudinis (annonariæ) necessitatem mandamus: sed non ita, ut lateat officium annonariæ Præfecturæ; sed ut ambæ potestates, in quantum sibi negotii est, tueantur ciuilem annonam; sitque societas muneris: ita ut inferior gradus meritum superioris agnoscat; atque ita superior potestas se exerat, ut sciat ex ipso nomine, quid Præfecto debeatur*

annonæ. Concurrere itaque has duas Potestates; Præfectum Urbis, & Præfectum Annonæ, in sollicitudine ipsius Annonæ Urbicæ vult Valentinianus, seu societatem muneris inter eos esse iubet. Quod etiam deinceps obtinuisse docet *lex ult. inf. de nauicul. & Symmachus lib. 10. ep. 48.* & Sidonius lib. 1. *dist. ep. 10.* potioribus tamen partibus *Præfecto Annonæ* adsignatis, utpote cuius hæc unica cura erat, de quo etiam vide eiusdem Valentiniani l. 2. *inf. de canone frum. V. R.* Quare siquid circa Annonam factu opus esset, Præfecti Urbis Officiales ei rei se immiscere vetat, verum Præfecti annonæ Officiales id exsequi iubet, vitandæ scil. confusione. Quod ipsum diserte quoque cauetur l. 1. *C. Inst. de Apparitoribus Præfecti annonæ: Apparitores, inquit, Urbana Præfectura annonario Officio sese non inferant, sed Apparitorum emulati- one secreta, ministerio suo annonæ Præfecturæ fungantur, quæ lex forte & ipsa huic iungenda videri possit, emendata Inscriptione. Obseruandum interim nouum istud Valentiniani institutum: quo Præfecti Urbis cognitionem succidit: ut & notandus concursus & coniunctio duarum Potestatum circa eandem rem.*

Secundum iam *huiusce leg.* caput, quod retinuit Tribonianus, est de Erogatione Annonæ. Iubet scil. Valentinianus vetera, prius condita expendi seu erogari: vetera, inquam, condita, id est, quæ sub anteriore Præfectura horreis illata fuerant & asseruantur, priusquam ad erogationem nouorum deueniatur; nouorum, id est, quæ sub præfenti Præfectura horreis fuerunt illata; Quod in erogatione

erogatione vini aliter obtinet, veteris quippe vini dispendiosa erogatio est, *l. 25. sup. de erogat. milit. ann.* nisi si processum temporis non ferret, *l. 3. sup. tributa in ipsis speciebus* quæ & ipsa lex pertinet ad Vrbicariam annonam.

Tertio capite id cauetur, vt si Vetera condita forte corrupta sint, quæ sine querela sola non possint erogari, tum nouæ annonæ seu frumenti noui *admissione* id vitium veletur.

Postremo tandem capite cauetur, de *Frumentario custode & mensore* a Præfecto Vrbis arbitratu eius & iudicio eligendo: Eum scil. Nobilem, Prudentem, Fidelem, optime sibi conscius, pro meritis integritatis, eligi vult, qui scilicet aut modio frumenti metiatur, aut iusta æstimatione colligat, quantum habeatur in condito. De quibus *Mensoribus* dicendi locus erit *l. 9. inf. de Suariis: l. vi. inf. de patronis horr. portuens. l. i. inf. de canone frum. V. R.*

Inter alias vero qualitates, quæ in Custode hoc vel Mentore requiruntur nota *Nobilem* requiri, quod in *Cod. Iust.* male mutatum in *nobis*. Nempe *nobilis* pro integro, summæ integritatis, vt contra *ignobiles* de corruptione, *ignobilis dissimulatio*, *l. u. inf. de extraordinar.*

Interim ex superioribus apparet, non recte *hanc leg.* restringi a nonnullis ad annonam ciuicam gratuitam seu panem gradilem; de quo erit *inf. titulus de annonis ciui. is & pane gradili*, verum spectare eam ad quamlibet annonam Vrbicariam, etiam eam, quæ publice distrahebatur, quod & in vino factum ostendi, ad *l. 2. 3. sup. tributa in ipsis speciebus*.

Amayæ interim hæsitacionem *hac l.* non potui non risu excipere, qui cum videret *Valentini-*

ni & Valentis nomina *huic l.* inscripta, subscriptosp. 104. vero Consules *Iouianum & Varronianum*, tanquam inter se pugnantia hic ita conciliauit, hanc legem tulisse quidem Iouianum, sed præmatura eius morte non potuisse eam publicari, & ideo sequentes Imperatores id effecisse, cum in Consulatu suo obierit. Nesciuit enim Amaya, mortuo quamuis Iouiano & Varroniano, consulatum tamen de eorum nominibus porro resignatum, addito tantum eius rei indice vocabulo, *Divo*. Quare *Valentiniani* hæc *lex omnino est*, nullo modo Iouiani. Vt & illud omne ioculari, quod idem postea ibi *Interpres*, tam prolixè mouet aduersus id, quod *hac leg.* dicitur, species vetustate corruptas cum nouis ita miscendas, vt eius adiectione corruptio veletur. Quasi id in falsi crimen incurrat, & contra bonæ fidei regulas sit: hucque aptat, quæ aduersus priuatos *καπηλεύσας* dici vel statui solent: forumque adeo conscientie aduersus id commouet, tanquam id naturali charitati & veritati aduersum sit: & exinde in eum tractatum sese effudit, quando naturaliter alterum decipere fas sit. Vbi tandem etiam ex parte post alios obseruat, hanc legem esse de annona Ciuica & de pane gradili, qui gratuito populo Romano ex horreis expendebatur, erogabatur gratis, & ex Principis liberalitate, qui proinde hanc *legem* liberalitati suæ dicere potuit, & *fisco suo* consulere. Verum & hoc male; nam & hæc *lex*, vt dixi pertinet ad quamlibet Annonam Vrbicam, quam etiam publice distrahebant. Certe id ipsum quoque hodie alicubi in Rebus publ. bene institutis vsurpari videmus, etiam cum conditæ in publicis horreis species non ita bonæ, aliarum mixtione & adiectione velantur, atque ita in pistores erogantur.

II. (a) Impp. Arcadius & HONORIVS AA.

Florentino P. V. (b)

Nihil prius ex horreis consequantur, (c) quam omnis Canon, (d) qui antiquitus est institutus, fuerit completus; Cognoscente Officio Vrbicariæ Præfecturæ, decem libris auri esse (e) multandum, si quæ decreuimus fuerint temerata. Dat. vi. Kal. Ian. Med. Arcad. III. (f) & Honor. III. AA. Coss. [396.]

N O T A E.

(a) Absit hæc *lex* a *Cod. Iust.* GOTHOFR.

(b) *Florentinus* P. V. Romæ sub Honorio, vid. *leg. 3. inf. de privilegiis Corporatorum V. R.* Huic *Florentino* P. V. complures aliæ *leges* inscribuntur. Sed & plures *Symmachi* epistolæ *lib. 4.* ex quarum numero est *ep. 51. & 54.* e quibus de eius Præfectura indicium facile fieri potest. *ID.*

(c) Quinam? An pistores; an ciues seu populares? Hoc verum: dicam *max. ID.*

(d) De canone frumentario Vrbis Romæ, erit *titulus. inf. ID.*

(e) *75. esse se*, vel simpliciter *se se multandum. ID.*

(f) *75. IV.* Idem error tollendus ex *l. 26. inf. de nauicular. ID.*

C O M M E N T A R I V S.

EROGARI, expendi, ex Canone frumentario Vrbis Romæ seu profligari diurna præbitione quicquam vetat Honorius Anno Domini 396. priusquam integer canon completus, fuerit, (id est illatus.)

Quæ constitutio obscurum sensum habet, vt pote cum decurtatam adeo in hunc *titulum* retulerint *huius Codicis* Conditores, vt non habeat vox,

consequantur, quo referatur. Qui Conditorum istorum error est. Sed & ratio præterea in obscurum est: ipsa temporum ratio forte rem expediet. Pertinet hæc *lex* procudubio ad metum ingruentis Romæ famis, cum videlicet *Gildo* hoc ipso Anno 396. superiore mense Nouembri, sub finem Autumni, ingruente hyeme, teste *Claudiano de bello Gildon. in princip.* arrepta per Africam tyrannide

nide canonem Vrbicarium, qui ex Africa *anti-*
quitus erat *institutus*, (id est Vrbj Romæ desti-
natus) retinisset; de quo consule *Consularia no-*
sira Theodosiana, atque exinde fames æuissima
Romæ oborta; de qua videndus Symmachus &
Claudianus *de bello Gildonico*; Quo pertinet præte-
rea hoc ipso mense Decembri altera Honorii con-
stitutio, puta *lex 26. inf. de Nauicular.* & complu-
res insuper anno proximo sequente 397. Quare
cum canonem illum frumentarium hoc mense
Decembri nondum illatum viderit Honorius, ne-
que dum satis sciret unde hæc mora prouenisset,
non vna ratione ingruenti fami occursum voluit:
Et quia, penes Nauicularios quoque eius rei cul-
pam residere putaret, *legem illam 26. inf. de nauic-*
ular. edidit: Sed & hac *leg. emissâ*, Populo Ro-
mano, consultum voluit, erogationi canonis modo
præstito, ne alioquin iusta eius erogandæ ratione
non habita canon solito citius deficeret, & proflig-
garetur diuina præbitione. Quare id nunc consti-
tuit, vt *nihil* populares seu ciues, prius ex horreis
consequantur, id est, vt ne quid erogetur, proflig-
getur diurna præbitione in ciues, vel gratuitæ an-
nonæ (quæ *annonæ ciuica* dicitur) vel distractione
facta, quam totus canon illatus fuerit, vt ita futu-

ri prouidentia modus erogationis ineatur. Tan-
dem ad ipsammet Florentini huius P. V. cui *hæc*
lex inscribitur, relationem, id ita ab Honorio con-
stitutum cenfeo. Extat sane Symmachi *Epistola*
54. lib. 4. ad hunc eundem Florentinum, super hac
ipsa re. *Sed quid mihi insursas frugis Africa-*
næ tenues commeatus? Absit, vt præsens annus
imitetur fortunam superiorum. Intercludet, vt
spero, PROVIDENTIA tristes casuum vias, sacris au-
ribus edocendis, & castigatione Iudicum, quos ali-
mentaria spectat inuectio. Nec spem dies obstruit.
Nam mare adhuc iustis cursibus patet, & nondum
in hyemem præcipitat Autumnus. Placet tamen
inter hæc quod inasuas, & pio METV anteuertis
necessitatem. Remunerabitur curam melior euen-
tur; & laudis tuæ fructus efficiet, vt posthac tibi
dulce sit timuisse. Quæ quidem Symmachi episto-
la, vt ex superscriptis apparet mense Nouembri cir-
citer data est.

Prouidentia interim Principalis exemplum hic
habemus, imminenti fami prouida ratione occur-
rentis. Nempe vt cæteroquia venienti necessitati
prouidus quisque occurrit, si ad calculos sedeat,
ita venturæ fami occurrit, qui accepti prius
quam expensi vilius rationem habet.

III. (a) Idem AA. Anatolio (b) PF. P. Illyrici.

N^{VLLI} (c) posthac horreaticas (d) species contingendi copia præbeatur. Sin (e) vero
quisquam temerator horreorum extiterit, qui sibi ex prædictis aliquid audeat vsur-
pare, hanc pœnam sciat nostro arbitrio definitam, vt deportationis pœnæ subiectus, to-
tius substantiæ (f) cogatur subire iacturam. Dat. VII. Id Iul. Constantinop. Cæsario &
Artico Coss. [397.]

NOTA E.

- (a) *Lex ult. Cod. Iust. de conditis in publicis horreis. GOTHOFR.*
- (b) *Anatolius PP. Illyrici sub Arcadio Imp. A.D. 397. 398. 399. v. Prosopogr. ID.*
- (c) Iudici forte. *ID.*
- (d) *Horreaticæ* species, quæ in horreis conditæ. *ID.*
- (e) *Si vero; ita Cod. Iust. ID.*
- (f) Nempe deportationi iuncta semper est bonorum publicatio. *ID.*

COMMENTARIUS.

V^{SURPARE} ea, quæ publica collatio-
ne in horrea illata sunt, vt nulli penitus
Iudici licet (de quo peculiaris est titulus *inf. lib.*
XII. tit. IX. de his quæ ex publica collatione inla-
ta sunt non vsurpandis: in quem & hanc legem
coniectam oportuit;) ita cum id a Iudicibus sub-
inde fieret, tum alii Principes ei vsurpationi inter-
cessere, tum *hæc leg.* Arcadius intercedit: ac no-
minatim per *Illyricum* (Orientale scilicet) rursum
nominatim, circa species *horreaticas*, id est, cir-
ca annonam militarem, quæ per *Illyricum*, in ca-
stris & horreis limitaneis, exercitui, qui Scythis,
Gothis, Sarmatis oppositus erat, alendo, condita
erat: de qua alioquin militari & limitanea anno-
na fuit iam peculiaris *tit. lib. VII. tit. IV.* Male
igitur species *huius leg.* ponitur in speciebus reposti-

tis ad subleuandas necessitates populi, ne alioquin,
vt loquuntur, famesceret populus.

Quod pœnam huic vsurpationi impositam atti-
net, bonorum proscriptionis & deportationis, ea-
dem & statuitur *leg. 12. inf. de operib. publ. & leg. 2. sup.*
de his qui cum dispens.

Male item ad *hanc legem* quæritur, vtrum
hæc *lex* quoque obtineat, si species non quidem
in horrea adhuc conditæ, verum ad horrea tan-
tum destinatæ sint? Est enim *huius legis* species de
horreaticis speciebus, id est, quæ in horreis condi-
tæ in vsu militares.

Exemplum interim hic habemus, Principis
Iudicum integritati, simul & collatorum indem-
nitati, tandem & rei annonæque militari consu-
lenti.



DE PUBLICA

COMPARATIONE.

TITVLVS XV.

LIB. X. COD. IVST. TIT. XXVII.

Vt nemini liceat in emptione specierum se excusare, & de munere Sitionie.

Addantur præterea huius tituli legibus de hac ipsa re, quinque aliæ præterea: puta lex 14. *sup. de proximis Comitibus dispositionum*, lex ult. *inf. de equorum conlat.* lex 1. 3. *inf. de frumento Urbis Constantinopolitanae*: lex 49. *inf. de operib. publicis.*

PARATITLON.

PUBLICA COMPARATIO, quæ *Rubr. huius t.* dicitur, vocatur & Comparatio diuersarum specierum, *l. 1. b. t. comparatio specierum, l. ult. inf. de equor. conlat. & l. 49. inf. de operib. publ.* ac nominatim frumenti, vnde cœmprio frumentaria, *l. 3. inf. de frumento Urb. Constant.* frumentaria Comparatio, *l. 1. inf. de frum. Urb. Const.* Item Venalicium, *l. 14. sup. de prox. Comit. dispos.* Tandem & Synoneton appellatur, *l. 1. b. t.* quæ vox cœmptioni respondet, vt cœmere, pro simplici, *Emere*, in *l. 1. de frum. V. Const.*

Erat autem, cum ad prohibendam famem forte Urbis Constantinopolitanae, vt *d. l. 1. inf. de frum. Urb. Const.* vel urgente alia necessitate forte bellica, *l. ult. inf. de equor. conlat.* species annonariæ a prouincialibus, pretio contra dato a fisco expetebantur, *l. 2. b. t.* sub transactione comparationis, *d. l. 2. b. t.* vt videlicet distraherent vñbus publicis profuturas fruges, *d. l. 2. in fin. b. t.* species annonarias, *d. l. 2. b. t.* pretiis, quæ in foro rerum venalium habentur, *d. l. 2. b. t.* Quæ quidem adscriptio, seu Indictio, inferiores vel plebeios non tenebat, *d. l. 2. b. t.* Vt nec actores & Procuratores Senatorum *l. 1. b. t.* sed potiorum, id est ditiorum possessorum domos, *d. l. 2. b. t.* Pro ratione temporum vel ingenio Principum; modo necessaria, sic vt nullus ab ea immunis esset, *d. l. ult. inf. de Equor. conlat. & l. 49. inf. de operib. publ.* Exceptis scilicet Proximis & Comitibus dispositionum, *l. 14. de proximis*: modo voluntaria, *d. l. 2. b. t.* Ita quidem vt non pretiis acceptis species dare cogerentur, *d. l. 2. b. t.* vnde Transactio Comparationis, *d. l. 2.* vocatur.

SENATORVM actores, Procuratores, a Synoneto immunes esse.

I. (a) Imp. CONSTANTIVS A. ad Senatum.

AD comparationem diuersarum specierum (quod Synoneton appellatur) Actores, Procuratoresque Senatorum per diuersas prouincias nullam inquietudinem tolerant. Dat. v. Non. Maii, Tauro & Florentio Coss. [361.]

NOTAE.

- (a) Adest hæc lex a *Cod. Iust.* prælata Anastasii *l. 1. C. cod. tit.* qua nulli immunitas tribuitur ab hac comparatione. Iungenda ei autem lex 12. 13. *sup. de Prætorib. lex 1. sup. de meiatis*: lex 7. *sup. de annona & trib.* lex 48. *inf. de decurion.* lex 3. *inf. de iustit. conlat.* lex 1. *inf. de protostasia*: lex 7. *inf. de oper. publ.* GOTHOFRED.

COMMENTARIVS.

CONSTANTINII Imperatoris hæc constitutio est, ma: qua IMMUNES esse iubet a publica illa comparatione, seu Synoneto, Actores & Procuratores SENATORVM, qui scilicet per prouincias possessiones eorum

P.107. eorum nomine exercebant, procurabant: Quæ quidem lex prolixæ Constantianæ ad Senatam Orationis pars est; quod ostendunt octo illæ leges, quas huic coniungendas esse dixi; quibus & aliæ præterea Senatoriæ Immunitates continentur, puta a lustrali collatione, d. l. 3. inf. de lustrali collat. a metato, d. l. 1. sup. de metatis, a collatione ad opera publica, d. l. 7. inf. de operib. pub. a tributis soluendis pro colonis profugis, d. l. 7. sup. de annona, non tamen a munere protostasiæ, d. l. 1. inf. de protostasia, non vero a nexu Curiali, d. l. 48. inf. de decurionibus, quæ leges, ut dixi, omnes, huic atque inter se cum tribus aliis præterea coassandæ sunt, ceu eiusdem orationis partes: quæ tamen non illa est, cuius meminit Themistius Orat. 14. (siv. 2. edit. Harduin.) ut ostendi ad d. leg. 12. sup. de prætorib. (quæ & ipsa huic iungenda est, etsi de Themistio agat.) Et hoc quidem singulare Senatorum privilegium est, cum aliquin nemo a Synoneto immunis sit, l. ult. inf. de Equor. conlat. l. 49. inf. de operib. publ. & tit. Cod. Iust. de quib. munerib. vel præstationib. nemini liceat se excusare: qua causa hæc lex abest a Cod. Iust.

Quale autem hoc onus fuerit, ex Paratitlo liquet. Illius sane quoque Synoneti seu Coëmptionis, Scriptores nonnulli τὸν ἔξω meminere; Libanius epist. ad Modestum 266. Auctor subditus Notitiæ Imperii, de Iudicibus & Exactoribus. Illis, inquit, Tyronum comparatio, Equorum vel fru-

menti coëmptio, expensa quoque manibus profutura, solennia lucra sunt, & votiva direptio. Boëthius, l. de consolat. ad metrum 4. Cum acerbe famis tempore grauis atque inexplicabilis indicta Coëmptio profligatur a inopia Campaniam videretur, ceteramen aduersum Præfectum Prætoris communis commodi ratione suscepi, Rege cognoscente contendere, & ne coëmptio exigeretur, euici. Cassiodorus etiam XII. Variar. 14. Laridi atque Tritici species nullis temporibus coëmptionis nomine inde decernimus postulari Suidas voc. Συωνή. Συωνή, τὸ ἀχθος. ὅτι ἐπὶ ἱερωνιᾷ ἢ τῷ σίτῃ Ποδὶ ἐσπένδε. Συωνή. Onus (quosdam sic dictum) quia sub Iustiniano annona arctior erat. & mox, ὥς ἀγαπᾷ, ἢ ἵς αὐτῆς ἐπὶ τὸν τε σίτον οἰκοδεν τῷ δημοσίῳ χαρίζεσθαι, καὶ τίμημα ἔτερον ὑπὲρ αὐτῆς κατατίθεναι: τὸ ἐστὶ τὸ ἀχθος, ὅπερ συωνὴν καλεῖν νενομίσασθαι. ut potius haberent frumento publicis horreis condonato, pretium insuper duplum persolvere: hoc est onus illud, quod synonam vocare consueverunt. Demunere huius Sitonix, id est de cura σιτωνικῶν, seu frumenti coëmendi munere, Hermogenianus & Arcadius Charisius l. 1. §. 2. & l. 18. §. 5. D. de munerib. & honor. & quisquis Author est legis §. 12. eod. vide & dist. tit. Cod. Iust. ut nemini liceat in coëmpt. &c. & Nouell. Iustiniani 30. cap. 8. Gregorium lib. 1. epist. 2.

Hæc interea Constantii constitutio exemplum est, Principis Senatui sese commendare satagentis: argumentoque est, quo Constantius ipse erga Senatam & Senatores animo seu studio fuerit.

POTIORES, tantum, eosque nonnisi volentes, nonnisi pretio prorogato, nonnisi forensi, etiam annonarias species, fisco distrahere cohortatur Theodosius M. A. D. 384.

II. (a) Imppp. Gratianus, (b) Valentinianus, & THEOD. AAA.

CVNCTOS (c) formari (d) plenius conuenier, ut in speciebus, etiam annonariis, quæ a Prouincialibus, sub transactione (e) comparationis, pretio experi solent, sciant, nullam sibi necessitatem (f) indictionis inponi, sed huius adscriptionis (g) necessitatem sublatam: mox, ab Amplissima Præfectura (h) pretiis competentibus destinandis, ut nihil trahatur (i) in debitis, quod aut speretur, aut promittatur quando (k) soluendum. Vnusquisque (l) Prouincialium nostrorum, arbitrato proprio & mente deuota, species petitas huiusdem pretiis quæ in foro rerum venalium habebuntur, libens præster, ac distrahar: ita ut prius (m) vendendas det species, quam omne, quod in ratione distractionis venerit, (n) aurum fuerit consecutus: Potiorum (o) tantum, id est, possessorum, domibus delegatis: Quibus tamen cohortatio inponitur, non necessitas imperatur, *Ut consensum facilem præbeant super speciebus annonariis distrahendis.* Hæc autem adscribitio inferiores, vel plebeios non tenebit, ut vñibus publicis profuturas distrahant fruges. PP. Prid. Kalend. Febr. Byritho, (p) Richomere & Clearcho Coss. [384.]

NOTAE.

- (a) Abest & hæc lex a Cod. Iust. prælata ut iam dixi ad l. 1. sup. Anastasii lege, qua conditiones nullæ proponuntur, iungendæ autem illi lex 19. sup. de annona & trib. & lex 4. sup. tributa in ipsis speciebus. GOTHOFR.
(b) Perperam hæc lex pariter ut lex 19. & d. lex 4. Gratiano, Valentiniano & Theodosio tribuuntur. Tribuendæ enim sunt Valentiniano, THEODOSIO & Arcadio. vide Consularia Theodof. ID.
(c) Edicti pars hæc videtur. ID.
(d) Formari, pro informari. ID.
(e) Transactio comparationis propria voce, quam ad leg. 1. sup. iam expendi. De altero autem transactionis genere agitur: idque simul improbat d. l. 4. tributa in ipsis speciebus. ID.

- (f) Ita mox pariter, *arbitratu proprio & in euse deuota*: & Tertio. *Quibus tamen sobortatio imponitur, non necessitas imperatur, &c. ID.*
- (g) Ita mox sine legis; *Hac autem adscriptio, &c. Adscriptio necessitatem indicat. ID.*
- (h) Id est a Praefecto Prætorio, non Praefecto Urbis, ut nonnulli existimarunt, de quo mox plura. *ID.*
- (i) *Trahi in debitis*, est differri solutionem. *ID.*
- (k) *ꝑ. Quandoque*, id est, deinceps & in futurum; nisi pro eodem quis malit hic legere, *aliquando. ID.*
- (l) *Vnusquisque igitur. ID.*
- (m) *ꝑ. Non prius*: id enim omnino *huius l.* sententia deposcit. *ID.*
- (n) *Ei conuenerit. ID.*
- (o) *Potiores*, pro possessoribus, *hac l. & l. 5. inf. de iustit. conlat.* Vide *Glossarium*. Forte autem hic legendum: *Potiorum tamen tantum &c. ID.*
- (p) Hanc subscriptionem plenius expendi ad *d. l. 19. sup. de annona & trib. ID.*

P. 108.

COMMENTARIUS.

THEODOSII M. constitutio hæc est de publica Comparatione: quæ inani battologia & hiulea oratione laborat, & æquissima tamen est. Initio, hæc lex apertissime omnium ostendit, publicam Comparationem, Coëmptionem, Synoneton, quod prouincialibus seu possessoribus indicabatur, fuisse, non emendi necessitatem, quæ prouincialibus imponeretur; verum vendendi fisco qui species ita comparabat, coëmebat a priuatis urgente necessitate; De quo tamen anxie quærent: Interpretes nonnulli: Aperte enim *hac leg.* dicitur *species annonarias a prouincialibus pretio expeti sub transactione comparationis*: statuiturque, *pretia competentia a Praefecto Prætorio (e fisco) destinanda*: Additur, *nihil trahi in debitis oportere*, quod speretur aut promittatur olim soluendum: apertissimeque dicitur, *Prouinciales species PETITAS pretiis distrahere*: mox, *vendendas dare species, auro contra*: Item *Potiores*, seu *possessores consensum præbere super speciebus DISTRAHENDIS*: Tandem *Inferiores seu Plebeios non teneri VSIBVS PUBLICIS profuturas fruges DISTRAHERE*.

Nunc de *Conditionibus* æquissimis, quæ publicæ huic Comparationi apponuntur *hac l. CONDITIOES* nempe publicæ Comparationis quatuor *hac Theodosii M. constitutione*, subleuandis prouincialibus, inque eorum fauorem, proponuntur, pariter vt duo alia circa *eandem rem Tributariam*, ad eorundem Prouincialium indemnitate ab eodem constituuntur, *l. 19. sup. de ann. & tribut. & l. 4. sup. Tributa in ipsis speciebus*. quæ vt huic coniungendæ suat, ita eiusdem Theodosiani Edicti partes sunt.

Prima conditio hæc est, quæ tribus locis inculcatur, *Voluntariam* hanc comparationem esse, non necessariam: quod aliter postea obtinuit, *l. ult. de equor. conlat. & l. 49. inf. de operib. publ.*

Secunda conditio est, quæ etiam duobus locis repetitur; vt Græca fide, id est, *præsenti tantum & prorogata pecunia* species fisco distrahantur, quam Praefectus Prætorio destinauerit: Praefectus inquam Prætorio non Praefectus Urbis, quod quidam censebant; vt etiam *huius leg.* subscriptio indicare potest, etsi in specie legis 2. *C. iust. de frum. Urbis Constantinop.* a Praefecto Urbis eam pecuniam destinata fuisse apparet.

Tertia conditio est, vt pretium *forense*, quod in foro rerum venalium obtinet, inuicem detur: de quo pretio iuxta forum rerum venalium, vid. *leg. ult. sup. de annona: & l. 2. sup. Tributa in*

ipsis speciebus. [Symmachum, & Cassiodorum. Atque ita soluitur Quæstio apud Interpretes agitata, quo pretio Priuati in Caristia species annonarias vendere teneantur, iusto videl. an viliores? Ex Theodosii sane mente, *iusto*, eoque *forensi*; nam & forense iustum est, *c. 1. de empt. & vendit.* Verum huic rei modus certus in omnia tempora præstitui non potest; alias enim aliud esse iustum potest, vt apud Cassiodorum IX. *Var. 5.* Quemadmodum etiam cæteræ conditiones, prout necessitas est, non semper obseruari possunt, puta vt uoluntaria hæc sit coëemptio, vt pretio præsentis species vendantur, vt forensi pretio, denique, vt aliqui excusentur.

Postrema conditio est, quæ & duobus locis indicatur, respectu personarum: *Potioribus tantum*, id est Possessoribus, quo eodem sensu *Potiores* accipiendi *l. 5. inf. de iustit. conlat.* non etiam inferioribus aut plebeis hanc publicam comparationem seu Synoneton imminere: quæ magna est hac parte Theodosii M. humanitas; cum alias omnibus ex æquo ea immiceret, & a summis sarcina hæc ad infimos vsque decurreret, *l. ult. inf. de Equor. conlat. & l. 49. inf. de operib. publ.* Et vero Anastasius neminem ab ea immunem esse voluit: quæ causa est cur Iustinianus *eam legem* prætulit, duabus *huius tit.* legibus abdicatis. Sane Libanius quoque epistola ad Modestum Comitem Orientis tum, (vt existimo) 266. queritur de Dulcilio quodam, quem exiguum agellum circa Bercæam (inter Antiochiam & Hierapolim) colentem, multum tritici vendere coactum scribit ab iis, quibus hæc cura imminerebat, hos concutientibus, illos leuantibus: cui rei opem Modelli implorat. Ea Epistola hic inferi meretur. Quæ omnia singularem arguunt Theodosii M. humanitatem, præsertim vbi de annonariis speciebus agitur: quod & his verbis ipse indicare voluit, *In speciebus*, inquit ETIAM ANNONARIIS, quarum alioquin summa necessitas.

Ex hac interim lege documentum habemus, latranti quamuis stomacho publice succurrendum veniat, neque quidquam frumento & pane magis necessarium; non ideo tamen incondite ius suum cuiquam detrahendum: quin potius æquissimis conditionibus non tam cogendum quam inuitandum quemquam esse, vt subsidio publice esse velit. Quod vsui sæpe esse potest.

Vt ad historicam nunc causam *huius leg.* descen-

scendum; si coniciere licet, Coëmptioni huic qua de hac l. agitur, occasionem præbuisse videtur, ratione temporum & loci huic l. subscripti, suadente, fames frumentique inopia, seu annonæ difficultas, qua in Oriente, & quidem in Syria Antiochiæ, laboratum; de qua pluribus locis Libanius, de vita sua p. 64. & 69. edit. Morell. Orat. περί τῶν ἀσφαλειῶν, in f. pag. 394 Oper. minor. I. Gothofred. Cl. Troz. Orat. adversus Icarium, p. 462. edit. Morell. quæ quidem duravit sub tribus Comitibus Orientis per annum D. 382. 383. 384. ut ex prædictis Libanii locis colligimus: sub Phlegario, inquam, qui Comes Orientis fuit, A. 382. ut docet lex 41. de cursu publ. sub Proculo, qui Comes Orientis fuit eodem Anno 382. & 383. ut docet lex 90. 103. inf. de decurionib. lex 14. sup. de cohortalib. imo & lex 22. de operib. publ. cuius eundem meminit idem Libanius non vno loco, etiam Oratione ad Icarium p. 455. 456. 458. edit. Morell. & in supplemento MS. eius Orationis, quod penes me est. Tandem & sub Icario, qui post Proculum Comes Orientis fuit. Eo igitur proculdubio pertinet hæc coëmptio, de qua hac leg. cuius Coëmptionis meminit quoque Libanius, de vita sua p. 64. edit. Morelli in illa ipsa annonæ difficultate. σίτον δὲ οἱ ἀρχόντες πανταχόθεν ἐκάλαν [ἐπόλαν] αἱ τιμαὶ δὲ τοῖς ἀγείοις, ἐπὶ τὸ πλεονέκον. Φυλάγειος δὲ ἀνὴρ ἐνδοξότατος, ἐπὶ τὸν μέζω θρόνον ἦκων, κρείττω μὲν ἢ ἔχων τὰ πράγματα ποιεῖσαι, ἀγαπῶν δὲ εἰ μὴ Φαυλότερα, παρεκάλει μὲν τὸ τῶν σιτοποιῶν ἔθνος εἶναι δικαιοτέρες, ἀνάγκας δὲ ἢ κρείττω δὲ ἐπὶ ἀγῆν, δεδιὼς τὴν ἐπὶ πλείον ἀπόδρασιν. id est, Frumentum vero undequaque Magistratus comparabant: panisque pretium ad summum venerat. Phlegarius vero Vir Clarissimus, cum ad maiorem thronum conscendisset, (id est ad Comitium Orientis,) neque res in melius prouehere posset, satis habens ne deteriores redderet, hortatus quidem est Pistorum Corpus, ut equiores essent, ne essetatem vero his impingere non oportere ratus est, veritus scilicet plerorumque fugam. Ergo inter alia quoque remedia ad auerruncandam famam, admotum comparationis seu synoneti remedium a Theodosio M. sic tamen, ut potentiores tantum eo prouocaret, nulla etiam impacta necessitate, & pretio eoque præsentanti contra dato. Quinimo subscriptio quoque loci, ubi hæc lex Proposita, puta Berythi, hanc coniecturam firmat. De qua subscriptione dixi plene ad l. 19. sup. de annona & trib. quæ huic ut dixi iungenda est. Tandem & ex l. 4. sup. Tributa in ipsis speciebus. quæ & ipsa huic legi coniungenda est, argumentum aliquod desumi posse videtur: Nam & in ea remedium continetur ad impediendum annonæ defectum; nempe iubet Theodosius illo capite species annonas ipsas a collatoribus solui, non pretia earum: quod tamen tum non fiebat: Quod, inquit, maximum est, & unde omnis solet querela procedere.



DE EXTRAORDINARIIS SIVE SORDIDIS MVNERIBVS. TITVLVS XVI.

Adest hic *Titulus* a *Cod. Iustin.* atque eius loco ponitur *titulus de Excusationibus munerum.* Cæterum quatuor *hoc titulo* constitutiones occurrunt, ad *ECCLESIASTICAM* historiam pertinentes: puta lex 15. 18. 21. 22.

PARATITLON.

EXTRAORDINARIA, l. 5. sup. de annona, omnia, l. 2. 9. b. t. extraordinaria munera, Rubr. l. 4. 5. 12. 15. 18. 19. 21. 22. b. t. extraordinaria onera, l. 1. 4. 6. b. t. extraordinaria necessitas, l. ult. b. t. extraordinaria indictio, l. 11. b. t. extraordinaria functionum sarcina, l. 17. b. t. extraordinariæ exactiones, Ambrosio ep. 24. nouum quiddam; l. 7. b. t. nouum aliquid, l. 2. infr. de Priuileg. Corporat. V. R. Ambrosius de obitu Valent. p. 7. & pag. 108. Tom. V. Oper. edit. Paris. 1614. Cardinal. Felicis de Monte Alto. rerum extraordinariarum munus, l. 15. b. t. recentes tituli, l. 3. infr. de ponderatorib. sunt, quæ præter canonica & consueta, l. 2. b. t. præter ordinem, l. 20. b. t. præter penitentionem, pro capitibus seu iugis, l. 6. b. t. præter ea quæ anniuersaria consuetudine antiquitus postulantur, l. 7. b. t. ultra iussa, d. l. 7. b. t. præter canonem, l. 8. b. t. præter primum delegationis canonem l. 1. 3. b. t. pro rerum necessitate, l. 2. sup. de decur. & silent. iniunguntur d. l. 2. indicuntur, l. 8. 10. b. t. (vnde & *superindictum* dicuntur, vide Tom. IV.

titulum de superindictis sup.) deposcuntur, l. 7. ii. b. t. postulantur, l. 7. b. t. exiguntur, l. 7. 8. ii. b. t. dependuntur, l. 2. b. t. præstantur, l. 4. b. t. præbentur, l. 4. b. t. inferantur, l. 8. b. t. implentur, l. 10. b. t. veluti angariæ, l. 4. b. t. operæ, d. l. 4. b. t. Tironum, equorum præstatio, de quo *infr. tit. 18. & sup. lib. 7. de tironibus tit. 13.*

Indicebantur autem ea non a Iudicibus seu Rectoribus prouinciarum: alioquin duplo ipsi puniebantur, Officiales vero eorum quadruplo, l. 7. & 8. b. t. vt & Curiales aliquid extraordinarii exigentes, l. ii. b. t. Verum, solius Principis indictione, ex Iuliani & Valentis Constitutionibus, l. 10. & ii. b. t. Sub Constantio enim Imp. ita obseruatum: nempe vt si inexcusabilis necessitas quiddam nouum exigeret, nec dilarationem publica utilitas pateretur, l. 7. b. t. si quid vrgere forsitan inciperet, l. 8. b. t. Præfecti Prætorio arbitrio, l. 7. b. t. auctore Præfecto Prætorio, l. 8. b. t. extraordinaria indictio fieret, d. l. 7. & 8. b. t. At si essent, quæ prospici ante plurimum temporis oporteret, & possent, solus Princeps indictionem facere posset, d. l. 8. b. t. Indictione facta, fiebat *Adscriptio* vniuscuiusque ciuitatis, l. 3. 14. b. t. l. i. *infr. de conlat. donat.* seu distributio, l. 4. b. t. vid. & *sup. titulum de annonæ & trib.* non libidine potiorum, d. l. 3. b. t. non a principibus, d. l. 4. b. t. Verum a Rectoribus prouinciarum ipsis, d. l. 4. b. t. seu Rectorum consiliis & dispositione, l. 3. b. t. cuius distributionis formam præscribit d. l. 4. b. t. Triplici autem modo indictio hæc fiebat, vel peculiaris in singulis, aut certa per paucos, aut vniuersalis in cunctos, l. ult. *infr. de ponder.* Quo postremo casu ad hæc extraordinaria munera tenebantur *Omnes*, cuncti possessores, l. 10. b. t. omnes omnino, l. 15. b. t. omnia indiscriminè merita, omnes personæ, l. 18. b. t. Imo & Ecclesiæ, l. 15. 18. b. t. sic vt nullus extraordinariorum munerum beneficiis potiretur, d. l. 18. b. t. neque quibusdam referri possent, l. 10. b. t.

Imunes tamen aliquando erant l. 2. 5. 6. b. t. ab his excusabantur, l. 9. b. t. liberabantur, l. 6. b. t. res & personæ corporaque quædam: Priuata scilicet res Principis, l. 5. 13. b. t. Patrimoniales fundi, l. i. 2. 9. 17. b. t. vide & *infr. tit. de conlat. fundorum patrimonialium*: patrimonialis Iuris, l. 17. b. t. emphyteuticarii, l. 2. b. t. & l. i. de itin. mun. emphyteutici, l. 9. 17. b. t. emphyteutici Iuris, l. 17. b. t. fundi ad Patrimonium Principis pertinentes, siue conductionis siue perpetuo iure tenerentur, l. 13. 20. b. t. Ac proinde & eorum conductorum coloni, Decuriones in specie l. 30. de Decurionib. l. 5. b. t. Actores Conductores patrimonii Principis, l. 12. b. t. Agricole item sationibus vel colligendis frugibus insistentes, l. 4. b. t. Palatini, l. 6. b. t. Proximi scriniorum & Magistri dispositionum, l. 14. de proxim. Ciues Constantinopolitani d. l. 6. b. t. Ecclesiæ, l. 21. 22. b. t. ac proinde & Episcopi, veluti Episcopus vrbis Romæ, l. 21. b. t. quique Ecclesiæ obtemperant, l. 22. b. t. Inlustres personæ, l. ult. b. t. Senatores, ex l. 4. Cod. Iust. de dignitatib. Suburbicariæ partes, l. 12. b. t. Possessores per quorum fines formarum mearus transibant, l. i. de Aqueductu: Et hæc omnia, nisi extraordinaria hæc in Canonica (quod non semel factum) versâ fuerint: tum enim ab his nemo excusabatur, l. 5. *supr. de annonæ, l. 2. supr. de indictionib.*

II. SORDIDA munera, Rubr. l. 5. 15. 16. 18. 19. 20. 23. b. t. & l. 3. 4. *supr. de Decur. & Silent.* l. 12. *infr. de medicis & Professorib.* l. i. 4. de priuileg. eor. qui in S. Pal. Sordidæ functiones, l. 21. 22. b. t. vilia munera, l. 14. b. t. Non erant viarum, pontium, stratarum instructio, l. ult. de itin. mun. Hæc vero erant. I. Calcis excoquendæ obsequium, l. 15. b. t. sollicitudo, l. 18. b. t. calcis excoctio, l. 3. *supr. de Decur. & Silen.* II. Capitularia, seu remonaria functio, l. 14. b. t. quæ & capituli atque remonis necessitas dicitur l. 15. b. t. remonis siue capituli onus, l. 18. b. t. v. & l. 6. b. t. iniuria, l. 14. de proximis: (de quo dixi ad l. 7. *supr. de tironibus*) III. Carbonis præbitio, l. 15. b. t. inlatio l. 18. b. t. IV. Legatis atque Allectis sumptuum collatio, l. 15. 18. b. t. V. Materia, lignum, tabulata, l. 15. 18. b. t. VI. Operarum & artificum diuersorum, d. l. 15. 18. b. t. VII. Paraueredorum præbitio, Parangariarum præbitio, dd. ll. vide & l. 3. 4. *supr. de Decur. & silent.* qui ab his immunes erant: VII. Pollinis conficiendi cura, dd. ll. 15. 18. b. t. IX. Panis excoctio, dictis legib. X. Pistrini obsequium, dd. legib. XI. Viarum & Pontium sollicitudo, dd. ll. 15. 18. hoc tit.

Ab his sordidis muneribus excusabantur, l. 16. b. t. excipiebantur, l. 15. 18. b. t. exsortes erant, l. 14. b. t. vindicabantur, l. 15. b. t. Ecclesiæ, l. 15. 18. 21. 22. b. t. (quanquam non ab omnibus semper, veluti ab Itinerum & pontium instructione, quæ sordidis muneribus exempta fuerunt, l. ult. *infr. de itin. mun.*) Rhetores, Grammatici institutionis seu eruditio-

eruditionis vtriusque, *d. l. 15. & 18. b. t.* Inlustres personæ, *l. ult. b. t.* Maximarum culmina dignitatum, *l. 15. b. t.* amplissimarum, etiam militari fastigio, {nominadignitatum, *l. 18. b. t.* Palatini, & eorum filii *l. 1. 4. 6. 10. de pr. cor. qui in S. Pal.* Consistoriani Comites, *l. 15. & 18. b. t.* Senatores; ex *l. 4. Cod. Iust. de dignitatib.* Comitibus honore donati, Archiatri *d. l. 12. infr. de Medicis & Professorib.* Notarii, *l. 15. b. t.* Cubicularii, *d. l. 15. b. t.* Decuriones & silentiarii, *l. 3. 4. supr. de decurion. & silent.* Comites (proximi scriniorum) & Magistri memoriæ, epistularum, libellorum, quique peragendis signandisque responsis Principis obsecundant, *d. l. 14. b. t. & l. 14. 15. supr. de proximis Comitib. disposit.* Idque quandiu viuerent, etiam post depositam militiam, *l. 15. in fin. l. 18. in fin. & l. 19. hoc tit.* At non & eorum heredes, *l. 16. 18. b. t.* vxores, *l. 18. b. t.* Item Porcinarii vrbis Romæ, *l. 6. infr. de suariis.*

I. (a) Imp. CONSTANTINVS A. ad Catullinum (b) Proc. Afric.

PATRIMONIALES fundos extraordinariis oneribus, vel mediæ, aut tertiæ portionis obsequiis, fatigari non conuenit: cum eisdem & auri speciem, & frumenti plurimum modum constet persolvere: ita vt qui violare statuta temptauerit, puniatur. PP. VI. Kal. Septembr. Karthagini (c) Constantino A. v. (d) & Licinio coss. [319.]

NOTAE.

- (a) *Lex 2. Cod. Iust. de collatione fundorum patrimonialium. GOTHOF.*
 (b) Ad hunc *Catullinum* Proconsulem Africae plures extant *hoc Codice* Constantini constitutiones: Vide *Indicem personarum. ID. Ad Ovinium* legunt vulgat. Editiones Cod. Iust. quod emendatum est a Cuiacio. *RITTER.*
 (c) *Karthago* sedes Proconsulis Africae: Vide *Orbis Rom. descriptionem. GOTHOF.*
 (d) Forte referendum *Constantino A. IV. & Licinio IV. Coss.* i. e. an. 315. cum ex *leg. 1. infr. de itiner. muniendo* quæ mense Maio data est *an. 319. & leg. 2. de privileg. eor. qui in sacr. palat.* quæ mense Iulio data est anno eodem, manifestum sit, non *Catullinum*, sed *Proculum* anno 319. Proconsulem Africae fuisse. *RITTER.*

P. III.

COMMENTARIUS.

PATRIMONIALES fundi ab extraordinariis Oneribus & superindictis immunes sunt hac Constantini M. Constitutione, & prox. eiusdem *l. 2.* Item Constantis constitutione *l. 5. infr. hoc tit.* Constantii, *l. 9.* Valentiniani Sen. *l. 1. supr. de pascuis:* cui addatur & *lex 2. eod. tit.* cuius mentio fit *l. 3. supr. de locat. fund. iur. emph. & l. ult. infr. de conlat. fund. patrim.* Gratiani, *l. 12.* Valentiniani Iun. *l. 13. & 17.* Honorii *l. 20. b. t. & l. 2. supr. de indiction.* Quod & ipsum de Emphyteuticariis speciatim ab eodem Constantino M. constitutum, *l. 1. infr. de itinere muniendo, & d. l. 2. prox. a Constantio, d. l. 9. infr. Valentiniano Iun. l. 17.* Honorio, *d. l. 20.* Immunes, inquam, sunt ab extraordinariis oneribus, etiam mediæ aut tertiæ portionis obsequio, id est, in totum ab his excusantur; cum aliquando non in totum excusarentur, sed mediam vel tertiam portionem extraordinarii muneris subire cogerentur; quod & postea aliquando relatum, docet *lex ult. infr. de collatione fundor. patrim.* quæ Honorium auctorem habet: *Qui prædia patrimonialia, & emphyteutica, priuata quoque rei perpetuo iure retinent, & dominici ætores augmenti & superindictitii, & onerum Rbeticorum dicuntur* MEDIAM nolle soluere pensionem: igitur iubemus, vt moniti Rationales, sciant ea, quæ a diuæ memoriæ Valentiniano constituta sunt, quamprimitus esse seruanda.

Duo tantum *h. l.* obseruanda: Primum est *Ratio* huius immunitatis: quæ & ipsa redditur *l. 13. 17. infr. b. t.* Nempe quod iam satis prægrauati

sint huiusmodi fundi: & quidem duplici collatione, auri & frumenti: Cum (inquit Constantinus *hac l.*) *eisdem & auri speciem & frumenti plurimum modum constet persolvere.* Quandoquidem, inquit, *lex 13. neque aurario canoni sub privilegiis æstimato aliquid ex ea iubentibus nobis præbitionum diuersitate decutitur, & ætari cum cæteris æstimari sorte non conuenit, quos præter annonarias functiones æstimata perpetuis pensionum prærogatiua nexuerit. Cogendarum* (inquit, *lex 17.*) intuitu pensionum a fundis patrimonialibus vel emphyteuticis extraordinaria functionum sarcina remoueat. De duplici hac functione testis quoque *lex 3. infr. de collat. fund. patrim. & l. 2. Cod. Iust. de fundis patrimonialib.* De canone alioquin in genere horum fundorum, vid. quoque *legem 19. supr. de exactionib.* erit & de eo specialis titulus mox *infr. de collatione fundorum patrimon.* cuius *lex 3.* potissimum videnda est.

Secundo *Processus* huius immunitatis obseruetur. Initio quippe per Africam hæc immunitas *hac l.* tributa a Constantino, & *l. 1. infr. de itinere muniendo:* de quo est quoque *lex 9. 13. infr. procul* dubio fauore canonis Vrbicarii potissimum, quod & *hac l.* satis indicatur, quia scilicet exinde annona ad Vrbem Romam subuehebatur. Verum propagata postea hæc immunitas ab eodem Constantino, etiam ad Italiam, *l. 2. prox. infr.* vbi dicam adhuc aliquid: ad Italiam, inquam, specialiter dictam: qua Vrbicariæ Regiones non comprehen-

debantur, neque Sicilia, quia & hæc annonam & cellaria in vltus Principis subministrabat, vt docuit *lex 6. supr. de annona & tribut.* Propagata postea ad totam Italiam, non etiam vrbicarias regiones aut Siciliam, hæc immunitas, quod qua constitutione factum sit, non reperio. At mox propagata a Constantio ad Vrbicarias quoque regiones &

Siciliam, *l. 9. infr. b. t. quo pertinet & lex 12. infr. b. t.* Tandem propagata procul dubio ad omnes prouincias.

Interea ex *b. l.* exemplum habemus, etiam vbi necessitas extraordinarii aliquid iniungit, ab his abstinendum, qui grauiore onere iam premuntur.

II. (a) Idem A. ad Vlpium Flavianum Conf. Æmiliæ & Liguriæ (b)

AB extraordinariis omnibus (c) fundi Patrimoniales adque Emphyteuticarii per Italiam nostram constituti habeantur immunes, vt canonica (d) tantum & consuetudine dependant, ad similitudinem per Africam possessorum. Dat. XII. Kal. Iun. Lecta (e) aput acta, Seuero & Rufino Coss. [323.]

NOTAE.

- (a) Abest hæc *lex* a *Cod. Iust.* Eam indicat & prorogat *lex 9. infr. GOTHOFR.*
- (b) De Æmiliæ & Liguriæ administratione iam dixi semel. *ID.*
- (c) Non audio reponentem, *oneribus*, nam & ita quoque *l. 9. infr. ab extraordinariis omnibus. ID.*
- (d) Id est, annonaria & cellariensia: *solenia* vocat Ammianus *lib. 17. cap. 3. ID.*
- (e) De hac subscriptione vide in *Prolegomenis. ID.*

COMMENTARIUS.

PATRIMONIALIVM & emphyteuticorum fundorum immunitas ab extraordinariis, & quidem omnibus, hac Constantini M. constitutione, exemplo Africæ, ad Italiam porrigitur: Ad Italiam, inquam, suam; *per Italiam* inquit, *nostram*: pariter vt Constantius *l. 6. supr. de annona & trib.* dixit, *ab omnibus Italis nostris*, id est, per Italiam specialiter sic dictam, Imperatoris vltibus destinatum, & annonam ac cellarienses species ei sufficientem & ministrantem, de quo dixi plenissime *ad eam l. 6.* in qua Italia specialiter dicta Æmilia & Liguria fuit, quod huius *l.* inscriptio ostendit. Quia

re non nudo affecta *Italiam nostram* dixerit Constantinus, sed quia vltibus suis specialiter destinata. Neque ratio etiam si recte eam colligo, propagatæ huius immunitatis, parum huc faciat: Nempe, vt Africa ea iam potiebatur *l. 1. supr.* eo quod vrbi & canoni Vrbicario ministraret: ita æquum vltum eidem Constantino eandem Italiæ sibi ministranti immunitatem tribuere: verum propagata postea immunitas hæc a Constantio, ad Italiam omnem, *l. 9. infr. hoc tit.* & sic ad Vrbicarias regiones, sed & ad Siciliam: vid. quæ dicam *ad eam leg. 9.* plene.

III. (a) Idem A. ad Edictum (b) Chalcedonienfium, & Macedonienfium.

QVOTIESCVMQVE aliquam Adscriptionem (c) fieri necesse est, Rectorum consiliis & dispositione, (d) vniuscuiusque Ciuitaris fiat adscriptio, *ne libidini & commodo Potiorum* (e) multitudo mediocrium (f) subiecta grauibz & iniquissimis adscribatur iniuriis. Acc. VIII. Kal. Maii, Crispo III. & Constantino III. AA. Coss. [324.]

NOTAE.

- (a) Abest & hæc *lex* a *Cod. Iust.* Concordat vero ei *lex prox. 4. infr. GOTHOFR.*
- (b) An rescribendum *Edictum ad Chalcedonienfes & Macedonienfes*? Non. *Ad Edictum*, rectum est, vt aliis multis huius *Codicis* constitutionibz. veluti *l. 7. infr. de Decurion. l. 1. de susceptibz.* de quo mox. *ID.*
- (c) Extraordinariam videlicet, vt vigente belli necessitate. *ID.*
- (d) *Dispositionis* vox hic propria v. *Gloss. ID.*
- (e) De hac *Potiorum* appellatione iam dixi *ad leg. 2. supra, de publica comparatione.* vide & *d. l. 4. prox. infr. ID.*
- (f) *Mediocres* sunt hic & *d. l. 4. prox.* pauperes, infimi: dixi *d. l. 1. infr. de censu. ID.*

COMMENTARIUS.

DISTRIBUTIO seu adscriptio munerum extraordinariorum quomodo fieri debeat, præscribit hac constitutione Constantinus Magnus An. Dom. 324. & rursum *l. 4. prox.* eo fine videlicet, ne pauperes & infimi prægrauentur, libidine potiorum & ditionum, quod ferme fieri adsolebat. Igitur distributionem fieri iubet vniuscuiusque ciuitatis, non a potio-

ribz ciuitatis, sed Rectoris totius Prouinciæ consilio & dispositione; Quod diligentius adhuc inculcat *d. l. 4. prox. infr.* Quo pertinet omnino Saluiani Presbyteri Massiliensis querela, *lib. 5. de gubernatione Dei cap. 7. Adiectiones*, inquit, *tributarias ipsi interdum diuites faciunt, pro quibus pauperes soluant &c. Veniunt plerumque noui nuntii, noui epistula-*
rii

rit a summis sublimitatibus missi, qui commendantur illustribus paucis ad extita plurimorum: decernuntur his noua munera, decernuntur NOVA INDICTIONES; decernunt POTENTES quod soluant pauperes: decernit gratia diuitum, quod pendat turbamiferorum, &c.

Ceterum notanda summopere est huiusce leg. inscriptio; quæ eius leg. promulgandæ quoque causam indicat; puta Constantinum iam mederi voluisse malo, quod sub *Licinio Tyranno* per Bithyniam & Macedonia inualuerat: Finae quippe anni superioris 323. denicto *Licinio Chalcedonenses* (mox & *Nicomedienses*) sese *Constantino M.* dedidere, cuius rei historiam exsequitur *Zosimus lib. 2. c. 26.* vt ostendi prolixius ad *l. 1. supr. de veteranis.* Cum idem *Constantinus* iam inde ab A. 315. post prælium *Cibalense* Macedonia potiretur, quod idem *Zosimus* testatur *lib. 2. cap. 20.* & *Sozomenus lib. 1. cap. 6.* hoc etiam forte argumento reponat quis in inscriptione huius legis loco *Macedonensium*, vocem *Nicomediensium*: Verum nil temere muto, quia commune malum esse potuit & Macedonia, & Bithyniæ.

Notanda etiam ea parte Inscriptio, ad *Edictum*: cui similes occurrunt in duabus aliis Con-

stantini M. Constitutionibus: *l. 7. infr. de Decur. l. 1. infr. de susceptoribus*: (at non etiam in *Valentis, l. 7. supr. de famosis libellis*.) Denique nonnisi in *Constantini* constitutionibus: idque non ultra annum 324. hoc genus Inscriptionis hoc Cod. occurrit: Quo quid indicetur, obscurum est: Nam & *Principes* & *Magistratus* *Edicta* edidere seu proposuere, non vix ad *Edicta* *Principes* scribere. Igitur id accipiam ego de *edictis* seu decretis ciuitatum & prouinciarum, vel etiam *Curiarum*, quæ ipsæ super rebus suis condidere, & ad *Principem* mittere solita, vt ea ipse firmaret, vel si quid emendandum, corrigeret. Hinc igitur illa iam Inscriptio *Ad Edictum*: *l. 7. infr. de Decurionibus l. 1. infr. de susceptoribus.* Item, *ad Edictum* horum vel illorum, veluti *hac l.* quæ omnium vltima est tempore, *ad Edictum Chalcedonensium, & Macedonensium.* Quomodo & ad *Decreta* quorundam Corporum constitutiones emissæ: veluti *ad decretum nauticulariorum*, *Constantini lex 1. infr. de pradiis nauticul.* Imo quomodo & *Senatus* decreta hac tempestate firmanda ab Imperatoribus mittebantur, vt docet *lex 4. supr. de Senatorib. & glebali collat. & Symmachus lib. 10. ep. 21.*

P. 113.

IV. (a) Idem A. ad Æmilianum PF. P. (b)

EXTRAORDINARIORVM munerum distributio non est *Principalibus* (c) committenda: Ideoque *Rectores* prouinciarum monendi sunt, vt eam distributionem ipsi celebrent, manuque propria perscribant, adque encauto (d) nomina adnectant; ea forma seruata, vt primo a potioribus, (e) dein a mediocribus adque infimis, quæ sunt danda præstentur. (f) Neque (*) vmquam rationibus, (g) vel colligendis frugibus insistent agricola ad extraordinaria onera trahatur, cum prouidentia sit oportuno tempore his necessitatibus (h) satisfacere: Quæ res neglecta *Vicariorum* tuorum vt (i) verecundiam tangit, ad *Rectorum* autem *Officiorum* capita venietur. Manu autem sua *Rectores* scribere debebunt, *Quid opus sit, & In qua necessitate per singula capita, vel Quante angaria, vel Quante opera, vel Quæ, aut in quanto modo præbende sint*, vt *RECOGNOSSE* se scribant: *Exactionis* prædicto ordine inter ditiores, mediocres, atque infimos obseruando, *Lecta VII. Id. Maii, Rom. Ianuarino & Iusto Coss. [328.]*

NOTAE.

- (a) Potissima huius l. pars adest a *C. Iust.* Concordat huic legi *lex 3. prox. supr. GOTHOF.*
 (b) *Æmiliani huius Praefecti Prætorio* sub *Constantino M.* nulla alibi mentio extat: *Praefectum* autem *Prætorio Italiae* fuisse ostendit subscriptio legis, *Lecta Rom. ID.*
 (c) De his *Principalibus* dicam plenissime *infr. ad titulum, de Decurionibus. ID.*
 (d) *Encautum* hic quid sit, mox dicam. *ID.*
 (e) Vide quæ iam dixi ad *leg. superiorem. ID.*
 (f) An *præsententur*: vel potius, *præstuantur*? Imo, nil mutandum. *ID.*
 (*) *Lex 1. Cod. Iust. de Agriculis, Censitis & Colonis*, hinc desumpta est. *ID.*
 (g) *yp. Sationibus*, vti habet *Cod. Iust. de quo mox. ID.*
 (h) Id est, sationi & colligendis fructibus. *ID.*
 (i) Sensus huius loci hic est, *Vicarios* *Praefecti P.* hanc formam negligentes *Principis* iram subituros: at *Officiales* *Re-ctorum* capite puniendos. Nota interim hic *Vicarios* *Praefecti Prætorio* & quidem *Italiae* iam sub *Constantino Magno*, *An. D. 328. ID.*

COMMENTARIUS.

DISTRIBUTIO seu adscriptio munerum extraordinariorum, quomodo fieri debeat, hac altera constitutione *Constantinus M.* rursum præscribit; pariter vt *l. 3. prox. supr.* & ita quidem vt hæc & seuerior, iam & accuratior sit: Seuerior, inquam: Nam & indignationem suam *Vicariis* *Praefecti Prætorio* minatur, quos *tributorum* cura siue *ordinariorum* siue *extraordinariorum* specta-

bat, de quo suo *tit. de Officio Vicar. lib. 1. tit. 6.* & Officialibus Rectoris provincie capitalem poenam minatur. Accuratio vero in eo quod formam descriptionis Rectoris manu conficiendæ speciatim præscribit.

Primum est, quod statuit, *Principalibus* non esse committendam extraordinariorum munerum distributionem; Id inquam ita Constantinus constituit de extraordinariis muneribus: cum alias certum sit, ordinariorum munerum adscriptionem ab his factam, *l. 5. supr. de his que administrantib. Symmachus lib. 9. ep. 10.* Nempe enim comperit horum Principalium libidine mediocres & infimos graubus iniuriis affici atterique: quod ut ex hac lege colligimus, ita testatur insuper *lex 2. supr. de Actoribus, Procurator. & conductor. rei priu.* Et insignis Saluiani Massiliensis locus *lib. 5. cap. 4.* *Que enim sunt inquit, non modo vrbes, sed etiam municipia atque vici, ubi non quot Curiales fuerint, tot tyranni sint? Quamquam forte hoc nomine sibi gratulentur, quia potens & honoratus esse videatur. Nam & latrones ferme omnes gaudent & gloriantur, si atrociores admodum quam sunt, esse dicantur. Quis ergo, ut dixi, locus est, ubi non a PRINCIPALIBUS ciuitatum, viduarum & pupillorum viscera deuorentur, & cum his ferme omnium sanctorum? Nam & hor quasi viduas & pupillos habent, quia tueri se aut præ studio professionis sue nolunt, aut pro innocentia atque humilitate non possunt. Nemo itaque horum tuus est, neque vili admodum præter summos a vastatione latrocinii populantis immunes.*

Secundum est, quod Rectores moneri vult, ut eam distributionem ipsi celebrent, manuque propria perferant: *λογαρικὸν* igitur ab his confici, scribique manu propria voluit Constantinus.

Eius vero rei (quod Tertium) *Formam*, specialius adhuc præscribit. Primo iubet Rectorem manu sua scribere, seu nomina adnectere Encauto. Encantum dicitur primo signatura ipsa, quæ fit inuisione: in Glossis Encantum *ἐγκυκαυμένον*. Quod scripturæ genus quoque idem Constantinus veteranis indulgit ad conferenda priuilegia sua, *l. 1. supr. de Veteranis.* Aliud enim est Encautum, & sacrum Encautum. *l. 6. Cod. Iust. de diuers. rescriptis*, quod est signatura ex murice cocto & triti conchyli ardore, quo Principes vsi in signandis rescriptis: de quo plenius ad *dist. l. 1. supr. de Veteranis: ἐρυθρόγεαρον, ἐρυθρόδαρον*, rubris, seu papurei coloris literis, denique Rubrica scripta. Ab hoc encauto, libri censuales, quibus adnotatum erat, quid a quoque soluendum esset, encantaria ciuitatis & provincie dicta, *l. ult. infr. de censu*: Imo & breues encanti: *l. vn. Cod. Iust. de collegiatis & chartopratis.* In hac l. vtrius modo Encantum, pro signatura, vel pro libro censuali, accipi potest.

P. 114. Quid autem in hoc *λογαρικῷ* seu Encautario faciendo Rectorem scribere velit, peculiarius adhuc definit Constantinus, & sic Logarici istius conficiendi rationem edocet. Nempe Encauto nomina adnecti vult manu Rectoris. Item eum ordinem seruari, ut primo præstituat, quæ sint danda a Potioribus, deinde, quæ a mediocribus, atque infi-

mis. Tandem manu sua Rectores scribere vult in Encautario, *Quid opus sit & in qua necessitate per singula capita*, id est, Quod genus extraordinarii muneris indicatum in singula iuga: *Quantæ angariæ verbi gratia, Quantæ operæ, vel Quæ*, alia scilicet, *& in quanto modo præbenda sint.* Ita etiam ut idem Rector ibidem subscribat, se *Recognouisse.* Quæ sane ut accuratam Encautarii seu *Catastri* (ut hodie alicubi vocant) faciendi rationem continent, ita duo inter alia edocent. Primo extraordinariorum munerum genera; & in his, Angarias, & operas, de quibus operis suo *tit. ne opera a colatoribus exigantur.* De Angariis vero seu Angariorum exhibitione seu præstatione res nota est, ex *l. ultim. §. 21. D. de munerib. & honorib. l. 10. u. D. de vacat. mun. l. 4. D. de Veteranis: l. 10. Cod. Iust. de aqueductu*, ubi operis pariter iunguntur: apud Vegetium *lib. 2. cap. 19.* & Suidam in *δυσλαγία*. A quibus aliæ sunt Angariæ e cursu publico: de quo suo *tit. supr. de cursu publico, & angariis.* Secundo ingerit formulam subscriptionis faciendæ a Rectore in *λογαρικῷ* seu Encautario nempe verbo, *RECOGNOVI*: Quid recognoscendi verbo in instrumentis & rationibus significetur exploratum ex *l. 56. D. de V. S. l. 15. §. 3. D. de leg. Corn. de falsis: l. 15. §. 1. D. de rebus auct. iud. possid. l. 5. D. famil. ercisc.* Ergo & hac subscriptione Rectorem testatum facere oportuit se recognouisse, & sic diligenter Encautarii scripturam elegisse. Cuiusmodi similes alioquin subscriptiones in aliis negotiis usurpatæ: veluti in *Constitutionibus* Imperatorum, *Quæstionis Relegi* & similes

Postremum, quod & hic notandum, Constantini M. hæc constitutio distinctior, accuratior, pleniorque quam *lex 3. prox. supr.* in eo quod ad extraordinaria onera, operas, agricolam trahi vetat, insistentem sationibus vel colligendis fructibus: *Sationibus*, inquam, nam hic ita legendum est, quomodo recte hodie legitur in *C. Iust. etsi Græci lib. 55. Basilicæn tit. 1. ibi legerint, rationibus, πρὸς λογισμῶς*, inquit. Hanc enim emendationem alterum quoque illud quod coheret, *vel colligendis frugibus insistent*, omnino suadet: & ratio subdita extorquet; cum inquit, *providentia sit, oportuno tempore* His NECESSITATIBUS *satisfacere*: His necessitatibus, non, ut Cuiacius quoque existimauit, onerum extraordinariorum, verum necessitati sationis & collectionis frugum, quæ vtique dux sunt necessitates rusticæ, ad quas oportuno tempore opus, atque ab his abduci neminem oportet. Ecce. idem Constantinus Magnus gemina germana lege, *l. 3. C. Iust. de feriis*: feriarum diem *Solis* Agricolis hoc sine relaxat: *Quoniam*, inquit, *frequenter euenit, ut non aptius alio die frumenta sulcis aut vineæ scrobibus mandentur, ne occasione momenti pereat commoditas celesti Provisione concessa.* Et vero his duobus potissimum constat frugum cultura, satione videl. & collectione. Quid vero hic faciat Agricola *rationibus insistent*? nam neque hic Agricola est, sed *Actor*; neque tempus aliquod alio opportunius, ad rationes prædiorum conficiendas: Denique *opportunitas* hic est non diligens opera, sed opportuni-

tas temporis, celesti prouisione concessa, & sic tempestas, qua feri fruges, qua colligi, optimum est. Neque pro Græcis & Cuiacio quicquam facit lex 2. C. Iust. de Agriculis & mancipiis dominicis, ubi memorantur coloni rei priuatae ad ratiocinia gerenda, vel ad colendos agros idonei: Neque enim negatur, duplicem hunc colonorum actum fuisse, id est, duo fuisse colonorum genera: vnum eorum, qui ratiocinia prædiorum gerebant, quique proprie *Actores* dicebantur: aliud eorum, qui agros colerent: Sed *Agricolæ*, de quibus *hac l.* non

nisi agris colendis insistere, non ratiocinia tractare; *Colonus* est qui agrum non excolit, sed incolit: *Agricola* vero nonnisi qui colit. Similes vero alia plures constitutiones, tum *hoc Codice*, tum *Iustiniano* occurrunt, quibus id agitur ne rustici ab opere rustico abstrahantur, etiam ipsius Constantini: veluti *lex 1. supr. de cursu publ. lex 1. supr. de pignoribus: lex 3. C. Iust. de feriis*. De quo plenius ad d. l. i. de pignoribus.

Et hanc quidem sententiam nostram in Academia Argentoratensi propugnatam atque adeo vberius expositam Lector minime perlegere grauabitur.

DECANVS

COLLEGII IVRIDICI

IN ALMA REIPVBL. ARGENTORATENSIS

STVDIORVM VNIVERSITATE

GREGORIVS BICCIVS

BVDISSINVS, V. I. DOCTOR

ET PANDECTARVM PROFESSOR

ORDINARIVS,

Omnibus Iustitiæ Iurisque cultoribus diuina Præsidia P.

NVNQVAM sationibus vel colligendis frugibus insistentes agricola ad extraordinaria onera trahantur: cum prouidentia sit, opportuno tempore his necessitatibus satisfacere, singulari constitutione sanxit Imperator Constantinus Augustus ad Æmilianum Præfectum Prætorio in L. 1. C. Iust. de Agric. & censit. & colonis, lib. 11. tit. 47. quemadmodum eiusdem verba expressa leguntur in corpore iuris glossati, quod *Lugduni Anno Christi 1509.* in lucem prodit, ut & in omnibus exemplaribus Gothofredianis; quæ paulo aliter retulit Princeps Ictorum Iacobus Cuiacius in commentur. ad tres libr. ult. Cod. Iustiniani, in hunc modum: Imp. Constantius A. ad Æmilianum P. P. Nunquam rationibus vel colligendis frugibus insistent agricola ad extraordinaria munera trahatur: cum prouidentia sit opportuno tempore his necessitatibus satisfacere. Lecta VII. Id. Mai. Romæ, Ianuario & Iusto. Coss. (Constat autem ex fastis Consularibus *Fabium Ianuarium*, & *Fabium Iustum* magistratum inisse Anno ab V. Cond. 1080. a Christo nato, secundum æram vulgarem 328. imperii Constantini Magni 22. ut proinde in editione Cuiaciana, quæ *Constantium*, non *Constantinum*, huius legis auctorem laudat, vel perperam scriptum, vela typographo male exscriptum esse necesse sit. Hanc imperatoriam constitutionem; in duas se ipsam diuidere partes haud facile quis diffitebitur, ex quibus prima ipsam legis lationem, altera eiusdem articuli & rationem continet. Circa primam præcipua difficultas in vocabulo *sationibus* occurrit, quod ipsum non omnibus placuit.

Tom. IV.

isse, diuersitas variarum lectionum abunde docet. Glossa siquidem ad hanc legem nonnullorum meminit, qui voculam illam repudiantes *sanctionibus* substituunt, eo forte sensu, quod agricola sanctionibus, id est illis legibus, senatusconsultis, & constitutionibus Principum, quæ ordinaria saltem munera iis iniungunt, insistentes, ad extraordinaria a magistratibus vocari non possint, aut si vocentur, appellatione interposita iuris rationibus protegantur, argum. L. unica C. Iust. de vacat. publ. mun. lib. 10. tit. 45. cum qua consentit responsum Papiniani in L. 8. §. 3. D. de vocat. & excusat. muner. scribentis, quod qui muneris publici vacationem habet, per magistratus ex improviso collationes indictas recte recuset, eas vero, quæ a lege sunt, recusare non debeat. Bartolus in lectione ad hanc L. 1. mib. pag. 34. fac. 2. in fin. videtur calculum posuisse pro vocabulo *sationibus*, adeoque priuilegium agricolis concessum æque ad tempus, quo fruges a solo separantur, & quo colligendo percipiuntur extendisse, quomodo & alibi in iure nostro tempora fructuum a terra separationum, & perceptorum a ICTis accuratis distingui videmus, arg. L. 12. §. 5. D. de usufr. & quemadm. quis utat. ibi: nisi ab eo percipiantur, licet ab alio terra separentur. L. 25. §. 1. D. de usur. & fructib. ibi: Fructuarii non fiant, antequam ab eo percipiantur: ad b. f. autem possessorem pertineant, quoquo modo a solo separati fuerint. L. 48. in princ. D. de acquir. rer. domin. ibi: priusquam percipiat, statim ubi a solo separati sunt. Cuiacius noster loco supra laudato rationibus legendum censet, suæque fundamentum

tum sententiæ partim auctoritate Græcorum, qui lib. 55. βασιλικῶν tit. 1. scriptum reliquerunt: ὁ γεωργὸς ἀρχολάμνος περὶ τὴν συλλογὴν (al. in Synopsi Basil. γεωργάμνος τὴν συλλογὴν) τῶν καρπῶν, ἢ περὶ λογισμῶν, occupatus agricolæ fructibus colligendis, vel rationibus, partim Imperatoris Constantini, qui & nostræ Legis auctor est, testimonio firmat, in L. 2. C. Iust. de agricol. & mancip. dominicis. lib. 11. tit. 67. Iaruario P. P. ita rescribentis: Colonos nostros, qui priuati sunt, vel ad ratiocinia gerenda, vel ad colendos agros idonei, retrahi iubemus, ac tantum colendis nostris rebus addici &c. ubi colonis & gerendarum rationum munus, & agrorum cultura ascribitur. Quæ lectione admissa huius legis primæ hæc erit sententia, quam ibidem proponit Cuiacius his verbis: Colonos qui rationibus prædiorum vel agriculturæ additi sunt, nullo tempore ad angarias aliaque onera extraordinaria deuocari posse. Quamuis autem hæc Cuiaciana lectio eruditum satis & facilem legis sensum contineat, immo & cum Codice Theodosiano (quem in lucem primus P. 116. protulit Iohan. Sighard. Anno Christi 1528. auxit Iohan. Tilius, An. C. 1549. elegantiorum autem & locupletiorum fecit ipse Cuiacius A. C. 1566.) optime conueniat, qui lib. 11. tit. 16. leg. 4. vocabulo rationibus non minus vitur: negandum tamen non est, vulgarem lectionem, voculam sationibus habentem, quam proxime ad mentem Constantini accedere, diuersos Agricolarum labores, qui primo quidem in serendo, postea in colligendo consistunt, accurate exprimere, & proinde reliquis prioribus præferendam, tertiæ autem exæquandam esse; quam etiam ut genuinam expresserunt Iohannes de Platea, in lect. super tres libr. Cod. ad h. L. mih. pag. 88. fac. 2. ubi summam huius legis ita reddidit: Tempore sationis vel messium agricolæ a muneribus extraordinariis excusantur: & paulo post: Nota ergo hic priuilegium datum agricolis, ut tempore messium, seminum, & vindemiarum, non possint compelli ad aliqua munera extraordinaria, id est, quæ non imponuntur lege, vel senatusconsulto. Lucas de Penna, in lectura sua ad banc L. 1. mih. pag. 188. fac. 1. in pr. ubi summam his verbis inclusit: Agricola vacantes & insistentes frugibus colligendis & seminandis non sunt vocandi ad extraordinaria munera, & alii. Immo priuilegium immunitatis agricolis in hac L. concessum, non præcise ad sationis collectionisque tempus restringendum: sed etiam ad ea tempora, quibus arando, stercoreando, fodiendo, occando, aliisque rusticis laboribus præparatoria fructuum colligendorum peraguntur, argum. L. 7. §. 16. D. soluto. matrim. & L. 8. in princ. D. de instrum. vel instrum. legat. extendendum esse, illæ leges suadere videntur, quæ eadem priuilegia præparantibus se ad actum aliquem, sicut illis, qui in ipso actu occupati sunt, indulgent. arg. L. 35. §. 8. & seq. D. ex quib. caus. maior. in integ. restit. Cuius sententiæ approbatorem se præbet antea citatus Iohannes de Platea, d. l. pag. 89. fac. 1. his verbis: Lex ista quæ prohibet, ne impediatur fructuum collectio, videtur consimili ratione prohibere, ne præparatoria ad collectionem impediatur, allegando L. 16. D. de sponsalib. Nec

cuiquam mirum videri debet, agricolas hoc beneficio a legislatoribus dignos iudicatos fuisse, cum intuitu utilitatis publicæ, quam laboribus suis strenue promouent, alias plures reportarint immunitates. Hinc siquidem est, quod agriculatores, circa rem rusticam occupati, securi esse debeant in quacunque parte terrarum, ita ut neque serui & boues aratorii: nec alia eorum instrumenta, ad agriculturam pertinentia, pignoris causa ab executoribus capi possint. L. 7. & 8. & auth. seq. C. 1. quæ res pignori. obl. poss. Quod ille, qui fructus aridos vel pecuniam credidit agricolæ, vsurarum nomine in vnoquoque anno non possit plus accipere, quam pro modio octauam partem, & pro solido siliquam vnam, (id est, vsuram trientem, siue tertiam centesimæ, quæ 300. mensibus, aut 25. annis sorti exæquatur, facitque annuatim quatuor in centum, ut explicat Gothofred.) Auth. ad hæc C. 1. de vsur. desumpta ex N. 34. cap. 1. Quod agricolæ rustici testari possint quinque tantum testibus præsentibus in L. final. vers. fin. antem C. Iust. de testament. si plures eo in loco haberi non possunt. Quod coloni & agricolæ dominorum tributarium ab exactore fiscalium debitorum compelli non possint tributa soluere pro dominis suis, L. 15. Cod. Iust. de agric. & censit. Quod, si agricola vendat rem in personas prohibitas, parcat rusticitati eius, ne perdat pretium, sed sibi restituatur, L. vn. C. Iust. Non licere habitator. metropol. lib. 11. tit. 55. Quæ tamen pœna alios affici constat ex L. 7. v. & emptor. Cod. Iust. de agricol. & censit. ubi gloss. notat. Quomodo & in aliis iuris articulis eorum rusticitati parcat, ut in corruptione albi Prætoris L. 7. §. 4. D. de iurisdict. si in ius vocati non ierint L. 2. §. 1. D. si quis in ius vocat. non ierit, si intra præfixa tempora bonorum possessionem parentum vel proximorum petere omiserit. L. 8. C. Iust. Quæ admitti ad bon. poss. possint, &c. Posterioris huius Legis partis, adeoque subiectæ ἀλλοιογίας vis atque concludendi ratio, ab omnibus interpretibus non vno eodemque modo proditur. Qui enim cum communi Præceptore nostro Cuiac. in comment. ad h. L. per necessitates, quibus opportuno tempore satisfaciendum, intelligunt ipsa onera extraordinaria, hunc daturi sunt sensum: quod ideo agricolæ ferendis vel metendis frugibus insistentes, ad extraordinaria onera non sint trahendi, quia pertineat ad prouidentiam & curam magistratuum, ut ipsi agricolæ his extraordinariorum onerum necessitatibus satisfaciant eo tempore, quo a cultura & cura agrorum vacant, quodque tempus ad expedienda talia onera ipsis opportunum, atque commodum est. Qui vero cum Iohanne de Platea, dist. loc. fol. 89. & cum Luca de Penna, dist. loc. p. 188. fac. 1. col. 1. in fin. per necessitates ipsam sationem & collectionem fructuum, ad vitæ humanæ sustentationem necessariorum, intelligunt, sensum legis ita expriment, quod agricolæ eo tempore, quo quærendis & cogendis fructibus insistent, ideo ab extraordinariis oneribus immunes esse debeant, quia sollicitudini & prouidentie magistratuum congruat prospicere, ut agricolæ sationi & collectioni frugum, sine quibus vitam ducere non possumus, eo quo opportunitatem terram colendi & fru-

ctus percipiendi habent, tempore incumbere possint. Quomodo & hac ratione ductus idem Imper. Constantin. in *L. 3. C. Iust. de feriis*, permittit, ut ruri positi, agrorum culturæ, etiam venerabili die folis, quo omnes indices, urbanæque plebes, & cunctarum artium officia quiescere debent, libere licenterque inferuire possint, quoniam frequenter

eueniat, ut non aptius alio die frumenta fulcis, aut vineæ scrobibus mandentur, ne occasione momenti pereat commoditas cœlesti prouisione concessa. Et pontifex Alexander III. *cap. Licet 3 X. de feriis*, quibusdam parœcianis indulgit, ut diebus dominicis & aliis festis ob frugum inopiam pisces, non nisi illis diebus apparentes, capere possint.

P. 117.

PRIVATÆ res Principis, earumque conductores & Coloni immunes sunt ab extraordinariis & sordidis muneribus.

V. (a) Impp. Constantius (b) A. ad Italicum. (c)

PRIVATAS RES (d) nostras ab vniuersis muneribus sordidis placet esse immunes: neque earum Conductores, nec (e) Colonos (f) ad (g) sordida, vel extraordinaria munera, vel Superindictiones aliquas, conueniri; &c. Dat. VIII. (h) Kal. Feb. Bononiæ, (i) Placido & Romulo Coss. [343.]

NOTAE.

- (a) *Lex 1. Cod. Iust. de privilegiis domus Augustæ*, Iungenda huic est *lex 6. Cod. cod. ubi Cause fiscales. GOTHOFREDVS.*
 (b) *79. CONSTANS. ID.*
 (c) *Comitem R. P. ut videtur. ID.*
 (d) *Possessiones, ita Cod. Iust. ID.*
 (e) *Neque, Cod. Iust. ID.*
 (f) *De Colonis, & quidem rei priuatæ, vid. Paratitl. de colonis fugitiuis. ID.*
 (g) *Sordida vel: hæc absunt a Cod. Iust. ID.*
 (h) *Hinc restituenda diei subscriptio, d. 1. 6. quæ habet Kal. Febr. ID.*
 (i) *Hanc loci subscriptionem mox expendam. ID.*

COMMENTARIUS.

PRIVATÆ res Principis, ac proinde & earum conductores, Coloni, hac Constantis constitutione a sordidis & extraordinariis muneribus & superindictionibus immunes sunt; pariter ut *L. 1. 2. sup. & l. 9. 12. 13. 17. 20. inf. l. 2. sup. de indictionibus*: Hac, inquam, Constantis constitutione, is enim eius auctor est, non Constantius, ut editum male; quod ostendit subscriptio huius legis, *Dat. VIII. Kal. Feb. BONONIÆ, Placido & Romulo Coss. Bononia* hæc scilicet non Bononia Italiæ accipienda est, quod Sigonius creditit, verum Bononia Galliarum. Constans quippe Imp. post excidia Templorum A. 341. 342. (quam in rem vide eius per eos annos *l. 2. 3. inf. de paganis*,) post FRANCOS item deuictos Anno superiore 342. (*Constantio III & Constante II. COSS.* ut testatur Socrates *lib. 2. cap. 13.*) His Coss. Placido & Romulo faua hyeme, (in quam sane incidit mensis Ianuarius, & quidem extremus, quo hæc lex data est) in Britanniam nauigasse memoratur, aduersus Pictos & Scotos, ut docere videtur Ammianus Marcellinus *initio libri 20.* (quantum Libanius in *Basilico* rebellionem vocat) in quam Britanniam solennis traiectus fuit e Bononia Vrbe Galliarum. Iuuat consignare loca in quibus de hac Constantis Britannica expeditione agitur: Quantum neque Libanii locum nunc sternam ob sui prolixitatem, Procedat Iulius Firmicus ad hunc ipsum Constantem scribens libello *de errore profanarum Religionum pag. 463. edit. Iac. Gronou. ad calcem Minutii Tom. IV.*

*Felici: Post excidia templorum, inquit, in maius Dei estis virtute prouecti: vicistis HOSTES, (Francos intelligit) propagastis imperium: & ut virtutibus vestris gloria maior accederet, mutato ac contempto temporum ordine, hyeme (quod nec factum est aliquando, nec fiet) tumentes ac seuientes undas calcastis Oceani sub remis vestris, incognitam nobis pene maris unda contremuit, & insperatam Imperatoris faciem BRITANNVS expauit. Sequitur Ammiani Marcellini locus initio lib. 20. In Britannia cum Scotorum Pictorumque gentium ferarum excursus, rupta quiete conducta, loca limitibus vicina vastarent, hyemem agens apud Parisios Cæsar, dissentusque in sollicitudines varias, vereretur ire subsidio transmarinis (ut retulimus ante fecisse CONSTANTEM,) ne Rectore vacuas relinqueret Gallias. Ire igitur Lupicinum placuit. Adulta hyeme dux antedictus BONONIAM venit, qua sitisque nauigiis & omni imposito milite, obseruato statu secundo ventorum ad Rutupias sitas ex aduerso desertur, petitque LVNDINIUM. Et rursum lib. 27. cap. 8. Et quoniam cum CONSTANTIS Principis actus componerem, motus adolescentis & senescantis Oceani, situmque BRITANNIÆ pro capto virium explanavi. Quare & hæc lex ad apparatus belli istius Britannici pertinere videtur; ad quem extraordinaria sordidaue munera, & superindictiones prouincialibus indicta: forte indictio materiæ ad conficienda Nauigia: de qua alioquin materiæ collatione vid. *l. 15. 18. inf. b. t. & l. 14. inf. de Nauicular.**

Et hunc quidem obseruationem nostram, quam dudum notauimus ad expositionem totius mundi, quæ scripta per hæc ipsa Constantis Imp. tempora, probari video V. doctiss. Valesio annotationibus in Amm. Marcellinum, d. lib. 20. init.

De Bononia vt prodige hic agere nolo, ita duo loca omittere non possum: Vnum ex Itineratio Pentingeriano pag. 727 inter opera M. Velferi, quod his temporibus ipsis conscriptum est.

Alter locus est Olympiodori, apud Photium Cod. LXXX. pag. 182 edit. Schotti, & Tom. I. Script. R. B. pag. 146 edit. Venet. qui sub Theodosio Iun. scripsit, vbi de Constantino Tyranno agens; ἔτος, inquit, 1857ον ἡ Νεοβιγιάσην στρατηγὸς περὶ βαλδομένους, ἡ τὰς βρετανίας εἰσάσας, περὶ αὐτὰν αἶμα τοῖς αὐτῇ ἐπὶ βοωνίαν, πόλιν ἔτι καλεσμένην, παραβαλασσαν, ἡ πρῶτην ἐν τοῖς τῶν γαλαίων ὄρεσι κείμενην. ἐνθα διατρέψας, ἡ ὅλον τὴν γᾶν ἡ ἀκῦταρον (γρ. ἀκῦτανον) στρατιῶν ἰδιοποιήσας κρεττὴ πάντων τῶν μηρῶν τῆς γαλλίας μέχρι τῶν ἄλπεων τῶν μετὰ ξυταλίας ἡ γαλλίας, id est, Is Iustinum, & Neouigastea, militarium copiarum duces creans, relicta Britannia, cum suis traiecit, venitque Bononiam, maritimam Urbem sic dictam, primam

in Gallia finibus positam. Ibi moratur, Gallum omnem, & Aquitanum militem sibi adiungens, omni P. 118. est Gallia potius ad Alpes usque, quæ Italiam a Gallia separant. Videatur & de hoc ipso Sozomenus, lib. 9. c. 11.

Ergo, vt ad huius leg. sententiam redeamus, videtur omnino Constans Imp. ad hanc expeditionem Britannicam extra ordinem quid indixisse, superindixisse: A quo rei priuatæ Principis immunem esse voluerit, atque adeo Conductores & Colonos earum: Conductores, inquam, quibus iisdem altero adhuc privilegio consultum iuit, l. 6. Cod. Iust. vbi cause fiscales: quæ ad hunc eundem Italicum, data est, & huic ceu eiusdem prolixioris Constantis Imp. constitutionis pars coassanda venit: puta, vt Conductores non apud Iudices, id est Rectores prouinciarum conueniantur, verum coram Viro Illustri Comite rerum priuatarum: cuiusmodi Italicum fuisse, cui hæc leges inscribuntur; Comitem, inquam, R. P. sub Constante, autumo: cuiusmodi fuit & sub eodem Constante biennio post A. D. 345. Eustathius Comes R. P. cui inscribitur eo Anno lxx 7. sup. de petitionibus: de quo & Philostorgius, lib. 3. cap. 12. vbi de eo iam dixi.

PALATINI, & CIVES Constantinop. immunes ab extraordinariis muneribus.

VI. (a) Impp. CONSTANTIVS & Constans AA. ad Beronicianum (b) Vic. Asiæ.

PALATINI, & (c) Constantinopolitani ciues, pro capitibus seu iugis suis tantum pensionem (d) atque obsequia recognoscant, extraordinariis (e) & temonariis (f) oneribus liberati. Dat. Non. Maii. Constantinop. Constantio IV. & Constante III. AA. Coss. [346.]

NOTAE.

- (a) Lex 1. C. Iust. de Palatinis S. L. & R. P. Intelligit hanc inter alias Constantii leges Theodosius Iun. l. ult. sup. de Senatorib. GOTHOFR.
- (b) Id est Veronicianum, cui eidem inscribitur sub Constantino M. lex 4. sup. de Numerariis: & lex 2. sup. de iis quæ administ. quæ duæ leges sunt inter se coniungendæ, & datæ A. D. 334. Quare videri possit & hæc lex referenda ad Constantinum Auctorem, & forte ad Annum D. 335. ID.
- (c) Et Constantinopolitani ciues, hæc expuncta sunt C. Iust. ID.
- (d) Ordinariam scil. ID.
- (e) Et sordidis muneribus & susceptionibus & temonariis oneribus; ita plenius, Cod. Iust. ID.
- (f) De Temonariis dixi plenissime ad leg. 7. sup. de tironib. deque eodem temonis onere agitur præterea tribus huius tit. legibus, puta l. 14. 15. 18. inf. ID.

COMMENTARIUS.

PALATINI, vt & ciues CONSTANTINOPOLITANI hac Constantii constitutione, si tamen Constantii ea est, immunes sunt ab oneribus extraordinariis & temonariis: Temonariis inquam, quæ & ipsa extraordinaria sunt, id est, auri & pretii quod loco tironum exigebatur, id est præstatione: de quo & l. 14. inf. & dixi plenissime ad l. 7. sup. de tironib. Id enim sunt temonaria onera de extraordinariorum numero: sic & pariter l. 12. inf. a Tironum exactione suburbicariæ partes immunes esse iubentur. De vtrisque Palatinis, & ciuibus Constantinopolitanis separatim videndum est.

Palatini, si Triboniano credimus, hic sunt Pa-

latini S. L. & R. P. qui ideo hanc legem retulit in titulum Codicis Iust. de Palatinis S. L. & R. P. Verum huic ego fidem non adcommodo: neque enim Palatinorum appellatione Largitionales aut Priuatiani in obscuro intelligendi sunt, nisi inscriptio legis id aliudve quid forte suadeat; quod sane non luadet huiusce legis Inscriptio, cum Vicario Asiæ ea inscribatur. Quare Palatinos hic accipi oportet omnes, qui in Palatio Principis militabant; de quibus sane id quod hac l. continetur, diserte constitutum post hanc leg. l. 14. 15. 18. inf. hoc titulo: sicut & a Constantino M. l. 3. sup. de privilegiis eorum qui in sacro Palatio, iam antea

antea immunes redditi a Temonariorum obsequio seu cura, id est temonarii auri exigendi sollicitudine. Et hæc quidem de Palatinis, quod vnum habet *Codex Iustin.*

Ciuihus Constantinopolitanis eadem immunitas ab extraordinariis & temonariis oneribus *hac l.* tribuitur; procul dubio, ut hac immunitate inuitati plures Nouam Urbem incolere affectarent, &

ciuibz certatim vrbs illa repleretur: cuiusmodi aliis priuilegiis ciues Constantinopolitani donati: Et alioquin quam multa Constantius frequentandæ ornandæque Constantinopoli inuexerit, prædicat Themestius, *oratione*, ad huncipsum Constantium, 13. pagg. 292. 293. 303. 306. 307. *edit. Petav. 1613. in 8.* Simile porro priuilegium datum vrbi Romæ, *l. 3. inf. de coll. donat.*

P. 119.

VII. (a) Idem AA. (b) & Iulianus Cæs. ad Populum.

SOLA iubemus exigi quæ factis a nobis Indictionibus, aliisve præceptis, (c) continentur, & quæ anniuersaria consuetudine antiquitus postulantur: Aut si inexcusabilis necessitas quiddam nouum (d) exigat, nec dilationem publica utilitas patiatur, referri a ceteris (e) Iudicibus ad Viros clarissimos (f) Præfectos Prætorio, & eorum arbitrio flagranda deponci, statimque id Nostræ intimari Clementiæ. Itaque Iudicem, qui ultra iussu aliquid postulauerit, duplum iubemus inferre: Officium vero eius quadruplum, Viro Clarissimo Largitionum Comite huic exactioni imminente, cum primum ad Nos, vel Præfectos prætorio fuerit querela delata, & facinus reuelatum; ut & læsi nobis auctoribus aut Præfectis, recipiant, quod per arbitrium Iudicis amiserant. Dat. IV. Non. April. Med. Constantio A. VIII. (g) & Iuliano Cæs. II. Coss. [357.]

NOTAE.

- (a) Absit hæc lex a *Cod. Iust.* Concordat huic legi *lex 8. prox. inf.* Imo plane huic iungenda est. **GOTHOFR.**
 (b) 29. *Idem A. ID.*
 (c) *Præceptum.* Eodem sensu *l. vn. sup. de superindictio: l. ult. sup. de constitut. Principum.* Ut & præcepto *l. 27. sup. de annona & tributis:* Epistulae dicuntur, *l. prox. 8. ID.*
 (d) *Novum* aliquid, de superindictione seu extraordinaria collatione, functione, *hac l. & l. 2. inf. de priuilegiis corpor. V. R. Ambrosius orat. funebri de obitu Valentinianni Iun. pag. 108. Tom. V. Oper. edit. Paris. 1614. Cardinal. Felici de Monte Alto. Prouincialibus nihil unquam indici passus est: præterita inquit, non queunt soluere, NOVA poterunt sustinere? V. & Saluianum de Gubernat. Dei lib. 5. cap. 7. ID.*
 (e) Spectabilibus, clarissimis. *ID.*
 (f) *Clarissimi* titulus tributus, Præfecto Prætorio & Comiti Largitionum mox *infr. b. l.* Quomodo & Magistro officiorum, Constantii pariter *l. 8. de cursu publ.* Et quidem solus: cum alias *Clarissimi* titulus Illustribus equidem tribuatur, sed adiuncta *Illustrissimi appellatione.* Ita vir Clarissimus & Illustris Præfectus Prætorio Italiae, *l. 12. inf.* Ita Comes S. L. Vir Clarissimus & Illustrissimus vocatur a Symmacho, *lib. 10. ep. 33. ut & Magister officiorum lib. 10. ep. 37. & 47. v. plura apud Iurem in Symmachum, lib. 10. ep. 37. ID.*
 (g) IX. Vel rescribendum fuerit *Iuliano Cæs. I.* quod forte verosimilius: Nam & ita habent Eddi, omnes, vna Parisiensis postrema excepta. Sed tamen illud præferro, arg. *l. prox. inf. ID.*

VIII. (a) Idem A. & Cæs. ad Taurum PF. P. (b)

PLACET, nullum (c) omnino Iudicem decerere Prouincialibus inferendum aliquid indicere, ut ea tantum sedulo cunctorum studio pensitentur, quæ *canonis* instituti forma complectitur, vel nostra clementia decernit (d) inferenda, vel delegatione (e) sollempniter sanciente, vel Epistulis (f) præcedentibus. Sed si quid vrguere forsitan coeperit, referri ad Celsitudinem Tuam statuimus, & auctore te fieri, & eo persolutore (g) ferri ad Scientiam (h) Nostram, ut nobis iubentibus roboreretur. De (*) ceteris, quæ prospici oportet ante plurimum temporis, insinuetur nobis tempore indictionis ex more promendæ: Quippe suggerit ratio, eius omnia serie contineri: Ideoque tituli pensitandi semper ad Nostram Scientiam perferantur, ut Indictione anniuersariis vicibus emissa, iubeamus inferri merito pensitanda. Si quid (i) autem arbitrio suo describerit Prouinciales, vel exegerit, in duplum inferet, & Officium eius quadruplum cogetur expendere, super exigenda condemnatione (k) Comite largitionum curante. Dat. Kal. April. Med. Constantio A. IX. & Iuliano Cæs. II. Coss. [357.]

NOTAE.

- (a) *Lex 8. Cod. Iust. de excusationibus munerum;* & concordat hæc *lex superiori*, imo ei iungenda est. **GOTHO-FREDVS.**
 (b) *Taurus PF. Italiae sub Constantio. v. Prosopog. & ibi historicos. ID.*

(c) *Etiam spectabilem. ID.*

(d) *Decreuit, Cod. Iust. nonnullæ Edition. ID.*

(e) *Delegatio dicitur hac l. & l. 13. inf. vide & leg. 1. sup. de annona & trib. l. vn. sup. ne conlatio per legogr. l. 2. 3. 4. sup. de indiction. quæ & Delegatoria vocatur, l. 16. sup. de exactionib. Indictio, sup. l. 7. ID.*

(f) *Aliisve præceptis; ita l. 7. prox. sup. Hinc sane Epistularii in loco Saluani de Gubernat. Dei lib. 5. cap. 7. Epistula Canonice dicuntur apud Cassiodorum in formula cura Epistularum Lib. XI. 23. ID.*

(g) *Perfoluto referri, ita Cod. Iust. quod an stare possit, mox videbimus. ID.*

(h) *Sententiam, Cod. Iust. nonnullæ Editiones. ID.*

(*) *Cætera rescata a Cod. Iust. & eorum loco pars legis 11. inf. d. legi 8. subtextu. ID.*

(i) *29. Quis, vel qui. ID.*

(k) *Condemnatio hic proprie pro multa, vt quàm plurimis aliis locis. Vide Glossarium. ID.*

P. 120.

COMMENTARIUS.

AQVIBVS & QVOMODO nouum aliquid superindici prouincialibus possit vel debeat, his duabus Constantii constitutionibus definitur, quæ pro more recepto, eodem argumento, ad diuersos emissæ (de quo in *Prolegomenis*) inter se coassandæ sunt. Prior, inquam, ad Populum ipsum & prouinciales, quorum vtique securitati Constantius prospectum voluit: Posterior ad Præfectum Prætorio, quem vt tributariæ rei, simul & continendorum in officio Rectorum prouinciarum cura respiciebat, ita & superindicti sollicitudo eidem demandatur. Quare & hæc leges melius sub titulo de superindicto starent; cuius legi vn. hæc lex omnino respondet: quod superindictum sane ab extraordinariis muneribus diserte separatur, l. 5. sup. b. tit.

Sententia igitur Constantii hæc est, nulli Iudici ordinario, spectabili, Clarissimo, quicquam prouincialibus superindicare licere; proposita ei Dupli, & Officiis eius Quadrupli pœna; quod tamen hæcenus factum a nonnullis Iudicibus, vt ex vtriusque legis argumento colligitur, & hæc nominatim verba legis 8. docent: *Placet, NVLLVM OMNINO Iudicem DECETERO prouincialibus inferendum aliquid indicere.* Sic vt Spectabiles nominatim, id est, Proconsoles & Vicarii, & illi potissimum id sibi vindicasse videantur: quorum notæ per hæc tempora, alia quoque in re, vrsupationes, veluti in negotio appellationis, de quo *inf. tit. de appellationibus.* Adempto ita superindicti iure Iudicibus, de Præfectis Prætorio, vtrum hi saltem superindicare possint, hanc distinctionem inducit: inter subitaneas seu vrgentes necessitates, & inter præiisas seu longe ante prospectas; hoc casu, id est, in his quæ prospici oportet ante plurimum temporis, vt ait lex 8. Præfectum Prætorio superindicare nil posse, sed tempore Indictionis ex more faciendæ ad Principem referre oportere, vt ita postea Princeps in indictione eius quoque rationem habeat: At priore casu, si quid vrgere forsitan ceperit, vt ait lex 8. seu vt loquitur lex 7. si inexcusabilis necessitas quid nouum exigat, vt dilationem publica utilitas non patiatur, Præfectum Prætorio superindicare posse, eoque perfoluto ad Principis scientiam referre, vt ipso iubente id roboretur: *Eo perfoluto referri*, inquam, vt habet *Codex Iust.* id est, peracto, absoluto, quæ Cuiacii fuit interpretatio, quæ verbi *perfoluto* etsi insolens, longe tamen probabilior quam Accursii, qui pro exacto accepit: Nam quo principalis iussionis robor, si iam superindictum exactum est? Et vero

in l. 7. sensus hic ita exprimitur, *referri ad Præfectos Prætorio, & eorum arbitrio flagitanda deposci, statimque id Nostræ intimari Clementia.* Quare nil probabilius mihi sub manum, quam vt hic legamus & perlatore: Nam & ita mox statim, *ad Nostram Scientiam perferantur.* Denique Præfecto perlatore referri idem est, quod l. 7. *statim intimari.*

Obseruandus itaque iam casus, quo Præfecto Prætorio indicendi ius Constantius concessit: cum alioquin aliis Principibus absce id denegare visum fuerit Iuliano, videl. l. 10. *inf. Valenti, l. u. inf. Valentiniano Jun. l. vn. sup. de superindicto.* Theodosio M. l. 23. *sup. de annona & trib.* Solius nempe Principis vt indictio, ita & superindictum est, de quo ad eam l. vn. etiam ex Sidonio. lib. 2. *epist. 1.* Sed obseruandum est, Constantium hac l. id Præfectis Prætorio indulgere duplici conditione. Prior est vt dixi, inexcusabilis necessitatis, quæ dilationem & consilium non admittit: Altera est, vt etiam factum iam & superindictum a Principe roborari oporteat. Scilicet, vt rerum dominos quoque necessitati cedere par est; ita & ea quamlibet vrgente maiestatis suæ vim etiam post factum orbi ostentare satagunt, & arbitrio consilioque dempto confirmationem & robur sibi retinere. Tandem Præfecto Prætorio superindicti faciendi potestatis exemplum hoc ipso tempore suppeditat Ammianus Marcellinus, lib. 17. cap. 3. in huius ipsius Anni 357. gestis. *Cæsar quia, inquit, plurima gentes vi maiore collaturæ capita sperabantur, magnis curarum molibus stringebatur. Dumque perinducias licet negotiosas & breues, arumnotis possessorum damnis mederi posse credebat, tributis ratiocinia dispensauit. Cumque FLORENTIVS PRÆFECTVS PRÆTORIO (Galliarum) cuncta permensus, vt contendeat, quidquid in capitatione deesset, ex Conquisitis se supplere firmaret; talium gnarus (Cæsar Iulianus,) animam prius amittere, quam hoc sinere fieri memorabat. Norat enim huiusmodi Prouisionum, imo euersionum, vt verius dixerim, insanabilia vulnera, sæpe ad vltimam egestatem Prouincias contraxisse: quæ res, vt docebitur postea, penitus euerit Illyricum. Ob quæ Præfecto Prætorio ferri non posse clamante, se repente factum insidum, cui Augustus (Constantius) summam commiserit rerum, Iulianus cum sedatius leniens, scrupulose computando & vere, docuit non sufficere solum, verum etiam exuberare capitationis calculum, ad comitatum necessarios apparatus. Nihilominus tamen diu postea INDICITIONALE AVGVMENTVM oblatum*

oblatus sibi, nec recitare nec subnotare perpeffus, bumi proiecit. Literisque Augusti (Constantii) monitus (Iulianus) ex relatione Praefecti, non age-
re ita perplexe, ut videretur parum Florentio cre-

di: rescriptit, Gratandum esse, si provincialis hinc inde vastatus, saltem solemnia praebeat, nedum IN-
CREMENTA, quae nulla supplicia egenis possent homi-
nibus extorquere.

IX. (a) Idem A. & Cæs. ad Taurum PF. P. (b)

EXEMPLO *Africa* debent (c) fundi Patrimoniales & Emphyteutici per *Italiam* (d) consti-
tuti ab extraordinariis omnibus (e) excusari: Non enim (f) per *Italiam* tantum, sed
etiam per Vrbicarias regiones, & *Siciliam*, (g) Patrimonialium, & Emphyteuticorum
fundorum vires seruandas esse perpeximus. PP. Rom. (h) VII. Kal. Mart. Eusebio & Hy-
pario CONS. [359.]

P. 121.

NOTAE.

- (a) Absit hæc *lex a Cod. Iust.* Concordat huic l. *lex 1. 2. sup. b. t. GOTHOF.*
(b) *Taurus* PP. sub Constantio *Italiae* videlicet: quod ut aliunde, ita ex ipso *legis* argumento simul & subscriptione
liquet. Sane eius hoc ipso Anno meminit Sulpitius Seuerus *lib. 3. sacr. bist. cap. 41.* & Hieronymus *aduersus*
Luciferianos pag. 98. Tom. II. Oper. edit. Francf. apud Christ. Genssch. v. Profopogr. ID.
(c) *q. Habentur &c. excusati. ID.*
(d) *Italiam* proprie dictam: cui mox vrbicariae Regionibus opponuntur. *ID.*
(e) Vox hæc retinenda; Nam & ita habet *lex 2. sup. b. t. ID.*
(f) Hieronymus Aleander hic reponerat, *autem*: quem non audio, mox ut ostendam. Ego malim, *Nos enim non &c.*
enim, pro *atenim. ID.*
(g) Tentat & hic Aleander *Illyricum*; quod tamen neque ipse admittit. *ID.*
(h) *Rome* hæc *lex* proposita; quia Vrbicariis regionibus speciatim lata. *ID.*

COMMENTARIUS.

PATRIMONIALES & Emphyteuticos fundos
ab extraordinariis omnibus per omnem *Italiam*
quantacunque ea est, etiam per Vrbicarias Regio-
nes, & *Siciliam* immunes esse iubet Constantius
hac leg. A. D. 359. Nempe quemadmodum *Africa*
exemplo propagata iam antea a Constantino
M. hæc immunitas ad *Italiam* fuerat, l. 2. *sup. b. t.*
ad *Italiam*, inquam, specialiter dictam, ita iam *Ita-*
liae huius exemplo hanc immunitatem Constantius
producit ad eas, quas dixi regiones. Hæc inquam
est *huius leg. sententia*: cuius initio manifestissime
Constantius memorat ius quod iam obtinebat, ut
tota series *legis* ostendit: ac proinde in ea repo-
nendum mihi omnino videtur, *habentur excusati*,
id est hætenus excusari solent, iam excusationem
meruerunt; mox posteriore sententia nouum ius
constituit, ut proinde initium eius ita constitui
oporteat, *Nos enim non per Italiam tantum, &c.*
ac si diceret; Nobis autem hanc immunitatem propa-
gare iam libet. Nam alioquin, nisi hæc *lex* ita
accipiat & constituatur, ecquis se expediet ab illis:
Exemplo Africa debent fundi Patrimoniales & Em-
phyteutici per ITALIAM constituti ab extraordina-
riis omnibus excusari: Non enim per ITALIAM
tantum, sed etiam per &c. Quomodo, inquam,
hæc stare poterunt, propagari *hac l.* hanc immuni-
tatem exemplo *Africae* per *Italiam*; mox *eadem*
leg. illa posteriore sententia, non per *Italiam* tan-
tum, sed ultra? cui omnino renititur vox **ENIM**:
quæ superioris dispositionis rationem & elucidatio-
nem indicat, non extensionem nouam. Verissima igitur
ea est interpretatio, & emendatio, quam dixi: re-
ferri scilicet initio ius, quod iam obtinebat ex *h. sup.* mox
proferri, seu produci id iam alio: Id quod ut di-
xi tota *legis* series ostendit: vbi Constantius Imp.
apertissimo iuris & immunitatis huius progressum

ingerit: Per *Africam* scilicet, primum eam tributam;
mox ad *Italiam* propagatam: Nunc vero a se ad Vrbicarias
Regiones & *Siciliam* porrigi. Quibus
quidem prioribus diserte indicat Constantini M.
legem 2. sup. hoc tit. quæ hic omnino sternenda
est.

Imp. Constantinus A. ad Vlpium Flavianum Cons.
Emilia & Liguria.

Ab extraordinariis OMNIBUS (ita quoque hic
habetur) fundi patrimoniales adque Emphy-
teuticii (ita quoque hic) PER ITALIAM
NOSTRAM constituti (hic, per ITALIAM con-
stituti) HABEANTUR IMMUNES; (habentur ex-
cusati; *hac l.*) ut canonica tantum & con-
suetæ dependant, AD SIMILITUDINEM per
Africam possessorum (Exemplo *Africa*, ait hæc
lex.)

Vides, quam omnia hic congruunt, præ-
ter ipsam (inquam) dispositionem, quinque
loca.

His ita positis, varia iam & singularia multa
ex *hac l.* (quæ famola iam euasit in argumento
regionum suburbicariarum,) obseruanda veniunt.
Primo quidem notandum, sub vna Præfectura Præ-
toriana, quæ *Tauro* PP. cui hæc *lex* inscribitur,
parebat, quatuor has distinctas & separatas dioce-
ses seu administrationes fuisse, *Africam, Italiam,*
Vrbicarias Regiones, & Siciliam &c.

His, inquam, quatuor dioecesibus & admini-
strationibus constitit inde iam a Constantino M.
& ex eius instituto, vna Præfectura Prætoriana Ita-
liae, si Zosimo fides, *lib. 2. cap. 33.* vbi de quatuor
Præfectis Prætorio agens: τὰ δὲ τέττα, inquit,
[παράδωκε] τὴν ΙΤΑΛΙΑΝ ἀνάσσειν, & ΣΙΚΕΛΙΑΝ,
& τὰς περὶ αὐτὴν νήσους, & τὴν Σαρδόνιον, & Κυ-
βερνον, & τὴν ἀπὸ Σύγρεων Κυρήνην ἀρχιεπαρχίαν. id
est;

est: *Tertio* (Præfecto Prætorio attribuit) totam ITALIAM & SICILIAM, & circumiacentes insulas, itemque Sardiniam, & Corsicam, & AFRICAM a Syrtibus Cyrenen usque. Et vero iis quoque finibus stetit trium ante Constantinum M. ordine sibi succedentium tetrarcharum imperium, unde Præfecturæ exemplum mox propagatum; inde ab An. Dom. 293. puta Maximiani, Severi, Maxentii, de quo dixi plenissime in *Apolytico priore, cap. 2.*

Secundo observandum, Vrbicarias Regiones, vt ab Africa, ita ab Italia separari, pariter vt *d. l. vn. sup. si per obreptionem*: imo & Sicilia quoque de quo postea. Nempe, vt Vrbicariæ Regiones intra centesimum constiterent; ita Italia, nullo alio adiecto, in Imperatoriis constitutionibus totum illud Italiæ spatium occupabat, quod ultra centesimum procurrebat, vt docet *lex 2. sup. de integri restitut.* Verum de eo peculiare iam sunt libelli. Viderint ii tantum, qui Vrbicarias etiam in *Siciliam* protrahabant, quidnam *huius legi* tam apertæ, responsuri sint: iam enim confecta res est, imo profligata, viriusque partis consensu, eorum sententia, qui in Africam & Illyricum quoque Vrbicarias producere anxi fuerant. Quid enim apertius *hac lege*? vbi Vrbicariæ regiones non aliter a Sicilia separantur quam ab Italia, medioque adeo inter eas loco, seu diuersæ, ponuntur. Sicilia igitur extra censum Vrbicariarum, non modo quia diuersum Rationalem haberet, quod suffugium nuper Vir doctus quærebat, *p. 987.* Qui certe etiam Siciliæ peculiaris non fuit, verum trium provinciarum in commune Rationalis extitit, Siciliæ, Sardinia, Corsicæ. Hoc vero *huius legi* testimonio qui premi se vident, ad emendationem confugiant: *Aleandri dissertatione 1. cap. 2.* emendatio est, quam tamen neque ipse admittit, quod pro *Siciliam*, hic *Illyricum* reponi forte posse tentabat. Perperam omnia. Illyricum quippe Occidentale, vt Con-

P. 122. stantini ævo, ita & hoc, Orientali cohærebat; neque dum Præfecturæ Prætorianæ Italiæ accesserat, id quod posterius factum est. Atque hæc iam ratio est, cur sub Valentiniano mox, *lex vn. sup. si per obrept.* Præfecturæ Prætorianæ Italiæ diocesibus Illyricum connumeratur, non etiam *hac leg.* pariter vt apud Amm. Marcellinum *lib. 26. cap. 5.* Morinus *lib. 1. Exercitationum, cap. 30.* inter alias coniecturas, Siciliæ vocem expungebat, vt consuetudini illius temporis, inquit, contrariam, & a mente Imperatoris absonam.

Tertio observandum cum primis, Primam &

antiquissimam hanc occurrere nobis *Vrbicariarum* Regionum sub Constantio mentionem; quæ nulla occurrit sub Constantino M. & quidem, quod notari rursus cupio, eo ipso anno 359. vno tantum mense ante *legem 1. inf. de calcis coctorib. V. R.* quæ vt *Orfito P. F. V.* inferibitur; ita *Quatuor Regionum* meminit, quæ sub dispositione Præfecti Vrbis fuerunt, quæ proinde non aliæ, quam Vrbicariæ istæ sunt, vt ad *eam leg.* plenius ostendetur. Inuestiganti porro mihi, cur non antiquior huiusce *VRBICARIARVM* nominis mentio occurrat, hanc causam suppeditat *lex 27. inf. de appellationib.* quæ anno 357. & quod excurrit, ante *hanc l.* data est. Nempe novam Italiæ Regionem designationem *ea leg.* Constantius facere instituit; earum scilicet, ex quibus ad Præfectum Prætorio deinceps appellari vellet, & earum ex quibus ad Præfectum Vrbis, cum hætenus ex omnibus Italiæ regionibus Præfectus Vrbis eas sibi vindicaret. Quare cum intra suam & peculiarem Vrbis diocesin eum coarctaret, enata iam inde *Vrbicariarum* Regionum appellatio, quasi quæ Vrbis diocesin constituentes, solæ etiam ad Præfecti Vrbis dispositionem pertinerent: Ideo quoque *lex hæc Romæ proposita* dicitur, ad cuius diocesin nominatim ea pertinet. Atque hoc iam tempore peculiare *Rectores* vrbicariis regionibus & provinciis dati videntur, cum antea non haberent, ac nominatim Tuscia & Picenum, quæ peculiare deinceps Rectores habuit. Et si postea quandoque coaluerint cum annonariis: de quo ad *l. 4. sup. de iurisdic.*

Quarto, cum hæc *lex* agat de fundis patrimonialibus & emphyteuticis per Italiam, Vrbicarias Regiones, Siciliam & Africam, eo iam referendi sunt *Rationales & Procuratores rei priuatae*, qui per Italiam, per Vrbicarias seu Suburbicarias Regiones, per Siciliam, & per Africam memorantur in *Notitia Imperii.*

Illud quinto notandum *hac leg.* quod cum alias tres provinciae, puta Sicilia, Sardinia & Corsica, pari passu ambularent, & æquo iure agerent, sub eodem Præfecto Prætorio, teste vel *Zosimo superiore loco*; imo Rationalis vnus harum trium provinciarum esset, hic tamen *Sicilia* vna nominetur, immunitateque ea, de qua *hac leg.* agitur, donatur, cuius causæ quærendæ sunt. Item illud notandum, quod Sicilia & ab Vrbicariis regionibus & ab Italia separaretur, seu speciatim post Vrbicarias regiones nominetur: proinde neutris accensita, hoc ævo, neque *Italia* etiam, quod postea factum.

X. (a) Imp. IVLIANVS A. Secundo PF. P. (b)

Nihil Provincialibus indici sine Nostra Scientia fas est: Neque rursus, ex his quæ sunt indicta, referri. (c) Omnia igitur, quæ Consuetudo, (d) vel dispositio (e) nostra amplectitur, hoc est cursum, (f) publicum, translationes, (g) itinerum (h) sollicitudines, ceteraque similia, cuncti possessores implere pariter compellantur; &c. PP. (i) III. Id. Mart. Constantinop. Mamertino & Neuita Coss. [362.]

NOTAE.

(a) Absit hæc *lex* a *Cod. Iust.* Iungenda autem *huius* est *lex 50. inf. de decurion. lex 4. inf. de lustrali conlas. lex 1. sup. de locatione fundorum. lex 2. inf. de protostasia*: Imo & *lex 1. inf. de auro Coronario. GOTHFR.*

(b) Secundus PP. sub Iuliano. v. *Profopog. ID.*

(c) Re-

(c) *Referri*, id est, remitti, accepto ferri, differri. *ID.*

(d) *Consuetudinis* vox & vis in re tributaria: v. passim apud Cassiodorum, & in Capitularib. Caroli M. & *Gloss. Theod.* & ad *l. vn. sup. de longa consuetud.* quæ est Iuliani. *ID.*

(e) *Dispositionis* vox propria. *ID.*

(f) Vide titulum *de cursu publico*, *sup. ID.*

(g) *Basaga* alibi vocantur Angariæ, Parangariæ: Harum *translationum* fit pariter mentio *sine legis* 15. l. 40. *inf. de Episcop.* vbi plene dicam. Cæterum hic malim, *translationis. ID.*

(h) Id est, *Opæras* ad viarum munitionem. *ID.*

(i) Ita quoque prædictis *legibus*: excepta *l. 2. de Protostasia*, vbi *Dat.* editum. *ID.*

COMMENTARIUS.

IMMUNITATEM vt a Canonicis seu consuetis muneribus, ita & ab extraordinariis, dispositione Principis indictis, vel sordidis nulli prouinciali seu possessori tribui iubet *hac l.* Iulianus: Quæ maioris constitutionis pars est: qua in vniuersum Iulianus publicis Muniis consultum voluit, vt ostendunt *leges* illæ omnes, quæ huic coniungendæ sunt: quasque in *Notis* iam cumulaui. Neque dubito, quin & hæc pars profecta sit ab indicto Christiano nomini, vel (vt Antiocheni obiciebant) indicto *χρὶ* & *ἀνάπη* odio. Quandoquidem aperte *lex 50. inf. de decurionib.* (vnde desumpta est *lex 4. inf. de hyspali collat.*) quæ huic inter alias coniungenda est ab eodem odio fit: ea quippe *lege* Iulianus Christianis, id est, Clericis, tributam a Curialibus muneribus a Constantino M. & Constantio *l. 1. 2. 7. 8. 9. u. 16. inf. de Episcopis Eccles. & Cler.* immunitatem reuocat: Rursum *l. 1. sup. de locat. fundorum* (quæ & ipsa huic coniungenda est,) Iulianus publicas possessiones (proculdubio agonotheticas iurisque templorum, ludis in honorem Deorum, & ædificiis sacris artis tectis destinatas,) Ciuitatibus restitui iubet, quo ciuitatum reparatio procurari possit. Pariter itaque Iulianus *b. l.* mihî videtur, immunitatem tum Ecclesiis, tum Ecclesiasticis ab extraordinariis & sordidis muneribus a Constantino & Constantio tributam reuocare: *l. 1. 2. 3. 8. 9. 10. 14. 16. inf. de Episcopis, Eccles. & Cler.* Et vero *lex 18. inf. de Episcopis, Eccles. & Cler.* aperte docet Iulianum Ap. statam contra sanctissimam *legem*, id est, professionem Clericatus excitatum id decreuisse, vt ne Clerici ab extraordinariis vel ciuilibus muneribus immunes essent. Sed & Sozomenus *lib. 5. c. 5.* scribit Iulianum Clericis privilegia detraxisse: id ipsum & Gregorius Nazianzenus *ep. 166.* testatur. Porro Iulianus hac generali *lege*, etiam comprehendit possessores fundorum patrimonialium quod diserte expressum alia eius constitutione, puta *l. 2. inf. de coll. fundor. patrimon.*

Cæterum tria exempla huiusmodi munerum hic proponit Iulianus: 1. *Cursum publicum*, id est, vt exilimare quis possit cursus publici mancipatum; de quo *sup. suo titulo de cursu publico*: vel potius Angariarum & Parangariarum munus: a quo sa-

nè Clerici immunes fuere Constantii *lege 10. 14. inf. de Episcopis. 2.* Translationes, a quibus sane Clerici immunes quoque fuere Constantii *l. 15. inf. de Episcopis*: Honorii *l. 40. d. tit. de Episcopis*; translationes, id est translationum sollicitudo, *d. l. 40. denique transferendarum specierum fiscalium munus*, de quo dixi ad *d. leg. 40.* quam Græci *παράπομπῆν εἰδὼν* vertunt: Transuectio quoque vocatur specierum, *l. ult. inf. de equorum conlat. & l. 49. inf. de operib. publ.* 3. Itinerum sollicitudinem, id est muniendi itineris necessitatem seu viarum constructionem. Nempe & ab hac necessitate velut extraordinaria & sordida (vt docet *lex 15. 18. inf. b. tit.*) & *l. ult. inf. de itin. mun.* immunes Ecclesiæ aliquando fuere, quod docebit etiam Honorii *lex 40. inf. de Episcopis*: verum vt contrarium, *b. l.* a Iuliano statui censeo, ita sane diserte, venerandas Ecclesias tam laudabili titulo adscripsit Theodosius Iun. *d. l. ult. inf. de itin. mun.* & Valentinianus Tertius Nouella inter *Theodosianas 21.* & Iustinianus Nouella 131. *cap. 5.* & Carolus M. *Capitularium lib. 6. c. 7.* De quo ad *d. l. ult. sup. de itinere muniendo.*

Tandem, neque primam huiusce *leg.* sententiam seu præfationem omittendam censeo, qua Iulianus ait, *Nihil Prouincialibus indici sine sua scientia fas esse.* Sane & Ammianus Marcellinus in excessu illo extremo de Iuliani moribus *lib. 25. cap. 4. Liberalitatis*, inquit, *eius testimonia plurima sunt & verissima: Inter quæ, indicta sunt tributorum admodum leuia; Coronarium indultum*, (vid. *l. 1. inf. de auro coronar.*) *Remissa debita multa diturnitate congesta* (vid. *leg. 1. inf. de indulgent. debit*) *vectigalia ciuitatibus restituta cum fundis* (vid. *leg. 1. sup. de locat. fundorum*: quam huic coniungendam esse iam docui) *absque his, quos velut iure vendidere præterite potestates.*

Sed & illud hic notandum, quod *Consuetudini* hac parte stari iubet Iulianus: vt cæteroquin *Consuetudinis* obseruantissimus fuit Iulianus, cuiusque obseruantiam præ se tulit, de quo ad *legem vn. sup. de longa consuetud.* quæ & ipsa Iuliani est; ex ipsiusmet etiam scriptis & epistolis.

XI. (a) Impp. Valentinianus & VALENS AA. Secundo (b) PF. P.

NIHIL a Prouincialibus extraordinaria patimur indictione deponci. Caueat igitur Magnifica Auctoritas Tua, ne, præter ea quæ a Mansuetudine Nostra patuerit indicta, tenuiorum oneret functionem. (*) Vt si quis (c) vsurpatoria temeritate amplius aliquid fuerit conatus exigere, obnoxius quadrupli repetitione teneatur: Quæ seueritas

iussione ad Ordinarium Iudicium Officiorumque terrorem debet excurrere, ut si eorum vel gratiosa conhibentia, (d) vel ignobili dissimulatione temeritas admiserit Curialis, eos quoque damni similis (e) poena castiget. Dat. xiv. Kal. April. Constantinop. Valentiniano, & Valente AA. COSS. [365.]

INTERPRETATIO. *Hæc lex hoc præcipit, nihil debere a provincialibus de superindictitiis (f) titulis peti, nisi ea tantum quæ a rerum Dominis indicta constiterit. Et hoc iubet, ut quicumque aliquid superexigendum crediderit, (g) quadrupli retributione componat. (h) Sed & ad ordinarios Iudices hanc inquisitionem iubet excurrere, ut etiam si quid in provinciis eorum a quibuscumque personis aut Curialibus factum est, etiam eos similis damni poena castiget.*

NOTAE.

- (a) Absit hæc lex a Cod. Iust. nisi quod posterior eius pars a Triboniano subdita legi 8. C. Iust. de excusation. munerum: quæ & ipsa 8. lex est huius tit. GOTHOFR.
 (b) Secundus PP. sub Valente Imperatore: v. Protopog. ID.
 (*) Legis 8. C. Iust. de excusationib. munerum, pars postrema hinc desumpta est. ID.
 (c) Curialis scil. hac l. in f. & l. 20. inf. b. 1. ID.
 (d) Pro, conniuentia, ut habet Cod. Iust. ID.
 (e) Simplicis, C. Iust. male. ID.
 (f) Superindictionis, Edit in 4. indictis titulis MS. G. RITTER.
 (g) Plus quam adhibitum est, hoc amplius est in Edit. in 4. ID.
 (h) Damnetur in margin. Edit. in 4. ID.

P. 124

COMMENTARIUS.

SUPERINDICTI quicumque provincialibus extraordinaria indictione, quomodo certe sub Valente Basilus ep. 423. su. 303. Edit. Benediclin. a Comite Priuatarum, extraordinarium ex equabus vectigal impositum, improbat, *ἡπεισαν τὴν ἡμότην ἢ ὁ σὺ φορεῖσθαι ἴλεσμα τοῖςδε ἐπαγαγῶν*, persuaferunt dignitati tue; ut istis equarum præstationem indiceres: idque aboleri rogat: vetat hac constitutione Valens Imp. a quocunque tandem Iudice etiam a Præfecto Prætorio, quod & ipsum ferme Constantio visum fuit, l. 7. & l. placet 8. sup. Iuliano, l. 10. sup. Valentiniano Iuniori postea, l. vn. sup. de superindictio. Et quidem adeo id vetat Valens, ut Quadrupli poenam & Curiali superexigenti, (quomodo & Curiali poena imponitur in ip. l. 20. in f.) & Iudici Officioque eius conni-

uenti imponat, quæ & ipsa Constantio etiam placuit, l. 7. 8. sup. forte etiam Valentiniano ea sanctione, quæ memoratur l. 1. sup. de superexact. Cæterum huc facit Ammiani Marcellini locus lib. 31. cap. 14. in ἐκβάσει de Valentis moribus: Prouinciarum, inquit, æquissimus tutor; quarum singulas ut domum propriam custodiebat indemnes; Tributorum onera studio quodam molliens singulari, nulla VECTIGALIVM ADMITTENS AVGMENTA, in aduandis reliquorum debitis non molestus: furibus & in peculatu deprehensis Iudicibus inimicus asper & vehemens. Nec sub alio Principe in huiusmodi negotiis melius secum actum esse meminit Oriens. Item quod Victor in Epitome, de Valente, Fuit possessoribus consultor bonus.

XII. (a) Imppp. GRATIANVS, (b) Valentinian. & Theod. AAA. ad Theodorum Com. R. P. (c)

AD Virum Clarissimum & Inlustrem Præfectum prætorio Italiae (d) scribita porreximus, ut ab Actoribus, & Conductoribus patrimonii nostri, atque ab his qui iure perpetuo (e) possederunt, (f) extraordinarii muneris cessaret iniuria: Neque Suburbicariis paribus (g) Tironum immineret exactio. Sane Præstantia Tua providere debet, quatenus Frumenti & Equorum maturetur exactio. Dat. xv. Kal. April. Treu. Gratiano v. & Theod. I. AA. COSS. [380.]

NOTAE.

- (a) Absit hæc lex a Cod. Iust. GOTHOFR.
 (b) Gratianus huius leg. auctor est: De quo mox. ID.
 (c) Malit quis Com. S. L. & suadeat Claudianus, hunc ipsum Theodorum alloquens, Panegyrico in eius consulatum, avert. 38.

*Hinc SACRÆ mandantur OPES, Orbisque tributa
 Possessi, quicquid flumini evolvitur auri,
 Quicquid luce procul VENAS rimata sequaces
 Addita pallentis fodit solertia Bessi.*

Sub Comite quippe Sacrarum Largitionum, *sacra opes*, id est Largitiones & tributa fuere, & Theauri ac metalla, de quo V. *Notitiam imperii: & legem* 4. 12. 14. 15. *sup. de metallis*. Neque tamen quicquam temere ipse murem. Nam & ea omnia, quæ Claudianus memorat, Comiti R. P. tribui possunt. *Sacra opes*, inquam, id est priuatæ Largitiones, res, greges, stabula, salus, item *Orbis possessi tributa*, id est, pensiones ex fundis patrimonialibus. Tandem & metallorum cura Comitem R. P. aliquando respexisse potuit. Argumentum sane *huius l.* ad rem priuatam pertinens, id euincit. *ID.*

(d) Sub quo Italia, suburbicariæ partes, Illyricum & Africa fuere, vide *leg. vn. sup. si per obreptionem. ID.*

(e) *Iure perpetuo possidentes* sunt emphyteuticarii: v. *Paratitlon de locat. fund. iuris emphyt. lib. 10. ID.*

(f) *Possiderent. ID.*

(g) *Partes*, pro tractu & diœcesi: ita Ægypti partes seu Ægyptiacæ, *l. 14. inf. de nautic. l. ult. inf. de Episcopali iudicio: & Rufino lib. 10. c. 4.* Illyrici seu Illyricianæ partes, *l. 25. sup. de petitionib. l. 49. inf. de operib. publ. Italix partes, l. 15. inf. de Episcop.* Transmarinæ partes Italix, *Cod. Canon. Eccles. Afric. pag. 895. Tom. I. Concil. Edit. Harduin.* Orientis partes, *l. 3. sup. de militari veste: & l. 3. de fid. Cathol.* Plura in *Notitia Imperii. ID.*

COMMENTARIUS.

EXTRAORDINARIA quædam munera, & extraordinarias quasdam exactiones, cum hac tempestate Gratianus, hostili procul dubio necessitate adigente, quæcunque tandem illa sit, Treueris in Gallia constitutus, indixisset, atque in his tyronum, frumenti, equorum de quibus extraordinariis collectionibus erit *inf. Titulus peculiaris, Qui a præbitione tyronum & equorum excusentur*, idque per Italiam & suburbicarias etiam partes: cum hæc, inquam, Gratianus indixisset, & quidem constitutione ad Præfectum Prætorio Italix, tria super eo nominatim, vt illa, ita & hac constitutione ad Comitem R. P. constituit.

Primum est, quod PATRIMONIALES ACTORES & Conductores, & perpetuo iure patrimonium Principis possidentes ab extraordinariis muneribus immunes esse iubet: De prioribus iam *supra sæpe*. Perpetuo iure possidentes, qui hic dicuntur, vel perpetuo iure tenere, similibusque formulis, *l. 13. prox. & 20. hoc tit. cuiusmodi omnes congeffi in Paratitlon sup. lib. u. de locat. fund. patrimon. &c.* & quidquid tandem de his perpetuariis conductoribus & fundis *hoc Codice* occurrit, sunt omnino emphyteutici seu emphyteuticarii. Hinc adeo quomodo emphyteutici distinguuntur a patrimonialibus rebusque priuatis, non *vna leg. inter alias, l. 9. sup. ita hac l.* in eadem re perpetuo iure possidentes a conductoribus patrimonii. Hinc *l. 1. Cod. Iust. de off. Com. S. P. expressetotius perpetuarii, hoc est* (alii *Codices* habent, *Vel,)emphyteuticarii iuris exactio*. Hinc & Græci ad *l. 20. inf. b. t. quæ est lex 15. Cod. Iust. de excus. munerum: perpetuo iure diserte explicant, emphyteutico iure*: Ita igitur quoque accipienda illa Valentini-
P. 115. ani *Nouella 8. de præscript. 30. annor. Iuuat itaque iuris perpetui, emphyteutici, patrimonialis, iuris Reipubl. vagas æternasque calumnias &c.* De horum denique fundorum & possessorum Emphyteu-

Secundo capite Gratianus Imp. *suburbicarias* partes seu regiones, a tyronum præstatione immunes esse iubet. Aliter Valentinianus Tertius posita in sp. *Nouelle*, quæ inter *Theodosianas* est *41. de tyronib. leg. 2.* De his suburbicariis regionibus iam sæpe *supra hoc libro*: Quas qui ab Urbicariis distinguunt, largiter fallunt: vt alibi pluribus ostensum est. Quod vero *suburbicariae partes* dicuntur, quæ alibi *regiones, prouinciae*, id eodem modo dicitur, pro tractu videl. & diœcesi: quomodo Ægypti seu Ægyptiacæ partes *l. 14. infr. de nauticular. l. ult. infr. de Episcopali iud.* Rufino *lib. 10. c. 4.* Illyrici seu Illyricianæ partes, *l. 25. sup. de petitionib. l. 49. infr. de operib. publ. Italix partes, l. 15. infr. de Episcopis*: Italix transmarinæ partes, in *concil. Carthag. vid. Cod. Can. Eccl. Afr. num. 56. pag. 895. initio Tom. I. Concil. Hard.* Orientis partes *l. 3. sup. de milit. veste. l. 3. de fide Cathol.* verum de hoc plura in *Notitia Imperii nostra*. Hoc interim priuilegium suburbicariarum regionum notandum, vt cum ab aliis prouinciis Tyrones exigenterentur, ab his immunes ex essent. Quod proculdubio datum Vrbi Romæ, cuius diœcesim hæc constituiebant: Quomodo & peculiaris alias sæpe earum ratio habita.

Postremo capite videtur Gratianus id iubere, frumenti & equorum exactionem omnibus ex æquo imminere debere, etiam Actoribus & Conductoribus rei priuatæ, & emphyteuticariis, vid. & *l. ult. infr. de collat. fundorum*: etiam suburbicariis partibus: Quod non puto: verum id iubere videtur Gratianus, vt summa *celeritate* frumenti & Equorum imperata collatio exigeretur: quandoquidem præsens necessitas vrgeret.

Neque illud omittendum, ex subscriptione Dat. Trev. liquere hanc *l.* tribuendam Imp. Gratiano: vt maxime Præfecti Prætorio Italix & suburbicariarum patrium in ea fiat mentio: nam vt maxime, quod alibi prolixè ostendo, Valentiniano Inniori Italia & Vrbs Roma cessisset, attamen Gratianus vtrobique hoc tempore, Valentiniano admodum iuvene, imperabat,

XIII. (a) Idem AAA. ad Hypatium PF. P. (b)

PRIVATÆ rei nostræ priuilegiis permanentibus, nihil extra ordinem prædia iure perpetuo (c) consignata sustineant, neque abiectis (d) sapius, ac præter primum delegatio- nis (e) canonem (f) postularis, addiciantur impendiis: Quandoquidem, neque aurario canoni, sub (g) priuilegiis æstimato, aliquid ex (h) ea iubentibus nobis præbitionum diuersitate decurritur: (i) & pari cum ceteris æstimari sorte non conuenit, quos præter annonarias functiones æstimata (k) perpetuo pensionum prærogatiua nexuerint. (l) PP. Karthag. Id. April. Post conf. Syagrii & Eucherii [382.]

NOTAE.

(a) L. 10. Cod. Iust. de excus. muner. GOTHOFR.

(b) Hypatii huius Geminam Præfecturam memorat Ammianus Marcellinus lib. 29. cap. 2. Inter quos, inquit, omnes adolescentia & virtutum pulchritudine commendabilis noster HYPATIVS præminebat: vir quieti placidique consilii, honestatem lenium morum velut ad perpendicularum librans: qui & Maiorum claritudini gloriae fuit: & ipsa posteritatem mirandis actibus PRÆFECTURÆ Geminæ decorauit. Ex quo etiam Ammiani loco liquere potest, quando Ammianus ipse Historiam suam scripserit, nempe per hæc ipsa tempora. Verum de eo plenius in eius ipsius Vita. Geminam autem Præfecturam cum ait Ammianus, intelligit Præfecturam vrbs, quam gessit A. 379. vt docet lex 26. infr. quorum appellat. & Præfecturam Prætorianam, quam gessit A. 382. 383. vid. Indicem personarum, & Consularia Theod. Eidem sane inscribitur mox lex 15. infr. b. t. Cuius autem Præfecturæ Prætorianæ Præfectus fuerit Hypatius, docet subscriptio huius legis, PP. Karthag. vid. & d. l. 15. infr. ID.

(c) Perpetuo iure consignata prædia. Dixi ad leg. 12. prox. supr. ID.

(d) Abiectis, in C. Iust. quod melius: quanquam possit quis abiectis hic interpretari pro sordidis & extraordinariis muneribus, quod Cuiacius probabat. Illud tamen malim, propter coherentem vocem sapius, & quæ mox sequuntur. ID.

(e) Delegatio, b. l. & l. 3. supr. dixi ad titulum, de annona & trib. ID.

(f) Canon est tributum seu indictio ordinaria. ID.

(g) Id est, intuitu eorum priuilegiarum & immunitatis ab extraordinariis muneribus. ID.

(h) Id est, ob eam & nouam extraordinariorum munerum indictionem. ID.

(i) Decurritur id est, remitti solet. ID.

(k) Æstimatas perpetua, Cod. Iust. vulg. Edit. RITTER.

(l) Ita quoque C. Iust. nexuerunt: Verum reponendum, nexuerit. GOTHOFR.

COMMENTARIUS.

PRIVATÆ res Principis perpetuo iure consignatæ, seu perpetuariae, id est, emphyteuticæ (de quo plene dixi ad legem superiorem) hac quoque Valentiniani Iun. constitutione ab extraordinariis muneribus immunes esse iubentur, vt quamplurimis iam huius tit. legibus.

Neque hæc lex quicquam præcipuum habet, nisi quod huius immunitatis rationem assignat, simul & conditionem huiusmodi fundorum perpetuorum declarat; Nempe ait, *pari cum ceteris sorte æstimari eos fundos non oportere*; quia iam grauiore pensione quam ceteri sunt nexi. Quæ ipsa ratio inculcatur l. 17. infr. b. t. cogendarum, inquit, intuitu pensionum. Præter annonarias scil. functiones hi fundi præstabant quoque canonem aurarium, id est, certam & solennem auri pensionem, quod etiam docet lex 2. Cod. Iust. de fundis patrimonialibus: lex 1. supr. hoc tit. lex 8. infr. de collat. fund. patrim. quod alii non præstabant: Nempe propter prærogatiuam perpetuæ possessionis, & quidem eo maiorem, quod ab extraordinariis nomi-

natis muneribus immunes, futuri erant. Idem enim est quod sibi volunt hæc verba, *aurario canoni sub priuilegiis æstimato*; ac si dixisset, pensionem auri eo maiorem huiusmodi fundis imponi & imminere, quod priuilegio immunitatis ab extraordinariis potituri sint: quare iniquum futurum, si extraordinariis insuper subiiciantur, quibus pensandis compensationis iure quodam eo grauiori canoni ordinario subiiciuntur: ac maxime, cum ex solenni illa & canonica pensione nunquam quicquam decuti, id est, remitti aut detrahi a Principibus solet; In quo verum sibi dixit Valentinianus: nam ita ad solet, vt quæ canonica semel facta sunt, nunquam remittantur. Atque his obseruationibus, quas dixi, hæc lex singularis est, quæ & ipsa ferme continetur, l. 1. supr. & l. 17. infr. hoc tit.

Tandem & hic illud singulare, quod hæc lex proprie pertinet ad Africam & immunitatem fundorum illorum, quos dixi, per Africam, vt docet huius leg. subscriptio PP. Karthag. a qua certe immunitas hæc initium duxit: l. 1. & 9. supr.

XIV. (a) Idem AAA. ad Syagrium PF. P. (b)

EOS qui cum honore Comitum, (c) nomine Magistrorum, (d) memoriarum præfuerint, (e) vel epistulis, vel libellis: item eos qui ibidem peragendis signandisque Respon-
Nostræ

Nostre Manfuetudini (f) obsecundant, (g) omnium vilium (h) munerum, ac (*) totius Capitularia, (i) siue (vt rem, quam volumus intelligi, communi denuntiationi (k) signemus) Temonaria (l) functionis, fieri iubemus exsortes, ita (**) vt eorum vniuscuiusque adscribitio excusetur: non, vt vnus alterius excipiat, si etiam eius summa sit, vt recipere possit adiunctos, sed, aut suum tantum munus agnoscat, aut si conplacito (m) opus est, magis alteri ipse societur, quam eidem alter annectatur: Hii igitur (n) qui ex eo gradu e Palatio nostro abscefferint, adesse (o) sibi conperentia priuilegia gloriantur. Qui vero superioribus (p) dignitatibus creuerint, nihilominus huius loci priuilegia praesto sibi fuisse (q) latentur. Lecta III. Kal. Septembr. Capuae, (r) Antonio & Syagrio Coss. [382.]

NOTAE.

- (a) *Lex 11. C. Iust. de excusationibus munerum. GOTHOFR.*
 (b) Syagrius PP. Italiae videlicet, quod docet subscriptio, *Lecta Capuae*: & forte etiam eius tantum Italiae partis, quae ad dexteram Urbis Romae iacet, puta Campaniae (in qua Capua metropolis,) Apuliae, Calabriae, Lucaniae, Bruttiorum. Turbata enim hac tempestate admodum & in varias discripta partes fuit, quae vnica antea Praefectura Praetoriana Italiae erat. *ID.*
 (c) De his Comitibus fuit supra titulus *lib. 6. tit. 26. De proximis Comitibus dispositionum*: vbi vide quae dixi ad *leg. 10. & 11. ID.*
 (d) De huius loci interpunctione Marcil. in *Vespas. c. 21. ID.*
 (e) *Præfuere*, Cod. Iust. *RITTER.*
 (f) *Manfuetudinis*, Cod. Iust. *ID.*
 (g) Ita obsecundatores sacrorum scriniorum *l. 3. supr. de prox. Comit. disp.* vbi vid. quae dixi. *GOTHOFR.*
 (h) *Ciuium* C. Iust. non ita recte: *Vilia* sunt sordida. *ID.*
 (*) Sequentia, de Capitularia & temonaria functione recidit Tribon. *ID.*
 (i) De Capitularia functione, id est, capitum seu tyronum exigendorum onere, dixi ad *leg. 7. supr. de tyrannib. ID.*
 (k) *vg. Denuntiatione*; & hoc pro enunciatione. *ID.*
 (l) De Temonaria functione, id est, auri tyronici, seu pretii loco tyronum collatione, exactione, dixi ad *eandem leg. 7. supr. de tyrannib.* Quamquam hic locus ita legendus videatur, *Turmaria & Temonaria functionis*: nam vtraque species fuit capitulariae: Illa erat ipsorum tyronum exactio; hac pretii. *ID.*
 (**) Sequentia usque ad, *fi igitur*, recidit Tribon. *ID.*
 (m) *Complacitum*, hic est ἐκβολή, adiectio fundi ad alterum fundum & sociatio. - Quid si legamus, *comparsito*? *ID.*
 (n) *Igitur qui ex eo gradu Palatio nostro adbaferint*: ita C. Iust. *ID.*
 (o) *Adesse* sibi, id est, suffragari, competere. *ID.*
 (p) Id est, ad superiores dignitates peruenerint. *ID.*
 (q) Forte, *esse*. *ID.*
 (r) Hanc subscriptionem iam expendi *supr. not. b. ID.*

COMMENTARIUS.

COMITES, MAGISTRI memoriae, Epistolarum, Libellorum; item Memoriales Epistolares, Libellenses, qui scilicet in illis scriniis & Cancellariis, vt hodie loqueremur peragunt & signant responsa Principis, (de quibus omnibus suo titulo *lib. 6. de proximis Comitibus dispositionum ceterisque qui in sacris scriniis militant*) ab omnibus vilibus, id est, sordidis numeribus hac Valentiniani Iun. constitutione immunes esse iubentur: ac nominatim a tota functione Capitularia, id est, a turmarum seu tyronum ipsorum (vnde *turmaria* functio) vel eorum loco, pretii (vnde *temonaria* functio de quibus omnibus *l. 7. supr. de tyrannib.* exactione, de qua ipsa immunitate Comitum horum & Magistrorum ceterorumque scriniorum sunt *l. 14. 15. d. tit. de proximis Comit. disposit. & l. vnic. qui a praeb. tyronum.*

In tantum hac immunitate donantur, vt etsi e Palatio postea, id est, ex hoc munere recesserint, vel etiam ad maiores dignitates ascenderint, eadem immunitate porro potiantur: De quo, & similibus,

dixi plene ad *d. l. 14.* Sed & Equorum pariter iisdem immunitas tributa aliis Constitutionibus; puta *l. 3.* (quae hoc ipso anno data est, eodemque pertinet quo *hac nostra*) & *d. l. 14. 15. supr. de prox. Comit. disposit. & l. vn. infr. qui a praebitione tyronum & equorum excusentur.*

Pertinet haec lex, pariter vt *lex 15. prox. infr. & d. lex 3. supr. de proxim. Comit. disposit.* (quae ambae etiam hoc ipso Anno datae sunt) ad ILLYRICANAE expeditionis necessitatem: De qua videndus est Zosimus *lib. 4. cap. 31. 32. 33.* Huius expeditionis scilicet gratia Theodosius Imperator, Gratiani & Valentiniani subsidium & auxilium implorare coactus fuerat: Eadem igitur urgente, Tyronum & Equorum collationem ad militare subsidium Valentinianus Iun. Honoratis indicare necessitas habuit: a qua tamen nonnullos vt *hac leg.* ita *dictis duabus legibus* excipiendos credidit.

Vnum superest in *hac leg.* obscurum quod omissum Cod. Iust. & continetur *vers. ita vt*, usque ad *fi igitur*: Quod tamen lucem accipit ex *l. 7. supr.*

P. 127. *de Tironibus.* Nempe pertinet istud, ad Adiunctionem seu coniunctionem plurimum consortium, nisi vel eius loco pretii solutionem: quæ quidem adiunctio seu coniunctio *Complacitum* hic vocatur, qui singuli tironi soluendo non sufficiunt, ad tiro- si ea vox recte habet.

XV. (a) Idem AAA. ad Hypatium PF. P. (b)

MAXIMARVM (c) culmina (d) dignitarum, Consistoriani quoque Comites, Notarii (e) etiam nostri, & Cubicularii omnes, atque ex Cubiculariis, ab omnibus *Sordidis* muneribus vindicentur: Ceteros autem, Palatina, vel Militari (f) intra Palatium prerogativa munitos, ita demum privilegium simile contingat, (g) si prioribus statutis (h) se ad eiusmodi exactionem (i) docuerint pertinere: ut non singulis indulgetur personis, sed in commune (k) dignitati vel corpori eiusmodi beneficia doceantur fuisse concessa circa Ecclesias, (l) Rhetores, atque Grammaticos eruditionis (m) vtriusque vetusto more durante. Sane rerum *Extraordinariorum* (*) munus ab omnibus omnino Magnificencia tua sciat esse poscendum, nec posthac aut petitionem, aut usurpationem cuiquam meminere profuturam, *Sordidorum* vero *munerum* talis exceptio (n) sit, ut patrimonii dignitatum superius digestarum (o) nec conficiendi pollinis cura manderetur, aut panis excoctio, aut obsequium pistrini: ne (p) paraueredorum huiusmodi viris (q) aut parangariarum præbicio manderetur, (exceptis his, quibus ex more Rhetoricus limes includitur, (r) vel expeditionis Illyricæ (s) pro necessitate vel tempore utilitas adiuuatur) operarum, (t) atque (v) artificum diuersorum, (x) excoquendæ etiam calcis (y) obsequia, nulla de talibus adiumenta poscantur: materiam, (z) lignum, atque tabulata exceptorum (aa) virorum patrimonia non præbeant: Carbonis quoque (nisi eum quem moneta solemniter, vel fabricario secundum veterem morem poscit armorum) (bb) ab huiusmodi viris præbicio desistat: Publicis vel Sacris ædibus construendis (cc) atque reparandis, hospitalium (dd) domorum minime cura, (ee) subiaceant: Viarum (ff) & pontium talis (gg) sollicitudo non operetur: Capituli (hh) atque Temonis necessitas nulla manderetur. Legaris (ii) atque Allectis (kk) sumptus, possessio, huiusmodi privilegiis munita, non ferat. (ll) Hoc tamen his patimoniis proferat, quæ dignitatem proprio videntur (mm) nomine possidere, ita (*) ut personis, ac dignitatibus indulta beneficia tandiu unicuique quandiu superfluerit suffragentur. Omnes autem quorum dignitates atque personas hac lege perstringimus, (nn) non solum quandiu militauerint, verum etiam post missionem, atque etiam eos qui simili honore perfuncti (oo) sunt, generali prerogativa a præbitione sordidorum munerum vindicamus. Dat. v. Id. Decembr. Antonio & Syagrio coss. [382.]

NOTAE.

- (a) *Lex 12. Cod. Iust. de excusationibus munerum.* Concordat autem *huic legi* omnino *lex 18. infr. hoc tit.* cum qua hæc conferenda est. *GOTHOFR.*
 (b) De hoc *Hypatio* dixi ad *leg. 13. supr. ID.*
 (c) *Amplissimarum, etiam militari fastigio, nomina dignitatum:* ita *d. l. 18. infr. ID.*
 (d) Sic & *diuersa culmina dignitatum. l. 1. sup. de Consulibus. ID.*
 (e) De *Notariis, & Cubiculariis* cæterisque nihil in *d. l. 18. infr. ID.*
 (f) Intelligit Comites & Tribunos Scholarum, Decuriones, silentarios & similes, de quibus *lib. 6. ID.*
 (g) In *C. Iust. contineat, male. ID.*
 (h) Id est, Superiorum Principum constitutionibus. *ID.*
 (i) *vg. Exceptionem*, quomodo etiam habet *Codex Iustin.* nam & ita mox: *Sordidorum munerum talis exceptio sit:* item: *exceptorum virorum patrimonia non præbeant:* & *l. 18. infr. exceptas lege prohibeamus obire personas.* Vel, *excusationem* vel *exemptionem. ID.*
 (k) *Singularis iuris* definitionem obserua; quod scilicet in commune Dignitati aut Corpori alicui conceditur. *ID.*
 (l) Hæc sententia continetur pariter *d. l. 18. infr. Arenim C. Iust.* quod de *Ecclesiis* hic dicitur, recidit Tribonianus. Sane & Baronius in *Annales suos* non retulit, de quo mox. *ID.*
 (m) *Institutionis vtriusque*, ita *d. l. 18. infr.* id est, ut dicitur *l. 11. infr. de Medicis & Professor.* Atticæ Romanæque doctrinæ: ubi v. quæ dico etiam ex *Gregor. Nazianz. ID.*
 (*) Hæc sententia abest a *C. Iust.* sed primum locum occupat in *d. l. 18. infr. ID.*
 (n) Id est, enumeratio, ut habetur *dict. l. 18. infr.* & designatio. Eadem porro enumeratio habetur *dict. l. 18. infr.* quam non eodem ordine ubique. *ID.*
 (o) *Digestarum*, id est, enumeratarum. *ID.*
 (p) *Nec, C. Iust. ID.*

- (g) *Iuris*, Cod. Iust. ID.
- (r) Omnino hic reponendum est, *instruitur*: vt mox, adiuuatur. *Instruitur* autem, nempe pastus militaris translatione, vt d. l. 18. *infr.* additur. Neque enim parangarij limes includitur, sed earum præbitione limes annona militari & limitanea instruitur; ita *instrui mansiones* dicuntur l. 21. *supr. de annona & trib. Instruitur prouincia*, l. 28. *infr. de susceptorib. ID.*
- (s) Olim in C. Iust. *illicite*: Verum ex MS. iam ibi restituit Alcinius *Illyrice*, quod hic expressum. ID.
- (t) De *Operarum* collatione fuit *supr. titulus*, *Ne operæ a conlatoribus exigantur*. ID.
- (v) Male C. Iust. *operarum quoque artificum*. Sane & ita d. l. 18. *infr. operas atque artifices*. ID.
- (x) V. quæ ad l. 2. *supr. ne operæ*. ID.
- (y) De *Calceis excoquendæ* munere hoc, v. & l. 3. 4. *supr. de decur. & filens*. ID.
- (z) Male C. Iust. *materiam lignorum atque tabulata*. Nam & ita quoque d. l. 18. *infr. non conferendis, tabulatis obnoxia, non hignis, indultam quoque materiem sub eadem exceptione numerabis*: & recte. De quo mox. ID.
- (aa) Id est, eorum, quos superius excepimus. ID.
- (bb) Ita quoque l. 18. *infr. carbonis ab eo inlatio non cogetur, nisi vel monetalis cuso, vel antiquo more necessaria fabricatio possit armorum*. ID.
- (cc) *Constituendis* C. Iust. Edit. nonnullæ. ita quoque d. l. 18. *nullam sollicitudinem publicarum adinum vel sacrarum constituendarum reparandarumve suscipiet*. ID.
- (dd) Hæc absunt a C. Iust. & d. l. 18. *infr.* ID.
- (ee) Pro *cure*: & locus hic ita constituendus: *Publicis vel sacris ædibus construendis atque reparandis, Hospitalium domorum cura, minime subiaceant*. ID.
- (ff) Et hæc sententia abest a C. Iust. propter *legem ult. infr. de itinere muniendo*; quam Iustinianus prætulit. ID.
- (gg) Pro, *tales*. ID.
- (hh) De *Capituli & Temonis* necessitate dixi iam ad *legem 14. supr.* & plenissime ad *leg. 7. supr. de tyronib.* In Cod. Iust. vulgat. legitur, *capitalis atque temonis*. ID.
- (ii) *Legatis* ad Principem missis viaticis ex indictione & collatione præbita: de quo mox. ID.
- (kk) De *Adlectis* his mox. ID.
- (ll) *Conferat*, Cod. Iust. ID.
- (mm) Id est, proprio nomine possideat. ID.
- (*) Sequentia recidit *Tegor.* vsque ad, *etiam eos qui*. ID.
- (nn) Enumeramus, excipimus. ID.
- (oo) *Funili*, C. Iust. ID.

COMMENTARIUS.

IMMUNES a sordidis vel extraordinariis muneribus, an & qui habendi sint, quænam item *sordida* proprie munera sint, hac proluxa constitutione definit Valentinianus Iunior: cui gemina germana est Theodosii M. *lex 18. infr. hoc tit.* & proculdubio ex hac illa transumpta; sic tamen, vt duo ibi exempla fordidorum munerum omittantur, quomodo & a Cod. Iust. absunt. Quare & inter se collatæ, mutua luce collustrantur. Et alioquin hæc sui amplitudine iustum & prolixum commentarium desideraret, si sola interpretanda nobis esset, & nisi ex aliis *titulis & legibus*, ad quæ digitum intendemus, lucem acciperet.

Res eo redit, ab extraordinariis oneribus neminem excusari posse, & vt l. 18. dicitur, communis hæc omnibus populis functio esse debet, & ab omnibus indiscretiæ meritis atque personis impleri oportet. Quæ quidem ita hoc tempore Valentiniano Iun. & Theodosio M. visa propter expeditiones & necessitates Illyricanas, quas Zosimus describit *lib. 4. cap. 30. 31. 32. 33.* quarum etiam mentio fit *hac ipsa leg.* & d. l. 18. *infr.* de quibus etiam iam dicere anteueri ad *leg. 13. supr.* & ad l. 3. *supr. de prox. Comit. dispos.* quæ hoc ipso anno eidem Hypatio inscribuntur: & illa quidem postrema, paucis post hanc diebus lata, qua *huic l.* ex parte derogatur: Ab extraordinaria quippe eorum collatione ad militare subsidium Honoratis indictionum cæterisque de collatio omnium extra ordinem

postulatis, obsecundatores sacrorum scriniorum immunes redduntur.

Illud etiam hac parte singulare est, quod *Ecclesiæ* quoque, vt *hac l.* ita & d. l. 18. extraordinariis collationibus subiiciuntur; quod tamen Honorio Imp. postea displicuit l. 21. & 22. *infr. b. t. & l. 29. 30. 34. 38. 40. infr. de Episcop. Eccles. & Clericis.* Tantum abest scilicet a canonicis illationibus immunes fuerint, de quo dixi plenissime ad d. l. 40. etsi a sordidis muneribus immunes fuerint, de quo mox. Et hæc de extraordinariis, id est, superinducto & collatione extraordinaria.

Atenim a SORDIDIS muneribus immunitas *hac l.* nonnullis tribuitur, & d. l. 18. qui *hac l.* exprimuntur: mox munerum fordidorum enumeratio fit. De personis prius. Nempe octo hominum generibus hæc immunitas tribuitur, puta I. Maximarum Dignitatum culminibus, seu Amplissimarum Dignitatum nominibus, etiam militari fastigio (quod additum l. 18. *infr.*) id est, Præfectis Prætorio, Præfectis Vrbi, Magistris militum, Comitibus S. L. & R. P. Quæstoribus, Magistris Officiorum, de quibus *tit. 6. 7. 8. supr. lib. 6.* Verum & his postea Honorius immunitatem tribuit ab extraordinariis, l. ult. *infr. b. t. II.* Consistorianis Comitibus, de quibus plene & *tit. 12. lib. 6. & ad l. 3. ad leg. Cornel. de fagar.* Et hæc tamen quidem de Personis & dignitatibus quibus hæc Immunitas tribuitur tam *h. l.* quam d. l. 18. sequuntur alix *hac leg.* at non itidem in d. l. 18.

tres sequentes. III. igitur hac l. Immunitas hæc tribuitur & Notariis de quibus tit. 10. lib. 6. IV. Cubiculariis & Excubiculariis, de quibus tit. 8. lib. 6. V. Palatinis & militariibus intra palatium: si modo ostenderent, hanc immunitatem in commune Dignitati suæ aut Corpori iam olim tributam: Quibus verbis indicantur ea omnia Comitum genera de quibus tit. 13. 14. 15. 16. 17. 18. 19. 20. lib. 6. Item de quibus tit. 23. 24. 25. 26. 27. 28. 29. 31. 32. 33. 34. 35. Neque enim audiendus est Cuiacius, qui Palatinos hic Apparitores Comitum R. P. proprie accipiendos putabat: & per militares, Agentes in rebus ferme tantum accipiebat. Hactenus Dignitates & Officia Palatina: Nullis aliis enim hæc Immunitas tribuitur, nisi nominatim id dignitati suæ vel Corpori indultum ostenderint, non singulis personis. Multum enim differunt hæc duæ privilegiorum species. VI. Ecclesiis eadem Immunitas a sordidis muneribus tribuitur, vel potius relinquatur, vetusto, inquit, more durante: Nempe cum anterioribus Principum Constitutionibus tum a sordidis, tum ab extraordinariis, Ecclesiæ immunes essent, quoad Extraordinaria a vetusto more hac leg. & d. l. 18. recessum: quoad Sordida, vetustus mos durare iussus VII. & VIII. Rhetoribus & Grammaticis tam Græcis quam Latinis eadem tribuitur immunitas & hac l. & d. l. 18. de quibus vid. tit. 21. de professor. qui in Urb. Constantinop. lib. 6. & infr. t. 3. de Medic. & Profess. lib. 13. ac nominatim legem ii. eius tit. & l. 3. infr. de stud. liber. V. R.

His ita circa personas distinctis, sequitur iam (quod secundum caput est) designatio sordidorum munerum, de quibus nunc, quæ quidem Quatuordecim numero hic designantur, pauciora in d. l. 18. & alio etiam ordine.

Primum sordidum munus est h. l. & l. 18. Pollinis conficiendi cura: & sic pollintoris munus & obsequium.

Secundum, Panis excoctio: de quo supr. tit. de excoctione vel transl. annon.

Tertium, Pistrini obsequium: de quo infr. tit. de pistoribus.

Quartum, Paraueredorum & Parangariarum præbitio: de quibus tit. de cursu publ.

P. 129. Quintum, Operarum & Artificum diuersorum præbitio: de quibus supr. tit. ne opera a conlatorib.

Sextum, Calcis coquendæ obsequia: de quo infr. tit. de calcis coctoribus.

Septimum, Adiumenta, a talibus posci vetantur: quorum nulla mentio sit in l. 18. infr. ut neque in Cod. Iust. Adiumenta interpretor carpenta, vehicula, iuncturas, vecturas, materiis &c. subuehendis: de quibus mox: pariter ut apud Marcellinum loco quem mox signabo, ad ciuitates reparandas, materia & carpenta iunguntur. Prosecutoriarum adiumenta in his, de quibus l. 7. de priuil. eorum qui in S. Pal. sic & adiumentis militum dicuntur opera militaria excitata, apud Am. Marcellinum.

Octauum munus sordidum est Materia, Lignorum & Tabulorum præbitio: Quomodo etiam l. 18. infr. Non conferendæ tabulatis obnoxia, non Lignis, indultam quoque materiem sub eadem exceptione numerabit. Tria nempe hæc in vsus militares diuersa sunt: quæ Tribonianus male duo

tantum hic fecit: ita; materiam lignorum atque tabulata. Materia scilicet de trabibus proprie quoque dicebatur, veluti ad compingenda nauigia, cuius indictio quandoque extra ordinem facta, ut docet lex 4. infr. de nauiculariis: lex 55. D. de legatis 3. Quomodo & materia ferri, de quo l. 2. supr. de fabricensibus. Eoque sensu Am. Marcellinus lib. 17. cap. 10. ciuitates quoque reparari, vi barbarorum excisas, carpenta & materias ex opibus suis suorumque præberet. Pro quo in eadem re Libanius Orat. funeb. Iuliani pag. 279. edit. Morell. ξύλα τε καὶ σιδηρον dixit εἰς ἀνάσσω ciuiῶν, ligna & ferrum ad ædium instaurationem. Hinc & quinquagenariæ longioresque materiæ apud eundem Marcellinum lib. 18. cap. 10. Tabulata autem sunt asseres: Ligna vero ad hastilia & sagittas: Vegetius lib. 4. cap. 8. Seruantur in conditis: Ligna quoque hastilibus, sagittisque necessaria reponuntur, TRABES quoque & TABVLATA, vel diuersæ magnitudinis clauos ferreos esse oportet in promptu. Quare Cuiacii error est, qui ligna comburendi causa hic accipit, & quidem lauacris publicis: materiam vero, operibus publicis. Omnia enim hæc in militarem ferme vsum collata.

Nonum munus sordidum est, Carbonis præbitio. Cuius vsus multiplex & collatio diuersa: Alia scilicet extraordinaria, alia vero solemnis & secundum veterem morem; puta in vsura monetæ & fabricationis armorum: Quæ omnia pariter exprimuntur d. l. 18. Carbonis, inquit, ab eo collatio non cogetur, nisi vel monetæ cussio, vel antiquo more necessaria fabricatio poscit armorum. Ergo extra hos duos vsus solemnes, ad quos omnes tenebantur, Carbones extra ordinem collati in vsum militarem. De his Vegetius lib. 4. c. 8. Ad arma faciendâ ferrum vtriusque temperatura, & carbones seruantur in conditis.

Decimum munus sordidum est, Publicarum vel sacrarum ædium construendarum cura, seu sollicitudo: quod & ipsum dicitur d. l. 18. De hoc munere seu cura extruendi vel reficiendi operis publici, l. 4. 18. §. 10. D. de munerib. & honorib.

Vndecimum munus inter sordida hac l. collocatur, cuius nulla mentio sit in leg. 18. hoc tit. (quomodo & istud Tribonianus repudiavit) est Hospitalium domorum cura. Hi quibus hæc cura committitur, videntur Xenoparochi, quorum munus inter personalia recensetur ab Arcadio Charisio, l. 18. §. 10. D. de munerib. & honorib.

Duodecimum munus inter sordida, hic, & d. l. 18. numeratur Viarum & pontium constructionis sollicitudo. De hoc munere viæ publicæ faciendæ, muniendæ, agitur l. 1. §. 2. l. 18. §. 7. D. de munerib. & honorib. Hoc vero omissum Cod. Iust. propter l. ult. infr. de itinere mun.

Decimumtertium est, Capituli & Temonis necessitas: de quo iam ad l. 14. supr. & plenissime ad l. 7. supr. de Tironib.

Postremum munus sordidum hic & l. 18. infr. ponitur sumptuum præbitio seu collatio Legatis & Allectis. De duobus his sigillatim. Legatis ad Principem missis viatica (ex indictione & collatione) olim præbita: vid. l. 18. §. 12. D. de munerib. & honorib. l. 2. in fin. D. de Legationibus. Sidonius Appollinaris lib. 5. ep. 20. de

de quibusdam Legationem ambientibus: utque videantur in negotii communis assertione legati, euectionem refundunt, ipsosque SUMPTVS vltro recusant: Sic quoque cum fatigatio GRATVITA possit libenter admitti, libentius tamen atque amabilius verecundi leguntur, idque cum EXPENSA: tantum impudentia sese ingerentium ponderis habet etiam FASCIVM TRIBVTARIO NOMINE IPSORVM NIL SUPERFVNDITVR. Idque murusculi nomine, idem Sidonius lib. 5. ep. 7. *Hi sunt qui inuident tunicatis otia, stipendia paludatis, viatica veredariis, mercatoribus nundinas, munuscula Legatis, portoria Quadruplatoribus &c.* Perperam enim id nonnulli ad Xenia referunt, quæ Legatis, id est Recto-ribus prouinciarum dari solita. Porro Legatiua hæc Græcis dicta *πορνα*: vide Etymologicum.

Quod *Allectos* attinet, Græci hic τὰς ὑπὸ βασιλέως καλεμένους interpretantur, id est, qui a Principe publici negotii ergo enocantur. Allectorum certe non vnum genus occurrit. Sunt *Allecti* de susceptorum genere, quo sensu accipiuntur l. 12. 13. *infr. de Susceptoribus*: & l. 2. *infr. de Questionibus*. De his & Sidonius lib. 5. d. ep. 7. qui & ideo mensuras his tribuit. *Hi sunt, inquit, qui inuident Archariis pondera, mensuras ALLECTIS, salaria Tabulariis, dispositiones Numerariis.* Interpres quoque ad l. 2. *infr. de Episcopis*: de Clericis, inquit, non Exactores non adlectos facere. Hi vero colligendis & perferendis ad largitiones tributis operam nauabant, ut docet d. lex 12. & 13. Quare & his sumptus (pariter, ut Legatis ad perferendas preces missis) seu viatica ex collatione prouincialium data videantur. *Adlecti* alii a quibus & *Adlectionis* honos, de quibus l. 10. *supr. de Prætoribus*: l. 1. *supr. de decur.* & silent l. 7. 8. 9. 10. *supr. domesticis & protect.* l. 7. *de priuilegiis eorum qui in S. Pal. pro* immunitibus & immunitate a functionibus Senatoriis, ab onere Præturæ, quasi iam reuera functi essent. Nullibi autem *Allecti*, pro Euocatis a Principe: etsi illud verum, Euocatis a Principe cursus publici copiam patuisse.

Sequuntur *Exceptiones*. Prima est ratione *Rhetici limitis*: Nempe sordidorum munerum immunitas quæ tribuitur paraueredorum & parangariarum, cessare iubetur, ubi ex more Rheticus limes instruendus est, id est, ut exhibeat l. 18. ubi limes Rhætiarum passus militaris, id est, annonæ limitaneæ translationem pro solennitate deposcit. Scilicet notandum (quod bonum Accursium hic fugit) Rhætiam seu Rhæticum limitem Alemanni-

cis populis & inundationibus expositam subinde fuisse; vnde & proprius isti limiti Dux iam olim & deinceps oppositus, quam in rem videndus est Vopiscus in vita Aureliani, cap. 13. & in vita Bonost cap. 14. (de duo Vopilci loca sola hic laudat Alciatus) Ammianus Marcellinus lib. 15. cap. 4. & lib. 16. cap. 11. 12. lib. 17. cap. 6. lib. 28. cap. 2. & Notitia Imperii, ubi Ducis Rhætia primæ & secundæ insignia & prædia memorantur fol. 172. Et nominatim a luthungis Alemannis hac tempestate infestatus hic limes Rheticus: v. Ambrosium de legatione sua ad Max. P. 130. Prosperum & Idacium in Chron. Sidonium Carm. 7. v. 374. Annonam proinde & species annonarias ad limitem istum Rheticum transuehi oportuit, iisque limitaneum militem instrui, adeo quidem ut huic species transuectioni integræ legiones deputatæ fuerint, ut dilerte testatur Notitia Imperii fol. 172. *Præfectus Legionis tertiæ Italica, transuectioni specierum deputatæ Fœtibus*: *Præfectus Legionis tertiæ Italica, transuectioni specierum deputatæ Teriolis*. Quinimo & extra ordinem transuectioni isti prouinciales paraueredos & parangarias præstare cogebantur, ut ex hac l. & d. l. 18. apparet. Atque hæc ipsa onera Rhetica sunt, quæ memorantur l. ult. *infr. de conlat. fundor. patr.* ubi ait, *mediam pensionem horum onerum soluere* IVSSOS detentatores patrimonialium & emphyteuticorum fundorum. Sane de hac annona Rhetica accipiendus quoque Augustini locus, lib. 18. de ciuitate Dei, cap. 18. *Annonam, inquit, inter alia iumenta baiulasse militibus, quæ dicitur Rhetica, quoniam ad Retia (γῆς Retias) deportatur.* Nam quæ ibi de Reticulopanis nonnulli obseruant, somnia sunt.

Sententia extrema huius l. continetur Limitatio, & retro Ampliatio huius immunitatis a sordidis muneribus: Nempe definitur: immunitatem istam a sordidis muneribus personalem esse, & sic, quod expresse additum l. 18. ne quidem vxoribus eorum competere: item vita finire, & sic ad hæredes non transire, quod l. 17. *prox. infr.* & d. l. 18. nominatim cauetur; Retro, eam Immunitatem quoque durare, quod & ipsum nominatim exprimitur l. 19. *infr.* quæ lex occasione legis 18. lata est, & ad eam explicandam pariter ut lex 16. *prox. infr.* eodem fine lata huic explicandæ.

Altera exceptio est circa Carbonis præbitionem: nempe eos, qui a sordida carbonis præbitione immunes sunt, hac immunitate non frui, ratione carbonis in vsum monetæ, & fabricationis armorum.

XVI. (a) Imppp. VALENTINIANVS, Theod. & Arcad. AAA. ad Neotherium PF. P. (b)

SORDIDORVM munerum excusatione (c) delata personis, ad heredem successoremue transire non potest: Neque enim potest esse perpetuum, quod non rebus, sed personis, contemplatione dignitatis atque militiæ, indulgisse nos constat. Igitur, (*) ne superindictorum nomine cuiusvis domus minus præstet, neve quis id audeat postulare, Oraculi Nostri definitione sancimus. Dat. xviii. Kal. Maii, Med. Arcad. A. 1. & Bauto-ne Coss. [385.]

NOTAE.

- (a) *Lex 13. C. Iust. de excusationibus munerum. GOTHOFR.*
 (b) *Neotherius PP.* sub Valentiniano Iun. Italiae scil. *ID.*
 (c) *79. Excusatio qua.* Sane & *Cod. Iust. habetur; excusatio. ID.*
 (*) Coetera refectata sunt a Triboniano, de quorum sententia mox videbimus, *ID.*

COMMENTARIUS.

IMMUNITATEM fordidorum munerum, quorum recensum instituit *lex prox. 15. supr. & lex 18. infr.* ad heredem eius cui ea competit non transire definit *hac leg.* Valentinianus Iunior, pariter ut idem iam definiuit *d. l. 15. & Theodosius M. definiuit d. l. 18. in fin.* Ita ut inquit *dicta lex 15.* personis ac dignitatibus indulta beneficia tamdiu videntur quoad super fuerit suffragentur. Quibus familia *hac l. & dict. leg. 18.* continentur: Ratione utrobique addita. Neque enim, potest esse perpetuum ait *hac lex*, quod non rebus, sed personis contemplatione dignitatis atque militiae, induxisse, nos constat. Neque enim, ait *lex 18. ea quae laborum contemplatione singulis sunt delata personis, heres poterit vindicare securus.* Quae omnia, ut eleganter dicuntur, ita cum vulgata

Iuris Regula conspirant, quae continetur *l. 68 & leg. 296. D. de Regulis iuris:* ad quas *leges* dixi plenius.

Duo vero adhuc singularia *hac l.* occurrunt: Prius nequidem Rescripto Principis hanc immunitatem ad haeredes seu domum privilegiati extendi posse: siue in totum, siue in tantum: veluti ut domus privilegiati seu haeredes eius superindictorum nomine, id est, de extraordinariis sordidis muneribus, minus praestet. Qui casus addendus est aliis, quibus Rescripta Principis non valent, quae congestimus *tit. de diuersis rescriptis.* Alterum est, quod *superindictorum* appellatione extraordinaria sordida munera hic designantur: sunt enim ea, *superindicti* species: de quo consule *paratitlon de Superindicto, supr.*

P. 131.

XVII. (a) Idem AAA. ad Principi m PF. P.

COGENDARVM inuitu pensionum, a fundis Patrimonialibus, vel Emphyteuticis, extraordinaria functionum sarcina remoueat; capitis (b) atque fortunae eorum Iudicium atque Officiorum, qui privilegia tanta temerauerint, discrimine minime defuturo, si similem rursus (c) inquietudinem mouere temptauerint: fundos enim tam Patrimonialis iuris, quam Emphyteutici, absque (d) his quae Diuali lege praecpta sunt, ad alia iubemus onera non vocari. Dat. III. Id. Decembr. Aquil. Arcad. A. 1. & Bautone Coss. [385.]

NOTAE.

- (a) Absit *hac lex a C. Iust.* Forte illi iungenda est *lex 17. supr. de diuersis Officiis. GOTHOFR.*
 (b) *79. Capiti. ID.*
 (c) Ergo id haecenus factum fuerat. *ID.*
 (d) Absque, hic accipitur, pro praeter, seu exceptis his: quo sensu saepissime apud Victorem Schotti. Eandem vocem restitui *l. 18. supr. de Praetoribus. ID.*

COMMENTARIUS.

PATRIMONIALIYM, & EMPHYTEUTICORVM fundorum immunitas ab extraordinariis muneribus cum labefactata fuisset, hac rursus Valentiniani Iun. constitutione sancitur; pariter ut *l. 13. supr. & quamplurimis aliis aliorum Principum constitutionibus*, puta *l. 1. 2. 5. 9. 12. supr. l. 20. infr. l. 1. infr. de itinere mun. l. 2. supr. de indictionibus.* Rationem quae initio legis continetur, iam ex-

pendi ad *d. legem 13. supr. b. t.* Cuius hic sensus est ab Extraordinariis eos fundos immunes esse oportere, intuitu & contemplatione pensionum & canonis, qui ab his de more & solenniter iam grauis satis exigitur. Extremorum legis verborum haec sententia est, fundos illos solis canonis pensionibus exceptis, aliis oneribus non subiaccere.

XVIII. (a) Imppp. VALENTINIANVS, THEOD. & Arcad. AAA. Tatiano PF. P. (b)

EXTRAORDINARIORVM munerum beneficiis (c) nullum omnino potiri iubemus, sed quidquid talis obsequii communis omnibus populis functio postularit, id ab omnibus indiseretum (d) meritis (e) atque personis iubemus impleri. Neque sane deest, ubi vel meritorum privilegia, vel dignitatum, a comunione (f) vindicemus, siquidem ea munera quae *Sordida* nuncupantur excepta (g) lege prohibeamus obire personas, scilicet ne adeorum obsequia amplissimarum etiam militari fastigio, nomina dignitatum, vel Consistoriani Comites deuocentur (h) quae simili privilegio Ecclesiis, Rhetoribus, adque

adque Grammaticis institutionis (i) vtriusque largimur. Ac ne in occulto lateat, quæ sit munerum enumeratio *Sordidorum*, vocabulis ipsis signata respondet. (k) Eius igitur patrimonium, quem ab his obsequiis lex nostra defendit, cura conficiendi pollinis non habebit: (l) nullam excoctionem panis agnoscer: nulla pistrinis obsequia dependet: operas atque artifices non præbebit: excoquendæ ab eo calceis sollicitudo cessabit: non conferendis tabularis obnoxia, non lignis, indultam quoque materiem sub eadem exceptione numerabit: nulla paraueredorum & parangariorum præbitione pullabitur (exceptis his, quas *Rhetiarum limes, expeditiones Illyricæ*, quas *pastus* (m) translatio militaris, vel pro necessitate, vel pro sollempnitate deposcunt:) carbonis ab eo inlatio non cogetur (nisi vel moneralis cusio, vel antiquo more necessaria fabricatio poscit armorum) nullam sollicitudinem Publicarum ædium vel Sacrarum constituendarum reparandarumue suscipiet: nulla pontium, vel viarum constructione retinebitur: temonis siue capituli onera non sentiet: Adlectis atque Legatis nihil in sumptuum conlatione numerabit. Quæ vniuersa ita enumerati viri ad suum nouerint privilegium pertinere, ut ea nec vxorum facultatibus indulta cognoscant, & suis patrimonii cum viuendi circumscribta temporibus: *Neque enim ea, quæ laborum contemplatione singulis sunt delata personis, heres poterit vindicare securus.* Dat. III. Non. Iul. Med. Valentimano A. IV. & Neotherio coss. [390.]

P. 132.

NOTAE.

- (a) Absent hæc lex a *Cod. Inst.* huius legis suæ meminit Theodosius, l. 19. *prox. infr.* & omnino concordat Valentiniiani *lun. lex 15. supr. hoc tit. GOTHOFR.*
 (b) Tatianus PP. sub Theodosio M. Orientis scil. ut d. l. 19. *prox. infr.* nominatim additum v. *Prosopogr. ID.*
 (c) *Beneficia*, sunt immunitates, privilegia, dixi plene ad l. 4. *supr. de constit. Princip. ID.*
 (d) *q. Indiscretim*; quanquam & istud defendi posse scio. *ID.*
 (e) *Merita*, sunt hic fastigia dignitatum, & reuerentia professionis. *ID.*
 (f) *Communio* est ius commune & promiscuum. *ID.*
 (g) *q. Exceptas*; Vide & quæ dixi in *Notai.* ad d. l. 15. *ID.*
 (h) Hic omittuntur *Notarii & Cubicularii*, & Ceteri his coniuncti, d. l. 15. *supr. ID.*
 (i) Eruditionis vtriusque l. 15. *hoc tit.* vbi dixi. *ID.*
 (k) Gothicus stylus: Sensus est, inquirenti, hanc enumerationem responsuram. *ID.*
 (l) Gothicus & hic stylus, *aliquam curam habere*, id est, curam sustinere. *ID.*
 (m) *Pastus militaris translatio*, id est, annonæ militaris: ita *pastus* principii, leg. 8. 10. 11. 16. *supr. de cohortalibus. ID.*

COMMENTARIUS.

DE IMMUNIBUS ab extraordinariis & sordidis muneribus eadem prope est *hac leg.* Theodosii Magni sententia, quæ Valentiniiani *lun. l. 15. supr. h. t.* ad cuius instar etiam hæc expressa videtur. Quare singula pene ad eam dicta, *hic* iterari frustra fuerit. Sane hæc in multis auctior, in aliis arctior deprehenditur: denique in aliis explicatio. Auctior in sequentibus; Primo in opponendis muneribus sordidis & extraordinariis, & initio statim legis, & *vers.* neque *sane deest*, nempe ait satis habere in quo sibi gratulentur exceptæ *hac leg.* personæ, quod sordidis muneribus immunes sint, & hac parte a communione aliarum personarum vindicentur, quam ut ab extraordinariis excusentur. Secundo auctior in eo, quod Amplissimas Dignitates non tantum civiles hic accipiendis dicat, verum etiam Militari fastigio, id est, Magistris militum, Equitum, Pedum, dubitationi videl. tollendæ: et si l. 15. *supr.* satis generali appellatione Culminum Maximarum

dignitatum comprehendantur. Contra arctior *huius leg.* expressio in tribus: Neque enim inter exceptas personas enumerat Notarios, Cubicularios, & Ex-Cubicularios. Neque in recensu Munerum sordidorum memorat Adumentorum, aut hospitalium domorum curam. Neque etiam hanc immunitatem constare dicit expresse *post militiam* quamdiu vixerint: quæ omnia exprimuntur d. l. 15. Quod postremum etiam postea occasionem dedit *legi prox. 19.* Manifestior est & explicatio in eo; Primum quod Paraueredorum & Parangariorum, quas deposcit Rhetiarum limes & expeditiones Illyricæ, usum indicat: nempe ad *pastus* seu annonæ militaris translationem: Item, quod harum immunitatem ad vxorum facultates non porrigi definit. Quod singulare est: nempe ut mariti immunitate vxor non fruatur: Tandem, quod rationem addit, cur hæc, dibus hæc immunitas non tribuatur, de qua iam ad l. 15. & 16. *supr.*

XIX. (a) Idem AAA. Tatiano PF. P. Orient.

EAM legem, (b) quam de extraordinariis sordidisque muneribus, expressis vocabulis functionum, & insignibus dignitatum, sine vlla ambage præscribimus, ita circa eos, in quos nostra munera redundarunt, seruandam esse præcipimus, ut hisdem beneficiis non

quandiu militauerint, sed quandiu vixerint, perfruantur. Dat. xi. Kal. April. Med. Tatiano & Symmacho Coss. [391.]

NOTAE.

(a) *Lex 14. C. Iust. de excusationibus munerum. GOTHOFR.*

(b) *Intelligit legem 18. prox. supr. ID.*

COMMENTARIUS.

CONFIRMAT *hac l.* Theodosius M. *legem suam* 18. *prox. supr.* eo nominatim expresso, ut immunitas *ea l.* concessa non cum dignitate seu militia expiret, verum cum vita perennet, etiam post missionem seu deposita dignitate, quod ut *lege 15. supr.* clare expressum fuerat, non ita clare *l. 18. prox. supr.* Quod utique singulare est, ut videlicet privilegium Dignitati tributum seu laborum contemplatione, etiam honore perfunctis seruetur. Quare

non alia *huius l.* sancienda Theodosio occasio fuit, quam ut id exprimeret, quod non adeo aperte expresserat *sine d. legis 18. prox. supr.* Illud enim haecenus cauerat, hanc immunitatem *cum viuendi temporibus circumscriptam*: Non vero id expresse- rat, ut etiam post militiam competeret. De quo tamen dubitatum in aliquo casu videtur, quasi toto quidem vitae tempore ea competeret, dummodo in eadem militia perflaret.

P. 133.

XX. (a) Impp. Arcad. & HONOR. AA. Messiano Com. R.P. (b)

EVIDENTER aque absolute iubemus, ne fundi ad patrimonium nostrum pertinentes, seu conductionis titulo, seu perpetuo (c) iure teneantur, aliquid (d) præter ordinem, superindicti, vel pretii (e) petiti (f) nomine, vel de sordidis quibuscunque muneribus agnoscant: Nam hoc & a Diuis Principibus impetratum (g) est, & a Nostra Serenitate reparatum. Quisquis igitur Iudicum contra fecerit, quinque pondo auri de facultatibus, alia de Officiis suis, totidem & de Curialibus, (h) qui exsequi male iussa festinant, noverit eruenda. Dat. xvii. Kalend. Iul. Med. Olybrio & Probino Coss. [395.]

NOTAE.

(a) *Lex penult. Iu. 15. Cod. Iust. de excusationibus munerum. GOTHOFR.*

(b) *Messianus Comes R. P. sub Honorio. Eidem inscribitur A. D. 389. lex 3. sup. unde vi, quæ Valentinianum Iun. Auctorem habet. v. Profopogr. ID.*

(c) *De Perpetuariis his fundis semel dixi plene ad leg. 12. sup. b. t. ID.*

(d) *Quantumcunque, ne quidem mediam pensionem. ID.*

(e) *Pro tironibus & equis l. 1. inf. qui a præb. tironum. l. 1. 2. 3. inf. tit. prox. de Equorum conlat. ID.*

(f) *Abest hæc vox a Cod. Iust. ID.*

(g) *Sustineri poreft; quanquam & eodem sensu tentet quis, imperatum, uti & habent Editiones vulgat. Cod. Iust. ID.*

(h) *Dixi de hoc ad legem 11. sup. b. t. ID.*

COMMENTARIUS.

PATRIMONIALIVM & PERPETVARIORVM (id est Emphyteuticorum) fundorum & conductorum immunitatem ab extraordinariis & sordidis muneribus a tot Principibus sancitam, cum labefactari cœpisset, hac constitutione *Honorius* reparat: de quo tot iam extiterunt *hoc tit.* constitutiones: proposita multa Iudicibus & eorum Officiis & Curialibus. Et quidem, ut ipsemet præfatur, *eviden-*

ter & absolute, id est, ut quocunque tandem obtentu, quæcunque tandem portio, quam modica esse possit, ab his nullatenus exigi possit. Et tamen idem *Honorius* postea mediam pensionem eos aliquando soluere voluerat: quam tamen idem remittit iuxta *Valentiniani* constitutionem in *leg. ult. inf. de collat. fund. patrimon.*

XXI. (a) Idem AA. Theodoro PF. P. (b)

PRIVILEGIA Venerabilis Ecclesiæ, quæ Diui Principes contulerunt, inminui non oportet: Proinde etiam, quæ circa Urbis Romæ Episcopum, (c) observatio intemerata custodiet: ita ut nihil extraordinarii muneris Ecclesiæ, vel sordidæ functionis agnoscat: &c. Dat. Frid. Kal. Feb. Med. Cæsario & Attico Coss. [397.]

NOTAE.

(a) *Abest hæc lex a Cod. Iust. Iungenda ei lex 30. inf. de Episcop. Eccles. & Cler. Concordat huic legi, lex 22. prox. inf. Tres has omnes ex æquo omisit Baronius in Annales suos referre. ID.*

(b) *Theodorus PP. sub Honorio Imp. & quidem Kalix, ut vel argumentum huius l. ostendit. vid. de eo Profopogr. ID.*

(c) *Scilicet Diui Principes contulerant ἀπὸ τῆς οὐρῆς: nisi pro, quæ, supra legamus, aque, ID.*

XXII. (a) Idem AA. Theodoro PF. P. (b)

PRIVILEGIA Venerabilis Ecclesiæ inminui non patimur, ita ut nihil extraordinarii muneris Ecclesiæ, vel sordidæ functionis, agnoscant. Quidquid igitur præceptis veteribus reuerentia religionis obtinuit, mutilari, etiam poenæ interminatione, prohibemus: Ita, ut hi quoque qui Ecclesiæ obtemperant, his quibus cautum est, beneficiis perfruantur. Dat. Prid. Id. Iun. Med. Cæsario & Attrico Coss. [397.]

NOTAE.

- (a) Abest & hæc *lex a Cod. Inst. & Annalibus Ecclesiasticis* Baronii. Hæc porro *lex* ferme transcripta est ex *superiore lege*, simul & quæ illi iungenda est, *l. 30. inf. de Episcopis Eccles. & Cler. ID.*
 (b) De *Theodoro* hoc PP. Italix iam ad *leg. super. ID.*

P. 134.

COMMENTARIUS.

ECCLESIARVM, ac proinde & EPISCOPORVM, ac nominationem Episcopi Romani (qui hoc adhuc Anno SYRICVS erat, Damasi successor,) & CLERICORVM immunitatem ab omnibus extraordinariis & sordidis muneribus, ab anterioribus iam Principibus concessam, Honorius Imp. his duabus constitutionibus, ad eundem Theodorum PP. Italix emissis, & tertia insuper, quæ priori iungenda est, puta *l. 30. inf. de Episcop. Eccles. & Cler.* proposita etiam poena, confirmat A. D. 397. iterata constitutione, intra quartum ferme mensem; sed & anterioribus & posterioribus aliis quamplurimis, puta *l. 29. 34. 36. 38. 40. eod. tit. de Episcop. Eccles. & Cler.* Addatur & Sozomeni locus *lib. 8. cap. 1.* Quæ toties repetitæ constitutiones argumento sunt, quam difficulter hæc immunitas inuenerit.

Tria interim ex his *legibus* obseruanda sunt: Primo, ex hoc singulari privilegio seu immunitate Ecclesijs & Ecclesiasticis ab extraordinariis & sordidis muneribus tributa, colligi posse, Ecclesias & Ecclesiasticos hac tempestate ordinariis & cano-

niciis tributis obnoxios fuisse; de quo dixi plene ad *leg. 40. inf. de Episcop. Eccles. & Clericis*, & ad *leg. 33. sup. de annona & trib. & l. 15. inf. de Episcop. Eccles. & Cler.* Secundo ex his *legibus* liquet, privilegia Ecclesijs tributa, non illico statim ad Ecclesiasticos pertinuisse, verum speciali Principum beneficio & declaratione opus fuisse: id quod sane hac utraque lege fit, & tertia illa *30. inf. de Episcopis Eccles. & Cler.* Postremo obseruandum ex *priore l. 21.* scilicet, Romanis quoque Episcopis ab Imperatoribus hæc privilegia & beneficia nominatim, & si quæ alia forte similia *πρεσβυτια, πρεσβυτια, πρεσβυτια* concessa fuisse, & in his, ut dixi extraordinariorum & sordidorum munerum immunitatem, sic etiam ut peculiari *lege* tum opus fuerit. Sane & Constantius *l. 13. inf. de Episcop. Eccles. & Cler.* Urbis Romæ & Ecclesiæ Clericis concessa privilegia confirmat: itemque *l. 14. eod. tit.* quarum illa Præfecto V. inscribitur, hæc Felici Episcopo, Urbis Romæ, quæ privilegia qualia sint, ex *eadem leg. 14.* videre est.

XXIII. (a) Idem (b) AA. & Theod. A. Melitio PF. P. (c)
Post alia.

AB Inlustribus personis sordida munera & extraordinariæ necessitatis damna remouemus, &c. Dat. xv. Kalend. Mar. Rau. DD. NN. Honor. IX. & Theod. v. AA. (d) Coss. [412.]

NOTAE.

- (a) *Lex ult. C. Inst. de excusationibus munerum.* Et iungenda huic est *lex vn. inf. qui a prohibitione tyronum & eorum excusentur. GOTHOF.*
 (b) Inscribendi hi Impp. *Honorius & Theodosius*: ut etiam inscripti *d. l. vi.*
 (c) *Melitius* PP. sub Honorio, cui inscriptæ quinque præterea *leges*, vid. *Protopogr. ID.*
 (d) Reponendi hi Coss. quoque in *d. l. vi. ID.*

COMMENTARIUS.

ILLUSTRES personæ ab omnibus non tantum sordidis, verum & extraordinariis muneribus immunes ab Honorio esse iubentur *hac leg.* cum antea Valentiniiani Junioris & Theodosii constitutionibus *lex 15. & 18. sup.* a sordidis tantum immunes essent; rursus cum ipse Honorius *leg. vn. inf. qui*

a prohibitione tyron. (quæ huic *legi* iungenda est) inferiores dignitates non ab omnibus, verum a certis & paucissimis, puta Tyronum, Equorum & auri præstatione immunes faciat. Quinam autem illustres sint, iam ad *d. legem 15.* ostendi, & docet *Notitia Imperii*, & *Nostra Notitia Theodosiana.*



DE EQVORVM

CONLATIONE. (*)

TITVLVS XVII.

Abeſt hic *Titulus* a *Cod. Iuſt.*

(*) Extraordinaria ſcil. quæ ratio, cur hic *Titulus* ſuperiori ſubiiciatur: Nam *Titulus XXIII. lib. VIII. de oblatione Equorum*, eſt de ordinaria iam Equorum oblatione facta.

PARATITLON.

EQVORVM Rubr. & aliis *ll. multis*, (qui Curatoricii dicuntur *l. 29. ſup. de annona & tribus*. Curatorio nomine flagitabantur, *leg. 2. hoc tit.* item Canonici militares, *leg. 3. hoc tit.*) conlatio, Rubr. & Symmachus *lib. 10. ep. 27.* inlatio, *l. 1. ſup. de diſtrahend. pignor.* oblatio, *ſup. tit. de oblatione equorum*, præſtatio, *leg. 2. ſup. de decurion. & ſilent. leg. 14. ſup. de prox. Comit. diſpoſit. leg. 2. inf. de Medicis*, repræſentatio, *leg. 2. ſup. de priuileg. eorum qui in S. P. præbitio, leg. 1. 15. inf. de nauicular.* pro rerum neceſſitate, *diſt. leg. 2. ſup. de decurion. & ſilent. vt inſtrueretur vſus armorum, leg. vn. ſup. de oblat. Equorum.* caſtrenſi vſu eſſagitante, Symmachus *ſine diſt. ep. 27.* Deſtinatis ad agendas curas Reipubl. vel alterius officii, *leg. 2. ſup. de priuileg. eorum qui in S. P. Colonis & obnoxiiis leg. 1. hoc tit.* Honoratis, *diſt. leg. 2. ſup. de decurion. & ſilent. leg. 3. ſup. de prox. Com. diſp. & diſt. leg. vn. de oblat. equorum: leg. 2. ſup. de priuileg. eorum, qui in S. P. leg. 138. inf. de decurion. leg. 15. inf. de nauicul.* Honorariis, *diſt. leg. vn. qui vſque ad honorariam dignitatem peruenerunt, leg. 138. inf. de decurion.* (etiam Nauiculariis *leg. 14. & 15. inf. de nauicular.*) collegiatis Negotiatoribus V. R. Symmachus *diſt. ep. 27.* indicebatur, imminebat. Hi autem vel ipſi præſtabantur, miſſis ad eos probandos Stratoribus: vid. *leg. vn. de oblat. equor. & l. vn. de ſtratorib.* vel adarabantur, *leg. 3. b. tit.* id eſt ſolidi pro his exigebantur, *leg. 1. b. t. in pretio exactio fiebat, leg. 1. hoc tit. & l. 20. ſup. de extraordin. lex vn. inf. tit. prox.* Per ſingulos enim equos, *leg. 2. hoc tit.* pro ſingulis equis, *leg. 2. b. t. & l. 29. ſup. de annona.* præſtabantur, Viceni terni ſolidi, *leg. 1. hoc tit.* Per Africam in Proconſulari prouincia Africa, *leg. 2. hoc tit.* viceni ſolidi primum, *leg. 2. hoc tit.* vt ex Numidia, *diſt. leg. 29.* Verum poſtea octoni & deni ſolidi tantum *diſt. leg. 29.* ex Byzacena, Tripolitana quini & deni *diſt. leg. 29.* Ex his ſepteni ſolidi contubernaliſus miniſtrabantur, *leg. 2. b. t. militi deuotiſſimo, leg. 3. b. t.* Comitibus ſtabuli pro ſportulis bini ſolidi pro ſingulis equis tribuebantur, *l. 3. hoc tit.* quod abrogatum *l. 29. ſup. de annona & trib.*

Immunes tamen erant ab hac præſtatione Archiatri, & Ex-archiatri, *leg. 2. inf. de Medicis.* Decuriones, Silentarii, *diſt. leg. 2. ſup. de decurion. & ſilent.* Proximi Comitæ diſpoſitionum, *leg. 14. ſup. de prox. Comitib. diſpoſ.* in ſacris ſcriniis militantes, *leg. 15. ſup. de prox. Comitib. diſp.* Memoriales & Palatini, qui ad agendas curas Reipublicæ vel alterius officii fuerint deſtinari, *leg. 2. ſup. de priuileg. eorum qui in S. P. Curiales*, qui gradu meritorum ad honorariam dignitatem peruenerunt, *leg. 138. inf. de decurion.* Corporati negotiatores Urbis Romæ ex mente Symmachi *lib. 10. ep. 27.* alique, de quibus proprio mox titulo; *prox. inf. qui a præbitione Tyronum & Equorum excuſentur.*

P. 116.

I. (a) Impp. Valentinianus, & VALENS AA. Alexandrino (b)
Com. R.P.

VICENI & terni ſolidi, per ſingulos equos, qui a Colonis, atque ab obnoxiiis, (c) exiguntur, ipſi magis iugiter, quam fraude Procuratorum (d) noſtrorum equi offerantur. Dat. III. Kalend. Iun. Marcianop. (e) Lupicino & Iouino Coſſ. [367.]

NO.

NOTAE.

- (a) Abest hæc lex a *Cod. Iust. GOTHOFR.*
 (b) *Al. Alexandriano.* Eidem inscribitur hoc ipso anno *l. 14. inf. de susceptorib. lex 11. sup. de iure fisci: & anno 369. lex 11. sup. de petitionibus: ID.*
 (c) *Obnoxii*, a quibus tributa exiguntur; quomodo & Aufonius in *Gratiarum actione c. 23. ID.*
 (d) *Procuratores rei priuatae* intelligit, qui sub dispositione Comitis R. P. fuerunt. vid. *Notitiam imperii*: vbi tamen in Orientis Imperio (quo hæc lex pertinet) nonnisi *Procuratores saluum* memorantur. *ID.*
 (e) *Marcianopoli* Valens, vid. *Ammianum Marcellinum lib. 27. cap. 5. Zosimum, lib. 4. c. 10. 11. Suidam in v. Ουζλως*: Quamquam *Ammiani* locus ad A. 369, magis pertineat, & subscriptionem *legis 7. sup. de falsa mon. l. 15. sup. de erog. mil. ann* Thraciæ autem vrbis *Marcianopolis*, vt *Zosimus* ait *diff. c. 10.* id est *diececesis* Thraciæ: nam alioquin *Myſiæ* vrbis est, quod *Ammianus* docet *d. lib. 27. cap. 4.* & quidem *Myſiæ inferioris*. Quæ *Thracia & Myſia* *Valenti* in diuisione Imperii cecit, vt idem *Zosimus* scribit. *lib. 4. cap. 3. ID.*

COMMENTARIVS.

PRETIVM pro equis (in vſum militarem videlicet neceſſariis) at non etiam equos ipſos, præberi ſubet hæc conſtitutione *Valens* Imp. pariter vt *Honorius l. 2. 3. inf. b. tit. & l. 29. sup. de annona & tribut.* cuius pretii quoque mentio fit, *l. 20. sup. tit. prox. de extraordin.*

Quatuor autem de hæc Equorum collatione vel ex hac leg. obſeruentur, quæ & ad ſequentes leges ferme transferri poſſunt. Primum eſt, *Aderationis equorum modus*, id eſt, quo pretio ſinguli equi æſtimati fuerint: Nempe viginti tribus ſolidis ſingulos equos hæc leg. æſtimat *Valens*; quæ æſtimatio ſeu aderatio vt poſtea immutata fuerit, & quidem per *Africanum*, videndæ ſunt due leges *prox. inf. & diff. lex 29. sup. de annona.* Sane enormi pretio equorum ſubinde attriti provinciales; atque ea indulgentiæ Principis ſæpe materia, relaxando enormi pretio. Quo facit *Mamertini* locus in *Gratiarum actione pro Conſulatu*, vbi inter *Juliani* laudes memorat. Ipſo tempore leuati *EQVORVM* PRETIIS enormibus *Dalmatiæ*; *Epirote*, adinſcitæ, intolerandi tributi mole depreſſi, providentia Imperator tua non modo miſerias exuerunt, ſed amplam etiam atque opulentam reuexerunt fortunam.

Secundo, Quibus hæc equorum præſtatio indiſta, videndum; Nempe varie; modo his, modo illis. Hæc ſane leg. a *Colonis* & ab *obnoxiiis* exiguntur: id eſt a *Colonis* qui *obnoxii* & adſcripti terræ: ita enim hoc accipio; quomodo etiam *obnoxii* dicuntur *Novella Valentiniani 9. de quo vid. Paratitl. sup. de fugitiuis colon.* Non vero vt *Obnoxii*, ſint hic *Actores* & *Procuratores rei priuatae*, qui rationibus *obnoxii* erant, de quibus *l. 2. Cod. Iust. de Agricolis & mancip. domin.* de quibus *Græci* quoque acceperunt leg. *1. Cod. Iust. de Agric. cenſitis & Colonis*: (quæ deſumpta ex leg. *4. sup. de extraordin.*) cum ibi legerunt, *rationibus, πέντε λογισμῶς*. Sed neque *Obnoxiorum* appellatio-

ne hic intelligendi omnes ii qui huic collationi ſubiacabant: quo ſenſu & *Obnoxiorum* vocem uſurpat *Aufonius, Gratiar. act. cap. 23.* De aliis, quibus hæc collatio indiſta iam dixi plene in *Paratitlo*. Addatur & *Symmachus lib. 10. ep. 27.* vbi Equorum collationem a *Valentiniano* Jun. A. D. 384. caſtrenſi vſu efflagitante, *Corporatis Negotiatoribus* vrbis *Romæ*, imperatam memorat: quod tamen ipſe non probaret.

Tertio videndum, Cur pretium magis, quam equos conferri voluerint *Principes*, & hæc quidem leg. *Valens*: quod ipſe obſcure indicat *ſine legis* Ipſi (ſolidi) *magis iugiter, quam fraude Procuratorum noſtrorum Equi offerantur*. Nempe gemina hæc, excogitari poteſt ratio. Prima, ſi equi oblati fuiſſent, fraus collationi facile facta fuiſſet debiles & ineptos equos collatoribus conferentibus. Quamquam huic fraudi alias obuiam itum *Stratoribus* per provincias miſſis ad Equos probandos, *l. vi. sup. de Stratoribus: & l. vi. sup. de oblatione Equorum*: quibus locis vide quæ notauimus plenius. Atenim ſecunda mihi magis hæc placet; ne alioquin abductis ſæpe hoc obſentiu a miſeris *Agricolis* & *colonis* equis, agriculturæ fraus fieret. Sane & *Themiftius* biennio poſt, *Oratione 10. ad Valentinianum p. 224. & 243. edit. Petau. 1613. in §. eo nomine* *Valentem* commendat, & in primis quidem, quod *Agricolæ* ſeu *Colonos* tributorum faſce lenare ſtuduerit: quod ſtudium ſuum ipſemet ad *Alexandrinum* Com. R. P. hoc ipſo anno effert *l. ii. sup. de iure fisci.*

Poſtreimo hanc leg. ad belli *Gothici* apparatus pertinere omnino ſuadet & temporis ratio & ſubſcriptus locus *Marcianopoli*: ibi quippe ferme *Valens* hac tempeſtate hæſit, bello *Gothico* triennium illigatus: vt docet *Ammianus Marcellinus lib. 27. cap. 5. Zosimus, lib. 4. cap. 10. u. Suidas in v. Ουζλως*. De hoc triennali bello *Gothico*, vid. & *Themiftium dicta orat. 10.*

P. 137

II. (a) Impp. Arcad. & Honor. AA. Pompeiano Proc. Afric. (b)

SICVT dudum præceptum eſt, quam primum equorum, qui Curatoricio nomine flagrantur, in prærio maturetur exactio: ita vt viceni quidem ſolidi pro ſingulis equis a Prouincialibus exigantur, ſepteni vero contubernalibus (c) miniſtrentur. Dat. Id. Feb. Med. Vincentio & Frauitta Coſſ. [401.]

NOTAE.

(a) Abest & hæc lex a *Cod. Iust. GOTHOFR.*(b) *Pom?*

- (b) *Pompeianus* Proconsul Africae sub Honorio Imp. Eidem inscribuntur quamplurimae aliae, ut Anno superiore 400 ita hoc 401. Constitutiones: vid. *Indicem Personarum*. ID.
 (c) *Contubernales*, id est milites *b. l. & l. 33. sup. de erog. mil. ann.* Deuotissimus miles *l. 3. prox. ID.*

COMMENTARIUS.

PRETIVM pro equis curatoriciis inferri a Provincialibus iubet, hac constitutione Honorius Imp. A. D. 401 pariter ut *lex 3. prox. & l. 29. sup. de annona & tributis*, hoc ipso Anno, per eandem Africam: Idque exemplo anteriorum Constitutionum, sicut dudum, inquit, *praeceptum est*: ita quidem, ut hanc exactionem quam primum maturari iubeat.

Modum porro pretio hunc statuit: ut 20. solidi pro singulis equis exigantur, quem postea magis adhuc temperavit *d. l. 29. sup. de annona & tributis*, detractis duobus adhuc solidis, & nominatim quidem per eandem Africam proconsularem (quo haec *lex* pertinet) & Numidiam, ut ita non nisi octodecim praestari velit: & deductionem adhuc numerum, quindecim solidorum per Byzacenam & Tripolitnam. Sane idem & *l. prox. 3.* proficitur, se per dioecesin Africanam equos Canonicos militares secundum diuersitatem singularum provinciarum adarsse.

Addit, ex his viginti solidis, septem militibus, ad comparandos equos videl. ministrari oportere: Quod & ipsum *d. l. 3. prox.* statuit hoc ipso Anno.

Vnicum *b. l.* superest videamus, quinam sint Equi illi, qui *Curatoricio nomine* flagitari dicuntur: vel ut vocantur *dict. leg. 29. sup. de Annona & tributis* (quae sex ferme septimanis post hanc data est) *Curatoricii equi*. Ut *vicenis*, inquit, *solidis*, qui in praeteritum pro Equis *Curatoriciis* petebantur, &c. Quae inquisitio ardua est: neque enim ultra doceatur *hac leg. & d. l. 29.* quam hos equos per Africae dioecesim nominatim, in usum militarem a provincialibus exactos. Primum igitur inquirendum nobis an sollemnis haec collatio fuerit, an vero extraordinaria? Sane si *huius tituli* seriem & coniunctionem cum superiore attendamus, item si totam *d. l. 29. sup. de annona & trib.* spectes, extraordinaria magis videri possit: ac proinde *Curatoricii* equi, alii, a Canonicis: de quibus *l. 3. prox. inf.* verum neque id tuto hoc argumento asseri potest, cum & sub titulo de *annona & tributis*, dicta *lex 29.* posita sit, qui utique *titulus* proprie est de canonicis illationibus: & sub hoc titulo de canonicis quoque equis agi doceat *d. l. 3. prox. inf.* Et tamen hoc argumento misso, mens mihi ea, *Curatoricios* a Canonicis alios videri: Nam quo alioquin Honorius per eandem Africam, tam breui temporis spatio, tribus *legibus*, intra sextum mensem latis, modo *Curatoricios*, modo Canonicos dixisset, nisi circa diuersos, prouidentiam suam ostendere voluisset. Adde, quod cum *l. 3. prox. inf.* Comitibus stabuli pro sportulis binos solidos iuxta consuetudinem pro singulis equis Canonicis militariibus dioeceseos Africanae tribui permittat, XII. Kal. April. idem *Prid. Kalend. April.* sportularum nomine, quae Comitibus S. stabuli praestabantur, per eandem dioecesin Africae, pro Equis *curatoriciis* quicquam omnino inferri vetet, *dict. leg. 29. sup.*

de *annona & tribut.* Neque enim verosimile mihi, intra decimum diem, *legem illam 3. abrogatam d. l. 29.* De Nomine, atque adeo per id re ipsa, non minor obscuritas. Reperio equidem Constantini M. constitutionem ad Proculum Proconsulem Africae, puta *l. 2. sup. de priuileg. eorum qui in sacro Pal.* in haec verba: *si ex Memorialibus, vel ex Palatinis nostris aliquis ad agendas CVRAS Reipublicae, vel alterius officii fuerit destinatus, minime ab eo representatio postuletur EQVORVM: qui autem in Palatio obsequia non praebuerunt, sed ex alio hominum genere sunt, EQVOS solemnes PRO huiusmodi Actv representent.* Inde quis ita existimare possit, Collationis huius extraordinariae exemplo a *Curatoribus* illis, de quibus *ea leg.* ad alios postea Honoratos deriuato, pristinum tamen nomen mansisse *Curatoriciorum* equorum, atque inde nomen istud enatum: verum cum ex hac potissimum *leg.* videam, hanc *Curatoriciorum* equorum collationem a *PROVINCIALIBVS* exactam, non a *Curatoribus* aut Honoratis, neque ea sententia mihi placere potest. Imo neque iam placere potest, quod aliquando succurrebat *Curatoricios*, reponendos, quasi cursui publico destinatos, & *Cursuales*: cum videam ex *hac l.* eos contubernales seu militibus ministratos, & sic in usum castrorum & militiae. Illud ergo conicio, dum certius quid adfertur, *Curatoricios* eos fuisse, qui darentur militibus limitaneis & Gentilibus, ad curam limitis Africani: vnde *Curatoricio nomine* flagitari *hac leg.* dicantur, quasi pro *cura limitis*: nam & alias hoc ferme sensu *Cura*, & *Curas agere*, seu gerere dicitur *leg. 2. 4. 5. ult. sup. de Curiosis: leg. vn. ne Praefectianus exactoris vel curiosi.* Sed hoc omnino sensu. *CVRA, munitio, tutio fossati limitis*, per hanc ipsam Africam, sub hoc ipso Honorio An. 409. *l. 1. sup. de terris limitaneis.* Denique huc traho duo loca *Notitiae Imperii fol. 179. vbi*, in provincia Flaminia, *Praefectus classis Raennatium cum CVRIS eius de ciuitate Raennae*: P. 138. Item in provincia Liguria, *Praefectus Classis Comensis cum CVRIS eiusdem Ciuitatis Comi* memorantur: Ergo *Curatoricii*, qui pro *Curis* agendis accipiendi videntur. De iisdem Equis accipio, quod Synesius Episcopus Cyrenes *ep. 131.* scribit, de Equis ἐπὶ τῷ Φέρῳ τρεφομένοις, aduersus Barbarorum incursum, quibus cura agebantur, προδρομῇ, κατὰ σκοπὸν καὶ ἀπαγγελίᾳ. Καὶ τὸ ζεύγος τῶν ἵππων τῶν ἀδελφάγων τῶν ἐπὶ τῷ Φέρῳ τρεφομένων, ἀγεσθαι κέλευε παρὰ σέ, πάντῃ μακρόν ἐν τοῖς τοιούτοις καρσίοις, ἵππῳ δὲ ἀχρεῖον τὸ κῆμα. καὶ γὰρ προδραμῆν τε, καὶ κατασκέψασθαι, καὶ ἀπαγγεῖλαι δι' ἐλαχίστην, πάντα ταῦτα ἵππῳ δύναται ραδίως ποιῆν. Et par illud voracium equorum, qui ad tributum aluntur, adduci ad te impera. Nulla iis temporibus possessio equo utilior, atque opportunior esse potest. Nam & procurrere & speculari, & breuissimo tempore renunciare, omnia hac facile equus praestabit.

III. (a) Idem AA. P. P. (b) & Com. S. L. (c)

EQVOS canonicos militaris (d) Diœceseos (e) Africanæ, secundum subjectam (f) Notitiam singularum prouinciarum, ex præsentî duodecima (g) Indictione, (h) iussimus adærari: (i) Intribuendis Viris Clarissimis Comitibus Stabuli (k) sportulis in binis solidis pro singulis equis seruari consuetudinem decernentes. Quam formam quorannis obseruari præcipimus, vt secundum postulationem Gaudenti (l) Viri Clarissimi Comitibus Africæ deuotissimo militi septeni solidi pro equis singulis tribuantur. Dat. XII. Kalend. April. Med. Vincentio & Frauita Coss. [401.]

NOTAE.

- (a) Et hæc lex abest a *Cod. Iust. GOTHOFR.*
 (b) Procul dubio, *Hadriano PP.* (Italia) hæc lex inscripta fuit: v. *Consularia Theod. ID.*
 (c) *Troianum* Comitum S. L. accipio, cui etiam inscribitur *lex 11. sup. de Senator. ID.*
 (d) Pro *militares. ID.*
 (e) De *Diœcesi Africana* vide *Notitiam Imperii, & Romani Orbis descriptionem ex Cod. Theodos.* cuius quatuor prouinciae recenseri videntur, *l. 29. sup. de annona & trib.* vel saltem tres. *ID.*
 (f) Notitia hæc interdicat. *ID.*
 (g) Quæ Orientalis fuit. Quartadecima: v. *Marcellini Chronicon, & Alexandrinum*: v. quæ dico ad *l. 6. inf. de Indulgent. debit. ID.*
 (h) De *Indictionibus* peculiari capite semel dixi in *Consularibus Theod.* ac nominatim, quomodo *Africanæ* indictiones ab Italicis & Orientalibus differant, nempe Italicæ initium ducere, ab anno 312. Orientales, ab Anno 313. Africanas, ab Anno 314. *ID.*
 (i) *Adærari*, id est æstimari in pretio: de quo vide *Glossarium Theodos. ID.*
 (k) De *Comitibus Stabuli* vide pariter *d. l. 29. sup. de annona & trib. ID.*
 (l) De hoc *Gaudentio* Aëtii Patre: iam dixi plene ad *leg. 1. sup. de terris limitaneis*, quæ eidem *Gaudentio* Vicario Africæ inscribitur. *ID.*

COMMENTARIVS.

PRETIVM, & hac *l. Honorius* per diœcesim Africanam (id est Byzacium, Numidiam, Tripolitanam, Mauritaniam Sitifensem, Mauritaniam Cæsariensem) pro equis Canonicis militaribus inferri iubet An. D. 401. & quidem tribus hac parte constitutis.

Primum enim pretium pro diuersitate prouinciarum varium statuit, subiecta in id particulari Notitia, seu designatione, verum quæ hic intercedit. Quod idem & circa Curatoricos Equos mox, post decem dies *l. 29. sup. de annona & tributis*, præstitit. Nempe vt procliae est conicere, prout prouincia locuples esset, vel sane prout præstantes erant Equi; Sane maius ideo pretium in Numidia constituit *ea leg. 29.* minus in Byzacena & Tripolitana. Quod & idem *hac leg.* factum oportet.

Secundo, Comitibus stabuli sportularum loco duos solidos pro singulis equis iuxta veterem consuetudinem, tribui statuit *hac leg.* cum idem pro Equis Curatoriciis Comitibus stabuli quidquam tribui vetet *dict. leg. 29. sup. de annona & tribut.* Vnde

iam efficiebam ad *leg. 2. sup.* Canonicos equos militares a Curatoriciis diuersos esse.

Postremo, septem solidos pro singulis equis militibus tribui iubet *hac leg.* (quod & idem statuit circa curatoricos equos, *d. leg. 29.*) Et hoc quidem, vt ipsemet ait, *secundum postulationem Gaudentii Comitibus Africæ.* Hic vero Gaudentius non alius est, quam Aëtii pater: cui vt inscribitur *lex 1. sup. de terris limitaneis*, An. 409. ita de eo ad *eam leg.* plenius dixi: de eo vid. *Zosimum lib. 5. cap. 36.* Renatum Profuturum Frigeridum apud Gregorium Turonensem *lib. 2. cap. 8.* & Prosperum *Chronico.*

Non omittendum est, duodecimam indictionem Anno 401. per diœcesim Africæ tribui, cum in Oriente Indictio decima quarta computetur, vt ex *Marcellini Chronico & Alexandrino* liquet, de quo dicam plenius ad *leg. 6. inf. de indulgent. debitor.* vbi ostendam per Africam Proconsularem fuisse decimam tertiam.

IV. (a) Impp. Honor. (b) & THEOD. AA. Herculio PF. P. (c)

CONSTRUCTIONI (d) murorum, & conparationi, (e) transuersionique specierum, (f) vniuersi sine villo priuilegio coartentur ad necessitates Illyricanas: Nam in his dumtaxat titulis nullum sub quodam cessare priuilegii velamento censemus: sed sub hac condicione, cum tempus exegerit, huiusmodi conlationi subcumbant, vt non tantum requiratur idoneus, verum vniuersi proportioni (g) suæ possessionis iugationisque (h) ad hæc munia (i) coartentur, & a summis sarcina ad infimos (k) vsque decurrat. Dat. III. (l) Id. April. Const. Basso & Philippo Coss. [408.]

NOTAE.

- (a) *L. 1. Cod. Iust. de quib. munerib. vel prestationib. nemini liceat se excus.* Repetita hæc lex, sed aliter, *l. 49. inf. de operib. publ.* nonnullis auctior, aliis vero immittitur. Fugitiua autem hæc lex est ab hoc tit. *GOTHOFREDVS.*
- (b) Si recte *huius leg.* subscriptio habet; tum *Arcadii* nomen hic addendum fuerit: Kalendis enim Maii primum mortuus Arcadius, imo si aliis credimus, *XI. Kal. Sept.* Quod non puto. Quare satius, *hanc leg.* referre ad Ann. 412. vt præfert *lex 49. inf. de operib. publ. ID.*
- (c) *Illyrici*, vt *d. l. 49. & l. 172. inf. de Decurionib. l. 5. inf. ne conlat. translat.* quæ duæ datæ sunt Anno 410. & vero additum *d. l. 1. Cod. Iust.* Ad eundem extat Ioannis Chrysostomi epistola: vid. *Prosopogr. ID.*
- (d) Hæc, *constructioni murorum*, absunt a *Cod. Iust. ID.*
- (e) De hac *Comparatione* fuit iam *supra*, *Titulus peculiaris, de publica comparatione 15.* quæ Græcis *συμψηφον* vel *συμψηφιδών*, vt hic quoque Græci verterunt, *ID.*
- (f) *Transuæctio* specierum *hic*, quæ alibi translatio, *l. 15. 40. inf. de Episcopis* (vbi dixi plene) & *l. 10. sup. de extraord. mun.* Græci recte *παράπραμψιν* *ειδών. ID.*
- (g) *Pro portione*, vt *Cod. Iust. & d. l. 49. portione*, omissa voce, *pro. ID.*
- (h) *Iugatio*, dixi ad *l. 15. sup. de annona. ID.*
- (i) *Mania*: *d. l. 49. ID.*
- (k) *Infirmos*, *d. l. 49. in Editione ultim. Parisi. male. ID.*
- (l) *V. Id. April. Honorio IX. & Theodosio V. AA. COSS.* id est A. D. 412. ita *d. l. 49. inf. de operibus publicis. ID.*

COMMENTARIUS.

ILLYRICIANAS ob necessitates, a tribus extraordinariis muneribus *hac l.* designatis, quenquam immunum esse, quolibet privilegio nitatur, quamlibet infimæ sortis sit, vetat Theodosius Iun. A. 408. hac constitutione: quæ & ipsa ferme repetita extat, *l. 49. inf. de operib. publ.* ab eodem Theodosio Iun. quadriennio post, si modo Consules ibi positi recte habent: nam alioquin videri possit eadem esse cum *hac l.* cum eidem Herculio inscripta sit, neque mensis abludat, & verba eadem sunt.

Duo tantum *hac l.* attendenda. Primum est, quænam illæ sint *Illyricanae necessitates*, quas hic memorat, quarumque causa hanc constitutionem edidit Theodosius Iun. Non aliæ scilicet illæ sunt, quam quas *Strilico* hac tempestate, *huius l.* tempore etiamnum superstes, concitauerat, atque intentabat hoc agens modis omnibus, vt vindicato sibi filioque suo Eucherio Occidentis Imperio, Alarici ope auxilioque, Illyricum Orientale, Occidentis Imperio adiceret: quod fuscè describit Zosimus *lib. 5. cap. 26. & sequent.* etsi crimine eum quantum potest, liberet. v. & Socratem *lib. 7. c. 10.* Sozomenum *lib. 9. c. 4.* Perniciosa in id inter alia litorum & itinerum custodia in Occidentis Imperii limite constituta, ne cuiquam ex Oriente ad Occidentem pateret accessus, & commercium inter vtrumque imperium abrumperetur, quod postremum docet diserte *lex 1. sup. de litorum & itin. custod.* Igitur Theodosius Iun. (vel saltem eius octennis nomine Anthemius PP. Orientis, qui summam rerum pro eo administrabat, teste Socrate, *lib. 7. cap. 1.* de quo ad *leg. 167. inf. de decur.*) impendentium metu hanc constitutionem edidit: Quanquam, si verum est, quod Socrates duobus locis diserte scri-

bit (puta *d. l. 7. c. 1. & lib. 6. c. ult.*) Arcadium nonnisi Kal. Maji mortuum, ac multo magis, si verum est quod Theophanes scribit, eum obiisse XI. Kal. Septemb. tum hæc *lex* Arcadio potius tribuenda fuerit: vt quæ mense Aprili data dicitur, *III. Id. April.* pariter, vt *lex ult. sup. de Questionib.* Quicquid huius sit, causam *huius leg.* tenemus.

Nunc remedia tria excutiamus: Amoliendæ scilicet huic necessitati, triplici ratione occurrere Imperator instituit, I. *Murorum constructione*, hostibus repellendis, de quo dico ad *d. l. 49. infr. de operib. publ.* atque ideo omnium operis ex æquo requisitis. Secundo *Cœmptione* seu *comparatione* specierum indicta (de qua fuit *supra*, *titulus peculiaris 15.*) & vt Græci vocabant *Synoneto*, id est species necessarias priuatis fisco in vsum publicum seu militarem vendere coactis, quod vrgente necessitate in Imperio Romano sæpe factum; quod prolixius docui ad *leg. 1. eius tit. de publica comparat.* Adeo quidem, vt cum alias potioribus tantum Theodosius M. hanc indictionem imminere voluerit, *l. 2. sup. de tit. de publ. comparatione*, Imperator *hac l.* omnibus ex æquo, etiam infimis, pro portione possessionis suæ seu iugationis eam indicat; *a summis ad infimos sarcina decurrente*, & in commune omnibus profuturum communi labore curantibus (quod additum *dict. leg. 49. inf. de operib. publ.*) Postremo, *Transuæctione specierum* certatim parangariis præbitis, limitem Illyricianum instrui iubet ocysus. Quod Parangariarum & translationis seu transuæctionis specierum, & vt Græci loquuntur *παράπραμψιν* *ειδών*, ad limitem instruendum onus sæpe simili necessitate imperatum: vid. *leg. 15. 40. inf. de Episcopis: l. 10. 15. 18. sup. de extraord.*

QVI A PRÆBITIONE

TIRONVM ET EQVORVM

EXCVSENTVR.

TITVLVS XVIII.

Adde l. 14. 15. *sup. de proxim. Comitib. disposit.* l. 13. *sup. de Princip. agentium:* l. 21. *sup. de palat. S. L.l.* 2. 15. 18. 20. *ult. sup. de tiron. l. 2. 3. 10. inf. de Medicis & Professoribus:* l. 2. & *ult. sup. de decur. & silent.* l. 2. *sup. de priuileg. eor. qui in S. Pal. l. 138. infr. de decur. l. 15. inf. de nauticul. l. 14. 15. sup. de extraordin.*

I. (a) Impp. HONOR. & Theod. AA. Melitio PF. P. (b)

TIRONES, (c) quorum pretia exhausti ærarii (d) necessitas flagitauit, præbere nolimus Inlustis (e) viros Præfectos, cum gerunt insulas dignitatis, vel cum sublimem egerint Præfecturam: (f) non Magistrum militum, vel Comites (g) Domesticorum, simile manus adstringat, neque enim Tirones de facultatibus eorum poscendi sunt, quorum virtus Triumphis nostris subiugat de hoste captiuos: non Præpositum, (h) vel Primicerium (i) sacri cubiculi: non Castrensem: (k) non Comitem (l) sacra vestis: non ceteros Cubicularios: (m) non (n) Magistrum Officiorum, Quæstorem, vel Comites sacri ac priuati ærarii Inlustres: non virum Spectabilem Primicerium (o) Notariorum: non Consistorianos (p) Comites, ac scriniorum Magistros, (q) vel Tribunos (r) & Notarios eadem damni multa perceller: non Viros Spectabiles Comites Archiatrorum, (s) non Comites (t) stabuli, Cura (v) Palatii, Scholares, (x) proximos (y) scriniorum, eademque Scrinia; Comites (z) dispositionum, Decuriones, (aa) Magistrum (bb) admissorum, & ceteras similes Comitum (cc) laboribus nostris socias dignitates, eiusdem præstationis fors teneat: non Tribunos, (dd) vel Præpositos militares, post testimonium inueneratæ militiæ. Habeant in commune omnes, siue dum administrant, seu postquam administrauerint, debitum Regiæ liberalitatis officium: (ee) Nemo Tirones, equos, (ff) vel præstationem aurariam (gg) vereatur, quem (hh) sub legis nostræ sanctione prosequimur. Illos tantum Tironum atque (ii) Auri munus adstringat, quos *Honorarios* (kk) vocauit antiquitas, vel qui fasces ciuiliū (ll) partium consecuti, nulla prius laboribus rudimenta posuerunt. De ipsis etiam Militaris nominis viros eos Præpositos, vel Tribunos a priuilegiis esse conuenit alienos, qui castrorum expertes habentur, nec in hostem Martio (mm) ære caluerunt. Dat. xv. Kalend. Mart. Rau. Honor. VIII. & Theod. III. AA. COSS. [412.]

NOTAE.

- (a) Absit hæc *lex a Cod. Inst.* Iungenda ei *lex ult. sup. de extraordin. sine ford. GOTHOF.*
 (b) *Melitius PP.* Italiae sub Honorio. Eidem ante biennium de eadem re inscribitur *lex 15. sup. de prox. Comit. disposit.* De eo v. *Profopogr. ID.*
 (c) De *Tironibus* fuit *sup. peculiaris titulus 13. lib. VII.* vbi v. *Paratitlon. ID.*
 (d) Vide l. 18. *sup. de Tironibus*, & eius tituli *Paratitlon. ID.*
 (e) Pro *Inlustres*, vt etiam habet *Tiliana & in 4. editio.* Ceterum de his pariter & eorum immunitate est d. *lex ult. sup. de extraordin.* quæ huic coniungenda est. *ID.*
 (f) De *Præfectis* Prætorio, Urbis, Magistris militum est, *sup. titulus VII. lib. VI. ID.*
 (g) De hoc *Comite Domesticorum* dicam mox plenissime, de quo alioquin non est *libro VI. peculiaris titulus aliquis*, etsi sit *Titulus de domesticis & Protectorib. ID.*
 (h) De *Præpositis Sacri Cubiculi*, fuit *peculiaris titulus VIII. lib. VI. sup. v. & Notitiam Imperii. ID.*
 (i) *Primicerius S. Cubiculi*, de quo mox, *ID.*

- (k) Neque de hoc *Castrensis* peculiaris est Titulus lib. 6. est *Titulus* sic de *Castrensis* 32. qui sub eius dispositione fuerunt, de quo vide *Notitiam Imperii*, & *Theodosianam* nostram. ID.
- P. 141. (l) De *Comite Sacre vestis* vnica hac mentio hoc Codice occurrit, de quo mox. ID.
- (m) De *Cubicularii* Principis vid. & *legem* 8. *supr. de agentib. in reb. leg. 3. supr. de priuileg. eorum qui in sacro Pal. leg. 15. & 18. supr. de extraordin. siue furd. ID.*
- (n) De sequentibus quatuor *Illustribus* est *tit.* 9. lib. 6. *supr. ID.*
- (o) De *Primicerio* *Notariorum* est *titulus* 10. lib. 6. *supr. ID.*
- (p) De *Consistorianis* his Comitibus est *titulus* 12. lib. 6. ID.
- (q) De *Magistris* *scriniorum* est *titulus* 11. lib. 6. ID.
- (r) De *Tribunis* his dixi plenissime ad *leg. vn. supr. de mandatis Principum*. Eodem pertinet *Titulus* 10. de *Primicerio* & *Notariis*, lib. 6. ID.
- (s) De Comitibus *Archiatrorum* est *tit.* 16. lib. 6. Porro concordat diserte huic hac parte *lex* 2. *infr. de Medicis* & *Professorib. ID.*
- (t) De Comitibus *Stabuli* non est peculiaris *titulus* hoc Codice; Eorum fit quoque mentio *l.* 29. *supr. de annona* & *tributis*: & *leg. 3. supr. de Equorum collat. ID.*
- (v) De *Cura Palatii* dixi ad *leg. vn. supr. de Comitib. & Tribunis Scholar. ID.*
- (x) De *Scholaribus*: Vid. *titulum* 13. lib. 6. de *Comit. & Trib. schol. ID.*
- (y) De *Proximis* *scriniorum* est *titulus* 26. lib. 6. ID.
- (z) De Comitibus dispositionum agitur d. *tit.* 26. lib. 6. & hac parte concordat *lex* 14. eius *tit. ID.*
- (aa) De *Decurionibus* his est *tit.* 23. lib. 6. ID.
- (bb) De *Magistro Admissionum* hoc, vide *leg. 12. supr. de Senatoribus*: vbi dixi. ID.
- (cc) De his Comitibus vide *titulum* 14. 15. 17. 18. 19. 20. 21. *supr. lib. 6. ID.*
- (dd) Huic concordat hac parte *lex* 18. *supr. de tironibus. ID.*
- (ee) *Officium*, id est, beneficium & priuilegium. ID.
- (ff) De *Equorum* collatione fuit *Superior titulus* *prox.* & lib. 7. *titulus* 23. de *oblacione equorum. ID.*
- (gg) De *Auraria* praestatione vide complures *leges*, *supr. tit. de annona & tribut.* & *leg. 40. infr. de Episcop.* quæ eidem *Militio* hoc ipso Anno inscribitur. ID.
- (hh) Locus hic sanus est & nec quicquam sollicitandus, *Nemo quem*, &c. *prosequimur*: *Prosequimur* autem, id est, hac immunitate donamus, honoramus: vide *Glossarium. ID.*
- (ii) Hic *Tertium* omisum est, puta *Equorum. ID.*
- (kk) De *Honorariis* his v. *titulum*, de *Honorariis Codicillis* 22. lib. 6. *Honorariorum* interim definitionem nota v. *Paratitlon eius tit.* & quæ dixi ad *l. ult. sup. de primicerio & Notar.* & *leg. vn. supr. de Comitib. vacantib. ID.*
- (ll) *Ciuilium partium fasces*, id est, ciuiles, non militares dignitates: Nempe *ciuiles partes* militari nomini opponuntur: Ita *Vegetius lib. 1. cap. 5. Tunc*, inquit, *plures militiam sequebantur armatam, necdum enim ciuilis pars florentiorem abduxerat iuuentutem.* Vide *Glossarium Theod.* *Symmach. lib. 9. Ep. 102. Summatem*, inquit, *ciuilium partium virum.* *Sidonium, Panegyrico 5. v. 571. 572. Qui cum ciuilibus dispenset partis habenas, Sustinet armati curas. ID.*
- (mm) Imitatio poetica, quale illud inter cætera *Georg. 4. a v. 70.*

—————*Namque morantes*
Martius ille æris rauci canor increpat: & vox
Auditur, fractos sonitus imitata tubarum. ID.

C O M M E N T A R I V S.

IMMUNITATEM a tironum collatione, de qua *supr. tit. de tironib. lib. 7.* equorum item auri-que designatis *hac l.* dignitatibus, *Illustribus*, *Spec-tabilibus*, *Clarissimis*, tribuit hac constitutione *Honorius*; imo omnium sordidorum & extraordinariorum munerum vacationem *Illustribus, l. ult. supr. de extraordinar. munerib.* quæ huic coniungenda est: a quo iure vt sæpe recessum; ita summa necessitate urgente recessum a *Valentiniano III. l. 3. tit. de tironibus, 41. inter Nouellas Theodosianar.* pariter vt tironum immunitas *Suburbicariis* partibus tributa *l. 12. supr. de extraordin.* ab eodem reuocatur, *l. 2. eiusdem tit. 41. de tironib.*

Adeo autem designatis *hac l.* Dignitatibus hanc immunitatem tribuit *Honorius*, vt etiam ea deposita eandem competere velit, quod in simili constitutum vidimus, *l. 14. 15. 18. 19. supr. de extraor-*

din. siue furd. muner. Vice versa iis tantum eam immunitatem competere iubet, qui actu eas dignitates aut gerant, aut gesserint, quos *Græci* *ἐπὶ τῶν* dixerunt; at non etiam *Honorariis*, qui aut castrorum expertes, aut nullis prius labori rudimentis positis, ciuiles vel militares dignitates consecuti sunt, de quibus videndus peculiaris *Titulus, de honorariis Codicillis.* *Notitia tantum Dignitatum* hic notanda venit, earumque ordo: quem committi velim cum *Notitia Imperii*, & cum *Titulis libri sexti huius Codicis*, qui in id totus est,

Illustres Viri,

1. *Præfecti* (*Prætorio scil.*)
2. *Magistri militum.*
3. *Comites Domesticorum.*
4. *Præpositus S. Cubiculi: sub eo*
Primicerius S. Cubiculi.

Castren.

Castrensis.

Comes S. Vestis.

Cubicularii ceteri.

5. Magister Officiorum.

6. Quæstor.

7. Comes S. L.

8. Comes R. P.

Speſtabiles.

1. Primicerius Notariorum.

2. Conſiſtoriani Comites.

3. Magiſtri ſcriniorum.

4. Tribuni & Notarii.

5. Comites Archiatrorum.

6. Comites ſtabuli.

7. Cura Palatii.

8. Scholares.

9. Proximi ſcriniorum & ſcrinia.

10. Comites diſpoſitionum.

11. Decuriones.

12. Magiſter admiſſionum.

13. Cæteri ſimiles Comitum laboribus Principis ſociæ dignitates.

14. Tribuni & Præpoſiti militares.

Gallias miſſus dicitur a Renato Profuturo Frigerido, apud Gregorium Turoneſem, *lib. 2. hiſtor. Franc. cap. 9.* In Francos, inquam, qui iam inde ab A. D. 409. in Galliis conſiſtentes, Imperii ſui limites feliciter in dies augeſcebant. Quam quidem etiam Caſtini in eos expeditionem in hunc ipſum annum Domini 412. quo hæc *lex* data eſt, triennio videl. vel quadriennio poſt primum eorum in Gallias progreſſum docent *Francica* noſtra. Hic idem vero Caſtinus Magiſter militum poſtea A. D. 422. cum magna manu & auxiliis Gothorum in Bætica cum Wandaliſ infeliciter bellum geſſit, teſte Idacio, in *Chronico*. Exemplum quoque eiſ rei, Comitum inquam Domeſticorum exercitui præpoſitorum, (vice ſcil. Magiſtrorum militum) plura occurrunt apud Am. Marcellinum, in *Seuero*, *lib. 27. cap. 8.* in *Richomere*, *lib. 31. cap. 7.* & 12. in *Mallobaude*, *lib. 31. cap. 10.* Hac vero dignitate ornati ſummi Viri fortiſſimique, & in hiſ Barbari ferme, vt *Mallobaudes* Rex Francorum, *Dagalaiphus*, *Richomer*, &c. de quibus vide *Proſopogr.* Cæterum *Comites* domeſticorum hic dicuntur, quia fuere duo, vnus Equitum, alter peditum: v. *Notitiam Imperii. fol. 58.*

Tertio notandum hic *Primicerium S. Cubiculi* hic diſtingui a Præpoſito S. Cubiculi: recte nam hic *Illuſtris* erat: ille vero ſub huius diſpoſitione, *Speſtabilis*: Sic pariter diſtinguitur in *Notitia Imperii* quatuor locis: Primum in generali dignitatum *Indice* tum Imperii Orientalis, tum Occidentalis *fol. 3. & 114.* ita, *Præpoſitus S. Cubiculi*, *Magiſter officiorum* &c. *Primicerius ſacri cubiculi*, *Primicerius Notariorum* &c. Mox in ipla *Notitia*, nulla Præpoſiti S. Cubiculi mentione amplius facta, niſi quod hæc ibi habentur *fol. 40. ſub diſpoſitione viri Illuſtris Præpoſiti S. Cubiculi domus diuine per Cappadociam*: de Primicerio ſacri cubiculi ſolo hæc habentur *fol. 58. ſub diſpoſitione Primicerii viri Speſtabilis ſacri cubiculi*. Quare mutilam ea parte *Notitiam Imperii* eſſe oportet.

Quarto notandum, hic ordine memorari quatuor, qui ſub diſpoſitione *Illuſtris Præpoſiti S. Cubiculi* erant: Præter Primicerium, inquam, S. Cubiculi, de quo modo, hi tres erant: *Caſtrenſis*, *Comes S. veſtis*, & *Cubicularii cæteri*: De Caſtrenſi Sacri Palatii dixi ſuo titulo, *ſupr. de Caſtrenſianis*. Comitum ſacræ veſtis vnica hæc *hoc Codice* mentio occurrit. In *Notitia Imperii*, qui *Comes Veſtiarii* vocatur, alius ab hoc eſt: qui ſcil. ſub Comite S. L. erat in Occidente, pro quo in Oriente *Magiſtri lineæ veſtis*, & *Magiſtri Priuata* ponuntur: Vnde & *ſcrinium peculiare veſtiarii ſacri*: cuius mentio in *Notitia Orientis & Occidentis fol. 49. & 141.* De veſtiario v. & *Zonaram* *tom. 3. p. 219. ſiv. Tom. II. pag. 217. Edit. Venet. inter Script. R. B. Moſchopolum in βέſια*, & *Helychium in βιſιδέρον*. *Conſtantinum Porphyrogenetam them. Orient. 1. pag. 7. edit. Meurſii 1617. in 8. (a)* Hic certe præerat veſti Principis ipſius: At illi, de quibus in *Notitia*, ſuſceptioni earum

T 3

Hactenus *Notitia Dignitatum*, quæ *hac l.* continetur, quæ Honorium Imp. auctorem habet Ann. D. 412. Atenim *Notitia Dignitatum* vltra Honorii tempora conſcripta, alium in nonnullis ordinem præfert. Imo & *hoc Codice*, qui ſcriptus pariter ſub Theodoſio Iun. An. D. 438. alius circa nonnullas dignitates ordo obſeruatur, vt ex ſerie *Titulorum Libri ſexti* apparet. Nos hic in hac *Dignitatum Notitia* illuſtranda non alio ſine nunc immorabimur, quam vt ſingularia quæ in ea occurrunt notemus: cætera enim ex ſuis *Titulis* quos iam in *Notis* designauimus, peti poſſunt, & P. 142. ex *Notitia noſtra Theodoſiana Dignitatum*.

Primo igitur notandum, *Comites Domeſticorum* hic iungi poſt Præfectos Prætorio Magiſtris militum, præmittique Magiſtro officiorum, Quæſtori, Comiti S. L. & R. P. cum contra, in *Notitia Imperii* poſſonatur: Quomodo & Magiſtro officiorum nominatim poſſonitur ante quadriennium in eiſdem Honorii l. 42. *de hæreticis inſcription*. Malchus *de reb. Byzantinis, in excerptis Legationum*, p. 63. ſiv. pag. 54. *Tom. I. Script. R. B. Edit. Venet.* hanc ἀρχὴν, vocat μεγάλην δσαν τῶν περιβασιλέα, *potestatem, quæ magnam habeat in regia auctoritatem*.

Sed Rationem huius rei hic addit, (quod Secundo notandum) *Quorum*, inquit, *virtus Triumphis noſtris ſubingat de hoſte captiuos*. Comites ſcil. Domeſticorum hac tempeſtate vice Magiſtrorum militum, id eſt, eodem loco & dignitate exercitiis præerant: ſic ſane diſerte biennio poſt hanc leg. A. D. 414. Maurianus *Comes Domeſticorum* & *vices agens Magiſtri militum* dicitur l. vn. *infr. de venatione ferarum*, quæ ad eum data eſt: ſic etiam hoc ipſo tempore Caſtinus Domeſticorum Comes expeditione in FRANCOS ſuſcepta ad

earum vestium præerant, quæ largitionibus Principis inferebantur.

Quinto obseruandum, *Magistrum officiorum* hic præponi Quæstori, pariter vt in *Notitia Imperii*: cum contra illi subiiciatur & *Rubrica* & *utraque lege supr. de Quæstoribus, Magistris officiorum*: & *l. 17. supr. de Proximis*: & apud Cassiodorum VI. *Var. 5. & 6.* de quo ad *d. tit. de Quæstorib.* Quamquam pari hi inter se gradu fuere, sic vt nil prope interesset, quo ordine recenserentur, cum inter se temporis prærogatiua certarent. Quod & in aliis Illustrum gradibus obtinuit.

Sexto obseruandum, *Consistorianos Comites* hic præponi Magistris scriniorum, cum tamen postponantur serie *Titulorum libro sexto.*

Septimo fit mentio hic *Comitis stabuli*: cuius mentio fit præterea duobus locis: *l. 29. supr. de annona & tributis*: *l. 3. supr. de Equorum collatione*: *Tribunus stabuli* vocatur *l. vn. supr. de Comitib. & Tribun. scholar.* Ammianus Marcellinus *lib. 26. cap.*

4. memorat, Valentem a Valentiniano fratre *stabulo suo cum Tribunatus dignitate præfectum*. Idem *lib. 31. cap. 12.* memorat *Valentianum atque Equitum*, quorum alter *Stabulum*, alter curabat *Palatium*. Plura & plene dixi ad *d. l. vn.*

Quod Octauo loco *Curam Palatii* attinet, de eo dixi ad *d. l. vn. supr. de Comitibus & Tribunis scholarum*: vt & Nonno loco de *Scholaribus*, ibidem.

Decimo obseruo hic *Decuriones* (de quibus suo titulo 23. *lib. 6.*) postponi Proximis scriniorum & Comitibus dispositionum; cum tamen *Titulus* de his anteuerat *lib. 6.*

Vndecimo notandi sunt illi qui hic designantur, his verbis: *Cæteras similes Comitum laboribus nostris socias dignitates.* Postremo loco ponuntur *hac l. Tribuni & Præpositi militares* inter Immunes a Tyronum collatione: pariter vt *l. 18. supr. de Tyronib. l. ult. supr. de Veteran. lib. 7.* vbi plene dixi.



DE CONLATIONE

FUNDORVM PATRIMONIALIVM.

VEL

EMPHYTEVTICORVM ET REI PRIVATÆ.

TITVLVS XIX.

LIB. XI. COD. IVST. TIT. LXIV.

De collatione Fundorum Patrimonialium & Emphyteuticorum. Omissum itaque, & *rei privatæ.* Cæterum cum *hoc Titulo* committendus est *titulus 3. lib. 10. supr. de locatione fundorum iuris Emphyteutici & Reipublicæ & Templorum.* Cuius tituli PARATITLON consulendum.

CONSORTIS *mora seu commissi vitium consorti non nocere.*

I. (a) Imp. CONSTANTINVS A. ad Dometium Dracontium. (b)

QVOTIENS plures fundum *Patrimonialem* possident, pro portionibus fieri a singulis non vetetur inlatio: Quorundam enim probata industria, ceterorum culpa poterit coherceri. Dat. xv. Kal. Maii, Sirmio. Accep. xv. Kal. Iun. Karthag. (c) Crispo II. & Constantino II. COSS. [321.]

NOTAE.

(a) Abest hæc *lex* a *Cod. Iust.* Iungenda ei proculdubio *lex 2. Cod. Iust. de fundis patrimonialibus. GOTHOFR.*

(a) *Magistrum rei privatæ Africae*, vt ex huius *l.* argumento, simul & subscriptione colligi potest: sed expresse testatur *Inscriptio legis 4. supr. de iure fisci*: quæ superiore A. D. 320. data est. De Magistris rei privatæ vid. & *l. 2. d. tit. de iure fisci*: & *l. 14. 26. infr. de decurionib.* Quæ omnes *leges* Constantini vel eius filii *Constantii* sunt. Iunguntur Rationalibus *d. l. 2. de iure fisci* & *d. l. 14. 26.* sed tanquam diuersi (Proculdubio non alii quam qui postea Procuratores rei privatæ dicti: nam & hi pariter separantur in *Notitia Imperii a Rationalibus rei privatæ.*) *ID.*

(c) *Karthagine Magister rei privatæ Africae. ID.*

C O M M E N T A R I V S.

DIVIDVAM inter plures possessores, seu consortes fundi patrimonialis Canonis præstationem esse definit *hac l. Constantinus M. cui proculdubio iungenda est lex 2. C. Iust. de fundis patrimonialib. & saltuens. & emphyteuticis.* Atque adeo diuiduum quoque commissi vitium esse.

Finge; Plures fundum patrimoniale possident: Pro sua singuli portione canonem seu pensionem inferre possunt: & solius moratoris portio fisco committitur: Id scil. est quod sibi vult Imperator, cum ait: *Quorundam enim probata industria ceterorum culpa poterit coerceri:* Nempe culpæ coercitio hac leg. non alia est quam pœna Commissi: vt docet *d. lex 2. Cod. Iust. de fundis patrimon.* (quam huic coniungendam esse dixi) pariter vt *lex 3. supr. de administr. & periculo tutorum:* cuius vtriusque eadem sententia est; Nempe, Canone possessionum iuris patrimonialis & Emphyteutici ad minores pertinentium, non soluto, Commissi damnum ad Tutorem & Curatorem pertinere. Hoc tantum inter vtramque legem discrimine; quod Constantinus *d. l. 2. Cod. Iust.* ob negligentiam tutorum & curatorum, minorum dominio nocere, seu ex eorum fortunis auelli fundos noluit: Dicta *lex 3.* voluit, seruata actione minoribus aduersus Tutorem & Curatorem: quæ *lex* tempore posterior est, at non ideo æquior. Iam itaque ex his duabus legibus definiamus; Neque

consortis culpam consorti; neque Tutoris vel Curatoris negligentiam, & officium desertum, in canone soluendo, minoris dominio seu substantiæ parvulorum nocere seu præiudicare, & ad fraudem iuris eorum accedere, sed suæ quemque culpæ, negligentæ, desertique officii pœnam sufferre, damnaque deplorare compelli, vt loquitur dicta *lex 2.* seu, vt eadem *lex* loquitur, *negligentia sue & officii deserti pœnas exigi.*

Ex eadem interim *l. 2.* discere licet, patrimonialis fundi nomine aurariam pensionem & frumentariam simul illatam: Quod etiam docet *lex 3. infr. hoc tit. lex 1. 13. 17. supr. de extraordinariis.*

Quando vero in Constantini M. lege versamur de fundis patrimonialibus, deque functionibus, ad quas tenebantur; age memoremus & alteram super his Constantini Magni constitutionem, quæ memoratur a Theodosio Iun. *Nouella 12. l. 1. de patrimonialibus fundis:* Ea scil. constitutum fuerat, vt qui huiusmodi fundos per Asianam & Ponticam diocesim possiderent donationis forte titulo, ad incolendam vel ædificiis augendam Constantinopolim tenerentur. Quod a Theodosio ea *Nouella* sublatum, cum iam satis vrbs ea excreuisset.

Tandem obseruandum hic Consortium priuilegium, seu fauor: cuiusmodi plura in Consortium fauorem ab eodem Imp. Constantino sancita, quæ congero ad *l. 6. supr. de contrah. empt.*

II. (a) Imp. IULIANVS A.

OMNES qui *Patrimoniales* fundos retinent, (b) pro his conueniendi sunt ad vniuersorum munerum (c) functiones, sicut vnumquemque priuatorum necessitas publicæ pensionationis adstringit: &c. Dat. v. Kalend. April. Mamertino & Neuita Coss. [362.]

N O T A E.

(a) *L. 3. Cod. Iust. eod. tit. de collat. fund. patrim. GOTHOF.*

(b) *Sive communiter, siue ex asse retinent.* ita C. Iust. *ID.*

(c) *Ad eosdem fundos pertinentium pro rata portione, vel in solidum, functiones:* ita C. Iust. *ID.*

C O M M E N T A R I V S.

VNIERSORVM munerum functiones, seu omnem necessitatem publicæ pensionationis agnoscere iubet patrimonialium fundorum possessores hac constitutione Iulianus, haud aliter atque priuatos.

Qua sententia non dubito, quin Iulianus etiam Extraordinariis muneribus, possessores patrimonialium fundorum obnoxios facere voluerit, a quo tamen immunes fuere postea, *l. 12. supr. de extraord. mun.* Illud equidem Iulianus Actoribus rei priuatæ tribuit, vt vetaret iis necessitatibus eos adteri, seu iniuriis adstrictari, quas sæpenumero Rectores prouinciarum, vel illicita Principum ad-

rogatione, vel propriis decretis ordines (ita enim rescribo) fieri censebant, vt docet Valentinianus *l. 2. supr. de actoribus, procur. & conductor. rei priu.* Verum vt hoc postremum a Iuliano competentissime decretum, Valentinianus quoque *ea l. 3.* confirmauit; Ita illud quod *h. l.* continetur ab eodem & secutis Principibus abrogatum: ab eodem, inquam, Valentiniano, ea proculdubio famosa deinceps constitutione, cuius alia nonnulla capita continentur *l. 1. 2. supr. de pascuis: l. ult. infr. h. t. l. 3. supr. de locat. fund. iur. emphyt. l. vn. supr. qui conductor. rei priuata.*

III. (a) Impp. VALENTINIANVS & Valens AA. Prouincialibus Byzacenis.

AB *Emphyteuticariis* possessoribus, Annonariam quidem solutionem per quatuor menses ita statuimus procurari, vt circa vltimos anni terminos paria concludantur: Autum vero, non ex die x. Kal. Decembr. in prid. Kalendarum Ianuariarum, sed per annum

num solidum, prout quisque pendere potuerit, inferetur. Dat. Id. (b) Septembr. A. quil. diuo Iouiano & Varroniano Coss. [364.]

NOTAE.

(a) Absit hæc *lex* a *Cod. Iust.* Iungendæ autem ei sunt *lex* 9. *supr. de petitionibus*: *lex* 60. *infr. de Decurionib.* Forte etiam *lex* 59. *infr. de Decur.* & *lex* 17. *infr. de Episcopis*: quod postremum non temere adfero. GOTHOFRED.

(b) Prid. Id. d. l. 9. & d. l. 60. iv. Id. Sept. d. l. 59. & d. l. 17. ID.

P. 145.

COMMENTARIUS.

TEMPVS canonis, seu collationis ab Emphyteuticariis possessoribus inferendæ, soluendæ, hac constitutione definit Valentinianus Sen. & quidem varie, pro varietate collationis. Nempe duplex collatio his incumbbat, seu duplicem canonem soluebant; annonariam scil. id est, frumenti, & auri: quod præter hanc l. docent quatuor præterea leges: puta *lex* 1. & 13. *supr. de extraordinariis*: idque ipsum indicat etiam *lex* 17. *eiusdem tituli in pr. & lex* 2. *Cod. Iust. de fundis patrimonialibus*.

Igitur Annonam, seu frumentum inferri Valentinianus iubet, trina per annum solutione, id est, per quaternos menses: de qua tripertita seu quadrimestrua collatione tributorum, sunt tres præterea Valentiniani *hoc Codice* constitutiones, puta *lex* 11. *supr. de exactionib.* *lex* 15. *supr. de annona*, ubi plene semel de hac dixi, l. 15. *infr. de susceptoribus*, & quarta adhuc puta *lex* 4. *Cod. Iust. eod. tit. de coll. fund. patrim.* est & Valentiniani *lex* 16. d. tit. de annona & trib. & Nouella Maioriani 4. v. & titulum 25. *infr. hoc libr. de quadrimestruis breuius*. De Valentinianeis id obseruandum (quib. sane hæc collationis forma primum introducta est) hanc omnium primam esse: atque hunc in his processum obseruare licere: Nempe, de Emphyteuticariis primum id constituisse videri Valentinianum b. l. De Colonis deinde rei priuatæ, l. 11. *supr. de exactionib.* Postremum de omnib. prouincialib. d. l. 15. *supr. de Annona*: & l. 15. *infr. de susceptorib.*

Modum etiam huic quadrimestruæ collationi hunc addidit Valentinianus, *Vt circa ultimos anni terminos paria concludantur*: id est, ut ante annum elapsum totus canon anniuersarius soluatur, neque quidquam in reliquis hæreat. Et hæc quidem de annonario seu frumentario Canone.

Atenim Auro soluendo nullum certum tempus Valentinianus hac l. præstitit: quinimo per totum annum, prout quisque possit, ita & aurum infer-

re permittit, studio spontaneæ deuotionis. Quod & ipsum de auri solutione Constantinus M. constituerat l. 2. *infr. de susceptor.* Valentinianus Tertius l. 34. *supr. de annona & tribut.* Et sic Autopragiam auri largitur: de quo dixi plene l. 34. & d. l. 35. *supr. de annona & tribut.* Cum antea (ut hac l. nominatim docemur) circa ultimos anni terminos, ex die x. Kal. Decembr. in prid. Kal. Ianuar. atque ita intra quadragesimum diem, seu quadragina dies postremos anni currentis hæc illatio fieret. Adeo quidem, ut cum integer canon auri intra eos dies, atque una iam solutione inferri deberet, hac l. prout quisque pendere potuerit, inferri permittatur, quo tempore voluerit, d. l. 2. *infr. de susceptor.* id est, ut accipio, diuisis solutionibus: Cui non adeo absimilis humanitas eiusdem Valentiniani Sen. altera constitutione inducta: puta l. 4. *Cod. Iust. eod. tit.* Placuit, inquit, ut Emphyteuticorum fundorum patrimonialiumque possessores, quo voluerint tempore, & quantum habuerint pensionis paratum (dummodo non amplius quam in tribus per singulos annos vicibus,) officio Rationalis assignent. Quanquam id magis concordat legi 15. 35. *supr. de annona & trib.* Et hæc quidem omnia, singularem Valentiniani humanitatem & moderationem arguunt, quam & idem hæceadem parte ostendat d. l. 11. *supr. de exactionib.* Est vero istud nominatim singulare, priuati enim creditores *μερίκην* solutionem admittere non coguntur.

Cur autem peculiaris, neque tam adstricta certis & definitis temporibus auri solutio fuerit, vel etiam olim extremis anni diebus eam fieri mos esset, aliter atque in annonæ solutione, causam hanc puto; quia scil. annonam in parato semper haberent possessores: at non & aurum, quod ex frugibus demum venditis colligere eis necesse erat: quod utique nonnisi extremo ferme anni tempore facere poterant, post excussas fruges & vindemias conditas.

IV. (a) Impp. Arcad. & Honor. AA. Firmino Com. (b) S. L. Post alia.

QVI prædia Patrimonialia, & Emphyteutica, priuatæ quoque rei, perpetuo (c) iure retinent, & Dominici Actores, (d) augmenti, (e) & (f) Superindicticii, (g) & onerum Rheticorum (h) dicuntur mediam nolle soluere pensionem: Igitur iubemus, ut moniti Rationales, sciant, ea quæ a Diuæ memoriæ Valentiniano (†) constituta sunt, quamprimitus esse seruanda. Dat. ix. Kal. Iun. Med. Honor. A. iv. & Eutychiano Coss. [398.]

NOTAE.

- (a) Absent hæc lex a *Cod. Iust.* Iungendæ ei sunt lex 11. *supr. de iurisdic.* & lex 6. *Cod. Iust. de exactor. trib.* quæ tamen *Theodoro PP.* inscribuntur. *GOTHOFR.*
- (b) *Firminus* Comes S. L. sub Honorio Imp. quomodo etiam præfert inscriptio legis 2. *supr. de domib. ad rem priuat. pertinentib.* & *Cod. Iust. l. 1. de collat. fund. fiscal.* Atenim hoc ipso Anno & sequ. in l. 22. *supr. de petitionib.* & l. 25. *infr. de susceptoribus;* habetur *Com. R. P. ID.*
- (c) Dixi de his *Perpetuariis* fundis ad l. 12. *supr. de extraordin. ID.*
- (d) *Dominici Achoris* fit quoque mentio d. l. 11. *supr. de iurisdic.* quæ huic iungenda est. *ID.*
- (e) *Augmentum* quid sit hic, mox dicam. *ID.*
- (f) Pro seu. *ID.*
- (g) De *superindicto* fuit *supr. tit. 6. hoc libr. ID.*
- (h) De *Rheticis* his oneribus agitur & l. 15. 18. *supr. de extraordin.* vbi dixi. *ID.*
- (†) *Valentiniani* constitutio. *ID.*

P. 146.

COMMENTARIVS.

SICVT IMMVNITATE ab extraordinariis oneribus omnibus, & quidem plenissima regulariter potiebantur patrimonialium & Emphyteuticorum, perpetuariorum fundorum possessores, Actoresque rei priuatæ: l. 1. 2. 5. 9. 12. 13. 17. 20. *supr. de extraordin. mun. l. 2. supr. de Indictionib.* Ita quandoque nonnullis extraordinariis pro certa tamen tantum parte obnoxii facti fuerunt, puta pro *media pensione* seu portione, id est, ut ipsi dimidium eius quod alii extra ordinem agnoscerent, præstarent. Quod præter hanc l. ostendit quoque Constantini M. lex 1. *supr. de extraordin. muner. Patrimoniales*, inquit, *fundos extraordinariis oneribus, vel Mediæ aut tertiæ portionis obsequiis fatigari non conuenit.* Mediæ igitur portionis pensitationem, quam Constantinus M. iam dudum sustulerat, Honorii nunc æuò redutam ex hac l. liquet.

De cuius sententia priusquam ago, notanda sunt onera extraordinaria, quæ h. l. distincte memorantur. Primum est *Augmenti*: Qua quidem appellatione accipiendum videatur *Augmentum pensionis*, quod ex noua licitatione noui conductoris accedentis priori pensitationi accedit: Huiusmodi scil. *Augmentum* priuatæ rei &c. possessores, conducto subire non tenebantur, id est, semel conductæ possessiones prætextu augmenti alicuius ab alio oblatis, possessoribus eripi non debebant, neque id augmentum agnoscere ii tenebantur, ex constitutione Valentiniani Sen. l. 1. 2. *supr. de pascuis.* Cuius mentio quoque fit l. 3. *supr. de locat. fund. iuris emphyt.*

Verum id huc non pertinet: *Augmentum* enim hic *παγαλλήλω* pro *superindicto* positum, quod etiam subiecta onerum Rhetorum mentio ostendit. Eadem voce vitur in hac re Cassiodorus IX. *Variar. 10.* *Augmentum* indictionale Ammianus Marcellinus, lib. 17. cap. 3. qui idem & incrementa *ibidem* vocat. Quibus similes appellationes plures habes in *Paratitlo*, *supr. de superind.* Ergo Honorius mediam augmenti istius portionem seu pensionem patrimonialia & emphyteutica priuatæque rei prædia perpetuo iure retinentes, possidentes soluere aliquando voluit: *Augmenti* inquam seu *superindictitii*: *superindictitium* proprie est extraordinaria specierum, equorum collatio; cui, priuatæ

rei possessores, modo in solidum, l. 12. *supr. de extraordin. mun.* modo, pro dimidia subiecti fueret. Postrema onera sunt, *onera Rhetica*: de quibus agitur l. 15. 18. *supr. de extraordin. mun.* ad quam l. 15. plenius dixi. Onera vero hæc, non alia fuerunt, quam paraueredorum & parangariorum ad instruendum limitem Rheticum annona militari.

Nunc de *huius l.* Sententia: quæ an ad subleuandos possessores & actores rei priuatæ: an vero ad eosdem prægrauandos pertineat, quæri potest. Ad postremum igitur hoc spectare videri possit, cum dicat lex, eos *nolle* soluere mediam pensionem, quibus verbis contumacia eorum perstringi videatur, & perstringi iubeatur; alioquin enim dicendum fuisset, *eos non posse.* Contra: Prior sententia & interpretatio magis placere videatur, puta hanc leg. spectare ad subleuandos rei priuatæ possessores, & Actores; Nempe cum his mediæ saltem pensionis præstatio prædictorum onerum & augmentorum, iudicta fuisset, neque mediam hanc soluere voluere, velut, iam satis grauati (de qua ratione v. l. 1. 13. 17. *supr. de extraordin.*) Quare & hanc eis remitti nunc a Rationalibus Honorius iubet: seruata super hoc Valentiniani constitutione. Et vero hæc ipsa Valentiniani constitutio argumento est, hanc l. ita ut feci interpretandam. Hæc enim proculdubio illa Valentiniani Senioris (non Iunioris, atque adeo non lex 18. *supr. de extraordin.* ut nonnulli censebant) constitutio est, & quidem famosa, cuius ut duo capita hoc Codice extant, puta lex 1. 2. *supr. de pascuis*: ita & alibi quoque eius mentio fit, puta l. 3. *supr. de locat. fund. iur. emphyt. l. vn. supr. qui conductor. rei priuatæ.* Ex quibus omnibus apparet, Valentinianum Sen. ea constitutione conductores & possessores actoresque rei priuatæ modis omnibus subleuatum iuisse: & nominatim *Augmenti* pensionum. Eadem igitur nunc h. l. Honorio mens fuerit, prælato Valentinianæ constitutionis exemplo: ac proinde Rationalibus fibulam imponit: pariter ut & in aliis duabus speciebus, quæ continentur l. 1. *supr. de iurisdic.* & l. 6. *C. Iust. de exactor. tributor.* quæ huic legi coniungendæ sunt, ut ostendit earum subscriptio, etsi alii, puta *Theodoro PP.* inscribatur: pro more scil. de quo in *Prolegomenis* prolixius.



P. 147.

DE CONLATIONE

DONATARVM(*)

V E L

RELEVATARVM(**)

POSSESSIONVM. (***)

TITVLVS XX.

LIB. X. COD. IVST. TIT. XXVIII.

Plenius & specialius, *De collatione donatorum, vel releuatorum, aut translatorum, seu adaratorum.*

(*) De his est *lex* 1. 2. 4. 5. *hoc tit. & l. 15. infr. de indulg. debitorum.*

(**) De his est *lex* 5. 6. *hoc tit. & l. 2. 13. & d. l. 15. infr. d. tit. de ind. deb. & Nouella Theodosii de releuatis 33. & Nouella Martiani 2.*

(***) Adde & de Translatis possessionibus *legem* 6. *hoc tit. & dictas Nouellas. Vt & de Adaratis; d. Nouellam Martiani 2. & d. l. 6. hoc tit. Quamquam & hæc duo releuatorum appellatione hic comprehenduntur: nam & releuationis species est translatio, & adaratio.*

P A R A T I T L O N.

DONATÆ quoque possessiones, *Rubr. donati fundi l. 1. 2. b. t. sacra liberalitate, l. 1. 2. b. t. principali munificentia, d. l. 1. & 5. hoc tit. largitate Principali, l. 4. b. t. dono data, d. l. 4. b. t. donata, absolute; l. 15. infr. de indulg. debitor. & Nouella de indulgentiis reliquorum, Martiani 2. in bene meritis de Republica, collata, d. l. 4. b. tit. (at non etiam recuperatæ, in specie legis 1. & 2. b. t.) 2. Item RELEVATÆ possessiones, *Rubr. hoc t. releuata iuga seu capita, l. 6. b. t. releuata absolute d. l. 15. & d. Nouella 2. & Nouella Theodosii de Releuatis 33. seu subleuata prædia, d. Nouella Theodosii 33. in quibus canon demptus ex parte, vel integer: d. l. 5. hoc tit. quæ aliquatenus tributorum munere subleuata, d. Nouella 33. v. & Nouellam Martiani 2.**

3. Item TRANSLATA: *dicta Nouella 2. & 33. id est, quæ in aliam præstationem translata, l. 6. hoc tit.*

4. Denique ADARATA, *dicta Nouella 2. & 33. Adarata leuius, d. l. 6. hoc tit. Hæc, inquam, possessionum genera, extra ordinem si adfisteret tanta necessitas, vt aliquid in adiumentum ærarii publica requireret expensâ, d. l. 4. hoc tit. cum id necessitas flagitabat, d. Nouella 33. conlationi, Rubr. auri atque argenti collationi obnoxiz reddebantur, l. 1. b. t. conlatio his adscribebatur, d. l. 1. b. t. conlatio auri atque argenti adscribebatur, l. 2. b. t. descriptio eis imponebatur, d. l. 15. infr. de indulg. debitor. certa quantitas eis indiciebatur, dicta Nou. 33. redditus conferebant, l. 5. b. t. certorum annorum, pro ratione diutinx possessionis, l. 4. 5. 6. b. t. De qua Auri argenti collatione num accipienda sit *lex* 2. infr. de Medic. & Profess. ad eam dicitur.*

I. (a) Imp. IVLIANVS (b) A. Aginatio (c) Conf. Byzacenæ.

ADMODVM nobis videtur absurdum, & a Nostorum temporum, (d) tranquillitate submotum, (e) vt hii qui præscriptionis sortem pertulerunt, (f) ad exemplum eorum qui fundos donatos sacra liberalitate tenuerunt, auri atque argenti conlationibus (g) redde-

rentur obnoxii, quæ sub Diuz memoriæ Constantio (†) adscripta est: cum multum interfit, inter eum qui Principali munificentia perfruitur, & eos qui propria recuperare meruerunt. Dat. prid. Id. Nouembr. Mampsyftæ, (h) Iuliano A. IV. & Sallustio Coss. [363.]

NOTAE.

- (a) Absunt huius tituli *leges* omnes a *Cod. Iust.* Earum loco vnica *lex* posita *eo Codice ex Nouella Theodosi* 33. de qua *ad l. ult. hoc tit. GOTHOF.*
 (b) IOVIANO tribuenda hæc *lex*, mox vt ostendam. *ID.*
 (c) *Aginatus* Proculdubio hic idem est qui postea sub Valentiniano Vicarius Vrbis Romæ fuit: de quo *Ammianus Marcellinus lib. 28.* non vno loco. Vid. *Profopogr. ID.*
 (d) Temporum suorum tranquillitati consulere affectabant Principes. *ID.*
 (e) *Senotum. ID.*
 (f) Et propria recuperare meruerunt: vt dicitur *sine l. & l. sequ. ID.*
 (g) *yp. Conlationi:* vt ostendunt sequentia. *ID.*
 (h) *Mompysstæ* vel *Mompysustæ:* de quo mox. *ID.*

II. (a) Imp. VALENTINIANVS & Valens AA. ad Mamertinum PF. P. (b)

EOS qui rem paternam, vel suam, a fisco recuperare meruerunt, a conlatione auri atque argenti, quæ adscripta est, & (c) his qui aliquid a Sacra liberalitate meruerunt, tutos (d) defensoresque seruari præcipimus. Dat. vi. Kal. Maii, diuo Iouiano, & Varronia-
no Coss. [364.]

NOTAE.

- (a) Iungenda forte *lex 2. supr. de Caesarianis. GOTHOF.*
 (b) *Mamertinus* PP. Italiæ, Illyrici, Africæ, sub Valentiniano Sen. Vid. *Ammianum Marcellinum lib. 26. cap. 5. & Profopogr. ID.*
 (c) Inducenda hæc vox, quæ occasione superioris vocis, *est*, irrepsit: & continuo filo ita hic legendum, *quæ adscripta est his &c. ID.*
 (d) *Tutos defensoresque*, id est, immunes. *ID.*

COMMENTARIVS.

REDDITÆ ab Imperatore possessiones proscriptis, eorumve liberis, a Donatis, his duabus Iouiani & Valentiniani Sen. constitutionibus quoad onus extraordinarium collationis separantur.

Quæ *lex* & Differentia vt intelligatur, duo præsupponenda sunt. Primum, Bona proscriptorum sæpe Principum indulgentia, proscriptis ipsis eorumve liberis reddi integrari solita: vt *ingenitum* scil. *est* (quomodo elegantissime ferme loquitur Arcadius l. 17. *supr. de bonis proscript.*) bonis Principibus, *duriores casu. & tristiores fortunam* Imperatoria humanitate mollire. Quomodo sane Libanius testis est *Orat. in Iuliani necem, pag. 298. edit. Morell.* a tribus initio Imperii Iulianei supplicio affectis, Iulianum, Tertii ex iis filiz non exiguum patrimonii portionem concessisse.

Secundo obseruandum (quod huius tituli argumentum est) *Beneficiis* Principum, id est, Donatis quondam possessionibus e fisco a Principe extra ordinem quandoque urgente necessitate & æarii inopia, collationem aliquam auri atque argenti indicam. Quod vtique non adeo iniustum aut inhumanum extraordinariæ indictionis & collationis genus fuit. Quæ enim iniuria est, eum qui de publico quid beneficio Principis meruit, extra ordinem deuotionem suam erga publicum efferre, potius quam miseros & inopes prouinciales extraordinariis oneribus subiaccere. Cum & alias magnum discrimen esse soleat inter ea quæ lucratiuo titulo & oneroso quæsitæ sunt; Cui rei exemplum

præbere potest, & in hoc ipso vœtigalium seu tributorum argumento *Vicesima hereditarium vœtigal.*

His ita præsuppositis, cum donatis possessionibus a Principibus subinde extra ordinem collatio auri atque argenti indiceretur, quæri iam cœpit, an *donatarum* appellatione venirent quoque *red-dite*, & sic an ii, quibus redditæ fuerant suæ vel parentum possessiones, olim proscriptæ fiscoque quæsitæ ad hanc collationem tenerentur? Id quod his duabus constitutionibus negatur: atque adeo differentia inter donatas & redditas statuitur.

Ratio indicatur *leg. 1. Admodum absurdum videri & a Temporum tranquillitate submotum*, si ii quibus redditæ sunt possessiones *ad exemplum* eorum quibus donatæ reuocarentur: cum multum interfit inter eum qui Principali munificentia perfruitur, & eos qui propria recuperare meruerint. *P. 149.* Nempe quibus restituta sunt bona, nec adempta quidem videntur: nam etsi casus ea ademerit, suæ tamen naturæ redduntur: atquin *propria* fuerunt, non beneficio Principis quæsitæ. Bonorum restitutio nouam possidendi causam non introducit, sed veterem restituit: vid. *leg. vn. sup. de sent. passis & restitutis.* Quæ harum legum decisio cumprimis notabilis est, & in vsum seu praxin optime traduci potest. Nam & ita Feudorum interpretes definiunt, si patronus vasallo seu clienti noxam commissi remittat, antiqui feudi seu beneficii concessionem hanc non noui donationem videri:

deri: similiter a Pragmaticis statuitur, fundum commissum, & restitutum, dominicum seu domanialem retro nunquam fuisse videri: de cuius rei usu vide Choppinum pluribus *lib. 1. de Domino, cap. 9.* Ac maxime, si breui intra biennium a confiscatione bona restituta fuerint, quia intra id tempus nondum recte fiscales fuisse videntur: alioquin post biennium iam fiscales omnino fiunt, in *sp. d. l. 17. sup. de bonis proscriptorum.* Ambrosius quoque hanc ad rem aduerlus Symmachum *initio lib. 1. de sumptibus carumiarum* agens a Gratiano detractis, quos Gentiles a Valentiniano Iun. repetebant: *Quod enim, inquit, IAM DVDM vel fisco, vel arce est vindicatum, de Tuo magis conferre videre, quam de suo reddere.* Quinquam *leg. 2. h. t.* nullum discrimen temporis ponitur. *Eos, inquit, qui rem PATERNAM vel suam a fisco recuperare meruerunt.* Et vero simile mihi, id quod a Iouiano *prout* constitutum fuerat *leg. 1. de propriis bonis* a Valentiniano produci ad paterna quoque bona, post multum temporis licet; reddita: Nam & hæc non minus proprii sunt, ut quæ iure sanguinis deferuntur, *leg. 11 D. de liberis & postumis.* Eodemque exemplo, & vicissimarium vectigal ex huiusmodi hæreditatibus seu bonis olim non exactum: vid. Plinii Panegyricum cap. 47.

Tria interim adhuc ad *leg. 1.* obseruanda. Primum, Collationis huius extraordinaria donatis possessionibus indiciæ, Constantium primum auctorem indicari; *Auri, inquit, atque argenti collationi redderentur obnoxii, quæ sub Diuæ memoriæ Constantio adscripta est.* Etsi in Maxnardi Codice ad me transmissio a P. Puteano, suspicetur qui ad eum *Notas* quasdam adscripsit, hic legendum *Constantino.* Quod non probo: mihi quippe mens ea, *Constantium* omnino huius collationis auctorem videri. Nempe Constantinus res reditusque & possessiones Temporum priuatis quamplurimas passim donauerat, frustra ringentibus Gentilibus. Ipseque etiam Constantius; quo nomine Libanius eum passim sectatur, *Orat. pro templis, p. 23. edit. Gzthofred. su. num. 9. pag. 486. Oper. minor. Gothofr. ex Edit. Trotzii, & in Iuliani necem, p. 253. 266. Edit. Morelli. vid. & Socratem lib. 3. c. 2. & Sozomenum lib. 5. c. 5.* Igitur Constantius videns opes quamplurimas in priuatos ita tum patris sui, tum suo beneficio congestas, rerum necessitate deposcente, & ut puto suggestione Iudicum & Palatinorum Gentilium, donatis ita possessionibus hanc collationem iudicendam credidit, neque absurde neque inhumane: Sane & *l. ult. inf. hoc tit.* nominatim agitur de donatione possessionum iuris Temporum.

Secundo obseruandum, *d. legem 1.* non Iu-

liano, verum IOVIANO adscribendam: non vno argumento. Primo quidem, quia *Constantius diuæ memoriæ* hic vocatur: quod quidem Iuliano non conuenit, utpote qui passim Constantino & Constantio, pariter ut Christo *χρ.* & *καππα* bellum indixerat, eosque adeo citra honoris alicuius præfationem memorare & nominare solet: Sic Constantinum patrum suum vocat simpliciter, *l. 1. sup. de dominio rei quæ poscitur:* et *l. 3. sup. de contrah. emt.* Imo Constantini M. Constantique constitutiones abrogans, ne nominare quidem eos sustinet. Alterum argumentum desumo ex loci & temporis subscriptione: Iuliano quippe iam VI. Kal. Iulii mortuo, Iouianus suffectus Antiochia Ciliciam profectus est (in qua MOPSVESTIA testis Ammianus Marcellinus *lib. 25. cap. ultimo: Moratum, inquit, paulisper Antiochiæ Principem (Iouianum) exeuendi mira cupiditas agitabat: proinde flagranti hyeme inde profectus, Tarsum urbem Cilicum nobilem introiit.* Profectus itaque Antiochia Iouianus Tarsum Ciliciæ, transitu prius per Mopsuestiam facto, quæ interiacebat. Itinerarium Peutingerianum *pag. 762. 763. Edit. Oper. M. Velferi: ANTIOCHIA, & post, Anazarbo, Mompisista, Adana TARSO Ciliciæ.*

Cæterum (quod Tertium) locus hic non vno modo designatur: communiter, non a Græcis tantum, sed & a Latinis *Mopsuestia*, a Mopso Vate: v. Strabonem *lib. 9. in fin. et lib. 14. pag. 993. Edit. Almelovcen.* Ammianus Marcellinus *lib. 14. cap. 8. Ciliciam, inquit, Tarsus nobilitat, & Anazarbus, & Mopsuestia, Vatis illius domicilium Mopse.* Procopius *περί κτισμάτων lib. 5. cap. 5. πάλαι δὲ πρὸ ἐστὶν ἐν Κίλικίᾳ ἡ Μόψα, τὴ μάντεος, ὅς φασι, ἐκείνη τὴ παλαιὰ ἐστὶν:* urbs est Ciliciæ Mopsuestia, vatis, ut ferunt, illius antiqui opus. Stephanus de Urbib. *Μέψα ἐστὶ, Κιλικίας, ἐπὶ τῷ πυράμῳ ποταμῷ, ἀπὸ Μέψα τὴ μάντεος.* *Mopsibestia, opidum Ciliciæ, juxta Pyramum fluvium, a Mopso vate.* Aliquando tamen vna litera m auctius *Mompsuestia*, vel *Mompisista*: ut in Itinerario Peutingeriano, & apud Constantinum *περί θεμάτων lib. 1. them. 2. pag. 14. edit. Mompsi 1617. in 8. Τάξις καὶ ἡ Μόμψα ἐστὶ, Τάξις ἔστι Μόμψα domus.* Et vero & in hac *leg.* id ita expressum fuerat *Mompisista*: non vt editum *Mompisista.* Vnde Ortelius *Mompisistum* in Thesouro locum peculiarem sibi incognitum ex hoc *Codicis Theodosiani* loco efficiebat. *Mopso* vocat Plinius *lib. 5. c. 27.*

Illud tandem notandum, ea, quæ de Constantio hac *leg.* dicuntur, de ipsis donationibus a Constantio factis a nonnullis accipio.

III. (a) Impp. Arcad. & HONOR. AA. Hadriano PF. P. (b)

EXIGVA quodammodo (c) Edificiorum pensitatio, nullum erga possessiones suas superindicti (d) oneris pondus agnoscat. Per omnes autem ciuitates (e), municipia, vicos, castellos (f), ex Horreis, Balneis, Ergasteriis (g), Tabernis, Domibus, Cœnaculis, Salinis etiam omnibus (præter Mancipium (h), quæ (i) Populi Romani lauacris (k) inseruiunt, vel his, quæ in memoratis locis sub pensionis locatione retinentur) nullius excepta persona, vnus anni, hoc est terriæ Indictionis, deuotione (l) congrua, a locorum dominis pensio conferatur (excepta scilicet Eternabili (m) Vrbe, quam ab huiusmodi munere

reuerentia propriæ Maiestatis excusat.) Ea videlicet ratione seruata, vt si qui dominorum defuerit, vel à Procuratoribus, vel ab his qui hæc loca sub conductione de-
tentant, id quod præceptum est inferatur, dominorum rationibus inputandum: ea con-
dizione seruata, vt sciant tantum quantum ipsi percipere consueverunt, omni maturitate
oportere conferre. Dat. III. Non. Octob. Rau. Stilicone & Aureliano Coss. [400.]

NOTAE.

- (a) Fugitiua hæc lex est: mox vt ostendam. Forte iungenda ei lex 3. *C. Iust. de locat. prædior. ciuilium.* GOTHOFR.
(b) *Hadrianus* P. P. Italiae sub Honorio: v. *Protopop. ID.*
(c) *Quodammodo*, id est ferme: vel, vt Saluianus loqueretur, *admodum*. Nisi forte quis hic legat, *Exigua quidem admo-
dum. ID.*
(d) De *superindictio* fuit supra *titulus* peculiaris. *ID.*
(e) Ita l. 16. *inf. de Episcopis: In qualibet Ciuitate, in quolibet oppido, vico, castello, municipio &c.* Ita l. 13. *sup. de de-
fectorib.* ad eundem Hadrianum P. P. *Præmationum urbium, vicorum, castellorum.* Augustinus *ep. 30. (scilicet Ep. 185.)
ad Bonifacium de correctione Donatistarum, cap. 8. num. 33. pag. 657. Tom. II. Oper. Edit. Benedictin. Paris*)
comuerso ordine, *Quot liberantur per istas leges ab illa pestifera æternaque pernicie fundi, pagi, vici, Castella,
municipia, ciuitates.* Vide alia in *Orbis Romani descript. ex Cod. Theod. de vicis* insuper v. l. 33. *inf. de Episco-
pis. ID.*
(f) 79. *Castella*, error ortus ex superioris vocis *δημοκρατία. ID.*
(g) *Ergasteria*: de his v. & l. 9. 42. *inf. de operib. publ. l. 5. sup. de metatis: l. 14. inf. de Episcopis. ID.*
(h) 79. *Mancipum*: nisi *Mancipium* hic pro *mancipum*: qualia multa *hoc Codice.* Porro, de mancipibus his therमतум
est infra peculiaris *titulus lib. 14. tit. 5. ID.*
(i) Non audio virum doctum reponentem qui: *Quæ salinæ scilicet mancipum: vt mox vel his quæ.* Nempe, vt mancipēs
Salinarum populi Romani lauacris inferuebant, ita non minus *Mancipum salinæ inferuire* dici poterant: verum de
eo mox plura. *ID.*
(k) Vid. quæ dixi ad l. *pen. inf. de oper. publicis. ID.*
(l) De hac *Deuotionis* voce, vid. *Glossarium. ID.*
(m) *Æternabilis* vrbs Roma: vt *Æternabilis domus*, Principis scilicet l. 5. *sup. de locat. fund. iur. emphyt.* Alioquin *Æter-
na* Roma: vid. *Orbis Rom. descript. ID.*

COMMENTARIVS.

VRBANA PRÆDIA, vt regulariter ad colla-
tionem aliquam non vocabantur, ita hæc tem-
pestate extra ordinem vocari cœpere. Et vero ab
Honorio hac constitutione vocantur, A. D. 400. di-
stinctione tamen facta, inter vrbana prædia, exi-
guæ pensitationis, & magnæ: vt horum nomine
videl. vnius anni & tribus pensio conferatur, id est
reditus integer illorum prædiorum vrbiorum:
illorum nomine, nihil. Quod vtique superindicti,
seu extraordinariæ collationis genus haud adeo
iniquum, vrgente Reipubl. necessitate: cum
hæc prædia, non minore reditu seu quæstu, mino-
re etiam sumptu & opera, quam rustica cen-
seantur.

Quo in censu hac l. memorantur I. *Horrea*: in
quibus scilicet & pretiosissimam fortunarum suarum
partem, merces, frumenta, vina, penum, Romani
condebant custodiæ causa; de quo fidem faciunt
innumeri Iuris textus, quos collegit Brissonius 4. *Se-
lect. 18. & lib. 8. de verbor. signific.* quibus locatis non
minimam mercedem & pensionem corrogabant: sic
vt in quæstu & reditu omnino essent: l. 20. §. 1. *D. de
annuis legatis: l. ult. §. 1. D. qui potiores: l. 3. D. in
quibus causis pign. l. 55. §. 60. §. 6. & 9. fin. ultim. D.
locati: l. 1. 4. Cod. Iust. de locato.* Secundo, *Bal-
nea*: Priuatæ balneæ scilicet fuerunt, ex quibus lo-
catis quæstus quoque fiebat. De his illud Inuena-
lis *Satyr. VII. v. 3. 4.*

— cum iam celebres, notique Poetae,
Balneolum Gabii, Romæ conducere furnos,
Tentarent:

Item *Satyræ VII. v. 233.*

Dum petit aut thermar, aut Phæbi Balnea:

Vbi vetus Scholiastes, *Priuatæ*, inquit, *balneæ*, quæ
Dafnes appellantur. De his fuit *titulus* sup. pecu-
liaris lib. 7. *Ne Comitibus & Tribunis lauacra præ-
stentur.* Signanter *Priuatam* dictæ videntur l. 12.
sup. de metatis, vbi dixi. Tercio, *Ergasteria*, *Tab-
ernæ*: de quibus *Ergasteriis* priuatis, id est, taber-
nis quæ mercimoniis deputatæ, agitur quoque l. 5.
sup. de metatis: l. 14. inf. de Episcopis: pariter vt de
Ergasteriis publicis l. 9. 42. *inf. de operibus publicis.*
vbi dixi. Quarto *Domus*: Domus scilicet ab ædificiis
vt hic distinguuntur, ita ædificia sunt exiguæ habita-
tiones, quæ domini tantum vsibus & habitationi de-
seruiunt, mansiones spatio angustiore l. 3. *inf. de
aquæductu.* *Domus* vero latiores & lautiores; sum-
marque, & maioris meriti, d. l. 3. *inf. de Aquæductu*:
quæ proinde locatæ in quæsta erant. Quinto, *Cœ-
nacula*. Cœnacula hic non videntur *δαιτῆαι* do-
mus partes, & membra habitationi destinata, quo
sensu alioquin cœnacula dicta, verum separata ædifi-
cia & secreta: de quibus ita *Glossarium Nomicum*:
*ὀπισθὸν ἐστὶ τὸ ἀνοδὲν κατασκευασθὲν τῷ μισθω-
θέντι ἐδαφὺς οἶκῳ.* Scæuola l. 20. §. 1. *D. de
annuis legatis: vti det ex reditu Cœnaculi mei &
Horrei.* Neque aliud puto, quam quod in *Glossis*
Philoxeni, *δερπητήριον ὀπισθόν*: nempe conuiuīis
& epulis peragendis. *Salles a festin & a faire
noces.* Sexto, *Salinæ* quoque priuatæ hoc nume-
ro memorantur: quarum mentio alioquin etiam fit

l. 4. §. 7. D. de censib. l. 5. §. 1. D. de reb. cor. qui sub tutela: l. 32. §. 2. 3. D. de usufr. legato. Nempe & hæc in quaestio: quare & his nunc ab Honorio extraordinaria collatio imponitur: unde apparet, immunes eas fuisse ab extraordinaria collatione haud aliter, atque urbana ædificia alia.

Et Duo tamen adhuc Salinarum & hominum genera ab hac extraordinaria collatione excipit Honorius. Primum scilicet Mancipes thermarum Urbis Romæ: de quibus erit peculiaris titulus *5. infra lib. 14. de mancipib. thermarum urbis & subuectione lignorum*: Nempe mancipibus thermarum, id est qui lauacrorum Romæ publicorum calefaciendorum curam præstabant, lignaque præbebant, cuiusdam permutationis loco salinæ publicæ datæ exercendæ: itaque promiscue *mancipes thermarum, & mancipis salinarum* dicti. Symmachi loci tres de his, *lib. 9. ep. 96. Iuuandi sunt mancipis salinarum, qui splendori atque usui Patriæ Communis inferuiunt.* Lib. 10. ep. 58. *Mancipes salinarum lignorum obnoxii sunt functioni.* Et Auctarii Ep. 19. *Adiuuandi sunt, communis Patriæ corporati: præcipue mancipis salinarum, qui exercent lauacra lignorum præbitione.* Itaque & hac leg. *Salina hæc dicuntur Populi Romani lauacris inferuire*: ut ipsi Mancipes *l. vi. d. t. de mancip. therm.* & superioribus *Symmachi* locis: ut proinde non debuerit vir doctus hic vocem *que* in *qui*, mutare. Hos igitur mancipis salinarum ab extraordinaria collatione immunes haberi vult Honorius *h. l.* nempe, quia lignorum præbitione & pensatione harum salinarum nomine iam obnoxii erant. Non par scilicet habenda est ratio eorum, qui salinas habent proprias & sic quaestuarias, & eorum, qui salinas habent titulo oneroso. Quare secundo & conductores salinarum immunes esse vult Honorius, ut qui iam salinarum nomine canonem & pensionem de more præstant: ut hæc duæ exceptiones propriæ respiciunt, ita Tertiam addit,

sed alia ratione innixam, non propter contemplationem inquam ordinariæ pensationis, sed propter singularem quandam prærogatiuam, & generalem. Quæ illa? Nempe ab hac collatione extraordinaria omnia horrea, balnea, ergasteria, tabernæ, domos, cœnacula, in vrbe Roma constituta, immunita esse iubet: *excepta scilicet Eternabili vrbe quam ab huiusmodi munere reuerentia propriæ Maiestatis excusat.* *Προνομία* hoc inter alia Urbis Romæ obseruandum est, *ob reuerentiam propriæ Maiestatis.* Maiestatis Urbis Romæ est, ne æquo cum cæteris ciuitatibus, municipiis, vicis, castellis, iure hæc parte censeatur: quinimo e Maiestate eius est, eam horreis, balneis, ergasteriis, tabernis, domibus, cœnaculis frequentari: quod utique minus procederet, si his aliqua collatio immineret. *Huius leg. argumento hac parte vitur recte Brettius Orat. 20. pag. 106.* Simile vero priuilegium datum vrbi Constantinopolitanæ *l. 6. sup. de extraord. mun.*

Modus autem istius collationis extraordinariæ hic imponitur; ut *vnus anni sit, hoc est Tertie indictionis*: id est, ut triennali pensione & quaestui, vnus anni pensio, quanta percipi consuevit, conferatur. Cui non adeo absimilis est modus *leg. 5. inf. definitur.*

Ex hoc interim loco colligi posse videtur, Triennales fuisse conductiones & pensiones: quid enim alioquin sibi vellent illa, *vnus anni*, Hoc est, *tertiæ Indictionis*. Sane & publicorum locationes triennales hac tempestate fuere, id definiente Constantino *M. l. vi. sup. de uectigalib. seu l. 4. C. iust. cod. tit. de Indictionibus* dictum proprio loco: hic interim obseruandum *Indictionem & annum* pro eodem sumi.

Ex his omnibus iam apparet, *hanc leg. ab hoc titulo* fugitiuam esse.

IV. (a) Impp. HONOR. & Theod. AA. Trygetio (b) Com. R. P.

LARGITATES, tam Nostræ Clementiæ, quam retro Principum, ex eo tempore quo in bene meritos de Republica conferuntur, tenere perpetem firmitatem præcipimus: ut quod vnusquisque meruit, & recte transmisit, nec (c) ad heredem, nec ad originem filiorum, nepotumue sollicitudinem reuocetur. Nec quicquam (d) pro his possessionibus, quæ largitate Principali iamdudum in singulos quosque conlatæ sunt, damnosæ conuentionis (e) molestiam pertimescat. Sane (quod non optinuit) si vnquam obliterit (f) tanta necessitas, ut aliquid in adiumentum (g) ærarii nostri publica requirat expensâ, adiuuari nos biennali pensione præcipimus, quæ non grauat possessorem, ut & temporum rationem & possessionis (de cuius non potest soliditate (h) dubitari) ante oculos conlocemus. Ideoque, si quando in dono datis *intra quinquennium* possidentem necessitas dandi forte reppererit, hunc a conlatione esse iubemus alienum: Si vero *post quinquennium*, intra decem annorum spatia, fuerit possessor inuentus, mediam biennalis pensionis inferat portionem: Hi vero qui *supra decennium* dono data inuenti fuerint prædia possidere, si emerferit vlla necessitas, integra biennali nos adiuuent pensione. Quod si, contra hanc formam, scientia Iudicis, vel Executoris conuentio, pulsandum (i) intra hæc tempora iudicauerit possessorem, ad multam sexaginta librarum auri perfoluendam se nouerint adstringendos. Nec Officium Palatinum hac excusatione vtatur, ut *pauco esse* adferat, ad quorum partes & Scrinium (k) hæc cura pertineat: Sed omnes omnium Scriniorum totius militiæ, (quod (l) sub priuato (m) meret ærario, ad præscriptam pœnam se nouerint adtinendos; ita ut Primates (n), præter

ter damnum (o), etiam cinguli amissione multentur, si cuiquam, prouidentiam (p) simulant, consensum in hac suggestione, aut instructionem præbuerint: Ipsum enim (q) co-
dicem, causam (r) concussionis & fraudis, & vniuersa scripturarum genera tali connexa ne-
gotio, ne vestigia timoris posthac vlla remaneant, in conuentu Prouincialium flammis
iubemus exuri; Eademque poena, si posthac vlla (s) extiterit, quod (t) in ipsa (v) alia-
ve prouincia huiusmodi adferat se proferre documentum, pro publica quiete, de-
perire. (x) PP. (y) in Foro Traiani, xiv. Kal. Iun. Asclepiodoro & Mariniano Coss.
[423.]

NOTAE.

- (a) Papius lib. *Responforum* t. 1. de patris vel matris donatione, & munificentia dominorum. §. ult. huius leg. memi-
nit: relata priore eius sententia. De donationibus, inquit, Dominorum (id est Principum) proprietates accipientium
etiam circa heredes & probatiles lege firmatur: id est ex corpore Theodosiani lib. XI. tit. XX. *Strategio Com.*
R. P. GOTHOF.
- (b) Papius habet *Strategio Com. R. P. Male*. Sane Symmachus lib. 1. ep. 38. Trigetii cuiusdam meminit: & Augustinus
sepe Trigetii meminit, quem ciuem suum & discipulum vocat, lib. de vita beata: & Paulus Diaconus in vita Theo-
dosi Junioris lib. 14. hist. miscell. pag. 94. Tom. I. *Script. Rer. Ital.* meminit Trigetii, qui Vandalis Africæ portio-
nem dedit ad habitandum, pace magis necessaria quam vtili. Omitto posteriora. Meminit & Prosper *Chroni-*
co. ID.
- P. 152. (c) Sententia hæc vel corrupta est, vel barbari omnino Styli. *ID.*
- (d) *ꝑꝑ. quisquam. ID.*
- (e) Id est, Extraordinaria collationis seu superindicti. *ID.*
- (f) Ita habet Parisiensis Editio postrema: nam alia omnes habent, *extiterit*: forte & hic legendum *adstiterit*. Quan-
quam & istud seruari potest. *ID.*
- (g) *Les AYDES. ID.*
- (h) *Soliditas possessionis. ID.*
- (i) *Pulsare*, est conuenire, vexare, v. *Gloss. ID.*
- (k) *Scrinium beneficiorum* intelligit, de quo mox. *ID.*
- (l) *ꝑꝑ. Quæ &c. merent. ID.*
- (m) Ideo etiam hæc *lex* inscripta Comiti R. P. *ID.*
- (n) *Primates* seriniorum. *ID.*
- (o) *Dammum* hic pro multa, poena: vt l. vn. sup. de infirm. pan. calib. *ID.*
- (p) Id est publicam necessitatem & vilitatem obtendenti. *ID.*
- (q) *Malim, etiam. ID.*
- (r) *ꝑꝑ. Causam. ID.*
- (s) *ꝑꝑ. Vltus. ID.*
- (t) *ꝑꝑ. Qui. ID.*
- (v) *Forte, ista. ID.*
- (x) *Deperire*, pro perire. *ID.*
- (y) *Proposita hæc lex in foro Traiani*: pariter vt decem alie hoc Codice constitutiones: puta lex 4. sup. ad SC. *Claudian-*
um: l. 6. sup. ad L. *Iul. de adulter.* l. 3. sup. de sepulchro viol. l. 2. sup. de iure fisci: l. 2. & 31. sup. de petitionib.
l. 1. inf. de priuileg. Corpor. V. R. l. 2. ad leg. *Cornel. de fals.* l. 2. inf. de habitu, quo vti op. intra urbem: l. vn. inf. de
Campo Martio. At in foro Aproniani proposita, lex 29. inf. de nauticariis. vide *Prolegomena. ID.*

COMMENTARIUS.

DE DONATIS a Principe possessionibus duo
capita hac Honorij constitutione ad Comitem
R. P. emissa continentur: quorum prius ab hoc titu-
lo fugitiuum est. Nempe in vniuersum Honorius
Donatariorum huiusmodi securitati gemina ratio-
ne consultum it. Primum, Irreuocabilem huius-
modi donationem esse iubet: sic vt a donatarii hæ-
rede, quocunque gradu, nunquam remocari possit:
(hæc enim sententia est verborum illorum, nec ad
heredem &c.) Cuius tamen reuocationis facien-
de Auctores nonnulli hac tempestate Honorio

fuisse videntur: tum ipsa rerum & temporum ne-
cessitate suadente: tum & quia cæteroquin ante-
riorum Principum largitates non ante firmæ cen-
sebantur, quam eas Princeps nouus ratas esse iussisset;
de quo more tralatitio iam supra, titulo de petiti-
onib. Verum hac constitutione Honorius donatio-
nes Principum ex eo TEMPORE quo factæ fue-
rant perpetem firmitatem tenere iubet. Quomo-
do ferme Constantinus l. 2. sup. de iure fisci: & l. vn.
sup. de quinquen. præscript. l. 1. sup. de longi temp.
præscript. Hoc primum,

Aterum caput *huius tituli* proprium, est de modo tantum *collationis* extraordinariæ, rerum necessitate urgente ab huiusmodi donatoriis faciendæ: Nempe, quinquennalem possessorem ab ea immunem esse prorsus iubet: ultra quinquennium, intra decennium possidentem, anni vnus pensionem conferre vult: Decennale & ultra possessorem, biennii. Hæc Honorii *hac constitut.* moderatio est, cum hæcenus maior modus libris beneficiorum adscriptus exigeretur, vt *sine leg.* docet: neque tanta postea Theodosii Iunioris *lex prox.* 5.

Ad eandem vero Honorii hac parte humanitatem pertinet, bene longa Sanctio *extremo legis*: cuius hic sensus est, Primo, *Iudicem*, & Executorem ultra exigentem, 60. librarum auri multa ferendum. Secundo, *Palatinos* omnes, qui sub dispositione Comitis R. P. sunt, hac pœna teneri: cuiuscunque tandem *scrinii* sint, non modo *scrinii Beneficiorum*, ad cuius aliquin partes hæc cura proprie pertinebat: Nempe quatuor *scrinia* sub priuato ærario merebant, seu sub Comite R. P. erant, quod testatur *lex ult. sup. de Palatinis S.L.* Id ipsum & *Notitia Imperii* docet: vide sub Comite R. P. quatuor *scrinia fuisse Beneficiorum, Rationum, Securitatum, Largitionum priuatarum.* Igitur ad *scrinium Beneficiorum*, rerum a Principibus donatarum ratio & cura pertinuit; non vno fine, inter alia, vt modus beneficii perfectus esset: Sane iam inde a Prisco, Principes libros beneficiorum habuere. Lampridius *Alexandro Seuero cap. 46. Cogitabat secum & Descriptum habebat, cui quid prestitisset: Dabat autem hæc in Beneficiis, que famam eius non lederent.* Hyginus *de limitibus constit.* pag. 193. edit. Goers. *Si qua beneficio concessa, aut assignata colonia fuerint, in LIBRO BENEFICIORVM adscribemus.* Dolabella pag. 309. edit. Rigalt. & pag. 301. edit. Goers. *int. Script. Rei agrar. Queris, si in LIBRO BENEFICIORVM regionis illius beneficium alicui Augustus dederit.* Vetus Inscriptio & hæc laudatur apud Gruterum DLXXVIII. l.

M. VLP. IO. AVG. LIB. PHAEDIMO. DIVI. TRAIANJ. AVG. A. POTIONE. ITEM. A LAGVNA. ET TRICLINIARCH. LICTORI. PROXIMO. ET: A COMMENT. BENEFICIORVM. VIXIT ANN. XXVII. ABCESSIT. SELINVNT. PRI. IDVS. AVGVS. NIGRO. ET. APRONIANG. CCS RELIQUIAE. TRAIECTAE. EIVS. III. NONAS. FEBR. EX. PERMISSV. COLLEGII. PONTIFIC. PIACVLO. FACTO. CATVILINO. ET. APRO. COS DVLCISSIMAE. MEMORIAE. EIVS. VALENS AVG. LIB. PHAEDIMANVS. A. VESTE. BEN. MER. FECIT

Sane & Codices scripturæque, quorum mox *hac leg.* mentio fit, in hoc censu fuere. De Beneficiis Aquæductuum, vid. l. 6. *inf. de Aquæductu.* Denique *Beneficii* vox hæc in re propria: quæ hoc sensu quater usurpatur *l. prox. quinquies l. ult.* Ad rem. Non *scriniarios* tantum Beneficiorum, sed & cæteros multari vult Honorius superexigentes in *sp. huius leg.* Quod utique singulare est, ob vnus videl. *scrinii* noxam, & cæteros puniri, quamlibet diuisis & distinctis manibus.

Tertio, *Primates* cuiusque *scrinii* etiam cingulo seu militia sua multari iubet Honorius *hac l.* Nempe *Primates* *scriniorum*, seu *Primiscriuarii*, rerum agendarum instructiones præbebant, consensum accommodabant: de quo *alibi.* Hic interim nota *Primates* *scriniorum* sub Comite R. P. qui *Primicerii l. ult. sup. de Palatinis*: quales & sub Comite S. L. fuerunt l. 3. 14. 15. 19. 21. d. tit. *de Palatinis.* Quarto, Tandem & *Libros* seu codices scripturasque quibus maior *collationis* modus adscriptus fuerat, comburi iubet, ad *Prouincialium* securitatem: de quo comburendorum codicum, ac nominatim *fiscialium*, more dixi ad l. 3. *sup. de iure fisci.* Ratio vero hic eleganter additur, *ne* vestigia timoris vlla post hæc remaneant: Argumenta flagitandi dixit Plinius *Panegyrico*, ni fallor. Imo & deinceps huiusmodi libros, vel documenta proferentes eadem pœna perire, id est flammis exuri iubet.

V. (a) Imp. THEOD. A. Asclepiodoto PF. P. (b)

AB vniuersis, qui, post obitum Diui Aui (c) Clementiæ meæ, ex (d) munificentia tam Diuz recordationis Patris (e), ac Patru (f) mei, quam etiam Serenitatis (g) Meæ, fundos cuiuslibet iuris petiuerunt*, sub hac dispositione (h) redditus conferantur, vt quicumque a præsentis die triennio possident, vnus anni habentes immunitatem, pro reliquo biennio medii anni conferant redditus. Ex triennio vero vsque quinquennium, vnus anni; a quinquennio vsque ad decennium, biennii: a decennio & ultra, triennii. In ** qua dispositione etiam hij habebuntur, qui *dempto canone* possessiones, cuiuslibet iuris donationis obtinent titulo: aut cum essent domini possessionum, canonem (ex parte vel integrum) adimi exorauerunt. Ita tamen, vt qui fundum dempto canone accepit, redditus vniuersos quos ipse percepit, iuxta datam dispositionem temporis soluat. Qui vero dominus constitutus possessionis tantum canonis promeruit releuationem, canonem tantum prædat (i) a (k) forma, hoc est, aut dimidii anni, aut vnus, aut biennii, aut triennii soluat: Eadem *** ratione etiam illi tenendis, qui reuelationem iugationis ex simplici *Beneficio* (l) meruerunt. Sane qui *Inspectorem* (m) specialem, ac (n) si de ieiunis (o), ac desertis possessionibus, accepisse dicuntur, electionem a sede Culminis Tui (p), propositam amplectantur, & aut soluant, vt dictum est, quod nunc consequuntur lucris, pro rata temporum ratione, aut, si hoc moleste tulerint, patiantur denuo alios *Inspectores* (q) dirigi.

dirigi. Quod † si qui ex possessionibus Principali sibi quondam liberalitate donatis, postmodum quasdam aliis, aut venundedit, aut ipse donauit, pro his quidem quæ venditæ probabuntur, ille se statutis præsentibus obnoxium esse cognoscat, qui videtur (r) pretium consecutus. Cui vero non vendita, sed legitime donata, vel iure successionis adquisita possessio est, is profecto debet iustius attineri (s), ad illa præstanda iuxta tempora præfinita, qui adipisci in præfenti ex donata sibi met possessione monstratur. Qui vero alterius nomine ex munificentia Principali donatos obtinet fundos, quique releuationis; vel peræquationis *Beneficium* simili modo consecutus ostenditur, ipse ad huiusmodi solutionem debet adstringi, qui non ut petitor, sed ut dominus, & possessor rei poterit adprobari. Vel certe, si hoc, casu quodam, patere forsitan non valebit, ab ipsa possessione, quæ vel donata, vel peræquata, aut releuata est, supradictis (r) fructus *Beneficii* conferantur. Scituris †† cunctis, quod quisquis prædictam præstationem intra quatuor menses, ex quo fuerit admonitus, inferre distulerit, ipsas possessiones, quæ donatæ (v) eidem videntur, amitter: Hii vero qui certum quid (x) collationis seu functionis indicat, pro temporali possessione, præstiterint, pleno in posterum *Beneficio* Principali, quod aliquando meruerunt, munere perfuerunt. Dat. III. Id. Maji, Constantinop. Victore v. c. CONS. [424.]

NOTAE.

(a) Abest & hæc lex a *Cod. Inst. GOTHOF.*

(b) *Asclepiodotus* PP. Orientis sub Theodosio Iun. vid. *Prosopogr. ID.*

(c) Theodosii M. *ID.*

(d) A. *ID.*

(e) Arcadii. *ID.*

(f) Honorii. *ID.*

(g) Theodosii Iun. *ID.*

* Prima sententia de PETITIS possessionibus. *ID.*

(h) Ita postea iuxta datam dispositionem: item, in qua dispositione. De hac *Dispositionis* voce v. *Gloss. Theodof. ID.*

** Secunda sententia de RELEVATIS canone possessionibus. *ID.*

(i) Prodat, id est producat, exsoluat. *ID.*

(k) An pro DATA forma, id est, prodat data forma, id est, secundum formam superius expressam soluat: quanquam & ita possis, prodat ea forma: vel denique, quod mihi maxime probatur, pro data forma &c. soluat: ut sup. iuxta datam dispositionem. *ID.*

*** Tertia sententia, de PERAEQVATIS Iugationibus, missis Inspectoribus. *ID.*

(l) *Beneficii* vox hæc quater hac l. repetita, & quinque l. *prox.* hac in re propria. Hinc scrinium beneficiorum sub Com. R. P. de quo dixi ad l. 4. sup. *ID.*

(m) De Inspectoribus his iam dictum ad l. 31. 33. sup. de annona & trib. & plenius inf. suo tit. de Censitoribus &c. *ID.*

(n) Veluti. *ID.*

(o) Ieiunæ possessiones: ita l. 3. inf. de Censitorib. squalidiora adque ieiuna, culta adque opima compensent. *ID.*

(p) Præfecti Prætorio. *ID.*

(q) Quod ipsis longe durius futurum. *ID.*

† SECVNDVM caput, de TRANSLATIS postea in alium, quam cui donatæ, possessionibus; id est de Novis dominis vel Possessoribus. Ac primum de translatis venditione hic. 2. donatione, successionem, *vers. cui vero.* 3. possessione *vers. qui vero.* 4. tandem de INCERTIS possessoribus: *vers. vel certe.* *ID.*

(r) Id est, qui pretium consecutus est. *ID.*

(s) Teneri. vid. *Glossar. ID.*

(t) *yp. Super dicti.* *ID.*

†† POSTREMVM caput: quo continetur SANCTIO legis. *ID.*

(v) Vel releuatæ, aut peræquatæ. *ID.*

(x) Quod supra constitutum. *ID.*

COMMENTARIVS.

P. 354. THEODOSII Iun. duæ Constitutiones sequuntur, quibus extraordinaria quædam, vrgente horum temporum necessitate, donatis, releuatis, peræquatis Principum beneficio possessionibus, collatio & contributio indicitur: Principum inquam; ac nominatim Theodosii M. aui sui, Arcadii Patris, Honorii Patruis, suo denique intra hoc triginta ferme annorum spatium. Addatur & tertia eiusdem constitutio. Tom. IV.

tio A. 434. puta l. 15. de indulg. debet. vbi indulgentiam Reliquorum ex hac collatione extraordinaria tribuit. Addatur & quarta eiusdem constitutio, puta Nouella 33. de releuatis aderatis vel donatis possess. vnde desumpta est lex vn. Cod. Inst. de collat. donator.

Vt hæc lex intelligatur, obseruanda sunt tria inter alia *Beneficiorum* Imperialium genera, circa possessiones

sessiones ad Priuatos pertinentes. Primum genus est earum possessionum, quæ a Principibus *Petita* donatæque fuerunt: id est quæ de caducis & vacantibus sileo delatis quæsitis per priuatos a Principibus extortæ fuerunt: (de quo petitionum genere fuit *sup. tit. peculiaris lib. X. tit. X. de petitionibus & vltro datis & delatoribus*.) quæ sane possessiones ex diuerso iure manabant; quo numero non postremo loco fuerunt fundi ciuites seu Rerum publicarum: item *fundi iuris Templorum*, vt docebit quoque *lex proxima*, de quibus semel docebit Paratitlon *de paganis sacrificiis & templis*: quæ hac tempestate sacris Gentilium detracta passim, vel rei priuatæ Principis incorporabantur, vel expensis militaribus assignabantur, vel in priuatis, aut Ecclesiis transferebantur. De his scilicet id genus aliis, fundis sensit Theodosius *hac l.* his verbis, cuiuslibet iuris.

Secunda species est possessionum *Canone* releuatarum: eaque duum generum: Aliæ scilicet donatæ a Principibus, canone etiam dempto; Aliæ a priuatis quidem iam possessæ, at vel in totum, vel ex parte canone a Principe liberatæ fuerunt.

Tertium genus possessionum est, earum, quæ ceu *Ieiuna ac desertæ* Inspectoribus missis, & peræquatione facta, canone liberatæ fuerunt: de quo erit *inf. tit. de Censitoribus, Peraquatoribus, & Inspect.* vide et *l. 5. 13. 15. inf. de indulg. deb.*

Histribus possessionum & circa eas Principaliu beneficiorum generibus ita distinctis, notandum est, his omnibus fundis necessitate urgente quædam indicta. Formam vero collationis extraordinariæ his possessionibus hanc præstituit Theodosius Iun. An. D. 424. Sub hac distinctione: vel ipsimet scilicet beneficiarii eas possessiones possident: vel alii: Alii rursus, vel vt domini, vel vt possessores: vel tandem res in incerto est. Si ipsimet beneficiarii eas possident, ex Primo possessionum genere, id est ex *Petitis* redditum conferre eos iubet dimidii anni, si triennium possessor quis fuerit: vnus anni, si triennio amplius vsque ad quinquennium: biennalem redditum inde vsque ad decennium, triennii, exinde. In secundi generis possessionibus, id est in *Canone* releuatis hæc distinctio adhibetur; si possessiones simul & donatæ & canone simul releuatæ fuerint, idem obseruetur quod superiore casu: Si vero canone tantum fuerint releuatæ, cum iam ipsi domini possessionum essent, non iam redditum, sed veterem canonem, id est pensitationis modum sub eadem temporis dimensione præstare iubet. Multum scilicet interest, ipsam simul possessionem cum canonis indulgentia a Principe quis donatione acceperit, an vero possessionem ipse iam habens, canonis tantum immunitatem consecutus sit: Priore casu pars redditus, quod magis est; posteriore canon, quod minus est, extra ordinem nunc indicitur. Idemque de ieiunis ac desertis possessionibus peræquatis *releuatis* statuitur, vt & harum nomine canon pro rata temporum præstetur. Nempe quia quamplurimi Inspectoribus missis & corruptis, tanquam ieiunas ac desertas possessiones possiderent, canonis immunitatem facile impetrauerant, qui tamen aut fœcundos habebant, aut *ἐπιβολῇ* fertilium & infertiliū facta canonis pares erant: Ideo proposita electio ab Asclepiodoto Præfecto Prætorio, cui *hæc lex* inscribitur,

vt vel extraordinariam collationem vltro agnoscerent, vel scirent, nouos Inspectores dirigendos, qui in rei veritatem serio inquirerent: Quod factum Asclepiodoti probat *hac l.* Theodosius Iun. Et similis constitutio *legis proxime, vers. nisi si quis.*

Hactenus primum Caput *huius l.* quod spectat Beneficiarios ipsos, id est, eos qui beneficia, quæ dixi, Principum consecuti fuerant, simul & ipsi possidebant.

Secundo igitur Capite agitur de his, qui iam non ipsi possidebant ita donatas sibi vel releuatas possessiones; verum de aliis, in quorum postea Dominium & Ius illæ translata sunt. Qua parte distinguit Theodosius Iun. inter titulum onerosum & lucratium; nempe si titulo oneroso, puta emptionis, ad nouum possessorem possessio antea a Principe donata vel releuata translata sit, non nouum possessorem ad hanc collationem extraordinariam teneri vult, verum veterem Principis beneficarium, quiue vendita possessione pretium consecutus est. Quo exemplo illustrari quoque iam potest decantatum illud, *Pretium locorei succedere*, quia qui pretio fruitur, non minus habere intelligitur, quam qui principali re viuit, fruitur; *l. 35. § 1. l. 38. 39. D. de usufructu & quemadm. l. 22. in f. D. de heredit. petit. l. 33. D. de peculio.* Si vero titulo lucratiuo nouus possessor donatam olim vel releuatam possessionem nactus fuerit, puta donatione, successione, eum ipsum iam hac extraordinaria collatione teneri *iussus* esse definit, vtpote qui in præsentis monstratur adipisci illa, quorum prælatio exigitur, id est fructus; hoc sensu, eum qui possessionis *donata vel releuata, alterius licet* respectu, compendio hodie fruitur, iustus æquius esse extraordinario oneri illigari, quam pristinum beneficarium, cui nihil ex beneficio illo superest. Denique non origo beneficii, sed fructus beneficii hic spectandus venit.

Et hæc rursus de translatis in dominium alterius, alterius causa donatis antea, vel releuatis possessionibus. Sed idem quoque statuit Theodosius Iun. & de his, qui non vt Domini, sed vt *Possessores* eas obtinent: nempe possessoris detentatoris par hac parteratio est, quæ noui domini; nam & ad eum fructus rei pertinet. Et similis hac parte, vt & superiore, constitutio *legis proxime, vers. exactionem.* Tandem si in incerto sit, quis dominus aut possessor fundi sit, ex ipsa possessione supra dictum fructuum modum colligi oportere statuit.

Postremo *huius leg.* Capite continetur *Sanctio*; Nempe possessionis ipsius confiscationem minatur, nisi intra quatuor menses ab admonitione Dominus *P. 155.* vel Possessor hanc collationem extraordinariam intulerit: Viceuersa inferentibus, perpetuam impositionem securitatem & immunitatem pollicetur. Quod præmium vt alioquin efficax ad prouocandam possessorum deuotionem; ita Theodosium fidem suam hac parte non liberaffe ostendet *lex proxima*; vbi tamen post fidem fractam rursus idem præmium proponit, ad extorquendam similem collationem; ostendet & vndeim annis post tertia eius constitutio: puta *Nouella 33. de releuatis, aduersatis, vel donatis poss.* denique speciosa hæc præmia tantum verbis, re autem inania; Quanquam necessitate Theodosius forte excusabitur apud eum, qui laban-

tem Imperii molem hac tempestate respexerit, & vero se excusat & l. *prox.* & d. *Nouella* 33. Quid quod id genus possessionibus & possessoribus longe iustius, extraordinarium quid imponi, quam nouis descriptionibus miseros collatores subiici omnimodis, fa-

tendum est: Et hæc quidem vt prolixa, ita & elegantissima, non verbis quidem, verum rerum momentis, constitutionis huius sententia est, vnde multa ad rem censualem, iurisque disciplinam, deriuari possunt, quæ nos breuiter tantum signauimus.

VI. (a) Imp. THEOD. & Valentinianus AA. Antiocho (b) PF. P.

I. **E**ORVM iugorum, siue capitum (c), siue quo alio (d) nomine nuncupantur, priuati iuris, vel patrimonialis, siue Ciuilis, (e) siue Templorum (f), quæ a principio Imperii (g) diuæ recordationis Arcadii Genitoris mei, ex petitionibus (h) diuersorum, vel vltro-datis (i) adnotationibusque, in præsentem (k) diem qualitercumque releuati (l) sunt, vel adærata (m) leuius, vel de patrimoniali iure ad priuatam (n), vel in aurariam, ærariam, atque ferrariam præstationem translata (o), quanta pars commodi, quod ex eo beneficio (p) ad dominos fundorum peruenit, ex eodem tempore exacta, pro æstimatis (q) per singulos annos habitis, Arcæ (r) & Sacrarum largitionum viribus ex æquo societur. 2. Exceptis * his, quæ in *Capitatione humana* (s) atque *animalium* (t) diuersis qualicunque (v) concessa sunt; ita vt omnium, quæ prædicto tempore, atque etiam sub inclyræ recordationis Auo (x) Nostro, in terrena (y) siue animarum (z) descriptione releuata sunt; vsque ad quadringentorum iugorum, siue capitum quantitatem, pars dimidia publicis censibus adiungatur: vt si quidem vsque ad quadringenta iuga vel capita releuatio facta est, dimidia tantum pars fisco reddatur. Si vero amplius aliquid releuatum est, vtque (aa) ad ducentorum iugorum vel capitum, aput *Beneficium* consecutos, seu (bb) releuatio firma, permaneat, reliqua omnia publicis censibus refundantur. Aut enim intra ducentorum numerum pro rata partis dimidiæ portione vnumquemque releuari conueniet, aut vltra eundem minime ad dispendium publicum præstata releuatione abuti: Siue in vna, siue in diuersis prouinciis, vel suo, vel interposito nomine, huiusmodi *Beneficium* impetrabit (cc) 3. (Nisi ** si quis se pro fundis *Sterilibus*, ac desertis, maioris etiam adscriptionis releuationem iuste meruisse firmauerit, & Inspectore (dd), seu Peræquatore misso probauerit: non iam secundum nostrum *Beneficium*, quod vsque ad ducenta iuga vel capita pro dimidia parte indulgimus, sed pro Inspectionis futuræ veritate ac fide, tributa publica soluturus.) 4. *Adæratiss* *** etiam, & qualitercumque *Translatis*, ex Quarta decima feliciter futura Indictione (ee), translatione vel adæratione seruata, modum collationis imponi (ff), qui consequutis partem quandam *Beneficij* (gg) reseruabit: pro regionum diuersitate, factæ adærationis modum, atque omnium, quæ in huiusmodi rebus consideranda sunt, qualitate (hh), Præfectura Amplissima (ii) disponente. 5. Illis **** solis ab hac descriptione, a Sublimitate Tua (sicut visum fuerit, disponente) penitus eximendis, & in præsentis collationis modo manfuris, quæ Ciuitatibus, vel Curiis, vel Officiis in commune remissa sunt, vel aliquando Personarum magis (kk) indulta: sed ex dispositione Amplissimæ Sedis Tuæ, si qua sit de releuatione suspicio, Inspectioni verissimæ subiiciendis. 6. Exactionem ***** vero quintæ partis collationum ab exordio imperii Diuæ memoriæ Patris mei, vt dictum est, iam (ll) nunc fieri ab his qui emerunt, vel eorum heredibus, si soluendo sint, vel detentatoribus, pro quo quisque possedit tempore quo obiit, posterioribus vel nouis dominis ad quos releuata prædia deuenerunt, contra suos auctores (mm) actionibus legitimis reseruandis, neque penitus villo sub quocunque priuilegio dispositione hac eximendo. 7. Firmiter ***** in futurum, & sine vlla descriptionis molestia, aput eos qui meruerunt, diuina indulgentia permanfura, ita vt ne retractari quidem, nec proferri in medium has rursus liceat rationes, completis his quæ in præsentis de causis singulis, aut personis, pro rerum necessitate statuta sunt. Dat. Prid. Kalendas Ian. Constantinop. DD. NN. Theod. XIII. & Valentiniano III. AA. Coss. [430.]

P. 156.

NOTAE.

- (a) Abest hæc lex a *Cod. Iust.* Meminit eius, vt & Antiochi, ad quem ea scripta est, quindecim ferme post annis ipse Theodosius Iunior *Nou.* 33. *de releuatis adæratiss vel donatis possessionibus*, cuius pars relata in l. *vn. C. Iust. de Collatione donatarum vel releuatorum.* GOTHOFR.
(b) *Antiochus* PR. Orientis, sub Theodosio Iun. V. *Prosopogr. ID.*
(c) *Capita*, seu iuga. v. *Paratylon de censu. ID.*
(d) V. quæ in Commentario. *ID.*

Tom. IV.

X 2

(e) *Ciui*

- (e) *Civilis*, id est ad ius publicum seu *Reip.* pertinens, de quo vide *Glossarium*, v. & *tit. sup. de locatione fundorum iuris Emphyteutici*. ID.
- (f) De Fundis iuris *Temporum* priuatis hac tempestate passim donatis v. quæ dixi ad l. *prox. sup.* & plenissime *Paratitlo inf. de Paganis, Sacrificiis, & Templis*, & ad l. 8. *sup. de iure fisci*. ID.
- (g) Id est ab A. D. 395. ID.
- (h) De *Petitionibus* fuit *supra lib.* 10. Tit. *peculiaris*. ID.
- (i) De *Uigrodatis* his, vide prædictum *titulum de petitionibus, & ultrodatis*. ID.
- (k) Intra hos 36. annos. ID.
- (l) Canone. ID.
- (m) *Adarata*, id est, æstimata, v. *Glossar. Theodos.* ID.
- (n) Hinc apparet, priuata rei fundorum meliorem fuisse conditionem quam patrimonialium: de quo vide *tit. prox. 19. sup. de collatione fundorum patrimonialium vel emphyteuticorum & rei priuatae*. ID.
- (o) *Translata* dicuntur hic, & d. *Nou. Theodosii* 33. (vnde & translatio *hac ipsa l. & d. Nou.*) quæ in aliam functionem mutata. ID.
- (p) *Beneficii* vox hac in re propria, vt iam ostensum ad *duas leges superiores*. ID.
- (q) Si hæc vox bene habet, & sequens, *habitis*; tunc vox *æstimatum*, pro *æstimatione* accipienda. Et sane in veteribus *Glossis*: *opinio σύνψις æstimatum, την σύνψιν; ήτοι ήξαρτοσημόν, ήτοι Διατίμησιν*. Alibi *taxatio, σύνψις*. Quare non mutandum hoc in *æstimatione habita*. ID.
- (r) De *Arca*, & iis quæ in eam inferebantur, iam *alibi* dixi. ID.
- * *Secunda* sententia de HVMANA & ANIMALIVM CAPITATIONE releuatis. ID.
- (s) De *Capitationis* voce v. quæ late semel dixi ad l. 2. *inf. de censu*. ID.
- (t) Heraldus hic reponit *animali*, de quo mox. ID.
- (v) *q. Qualitercunque*, vt non vno loco *huius leg.* Heraldus mallet hic *qualiacunque*. ID.
- (x) Theodosio M. v. & l. 5. *prox. sup.* ID.
- (y) In hoc mox inquiram. ID.
- (z) *Supra humana atque animalium*: vtrumque enim hic *animarum* appellatione comprehenditur. ID.
- (aa) *q. vsque*. ID.
- (bb) Potest hæc vox sustineri, quæ abest a prima Cuiac. & illa in 4. nisi malis, *ea releuatio*. ID.
- (cc) *q. impetrauit*. ID.
- ** *Tertia* sententia, de *sterilibus* & desertis. ID.
- (dd) De his iam ad *leg. superiorem*. ID.
- *** *Quarta* sententia, de *Adaratis* & *Translatis*. ID.
- (ee) *Indictio* hæc decima quarta recte responderet Anno proximo *Antiocho & Basso* COSS. A. D. 431. Quomodo etiam recte notatum in Marcellini Comitis *Chronico*, & *Chronico Alexandrino* seu *Fastis Siculis*. Nobilis autem hic annus est Ephesino Concilio. De *Indictionib.* dicam peculiari capite in *Chronico* Indictionum, & ad *tit. inf. de indulg. debitor.* ID.
- (ff) Repetendum *ἀπὸ τῆς νόμῳ συνέκει*: etsi longius petitem. ID.
- (gg) *q. Beneficii*, partem scil. Beneficii. ID.
- (hh) *Qualitate*, id est Circumstantiis. ID.
- (ii) id est, Te Præfecto Prætorio disponere, vt mox; a *Sublimitate Tua*: item *ex dispositione amplissima Sedis Tue*, nempe Antiochi, de quo mox plenius. ID.
- **** *Quinta* sententia, de concessis in *Commune* alicui corpori. ID.
- (kk) Tentabat Cuiacius vel Pithæus, *meritis*. Possit videri agi hic de eo beneficiorum genere, quod certo personarum generi indultum, verum de huius loci restitutione mox. ID.
- ***** *Sexta* sententia, de *Noui*: dominis & possessoribus. ID.
- (ll) De hac voce consule *Glossarium*. ID.
- (mm) *Auctores*, a quibus bona vel iura aliqua promanant, v. *Glossarium*. ID.
- ***** *Postrema* sententia, quæ *sanctio legis* continetur. ID.

COMMENTARIUS.

ALTERA hæc Theodosii Iun. *hoc tit.* Constitutio est; & si omnes eius Constitutiones, de collatione donatarum vel releuatarum possessionum numeres, e quatuor, vna. Duabus enim *huiusce tit.* legibus addenda est *lex 15. de indulg. debitorum, & Nou. eius 33. de releuatis adaratis vel donatis possessionibus*. Quarum priore, indulgentia tribuitur quadriennio ferme post *hanc l.* reliquorum, ex ea collatione procul dubio, quæ *hac l.* indicta fuerat: Posteriore, puta *Nou. 33.* mentio fit *Antiochi Præfecti Prætorio*, cui hæc *lex* inscribitur, & dispositionis seu

modi ab eodem constituti collationis seu indictionis nomine releuatarum adaratarum, donatarum, vel translatarum possessionum; quæ ipsa illa dispositio videri possit, quam Antiochi arbitrio Theodosius *hac l.* committit.

De Beneficiorum Principalium circa possessiones priuatorum distinctionibus seu generibus iam ad *superiorem legem* actum fuit. Quare per singulas *huius l.* sententias decurrere sat erit, singularibus tantum subnotatis.

Ante omnia notanda illa, *Eorum Ingorum seu capitum, siue quo alio nomine nuncupantur.* Nempe variis nominibus modi possessionum, quibus collatio imminēbat, nuncupabantur. De Ingis seu capitibus plene dixi in *Paratitlo*, & ad l. 2. de censu. Sed & alia nomina hac in re alicubi usurpata: sic quoque Iustinianus *Nouella 17. c. 8. τὰς ἐν τῷ ποσὶ τῶν ζυγοκεφάλων, ἢ ἰσγῶν, ἢ ἰσγαλίων, ἢ ὅπως δὴ ποτε ἀν' αὐτὰ κατὰ χώραν καλοῦσιν.* id est, quantitatem Zygocephalorum, aut Ingorum, aut Iugalium, aut quolibet modo per regiones nuncupantur. Idem *Nouella 128. cap. 1. ὑπὲρ ἐκάστου ἰσγῶ, ἢ διῶν, ἢ κεντρῆσιον, pro unoquoque iugo, aut villis, aut centuriis.* Ergo præter Ingorum & Capitum appellationes, varietate usurpata. In his & *Arurarum* vox in Ægypto, l. ult. de patrociniis vicorum, vbi de iis plene dixi. Nunc de iplamet legis sententia.

Prima sententia est, de PRINCIPIS PVBLICISQVE fundis, qui Principum beneficio, ac nominatim Arcadii patris sui, in priuatorum dominium translati fuerunt: siue *canone* penitus dempro, siue *leuius adarato*, æstimato, taxato: siue denique *translato*, id est, commutato cum alio præstationis genere. Hoc igitur casu Theodosius l. 1. *hac leg.* Quintam partem commodi, quod ex tempore huiusmodi Beneficii ad Beneficiarios peruenit, inferri iubet, extraordinaria collatione. In qua sententia hæc obseruanda sunt.

Primo notanda, quatuor publicarum possessionum Genera, quæ in priuatos transferri beneficio Principis contigerat; puta *Priuarii Iuris*, id est, ad rem priuatam Principis olim pertinentes; item *Patrimoniales*; (quæ quomodo ab illis differant ostendit *Paratitlon sup. tit. prox. de conlat. fundor. patrimon. vel emptyteut. & rei priuatae.*) Item *Ciuiles*, id est, ad Ciuitates & Respubl. olim pertinentes, de quibus ad l. 1. *sup. de locat. fundor.* tandem fundi *Templorum*, id est, fundi, possessiones sacris Gentilium & reditibus Templorum olim destinatae, mox a Christianis Principibus Fisco, vel rei priuatae vindicatae, de quibus actum ad l. 8. *sup. de iure fisci*, & *Paratitlo de paganis sacrif. & templis, infra.*

Secundo *Tempus* obseruandum, a quo Donatis huiusmodi fundis collationem extraordinariam Theodosius Iun. impositam vult: nempe vt *hac l. ita & superiore*, a principio Imperii Arcadii, id est, ab Ann. D. 395. 36. annorum spatio aliter quam sequente mox sententia cauetur de releuatis capitacione: vbi a tempore Theodosii M. initium ducitur. Abunde scilicet id hac parte visum, vetustioribus beneficiariis intactis: forte etiam, quia effusione liberalitate & improbiore multo petitione quam antea in publica damna itum. Quinimo post retracta loca ciuilia & templorum a Iuliano: vt docet quoque *lex 8. sup. de iure fisci*: & *lex 1. sup. de locat. fundor.* primus Arcadius per Orientem annonas & possessiones Templorum sacris Gentilium sub Valente & Theodosio M. detractas, rei que priuatae Principis sociatas in priuatorum dominium quamplurimas transtulisse videtur: Antea quippe sub Theodosio M. fundi ex templorum iure descendentes, conductionis ferme titulo in priuatos translati, vt docet Theod. M. constitutio. A. 383. puta *lex 4. sup. de locat. fundor.* Quamquam & ipse Arcadius

aliquando, puta A. 405. possessiones Templorum a se peti amplius vetuit, l. 24. *sup. de petitionibus.* Quid per Occidentem ab Honorio circa templorum loca constitutum, docebit *lex 5. sup. de locat. fundor. l. 41. infr. de operib. publ. l. 7. 20. infr. de paganis.*

Tertio obseruandi *Modi* quibus huiusmodi possessiones in priuatorum iura transferebantur, nempe duplici: vel petitionibus, id est, ad postulationem priuatorum: vel vltro datis, id est, vltro nea & spontanea Principis donatione, de quo vtroque actum *sup. tit. de petitionib. & vltro datis*; quæ vltro data & adnotationes hic dicuntur: nempe quoties Principes speciali scriptura possessionem bene merito largirentur.

Quarto *Translationis*, id est, commutate functionis & præstationis duæ species obseruandæ. Prima translationis species est de iure Patrimoniali in priuatam: vnde apparet, priuata rei functionem leuiorem fuisse functione Patrimoniali, de quo dictum *sup. tit. prox.* Secunda species translationis est in aliam præstationem, quæ possidenti facilius futura; veluti si pro aris aut ferri præstatione, quæ sibi grauior: in auro præstationem deinceps Principis beneficio emereatur: & vicinera. De cætero, de aris collatione erit *tit. prox. 21.* & fuit *lex 23. sup. de annona*: de auraria præstatione actum fuit aliquot legibus *tit. 1. de annona & trib. sup. de Ferri collatione v. quoque l. 2. sup. de fabri censib. & Basilii ep. 277. su. no. Edit. Benedictin. Paris. ad Modestum PP. & Claudianum, de bello Getico v. 538.* vbi Alaricum inducit loquentem:

- - - tot tela, tot enses

Tot galeas multo Thracum sudore parauit
Inque meos vsus vestigal vertere ferri,
Oppida legitimo iussu Romana coegi.

Tandem de translatione seu commutatione functionis fuit quoque *tit. sup. tributa in ipsi speciebus inferri.*

Postremo notandum, tributa vel *Arca*, vel sacris largitionibus illata: *Arca*, inquam, Præfectura Prætorianæ, de quo dictum iam alibi, & dicitur *infr. tit. de indulg. debit.*

Secunda Sententia continetur Exceptio superioris, de *Releuatis a Capitatione humana & animalium*, animarum denique; nempe ita releuatas possessiones, si infra CCCC. iuga siue Capita sint, dimidiam eius releuationis partem valere oportere, alteram solitis rursus functionibus adstringendam, si vltra CCCC. iuga, quicquid vltra CC. est, functionem solidam præstare oportere. Ante omnia inquirendum, quid per *Capitationem humanam & animalium* intelligendum sit, quid per Animarum descriptionem, terrarum oppositam. Nempe videatur intelligendum quicquid annonæ in speciebus, in hominum (veluti militum) & animalium usum præbebatur. Sane vt *Capitum animalis* dicebatur pabulum, puta scænum & palea, l. 7. 13. 17. *sup. de erog. milit. ann. l. 1. sup. de domesticis & protect. l. 10. sup. de numerar.* (de quo dixi plene ad d. legem 7.) ita & Capitatio eodem sensu & l. 8. 11. 2. *tit. de erog. milit. ann. & tit. Cod. Iust. de annonis & capitatione.* Verum hæc interpretatio non placet. Igitur, de quo etiam ad l. 2. *infr. de censu, humana, & animalium*, animarum denique capitatio est, quæ pro fer.

seruis, colonis, adscriptis, censitis, itemque pro animalibus, quæ omnia alioquin cum possessione seu prædio ambulare solent, præstatur; vt contra terrarum, pro possessionibus: sic & Iustinianus in eadem re, *leg. 23. Cod. Iust. de agricol. & Censitis: Publicas functiones*, inquit, *sive terrenas, sive animales*. Eodemque sensu in Græca constitutione Anastasii *ψυχικὴ συντέλεια* l. ult. *C. Iust. de annonæ & trib.* & ipsa est de releuatis possessionibus, *ἐὰν μὲν αὐτῆσιν ἰπαρχία ἢ πόλις καθίσταται λαβὼν ψυχικῆς (α) συντελείας, ἢ ἐπόπτην, ἢ ἐξισωτὴν πεμφθῆναι*: Si provincia, vel ciuitas releuationem petat animalis functionis, vel inspectorem, aut peraequatorem. Eodem sensu, humane capitationis census in Theodosii M. constitutione. *l. vn. Cod. Iust. de colonis Thracensibus*, quæ hanc in rem expressissima est, & ostendit pariter iugationem terrenam ab ea diuersam fuisse: quæ per vniuersam diocesim Thraciarum sublato in perpetuum humane capitationis censu, iugationis tantum terrena soluitur: quod ita mox explicat, *colonos tributariæ sortis nexibus absolutos*. Idemque indicatur & statuitur *l. vn. Cod. Iust. de colonis Illyric.* *Inseruiant*, inquit, (coloni inquilinique per Illyricum vicinasque regiones,) *terris non tributariæ sortis, sed nomine & titulo colonorum*: Et certe de illa Theodosii M. aui sui lege sensisse hic videtur Theodosius Iun. Ab hac vero capitationis specie *apage* l. 9. *Cod. Iust. de act. empti*: & *l. ult. sup. sine censu*. Alio vero sensu *ψυχικὰ δημόσια* Græci dixerunt, quæ pecunie pro capitibus vocantur: *l. ult. §. 8. D. de munerib. & honorib.* Ergo humana, & animalium capitatio est pars ea tributariæ functionis, quæ & pro seruis, colonis & pro animalibus (*pour le bestail*) quæ in prædio erant, præstatur: diuersa enim hic sunt humana & animalium capitatio, e contra quam sensit Heraldus, qui & ideo hunc locum emendabat. Vtrumque vero per *animarum descriptionem* mox indicatur, terrenæ oppositum, quæ proprio prædio *ψυχικὴ συντέλεια* & homines & animalia cepit. De quo iam etiam vide, quæ dixi *P. 158. ad leg. 2. infra, de censu*. Et hæc de secunda huius legis sententia.

Tertia Sententia est, de *sterilibus ac desertis fundis releuatis*: Nempe iubet Theodosius Inspectores seu Peraequatores mitti, de quo iam quoque lege superiore, vt ita pro inspectionis veritate & fide vel tributa soluant, vel non soluant. Et assutus est Theodosius hac parte, quasi sterilibus fundis plenam immunitatem tributurus esset; at reuera reuocandis huiusmodi immunitatibus, quod sciret per superiorum Inspectorum gratiam quamplurimos releuatos.

Quarta sententia est, de *Patruarum possessionibus*, quæ non emanarunt ex re priuata Principis, vel Patrimonio, aut Ciuitatum iure vel Templorum, *aderatis vel translatis* & sic releuatis. Nempe Antiochi Præfecti Prætor. dispositioni committit Theodosius, vt a proxima Indictione, seu anno, quem iudicauerit collationis modum, iis imponat; subtribus conditionibus; Prima, vt partem quandam beneficii consecutis reseruet; dein vt regio-

num diuersitatis rationem habeat: Nempe quia limitaneæ regiones specierum adærationem minus ferunt. vbi species ipsas limiti tuendo ad milites limitaneos conuehi publice interest; in mediterraneis non æqua necessitas; Tandem reliquarum circumstantiarum rationem haberi iubet, Id inquam, vt & quod proxima sententia continetur, Antiochi PP. dispositioni committit Theodosius Iun. *hac leg.* Qui sane Antiochus iussionem Theodosii secutus, dispositionem suam edidit, quam postea Theodosius Iun. firmavit *leg. vnica. Cod. Iust. eod. tit.*

Quinta sententia est, de *Releuatis in commune*, non iam singulis personis; verum ciuitatibus integris, vel Curias ciuitatum vel Officiis, imo & quandoque *provinciis integris* (ita enim hic legendum existimo, vel aliquando *provinciarum malis indulta*; de quo mox) Nempe illis vel plus æquo oneratis, vel hostili excursui patentibus, & publica clade vexatis ægrisque, huiusmodi indulgentias generales sæpe Principes dedere: quam in rem est Valentiniani III. elegans *Nouella, de tributis fiscalibus inter Theodosianas* 23. Similis est illa quoque indulgentia Constantini Magni data Flauienfibus, quæ *septem millia capitum* eis remisit, quæ quartam amplius partem census conficiebat, quo nomine ei gratias agit Eumenius Flauienfium nomine, ea oratione, quæ inter Panegyricos veteres hodie exat. De cuiusmodi & similibus aliis erit *infr.* peculiaris *titulus de Indulg. debet*. Et tamen dispositioni Antiochi Præfecti Prætor. negotium istud ipsum committit, vt exploret per Inspectores, num iusta de causa releuari meruerint. Est ergo *hoc Caput* de Releuatis quoque integris provinciis: nam locum emendo aliter atque Cuiacius & Pithæus ita: *provinciarum malis indulta*: Quod vt horum temporum infelicitati congruit, ita luadent superiora, *manserunt*, inquit, *quæ Ciuitatibus, vel Officiis in commune remissa sunt*: quibus sane recte omnino hæc subiiciantur, vel aliquando, id est, imo nonnunquam *provinciarum integrorum scilicet malis*. Sane & *Nouella* 33. Theodosii, quæ ad hanc legem quoque respexit, par est exceptio seu coniunctio, *nisi*, inquit, *ex communi Ciuitatis aut provincie desiderio postuletur*. Tandem proprio significato *Mala* dicuntur de ciuitatum & preuinciarum damnis: de quo aliquin videndus *tit. infr. de Legatis & decretis Legationum*. Eodem sensu dixit Symmachus *lib. 2. ep. 7.* de fame Urbis Romæ, *Communia mala*. Idem *lib. 10. epistola 53. damna sua deplorans*: vbi de Capuana Legatione agit.

Sexta sententia est, de *Novis Possessoribus* possessionum, de quibus prima sententia, releuatarum: Nempe ipsos possessores ad quintam illam partem soluendam adigi iubet, saluis actionibus aduersus Auctores suos, pro rata temporis, quæ priores illi Beneficarii possederunt. Quod posterius, vt æquitatis plenum, ita illud iuri consentaneum; nempe quia in tributis prædia ipsa conueniuntur, de quo plene agit *tit. 3. supr. sine censu vel reliquis fundum comparari non posse*.

Postre-

(a) *Τυχικὴ συντέλεια* in editis legitur; quam lectionem in *ψυχικῆς* mutauit CUIACIUS in animaduers. ad hanc leg.

Postrema sententia continetur *Sanctio legis*, rit: Quod & ipsum *superiore leg.* idem pollicitus qua indulgentiam deinceps pollicetur, si *huic leg.* fuerat, ubi iam ostendi, quam parum promissorum paritum fuerit, quam rerum necessitas extorset. memor Theodosius Iun. hac parte fuerit.



DE CONLATIONE

Æ R I S.

TITVLVS XXI.

LIB. X. COD. IVST. TIT. XXIX.

De Collatione Æris.

P A R A T I T L O N.

AEs quoque, seu æris species, per Orientem, *l. 1. 3. hoc t. & l. 9. infr. de indulg. deb. & Occidentem l. 2. b. t. a provincialibus l. 2. hoc tit. possessoribus, d. l. 2. & 3. b. t. debebatur d. l. 9. de indulg. deb.* Largitionibus inferebatur, *l. 1. b. t. exolvebatur, l. 3. seu ult. b. t.* Atque adeo inter tributa erat. *d. l. ult. b. t.* Vnde titulus hic, *De Collatione æris*: indeque æraria præstatio, *l. 23. supr. de annona & tribut. & l. ult. supr. tit. prox. de Collat. donatarum*: prohibito tamen ære, quod dichoneutum, *l. 1. hoc tit.* Quandoque tamen pro beneficio singulari petentibus hæc præstatio in aliam functionem transferebatur, *d. l. ult. supr. de collat. donat. l. 3. hoc tit.* ubi id prohibetur. Quandoque etiam publica necessitate id postulante, fiebat, ut pro ære, pretium æris in solidis postulareretur, seu exigeretur: *l. 2. & 3. hoc tit.* Æstimatio porro eius certa erat, *d. l. 3. b. t.* hæc scil. ut pro 25. libris æris, unus solidus redderetur (id est, inuicem præstaretur) *d. l. 2. b. t. & sic pro centenario æris d. l. 3. seu ult.* proculdubio, quatuor solidi:

De DICHONEVTO ære prohibito, deque ÆREÆ pecuniæ conflatoribus, & MONETÆ adulteratoribus.

I. (a) Impp. Valentinianus & VALENS AA. Modesto PF. P. (b)

AEs, quod *Dichoneutum* (c) vocatur, non modo (d) deinceps Largitionibus (e) inferatur, verum de vsu penitus, & conuersatione (f) tollatur, ac nemini publice hoc habere liceat. Et * conflatores figurati æris, adulteratores etiam monetæ, capitalis animaduersioni persequatur. Dat. VII. Id. April. Constantinop. Gratiano A. II. & Probo Coss. [371.]

N O T A E.

(a) Abest hæc lex a 'Cod. Iust. GOTHOFR.

(b) Modestus PP. Orientis sub Valente: v. *Prosopogr. ID.*

(c) *Διχώνευτον*, de quo mox. *ID.*

(d) *γρ. Non modo non. ID.*

(e) Principis. *ID.*

(f) *Conuersatione*, id est, vsu publico & negotiatione, v. *Gloss. Theod. in v. Conuersatio. ID.*

* Fugitiua hæc *huius leg.* portio est, & melius in *titulum de Falsa moneta* coniecta fuisset: vel in *titulum, si quis pecunias conflauerit. ID.*

C O M M E N T A R I V S.

AERIS cuiusdam, quod in Oriente *Dichoneutum* vocabatur, *Διχώνευτον* collationem, imo & vsum, penitus omnem in commercio tollit hac constitutione Valens Imp. An. D. 371. Sed & (quod ab hoc titulo alienum est) *Conflatoribus* figurati æris, & adulteratoribus Monetæ capitalem poenam imponit.

Dichoneutum as non hic intelligendum est æreorum nummorum genus aliquod, quod Maynardus in *Excerptis Notarum* ad me transmissis a Puteano coniiciebat, voce deducta a *νεδαν* quod Suidas *dict. voc.* interpretatur *ἰδὸν μέγεθ, mensurae genus*, quasi eius dimidiati ponderis modo ænei nummi caderentur, vnde *Dichoneuti*: quæ coniectura

ctura inanis est: Nam, ut mittam alia, eam refellit vel *titulus*, sub quo hæc lex posita est; Nempe enim eo agitur, non de æræ pecuniæ, verum de æris metallici & speciei ipsius collatione, quæ largitionibus

P.160. Principis inferebatur, ad vsum forte armorum & fabricarum, de qua ipsa æraria præstatione, præter omnes huius tit. leges, agitur pariter l. 23. *sup. de annona & trib. & l. ult. supr. tit. prox. de collatione donatarum*: In quem pariter vsum & ferrum præstatur, de quo v. l. 2. *sup. de fabricensib. & l. ult. supr. tit. prox. de conlat. donatar.* conficiendis videlicet armis ex ferro vel ære, veluticasfidibus & bucculis, ut docet *lex i. supr. de fabricensibus*. Necessè igitur est, æs *dichoneutum* fuerit quædam æris species, differentia & mixtura adulterina, non venæ nobilis, quæque facile deduceretur ignibus, seu liqueceret, ut loquitur *d. lex 2. supr. de fabricensibus*: sed quæ inutilis ad fabricam armorum esset, quæ passim tamen in vsum esset. Sane, quodnam illud fuerit, vel ex ipso nomine conicere satis licet. Nempe *δύχωνευτον* idem est, quod bis recoctum & conflatum. Notum quid Græcis *χωνεύειν, χωνέϊον, χωνευτική*: ut contra, *Baluca δύχωνευτος* γῆ, ἢ χερσίδης, in *Glossis* Cyrilli, id est, *massa terre latentis auri, nondum flammis decocta*, de quo vid. l. 3. 4. *de metallis*. Quare hic iam apparet, æs *dichoneutum* esse bis recoctum, adulteratum, & aduentitia etiam forte aliqua materia commissum: De cuiusmodi æris misuræ agit Plinius, lib. 34. cap. 13. ubi et *diphryges* memorat, neque minus Dioscorides lib. 5. cap. 120. æris speciem quandam memorat, quam Græci vocabant *diphrygen*, ab eo quod bis torreatur, quæque veluti fex subsidens erat: cuius etiam triplicem speciem tradunt. Et sic æs *dichoneutum*, impurum, cui purum oppositum; quod purum vocamus nos, *Cuivre rouge, cuivre de rosette, cuivre fin, cuivre depouillé de sa matte*. Et proculdubio æs istud *dichoneutum* non *regulare*, sed *caldarium*, ut vocat Plinius, lib. 34. c. 8. *in fin.* & Isidorus ex eo *Origin. lib. 16. cap. 19.* quod scilicet fundi quidem & liquecere poterat, non vero malleo diduci. *Caldarium*, inquit, *funditur tantum, malleis fragile*.

Neque putandum æs *dichoneutum* idem esse cum eo ære, quod mox *figuratum æs* hac leg. dicitur: nam imo contraria hæc sunt, æs rude scilicet & graue, cuius species *dichoneutum*, & æs *figuratum*. *Figuratum* enim est, quod in monetam cufum est, Principum vultibus & figura insignitum; nam & ita figuratus solidus dicitur, l. vn. *supr. si quis solidi circuli*. item Principum vultibus figurati solidi, l. 1. *infr. de ponderatorib.* figuratus nummus, l. 4. *supr. de falsamioneta*. Auctor quoque subditus Notitiæ Imperii eadem voce utitur: figuratio monetæ, l. 8. *d. tit. de falsamion.* l. 2. *supr. si quis pecunias conflauit*. leg. 7. *supr. de indulgent. crim.* Denique figurari aurum dicitur, l. 7. *d. tit. de falsamion.* Lampridius in *Alexandro Severo cap. 25. Nummos*, inquit, *electreos &*

aureos vultu Alexandri M. figuravit: Denique *figura* est, quæ alias forma nummi seu character, vultus, facies, *εἰκόνιον, ἄνigma*.

Nunc de altera huius l. sententia, quæ alioquin ab *hoc tit.* fugitiua est. Capitale scilicet pœnam imponit Valens ut adulteratoribus monetæ, ita & conflatoribus æris figurati: & si hæc duo crimina pœna exequantur, ac proinde similitudine rei coniunguntur. *Adulteratio monetæ* est, ubi videl. circa Principis monetam cufam aliquid falsi quis molitur: de quo falsi genere videndi tituli lib. 9. tit. 21. *de falsa moneta & tit. 22. si quis solidi circulum exteriorum incidit*. At conflatores figurati æris sunt priuati, qui iam ex suo ære pecuniam cudabant. Hac scilicet tempestate æræ saltem monetæ cudendæ priuatis nonnullis, etiam Rescriptis & adnotationibus Principum, ius fuit, quod ut ex l. 5. 7. 8. *supr. de falsa mon.* (quæ duæ postremæ leges eiusdem Valentis sunt, cuius & hæc nostra) colligere licet; ita disertis verbis id docet *lex ult. cod. tit. vbi Theodosius M. pariter pœna proposita conflatores huiusmodi æris persequitur*, & Rescripta illa, quæ dixi, reuocat, *Si quis*, inquit, *super cudendo ære vel Rescripto aliquo, vel etiam Adnotatione Nostra sibi arripuerit facultatem, non solum fructum propria petitionis amittat, verum etiam pœnam, quam meretur, excipiat*. Ut hæc interpretatio mihi placeat, facit, quod de ære nominatim hic agitur: alioquin si de dissolutione pecuniæ Principis ageretur, non *æris conflatores* dixisset, sed *pecuniæ conflatores*: quo sensu nempe *conflari pecuniæ* dicuntur, *Rubr. & l. 1. supr. si quis pecunias conflauerit*: & apud Paulum V. *sent. tit. 25. §. 1.* & apud Lampridium in *Alexandro Severo cap. 39.* quibus sane locis omnibus *conflare pecuniam* est in materiam & massam redigere.

Illud tandem observandum, ut ad priorem huius legis sententiam redeamus, *Modesto Pref. P. Orientis hanc leg. inscribi*. Nempe solennis in eo tractu, qui eius Præfecturam constituerebat, æris collatio fuit. Nam & sub eius administratione fuit Cyprus, quæ *πολύχαρα* ære abundabat, *erosa* ideo ab antiquis, Festo referente, dicta. Vetus quoque Orbis descriptio sub Constantio & Constante, quam nos edidimus c. 58. §. 1. de Cypro, *Necessaria ipsa insula habet omnia inferius declarata, ligna, ÆRAMENTVM, ferrum, picem &c.* Cypri quoque æris meminere passim Veteres: in his Plinius, lib. 34. *non vno capite*, & Seruius in *III Æneid v. iii.* Hoc vero Cypri exemplo quoque vtuntur. Græci Interpretes ad legem *unic. Cod. Iust. eodem tit.* quæ eadem est cum l. 2. *prox. inf.* sed perperam ad eam legem, quia lex illa ad Occidentis imperium spectat. Alioquin ad hunc eundem *Modestum* Præf. Præf. extat Basilii *Epistola 277. siu. no. Edit. Benedict.* de ferri collatione a Taurum incolentibus: cuius verba protuli ad l. 2. *supr. de Fabricensibus*.

De PRETIO & Proportione aeris, ad aurum. Honorii constitutio.

II. (a) Impp. Arcad. & HONOR. AA. Hilario (b).

AERIS pretia quæ a Prouincialibus postulantur, ita exigi volumus, vt pro viginti quinque (c) libris aeris solidus (d) a possessore reddatur (e). Dat. v. (f) Kalend. Ianuar. Med. Arcad. IV. & Honor. III. A. & Coss. [396.]

P. 161.

NOTAE.

- (a) *L. 1. Cod. Iust. de collat. aeris.* Iungendam puto huic *l. legem 22. supr. de erogat. militaris annonæ*, quæ alioquin in eodem argumento versatur: Et forte etiam *lex 23. eodem titulo.* Argumento huic concordat quoque *lex proxima. GOTHOF.*
- (b) *Hilarius PP.* vt habetur *Cod. Iust. & d. l. 22. & l. 23. eod. tit.* Hic idem *Hilarius* videtur cuius meminit *Symmachus, lib. 2. ep. 80. ad Flavianum. ID.*
- (c) In *Cod. Iust. viginti:* ex sententia Iustiniani. *ID.*
- (d) *Vnus auri solidus*, in *Cod. Iust. ID.*
- (e) *Reddatur*, id est, inuicem præstetur: vt *l. 24. supr. de annonæ & trib. &c. vid. Glossarium. ID.*
- (f) In *d. l. 22.* ita habetur *III. Kal. Iun.* In *Cod. Iustin.* hic *V. Kal. Iun.* Quare alterutrum error. Ego hanc veram puto. *ID.*

COMMENTARIUS.

PRETIUM materiæ aeris, quod a possessoribus seu Prouincialibus conferendum regulariter erat, in vsus videlicet armorum seu fabricarum (vt ad *l. superiorem* ostensum est, & signate quoque testatur *lex 2. supra, de fabricensibus*;) hac Honorii constitutione quæ data est Anno Domini 396. (vt & a Theodosio Iun. *leg. proxim. 3.*) in pecunia soluendum taxatur seu adærat, id est, æstimatur: Nempe, cum regulariter & in commune tributa in ipsis speciebus inferri oporteret (de quo fuit *titulus* in id peculiaris *supr. tributa in ipsis speciebus*.) Et nominatim vero species aeris, ferrique ad fabricam vt dixi armorum, *dicta leg. 2. & hac l. & leg. proxim.* attamen vel speciali quandoque priuilegio seu adnotatione Principis, vt docuit *lex ultima supra, de conlatione donatar.* idemque docebit & *lex proxima 3.* vel necessitate publica postulante, vt aliarum species, ita & hæc quoque adærabantur, vt præter *hanc legem* ostendet rursum *dict. lex prox.* publica, inquam, necessitate vel perpetua vel temporaria: & quidem per Occidentem in specie *huius l.* Neque minus ex etiam species, quæ ad militarem armorum usum conferri solebant, de quo est hæc *lex*: quam militares species annonariæ, de quo est *lex 22. supra, de erogat. mil. ann.* de qua mox.

Pretium igitur æri, seu proportionem aeris ad aurum, denique æstimationem aeris hanc ponit Honorius *hac leg.* puta pro xxv. libris materiæ aeris, solidus vnus præstetur, ac proinde pro centenariis aeris quatuor solidi: de quo postremo erit *lex proxim.* Theodosii Iunioris *infr.* Et in *Codice* tamen *Iustiniano*, puta *leg. vnic. de collat. aeris*, quæ hinc alioquin desumpta est, pro 20. tantum aeris libris solidus præstari iubetur ex sententia Iustiniani. Nam quæ hac diuersitatis huius occasione scripsit Sauotus, *diatriba de re nummaria: parte 3. c. 13. sub finem*, haud satis firma sunt. Neque hæc *lex emendanda* sic vt *XXIV.* loco *XXV.* in ea repona-

Tom. IV.

tur, quod idem tentabat: vt nec sollicitanda lectio *Codici Iustiniani.* Nam, vt idem recte tandem agnoscit, proportionem huiusmodi non semper statæ sunt, verum pro temporum & locorum diuersitate varie fiunt. Huius vero proportionis ipsius ratio non aliunde petenda est, quam e forensi ferme aeris pretio, quod tum erat, quodque æstimationem certam construebat, vt loquitur quadamtenus *lex 3. infr.*

Tandem obseruandum, huic *l.* coniungendam *dict. leg. 22. supr. de erogat. milit. ann.* quæ & ipsa est de pretiis specierum militaris annonæ; vnde liquet, specierum quarumcunque pretiis & adærationi modum imponere voluisse Honorium hoc Anno Domini 396. constitutione sua ad Hilarium PP. & quidem exemplo Constitutionis Valentini Senioris, vt *dict. leg. 22.* nominatim proficitur, imo & *leg. 23. eodem titulo*, quæ & ipsa eodem Anno data est ad eundem Hilarium Præfect. Prætor. vt omnino existimem, & illam huic coniungendam.

Summa ex tribus illis legibus hæc conficiatur: Primo, *Capitum* seu fœnum in ipsa specie militibus præberi Honorium voluisse, quæ sententia est *dicta legis 23.* Secundo, *annonam* vero militarem in pretio solui, & vtrumque iuxta Valentini d. l. dixi constitutionem, quæ sententia est *dicta legis 22.* Tertio, *Aeris* tandem pretio modus is impositus, qui *hac leg.* continetur.

Ex his iam apparet, *hanc legem* accipi a plebisque, etiam ab Amaya, de pecunia aerea; vnde in eum sese tractatum hic diffuse effundunt; Quando vna seu diuersa pecunia vsualis pro alia solui possit, etiam Gabellariis? Quod ab *hac lege*, alienum prorsus est: Ac nominatim quod addunt, in *huius legis* specie id ita definiri, quia Principem non deceat recusare pecuniam quam ipse cuderit. Deinde id ita in fisco procedere, non in priuato, quod

Y

cum

cum in tributis plerumque grauentur subiecti, æquum sit aliquatenus relevari in solutione commodius facienda vnius pecuniæ pro alia. Quæ omnia cassa nuce inania magis sunt, omnemque

proinde illum tractatum ab hac leg. abesse oportet: quem nisi proposuissent Interpretes illi sibi, nihil iam haberent quod ad hanc legem notare possent.

P. 162.

III. (a) Impp. THEOD. (b) A. Maximino (c) Com. S. L.

PERPETVO sancimus, generalique decreto, Ne cui (d) deinceps ex præcepto Comitum (e) sedis, vel per Oraculum sacrum, vel per diuinas Adnotationes (f) Numinis Nostri, in nummo, vel (g) in specie, nisi ita publica necessitas postularit, propria liceat tributa persolvere: sed, ut magis, aut ipsam speciem, si hoc usus exegerit, aut Aurum, quod æstimatio certa constituit pro centenario (h) æris huiusmodi possessor exsoluat. Dat. v. Id. Decembr. Constantinop. Victore v. c. COSS. [424.]

NOTAE.

- (a) Abest hæc lex a Cod. Iust. GOTHOFR.
- (b) Restituenda hic nomina THEODOSII Augusti & Valentiniani Cæs. vid. Consulare Chronicon Theodos. ID.
- (c) Maximinus Comes S. L. sub Theodosio Iun. cui inscribuntur & alia plures Anno 424. & 425. v. Profop. ID.
- (d) Priuato, specialiter. ID.
- (e) Comitum, id est, Comitum S. L. cui etiam hæc lex inscribitur. ID.
- (f) De Adnotationibus his semel in Paratitlo de diuers. rescriptis. ID.
- (g) Electione tributa. ID.
- (h) Centenarium æris sunt centum librae æris: de quo mox. ID.

COMMENTARIUS.

ELECTIONIS ius seu facultatem, pro arbitrio ipsarum specierum veluti æris, vel nummorum persoluerendi, singulari priuilegio cuiquam concedi vetat hac constitut. Theodosius Iun. A. D. 424. Singulari inquam, priuilegio, non modo Comitum S. L. verum etiam Rescripto vel Adnotatione Principis ipsius singulari. Nempe circa omnes par atque æqualis inflationis forma tenere debet: ut in simili loquitur lex 7. supr. de diuers. rescriptis: neque a cuiusquam arbitrio pendere debet, quidnam præstare ipse velit. Quid igitur? Formam publicam & generalem singuli seruare debent. Quare si usus publicus hoc exigat, omnes ex æquo species ipsas inferre oportet, de quo supr. titulus, tributa in ipsis spec. contra, usu cessante, omnes aurum præstare oportet. Priuilegia hac parte irrogari non oportet.

Pertinet autem hæc lex proprie ad Collationem æris: de qua duo indicantur. Primo, quædam æris in auro seu ad aurum æstimatio hoc tempore facta indicari videtur: quomodo & in Occidente Honorii leg. superiore factum vidimus: viginti quinque scil. libris æris solido seu aureo æstimatis. Sed dubium, num ea æstimatio perpetua, vel etiam

in Oriente obtinuerit: Certe Iustiniano alia æstimatio placuit, viginti scilicet libris æris solido æstimatis, l. vn. Cod. Iust. eod. tit. quæ alioquin ex leg. superiore desumpta est. Quinimo non adeo improbabilius quis tentet hic rescribendum, constituit, quasi Theodosius Iun. Comiti S. L. eius æstimationem faciendam relinquat. Emendationem sane Fornerii P. probare non possum, qui hac l. pro aurum reponebat aureum: quasi vnus aureus seu solidus hic pro centum libris æris dari iubeatur. Quod certe a proportionem & æstimationem superioris legis nimium recedit. Secundo fit hac l. mentio Centenarii æris: Centenarius est ποσότης seu quantitas & pondus centum librarum æris: Male enim Maynardus alique qui centenarium æris hic pro nummo, vel quantitate nummorum exaudiunt, centum videlicet asium. Suidæ etiam loco male adducto: κεντηνάριον νομισμάτων ποσότης, Centenarium nummorum quantitas: de quo pecuniæ Centenario dixi ad l. 2. supr. si quis pecun. const. Eos quippe vel hic titulus, sub quo hæc lex posita est, refutat: ubi non agitur de collatione æreæ pecuniæ, verum de specie seu materia æris: ut ad l. super. quoque ostendi.



NE CONLATIONIS TRANSLATIO POSTVLETVR. (*)

p. 163.

TITVLVS XXII.

Abeſt hic *Titulus* a COD. IVST. Imo abſunt omnes *huius tit. leges*.

(*) Item, ne Autopractorum ius poſtuletur, de quo eſt *lex* 4.

PARATITLON.

TRANSLATIO Conlationis, *Rubr.* ſeu Iugationis, *l. 2. & 3. b. t.* eſt, cum cenſus fundorum ſeu iugorum, *l. 1. b. t.* profeſſionis publicæ functionis, *l. 3. b. t.* præſtationis poſſeſſionum, *l. ult. b. t.* ex alio loco, *l. 3. b. t.* ex alio territorio, *l. ult. b. t.* quam ubi iugatio eſt antiquitus adſcripta, *l. 2. b. t.* ad aliam ciuitatem ſeu urbem, *l. 1. & 3. b. t.* ad aliud territorium, *l. ult. b. t.* ibi deinceps agnoſcenda & præſtanda, impetrabatur: Quod *hoc titulo* regulariter prohibetur, a Conſtancio, *l. 1. b. t.* a Valentiniano *lun. l. 2. & 3. b. t.* Theodoſio *lun. l. ult. b. t.*

I. (a) Impp. CONSTANTIVS & Conſtans AA. Philippo PF. P. (b)

PLERIQUE cenſum fundorum ſuorum, iugorum (c), ad alias ciuitates transferre curarunt. Vniuſcuſque itaque Ciuitatis cenſum in omnibus prouinciis ad proprias ciuitates redire (d) cenſuimus. Dat. v. Kal. Aug. Conſtantino (e) IV. & Conſtante III. AA. Coſs. (346.)

NOTAE.

- (a) Iungenda *huic* videtur *lex* 4. *Cod. Iuſt. de dignitatib. GOTHOFR.*
- (b) Orientis: De hoc Philippo PP. dixi in *Proſopog.* Eidem inter alias inſcribitur quoque *lex* 4. *Cod. Iuſt. de dignitatibus*: dignitate eius & Conſulibus omiſſis, quæ *huic* forte iungenda eſt. *ID.*
- (c) *Acuſdētus*, pro, ſeu iugorum. *ID.*
- (d) Eadem voce vtitur *lex* *prox* *infr.* *ID.*
- (e) *ꝛꝑ. Conſtancio*, vt docent *Conſularia Theodoſ. RITTER.*

COMMENTARIVS.

CONSTANTII Imperat. hæc *lex* eſt, cuius SENTENTIA, vt & *l. 2. & ult. hoc tit.* apertiſſima eſt, vel ex ipſamet Rubrica, quæ pleno ſenſu concepta eſt, dummodo ſemel conſtet, quid ſit *conlationis translatio*; quod iam alioquin Paratitlon oſtendit. Nempe ſingulari priuilegio nonnulli id impetrabant, vt etſi in alio territorio alterius ciuitatis poſſiderent, atque ibi modum poſſeſſionis eorum ab antiquo cenſus eſſet, & in cenſuales eius ciuitatis libros relatus; attamen non ibi, ſeu in propriis ciuitatibus, verum in alio loco ſeu in alia Vrbe Tributa inferrent. Atque hæc eſt *Conlationis Translatio*: vox alioquin *Translationis*, alio ſignificatu pro tranſuectionis ſollicitudine ſeu Angariis & Parangariis effertur *leg. 18. infr. de Nauicular. leg. 15. & 40. infra de Episcop.* Alio ſed proximo tamen ſignificatu *Translatio* pro functionis ſeu canonis in aliud genus mutatione, quo ſenſu

Tom. IV.

accipitur *leg. ultim. ſupra de collatione donatarum, & Nouell. Theodoſi 33.*

Videndum nunc de duobus. Primum, quis huius translationis vſus, quæ vtilitas fuerit, ſeu quo fine id nonnulli tantopere expetierint? An quia leuioreſ alibi functiones publicæ erant, ſic vt relevationis cuiuſdam ſpecies hæc forte eſſet? Minime; Verum propter illationis ſeu tranſuectionis maiorem facilitatem: ſive quia in diuerſis urbibus aliquis poſſidens vni Exactori reſpondere mallet, & ſic vñica ſolutione deſungi, quam per multos exactores diſtrahi: quam rationem ingerit *lex* 3. *hoc titulo*: ſive etiam propter itinera confragola, obquæ difficilius erat fere euectio ſeu translatio tributorum, quam modus ipſe tributi; quam in rem eſt elegans quoque Eumenii locus in *gratiarum actio*. P. 164. ne Flauienſium nomine ad Conſtantinum Magnum, cap. 7. Atque hiſ de cauſis etiam Valentinianus

Y 2

junior

Iunior postea Anno 387. conlationis translationem indulsit in annonariis saltem comitatibus, *d. l. 3. infr. videnda & lex 19. supr. de erog. mil. ann.*

Alterum est, qua de causa id postea Principibus prohibere visum, ne, inquam, huiusmodi conlationis translatio postularetur, & si quæ postulata fuisset reuocaretur: Principibus, inquam; puta Constantio *hac l. Valentiniano Iuniori, l. prox. 2. & 3. Theodosio Iuniori, l. ult.* Generaliter sane in fraudem munerum id factum indicat *lex 2.* atque ideo etiam grauissima poena proposita & impetrantibus, & officialibus Præfetti Prætor. id tandem prohibuit Theodosius Iunior, *dicta leg. ultim.* Geminam fraudem hanc coniicio; primam ex parte impetrantium, quia hoc obtentu facile elabebantur, & immunitatem sibi quærebant: Ignaris plerumque vnus loci Exactoribus quid & quantum in alio territorio quis possideret. Altera fraus contra ciuitatem ipsam, vnde translatio facta fuerat: quia scilicet non ideo minorem tributum modum ciuitates illæ agnoscere tenebantur: vnde vnus translatio

plebis seu cæterorum sarcina fiebat: quam rationem ingerere videtur *lex 2. prox.* Denique fiscales stationes & rationes hac arte confundebantur: qua de re dicam ad *l. 30. infr. de susceptoribus.*

Tandem monendum huic legi coniungendam videri *legem 4. Cod. Inst. de dignitatibus*, quæ data est ad eundem Philippum P. P. & in eodem argumento collationis versatur. Ea scilicet Senatores, eorumque homines in *DIVERSIS LOCIS* & prouinciis possidentes a sordidis & extraordinariis muneribus immunes esse iubentur. Vbi & illa spectari cupio, *In diversis locis possidentes*, quomodo & in specie *huius legis* in diuersis locis & ciuitatibus collator possessiones habebat. Quod si ita est, tum dicendum fuerit, Constantium ea constitutione, vnde hæc *lex & dicta lex 4.* desumptæ sunt, de priuilegiis circa collationem egisse: diffiniuisseque, quænam ex his stare deberent; illa videlicet quæ certo Ordini & Dignitati tributa sunt: non vero quæ viri singulis in fraudem rei tributariæ; veluti conlationis translationis *hac leg.*

II. (a) Imppp. Gratianus(b), VALENTINIANVS, & Theod. AAA. ad Neotherium PF. P. (c)

HABEAT vnaquæque Ciuitas consortem munerum, quem habuit in professione collegam. Iugatio (d) omnis, vbi est antiquitus adscripta, permaneat: redeat (e) ad se (f), alio, in fraudem munerum, translata iugatio. Discant Ordines (g), discant reliqui (h) Possessores, mutato eo quod non recte est impetratum, quem participem possidendi cognouerint, esse etiam in omnibus socium functionibus. PP. IV. Non. Maii, Arcad. A. I. & Bautone Coss. [385.]

NOTAE.

- (a) Non adeo improbabilius *huic l. iungatur lex 6. supr. de iurisdic. GOTHOF.*
- (b) Expungendum hic *Gratiani* nomen est: ante biennium quippe iam fuerat interfectus Gratianus, vid. *Consularia Theodof.* Idem error residet in *l. 6. supr. de iurisdic.* Reponendi itaque hi Imppp. VALENTINIANVS, *Theodosius & Arcadius. ID.*
- (c) *Neotherius* PP. Italiae sub Valentiniano Iun. de quo v. *Indicem personarum. ID.*
- (d) De *Iugationis* *hic & l. 3. prox.* voce vid. *Glossarium Theodof.* sic & *l. 1. sup. Iugorum, &c. ID.*
- (e) Eadem *Redeundi* voce, utebatur *lex 1. supr. hoc tit. ID.*
- (f) *Ad se*, id est, ad proprias ciuitates. *ID.*
- (g) *Ordines*, id est, Curiae, & sic Decuriones seu Curiales. *ID.*
- (h) Nempe Ciuitates in hac duo hominum genera distinctæ fuerunt, in Ordines seu Decuriones, & reliquos possessores: Vid. *Orbis Rom.* descriptionem ex *Cod. Theod. ID.*

COMMENTARIVS.

VALENTINIANI Iun. est hæc *lex*, vt & *proxima 3.* Huius vero, quæ styli elegantia quoque commendatur, non alia est sententia quam *superioris*, & *legis ult. infr.* a qua tamen quadamtenus postea recessit *d. l. 3.* Illud tantum obseruo, Valentinianum Iuniorum hoc anno vna ratione turbatis ciuitatum Iurisdictionis & territoriorum terminis enixe occurrisse: datis ad hunc ipsum Neotherium PP. pluribus constitutionibus: vt ostendit *lex 6. supr. de iurisdic. lex 10. infr. de decur. l. 2. seu ult. supr. quid probare debeant ad milit. venient. addatur & ex, quinque pedum, 4. supr. finium regum-*

dor. Quin & fraudibus aduersus rem tributariam obuiam iuisse, quod ostendunt hoc ipso Anno *lex 16. supr. de extraord.* ad hunc ipsum Neotherium data, vt & complures aliae *leges*, mox ad Principium, Neotherii in Præfectura successorem: videatur saltem *lex 20. supr. de annonâ & trib. seu lex 7. supr. de diuers. rescript.* quorum pleraque verosimile mihi sub Gratiano factitata. Hæc *lex* id peculiare habet, (quod iam *supr.* notauimus) quod rationem ingerere videtur, cur conlationis translatio ex vno territorio in aliud prohibita sit.

III. (a) Imppp. VALENTINIANVS, Theod. & Arcad. AAA. ad Eufignium PF. P. (b)

P. 165.

TRANSFERAT qui orando (c) meruerit, ex iudicio Tuæ Magnitudinis, in annonariis dumtaxat commeatibus (d), ex alio loco, ad urbem aliam, professionem (e) publicæ functionis: Qui (f) diuersis in urbibus non sufficiet respondere Exactorum numero crebriori, ad vnum, vbi magis (g) possidet iugationis (h), reliquum modum, sine publico detrimento, Exactorum (i) transmittat. Dat. xviii. Kal. Maji, Valentiniano A. tertium, & Eutropio Coss. [387.]

NOTAE.

- (a) Absent hæc lex a *Cod. Iust. GOTHOFR.*
 (b) *Eufignius* PP. Italia, sub Valentiniano Iun. vid. *Indicem Personarum*, & *Notitiam dignitatum*. ID.
 (c) Id est, precibus impetraverit. ID.
 (d) De hac *Commeatus* voce v. *Glossarium Theodos.* & mox in *Comment.* ID.
 (e) Id est, *Professionem* censualem seu tributorum. ID.
 (f) *Et sic qui*, vel: *proinde qui*. ID.
 (g) *Magis iugationis*. ID.
 (h) De hac *iugationis* voce hic, & l. 2. *sup.* consule *Paratitlon*, & dicta ad leg. 2. *inf. de censu*: & *Gloss. Theod.* ID.
 (i) Sustineri debet hæc vox: *vnum*, &c. *Exactorum*, id est vnum ex Exactoribus. ID.

COMMENTARIVS.

VALENTINIANI Iun. altera hæc constitutio est hac titulo de Translatione collationis: quam omnem superiore lege ante biennium vetuerat: at nunc quadamtenus permittit: In annonariis scil. *commeatibus*, id est in iis quæ in speciebus annonariis, veluti pabulo, fæno, annonis, id est capito annonisque cellariensibus. Id enim sunt *annonarii commeatibus*: vt hac l. ita & l. 18. *sup. de annonis & tributis*: & l. 32. *inf. de Nauicular.* & alibi. Sed & apud alios huius æui Scriptores, Ambrosium, Marcellinum, Symmachum: de quo vid. *Gloss. Theodos.* Aliud proinde obseruari voluerit Valentinianus Iun. in auri, argenti, similibusque collatione. Differentiæ ratio ex huius leg. ratione satis patet. Nempe id ita indulgere sese indicat circa annonarios commeatibus Valentinianus Iun. hac leg. ob minutarum solutionum, pluribusque Exactoribus respondendi difficultatem: quia scil. cum in diuersis urbibus seu locis, diuersarumque urbium territorio quis possideret, sane perquam incommodum videbatur, carptim seu particulatim ob leuicula forte, nescio quæ, tot Exactoribus respondere, totidemque transmissiones seu transuersiones vehiculares, & quidem eodem tempore facere, cum non in omnibus

locis vehiculorum copiam haberet: haberet vero in eo tantum loco, vbi maiorem possessionis modum habebat: Quo fiebat, vt cum non sufficeret omnibus, sola translatio seu euectio plus dispendii haberet, quam ipsum collationis seu tributis onus, vt iam quoque alia in re ostensum est ad l. 1. *sup.* & ostendit lex 9. & 22. *sup. de annonis & tributis*: & l. 19. *sup. de erogatione milit. annon.* Quare satis visum, in aggere coacervatam inferri collationem, quam per tot loca distrahi: Quomodo & in aliis iuris speciebus id agitur, vt ne quis in plures distrahatur.

Et id tamen ipsum sub tribus adhuc conditionibus seu limitationibus indulgetur. Primo quidem, vt ex iudicio *Præfæli Prætorio* id fiat, penes quem scil. tributariæ rei cura ubique erat, quod pluribus iam locis ostensum est: quare & ab eo quoque translationis istius beneficium procedebat, vt hæc lex docet, simul & lex ult. *inf.* Secunda limitatio hic additur: solutionem ibi faciendam, vbi collator maiorem possessionis quantitatem seu modum possidet. Tertia est, id fieri oportere sine publico detrimento, omni scil. fraude submota.

IV. (a) Impp. Honor. & THEOD. AA. ad Anthemium PF. P. (b)

NONNULLOS possessores, exactionis consuetae more diffimulato (c), eo temeritatis procedere cognouimus, vt quidam auctoritate Rescriptionis elicta instantiam (d) Compulsorum (e) eludant, sub eo obtentu quod sponte pronius inferant expetenda. Quæ usurpatione patefacta, promulgamus, vt huiusmodi impetrationis nouitate supposita (f) (quæ vulgo *Auctorprætorum* (g) vocatur) vniuersa persequutionis profliganda, quæ fuit, reuiviscat sollemnitas: & Curiales, vel Apparitio provincialis, huius muneris vota (h) procurent (i); Exceptis his quos Eminentiſſimæ Tuæ Sedis specialiter consideratio digessit. Dat. xiv. Kal. Iun. Honor. viii. & Theod. iii. AA. CONSS. [409.]

NOTAE.

P. 166.

- (a) Fugitiua hæc lex est. Iungendæ videtur *lex 168. inf. de decurion.* GOTHOFREDVS.
 (b) *Anthemius* PP. sub Theodosio Iun. Orientis scil. v. *Protopogr.* ID.

- (c) Id est neglecto, in superhabito. *ID.*
 (d) *Instantiæ* vox hic propria: Ita l. 33. *D. de usuris.* Dummodo, inquit, non acerbum se exactorem, nec contumeliosum præbeat, sed moderatum, & cum efficacia benignum, & cum *INSTANTIA* humanum &c. *ID.*
 (e) De his *Compulsoribus* dixi iam ad l. 34. *sup. de annona & trib.* quæ & ipsa est de autopragia seu spontanea deuotione. *ID.*
 (f) Pro, *explosa.* *ID.*
 (g) *vg. Autopractorum:* de quo mox dicam. *ID.*
 (h) *Vota,* pro Officiis deuotionis alicuius publicæ; v. *Glossarium Theodos.* *ID.*
 (i) Quid si, *præcurrent?* Non. *ID.*

COMMENTARIVS.

AUTOPRACTORVM seu *αὐτοπραγίας* beneficia seu Rescripta singularia reuocat & explodit hac constitutione Theodosius Iun. pariter vt Honorius l. 15. *sup. de exaction.* sub quo *tit.* hæc lex referri debuit, ab *hoc tit.* plane fugitiua, nisi *translationis* vocem in Rubrica generalius accipiamus, etiam de Translatione a persona in personam.

Autopracterum beneficium vel rescriptum est, quo nonnullis conceditur, vt ipsi sponte sua seu spontaneæ deuotionis studio (vt loquitur Valentinianus III. Theodosii Collega l. 34. *sup. de annona & trib.*) tributa inferant, neque a solitis Compulsoribus exigantur admoneantur, vt docet quoque *d. lex 15.* Quod pro magno beneficio nonnulli expetebant, *sub eo obtentu,* inquit *lex* quod sponte pronius illaturi essent expetenda, id est quæ alioquin tributi nomine a Compulsoribus exiguntur. Proculdubio enim dignitate præcellentes Viri, vel vitæ honestate eminentes possesores ægre ferebant, hoc genus hominum sibi imminere: rapax alioquin, vt docet *d. lex 34. sup. de annona & trib.* & molestum; Qua causa etiam frequentes de eorum deprædationibus querelæ obortæ, adeo vt tandem penitus etiam sublati fuerint, de quo plene dixi ad *d. l. 34.* Vt non adeo mirum sit, Autopractorum beneficia inualuisse. Verum cum rebus ipsis compertum fuisset, inanem hunc sæpe obtentum quæri differendæ vel euitandæ solutioni, & vt loquitur *lex 35. sup. de annon. & trib.* nimia securitas a deuotione renocaret, & necessitate submota voluntas soluendi cessaret; vnde *callidæ preces* vocantur, *d. l. 15. sup. de exaction.* item *prætextum beneficium* ibidem vocatur, & hac *leg. obtentus*, item, *usurpatio.*

Autopractorum beneficia Principibus abolere visum & Honorio *d. l. 15.* & Theodosio Iun. hac *leg.* vt ita profligandæ seu exigendæ pensitationis solemnitas reuiuisceret, id est solemnitas exigendorum per Compulsoribus tributorum instaretur: *Compulsores*, inquam, de quibus plenissime semel dixi ad *leg. 34. de annona & trib.* vt & de Curialibus vel Apparitoribus, quibus Exactorum & Compulsorum officium hac quoque *lege* iniungitur, de quo alioquin etiam, *Paratito, sup. de Exactionibus.*

Colligi interim possit ex his huius *leg.* verbis, huiusmodi impetrationis *NOVITATE* supposita, non adeo dudum Autopractorum ius hoc inualuisse. Nempe tributario falce laborantibus indies magis ac magis, accedente insuper Exactorum acerbitate, quæ causa etiam postea non vltima inclinantis & præcipientis Imperii: & hac cautela, si qua possent, miseri possesores sibi consultum voluere.

Et *Exceptio* tamen sine huius *leg.* additur: nempe, Autopractorum iure seu beneficio eos frui oportere, quos Anthemius PP. specialiter consideratione sua digesserat, id est quos relatione sua ad Imperat. censuerat iusta ratione excipiendos. *Consideratio* est æqua æstimatio & ratio: vid. & Symmachum, *lib. 3. ep. 72. lib. 10. ep. 10. in fin.* *Digere* vero est exprimere, ingerere, referre, enumerare, *b. l. & l. 2. sup. de Senatoribus, & Glebali collat.* Symmachus *lib. 10. ep. 50.* *Expensorum quoque titulos competentes Officii cura digessit.* Vnde & digesta ratio, & familia: de quibus in *Gloss.* Quinam vero illi sint, quos Anthemius PP. specialiter excipiendos credidit, diuinare nolumus.

V. (a) Idem A. (b) Herculio PF. P. (c) Illyrici.

QUOD olim meminimus constitutum †, hac generali denuo legis præceptione sancimus, Ne cuiquam liceat præstationes possessionum ad aliud territorium ex alio transferre, sed omnibus modis in eo loci tributaria agnoscatur inlatio, quem fides (d) censuum retinet, & necessitas publicæ adscriptionis adstringit. Quod si vltius ab Officio Præfecturæ præsentia, vel priora statuta fuerint temerata, centum librarum auri multa ferietur. Sed & singuli qui nequaquam prohibitis temperabunt, viginti librarum auri dispendia sustinebunt. Dat. VIII. (e) Kal. Iul. Constantinop. Varane v. c. COSS. [410.]

NOTAE.

(a) Forte iungenda huic fuerit *lex 172. inf. de decurionibus.* GOTHFR.

(b) *vg. lidem AA.* *ID.*

(c) *Herculius* PP. Illyrici, sub Theodosio Iun. Eidem inscribitur præter *banc*, & *d. l. 172. lex 49. inf. de operib. publ. lex vlt. sup. de equorum collat.* Ad eundem extat Ioan. Chrysostomi epistola. *ID.*

† A Constantio l. 1. *sup. Valentiniano* Iun. l. 2. & 3. *sup. ID.*

(d) *Fides censuum h. l. & l. 1. inf. de Censitorib. ID.*(e) *IX. Kal. Iun. d. l. 172. ID.*

P. 167.

C O M M E N T A R I V S.

THEODOSIVS Iun. hac l. per Illyricum Orientale A. D. 410. collationis translationem prohibet: Vetusiorum constitutionum exemplo, ut ipsemet profitetur. Et quidem generali lege, de cuiuscunque collationis translatione; aliter quam Valentinianus Iun. l. 3. sup. eod. Item omnium perso-

narum respectu. Et hæc omnia rursus propofita gravissima multa C. librarum auri Officialibus Præfecti Præt. qui hoc permisissent, quos alioquin tributariæ rei cura manebat, ut offendit quoque lex 3. sup. Imo & XX. librarum auri multa imposita his qui translationem impetrassent.



DE PROTOSTASIA[○].

TITVLVS XXIII.

Abeſt hic *Titulus* a COD. IVST.

(*) Adde & de PROTOTYPIA: de quo est lex 2.

P A R A T I T L O N.

PROTOSTASIA, Rubr. de qua sunt præter tres huius tituli leges, lex 3. sup. de desertoribus: lex 8. C. Iust. de munerib. patrim. & l. 3. C. eod. de filiisfam. & sic sex in vniuersum leges. protostasiæ functio, l. 3. b. t. protostasiæ munus, l. 1. hoc tit. & d. l. 8. Cod. Iust. de munerib. patrim. & d. l. 3. C. eod. de filiisfam. & quemadm. pro iis patres ten. protostasiæ necessitas, l. ult. b. t. protostasiæ onus, l. 3. sup. de desertorib. Erat officium publicum l. 3. b. tit. non munus corporale, sed patrimonii tantum, etsi de eo dubitaretur, l. 1. b. tit. d. l. 8. Cod. Iust. d. munerib. patrimon. Vnde sequitur munus hoc impensas quasdam exegisse, vel saltem periculo gerentis id fuisse. Iungitur Sacerdotii & Decaprotiæ muneribus, d. l. 8. Obnoxii vero erant huic functioni omnes, l. 3. b. t. etiam Senatores, d. l. 1. b. t. etiam qui ex Primpilariibus sunt, l. ult. b. tit. Quare & pro magno nonnullæ dignitates seu personarum nonnullarum merita, a Protostasia immunia erant, d. l. 3. hoc titulo. Quinimo & Temonarius (id est exactor auri tyronici) si desertorem prodidisset, Protostasiæ onere biennio releuabatur, d. l. 3. sup. de desertoribus: Maturitate ad id opus fuisse docet lex 3. b. t.

Cæterum obseruare licet in Orientali Imperio, ac nominatim in Orientis & Asia-na diœcesi, hoc nomen fuisse: ut docet lex 3. 4. b. t. lex 3. de desertoribus. Et hæc de Protostasia.

PROTOTYPIÆ quoque hoc titulo fit mentio: puta l. 2. h. t. ac præterea l. 7. sup. de tyronibus: l. 3. sup. de priuilegiis eorum qui in sacro palatio: obsequium Prototypiæ, d. l. 3. Exactionibus iunguntur Prototypiæ, d. l. 2. b. t. Exactoribus, turmariis seu capitulariis & temonariis, d. l. 3. Immunes nonnulli erant a Prototypia: de quibus, d. l. 3. Atque hæcenus quidem de Protostasia & Prototypia quantum leges suppeditant. Nos enim in Commentario mox vltius affurgere conabimur quidnam ea fuerint.

I. (a) Imp. CONSTANTIVS A. ad Senatum (b).

PROTOSTASIÆ munus hæcenus Senatores inposita necessitate sustentent (c), ut (d) hisdem Senatorum census (e), implendæ necessitatis contemplatione, socientur (f): Nec cuiusquam alterius iuga (g) aut capita, Senatorum censibus adgregentur: cum Protostasiæ munus ita debeant sustinere, ut ad eum numerum, quem ipsi censuali sorte sustentant, Senatorum tantum censibus nexis, eandem necessitatem debeant explicare (h). Dat. v. Non. Maii, Tauro & Florentio Coss. [361.]

- (a) Iungenda *hinc est lex 12. 13. sup. de Pratoribus: lex 1. sup. de Metatis: lex 7. sup. de annona & trib. lex 1. sup. de publ. compar. lex 48. inf. de decurionib. lex 3. inf. de iustali coll. lex 7. inf. de operib. publ. GOTHOFR.*
 (b) Urbis Constantinopol. *ID.*
 (c) Tantum scil. ut mox *sine legis. ID.*
 (d) *Ve, id est, prout. ID.*
 (e) Ita mox, *ad eum numerum, quem ipsi censuali sorte sustentant. ID.*
 (f) *Sociantur. ID.*
 (g) De *Iugis his & Capitibus*, vid. *Gloss. dixi semel ad leg. 2. de censu. ID.*
 (h) *Exequi. ID.*

COMMENTARIUS.

DE PROTOSTASIA & PROTOTYPICA est hic Titulus. Sed si quid hoc Codice Theodosiano obscurum est, id vero istud est, & num hæc duo inter se differant, & quidnam sint: quandoquidem nil opis ab illo τὰν ἔξω scriptorum occurrit, utpote quorum nullus, horum quod sciam meminert. De utroque separatim videndum est: de Protostasia ad *hanc leg. de Prototypia ad prox.*

PROTOSTASIAE sex in uniuersum legibus fit mentio: duabus Diocletianis, puta *l. 8. Cod. iust. de munerib. patrimon. l. 3. Cod. eod. de filiisfam. & quemad. pater pro his teneatur: Tertia Constantij, puta l. 1. b. t. Quarta Theodosii M. l. 3. sup. de desertorib. Quinta & Sexta Arcadii, puta l. 3. & 4. b. tit. Græcum per se nomen ostendit, munus hoc in Orientali Imperio ita vocatum; & quidem per Orientis & Asiae dioceses nominatim id nominis & muneris usurpatum ostendit Theodosiana illa constitutio, ostendunt Arcadianæ: ac speciatim in Syria, ut docet subscriptio *d. constitutionis Theodos. P. P. Antiochie: & unius ex duabus Arcadianis* Inscriptio, *Præsidi primæ Palestine, vel Hygie.* Hoc primum.*

Secundo ex omnibus sex illis legibus clarum est, fuisse Protostasian Munus, functionem, necessitatem, & Officium publicum: publicum, id est municipale.

Tertio, clarum, ex *l. 1. b. tit. & ex l. 8. C. iust. de munerib. patrimon. & ex l. 3. C. eod. de filiisfam.* fuisse Protostasian munus Patrimoniale: Verba legis 8. ita habent; *Nec Protostasia, vel Sacerdotii, vel Decaprotiæ, munera corporalia sunt, sed patrimonii esse, non ambigitur. Nec Protostasia, id est nequidem Protostasiæ, ut maxime corporale ministerium aliquod contineret.*

Et vero quod Quartum ideo, Sacerdotii muneri & Decaprotiæ *d. l. 8.* Protostasia iungitur; nam & hæc munera etsi personæ ministerium requirerent, Patrimonii tamen onera erant. Sacerdotii, inquam, munus, quod idoneis & in facultatibus positis deferrebat, *l. 148. & 166. inf. de decurion. ex Curialium vel Aduocatorum corpore; magnis quippe expensis fatigabantur, ut docet lex ult. sup. de tironib. ac inter cætera ludis suo sumptu edendis, quod ostendit plenissime Paratitlon inf. tit. de Paganis Sacrific. & Templi.* Decaproti quoque tributa exigentes, etsi corporale ministerium gererent; attamen pro oneribus defectorum fiscalia detrimenta resarciebant, *l. 1. §. 1. l. 3. §. 10. l. ult. §. 26. D. de munerib. & honor.* denique periculo ipsorum exactiones solemnium

celebrabantur. Vnde clarum iam, protostasiæ munus, prout modus esset patrimonii impositum quoque fuisse: Hæc enim est munerum patrimonialium definitio: Quod *huius leg.* sententia adhuc magis comprobabit. Et vero hac quoque de causa filiusfamilias ad protostasiæ munus vocari non poterat, cum ex eadem familia ac domo duos ad ista obsequia destinari periniquum videatur, inquit Diocletianus, *d. l. 3. C. iust. de filiisfam. & quemadm. pro his pater teneatur lib. 10.* cum alias ad munera personalia filiusfamilias quoque vocari possent.

Quinto clarum est vel ex *huius tit. situ*, Protostasiæ munus rem tributariam respexisse, quandoquidem titulus hic positus est in censu titularum, qui eo pertinent.

Et, quod Sextum, inmediate post *Titulum, Ne conlationis translatio postuletur: & ante Titulum, de Patrocinii vicorum:* seu medio loco inter duos illos quos dixi *Titulos*, hic de *Protostasia* positus est, ut proinde affine vel vicinum quid cum *conlationis translatione, & Patrocinio vicorum* Protostasiam habuisse videatur, & sic ad Exactionem Tributorum liquido munus id pertinet, sicut & Prototypia, de qua *l. 2. hoc tit. & patrocinia vicorum, de quib. tit. prox. eodem pertinent, quæ πρὸς αὐτὰ Græcis ut hæc πρὸς αὐτὰ.*

Septimo, necessarium hoc munus & onus fuisse clarum ex eo, quod & *necessitas* vocatur *b. l. paucissimæque* admodum dignitates ab eo immunes essent, ut docebit *lex 3. inf. b. t. & lex 4.* imo & hæc ipsa *lex 1.*

Senatoribus certe quod Octauum id impactum, seu, ut *hac l. dicitur*, Senatores *imposita necessitate sustentabant*, id est sustinebant, *hanc necessitatem explicabant.*

Vt &, quod Nonum, iis qui ex Primpilaribus erant.

Contra, quod Decimo notandum, singulari privilegio ad eruentes desertores, id temonario deferretur, ut si desertorem prodiderit, protostasiæ onere releuetur, & quidem biennio tantum, *l. 3. sup. de desertoribus.*

Vndecimo summa maturitate & celeritate munus hoc exerceri oportuisse, ostendit *lex 3. hoc tit.*

Duodecimo, pro modo patrimonii hoc munus sustinere quemque oportuisse docet *hæc lex 1. Ut ad eum, inquit, numerum quem ipsi censuali sorte sustentant, Senatorum tantum censibus nexis, eandem necessitatem debeant explicare.*

Tandem igitur ita cenfeo, Protoſtaſiæ munus occupatum fuiſſe circa collationem & exactionem tributorum, ſic vt Protoſtaſia fuerit principalis & ſumma tributorum cura in ſingulis municipiis & territoriis per Orientem periculo *Protoſtaſe*. Nam & alioquin in genere *πρωτοſταſία* nihil aliud eſt quam *Principatus*; vt etiam Gloſſæ Cyrilli explicant. Quomodo & in re militari (vnde id nomen proculdubio tranſlatum) *πρωτοſτάτης* ὁ *πρωτὸς παρὰ τὸ κέρας τῆς παρατάξεως τεταγμένῳ*, vt Heſychius: vt Pollux *Onomaſt. Lib. I. cap. 10. Sect. 127. pag. 85. Edit. Hemſterhuis. ὁ ἐκ δεξιᾶς τῆς πρώτης ζυγῆς, πρωτοſτάτης, καὶ πᾶν τὸ μεταπον πρωτοſτάτης, ὁ δὲ ὑπ' αὐτὸν ἐξοπλιδὲν, ἐπιſτάτης*: dextrum primæ aciei cornu tenens, propugnator vocatur vel princeps, & ſimul nomine eodem tota fronte appellatur, qui a tergo adſtat, *Epīſtates* dicitur. Denique *πρωτοſτάτης* antelignanus primusque in

P. 169. quacumque re. Neque tamen placent aliorum nonnullorum Interpretationes. Primo, perperam cum his *Protoſtaſis* commiſcet Cuiacius *Principales*, a quibus ordinariorum munerum adſcriptio fiebat, vt docet *lex 5. ſup. de his quæ adminiſtrantib. lex 117. inf. de decurion. lex 4. ſup. de extra ordin. muner.* & Symmachi locus *lib. 9. epiſt. 10.* In duobus enim differunt; *Principales* quippe erant *Decurionum* primi: Deinde, non exactionis cura his imminēbat, vel ſumma rei tributariæ, ſed tantum adſcriptionis & distributionum forma, nempe quid, quantum, quiſque ſoluere deberet. Quare ſecundo loco neque huc faciunt *Pentaproti* vel *Decaproti* vel *Icoſaproti*; quandoquidem etiam *l. 8. Cod. Iuſt. de munerib. patrimon.* diſertis verbis munera *Protoſtaſie* & *Decaprotie* diſtinguuntur, ſic vt *Protoſtaſia* maioris meriti locique fuerit, quam *Decaprotia*: quæ nudæ exactionis erat. Tertio Amaya nuper inepte *Protoſtaſiam* interpretabatur obligationem, vt ſi qua detrimenta contingerent in exigendis tributis, id reſarcirent; idque *Decurionibus* impoſitum fuiſſe, idemque vocant *decaprotiam*. Quarta Heraldii ſententia *l. Quotid. c. 9.* æque erronea eſt, qui *protoſtaſiam* interpretatur, munus, ob mancipiorum capita *κεφάλαια* ex pluribus mancipiis conſecta: quod Senatorib. imponi vetatur, niſi de Senatorum capitibus ſeu mancipiis adgregatis agatur: plures ſcil. addit is, Senatores poterant vnā velut *ſυμμορίαν* conſtituere, in quo ὁ *πρωſτάτης* totam capitationem ſiue iugationem colligebat & inferebat, velut in fundo aliquo communi aut in fundis iunctis & cohærentibus; & illi *πρωſτάτης* erat velut *ſυμμορίας ἡγεμὼν*.

Nunc de ſententia huius Conſtantianæ con-

ſtitutionis videamus: vbi obſeruandum ante omnia, eam proluxæ Conſtantii Orationis ad Senatum vrbis Conſtantinopolitanæ partem eſſe, vnā cum octo aliis legibus, quæ proinde huic coniungendæ ſunt omnes. Fuit vero ea Conſtantii Oratio, de Prætorum designatione & de editionibus, quo pertinet *lex 12. 13. ſup. de Prætorib.* item, de Senatorum priuilegiis & immunitatibus a quibuſnam muneribus Senatores immunes eſſent vel non, quo pertinent reliquæ leges ſeptem; nempe ea definit, Senatores immunes eſſe ab his quinque *I. a metati onere, l. 1. ſup. de metatis*; *II. ab annonis & tributis, pro colonis profugis l. 7. ſup. de annona & tribut.* *III. a publica comparatione ſeu Synoneto, l. 1. ſup. de publica comparatione.* *IV. ab operibus publicis a Iudicibus extructis, l. 7. inf. de operib. publ.* *V. Denique a luſtrali collatione, l. 3. inf. de luſtrali conlat.* Contra eadem Oratione Conſtantius Senatores immunes eſſe noluit ab his, *I. nexu Curiali, l. 48. inf. de decurionib.* *II. Sed nec a Protoſtaſia hac leg.* Qua parte tamen modum aliquem huic rei adhibet, puta vt in tantum hanc neceſſitatem impleant ſeu explicent, in quantum ipſi reuera Senatorii cenſus habent: non vero ex ἐπιβολῆς ſpecie quadam; de qua, varioque adeo ἐπιβολῆς genere iam pluribus actum eſt *tit. de annona & tribut.* Nempe vetat *hac l.* Conſtantius, *AL TER IVS* iuga ſeu capita Senatoris cenſibus & poſſeſſionibus adgregari, ſociari; vt ita Senator *Protoſtaſiæ* munus ſuſtinere cogatur aggregatis iugis ſeu capitibus, Senatorio cenſui. Quid igitur? Senatorem *Ad eum tantum numerum*, id eſt pro modo poſſeſſionum, quas ipſe reuera poſſidet cenſibus nexas, *protoſtaſiæ* onus agnoſcere vult, non etiam pro modo ἐπιβολῆς illius: Quæ tamen vt in aliis quibuſdam ſpeciebus de quo vid. *l. 4. 10. 17. 31. ſup. de annona & tribut.* ita & hac quoque parte aliquando haud adeo iniqua viſa; quandoquidem Senatores agrarii ferme mergi eſſent, & captatis aliorum momentaneis poſſeſſionibus optimos & opimos *AL IO RV M* fundos iuga capitaue ad ſe traherent, ſterilibus, fœneis & defectis ſolis penes veteres poſſeſſores relictis. Unde aggregatis cæteris, quos penes *ALIOS* priuatos ſcil. dominos fœneos ferme ſeu ſteriles reliquiſſent, *ad eum numerum*, modumque *Protoſtaſiæ* munus Senatores implere debere videbantur. Verum id non admittit, imo vetat Imp. Conſtantius, cui vt iam dixi propoſitum fuit ea Oratione, cuius hæc *lex* partem facit, gratiam Senatus & Senatorum aucupari. Et hætenus quidem *huius leg.* obſcuriſſimæ ſententiam puto. Cætera dies aperiet.

II. (a) Imp. IVLIANVS A. Salluſtio (b) PF. P.

PROTOTYPIAS, & exactiones, in (c) capitatione plebeia, Curialium munera, & quidem inferiora eſſe, minime dubitatur: Atque ideo a Senatoriis eaſdem domibus ſubmoueri oportet: &c. Dat. III. Id. Mārt. Conſtantinop. Mamertino & Neuitta Coſſ. [362.]

NOTAE.

(a) Iungenda huic eſt *lex 10. ſup. de extra ordin. muner. lex 4. inf. de luſtrali collat. lex 50. inf. de decurion. lex 1. ſup. de locatione fundor. & proculdubio etiam lex 1. inf. de auro coronario. GOTHOF.*

- (b) Ita b. l. & l. 1. de auro coronario. In ceteris legibus illis, Secundo. Qui tamen idem est. Ammianus initio lib. 22. cap. 3. Breui deinde Secundo Sallustio, promotus Praefecto Pratorio. v. plura in Profopogr. ID.
- (c) Capitationis Plebeiz. ID.

COMMENTARIUS.

PROTOTYPIÆ, & plebeiz capitationis exactionis immunitate donat SENATORES Iulianus hac constitutione. Quæ pars est prolixioris constitutionis, de muneribus publicis & municipalibus, ut videre est ex iis legibus quas huic coniungendas dixi. Porro inter cætera munera & munia municipalia fuit *Prototypia*, & Exactio capitationis plebeiz, & quidem ex inferioribus: Vnde Iulianus Curialium hoc munus esse minime dubitari ait, at P. 170. que ideo a domibus Senatoriis submoueri oportere. Quod cum attendo, videri cui possit, *Prototypiam* & *Protostasiam* eadem fuisse; Primum argumento tituli, sub quo hæc lex posita est: Secundo collatione legis superioris cum hac leg. nempe illa leg. nominatim *Protostasiam* munus Senatoribus iungitur, hac *Prototypia* a Senatoribus submouetur, ut proinde Constantii æmulus Iulianus & hac parte fuisse videri possit. Etsane, id colligi posse videtur ex plerisque illarum legum, quas huic coniungendas dixi; nam & idem Iulianus leg. 4. inf. de lustrali conlat. leg. 50. inf. de decurion. l. i. sup. de locatione fundorum patrimon. aperte Constantii quædam abrogat, veluti immunitatem munerum Curialium datam vel factam Decurionibus Christianis: Item ciuiliū possessionum, id est ad ciuitates olim pertinentium & festiuitatibus publicis dicatarum, donationes seu occupationes. Et nihilominus tamen tum ex hac ipsa lege; tum ex duabus præterea huiusce Cod. legibus, puta leg. 3. sup. de priuileg. eorum qui in S. Pal. & l. 7. sup. de tironib. in aliam sententiam concedo, nempe *Prototypiam* a *Protostasia* differre. Primum argumentum est, quod *Prototypia* hic dicitur inferius munus esse, cum tamen superius liquido ostensum fuerit, *protostasiam* munus fuisse honorificum, imo quod Sacerdotii honori præponitur, l. 8. Cod. Iust. de munerib. patrimon. Alterum argumentum est, quod non Exactoribus quibuscunque tantum, verum etiam turmariis, id est exactoribus tironum; item temonariis, id est exactoribus auri tironici *Prototypia* iungatur, dict. leg. 3. sup. de priuileg. eorum qui in S. Pal. Quibus omnibus, inquit, condonamus, ne Exactorum, vel Turmariorum (quos Capitularios vocant) curam subeant, vel obsequium Temonariorum, vel *Prototypia*. Quare necesse est, *Prototypia* onus proximum fuerit Turmariis & Temonariis, & circa idem occupatum. Tercio, *Prototypia* onus, dict. leg. 3. nomi-

natum personalibus & corporalibus muneribus connumeratur: Atqui supra ostensum fuit luci claro ex leg. 1. sup. & d. l. 8. Cod. Iust. de munerib. patrimon. *Protostasiam* fuisse patrimoniale munus. Quarto, aperta est lex 7. sup. de tironib. ut ea a nobis ibidem restituta est; nempe *Prototypia* munus fuisse occupatum circa tironum præstationem: ita quidem, ut qui *Prototypia* munereungeretur, æstimaret seu pretium formale statueret, quod loco tironum inferendum erat, atque ita formam daret: quæ etiam proculdubio nominis ratio est, *πρωτοτύπη* & *πρωτοτυπία*. Verba legis 7. ita habent; Tironum PRÆBITIO in patrimoniorum viribus potius, quam in personarum muneribus conlocetur, ut *Prototypia* munus, quod provinciarum interna depascitur, ab imis (ut dicitur) radicibus eruatur: Nam inter reliqua vitia hæc duo vel maxime intolerabilia iudicamus, quod aurum sepe pro corporibus immane depositur, atque aduenarum cœmtio Inuiorū insolentius quam conuenit, æstimatur. Ex hac leg. liquido apparet, *Prototypia* munus occupatum fuisse in æstimatione tironum, seu in adærandis tironibus seu æstimandis, atque adeo in forma pretii statuenda, quam postea æstimationem Temonarii exactores exigebant, ut ex eadem leg. 7. liquet; vnde *Prototypia* & exactiones hic iunguntur, pariter ut leg. 3. de priuileg. eorum qui in S. Pal. *Prototypia* obsequium iungitur exactorum Turmariorum & Temonariorum curæ seu obsequio. Hinc adeo cum *Prototypia* isti provinciarum interna depascerent, duobus his inter reliqua vitiis, puta vel immane pretium pro tironibus deposcendo, vel insolentius quam conuenit æstimando extraneorum tironum cœmptionem, Valenti per Orientem visum fuit *Prototypia* munus ab imis radicibus eruere, definito per se formali pretio seu solidorum numero, qui Temonario esset inferendus. Nullum igitur iam dubium, *Prototypia* munus esse munus formalis pretii statuendi pro tironibus; ut *Prototypion* est forma, specimen & exemplar cuiusque rei. Ita eodem sensu formale pretium dicitur in leg. 62. in f. D. ad Leg. Falcid. Formale, inquam, pretium, id est vniforme. In re monetaria alioquin quid τύπος, quid ἀξέστυπος, quid forma, notum satis, adeo quidem ut & forma pro nummis ipsis accipiantur.

III. (a) Impp. ARCAD. & Honor. AA. Præfidi Frygiæ (b) Palæstinæ.

CESSANTIBVS his, quæ quibusdam cuniculis (c) & subreptionibus impetrata noscuntur, & saluis priuilegiis Dignitatum, Grauitas Tua vniuersos faciat *Protostasiam* (d) subcumbere functioni, ut & officia publica maturius peragantur, & priuatorum merita ex hac distributione prouidentissime conferuentur. Dat. Frid. Kal. Iul. Constantinop. ARCAD. A. IV. & Honor. A. III. COSS. [396.]

NOTAE.

- (a) Abest & hæc *lex* a *Cod. Iust. GOTHOFR.*
 (b) An *Syria*, vel potius *Prima*? Non; rescribendum omnino *Hygia*, id est salutaris. *ID.*
 (c) Vid. *Glossarium Theod. ID.*
 (d) Hanc vocem iam expendi ad *l. 1. sup. hoc tit. ID.*

P. 171.

COMMENTARIUS.

IMMUNITATEM a Protoſtaſia dignitatibus in commune conceſſam vt confirmat hæc *l. Arcadius*; ita ſingulis perſonis per cuniculos & obreptionem conceſſam reuocat; proinde vniuerſos huic obnoxios functioni facit, & rationem addit; nempe vt officia publica maturius peragantur, quod iam expendi ad *l. 1. sup.*

In ſubſcriptione *legis* mendum reſidet: Ecquis enim vnquam ſando audiuit *Frygiam Paſtina*? Num igitur reponendum *Syria Paſtina*? Paſtina enim iam olim *πρεσβυτην τῆς Συρίας* fuiſſe teſtatur *Iosephus lib. 18. cap. 6.* Sed & *Ammianus* decennio ferme ante hanc leg. *lib. 14. cap. 8. Vltima*, inquit, *Syriarum* est *Paſtina*, ſic quidem vt olim cum reliqua *Syria* eidem *Præſidi* pareret: de quo dixi ad *l. 30. sup. de erog. mil. ann.* Atenim diuiſa poſtea a *Syria* tota *Paſtina* ſuum Rectorem habuit, modo *Conſularem*, & quidem ſub *Juliano Imp.* vt docet eius *lex 55. inf. de decurionib.* modo *Proconſulem*, vt *Theodoſii M.* conſtitutiones teſtantur aliquot: puta *lex 28. inf. quorum appell. lex vlt. sup. de ſiſci debitorib. lex 42. inf. de appellation.* item *Hieronymus in epiſt. ad Euſtichium, 27. pag. 11. Tom. I. Oper. Edit. Francſ. & Iuſtinianus Nou. 103.* Quare & *Zoſimus lib. 4. cap. 41.* ſcribit, *Hilarius* a *Theodoſio M.* *Paſtinae* totius Rectorem creatum: *ἰλάριος*, inquit, *ἀρχεν παρὰ βασιλέως ἐπὶ τῷ παλαισίνης ἀπάσης*, *Hilarius* ab Imperatore toti *Paſtinae* cum imperio præſectus fuit. Poſtea diuiſa *Paſtina* in tres, vt clare oſtendit *lex Theodoſii Iun. 30. sup. de erog. milit. ann. & Notitia Imperii* ſub eodem *Theodoſio Iun.* conſecta, ſed & *d. Nouella Iuſtin. 103.* Quanquam duarum tantum mentio fiat, *l. vlt. inf. de Iudæis.* Diuiſa autem proculdubio vel ſub extremis *Theodoſii M.* vel ab *Arcadio* inter Imperii ſtatim primordia. Quod cum atten-

do, omnino mihi in inſcriptione *buius l.* reſcribendum videtur, *Præſidi Hygia Paſtinae*: vt ita vna ex tribus *Paſtina* intelligatur, non tota *Paſtina*: quod *Præſidis* etiam nomen ſatis euincit: tota enim *Paſtina* a *Chriſtianis* *Impp.* ſubuecta, *Proconſulem* vt dixi habuerat, non *Præſidem*. (quod longe inferius) *Hygia* porro *Paſtina*, id est, *Salutaris*. Sic enim diuiſa *Paſtina* fuit, in *Paſtina* ita ſpecialiter dictam, ſeu primam, in *Paſtina* ſecundam, in *Paſtina* *Salutarem*; vt docet *Notitia Imperii* ſub *Theodoſio Iun.* *Arcadii* huius filio, conſecta, xxx. ferme poſt hanc *l.* annis, non vno loco, & in *notitia Præſecti Præt. Orientis fol. 3. & in notitia Comit. Orientis fol. 71.* Et *Salutaris* quidem dicta, haud aliter, atque vna ex *Syriae* *Prouinciis* pariter *Syria ſalutaris* dicta: Et vtraque ita dicta, ab aquis *Salutaribus*; de quibus *Paſtinae* aquis *Salutaribus* v. *Iosephum lib. 17. antiquit. cap. 8. & lib. 4. belli Iudaici, cap. 1.* *Sozomenum lib. 5. cap. 21.* *Hieronymum de locis Hebraicis*; *Ammianum Marcellinum lib. 14. cap. 8.* *Epiphanius contra Ebionitas, hæreſi 30. num. 7. pag. 131. Tom. I. Oper. edit. Colon.* Et hæc de ipſo nomine: Atenim vterius eadem *Notitia Imperii* oſtendit, *Paſtina* (*Primam* ſcil.) a *Conſulari* rectam fuiſſe, cuius etiam peculiarem *Notitiam* proponit; Cæteræ vero *Paſtinae* a *Præſidibus* rectæ fuerunt, puta *Paſtina ſecunda*, & *Paſtina ſalutaris* ſeu *Hygia*. Hinc igitur hæc *lex* inſcribitur *Præſidi Hygia Paſtinae*. Et ita quidem ſentio. Quanquam erit forte, cui hic videatur potius reſcribendum *Frygia Pacatiana*: de qua v. *Notitiam Imperii fol. 77. 78.* & vulgatam ſubſcriptionem prioris *Epiſtolæ D. Pauli ad Timotheum*. Nulla certe eius mentio fit ſub *Theodoſio M.* in *Indice Schonbouianno*.

IV. (a) *Impp.* (b) *Arcad.* & *Honor. AA.* *Euthymio* (c) *Vic. Aſiæ* (d).

QVI ex *Primipilaribus* ſunt, *Protoſtaſia* neceſſitatibus obedire cogantur: nec aliqua ſe obreptione ſubtrahere. Dat. XII. Kalend. Ian. *Arcad. IV.* & *Honor. III. AA. COSS. [396.]*

NOTAE.

- (a) Et hæc *lex* abest a *Cod. Iust. GOTHOFR.*
 (b) Scribendum hic fuerat, *Idem AA. ID.*
 (c) *Euthymius* *Vicarius Aſiæ* ſub *Arcadio A. 396.* Eidem inſcribitur hoc ipſo Anno *lex 19. sup. de cobortalibus. ID.*
 (d) De *Vicario Aſiæ*, vid. *Notitiam Theodof. ID.*

COMMENTARIUS.

EX-PRIMIPILARIBVS, id est, *Primipilatu* functi, poſt emeritam militiam a *Protoſtaſia* immunes non ſunt ex hac *Arcadii* conſtitutione; cum

Tom. IV.

alioquin *Primipilares* hi poſt emeritam militiam dignitate aliqua eueherentur, veluti *Perſectiſſimus* vel *Ducenæ* vel *Centenæ* vel *Egregiatis*, vt docet

L 2

cet

cet *lex 3. sup. de cohortalib. & Primipil.* vbi plene dictum. Itemque a *bastaga*, *nauculariaque* functione & *Curia* immunes essent, *l. n. d. z. de cohortalib.* Et vero ea dubitandi ratio in *hac leg.* fuit: Quandoquidem etiam *superiore prox.* eiusdem Ar-

cadii constitutione, priuatorum quorundam merita & priuilegia dignitatum a *Protofasiæ* onere excusarent: Verum non tanti visa *Primipilarii* dignitas, vt ab hoc munere tam necessario exciperentur.



DE PATROCINIIS

VICORVM.

TITVLVS XXIV.

LIB. XI. COD. IVST. TIT. LIII.

Vbi integra sententia & enunciatione *Titulus* ita conceptus est in Edit. Cuiac. *Vt nemo ad suum patrociniū suscipiat vicos, vel rusticanos eorum.* Περὶ προσασίων, aduersus quas est peculiaris Libanii oratio quam nos edidimus; & sic a προσασία ad προσάσιον hic transitus fit. Ceterum *Legis ultimæ* Theodosii Iunioris A. 415. pars ad Historiam EC-CLESIASTICAM pertinet.

P A R A T I T L O N.

VICORVM, integrorum scil. *Rubr. & l. 3. b. t.* vel vicinorum *l. 1. 5. b. t.* colonorum *l. 1. b. t.* agriculturalium, *l. 2. 5. b. t.* rusticorum, *l. 4. b. t.* possessorum, *l. 3. 6. b. t.* patrocinia, *Rubr. l. 1. 2. 3. 4. 5. 6. b. t.* clientelæ susceptio, *l. 4. b. t.* defensio, *l. 1. hoc titulo* prohibentur a Constantio, *l. 1. b. t.* Valente, *l. 2. b. t.* Arcadio. *l. 3. 4. 5. b. t.* Theodosio Iun. *l. ult. b. t.* spatio 56 annorum: ac nominatim per Ægyptum, vt diserte testantur, *l. 1. 3. 4. 6. b. tit.* Eodemque forte etiam pertinet *l. 2. & 5. b. t.* & sic omnes *huius tituli leges*: Quæ tamen vulgo vsurpabantur; fraudandorum scil. tributorum causa, *l. 4. b. t.* ne muneribus publicis satisfacerent, *leg. 3. b. t.* ad aditum implendæ deuotionis obcludendum, *l. 1. b. t.* ad obuiandum muneribus publicis, *d. l. 3. b. t.* (quæ causa est, cur hoc loco positus sit *hic Titulus* in censu *eorum*, qui ad rem Tributariam pertinent) & quidem ad exactionem commentis audacibus, *d. l. 1. b. t.* fraude, *leg. 4. b. t.* vici, agricolæ, vicani seu rustici soliti confugere, *l. 4. 5. b. t.* ad patrocinia se conferre, *d. l. 1. b. t.* eorum qui variis honoribus fulciuntur, *d. l. 1. b. t.* veluti Magistrorum vtriusque Militiæ, Comitum, Proconsulum, Vicariorum, Præfectorum Augustalium, *l. 4. b. t.* Ducum, *d. l. 1. b. t.* Tribunorum, *d. l. 4. b. t.* imo & ad Curialium quandoque, *d. l. 4. b. t.* Denique Officialium Comitum rei militaris, *leg. 3. b. t.* Et hi inuicem soliti propria patrocinia his largiri, *l. 2. b. t.* latebram præbere & defensionem promittere, *l. 1. b. t.* patrocinia præbere, *l. 4. b. t.* patrociniū ministrare, *l. 5. b. t.* suscipere in suum patrociniū, *l. 3. b. t.* clientelam eorum suscipere *l. 4. b. t.* [Vnde & ipsi SUSCEPTI dicuntur apud Saluianum *lib. 5. de gubernat. Dei cap. 8.*] Aduersus quos omnes poenæ his *legibus* proponuntur.

CONSTANTII *constitutio aduersus patrocinia Colonorum;*
idque per Ægyptum.

I. (a) Imp. CONSTANTIVS A. & Iulianus Cæs. Helpidio (b).

COLONORVM (c) multitudinem indicasti, per Ægyptum (d) constitutorum, ad eorum sese, qui variis honoribus (e) fulciuntur, Ducum (f) etiam, patrocinia contulisse. Vniuersos itaque, quos tantum sibi claruerit temeritatis adsumere, vt præbeant latebram, & defensione repromissa aditum implendæ deuotionis (g) obcludant (h), iubemus vrgeri,

gueri, vt debita (i), quæcumque Vicani (k), quorum (l) consortio recefferunt (m), e propriis facultatibus fisci docebuntur commodis intulisse, idem (n) cogantur expendere. Eos quoque, quos in defensionem suam videntur suscepisse (o), ab eorum patrocinio facias separari. Dat. Prid. Non. Febr. Constantinop. Constantio A. X. & Iuliano Cæs. III. Coss. [360.]

P. 173.

NOTAE.

- (a) Abest hæc lex, vt cæteræ omnes *huius tituli*, a *Cod. Iust.* prælata Zenonis, Leonis & Anthemii constitutione. *GO-THOFR.*
- (b) *Helpidius* PP. Orientis sub Constantio: vt non tantum docet *lex 5. supr. de erog. mil. ann.* quæ data A. 359. verum hoc ipso Anno *lex 6. de erog. mil. ann. l. 11. supr. de cursu.* Et in gestis Anni sequentis Ammianus Marcellinus *lib. 21. cap. 6.* vid. plura in *Prosopogr. ID.*
- (c) *Coloni* hic sunt rustici, qui proprias terras habebant, qui propria possidebant, vt *l. 5. b. t. vbi dico*, pariter vt *leg. 11. de iure fisci*, non quo alioquin sensu coloni, qui alienis terris adstricti erant. Quare *Vicani* mox vocantur. *ID.*
- (d) Vt *l. 3. 4. 6. infr. ID.*
- (e) De quibus vid. *l. 4. infr. ID.*
- (f) *Duces* Ægypti: de quibus vid. *Notitiam Imperii fol. 86. ID.*
- (g) *Deuotionis*, id est, tribut. vid. *Gloss. ID.*
- (h) Pro *obcludant. ID.*
- (i) *Debita*, tributa: vid. *Gloss. ID.*
- (k) Cæteri. *ID.*
- (l) *E quorum. ID.*
- (m) Hi de quibus agitur. *ID.*
- (n) *Idem*, qui patrocinium præbent. *ID.*
- (o) *Suscipiendi* vox hæc in re propria, *b. l. & l. 3. 4. infr.* Hinc & *Suscepti* proprie; qua voce hæc in re vtitur Saluianus, loco quem mox laudabo. *ID.*

COMMENTARIUS.

CONSTANTIVS Imp. hac constitutione ad Helpidium PP. data A. D. 360. & ad eiusdem relationem, patrocinia colonorum seu vicanorum per Ægyptum nominatim in fraudem rei tributariæ prohibet.

Antequam specialia huius leg. sectemur; Primo clarum iam est ex *Paratitlo*, quodnam fuerit hoc *Patrocinii* genus, quo item sine coloni in potentiorum patrocinium & clientelam confugerint, fraudandorum scil. tributorum gratia. Quod etiam ostendit Libanius expressa oratione *περὶ τῶν προσασίων*: quam nos edidimus. Et si fatendum, nimia tributorum acerbitate ad id miseriarum ferme redactos hac tempestate rusticos, vicanos, vt in Potentiorum patrocinium confugerint, quæ tamen ipsa patrocinia in eorum necem vertebant: Hoc enim obtentu miseri rustici a Potentioribus spoliabantur: quod postremum etiam *l. prox. 2.* ostenditur & *l. 1. Cod. Iust. eod. tit.* Singularis hanc in rem est Saluiani Presbyteri Masfiliensis de eo locus, *lib. 5. de gubernatione DEI cap. 8.* octoginta ferme post hanc l. annis scribentis, & quidem de hoc patrocinii, imo latrocinii, more per Gallias; *Vt vim*, inquit, *exactionis euadant faciunt quod vnum valent.* Tradunt se ad tuendum protegendumque maioribus, dedititios se diuitum faciunt, & quasi in ius eorum ditionemque transcendunt. Nec tamen graue hoc aut indignum arbitrarer, imo potius gratularer hanc Potentium magnitudinem, quibus se pauperes dedunt, si PATROCINIA ista non venderent, si, quod se dicunt humiles defensare, humanitati tribuerent, non cupiditati. Illud graue ac peracribum est, quod hac lege tueri pauperes videntur, vt spoliarent, hac lege defendunt miseros, vt miseriore faciant defendendo. Omnes enim hi, qui defendi

videntur, defensoribus suis omnem fere substantiam suam prius quam defendantur addicunt; ac sic, vt patres habeant defensionem, perdunt filii hereditatem. Tuitio parentum, mendicitate pignorum comparatur. Ecce quæ sunt auxilia ac PATROCINIA maiorum. Nihil SVSCEPTIS tribuunt, sed sibi. Itaque idem Saluianus *lib. eod. cap. 7. in fin.* Infelicissimi pauperes, quasi inter concertantes procellas in medio mari positi, nunc istorum, nunc illorum fluctibus obruuntur.

Igitur damnata hæc rusticorum (quibus alioquin alia legitima præsidia competeabant: cuiusmodi quatuor memorat Libanius *d. orat. περὶ τῶν προσασίων*, num. 6 pag. 14. *fiu. pag. 369. 370. Edit. Trotz. Oper. minor. Gothofr.*) patrocinia, variis Imperatorum constitutionibus: nouem inquam Imperatorum, quorum constitutiones reperire licet. Constantii, hac leg. Valentis leg. prox. 2. Theodosii M. ea leg. quam memorat Liban. *sub fin. orat. περὶ τῶν προσασίων* pag. 24. 25. *fiu. pag. 375. 376. Edit. Trotz. Arcadii l. 3. 4. 5. Theodosii Iun. l. ult. hoc tit. Martiani*, quam memorat *lex 1. Cod. Iust. eod. tit. Leonis, dict. l. 1. Iustiniani, l. 2. Cod. Iust. eod. tit. & Nou. Tiberii de diuinis domibus.* Eadem damnat dicta orat. in id expressa Libanius *περὶ τῶν προσασίων*, quam extulit sub Theodosio Magno, quæ omnino consulenda est.

Secundo obseruandum, per Ægyptum nominatim sicubi alibi hoc malum increbuisse, vt hæc lex diserte ostendit, & *lex 3. 4. ult. hoc tit. item d. lex 1. Cod. Iust. eod. tit. de Syria* quoque testis Libanius *d. orat.* Neque ambigo, id factum, propter annonam vrbs Constantinopolitana, seu canonem stoli Alexandrini, qui ex Ægypto Constantinopolim subnehebatur vrbi indies magis magis excrescenti, ex

Constantini M. instituto de quo dicam plenius ad *titulum infr. de nauiculariis*, Itaque cum tributum modus a colonis Ægyptiacis inuehendi quotidie augeretur tantæ Vrbi pascendæ, inde orta crebra illa colonorum perfugia in potentiorum patrociniū. Sane & Themistius *orat. 13. ad Constantium huius leg. auctorem*, quæ habita sexennio ante, huius anno-
pæ ex Ægypto Constantinopolim destinatæ, meminit, *pag. 291. 292. Edit. Petau. 1613. in 8.* Vnde & Athanasio crimen conflatum, quasi Ægyptiacum omne frumentum suppressere statuisset. Eunapius quoque *in vita Adesti pag. 39. Edit. Commelin.* eiusce meminit: de quo plenius dicam ad *l. 7. infr. de nauicul.* Neque Claudiani locus omittendus de bello Gildonico *vers. 60. 61.*

— *Ægyptia rura*
In partem cessere nouam.

id est, nouæ Romæ, seu Constantinopoli.

Tertio obseruandum, In quorum patrociniū coloni hi confugerent, nempe honoribus præditorum, quod specialius exsequitur *lex 3. 4. infr.* Eo numero fuerunt & *Duces*, quod hæc *lex* demonstrat: itemque Libanius *d. orat. περί των προσαστων.* *Duces*, inquam, *in specie huius legis*, Lybiæ, Thebaidos, rei videl. militaris per Ægyptum, penes quos pars militaris erat, de quo in *Notitia*. Quare & officiales Comitum militarium eodem numero censentur *l. 3. infr.*

Quarto ex *huius leg. fine* notandum, Conuicatos ceteros nihilominus pro huiusmodi Conui-

cano, qui recesserat tributum inferre coactos; Quod & ipsum durum satis; quo etiam respexisse potuit Zeno *l. vn. C. Iust. ut nullus ex vicinis pro aliorum vicinarum debitis teneatur.* Neque enim adsentendum Cuiacio, qui *debitorum* vocem ibi pro debito ex contractu vel delicto accepit, quem & *tituli* illius situs refutat, sed & ipsa *debitorum* vox, quæ ut *hac l. nostra* ita & *aliis locis infinitis* signate pro debito ex causa tributaria exaudienda est; ut ex innumeris *huius Codicis* legibus apparet, quas sub vnum conspectum proponit *Glossarium Theodos.* Proinde inanis est obseruatio ad *eam legem unicam* de Repressaliis seu de iure *Marquæ*; etsi ad eam speciem recte pertineat *Nouella Iust. 52. cap. 1. in princ.*

Atenim *huius l.* hac parte sensus hic est; Nempe adscriptum semel tributi modum integrum a Conuicatis solui oportere.

Postea tamen hoc ipsum ab eo, qui patrociniū præbuisset, (quod *Quinto* loco hic obseruandum) restitui oportebat; Et vero *hac l.* id restitui iubetur, simul & patrociniū huiusmodi diuelli, susceptique ipsi ab istis patronis auelli iubentur.

Et hætenus quidem Constantius, neque enim ultra is, assurrexit aduersus huiusmodi patronos, fisci & Conuicatos indemnitati cauere contentus. Atenim insecuti postea Principes ulterius censuram exeruere: tum in ipsos Susceptos, tum & in Patronos, de quo ad *leges seqq.*

VALENTIS *constitutio aduersus patrocinia agricolarum.*

II. (a) Imppp. Valentinianus, VALENS & Gratianus AAA. ad Auxonium PP. P. (b)

ABSTINEANT patrociniis (c) Agricolarum, subiugandi supplicio (d), si talia sibi met adiumenta commentis audacibus conquiescent. Hii vero qui propria patrocinia largiuntur, per singulos fundos, quotiens reperti fuerint, viginti & quinque auri libras dare debeant: Et non quantum Patroni suscipere consueverant, sed dimidium eius fiscus adsumat. Dat. prid. Id. Nouembr. Marcianop. Valentiniano & Valente III. (e) AA. COSS.

NOTAE.

- (a) Abest & hæc *lex* a *Cod. Iust. GOTHOF.*
- (b) *Auxonius* PP. Orientis sub Valente: v. *Præfopogr. ID.*
- (c) Quærendis, subeundis scil. *ID.*
- (d) *Supplicio*, id est supplicio capitali. *ID.*
- (e) Malim reponere *II.* & sic *hanc l.* referre ad A. D. 368. duplici ratione: I. Quia iam mense Nouembri *Valentiniano & Valente III. COSS. A. 370.* Modestus Auxonio in Præfectura successerat, ut docet *lex 6. supr. de tironib. & lex 19. infr. de Episcop.* II. Deinde quia Valens A. D. 370. Hierapoli, non Marcianopoli, versatus est, ut eius anni *leges* aliquot ostendunt, præter Zosimum; de quo vid. *Consularia Theodos.* Marcianopoli vero A. D. 368. ut docet expresse *lex 2. supr. de fide & iure hostia: l. 2. sup. de milit. veste: l. 4. sup. de mirilegulis. ID.*

COMMENTARIUS.

VALENS Imp. hac constitutione in Agricolarum patrocinia grauissimam censuram & triplicem quidem exerit, audacia iam incremente. Nempe supplicium, seu capitalem poenam minatur

ipsimet agricolæ suscepto, qui ad alterius patrociniū confugerit: Patrono vero seu susceptori multam XXV. auri librarum, per singulos fundos in patrociniū suum susceptos: Tandem & dimidium fun-

fundi partem suscepti confiscari iubet; & non quantum, inquit, Patroni suscipere consueverant, sed dimidium eius fiscus adsumat. Quibus verbis indicat illud ipsum Valens Imp. quod Saluianus iis verbis, quæ ad legem 1. protulimus: ubi inter cætera, ad locum, *Omnes enim hi qui defendi videntur, defensoribus suis OMNEM FERE substantiam suam priusquam defendantur, addicunt.* Scilicet & id quoque Valens hac l. indicat, susceptos, integros fundos suos Patronis addixisse, cuius dimidia iam pro pœna ipse contentus sit: videatur & Leonis lex 1. Cod. Inst. cod. tit.

Et hæc quidem ita Valens aduersus Agricolarum seu Colonorum fraudes & patrocinia: qui idem alias Colonorum & Rusticorum utilitatibus perspicue consuluit, ut ipsemet proficitur l. 1. u. sup. de iure fisci: quod etiam ostendit eiusdem lex 1. sup. de equorum conlat. quæ leges datæ sunt A. D. 367. Testatur idem & duobus locis Themistius, orat. 10. ad ipsum Valentem, quam habuit A. D. 369. p. 224. & 243. edit. Petav. 1613. in 8. Sed & lex 3. Cod. Inst. de defensoribus ciuitatum. Memorat & Libanius oratione peculiari aduersus hæc patrocinia vicorum, περί τῶν προσασίων, Legem Imperatoris aduersus ea: quæ forte hæc ipsa lex Valentis videri possit: quando duo potissimum de eo Imperatore prædicat. Primo, præcipuam ei subditorum curam fuisse, eorumque commodis gauisum, noluisseque quenquam ab ullo iniuria affici. Secundo ait, ab hoc Imp.

Tyrannidem extinctam & Scythicam flammam sopitam. Atquin hæc conueniunt Valenti Imp. Valens enim prouinciarum æquisimus tutor fuit, quarum singulas ut propriam domum custodiuit immunes, ut scribit Am. Marcellinus lib. 31. cap. 14. Fidemque huic rei faciunt tres illæ quas modo dixi Valentis leges, puta lex 11. sup. de iure fisci: l. 1. sup. de Equor. conlat. lex 3. Cod. Inst. de defensor. ciuit. & Themistius locis modo indicatis. Rursum Valens hic est, qui Procopii Tyrannidem extinxit An. D. 366. item, qui Scythicum seu Gothicum bellum triennale, pace cum Athanarico facta confecit A. D. 369. quo quidem anno is sexennium iam imperabat. Ettamen nonnulla sunt apud Libanum in illa ipsa quæ modo diximus, quæ Theodosio M. non minus conueniant: quale illud quod & ipse P. 17. Scythicum bellum confecit, Gruthungis victis A. D. 386. & Maximum Tyrannum deuicit. De quo ad eam orationem iam diximus: & repetita Editio- ne paulo prolixius.

Illud adhuc hac leg. notandum, tacite Agricolas ad alia adiumenta ἐπιθέραις, ἐπιμελείας, προδύμης, quam potentiorum patrocinia remitti: *scilicet TALIA* inquit, *sibi ADIUMENTA* (patrociniis videl.) *commentis audacibus conquisierint.* Ergo alia adiumenta sibi conquirere his licitum. Quæ & ipsa Libanius ea oratione, rusticanis indicat & enumerat.

ARCADII prima constitutio aduersus patrocinia Vicorum per Ægyptum.

III. (a) Imp. ARCADIVS & Honorius AA. Heracliano (b) Com. Ægypti (c).

QUICUNQUE ex Officio Tuo (d), vel ex quocumque hominum Ordine, vicos in suum directi fuerint patrocinium suscepisse, constitutas † luent pœnas: Possessores autem competenter coerciti etiam inuiti statutis Imperialibus obedire, & muneribus publicis satisfacere, cogantur. Quoscunque autem Vicos aut defensionis potentia, aut multitudine sua freros, publicis muneribus constiterit obuiari (e), vltioni, quam ratio ipsa dictabit, conueniet subiugari. Dat. prid. Kalend. Octob. Olybrio & Probino Coss. [395.]

NOTAE.

(a) Abest & hæc lex a Cod. Inst. GOTHOFR.

(b) Heraclianus Comes Ægypti sub Arcadio: de quo dixi plene in Prosopogr. ex Synecii epistolis. ID.

(c) De Comite Ægypti, v. Notitiam Imperii fol. 36. & Nostram ex hoc Cod. ID.

(d) Officium seu officiales Comitibus Ægypti obferua: v. Notitiam. ID.

† Antea, & in his a Valente: l. 2. sup. ID.

(e) γρ. Obuiare. ID.

COMMENTARIUS.

ARCADII Imp. tres ordine constitutiones sequuntur, aduersus patrocinia vicorum & vicariorum: quibus veteres partim pœnas in eos sanctas repetitum it: partim vero exasperat; Vbi quatuor singularia occurrunt. Primo notandum hanc legem esse de patrociniis Vici alicuius integri: Nempe, non singulos tantum exiguarum vicorum possessores potentiores nonnulli in patrocinium suum ad munera publica euitanda suscipiebant; verum et-

iam vicos maiores, integros. Quod præter hanc l. docet egregie Libanius peculiari Oratione aduersus hæc vicorum patrocinia, περί τῶν προσασίων, quam nos edidimus, & quidem num. 2. initio pag. 5. su. 363. Edit. Trotz. Oper. minor. Gothofr. 1613. inquit, καὶ μεγάλοι, πολλὰν ἐκάστην δεσποτῶν, αὐτοὶ καταφεύσων ἐπὶ τὰς ἰδουμένας στρατιώτας, id est, *Sunt magni vici, singuli multorum dominorum, hi confugiunt ad milites ibi constitutos.* Postea num. 4. ab

initio, *fin. pag. 365. 366. Edit. Troitz.* τὸ δὲ ζητεῖν *πρὸς αὐτὴν, ἢ μόνον ἐκείνων ἐπὶ τῶν ἀγρῶν, οἱ πολλοὶ* εἰσι τῶν ἐχόντων ἐκάστῃ μέρῃ τῇ πολὺ κεκτημένοι, ἀλλὰ καὶ οἱς ἐς ὁ δεσπότης, καὶ ἔτοι τὰ τὸν μισθὸν προστίθενται, τῇ τῇ δεσπότης ζημία τὸν μισθὸν περισσότητες καὶ δίδοντες, ἐξ ὧν ἀποσπέρῃσι καίτοι καὶ τῶν ἐπιφανῶν εἰσι αἱ καῖμαι, καὶ τῶν οἶωντος ὄντων χεῖρα ὀρέξαι λυπημένους. Id est: Patronum porro querere, non eorum tantum agrorum est, qui multorum dominorum sunt, suas singulis partes in communiter possesso habentibus, sed & eorum quibus unus est dominus, hique Colonos habentes: qui in necem Domini mercedem suppeditant, dantque ex iis quibus eos priuant: nam & illustrium Virorum sunt vici quidam, eorumque qui ipsi manum afflictis porrigere possent: &c. Secundo notandum hac l. nominatim perstringi Officialium Comitum Egypti patrocinia. Nempe ut ceteroquin potentiorum hac patrocinia erant, eorum videl. qui honoribus vel officii fulciebantur: de quo l. 1. & 4. ita & militares magistratus, eorumque Officiales: quod expresse quoque Libanius testatur passim in ea Oratione περὶ τῶν προσασίων: p. 8. 12. 14. 15. 16. 17. 18. 19. 20. 21. &c. *fin. pag. 365. 366. seqq. Edit. Troitz.* (ita quidem ut ciuiliū partium viri & inermes hac parte iam contemnuntur num. 7. p. 17. *fin. p. 371. 372. edit. Troz.*) Id vero ipsum quoque testatur eiusdem Arcadii lex 4. prox. Certe & alias obseruare licet, sub Arcadio, militares Viros officiaque eorum militari potentia fretos complurima sibi, & quidem per eandem Egyptum vindicasse: veluti caularum ciuiliū cognitionem, ut docet lex 9. *supr. de Iurisdictione*. Inde igitur etiam hac lex data ad Comitem Egypti Heraclianum, de quo in *Prosopogr.* & in *Notitia*, quique mihi idem videtur cum Herculiano, ad quem extant decem Synesii *epistole*, ex quibus 144

Subadiuuas, δοροφόρος eius memorat, & ep. 143. ἀπὸ διαγνημάτων, ab actis.

Tertio notandum hanc l. pertinere ad Egyptum: nempe patrocinia hæc in Egypto frequentia fuere: quo pertinent tres præterea huius tituli *leges*: puta lex 1. *supr.* & lex 4. 6. *infr.* Ibi scilicet. contumaces sese Vici, Vicani, Coloni, Rustici, præbuisse maxime, atque ad patrocinia confugisse videntur, canonis frumentarii occasione.

Postremo notandum ex hac l. quousque hæc patrocinia iam procederent hoc æuo, & qua, quamque enixa ratione ea compescere studuerit Arcadius: Nempe ad tumultum ferme hanc rem processisse ex vltimis huius *leg.* verbis colligimus, vicanis defensionis potentia & multitudine sua fretis.

Cohibendis igitur his vicorum patrociniis hæc statuit Arcadius. Primo officia Comitum, aliosque quolibet ordine, Vicos & Vicanos in patrociniū suū suscipientes, iubet constitutas pœnas luere. Quod de 25. libris auri, statutis l. 2. *supr. prox.* commodè accipi posse videtur: neque enim *sup. p. 176.* plicium aliquod impositum putem (quomodo certe ipsis agricolis imponitur, d. l. 2.) Certe & lex 4. *proxim.* quæ eiusdem Arcadii est, quadraginta librarum auri multa imponitur: tandem & tertia eiusdem Arcadii l. 5. *infr.* bonorum proseriptionis. Et hæc de susceptoribus seu patronis. Secundo Arcadius hac *leg.* ipsos *posseffores* susceptos publica tributa inferre cogi iubet, competenter ad id coërcitos: nempe Comitum ipsius Egypti vigore: nam & hæc lex ad Egyptum ut dixi pertinet. Tandem, si vici tributa inferre nolint, partim defensionis potentia freti, vel etiam multitudine sua nixi, sic ut tumultui iam propius res accedat, vltioni seu supplicio subiugari Vicanos a Comite, prout ratio distrahit, iubet.

ARCADII secunda constitutio aduersus patrocinia Rusticorum, per Egyptum quoque.

IV. (a) Idem AA. Eutychiano PF. P. (b)

CENSEMUS (c), ut qui Rusticis patrocinia præbere temptauerit cuiuslibet ille fuerit dignitatis, siue Magistri (d) vtriusque militiæ, siue Comitum (e), siue ex Proconsulibus (f), vel Vicariis (g), vel Augustalibus (h), vel Tribunis (i), siue ex ordine Curiali, vel cuiuslibet alterius dignitatis, quadraginta librarum auri se sciat dispendium, pro singulorum fundorum præbito patrociniū, subiturum, nisi ab hac postea temeritate discesferit. Omnes ergo sciant, non modo eos memorata multa feriendos, qui clientelam susceperint Rusticorum, sed eos quoque qui fraudandorum tributorum causa ad patrocinia solita fraude confugerint, duplum definitæ multæ dispendium subituros. Dat. vi. (k) Id. Mart. Constantinop. Theodoro v. c. Co ss. [399.]

NOTAE.

(a) Iungenda huic l. est lex 1. *infr. de nauib. non excus.* emendata in alterutra, dici subscriptione. GOTHOFR.

(b) Eutychianus sub Arcadio PP. Orientis scilicet. ut vel ex Augustalium mentione liquet b. l. & Egypti d. l. 1. Eidem inscribitur de eadem re hoc ipso anno lex 5. *prox.* De eo plura in *Prosopogr.* ID.

(c) Censemur, id est, iubemus. ID.

(d) Veluti Magistri militum Præfentalis, & Magistri militum per Orientem: de quibus vide *Notitiam Imperii*, fol. 29. & 32. ID.

(e) Veluti Comitum Egypti (cui inscribatur lex *prox. supr.*) Comitum Isauriæ, ID.

(f) Proconsules intelligit Afiz: nam Achaia ad PP. Illyrici pertinebat, ID.

(g) Vicarios intelligit dioceseos Asianæ, Ponticæ, Thraciarum, ID.

(h) Præ-

(h) *Præfectos Egypti intelligit: v. Notitiam Imperii fol. 75. ID.*

(i) *Tribunos rei militariae intelligit. ID.*

(k) *Prid. Id. Marci. d. l. i. de nauib. non excus. quæ huic coniungenda est. ID.*

COMMENTARIUS.

ARCADII aduersus patrocinia rusticorum secunda hæc hoc titulo lex est, data An. D. 399. Quæ quidem pars est prolixioris constitutionis, de Patrociniis quibuscunque prohibendis in fraudem tributariæ illationis: non modo vicanorum seu rusticorum, sed etiam aliorum ad euitandas publicas necessitates, & functiones, puta in fraudem transuectionis seu nauiculariæ functionis, ut docet *lex i. infr. de nauibus non excus.* quæ ex eadem constitutione desumpta huic legi coassanda venit. Ea scilicet lege alterum patrociniis genus inhibetur, & quidem per eandem Ægyptum in fraudem transuectionis, seu stoli annonæ Alexandrinæ Constantinopolim faciendæ: ubi ea scilicet annona transuehenda erat, priuatorum naues eam in rem extra ordinem operam præstare oportebat: Verum cum Potiores seu Potentiores subinde patrocinia sua nonnullis præberent, ut ita a transuectionis onere excusarentur; & hæc quoque nauium istarum patrocinia ab Arcadio ea constitutionis parte prohibita, in gratiam canonis seu annonæ Constantinopolitanæ, pariter ut ab Honorio *leg. 2. eodem titulo de nauibus non excus.* in gratiam canonis Africani seu annonæ Urbis Romæ. Nos de hac *leg. nostra* videamus, aduersus rusticorum patrocinia. Igitur Arcadius ea grauiorem iam pœnam imponit huiusmodi patrociniis: Præbenti scilicet patrocinium 40. librarum auri multam per singulos fundos imponit: cum antea 25 librarum

auri multa constituta esset: *leg. 2. supr. de qua etiam idem Arcadius sensisse videtur l. 3. supr.* Ipsi vero susceptis, qui patrocinium sibi quæsiuerunt, duplam multam imponit, 80. videlicet librarum auri. Quæ sane multa cum exiguorum fundorum æstimationem excedat, qui pro parte ante confiscabantur, exinde quoque colligi posse videtur, de amplissimarum possessionum patrociniis ferme hic agi. Non tantam vero pœnam nauium patrociniis imponit Arcadius, *dist. l. i. de nauibus non excusandis.* Grauius scilicet est, tributorum illationem frustrari, quam translationem morari, de quo *ad eam leg.*

Eo interim notabilis est hæc lex, quod Dignitatum notitiam continet per præfecturam Prætoriam Orientis, de qua in *Notitia dignitatum*: ad quarum patrocinia rustici fraudandorum tributorum gratia confugebant: puta Primo, Magistrum militum siue Equitum siue peditum; Secundo, Comites, cuiusmodi erant ibi tres, Comes Orientis, Comes Ægypti (de quo *leg. 3. supr.*) Comes Mauriæ, de quibus *Notitia Imperii*: Tertio, Proconsules (Asiæ scilicet.) Quarto, Vicarios (Asiæ scilicet Ponticæ, Thraciarum.) P. 177. Quinto, Augustalis, seu Præfectus Ægypti. Quibus omnibus adduntur & Sexto Tribuni, militares scilicet. Septimo tandem & Curiales: Illi scilicet ipso armorum usu terribiles: hi vero, velut præcipui per Vrbes: de quibus *suo titulo.*

ARCADII tertia constitutio aduersus patrocinia Agricolarum seu vicanorum.

V. (a) Idem AA. Eutychiano PF. P. (b)

EXCELLENTIA Tua his legibus, quæ De *prohibendis patrociniis* aliorum Principum† nomine promulgatæ sunt, seueriorem pœnam nos addidisse cognoscat: scilicet, ut si quis Agricolis vel (c) Vicanis propria possidentibus patrocinium repperitus fuerit ministrare, propriis facultatibus exuatur. His quoque Agricolis terrarum suarum dispendio feriendis, qui ad patrocinia quæsiiti (d) confugerint. Dat. VIII. Kal. Iun. Constantinop. Theodoro v. c. Co ss. [399.]

NOTAE.

(a) Abest & hæc *lex a Cod. Iust.* ut ceteræ *huius tituli*, GOTHOFREDVS.

(b) *Eutychiano* huic ipsi PP. ante trimestre ferme inscripta eodem *sine lex 4. prox. supr.* de eo v. *Prosopogr. ID.*

† Veluti Constantii l. 1. *supr. Valentis, l. 2. eod. ID.*

(c) *Agricola & Vicani* iidem. *ID.*

(d) *γρ. Quæsiiti*; *Quæsiiti* patrocinia; id est, conquisita: quærere est sibi conquirere, *ἵνα γρ. παρὶς αὐτῶν, ὡς αὐτῶν*, ut Libanius in hac re, *Orat. περὶ τῶν προσηνῶν, num. 4. § 6. ab init. ID.*

COMMENTARIUS.

ARCADII hæc tribus postrema constitutio est, & quidem altera intra trimestre tempus ed eundem Eutychianum PP. emissâ. Adeo scilicet malum istud percrebuerat; Quare & seueriores iam pœnas imponit, quam superiorum Principum constitutionibus (imò & suis) positas. Nempe hac *leg.* Patronis omnium bonorum proscriptionem minatur; & Agricolis solidam possessionum suarum pro-

scriptionem.

Porro non temere est, quod de Agricolis vel *Vicanis propria possidentibus*, qui & ipsi coloni dicuntur, *l. i. hoc tit.* eorumque patrociniis, nominatim hac *leg.* agitur. Fuit enim & alterum patrociniis genus, colonorum videlicet, qui non propria possidebant,

debant, verum qui priuatorum dominorum erant, vt docet quoque exerte Libanius *Orat. de patrociniis*, p. 10. 11. 12. 13. 15. 16. 17. *siu. num. 2. 3. 4. p. 364. 365. seqq.* Edit. Tritz. In quos non tam seuera poena conti-

tuta: v. *supr. tit. de fugitiuis colonis: l. vn. de ind. & colonis: l. 2. de his qui cond. propr. Nou. Valent. 9. leg. vn. Cod. Iust. de col. Thrac. l. vn. Cqd. cod. de col. Illyr.*

FUNCTIONIBVS Vicanis, octo modis debilitatis, hac constitutione consulit
Theodosius Iun. idque per Ægyptum.

VI. (a) Impp. Honor. & THEOD. AA. Aureliano PF. P. (b)

VALERII, Theodori, & Tharsacii (c) examinatio (d) conticescat. Illis (e) duntaxat sub Augustalio (f) iudicio pulsandis (g), qui ex Cæsarii & Attici Consulatu (h) possessiones sub patrocinio possidere ceperunt: Quos tamen omnes functionibus (i) publicis obsecundare censemus, vt *Patronorum* nomen extinctum penitus iudicetur. Possessiones autem adhuc in suo statu constitutæ, penes priores possessores residerebunt, si pro antiquitate census functiones publicas, & *Liturgas* (k), quos *homologi* (l) *coloni* præstare nescuntur, pro rata sunt absque dubio cognituri (m). *Metrocomia* (n) vero in publico iure & integro perdurabunt, ne (o) quisquam (p) eas, vel aliquid in his possidere temptauerit, nisi qui ante Consulatum præfinitum ceperit proculdubio possidere: Exceptis conuicanis, a quibus pensanda pro fortunæ condicione negare (q) non possunt. Et quicumque in ipsis Vicis terrulas (r) contra morem (s) fertiles (t) possederunt, pro rata possessionis suæ glebam inutilem & conlationem eius & munera recusent (v). Hii sane, qui, Vicis quibus adscripti sunt derelictis, & qui *homologi* more Gentilitio (x) nuncupantur, ad alios seu Vicos, seu dominos transferunt, ad sedem desolari (y) ruris constrictis derentatoribus redire cogantur: Qui si exsequenda protraxerint, ad functiones eorum teneantur obnoxii, & dominis restituant, quæ pro his exsoluta constiterit. Et in earum *Metrocomiarum* locum, quas temporis lapsus, vel destituit (z), vel viribus vacuauit, ex florentibus (aa), aliæ subrogentur, a rure * quoque & possessiones, quas Curiales (bb) quolibet pacto, publicatis apud acta prouincialia desideris suis, vel reliquerunt, vel possidere alios permiserunt, penes eos, qui eas excoluerunt, & functiones publicas recognoscunt, firmiter perdurabunt, nullam habentibus Curialibus copiam reperendi. Quidquid autem in tempus vsque dispositionis habitæ auro (cc) Inlustri decessore (dd) Sublimitatis Tuæ *Ecclesie venerabiles*, (id est, Constantinopolitana atque Alexandrina) possedisse dereguntur, id, pro intuitu Religionis, ab his præcipimus firmiter retineri: sub ea videlicet sorte, vt in futurum functiones omnes, quas *Metrocomia* debent, & publici (ee) vici pro antiquæ capitacionis professione debent, sciant proculdubio subeundas. Nequaquam Cephalæotis (ff), Hirenarchis, Logographis Chomatium, & ceteris *Liturgis*, sub quolibet patrocini nomine, publicis functionibus denegatis: nisi (gg) quid ex his quæ exigenda sunt, vel negligentia, vel contemptus (hh) distulerit. *Metrocomias* (ii) possidere nostro beneficio meruerunt, & publicos vicos committere (kk) compellantur. Dat. III. Non. Decembr. Honor. X. & Theod. VI. AA. Coss. [415.]

NOTAE.

- (a) Absent & hac lex ferme integra a *Cod. Iust.* vna cum ceteris *huius tituli* velut temporaria. Omisit quoque eam Baronius: cuius pars tamen ad *Historiam Ecclesiasticam* liquido pertinet. GOTHOFR.
- (b) *Aurelianus PP.* sub Theodosio Iun. Orientis, & quidem II. v. *Notitiam nostram & Iudicem Personarum*, successor is Anthemii in Praefectura Praetoriana, qui etiam *hac l. vers. quicquid* indicatur. ID.
- (c) An potius & *Asfacii*. Ceterum pars Prima *huius legis* hac est *huic tit.* peculiaris, cum ceteræ sint ab *hoc tit.* fugitiuæ, quæ tamen ipsa in quatuor sententias diuiditur. Procul dubio Inspectores hi fuerunt, de quibus vid. *infr. titulum* *regularem lib. 13. tit. 11.* ID.
- (d) *Examinationis* vox hac in re propria: vt & *tractandi: l. 1. supr. sine censu.* ID.
- (e) Patronis videl. ID.
- (f) *Id est, Praefecti Augustalis;* vide & *l. 4. supr. & l. 3. supr. de indiction.* ID.
- (g) *Pulsandis*, id est, conueniendis, reliquorum nomine. ID.
- (h) *Id est, ab A. D. 1397, & sic a XIX. annis.* ID.
- (i) *Alienis vicanorum.* ID.
- (k) *Liturgas*, ita sine legis rursus, ceteris *liturgis*: de quo mox. ID.
- (l) *Homologi* coloni ita rursus vocantur: *vers. Hii sane.* ID.
- (m) *Cognituri*, id est, agnoscendi soluturi. ID.

(n) *Metrocomie* quater *hac l.* memorantur: de quibus mox. *ID.*

(o) *yp. Nec. ID.*

(p) Extraneus scil. *ID.*

(q) *yp. Negari. ID.*

(r) *Terrule* quoque ita vocantur, *l. 51. infr. de operibus publicis. ID.*

(s) Quia scil. olim fertiles inutilibus commissi & commixti erant, *ID.*

(t) Fertiles tantum scil. *ID.*

(v) Negativa hic excidit: *Quare reponendum, ne recusent. ID.*

(x) Mox id explicabo. *ID.*

(y) Vid. *Glossarium Theodos.* de hac voce: v. interim *l. 10. supr. de indulgent. crim. ID.*

(z) De hac *deslituendi* voce vid. *Glossarium Theodos.* vid. interim, *l. 31. supr. de annona, & legem 14. infr. de Censitorib. ID.*

(aa) Vid. *l. 33. infr. de Episcopis Eccles. & Cler. ID.*

* *Lex 14. Cod. Iust. de omni agro deserto* hinc desumpta est. Cœterum hic *yp. Arura*; quam vocem in *ruya* mutauit Tribonianus in *d. l. 14. de quo mox. ID.*

(bb) Vicorum: de quibus mox. *ID.*

(cc) *yp. A Viro*, vt recte Cuiacius vel Pitheæus restituerunt. *ID.*

(dd) *Anthemium* intelligit, vt iam dixi. *ID.*

(ee) Ita quoque rursus vocantur *sine legis. ID.*

(ff) De his *Cephalotis* & sequentibus omnibus mox dicam. *ID.*

(gg) *yp. Nec. f. ID.*

(hh) Legum. *ID.*

(ii) *yp. Qui Metrocomias. ID.*

(kk) *Committendi* vox hac in re propria, de *ἐπιβολῇ. ID.*

COMMENTARIVS.

THEODOSII Iun. hæc constitutio est, data A.D. 415. non modo aduersus *Patrocinia vicorum*, quod alioquin *huius tituli* Rubrica pollicetur, quo reuera pertinet initium *huius leg.* verum generalior multo. Ea quippe Imperator, *Vicanis* in vniuersum *functionibus* prospicit non tantum per *patrocinia* debilitatis, verum multiplici præterea ratione attritis. Quæ quidem constitutio, proprie ad *Ægyptum* pertinet; pariter vt *lex 1. 3. 4. supr.* vt liquido apparet ex tribus: puta ex mentione iudicii *Augustaliani* (id est, Præfecti Augustalis seu *Ægypti*) *Alexandrinæ Ecclesiæ*, & *Chomatium* (Nili scil.) Quin & in eo singularis est admodum, quod multa continet de *Vicorum* per *Ægyptum* ratione, multa de *publicarum functionum*, & munerum generibus, nominibusque quæ Græcis appellationibus (vt cæteroque per *Ægyptum*, & *Alexandriam*) omnia designantur. De quibus ideo sigillatim ante omnia videndum est.

Et initio quidem de *VICIS* & *VICANIS* ipsis: vbi primo obseruandum, Inter vicos fuisse alios florentiores *vers. & in earum*; quod ostendit etiam *l. 33. in fin. de Episcopis Eccl. & Cler.* Quod etiam diserte testatur Libanius in hoc eodem argumento, *orat. de patrociniis, num. 2. initio, pag. 4. su. p. 363. Edit. Troitz.* vbi alioquin iam dixi: *ἵσσι καὶ μεγάλοι, πολλῶν ἐκάστη διαποτῶν, sunt magni vici, singuli multorum dominorum*: videndus idem, *Orat. κατὰ τῶν ἐσιόντων num. 6. in fin. pag. 85. su. pag. 423. 425. Edit. Troitz.* Principe vero loco fuerunt *Metrocomie*, quarum quater *hac leg.* mentio fit: & *l. 8. C. Iust. de exactor. trib. leg. unic. C. eod. non licere habitatoribus*: quæ duæ *leges*, velut vnius *P. 179. constitutionis* partes, inter se iungendæ sunt. *Metrocomia* scilicet erat *mater pagorum*, seu caput inter omnes vicos, qui vni ciuitati subiecti erant: haud ali-

ter quam *Metropolis*, mater ciuitatum eiusdem *Pro* uinciæ.

Secundo obseruandum ex *vers. Arura*, *Vicis* quoque aut saltem *Metrocomiis* suam fuisse *Curiam*, suos *Curiales*; quod etiam ostendit diserte *Saluianus libr. 5. de gubernat. DE I cap. 4. Quæ enim sunt, inquit, non modo vrbes, sed etiam municipia atque vici, vbi non quot Curiales fuerint, tot Tyranni sint?* Neque absurde censet *Berterius Pithan. diatrib. 1. cap. 10. in fin. pag. 854. Tom. IV. Theaur. Iur. Primates vicorum*, quorum fit mentio *l. 13. supr. de desertoribus*, eosdem cum his *Curialibus* videri; Neque etiam abludunt *Præpositi pagorum*; iidem enim ferme *Pagi* cum *Vicis*, vt recte idem censet. Sane & *Paulus lib. IV. Sent. titul. 6. §. 2. Vicos priuatum forum habuisse docet. In his certe Magistri quoque literarum fuere l. 2. §. 8. D. de vacatione muner.* In his *Ecclesiæ & Clerici, l. 16. & 33. infr. de Episcopis, Eccles.* Quare & in his *Chorepiscopi*, de quibus dicendi locus alius (a). Igitur lapsus est Interpretum, qui de *Curialibus Ciuitatum* hanc *leg.* accipiunt.

Tertio obseruandum, *Publicos vicos* bis *hac l.* vocari; eos scil. qui *publicas functiones* præstabant, & vt tertio loco dicitur *vers. Metrocomia*, in *publico iure* erant, ad discrimen videl. *vicorum* ad *priuatos* pertinentium, qui vnum dominum agnoscebant. De quibus etiam *Libanius diserte Orat. περί τῶν προσσιόντων num. 4. init. pag. 10. su. pag. 365. 366. Edit. Troitz.* quos ita describit, *οἱς ἕξ ὁ δεσπότης, quibus vnus est dominus.*

Quarto notandum, *Metrocomias* non minus quam alios vicos in *publico iure* fuisse, id est, *publicas functiones* præstitisse.

Quinto animaduertendum, *Homologos* quosdam colonos fuisse in *vicis*, quorum *hac leg.* duobus locis fit

A a 2

fit

(a) Vid. laudatum *BERTERIVM Pithan. Diatrib. l. cap. 6. pag. 828. Tom. IV. Theaur. Iur.*

fit mentio. Quinam vero hi fuerint, dispiciendum est. De histria *hac* l. indicantur: Primo, fuisse eos *Colonorum* genus: Secundo, ita nuncupatos, *more Gentilitio*: Tertio, fuisse *adscriptos* Vicis seu dominis. Ex quibus omnibus patet, fuisse Colonos adscriptitos vicis & fundis adstrictos: Denique Colonos conditionales de quibus ago prolixè ad *leg. 2. infr. de censu*: & paratitlo de *fugitiuis colonis*: *ὁμολογία* scil. Græcis est quoque *Conditio*, *Pactio*, *ὁμολογία* *Conditionales dedititii*, qui videl. sese dedentes ex pactione quadam, hanc in conditionem venerant & recepti fuerant. Nam & *ὁμολογῶ* & *ὁμολογία*, vel Thucyde teste, pro *ἑμβαλῖνα* & *ἑμβάσει* seu pro deditione certis conditionibus & pactionibus, seseque dedere, inque fidem dare: Et quidem *Gentilitio*, vt *hac* leg. dicitur, *more*: vbi *Morem* *Gentilitium* vocat *lex*, quo Gentilibus (de quibus plenissime dictum ad *leg. vn. supr. de nupt. Gentil.*) Barbaris in Romanum solum translatis & deditis vel publice terræ excolendæ dabantur, possessionique adeo viroque certo adscribebantur, vel priuatorum possessorum iidem coloni fiebant. Quare Homologi Coloni in Ægypto publice vicis adscripti dicebantur, qui alibi *Gentiles*, imo & in Gallia nominatim *Leti*, quorum mentio fit l. 10. & 12. *supr. de veteranis*: l. 9. *infr. de Censitorib.* vnde & terra *Latica* dictæ; de quibus omnibus agit *Caput ultimum de Letis*, lib. 3. *Francic. Orig.* Quare inanis est doctissimi Viri Cuiacii coniectura 4. *Feudor. 93.* imo iocularis eius lapsus, cum tentabat, *homologorum* *Ligiorum* nomen ex hac *homologorum* appellatione ab Imperitis fabrefactum videri. Cæterum de his & illud obseruandum, eos varias functiones publicas, & *liturgos*, de quibus mox, præstare oportuisse. Neque inanis erit hic obseruatio ex *Notitia Imperii* sub Comite limitis Ægyptiaci fol. 86. sub Duce Thebaidos fol. 90. vbi videre est variorum Gentilium per Ægyptum nomina, veluti *Vandalorum*, *Sarmatarum*, *Luthungorum*, *Germanorum*, *FRANCORVM*, *Chamaurorum*, *Gentilium*, (vt in vetusto Codice habetur,) *Alamannorum*. Et hæc de Vicis & Vicanis.

Secundo loco videndum est de *LITVRGIS* & eorum speciebus, qui *hac* leg. designantur, quidnam, inquam, *Liturgi* sint, quid *Cephaleotæ* *Hirenarchæ*, *Logographi* *Chomatum*. *Liturgi* igitur, quorum duobus locis *hac* leg. mentio fit, *λετῦργοι*, non sunt actus ipsi publicarum functionum, vt censet Petitus in *leges Atticas* pag. 171. non functiones, quæ præstabantur propter ministros publicos siue apparitores custodiæ Urbium appositos, qui *λετῦργοι* Græcis dicebantur: vt idem pag. 172. verum personæ ipsæ munifices, id est, ministerium aliquod publice præbentes, agentes (siue *Leiturgos* siue *Liturgos* dicas: Neque enim hanc litteram nunc meam facio.) In hoc vero censu *Liturgorum* seu ministeriorum publicorum per Ægyptum varii fuerunt, vt docent illa, & cæteris *Liturgis* (b).

In his Primo quidem *Cephaleotæ*, *Κεφαλαῖται*: proculdubio capitationis, (cuius superiore proxime linea mentio fit) exactores. Neque enim audjendus est Petitus inter alios, in *leg. Attic. diff. pag. 171.*

qui per *Cephaleotas* *capitum*, quod in pabula iumentorum conferebatur, accipit: Est enim *Cephaleotarum* nomen *λετῦργων* seu munificum ipsorum, non rei seu muneris: neque *κεφαλαίων* vnquam *capitum* animalis significauit; *capitum* enim *καππὸν* istud, non a *capite*, verum *ἀπὸ τῆς κάππης* dictum: de quo ad *tit. de erog. mil. ann.*

Secundo *Irenarchæ* *ἱεργαῖται*, de quibus est *titulus infra*, peculiaris de *Hirenarchis* lib. 12. erant pacis custodes, cuiusmodi antea milites *Irenarchæ* erant: Atenim Theodosius Iun. *huius leg.* auctor, *Hirenarchis* militibus abolitis, constitutione ad Anthemium PP. data, qui etiam *hac ipsa lege* indicatur, decessor Aureliani, cui *hac lex* inscribitur, locupletioribus prouincialibus pacis præsidium istud committi iusserat l. vn. *infr. dicto tit. de Hirenarchis*: Inde igitur *Hirenarchias* munus inter cætera ministeria seu munia publica fuit. Neque enim hic rursum audiendus est Petitus qui ab eodem erroris fonte per *Irenarchas* hic accipit *annonas*, quas *Irenarchæ* consequebantur.

Postremum, *Logographi* *Chomatum*, *λογογραφοὶ χαμαίων* erant, qui muniendæ Nili ripæ, aggeribusque eius tuendis præerant, de quibus, plene egimus ad *leg. vn. supra, de Nili aggeribus non rumpendis*, quæ eundem Theodosium Iuniorem Imperatorem auctorem habet, eidemque Anthemio PP. inscribitur. Sic quidem etiam, vt vtrosque & *Irenarchas* istos & *Logographos* *Chomatum* a Theodosio Iuniore institutos putem: vt ita ipsi prouinciales munus hoc, sub motis militibus obirent. Alioquin fuere alii *Logographi* (sed non *Chomatum*) de quibus *suo titulo supra, ne conlatio per Logographos*: & altero *titulo de Tabulariis, Logographis & Censualibus*. Hinc interim apparet, quam suauis sit eiusdem viri error, cum per *Logographos* *Chomatum* intellexit *annonas*, datas his, quorum cura erat referre diacopos seu fluentia, quæ in P. 120. *chomatis*, id est, in aggeribus Nili erant. Et hæc tenus quidem de tribus functionum publicarum & *Liturgorum* speciebus, & quidem per Ægyptum, quas priuati possessores obibant.

Tertium genus obseruationum, antequam ad *huius legis* sententiam accedamus, est de variis *Rationibus* & modis, quibus *Vicani* seu possessores præstationes seu functiones publicas, quæ ab his præstandæ erant, debilitauerant: quæque etiam causa fuerat mittendorum *Inspectorum* per Ægyptum; & *trium* quidem (solemni, vt censeo *more*) puta *Valeirii*, *Theodori*, & *Tharficii*, vel & *Asfacii*: cuiusmodi *Inspectores* hoc fine sæpe missi: de quibus *infra, libro 13. titulo de censitoribus*: Huiusmodi vero no-uem rationes, seu modi *hac lege* memorantur.

Prima ratio fuit, per *Patrocinia*, possessionum: que in Potentiores translationes: quod proprium *huius tituli* argumentum est, & de quo est initium *huius leg.*

Secunda ratio. per *Emptiones extraneorum*; nempe quod extranei quidam vico non respondentes, possessiones vicaneas emerant: *vers. Metrocinia* 2.

Ter-

(b) Confer. CL. DV FRESNE in *Glossar. Græc. voc. λετῦργων*.

Tertia ratio, per *Fertilium* tantum agrorum translationem & emptionem a Conuicinis factam, inutilibus, & steneis penes antiquos possessores relictis: *vers. 5. quicumque 3.* quæ ratio ἐπιβολῇ subinde locum fecit, de quo plene ad titulum *de annona & tributis*; & aliquid etiam ad l. i. *supra, tit. prox. de protostasia.*

Quarta ratio per *Fugam colonorum homologorum*, qui videlicet ad alios vicos seu dominos, desolato seu relicto proprio rure vicoque transierant: *vers. hi sane 4.* De quo & Libanius *Oration. πρὸς τὸν πρὸς αὐτῶν pag. 14. su. pag. 367. 368. Edit. Protz.* de quo plene titulo *de fugitiuis colonis.*

Quinta ratio, per ipsum *temporis lapsum* puta *Metrocomiis* lapsu temporis vel destitutis, vel viribus vacuatis, *vers. 5. in earum 5.*

Sexta ratio per desertionem *Arurarum* & possessionum (*par le desguerpiement*, vt recte hunc locum, verum ex *Cod. tantum Iustin. ex leg. inquam 14. Cod. Iust. de omni agro deserto*, eo. retulit Loyseleus *du desguerpiement, lib. 1. cap. 2. num. 11. & lib. 4. cap. 1. num. 5. 13.*) Nempe Vicani Curiales (nam & suos habuere vic Curiales: de quo ad leg. 13. *supra. de desertoribus*;) ad euitandas functiones publicas apud acta quandoque provincialia publicatis desiderijs suis testabantur, se de possessionibus suis vltro decedere, relinquere, vel etiam alios possidere permittebant, *vers. Arura 6.* ita enim ibi legendum est *Arura*, loco *a rure*: quam vocem Tribonianus in *ura* postea mutata minus recte voluit. *Arura* scilicet Græca voce ἀρερα, per *Ægyptum* (quo hæc lex pertinet) ita dicta. Herodotus, in *Euterpe seu libro 2. cap. 168 pag. 153. Edit. Iacob. Gronou. ἀρερα ἔχαιρετο: δωδεκα ἐκάστω ἀτλήεις: ἡ δὲ ἀρερα ἐκατὸν πήχεων ἐστὶ Ἀργυπτίων πάντη: ὁ δὲ Ἀργυπτὸς πῆχυς τοῦ γάλατος ἴσος ἐὼν τῷ Σαμίου: singulis sunt duodecim arura exempta & immunes: est autem arura centum cubitorum Ægyptiorum quoquo versus: Ægyptius vero cubitus Samio par est.* Strabo libro 17. de Ægypti diuisione pag. 541. su. p. 135. edit. Almeloucen. ἡ δὲ χώρα τὴν μὲν πρῶτην διαίρισιν εἰς ἑπτὰς ἔχε: regio initio in præfecturas diuisa fuit, quas nomos vocant &c. & mox pag. 136. edit. cit. πάλιν δὲ οἱ νομοὶ τοὺς αἰῶνας ἔχον: εἰς γὰρ τοπιαρχίας: πλεῖστοι δὲ διήκοντο, καὶ αὐτοὶ δ' εἰς αἰῶνας τομάς: ἐλάχιστοι δ' αἱ ἀρεραί μερίδες: rursum hæ præfecturæ diuisæ fuere: maiore enim e parte in toparchias diuisæ fuerunt, toparchie rursum in portiones alias, quarum minima arua erant. Vbi minus recte vertit interpres arua. Iosephus libro 1. contra Apionem, pag. 1040. Edit. Lips. Weidm. κατακλιθεῖναι δὲ εἰς τόπον ἀρερῶν, ἔχοντα μυρίων τὴν περίμετρον: inclusos autem in locum habentem mensuram iugerum decem millium. Paulo post apud eundem Hecateus pag. 1049. edit. citat. τριακοσίας γὰρ μυριάδας ἀρερῶν νέμονται: decies enim trecenta millia iugera terrarum possident. Horapollon, libro 1. capite 5. ἐστὶ τὸ ἐνσταμένον γράφοντες, τίταστον ἀρερας γράφω: ἔστι δὲ μέτρον γῆς ἡ ἀρερα πηχῶν ἑκατόν, ineuntem annum qui describunt, quartam arura partem delineant: est vero arura a modus agri centum cubitorum. Suidas in γάδιον. τὸ μὲν πλεῖστον πόδας 6'. ἡ ἀρερα πόδας 1'.

plethrum pedes centum: arura pedes quinquaginta. Et in voce ἀρεραία μέντις. ὅτι ἡ ἀρερα πόδας ἔχει 1'. ἀρερα est terra mensura pedes habens quinquaginta. ita enim ibi reponendum, loco ἔχοντος quomodo etiam legerunt Budæus, Georgius Agricola, & Leopardus, & ita habet quoque, vt audio, MS. Antuerpiensis Iesuitarum. Eodem pertinet prouerbium ἑλὼν ἀρερα vel ἀρεραν. In vita Beati Antonii Abbatis auctore Athanasio, interprete Euaḡrio presbytero capite 2. *Possessiones quas habebat vendidit, ARURÆ autem erant ei trecenta vberes, & valde optima quas vicinis largitus est: &c.* Cetera vero quæ in mobilibus possidebat vniuersa reddidit. In textu Græco pag. 452. Tom. II. Oper. Edit. Lips. apud Weidm. ἀρεραὶ δὲ ἦσαν τριακοσίας εὐφοροὶ καὶ πάντα καλὰ. Vulgo erat: Erant autem ei 300. palmæ vberes: Prudenter retinuit Euaḡrius Græcam vocem *Arura*, quia commodius verti non poterat. Eadem vox occurrit in eadem vita cap. 15. Et statim intellexit paruis aruris & parietibus & modica auri portione contempta, nec gloriarī se debere quasi magna dimiserit. Pro quo Coloniensis editio habet, paruis thesauris. De *Arura ἀρερη* in commune, quam interpretantur γῆν ἀγοσίμην, χώραν πλεῖστον, γῆν σπορίαν, Hefychius, aruum olitum, segetem, Glossæ: Seges ἀρερα καὶ λήϊον, (mitto quæ hinc dicta ἀρεραία.) Flavius Capser quoque de Orthographia p. 2246. inter Putschii Grammat. Filix quam ita credo dictam, quod sit minus felix arura (a). Ergo Græca *Arura* vox in Ægypto speciatim, de minima diuisione modoque terræ & possessionum, de cuiusmodi modis possessionum dixi iam ad legem ultimam *supra, de collatione donatarum.* Siue centum cubitorum, vt Herodotus, & post eum Eustathius pagina 41. ἀρερα ἑκατὸν πήχεων Ἀργυπτίων πάντη: siue quinquaginta pedum, vt Horapollon & Suidas: Cuiusmodi sex alie voces similes hic per Ægyptum Græcæ occurrunt. Quibus addantur & alia vocabula per Ægyptum & Alexandriam, publicis muniis significandis, Hypomnemmatographi, leg. ultim. infra, de decurionibus, Crithologia, Zygothasion, leg. 1. infra, de frument. Alexandr. Perissochoregia, leg. 2. eodem titulo, Archigerontes, Diacecæ, Ergasiotarii, leg. 1. in fine, de Alexandr. pl. primat. Dinummium vectigal, dicta leg. 2. Tandem diacathoci, leg. 1. supra, de fisci debitoribus. Quæ quidem omnes leger hac vnica postrema excepta sunt eiusdem Theodosii Iunioris, cuius est & hæc lex. Verum ad rem. Apud acta igitur Vicani publicatis desiderijs suis testabantur se de possessionibus suis & aruris vltro decedere. Quod & ipsum hodie obtinet in deguerpienda possessione: De quo vide Loyseleu du deguerpiement, libr. 5. de la forme du deguerpiement, cap. 1. vbi hanc huius legis sententiam in id allegat ex Codice Iustinian. puta ex leg. 14. Cod. Iust. de omni agro deserto, non vero ex hac integra Codicis Theodosiani leg. quod præstabat. Hac vero occasione Interpretes ad hanc leg. multa de Actis Iudicialibus extra oleam cumulant. Illud certe hactenus ad vsum colligimus, derelictam facta de P. 181. claratione apud acta possessionem a nouo possessore repeti non posse, tributorum scil. fauore. Septima ratio,

ratio, per quam præstationes seu functiones publicæ vicanorum, & quidem per Ægyptum imminutæ seu debilitatæ fuerant, isthæc est: quod in *Ecclesias* quasdam Patriarchales, Constantinopolitanam, puta & Alexandrinam, huiusmodi possessiones vicaneæ translatae fuerant, quæ antiquam capitationem iam non præstabant, *vers. Quidquid autem 7.* Octava ratio erat, *Negligentia & Contemptus* horum munerum exigendorum, *versu nequaquam.* Postrema ratio erat, quod nonnulli Principis beneficio metrocomias quasdam possiderent; *vers. Metrocomias 8. seu ultim.*

Nunc igitur tandem succedant totidem Remedia a Theodosio Iun. hac leg. adhibita, atque adeo huius constitutionis totidem SENTENTIÆ pro reparatione functionum & pensationum publicarum, totidem incommodis opposita. Primum igitur, *Patrociniorum* vsum & Patronorum nomen omnino deinceps extincta cupit; Et tamen quod ad translationem iam patrocinii nomine possessiones attinet, eas penes patronos manere indistincte iubet, attamen quoad *Reliqua* temporis præteriti, terminum huic rei præscripsit, ne aliquin in immensum eo obtentu possessores sollicitarentur: Nempe a Cæsarii & Attici Consulatu, id est, ab A. D. 397. a. xx. ferme annis neque ultra, Patronos huiusmodi patrocinii obtentu possidentes *pulsari*, id est reliquorum nomine conueniri iubet: cessante vltiore inquisitione & examinatione, quæ per Valerium, Theodorum, & Tharsacium, Inspectores in eum finem missos facta fuerat. Quare satis visum, si ab eo tempore possessores patrocinii nomine susceptarum possessionum reliqua præstarent, *Pulsandi* scil. voce hac leg. proculdubio reliquorum exactio exaudienda est. Et hæc quidem quoad reliqua præteriti temporis. At de cætero functionibus publicis omnibus eos parere iubet suo iam proprioque nomine, & extincto omni Patronorum nomine reliquis possessionibus penes pristinos dominos remanentibus, si modo pro rata possessionum publicas functiones & liturgos præstarent. Et hæc quidem de primo remedio, atque adeo de patrocinii vicanearum possessionum. Secundum remedium spectat *Metrocomiticas* possessiones patrocinii obtentu vel aliter in alios translatas. Nempe eas in pristino publico iure permanere pristinoque iuri restitui iubet, exceptis duobus casibus; Primus est, si ante dictum An. D. 397. privati eas nacti fuerint: Secundus, nisi Conuicani ea loca adquisierint; cui consentit *lex vn. Cod. Iust. non licere habitatoribus metrocomia loca sua ad extran. transfer.* Et rationem adiicit hic Theodosius, quia iam a Conuicanis non possunt denegari publicæ functiones, propter fortunæ eorum videl. conditionem, quod extranei denegare facile possunt, ac maxime Potentiores. Tertium est, ut qui *Fertiles* terras eo modo, ut diximus, adquisierunt, ἐπιβολῇ sterilitum subiaceant; de quo ἐπιβολῇ genere, eoque vario, dictum est plene *tit. de annonæ & tributis, sup.* Quartum est, ut *Homologi* ad suos vicos & pristinos dominos a *fuga* retrahantur, detentatoribus alioquin ad functiones eorum obnoxiiis. Quintum est, ut *Metrocomiarum* in locum, quæ temporis lapsu vel destitutæ vel viribus vacuatæ fuerant, aliæ subrogentur ex florentibus vicis sub eadem ci-

uitate constitutis; de qua vicorum magnitudine & celebritate videnda etiam *dist. lex 33. inf. de Episcop. Eccles. & Cler.* Sextum est, ut a *Curialibus* vicanis pro derelicto habitæ possessiones, eo, quo *supra* diximus, modo, penes novos possessores firmiter permaneant, citra spem ullam repetitionis veteris domini. Septimum remedium spectat ECCLESIAS, quæ & ipsæ aliquam multas Vicanorum seu Rusticorum possessiones in se transtulerant, religionis siue patrocinio siue & obtentu, confugientibus videl. miseris colonis in sinum & asylum Ecclesiæ; non alio scil. magis præsidio securitatem sibi pollicentes; ac nominatim Patriarchalium Ecclesiarum, & maximarum secundum Romam in Imperio Orientali, puta Constantinopolitanæ & Alexandrinæ; de quarum *Pronomiis* alibi dictum: cum illius Episcopus hoc tempore esset post Chrysostomum Atticus: huius, post Theophilum, Cyrillus. Neque mirum, Antiochenæ aut alterius nullam hic fieri mentionem: Quandoquidem hæc *lex* non alio pertinet, quam ad annonam *Alexandrinam*, quæ Constantinopolim subuehenda erat. Quare summo alterutrius loci Ecclesiæ præsidio; unde videl. vel quo annona transferenda esset, sese vicani colonique certatim muniabant. Vnde procul dubio non minimus possessionum & diuitiarum eas in Ecclesias cumulus deriuauit. Igitur & hac l. Theodosius Iun. huic rei modum aliquem nunc adhibet: A. D. 415. duplici fibula imposita: Prima est, ratione *Temporis*; nempe huiusmodi possessiones, eo quo dixi modo, ab illis Ecclesiis (quas & *Venerabiles* vocat) quæ sitas pro intuitu, (id est favore) Religionis firmiter penes eas remanere iubet, si modo eas possederint ante dispositionem Anthemii Præfecti Prætorio; vbi illud obsecrum, Quænam illa Anthemii dispositio fuerit, & in quem Præfecturæ illius annum id incidat? Decennium quippe integrum Præfectus Prætor. Orientis fuit, ab Anno D. 405. ad hunc Annum 415. quo hæc *lex* data est: de quo videndus etiam Synesius *ep. 47. 49. 73. 75. 79.* Socrates *lib. 7. cap. 1.* Sidonius *car. 2. vers. 94.* Forte putet quis, indicari eam dispositionem, quæ occasionem præbuerit *legi 9. inf. de indulg. debitor.* ac proinde quod ex ea colligatur, terminum huic rei figendum Anni 408. Indictione VI. ut ita ab eo tempore intra octennium insecutum ab Ecclesiis illis quæ sita Theodosius reuocari voluerit: Nisi potius eam Anthemii dispositionem intelligamus, cuius ex parte meminerit idem Theodosius ad eundem Anthemium scribens ante triennium An. D. 412. l. 1. *inf. de frum. Alexand.* Vtra sententia stemus, breuiorem hac parte terminum figi notandum est, Ecclesiarum fauore, quam in priuatis & laicis primo & secundo, & hoc potissimum, remedio. Altera fibula hæc est, ratione *Oneris*: Nempe ea conditione Metrocomiarum vel publicorum vicorum possessiones Ecclesiam Constantinop. & Alexandrinam retinere posse, dummodo in futurum omnes functiones pro iis solitas fisco præstent: de quo præstandarum publicarum functionum onere, etiam ab Ecclesiis, suo *tit.* dictum est plenius: Ac nominatim a Patriarchalibus quoque earum possessionum nomine, quas in patrocinium suum suscepissent: quod utique his alioquin interdictum: quam in rem est singularis de Thessalonicensi Ecclesia eiusdem Theo-

Theodosii Iun. constitutio Anno ab hinc decimo, P. 182. *puta lex 33. sup. de ann. & tribut. Sacrosancta*, inquit, *Thessalonicensis Ecclesia ciuitatis excepta*; ita tamen, *ut aperte sciat, propria tantummodo capitationis modum beneficio Mei Numinis subleuandum, nec externorum grauamine tributorum Rempublicam Ecclesiastici nominis abusione ledendam*. Quare tandem & hac deinceps constitutione, variisque circa Ecclesias obseruationibus, Annalium Ecclesiasticorum, (quod a Baronio omissum) census augeri poterit: & quidem Anni D. 415. *Octauum* remedium est, quod Immunitates Liturgorum, seu ministrorum & functionum publicarum, quocunque patrocinio, quacunque negligentia vel contemptu legum quæritas reuocari iubet *hac leg. Theodof. Iun.*

Postremum remedium est, quo Metrocomias possidentibus etiam ex beneficio Principis, *ἐπιβολῆς* cuiusdam genus alterum iam *hac leg.* indicit; Nempe ut qui Metrocomias meruerunt possidere, cogantur publicos vicos *committere*, id est, cæterorum Vicorum, quorum Metrocomia mater est, onera agnoscere; id enim *committendi* verbo *hac l.* indicatur. De qua commissione seu *ἐπιβολῇ* *supr. tit. de annon. & tribut.*

Hac ita *lege* distincte enarrata, liquebit deinceps, quam recte multa ex *hac eadem leg.* ad vsum decerpi possint aduersus vicanorum rusticorum publicas functiones declinantium fraudes artesque.



DE QVADRIMENSTRVIS

B R E V I B V S.

TITVLVS XXV.

Abeſt hic *Titulus* a COD. IVST. etſi *lex vlt. Cod. eod. de annona & trib. & lex I. Cod. eod. de Apochis publicis* (quæ eadem eſt cum *l. 173. inf. de decur.*) eo pertineant.

I. (a) Imppp. THEOD. Arcad. & Honor. AAA. Rufino PF. P. (b)

QUOTIESCVNQVE Quadrimestri breues ab Apparitoribus Ducianis (c) ad Sedem Veſtræ Ceſſitudinis deſtinantur, parilis (d) Notitia Prouinciali (e) quoque tradatur Officio, vt priuſquam ad Iudicium Veſtrum examinanda (f) mittantur, ibidem ſub vtrorumque (g) præſentia conferantur: vt qui (h) perperam, vel petita vel erogata notauerit (i), conſutetur (k); Ne, diſcordanti breuium modo, in eorum damnum expenſa reuocetur, qui Suſceptionibus, vel Nominationibus (l) obligati quæ Militum nomine petuntur exſoluant (m), nec (n) inputari ſibi quod exſoluerint congemſcant (o). Dat. XII. Kalend. Iun. Conſtantinop. Theod. A. III. & Abundantio Coſſ. [393.]

N O T A E.

- (a) Abeſt hæc *lex* a *Cod. Inſt. GOTHOF.*
- (b) *Rufinus* PP. ſub Theodoſio M. v. *Proſopogr. Orientis* ſcil. vid. *Notitiam*, ſeu *Indicem perſonarum*: & *Notitiam Præſectorum* Po. ID.
- (c) Id eſt Ducum rei militaris. ID.
- (d) Eadem vox in *l. 2. inf. de fide Cathol.* ID.
- (e) Id eſt Reſtoris prouincie: Porro non ſcribendum hic, *notitia a prouinciali*, mox vt oſtendam. ID.
- (f) *Examinanda*: nempe priores illi breues & parilis notitia. ID.
- (g) Nempe Apparitorum Ducis, & Officialium Reſtoris prouincie. ID.
- (h) *Qui*, breuis ſcil. quadrimeſtriſ: Neque enim quidquam hic mutandum. ID.
- (i) Deſignauerit. ID.
- (k) *Conſutetur*, id eſt reſutetur. *Propria* hac in re vox. v. *Gloſſ.* ID.
- (l) *Nominatores* ſuſceptorum, pro his obligabantur, & ſoluere tenebantur, v. *inf. tit. de ſuſceptor.* ID.
- (m) Exſoluant. ID.
- (n) Senſus eſt: Suſceptores non ægre ferre oportere, ſi quod breuibz Apparitorum Ducis non conſentitur, & ipſi tamen exoluiſſe ſe dicunt, ruſſum ſoluere cogantur. ID.
- (o) *Congemſcant*. Sic & *l. 16. ſup. de deſertoribus*: *Viginti ſibi ante poſitos congemſcat.* ID.

COMMENTARIUS.

THEODOSII M. hæc vnica hoc titulo constitutio occurrit de *Quadrimestruis breuibus*, id est de Breuibus, qui singulorum quadrimestruorum tributorum rationem & notitiam continebant: triperita quippe per annum solutione, seu per quadrimestrua singula, tributa soluebantur; de quo sunt *hoc Codice octo leges*, de Quadrimestruis inquam his breuibus, & quadrimestrua tributorum solutione: Valentiniiani Sen. quatuor: puta *lex 15. sup. de annona & trib.* (vbi iam dixi satis multa, ostendique hunc Principem eius rei auctorem fuisse.) *l. 3. sup. de collat. fundor. putr. l. u. sup. de Exactionib. l. 15. inf. de Susceptorib.* Valentis, vnica, puta *lex 16. sup. de annona & trib.* Hæc Theodosii M. Honorii *lex 27. inf. de susceptoribus*: Theodosii Iua. *lex 173. inf. de Decurionibus*: Quibus omnibus addatur & Maiorioni *Novella 4. de indulg. reliqu. vers. & quia totum.* Aditatur & ἀπο τῶν ἐξω elegans Libanii locus *Orat. in Tisamenum pag. 448. edit. Morell.* ad hunc ipsum Theodosium M. Imp. quem protuli ad *d. l. 15. sup. de annona & trib.* & Cassiodorus variis locis: vt *lib. XI. Var. 7.* Vt trina, inquit, illatione deuotius possessor suam compleat functionem: & *lib. II. Var. 24.* vt quicquid vnaquæque domus Senatoria proficitur, destinatis procuratoribus per prouincias trina illatione persoluat. Idem *lib. XII. Var. 2.* Notitiæ (quomodo etiam hæc vocatur) *Quadrimestrus* meminit: *Expenfarum*, inquit, *fidelem Notitiam* Quaternis mensibus comprehensam ad *Scrinia Nostra* dirigere maturabis, vt totius erroris discussa caligine, publici ratiocinii possit claritas apparere. Tandem hæc illa τετραπλή videatur, quam memorat *Basiliius ep. 373. su. ep. 21. Edit. Benedictin. T. III. Oper. pag. 98.* vbi ioculatur cum quodam, ἀπαυτῆται γὰρ καὶ αὐτὸς, καὶ ἰγχαλῶται σφοδρῶς, πλὴν ὅσον ἔχει εἰς φορῶν ἐλλείμματα, ἀλλ' ἐπιστολῶν: repositur enim & ipse, & accusatur vehementer, non tamen tributorum debitiones sunt, sed epistolarum. Et mox, ἔδωκε γὰρ αἰεὶ ἐπιστολὴν τὴν δὲ ἐκομίσασατο, εἰ μὴ τί πᾶ καὶ παρὰ σοὶ ἡ πολυθρύλητος αὐτῇ τετραπλή προτετίθηται: ἃδὲ γὰρ οἱ ποναγόριοι, τοσούτων προτίμησαν τὴν τετραπλὴν ὅσον οἱ ὕνελκοντες τὰ δημοσία τὴν τετραπλὴν: semper enim epistolam dedit, atque hanc detulit. Nisi forte & apud te celeberrimum illud quadruplum primas obtinet. Neque enim tanti aestimauere *Tetractyn Pythagoræ*, quanti nunc quadruplum, qui pecunias publicas colligunt. Quanquam nescio an non potius *Quadrupli* pœnam indicet ob non soluta tributa, vel potius ob superexactionem (a), de quo v. *l. 20. sup. de exactionib. l. 7. 8. u. sup. de extraordin. l. 18. de susceptoribus &c.*

Quadrimestruum igitur breues erant, Breues notitiæ seu ratiocinia annonæ per quaternos menses ter in anno, iudici exigi, solui, erogari solita. Solutio enim, vt dixi tributorum tribus vicibus in anno triperita satisfatione, & sic per quaternos menses fiebat. Et quidem, vt iam dixi, ex Valentiniiani Senioris primum instituto; de quo plenius ad *dict. leg. 15. sup. de annona & tribut.*

Quinque porro generum quadrimestruos breues hac parte obseruo: Primum genus est *Adscriptionis* seu *Delegationis*, quibus continebatur modus collationis seu inductionis: de his vero accipienda est *dicta lex 173. inf. de decurionib. & d. l. 27. de Susceptorib.* Hi breues ab officio Præfecti Prætorio in prouincias dirigebantur: Ad quod idem officium postea *descriptionis* celebratæ dispunctio mittebatur: Ideo scil. ne ad voluntatem locupletum, & inopum perniciem aliquid tentaretur, *d. l. 173.* Sed & iidem Tabularii ciuitatum publicabantur: quibus iisdem Tabulariis postea *Exactionis* factæ securitates, id est apochæ tradebantur, quod Tertium quadrimestruorum breuium genus fuit: vt & ita ex Apocharum & Breuium collatione appareret, num a prouincialibus aliquid superexactum fuisset, neue bis idem exigeretur, *d. l. 27. inf. de Susceptorib.* Quartum genus *Quadrimestruorum Breuium* erat *Erogationis faciendæ*: quibus inquam modus erogationis faciendæ in milites forte continebatur, de quibus *l. 24. sup. de erogat. mil. ann.* Alii denique quadrimestruum Breues erant *Erogationis factæ*: de quibus etiam *d. l. 24.* De his vero nominatim est hæc *lex*, vt non tantum ex ea apertissime liquet, verum etiam ex huius tituli dispositione: qui post *Titulos*, ad *Exactionem* pertinentes, ante *Titulos*, de *discussoribus*, & de *Indulgentiis debitorum*, collocatus est.

Huius vero *leg.* hæc sententia est: Antequam *Quadrimestruum* Breues isti erogationis factæ ad Præfectum Prætorio mittantur ab Officialibus Ducum militarium, prius pares Breues tradendos esse Officio Rectoris prouinciæ: vt ita inter se prius conferantur, sub vtrorumque præsentia, id est & apparitorum Ducis, & Officialium Rectoris prouinciæ: atque ita collatione *συγκρίσει* eorum facta constare possit, quid perperam petum erogatumue in Milites fuerit, & sic is Breuis confutetur, reiiciatur, quo perperam vel petum vel erogatum quid constiterit. Alioquin si Breues discordent, erogationis perperam factæ periculum Susceptores, eorumque Nominatores respicere debet.

Vbi varia admodum notanda veniunt. Primo quidem Breues erogationis in milites factæ ad Præfectum

(a) Editor Gallus ad locum Basilii hæc notat: „Suspicatur Gorthofredus tetraplam siue quadruplum, de quo Basiliius in hac epistola, esse pensionem quadrimestruam, vel quadrupli pœnam ob non soluta tributa, vel potius ob superexactionem. Sed liquet hic literas non redditas, cum tributis non solutis, comparati; sicque Basiliius cum Leontio iocari, quasi is quadruplum literarum reposceret, vt quadruplum debitorum tunc passum, repositur. Lucem affert Ammianus Marcellinus, quo teste Petronius sofer Valentis: *ad nudandos sine discretionem canctos immaniter flagrans, nocentes pariter & insontes post exquisita tormenta quadrupli nexibus vincebat, debita iam inde a temporibus principis Aureliani perscrutans & impendio marens,* si quemquam absoluisset indemnem, lib. 26. cap. 6. Est ergo quadruplum hoc loco non quadrimestrua pensio, non superexactio, sed debitorum, quæ soluta non fuerant, crudelis inquisitio; & quadrupli pœna, his qui non soluerant imposita.“

fectum Prætorio missos, ut iudicio eius examinarentur: Ad huius enim curam totius annonariæ rei cura pertinebat: de quo pluribus iam locis dixi. Secundo, missos & ad Rectorem prouinciæ, quem ipsum quoque tributariæ rei cura contingebat, de quo ipso, suo loco. Tertio notetur, Apparitores Ducum rei militaris, Breues erogationis factæ in milites confecisse, ut ita appareret, quid in milites, qui sub Duce erant, erogatum fuisset. Quarto de

Susceptoribus, eorumque Nominatoribus notetur, erogationis perperam factæ periculum in eos recidisse: de quo *suo tit. inf. de Susceptoribus*: & nominatum de periculo Nominatorum: *l. 1. 4. in f. l. 8. 9. 20. 29. cotit.* Tandem notetur parilis notitiæ genus, seu parium τὸν ἴσον ad σύγκρισιν faciendam: cuiusmodi haud absimilis ἀναγὰς ad σύγκρισιν faciendam, apud Basilium *ep. ad Chorepiscopos* 18. *Siu. ep. 54. edit. Benedictin. Tom. III. Oper. p. 149.*



DE DISCVSSORIBVS.

TITVLVS XXVI.

LIB. X. COD. IVST. TIT. XXX.

Des Contrerolleurs & Recepteurs des Restes.

P A R A T I T L O N.

DISCVSORES: de his præter duas huius tituli leges, agitur præterea tredecim huius Codicis legibus: puta *l. omnis 5. sup. de iis quæ administ. l. 1. sup. de Primicerio & Notariis l. ult. sup. ad leg. Iul. de ambitu: l. 5. sup. de locat. fund. emphyteuticor. l. ult. sup. de exactionib. l. 3. inf. de indulgent. debitor. l. 36. 45. inf. de appellationib. l. 21. 29. inf. quorum appellat. l. 185. de decurion. l. 26. inf. de Susceptorib. l. 7. & 10. & 11. inf. de censitorib.* Addantur & extrinsecus *Novella* Valentiniani Tertii elegantissima *de Indulg. Reliquorum* 7. Ab his dicuntur Discussiones, *l. 1. b. tit. & d. l. ult. sup. ad leg. Iul. de ambitu: l. 26. de Susceptor. l. 1. de Primicerio. discussionis examen, l. 5. sup. de locat. fund. emphyt.* Discussionis officium, *Novella* Valentin. 7. discussionis indago, *l. 5. de iis quæ admin.* (ut discussionis ratiocinia, *Novell. Theod. 11. in l. 1.*) Inquisitio, *l. 27. inf. quorum appellat.* discussiones rationales, *Firmico matthes. lib. 3. c. 13.* Ut autem Discussores non vnus erant generis, de quo ad *l. 1. b. t.* (prout *discutiendi* vox ad diuersa subiecta porrigitur) ita *hoc titulo* sunt, quod etiam huius tituli situs ostendit, qui ad prouincias mittebantur *d. Novella* Valentin. 7. ut rationes ob prædam discuterent: *l. ult. sup. de exactionib.* ut indagarent, examinarent: vnde & discussionis, ut dixi, indago & examen, ut manifestos debitores (tributorum) prouinciales ad solutionem cogerent: *l. 21. inf. quorum appellat.* In quem etiam finem chartæ seu Breues tributorum his tradebantur, *l. 3. inf. de indulg. debitorum*: quo scilicet reliqua discuterent, quæ alioquin sæpe indulgentiis remittebantur: qua causâ *hic Titulus de Discussoribus* opportune positus est in medio *Titulorum de Quadrimenstruis Breuib. & de indulgentiis debitorum.* Munus vero hoc discussionis Reliquorum vel certe operum Comitiorum quoque decoratum: hinc Comitiorum discussionum *l. ult. ad leg. Iul. de ambitu*: vid. & *l. 3. C. Iust. b. t.* Onus porro istud discussionis inuitis impingebatur: exceptis nonnullis, ut ostendit *lex 1. sup. de Primicerio & Notariis*: & *l. 3. Cod. Iust. de discuss. & l. 6. Cod. eod. de aduoc. diu. Indicior.* De iniquis vero horum discussionibus, & deprædationibus querelæ subinde exortæ, quibus ideo sæpe obuiam irum Principum constitutionibus: *l. 1. b. t. & l. 5. sup. de iis quæ administ. l. 2. b. t. & l. 7. 10. inf. de Censitoribus.* Valentiniani III. *d. Novella* 7. Ideoque & ab eorum sententiis & statutis appellare licuit: *l. 36. 45. inf. de appellat. l. 29. inf. quorum appellat.* nisi si manifesti essent debitores qui appellarent, *l. 21. inf. quorum appellat.* quæ iungenda est cum *d. l. 36.*

I. (a) Imppp. VALENTINIANVS, Valens & Gratianus, AAA.
ad Arthemium (b) Vic. Hispaniarum.

QVOTIENS in Discepratione (c) constiterit, inique Discussionem fuisse confectam, & fidem (d) facti non poterit adprobare Discussor, ipse in eodem titulo (e),
Tom. IV. Bb &

& in eodem modo, ad soluendum protinus vrgueatur, in quo alterum perperam fecerit debitorem. Dat Prid. Id. Maii, Valentiniano NB. P. & Victore Coss. [369.]

NOTAE.

(a) *Lex 1. Cod. Inst. cod. tit. GOTHOFR.*

(b) *Arthemius* Vicarius Hispaniarum sub Valentiniano Sen. cui praeterea inscribitur Anno proximo 370. *lex 2. sup. de Tabulariis. ID.*

(c) *Tua* scil. Vicarii Hispaniarum. *ID.*

(d) *Fidem*, id est veritatem, sinceritatem. *ID.*

(e) *Titulus* est genus collationis; vid. *Gloss. Theod. ID.*

P. 185.

COMMENTARIUS.

VALENTINIANI Sen. hæc *lex* est de Discussoribus: pariter vt altera eiusdem *lex 5. sup. de his qua administr.* Discussores hic quid sint, satis vt opinor docuit *Paratitlon*. Erant scil. qui in provincias extra ordinem mittebantur, examinaturi, indagaturi, inspecturi, inquisituri (vnde *Discussiois examen, indago, inquisitio*) quid tributorum nomine exactum esset, quid in Reliquis resideret, quique adeo provinciales ad Reliquorum solutionem cogerent, *l. 21. inf. quorum appellat.* Vnde & discussor quoque vocatur Inspector *Nouella Valentiniani 7.* Item Arbitrator & Quaestor, *ibid.* Quod vt inter alia quoque huius tituli situs ostendit, & cætera quæ in *Paratitlon* congesse, ita omnium elegantissime *diff. Nouella 7.* eiusque adeo *Titulus* ipse, *de indulgentiis debitorum.* Vnde & in *Glossario veteri*, quod aliis quoque discussorum speciebus conuenit, *Discussor λογολήτης, λογολήσια discussio.* Idque ipsum vel hæc ipsa *lex*, & proxima satis docent. Vt proinde manifestarius iam & grauis error sit, eorum, qui discussores confundunt cum Exactoribus ordinariis, quem errorem admittit quoque Interpretes ad *l. 2. inf. vel etiam cum Censitoribus, Peræquatoribus*, imo etiam Rationalibus, a quibus toto cælo distant. Fædus proinde eorum lapsus qui scribunt, ad eorum curam spectasse, inquirere & animaduertere, qui essent in vnoquoque populo debitores fisci, & eos in matriculam scribere, & inde assilmare, taxare facultates & patrimonia provincialium, vt iusta fieri posset census collatio seu contributio: vel etiam quibus commissa esset cognitio & disceptatio rationum fiscalium vel aliarum, quæ ab aliis dispunctæ sunt aut tractatæ. Horum igitur munere funguntur in Gallia, *les Comptables & Receueurs des Restes.* Sic sane & operum publicorum Discussores dicti, qui discuterent, an, quomodo, quam bene, pecuniæ in opera publica destinatæ, impensæ essent, quidque adeo in Reliquis resideret: de quibus Symmachus, *lib. 5. ep. 76. lib. 10. ep. 38. 39. 47. l. vn. Cod. Inst. de ratiociniis operum publ.* Theodosius *Nouella 11. de bon. decurion. in l. 1.* Cassiodorus *I. Var. 21. II. Var. 34.* de quibus dixi ad *l. ult. sup. ad leg. Iul. de ambitu.* Sic & discussio Arceæ vinarie memoratur, *l. 26. inf. de Susceptorib.* Diuersum etiam ab his discussoribus genus fuit eorum qui de pretiis rerum venalium cognoscebant, de quibus *l. 10. inf. de Iudais.* Et sic interim quatuor hæc Discussorum genera distinguenda veniunt, quæ passim commiscuntur. Quomodo etiam discussor, cuius meminit Corippus *lib. 1. de laudib. Iustin.* ab hoc diuersus est: vt & capitum discussio, cuius meminit Iuuenius *lib. 1. histor. Euang. v. 44.* Itemque discussio

res census noui apud Cassiodorum *IX. Var. 10.* & discussores, *lib. IV. Var. 38.* omnes enim hi pertinent ad discussionem facultatum, ad imponendum videl. & affligendum census vel superindicti seu augmenti modum. Et hæc de Discussoribus in genere. Nunc de explicatione huius *leg.* De Discussorum scil. iniquitate prædisque querelæ subinde exortæ, & ad Principes perlata, qui ideo his occurrere variis constitutionibus: Valentinianus Sen. *h. l. & l. 5. sup. de his qua administr.* Honorius *l. 2. h. t. & l. 7. 10. inf. de Censitoribus*: Valentinianus III. *elegantissima & expressissima Nouella 7. de indulgent. reliquorum*: quæ rem graphice omnem describit: vnde etiam nonnulla ad *leg. 2. notabo*: verum tota hic in consilium adhibenda.

VALENTINIANVS igitur hac *leg.* Iniquum discussorem, de quo perperam discussus querelam iuste intulit, & ab eius sententia & statuto appellauit, (vt appellare licet; quod ostendit *lex 36. 45. inf. de appellat. l. 29. inf. quorum appellat.*) tanti damnari iubet, quantum alium cum non deberet, debitorem effecit. Cuiacii enim ἀλλοτρία est, qui scripsit aduersus expressa huius *leg.* verba, tanti eum damnandum, quantum provincialem debere consliterit. Hæc quidem ita nunc Valentinianus Sen. atenim Honorius postea pœnam intendit, Quadrupli quippe pœna iniquum discussorem multari voluit, *l. 7. & 10. inf. de Censitorib.* pariter vt Exactorem, quod & ipsum in Exactore Constantio placuit, *l. 7. 8. de extraordinar.* Valenti, *l. 11. de extraordin.* imo & Valentiniano huic ipsi, *l. 1. de superexactionib.* vid. & *l. 20. sup. de exactionib.* (quanquam & capitis, pœna quandoque superexactoribus imposita, *d. l. 1. sup. de superexact.* vbi de eo plene dixi, & *l. vn. sup. de vectigalib. l. 1. 20. sup. de exactionib.*)

Porro, quod secundo hac *leg.* notandum, ita iniquum discussorem tanti condemnari vult Valentinianus, vt tantundem inferre velit in eodem titulo, id est, eodem collationis genere: veluti si debitorem auri fecerit, vel annuarie speciei, in eadem re pœnam præstare cogatur: imo & eodem modo, id est eadem quantitate, vt Cuiacius: Male enim, qui id additum putant, quod scil. si causa erat summaria, discussor conueniatur & vrgatur ad cognitionem summariam.

Obiter autem hac *leg.* Tria obseruanda veniunt. Primo quidem ex hac quoque *leg.* discimus, Discussorem discussionis ipsius Iudicem fuisse: qua causa & Arbitrator & Quaestor vocatur: *d. Nouell. 7.* & appellatum ab iis aliunde discimus: vt proinde inanis sit super hoc Interpretum quaestio seu altercatio.

Secun-

Secundo obseruandum ex hac leg. a statuto seu sententia Discussoris in *sp. huius leg.* ad *Vicarium* appellatum: vt iuncta *huius leg.* inscriptione prima statim legis verba ostendunt: ibi *Quotiens in disceptatione confiterit*, &c. Sane & in Romana diocesi ad *Vicarium* Urbis appellatum ex eiusdem *Valentiniani, d. l. 36. de appellat.* liquet. Atenim postea a Discussoribus ad Comites rerum priuatarum appellatum, docet *lex 45. inf. de appellat. & l. 29. inf. quorum appell.*

Tertio obseruandum, spectare nominatim *hanc leg.* ad *Hispanias* (quod *Hispani* Interpretes trans-eunt) quarum vtique rei tributariæ, atque adeo Hispanorum securitati ab eorum fraudibus, qui rei Tributariæ incumbabant hoc tempore *Valentinianus* enixe consultum voluit, vt præter *hanc leg.* docet *lex 2. sup. de Tabulariis.*

Inanis vero ad *hanc leg.* Interpretum quæstio est, occasione horum verborum, & *fidem facti non poterit probare*, cuiam probatio in *sp. huius leg.* incumbat, an Discussori, discussionem a se probe factam; an vero prouinciali, qui se læsum prætendit; & sic quomodo probetur hæc iniquitas? Discussor enim, si ab eo appellaretur, proculdubio in disceptatione, initio & tributi modum alicui impositum, & solutionis rationes factæ vel non factæ exhibebat, ex quibus fidem faciebat de discussione recte a se facta. Aduersus quod si quid exciperet prouincialis, si rationes eius confutaret, vel apochis vel aliter, procul-^{P. 196.} dubio idem Discussor discussionem a se factam defendebat: & sic in *disceptatione* vel *fidem facti* probabat, vel de iniquitate constabat. Sic sane quoque *leg. 1. inf. de censu*, qui se grauatum intendit, probare tenetur, seu conuincere, *leg. 5. Cod. Iust. de censibus.*

II. (a) Impp. Arcad. & HONOR. AA. Messalæ PF. P. (b)

MAXIMAS prædas (c) hoc pacto agi de Prouincialibus certum est, vt (d) acceptæ (e) semel (f) Securitates (g), & regestæ (h) Polypiticis (i), a Discussoribus vel Apparitoribus (k) denuo postulentur: non quod utilitas publica flagitat (l), sed vt si casu est amissa securitas, maior (m) præda nascatur. Decernimus itaque, vt quando insertæ securitates Ratiociniis (n) publicis continentur, rursus per iniuriam non petantur. Dat. V. Kalend. Decembr. (o) Stilicone & Aureliano Cos s. [400.]

INTERPRETATIO. *Lex ista hoc iubet, in hac maximam prædam Exactores (p) de Prouincialibus exercere, vt post emissas securitates iterum Polypiticos (q) & securitates inceptiant postulare, quod ab hiis non pro publica utilitate fieri, sed vt si securitates inuenta non fuerint, maior eis præda nascatur. Ideoque statuit, vt si securitates ratiociniis publicis, vel in Polypiticis Exactorum continentur iterum pro cupiditatis nequitia non petantur.*

NOTAE.

- (a) *Lex 2. Cod. Iust. ex hac leg.* interpolata est, recisa historica narratione vsque ad illa, *si casu &c.* Iungenda autem illi *lex 60. sup. de cursu publ. l. vn. sup. de his qui Potent. nomina in lite prætendunt*: Forte etiam *lex 59. de cursu publ. & l. 5. sup. de locat. fundor. GOTHFR.*
- (b) *Messala PP.* Italiae scil. sub Honorio. v. *Prosopogr. ID.*
- (c) *Vid. l. ult. sup. de exactionib. ID.*
- (d) *Quod. ID.*
- (e) *Deceptæ MSS. W. G. & Sichard. RITTER.*
- (f) *Simul, MSS. W. G. & Sichard. ID.*
- (g) *Securitates*, id est, Apochæ, vid. *Glossar. GOTHFR.*
- (h) *Regestæ*, id est, relatæ in gesta publica: hinc *Regesta* diuerforum officiorum, *Nou. 1. de Theodos. Cod. author.* Huc pertinet subscriptio *leg. 14. inf. de indulg. debit.* *Regesta &c.* vbi dicam plura. *ID. MSS. W. G. & Sichard. rei gesta. RITTER.*
- (i) *Polypitica* mox vocantur *Ratiocinia publica*: de quo mox plura. *GOTHFR.*
- (k) Quibus stipati discussores, *Nouel. Valentin. 7. vers. ubi trepidam. & vers. Innumera. ID.*
- (l) *Flagitæ. Ed. Sichard. ID.*
- (m) *Occasio depraedandi, d. Nouel. Valent. 7. vers. reuera enim.* In *Cod. Iustin.* ita locus hic transformatus, *quædam præda nascatur collatoribus.* Vbi non fero *Heraldum in animadu. in Salmas. obseru. ad ius Attic. lib. 2. cap. 25. n. 11.* reponentem *Coactores*: qui ideo, nescio quos, novos Coactores instituit, novos, inquam, nescio quos Publicanorum Coactores, qui tributa colligebant, aut tributorum reliqua. *Præda* scil. *Collatoribus* nascitur proprio significatu. *ID.*
- (n) Vocantur *sup. polypitica. ID.*
- (o) *Mediolani, MSS. W. G. Sichard. & Cod. Iust. RITTER.*
- (p) *Errat Interpretis & d. l. vn. sup. GOTHFR.*
- (q) *Error hic est Interpretis, quem mox sine Interpretationis aliquatenus emendat. ID.*

COMMENTARIVS.

HONORII hæc constitutio est aduersus iniquos Discussores eorumque prædas: & quidem *Apo-*
Tom. IV.

charum occasione. *Apocharum* scil. occasione summam quandam Discussorum iniquitatem prædamque

que vexandis deprædandis Prouincialibus profligat *hac leg.* Honorius An. D. 400. Quæ pars est constitutionis Honorianæ prolixioris, ut ex illis *legibus* liquet, quas *huic* initio coniungendas esse dixi; Quæ constitutione Honorius in vniuersum prouincialium securitatem a variis Vexationibus vindicare instituit, ut patet primum ex *leg. 60. sup. de cursu publ.* vbi iniquitati Pretii pabulorum pro animalibus publicis, quo vexabantur seu prægrauabantur prouinciales, ultra quam iustitiæ ratio finit, quodque a Mancipibus cursus publici & Apparitoribus exigebatur, modum imponit: Item patet ex *l. vn. sup. de his qui Potentiorum nom. in lite prætend.* vbi Potentiorum nominibus & titulis prætensis alios vexari sedulo prohibet. Triplici igitur iniquitati & vexationi prouincialium ea constitutione occurrit Honorius; Potentiorum, inquam, Mancipum cursus publici, Discussorum denique.

Vexatio prædaque Discussorum inter alias, hæc erat; quod *Securitates*, (id est Apochas) functionum publicarum seu tributorum a prouincialibus exigere forte deperditas, quæ tamen ipsæ ratiociniis publicis continebantur, id est de fide solutorum tributorum ex publicis rationum libris constabat: Nempe *utilitatis publicæ* obtentu, ut hic indicatur, quasi imaginariæ solutiones *ἐκωνικά ἀπὸ χαλῶν*, ut vocantur in *veteri* Lucillii epigrammate in ratiocinia publica a Tabulariis relatæ essent, Discussores ipsas Apochas a Prouincialibus exigebant, ut ita de fide tributorum solutorum certius constaret: Reuera tamen, ut amissis Apochis maximas prædas hoc pacto agerent, & si quo casu amissæ fuissent, iterato a Prouincialibus tributa exigere: De qua ipsa Discussorum vexatione, prædaque elegans est admodum Valentiniani III. *Nouella de indulgentiis Reliquorum 7. Securitates*, inquit, *expetunt* (Discussores) annorum *serie & vetustate consumptas, quas seruare nescit simplicitas, & fiducia nihil debentis; reuera enim, aut quoquo modo perierunt* (nam ita hunc locum restituo) *quasi iusta contingit occasio deprædandi, aut si extant, redimendum est ut ferantur accepto; ita fit, ut, apud improbum rei arbitrum, merito noceat chartula cum perit, nihil proficiat non perisse, &c.* Et quæ ibi sequuntur de eorum scæuitia & crudelitate. Quem locum imitatus est quoque Sulpitius Senerus, in *vita Martini*.

Igitur aduersus hanc Discussorum vexationem prædamque *hac l.* constituit Honorius, nihil nocere Apocharum amissionem: neque a Prouincialibus exigendas eas: apertissima ratione, quia de fide tributum soluti satis adhuc constare possit ex publicis Ratiociniis. Et quomodo? Scilicet quia (quod *hac ipsa leg.* bis perstringitur) Prouincialis, qui tributum a se soluti Apocham acceperat a Susceptore, eam ad Tabularium publicum deferre solebat, qui mox visis his Apochis subnotabat in libris publicarum rationum, fidem sibi factam ab hoc vel illo, Apocha exhibita, tributum ab eo solutum; ut præter *hanc l.* docet expressissime *lex 2. sup. de atinona & trib. lex 27. inf. de Susceptoribus*. Quinimo & Tabularius ipse cautionem sibi exhibitam subnotabat, ut docet *lex 2. Cod. Iust. de conueniendis fisci debitor.* non etiam *lex 1. Cod. eod. de canone largitionum titularum:* ne alioquin sæpe Apochæ falsæ forte vel Imaginariæ,

quas Susceptores per colludum possessoribus dabant, obtruderentur. Vtrumque igitur ad plenam liberationem requisitum, Apocha Susceptoris, & eius exhibitio Tabulario publico: Atenim vtroque semel præstito plenissima liberatio contingit, neque Apochæ casu aliquo amissio quicquam præiudicat, quia tributum illatum fides plene semel facta, & ex ratiociniis publicis seu *polyptics* haberi potest, in quæ Apocha *Regeſta* est, id est in acta relata; pariter ut ex arca Præfecti Præt. seu arcæ ratiociniis tributum solutum fides peti potest, ex Iustiniani *Nouell. 49.* Denique Apochæ amissio nequicquam hic præiudicat, si aliunde probatio soluti fieri potest. Quod & in priuatis non minus quam publicis debitis obtinet, *l. 5. 6. C. Iust. de edendo.*

Et hæc quidem est *huius l.* sententia; vbi inaniter quarunt Interpretes, an & quomodo Collator amissionem apochæ probare possit, vel debeat? Amissionem enim in *sp. huius l.* collator bona fide allegabat, & sic de solutione non aliter fidem facere poterat quam ex Polyptics seu Ratiociniis publicis, ad quæ ideo miser prouocabat, exhibitionem Apochæ discussore exigente. Inanis proinde cum primis *huius l.* interpretatio vel ad eam quæstio, de renouatione & sic geminatione Apochæ amissæ.

De duobus nunc videndum est: in *hac leg.* singularibus.

Primo notandum Discussoribus *hac leg.* iungi Apparitores: Nempe, quia Discussores in prouinciis missi his stipati erant, ad discussiones faciendas: de quo est ingens Valentiniani III. querela dicta *Nouella de Indulg. Reliquorum 7:* quæ hanc ipsam ut dixi, circa securitates Discussorum fraudem proscindit. Vbi, inquit, *trepidam prouinciam talis discussor adierit, stipatus Calumniarum Ministris, superbia elatus inter obsequia sumptuosa, expetit ADMINICULA PROVINCIALIS OFFICII, scholares etiam sæpe coniungit, multiplicato & hominum numero, & Officiorum, ut quantum avaritia libuerit terror extorqueat.* Et post: *Innumera deinde clades, seu custodia, suspendiorum crudelitas, & vniuersa tormenta, quæ interea latus & crudelitatis pertinax egregius Quæstor expectat, Collega furtorum PALATINVS hortatur, instat APPARITIO turbulenta, vrget immitis EXECVTIO MILITARIS. Indignum facinus, hæc de ciuibz velut inter hostes pecunia placitis, non allegationum iustitia, non miseratione finire. Tanta vexatio cum nihil vnquam fisci utilitatibus proſit, tamen non desinit iterari.*

Secundo illud ad *hanc leg.* notandum, Apocharum occasione non vnâ hanc a Discussoribus vexationem tributarias tulisse. Nam & Iudices quoque seu Rectores prouinciarum sæpe Apochas sub discussoribus suis datas emissas ad disquisitionem & discussionem reuocabant, & refricabant: *l. 185. inf. de decurionibus:* vbi etiam *Discussionis* vox, huic titulo conueniens occurrit. Idem faciebant & Susceptores quandoque *l. 26. & l. 27. inf. de Susceptoribus.* Ut ad hanc legem speciatim redeamus: Ex ea igitur conficitur, Apocham seu quittanciam non semper necessariam esse, si alio modo solutio probari possit: veluti ex libris publicis actisque: quod ipsum definitur, *l. 2. §. ult. Cod. Iust. de quadrienni præscript.* Ut contra, ex illis *legibus* conficitur,

citur, publicam Apocham solemniter confectam ita securum reddere fisci debitorem, vt excludat omnem aliam recisionem, discussionem, retractationem. Vnde & non numerata pecuniæ exceptio his opponi non potest; *l. ult. Cod. Iust. de Apochis publ.*

Nunc tandem quid sint POLYPTICA, quorum hac leg. mentio fit, videndum est: Quanquam & Cuiacius id iam aduersus Alciatum recte ostendit *IV. Obs. 27.* & alioquin liquidum id satis, vel ex fine legis; vbi *Ratiocinia publica* vocantur, quæ initio *Polyptica*; idque etiam recte Interpres assecutus est *sine Interpretationis*, non item *initio*. Eorundem vero *polypticonum* fit quoque mentio leg. *13. inf. de indulgentiis debitor.* Fuerunt igitur *polyptica*, publica *Ratiocinia*, seu libri publici, in quos tum tributi exigendi modus (quod docet *d. lex 13.*) tum tributi soluti ratio, quod *hac lex* ostendit, continebatur. Meminit eorum & Vegetius, *lib. 2. de re militari, cap. 19.* eaque simul aperte describit: *Totius*, inquit, *legionis ratio siue obsequiorum, siue militarium numerorum, siue pecunia quotidie adscribitur actis* (militaribus scil.) *Maiores prope diligentia, quam res annonaria vel civilis polypticiis annotatur.* Casiodorus quoque *V. Variar. 14.* vbi de

Iudice agit ad tributorum exæquationem delegato: *Hic*, inquit, *sub omni ratione discussi, ea &c. omnibus a Te sollicita atque aquabili indagatione comperitis, polyptici iubentur adscribi, quatenus & testimonia fidei vestra clareant, & nulla posthac, quæ abrogari volumus, semina fraudis iterentur.* Et *V. Variar. 39.* Dehinc, inquit, *non polyptici publicis, ut moris est, sed arbitrio Compulsorum suggeruntur prouincialium subiaccere fortuna.* Quod genus euidentis est præda pro illius voluntate dare, qui ad suum commodum amplius festinat exigere. Vide & Gregorium *lib. 7. epist. 40. & lib. 12. Epist. 30.* Vetus collectio Chronicorum ex Thoromacho; *Adrianus*, inquit, *benigniter tributa Urbium plurimarum relaxauit, poleptici publicis incensis, plurimos a tributis liberos fecit.* Marculphus *1. formularum 19.* vbi pro *puleitico* publico recte *polyptico* legit *Pithæus*. De nominis ratione dixit idem Cuiacius *IV. Obseru. 27.* Dicam ipse ad *legem 1. inf. de expensis ludorum.* vbi de *dypichis*. Hanc vero *polypticonum* mentionem sustulit Tribonianus in *l. 2. C. Iust. cod. tit.* quam hinc miris modis interpolauit. Denique *polyptici*, vel *polyptica* sunt libri seu chartæ censuales *ratiociniorum* publicorum: quæ & *vasaria* dicuntur *l. 12. inf. de Censitoribus.*



P. 188.

DE ALIMENTIS, QVÆ INOPES PARENTES

DE PVBLICO PETERE DEBENT.

TITVLVS XXVII.

Abeſt hic *Titulus* a Cod. IVST. Quo vero nexu hic *Titulus* hoc loco positus est? Nempe casus hic singularis proponitur, quo ex Tributorum collatione, & ex horreis in quibus *annona* condita erat, deripere, depromere, vsurpare quid licebat: cum id alioquin non liceret: eoque proinde etiam *Indulgentiæ* cuiusdam species erat.

PARATITLON.

INOPES PARENTES, *Rubr.* (egestate victus atque alimonix inopia laborantes, *l. 2. b. t.* nulla rei familiaris substantia fulti *d. l. 2. b. t.* in egestate miserabili constituti, *d. l. 2. b. t.* qui Sobolem pro paupertate educare non possunt, *l. 1. b. t.* qui liberos suos ægre ac difficile sustentant, *d. l. 2. b. t.* vel ad indignum facinus prorumpant, *d. l. 2. b. t.* liberos suos forte vendere vel obpignorare coacti, *d. l. 2. b. t.* vel etiam parricidio manus polluerent, *d. l. 1. b. t.* vel liberi fame conficiantur, *d. l. 2. b. t.* alimenta, *Rubr. l. 1. b. t.* vestem, *d. l. 1. b. t.* stipem necessariam, *d. l. 2. b. t.* substantiam, *d. l. 2. b. t.* de publico, *Rubr. ex fisco, l. 1. b. t.* ex re priuata, *d. l. 1. b. t.* ex horreis sibi tribuendam, *d. l. 2. b. t.* petere poterant: *Rubr. Officio Vicarii Præfecti Præt. l. 1. b. t.* a Proconsulibus, Præsidibus, Rationalibus, *l. 2. b. t.* alimentorum impertiendorum cura eis demandata. Idque protinus, *d. l. 2. b. t.* sic vt in alimentis præbendis non tardetur, *d. l. 1. b. t.*

I. (a) Imp. CONSTANTINVS A. ad Ablauium. (b)

AEREIS tabulis, vel Cerussatis, aut Linteis mappis, scripta per omnes Ciuitates Italia (c) proponatur Lex, quæ parentum manus a parricidio arceat, votumque (d) vertat in
Bb 3 melius:

melius: Officiumque (e) Tuum hæc cura perstringat (f), Vt si quis parens adferat (g) subolem, quam pro paupertate educare (h) non possit nec in alimentis, nec in veste in-
pertienda (i) tardetur, cum *Educatio nascentis infantia moras ferre non possit*: Ad quam
rem, & fiscum nostrum, & rem Priuatam indiscreta iussimus præbere obsequia. Dat.
III. Id. Maii, Naïssō (k), Constantino A. IV. & Licinio IV. AA. COSS. [315.]

NOTAE.

- (a) Absit hæc *lex a Cod. Iust.* utpote localis. Inseruit eam quoque recte Baronius *Annalibus suis An. D. 315. n. 5. GO-
THOFR.*
(b) *Vicarium Praefecti Praetoria*, qui postea ipse Praefectus Pr. fuit, (de quo dixi ad *leg. 2. inf. de Iudais*) *An. 326. 330. 332.
333. ID.*
(c) Huius *Italiae* Vicarius fuit Ablauis, ultra centesimum videl. Urbis positæ: de quo dixi ad *leg. 2. sup. de integri restit.*
quæ & ipsa Constantini M. est. *ID.*
(d) *Votum*, An destinatum parricidium? an potius *Votum*, quod parentes habuerunt de liberis suscipiendis? *ID.*
(e) Officium Vicarii *Italiae* nota. *ID.*
(f) *Perstringat*, id est teneat adstrictum, adstringat. *ID.*
(g) *An adferat?* nil muto. *ID.*
(h) *Educatio*, alimenta & vestem complectitur. *ID.*
(i) Ex fisco videl. vel re priuata, vt mox dicitur. *ID.*
(k) Hanc loci circumstantiam mox expendam. *ID.*

P. 189.

COMMENTARIUS.

CONSTANTINI Magni, vtraque huius tituli
lex est in eodem argumento, & prior hæc qui-
dem ad Italiam pertinet; posterior vero ad Africam:
In eandem vero vtraque sententiam, de Alimentis,
videl. vestique inopibus parentibus, qui liberis suis
exhibendis ipsi non sufficerent, de publico præben-
dis. Rationibus vt humanissimis ita & eleganter
additis: & quidem *hæc l. 1. Quod educatio nascentis
infantia moras ferre non possit*: Quod axioma in
Tractatu de Alimentis, iam peruulgatum est, siue
ea a lege ordinentur, vt in specie huius leg. siue ex
dispositione hominis debeantur. Item *Vt paren-
tum manus a parricidio arceantur*, & rursum
*leg. 2. Quod abhorreat nostris moribus, vt quencquam
famæ confici, vel ad indignum facinus prorumpere
concedatur*. Ad indignum facinus, ait *lex 2.* siue
quod parentes liberorum parricidium ob inopiam
admitterent, forte etiam liberis expositis; de quo
exponendorum liberorum more, *sup. tit.* iam actum
est; & quidem nominatim *leg. 1. sup. de Expositis*:
quæ & ipsa Constantini M. est, ad eundem Ablauium
iam P. P. siue quod liberos saltem venderent, aut op-
pignorarent, quod ostendit *lex prox. & lex vn. sup.
de his qui sanguinol. empt. vel nutr. acceper.* quæ
& ipsa Constantini M. est, & ad Italos pariter emis-
sa, vt *hæc nostra*. Certè, eo quoque rebus ipsis hoc
tempore ventum, vt inopum & obzuratorum liberi
pro ære paterno venderentur: de quo quæritur Basi-
lius in *Psalm. 14. pag. 12. edit. Benedict. T. I.* Omnium
tamen Constantini Constitutionum in hoc argumen-
tò hæc antiquissima est: eodem semper & perpetuo
finæ, etsi non vna ratione, parentum inopiæ & exin-
de impietati intercedentis, inter alias rationes, *Ali-
mentis vestique* de publico parentibus inopibus
præberi iussis.

—Quæ parte varia obseruanda veniunt, partim
circa impium illum liberorum necandorum, expo-
nendorum vendendorum, pignorandorum ob ino-
piam morem; deinde circa Constantini Magni
ipsius hac parte institutum. Mos igitur cum his

cæteroquin & iam antea percubuerit, atque etiam
Constantini seculo steterit; in *Italia* tamen id fre-
quentatum maxime tum hæc *lex* ostendit, tum &
d. lex vn. sup. de his qui sanguinolentor. Scilicet
hac tempestate attrita vel ea maxime Orbis Romani
pars fuit: inueto partim ingenti tributorum malo
(vnde *Annonaria Italiae* nomen) & Italia tota variis
Principum mutationibus, tandem & Maxentii Ty-
rannide deuastata, quem ante triennium Constanti-
nus noster deuicit, vt proinde ad summam ino-
piam Italia redacta fuerit.

De Constantini hac parte instituto id obseruan-
dum, eum Christiani Principis negotium his Consi-
tutionibus iam implere inter hæc susceptæ fidei Chri-
stianæ primordia: enixo etiam hanc in partem stu-
dio suo non vna ratione ostenso. Primum est, quod
Æreis tabulis, vel cerussatis, aut linteis mappis scrip-
tam in id *legem* proponi iubet per omnes ciuitates
Italiae. Nempe hoc triplici genere in perpetuum
mansuræ, publicæque, quas populo proponi oportebat
constitutiones proponebantur; vel *tabulis*, in-
quam, iisque vel æneis, vel cerussatis, vel denique
linteis mappis. De *æreis* legum & Constitutionum
tabulis, passim iam obseruatio est: deque eo inter in-
numera testimonia, est Plinii quoque locus, *lib. 34.
c. 9. Vfus æris ad perpetuitatem monumentorum iam
pridem translatus est, Tabulis æreis, in quibus pu-
blica constitutiones inciduntur.*

De cerussatis tabulis, & mappis linteis nunc vi-
dendum est. Sane idem Constantinus Magnus,
quadriennio post hanc *l. privilegia veteranis*, quibus
enixe fauere cupiebat, a se concessa tabulis pariter
scribi, vel encauto & cerussa conscribi permisit *l. 1.
de veteran. Veteranis*, inquit, *certa per Edictum in-
dulsimus, quæ scribendi tabulis, vel encauto & ce-
russa conscribere detur eis licentia.*

Cerussata, scripturæ æneis proximæ erant, quæ
plumbo videl. in aceto aceto fiebant: id enim est
cerussa, vt notum est: Quarum tamen nulla quod
sciam alia mentio fit, præter has duas *leges*, nisi quod
iam

iam olim plumbeæ laminæ fuere, in quibus scriptum: de quibus Vosius *1. Art. Grammat. 35.* Ceruſſatæ porro tabulæ Encauto conſcriptis, *l. 1. ſupr. de veteraniſ,* coniunguntur: *Encautum* erat expreſſio literarum quæ ſit per aduſionem & ceſſum, *ινκαυμένον* (de quo dixi plenius ad *leg. 1. ſupr. de veteraniſ.*) Vt proinde ceruſſatæ tabulæ videantur literæ prius in quacunque materia inciſæ, mox ceruſſa inſuſa repletæ, cuiusmodi videre eſt in multis antiquis monumentis. Pariter vt encauto conſcriptæ tabulæ erant aduſtæ.

Lintearum, mapparum & librorum meminerunt plures alii Scriptores; His iam olim deſcripta priuata monumenta, ſeu conceptus ſignati: Auctor Plinius *lib. 13. cap. 11.* Principum item quotidiana: Vopiſcus, *in vita Aureliani c. 8.* Inueni nuper, inquit, *in Vlpia Bibliotheca inter linteos libros Epiſtolam Diui Valeriani de Aureliano Principe ſcriptam: Valerianus Auguſtus Antonio Gallo COS. Culpas me familiaribus literis, &c.* vbi male Turnebus luteos repoſuit. Item publica Monumenta, veluti Romanorum geſta, de quo vide Liuium *lib. 4. c. 20.* Ediſta, *hac l.* Typi perticarum ſeu diuiſionum & aſſignationum, v. Hyginum *lib. de limitib. conſtituendis p. 201. edit. Rigalt. & p. 193. edit. Goes. inter Script. Rei agrar.* Oracula ſeu Carmina fatidica, Symmachus *lib. 4. Epiſt. 34.* *Monitus Cumanor,* inquit, *lintea texta ſumpſerunt.* Claudianus *de bello Getico,* vocat Carbaſum *v. 231. ſeq.*

—quid carmine poſcat

Fatidico cuſtos Romani CARBASVS aui.

Carbaſinos libros vocat Marciſanus Capella *in proemio Gramm.* Philoſtratus in *v. Apollonii ſindones* vocabat, in quibus Indis mos fuit ſcribere: vid. & Suidam *in πέντος.* Linteas autem iſtas ſcripturas Mappas vocabant, vt hæc *lex* oſtendit, quarum Mapparum frequens mentio apud Auctores *de limitibus.* Ad æternam igitur memoriam neceſſariam hoc Ediſtum triplici hoc tabularum & ſcripturæ genere proponi voluit Conſtantiſ M. nulla facta *hac leg.* Encauti mentione, quod & ipſum quantum tamen publicæ ſcripturæ ſpecies fuit: Et vero ab ipſomet Conſtantiſ permiſſa veteraniſ ad priuilegia ſibi conſeſſa proponenda *d. l. 1. ſupr. de veteraniſ.* Diuerſum ab hoc fuit Encauſtum quaſi diceret, *inardescens,* quæ ſcriptura in Principiſ vſu fuit, vnde & *ſacrum Encauſtum* dicitur *l. 6. Cod. Iuſt. de diuerſis reſcript. purpureum* videl. cum videl. coſti muricis & triti conchylii ardore paginæ ſignabantur.

Ex hac interim *leg. & d. l. 1. ſupr. de Veteraniſ,* colligitur; hac tempeſtate quatuor hæc quæ dixi publicæ ſcripturæ genera fuiſſe, quæque non aliter *P. 190.* vſurpare liſeret, niſi in publicis monumentis conſcribendis, non in priuatis & priuilegiis, niſi Principe iubente vel permitteſte; *Proponatur, ait hæc lex &c. detur eiſ licentia, d. l. 1.* Et hæc de primo argumento enixi hac in parte ſtudii Conſtantiſanei vbi illud ruſſum monendum nullam *Marmorearum tabularum* mentionem a Conſtantiſ M. fieri, quæ tamen etiam in vſu fuere: quomodo Athalaricus Rex apud Caſſiodorum, & Senatuſconſultum *tabulis marmoreis inciſiſ decenſter præcepit, & ante atrium*

B. Petri Apoſtoli in teſtimonium publicum collocat lib. IX. Var. ep. 16.

Secundum enixi Conſtantiſanei hac parte ſtudii argumentum iſtud eſt, quod non tantum ex fiſco publico, verum etiam *ex re priuata Principiſ,* ſuo proinde ærario alimenta hæc inopibus parentibus decerni iubet; *indiscretiſ,* vt ipſemet loquitur, *obſequiſ,* ne quis alioquin putaret Principem de alieno, reque Populi liberalem, rei vero priuatæ deparcum.

Vt verbo nunc rem hanc expediam: Mihi mens ea omnino, *hanc leg.* Conſtantiſ M. non ea tantum cogitatione, qua impium occidendorum vel exponendorum liberorum inorem deteſtati Scriptores Chriſtiani quique, (in quibus Tertullianus *lib. prior ad Nationeſ, & Apoſogetico,*) promulgaſſe: verum ſignate ad Lactantiſ, qui Præceptorem Criſpi filii Conſtantiſ hoc ipſo tempore agebat, iſtantiſ, conſignatam quoque *libriſ diuinarum Inſtitutionum, lib. 6. cap. 20.* Ergo, inquit, *ne illud quidem concedi aliquiſ exiſtimet, vt recens nator liſeat OBLIDERE, quæ vel maxima eſt impietas. Ad vitam enim Deus inſpirat animas, non ad mortem; Verum homineſ, ne quod ſit facinuſ, quo MANVS ſuaſ non polluant, rudibuſ aduſc & ſimplicibuſ animiſ abnegant lucem non a ſe datam. Expectet vero aliquiſ, vt alieno ſanguini parcant, qui non parcant ſuo: ſed hi ſine vlla controuerſa ſclerati & iniuſti. Quid illi, quos falſa pietas cogit exponere? Non poſſunt innocentie exiſtimari, qui viſcera ſua in prædam canibuſ obiciunt, & quantum in ipſiſ eſt, crudeliuſ necant, quam ſi ſtrangulaſſent. Quiſ dubitet, quin impiuſ ſit, qui aliene miſericordiæ locum tribuit? qui etiamſi contingat ei, quod voluit, vt alatur, addixit certe ſanguinem ſuum vel ad ſeruitutem, vel ad lupanar. Tam igitur neſarium eſt exponere quam necare. Atenim PARRICIDÆ facultatum anguſtiſ conqueruntur, nec ſe PLVRIBVS LIBERIS EDVCANDIS SVFFICERE POſſe prætendunt, quaſi vero aut facultateſ in poteſtate ſint poſſidentium, aut non quotidie Deus ex diuitibuſ pauperieſ, & ex pauperibuſ diuitieſ faciat. Quare ſi quiſ liberoſ ob PAVPERIEM non poterit educare, ſatiuſ eſt, vt ſe ab uxoriſ congreſſione contineat, quàm ſcleratiſ MANIBVS DEI opera corumpat.* Qui hunc Lactantiſ locum cum *hac l.* contendet, in multis omnino pariare deprehendet; ac maxime, cum & tempora parient. Hoc enim illud ipſum tempuſ eſt, quo Lactantiuſ *libroſ ſuoſ* Conſtantiſ Magno inſcribebat; illigato tum Conſtantiſ bello aduerſuſ Liciniuſ, vt aperte ipſemet prodiſ *principio diuinarum Inſtit.* plenioriſ etiam victoriæ aliquando ſpem ei faciend. Et vero hoc illud tempuſ eſt, quo memorant Hiſtorici Sozomenuſ, Zoſimuſ, & Conſularia, Conſtantiſ Magnum *Cibaleſe* prælium in Pannonia aduerſuſ Liciniuſ conſeciſſe, indeque ceſſiſſe tractum illum omnem Victori Conſtantiſ, qui Thraciam vſque procurrit; in quo tractu ſane eſt *Naſſuſ Daciæ,* vnde hæc *lex* a Conſtantiſ Magno data eſt; de qua Vrbe præter aliquamultaſ *huiuſ Codiciſ* conſtitutioneſ, vide & Ammianum Marcellinum & Itinerarium Peutingeriaſ. Imo hæc ipſa patria nataliſ fuit Conſtantiſ, de quo alibi. Neque etiam du-

bium pleraque veteris siue moris siue erroris a Constantino Magno emendata sublata; monitu & ad suggestionem siue Lactantii, siue Lactantio similium virorum piorum, quo in censu fuit quoque *Osius* Episcopus Cordubensis; de quo in *Historia Ecclesiastica Constantini temporum*. Imo, eodem Lactantio suatore, & Crucis supplicium, & fronti, quæ cruce signari solebat, inscriptionis penam hoc ipso anno 315. sublata probo ad l. 2. *sup. de penis*: ubi dicta huc quoque transferantur. Hæc cum ita se habeant, laudanda omnino Baronii diligentia, qui hanc quoque *legem* in *Annales suos* retulit. Neque enim iis tantum legibus *Ecclesiastica Historie*

corpus instrui oportet, quæ circa rem Christianam aperte occupatæ sunt, verum etiam quæ Gentilium moribus emendandis, quibusque ad disciplinam Christianam via proxime munitur, sancitæ fuerunt.

Ex hac vero Constantini M. in pauperes munificentia, atque adeo ex Constantini M. super eo *legibus* apparet, quam sterilis præ iis relatio sit Auctoris *vita Constantini lib. 4. c. 28*. Et certe non aliunde melius certius & vitam & characterem Constantini colligas, vel aliorum Imperatorum, quam ex eorum constitutionibus: quod singulari *epistola* facio.

II. (a) Idem A. Menandro. (b)

PROVINCIALES, egestate (c) victus atque alimonie inopia laborantes, liberos suos vendere, vel obpignorare cognouimus: Quisquis igitur huiusmodi repperietur qui nulla rei familiaris substantia (d) sultus est, quique liberos suos ægre ac difficile sustentet, per fiscum nostrum antequam fiat calamitati (e) obnoxius, adiuuetur: ita ut Proconsules, Præfidesque, & Rationales per vniuersam *Africam* habeant potestatem, & (f) vniuersis quos aduerterint, in egestate miserabili constitutos, stipem necessariam largiantur: atque ex Horreis (g) substantiam (h) protinus tribuant competentem: *Abhorret enim nostris* (i) *moribus, ut quemquam fame confici, vel ad indignum facinus prorumpere, concedamus*. Dat. Prid. Non. Iul. Romæ (k), Probiano & Iuliano Coss. [322.]

NOTAE.

- (a) Et hæc *lex* pariter ut *superior* abest a *Cod. Iust.* quia localis ea est. *GOTHOFR.*
 (b) *Menander* hic proculdubio fuit PP. ut ex hac ipsa l. colligere licet, & quidem Italæ, ibi, ut *Proconsules, Præfidesque & Rationales per vniuersam Africam habeant potestatem, &c.* ID.
 P. 191. (c) *Egestas & inopia*: vid. Iuretum in lib. 10. *Symmach. ep. 10.* ID.
 (d) *Substantia*, ut mox, ex horreis substantiam; Nempe substantia est, qua subsistimus & substatum. *Visualis* hinc substantia, l. ult. *sup. de custodia reor.* de quo plura vid. in *Glossis*. Eo sensu *ægras huiusmodi*, quod perperam verbum in quotidianum. ID.
 (e) vendendi, vel obpignorandi necessitati, ID.
 (f) *vg. Vi.* ID.
 (g) *Horrea*, in quibus condita erat annona publica: de quibus alibi. ID.
 (h) De hac substantia voce iam supra dixi. ID.
 (i) *Nostris*, An fidei & Religionis nostræ? An stylo Imperatoribus proprio hæc addita, ad ciuilitatis famam tuendam? ID.
 (k) Non ita id accipiendum, quasi Constantinus M. hoc Anno 322. Romæ constitisset (qui sane in Pannonia Sirmii aut Saba-
 bariz constitit.) sed quomodo hoc ipso Anno accepta Romæ dicitur *lex* 1. *sup. de indulgentiis crim.* Quod hæc *lex* Romæ data, id est reddita & accepta a Menandro PP. fuerit: quam ipse postmodum in Africam transmittet. ID.

COMMENTARIUS.

SECUNDA hæc e quatuor Constantini M. eadem de re constitutionibus est; & quidem idem remedium continens, quod *superiore* continetur. Aliquot tamen singularibus discriminiibus: Primo ad *Africam* hæc *lex* pertinet; superior ad *Italiam*. Nempe & Africa non tantum a Tyranno Maxentio haud ita pridem crudeliter vexata & exhausta fuerat, quod peruulgatum; verum etiam ob annonam exinde Vrbicariam misere exhaustam, unde hæc procul dubio provincialium egestas enata. Secundo, Parricidio *lex* superior occurrebat per Italiam iam ob inopiam Parentum frequentato: Atenim hæc *lex*, venditioni & oppignerationi, quod non adeo crudele; ut mireris, Africam monstrorum feracem mitius hac parte consuluisse quam Italos. Quamquam & Itali ipsi postea vendendi morem tenuerunt

sub eodem Constantino M. ut docet *lex vn. sup. de his qui sanguinolentos emptos vel nutriendos acceperint*: Sed & stetit nihilo secius exponendi mos sub eodem Constantino M. ut docet *lex 1. sup. de expositis*.

Reliquis quæ ad hanc *leg.* desiderari possunt illustrandis, sufficiunt tum *Notæ* ad hanc ipsam *leg.* tum ea quæ ad *superiorem* iam *legem* dicta sunt. Historica tantum *huius l.* sectari tunc iuuat, deque iis quibus hæc alimentorum tribuendorum potestas imo necessitas iniungitur, de Proconsulibus, inquam Præfidibus & Rationalibus per Africam. Proconsules scil. per Africam numero plurali hic designantur.

Alii scil. post alios ordine successiuo; Nam alioquin per Africam non fuit nisi vnus Proconsul. Qua

Qua causa Proconsularis Prouincia, & Proconsulares de Africæ nominatim prouincia; de quo alibi, & Consulares duo, Byzatii & Numidiæ, quos forte Constantinus etiam *Proconsulum* appellatione hic inuoluerit. Sequuntur *Præsides*: Præsidem scil. Mauritaniæ Sitifensis & Tripolitaniæ & Cæsariensis intelligit; de quibus vid. Sext. Rufum Festum in *Breuiar. c. 4.* & Notitiam Imperii fol. 114. 115. 154. illius hæc verba; *Ac per omnem Africam sex prouinciæ factæ, ipsa ubi Carthago est, PROCONSULARIS,*

Numidia CONSULARIS; Byzantium CONSULARIS: Tripolis & Mauritania duæ, hæc est Sitifensis & Cæsariensis sunt PRÆSIDALES. Notitiæ hæc sunt verba, *PROCONSUL Africa; CONSULARES Byzatii, Numidiæ; PRÆSIDES Tripolitana, Mauritania, Sitifensis, Mauritania Cæsariensis.* Sequuntur *Rationales*: Rationalem scil. summarum Africæ, & Rationalem Summarum Numidiæ intelligit; de quibus in *Notitia Imperii* fol. 140. item Rationalem rei priuatæ per Africam.

DE INDVLGENTIIS

DEBITORVM.

TITVLVS XXVIII.

Adest hic Titulus, iure ultimus in argumento tributorum, a COD. IVST. *De la remise des restes des Tailles.* Iunge Valentiniani Tertii Nouellam 7. de *Indulgentiis Reliquorum*: Et Marciani Nouellam 2. de *Indulgentiis Reliquorum*: & Maioriani Nouellam 4. etiam de *Indulgentiis Reliquorum*.

PARATITLON.

INDVLGENTIA, Rubr. l. 5. 7. 10. 11. 16. b. tit. l. 4. inf. de auro coronario: (vnde & indulgere, l. 1. 8. b. t.) debitorum, Rubr. (id est tributorum, l. 12. b. t. seu publicarum functionum, d. l. 12. b. t. DEBITA enim hoc significatu *passim*, & l. 3. 4. 5. 9. 17. seu ult. b. t. & l. 6. sup. de diuersis rescriptis, quæ alias expressius debita publica, l. 6. 10. b. t. vnde & debitores, l. 3. 9. 11. 14. b. t. qui alias plenius debitores fisci, v. tit. 16. lib. 10.) Gratia, l. 1. 26. sup. de annona & tribut. ab Imperatoribus nonnunquam concedebatur, l. 2. 3. b. t. contribuebatur, l. 7. P. 192. b. t. id est debitores a debitis absoluebantur, l. 14. b. t. liberabantur, l. 15. b. t. debita eis condonabantur, l. ult. b. t. relaxabantur, l. 6. b. t. concedebantur. l. 2. 3. 14. b. t.

I. Ea vero, indulgentia data, vel RELIQUORVM, vt l. 1. 3. 5. 6. 8. 9. 10. 11. 14. 15. 16. b. t. (vid. & leg. 1. sup. sine censu vel reliquis: & Nouellas Valentiniani, Marciani & Maioriani de *indulgentiis reliquorum*) præteriti scil. temporis: Eaque quandoque omnium & cuiuscunque tituli, l. 1. 3. 5. 6. 9. b. t. etiam auri & argenti, l. 9. 16. b. t. etiam primipili, l. 11. b. t. Quandoque, excepto auro, argento, l. 1. b. t. Quandoque exceptis debitoribus quorundam metallorum, l. 9. 11. b. t. Quandoque excepta Suarii canonis ratione, vt Nouella Maioriani 4. Quandoque pro parte dimidia tantum, l. ult. b. t. Aliquando, annoniarum functionum tantum, non etiam largitionalium titulorum aut emphyteuticorum, l. 14. b. t.

Et data, vel Omnibus, l. 3. b. t. tam Curiiis, quam Conlatoribus, seu possessoribus, l. 9. 16. b. t. vel certis Corporibus, vt Nauiculariis, l. 8. b. t. susceptoribus, l. ult. b. t. item possessoribus donatarum vel releuatarum possessionum, l. 15. b. t.

Item data vel per omnes Prouincias, l. 9. 10. b. t. vel certis diocæsis, veluti Africæ, l. 1. b. t. certis prouinciis, Africæ, l. 5. 6. b. t. suburbicariis, l. 12. 14. b. t.

Denique data, vel omnium reliquorum cuiuscunque temporis, l. 1. 5. b. t. vel certi temporis, puta aliquot tantum Indictionum, seu annorum, vt l. 3. 6. 8. 9. 10. 11. 16. b. t. puta Quinque annorum (v. Eumenium in *Gratiarum actione Flauientium nomine* c. 13.) Viginti, l. 8. 16. b. t. Quadraginta, l. 9. b. t. Hæc de Indulgentiis Reliquorum.

II. Indulgentiæ aliz publicarum functionum seu debitorum dabantur in FVTVRVM, l. 2. 4. 12. 13. b. t. (Falluntur enim qui putant, *Indulgentias* tantum de Reliquis dici: id est, immunitates, κατ'ἰστέον Græcis: quæ vel datæ certis Diocæsis, vel certis prouinciis,

veluti Africæ Diœcesi, & Africæ Proconsulari, l. 1. 8. 13. b. t. Byzacenæ, d. l. 13. b. t. Italiæ, l. 4. b. t. Italiæ prouinciis aliquammultis, leg. 7. b. t. Campaniæ, l. 2. 7. 12. b. t. Suburbicariis regionibus Tusciæ & Piceno, d. leg. 12. b. t. seu Vrbicariis, l. 14. b. t. Et hæc scil. si forte querelam super desertorum agrorum nomine mouerent, l. 2. 12. 13. b. t. vel hostium vastatæ incurfibus illæ fuissent, d. l. 12. b. t. vel vetustatis grauior eas adscriptio oneraret, l. 12. b. t. Ideoque data his Indulgentia varie: Quandoque præstationis modus coarctatus, diminutus, l. 12. b. t. Quandoque iugerum aliquot desertorum & squalidorum numerus, qui immunis imposterum esset, definitus, l. 2. 13. b. t. quandoque penitus functio quædam remota; l. 4. b. t.

III. Tandem, tertium Indulgentiarum genus fuit mixtum: partim in Præteritum, partim in futurum: cuiusmodi extat l. 7. b. t.

Porro, cum indulgentiæ debitorum hæc vel similes darentur, solitæ iussæque ab Imperatoribus chartæ, l. 2. 3. 6. 14. b. t. quibus videl. publica debita, l. 6. b. t. debitorum nomina & debita continebantur, l. 3. b. t. & superflua descriptiones, l. 2. b. t. in medium congregatæ palam flammis aboleri, l. 3. b. t. cremari, l. 2. b. t. aboleri, l. 6. 14. b. t.

Illud denique notandum, ob indulgentiarum lætitiâ solitos Curiales aurum coronarium Principi offerre, l. 4. inf. de auro coronario.

Cæterum Indulgentiæ, quæ *boc tit.* continentur, habent sequentes Principes Auctores. Iuliani scil. est l. 1. b. t. Honorii decem indulgentiæ, l. 2. 3. 4. 5. 6. 7. 8. 12. 13. 14. b. t. Theodosii Iunioris sex indulgentiæ, l. 9. 10. 11. 15. 16. 17. b. t. Tandem si de locis quaeritur, ad Africam pertinet *lex* 1. 5. 6. 8. 13. b. t. ad Italiam, *lex* 2. 3. 4. 7. 12. 14. b. t. & inter alias Italiæ prouincias, ad Campaniam d. *lex* 2. 7. 12. b. t. ad Orientem *lex* 9. 10. 11. 15. 16. 17. b. t.

IVLIANI indulgentia reliquorum per Africæ diœcesim.

I. (a) Imp. IVLIANVS A. ad Auitianum (b) Vic. Afric.

EXCEPTO auro & argento, cuncta reliqua indulgemus. Dat. VII. Kal. Nouemb. Antiochia, Acc. XV. Kalend. April. Karthag. (c) Iuliano A. IV. & Sallustio Coss. [363.]

NOTAE.

- (a) Absit hæc *lex* velut temporaria a *Cod. Iust.* Quænam illi porro aliæ *leges* iungendæ sint? mox dicam. *GOTHOFR.*
 (b) Auitiani huius Vicarii (Africæ) meminit quoque Ammianus Marcellinus, lib. 27. cap. 7. Mamertinum, inquit, PP. (Italia, Illyrici Africæ) ab Vrbe regressum, quo quædam perreuerat correcturus, Auitianus ex Vicario peculatus detulerat reum. Cui (Mamertino scil.) ideo successit Vulcatius Rufinus. *ID.*
 (c) Karthagine Vicarius Africæ morabatur; de quo in *Orbis Romani descriptione*; vbi ideo hæc *lex* accepta dicitur. *ID.*

COMMENTARIVS.

P. 199.

IVLIANI Imperatoris hæc Reliquorum Indulgentia est data fine A. D. 362. Quæ quidem & pars est maioris constitutionis Iulianæ, vt ex illis tribus *legibus* patet, quæ huic coniungendæ sunt, puta l. 15. sup. de cursu publ. l. 2. de itin. mun. item l. 7. *Cod. Iust. de edificiis priuatis*, qua in vniuersum Iulianus Africæ diœcesi variis rationibus afflictæ, attritæ, succursus iuit: tum ratione itinerum publicorum seu viarum, quo pertinet *lex* 2. inf. de itinere mun. tum cursus publici, quo spectat *lex* 15. sup. de cursu publ. tum ratione ædificiorum, quæ suis passim ornamentis defraudabantur, quo respicit *lex* 7. C. I. de edif. priuatis: denique ratione tributorum, & quidem reliquorum, id est quæ ex præterito debebantur: quo spectat hæc *lex*. Scilicet vt cæteroquin ingens hæc calumniarum seges sæpe erat: reliquorum, inquam, præteriti temporis exactio, ita reliquorum indulgentias Principes sæpe emisere; tum vt futuri temporis deuotionem prouocarent, tum ad colligendam gratiam, denique vt succurre-

rent attritis calamitate publica prouinciis. De Traiano testis Aulobius Gratiarum act. cap. 32. & vetus lapis. De Hadriano testis Spartianus in vita cap. 7. Vetus lapis apud Gruterum X. 6. & Dio in Epitom. Xiphilin. pag. 354. in fin. edit. Sylburg. qui nominationem sedecim annorum reliqua ab eo indulta scribit. De hac indulgentia Hadriani vid. & locum Eusebii in Chron. vt a Scaligero est editum, quem illustrat Claud. Salmasius, & alteram inscriptionem sincere scriptam & emendatam adponit in not. ad Spartian. l. c. Exemplum quoque in Antonino Pio, de cuius indulgentia v. Chronicon Alexandrinum pag. 602. 603. edit. Radert. In Marco Antonino, de quo rursus Dio in Epitom. Xiphilin. pag. 372. initio, Edit. Sylburg. In Constantino: cuius quinquennalis indulgentia argumentum est Gratiarum actionis ab Eumenio dictæ ipsimet Constantino, nomine Flauientium seu Hæduorum, vbi hæc inter cætera occurrunt c. 13. Quinque annorum nobis reliqua remissi. O iustum omnibus iustis felicius! &c. v. & Eusebium lib.

lib. 4. de vita Constantini c. 2. De Gratiani indulgentia agit Aulonius in gratiarum actione c. 32. Mitto Honorianas & Theodosianas quæ hoc tit. deinceps sequuntur.

Ad has vero reliquorum Indulgentias allusit quoque non vno loco Chrysostomus, ut homilia IV. in illud, *vidi dominum*, & in Oziam regem, num. 5. pag. 127. Tom. VI. Oper. Edit. Benedictin. ubi Regiæ dignitatis & Sacerdotii comparationem instituens, ait: ὁ βασιλεὺς inquit, λοιπάδας χρημάτων ἀφίσσιν, ὁ δὲ ἱερεὺς λοιπάδας ἀμαρτημάτων: Rex residua pecuniarum remittit, sacerdos autem residua peccatorum. Et homilia I. in Acta Apostolorum, in fin. pag. 458. edit. Commelin. fin. pag. 14. Tom. IX. Oper. Edit. Benedictin. Κάν μὲν βασιλεὺς πέμψῃ γράμματα, τὸς ἐν δεσμωτηρίῳ λύων, εὐφρασύνην καὶ χαρὰ: ὁ δὲ θεὸς καταπέμπει τὸ πνεῦμα ἐξ ἑβανῶν, ἕχῃ ἐλέηματα χρημάτων, ἀλλ' ὁλέκληρα ἀμαρτήματα συγχωρῶν. Si imperator missis literis vincetos in carcere soluat, gaudium est ac letitia: Deus autem mittit Spiritum de caelis, non pecunie reliquias, sed uniuersa peccata condonans (a).

Nos de Iuliani indulgentis videamus. Sane Ammianus quoque Marcellinus lib. 25. cap. 4. Iulianearum Indulgentiarum meminit: Remissa, inquit, debita multa diuturnitate congesta. Indulgentiæ nominatim Antiochenis ab eodem Iuliano tributæ fidem facit ipsemet Iulianus, in Misopogone pag. 124 fin. pag. 365. edit. Lips. Spauhemii. Οὐδ' ἐπεγράψαμεν χρυσίον, ἃδὲ ἡτήσαμεν ἀργύριον, ἃδὲ ἡτήσαμεν φόβους, ἀλλὰ πρὸς τοῖς ΕΛΛΕΙΜΜΑΣΙΝ ἀνείτα, (præter RELIQUA remiss[am] me) πᾶσι τῶν ἐπισκεμένων εἰσφορῶν τὸ πέμπτον. Non aurum imperauimus, non argentum exegimus, neque tributa amplificauimus, sed præter residuum nondum persolutum, quintam de consuetis vectigalibus partem remisimus. Sed & alterius, Thracensibus factæ cuius formula integra exstat Ep. 47. inter eius Epistolas. Τὸτο καὶ ὑμῶν ἀπολύσει τὰ ὀφλήματα, ἀπολύσει δὲ ἢ ἀπλῶς ἅπαντα, ἀλλὰ μεριδῆσεται τοὶ πρᾶγμα, τὸ μὲν εἰς ὑμᾶς, τὸ δὲ εἰς τὴν τῶν στρατιωτῶν χρείαν. Τοιγαρὶν μέχρι μὲν τῆς τρίτης ἐπιμεμήσεως (usque ad tertiam Indictionem. ita versum olim oportuit, id est, vsque ad A. D. 360.) ἀφίεμεν ὑμῖν πάντα, ὅσα ἐκ τῆ φθάνοντος ἐλλείπει χρόνος: μετὰ ταῦτα δὲ εἰσπίσεται κατὰ τὸ ἔθος. Idcirco vobis debita condonamus. Neque tamen omnia, sed pars una vobis, cetera militibus cedit. Quare usque ad tertiam indictionem vobis remittimus, quicquid e præterito tempore desideratur; deinceps autem soluetis sicut consuetudo postulat. Quam parce alioquin indulgentias debitorum, seu reliquorum Iulianus dederit, ipsemet testis est, ini-

Tom. IV.

tio d. epistola 47. βασιλεὺς μὲν πρὸς κέρδιον ὀρῶντι χαλεπὸν ἀνὴρ ὑμῶν ἰφάνη τὸ αἷμα, καὶ ἢ ἀνὴρ ἡθὲν τὴν δημοσίαν εὐπορίαν ἐλάπτει τῇ πρὸς τινὰς ἰδία χάριτι: imperatori ad lucrum spectanti difficilis vestra postulatio videretur, neque unquam paucorum gratia publicis vectigalibus detrimentum asferre eis pateretur. Et Ammianus Marcellinus diserte lib. 16. c. 5. Denique idem usque ad imperii finem & vitæ scimus utiliter obseruasse, ne per Indulgentias, quas appellant, tributariæ rei concederet reliqua. Norat enim hoc factum se aliquid locupletibus additurum, cum consuetis ubique pauperes inter ipsa dictorum exordia soluere uniuersa sine laxamento compelli.

Hinc etiam illud est, quod si quas Iulianus indulgentias dedit, neque omnibus promiscue prouinciis generali aliquo Edicto dedit; neque ἀπλῶς vtiplemetait, seu omnium Reliquorum indulgentiam. Hinc vt μερικῶς aliæ, quarum supra memini, sunt ita & hæc est: nam vt dixi & ad Africa diocesim ea spectat: ab hac Reliquorum indulgentia excipit nonnulla: Excepto tamen, inquit, auro & argento. Nempe argenti & auri præstationis peculiaris quædam ratio & singularis Principibus visa fuit: etiam alibi: quod offendunt variæ constitutione, puta lex 19. 32. 34. sup. de annonâ & trib. & lex 14. sup. de iure fisci: Sic & de Traiano Aulonius memorat, in Gratiarum actione, c. 32. eum indulgentiam partibus retentis dedisse. *Peccrat & Traianus olim, sed partibus retentis: non habebat tantam oblectationem concessi debiti portio, quanta suberat amaritudo seruati.* Partibus retentis, id est, parte quadam tributorum seu reliquorum non indulta: nam quo modo Scaliger id interpretatus est erroneum prorsus est.

Et idem Iulianus tamen, l. 2. sup. de immunitate concessa, Capitationis Indulgentia, immunitateque singularibus personis a se tributa, immunitatem non solum annonarii tituli, verum etiam specierum cæterarum, & largitionalium immunitatem comprehendit: Neque enim, inquit, præstanda diuidimus &c. Melius quippe est munificentia compendium integrum competere, quam sepius postulari. Et sane, nisi hac leg. nominatim auri a que argenti exceptionem Iulianus addidisset, generali Indulgentia aurum quoque & argentum comprehensum fuisset: quomodo etiam comprehenduntur Theodosiana indulgentia l. 9. inf. hoc tit. Et hæc quidem semel dicta sint de Iuliani Imp. indulgentiis Reliquorum & tribus Iuliani ipsiusmet monumentis & hac eiusdem constitutione, & duobus Ammiani Marcellini testimoniis, quæ alioquin inter se pugnare videantur: quæ quidem ego ita conciliem: nempe

Cc 2

Iulia-

(a) Huc pertinet eiusdem CHRYSOSTOMI locus Homil. de utilit. lection. Script. in Princip. act. 3. num. 4. pag. 77. Tom. III. Opp. Edit. Benedictin. Τι ποτ' ἔν ἐν ἀρχῇς σύμβολον, καὶ τίνα ἔχον τὸν ἄρχοντα χρῆ; ἀφίσιν χρημάτων ὀφλήματα, καὶ τὰς μὲν ἀπολύσαι ὄντας ὑπευθύνες τὰς δὲ κελύσαι ἀποδῶναι κύριος ἐστίν. Quodnam igitur est magistratus insigne, & quanam sunt, quæ habere debet hic magistratus? Pecuniarum debita dimittere, atque alios, qui obnoxii erant absolueret, aliis vt resisterent imperare ex ipsius pendet arbitrio. Et paullo post num. 5. ab init. pag. 78. de Apostolis differens: Βάλεῖ μαθεῖν πᾶς κύριος ἴσον καὶ ὀφλήματα ἀφίσιν; καὶ γὰρ καὶ ἐν ταῦτα κελὶ τὸ διάφορον ὄναι, ἃ γὰρ ὀφλήματα χρημάτων, ἀλλ' ὀφλήματα ἀμαρτημάτων ἀφίσιν. Vis intelligere, quo pacto in potestate illorum esset & debita dimittere? Si quidem bis quoque malum discriminis offenderet. Neque enim pecuniarum debita, sed peccatorum debita remittebans.

Julianum ante suum equidem Imperium debita multa diuturnitate congesta, ut ipsemet loquitur, induisse; quomodo sane diserte Iulianus indulgentiam Thracibus usque ad Indictionem Tertiam diserte tribuit. Et hæc nostra ita quoque intelligenda est; non vero suo tempore contracta. Neque audiendus est Vir doctiss. Valesius in not. ad Marcellin. lib. 25. c. 4. qui ita conciliabat, quasi chrysargyrum remisisset, non tributa, id est lustralem collationem, arg. leg. 50. inf. de decurionibus. Marcellinus enim ait DEBITA Iulianum remisisse multa diuturnitate congesta. *Debita ἀπλῶς*, id est tributa: sic enim ea vox accipitur passim, quod iam sæpe notavi, etiam ad l. 6. sup. de diu. rescript. Interim, quando de Iulianeis Indulgentiis sermo est: age, dux adhuc eiusdem Imperatoris est alterius generis & *μεγικαί* occurrunt: Indulgentia, inquam, anni coronarii, l. 1. inf. de auro coronario: de quo Am. Marcellinus quoque lib. 25. cap. 4. Item Indulgentia Iudæis tributa tributi alicuius, quod his sub Constantio indici solebat, ut docet eius *epistola* 25. quæ

scripta est ἰσθαίων τῷ κοινῷ. Contra, de Immunitate ab extraordinariis muneribus quæ Ecclesiis & clericis ab anterioribus Principibus Christianis, tributa fuerat, a Iuliano reuocata, dixi ad eius l. 10. sup. de extraord. mun.

Hic interim exemplum habemus Indulgentiæ non generalis: verum certæ provinciæ concessæ: ut quamplurimæ aliæ huius tituli leges sunt, quas in *Paratitlon* iam conieci. Apud Cassiodorum quoque occurrunt quamplurimæ Indulgentiæ huiusmodi *μεγικαί*, vel singulis provinciis indultæ, vel etiam vni vrbi, aut hominum generi: veluti Arelatensibus, ob obsidionis toleratæ penuriam III. Var. 32. Tridentinis, II. Var. 17. Negotiatoribus hostium depopulatione vastatis: veluti Sipontinis, II. Var. 38. aliis, IV. Var. 19. vniuersis vero Prouincialibus Galliarum, quod hostili ferocitate vastati essent, III. Var. 40. Prouincialibus Alpium Cottiarum, ob transitum exercitus, IV. Var. 36. Campanis, Vesuvii montis hostilitate vastatis, IV. Var. 50. Venetis, Sueuorum incurfione vastatis, XII. Var. 7.

HONORII indulgentia Campaniæ tributa, aliquot iugerum velut desertorum & squallidorum.

II. (a) Impp. Arcad. & HONOR. AA Dextro PF. P.(b)

QUINGENTA viginti octo millia quadraginta duo iugera, quæ Campania provincia, iuxta Inspectorum (c) relationem, & veterum monumenta chartarum, in desertis & squalidis locis habere dignoscitur, hisdem prouincialibus concessimus (d), & chartas superfluarum descriptionis cremari censuimus (e). Dat. IX. Kal. April. Med. Olybrio & Probino Coss. [395.]

NOTAE.

- (a) Absent hæc lex a Cod. Inst. velut temporaria. GOTHOFREDVS.
- (b) Dexter PP. sub Honorio Imp. scil. Italia: quod hæc lex ipsa offendit, cum ad Campaniam proprie pertineat. v. *Prose-pogr. ID.*
- (c) De Inspectoribus suo titulo inf. lib. 13. de censitorib. per æquator. & inspectorib. ID.
- (d) Concessimus, vel concedimus: id est immunita a tributis facimus: Eadem vox eodem sensu occurrit l. 3. 14. inf. & l. 3. sup. de immunitat. concess. & l. 17. de Prator. ID.
- (e) Censuimus id est iubemus, similiter & l. 3. inf. b. 2. ID.

COMMENTARIUS.

HONORII Imperatoris decem Indulgentiæ sequuntur hoc titulo ab A. D. 395. ad 423. quarum hæc omnium prima est: cæteræ sunt lex 3. 4. 5. 6. 7. 8. 12. 13. 14. Ex his, quatuor continent indulgentiam Reliquorum, quinque immunitatem & indulgentiam non Reliquorum, quod alioquin proprium huius tituli argumentum est, verum in futurum totam, vel certæ quantitatis. Rursum ex his nonnullæ singulares prouincias respiciunt; & Campaniam prouinciam nominatim tres, puta hæc lex & lex 7. & 12. inf. Picenum & Tusciam suburbicarias regiones eadem lex 12. seu vrbicarias regiones l. 14. Ex quibus interim, tam multiplicibus Honorianarum Indulgentiarum generibus iudicium facere licet, de adfecto horum Honorii temporum per Imperium Occidentale statu: sunt enim hæc indulgentiarum remedia quibus fessæ provinciæ subleuantur. De hac l. nunc videamus.

Igitur hac l. Honorius Imp. CAMPANIÆ, Italiæ provinciæ, ex modo integro iugorum seu iugerum censitorum, inque censuales libros (quos *polypticos* vocabant) recenter relatorum quorum scil. nomine census soluendus esset; Quingenta viginti octo millia quadraginta duo iugera 528042: concedit, id est immunitatem a tributis de cætero indulget: Nempe quod tam Inspectoribus missis, veteribusque chartis seu libris censualibus inspectis apparuisset tot iugera deserta & squallida per Campaniam esse. Eumque in finem Honorius novos libros censuales, superfluum descriptionem continentes, cremari iubet.

Vbi multa singularia notanda veniunt.

Primo ex hac l. discimus & ex l. 12. inf. Campanor hac tempestate apud Honorium quæstos desertis possessoribus moleque noui census, de cuiusmodi querelis agatur inf. tit. de Censitoribus. Nempe

eum vrbis Romæ vñbus necessaria quamplurima forent, & Campania in id plurima ministraret, de quo l. 3. *inf. de suar.* & l. 3. *inf. de calcis coctoribus*, iam olim tamen desertorum & squalidorum Campaniæ locorum iugerumque numerus subductus fuerat, qui immunis esset; verum recenter, obtentu vrbicæ necessitatis, deserta illa quoque loca ad collationem deuocata fuerant. Hinc itaque querelæ illæ Campanorum. Alia vero causa est indulgentiæ illius, quæ eidem Campaniæ postea concessa: l. 7. Vtramque causam habet seu præfert *lex* 12.

P. 195. Quare ad hanc querelam, (quod secundo loco obseruandum hic) *Inspectores* in id misit ab Imp. Honorio, qui inspectis locis, veterumque librorum censualium monumentis exploratis, desertorum iugerum vel iugorum numerum ad Imp. retulerunt: Quo more & per Africam missi, l. 13. *infr. h. t.* De cuiusmodi Inspectoribus *infra*, sub titulo lib. 13. de *Censitoribus*, &c.

Vbi Tertio notandum, quod de veterum chartarum monumentis hac in re inspectis additur, quorumque adeo fidem hic sequitur Honorius A. quo non abludit prorsus, quod de probatione per census & monumenta publica refertur a Marcello IC. in l. 10. D. de *probationibus*.

Quarto obseruanda ex hac l. vt & ex l. 13. *infr. hoc tit.* singularis ratio indulgentiæ, nempe iugerum aliquot ceu desertorum & squalidorum deinceps a censibus eximendorum. Cuiusmodi est indulgentia Augustodunensibus tributa a Constantino M. cuius nomine Eumenius gratias ei agit peculiari *Panegyrico* cap. 10. & u. *Reluaturus censum, definisti numerum: septem millia capitum remisisti. quartam amplius partem nostrorum censuum: Remissione ista septem millium capitum, viginti quinque millibus dedisti vires* &c. Similis etiam Indulgentia seu *καφισμός* l. 13. *inf.* similis, quam memorat Theodoretus ep. 42. *καφισμός*, Cyri ciuitatis & regionis: vbi ait ciuitati illi fuisse quinquaginta millia iugorum immunium *ἐλευθεριῶν*, alia decem millia *ταμιακά*.

Huic accedat similis quædam Indulgentia a Iuliano Antiochenis facta trium millium iugerum: de qua ipse agit *sine Misopogonis* pag. 370. edit. *Lips. Spanhem.* quæ potentiores & locupletiores inter se iniuste diuiserant: recte enim ibi Interpret, γῆς κλήρας *τεριχλίως ἀπόρας* vertit, *agri iugerum tria millia infructuosos*: perperam Petauius, qui id accepit de fortibus vacantibus caducisque mortuis hæredibus: ἀποροι κλήροι sunt, quæ hic dicuntur, deserta & squalida loca.

Quinto notandus numerus desertorum & squalidorum locorum iugerumque atque adeo immunium *ἐλευθεριῶν* per Campaniam, quæ *Felix* alioquin erat, & dicebatur.

Postremo obseruandus mos *chartarum ταμιακῶν*, seu censualium librorum cremandorum, vbi Indulgentia & releuatio quædam prouinciis a Principibus concederetur: cui rei fidem faciunt præter hanc *leg.* tres, insuper hoc ipso titulo leges, puta *lex* 3. 6. 14. quibus adde & l. 3. *sup. de iure fisci.* De Ha-

driani Imp. iam olim indulgentia Spartianus in eius *vita* cap. 7. *Debitoribus*, inquit, in prouinciis ex reliquis ingentes summas remisit, *syngraphis* in foro Diui Traiani, quo magis securitas omnibus roboraretur, *incensis*: Qua de re ipsa, vide & Hieronymum, & Casiodorum in *Chronici COSS. Auila & Pansa.* Ait vero Spartianus *syngraphis*; id est instrumentis, scripturis, ex quibus debitores conueniri potuissent. Hieronymus ex Eusebio *chartis*, quo modo hac l. & sic *polyptics* seu libris censualibus: quomodo exerte vetus collectio *chronicorum*, ex Thoromacho apud Salmasium in *not. ad Spartian. Hadrian.* c. 7. *Adrianus* utraque lingua eruditus benigniter tributa vrbium plurimarum relaxauit, *polyptics* publicis *incensis*, plurimos etiam ipsis tribuit liberos fecit. Vbi *poleptica*, pro *polyptics*: de quibus dixi ad l. 2. *sup. de discussorib.* Idem factum ab Antonino Pio, testis Auctor *Chronici Alexandrini* pag. 602. 603. edit. *Raderi*: καὶ οἱ ταμιακοὶ χάρται δαρεῖν ἐκαύθησαν, & *tabule creditorum exusta.* A M. Antonino narrante Xiphilino in *Epitome Dionis* pag. 372. init. Edit. *Sylburg.* καὶ πάντα τὰ περὶ αὐτῶν γράμματα τῇ ἀγορῇ καυθῆναι ἐκέλευσε, *iusitque Syngraphas omnes scriptas de iis rebus in foro comburi*: & Orosius lib. 7. c. 15. *Omniaque simul fiscalium negotiorum calumniiosa monumenta congesta in foro iussit incendi.* Idem factum ab Aureliano Vopisco teste c. 39. De Iuliani Indulgentia Iudæis facta testis ipse Ep. 25. καὶ πῦρ παρέδωκε τὰ ἐσθία τὰ καὶ ὑμῶν ἐν τοῖς ἐμοῖς σκενέοις ἀποκείμενα, ὥς μηκέτι δύνασθαι καὶ ὑμῶν τινὰ τοιαύτην ἀκοντίσιν ἀσεβείας φήμην, *tabulasque incendi, quæ in meis scriniis ad vos opprimendos custodiebantur, vt nemini liceat deinceps tantæ impietatis rumorem in vos spargere.* De Gratiani tandem multis Aufonius in *Gratiarum actione* c. 32. *Te* inquit, *argumenta omnia flagitandi publicitus arde- re iussisti*: atque hæc quidem hæctenus ad hanc *legem* dicta sufficiant. Quanquam neque omitti oportet, quod Ambrosius *Oratione funebri de obitu Theodosii M.* quam hoc ipso Anno 395. XXV. mensis Februarii, id est ante mensem habuit, scribit de Indulgentia debitorum, quam Theodosius M. dari testamento iusserat, quamque executioni tradiderint filii eius, & sic Honorius quoque huius l. Auctor. *Nihil speciosius*, inquit, innox ab initio, ei (intelligit Theodosium) in mortem seruatum est, quam quod immane quantis promissa ANNONARVM exigendarum relaxatio dum moratur, facta est successio eius indulgentiarum hæreditas, vt ille qui voluit impedire, sibi odium fecerit: Theodosio tamen tantæ cumulus gratiæ non ademptus sit. Et mox: *Præcepit dare legem Indulgentiæ, quam scriptam reliquit. Quid dignius quam vt testamentum Imperatoris lex sit?* Vt forte hæc ipsa *lex* destinata a Theodosio Indulgentiæ pars sit, quam proximo post mortem Patris mense Honorius in suum nomen transcriptum ediderit. Similem sane secutus Honorius paternam dispositionem (vt ipsemet profitetur, l. 11. & 12. *infr. de infirmendis his quæ sub tyrannis*) hoc ipso anno, post duos tantum menses, indulgentiam pariter seu veniam iis, qui Eugenii Tyranni partes secuti fuerant, tribuit; quo spectat alter in eadem *Oratione* Ambrosii locus, quem ad eam l. consignabo. Quod

vero Annonariam Indulgentiam pertinet, de qua est quoque *lex 4. & 14. inf.* ad eandem spectare videtur, quod Symmachus scribit *lib. 3. ep. ad Ambrosium 33.* ubi tam controuersa lectio habetur: ibi, non pati-

tur ut annorum (alii annonarum, alii equorum) pretia possit exsoluere, quae iam multis eiusdem temporis Indicibus Imperialis clementia relaxauit.

P. 196.

III. (a) Idem AA. Andromacho P. V. (b)

OMNIVM Titulorum (c), siue qui ad Inlustres Viros Praefectos (d) Praetorio, siue qui ad Largitiones Nostras pertinent, vsque in Consulatum primum (e) Clementiae nostrae, id est, vsque *Indictionem Quintamdecimam* (f), quae proxima fuerit (g) reliqua vniuersa concedimus. Atque ut ipsa memoria reliquorum intercidat, chartas omnes, siue quas Tabularii (h) ciuitatum, siue Officia Iudicum, siue Officium Palatinum (i), siue Discussores (k) habent (quibus tamen eius temporis & debitorum nomina, & debira continentur) vndique in medium congregatas palam flammis (l) iubemus aboleri. Post Consulatum (m) vero mansuetudinis nostrae, id est, a *Prima Indictione*, in consulatum Olybrii (n) & Proбини, omnium reliquorum exactionem suspendi oportere censuimus, donec admoniti Ordinarii Iudices nominarios (o) breues, absque vlla conscribtorum fraude, transmittant, quibus aperte liqueat, quae penes Minuscularios (p), quae penes Curiales (q) debita, quae tam (r) in defectis domibus habeantur: his enim praecipue consulendum est, qui iusto remedio indigent. Nouerint igitur Officia ad se omne dispendium rediturum, si occultatis idoneis, in eorum locum saneos (s) defectosue subiecerint. Ex Consulatu (t) sane Olybrii & Proбини, id est, ex *Nona Indictione*, in praesentem diem adcelerari solutionem omnium conueniet debitorum. Eos etiam, qui personalibus debitis sacro Aërario tenentur adstricti, id est, Conductores diuersorum portuum ac vectigalium, volumus esse securos: Publicani etiam & Telonarii (v), Praepositi Thesaurorum (x), atque Basyorum (y), Procuratores Gynaecariorum (z) ac Monetariorum (aa), ceterique (bb), quos omnes in chartis suis Officium Palatinum (cc), sine vilo ætatis fine, custodit, decernimus, ut quaecunque per eos debita contracta sunt, submoueantur: ab heredibus etiam memoratorum exactionis atrocitas conquiescat. Dat. VII. Kal. Iul. Med. Vincentio & Frauita Co ss. [401.]

NOTAE.

- (a) Absit & hæc *lex* velut temporaria a *Cod. Iust. GOTHOF.*
- (b) *Andromachus* sub Honorio A. D. 401. P. V. quomodo & Anito 395. v. *Præfopogr.* Et tamen puto, quin hic reponendum sit *PP.* & Praefectum Praetorio Galliarum accipiat. Sane *Praefecti Urbis* nomen stare hic non posse, argumentum eius mox ostendit. Eundem paulo antea sub Theodosio M. (Honorii P.) Comitem R. P. fuisse ostendit *lex 4. C. Iust. de incestis nupt.* ID.
- (c) *Titulorum*, id est, Collationum, functionum, tributorum. v. *Gloss. Theod. ID.*
- (d) Hinc *Arca* Praefecti Praet. l. 6. 9. vbi dicam & l. 6. & vlt. *infr. hoc tit. ID.*
- (e) Id est, Honorio N. P. & Euodio COSS. & sic A. D. 386 ID.
- (f) *Indictionum* fit mentio nouemdecim legibus huius Codicis: nouem huius tituli: puta hac l. & l. 6. 7. 8. 9. 10. 14. 16. & vlt. & aliis praeterea nouem: puta l. 11. *supr. de cursu publ.* l. 11. *supr. de iure fisci*, l. vn. *infr. de classicis*, l. 18. *de susceptorib.* l. 3. *de equorum conlat.* l. 38. *supr. de annona & trib.* l. vlt. *supr. de conlat. donatar.* l. 173. *infr. de decurion.* l. 2. *de praed. Curial.* De his peculiare caput confecimus in *Chronico Consulari Theodos.* ID.
- (g) Sustineri, potest: Hoc tamen sensu semper, pro, fuit. ID.
- (h) De his *Tabulariis* dictum iam suo titulo, & ad leg. 1. *infr. de censu. ID.*
- (i) Id est, Comitibus S. L. ID.
- (k) De *Discussoribus* fuit supra titulus 26. ID.
- (l) De hoc iam dixi ad *legem superiorem. ID.*
- (m) Et sic *Valentiniano III. & Eutropio* COSS. A. D. 387. ID.
- (n) Id est, A. D. 395. ID.
- (o) *Nominatorii* Breues, imo *Notorii. ID.*
- (p) De *Minusculariis* in ipso *Commentario. ID.*
- (q) *Curiales*, tributorum exactores. ID.
- (r) *re. Quae etiam. ID.*
- (s) De hac voce *sanei* vide *Glossarium Theodosianum. ID.*
- (t) Id est, Ab A. D. 395. ID.
- (v) De *Telonariis* vid. *Glossarium. ID.*
- (x) De *Praepositis* his *thesaurorum* mox. ID.

(y) De

(γ) De *Præpositis bosphorum*, mox. *ID.*

(2) De *Procuratoribus Gynaecariorum*, mox. *ID.*

(aa) De *Procuratorib. Monetariorum*, mox. *ID.*

(bb) Puta *Præpositi Barbaricariorum*, siue *Argentariorum*, de quibus mox. *ID.*

(cc) Comitibus S. L. *ID.*

COMMENTARIVS.

HONORII hæc *secunda iam hoc titulo* Reliquorum Indulgentia est: data A. D. 401. non vni provinciae adstricta, sed plenaria, per totam Præfecturam, cui Andromachus, ad quem hæc *lex* data est, præerat: Neque tamen plenissima & absoluta, verum sub trium *διασημάτων*, & sic ut dicam, Epocharum distinctione; Nempe plenam omnium Reliquorum cuiuscunque generis Indulgentiam ad primum suum vsque Consulatum, id est, ad A. D. 386. vsque, concedit *hæc* L. Honorius: hæc prima Epochæ est. Atenim *secunda epocha* est nouennii, ab A. D. 386. ad annum vsque 395. seu *Olybrii & Probinii* Consulatum, quo is patre mortuo imperare cœnit. *197. pit.* Huius vero temporis & epochæ Exactionem suspendi iubet, breuesque *nominatarios*, vel potius *notorios*, reliquorum referri, ut iis vis non iam in commune Indulgentia tribuatur, verum iis sigillatim consulatur, qui iusto remedio egent, in defectis & inopibus; contra idonei Reliqua solvere cogantur. Postrema Epochæ est sexennii, & quod excurrit ab An. D. 395. seu initio Imperii sui ad præsentem annum 401. Huius vero temporis Reliqua solui eorumque solutionem *accelerari* iubet.

Hæc summa est *huius leg. sententia*, quæ variis Ampliationibus constat, singularibusque observationibus scatet.

Primo quidem quod Temporum & Epocharum characterissimum attinet, notandi sunt hic Consulatus, & INDICTIOES his respondentes: & tres quidem: Nempe *Indictio XV.* componitur cum primo Honorii Consulatu, id est, A. D. 386. cum tamen in *Chronico* Marcellini, & *Alexandrino* Indictio XIV. cum eo consulatu componatur: Item *Indictio prima* hic componitur cum Anno 387. cum tamen in *prædictis Chronicis* Indictio XV. componatur cum eo Anno: Tandem hic Consulatus Olybrii & Probinii, id est A. D. 395. componitur cum Nona Indictione; cum tamen componatur in *prædictis Chronicis* cum Octaua Indictione. Et sic ubique hic una Indictione anteuertit: De quo suo iam loco semel dixi.

Secundo notanda *Titulorum* diuersitas, ex quibus fisco quid debebatur, & sic debitorum publicorum species. Exque duum generum: alii scilicet canonici & *generales* tituli sunt, ut vocantur *l. 9. inf.* quæ scilicet communiter & canonico titulo passim ab omnibus inferebantur: iique vel ad Præfectos Prætorio pertinebant, seu arcæ Præfecti Prætorio inferebantur, ut *l. 6. 9. 16. & ult. hoc tit.* vel ad Largitiones Principis. Denique erant vel annonariæ functiones, vel largitionales tituli, *l. 14. infra.*

Tertio notandum, *chartas* debitorum seu Breues Reliquorum apud quatuor hominum genera fuisse: Primum apud *Tabularios* ciuitatum, de quibus plene dixi ad *l. 1. sup. de Tabulariis, lib. 8. tit. 2.* Hi scilicet circæ rem tributariam occupati, teste etiam Sidonio *lib. 4. ep. in chartas seu chartulas publicas*

seuratiocinia publica tractabant, nominaque debitorum prodebant: *l. 2. & l. ult. sup. de Tabular. l. 8. sup. de fil. mil. apparit. l. 16. sup. de exactionibus.* His quippe primum quadrimestri Breues tributorum publicabantur: *l. 27. inf. de Susceptoribus*, exactionis libri tradebantur, Interpretes ad *leg. 1. inf. de censu.* Deinde ipsi exactoribus dabant Breues, neque exactores ante conuenire poterant debitoribus: *l. 1. sup. de exactionib.* Secundo *chartæ* debitorum erant apud *officia Iudicum*, seu Rectorum provinciarum. Tertio erant apud *officium Palatinum*, id est, Comitibus S. L. a quo procedebant seu promanebant Quadrimestri Breues: Tandem erant apud *Discussores*, qui scilicet in id mittebantur, ut manifestos debitorum seu Reliquorum ad solutionem cogerent, *l. 21. inf. quorum appellat. de quibus suo tit. supra, de Discussoribus.*

Quarto obseruandum iuberi *chartas omnes* debitorum seu Reliquorum undique in medium congregatas palam flammis aboleri: de quo more dixi plene ad *l. 2. sup.*

Quinto notandum, quod de *Nominatoriis* Breuib. dicitur: qui quidem ita describuntur, Breues qui ab Officiis ordinariorum Iudicum, id est Rectorum provinciarum conscribebantur, mox trans mittebantur: quibus aperte designabatur, quæ penes Minuscularios, quæ penes Curiales debita seu reliqua essent, quæque in defectis domibus habebantur. Sunt qui *Notarios Breues* hic substituunt, quæ alias Notariæ, vel Notoriæ, de quibus alibi. Tentet quis etiam Commonitorios Breues. Commonitorium ita quoque est secundum *Gloss. Nom. επισολή προσαπική ἀποσελῶμένη εἰς χάρας*: denique omnis charta ex qua fides alicuius rei petitur: de quo dixi plene ad *l. 2. sup. si certum pet. de suffrag. & l. 27. sup. de erog. mil. ann.* Nisi denique malit quis, Nominatorios Breues, quibus nomina continebantur seu exprimebantur eorum, penes quos reliqua residebant.

Sexto notanda duo *Exactorum*, vel *Susceptorum* genera: nempe Minuscularii & Curiales. *Minuscularii* sunt speciales & minimi tributorum Exactores, *Collec-teurs particuliers*: a minusculo, quod *ἐπίλαττον*: vnde & minuscule præmia, Imperatores & Tyranni minusculi apud Historiæ Augustæ Scriptores, & similia passim. Augustinus *lib. 7. de ciuitate Dei, c. 4. Ridemus*, inquit, *cum Deos videamus partitis inter se operibus distributos tanquam MINUSCULARIOS vectigalium conductores.* Alio tamen hic sensu Minuscularii, etsi proximo, accipiendi quam apud Augustinum: nam postea de *munus versicos*, de Conductoribus vectigalium agitur, in veteri *Gloss. Vectigal minusculum*: De Curialibus susceptoribus tributorumque Exactoribus suis titulis.

Postremo loco & capite agitur de *PERSONALIBUS*, ut vocantur, debitis, quæ generalibus, de quibus

bus *sup.* opponuntur: ad quos etiam *huius leg.* Indulgentia reliquorum porrigitur. Personalia sunt ea, quæ non ab omnibus prouincialibus communiter & canonico titulo largitionibus seu fisco debentur, verum a personis quibusdam tantum seu a certo personarum genere, quæ sacri *Ærarii* res tractabant. Alii sunt apud Spartianum in *vita Adriani cap. 7.* priuati debitores, id est priuatæ rei Principis debitores, conlatores priuati & patrimoniales, *l. 9. inf.* nam pro eo Dio, & post eum Zonaras, *ὁφείλοντας τῷ ἑασιλικῷ* dixit, & opposuit, *τῷ δημοσίῳ ὁφείλοντας*: In quo tamen Scaliger parum sibi cauit. In hoc vero censu personalium debitorum septem numerantur. Primo *Conductores portuum & vectigalium*, id est portuensium vectigalium & portuorum, quæ scil. in portubus pro mercibus professis & transuectis exiguntur: de quibus peculiaris *titulus sup. lib. 4. t. 12. de vectigalibus & commissis*: vid. & *l. 3. sup. de immunitate concessa*: denique Exagogenicum & Isagogicum intelligit. Secundo inter personales debitores memorantur *Publicani & Telonarii*, qui scil. ut ait *lex 2. sup. de Veteranis*, agentibus, id est, negotiatoribus in nundinis & emporiis imminebant, & ab his ob proponendas merces quid exigebant, Publicani & Telonarii iidem. Sequentes personales debitores per Occidentem hic subiiciuntur: *Præpositi Thesaurorum*, de quibus in *Notitia Imperii* sub Comite S. L. *fol. 141.* vbi 12. huiusmodi Præpositi memorantur, & inter alios quatuor per Gallias: puta per Gallias *Lugdunenses, thesaurorum Arelatensem, Nemausensem, Triberorum*: Alioquin Præpositi Thesaurorum Philippopoli meminit Basilii *ep. 264. fin. ep. 237. edit. Benedictin.* Comitibus Thesaurorum

per Thracias Anm. Marcellinus *lib. 29. cap. 1.* Item, *Præpositi Baphiorum*, vel potius *Procuratores*; de quibus *Notitia Imperii*, vbi per Occidentem sub Comite S. L. *d. f. 141.* nouem huiusmodi memorantur, & duo nominatim intra Gallias: puta *Baphii Telenensis, & Baphii Narbonensis*. Quid autem Baphia sint, ostensum, *lib. 10.* nempe officinæ fucandæ seu purpuræ. Item *Procuratores Gynæceariorum*, seu *Gynæceiorum*: de quibus eadem *Notitia Imperii d. f. 141.* vbi per Occidentem memorantur 17. & in his sex per Gallias, puta *Arelatensis Gynæceii, Lugdunensis, Remensis, Tornacensis, Triberorum, Augustoduni*. Quid autem Gynæceium sit? dictum *libro Decimo, suo titulo.* Item *Procuratores Monetariariorum*, vel *Monetarum*, de quibus eadem *Notitia d. f.* vbi sex huiusmodi per Occidentem memorantur, & in his tres per Galliam, *Procurator monetae Lugdunensis, Arelatensis, Triberorum*. Tandem generaliter indicantur ceteri, quos in *chartis suis officium Palatinum custodiebat*: quibus verbis comprehenduntur quoque Præpositi Barbaricariariorum siue Argentariariorum, cuiusmodi memorantur in *Notitia Arelatenses, Remenses, Triberorum*: Quæ quidem exempla tanto lubentius commemoro, quod Andromachum, cui hæc *lex* inferibitur, Præfectum Prætorio Galliarum fuisse ferme conicio.

Et adeo quidem his omnibus indulgentiam præbet Honorius, ut etsi huius indulgentiæ tempore non ipsi amplius superstites sint; verum hæredes eorum, etiam his hanc Indulgentiam proficere velit, Non est scil. ab hæredibus exigendum, quod ab ipsis qui contraxerunt peti non potest.

IV. (a) Idem (b) AA. Theodoro PF. P. (c)

AB omni intra *Italiam* iugatione (d), quam munere Annonariæ functionis absoluius, etiam Glebalem pensionem iubet Serenitas Nostra remoueri. Dat. Id. Septemb. Med. (e) Basso & Philippo Co s s. [408.]

(a) Abest & hæc *lex* velut temporaria a *Cod. Iust. GOTHOFR.*

(b) Reponendi hi Imp. HONORIUS & Theodosius; vid. *Consularia Theodof. ID.*

(c) *Theodoros* sub Honorio Imp. PP. *Italiae* scil. vt vel ex hac ipsa *leg.* liquet. *ID.*

(d) *Iugatio*, id est possessio seu iugorum modus; de quo dixi iam ad *l. 1. §. sup. de annona & trib. ID.*

(e) Mediolanum scil. post Stiliconem Rauennæ interfectum X. Kal. Septembris, id est fine superioris mensis Ticino digressus Honorius, sese contulit; vide *Consularia Theodof. ID.*

COMMENTARIUS.

ITALIE Indulgentiam quandam tribuit *hæc leg.* Honorius Anno D. 408. & plenissimam quidem. Eam quippe absoluit & ab Annonariæ functionis munere, & a Glebali pensione seu præstatione. A munere, inquam, annonariæ functionis, id est ab Annonis & speciebus annonariis, quas scil. Itali præstabant possessionum seu iugationum suarum nomine, in speciebus videl. annonariis seu Cellariensibus: de quibus *l. 10. inf.* Id enim est *h. l. & l. 14. inf.* annonaria functio: Opponitur scil. ea diserte in *d. l. 14. titulis largitionibus*: id est, iis, quæ in Largitiones Principis referebantur, nempe in auro, argento, ære, & cæteris huiusmodi speciebus; de quibus *l. 9. infr. h. t.* Rursum opponitur annonaria functio *hæc l. glebali pensioni*: *Glebali pensio* est, quam Senatores in auro glebæ seu possessionum suarum

nomine præstabant; de qua fuit *sup. peculiaris titulus lib. VI. tit. 2. de Senatorib. & glebali conlatione*; Proinde hæc Honorii mens est, remittere se per Italiam, non tantum aliis possessoribus annonariam specierum cellariensium functionem, verum etiam remittere se Senatoribus quoque glebalem auri pensionem. Quare iam non audio, qui aliter hic interpretati *Glebalem pensionem* præstarent; Neque quicquam eos inuat Aurelii Victoris locus: Nam & eo ipso loco Victor non nisi vnicam parti Italiæ tributum seu functionis & pensionis speciem impositam solito tamen grauiorem memorat. Nempe ita res est, parti Italiæ sub illa Tetrarchia, quam memorat peculiaris annonariæ functionis modus impositus fuit, quo scil. exercitus & Imperator, qui semper aut maxima parte in ea Italiæ parte aderant,

ali possent; unde & *Annonaria Regiones* illæ procul dubio dictæ, a peculiari videl. illa annonaria seu specierum Cellariensium functione. Et vero de hac ipsa Italiæ parte *banc ipsam leg.* accipio, quæ hac tempestate quandoque speciali *Italia* appellatione designabatur, de quo dixi semel plene ad l. 6. *sup. de annonæ & trib.*

Ut id de hac l. sentiam, præter iam dicta, facit & ipsa horum temporum ratio, & huius Italiæ partis status. Nempe quod Zosimus luculenter ostendit, & biennio superiore, & his ipsis Consulibus *Basso & Philippo*, Radagaifo & Alarico ab Italiæ ingressu propulsando, ingentes per eam Italiæ partem exercitus positi fuerunt, easque Italiæ partes perreptaure, ipso etiam Honorio & ducibus Stilicone & Saro, in ea Italiæ parte cum exercitu consistentibus, in quo sane tractu erat Ticinum, Rauenna, Bononia, Mediolanum, quarum ferme ideo frequens hac in re mentio apud Zosimum. Quare, cum Stilicone ipso fu-

perflite, ea quam dixi ratione, pars illa Italiæ cum maxime afflictæ attritaque fuisset, paucos ante dies Stilicone Rauennæ interfecto, Honorius *hac leg.* (quæ sanè prima *hoc Codice* post Stiliconis eadem eius constitutio occurrit,) Italiæ parti illi hanc Indulgentiam dederit.

Illud obscurum, num Honorii hæc Indulgentia sit præteriti temporis seu Reliquorum: an vero in futurum, quasi Italiam quam dixi in futurum liberet ab annonaria functione & glebali conlatione. Quod mihi vero similis sit: quasi non sufficiente ea iam istis functionibus, utpote non hostium quidem incursione vastata, verum hostium metu ab ingenti exercitu adesa: Deinde apertis *huius l.* verbis, *ABSOLVIMVS*, inquit, *munere Annonariæ functionis*; item, *glebalem pensionem REMOVE-RI*. Quæ formulæ sane Indulgentiam in futurum indicant.

P. 199.

V. (a) Imp. (b) HONOR. & Theod. AA. Honoratis, & Possessoribus per *Africam*.

RELIQUORVM ex fiscalibus titulis cuncta debita Nostræ Mansuetudinis indulgentia subsequatur (c) &c. Dat. VII. Kalend. Decemb. Post (d) Conf. Honor. VIII. & Theod. III. AA. [410.]

NOTAE.

- (a) Abest & hæc *lex* velut temporaria a *Cod. Inst.* *Προδύσερον* vero hic admissum ab *huius Codicis* Conditoribus: hæc enim *lex* sexta tempore posterior est. *GOTHFR.*
 (b) Scribendum hic *Idem AA. ID.*
 (c) Id est proseguatur; & sic, Reliqua omnia indulgemus. *ID.*
 (d) Id est Anno Dom. 410. *ID.*

VI. (a) Idem AA. Macrobio (b) Proconf. Afric.

CONSIDERANTES, *Africa* deuotionem (c) usque in initium *Fusionis* (d) *Quinta* (e), vniuersa reliqua, quæ tam ad Arcam (f) Sublimium Potestatum (g), quam ad Largitiones (h) pertinent, relaxari præcipimus. Priuatæ quoque rei (i) debita similiter relaxamus: chartis (k) abolitis, quibus debita publica continentur. Dat. VII. Kal. Iul. Rau. Varane CONS. [410.]

NOTAE.

- (a) Abest & hæc *lex* velut temporaria a *Cod. Inst.* Anteuertere posro, ut dixi, debuit hæc *lex* superiore. *GOTHFR.*
 (b) *Macrobio* huic Proconf. Africæ vnica hæc *lex* inscripta *hoc Codice* occurrit: videtur possit hic idem cum Macrobio, qui Vi-cariis Hispaniarum fuit A. 399. 400. ut docet *lex 15. inf. de paganis*: *lex 61. sup. de cursu publ.* Forte etiam idem ille, qui & Præpositus S. Cubiculi fuit, duodecimo post *banc l.* anno, id est A. 322: ut docet *lex 1. sup. de Præpos. S. Cubiculi*: quique Saturnalium & nonnullorum aliorum Scriptor est. *ID.*
 (c) De hac *Deuotionis* voce v. *Gloss. Theod.* & quæ mox dicam. *ID.*
 (d) *Fusio*, pro Indictione: quod Cuiacius primus animaduertit; de quo mox. *ID.*
 (e) Id est vsque in initium A. D. 408. de quo mox. *ID.*
 (f) De hac *Arca*, & titulis, qui ad Arcam PPO. pertinent, sunt præterea *hoc titulo* quatuor *leges*: puta *lex 3. sup. l. 9. 16. & ult. inf. b. t.* *ID.*
 (g) *Sublimium* Potestatum, id est Præfectorum Prætorio. *ID.*
 (h) *Largitiones*, sacras scil. quæ sub Comitè S. L. erant v. & *l. 3. sup.* *ID.*
 (i) Quæ sub Comitè R. P. erant. *ID.*
 (k) De hoc *Chartarum* abolendarum more & iussione, in Indulgentiæ concessione, fidem faciunt *tres* insuper huius tituli *leges*: puta *lex 2. 3. sup.* & *lex 14. inf.* de quo dixi semel ad l. 1. *sup. b. t.* *ID.*

COMMENTARIUS.

AFRICÆ provincie Proconsulari duæ hæ Indulgentiæ tribuuntur ab Honorio eodem Anno 410. In quibus collocandis *προσφερον* admissum est ab huius Codicis Conditoribus. Et causam huius Indulgentiæ Africa Proconsulari a se datæ prodit Honorius his verbis: *Considerantes*, inquit, *Africa deuotionem*. Quo *Deuotionis* verbo quid Honorius intelligat, videndum est. Putetigitur quis indicari canonis Vrbicarii, ad vsum videl. & annonam vrbis Romæ, collationem: quandoquidem notum est, Africam nutrículam fuisse vrbis Romæ: notum & *Deuotionis* verbo subinde huius Codicis constitutionibus deuotionem circa tributum illationem exaudiendam: quod Glossæ Theodosianæ ostendunt. Et tamen Deuotionem Africæ aliam huius temporis peculiarem ab Honorio indicari censeo: qua videl. Africa in obsequio Imperatoris Honorii stetit, aduersus Attali Tyrannidem: de qua accipienda quoque est *lex pen. & ult. sup. de Indulg. criminum*: quo etiam respicere puto *l. 1. sup. de terris limitaneis*: & *l. 51. inf. de hereticis*. vt & *l. 2. sup. de littorum & itin. custod.* Historia sic habet: Cum Alaricus Gothorum R. ad urbem Romam cum exercitu ageret, Attalus Præfectus Vrbis Romæ, volente Alarico, a Romanis Imp. factus fuerat. Inde pars magna Italiæ eum pro Imperatore agnoscere coacta. In Africa spes vtrunque: & prout ea in alterutris fide & deuotione maneret, ita summa rerum eo inclinatura videbatur: & si ea Attalo cederet, Honorius imperio cessurus & ad Theodosium Iun. in Orientem fugiturus erat. Quare eo conatus vtrunque verti: & quidem Alaricus suadere Attalo, vt idoneas copias in Africam & Karthaginem mitteret, quarum scil. opera Heracliano Comiti Africæ (cui inscribitur hoc ipso Anno *lex 51. inf. de hereticis*.) qui partes Honorii sectabatur, imperium abrogaret; Verum Attalus facile se Carthagine & Africa potiturum ratus, posthabito Alarici consilio cum paucis copiis militare in Africa imperium Constantino tradidit; verum Constantinus ille in Africa ab Heracliano interfectus: Posthæ irritos missi ab Attalo Ducis in Africa conatus, Iouius Attali Præfectus Prætorio, aliquandiu quidem, Barbaros ad gerendum aduersus Heraclianum bellum mitti oportere censebat; Interea tamen Honorii causæ fauere cœpit, & Attalum P. 200. apud Alaricum inconciliare non cessit; irritis etiam spebus Attali in Africa, qui cum pecunia tantum quosdam in Africam miserat, vt ibi rebus succurrerent. Interea Heraclianus ex Africa ad Honorium pecuniam misit ingentem, vnde militum beneuolentiam Honorius sibi conciliauit: sed & idem Heraclianus portus & littora Africæ præsidio multiplici vallauit, quo pertinet quoque *lex 1. sup. de terris limitaneis*: denique idem annonam ex Africa ad Urbem Romam ne subueheretur sedulo cauit; vnde ingens fames Romæ exorta. Itaque Senatus iam ferme omnis censere, vt Barbari cum Romanis militibus in Africam mitterentur, eorum præfectura Drumæ tradita, quod soli ferme Attalo displicuit. Mox itaque imperium ab Alarico Attalo abrogatum. Quæ omnia memorant Zosimus *lib. 6. cap. 7. & seqq.*

Sozomenus *lib. 9. cap. 8.* Socrates *lib. 7. cap. 10.* Hæc igitur illa est *Africa deuotio*, quam Honorius hic intelligit (quo ipso elogio eam hoc ipso Anno 410. prosequitur in mandatis Marcellino Karthaginem misso ad collationem, datis *pag. 51. & 259.* siue *pag. 1051. & pag. 1147. Tom. I. Concil. Edit. Harduin.*) qua motum se hanc debitorum indulgentiam tribuere proficitur; Ea vero talis est; Vt *l. 6.* omnium Reliquorum Indulgentiam ei concedat, vsque ad initium A. D. 408. quam *quinta fusionis initium* vocat, de quo mox plura. Omnium, inquam, Reliquorum, quæ triplicis generis erant, puta pertinentium vel ad arcam Præfectorum Prætorio (de qua fuit quoque *lex 3. sup. eritque lex 9. 16. & ult. inf. h. tit.*) vel ad sacras Largitiones, vel denique ad res Principis priuatas. Nempe triplex hæc collationis species fuit; pars, in vsum Præfecti Prætorio (quæ *ἀνέφερος* & *ἀσπίδα* fuit) pars in publicos vsum, pars in principis, de quo plenius ad *leg. 9. inf.* Cæterum cum ad Africam hæc *lex* pertineat, huc respiciunt sub Comite S. L. in *Notit. Imper. fol. 140. 141.* Comes Titulorum Largitionum per Africam, Rationalis summarum Africa, Procurator Gymnecii Carthaginensis Africa, Procurator Basilorum omnium per Africam. Item sub Comite R. P. *fol. 144.* Rationalis rei priuata per Africam, & Rationalis rei priuata fundorum domus diuina per Africam. Et hæc quidem *lege 6.* primum concessit Honorius: Atenim *l. 5.* postea plenioram Africæ Indulgentiam concessit; nempe Reliquorum ex Fiscalibus titulis omnium in præsens vsque tempus.

Duo supersunt in *l. 6.* obseruanda. Primum est de *Chartarum abolendarum* more, vbi Indulgentia concederetur, de quo iam plene dictum ad *leg. 2. sup.* Secundo notandum quod Cuiacius primus animaduertit *fusionem* pro Indictione vsurpari a consequenti antecedens: nam & ita *fusio* de ipsa Illatione publica vsurpatur in *l. 27. §. 3. D. de usufructu & quemadmod.* & in *Glossis Philoxeni, Fusio εἰς Φορὰ; ἀμυσίαν; (a) & mox, Fusiones, συντέλειαι, εἰς Φορὰν: Fundere scil. est erogare; Q. Seren. Sammonicus de Medicina cap. 29. vers. 8.*

— frustra quæ immensa nomismata funder vnde & effunder, pro fundere, & Refusio possessionum, Ambrosio, in *Apologia Davidis, cap. 8.* Ex hac interim *Fusionis* voce apparet, vnde *Indictionis* nomen, quoue item sensu inditum fuerit: nempe *Indictio*, ab antecedente: *Fusio* vero, a consequente: vnde simul liquet, quam ibiculares sint Cedreni in *histor. Compend. pag. 171. Edit. Venet. inter Script. R. B. & Helychii Illustrii*, apud Constantinum Porphyrogen. de *themat. lib. 2. them. 8.* rationes nominis *Indictionis*: quasi *Inactio*, a pugna actiaca, vel quasi, *Indicatio*. Clare enim hinc constat, a collatione tributaria hanc appellationem desumptam. Hinc & Græcis *ἐπιμέμνησις, Indictio. Distributio* apud Palladium in *dialogo rerum gestarum Ioannis Chrysostomi*: quomodo & apud Codinum de *originib. Constantinopol.* interpres *δευτέραν ἐπιμέμνησιν, secundam distributionem* vertit. *Επιμέμνησις* est *indictio*, & quidem tributorum, quæ fit per distributionem,

butionem, perzuationem. Nam Baronii error est, qui id ad distributionem militaris annonæ referebat, vt & Scaligeri, qui ad distributionem seu largitatem Principis. Denique videre est, Indictionum harum mentionem fieri, cum de re tributaria agitur: quod ostendunt non tantum nouem *huius tituli* constitutiones, verum etiam reliquæ: puta *lex ii. sup. de iure fisc. lex ii. de cursu publ. l. vn. de classicis: l. 14. de nauicul. l. 18. de susceptor. l. 3. de equorum conlat. l. 33. de annona & trib. l. ult. de conl. don. l. 173. inf. de decurion.*

Ex eadem interim *l. 6. collata cum l. 9 & 16. inf.* apparet, veram esse obseruationem, Africæ proconsularis indictiones Orientalibus vna deductiones esse; quod etiam ostendit *lex 8. inf. b. t.* Vt proinde Africæ Proconsularis Indictionum initium confurgat ab A. D. 314. cum Orientales confurgant ab A. D. 313. quod posterum ex *Chronico Alexandrino* diserte liquet. Causam quis non aliam poterit; quam quia Anno demum 313. Proconsularis Africa in Constantini M. potestatem venit, post missum videl. eo Maxentii Tyranni caput; vt proinde a sequente demum Anno Africæ Proconsularis Indictionum initium confurgat. Sane cum de Maxentii in Africam impotenti dominatu liqueat ex incerto Rhettore Gallicano, Panegyrico octauo, *cap. 16. & 25. & Zosimo lib. 2. cap. 12.* item liqueat ex eodem Zosimo, Karthaginienses 40. millia militum Maxentio aduersus Constantinum M. præbuisse. Sane Nazarius altero panegyrico *cap. 32.* non illico aut placide Africam sub imperium Constantini venisse ostendere videtur, imo turbide aliquid egisse. Imo serius adhuc *Africa diæcessis* in obsequium Constantini venisse videtur: Quandoquidem duodecimam Indictionem Honorius Anno D. 401. de diæcesi Africana agens,

l. 3. sup. de equorum conlat. tribuat, quæ alias in Oriente de ima quarta, vt ex *Chronico* Marcellini, & *Alexandrino* liquet. Verum Africam citius ad obsequium Constantini M. venisse cum aliis argumentis liquet, tum ex frequentibus statim A. 313. ad Anulinum PC. Africæ, deque eo & ad Cæcilianum, Constantini M. epistolis & constitutionibus: quarum mentio apud Eusebium *lib. 10. c. 5. 6. 7.* Augustinum *ep. 68. sin. 88. edit. Benedictin.* de quo dicam ad *l. 1. inf. de Episcopis.* Quare istam Indictionum differentiam per Italiam & Africam inde processisse putato, quod Constantinus in potestatem suam iis redactis, serius nonnullis tributa *indicere*, & ad tributum collationem eas vocare instituit; prout videl. afflictæ magis vexatæque a Maxentio fuerant. Hinc igitur statim vt Italia potitus Constantinus A. D. 312. (b) ad collationem eam vocauit: contra Africam Proconsularem nonnisi ab A. D. 314. Diæcesim Africæ, nonnisi ab A. D. 315. Indulgentia videlicet æque eo concessa. Quo pertinere videatur vetus Constantiniana Inscriptio, Emeritæ in Hispania apud Gruterum *CLIX. 4.*

IMP. CÆS. FLAVIVS
CONSTANTIN. AVG.
PACIS. ET. IVSTITIÆ
CVLT. PVB. QUIETIS
PVND. RELIGIONIS
ET. FIDEI. AVCTOR
REMISSEO. VBIQVE
TRIBVTO. FINITIME
PROVINC. ITER
RESTAVR. FECIT
CXIII.

(b) Consule ANT. PAGIVM in *Critic. ad Annal. Baron. an. 312. num. 24.*

VII. (a) Idem AA. Ioanni PF.P. (b)

P. 301.

CAMPANIAE, Tuscia, Piceno, Samnio, Apulia, Calabria, sed & Brutiis, & Lucania, ex omni præstationis modo, quem antiqua sollempnitas (c) detinebat (d), quattuor (e) partes iubemus auferri: ita, vt ex *Indictione Decima* (f), quinque annorum Indulgentia contributa (g), partem (h) soluant publicæ functionis. Ad reparationem sane cursus, intra indulgentiæ tempus quidquid fuerit postulatum, id solum conferri censuimus. Dat. VIII. Id. Maii, Rauen. Lucio V.C. CONS. [413.]

NOTAE.

- (a) Abest & hæc *lex* velut temporaria a *Cod. Iust.* Hanc *leg.* non indicari *l. 14. inf.* ad eam probabo. GOTHOFR.
(b) Ioannes Præfectus Prætorio, Italiz scil. sub Honorio Imp. vt vel ex prouinciis Italiz hic expressis apparet: v. de eo plura in *Prosopogr. ID.*
(c) Antiqua sollempnitas, est antiquus præstationis modus. *ID.*
(d) Detinebat, id est, continebat. *ID.*
(e) De quinque. *ID.*
(f) Id est Consulatu Varanæ, A. D. 410. *ID.*
(g) Contributa, id est in vnius anni præstationem reducta: quinque annis pro vno computatis. *ID.*
(h) Quintam e quinque, seu vnam. *ID.*

COMMENTARIVS.

ITALIÆ prouinciis, quæ hic enumerantur, octo, puta Campania, Tuscia, Piceno, Samnio, Apulia, Calabria, Brutiis, Lucania, Indulgentiam quandam tributum tribuit hæc *leg.* Honorius Imp. quæ Sex-
Tom. IV.

ta iam est ex Honorianis Indulgentiis *hoc titulo.* Indulgentia vero isthæc est, quod quintam tantum partem veteris & sollempnis præstationis, eas prouincias inferre velit: & sic integri quinquennii, quod
D d 2 curre-

currere cœpit ab Anno Dom. 410. ad Annum vsque 414. vnus Anni tantum solutionem præstare: cuius quinquennii dimidia & ultra pars iam huius Indulgentiæ tempore effluerat: Data enim est hæc *lex* mense Maio Anni Domini 413. Quæ quidem singularis Indulgentiæ species est, partim in præteritum, partim in futurum: sic vt, quomodo hæc ipsa *lex* loquitur, *quinque annorum Indulgentia contributa*, seu quinque annis in vnum collatis, vnus tantum annicæ seu tributum soluat. Cum qua quinquennali Indulgentia misceri nolo Quinquennales Indulgentias quinque annorum continuorum, quæ ab Imperatoribus nonnullis tributæ: qualis est Constantiniæ, de qua Eumenius *Gratiarum actione Flauientium nomine cap. 13* Et id quidem primo loco hæc *leg.* obseruandum.

Secundo notandum, hanc Indulgentiam esse generalem omnium titulorum; *Ex omni*, inquit, *præstationis modo quem antiqua solemnitas destinabat*: Et mox, *publicæ functionis*. Quo etiam argumento inter alia liquet, *legem 14. inf.* non hæc *leg.* intellexisse. Et sane exceptio quoque vnus cursus publici *sine leg.* id euidentissime demonstrat.

Tertio igitur loco notandum, ab hac Indulgentia *Exceptionem* quandam proponi ab Honorio: quæ forte etiam indicatur *initio, l. 12. inf.* Nempe enim cursus publici reparationem excipit; de qua cursus publici reparatione *leg. 34. 42. sup. de cursu publici.* vid. & *l. 4. sup. de murileg.* ad quam quidquid postulat fuerit, integre conferri vult: Vnde apparet hinc quantus cursus publici fauor fuerit: vt a generali Indulgentia exciperetur: de quo plene suo titulo: inde, quantopere cursus publicus per illas Italiæ provincias hoc tempore concidisset.

Nunc de duobus videndum est circa has provincias. Et primo quidem, quod Quartum hic est, quænam ratio fuerit Honorio huius Indulgentiæ illis provinciis tribuendæ, harum provinciarum scilicet, deuastatæ per Gothos scilicet, & ante, & post captam ab Alarico seu Gothis Romam: ac maxime post alteram Vrbis Romæ irruptionem, quæ contigit extremo Anno Domini 409. attritæ illæ provincie maxime fuerunt. In genere de Italiæ & Vrbis solo *l. 20. sup. de tironibus*. De Piceno Zosimus *lib. 5. cap. 37. lib. 6. extremo*: de Tuscia, Rutilius Numatianus *lib. 1. Itinerar. v. 40*. De Campania, testis idem Honorius, *l. 12. inf. hoc tit.* & de Nolana nominatim vrbe Augustinus *lib. 1. de Ciuitate Dei cap. 10. de Campania iterum, Lucania, Bruttii, & metropoli eius Rhegio, Zosimus lib. 6. cap. 10.* vbi perperam *Βερελάρια*, pro *Βερελία* legitur, & Olympiodorus, apud Photium *Cod. LXXX. pag. 152. Edit. Schotti, &*

Tom. I. Script. Rer. Byzant. pag. 147. ed. Vener. Philostorgius, lib. 12. c. 3. Paulus Diaconus, seu historia miscella *lib. 13. pag. 91. Tom. I. Script. Rer. Ital. Anton. Murator.* Palladius dialogo 13. Iornandes *Geticis c. 30.* vbi tandem etiam Alaricus, in Siciliam traicere cogitans, mortuus est. Post quam Vrbis Romæ Italiæque provinciarum illarum vastationem, Alaricique mortem, vt Romæ instaurandæ, ita & provinciis illis subleuandis Honorius incubuit: de quo dixi ad *Philostorgium lib. 12. c. 5.* Id quod omnino huic tempori congruit, Anno Domini 413. & 414. vt ibidem ostendi. Hæc inquam octo provincie a Gothis tum vastatæ; interea dum Honorius in Flaminia (quæ Piceno proxima) Rauenne hæret: eaque provincia cum Venetia, Æmilia & Liguria iam antea primo Gothorum impetu Anno Domini 408. & secundo Romam prociuctu 409. deuastatæ fuissent; de quo vid. Zosimum *lib. 5. cap. 37. lib. 6. cap. 10. 11. 12.*

Hinc igitur iam patet (quod Quintum) quo nexu seu vinculo inter se hæc octo provincie hic cohæreant: non quasi ex his peculiaris tum diæcesis constaret: verum quia in Italiæ vrbisque solo constitutæ, per Gothos, post alteram vrbis Romæ irruptionem, deuastatæ fuissent. Ergo communionem *malli* inter se sociatæ, non peculiaris diæceseos vinculo, seu compage deuinctæ. Vnde iam conficitur, has provincias non ideo nunc hic coniungi, quod peculiarem illæ Vicarii vrbis diæcesim constituerent; quando neque Valeria hic numeratur, quæ certe sub Vicario Vrbis Romæ pariter fuit, vt discimus ex *leg. 5. sup. quibus eorum usus, & ex Notitia fol. 149.* neque tres præterea provincie seu insulæ Sicilia, Sardinia, & Corsica, quæ & ipsæ sub Vicario V.R. erant eadem Notitia teste *fol. cit.* Ac multo minus has provincias cum Vrbicariis regionibus eadem fuisse: atque adeo non hæc *leg.* indicari *l. 14. inf. hoc tit.* de quo ad eam *leg.* plura. Et alioquin diuersam harum provinciarum enumerationem fieri, detractis vel additis aliis videmus: veluti apud Trebellium Pollionem in *v. Tetrici: Correfectorem*, inquit, *totius Italiæ fecit, id est, Campania, Samni, Lucania, Bruttiorum, Apulia, Calabria, Etruria, atque Vmbria, Piceni & Flaminia, omnisque annoniæ regionis.* Abfimilis etiam Notitia Italiæ provinciarum, quæ continetur, *l. 27. inf. de appellat.* Abfimilis expressio provinciarum Italiæ in Synodo Sardicensi apud Athanasium *Apol. 2. pag. 756. Tom. I. Oper. Edit. Colon. siu. Lips. apud Weidm. & ipsum Athanas. ad solit. vit. ag. pag. 827. Tom. I. ed. cit.*

VIII. (a) Idem AA. Seleucho PF. P. (b)

NAVICULARIIS intra Africam (c), ex Quartadecima (d) Indictione Consulatus Valentiniiani Aug. III. (e) & Eutropi, V.C. vsque ad Indictionem Quartam (f) Consulatus nostri septies (g), & Theodosi iterum, omnia reliqua indulgemus. Dat. III. Non. April. Rau. Constantio & Constante Cōss. [414.]

NOTAE.

(a) Abest & hæc *lex* a *Cod. Iust.* velut temporaria. GOTHOFR. Data autem hæc *lex* ab Honorio occasione *Vicennalium* suporum, quæ in hunc annum incidunt. Vid. PAGIVM in *Critic. ad Annal. Baron. b. a. & Chronolog. RITTER.*

(b) Se-

(b) *Selenchus* sub Honorio Imp. Præfectus Prætorio Italiae scilicet: in qua Præfectura, & Africa fuit. v. *Protopogr. GOTHOF.*

(c) Proconsularem. *ID.*

(d) Imo *prima* ea vocatur l. 3. *sup. ID.*

(e) Id est A. D. 387. *ID.*

(f) Imo *quinta* ea vocatur l. 9. 10. *inf. ID.*

(g) Id est A. D. 407. *ID.*

COMMENTARIUS.

AFRICÆ *Nauiculariis* Vicennalem omnium Reliquorum Indulgentiam Honorius ab Anno D. 387. ad Annum 407. tribuit, hac Constitutione, quæ *SEPTIMA* est Honorii Indulgentiarum *hoc titulo*: Anno D. 414. Nempe ut ceteroquin Honorius hoc Anno Africam subleuatum iuit (quod superiore mense emissâ ab eodem constitutio ad Hadrianum PP. ostendit; cuius tres partes *hoc Codice* continentur; puta *lex 11. sup. de curiosis: leg. 33. sup. de erogat. mil. annon. leg. 12. sup. de metatis*) ita & hac eidem succursum voluit, post Heraclianum videl. in Africa superiore Anno debellatum: & prouocandæ eius in posterum deuotioni, præcisa inter alia præcipua calumniandi materia ex annosis & veteribus Reliquis. Septennii igitur postremi tantum Reliqua ab Anno Dom. 407. in hunc Annum 414. a *Nauiculariis* inferri vult Honorius, vicennii præcedentis Reliquis remisiss; Cuiusmodi vicennalis indulgentiæ alterum exemplum suppeditat l. 16. *inf. Nauiculariis*, inquam, qui annonam ex Africa ad urbem Romam subuehebant: de quibus *suo titulo infr. lib. 13. t. 5.* cuius tituli l. 38. seu *ult. hoc ipso Anno* ad eosdem Africæ *Nauicularios* pertinet.

Interea singularis hæc admodum *lex* est in Indictionum argumento: quæ tamen ipsa cum aliis pugnare videatur. Nam quæ in *Valentiniani III.*

Eutropii Consulatam incidens Indictio hic *Quarta-decima* dicitur, ea in l. 3. *sup.* ab eodem Honorio *prima* dicitur: ab aliis *Quintadecima* notatur: Rursum quæ in *Honorii VII. & Theodosii iterum Consulatam* incidens, *Quarta* hic dicitur, eam Theodosius lunior l. 9. 10. *inf. hoc t. Quintam* vocat, adscripto nominatim Consulatam *dict. leg. 9.* ab aliis *Sexta* dicitur: Quare. Ill. Scaliger *lib. 5.* Emendat. pro *quartadecima* reponerat *decimamtertiam*: at *lib. 3. Canon. Isagog. pag. 305. Quintadecimam*, pro *Quarta*, *lib. 5. Emendat. Sextam.* Petauus quoque *Quintadecimam* probabat: sed pro *Quarta*, *Quintam* ex *leg. 9. 10.* reponerat. Verum & *hanc leg. & alias* ab Emendatione, vnica obseruatione vindico. Nempe, quod Indictionum initium non vbique idem fuerit: Nempe enim *Italicam* Indictionem ab Anno Dom. 312. duci video: quo pertinet *lex 3. & l. 7. sup. b. t. Orientalem* ab Anno D. 313. quo spectat *lex 11. sup. de cursu publ. l. 11. sup. de iure fisci: l. 9. 10. 16. b. t. l. vn. sup. de Classis: l. 14. sup. de Nauicular. l. 173. sup. de decurion. l. 33. sup. de annona & tribut. l. ult. sup. de conlat. donatar.* Karthaginensem Africæ Proconsularis ab Anno Dom. 314. quo pertinet hæc *lex 8. & lex 6. sup. Africæ dioceseos* ab Anno D. 315. quo spectat *lex 3. sup. de Equorum collat.* His ita distinctis, apparet omnia recte habere.

IX. (a) Idem AA. Anthemio PF. P. (b)

P. 203.

PER omnes prouincias *Orientis* ex *Indictione Vndecima Valentiaca* (c), in *Quintam* (d) vsque nuper (e) transactam *Indictionem*, (f) annorum scilicet quadraginta, id est, ex Consulatam Diuorum Valentiniani & Valentis iterum (g) Augustorum, vsque ad Consulatam inuictissimi Honorii Patru(i) mei septies (i), & meum iterum, omnium generalium (k) titularum sub æqua lance (l), tam Curii, quam conlatori priuato, & Patrimoniali, Diuinæ quinetiam domui, omnique iuri munifico (m) necnon & cellariis (n), præter (o) trium metallorum debitoribus (p) (Docimeni, Proconensis, & Troadensis) concessimus reliqua: siue species, siue æs (q), pecunia, aurum, argentumque debetur: ita vt nec horreis, & (r) Præfectoriæ Arcæ, nec nostro (s) aliquid ex his Ærario debeat. Sequentis temporis debitis ex *Indictione sexta* vsque ad præsentem *Duodecimam* emergentibus necessitatibus reseruatis. Dat. V. Id. April. Constantinop. Constantio & Constante Coss. [414.]

DE eadem rescriptum Edictum ad Populum, (t) ad Marcianum Com. S. L. Musellio Præposito sacri cubiculi (v) *de titulis ad domum sacram pertinentibus.* Ad Rectores prouinciarum, & *de metallariis* edictum ad Populum per prouincias Illyrici, & ad Rectores prouinciarum.

NOTAE.

(a) Et hæc *lex* abest a *Cod. Iust.* velut temporaria. Hanc *leg.* suam memorat Theodosius Iun. l. *prox. 10. & l. 11.* Et imitatur. l. 16. *inf. GOTHOF.*

(b) *Anthemius* PP. sub Theodosio Iun. *Orientis*, vt apparet statim ex initio legis: v. *Protopogr. ID.*

(c) Ita rursum vocat l. 10. *prox.* id est A. D. 368. *ID.*

(d) Id est A. D. 407.

- (e) *Nuper*, ante septennium. *ID.*
 (f) Inclusive seu transactum: alioquin *ἀλλογισία* esset, aut *καταχρησμός*, cum nonnisi 39. forent. *ID.*
 (g) Id est, A. D. 368. *ID.*
 (h) Hinc quoque apparet *hanc l.* Theodosio Iun. tribuendam esse. *ID.*
 (i) Id est A. D. 407. *ID.*
 (k) *Generales* tituli, quibus *personalia debita* opponuntur *l. 3. ID.*
 (l) Dimensione, *l. 16. inf. ID.*
 (m) *Municipium ius*, *b. l. & l. 16. inf. ID.*
 (n) *Cellaria*, species Cellarienses, *l. 16. inf.* de quo dixi ad *l. ult. de off. Iudicum omnium*, & ad *l. 6. sup. de annona & tribut.* *ID.*
 (o) Repetitur hoc, *l. 11. inf. ID.*
 (p) Metallorum seu lapidinarum per Illyrici tractum mentio quoque *l. 8. sup. de metallis. ID.*
 (q) Vid. *sup. tit. de conlat. aris. ID.*
 (r) *Nec. ID.*
 (s) Vtrique arario, *d. l. 16. inf. ID.*
 (t) De hac *subscriptione* mox. *ID.*
 (v) *Præpositus S. Cubiculi* hic adhuc Comiti S. L. postponitur: qui octennio post, A. D. 422. prælatu est: dixi *tit. de Præpos. S. Cubiculi. ID.*

COMMENTARIUS.

THEODOSII Iunioris, qui Orientis Imperio præerat, Indulgentiæ Tributorum sex *hoc titulo* sequuntur, quarum ut hæc prima, ita & omnium plenissima est: Ita quidem etiam, ut duæ proximæ, puta *lex 10. & 11.* ad huius interpretationem pertineant: & *lex 16.* ad huius instar & exemplum efformata sit. Plenissima, inquam, hæc Indulgentia est triplici ratione; tum ratione temporis, tum ratione locorum, tum ratione subiectæ materiæ, id est, debitorum publicorum.

Ratione *Temporis*, inquam; quod hic primo loco notandum est. Nempe enim quadraginta annorum solidorum hæc Indulgentia est, ab Anno videl. 368. ad A. D. 407. inclusive: id enim tum quadraginta annorum numerus requirit, tum expresse ostendunt extrema *legis*: ubi ab Indictione sexta, id est ab A. D. 408. huius Indulgentiæ finis computatur.

Secundo hæc Theodosii Iun. Indulgentia plenissima est ratione *locorum*: Eam scil. omnibus Orientis provinciis tribuit: quod accipi potest de Orientis diœceseos provinciis, quæ sub Comitibus Orientis dispositione erant, ut quinquennio post *hanc legem* testatur *Notitia Imperii fol. 71.* nempe Palæstina, Phœnice, Syria, Cypro, Cilicia, Palæstina secunda, Palæstina salutari, Phœnicie Libani, Enfrateni, Syria salutari, Osrhœna, Mesopotamia, Cilicia secunda, Isauria, Arabia. Positum tamen quoque accipi de universo Orientis Imperio, vel saltem Præfectura Prætoriana Orientis: illud, argumento eorum quæ de metallis & provinciis Illyrici adiciuntur: istud, propter Anthemium PP. Orientis, ad quem hæc *lex* data est.

Tertio plenissima est hæc Theodosii Iun. Indulgentia ratione *Titulorum*, ex quibus publico quid debetur: cui egregie respondet Marciani Imp. Indulgentia Reliquorum *Novella 2.* Omnium scil. generalium titulorum (de qua voce dixi ad *l. 3. sup.*) hæc Indulgentia est; a quibuscunque, cuicunque, & in quocunque genere debitorum. A quibuscunque, & cuicunque: siue, inquam, a Curiis, seu Curialibus, (qui scil. Susceptores & Exactores erant, de quo iam ad *leg. 3. sup.*) siue a conlatoribus ipsis, siue privatis, siue patrimonialibus: id est a possessoribus,

ut loquitur *dicta lex 16. inf.* privata rei & patrimoniali collationi obnoxii, siue diuina Domui, siue alii cuicunque iuri munifico: Quinimo & Cellariis, id est instructioni annonariæ Palatiorum, Prætoriorum, Mansionum; de quo dixi ad *leg. 6. sup. de annona & tribut.* & *l. ult. sup. de off. Iudicum omnium* quod & ipsum Marciani Indulgentia exprimitur *d. Novella 2.* cum alioquin singularis horum ratio videretur.

Quarto, plenissima est ratione *Materiæ*: siue, inquam, species, siue æs, siue pecunia debeatur: siue denique aurum, argentum: quæ duo tamen postrema in Indulgentiis excipi solita quandoque: In Iulianeæ sane excipiuntur *l. 1. sup.* ubi plene dixi.

Quinto plenissima adhuc est hæc Indulgentia, & huic similis *d. lex 16.* cuicunque Reliqua debeantur, siue horreis, siue Arcæ Præfectoriæ, siue vtrique Ærario: Nempe his tributa inferebantur, quod ipsum docuit quoque *lex 3. sup. l. 13. & 16. inf.* de Arca Præfecti Prætorio, docet quoque *lex 3. 6. sup. lex 16. & l. ult. inf. & lex 19. sup. de erogat. mil. ann.* a qua Præfecti Prætorio Arca, *Arcarii* Præfectorum dicti; quorum meminit Cassiodorus *XI. Var. 8.*

Et hæc quidem de huius Indulgentiæ amplitudine: qua causa etiam (quod Sexto loco hic notandum) hæc *lex* non tantum ad Anthemium PP. emissæ est, verum quod ostendit subscriptio *legis*, de eadem re scriptum hoc Edictum, seu hæc Indulgentia ad *Populum* indistincte, velut debitorem, ad *Comitem S. L.* quia hæc Indulgentia quoque pertinet ad ea, quæ sacro Ærario, seu Principis Largitionibus debebantur: Item ad *Præpositum S. Cubiculi*, quia & ad diuinæ Domus debita, hæc Indulgentia pertinet, qua causa ad eum scriptum nominatim dicitur Edictum de *titulis*, seu super titulis ad *Domum sacram pertinentibus*: Diuina scilicet Domus sub Præposito S. Cubiculi fuit: de quo plene ad *leg. 2. sup. de Palatinis S. L. & ad leg. vn. sup. qui a præb. Trionum.* Item scriptum hoc Edictum ad *Rectores Prouinciarum*, ut quos tributariæ rei omnis cura spectabat. Postremum ad *populum & Rectores* provinciarum Illyrici *de metallariis*, id est super metallorum debitoribus; nam & his Indulgentia data, exceptis de quibus

quibus mox. Mirum interim hic, non & de ea re scriptum ad Comitem R. P. cum tamen de utroque Aërario hæc lex sit. Certe similis plane indulgentiæ Marciani Imp. *Novella* 2. subscriptio est: Sicquidem vt ad Comitem quoque R. P. Eodem exemplo ea scripta dicatur: *Scripta Palladio viro Illustri P. F. P. Orientis: Hermogeni viro Illustri Comiti S. L. Genadii viro Illustri Comiti R. P. Maximino viro Illustri Comiti & Præposito S. Cubiculi.*

Septimo interim notandum, quod de metallariis provinciarum Illyrici dicitur: frequentia scil. per Illyricum metalla fuere, de quibus *l. 3. 7. 8. sup. de metallis*: de iisdem accipienda *lex vn. inf. de mensis oleariis.*

Duas tamen limitationes & exceptiones ad hanc Indulgentiam addit Theodosius Iun. Prima est, quod Octauo loco hic notandum, trium tantum metallorum debitores ab hac Indulgentia excipiantur; vt & *diff. lex n. inf.* (quos tamen ipsos Marcianus sua Indulgentia complexus est) nempe Docimeni Proconensis & Troadenfis metallorum. E tanto scil. metallorum numero, quæ per orbem Romanum fuere vt docet quoque *lex 8. §. 4. D. de panis*: & quidem per Orientis Imperium, ac nominatim etiam in Illyrico, quæ Imperatori conferebantur, tria hæc omnium insigniora fuere, marmora scil. clariora Docimena, Proconensia, Troadenfia: De singulis videndum est. *Docimenum* in Phrygia fuit, vbi locus Docymæum, vel Docimæa: de quo Strabo, Ptolomæus *lib. 5. c. 2.* Itinerarium *Pentingerianum*, Stephanus *de Urb.* & quidem prope Synada in *diff. Itiner.* De hoc Docimeno Phrygiæ metallo, seu marmore, plene Strabo *lib. 12. pag. 397.* *fin. pag. 365.* Edit. *Almeloucen.* ἐπέκεινα δ' ἐστὶν Δοκιμία κόμη, καὶ τὸ λατόμιον τῆς Συναδίας λίθου, ἔτῳ μὲν Ῥωμαῖοις καλῶσιν: οἱ δὲ ἐπιχώριοι Δοκιμήτην, καὶ Δοκιμαίαν καταρχὰς μὲν μικρὰς ἐλάσας ἐκιδόντες τὰ μέταλλα. Διὰ δὲ τὴν ἐπὶ περὶ πρυμνέλειαν τῶν Ῥωμαίων κίστες ἐξαίρεται μονάδιαι μεγάλοι, πλησιάζοντες τῷ ἀλαβαστρίῳ λίθῳ κατὰ τὴν ποιότητα ὥς τε καὶ περὶ ποδῆς ὅσης τῆς ἐπὶ θάλατταν ἀγῆνης τῶν τιλικῶν Φορτίων, ὅμως καὶ κίστες καὶ πλάκες εἰς Ῥώμην κομίζονται θαυμασὰ κατὰ τὸ μέγεθος καὶ καλότητος: ab altera parte est Docimia Pagus, & lapidicina Synnadici lapidis, vt quidem Romani appellant: nam incole Hemicitidem & Docimeam vocant. Ee fodine ab initio exiguas glebas ediderunt, sed ob sumptuum magnitudinem, quam nunc faciunt Romani, eruantur magnæ columnæ solidi lapidis: varietate ad Alabastritem accedentes lapidem: ita vt quanquam multum huiusce onerum ad mare vatum deducatur: tamen & columnæ & tabulæ Romani perferantur, magnitudine atque pulcritudine admiranda. Epiphanius *de lapidibus XII. in Veste Aaronis num. 12. in fin. p. 230. Tom. II. Oper. Edit. Colon.* ἄλλοι δὲ πρὸς καὶ τὸν λίθον τὸν μαρμαρίνον ἀπὸ τῆς Δοκιμίας, ψευδονύμως ὀνυχίτην καλῶσι, διὰ τὸ καθαρόν τῆς λευκότητος. Alii vero sane & ipsum marmor Docimeum onychitam vocant, falso nomine propter puritatem albedinis. Stephanus *de Urb. pag. 241. Edit. Gronou.* Δοκιμίων πόλις

Φρυγίας, ὡς Εὐδαίμων τὸ ἐθνικὸν δοκιμῆς κατὰ τὴν γλῶσσαν: κατὰ δὲ τὴν συνήθειαν δοκιμῆς, ἀφ' ἧς τὰ μαρμαρα ἔτῳ Φασί. *Docimenum, vbi Phrygiæ, vt Eudæmon. Gentile, Docimeus, secundum artem, sed secundum consuetudinem Docimenus. A quo marmora sic dicunt.* Idem ergo marmor Docimenum & Synadenfe: cuius Synnadis marmoris mentio non vna apud Statium: sic vt candidum fuisse ostendat purpureis maculis interstinctum. Hinc & Synnades columnæ apud Capitolinum, in *Gordianis cap. 32.* Proconensia dicta a Proconeso insula, quæ vna est e Sporadibus. Horum quoque mentio fit apud Plinium *lib. 36. cap. 6.* & in Diocletiani, & Maximiani constitutione *Codice Gregoriano lib. 19. tit. 4.* & exinde Auctor *collat. Legum Mosaic. tit. 15. §. 3.* vbi Manichæorum nonnulli, Forensibus vel Proconensibus metallis dari iubentur. Plinius iterum, *lib. 5. c. ult. Insule in Propontide ante Cyzicum Elafonnesus, vnde Cyzicenum marmor: eadem Neuris & Proconnesus dicta.* Strabo *lib. 13. pag. 405. fin. pag. 380. edit. Almeloucen.* Περωκόννησος πόλιν ἔχουσα καὶ μέταλλον μέγα λευκὸς λίθος σφιδæρα ἐπαίνυμειον, τὰ γὰρ καλῶσιν τῶν ταύτης πόλεων ἔργα, ἐν δὲ ταύτῃ περὶ τὴν πόλιν ἐστὶν ἐν Κοζιμῶ ταύτης ἐστὶ τῆς λίθου. Proconnesus urbem habens, & Jodina lapidis albi valde laudati: itaque earum, quæ isti sunt, urbium opera, ac præcipue Cyzici ex eo sunt lapide. Auctor vetus *de marmoribus*: τῶν λίθων ὁ Περωκόννησος λευκὸς μὲν, φλέβας δὲ διέλκει μέλανας, πῇ μὲν εἰς εὐθύ, πῇ δὲ καμπύλας καὶ συνεστραμμένας (α). Id ipsum indicat κατ' ἀντίθεσιν Plinius *lib. 37. cap. 10. in f. Zmilaces in Euphrate nascitur, Proconnesio marmori similis, medio colore glauco.* Et Simiacus Solinus *Polyhistor. cap. 37. Gemma ad imaginem marmoris Proconnesis, nisi quod in medio umbilico lapidis istius glaucum, vt oculi pupula, internitet.* Theodoretus *lib. 4. c. 19. fin. c. 22. Edit. Cantabrig.* τοῖς Φρυγίοις καὶ Προκοννησίοις παρεδίδοντο μετάλλοις. Meminit & Iustinianus, *Novella 22. cap. 8. Troadenfe tandem metallum procul dubio a Troade, vbi Ida mons in Asia Proconsulari, qua parte & Paros fuit: vnde Parium marmor.* Cur autem ab hac Indulgentia hæc tria metalla excipiuntur? Nempe propter luxum huius æui marmorumque cupiditatem in opera publica & quidem Constantinopolitana.

Sequitur *sine legis* limitatio altera huius Indulgentiæ: ei locum iam non esse ultra quadraginta anno: sequentis enim temporis ab A. D. vsque in Annum præsentem 414. debita ad emergentes necessitates debet. Ad extremum, notabilis est quoque, eo hæc lex, quod cum Indictiones quattuor memorat, suisque numeris accurate designet, de quo *ad l. super. 8.* illud insuper docet pariter *vt lex 10. prox.* ab Imperatorum nominibus Indictiones designatas, in quorum videl. tempora inciderent, licet non inchoatæ eorum temporibus, quod tamen Baronius & Scaliger tradiderunt: sic Valentiana vndecima Indictio *h. l. & d. l. 10.* quæ in Annum Valentis Imp. quintum inciderat, sane Constantinianæ Indictiones in *chronico Alexandr.* dicuntur, quæ Constantini tempore cœperunt.

X. (a) Idem AA. Aureliano PF. P. (b)

INDVLGENTIAM (c), quam ex *Vndecima* (d) *Indictione Valentiaca*, in *Quintam* vsque nuper transactam, generaliter per omnes prouincias & populos sparsimus, nonnulli (e) visi sunt in suum compendium rapinamque conuertere, vt fierent priuata debita, quæ fuerant publica: Ideoque, vt largitatem nostram non nomine, sed re ipsa Prouinciales experiantur, a nullo Ordine obtentu anticipatæ per se (f) inlationis, vterius aliquid exigantur (g), cum eis (h) sufficere debeat ad medellam quidquid & ipsi ex eadem indulgentia meruerunt, quam sacrilego animo temerare conati sunt. Dat. V. Id. Iul. Constantinop. Honor. X. & Theod. VI. AA. (i) Coss. [415.]

NOTAE.

(a) Abeſt & hæc lex a *Cod. Iust.* velut temporaria. *GOTHOF.*

(b) *Aurelianus* sub Theodosio Iun. PP. Orientis & iterum quidem: v. hoc ipſo Anno l. ult. *ſup. de crim. peculatus*: l. 1. *ſup. de donat.* l. 4. *ſup. de inceſt. nupt.* l. 22. *inf. de ludæis*: l. 37. & 58. *inf. de hereticis*. v. *Proſopogr.* ID.

(c) *Legis* 9 *ſup.* ID.

(d) A. D. 368. ID.

(e) *Ordines* ciuitatum: *inf. anſo ordine.* ID.

(f) Ab Ordine. ID.

(g) Prouinciales. ID.

(h) Ordinibus ciuitatum. ID.

(i) Incidunt in hunc ipſum annum Theodoſii *Quindecennalia* imperii viuente patre ſuſcepti: Quod teſtatur *Cbron. Alexandrin.* Vid. ANTON. PAGIVS in *Crit. ad Annal. Baron. b. a. num.* 1. RITTER.

COMMENTARIUS.

SUPERIORIS Indulgentiæ, ſeu *legis* 9. hæc explicatio quædam eſt: pariter, vt *lex* 11. *inf.* altera quædam explicatio eſt. Hæc in *Ordines*, (id eſt Curias ciuitatum) dirigitur: Nempe cum ſuperior Theodoſii Iun. indulgentia quadraginta annorum proceſſiſſet, quidam Ordines ciuitatum nihilominus poſſeſſores adhuc exigere perſiſtebant, nempe eo obtentu, quod ipſi Ordines intra illud tempus aliquando pro poſſeſſoribus per ſe aliquid in anteciſſum anticipato ſoluerant (vti ſæpe Ordines ſeu Curie ciuitatum id facere ſolebant, mox quicquid ſoluiffent recuperaturi a poſſeſſoribus) Igitur, hanc anticipatam per ſe olim ſolutionem, hæc indulgentia emiſſa, Curie exigere volebant: ſic fiebat, vt hæc Indulgentia in eorum compendium rapinamque conuerteretur: & vt fierent priuata debita, quæ fuerant publica. Quare Theodoſius *b. l.* ei rei intercedit, vt ita Indulgentiam ſuam prouinciales non

nomine, ſed re ipſa fortirentur: hæc addita ratione: quod Ordinibus ſeu Curiis ciuitatum ſufficere debeat, quod & ipſi plurimum ex hæc Indulgentia conſequantur, nempe multorum Reliquorum annorumque relaxationem: quare, neque hanc in aliis Indulgentiam ad medellam, ſacrilego animo temerare debere. Quod ſingulare ius ſeu ſingularis caſus obſeruandus eſt: nempe, *etiam ſolutum pro alio Indulgentia generali comprehendit.*

Porro *Aureliano PP.* hæc lex inſcribitur & ad eius proculdubio relationem: quo forte referri poſſit *Syneſii epiſtola* 31. *ad Aurelianium*, ei gratias agens ob ea bona, quæ in ſummo Magiſtratu conſtitutus vniuerſis Ciuitatibus & Gentibus contulit, καὶ ἀπομνηſταὶ τῶν ἀγαθῶν, ὧν ἐπὶ τῆς μεγάλης ἀρχῆς ἀπασι ἰδνεον αἰετος γέγονας, bonorumque eſſe omnium memores, quæ ſummo magiſtratu in omnes contuliſti.

XI. (a) Idem AA. Monaxio PF. P. (b)

PRIMIPILI (c) reliqua tanquam ad nuper (d) emiſſam generalem (e) indulgentiam minime pertineant, ſagitari cognouiſimus. Ideoque ſancimus, primipili quoque reliqua eiſdem temporis (f) relaxari, nec quemquam debere pro eo tempore, quod indulgentia definiuit, primipili vel cuiuslibet alterius tituli gratia conueniri; præter Docimæni, Proconenſis, & Troadenſis metallorum debitores, quos & dudum (g) latæ indulgentiæ ſeries comprehendit. Dat. V. Id. Sept. Heracleæ (h) Theod. A. VII. & Palladio Coss. [416.]

NOTAE.

P. 206.

(a) Abeſt & hæc lex a *Cod. Iust.* velut temporaria. *GOTHOF.*

(b) *Monaxius* ſub Theodoſio Iun. PP. Orientis: vid. *Proſopogr.* ID.

(c) *Primipili*, id eſt Annonæ militaris exactæ: v. *Gloſſar.* ID.

(d) *Nuper*, ante biennium & quinque meſes: mox tamen *dudum.* ID.

(e) Intelligit *legem* 9. *ſup.* ID.

(f) Quadraginta annorum ab A. D. 368. ad A. D. 407. ID.

(g) *Da-*

(g) *Dudum*, ante biennium & quinque menses: supra *nuper*. *ID.*

(h) *Heraclea* hoc tempore Theodosius Iun. quod etiam testatur Auctor Chronici Alexandrini, *bis COSS.* *ID.*

COMMENTARIVS.

PRIMIPILI quoque reliqua, generali Indulgentia a se emissa contineri, pariter vt quoscunque alios titulos, solis trium metallorum debitoribus, quæ hic designantur quoque exceptis, definit *hac l.* Theodosius Iun. *Primipili* id est annonæ militaris debitorum, id enim est Primipilum, *hac l. & l. u. inf. de decurionib.* a quo & Primipili necessitas: *l. 7. sup. de Cohortalib.* passus Primipili: *l. 3. u. n. 16. sup. d. tit. de cohortalibus.* Et *Primipilares*, qui exigendæ annonæ isti imminabant, & ad pascendos milites solemniter ad limitem destinabantur, *l. 6. dicto titulo de cohortalib.* Ergo & hos quoque Primipilares, annonæ militaris debitores, Reliquatores, generali indulgentia comprehendi voluit *hac l.* Theodosius Iun. De quo tamen *dubitatum* hoc tempore, sic vt non obstante generali illa indulgentia, primipili Reliqua flagitarentur. Annonæ scil. militaris fauor & Priuilegium id deposcere videbantur, vt alia compluri-

ma sunt militaris annonæ priuilegia, vt pote ad militis securitatem destinata: de qua annonæ militari, variasque eius priuilegii *sup. tit. de erog. mil. annonæ.* Verum contra nunc rescribit Theodosius Iun. *hac l.* quæ proinde nil aliud est quam superioris alicuius legis explicatio; pariter vt *lex 10. supra*, altera explicatio est *legis 9.*

Possit tamen quis ita existimare, *hac l.* non illam *l. 9.* explicari, verum recentiore aliquam, forte Indulgentiam, quam *initio leg. NUPER* emissam, ait: & a qua separari videatur *dicta lex 9.* quæ *sine leg. DV V M* lata dicitur. Etsi scio eandem leg. eodem sensu dici posse *nuper*, & *dudum* latam: *dudum* videlicet ratione temporis, vt pote ante biennium lata: *nuper* ratione ordinis, quia vltimum etsi non ita pridem lata, concessa: de qua vocis *dudum* appellatio ne iam aliqua notauimus, ad *leg. celebrandis 19. Cod. Iust. de nuptiis*, p. 16.

XII. (a) Idem AA. Palladio PF. P. (b)

PRÆTER (c) censuales functiones; *Campania* (d) (quam & verustatis grauior onerat adscribitio, & post hostium (e) vastauit incurfio) per æquatis (f) territoriis, nonam partem tantummodo præteriti assis (g) publicarum toleret functionum. *Picenum* vero & *Tusciam*, Suburbicarias regiones septimam Tributorum, ad supputationem professionis (h) antiquæ, per vniuersos titulos iubemus agnoscere; Vt reciso antiqui census onere, is tantum modus quem superius comprehendimus, chartis publicis (i) inferatur: hac conditione, vt omnis super desertorum (k) nomine querela in posterum conquiescat. Dat. XVII. Kal. Dec. Rau. Honor. XII. & Theod. VIII. AA. Co ss. [418.]

NOTAE.

(a) Absit & hæc *lex a Cod. Iust.* velut temporaria. Hanc *legem* suam nam memoret & ampliet Honorius Imp. quinquennio post, *l. 14. inf. mox* inquiram. *GOTHOF.*

(b) *Palladius* sub Honorio Imp. PP. & quidem Italiae, vt docet vel hæc *lex*, vbi de Campania, Piceno & Tuscia agitur: v. plura in *Prosopogr. ID.*

(c) De huius vocis locique sensu, *mox. ID.*

(d) Cuius pars Campania Latina, vbi proxima, de qua dixi ad *l. 12. sup. de panis. ID.*

(e) Id est Gothorum & Alarici. *ID.*

(f) De *Peraquatione* suo *tit. inf. lib. 11. ID.*

(g) *Assis*, est integra, solida quantitas, modus cuiusque rei. *ID.*

(h) *Professio*. De hac voce iam sæpe: & nominatim *l. 10. sup. de annon. & tribut. vid. & inf. Paratist. de Censu. ID.*

(i) *Chartæ publicæ* sunt polypctica: de quibus iam *supra hoc titulo*, & *l. 13. prox. ID.*

(k) Agrorum: de his querelis super desertis dixi ad *l. 10. sup. de annonæ & tribut. v. & inf. suo tit. de Censu tribus. ID.*

COMMENTARIVS.

ITALIE prouinciis tribus, puta Campaniæ, & duabus suburbicariis regionibus, Piceno inquam, & Tusciæ, singularem indulgentiam tribuit *hac l.* Honorius Imp. A. D. 418. quæ quidem octaua est *hactenus* ex Honorianis Indulgentiis.

Quæ & ipsa celebris euasit in argumento *regionum suburbicariarum*. Duo quippe inde iam liquido conficiuntur: Primo Picenum & Tusciam de suburbicariarum regionum numero fuisse, quod etiam discimus ex *Notitia Imperii*, quæ nouem ferme annis post *hanc l.* scripta est, & ex Maioriani *Novella de adulteriis 9.* Imo & de Tuscia vrbicaria *te-*
Tom. IV.

flens quoque Gaius & Theodosius inter *finium regum. r. 107.* dorum Auctores, p. 260. edit. Rigalt. & pag. 253. edit. Goer. Secundo discimus, *Campaniam* de suburbicariarum regionum numero non fuisse: cum ab iis *hac l.* apertissime separetur: verum de hoc plura dicere superfedeo, quando iusti ea de re extant Commentarii.

Nunc de hac ipsamet Indulgentia videamus: quam tamen alicubi obscuram reddere videtur *initium legis*: ibi, *Præter censuales factiones*. Quid enim est illud *Præter*: cum de censualibus functionibus *hac l.* vnice agatur: quod etiam ostendunt illa

circa finem leg. *Vt reciso antiqui CENSUS onere, is tantum modus, quem superius comprehendimus, chartis publicis inferatur.* Fuit tempus cum crederem, hac l. discrimen statui inter Campaniam & suburbicarias illas regiones non tantum in modo præstationis tributorum seu in quantitate, quod clarum; verum etiam in ipso præstationis genere: quasi Campaniæ plenius consulatur hac quoque parte quam suburbicariis illis: quæ tamen exæquatæ fuerint, l. 14. inf. *verum vt illam leg. 14.* cum hac nil commune habere ibi ostendam, ita in hac l. de unico genere præstationis agitur: sed vniuersali, quod omnes præstationes in se continet: *Censualium* scil. *functionum* nomine omne quicquid publico penditur ex possessionibus, continetur. Vnde mox eadem sex appellationibus designantur, quæ idem significant. Dicitur *Adscriptio*: Item *Assis*, id est soliditas, vniuersitas: eo enim *assis* appellatio a re nummaria translata: Item *publica functiones*: Item *Tributa*, Item, *professio*, & quidem *per vniuersos titulos*: Tandem *census onus*. Cum igitur de vno tantum, sed vniuersali, præstationis genere hic agatur, non possit vox *Præter*, initio leg. posita, hic stare: pro qua proinde reponam *Propter*: *propter censuales functiones*, id est functionum censualium nomine. Alioquin de harum duarum vocum inter se commutatione, dico ad l. 7. inf. *de scenicis*. Nisi forte hic legendum putet quis, argumento, l. 7. sup. *Præter cursuales functiones*: id est exceptis functionibus ad reparationem cursus. Nam & sic equi *Cursuales*, & *reda* *Cursualis* dicuntur.

Huius igitur leg. hæc sententia est: Campaniam deinceps ~~nonam~~ tantum partem eius quod censualium vel publicarum functionum nomine, quod professionis, quod tributorum, quod census ratione, tolerabat, agnoscebat, soluere præstare debere: Picenum vero & Tusciam paulo maiorem, septimam videl. Et rationem addit Honorius, cur enixius, cur amplius Campaniæ consultum velit, quam duabus illis Regionibus: eamque duplicem; nempe, quod Campaniam & vetustatis grauior one-

raret adscriptio, & post hostium vastasset incurfio. Quod priorem rationem attinet, hinc est quod Campania sæpe de grauiore adscriptione seu tributorum modo conuicta reperitur, censuram releuationum petiisse: & in id, de desertis & squalidis locis querelas detulisse, quod præter hæc *huius l.* verba, *peræquatis territoriis*, quæ indicant item extrema legis, ibi, *omnis super desertorum nomine querela*, testatur expresse *lex 2. sup.* eiusdem Honorii, ante 24. circiter annos lata. Quare & Inspectoribus misis, *peræquata territoria* Campaniæ, quod & hic & d. l. 2. indicatur: de quibus alioquin Inspectoribus & Peræquatione, *tit. inf. de Censitoribus, Peræquatoribus & Inspectoribus*. Posterior ratio est, quod Campaniam vastasset hostium incurfio, id est Gothorum: de quo iam plene dixi ad d. l. 7. sup. vbi Campani pariter quorundam tantum partem veteris modi & præstationis soluere iussi: vt hic plenior iam Indulgentia, nonam.

Et hæc de Campaniæ. Similem vero, etsi non tantam, sed adstrictiorem paulo, Indulgentiam tribuit hac l. Honorius Piceno & Tusciæ suburbicariis regionibus. Et hanc ipsam tamen proculdubio non dissimili ratione, quomodo & Tuscia Picenumque simili Indulgentia quoque comprehensæ Anno 413. ante quinquennium l. 7. sup. Nam & has provincias super desertis querelas detulisse, ex *sine l.* colligitur & hæc ipsæ pariter a Gothis vastatæ fuere. Sane per *Picenum* Alarichum Romam contendisse, prodit quoque *Zosimus lib. 5. cap. 37.* & exinde concessisse *lib. 6. extremo.* De *Tuscia* a Gothis, Alaricho, & Ataulpho vastata testis *Zosimus quoque lib. 5. cap. 42. & 45.* Est quoque hic *Rutilii Claudii Nummatiani* locus, qui circa hæc ipsa tempora scribebat *lib. 1. v. 40.*

Postquam Tuscus ager, postquam Aurelius agger

Perpeffus Geticas ense vel igne manus.

vbi etiam *Aurelius agger*, est via Aurelia in Tuscia suburbicaria.

XIII. (a) Idem AA. Venantio Com. R. P. (b)

BREVES (c), quos Spectabiles (d) ac probatissimi nobis Viri ac (e) Palatinorum sacrum (f), vel ad Prætoriana, scrinia (g) detulerunt, & professionis (h) modum eum qui breuibus sedit (i), scribi volumus: Eum vero qui recisus est de chartis publicis, iubemus auferri. Vnde secundum fidem polypicorum (k), per *prouinciam Proconsularem* (l), nouem milia duas centurias (m), iugera centum quadraginta vnum, *in soluendo*: & quinque milia septingentas centurias, iugera centum quadraginta quatuor semis *in remouendis* (n). Per *prouinciam* vero *Byzacenam* (o), in *præstanda* functione septem milia quadringentas sexaginta centurias, iugera centum octoginta: septem milia sexcentas quindecim vero centurias, iugera tria semis *in auferenda* (p) constat adscripta: vt circa eos, quibus conlocata ac releuata (q) sunt prædia, ad securitatem perpetuæ proprietatis intermina (r) possint ætate seruari. De his vero quæ Edictis pendentibus nondum sunt certis assignata personis, Rectores prouinciarum decernimus providere, vt, manentibus remediis quæ fides supradicta adtribuit, idoneis conlocentur. Dat. X. Kal. Mart. Rau. Honor. XIII. & Theod. X. AA. Coss. [422.]

NOTAE.

(a) Abest & hæc *lex a Cod. Justin.* velus temporaria. GOTHOFR.

(b) Venantius, sub Honorio Imp. A. D. 412. Comes R. P. qui idem Anno proximo PP. fuit, vt docet *lex 2. sup. de decur. & silent. ID.*

(c) De

- (c) De *Breuibus* v. Gloss. *Theod.* ID.
 (d) *Inspectores* vel *Peræquatores* missos ad inspicienda & peræquanda loca intelligit, de quib. *suo titulo*. ID.
 (e) *79. Ad* de quo mox. ID.
 (f) *Sacrarium* absolute, de quo mox. Male hic nonnemo tentabat *sacrarium*. ID.
 (g) *Scrinia* Præfecti Prætorio, & Comitum S. L. vel R. P. ID.
 (h) *Professionis* vox. De hac voce ad l. 10. *sup. de annona & trib.* ID.
 (i) *Sedisse breuibus* dicitur modus professionis, id est qui recisus, desertis, remansit & comprehensus est breuibus: ut sequentia mox ostendunt; vbi modus recisus de chartis publicis opponitur modo, qui breuibus fedit. Somnia enim ægri sunt, quæ Gutherius 3. *de off. domus Aug. cap. 9. p. 489. siu pag. 590. 591. edit. Lips.* de Magistro census & de Censitoribus, qui in Censu agendo sedebant, scribit. ID.
 (k) *Polyptica*, b. l. & l. 2. *sup. de discussorib.* vbi plene dixi: paulo ante *chartæ publicæ* vocantur. ID.
 (l) *Proconsularis* provincia, Africa. ID.
 (m) De *Centuriis* his dixi iam aliquid ad l. 10 *sup. de annona & trib.* dicam mox adhuc plenius. ID.
 (n) *Remouendis*: ut inf. *auferenda*. ID.
 (o) *Byzacena* provincia. ID.
 (p) Id est inter auferenda, in numerum auferendorum: sic proponenda, l. 2. *sup. de veteranis*, vbi familia assero. ID.
 (q) De *Releuatis* prædiis *tit. sup. de conlat. donat. vel releu. poss.* ID.
 (r) *Interminata* ætas, continua, æterna: sic Apuleio *de mundo pag. 337. Edit. Lugd. B. 1623. apud Ioan. Maire*, interminus lapsus. Ausonio, ad *librum ut eat ad Probum Ep. 16. v. 66. felicitas intermina. Secula intermina, Prudentio contra Symmachum lib. 2. v. 106. Intercessio intermina, Sidonio lib. 7. ep. 4. ID.*

COMMENTARIVS.

AFRICÆ provincie Proconsulari, BYZACENÆ, concessam ab Honorio Imp. indulgentiam A.D. 422. continet hæc lex: Ad querelam videl. quod primo hic notandum earum provinciarum super agris desertis, pariter vt l. 2. & l. 12 *sup.* Et post Inspectores in id missos, (quod secundum,) peræquandis territoriis, & sterilium fundorum numero subducendo, pariter vt *dictis legibus*: de quo alioquin Inspectorum mittendorum more *infra, suo tit. de Censitorib. Peræqu. & Inspectorib.* Huiusmodi vero Inspectores in id missi ad eas provincias hoc tempore, quos Honorius initio legis, *Specetabiles ac Probatissimos sibi Viros* dixit & intellexit, de quo *dicto tit. de Censitorib.* Hi vero (quod Tertium) inspectione facta, Breues retulerant, quibus continebatur modus professionis, id est fundorum, qui reuera censibus subiacerere deberent, contra numerus fundorum, iugerum, centuriarum, quæ a censu remouenda, auferenda essent. Eosque Breues, pro more scil. (quod Quarto loco notandum) partim ad *scrinia* Palatinorum *sacrarium*, partim ad Prætoriana *scrinia* detulerant. Nempe enim tributa quædam ad *scrinia* Præfecti Prætorio, seu eius Arcæ inferebantur, de quo dictum ad l. 9. *sup.* partim ad *scrinia* Comitum S. L. vel R. P. (vnde & hæc lex inscripta Comitum R. P.) sic enim hic legendum, *Ad Palatinorum sacrarium*, *scrinia* videl. ἀπὸ τῶν κοινῶν: non vt Iuretus in Symmachum *Epist. lib. 10. ep. 45. Palatini munerationum sacrarium*. Primum enim hic omnino pro ac, reponendum ad, quod sequentia mox ostendunt: Duum scil. generum Breues hic memorantur. Alii, qui ad *scrinia* Palatinorum *sacrarium* delati: Alii qui ad *scrinia* Præfecti prætorio: Contra, retinendum, *Palatinorum sacrarium*, nullo præterea addito: *Sacrarium* absolute, vt *sacrarium* priuatarum, l. 18. *sup. de Palatinis* S. L. l. 17. 18. *sup. de exactionib.* *Sacrarium* iudex, apud Ennodium in *tertia dictione pag. 1053. Tom. 1. Oper. Sirmondii*. Ita quoque Comes, & Comitum Priuatarum, l. 49. *inf. de appellationib.* l. 120. *inf. de decur.* Magistri Priuatarum, l. 14. *de decurionib.* De quo plura ad d. l. 18. Quibus ita constitutis, apparet male hunc

Tom. IV.

locum ita a Gutherio emendari, infarta voce, ad *Principem: Ac Palatini Sacrarium ad Principem, vel ad Prætoriana scrinia*. Verum ad rem. Ergo relationem Breuesque horum Inspectorum hac l. confirmat Honorius, suaque adeo Indulgentia prosequitur: Nempe per *Africam* proconsularem, optimorum fundorum, quorum nomine tributa seu functiones *prestande* essent, *soluendæque*, (qui fundi *ταμῶν*: Theodoretus *Ep. 42.*) numerum hunc colligit.

Centurias ix. M. & ii.

Iugera Cxli.

Desertorum contra, seu qui remouendi essent, & auferendi, quos Theodoretus ἐλευθερίως vocat.

Centurias V. M. & dcc.

Iugera cxliv. & Semis.

Per provinciam *Byzacenam* optimorum fundorum.

Centurias vii. M. cccclx.

Iugera clxxx.

Desertorum & sterilium contra.

Centurias vii. M. dcxv.

Iugera xii. & Semis.

Vbi duo notanda veniunt. Primo; maiorem per *Byzacenam* centuriarum & Iugerum numerum fuisse, quam per *Africam* proconsularem: & sic *Byzacenam* maiorem *Africa* proconsulari fuisse: quod aliunde clarum. Secundo, vt aliunde, ita ex b. l. discimus, quæ Iugerum ad centurias proportio fuerit: Nempe enim Iugera hic numerantur, quæ nondum centuriam efficerent, seu supra centurias superessent, ad 141. 144. imo & ad centum octoginta quoque. Et sane, Centuria ducenta ferme iugera continebat: de quo plene iam ad l. 10. *sup. de annona & trib.* vbi & de Professionis voce, modoque in polypcticis seu tabulis censualibus & plenissime *titulo de censu*. Et hæc quidem de centuriis & iugeribus, quæ certis personis iam assignata erant. Sed enim erant per *Africam* proconsularem & *Byzacenam* centuriæ quædam iugeraque, quæ nondum erant certis personis assignata, & sub Edictis pendebant.

Ec 2

Quod

Quod de signatis ait certis personis lucem accipit ex his quod Siculus habet *de condit. agrorum, cap. de Quæstoriis agris*: & *cap. sequenti de diuisis assignatis pag. 16. edit. Goer.* ubi assignari ait agros viritim nominibus: & mox *pag. 17. edit. cit. datum assignatum singulis personis certum modum, aliquando assignatum unum modum compluribus.* Sic & ager mi-

litibus assignatus, Vlp. l. 15. §. 2. *D. de rei vindicat.* Quod vero additur de *Edictis pendentibus*, id eo pertinet, Quod incertiagri publici proscribebantur Edictis, vel assignandi vel locandi certis personis. De his vero id addit *hac leg.* Honorius, huiusmodi agros penes idoneos collocent Rectores prouinciarum.

XIV. (a) Idem AA. Rufino (b) Com. S. L.

QVOD de Annonariis (c) functionibus per *Vrbicarias* (d) *regiones* Clementia Nostra concessit (e), etiam in *Largitionalibus* titulis, & *Emphyteuticis* Reipublicæ prædiis custodiri mandamus. Amotis igitur reliquis, etiam circa *Largitionales* (f) titulos, debita ex præsentī *Indictione* constituet (g), chartis abolitis debitorum (h). Capitali sane supplicio percelleretur, quisquis prouincialem (i) supra constitutum hac auctoritate (k) modum debitæ functionis adstrinxerit. Regesta (l) VI. Id. Febr. Rau. Asclepiodoro & Marignano Coss. [423.]

NOTAE.

- (a) Absent & hæc *lex a Cod. Inst.* velut temporaria. *GOTHOFREDVS.*
 (b) *Rufinus*, Comes S. L. sub Honorio Imp. A. D. 423. cuius nulla præterea extat mentio. *ID.*
 (c) *Annonariæ* functiones, *b. l. & l. 4. sup.* dicam mox. *ID.*
 (d) *Vrbicariæ* regiones. De his alibi dictum. *ID.*
 (e) *Concedendi* voce hac utitur quoque *lex 2. 3. sup. ID.*
 (f) *Largitionales* tituli, dicam mox. *ID.*
 (g) *Constitues.* *ID.*
 (h) *Debitorum*, id est reliquorum, ut *sup. ID.*
 (i) *Prouinciales*, etiam possessores *urbicariarum* regionum dicti, quomodo & ipsæ *urbicariæ* regiones, *prouincia.* *ID.*
 (k) *Auctoritas*, pro functione & constitutione Principis passim: *b. l. & l. vn. inf. de Centurionib. l. 2. inf. de his qui condit. propr.* Apud Symmachum itidem, aliosque: vid. Iurem in Symmachum *lib. 7. ep. 122. ID.*
 (l) *Regesta.* De hac subscriptione mox, & in *Prolegomenis.* *ID.*

COMMENTARIVS.

VRBICARIIS Regionibus datam a se Indulgentiam amplificat & extendit *hac leg.* An. D. 423. Honorius Imp. Nempe quam Indulgentiam iis regionibus dederat Annonariatum functionum, eam nunc extendit ad Titulos Largitionales, & ad Emphyteutica Reipubl. prædia: ubi *Annonariæ functiones* pariter ut *l. 4. sup. & l. 15. sup. de annonæ & tribut.* sunt ea, quæ horreis, vel ad Illustres viros Præfectos Prætorio, seu Arcæ Præfecti Prætorio inferebantur, *l. 3. 6. 9. vers. ita ut nec horreis supra: & leg. 16. inf. in f. quæ glebali pensioni opponuntur dict. leg. 4.* Item largitionalibus titulis, seu his quæ ærario utriusque Principis inferuntur: & ad Largitiones eius pertinent, priuatæ quoque rei, *dict. leg. 3. 6. 9. & inf.* Hinc adeo hæc *lex* inscripta *Comiti S. L.* quia scilicet de *Largitionalibus titulis* in ea agitur.

Atvero aliud Annonarum genus fuit: a quo *Annonariæ* regiones, *urbicariis* oppositæ, nempe quæ in Principis & cellarii eius vsus dabantur. Quæ duo annonarum genera distinguere nescierunt Scriptores quidam de *Suburbicariis.* Ad Emphyteutica quoque prædia hanc Indulgentiam extendit nunc Honorius Imp. de quibus semel dixi *libro 10. tit. 3. de locatione fundor. &c.*

Hæc quidem ita in *hac l.* perspicua sunt. At enim euasit hæc *lex* iam controuersa & celebris in argumento *Regionum Urbicariarum*, siue *suburbicariarum*: ubi anxie quæritur hanc ad diem, ad quam *legem* hæc *lex* respiciat; tum ad *leg. 7. sup.* quæ data

est ante decennium Anno Dom. 413. ubi octo Italiae prouinciæ nominantur, *Campania, Tuscia, Picenum, Samnium, Apulia, Calabria, Brutii, & Lucania*: Quod quidam contendunt, ut ita omnes illas prouincias *Vrbicarias* faciant: an vero ad *legem 12. sup.* quæ data est ante quadriennium, fine Anni 418. ubi *Piceni & Tusciæ suburbicariarum Regionum* fit mentio, quod alii quoque contendunt? Ut vere dicam, neutrum mihi nunc probatur. Hos primum deficit ratio, non vno argumento. Omitto quod alibi prolixè probatum est, prouincias *ea leg. 7.* memoratas nentiquam fuisse de *Vrbicariis* regionibus. Verum Sex ex *ea ipsa leg.* argumentis. Primum est, quod *lex* illa 7. *Generalem* Indulgentiam continet omnium functionum, non modò *annonariæ* functionis: Ecce enim apertissima eius verba; *Ex omni præstationis modo, quem antiqua solemnitas detinebat: mox, partem soluant publicæ functionis*: Atquin eam Indulgentiam, quæ hac nostra memoratur & ampliatur, fuisse oportet de *annonariis* tantum functionibus. Secundum est, quod Indulgentia *dict. legis 7.* nonnisi ab Anno 410. ad Annum vsque Domini 415. processerit, ac proinde ab eo Anno 415. cessauerit. Atquin ea qua de agitur *hac leg.* vim suam adhuc tenebat. Tertiò, Indulgentia *dict. legis 7.* quæ data est Anno 413. continet singularem Indulgentiæ speciem, partim in futurum ad Annum vsque 415. partim in præteritum ab Anno 410. hæc vero *lex* nostra, ut & *ea* Indulgentia, quam commemorat

morat & amplificat, Reliqua præteriti temporis vni-
ce respicit, *Amotis igitur Reliquis*, inquit; mox, *de-
bita ex præfenti Indictione constitues, chartis abolitis
debitorum: debitorum*, id est, Reliquorum, ut priora
illa ostendunt, & secretior vocis *debitorum* signifi-
catio: de qua iam sæpe. Quarto, chartæ penitus
*hac leg. aboleri inbentur: ibi vero, quinque annorum
Indulgentia contributa, partem* (quintam) *solui pu-
blice functionis*. Quinto, temporis intervallum
F. 110. inter illam leg. 7. & hanc, integri decennii, nimis pro-
lixum est, ut ea Indulgentia decennio post, ampli-
atione ad aliam speciem functionis producat. Quo-
modo alias *lex 9. anno statim proximo l. 10. produ-
citur*. Quod minime patitur etiam huius tempesta-
tis ratio, & infelix horum temporum status, & qui-
dem per Italiam, ut tam seruum remedium in alia
specie tanto post adhiberetur. Postremum: aliæ
deinceps nouæque Indulgentiæ, illa l. 7. posteriores,
per Italix prouincias, ab illius leg. 7. Indulgentia
penitus recedentes processere, nouamque formam
induxere, ab illa diuersam, sic ut illa velut oblitera-
ta iam, nulla interpretatione seu ampliatione amplius
indigeret. Et hæc quidem de l. 7.

Sed neque legem 12. sup. hac leg. memorari & am-
pliori censeo: nam & ea continet Indulgentiam ge-
neralem: *publicarum*, inquit, *toleret functionum*:
& mox, *per vniuersos titulos iubemus agnoscere*: At-
quin ea quæ hic commemoratur, de Annonariis tan-
tum functionibus fuit. Quare ita existimo, post
annum 418. quo ea *lex 12. data est*, emissam aliam &
posteriorem ante hanc leg. nostram, & quidem re-
center, siue constitutionem, siue Indulgentiam, qua
annonariorum functionum præterea Reliqua per vrbica-
rias regiones indulta fuerint; quod nunc haud mul-
to post ad *Largitionales* quoque *Titulos* extendit
Honorius. Et vero, quod argumentum ad superio-
ra addi velim; nullum verbum hic occurrit, quo ve-
tus aliqua constitutio vel Indulgentia indicetur; imo
omnia nouitatem redolent, seu nouam & inusitam
Indulgentiam: *Quod Clementia nostra CONCES-
SIT*; item, *etiam CVSTODIRI mandamus*. At-
enim si de veteri aliqua Indulgentia ageretur, occur-
rerent illa, in hac re vsitata, *DVDVM, PRIDEM,
OLIM, IAM OLIM*.

Hac ita controuersia discussa, superest notanda,
simul & illustranda, huius leg. subscriptio, quæ hoc
Codice vnica est, & singularis: Dicitur scilicet ea,
REGESTA VI. Id. Febr. Rauenna, id est in acta seu
gesta relata Comitum S. L. cui hæc lex inscribitur. Et
si similem subscriptionem præferat quoque consti-
tutio 19. Appendicis Codicis Theodosiani: *Regestum
Rauenna die XV. Kal. Februarias* [Anno D. 417.]
Regesta scil. constitutio dicebatur, quæ ad speciale
alicuius Iudicis officium pertinebat, inque eius Iu-
dicis gesta seu acta referebatur, regerebatur: Quo-
modo & ipsa Iudicum acta seu monumenta Regesta

quoque dicebantur. Ita Theodosius Ian. cum No-
uella sua de huius Codicis confirmatione, nullas alias
constitutiones, quam hoc Codice comprehensas in iu-
diciis referri vellet: *Exceptis*, inquit, *his quæ habentur
apud militem sancta Principia, vel de titulis pu-
blicis expensarum, aliarumque rerum gratia, quæ in
REGESTIS diuersorum officiorum relata sunt*. Et
Iustinianus quoque Theodosii Iun. prorsus exemplo
in leg. vn. §. 4. de Codice Iust. confirmando ad Men-
nam PP. *Sed & si quæ REGESTA in Tui Culmi-
nis iudicio, vel in aliis iudiciis civilibus, vel milita-
ribus, vel apud Principia numerorum, pro publicis
expensis, vel quibuscunque titulis ad publicum perti-
nentibus posita sunt, ea etiam prout communis rei
commoditas exigit, firma esse censemus*: Hinc &
Regesta quoque Scribarum apud Vopiscum in Probo,
cap. 2. vbi ait, quod in conscribenda Probi vita, præ-
ter libros ex Bibliotheca Vlpia, & domo Tiberiana,
vsus etiam esset REGESTIS SCRIBARVM porticus
Porphyreica, Actis etiam Senatus ac populi. Ex
hisc tribus locis, omnium hac de re antiquissimis
apparet, Regesta fuisse Monumenta, Actaque publi-
ca diuersorum Officiorum & Iudicum, veluti Præfe-
ctorum Prætorio, aliorumque Iudicum, qua ciui-
lium, qua militarium: imo & in vrbe Roma, Scri-
barum, de quibus scribis l. i. sup. de lucris officiorum:
in quæ inter alia referebantur Constitutiones Princi-
pum ad cuiusque officium pertinentes. Ideo Regesta,
quod in ea regerentur seu referrentur, quæ opus
erat. *Regerendi* scil. vox hac in re propria, Quinti-
lianus, lib. 2. c. u. inf. *Simili quæ commentariis pue-
rorum sit, in quos ea quæ aliis declamantibus lau-
data sunt, REGERVNT*. Et lib. 3. c. 6. *Sunt enim
velut res REGESTÆ in hos commentarios, quos puer
deduxerat schola*. Indeque & *Regerendarii* dicti:
Sic quoque Honorius Imp. leg. 2. sup. hoc Cod. & Cod.
Iust. de discussoribus, ait, *securitates*, (id est Apochas
solutorum tributorum) REGESTAS (id est relatas, in-
sertas) *polyptici*, (id est libris censualibus.) Ergo
ut actio ipsa, ita & libri actaque, in quæ illa regere-
bantur, seu referebantur, REGESTA dicta: Inde &
Glossis Nomicis: *κῆρυξ καὶ περὶ τὴν ἀπογραφὴν
τῶν ἀρχαίων, ἀπὸ τῆς ὑπογραφῆς*. Et de-
inceps quoque apud Anastasium in V. Nicolai I. PP.
Regestum Præfatis: Quæ vox paulatim in REGI-
STRVM migravit. Ergo & hæc lex Regesta, seu re-
lata, in Acta & Regesta Comitum S. L. de earum con-
stitutionum numero est, quas Theodosius Iunior
Novella sua excepit, quasque in Regesta diuerso-
rum relatas testatur; vel ut Iustinianus, in regesta
civilium officiorum: & quidem quod vterque testa-
tur, de publicis expensis & titulis: cui rei ipsa lex hæc
fidem facit, quæ est de *Largitionabilibus titulis*, & ad
Comitem S. L. data est. Eo itaque iam pertinet
hæc subscriptio: Vbi dies quoque, quo hæc lex
Regesta, adnotatus est, quomodo alibi diem in
constitutionibus notatum videmus, quo ex Proposi-
ta, Data, Accepta, Lecta, fuerunt.

XV. (a) Impp. THEOD. Valentinianus AA. Tauro PF. P. (b)
& Patricio (c).

QVICVMQVE ex inposita (d) descriptione donatis releuatisque per sacram liberalitatem (e) obnoxium (f) se esse ex parte vel ex integro cognoscit, nostri Numinis beneficio liberetur; &c. Dat. XII. Kalend. Iul. Constantinop. Hariobindo & Aspare Coss. [434.]

P. III.

NOTAE.

- (a) Adest & hac lex a *Cod. Iust. GOTHOFR.*
(b) *Taurus* PP. sub Theodosio Iun. Orientis scil. simul & Patricius A. D. 434. cui hoc ipso Anno, praelata eadem dignitate inscribitur *lex vn. de bonis Clericorum*: Inscribitur eidem Anno superiore 433. *lex 16. inf. b. t. & l. 17. seu ult. sup. de Numerariis*: & *lex 9. Cod. Iust. de adfessoribus*; vbi tamen dignitatis titulus omissus est. Ad eundem Taurum Patricium exstat Theodoret *ep. 88.* vbi dignitatem eius summam tribus locis indicat. Extant ad eundem tres Ildori Pelusiotae epistolae. v. *Protopogr. ID.*
(c) De hac Patriciarus dignitate alterius Comite, dixi ad *l. 1. sup. de Consul. & Patric. ID.*
(d) Extra ordinem. *ID.*
(e) Principis. *ID.*
(f) *Obnoxius, ἐπὶ δουλος. ID.*

COMMENTARIUS.

THEODOSII Iunioris tres iam *supra* Indulgentiae fuerunt, *l. 9. v. n.* sequuntur tres aliae: quarum hac proxima tempore posterior est: est enim in *his legibus ὕστερον πρῶτερον* admissum ab *huius Codicis* Conditoribus. Et haec quidem Indulgentia, non canonicarum functionum & solemnium indulgentia est; sed indulgentia extraordinariae cuiusdam collationis, (quae & ipsa tamen Canonica facta fuerat, vt docet *Nouella eiusdem Theodosii 33.*) quae donatis & releuatis inposita fuerat: de qua fuit *supra* peculiaris titulus de *conlat. donatarum vel releuatarum possessionum*. Nempe, vt coeteroquin huiusmodi possessionibus extra ordinem cum id necessitas flagitaret, collatio seu descriptio imponebatur, ita & sub Theodosio Iunior, & vel maxime inpositam reperio: vt docent quatuor eius hac de re constitutiones: puta praeter hanc *leg. lex 5. 6. illo tit. de*

conlat. donatar. vel releu. poss. & d. Nouella Theodosii 33. de releuatis adaratis vel donatis possession. (vnde etiam desumpta est *lex vn. Cod. Iust. de Collat. donatar.*) ac nominatim ante triennium, & quod excurrit, Antiochi PP. dispositione, ad quem scripta est *d. lex 6.* cuiusque mentio fit *dict. Nou. 33.* Verum *hac leg.* Theodosius Iunior *Reliquorum* istius Antiochenae collationis Indulgentiam tribuit: *Reliquorum*, inquam, ad hoc vsque tempus, id enim vult his verbis *Quicumque obnoxium se esse ex parte vel ex integro cognoscit, liberetur*. Huius enim collationis in posterum indulgentiam non facit, quod etiam ostendit *dict. Nouella 33.* vbi decennio post hanc *leg.* Antiochi PP. dispositionem confirmat. Quomodo & Marcianus Indulgentiam hanc eandem collationem excepit, *vers. si quid autem.*

XVI. (a) Idem AA. Tauro PF. P. (b)

A *Sexta* (c) *Indictione*, ad quam superior (d) indulgentia vsque processit, ad *Vndecimam* (e) nuper transactam, sub qua dimensione (f), tam Curiis, quam possessori (g) priuato ac patrimoniali, diuinae quinetiam domus (h), ex (i) omni iure munifico, necnon & in speciebus cellariensibus (k), reliqua indulgemus: ita vt quae in istis viginti (l) annis a *Sexta*, qua dictum est, *Indictione*, *Vndecimam* vsque per omnes titulos, siue in speciebus, siue pecunia, auro, argentoque debentur, nomine reliquorum omnibus conceduntur, nihil de his viginti annis speret publicorum cumulus Horreorum, nihil Arca amplissimae Praefecturae, nihil vtrunque nostrum Atrarium. Dat. X. Kalend. Maii, Theod. A. XIV. & Maximo V. C. Coss. [433.]

NOTAE.

- (a) *Ἐπὶ δουλος* hic admissum ab *huius Codicis* Conditoribus, haec enim *superiorem* anteuertere debuit. Haec *vera* efformata est ad instar *legis 9. sup. GOTHOFR.*
(b) Eidem *Tauro* PP. inscribitur *d. lex superior*, vbi dixi. *ID.*
(c) Id est ab Anno Dom. 408. *ID.*
(d) *Legis 9. sup. ID.*
(e) A. D. 428. *ID.*
(f) *Lance, d. l. 9. ID.*
(g) *Conlatori d. l. 9. ID.*

(b) *re.*

(h) *yp. Domui. ID.*

(i) *yp. Et omni iuri munifico, v. d. l. 9. ID.*

(k) *Cellariis, d. f. 9. ID.*

(l) *Ergo Indictio vndecima ipsa seu Annus 428. hac Indulgentia non continetur. ID.*

C O M M E N T A R I V S.

THEODOSIUS Iunior Anno D. 433. quam Reliquorum Indulgentiam generalem quadraginta annorum *l. 9. sup.* tribuerat, ab Anno D. 368. ad Ann. D. 407. inclusive; Eandem nunc tribuit viginti annorum proximorum, ab Anno D. 408. ad Ann. D. 428. efformata hac *leg.* prorsus ad instar & exemplum *eius l. 9.* sic ut ad *eam l.* dicta, & *huic* sufficiant.

P. 218.

XVII. (a) Idem AA. Isidoro PP. P. (b)

DEBITA (c) Susceptoribus (d), ante *Decimam* (e) *Indictionem* congregata, quæ Sedes Excella (f) pretiis humanioribus adærauit (g), ex parte dimidia condonamus; Arcæ (h) cetera inferri præcipimus. *Dar. Prid. Id. Iul. Constantinop. Isidoro & Senatore Coss. [436.]*

N O T A E.

(a) Absit & hæc *lex a Cod. Iustin.* Iungendæ videatur *huic l.* emendato mense & die *lex 3. sup. de Indictionib. lex 2. de frum. Alexandr. l. 2. de Alexandr. pleb. primatib. lex 189. 190. 191. 192. inf. de Decurionibus. GOTHOFR.*

(b) *Isidorus PP.* Orientis sub Theodosio Iun. A. D. 433. 436. v. *Prosopogr. & Theodoretum ep. 47. ad Proclum Ep. Constantinopol.* Isidorum Pelusiortanum *ep. 299 lib. 1. ID.*

(c) *Debita*, id est tributa, annonas, reliqua. v. *Gloss. ID.*

(d) *yp. A Susceptoribus.* De susceptoribus est *infra, titulus 6. lib. 12. ID.*

(e) Id est A. D. 427. *ID.*

(f) *Præfecti Prætorio. ID.*

(g) *Adærauit*, id est pretio æstimavit, taxavit: v. *Glossar. & tit. de Conlat. donat. l. 6. ID.*

(h) *Arcæ Præfecti Prætorio*: de qua iam sæpe *hoc titulo* ac nominatim *l. 9. & l. prox. 16. sup. ID.*

C O M M E N T A R I V S.

THEODOSII Iunioris postrema hæc *hoc titulo* Indulgentia est, Anno D. 436. non iam collatores seu possessores respiciens, sed *Susceptoribus* data; id est iis qui debita seu tributa & annonas congregabant (vt vel ex *hac ipsa leg.* liquet, & *tototit. de susceptoribus, inf. lib. 12.*) & quidem eius susceptionis nomine, quæ facta fuerint ante *Decimam Indictionem*, id est ante An. D. 427. Neimpe cum susceptores species annonas, tributa a se congregata suscepta ante eum annum, Arcæ Præfecti Prætorio, non intulissent quod facere eos oportebat, (tributa enim Præfecti Prætorio dispositionem & curam respiciebant) & sic reliquati fuissent, Præfectus quidam Prætorio & quidem *Isidorus*, vt existimo, cui hæc *lex* inferbitur, de quo mox, pretium eis posuerat seu pretio adærauerat, sic vt specierum loco eos pecuniam inferre iussisset; & quidem humanioribus pretiis adæratione facta. Et tamen cum preces suas de ea adæra-

tione susceptores apud Theodosium Iun. allegassent, Theodosius ad has preces hanc Indulgentiam emisit; qua iam dimidiam partem adærationis seu taxati pretii eis condonat, & alteram partem Arcæ Prætorianæ inferri iubet. Singularis hæc igitur & personalis Indulgentiæ species est, qua non iam Collatoribus seu possessoribus indulgentia debitorum tribuitur; sed susceptoribus; & quidem Indulgentia leuioris adærationis.

Isidori interim PP. nominis occasione, cui hæc *lex* inferbitur, omittere non possum, quod Theodoretus Ep. Cyri narrat, *Ep. 47. ad Proclum Ep. Constantinopolitanum*, de Inspectoribus per hæc tempora, per duodecim annos, misis; releuatisque possessionibus, *Inspectorum* notitia, *γνώσις*, quam primus probauit *Isidorus PP.* confirmavit & successor eius *Florentius*.

DE RELATIONIBVS.

TITVLVS XXIX.

LIB. VII. COD. IVST. TIT. LXI.

Harum Relationum pleni sunt libri decimi epistolarum Plinii & Symmachi. De iisdem & Aristides *orat. in urbem Romam pag. 361. Editionis Canteri, siu. pag. 207. Tom. I. Oper. Edition. Oxon. Sam. leeb.* Earundem mentio apud Am. Marcellinum non vno loco, *lib. 15. & 29. Minvoris Græcis.* Aliud Relationis genus est ab hoc id, de quo *l. 2. sup. ad leg. Corn. de falso.* Sublatæ hæ *Nouella Iustin. 125.* non vero a Theodosio Iun. *l. 32. Cod. Iust. de appellat.* quod perperam credit Scriptor *de off. Domus Augustæ, lib. I. c. 26. 27.* multo minus ab Arcadio, quo tamen is trahebat locum *Zosimi lib. 5. cap. 9.* De Relationibus & Consultationibus in Ecclesiasticis: vid. *leg. 45. inf. de Episcopis.*

PARATITLON.

RELATIO, Rubr. & *l. 2. 3. 4. 5. b. t. l. 8. 9. 13. 31. 34. 47. 54. 65. tit. prox. de appellationib.* Valentiniani *Nouella 12. de Episcopali iudicio, vers. Si quis a suspecto iudice.* est Consultatio Principis a Iudice super aliquo dubio; unde & Consultatio pro Relatione: *l. 3. 4. b. t. & Rubr. & l. 1. 8. 34. 35. 47. 66. tit. prox. de appell. & consultat. & l. 9. de diu. rescript.* item Consultum, *l. 11. d. t. de appellat.* Opinio, *l. 5. b. t. l. 6. 8. 9. 11. inf. de appellat.* suggestio, *l. ult. b. t.* Iudex scil. Etiam Præfectus prætorio, *l. 4. de spectaculis:* Præfectus urbis, *l. 55. de cursu publ.* Rectores prouinciarum *l. 12. de cursu:* siue in ciuili siue in criminali causa: *l. 3. 5. b. t. l. 24. inf. de appellat.* cognitis utriusque actionibus: *l. 1. inf. de appellat.* non ad vnius litigatoris querimoniam, *l. ult. b. t.* si essent quæ iuridica sententia (ab eo) decidi non possent, *l. 1. b. t.* si super aliquo hæsitandum putaret, *l. 2. hoc tit.* dubitaret; *l. 5. b. t.* si ex iustis causis aliquid quo minus iudicare statim posset, reperiret inceptum: *l. 36. inf. d. t. prox. de appellat.* si ratio aut necessitas in negotiis esset requirendi iudicia Principis: *l. 4. b. t.* ante sententiam latam, non post: *l. 2. b. t. & l. 13. inf. t. prox. de appellat.* relationem promittebat. *l. 5. inf. dicto tit. prox.* unde, promissa relatio: *l. 2. b. t. & l. 31. 34. 65. inf. d. tit. prox.*

Ceterum relatio ita facienda erat, vt omnem omnino causam relationis series comprehenderet, vt recitata ea propemodum actorum recitatione opus non esset: *l. 4. b. t.* nihilque adeo mitti oporteret, quod plena instructione indigeret, *l. 1. supra de iudiciis.* Deinde vt non passim, nonnisi de paucis (Et iustissimis causis) fierent: *l. 1. b. t. v. & l. 2. inf. de operib. publ.*

Huius consultationis seu relationis *Exemplum*, (antequam ad Principem mitteretur) litigatoribus a Iudice prius edebatur, *l. 35. b. t. l. 1. inf. t. prox. de appellat.* exhibebatur, *l. 8. inf. d. t. prox.* apud acta intra 10. dies ab ea promissa, *d. l. 1. inf. tit. prox.* quæ confirmatur *l. 8. d. t. prox.*

Si cui litigatorum minus plena, vel contraria ea videretur, *l. 1. inf. tit. prox. Refutatorias* is preces, *l. 1. inf. d. t. prox.* refutationem, *l. 11. d. t. prox.* refutatorias, *d. l. 11. & l. 5. b. t.* refutatorios libellos, *l. 8. 24. d. t. prox.* Iudici offerebat, *l. 1. 8. d. t. prox.* dabat, *l. 5. b. t.* allegationibus refellebat, *l. 3. b. t.* apud Acta, intra dies quinque, *l. 1. 8. 24. inf. d. t. prox. v. & l. 5. b. t.* quos quidem libellos Iudicem exigere voluit Constantius, *l. 24. inf. tit. prox.*

Post hæc ita facta, ordo seruandorum, vt loquitur *lex 5. b. t.* hic erat: Consultatio seu Relatio vna cum refutatoriis ad Principem mittebatur, *l. 5. b. t.* trans mittebatur, *l. 31. inf. tit. prox.* dirigebatur, *l. 11. infr. tit. prox. l. 4. 5. b. t.* ad scrinia Principis, *l. 34. inf. d. tit. prox.* vid. & *l. 54. dict. tit.* ad sacra scrinia, *l. 65. inf. d. t. prox.* (Epistolarum scilicet: has enim consultationes magistrum epistolarum inter cætera tractasse docet *Imperii Notitia fol 62*) ad Comitatum, *l. 1. 8. inf. d. tit. prox.* Item vna cum Actis, quæ necessario socianda: *l. 9. d. tit. prox.* vt gesta erant, *l. 24. inf. tit. prox.* ita vt simul omnia ad eam, de qua refert, causam

sam pertinentia. Acta transmitti oporteret: *l. 5. b. 2. & l. 1. 8. inf. tit. prox.* omnia quæ apud Iudicem qui refert, vel apud alios gesta in eo negotio: *l. 1. inf. d. t. prox.* breuiter, plena instructio; *l. 1. sup. de Iudiciis.* Idque intra 20. dies ab ea promissa: *l. 8. inf. tit. prox.* intra 30. *l. 31. 34. 85. eod. tit.* (quod idem in appellationibus: *l. 20. 32. inf. tit. prox.*)

His ad Principem missis, litigatores ad Comitatum Principis venire non poterant, *l. 34. de appellat. tit. prox.* intra annum scil. *l. 47. 54. inf. d. tit. prox.* (quod idem in appellationibus, *l. 66. inf. tit. prox.*)

Hæ consultationes recitabantur in Consistorio Principis, *l. 4. b. tit.* Mox ad eas emittebantur, *l. 9. sup. de diuersis rescriptis.* Rescripta, *l. 9. inf. d. tit. prox.* & *d. l. 9. sup. de diuersis rescriptis.* responsa, *l. 4. b. 2. l. 47. 54. 66. inf. d. tit. prox.* Oracula, *l. 54. inf. b. tit. prox.* decreta, *d. l. 8. t. prox.* Cerre, si intra annum responsa data non fuissent tum litigatori ad Comitatum venire, *l. 47. 53. inf. d. tit. prox.*

Rescripta huiusmodi retractari non poterant, *l. 6. 8. 9. 11. inf. d. tit. prox.* & *l. 3. sup. de diu. rescr.* aduersus ea omnis conquerendi copia adempta erat, *d. l. 9. inf. b. 1. prox.* Et tamen, iis tantum negotiis opitulabantur, quibus effusa erant, *d. l. 9. sup. de diuersis rescriptis.* Et hæc quidem de Relationibus ante Iudicium. Fuit enim & alterum Relationum genus, post iudicatum: de quo etiam agitur *l. 5. hoc tit.* Fuit & tertium, super publicis videl. causis: veluti de operibus publicis, *l. 2. inf. de operib. publ.* de rebus ad annonam publicam pertinentibus, *l. 2. ad l. Corn. de falsf. de cursu publico, l. 55. de Cursu.*

I. (a) Imp. CONSTANTINVS A. ad Claudium Plotianum (b) Correctorem Lucaniæ & Brittiorum (c). Post alia (d).

SUPER paucis, quæ iuridica sententia decidi non (e) possunt, Nostram debes consulere Maiestatem, ne occupationes nostras interrumpas: cum litigatoribus legitimum remaneat arbitrium a sententia (f) prouocandi. Dat. VI. Kal. Ian. Treu. Acc. VIII. Id. Febr. Regio (g), Constantino A. III. & Licinio III. Coss. [313.]

NOTAE.

(a) Absit hæc lex a *Cod. Iust.* Iungenda autem illi *lex 1. inf. tit. prox. GOTHOF.*

(b) Claudius Plotianus Corrector Lucaniæ & Brittiorum sub Constantino M. *ID.*

(c) Ita omnes editiones, vna Parisiensi postrema excepta, *b. l. & d. l. 1. ID.*

(d) Quæ continentur *d. l. 1. inf. de appellat. ID.*

(e) Hæc relationum ad Principem causa est: quam ad rem vide *Paratitlon. ID.*

(f) V. similiter Theodosii Iunioris *legem 31. C. Iust. de appellat. ID.*

(g) Regii sedem suam habebat Corrector Lucaniæ & Brittiorum, quod & similis subscriptio (collata cum inscriptione) pariter ostendit *lig. 1. sup. de filiis milit. Apparit.* Et sane Olympiodorus quoque apud Photium *Cod. LXXX. pag. 128. edit. Schotti & Tom. I. Script. R. B. pag. 147 edit. Venet.* Regium Metropolim Brittiorum fuisse testatur: *ὄρι τοῦ Βριττωνῶν μητροπόλις ἐστὶ τῆς Βριττανίας*: ubi pro *Επερατίας*, vt recte iam iudicatum, reponendum *Επερίτις, ID.*

COMMENTARIVS.

INTEMPESTIVIS & promiscuis ad se Iudicium Relationibus in causis priuatorum hæc constitutio, quæ pars est maioris Constantini M. constitutionis, qua is Relationum formam & ordinem constituit: vnde superest quoque *lex 1. inf. de appell.* quæ huic iungenda est; occurrit Constantinus M. ne videlicet occupationes suæ his interrumpantur: Quas & de cætero interrumpi ægre tulisse Constantinum M. aliis argumentis compertum habeo. Hanc inquam rationem hic reddit Constantinus M. At enim in eadem re aliam iam reddit Honorius *l. 55. inf. de appellationibus*: ductam videl. ab ipsa litigatorum utilitate, elegantissima sententia: *Neque enim fas est, quod apud infirmum Disceptatorem definiendi constantiam prouocantis trepidatio retardauit, litigatore sub Consultationis ambiguo iugi expectatione pendere.* Sane quod in priuatorum cau-

sis hæc *l. id.* etiam in publicis eidem Constantino M. placuit *l. 2. inf. de operib. publ.* De rebus, inquit, præcipuis maximisque, non de quibuscunque vilissimis nostrum debent [Iudices] interpellare consilium. Proinde super paucis admodum, quæ omnino iuridica sententia definiri non possent, ad se referri, sequè consuli voluit Constantinus. Et rationem subiicit, superesse scil. litigantibus semper appellationis remedium, atque ideo promiscuis seu frequentibus superferendum relationibus. Eodem pertinere formulas illas rescriptorum, notant nonnulli, me consili de ea re non oportet, *l. 6. D. de leg. Fabia de Plagiaris*: item illa Trajani ad Plinium; Potuisti non herere: Quibus ego non accedo: Illis enim locis & formulis carpuntur Iudices, qui in re certa hæserint & ad officium suum pertinente. Denique de rebus nonnisi dubiis, & modo vindice digno

referendum: Ita l. n. §. 2. D. de minor. Atrius Seuerus, quia dubitabat, ad Imp. retulit. Ipse Plinius ad Traianum lib. 10. ep. 97. Solemne mihi est, omnia, de quibus dubito, ad te referre &c.

Illud interim monendum semel Relationes ad solum Principem fieri oportere: quas etiam sibi ali-

quando Praefectus Praetorio voluisse vindicare a Vicariis suis, ostendit lex 2. Cod. Iust. de off. Vicarii: item Praefectos vrbi: de quo ad intellectum legis 1. Cod. Iust. de legibus, dixi ad l. 1. sup. de iudiciis. De his denique Relationibus est & Libanii locus Orat. regi τῶν ἀρυσταγίων, num. 4. pag. 34. siu. pag. 383. 384. Oper. minor. Gothofred. Edit. Troitz.

II. (a) Idem A. Profuturo PF. Annonæ (b).

SI quis Iudicum duxerit (c) esse referendum, nihil pronuntiet (d), sed magis, super quod (e) hæsitandum putauerit, Nostram consulat Scientiam: aut si tulerit sententiam, minime postea, ne a se prouocetur, Relatione promissa (f) terreat litigantes. Dat. IV. Id. Feb. Sirmio, Constantino A. V. & Licinio C. Co s s. [319.]

NOTAE.

- (a) Legis 1. C. Iust. de Relationib. initium hinc desumptum est. GOTHOFRED.
 (b) Profuturus Praef. Annonæ sub Constantino M. Ei inscribitur hoc ipso Anno lex 1. sup. de contrab. emptione, & lex 1. inf. de pistoribus, quæ duæ inter se coniungendæ sunt. ID.
 (c) Dixeritue. ID.
 (d) Inter partes pronuntiet, ita Cod. Iust. ID.
 (e) Quo, Cod. Iust. ID.
 (f) Promissa, Cod. Iust. sed male; & recte Haloander, promissa: promissa relatio; promittere, spondere relationem, rectum est, ut docet præterea lex 5. 8. 31. 34. 65. inf. tit. prox. de appellat. de quo consule Paratilon. Ita & apud Symmachum lib. 10. Ep. 53. Ergo ut in rebus dubiis fieri solet, ad Clementiæ vestræ salubre iudicium consulamus: licet defensio Patrolana, post PROMISSAM RELATIONEM, incassum crediderit prouocandum: & lib. 10. ep. 36. PROMISSA RELATIONE discedo. ID.

COMMENTARIUS.

ANTE SENTENTIAM latam Iudices si velint & hæsitent, referre debent: at non etiam Post sententiam latam.

Nempe Iudices inferioris gradus quod ægre ferrent, a sententiis suis appellari, atque a se Iudicata ab aliis Magistratibus appellationum remedio retractari, quasi ea rei iniuria sibi & contumelia fieret (quod docebunt complures leges proximo tit. de appellat. l. 2. 4. 11. 13. 15. 20. 22. eius tit.) atque ut id euitarent, Relatuos sese ad Principem dicere, & vero referre soliti. Id quod a Constantino M. hac l. prohibetur, & rursum d. l. 13. inf. de appellat. Denique Relationi ante sententiam: Appellationi post sententiam locus est. Ut illi litigatores intercedere non possunt, l. 1. §. 2. D. de appellat. ita hanc Index impedire non potest.

Cæterum, cum inscribatur hæc lex Praefecto annonæ, exinde colligitur, ipsummet Praefectum Annonæ, a quo ad Praefectum Urbis appellabatur, id egisse, quod hac l. improbat. Eaque causa huius legis ad eum dirigendæ fuerit. Et vero par

quoque ratio legis 4. inf. de appellat. quæ & ipsa Praefecto Annonæ inscripta est: qua pariter constituitur, ut officium eius omnes appellationes citret accipere, nec in recipiendis libellis aliquod genus iniuriæ inferendum cuiquam existimet. Et vero aliunde quoque comperio nescio quam inter hos, Praefectum inquam vrbi, & Praefectum annonæ, fuisse æmulationem, ut inter coniunctas potestates: Id inquam colligo ex l. 1. sup. de condit. in publ. horreis & l. 1. Cod. Iust. de off. Praefecti vrbi, quæ illi iungenda est, & l. 1. Cod. eod. de apparitor. Praef. annonæ. Alioquin ex Notitia quoque Imperii liquet, ut & ex Sidonio lib. 1. ep. 10. sub dispositione Praefecti vrbi fuisse Praefectum Annonæ: vide d. l. 1. inf. de condit. in publicis horreis: vbi plura adhuc. Quanquam antea a Praefecto annonæ ad P. V. appellatum fuisse ostendit lex 8. d. quod cum eo qui in al. pot. & Mecænatis suaforia apud Dionem.

Tandem quomodo hæc lex cum l. 5. inf. concilianda sit, ad eam leg. dicemus,

III. (a) Imp. VALENTINIANVS & Valens AA. ad Viuentium PF. P. (b)

SUPER delictis prouincialium, numquam Rectores prouinciarum ad Scientiam Principum putent esse referendum, nisi ediderint prius Consultationis exemplum. Quippe tunc demum Relationibus plena maturitas (c) est, cum vel allegationibus (d) refelluntur (e), vel probantur ad sensum. Dat. III. Kal. Ian. Treu. Valentiniano & Valente AA.

(f) Coss.

NOTAE.

- (a) *Lex 2. Cod. Inst. eod. tit.* Concordat *lex 5. b. t. & l. 1. 8. inf. de appellationib. GOTHFR.*
 (b) *Vincentius PP.* sub Valentiniano Imp. nempe Galliarum vid. *l. 4. infr. de censu sine adscript.* & *l. 5. sup. de sironib.* hoc hoc ipso Anno 368: plurim in *Protopogr. ID.*
 (c) *Veritas, C. Iust. At hoc rectius. ID.*
 (d) Partium scil. id est Refutatoriis. *ID.*
 (e) *Repelluntur, C. Iust. male. ID.*
 (f) *Yp. AA. 11. COSS.* id est A. D. 368. nam Valentinianus sine Anni 365. id est *Valentiniani & Valentis AA. COSS.* non Treueris, verum Parisiis versatus: Quare non minus *huic l.* quam *prox. sequ.* Gratiani nomen in *Inscript.* adiungendum. *ID.*

COMMENTARIVS.

VALENTINIANI Sen. tres constitutiones sequuntur, de *forma Relationum* ad Principem mittendarum. Et hac quidem iubet **EXEMPLVM** Relationis partibus litigatoribus a Iudice, prius quam ad Principem mittatur, edi; vt eam videlicet vel refutent, vel probent: *b. l. & l. 5. inf. b. t. & l. 1. 8. inf. de appellat.* Aliter ad Principem mitti Relatio non debet: neque missa fidem facit.

Nempe hoc ita constitutum, vt relationi plena *maturitas* esse possit: non vt *Codex Iustinianus* habet, *veritas*: scil. dum expenso a Iudice consilio conscribitur: & a partibus diligenter expenditur, num quid in ea omissum aut commissum fuerit; ne alias minus plena, vel contraria sit, vt ait *d. lex 1. inf. de appellat.* Hinc refutatoriæ; de quibus *l. 5. infr. b. t. l. 1. 8. u. 29. infr. de appellat.*

Intra quod autem tempus edi exemplum relationis, & refutatoriæ debeant, vid. *d. l. 1. 8. 29.*

Cæterum *huius l.* species nominatim versatur circa *Delicta* provincialium: Nempe & in crimina-

libus causis relationes fiebant, vt præter *hanc leg.* docet *lex 5. inf. b. t. & lex 24. inf. de appellationib.* Et vero de atrocibus criminibus, quæ in provincia contingerant, mox ad Principem referre solebant Iudices, vt statueret, quid fieri vellet. Optatus Mileuitanus *lib. 2. c. 17. Cruentas operati sunt ceder, & tam atroces, vt de talibus factis ab illius temporis Iudicibus relatio mitteretur.*

Tandem, cum de refutatoriis speciatim agam ad *l. 5. inf. b. t.* hic *allegationes* eas vocari notandum est. Sic etiam Symmachus *lib. 10. ep. 32. Coniuncta pagina, Allegationibus partium & supplementa iumpserunt. lib. 10. ep. 40. Diuino arbitrio numinis vestri subditis ALLEGATIONIBVS partium summam negotii reseruauit.* Supplementa etiam partium idem vocat *lib. 10. locis quinque ep. 32. 41. inf. 43. inf. 46. 63. seu ult. & lib. 2. ep. 30. Si relatio ad fortunam negotii pertineret, & supplementa vel Refutatorios iurgantes dedissent.*

IV. (a) Idem AA. & Gratianus A. ad Apodemium (b).

SI quando ratio, aut necessitas est, in negotiis Nostra Iudicia requirendi, expectandique Responsa, omnem (c) omnino causam Relationis series comprehendat; vt recitata Consultatione, quæ ita est dirigenda, propemodum auctorum (d) recensione non opus sit: Actis etiam necessario sociandis. Dat. VI. Id. Maii, Treu. Valentiniano NB. P. & Victore COSS. [369.]

NOTAE.

- (a) *L. 3. seu ult. C. Iust. eod. tit. GOTHFR.*
 (b) *Apodemius* sub Valentiniano Sen. Dignitatis titulus omissus. Alius ab hoc Apodemius, qui sub Iuliano exultus: de quo Arn. Marcellinus *lib. 22. c. 3. ID.*
 (c) *Omnes omnino causas. C. Iust. inepte. ID.*
 (d) *Actorum*: habet *C. Iust.* de quo mox. *ID.*

COMMENTARIVS.

PLENAM Relationem esse debere: simul & **ACTA** omnia vna cum Relatione mitti oportere, definit *hac l.* Valentinianus Sen. vt definitur quoque *l. 5. prox. & l. 1. 8. u. 24. 35. inf. de appellationib.*

Plena, inquam, Relatio esse debet, seu vt *b. l.* dicitur: *omnem omnino causam serie Relationis comprehendere*; non vt *Codex Iustinianus* habet, *omnes omnino causas*; inepte: *omnem omnino causam*, quomodo & *infra l. 5.* id est, totius negotii seriem, totam causæ coniectionem, continentiam, textum, quæ plenissime Principem instruant; sic vt & vix *Actorum* recensione opus sit. *Actorum*; in Tom. IV.

quam, non *Auctorum*: Ita certe Constantinus quoque *l. 1. in f. sup. de iudiciis*: *sive definienda sit causa per Iudicem: sive ad nostram scientiam referenda. Nec ad nos mittatur aliquid, quod plena instructione indigeat.*

ACTA tamen seu **GESTA** necessario simul mittenda sunt: vt & Relationis fidem adstruant, & Principem instruant: quod præter *d. l. 5. prox. & l. 1. 8. 24. 31. 35. 47. inf. de appellat.* docet & Symmachus inter alia *lib. 10. ep. 39. Qua ideo Gestorum paginis applicari placuit, vt Eternitas vestra cunctis per ordinem patienter auditis: &c. Ep. 41. Gesta & supplementa partis viriusque subiecti:*
 Ff 2 qui-

P. 217. quibus instructa Perennitas vestra &c. Ep. 42. Hæc est causa querimonie quam diuinis sensibus vestris fides Gestorum plenius intimabit. Ep. 43. Presto sunt, monumenta Gestorum: partium quoque supplementa non desunt. Ep. 44. Fides Gestis rerum coherentibus explicatur. Ep. 45. Suspensa sententia, cuius meritum Perennitas vestra, lectis Gestis ac refutatoriis coherentibus asstiniabit. Ep. 46. Omnium Gestorum fida documenta; supplementis partium Relationi ex MORE SOCIATA sunt. Ep. 47. Quæso igitur, ut Gestis, quæ fidem Relationis asserunt, audire dignemini. Ep. 52. Gestis omnibus DE MORE SVBIECTIS, ut eorum lectio insinuationis meæ asstuat, veritatem. Ep. 53. Presto est Gestorum fides, quæ Perennitatem vestram possit instruere: Ep. 55. Relatione summam CUNCTA complexus, Gestorum quoque documenta subtexui. Ep. 58. Relationi Gestis coniunxi. Ep. ult. Relationi Gestis subtexui, partium quoque supplementa SOCIATI. Et lib. 2. ep. 30. Si Relatio ad fortunam negotii pertineret, & supplementa, vel Refutatorios iurgantes dedissent.

V. (a) Imppp. (b) VALENTINIANVS, Valens & Gratianus AAA. ad Eupraxium (c) P. V. (d).

QVICVNQVE Iudicum, vel appellatione interposita, vel ipse dubitans, relationem in causa, vel ciuili, vel criminali (e), sponderit (f) *se se missurum*, exemplum (g) Opinionis (h) edendæ (i) Refutatoriorumque (k) dandorum, sed & transmittendæ Relationis intra eundem diem feruet, qui Constantiana (l) lege decretus est: Ita ut simul omnia ad eam, de qua refertur, causam pertinentia Acta transmittat. Quod si qui Iudicum posthac non ita obseruauerint cuncta, in Relationibus dirigendis, quæ iampridem statuta sunt, eo crimine tenebuntur, vna cum Officio quod ordinem seruandorum suggerere (m) neglexerit, quo tenentur, qui sacrilegium (n) admiserint, &c. PP. XVI. Kal. Mart. Gratiano A. III. & Equitio Coss. [374.]

NOTAE.

- (a) Absit hæc lex a Cod. Iustin. Iungenda huic l. est lex 36. inf. de appellationib. lex 21. inf. quorum appell. non recip. GOTHOFR.
 (b) 79. Idem AAA. qui l. 4. sup. ID.
 (c) Eupraxius hic proculdubio est, antea A. D. 367. Magister memoriarum, mox Quaestor: de quo Ammianus Marcellinus lib. 27. cap. 6. & 7. & lib. 28. cap. 1. Eius Elogium hic prætermittere non possum, quod legitur dicto cap. 6. Multa & prudentibus æmulanda bonæ fiduciæ reliquit exempla, nusquam a statu naturæ discedens intrepide, sed constans semper, legumque similis, quas omnibus vna, eademque voce, loqui in multiplicibus aduertimus causis: qui tunc magis in suscepta parte iustitiæ permanebat, cum eum reuera monentem exagigaret minax Imperator (Valentinianus) & nimius. ID.
 (d) Romæ. ID.
 (e) In Criminali causa relatio: dixi ad l. 3. sup. ID.
 (f) Promissio relationis, dixi ad l. 2. sup. ID.
 (g) Exemplum hic non est, exemplar, quo sensu affertur l. 1. inf. de appellat. verum præscriptum legis, quodque sequendum propositum est. ID.
 (h) Opinio, pro relatione & consultatione b. l. & l. 6. §. 9. 11. inf. de appellationib. ID.
 (i) Editio relationis, dixi ad l. 3. sup. ID.
 (k) 79. Refutatoriorumque ID.
 (l) 79. Constantiana: de qua mox. ID.
 (m) Hoc Officium, seu Officialium Iudicum muneris erat, suggerere Iudicibus iuris ordinem: & si facerent, pledebantur. ID.
 (n) Sacrilegium est, id est Maiestatis crimen, & quidem violata lege. ID.

COMMENTARIVS.

FORMAM Relationis ad Principem mittendæ hac tertia leg. sed omnium plenissima & accuratissima præscribit Valentinianus Sen. quæ prolixioris Valentinianæ constitutionis pars est, vnde desumptæ quoque sunt lex 36. inf. de appellationibus, & l. 21. inf. quorum appellationes non recip. quæque proinde huic coassandæ veniunt: Quæ quidem constitutione Valentinianus id egit, ne negotia iurgiaque in quibus maturato est opus, protelentur per inanes forte & immaturas Relationes, vel per moratorias Appellationes. In eum igitur finem hac quoque lege accuratam Relationibus formam præstituit: præla-

to Constantianæ legis exemplo: puta l. 1. inf. de Appellationibus: quæ alioquin iungenda est cum l. 1. sup. b. t. quam ipsemet Constantinus memorat & confirmat, l. 8. inf. de Appellationib. & filius eius Constantius, l. 24. eod. tit. de appellat. quam in hunc quoque titulum coniectam oportuit; Item pæna Sacrilegii proposita Iudici eiusque officio, si non hanc formam in Relationibus dirigendis seruauerint: sacrilegii, id est læsæ Maiestatis, violatæque legis: hæc enim sacrilegii significatio passim est, de quo dixi alibi: Officio, inquam, si ordinem seruandorum Iudici suggerere neglexerint; nempe Officialium

cialium muneris & officii fuit, ordinem seruandorum Iudicibus suggerere & ni id facerent, pariter cum Iudicibus plectebantur: cuius rei obuia passim exempla *hoc Codice*.

Nos formam illam quam Valentinianus hic Relationibus accuratam præstituit, dispiciamus: vbi quinque omnino desiderat. Primo quidem *Exemplum* Relationis edi iubet litigatoribus, de quo iam *l. 3. sup.* Secundo, Refutatorios post hæc a partibus dari iubet; de quibus *l. 1. §. 11. 14. 16. 24. inf. de appellat.* quibus scil. Relatio, si ea minus plena, vel contraria litigatoribus videretur, allegationibus eorum & supplementis refellebatur, *d. l. 3. sup. & d. l. 1. inf. de appellat.* (vnde & allegationes & supplementa eodem sensu apud Symmachum, vt ostendi ad *d. l. 2.*) Horum etiam Refutatoriorum nominatum duobus locis meminit Symmachus *lib. 2. ep. 30. si relatio ad fortunam negotii pertineret, & supplementa vel Refutatorios iurgantes dedissent, rogo &c. lib. 10. ep. 45. suspensa sententia: cuius meritum peruenit vestra lectis gestis, ac Refutatoriis coherentibus æstimabit &c.* De iisdem *lib. 10. ep. 46. Omnium gestorum fida documenta supplementis partium Relationi ex more sociata sunt. lib. 10. ep. 32. Coniunctæ pagine Allegationes partium & supplementa sumpserrunt. lib. 10. ep. 63. Relationi gesta subtexui, partium quoque supplementa sociavi.* Tercio, Transmitti iubet Valentinianus (ad scriinia scil. seu comitatum Principis) relationem: de quo vid. & *l. super. & l. 1. §. 31. 34. 54. 65. inf. de appellat.* Symmachus *lib. 10. ep. 46. statui vt fides gestorum superiorum ad Augusta scriinia mitteretur.* Ita passim Symmachus appellatione interposita a se, vel aliter relationi suæ gesta connexa, seu simul mittere se ait, *lib. 10. ep. 29. 32. 41. 52. 53. inf. 55. inf.* Quatto, Et hæc omnia intra

certum quoque diem vt fierent Constantinus M. definierat, puta *l. 1. inf. de appellat.* quod *b. l. observari* iubetur: de quo iam dixi. Tandem *Affa* simul omnia ad causam pertinentia transmitti vult: de quo iam ad *l. 4. sup.*

Vnicus *b. l. scrupulus* superest, quod dicitur, etiam *Appellatione interposita* Relationem fieri. Quod repugnat *legi 2. sup.* Itaque *Cuiacius* putabat, appellatum quidem in sp. *huius leg.* fuisse verum appellationem a Iudice non receptam, atque adeo ad Principem relatum, num sequenda esset Iudicis sententia, aut recipienda appellatio. Verum observandum est, duo Relationum genera hic aperte constitui; ibi, *vel appellatione interposita, vel dubitans*: nempe vnam Relationem Consultoria quoties ipse Iudex dubitat, animique pendet; qua Princeps consultitur, vt ita postea secundum id quod rescriptum fuerit Iudex iudicet: Alteram vero *Relationem opinionis*, id est indicati: cum scil. Iudex appellatione interposita, opinionis suæ rationem Principi reddit, non amplius deinceps iudicaturus; verum Principi fidem facturum de re bene a se iudicata: de quo est quoque *lex 9. inf. 14. inf. & passim, l. 62. de appellationib.* Hoc genus igitur Relationis post sententiam admittitur, deque ea *hanc leg.* exaudiendam certum est.

Quod ad historicam *huius leg.* causam attinet, pertinet forte ea ad Iudicia, quæ sub Maximino agitata tum, de quibus prolixè *Amm. Marcellinus lib. 28. c. 1.* vbi sane etiam Relationum non vna mentio fit. Id vero suadet & temporum ratio, & *Euphrasii* Præfecti Urbis *Romæ* nomen, ad quem *hæc lex* data est: vtrumque collatum cum Maximini Vicariis urbis *Romæ* actibus.

VI. (a) Impp. HONOR. & Theod. AA. Palladio PF. P. (b)

NVNQVAM, ad vnius litigatoris querimoniam, Nostri Alcaribus (c) Suggestio (d) offeratur; ita vt, si, cuiusquam ambitione, plectenda inopportunitas id forte meruerit, ei, cuius intentione, contra generale factum (e), fuerit constitutum (f), damnum litis iudex infligat; nec vnquam in rediuium (g) statum negotium redigatur, quod hac fuerit condicione præsumptum (h). Dar. V. Id. Septemb. Rau. DN. Theod. A. VII. & Palladio Co ss. [416.]

NOTAE.

- (a) Iungenda huic *l. lex 147. inf. de Decurionib.* quæ tamen argumento nullo modo respondet. *GOTHOFR.*
 (b) *Palladius* PP. Italiae sub Honorio: v. *Presopogr. ID.*
 (c) *Altaria* Principis: vid. *Gloss. Theod.* *ID.*
 (d) *Suggestio* pro relatione, *μνηστικὴ*. vid. quoque Symmachum. *ID.*
 (e) *Factum generale*, pro Edicto & sanctione, seu sententia generali: de quo mox. *ID.*
 (f) Id scilicet ἀπὸ τοῦ καὶ, fuerit constitutum: id est a Iudice constitutum decretum de referendo ad Principem. *ID.*
 (g) Rediuium. v. *Gloss. Theod. ID.*
 (h) *Præsumptum*, propriè: de quo mox. *ID.*

COMMENTARIVS.

MΟΝΟΓΩΝΟΣ, id est ad vnius litigatoris querimoniam, intentionem, ambitionem, inopportunitatem nunquam Relationem faciendam constituit *hæc leg.* Honorius Imp. Quod & ipsum Constantino placuit *l. 1. de appellat.* Virinque, inquit, *cognitis actionibus*, relationem fieri oportet. Alioquin ex *hac leg.* qui id ambitione suâ & inopportunitate me-

ruit, damno litis multatur: lite scil. iure cadit, qui non ordine iudiciorum, non comminus constituto aduersario, sed contempto generali iure negotium Relatione facta ad Principem discingi postulat: atque ita præsumit: *Præsumere*, est ordinem iudiciorum negligere, peruertere, præuertere.

Ergo non ad vnius petitionem vel querimoniam Relatio fieri debet, sed vtrisque cognitis actionibus: Quem in finem etiam vtrisque litigatoribus Relationis exemplum, prius quam ad Principem mitteretur dabatur: qui postea Refutatorios suos seu supplementa addebant: de quo superioribus Legibus. Idque generale ius fuit: & vt hic vocatur, *Generale Factum*, id est generale decretum, ius, iussio, sen-

tentia. Hoc sensu, *Factum Imperatorium*, Capitolino in *Gordianis cap. 5.* hoc sensu, *Factum Fl. Constantini ad Agricolam PP. Galliarum*: Hoc sensu *Facta*, apud Capitolinum in *v. Macrini*, c. 13. Et *Pauli sententiarum seu Factorum libri sex*, in veteri *Indice Florentino*. Denique *Factum* est omne *δίκημα* iuxta in Glossis, & *Facta causarum*: de quo iam quoque dixi ad l. 9. *sup. de diuersis rescript.*



P. 219.

DE APPELLATIONIBVS, ET POENIS EARVM, ET CONSULTATIONIBVS.

TITVLVS XXX.

LIB. VII. COD. IVST. TIT. LXII.

De Appellationibus, & Consultationibus.

P A R A T I T L O N.

APPELLATIO (a qua & Appellator, l. 2. 14. 15. 28. 56. 67. b. t. l. 3. l. ult. inf. de repar. appellat.) est prouocatio (vnde *Prouocatio* pro appellatione, l. 2. 10. 14. 17. 22. 25. 30. 37. 39. 40. 42. 46. 51. 57. 58. 59. 62. 64. b. t. & l. 21. inf. quor. appellat. Prouocator, l. ult. inf. de repar. appellat. & Prouocare pro appellare, l. 2. 15. 16. 18. 23. 26. 28. 41. 43. 45. 49. 60. 61. b. t.) a Iudicis inferioris sententia solemniter lata (nam si nulla sit sententia, appellatione nil opus est, l. 40. b. t. & l. 1. sup. de sent. ex periculo:) l. 13. 18. b. t. & quidem definitiua, l. 37. b. t. iurgium terminante, l. 25. b. t. vid. & l. 40. b. t. quasi errore vel gratia cognitoris oppressa fuerit iustitia, l. 57. b. t. & l. 16. sup. de pœnis: suspecti breuiter, l. 58. b. t. Item a nominatione ad Magistratum, vel munus aliquod; de quo sunt quatuor huius tituli leges; puta, l. 10. 12. 19. 53. b. t. Ad maiorem Iudicem, ad quem hac via negotium transfertur, l. 45. b. t. Prior Iudex esse definit, l. 13. b. t. iudicatum, quod displicet, excluditur, l. 6. sup. de iuris. sententia suspenditur, l. 41. 61. 66. h. t. & l. 3. & 9. inf. de repar. appellat. l. 1. ad leg. Iul. de vi. l. 1. sup. de re iudic. inhibetur, Symmachus lib. 10. ep. 62. Iudex nihil amplius audire potest, l. 5. b. t. Id quod litigantium vtilitati & ad iurgantis priuilegium adinuentum est, l. 11. inf. b. t. vnde & Appellatio dicitur Prouocationis auxilium, l. 10. 13. 14. 37. b. t. & l. 1. inf. de repar. appell. suffugium, l. 39. b. t. suffragium, l. 22. b. t. l. 21. inf. quorum appellat. perfugium, l. 30. b. t. appellationum adminicula; l. 11. b. t. suffragium necessariae defensionis, d. l. 22. b. t. Iuris remedium, l. 15. b. t. Has Appellationes seu Prouocationes litigatores obicere dicuntur, l. 44. 59. b. t. offerre, l. 67. b. t. opponere, l. 21. b. t. interponere, l. 4. 5. 10. 13. 14. 25. 27. 30. 57. 58. 59. 62. 64. 66. b. t.

I. Appellandi porro ius est in omnibus omnino causis, l. 4. b. t. civilibus, l. 20. 55. 58. b. t. criminalibus, l. 20. 57. 58. b. t. (non tamen in casu l. 1. inf. quorum appellat. l. 1. ad leg. Iul. de vi: l. 1. de raptu virg.) in fiscalibus, l. 8. 14. 18. 21. 28. 41. 45. 46. 64. b. t. (quod aliquando immutatum, l. 12. inf. quorum appell. & l. 6. de iure fisci:) in causa bonorum vacantium, caducorum, ereptorum, l. 26. b. t. Non a praeiudicio, l. 2. 25. 40. b. t. (quod abrogatum, l. 44. b. t.) non ab interlocutione, l. 65. b. t. non ante causam examinatam & determinatam, seu ante sententiam; l. 2. 50. b. t. non ab executione, l. 25. b. t. de quibus aliisque causis, Vid. inf. tit. 36. (peculiarem) quorum appellat. & tit. 37. si a momento fuerit appellat. Excipe peremptoriam praescriptionem improbatam, l. 37. b. t. & l. 23. 24. inf. quorum appellat. item condemnationem (seu multam) l. 38. b. t. Alioquin multa quaedam appellanti imposita, quae praedi- cialia dicta, l. 50. 65. b. t.

II. Appellari poterat ab omnibus Magistratibus, Clarissimis, Spectabilibus, etiam vice sacra iudicantibus, l. 11. 16. 23. b. t. l. 1. 2. inf. de his qui per met. iudic. etiam a Praefecto vr- bis,

bis, *d. l. ii. 23. b. t. & d. l. 2. a solo PP. appellare non licuit, d. l. 16. b. t.* Item Clarissimi etiam a sententia P. V. ius appellandi aliquando non habuere, *l. 23. b. t. quod abolitum, reducto veteri iure, dict. l. 23. b. t.* Certe a cæteris (exceptis P. P. qui vice sacra iudicabant) id est, a P. V. & a Proconsulibus appellari posse docet *lex 16. b. t.* Et tamen intra centum solidos a Præfecto Urbis appellari postea vetuit Valentinianus Tertius, *Nov. 12. cap. si quis a suspecto.*

III. Appellabatur vero aut ad Principem *l. 44. b. t.* a Proconsulibus puta, Comitibus P. 120. & Vicariis (P. P. scilicet) *l. 16. b. t.* quod PP. postea delatum, *l. 57. b. t.* & Vicario Urbis *l. 29. 61. b. t.* aut ad Maiores Magistratus, ab inferioribus etiam ad Cognitionem sacri Auditorii, *l. 44. b. t.* veluti in Africa, ad Proconsulem Africa, *l. 31. 62. b. t.* interposita prouocatione a Comitibus vel a Præfectis eorum, *d. l. 62. b. t.* & in priuata rei causis, exceptis quibusdam *l. ult. b. t.* quibus Princeps vicem sui examinis mandauit, *l. 3. b. t.* qui cognitionibus Principis vicem repræsentant, *l. 11. b. t.* quibus suam vicem Princeps commisit, *l. 13. b. t.* qui vice sacra cognoscunt, *l. 16. b. t.* quibus ad vicem Principis delata iudicatio, *l. 18. b. t.* qui vice Principis cognitionibus præsidet, *l. 28. b. t.* ad Præfectum Urbis, a quibusdam & certis in causis, *l. 11. 13. 18. 49. 61. b. t.* ad PP. *l. 57. b. t. l. vn. de off. Praef. Prætorio.* Appellari ex Sardinia, Sicilia, Campania, Calabria, Brutijs & Piceno; Emilia & Veneria & cæteris Italiae prouincijs iubet Constantius, *l. 27. b. t.* non autem ad P. V. *d. l. 27. b. t.* In causis fiscalibus, a Rationali aliquando ad Principem appellabatur, *l. 18. b. t.* verum communiter magis a Rationali vel Comite, vel alio qui fiscalis commodi curam gerit, ad eos qui vice Principis huiusmodi cognitionibus præsidet, *l. 28. b. t.* aliquando ad Comites S. L. & Com. R. P. *l. 39. 46. 49. b. t.* ad quos priuatorum hominum causæ deferri ex prouocatione consueuerunt, *l. 41. b. t.* id est Rectores Prouinciarum.

IV. SOLEMNIA appellationum, *l. 5. b. t.* solemnitates, *l. 14. b. t.* (vnde solemniter interpositæ appellationes, *l. 4. b. t.*) hæ erant; Is cuius negotium sententia vulneratum erat; *l. 15. b. t.* vel LICO voce appellabat, *l. 7. b. t.* (vnde prouocantis & prouocationis vox, *l. 26. 40. 58. b. t. & l. 9. inf. quorum appellat.*) vel concriptis postea libellis, *l. 7. b. t.* qui Libelli simpliciter dicuntur, *d. l. 7. & l. 4. 22. b. t. & l. 6. inf. quorum appellat.* Libelli appellatorii, *l. 2. 56. b. t.*

V. IVDex a cuius sententia appellabatur, Appellationem accipere, *l. 4. b. t.* recipere, *l. 16. 42. 60. b. t.* admittere, *l. 20. b. t.* suscipere, *l. 22. 25. 67. b. t.* libellos recipere, *l. 4. b. t.* audire, *l. 58. b. t.* cogebatur. Non etiam a sententijs suis interponi prouocationes ad maiorem Magistratum ægreferendo, *l. 13. b. t.* iniuriam sibi fieri existimando, *l. 15. b. t.* aut Relatione ad Principem promissa appellationem impedire, *l. 13. b. t. & l. 2. sup. tit. prox. de relat.* aut in recipiendis libellis aliquod genus iniuriæ inferre, *l. 4. b. t.* puta, metum iudicis appellaturo: de quo, *tit. 34. de his qui per metum iudicis non appellauer.* appellatum in carcerem redigendo, vel a militibus custodiri faciendo; *d. l. 15. b. t.* carceris cruciatum aut cuiuslibet iniuriæ genus, seu tormētum, vel etiam contumelias inferendo; *l. 2. b. t.* appellantes iniuriarum afflictatione deterritos ab appellatione expellendo, *l. 22. b. t.* aut vocem penitus huius tum denegare, *l. 20. b. t.* prouocationes eorum respuere, *l. 25. 51. b. t.* negligere, *l. 33. b. t.* recusare, *l. 59. b. t.* In tantum, vt & superfluum prouocationem recipi probent Imp. *l. 42. b. t.* Is cuius appellatio sprete fuerit, PP. adire poterat, *l. 16. b. t.* contestatione publice intra tempus legitimum appellationis de vi proposita, *l. 30. b. t.* vid. & *l. 67. seu penult.* Iudex vero ipse, qui appellationem non admisit multatur 10. libris auri, ex *l. 22. b. t.* viginti, ex *l. 33. & 58. b. t.* triginta, ex *l. 25. 51. 59. b. t.* Officium pariter eius multatur quindecim libris auri ex *l. 22. b. t.* viginti quinque, ex *l. 58. b. t.* triginta, ex *l. 25. 33. 59. b. t.* quinquaginta, ex *l. 51. b. t.* Quinimo si vicerit is qui appellauit, de iudicis nomine qui appellationem non recipit, ad Principem referetur, vt digno supplicio puniatur, *l. 16. in f. b. t.* Sunt tamen causæ nonnullæ, quibus impune prouocationem respuit Iudex, *l. 2. 51. b. t. & inf. tit. quor. appellat.*

VI. Post appellationem factam, susceptam, Opinioni exemplum petere seu postulare a Iudice debebat, *l. 6. 8. 11. 14. 16. b. t.* Si ad Principem causa transferretur, si ad alios Iudices, Apostolos, *l. 18. 61. 67. b. t.* deinde Refutatorias preces offerre, *dict. leg. 14. b. t.*

VII. Et verumque hoc intra certum & legitimum Tempus, seu intra certos dies præstitutos, *l. 8. 10. 14. 30. b. t.* pro diuersitate causarum & locorum, vid. *leg. 10. b. t.* alioquin DESERTA ab eo prouocatio æstimatur, *l. 14. b. t.* & debitum ab eo exigitur, *d. l. 14. b. t. & redintegrandæ audientiæ facultas denegatur.*

VIII. Post hæc a Iudice gesta omnia, *l. 5. b. t. actis inferi, l. 9. b. t. indi, subiici, d. l. 9. b. t. non tantum Opinionem, l. 8. & 9. b. t. & Refutatorios, l. 29. b. t. verum etiam vniuersam instructionem, l. 6. b. t. instructiones necessarias, d. l. 9. b. t. atque ad Comitatum dirigi, l. 5. b. t. omnia Gesta in eo negotio, l. 1. & 5. b. t. cuncta quæ litigatores instructionis probationisque causâ recitauerant, d. l. 9. b. t. quæque ad instructionem causæ pertinent, l. 8. b. t. vniuersa, quæ in eiusmodi negotio gesta, l. 29. b. t. oportebat, intra certum tempus a lara sententia, puta intra dies viginti ex *l. 8. b. t. triginta, ex leg. 29. 31. 32. 34. 65. b. t.* Post quæ ita missa, ad Comitatum litigatores venire non poterant, nisi post annum, postque Consultationem & Relationem, *l. 34. 47. 54. 66. b. t.**

IX. TEMPORA pariter appellationum quædam seruabantur, *l. 12. b. t. intra quæ negotia appellationum oportebat explicari, l. 3. b. t. perorari l. 19. b. t. terminari, l. 13. in f. sup. de iure fisci. appellationum substantia persequenda erat, l. 21. b. t.* Fiscales quippe causas terminari, peragi oportebat intra viginti dies, *l. 21. 28. 46. 64. b. t.* Intra quadraginta dies, ex *l. 64. b. t.* Intra duos menses in eadem prouincia, *l. 41. b. t.* Imo intra viginti dies in eadem prouincia: in contigua, intra 40. dies, *l. 13. in f. sup. de iure fisci: & l. 46. & 64. b. t.* Intra quinquaginta dies ex *l. 64. b. t.* Intra quatuor menses ex *l. 41. b. t.* in transmarina prouincia intra sex menses, *d. l. 41. b. t. & d. l. 13. in f. sup. de iure fisci:* Intra annum, ex *l. 45. b. t.* si nominatus quis esset ad Magistratum, intra duos menses, *l. 10. 19. b. t. l. 2. inf. de Decurion. v. & l. 8. de repar. appellat.* Huius spatii dies vltimus dicebatur temporalis, *l. 63. b. t. & l. vlt. inf. de repar. appellat.* Lapsis post hoc tempus, id est hoc tempore elapso reparatio appellationis impetrari non poterat: v. *l. 63. 64. b. t. de quo tamen, & eius exceptionibus videndus titulus 31. inf. de reparationibus appellationum: tit. 32. de secundo lapsu: tit. 33. de dilationibus ex consensu: tit. 35. si pendente appellatione mors interuenerit.*

POENÆ tamen seu multæ, ne temere appellaretur, quædam temere appellantium fuerunt, *l. 16. inf. l. 21. 39. 40. 43. 44. b. t.* seu iniustæ appellationis, *d. l. 40. b. t. & superflua, d. l. 39. b. t. quæ præiudicialis multa dicebatur, l. 50. 65. b. t.* Constitutum item, ne appellatio semel facta reuocari posset, nisi intra triduum post oblationem libellorum appellatoriorum, *l. 56. b. t.* Contra, qui non appellasset, supplicatione retractare iudicatum non potuit, *l. 17. b. t. vide tamen leg. vn. sup. de offic. Praef. Prat.*

DE CONSULTATIONIBVS seu Relationibus fuit iam superior titulus, & eodem tamen pertinet tertia pars huius Rubricæ, & complures tituli leges, puta viginti, *lex 1. 5. 6. 8. 9. 11. 13. 14. 16. 18. 24. 31. 34. 35. 47. 54. 61. 65. 66. 67. b. t.*

RELATIONVM ad Principem mittendarum forma a Constantino M. instituta.

I. (a) Imp. CONSTANTINVS A. ad Claudium Plotianum Correctorem Lucaniæ & Brittiorum (b).

SI in negotio ciuili, cognitis vtriusque (c) actionibus, pronuntiaueris, *Te ad Nostram Scientiam relaturum**, Consultationis (d) exemplum (e) litigatoribus intra (f) decem dies edi aput Acta iubeas: vt si cui forte Relatio tua minus plena, vel contraria videatur, is Refutatorias (g) preces similiter tibi aput Acta offerat intra dies quinque, quam illi exemplum Consultationis tuæ obtuleris. Iam Dicationis (h) Tux est, omnia quæ aput te, vel aput alios, Gesta (i) fuerint in eo negotio, Consultationi tuæ cum Refutatoriis litigantis adnectere; Ita vt scias, & decem dies, intra quos edi Consultationem oportet, & quinque, intra quos preces Refutatoriæ offerendæ sunt, continuos debere seruari: Nam quinque diebus transactis, nec offerentem preces Refutatorias litigatorem debebis audire, sed sine his, quoniam intra statutum tempus oblata non sunt, Gesta omnia ad Nostram referre Scientiam, & cetera (k). Dat. III. (l) Kal. Ian. Treu. (m) Constantino A. III. & Licinio III. Coss. [313.]

NOTAE.

(a) Coniungenda hæc lex cum *l. 1. sup. de Relationib.* Meminit huius *l.* lux ipsemet Constantinus *l. 1. 2. inf. b. t.* Meminit filius eius Constantius, *l. 24. b. t.* Meminit Valentinianus Sen. *l. 5. sup. tit. prox. de Relationib.* GOTHOF.

(b) Vbi quæ scripti ad *l. 1. ID.*

* Legis 1. C. iust. de relationibus, Vericulus Quoties autem, hinc interpolatus est, ID.

- (c) *Vt utrinque*: non vero ad vnius litigatoris querimoniam, *l. ult. sup. de relationib.* vbi vid. quæ dixi: non *pariter* *gws. ID.*
- (d) *Consultatio* hic & ter præterea *b. l. mox Relatio* dicitur. *ID.*
- (e) *Exemplum*, id est exemplar. *ID.*
- (f) *Sic* ita *C. Iust.* vt mox pro *intra dies quinque*, in eodem *Cod. repositum*, *finaliqua frustratoria dilatione. ID.*
- (g) De *Refutatoriis* his precibus dixi iam ad *l. 5. sup. de relationib.* *ID.*
- (h) *Dicationis Tuae* est: Ita pariter *lege 21. inf. b. t. & l. 1. sup. de Veteranis.* de hac voce v. *Gloss. ID.*
- (i) De hac *Gestorum* transmissione dixi iam plene ad *l. 4. sup. de relation.* *ID.*
- (k) Quæ continentur *d. l. 1. sup. de relation.* *ID.*
- (l) *VI. d. l. 1. ID.*
- (m) Ex *d. l. 1. sup. de relatione* hic *Acc. VIII. Id. Febr. Regio. ID.*

COMMENTARIVS.

P. 222.

CONSTANTINI M. septemdecim ordine constitutiones de Appellationibus hoc titulo exhibentur: Quibus addendæ sunt sex eiusdem præterea aliæ, puta *lex 1. inf. de his qui per metum Iud. non appell. l. vn. inf. si pendente appellat. l. 1. 2. 3. inf. quorum appell. non recip. l. vn. sup. de off. Præfetti Prætorio*: Ex quibus omnibus apparet, ab vna parte quatenus Iudiciorum retractioni per appellationes deferri voluerit Constantinus in fauorem litigantium; ab altera quomodo iniustis appellationibus occursum voluerit. Quanquam, verum vt fatear, de hoc *legum* Constantini numero sunt, quæ non ad Appellationes proprie pertinent, verum ad Relationes: de quibus etsi superiore titulo actum fuerit, attamen & de his huius tituli Rubrica concepta est; veluti hæc omnium prima: Item sunt ex his nonnullæ, quæ non ad Appellationes a rebus indicatis pertinent, verum ad appellationes nominationibus ad munera: veluti *lex 10. & 12. hoc tit.* Ac vt Constantini characterem hic semel exprimam seu studium eius omne circa Relationes & Appellationes huiusmodi exhibeam: Nempe translata siue per Relationem siue per Appellationem causa ad Principem, id egit: Primo, vt *Religio seu scientia Principis* ad plenum instrueretur: Eum in finem constituit, vt Relationis vel Opinionis exemplum litigatoribus ederetur, *l. 1. 6. 8. 14. 16. hoc tit. & l. 3. 5. sup. de relationibus*: vt litigatoribus Refutatorios bellos offerre liceret, *l. 1. 8. u. 16. b. t. l. 5. sup. de relationibus*: sic tamen vt vera tantum quæque apud Iudicem agitata, prolata, his inferrentur: *l. u.* vt post hæc omnia gesta, omnes Instructiones ad Principem a Iudice mitterentur, *l. 1. 5. 6. 8. 9. u. 16. hoc tit. l. 1. sup. de Iudiciis.* poena alioquin Iudicibus imposita, ni id fecissent *d. l. 6. 9.* Secundo id egit, ne causa ita ad Principem translata protelaretur: Eum in finem certa tempora, certumque dierum numerum præscripsit, ad superiora omnia faciendâ, *l. 1. 7. 8. 9. 14.* & quidem continua tempora, *l. 1.* poena alioquin Iudicibus eorumque Officiis grauissima imposita: *d. l. 8. 9.* vt & litigatori si Opinionis exemplum vel Refutatorios intra tempus statutum non petiisset, non obtulisset, puta de ferte appellationis, *l. 14.* Tercio id egit, vt ne quid interea noui Iudex faceret in gratiam vel fauorem vnius litigantium, *l. 5.* Quarto id egit, vt suo Marte causa decurreret: supplicandi sibi eo tempore potestate denegata, *l. 6. 8. inf.* Postremo, ne terminata Rescripto ad huiusmodi Relationem vel Appellationem quæstio refricaretur, *l. 6. inf. l. 8. inf. l. 9. u.*

Nos de hac *leg. nostra* videamus. Ea igitur
Tom. IV.

Constantinus M. nouam & exquisitam instituit SOLEMNITATEM, vt vocatur *l. 5. hoc tit.* seu FORMAM Relationum ad Principem mittendarum a Iudicibus, in negotiis ciuilibus, id est siue priuatis, siue fiscalibus, vt idem Imp. interpretatur *l. 8. inf.* ad eas videl. bene fundandas. Id, inquam, *hac l.* agitur: cui iungenda est, velut eiusdem constitutionis pars, *lex 1. sup. de relationibus*: sub quo titulo hæc *lex* nihilo deterius staret, non diuulsa ab *ea l. 1.* quomodo etiam Tribonianus rursum eas coassauit, compaginauit. Et vero eo titulo iam explicata sunt tria illa requisita huius *l.* in Relationibus ad Principem mittendis: Primo, de Relationis seu consultationis exemplo litigatoribus edendo, *l. 3. & 5. eo. tit.* (cui etiam concinit *lex 6. 8. 14. 16. inf. b. t.*) Secundo de Refutatoriis litigatorum pariter offerendis, de quo *l. 5. et ut tit. & l. 8. u. 16. hoc tit.* Tercio de utrisque ad Principem mittendis vna cum *Gestis* totius negotii, de quo *l. 4. eius tit.* Sane huius *l.* meminit, velut cuiusdam *l.* matricis fundamentalis, quæque huius materiæ sedes est, non ipse modo Constantinus *l. 5. 8. inf. b. t.* verum & Constantinus filius eius, *l. 24. hoc cod. tit.* quinimo & Valentinianus Senior *l. 5. sup. de relation.* vbi perperam hæcenus editum, *Constantiniana lege*, pro *Constantiniana.* Et vero Primus Constantinus M. omnis istius ordinis auctor extitit: Consultationis inquam, scil. Relationis litigatoribus a Iudice præbendæ, vicissim Refutatoriorum ab ipsis litigatoribus præbendorum, atque horum omnium vna cum *Gestis* ad Scrinia Principis transmittendorum: vt ita Relationibus his iam bene fundatis, de consulenti Iudicis mendacio post Principis ad eam Consultationem rescriptum, conquerendi atque appellandi, & sic lites protrahendi ansa (quod olim fiebat, *l. 1. §. 1. D. de appellat.*) præcideretur. Et vero ideo id expresse ab eodem Constantino M. constitutum, *l. 6. 8. 9. u. inf. b. t.* vbi vide quæ dicam plene: ne quis videl. terminatam Rescripto ad huiusmodi iamiam consultationem, quæstionem; exquisito suffragio refricare audeat: ad lites entæ suæ voluntatis aliquam multis argumentis. Quod vtique inter commendatione dignissima Constantini instituta deputare soleo.

Sane & eodem spectat hæc in re ipsa (ad breuitate constringendas videl. huiusmodi Relationes) Temporis ratio, quam in hisce Relationibus expediendis Constantinus M. obseruari voluit, Nempe, Relationis exemplum intra decendum edi iubet: Refutatorias vero intra quinque dies sequentes, & eos quidem continuos, a die videlicet, quo Iudex pronunciauerit sese relaturum, seu Relationem promiserit.

serit. Quod ipsum rursus qua inculcatur, qua confirmatur, l. 8. 24. inf. b. t. & l. 5. sup. de relation. Quod quidem breuissimum spatium finiendarum litium causa a Constantino praeistitutum, pariter ut praeistitutum transmittendis iis, quae dixi omnibus ad scriinia Principis seu eius Comitatum, puta, vicendum, d. l. 8. vel tricendum, l. 31. 34. 65. b. t. Vt ceteroquin litium fugitans Constantinus M. maxime fuit, quod & aliis argumentis compertum habeo, quae alibi colligo.

Hæc interim lex, & aliae huius tit. quamplurimæ, argumento sunt, quam male hætenus vox Consultationum, etiam a Cuiacio accipitur in Rubrica Codicis Iustin. quæ huic respondet, de Appellationibus & Consultationibus: quasi hoc tit. Consultatio fit,

non iam Relatio (ut superiore titulo) verum deliberatio, contentus, consilium, siue sententia, quam Princeps ex appellatione cum Consilio collocutus dixit; quo sanè sensu accipienda videtur Consultationis vox initio legis 2. C. Iust. de legib. Quam interpretationem, ut lex hæc refutat, ita leges illæ omnes. Et si illud verum sit, Consultationis nomen de illo tantum relationum genere, quod ante sententiam ad Principem fiebat, accipi: verum de eo quod post sententiam opinioni consilioque suo, denique sententiae suae tuendæ, appellatione facta, Iudices ad Principes dirigebant: quod ut ostendi ad l. 5. sup. de relation. ita docet nominatim lex 5. 9. inf. 14. b. t.

Quare, his omnibus expensis, videre licet, fugitiuam hanc l. ab hoc titulo esse.

P. 233. De RECIPIENDIS appellationibus a iudicio & retro aduersus immoderatam LICENTIAM earum, Constantini M. constitutio.

II. (a) Idem A. ad Catullinum (b). Post alia.

MINIME fas est, ut in ciuili (c) negotio libellis (d) appellatoriis oblatis, aut carceris cruciatus, aut cuiuslibet iniuriæ genus, seu tormenta, vel etiam (e) contumelias perferat appellator: Absque (f) his criminalibus causis, in quibus, etiam si possunt (g) prouocare, eum tamen statum debent obtinere, ut (h) post prouocationem in custodia (i) perseuerent. Ea * custodita moderatione, ut eorum prouocationes recipiantur, quæ easdem non a Præiudicio (k) interposuisse noscuntur, aut etiam ante causam examinatam, & determinatam, sed vniuerso negotio peremptoria perescriptione (l) finito, vel per cuncta membra decurso (m), contra Iudicem interpositæ esse noscantur, &c. Dat. III. (n) Non. Nou. Treu. Acc. XV. Kal. Maii, Hadrumeto (o), Volusiano & Aniano Coss. [314.]

INTERPRETATIO. *Ista lex hoc præcipit, non debere appellantem (p) aut carceris custodia, aut cuiuslibet iniuriæ afflictione constringi, exceptis tamen criminalibus causis, in quibus similis (q) accusantem, & accusatum conditio pænæ custodiæque (r) constringet: Et eorum appellationes dicit debere recipi, sed ita, ut qui appellauerit (s), in custodia teneatur, quousque ad alium Iudicem crimina obiecta perueniant, ut discussis ad integrum omnibus, aut de absolutione, aut de damnatione accipiat sententiam finitiuam (c).*

NOTAE.

- (a) Lex 12. C. Iust. b. tit. ex priore huius l. parte desumpta est. Iungenda autem ei lex 1. sup. de pænis & l. 1. inf. quorum appell. non recip. Concordat denique huic legi, lex 13. 1. 5. 20. 22. 25. 33. 51. 59. b. t. GOTHOFREDVS.
- (b) Catullinus hic an Africæ Proconsul, quod nominatim præfert Cod. Iust. in l. 16. de pænis? quæ eadem alioquin est cum d. l. 1. sup. de pæn. (vbi vide quæ dixi) Quod hic non admitto. Subscriptio enim huius leg. Acc. Hadrumeto, docet Catullinum hunc Consularem Byzacenæ fuisse hoc Anno. Postea, & demum An. 415. 416. Proconsul Africæ fuit. ID.
- (c) Ita quoque leg. 1. sup. ID.
- (d) De Libellis appellatoriis vid. & l. 4. 7. (vbi dicam) l. 22. 56. inf. ID.
- (e) Siue contumelias, MS. G. RITTER.
- (f) Aliiter atque in criminalibus, &c. GOTHOFR.
- (g) Possit, Cod. Iust. & proxime, debet, item inferius, perseueret. ID.
- (h) Ut & post &c. ID.
- (i) Si fidei iussoris idonei copiam non habeat, add. C. Iust. ID.
- * Alterum caput huius l. quod recidit Tribonianus: & cuius interpres nullam habuit rationem. ID.
- (k) Vide quæ dixi ad l. 3. sup. de diuers. rescript. ID.
- (l) Perescriptione id est sententia. ID. Præscriptione MS. G. Edit. Sichard, Cuiac. prim. & illa in quarto. RITTER.
- (m) Decursum negotium v. Gl. Tb. GOTHOFR. Discussio. Ed. sichard. RITTER.
- (n) Ita quoque d. lex 1. sup. de pæn. Atenim in d. l. 1. inf. in quorum appellat. IV. GOTHOFR. IV. MS. G. & Ed. Sichard. V. Non. Cod. Iust. RITTER.
- (o) Byzacena: vide quæ notauimus ad inscriptionem d. legis 1. sup. de pænis. not. b. GOTHOFR. MS. G. habet, XVI. Kal. Mai. Roma. RITTER.

- (p) Hinc deprompta sententia quædam ab Auctore *Epistolæ 3. Fabiani Papæ cap. 2. pag. 129. Tom. I. Concil. Harduin. & exinde sub Palæz nomine can. 2. Caus. 2. quæst. 6. Allusum & in Epistola Damasi Papæ ad Afros cap. 5. p. 765. Tom. eod. Concil. edit. cit. GOTHOF.*
- (q) Hoc extrinsecus additum ab Interprete. *ID.*
- (r) *Custodiaque MS. G. RITTER.*
- (s) *Apellauerint, & mox, teneantur. MS. G. ID.*
- (t) *Definitiuam. GOTHOF.*

COMMENTARIVS.

MODVM, FROENVMQVE Iudicibus partim a quibus appellaretur, partim vero Litigatoribus ne promiscue aut temere appellarent, ponit hac l. Constantinus M. Quæ pars est prolixioris Constantinianæ constitutionis, unde duæ adhuc *Leges* desumptæ sunt, puta *lex 1. sup. de penis: & l. 1. inf. quorum appellat. non recip.* quæ proinde utraque huic coassanda venit. Ea constitutione Constantinus M. ad Catullinum emissæ, in negotio appellationis duplici malo occursum iuit. Primo quidem, Iudicibus a quibus appellaretur, ideo scilicet in miseros appellatores, temperamentum quoddam seu frœni adtemperiem adhibitum iuit: quo pertinet huius l. principium, & dicta *lex 1. sup. de penis.* Deinde & appellantium temeritati seu leuitati occursum voluit, quo spectat posterior pars huius l. & d. *lex 1. inf. quorum appell. non recip.* De utroque nunc.

Ac de Primo, prius etiam. Scilicet Iudices nonnulli grauitè ferentes, sententias suas subinde remedio appellationis retractari, hanc ceu iniuriæ speciem grauitè subinde ad animum suum renocare soliti. Quod præter hanc leg. docent *lex 11. 13. 15. 20. 22. 25. 33. 51. 58. 59. & lex 2. sup. de relat.* Quare variis rationibus appellationibus intercessere, modo Relatione ad Principem facta, impediendæ cognitioni super appellatione, quod docet l. 2. *sup. de relation. & d. l. 13. inf. b. t.* modo metum Iudiciariæ suæ potestatis obiecto, de quo titulus est 34. *inf. de his qui per metum Iudicis non appell.* modo etiam ad vim apertam pro-

P. 224. cessere; carcere, contumeliis, & aliis, iniuriæ generibus intentatis, quod præter hanc legem docet pariter *lex 4. 15. 22. 58. inf. b. t. & Paulus V. sentent. tit. 26. ad L. Iul. de vi publ. §. 1. & Alexander Imp.*

l. 25. *D. de appellat.* Appellantiem igitur Constantinus in ciuili negotio vetat carceris cruciatus, aut cuiuslibet iniuriæ genus seu tormenta, vel etiam contumeliam perferre. Aliter atque in (ita enim forte hic legendum) criminalibus causis: ibi enim qui appellauit, eundem quem prius statum obtinere debet, atque adeo post appellationem in custodia permanere. Crimina porro illa, utraque *lex*, quam huic coniungendam dixi, suis nominibus designat, nempe atrocissima homicidii, adulterii, maleficii, vel veneficii. Quare hæc differentiâ iam inter ciuilia & criminalia iudicia notetur. Post appellationem in ciuili causa reus non ideo carceris custodiam perferre debet; in criminali, non ideo mirus in ea perseverare.

Secundo huius l. capite viceuersa iniustarum appellationum exempla quædam a Constantino consignantur, pariter ut d. l. 1. *inf. quorum appellat. quæ huic coniungenda est:* quas ea *lex* eleganter non tam Appellationes, quam *Ludificationes* vocat, moratorias dilationes, frustratorias, inanes. Primum igitur a præiudicio appellationem admitti vetat: quod variis admodum subinde constitutionibus vetitum: de quo, *suo tit. quorum appellat. non recip.* Secundo non ante causam examinatam & determinatam, de quibus *suo tit. potius agetur, quorum appellat. non recip.* Sane d. *lege 1. eius tit. vers. nec temere*, hoc ipsum inculcatur de appellatione ab articulis & præiudiciis non admittenda. Additurque ibidem alia species, nempe, Si Reus atrociorum criminum propria confessione, aut dilucidis & probatissimis probationibus peractus fuit.

De ACCELERANDO iudicio appellationis.

III. (a) Idem A. ad Probianum (b) Proc. Afric.

APPELLATIONVM causas, quæ per vos in Auditorio vestro, quibus vicem nostri mandamus examinis, diiudicantur, ita audire debes, ut Edicto, quod super appellationum negotiis finiendis iam generaliter constitutum est, pareas: Atque eadem negotia quam maturissime explices Dat. VIII. Kal. Sept. Rom. (c) Constantino A. IV. & Licinio IV. COSS. [315.]

NOTAE.

(a) Absit hæc *lex* a *Cod. Inst. GOTHOF.*

(b) Ad hunc Probianum Eliani in Proconsulatu Africae successorem, sunt Anno seq. *hoc eod. tit. lex 5. & 6. Sed & Augustinus memorat lib. 3. contra Crescon. cap. 70. & Epist. 68. (§ 8.) & rursum in breuiculo collationis diei tertii sub fin. Rescriptum eiusdem Constantini ad eundem Probianum in causa Donatistarum. In hunc est quoque Symmachi Patris Epigramma. v. plura in Prolog. ID.*

(c) *Romanus nam hic accipio haud procul a Naïssō, cuius mentio in Itinerariis tribus. v. sbrenol. ID.*

COMMENTARIUS.

DE FINIENDIS, & ACCELERANDIS MATVREQUE explicandis Appellationum Iudiciis, est hæc Constantini M. constitutio: qua nihil aliud exprimitur, nisi quod superius iam Edictum generale super hoc ab eo ipso latum, Proconsuli Afr. inculcauerat.

De Proconsule Africa id ex hac l. observandum est, cum & de appellationibus a Iudicibus ordinariis cognovisse, & vice sacra iam iudicasse. Quod vique ante Constantinum non ita fuit: Tantum enim abest, sacra vice iudicaverit, ut quemadmodum ab eo, ita & a Iudicibus ordinariis ad Præfectum Urbis appellaretur, ut ex Vopisco alibi fufius ostensum est. Atenim ubi ad Constantinum ventum est: veteris is administrationis formam immutavit, & Proconsulibus nominatim sacrum iudicium commisit, & ad hos a Iudicibus ordinariis appellari voluit. Neque putandum est, quod nonnemo prodidit, de appellationibus tantum delegatis id intelligendum, scilicet Constantinum id ita constituisse,

iure quodam momentaneo: Denique ex delegato & prerogativa rescripti Proconsulem sub Constantino ex hac l. vice sacra iudicasse, non ex officio, aut ordine, vice sacra cognovisse. Qui fœdus lapsus est, quem etiam admiserit ad l. 13. inf. Quid enim? Non & post Constantinum l. 62. inf. b. tit. sacrum Proconsularis cognitionis examen, de Proconsule Africa dicitur, atque ad eum appellatum? Non a Rationali rei priuatæ per Africam ad eum, post Constantinum appellatum? quod docet lex ult. inf. b. t. Non de appellationibus quoque Gentilium & eorum Præfectorum cognovit? quod eadem lex 62. ostendit. Imo & eo processere aliquando Proconsules, ut a se appellari non paterentur, quod ostendet lex 16. inf. b. t. Et vero hic est ille decretus antiquitus Cognitor, ad quem a Iudicibus Africae provocatum ait Valentinianus III. Nouella de tributis fiscalibus, & de sacro audit. 23. inter Theodosianas.

P. 135.

De RECIPIENDIS Appellationibus a Iudicibus.

IV. (a) Idem A. Amabiliano (b) PF. Annon. Afric.

OFFICII (c) cura est, ut omnes omnino appellationes, quæcunque fuerint interpositæ (d), sollemniter, curer accipere: nec in recipiendis libellis (e) aliquod genus iniuriæ inferendum cuiquam existimet. PP. III. Kal. Ianuar. Constantino A. IV. & Licinio IV. Coss. [315]

NOTAE.

(a) Abest hæc lex a Cod. Inst. GOTHOF.

(b) Eidem inscribitur hoc ipso Anno lex 2. inf. de nauicul. & A. 319. lex 3. eod. tit. ID.

(c) Tui scil. Nota interim hic officium seu Officiales Præfecti annonæ. ID.

(d) A Te videlicet. ID.

(e) Appellatoriis: de his vid. l. 7. (vbi dicam) l. 22. 56. inf. & l. 2. sup. ID.

COMMENTARIUS.

DE RECIPIENDIS rursum appellationibus, & Appellatoribus ab iniuria Iudicum, & Officialium, viudicandis, est hæc SECUNDA iam Constantini M. constitutio. Cui omnino concordat, sed posterius lata lex 2. sup. de relation. nam & ea pariter inscribitur Præfecto annonæ, a quo ad Præfectum Urbis appellabatur, de quodixi ad eam leg. plenius. Ut his perspectis colligatur, Præfectos annonæ subinde ceruices aduersus Præfectum Urbis erexisse: siue

dum a se ad Præfectum Urbis appellari ægre patiuntur, quo pertinet hæc lex, & dict. lex 2. siue dum actus suos a Præfectis Urbis retractari nolunt: quo pertinet d. lex 2. inf. de nauicular. quæ eidem Amabiliano PF. annonæ hoc ipso anno inscribitur, sine quibus alioquin Præfectus Urbis de annonæ nil disponere poterat, leg. 1. sup. de conditis in publ. horr. vbi plura.

Ne quid NOVI fiat a Iudice, Relatione promissa, vel Appellatione interposita.

V. (a) Idem A. Petronio Probiano (b) suo Sal.

EX illo tempore, quo (c) in ciuilibus causis, quæ inter priuatos mouentur, Consulturum (d), vel Relaturum te esse promiseris (e), vel Appellationis a te interpositæ solemnia completa fuerint, nihil posthac tibi quodlibet speciale, ac requisitum, vel quibuscumque modis fauoris gratiam præferens, audiendum est: Sed observandum, ut, iuxta priora (f) statuta, sollemnitatis (g) more expleto, Gesta ad Comitatum omnia dirigantur, &c. Dat. Id. Aug. Arelato (h) PP. Id. Octobr. Thebeste (i), Sabino & Rufino Coss. [316]

NOTAE

- (a) *Lex 13. C. Iust. cod. tit. & iungenda huic est lex prox. seq. 6. GOTHOFR.*
 (b) Num idem hic cum Probiano cui *lex 3. sup.* inscribitur? Dicam mox. *ID.*
 (c) *Ex quo*, Cod. Iust. Vide similiter *leg. 1. & 2. sup. ID.*
 (d) *Consultaturum*, ita *Cod. Iust. ID.*
 (e) Vid. quæ dixi de hac voce ad *l. 2. sup. de relation. not. f. ID.*
 (f) *ID. est l. 1. sup. ID.*
 (g) *ID. est Relazione litigatoribus edita: & vicissim Refutatoriis acceptis: vid. d. l. 1. Ita lege 4. sup. solemniter interpositæ appellationes, & l. 14. inf. solemnitatibus. ID.*
 (h) Eadem subscriptio *legis 6. prox. seq. Arelate* autem constitit Anno 316. Constantinus M. mense Augusto cum vxore Fausta: vbi tum etiam natus ei filius Constantinus Iun. Zosimus *lib. 2. cap. 20. vid. Chronologiam. ID.*
 (i) *Thebeste*, in *Numidia*: cuius mentio apud Ptolemæum, *lib. 4. c. 3. Antoninum Augustum in Itiner. pag. 27. 33. 53. 54. Edit. Wesseling. & in Itineraria Peutingeriano, & in Conciliis Africanis frequens: & apud Augustinum, ID.*

P. 226.

COMMENTARIVS.

PENDENTE, per appellationem a litigatore semel interpositam, vel Relationem seu Consultationem a Iudice semel promissam causa sine lite, Iudicem a quo ad Principem appellatum est, vel qui Relationem promissit, nihil noui facere, nihil audere, nihil audire, verum gesta tantum ad Comitatum Principis mitti ab eo oportere, definit *hac leg.* Constantinus M. Nihil, inquam *audire*, quodlibet illud speciale sit requisitum, & quibuscunque modis fauoris gratiam præferens, id est in alterutrius partis gratiam & fauorem. De *Appellatione* decantata est regula, Nihil noui fieri, nihil innouari oportere appellatione interposita, de quo est præterea *lex 13. inf. h. t. & tit. peculiari Digestorum*: cui ideo nunc non insistimus. Id ipsum vero & de *Relatione* a Iudice promissa *hac leg.* constituitur: & *leg. prox.* quæ ceu eiusdem constitutionis pars huic *l.* coassanda venit: vbi inquam semel animi dubius Iudex ad Principem relaturum sese promissit, in neutram partem quidquam facere Iudex potest: Imo nec ipsimet Principi alterutra pars supplicare potest causa pendente apud Principem per relationem, quæ *dist. leg. prox.* sententia est: vbi plura de Constantini mente hac parte.

Tria tantum *hac leg.* illustranda, partim & monenda super sunt. Primo *Petronium Probianum*, cui hæc *lex & prox.* inscribitur, Consularem Numidiæ videri posse: dicuntur enim ex *Proposita Thebeste*, quæ vrbs Numidiæ erat: de quo iam in *Notis*: ac proinde alium a Probiano Procon-

sule Africæ, cui inscribitur *lex 3. sup.* fingendum nobis. Verum contra, eundem omnino putet quis, sic vt *Thebeste* in *Africa Proconsulari* hoc tempore fuerit. Quomodo & alia vicina *Thebeste* loca, veluti *Ammedera & Altaba* in Numidia quoque locata, quæ tamen ad Proconsularem spectabant. Verum secundo notandum, a Proconsule Africæ, si hæc *lex* ad eum data est, ad Principem appellatum ex *hac leg.* quoque docerinos, vt pote qui vice sacra iudicaret: de quo ad *leg. 3. sup.* Illud tandem omittere non possum e tot & tam crebris Constantini M. constitutionibus hoc tempore *per Africam* super Appellationibus & Relationibus, aliquas proculdubio ad Donatistas pertinere videri: quorum sane hoc tempore rabida furoris audacia a Constantino circa appellationes etiam perstringitur apud Optatum *lib. 1. cap. 26.* Sed & vsurpatæ in cognitionibus de his Relationes Iudicium: cuiusmodi illa *Æliani Proconsulis* ante biennium A. D. 314. de Ingentio falsi accusato, ad Constantini Comitatum mitti iussu sub idonea prosecutione, vt testatur Augustinus post collat. *c. 32.* Imo Constantini ipsius super eo rescriptum ad *PROBIANVM* Proconsulem Africæ, *Æliani* successorem, apud Augustinum *ep. 68. siu. 88. num. 4. edit. Benedictin.* cuius rescripti Consules in schedula inuentos Augustinus affirmat in *breviculo collat. die 3. c. 23.* Sane Donatistæ, huius Anni 316. extremo, posteaquam post Synodum Romanam & Arelatensem a Constantino auditi fuissent, in exilium missi fuere.

SVPPPLICARI, neque causa pendente, quæ delata est per Appellationem vel Relationem ad Principem, posse (nisi vno casu) neque aduersus Rescriptum ad consultationem emissum.

VI. (a) Idem A. Petronio Probiano (b) suo Sal.

SVPPPLICARE causa pendente (c) non licet: nisi (d) forte ei, cui Opinonis (e) exemplum negatum est, vel Instructionis vniuersa subpressa transmissio: Quo facto (f), crimen Iudici sacrilegii imminet, qui hoc commissio litigatori supplicandi necessitatem inponit: Cui aliter supplicanti, dimidiæ partis rei, de qua agitur, inponenda est multa, vt pro Iudicis æstimatione fisco prærium inferat. Eo etiam qui terminatam Rescripto, vel Consultatione quæstionem, exquisito suffragio, refricare conabitur, quoniam maius crimen admittit, in omnem litis æstimationem protinus (g) condemnando, & (h) sub sacramenti ob-

feruatione, omni venia deneganda, si quis contra hæc supplicare temptauerit. Dat. Id. Aug. Arelaro (i). PP. Id. Octob. Thebeste, Sabino & Rufino Coss. [316.]

NOTAE.

- (a) *Lex 2. C. Iust. ut lite pendente nulli liceat Imperatori supplicare*, hinc interpolata est. Iungenda autem huic est *lex prox. sup. 5. GOTHOFR.*
 (b) An Consulari Numidia? dixi ad *leg. sup. ID.*
 (c) An per appellationem pendente? an, vel per relationem promissam? *ID.*
 (d) *Nisi vel actorum communium, vel pronuntiationis editio denegetur*, ita *Cod. Iust.* recisus reliquis omnibus vsque ad ea, *Qui terminatam ID.*
 (e) *Opinionis*, id est sententia, *b. l. & l. 8. 9. 14. inf. b. t.* nempe ubi causa ad Principem deuoluta erat per appellationem, & sic appellatione suspensa non iam *sententia* dicebatur, sed *Opinio ID.*
 (f) Id est supplicatione, *ut initio, & fine legis. ID.*
 * Hinc rursum pergit *lex 2. C. Iust. ut lite pendente*. Qui autem terminatam rescripto &c. *ID.*
 (g) *Aduersario suo protinus condemnatur*, ita *Cod. Iust. ID.*
 (h) *Et sub Sacramenti obseruatione*: hæc ommissa a Triboniano, de quibus mox, *ID.*
 (i) De hæc subscriptione dixi ad *leg. super. ID.*

P. 227.

COMMENTARIUS.

SUPPLICARI PENDENTE CAUSA seu LITE Constantinus M. b. l. vetat: pariter ut superiore constitutione, (quæ huic coniungenda est) quidquam a Iudice noui fieri prohibet, & ipsum rursum confirmat *l. 8. inf.* sed & TERMINATAS, lites Rescripto Principis (ad Consultationem, id est relationem factam emissio) supplicatione rursum refricari *hac eadem l.* vetat: quod & ipsum tribus aliis legibus reperit, *d. l. 8. & l. 9. n. inf.* Denique Constantinus M. Iuris religiosissimus Princeps litiumque fugitans, & Appellationum, & Relationum ad Principem Rescriptorumque religionem modis omnibus fundatam munitamque *his quoque II.* iuit.

Appellationum inquam & Relationum, duplicatione: nempe i. vetito apud, vel per Iudicem quid fieri pendente appellatione, quæ superioris legis sententia est: Principi supplicare vetitis litigatoribus causa pendente: quæ *huius l. in pr.* sententia est: causa, inquam, pendente (quod superior lex ostendit, neque Accursiani satis intellexerunt in *l. 2. C. Iust. ut lite pendente*: quæ hinc desumpta est, itemque *d. lex 8. infr.*) siue per appellationem factam a litigatoribus, siue per promissam a Iudice Relationem: Nempe duabus his rationibus causa pendet, atque in suspenso est: Appellatione nimirum litigatorum, & Relationis a Iudice promissione. Igitur ubi semel aut litigatores appellarunt, aut Iudex relaturum sese ad Principem promissit, ut apud Iudicem nihil attentari potest (de quo *l. super.*) ita nec apud Principem, supplicatione forte oblata, verum suo Marte has lites decurrere oportet. Proinde lite ita pendente, hinc transfusum est: idemque proditum, *l. 4. D. de appellat. recip.* Supplicanti alioquin poenam hanc imponit Constantinus, ut æstimationem dimidiæ partis eius quo de agitur filco inferre cogatur.

Et tamen Idem, ut iniuste supplicationi occurrat, ita exceptione addita iustissimæ locum adhuc reliquit: puta si appellatione facta vel Relatione promissa, Iudex Relationis (quæ *hic & l. 8. 9. 14. inf. Opinio* vocatur) exemplum litigatori denegauerit, vel si non Instructionem vniuersam seu plenam transmiserit, quod utrumque enim facere pariter oportet, ex eodem Constantini M. iure: *l. 1. & 5. 8. 9.*

b. t. Quod quidem Tertium notandum est Constantini institutum, & caput ad fundandas bene iureque Relationes, atque adeo bene fundanda, quæ ad eas procedunt, rescripta. Primum scilicet fuit, editio Relationis & Refutatoriorum: Secundum, eorum cum Gestis omnibus ad scriinia transmissio: Tertium, hoc nunc est, supplicationis videlicet remedium, alterutro non præstito, vel si quid aliud post receptam appellationem impedimento factum fuerit, *l. 4. D. de appell. recip.*

Et hæc quidem de bene fundato, a Constantino M. ut appellationum, ita & nouo Relationum iure: Nunc (quod secundum *huiusce l.* caput est, & quo præstruebatur, exacta omnis illa Relationum forma) de ipsorum Rescriptorum, quæ ad huiusmodi Relationes seu consultationes procedunt, vi, auctoritate & religione; Nempe terminatam ad huiusmodi Relationes Rescripto quæstionem amplius refricari quocunque suffragio, veluti per supplicationem: vetat *b. l. Constantinus M. & l. 8. 9. infr.* quinimo & *l. 3. sup. de diu. rescript.* & quidem sub poenæ æstimationis totius litis. Maius scilicet crimen admittit, qui terminatam iam, & quidem legitimam Principis cognitionem seu Rescripto quæstionem refricare nititur: quam qui in pendente tantum litis præiudicium aliquid facere nititur: Quare hunc æstimatione tantum dimidiæ partis litis multari voluit, illum totius litis. Et huc pertinet egregius Symmachi locus quem Interpres intactum reliquit *lib. 10. ep. 62. Adiecta est alia* (contradictio seu exceptio) *plena iuris atque rationis; quod post crebras cognitiones & RESCRIPTA AD RELATIONEM numerosa, POENAM Legis inciderint, qui denovo CONTRA VETITUM SUPPLICARUNT.* Extant quippe sententia, quas cum prouocatio tentasset inhibere, CONSULTVS RELATIONE DIUINI GENITOR CLEMENTIAE VESTRAE (Valentinianus Sen.) *finem posuit QUÆSTIONI.* Qui locus & re & verbis huic legi prius respondet,

Rescriptum igitur ad Consultationem Iudicem emissum retrahari non potest: emissum inquam ad eam & exactam consultationum formam, quæ sane nullum querelæ locum relinquere potest; quod etiam indicat *lex 9. n. inf. b. t.* cuius eadem est sententia. Addenda & *lex 34. inf. C. Iust. b. t.* ubi trans-

transpositis verbis legendum, *prouocationem contra eam sententiam*. Atenim ante eum & diligentem a Constantino M. introductum Relationum ordinem formamque, cum nudæ videl. Iudicum Relationes ad Principes perfecturæ, non litigatoribus ante communicatæ, non refutatoriis instructæ, non gestis omnibus sociatæ, querelæ locus adhuc iure superfluit. Quam in rem textus est singularis *l. 1. §. 1. D. de appellationib. & l. 2. C. Iust. de appellat.* Nempe quia Magistratus facile hac ratione tum rescripta per mendacium elicere potuere. Quod Constantianiana forma obseruata, euenire haud æque potuit. Atque ita hæc *lex*, seu *d. l. 2. Cod. Iust. ut lite pend. cum d. l. 1. §. 1. D. de appellat.* concilianda venit, non vt faciunt alii. Quinimo & iam olim ante *Constantinum*, si iudex exemplum litterarum, id est, Relationis & consultationis, litigatori *ultro* (non ex iuris ordine aut necessitate) edidisset, neque is ab ea appellasset, id est eam Relationem non refutasset, verum ei adqueiuisset, tanquam vera forent quæ scripta essent, si postea contra eum rescriptum fuisset, appellare amplius non poterat, *l. ult. D. quando appellandum sit*. Nam quod Noui IC. consultationem a Relatione hic distinguunt, inanes sunt, cum vtrumque idem sit; verum inter Relationum formam veterem, & Constantinianeam vel posteriorem distinguendum omnino illis fuit. Et inanius est adhuc, quod argumento adiciunt, non potuisse olim appellari a consultatione, & ita accipiendam *d. l. ult. D. quando appell.* Inanius inquam adhuc; distinguendum enim inter ipsam relationis seu consultationis promissionem, & inter tenorem relationis seu consultationis; Ab ea promissione appellari non

^{P. 228} potuit neque litigator impedire ante sententiam potuit, quò minus Iudex ad Principem referret: & hæc est sententia *d. l. 1. §. 2. D. de appell.* Atenim a tenore relationis appellari potuit, *d. l. ult.* Denique inanissimum est argumentum *l. 1. Cod. Iust. de Relationib.* (quæ hoc Codice est *lex 2. sup. de relat.*) cuius sententia longe alia.

Et vero tanta deinceps auctoritate ea Rescripta ad huiuscemodi consultationes emissæ censita fuere: vt legum, & quidem generalium & Edictorum in-

fiar iam haberentur, atque aliis aptarentur negotiis. Quod periculosum postea satis visum; ideoque Arcadio prohibere placuit: Anno D. 398. *l. 9. sup. de diuers. rescript. Rescripta*, inquit, *ad Consultationem emissæ, vel emittenda in futurum, iis tantum negotiis opitulentur, quibus effusa decebuntur*. Sed & Valentiniano III. *l. 2. Cod. Iust. de legib. cum singulari Oratione* (cuius ea *lex pars est*) ad Senatum, Iuris *ἀνὰ πρῶτον* institueret.

Ceterum quod *hac leg.* dicitur, *terminatam Rescripto vel Consultatione questionem*: id ita accipiendum est, nempe rescripto terminatam ad Consultationem. (vid. *l. 9. & u. inf.* cuius eadem sententia) Retractari rescripta, quæ ad opiniones vel etiam Relationes Iudicum datæ, non oportere. Nempe Consultationi (tanta illa præsertim Consultationis solemnitate a Constantino M. introducta) recte tribuitur quæstionis decisio, quæ Rescripto aliàs quoque tribuenda est: nempe quia ex consultatione seu ad consultationem rescriptum procescit. Nam & ita *appellatione terminata quæstio* dicitur, quæ ex appellatione seu ad appellationem terminata. Quare Cuiacii sententiæ non accedo, qui *Consultationis* verbum hic accipit, pro consultatione quæ fiebat, ad Relationem apud consilium Principis, verum consultatio hic & relatio idem sunt: vt passim *hoc titulo*, & superiore, & *leg. 9. sup. de diuers. rescriptis*. Neque alio sensu vox *Consultationis* accipienda est *l. 32. 37. Cod. Iust. de appellationib.*

Vnum *hac leg.* inuestigandum superest, quidnam sibi velit Constantinus M. his verbis: *sub sacramento obseruatione*, quæ aliquamdiu me torserunt. Verum hinc proculdubio verbis Constantinus M. sacramento sese religione obstringere pro more suo videtur. Nempe veniam se se nulli daturum deierat, qui ausus fuerit refricare litem terminatam Rescripto ad Consultationem emissæ. Ita quoque idem Constantinus M. pulcherrimo sanctissimoque iureiurando se se obstringit, aureo Edicto *l. 4. sup. de accusat.* Ita mihi summa diuinitas semper propitia sit, & me incolumem præstet, vt cupio, felicissima & florente Republ.

Citra LIBELLVM, voce ilico appellari posse.

VII. (a) Idem A. ad Bassum P. V. (b)

LITIGATORIBVS copia est, etiam non (c) conscribis libellis, ilico appellare voce, cum res poposcerit iudicata (d). Dat. VIII. Id. Iun. Sirmio, Gallicano & Basso Co sss. [317.]

NOTAE.

(a) *Lex 14. C. Iust. eod. tit. GOTHOF.*

(b) Meminit Bassi huius Praefecti V. hoc anno Auctor peruetustus *de Praefectis Vrbi. Ex die XIII. Cal. Mai. Gallicano & Basso, Id. Maii Septimius Bassus Praefectus V. fuit.* Quare & emendanda subscriptio *legis 2. sup. ad leg. Iul. de vi publica & priuata. v. plura in Prosopogr. ID.*

(c) *Non scriptis, Cod. Iust. RITTER.*

(d) *Tom in civilibus, quam in criminalibus causis, additur Cod. Iust. ID.*

C O M M E N T A R I V S.

NON LIBELLI tantum oblati, verum & voce ILICO appellare licere definit *hac leg.* Constantinus M. Hinc adeo *vocem Prouocationis & libellum* sub alternatione coniungit *lex 40. inf.* De libellis alioquin appellatoriis vide quoque *legem 2. sup. & l. 22. 56. inf.* Appellationis ilico & vltum & formulam retinet hodie Francia, sed & rescripta de ilico a Principe impetrari solent ab his, qui iusta aliqua de causa ilico appellare non poterunt: vide & *l. 2. & 5. 5. vlt. D. h. t. de appellat.*

P. 229. *De OPINIONE, seu RELATIONE, translata ad Principem causa, exhibenda, & REFUTATORIIS offerendis, transmittendis vna cum gestis ad Principem: & ne quid ATTENTETVR pendente appellatione, vel aduersus RESCRIPTA.*

VIII. (a) Idem A. ad Bassum P. V. (b)

MANENTE lege †, qua præscriptum est, intra quot dies Opinionis (c) siue Relationis exemplum priuatis Iudex debeat exhibere, & Refutatorii libelli intra quot dies rursus (d) Iudicibus offerendi sunt, tam in priuatis, quam etiam in fiscalibus (e) causis, ex eo die quo fuerit Quæstio terminata (f), vel ex quo Relationem Iudex per sententiam promiserit, intra vicessimum diem quæcumque ad instructionem (g) pertinent causæ, ad Comitatum nostrum properantissime volumus adferri. Quod nisi factum fuerit, ab vniuerso Officio (h) viginti transactis diebus, quos post latam sententiam placuit supputari, intra viginti alios dies qui sequuntur, tantum fisco nostro præcipimus inferri, quanti per æstimationem Rationalis (i) emolumentum litis, (cuius suppressa fuerat instructio,) fidelissime potuerit æstimari. Cui capitale supplicium imminet, si rigorem legis quocumque modo mollire (k) tempraerit. Eadem * poena Officio imminente, si quando Appellatione, vel Consultatione pendente, vel post decisas nostris Responsionibus (l) causas, ei quod vilo modo fuerit impetratum (m), damnabilem voluerit conhibentiam commodare: Nam decreta nostra debet ingerere (n) Iudicanti, aut ipso etiam dissimulante Iudice, reluctari, & tanquam manibus iniectis (o) eos de iudicio producere, ac Rationum (p) Officio traditos, statuti prioris † nexibus obligare, quorum desiderii violari nostras prospexerit sanctiones. PP. IV. Kal. April. Rom. Constantino A. V. & Licinio Cæs. Coss. [319.]

N O T A E.

(a) Absit hæc *lex a Cod. Inst.* quæ & superiorum nonnisi ferme est repetitio. GOTHOFR.

(b) Fuit hic Bassus biennium integrum Præfectus V. & quod excurrit. Vid. *Notitiam* apud Cuspinianum: & *Prose-pogr. ID.*

† Intelligit *legem 1. sup. l. 2.* quæ huius materiæ fundamentalis est. ID.

(c) *Opinionis*, id est sententiæ. Vide & *leg. 6. sup. l. 9. 14. inf. ID.*

(d) Viceuerfa. ID.

(e) Vide quæ dixi ad *l. 1. sup. ID.*

(f) Per sententiam, & ab ea sententia appellatum. ID.

(g) Vide pariter *legem 6. sup. & l. 9. inf.* & mox hæc ipsa lege. ID.

(h) Id est Officialibus Iudicis. ID.

(i) *Rationalis*, officii scil. vt mox. ID.

(k) De hoc vide & *leg. vlt. sup. de vi.* & *leg. penult. in f. inf. de heret.* vbi plura. ID.

* Secundum *huius legis* caput, cuius eadem sententia, quæ *legis 5. 6. sup. ID.*

(l) *Responsionibus*, id est Rescriptis, *l. 6. sup. & l. 9. sup. de diuers. rescript. ID.*

(m) A Iudice. ID.

(n) De hoc iam sæpe *alibi dictum. ID.*

(o) Enallage numeri. ID.

(p) Id est Officialibus Rationalis. ID.

† Puta *legis 6. sup. ID.*

C O M M E N T A R I V S.

DE RELATIONIS vel OPINIONIS edenda, REFUTATORIORVM offerendorum, tempore, *legem* suam, puta *l. 1. sup.* Constantinus M. confirmat. Mox & TRANSMITTENDIS iis vna cum gestis ad Principis Comitatum tempus præstituit, puta vicessimum diem a sententia vel rela-

relatione promissa, id est intra dies quinque a re-
futoris oblati, ita quidem, ut si intra eos xx. dies
Officiales Iudicis ea non transmiserint, Rationalis
Officiales intra xx. alios dies, æstimatione litis eos
multare debeant. Et sic xx. dies transmissioni præ-
stituti, totidem poenæ exigendæ per Rationales, ut
ita par temporis ratio sit officio exsequendo, quæ
poenæ exigendæ; ita quidem, ut quemadmodum
Officiales Iudicis, nisi intra xx. dies gesta transmise-
rint, multantur; ita pariter si poenam intra alios
xx. dies Officiales Rationalis non exegerint, capitali
supplicio eis Constantinus M. hac leg. minatur.
Adeo, litium finiendarum studio exaruit, adeo bre-
uitate lites constrinxit: quod & voce *properantissi-*
me, indicatum voluit. Verum postea xxx. dies præ-
stituti l. 29. 31. 32. 34. 65. inf. h. t.

Altero capite *huiusce leg.* pariter confirmatur
lex 5. & 6. sup. nempe PENDENTE appellatione vel
relatione, item aduersus RESCRIPTA ad consul-

tationes emissæ quid attentari vetat. De quo ad
eas *leges* plenissime dixi.

Singularia porro *hac leg.* quamplurima occur-
runt alia, præter iam notata. Primo de *Rationa-*
libus, eorumque Officialibus, quod Iurisdictionem in
Officiales Iudicum tribuit Constantinus ad exigen-
dam & æstimandam multam his impositam in *sp.*
huius leg. quod abrogatum l. 33. inf. Secundo, p. 130.
quod vetantur proposita poena capitali *rigorem legis*
quocunque modo mollire. quod interdictum & alias
Iudicibus de quo ad l. 4. ad leg. Iul. de vi & ad leg. 65.
de heret. Postremo, cum varia loca occurrant de
Officio Officialium Iudicum: quo debebant *Leges*
Iudicibus ingerere, Iudicibusque quid contra *Leges*
admittentibus reluctari, hæc lex in id omnium ma-
xime egregia & enixa est: cui pariat & l. 34. in f. in
hac ipsa re. v. & l. 29. l. 58. 59. 64. inf. & l. 13. 16. inf.
quorum appell.

De GESTIS seu instructionibus omnibus ad Principem mittendis, causa ad eum translata ex appellatione vel aliter.

IX. (a) Idem A. ad Seuerum (b) Vicarium.

NE causas, quæ in Nostram venerint Scientiam, rursus transferri ad iudicia necesse sit,
instructiones (c) necessarias plene Actis inferi præcipimus: Nam cogimur a profe-
renda sententia temperare, qui (d) sanximus † *retractari Rescripta nostra ad Opiniones, vel*
etiam Relationes Iudicum, data non oportere: quoniam verendum est, ne lis incognito ne-
gotio dirimatur, adempta copia conquerendi. Quare perennibus inuretur Iudex notis,
si cuncta quæ litigatores instructionis probationisque causa recitauerint, indita Actis, vel
subiecta, non potuerint inueniri. Dat. X. Kal. Iul. Aquil. Constantino V. & Licinio Cæs.
Coss. [319.]

NOTAE.

(a) Lex 15. Cod. Iust. eod. tit. GOTHOFR.

(b) Eidem Severo inscribitur, dignitate non addita lex 2. sup. de maternis bonis, quæ eosdem COSS. præfert. Eum
vero Vicarium Illyrici fuisse suspicatur Blondellus de Primatu in Eccles. p. 513. cuius causas non addit. ID.

(c) Ita pariter *sine huius leg. & leg. 6. & 8. sup. h. tit. ID.*

(d) Hæc sententia, vsque ad *vers. Quoniam*, a Triboniano recisa est. ID.

† Leg. 6. & 9. sup. h. tit. ID.

COMMENTARIUS.

GESTA omnia, seu INSTRUCTIONES omnes
causæ Actis inferi, & inserta ad Principem, Opini-
one vel Relatione facta, (id est translata cognitione
causæ ad Principem vel Relationem vel Appellatio-
nem) transmitti plene iubet *hac l.* Constantinus M.
Quod & ipsum ab eodem constitutum iam l. 1. 5. 6. 8. 9.
sup. de quo plenius ad leg. 35. inf.

Cuius rei *rationem* seu causam duplicem affi-
gnat, ab Absurdo petitam: quia vel necesse habebit
Princeps ob defectum Instructionum necessariarum
causam ad iudicia transferre, seu rursus ad Iudi-
cem remittere: vel si incognito forte negotio lis ab
eo dirimatur, cum euidentissimo litigatorum da-
mno id fiat & irreparabili: Quandoquidem Re-
scripta Principis retractari iam ipse prohibuerat:
l. 6. 8. sup. Adempta scil. conquerendi copia, ut
hæc lex loquitur, seu alicuius rei retractatione

prohibita, eo maior cautio circa eam, instructio-
que adhibenda est. Quod Accursiani ex *hac l.* re-
cte notant.

Et hæc quidem est *huius leg.* sententia, quam
non omnino cepit Rupanus de Parliamentis lib. 13.
c. 59. art. 63. Et poena, quod notandum, infamiae
perpetuæ, huic rei proposita a Constantino M. pariter
ut leg. 24. 34. inf. puta si iudex non omnia Gesta
transmiserit.

Quæ omnia rursus argumento sunt, quanto-
pere, seu quam enixe Constantinus in hanc rem,
cautum voluerit.

Et *hac tandem leg.* obiter specialius apparet ali-
quid interesse inter *Opiniones* & *Relationes* Iudicum:
nempe *Opiniones* proprie post sententiam appellatio-
ne facta: & vero ita quoque distinguuntur l. 8. sup.
Eodemque sensu vox *Opinionis*, sumitur l. 1. u. in fin.

inf. Aliquando autem *Opinionis* voce vtrumque significatur, tam *Opinio* specialiter dicta, quam *Relatio*: vt l. 6. in pr. sup. & l. 5. sup. de relation. quando & *Consultationis* vox in modo specialius pro *Relatione*

accipitur, vt l. 3. 4. sup. de relation. modo generalius non tantum pro *Relatione*, verum etiam pro ea, quæ fit post appellationem. Atque hoc sensu *hoc tit.* accipienda est.

De TEMPORE appellationis a NOMINATIONE.

X. (a) Idem A. ad Crispinum....

SI quis per absentiam nominatus (b), ad prouocationis auxilium cucurrerit, ex eo die interponendæ appellationis duum mensum (c) tempora ei computanda sunt, ex quo contra se celebratam nominationem didicisse monstrauerit: Nam præsentī, qui factam P. 231. nominationem cognouit (d), & appellare voluerit statim debet (e) duorum mensum spatium computari. Dat. viii. Id. Iulias, Constantino A. VI. & Constantino C. Coss. [320.]

NOTAE.

(a) *Lex 1. C. Iust. de temporibus & reparat. appell.* Concordat huic l. lex 19. inf. b. t. GOTHOF.

(b) *Vel ad Duumuiratus aliorumque honorum infulas, vel munus aliquod euocatus*: hæc Tribonianus huic l. inferuit ex l. 19. in b. t. Recte. ID.

(c) *Pro mensium.* Vt & infra mox. In Cod. l. duorum mensum. ID.

(d) *Cognouerit.* Cod. Iust. ID.

(e) *Debent spatia,* ita Cod. Iust. ID.

COMMENTARIUS.

DE Appellatione a NOMINATIONE est hæc Constantini M. lex. NOMINATIS seu *Euocatis* scilicet ad Curiam, seu ad Duumuiratum, aliorumque honorum infulas, vel munus aliquod, (quod a Triboniano recte additum) appellare quoque licet: de qua Appellatione, præter hanc leg. sunt & lex 12. 19. 53. infr. b. tit. & lex 2. 8. inf. de decurionib. & lex 8. inf. de reparat. appell. & lex 4. 7. n. Cod. Iust. de appellat. E quarum constitutionum numero obseruandum est, leg. 2. inf. de decurionib. eidem Crispino inscribi cui hæc inscribitur. Si videlicet nominatus iniustam nominationem esse putet: quanquam non tam appellatio hæc est, quam querimonia, d. l. 12.

Porro interponendæ appellationi duorum mensum spatium tributum iam olim, vt præter hanc leg. docet d. lex 2. inf. de decurion. Et vero a Constantino tributum d. l. 2. & hac constitutione, item a Constantio, d. l. 19. inf. Etsi trium mensum spatium eidem Constantino M. placuit, ad nominationes faciendas, ita & ad appellandum a Nominatione l. 8. inf. de decurionib. quæ prima est Cod. Iustin. de magistr. municip.

Cæterum quæri video, num hæc l. accipienda sit de interponenda tantum appellatione, quod vtique hæc lex sonare videtur: an vero de exsequenda etiam, capienda sit? Quod postremum Accursio

placet, arg. *Authent. hodie, de appellat.* ex qua sane intra X. dies interponenda appellatio est, quem sequitur Cuiacius *Paratitlo de temporib. & repar. appell.* felicioribus argumentis, puta arg. d. l. 19. inf. b. t. vbi, *intra duos menses negotia perorantur.* deinde arg. l. 1. in f. D. *quando appellandum & intra quæ tempora,* vbi biduum aut triduum tantum conceditur appellationi interponendæ: denique quia hæc lex in Cod. Iust. posita est sub tit. *de temporib. appellat.* qui sane est de exsequendarum appellationum temporibus. Vera hæc omnia: Quibus accedat insuper argumentum legis 3. inf. de reparat. appellat. ibi, *cuique duo ad PERAGENDVM menses causarum urgentium conclusionem tribuuntur*: vbi & rationem vides, nempe causas has urgentes esse, quas vtique concludi mature publice interest.

Cæterum vnde hi duo menses, quod *huius leg.* proprium est, computandi sint, hæc l. definitur; nempe absentibus, a die notitiæ, ex quo nominatos sese didicerunt, currere; præsentibus, statim a nominatione facta: quod & alias tralatitium est in temporibus computandis.

Denique quot dierum menses hi sint? vid. l. 2. inf. de Decurionib. vbi dicam plenius, indicata quoque lege 101. D. de R.I.

I. De RELATIONIBVS ad principem, & Refutatoriis ad eum simul mittendis. 2. de RECIPIENDIS appellationibus.

XI. (a) Idem A. ad Maximum (b) Post alia.

NEMO in Refutatione aliquid congerat, quod adferere intentione (c) neglexerit. Quod quidem sæpe fit industria, si quod quis probari posse desperet, in præsentī disceptatione diffimulet, certus se esse reuincendum, si commenticia & ficta suggererit. Propter quod cogi (d) etiam singulos oportebit, ad proferenda in iudicio vniuersa, quæ

quæ ad substantiam litigii proficere arbitrantur, adque ea ratione vrgueri, vt sciant sibi ex auctoritate legis istius non licere Refutatoriis tale aliquid ingerere (e), quod apud Iudicem non ausi fuerint publicare. Nam * si plena, vt iubemus, adferio per litigatorem in iudiciis exeratur, & integra instructio (f) in Consulti (g) ordinem conferatur, stabit raturum (h), ac fidele, quod iudicia nostra rescriberint: Neque vllus querimoniarum locus dabitur, nec occasio supplicandi, vt conuelli labefactarique iubeamus, quæ ad Relationem eius sanximus, qui neque vera, neque vniuersa suggestit. Omnes (i) igitur partium allegationes, acta vniuersa, scribiturarumque exempla omnium dirigantur. Quod cum vniuersos Iudices, tunc (k) præcipue Sublimitatem Tuam, qui cognitionibus nostram viciem repræsentas, seruare conueniet. ** Sane etiam ex eo querimoniarum litigantium oriuntur, quod a vobis, *** qui imaginem principalis discepcionis accipitis, appellationum adminicula respuuntur. Quod inhiberi necesse est. Quid enim acerbius (l) indigniusque est, quam indulta quempiam potestate ita per iactantiam inolescere, vt despiciatur vtilitas prouocationis, Opinionis (m) editio denegetur, Refutandi copia respuatur? Quasi vero appellatio ad contumeliam Iudicis, non ad priuilegium iurgantis, inuenta sit: vel in hoc non æquitas Iudicantis, sed litigantis debeat considerari vtilitas (n). Dat. Prid. Id. Ian. Sirmio, Crispo II. & Constantino II. CC. COSS. [321.]

NOTAE.

(a) Absit hæc lex a Cod. Iust. Iungenda illi est lex 1. sup. de iudiciis. GOTHOFR.

(b) P. V. vt docet vetus auctor *Consularium ac Praefectorum urbis* apud Cuspinianum. Vide quæ dixi plura ad d. l. 1. sup. de iudiciis, & in *Prosp. ID.*

(c) Id est in disceputatione, vt mox dicitur, seu in iudicio. ID.

(d) Vide hanc in rem d. leg. 1. sup. de iudiciis. ID.

(e) Et inferere. ID.

* Secunda sententia huius legis. ID.

(f) De hoc iam dictum l. 6. §. 9. sup. b. 2. ID.

(g) *Consulti*; id est consultationis, quomodo alias vocatur. ID.

(h) Vide nominatim de hoc legem 6. sup. ID.

(i) V. l. 35 inf. vbi dico plene. ID.

(k) *yp. Tum*, vt etiam habet Editio quartana. ID.

** Tertia huius legis sententia. ID.

*** Lex 16. Cod. Iust. eod. tit. hinc desumpta est. ID.

(l) Id est acerbius. ID.

(m) *Opinionis* id est sententiae & Consultationis, de quo plenissime ad l. 9. sup. ID.

(n) Siue *Vilitas*. ID.

COMMENTARIVS.

VT IUDICIUM seu COGNITIO Principis, ad Iudicium Relationes, vel litigatorum Appellationes, tota integritate atque libertate procedere possit, diligentissime hac l. & l. 1. sup. de iudiciis (quæ huic coniungenda est) cauit Constantinus M. & quidem hac l. triplici sententia & ratione.

Primum enim, REFUTATORIIS (de quibus l. 1. §. 11. sup. & l. 16. inf. & l. 5. sup. de relationib.) a litigatoribus inferi quid vetat, quod in intentione adferere neglexissent, id est, quod in disceputatione iudiciaria coram Iudice primæ Instantiæ non adferuissent, non publicassent, & allegare dissimulassent. Quod tamen litigatores fraudulentè sæpe fecisse h. l. indicat; securius videlicet iam refutatoriis inferentes a iudiciorum oculis submoti, quæ si in iudicio protulissent, nullo labore reuicti ipsi fuissent, & prolata, velut commentitia & ficta, reprobata fuissent. Quod ad usum hodie vtiliter & ad Grauiamina quæ vocant traduci potest. Proinde, vt querelæ locus non sit, neue litigatores sese minus plene auditos obtendere possint, Iudici, vt hac l.

Tom. IV.

ita vel in maxime d. l. 1. sup. de iudiciis, id Constantinus M. inculcat: Vt crebro iudex litigatores interroget, vrgeat, numquid noui resideat, quod allegationibus annexi in iudiciaria contentione conueniat; quod cogendi vocabulo etiam hic exprimitur: nempe cogitur quodammodo, qui & iuris sui frequenter admonetur & frequenti iudicis commotione vrgetur. Huic vero simile est, quod cauetur l. 52. inf. nihil sub sacri iudicii examine (id est in iudicio appellationis) de ea parte negotii definiri debere, de qua nihil in exordio, id est in prima instantia, apud Præsidem, aut institutum fuerit, aut probatum.

Secundo, eodem quo dixi fine, Gesta omnia ad Principem vna cum Relatione mitti iubet, vt ita rescriptum, quod exinde manauerit retractari amplius non possit; de quo iam aliquoties ab eodem Constantino M. cautum fuit: l. 5. 6. 8. 9. sup. & l. 16. inf.

Postremo capite RECIPERE appellationes ab omnibus Iudicibus iubet. Quo pariter pertinent eiusdem Constantini M. lex 2. 4. sup. lex 13. 15. 16. inf.

Hh 2

Etiam

Etiam ab illis qui vice sacra iudicant: ac nominatim in specie *huius*, l. a. Præfecto vrbis. Nempe Præfectus vrbis, alique qui vice sacra iudicabant, (quod ostendit etiam *d. lex 16*) in tantum hac tempestate processerant, seu ut hic dicitur, *indulta potestate ita per iactantiam insollescebant*: ut, quia vice sacra cognoscebant, a se ad Principem appellari haud facile paterentur: cui rei Constantinus M. mederi subinde necesse habuit, ut hac l. ita & d. l. 16.

Quare tria iam hinc notanda sunt. Primo, Præfectum vrbis *vice sacra iudicasse*, quod duobus etiam locis hac l. ostenditur; *sublimitatem tuam*, inquit, *qui cognitionibus nostram vicem representas*: Etrursam, a vobis qui imaginem principalis disceptationis accipitis: Quomodo & quinque præterea Legibus hoc tit. Puta, l. 13. inf. si a sententia prouocatum fuerit Grauitatis tue, cui nostram vicem commisimus, sacrum auditorium expectari, & l. 18. inf. (quæ & ipsa Præfecto vrbis inscribitur) ad auditorium Grauitatis tue, cui ad vicem nostram delata iudicatio est: & l. 44. inf. b. t. (Præfecto vrbis pariter inscripta) ad cognitorem sacri auditorii: & mox, post iudicium sacri examinis: & l. 49. inf. ad Præf. vrbis, *sublimi Eminentie tue sacrum nostri Numinis iudicium delegamus*. & l. 61. inf. hoc tit. ad Præfectum vrbis, *illustrem sedem tuam, editis ex more Apostolis, sacra vice audientiam præbere sancimus*. Item l. 3. inf. de reparat. appellat. super qua disceptatio non auditorii sacri, sed ordinariorum iudicium cognitione tractanda est. Item l. 2. sup. de pactis, ad Præfectum Vrbis pariter, post sententiam sacri auditorii: Symmachus etiam lib. 2. ep. 30. Præfectum Vrbis sacri Auditorii cognitorem vocat. Vide & eundem lib. 10. ep. 58. Eodem inscriptiones quoque veteres pertinent quatuor, in quibus Præfecti vrbis *vice sacra iudicantes*, seu *iudices sacrarum cognitionum* vocantur. Et quid mirum, si Præfecti vrbis vice sacra iudicauerint, cum & Proconsules, Comites, Vicarii pariter vice sacra iudicauerint, ut docuitiam *lex 3. sup.* docebit & *lex 16. inf.* & l. 1. 2. inf. de his qui per met. iud. ut proinde grauis error sit eorum qui tradunt, & in his quoque Cuiacius, *Imaginem principalis disceptationis accipere*, hac leg. aliud esse, quam *vice sacra cognoscere*: Quos tot illa, quæ cumulaui, testimonia refutant: imo vel hæc sola *lex*, quæ paulo ante hoc ipsum sic aperte expressit, *Cognitionibus nostram vicem representas*. Et suaves sunt, cum imaginem hic interpretantur, fictionem. Illud equidem fatendum, inter eos qui vice sacra cognoscebant, maioris meriti alios fuisse, minoris alios: maioris, inquam, Præfectos Prætorio, respectu Proconsulum, Comitum & Vicariorum, quorum vtique contemplatu idem Constantinus l. 16. inf. h. t. ait, *Præfectos Prætorio SOLOS vice sacra VERE dicendos esse*: Proconsulum inquam Comitum & Vicariorum respectu: & non etiam Præfecti Vrbis. Grauis item illorum error est, qui, non vi Iurisdictionis seu Præfecturæ ipsius, hoc appellationum ius Præfecto vrbis, in sp. *huius legis* & l. 13. & 18. inf. competuisse volunt. Verum ex-

tra ordinem id delatum: & sic tanquam delegatos & commissarios extra ordinem ab Imperatore de his appellationibus iudicasse: verbis cum illis, quibus Præfecto Vrbis dicitur *commissum auditorium Principis*: vel *vice sacra iudicasse*, non id indicatur, vicem Principis extra ordinem commissam, verum Præfectos vice Principis iudicasse, quod rem alioqui ad Principem pertinentem dignitates illæ exercebant: Quomodo & alii passim *vice sacra iudicasse* dicuntur.

Secundo notandum ex hac leg. etsi ad Præfectum Vrbis appellaretur, tamen appellari adhuc a Præfectis Prætorio ad Principem licuisse: quod præter hanc leg. ostendit præterea *lex 22. 30. inf. hoc tit.* & l. 2. seu vlt. inf. de his qui per met. iudicis: & forte l. 2. inf. quorum appellat. etiam quo tempore a PP. appellate iam non licebat. Atque hæc iuris veteris auctoritas dicitur, *dist. leg. 23.* Quod sane confirmat decantata *lex 38. D. de minorib.* Et sane hoc ius constituit seu durauit sub Constantino M. quod hæc *lex* docet & forte d. l. 2. inf. quorum appellat. sub Constantio, quod ostendit *dist. l. 23. inf. & dist. leg. 2. inf. de his qui per met. iudic.* Item sub Iuliano Apostata, quod testatur *lex 30. inf. hoc tit.* Cum tamen a Præfecto Prætorio prouocare tum iam liceret, ut docet *lex 16. inf. b. tit.* Verum postea tandem non magis a Præfecto V. quam a Præfecto Prætorio appellari potuisse, docet *lex 20. inf. quorum appellat. non recip.* & *lex 2. sup. de pactis*: & Symmachus lib. 10. Epist. 55. vbi inusitatam prouocationem vocat a sententia Præfecti vrbis. Idemque testatur Theod. Balsamo, ad can. 12. Antiochenum p. 442. Tom. I Pandect. Canon. Guil. Benereg. λέγεται τῶν πραιτωρίων, καὶ τῶν ἀπόφασιν τῶν δις γενομένων ἐπ' αὐτῶν τῆς πόλεως, οἱ νόμοι ῥητῶς διατίθενται, μὴ ὑποκείσθαι ἀλλήλων. Dicunt nonnulli, quod quoniam sententiam Præfecti Prætorio, & sententiam eius, qui his fuit Præfectus vrbis, leges aperte statuunt appellationi non subiaci. Vt ex his appareat, quam temere nonnulli asserant, *nusquam* id reperiri, a P. V. appellari non potuisse. Et tamen sub Zenone postea ab eo appellatum fidem facit *lex 12. §. 7. vers. quod autem, C. 1. de edific. priuat.*

Tandem ex hac leg. obseruandum, quod de appellationum inducendarum causa eleganter *sine legis* notatur; nempe, *Vilitatem prouocationis*, seu appellationem ad priuilegium iurgantis inuentam esse, neque ideo contumeliam Iudicis respicere; seu litigatorem non ideo contumeliam Iudici inferre, quod ab eo appellet: cum in hac re, spectanda sit æquitas Iudicantis, bene an male iudicauerit, non vero contemptum habenda seu spernenda ad Iudicis potestatem & maiestatem comparata litigatoris vilitas. Ita enim hunc locum & obscurum accipio, & corruptum restituo: *vel, in hoc non æquitas Iudicantis, sed litigantis debet considerari vilitas*. Substituta scil. voce *vilitas* loco *utilitas*. Quæ vocum immutatio & alibi notata.

A NOMINATIONE non *appellationem*, sed *querimoniam* dici oportere: & ideo **TEMPORA** *appellationum* hic non seruanda.

XII. (a) Idem A. ad Florentinum (b).

SI nominatus Magistratus (c) aliquis refragetur, non *Appellatio*, sed *Querimonia* (d) hoc dicitur: *Appellationis* enim verbum, in maioribus rebus dici oportet. Similiter & si ad Exactionem annonariam (e) nominatus, de iniusticia (f) queratur, non *Appellatio*, sed *Querela* hoc esse videbitur. Ideoque, nec tempora *appellationum* seruanda sunt, sed mox super huiusmodi querimoniis disceptandum. Dat. Id. April. Constantinop. (g) Severo & Rufino Coss. [323.]

NOTAE.

- (a) Absit & hæc *lex* a *Cod. Iust.* Iungenda autem illi *lex* 8. *inf. de decurionibus*: quæ etiam argumento huic respondet. **GOTHOFR.**
- (b) Florentium, *d. l. 8.* An autem hic est Florentius Rationalis, cui inscribitur *A. 320. lex 1. sup. de custodia reor.* Id suadet, quod de *exactione annonaria*, hic & *d. l. 8.* dicitur. *ID.*
- (c) Ita pariter *dict. leg. 8. decuriones ad Magistratum nominari* &c. *Magistratus* autem pro Duumviratu, ut *lege 19. inf. ID.*
- (d) *Querimonia.* Hac ipsa voce etiam vocitur *d. l. 8. ID.*
- (e) Ita pariter *d. lege 8. ad exactionem annonarum nominari. ID.*
- (f) Ita contra *d. l. 8. querimonia iusta. ID.*
- (g) Ita quidem etiam *d. l. 8.* At enim vox hæc expungenda est: Nondum enim *Constantinopolis* hoc tempore fuit: seu Byzantium nondum *Constantinopolis* dicta fuit. Et error est cuiusdam nuperi Scriptoris, qui hic loco *Byzantii* ab huius *Codici* Conditoribus nomen *Constantinop.* substitutum ait. *ID.*

COMMENTARIVS.

DE NOMINATIONE ad munera publica, & nominatim ad Duumviratum, & Exactionem annonarum, deque Appellatione ab ea, est hæc Constantini M. constitutio: de quo fuit quoque *lex 10. sup.* erit insuper *lex 19. & 53. inf.* sunt & aliæ *leges* quas ad *d. l. 10.* cumulaui. Huic igitur Appellationi, proprium prius nomen tribuit, deinde, quo illud præstruebatur, persequendæ illi certum breueque tempus præstituit. Nempe ait, hanc appellationem a Nominatione, non *appellationem*, sed *querimoniam* dicendam: *Appellationis* enim verbum in maioribus rebus dici oportere: cuiusmodi est res iudicata: ubi res pecuniaria, existimatio vel capitis causa vertitur: non ubi de nuda nominatione ad Magistratum vel exactionem annonarum, in quibus nonnisi de munere personali agitur. Sane & cæteroquin inter *Querelam*, & *Appellationem* interest: Omnis quidem Appellatio, Querela est, *lege 17. D. de minoribus*: at non omnis Querela, Appellatio. Nam & ciuitatum quoque in commune querelæ esse possunt, de cuiusmodi querelis est insignis Statii locus, quem in *Apolityco* expendo. Item, a qua sententia sæpe appellare nil opus est, querela tamen opus est: *l. 3. C. Iust. quomodo & quando Iudex.* Ita igitur & hac *leg.* querela appellationi opponitur.

Neque tamen nuda nominis ratio, de qua aliquin haud adeo laborandum foret, Constanti-

no in hac *leg.* proposita fuit, verum eo fine ut exinde eliceret, *Tempora appellationum* hac parte non esse seruanda; sed ilico super huiusmodi querimoniis disceptandum: Nempe ut ita, si iusta sit querimonia, iniustaque nominatio, sine impedimento aut dilatione alius subrogetur; quod expressè huic *leg.* subiectum erat, ut docet *lex 8. inf. de decurionib.* quæ huic coniungenda est.

Scilicet qui Nominati erant, tempora appellationum obseruabant, & sic querimonias suas protrahabant: Et vero iure protrahere hætenus potuerunt, spatio videl. duorum mensium, ut docuit *lex 10. sup. h. t.* docebit & *lex 19. inf.* Verum id nunc displicet Constantino M. propter publicam videlicet vtilitatem: Atque ut omnem scrupulum eximeret, quod alias appellationum persequendarum statuta quædam tempora sunt, & esse debent, illud præmonere & præmunire voluit, *Querelam* hanc, non Appellationem esse: quare, non ut appellatio ni ita huic querelæ quoque moratoria tempora præstituenda: ac maxime, cum ex facili huiusmodi Querelæ diiudicari possint; aliter atque alia causarum genera, quæ maiorem requirunt indaginem, & ideo maiores res eas hic vocat: Quicquid sit, redditum tamen postea ad ius antiquum Constantii *l. 19. inf. b. tit.* qua anterior *lex 10. sup.* reducitur.

FACTA *appellatione a Iudicibus, sub Praefecto urbi constitutis, ad Principem non REFERENCENDVM.*

XIII. (a) Idem A. ad Iulianum P.V. (b)

NONnulli Iudicum inferioris gradus a sententiis suis interponi prouocationis auxilium ægre ferentes (c), id efficiunt, vñobis eorum Relationes non necessariae, & insolentes, ingerantur. Igitur volumus, cum ab eorum sententiis fuerit prouocatum, super ea quaestione, cuius appellatione interposita Iudices esse desierunt (d) minime eos ad Nostram referre Clementiam, sed Grauitatis Tuæ, cui nostram vicem (e) commisimus, sacrum auditorium expectari. Dat. III. Non. Aug. (f) Heracleæ, Constantino A. VII. & Constantio C. III. COSS.

NOTAE.

- (a) Absit hæc *lex 2 Cod. Iust.* Iungenda autem illi est *lex 17. Cod. Iust. eod. tit.* Neque enim assentior existimantibus, *legem* illam ex hac interpolatam, vt ex huius legis sententia mox liquebit. Concordat etiam *huic l. maxime lex 2. sup. de relationib.* præter quamplurimas *huius tit. leges*: puta *lex 2. 4. 11. sup. lex 15. 16. inf. GOTHOFR.*
- (b) *Anitii Iuliani* P. V. huius meminit quoque A. 326. Auctor ignotus *de Praefectis urbi*, sed & duobus Consulatus sequentibus. V. quæ notauimus ad *l. 2. sup. de Prætorib.* Eidem inscribitur *lex 18. inf. ID.*
- (c) Vid. quæ notauimus ad *l. 4. sup. ID.*
- (d) Semel. *ID.*
- (e) V. quæ fuscè notauimus ad *l. 11. sup. ID.*
- (f) Atqui auctor Ignotus *de Praefectis Vrbis*, Anitium Iulianum ab Idibus Nouembris A. D. 326. tantum Praefectum vrbis facit? Itaque hic repono *Constantium A. VIII. & Constantinum IV. COSS.* in cuius Consulatu, VII. id. Septembr. hic Anicius Iulianus PV. fuit: auctore eodem *Notitiæ* Scriptore: & sic referenda hæc *lex* ad An. 329. vel certe ad 327. *ID.*

COMMENTARIUS.

P.235.

RECIPERE Iudices inferioris gradus, appellationes ad Praefectum vrbis ac non etiam ad Principem referre, atque huiusmodi Relationibus appellationes interturbare, hac rursus Constantini M. constitutione iubentur: pariter vt *l. 2. sup. de relationib. l. 2. & 4. sup. (& aliis infra)*: vbi & de ratione & occasione, quæ hic nominatim exprimitur, sed & de Praefecto Vrbis, qui vice sacra iudicauit, *l. 11. sup.*

Quod huic legi speciale est, id tantum nunc scitemur. Ex hac nempe lege liquet, a Iudicibus inferioris gradus ad Praefectum vrbis appellatum fuisse hac Constantini M. tempestate. Quinam autem hi Iudices inferioris gradus accipiendi sint? disquirendum. Id vero *lex 17. Cod. Iust. de appellationib.* (quæ huic coniungenda est, non vero vt nonnulli censent, ex hac leg. interpolata:) de Prætoribus accipiendum docet: *Si apud utrumque, inquit, Praetorem dum quaestio ventilatur, ab aliqua parte auxilium prouocationis fuerit obiectum, Praefectura vrbis iudicium Sacrum appellator obseruet.* Vbi uterque Praetor, est Vrbanus & Peregrinus. Denique & ita apud Dionem suadet Mecenas Augusto, vt a Minoribus Magistratibus omnibus, puta Prætoribus, Aedilibus, Tribunis plebis, ad Praefectum vrbis appellationes deferrentur, etsi id posterius factum. Quare his opponit eodem loco Dio τὰς μεγάλων ἀρχοντας, puta Procuratores, Praesides Prouinciarum, Praefectum annonæ, Praefectum Vigilum, a quibus ad ipsum Principem appellari idem suadet. Verum mihi mens ea, Iudices quoque Ordinarios seu Rectores Prouinciarum Italiae, hic intelligendos; qui sane ipsi Iudices ordinarii inferioris gradus fuerunt. Sane ante Constantinum, a Praefectibus

etiam & ab Ordinariis Iudicibus omnium prouinciarum ad Praefectum Vrbis factas appellationes loci docent contestatissimi apud Vopiscum quatuor, quos in Coniectura & Vindicis, & in *Apolystico* propius expendi. Quare vero proximum, immutata quamlibet a Constantino M. Magistratum, atque adeo & appellationum forma, atque in his sacra cognitione Proconsulibus, Comitibus, Vicariis tributa, atque ad hos appellationibus nonnullis decretis, quod iam docuit *lex 3. sup. h. tit.* parte altera Praefectorum Prætorio dignitate aucta (de quo ad *leg. 16. 27. inf. & l. vn. sup. de Praef. PP.* nonnullas adhuc prouincias Praefecto V. relictas, nonnullos Rectores Prouinciarum, atque adeo Iudices inferioris gradus, a quibus ad Praefectum V. appellaretur. Et sane id confirmat *lex 27. inf. h. t.* vbi Constantius, Constantini filius, appellationes ex *Sardinia, Sicilia, Campania, Calabria, Brutiis, Piceno, Æmilia, Venetia, & cæteris*, quæ antea ad Praefectum V. fiebant, Praefecto Prætorio Italiae assignat: Quinimo & Casiodorus designatas lege Prouincias quasdam fuisse suo quoque æuò testatur, de quibus ad Praefectum V. appellaretur.

Illud præterire non possum, hanc l. a nouis Censoribus pessime nuper acceptam, triplici errore admissa. Primum aiunt, hac l. agi de appellationibus, quæ ad Principem fiebant; cum tamen in ea clare agatur de Relationibus ad Principem, & quidem perperam factis. Secundo, cum scribunt hac l. agi de appellationibus ab iis, qui a Principe aliis rebus occupato delegati, non ab ordinariis. Nam imo de ordinariis hic agitur, quæ ideo ad P. V. fieri debebant: quia huic vicem suam Principes commiserunt, cui nostram, inquit, vicem COMMISIMVS;

stms; quibus eludendis non necessariz & insolentes Relationes ad Principem fiebant, *insolentes*, id est contra solitum, & sic ordinarium ius appellationum. Postremo cum adserunt *hac l. Præfecto V. appellationes deferri propter Principis occupationes*: nam imo quia referri de his ad Principem non oportebat.

Ergo ad Præfectum vrbis ordinario iure, appellabatur, non tanquam ad delegatum extra ordinem in peculiari quodam negotio, pariter vt *l. 18. inf.* quia scil. Præfectus Vrbi vi dignitatis suæ vicem Principis sustinebat, sacraque vice cognoscebat, *h. l. & d. l. 18. de quo plene ad l. u. sup.*

FISCALIBVS in causis appellanti quid facto opus sit: & quomodo eo non facto, appellatio pro deserta habeatur.

XIV. (a) Idem A. Victori Rationali (b) Vrb. Rom.

QVONIAM nonnulli fisci debitores, cum iussi fuerint debitam summam exsoluere, interposito prouocationis auxilio vim executionis eludunt (c), nec iam Opinioni (d) exemplum, nec Refutatorias preces curant petere (e) vel offerre, placuit, vt si intra dies (f) complendis (g) sollempnitatibus (h) præsitos ad facienda hæc appellatoris cura defuerit, deserta ab eo prouocatio æstimetur, (i) moxque debitum exigatur. Dat. Prid. Kal. Aug. Constantio & Maximo, Coss. [327.]

NOTAE.

- (a) *Lex 18. C. Iust. b. tit. GOTHOFR.*
- (b) *Victor Rationalis Vrbis Romæ sub Constantino M. ID.*
- (c) De appellatione a Rationali Vrbis Romæ agitur rursum *lege 18. & 49. inf. De Rationali vrbis Romæ v. Notitiam Imperii, & nostram. ID.*
- (d) Hic locus apertissime ostendit, *Opinionis* vsum, simul & *Refutatoriorum* appellatione facta. *ID.*
- (e) *Petere*, ad opinionem pertinet, de quo mox: *offerre*, ad refutatorias. *ID.*
- (f) De hac *dierum* præscriptione, v. *l. 1. §. 9. sup. ID.*
- (g) Absit hæc vox, *complendis*, a *Cod. Iust. ID.*
- (h) *Solempnitatibus*, id est petendæ opinioni, & refutatoriis offerendis. *ID.*
- (i) *Exigimetur*, *Cod. Iust. ID.*

P. 236.

COMMENTARIVS.

FISCI DEBITORVM condemnatorum a Rationali (ad Principem) lusoriis, perusoriis, moratoriis appellationibus *hac* Constantini M. constitut. occurritur: Lusoriis, inquam: Sæpe scil. condemnati vt vim executionis eluderent: eludendæ tantum sententiæ appellabant, mox vero prosequendæ appellationi nec quicquam operam dabant: non petito sententiæ seu opinionis exemplo; non oblati refutatoriis, quæ duo introducendæ alias appellationi requiruntur: Igitur id *hac leg.* constituitur, vt huiusmodi appellantes nisi hæc intra dies complendis sollempnitatibus præsitos fecerint, id est, quod superiores *leges* ostendunt, intra decendum opinionis exemplum petierint, & intra quindecimum refutatorios obtulerint, ab his deserta prouocatio habeatur, & vigore sententiæ exigantur. Quæ Constantini sanctio seu pœna etfi in *fisci nominatim debitoribus* concepta est, vt videlicet pro deserta penitus appellatio habeatur (quare hæc *lex* etiam Rationali inscribitur) attamen singulare id, & nouum fisci priuilegium hoc non est. Sane enim iam & olim Paulus auctor est, *V. sent. tit. 34. §. 2. Qui intra tempora præsita dimissoria non postulasset, vel accepisset, vel reddidisset, præscriptione ab agente submotum.*

De appellationibus alioquin in causis fiscalibus, fuit quoque iam *d. lex 8. sup.* erit *lex 21. 26. 28. 41. 45. 46. 64. inf. b. tit. & lex 12. inf. quorum appellat.*

Postulandæ igitur seu petendæ Opinioni, pariter vt Apostolorum, appellatori cura incumbbat: Quod, præter *hanc leg.* & locum Pauli & *l. vi. D. de libellis dimiss.* docent insuper *lex 6. sup.* ibi, cui opinionis exemplum negatum est, *Lex 11. ibi, vt opinionis editio denegetur*: *Lex hæc 14. ibi, neciam opinionis exemplum petere curant*: *Lex 18. inf. ibi, Apostolis datis, quod iuxta obseruatam rationem postulari sufficiet.* *Lex 67. inf. ibi, Apostolorum copiam denegauerit.*

Pœna autem *hac l.* additur nempe, vt si appellator id facere neglexerit, intra dies statutos, deserta ab eo appellatio æstimetur. Quæ & ipsa pœna iam olim Apostolos non petentis erat; puta vt præscriptione subinoueretur: quod Paulus superiore loco ait: Atque ea quoque causa est, cur Modestinus libro singulari de præscriptionibus, in *l. 106. de verbos.* significat, de his Apostolis egerit.

Quid fiet igitur *legi 6. §. ult. C. Iust. de appell.* ubi definitur, Iudicem dare oportere Apostolos post interpositam prouocationem, etiam non petente appellatore, sine aliqua dilatione? Distinguunt vulgo, Officium Iudicis instrui, *dict. leg. 6. §. ult.* aliis legibus Appellantes: Quæ inanis conciliatio est. Dicam, vel argum. *hinc leg.* prout Iudicem, aut Appellatorum contumacia & frustrationibus feculum laborauit, ita vel Iudici vitronæ oblatio-

nis necessitatem impositam: vel appellatoribus postulandi.

Cæteræ leges, veluti *lex 29. 31. 54. inf.* quæ etiam a Cuiacio obijci solent, nec quicquam obstant: Agunt enim illæ de *Transmissione* Opinionis, appellatione facta ad Principem: vbi sanè Iudicis officium semper fuit, acta cum Relatione & cum refutatoriis vltro ad Principis scrinia mittere: *dictis legibus*, &

l. 1. 5. 6. 9. n. sup. non expectata litigatorum postulatione: de quo vid. quæ dico ad *l. 32. inf.* Eodemque spectat *dicta leg. 6. §. 3. Cod. iust. de appellat.* qui §^{us}. a Teſſ. manu forte non vndeque innumis, & ex hoc iure interpolatus videatur.

Hic tandem obseruandum in hoc argumento de Appellationibus a *Rationali* versari octo præterea leges hoc tit. puta *l. 18. 28. 39. 41. 45. 46. 49. ult. h. t.*

De RECIPIENDIS appellationibus a Iudicibus.

XV. (a) Idem A. ad Concilium (b) prouinciæ Afric.

NON recte Iudices iniuriam (c) sibi fieri existimant, si litigator, cuius negotium sententia vulneratum (d) est, a principali (e) causa prouocauerit: Quod neque nouum (f), neque alienum a iudiciis est. Ideoque post negotium principale discussum, litigatori liceat litem iuris remedio (g) subleuare: & Iudices obseruare debent, ne appellatores, vel in carcerem redigant, vel a militibus (h) faciant custodiri, PP. IV. Kalend. Aug. Karthag. (i) Constantino A. VIII. & Constantio C. IV. Coss. [329.]

INTERPRETATIO. *Lex ista hoc iubet, non debere Iudices prouinciarum adfectiones (k) appellantium ad suam iniuriam reuocare, quia hoc nec nouum, nec alienum a Iudiciis (l) esse cognoscitur: & ideo hoc iubet, ut liceat (m) litigatori vitiatam causam appellationis remedio subleuare. Hoc etiam specialiter præcepit, ut appellator nec in carcerem, nec in quancunque custodiam redigatur, sed agendum negotium suum liber obseruet.*

NOTAE.

(a) Absit & hæc *lex a Cod. Justin. GOTHOFR.*

(b) Obseruetur hæc Inscriptio, de qua mox plura: dixi nonnulla ad *leg. 1. & 12. inf. de legatis*: & ad *l. 2. inf. quemadmodum munera ciuil. ID.*

(c) Vide *l. 2. 4. 11. 13. sup. & l. 16. infr. ID.*

(d) *Vulneratum negotium.* Ita Symmachus *lib. 2. Epist. 30.* *Quo animo acceperim Siciliense negotium vulneratum, facile coniectas, qui me noneris in alienis quoque Iudicatorum iniquitate morderi.* Causam pariter vulneratam dixit *lex vlt. C. Infl. quibus ex causis in integr. restitut.* Simili formula, *interfectum negotium*, *l. 2. sup. vnde vi.* Res euerſa sententia, *l. 1. §. 1. D. de appell. rei.* Vide *Glossarium.* Anianus hic *vitiatam* causam vocat. *ID.*

P. 137.

(e) Ita mox *post negotium principale discussum.* De quo mox. *ID.*

(f) Idem est ac si diceret *q̃ ordinarij iuris ius hoc esse æquissimum. ID.*

(g) *Iuris remedium* est appellatio, cui similia vide in *Paratitlo. ID.*

(h) Nempe duplex custodia fuit, alia carceris, alia militum: de quo vide *titulum, de custodia reorum, sup. ID.*

(i) Subscriptio hæc Inscriptio recte respondet, de quo mox. *ID.*

(k) *Adfectiones*, id est prouocationes. *ID.*

(l) Imo a *Iudiciis*, vt in *ipsa l. ID.*

(m) Hinc desumpta sententia cuiusdam pars ab Auctore *epistola 3. cap. 2.* Fabiani Papæ, pag. 129. *Tom. I. Concil. Ed. Harduin.* & exinde in Decretum relata *c. 21. Can. 2. Qu. 6. ID.*

COMMENTARIUS

RECIPERE Iudices appellationes, neque ideo iniuriam sibi fieri putare, aut appellatores iniuria afficere, ac nominatim carcere aut custodia militum continere (de quo fuit quoque nominatim *lex 2. sup. & Pauli locus lib. V. sent. 1. 26. §. 1. & Alexandri rescriptum, l. 25. D. de appellat.*) a Constantino M. rursus subeunt, quod aliquam multis aliis *legibus* jam iussit *l. 2. 4. n. & 13. sup.* Et quod notandum est, per eandem Africanam nominatim *d. l. 2. 4.* quo hæc *lex* pertinet: de quo mox. Notandum scil. id primo, latam *hanc leg. a Constantino M.* ad querelam seu querimoniam Africanorum, qui pro more in concilio coacti, decretis conditis, Legatisque ad Constantinum missi, & hoc querelatum caput suum esse voluerunt. Ideo hæc *lex* inscribitur ad *Conci-*

lium Prouincia Africa: Ideo rursus in subscriptione dicitur hæc *lex Proposita Carthagine*, quæ metropolis Africæ fuit. De huiusmodi autem Conciliis prouincialibus secularibus, erit infra *titulus de legatis & decretis legationum*: Atque inter cæteras obseruanda maxime *lex 1. & 6.* quæ & ipsæ ad Africanas prouincias & Concilia earum pertinent.

Sequuntur duo adhuc *hæc l.* singularia. Prius, quod duobus locis agitur de appellatione a *principali causa vel negotio.* Id vero additum, quia a momento, seu ab interdicto possessorio appellari non potest, vt nec ab interlocutione *acti diuisione* horum igitur, a principali negotio appellatum sup.

supponitur. De quo *suo tit. inf. 37. si de momento fuerit appellatum.*

Posterior singulare est, quod de *Custodia milita-*

ri, quæ carceri etiam opponitur, hic agitur: Duplex scilicet custodia fuit: alia carceris, altera vero militaris: de quo dixi *tit. de custod. reorum.*

AQVIBVS Iudicibus appellari possit vel non: deque querela NON RECEPTAE appellationis.

XVI. (a) Idem A. ad Vniuersos Prouinciales.

A Proconsulibus, & Comitibus (b), & his qui Vice Præfectorum (c) cognoscunt, siue (d) ex appellatione, siue ex delegato (e), siue ex ordine iudicauerint, prouocari permittimus: ita vt appellanti Iudex præbeat Opinionis exemplum, & Acta cum Refutatoriis partium, suisque litteris, ad nos dirigat. A Præfecti autem Prætorio, qui (f) soli vice sacra cognoscere vere dicendi sunt, prouocari (g) non sinimus: ne iam nostra contingi veneratio videatur. Quod si victus, oblatam, nec receptam a Iudice, appellationem adfirmet, Præfectos (h) adeat, vt apud eos de integro litiget, tanquam appellatione suscepta: Superatus enim, si iniuste appellasse (i) videbitur, lite perditam notatus abscedet: aut (k) si vicerit, contra eum Iudicem, qui appellationem non receperat (l), ad nos referri necesse est (m), vt digno supplicio puniatur. Dat. Kal. Aug. PP. Kal. Sept. Constantinop. Basso & Ablatio Coss. [331.]

NOTAE.

(a) *Lex 19. C. Iust. eod. tit.* Quænam huic alie iungendæ sint? mox dicam. *GOTHOFR.*

(b) De his Comitibus mox. *ID.*

(c) *Vicarii* Præfectorum, qui vice Præfectorum cognoscunt. *ID.*

(d) De Triplici hac *Iurisdictionis* specie mox. *ID.*

(e) *Delegatione* Cod. Iust. *ID.*

(f) Hac sententia recisa a Tribon. pariter vt altera mox, *Neiam &c. ID.*

(g) *Prouocare*, C. Iust. *ID.*

(h) Vid. quæ dixi ad l. 14. *sup. ID.*

(i) *Appellare*, C. Iust. *ID.*

(k) *Et*, C. Iust. nonnullæ edition. *yp. at. ID.*

(l) *Receperit*, C. Iust. *ID.*

(m) Ergo *hac l. & l. 14. sup.* Refutatoriae duplices fuerunt, pariter vt Relationes: nempe appellatione ad Principem facta, litigator edito sibi sententiæ & opinionis exemplo, Refutatorias dabat, siue grauamina, quæ postea ad Scrinia transmittantur. Idque etiam ostendit *lex 6. §. 3. C. Iust. de appellat.* quæ tamen a *Tribon.* facinore immunis non videtur. *ID.*

COMMENTARIVS.

P. 238.

AQVIBVS NAM Iudicibus appellari possit, vel non, deque NON RECEPTA appellationis querela, est hæc Constantini M. constitutio: quæ pars est prolixi admodum Constantiniani Edicti ad vniuersos prouinciales emissi A. D. 331. pariter vt octo præterea alie: puta *lex 17. infr. l. 1. infr. de his, qui per metum Iudicis: l. vn. de litigiosis: l. 3. finium regundorum, lex 2. Cod. Iust. ubi in rem actio.* Quinimo vt ipse cenfeo, & *lex 1. sup. de off. Rect. prou. lex 4. Cod. Iust. de Iurisdic. omnium Iudicum: Lex 3. Cod. eod. de off. Rectoris prouinciae:* quæ mense tantum, perperam ibi adscripto, differunt: Quæ proinde omnes huic coassandæ seu coniungendæ sunt, velut vnius & eiusdem Edicti partes. Quo quidem Edicto vere aureo Constantinus Iudicum & Iudiciorum qua primæ qua secundæ instantiæ sanctitati, integritati, reuerentiæ, ordinique, summo & enixo studio consultum iuit: multiplici ratione: vt omittam cætera, inter alia, fundato *Appellationum* iure aduersus fastuosum hinc quorundam Iudicum supercilium, quo pertinet hæc *lex, & d. l. 1. inf. de his qui per metum Iudicis:* inde vero aduersus litigatorum licen-

Tom. IV.

tiam, quo spectat finis *huius l. & lex prox. 17. & lex 4. Cod. Iust. de Iurisdic. omn. iudicum.*

Et hæc quidem de Edicti illius, vnde hæc *lex* desumpta est, argumento, deque legibus, quæ exinde quoque desumptæ, huic coassandæ sunt: Et vero coassatæ multa habent, quæ cum *hac l.* nostra pariant: veluti de Comitibus prouinciarum, de Præfectis Prætorio, de vice sacra iudicantibus, sacroque Auditorio, & appellatione ad eos: de vicariis Præfectorum. Nos vero de his in antecessum videamus.

Ac primo quidem de Comitibus: de iisdem vero agitur *d. l. 1. inf. de his qui per metum Iudicis: d. l. 1. sup. de off. Rectoris prouinc. & d. l. 3. Cod. Iust. de off. Rect. prou. & d. l. 4. Cod. eod. de Iurisdictione.* Dicuntur autem ii Comites per prouincias constituti, *d. l. 3. Comites prouinciarum, d. l. 1. sup. de off. Rectoris prouinc. & inter hos quidem speciatim Comes Orientis designatur d. l. 4. Cod. Iust. de Iurisdictione.* Spectabiles eos fuisse ostendit *d. l. 4. vice sacra cognouisse hæc lex testatur, & d. l. 4. Cod. Iust. de Iurisdic. & l. 1. inf. de his qui per metum Iudicis.* Medio hic loco ponuntur inter Proconsules &

II

Vica-

Vicarios Præfectorum. Ad hos a Iudicibus ordinariis appellatum, præter *hanc leg.* ostendit *d. lex 4. querelas denique prouincialium aduersus Iudices ad eos delatas testatur d. lex 1. sup. de off. Rector. prou. & d. l. 3. Cod. Iust. eod. tit.* haud secus atque apud Præfectos Prætorio: pariter vt ab vtrisque laudes Iudicum iustorum ad Principem perlata *d. l. 1. & d. l. 3.* Fuerunt igitur hi Comites plurium prouinciarum: cuiusmodi sane fuit Comes Orientis, seu dioceseos totius, Comes dioceseos Africanæ *l. 1. sup. finium regundorum.* Et hæc de Comitibus.

De Præfectis pariter prætorio complurima legibus illis continentur, quæ cum *hac l.* pariant, quæque ad huius *l.* illustrationem faciunt, de partibus & prærogatiua Præfectorum prætorio. Nempe querelas ad hos perlatas de Iudicibus & eorum Officialibus docet *d. l. 1. inf. de his qui per metum.* & *d. l. 1. sup. de off. Rector. prouinc.* & quidem de appellatione non recepta *d. l. 1. de his qui per metum.* Referre item eos oportuisse ad Principem de Officialium Iudicumque iniquitate. *d. l. 1. vt & vetat eorum laudes, d. l. 3. Cod. Iust. de off. rectoris prouincie.* Tandem ab his appellatio denegata, *hac l.* de quo postea.

Tertio, non vno huius Edicti Constantinianei loco agitur de *vice sacra* iudicantibus, sacroque Auditorio, & de appellationibus eo, vt *h. l.* ita & *d. l. 4. Cod. Iust. de iurisdictione:* & *d. l. 1. inf. de his qui per metum Iudicis.* Quare hoc Edictum inter præcipua Constantiniani notare soleo: quibus Magistratum iurisdictioni Iudiciisq; ab eo forma data: sic quidem vt multa habeat nouiter constituta: ac nominatim circa Præfectos Prætorio, aliosque *vice sacra* iudicantes, quorum dignitatem auctum iuit.

Nunc tandem de *hac l.* nostra videamus. Huiusce legis tres sunt sententiæ: I. a *Proconsulibus, Comitibus, & Vicariis Præfectorum* appellari posse. Quod tamen controuersum fuisse, vel hæc ipsa *lex* ostendit, atque id pati noluisse Iudices illos ex *hac l.* quoque colligitur: pariter vt ex *l. 2. sup. Ratio dubitandi & remittendi hæc erat, (quæ & ipsa, versiculo, a Præfectis &c. indicatur: quod de his notandum) quasi vice sacra iudicarent, seu vice Principis, (quod etiam ostendit *lex 1. inf. de his qui per met. Iudic. & l. 4. Cod. Iust. de iurisd. omnium Iudic.* quæ inter alias huc sunt coniungendæ, idque ipsum docuit etiam *lex 3. sup. h. t.)* Atenim ea ratione non obstant, contrarium respondetur: Scilicet *vice sacra* cognitionis hæc quidem in his vis fuit, vt ab inferioris gradus iudicibus ad eos appellaretur (quod docuit *d. l. 3. sup. & l. u. sup.)* At non etiam, vt ne ab his rursus appellaretur: quod illustriore adhuc exemplo Præfecti V. comprobatur *d. lex n.* In tantum vero ab iis qui *vice sacra* iudicant, appellari potest, vt etiam si ex appellatione iam cognouerint, ab his iterato appellari posset; imo et si ex speciali Principis delegatione extra ordinem de aliqua causa cognouerint, nihilominus ab his appellari possit. Qui singularis locus est detriplici scilicet cognitione, & quidem eorum qui *vice sacra* iudicant: nempe iudicant illi vel *ex ordine*, id est officii necessitate poscente, vt loquitur *lex 18. inf. ordinaria sua iurisdictione*, quoties videlicet causa recta & vi potestatis suæ ad eorum cognitionem pertineat: vel *ex delegato*, & ex prærogatiua rescripti, vt loquitur*

d. lex 18. inf. vel denique ex appellatione, quoties vi sacre cognitionis sibi tributæ de appellatione indicant.

Secunda sententia, soli Præfecti Prætorio excipiantur, inter *vice sacra* iudicantes, a quibus appellari non potest: de quo Præfectorum Prætorio priuilegio fidem quoque facit *lex vn. D. de off. Præf. Prætor. lex 17. D. de minorib. & lex 30. Cod. Iust. de appell.* Quod ipsum indicatur & *l. 32. §. 3. Cod. Iust. eod.* Testatur expresse Theodos. Iunior, Nouell. 6. contra sententias Præfectorum Prætor. &c. & *lex vn. Cod. Iust. de sent. PP.* quæ ex ea Nouella desumpta est: Cassiodor. quoque *lib. VI. Var. 3. in formula Præfectura Prætorianæ*, inter cætera quæ huic Dignitati cum Principe communia erant, & istud numerat: *Pene est, inquit, vt possit leges condere, quando eius reuerentia potest negotia sine appellatione finire.* Mox & subiicit: *vice sacra ubique indicat.* Quæ & ipsa Ratio *hac leg.* redditur, quod scilicet inter eos, qui *vice sacra* cognoscunt, *Pi. Po.* soli *vere* dicendi sint *vice sacra* cognoscere. Quomodo & Cassiodorus in *Psalm. 104.* cum ait Iosephum fuisse a Pharaone Aegyptor. præfectum: *Quæ potestas, inquit, hodie retinetur a PP. qui & vice sacra VERE indicat.* Et rationem rationis in sequentibus mox indicat: nempe Magnitudo officii (vt in hac ipsa re loquitur Charisius.) ὁ γὰρ ὁ πρῶτος ἀρχὴς, inquit Græci, quod hæc dignitas PP. proxime venerationem Principis contingat, & contigua sit hæc potestas Imperatoriæ; & vt Eunapius in *Proeresio*, pag. 150. Edit. Commelin. dicebat, *ἡ ἀρχὴ ἀπὸρροῦς*, id est imperium sine purpura: de quo prolixè alibi dictum. Non igitur negat Constantinus Proconsules, Comites & Vicarios *vice sacra* iudicasse, imo contrarium innuit: illud tantum indicat, inter eos qui *vice sacra* cognoscebant, eximio principeque loco habendos *Pos. Po.* Tantum proinde abest id de Præfecto urbis neget, cui etiam contrarium disertis verbis proficitur, *l. u. sup.*

Illud quærendum superest, quando primum id factum fuerit vt a *Pis. Po.* appellari non liceret? Hæc sane *lex* suadet inter alia, Constantinianei sæculi & priuilegii hoc esse, qui sane Porum. Po. dignitatem cæteroquin in vniuersum auxit. A Præfectis autem Prætorio, inquit Constantinus, qui soli *vice sacra* cognoscere *vere dicendi sunt*, prouocari NON SINIMVS, ne iam nostra contingi veneratio videatur.

Neque obloquitur *lex vn. D. de offic. P. P.* Aurelius enim Arcadius Charisius, Magister libellorum, auctor illius legis, Constantino antiquior non est: nam præterquam quod Modestinum ipse allegat, *l. ult. §. 26. D. de munerib.* (qui utique ad tempora Gordianorum, vt minimum peruenit, seu A. D. 241. quod ostendit *lex 5. C. I. ad exhibendum*) sane res stylusque Ictum arguit Constantinopolitanum, sæculi iam inclinantis: vt cum *participales*, pro *particibus* vocat, & *admilitiam*, pro *commilitio*, & similia complurima, quæ sinceram Latinitatem non redolent: item cum pleraque in *d. l. ult.* ad Imperium Orientale pertinentia memorat, & Græcis appellationibus exprimit: Imò vel nomen ipsius hoc ipsum ostendit, *Aurelii Arcadii Charisii*, quod mediam ætatem omnino arguit: His adde & dignitatem *magistri libellorum*, quæ Constantinianei ferme sæculi est.

Rursum non obloquitur *d. lex 17. D. de minori- bus*, nam & Hermogenianus ICtus, legis illius Auctor, e postremis ICtis fuit, quod fragmenta eius & ἀποσπασμένα intuenti omnia, satis apparet: Quicquid apud Lampridium in *Alex. Seuero, Hermo- genes* aliis eius xui ICtis conuinceretur: iam enim constare debet ex omnibus veteribus membranis Regiis, Palatinis, Puteaneis, eius nomen vt & multo- rum aliorum ICtorum apud Lampridium irrepti- tium esse. Quare deinceps tuto dicamus *principa- lem sententiam* quam publice super hoc lectam ait Arcadius, non aliam videri quam hanc ipsam Con- stantinianeam.

Ergo iam inde Constantini M. temporibus a so- lo PP. appellare inter omnes vice sacra iudicantes prohibitum fuit: cum ab aliis omnibus appellaretur. Quanquam postea Praefectos Vrbi Pis. Po. hac quoque parte exaequatos ostendi ad *l. u. sup.* Qua re inter alia liquet, in imensum auctam hoc tem- pore a Constantino M. Porum. Po. dignitatem; cui rei argumentum praebet quoque posterior *huius l. pars*, & *d. l. 1. inf. de his qui per met. Iudic.* & *d. l. 1. sup. de offic. Rect. prouinc.* & *d. l. 3. C. Iust. eod. tit.*

Nempe his legibus omnibus quae huic coassandae sunt, vt iam antea dixi; multa pariter continentur quae ad partes Praefectorum praetorio, eorumque dignitatem pertinent: Quale est quod querellarum prouincia- lium cognitores dat Pus. Po. & quidem *hac l.* in ne- gotio Appellationum; puta, vt si Iudices appella- tionem non receperint, appellantes adeant Praefe- ctos, atque apud eos tanquam appellatione suscepta, litigent; vt ita, quod Tertium caput est *huius l.* si ini- iuste a vice sacra iudicantibus appellatum fuerit, lite & infamia multetur iniustus appellator, cui proxi- me accedit ejusdem Constantini constitutio hoc ipso Anno, *l. vn. sup. de offic. P. Po.* de poena iniuste appel- lantium a sententia iudicum ordinariorum. Si ve- ro iusta fuerit appellatio ad se, de Iudice qui appella- tionem recipere noluit, referri a PP. iubet, vt ita dig- no supplicio puniatur. Nempe vt improbitatem & impudentiam litigatorum sententias iudicum tem- mere oppugnantium variis capitibus huius Edicti sa- ne Constantinus infectatus est, & inter alia etiam *l. 17. prox. infr.* Et *d. l. 1. infr. de his qui per metum Iudicis*, ita Iudicum quoque iniquitatem appella- nes non recipientium.

APPELLATIONE, non SUPPLICATIONE iudicium retractari posse.

XVII. (a) Idem A. ad Vniuersos Prouinciales.

QV i licitam (b) prouocationem omiserit, perperuo filere debbit, nec a nobis in- pudens petere per Supplicationem auxilium. Quod si fecerit, deportationis (c) poena plectendus est. Dat. Kal. Aug. PP. Kal. Sept. Bassio, & Ablauio Coss. [331.]

NOTAE.

- (a) *Lex vlt. C. Iust. vt lite pendente, vel post prouocationem aut definitiuam sententiam nulli licent Imperatori supplicare.* Ceterum quoniam *leges* huic coniungendae sunt, ad *superiorem* iam dictum fuit: quae & *ipsa* de earum numero est, vna cum *lege 1. inf. de his qui per metum Iudicis non appell.* quae & argumento huic omnino conuenit. GOTHOFR.
(b) Id est, quae omnibus patet. ID.
(c) *Desiderio suo carebit, & ignominiae poena notabitur.* Ita hunc locum refinxit Tribonianus, deportationis poena hac parte sublata. Quare similiter omissa a Tribon. *d. lex 1. inf. de his qui per met. Iudic.* ID.

COMMENTARIVS.

P. 240.

VT LIBERTATEM appellationibus, non aliis tantum *legibus*: verum & aureo, cuius hac *lex* pars est, Edicto constare voluit Constantinus M. quod docuit quoque *lex proxima sup.* (quae eiusdem Edi- cti pars est): ita & TEMERITATI litigantium pa- riter occurrendum putauit: siue interposita iniusta appellatione, de quo *d. l. prox. sup.* siue spreta appel- latione, Principi supplicando, quo pertinet hac *lex* & *d. l. 1. inf. de his qui per metum Iudicis*, quae & ipsa inter alias huic coassanda venit.

Scilicet victis in sacro iudicio Appellationis re- medium & libertatem superesse voluit Constanti- nus M. quod qui negligeret, ei supplicandi postea auxilium patere noluit: idque sub poena deporta- tionis grauissima, *hac l. & d. l. 1. inf. de his qui per*

met. Iud. Quicquid tandem omiffae appellationi ob- tenderent, veluti metum Iudicis, Verum de hoc diligentius agetur *eo titulo*: hac enim istius quae- stionis sedes est. Interim huic *legi* concordare no- tandum est eiusdem Constantini M. *legem 1. sup. de re iudicata.* Quibus non obstat *lex vn. inf. sup. de off. Praef. Prat.* quae ipsa forte huic coassanda est; vbi, retractari seu iterari post sententiam iudicium Anno- tatione, seu Rescripto posse iudicatur; Quia ea *lex* est de iudicio Ordinariorum Iudicum, quod Rescri- pto retractari potest: hoc vero, vt ex collatione *legis 16. sup.* apparet, & expresse ex *d. l. 1. inf. de his qui per metum iudicis*: de Iudicio Vice sacra iudi- cantium: quod retractari non nisi per appella- tionem potest.

A RATIONALI *urbis Romæ ad quem appelletur.*

XVIII. (a) Imp. CONSTANTIVS A. Anicio Iuliano

P. V. (b)

QVOTIENS Rationalis, vel officii (c) necessitate poscente, vel ex prerogativa (d) Rescribi, inter priuatos iudicauerit, si a sententia fuerit prouocatum, non ad Nostram Scientiam referendum est, sed Apostolis (e) datis, quod iuxta obseruatam rationem postulari sufficeret, & ad auditorium Grauitatis Tuar, cui ad vicem (f) nostram delata iudicatio est, partes peruenire oportet. In fiscalibus causis, seruato prisce consuetudinis more, ut (g) Opinione edita, vniuersa ad Nostram Scientiam referantur. Dat. XIII. Kal. Iul. Serdicæ. PP. VI. Kal. Aug. Rom. Constantio A. II. (h) & Constante Co ss.

NOTAE.

(a) CONSTANTII & CONSTANTIS Fratris *Vndecim* ordine *leges* sequuntur de *Appellationibus*: quanquam, mox ut ostendam, hæc ipsa *Constantini M.* est, non *Constantii*, quod alioquin praeferunt Editiones. Recte autem quartana; *Constantinus. GOTHOFREDVS.*

(b) De hoc *Anicio Iuliano P. V.* mox. *ID.*

(c) *Ex ordine* hoc dicitur *l. 6. sup. ID.*

(d) *Ex delegato d. l. 16 ID.*

(e) De *Apostolis*, seu disimforiis literis res est nota: de his vid. & *l. 61. 67. inf. ID.*

(f) De hoc dictum plene *sup. ad l. 11. ID.*

(g) *79. & ID.*

(h) *79. VI.* id est A. D. 326. de quo mox: vel potius VIII. id est A. D. 329. *ID.*

COMMENTARIVS.

ARATIONALI, ad quem appellari oporteat, hac *Constantini M. constitut.* definitur: pariter ut *lege 28. 39. 41. 45. 46. 49. 68.* seu *ult. inf. b. t.* Et quidem in *sp. huius leg. a Rationali Urbis Romæ*, de quo fuit quoque *lex 14. sup.* & ad eundem proprie pertinet *d. lex 49.*

Nempe, ita hic distinguitur, si Rationalis inter priuatos iudicauerit, ad *Pum. V. Romæ* appellari oportere: Neque iniuria. Nam ut *Urbicaria* diocesis ad *Pum. V. Romæ* spectabat, atque adeo priuatis omnibus intra eam praeerat, ita æquum visum, si quando Rationalis Urbis Romæ (qui & idem Rationalis erat per suburbicarias regiones, quod docet *Notitia Imperii*) inter priuatos iudicaret, ab eo ad *Pum. V.* prouocaretur, ut qui vice sacra intra eam diocesim cognosceret. Porro cum regulariter (quod notum) Rationalis inter priuatos non iudicaret, attamen duobus casibus eum inter priuatos quandoque iudicasse hæc *lex* testatur, puta vel officii necessitate poscente, vel ex prerogatiua rescripti: *Officii necessitate poscente*, id est, si bene capio, si idem Iudicis seu Præsidis aut Consularis partes gereret: quod nonnunquam factum, etiam vetusto Pilati exemplo, contestatissimum est. *Ex prerogatiua rescripti*; id est ex delegato, puta certæ alicuius causæ cognitione ei a Principe extra ordinem demandata.

At enim in fiscalibus causis, ad Principem appellari referrique iubet. Quod posterius postea immutatum. Nam ut cæteroquin in fiscalibus causis a Rationali ad Comites S. L. vel Comites R. P. appellatum, quod docet *lex 28. 39. 41.* (vbi id immutatum) *45. 46. inf. b. t.* ita nominatim a Rationali Urbis Romæ & suburbicariarum regionum ad Comites pariter appellatum fuit, quod ostendit *d. lex 49. inf. b. t.* Quanquam & ea *lege* in fiscalibus causis si negotium ducentarum librarum argenti summam non excederet a Rationali ad P. V. appellari iubetur. Symma-

chus certe ipse P. V. *lib. 10. ep. 55.* in quæstione exp. 241. precibus cuiusdam Protectoris, & principis largitate descendente, a Rationali ortam prouocationem sibi vindicauit, aduersus Comitem R. P. vbi & *recentem sanctionem* allegat, quæ indiscretim huiusmodi appellationes, sed quæ vicem Principum tueretur, i. e. Præfecto urbi prisco iure commisit: de quo plura ad *d. l. 49. inf.*

Atque adeo duæ hæc iam Præfecti V. prerogatiue obseruentur. Prima, appellationes inter priuatos seu priuatis in causis intra diocesim Romanam ad Præfectum, Urb. fieri debuissent omnes; etiam si non a Iudicibus ordinariis appellatio fieret, verum ab extraordinariis: Extraordinarii scilicet Iudicis ratio, ordinarium Præfecti V. ius non interuertit. Cui non absimile est quod dici solet: *Temporariam permutationem ius provincie non immutare*, neque extraordinaria primæ causæ & instantiæ cognitio, secundæ instantiæ iudicium inuouat. De secunda prerogatiua plenius ad eam *leg. 49.* De aliis Præfecti Urbis prerogatiuis in negotio appellationis alibi plena manu: de nonnullis vid. *l. 61. inf. Nouellam Valentin.* inter *Theodosianas 23.* & *Nouellam Valentin.* inter *Valentinianæ 12.* Item vid. quæ dicam ad *l. 27. infr.*

Cæterum, quod a Rationalibus in fiscalibus causis ad Principem appellari hac *lege* iubetur, cum tamen deinceps Rationales sub dispositione Comitum S. L. vel R. P. fuerint atque adeo ad hos appellaretur (quod superius ostendimus & ostendit *lex 41. infr.*) inde clarum huius constitutionis tempore, id est A. D. 326. vel 329. hos, sic ut dicam, Catholicos Comites S. L. & R. P. nondum a Constantino M. institutos fuisse, verum posterius. An vero mox a Constantino M. instituti fuerint, disquiro ad *leg. 21. & 28. infr. b. t.*

Dixi *Constantinum M.* huius legis authorem esse;

esse; contra quam præfert hæc *lex*: Id enim aperte ostendit Anicii Iuliani P. V. nomen, cui hæc *lex* inscribitur. Hunc scilicet Anicium Iulianum non nisi sub Constantino M. & quidem A. D. 326. 327. 328. 329. Præfectum Urb. fuisse, præter aliquot *huius Cod.* constitutiones, puta *leg. 13. sup. b. 1. & l. 2. sup. de Prætor. & Quæst. l. 2. sup. de dilation. difectis* verbis testatur peræternus Author *Consularium & Præ-*

fector. Urb. Contra, Constantio II. & Constante COSS. (qui Consules *huic legi* male subnotati sunt) Apro- nianus & Triamus Præfecti Urb. fuerunt: quod idem Author expresse scribit. Sed & *Serdica* nomen ostendit, vitiosum esse *huius leg.* Consulatum: Constantius quippe eo Anno 339 Serdica non fuit: vid. *Consularia Theodosiana*. At Constantinus M. ibi fuit An. D. 326. & 329.

TEMPORA *appellationum a* NOMINATIONIBVS.

XIX. (a) Idem A. (b) ad Anatolium Vic. Asiæ (c). Post alia (d).

SI ad Curiam nominati, vel * ad Duumvirates, aliorumque honorum infulas (e), vel munus aliquod euocari, putauerint appellandum, intra duos menses negotia perorantur. Dat. VI. Kalend. Decemb. Constantio A. II. & Constante COSS. [339.]

NOTAE.

- (a) Absent hæc *lex a Cod. Iust.* Iungenda huic est *lex 28. inf. de decurion.* Concordat porro huic *legi lex 10. sup. b. 1. & l. 2. inf. de decurion.* GOTHOFR.
(b) *Constantio & Constanti* tribuitur d. *lege 28. ID.*
(c) *Anatolius Vicarius Asiæ*: Atgenim *Africa* in d. l. 28. verum ibi reponendum, *Asia*, (de quo *ad eam l.*) vt hic habetur. *ID.*
(d) *Quæ continentur d. l. 28.* hæc enim illi subiicienda est. *ID.*
* *Leg. 1. C. Iust. de tempor. & reparat. appell.* hæc a Triboniano intexta sunt. *ID.*
(e) De hac *Infularum* voce vid. *Glossarium Theod. ID.*

COMMENTARIVS.

DE *appellatione a NOMINATIONE* est hæc Constantii *lex*, vt Constantini *lex 10. 12. sup. & Honorii lex 53. inf.* NOMINATIS ad Curiam vel Magistratum municipalem, aliosque honores, vel munera, duorum mensium spacium ad *appellationem* perorandam, peragendam dari Constantius hac constitutione rursum definit; pariter vt definitur a Constantino M. *lege 10. sup. & l. 2. inf. de Decurion.* contra quam l. 12. *sup.* vbi dixi

plura, eodemque pertinet & l. 8. *inf. de reparat. appellat.*

Cæterum vt hac l. *appellationum a nominatione* tempus definitur, ita ipsarum *Nominationum* tempus l. 28. *inf. de decurion.* (quæ huic vt dixi, coniungenda est,) puta Kalendæ Martiæ præstituuntur. Denique hæc constitutio, prolixioris Constantii Imp. constitutionis pars est, qua per Asiam *Nominationibus* ad munera publica formam dedit.

P. 241. De RECIPIENDIS *appellationibus a Iudicibus: etiam in criminalibus.*

XX. (a) Imp. CONSTANTIVS & Constans AA. Philippo PF. P. (b)

IUDICES, cum in ciuilibus causis, tum etiam criminalibus, in quibus vitæ hominum salutisque quodammodo fata retractantur (c), *appellationes* admittant, nec denegent vocem (d) in supplicium sententia destinatis. PP. V. Id. Iun. Post Conf. Constantii II. & Constantis AA.

INTERPRÆTATIO. *Lex ista hoc præcipit, vt etiam in criminalibus causis, vbi vita vtriusque partis in dubium deuocatur, liceat appellari (c), nec appellandi vox denegetur ei, quem in supplicium sententia destinari.*

NOTAE.

- (a) Absent hæc *lex a Cod. Iust.* quia plures aliae eandem in sententiam eo iam relatæ sunt. GOTHOFR.
(b) De hoc Philippo PP. plene dico in *Prosopogr. ex historia potissimum Ecclesiastica. ID.*
(c) *Retractantur*, pro simpliciter *tractantur*, quod præfert Edit. in 4. *ID.*

- (d) *Vox de Appellatione, vt hac leg. ita & l. 26. 40. 58. inf. b. t. l. 9. inf. quor. appellat. non recip. apud Symmachum lib. 10. ep. 19. & 55. ID.*
 (e) *Hinc desumpta sententia quædam Ep. 3. cap. 2. in fin. Fabiani Papæ, pag. 129. Tom. I. Concilior. Edit. Harduin. relata in Decret. can. 20. caus. 2. Qu. 6. ID.*

C O M M E N T A R I V S.

CRIMINALIBVS in causis, non minus quam in ciuilibus, appellationi locum esse oportere, eamque a iudicibus admittendam, hac Constantii lege definitur, pariter vt *leg. 2. sup. & l. 58. inf. b. tit.* Exceptis casibus *legis. i. inf. quor. appell. non recip.* de quibus ad eum tit. plenius. Sic quoque in Criminalibus causis locus est Relationi, *l. 5. sup. de Relation. l. 24. inf. b. tit.*

Ex hac certe *leg.* liquet, Iudices has appellationes ferme detrectare voluisse, eo, vt puto, obtentu, quod Reos statim subduci, pœnæque subiici publice interesset: cui rationi, vt in abrupto periculo locus est, *l. 16. D. b. t. l. 6. §. 9. D. de iniusto, rupto*, ita contra in cæteris criminibus, vbi videl. retractantur fata vitæ hominum & salutis, vt hæc *lex* eleganter ait, æquum est appellationes admitti: cum

nulla vnquam de morte hominis cunctatio longa sit.

Notanda porro *huius leg.* tum Inscriptio, tum & subscriptio. Nempe inscribitur hæc *lex* Philippo PP. & in subscriptione dicitur ea PP. post Consulatum Constantii II. & Constantis AA. Quomodo & Consulatus ille notatur, *l. 5. & 6. sup. de Prat.* nullibi præterea, neque in vllis *Fassis* aut *Consularibus*. Quare hanc *leg.* pariter vt *d. l. 5. & 6. referam* habens ad A. D. 347. post consulatum Constantii IV. & Constantis III. AA. & sic certe ante A. D. 350. quo Constantius Augustus cæsus est. Philippi certe Præfectura incidit in A. D. 346. 347. 348. 349. de quo dico plene in Proso-pogr. Eum vero criminalibus negotiis non vnus generis districtum fuisse, docent quæ Libanius de *vita sua* scribit: quæ item Athanasius, alique Scriptores Ecclesiastici.

De FISCALIBVS appellationibus persequendis.

XXI. (a) Idem AA. ad Proculum (b) Procons. Afric.

SI qui fiscale debitum per sententiam (c) luere (d) iussi, appellationem, frustrationis (e) commento, crediderint obponendam, ne moris tergiuerfantibus abutantur, ilico ad eum missi, cuius Vice nostra cognitio est, intra viginti dies appellationis substantiam (f) persequantur (g): vt vel probata appellatione, ad Dicationis (h) Tuæ Officium reuertantur: vel improbata, vt legis istius contemptores, ad Præfectorum Prætorio commentarios destinentur. Eadem forma seruanda etiam, si pessima conscientia forte grauati, appellandi causa (i) intra diem supersederint perorare (k). Dat. IV. Kal. Decemb. Acyndino & Proculo Coss. [340.]

N O T A E.

P. 243.

- (a) Abest & hæc *lex* a Cod. Inscr. GOTHOFR.
 (b) Fuit & alius Proculus sub Constantino Procons. Africæ, ad quem extat *lex 1. inf. de itinere muniendo: lex 2. sup. de priuil. eorum qui in S. P. ID.*
 (c) Rationalis vel Comitris vel Rectoris prouinciar: imo potius ipsius Proconsulis Africæ: vid. *leg. 28. inf. hoc tit. ID.*
 (d) Luere id est soluere & inferre. *ID.*
 (e) Frustratorie appellationes & ludificationes: *l. 1. inf. quorum appell. ID.*
 (f) Ita substantia litigii, *l. 5. inf. quorum appell. & l. 11. sup. b. t. ID.*
 (g) Forte persequantur. *ID.*
 (h) Ita quoque *l. 1. sup. b. t. ID.*
 (i) *yp. Causam. ID.*
 (k) Eadem Perorandi vox supra *l. 19. ID.*

C O M M E N T A R I V S.

FISCALIBVS in causis appellationibus (de quibus iam *lege 8. 14. 18. sup. l. 26. 28. 41. 45. 46. 64. inf.*) frustratoriis, notatoriis, hac Constantis constitutione, & quidem per Africam Proconsularem, A. D. 340. occurritur.

Primum igitur statuitur, appellantem ilico mitti ad iudicem appellationis debere. Secundo, mitti ad eum cuius vice Principis cognitio est: quod & ipsum inculcatur *l. 28. inf. b. t.* seu vt ea *lex 28.* ait, ad eos, qui vice Principis huiusmodi cognitionibus præfident, id est, ad Comites S. L. & R. P. de quibus, &

quando illi primum instituti, disquiro ad *d. l. 28. inf.* Tertio statuitur mitti seu perduci hos oportere per Officiales Proconsulis in sp. *huius l.* quod illa verba ostendunt ad Dicationis tuæ officium reuertantur. Quarto, intra viginti dies appellatorem persequi seu perorare iubentur, ex quo ad Comitem S. L. vel R. P. perducti fuerint, de cuius temporis hac parte varietate agatur specialius *d. l. 28.* Quinto, probata eorum appellatione ad Proconsulis Africæ, in sp. *huius leg.* officium eos reuerti iubet Imp.

Contra quod postremum, improbata eorum appellatione, vel intra prædictum diem appellationis causam non persequentes, ad Præfectorum P. commentarios destinari seu mitti iubentur. *Commentarii* Præfectorum Prætorio hic num sunt *Commentarienses*, de quibus dixi ad l. 5. *sup. de custod. reor.* Malim, pro ipsa custodia accipere: Ita Athanasius, *Apologia l. ad Constantium pag. 693. Tom. l. Oper. Edit. Lips. siu. Colon.* ὅτι γεγραπται τοῖς ἐν Αὐξήμει τυράννοις, ὥς φερόμεντιον τὸν ἐπίσκοπον τῆς Αἰχμείας, ἐκείθεν ἀχθῆναι, καὶ ἐμὲ μὲν μέχρι τῆς ἑαυτῶν ζητεῖσθαι, καὶ εἰς τὰ λεγόμενα ΚΟΜΕΝΤΑΡΙΑ τῶν ἐπαρχῶν παραπέμπεσθαι: scriptum tyrannis Auxumis, ut Frumentium Episcopum Auxumis abducerent, ac me ubicunque etiam apud barbaros perquirerent, & ad custodias præfectorum, quæ commentaria nominantur, deportarent. K6-

μεντα vocat Prochorus *de rebus gestis S. Ioannis Evangeliste.* ἐγὼ ὑπάρχω ἐνθ' οὗς ΚΟΜΕΝΤΩΝ, καὶ δύο ἄνδρες παρεδόθησαν μοι, καὶ λαβὼν αὐτοὺς ἐγὼ, ἔβαλον ἐν τῇ φυλακῇ: ego præfecto eram adiutor *commentariensis*, & mihi tradiderunt duos viros, quos accipiens in custodiam conieci, vbi ἐνθ' οὗς τῶν Κομηνίων est *Adiutor Commentariensis*, non ipse *Commentariensis*. De vtrisque v. quæ dixi ad l. 5. *sup. de custod. reor.*

Ex hac interim leg. apparet, etsi Comites S. L. & R. P. de appellationibus fiscalibus vice sacra cognouerint, attamen & Proconsulium & Præfectorum Prætorio Officiales fiscalibus his appellationibus quadamtenus interuenisse: illos deducendis appellatoribus & reducendis: hos puniendis temerariis appellatoribus.

De RECIPIENDIS appellationibus: deque POENA Iudicis eas non recipientis.

XXII. (a) Idem AA. ad Scyllacium (b).

OMNES Præfides moneantur (c), vt si quis (d) prouocatione sibi opus esse cognoscit, iuxta morem ordinemque legum, accipiant libellos, & ad eos qui consuerunt (e) audire, transmittant: nec appellantes iniuriarum afflictatione (f) deterritos a suffragio (g) necessaria defensionis expellant. Inponimus enim præsentis multæ fascem (h), vt Iudex qui suscipere neglexerit, auri libras X. & Officium eius quindecim pendat. PP. Cyzico, (i) VI. Kal. Mart. Placido & Romulo Coss. [343.]

NOTAE

(a) Abeft & hæc *lex* a *Cod. Iust. GOTHOF.*

(b) Himerii Orationem in Scyllacium Ἀνθύπατον ἑλλαδός, memorat Photius duobus locis *num. 165. pag. 354. edit. Schotti*, & iterum *n. 243. pag. 1135.* Verum alia dignitate Scyllacium, cui hæc *lex* inscribitur, fuisse oportet: vel saltem Vice-

rium, & quidem Afiz, & quidem argumento subscriptionis *huius leg. PP. Cyzico. ID.*

(c) A te, scil. sub cuius dispositione Præfides fuerunt, *ID.*

(d) Ex litigatoribus. *ID.*

(e) Vice sacra audire, *ID.*

(f) *Adflittatio. ID.*

(g) *Suffragium* appellationis: ita quoque vocatur l. 21. *inf. quorum appellat. ID.*

(h) *Fascis*, multæ grauis scil. *ID.*

(i) De *Cyzico* mox: v. de ea Stephanum, Vitruuium *lib. 6. c. 6.* Plinium *lib. 5. c. ult.* Amm. Marcellinum duobus locis, *lib. 22. cap. 8. & lib. 26. c. 8. ID.*

COMMENTARIVS.

P. 344.

DE RECIPIENDIS Appellationibus a Iudicibus seu Rectoribus prouinciarum, neque ideo iniuria afficiendis appellatoribus, quod facere soliti, vt plures iam supra fuerunt constitutiones Constantini M. puta *lex 2. 4. u. 13. 16. sup. h. t. & l. 2. sup. de relationib.* ita & hæc Constantii *lex* est, & rursum *lex 25. infr. & l. 20. Cod. l. de appell.* erunt & aliorum deinceps Principum *lex 33. 51. 58. 59. 60. inf. hoc tit.* Quare cum tot hæc de re sint constitutiones, nihil attinet huic vltra immorari. De multa tantum huic rei imposita sunt Constantii hæc *lex & l. 25. inf. Valentiniani l. 33. Theodosii M. l. 51. Honorii l. 58. 59. 60.*

Subscriptio igitur tantum in hac leg. notanda, & ex ea Inscriptio illustranda. Dicitur nempe hæc *lex PP. Cyzico*: quomodo & ibidem data dicitur, vt ipse repono, *lex 7. sup. de murilegulis: & l. 17. inf.*

quorum appellationes. Fuit vero ea vrbs Hellepontis sub Proconsule Afiz, vt diserte Am. Marcellinus in Procopii Tyranni rebus *lib. 26. cap. 8.* Fuit vero ea vrbs in exuperabili mœnium ambitu, monumentis quoque veteribus cognita, teste eodem Marcellino: *d. c. 8.* Ibidem erant Thesauri eodem Marcellino teste *ibidem*, & Moneta publica erat & Linyphium, vt testatur Sozomenus *lib. 5. c. 15.* de Gynæciis ibi videatur & accipienda *lex 7. sup. de murilegulis.* Denique fuit hæc metropolis Hellepontis: vnde & Diogenes Cyzici Metropoleos Episcopus dicitur *act. 10. Concilii Chalcedonenfis.* Quare ibi, tanquam in metropoli *Proposita* hæc *lex.* Quæ cum ita sint hinc simul discimus, *Scyllacium*, cui hæc *lex* inscribitur, Helleponto præfuisse: de quo iam dixi in *Notis.*

A PRÆFECTO VRBIS *Senatoribus appellare
licere.*

XXIII. (a) Idem AA. ad Rusticum P. V. (b)

DVDM (c) meminimus sancientibus (d) nobis esse decretum, vt, iuris veteris (e) auctoritate submota, nullus Clarissimus (f) a Præfecti Urbis sententia prouocandi vsurparet licentius facultatem: sed cunctas nobis partes publicæ utilitatis atque communis iuris volentibus præstare, visum est, vt vetustatis auctoritas, & appellandi facultas & origo repetatur: scilicet, consenscente priore lege, qua istiusmodi potestas videatur (g) exclusâ. PP. Rom. VI. Non. Iul. Amantio & Albino Coss. [345.]

NOTAE.

(a) Absent hæc lex a Cod. Iust. GOTHOFR.

(b) Rusticus sub Constante P. V. Romæ scil. quod subscriptio legis ostendit. Sed & Auctor Consularium & Notitiæ Præfectorum V. eius meminit his ipsis Consulibus; Amantio & Albino, inquit, COSS. & Rusticus P. V. Tertio Nonas Iul. Probinus Præfectus Urbis. Sed & superioribus COSS. Leontio & Salustio COSS. ID.

(c) Forte A. 339. ID.

(d) Hæc lex nusquam extat. Attamen eam cohaerere puto legi 3. & 4. sup. de Prætoribus. A. D. 339. ID.

(e) Id sane comprobatur lex 38. D. de minorib. ID.

(f) Clarissimus, id est Senator, Senatorius. ID.

(g) Videbatur, vel videtur. De hac voce v. Gloss. ID.

COMMENTARIUS.

A PRÆFECTO VRBIS vt iam olim appellari potuit, quod præter hanc leg. docuit iam lex n. sup. & lex 38. D. de minorib. & porro potuit l. 30. inf. & l. ult. inf. de his qui per met. Iud. non appell. & quidem indistincte, cuiuscunque conditionis litigator foret: ita & hac leg. idipsum, qua confirmatur, qua reducitur a Constante Imp. antiquata seu abrogata quadam lege sua, qua contra iuris veteris seu vetustatis auctoritatem ante aliquot annos in Senatoribus aliter constituerat: nempe vt hi a Præfecto V. appellare non possent. Scilicet notum, Præfectum vrbi, vt Senatus Præfulem, ita & Senatorum proprium cognitorem fuisse: de quo v. l. 1. sup. de accusat. l. ult. sup. de iurisdictione. Symmachum lib. 10. ep. 62. Rutilium Numatianum lib. 1. Itinerarii. Sidonium lib. 1. ep. 9. Casiodorum VI. Var. 4. de quo in Apolytico nostro plenius: Id vt notum, ita res quoque eo deuenit, vt Constans huiusce leg. auctor, ita Præfectum Urbis Senatorum Iudicem esse voluerit, vt non alius de iis cognoscere, eorumque Iudex esse posset: id est a Præfecto Urbis Senator appellare postea non posset. Verum id ipse hac leg. nunc abrogat, reducto iure veteri. Nempe proprium quidem Senatorum Iudicem esse vult

P. V. atenim ab eo adhuc ad se Principem appellationem iisdem Senatoribus tribuit: proculdubio ad Senatus Romani petitionem. Iniquum scil. ei visum nunc, vt quæ fauore Senatorum introducta fuerant, vt scil. Præfectum Urbis Iudicem sortirentur, in eorum odinum retorqueri, appellationis videl. iure eis denegato. Itaque communis iuris (vt h. l. vocat) hac parte Senatores exsortes esse, nunc non patitur. Fori præscriptio denique commune appellationis ius ad Principem non ideo adimere debet. Et absurdum est, Privilegium priuilegiato ius commune, ac maxime prouocationis auxilium adimere. Cæterum coniectura ducor, ita nunc id a Constante Imp. constitutum, quod Rusticus P. V. cui hæc lex inscribitur, indulta potestate abuteretur aduersus Senatores: vnde etiam illud reperio, triduo post hanc l. susceptum illi in Præfectura urbana Probinum, apud Auctorem Notitiæ Præfectorum Urbis.

Ex his interim liquet, errare eos, & in his Iuretum in Symmachi lib. 10. ep. 55. qui ex hac l. colligunt hoc tempore simpliciter a sententia Præfecti Urbis appellare non licuisse: cum de Senatoribus id tantum dicatur.

De RELATIONIBVS ad Principem: deque GESTIS & refutatoriis
vna mittendis.

XXIV. (a) Idem AA. Procopio Præfidi Ciliciæ (b).

CVM in controuersia criminali (c), siue ciuili Iudex ad nos existimauerit (d) referendum, Acta (e) vt gesta sunt, Refutatorios (f) libellos vt oblari sunt, referri (g) oportet: Quos quidem exigere, & intra præscriptum Patria Constitutione tempus a iurgantibus flagitari, iubemus: Ac pronunciamus (h), grauissimam notam (i) esse subiturum, quisquis (k) hæc a nobis constituta neglexerit. PP. VI. Id. Nouemb. Philippo & Sallia Coss. [348.]

NOTAE.

- (a) Abest hæc *lex* a *Cod. Iust. GOTHOFR.*
 (b) *Procopius* Præfex Ciliciz sub Constantio. Alius ab hoc *Procopius* sub eodem Constantio Notarius A. D. 358. qui postea Tyrannus sub Valente fuit. Vid. *Marcellinum extremo lib. 17. ID.*
 (c) *Vid. l. 3. & 5. sup. de relationib. ID.*
 (d) Et vero id per sententiam promiserit, pronunciauerit, sponderit. vid. *Paratison sup. de Relationibus. ID.*
 (e) De hac Actorum transmissioe dixi plene ad *l. 4. sup. de Relation. ID.*
 (f) De *Refutatoriis* his vid. *l. 1. §. 1. & l. 6. sup. & l. 5. sup. de relationib. ID.*
 (g) Vel deferri. *ID.*
 † Constantini M. intelligit *legem 1. sup. hoc titulo. ID.*
 (h) *Denuntiamus. ID.*
 (i) Notabili sententia rephensus, *l. 34. inf. perenpius notis inuretur, l. 9. sup. ID.*
 (k) *Iudex, vt initio legis. ID.*

COMMENTARIVS

DE RELATIONIBVS, deque Actorum & Refutatoriorum simul transmissioe & Temporis hac parte nominati, Constantiniana *lex 1. sup. h. t.* illud tantum singulare *h. l.* quod Iudicibus a litigatoribus Refutatoriorum exigendorum, flagitantium cura imponitur. hac Constantii constitutione confirmatur.

De POENA iudicis legitimam appellationem non recipientis.

XXV. (a) Idem (b) AA. ad Lollianum PP. P. (c)

QVONIAM Iudices Ordinarii (d) prouocationes æstimant (e) respuendas, placet, vt si quis appellationem suscipere recusauerit, quæ (f) non ab * executione, vel a præiudicio, sed a sententia iurgium terminante fuerit interposita, triginta pondo auri cogatur filco (g) inferre xxx. (h) alias libras auri Officio eius itidem soluturo. Dar. VIII. (i) Kal. Aug. Messadeni. PP. Capuæ, (k) Arbitione & Lolliano Coss. [355.]

NOTAE.

- (a) *Lex 21. Cod. Iust. eod. tit.* Iungenda autem huic *lex 11. quorum appell. non recip.* quæ & argumento conuenit, & ex hac, vt puto, a Theodosiani Codicis conditoribus deformata est. *GOTHOFR.*
 (b) *pp. Imp. CONSTANTIVS A. & CONSTANS C.* vel sane tantum *Imp. Constantius.* vid. *Consularia Theodosiana. ID.*
 (c) Hic *Mauortius Lollianus* est, ad quem Iulius Firmicus libros suos octo *Astronom.* scribit. Eidem inscribitur hoc ipso Anno *lex 1. de Curiosis.* vid. & *Ammianum Marcellinum lib. 26. c. 8.* in gestis anni 356. Huic eidem inscribi putato *l. 21. C. I. mantati.* Fuit autem PP. Italiz. *ID.*
 (d) Ordinarii Iudices, id est Rectores prouinciarum. *ID.*
 (e) *Exstimant, C. Iust. ID.*
 (f) *Quæ non contra executionem, sed aduersus sententiam, intentionem iurgiumque terminantem &c.* ita *Cod. Iust. ID.*
 * *Lex 11. inf. quorum appell. non recip.* hinc deformata mihi videtur. *ID.*
 (g) *Largitibus nostris, Cod. Iust. ID.*
 (h) *Triginta alia Officio eius itidem soluturo, nisi ei pertinaciter resisterit, atque actis contradixerit, & quid iure sit constitutum ostenderit:* ita *Cod. Iust. ID.*
 (i) VIII. ita *d. lege 11. & d. l. 21.* & omnes Editiones, excepta Parisiensi postrema, ex errore, vt videtur. *ID.*
 (k) In subscriptione itidem hic notanda illa, *PP. Capuæ:* cui occurrit similis in *l. 1. sup. de Salsamo hospitib. non præb.* quæ *lex* ad prouinciales data est: item in *leg. 14. sup. de extraord. siue ford. muner. Lecta Capuæ,* quæ & ipsa inscribitur *Sia-grio PP.* Ex quibus omnibus colligitur, vt Capua Prouinciæ Campaniæ metropolis fuit, ita & ad Prouinciales Italiz, & ad Præfectos Pr. Italiz emissas constitutiones, *Capuæ* quoque propositas. *ID.*

COMMENTARIVS.

DE RECIPIENDIS a Iudicibus ordinariis, Re-actoribus Prouinciarum, (& quidem Italiz in specie huius leg.) appellationibus: deque Pæna seu Multa Iudicum & Officialium appellationes suscipere recusantium seu respuentium, vt frequentes iam Constantini M. constitutiones fuerunt, imo & eiusdem Constantii iam *lex 22. sup. seu l. 20. C. Iust. de appellat.* ita & hæc *lex:* cui iungenda est *lex u.*
 Tom. IV.

infr. quorum appell. quæ ex hac, ab huius *Cod. Con-*ditoribus efformata est. Quare de duabus illis Exceptionibus, quæ hac *l.* continentur, ad eam dicetur, & plenius ad *leg. 28. illius tit.*

Quod pænam seu multam hac leg. propositam attinet, Iudicibus eorumque Officialis appellationes respuentibus, præter duas Constantii leges, puta hanc, & *leg. 22. sup.* sunt præterea Valentiniani
 Kk lex

lex 33. infr. Theodosii M. lex 51. Honorii lex 58. 59. 60.

In subscriptione *huius leg.* duo notanda veniunt: Primo ista, *Dat. Mesfadenfi*, vel *Mesiatenfi*: ubi *Mesfadenfes* seu *Misfauci* intelligendi sunt in Lepontiis, quorum meminit & Ptolemæus: *Mesfades* vocantur in *Itinerario Peutingeri*. In literis vetustioribus Curie Rhætorum locus *Mesfaucum* vocatur; & Vallis ipsa, *vallis Mesfauc*: quam Mefamnis mediam secat; hodie, *vallis Mesolcina*, *Mafoxer tal.* Italis, *Val. Mesfaucina*, vrbs *Musocco*: qui omnino sunt Musaccenses isti in campis scil. Caninis

(ubi & *Bilitio*, teste Gregorio Turonensi *lib. 10. c. 3. Musocco* vicina:) Auctor enim est Amm. Marcellinus *lib. 15. c. 4.* hoc Anno 355. Constantium indicto Lentensibus Alemannis bello Mediolano digressum in Rhætiæ Camposque Caninos: de his Campis caninis vid. & Sidonium Apollinar. *car. 5. v. 377.* & Gregor. Turon. *lib. 10. c. 3.* vnde mox exercitum ad lacum Brigantium misit. Et vero recto itinere pergentibus Mediolano per campos Caninos ad lacum Brigantium interiacet *Bilitio*, *Musocco*: atque exinde *Dinumma* (forte *Bilumma*) ubi data paulo post ab eodem Constantio *lex 8. sup. de Exactionib.*

In quibus FISCALIBVS causis appellare liceat.

XXVI. (a) Idem AA. (b) ad Volusianum PF. P. (c) Post alia (d).

LATA sententia, quæ pertinent (e) ad bona vacantia, & (f) caduca, & ad ea quæ indignis (g) Legibus † cogentibus, auferuntur, si quis putauerit prouocandum, vox (h) eius debet admitti. *Dat. III. (i) Kal. Aug. Arbitione & Lolliano Coss. [355.]*

NOTAE.

- (a) *Lex 22. Cod. Iust. eod. tit.* Iungenda huic, *lex 12. infr. quorum appellation. non recip. GOTHFR.*
- (b) *79. Idem A. & C. vel sane tantum Imp. Constantius A. ID.*
- (c) *Volusianus PP. sub Constantio: v. Profepogr. ID.*
- (d) *Quæ continentur in d. l. 12. ID.*
- (e) *79. Pertinet, vt est in Cod. I. vel pertineat. ID.*
- (f) *Hæc omissa Cod. Iust. de quo mox, ID.*
- (g) *Vt Indignis. Cod. Iust. ID.*
- † *Juliam & Papiam intelligit. ID.*
- (h) *Vide quæ dixi ad l. 20. sup. ID.*
- (i) *IV. d. l. 12. ID.*

COMMENTARIUS.

FISCALIBVS in causis, cum hactenus sub Constantino M. primisque Constantii annis indistincte appellationi locus esset (de quo vide *supra*, l. 8. 14. 18. 21.) Constantio distinctio iam placet, vt *hac l.* ita & aliis *legibus* pluribus sub *titulo infr. quorum appellat.* ac nominatim *lege 12. infr. quor. appellat.* quæ huic coniungenda & præmittenda est: Distinctio hæc inquam inducitur, si de causis pensitationum debitorumque Fiscalium agatur, id est de annonis & tributis, inhibitam esse appellationem: Quod idem Constantius cauit, l. 6. 8. 9. 10. 12. *infr. quorum appell.* & l. 6. *sup. de iure fisci*: de quo plenius dicam ad d. l. 6. *infr. quorum appellat.* Publica, vt ea *lex 12.* ait, *utilitate suadente*, quia scilicet in tributis & annonis nerui Reip. consistant; atque iis vt reliqua onera, ita res potissimum militaris innititur, de quo plenius ad *eam legem*: Et sic sententia executioni traditur non obstante appellatione. Atenim si de bonis *aduentitiis*, quæ Fisco aliter obueniunt,

agatur, tunc appellationem admitti. Quæ insignis est differentia causarum fiscalium, in quibus agitur vel de Canonicis & necessariis obventionibus; vel de aduentitiis.

Cæterum aduentitiorum tres hic species designantur, quæ nos vocamus, *Partes casuelles*: ex *lege Iulia & Papiæ*, puta, *vacantia*, *caduca*, & *ereptitia*: hæ enim species, siue causæ, siue casus aduentitiorum fisco querendorum *lege Iulia & Papiæ* fuerunt, quod exsequitur collectio nostra *legis Iulie & Papiæ*; quæ & inde etiam *Caducaria* dicta fuit.

Illud non prætereundum, Tribonianum hæc huius l. verba, *& caduca*, in *Cod. suo repetita prælectionis* fuisse propter l. *ult. Cod. cod. de caducis tollendis*. De bonis alioquin *vacantibus*, fuit *supra titulus 8. lib. 10.*

EX ITALIÆ prouinciis quamplurimis h.l. designatis, ad Præfectum
Prætorio, non ad Præfectum urbis appel-
landum.

XXVII. (a) Idem AA. (b) & Iulianus Cæs. ad Taurum
PF. P. (c)

DE Sardinia, Sicilia, Campania, Calabria, Brutiis & Piceno (d), Æmilia & Veneria, & ce-
teris (e), interpositas appellationes Laudabilis Sublimitas Tua more (f) sollempni de-
bebit audire, competenti appellatione terminandas. Nec vero vlla poterit esse confusio:
Præfectus enim Urbis, nostra responsione conuentus, prædictis (g) cognitionibus tempe-
randum sibi esse cognouit. Dat, Sirmio, (h) Constantio A. IX. & Iuliano II. Cæs.
CONSS. [357.]

NOTAE.

- (a) Absit hæc lex a *Cod. Iust.* velut historica & localis. *GOTHOFR.*
(b) *yp. Idem A. ID.*
(c) *Taurus PP.* sub Constantio; idque Italix: v. *Presopogr. ID.*
(d) Annonario, de quo mox plura. *ID.*
(e) Italix prouinciis: quanquam malim, ut ceteris: sunt autem ceteræ hæ: *Lucania, Apulia, Flaminia, Tuscia. ID.*
(f) An hoc vult, prout hæcenus solitus est? Minime. *More solenni*, hic est sollempnibus appellationum completis, & cogni-
tione solenni. *ID.*
(g) Appellationum videlicet, seu de appellationibus. *ID.*
(h) Mensi Decembri hæc l. tribuenda est. Vide *Consularia Theodosiana. ID.*

COMMENTARIVS.

EX ITALIÆ prouinciis, partim h.l. expressis, tum
ex cæteris appellationes Po. P. Italix tribuuntur
hac Constitutione a Constantio A. D. 357.

Hæc etiam manifesta huius leg. sententia sit; de eo
tamen ambigitur, serratque inter se hodie reciprocant
Viri Docti: num hæc primum lege Præfecto
Prætorio ius istud appellationum ex his Italix prouinciis
delatum fuerit, quod antea Præfecto urbis
competebat, & sic transferatur ius istud nunc a
Præfecto urbis, ad Præfectum Prætorio. An vero
Præfecti Prætorio tantum iurisdictio hæc leg. stabili-
liatur: aduersus Præfecti urbis vsurpationem. Ego
vero illud potius puto: Certum enim est, vetustiore
iure appellationes has ad Præfectum urbis factas: de
quo monui iam testimoniaque congeffi olim in *Con-
iectura nostra*. At nunc aucta in maius Præfecti
Prætorio dignitas & Iurisdictio: & hoc quidem
tempore a Constantio Imp. qui hoc ipso Anno Ro-
mæ fuit: quo tempore etiam ipso ferre *Vrbicaria-
rum* Regionum nomen primo auditum: cuius anti-
quissima mihi mentio occurrit biennio post, An. 359.
*Eusebio & Hypatio COSS. l. 9. supr. de extraordina-
riis*. Quam appellationem hoc tempore hinc ena-
tam iure quis existimet: ut ita *Vrbicariæ* Regiones
sint, quæ vrbi, Præfecturæque urbis adnexæ erant,
& ex quibus ad P. V. appellabatur: Quas etiam
Quatuor regiones fuisse indicatur eodem Anno 359.
l. 1. infr. de calcis coctoribus.

Quanquam autem de appellationibus cogno-
scendi ex illis Prouinciis P. P. Italix hæc l. tribuatur, &
P. V. adimatur, attamen non omne ius P. V. in iis
prouinciis adimitur, quin imo contrarium hæc ipsa
leg. innuit: nempe vtrique in eas prouincias ius
aliquod competisse distinctum. Nec vero, inquit,
vlla poterit esse CONFUSIO: Præfectus enim Ur-
bis nostra responsione conuentus, PRÆDICTIS
Tom. IV.

COGNITIONIBVS temperandum sibi esse cogno-
uit. Ait lex, prædictis cognitionib. appellationum
scilicet: Ergo non omne ius ademptum in eas prou-
incias Præfecto Urbis: sed appellationis tantum ex
iis. Sane per Campaniam nominatim ius aliquod
P. V. stetit deinceps, docet lex 3. *infr. de Suariis: l. 2. infr. de equis curulib. l. 68. infr. de decurion. &
Symmachus ipse Præfectus V. lib. 10. epist. 53.* adeo
quidem ut Symmachus eodem loco ostendat, a Cam-
paniæ Consulari ad Præfectum V. tum appellatum.
Quanquam, quodnam & quatenus Præfecto V. ius
in Campaniam fuerit, ostendi ad *l. 12. supr. de penis*.
puta intra Latium suburbicarium, quod Campaniæ
administrationi alioquin iunctum erat. Denique
quicquid hæc l. tandem constituatur, certe postea ex
nonnullis (& quidem Italix) Prouinciis adhuc ad
P. V. appellatum testatur expressis verbis Cassiodo-
rus VI. *Variar. in formula Præfecturæ Urbane. 4.*
Ditioni tuæ, inquit, non solum Roma commissæ est:
verum etiam intra centesimum milliariū potesta-
tem te protendere antiqua iura voluerunt: tu
ETIAM ex designatis LEGE prouinciis appellatio-
ne cognoscis. Sed & Symmachus ex Sicilia (quæ
& ipsa hæc l. P. V. adimitur) ad P. V. suo tempore
appellatum, lib. 2. *epist. 30.* ostendit. Nam referen-
di, inquit (ad Principem) hæc sola P. V. ratio fuit,
non ut receptarum appellationum penam Sicilia Re-
ctor exsolueret, sed ut iniuriam suam Sacri Audito-
rii cognitior vindicaret &c. Quinimo & idem
lib. 10. *epist. 51. de Apulia* id ipsum testatur. Imo &
de Brutiis lib. 2. *epist. 44.* Quare his omnibus ex-
pensis hæc l. non diu neque indistincte stetit cen-
seo, verum ius appellationum ex nonnullis saltem
Italix prouinciis ac nominatim e Campania ad
PF. V. mox rediisse, & quidem lege aliqua (quam
Cassiodorus intellexerit) & cui indicium facere vi-
deri

deri possit *lex 3. infr. de Suariis*, Iuliani. Sane intra centesimum eas conclusas fuisse & ab his expressis passim vel *hoc Codice* separari, *l. 2. supr. de extraord. numerib. l. 20. supr. de tyronibus, l. 12. supr. de indulgent. debit.* imo ab Italia ipsa specialiter accepta, *d. l. 2. & 9. supr. de annona & tribut. l. vi. supr. si per obreption. Nouell. Maioriani de adulteriis 9.* alibi prolixè ostensum. Denique, quis putet ex suburbicariis appellationum ius P. V. ademptum: cum hæc eius peculiaris Diocesis extiterit? *v. l. 13. supr. de accusationib.*

Quicquid huius sit, grauis eorum error est, qui nonnullas ex illis Italiæ prouinciis, quæ hic designantur, de suburbicariarum numero fuisse censent, cum

In FISCALIBVS causis intra quæ TEMPORA appellationes terminari debeant.

XXVIII. (a) Idem AA. (b) ad Taurum PF. P. (c)

PATRIS Nostri (d) salutaribus imperatis † comperimus, dudum esse præceptum, vt si a Rationali, vel Comite, (e) vel alio qui curam fiscalis commodi gerit; fiscale debitum postulante, fuerit prouocatum, ad eos qui Vice (f) Nostri huiusmodi cognitionibus præfident, appellatores intra diem tricesimum perducantur, aduersus sententias, quas ini- quas esse contendunt, exsecuturi proprias actiones: Quapropter (g) viginti sufficit dies intra eandem prouinciā custodiri, intra quam fuerit prouocatum: sicut ex aliis, quadraginta seruentur: adque intra eorum (h) terminos, quod (i) Patris Nostri Constitutio statuit, explicetur. Dat. XIV. Kal. Iul. Singiduno (k). PP. X. Kal. Aug. Rom. Eusebio, & Hypatio Coss. [359.]

NOTAE.

- (a) Abest hæc *lex a Cod. Iust. GOTHOF.*
- (b) *vg. Idem A. & Iulianus Caf. ID.*
- (c) *Taurus PP. sub Constantio, Italiæ, quod & subscriptio legis ostendit: vid. Prefopogr. ID.*
- (d) Constantini M. *ID.*
- † Hæc *Constantini M.* constitutio non extat. *ID.*
- (e) Largitionum; seu largitionum titularum, vel Comitum Thesaurorum: de his Comitibus semel dixi plene ad *l. vn. de Consularib. & Præsidibus. Comes ærarii vocatur l. 39. infr. ID.*
- (f) Comites S. L. & R. P. intelligit. *ID.*
- (g) Hæc vox *Quapropter*, emendationi & correctioni iuris subseruit. *ID.*
- (h) Dierum. *ID.*
- (i) *Id quod*, id est, appellationum merita expendant. *ID.*
- (k) *Singidunum* in Mœsia, vbi hoc tempore versatus Constantius aduersus Sarmatas Limigantes: Vide Ammianum Marcellinum, & *Chronologiam. ID.*

COMMENTARIUS.

FISCALIBVS in causis a RATIONALI vel COMITE appellationes intra quod tempus terminari debeant, hæc Constantii Constitutione definitur; vt exemplo paterno, Constantini M. scil. ita nouo temperamento addito: Nempe Constantinus M. indistincte tricesimum diem præstituerat: Atenim hæc *l.* prouinciarum distinctio fit; qua tandem illud efficitur, triginta dies a Constantino præstitutos, vel nimis laxos, vel nimis angustos visos: nimis laxos, si intra eandem prouinciā res esset, atque ita viginti dies sufficere, quod & ipsum iam constitutum *l. 21. supra.* nimis angustos, si ex alijs prouincijs atque ideo quadraginta seruandos esse. Quæ omnia qua confirmantur, qua memorantur, *l. 46. & l. 64. infr.* Quanquam & nouum postea discrimen inter contiguas prouincias, & longe positas inductum: *l. 45. 46. 64. infr. b. t.*

Illud tantum ex hac singulari lege obseruandum, Constantini M. iam temporibus constitutione aliqua a Rationalibus & Comitibus & similibus, ad Comites S. L. & R. P. appellatum, viceque Principis huiusmodi cognitionibus præfuisse. Quod & ipsum confirmat *lex 39. 40. 45. 46. infr.* cum tamen An. 326. vel 329. adhuc, ad Principem a Rationalibus appellaretur, vt docuit *lex 18. supr.* Quod argumento est: non nisi sub extremis Constantini M. temporibus Comites istos S. L. & R. P. institutos fuisse: Quorum etiam non antiquiorem mentionem reperio, quam circa A. D. 340. de quo in *Notitia nostra.*

Tandem obseruandum de appellatione a Rationali nouem hoc titulo *leges* occurrere: puta hanc *l. & l. 39. 41. 45. 46. 49. 68.* seu *ult. l. 14. & 18. supr.*

De RECIPIENDIS *appellationibus deque GESTIS ad Principem suscepta appellatione mittendis.*

XXIX. (a) Imp. IVLIANVS A. ad Hymetium (b)
Vic. Vrb.

OMNES legitimæ appellationes, quæcumque fuerint contra Audientiam Tuæ Grauitatis (c) interpositæ, indubitanter suscipiantur: & post latam sententiam, intra triginta dies, vniuersa, quæ in eiusmodi negotio geruntur, (f) cum Refutatoriis (g) precibus, seu libellis ad Nostrum Comitatum (h) mittantur: strenuo videlicet Officiali, ex his qui tibi (i) parent, ad hanc sollicitudinem electo: ita vt publicis monumentis confectis, dies quo gerulis (k) gesta tradantur, (l) fideliter designetur. Nam X. librarum auri multæ constituetur Officium obnoxium, si statuta nostra aliqua fuerint diffimulatione (m) violata. Dat. X. Kal. Octobr. Antiochia, Manertino & Neuita Coss. [362.]

NOTAE.

- (a) Absit hæc *lex* a *Cod. Inst. GOTHOFR.*
(b) *Hymetius* hic Vicarius vrbis Romæ, idem videtur, qui paulo post Proconsul Africæ fuit, de quo eiusque iudicio Amm. Marcellinus *lib. 28. c. 1.* De eo plura in *Prosopogr.* *Hymetius, Τμήτιος* apud Basilium *ep. 330. v.* & Hieronymum *Ep. 7. ad Latam de institutione filia. ID.*
(c) *Grauitatis* titulus Vicariis tributus. *ID.*
(f) Agitantur, gesta sunt, vel geri solent. *ID.*
(g) De *Refutatoriis* his iam ad *leges superiores* sæpe. *ID.*
(h) *Comitatus* Principis *b. l. & l. 31. infr.* vid. *Gloss. Theod. ID.*
(i) *Officium* seu *Officiales* Vicarii vrbis nota. *ID.*
(k) De his *Gerulis* quoque *l. 31. infr. ID.*
(l) Pro traduntur. *ID.*
(m) *Officiales* enim *Leges* Iudicibus suggerere tenebantur: de quo vid. vel *l. 8. supr. ID.*

COMMENTARIVS.

IVLIANI Imp. tres ordine constitutiones sequuntur: partim de appellationibus incunctanter recipiendis a Iudicibus, partim de Gestis omnibus post admissam Appellationem ad Comitatum Principis transmittendis, denique & de iudicio appellationis accelerando. Quod omne vt ad Iustitiæ Iuliani laudem pertinet, quo nomine olim commendatur, de quo vid. vel testimonium Ammiani Marcellini *lib. 25. cap. 4.* ita postremum istud eo quoque pertinet, quod incertus Auctor apud Suidam de Iuliano scribit, eum dilationes morasque in iudiciis respuisse *τὰς ἀναβολὰς*. Quo etiam spectat *lex i. supr. de dominio rei quæ poscitur*. Eo igitur, quem dixi, sine, Iulianus hac constitutione & altera insuper *l. prox. 30. infr.* iubet, SVSCIPi, seu RECIPI a Iudicibus Appellationes legitimas *indubitanter*, & quidem in specie *huius legis* a Vicario Vrbis Romæ ad se Imperatorem factas, de quo, de recipiendis inquam legitimis appellationibus incunctanter, varix sunt aliorum Principum hoc titulo *leges*: Deinde iubet TRANSMITTI ad Comitatum suum, seu ad se scriiniaque sua gesta omnia cum Refutatoriis: de quo fuerunt quoque iam *supra* complurimæ *leges*: Idque (quod præcipuum *huius leg.* caput est) intra triginta dies post latam sententiam. Quod & ipsum in Relationibus eidem placuit, *l. 31. infr.* Idemque tempus seu spatium placuit quoque post Iulianum, Valentiniano *l. 32. 34. infr.* & Honorio,

l. 65. infr. cum Constantinus M. dies viginti tantum in id statuisset, *l. 8. supr.* Ad eum porro finem, vt *properanter* hæc transmitterentur, ex Officialium Iudicis a quo appellaretur numero, strenuum aliquem eligi iubet *hæc leg.* & iterum *dict. l. 31.* diemque in actis publicis consignari, notari, quo gesta hæc gerulo tradita fuerunt: de quo ad *d. l. 31.* Et sic Iulianus appellationes & *incunctanter* suscipi, & *properanter* ceu *celeriter*, vel, vt *huius l.* verbo vtat, *strenue* accelerari voluit: citra *tarditatis obstaculum*, vt eiusdem Iuliani *l. 31.*

Cæterum pertinet hæc *lex* proprie ad Vicarium Vrbis Romæ, a quo ad Principem appellatum hæc *lex* ostendit: quod quomodo sub distinctione immutatum fuerit in causis criminalibus, vid. Honorii Imp. *legem 61. infr. b. t.* Et ad quem appellatione facta ad Principem ex vrbe Roma Antiochiam tam longe gesta mitti oportuit.

Tandem apertissima sunt *huius l.* verba, hæc facienda *post latam sententiam intra triginta dies*: non minus quam *l. 24. Cod. Inst. eod. tit.* (quæ alioquin interpolata est ex *l. 32. infr.*) Vt proinde verissima sit sententia Glossæ in *c. 24. ab eo, 2. qu. 6. in v. trigint. de appellat.* & in *Gloss. 3. in Clem. quamvis tit. de appell.* & *Gloss. 2. in l. 1. D. de lib. dimiss.* Ioannis Andreæ, Cyni, Saliceti, & crebrius quoque recepta, hos dies currere a die latæ sententiæ: de quo v. quoque Guidonem Papam, *quest. 436. p. 24.* & Mynfingerum *4. obs. 36.*

De his qui per METVM, vel VIM non appellarunt.

XXX. (a) Idem A. ad Germanianum (b) PF. P.

HIS, qui tempore competentis non appellant, redintegrandæ audientię facultas denegetur. Omnes igitur, qui contra Præfectos (c) Vrbi (d), seu Proconsules (e), seu Comites (f) Orientis, seu Vicarios (g), sub specie *Formidinis* prouocationem non arbitrantur interponendam, a renouanda (h) lite pellantur: Nobis (i) enim moderantibus Rempublicam, nullum (k) audebit Iudex prouocationis perfugium iurgantibus denegare. Qui vero *Vim* sustinuerint (l), contestatione publice proposita, intra dies videlicet legitimos quibus appellare licet, causas appellationis euidenti adfirmatione (m) distinguant, vt hoc facto tanquam interposita appellatione hisdem æquitatis adminicula tribuantur. Emissa (n) XV. Kalend. Ian. (o) Mamertino, & Neuita Coss. [362.]

NOTAE.

- (a) *Lex 2. C. Iust. de his, qui per metum iudicis non appellauerunt.* GOTHOFR.
 (b) Ita quoque scripti Codices Iustiniani. Male vulgo, *Geminiano*. Cæterum *Germanianum* hunc Præfectum Pr. Orientis fuisse, ipsa *lex* ostendit, & *Comitis Orientis* in ea mentio. Amm. Marcellinus quoque *lib. 21.* in Gestis Anni superioris 361. *cap. 8* scribit, a Iuliano iussu Germanianum vicem tueri Nebridii P.P. Idem scribit *lib. 26.* in Gestis Anni 365. *cap. 5.* Germanianum potestate Præfecti rexisse Gallias prouincias. *ID.*
 (c) Præfectos vrbs Constantinop. intelligit: de quo mox. *ID.*
 (d) *Magistros officiorum vel magistros militum*, additum Cod. I. *ID.*
 (e) Proconsules Afrix, Achaix. *ID.*
 (f) *Seu Præfectos Orientis*, hoc additum *Cod. Iust.* quod alienum est. *ID.*
 (g) *Augustales*, additum *Cod. Iust.* & mox; *vel alium Iudicem*: de quo tamen loco & metathesi ibi admissa, vid. Guiz. VIII. *Obseruat. 21. ID.*
 (h) *Renouanda*, Cod. Iust. male. *ID.*
 (i) Hæc sententia & ratio elegantissima a Tribon. recisa. *ID.*
 (k) Forte, *nullus*: etsi scil. vice sacra iudicet. *ID.*
 (l) *Sustinuerunt*, Cod. Iust. *ID.*
 (m) *Adfirmatio*, pro probatione. Eodem sensu, affirmare scripturam, *l. vn. si cert. petat. de chirogr. ID.*
 (n) *Emissa*, similis subscriptio *l. 50. infr. b. tit. l. 3. supr. de Numerar. l. 9. supr. de Agentib. l. 11. supr. de diuers. offic. l. 112. infr. de decurion. & Nouell. Theod. 23.* Verum de hoc in *Prolegomenis*, *ID.*
 (o) *Iul. Cod. Iust. ID.*

COMMENTARIUS.

OMISSAM sub specie *formidinis*, id est, vano metu, a Iudicis decreto appellationem, vt redintegrari hac constitutione Iulianus non permittit; ita per *Vim* apertam Iudicis omisssæ remedium proponit, contestationis inquam publicæ: de quo plura *infra suo tit. de his qui per met. Iud.* Quod etiam iam probauerat Seuerus Imp. *l. 7. D. de appellat.* Et ita quidem Iulianus *hac leg.* in priuatorum *ιδιωτων* causis: & idem tamen Imperator in causa ciuitatis Argiuorum ad Legatorum postulationem, citra appellationem omisssam vel neglectam reintegrari audientiam, renouari litem, & iudicium retractari ex æquitate voluit, *Ep. 35.* ad Proconsulem proculdubio Achaix, *εἰ μόνον ἀκέραι ἐθέλοις, καὶ λέγεις αὐτοῖς ἐπιτραπέη, τὴν δίκην ἀπ' ἀρχῆς πύσῃ, καὶ τὸ παρὰ τὴν ἐν τῶν λεγομένων ὁρθῶς κεισθῆναι: Si audire voles, ipsisque dicendi potestas fiat, causam a principio audies, & de tota summa recte ex eorum ratione statuetur.* Et mox in subsequentibus adiicit, cur in huiusmodi ciuitatum causis iudicia retractari æquum sit, *τὴν δίκην αὐτοῖς ἀνάδικον ποιεῖν, quod iudicium reuocetur*, non etiam in causis *ιδιωτων*, *priuatorum*, quomodo ibi versum oportuit ab Interprete nupero, qui ibi multa alia peccat: veluti quod ab Imperatore iam Iuliano hanc epistolam scriptam negat: nam quæ de Legatis ibi dicuntur perperam accepit.

Sequentia tantum *hac lege*, singularia obseruentur: *Primo*, vanum esse metum, & quidem sub bono Principe, si quis dicat, sibi *formidinem* iniectam ne appellaret, ipsa forte Iudicis, qui sententiam dixerit, autoritate, & magnitudine, vt quia forte vice sacra iudicabat. Quod quidem ipsum ad inuidiam Principis pertinet, idque Iulianus hic aperte indicat, ibi, *Nobis enim moderantibus Rempublicam, nullum audebit Iudex prouocationis perfugium iurgantibus denegare.* De qua ratione plenius dicam ad *legem 2. infra, de his qui per metum Iudic.* Quo pertinet etiam Alexandri Seueri Imperatoris illud *leg. 25. D. de appellatione*, rationi huius legis quam simillimum, *ἐγκαλεῖσθαι μὲν πῶς αὐτῷ καλῶς τοῦ ὑπὸ τῶν δικαζόντων ἔχ' ὁρῶ, ὅποτε ἔξῃς ἐτέραν ὁδὸν τρεπόμενον αὐτὸ ποιεῖν, καὶ θάττον πρὸς μὲ ἀφικνεῖσθαι: Appellare quidem qualiter quis prohibetur a iudicantibus non video: quando licet aliam viam tenentem, idem facere, & celerius ad me peruenire. Nempe metus iniecti præsumptio iusta non est, & quidem a Iudicibus, vbi leges, iuraque publica, vbi Principis auxilium inuocari potest. Cui proxime accedit quod eleganter Iuriconsult. ait, *leg. vltim. in princ. D. quod met. caus.* Non esse verisimile compulsus in vrbe inique &c. cum potuerit ius publicum inuocare &c.*

Secundo, obseruetur hic Notitia dignitatum post Præfectum Prætorio præcipuarum in Oriente, qui vice scilicet sacra iudicabant: Præfectus Vrbis (Constantinopolit. scilicet) Proconsul (Asia scilicet P. 251. & Achaia) Comes Orientis & Vicarii (Præfectorum Prætorio) a quibus ad Principem appellabatur.

Tertio obseruetur (de quo & ad *leg. n. supr.* plenissime) vt a Proconsulibus, Comitibus, Vicariis: ita & a Præfectis Vrbis quoque appellari potuisse: Et quidem in specie *huius legis* a Præfecto Vrbis Constantinopol. ad quem alioquin paulo ante Constan-

tius appellari voluerat, vt docet *lex 23. Cod. Inst. de appell.* ex Bithynia, Paphlagonia, Lydia, Hellesponto, Insulis, Phrygia salutari, Europa, Rhodope, Hæmimontio.

Postremo obseruetur, alteram hanc *hoc Cod. Præfecti Vrbis Constantinopol.* mentionem occurrere: de quo ad *leg. i. infr. de ammonis ciuicis*: Antiquissima enim occurrit Anno 361. *lex 13. de Præf.* Et ante triennium ferme is primum institutus, fine Anni 359. vid. *Chronolog.*

De GESTIS ad Principem mittendis, RELATIONE promissa.

XXXI. (a) Idem A. ad Mamertinum (b) PF. P.

QVONIAM plerique Rectores, Relationes, quas ad Nostræ Tranquillitatis Comitatum destinare promittunt (c), suppressere, vel differre conantur, praua id conscientia faciente, conueniri eos ab Inlustri Auctoritate Tua præcipimus, vt intellegant, sibi quidem denarum librarum auri, Officiis vero suis vicenarum imminere condemnationem (d), si promissa Relatio intra triginta dies non fuerit sine aliqua ambiguitate transmissa (e) his Officialibus, per quos conuenit Gesta transmitti. Et quia plerumque contingit, vt gerulis litterarum, aliquo casu existente, tarditatis obstaculum videatur adferri, ne id quod necessitate contingit, ad culpam Rectorum redundare videatur, actis apud se confectis diem designare debebunt, in quo transmissio Gestorum committitur his, qui huic necessitati deputantur. Dar. X. Kalend. April. Iuliano A. IV. & Sallustio Coss. [363.]

NOTAE.

- (a) Absent hæc *lex* a *Cod. Inst.* Concordant illi *lex 29. 34. & 65. GOTHOF.*
- (b) *Mamertinus* PP. Italiae, Illyrici & Africae sub Iuliano, v. *Protopogr. ID.*
- (c) De hac Promissione seu sponfione Relationum dixi ad l. 2. *supr. de Relation. ID.*
- (d) *Condemnatio*, id est, multa, v. *Gloss. Theod. ID.*
- (e) *Commisissa*, vt *infr. committitur*, seu tradita, vt *d. l. 29. ID.*

COMMENTARIUS.

TRANSMITTENDIS Relationibus promissis, vna cum gestis ad Principem iidem triginta dies, eademque cautela a Iuliano præscribitur *hac lege*, pariter vt *leg. 34. 65. infr. hoc tit.* eademque etiam multa proposita tum Iudici, tum Officialibus eius, quæ Appellatione interposita, gestis & refutatoriis transmittendis ab eodem Iuliano l. 29. *supr.* a Valentiniano *leg. 32. proxim. infr.* Hæc *lex* in eo singularis est, quod apertius quam alia rationes contineat. Ac primo quidem cur Transmissionis curam hanc in se receperit Iulianus: nempe, quod quamplurimi, imo plerique Rectores in speciem

quidem, quasi dubii, ad Principem sese relaturos sponderent, & interea tamen miseris litigatoribus illuderent, *prauaque conscientia*, forte alterutri parti fauentes, vel non referrent, seu relationem suppresserent, vel differrent. Secundo, retro rationem reddit, cur diem commissæ gerulo Relationis vna cum gestis, apponi velit, nempe ne tarditas quæ gerulo forte aliquo casu necessitatis obiecta fuit, in culpam Rectoris referatur. Quæ Cautela & alias utilis, ne forte geruli tarditas in mittentis culpam redundare posset.

P. 252. De RECIPIENDA *appellatione, deque GESTIS transmittendis ad Principem.*

XXXII. (a) Impp. VALENTINIANVS, & Valens AA. Salutem dicunt Ordini ciuitatis Karthaginis (b).

IVDICIBVS, non solum appellationis suscipiendæ necessitas videtur (c) inposita, verum etiam triginta dierum spatia (d) definita sunt, intra quæ negotii (e) merita ad Mansue-

Manſuetudinis Noſtræ Scrinia conueniat deſtinari : Iudice & Officio (f) ſi ſtatuta fuerint aliqua parte mutilatâ multæ ſubiacente (g). Dat. Prid. Non. (h) Febr. Med. Diuo Iouiano & Varroniano Coſs. [364.]

NOTAE.

- (a) *Lex 24. C. Inſt. eod. tit.* Iungenda illi vero *lex 15. infr. quorum appellat. non recip.* GOTHOFR.
 (b) Ita quoque *Ordini Carthaginenſium* inſcribitur *lex 4. v. infr. de decurion.* ID.
 (c) *Videtur* impoſita, id eſt, *impoſita eſt.* v. *Gloſſ.* Impoſita autem *l. 29. ſupr.* quam hic indicare videtur. ID.
 (d) *Ex die ſententia :* hoc additum *Cod. Inſt.* de quo ad *l. 29. ſupr.* ID.
 (e) *Gefſta, una cum Relatione litigatoribus conuenit præſtari.* ita *C. Inſt.* de quo mox. ID.
 (f) *Eius add. C. Inſt.* ID.
 (g) *Subiacentibus,* *Cod. Inſt.* ID.
 (h) *vg. Non. Nouembr. & hic & d. 4. 15.* itemque *l. 8. ſupr. de iure ſiſci :* vbi cauſas dixi. ID.

COMMENTARIUS.

DE RECIPIENDA a Iudicibus Appellatione, & TRANSMITTENDIS ad Principem, Appellatione facta, intra 30. dies totius negotii meritis, id eſt, Geſtis, eſt hæc Valentiniani Sen. conſtitutio : in eandem plane ſententiam, cum Iuliani *l. 29. ſupr.* quam hic indicare videtur : ad quam proinde dicta hic ſufficiunt. Eſt vero huic coniungenda *lex 15. infr. quorum appell. non recip.* vbi exceptiones duæ proponuntur, quibus prouocatio admittenda non eſt.

ſpectanda etiam huius legis Inſcriptio : quæ *Ordini ciuitatis Karthaginis* inſcribitur : cuiusmodi ſimilis inſcriptio occurrit *l. 41. infr. de decurionib.* Quod mirum videri poſſit quandoquidem huius *l.* ſententia non pertinet ad Ordines, ſeu ad Curias ; verum ad Iudices, eorumque Officiũ, quibus & Imp. pœnam minitatur. Quid igitur ? An ideo hæc *lex* *Ordini ciuitatis* inſcribitur, quod executio ſententiarum Iudicum ad Curias pertinebat ; quod nonnulli opinati, de quo dixi ad *leg. 39. infr. de decurionibus* ? Malim, ideo *hanc l.* Curia inſcriptam, quod de Iudicum fallidio circa appellationes ea conqueſta fuiſſet apud Valentinianum : & ſic ad decretum & legationem Ordinis Carthaginenſis : cuiusmodi Legationes hoc tempore crebræ vndique miſſæ ad Valentinianum cum coronis & decretis, propter nouam Principis inaugurationem :

de quibus Euaſapius quoque in *excerptis Legationum.*

Deinceps de *Triboniani* in hac *l.* interpolanda facinoribus videndum eſt : imo & de Interpretum hallucinationibus. Hanc ſcil. *legem* Tribonianus ad omnis generis appellationes traduxit, cum ea ſit proprie de appellationibus ad Principem. Deinde, loco eius quod hic cauetur, *negotii merita*, id eſt, geſta ad Principem *intra dies 30.* transmittenda, ipſe ſubſtituit, *Gefſta una cum Relatione litigatoribus eſſe præſtanda.* Atque ita & ſubiectum & prædicatum immutauit : Quo ſit, vt ea *lex* iam fundus ſit, Communicationis faciendæ partibus Actorum, appellatione interpoſita. Sed & Interpretum nonnullorum hic error eſt, & forte ipſiusmet Triboniani, qui hæc verba, *ſtatuta fuerint aliqua parte mutilata*, accipiunt de communicatione Actorum ſemiplena & imperfecta : nam imo non hic agitur de geſtorum mutilatione, verum de *ſtatutorum* : puta ſi temporis præſcriptioni & Actorum tranſmiſſioni non pareatur : Quomodo pariter *d. l. 29.* quæ huic omnino ſimilis eſt, & quam forte hæc *lex* indicat, *ſi ſtatuta Noſtra aliqua fuerint diſſimulatione VIOLATA :* Et *d. l. 15. infr. quorum appellat.* quæ huic coniungenda eſt, *CONTRA DEFINITA facientes.* Tantum ſcil. intereſt, *leges* iſtis fontibus ſuis ſpectare.

IVDICIS & Officii eius appellationem RESPVENTIS pœna.

XXXIII. (a) Idem AA. ad Dracontium (b) Vic. Afric. (c)

QUICVNQVE Iudicum aduerſus auctoritatem legis, appellationes neglexerit, proctinus Officio tuo, non Rationalis, imminente, ad viginti librarum auri exſoluedam multam cogetur : ita vt & Officiũ eius triginta ſimili celeritate diſſoluatur. Dat. Prid. Id. Septembr. Aquil. Acc. XVIII. Kal. Decembr. Tacapis (d). Diuo Iouiano & Varroniano Coſs. [364.]

NOTAE.

- (a) Ab eſt hæc *lex* a *Cod. Inſt.* GOTHOFR.
 (b) *Dracontius* Vicarius Africa ſub Valentiniano. Eidem inſcribitur hoc ipſo Anno *lex 9. ſupr. de exaction.* & Anno ſeq. 365. & 367. aliquam multæ. v. *Proſopogr.* ID.
 (c) Sub quo & *Tripolitana :* ad quam hæc *lex* pertinet, pariter vt *lex 59. infr.* ID.
 (d) *Tacapis* data hæc *lex*, de quo mox. ID.

COMMENTARIVS.

DE RESPVNTIS Appellationem Iudicis seu non recipientis eam, pœna, est hæc Valentiniani Sen. constitutio: vt multæ aliæ *hoc titulo*. Constantii *lex 22. & 25.* Theodosii *M. lex 51.* Honorii *lex 58. 59. 60.* In qua notanda multa singularia. Primo *Modus* multæ: quem grauiorem, & duplo quam antea ferme maiorem imponit Iudici & Officio eius appellationem non recipienti. Qua parte varium admodum modum impositum *prædictæ leges* ostendunt. Secundo *h. l.* notandum quod Valentinianus pœnam exigi iubeat, non ab officio Rationalis, vt antea sub Constantino *M. leg. 8. supr.* verum ab Officio Vicarii sub cuius dispositione erant Iudices: & sic ab illius Iudicis Officio, ad quem Iudex factam appellationem respuit: sane enim a Rectoribus ad Vicarios appellatum, qui & ideo vice sacra iudicabant, vt ostendit iam *lex 16. supr.* Tercio notanda *huius legis* subscriptio cumque Inscriptione com-

mittenda: Dicitur scilicet hæc *lex Acc. Tacapis*. Tacapis scilicet colonia, cuius mentio apud Plinium, *H.N. lib. 5. c. 4.* Ptolemæum *l. 4. c. 3.* & in *Itinerario Antonin.* p. 50. 59. 74. Edit. Wesseling. & in *historia Africana*, Tripolitanae prouinciæ Metropolis fuit: a qua ideo, & in quam ideo quoque Itinera ducuntur in *Itinerariis illis*. Et iocularis error est Ortellii qui ex hoc *Codice Theodosiani* loco Tacapis Diuum fingebat, cum non attenderet vocem Diuo hic pertinere ad Consulatam designandum: ita *Acc. Tacapis, Diuo Iouiano & Varroniano COSS.* Ad Tripolitana igitur prouinciā pertinet hæc *lex*: pariter vt duæ aliæ *leges* in eodem Appellationis argumento, puta *lex 69. infr. hoc titulo*, & *l. ult. inf. quorum appellat.* Ac proinde hinc discimus Tripolitana prouinciā Præsidemque eius sub dispositione Vicarii Africæ fuisse, quod etiam ex *Notitia Imperii* discimus.

De CONSULTATIONE seu RELATIONE ad Principem:

I. Ne litigatores ea facta ad Comitatum proficiscantur. 2. & vt Relatio intra 30. dies ad Principem mittatur.

XXXIV. (a) Idem AA. ad Symmachum P. V. (b)

SI quisquam (c) ausus Consultationem (d) sequi circa limina Palatii Nostri, Comitatus (e) fuerit deprehensus, æstimatæ litis, quæ in controuersiam venit, mediæ tatem, in auro adque argento, fisci viribus inferre cogetur. Iudex (f) sane, qui Relationem promiserit (g), nisi intra triginta dies dictæ sententiæ promissam Relationem ad nostra scrinia destinarit, ipse quidem notabili (h) sententia, reprehensus, X. librarum auri condemnatione (i) quatiatur: Officium vero eius quod non suggesserit, nec commouerit de Relationis necessitate, viginti libris auri fiat obnoxium. Dat. V. Id. Nou. Med. Diuo Iouiano & Varroniano COSS. [364.]

NOTAE.

(a) Abest & hæc *lex a Cod. Iust.* Quænam vero *leges* aliæ illi concordent mox dicam. GOTHFR.

(b) Symmachus P. V. Romæ: hic vero pater est Epistolographi. v. *Prosopogr. ID.*

(c) Ex litigatoribus. *ID.*

(d) Consultationem, infr. mox Relationem. v. *Paratitlon. ID.*

(e) De Comitatus appellatione. v. *Gloss. Theod. ID.*

(f) Hinc apparere videatur hic agi de Relatione in causa appellationis. *ID.*

(g) De Promissa relatione, dixi ad *l. 2. supr. de Relationibus. ID.*

(h) Notabilis sententia: quæ nota grauisima Iudici imponitur *l. 24. supr.* qua Iudex perennibus notis inuitur, *l. 9. supr. ID.*

(i) Condemnatio, pro multa, v. *Gloss. Theod. ID.*

COMMENTARIVS.

INTEGRITATI & CELERITATI definiendum a Principe litium, ad se delatarum per Consultationem seu Relationem Iudicum, consulit hæc egregia constitutione Valentinianus Imp. cuius proinde duo sunt capita, vt duo quoque sunt fines: vnum videl. aduersus litigatores, alterum pro litigatoribus seu in eorum fauorem: *Integritati*, inquam, priore capite consulitur: Nempe enim delata per Consultationem seu Relationem lite ad Principem, vetantur litigatores SEQVI consultationem, & circa limina Palatii Comitatusve Principis versari, eo-que venire. Quæ Valentiniani constitutio hac in

re fundamentalis est, nouo scilicet schemmate & heuristico politico, quam secuti Principes alii deinceps: Theodosius *M. l. 47. infr.* Honorius *l. 54.* Theodosius Iun. *l. 66. infra hoc tit.* Sic tamen vt (quod se- p. 354. cundum in argumento hoc notandum) eam certo casu temperarent, anno in id definito: de quo temperamento ad *ear. Leges.* Ad vero, quod Tertium, ita constitutum a Valentiniano, hac ratione; integritatis videl. studio, vt initio dixi; nempe, vt Principum responsa seu Rescripta ad Relationes & Consultationes Iudicum suo Marte decurrerent, non causæ communionem, vt loquitur *d. lex 54.* vel potius

commendatione per emendicata Potiorum & Potentiorum in Comitatu seu Aula Principis suffragia, non per vagos discursus, dum *limina Palatii*, Palatinorumque terant; aliterne sese his commendare student. Quod quidem bono exemplo institutum, si modo Relationes & Consultationes Iudicum ex fide fiant; eaque cum Refutatoriis seu supplementis partium, omnibusque Gestis ad Comitatum transmittantur: Quod innumeris constitutionibus Imperatores cauere. Poena tandem, quod in hoc argumento, Quarto, notandum est, huic rei hæc præstituitur, quod litis seu rei, quæ in controuersiam venit, medietatem in auro atque argento, fisci viribus inferre cogatur is, qui ad Comitatum venit.

Atenam postea statutum ut rei (totius scilicet) quæ de agitur amissione confringatur seu multetur, ut docet *lex 54. inf.* ubi & *conditio præstituta vel pæna* dicitur. Et hæc de primo *huius leg.* sine capiteque.

Secundo iam, viceversa, *Celeritati* consultum iuit Valentinianus: iterata iussione, de TRANSMITTENDA intra dies 30. a dicta sententia promissa Relatione: poena pariter proposita Iudici, Officioque eius, ni id factum fuerit; de quo dixi *l. 65. inf.* ac nominatim etiam de munere Officialium in commonendis Iudicibus, Legibusque suggerendis, ad *l. 8. sup.* de quo sunt *hoc titulo* præterea *lex 29. sup. lex 58. 59. inf.*

De INSTRUMENTIS, GESTIS, ACTIS, DOCUMENTIS, &c. PROCESSV omni, mittendis una cum Consultatione.

XXXV. (a) Idem AA. ad Modestum PF. P. (b)

CVNCTA instrumenta, quæ Iudicii offeruntur, subiecta Consultationi Gesta continere debebunt. Sed & Acta, quæ sint ante habita, & Monumenta transmittenda sunt; Hisque adnectenda sunt testimonia, vel confessiones partium, & omnia huiusmodi, in quibus causa consistit, & habere exitum videatur. Dat. Kalend. Aug. Marcianop. Valentiniano & Valente AA. (c) Coss.

NOTAE.

(a) Abest & hæc *lex a Cod. Iuss. GOTHOF.*

(b) *Modestus* sub Valente Imp. PP. Orientis: de quo vid. *Prolegomena*. Et putem tamen hic reponendum *PF. V.* relata etiam *hac l.* ad *Valentinianum & Valente 11. AA. COSS.* id est *A. D. 368.* nam cum Valens Marcianopoli fuit: & Modestus *P. V.* fuit tum, non *P. P.* vid. Fastos Idriatios *A. D. 369.* quo tempore Auxonius erat PP. vel referenda futuri hæc *lex* ad *A. D. 370.* vel 373: verum illud male. *ID.*

(c) De hoc Consulatu iam dixi ad *Inscriptionem. ID.*

COMMENTARIUS.

GESTA omnia, & INSTRUCTIONES vniuersas, ACTA omnia una cum Consultatione seu Relatione, ad Principem, seu ad scrinia eius mittenda iam variis legibus definitum, puta *l. 1. 4. 5. 6. 8. 11. 16. 24. 29. 31. 32. sup. hoc tit.* quibus adde *l. 4. & 5. sup. de Relationib.* Idque etiam *hac l.* iteratur: sigillatimque adeo & accurate hic exprimuntur seu enunciantur, quænam illa sint Gesta, & instrumenta: omnia scilicet in summam, quæ ad instruendam causam pertinent, in quibus causa consistit & habere exitum videtur, ut dicitur *sine leg. 1. Instrumenta*, inquam, omnia, quæ Iudicii offeruntur: *2. Acta* item ante habita apud Iudicem, seu Monumenta; scilicet tam apud se quam apud alios *l. 1. sup.* monumenta chartarum scilicet, de quibus in materia censuum & tributorum vid. *l. 2. de indulg. deb. leg. 10. D. de probat. 3. Testimonia* etiam: *4. ut & Confessiones* partium: Denique hæc & similia omnia, in quibus causa consistit, & in quibus exitum ha-

bere videtur: Quæ omnia alioquin *Instrumentorum* appellatione veniunt, quibus scilicet causa instrui potest, inquit Paulus *l. 1. D. de fide instrumentorum*. Colligamus hic formulas omnes quæ *huius tituli legibus* continentur: Omnia quæ apud te vel apud alios gesta fuerint in eo negotio, ait *lex*, Gesta omnia, *d. l. 1. 5. 29. 31.* Instructio vniuersa, *d. l. 6.* Quæcunque ad instructionem pertinent causæ, *d. l. 8.* cuncta quæ litigatores instructionis probationisque causa recitauerint, indita actis, *l. 9. sup.* Integra instructio, *d. l. 11.* omnes partium allegationes, acta vniuersa, scripturarum omnium exempla, *d. l. 11.* Acta *d. l. 16. & l. 4. sup. de relationib.* Acta omnia ad eam causam pertinentia, *l. 5. de relat.* Acta ut gesta sunt, *d. l. 24.* vniuersa quæ in huiusmodi negotio geruntur, *d. l. 29.* Negotii merita, *d. l. 32.*

P. 255.

De appellatione a DISCVSSORE.

XXXVI. (a) Imppp. VALENTINIANVS, Valens & Gratianus
AAA. ad Eupraxium P. V. (b) Post
alia.

CVm ex causis iustis aliquid, quo minus iudicari (c) statim possit, repperitur incertum, ac debitor aduersus Discussoris statum (d) coeperit reluctari, dilatione postposita, super eo quod exorietur ambiguum, vel Sublimitas Tua, vel Vicarius (e), prout quisque vestrum proximus erit, adhibeat examen. PP. XVI. Kal. Mart. Gratiano A. III. & Equitio Coss. [374.]

NOTAE.

- (a) Abest & hæc lex a *Cod. Inst.* Iungenda autem illi lex 5. *supr. de Relationib. & l. 21. infr. quorum appellat. non recip.* GOTHOFR.
(b) Eupraxius P. V. Romæ de eo dixi ad *d. l. 5. & in Prosopogr. ID.*
(c) A Iudice scil. ad quem itum super Discussoris facto, seu statuto, *ID.*
(d) *pp. statutum.* In *l. 45. infr. dicitur sententia. ID.*
(e) *Vicarius*, vrbis Romæ scil. *ID.*

COMMENTARIVS.

DE appellatione a DISCVSSORIS (de quo fuit *supra, titulus 26. hoc libro;*) statuto, (ita enim hic reponendum,) seu sententia, vt loquitur *lex 45. infr. & l. 29. infr. quorum appell.* est hæc Valentiniiani lex: quæ pars est prolixioris Valentiniianæ constitutionis, vnde desumptæ sunt quoque *lex 5. supr. de Relationibus & l. 21. infr. quorum appell. non recip.* quæ proinde huic coassandæ veniunt. Ea vero constitutione Valentiniianus, inanibus & frustratoris tantum appellationibus occurrit: simul & Relationum formam præstituit: ne videlicet lusoriis appellationibus statuta, in præiudicium nominatim fisci, eludantur, retardentur: vel relationibus seris aut semiplenis iudicio mora iniiciatur. Igitur & eo fine hac *l. & d. l. 21. infr. quorum appellat.* de discussorum sententiis agitur, definiturque adeo, quando ab his appellari possit, quidque facto opus sit, cum appellatione ab eorum sententiis interposita Iudex animi pendet, dubitaturque. De prioribus *lex illa 21.* qua definitur, manifestos Debitores a Discussorum statuto prouocare non posse. Ergo si non manifesti sint, & ex iustis causis aliquid quo minus iudicari statim possit, incertum sit, definit *hoc capite* Valentiniianus: nempe, super eo quod erit ambiguum sine dilatione examen adhibere debere vel Præfectum vrbis Romæ, vel Vicarium eiusdem vrbis, Romæ scilicet, prout quisque eorum proximus erit. Vbi tria notanda sunt: Primo quod dicitur sine dilatione:

nempe quia de re tributaria agitur seu de iure fisci: Discussores enim erant, qui debitores publicos ad solutionem cogeant, de quo plene *in paratitlo de discussoribus.*

Secundo, quod hac *l.* examen huius rei tribuitur Præfecto vrbis, & Vicario eiusdem vrbis: pariter vt in *sp. l. 1. supr. de discussoribus*: Vicarius examen suum adhibuit: cum alioquin & Relationes in commune super dubiis ad Principem fierent, quod etiam constat ex *d. l. 5. supr. de relationib.* quæ huic coniungenda est; vel certe post sententiam Discussoris prouocatione facta, ad Comitem S. L. vel R. P. negotium transferendum videretur: quomodo etiam istud postea cautum, *d. l. 45. infr. b. t. & colligitur* quoque ex *d. l. 29. infr. quorum appellat.* Interim hinc apparet, in *sp. huius l.* quæsitum de Discussionē, quæ intra diæcesim ferme Vrbis Romæ agebatur.

Postremo obseruandus hic concursus Iurisdictionis inter Præfectum, & Vicarium V. R. non quasi præuentioni inter hos locus detur, verum quod Electionis ius debitori tribuatur, appellatione facta a Discussoris sententia, prout quisque eorum proximus esset: propter celeritatis videlicet studium, neue hæc causa proteletur, quod hæc *lex* discrete innuit illis, quæ iam expendimus, *dilatione postposita.* Similis electionis exempla vid. *l. 1. Cod. Inst. de off. Reçtor. prouinc. & in l. 13. Cod. eod. de fideiussorib.*

P. 256. A sententia qua PEREMPTORIA præscriptio a Iudice improbata est, an & quando appellari possit.

XXXVII. (a) Imppp. Valens, GRATIANVS & Valentinianus AAA. ad Thalassium (b) Proc. Afric.
Post alia.

CVm de præscriptionibus peremptoriis agitur examen, si eas præscriptiones Iudex, vt leues, putauerit improbandas, & ab eius interlocutione fuerit appellatum, prouocatio huiusmodi recipiatur: Cum peremptoria præscriptio (c), & definitiua sententia, eadem (d) vi, vel consumptæ causæ, vel non admittendæ, videantur operari. Sed, quoniam

niam euenire potest, vt multæ præscriptiones peremptoriae litigatoribus competant, ne in vno eodemque negotio per singulas (e) necesse sit sapius prouocari, toriens (f) ad nos Referri, omnes peremptorias præscriptiones, quas sibi quisque purauerit competere, cogatur expromere: & ita demum, si a Cognitore fuerint repudiata, vtatur, si placet, prouocationis auxilio (g) &c. Dat. III. Kalend. Septemb. (h) Treu. Valente VI. & Valentiniano II. AA. Coss. [378.]

NOTAE.

- (a) Abest & hæc lex a Cod. Inst. Iungenda autem illi tres leges, puta lex 23. 24. 25. *infr. quorum appellat. non recip. GOTHOF.*
 (b) Thalassius Proconsul Africæ, Aufonii gener: de quo in *Prosopogr. ID.*
 (c) De Peremptoriis præscriptionibus dixi ad l. 3. *de diu. rescriptis. ID.*
 (d) Sustineri possit, eadem vi: quanquam malit quis, eandem vim, *ID.*
 (e) Præscriptiones. *ID.*
 (f) *ꝑꝑ. Et toriens. ID.*
 (g) Auxilium prouocationis. *ID.*
 (h) *ꝑꝑ. III. Kalend. Febr. vt d. l. 23. 24. 25. Sed & illa ex d. l. 23. addæ, Acc. VI. Kal. Mai. ID.*

COMMENTARIVS.

APEREMPTORIA PRÆSCRIPTIONE improbata, repudiata interlocutione Iudicis, an & quomodo appellari possit, hac Gratiani constitutione definitur: cui iungenda est lex 23. 24. 25. *infr. quorum appellat.* quarum duæ priores de hac peremptoria præscriptione pariter agunt: omnesque cum hac nostra partem constituunt prolixæ constitutionis Gratianæ ad Thalassium PC. Africæ de appellationibus, a quibus scilicet rebus appellari possit: regulariter scilicet non ab articulo, d. l. 23. exceptis præscriptionibus peremptoriis b. l. & d. l. 23. 24. Item non ab executione, d. l. 25.

Peremptoria præscriptio quid sit, & quænam eius vis, prolixè iam ostensum est, ad l. 3. *sup. de diu. rescript.* Et tamen hoc ipsum, vel hæc lex eleganter ostendit: Peremptoria, inquit, præscriptio, & definitiua sententia eadem vi, vel consumptæ causæ vel non admittenda, videtur operari. Interpres ad d. l. 3. eam definit, quæ causam principalem tollit: Imo d. l. 3. peremptoria dicitur, quæ totius negotii cognitio, & vires principalis negotii conuelluntur: & §. 9. *Inst. de except.* quæ rem, de qua agitur, perimit.

Ideo primum huiusmodi præscriptionibus relaxatio a Principe peti vel impetrari nouo rescripto non potest, d. l. 3. Ideo secundo, cum alias ab articulo appellans non audiatur, seu appellatio non admittatur, d. l. 23. *quorum appell.* (quæ huic vt dixi iungenda est) & l. 2. *sup. 50. 65. infr. l. 3. 18. 29. infr. quorum appellat.* super præscriptione tamen peremptoria, si eam Index interlocutione sua improbauerit, appel-

latio admittitur, b. l. & d. l. 23. 24. Ideo tandem (quæ altera huius l. sententia est) si plures præscriptiones peremptoriae alicui competant, & vna tantum, quam solam protulit, a Iudice improbata fuerit, appellari nondum potest, verum omnibus demum improbatis. Ratio hæc redditur hac l. *ne in vno eodemque negotio per singulas necesse sit sapius prouocari, vel toties ad principem referri.* Ratio rationis hæc est: quia vna e pluribus peremptoriis præscriptione exclusa, non ideo consumpta causa est: cum & adhuc alii locus super sit. Quare frustra appellationi tanquam vulnerata causa locus daretur, eum altera vulnus sanari possit. Et tum demum appellationi locus esse debet, vbi vulneratum est ita negotium, vt non aliud ordinarium remedium super sit. Denique, qui peremptoria præscriptione deiectus alterius adhuc præsidio munitur, nec quicquam ad appellationem confugit: quæ non nisi post naufragium sacra anchora est. Quare litigator omnes peremptorias expromere cogitur, antequam appellet: b. l. alioquin si vna deiectus appellauerit, & responsum a Principe ad eam fuerit (nam a Proconsule Africæ ad Principem appellabatur, quod præter hanc legem, ostendit insuper dicta lex 24. *infr. quorum appell.* quæ huic iungenda est) non potest ultra peremptoriam opponere: vel ab ea exclusa appellare, d. l. 24. *infr. quorum appellat.* quæ huic, vt dixi quoque iungenda est, atque ita aptanda; vbi vide adhuc plura.

A MVLTÀ appellari posse.

P. 357.

XXXVIII. (a) Imppp. Gratianus, Valentinianus, & Theod. AAA. ad Syagrium PF. P. (b) Post alia.

IN condemnationibus (c) appellationes iubemus admitti. Dat. XIV. Kal. Iul. Gratiano V. & Theodosio I. AA. Coss. [380.]

NOTAE.

(a) *Lex 25 C. Iust. cod. tit. GOTHOF.*

(b) *Syagrius PP. sub Gratiano & Valentiniano Iun. Italiz scil. de quo v. quæ dixi ad l. 4. sup. de desertoribus, & Prospogr. ID.*

(c) *Et in multis a Iudicibus inferendis: ita Cod. Iust. de quo mox. ID.*

COMMENTARIVS.

A MULTA, a Iudice imposita, appellari potest. Hæc huiusce l. est sententia: quam & ideo Tribonianus ita recte immutauit: *Et in multis a Iudicibus inferendis appellationes iubemus admitti.* Nempe condemnationis appellatione, signate, absolute, Multa exaudienda est. Quod præter hanc l. collatam cum d. l. 25. C. Iust. & complures alii loci ostendunt: puta l. 2. sup. de milit. veste: l. 1. sup. ne quis in Palat. man. l. 48. infr. h. t. l. ult. infr. de ponderatorib. Eodem sensu apud Lampridium, Alex. Seuer. c. 51. illo loco: *Pro qualitate loci aut fustibus subiciebatur in conspectu eius, aut virgis, aut condemnationi &c.* Item illo cap. 21. in eadem vita: *Dies denique nunquam transit, quin aliquid mansuetum, ciuile, pium faceret; sed ita ut Aerarium non euerteret: condemnationes & raras esse iussit, & quæ factæ fuerant non indulsit: veltigalia ciuitatibus ad proprias fabricas deputauit.* Atque in apud eundem paulo ante cap. 19. Condemnatio, pro Elogio: *Senatorem nunquam sine omnium Senatorum, qui aderant, consilio fecit; ita ut per sententias omnium crearetur, testimonio dicerent summi viri: ac si sefellissent, vel testes vel ii qui sententias dicebant; postea in ultimum locum reicerentur ciuium: condemnatione addita, (adhibita) QVASI FALSI REI PROBATI: Quem locum componi cupio, & composui*

ipse iam cum l. 1. sup. ad leg. Iul. repetund. Verum de hoc iam antea quoque aliquid dixi ad l. 12. sup. de re militari.

A Multa igitur appellari potest; quod & ipsum a Paulo traditum, l. 244. D. de V. S. Imo & a Venuleio in l. 2. D. quis, & a quo appell. quicquid contra sentiat Goueanus, i. Var. 46. Nam & eam leg. ad appellationes pertinere, vel ipse titulus, sub quo ea lex posita est indicat: & proinde non de multa, verum de principali delicti pœna accipienda est; cum ab illa appellari non possit, mox vt dicam. Imo & id ipsum colligi potest ex lege 5. Cod. Iust. quando prouoc. non est necesse: argumento videlicet a contrario. Nempe multa delictalis prouocatio est, cum de pœna prouocatio non fit, de cuius rei ratione dixerunt Interpretes ad eam legem 244.

Excipienda tantum est multa contumacialis, imposita videlicet propter contumaciam neglectorum præceptorum, vt loquitur lex 28. infr. quorum appellat. id est ea multa, quæ pœnali iudicio a Magistratibus imponitur, secundum ius potestatis suæ, ad Iurisdictionem suam defendendam; de qua est titulus, si quis ius dicenti non obtemperauerit, & l. ult. D. de off. eius cui mand. Ab ea quippe appellari non potest. Verum de eo specialius ad d. leg. 28. infr. quorum appellat.

ACOMITE *Ærarii, ad Comitem S. L. appellari oportere, de quæ pœna iniuste appellantis hoc casu.*

XXXIX. (a) Idem AAA. ad Macedonium Com. S. L. (b)

Q VOTIENS fiscalibus causis, controuersia alicuius dubitatione pendentibus summam (c) sententia Comes (d) ærarii nostri inposuisse deregitur, & cogendis (e) obuium (f) debitis, (g) prouocationis suffugium, fuerit obiectum, proprium super eo esse tribuendum Præstantia (h) Tua discat examen: Modo, vt frequentibus statuta (i) præceptis, eos præter debiti modum pœna comitetur quos executionem veteris iudicati superflua (k) appellationis obiectu suspendisse claruerit. PP. Karthag. XV. Kal. April. Syagrio & Eucherio Coss. [381.]

NOTAE.

(a) *Abest & hæc lex a Cod. Iust. GOTHOF.*

(b) *Macedonius Comes S. L. sub Gratiano & Valentiniano Iun. per Occidentem quod docet subscriptio legis PP. Karthag. Sane huius Macedonii sub Gratiano meminit in causa Priscillianistarum post Synodum Cæsaraugustanam, sed Magistri officiorum, Sulpitius Seuerus lib. 2. sacra Historia, cap. 48. & Paulinus in V. Ambrosii. De eodem Macedonio proculdubio est Symmachi Epist. 58. lib. 10. sed & lib. 2. ep. 42. Ad eundem epistolæ extant plures lib. 7. Verum de hoc plura in Prosopogr. ID.*

(c) *Summa sententia, pro definitiua sententia. ID.*

(d) *Comitem Largitionum specialem intelligit, de quibus dixi plenissime l. vn. sup. de Consularib. & Præsidib. Et quidem hic intelligit Comitem Tributorum Largitionalium per Africam, vt ostendit subscriptio legis, cuius mentio fit in Notitia Imperii Occidentalis in Comite S. L. ID.*

(e) *Cogendis debitis, id est colligendis: quomodo & leg. 17. sup. de extraord. cogendarum intuitu pensionum. ID.*

(f) *Obuium hic est, quod obstat, & reialicui impedimento est: vnde & obuiandi verbum. vid. Glossar. sic sine legis obiectu superflua appellationis: sic obuie manus, id est obuantes, Symmacho lib. 5. ep. 5. ID.*

- (g) *Debitorum* vox, hic & mox rursum in causis fiscalibus & tributorum propria: vid. *Glossar. ID.*
 (h) *Præstantie*, titulus tributus Comiti S. L. *ID.*
 (i) An *statutum*? forte non: *statuta* scil. poena. *ID.*
 (k) *Superflua* appellatio, hic & l. 42. *inf.* pro *iniusta*: vid. quæ ad eam leg. dicto. *ID.*

COMMENTARIUS.

ACOMITE Ærarii, id est Titulorum largitionum, de quo dixi ad leg. *unic. sup. de Consularib. & Præsidib.* ac nominatim per Africam in specie huius legis, ut ex eius subscriptione iam ostendi, in causis fiscalibus ad Comitem S. L. appellari hac constitutione iubetur, pariter ut lege 28. *sup.* quæ & ipsa agit de huiusmodi Comitibus: & l. 40. *prox.* Nempe sub dispositione Comitum S. L. peculiares Comites Largitionum seu Largitionum Titulorum fuere, quorum mentio fit non tantum in *Imperii Notitia*, verum & apud Ammianum Marcellinum: Sane per Occidentem ut per Illyricum Comes largitionum fuit, quod eadem *Notitia* testatur, ita & per Italiam, cuius meminit eadem *Notitia*, & d. l. *vn.* & Augustinus *lib. Confess. 6, cap. 10.* per Gallias, de quibus

prædicta *Notitia*, & d. *lex unica, sup. de Consul. & Præsid.* tandem & per Africam, cuius ut mentio fit in eadem *Notitia*, ita & ad eandem hæc lex proprie pertinet, quod ex subscriptione colligitur.

De multa, quod subiicitur, superflue appellationis, id explicabit *lex 30. & 65. inf.* Ac nominatim de appellatione ab executione non admittenda, dicitur *titulo, Quorum appellat.* & quidem speciatim l. 25. *eius tit.* quæ eiusdem est Imperatoris, & ad eandem Africam pertinet.

Tandem observandum, de appellatione a Comite Ærarii, & Rationali novem *hoc titulo* constitutiones occurrere, puta *legem 14. 18. 28. sup.* hanc l. 39. & l. 41. 45. 46. 49. 68. seu *ultim.*

A qua SENTENTIA appellari possit.

XL. (a) Idem (b) A A A. ad Basilium (c)
Com. S. L.

OMNEM, quæ de libello (d) scribta recitatur, dici volumus, atque esse *sententiam*: atque ab ea prouocationis auxilia quisquis efflagitat, ad Auditorii (e) Sacri venire iudicium; neque illic ex præiudicio (f) poenam vereri, sed appellationis iniustæ iustæque discrimen competenti subire luctamine (g). Præter ea, * quidquid in cunctis cognitionibus, atque conflictibus, libelli (h) absque documento & recitatione decernitur, *Præiudicii* loco iuste ac probabiliter puratur; atque ab eo, si vel vocem (i) quisquam prouocationis obiecerit, vel libellum, disputatione non indiget, qui in (k) certa atque manifesta præiudicii (l) conditione (m) teneatur, eumque confestim ab eodem Cognitore exigi conueniet, ac teneri. Dat. prid. Kalend. Septemb. Merob. II. & Saturnino CONSS. [383.]

NOTAE.

- (a) Absit & hæc lex a *Cod. Iust. GOTHOF.*
 (b) *vg. Imppp. VALENTINIANVS, Theodosius & Arcadius*: iam enim Gratianus obierat. Vide *Chronicon Theodos. ID.*
 (c) *Basilio* huic Comiti S. L. inscribitur hoc ipso Anno *lex 101. infr. de Decurion.* imo & A. 371. *lex 1. sup. qui bonis cedere*: Ex quarum subscriptionibus *PP. Romæ*: Item, *Dat. Rom.* apparet, fuisse eum Com. S. L. per Occidentem. Et sane hic ipse *Basilus* est, de quo Symmachus *lib. 10. ep. 47. ID.*
 (d) Hac de re vide peculiarem *sup. Titulum lib. 4. de sententiis ex periculo recitatis*, & speciatim ad hanc ipsam rem & mentem leg. 1. & 4. *eius tit. ID.*
 (e) Comitis S. L. *Auditorium sacrum* his peculiariter indicatur. *ID.*
 (f) Id est poenam præiudicialem & multam, de qua l. 50. 65. *inf. ID.*
 (g) *Luctamen* vid. *Gloss. ID.*
 * Altera huius l. *sententia de appellatione a præiudicio*. Interim hic ita lego: *Præter ea, ID.*
 (h) *Absque libelli documento. ID.*
 (i) Vide super hoc l. 7. *sup. b. 2. vox prouocationis, seu appellationis b. l. & l. 58. inf. & l. 9 quorum appellat. l. 5. inf. de censu*: v. Symmachum *lib. 10. ep. 29. 55. ID.*
 (k) *vg. Quin certa. ID.*
 (l) Id est multæ præiudicialis. *ID.*
 (m) Et condemnatione, seu multa. *ID.*

COMMENTARIVS

ASENTENTIA tantum DEFINITIVA appellatio vt interponi potest, non autem a præiudicio, (de quo posteriore *suo tit. infra, Quorum appellationes non recipiuntur*;) alioquin a præiudicio appellanti pœna imposita est, de qua pœna *ibidem* plenius: ita quoniam caractere, qua nota, definitiua Sententia a Præiudicio internosci queat, *hac l.* a Valentiniano Iun. definitur; Nempe, ea demum definitiua est, quæ de libello scripta recitatur. Neque enim vltima definitio seu sententia, nisi de scripto recitata dici potest, de quo fuit Titulus peculiaris *f. Lib. 4.* adeo vt neque *sententiæ* nomen mereatur, nec ab ea appellari necesse sit. *Præiudicium* vero id iuste & probabiliter putatur, quod in cunctis cognitionibus & conflictibus absque libelli documento & recitatione decernitur. Denique solo libello seu sola scriptura sententia a præiudicio hic fecernitur, atque adeo li-

quet, præiudicium ex scripto, non recitatum. Quod tamen eidem Valentiniano Iun. displicuisse videtur: vt conicio ad *l. 44. inf.* ex eius legis collatione cum *l. 4. sup. de sentent. experte. recit.* collata vtrique cum epistola Symmachi, *lib. 10. ep. 29.*

Quod hypothesis *huius l.* attinet, pertinet ea proprie ad *causas fiscales*, vt ex eius Inscriptione discimus; est enim ea data ad *Basilium Com. S. L.* cui inscribitur alias *lex 1. sup. qui bonis cedere: lex 101. inf. de decurion.* cuiusque meminit Symmachi *lib. 10. ep. 47* ubi ait: *eum non pepercisse personis iudicium;* vti discimus secundo ex *ipsa leg.* collata cum inscriptione Comitum *S. L. sacrum auditorium* fuisse, id est vice sacra iudicasse, deque appellationibus cognouisse: quod docuit quoque *lex 28. & 29. sup. & lex 45. 46. inf.*

In FISCALIBVS causis ad quos appellari & intra quæ TEMPORA hæc appellatio terminari debeat.

XLI. (a) Idem (b) AAA. ad Ammianum (c)
Com. R.P.

RATIONALES, priuatæ rei causis, vel sacri (d) ærarii, præfidentes, examen præfente fisci Aduocatione (e) fuscipiant; ac si eorum sententia forte fuerit appellatione suspensa, (f) ad eos Iudices disceptationis fata transeant, ad (g) quos priuatorum hominum causæ inferri (h) ex prouocatione consueverunt: ita vt si ab illis quoque fuerit prouocatum: Mansuetudinis Nostræ expectetur arbitrium, vel Sinceritate Tua, vel Sacrarum remunerationum (i) Comite, prout ad quem (k) negotium pertinebit, quid super his de quibus referatur gestum sit, scribitis currentibus, instruente, vt siue athuc superest (l) nostra cognitio, (m) Mansuetudinem Nostram facta suggestione commoneat, (n) siue ad quiescentibus partibus terminum negotio datum esse constiterit, plenam rei inquisitionem noticiamque eius accipiat. Sane Tempora tantum volumus priuaris fiscalibusque causis non esse communia, vt antiquo iure fiscalia negotia intra duos menses in eadem prouincia, intra quatuor in contigua, intra sex in transmarina, (n) dicantur, (o) PP. XVII. Kal. Ian. Merob. II. & Saturnino Co s s. [383.]

NOTAE.

- (a) *L. 4. Cod. Iust. de Aduoc. fisci*, continetur vnica, eaque prima *huius leg.* sententia, cæteris omnibus relectis. *GOTHOF.*
- (b) Puta *Valentinianus, Theodosius, Arcadius*: quos & *superiori l.* inscribendos ostendi: quare male etiam *Cod. Iustin.* inscribuntur, *Gratianus, Valentinianus & Theodosius. ID.*
- (c) An hic Ammianus Marcellinus, Historiarum scriptor? minimè, etsi tempora conueniunt. An vero is de quo Symmachus *lib. 10. ep. 49.* vid. quæ scripti ad *l. 5. sup. ad leg. Iul. Repet. ID.*
- (d) Id est Sacrarum remunerationum, vt mox vocantur, seu sacrarum largitionum. In *Cod. Iust.* est: *sacris ærariis. ID.*
- (e) Id est *Aduocato*, vt est in *Cod. Iust. ID.*
- (f) *Appellationis* hic effectus, hæc vis, sententiam suspendere, *b. l. & l. 61. 66. inf. de appellat. l. 3. 9. inf. de repar. appell. l. 1. sup. de re iud. l. 6. sup. de iurisdic.* Symmachus *lib. 10. ep. 55. in f. Tunc sententiam meam Defensor venerabilis domus inuitata prouocatione suspendit. ID.*
- (g) Siue *Apud duos. ID.*
- (h) *Referri*, Editio in 4. *ID.*
- (i) *Largitionum. ID.*
- (k) Id est, quemque. *ID.*
- (l) Desideratur iterata appellatio. *ID.*
- (m) *Sinceritas tua* vel *S. L. Comes. ID.*
- (n) *Transmarina* prouincia, *hic, & l. 45. inf.* id est, *Africa*: de quo alibi plene, *ID.*
- (o) *Dirimantur. ID.*

C O M M E N T A R I V S.

DE FISCALIBUS causis & Appellationibus a RATIONALIBUS est hæc Valentiniani Iunioris constitutio: & singularis quidem admodum: Ea scil. Valentinianus Iun. communem quiddam causis fiscalibus cum priuatorum causis inducit: quo spectat potissima huius legis pars, idque contra ius antiquum; Seruato iure antiquo & discrimine inter prinata & fiscalia negotia, circa aliud.

Et initio quidem, quæ pars & sententia prima est huius l. id præmittit, causas fiscales priuatæ rei vel sacri Aërarii, examinandas esse a Rationalibus, præsentibus fisci Aduocato. Quam unicam sententiam, resecatis aliis, Tribonianus coniecit in l. ult. Cod. l. de Aduocat. fisci: de qua suo titulo iam prolixius, de Aduocato fisci lib. 10. titulo 15.

Nunc de præcipuo huius leg. capite: de Appellationibus inquam in causis fiscalibus a sententia Rationalis: de quibus appellationibus a Rationalibus sunt octo præterea leges hoc titulo: lex 14. 18. 28. 39. sup. 45. 46. 49. & l. ult. h. z. quidque ea parte fiscalibus & priuatis causis commune esse velit Valentinianus: quid proprium & distinctum: Nempe id commune esse vult vt in fiscalibus causis non minus quam in priuatis, appelletur ad eos Iudices ad quos priuatorum causæ ex appellatione transferri solent, quod & ipsum vult Valentinianus III. l. ult. infr. hoc tit. id est, ad Proconsules, Comites dioceseon, & Vicarios, qui scil. vice sacra cognoscebant, de quo ad leges superiores: & non recta ad Principes vel ad Comites sacrarum Remunerationum, Comitem inquam S. L. & R. P. quod hæcenus obtinebat: vt do-

cet lex 18. 28. 39. imo & lex 40. sup. & postea quoque l. 45. 46. 49. infr. Et hæc de prima Appellatione. Atenim si & ab illis appellatum fuerit, tum ad Principem iri vult, Comite S. L. vel R. P. Principem tantum de causæ merito instruente, & ad eum plenissime referente. Ergo omnem huiusmodi cognitionem de appellationibus hic adimit Valentinianus Iun. Comitibus S. L. & R. P. Et certe, nisi me fallit animus, Valentinianus Iun. non adeo pronus in hos studio fuisse hoc tempore videtur: Quos & spectabilitatis titulo adhuc decorat l. ult. sup. ad leg. lul. Repetundar. Ac nescio, an non Macedonius Comes S. L. cui inscribitur lex 39. sup. An. 381. & Ammianus Comes R. P. cui hæc lex inscribitur, hi illi sint, quos sequius de Republ. meritos, deque his iudicium sibi delegatum Symmachus scribit lib. 10. epist. 49. anno ab hinc proximo 384. Et hæcenus quidem communia fiscalibus causis & priuatis.

Sequitur illis proprium, quod secundum ius antiquum his seruari vult Valentinianus Iun. Tempora scil. definiendis fiscalibus causis, alia quam priuatis, obseruanda statuit: Nempe non alio fiscales causæ & appellationes iure censendæ sunt, nisi hæcenus, vt his terminandis breuiorem terminum præferri publica deposcat utilitas: de quibus fuit pariter lex 21. 31. sup. erunt lex 45. 46. 64. infr. Idque ipsum Prouinciarum discrimine seruato; puta eiusdem prouinciæ, contiguæ, transmarinæ: Quod in hoc temporum, & dilationum & appellationum negotio, solemne est: de quo consulendum Paratitlon; & lex 13. in fin. sup. de iure fisci.

SVPERFLVAM quoque quandoque appellationem recte a Iudice admitti.

XLII. (a) Idem (b) AAA. ad Agrestium Procons. (c) Palæstinæ. (d)

PROBAMVS verecundiam Iudicantis, si superfluam quoque recipiat prouocationem, ne interim reliquum negotium audiret. Dat. prid. Kalend. April. Constantinop. Richomere & Clearcho Coss. [384.]

N O T A E.

(a) Abest hæc lex a Cod. Iust. GOTHOF.

(b) Puta, qui duobus superioribus legibus restituiendi sunt. ID.

(c) Consularis antea Palæstinæ præfuit. l. 55. infr. de decurionib. ID.

(d) Palæstina tota sub vno Proconsule hoc tempore fuit. Sane & Zosimus lib. 4. cap. 41. in gestis Anni 388. Hilariū pariter a Theodosio M. toti Palæstinæ præpositum fuisse testatur. Vide & l. 28. infr. quorum appell. & l. 4. sup. de fisci debis. Verum ex vna demum Palæstina tres Palæstinæ prodire, de quo vid. leg. 30. sup. de erog. milit. anno na: & l. ult. infr. de Iudeis: dixi ad l. 3. sup. de Protostasia. ID.

C O M M E N T A R I V S.

SVPERFLVAM appellationem recipientis seu admittentis Iudicis verecundiam probat hac Constitutione Theodosius M.

Superflua appellatio Cuiacio est, non necessaria, superuacua, superstitiosa; puta a sententiis,

quæ cum ipso iure nullæ essent, appellare ab his nil necesse erat. Verum huic interpretationi quam plurima refragantur. Primum quod ita dubitationi nullus esset locus, imo nullus huiusce legis vsus; admittat enim Iudex appellationem huiusmodi

P. 161. non necessariam, an non admittat, susque deque est. Secundo, refragantur illa; probamus verecundiam iudicantis: Ecquæ enim verecundia est Iudicis non necessariam appellationem admittentis? Contra ea sane magna est Iudicis verecundia, si appellationem verecunde magis, quam iure, consulto suscipiat: id est frustra non iure factam. Tertio refragantur illa. Ne interim reliquum negotium audiret; quibus sane verbis apertissime indicatur appellatio moratoria, frustratoria, importuna, aduersus leges, ne videlicet reliquum negotium audiretur: & sic ab articulo, a præiudicio, seu interlocutione, cui aliquin multa præiudicialis posita est.

Et sane hoc ipsum secundo comprobatur ex gemino Symmachi loco lib. 10. ep. 29. Et quidem hoc ipso Anno 384. ubi eadem vox VERECUNDE occurrit. *Profitetur, inquit, ultro, quod scio Clementiam vestram posse rescribere: VERECUNDE potius, quam iure suscepi prouocationem, non extante sententia, ne existimarer offensum libera quidem, sed IMMATURE vocis obiectu, D. Imperator: & mox: Priscianus & Polemonianus, ad denunciationem DILATO NEGOTIO prouocarunt. Et cum ab his ratio quereretur, aliorum vocis sue incentores fuisse testati sunt, ut gesta literis connexa monstrabunt. Nec Officium partibus defuit, ad multam præiudicii suggerendam. Sed IUDICEM vestri seculi DECVIT vim Constitutionis sacro oraculo reseruare, cum allegauerint petitores, quod se ad INCAVTAM prouocationem alienus hortatus impulerit. Ignaua equidem plerumque Iudicis est conuientia, qui importunam appellationem admittit l. 26. infr. quorum appell. Attamen sæpe casus emergunt, quibus eam Iudex recte & verecunde admittit: puta CONSULTO ex aliqua iustissima causa, ut in specie Symmachiana, & proculdubio in specie huiusce leg.*

Addatur & Tertio loco altera Symmachi epistola lib. 10. ep. 41. *Quid possint iusti Principes culpa*

re presentio. In causis etenim, quibus momentireformatio postulat, appellationes recipi non oportet. Sed CONSULTO nunc obiectum prouocationis admitti, ut in examen Clementie vestrae & inuasione indignitas, & modus iudicii perueniret, D. Imperator.

Addatur & Quarto loco eiusdem Symmachi Ep. 46. lib. 10. *In causis appellationum, malo ius potestatis infringere, quam interpretationum dubia sustinere: præsertim conscius haud iniqua iudicationis &c. Tuli igitur Constantium Suarium TEMERE prouocantem, cum ex Rescripto Numinis vestri statum, quem Theodosio absenti ademerat, reformassem &c.*

Addatur & Quinto loco quarta eiusdem Symmachi lib. 10. ep. 55. in fin. *Tunc sententiam meam Defensor venerabilis domus INVSITATA prouocatione suspendit. Sed cum huius rei nullum exemplum Cognitionalis extare suggereret, nihilominus obiectam (obiectam) vocem libenter admisi, & Relatione summatim cuncta complexus, gestorum quoque documenta subtexui.*

Inro addatur Sexto lex 44. infr. hoc tit. hoc ipso Anno data, ad ipsummet Symmachum Præfect. V. cuius eadem sententia est: quinimo & ratio ibi additur, quam huc arcesci oportet. Quæ cum ita sint, apparet, h. l. superflue appellationis nomine intelligendam importunam, præmaturam, iniustam aduersus leges. Et sane tandem eodem plane sensu l. 39. supr. dicitur: *Eos pena comitetur, quos Executionem veteris iudicati SUPERFLVÆ appellationis obiectu suspendisse claruerit. Denique superflua appellatio hic est frustranea, uno in sp. huius l. frustratoria quoque: Inusitata Symmacho d. lib. 10. ep. 55. in fine: immatura, lib. 10. ep. 29. incauta ibid. temere facta, lib. 10. ep. 46.*

MVLTÆ iniuste prouocantibus quæ imponendæ.

XLIII. (a) Idem AAA. Merobaudi (b) Duci Ægypti.

PROVOCANTIBVS multas, nisi ex nostris decretis, non patimur imponi. Dat. XIII. Kalend. Nou. Constantinop. Richomere & Clearcho Coss. [384]

NOTAE.

(a) Et hæc lex abest a Cod. Inſt. GOTHOF.

(b) Merobaudes hic FRANCVS erat, de quo Francica nostra; de aliis Merobaudis v. Prefopogr. ID.

COMMENTARIVS.

MVLTA iniustæ appellationis, eas tantum quas Constitutiones præscribunt, imponi vult hac l. Theodosius M. Non vero ex litigatorum sponſionibus vel etiam ex Iudicum motu. Nempe olim qui prouocabat, sponſionem faciebat *Ni iuste prouocasset*: seu cautiones interponebantur, ita quidem ut vel in præſenti multa deponeretur, vel cautionibus promitteretur: de quo peculiaris est titulus, & quidem octo ſententiis conſtans, apud Paulum lib. V. ſent. titulus, inquam, 33. de cautionibus & penis appellationum: v. & l. 6. §. ult. Cod. Inſt. de appellat. Verum hac ſponſione ſublata, multa decretis Principum, Tom. IV.

quam *Præiudicalem* dixere, conſtituta ſunt; cuius multa mentio hoc tit. puta l. 40. supr. l. 50. & 65. infr. & tit. quorum appellat. non recip. leg. 15. 16. 30. Et vero erat ea multa 50. librarum argenti. Eiusdem meminit & Symmachus lib. 10. ep. 29. & 51. Quare ultra eam multam, decretis Principum conſtitutam, iniuste prouocantem multari vetat hac conſtitutione Theodoſius M. Poenis videlicet, quod hinc quoque colligimus, legum contenti eſſe debemus, quod tralatitium alioquin eſt in iure.

More vero ſuo ſomniat Ræuarius 5. variar. 10. cum id quod de decretis hac l. dicitur, non de decre-

tis Principum, sed de decretis Iudicum maiorum, de appellationibus videl. cognoscentium accipit. Aperte enim Theodosius ait, *ex nostris decretis*, pro quo *d. l. 65. infr.* dicitur *quæ priscis sanctionibus continentur*: P. 265. Et decreta hoc ævo passim de Imperatoriis: vid. vel Symmachum. Rursum illis, quas modo laudavi, legibus contestatissimum est, multam præiudicalem constitutionibus Principum definitam fuisse. Tan-

dem non Iudices ad quos appellatum hanc multam imposuere, quod credidit Ruardus, verum ipse Iudex a quo: quod docebunt, *lex proxima, lex 10. supr. lex 50. & 60. infr. hoc tit. & l. 15. 16. & 30. infr. quorum appellat.* Sed & Symmachus, *locis prædictis*.

Est vero, quod notandum, hæc *lex* de Appellatione a Iudice militari, puta a Duce, vt ex Inscriptione discimus.

APRÆIUDICIO quoque appellationes admittende.

XLIV. (a) Idem AAA. ad Symmachum (b) P. V. Post alia.

OBIECTA (c) appellatione, etiam si a præiudicio interposita dicatur, vel ad Nos, (d) vel ad Cognitorem sacri auditorii solemniter causa mittatur: Cum, si ea prouocatio aduersum (e) leges fuerit emissæ, facile post iudicium Sacri Examinis, ab huiusmodi litigatoribus multa possit exculpi. Dat. III. Kal. Decembr. Med. Richomere & Clearcho Coss. [384.]

NOTAE.

- (a) Et hæc *lex* abest a *Cod. Infr.* Iungenda autem huic omnino videtur *lex 4. supr. de sentent. ex peric. recit.* de quo mon. plur. GOTHOFR.
- (b) *Symmachus Præfectus Urbi*, hic ille est, cuius extant hodie Epistolarum libri decem & ad cuius Præfecturam pertinent pleræque *Epistolæ lib. 10.* Immo componenda hæc *lex* omnino videtur cum eius *Epistola 29. lib. 10.* de quo mon. ID.
- (c) *Subiectam*, ita vocem prouocationis vocat Symmachus *lib. 10. ep. 55. in fin. ID.*
- (d) Si a Cognitore sacri auditorii fuerit iudicatum. ID.
- (e) Id est superflua: de quo ad *leg. 39. & 42. supr. ID.*

COMMENTARIUS.

APRÆIUDICIO quoque appellatio hoc Valentiniani Iun. ad Symmachum P. V. rescripto, non modo vt *lege 42. supr.* admittitur, verum iam admittere ex necessitate iuris iubetur. Neque dubito hoc Valenti. Iunioris rescriptum, emissum ad ipsiusmet Symmachii *Epistolam 29. lib. 10.* Cuius partem et si *d. l. 42. supr.* cuius quoad cætera idem sensus est, laudauerim, hic tota tamen est exscribenda, emendata prius eius inscriptione: Nam Valentiniano ea inscribi debet, quo alioquin mendæ genere laborant complures eius Epistolæ: *Proficor ultro, quod scio Clementiam vestram posse rescribere: Verecunde potius quam iure suscepi prouocationem (ad me factam) NON EXTANTE SENTENTIA: Ne existimarer offensus liberae quidam, sed innatura vocis obiectu, D. Imperator: Nam cum inter proximos Emphasi C. V. itemque heredes scriptos, qui olim BENEFICIO PRÆTORIS corporibus defruuntur, super testamenti iure actio verteretur, & sententiam de possessione impatienter exigerent, quibus ab intestato bonorum possessio minime competebat, quod heredibus scriptis secundum tabulas docebatur indulta, Priscianus & Polemianus ad DENUNCIATIONEM, dilato negotio prouocarunt. Et cum ab his ratio quæreretur, alios vocis sue incentores fuisse testati sunt, vt Gesta litteris connexa monstrabunt. Nec Officium partibus defuit ad MVLTAM PRÆIUDICII suggerendam. Sed Iudicem vestri sæculi decuit, vim Constitutionis sacro Oraculo refer-*

uare, quum allegauerint petitores, quod se ad INCAVTAM prouocationem alienus hortatus impulerit. Igitur timide scribenti Symmacho, id quod *hac l.* continetur, rescribit Valentinianus. Ratione etiam subdita, quod multa nihilo secius post iudicium appellationis exigi possit ab eo, qui a præiudicio innature & superflue contra ius appellauit.

Et hæc de appellatione a præiudicio admittenda: Nam viceversa statuit Valentinianus Iun. vt si sententia ex libello data non fuerit, ab ea appellare nil necesse sit: quod altero capite quod *huic legi* coniungendum est, puta *lege 4. supr. de sentent. ex peric. recit.* ad eundem Symmachum rescripsit.

Proinde in vniuersum his duabus legibus hæc Valentiniani Iun. mens est: Quasunque tandem sententias, etiam interlocutorias & præiudiciales appellationis remedio suspendi posse, si modo scriptæ sint; nam alioquin, si de libello recitatae non fuerint, nil necesse esse appellare.

Qua parte duo aduersus ius quod hæcenus obtinuit & ipsemet probauerat, constituuntur: non modo scil. vt a præiudicio appellari possit, quod hæcenus ius non fuit; verum etiam, si bene iudico, vt præiudicialis sententia ex libello daretur, quod antea ius non erat, vt docuit quidem *lex 40. supr. hoc t.* Et sane, alterum alterius consequens est (quod & *d. lex 40.* ostendit) vt a quo appellari potest, id libelli documento & recitatione discernatur.

P. 163.

De FISCALIBVS causis & appellationibus in his: ad quem faciendæ sint & intra quæ tempora peragenda.

XLV. (a) Idem AAA. (b) & Arcadius A. ad Pelagium (c) Com. R. P. Post alia.

CVM post sententiam Discussoris (d), vel Rationalis fuerit prouocatum, ad Sinceritatem Tuam negotium transferatur, vt si mediocritas negotii, aut longinquitas Regionis ad iudicium tuum litigatores venire non patitur (e), Iudici (f) prouinciæ, quem ipse probaueris, negotium deleges. Appellationes * vero Transmarinæ (g) in iudicio tuo intra anni agantur spatium: de contiguis & non longe positis prouinciis appellationes intra constituta iure tempora peragantur. Dat. XV. Kalend. Mar. Med. Arcad. A. I. & Bautone Coss. [385.]

NOTAE.

- (a) *Lex 20. Cod. Inst. eod. tit.* Iungenda autem huic est *lex 29. infr. quorum appell.* seu *lex 7. Cod. Inst. eod. tit. GO. THOFR.*
 (b) Inducendum tertium A. ac proinde tribuenda hæc *lex Valentiniano, Theodosio & Arcadio*: pariter vt *lex 40. 41. 42. 43. 44. supr. vid. Chronolog. ID.*
 (c) *Pelagius Comes R. P. sub Valentiniano Iun. b. l. & d. l. 29. ID.*
 (d) De *Discussore* agitur *d. l. 29. Fuit & lex 36. supr. b. t. & peculiaris Titulus de discussorib. hoc eod. lib. tit. 26. ID.*
 (e) *Patitur Cod. Inst. ID.*
 (f) *Iudicio Reſtoris prouinciæ, ita Cod. Inst. ID.*
 * *Sequentia recidit Tribonianus. ID.*
 (g) *Transmarinæ prouinciæ hic & l. 41. in fin. supr. sunt Africæ, de quibus alibi plene. ID.*

COMMENTARIVS.

A DISCVSSORIS (de quo *l. 36. supr.* quoque: & suo tit. supra) vel RATIONALIS (rei priuatæ scil.) sententia definitiua scil. (neque enim ante eam appellare licet, *l. 29. infr. quor. appell.* quæ velut eiusdem Constitutionis pars, huic iungenda est) ad Comitum R. P. appellari iubet hac Constitutione Valentinianus Iun. De quibus alioquin Appellationibus a Rationalibus, quam varie se se habuerint, sunt hoc titulo octo præterea leges, puta *lex 14. 18. 28. 39. 41. supr. hæc lex & l. 46. 49. & ult.* Itemque a Discussoribus *lex 36. supr. & l. 21. infr. quorum appellat.*

Cæterum, appellatione ad Com. R. P. facta, duo ei hac lege iniunguntur. Primum, vt negotium seu appellationis cognitionem Iudici prouinciæ duobus casibus deleget, si videl. mediocris sit causa, vel litigatores in longinqua regione versentur. Quod singulare admodum est: puta vt cognitio de appellatione delegari possit, cum alias quæ specialiter lege

aut Constitutione tribuuntur (cuiusmodi est sacrum iudicium seu de appellationibus cognitio) delegari non possint. Verum hanc exceptionem extorsit publicæ vtilitatis ratio; vbi tamen & constitutione adhuc opus fuit. Nempe & in mediocribus causis, facilius aliquid de iure solemnī remittendum & subditis hactenus consulendum est, ne longinquis peregrinationibus atterantur.

Secundo & tempora appellationum peragendarum pro diuersitate prouinciarum hac lege definiuntur, pariter vt *l. 41. supr. & l. 46. & 64. infr.* ita quidem vt transmarinæ appellationes, ex Africa videl. non ultra annum protrahantur. Et hanc huius legis partem recidit Tribonianus; eo quod alia iam tempora appellationibus peragendis statuta a Iustiniano: de quo vid. tit. *Cod. Inst. de temporib. appellat.*

De FISCALIBVS causis & appellationibus, intra quæ TEMPORA eæ nosci debeant.

XLVI. (a) Idem AAA. ad Florentium (b) Com. S. L. Post alia.

CVM super fiscali debito emerſerit prouocatio, in eadem prouincia vicesimo die negotii merita noscenda sunt: ita vt secundum generalis arbitrium sanctionis † XL. dierum ex contigua prouincia spatia sufficiant. Dat. VII. Kalend. Decembr. Aquil. Arcad. A. I. & Bautone Coss. [385.]

NOTAE.

- (a) Abest & hac *lex a Cod. Iust.* Iungenda autem illi *lex 30. infr. quor. appellat. GOTHFR.*
 (b) *Florentius Comes S. L.* sub Valentiniano Iun. vocatur *Florentinus d. l. 30. & l. 4. Cod. Iust. de agricol. & mancip. dom.*
 vbi tamen in vulgat. Edit. *Florus* legitur. *ID.*
 † De qua *leg.* hoc accipiendum sit, mox viderimus. *ID.*

P. 264.

COMMENTARIUS.

FISCALIBVS appellationibus modum constitutione sua ponit Valentinianus Iun. *hac l. & l. 30. infr. quorum appell. non recip.* quæ huic coassanda est: Quænam, inquam, fiscales appellationes admittendæ non sint: Nempe euidentissimotam debitorum, *d. l. 30.* Item, intra quæ tempora finendæ sint: nempe in eadem provincia intra dies 20. in contigua intra 40. Firmata hac in re anteriore super hoc sanctione generali. Quibus verbis indi-

care mihi videtur suauet ipsius, ante trimestre constitutionem latam: puta *legem 13. supr. de iure fisci.* vbi ad hanc rem plura. Et si & aliæ quodque concordent Constantii Imp. puta *lex 27. & 28. supr.* Alioquin de appellationibus in fiscalibus causis, & a Rationali, octo præterea *leges* hoc titulo occurrere observandum est: puta *leg. 14. 18. 28. 39. 41. 45. supr. hanc leg. & l. 49. & l. ult. infr.*

RELATIONE ad Principem facta, quando litigatoribus ad Comitatum proficisci liceat.

XLVII. (a) Imppp. (b) Valentinianus, THEODOS. & Arcadius AAA. Cynegio PF.P.

CVM antea sit constitutum, † vt Consultationem Iudicis, ad Comitatum sacrum missam, litigatorum nemo sequeretur, hoc integra deliberatione sancimus, vt si ad Consultationem anno decurso non fuerit aliqua ratione responsum, litigatores, quorum interest, collectis omnibus Gestis, & ipsius Relationis exemplis, veniendi ad Comitatum Nostræ Serenitatis habeant liberam facultatem. Dat. VII. Kal. Feb. Constantinop. Honor. NB. P. & Euodio Coss. [386.]

NOTAE.

- (a) Et hæc *lex* abest a *Cod. Iust.* Fit eius mentio *leg. 54. infr.* Concordant huic legi, *lex 34. supr. lex 54. & 66. infr. GOTHFR.*
 (b) 79. *Idem AAA. ID.*
 † Puta *lege 34. supr. ID.*

COMMENTARIUS.

RELATIONE seu Consultatione ad Principem a Iudice missa, litigatores, ad Comitatum Principis venire a Valentiniano Seniore prohibiti fuerant indistincte, *l. 34. supr.* quam hæc indicat, vbi & rationem eius rei, veram ni fallor reddidimus: Verum *integra* seu noua, iusta deliberatione, perpensa, & matura, *modus* quidam huic rei a Theodosio M. nunc adhibetur, quem & ipsum probauit postea Honorius filius ipsius *l. 54. infr.* Sed & nepos Theodosius Iunior *l. 66. infr.* puta, vt si responsum Principis intra annum non fuerit elicitum, litigatores, tum demum ad Comitatum venire possint, vna cum Gestis omnibus & exemplo

Relationis. Nempe vt suo marte huiusmodi causas ad Principem delatas Principes ipsi decurrere voluerunt, non autem commotione litigatorum (vt loquitur *d. l. 54.*) non per emendicata suffragia Potentiorum & Palatinorum; ita viceuersa in litigatorum necem id cedere noluerunt, ne alioquin moras necessitibus scriniariis, alterutro litigatorum agente, vel etiam Iudice ipso qui restitit, litis decisio protrahatur, spesque adeo litigatorum eluderetur: & vt in non ablimili re loquitur *lex 55. infr. ne litigator sub consultationis ambiguo ingi expectatione pendat.* Et sic hac ratione & Integritati & Celeritati iudicii Principalis consultum fuit.

REVOCARE appellationem non licere.

XLVIII. (a) Idem AAA. ad Eufignium PF.P. (b)

REVOCARE appellationem suam unicuique minime permittatur, sed Sacro (c) Auditorio totius negotii examinatio referretur. Quod si hac lege neglecta gratiam fuerit (d) appellationis, & ipse quinquaginta libras argenti, & eius Officium parem summam con-

condemnationis (e) inferre cogetur. Dat. XIV. Kal. Iun. Med. Valentimiano A. III. & Eutropio, Coss. [387.]

P.265:

NOTAE.

- (a) Abeft & hæc *lex a Cod. Iust.* Hanc *leg.* indicat *lex 5. 6. infr.* ex qua deformata est *lex 28. C. Iust. eod. tit.* GOTHOFR.
 (b) *Ensignius* PP. Italix sub Valentiniano Iun. v. *Profopogr.* & ibi Symmachum. ID.
 (c) *Sacrum Auditorium*, id est, Iudex appellationis, v. *Gloss. Theod.* ID.
 (d) *Siuerit*, id est, gratiam fecerit. ID.
 (e) *Condemnationis*, id est, Multæ: de quo supr. plenius ad l. 38. ID.

COMMENTARIVS.

RENUNTIARE appellationi, seu reuocare appellationem suam, indistincte nulli licet, ex hac Valentiniani Iun. constitutione. Verum temperamentum ei postea quoddam adhibitum l. 56. *infr.* vbi dicam plenius. Imo indistincte appellationem reuocandi potestatem postea fecit Iustin. l. 28 C. I. de appell. quæ ex d. l. 56. alioquin a Triboniano deformata est. Sane illud, quod hac *leg.* cauetur vitiligatoribus compescendis constitutum fuisse videtur, vt ita a temerariis appellationibus reuocarentur. Deliberandum scil. diu & serio, vbi sera pœnitentia est. Sane & Paponius lib. 19. Arr. t. 1. n. 18. testatur, in

prouinciis consuetudinariis; appellantes multa temerariæ appellationis teneri, quamvis intra octiduum (quod alioquin in prouincia iuris scripti licet) appellationi renunciauerint, idque ad cohibendam appellantium contumaciam. Sed & Guido Papa q. 436. n. 36. notat, in Delphinatu renunciantem appellationi suæ condemnandum in expensas venire: vid. & Innocent. c. ex parte, de rescriptis. Igitur in eò, hanc *leg.* seruat Patria consuetudinaria: Legem vero 56. patria iuris scripti. Et habet ita vtrique ex hoc Codice Theodosiano præiudicium, quo sese tueatur.

A RATIONALI Vrbis Romæ, ad quem appellatur.

XLIX. (a) Idem AAA. Albino P. V. (b) Romæ.

IN negotiis, quæ in Vrbe venerabili, nostri patrimonii nomine, ventilantur, id iuris tumulus, vt si ducentarum librarum argenti negotium quod agitur, summam æstimationemque transcendit, a Rationalis (c) sententia prouocantes, Comitium priuatarum (d) sequantur examen. Si vero intra præstitutum modum, litigii summa se cohibet, Sublimi Eminentia Tuæ Sacrum nostri numinis iudicium delegamus. Dat. VII. Kal. Aug. Rom. Timasio & Promoto Coss. [389.]

NOTAE.

- (a) Abeft & hæc *lex a Cod. Iust.* Iungenda autem illi *lex ult. C. I. de seruis fugitiuis.* si modo subscriptio vitio caret. Nam si argumenti ratio spectatur ea potius iungenda videatur *legi vnic. infr. de mancipibus.* & *leg. 5. 6. infr. de Sueriis.* GOTHOFR.
 (b) *Albinus* P. V. Romæ sub Theodosio & Valentiniano Iun. A.D. 389. 390. vid. *Profopogr.* ID.
 (c) *Vrbis Romæ*, & regionum suburbicarum. ID.
 (d) Id est, rei priuatæ. *Priuatarum* absolute, pro rerum priuatarum. ID.

COMMENTARIVS.

ARATIONALIS Vrbis Romæ (de quo fuit quoque *lex 14. & 18. sup.*) sententia de re priuata Principis, ad quem appellari debeat, hac Constitutione Theodosio-Valentinianea definitur: a Rationalis inquam Vrbis Romæ sententia: Nam de aliis Rationalibus, appellationibusque ab iis, fuere *lex 28. 39. 45. 46. sup.* erunt, & *lex 49. & l. ult. infr. h. tit.* Et sic Nouem in vniuersum de appellatione a Rationalibus hoc Cod. leges occurrunt. Igitur a Rationali Vrbis Romæ appellatio partim ad Præfectum Vrbis hic constituitur: ad illum videlicet, si 200. libras argenti negotium excedat: vt ita maioris meriti negotium suo & naturali Iudici seruetur: Est enim Comes R. P. naturalis superior Iudex Rationalis: vtpote, sub cuius dispositione Rationales essent; vid. vel *Notitiam Imp.* Ad hunc vero, Præfectum inquam Vrbis: si eam summam non excedat. Quod inter cæteras Præfecti Vrb. prerogatiuas, quibus Vrbici Magi-

stratus dignitas aucta, censeri quoque oportet. Quinimo Symmachus lib. 10. ep. 55. ante hanc constitutionem; recentem Valentiniani Iun. puto sanctionem allegat, qua appellationes a Rationali vrbis Romæ, Præfecto Vrbis commissæ fuerant. Vnus, inquit, & solus post humanam memoriam Rationalis (Bassianus) emerfit, qui exemplum nouæ iudicationis induceret. Hinc (a iudicatione Rationalis) orta est prouocatio. Quæ (prouocatio) vbi Auditorium sacrum (Præfecti vrbis) (decreto etiam vestra legis) intrauit, rursus eludendi iudicii causa propositum est inane commentum: vt ab Illustri Viro priuata rei Comitæ DELEGATA cognitio diceretur Rationalis examini, atque ideo rursus ad eiusdem iudicium debere transferri; Cum omnis questio ex precibus Martiani dudum Protectoris, & vestrae Clementia largitate descendens, Sacro potius Auditorio ex prouocatione competeret: accedente etiam proximi

proxima Sanctione, qua indiscretas huiusmodi appellationes, sedi, qua vicem Principum tuetur (id est, Præfecturæ vrbane) prisco iure commisit. Examinatis igitur omnibus, pronunciaui bona obnoxia non esse. Rescripto &c. Quamquam in specie Symmachii non de tributis & rebus fisci principaliter agitur, verum de iudicio causaque civili, de hæreditate, inquit, vtrum ea ad scriptum hæredem aliquem pertineat. Illud non prætereundum, illam Symmachii epistolam male referri a CL. Iureto ad appellationes a Præfecto Urbis. De aliis Præfecti Urbis prærogatiuis in negotio appellationis, dixi ad leg. 18. *supr.*

Hic interim exemplum habemus Appellationis ad Iudicem, ad diuersos Magistratus pro diuersitate summarum. Item exemplum habemus appellationis ad Iudicem non adeo suum, propter summæ mediocritatem: & quidem ex singulari Principis delegatione.

Hæc vero inter alias Theodosii Magni *lex* est: quibus Romæ positus, post *Maximum* deuictum, Urbis Romæ dignitati, negotiis, causisque consultum iuit: & quidem constitutionibus ad hunc Albinum Præfectum Urbis datis, quas repetere licet ex *Chronic.*

ANTE SENTENTIAM appellantis pœna.

L. (a) Idem (b) AAA. Victorio (c) Procons. Asiæ.

EV M, qui Procuratorem suum cum appellatione, ante sententiam aduersum se latam, ad iudicium dirigit, iudiciaria auctoritate iubemus præiudicialis multæ excipere ac sustinere iacturam. Emissa (d) prid. Non. April. Const. Theod. A. III. & Abundantio Coss. [393.]

NOTAE.

(a) Et hæc *lex* abest a *Cod. Iust. GOTHOF.*

(b) 79. Imp. THEODOSIUS, Arcadius & Honorius. *ID.*

(c) *Victorius* Proconsul Asiæ sub Theodosio M. cui duæ præterea *Leges* inscribuntur, *lex 4. supr. de Cognitorib. & procurator. & lex 5. supr. de reuoc. donat.* quas putet quis cum hac l. coniungendas. *ID.*

(d) *Emissa.* Similis subscriptio l. 30. *supr. de Numerar. l. 9. supr. de Agentibus, l. 11. de diu. off. l. 112. infr. de decur. Nouella Theodof. 23. De qua in Prolegomenis. ID.*

COMMENTARIUS.

PRÆMATVRE & ANTE SENTENTIAM aduersum se latam, seu a futuro grauamine, vt nemo appellare potest, quinimo ita appellanti multa propofita est (quod & in Francia obtinet, vt docet Appendix 1. ad 19. *Arrest. Papon. t. 1.*) ita quoque eandem multam sustinere cogitur, qui Procuratorem cum appellatione ante sententiam aduersum se latam ad iudicium mittit: Neque enim quicquam intereff, ipse ante sententiam appellet, an vero procuratorem ad id faciendum mittat: puta vt a præiudicio seu interlocutoria appellet, atque ideo multa mutatur: *Inter multa præiudicialis, hac lege & iterum l. 65. infr. dicitur:* quomodo etiam eam vocat Symmachus, ep. 51. lib. 10. cum causa violentia diceretur, *Prouocatio a reis inconsulta processit, &c.*

Tunc Auditorii sacri Iudex, inquit, Rectoris affatus super appellatione est consultus, & præiudicalem multam statuit prouocationibus inferendam. Atque eodem sensu ibidem, appellationem præiudicalem, dicit: Cum multam, ait, didicisset exactam, quam decreto sacri Auditorii appellatio præiudicialis agnouerat. Idem eam vocat multam præiudicii, epist. 29. Nec Officium, inquit, partibus desuit ad multam præiudicii suggerendam. De huius autem multæ modo, vide l. 15. 16. & 30. infr. quorum appell. non recip.

Et Iure Pontificio tamen a grauamine quod veremur necdum sustinemus, appellare licet: c. 9. *extr. de restitut. c. 26. de dolo & contum. cap. 10. 12. extra. de appell. c. 8. de appell. in 6. prima collectione.*

RESPVENTIS appellationem Iudicis & Officii pœna.

LI. (a) Idem AAA. Apodemio PF. P. (b) II. Illyrici & Ita. (c)

QUIBUS causis non est prouocatio respuenda, iubemus respuentem Iudicem (d) triginta librarum auri, obsecundantem Officii gratiam, quinquaginta esse feriendam. Dar. V. Id. Iun. Constantinop. Theod. A. III. & Abundantio Coss. [393.]

NOTAE.

(a) Abest & hæc *lex* a *Cod. Iust. GOTHOF.*

(b) Anno superiore 392. dicitur *lege 21. infr. de Nauticul. PP. Illyrici & Africa: l. 12. 13. infr. de legatis. PP. per Illyricum. ID.*

(c) *Da*

(c) De hoc dixi plene *ad l. 2. supr. de constitut. princip. ID.*(d) *Multa* scil. *ID.*

P. 267.

COMMENTARIVS.

RESPVENTI Appellanti Iudici eiusque Officio multa grauissima hac Theodosii M. constitutione imponitur, de qua ipsa sunt præterea sex *hoc tit.* constitutiones: Constantii *lex 22. 25. supr. Valentiniani lex 33. Honorii lex 58. 59. 60. infr.*

QVA DE RE *in iudicio appellationis agi possit.*

LII. (a) Idem AAA. Haue Rufine (b) K. NB.

NIHIL, sub Sacri iudicii (c) examine, de ea parte negotii debet definiri, de qua nihil in exordio (d) apud Præsidem, aut institutum fuerit, ac (e) probatum. Dat. IV. Kal. Octobr. Constantinop. Theod. A. III. & Abundantio Coss. [393.]

NOTAE.

(a) Absit & hæc *lex a Cod. I.* Iungendæ huic *l.* sunt *lex 5. supr. de cognitor. & procurat. lex xv. supr. de Carbon. edit. l. 5. supr. de liberali causa. GOTHOF.*

(b) *Rufinus* hic fuit PP. vt docet *d. l. vn. & d. l. 5. seu ult. de liberal. caus. ID.*

(c) *Sacrum iudicium* eius qui de appellatione cognoscit. *ID.*

(d) Id est, in prima instantia *ID.*

(e) *Aut. ID.*

COMMENTARIVS.

DE EA parte negotii cognoscere, sententiamue dicere debet Iudex, qui de appellatione cognoscit, de qua *in exordio* (id est, in prima instantia) apud Præsidem aut institutum fuit, aut probatum fuit; non autem de ea, de qua nihil in exordio institutum aut probatum fuit. Denique super eodem capitulo, non super nouo capitulo, vt loquitur *lex 4. C. I. de tempor. & repar. appellat.* vbi alioquin bono Accurlio aqua hæsit, inquirenti, quidnam ibi esset nouum capitulum. Atque id est, quod etiam vulgo dicitur *Iudicem appellationis excedere Iurisdictionem suam, si cognoscat super non deductis in prima instantia*: de quo v. *Surdum decis. 147. n. 1. 2. conf. 54. 266. n. 13. 14. Menochi de retin. & recup. poss. 5. n. 94.* Neque adeo ab simile etiam est, quod canetur *l. ii. sup. h. tit. litigatorem in refutatoriis congerere non oportere, quod adferre in intentione neglexit.*

Alioquin, quod huic iam contrarium non est, si quid in agendo negotio minus se allegasse litigator crediderit, quod in iudicio acto (id est primæ instantiæ) fuerit *omissum*, apud eum qui de appellatione cognoscit, persequi potest, neque necessaria forte res transmissa excludenda videtur: vt definitur *l. 6. §. 1. Cod. iust. de appellationib.* Et, vt pariter definitur *l. 4. Cod. cod. de temporib. appellationum*: *licentia patet in exercendis consultationibus* (seu appellationibus) *tam appellatori quam ad-*

uersæ parti, novis etiam adsertionibus utendi, vel exceptionibus quæ non ad nouum Capitulum pertinent, sed ex illis oriuntur, & illis coniunctæ sunt, quæ apud anteriorem Iudicem noscuntur propositiæ. Sed & si qua dicta quidem allegatio monstrabitur, vel instrumentum aliquod prolatum, PROBATIONES tamen illo quidem defuerint tempore, verum apud sacros Cognitores sine procrastinatione, præberi poterunt, id quoque eos admittere oportet. Et rationes adduntur illis duabus legibus: *Quo inquit, d. l. 4. exercitatis iam negotiis* (id est, agitis) *plenius subueniatur veritatis lumine.* Imo vero in *d. l. 6. §. 1. Votum, inquit, gerentibus nobis, aliud nihil in iudiciis, quam Iustitiam locum habere debere*: Hoc sensu, Principis desiderium hoc esse, vt in iudiciis omnia ea admittantur, per quæ Iustitia locum habere, vel veritatis lumen haberi potest. Non sunt igitur *leges hæc* huic contrariæ: quam tamen Tribonianus ideo omisit, quod *ἀσυνδέτως* hæc, *ac probatum*, accipi posse putaret.

De cætero observandum, hanc *legem ἀπὸ τοῦ ἔργου* esse prolixioris constitutionis Theodosianæ de processu iudiciario, tum secundæ, tum primæ instantiæ, deque personis iudicium constituentibus, procuratoribus, actoribus, vt docet *d. lex 5. supr. de cognitor. d. l. vn. de Carbon. Ed. d. l. ult. de liberali caus.* quæ huic iungendæ omnes.

A NOMINATIONE *non solemnî, appellari nil necesse esse.*

LIII. (a) Imppp. Theod. (b) Arcad. & HONOR. AAA. Ennoio (c) Proc. Afric. Post alia.

LIBELLIS (d), vel Edictis, factæ, citra (e) consilium (f) publicum, non valeant (g) Nominaciones: de quibus nec appellari (h) necesse est, si sollemnitas (i) deest. Dat. XVII. Kalend. Iun. Med. Olyb. & Probino Coss. [395.]

NOTAE.

- (a) *L. 27. Cod. Iust. eod. tit.* Iungendæ autem huic sunt quinque *leges*, puta *lex 141. 142. 143. 144. 145. infr. de decurionibus. GOTHOF.*
 (b) *Theodosii* nomen inducendum: vid. *Consul. Theod.* Et recte etiam abest a *Cod. Iust. ID.*
 (c) *Ennodio*, vt *Cod. Iust. ID.*
 (d) Inuerfa huius l. verba *Cod. Iust. ID.*
 (e) Ita recte *Tiliana* & illa in *Quarto, Citra*: vt etiam habetur *Cod. Iust.* Male in aliis *citra*. Et frequens alioquin harum vocum commutatio, v. g. in *l. 23. in pr. D. de appellat. ID.*
 (f) *Concilium* *Cod. Iust.* vtrumque recte sustineri potest: vid. *l. 84. infr. de decur. ID.*
 (g) *Valent*, *Cod. Iust.* definitiua Elocutione, non imperatiua. *ID.*
 (h) *Appellare*, *Cod. Iust. ID.*
 (i) Superius scil. dicta, id est, si non solemnî consilio factæ fuerint. *ID.*

COMMENTARIUS.

DE NOMINATIONIBVS ad Curiam vel Curialia munera est hæc Quarta iam hoc titulo constitutio, & quidem hæc Honorii: reliquæ enim tres sunt Constantini *M. l. 10. 12. supr.* & Constantii *l. 19. supr.* Et hæc quidem pars est constitutionis Honorianæ prolixioris de muneribus Curialibus, vnde supersunt quinque præterea membra, seu *Leges*, puta *lex 141. 142. 143. 144. 145. infr. de decurionibus*: quæ proinde huic constandæ seu coniungendæ veniunt: quæque omnes in eodem argumento versantur: ac nominatim *lex 142.* quæ Nominationum formam ex parte continet: pariter vt hæc eodem spectat. Et scil. hæc de forma Nominationum ad Curialia munera: nempe definit Honorius eas fieri solemniter in Consilio publico, vel concilio (quomodo habet *Cod. Iust.*) Nempe tractatu publico, cœtuque Ordinis seu Curie ciuitatis, quod & ipsum habetur *d. l. 142. de decurionibus*: vbi de eo plene: At non etiam Libellis vel Edictis. Libellis vel Edictis factæ nominationes sunt, quæ sunt, Edictis Rectorum prouinciarum, siue libelli hic idem sint quod Edicta, siue Edicta hic intelligantur ad libellos. Suam videl.

de rebus suis cuique Ordini sententiarum hac parte libertatem constare oportet, non vero auctoritate Iudicum inturbari: præsertim cum Curialium intersit, idoneos ad munera curialia nominari, quorum vtique ipsi notitiam maiorem habent. Denique neque vim Iudicum, neque Rescripti subreptionem hac parte valere vel spectari oportet: vt in non absimili re cautum a Theodosio Magno Honorii patre in specie *l. 8. infr. de Iudeis.*

Quare (quæ iam ratio est cur hæc *lex* sub hoc titulo posita sit) si libellis vel Edictis citra consilium publicum, solemnitate quam dixi omiſsa, nominatio facta fuerit, nominatio hæc in tantum nulla est, vt neque ab ea appellari necesse sit, (cum tamen alias a nominationibus, si quis eas iniustas putaret appellare necesse esset, vt docuerunt *d. lex 10. 12. 19. supr.*) Scilicet sententia, ac proinde & nominatio, quæ ipso iure nulla est, cui solemnitas deest, appellationis remedio non eget, & citra appellationem inanis est: *l. 1. 4. supr. de sentent. ex per. recit. l. 40. supr. h. t. & tit. Cod. l. quando prouocare non est necesse.*

RELATIONE ad Principem missa, quando litigatoribus ad Comitatum proficisci liceat.

LIV. (a) Idem AAA. (b) Andromacho P. V. (c)

SI ante (d) annum Relationi missæ, responsum Sacra Scrinia non dedissent, causæ litigatoris commonitio (e) non nocebit. (f) Post quod, etiam si aliqua (g) Constitutio manasse monstratur, quæ, venientes (h), rei de qua agitur (vt dudum) amissione (i) constringit, in (k) quo ei quæ tempus designat, nihil intelligitur detraxisse: quia nullam indulti anni nec attigit, nec sustulit mentionem: Atque ideo posittum (l) vigorem legum (m) scitaque seruabunt, si intra annum missæ (n) Relationis, impatientia litigatoris eruperit, vel condicio (o) præstituta, vel pœna: Transacto autem anni curriculo, nemo venire prohibebitur, quominus a Clementia Nostra repetat Oraculum, (p) quod *lex* præscribita anni definitione distulit, non ademit. Dat. VIII. Kal. Iun. Med. Olybrio & Probi-
no Coss. [395.]

NOTAE.

- (a) Abest hæc *lex* a *Cod. Iust.* Concordant huic *l. lex 34-47. supr.* (quæ & *b. l.* indicantur) & *l. 66. GOTHOF.*
 (b) Tolle vnum e tribus *A.* vt iam ostensum quoque ad *leg. super. ID.*
 (c) *Andromachus* sub Honorio P. V. malo, P. P. vid. *Protopogr. ID.*
 (d) *Intra*, sed hoc non muto, *ID.*
 (e) Putabam aliquando, *commensio*: commensare enim seu venire, vt hic *hac l.* dicitur, accedere litigatores vetiti ad Comitatum

tum post relationem missam: verum *commonitio* hic rectum est: *commonitio* seu litigatoris est, negotii sui, sic vt dicam, *cominus* sollicitatio in Comitatu, & suffragiorum emendatio. *ID.*

(f) *yp. Nocebat*: antea scilicet sunt enim hæc verba Honorii, constitutiones ordine nonnullas retentis, mox & eas concilianis: Et restitutionem apertissime ingerunt mox illa: *Post quod*. Denique *legem 47. sup.* indicat. *ID.*

(g) Hæc constitutio non extat: sed laram eam post *l. 47. sup.* hæc *lex* aperte ostendit. *ID.*

(h) Ad Comitatum. *ID.*

(i) Ergo in totum: atqui dudum seu olim nonnisi medietatem litis æstimatam inferre cogebatur, *d. l. 34. sup.* *ID.*

P. 269. (k) *yp. In eo, ei*. Nempe conciliat *hæc l.* Honorius *legem 47. sup.* cum posteriore aliqua *lege*. *ID.*

(l) Pristinum. *ID.*

(m) *yp. Leges*. *ID.*

(n) An *missa Relatione*? nil mutuo. *ID.*

(o) *yp. Conditione*. *ID.*

(p) Id est responsum, Rescriptum; eiusque incoram sollicitatio. *ID.*

COMMENTARIVS.

RELATIONE ad Principem missa, quemadmodum litigatores ad Comitatum venire ab Honorio hac constitutione prohibentur, pariter vt tribus aliis *legibus*: puta *l. 34. 47. sup. 66. inf.* ita & post annum, (quæ *buius l.* ferendæ occasio fuit) permittuntur, pariter *d. l. 47. & 66.*

Conciliatorem porro agit hac constitutione Honorius. Nam cum post *d. l. 47. sup.* qua litigatoribus post annum ad Comitatum venire permissum fuerat, alia quædam *lex* (quæ hodie non extat) processisset, qua temporis hæc distinctio facta non fuerat, & indefinite, litigatores ad Comitatum venire post relationem vetiti fuerant: atque exinde dubium ortum fuisset, num pristina illa temporis definitio adhuc obtinere deberet, an vero velut ea abrogata censenda esset, Honorius *b. l.* definit, temporis eam distinctionem *annique definitionem* sine

temperamentum id adhuc obtinere debere: *Quia*, inquit, *constitutio illa nullam indulti anni nec attigit nec sustulit mentionem*. Scilicet posteriores *leges* ad priores trahi oportet, & vt ait Iurisconsultus in *l. 28. D. de legib.* ad priores pertinent, nisi contrariæ sint. Quare nisi *prioris legis* temperamentum *posteriore lege* nominatim abrogetur, posterior *lex* nihil aliud contipere videtur, quam veteris prohibitionis recentationem, non iuris alicuius emendationem. Quod alio quoque vtiliter traduci potest. Neque vltiori explicatione eget hæc *lex*: ad quam arcessi possunt quæ notata sunt iam *d. l. 34.* vbi & de *pæna* huius rei dixi, & *l. 47.* & quæ adhuc notabuntur ad *d. l. 66.* summus tantum labor in ea emendanda & restituenda fuit: quæ quatuor locis corrupta erat.

RELATIONIBVS quando locus esse non debeat.

LV. (a) Idem AAA. (b) Meffalæ. PF. P. (c)

IN negotiis ciuilibus (d), cum nihil sit, quod ante appellationem iudicio Principali (e) indigeat, agnitis partium Allegationibus, (f) atque pensatis, terminari oportet controuerfias, non duntaxat Consultatione differri. Neque enim fas est, quod aput infirmum Disceptatorem, (g) definiendi constantiam, prouocantis trepidatio (h) retardauit, litigatorem sub Consultationis ambiguo iugi expectatione pendere. Dat. XIV. Kalend. Iun. Arcad. IV. & Honor. III. AA. Coss. [396.]

NOTAE.

(a) Abest & hæc *lex* a *Cod. Inst.* GOTHOFR.

(b) Inducendum & hic multo magis vnius *A.* nomen, puta Theodosii, pariter vt *sex seqq. legibus*. *ID.*

(c) Meffala PP. sub Honorio, & quidem Italiæ. v. *Prosopogr.* *ID.*

(d) V. similiter *leg. 1. 2. 5. sup. b. tit. & l. 6. quorum appell.* *ID.*

(e) Id est Principis & Imperatoris. *ID.*

(f) Vide *Glossarium*, & *Symmachum* passim. *ID.*

(g) Id est Iudicem cognitorem. *ID.*

(h) *Trepidatio* tumultus, strepitus, motus incussus. *ID.*

COMMENTARIVS.

CONSULTATIONIBVS seu RELATIONIBVS intempestivis Iudicum hac elegantissima & gravissima Constitut. quam Tribonianus omittere non debuit, velut eximium mandatorum caput de officio Iudicum, occurrit Honorius Imp. pariter vt occurrit *lege 1. sup. de relation.* & quidem intempestivis. *Tom. IV.*

stius ex nimia Iuris diffidentia, vt in *specie d. legis 1.* vel prouocationis metu & prouocantis trepidatione vt in *buius l. specie*. Igitur Iudices auditis partium allegationibus, si nihil sit, quod Principis cognitione & responso indigeat (quæ sane alioquin Relationum causa est) controuerfias terminare, non consultatione

ti & differre iubentur. Duplici ratione: Primo, *Infirmus* differtor esse dicitur, quem a *constantia* *defectandi*, id est iudicandi, trepidatio prouocantis si reuocatur retardat, vt *hac l.* eleganter loquitur. Non est scilicet constantis iudicis, sed infirmi, a sententia dicenda metu tantum seu trepidatione appellatoris, vel appellationis futuræ dimoueri vel terrore detorqueri, vt ait *lex 6. infr. quorum appell.* non est hoc metus iustus, qui in constantem iudicem cadere

debeat, vbi *Trepidatio* est strepitus, & metus incusus a litigatore iudici. Quod adiciendum est iis, quæ dicuntur de constantis iudicis officio *lege 19. in f. D. de off. presid.* Secundo, sed neque fas est, litigatorem post nudata iura sua sub ambiguo consultationis iugi expectatione pendere, vt rursum eleganter *hac l.* loquitur. Proinde & iudicis officium *hac l.* instruitur, & litigatoribus simul consulitur.

P. 270.

RENVNCIARE appellationi an & quando liceat.

LVI. (a) Idem AAA. (b) Nebridio (c) Procons. Asiæ.

REPVGNANTES (d) priscorum sententias Nostra Serenitas temperauit. Si quis itaque libellos appellatorios ingesserit, sciat intra (e) triduum, post oblationem legitimam, non ex quo est sententia deprompta, appellatorem (f) habere licentiam arbitrium (g) commutandi, (h) ne iustæ pœnitudinis (i) humanitas amputetur. Dat. XI. Kal. Aug. Constantinop. Arcad. IV. & Honor. III. AA. Coss. [396].

NOTAE.

- (a) *L. 28. C. Inst. eod. tit.* Hinc interpolata est. *GOTHOFR.*
- (b) Inducendum vnius *A.* nomen. *ID.*
- (c) *Nebridius* Procons. Asiæ sub Arcadio: Eidem inscribitur *lex 2. Cod. Inst. in quibus causis coloni* &c. vbi *Nebridius Comes Asiæ* dicitur, male. v. *Prosopogr.* vbi ex Hieronymo. *ID.*
- (d) Prior hæc sententia a Triboniano recisa est. *ID.*
- (e) Et hæc vsque ad *habere licentiam* pariter *Cod. Inst.* recisa sunt. *ID.*
- (f) Scilicet vt etiam *Cod. Inst.* habet. *ID.*
- (g) Id est appellationem retractandi. *ID.*
- (h) *Ut suos libellos recuperandi*, hoc additum *Cod. Inst. ID.*
- (i) *Pœnitudo*, pro pœnitentia, *hic, & l. ult. Cod. Inst. de fer.* Pacuius Teuero apud Nonium *cap. 2. num. 769. Quæ defterio alumnus, pœnitudine squalis, scapresque inculta vastitudine.* *ID.*

COMMENTARIUS.

RENVNCIARE appellationi suæ, seu appellationem renouare, etsi Valentiniani Iun. constitutio ne penitus prohibitum fuerit, *l. 48. supr.* vbi v. & quæ dixi: attamen, intra triduum renouare & ex hæc Honorii constitutione licet, & vt *hac l.* loquitur, *arbitrium commutare*, id est pœnitere, quod sequentia ostendunt, ne alioquin in his verbis interpretandis cum Accursio hæreamus.

Cæterum vnde triduum istud computandum sit, idem Imperator quoque definit: nempe triduum istud computandum non a sententia dicta, verum ab oblatione libellorum appellatoriorum, quod vtique maius spatium est.

Et quidem profitetur Arcadius sese hac parte repugnantes priscorum sententias temperasse: nempe vt existimo, quod e priscis nonnulli præfracte nulum pœnitentiæ locum darent: sed amputarent,

vt *sine legis* quod vtique fecit Valentinianus Iun. *d. l. 48.* Alii vero effuse locum relinquerent. Quare *temperamentum*, mediæ cuiusdam sententiæ, Arcadio placuit, vt appellantium temeritati vela non laxantis, ita neque *iustæ pœnitudinis* humanitatem amputantis. Atenim Iustiniano contraria sententia sedit, puta *quandocunque* appellationi renunciari posse: quæ causa illi interpolandæ huiusce legis fuit, tridui mentione sublata. Ex constitutionibus sane Franciæ quoque intra octiduum appellationi renunciari potest, de quo V. peculiarem *Tit. in Arrestis Paponii lib. 19. tit. 5.* Iure Pontificio appellatio post oblationem libelli non reuocatur, *cap. 10. de Electionib. in 6.* Quanquam videri quoque possit, *hanc leg.* non alio fine latam ab Arcadio, quam vt tempus tantum definiret, a quo triduum istud iam antea inductum computandum esset.

DAMNATOS ad supplicium per vim a Clericis & monachis eripi non oportere: APPELLARE tamen his licere & ad quos.

LVII. (a) Idem AAA. (b) ad Eutychianum (c) P.F.P. Post alia.

ADICTOS supplicio, & pro criminum immanitate damnatos, nulli Clericorum (d), vel Monachorum (eorum etiam quos *Synoditas* (e) vocant,) per vim atque usurpationem

nem vindicare liceat, ac tenere: Quibus, in causa criminali, humanitatis consideratione, si tempora suffragantur, interponendæ prouocationis copiam non negamus, vt ibi diligentius examinetur, (f) vbi contra hominis salutem vel errore (g) vel gratia Cognitoris obpressa putatur esse iustitia, ea conditione, vt siue (h) Proconsul, Comes Orientis, Augustalis, (i) Vicarii fuerint Cognitores, non tam ad Clementiam nostram, quam ad Amplissimas (k) Potestates sciant esse referendum: eorum enim de his plenum volumus esse iudicium: Qui, si ita res est, & crimen exegerit, rectius possint punire damnatos, &c. (l) Dat. VI. Kalend. Aug. Mnizo, Honor. A. IV. & Eutychiano Coss. [398.]

NOTAE.

- (a) *L. 29. C. iust. eod. tit. & L. 6. C. eod. de Episcop. audient.* Sane repetitur & plenius vt *d. l. 6. ita l. 16. sup. de poen.* Iungendæ huic sunt præterea *lex 3. sup. de his qui ad Eccles. conf. & 32. & 33. inf. de Episcopis. GOTHOFER.*
- (b) Inducendum & hac *l. vnus A. nomen*, quod etiam ostendunt *leges*, quas huic coniungendas dixi. *ID.*
- (c) Male *d. lex 29. & d. lex 32.* præferunt *Casario P. P. de hoc Eutychiano P. P. vid. Profopogr. ID.*
- (d) Hæc usque ad, per vim, absumt a *d. l. 29. ID.*
- (e) Ita quoque *lege 6. C. iust. de Episcop. audient.* At *l. 16. sup. de poen.* Canobitas, de quo ad *d. l. 16.* plenissime dixi. *ID.*
- (f) Causa scilicet criminalis, ἀπὸ τῆς ποινῆς. *ID.*
- (g) Ita quoque *d. lege 16.* At *d. l. 29. Cod. iust.* per errorem vel gratiam. *ID.*
- (h) Si, *d. l. 29. ID.*
- (i) Præfectus Augustalis ita plenius *d. l. 16. & d. l. 29. ID.*
- (k) Id est, Præfectum Prætorio v. & *l. 16. sup. ID.*
- (l) Quæ continentur *d. l. 16. sup. de poen. &c. ID.*

COMMENTARIVS.

ACLERICIS ET MONACHIS, quibuscumque tandem, reos criminum damnatos, supplicio eripi, per vim vindicari, teneri hac Arcadii constitutione (quæ & plenior extat *l. 16. supr. de poen.*) prohibetur: pariter vt Theodosii M. constitutionib. *l. 15. supr. de poen. & l. 31. infr. quorum appell. non recip.* Ita tamen, vt appellandi referendique copia relaxetur, & quidem si Spectabiles fuerint Iudices (cuiusmodi hac *l.* quatuor ordine recensentur) relatione facta ad Præfectos Prætorio, & quidem rursum, in specie huius *l.* ad Præfectum Prætorio Orientis.

Est hæc scilicet constitutio maioris constitutionis Arcadianæ portio, qua vt Ecclesiasticorum tuitio Reis præberi ab Arcadio prohibita fuit, ita & ipsarum Ecclesiarum asyllum seu perfrugium, vt ex illis omnibus legibus colligere licet, quæ huic, coniungendæ sunt. Denique hæc illa *lex* est Arcadiana famosissima Eutropii suasu promulgata, cuius meminerunt Scriptores Ecclesiastici: Socrates, *lib. 6. cap. 5.* Sozomenus, *lib. 8. cap. 7.* Chrysostom. *homilia in Eutrop.* vt pluribus ostendi ad *l. 3. supr. de his qui ad Eccles. confug.* quæ inter alias huic coniungenda est.

De duobus saltem hic videndum est: Primum est, Clericorum & Monachorum siue zelum, siue audaciam per hæc tempora eo processisse, vt supplicio addictos, Iudicibus secularibus Optionumque manibus, cum ad supplicium ducerentur, ereptum irent, per vim atque vsurpationem, eo prætextu siue obtentu velut obpressa iustitia per errorem vel gratiam Iudicis, quod hac *l.* indicat, vel etiam vt debitoribus tuitiorem præberent quasi replendo ex his Clericorum numero, quod ostendit *d. lex 16. in f. supr. de poen.* vbi hæc plenior extat, & *lex 32. infr. de Episcopis.* quæ huic pariter iungenda est.

Quosusque autem audaciæ ea res processerit, etiam ad bellum vsque, edocet eadem *lex 16.* quæque ad eam *l.* dixi ex Theodoro & Chrysostomo.

Secundo notetur, (quam huius *l.* sententiam esse putant) appellandi pro damnato Clericis & Monachis ipsis potestatem hac *l.* fieri videri, humanitatis consideratione, ait *lex*, quam ipsam vrget Augustinus, *epist. 54. ad Macedonium*, qua ipsa humanitatis ratione etiam Iurisconsultus admittit, *l. 6. D. de appellat.* omnem prouocantem pro ad supplicium destinato. Ac multo magis intercessionis & deprecationis Ecclesiasticis facultas patuit, quod docet *lex ult. supr. de his qui ad Eccles.* Sed & Socrates *lib. 1. c. 13.* Sozomenus *lib. 2. cap. 23.* idque multis probat August. *d. ep. 54. ad Macedon.* Nullomodo tamen, vt ad cognitionem suam & iurisdictionem a seculari eos transducerent, aut supplicia reorum damnarent. Denique hæc, atque his similia, signa sunt Christianæ humanitatis omnem rapientis clementiæ occasionem, non iudicia capitalia damnantis. Et tamen illud potius quis existimet hac *l.* ipsis reis appellandi facultatem relaxari: sub Arcadio enim & Honorio reis criminum damnatis appellandi ius fuisse docent *lex 58. 60. infr. h. tit. & lex ult. infr. quorum appellat.* Ergo intercessionis illi violentæ in criminalibus Clericorum & Monachorum intercedit hæc *lex.* Nam quod causas pecuniarias attinet, in his interuenire omnino Sacerdoti, seu intercessorem se præbere vetitum: de quo vid. Ambros. *3. offic. 9.*

Denique tentauit aliquando Cuiacius, neque vno loco, Clericos & Monachos liberandorum reorum morem, Gentilium Pontificum exemplo, vsurpasse; quorum occursum sæpe ad supplicium ductos seruabat, veluti Vestalium, & Flaminis Dialis. Verum id in medio nunc relinquo.

*De LIBERTATE appellandi deque IUDICIS & OFFICII pena
appellationem respicientis.*

LVIII. (a) Idem AAA. (b) Theodoro PF. P. (c).

MULTORVM (d) querelis excitati, (e) hac lege sancimus, Vt si quis, prouocatione interposita, suspecti Iudicis velit (f) vitare sententiam, in hac voce (g) liberam habeat potestatem, nec timeat contumeliam Iudiciorum (h): cum & ab ipsa iniuria possit facile prouocare, permissum (i) sit. (k) Sciant igitur cuncti, sibi ab iniuriis, & suspectis Iudicibus, & a (l) capitali supplicio, ac fortunarum dispendio, (m) prouocationem esse concessam. Quod (n) si quis posthac Iudicium, appellatione emissâ, libellos quoque ablatos (o) audire noluerit, viginti librarum auri dispendio multabitur: Officium vero eius, nisi huic pertinaciter restiterit, atque Actis ita contradixerit, & quid iure sit constitutum, ostenderit, viginti quinque (p) libras auri largitionibus nostris inferre cogetur. Dat. VII. Id. Iun. (q) Med. Theodoro V. C. CONS. [399.]

NOTAE.

- (a) L. 39. Cod. Iust. eod. tit. GOTHOFR.
- (b) Inducendum & hic vnus A. nomen. ID.
- (c) Theodorus sub Honorio PP. Italice: v. Profop. ID.
- (d) Primus hic versiculus, velut Historicus, recitus a Cod. Iust. ID.
- (e) Vel excit. ID.
- (f) In vulgatis Cod. Iust. additur vox *prolatam*, quam & meliores scripti respuunt. ID.
- (g) De hac voce iam *supra*. ID.
- (h) Id est, Iudicium. ID.
- (i) Existimet quis abundare hic illa, *permissum sit*, quæ etiam a Cod. Iust. absunt. Sed existimem potius in veteri menda cubare hunc locum, a qua etiam Tribonianus parum sibi cauit. Quare legam hic, *cum & ab ipsa iniuria passus, vel passum facile prouocare permissum sit*: hoc sensu: posse de iniuria sibi facta publice contestari. ID.
- (k) Subiiciuntur hic quædam in Cod. Iust. de Præfecto Prætorio, a quo solo appellare non licet. ID.
- (l) In, Cod. Iust. satis inepte. ID.
- (m) Sententia irrogato. ID.
- (n) Sequentia omnia a Cod. Iust. recita sunt. ID.
- (o) *ꝑꝑ. Oblatos*. ID.
- (p) Est, qui reponendum hic putet XXX. vt & mox pro viginti quinque: de quo mox. ID.
- (q) *ꝑꝑ. Ian.* Neque enim hoc tempore Honorius Mediolani erat, vt docet subscriptio l. 3. *inf. de habitu*, neque Theodorus PP. sed Messala iam ei successus fuerat, ID.

COMMENTARIUS.

IN RESPVENTES appellationem Iudices, eorumque Officiales vel etiam iniuriam appellatoribus inferentes, est & hæc Honorii A. D. 399. elegantissima omnium constitutio, pariter vt *lex. prox. 59. 60.* & complures iam *supra*, puta *lex. 2. 4. u. 13. 16. 22. 25. 33. 51. sup.* Nempe vt frequentes alias de hac Iudicum iniuria querelæ subinde exortæ: ita & multorum querelis excitum ad *hanc l.* descendisse se ipsemet Honorius, *huius leg. initio*, profitetur. De multa Iudicum & Officialium hac parte sunt Con-

stantii *lex. 22. & 25.* Valentiniani l. 33. Theodocii M. l. 51. *supr.* & Honorii hæc *lex. & 59. 60. infr.* Quibus variz multæ imponuntur, vt ad vnus exemplar seu modum aliæ reuocandæ non sint. Quare frustra hic nonnulli *viginti & viginti quinque* librarum loco, reponunt xxx. argum. l. 59. *infr.* & l. 51. *supr.* de Officialium muuere in suggerendis *legibus* Iudicibus, eisque resistendi facultate data: v. quoque l. 3. 29. 34. *supr.* & l. 59. *prox.*

*De RESPVENTIS appellationem Iudicis, & Officii
eius, pena.*

LIX. (a) Idem AAA. (b) Simplicio (c) Præfidi Trip. (d)

NVLLVM (e) ira credimus contumacem, (f) vt appellationem, interpositam legibus, audeat recusare. Quamobrem teneat Apparitio veterem disciplinam: nec a suggestionibus necessariis, metu eius (g) cui ad tempus paret, retrahatur. XXX. autem libras auri ærario nostro cogetur inferre, qui, obiectam prouocationem iure, neglexerit: & eadem,

dem, Officium, si conhibentiam (h) præstet Iudici, poena retinebitur. Dat. prid. Id. Iun. (i) Verona, (k) & Theodoro V. C. Coss. [399.]

NOTAE.

- (a) Et hæc lex abest a *Cod. Iust. GOTHOFR.*
 (b) Inducendum & hic vnius A. nomen. *ID.*
 (c) *Simplicius* Præfex Tripolitanae sub Arcadio. An hic idem, qui & Magister militum A. 396. An hic idem, qui sub Theodosio Iun. Proconsul Asiae, cui inscribitur *L. vn. C. l. de off. com. sacri patrum. ID.*
 (d) Cuius Metropolis mihi fuisse videtur *Tacapis*: de qua v. l. 33. *sup. b. t.* vel Cyrene. *ID.*
 (e) Iudicem, Officiale. *ID.*
 (f) *Contumacia* de Iudice appellationem recusante hic: vt contra, de iniuste appellante apud Symmachum *lib. 10. ep. 46. in f. ID.*
 (g) Iudicis. *ID.*
 (h) *Conhibentiam. ID.*
 (i) Malim *Iul. vid. Consular. Theodos. ID.*
 (k) Erasi e Fastis *Eutropii* vestigium quis hoc putet? Verum librarii imperitiæ hanc voculam potius adscribo, qui *Veronam & Theodorum COSS.* sibi finxit. Quare expungenda hæc vox. *ID.*

COMMENTARIVS.

P. 273.

IN RESPVNTES appellationem Iudices, eorumque Officiales, est hæc secunda iam hoc eodem Anno 399. Honorii constitutio: erit eiusdem & tertia anno prox. l. 60. *prox.* Et hæc quidem proprie ad prouinciam Tripolitanae pertinet, pariter vt *lex 33. sup.* vt ita videantur huius prouinciæ Præfides subinde hac parte contumaces sese præbuisse: sed & initio l. Honorius satis ostendit, quam grauiter hanc rem tulcrit, cui similis est Alex. Seueri præfatio l. 25. *D. de appellat.* Ad eandem Tripolitanae pertinet & in hoc ipso appellationum argumento tertia ad hæc Constitutio, puta *lex ult. infr. quorum appellat. non recip.*

De Officiis Iudicum duo ex *b. l.* obseruanda. Prius, Officii eorum fuisse, Iudicibus suggerere legum disciplinam, seu ius suggerere: quod vt, innume-

ræ leges hoc Codice ostendunt, ita vel *hoc titulo* complures: puta *lex 8. 29. 34. & lex superior 58.* Posterior, Officiales Iudicum in prouinciis perpetuos fuisse, cum ipsi Iudices temporarii essent: *Apparitio*, inquit, *metu eius, cui ad tempus paret.* Quod & Paulus testatur, *lib. 11. sentent. in l. 34. D. de rebus creditis.* *Præsidis*, inquit, *prouincia Officiales, quia perpetui sunt, mutuam pecuniam dare, & senectutem exercere possunt.* Atque hac ratione Officiales in officio continebantur, sic vt disciplinam veterem ipsi tenerent, neque metu eius, cui ad tempus parebant, a suggestionibus necessariis retraherentur, vt hæc *lex* eleganter loquitur: quinimo Iudicibus reluctarentur, quasque manum iniicerent exorbitantibus: de quo v. & *d. l. 8. sup.* Quod politicum scemna seu arcanum notandum est.

De RECIPIENDIS appellationibus, deque IVDICVM poena appellationes iustas non recipientium.

LX. (a) Idem AAA. (b) Pompeiano (c) PF. P. (d) Afric.

CVM (e) de appellationibus recipiendis necne promulgatarum legum sufficiat auctoritas: atque his, (f) qui rite ab iniusta sententia prouocantes audire nolissent, sit poena proposita, poena etiam Officio constituta (siue in criminalibus, siue in ciuilibus causis fuerit iudicatum) adtamen nostro etiam motu decernimus, vt veterum statuta seruentur, quæ nullum patimur vmquam inpune violare. Dat. Kalend. Iun. Med. Stilichone & Aureliano Coss. [400.]

NOTAE.

- (a) Abest & hæc lex a *Cod. Iust. GOTHOFR.*
 (b) Inducendum & hic vnius A. nomen. *ID.*
 (c) *Pompeianus* Proconsul Africae sub Honorio, v. *Protop. ID.*
 (d) *70. Proc.* vt ostendunt præterea hoc ipso Anno quæ ei inscribuntur *leges* plures, puta *lex 7. sup. de metasis: l. 30. inf. de nauicul. l. 18. inf. de iustit. l. 166. inf. de decurionib. l. 3. de concuss. Aduoc. l. 28. sup. de annona: l. 2. sup. ad L. Iul. de amb* sed & complures Anno proximo 401. *ID.*
 (e) Pro *Quamquam*, quamuis, etfi: nam mox responder, quæ sequitur *ad idem, adtamen* &c. eodem sensu accipit Cuiacius in l. 3. *Cod. l. quousque ordine conu.* vocem *cum*: verum ibi malim, *cum*, accipere, pro *cum alias*, de quo in *libris observationum. ID.*
 (f) Iudicibus scil. *ID.*

COMMENTARIUS.

DERECIPIENDIS, vel non, appellationibus; quænam inquam appellationes recipiendæ sint, quæ non item, de RESPVENTIVM iustam appellationem Iudicum pœnis, anteriores *leges* hac Honorii constitutione per Africam Proconsularem confirmantur. De quibus pœnis vid. l. 22. 25. 33. 51. 58. 59. *sup.*

A VICARIO vrbis Romæ in criminalibus ad quem appellari debeat.

LXI. (a) Idem AAA. (b) Flauiano P. V. (c)

QVOTIENS Vir Spectabilis Vicarius (d) venerandæ (e) Vrbis negotium aliquod præmissa inscriptione cognoscit, atque ab eius sententia fuerit prouocatum, ad Nostram Clementiam Referri decernimus. Sin vero huiusmodi examen arripuerit, in quo, sine vlllo legis (f) vinculo, non tam crimen obicitur, quam cuiusdam criminis conflatur inuidia, lataque sententia appellatione suspenditur, Inlustrem Sedem Tuam, editis ex more Apostolis (g) sacra vice audientiam præbere sancimus. Dat. XIV. Kal. Septembr. Brixia, Stilichone & Aureliano Coss. [400.]

P. 274.

NOTE.

(a) Abeft & hæc *lex* a *Cod. Iust.* GOTHOFR.

(b) Inducendum & hic vnus A. nomen. ID.

(c) Flauianus P. V. Romæ sub Honorio A. 399. & 400. v. *Protopogr.* vbi multa de eo ex Symmacho & veteri *Inscriptio- ne.* ID.

(d) Erat hoc tempore Vicarius vrbis Romæ Benignus: vt docet superiore Anno *lex* 162. *infr. de Decurionib. lex* 5. *supr. quib. Equorum vsus.* hoc ipso Anno 400. *lex* 26. *infr. de susceptoribus.* ID.

(e) Veneranda vrbis Roma: v. *Topogr.* ID.

(f) Id est Inscriptio in crimen v. *Paratitlon de accusat. & in script.* ID.

(g) V. de Apostolis his *titulum* peculiarem D. de libellis dimissoriis, qui Apostoli dicuntur. vid. & l. pen. *inf.* & l. 18. *sup.* ID.

COMMENTARIUS.

AVICARIO vrbis Romæ, & quidem in criminalibus, ad quem appellari debeat, hac Honorii constitutione A. D. 400. definitur. De quo fuit etiam Iuliani constitutio puta *lex* 29. *sup. h. t.* Sane ea Iuliani constitutio indefinite docet a Vicario V. R. ad Principem appellatum fuisse, sicut Constantini constitutio indefinite a Vicariis omnibus, puta *lex* 16. *sup. h. t.*

Atenim causarum criminalium distinctionem facit Honorius *h. l.* puta criminalium negotiorum, quæ præmissa inscriptione cognoscuntur & in quibus crimen obicitur: & eorum in quibus sine vlllo legis vinculo, cuiusdam criminis, tantum conflatur inuidia. Quæ distinctio singularis est & notanda. Quæ & ipsa proponitur in altera eiusdem Honorii constitutione, puta l. 8. *supr. de iurisdictione:* vbi posterius hæc exempla proponuntur: causæ de fugaci seruo (recepto scilicet) de furto manifesto, non manifesto, vi bonorum raptorum paruulæque terræ, finium, paruulæ casæ, momentariæ possessionis interdictum, abacti animalis. Nempe speciem criminis vt loquitur d. *lex* 8. hæc habent: atenim quod hæc *lex* diserte ait, in his non tam crimen obicitur, quam cuiusdam criminis

conflatur inuidia. Denique sine inscriptione, seu sine vlllo legis vinculo; quod vtraque *lex* ait, agitantur.

Igitur, si de his negotiis criminalibus minoribus agatur, & a Vicario V. R. appellatum fuerit, iubet Honorius P. V. sacra vice audientiam præbere, & sic ex appellatione cognoscere: si vero de maioribus, quæ, (vt etiam ait d. *lex* 8.) dignus & meritis honor inscriptionis impleuerit, ad Principem referri. Nempe vt contigua Vicarii Potestas fuit, Præfecti Vrbis Potestati: Illustis hæc, illa Spectabilis: adeo quidem vt non præuentioni inter eos locus esset, vt quidam censent, verum ad alterutrum prout quis proximus esset referretur: ita appellari a Vicario quandoque ad P. V. visum: at non semper: ne alioquin præ Præfectura Vrbis, nimio plus vilesceret Vicaria Potestas. Quare in maioribus ad Principem; in minoribus tantum ad P. V. appellari ab eo visum. Maior est scilicet quisque, quo maiora retractat. Ab hac l. non videtur adeo abludere *Epistola* 51. libri 10. Symmachi: neque etiam *epistola* 33. libri 2. Cæterum de aliis Præfecti Vrbis prærogatiuis in negotio appellationis dixi iam ad l. 18. *sup.*

A PRÆFECTIS quoque GENTILIVM ad Proconsulem
appellandum.

LXII. (a) Idem AAA. (b) & Theodof. A. ad Diotimum (c) Proconf.
Afric.

IN negotiis, quæ ex appellatione descendunt, veterem consuetudinem volumus custodiri: Illud addentes, ut si (d) quando a Gentilibus, vel a Præfectis eorum, fuisset interposita prouocatio Sacrum sollempniter, hoc (e) est Proconsularis cognitionis, præstoleretur examen. Dat. XI. Kal. Aug. Rau. Stilichone II. & Anthemio Coss. [405.]

N O T A E.

- (a) Abest & hæc lex a *Cod. Iust. GOTHOFR.*
(b) *vg. Impp. Arcadius, HONORIVS & Theodosius. Vide Consularia Theodof. ID.*
(c) *Diotimus* Proconful Africæ: Eidem hoc ipso Anno inscribitur l. 2. *inf. de Religione*, & l. 39. *inf. de hæretic. exigua* tamen in nomine varietas: v. *Profopogr. ID.*
(d) Forte, *ut & si. ID.*
(e) *Vid. leg. 3. sup. b. tit. quæ & ipsa Proconfuli Africæ inscripta est. ID.*

C O M M E N T A R I V S.

AD PROCONSULEM AFRICÆ, qui sacra vice iudicabat, (quod præter hanc l. docet quoque *lex 3. sup. hoc tit.* ubi plenius dixi & l. ult. b. t.) ab inferioribus per Africam Iudicibus seu Reëtoribus Prouinciarum Africæ, ut veteri consuetudine appellari solitum, (quod & prolixius ostendi ad d. l. 3. sup.) ita id hac Honorii constitutione confirmatur.

Quinimo & illud præterea adicitur ad eundem Proconf. Africæ prouocationes a *Gentilibus* quoque vel a Præfectis eorum, interpositas specta-

re oportere. Quæ & ipsa singularis est Proconfulis Africæ prærogatiua: cum alias Gentilium peculiaris ratio, hac parte habenda videretur, & quidem circa appellationes: ut qui ex Barbaris gentibus, Romanis militarent limitemque tuerentur, de quibus *Gentilibus* plenissime dixi ad l. vn. sup. de nupt. Gentil. & l. i. sup. de terris limitan. quæ & ipsa ad Africam spectat. Et quidem per hæc potissimum tempora, quibus Imperium Romanum iam nutabat, mox ruiturum atque e medio futurum.

P. 275. De TEMPORIBVS appellationum interponendarum & reparandarum a Iudicibus datis a Præfecto Prætorio.

LXIII. (a) Idem AAA. (b) Anthemio PF. P. (c)

IN his causis, quæ præsentibus *Arbitros*, ex sententia Vestræ Magnitudinis, fortiuntur, vel in ea ciuitate, seu prouincia qua degetis, siue in proximis atque continguis (d) prouinciis, Lex antiqua propriam obtineat firmitatem: ut duobus exactis mensibus, dies sit ultimus temporalis: & intra triginta dies reparatio postuletur. Vbi vero in longioribus ac remotis prouinciis eadem litis ac dilationis ratio pensabitur, ad eorum instar, quos a Reëtoribus prouinciarum eorumque sententiis conuenit appellare, sex mensium temporalis diei, trium reparationis nomine, dilatio præbeat. Dat. XIV. Kal. Ian. Constantinop. Stilichone II. & Anthemio Coss. [405.]

N O T A E.

- (a) Et hæc lex abest a *Cod. Iust. GOTHOFR.*
(b) Quos scil. superiori legi reddendos ostendi. *ID.*
(c) *Anthemius PP.* Orientis sub Arcadio: v. *Profopogr. ID.*
(d) Continguis, vid. *leg. 64. seq. & leg. ult. de reparat. appellat. & leg. 13. in fin. sup. de iure fisci. ID.*

C O M M E N T A R I V S.

TEMPORA appellationum ad Præfectum Prætorio ab *Arbitris* seu a Iudicibus, quos Præfecti Prætorio dedere, interponendarum, earumque reparandarum, definiuntur hac Arcadii constitutione sequentem in modum: Si Iudices illi præsentibus sint in ciuitate, prouinciaue, in qua Præfectus Prætorio de-

git, vel certe in contigua, proximaue duorum mensium spatium ad exsequendam appellationem competere, ad reparandam 30. dies: Si in remotis prouinciis, sex menses ad exsequendam, tres ad reparandam, dari exemplo appellationum a Reëtoribus prouinciarum; de quo vide & l. 3. §. 2. *infr. de reparat.*

rat. appellat. vbi plenius dicitur. Et est eonominē hęc lex singularis quod ea ostendit hac tempestate quoque extra Rectores prouinciarum Arbitros seu Iudices datos a Præfectis Prætorio: Sed & illo, quod a Recloribus prouinciarum ad Arbitros datos argumentum ducatur.

Temporalis dies, qui hac l. dicitur. & l. ult. infr.

dereparat. appellat. & l. 32. §. 4. Cod. Inst. de appellat. & l. 2. Cod. cod. in fin. de tempor. & repar. appellat. est qui alioquin fatalis dies dicitur; qui ultimus est spatii & temporis illius, quod ad appellationem exsequendam vel reparandam, legibus tribuitur: quo expirante, causa quoque expirat,

De FISCALIVM appellationum terminandarum TEMPORIBVS.

LXIV. (a) Impp. HONOR. & Theod. AA. Iuliano (b) Proconf. Afric.

NON ignoramus, post interpositam prouocationem, in causis fiscalibus, antiquitus constitutum †, vt viginti dies constituti intra prouinciam videantur, (c) & vt Sacri Auditorii Cognitores diuinæ (d) domus negotia terminarent: ex contigua vero prouincia, intra quadraginta dies negotia vniuersa discingerent. (e) Verum Serenitas Nostra certum moderamen inuenit. Præcipimus * itaque, vt præter hos viginti dies, quos lex Augusta constituit, viginti alios iungeremus. Quorum quidem omnium hęc erit forma feruanda, vt quocumque die, ex adiectis viginti diebus, fuerit negotium peroratum, Sacri Auditorii habere reuerentiam iudicetur (f): sitque ultimus, etiam si non quadragenarius comprobatur. Quæ idcirco ita custodienda sancimus, ne si vnus (g) tantum obseruabitur dies, aut ægritudo iudicantis, aut litigantis fuerit occupatio recte præfinitum tempus interdum distulisse videatur. Ideoque (h) hanc reuerentiam cunctis his, qui superadditi sunt, diebus, statuendam esse censuimus, vt nihil postea excusationis occurrat: Labios enim post hoc tempus, reparationem præcipimus non habere: Ac ne medio tempore Officii concludium differat litigantem, viginti librarum auri multam præcipimus imminere, vt si eorum culpa arque concludio, quos suggerendi (i) cura constringit, negotium ciaruerit fuisse dilatum, præscribitur multæ teneantur obnoxii. Si in tot diebus utilitibus suis non adfuerit litigator, cui aduersus fiscum nostrum iurgium manet, emenso iam tempore, nullius reparationis beneficium speret (k), solam fisco executionem superesse iam nouerit. In ** Contiguis quoque prouinciis, in quibus quadraginta dies dedit antiquitas, sub simili conditione alios triginta dies iungi præcipimus, vt adiecti temporis spatium sub ea definitione custodiant, & omni adiecto tempore, sit dies ultimus, quocumque poruerit definiri: Emenso tamen (l) tempore, litiganti reparationem penitus iussimus inhiberi. Officium sane ad eandem multam præcipimus retineri, si eius dissimulatione actum esse constiterit, quominus negotium peroretur. Dat. Id. Octobr. Rau. Honor. IX. & Theod. V. AA. Co ss. [412.]

NOTAE.

(a) Abest & hęc lex a Cod. Inst. GOTHOF.

(b) Iulianus Proconsul Africae sub Honorio v. Prosopogr. ID.

† Intelligit l. g. 21. 28. 46. sup. b. 2. & legem 13. in f. sup. de iure fisci, & quidem vt videtur, has duas postremas maxime ID.

(c) Id est, sint. ID.

(d) Id est fisci, reique priuata. ID.

(e) Ita leg. 4. sup. fin. regund. iurgium iure discingi: & leg. 7. sup. de legitim. heredis, negotiorum fata discingunt; vti recte ibi exhibet MS. W. Adde leg. 2. & 3. infr. quorum appellat. RITTER.

* Prima pars de eadem prouincia. In hoc restituendo varia sub manum nascuntur. Quid si prauidimus, legamus? Ego nil muo. GOTHOF.

(f) Id est causa in sacro Auditorio definitur. ID.

(g) Vt vnus: isque ultimus o. annium. ID.

(h) Ideoque &c. Nam hoc alterum, quod hic statuitur. ID.

(i) De hoc dixi plene ad leg. 8. sup. ID.

(k) Speret, &c. ID.

** Secunda pars de Contiguis prouinciis. ID.

(l) Emenso etiam. ID.

COMMENTARIVS.

FISCALIBVS appellationibus exequendis, terminandis, discingendis iam olim intra eandem prouinciam viginti dies constituti erant, ex contigua quadraginta, *l. 2. 28. 46. sup. h. t. & l. 13. sup. de iure fisci.* quæ hac *l.* indicantur. Atenim hac Honorii constitutione id tempus duplicatur ferme. Nam viginti diebus in eadem prouincia, alii viginti iunguntur, sic vt in vniuersum 40. sint. At quadraginta diebus in contigua prouincia, triginta alii.

Duabus tamen conditionibus additis, vna litigatoribus vtili: altera graui. Vtraque in reuerentiam huius addititii temporis, & causæ fiscalis. Primum igitur; Quocunque *addititiorum ἐμβολαίων* die litigatores sese stiterint, Iudex ad quem appellatum

causam discingere, eumque diem vltimum sibi putare iubetur: ne alioquin postea aut ægritudine iudicantis, aut litigantis occupatione tempus illud differatur. Denique laxamentum hoc totam intermedii temporis in litigatoris fauorem inductum est, neque ideo causa a Iudice protrahenda. Quod singulare est & quidem in causis fiscalibus, vt videlicet tempus aliquod fatale sit Iudicis respectu, quod non sit litigatoris contemplatu. Secundo viceversa, post hoc tempus emensum reparatio litigatori denegari iubetur. Non est æquum scilicet ei temporis reparari vltra, qui superadditio tempore iuuabatur: ac præsertim in causis *Fiscalibus*.

TRIA huius *l.* capita quæ commentarius edisserit.

LXV. (a) Idem AA. Symmacho (b) Proc. Afric.

PRÆSCRIPTIONES fori in principio (c) a litigatoribus obponendas esse Legum decreuit auctoritas. Nec* ab interlocutionibus appellandum esse duxerunt: Quod si quis id fecerit, præiudicalem (d) multam subire cogetur, quæ priscis sanctionibus continetur. Hac igitur lege sancimus, vt appellatio litigantium, intra tempus iure præscriptum suscepta, nectatur Annalibus, (e) & promissa (f) Relatio, intra triginta dies legibus definitos, ad Sacra Scrinia destinetur: Quam legem, nisi, in omnibus causis, vniuersorum Iudicum & Officiorum executio deuota seruauerit, statutum priscis sanctionibus multæ modum ab his mox iubemus exculpi. Dat. V. Kalend. Septembr. Rau. Honor. X. & Theod. VI. AA. Coss. [415.]

NOTAE.

- (a) *L. 13. Cod. Iust. de exceptionib.* prima huius leg. sententia continetur: cetera abfunt a *Cod. Iust. GOTHOFR.*
 (b) Hic filius est Symmachi Epistolarum scriptoris: qui & ipse anno 370. eundem Proconsulatum gesserat, vt docet *l. 73. inf. de decurion.* vbi vid. quæ dixi ex Symmacho ipso. *ID.*
 (c) *Litis:* quod etiam additum *Cod. Iust. d. l. 13. ID.*
 * Sequentia vt dixi omnia abfunt a *Cod. Iust. ID.*
 (d) De præiudiciali hac multa dixi ad *l. 50. sup. ID.*
 (e) *Annales* vel *Annalia*, hic nil aliud sunt, quam Acta seu Gesta Iudicialia, quæ per annos digerebantur. Mitto quæ de Annalibus Pontificum Historicis alii dixere. *ID.*
 (f) *Promissa* Relatio *b. l. & l. 31. 34. sup. h. t. & l. 2. sup. de relationib.* vbi dixi ex Symmacho quoque. *ID.*

COMMENTARIVS.

E. 277.

TRES sententiæ hac Honorii constitut. continentur: quarum Prima (quam vnam retinet *Codex Iustin.*) ab hoc tit. aberrat, de Præscriptionibus inquam fori, initio litis opponendis: de quo notum quicquid dici potest. Secunda, ab interlocutionibus non appellari, de quo iam superioribus aliquot

constitutionibus, & peculiarius *infr. tit. quorum appellat.* vt & de præiudiciali multa ad *l. 50. sup. Postrrema*, de appellatione intra tempus suscipienda, in gesta referenda: deque Relatione intra dies 30. ad scrinia mittenda: quod cautum itidem *l. 29. 31. 32. 34. sup. h. tit.*

De PERSEQUENDA appellatione ad Principem facta: & ne ad COMITATVM accedant litigantes intra annum.

LXVI. (a) Idem AA. Monaxio PF. P. (b)

OMNES, quorum in causis sententiæ Iudicum vel appellationes (c) suspensæ sunt: vel medio tempore transegisse demonstrent; vel si non transegerunt, Consultationes eorum (d) quantocius nostris auribus intimare (e) cogantur, vt Responsa legibus competentia mereantur. Illa videlicet lege seruanda, qua cauetur, neminem litigan-

tum post interpositam appellationem intra annum ad sacrum Comitatum nostræ Maiestatis accedere. Dat. VIII. Id. Mart. Const. Monaxio & Plinta Coss. [419.]

NOTAE.

(a) Absit hæc lex a Cod. Iust. GOTHOFR.

(b) Monaxius PP. sub Theodosio Iun. Orientis: v. Profopogr. ID.

(c) Retineri possit: Sed malim, *appellatione*: inducta voce, vel: Nempe sententia appellatione suspenditur: l. 41. 61. sup. l. 3. 9. infr. de repar. appell. l. 1. sup. de re iudic. ID.

(d) Iudicium scil. ID.

(e) *Intimari* auribus Principis consultatio, seu Apostoli dicuntur, & sic appellatio quoque intimari: quod Iustinianus dixit, l. 37. vers. pen. C. Iust. de appell. quod nonnulli perperam vellicant. *Intimare* autem non est, ut ioculariter nonnemo accipit, metum Iudici facere (forte legebat is *intimidare*) *Intimare* est, *ἐμψυχίζω*, *φανερώω*: v. Glossas vtrasque. Capitolinus in Vero c. 1. *Vt priorem Verum intimatum legentibus darent.* In hac ipsa re Symmachus lib. 10. ep. 42. *Hæc est causa querimonie, quam diuinis sensibus vestris fides Gestorum plenius intimabit.* ID.

COMMENTARIUS.

DE PERSEQUENDA Appellatione interposita ad Principem est hæc Theodosii Iun. constitutio: De necessitate, inquam, eius persequendæ, quidque facto tum opus sit, quo contra abstinendum sit: aduersus temerarios videl. hinc appellatores, inde flagitatores.

Igitur interpositam appellationem apud Principem persequi litigatores iubet Imperat. nisi medio tempore transegisse se demonstrent. Sola igitur transactio inter partes, legitima causa est non persequendæ apud Principem appellationis. Quid enim post causam transactione sopitam, extinctam, ultra vel pars vel Princeps laboret?

Extra hunc igitur casum, quæ secunda huius l. sententia est, iubentur appellatores *Consultationes Iudicum*, id est, Relationes eorum, vna cum Refutatoriis seu supplementis partium, gestisque omni-

bus (de quo fuerunt complures *leges* superius) quantocius auribus Principis intimare, id est, ad eius scriinia, cognitionemque perferre: Quantocius, inquam, temporis tamen præscriptione non addita, quam repete ex leg. 8. 29. 31. 32. 34. 65. supra: Vt ita Responsa seu Rescriptum Principis impetrare possint legibus consentaneum; ad plenam videlicet Consultationem & Instructionem.

Postremo capite, vetantur litigatores ad Comitatum venire intra annum, flagitandi videl. seu sollicitandi Rescripti ergo: confirmata in hoc Valentiniani lege 34. sup. vel potius Theodosii M. qua hæc anni præscriptio inducta est l. 47. sup. quam probauit quoque Honorius l. 54. sup. Notandæ igitur quatuor hæc *leges* hanc in rem, de cuius instituti ratione dixi ad d. l. 34.

De Non RECEPTA appellatione; vel Apostolis denegatis, querimonia intra quod tempus facienda sit.

LXVII. (a) Idem AA. Asclepiodoto (b) PF. P. Post alia.

SI appellationem oblatam, in qua, vel Tux Amplitudinis, vel Vrbane Præfecturæ Sacrum Auditorium postulat, (c) Iudex non susceperit, vel suscepta appellatione Apostolorum (d) copiam denegauerit, ad deponendam super hac iniquitate querimoniam, necnon etiam conueniendum aduersarium, (e) ex prolata (f) sententia, iuxta antiquum ius, anni metas habeat litigator. Vel si huiusmodi appellatio suscepta non fuerit, in qua Inferiorum (g) Iudicium Sacra desideratur Auditio, ad hæc eadem facienda sex menses habeat litigator. Si vero Arbiter appellationem suscipere, aut Relationem (h) dare contempserit, quatuor mensum (i) tempora obseruentur: Vt his quæ statuimus actitatis, pareat appellator temporibus, quæ de appellationibus definita noscuntur, &c. Dat. III. Kal. April. Constantinop. Asclepiodoto & Mariniano Coss. [423.]

NOTAE.

(a) L. 31. C. Iust. eod. tit. Iungenda autem huic lex ult. infr. de reparat. appellat. & l. ult. sup. de fructib. & litimis expensis. GOTHOFR.

(b) Asclepiodotus PP. Orientis sub Theodosio Iun. vid. Profopogr. ID.

(c) Id est, ad te, vel ad P. V. appellatur. ID.

(d) De his Apostolis vid. & l. 18. 61. sup. Mox *relatio* vocantur vers. si vero aliter. ID.

(e) Male Accursius (quod iam Cuiacius notauit XXIV. Obseru. 29. & Recit. in Cod.) aduersarium hic intelligit ipsum Iudicem contra quem appellauit. Quem refutat & hic locus. Querimonia enim Iudicem spectat: conuentio, aduersam partem. Etiam refutat, lex ult. infr. de repar. appell. quæ huic iungenda: ibi, *ad conueniendos eos quos pulsas intentio*. ID.

(f) Ex

(f) Et hic (quod etiam recte Cuiacius notauit) nugatur Accutius: *ex prolata sententia*, est, ex die probate sententiae. *ID.*

(g) *Inferiores* hi Iudices qui sint? mox dicam. *ID.*

(h) Supra *Apostoli* vocantur. *ID.*

(i) Ita semper hoc Codice: *mensum*, C. Iust. *ID.*

COMMENTARIVS.

QVERIMONIA seu contestatio de NON RE-
CEPTA per iniuriam a Iudice, appellatione,
vel Apostolis denegatis intra quæ tempora facienda
seu contestanda sit, varie definitur hac Theodosii Iu-
nioris lege; quæ maioris constitutionis de Iudiciis
pars est: pro varietate scil. Iudicum a quibus, & ad
quos appellatum. Quam & ipsam varietatem in re-
parationibus appellationum sequitur *l. ult. infr. de
repar. appell.* quæ huic una cum *l. ult. supr. de fructib.
& litis exp.* coniungenda est. Scil. non vnum ge-
nus Appellationis fuit: modo enim ad Illustres ap-
pellabatur, puta Præfectum Prætorio & Præfectum
Urbi (de quo dixi ad *l. i. supr. vid. & l. 23. Cod. l. de ap-
pell.*) Modo ad Spectabiles, qui *b. l. Inferiores* (Illu-
stribus scil. quod Accutius etiam recte vidit, Iudices
vocantur: atque horum quoque sacrum Auditori-
um fuit) veluti Proconsul, Vicarius. Modo ad
Clarissimos seu Iudices ordinarios, non sacra vice,
verum iure ordinario, puta a Iudicibus delegatis,
seu Arbitris datis: Igitur primo casu, annus (ex iure

antiquo) competit: Secundo, sex menses: Tertio,
quatuor. Quo maior scil. est Iudex, & quo terro-
rem vimque intentare magis appellanti potest, eo
maius quoque spatium illi ad querelam interpone-
ndam seu iniuriam contestandam dari debet: vi-
ceuersa, eo minus breuiusque, quo minor Iudex est
& inferior, minorque Potentatus ratio. Effectus
autem istius contestationis *sine l.* subiicitur: nempe,
vt post eam deum factam appellatio introducatur,
seu tempora appellationum computentur: & vt *finè
leg. vn. D. de libellis dimissor.* dicitur, id appellanti
non noceat. Quare labitur Glossa in *d. l. vn.* cum
ait, effectum contestationis huius hunc esse, vt ma-
ius tempus indulgeatur: quem errorem tamen ipsa
ad *d. l. 31.* emendat. Sane enim hic laxum tempus
ad contestationem faciendam tribuitur aduersus Iu-
dicem a quo appellatur: at enim post contestatio-
nem factam appellator temporibus appellationum
diserte parere *huius l. finè* iubetur.

*De appellatione in causis PRIVATÆ rei a RATIONALI per Africam:
ad quem ea fieri debeat.*

LXVIII. (a) Imp. Theod. & VALENTINIANVS AA. Celeri
suo Sal. (b)

IN Priuatæ rei causis, præter Pensionum & Competitionum negotia, de ceteris ti-
tulis ex appellatione a Rationalis iudicio Proconsulem oportet cognoscere: *salua enim
nostra reuerentia Maiestatis, ius nobis cum priuatis non dedignamur esse commune.* Dat. V. Kal.
Mart. (c) Rau. Post Conf. Felicis & Tauri VV. CC. [429.]

NOTAE.

P. 179.

(a) Abest & hæc lex a *Cod. Iust.* velut abrogata, deque abrogatis competitionibus agens: Iungenda ei, *lex 34. supr. de an-
nona & tribut.* & *lex 185. 186. infr. de decurionibus.* GOTHOFR.

(b) *Celeri suo*: Ita quoque *d. l. 34.* at expresse *d. l. 185. 186. Proconsuli Africæ*: idque etiam ex parte ostendit hæc ipsa
lex: de eodem vid. Augustini *ep. 210. 237.* (sive *Ep. 56. 57. Edit. Benedicti.*) & *Protopogr. ID.*

(c) Ita quoque *d. l. 34.* at *d. l. 185. 186. V. Kal. Maii. ID.*

COMMENTARIVS.

ARATIONALI REI PRIVATÆ, per Afri-
cam (nam de eo proprie hæc lex est, de quo
vid. & *Notit. Imp. fol. 140.*) ad quem appellari debeat,
hac constitutione definit Valentinianus III. Placi-
dix F. Quæ maioris constitutionis de Re tributa-
ria, deque Pensionibus priuatæ rei portio est: vt do-
cet *lex 34. supr. de annona & trib. & l. 185. 186. infr.
de decur.* quæ huic coniungendæ sunt.

Quo in argumento occupatæ sunt octo præterea
leges puta ad quem a Rationali appellari debeat,
lex 14. 18. 28. 39. 41. 45. 46. 49. supr.

Igitur titulos hac leg. distinguit Valentinianus;
id est, diuersitatem causarum, in quibus de Re Priuata
Principis agitur, scilicet de omnibus titulis (exceptis
Tom. IV.

tantum duobus negotiis pensionum & competitio-
num) a Rationali ad Proconsulem Africæ appellari
vult: addita, vt elegantissima, ita ciuilitatis plenis-
sima ratione, *salua enim nostra reuerentia Maiesta-
tis, ius nobis cum priuatis non dedignamur esse
commune.* Nempe vt ceteroquin Clementissimi
Principes iura eadem sibi dici quæ priuatis patian-
tur (de quo multa in *Oratione Regiæ*: & ad *leg. 2.
supr. de testam.* vid. & *leg. 4. ult. infr. de itinere mu-
niendo*) ita in eodem cum priuatis foro appellationes
quæ se contingunt, agitari patitur Valentinianus III.
in eodem inquam foro, in quo & priuatæ causæ &
appellationes agitantur. Cui similis quoque est
Valentiniani Iun. *l. 41. supr.* Sane (quod notari cu-
pio)

pio) hoc ipso anno 429. idem iterum Valentinianus celeberrimam & civilissimam *leg. 4. C. Iustin. de legib.* in eandem sententiam emisit, de *isovoxia* inter Principem & Priuatos: Digna vox est maiestate regnantis, legibus alligatum se Principem profiteri: adeo de autoritate Iuris nostra pendet autoritas & reuera MAIUS IMPERIO est submittere legibus principatum: Et oraculo præsentis Edicti, quod nobis licere non patimur, aliis indicamus. Vbi *Maius Imperio* dixit Valentinianus: quomodo & Symmachus *lib. 10. ep. 54. Amari, coli, diligi, MAIUS IMPERIO EST.* De fisci alioquin cum priuatis exæquatione plura alibi notata: vide saltem *leg. 3. supr. de iure fisci.* De Iuliano Marcellinus *libro 25. cap. 4. Æquata fisci iurgia cum priuatis.* de Traiani quoque hanc in partem modestia, Plinius *Panegyric. c. 36.* De Seueri & Antonini, *§. ultim. Inst. quibus mod. testam. infirm.* Theodosii M. Symmachus *lib. 2. epist. 13.* Anthemii *Novella de bonis vacantibus.*

Excipiuntur tantum hic duo tituli, seu duo nego-

tiorum & causarum genera: puta Pensionam, & Competitionum, in quibus appellationes non ad Proconsulem fieri vult Valentinianus. *Pensiones* sunt, quæ ex emphyteuticis & patrimonialibus prædiis priuatæ rei inferuntur: de quibus *libro decimo supra.* *Competitiones* sunt petitiones bonorum vacantium, caducorum, quæ a Principe petebantur: de quibus fuit *supra* peculiaris *titulus lib. 10. de petitionibus & vltro datis: & seqq. aliquot.* In his igitur duobus negotiis appellationes ad Comitum R. P. proculdubio intentari voluit Valentinianus Tertius: de ceteris, ad Procons. Africæ. Ratio differentie eruenda nunc est. Quæ mihi isthæc videtur: Nempe, quod pensionum negotia non nisi apud Com. R. P. recte instrui possint, non etiam apud Proconsulem: vt pote cum peculiaris harum rerum cura & notitia penes eum esse, bonorumque vacantium & caducorum fisco delatorum, peruestigatio & incorporatio, ad eum pertineret: de quo vid. *Paratitlon, de petit. & de incorporat.*



P. 290.

DE REPARATIONIBVS APPELLATIONVM. TITVLVS XXXI. LIB. VII. COD. IVST. TIT. LXIII.

De Temporibus & reparationibus appellationum, seu consultationum. Respondet huic titulus 6. lib. 2. de Temporum cursu & reparationibus denunciationum: quem consule: Des Reliefs d'Appel.

P A R A T I T L O N.

REPARATIO, *l. 1. 2. 3. 4. 5. 8. & l. ult. b. tit.* reparatio appellationis, *Rubr. h. t.* est beneficium (vnde, beneficium reparationis, *l. 64. supr. de appellat. l. 4. b. t.* beneficium iuris, *l. 27. hoc tit.*) instaurandæ appellationis, iustis ex causis (vnde *instauratio* pro reparatione appellationis, *l. 7. b. tit.* & præsidium instauracionis, *d. l. 7. b. t.*) quæ præfinito tempore (de quo *superiore titulo*.) non perorata desertaque fuit. Nam si quis in iudicio superatus, & prouocationis auxilio se defendens, *l. 1. b. t.* sententiam prouocatione seu appellatione suspendens, *l. 3. b. t.* dicendi negotii temporibus excussus fuerit, *l. 7. b. t.* temporibus fuerit euolutus, *l. 1. b. t.* exhaustum spatium, *l. 1. b. t.* euoluta curricula fuerint, *l. 4. b. t.* præfinito tempore iudicium non obseruauerit, *l. ult. b. t.* lapsus seu temporum lapsus inciderit, *l. 2. 3. 8. b. t.* negotium non persecutus fuerit, *l. 2. b. t.* post lapsum nihilominus *l. ult. b. t.* redintegrari, *l. 1. 4. b. t.* reparari causam, *l. 5. b. t.* seu tempora, *l. 6. b. t.* postulare, *l. 1. 3. 7. 8. b. t.* potest, *l. ult. h. t.* potest.

Si videlicet, sine eius studio *l. 3. b. t.* id euenerit; si causas idoneas comprobauerit, *l. ult. b. t.* ex iustis causis, *l. 4. b. t.* veluti si ob necessitatem publicam, vel iudicis aegritudinem, *l. 3. b. t.* vel occupationem, *l. 4. b. t.* si copiam ad iudicia veniendi hostis seu perduellio obsepfit, *l. 7. b. t.* si aegritudo, vel occupatio actuum publicorum aliarque necessitates, quas Iudex aut litigator differre non potest, fuerint: *l. ult. b. t.* vel si negotii patronus (id est, Aduocatus) cognitis adfertionibus temporali, seu fatali die, adesse non poterit: *d. l. ult. b. t.*

Id vero postulare appellator intra certa TEMPORA, *l. ult.* intra certas temporum metas, *l. 1. b. t.* debebat. Puta, intra tres menses, *l. 1. 3. 4. 5. 6. 7. b. t.* si videlicet in sacro Audi-

Auditorio, vid. *l. 11. de appellat.* (vbi dixi) causa appellationis ageretur *l. 3. 4. 5. b. t.* (veluti in Iudicio Præfecti Prætorio, *l. 1. 6. 7. b. t.* Præfecti V. *l. 3. 4. 5. b. t.*) puta appellatione a Iudice seu Rectore Prouinciæ facta *l. 1. b. t.* Intra triginta vero dies, *l. 1. 3. 8. b. t.* si coram ordinariis Iudicibus a Iudicio magistratuum *d. l. 1. hoc tit.* id est, Duumvirorum, & nominatim, si a nominatione ad Curiam quis appellauerit. *d. l. 8. b. t.*

Intra quod quidem ipsum tempus mox petita reparationis tenorem, *l. 8. b. t.* impetratum, *l. 3. b. t.* in aduersæ partis, *l. 8. b. t.* aduersarii, *l. 3. 6. b. t.* notitiam perferre debebat *l. 6. 8. b. t.* per denunciationem ex more celebrandam, *l. 6. b. t.* breuiter, redintegrata denunciare, *l. 4. b. t.* conuentionem tradere, *l. 5. b. t.* alioquin si (ea tamen forma obseruata quæ præscribitur *l. 5. b. t.* vid. & *l. 9. in fin. b. t.*) aduersarius iudicium obire neglexerit, eo absente negotium examinabitur, *d. l. 5. b. t.*

Reparatio autem quatuor mensium dabatur *l. vn. infr. si pendente appellat.* vbi dicam; pariter vt in reparatione denunciationum, *l. 1. supr. de temporum cursu.*

Cæterum post iteratum (id est, reparatum) ita temporis lapsus, *l. 2. b. t.* seu primam hanc reparationem, *l. ult. b. t.* nulli reparatio. *l. 2. b. t.* seu reparatio secunda, *d. l. ult. b. t.* indulgebatur: nisi ex eadem causa: puta, si non studium, aut culpa, sed ægritudo Iudicis, vel Reipub. interueniens negotium ne persequeretur obstitit: *d. l. 2. b. t.* intra tempora, de quibus vid. *d. l. ult.* Certe post secundam reparationem nulla alia ulterius reparatio deponci poterat *d. l. ult. in fin.*

P. 285.

I. (a) Imp. VALENTINIANVS & Valens AA. ad Mamertinum. PF. P. (b)

SI possessor, in Iudicio (c) superatus, prouocationis auxilio se defenderit, & temporibus fuerit euolutus, intra mensem tertium redintegrari sibi exhaustum postulet spatium: Id ni (d) fecerit, dictam in eum volumus manere sententiam. Similis etiam ratio ex iudicio Magistratuum (e) esse debet: tamen vt in eo artiores metæ temporum feruentur: intra triginta enim illic dies reparationem poterit adipisci, ne sententiam impositam rerum effectus conpetens subsequatur. Dat. Id. Octobr. Veronæ, diuo Iouiano & Varroniano Coss. [364.]

NOTAE.

- (a) Absunt a *Cod. Infr.* omnes huius tit. leges, prælata Nouella Theodosii Iun. quæ est *lex 2. eod. tit. GOTHOFR.*
 (b) Mamertinus sub Valentiniano Sen. PP. Italiæ, Illyrici, Africæ, v. *Prosopogr. ID.*
 (c) Iudicis videlicet Ordinarii, de quo mox plura. *ID.*
 (d) Ita quoque *l. 3. infr.* restituendum, *Ac ni &c. ID.*
 (e) Duumvirorum, de quo mox. *ID.*

COMMENTARIVS

VALENTINIANI Sen. *quinque leges* de Reparatione Appellationum ordine sequuntur. Et hac quidem, TEMPORA reparandæ appellationi varia pro varietate Iudicium, a quibus appellatum fuerat, definiuntur: pariter vt *l. 3. 4. 5. 6. 7. hoc tit.* Et quidem minora, prout Iudices maiores aut minores sunt, a quibus & ad quos appellatum: Scilicet Appellatio a sententia Iudicis ordinarii seu Rectoris prouinciæ ad sacrum Cognitorem, intra tres menses reparari debet; *hac l. & dictis legib. & l. 63. 64. supr. de appell.* si sententia Magistratus seu Duumviri vel etiam Pedanei Iudicis apud

Iudicem ordinarium intra triginta dies *hac l. & dd. II.*

Nempe Iudicii appellatione *hac l.* Iudex seu Rector Prouinciæ ordinarius designatur, vt innumeris aliis huius *Cod.* legibus. Item Magistratum appellatione, *hac l. & infr. l. 3.* Duumviri intelligendi sunt; quo sensu & *lege 12. supr. de appellat. & passim infr. tit. de decurion.* a quibus videlicet ad ordinarios Iudices appellatum docet *d. l. 3. infr.* ac proinde eos inuicem *ibidem* separât, & Pedaneis Iudicibus istos coniungit, de quibus ad *eam legem.*

II. (a) Idem AA. ad Symmachum P. V. (b)

ET si post iteratum (c) temporis lapsus nulli reparationem (d) præscriptio Legis indulgeat, tamen his iuris beneficia (e) subueniunt, quorum non studio aut culpa, sed ægritudo Iudicis (f) vel Reipublicæ interueniens negotium, ne persequerentur, obstitit. Dat. XIV. Kal. Marr. Med. Valentiniano & Valente AA. Coss. [365.]

NOTAE.

- (a) Abest hæc *lex* una cum cæteris *huius tit.* a *Cod. Inst. GOTHOF.*
 (b) *Symmachus* hic est *Symmachi Epistolarum* Scriptoris Pater. Vid. *Prologogr. ID.*
 (c) Id est, reparatum, v. l. ult. *infr. ID.*
 (d) Secundam. *ID.*
 (e) Ita quoque l. 7. *infr. ID.*
 (f) *Cognitoris* apud *Symmachum. ID.*

COMMENTARIUS.

SECUNDA reparatio nulli iure ordinario datur, quod hæc *lex* docet: Secunda, inquam, reparatio, non appellationis tantum, verum & denunciationis, id est, non tantum ad secundam instantiam persequendam, verum & ad primam: l. 1. *supr. de tempor. cursu & repar. denunci.* quæ *lex* *Constantini M.* est, quam & hæc *lex* indicare videtur, illis verbis, *prescriptio legis.* Sane eius apertissime meminit *Symmachus lib. 10. ep. 52.* vt ad d. l. 1. plenius ostendi. Et hæc tamen *Valentiniani Senioris constitutio* iusta causa excipitur, puta si ægritudine Iudicis, vel ob negotium Reipublicæ appellatio semel reparata iterum lapsa fuerit: pariter vt *Theodosii Iun. constitutio.* Huc sane pertinet integra *Symmachi Epistola 52. lib. 10.* sic quidem, vt & huius *legis* meminisse videri possit, his verbis; ad *Valen-*

tinianum Iun. Ad hoc parentum Numinis vestri Diuorum Principum protulit sanctiones, quæ inter reliquas exceptiones reparationem iurgantibus tribuunt, si per COGNITOREM causa labatur; & mox; Cum igitur recentiora scita Diuorum Principum cunctis negotiis reparatione subuenerint, si forte a Iudice deferantur, &c.

Et hæc quidem ita si ægritudine Iudicis, quod hæc l. expresse ait, vel etiam cognitore potestate Iudiciaria excidente, & successore ei dato; vt in p. 123. Specie, quam *Symmachus* tractat. Aliud vero fuerit, si culpa Iudicis causa fuerit lapsa: tum enim Iudex æstimatione litis multatur ex *Constantini constitutione, l. 2. supr. de tempor. cursu.* quam memorat & confirmat idem *Valentinianus l. unie. infr. de secundo lapsu.*

III. (a) Idem AA. ad Olybrium P. V. (b)

SI in Sacre Cognitionis examine audientiam necessitas publica vel ægritudo Iudicis abnegauerit, intra tres menses reparatio postuletur: atque in aduersariorum notitiam impetrata reparatio perferatur. Ac ne (c) vtrumque (d) intra hos tres menses fuerit effectum, sententia quam appellator prouocatione suspenderat, conualescat. Quotiens vero a Magistratibus, (e) Pedaneisque Iudicibus dicta sententia appellatione suspenditur, super qua disceptatio, non Auditorii Sacri, sed Ordinariorum Iudicum cognitione tractanda est, cuique duo (f) ad peragendum menses causarum vrgentium conclusione tribuuntur, si forte sine appellatoris studio prædictus lapsus inciderit, intra triginta dies reparatio postuletur. Dat. XIV. Kalend. April. Treu, *Valentiniano & Valente AA. (g) Coss.*

NOTAE.

- (a) Abest, vt dixi iam, hæc *lex*, vt cæteræ *huius tit.* a *Cod. Inst. GOTHOF.*
 (b) *Olybrius P. V.* Romæ sub *Valentiniano Sen.* v. *Prologogr. ID.*
 (c) *vg. Ni.* vt l. 1. *sup. id ni fecerit. ID.*
 (d) Puta, postulatio reparationis, & impetratæ aduersario intimationis. *ID.*
 (e) Id est, Duumuiris, vt l. 1. *supr. ID.*
 (f) v. *Paratilon supr. de appellat.* ac nominatim *legem 41. eius tit.* sed & l. 10. 19. *eiusd. tit.* Item l. 2. *infr. de decurion. ID.*
 (g) *vg. Secundum*, vt sit *anno 363.* Imo supra in inscriptione reponendum *AAA.* cum *Gratianus* anno iam superiore *A.* factus sit. Vid. *Consular. Theodos. & Ammian. Marcellin. lib. 27. c. 6. ID.*

COMMENTARIUS.

SENTENTIA huius *legis* eadem est, quæ *legis l. 1. supr.* Triatantum singularia in ea notentur.

Primo, non tantum intra trimestre reparationem appellationis postulandam (quod vtiq; iam l. 1. cautum fuerat,) verum etiam intra idem tempus eam aduersario denunciandam: quod & ipsum rursum cauetur eiusdem *Valentiniani constitutione* ad eundem *Olybrium P. V.* Anno proximo 369. l. 4. *infr.* (de cuius denunciationis forma est pariter

lex 5. 6. infr.) Idemque cauetur l. ult. *supr. de temporum cursu & repar. denunci.*

Secundo obseruandum, de *Pedaneis* Iudicibus hæc l. idem caueri, quod de Magistratibus, id est, Duumuiris, vt hæc l. ita d. l. 1. *supr. de Pedaneis*, inquam, Iudicibus, quorum mentio quoque fit l. 2. *supr. de off. Rector. prou. l. ult. infr. de excus. artif.* id est, Arbitris datis ab ordinariis Iudicibus, de quibus Arbitris l. 63. 67. *supr. de appellat. & l. ult. inf. hoc tit.*

cul *d. lex 67.* iungenda est; a quibus Arbitris seu delegatis Iudicibus ideo ad delegantem iure ordinario appellatur.

Postremo obseruandum, appellationi causarum peragendæ duos menses præstitutos fuisse cau-

farum vrgentiam: quantum numero & fiscales ac nominationum causæ sunt: quam in rem expressa est *lex ib. 19. 41. & 63. supr. de appellat. l. 2. infr. de decurion.*

IV. (a) Idem AA. & Gratianus A. ad Olybrium P. V. (b)

SI qui ex iustis causis (c) quæ Diuorum Parentum (d) nostrorum Constitutionibus comprehensæ sunt, per occupationem eius Iudicis, qui est in Sacro Auditorio cogniturus, ad reparationis possunt beneficium pertinere, trium mensum (e) tempus in utroque (f) custodiant: scilicet, vt prius quam id possit elabi, & redintegrent euoluta curricula, & redintegrata denuntient: aut certe, cauillatione submora, his quæ statuta sunt, obsecudent. Dar. XIII. Kal. Iul. Altaripa, (g) Valentiniano NB. P. & Victore Co s s. [369.]

NOTAE.

(a) Absent, vt iam dixi, hæc *lex*, vna cum cæteris a *Cod. Iust. GOTHOFR.*

(b) *Olybrius* P. V. Romæ Valentiniano Sen. v. *Presopogr.* vt *leg. superior. ID.*

(c) Quas repetere ex *Paratilo*, & *l. 2. supr. 5. 7. ult. infr. ID.*

(d) Intelligit Constantinum M. & Constantium. *ID.*

(e) Ita semper ferme *Cod. Theodos. ID.*

(f) Ita pariter *l. 3. supr.* vbi dixi. *In utroque:* id est, & in impetranda reparatione, & in redintegrata denuncianda: vt etiam ex *fin. legis* liquet. *ID.*

(g) Vid. mox *Commentar. & Chron. Theodos. ad an. 369. ID.*

COMMENTARIVS.

P. 183.

SENTENTIA huius legis eadem est quæ partis primæ legis 3. *supr.* Neque quidquam habet peculiare: nam & hæc *lex* est de causa lapsa per occupationem Iudicis sacra cognoscentis. Subscriptionem tantum huius leg. notari cupio, quæ singularis est: Data quippe dicitur *Alta-ripæ*: qui vicus etiamnum in ripa Rheni pristinum nomen retinet *Alt-rip*, haud longe supra confluentem Nicri ad confluentem Luteri amnis, inter Nemetes, & Vangiones, de quo Munsterus *Cosmographia lib. 3. cap. 178.* Hunc locum & ipse aliquando vidi eo digressus: locus est editus & tumentis loco, hodieque *Sandberg* dictus. Scilicet author est Amm. Marcellinus in gestis huius Anni *lib. 28. cap. 2.* Valentinianum Rhenum omnem ab exordio Rhætiarum ad vsque Oceanum molibus communiuisse, castraque extulisse altius, & *Castella* turresque asiduas per habiles locos & opportunos, qua Galliarum extenditur longitudo, nonnunquam etiam vltra flumen ædificiis positis, & subrahis Barbarorum finibus, id est, Ale-

mannorum & Francorum. Hinc itaque est, quod Valentinianus etiam *Alta-ripæ*, vt & *Brisiaci* (quod docet *lex 8. supr. de priuileg. eor. qui in sacro Palat.*) constituisse, ex *hoc Cod.*prehenditur. Sane huius *Alta-ripæ* (Rhenanæ) meminit quoque *Notitia Imp. fol. 178.* atque inibi Præfecti militum Martensium inter Nemetes & Vangiones sub Duce Mogontiacensi, circa Annum D. 427. Ergo & ibi Romanorum *Castrum* ad speculandum opportunum: cuius meminit & Rupertus Senior Elector Palatinus in diplomate dato MCCCCLXXX. Nulla vero eius mentio in *Itinerario Peutingeriano*, quod ante hanc leg. scriptum est. Alia ab hac est *Alta-ripæ* in Valeria, cuius mentio in *Itinerario Antonini*, quam cum hac confudit Munsterus. Hæc denique *lex* diligentiam Cluuerii fugit, cum de *Alta ripa* ageret: imo & Freheri *Origin. Palatin. c. 14.* non & Ortelii in *The-sauro*, quem tamen falli tradidit, minus consulto hoc *Cod.* idem Freherus.

V. (a) Idem AAA. ad Olybrium P. V. (b)

IN speculis agat is (c) aduersus quem in Sacro Auditorio causa reparanda est, & an intra tres menses reparationem aduersarius mereatur, (d) exploret, ac statutum scitis Triumphalibus (e) diem sedulus in iudiciis litigator obseruet. Incumbat quoque Appellatori cura, vt si aduersarius ex loco, quem habitare consuevit, forte subterfugiat; pergat cum Officio (f) publico, hominique (g) eius, quem in loco reppererit, conuentionem tradat, ad aduersarium perferendam: Idque iragatum esse Curator (h) aut Magistratus (i), rescribi (k) publici, vel actorum testificatione confirmet. Quibus impletis, si is, cuius conuentio curata est, iudicium obire (l) neglexerit, ferat hanc desidæ contumaciæque multam, vt vrgens negotium ipso quoque absente dicatur, diligentique iudicantis

cantis examini (m) sententia proferatur ea, quam æquitatis ratio & iuris præscripta dictauerint. Dat. XVIII. Kalend. Septembr. Altino (n) Valentiniano & Valente IV. (o) A. A. COSS.

NOTAE.

- (a) Absit, ut iam dixi, hæc *lex*, una cum cæteris *huius tituli*, a *Cod. Iust. GOTHOFR.*
 (b) Olybrius P. V. Romæ iam tertia hæc Valentiniani *lex* hoc *tit.* inscribitur: de eo vid. *Profopogr. ID.*
 (c) Litigator aduersarius. *ID.*
 (d) Petas, impetrare mereatur. *ID.*
 (e) Intelligit suas *leges* 1. 3. 4. *supr. ID.*
 (f) Officium publicum. *ID.*
 (g) Homini, id est, actori colono &c. v. *sup. de conductor. & hominib. Dom. Aug. ID.*
 (h) Curator Reipublicæ: de eo *mox. ID.*
 (i) Magistratus, id est, Duumvir, ut l. 1. 3. *supr. ID.*
 (k) *Rescriptum* publicum. *ID.*
 (l) Obire iudicium, est iudicio se sistere. *ID.*
 (m) *vsq. Ex animi. ID.*
 (n) Forte *Alcio*: ubi & data *lex* 3. de actorib. & procurator. *ID.*
 (o) Malim II. id est, A. D. 368. quo, ut & A. 369. Olybrius P. V. fuit, non A. 373. *ID.*

COMMENTARIUS.

DVÆ Cautelæ in negotio reparationis appellationis hæc l. continentur: prior in fauorem eius pro quo sententia lata est: altera in fauorem appellantis. Nempe priori ingeritur, ut exploret, inque speculis agat, num intra præscriptum *TEMPUS*, trium videl. mensium, appellator postulet Appellationis reparationem, in sacro Auditorio agitandæ: de quo tempore præter hanc legem est pariter *lex* 1. 3. 4. *supr. l. 5. 6. 7. infrâ*; veluti apud Præfectum vrbis; de quo est quoque *l. 3. & 4. sup.* quæ eidem Olybrius P. V. inscribuntur. Hoc inquam primum *huius leg.* caput est: Alterum in fauorem appellatoris, quomodo *NUNCIATIO* reparatæ appellationis faciendæ sit absenti aduersario: de qua denunciatione fuit quoque iam *l. 3. sup.* erit & *l. 6. inf.* itemque *l. 8. & 9.* Nempe qui reparationem appellationis obtinuerat, eam aduersario significare tenebatur. Verum, quia aduersarius aliquando subterfugiebat ab eo loco, ubi habitare consueuerat, ne sibi videl. reparatio denunciaretur, præscribit hæc *leg.* Valentinianus formam Denunciationis faciendæ absente aduersario & quid posthac facere Iudex

debeat: Nempe i. si aduersarius absit, appellator ad domum denunciare debet. Quomodo? Scil. cum Officiali publico, homini, id est, actori, colono &c. eius conuentionem tradere oportet ad aduersarium perferendam; Idque ita factum, apud Curatorem vel Duumvirum seu Magistratum municipalem profiteri oportet: ut cæteroquin professiones aut testationes apud hos factæ: ut docet quoque *lex* 2. *infr. de Canone frum. V. R.* Ut ita horum scripto actorumque testificatione res probari possit. Quæ quidem forma denunciationis faciendæ absenti obseruanda. 2. Effectus vero eius hic est, ut videl. aduersario sese iudicio non sistente causa appellationis *movetur* iudicari possit. Quæ ordinaria alioquin est absentis legitime citati vel denunciati pœna. De eadem sensisse videtur *lex ult. inf. 3.* At quæ sententia? Non utique semper contra absentem, sed quam æquitatis ratio & iuris præscripta dictauerint. Aliter atque definitur a Valente *l. prox.* nempe latam sententiam roborari, atque in executionem semel iudicata transire.

VI. (a) Idem AAA. ad Modestum PF. P. (b)

REPARATIS intra mensem tertium, ex (c) priore lege, temporibus, in notitiam hoc ipsum aduersarii per denunciationem, ex more celebrandam, iubemus sine dilatione perferri: scilicet, ut interiectorum spatiorum dinumeratione seruata, ad debitum (d) partibus (e) iudicium reuertantur. Quod si is cui reparata sunt tempora, ultra dinumerationem crediderit differendum, lata aduersus eum sententia roboretur, atque in executionem semel iudicata ducantur. Dat. VI. Id. Dec. Constp. Valentiniano & Valente IV. AA. CONS. [373.]

INTERPRETATIO. *Lex ista hoc præcipit, ut si quis videtur iniuste in causa sua victus, reparatis ante tertium mensem temporibus, quæ appellationi videntur fuisse concessa, statim hoc ipsum in aduersarii sui notitiam deducere procuret, & intra tempora quæ appellationi constituta sunt, de hoc ipso negotio is qui appellauit, ut sibi credidit competere, agere non moretur. Quod si facere neglexerit, sententia quæ aduersus eum lata fuerat perseueret, & data executione in omnibus compleatur.*

NOTAE.

- (a) Abest & hæc *lex*, vna cum cæteris *huius tit. a Cod. Iust. GOTHOF.*
 (b) *Modestus PP.* Orientis sub Valente Imp. vid. *Præfopogr. ID.*
 (c) Id est, secundum, iuxta priorem Constitutionem: cuiusmodi nulla Valentis anterior occurrat, verum Valentiniani *leges* superiores Collegæ & fratris. *ID.*
 (d) Legitimum constitutum. *ID.*
 (e) Sustineri possit; sed malim, *partes. ID.* Cod. Gorhan. *ad diuinitatem partes iudicium reuocatur. RITTER.*

COMMENTARIVS.

VALENTIS Imp. hæc constitutio de Reparatione Appellationum: qua continentur tria capita. Primum, de *Denunciatione* reparatæ appellationis intra tertium mensem: de quo ad superiores *leger.* Secundum, vt denunciatione facta, partes ad iudicium appellationis veniant, seruata interdictorum spatiorum dinumeratione. Nempe post

denunciationem factam, ad sistendum se iudicio partibus certa tempora dabantur, pro ratione interdictorum spatiorum: de quo ad *tit. de denunciat. supr. lib. 2. & tit. de Temporum cursu & reparat. denunciat.* Tandem nisi is, qui reparationem impetrauit, intra tempora illa se se luerit, sententiam confirmari & executioni tradi iubet.

VII. (a) Imppp. GRATIANVS, Valentinianus, &
 Theodos. A A A. ad Siburium
 PF. P. (b)

SI possessor, (c) primis dicendi (d) negotii temporibus excussus, intra tres menses instaurationem non potuerit postulare, ob id quod copiam ad iudicia veniendi hostis obreperat, (e) iuris beneficium (f) eiusmodi occasionem (g) non perdat; sique, depulsis perduellionibus, (h) hæc prima litium rerumque reparatio, vt cum primum adiri potuerit Sacra Cognitionis Auditor, cognitis causis, præsidium (i) amissæ instaurationis indulgeat. Dat. III. Non. Decemb. Treu. Auxonio & Olybrio Coss. [379.]

NOTAE.

P. 285.

- (a) Abest & hæc *lex*, pariter vt cætera *huius tituli a Cod. Iust. GOTHOF.*
 (b) *Siburias PP.* sub Gratiano *Galliarum* scil. vt alibi ostendo; imo & ostendit argumentum *legis*, de quo mox. *ID.*
 (c) Ita quoque *l. 1. in pr. sup. ID.*
 (d) Id est causa appellationis peragenda. *ID.*
 (e) *γρ. Obseperat. ID.*
 (f) Ita quoque *l. 2. sup. ID.*
 (g) *γρ. Occasione, vel per occasionem. ID.*
 (h) *γρ. Perduellionibus*, vt habet *Edir. in 4. ID.*
 (i) *Supra, hac ipsa l. & l. 2. beneficium. ID.*

COMMENTARIVS.

GRATIANI Imp. hæc constitutio est, de Reparatione appellationis ad sacrum Auditorium intra tres menses; superioribus *constitutionibus* Valentiniani & Valentis plene conformis: ad quas dixi. Atque vt reparationis petendæ iustas causas proponunt *lex 3. & 4. supra*, ita & *hac leg.* proponit Gratianus iustam exceptionem non petita reparationis; si videlicet intra tres menses reparationem non potuit postulare ob id, quod copiam ad iudicia veniendi hostis *obseperat* (ita enim legendum.) Depulsis enim *perduellionibus*, seu hostibus, Iudex, qui vice sacra cognoscit, seu Iudex appellationis, cognita hac causa præsidium amissæ vel omissæ reparationi indulgere debet, & sic appellationem reparare. Et hæc quidem vt æquisima exceptio est, ita conformis veteribus XII. Tab. exceptioni-

bus causisque vadiimonii deferendi. Cæterum ex horum temporum historia illustranda est hæc *lex*. Nempe quos Gratianus *hostes & perduelliones* hic vocat, *depulsosque* indicat, sunt ii proculdubio Alemanni & Sueui, quos Gratianus hoc ipso Anno & tempore composuit: teste Ausonio *in gratianum act. c. 3. Socrate lib. 5. cap. 6. Sozomeno, lib. 7. cap. 4.* Hinc est, quod ipso Anno & tempore Ausonius huius anni Consul scribit, a Gratiano, *uno pacatum anno & Danubii limitem & Rheni.*

Atque istud inter cætera notetur, quæ facta constituta post debellatos iam repressosque hostes, de quibus in *Paratitlo de re militari.*

VIII. (a) Imppp. THEOD. Arcad. & Honor. AAA. Victorio (b)
Proconf. Afia.

QUOTIENS CUNQUE in his negotiis, quibus aliqui ad Curiam deuocantur, primus temporum lapsus inciderit, intra triginta dies, sub ea definitione, qua cautum est, reparatio postuletur, & (c) petita reparationis tenor in aduersæ partis notitiam perferatur. Dat. VIII. Kalend. Mai. Constantinop. Arcad. A. II. & Refino Coss. [392.]

NOTAE.

(a) Et haec lex abest a Cod. Iust. Iungenda huic est lex 125. inf. de decurionibus. GOTHOFR.

(b) Victorius Proconf. Afia sub Theodosio M. v. Prosopogr. ID.

(c) Vt. ID.

COMMENTARIUS.

THEODOSII M. hæc constitutio est de reparatione Appellationis, in negotio NOMINATIONIS ad Curiam, de quo appellationis genere a nominatione superiorum tit. l. 10. 12. 19 53. & l. 2. 8. inf. de decurion. l. 4. 7. u. Cod. Iust. de appellat. haud aliter atque in aliis negotiis. Quare & hac parte eadem reparationis petendæ intra XXX. dies, & impe-

trata denunciandæ, lex & conditio esse debet, quæ in cæteris negotiis, ubi ex Iudicio Magistratum appellatur, l. 1. in f. & l. 3. in f. sup. Idque nominatum hæc Theodosii M. constitutione cauetur, quæ maioris constitutionis, pro Curiarum commodis latæ pars est, ut docet lex 125. inf. de decurion. quæ huic est coniungenda.

IX. (a) Impp. HONOR. & THEOD. AA. Asclepiodoto (b)
PF. P. Post alia.

APPELLATORIBVS, qui præfinito tempore iudicia non obseruauerint, hæc tempora custodienda sunt, ut si contra Arbitri definitionem fuerit appellatum, lapsumque prouocator incurrerit, tempora (c) priscis (d) statuta legibus obseruentur: Secunda reparatione, quam prouocanti ab Arbitro Serenitas nostra concedit, in ea quidem prouincia, in qua iurgium ventilatur, & in contigua tres menses, in vltiore autem, quatuor menses habitura. * Si vero sententiam Iudicis prouocatio obiecta suspenderit, cum Sacri Cognitoris tribunal appellatur, post lapsum ad primam reparationem petendam tribus mensibus statuendis, si in eadem vel proxima prouincia eius aduersarius commoretur, quatuor vero si in vltiore consistit. In secunda vero reparatione, quam a Iudice appellantibus Serenitas nostra præstare consuevit, illi quidem qui post lapsum intra tres quatuorue menses, sicut statuimus, non poposcerit reparationem ab eo cui Sacri auditorii cognitio deberetur, transacto dierum spatio designato, tres alios menses indulgimus ad impetrandum, allegandumque Rescriptum, & ad conueniendos eos, quos pulsat intentio. Ita ** tamen, ut tam in prima, quam in secunda reparatione, sicut iam diximus, causæ idoneæ comprobentur, hoc est, aggritudo, vel occupatio actuum publicorum, aliaque necessitas, quam Iudex aut litigator differre non potuit, vel si negotii patronus cognitis adfertionibus temporali (e) die adesse non potuit. Clarum *** autem fieri volumus, post secundam reparationem, aliam vltius nullo modo posse deponci. Et **** in omnibus reparationum generibus formam custodiri, quam super his dedimus, qui se, ne conueniantur, ex reparatione subtraxerint. Dat. III. Kal. April. Constantinop. Asclepiodoto & Mariniano Coss. [423.]

NOTAE.

(a) Abest & hæc lex a Cod. Iust. Iungenda huic est lex pen. sup. de appellat. & l. ult. sup. de fructibus & litis expensis. GOTHOFR.

(b) Asclepiodotus PP. Orientis sub Theodosio Iun. v. Prosopogr. ID.

(c) An XXX. dies, an vero 3. menses. ID.

(d) Valentinianis, l. 1. & 3. sup. b. t. & hac potissimum. ID.

* Secunda sententia, de appellatione a Iudice ordinario seu Rectore Prouinciae. ID.

** Tertia sententia, de causis idoneis primæ & secundæ reparationis. ID.

(e) Id est Fatali die & vltimo. ID.

*** Quarta sententia de Tertia reparatione deneganda. ID.

**** Postrema sententia, de poena sese subducentis, in hoc reparationis negotio. ID.

COMMENTARIVS.

THEODOSII Inn. hæc lex est, de Reparationibus Appellationum: quæ pars est proximioris Theodosianæ constitutionis: unde duæ adhuc *leges* desumptæ supersunt, puta *lex penult. supr. de appellationib. & l. ult. supr. de fructibus & litis expensis*, quæ proinde huic coassandæ veniunt, velut vnius & eiusdem constitutionis partes: Qua quidem constitutione Theodosius *Iudiciorum retractationi* iustum modum præfinitum iuit: partim aduersus Iudicium iniquitatem, appellationes non recipientium; quo spectat *d. l. penult. de appellat.* partim aduersas litigatorum contumaciam finito negotio, super expensis seu sumptuum nomine actionem ex Rescripto forte intentantium: quo pertinet *d. l. ult. de fructib. & litis expens.* Denique reparationi appellationum iusto modo imposito: *Temporibus* videlicet præfinitis ad reparationem petendam, eamque quandoque iteratam: *Causis* idoneis ad id impetrandum expressis: *Tertia* item reparatione denegata: Postremum, reparationis iudicio, seu cognitioni sese *subducentibus* occurrendo: Quæ quidem quatuor sunt *huius l.* capita, quinque sententiis comprehensa.

Quod primum caput attinet de temporibus ad reparationem petendam, ita distinguit Imperator: vel contra sententiam appellatum est, de qua appellatione ab Arbitris seu peiæneis Iudicibus, fuit quoque *lex 63. 67. supr. de appellationibus*: & *lex 3. supr. hoc titulo*, & prima reparationi postulat: & tum tempora præcis legibus statuta observari vult: id est intra dies 30. post lapsum, reparationem postulari: quod & ipsum Valentiniani lege, scilicet *d. l. 3. supr. hoc tit.* Arcadii *d. l. 63.* Si vero secunda reparationis postulat, tum in eadem prouincia & in contigua tres menses dantur: in vltiore, quatuor menses. Et hæc de appellatione ab Arbitro. Si

vero a *Iudice*, id est a Rectore prouinciæ appelletur ad Sacrum Cognitoris tribunal; tum ad primam reparationem postulandam tres menses statuuntur, si videlicet in eadem prouincia, vel in proxima aduersarius commoretur: si vero in vltiore, quatuor. Ad secundam vero reparationem, tres alii menses. Vbi differentia variæ notanda sunt, inter Arbitrum & Iudicem: inter primam & secundam reparationem; inter contiguas seu proximas prouincias, & vltiores. Et hæc de primo capite.

Secundum caput est de *Causis* ad impetrandam siue primam siue secundam reparationem. Idoneas igitur causas comprobari vult: quas quatuor hic enumerat: de quibus iam *l. 3. 4. 7. supr.* vel a parte litigatorum, vel a parte Iudicis, vel extrinsecus accedentes: imo & a parte Aduocati; si videlicet Patronus negotii, id est Aduocatus, cognitis adsertionibus, id est cognito causæ statu temporali, id est fatali die & vltimo, (summum dixit Symmachus *lib. 10. ep. 52.*) præstituti temporis adesse non potuit. Quæ omnia & circa vadimonia, & denunciationes reparationesque earum obtinent: de quo *lex XII. Tab. tit. D. si quis cautionibus*: & *tit. de eo per quem factum erit*: & *sup. tit. de temporum cursu & reparat. denunciat.*

Tertio capite post secundam reparationem aliam & tertia omnino denegatur.

Postremo capite occurritur his, qui ex reparatione se subtrahunt: id est qui cognitioni de reparatione cum reparatio postulat, vel postulata est, adesse nolunt, eamque defugiant: Qua parte Imp. eam formam custodiri vult, quam super his iam dedit, non aliam proculdubio vel similem illi, quæ præstituitur *l. 5. supr.* vbi vid. quæ dixi: & indicatur *l. ult. supr. de temporum cursu & repar. denunciat.*



DE SECVNDO LAPSV.

TITVLVS XXXII.

I. (a) Impp. VALENTINIANVS, & Valens AA. ad Volusianum P. V. (b)

SI culpa Iudicis gemino labfu causa fuerit euoluta, iuxta Diui Constantini præceptum, † ipse ad redhibitionem eius æstimationis, quanto res valet de qua iurgium est, debet adineri. Dat. III. Non. Septembr. Med. Valentiniano & Valente AA. Coss. [365.]

NOTAE.

(a) Abest & hæc lex a *Cod. Iust.* GOTHFR.

(b) Volusianus P. V. Romæ sub Valentiniano Sen. vid. *Prologogr. ID.*

† Constantini M. *lex 2. supr. de temporum cursu & repar. denunciat. ID.*

COMMENTARIVS.

QUAMADMODVM SECVNDO LAPSV, id est reparata semel causa, si euoluta fuisset, ex Constantini M. constitutione nulli reparatio secun-

da dabatur: puta si facto litigatoris euoluta fuisset, ut docet *lex 2. supr. de temporum cursu*. Symmachus *lib. 10. ep. 52.* Sed & indicat *lex 2. supr. de repar. appellat.*

ita ex eiusdem Constantini constitutione si id culpa Iudicis euenisset, Iudex litis æstimatione multabatur, quod hæc *lex* docet. Et vero de eo est Constantini constitutio l. 2. de tempor. cursu & reparation. denunciat. At Valentinianus Senior, ut prius illud abrogandum credidit, d. l. 2. supr. de reparat. appellationum, ita posterius hac l. confirmat. Scilicet, ut æquum non est, nulla litigatoris culpa, verum vi aliqua maiore lapsa secundo lapsu causa, secundam denegari reparationem; quod etiam Theodosius Iun. agnoui, l. ult. supr. de repar. appell.: ita reparationem tribui superfluum est: ubi Iudicis culpa

intercedit; quinimo iniquum foret, aduersus Tertium litem resuscitari, ubi alia via litigatori consultum esse potest & Iudex ipse multandus venit.

Cæterum potest hæc *lex* pertinere, pariter ut *lex* 2. supr. & *lex* vn. infr. tit. prox. non minus ad temporum cursum primæ instantiæ quam appellationis, & sic ad reparationes denunciationum; non minus quam reparationes appellationum.

In h. l. interim obseruetur descriptio, seu definitione eius, quod vulgo alioquin dicitur, Iudicem litem vel causam suam facere, l. 2. 3. infr. quorum appellat. non recip. ubi vide quæ dicam.



DE DILATIONIBVS EX CONSENSV. TITVLVS XXXIII.

I. (a) Impp. ARCAD. & Honor. AA. Africano P.V. (b)

COGNITIONES omnes, quotiens consensu partium differuntur, ultra duos menses differendi non habeant (c) potestatem: ne paulatim libera dilatione concessa, ætates plerumque iurgantium veteriosis (d) litibus consenscant. Dat. III. Kal. Maii, Constantinop. Arcadio IV. & Honorio III. AA. Coss. [396.]

P. 288.

NOTAE.

(a) Abest & hæc *lex* a Cod. Iust. GOTHOFR.

(b) *Africanus* sub Arcadio Imp. Praef. Urbis Constantinopolitanae, cui inscribuntur hoc ipso Anno *lex* 13. inf. de annoniis ciuicis: l. 1 & 2. infr. de decurion. l. 3. supr. de pradiis Senator. Ut omittam alias A. 395. & 397. v. Protopogr. ID.

(c) Partes scil. ID.

(d) Ita Symmachus lib. 10. ep. 32. Curiosam litem dixit, & ep. 52. curiosum Iulianum. ID.

COMMENTARIVS.

QUAMDIU cognitio omnis, siue denunciationis scilicet seu primæ instantiæ, siue appellationis (nam de utroque iuxta hæc *lex* accipi potest, non minus quam *lex* 2. supr. de reparat. appellat. & l. vn. supr. tit. prox.) consensu partium differri possit, definit hac constitutione Arcadius Imp. Nempe cognitionem iudiciumque, labente fatali tempore, seu temporum a lege præstitutorum cursu, ex consensu partium differri seu prorogari posse dubium non est, idque litigatoribus licuit: quomodo & cæteroquin iuri pro se introducto renunciare licet. Et hac tamen Arcadii constitut. isti partium siue consensui, siue dilationi, fibula adhuc seu modus quidam imponitur, puta, ut ne ultra duos menses differendi cognitionem & fatalia habeant litigatores potestatem. Nempe, ut ius aduersarii sententia quæritum, reparata lite ultra quatuor menses trahi minus æquum visum est, ita ipsa litium semel terminandarum contemplatio facit, ut ne quidem consensus partium reparatam denunciationem siue litem ultra duos menses differre seu prorogare possit. Illud priuata ipsius

victoris contemplatio suasit: hoc litium protrahendarum odium, & publicæ utilitatis ratio extorsit; Ne (ut hæc *lex* eleganter loquitur) paulatim libera dilatione concessa, ætates plerumque iurgantium veteriosis litibus consenscant. Quod quidem etiam ad eam quæstionem facere potest, quæ vulgo quæritur ad l. ult. §. ult. C. I. de tempor. & repar. appellat. Nouell. 93. c. 1. de appell. & Auth. si tamen: Cod. Iust. de tempor. appell. vitrum fatale seu decendium interponendæ appellationis, consensu partium prorogari possit: quam alioquin tractant Glossa in c. cum sit Romana, in verbo, recis, de appellat. & in Auth. offeratur, verbo, viginti. Mynsingerus lib. 1. obseru. 68. Gayllius lib. 1. obseru. 139. num. 6. 140. num. 8. Mazanta de appellat. num. 230. 241. Guido Papæ decis. 115. & 240. Papon Arrest. lib. 19. t. 6. num. 3. Iason decis. 475. Quare tuto dixeris, ex h. l. quam nemo adhuc obseruauit, modicam dilationem seu prorogationem ex consensu ferri: in longiorem vero diem & vagam pro libidine partium, quæ ætates litigantium

atte-

alterat, non item. Et sane eo quoque inclinant consensu fieri. Et vero hoc tempus bono publico finiendam litium causa salubriter praestitutum Laudenſis, ubi intereſt Reipub. dilationes hoc ex hac lex aperte indicat.

DE HIS, QUI PER METVM IUDICIS NON APPELLARVNT. TITVLVS XXXIV. LIB. VII. COD. IVST. TIT. LXVII.

I. (a) Imp. Constantinus A. ad Vniuerſos Prouinciales.

IN insulam deportandi sunt, cum amiſſione omnium facultatum, quæ fiſco addicendæ sunt, hii qui prouocatione omiſſa litem reparare temptauerint, contra Comitum (b) ceterorumque ſententias, qui vice noſtra iudicauerint; firmantes, (c) *ſe per metum appellationis omiſſæ* (d) *auxilium*: in qua re vel noſtrum, (e) vel Praefectorum Prætorio (f) ex noſtra erit iuſſione iudicium. Dat. Kalend. Aug. (g) PP. Kalend. Septemb. Baſſo & Ablauio Coſs. [331.]

F. 239.

NOTAE.

- (a) Abest hæc lex a Cod. Iust. pariter vt lex prox. Iungendæ huic sunt lex 16. 17. *ſupr. de appell. lex vn. ſupr. de litigioſis* & lex 3. *ſupr. finium regundorum*: Imo & l. 4. C. Iust. *de iuriſd. omnium iudicium*: lex 3. C. *eod. de offi. Reſtoris prouinc.* Tandem & lex 1. *ſupr. de offi. Reſt. prouinc.* & lex 2. C. Iust. *ubi in rem actio exerceri.* GOTHOFR.
(b) De iisdem Comitibus agitur d. l. 16. & d. l. 1. *ſupr. de offi. Reſt. prou.* & d. l. 3. C. Iust. *de offi. Reſt. prou.* & d. l. 4. C. *eod. de iuriſd.* deque iis plenius egi ad *eam* l. 16. *ſd.*
(c) Ita quoque l. 2. *infr. pro, affirmantes.* ID.
(d) *ꝛ Omiſſiſſe.* ID.
(e) Ita l. 2. *infr. aut per me cognoscam.* ID.
(f) De his Praefectis Prætorio, *ſmox.* ID.
(g) Conſtantinopoli, vt habet, d. l. 16. *ſupr. de appellat.* ID.

COMMENTARIVS.

CONSTANTINI M. hæc conſtitutio eſt, de his qui per metum Iudicis ſe non appellaffe dicunt. Quæ quidem conſtitutio inſignioris vereque aurei prolixioris Ediſti Conſtantiniani pars eſt: pariter vt *leges* illæ omnes, quas huic coniungendas eſſe dixi. Ediſti inquam Conſtantiniani, quo Conſtanti- nus Iudicum & Iudiciorum integritati, ſanctitati, reuerentiæ, ordinique enixo ſtudio conſultum iuit: fundato inter cætera appellationum iure; parte altera reſpreſſa litigantium temeritate, inani obtentu lites retractantium: verum de ediſti iſtius continentia dixi iam plene ad d. l. 16. *ſupr. de appellationib.*

Igitur, vt licitam litigatoribus prouocationem conſtare vndiquaque voluit Conſtanti- nus M. (quod docet d. lex 16. & 17. *ſupr. de appellat.* quæ inter cæteras huic ſunt coniungendæ) ita verſa vice prouoca- tionis auxilium ſpernentibus, poſtea- que inuidiam iudicii Vice ſacra videlicet cognoscenti conſtantibus, apud Principem, ſeuereſſimam pœnam impoſitam voluit, vt *hac* l. ita d. l. 17. ubi eadem deportationis pœna imponitur. Quæ & ipſa Iuliani mens eſt, l. 30. *ſupr. de appellationibus.* Vbi & ratio hæc nomina- tim redditur (quæ & ipſa alioquin ex hoc Ediſto Conſtantiniano colligi poteſt) quod Principibus

Remp. moderantibus, Iudex nullus audeat prouoca- tionis perſugium denegare, & ſi litigatores vim ſu- ſtinerint, publice de eo conteſtari poſſint. Quæ cum ita ſint, atque hac potiſſimum ratione inductus putet quis, omnem omnino Conſtantinum M. metus exceptionem litigatoribus ademſiſſe: non imodo, ſi ſolius poteſtatis metu non appellauerint, verum & ſi Index vice ſacra cognoscentis terrorem ſuum appella- turo obieciſſe dicatur, atque appellationem recipere noluiſſe. Nempe cui proteſtationis vel conteſtatio- nis publicæ, vel apud ſummum Iudicem, vel apud Principem ipſum facultas eſt & relaxatur (quod uti- que Conſtanti- nus relaxat d. l. 16. *ſupr. de appella- tion*) iſperpetuo ſilere debet, vt loquitur d. lex 17. ſi id auxilium conteſtationis ſpreuerit. Atque vt Iudices metum litigatoribus iniicere non oportet, ita li- tigatoribus inuidiæ conſtandæ Iudicibus vice ſacra cognoscentibus occaſio patere non debet, ſi metu ſibi obiecto ſiluerint, & propoſito ſibi Iuris auxilio uti ſu- perfederint. Cui apprimè conuenit Alexandri Seueri Imp. illud in eadem prorfus re, in l. 25. *D. de appellat.* *ἐγκαλεῖσθαι μὲν πᾶς αὐτὸς καλῶντο ὑπὸ τῶν δικα- ζόντων, ἔχ' ὅρα ὅποτε ἐξέσιν ἑτέραν ὁδὸν τρεπό- μενον, αὐτὸ ποιεῖν, καὶ θάττω πρὸς μὲ ἀφικνεῖσθαι*

id est, *Appellare quidem qualiter quis prohibeatur a Iudicantibus non video; quando licet aliam viam tenentem idem facere, & celerius ad me peruenire.* Denique probabile non est aut verisimile, quem metu Iudicis appellare prohibitum, cui maioris Principis aut Iudicis adeundi copia est. Neque albludit etiam ea ratio, quam Diocletianus reddit in *l. 1. Cod. Inst. cod. tit.* *In sacro enim Comitatu nostro timere nihil potuisti: scil. Ibi iusti timoris cessat presumptio, ubi Principis est copia.* Denique huic simillima est ratio Iurisconsulti in *l. ult. D. quod metus caus.* Cum inquit, *potuerit Ius publicum inuocare, & adire aliquem potestate præditum, qui utique vim eum pati prohibuisset.* Quamquam eiusdem legis temperamentum æquissimum videtur, huiusmodi presumptioni debere apertissimas probationes violentiæ oppo-

ni. Et vero videri quoque possit, contra quam antea dicebamus, Constantinus *sine legis* contrariam probationem metus iniectioni admittere: cum in ea re vel suum Principis scil.) vel Præfectorum Prætorio ex sua iussione iudicium esse iubet. Cui etiam congruit Constantii *lex prox.* ubi quod de Præfectis Prætorio addit, notandum est, eiusmodi multa alia ad Præfecti Prætorio partes & dignitatem pertinentia eo Edicto, unde hæc lex desumpta est, comprehensa fuisse; ut apparet ex *d. l. 1. sup. de offic. Ref. prou. l. 3. Cod. l. eod. tit. & l. 16. sup. de appellation.* quæ omnes huic legi coassondæ sunt. Quidquid huius sit, huic legi derogasse videtur Constantius *leg. 2. proxim.* reduxisse eam Iulianus *l. 30. sup. de appell.* De nonnullis vero capitibus, quæ huic legi coassisse videntur, dico ad *leg. prox. 2.*

II. (a) Imp. Constantius A. ad Volusianum PF. P. (b)

SI a Præfecto Vrbi, (c) vel a Proconsule (d) fuerit dicta sententia, eandemque prouocatio minime fuerit subsecuta, præsidium (e) postulare fas erit, *imminente Iudicium metu terribitos se esse* firmanibus (f). Nam quicumque necessitatis huiusmodi laqueis beneficio meo eximi postulauerit, aut per me (g) cognoscam, aut Excellentia Tua (h) impertiam notionem: hac videlicet conditione, qua Vicariorum sententia, quas appellatio non suspendit, ex Diui Patris (i) mei sanctione retractantur. Cum vero *Consularium* ac *Præsidum*, P. 390. aliorumue (k) sententia in querimoniam deducuntur, prioris legis statuta sectanda sunt, quæ similiter certo terrore proposito, auxilium poscentibus detulit. Dat. Kalend. Ian. Med. Arbitrione & Lolliano CONS. [355.]

NOTÆ.

- (a) Absit & hæc lex a *Cod. Inst.* prælata lege Iuliani 30. *sup. de appellat.* de quo mox plura. GOTHOF.
 (b) Volusianus sub Constantio PP. v. *Prosopogr. ID.* Rectius forte P. Vrbi, vid. *leg. 2. de incest. nuptiis.* eod. anno datata & *leg. 18. de Prator. RITTER.*
 (c) Nempe a Præfecto Vrbi quoque appellare licuit, quod præterea docet *lex tit. 23. 30. sup. de appellat. & lex 38. D. de minorib. GOTHOF.*
 (d) Nempe a Proconsule quoque appellari potuit, de quo Tit. *de appellat. sup. ID.*
 (e) Id est, beneficium Principis, ut mox vocatur *seq. vers. ID.*
 (f) Ita quoque *l. 1. sup. ID.*
 (g) Similiter *d. l. 1. sup. in fin. v. & l. 4. sup. de accusation. ID.*
 (h) Præfecti Prætorio, quod inscriptio *legis* docet: quoque *d. l. 1. sup. in fine. ID.*
 (i) Constantini M. & præcul dubio intelligit partem, quæ *legi 1. sup.* cohzerebat, cuius & rursum sit mentio *sine legis. ID.*
 (k) Puta, Correctorum, *ID.*

COMMENTARIUS.

CONSTANTII hæc lex est, de his qui per metum Iudicis non appellauerunt: qua PERMITTITUR litigatori non tantum a Consularium vel Præsidum, vel etiam Vicariorum sententia; verum & a Præfecti V. vel a Proconsulis appellatione interposita, Principi supplicare, litemque adeo retractare, affirmanti se appellationem non interposuisse imminente Iudicium metu territum. Abrogata partim hac parte, partim vero confirmata Constantini M. patris sui constitutione, cuius utique pars fuit *lex 1. sup.* Nempe hæc metus exceptio aduersus sententias eorum, qui vice sacra cognoscerent, puta Præfecti Vrbi & Proconsulis ex Constantini M. constitutione appellabatur, quæ utique *d. legis 1. sententia est.* Atenim, quod hæc lex expresse testatur, aduersus Vicariorum sententias hæc exceptio in-

sta fuit, sub quadam conditione, seu certo terrore proposito. Denique aduersus Consularium & Præsidum vel Correctorum pariter certo terrore proposito. Quæ duo postrema, etsi ex Constantini M. constitutione intercederint, attamen eo ipso quod *lex 1. sup. de Vice sacra iudicantibus* nominatim concepta est, satis indicat, diuersum aliquod ius in aliis a Constantino M. constitutum fuisse.

Singularis hic interim locus est, quo ostenditur, tres Magistratuum gradus sub Constantino M. fuisse, a quibus videlicet appellari poterat; & quidem post Præfectos Prætorio primus gradus fuit, in quo Præfectus V. Proconsules, alique vice sacra iudicantes erant. Secundus, in quo Vicarii. Tertius, in quo Consulares, Præsides, Correctores: & ita quidem, ut circa hos diuersa iura obtinerent. At-

eniam

enim Constantius idem, ius circa Vicarios, atque circa Praefectum Urbis & Proconsulem obtinere iubet. Nam & hi Vicarii quoque vice sacra iudicabant, quod aliquando docuit etiam *lex 16. supr. de appellat.* quae *hys ubi tit.* coniungenda est. Quoniam

vero haec conditio, quis terror hac parte propositus fuerit aliunde non discimus. Quod vero Constantius seipsum, vel Praefectum Praetorio Cognitorem fore pollicetur, id iam illustratum est ad *l. i. supr.* ubi paria continentur.

SI PENDENTE APPELLATIONE MORS INTERVENERIT.

TITVLVS XXXV.

LIB. VII. COD. IVST. TIT. LXVI.

Et sic *Cod. Iustiniano* hic *Titulus* superiorem anteuertit.

I. (a) Imp. CONSTANTINVS A. ad Bassum P. V. (b) Post alia.

CONSULENTIBVS Iudicibus, si (c) debeant, cum de appellatione cognoscunt, litigatoris heredibus, qui ante labsum negotium in lite defecerit, (d) noua tempora prorogare, an eos cogere intra dies reliquos etiam incognitum negotium perorare: placuit, cum de appellationibus iudicatur, altero (e) ex litigatoribus in lite defuncto, menses quatuor innouare, & noua tempora prorogari: ne ignorantēs negotia, vel etiam super adeunda hereditate dubitantes, prius quam aliquod commodum (f) sentiant, damnis (g) adfici compellantur. PP. (h) XIII. Kal. Iun. Sirmio Crispo II. & Constantino II. CC. CONSS. [321.]

INTERPRETATIO. *Si pendente adhuc appellatione mors interuenerit litigatoris appellantis, heredibus eius qui appellauit quatuor menses, ei cuius auctor mortuus est ad tractandum negotium debent praestari, nec eum debere ad dicendam causam precipitari, ne per ignorantiam litis quam non ad integrum tractauit, damnum videatur incurrere.*

NOTAE.

- (a) Lex ult. C. Iust. eod. tit. hinc interpolata est: Iungendaque huic est *lex 3. supr. de tempor. cursu & reparationib. denunciationum. GOTHOF.*
- (b) Bassus sub Constantino Magno Anno Domini 321. P. V. Malim PP. nam neque Bassi P. V. hoc Anno meminit Auctor *Notitia Praef. urbis. ID.*
- (c) Si, pro utrum. *ID.*
- (d) Id est defunctus fuerit: ut mox, in *lite defuncto.* Priores Cuiac. & Sichard. *defecit. ID.*
- (e) Id est, alterutro: pariter ut *d. l. 3.* Hinc apparet male hanc *legem* restringi ad appellatorem, idque ipsum confirmat *d. lex 3. ID.*
- (f) Hereditatis scilicet. *ID.*
- (g) Subeunda scilicet litis. *ID.*
- (h) Dat. in *d. l. 3.* & MS. Goth. & melius: vide *Consularia Theodosiana. ID.*

COMMENTARIVS.

MORTE appellatoris vel appellati, pendente appellatione, interueniente, quae noua tempora heredibus eorum prorogari debeant, atque adeo ipsi negotium perorare debeant, hac Constantini Magni constitutione definitur: Pariter ut alterutro litigatore in prima instantia defuncto, *l. 3. supr. de temporum cursu & reparat. denunciation.* quae huic velut eiusdem constitutionis pars iungenda est. Quanquam de hoc posteriore minus dubitatum videtur, eo quod super eonominatum iam dudum *le-*

ges latae fuerant, quibus aperte continebatur, altero ex litigatoribus in lite defuncto, cursum temporis heredibus esse reparandum, ut disertis verbis dicitur in *d. l. 3.* Atenim num idem obtinere deberet in secunda instantia de eo sub Constantino adhuc dubitatum fuit: deque eo consultus ipse a Iudicibus fuit, quod *initio legis* proficitur. Verum idem quoque obtinere iubet, nempe ut noua tempora heredibus prorogentur, ac non etiam cogantur intra dies residuos negotium perorare. Ratio dubi-

tandi

tandi hæc fuisse videtur, quod iustior causa videatur primæ instantiæ hæredibus novorum temporum prorogandorum quam secundæ instantiæ post litem diu tractam. Verum decidendi ratio hæc reponitur: quod iniquum sit hæredes ignorantes negotium incognitum perquirere, quorum cæteroquin iusta semper est ignorantia. Secundo, quod iniquum sit dubitantes forte adhuc de adeunda hæreditate damnis adfici, & sic litem subire & persequi, priusquam aliquod commodum senserint: Nempe, ut cæteroquin hæreditas cum commodis & damna secum trahit, ita commodum adiitæ saltem hæreditatis prius antevertat necesse est, & damnum commodum postumat, ut Tertullianus loqueretur. Quod postremum ostendit, a die mortis, temporum cur-

sum observatum, id est, tempora reparatæ vel propagatæ litis a morte currere cepisse, quod sane & Constantio aliquando visum fuerat, verum eidem displicuit, *l. 4. seu ult. supr. de temporum cursu & reparat. denunciat.* displicuit & Iustiniano, *d. l. ult. C. iust. eod. tit.* atque ea causa etiam fuit eius interpolandæ: cum aliquin ex hac desumpta sit.

Cæterum quatuor mensium spatium prorogari hæredibus, ut hæc lex docet, ita & *lex 1. supr. de temporum cursu & repar. denunc.* quod & ipsum testatur Symmachus *lib. 10. epist. 52.* Vide & Augustinum *contra Donatistas post collationem cap. 25.* quæ loca iam protuli ad *d. l. 1.* & ad hanc legem accessi possunt.

P. 292.

QVORVM APPELLATIONES NON RECIPIANTVR.

T I T V L V S X X X V I

LIB. VII. COD. IVST. TIT. LXV.

P A R A T I T L O N.

QVORVNDAM appellationes non recipiuntur, de quo iam nonnulla notauimus *Paratitlo de Appellationib.* puta appellantium ante definitivam sententiam *l. 18. 29. hoc tit. & l. 2. 50. supr. de appellat.* Ab articulo seu interlocutoria, *l. 1. 3. 23. hoc tit. & l. 65. supr. de appellat.* exceptis præscriptionibus peremptoriis, *l. 23. 24. b. t. & l. 37. supr. de appellat.* Item exceptis casibus *legis 18. hoc tit.* A præiudicio, *l. 1. 2. 3. 5. 11. 15. 16. 18. 30. b. tit. & l. 2. 25. 40. 44. supr. de appellat.* ab apertura tabularum, & hæredis missione in possessionem, *l. 26. hoc tit.* in interdicto, & quidem quorum bonorum *l. 22. hoc tit.* ab executione, *leg. 2. 3. 11. 15. 16. 18. 25. 30. hoc tit. & l. 25. 39. supr. de appellat.* Reorum item confessorum convictorumque in atrocissimis facinoribus appellationes non admittuntur, *l. 1. 4. 7. 14. 31. ult. b. tit.* videt tamen *leg. 2. 20. 57. 58. supr. de appell.* In fiscalibus quoque causis & rei priuata debitorum manifestorum, *l. 6. 8. 9. 10. 12. 13. 18. 19. 21. 27. 30. 32. hoc tit. & l. 6. supr. de iure fisci.* Vide tamen & *leg. 8. 14. 18. 21. 26. 28. 41. 45. 46. 64. supr. de appellat.* Officialium etiam appellationes prohibita a proprii iudicis sententia, nisi super civili & pecuniario negotio, *l. 17. hoc tit.* Tandem nec in Ecclesiasticis causis, in specie *legis 20. b. t.*

I. (a) Imp. CONSTANTINVS A. ad Ca- tullinum. (b)

Moratorias (c) dilationes, frustratoriasque (d) non tam appellationes quam iudificationes, admitti non conuenit: Nam sicut bene appellantibus negari auxilium non oportet, ita his contra quos merito iudicatum est, inaniter prouocantibus, differri bene gesta non decet (e). Vnde, cum *Homicidam* vel *adulterum*, vel *Maleficum* (f), vel *Veneficum* (quæ atrocissima CRIMINA (g) sunt) confessio propria, vel dilucida ex (h) probatissima veritatis quæstio probationibus adque argumentis detexerit, prouocationes (i) suscipi non oportet, quas constat; non refurandi spem habere quæ gesta sunt, sed ea potius differre temperare, * *qua de variis litibus causisque dissentiant.* Nec temere, nec ab articulis, (k) præiudiciisque (l) nec ab his quæ iuste iudicata sunt prouocare debebunt. Quod si reus (m) in Homicidii, vel Maleficii, vel Adulterii, vel Veneficii crimine, partem, pro defensione sui, ex testibus quæstioneque proposita possit arripere, partem vero obrui accusarique videatur, tunc super in-

posita

posita (n) appellatione, ab eodem qui sibi magis quæ pro se faciant testimonia prodesse debere adfirmat, quamea quæ aduersus ipsum egerint nocere, deliberationi nostræ plenum arbitrium relinquatur. Dat. IV. (o) Non. Nouembr. (p) Accepr. XV. Kal. Mal, Hadrumeri, Volusiano & Aniano Coss. [314.]

INTERPRETAT. In ciuilibus causis, vel lenioribus criminibus, quæ legibus non tenentur inserta, appellationi constituta legibus dilatio præstanda est, & suspendenda est per appellatorem sententia iudicantis: At vero homicidis, adulteris & reliquis, quos lex ista comprehendit, si conuicti confessique fuerint, & appellare voluerint, dilatio denegetur, sed statim in manifestis criminibus conuicti iudicis est sententia proferenda: aut (q) certe de magnis criminibus & maioribus personis ad Principis est notitiam deferendum.

NOTAE.

- (a) Absit hæc lex a Cod. Iust. Iungendaque huic est lex 2. sup. de appellat. & lex 1. sup. de penis: quæ & argumentum utraque responder. Concordat & lex 7. inf. GOTHOF.
2. 193. (b) An Proconsulem Africae, an vero Consulem Byzacene? Vide quæ scribo ad d. leg. 1. sup. de penis. ID.
- (c) Ita pariter moratorie frustrationes, l. 3. inf. moratorie prouocationes, l. 4. inf. ID.
- (d) Ita quoque frustratorie prouocationes l. 9. 10. inf. & moratorie frustrationes d. l. 3. inf. diuturna frustratio, l. 3. inf. Eodem etiam referri potest vox frustrationum l. vn. sup. quorum honor. ID.
- (e) Debent, Sichard. RITTER.
- (f) Vel maleficum, absunt a Sichard. ID.
- (g) Ita habent omnes Edd. vnica Parisiensis postrema excepta, quæ substituit facinora. GOTHOF. Facinora legit MS. G. & Sichard. RITTER.
- (h) Ita omnes Edd. vnica Parisiensis postrema excepta, quæ habet & probatissima. Malim tamen ego, & exploratissima. GOTHOF. Edit. Sichard. & probatissima. MS. G. vel ad lucidam & probatissimam veritatem. RITTER.
- (i) Appellationes, Sichard. ID.
- * Sequens sententia corrupta est, & forte etiam irrepticia: nisi putemus hæc verba ita reformanda, &c. (id est & cætera) quæ de variis litibus, causisque differantur: vt ita sint hæc verba Conditorum Codicis Theod. resecantium ex integra constitutione, quæ ad hunc titulum minus facerent, de quo Prolegomena plenius docebunt. GOTHOF.
- (k) Vide & leg. 23. 25. inf. & leg. 65. sup. de appellat. Porro idem est ab Article, quod docet & lex 3. inf. & a præiudicio. Quare Græci ad l. 5. Cod. Iust. quor. appellat. quæ eadem est cum l. 25. inf. verba hæc ab articulo, interpretantur κατά διαλόγου. ID.
- (l) Vide de hoc complures alias leges, quas Paratitlon exhibet. ID.
- (m) Quod si rei homicidii MS. G. male. RITTER.
- (n) Referibo super interposita. Tentabam aliquando insuper posita. GOTHOF. super interposita Edit. Sichard. RITTER.
- (o) 7p. III. vt habetur d. l. 2. sup. de appellat. & d. l. 1. sup. de penis. GOTHOF.
- (p) Adde Treueris. ex d. l. 2. & d. l. 1. ID. Treueris, MS. G. & Sichard. RITTER.
- (q) Falsa est hæc interpretatio Aniani, mox vt ostendit Nostra. GOTHOF.

COMMENTARIUS.

CONSTANTINI M. tres hoc titulo constitutiones ordine proponuntur: quibus temerariis & frustratoriis appellationibus occurrit: quibus addendæ sunt & aliæ nonnullæ eiusdem Principis, quæ positæ sunt sub titulo de appellationibus, sup. Et hæc quidem est de atrocissimorum CRIMINVM reis, quando videlicet iis appellandi ius sit vel non: nonnullis etiam aliis inasperis, quæ continentur versiculo, nec temere. Antequam vero de huius l. sententia agimus, notandum est, hanc l. partem esse prolixioris Constantinianæ, unde duæ præterea Leges desumptæ sunt, puta lex 2. sup. de appellationibus, & lex 1. sup. de penis: quæ proinde huic coassandæ sunt: Quæ quidem in argumento Iudiciorum ciuiliū & criminalium versata est: ita quidem vt initio d. l. 2. iuste appellantis consilium eat; sine vero eiusdem l. vt & hac nostra moratoriis & frustratoriis appellationibus occurrat. Quem vtrumque scopum etiam indicat hac ipsa lege, vers. nam sicut. Et rursus ita versata est illa constitutio in argumento Iudiciorum

criminalium: vt tria de his caueat. Primo, quando ad capitalem sententiam Iudex procedere debeat, d. l. 1. de penis: & hac l. Secundo, an post prouocationem a capitali sententia reus in custodia perleuerare debeat, d. l. 2. sup. de appellationibus. Postremum, quando a capitali sententia appellari non possit: quod huius l. argumentum est. Igitur de hoc duæ e tribus huius l. sententiæ sunt.

Prima, Homicidii, Adulterii, Maleficii, & Veneficii crimina: hunc, inquam, atrocissimorum criminum quaternionem constituit, in quibus legitime conuictis, aut confessis appellandi ius denegat; pariter vt eadem ab indulgentia generali excepit, l. 1. sup. de Indulgent. crimin. Nam & ea sola færmæ capitalia crimina fuerunt hoc Constantini æuo; & in his quoque Adulterii crimen, quod ostendi ad l. 1. sup. de penis. Atque hoc ius etiam confirmatum a liberis Constantini, addito & Raptus crimine, l. 4. & 7. inf. itemque Violentiæ, l. 14. inf. Placuit & Theodosio M. l. 31. inf. Displicuit aliquando eisdem

dem Constantini liberis, l. 20. *supr. de appellat.* item-
que Arcadio, l. 57. *supr. de appellat.* & Honorio, l. 58.
60. cod. tit. l. ult. infr. b. tit. Porro in his criminibus
ut appellatoni locus non sit, alterum e duobus
requiritur: puta ut reus *confessus* sit, vel *convictus*:
convictus inquam, id est quem dilucida & probatis-
sima vel exploratissima veritatis questio probationi-
bus atque argumentis detexerit, ut hæc *lex* loquitur.
Quod & ipsum inculcatur l. 4. 7. 14. 18. 31. 33. *seu ult.*
b. tit. Ita quidem ut alterutrum pariter desidere-
tur, d. l. 4. 7. 31. 33. cum de sola convictione agatur,
d. l. 14. vid. & *leg. ult.* sola confessione, d. l. 18. de
quo ad *leg. 7.* De *Confessione* id notandum, eam pri-
mo loco nominari *hac l.* & l. 4. *b. tit.* Convictos
vero primo loco poni l. 7. 31. 33. Omittere non pos-
sum Libanii locum *Orat. in Ellebichum*, p. 532. *Edit.*
Morell. ubi confessorum potiore causam esse ait
quam Convictorum: *ὁ γὰρ ἴσον εἰς ἡλεγχον, ὡν ἡ
μαρτυρία, καὶ ἡ τῆ φεύγοντος αὐτοῦ, ἀλλὰ καὶ
μὲν ἐκείνης, ἴσως ἂν τις εὐεθέη καὶ λόγῳ τὴν
δ' ἂν τις ἀτιμώσαιτο, τὸ τοῖς ἐαυτῶν σῶμασιν
ἐμολογεῖν ἀδικεῖν τὰς αἰτίας θέντας*: Neque enim
æquipollet ad convincendum vox testis & illius, qui
ipse reus est: verum aduersus illam testis delationem,
forsitan ratio quedam comperietur: hanc autem
fugientis reus hautquaquam ullus incusaret, quod

ore proprio fateatur ius violasse eos, qui criminis in-
simulant.

Postrema sententia est de iisdem atrocissimis fa-
cinoribus, ut si reus parte probationum inuictus, par-
te obruatur, arbitrium Principi relinquatur, *super-*
imposita appellatione, vel ut malim, *in super posita*, id
est cessante appellatione, quam utique cessare necesse
est, ubi sententia nulla esse potest, cum disertis ver-
bis Constantinus d. l. 1. *sup. de penis*; sanciat, ut capi-
talem Iudex non proferat sententiam, nisi probatio-
nes in vnum rei finem conspirent & concordent. In-
terim ex his liquet, postremam *huius leg.* partem ab
Aniano perperam acceptam.

Et hæc de Criminalibus causis, a quibus appella-
ri non posse *hac l.* definitur. Alterum vero etiam
Causarum genus hic perstringitur, & plenius d. l. 2.
sup. de appellat. quæ huic coniungenda est: Nempe
a *Præiudicio* appellari non posse: Quod variis sub-
inde constitutionibus interdictum:

A Constantino M. *hac leg.* & l. 2. 3. *inf. b. t. l. 2.*
sup. de appellat.

A Constantio, l. 5. & n. *hoc tit. l. 25. supr. de ap-*
pellat.

A Valentiniano Sen. l. 15. 16. 18. *hoc tit.*

A Valentiniano Iun. l. 40. 44. *sup. de appellat. l. 30.*
hoc tit.

P. 194.

II. (a) Idem A. ad Volusianum P. V. (b)

QUI a *Præiudicio* appellauerit, vel ab *Exsecutoribus* rerum antea statutarum, adque al-
terius (c) auditorii præpropere (d) iudicia poposcerit, triginta follium (e) pœna mul-
tetur, ita ut omnem (f) causam ipse sine dilatione discingas (g): Quippe cum & causam
tuam videaris esse facturum, si per conhibentiam (h) huiusmodi appellationem admiseris.
Si quas sane de omni causa interpositas esse prouocationes perpexeris, in earum disce-
patione obseruare debebis, quod iam † pridem a nobis est euidentissime constitutum.
PP. V. Kalend. Mart. Rom. Constantino A. IV. & Licinio IV. COSS. [315.]

NOTAE.

(a) Abest hæc *lex* a *Cod. Inst. GOTHOFR.*

(b) *Volusianus* sub Constantino M. A. D. 315. P. V. Huius mentio apud Auctorem incertum de Præfectis V. sub duobus su-
perioribus consulatibus. *Constantino*, inquit, III & Licinio III. Consulib. VI. Idus Decembris *Rufinus Volusia-*
nus Præfectus Vrbs. *Volusiano & Aniano COSS.* *Rufinus Volusianus Præfectus Vrbs fuit.* Eumque Præfectum Vr-
bi perstitisse, vsque ad XIII. Kal. Sept. *Constantino IV. & Licinio IV.* idem docet, dum eo die primum *Vettium Rufinum*
Præfectum V. factum scribit. Sane & *hoc Cod.* *Volusiano & Aniano COSS.* ei inscribitur *Lex 1. inf. de nauicul. &*
lex vn. sup. de Inguenit qui tempore Tyranni seruierunt, omissa tamen dignitatis utrobique mentione, quæ tamen et-
iam tum ex argumento seu subiecto, tum ex subscriptione facile suppleri potest. Vide quæ scripsi ad d. *leg. vn. de Inge-*
nuit. ID.

(c) An potius, *altioris*? quod non puto. *ID.*

(d) Id est impudenter, valde propere: ut l. 13. *sup. de re militari: deproperus*: vel sane intempestiue, ut ita ad appellationem
a præiudicio referatur, quomodo *lege proxima, impatienter ab articulo appellari* dicitur; sero autem ab executioni-
bus. *ID.*

(e) De quibus *Follibus* hoc & *lege 3. prox.* accipiendum? Num de 30. æreis, argenteis nummis: an vero denumorum
ἀργαῖοιματι; Alibi fuisse dissero: vid. l. 5. *inf. ID.*

(f) *Omnis causa*, hic, & mox *inf* est causa principalis ut l. 3. *prox.* causa vniuersa. *ID.*

(g) Id est dirimas, decidas: vide *Glossarium* de hac voce: & Iuretum in *Symmachi* 10. ep. 32. & *Sauaronem* in *Sidonii* 2.
ep. 7. *ID.*

(h) Pro, *Conuientiam. ID.*

† Quæcumque hæc *lex* sit, sane hodie non extat, & antiquior *lege 1. sup.* fuerit necesse est, vel quam *lex 2. sup. de appel-*
lat. ID.

III. (a) Idem A. ad Ælianum Procons. Afric.

CVM antehac Lege † de appellationibus data statutum sit, ne quis a *Præiudicio*, vel ab *Exsecutione* interponeret prouocationem, neue huiusmodi appellatio ab his qui vice (b) nostra iudicant admittatur, ne in perniciem plurimorum interpositis a præiudicio appellationibus, vel moratoriis (c) quibusdam frustrationibus interiectis, litigia protrahantur, tamen nunc (d) poenam addi placuit, vt intelligant vniuersi, principalis negotii disceptationes (e), causas suas munire debere, & non ab ipsis quodammodo primæ interlocutionis exordiis, vel ab executionibus prouocare: cum & illis qui impatienter (f) ab *Articulo* (g) appellandum putauerint, post cognitionem totius causæ liceat appellare, & his qui sero ab executionibus prouocant, facultas appellandi minime fuerit denegata (h). Si quis igitur tali vsus appellatione fuerit in Tuo iudicio deprehensus, ipsum quidem triginta follium (i) poena multes: Causam (k) autem vniuersam eius dumtaxat (l), qui a Præiudicio, vel ab Exsecutione temere appellauerit, sine vlla dilatione discingas, cum in nostro auditorio dari minime dilationem oporteat; interpositæ (m) appellationis tempore sufficiente litigatoribus ad perferendam instructionem plenissimam. PP. VI, Kalend. Maii, Karchag. Constantino A. VII. (n) & Constantio Cæs. Coss.

NOTAE.

(a) Adest & hæc lex a *Cod. Iust.* Forte huic iungenda lex 2. *sup. de famosis libell.* *GOTHOFR.*

† An intelligit legem 1. *sup.* & l. 2. *sup. de appellat.* nam & ea pertinent ad Africam. *ID.*

(b) Cuiusmodi est Proconsul Africæ, vt in specie *huius l.* & Præfectus V. in specie *legis superioris. ID.*

(c) Vide leg. 1. *sup.* & quæ ibi dixi. *ID.*

(d) Iam antea l. 2. *sup.* quoque eam addiderat, & quidem eandem poenam. *ID.*

(e) *vs. disceptatione. ID.*

(f) Præpropere, l. 2. *sup. ID.*

(g) *Articulus.* Vid. leg. 1. *sup.* vbi dixi. *ID.*

(h) Olim scil. tempore, antequam ad executionem deueniretur. *ID.*

(i) Eadem poena *sup. l. 2.* constituitur; verum constitutione ad alium emissâ. *ID.*

(k) Similis sententia *sup. l. 2. ID.*

7. 295. (l) *Qui dumtaxat. ID.*

(m) De huius loci sensu mox. *ID.*

(n) Visum in hoc numero inesse puto, & malim reposito *consulatu VI.* hanc legem referre ad annum 320. neque adeo male *hanc l.* coniunxeris cum l. 2. *sup. de famosis libellis. ID.*

COMMENTARIUS.

APRÆIUDICIO, & ab EXECUTIONE appellationem admitti vetat Constantinus M. his duabus constitutionibus, ad diuersos Magistratus & diuerso tempore datis: in eandem tamen prorsus sententiam, nempe ab illis duobus appellari non posse, quod complurimis aliis legibus definitum, tum *hoc titulo*, tum *titulo de appellationib.* de quo ad l. 1. *supr.* ac nominatim ab ipso met Constantino M. l. 1. *supr. vers. nec temere:* & l. 2. *sup. de appellationib.* quæ inter se coniungendæ sunt, & ad quas sese referre videtur Constantinus *initio l. 3.* quandoquidem & illæ ad Africam pertinent: Ac vt eadem duarum harum *Legum* sententia seu prohibitio est: ita & eadem vtrobique poena temere a præiudicio vel executione appellanti imponitur, puta triginta follium multa. (De quorum follium æstimatione *alibi* fuse dico.) Vtraque tamen singularia & peculiaria quædam hanc in rem habet. A *legē 2.* initium faciamus.

In ea igitur primo notandum, pertinere eam ad Præfecturam vrbis Romæ: idque indicari, a Præfecto vrbis regulariter appellari potuisse: quod docet quoque *lex n. 23. 30. supr. de appellat. l. ult. supr. de his qui per metum iudicis:* Nisi potius putemus, quod ipse præfêro argumento postremorum vet-

Tom. IV.

verborum, hic agi non de appellationibus a Præfecto vrbi, verum ab inferioribus iudicibus Romæ & intra Præfecturam vrbis Romæ ad Præfectum.

Secundo id singulare habet *lex 2.* quod Iudex (Præfectus vrbi vt dixi in eius sp.) qui appellationem a præiudicio vel ab executione admisit, litem suam facere dicatur: quod & ipsum postea Valentinianus definiuit l. 16. *infr. hoc tit.* Quare addendus est hic casus cæteris, quibus Iudex litem suam facit. Adde & casum *legis vn. supr. de secundo lapsu:* vbi quid sit *litem suam facere*, recte ita effertur, cum Iudex ad redhibitionem, id est solutionem eius æstimationis quanto res valet de qua iurgium est, adtinetur.

Tertium singulare in *d. l. 2.* est, quod præfecto Vrbs inculcat, quid factu ipsi opus sit, interposita ad eum appellatione a sententia definitiua: qua parte refert se Constantinus ad anteriorem aliquam constitutionem: quæ nupiam comparat.

Nunc de *legē 3.* Singularia hæc habet. Primo, quod poenam attinet, discimus ex ea, poenas in vna Orbis seu Imperii parte ad facti speciem aliquam propositas, non ilico in aliis partibus obtinuisse: Nam etsi per Præfecturam vrbaniam multam 30. follium iam antea statuisset, l. 2. attamen diu post ad alteram facti speciem eandem statuit per Africam: ita quæ-

Qq 2

dem

dem, quasi mutæ primum a se inuentam: *tamen* *NON*, inquit, *pœnam addi placuit*. Nempe quia, etsi antea iam illas appellationes interdixisset, & quidem *l. 1. sup. & l. 2. sup. de appellat.* (quo se hæc *lex* referre videtur) attamen nondum eam pœnam sibi proposuisset.

Alterum singulare est, quod *rationes* exprimit, ob quas a præiudicio vel ab Executione appellare fas non sit: Et quidem vna communis utrique; ne scilicet in perniciem plurimorum moratoriis his, frustrationibus & appellationibus interiectis litigia protrahantur.

Peculiares singulis rationes sequuntur. Nempe ideò a *Præiudicio*, seu ab articulo, & interlocutione (nam hæc tria pro eodem *hac l. 3.* sumuntur, de quo iam aliquid ad *l. 1. sup.*) appellatio prohibetur,

quia post cognitionem totius causæ licet appellare: ut proinde frustra sit, lites rursus interpellari appellatione ab articulo & interlocutione, & sic litigia protrahi, cum simul & semel post causæ exitum appellare liceat, (exceptis tantum casibus qui continentur *lege 18. 23. 24. b. t. & l. 37. sup. de appellat.* de quo ad *dictam l. 18.*) Peculiaris autem ratio, cur ab *Executione* appellare fas non sit, hæc redditur, quod *sero* sit hæc appellatio, cum a sententiæ facultas appellandi pateret. Qui sententiæ semel acquieuit, non appellando, ubi ad eius executionem ventum est, iam sero appellat; & sibi imputet, qui facultate appellandi in tempore usus non est. Tandem ab executione sero prouocatur, ab articulo impatienter, ut *hac lex 3.* loquitur, vel ut *lex 2.* præpropere.

IV. (a) Impp. Constantius & CONTAN AA. ad Catullinum (b).

OPORTVERAT te, publici instituti respectu, *confessione detectos*, legum seueritate punire, nec frustra vitam differentium (c) moratorias (d) prouocationes admittere, sed delatum *Adulterii* crimen, & quaestionibus adhibitis adprobatum, pari sceleris (e) immunitate damnare; Quod deinceps in huiusmodi criminibus conuenit obseruari, ut manifestis probationibus Ad alterio probato frustratoria (f) prouocatio minime admittatur: cum pari similique ratione sacrilegos * nuptiarum, tanquam manifestos parricidas, insuere culleo viuos, vel exurere, iudicantem (g) oporteat. Dat. IV. Kal. Septemb. Constantio A. II. & Constante Cæs. C o s s. [339.]

NOTAE.

(a) Abest & hæc *lex* a *Cod. Iust. GOTHOF.*

(b) *Catullinus* hic *Vicarius* Africæ fuit, quod docent superiore Anno *lex 14. & 26. sup. de Decurion. & lex 2. de honor. codicill. ID.*

P. 296. (c) Tentabat *Maynardus* *litem differentum*, male: de quo mox. *ID.*

(d) Vide & *leg. 1. sup. in med.* ubi dixi, ut & *leg. 3. sup. ID.*

(e) *ꝑꝑ Sceleris*: Immani scilicet sceleri, inmanis damnatio seu supplicium. Quanquam & illud sustineri posse scio. *ID.*

(f) Vid. *leg. 1. & 3. sup. ID.*

* *Legis 30. Cod. Iust. de adulteriis*, quæ alioquin desumpta est ex *l. 2. sup. de adulteriis*, extrema, ex hoc loco de ingenio suo a *Triboniano* interpolata, deformata: quod iam indicauit *Cuiacius*, & post eum *P. Faber*. de quo mox. *ID.*

(g) *Iudicem. ID.*

COMMENTARIUS.

ADULTERII confessis conuictisue appellandi *A*lius denegat *hac l.* *Constans* Imp. quomodo & alias criminum atrocissimorum reis, manifestis probationibus conuictis confessisue in commune appellare non licet: de quo iam ad *l. 1. sup.* In quibus & *Adulterium*, *b. l. & l. 1. sup. l. 1. sup. de penis*, quæ duæ *leges* inter se coassandæ sunt, & *l. 1. sup. de indulg. criminum*: & *l. 7. infr.* Atque ut huiusce criminis odium *Constantinus M.* non vna re & sanctione professus est, *d. l. 1. sup. de penis*: *l. 2. de indulg. crim. l. 1. 2. sup. ad leg. Iul. de adulteriis*: ita & nunc filius eius *Constans*: *Constans*, inquam, *Catullinus* enim, cui hæc *lex* inferibitur, *Vicarius* Africæ fuit: quod discimus ex *l. 24. infr. de Decurionibus*: *l. 2. sup. de honor. codicillis*: quæ *Africa* *Constanti* in Imperii partitione cesserat: qua causa etiam ad eundem *Catullinum Sirmii* constitutus, Anno superiore 338 dedit *legem 5. infr. de operib. publicis*.

Duo porro argumenta odii sui quo *Adulterium* prosecutus est, edit *hac l.* *Constans* Imp. præter appellationis his interdictum. Primum est formulæ atrocitas, qua hoc crimen confodit: Nempe *adulteros sacrilegos* (de qua voce v. & *Baronium A. 339. num. 20.*) *nuptiarum* vocat, quasi sacro sanctissimoque fœdere nuptiarum scilicet violato, quomodo *coniugalia sacra* dicit quoque *Valer. Maximus*. Quod quidem de quibuscunque adulteris hic effertur: ita quoque *canone 98. sextæ Synodi*, ubi *Balsamon pag. 276. Tom. I. Pandect. Can. Guil. Beuereg. & Capitular. libr. 1. c. ult. cuiusdam sacrilegii inflar esse* dicitur apud fideles, si benedictio desponsatæ violetur, altero in matrimonium accipiente alii desponsatam. Et in commune *Hieronymus*, ad *Heliodorum de laudib. vitæ solit. pag. 2. Tom. I. Oper. Edit. Francof. apud Christ. Genscb.* *Sacrilegium* in libidine esse ait; cum quis membra Christi & hostiam viuam placentem Deo, cum publicana

earum libidinum victimis, nefaria collatione violat.

Secundum argumentum est *Pana* atrocitas, quam Adulterio imponit *hac l.* Constans Imp. puta cullei & ignis: Cullei inquam, *tanquam manifestis parricidis*, quod idem addit. De cullei, ignisque poena, quæ vique omnium grauissimæ poenæ sunt, & vtrique quidem parricidio olim posita, quod præter *hanc leg.* docet Paulus, *lib. V. sent. t. 24.* vulgata iam sunt omnia.

Illud tantum nunc videndum est, qua ratione Constans parricidarum poenas Adulteris communes faciat & imponat. Ipse equidem eam indicat verbis illis, *tanquam manifestis parricidis*: verum interpretatione res eget. Nempe ideo, quod spes & securitas omnis parentelæ & cognationis hoc crimine enecetur: matrimoniumque, per quod omnis cognatio, paternitas, & parentela existit, hoc crimine violetur; vt non debeat non eadem poena lui originis & cognationis in ipsa spe enectæ, violatæ, crimen, qua partus inde promanantis cædes.

Porro generalia huius *l.* verba non patiuntur sese restringi ad eos proprie qui plures simul vxores, vel etiam vnam alteri desponsam temerata Sacramenti religione vxorem ducunt, quod ferme censebat P. Faber, *lib. 3. semestr. c. 21.* Etsi idem mox, ea non male, at contra germanam, verbi vim iusta interpretatione ad quoscunque adulteros produci ab interpretibus & Pragmaticis fateatur. Imo enim germana huius vocis, *sacriligorum*, significatio omnes adulteros perstringit; quomodo & alioquin hoc ævo *sacrilégii*, & *sacriligorum* voce huius *Codici constitutionibus* omnes illi indicantur, qui rem quamcunque sacram violant, veluti Leges, iussaque Principum: de quo in *Glossario* plene.

Ad rem. Constans igitur Constantini M. filius adulterio poenam mortis, & quidem atrocissimam, hic imponit: ita tamen vt mortis poenam iam antea impositam fuisse initio *l.* indicet. Quid Constantinus pater in hanc partem sanxit? Mortis poenam adulterio ab ipso primum positam, duo præterea ingerere videntur. Primum, quod Iustinianus *Nouella 134. c. 10.* Constantini constitutionem laudat de poena sanguinis adulterii: vbi tamen sunt qui Iustinianum Constantino M. tribuere putant per errorem quod a filiis eius *hac l.* introductum fuerat: in quibus est & Cuiacius. Deinde quod sub Constantini nomine *l. 30. §. 1. Cod. Iust. de adul.* quæ alioquin desumpta est ex *l. 2. supr. ad l. Iul. de adulter.* hæc sententia extet; *sacriligos autem nuptiarum gladio puniri oportet.* Verum neque hoc argumentum bonum est. Est enim ea sententia Tribonianæ emblemata ex *hac l.* pro parte sumptum; neque enim in *l. 2. supr. de adulterii*, vnde ea *lex 30.* desumpta est, verba illa de poena capitis exstant. Sub Constantino certe, & a Constantino Adulterii crimen inter atrocissima habitum, Homicidioque & Veneficio æquatum, inter Imperii eius statim initia A.D. 314. &c. clare ostendit eius *lex 1. hoc tit. lex 1. supr. de penis: l. 1. supr. de indulg. criminum.* Nulla tamen, specialis eam in rem Constantini constitutio exstat, vnde efficiatur, eum primum poenam sanguinis adulterio inflixisse. Imo etsi Augustinus dilerte scribat, 3. *de ciuit. Dei c. 5.* quod Ro-

mani antiqui adulteras scēminas, quamuis aliqua damnatione, nulla tamen morte plectebant, attamen ante Constantinum quandoque capitale poenam Adulterio positam fuisse, multis exemplis firmatur: veluti sub Diuis Fratribus Apulei testimonio *lib. 9. pag. 177. Edit. Lugd. Bat. apud Ioan. Maire. 1623. in 12. de ne iuris quidem seueritate* (inquit) *Legē de adulterii ad discrimen vocabo capitis.* Alexandri Imp. *l. 9. Cod. Iust. de adulter.* Sed vetustiora illa tempora omittamus, & inter alia Augustum quoque, qui suas leges egrediens adulteros aliquos morte puniuit, vt Tacito discimus 3. *Annal. c. 24.* vt Opilium Marcinum, de quo v. *Capitolinum c. 12.* Ad Constantino propiora accedamus. Sub Diocletiano certe, Maximiano, Constantio, Maximino sollemnis *lex* est, 18. *Cod. Iust. de transact.* *Transigere vel pacisci de crimine capitali, excepto adulterio, prohibitum non est: in aliis autem publicis criminibus, quæ sanguinis poenam non ingerunt, transigere non licet, citra falsi accusationem.* Et Arnobius *lib. 4. aduers. gentes pag. 142. Edit. Lugd. B. 1651. in 4. apud Ioan. Maire.* Homines, inquit, adulteria legibus vindicant, & capitalibus afficiunt eos penis, quos in aliena comprehenderint fœdera genialis se lectuli expugnatione iecisse. Nam quod dicitur *§. 4. Inst. de publ. iudic.* Legem Iuliam de adulteriis, temeratores alienarum nuptiarum gladio punire: id apertum Tribonianæ facinus est: contestatisimum enim est, ex *lege Iulia, arg. l. 18. D. de testib. l. 20. §. 6. D. qui testam. l. 29. §. 1. D. ad leg. Iul. de adulter.* & *l. 17. Cod. Iust. cod. tit. l. 37. §. 1. D. de minorib.* & Iurisprudentia *Digestorum*, adulterii poenam capitis non fuisse, sed relegationis, vel ad summum deportationis: cui rei argumentum præstat præter alia Auctorum loca; quæ aliorum diligentia sublegit, *l. 5. D. de quaest. lex 3. D. de diuortii: l. 11. in pr. D. de adulter. l. 4. §. 7. D. de re militari.* Paulus II. *sent. 26. §. 14. lex 13. de his quæ vt indignis: l. 14. D. de testib. l. 2. §. 3. D. de his qui not. infam.* Quinimo ex *l. 17. 20. 26. Cod. Iust. de adulter.* discere licet, neque sub Valeriano & Gallieno, neque sub Diocletiano semper adulterium capitale fuisse. Et sane apud Cuiacium *Obserrat. VI. u. Græci ad l. 18. Cod. l. de transaction.* definiunt exerte, κατὰ τὴν παλαιὰν νόμον, καὶ τὰς ἐν τῷ Ἐμμορυσίαν, καὶ Γεννογιανῶ διατάξεις, adulterium capitale non fuisse. Quid igitur fiet Apuleii & Arnobii locis, & *legi 18. Cod. l. de transact. & leg. 9. Cod. cod. ad leg. Iul. de adulter.* Quid? Nempe Apuleius & Arnobius, & Alex. Seu. d. *l. 9. Cod. l. capitis discrimen, & capitales poenas, non pro sanguinis poena accipere; verum pro amissione ciuitatis, deportatione, metalli coercitione; imo & Apuleius pro existimationis damno.* Nam & eo sensu capitalis poena accipitur: Modestinus Iurisconsultus, qui inter Apuleii & Arnobii sæculum medius vixit, in *l. 103. de V. S. licet*, inquit, capitalis Latine loquentibus omnis causa existimationis videatur, tamen appellatio capitalis mortis vel amissionis ciuitatis intelligenda est: & certum est capitalium poenarum numero fuisse metalli coercitionem, in Insulam deportationem, *l. 28. D. de penis.* Quare dicendum, ante Constantinum capitalem quidem fuisse poenam: sed ad deportationis poenam ferme processum: & quidem sub Alex. Seuerō, & Diocletiano

clariano: quibus & castitas temporum suorum & coniugiorum pudor cordi fuit, multasque iuris veteris præscriptiones & præstigijs, quibus hæc accusatio eludebatur, fustulerunt, ut ipsimet testantur d. l. 9. Cod. I. ad leg. I. de adulter. l. 28. Cod. eod. de adulter. Superest lex 18 Cod. I. de transaction. quæ sanguinis pœnam sub Diocletiano adulterio positam significare videtur. Verum dicendum, verba illa quæ sanguinis pœnam non ingerunt, a Triboniano addita: Nam Diocletianus & Maximianus hæcenus distinxerant inter capitalia crimina, quæ scilicet caput siue naturale siue civile adimerent, & inter alia publica crimina non capitalia. At Tribonianus capitalia illa tantum ea l. dicit voluit, quæ sanguinis pœnam inferrent; inde igitur factum iam, ut priora illa, excepto adulterio, ad Diocletiani ætatem expensa, non recte opponantur illis, quæ sanguinis pœnam non ingerunt. Ergo initio cum adulterii nullo sensu capitalis pœna foret, postea suo quodam sensu capitalis facta, hæcenus nempe, ut deportationis pœna ei imponeretur, & sic capitalis pœna civili intellectu: At Constantinus tandem naturali intellectu capitalem fecit, sanguinis pœna ei imposita: cuius odium in adulteros iam antea ostendimus. Et certe Chri-

stianæ Religioni, qua is Imperatorum primus imbutus est, id omnino congruit: Et persuadent leges illæ Constantini, quas dixi, biennio post Christianam Religionem susceptam ab eo latæ: quas forte alia specialis præcesserit: Quare his omnibus expensis, Iustiniano fidem habemus, qui Constantinum eius rei auctorem primum facit.

Quod pœnæ ipsius atrocitatem attinet, magna profecto ea, cum cullei & ignis pœna b. l. imponatur. Certe & antea Opilius Macrinus Adulterii reos viuos simul incendit iunctis corporibus, teste Capitolino in vit. c. 12. Et Constantinus ipse viuicomburii pœnam seruo, qui rem cum domina habuisset, imposuit sup. de mulierib. quæ se pro p. seru. At enim neque hæc pœna postea mansit: nam & sub Valentiniano Cethegus Senator adulterii reus delatus ceruice perijt abscessa ut testatur Am. Marcellinus l. 28. c. 1. qui idem scribit eadem pœna fœminas aliquot itidem ob idem crimen affectas tum temporis. Et sub Maioriano relegationis tantum, vel ad summum deportationis pœna cum bonorum confiscatione, inreque cadendi eius si rediret, pœna statuta: vid. Nouellam eius 9. Posteriora nos hic non inemorabimus.

V. (a) Idem AA. ad Albinum Vic. Hispaniarum. (b)

CVM maior substantia (c) litigii sit, a Præiudicio prouocans triginta librarum argenti pondere plectatur: in minoribus etiam negotiis, quindecim pondo argenti exsoluat. Dat. VII. Id. April. Marcellino & Probrino Co ss. [341.]

NOTAE.

- (a) Iungenda huic est lex 20. Cod. Iust. de appellat. vel certe prior eius versiculus ex hac lege a Triboniano pro ingenio suo deformatus est. GOTHOFR.
 (b) Albinus Vicarius Hispaniarum sub Constante Imp. A. D. 341. ID.
 (c) Substantiam litigii vocat æstimationum seu meritum, ut substantia litigii dicitur pariter l. 1. 1. sup. de appellat. substantia iuris, l. 3. inf. sup. de petition. appellationis substantia, l. 21. sup. de appellat. de quo plura vide in Glossario. ID.

COMMENTARIUS.

P. 198.

A PRÆIUDICIO appellantis pœna promodo litis hac lege præstituitur a Constante Imp. Pro modo inquam litis seu ut ipsa l. dicitur, pro substantia litigii: vbi prout scilicet maius est vel minus negotium (nam & in maioribus & minoribus negotiis appellandi facultas est, quod ex hac lege Tribonianus recte colligit, & in legem 20. Cod. Iust. de appellation. transtulit) Nempe triginta librarum argenti multa in maiore negotio a Præiudicio appellanti imponitur: in minore, quindecim: Cum antea di-

stincte XXX. follium pœna seu multa imposita fuisset Constantini M. constitutionibus: Quo etiam argumento XXX. folles ibi accipiat quis pro XXX. libris: Et sic follem, pro libra argenti: Quomodo etiam ex hac lege liquet libram, & pondo, idem esse. De vetita porro appellatione a præiudicio sunt præterea lex 123. sup. l. 11. 15. 16. 18. 30. inf. & l. 2. 25. 40. 54. sup. de appellationib. v. quæ notavi ad dict. l. 1. sup.

VI. (a) Idem AA. ad Leontium. (b)

In civilibus causis appellationis beneficium sæpe sanximus (c), non oportere differri. In Fiscalibus vero, vel Rei privatae causis, hoc est, ob debitum reuendendum, vel munera respuenda, si quis appellare voluerit contra utilitatem fisci vel rei priuatae, appellationem oblatam cessare oportet: nec libellos (d) huiusmodi suscipi, qui, in damna fiscalia, commodum sententiæ latæ aut dilatione suspendant, aut terrore (e) detorqueant. Dat. V. Id. Maii, Antiochiz (f), Constantio III. & Constante III. (g) AA. Co ss. [342.]

NOTAE.

NOTAE.

- (a) Hanc legem ipse Constantius indicare videtur *lege 6. sup. de iure fisci. GOTHOFR.*
 (b) PP. Vide Anno prox. seq. *legem 5. sup. de falsa moneta: & l. 35. inf. de Decurion. & anno abhinc altero, quo & Constantius fuit, leg. 3. infr. de excusat. artificum: & l. 2. sup. de Salgamo hospitibus non praebeundo. ID.*
 (c) Puta *lege 20. sup. de appellationib. inter alias. ID.*
 (d) De his libellis appellationis vide *lege 2. 4. 7. 22. 56. sup. de appellat. ID.*
 (e) Iniecto iudiciis, & quidem terrore appellationis, de quo vide *leg. 55. sup. de appellat. ID.*
 (f) Vide Socratem *lib. 2. cap. 10. & 13. ibidem data hoc ipso Anno lex 33. & 34. inf. de decurionib. ID.*
 (g) *yp. II. Vide Consularia. ID.*

COMMENTARIUS.

FISCALIBUS in causis, itemque *Rei privatae* appellationes suscipi vetat *hac l. Constantius*, pariter ut idem vetat *l. 8. 9. 10. 12. 13. inf. hoc tit. & l. 6. sup. de iure fisci*: quam haec indicare videtur: ut & Valentinianus Sen. *l. 18 19. 21. hoc tit.* Theodosius M. *l. 27. infr. b. t.* Valentinianus Iun. *l. 30. infr.* Honorius *l. 32. b. t.* Aliter, atque aliquando Constantinus M. *l. 8. 14. 18. sup. de appellationib.* Constantius & Constantius *l. 21. 28. sup. de appellat.* Theodosius M. ipse & Valentinianus Iun. *l. 39. 41. 45. 46. 49. sup. de appellat.* Honorius, *l. 64. sup. de appellationib.*

Valentinianus Tertius *l. ult.* Quinimo & Constantius ipse post *hanc l. A. D. 356.* in quibusdam rei privatae fisciue causis appellationes admisit, puta si de bonis vacantibus, caducis, vel ereptitiis ageretur, *l. 26. sup. de appellationib.* quae *lex* coniungenda est cum *d. l. 12 b. t.* De utriusque ratione dico ad *l. 8. 12. b. t. & d. l. 26.* Haec porro *lex*, una cum aliis concordantibus, sunt propriae *de Debitore fisci*, deque vocato ad *Munera publica.* Quid vero interfit inter *causas fiscales, & rei privatae*, docuit *lib. 10. & in.*

VII. (a) Idem AA. ad Hieroclem (b) Conf. Syriae Coeles. (c)

OBSEVARE curabis, ne quis *Homicidarum, Veneficorum, Maleficorum, Adulterorum, itemque Raptorum* (d), argumento (e) convictus, teste superatus, voce etiam propria vitium scelusque confessus, audiatur appellans: Ut enim æquum est, non convictos, neque confessos (quia plerumque accidit, ut fortuna (f) Iudicii argumenta conglutinet (g), quorum similitudine (h) opprimatur reus, qui non possit vera ratione convinci: vel (i) aduersarii calliditas testes subtrahat, qui (k) veritatem audacia vel acrimonia superet) vel confessos, neque convictos (l), (quod (m) sæpe vel repentinae formidinis, vel inpositorum tormentorum cogit immanitas) ut (n) in appellando ceteris etiam reis iure communi, ita & aliena & propria voce depressum non oportet, quod contempserint (o) æquitatem, ac (p) moram tantum usurpandae lucis (q) indebitae, rursus inopportunitates (r) arripe-re. Dat. V. Id. Decemb. Leontio & Sallustio Coss. [344.]

NOTAE.

P. 199

- (a) *Lex 2. Cod. Inst. quorum appellat. non recipiuntur*, hinc interpolata valde est. Et concordat huic, *lex 1. sup. GOTHOFR.*
 (b) *Hierocles* Consulari Syriae coeles sub Constantio. Eidem inscribitur quadriennio post *lex 6. sup. de iure fisci*, quae & ipsa est de appellationibus non recipiendis, & quidem in causis fiscalibus, quaque *lex l. super. 6.* indicari videtur. *ID.*
 (c) *Syria Coele*, prima Syria est, cuius metropolis, Antiochia. Eunapius in *vit. Liban. ab init. pag. 166. Edit. Commelin.* *Ἀντιόχεια ἢ τῆς Κοίλης καλεσμένης Συρίας πρώτη πόλις: Antiochia Syria, quam cauiam nominant, primaria urbs.* Eustathius ad Dionysii *orbis descriptionem* v. 918. pag. 163. *Edit. Oxon. 1710.* *Ἀντη (Ἀντιόχεια) ἢ τῆς Κοίλης Συρίας προσημειμένη. Haec (Antiochia) caui Syriae primaria ciuitas est.* Et perperam in *Indice Schonhouii* p. 83. *Edit. Cellar. ad calcem Festi: Syria Cilicia in qua est Antiochia*, ubi Berterius recte substituit *Syriae Coele.* Ceterum & *lex* proxime seq. triennio post data, Theodoro Consulari Syriae Coeles inscribitur. *ID.*
 (d) Pro his, itemque *Raptorum*, supposuit Tribonianus ista, quae etiam generalius sonant, & quidem ex *l. 14. inf. hoc tit. Itemque eorum qui manifestam violentiam commiserunt. ID.*
 (e) *Argumentis*, ita *Cod. Inst.* ut mox *testibus. ID.*
 * Reliqua quae sequuntur, prorsus a Triboniano immutata sunt. *ID.*
 (f) *Fortuna Iudicis*, id est conditio iudicii. *Fortuna* vox hac in re propria, vid. *Glossarium. ID.*
 (g) *Conglutinari argumenta* dicuntur, cum ex pluribus iudiciis, coniecturis, praesumptionibus inter se coniunctis argumentum aliquod deducitur seu probatio conficitur. *ID.*
 (h) *Similitudinem* hic vocat, vel *verisimilitudinem*, cui mox *vera ratio* opponitur, vel *similitudinem* vocat conuenientiam, correspondentiam & harmoniam argumentorum inter se conglutinatorum. *ID.*

(i) In huius *versiculi* sensum mox inquiram. *ID.*

(k) *Qui*, vel *quo*. *ID.*

(l) Simul. *ID.*

(m) Et de hoc mox dicam plura. *ID.*

(n) *re. Vt in appellando.* Nam cohererent hæc illis, *Vt eum æquum est*. *ID.*

(o) *Contempserit*. *ID.*

(p) *re. Ad*. *ID.*

(q) Ita lege 4. *sup. nec frustra vitam differentum moratorias provocaciones admittere*. *ID.*

(r) *Importunitates* vocat, importunam, inanem & frustratoriam non tam appellationem, quam iudificationem, ut vocatur l. 1. *sup.* quæ huic concordat.

COMMENTARIUS.

CRIMINUM reis legitime *conuictis & confessoris*, ut appellandi facultas a Constantio hac l. negatur: ita non conuictis neque confessoris: rursum non conuictis conceditur.

Hæc huiusce legis est sententia, (cui alioquin concordat *supr. lex 1. h. tit.*) & iuris, & processus criminalis, & elegantiarum, quæ Tribonianus omnia ferme sustulit, plenissimæ: in quæ singula nunc inquirendum est.

Primo quadrigæ criminum, quæ iam lege 1. *supr.* facta fuerat, quantum insuper crimen hac l. iungi observandum est; puta *Raptorum*. Qua voce proprie Raptus crimen Adulterio finitimum (de quo fuerunt duo Tituli libr. IX.) intelligendum mihi videtur: etsi sint qui de omni Rapina quoque accipiant, atque adeo omni violentia, quod suadeat *lex 1. supr. ad l. Iul. de vi*: & *lex 14. infr. hoc tit.* (Vnde etiam Tribonianus translatam sententiam huius legis verbis prætulit.)

Secundo, observandi sunt tres hi gradus reorum; conuictorum & confessorum; conuictorum neque confessorum; tandem confessorum; non conuictorum: de quibus sigillatim.

Primum igitur *conuictis & confessoris* appellatio denegatur; conuictis inquam, argumentis & testibus, vel (ut loquitur *d. lex 1. supr.*) dilucida & exploratissima veritatis quæstione, probationibus atque argumentis. Vbi quæri potest, utrum cumlativæ & copulativæ hæc accipienda sint, ut videlicet non tantum conuictus reus fuerit; verum etiam voce propria confessus, ut appellari non possit. Sane duo suadent copulativæ hæc accipienda esse, ut videlicet non conuictum esse nisi simul confessus sit: Primum, quia vice versa non sufficit confessum esse reum, nisi simul conuincatur, *vers. vel confessor, neque conuictor*: Secundo, quia coniunctivis particulis hæc duo, & quidem duobus locis hac lege coniunguntur; Ibi, *voce etiam propria*: item ibi, *& aliena & propria voce depressum*. Quamquam Constantini lege 1. *supr.* particula disiunctiva a se diuelli videntur; Ibi; *confessio propria, VEL dilucida & probatissima veritatis quæstio*: sic quoque Amm. Marcellinus libr. 14. cap. 9. de Eusebio. Et tandem neque confessus neque confutatus cum abiecto consorte penali est morte multatur, sic etiam Honorius l. 31. *infr. de Episcopis, capitali in conuictos sue confessor reos sententia mouerit vindicandum*. Ut proinde videri possit Constantius diētam leg. 1. retractare: cuius etiam mentem plenius secutus est Iustinianus ea lege, quam hinc alioquin interpolauit, posthabita *d. l. 1. supr. h. tit.* Maneat igitur, ut reo criminis, appellandi ius denegetur, & conuictum & confessum eum

simul oportere. Quod indubitatum adhuc magis erit, si (quod Petro Pithæo in mentem venit) in sequente sententia abundare credamus vocem *non*; atque ita legamus, *Vt enim æquum est, conuictos, neque confessor &c.* quod tamen non admitto. Atenim si de reo damnando quæritur, manifestissimis eum probationibus conuictum sufficit: quod diserte docet *lex 1. supr. de penis*: seu *lex 16. Cod. Iust. eod. tit.* Ibi, *aut sua confessione, aut certe omnium, qui tormentis vel interrogationibus fuerint dediti, in unum conspirantem concordantemque rei suum conuictus sit*. Denique facilius quis damnari potest, si appellationis auxilium ei adhuc superesse possit: at ut id auxilium ei eripiat, maiore opus est cautione: Quamquam & si de damnatione quæritur, Tertulliani dictum est *ad Nationes lib. 1. cap. 3. Confessionem iudicantibus semper esse laborandam*, id est, Iudicem id agere, quantum potest, debere, ut quamlibet reus manifestis probationibus urgeatur & conuictus sit; suum tamen ipse crimen ore proprio fateatur: de quo vide Guilielmum de Benedictis in cap. Raynuius, in verbo, *mortuor. num. 349. de testamentis*: & Masuerum in *praxi, tit. de probationibus §. idem ut delatur*.

Secundus casus est, de reis neque confessoris, quibus appellatio patet; quod apertum habet sensum. In illa tantum inquirendum, quibus Constantius exponit, quomodo euenire soleat, ut quis non legitime conuincatur, seu non manifestissimis probationibus: Primo id accidere plerumque ait, quia (ut elegantissime loquitur) *fortuna iudicii argumenta conglutinet, quorum similitudine opprimatur reus, qui non possit vera ratione conuinci*: Quibus verbis indicat probationes *extrinsecas*, id est, probationes artificiales, cuiusmodi sunt signa, argumenta, exempla, quæ etsi sola & per se non sufficient, tamen adiuncta cæteris plurimum valent, ut loquitur etiam Quintilianus, (qui de his probationibus artificialibus quinque capitibus libr. V. prolixè agit.) Atque hoc est quod eleganter hic *conglutinandi, & similitudinis* verbo significatur; quibus & vera ratio opponitur, quæ per probationes, *intrinsecas* atque in oculos se ingerentes perficitur, puta tabulis, testibus, tormentis, id genus aliis, de quibus itidem Quintilianus *eod. lib.* Altera causa, ex qua quis non legitime conuictus dici possit, his verbis designatur, *quia aduersarii calliditas testes subtrahat, qui veritatem audacia vel acrimonia superet*, ubi reponat quis *superent*: ut hæc sententia videatur, calliditate & dolo aduersarii, vel etiam potentatū testes iudicio subtrahi, ne videlicet testimonio suo alienam causam & innocentiam iuvent, qui utique si in iudicio starent, veritatem omni gratiæ præla-

prælaturi essent, ingenua acrimonia & audacia atque generositate: Nēpe acrimonia fuerit vt testis, ita & viri boni, qui veritatis studio incensus ab eius orbita nunquam recedat: nam & veritati ipsi, vt acritas, ita acrimonia tribui solet τὸ ἀληθὲς πικρόν. Denique Stoicorum scitum fuit, Sapientem, atque adeo virum bonum, acrimonia atque austeritate censerī. Verum hæc interpretatio, non placet, stantibus *huius l. verbis*. Quid igitur? verba illa, *qui veritatem audacia vel acrimonia superet*, ad ipsummet aduersarium referenda sunt: Et quidem ad accusatorem referri posse videantur, hoc sensu, accusatorem id omnibus artibus sæpe agere, ne testes causam possint iuuare, vt ita destitutum testibus ad innocentiam suam probandam reum, & sic veritatem ipsam, superare queat & opprimere, sola audacia & acrimonia fretus, omni opere aduersarium perditum cupiens. Verum malum ipse accipere de ipso met reo, qui testes callide subtrahat iudicio, vt ita audacia sua & acrimonia superet veritatem, atque ita non plene conuinci possit. *Acrimonia* est animi viacitas *δὲ νόμος*, vehementia & subtilitas, quæ sæpe etiam in vitio. Apud Nonium *cap. 2. num. 36*. Næuius, *feri ingenti atque animi acrimonia*, & Accius Neoptolemo, *vim, ferociam, animum, atrocitatem, iram, acrimoniam*. Et sic confidentiæ vicina, quomodo Q. Claudii primo Annal. apud Gell. *l. 17. c. 2*.

Postremus casus est *de confessis quidem sed non conuictis*: nēpe & his condemnatis appellationis auxilium superesse: & rationem geminam reddit.

Primum, quod ad confessionem temerariam sæpe cogit repentina formido: Nēpe ita plerique timidi, vt vel *ultero*, fateantur quidvis, nescio qua Indicum & iudiciorum formidine metuque *hac l. &*

l. 1. §. 27. D. de quaest. iur. Et hæc est repentina formido. Secundo, quia immanitate tormentorum impositorum multi sæpe ad quidvis fatendum coguntur, quo pertinet *lex l. §. 23. D. de quaestionibus*: & *caput Quintiliani 4. lib. 5. Instit.* præter Ciceroniæ loca, & exempla apud Valerium: *impatientia* videlicet tormentorum & doloris. Atque his causis etiam confessis haud illico fides habenda, neque confessiones reorum pro exploratis facinoribus haberi oportet, si nulla probatio religionem cognoscentis instruat, *d. l. 1. §. 17. & 27. D. de quaestionibus*. Denique confessio veritatem & constantiam requirit: quam in rem præterea videnda *lex l. §. 24. D. de SC. Syllaniano*, & inter Pragmaticos Clarus *lib. 5. sentent. §. fin. quest. 55. ac nominatim num. 10. n.* sed & in hanc sententiam aliquam multa Tertullianus *lib. 1. ad Nationes, cap. 2. & cap. ultim.*

Ex huius interim *leg.* præiudicio, iam liquebit deinceps, recte DD. communi consensu teste Bartolo appellationi locum facere, etsi reus sponte seu ultro extra torturam confessus fuerit; quam in rem hic *textus* est expressissimus a nullo dum observatus. Neque quicquam contra mouet *caput, cum speciali 61. §. porro X. de appellat.* quia falsum ibi supponitur, confessum non nisi malitiose suam confessionem retractare; nam (quod & nonnulli e dissentientibus etiam admittunt,) & erronea confessio esse potest, & quod *hac l.* nominatim traditur, formidine repentina, vel impositorum tormentorum immanitate extorta. Proinde falsa eorundem distinctio est, vt satisfaciunt *legi 2. C. iust. quorum appellat.* (quæ ex *hac* alioquin interpolata est) si probatio incipiat a confessione, appellari non posse: si a conuictione, posse. Quare modis omnibus vera est sententia Marantz *tract. de appellat.*

VIII. (a) Idem AA. Theodoro (b) Conf. Syriæ Cœles. (c)

IN *Fiscalibus debitis* (d) nullius prouocationem Tua Grauitas censeat (e) admittendam: nec enim commodum (f) publicum fas est diuturna frustratione (g) suspendi, nec eludendi licentiam callidis fraudatoribus relaxari. Dat. VIII. (h) Id. Marr. Ancyra; Eusebio & Rufino Coss. [347.]

INTERPRETATIO. *In manifestis fiscalibus debitis nulli penitus appellationem debere præstari: quia non oportet publica rei commodum qualibet dilatione suspendi.*

NOTAE.

(a) Hanc *legem* indicare etiam videtur *l. 6. supr. de iure fisci. GOTHFR.*

(b) *Theodorus* consularis Syriæ Cœles sub Constantio, A. 347. v. *Prosopogr. ID.*

(c) Dixi ad *legem superiorem. ID.*

(d) *Manifestis*, quod ab Aniano non male additum: Ita mox *l. seq. perspicui debitorum*, & *l. 1. §. 1. 9. infr. publici*, vel etiam *priuati, dummodo euidentis atque conuicti debiti*: & *l. 21. 27. 30. infr. ID.*

(e) Id est, opinetur esse admittendam. *ID. Sentiat MS. G. RITTER.*

(f) Ita *l. 12. infr. publica utilitate suadente. GOTHFR.*

(g) Vid. *l. 1. 3. supr. l. 9. 10. infr. ID.*

(h) *IV. MS. G. VIII. Sighard. RITT.*

COMMENTARIVS

P. 301.

FISCALIBVS in causis appellationem suscipi vetat Constantius; de quo iam *l. 6. supr.* vbi & con-

cordantes *II. vide.* Ratio tantum hic quæ additur, notanda venit.

IX. (a) Idem AA. (b) ad Cerealem P.V. (c)

CALLIDITATIS (d) auxilio, perspicui (e) debitores *Rei privatae nostrae*, solutionem cupiunt evitare, frustratoriis prouocationibus interpositis, (f) ideoque decreuimus minime conuenire huiuscemodi vocem (g) appellationis admitti. Dat. X. (h) Kal. Aug. Constantio A. VI. & Constante Cæs. (i) Coss. [353.]

NOTAE.

- (a) Abest & hæc *lex a Cod. Iust. GOTHOF.*
 (b) Non iidem; sed *Constantius A. & Constantius C.* id est Gallus: v. *Chronol. ID.*
 (c) De hoc *Cereali*, Præfecto Urbis Romæ, dicam plene ad *leg. 5. infr. de paganis*: quæ eidem inscripta est, pariter vt *lex 2. supr. de indulgentiis criminum*, & sic tres in vniuersum constitutiones *hoc Codice* ei inscribuntur. De eodem v. *Notiziam Præfectorum Urb. & Symmachum lib. 10. ep. 53. ID.*
 (d) In eadem re pariter *lege 8. supr. callidis fraudatoribus l. 32. infr. callidis debitorum artibus. ID.*
 (e) Similes locutiones vide in *lege 1. & 3. & 8. supr. & l. 16. infr. ID.*
 (f) Vide quæ notauimus ad *l. 8. supr. V. & l. 16. infr. 21. 27. 30. ID.*
 (g) *Vox appellationis*: de quo dixi *leg. de appellat. 40. & 58. ID.*
 (h) Eodem die data *lex 41. infr. de decurion.* sed quæ ad huius argumentum nihil facit, & *Ordini Carthagenensium* inscribitur. *ID.*
 (i) *II. scilicet. ID.*

COMMENTARIUS.

REI PRIVATÆ in causis debitores perspicui *b. l. & l. 6. supr. & l. 32. infr.* de quo ad *d. l. 6.* Reus appellare non posse definit Constantius semel plene.

X. (a) Idem AA. (b) ad Proclianum Proconf. Afric.

PLACVIT, quinquaginta pondo argenti fisco inferre Prudentiam Tuam, si frustratoriam (c) prouocationem contra commodum *Fisci* susceperis, solutionemque vitanti præbueris culpabilem conhibentiam. (d) Dat. XV. Kalend. Febr. Constantinop. (e) Acc. X. Kal. Aug. Karthag. Constantio A. VII. & Constante (f) Cæs. Coss. [354.]

NOTAE.

- (a) Forte hanc *leg. suam* indicat Constantius *l. 13. infr. GOTHOF.*
 (b) *Quos legi superiori restituendos dixi. ID.*
 (c) Similes locutiones v. *l. 1. 3. 8. 9. supr. ID.*
 (d) *Connuentiam. ID.*
 (e) Irreprobia vox: erat enim hoc tempore Constantius in Gallia, v. Ammianum Marcell. *lib. 14. c. 10.* Themistium *orat. 13. p. 300. edit. Petau. 1613. in 8. ID.*
 (f) *III. Scil. ID.*

COMMENTARIUS.

FISCALIBUS in causis appellari rursus vetat Constantius: de quo iam ad *l. 6. 8. 9. supr.* Iudici, & quidem in sp. *huius l.* appellationem admittenti, Proconsuli Africæ, multa 50. librarum argenti imposita.

XI. (a) Idem AA. (b) ad Lollianum (c) PF.P.

AB *Exsecutione* vel a *Praeiudicio* appellationem oblatam suscipi non oportet. Dat. VIII. Kal. Aug. (d) Arbitrone & Lolliano Coss. [355.]

NOTAE.

- (a) Iungenda *huic l.* est *lex 25. supr. de appellationib.* Imo *hæc ex illa ab huius Codicis Conditoribus deformata mihi videtur. GOTHOF.*
 (b) *25. Imp. Constantius*: hic enim solus hoc anno imperavit. *RITTER.*
 (c) *Lollianus PP.* sub Constantio: v. dicta ad *d. l. 25. & Presopogr. GOTHOF.*
 (d) *Messenden PP. Copia*: ita amplius *d. l. 25. infr.* vbi v. quæ dixi. *ID.*

P. 102.

COMMENTARIUS.

AB EXECUTIONE vel a PRÆIUDICIO appellari vetat hac constitut. Constantius, quæ plenior extat, l. 25. *supr. de appellat.* ex qua hac a Theodosiani Codicis Conditoribus formata est, ubi notata huc arcessi possunt. De ipsa *huius l.* sententia iam dictum ad l. 1. 2. & 3. *supr. hoc tit.* & ad d. l. 25.

XII. (a) Idem AA. (b) ad Volusianum PF. P. (c)

PUBLICA utilitate (d) suadente, in causis pensitationum, debitorumque *Fiscalium* (e) inhibuitur est prouocationis auxilium, &c. Dat. IV. Kal. Aug. Arbitrione & Lolliano Coss. [355.]

NOTAE.

- (a) Iungenda *huic l.* est *lex 26. supr. de appellationib.* GOTHOF.
- (b) *yp. Idem A. vid. Chronolog. RITTER.*
- (c) *Volusianus PP.* sub Constantio, v. *Prosopogr. GOTHOF.*
- (d) Vid. & l. 8 *supr.* ibi, commodum publicum. *ID.*
- (e) *Id* est, tributorum. *ID.*

COMMENTARIUS.

FISCALIBVS & TRIBVTORVM in causis rursum appellatio interdicitur a Constantio: de quo iam quoque l. 6. 8. 10. *supr.* Et de discrimine *fiscalium* & tributorum v. quæ dicam l. 19. Alia vero ratio est bonorum vacantium, caducorum & ereptitorum: in his quippe appellationi locum esse voluit Constantius l. 26. *supr. de appell.* quæ *huic* iungenda est: & ad quam dicta huc arcessi possunt.

XIII. (a) Idem AA. (b) ad Probum (c) Proconf. Afric.

CVM constet, iamdudum esse nostra sanctione † præceptum, ne aliquis cum *Fiscale* debitum postulatur, audeat prouocare Proconsulare Officium, si patientiam commodaauerit, triginta pondo auri fisco cogatur inferre. Dat. IX. Kal. Iul. Sirmio, Datiano & Cearele Coss. [358.]

NOTAE.

- (a) Absit hæc *lex* quoque a *Cod. Inst.* GOTHOF.
- (b) *yp. Imp. Constantius & Iulianus C. RITTER.*
- (c) *Probus* Proconsul Africæ sub Constantio v. *Prosopogr.* & vet. Inscript. CCCCL. n. 2. 3. GOTHOF.
- † Intelligere videtur *legem 10. supr.* quæ & ipsa Proconsuli Africæ inscribitur. *ID.*

COMMENTARIUS.

FISCALIBVS in causis appellatio rursum interdicitur a Constantio, imposita pœna 30. librarum auri Officio Proconsulari, Africæ in sp. *huius l.* *sup.* Quod de Officio patientiam accommodante adicitur, id ipsum dicitur & l. 16. *infr.* de eo plene ad l. 8. *supr. de appellationib.* De ipsa *huius l.* sententia iam dictum ad l. 6. 8. 10. 12.

XIV. (a) Idem AA. (b) ad Flavianum (c) Proconf. Afric.

GRAVIS ista commotio (d) est, ac non ferenda (e) iracundia Iudicis, quæ effusione humani sanguinis expiatur: Sed ad fucum iniquitatis augendum Lex † nostri Genitoris (f) adscita est, scilicet, vt diceretur Genitor (g) noster, conuictis in quæstione *Violentia*, appellationis perfugia decerpisse (h); *Plectatur*, (i) inquit, *qui manifestam * detegitur commississe violentiam*: Quæ legis suæ † verba aliis quoque sciris Clemens Conditor explanauit: Etenim vigorem vindictæ differri post totius negotii exitum noluit, (k) scilicet vt si procacem *vsaniam* principalis negotii discussio publicasset, conuictum reum aut medietatis (l) amissio, aut fors (m) deportationis adfligeret. Dat. III. Non. Aug. Tauro & Florentio Coss. [361.]

NOTAE.

P. 103.

- (a) *Fugitiuam* hanc l. ab hoc titulo esse, mox ostendam. GOTHOF.
- (b) Imo *Imp. Constantius A. ID.*
- (c) *Flavianus* Proconsul Africæ: eidem inscribitur *lex 10. supr. de cursu publico. an. 358. vide Prosopogr. ID.*
- (d) *Commotio* Iudicis, v. *Gloss. ID.*
- (e) Tegendaque. *ID.*
- † *Legem 1. supr. ad L. Iul. de vi* intelligit. *ID.*

- (f) Constantini M. *ID.*
 (g) Constantinus M. *ID.*
 (h) Pro *decerpisse ID.*
 (i) Sunt hæc verba d. l. 1. sed ut mox ostendam, valde decurtata. *ID.*
 (*) Relatum hoc in legem 2. *Cod. Iust. quæ appellat, non recip. ID.*
 † Legem 3. d. 1. ad L. Iul. de vi intelligit. *ID.*
 (k) *ꝑ. Voluit:* ut ostendis apertissime d. l. 3. *ID.*
 (l) Si res ad violentum pertinere iudicata fuerit. *ID.*
 (m) Si res ad violentum non pertinere iudicata fuerit. *ID.*

COMMENTARIUS.

VIOLENTIAE in CRIMINE, seu *Lege Iulia* de vi damnatos, non ilico statimue poena affici, multo minus capitali poena plecti vult *hac l.* Constantius.

Est hæc, inquam, *huiusce leg.* sententia ab *hoc titulo* fugitiua: Neque enim in ea principaliter quaeritur, utrum in violentiæ crimine appellare liceat necne, (quod utique ad alterius tantum quaestionis decisionem hic supponebatur) verum quando & quamam poena violentiæ damnatus plecti deberet. Reprehendit igitur & obiurgat Constantius *h. l.* acriter Iudicem, qui sanguine seu capitali poena hoc crimen persecutus fuerat & quidem statim, non expectata sententia super principali. Eiusdem Iudicis, qui hoc factum suum tuebatur argumenta perstringit, seu refutat: Nempe Iudex ille niti se profitebatur Constantini Mag. constitutione, qua & appellandi ius huiusmodi reis denegatum fuerat: eosque plecti iusserat: plecti, inquam, capitali poena. Et vero ita est: Lex enim illa, est *l. 1. sup. ad l. Iul. de vi:* qua utrumque hoc continetur: & postremum hoc quidem apertissimis verbis, non ambiguis, aut truncatis, ut hic forte nec optima fide memorantur. *Qui in iudicio, inquit, manifestam detegitur commisisse violentiam, non iam relegatione aut deportatione insula plectatur, sed supplicium capitale excipiat, nec interposita prouocatione sententiam, quæ in eum fuerit dicta, suspendat.* Pro se igitur expressam illam Constantini M. constitutionem proferebat Iudex. Verum reponit Constantius, Con-

stantinum hæc huiusce legis suæ verba *alia lege* explanasse: explanasse inquam; imo si verum dixisse voluit Constantius, abrogasse: & vero id ita factum est a Constantino M. l. 3. *cod. tit. ad l. Iul. de vi: Amisse, inquit, possessionis iura reparentur: eademque protinus restituta, violentus poena non immerito destinatus, in totius litis terminum differatur: ut agitato negotio principali, si contra eum fuerit iudicatum, in insulam deportetur, bonis omnibus abrogatis: Quod si pro eo, quem claruerit esse violentum, sententia proferetur: omnium verum, de quibus litigatum est, media pars penes eum resideat, cetera fisci viribus vindicentur.* Quæ verba ostendunt clare, quod etiam Cuiacius & Maynardus viderunt, hic reponendum, *vigorem vindictæ differri post totius negotii exitum* VOLVIT; non quod omnes *Edd.* habent, *noluit:* etsi de eorum verborum sententia prolixè disputavi ad d. l. 3. Eiusdem etiam apparet, quando dimidia bonorum violentus plectatur, quando deportatione.

Neque illud omittendum, amissionem medietatis, seu dimidiæ partis bonorum, & deportationem, hic opponi; quia scilicet deportationis ipsum per se nomen rerum omnium spoliatio est, *l. 1. sup. de sententiam pass. & restit. seu l. ult. C. Iust. cod. tit.*

Tandem hic exemplum habemus egregium constitutionum Imperatoriarum in iudiciis hinc inde prolatarum: & quomodo posteriores *Leges* ad priores trahendæ sint, imo his illæ potiores sint.

XV. (a) Impp. VALENTINIANVS & Valens AA. Salutem dicunt Ordini (b) ciuitatis Karthaginiensium. Post alia.

AB *Executione*, vel a *Prauidicio* prouocantes decreuimus non admitti; intantum, ut contra definita facientes, quinquaginta libras (c) argenti condemnatione (d) feriantur. *Dar. Prid. Non. Feb. (e) Med. Diuo Iouiano & Varroniano Coss. [364.]*

NOTAE.

- (a) Iungenda *huic* est *lex 32. sup. de appellat. GOTHOF.*
 (b) De hac Inscriptione dixi ad d. l. 32. *ID.*
 (c) *ꝑ. Librarum. ID.*
 (d) Id est, multa, de quo significatu alibi dixi plene. *ID.*
 (e) *ꝑ. Non. Nouembr. hic & d. lege 32. itemque lege 8. sup. de iure fisci, ubi causas reddidi, ID.*

COMMENTARIUS.

P. 194.

AB *EXECUTIONE* vel *PRÆIUDICIO* appellari a Valentiniانو Sen. prohibetur *hac l.* pariter, ut duabus præterea constitutionibus *l. 16. prox. & l. 18. infr.* Quod factum ab aliis subinde Principibus: de quo ad *leg. 1. sup.* Hac inquam *lege*, quæ pars est maioris constitutionis Valentiniæ super

appellationibus a Iudicibus recipiendis, ad Curiam Karthagin. datæ, quod docet *lex 32. sup. de appellat.* quæ *huic* est coniungenda. Ad quam dicta huc arcessenda sunt: etiam quæ de Inscriptione harum *legum* ibi diximus.

XVI. (a) Idem AA. ad Symmachum P.V. (b)

INTERPOSITAS appellationes a *Præiudicio*, vel ab *Executione* damnantes, & eum qui ab istiusmodi titulis (c) prouocauerit, & Officium quod non renuntiari, (d) quinquagenas (e) argenti libras fisco nostro iubemus inferre: litem (f) suam faciente Iudice, qui recepit. Dat. VIII. Id. Octobr. Altino, Acc. XVI. Kal. Nouembr. Diuo Iouiano & Varroniano Coss. [364.]

NOTAE.

- (a) Iungenda *huic* est *lex vn. de nautis Tyberinis*; sed & *lex 7. infr. de pistoribus*. & *lex 7. supr. de penis*. GOTHOFR.
- (b) Symmachus P. V. sub Valentiniano Sen. A. D. 364. v. *Presopogr.* Eidem inscribitur Anno prox. *lex 13. infr. ID.*
- (c) *Titulis*, sententiis, seu sententiarum generibus. *ID.*
- (d) Scilicet Iudici, a præiudicio vel ab executione perperam appellari. Symmachus *lib. 10. ep. 29. Nec Officium partibus defuit ad multam præiudicii suggerendam.* Vide pariter *legem 13. supr.* Alioquin putaret quis hic reponendum, *renuerit*, renutarit: vel non annunciarit: reluctatum fuerit. *ID.*
- (e) Eadem pœna l. 10. & 15. *sup. hoc tit.* Iudici ipsi, vel prouocanti imponitur. *ID.*
- (f) Eadem pœna l. 2. *supr. ID.*

COMMENTARIUS.

APRÆIUDICIO & ab EXECUTIONE appellatio rursus prohibetur, pariter vt l. 1. 2. 3. 5. u. 15. *supr.* de quo ad d. l. 1. Hac, inquam, lege Valentiniani Senioris, quæ maioris ad Symmachum P. V. Romæ constitutionis pars est, vt ex iis legibus liquet, quas *huic* coniungendas esse docui: Quarum quidem etiam *legum* argumento, videatur hæc *lex*

pertinere proprie ad præiudicia, vel executiones circa rem *Annonariam*: cuius alioquin summus fauor est. Quod de *Officio* quod non renuntiavit *hac l.* additur, partim in *Notis* iam illustraui: partim vero ad l. 8. *supr. de appellat.* Quod item de *Iudice* litem suam faciente additur, id ipsum cauetur & l. 2. *supr.* vbi dixi.

XVII. (a) Idem AA. ad Modestum PF. P. (b)

NVLLI *Officialium* a sententia proprii Iudicis prouocatio tribuatur: nisi in eo tantum negotio, quod ratione ciuili, super patrimonio forsitan, (c) apud proprium Iudicem inchoarit (d): scilicet, vt in eo tantum negotio a sententia eius cui parer (e) Iudici (f), quisquis velit, *Officialis* appellet: Quod per procuratorem (g) persequi iure tribuitur. Dat. IV. Id. Iun. Cyzico, Valentiniano & Valente (h) AA. Coss.

NOTAE.

- (a) L. 3. *Cod. Iust. cod. tit.* GOTHOFR.
- (b) *Modestus* sub Valente PP. Orientis scilicet post Auxonium. Vide *Presopogr.* & quæ scripsi ad leg. 35. *supr. de appellat. ID.*
- (c) *Forse*, *Cod. Iust. ID.*
- (d) *Inchoauerit*, *Cod. Iust. ID.*
- (e) Ad tempus scilicet: Perpetui alioquin *Officiales* fuere, quod alibi ostensum, *ID.*
- (f) Ita omnes *Edd.* Sed reponendum, vt in *Cod. Iustiniano, Iudicis. ID.*
- (g) *Etiā*, hoc amplius in *Cod. Iust.* Quo nil opus erat, nisi maioris euidentiæ causa, *ID.*
- (h) *III.* scil. vt sic referatur hæc *lex* ad annum 370. Vide *Consularia Theod. ID.*

COMMENTARIUS.

OFFICIALES, id est, Apparitores Iudicum, seu Rectorum Prouinciarum (puta Principes, Cornicularii, Commentarienses, Adiutores, Numerarii, ab Actis, a Libellis, Exceptores, cæterique *Officiales Cohortales*, de quibus omnibus suis titulis dictum est *lib. 8.*) Num a sententia Iudicum suorum contra se lata appellare possint: Item quibus casibus id facere possint: num per procuratorem id possint, hæc Valentis constitutione definitur.

^{P. 305.} Quod priorem igitur quæstionem attinet, distinguit Valens inter causas ciuiles, seu *super patrimonio*; & alias, id est, causas delictorum; vt videlicet in illis causis, *Officiales* appellare possint, in his non item. Ratio inuestiganda nobis est, cur istud ita statutum. *Rationem dubitandi* hanc puto. Vix scilicet

appellandi ius in delictis, *Officialibus* a Iudicis sui sententia denegandum videbatur, eo quod cum perpetui essent *Officiales*, temporarii Iudices, offensio nem facile incurrere poterant, contumaces forte se se præbendo aduersus eorum iussa, quod *Officii* tamen eorum erat, atque adeo eius sententia & vindicta facile opprimi. Nempe quo vindictæ priuatæ exercendæ iustior metus est, eo quoque appellandi facultas relaxanda magis videtur: Contra dicebatur, vt in atrocissimis criminibus conuictos, vel confesos appellantes non admitti ius commune suadet, de quo *lege 1. 4. 7. 14. supr.* ita æquissimum videri, *Officiales* circa *Officium* suum delinquentes, damnatos non appellare, ne alioquin temporarii Iudicis contemptu, & reposita prouocationis spe, nihil non facere

aut pati audent. His rationibus probe perspectis, inter sacrum & saxum res constituta videri poterat. Appellationi enim si locum non facias, vindictæ priuatæ locum facias: si locum appellationi facias, impunitati ferme locum des. Verum tandem potior visa ratio, quæ appellanti facultatem denegaret: nempe quod huiusmodi Officiales circa Officium suum delinquentes, Reip. intersit statim puniri, neue lutoria sit alioquin Iudicium in eos auctoritas & coërcitio. Facessant nunc proinde Glossarum rationes ab ea præsumptione petita, quod non verisimile sit, Iudicem iniuste contra Officiale aliquid facturum: Secundo, quod Iudicem offenderint. Quæ rationes falsæ sunt. Neque illam etiam admitto, quod neque per alium causam exercere possint: Non per se, quod abesse Officiale ab officio suo non oporteat: non per procuratorem, quia per procuratorem causam criminalem exercere non possit. Nam ideone cuiquam salubre appellandi ius denegetur, quod per procuratorem id agitare

non possit? aut tantine, vnius Officialis absentia est, ut non comineatum impetrare debeat, ad appellationem persequendam? Neque mouet, quod *sine legis* statuitur: neque enim necessitas procuratores dandi in causa ciuili Officiali imponitur, sed si velit dandi facultas relaxatur.

Quod alteram quæstionem attinet; In ciuili negotio seu pecuniario Officialis a Iudicis sui sententia appellare potest: Atque hac parte, altero rursus discrimine, inter causam ciuilem & criminalem. In criminali scilicet Officialis a Iudicis sui sententia appellare non potest, neque per se, ac multo minus per procuratorem: Nam causam criminalem agi non posse per procuratorem constat, *l. 1. D. an per alium cause appellat. & l. penult. D. de publ. iudiciis*. At in ciuili negotio, & per se, & per procuratorem potest. Idque est, quod etiam apertius Tribonianus, addita particula *etiam*, dixit: *Quod per procuratorem ETIAM persequi iure tribuitur*.

XVIII. (a) Idem AA. ad Symmachum P. V. (b)

Post alia. (c)

NVLLVM audiri prouocantem *Ante* (d) *definitiuam sententiam* volumus, si tamen in iudicio conperenti negotium fuerit inchoatum: talia scilicet *Iuris Antiqui* (e) moderatione, atque sententia, cum vel exceptio (f) obponitur, vel ad agendum locus poscitur, vel dilatio instrumentorum causa aut testium postulatur, atque hæc, impatientia vel iniquitate Iudicium, denegantur. Similiter, ne ab *Exsecutione* quidem prouocantem admitti conuenit: si tamen exsecutoris vitio minime modus sententiæ transeat. In *Fiscalibus* quoque, vel manifestis debitis, & *Criminalibus confessoris* (g) negotiis, necnon etiam *Præiudiciis*, omnis praua repugnantium amputetur intentio. Postremo, vniuersas appellationes, quas iura improbant, non oportet audiri. Dat. XIII. Kal. Ian. (h) Med. Valentiniano & Valente AA. COSS. [365.]

NOTAE.

(a) Absit hæc *lex* a *Cod. Iust. GOTHOFR.*

(b) Symmachus sub Valentiniano Sen. P. V. Romæ; pater Epistolographi, cui inscribitur & *lex* 16, *sup.* de eo plene in *Prologogr. ID.*

(c) Quæ exciderunt omnia, *ID.*

(d) Et sic a præiudicio. Vt mox *sine l. ID.*

(e) *Ius antiquum* quid vocent Imperatores, quorum constitutiones *hoc Codice* continentur, dixi prolixè in *Prolegomenis. Ius* absolute vocatur, & a Constitutionibus separatur, *l. 25. inf. ID.*

(f) Id est præscriptio peremptoria, *l. 23. 24. inf. ID.*

(g) *Confessis*: adde vel *conuictis*: de quo *ad l. 1. & 7. sup. ID.*

(h) *yp. Iun.* Nam mense Decembri huius anni Valentinianus non Mediolani constitutus erat, verum PARISIS: quinque & initio anni sequentis. Vide *Consularia Theodos. & Ammianum Marcellinum lib. 26. cap. 5. ID.*

COMMENTARIUS.

GENERALIS hæc est Valentiniani Senioris constitutio, & quæ ad tractatum integrum proxime accedit, *de his quorum appellationes non recipiuntur*: de quibus passim *hoc titulo*, quas etiam ac præterea omnes alias generali clausula *sine legis* includit: Nominatim vero Quinque appellationes, quæ recipi non debeant, exprimit: ante definitiuam scilicet sententiam, ab Executione, in fiscalibus causis, manifestis criminalibus confessos, a præiudiciis appellari non posse, definit. Quorum pleraque apertam cum habeant sententiam, aliisque *legibus* in-

culcentur pluribus, in eas tantum quinque *Exceptiones* & singulares, inquirendum, quibus ante definitiuam sententiam, & ab executione appellari posse, addit. Quas & ipsas non nunc primum a se adiungentis ait, verum ex Iuris antiqui moderatione atque sententia descendere proficitur: Iuris inquam antiqui, quod veteris Iurisprudentiæ libris continetur ante Principum Christianorum tempora.

Quatuor igitur casus excipit, quibus ante sententiam definitiuam appellari potest. *Prima* exceptio hæc proponitur, si in Iudicio non compe-

tenti

^{F. 306.} tenti negotium fuerit inchoatum. Nempe etsi regulariter inchoato semel negotio, id est lite semel contestata, ante definitivam sententiam appellare non liceat, & regulariter Iudex amplius recusari non possit (Iudicium enim eiterationes initio litis fieri oportuit) attamen benigno adhuc iure tanquam ab incompetente Iudice appellare licet, etiam post negotium inchoatum.

Secunda exceptio est, si exceptio opposita, repulsa fuerit: *exceptio* inquam, id est præscriptio peremptoria, ut docet *lex 23. & 24. infr. hoc. tit. de qua præscriptione peremptoria*, dixi plenissime ad *leg. 3. sup. de diversis rescript.* Cuius sane exceptionis ratio iustissima est, quia huiusmodi exceptio eandem vim cum definitiva sententia obtinet, puta vim vel consumptæ causæ, vel non admittendæ: *l. 37. sup. de appellat.* cuius ut eadem est sententia; ita & iungenda ea est *d. leg. 23. & 24. inf.*

Tertia exceptio est, si locus ad agendum postulatus fuerit, & iniquitate Iudicis hoc fuerit denegatum; *Ad agendum locum postulare* scil. nihil aliud est, quam spatium, dilationem postulare, solemnem procul dubio iudiciorum formula, *locum ad agendum dari mihi postulo.*

Quarta exceptio est, si dilatio instrumentorum vel testium causa postuletur, eaque a Iudice denegetur. Quæ omnia Iudices sæpe impatientia vel iniquitate denegabant. Magna scil. est & culpabilis Iudicis impatientia vel iniquitas, spatium & dilationem iustam recusantis, vel exceptionem peremptoriam respicientis. Atque ideo his casibus appellationi locus esse debet.

Et hæc quidem exceptiones *hæc lege* proponuntur; quibus ante definitivam appellare licet: Addatur & in *id. lex 2. D. de appellatione recip.* Addatur generalis exceptio, si Iudex irreparabile quid interlocutus fuerit, seu quod pertineat ad merita causæ: (nam hæc exceptio generalis est, sub quam omnes alie referri possunt.) Et tamen absque Iustinianus ne ex his quidem causis ab articulo appellari voluit, *l. 36. C. Iust. de appellat. ne lis alioquin paulatim in infinitum protrahatur*, cuius ipse meminit *l. ult. Cod. de Iudiciis*, quamque Cuiacius extulit *XII. Observat. 3.*

Sequitur postremo loco Exceptio, Quando ab executione quoque appellari possit: puta si executor modum sententiæ transeat, quod pariter cavetur *l. 25. infr. hoc. tit. seu l. 5. C. Iust. cod.* Denique ab Excessu appellari potest, quia quatenus exceditur, non potest dici executio sententiæ.

Illud quoque, *sine legis observandum*, *Præiudicii* appellatione non accipiendam esse sententiam interlocutoriam, quo alias sensu tot etiam superioribus *hucus tit.* legibus a præiudicio appellatio denegatur: (Nam de his actum iam *initio legis*;) verum præiudicii appellatione intelligo Iudicium super possessorio, & similibus præiudiciis interdictis possessoriis; a quibus utique appellari non potest; propter beneficium momenti: quo pertinet *titulus 37. inf. si de momento fuerit appellatum*: & par *titulus, Cod. Iustin.* itemque *lex 22. infr. hoc. titulo.*

XIX. (a) Imppp. VALENTINIANVS, Valens & Gratianus AAA. ad Olybrium P. V. (b)

Abstinendum prorsus appellatione (c) sancimus, ut quotiens *fiscalis* calculi satisfactio postulatur, aut *Tributaria* functionis sollempne munus exposcitur, aut Publici, vel etiam Privati (dummodo *evidentis* (d) atque conuicti) redhibitio (e) *Debiti* flagitatur: ut necessario in contumacem vigor (f) iudiciarius excitetur. PP. Rom. XV. Kalend. Septembr. Valentiniano & Valente II. AA. Coss. [368.]

NOTAE.

- (a) *Lex 4. C. Iust. cod. tit.* Forte iungenda huic *l. lex 2. sup. de postulando, GOTHOFR.*
- (b) *Olybrius* sub Valentiniano Sen. P. V. *Roma* scil. quod etiam subscriptio legis ostendit: v. *Prosepegr. ID.*
- (c) *Ab appellatione* vulgat. Edit. Cod. I. *ID.*
- (d) Vide *leg. 8. 9. & 18. sup. & 21. 27. 30. inf. ID.*
- (e) *Redhibitio*, id est restitutio, vel etiam simpliciter, præstatio, solutio. *ID.*
- (f) *Vigor* iudiciarius: vide *Glossarium Tbeod. ID.*

COMMENTARIUS.

FISCALIBUS in causis, item **TRIBVTARIIS** aliisque publicis vel priuatis debitis evidentiibus & conuictis appellandi ius denegat hac constitutione Valentinianus Sen. A. D. 368. de quo iam sæpe. Illud *b. l. primo* observandum, quatuor titulos & causas hic distinguere, & a fiscali seiungi: tributariam, publicam, priuatam. Sane *Fiscales* & *Tributariae* causæ etiam integris libris *hoc Codice* distinguuntur, *lib. X. & hoc lib. XI.* Ita quoque *l. 12. sup. cause pensionum & debitorum fiscalium*, separantur. Publicum debitum accipio de muneribus

publicis ordinariis: nam & ita *lege 6. sup.* ad munera respuenda appellatio non admittitur. Tandem priuati debiti appellatione intelligo causas rei priuatae Principis, de quo *d. lege 6. 9. sup. & l. 32. inf.*

Cæterum notandum quoque illud, *hanc l. inscribi* Præfecto V. *Olybrio*: Scilicet, cum Olybrius, quod de eo prædicat Ammianus *lib. 28. cap. 4.* fiscali lucra vnde poterat circumcideret, atque adeo appellationes in causis fiscalibus admitteret; Valentinianus ei *hac l. ingerit*, ut ne eas appellationes admittat;

rat, sed vigorem suum in eos excitet. Pari ratione etiam feriatis geminis mensibus, sine aliqua intermissione discingere iussit l. 5: C. iust. de feriis.

P. 107.

XX. (a) Idem AAA. ad Claudium P. V. (b)

QVONIAM (c) Chronopius, ex Antiflite, (d) idem fuit in tuo, (e) qui fuerat in Septuaginta Episcoporum ante iudicio, & eam (f) sententiam prouocatione suspendit, a qua non oportuit (g) prouocare, argentariam multam, quam huiusmodi (h) facto sanctio generalis inponit, cogatur expendere. Hoc autem, non fisco nostro volumus accedere, sed his qui indigent fideliter erogari: Quod in hac causa, & (i) ceteris Ecclesiasticis, fiat. Dat. VIII. Id. Iul. Valentiniano NB. P. & Victore COSS. [369.]

INTERPRETATIO. (k) Chronopium Episcopum a multis Episcopis fuisse damnatum, & studiose (l) eum ante (m) iudicium sententiam qua proferebatur appellatione suspendere, a qua sententia quia iuste protata fuerat, appellare minime debuisset, in qua (n) eum graui multa, (id est quinquaginta librarum argenti) additum fuisse dicit: que tamen summa ipsius multa, non fisco prodesse iussa est, sed pauperibus erogari.

NOTAE.

- (a) Lex 2. Cod. iust. de Episc. audient. hinc miris modis interpolata est a Tribonianus: quam & repetiram sub titulo Cod. iust. quorum appell. & quartam fuisse docent Paratitla Graeca lib. 1. tit. 3. p. 127C. Tom. II. Bibl. Iur. Can. Vet. Henr. Iusselli. Eam quoque Annalibus suis inseruit Baronius A. 369. n. 30. GOTHOF.
- (b) In Cod. iust. editum PP. ut etiam habetur in nonnullis Anianeis. Sed & his COSS. id est A. D. 369. non Claudius verum Olybrius P. V. fuit: imo his ipsis COSS. & superioribus Claudium Proc. Afr. reperio: quod docet lex 13. inf. de episcopis: l. 12. inf. de pistorib. l. 6. inf. de Legatis. Imo & Anno prox. 370 quod docet lex 3. inf. de iust. val. collatione. Quare, vel Olybrius P. V. hac lex inscribi debuerit: (quam sententiam praefero) vel vitium in consulatu fuerit, sic ut referatur ad A. 374. quo sane Anno lex 22. inf. Claudio P. V. inscribitur. Vel tandem rescribendum fuerit: Claudio Proc. Afr. Sane Claudium P. V. fuisse, ut non adignato tempore, testatur quoque Ammianus Marcellinus duobus locis lib. 27. cap. 3. init. & lib. 29. cap. ultim. in f. ita eum P. V. fuisse A. 374. docet d. lex 22. inf. b. 1. ID.
- (c) Hac lex ita interpolata Cod. iust. Si Clericus ante definitiuam sententiam, frustratoriae dilationis causa, ad appellationis auxilium conuolauerit, multam quinquaginta librarum argenti, quam contra huiusmodi appellatores sanctio generalis imponit, cogatur expendere. Hanc autem non fisco nostro volumus accedere, sed pauperibus fideliter erogari. ID.
- (d) Ἀντὶφίλιππος, Ex-Antiflite, quomodo Ex-Consule, Ex-Quaestore, Ex-Archiatris, & similia. ID.
- (e) Posteriore, seu secundo. ID.
- (f) An septuaginta Episcoporum? an vero Claudii P. V. Hoc verissimum. ID.
- (g) Ποῦναι, MS. G. RITTER.
- (h) In huiusmodi, MS. G. ID.
- † Lex 15. & 16. sup. de quo mox plenius. GOTHOF.
- (i) In ceteris, Sichard. RITTER.
- (k) Falsa hae Interpretatio est. GOTHOF.
- (l) γρ. Studnisse. ID. Bene hic MS. G. statuisse eum. RITTER.
- (m) Id est in iudicio saeculari. GOTHOF.
- (n) γρ. in quo, id est, quo facto. ID.

COMMENTARIUS.

DE INIUSTA Chronopii cuiusdam Episcopi, Episcopatu depositi, appellatione, est haec Valentiniani Senioris constitutio data A. D. 369. Quae ut nonnullas Observationes Ecclesiasticas, easque singulares continet, ita non parum obscuritatis habet.

Primum obscurum est, quisnam ille Chronopius ex-Antiflite fuerit? Eius certe nulla alibi quod sciam mentio extat. Et tamen, qui horum temporum rationem spectauerit, simul & inscriptionem *basilio legis*, si modo ea recte habet, *Praefecto Urbis* (Romae) ita censet, Vrsicini schismati istum Chronopium adhæsisse; de quo, & in quod & aliae memorantur eiusdem Valentiniani constitutiones tunc ad Praefectum, tum ad Vicarium Urbis Romae. Alio-

quin inter Galliae Episcopos Chronopii nomen quoque reperio: veluti (quod huic aetate non congruit) inter Petrocorinenses circa A. D. 600. de quo Venantius Fortunatus lib. 4. in Chronopii epitaphio 8. qui Aurelianensi I. Concilio sub Clodoueo: II. sub Childeberto interfuit: Eidemque inscripta videtur Ruricii epistola lib. 2 ep. 6. De antiqua eius generis nobilitate videndus Fortunatus d. ep. 8. ubi inter cetera ait, Ordinem Sacerdotum ei fluxisse, utroque parente, & ad eum haereditatem venisse apicem Pontificalem; denique nobilem venisse de antiquo Patrum germine.

Secundo obscurum videri potest, quam ratione post Ecclesiasticum iudicium ad saeculare Praefecti V. Chronopius iste Episcopatu deiectus adhuc

adhuc prouocauerit, in causa Ecclesiastica. An quia ita ius mosque tum fuerit, nonnullas Ecclesiasticorum causas apud Episcopos prius quidem agitari, eo quod indecens videretur, fora ab Ecclesiasticis identidem calefieri, atque ita Ecclesiasticum potius forum tentare decens videretur, neque eo minus tamen si iudicato acquiescere nollent, ad iudicia secularia prouocare possent: cui rei argumentum præbeat *can. 9. Concilii Chalcedonensis pag. 605. Tom. II. Concil. Edit. Harduin. & Nouell. Inst. 83. & diserte Nouella 123. cap. 21. & Castiodorus VIII. Var. 24.* Hic ne igitur tum mos fuerit, in nonnullis causis Ecclesiasticorum? non tamen in omnibus: nam sane criminales causæ directe ad Iudices seculares spectabant, quod docet Constitutio Gratiani, puta *lex 23. inf. de Episcopis. Theodosii M. lex 3. infr. de Episcop. iudicio. Honorii lex 1. inf. de religione.* Quanquam si res inter Episcopos tantum ageretur, nemine apud Iudices seculares accusante, dubium nullum, quin & eadem apud Episcopos agerentur. Verum ita censeo de tali crimine actum, quod ad sæcularium forum quoque pertineret, veluti seditionis ex schismate forte.

Tandem obscurum est, a quam sententia
b. l. dicatur Chronopius prouocare non debuisse, cu-
ius etiam nomine multa ei hac l. imponitur. Tres
igitur sententiæ mihi occurrunt. Prima (Interpre-
tis etiam præiudicio) de Episcoporum sententia id
dici, nempe cum cæteroquin iis, qui sese iniusto iu-
dicio Episcoporum damnatos crederent, & Episco-
patu depositos, exauctoratos, ad iudices seculares
recurrere liceret. Et vero in schismate potissi-
mum recurrendi sæpe necessitas esset, eique rei Ro-
mæ præfecti V. sese miscerent (quod etiam ex Am-
miano Marcellino lib. 27. c. 9. & Valentiniani rescrip-
to ad Olybrum liquet, quod legitur apud Baro-
nium in *Annal. Eccles. an. 369. num. 5.*) hic Chrono-
pius altero iudicio, iustissima Episcoporum sententia
damnatus compertus fuerit, & de iisdem conui-
ctus, in iudicio Præfecti V. (quod suadere videtur
initium legis.) Secundo forte & hæc sententia fue-
rit, non licuisse Chronopio secundo victo, in iudicio
seculari, rursus appellare, quod suadere videatur

d. Nouell. 123. cap. 21. Verum hæc vt dixi obscura
caligine demersa iacent.

Tertio, quod mihi verosimillimum, indicari videtur a Præfectis vrbis iudicio appellari non potuisse: de quo dixi plene ad *l. ii. supr. de appellat.* Quidquid sit, Baronii sententiæ non accedo: Primo, cum scribit, ideo multam imponi *hac l. Chronopio*, quasi ob indignum facinus, quod ad seculare tribunal appellauerit: & proinde sanctionem generalem, quæ *hac l.* memoratur, eam esse, qua vetitum erat, ne clerici coram iudicibus secularibus causam dicerent. Nam vt huic seculo inaudita doctrina ea est, quæ Ecclesiasticos secularibus potestatibus subducit, ita in hoc nominatim negotio eam eierant tot & numerosæ in contrarium constitutiones *libr. 16.* Quare sanctio generalis, qua huiusmodi factio, id est, iniustæ appellationi argentaria multa imposita dicitur, non alia est, quam ea, qua *L. librarum argenti* multa imposita est, quomodo id Tribonianus & Interpretes *huius l.* diserte explicant, de qua fuerunt paulo *supra hac tit.* eiusdem Valentiniani duæ constitutiones, *lex 15. & 16. supr.* e quibus hæc postrema, Præfecto *V. Romæ* pariter inscripta est. Tandem perperam ab eodem Baronio huc trahitur eiusdem Valentiniani constitutio, cuius meminit Ambrosius *Ep. 32.* quæque etiam sola Baronii sententiæ euertendæ sufficit. Ex ea quippe constitutione, non nisi *Ecclesiasticæ causæ*, id est, causæ fidei, vel Ecclesiastici Ordinis, & morum causæ, id est, de leuibus Episcoporum delictis, Episcopale iudicium est; de cæteris proinde seculare. Vt hac etiam constitutione inspecta videri possit, ideo iniustam Chronopii prouocationem visam, quod de morum causa ageretur, quæ etiam sententia est Gratianæ constitutionis, *l. 23. infr. de Epi. cop.* vbi de hac quæstione plenissime.

Et hæc de ipsa legis sententia, cuius etiam obscuritas fecisse videtur, ut Tribonianus eam in alienum plane sensum detorsit, l. 2. C. Iust. de Episcop. audient. & l. 4. C. eod. quorum appellat. si modo fides Græcis Paratitlis, libr. 1. tit. 3. p. 50. Edit. Leonclau. & pag. 1270. Tom. II. Bibl. Jur. Canon. veter. Henr. Iustelli, quæ proculdubio, si ad manum essent Græca, nos ab eo, quem dixi, labore expeditent: (a) Prodit

(a) Sunt ad manum hodie græca ex antiquis Codd. MSS. quos contulit magna industria Cl. FABROTUS, sed & hæc ad illustrandam legem nostram nihil subsidii afferunt. Ita autem legitur p. 1270. *Tom. II. apud Iustellum in Bibl. Iur. Can. Bis. ζ' τίτ. ζι. διάτ. δ'. ἡς ἡ ἀρχή, τὰς συνεδούς. 'Οι κληρικοί πρὸ ἀποφάσεως ἐκκαλέμενοι, προσιμῶνται παρὰ τῇ ἀρχῇ τῷ λιβρῷ ἀργυρίῳ. ταῦτα δὲ λήφεται ἐκ τοῦ φίσκου, ἀλλὰ τοῖς πένσι καὶ τοῖς δεομένοις πιστὸς ταῦτα φορεῖσθαι. Lib. VII. tit. LXV. const. 4. cuius initium, τὰς συνεδούς. Clerici ante sententiam appellantes, multantur a Praside L. libris argenti. Verum hæc non fiscus accipiet, sed pauperibus & egenis fideliter erogabuntur.* Ultima legis nostræ verba, satis quidem accurate expressit interpres, verum cum nemo laborare possit in iis intelligendis, atque reliqua multa etiam obscuritate involuta sint, spes illas, quas Noster de Græcis conceperat, inanes fuisse animaduertimus. Addo præterea græcam legis 2. *Cod. Iust. de episcopal. audient.* interpretationem duplicem: quarum altera, quæ legitur apud Iustellum pag. 1266. *libr. cit.* sic se habet. *Bis. α' τίτ. δ. διάτ. β'. ἡς ἡ ἀρχή, Si clericus. Εάν κληρικός πρὸ τῆ τελείας τῆς ἀποφάσεως ἐκκαλίσται ν'. λιβρῷ ἀργυρίῳ προσιμῶται. ταῦτα δὲ τοῖς πένσι διὰ τὸν πιστὸτάτη διαμεριδῆσονται. Lib. I. Tit. IV. Const. II. cuius initium, Si clericus. Si clericus ante sententiam definitiuam appellauerit, L. libris argenti multatur, quæ pauperibus per fidelissimum quendam distribuentur.* Alteram pag. 1273. continet. β. Εάν πρὸ τελείας ψίφα κληρικός ἐκκαλίσται τὴν ὀρισμένην τάτα ποιῇ κατὰ τῶν ἀδωντῶν ν'. λιβρῶν τῷ ἀργυρίῳ, ὁ φίσκος ἐλαμβάνει παρ' αὐτῆ. ἀλλὰ τοῖς πένσι δυνάμεται. II. Si clericus ante sententiam definitiuam appellauerit, statuta ob hoc penam in alios, quinquaginta librarum argenti, ab eo fiscus non accipit, sed in pauperes erogatur.

dit enim Leunclavius aliquid ibi expressum, quod ipse legere commode non potuerit.

Observationes Ecclesiasticæ duæ porro sequuntur hac l. singulares. Prior est de *septuaginta Episcoporum* iudicio, in quo Chronopium damnatum, & Episcopatu detruſum ex hac l. colligere licet. Et sane morem hunc tralatitium in Ecclesia comperio, ut cum de Episcopo iudicando vel abdicando ageretur, septuaginta duo Episcopi convenirent, qui rotundo numero *Septuaginta* dicebantur. Exemplum in *historia Ecclesiastica* non vnum. Ita factum Cirtæ in Africa ob Cæciliani depositionem, teste Augustino in *breviculo collationis* die 3. cap. 14. Ita in Actis *Marcellini Papæ* pag. 218. Tom. I. Concil. Edit. *Harduin.* legimus Marcellinum depositum a *Libra Occidua*, id est a LXXII. Episcopis; *Libra* quippe occidua tot solidos efficiebat; de quo ad l. vii. *supr. de oblat. votorum*: & l. i. *infr. de ponderator.* & l. 13. *de susceptorib.* Pariter Macedonius Ep. Constantinopol. exauctoratus ab Episcopis 72. ut testatur Auctor *Chronici Alexand. A. D. 360. pag. 683. Edit. Raderi.* Quin & in *constitutione Sylvestri Papæ*, siue Synod. Roman. *actio. i. cap. 3. pag. 291. Tom. I. Concil. Harduin.* & in *Decret. Sylvestri Pap. siue Epilogo Concilii Romani*, uti Gratianus vocat, pag. 287. *init. Tom. eod.* & in *Epistola I. Zephyrini Pap. pag. 107. Tom. eod.* & in *Epistola I. Leonis IV. Pap. pag. 1. Tom. V. Concil. Edit. citat.* & Concilio Moguntinens. cap. 12.

pag. 406. Tom. VI. Concil. Ed. cit. cautum, ne Episcopus nisi sub conspectu 72. testium damnaretur. Et ab eadem causa, vel haud abſimili LXX. vel LXXII. Episcoporum numerum, qui in Synodos Romanas sub Gelasio & Symmacho conveniunt, repeto. Peccant enim, qui id ad argumentum Diocesanos Romanæ trahunt. In numero imitamentum quis forte putet, LXX. seniorum in populo Iudæico, vel LXX. Discipulorum in Ecclesia iam Christiana.

Altera observatio est, multam de Ecclesiasticis non iam fisco, verum pauperibus hac Valentiniani destinari & quidem generali sanctione, *Quod*, inquit, *in hac causa & ceteris Ecclesiasticis fiat*, quod utique pium Valentiniani institutum fuit. Quod secutus & Athalaricus in eadem ferme specie, apud Cassiodorum VIII. *Variar. 24.* Sequitur hodie Gallia servantque Cellissima eius Parlamenta. Id vero quod hac l. statuitur, in Ecclesiasticis tantum causis statuitur: nempe ut multæ Ecclesiasticis exculptæ, in pauperes erogentur. Quod Tribonianus quoque in d. l. 2. *Cod. iust. de Episcopali audient.* quam hinc interpolavit, unica voce *clerici* indicare satis habuit, recisa historica huius l. parte: ac proinde & illis; *Quod in hac causa & ceteris Ecclesiasticis fiat.* Idem vero Tribonianus hanc l. extulit, & accepit de appellatione ante definitivam sententiam, cum tamen eius alius sensus sit, ut *initio* ostendi.

XXI. (a) Idem AAA. ad Eupraxium P. V. (b)

Post alia.

A Discussoribus (c) observari iubemus, (d) ut *manifesti* (e) *Debitorum* (f) prouocationis suffragio (g) minime subleventur; (b) & cetera. PP. XVI. (i) Kal. Mar. Gratiano A. III. & Equitio Coss. [374.]

INTERPRETATIO. Omnes qui huiusmodi negotia discutiunt, (k) hoc specialiter observare debere, ut *manifesti debitorum* appellationis suffragio non utantur, nec evidens debitum ulla possint appellationis dilatione suspendere.

NOTAE.

(a) Iungendæ huic sunt lex 5. *sup. de relationibus*: & lex 36. *sup. de appellation.* GOTHOF.

(b) Eupraxius P. V. Romæ, sub Valentiniano Sen. v. *Prosopogr.* ID.

(c) De his tit. 26. *inf. hoc. tit.* ID.

(d) *Iussimus*, MS. G. ID.

(e) Vide pariter leg. 8. 9. 18. 19. *supr. b. 1. & leg. 27. 30. infr. eod.* ID.

(f) *Debitorum* signate de fiscalibus. v. *Glossar.* ID.

(g) *Suffragium* prouocationis seu appellationis hac l. & l. 22. *sup. de appellat.* ID.

(h) *Non utantur*, MS. G. quod ex interpretatione sumptum, ex qua & verba sequentia, *nec evidens*, &c. in ipsum textum a librario male recepta sunt. RITTER.

(i) XV. MS. G. ID.

(k) Perperam Anianus Discussores accepit. GOTHOF.

COMMENTARIUS.

A DISCUSSORIBUS manifestorum debitorum appellationes admitti vetat Valentinianus Sen. a Discussoribus inquam, id est, qui debitorum fiscales excutiunt, quod Interpres non intellexit, de quibus ut suo titulo, ita pariter agitur l. 36. *supr. de appellat.* quæ huic iungenda est una cum l. 5. *supr. de relation.* Rursum, ait lex, *manifestorum debitorum*, quod ipsum ingerunt & aliæ complures huius tit. leges,

quas antea subnotaui. Aliud enim fuerit, si ex iussis causis aliquid incerti subſit: nam tum a Discussoris statuto appellari potest, quod diferte proditum d. l. 36.

Cæterum est hæc lex pars maioris constitutionis Valentinianæ, qua prolixè cautum de relationibus: quaque inanibus & frustratoriis appellationibus occurrit, simul & relationum formam præstituit: eodem semper fine quo scilicet, negotia, in quibus matura

rato opus est, celeriter expediantur, non vero elutellectum qui plura volet, videat dicta ad d. leg. 36.
dantur, aut protelentur siue moratoris appellatio-
nibus, siue Relationibus inanibus. Ad huius leg. in-

XXII. (a) Idem AAA. ad Claudium P. V. (b)

IN *Interdicto, Quorum bonorum*, cessat licentia prouocandi: ne, quod beneficio celeritatis inuentum est, subdatur iniuriis tarditatis. Dat. XII. Kalend. Iun. Treu. Gratiano III. & Equitio Coss. [374.]

NOTAE.

- (a) Abest hac lex a *Cod. Insl.* praelata, velut generaliore *l. vn. infr. tit. prox.* De hoc ipso Edicto, *Quorum bonorum*, fuit *supr. lib. 4. tit. 21. lex vn. quor. bonorum.* Et concordat. huic *lex vn. tit. prox. si de momento fuerit appell. GOTHOFR.*
(b) Eidem Claudio P. V. inscribitur *lex 20. supr.* vbi tamen vitium hærere videtur. Eiusdem meminit Amm. Marcellinus non tantum *lib. 27. cap. 3.* verum et circa hoc ipsum tempus *lib. 29. extremo*, vbi de eo vide aliquamul-
ta. Missis aliis, elogium istud: *Hic ipse (Claudius) Praefectus egit, admodum quiete, nullam seditionem super querela inusta perpeffus. ID.*

COMMENTARIVS.

IN *INTERDICTO Quorum bonorum* appellationi locus non est. Hac huius leg. Valentinianæ sententia est: Non quasi non idem & in cæteris interdictis ius sit, (generaliter enim in causis momenti, seu reformatione momenti, appellationi vel frustrationi cuiusque alii locus non est, vt docebit *lex vn. tit. prox. si de momento*: quam ideo Tribonianus hac spreta retinuit: & Symmachus, *lib. 10. epist. 41. & Tituli ad Interdicta spectantes lib. 4. supr.*) Verum quia in proposita facti specie de hoc quærebatur, & forte non sine aliqua dubitandi ratione, Verum par ratio huius Interdicti vt aliorum visa: quia omnia Interdicta beneficio celeritatis inuenta

sunt, neque minus Interdictum *Quorum bonorum*, quam cætera. Quare neque id *tarditatis alicuius iniuriis subdi* oportet, (vt hac l. eleganter loquitur,) non appellationis (de quo hac l. est) non alterius frustrationis, veluti domini in continenti probandi, quo pertinet *lex vn. supr. Quorum bonorum.* vbi ostendi quodnam hoc esset Interdictum. Quomodo & in Interdictis & nominatim in *Interdicto Vtrubi*, denunciationum ambages & moræ non requiruntur: *l. vn. supr. Vtrubi.*

Cætera quæ de *momenti & celeritatis* beneficio & appellatione desiderari hic possunt, repete ex dictis *leg. pen. & ult. supr. vnde vi.*

XXIII. (a) Imppp. Valens, GRATIANVS & Valent. AAA. ad Thalassium Proconf. Afric.

EXCEPTIS præscriptionibus peremptoriis, si quis ab *Articulo*, (b) appellare temptauerit, non audiat: sed neglecta appellatione, Iudex, discussis omnibus tendat ad finem, reseruata post, vltimum, facultate partibus appellandi, si displicuerit definitiua sententia. Neque tamen sit Iudici potestas inrogandæ multæ: Satis enim poenæ videtur, non audiri ab *Articulo* prouocantem, &c. Dat. III. Kal. Febr. Treu. Acc. VI. Kal. Maij, Valente VI. & Valentiniano II. AA. Coss. [378.]

NOTAE.

- (a) Iungendæ huic l. sunt *duæ leges* proxime seqq. nempe 24. & 25. item *lex 37. supr. de appellat. GOTHOFR.*
(b) Dixi de hac *Articuli* voce ad l. 3. *supr. b. e.* Vid. & d. leg. 25. quæ clausulam constitutionis prolixioris continet. *ID.*

P. 30.

XXIV. (a) Idem AAA. ad Thalassium Proconf. Afric. Post alia. (b)

SI quis, post susceptam super *Præscriptionibus Peremptoriis* appellationem, & Responsum a nobis (c) redditum, aliam peremptoriam præscriptionem obposuerit, non admittatur: Et, si propter eam non admissam prouocare voluerit, refutetur. Sane volumus ei, iuxta ordinem iuris, defensionis loco, præscriptiones peremptorias, quibus ante vti debuerat, reseruari. Quam formam, ab his Cognitoribus (d) volumus obseruari, quibus necesse est, interposita prouocatione, Nostræ insinuare (e) Clementiæ: In ceteris vero iudiciis

iudiciis (f), eadem (g), quæ dudum statuta fuerat, forma seruetur, &c. Dat. III. Kalend. Febr. (h) Valente VI. & Valentiniano II. AA. Coss. [378.]

NOTAE.

- (a) Iungenda huic *lex 23. supr. lex 25. infr. & l. 37. de appell. GOTHOFR.*
 (b) Subiicienda hæc portio *legis* est immediate *d. legi 37. supr. de appellat. ID.*
 (c) Scilicet a Proconsule Africæ ad Principem appellabatur, quod præter *hanc l.* ostendit insuper *d. lex 37. supr. de appell. ibi, totiens ad nos referri. ID.*
 (d) Cuiusmodi tu Proconsul Africæ es. *ID.*
 (e) Idest ad nos referre. *ID.*
 (f) Idest, apud alios Iudices. *ID.*
 (g) Quænam illa sit? mox inquiram. *ID.*
 (h) Supple *Treu. ex d. l. 23. supr. l. 25. infr. ID.*

XXV. (a) Idem AAA. ad Thalalassium Proconsul. Africæ. Post alia.

AB Executione appellari non posse, satis & Iure (b) & Constitutionibus cautum est, ita (c) ut appellanrem, etiam nostris sanctionibus statuta multa compescat: nisi forte Exsecutor sententiæ, modum iudicationis excedat: a quo si fuerit appellatum, executione suspensa, decernendum putamus, ut si res mobilis est, ad quam restituendam Exsecutoris opera fuerit indulta, appellatione suscepta, possessori res eadem detrahatur, & idoneo (d) collocetur, reddenda ei parti, pro qua Sacer Cognitor (e) iudicauerit. Quod si de possessione, vel fundis, executio concessa (f) erit, & eam suspenderit prouocatio, fructus omnes, qui tempore interpositæ prouocationis capri, vel postea nati erunt, in deposito conlocentur, iure fundi, vel (g) penes eum qui appellauerit constituto. Sciant autem se, prouocatores, vel ab Executione appellantes, vel ab Articulo (ex (h) his duntaxat causis, ex quibus recipi iussimus prouocationem) si eos perperam intentionem Cognitoris suspensisse claruerit, quinquaginta (i) librarum argenti animaduersione multandos, Dat. III. Kal. Febr. Treu, Valente VI. & Valentiniano II. AA. Coss. [378.]

NOTAE.

- (a) *Lex 5. C. Iust. cod. tit.* Quænam autem iungendæ huic sint *leges*, ad superiores duas *ll.* iam dictum, quæ & ipsæ de earum numero sunt. *GOTHOFR.*
 (b) *Iuris & Constitutionum* discrimen hic obserua: Nempe, per *ius* intelligenda vetus *Inurisprudencia* Veterum Iurisconsultorum, & veteres *leges*: quæ distinctio sæpe vsui esse potest in conciliandis legibus. V. Cuiacium 1. *Respons. Papiniani ad l. 81. D. de furtis*: *ius antiquum* vocatur *l. 18. supr. ID.*
 (c) Hæc sententia detracta *Cod. Iust. ID.*
 (d) *Et sequestro idoneo*, ita *Cod. Iust. ID.*
 (e) Cuiusmodi Tu es. *ID.*
 (f) Perperam in *Cod. Iust. cessauerit*, pro *concessa erit. ID.*
 (g) Hæc vox abest a *Cod. Iust.* de quo mox dicam. *ID.*
 (h) Detracta hæc sententia *Cod. Iust.* summa incogitantia: alioquin enim, si *ius nouum* Iustinianus respexisse voluis, penitus sustulisse eum oportuit illa, *vel ab articulo. ID.*
 (i) Quæ pœna iam statuta *l. 15. 16. supr. h. t.* & de qua ipsa est *lex 20. supr. ID.*

COMMENTARIUS.

AB ARTICULO, seu PRÆIUDICIO (idem enim hæc duos esse, ostendi ad *l. 2. sup. h. t.*) & ab EXECUTIONE, cum regulariter appellari non possit, & (ut loquitur *lex 25.*) satis id & Iure & Constitutionibus cautum sit; attamen prolixa adhuc constitutione Gratianus Imper. (cuius *hæc tres ll.* particulæ sunt, & quarta insuper, puta *lex 37. supr. de appellat.*) non tantum id confirmat, verum etiam nonnulla insuper hanc ad rem præstat.

Primo, num pœna aliqua infligenda sit, ab articulo, vel executione perperam seu importune ap-

pellanti? Et vero cum & a præiudicio & ab executione importune appellanti anteriorum Principum constitutionibus, multa imposita foret, (puta *lege 2. 3. 5. 15. 16. supr. h. t.*) Gratianus *l. 23. & 25.* distinctionem inducit, inter appellantem a præiudicio seu articulo, & appellantem ab executione: ut hic videlicet, multetur *d. l. 25.* ille non item *d. l. 23.* Addita ad hoc posterius ratione, *Quod satis pœna videatur, non audiri prouocantem ab articulo*: Ac si diceret, nihil eum adeo aut graue admittere, ut propterea multandus veniat: neque eo minus enim Iudi-

Iudicem *ad finem tendere* posse (vt ipse loquitur:) idest, ad sententiam properare, neglecta appellatione. Atenim granius peccat grauiorque eius contumacia videtur, qui ab executione deinum, & sic a praiudicio suo, idest, comprobata semel a se silentio sententia, appellare fas putat, cui a sententia appellare integrum fuerat: & grauior est contumacia sero appellantis, quam pramature, qui venia vtique magis dignus est. Hoc primum.

Subiicit secundo loco Gratianus *Exceptiones*, quibus tum ab articulo, tum ab executione quandoque appellare liceat. Ab articulo igitur appellari posse definit, si *exceptio*, siue *prescriptio peremptoria* a Iudice interlocutoria sententia repulsa seu improbata fuerit, de quo sane *tribus legibus* agitur; puta l. 23. & 24. hic & dist. l. 37. *supr. de appellat.* Quinimo & id ipsum indicatur *sine quarta legis*; puta l. 25. Sed & de eo accipienda *lex 18. sup.* de que eo plenissime egi ad d. leg. 37. Rursus ab executione appellari posse definit, si executor modum sententiae excedat: de quo speciatim est *lex 25. idemque iam tantum d. leg. 18. sup. h. t.* vbi dixi.

Tertio circa vtrumque etiam nonnulla praeterea ab eodem Gratiano consiliuntur. Ac primum circa praescriptiones peremptorias, l. 24. (iuncta *lege 37. supr. de appellat.*) vt si plures praescriptiones *peremptoriae* alicui competant, vna tantum improbata appellari non possit, aliquin si appellatum, & super ea appellatione a Principe cognitum fuerit, moxque aliam peremptoriam litigator apponat, eam quidem in processu iudiciario defensionis loco opponere posse, sed propter eam non admissam appellare non posse. Scilicet vt maxime successiuis pluribus appellationibus ad Principem locus in eodem negotio, & ob idem factum, esse non debet, ne aliquin Principis forte occupationes (ad quem appellatur a Sacro Cognito) nimio plus interrumpantur (quam rationem suppeditat *lex 24. h. t. & lex 37. supr. de appellat.* de quo etiam v. quae dixi ad l. 3. *supr. de diuers. rescriptis*.) ita defensionem ipsam praescriptionis peremptoriae alicui adimi hoc obtentu iniquum foret. Denique facilius appellationis

auxilium ante definitiuam sententiam adimitur, quam defensionis: & parcius extraordinarium iuris remedium tribuitur, quam defensio *iuxta ordinem iuris*: vt hac l. 24. loquitur. Et haec quidem ita obtinent, vbi a sacro Cognito ad Principem appellatur: aliud enim fuerit, si ad alium appellatur: toties enim tum appellari potest, quoties praescriptio peremptoria improbata fuit; Atque ita accipio *legem 24. in fine*. Etrationem differentiae hanc subsumo, quod, non vt Principis, ita & aliorum Iudicum occupationes diffindi adeo interfit, in hoc positorum, vt de appellationibus iustis cognoscant, cuiusmodi est appellatio ab improbata praescriptione peremptoria. Et haec de praescriptionibus peremptoriis, (quibus addi possunt, & quae notauimus *sup. ad l. 3. de diuers. rescriptis*.) Et sic de *lege 24.*

Sequitur quarto loco ordo quem obseruari vult Gratianus appellatione facta ab executore modum iudicationis excedente. Nempe si de re mobili agatur, eam ideo collocandam, idest, (quod Tribonianus recte addidit) *Sequestro ponendam*, de quo sequestrandi more iureque, dictum ad *leg. unic. supr. de pecunia sequestratione prohibita*, ea videlicet *lege* (quae omni sequestrationi communis est,) vt videlicet ei parti reddatur, pro qua iudicatum fuerit. Si vero res immobilis fuerit, fructus vel iam perceptos seu extantes appellationis tempore, vel postea natos sequestro pariter collocandos; quod & ipsum in omni prouocationis genere tradit Paulus V. *sentent. 36. §. 1.* & Symmachus *lib. 10. Ep. 46.* Interea iure fundi penes appellantem constituto, id est, penes possessorem, aduersus quem iudicatum est: neque enim proprietati, suspensa per appellationem sententia, praiudicium fieri potest.

Postremo loco poenam 50. librarum argenti imponit iniuste appellanti, quibus aliquin casibus recte appellatur ab articulo & executione. Atque ita hac parte exaequatur vtrique appellatio, quae *primo capite* distinguebatur. *Iniusta* scilicet appellatio nis poena semper esse debet: non etiam *importuna* semper.

XXVI. (a) Imppp. GRATIANVS, Valentinianus & Theod. AAA. ad Hypatium P. V. (b)

QVISQVIS, ne voluntas diem (c) functi *Testamento* scribta *referetur*, vel ne hii, quos scriptos patuerit, *Heredes*, Edicti (d) per Diuum Hadrianum conditi beneficium consequantur, ausus fuerit prouocare, interpositamque appellationem, cuius (e) de eare notio erit, recipiendam esse crediderit, viginti librarum auri (f) multa, & litigatorem qui tam inopportune (g) appellauerit, & Iudicem qui tam ignaue (h) conhibentiam (i) adhibuerit, inuoluat. Dat. Non. April. Treu. (k) Auxonio & Olybrio Coss. [379.]

INTERPRETATIO. *Lex ista specialiter iubet, (l) vt si quis a quocunque conditum testamentum per appellationem differre voluerit, vt non debeat referari, & scriptum heredem ab adeunda hereditate suspendere, & in hac parte Iudex appellatori voluerit praebere consensum, vt quo minus scriptam voluntatem non subsequatur effectus, tam ipse Iudex, quam is qui appellauerit, viginti libras auri fisco cogantur exsoluere.*

NOTAE.

P. 311. (a) *Lex 6. C. l. i. cod. tit. GOTHOF.*

(b) *Hypatius* sub Gratiano P. V. Romae scilicet. postea Praefectus Praetorio A. D. 381. 383. v. *Consul. Theod. & Indicem Pers.*

Geminæ Hypatii huius Præfecturæ meminit Ammianus Marcellinus *lib. 29. cap. 2. v.* quæ notavi ad *l. 13. supr. de extraordin. ID.*

- (c) *Voluntas defuncti*, Cod. Iust. *ID. Voluntas diem defuncti*, MS. G. RITTER.
 (d) Prohis, *Edicti per D. Hadrianum conditi beneficium consequantur*, in *Cod. Iust.* legitur, *in possessionem mittantur*, de cuius immutationis ratione mox dicam, GOTHOFR.
 (e) *Is cuius*, C. Iust. & Edit. Srichard. *ID. Male* MS. G. hic, *interpositaque appellatione cuius de ea re nuntiatio erit.* RITTER.
 (f) Ita quoque in *MSS. Cod. Iust.* editi vulgo male *argenti*. GOTHOFR.
 (g) *Importuna* appellatio, intempestiva: vt in sp. *huius l.* & in causa Interdicti, vel a præiudicio. *ID.*
 (h) *Ignauam* C. Iust. *ID.*
 (i) *q. Conuientiam*. *ID.*
 (k) *q. Non Aug.* vt recte notatum in *Chronolog.* Mense Aprili enim Gratianus in itinere, Sirmio Italiam versus, constitutus fuit. RITTER.
 (l) *Præcipit*, MS. G. *ID.*

COMMENTARIUS.

ADVERSUS sententiam, qua TESTAMENTI apertura mandatur; item aduersus HÆREDVM scriptorum missionem in bonorum defuncti possessionem, appellare non licet; Quod præter *hanc l.* docet *lex ult. D. de appellation. recip. vel non*: nempe quia res hæc dilationem non recipit, vt *d. l. ult.* expressum est; neque huic rei moram fieri quocunque obtentu oportet, de quo videndi sunt, *Tituli, quemadmodum testamenta aperiuntur, & tit. Cod. Iust. de Edicto D. Adriani tollendo, & quemadmodum scriptus hæres in possessionem ducatur: & Paulus lib. III. sentent. tit. 6. § 14. 15. 16. 17. 18. Vide & de hacre Scacciam de appell. quest. 17. limit. 5.*

Vt hæc notissima sunt, ita Tria *hac l.* notanda sunt. Primum de Edicto D. Adriani (cuius etiam mentio fit *l. ult. supr. de testam. & Nouell. Valentin. de testamentis 4.*) nempe Edicto D. Adriani, scriptus hæres intra annum post aperturam testamenti, submota omni frustratione, in possessionem rerum hæreditariarum mittebatur, id quod occasione Vicefimæ hæreditatum inductum fuerat, ne qua videlicet tam necessario vectigali mora fieret; vt docet Justin. *lege ult. C. de Edicto D. Adriani toll.* neque hæres institutus necesse habebat petere bonorum possessionem secundum tabulas, vt vice versa si hanc mallet, beneficium Edicti non habebat, vt docet *d. lex ult. supr. de testam. & d. Nouell. Valentin. 4.*

verum sublata postea a Iustiniano ex illo Edicto D. Adriani missio in possessionem *d. l. ult. Cod. Iust. de Edicto D. Adriani toll.* ita vt etiam post annum ex eius constitutione hæres missionem impetret, neque ei obset præscriptio longi temporis: Et hæc causa est, cur Tribonianus ex *hac l.* & *d. l. ult. supr. de testam.* Edicti D. Adriani mentionem sustulerit.

Secundum est de Iudice etiam supra dictam appellationem admittente, & importuno appellatore, XX. libris auri multando, de quo iam sæpe dictum est, ac nominatim de pœna Iudici eo nomine imminente: vid. *leg. 10. 15. 16. supr. h. tit.* Symmach. quoque *lib. 2. ep. 30. Vt receptarum*, inquit, *appellationum panam Sicilia Reçtor exolueret.* Et ita quidem Gratianus *hac leg.* At Theodosius *l. 42. supr. de appell. & Valentinianus Iun. l. 44. eod. tit.* Iudicem non damnauit verecunde sæpe superfluum appellationem admittentem.

Tertium est, perstringi videri *hac l.* ipsummet Hypatium PP. cui hæc *lex* inscribitur, quod talem appellationem nimia lenitate admisisset: Ammiani quippe Marcellini etiam de eo iudicium istud est, *fuisse eum virum quieti placidique consilii, & lenium morum, lib. 29. cap. 2.* cuius vtique lenitatis vel maximum iudicium est in Iudice, si superuacuum etiam appellationem admittat.

XXVII. (a) Idem AAA. Hypatio (b) PF. Augustali.

VNIVERSI, quos in *Publicis* (c) contractibus manifestissimos (d) *Debitores* Cognitio Inquisitioque (e) conuicerit, statim, vt sententia fuerit promulgata, obnoxii redhibitione (f) teneantur: Nec illis aliquid, ad (g) excogitandas fraudes & versutias exerendas, moræ ac temporis relaxetur. Dat. VIII. Id. Maii, Constantinop. Merob. II. & Saturnino Coss. [383.]

NOTAE.

- (a) Absit hæc *lex* a *Cod. Iust.* GOTHOFR.
 (b) *Hypatius* Præfectus Augustalis sub Theodosio M. Eidem inscribitur nouennio post, *lex 31. infr. b. t. & l. 20. infr. de nautical.* Eiusdem meminit & Farrago Alexandrina apud Sciligerum in *Eusebianis p. 70.* sub Anno 380. vide *Prosopogr. ID.*
 (c) Idest, *fiscalibus*. Vide & *l. 19. supr. ID.*
 (d) Vide pariter *leg. 8. 9. 18. 19. 21. supr. & leg. 30. infr. b. t. ID.*
 (e) *Discussoris*, de quo v. *leg. 21. supr. b. t. ID.*
 (f) Idest, solutione. *ID.*
 (g) Idest, ad appellandum. *ID.*

COMMENTARIVS.

PUBLICIS ex contractibus seu FISCALIBVS manifestos debitores, appellandi ius non habere vt aliis *legibus* ita & hac l. a Theodosio M. definitur: de quo iam *sepe*: quæ quidem ita, suadente Rubrica *huius tituli*, accipienda est. Quamquam illud ipsum etiam indicare videri possit, quod continetur l. 31. *inf.* quæ eidem Hypatio PF. Augustali inscribitur. Cæterum eadem ratione Theodosius M. debitoribus publicis *afyli* seu ad Ecclesiam perfugii ius denegauit l. 1. *sup. de his qui ad Eccles.*

XXVIII. (a) Idem AAA (b) Eucharior (c) Proconf. Palæstinæ.

PROPTER neglectorum contumaciam præceptorum (d) obnoxios, beneficio prouocationis excluso, pœnam (e) inferre, sine aliqua procrastinatione, præcipimus. Dat. X. Kal. Decembr. Constp. Merob. II. & Saturnino Coss. [383.]

NOTAE.

- (a) Abest hæc lex a Cod. Iust. GOTHFR.
- (b) Reponendi Impp. Valentinianus, Theodosius & Arcadius & ita quoque duabus legibus segg. ID.
- (c) Eucharior Proconf. Palæstinæ sub Theodosio M. v. Profopogr. ID.
- (d) Id est sententiæ, quod mox plenius probabo. ID.
- (e) Id est, multam. ID.

COMMENTARIVS.

AMVLTa CONTVMACIALI appellari non posse definit Theodosius M. a multa inquam, contumaciali, puta si quis præcepto alicui Iudicis non pareat, atque ea re ob contumaciam, pœnæ seu multæ obnoxius factus fuerit. *Præceptorum* scil. appellatione *hac lege* exaudiendum est præceptum Iudicis: vel etiam sententiæ: pariter vt l. ult. *sup. de sententiis ex periculo recitand.* *Conditio*, inquit, *præceptorum partibus præsentibus habita non potest immutari*, id est vt recte interpretatus est Anianus, quicquid præsentibus partibus in causis fuerit ordinatum. Eodem quoque sensu l. ult. *D. quæ sententiæ sine appellat.* Paulus dixit; *Impossibile præceptum Iudicis*; quam mox *sententiam* vocat, cui *pareri rerum natura non potuit*. Neque enim Cuiacio assentiri possum, qui hæc a se inuicem distinguunt: Nempede impossibili sententiæ duo responsa Pauli ibi referuntur: primo, eam nullius esse momenti; secundo, (quod prioris responsi consequens erat, verum alterius responsi est) sine causa ab ea appellari, id est ita nullam esse, vt ab ea appellare ne-

cesse nil sit. Neque alio sensu apud Modestinum *præceptum* dicitur l. u. *D. de except. præscript. & præiud.* Nam & *ibidem* sententiæ iudicis vocatur. Neque quicquam obstat, quod ibi *præceptum sine interlocutio Iudicis* dicitur. Interlocutio enim ibi non definitiue sententiæ opponitur, verum pro ipsa sumitur sententiæ definitiua, quo sensu etiam accipitur *interloquendi* vox l. 1. §. 1. *D. de constitut. princip.*

Vt ad *legis* sententiæ redeamus: a contumaciali multa, eo quod sententiæ seu præcepto Iudicis paritum non sit, appellare non licet. Secundum ius potestatis scil. suæ, Iurisdictionem suam pœnali Iudicio magistratibus defendere licet, sine quo vana & illusoria alioquin omnis esset Iurdictio, l. ult. §. 1. *D. de offic. eius cui mandata Iurisd. & tit. D. si quis ius dicenti non obtemperauerit.* Alias, seu in aliis multis, quæ delictis irrogantur, appellare licet, l. 38. *sup. de appellat.* l. 244. *D. de V. S.* l. 2. *D. quis a quo appelletur.* & l. 5. *C. Iust. quando prouoc. non est necesse.*

XXIX. (a) Idem AAA. ad Pelagium Com. (b) R. P.

ANTE certum (c), *sententiæ* tempus, & ordinem euentus, (d) a Discussore, vel a Rationali appellare non liceat, &c. Dat. XV. Kalend. Mar. Mcd. Arcad. A. 1. & Bautone Coss. [385.]

NOTAE.

- (a) Lex 7. Cod. Iust. *cod. tit.* Iungenda autem huic est lex 45. *sup. de appellat.* GOTHFR.
- (b) Pelagius Comes R. P. sub Valentiniano Jun. v. Profopogr. ID.
- (c) Abest hæc vox a Cod. Iust. ID.
- (d) Nec a Discussore, nec a Rationali appellari liceat; ita Cod. Iust. ID.

COMMENTARIVS.

ANTE DEFINITIVAM sententiæ, vt cæteris *legibus* ita neque a Discussore, vel a Rationali

ex hac Valentiniani Iunioris constitutione, qui in vniuersum de appellationibus a Discussore vel Rationali diligentius cauit, ad quænam videlicet eas fieri oport-

oporteat, & intra quod tempus peragi debeant, l. 45. foribus alioquin actum iam l. 21. sup. & suum habent sup. de appellat. quæ huic est iungenda. De Discus- titulum lib. X.

P. 14.

XXX. (a) Idem AAA. ad Florentinum (b) Com. S. L.

SÆPE (c) cautum est, *Evidentissimos* (d) *Debitores* (e) appellantes audiri nullatenus oportere. Deinde, ab *Executione* adeo posse neminem prouocare, ut si hoc forte temptauerit, ut postea (f) a præiudicio appellans, ad quinquaginta librarum argenti multam iure retinendus sit, &c. Dat. VI. Kalend. Decembr. Aquil. Arcad. A. I. & Bautone Coss. [385.]

NOTAE.

- (a) Abest & hæc *lex a Cod. Iust.* Iungenda huic est *lex 46. sup. de appellat. GOTHOFR.*
 (b) *Florentinus* Comes S. L. sub Valentiniano Iun. vocatur *Florentius d. l. 46. v. Protopogr. ID.*
 (c) Puta l. 6. 8. 9. 10. 12. 13. 18. 19. 21. 27. sup. b. t. & aliis sub tit. de appell. ID.
 (d) Ita pariter l. 8. 9. 18. 19. 21. 27. sup. b. t. ID.
 (e) *Debitorum* appellatione speciatim intelligendi debitores fiscales, ut etiam *huius l.* inscriptio docet, & d. *lex 46. sup. de appellat.* de quo plenissime dixi ad l. 6. sup. de *diserf. rescript.* & l. 6. sup. *hoc tit. ID.*
 (f) Interea dum quid certius alii afferunt, hunc locum ita restitui: *utpote a præiudicio suo appellans*, hoc sensu, eum qui appellat ab executione, a suo & proprio præiudicio appellare: nempe qui sententiæ semel acquieuerit, non appellando. Perperam vero hæc habere exinde liquet, quod superioribus nequicquam aptari possint, ac insuper a præiudicio seu articulo prouocans, nullam multam incurrat, ex l. 23. sup. b. tit. Nisi putemus antiquum Ius hic reduci *legis 15. & 16. sup.* Tandem forte hic legendum, syllaba *præ*, suo loco restituta, ita ut *præpostere iudicio appellans. ID.*

COMMENTARIUS.

FISCALIBUS in causis debitores manifesti appellare non possunt ex hac quoque lege Valentiniani Iun. pariter ut frequentibus aliorum Principum constitutionibus: quarum recensum institui ad l. 6. sup. non manifesti possunt: quomodo etiam accipienda est *lex 46. sup. de appellat.* quæ huic est iungenda. Item ab *EXECUTIONE* appellanti vetus 50 librarum multa imponitur, de qua l. 15. 16. 20. 25. sup. b. tit. Est autem hæc *lex* pars Valentinianæ constitutionis, qua modum fiscalibus appellationibus posuit: unde desumpta est d. *lex 46.* ad quam dicta huc arcessi possunt.

XXXI. (a) Imp. THEOD. Arcad. & Honor. AAA. Hypatio (b) P. F. Augustali.

OFFICIUM, quod rettulit (c) prouocare *Conuictor*, vel appellare *Confessos*, triginta auri libras inferat fisco: Nec vlla Episcoporum, vel Clericorum, vel Populi suggeratur (d) interuenire aut interuenisse persona: Nec enim eos fas est adimi debita seueritati, qui pacem publicam, actum perturbatione confusam, rebeli contumacia miscuerunt. Non ignaro ipso etiam Iudicante (e), nisi post sententiam dictam impleuerit (f) suas partes, eadem se multa, qua Officium, esse plectendum. Dat. V. Id. Apr. Const. Arcad. A. II. & Rufino Coss. [392.]

NOTAE.

- (a) Abest hæc *lex a Cod. Iust.* Omisit eam quoque Baronius in *Annal. suis. GOTHOFR.*
 (b) *Hypatius* Præf. Augustalis sub Theodosio M. cui inscribitur hoc ipso tempore, *Prid. Id. April. lex 20. inf. de nauicular.* & ante nouennium *lex 27. sup. hoc tit. ID.*
 (c) Forte *pertalis*, id est permisit: quanquam & hoc ferri posse scio. ID.
 (d) Dicatur, ad speciem & obtentum. ID.
 (e) Ex collatione l. 15. sup. de *pœnis*: ipsum Præfectum Augustalem intelligo. ID.
 (f) Id est, nisi sententiam executioni tradiderit, & sic eripi reos pœnæ fuerit. ID.

COMMENTARIUS.

DE CRIMINUM reis, conuictis, vel confessis, non tradiderint: ubi notandum conuictos vel confessos reos requiri, de quo ad l. 1. & 7. sup.
 Est hæc Theodosii M. constitutio: qua duo definiuntur. Primo, his appellare non licere, quod cauetur l. 1. 4. 7. 14. sup. & l. ult. inf. b. t. & l. 15. sup. de *pœnis*: (quæ vno tantum mense hanc præcedit) quin potius debita seueritati eos subiici debere: Officialibus triginta anni librarum multa imponitur, si appellationi detulerint, & sententiam executioni
 Secundo (quod alterum huiusce l. & potissimum caput est,) eripi criminum reos pœnæ debita vetat Theodosius M. quorumcunque tandem interuentu: puta Episcoporum, Clericorum, aut Populi, pariter ut ante mensē d. l. 15. sup. de *pœnis*: & postea quoque Arcadius filius eius, l. 16. sup. de *pœnis*, seu l. 57.

l. 57. sup. de appellationibus : quibus locis dicta huc arcessi oportet.

Illud *hac l.* notari cupio, pertinere eam ad Egyptum (cuius Praefecto *hac lex* inscribitur) vt seditionum & turbarum ceteroquin nūtriculā, & vt *hac lex* loquitur eleganter, vbi multa saepe, *pacem publicam actuum perturbatione confusam, rebelli contumacia miscebant*, de quo dixi plene, ad *l. vii. p. 315. sup. de his qui plebem aud. contra publ. discipl.* & ad *l. 3. inf. de his qui super religione*. Et sane eo quoque respicit *hac lex* : illis verbis : *Nec enim eas fas est adimi debitae severitati, qui pacem publicam actuum perturbatione confusam, rebelli contumacia miscuerunt*. Quia & eripicadorum nominatim reorum debitae pœnæ usurpationem per Episcopos,

Clericos, Monachos vel in Egypto potissimum inoleuisse, iuxta *hanc l.* ostendunt pariter *d. lex 15. & 16. sup. de panis*, quibus inter alios de Praefecto Augustali pariter agitur. Ceterum hoc tempore Alexandrinus Ep. erat Theophilus : de quo etiam forte senserit *h. l.* Theodosius M. Notum enim ex Socrate *lib. 7. c. 13. 14. 15.* Cyrilli exemplo, quantum hanc in partem sibi Alexandrini Episcopi licere putauerint. Ne de monachis nuncagam, qui hoc ipsum usurpare soliti.

Quod de *confessis* initio *leg.* additur, de eo in pari negotio tumultus videlicet Antiocheni, Libanius *orat. 21. in Ellebichum*, p. 532. Edit. Morelli, quem locum retuli ad *l. i. sup.*

XXXII. (a) Impp. Arcad. & HONOR. AA. Apollodoro (b) Com. R. P.

ET *Publicarum* necessitatum, & *Prinati* ararii poscit (c) utilitas, ne commoda, quæ Domui Nostræ debentur, callidis debitorum artibus differantur. Quamobrem, eorum appellatione reiecta, qui aperte (d) manifesteque conuicti sunt, hoc obseruari præcepti huius auctoritate censemus, vt ei quem constiterit esse publicum debitorem, appellationis beneficium denegetur. Dat. IV. (c) Id. Aug. Med. Arcad. IV. & Honor. III. CONSS. [396.]

NOTAE.

- (a) *Lex vlt. C. Insl. eod. tit. GOTHOFR.*
- (b) Apollodorus Comes R. P. sub Honorio A. D. 396. ID.
- (c) *Deposcit*, Cod. Insl. ID.
- (d) Ita quoque *l. 8. in Interpretatione*, & *l. 9. 18. 19. 21. 27. 30. sup. b. tit. ID.*
- (e) *III. Id. Aug. ita, Cod. Insl. ID.*

COMMENTARIUS.

PRIVATÆ rei debitores manifesti, id est publici debitores, appellandi ius non habere definit Honorius Imp. quod & ipsum cauetur *l. 6. 9. 12. 18. 19. & 21. sup. hoc tit.*

XXXIII. (a) Imppp. Arcad. HONOR. & Theod. AAA. Nestorio Com. & Duci. (b)

ALIVANTOS in Tripolitana prouincia *Reos* temere ad appellationis conperimus auxilium conuolare, vt pœnam prouocatione diffugiant. Ideoque decernimus, vt, manentibus his, qui (c) de audientiae discretione superioribus sunt decreta præceptis, in *Conuictos* tanquam (d) *Confessos* sententia proferatur : ea nihilo minus (e) condicione seruata, vt nullus, *prius quam Iudicii formam* examen susceptæ cognitionis inueniat, appellandi habeat facultatem. Dat. VII. Id. Decemb. Rauen. Arcad. A. VI. & Probo V. C. COSS. [406.]

NOTAE.

- (a) Absit *hac lex* a Cod. Insl. GOTHOFR.
- (b) Nestorius sub Honorio Comes & Dux Tripolitanae Prouinciae, quod ipsa *lex* ostendit, de quo Duce Prouinciae Tripolitanae, vide *Notitiam Imperii fol. 166.* Ante hunc Nestorium memoratur, *l. 133. inf. de decurion. Syluanus Dux & Corrector limitis Tripolitani. ID.*
- (c) *79. quæ.* De huius vero loci sensu mox. ID.
- (d) De hoc loco mox. ID.
- (e) Nihilominus, pro pariter, similiter. ID.

COMMENTARIUS.

IN CRIMINALIBVS, & CIVILIBVS causis, an & quando appellari possit? definit *hac l.* Honorius Imp. In criminalibus scil. causis; quod prius *Tom. IV.*

num *huius l.* caput est; appellationem admittit et rat; de quo complures sunt *huius tituli leges*, de quibus dixi semel ad *l. 1. 4. 7. sup.* ratione hic expressa, quod

quod scil. Reſcriminum ad appellationis auxilium conuolare ſoleant, vt poenam pronocatione diſſugiant, adde vel differant. Quare Iudicis officium inſtruit in cauſis criminalibus *hac eadem lege*. Primo, vt quæ de *Audientia diſcretionis* ſuperioribus legibus ſunt decreta, obſeruet, id eſt, ſi bene capio, ne in medio iudicii, animi ſui ſenſa prodat: ne alioquin rei appellandi materiam inde arripiant, verum vt diſcretionem ſeruet in audientia præbenda. Quam in rem vide *legem 2. ſupr. ad leg. Corn. de falſo*: & Gellium *lib. 14. cap. 2. ſecundo*, vt Iudex ſententiam proferat in *Conuictos tanquam conſeſſos*, id eſt, non minus in conuictos, quam in conſeſſos: in vtroſque igitur: & ſic in conuictos, etſi non conſeſſos:

de quo dixi iam ad *l. 1. 7. ſup.* Nam vt in ſponte conſeſſura non aliz ſunt iudicis partes, quam vt reum condemnnet, quod vulgatum alioquin eſt iuris axiomata, ita pariter in legitime conuictum, tanquam conſeſſum. Et hæc de primo *huius l. capite* ſeu de cauſis Criminalibus.

Secundo capite in Ciuilibus cauſis ante definitiuam ſententiam appellari vetat, de quo pariter ad *leges ſuperiores*.

Illud obſeruandum *hanc l.* pertinere proprie ad prouinciã Tripolitanam, pariter vt in eodem appellationis negotio *lex 33. 59. ſupr. de appellationib.*

SI DE MOMENTO FVERIT APPELLATVM.

TITVLVS XXXVII.

LIB. VII. COD. IVST. TIT. LXIX.

Si de momentanea poſſeſſione fuerit appellatum:

I. (a) Imppp. VALENTINIANVS, Theodoſ. & Arcadius AAA.
ad Euſignium. PF. P. (b)

CVM de poſſeſſione & (c) momento cauſa dicitur, etſi appellatio interpoſita fuerit, tamen lata ſententia ſortiatur (d) effectum: atque (e) ita demum ad Noſtram Scientiam referatur. Ita tamen poſſeſſionis reformationem (f) fieri oportet, vt integra omnis proprietatis cauſa ſeruetur. Dat. XIV. (g) Kal. Dec. Med. Honor. NB. P. & Euodio Coſs. [386.]

INTERPRETATIO. *Si de momento fuerit appellatum, momentaria cauſa audientiam proprietati obſeſſe penitus non debere, quamlibet de momento videatur aliquid iudicatum, quod in effectum ſit ſine dubio deducendum, nec poſſit appellatione ſuſpendi. Iubet tamen reſtituto momento cauſam proprietatis ex integro debere cognoſci.*

NOTAE.

(a) *Lex vn. C. Inſt. cod. tit.* Et concordat huic *lex 22. ſupr. tit. prox. quorum appellat. GOTHOFR.*

(b) *Euſignius PP.* Italice ſub Valentiniano Iuri. v. *Proſopogr. ID.*

(c) *De eius momento,* Ita *Cod. Inſt. ID.*

(d) *Sortitur,* *Cod. Inſt. vulgatus.* Nam & veteres habent *fortiatur. ID.*

(e) Hæc ſententia detracta *Cod. Inſt. de quo mox plenius. ID.*

(f) De hac voce conſule *Gloſſarium. ID.*

(g) *XII. MS. G. ID.*

COMMENTARIVS.

A MOMENTO appellari non poteſt, id eſt, a poſſeſſionis reformatione & interdicto recuperandæ poſſeſſionis, de quo fuit quoque *lex 22. ſupr. tit. prox. quorum appellat.* & de eodem accipienda extrema *legis 18. cod. tit.* Symmachus *lib. 10. ep. 41.* biennio ante *hanc l.* In cauſis, inquit, quibus momenti reformatio poſtulat, appellationes recipi non oportet; & rurſum ſine epistolæ, Tunc Scirtius obſculis ſanctiores, quibus doceret, in reformatione momenti nullum eſſe appellationis locum. Vide &

Edictum Theodorici Regis Gothorum *cap. 55.* Cæterum de momenti appellatione dictum fuit ad *leg. 4. & ult. unde vi.* Conſule & Symmachum & Caſiodorum, & *leg. 2. ſupr. ad legem Corn. de falſ.* Pariter reformationis hæc in ſignificatu exempla *Gloſſarium* exhibet: Sed & paſſim Symmachus. Rationem huius conſtitutionis repete ex *d. l. 22. ſupr. quor. appellat.* cui ſubſcribunt *lex 2. 4. ſupr. unde vi.* & *lex 3. ſupr. ad l. Inſt. de vi.*

DE POSSESSIONE AB EO, QVI BIS PROVOCAVERIT,

TRANSFERENDA.

TITVLVS XXXVIII.

LIB. VII. COD. IVST. TIT. LXX.

*Ne liceat in vna eademque causa tertio prouocare, vel post duas
sententias iudicum, quas definitio Præsectorum
roborauerit, eas retractare.*

I. (a) Imppp. Valentinianus, THEODOS. & Arcad. AAA.
Procuro P. V. (b)

QVI gemino iudicio fuerit superatus, nec tamen obstinatam illam (c) peruiaciam (d) putauerit relinquendam, sed iterum prouocandum esse crediderit, ab eo ad petitorum mox possessio transferatur. Dat. XVI. (e) Kalend. Iul. Aquil. Tatiano & Symmacho CONSS. [391.]

INTERPRETATIO. *Si quicumque in vna causa duobus iudiciis fuerit superatus, & adhuc eandem agendi pertinaciam voluerit retinere, & iterum appellandum esse putauerit, in aduersarium eius continuo possessio transferatur.*

NOTAE.

(a) Absit hæc lex a Cod. Iust. GOTHOFR.

(b) Proculus sub Theodosio M. P. Urbis Constantinopolitanae scil. Vide *Prosopogr.* & inter ceteras leges, *legem 10. & 12. infr. de annonis ciuicis*: de eodem vide Zosimum *lib. 4. cap. 52.* & Claudianum *l. b. 1. in Rufinum v. 247. ID.*

(c) Appellandi scil. ID.

(d) De *peruiacia* appellatione vide *Nonium cap. 5. num. 40. ID. Pertinaciam*, MS. G. quæ vox ex interpretatione in textum irrepsit. RITTER.

(e) Eadem die, ex eadem Urbe, ab eodem Theodosio, data his ipsis CONSS. *lex 11. infr. de paganis.* Verum ea neque inscriptione, neque argumento conuenit. GOTHOFR. MS. G. XVI. Kal. & unus ex Sichardi *Codd. VI. RITTER.*

COMMENTARIVS.

Bis in eadem causa qui appellat, si possessor sit rei, qua de agitur, possessio ab eo in petitorum hac Theodosii M. constitutione transferri iubetur. Vt maxime scil. bis iam olim prouocare licuerit, pro gradu videlicet & subordinatione, sic ut dicam, magistratuum: Denique prout a magistratu aliquo appellare licuit cuius rei exempla suppeditat *lex 38. D. de minoribus*: & *lex 122. §. 6. D. de V. O.* in quarum specie primum a Prætoris ad Præfectum Urbis, dein a Præfecto V. ad Principem prouocatum fuerat; attamen obstinata hæc peruiacia, vincere tandem aliquo iudicio volentis, atque aleam iudicii tam sæpe tentantis, eatenus saltem plectenda visa fuit, vt rei petite possessio interim in aduersarium transferretur; ne commodum possessionis hac iudiciorum perambulatione graduaria & frequentis, petitor defraudaretur, qui duo iudicia iam pro se pertulisset; atque adeo vel possessionis commodum iuuandus, videbatur. Et alioquin contumaciae & dolo in aliis quoque casibus poena hæc posita,

Tom. IV.

possessionis, inquam, translationis: vt in specie *l. ult. D. de rei vindicat. & l. 8. Cod. Iust. quomodo & quando iudex sentent. profer. deb.* Interim dissimulandum non est Cuiacii error solemnissimus, qui ex *b. l. colligebat*, olim bis appellare non licuisse: Quem & duæ illæ leges *Digestorum* aperte refutant, & hæc ipsa Theodosii M. quæ non bis appellare vetat: propter obstinatam peruiaciam, vt ait lex, verum bis appellanti possessionis commodum tantum aufert: Tandem vt iterum appellare iam olim licuit, ita tertio appellandi facultatem ademit Iustinianus *l. vn. C. Iust. eod. tit.* qui ideo hanc *l.* abdicauit: & *No. uella 82. c. 5. de iudiciis.* Atenim Athalaricus apud Casiodorum IX. *Var. 18.* in vna causa secundo appellari passus non est: *Ne quod, inquit, ad remedium repertum est innocentis, asyllum quodammodo videatur esse criminosis*: poena addita: *si quis vero vetita iterare tentauerit, negotio priuatus abscedat.*

Tt 2

DE

DE FIDE TESTIVM ET INSTRVMENTORVM * TITVLVS XXXIX.

* Concordant huic titulo duo Tituli Codicis Iustiniani lib. IV. nempe Titulus 20. de testibus: & tit. 21. de fide instrument. Nexus huius tituli cum superioribus manifestus est. GOTHOFRED. In MS. G. titulus ita conceptus: De fide testium & chartarum, id est, instrumentorum. RITTER.

PARATITLON.

PROBATIO, l. 1. & l. 12. hoc tit. probationum necessitas, d. l. 1. & l. 12. b. t. incumbit petitori, d. l. 1. & l. 12. b. t. & l. vn. supr. de pecun. sequestr. quandoque & reo, de quo mox in tertio cap. huius Paratitli. In causa Inofficiosi, cui probatio incumbat, vid. l. 2. supr. de inoff. test. Debiti a defuncto probatio quomodo fiat, v. l. vn. supr. si certum pet. de chi-rogr. Absens quoque accusatus non nisi probationibus convictus damnandus est, l. 9. hoc tit. Brevis inter chartulas deportati, debitorem aliquem non probat: l. 3. supr. de fisci debitoribus. vide & de probationibus l. 1. supr. quorum appell. l. 41. infr. de Episcopis. & legem supposititiam i. infr. de episcopali iudicio. Fit porro probatio vel Tabulis vel Testibus, l. vn. de his qui ven. atat. Hinc fides Testium & Instrumentorum, Rubr. b. tit. l. 3. supr. de fisci debitor. l. 2. ad leg. Corn. de falso: vel testibus documentis, signis, l. 3. supr. de abolitionib.

2. TESTES. De his præter leges huius tituli, sunt præterea lex vn. sup. ne in sua causa: lex i. sup. de raptu virgin. l. 4. inf. de Apostatis: l. ult. supr. de accusat. l. ult. supr. de abolition. l. 3. ne præter crim. maiest. l. vn. de his qui ven. atat. l. 1. de dilat. l. 1. de testam. Dicuntur necessariae personæ, l. ult. b. t. a quibus fides notitiæ postulatur, d. l. ult. b. t. quique ideo in iudiciis exhibebantur: unde exhibitio testium, de qua d. l. 3. ne præter crim. maiest. vsus quoque horum in probandis morum suorum institutis & probitate animi eorum, qui veniam ætatis impetrare volunt, d. l. vn. de his qui ven. atat. Esse non possunt testes vlli in re sua, l. vn. supr. ne in sua causa: Qui sanctam fidem prodiderunt & sacrum Baptisma profanarunt: l. 11. hoc tit. & d. l. 4. de Apostatis: Liberti aduersus patronos, d. l. ult. supr. de accusat. Fœminæ quoque a testimoniis prohibentur, d. l. 1. de raptu virginum. Episcopum ad testimonium dicendum flagitari, vel admitti non decebat: l. 8. hoc tit. Venturis his ad iudicium, seu excitis, sumptus comperentes dandi sunt per accusatorem, aut ab his per quos fuerint postulati, l. ult. b. t. Priusquam perhibeant testimonium, Iurisiurandi religione arctandi sunt: leg. 3. & 10. hoc tit. Testes in custodiam quandoque conficiebantur ad testimonium dicendum, l. ult. supr. de abolitionib. Quæstioni etiam subiciebantur, d. l. 10. hoc tit. nonnullis exceptis, veluti presbyteris, d. l. 10. b. t. Vnius testimonium Iudex nunquam admittere debet, l. 3. hoc tit. Honestioribus denique fides potius habenda: d. l. 3. b. t. De Testamentariis tandem testibus, numeroque in testamento requisito, vid. l. 1. 3. supr. de testamentis.

3. INSTRVMENTA, Rubr. b. tit. & l. 1. supr. de dilationib. dicuntur & scripturæ, l. 2. & 4. hoc tit. & l. 9. de infirm. bis qua sub Tyrann. γεγραμμένα l. 5. hoc tit. Varias species instrumentorum vel scripturarum cumulatæ habes in Indice, in v. scriptura. Habent ea vim magnam, d. l. 5. b. t. unde fides instrumentorum, Rubr. b. t. & l. 7. supr. de pactis. Scripturis fides rerum, aut ratio probatur, aut debita: l. 9. de infirmand. bis qua sub Tyr. Sub Tyrannis quoque factæ valent: d. l. 9. Ad instrumenta vel testes proferendos dilationes dantur, l. 1. de dilationib. Prolator scripturæ, eam affirmare debet, id est, fidem eius probare, l. vn. si certum pet. de chi-rogr. Priuata testatio fidem non facit, l. 2. de denunciat. diuersæ, & fidem sibi inuicem derogantes, ab altera parte prolata, nihil firmitatis habent, l. 2. hoc tit. si suspectæ, falsæ, aut nefariæ scripturæ produci dicantur, cui probatio incumbat, quæ huius tit. legibus definitur: puta l. 4. 5. 6. 7. & l. 2. supr. de testam. l. 2. supr. ad leg. Corn. de falso.

4. De PRÆSUMPTIONIBVS, v. l. 8. *supr. ad leg. Iul. de adulter.* De ARGVMENTIS, v. l. 1. *supr. quorum appell.* de SIGNIS, v. d. l. 3. *supr. de abolitionib.*

P. 319.

POSSESSORI quandoque iuris sui probationem incumbere.

I. (a) Imp. CONSTANTINVS A. Aurelio Helladio. (b)

ET si Veteris Iuris definitio (c) & retro Principum Rescripta, in iudicio petitori eius rei quam petit, necessitatem probationis dederunt, (d) tamen nos, æquitate (e) & iustitia moti, iubemus, Vt si quando talis (f) emerferit causa, in primordio, iuxta Regulam Iuris, petitor debeat probare, Vnde res ad ipsum pertineat: sed si deficiat pars (g) eius in probationibus, tunc demum possessori necessitas inponatur probandi, (h) Vnde possideat, vel Quo iure teneat: vt sic veritas examinetur. Dat. Naiffo XV. Kalendas Octobr. Paulino & Iuliano Coss. [325.]

NOTAE.

- (a) Absit, hæc lex a Cod. Iustin. De ratione mox viderimus. GOTHOFR.
 (b) Helladio huic hoc ipso Anno inscribitur lex 5. Cod. Iust. de postulando: quæ est de pacto de Quota litis, deque Aduocato ob id aduocatione interdicendo. Vnde, Rectorem provincie fuisse, colligo: v. Prosopogr. ID.
 (c) Veteris iuris definitio est, Regula iuris, vt mox vocatur: v. Cuiac. VII. Obseru. 19. Morem iudiciorum vocat lex 2. Cod. Iust. de probat. Diceremus hodie, stilum. ID.
 (d) Id est, imposuerunt, iniunxerunt. ID.
 (e) Æquitatis & Iustitiae vocabula eodem sensu, & vt synonyma coniunguntur hic, & sæpe alias: veluti l. 5. *supr. de metatis*: l. 15. *supr. de accusat.* in l. 8. Cod. Iust. de iudiciis: & in veteri Gloss. vbi *denique*, Æquitas & Iustitia explicatur: & apud Tullium in *Topicis cap.* 24. Idemque eodem sensu vsurpat. lib. 1. de *Legibus c.* 18. & Philipp. 9. *cap.* 5. ID.
 (f) Qualis hæc causa? mox dicam. ID.
 (g) Mīser autē, idest, a parte eius probationes deficient. ID.
 (h) Prodendi, edicendi. ID.

COMMENTARIVS.

CVINAM probatio incumbat in Realibus actionibus Reique vindicatione, petitori an possessori: ad hunc inquam locum, & quæstionem pertinet hæc Constantini M. constitutio, data A. D. 325. eaque admodum singularis. Nam cum (quod ipse profitetur) Veteris hæc iuris definitio sit, idest, Regula iuris, (quomodo & mox vocat) retroque Principum rescriptis firmata, contestatissima, conclamativissima: cuius infinita sunt testimonia, in quibus est & lex 12. *infr. hoc tit.* (quæ est Cod. Iustin. lex 11. de petit. hered.) lex 4. Cod. Iust. de edendo: l. 6. D. de rei vind. l. 16. & 23. Cod. Iust. de probat. l. 2. 5. 12. & 19. D. de probationis. & §. 1. Inst. de action. & 4. Inst. de interdictionis petitemorem scil. seu actorem probare debere, vnde res ad ipsum pertineat, idest, edicere & edocere de iure suo, titulumque iuris, & dominii quod vindicat, probare oportere; sic vt actore non probante reum & possessorem absolui oporteat, etsi nihil ipse præstet: Contra possessorem cum quo agitur, edicere non teneri, Vnde possideat, vel quo iure teneat: denique munus non possessoris sed petitoris esse implere dominii probationem: Attamen Constantinus M. hæc l. ab antiqua illa iuris regula in partem recedit. Nempe enim in casu quodam id definit, in primordio quidem causæ, petitori probationem incumbere: Sed eo deficiente in probatione, possessorem, originem & titulum possessionis suæ probare oportere: Quod quidem etiam ab æquitate & iustitia

commendat. Pariter vt Alexander Imp. in casu quodam speciali in l. 5. Cod. Iust. de furtis: ait, CIVILE esse possessorem rei exhibere venditorem, volentem euitare alienam bono viro suspicionem. Cum contra pro Regula iuris dicatur in d. l. 12. D. de probationibus: ÆQUIVS videri, vt petitor probet quod intendit. Et Tribonianus in d. l. 12. Cod. Iust. de petit. heredit. (quæ alioquin desumpta est ex l. 12. *infr. hoc tit.*) INCIVILE esse cogi possessorem, ab eo qui expetit, titulum suæ possessionis dicere. Verum, casus quidam singulares sunt, quibus hæc Regula, quæ prima fronte (vt dicitur d. l. 12. D. de probat.) obtinere debere videretur, vitium patitur. Neque enim vnquam placuit eorum sententia, qui hanc legem generalem esse putant, atque adeo velut iniquam & absurdam, dicta lege 12. *infr. h. t.* abrogatam produunt, ceu veteri Iuri contrariam, quod magis placuerit Iustiniano: Non est, inquam, hæc lex, generalis, neque veteris iuris abrogatoria, quod hæc eius verba ostendunt: Si quando TALIS emerferit causa: Verum casum singularem tantum aliquem indicat, in quo vitatur hæc Regula, intacto veteri iure, seu Regula Iuris: qui quidem casus continebatur in integra Constantini M. constitutione, vnde hæc huius l. strictura seu sententia desumpta est: vt ostendit vox TALIS, ad integrum constitutionem relatiua. Quod inter natos huius Codicis Conditorum ponendum est. Eaque etiam vera causa fuit Triboniano huius l. abdicandæ. Videndum

pendum igitur quznam Talis causa, quis Talis casus dari possit, ubi *deficiente*, in probatione intentionis suæ, Actore, probatio a Reo seu possessore desideratur. Huc vero non pertinent casus illi, quibus probatio a Reo seu possessore desideratur. Huc etiam non pertinent casus illi, quibus ad probationis actoris exclusionem, idest, cum actor intentionem suam concludenter probavit, nempe dominium quod petit ad se pertinere, vel rem a se creditam, possessor ius suum, seu iustam possessionem, vel debitum solutum, denique exceptionem suam probare cogitur: quo sane pertinent *d. lex 12. D. de probat. lex 1. & l. 16. Cod. Iust. de probat. lex 9. Cod. eod. de præscr. longi temp. lex 9. Cod. eod. de exception.* Quos alioquin casus Doctores notant, ac nominatim, qui de *Possessiones* scripserunt, & de *Probationibus*: sunt enim

P. 330. hi casus omnes ab huius legis specie alieni; imo contrarii: Talis enim hic casus querendus est, ubi pars aduersa seu Actor in intentionis suæ probatione defecit: Si deficiat, inquit, pars eius in probationibus, tunc demum possessori necessitas imponatur probandi: Pars eius, *μῆκος αὐτῆς*, idest, ipse petitor: sic & *infr. leg. 12.* Interpres, a petitoris partibus requiratur. Et certe Talis casus continetur in *d. l. 5. Cod. Iust. de furt.* Finge: Rem aliquam possides, quam ego meam esse iudicio rei vindicationis contendo, quasi furto, aliove quo iniusto titulo mihi ereptam, veluti per potentatum vel impressionem, vel scelerata depositione: In primordio litis probationes præstare enitor, verum in his deficio: & sic causa cadere me necesse est, secundum veterem iuris definitionem seu Regulam. Et hoc tamen casu, non ideo Iudicis officium cessare debet: imo, quidni iustum, æquum sit, Iudicem a possessore titulum suæ possessionis exigere: *ut sic*, inquit Constantinus, *veritas examinetur.* Quare Thalelæi distinctio *lib. 60. Basil. tit. 6.* ad ea verba, *furem edicere*, non improba est: *si sit*, inquit, *questio de nudo dominio, non cogitur possessor dicere, unde possideat: sed si sit questio de furto, conuentum actione furti dicere oportere, unde possideat.* Alioquin Doctores ita distinguunt: ad fundandam, informan-

dam actionem seu intentionem Actoris, a Reo probationes titulumque possessionis non requiri, ipsum enim Actorem in primordio probare debere: at enim deficiente Actore in probatione, & sic victo eo, Reum non in vtilitatem Actoris, verum in sui ipsius vtilitatem, & ad euitandam suspicionem alienam a bono viro, instruendamque Iudicis religionem, probare titulum possessionis suæ debere: Non igitur in primordio litis, *ut hæc lex ait*, id reus facere cogitur: seu non *edicere*, *ut loquitur d. lex 12. b. t. ad fundandam scilicet intentionem Actoris*; verum, post exitum litis, seu post, dicere cogi. Verum Thalelæi distinctio & conciliatio magis placet. Fingi possit nominatim argumento aliquo *Legis 5. Cod. Iust. de postulando*, (quæ eidem Helladio hoc ipso Anno inscripta est,) casus hic: Rem aliquam possides tu Aduocatus: ego meam esse contendo, quia eam a me acceperis iniusto titulo, ex pacto videlicet de quota litis. In primordio equidem litis, domini probationem implere cogor: sed quid fiet, si in probatione deficiam? sane, ad eluendam adhuc suspicionem Viro bono alienam, & sic *ut veritas examinetur*, quidni æquum, iustum sit, te titulum possessionis tuæ edicere? Quare & hæc lex argumentum fuerit Constantiniani animi, ex æquitate quadam a Regulis Iuris recedentis, ad tuendam viri boni exillimationem, eluendamque malæ fidei suspicionem. Denique ita omnibus expensis rem concilio: *si nuda & simpliciter*, *ψιλῶς περὶ δεσποτείας*, *ut Thalelæus loquitur*, Actor dominium rei vindicet, rei vindicatione agat, eo in probatione deficiente possessor nihil præstare cogitur, verum si *causam & causationem* aliquam addat, quæque iam Reum perstringit, veluti rem suam esse, quia possessor eam iniusto titulo possideat, sibi ereptam, sane hoc casu possessor ea, quam sæpe dixi, ratione probare debet, *Vnde possideat, quo iure teneat, ut sic veritas examinetur*: Ut proinde iam in praxi huic legi, etsi a Tribonianis abdicatæ, locus hodie adhuc omnino esse possit, non equidem promiscue, verum in iis, quos dixi, certisque aliis similibus seu TALIBVS casibus singularibus.

De DIVERSIS inter se scripturis ab eadem parte prolatis.

II. (a) Idem (b) A. & Cæs. (c) ad Seuerum Comitem Hispaniarum. (d)

SCRIPTURÆ diuersæ, & (e) fidem sibi inuicem derogantes, ab altera (f) parte prolata, nihil firmitatis habere potuerunt. (g) Dat. IV. (h) Non. Maii, Conspp. Dalmatio & Zenosilo COSS. [333.]

INTERPRÆTATIO. Si quis multiplici scriptura contractum suum munire cupiens, de una re venditionem, & donationem proferat, vel quacunque alia documenta omnia rescindantur: quia impugnantes se chartulas lex hæc vetat admitti.

NOTÆ.

- (a) L. 14. C. Iust. de fide instrumentorum. Iungenda autem huic est lex 5. *supr. de donationib.* GOTHOFR.
- (b) In Cod. Iust. *lidem* AA. & CC. idest, Diocletianus & Maximianus &c. male: hinc igitur restituenda ibi Inferio ID.
- (c) *lib. 60. i. e. Constantinus iun. & Constantius.* Fine enim huius anni demum Constantius Cæsar factus est. Vid. *Chron. hister. & PAGIUM in Critic. ad Annal. Baron. b. a. n. 2. RITTER.*

- (d) *Seuerus Comes Hispaniarum sub Constantino M. V. Prosopogr. GOTHOFR.*
 (e) *An C, pro seu?* quæ causa vocula, C omiffa fuerit in *Cod. Iust.* & continue ista legantur, *Scriptura diuerfa fidem sibi inuicem derogantes*: sic *diuerfa professiones*, l. 13. *D. de probat. ID.*
 (f) *Ab vna eademque parte*: ita *Cod. Iust.* de quo mox. *Altera*, pro alterutra. *ID.*
 (g) *Poterunt*, *Cod. Iust.* & Edit. Sichard. vt ita ab hypothefi ad thefin istud redderetur. *ID.*
 (h) *IV. Kal. Maii Viminacii CC. Conf.* ita *Cod. Iust.* male: hinc igitur restituenda eius subscriptio. *ID.*

COMMENTARIVS.

DE CONTRARIOIVM inter se INSTRVMENTORVM fide, est hæc *lex* Constantini M. CONTRARIÆ scripturæ, ἀνυπόστατα γράμματα, ἀ πρὸς ἑαυτὰ μάχεται, seu contraria instrumenta fronte aduersa inter se pugnancia, a litigatoribus in eodem iudicio prolata, hoc faciunt, vt neutra fidem ullam faciant, & neutri scripturæ credatur: denique vt neutra se litigatores tueri possint.

Hæc huiusce Constantinianæ constitutionis (quæ est *Cod. Iust. lex 14. de fide instrum.*) ad Seuerum Com. Hispaniarum emissæ, brevis sententia est: cui iungenda est *lex 5. supr. de donat.* (quæ est *lex 27. C. Iust. cod. tit.*) Cuius etiam ope hæc ad suam speciem nunc porro referenda est. Huic vero *legi* omnino conuenit, quod Iulius Ep. Rom. paulo post *hanc leg.* in *epist. quadam ad Eusebianos* scribit apud Athanasium, *Apol. 2. ad Constantium pag. 746. init. Tom. I. Oper. Edit. Colon. su. Lips. 1686. apud Weidman.* de literis aduersus Athanasium contrariis, & fidem sibi inuicem derogantibus, ab iisdem & a diuersis scriptis, ab Arianis productis, ἀνυπόστατων δὲ ὄντων τῶν γραμμάτων, ὁ δὲ μὴ πῖστις περὶ τῶν λεγόμενων ἑστίν, ex discrepantibus autem literis, nulla certitudo constitui potest.

Ait *lex, scripturæ diuersæ*, id est, instrumenta quæunque æqualis fidei: vt proinde cessare debeat Doctorum ad *hanc leg.* tractatus, non tantum de duobus instrumentis publicis agentium, sed & de vna priuata scriptura, & altero publico instrumento, contrariis productis, nam horum vix æqualis fides esse potest: quin alterius aliqua ratione potior sit.

Ait *lex, diuersa*, id est, scripturæ plures distinctæ, separatæ; quarum forte hæc modo a parte proferatur, modo illa: iuri videl. suo, & intentioni suæ fundandæ: de quo mox. Quare & hic cesset Doctorum hæctenus de diuersis partibus & capitibus eiusdem scripturæ seu instrumenti sibi contrariis: vt & de diuersis Exemplaribus eiusdem instrumenti.

Ait *lex, C fidem sibi inuicem derogantes*, id est, in substantia siue tenore contrariantes, fronte aduersa pugnantes, ἀ μάχεται πρὸς ἑαυτὰ, ἀνυπόστατα, quæ inter se pugnant, discrepantes sunt, vt ait Iulius Papa *loc. cit. impugnantes se*, vt Interpretes; v.g. Si venditum quid, vna scripturâ dicat, altera donatum; quam speciem hic ponit Interpretes, & de qua mox plenius; quæ directæ repugnancia est: non minus quam si vno instrumento publico in eodem negotio idem absolutus dicatur: in altero vero condemnatus: Fidem scil. sibi hæc inuicem derogant.

Ait *lex, ab altera parte prolata*, id est, quomodo etiam extulit Tribon. *ab vna eademque parte*. Quare cesset Doctorum tractatus, de diuersis scripturis prolatis, altera ab Actore, altera a Reo, de quo *sine huius legis*. Rursum ab *altera parte*, id est, ab al-

terutra parte, id est, siue ab Actore, siue a Reo. Quomodo & species in *b. l.* in donationis argumento, tam in Actore, quam in Reo poni potest: prout hic, aut ille, rei controuersæ possessor est. Quare ex ea sollicitudine liberi sint deinceps Doctores quærentes, vtrum hæc *lex*, quoque in Reo diuersas scripturas fidem sibi inuicem derogantes proferente, locum habeat. Imo communis sententia id negans iam deinceps concidat: Quam hæc *lex* aperte diruit. Tum & ratio: quia hic non de varietate allegationum seu exceptionum quæritur: verum de fide ipsa instrumentorum, vbi par ratio est vtriusque partis. Rursum & eadem ratione quærere desinant Doctores, vtrum & Rustico prodigente duas scripturas sibi contrarias, neutri instrumento fides habeatur. Quod recte Salicetus affirmauit.

Ait, *lex, prolata*: nempe vel simul, vel subsidarie & successiue: vt cum vna via litigator succedere non videt, alia tentat: & quidem vt ex specie *huius legis* apparebit, non sine suspitione fraudandæ legis. Quare cesset Doctorum tractatus, de eo qui per errorem hoc fecit.

Denique ait *lex, nihil firmitatis habere*, id est, quod & *titulus* hic indicat, sub quo hæc *lex* posita est, nullam fidem facere, nullam habere vim in probando, ex neutra litigatorem ius deriuare posse, ὁ δὲ μὴ πῖστις περὶ τῶν λεγόμενων ἑστίαι, vt Iulius Episc. Romanus inquit *loc. supr. cit.* Quare facessat hinc Interpretum tractatus de vi dispositiua, cum hæc *lex* de vi probatiua perspicue sit.

Nunc itaque tandem genuinam *huius legis* speciem proponamus, quam Interpretes hic & Accursius adumbrarunt, verum quam *huius legis*, verba sic expensâ satis ingerunt, & præterea (quod hæctenus nescitur) *d. l. 5. supr. de donationib.* quæ cum hac coniungenda venit, suggerit. Prius tamen ἐν προοίμῳ monenda sunt nonnulla. Donationes scilicet, quæ actis insinuatæ non fuissent, irritas ex Constantini Magni constitutione fuisse: Item Mancipationis & Traditionis necessitatem in donationibus requisitam (exceptis liberis ac parentibus & coniunctis personis, de quo *suo tit. de donationib.*) Nunc finge casum in Actore. Fundum a te peto, quasi a patre tuo mihi donatum: atque in id scripturam donationis profero: Tu defectum Insinuationis, vel Traditionis opponis: Hac via defectus, aliam scripturam profero, qua non iam donatum mihi fundum, venditum probare intendo, vbi neque Insinuatio, neque Traditio requiritur. Et Constantinus definit, neque hanc scripturam quidquam firmitatis habere, nullam fidem facere, nihil me iuuare: Non potest scilicet ea scriptura fidem facere, quæ cum altera iam antea a me prolata colliditur. In Reo casus quoque recte ita ponitur. Fundum quendam a me petis? Ego quasi donatum & mancipatum mihi adfero, atque in id scripturâ prolata me

metueor. Tu velut non infinnata donatione vindicare pergis: Ego alia scriptura prolata venditum mihi vel auctori meo probare intendo. Nec quicquam & hoc me iuuabit. Hæc enim variatio non caret fraudis suspitione. Alioquin cum diuersæ professiones adferuntur, cui potissimum stari oporteat: vid. leg. 13. *D. de probat.*

Et hæc quidem ita recte habent in vna eademque Parte plures scripturas sibi contrarias producente. Quid si ab vtraque Parte? putet quis verba il-

la, ab altera parte, accipienda, pro ab vtraque Parte: quomodo vox, Altera, sæpe accipitur; de quo diximus *Animaduersionum* libro, cap. 16. pag. 79. liu. pag. 30. Tom. III. *Theaur. Iur.* vbi dictis addenda lex 6. *D. ad municipal. & Eugraphii locus in Andriam Act. 1. Scen. 1. v. 50.* Verum hic non ita est; certe enim contrariis inter se scripturis productis ab vtraque Parte, iam videndum cuius potior fides esse possit? digniori certe fides habenda: de quo DD. ad hanc legem, vide & Fabrum *defini. 3.*

IVRATOS testes esse oportere. 2. HONESTIORES preferendos. 3. Vnicum testem nunquam admit- tendum.

III. (a) Idem A. ad Iulianum Præsidem. (b)

IVRISIVRANDI religione testes, prius quam perhibeant testimonium, iamdudum artari præcipimus: (c) Et, ut honestioribus potius fides testibus habeatur. (d) Simili more (e) sancimus, (f) Vt vnius testimonium nemo iudicum in quacunque causa facile (g) patiatur ad-^{P. 322}mitti. Et (h) nunc manifeste sancimus, Vt (i) vnus omnino testis responsio non audiat, etiam si (k) præclaræ Curia (l) honore præfulgeat. Dar. VIII. (m) Kal. Sept. Naiffio, Optato & Paulino Coss. [334.]

INTERPRETATIO. Testes priusquam de causa interrogentur, sacramento debent constringi ut iurent, Se nihil falsi esse dicturos. Hoc etiam dicit, ut honestioribus magis quam vilioribus testibus fides potius admittatur. Vnius autem testimonium, quamlibet (n) splendida & idonea videatur esse persona, nullatenus audiendum.

NOTAE.

(a) *L. 9. Cod. Iust. de testib. & can. 3. §. 37. Caus. IV. Qu. 3. GOTHOF.*

(b) An idem cum eo cui inscribitur An. 338. lex 23. *infr. de decurionib.* Forte hic Cæionius Iulianus cuius meminit Vopiscus in *V. Firmi* cap. 1. Nonnemo hic putabat hunc Præsidem *Tarracensem* fuisse. *ID.*

(c) *Præcipimus:* & ita est in *Cod. Iust. & Edit. Sichard.* ut *infr. mox, simili more sancimus.* At vbi hæc Constantini M. constitutio? *ID.*

(d) *Addibatur,* MS. G. & *Cod. Iust. RITTER.*

(e) *Modo.* *Cod. Iust. & MS. G. GOTHOF.*

(f) *Sancimus,* MS. G. & *Sichard. RITTER.*

(g) *Fiscali,* ita *Tilli,* & *Cuiacii* Editio, & *Quartaria;* de quo mox. Atenim *Cod. Iust. & postrema Parisiensis* Editio *huius* Codicis, habent facile. *GOTHOF.* MS. G. legit: *vnus testimonium nemo iudicum in quocunque facile patiatur admitti. RITTER.*

(h) Melius, *At nunc:* quanquam illud etiam defendi potest. *GOTHOF.*

(i) *Ne audiat,* *Sichard. RITTER.*

(k) *Esiam si Præsidiali refulgeat dignitate:* ita refinxit cap. 47. *X. de testib. GOTHOF.*

(l) Id est, etsi sit Senator. *ID.*

(m) *VIII.* Edit. in 4. *RITTER.*

(n) *Quamuis,* prior *Cuiac.* & illa in 4. *ID.*

COMMENTARIUS.

DE FIDE TESTIVM, & ad eam stabiliendam, tria, quæ anterioribus constitutionibus iam sancierat Constantinus Magnus hac leg. iterum cauet: ita quidem, ut duo priora tantum repetat: Tertium vero, quod *b. l.* potissimum, abscisus & diligentius quam antea recaueat. Primum caput est de *IVRISIVRANDO* testium: Iuratos nempe testes prius esse oportere, quam testimonium perhibeant. Ita quidem, ut ex Constantini verbis hæc Tria clare colligantur.

Primo, Constantinum, iusiurandum istud testium præcise necessitatis fecisse, ac proinde id a Iudice remitti noluisse.

Secundo, generaliter id, & indefinite semper a Constantino M. ita constitutum, etsi quoad postremum *huius legis* caput, ibi aliquando distinctionem adhibuerit.

Tertio, ex Constantini verbis apparet, veram esse Cyni & Saliceti sententiam qui dixerunt, testificationem non valere, si testis postea iurauit, id est, si recepto iam testimonio, testi Iudex iusiurandum iniungat: Aitenim diserte Constantinus, *PRIVS QUAM perhibeant testimonium:* quibus sane verbis forma præscribitur, quæ negligenda vel post habenda non est: non ea tantum ratione quam in genere Accursius reddit; quia aliter esset ordo præpositus.

rus, verum quia si post testimonium dictum iusiurandum a testibus exigere, facile iurarent vera esse, quæ prius dixerunt: ne mentiri videantur. Quare terrore Numinis Divini prius quam testimonium dicunt, deuinctos testium animos oportet: & vt hac lege, dicitur, ARTARI. Quod Iurisiurandi huius formulam attinet, Interpretatio huic legi subdita hanc continet, *se nihil falsi esse dicturos*. Quæ sustineri potest, & reduci ad illam, *se omnem seu meram & plenam veritatem dicturos*: nam vt veritatis est nil falsi comminisci, ita falsum est, vera tacere: Alconius lib. 1. in Verrem cap. 35. Iurati Testes produci solent: non solum ne falsa dicant, verum etiam, ne, quæ vera sunt, taceant. Quæ Alconii auctoritas magna est: Et sane lex 10. infr. hoc titulo, apertissime docet, nihil interesse, dicantur testes falsa simulare seu fingere, an vera suppressere: vbi vide quæ dicam. Porro cum hac lege, Constantinus Magnus, dicat, se præcepisse iurisiurandi religione testes artari, quæri potest, num a Constantino Magno primum id introductum fuerit, an vero id ita quoque antea obtinuerit, puta vt testes sub iurisiurandi religione testimonium depouere? Certe iuratos olim testes produci solitos docet Cicero non vno loco (qui etiam pro Fonteio cap. 9. illud docet, testes in re, quamlibet compertissimâ, suspense tamen, arbitrari se, dicere solitos) & Alconius duobus locis. Id mirum, nullam in Digestis, immo nullam in Codice ante Constantinum Magnum huius rei memoriam extare. Tentari possit, Constantinum Magnum id primum cauisse, vt Testes PRIUS quam perhiberent testimonium, iusiurandum præstarent: de quo paulo ante. Et hæc quidem de primo huius leg. capite, de Iureiurando inquam Testium.

Secundum caput est, de PONDERE & PRÆLATIONE testium & testimoniorum: idque ipsum non nunc primum inductum, verum ab ipso met Constantino antea constitutum seu sancitum, quod ipse met hic proficitur: Nempe, vt *Honestioribus testibus fides potius habeatur*. Vbi honestiorum appellatione intelligi possunt signate, Senatorii: argumento postremorum huius leg. verborum, etiam si præclare Curie honore præfulgeat: Nempe etsi iurati etiam Senatoris testimonium non valeat, de quo iam dictum: item etsi vnius quoque Senatoris testimonium audiri non debeat, de quo postremo capite huius legis. Attamen, vbi testium fides expendenda venit, & testes testibus committuntur, Senatoriis proculdubio potior fides habenda est: Et sic hoc vnum πρόνομιον Senatorii viri hac parte habuerint circa testimonii dictionem, qui in cæteris aliquando æquo cum aliis iure erant. Sed tamen honestiorum vocæ alii quoque hic intelligi possunt, comparati videl. cum aliis testibus: Comparet igitur ad alios vilioris conditionis. Non alio sensu, quam quo anteriores siue Principes siue Icti, cum in testimonio fide diligenter examinanda, Iudicum cognitioni suggerunt, vt dignitatem & conditionem personæ explorent, virum honesta sit persona, cuius dignitatis, cuius æstimationis; non alio quam cum, Hadrianus scriberet, alias numerum testium, alias dignitatem & auctoritatem, alias veluti consentientem famam confirmare rei qua de quaeritur, f. 13. fidem, l. 3. D. de testib. Nempe omnium ex æquo

Tom. IV.

mens hæc fuit, pauciores partim quandoque testium numero ad fidem rei explorandam (prout singula dignitas & honestas testium esset) Iudices contentos esse posse; partim, vbi testes non congruerent, honestioribus potius fidem habendam, l. 21. §. ult. D. de testib. nunquam tamen eo fine vt vni honestiori fidem haberi vellent: Sicut nulla tanta religio testi inesse potest; ita neque vllus tanta honestate aut dignitate aut vitæ præfulgere, vt vni ei fides habeatur. Quare hoc quoque sensu accipiendum, quod Pollux initio, seu præfat. lib. 3. p. 267. Edit. Hemsterhuis. ait, *ὡς περ ἐν ταῖς δίαις, εἰς ἀξιοχρεῖας, πρὸς τὴν μαγνὴν ἀρετὴν ἀρετῆς, quemadmodum in iudiciis, vnus fide dignus pro multis testibus sufficiens est*. Nempe testem vnum spectatæ opinionis apud Iudicem plus momenti asserre quam plures humiliores, vel dubiæ fidei.

Pro priore interpretatione faciat quoque, quod & ita quoque honesti & honestiores Senatores municipales Deuotiones vocantur, l. 3. §. penult. D. de fidei iur. l. 38. §. 7. D. de penis: §. 4. Infr. de public. iudic. Illud interim notandum, quod huius legis, series & scopus ostendit, Constantini sanctionem quæ super hoc processerat, quosdam eo traxisse, quasi ea indicaretur, vni honestiori testi iurato fidem habendam: Quam consequentiam profligat nunc Tertio capite Constantinus.

Tertium igitur & præceptum huius legis caput, quoque ferme duo superiora præstuebantur, sequitur, *vnus videlicet testimonium omnino audiri non oportere: aduersus quorundam opinionem, etsi duæ superiores in teste conditiones concurrerent, iurisiurandi inquam, & honestatis*. Quod quidam tamen opinati, occasione anterioris cuiusdam Constantini sanctionis, quæ cauerat, vt *vnus testimonium nemo Iudicum in quacunque causa facile pateretur admitti*. Quod quidem non adeo absicilic dictum putabant, vt non aliquando vnus testis admitti posset. Quare nunc manifeste sancit Constantinus, vt vnus OMNINO testis in responso seu testimonio non audiat, ait, *Manifeste*, id est, exerte, absicilic, ἀποτόμως, perpetua definitione: sic vt Iudicum interpretationi vel hæitationi locus esse non possit. Ait Constantinus omnino. Nempe hic opponuntur, *Non facile, & omnino non*. Illa formula ferme indicatur, etsi quid non promiscue, at enim aliquando Iudicis arbitrio admittendum, puta vnus testimonium, ex magna causa & graui, ob dignitatem forte alicuius, quod sine legis, indicatur: At enim hæc formula, *Omnino non*, peremptoria est, omnesque casus & personas excludit: *Facile est temere, promiscue*: l. 4. supr. de Agentibus in rebus: non facile, est aliquando, seu raro, hac lege, & leg. 13. D. de Regul. iur. leg. penultim. D. de in integr. rei restitutione.

Vnde de errore patet eorum, qui pugnantia ferme hoc loco Constantinus scribere existimant. (Quæ tamen sibi optime conueniunt, cum Constantinus aperte profiteatur, se ab eo iure NON recedere, quod antea sanxerat.) Vnde Accursius existimauit, verba illa, *non facile*, vel addita fuisse propter Tabellionem, cui soli quandoque credatur, vel verba illa ita interpretanda, quasi Constantinus dixisset, *stultum fore Iudicem, si pateretur vnus testimonium*

Vv

stimonium admitti: *Nemo facile* scilicet, pro, *non omnino*. Quæ omnia suauius sunt: Constantinus *enim hac lege*, anteriorem suam Constitutionem hic memorat, simul & abrogat, vel saltem explicat.

Secundo, hinc liquet, recte hic stare vocem, *FACILE*, quomodo & ea habetur *Codic. Iustinian.* & *can. 3. §. 37. Caus. 4. quest. 3.* Error enim est *Tilianæ, Cuiacianæ, & Quartaria Editionis*, vbi pro *facile*, editum *fiscali*, quasi Constantinus dixerit, vnius testimonium in causa *fiscali* non esse admittendum. Quam lectionem non *superiora* tantum, non *Codex Iustinianus* tantum, & accurata *Parisiensium* editio eiecerant, vbi habetur, *facile*; verum sequentia insuper reuincunt. Primum inscriptio *legis*, iunctis illis, *Nemo Iudicium*: Ecquid enim *Præsidibus* commune cum causa *fiscali*? Secundo, verba illa, *In quacunque causa*, id est, etiam in maiestatis crimine, & aliis atrocissimis, de quo dixi ad *leg. vn. supr. ad L. Iul. Maiestat.*

Tertio, inanis est Interpretatio, quam illi lectioni sufflaminandæ adferunt, quasi videlicet Constantini mens sit, in aliis productum vnum testem examinandum, in causa *fiscali* nullo modo audiendum. Nam vt illud refutant generalia huius legis verba, *Vt vnius omnino testis responsio non audiat*, Item, *in quacunque causa*, ita, quem illi *fisci* fauorem vrgent, ego contra vrgeam; nempe eum exigere potius, vt vnus testis in causa *fiscali* admitatur; nisi putemus aut supponamus, *fiscum* semper *Rei* partes sustinuisse, nunquam *Actoris*.

Postremo, ait Constantinus, *non audiat*. Nempe Constantinus Magnus non tantum vni testem non adhiberi vult, sed ne a principio quidem eius testimonium audiri. Quare hoc ipso iugulatur eorum sententia, qui vnum testem semiplenam probationem facere censent, & iudicium ad torturam sufficiens. Simile vero est quod de *Libertis* & *Seruis* in dominos & *Patronos* ne audiendis quidem, similiter cautum est.

Sequitur Ampliatio, vel potius huius peremptorii capitis & interdicti de vno teste non audiendo, specialior expressio: *Etiamsi*, inquit, *præclara Curia honore præfulgeat*, id est, etsi Senator sit: quo-

modo etiam recte Græci; *Basilica, Harmenopolus, & Synopsis Basil. lib. 21. tit. 1. cap. 30. pag. 225. init. Edit. Leonclau.* interpretati. *καὶ συγκαθητικός ἐστι*, Interpretes huius leg. quamlibet splendida & idonea videatur esse persona: vbi *Senatus* elogium obserua: cui similia vide *supr. paratitlo de Senatorib.* & *glebali colat.* & apud *Symmachum*: qui partem meliorem *humani generis* vocat *lib. 1. epist. 46.* Omitto alia. Suavis vero est *Accursius*, qui *Silentiarium* hic intellexit, *præclaram* scilicet *Curiam*, pro *Aula* vel *Comitatu* Principis proculdubio accipiens: cum tamen *præclara Curia* hic sit *Senatus*. Ergo quod hic definitur, illi simile est, quod olim dictum; *Vni testi, neque Catoni, creditum*: *ἐν μαγιστρῶν περὶ ἑχέου καὶ Κάτωνι, καλῶς ἔχει*, vt habetur apud *Plutarchum*. Et tamen sub Constantini Magni, nomine proponitur *lex 1. infra de Episcopali iudicio*, qua definitur, *Testimonium etiam, ab vno licet Episcopo perhibitum, omnes Iudices indubitanter accipere oportere, nec alium audiri: cum testimonium Episcopi a qualibet parte fuerit repromissum*: additis his: *Illud est enim veritatis auctoritate firmatum, illud incorruptum, quod a sacrosancto homine conscientia mentis inhibita protulerit*. Idque ita relatum *Capitular. lib. 6. c. 366.* & a *Gratiano, can. 36. Caus. XI. quest. 1.* Verum vt de tota leg. illa, ad eam *324.* dixi; ita & hoc suspicatum est. Nam & id contrarium est peremptoriis huius leg. verbis, quæ sub extremis Constantini annis ab eo lata est, & Dei verbo: quod Constantinus M. vt alias, ita & hic secutus est; *Deuteronom. 19. v. 15.* Ergo hac parte neque *Episcopi* *πρόνομον* aliquod habuere, quib. alias circa testimonii dictionem privilegia nonnulla competere; de quo ad *l. 8. infra*, & ad *leg. 1. infr. de Religionem*.

Tandem, haud adeo inani coniectura putet quis, hanc Constantini M. legem pertinere ad iudicium quod hoc tempore agitatum non semel super imputatis *Athanasio* criminibus; vbi testes varii producti. Verum id non assero; præsertim cum videam hic agi de *Senatoris* alicuius testimonio: Neque constare possit, cuiusnam *provinciæ Præses* fuerit *Iulianus*, cui hæc *lex* inscribitur.

IV. (a) Impp. CONSTANTIVS & Constans AA. Aurelio Mimenio.

QUOTIENS scriptura aliqua profertur, eaque ab eo aduersus quem facere videtur, suspecta dicitur, non solum is qui de ea dubitat, *Falso conscribam* cogatur ostendere, verum etiam ille, qui eadem vitur, *Veritate subnixam* probare cogatur. Dat. VI. Kalend. Septembr. Constantinop. Constantio IV. & Constante III. AA. Co ss. [346.]

NOTAE.

(a) Adest hæc *lex* a *Codice Iust.* Vbi tamen extat in eadem sententiam *lex penult. de probat.* quæ eadem est cum *l. 7. infr. de test.* GOTHOF.

COMMENTARIUS.

FALSI SUSPECTAM scripturam seu instrumentum, qui in iudicio profertur, id est, Qui eam scripturam profert, quam aduersus se prolatam aduersarius suspectam falsi reddit, non minus probatione oneratur quam aduersarius ipse, vt *hac lege*, ita & *l. 5. proxima, & l. 2. supr. ad leg. Corneliam de falsis*:

& *l. 2. supr. de Testamentis, & lege penult. Cod. Iust. de probat.* Denique non tota probationis necessitas hac parte accusatori incumbit, sed & ipsi reo scripturam producenti. Imo & in specie *d. l. 2. supr. de testam.* voluit Theodosius M. primitus ei probationem incumbere, qui scripturam obtulerit. Sane & in aliis

aliis publicis quibusdam criminibus Iudei non minus accusatorem ad docenda, quæ detoliet, quam reum ad purganda quæ negat, urgere debet: l. 2. *infr. de abolitionib. seu lege vltim. Cod. Iust. vob. tit.*

Hæc quidem ita tot illis legibus. Atque contra, rium omnino placuit Valentiniانو, l. 2. *infr. hoc tit.* vbi de ratione viderimus. Quandoquidem elegans ibi ratiocinatio extat.

V. (a) **P**ARS Actorum habitorum apud Imperatorem IULIANVM Augustum Mamer-
tino & Nevitta Coss. X. Kal. April. Constantinop. in Consistorio; (362) adstan-
te (b) Iouio Viro clarissimo, Quaestore; Anatolio, Magistro Officiorum, Felice, Com-
S. L. & c. Imperar. Iulianus A. dixit. *την καὺτα γραμματία μεγάλην ἰσχύον ἔχει, ὅταν περὶ αὐτῶν
τῶν γραμματίων μὴ ἀμφισβήτησις ἐξ ἄλλων ὡφείλε βεβαιῶσαι.* (c)

NOTAE.

(a) Abest & hæc *lex a Cod. Iust. GOTHOFR.*

(b) De hac sententia mox plene, *ID.*

(c) Prima Cuiac. legit, *ὡφείλε βεβαιῶσαι*, quomodo & habet Edit. in 4. Ultima Paris. *ὡφείλο βεβαιῶσαι*. Græca autem paululum recedunt a communi ratione Græcorum, quod & confudit forte interpretes, & librarios. Cæterum verba recte considerata nihil difficultatis habent, quæ & Gothofredus accurate interpretatus est, nisi cui videret nonnullum posset, quod *ὡφείλο* græcum, idem esse statuatur, quod *contigit* latinis est. *RITTER.*

COMMENTARIVS.

DE FIDE INSTRVMENTORVM est hæc Iu-
liani Imp. constitutio: Quæ ob Græca eius
verba inemendata obscura videri possit: Quare an-
te omnia emendatio eius præstanda nobis est. Igi-
tur verba eius extrema ita constitutio *ὡφείλε βε-
βαιῶσαι* i. e. *contigit firmari*. Nam quod pro
την καὺτα ibi quidam substituit *τὰ ἴσα*, id ad-
mittendum non est: vt nec quod *sine legis* substi-
tuit, *ὡφείλε λαβεῖν*. Sensus enim huius loci hic
est *την καὺτα*, idest, *Tunc* Instrumenta magnam
vim habere, si de his instrumentis, non dubitatio-
nem aliquam aliunde contingat iuari, firmari, id-
est, nisi eorum fides *aliunde*, *ἐξ ἄλλων*, vacillet, &
suspecta sit. *Aliunde*, idest, ex aliis tabulis instru-
mentis, & scripturis: *ὡφείλε* pro *contigit*: *ἀμ-
φισβήτησις βεβαιῶσαι*, *dubitatio oriri, firmari*.
Non est igitur (quod quidam opinantur) *huius legis*
hic sensus, dubiam seu suspectam scripturam in lu-
dicio prolatam aliis probationibus iuari oportere,
& *ἀμφισβήτησιν* eius tollendam, aliarum scriptu-
rarum collatione, de quo sane est *lex 2. supr. ad leg.
Corn. de falso*, vbi dixi. Denique est hæc *lex* de Di-
uersis scripturis fidem sibi inuicem derogantibus,
de quibus fuit quoque *lex 2. supr.* Atque hæc tenus
de ipsa *leg. sententia*.

Est vero ea singularis admodum, non vno no-
p. 335. mine. Primo quidem, quod ea dicitur esse *Pars
Actorum habitorum apud Imperatorem Iulianum in
Consistorio*: vbi scilicet Iulianus hanc *huius l.* senten-
tiam dixit, de quodam negotio cognoscens. Est hæc
scilicet constitutio, de numero Cognitionalium, id est,
quam Iulianus expressit, pronunciauit, de quodam
negotio suo in consistorio, in medio Consistoria-
norum suorum cognoscens, & cum Consilio collo-
cutus, vt dicitur l. 6. C. Iust. de *usucap. pro empt.* Id
enim sibi voluit illa. Cuiusmodi similes inscrip-
tiones vel præfationes, denique Cognitionales hu-
iusmodi constitutiones, seu sententiæ Imperatorum
occurrunt *hoc codice* quatuor alix: puta l. 8. *inf. hoc
ipso titulo*: l. 3. *sup. de off. Iudicum omnium*: l. 2.
(seu l. 6. *Cod. Iust.*) *sup. qui bonis ex l. Iulia cedere*:
l. 1. *sup. de his quæ administrantib.* Et duæ alix
Tom. II.

præterea *Cod. Iust.* puta l. 2. de *excusat. mun. l. 12. de
penis*: Hæc scilicet *leges* sunt partes Actorum seu re-
rum gestarum, dictarum, in Consistorio Principis,
eo ipso cognoscente in medio Consistorianorum.
Quomodo & cæteroquin *Acta* sunt commentaria,
ὑπομνήματα rerum gestarum, quæ rei gesta fidem
faciunt. *Consistorium* vero *ὅθεν συνέδριον*, locus
vbi cum Consilio suo colloquitur Princeps, de quo
alibi plene: vbiunque id sit, etiam in theatro, vt
forte in sp. d. l. 12. *Cod. Iust. de penis*: vbi cum Im-
perator in Consistorio dixisset, *Decurionum filior
bestiis non debere subiici*, a populo exclamatum di-
citur, idest populus proclamasse, vt quidam de quo
agebatur, bestiis subiceretur: sed Principem iterum
dixisse, *vanas populi voces non esse audiendas* &c.
Haud aliter atque *Iur* dicitur locus, vbi Magistra-
tus iuris dicendi gratia consistit, vel si domi, vel
si in itinere hoc agat: l. u. D. de *iustitia
& iure*: l. 4. in f. D. de *interrog. in iure fac.* Ita-
que error est eorum, qui in d. l. 12. Imperatorem
pro Tribunali id decreuisse aiunt. Haud absimilia
quoque est *lex 2. sup. de veteranis*, quæ & ipsa A-
ctorum in Principis pars est, & vbi Constantinus
quoque constitutionem cognitione habita addit.

Secundo notetur Consistorii Principis forma,
quæ hac l. indicatur: vbi notandæ sunt Dignitates,
quæ in Consistorio Principis aderant, seu Consistoria-
næ Dignitates: & vero tres hic designantur,
Quæstor, Magister officiorum, & Comes S. L. præcul
dubio etiam alix proximæ his & similes dignitates,
quod voce &c. intelligimus: cuiusmodi est *Comes
R. P.* Nempe hæc dignitates Consistorianæ erant, &
hi proprie *Comites Consistoriani* vocabantur, & par-
ticipare Augusti pectoris curas, l. 3. *sup. de Maiest.*
vbi dixi: vt & ad l. 1. *sup. de Quæstoribus, Magi-
stris officiorum, Comit. S. L. & R. P.* De quibus Con-
sistorianis non vnus locus occurrit apud Marcellinu-
m.

Tertio notetur Ordo harum dignitatum: *Quæ-
stor, Magister officiorum, & Comes S. L.* de quo dixi,
ad eam l. 1.

Quarto obseruetur dici hos Consistorianos adsti-
tisse

tisse Imperatori in Consistorio: A D S T A N T E, inquit, Iouio &c. Nempe Consistoriani sedente Imperatore astabant. Ac multo magis partes ipsæ & Aduocati. Quomodo l. 2. Cod. Iust. de excusat. munerum. Pars actorum Diocletiani & Maximiani A. & CC. inductis Firmino & Apollinario & ceteris Principalibus Antiochenis adstantibus, Sabinus dixit &c. Et sunt tamen exempla alia: vbi hæ ferme Dignitates, Consistorianique adeo, Principi adsedere. Sic apud Vopiscum in Aureliano cap. 13. Adfidentibus Memmio Fusco Consule ordinario, & Beblio Macro Praefecto Prætorii. Imo ipsimet Iuliano, cuius hæc lex est, apud Amm. Marcellinum lib. 22. cap. 9. in fin. Mandauitque assidenti Praefecto, ne audiretur eorum negotium, antequam &c. de Quæstore etiam id testatur Procopius lib. 1. Persicor. cap. 24. & lib. 1. Gothicor. cap. 14. vbi de Fideiio Athalarici Quæstore. Vide huc nonnulla apud Vales. in Amm. Marcell. lib. 22. cap. 9.

Quinto obseruentur sub Iuliano, Iouius Quæstor, Anatolius Magister Officiorum, Felix Comes S. L. de quibus plene in Profopogr. ex Am. Marcellino, Zosimo, Scriptoribus Ecclesiasticis, & in his, Philoſorgio, ad quem iam notauimus.

Sexto obseruetur sententia a Iuliano Græce dicta, seu constitutio Græca: Alioquin enim Imperatores cognitione suscepta in Consistorio sententiam Græce haud dixisse reperio: Adeo quidem, vt Partibus vel aduocatis quamlibet Græce interloquentibus, Imperator sententiam Latine diceret: quod ostendit Constantini M. lex 1. supr. de iis quæ ad ministr. & (si vera est Cuiacii coniectura) Diocle-

tiani l. 2. Cod. Iust. de excusat. munerum. Illud igitur Iuliani Imp. vanitati adscribendum fuerit, quem olim merito loquacem Talpam, & literionem Græculum carpebant, teste Amm. Marcellino lib. 17. cap. 11. Ab eodem Iuliano genio & ingenio sunt Græcæ voces, studio ab eo constitutionibus suis insertæ: veluti l. 2. infr. de ponderatoribus. Idcirco placet, quem sermo Græcus appellat, per singulas ciuitates constitui, Zygoſtatem. Et l. 1. supr. de domest. & protectorib. ad pleromque suos ac terminos redire, vbi dixi. Et hæc de cognitionalibus sententiis. Alias enim Rescripta Legesque nonnuquam vtraque lingua proponebantur, veluti a Theodosio Iun. factum, lege 4. supr. de his qui ad Eccles. conf. Reique causam reddit Iustinianus Nouella 66. cap. 1. §. 2. Græce scilicet διὰ τὸ τῶν πλῆθους κατὰ ἄλλῃον, propter multitudinis frequentiam: Latine vero, διὰ τὸ τῆς πολιτείας σχῆμα, propter reipublicæ figuram. In publicis sane conuentibus Romana quoque lingua perorauere: quomodo Constantinus M. in Concilio Nicæno, licet Græce nosset: sic tamen, vt esset qui eadem ibi interpretaretur, vt scribit Auctor vite Constantini, lib. 3. c. 13. Marcianus certe Imp. in Concilio Chalcedonenſi primum latine, & postmodum græce perorauit. Vid. Tom. II. Concilior. pag. 463. 464. Edit. Harduin. Et sic paulatim in Oriente Romanæ linguæ maiestas euiluit.

Postremo notetur mos, annotandi in Actis Consistorialibus Principum, eorumque legibus, & Interlocutionibus, nomina eorum, qui præſentes fuerant & adſiterant. Quomodo & in Actis cognitionis Carthaginenſis addita videmus.

VI. (a) Impp. VALENTINIANVS & Valens AA. ad Olybrium P. V. (b)

CVM res agatur (c) ex scribito, aut infirmari scribturam conuenit, aut probari: Infirmari autem quæ potest, nisi falsa doceatur? falsa porro a quibus aliis demonstranda est, quam ab illis, qui negant ei esse credendum? Dat. Prid. Id. Mart. Treu. Valentiniano NB. P. & Victore Co s s. [369.]

P. 316.

NOTAE.

(a) Abest hæc lex a Cod. Iust. GOTHOFR.

(b) Olybrius P. V. Romæ sub Valentiniano Sen. de quo in Profopogr. plene: etiam ex Am. Marcellino. ID.

(c) In negotio videl. illo, de quo ad me scripsisti: alioquin rescribendum foret; agitur. ID.

COMMENTARIVS.

DE FALSÆ scripturæ probatione est hæc Valentiniani Senioris constitutio. Qua cauetur, vt si falsa scriptura dicatur, quæ in Iudicio prolata fuit, quaque causa nititur, seu, vt hæc l. dicitur, ex qua res agitur, id est, lis agitur, is probatione oneretur, qui eam falsam esse dicit, alioquin credendum ei, quamdiu falsi non arguitur. Hæc inquam buſur l. sententia est, contraria legi 4. supr. qua cauetur, etiam eum qui scriptura vitur, veritate subnixam eam probare cogi: & legi 7. prox.

infr. vt vulgo creditur.

Sciam porro sententiam vt adſruat Valentinianus, & Enthymemate & Sorite quodam vitur: Cuius hæc tandem vis est; pro scriptura præſumi, quod & docet lex 18. Cod. Iust. de probat. contra falsitatis allegationem: ideo allegantem probatione onerari, dict. l. 18. Denique tam diu veram scripturam credi, quamdiu falsa ab aduersario non demonstratur. Hæc Valentiniani ratiocinatio est.

VII. (a) Imppp. Valens, GRATIANVS & Valentinianus A.A.A. ad Antonium

PF.P.(b) post alia (c)

IVEMVS, omnes deinceps (d) qui scripturas nefarias (e) comminiscuntur, cum quid in Iudicio promiserint, (f) nisi ipsi (g) adstruxerint veritatem, vt suspectæ (h) scripturæ & falsæ (i) reos esse detinendos. (k) Dat. prid. Id. Ian. Treu. (l) Valente VI. (m) & Valentiniano II. AA. COSS. [378.]

INTERPRETATIO (n) *Quicumque scripturam in audientiam protulerit, veritatem eius probare iubeatur: quia hoc in omnibus causis statutum est, vt scripturam prolator adfirmet. Nam si is qui scripturam protulit, (o) eius non adstruxit veritatem, vt falsitatis reum esse retinendum.*

NOTAE.

(a) *Lex penult. Cod. Inst. de probat. & iungenda huic est lex vu. sup. victum civiliter agere & criminaliter posse. GOTHFR.*

(b) *Antonius sub Gratiano PP. Italia scil. vt docet hoc Anno lex 12. sup. de penis: vid. Prosopogr. ID.*

(c) *Quæ etiam continentur d.l. vu. ID.*

(d) *Deinceps abest a Cod. Inst. RITTER.*

(e) *Suspectus: ita Τεῖσθρ. d.l. pen. viceversa sine leg. pro suspectæ, reposuit nefarias. De quo mox. GOTHFR.*

(f) *Promiserint, in Cod. Inst. de quo mox. ID. In iudicium commiserint, Sichard. in iudicium proposuerint, MS, G. RITTER.*

(g) *Ipsa veritate, Sichard. ID.*

(h) *Nefaria Cod. Inst. GOTHFR.*

(i) *Et quasi falsarios esse &c. ita C. Inst. d.l. pen. ID.*

(k) *De hac voce detinendi, mox dicam. ID.*

(l) *In C. Inst. male Tiberiade. ID.*

(m) *V. & Valens, Iun. ita Cod. Inst. male. ID.*

(n) *Falsa: mox vt ostendam. ID.*

(o) *Protulerit, & mox, adstruxerit, MS, G. RITTER.*

COMMENTARIVS.

NEFARIAS scripturas qui in iudicio promittunt, ipsi earum veritatem adstruere & nisi id fecerint, vt suspectæ & falsæ scripturæ rei, puniri hac l. a Gratiano iubentur A.D. 378.

Hæc quidem brevis huiusce legis est sententia: Cui alioquin iungenda est lex unica, *sup. victum civiliter agere & criminaliter posse*: Et ea tamen hæc ad diem non intelligitur, ac præsertim ob Tribonianum facinus, seu interpolationem, qua factum, vt eodem spectare videatur, quo l. 4. §. 6. *sup.* Tota difficultas, imo totum arcanum versatur in tribus his vocibus, *Nefarias, Comminiscuntur, & promiserint.*

Nefarie igitur *scripturæ* hac lege, non sunt, *falsi suspectæ*, (quas tamen voces Tribonianus commisit in interpolanda b. l.) Ecquis enim vnquam *nefarias* scripturas, pro falsis extulit? Verum *nefarie* sunt nefandæ, scelestæ, nefarias artes continentes, maleficii seu Magiæ crimine inuolutæ, & de Principis etiam forte salute consultoriæ. Cuiusmodi sunt *secretiores chartæ*, & *commonitoria*, quæ memorat Ammianus Marcellinus libr. 28. cap. 2. itemque *Codices noxiarum Artium lib. eod. cap. 1.* Neque absimili sensu *nefaria licentia sacrificiorum nocturnorum* dicitur, l. 5. *infr. de paganis.* Nempe hoc illud tempus est, quo Maleficii & Magiæ crimen, & Romæ quidem, etiam de Senatoribus quam plurimis, intentatum legimus: auide atreptum ab iis, qui inimicos suos omni perditos opere

vellent, summaque acerbitate exercitum quamdiu Valentinianus Gratiani, (*huius legis Auctoris*) pater, ad annum vsque 376. vixit. De quo plene dictum est ad l. 1. *sup. de questionibus.* Atenim vt Gratianus imperio post patrem potitus, procurrenti licentiæ huic, & acerbitati, modum illico adhibuit: quod testantur l. 13. *sup. de accusationibus.* & l. 1. 2. *sup. ne præter crimen Maiestatis* & l. 3. *sup. de questionibus*: inter quas obseruanda summo opere dict. l. 1. *ne præter crimen Maiestatis*: vbi in argumento *nefaria delatio* dicitur, & *nefarie delationis indicia.* Quin imo in eodem argumento in dict. l. 2. *ne præter crimen Maiestatis* harum ipsarum *scripturarum nefandarum* mentio fit. Cum ipsis, inquit, *delationum libellis, cum omni scripturarum & meditati criminis apparatu, nefandarum accusationum crementur auctores.* Neque etiam aliud sensisse videtur idem Gratianus l. ult. *sup. de falso*, illis verbis, *vel si quid prolatum aliud insimulare conabitur.*

Igitur cum inter cæteras artes conficiendis inimicis suis, temere delatores, accusatores in iudiciis comminiscerentur *nefarias* huiusmodi scripturas, id est dicerent, scire se huiusmodi scripturas, huiusmodi commonitoria, secreta mandata (vt vocantur etiam l. ult. *sup. de accusat.*) iactarent, atque ea facile sibi forte, depromere; denique ea promitterent, Gratianus huiusce legis Auctor, huiusce

modi promissionibus in iudicio factis, *hac l.* occursum voluit: ut scirent, neque huiusmodi commenta, huiusmodi iactationes, promissiones, impune sibi cessuras: Quin imo impositam sibi probandi necessitatem, & si in probatione deficerent, ut falsi reos detinendos.

Ex his iam sequitur, non agi *b. l.* de scriptura falsi suspecta: Non agi, de scriptura in iudicio prolata: quod tamen etiam Tribonianus credere nos vult: Non agi de probationibus hinc inde requisitis: quod alioquin, ubi falsi suspecta scriptura producit, usurpari *leges* superiores ostendunt, idque duplici iudicio civili vel criminali, quod eiusdem Gratiani constitutio offendit, *l. 4. supr. de falsis*: Quinimo & *dict. l. vn. supr. Victum civiliter* &c. quæ huic nostræ coniungenda est: verum agi *hac lege*, de scriptura nefaria, idest, commonitorio, & mandatis secretis, quibus criminis alicuius, puta maleficii criminis probatio contineri dicitur. Rursum agi, de scriptura nefaria, non prolata: verum quam in iudicio quis commentus est, & *promisit*: Promisit inquam, id est iactavit: quod Tribonianus in *promissis* mutavit: Ita in *dicta l. i. infr. de Episcop. iudicio*: *repromittere testimonium*, est, testem aliquem in iudicio laudare, allegare, iactare: *nec alius*, inquit, *audiatur, cum testimonium Episcopi a qualibet parte fuerit repromissum*: quem alioquin locum Viri docti non capiunt. Neque tamen abnuo, mutata specie, posse hic legi *promissis*, si modo fides Mssrum adsit. Nam & eo casu idem dicendum, quod *b. l.* continetur.

Quæ cum ita sint, facessant hinc porro, atque una litura expungantur, quæ *Cod. Iust. ad hanc legem* ab Interpretationibus notari solent: ad vocem *commiscentur*, & de suspectis scripturis.

Illud saltem (ut de postremis nunc *leg.* verbis

agamus) retineatur, quod DD. notant (quod tamen qui subtiliores esse volunt damnant) in specie *huius legis* falsi eum dampnari, & quidem sine accusatore, sine aduersarii contictione: id inquam est verissimum. Neque enim aliud sibi volunt hæc verba, nisi ipsi *adstruxerint veritatem, ut suspecte scriptura & false reos esse detinendos*: Neque alius sensus eorum, ut in *Cod. Iust.* legitur, & *quasi falsariis*. Et ridiculi sunt, qui vocem *detinendos* aliter accipiunt, quasi non quicumque rei detinentur, etiam condemnentur, sed sæpe absoluantur. Reum enim *detineri* omnino est, reum haberi pro convicto, atque exinde dampnari: sic obnoxios detineri *l. 3. supr. de iurisdic.* alia vide in *Gloss.* eo denique sensu *retinendi* vox passim accipitur, ut *l. 9. supr. de famosis libellis*: & infinitis loci, quæ vid. in *Gloss.* Neque etiam quicquam contra obstat *d. lex vn. supr. Victum civiliter* &c. quæ huic *legi* coniungenda est: Ea quippe *legis* pars & regulam continet, & de falsa scriptura prolata agit: hic autem singularis casus est, & a lure communi excipiendus.

Quare cum hæc ita sint, singularia Tria hæc ex *hac lege* obseruentur. Primo nudam Nefariæ scripturæ in iudicio iactationem, promissionem, eum qui iactavit seu promisit, probationi adstringere. Secundo, ita adstringere, ut ei soli probandi onus incumbat, neque quidquam aduersarius præstare cogatur: cum alias in crimine falsi uterque probare debeat. Tertio, nisi veritatem adstruxerit, ut falsarium esse dampnandum, citra ullam legitimam accusationem, mero Iudicis officio: Quod ita a Gratiano constitutum, iis, quas *initio* dixi, de causis Cohibendæ, inquam, nonnullorum temeritati, acerbitateque.

EPISCOPVM neque necessarium neque voluntarium testem esse posse in causis criminalibus.

VIII. (a) **P**ARS (b) Actorum habitorem in Consistorio apud Imperatores Gratianum Valentinianum, & THEODOSIVM: CONS. (c) Syagri & Eucherii, (d) die III. Kalen. Iul. (e) Constantinop. In consistorio *Imp. Theod. A dixit*: Episcopus nec honore, nec legibus ad testimonium (f) flagitatur. (g) *Item dixit*: Episcopum ad testimonium dicendum admitti (h) non decet: Nam & persona dehonoriatur, (i) & dignitas Sacerdotis (k) excepta (l) confunditur. (m) [381.]

NOTAE.

- (a) *L. 7. Cod. Iust. de Episcop. & Clericis*: Omisit *hanc leg.* Baronius in *Annalib. suis* Ecclesiasticis, quæ tamen eo pertinet. *GOTHOFR.*
 (b) V. quæ de his *Actis Consistorialibus* dixi iam ad *leg. 5. supr. ID.*
 (c) Id est *Consulatu*, ut expressum in *Cod. Iust. ID.*
 (d) *Virorum Clarissimorum*, additum *Cod. Iust. RITTER.*
 (e) *Ianuarius. d. l. 7. Cod. Iust. Male. GOTHOFR.*
 (f) *Dicendum*: hoc additum *d. l. 7.* etiam in quibusdam MSS. *Codicib. Iust.* quoque desit. *ID.*
 (g) *Flagitatur* vulgar. *Cod. Iust. RITTER.*
 (h) *Addici*, legit Azo, & MSS. alii libri habent, *adduci*, ut notat Contius. *GOTHOFR.*
 (i) Ita quoque in MSS. nonnullis *Cod. Iustin.* vulgo male, *oneratur. ID.*
 (k) Id est, Episcopi, *Sacerdos* pro Episcopo (quod & Accursius & Contius notarunt) ut *hac l.* ita & *l. 3. 4. infra de fide*
Castol. l. 3. 4. 43. infr. de Episcopis. Possit & bis legere *Sacerdotii. ID.*
 (l) *Exempta*, *Cod. Iust. vulgar. RITTER.*
 (m) De hac voce max. *GOTHOFR.*

COMMENTARIVS.

EPISCOPVM ad testimonium dicendum flagitari, admittitue vetat Theodosius M. hac, in Consistorio suo, cum super quodam negotio cognosceret, interlocutione; eaque gemina seu iterata A. D. 387. Nempe, cum Episcopus procul dubio quidam, in causa quadam, de qua mox, ad testimonium flagitaretur, Theodosius primum interlocutus est, *Episcopum nec honore nec legibus ad testimonium FLAGITARI posse*. Cum contra aliquid exceptum fuisset, iterum interlocutus est, *Non decere Episcopum ad testimonium ADMITTI*. Est scilicet hac lex, quod & inscriptio eius testatur, *pars Actorum, habitorum in Consistorio apud Theodosium Imp.* id est pars cognitionis cuiusdam Theodosii, adstantibus Consistorialibus, super quodam negotio cognoscentis, cuiusmodi *leges alix plures hoc Codice* occurrunt; Actorum, inquam, huiusmodi Consistorialium partes: puta *lex 5. supra hoc ipso tit. lex 3. supra de officio Iud. omnium; lex 2. supra qui bonis ex Leg. Iul. cedere; lex 1. supra de his quæ administr.* de quo ad d. l. 5. *sup.*

Sententia huius l. nunc accuratius expendenda venit, quæ non parum obscuritatis habet, cuius ideo tres hactenus interpretationes mihi occurrunt. Prima est, qua vulgo creditur, Episcopum, ut toto Iure Codicis, ita & hac l. generaliter *In omnibus omnino causis* testimonium perhibere non potuisse: Et vero id ipsum hac l. indicare Theodosium. Quod ego in animum inducere vix unquam potui. Non utar nunc argumento Constitutionis, quæ sub Constantini M. nomine extat l. 1. *infr. de Episcopali iudicio*, quæ is sanxisse dicitur testimonium ab vno licet Episcopo perhibendum, omnes Iudices indubitanter accipere oportere, neque alium audiri, cum testimonium Episcopi a qualibet parte fuerit repromissum: hac rationis prærogativa etiam addita; *Illud est enim veritatis auctoritate firmatum, illud incorruptum, quod a sacrosancto homine conscientia mentis inlibata protulerit*. Quid igitur? Huic interpretationi omnino refragatur huius legis ratio, quæ honori dignitatis Sacerdotalis hoc privilegium, de quo agitur tributum ait. Atquin intestabilem esse, nemo puto honori sibi duxerit. Scio equidem, quosdam propter reuerentiam personarum ad testimonii fidem non admitti, l. 3. §. 5. *D. de testib.* Verum alio sensu, non, inquam, propter suæ personæ reuerentiam, verum propter eam, quam aliis debent, quibus videlicet summo beneficio sunt obstricti, veluti liberti Patronis, quod exemplum *ea ipsa lege* apponitur.

Secunda interpretatio est, distinguendum, inter *Inuitum & Volentem* Episcopum; Non cogi scilicet inuitum testimonium dicere, etsi possit, si velit. Nam & sic lege *Iulia Iudiciorum publicorum*, & in vniuersum legibus, quædam personæ excipiuntur, quibus inuitis testimonium denunciari non potest, ut testimonium litis dicant, l. 4. 5. 8. 19. *D. de testib.* Verum & hanc interpretationem aperte refellit posterior Theodosii M. hac l. interlocutio, quæ utique ne volentem quidem Episcopum admitti indicat. Recta enim est Hugolini sententia prioris interlocutionis hanc esse sententiam, Episcopum inuitum ad testimonium dicendum non cogendum; posterioris ve-

ro nec sponte seu volentem testificari admittendum. *Flagitare* scilicet ad testimonium, est testimonium inuito denunciare, & ut erat in XII. tab. 2. *obuagulari*, & apud Plautum *Aulular. Act. III. Scen. 2. v. 32. pipulo differre*. Nam quod & in XII. erat *obuagulum* ire, per *flagitandi* vocem expressere. *Flagito*, est *εἰσῆς ἀπαῖτω*, ut in *Glossis*, & ibidem *flagitauerit, μετὰ τῆς ἀπειρήσῃ*. Plautus *Pseudolo Act. I. scen. 5. v. 143. Clamore magno & multum flagitare*; quod idem in *Curcul. Act. 5. scen. 3. v. 5. sic effert: Postquam nihil sit, clamore hominum posco: ille in ius me vocat*. Hinc & *flagitatores*, qui nomine tumultuosius & instantius appellant, & *flagitium* appellatio clamorosa & cum verborum contumelia. Plautus *Mostellar. Act. 3. scen. 2. v. 80. 81. A mane usque ad vespertum, quasi flagitator affans usque ad ostium*. Vid. idem *Casini. Prolog. v. 24.* & Donatus in *Eunuchum Act. 2. scen. 3. v. 90*. Denique flagitari est, postulari, l. ult. *infra*, peti, l. 10. *infra*, vocari in iudicium inuitum l. 4. *sup. ne præter crimen Maiest.* Græci proprie *κλητεύεσθαι* obtestari vocarunt, ut docet Pollux l. 8. c. 6. pag. 875. Edit. Hemsterhuis. qui libens octauus totus est iuridicus, *περὶ δικασμῶν ὀνομασίων*. Admitti vero dicitur, qui ultro neque inuitus auditur, Donatus in *Eunuchum Act. 4. scen. 6. v. 23. Admittere, fieri, sinere est*, Ita l. 6. C. *Iust. de testibus: Parentes & liberi inuicem aduersus se nec volentes ad testimonium admittendi sunt*.

Tertia interpretatio est, quasi hac lege distinctio fiat *locorum*; Nempe non cogi Episcopum venire in iudicium testimonii dicendi causa, sed domum ad eum mitti oportere; Quod sane a Iustiniano postea nominatim cautum fuit *Nov. 123. cap. 7.* vnde etiam Irnerius Authenticam suam, *sed Iudex mittat*, huic legi *Cod. Iust.* subiecit, quasi interpretatoriam ex suo sensu, quod malim; vel correctoriam, quod Accursio placet. Verum neque hæc placet interpretatio, si de originali huius l. sensu quærimus: nam de Triboniani mente non ambigimus. Nam etsi ut veteri, ita & noua prudentia iurandi causa ad egregias personas domum mitti oportuerit, l. 15. *D. de iureiur. l. 2. §. 1. Cod. Iust. de iureiur. propt. calumn.* Item etsi apud Tacitum *lib. 2. Annal. cap. 34. legamus*, Ad Vrgulaniam, quam amicitia Augustæ mirum in modum extulerat, missum esse Prætorem, qui testem eam in causa quadam domi interrogaret: Nihil tamen hac l. tale occurrit, vnde hæc Interpretatio colligi possit; Sed & insolens hoc ipsum circa Vrgulaniam factum, & a moribus iureque Romano alienum; & quia domum missum, & quia Prætor missus: In tantum, ut Sacerdotes quoque Vestales (privilegiis alioquin summis decoratæ) in foro & iudicio ipso testimonium dicerent. Verba Taciti hæc sunt: *Ceterum Vrgulania potentia adeo nimia ciuitati erat, ut testis in causa quadam, qua apud Senatum tractabatur, venire dedignaretur; missus est Prætor, qui domi interrogaret: cum Virgines Vestales in foro & iudicio audiri, quoties testimonium dicerent, vetus mos fuerit*. Et sane inagnum est hac parte Iuris iurandi, & testimonii discrimen: Ad iurandum equidem, si ad personas quasdam mittatur, nullum exinde veritati vel fidei præiudicium sit. At enim si de testimonio quæritur, no-

tum illud Hadriani leg. 3. §. 3. *D. de testib. testibus se, non testimoniis crediturum.* Item, *testimoniis apud se locum non esse: nam ipsos, inquit, interrogare soleo.* Item illud eiusdem d. leg. 3. §. 4. *Alia est auctoritas presentium testium; alia testimoniorum, quae recitari solent.* Etsi Quintilianus lib. 5. c. 7. testimonia dici scripto ait, per tabulas, aut a praesentibus, Qui ta-

P. 329. men idem de primis ita ait: *Simplicior, contratabulas pugna: nam & minus obstitisse videtur pudor inter paucos signatores, & pro dissidentia premittitur absentia.* Etratio sitis aperta, cur testes αυτοπροσώπως, in coram in iudicio audiri oporteat non etiam domi: quamlibet forte publica persona committeretur: Nam ipsum Praetorem seu Magistratum domum ire Maiestas imperii non patitur, etsi id factum, sed insolenter, in Virgularia. Ut fallatur omnino Ruardus, qui IV. var. 15. solemniter Praetorem ipsam domum missum ad egregias personas scribit. Neque etiam, quod Cuiacio in mentem venit, Episcopos hac parte comparari velim cum iis Sacerdotibus, qui propter loci religionem inde se mouere seu discedere a Sacerdotio sine religione non poterant: de quibus agitur tribus locis *Digestorum* puta leg. 2. *D. de in ius voc. leg. penult. in princip. D. de vacation. muner. leg. 36. D. de fidei commiss. libertat.* ad quos non dubito, ubi casus tulisset, resque moram non pateretur, ad locum seu ad Templum mitti solitum testimonii ergo. Hoc enim Sacerdotii genus, ἱερωσύνη & stationis suae tempore, ita Sacerdotio seu loco, & adi adscripti, deuoti, dicati erant, ut inde omnino discedere seque mouere sine piaculo non possent: de quibus & Seneca I. *de tranquillitate cap. 10. Quosdam exilia, vno loco tenent; quosdam Sacerdotia.* Neque dubito haud absimile id Sacerdotii genus fuisse ἱερωσύνης Φυλακῆς, stationibus hebdomadicis 24. quae in orbem recurrebant apud Iudaeos. Et ex quibus peculiaris postea sortitio fiebat, quis immolare, quis libaret, quis cinere lauaret altare inter suffitum: quorum frequens mentio apud Lactantium, & Iosephum, lib. 7. cap. 11. & Theophylactum.

Eo quippe hebdomadis, seu ἑβδομακῆς ἱερωσύνης totius tempore, in Templo deserviebant seu operabantur: de quibus Scaliger lib. 3. *canon. isagogicor. pag. 207.* & Collector *Exercitation. Euangelicarum, libro 1. cap. 7. 8.* Verum ad rem.

Mihi itaque placet hoc Theodosii privilegium ad *Criminales & mutuas* quidem in specie huius legis Episcoporum accusationes, testificationes, omnino referendum esse. Nempe cum & ceteroquin Episcoporum testimonio quinquam Reum peragi sanctitas loci vix patitur, quibus, (ut loquitur lex 31. *infra, de Episcop.*) sola ignoscendi gloria relicta est. Et sane, quod primum mihi argumentum est, cum huius legis, aetatem attendo, ea in id omnino tempus incidit, quo secunda Synodus Oecumenica Constantinopolitana habita fuit (mense inquam Maio, Iunio, & ex parte Iulio huius Anni 381.) adeo ut haec lex paulo ante finitam Synodum lata sit; Quare omnino eam pertinere existimem, ad eum tumultum qui in ea Synodo exortus occasione Flavianii, qui Episcopus Antiochenus ele-

ctus fuit, cum iam alius esset, puta Paulinus: item Gregorii Nazianzeni, qui & ideo Sedi Constantinopolitanae concordiae ergo renunciare coactus fuit; suffecto in eius locum Nectario, qui & Synodo ipsi subscripsit VII. Idus Iulias, cuius etiam eodem mense Iulio (& sic vno mense post hanc legem) mentio fit a Theodosio leg. 3. *infra de fide Catholica.*

Et hanc quidem primam habeo huius coniecturae causam, ex ipsa temporum ratione petitam. Et vero, quod secundum, ipsemet Gregorius Nazianzenus in hac Synodo flagitia Episcoporum, prius obscura atque incognita ab inimicis in lucem prolata haud obscure indicat in *carmin. 10. de diuersis vitae generibus. pag. 80. Tom. II. Oper. Edit. Colon. siu. Lips. apud Weidman.* Ut omnino credibile sit, Theodosium hac crimina ad se perlata, & in Consistorium suum inducta auersatum, testimonio Episcoporum non admissio.

Tertio, huic quoque rei fidem facit ipsius Synodi Constantinopolitanae Canon sextus pag. 80. Tom. I. *Concil. Edit. Harduin.* prolixus de Episcoporum accusationibus, de priuatis & Ecclesiasticis criminibus; quoniam videlicet admittendi sint ad Episcoporum accusationem, qua forma, quo ordine; ubi & sub finem aduersus eos diserte agitur, qui contempto eo ordine, qui ibi praescribitur, ausus fuerit vel IMPERATORIS AVRES molestia afficere, vel secularium Magistratum tribunalia, vel Synodum Oecumenicam perturbare contemptis Episcopis diaecesibus. Et initio eiusdem canonis causam indicat, Quoniam, inquit, multi Ecclesiasticum Ordinem CONFVNDERE (συγχέειν) & euertere volentes, odiose & calumnie aduersus Episcopos Orthodoxos, qui Ecclesias administrant, accusationes quardam confingunt, nihil aliud conantes, quam ut Sacerdotum bonam estimationem contaminent, (ἡ χαλῶν τὰς τῶν ἱερέων ὑπολήψεις,) & tumultus populorum in pace degentium excitent; hac de causa placuit, &c. Ex hoc Canone iam apparet, mutuas illas Episcoporum in Synodo accusationes ad Imperatoris Theodosii aures perlatas, seu in Consistorium eius inductas, cuius rei occasione iam haec Theodosii interlocationes processere. Neque omittere possum hanc in rem ipsam decretum Concilii Carthaginensis, quod habitum Anno Domini 399. (ut alibi prolixè ostendo) quod continetur canone 59. Codicis Africani pag. 898. Tom. I. *Concil. Edit. Harduin.* Petendum etiam, inquit Patres, ab Imperator. ut statuere dignentur, Ut si qui forte in Ecclesia quamlibet causam (iure Apostolico Ecclesiarum imposito) agere voluerint, & fortasse decusum Clericorum uni parti displicuerit, non liceat Clericum in iudicium ad TESTIMONIUM deuocari eum, qui cognitor vel praesens fuerit: & nulla ad testimonium dicendum Ecclesiastici cuiuslibet persona pulsatur: de quo Canone dixi ad legem 1. *infra de religione.* Ex his duobus canon. iam liquet, id hac tempestate enixe actum, ut ne acta in praesentia Ecclesiasticorum, vel dum arbitri sedent, eorundem Clericorum testimonio postea renelarentur.

tur. Mens igitur eadem nunc Theodosio his interlocationibus.

Et rationes addit, vtrique Interlocutioni proprias. Ad Priorem, ait, *Nec honore nec legibus Episcopum ad testimonium flagitari. Nec honore*, inquit bonus Accursius, *id est, iure Prætorio, quasi diceret, aliquis honor est ei si veritatem aperiat; vel dic honore scil. iudicis vocantis, qui reputat sibi honorem.* Idemque vocem legibus interpretatur, *id est, iure civili*, quasi ius civile cogat homines ad testimonium perhibendum: Quæ suavia sunt omnia: & melius hic illud videretur, *vel dic, Nescio.* Ea igitur sic accipio: Neque honorem Episcopali Dignitati debitum, etsi *leges* nullæ essent, hoc ferre, ut inuitus Episcopus ad testimonium dicendum in huiusmodi causis cogatur: sed & expressis insuper *Legibus* hoc contineri, & ut mox loquitur, *exceptam* esse dignitatem sacerdotalem: *Exceptam*, id est, privilegiatam. Quærendum tantum fuerit, quamnam *Leges* illæ esse potuerunt, quas ego nondum *cruo*. Et hæc quidem rationes prioris interlocationis sunt de inuito Episcopo ad testificandum non cogendo.

P. 330. Posterioris, de volente quoque Episcopo teste non admittendo, duplicem rursum rationem reddit: *Nam & persona*, inquit, *dehonoratur, & dignitas Sacerdotis excepta confunditur.* In quibus interpretandis Accursius ludos rursus facit. Rationes tantum ab honesto; quod & verbis illis ostendit, *Non decet.* Nempe & ipsius Episcopi testificari volentis *personam dehonorandam*, si videl. eius testimonio alius caderet; & inuidiosum ipsi cum maxime futurum, si rerum capitalium iudiciis adstisset, (quomodo Sulpitius loquitur in simili re, libro 2. *sacrae hist. cap. ultim. init.*) Neque tantum ipsius Episcopi testimonium perhibentis personam hoc admisso dehonorandam, verum toti insuper sacerdotali Ordini iniuriæ notam inurendam: *Et dignitas*, inquit, *Sacerdotis excepta confunditur*; Ac si diceret, non esse permittendum, ut vnus forte Episcopus huic privilegio, quod toti Ordini datum est, renunciaret: cui si renunciaret & nœuum toti Ordini inuidiamque conciliaret. Cui non ab similem rationem virgent Canonistæ, ut negent renunciare posse fori præscriptioni, cap. 12. X. de foro competenti: Aliter atque Ius Civile in l. 51. C. iust. de Episcopis: & leg. 29. C. eod. de pactis: & l. 13. §. ult. D. de vacat. excus. mun. cuius ratio, quod renunciatio huiusmodi nullo nœuo, nulla inuidia Ordinem Clericalem perfundat; quæ vtrique perfundit in specie quam tractamus, & (ut b. lex loquitur) *confundit*. *Confundere* hic non est, quod Accursius voluit, Episcopalem dignitatem in Ordinem,

seu ad instar cæterorum Clericorum, quibus hoc privilegii datum non est, cogere: sed *Confundere* est fœdare, inuidiæ publicæ obiectare, & nœuum impingere: pariter vt l. 4. *infr. ne Christianum mancip. iud.* (collata l. 22. *infr. de Iudeis*;) & l. 13. *supr. de remilitari.* aliisque locis, quæ in *Glossis nostris* occurrunt. In *Glossis* etiam Philoxeni: *Confunditur, δυσωπνύσθαι: confundebat, ὀνειδίζεσθαι, confundo, συγγίω.* Canon Sextus Constantinop. de quo *supr.* pariter *συγγίω* verbo vtiur.

His interlocationibus, earumque rationibus ita expensis, exinde quoque clare quarto iam argumento conficitur, hanc *legem* ad criminales omnino testificationes pertinere. Nam neque de inuito ad testimonium flagitando, *totò iure* vnquam agitur, quam in criminalibus causis, ut docet *lex 4. §. 8. 19 D. de testibus.* Quintilianus lib. 5. cap. 7. de *testib.* Plinius lib. 6. ep. 5. ad *Vrsum*. Et testimonium in civilibus causis proprie hoc sæculo *re-promitti* dicitur: d. l. 1. *infr. de Episcopali iudicio.* Neque video (quod sextum argumentum) quomodo per testimonium in civili causa, aut persona Episcopi testificantis dehonoretur, aut dignitas Sacerdotii confundatur, id est, inuidiæ aut famæ obiectetur.

Tres tandem (quod & septimo argumento esse potest) Clericorum gradus, & secundum eos tria & diuersa iura ex *hac leg.* & *leg. 10. infr.* in negotio testimonii in causis criminalibus obseruentur: Nempe I. *Episcopi* in his testimonii dicendi ius non habent, seu *Dignitas Sacerdotis* excepta est, id est, Episcopi, b. l. II. Presbyteri, qui Episcopis proximi, testimonii ius habent, a quæstione tamen immunes sunt. III. *Ceteri Clerici* etiam testimonii causa quæstioni subiaci possunt, d. l. 10.

Postremo igitur loco id obseruandum, hanc constitutionem vnâ esse e tribus quæ *hoc Codice* occurrunt ad historiam Concilii Constantinopolitani pertinentes: duæ reliquæ sunt *lex 8. infr. de hæreticis*, & l. 3. *infr. de fide Catholica.* Atque ita non historia tantum Ecclesiastica in commune *hac l.* augeri potest, quam Baronius diligentissimus aliquin omisit, verum speciatim historia Concilii Constantinopolitani.

Illud adhuc hoc loco addendum, quod Chrysostomus notat, Episcopis seu *Sacerdotio* illud tributum, ut & testes producti non iurarent *homilia 9. in 3. caput Actorum in fin. Commel. edit. p. 519. Sauii. pag. 663.* De Clericis iurare prohibitis v. *Nou. iust. 123. cap. 21. §. 2. Photium Nomocanone tit. 9. cap. 1. pag. 959. & cap. 27. p. 993. Tom. II. Biblioth. iur. Can. Henr. Iustelli. Vid. & ibi Balsamouem pag. 994.*

ABSENS, non ilico damnandus.

IX. (a) Imppp. Gratianus (b) Valentinianus & THEOD.

AAA. ad Florentium PF. (c)

August.

NON oportet in absentem, quasi in præsentem atque conuictum, verum statim purari, quidquid ab eo solo dicitur, qui accusat. Dat. XIII. Kal. Ian. (d) Richomere, & Clearcho. COSS. [384.]

INTERPRETATIO. *Quotiens (e) quilibet accusator aliquid de aduersario suo eo absente suggererit, ante discussionem utriusque (f) partis penitus non credatur.*

NOTAE.

- (a) Absit & hæc lex a Cod. Iust. Iungenda illi lex unic. *supr. de his qui plebem aud.* Ad eam alludit Auctor Epistol. 2. cap. 5. Calixti I. Papæ, pag. 112. Tom. I. Concil. Edit. Harduin. Est autem ab hoc titulo fugitiua. GOTHOFR.
 (b) Valentiniani THEODOSII & Arcadii nomina hic, & d. l. vn. sunt substituenda, expuncto Gratiani nomine, vrpote iam superiore Anno extincti: de quo vid. *Chronolog.* Quod etiam Blondellus de *Primatu in Eccl.* pag. 234. recte obseruauit. ID.
 (c) Florentius Præf. Augustalis sub Theodosio M. v. *Prosopogr.* ID.
 (d) *Imm.* in *An. Reg. & MS. G.* ID.
 (e) Hinc desumpta est sententia quædam epistola 2. Iulii I. PP. cap. 9. pag. 564. Tom. I. Concil. Ed. Hard. & Telephori PP. Ep. cap. 4. init. pag. 92. Tom. I. Concil. Ed. cit. & exinde in *Decreto* cap. 1. *Caus.* 3. Qu. 9. ID.
 (f) Alludit Auctor Epistol. 2. c. 9. Calixti I. PP. pag. 112. T. I. Concil. Edit. cit. ID.

P. 34.

COMMENTARIUS.

ABSENS accusatoris solius delatione, seu indicio prægrauatus, pro conuicto non ideo statim habendus est. Quid igitur? Conuinci quoque eum oportet legitimis scilicet probationibus, testibus vel scriptura. Hæc huiusce legis Theodosii M. sententia est: quæ apertum alias sensum habet, quæque alioquin etiam inculcatur. l. 1. D. de requir. vel absentibus damnandis, & l. 5. D. de penis, de Absente videlicet non damnando, quæque eius occasione Interpretes notant ad l. 6. Cod. I. de accusat. similiter plane Theodoretus Ep. ad Florentium Patricium 89. ἀποπον γὰρ οἶμαι τοῖς κατὰ τῶν ἀπόντων λεγομένοις ὡς ἀληθεῖς πιθεύειν: ἐννομον δὲ καὶ δίκαιον, τῆς ἐκλογένης διώκειν παρόντων κατηγορεῖν τῶν φευγόντων, καὶ τὰς ἐλέγχους παράγειν: ἔγω γὰρ οἱ δικάζοντες εὐρεῖν τὰ ἀληθῆς ῥάδιον δυνήσονται. Absurdum namque opinor fuerit, iis, quæ contra absentes dicuntur fidem tanquam veris adhibere: iussum autem & legibus consentaneum, eos, qui criminis actionem persequi velint, presentibus reis accusare, probationesque adferre. Sic enim verum iudices facile poterunt inuenire. Id tamen in b. l. peculiariter internoscere mihi videor, de absente nominatim contumace accusato in ea actum, atque adeo Florentium PF. Augustalem increpari videri, quod tam cito in absentem quamlibet contumacem, accusatoris solius dicto fidem habuerit, ut putaret accusati contumacia accedente, accusatoris solius & vnus dicto credendum esse. At enim Theodosius id sufficere h. l. negat: verum requiri præterea ut legitime conuictus sit. Contumacia absens non quasi plene conuictus habendus est, ut non præterea legitime rem probari, & reum peragi oporteat. Idque est et-

iam, quod non tantum Iustin. in l. 13. §. 2. 3. C. Iust. de iudiciis: verum iam antea Iurisconsultus lib. 4. de omnibus Tribun. in l. 73. D. de iudiciis voluit: post editum peremptorium absente citato, sine responderit, siue non responderit, agi causam & pronunciari: sed non utique, (id est, non semper, non absolute, vel ut l. 1. C. Iust. quomodo & quando Iudex: non semper, non omnino) secundum præsentem: sed interdum vel absentem, si bonam causam habuit, vincere. Ait, non utique: id est, ut b. l. non statim: Contumaciæ scilicet seu absentis pœna hæcenus ea est; ut eo absente causa agi, definiti monitiones possit, l. ult. D. ad Trebellianum. Item, ut præsumptio aduersus eum faciat: vnde Iura omnia clamare contra contumaces dicuntur; quinimo condemnationem sumptuum nullam obtineat; At enim ut ex ea causa illico litis iacturam faciat, non item. Antonini Caracallæ elegans hanc in rem est lex l. C. Iust. quomodo & quand. Iudex: Non SEMPER compelleris, ut aduersus absentem pronunties, propter subscriptionem Patris Mei, qua significauit, etiam contra absentes sententiam dari solere. Id enim eo pertinet, ut etiam absentem damnare possis, non ut OMNIMODO necesse habeas: Hinc & l. ult. D. ad Trebell. exemplum occurrit actoris præsentis damnati, absentis vero rei absoluti.

Porro cum huic l. coniungenda sit lex vn. *supr. de his qui plebem aud. contra publ. coll. discipl.* ex hac coniunctione colligere mihi videor, in sp. huius l. seditionis accusatum absentem alioquem: quasi is suscipere plebem Alexandrinam & aduersus publicam disciplinam defendere solitus fuerit. Vnde iam notetur, hanc l. obtinere quoque in atrocissimis criminibus etiam pacis publicæ turbatæ, & seditionis.

De PRESBYTERIS & CLERICIS testibus torquendis vel non: & falsis puniendis.

X. (a) Idem AAA. (b) Paulino (c) PF. August.

PRESBYTERI citra iniuriam quæstionis testimonium dicant: ita tamen, ut falsa non simulent (d): Ceteri vero Clerici, qui eorum (e) gradum, vel ordinem subsecuntur (f), si ad testimonium dicendum petiti (g) fuerint, prout Leges & præcipiunt, audiantur. Salua (h) tamen sit litigatoribus falsi actio, si forte Presbyteri, qui sub (i) nomine super-

rioris

rioris (k) loci testimonium dicere citra aliquam corporalem iniuriam (l) sunt recepti, (m) hoc ipso quod nihil metuant, vera suppresserint. *Multo magis* (n) etenim (o) *pœna sunt digni, quibus cum plurimum* (p) *per nostram iussionem delatum fuerit*, (q) *occulto inveniuntur in crimine.* Dat. VIII, Kal. August. Arcadio I. & Bautone Coss. [385.]

INTERPRETATIO. *Presbyteri citra iniuriam questionis, (r) id est, sine supplicio corporali, possunt testimonium dicere: alii vero clerici, qui eorum ordinem subsequuntur, si ad testimonium dicendum adhibiti fuerint, sicut Leges præcipiunt, audiantur: ita ut salua sit contra Presbyteros falsi actio, si in aliquo docebuntur fuisse mentiti; quia magis pœna digni sunt, quibus cum lex reuerentiam præstat, suæ professionis immemores, in mendacii crimine deteguntur,*

NOTA E.

(a) *L. 8. Cod. Iust. de Episcopis.* Omisit & hanc I. Baronius in *Annales suos* referre. GOTHOFR.

(b) *Qui & l. superiori præscribendi Valentinianus, Theodosius, Arcadius. ID.*

(c) De hoc *Paulino* Præf. Augustali sub Theodosio M. v. *Protopop. ID.*

(d) *Simulent*, id est dicant, mentiantur, fingant. *ID.*

(e) *Qui cum deinde gradum*, ita *Cod. Iust. Eorum*, id est, presbyterorum. *ID.*

(f) *Sequuntur C. Iust. consequuntur*, Edit. in 4. & prima Cuiac. *ID.*

(g) *Flagitati, l. 8. sup. ID.*

† *Id est sic, ut questionis subici possint. ID.*

(h) *Vt salua tamen*, ita *Cod. Iustin. ID.*

P. 333. (i) In *Cod. Iust. male suo nomine. ID.*

(k) *V. quæ mox dicam. ID.*

(l) *Citra iniuriam questionis, ut initio leg. ID.*

(m) *Præcepti Cod. Iust. Edit. in 4. prim. Cuiac. Sichard. & MS. G. ID.*

(n) Concordat huic sententiæ suppositicia *lex 2. inf. de Episcopali iudicio: Nouell. Valentinian. 5. de sepulchris: Chrysostomus* *περί λεγεώμενων lib. 3. num. 14. pag. 391. & lib. 4. num. 1. pag. 403. Tom. I. Oper. Edit. Benedictin. Saluianus* *de nob. locis lib. 4. de Gubernat. Dei cap. 12. & lib. 2. aduers. auaritiam cap. 9. l. 1. C. Iust. ubi Senatores: dixi plenius in Commentar. ad d. l. 2. ID.*

(o) *Enim, Cod. Iust. RITTER.*

(p) *Honoris, hæc vox addita Cod. Iustin. GOTHOFR.*

(q) *Est, Cod. Iust. Fuit, MS. G. & Sichard. ID.*

(r) *Questionum, MS. G. Sichard. prim. Cuiac. & illa in 4. RITTER.*

COMMENTARIVS.

QVÆSTIONI quoque testes olim subiciiebantur, legibus seu iure Romano: quod præter hanc l. docet *lex ult. sup. de abolition.* quæ legi ult. huius tit. coniungenda est: Imo & Clerici quoque ipsi testes, ex constitutionibus Imperatorum Christianorum: soli inter Clericos PRESBYTERI hac Theodosii M. constitutione excipiuntur: De quo accipienda foret, quæ sub eiusdem nomine proponitur constitutio, si *γυναικός* ea foret, ad Præfectum Augustalein pariter data, *lex ult. infr. de Episcop. iudic.* in illis: *vexatos etiam nonnullos Orthodoxorum Clericos, quorum atas huic iniuria ac SACERDOTIVM* (ita enim ibi reponendum) *reputabat, flagitatos itineribus, Questionariis deditos.*

Nempe singulare hoc Priuilegium inter Clericos Presbyteris Theodosii M. iussione delatum fuit, quod & *fin. leg.* expresse dicitur, quod & voce *recepti* indicatur, quæ in *Cod. Iust.* mutatur in *præcepti*. Idque sub nomine superioris loci, ait hæc *lex: superiorem* scil. locum inter Clericos Presbyteri tenent, primi Clericorum, post Episcopos, Primate sic ut dicam, & Principales: ipsique Episcopi in ordine secundo. Hinc & Presbyteri fastigium l. 121. *infr. de decurionib.* Presbyterorum nomen pro-

ximum nomen Episcoporum, l. 5. *infr. de hæreticis*: vbi vid. quæ dicam, plura. *Antistes in secundo ordine*, vocantur apud Sidonium *lib. 4. ep. u. v. 18.* & apud Fridegodum Monachum Benedictin. in *Vita S. Wilfridi* Episcopi Eboracens. qui de S. Wilfrido, quando Presbyter factus est, *num. 8. pag. 176. in Actis Sanct. Ordin. S. Benedict. Secul. III. Part. I. Edit. Mabillon.* ita canit:

Ordinis aptatur celebs in honore secundi.

Parte altera sicut priuilegium hoc, quod dixi, Presbyteris. *h. l.* tribuitur, ita ne hoc obtentu sub nomine superioris loci (non ut *Codex Iust.* habet suo,) quod nihil scil. metuant, id est a questione sint immunes, vera suppresserint: hac eadem *leg.* falsi actio in eos litigatoribus datur, si vera, iniquam, suppresserint, seu falsa simulauerint.

Tria iam igitur hinc obseruantur ad secularem in Ecclesiasticos iurisdictionem in comune pertinentia. Primo, Clericos ad testimonium in iudicio flagitados, etiam Presbyteros (solis quandoque Episcopis exceptis l. 8. *sup.*) Secundo, Clericos testes questionis subiectos, solis presbyteris exceptis l. 1. haud aliter atque laicos: *prout leges*, inquit, *præcipiunt, audiantur.* Tertio, falsi actionem in Presbyteros quoque datam, si falsa in iudicio testes ex-

citi, protulerint, veraque dissimulauerint.

Illud a Doctoribus iam recte ex *b. l.* colligitur; Testem falsum admittere, seu *simulare*, deque falso teneri, qui vera supprimit: quod hæc lex apertissime ostendit: cum promiscue ponat, *initio l. falsa simulare*: mox, *vera supprimere*. Et vero id in testibus verissimum est: de quo v. & quæ dixi *ad l. 3. sup.* Denique verum supprimitur, vel positivè falsa simulando: vel priuatiue, verum reticendo. Secundo ex *b. l.* colligunt Doctores, in vno releuatum, in alio prægrauari.

Ratio tandem elegans *sine l.* notetur, quæ alio vtiliter traduci potest, *multo magis pœna dignos esse, qui cum plurimum bis per leges deferatur*, (vel ut Interpres, quibus lex reuerentiam præstat, pro-

fessionis suæ immemores, quod ab interprete non male adicitur) *occulto inueniuntur in crimine*, id est, ut Interpres noster, *in mendacii crimine deteguntur*. A quo non abludit illud Iuuenalis *Satyr. VIII. v. 140. 141.*

Omne animi vitium tanto conspectius in se Crimen habet, quanto maior, qui peccat, habetur. Vnde perperam nonnulli colligunt, grauius puniendos qui in occulto, ut impunitate potiantur, crimen committunt: *Occultum enim crimen hic non est, quod in occulto admittitur, sed mendacii crimen, quo veritas occultatur: nempe Occulti vox hoc sensu, ut & occultandi, men facio propria; ut apud Græcos κεύθω apud Homerum, Menandrum, Phocylidem.*

APOSTATAS, testes esse non posse.

XI. (a) Imppp. VALENTINIANVS,
Theod. & Arcad. AAA.
Flauiano PF. P. (b)

HI qui sanctam fidem prodiderint, & sacrum (c) baptisma profanarint, (d) a consortio omnium segregati, sint a testimoniis alieni, &c. Dat. V. Id. Maii Concordiæ, (e) Tatiano & Symmacho Coss. [391.]

NOTAE.

- (a) Desumpta hæc lex est ex ampliare *l. 4. inf. de Apostatis*: quæ est *lex 3. Cod. Inst. eod. tit.* Iungenda & *lex 5. d. 2. inf. de Apostatis. GOTHOFR.*
- (b) *Flavianus* PP. Illyrici & Italiæ v. hoc ipso Anno *l. 2. sup. de constitut. Princip. & l. 6. sup. de contrab. empt. & l. 13. sup. de pœnis. ID.*
- (c) *Sanctum, d. l. 4. & d. l. 3. Cod. Inst. ID.*
- (d) *Profanauerint d. l. 4. ID.*
- (e) *Ibidem scil. datæ d. l. 4. & 5. inf. de Apostatis. ID.*

R. 332.

COMMENTARIUS.

APOSTATÆ intestabiles *b. l.* esse iubentur a Valentiniano Iun. quæ cum ex ampliore *l. 4. de Apostatis* desumpta sit, inde quoque lux petatur.

Illud saltem obseruetur, eos qui a consortio hominum pœnæ loco segregantur, per consequens a testimoniis alienos esse: Nempe ut commercii hu-

mani pars, neque infima, testimoniis dictio est, ita neque infima pœna, intestabilem fieri: Quæ utique iure in Apostatas decernitur: ne rerum videlicet gestarum fides seu veritas per hos probetur, qui Fidem ipsi prodidere.

PETITORI, non POSSESSORI probationis onus incumbere.

XII. (a) Impp. ARCAD. & Honor. AA. Æternali
Proc. Asiæ. (b)

COGI possessorem ab eo qui expetit, (c) titulum suæ possessionis edicere, (d) quæ tanta erit amentia, ut, (e) ratione præpostera, petitor (f) ab eo quem pulsât, (g) informari suas postulet actiones: cum omnem probationem exigi oporteat ab eo, qui vindicare (h) nititur, non ab eo qui *se iuste tenere* contendit? Intentanti namque non suscipienti, (i) probationum necessitas inponenda est; Præter eum, qui edicere (k) cogitur, utrum *Pro possessore*, an *Pro herede* possideat. Dat. XII. Kal. April. (l) Arcadio VII. (m) & Honorio III. AA. Coss. [396.]

INTERPRETATIO. (n) *Lex ista hoc precipit, ut probatio non a possessore, sed a petitoris partibus requiratur: quia omnem probationem ab eo queri debere dicit, qui petitam rem desiderat obtinere, non ab illo, qui se iuste tenere contendit: prater illum tantum casum, ubi interrogari necesse est possidentem, utrum ex sua persona, an ex (o) successione coeperit possidere.*

NOTAE.

- (a) *L. 11. C. iust. de petit. heredit.* Iungenda autem huic, *lex 3. sup. de testamentis.* Concordat *lex 1. sup. b. 2. GOTHFR.*
- (b) *Aeternalis* Proconsul Aſiae sub Arcadio, V. *Profopogr. ID.*
- (c) Et experitur, intentat. *Expetit* petitor, qui vindicare nititur. *ID.*
- (d) Dilutius & hic, & *sine l.* in *C. iust. dicere: mox incivile est: suppressis omnibus vsque ad ea, prater eum. ID.*
- (e) Sic *vt. ID.*
- (f) Absit *petitor* a Sichardin. *RITTER.*
- (g) *Pulsandi* verbum hic proprium, V. *Gloss. GOTHFR.*
- (h) *Indicare* male praefertur prim. Cuiac. & illa in 4. quod factum ex mutua verborum istorum, *iudicare, indicare* vindicare commutatione, ut observavit iam olim FORNERIVS ad *Cassiodor. Var. II. 6. RITTER.*
- (i) *Suscipiens*, oppositè ad intentantem: id est reus excipiens alienam actionem *GOTHFR.*
- (k) V. quæ iam *supr. initio leg.* notavi. *ID.*
- (l) *Constantinopoli*, rectè additum in MS. G. & Sichard. *RITTER.*
- (m) *yp. IV.* vti habet *d. l. 3. sup.* & MS. G. & Sichard. *GOTHFR.*
- (n) Falsa circa finem, vti indicat Commentarius. *RITTER.*
- (o) *Per successionem*, prim. Cuiac. & Edit, in 4. *ID.*

COMMENTARIVS.

CVI probationis necessitas in rei vindicatione incumbat: Ad hanc inquam quaestionem pertinet hæc Arcadii constitutio (pariter vt *lex 1. sup. b. 2.*) longe plenior, quam vt habetur *Codice Iustiniano*, famosa *l. cogi n. de petit. hereditat.* cui iungenda quoque est, *lex 3. sup. de testamentis.* Scilicet petitori, non possessori, Actori, non Reo, omnis probationum necessitas incumbit. Quare *cogi non potest* possessor, vt titulum possessionis suæ edicat; & *præpostera ratio* est, imo *magna amentia*, si petitor ab eo, quem *pulsat*, i. e. a reo, informari suas postulet actiones. Nempe suis quemque probationibus actionem suam informare addecet, non exacta a reo probatione tituli sui. Eaque ipsa ratio est, qua Alex. constituit *l. ult. C. iust. de edendo: Non oportere originem petitionis ex instrumentis eius, qui convenitur, fundari.* Eodemque pertinet *b. l. Edicendi* vox, duobus locis: quæ *Cod. iust. mutata* haud adeo bene in *dicendi.* *Edicere* est, *initio rei prædicere* (qua voce vtitur quoque *d. lex 3. de testamentis*, quæ huic, vt dixi, coniungenda est, & de

alio, sic vt dicam, *prædicendi* genere agit) ad informandam actionem. Denique eodem pertinet, quod ait *lex 1. sup. b. 2. in primordio petitorum debere probare*, non possessorem. In *primordio probare, Edicere, Actionem informare*, idem sunt; vel quod quartum, in *d. l. ult. Cod. I. de edend. originem petitionis fundare.* Quare ex his iam patet, male *hac l.* emendatam putari *legem 1. sup.* cuius eadem est omnino sententia. Neque finis *eius leg.* quidquam obstat, qua non agitur de probatione præstanda, in primordio, seu ad informandam actionem petitoris.

Quæ *sine huius leg.* Exceptio additur, eam perperam intellexit Interpres, cum ita eam expressit, *utrum ex sua persona, an ex successione coeperit possidere.* Apertum enim ea habet sensum: & vero firmitur *leg. 12. D. de petit. heredit. l. 36. D. de re vindic. l. 4. 20. D. de interrog. action.* Neque tam ad Probationes pertinet, quam ad Interrogationes.

De hac tandem Regula, vid. plenius adhuc Socium in *Regulis Iur.*

De SVMPTIBVS dandis, testibus.

XIII. (a) Imp. HONOR. & Theod. AA. Cæciliano PF. P. (b) Post alia.

QVONIAM Ingenui (c) testes ad causas postulantur alienas, si focii & participes criminis non dicantur, sed fides ab his notitiæ postuletur: in exhibitione (d) necessariorum (e) personarum, hoc est, testium, talis debet esse cautio Iudicantis, vt his venturis ad iudicium, per accusatorem, aut (f) ab his, per quos fuerint (g) postulati, sumptus competentes dari præcipiat, &c. (h) Dat. XII. Kal. Feb. Ravennæ, Honorio VIII. & Theodosio IV. (i) AA. COSS. [409.]

INTERPRETATIO. *Quicumque testes necessarios habet, dummodo idoneos (k) qui non*

sine causa aut culpa participes, studeat qualiter eos suo sumptu, ubi causa dicenda est, debeat exhibere.

NOTAE.

- (a) *L. 11. Cod. Inst. de testibus.* Gratianus etiam hanc leg. e *Cod. Inst.* retulit in *Decretum can. 3. §. 40. caus. 4. qu. 3.* Quæ autem huic *Leges* iungendæ sint? mox dicam. *GOTHOFR.*
 (b) *Cacilianus* sub Honorio PP. Italix: vid. *Zosimum lib. 5. cap. 44. vid. Prosopogr. ID.*
 (c) *Liberi*: ita *Cod. Inst.* & ex eo Gratianus: de cuius mutationis causa mox. *ID.*
 (d) *Exhibitio*, id est, adductio: quo ipso quoque sensu *exhibitio* reorum dicitur leg. 4. *supr. de exhibend. reis. ID.*
 (e) *Necessaria* personæ hic pro testibus, qui ad causas & fidem notitiæ necessarii. *ID.*
 (f) *Vel*, C. *Inst.* & Gratianus. *ID.*
 (g) *Fuerunt*, C. *Inst.* *ID.*
 (h) *Idem iuris est: & si in pecuniaria causa testes ab alterutra parte producendi sunt.* Hoc additum a *T. 1. d. l. 11.* præter Honorii mentem: cuius integra constitutio, vnde hæc desumpta, est de processu criminali. *ID.*
 (i) *yp. III.* vii & habent MS. G. & S. *Richard. & l. 5. supr. de exhib. reis l. 2. supr. ut intr. au. & aliz. RITTER.*
 (k) Alludit ad locum Auctor Ep. Telephori Papæ cap. 4. pag. 92. *Tom. I. Concil. Edis. Harduin. & Iulii Papæ I. Ep. 2. cap. 9. pag. 564. Tom. eod. Concil. GOTHOFRED.*

COMMENTARIUS.

SUMPTVS competentes testibus ad iudicium postulatis per accusatorem vel a quocumque fuerint postulati, cautione seu præcepto Iudicis dari oportere definit Honorius Imp.

Hæc huiusce constitutionis sententia est: quæ amplioris Honorianæ Constitutionis portio est: pariter vt aliæ præterea septem hoc Codice Constitutiones, puta *lex 5. & ult. sup. de exhib. reis. lex 2. supr. ut intra annum: l. vn. sup. ne pastorib. l. 3. sup. de superexact.* Neque improbabilius *lex ult. sup. de maleficiis, lex ult. sup. de abolitionib. quæ & huic l. argumento conuenit: & l. 8. C. Inst. de defens. ciuit. lex ult. sup. de custod. reor. & in his nominatim d. lex ult. sup. de abolitionib. quæ huic argumento quoque ex parte respondet.* Quæ quidem constitutio Honoriana tota occupata fuit circa processum criminalem, & quidem accuratissima. Neque alia sententia est *legis 3. §. 4. D. de testibus. legis 6. §. 2. Cod. Inst. de appellat.*


Singularia tantum hic sectemur: e quibus duo priora statum & conditionem testium spectant, seu duas limitationes continent, quibus videlicet testibus sumptus præbendi sunt, vel non. Primum igitur ingenui testes vt sint requiruntur. Quibus vtique verbis non serui tantum, quod promptissimum, excluduntur; (quibus testimonii dictio non est, etiam Terentio teste *Phorm. Actu 2. scen. 1. v. 63. præter l. 20. §. 7. D. qui testam. Nouellam 90. c. 6.*) verum & libertini. Quod tamen Tribonianus immutauit, cum pro ingenui, hic supposuit liberi, propter *l. 16. §. 1. C. Inst. de testibus.* Libertinis scilicet quoque, horum temporum Iurisprudentia, testimonii dictio in criminalibus saltem non fuit. Quo pertinent pariter illa *d. legis ult. sup. de abolitionib.* (quam inter ceteras huic coniungendam docui) Si vero INGENVOS aliquos, velut testes criminis petitos, ab accusatore deductos esse constituerit, solam custodia iniuriam tolerasse, qui testes dicantur esse non confecti, eorum ab accusatore sumptibus consulendum est. Quod si INGENVORVM, licet plebeiiorum, corpora fuerint lesa verberibus, tormentisque vexata, abolitionem etiam duarum partium consensu petitam, iubemus vigore Iudicium denegari &c. Atque ex his apparet, quænam sit istius rationationis vis. Quoniam Ingenui testes ad causas postulatur alienas, &c. his sumptus competentes da-

ri. Nempe collectio hæc est, (quod etiam Accursius ex parte vidit) si serui & liberti testes admitterentur, vtique aliqua dubitandi ratio esset, num sumptus eis præbendi essent; & vero his iure negantur: seruis inquam, quia hi pro nullis habentur: mortuis, de quorum exhibitione *leges* sollicitæ non sunt, nisi hæctenus, vt iusta eis impendia a dominis præbeantur: rursus libertis ideo, quia neque de horum facultatibus & censu *leges* sollicitæ sunt; Ingenuorum tantum censum ad curam suam reuocant *leges Romanæ.*

Secunda sequitur limitatio, seu casus quo Ingenuis quoque testibus sumptus non dantur: puta si ipsi socii & participes criminis sint; Quod & ipsum repetitur *d. l. ult. sup. de abolition.* quam huic coniungendam docui, ibi: *qui testes dicuntur esse non confecti, eorum ab accusatore sumptibus consulendum est.* Cuius rei ratio hæc est, quia hi non iam testes sunt, non interrogantur de eo, quod norunt in causa aliena, quod vtique testem facit: *testes* inquit *lex, ad causas alienas postulantur:* verum de proprio crimine magis interrogantur: denique testes improprie sunt: & tales sunt (quod Accursius recte dixit) vt alendi non sint, cum magis ad excusationem sui veniant. Et hæc de personis testium. Nunc de forma solutionis, a quo sumptus testibus dari debeant.

Tertium igitur singulare *b. l. est, Prorogari* sumptus testibus: ait enim *lex, venturis his ad iudicium.*

Quartum, sumptus ab eo, qui testes postulauit, laudauit, flagitauit, præstari: ait enim *lex, per accusatorem, aut ab his per quos fuerint postulati.* Quibus verbis intelligunt Interpretes reum ipsum, si ad innocentiam suam testes laudauerit, vt & Iudicem, si ex officio neimine accusante, in delictum inquirat. De Iudice in huius l. specie falluntur: ait enim *lex, cautio Iudicantis, ab his per quos fuerint postulati, sumptus dari præcipi.* Ergo alii a Iudice postularunt in huius l. specie. Quid igitur? Recte Accursius hæc verba accepit de non solemnibus accusatore, verum de Stationariis, Irenarchis, & similibus, qui videlicet reos ex officio nuntiantes, notoriis suis adfistere coguntur. De quo genere accusatorum, est *lex 7. & l. 14. Cod. Inst. de accusationibus: l. 6. §. 3. D. ad SC. Turpil. vt contra, accusatoris* appellatione, hic intelligendus venit sollemnis accusator.



C O D I C I S T H E O D O S I A N I L I B E R D V O D E C I M V S .

F. 335.

QVI TOTVS EST
DE
MVNERIBVS ET HONORIBVS
MVNICIPALIBVS.

HVIVS LIBRI TITVLI.

- | | |
|---|--|
| I. D E decurionibus. | <i>riof, vel horreorum custodis fungatur officio.</i> |
| II. De præbendo salario | |
| III. De prædiis, & mancipiis curialium sine decreto non alienandis. | XI. De curatoribus Kalendarii & fideiussoribus eorum. |
| IV. De imponenda lucratiuis descriptione. | XII. De legatis, & decretis legationum. |
| V. Quemadmodum munera ciuilia indicantur. | XIII. De auro coronario. |
| VI. De susceptoribus, præpositis & arcariis. | XIV. De hirenarchis. |
| VII. De ponderatoribus & auri inflatione. | XV. De centurionibus. |
| VIII. De auri publici prosecutoribus. | XVI. De mancipibus. |
| IX. De his, quæ ex publica conlatione inflata sunt, non usurpandis. | XVII. De his, qui numero liberorum, vel paupertate excusationem meruerint. |
| X. Ne Præfectianus exactoris vel curiosi, | XVIII. Si curialis relicta ciuitate rus habitare maluerit. |
| | XIX. De his, qui conditionem propriam reliquerunt. |



P. 336.

DE DECVRIONIBVS.

TITVLVS I.

Ad ECCLESIASTICAM Historiam pertinent *hoc titulo* duodecim Constitutiones: puta CONSTANTII *lex* 49. IVLIANI *lex* 50. VALENTINIANI SEN. *lex* 59. VALENTIS *lex* 63. VALENTINIANI IVN. *lex* 99. THEODOSII M. *lex* 104. 112. 115. 121. 123. ARCADII *lex* 163. 172.

Ex *hoc Titulo* Tribonianus in *titulum* Codicis Iustiniani de *Decurionibus*, quadraginta sex tantum retulit, & sic ne quartam quidem partem. Nonnullas tamen ex *his* alios in *titulos* reiecit, puta quatuordecim, neque adhuc integras.

P A R A T I T L O N.

CIVITATES, l. 6. 10. 12. 19. 143. 144. 149. 158. 174. *b. t.* seu vrbes l. 162. 170. *h. t.* l. 13. *sup. de defensor.* Oppida, l. 53. 119. *b. t.* Municipia l. 3. *de collat. donat. ar.* l. 16. *de Episcopis.* quin & Vici, d. l. 13. *sup. de defensor. l. ult. sup. de patroc. vicor.* (qua leg. 13. Primates Vicorum memorantur) Saluianus *de Gubernat. Dei lib. 5. cap. 4.* Mansiones etiam quaedam, l. 119. *b. t.* Item Castella, d. l. 13. *sup. de defensor.* non tantum plebem habuere (cui Decuriones opponuntur, l. 2. *de defensorib. ciuit. & l. 133. b. t.*) verum etiam suum quendam Senatum habuere, qui CVRIA dicebatur, l. 1. 5. 10. 11. 13. 17. 18. 19. 21. 22. 23. 24. 29. 31. 32. 33. 35. 38. 43. 45. 46. 49. 50. 53. 54. 55. 56. 59. 66. 71. 72. 73. 74. 78. 79. 82. 83. 85. 91. 101. 102. 105. 107. 108. 114. 115. 118. 122. 123. 124. 127. 128. 129. 130. 136. 139. 142. 143. 144. 149. 154. 157. 158. 159. 160. 161. 162. 163. 164. 165. 168. 171. 172. 176. 177. 178. 179. 181. 182. 187. 188. 189. 190. *h. t.* Adde l. 3. *de testimon. l. 5. de re milit. l. ult. de exhib. reis. l. 1. quid prob. deb. l. 2. de comitib. rei mil. l. vn. de bon. decur. l. 1. ne comitib. & Trib.* (Vnde Curia Ciuitatum, l. 124. *b. t.* Item dicebatur Ordo, l. 6. 14. 37. 42. 47. 66. 68. 75. 84. 95. 110. 120. 142. 173. 175. 177. 190. *b. t.* Adde l. 2. *de actorib. procurat. l. 2. sup. de questionib. l. 2. sup. quid probare deb. l. 9. infr. de susceptorib.* Apud Amm. Marcellinum *lib. 14. cap. 7. lib. 22. cap. 9.* (Vnde Ordines Ciuitatum, l. 29. 50. 65. 110. 133. 158. 168. 175. *h. t.* & l. 4. *infr. de iust. l. 1. de Agentibus: l. 5. de fil. mil. appar. & l. 33. 37. infr. de operib. publ. l. 15. sup. quorum appellat. l. 32. de appellat.* Apud Amm. Marcellinum *lib. 18. cap. 6.* Ordines Curiarum, l. 66. 149. *b. t.* Curiales, l. 80. 121. *b. t.* & l. 4. *de patroc. vicor.* Municipales Ordines, l. 180. *b. t.* & l. 2. *sup. de questionib.* Oppidanei, l. 47. *b. t.* Patria l. 79. *b. t.* Urbium, l. 2. *sup. quid probare deb. l. 34. de operib. pub.* Dicebantur & Coetus l. 42. 66. *b. t.* (Vnde Coetus Curiarum, l. 23. *b. t.*) Item Collegia (Vnde Collegia Ordinum, l. 94. *b. t.*) Consortia Curia, l. 19. 177. *b. t.* Curialia, l. 33. 175. *b. t.* Ordinum, l. 41. 42. *b. t.* Corpora, l. 70. *b. t.* Curialium, l. 21. *b. t.* Confilia etiam, ni fallor, in l. 1. *infr. de Legatis:* (vt Galli nos, *Conseil de Ville.*) Sane in consilium cogi dicuntur, l. 4. *b. t.* Horumque ordinis, seu Decurionum decreta memorantur l. 2. *de actor. & proc. l. 15. sup. de accusat.*

Huius Curia Senatores (nam ita quoque vocantur l. 85. *b. t.* & Senatores Ciuitatis Alexandrinae, l. 19. *sup. de petition.*) erant, qui DECVRIONES dicuntur, *Rubr. & l. 3. 5. 6. 7. 8. 9. 14. 18. 37. 43. 48. 50. 52. 53. 54. 55. 62. 64. 85. 93. 97. 113. 116. 117. 118. 124. 147. 153. 181. 187. 188. b. t.* Adde l. 1. *de tironib. l. 12. de veteranis: l. 6. de re militari: l. 2. de filiis mil. app.* (Vnde & Decurionatus, l. 1. *sup. ad leg. Cornel. de falso*) singularum ciuitatum Decuriones, l. 2. *de fil. milit. appar.* Item Curiales l. 1. 21. 27. 30. 33. 39. 40. 47. 49. 51. 52. 59. 60. 65. 74. 79. 80. 88. 91. 92. 96. 104. 105. 106. 107. 109. 110. 111. 114. 119. 122. 123. 128. 129. 132. 134. 135. 138. 146. 149. 150. 159. 167. 170. 173. 174. 177. 179. 181. 184. 186. *b. t.* Adde l. 2. *sup. de question. l. 16. de Palatinis l. 16. de Agentib. l. 14. de priuileg. eorum qui in f. pal. l. 7. de Cohort. lib. leg. 2. de postlimin. l. 11. de Curiosis: l. 2. de exp. ludor.* (Vnde Curiales Ciuitatum, l. 19. 30. *b. t.* & l. 2. *de postliminio:*) Municipes etiam,

iam, l. 4. 8. 9. 101. 105. 110. 130. 137. 143. 144. 147. 154. b. t. & l. 41. *infr. de operib. publ. l. 2. supr. p. 337. quid probare deb. l. 17. infr. de lustrali. l. omnis 5. supr. de his quæ administrantibus: l. ult. de exactionib. l. 16. de Palatinis. l. 3. de testimon. l. 8. de cohortalib. seu Municipales, leg. 62. b. t. Munifici item, leg. ultim. hoc tit. tandem Curia debiti, l. 136. 139.*

Hi *Senatores* quidam, vt dixi, Curia suæ erant: Ideoque In vrbibus Eminentiores dicuntur, l. 3. *in fin. ne quid publ. lat. & Honoratis iunguntur, & gradus honore, & in conlationibus honestate functionis finitimi his erant, d. l. 3. & l. 1. eodem tit. ne quid publ. lat.* Horum alii ORIGINALIS erant, leg. 13. 96. hoc tit. seu origine Curiales, l. 38. 58. b. t. Origine Curiali, l. 56. 74. 76. 81. b. t. qui origine, l. 5. 12. 77. 88. 113. 149 hoc tit. originali Conditione, l. 184. b. t. Originalibus vinculis, l. 82. b. t. Originis gratia l. 5. & 12 *in fin. b. t.* Sorte, l. 58. b. t. nexu, l. 64. & 181. b. t. per originem obnoxii Curia, l. 13. b. t. ciuico nomine obligati, l. 46. b. t. vtpote ex origine Curialium descendentes, leg. 14. & 100. b. t. originem trahentes Decurionum, leg. 62. b. t. de Curialium numero, leg. 42. b. t. (vnde & Originaria ciuitas, leg. 147. b. t. Originales ac debiti Curia, leg. 159. b. t.) seu qui de genere Decurionum erant, l. 10. b. t. ex genere Curialium, leg. 14. b. t. genere Curiali l. 90. b. t. (vnde generis nexus, l. 45. b. t. & causa, leg. 56. b. t.) qui fortunam eam nascendo meruere, leg. 118. b. t. qui statim vt nati sunt, Curiales esse coeperunt, leg. 122. b. t. qui Ciuitati, Ordini, Patriæ, Curia alicui nati sunt, l. 95. 116. 129. 167. b. t. (vnde natiua Curia, leg. 122. b. t. genialis Curia, l. 161. b. t. genitale solum, leg. 1. *supra de fals. mon.* parens Curia, l. 149. b. t. ingenta officia, l. 108. b. t. naturale nomen, l. 123. b. t.) Qui necessitudinis fœdere Curia tenentur, l. 122. b. t. qui Profapix Curialis l. 74. 177. b. t. qui familia Curiali orti, l. 58. b. t. qui sorte nascendi municipalibus muneribus obligati, l. 172. b. t. qui ex Curiali stirpe descendunt, l. 98. b. t. qui sanguinis nexu Curia tenentur, l. 122. b. t. qui sanguine Curiali obstricti, l. 134. b. t. Breuiter, quos paterna obsequia municipes fecerunt, leg. 89. b. t. qui patre maioribusue Decuriones sunt, l. 147. b. t. Nati scilicet genitiue patre Curiali, l. 125. 164. b. t. Patris originem sequebantur, l. 101. b. t. Non etiam pro materno genere, l. 51. b. t. seu matris origine, d. l. 101. b. t. solisque materni sanguinis vinculis Curia quis inligabatur, l. 137. b. t. excepta Curia, Antiochenæ vrbis, quæ speciali Principum indulto sibi vindicabat, matre decurionis filia, patre non decurione, natum: l. 51. hoc tit. Excepto etiam casu l. 178. 179. b. t. Ceterum Filii Decurionum octodecim annorum, licet non patria potestate soluti, muneribus statim Ciuicis adstringebantur, l. 7. b. t.

Alii Decuriones NOMINATI ad Curiam vocabantur, l. 10. 13. b. t. Lato videlicet inter Patres iudicio, leg. 102. b. t. nominatione leg. 10. 13. 72. 84. b. t. Adde leg. 8. *supr. de cohortalibus.* Ordinatione leg. 118. b. t. Consilio publico, leg. 53. de appellat. publico tractatu l. 148. hoc tit. designabantur ab ipso Ordine, nominabantur, eligebantur, leg. 66. b. t. Plebei ciues, l. 53. b. t. Qui decimum octauum annum ætatis fuissent ingressi, l. 19. b. t. Quo tempore vero hæ nominationes factæ fuerint, v. d. l. 53. hoc tit. De Appellatione item ab his nominationibus, v. l. 2. b. t. & leg. 10. *supr. de appellat.* Ab hac nominatione immunes erant nonnulli, puta Clerici l. 1. 7. *infr. de Episcop.* at non & Iudæi, l. 3. *infr. de Iudæis.* exceptis qui Synagogis deseruiebant; v. l. 2. 4. 13. *infr. eod. tit. de Iudæis.*

Nominatio autem hæc fiebat non vna ratione.

I. INCOLATVS, seu incolonatus vinculo seu ratione, iureque, l. 5. *in fin. l. 12. 46. 52. 137. 141. b. t.* laris conlocatione, d. l. 52. b. t. domicilii iure l. 77. b. t. patriæ ratione l. 140. b. t.

II. PLEBEII item, cuiusque oppidi ciues, quos splendidior fortuna subuexerat, l. 53. b. t. dignissimi & meritis & facultatibus, l. 140. b. t. Glebæ ratione, l. 72. b. t. qui muneribus substantiam aptam possidebant, l. 13. b. t. qui e plebe idonei, facultate locupletes, l. 96. b. t. qui aliquorum possessores prædiorum, d. l. 72. b. t. qui ex numero plebeiorum agro vel pecunia idonei erant, l. 133. b. t. qui vltra viginti quinque iugera priuato dominio possidebant, l. 33. b. t. ad Curiam vocari poterant. Et hi sunt qui *Possessores* passim vocantur.

III. SOLA POSSIDENDI quoque Curialium bona Conditione nonnulli ad Curiam vocabantur l. 5. *in fin. b. t.* qui scil. Decurionum fundos, patrimonium, sibi præsumpserant, l. 134. b. t. Non etiam qui Curialis heredes vel legitimi, vel testamentarii, legatarii, fideicommissarii, donatarii extiterant, l. 107. 123. b. t. (ad denarium enim hi descriptionem tantum pro qua parte successerant, tenebantur: *dd. l. & quidem ad quaternas siliquas annuas pro sin-*

gulis iugis & capitibus, *l. vn. infr. de imponenda lucrat. de script.*) Exceptis maritis, qui coniugibus Curiali stirpe descendentes ex testamento successerunt, *l. 124. b. t.*

IV. EX VACANTIBVS quandoque, nullaque corporis societate coniunctis, *l. 179. b. t.* idonei, *l. 137. b. t.* Curiis urbium adstringebantur, subiugabantur: *dd. ll.*

V. EX CORPORIBVS etiam certis & lege designatis idonei quandoque (necessitate maxima exigente, ob penuriam Decurionum, *l. 105. b. t.*) Curiis adstringebantur, *l. 53. 119. b. t.* ut puta Conditionales ciuitatum, Subscribendarii, Tabularii, Diurnarii, Logographi, Censuales post emensum munus, *l. 2. supr. de Tabular. l. 8. de Cohortatib.* Militarum & veteranorum filii armis non idonei, vel militiam patris detrectantes, militiæ & armis non habiles, vel torpore mentis orio se donantes. Breuiter, militaris prosapiæ viri bellico operi inconuenientes, *l. 15. 18. 19. 32. 58. 78. 83. 89. b. t. & l. 1. 2. 4. 5. 7. 11. supr. de fil. mil. apparit. & l. 5. supr. de re militari.* Item Tabelliones idonei ad Decurionatum vocari poterant, *l. 3. b. t.* Primipilares etiam seu Officii Præsidis Osdroenæ Principes quocumque liberos haberent, vnum Ædesenæ Curia propter municipum penuriam tradere aliquando iussi sunt, *l. 79. & 105. b. t.* Denique, ut ex his, qui in officio Præfecti Prætorio Orientis militiam peregissent, in locum fugacium Curialium per Bithyniam subrogari iussi a Theodosio Magno, *l. 119. b. t.* Cohortales sane Syriæ inuiti Curialibus cœtibus adscribi non potuerunt: *l. 1. de cohortatib.*

VI. ALII POENÆ specie atque æstimatione, *l. 108. b. t.* ob culpam, *l. 66. b. t.* loco supplicii, *l. 108. b. t.* Curia debebantur. Verum id poenæ genus Valentiniano displicuit simpliciter & indistincte, *dict. l. 66. b. t.* ut & Theodosio Magno, in Officialibus nominatim, *dict. l. 108. b. t.*

VII. ALII SVCCESIONIS iure, *V. l. 124. b. t.*

Alii SPONTANEI munifici erant, *l. ult. b. t.* seu Decuriones; de quibus sunt quatuor leges, *lex 54 172. 177. & d. l. ult. b. t.* id est, qui vltro sese Curiarum cœtibus inferebant, *l. 172. & 177. b. t.* nomina sua Curiis addebant, *l. 54. b. t.* soli genitalis amore, *l. 177. b. t.* Quibus recedendi postea licentia non erat, *d. l. 172. b. t.* nisi cautione ea obseruata, quam Theodosius Iun. induxit, *d. l. 177. b. t.* De hoc Decurionum genere est quoque Theodosii *lex 1. in Nouella XI. de bonis Decurion. &c. & tit. Cod. Iustinian. 43. lib. 10. de his, qui sponte publ. munera subeunt.* Quidam tamen Decuriones fieri non poterant, veluti Tabularii in sp. *l. 2. de Tabular.*

Erant istiusmodi Decuriones per vniuersum Imperium Romanum tam in partibus Orientis quam Occidentis, *l. 158. b. t.* ORIENTIS, puta per vtramque Præfecturam Orientis & Illyrici, *l. 188. b. t.* nempe (1.) Per ÆGYPTVM & Ægyptiacam Diœcesin, *l. 80. 112. 126. b. t.* (Alexandriæ nominatim, *l. 189. 190. 191. 192. b. t.*) (2.) Per ASIAM Diœcesin, *l. 69. b. t.* per Asiam, *l. 125. b. t.* (3.) Per Syriam, *l. 103. 169. b. t.* (Antiochiæ nominatim, *l. 51. 53. 131. 169. b. t.* de quorum censu Vid. *d. l. 169. b. t.*) (4.) Per Bithyniam, *l. 5. 119. b. t.* (5.) Per Fœnicen, *l. 52. 54. 63. 83. b. t.* (6.) Per ORIENTIS Diœcesin, *l. 12. 33. 51. 54. 90. 103. 175. b. t.* (7.) Per Augustamniam, *l. 34. b. t.* (8.) Per Osdroenam, *l. 79. 105. b. t. & l. 2. infr. de prædiis & mancip. Curial.* (Ædesenæ Ciuitatis nominatim, *dd. ll. 79. & 105. b. t.*) (9.) Per Palæstinam, *l. 55. b. t.* (10.) Per PONTICAM diœcesin, *l. 94. b. t.* (11.) Per Illyrici Præfecturam, *l. 172. 177. 188. b. t. & l. 4. infr. de spectaculis:* (& Delphorum curia nominatim *d. l. 4.*) (12.) Per THRACIAS, *l. 124. b. t.*

IN OCCIDENTIS Imperio pariter fuere, veluti per Præfecturam Italiæ; in Africa tam diœcesi, quam prouincia; *l. 7. 9. 21. 24. 26. 27. 28. 44. 45. 46. 73. 84. 95. 141. 142. 142. 143. 144. 145. 149. 166. 174. 176. 185. 186. b. t. & l. 25. infr. de nauicul.* (Karthagine nominatim, *l. 27. 41. 176. b. t.* (Hinc ordo Ciuitatis Karthaginis seu Karthaginensium, cui inscribitur, *d. l. 41. & l. 32. de appellat. l. 15. quorum appellat.*) In Byzacena, *l. 59. 60. b. t.* In Mauritania Sicifensi, *l. 64. b. t.* in Tripolitana, *l. 133. b. t.* in Numidia & Constantina Cirtensium nominatim, *l. 29. b. t.* In Apulia, Calabria, *l. 158. b. t.* in Campania, *l. 71. b. t.* [in Flaminia] apud Cæsarnates, *l. 42. b. t. & l. 6. supr. de annonæ & tribut.* in Lucania & Brittiis, *l. 3. b. t.* in Piceno, *l. 71. b. t.* per Urbis Romæ Præfecturam, & Vicariam, *l. 67. 68. 77. b. t.* (Auellinatium vrbe nominatim, *d. l. 68. b. t.*) in Tuscia, *l. 61. 65. 72. b. t.* (Vulturnensium Ciuitate nominatim, *d. l. 61. b. t.*) In Myfia, *l. 96. b. t.* Per Præfecturam pariter Galliarum, *l. 2. supr. de questionib. & l. 140. 148. b. t.* in Galliis, *l. 171. b. t.* (Agrippinæ nominatim, *l. 3. infr. de Iudeis.*) in Hispaniis, *l. 14. & 151. b. t.*

MVNERA & Officia Decurionum varia & graua admodum erant: quæ quidem etiam varijs appellationibus designantur; vocantur scilicet ea Commoda Curiarum oppidanea, l. 43. b. t. Patriæ debita, l. 99. b. t. Functiones, l. 29. 87. 129. 134. 137. in fin. 140. in fin. 180. 182. & l. ult. b. t. (Functiones Curia, l. 72. 74. 83. b. t. l. 7. de fil. mil. app. Curiales l. 96. b. t. Curialium munerum, l. 155. b. t. Officiorum l. 77. b. t. debita, l. 134. 148. 154. b. t. Municipales, l. 172. b. t. patriæ, l. 74. b. t. patriæ debita, l. 91. 116. b. t. publica, l. 63. 119. 140. 183. l. ult. b. t. publicorum munerum, l. 76. b. t.) Honores, l. 41. 49. in fin. b. t. honores vel munera, l. 71. b. t. (splendidi honores & munera, l. 28. b. t. honores ciuici, l. 4. 29. b. t. Ciuiles, l. 5. b. t. patriæ, l. 69. b. t.) Labor Curialis officii, l. 86. b. t. Ministerium patriæ necessarium, l. 94. b. t. Munera, l. 17. 28. 57. 82. 94. 98. 123. 129. 137. 143. 144. 158. 179. b. t. (Ciuitica, l. 7. 27. b. t. Ciuilia, l. 15. 17. 25. 36. 37. 46. 78. 175. 191. b. t. Ciuitatum, l. 30. 63. 81. 143. 147. b. t. & l. 8. supr. de contrab. empt. Curiarum, l. 49. 74. 139. b. t. l. 1. de cohortalib. Curialia, l. 34. 99. 177. 187. b. t. l. 1. 2. de fil. mil. appar. l. 5. de rep. 339. mil. Curialium, l. 2. de protoſtaſia: Debita, l. 67. 172. 181. b. t. debita patriæ, l. 163. b. t. Decurionum, l. 53. b. t. Decurionatus, l. 2. de fil. mil. appar. Municipalia, l. 57. 172. b. t. Oppidanea, l. 46. b. t. patriæ l. 5. 20. 58. 111. 139. 140. 148. 161. 167. b. t. publica, l. 115. b. t. publicarum functionum, l. 63. b. t.) Munia, l. 44. 48. 50. 65. 130. 134. 157. b. t. (Munia ciuilia, l. 147. b. t. Ciuitatum l. 158. 161. 181. b. t. Curialia, l. 15. 133. 155. b. t. Decurionatus l. 96. b. t. Decurionum, l. 187. b. t. Oppidanea, l. 45. b. t. patriæ, l. 63. b. t.) Necessitates, l. 65. 171. b. t. (necessitates ciuitatis, l. ult. de exactionib. Ciuiles, l. 17. b. t. Curiales, l. 46. b. t. Curiarum, l. 89. 177. b. t. l. 1. supr. de cohortalib. Municipales, l. 57. b. t. l. 1. supr. ad Leg. Cornel. de falso. Oppidanea, l. 46. b. t.) Nexus curia, l. 89. 161. 168. 178. b. t. (Curialis, l. 121. b. t. l. 6. de re milit. Ordinis municipalis, l. 180. b. t.) Obsequia, l. 21. 33. 49. b. t. (obsequia ciuitatum, l. 79. 94. b. t. Curiarum l. 24. 79. b. t. Curialia, l. 49. 87. b. t. functionum, l. 19. b. t. munerum publicorum, l. 16. b. t. municipalia, l. 19. b. t. oppidanea, l. 38. 168. b. t.) Obsequela, l. 49. b. t. Officia, l. 108. b. t. (officia ciuilia, l. 37. b. t. Curialia, l. 42. b. t. vid. & l. 1. 2. de fil. mil. app. l. 8. de cohortalib. debita l. 155. in fin. b. t. municipalia, l. 31. b. t. publice necessaria, l. 15. b. t.) Onera, l. 41. 143. 144. 155. b. t. (onera ciuilia, l. 36. b. t. ciuitica, l. 26. b. t. Curialia l. 98. 155. b. t. Decurionatus, l. 12. b. t. quæ ratio municipalis exposcit, l. 41. b. t. oppidanea, l. 40. b. t. publica, Interpres ad leg. l. b. t.) Præstatio debita, l. 146. b. t. Sollicitudo, l. 49. in fin. b. t. l. 5. de re milit. (officiorum, l. 37. b. t.) Vincula Curialia, l. 19. 155. b. t. (Ordinis, l. 95. b. t.) Vtilitates publica, l. 34. b. t.

Et graua hæc omnino erant Curialium munera: vnde factum passim, vt Curiales Curias fugerent, non vna ratione, neque vno fugæ genere, alio se se conferentes: vt ex sequentibus patebit. Fidem faciunt & plures *Libanii* epistolæ, & *Syneſii*.

Inter alia munera, hæc erant, (1.) *Cura* publicæ iis committebantur, l. 189. b. t. (2.) Ad prosecutiones destinabantur, l. 161. b. t. & l. 2. infr. de *Iudeis*. (3.) Pecuniarum ciuitatis publicarum administratio eis committebatur, l. 14. in fin. 48. 117. b. t. l. 33. de operib. publ. (4.) Exactiones item Annonarum, l. 8. (vbi semel dico) l. 14. & d. l. 117. 185. 186. b. t. l. 11. 20. de extr. ord. l. 3. supr. de honor. codicill. l. 12. de appellat. l. 12. 16. supr. de exaction. l. vn. de priuileg. dom. Aug. Curiales exigebant, l. 12. de exact. ac non Senatoriarum functionum, l. 2. 3. de præd. Senator. (5.) Adscriptio, d. l. 117. b. t. (6.) Susceptores in alijs prouincijs creabantur, l. 49. 54. b. t. & l. 24. 31. de susceptorib. l. 14. de exact. l. 2. de questionib. Compulsores, l. 4. ne conlat. ir. translation. (7.) Susceptores suo periculo nominabant, l. 54. b. t. & l. 9. 20. infr. de suscept. (8.) Iudicium præcepta exequabantur, l. 39. b. t. (9.) Gesta municipalia coram his fiebant, l. 151. b. t. & l. pen. & l. ult. supr. de exhib. reis. (10.) Mansiones, horrea, pagi his committebantur. (11.) Præpositi mansionum, horreorum, pagis, creabantur, l. 21. 49. b. t. (12.) Procuratores metallorum ex his fiebant, l. 4. C. Iust. de metallariis. (13.) Descriptionibus, contributionibus, facultates eorum subiectæ erant, l. 123. & 173. b. t. (14.) Calefaciendis thermis apud Antiochiam aliquid præstabant, l. 131. b. t. (15.) Adde & alia munera, de quibus, *postremis huius libri titulis*: veluti Legationis, &c. (16.) Vt postliminio reuerſi suis sedibus redderentur, auxilium suum deferre debebant, l. 2. de postliminio. (17.) Palatiorum a transeuntium iniurijs & a senio vindicandorum cura ad eos quoque pertinebat, l. 1. ne quis in Palatijs; operum publicorum curam gessere, & Reipubl. pecuniæ, l. 33. de operib. publ. (18.) Periculo Ordinis complurima erant, l. 41. de oper. publ. Aurum coronarium ab his præstabatur: vid. tit. de auro coron. (19.) Cursus publici mancipatus ad hos aliquando pertinuit, l. 26. 51. de curs. publ. aliquando non; l. 34. de cursu: (20.) Non sufficientibus his, qui ad Cursus clabularis procuracionem

rationem eligendi erant, Curiales ad hoc munus vocati, *l. 26. d. tit. de cursu*: (21) Providebant quo pacto pastui militarium animalium sine læsione prouincialium confuleretur, *l. 3. de pascuis*: (22) Curialium munera inferiora fuere Prototypia, & exactiones, *l. 2. de Prototypia*: Scriba & Logographi Curiarum munera, *l. 3. de Tabular*.

Vt varia Decurionum munera erant, quibus omnibus eos fungi oportebat, *l. 41. 57. 61. 65. 130. 155. hoc tit.* Iisque functorum habita ratio, qui emensi essent Curialia onera, *l. 55. b. t.* omnibus officiis perfuncti, *l. 130. b. t.* qui munia vniuersa percurrissent, *l. 65. b. t.* vniuersis transactis, patriæ stipendia emensi, *l. 57. b. t.* ita & varii inter eos GRADVS, *l. 4. b. t.* Alii quippe altiores honores erant, *l. 182. b. t.* summi gradus, *l. 189. b. t.* honores primi, *l. 77. b. t.* maioris meriti & gradus, *l. 21. b. t.* Summus Gradus erat DVVMVIRATVS, *l. 16. 77. b. t. l. i. sup. de honor. codicill. l. 19. sup. de appellat.* seu Duum-virorum, *l. i. infr. quemadmodum munera ciuil.* qui & Magistratus simpliciter dicuntur, *l. 8. 16. 21. 29. 39. 77. 151. 169. b. t. l. 12. sup. de appell. (quæ coniungenda cum d. l. 8. b. t.) l. 2. inf. de Can. frument. V. R. l. vn. de frum. Carthag. l. 1. 3. 5. de repar. appell. l. 1. de spectaculis: l. 2. de Salgamo: l. ult. de superexact. l. 31. de Episcop. l. 3. 5. sup. de exhib. reis: l. 1. infr. de Medic. & Profess. l. i. in f. de donat.* Magistratus municipales, *l. i. sup. de cursu publico.*

Hi potestatem intra metas propriæ ciuitatis exercebant *l. 174. b. t.* Insignia, *l. 21. b. t.* fascesque habebant, *d. l. 174. b. t.* Annalis porro Magistratus hic erat, vt docet *l. 16. b. t. p. 340. & l. i. inf. quemadm. mun. ciuil.* Eligebanturque seu nominabantur Kal. Mart. *l. 28. b. t. a* Magistratib. suo periculo, quamlibet populi suffragio nominati, *d. l. i. inf. quemadm. mun. ciuil.* duob. vel trib. mensib. antequam munus gerendum esset, intra quos nominato appellare licebat, *d. l. i. inf. quemadm. mun. ciuil. l. 10. 12. 19. sup. de appell. l. 8. sup. de repar. appellat. & l. 2. b. t.* Nominati si aufugerent, eorum bona in eorum locum suffectis cedebant; & reperti postea biennio integro onera duumviratus agnoscere cogebantur; *l. 16. b. t.* si defererent, expensas pro se factas restituere cogebantur, *l. 29. b. t.* Expensis etiam quibusdam faciendis obnoxii erant Duumviri, *l. 29. b. t.* pura ludis exhibendis, *l. 29. 169. b. t. l. 1. 4. inf. de spectacul.* verum in patria sua tantum, *dict. leg. l. 4. de spectacul.* Karthagine nominati & ipsi Magistratus ad annui frumenti pensitationem tenebantur, *l. vn. inf. de frument. Carth.* Duumviratus Curis, qui prouinciæ nomine ad Principem Legationem susceperant, immunes erant, *l. i. de bon. codic.* Denique Duumviratu functi priuilegiis nonnullis fruebantur: a Præpositura quippe mansionum, annonarum, inferioribusque muneribus immunes erant, *l. 21. b. t. & l. 2. infr. quemadm. mun. ciuil.* Hique sunt qui Duumvirales dicuntur *d. l. 2. quemadm. mun.* In quibusdam ciuitatibus etiam Quinquennales erant, de quibus *l. i. de Medicis & Profess.* Inter primos Curia honores (*v. l. 77. b. t.*) erant, & SACERDOTES FLAMINESQUE de quibus *titulo de Paganis infr.* Præter hos, summus quidam erat inter Curiales gradus, *l. 189. b. t.* seu in Curia erat, qui primum obtinebat locum, sequentibus cæteris omnibus, *l. 127. b. t.* qui summum obtinebat gradum, *l. 189. b. t.* primus Curiam regere & gubernacula vrbis administrare, *l. 171. b. t.* cui Comitum dignitas tribuebatur, *l. 127. 189. b. t.* Hunc sequebatur secundus locus, *l. 171. b. t.* Aliique primum locum in Curia obtinentes: qui a Municipibus aliis appellatione separabantur, & PRIMATES vocabantur, pariterque a Curialibus hoc nomine distinguuntur, *l. 4. b. t. & l. 13. sup. de desertorib.* De his *v. & l. 13. de paganis: l. ult. de admin. & per. tutor.* Primates Ordinis sui quoque vocat Ammianus Marcellinus *lib. 28. cap. 6. & Ordinis vertices lib. 14. cap. 7.* Item Primarii Curiarum, *l. 39. b. t.* Primates Viri, *l. 3. inf. de scanicis*: PRINCIPALES, qui etiam a Curialibus seu Decurionibus hac appellatione distinguuntur, *l. 5. 61. 75. 77. 79. 85. 117. 124. 126. 128. 171. 189. hoc tit. & l. 52. infr. de hereticis: l. i. sup. de milit. veste. l. 7. de tironib. l. 59. de cursu: l. 4. & l. ult. inf. de suscept. l. 9. inf. de censit. l. 4. de extraord. l. 5. sup. de bis que admin. l. vn. sup. de priu. dom. Aug. l. 2. sup. de Act. Proc. l. 4. ne sanctum Baptisma: l. 2. de expens. lud.* Principales ciuitatum, *l. 59. de curs. lul. Firmicus Matern. Mathes. lib. 5. c. 2.* Principales Vrbium singularium, *l. 12. & 40. inf. de bar.* (vnde Principalitatis honor, *l. 6. de questionib.*) Principalis honor, *l. 75. b. t.* Summos Municipum Proceres vocauit Aufon. *in Mosell. v. 402. & Eunapius Sard. in Vit. Maxim. pag. 96. edit. Commelin.* τὸ κρείττον τῶν βαλευτηέων, *Senatus primores.* πρωτεύοντες, vocant Basilus *Ep. 321. siu. 266. Edit. Benedictin.* Theodoretus *Ep. 15. & 33.* Optimates Symm. *lib. 10. ep. 41. circ. med.* Inter hos vero Principales præcipuo iure alicubi fuere Primates aliquor, vt Alexandria, *l. 190. b. t.* pro quib. Summates Tribon. dixit in *l. 57. Cod. Iust. de Decur.* quæ alioquin desumpta est ex *d. l. 190.* Quomodo Symm. *lib. 10. ep. 63.* Summates Aricina vrbis: Summates Ciuitatis Cæsariensis, Idem *lib. i. ep. 58.* Imo & Primus Curia qui principalem locum obtinebat eximio iure habitus *l. 127. 171. 189. b. t.* (de quo supra) qui gubernacula vrbis administrare curiamque regere dicitur *d. l. 171. b. t.*

Hi autem principales seu primarii, Primates, eximio iure præ cæteris Curialib. vario numero fuere. In quibusdam ciuitatibus 10. inde Decemprimi Ordinis Curialis, l. 2. de quæst. iidem qui Principales: vnde qui Principales in l. 52. de heret. vocantur, ii Decemprimi Curiales in l. 54. eod. t. & l. 39. de Episc. dicuntur: de Decemprimis vid. Corpus Inscript. Gruteri LXXXIX. 4. CCCXLVIII. 7. & Firmicus Mathes. lib. 3. cap. 12. duobus locis. Ad hunc porro Principalis honorem, gradatim & per ordinem munerib. omnib. expeditis perueniebant, l. 5. 75. 77. b. t. & l. 6. inf. sup. de quæst. Eligebanturque Principales sine Ordinis præiudicio, consensu Curia probatissimi, l. 171. b. t. adde l. 140. 148. b. t. post multorum munerum testimonia, l. 6. de quæst. His curæ publicæ commissæ, l. 189. b. t. Hi pro patria aduocatione functi, l. 190. b. t. Ab his adscriptiones fiebant l. 117. b. t. ab his distributionum omnium forma procedebat, d. l. 5. sup. de his quæ admin. (excepta distributione munerum extraordinariorum l. 4. sup. de exir. siue sordid. mun.) Ideo iugorum numerus coram iis & Censualibus exponi solebat, quod eos imminutionis onera premebant: l. vn. sup. de priu. dom. Aug. Adscriptiones faciiebant & exactiones, l. 117. b. t. Disciplinæ publicæ præerant, l. 59. sup. de cursu publ. Ne quis cursum publicum non ostensa euectione vsurparet, obseruare debebant, d. l. 59. Hæreticor. cœtus, vimque impedire, l. 4. inf. ne f. bapt. l. 40. de her. v. & l. 45. eod. & viceuersa, ne Iudæis & Paganis in quiete degentib. vis fieret. Ex Principalium numero quandoque Susceptor vestium creabatur, l. 1. de militari veste: Ab his vt a Decurionib. Tyrones vel aurum Tyronicum exactum, l. 7. de Tyron. Horum domus a Iudicib. sæpe ad incontutam plausorum infamiam in ludis exhauriebantur, l. 2. de expens. lud. Quindecennium in Ordinis sui administratione complere (per Gallias nominatim) Honorii constitutione iubentur, l. 171. b. t. Ex his Principalibus quidam Patronorum dignitatem adipiscebantur, l. 61. hoc tit. de his qui per suffragium ad Curiarum honorarium patronatum adspirabant, vid. l. 46. sup. de curs. publ.

Priuilegia etiam his non pauca competeabant, 1. Plumbatarum enim ictibus sub qualibet culpæ aut erroris offensa subdi non poterant, corporaliumque molestiarum & iniuriarum nihil patiebantur, l. 39. b. t. seu corpus eorum ab iniuriis liberum erat, sicut Honoratorum; l. 61. 85. 126. 190. b. t. & l. 6. sup. de quæst. deuoti scil. nihilque debentes: quam exceptionem P. 341. Theodosius M. addidit l. 117. 126. b. t. (2) Principalitatis honore defuncti immunes ab omnibus muneribus habebantur, l. 75. b. t. His splendoris & honoris ornamenta succedebant, l. 171. b. t. (3) Honorem ex Comitibus consequiebantur, l. 75. b. t. Hi ludos propria autoritate edere poterant, non inuiri: l. 3. inf. de Scenic.

Sequentis post hos meriti & Gradus qui erant, l. 21. b. t. specialiter DECVRIONES, seu Curiales appellantur & a Principalibus distinguuntur: l. 5. 85. 117. 124. 128. b. t. & in l. 52. inf. de hereticis. Itaque Album Curia erat, quo nomina Decurionum ordine continebantur, l. 48. 142. b. t. Memorantur & Procuratores Curiarum, l. 1. de honor. codicill. l. 31. 32. de erog. mil. ann. l. 20. b. t. Cautum ne his ciuitates spoliarentur l. 16. de agent. Adstricti porro ita Curia erant, vt conditionem suam regulariter euitare non possent, alio vitæ genere, factoque l. 28. de Cortalib. de quo mox plura; Ad Comitatum Principis proficisci, nisi Commearu a Iudice impetrato; peregrinari, euagari, l. 143. 144. b. t. Relicta ciuitate, rus habitare, inf. hoc libr. tit. 18. fugere, l. 8. sup. de contrab. empt. Quod tamen passim eueniebat, vt Curiales, inquam, Curiam velut grauem fugerent, aliaque conditione & professione mutarent: Quod frequentibus legib. vetitum. Non poterant Procuracionem alienarum facultatum suscipere, l. 92. b. t. ad vectigalium quorumcunque suscepcionem conductores accedere, l. 97. b. t. ad Reipubl. prædiorum ac saltuum conductionem, l. 2. sup. de locat. fundor. iur. Reip. Tabelliones fieri, l. 3. b. t. vid. & l. 1. sup. ad leg. Cornel. de fals. Gradatim etiam atque per ordinem omnia Curia munia decurrere debebant, neque ante ad aliam militiam vel dignitatem transire poterant, l. 4. 71. 75. 77. b. t. etfi Aduocati, d. l. 77. b. t. non a Iudicibus extra Ciuitates suas pertrahi, l. 60. b. t. verum qui Curiali nexu tenebantur, sublato omni priuilegio ad suam Ciuitatem & Curiam reuocabantur: Qua in re formam processus aliquam vid. l. 175. b. t. reuocabantur inquam, etfi inter Actuarios reperirentur, l. 125. b. t. etfi inter Aduocatos, l. 46. 77. 87. 98. 116. 152. 188. 189. b. t. vid. & Nouell. Valentiniani 10. de confirmand. iis quæ administrant. c. in diuersis: etfi in Centonariorum corpore, l. 162. b. t. si ad aliam Ciuitatem sese contulissent decuriones, l. 15. 52. b. t. Si dignitatem, administrationem, imaginariam, honorariam, vmbrailem suffragio adeptam, vel pretio empram præferrent, l. 4. 5. 24. 25. 26. 27. 34. 36. 41. 42. 44. 65. 86. 87. 94. 106. 109. 110. 122. 123. vers. eos vero, 134. 135. 159. 160. 187. b. t. Si Domesticorum seu Protectorum consortio sese copulassent, l. 38. 88. in f. 153. b. t. Si domus seu rei priuatæ Principis (colonatus iure puta) se defenderent, l. 33. 114. b. t. Si ad Potentium domos confugissent. l. 50. 146. b. t. Si ad Ecclesias sese seu Clericatum contulissent; in quo versantur sexdecim leges; puta CONSTANTINI M. lex. 3. 6. inf. de Episcop.

CONSTANTII *lex* 49. *b. t. lex* 7. *sup. de Cohortalib.* quæ illi iungenda est; IVLIANI *lex* 50. *b. t.* VALENTINIANI SEN. *lex* 59. *b. t.* & *lex* 21. *inf. de Episc.* VALENTIS *lex* 19. *inf. de Episcop.* VALENTINIANI Iun. *lex* 99. *b. t.* THEODOSII M. *lex* 104. 115. 121. 123. *b. t.* ARCADII *lex* 163. & *l. 3. de his qui ad Ecclef.* THEODOSII Iun. *lex* 172. *b. t.* Qua parte tamen varie hoc ius ab Imperatoribus habitum, perque tempora mutatum atque innouatum. CONSTANTINVS quippe Curia obnoxios ad Clericatum se conferentes omnino retrahi voluit; *l. 3. 6. inf. de Episc.* CONSTANTIVS vero Episcopos salvo etiam eis indistincte patrimonio, ad Curiam retrahi noluit: Cæteros cedere facultatibus suis liberis: his deficientibus, propinquis, vel Curia duas portiones voluit, nisi vita insignes essent, & totius populi vocibus expeterentur, *l. 49. b. t. & l. 7. sup. de Cohort.* (quæ dict. *l. 49.* coniungenda est:) IVLIANVS omnes Clericos ad Curiam reuocavit, *l. 50. b. t.* & ipsius Iuliani *epistola XI. ad Byzantios.* VALENTINIAN. Clericum ad Curiam reuocari nisi substitutum daret, eidemque facultates suas, vel nisi facultatibus suis Curia cederet, iussit: *l. 59. b. t.* nisi ante ortum Imperii sui: *l. 21. inf. de Episcopis.* VALENS si intra decennium a Curia reuocaretur cum substantia sua Curia reddi voluit, non etiam si post: *l. 19. inf. de Episc.* VALENTINIAN. Iun. non ante Clericos fieri, quam omnibus muneribus expletis; *l. 99. b. t.* vel substituto idoneo dato, cui facultatibus cesserint, *d. l. 99. b. t.* THEODOS. M. vel facultatibus suis Curia cessis, *l. 104. 121. 123. b. t.* (& Ambr. *lib. 2. contra relat. Symm. p. 325. ad calcem Edit. Symmachi, Paris 1604. in 4. & pag. 200. Tom. V. Opp. Ambrosii. Edit. Paris. 1614. v. & Ambrosium rursum ep. 29. suu. lib. 2. epist. 17. in fin. pag. 215. Edit. cit.*) vel substituto dato, *l. 115. b. t.* ARCADIVS, Episcopos, Presbyteros Diaconos, vel substitutum pro se, vel facultates Curia offerre: residuos Clericos omnes ad Curiam retrahi constituit, *l. 163. b. t.* THEODOSIVS Iun. pro temporis consideratione & gradu, quem in Ecclesia obtinerent, vel ad Curiam reuocari, vel etiam patrimonia Curia conignari voluit, *l. 172. b. t.* Quæ VALENTINIANI III. mens fuerit? docet eius *Nouella inter Theodosianas 38. de successione Curialium.* ubi veteres leges laudat. Quæ MAIORIANI *Nouella eius l. c. & quoniam.* vide & *leg. l. 1. & 2. sup. quid probare deb. & leg. l. 1. sup. de tiron.* ubi retro fugiens quis e militia ad Curiam reuocatur. Atque e Fabricensium quoque corpore Curiales ad Curiam retrahebantur, *l. 37. 81. b. t. & l. ult. sup. de Fabricensib.* e Fabrorum collegio, *l. 62. b. t.* e Calcariensibus & Argentariis, *l. 37. b. t.* e quacunque Militia, *l. 88. b. t.* Armata, *l. 10. 11. 13. 37. 38. 40. 43. 45. 56. 68. 64. 87. 94. 95. 113. 125. 129. 137. 139. 143. 144. 147. 154. 158. 179. 181. b. t. l. 12. de veteranis:* sic vt nullo quandoque tempore, nullo gradu defenderentur, *l. 10. 11. 37. 40. 58. 113. b. t. d. l. 1. sup. quid probare deb. etiam veterani iam l. 45. b. t.* Verum exceptiones hæc a nonnullis additæ. 1. nisi Primipilo, id est Annona militari administrandæ obnoxii iam essent, *l. 11. b. t.* Item post certum stipendiorum numerum retrahi Curiales e militia quandoque veriti, veluti post viginti stipendia, *l. 13. b. t.* post quindecim *l. 95. b. t.* post decem, *l. 56. hoc tit. & l. 28. sup. de cohortalib.* Imo post quinque *l. 38. 64. 88. b. t. & l. 6. sup. de remilitari.* Principales qui cursum exhibebant, 10. annorum militia liberantur, *l. 6. de diuers. offic.* Chartularii item Magistrorum Equirum & Peditum 25. annorum militia, *l. 5. de diuers. offic.* Item ad Curiam reuocari non poterant Comites rei militaris primi ordinis, si videlicet re ipsa e militari corpore essent, *l. 1. de Comitib. rei milit.* E Monazonton quoque [id est Monachorum] cœtu Valens eos ad Curiam reuocari, vel rebus familiaribus Curia cedere voluit, *l. 63. b. t.* E Nauiculariorum quoque corpore retrahebantur, *l. 149. b. t.* Ex Officiis Iudicum, in quibus militare prohibebantur, *l. 31. 42. in fin. l. 82. 96. 113. 134. 137. 147. 175. 181. b. t.* adde *l. 1. de Tabular.* Ex militia seu officio quocunque ciuili, *l. 13. 22. b. t.* Ex officio Illustrium Magistratuum militarium, *l. 5. 6. de diuers. offic.* nisi 25. annorum militia, *l. 6. de remilit. l. 1. de cohortal.* sic & Officiales Com. S. L. Rationalis R. P. Vicariorum P. V. 25. annorum militia Curia liberabantur, *l. 6. de diuers. offic.* E Palatina Militia: quod tamen ius varie habitum, *l. 22. in fin. l. 31. 38. 67. 88. 100. 147. 154. b. tit. & l. 12. sup. de priuileg. eor. qui in sacr. palat. l. 5. de diuers. offic.* E sacris Scriniis, nisi in his similiter quindecim annis militassent, *l. 1. 7. de prox. Com. disp. l. 14. de priuileg. eor. qui in sacr. pal.* antea, 20. *l. 1. de Agentib.* Ministeriales, Pædagogiani, Silentarii, 5. annorum militia Curia liberabantur: Principatus Agentium in rebus Curia liberabat *l. 16. de Agentib.* Agentes in rebus 15. *l. 14. de priuileg. eor. qui in sacr. Pal.* aliquando 20. annis, aliquando triennio liberabantur, *l. 1. 2. de agentib.* A procurationibus vel curis Ciuitatum, *l. 20. b. t.* E Scholari militia, *l. 38. 120. b. t.* E Senatu reuocantur: Curiales enim, eorumque filii, Senatores, nisi expletis muneribus omnibus, fieri prohibebantur: Qua parte tamen ius sæpe variavit: de eo vero sunt 27. leges: CONSTANTINI M. *lex* 14. & 18. *b. t.* CONSTANTIS

lex 29. *b. t.* CONSTANTII *l.* 42. 48. *b. t.* VALENTINIANI *lex* 57. 58. 65. 73. *b. t.* VALENTIS *lex* 69. & 74. *b. t.* THEODOSII M. *lex* 82. 90. 93. III. 118. 122. 123. 129. 130. *b. t.* VALENTINIANI IVN. *lex* 110. *b. t.* ARCADII *lex* 159. 160. *b. t.* THEODOSII IVN. *lex* 180. 182. 183. 187. *b. t.* Imo Curiales adeo Curia, nisi expletis muneribus solui non poterant, ut nec Curia conuiuente, declinare possent, *l.* 17. 65. *in f.* 71. 77. 110. *in f.* 113. *b. t.* neque Principis beneficio *l.* 10. 13. 102. 137. 139. 156. 167. *b. t.* nisi ad certum temporis spatium, *l.* 1. & 135. *b. t.* neque Iudicis sententia, seu Iudice vacationem præstante, *l.* 1. 68. 71. 77. 89. 172. *b. t.* neque substituto alio, *l.* III. 118. 167. *b. t.* (excepto Clerico in sp. *l.* 59. 99. 115. 162. *b. t.* & ad dignitates subiecto, in sp. *l.* 115. 160. 187. *b. t.*) & nisi omnibus muneribus defunctis *l.* 91. 98. *b. t.*

Certe apud Cognitorem reperi ii debebant, *l.* 110. 161. *b. t.* Pœnæque latentibus ipsis Curialibus, *l.* 16. 23. 119. 161. *b. t.* eorumque occultatoribus immincebant, *l.* 76. 146. 162. ob secretum tamen a muneribus excusabantur *l.* 118. 134. *b. t.*

Filii quoque eorum Curiali nexui obstricti erant: *l.* 7. 22. 26. 31. 37. 43. 49. 53. 57. 58. 69. 74. 86. 93. 98. 122. 123. 132. 155. 174. 184. *b. tit.* *l.* 19. *de diuers. offic.* *l.* 28. *de cohortalib.* *l.* 1. *de fals. monet.* *l.* 6. *de re milit.* *l.* 1. 2. *quid probare deb.* etiam Magistrorum, *d. l.* 98. *b. t.* (non spontaneorum, *l.* 172. *b. t.*) ab octodecim annis, *l.* 7. *b. t.* etiam duo ex tribus maribus, *l.* 132. *b. t.* & retrahebantur, *l.* 22. 26. 31. 37. 43. 49. *b. t.* patre licet Senatore postea facto, *l.* 57. 58. 69. 74. 93. 122. 123. *vers. super filiis.* 155. 184. *b. t.* Verum de hoc *sup.* plenius, ubi de *Originalibus*: de Filiabus quoque vid. *leg.* 124. *b. t.*

Aliis etiam modis pluribus id actum, ne Curia defolarentur. Hinc adeo milites militiæ se offerentes, vel in aliam scholam recipiendi, non ante admittebantur quam fide generis facta se Curiales non esse, *l.* 1. 2. *quid probare deb.* *l.* 4. *de agentib. in reb.* *l.* 15. *in f.* & *l.* 16. *de Palat. S. L.* Hinc in scholam aliquam receptorum nomina in matricula, patria, & prouincia adscripta, *d. l.* 16.

Res item seu facultates & possessiones bonaque eorum Curia tenebantur, *l.* 5. 49. 59. 63. 145. 144. *b. t.* his adde & *titulum* 3. *in f. de prædiis & mancipiis Curialium.* Imo qui possessiones eorum ex lucratiua causa detinebant, ad certam descriptionem tenebantur, *l.* 107. 123. 173. *b. t. l.* 16. *in f. super. de Agentib. in reb. & tit.* 4. *in f. de imponenda lucratiuis descriptione.* Sed & bona Decurionum ab intestato sine hæredibus decedentium ad Curiam pertinebant, de quo *supr. tit. & l. vn. de bonis decurionum*: de Decurionis proscripti bonis, vid. *l. ult. de bon. proscript.* Prædia eorum sine decreto alienari non poterant.

Priuilegia vicissim quædam omnibus in commune Curialibus a summo vsque ad infimum ordinem, *l.* 2. *supra de questionib.* & *l.* 80. *b. t.* concessa erant. (1.) Ab iniuriis scilicet corporalibus immunes erant; de quo priuilegio agitur, *l.* 39. 47. 61. 75. 80. 85. 117. 126. 127. 153. 190. *boc tit.* id est a tormentis & fideculis, *l.* 80. *b. t.* & *l.* 2. *sup. de question. l. i. sup. ad leg. Corn. de fals.* qui Decurionatus honor dicitur, *d. l. i. ad leg. Corn. de fals.* dignitas Ordinis, *l.* 4. *sup. de Tabular.* & *l.* 47. *b. tit.* & Plumbatarum ictibus, *d. l.* 80. 85. antea non. *dict. l. 2. de question.* Cui tamen priuilegio derogatum quodammodo, *l.* 117. 126. 153. *in f.* 190. *b. t.* *Novella Maioriani i. vers. inter qua*: vid. & *l.* 15. *de accusat.* Sane Decuriones Censuales sponte facti, quæstioni subiici poterant, *l.* 4. *de Tabular.* (2.) Certus etiam in eos condemnationis modus Iudicibus præscriptus erat, *l.* 47. *b. t.* (3.) Ab oneribus item extraordinariis seu muneribus pro re priuata immunes erant: *l.* 30. *b. tit.* & *l.* 31. *in fr. de susceptorib.* non etiam a lustrali collatione, negotiantes; *l.* 50. *b. t.* quæ repetitur *l.* 4. *in fr. de lustrali*: (4.) Item ultra terminos propriæ ciuitatis præsentiam sui exhibere non cogeantur *l.* 61. *b. t.* His ut & plebi ab omni improborum insolentia vindicandis constituti defensores: *l.* 2. *de defensor. ciuit.* Alius item pro alio decurione conueniri non poterat, *l.* 2. *de exactionib.* Equorum usus ad itineris necessitatem his concessus fuit: *l. i. quib. equ. usus concess.* Aedificia publica, & iuris templorum quædam his, ut & collegiatis Rescripto concessa, ut & aræ vacantes *l.* 41. *de oper. publ.* Curiis etiam aliquando in commune remissus, releuatus capitationis modus, *l. ult. de conlat. donatar. vers. illis solis.* Pœnis inuicem grauib. subiacebant, *l.* 117. *b. t.* Iudices eorum erant Rectores prouinciarum, *l.* 39. 47. 80. 87. 110. 117. 118. 150. 164. 175. 181. *b. t.* non etiam Iudices militares, *l.* 128. *b. t.* Liberabantur curia certis modis: Regulariter cunctis honoribus & munerib. expletis, *l.* 45. 74. 77. *b. t.* Quandoque etiam excusabantur certis priuilegiis. Etate *l.* 20. 118. *b. t.* Meritis, *d. l.* 20. *b. t.* ob liberos, *l.* 55. *b. t.* v. & *tit.* 17. *boc libr.* ob militiam Palatinam quandoque *l.* 22. *in f. l.* 67. 73. *b. t.* ob militiam armatam, casibus quos *supra* recensui: vide & *titulum sup. lib. 7. de re militari*: ob Administrationem vel dignitatem, si merito non suffragio eam adepti fuissent, *l.* 5. 25. 36. 73. *b. t.* Item Legatione, *l.* 25. 36. *b. t.*

b. t. Officialis quoque XXV. annorum militia: *l. 31. 96. b. t. & l. 6. sup. de remilit. l. 5. 6. sup. de divers. offic. l. 14. sup. de priuileg. eorum, qui in S. Palat.*

Perfunctorum omnibus Patriæ muneribus & stipendiis Priuilegia hæc erant: Præfidatus honor seu prærogatiua his conferebatur: ideoque in consilio ciuitatis stantibus aliis sedebant, *l. 4. b. t.* Ad honestas promotiones perueniebant *l. 14. b. t.* Immunes habebantur, orioque fruebantur, *l. 75. b. t.* Honor ex Comitibus seu Comitibus eis addebatur *d. l. 75. & 109. & 150. b. t.* seu Comitibus primi Ordinis per quinquennium, *l. 189. b. t.* ab iniuriis corporalibus immunes erant, *d. l. 75. b. t.* Osculum his in Prouincia Iudicantium & confessus indultus erat *l. 109. b. t.* Ab equorum præstatione immunes erant & a Gleba Senatoria, *l. 138. b. t.* aliisque senatoriis functionibus *l. 189. b. t.* Eos etiam qui 30. Annos Alexandria ciuilibus muneribus inhæserunt, corporalibus muniis, Theodosius Iun. excusari voluit, *l. penult. b. t.*

VACATIONEM curialium munerum solus Princeps tribuere potest, non Rector prouinciæ.

I. (a) Imp. CONSTANTINVS A. ad Euagrium. (b)

NEMO (c) Iudex (d) ciuiliū (e) munerum vacationem cuiquam præstare Curiali conetur, vel aliquem suo arbitrio de Curia liberet: Nam si quis fuerit eiusmodi (f) infortunio deprauatus (g), vt debeat subleuari, de eius nomine ad Nostram Scientiam referri oportet, vt certo temporis spatio ciuiliū munerum ei vacatio porrigatur (h). PP. Id. Mart. Constantino A. III. & Licinio III. COSS. [313.]

INTERPRETATIO. (i) Nullus Iudex vacationem indebitam tribuat Curiali, nec eum de suo officio studeat liberare: Nam si ita tenuis cuiuscunque Curialis & exhausta facultas est, vt ei publici oneris (k) necessitas non (l) credatur, ad Principis iussu (m) referri notitiam.

NOTAE.

(a) *Lex 14. Cod. Iust. eod. tit.* Concordat in summam *lex 68. 89. 135. 172. inf. GOTHOF.*

(b) *Euagrius* sub Constantino M. Eidem inscribitur Anno 315, *lex 1. inf. de Iudicis: lex 1. inf. de centonar. & dendroph. vbi Præfectus Prætorio dicitur. ID.*

(c) *Nullus*, Cod. G. quod ex interpretatione est. *RITTER.*

(d) *Iudex*, id est, Rector prouinciæ: v. *Gl. Theod. GOTHOF.*

(e) Abiunt hæc, vsque ad *aliquem*, a *Cod. Iust.* Rationem mox indicabo. *ID.*

(f) *In eiusmodi*, Cod. G. *RITTER.*

(g) *Deprauatus infortunio*: id est inhabilis redditus, inutilis factus quacunque de causa fontica. Interpretes non male interpretatur, *cui tenuis & exhausta facultas est*: Es certe *Infortunii*, ἀτυχίας vox id proprie significat. *GOTHOF.*

(h) *Porrigatur*, id est, præbeat. *ID.*

(i) Supple: *Lex ista hoc dicit. ID.*

(k) *Publici honoris*, Cod. G. & Sichard, *RITTER.*

(l) Id est, remitti debeat, vel, committi non debeat. *GOTHOF.*

(m) *γρ. Ius sit*: Quanquam istud sustineri potest: *iussu*, hæc *lex* scil. *ID.*

COMMENTARIVS.

CONSTANTINI M. viginti duæ constitutiones hic occurrunt ordine de *Decurionibus*: ex quibus apparet quis tum Curiarum status fuerit: quo item quantoque studio Princeps hic tum Curiarum, tum Curialium seu Decurionum, atque adeo singularum Rerum publicarum seu municipiorum, vtilitati consultum voluerit. Quarum omnium sententiam exhibere oportuit eos, qui Constantini M. genium ex eius potissimum constitutionibus efferre voluerunt, ac non etiam vnus tantum aut alterius, quod Balduinus fecit: cuius vt semel dicam Commentarii de Constantino M. συναρξαὶς potius iussu alicuius operis continent, quam ἀποτέλεσμα

aliquod: quod iam olim quoque notarunt Viri Clari.

Ergo ad quinque potissimum fines seu capita, vt aliorum Imperatorum, ita Constantini M. con. P. 144. stitutiones omnes refero. Nempe id egit illis: *Primo*, vt ne Curiae vacarentur, desolarentur, honoris alicuius aut officii vel militiæ obtentu, veluti Præfidatus, *l. 4. 14.* Perfectissimatus & c. *l. 5.* Militiæ armatæ, *l. 10. 11. 13.* Incolatus alienæ ciuitatis, *l. 12.* Officii & militiæ cuiuscunque ciuilis, *l. 13. 22.* Senatoriæ dignitatis, *l. 18.* (excepto solo Primipilatu, *l. 11.* & Palatina militiæ, *l. 22.*) Item neque vacatione munerum impetrata a Iudice, *l. 1.* imo ne Rescripto qui-

quidem Principia aut ciuium consensu, l. 17. Addamus & ex aliis Constantini M. legibus, ne quidem Clericatus obtentu, l. 3. 6. *infr. de Episcop. Eccles. & Cleric.* quas leges hunc in titulum quoque referri oportuit. Secundo, ut munere suo Decuriones recte defungerentur: Prohibito in id decurione Tabellionis officio fungi, l. 3. ad Procuraciones & Curas Ciuitatum accedere; l. 20. ad Comitatum proficisci, sine comeatu Rectoris Prouinciæ, l. 9. latentibus etiam nominatis ad Duumviratum poena indicta, l. 16. Tercio, ut noui Decuriones substituerentur. Hinc filios Decurionum 18 annorum Curie mancipari iubet, l. 7. & 19. ut & Veteranorum & militarium filios, l. 15 18. 19. Et hæc quidem ad ipsarum Curiarum utilitatem.

Ipsis vicissim Curialibus idem Princeps consultum iuit. Primum, tributo spatio appellandi nominatis ad munus aliquod, l. 2. 8. *h. t.* Item Munerum distinctione facta, ad quæ maiores decuriones vocari non possent, l. 21. Item vacatione temporaria data infortunio deprauatis, *h. l.* tandem & honestati Decurionum, & Curiarum consultum iuit Constantinus M. prohibito Decurione ancillam uxorem ducere, l. 6. *h. t.*

Hac igitur lege Constantinus M. VACATIONEM munerum Curialium cuiquam Decurioni a Iudice (id est Rectore prouinciæ) præberi, vel curia

eum liberari, proprio arbitrio, id est per modum gratiæ, vetat: Quod & ipsum statuitur l. 68. 89. 135. ut & de Præfecto Prætorio, l. 172. quamlibet is infortunio deprauatus, id est, quamlibet tenues & exhaustæ eius facultates sint, ut Interpretatio recte habet: quamlibet denique iusta vacationis dandæ causa subesse videatur. Quid igitur? de huiusmodi Decurione ad se Principem referri iubet Constantinus M. ut suo videlicet arbitrio certi temporis vacationem præbeat. Ergo Princeps solus veris & probatis de causis vacationem Decurioni, & quidem temporariam hætenus, tribuere potest ex hac Constantini M. constitutione, & altera Theodolii M. d. l. 135. *infr. hoc tit.* Nam curia in totum liberari Decurio, ne Principis quidem beneficio potest: l. 10. 13. 17. 102. 137. 139. 156. 167. *infr. h. t.* Contra, duo hac l. Iudicibus æque interdiciuntur: nam ne temporariam quidem immunitatem seu Vacationem, ut *h. l.* vocatur proprie, quo etiam pertinet titulus in D. & Cod. *Iust. de vacat. muner.* a curialibus muneribus concedere possunt: multo minus, in totum curia liberare, ob infortunium seu fortunarum lacunam & dispendium. Quorum prius tamen a Triboniano omissum fuit: proculdubio, quod Iudicibus licentiam non denegaret certi temporis spatio ciuiliū munerum immunitatis concedendæ: Quod vtique congruit legi proximæ præcedenti, 13. C. *Iust. cod. tit.*

De APPELLATIONVM temporibus, quæ nominatis ad munus curiale, competunt.

II. (a) Idem A. ad Crispinum.... (b)

QUONIAM dubitasti, vtrum ex numero dierum, (c) an ex nominatione Kalendarum, computari duum (d) mensum (e) spatia debeant, forma publici iuris obseruanda est, quæ manifeste declarat, quid pro dierum (f) diuersitate præceperit comprehendī. (g) Dat. Kal. Octob. Constantino A. IV. & Licinio IV. Coss. [315]

NOTAE.

(a) Absit hæc lex a Cod. *Iust.* ut quæ nihil definiat. GOTHOFR.

(b) Crispino pariter inscribitur quinquennio post, Anno 320. *lex 10. supr. de appellat.* quæ in eodem argumento versatur. ID.

(c) XXX. scil. de quo mox. ID.

(d) Intra quos nominatus ad munus publicum (Duum viratum puta) appellare potest. ID.

(e) Mensum: sic quoque l. 101. D. de R. l. apud Censorinum, Ciceronem, & alibi. ID.

† Publicum ius hic quodnam? Nempe veteris iuris definitio. ID.

(f) Forte rerum. ID.

(g) Comprehendi, id est, intelligi, exaudiri, accipi. ID.

COMMENTARIVS.

DE APPELLATIONE, seu de TEMPORE & spatio, quod Nominatis ad Duumviratum vel munus aliquod publicum ad appellationem exequendam dabatur, est hæc Constantini M. Constitutio. Quod quidem etsi ex legis verbis diserte colligere non licet, attamen situs huius legis, utpote quæ posita est sub tit. de decurion. manifeste id ostendit; nempe de appellationibus hic agi a nominationibus ad Curiale munus; pariter ut secunda eiusdem leg. 10. *sup. de appellationibus*, quæque eidem Crispino inscribitur. Et tertia, puta leg. 8. *h. t.* quæque legem 1. Cod. *Iust. de magistr. municip.* constituit. Et quarta, puta,

Tom. IV.

leg. 12. *supr. de appellationib.* quæ cum dicta l. 8. coniungenda est. Quinta Constantii, puta leg. 19. d. t. de appellat. Sexta, Theodosii M. leg. 8. *supr. de repar. appellat.* Septima, Theodosii leg. 53. P. 145. *supr. de appellat.*

Scilicet, Nominatis ad Curiam vel Duumviratum, duorum mensium spatium dabatur, ad appellandum: ut præter hanc leg. docet d. lex 10. *supr. de appellat.* In eumque finem nominationes ante tres menses, quam munera subiri oportebat, fiebant, ut docet lex 8. *infr. hoc t.* Atque hæc illa

illa sunt duum mensium spatia, de quibus hac l. agitur.

De his vero duobus mensibus dubitatum sub Constantino Magno, & quidem a Crispino, ut hæc lex aperte testatur, *Quoniam dubitasti*, inquit, (cui ipsi ut dixi inscribitur dict. l. 10. supra, de appellat. quæ in hoc eodem argumento versatur) qui procul dubio alicuius provincie Rector erat, (nam ad eum cura muneris iniungendi spectabat) utrum hæc spatia duorum mensium computari deberent ex numero dierum, an vero ex nominatione Kalendarum. Quæ quidem quæstio, seu dubitatio, obscurum sensum habet: sed multo obscurior adhuc rescripti Constantini sententia est: Ad hanc quippe Crispini dubitationem rescribit hæcenus Constantinus: *Formam publici iuris observandam esse, quæ manifeste declarat, quid pro dierum diversitate præceperit comprehendere*. Quæ enim illa forma publici iuris est? Quæ illa dierum diversitas? Et quidem eo obscurior, quod postrema verba nullum satis commodum sensum præbere videntur, & vix ad πρὸς respondere: quandoquidem cum de mensibus quæreretur; de diebus tamen respondeatur? Denique quid sibi volunt illa verba, *præceperit comprehendere*? Nos videamus quid in hanc partem statui possit, *dubiumque* adeo quod hic non resolvitur, definiri. Puteat igitur quis, cum in aliis *Rebus* & negotiis menses aliter atque aliter computentur, formæque publici iuris, hac parte diversa esset, in hoc appellationum & Nominationum argumento, menses XXX. diebus constare seu censeri, non vero ex Kalendarum nominatione æstimari. Finge nominatum quem Kalendis Martiis ad Duumviratum, qui dies huic rei solemnis, leg. 28. hoc titulo (ubi vide quæ dixi) aliud munus. Sane a Kalendis Martiis LX. dies computabuntur nominato, ad se excusandum seu appellandum: & sic intra 29. Maii excusare se se necesse habebit. Hæc scilicet forma publici iuris videtur; qua vulgariter menses tricenis diebus singuli æstimantur apud Romanos: quod docet etiam lex 28. §. 22. D. de adilit. Edicto: lex 3. §. ultim. D. de iur. leg. ultim. Cod. Iust. §. 2. de iure deliber. more Mathematicorum, Græcorum, & Ægyptiorum: nempe quia, & antiqua hæc fuit Numæ mensium computatio exemplo Ægyptiorum, teste Livio lib. 1. c. 19. & Plutarcho in Vit. Num. Et ita certe in publicis quoque muneribus duorum mensium spatia computari debent: Ut nihilominus (ut & hoc adiiciam,) audiatur adhuc qui 61. die venerit; scilicet, *Ubi lex duorum mensium mentionem facit, & qui sexagesi-*

mo, & primo die venerit, audiendus est: ait lex 101. D. de Reg. Iur. Quam legem observandum est, desumptam esse ex Pauli libro singulari de cognitionibus: quo Paulus Iurisconsultus prolixè egerat de cognitione Magistratum, de honoribus, & muneribus publicis gerendis, & de excusationibus ab iis, ut ostendunt omnes *Leges*, quæ ex eo libro supersunt: puta lex 9. D. de confirmand. tutor. lex 42. & ultim. D. de excusationibus: lex 29. D. de tutoribus, & curatoribus. dat. lex 5. D. de Veteranis: & lex 228. D. de V. S. qua lege definitio Municipum proponitur, ideo scilicet ut sciatur, quibus munera, & honores conferantur. Quæ quidem addere libuit, ad intellectum dictæ legis 101. D. de Reg. Iur. & ad eam vindicandam a pravis partim interpretationibus: partim & emendationibus. Nunc ad hanc l. redeamus.

Ergo in argumento appellationum a nominationibus, tricenarius dies pro singulis mensibus comparandi videntur, non habita ratione ad principium vel finem ipsius mensis, ut loquuntur Interpretes, vel ut hic dicitur, *nominationibus Kalendarum*: Cum alias pro RERVM (nam ita reponendum existimo) *diversitate*, aliter atque aliter observaretur: *formæque publici iuris* aliter atque aliter *declararet*, quid pro rerum diversitate per menses *comprehendi*, id est, exaudiri, accipi veller. De quo dicam plenius ad eam legem 101. de Reg. Iur. In hoc certe argumento versatur peculiaris Menochii tractatus libro 2. de Arbitr. capite 50. ubi hæc lex tamen præteritur. Puteat tamen quis, imo in hoc argumento appellationum a nominationibus, duorum mensium spatium numerari oportere a nominatione Kalendarum, secundum communem cursum mensium: sic ut nominatus Kalendis Martiis intra totum mensem Maii se se excusare possit: ideo quia principium nominationis a Kalendis fit. Atque hæc est doctrina Interpretum, cum mensis fit mentio, habita relatione ad principium mensis in quo actus aliquis solemniter fit, totidem dies computari, quot dierum menses sunt. Vide Menochium dicto cap. 50. numer. 21. Et certe hæc mihi probabilior videtur in huius legis specie definitio: Alioquin, ubi non ex Kalendis ipsis aliquis solemniter more procedit, verum prout se se resdant, tum proculdubio ubi lex duorum mensium facit mentionem, 30. dies in singulos menses computandi sunt. Finge, 23. Augusti actum aliquem processisse, & intra mensem dilationem dari vel facultatem aliquam sane intra 21. diem Septembris facultas illa includitur, id est, 30. diebus.

P. 346.

TABELLIO qui decurio est fieri non potest: at ex Tabellione decurio, quis fieri potest.

III. (a) Idem A. Mechilio (b) Hilario Correctori Lucaniae, & Brittiorum. (c)

VNIVERSOS Decuriones volumus a Tabellionum officiis temperare. (d) Nemo autem ad Decurionatum vocatus excusare se poterit, eo quod fuerit Tabellio, cum & huiusmodi homines, si sint idonei, vocari ad Decurionatum oporteat: Lex enim, quæ decuriones a Tabellionum officiis voluit submovere, ad Decurionatum Tabelliones vocari non prohibet. Dat. III. Kalend. Febr. (e) Sabino & Rufino Coss. [316.]

NOTAE

(a) *Lex 1. Cod. Iust. eod. tit.* hinc desumpta est, ubi tamen prima tantum *huius leg.* sententia continetur, ceteris inde a voce *Nemo*, resecatis: Iungenda autem illi *lex 1. supr. ad leg. Cornel. de falso*: seu *lex 1. Cod. Iust. eod. tit. GOTHOF.*

(b) Forte *Mecilio*: de hoc vero *Hilario* vid. *Protopogr. ID.*

(c) *Bruttiorum. ID.*

(d) *Temperare*, idest, abstinere in torum. *ID.*

† Quenam & cuius ea *lex*? *ID.*

(e) *Act. Kal. Aug.* hoc additum *d. l. 1. ID.*

COMMENTARIVS.

TABELLIONIS officio Decuriones, iuxta anteriorem quandam de eo *legem*, hac rursus Constantini *M. lege*, fungi prohibentur. Nos dicemus, *que res deus Offices sunt incompatibiles*: quomodo & aliis multis actibus Decuriones interdicti: de quo *ad leg. 92. infr.* Et retro tamen, Tabellionem ad Decurionatum nominatum excusare se non ideo posse, *hac leg.* definitur: Non ideo scilicet, quia qui Decurio est, Tabellio esse per *leges* non potest, ideo & ex Tabellione ad Decurionatum vocari non potest: Quæ *huius legis*, ferendæ occasio fuit, ut videlicet ostenderetur argumentum ab uno ad aliud non procedere, non valere. Quod a Triboniano hic omissum est. Et hæc quidem est *huius legis* sententia: quam notandum est partem esse prolixioris Constantinianæ constitutionis, unde desumpta est quoque *lex 1. supr. ad leg. Corn. de falso*. quæque proinde *huic* coarsanda venit: quod Cuiacius iam, & post eum Courruvias, alique deinceps recte notarunt. Neque tamen omnes, quid ex hac coniunctione effici posset ad plenum viderunt: Imo collidi eas inter se nonnulli existimant. Ea *Lex* id definitur: Decurionem, Tabellionis munere fungentem, si postea de veritate instrumenti ab eo conscripti agatur, quæstioni subiaci posse: ut & si ex Tabellione eo Decurione facto, eadem de instrumento dubitatio oriatur: Nullam enim utroque casu Decurionatus siue coniuncti, siue superuenientis, & sic privilegii Decurionum, immunitatis a quæstione rationem haberi, ubi recte ex parte Glossa vidit, ita de facto evenisse: ut ita ad facti speciem rescripserit *ea lege*, seu eo capite Constantinus Magnus: Verum in posterum iam hoc *huius legis*, capite idem canet, Decurionem Tabellionatu fungi non posse. Neque adeo etiam displicet illorum sententia, qui ita censent, hoc casu instrumentum nihilominus valere: de quo Bartolus *hic*, & post eum multalii: de quo v. hic Amayam *n. 24. 25.*

Nunc, ut de ratione *huius legis* liquere possit de qua tota *huius legis* mente, videndum nobis est, quinam Tabelliones isti fuerint. Tabellionum istorum mentio fit præter *hanc l. & dict. l. 1. supr. ad l. Cornel. de falso*, in *l. 1. Cod. Iust. ut nemo ad suum patrociniu*, *leg. 2. Cod. eod. de Eunuchis*: *l. 17. Cod. eod. de fide instrum.* *l. 24. C. eod. de testamentis. leg. 9. §. 4. D. de penis*: *leg. 14. §. 3. Cod. Iust. de sacrosanct. Eccles.* meminit & Firmicus *Matthes. lib. 4. cap. 5. & lib. 8. cap. 28.* Fuere autem Tabelliones qui contractuum & testamentorum instrumenta conscribebant, ut diserte testatur *dicta lex 1. supr. ad leg. Cornel. de fals. dicta lex 14. §. 3. dicta lex 1. Cod. Iust. ut nemo ad suum patrociniu. dicta lex 2. Cod. eod. de Eunuchis*: *dict. lex 17. & dict. lex 24.* Unde & inter eos qui forensibus negotiis se accommodabant, nu-

merantur in *d. l. 9. §. 4.* quomodo & instrumenta forensia dicta *leg. 20. Cod. Iust. de fide instrum. ἀγοραῖα* passim in *Iustiniani Nouellis.* De his est & expressa *Nouella Iustiniani 44.* Interpres ad *dictam leg. 1. de falso*, xuo suo Tabelliones, *Amanuenses*, vel *Cancellarios* dictos scribit. Ille recte describuntur apud Suidam voce *Πεισικός Εμισινός. ἐπὶ τῆς ἀγορᾶς καθήμενος, ὁδὲν τε πολλὴν ἐπὶ τε ἀληθείᾳ καὶ ἀριτῇ ἔχων, ἀπαντὰ ἐπετελεῖ τὰ τῶν πολιτῶν γραμματεῖα, ἕκαστον αὐτῶν ἐπισφραγίζων αὐτὸς ἐκείνους γραμμασιν, ὥστε ταβελλίονα καλεῖσθαι ῥωμαῖοι.* Forensis vir, fide & virtute conspicuus, qui omnes civibus tabularum conscribat, sua manu unamquamque earum obsignans, quem tabellionem romani vocant. Idem in voce *ταβελλίαν* (unde habent & *Glossa Nomica*) *ταβελλίαν, ὁ τὰ τῆς πόλεως γράφει συμβόλαια, ὁ παρὰ τοῖς πολλοῖς νομικὸς λεγόμενος.* Tabellio, qui civitatis contractus scribit, vulgo *Νομικὸς* dicitur. Describit & Libanius *Epistola ad Priscianum, inter Regias 147. & in edit. Clariss. Wolffii 152. τέχνη δὲ αὐτῶν ἡ αὐτῇ, προσθήσω δὲ, ὅτι καὶ γνώμη, τὰ περὶ τῶν συνθηκῶν γράμματα τοῖς ἀνθρώποις γράφει, ἀνευ τῆς κέρδους κατὰ τῆς ἀληθείας τιμᾶν. Αἱ ἱπὲρ eadem*: addo, eundem etiam esse utrique animi, nempe contractuum instrumenta scribere, ita tamen, ut corrupta veritate lucrum non sectentur. In his vero præter fidem & veritatem, ut ex superioribus iam testimoniis liquet, aliqua saltem Legum peritia desiderabatur, *Nouella Iustiniani 66. capite 1. in princip.* Unde, & Iuris studiosis, Advocatis, & Pragmaticis iunguntur, *d. l. 9. §. 4. D. de penis*: Indeque & ut ex Suida diximus *νομικοί*; sed tamen a Iuris studiosis diuersi, etsi vicini, de quibus *d. l. 9. §. 4.* Suetonius, in *Neron. Claud. c. 32.* nam hi & dictabant & scribebant ea, in quibus accurata iuris peritia desideratur. Male igitur *Tabularii* cum his a multis confunduntur, deque illis constituta huc perperam seu ad Tabelliones trahunt. Erant enim *Tabularii*, qui civitatum & provinciarum rationes tractabant: de quibus suo peculiari titulo *supr. lib. 8. tit. 2.* Alii item sunt a *Scribis* publicis, qui acta publica scribebant, quorumque fidei tabulæ publicæ periculaque Magistratum committebantur, teste vel Cicero, *lib. 3. in Verrem cap. 79.* & Cassiodoro *XII. Var. 21.* qui eorum officium graphice describit: in cuius tamen lemma male de *Scribarum* seu *Tabellionum* officio: nam verus titulus habet, *Scriba Ravennatis.* Verum de his *Scribis* iam ad *l. 1. supr. de lucris officiorum.* Denique perperam commiscuntur *Tabelliones* hi cum *Notariis*, qui priuatorum servi erant, scribendi operam dominis suis nauantes, ut videre est vel ex *l. 40. D. de testam. mil.* Hodie iidem *Tabelliones* & *Notarii* dicuntur.

His ita iam distinctis, ratio *huius legis & Interdictionis* indaganda venit; cur, inquam, Decuriones Tabellionis officio fungi ventent? & vt hac leg. dicitur, iubeantur ab hoc officio TEMPERARE; seu vt eadem loquitur, cur Lex Decuriones a Tabellionum officiis voluerit SVBMOVERE.

Ratio hæc vulgo redditur, ne Tabellionis statione, & vt ipsi loquuntur, gestibus implicitus, consecutivè a publicis Curix negotiis abstrahatur, atque adeo ne vtroque munere non bene fungatur, seu vt ille ait, bona fide; qua ratione & alias duobus post officiis simul fungi non vna lege prohibetur: & speciatim etiam Sacerdotes hoc ipsum Tabellionis officium exercere cap. 8. X. ne Clerici vel monachi: quia, qui Deo militat, non debet secularibus negotiis implicari, can. 3. C. 20. Quest. 3. & can. 2. 3. 4. Caus. 21. Qu. 3. Verum hæc mihi generalis hic nimium ratio videtur. Alii hanc reddunt rationem, quod Tabellionis officium vile sit, imo & infame actusque servilis: atque adeo quæ de servis publicis dicuntur, huc aptant: Vnde iam pessime Bartolus dicitur aliique tenuisse, quod infamis possit esse Tabellio. Itane vero vile & servile aut infame Tabellionum officium, e quo ad Decurionatum adspirare licet? in quibus velut publicis testibus publica fides consistit? in quo tantum ἀληθείας καὶ ἀρετῆς studium, imo & aliqua saltem iuris peritia requiritur? a quibus instrumenta confecta publicam merentur fidem? qui denique Iuris studiosis & Advocatis sociantur, & Pragmaticis iunguntur? Hæc inquam, rationem illam destruant,

non quæ Amaya congerit hic, numero 6. 7. 8. 9. 10. usque ad 17. ea enim ad Scribas pertinent, vel ad Tabularios. Ratio & hæc redditur, ne Decurio idemque Tabellio his duobus officiis fieret potentior, & ob id gravius onerarentur Municipales: laudato eam in rem Symmacho, lib. 9. epistol. 10. qui locus tamen est de Tabulariis, quibus videlicet in re tributaria liberum erat alios a dispendio vindicare, aliis indebitum munus imponere.

Addit Amaya, ne occasione dignitatis Decurionatus, instrumenta a se conscripta derelinquant, quod innuere videatur lex 2. supr. de Tabular. Verum & ratio hæc obscura est, & dicta lex 2. est de Tabulariis: & perperam ex ea lege colligitur, Tabelliones tum non fuisse exclusos a Decurionatu. An propior igitur vero ratio, qua licet ascendere non descendere in honoribus capeffendis: quodque inferior sit Decurionatus honore & dignitate Tabellionis officium?

Verissima ratio isthæc mihi videtur, tum argument. dict. leg. 1. supr. de falso, quæ huic coassanda est, tum eorum præiudicio, quæ supra dicta sunt de veritate deque fide, quæ in Tabellionibus requisita, id ita constitutum, vt præcideretur falsi materia: quæ utique facile præberetur, si Decurionibus Tabellionis officio fungi liceret: cum & alias Tabelliones falsi haud raro arguerentur, vel suspecti essent; v. exemplum apud Suidam, in voce Πιστοῦς: Qua causa his tam enixe, vt dixi, fides & ἀληθεία inculcatur. Eo denique etiam pertinent voces Temperandi, & submovendi hac l.

PRÆSIDATVS honos Decurioni delatus EMERITIS tantum prodest.

IV. (a) Idem A. ad Octavianum (b) Com. Hispaniarum.

HIr qui honoris (c) indebiti arripere (d) insignia voluerunt, cum in consilium (e) Primates (f) Municipalesque (g) coguntur, adstant, (h) sedentibus his, quibus emeritis, omnis honor iure meritoque debetur. Ideoque Sublimitas Tua nullum omnino faciet Præfidatus prærogativa lætari, nisi qui cunctos in patria gradus (i) egressus (k) ordinem (l) venerit: ita vt illi etiam qui Præfidatum ante tempus reportarunt, post expletos honores ciuicos honestamentis (m) præstitis potiantur, PP. (n) XIV. Kal. Feb. Gallicano & Basso Coss. [317.]

NOTAE.

(a) Absit hæc lex a Cod. Inst. GOTHOFR.

(b) Octavianus Comes Hispaniarum sub Constantino M. cui eidem inscribitur hoc ipso Anno lex 1. supr. de accusationib. v. Prosopogr. ID.

(c) Præfidatus infr. ID.

(d) Ante tempus scilicet & antequam cunctos in patria gradus emens fuissent, per suffragia. ID.

(e) Et Concilium, v. infr. Commentar. ad leg. 1. de Legatis. ID.

(f) De Primatibus his dixi ad l. 13. supr. de desertorib. ID.

(g) Municipales idest, Decuriones b. l. & multis aliis, quas Paratitlon exhibet. ID.

(h) γγ. Adstant, idest, stent. ID.

(i) Honores ciuicos infr. ID.

(k) Et emensus. ID.

(l) γγ. Ordine, addita etiam forte voce, ep. ID.

(m) Honestamenta, b. l. & l. 74. infr. hac tit. sunt honorum prærogativa, προνομία, προβάου της τιμῆς, vide Glossar. ID.

(n) Cordubæ, vt d. l. 1. supr. de accusat. Corduba quippe sedes Comitis Hispaniarum fuit. ID.

COMMENT-

COMMENTARIVS.

DE HONORE seu Prærogatiua & quidem PRÆSIDATVS, qui Decurionibus hac tempestate conferebatur (vt deinceps post Comitum gradus a Constantino Magno adiuuentos, Comitua, *leg. 26. 36. 41. 44. 75. 109. 189. infr. hoc tit.*) est hæc Constantini Magni constitutio: Qua definitur, quinam eo honore potiri possint inter cæteros Decuriones: vbi & obiter ostenditur, in quo honoris istius prærogatiua steterit. De quo prius agendum nobis est.

Prærogatiua igitur isthæc, Præsidatus Decurioni collati, erat hoc honestamentum, vt cum in Consilium cogerentur (quod vtique factum a Duumiris: Duumiri, inquam, Decuriones solebant, id est, Curiam conuocabant, *l. 2. Cod. Instin. cod. tit.* & quidem Primates Curiae, de quibus vide & *leg. 13. supr. de desertoribus*, alique Municipis: vid. plene *infr. tit. de Legatis*;) Decuriones hoc honore decorati sederent, adstantibus seu stantibus aliis Decurionibus. Qui honos obseruandus est. Vti viceuersa hinc notandum, Decuriones de more in consilio stetisse, proculdubio solis Duumiris sedentibus. Sic sane & in prouinciis, & Iudicialis dignitatis prærogatiua isthæc erat, vt & pauci, quibus hoc pro priuilegio datum erat, in secretario residere eum Iudicibus possent, de quo vide *l. unic. supr. de Offic. Iudicum ciuil. l. 1. 2. supr. de Præfectis Prætorio*: & *l. ult. C. Inst. de Offic. diuers. Iud. l. 5. 7. 16. supr. de proximis*: etiam ipsi decuriones, posteaquam patriæ cuncta præstiuissent, Comitua ornati, *d. l. 109. infr. b. t.* Et hæc quidem de hoc Sedendi honore. Nunc de Legis sententia.

Hoc igitur honore potiri eos tantum vult Constantinus Magnus *hac leg.* quibus emeritis Præsidatus honor collatus esset, id est, qui ad hanc dignitatem, seu ad hunc honorem ordine seu gradatim venirent, post expletos honores ciuicos, seu posteaquam cunctos in patria gradus egressi essent: Emeritis scilicet tantum hanc prærogatiuam prodesse voluit: Quod & ipsum postea statutum de Comitua in specie *dict. l. 109.* vbi plenius. Non vero, qui aliter Præsidatus honorem nacti fuissent. Nem-

pe minus decorum visum, eum præ cæteris sedendi prærogatiua lætari, qui pari cum cæteris conditione nexuque Curiae adhuc teneretur. Vbi obiter notandum omnibus honoribus in Curia functis varios olim honores tributos, *Præsidatum, Comituum. Equestris olim quoque dignitas collata, vt ex veterib. Inscript. dicitur est: & ex Cenforino, de die Natali, c. 15.*

Ad rem. Sed finge, quo pertinet vltimus *huius legis* versiculus; ante tempus aliquem hunc honorem indebitum reportasse, seu a Principe impetrasse per suffragia forte, (vt *leg. 5. prox.*) sane, qui in præsens ei honor inutilis est, post honores demum ciuicos expletos, ei proderit, quod *sine legis* statuitur. Et sic hoc casu ab initio inutilis & infructuosus honor, temporis tractu iam conualecet. Cui similis est constitutio Valentiniani Sen. *leg. 57. 58. 65. infr.* nam & ibi pariter Senatoria dignitas in suspensio est. Alia vero aliquando Constantio mens fuit, *leg. 41. 42. infra*: nempe & dignitatum titulis eos frui vult, & nihilominus teneri ad explenda patriæ munera.

Et hæc quidem ita Constantinus Magnus, ne alioquin quæstis umbraculis dignitatum, & honorariis ante tempus codicillis, patriæ munera defererentur: Quam in rem complurimas *Leges* alias exhibet *Paratitlon*.

Duo igitur iam *ωροσπαρα* ex *hac lege* in vsum educamus: Primum, vbi de Dignitatum prærogatiua agitur, ac proinde de iure sedendi & præcedendi, spectandum aliquando qua ratione quis eam Dignitatem emeruerit. Secundum Axioma, Indeptas dignitates non ilico semper, verum post aliquod tantum tempus aliquando prodesse.

Et hæc quidem ita in specie *huius legis* nempe (quæ taxatiua *huius legis*) vbi ad Curiae consilium proceditur. Alioquin extra id impetrata quomodocunque a Principe dignitas, in aliis locis prodesse solet, & statim quidem. Vnde Tertium Axioma conficitur. Pro diuersitate locorum prærogatiuas honorum & dignitatum quandoque variare: de quo v. *diatribam de Iure præcedentie*.

Quibus OFFICIIS seu militiis, quibus DIGNITATIBVS, & quando, Curialis vel Curiae debitus, Curia liberetur.

V. (a) Idem A. ad Bithynos. (b)

EOS qui in Palatio militarunt, & eos quibus Prouinciæ commissæ sunt, quique merito(c) Amplissimarum administrationum honorem Perfectissimatus, vel Egregiatus adepti sunt: Necnon & illos, qui Decuriones, vel Principales (d) constituti cuncta suæ patriæ munera impleuerunt, frui oportet dignitate indulta. Si vero Decurio suffragio comparato, Perfectissimatus, vel Ducenæ, vel Centenæ vel Egregiatus meruerit dignitatem, declinare suam Curiam cupiens, codicillis amissis, suæ conditioni reddatur: vt (e) omnium honorum & munerum ciuiliū discussione (f) perfunctus iuxta Legem municipalem aliquam prærogatiuam obtineat. Eum quoque qui originis gratia (g) vel incolarum, (h) vel ex possidendi (i) conditione vocatur ad Curiam, Perfectissimatus suffragio impetrati dignitas non defendit: Qua remota tradi eum Curiae oportebit. Dat. XII. Kal. Aug. Gallicano & Basso (k) Coss. [317.]

NOTAE.

- (d) Absit & hæc lex à Cod. Iust. Iungenda autem ei lex 3. *supr. de cohortal. lex 1. supr. de Casarianis: lex 1. supr. de murilegulis. GOTHOFR.*
- (b) Nota legem hanc inter alias ad integram prouinciā emissā, seu ad Concilium totius alicuius prouinciæ. *ID.*
- (c) Ita scribendum, non *merito*, vt habent *Editiones superiores. ID.*
- (d) De *Principalibus* his vide *Paratitlen*, qui distincti à Decurionibus (etsi & ipsi Curiales) vel ab *ordine*: vt in *vet. Inscriptione apud Gruterum CCCLXIII. num. 2. V.* de his & Iuretum in *Symmach. p. 227. 228. 229. Edit. Paris. 1604. in 4.* Tertullianum de *Corona militis cap. 13.* Firmicum *lib. 5. c. 2.* Symmachum *lib. 9. ep. 10. l. 2. Cod. Iust. de excus. mun.* Saluianum de *Gubernat. Dei lib. 5. cap. 4.* & basin citat Inscriptionis. Iidem & *Principes ciuitatum*, Vopiscus in *Aureliano cap. 33. in fin.* *Palmyreni principes ciuitatis.* Talis *princeps ciuitatis* Palmyrenæ fuit Odenatus, priusquam imperium arripere, quem ideo Pollio in *Vit. Odenati init.* vocat, *principem Palmyrenorum*, & eadem ex causa Festus in *Breuiar. cap. 23. decurionem Palmyrenum. ID.*
- (e) *yp. At. ID.*
- (f) Vide de hac voce *Glossar. ID.*
- (g) Obserua tres causas, ex quibus quis ad Curiam tenetur: originis gratia, incolatus, ex possidendi conditione: de quæ v. late *Paratitlen. ID.*
- (h) *V. & l. 12. inf. ID.*
- (i) *V. & l. 13. in f. infr. ID.*
- (k) Acute Gothofredus in *Chronol.* colligit, ad *Gallicanum & Symmachum*, i. e. an. 330, forte hanc legem referendam esse, cum hoc anno *Licinius* adhuc Bithynia potius sit, *RITTER.*

COMMENTARIVS.

DIGNITATIBVS quatuor, quæ hac l. exprimuntur (puta *Perfectissimatus, Ducenæ, Centenæ, Egregiatu*) Decurio; Decurionis debitus, a Curia vel Curiali nexu quando liberetur vel non, definit Constantinus M. hac l. Quæ pars est prolixioris Constantiniani Edicti ad Bithynos emissi: cuius tres præterea partes hoc Codice continentur, huic proinde legi coassandæ veniunt: puta lex 1. *supr. de Casarianis: lex 1. supr. de murilegulis & monetar. lex 3. supr. de cohortalibus*: quo Edicto Constantinus M. ad Bithynos emissio, id egit, vt definiret, quando quis quatuor illis Dignitatibus a conditione aliqua, cui nexu est, liberari possit.

Enimvero definit Primo, *Monetarios* nunquam per eas dignitates a conditione sua liberari posse, d. l. 1. *supr. de Murilegulis & monetar.* Secundo, *Casarianos*, post officium demum inculpate completum, d. l. 1. *de Casarianis.* Tertio, *Principilares*, post emeritam pariter militiam, d. l. 3. *de cohortalib.* Quarto tandem & *Decuriones* hac l. nonnisi tribus ex causis: puta I. Si Decuriones in *Palatio* militatint: de quo ad alias *Leges*: Concordat inter cætera eiusdem Constantini *lex 1. supr. de honor. codic.* II. Si *Prouinciæ* his commissæ sint, siue merito amplissimarum administrationum honorem *Perfectissimatus* vel *Egregiatu* adepti sunt. Nempe, prouinciæ administratione Curialem Curialibus muneribus liberari vult hac l. Constantinus M. pariter vt idem Constantinus d. l. 1. *de honor. Codic.* Constantius l. 36. 41. *infr.* (Contrarium vero statuit Theodosius M. l. 106. (vbi de hoc dicam adhuc) & l. 122. 134. *infr.* Arcadius, l. 159. 160. Theodosius Iun. l. 187. *infr.*) Id quod de *Perfectissimatus* nominatim dignitate, rursus constituitur ab eodem Constantino M. l. 15. *infr.* & tribus aliis Constantii, nempe l. 26. 42. 44. *infr.* de quo dicam ad d. l. 26. De aliis etiam dignitatibus idem statuit complurimis aliis legibus. Tertius casus, quo Decuriones Curia liberari possunt, atque di-

gnitates his impetratæ prodesse valent, est: si Decuriones vel Principales cunctæ suæ patriz munera impleuerint. Emeritis scilicet hæ dignitates prodesse possunt. Aliud si suffragio has dignitates Decurio inuenerit: aduersus quas dignitates suffragio quæsitæ plures aliæ hoc titulo occurrunt constitutiones: & tit. de honor. codicill.

In tantum vero hæ dignitates, ac nominatim *Perfectissimatus*, suffragio impetratæ Decurionem a nexu Curiali non defendunt, vt non tantum circa eos qui Curiz iam additi sunt, id obtineat; verum etiam circa nondum Curiales, sed tamen qui ad Curiam vocari possunt: siue Originis gratia, siue incolatus (de quo v. & l. 12. 46. 52. 137. 141.) aut ex possidendi conditione: His enim tribus de causis, (quod primo loco in hac l. obiter obseruandum) quis ad Curiam vocari potest: de quo v. *Paratitlen.*

Secundo notandæ sunt quatuor illæ dignitates sub Constantino M. usurpatæ, quarum h. l. vt & tribus illis, quas illi coassandas ostendi, mentio fit. *Perfectissimatus* (de qua suo titulo *supr.* puta *ult. libri 6.*) *Ducenæ, Centenæ*, de quibus ad l. 3. *supr. de cohortalib.* *Egregiatu*, de qua ad l. 1. *supr. de honor. codicill.*

Tertio obseruandum, hanc constitutionem datam ad Bithynos, seu ad Bithyniam pertinere, quo etiam pertinet lex *10. infr.* sic etiam vt fine l. indicetur Bithyniæ, eiusque ciuitatibus & Curis suas quasdam fuisse leges municipales, & quidem in decernendis prærogatiuis iis Decurionibus, qui omnibus patriz muneribus perfuncti essent: sic sane etiam Plinius, iam olim, sub Traiano Imp. Bithyniæ huius Proconsul, non vna epistola *libr. 10.* apertissime testatur, suas leges quasdam iis fuisse, & quidem ex lege *Pompeia*: & quidem Quatuor has. Primo, vt adscribere sibi quos vellent ciues, id est in Curiam allegere Decuriones *Ελευθερίας* his liceret, dummodo non alienæ ciuitatis: quod sane etiam optime respondet extremis huius l. verbis: vbi definitur tribus illis

lis ex causis, quas dixi, vocari quem ad Curiam posse. Secundo, retro ut certis ex causis Decuriones Curia a Cenforibus eiicerentur. Tercio, ne quis Magistratum caperet, neue in Senatu esset seu in Curia minor annis 30. Quarto, ut in exigendis pecuniis quæ Bithynis debentur protopraxiam haberent. Quare iam & hæc lex notetur, velut titulo ad municipalem socianda. De lege municipali, quæ alibi alia atque alia fuit: v. quæ Cuiacius IX. Obs. 37. Fornerius I. Selection. 12. pag. 20. 21. 22. Tom. II. Thesaur. Iur. obseruauerunt.

Quarto obseruanda h. l. prerogatiua, quæ Curiali omnibus in notitia muneribus functo, decernebatur, nempe Præfidatus seu provincie administrationis: de quo etiam dictum ad l. 4. supr. dicitur & ad l. 60. infr.

Postremo obseruetur Perfectissimatus dignitas, qua Præsides hoc Constantini ævo decorabantur; quod etiam præter hanc leg. docuit quoque inscri-

ptio *supr. leg. 4. de penis.* plura v. in *Paratitlo de Perfectiss. dignit.* Iuvat & ad hanc leg. illustrandam, simul & plures alias, Casiodori locum hic se. P. 350; mel apponere II. Var. 18. *Priscarum LEGVM reuerenda dicat antiquitas, (auctoritas) ut nascendo Curialis, nullo modo possit ab originis sue muniis discrepare, nec in aliud Reipubl. officium trahi, qui tali præuentus fuerit sorte nascendi. Quod si eos vel ad honores transire LVRA vetuerunt, quam videtur esse contrarium, Curialem Reipubl. amissa turpiter libertate seruire?*

Illud etiam hac l. notandum, in tantum dignitates Curialibus non prodesse ad Curiam euitandam, ut etiam *Codicillis* priuari inbeantur; seu auferri illi inbeantur, & dignitates necquicquam prodesse, pariter ut *leg. 24. 25. 26. 27. 44. infr. b. tit.* cum tamen saluis *codicillis* seu dignitate Curie mancipari eos aliarum leges voluerint: l. 41. 42. 69. *infr.*

De CONNVBIO Decurionum cum fæminis seruilibus prohibito.

VI. (a) Idem A. Patroclo... (b)

NVLLA (c) præditos dignitate ad fordida descendere connubia seruularum, etsi videtur indignum (d), minime tamen Legibus† prohibetur: Sed (e) neque connubium cum perionis potest esse seruilibus, & ex huiusmodi contubernio serui nascuntur. Præcipimus (f) itaque, ne Decuriones in gremia potentissimarum domorum libidine (g) ducente confugiant. Si enim Decurio clam Actoribus atque (h) Procuratoribus nescientibus alienæ fuerit seruæ coniunctus, & mulierem in metallum trudi (i) sententia (k) Iudicis iubemus, & ipsum Decurionem in insulam deportari, bonis (l) eius mobilibus & vrbanis mancipiis confiscandis. Prædiis vero & rusticis mancipiis ciuitati, cuius Curialis fuerat, mancipandis, si patria potestate fuerit liberatus, nullosque habeat liberos, vel parentes, vel etiam propinquos, qui secundum Legum ordinem ad eius successionem vocantur. Quod si Actores, vel Procuratores loci in quo flagitium admissum est, fuerunt (m) conscii, vel compertum facinus prodere (n) noluerunt, metallo eos conuenit implicari. Si vero Dominus (o) hoc fieri permittit, vel postea cognitum celauit, si quidem in agro id factum est, fundus cum mancipiis & pecoribus ceterisque rebus, quæ cultui rustico sustinentur (p), fisci viribus (q) vindicetur: Si vero in ciuitate id factum est, dimidiam bonorum omnium partem præcipimus confiscari: poenam augentes, quoniam intra domesticos parietes scelus admissum est, quod noluit mox cognitum publicare. Igitur (r) si Legis laræ die repperietur quisquam patrimonium suum alienasse, atque in dominum seruulæ contrulisse, Ordini liceat diligenter inquirere, ut ita Reipublicæ ciuitatis quod de facultatibus si prædicti fuerit deminutum, in pecunia farciatur. Dat. Kal. Iul. Aquil. (s) Constantino A. V. & Licinio Cæs. Coss. [319.]

NOTAE.

(a) L. 3. Cod. Iust. de incestis nuptiis. GOTHOF.

(b) Patroclus sub Constantino M. de cuius dignitate mox viderimus. ID.

(c) Recisum hoc legis istius principium a Cod. Iust. vsque ad sed neque: quod & ipsum immutatum. ID.

(d) Conuerso more melius, etsi minime legibus prohibetur, tamen videtur indignum. Quamquam & hoc defendi potest. ID.

† Iulia & Papia. ID.

(e) Cum ancillis non potest esse connubium, nam ex Jc. ita Cod. Iust. ID.

(f) Ideoque præcipimus, Cod. Iust. ID.

(g) Seruarum, additum Cod. Iust. ID.

(h) Et, Cod. I. ID.

(i) Detrudi, Cod. I. ID.

(k) Per sententiam, Cod. I. & anteriores Cod. Th. editiones omnes. ID.

(l) *Omnibus bonis eius civitati &c. ita Cod. Iust. de quo mox, ID.*

(m) *Fuerint, Cod. I & mox, noluerint, ID.*

(n) *Promere, Cod. Iust. ID.*

(o) *Loci additum, Cod. Iust. ID.*

(p) *Et quibus cultus rusticus sustinetur. Sustinentur hic forte pro destinatur, ID.*

(q) *Inrib. male. C. Iust. ID.*

(r) *Reliqua resecta a C. Iust. ID.*

(s) *Ibidem data, superiore mense lex 9. sup. de appellat. Lex 1. etiam de matern. bon. supr. hoc ipso anno Aquileiæ data dicitur, cuius tamen subscriptio falsa videtur, ID.*

COMMENTARIUS.

CONNUBIO cum ancillis alienis tanquam flagitio & facinore (quæ causa est cur hæc lex posita sit *C. Iust. sub tit. de incestis nupt.*) decurionibus interdicat *hæc l.* Constantinus M. pariter vt Maiorianus *Nouella 1. de Curialib.* Duplici ratione: Etsi nimirum Decuriones nulla præditi sint dignitate (non est scilicet proprie dignitas Decurionatus, id quod tamen aliis legibus nonnullis statuitur:) item etsi hoc connubium minime legibus (*Iulia & Papia*) prohibeatur, nullæque *leges* sint quibus huiusmodi connubio nuncupatis & disertis verbis interdictum sit, atque adeo licere videatur: attamen fordida sunt hæc connubia, & indignum est ad huiusmodi connubia Curiales descendere: ac si diceret (quod vulgato dicto circumfertur) *non omne quod licet, honestum est*: semperque in coniunctionibus, non tam quid liceat, quam quid honestum sit observandum est. Et hæc quidem honestatis ratio hic a Constantino M. vrgetur, quæ tamen a Triboniano P. 351. omissa fuit, proculdubio quia inuersa hic oratio est. Secunda ratio (quam solam retinuit *Тетков.*) est civilis ratio: nempe quod cum personis seruilibus connubium esse non possit, & ex huiusmodi contubernio (proprio vocabulo, vt vel iuris elementa docent) serui nascantur. Pari ratione, qua & Senatoribus quarundam mulierum connubio *Lege Iulia & Papia* interdictum fuit. Quæ quidem summa ratio (quæ & ipsa initio *huius l.* indicatur) prohibitionis huius est: nempe quia huiusmodi connubium fit in fraudem Reipub. nam cum Decurionum filii Curie quoque teneantur, sane ex huiusmodi contubernio nati, pares Curie seu munerib. publicis esse non possunt, vt pote, qui serui nascantur.

Igitur connubio huiusmodi decurionibus interdicat Constantinus magnus cæteroquin honestatis custos: Eo quod passim libidine ducente Decuriones in gremia potentissimarum Domorum confugerent, id est ancillas potentium connubio sibi iungerent: quasi ea re satis iam tuti futuri, potentium inquam patrocínio, quod passim iam hoc seculo aliis illicitis artibus obredebatur. Quod & ipsum indicat Maiorianus *d. Nouella 1. Illud quoque sibi dedecoris adentes, vt dum uti volunt patrocínio potentum, Colonarum se ancillarumque coniunctione polluerint.* Quanquam fatendum est, quod & ipsum *d. Nou.* indicat, adeo Curiales hac tempestate attritos fuisse iniquitate ludicum & Exactorum, vt eo confugere necesse haberent.

Pœnas porro grauissimas huiusmodi connubio contracto imponit Constantinus: sub hac triplici distinctione.

1. Vel Actoribus & procuratoribus prædiorum nescientibus, hæc connubia contracta sunt: & hoc casu ancillæ pœnam imponit metalli; decurioni, vero deportationis, & bonorum proscriptionis, & hac quidem ratione, vt (quæ diuisio notanda est) bona mobilia & vrbana serui huius Decurionis, fisco acquirantur: prædia vero & rustica mancipia (quæ etiam alias cum fundis ambulant) ciuitati cuius Decurio fuit, mancipentur; si modo Decurio neque patriæ potestati suppositus sit, neque liberos aut parentes aut propinquos seu legitimos successores habeat; Nempe horum potior ratio est, quam fisci aut ciuitatis: vsque adeo bona Decurionis quamlibet deportati relinquuntur.

2. Vel Actoribus aut procuratoribus prædiorum conciliis id factum est, & tum metalli pœnam illis indicit.

3. Et Postremo, si Dominus loci seu fundi, hoc fieri permisit vel etiam postea cognitum, celauit, & sic silentio suo ratum habuit, pœna quoque imponitur: scilicet hac distinctione: vel in agro id factum est, & tum hæc ei pœna imponitur, qua fundus cum mancipiis & pecoribus & cæteris rebus, quæ cultui rustico sustinentur, id est, omni instructo & instrumento rustico, confiscetur: vel in ciuitate id domino loci conscio factum est, & tum diuidiæ partis bonorum confiscationem imponit. Quæ altera differentia singularis notanda est: cuius etiam rationem reddit Constantinus; nempe ideo grauiorem pœnam a se imponi, facinore hoc admissio in vrbe, quam in agro, *Quoniam intra domesticos parietes scelus admissum est*, quod facilius a Domino prohiberi, scirique potuit. Nempe, quod alio vtiliter traduci potest, eo maiore quisque perfundetur inuidia, seu crimine, quo scelus intra parietes domesticos in ciuitate admissum est: vbi disciplina maior habenda, & prohibendi sceleris occasio opportunior est.

Fraudi tandem cuidam occultæ postrema *huius l.* parte occurrit Constantinus (quod & ipsum Tribonianus recidit.) Nempe, Decuriones, huiusmodi potentium ancillas connubio sibi iungentes in dominum ancillæ patrínionia sua alienabant. Igitur iubet Constantinus tantundem in pecunia Ciuitati, cuius decurio est sarciri.

FILII Decurionum a qua etate Curis sociari possunt.

VII. (a) Idem A. ad Edictum. (b)

FILIOS Decurionum, qui decem & octo annorum ætate vegetantur (c), per prouinciā (d) Karthaginē muneribus ciuicis adgregari præcipimus: Neque enim (e) opperientum (f) est, vt soluantur familia, & sacris (g) explicentur (h): cum *Voluntates patrum præiudicare non debeant utilitatibus Ciuitatum.* PP. Kal. Mart. Constantino A. VI. & Constantio Cæs. COSS. [320.]

NOTAE.

(a) Abest & hæc *lex a Cod. Inst. GOTHOF.*

(b) *Ad Edictum* pariter emissa alia duo Constantini rescripta: puta *lex 3. sup. de extraordin.* vbi plene dixi, & *l. 1. inf. de susceptoribus.* ID.

(c) *Vegetandi* vox propria adolescentiæ. ID.

(d) *Prouincia Karthago*: quæ alias *Karthaginensis*, seu *Proconsularis*, nempe de Metropolitana vrbe, quæ in orbe Africano quasi Roma erat, ipsa prouincia Karthago dicta. Ita quoque Sextus Rufus in *Breuiario cap. 4. Per omnem Africam seu prouincia facta sunt: ipsa vrbs (vbi) Karthago est proconsularis.* ID.

(e) Siue etiam. De quo mox. ID.

(f) Expectandum. ID.

(g) *Sacra* patriæ potestatis: quænam illa? iam notum. ID.

(h) *Explicentur*, soluantur. ID.

COMMENTARIVS.

P. 352.

DE FILIIS Decurionum in Curiam allegendis, est hoc Constantini M. rescriptum, seu constitutio: de quo sunt complures *leges*, hoc titulo quas in *Paratitl.* repetere licet. Scilicet Decurionum filii & ipsi Curiali nexu tenebantur originis iure seu gratia, v. & *l. 6. supr.* suoque tempore in Curiam allegebantur, & quidem ex hac Constantini M. lege (quæ duo hac l. capita continentur) iam inde ab octauo-decimo ætatis anno, & quamlibet in patris potestate positi. Præmo *Ætas* scilicet certa quædam vt in Senatore legendo olim, ita & in Decurionibus (qui minores Senatores erant) spectabatur. Est quidem alibi, alioque tempore subinde alia: scilicet *Pompeia lege*, quæ Bithynis data erat (post bellum Mithridaticum) cautum fuerat, ne quis in Senatu seu Curia esset minor annorum 30. Et seruata hac *lex*, & ætas adhuc sub Traiano, (teste Plinio *lib. 10. ep. 83.*) Mox tamen Iurisconsultorum nostrorum ætate, ætas 25. annorum statuta, *l. 6. §. 1. l. 1. pen. §. 1. D. de Decurion. l. 8. D. de munerib. & honor. l. 1. Cod. Inst. qui, & aduersus quos in integr. rest. l. 1. 2. Cod. eod. qui etate vel profess. se exc.* Quas *leges* Iustinianus prætulit; hac protrita & omiſſa. Certe hoc ipsum & in Veteranorum filiis, si non militarent, in Curiam allegendis Constantinus M. primum statuit, *l. 2. sup. de fil. mil. app.* fictamen etiam vt extra ordinem & ex causa minores 25 annis quandoque allegerentur, *d. l. 6. §. 1. d. l. 1. u. & d. l. pen. §. 1. D. de decurion.* Constantinus tandem hac l. plenam pubertatem, ἀκροτάτην ἥσιν, octauum decimum, inquam, annum sufficere putauit (quod deinceps etiam probauit Valentinianus Sen. *l. 58.*) Et rationem tacite indicat, qui decem, inquit, & octo annorum etate VEGETANTVR. Nempe vegetam hanc iam satis & firmatam etatem esse: Qua causa tot illa quæ passim iam obseruantur, huic ætati olim tributa: Quanquam & veteranorum filios, idem Constantinus postea inchoato 18. anno allegi in Curiam voluit, *l. 19. h. t. infr.*

Tandem & post sedecim annos *l. 4. supr. de fil. milit. appar.* quod etiam Constantinus secutus est Sane (quod ad *l. 19. infr.* facit magis) Seruius quoque Tullius teste Tuberone apud Gellium *lib. 10. c. 28.* cum quinque classes iuniorum, census faciendi gratia institueret, ab anno 17. quos idoneos iam Reipubl. arbitrabatur, milites scripsit.

Illud diligenter obseruandum per Prouinciā Karthaginē nominatim hac l. etatem hanc a Constantino statutam: nempe forte etiam quod Africa a natura calidiores, solertes, & sagaces ingeniosque forent, & maturius vegetarentur, etiam in prauum; de quo vide præter alia testimonia, huius æui Scriptorem Orbisque descriptorem sub Constantio & Constante, quem ipse edidi *cap. 53. fin. pag. 269. edit. Gronou. & Firmicum Astronomic. lib. 1. c. ult.* sic vt ab ea etate eos ad Reipubl. admitti periculo vacuum esset. Sane sub Valente Imp. insignis extat hac de re ipsa locus apud Basilium Cæsareæ in Capadocia Episcopum *Ep. 389. fin. 84. edit. Benedictin. ἡγεμόνι*, non vt perperam alioquin fuerat versum, *Duci*, verum ad Rectorem prouinciæ quidem: vbi excusato a Curia patre, propter senectutem (de quo ad *l. 18. infr.*) filium eius vix quadriennem, ἀπὸ τέταρτον ἔτος ἀπὸ γενέσεως ὄντων, in Curiam adscribi, ab eo Rectore, ἰussum, κελύουσας τῇ βαλευτηρίᾳ μετέχειν aduersus leges, liberari postulat; δὲς δὲν χάριν καὶ τοῖς νόμοις ἀκόλαστον: eique parci postulat, donec in virum euaserit: τῷ μὲν προστάξας μέχρι τῆς τῶν ἀνδρῶν ἡλικίας συζητηθῆναι. Erationem addit, quod inutiliter Curia adscriberetur, qui neque reuera Curialium numero haberi, neque munus Curialium obire posset, puta tributa exigere, & annonas militibus præbere (quæ duo sane inter alia Curialium munera fuerunt, de quo ad *l. 8. prox. inf. & l. 11. sup. de erogat. mil. ann.*) & γὰρ δὲ πᾶς τὸ παιδίον εἰς βαλευτὰς συντελέσει, ἢ ἐκλήξει τὰς

ἰσΦορὰς, ἢ ἐπαυλῶντος ἡγεγνήσῃ τοῖς σιτηρίοις: non enim puerulus in curialium album adscribetur, aut tributa colliget, aut militibus annonam suppeditabit. Sic sane & olim iam infantes decurionibus adscripti, sic tamen, ut interea onera municipalia eis mandari non possent, l. 21 §. 6 D. ad municipal. l. 1. Cod. Iust. de munerib. & honor. Et hæc de ætate.

Secundo, Constantinus Filios Decurionum, quamlibet in patria potestate constitutos & patre inuito allegi vult. Quod etiam iam olim obtinuit (sic tamen ut hoc casu pater ex filii actu non teneretur, l. 2. 21. §. 2. D. ad municip. l. 5. Cod. Iust. de Decurion.) Et rationem elegantem Constantinus

addit, quæ alio recte traduci potest, voluntates patrum præiudicare non debere utilitatibus civitatum. Cui concinit germana illa Hermogeniani ratio, l. 14. D. ad Sc. Trebell. Nam quod ad ius publicum attinet, non sequimur ius potestatis: addatur & lex 9. D. de his qui sui.

Ethæc quidem est huius l. sententia: ubi tamen nexus seu vinculum duarum huius l. sententiarum spectandum venit: neque ENIM opperendum est &c. ubi si vox enim recte habet, tum colligi ex hac l. posse videatur, filios familias in prouincia Karthagine ferme a patribus solutos & patria potestate liberatos, ubi ad maiorem ætatem peruenissent.

*De NOMINATIONVM tempore ad munus publicum,
& de APPELLATIONE quæ nominatis
competit.*

VIII. (a) Idem A. ad Florentium.....(b)

DECURIONES ad Magistratum, vel Exactionem annonarum (c) ante tres menses, vel amplius, nominari debent: ut si Querimonia (d) eorum iusta videatur, sine impedimento in absoluedi locum alius subrogetur. Dat. Id. April. Constantinop. (e) Seuero & Rufino Coss. [323.]

P. 353.

NOTAE.

- (a) *Lex 1. Cod. Iust. de Magistr. munic.* Iungenda huic lex 12. *sup. de appellat. GOTHOFR.*
 (b) An Rationalem: ut anno 320. l. 1. *sup. de custod. rer.* quod suadet exactionis annonarum mentio *hac l. & d. l. 12.* Florentinus porro vocatur is *d. l. 12. & dict. l. 1. Cod. I.* Florentinus PP. *ID.*
 (c) Annonariam, *d. l. 12. ID.*
 (d) *Querimonia* proprie; non appellatio: *d. l. 12.* ubi de eo expresse. *ID.*
 (e) Ridicula vox hæc, & *hic, & d. l. 12. ut & l. 3. sup. de veteranis*: aliisque locis. Neque dum enim Constantinopolis erat. Nam quod hanc leg. nonnulli Licinio tribuunt, & substitutum hic Constantinopoleos nomen loco Byzantii ab *huius Codicis* Conditoribus aiunt, erroneum est. *ID.*

COMMENTARIUS.

DE NOMINATIONE Decurionis ad Duumviratum, intra quod TEMPVS seu spatium facienda sit, est hæc Constantini M. constitutio, sed tamen in effectu, de APPELLATIONE, quæ nominatis ad munus aliquod competeat; sic ut in hoc Appellationis argumento hæc vna e quatuor Constantinianæ constitutionibus sit. Prima enim fuit l. 2. *supr.* Secunda est lex 10. *supr. de appellat.* Tertia, lex 12. *d. t. de appellat.* (quæ cum hac coniungenda est;) Et hæc nominatio est de Decurione nominato ad Magistratum, (pariter ut lex 16. *inf.* eiusdem Constantini) id est, Duumviratum, & Exactionem Annonarum, pariter ut *dict. l. 12. supra de appellat.*

Igitur iubet Constantinus, ut Decurio ad duo illa munia (ad Duumviratum, inquam, & exactionem annonarum) nominetur tribus ante mensibus vel amplius, antequam scilicet munera illa obeunda sint, ut ita si nominatus iure appellauerit in eius locum sine impedimento alius subrogetur. Quod

iusti spatii seu temporis præscriptionis genus notandum est: ut ita muneribus publicis suo tempore consultum esse possit, suasque retro Nominati excusationes proponere queant. De spatio sane quod ad appellandum in hac re datur, dictum est ad *d. l. 2. supra.*

Ex hac interim quoque lege, & *d. l. 12.* (huic coniungenda) apparet, ex Decurionibus, tributorum seu annonarum Exactores sumptos; quod etiam ostendunt lex 14. *infr.* & l. 117. & 185. *infr.* & lex 3. *supr. de honor. codicillis*: lex 12. 16. *supr. de exactionib.* lex vn. *de priuil. dom. Augustæ.* Nouella Maioriani *de curialib.* i. vers. *compulsor.* Quin & Libanius *Orat. περί ποταμίων*, num. 3. pag. 8. edit. *Gothofr.* & pag. 366. inter *Opuscul. Gothofred. Cl. Troitz.* ad quem locum iam scripsi. Tandem & Basilii *Epist.* 389. *siu. 84. edit. Benedictin.* cuius verba retuli iam ad leg. 7. *prox. supra*, & Ep. 421. *siu. 311. edit. Benedictin.* ad *περὶ εὐρυτα*, id est, ad *Principalem.*

PROFICISCI ad Principem Curialis quocunque nomine
sine Rectoris commeatu non
potest.

IX. (a) Idem A. ad Hilarianum (b) Proc. Afric.

SI quis decurio, vel propriæ rei causâ, vel Reipublicæ, cogatur nostrum adire Comitatum (c), is non ante discedat, quam, insinuato Iudici (d) desiderio, proficiscendi licentiam consequatur. Quod si, pro sua audacia, parui aliquis hanc fecerit iussionem, deporationis (e) exitum (f) fortiatur. PP. VII. Id. Iul. Karthag. Crispo III. & Constantino III. Coss. [324.]

NOTAE.

- (a) *Lex 16. Cod. Inst. eod. tit. GOTHOF.*
(b) *Hilarianus* Proconsul Africae sub Constantino M. Proculdubio hicidem ille est, qui ante octennium A. 316. Corrector Lucaniae & Brittiorum fuit: cuique inscribitur *lex 3. sup. vid. Profopogr. ID.*
(c) *Comitatus* est, ubi rerum domini sunt, ut Interpres recte ad l. 20. b. t. notat; de quo plura in *Glossar. Theod. ID.*
(d) *Iudici*, id est rectori provinciae. v. *Gloss. Glossa, Iudicem terræ suæ dixit, & diuinavit. ID.*
(e) *Indignationem Competentem*: ita *Cod. Inst.* Arbitrariam scilicet, poenam Tribonianus impositam voluit. *ID.*
(f) Et *exitum*, vel *exilium*. Sane & *exilium deporationis* dicitur: l. 1. ad l. Iul. de ambitu. *ID.*

COMMENTARIVS.

PROFICISCI Decurio ad Comitatum, seu ad Aulam Principis, absque commeatu, seu licentia Iudicis, id est Rectoris Provinciae prohibetur hac l. a Constantino M. idque sub deporationis poena. Ac nominatim in sp. huius l. Decurio Karthaginensis, sine licentia Proconsulis Africae. Cuius rei Ratio non ea magis est, ne promiscuis peregrinationibus Curiae desolarentur, quam ne hoc obtentu Principi Decuriones passim obstreperent. Id quod ad curam suam Constantinus summopere reuocauit, non tantum facinus hoc Audaciae nomine perstringendo, verum etiam seuera deporationis poena imposita persequendo. Alia vero iam in genere ratio est legis 9. Cod. Inst. de offic. Rect. provinc. nam & ibi Principis iussus requiritur, & provinciae totius ratio vertitur. P. 354. Ut & alia ratio & generalior Episcoporum & Beneficiorum omniumque qui absentare se non possunt sine licentia. Alia item ratio litigatorum, quibus post appellationem non nisi post certum tempus ad Comitatum proficisci licet: Et interim tamen hæ tres diuersæ species notandæ sunt, & inter se accurate distinguendæ: hic enim ad Comitatum Principis proficisci signate vetantur decuriones.

Disimile etiam est quod olim Senatoribus interdictum Imperatorum scitis, ut ne innoxia Principis iussione peregrinarentur: de quo Suetonii locus est Iulio, c. 42. Caligula, c. 29. Claudio, c. 23. Taciti lib. 12. Annal. cap. 23. Dionis lib. 52. extremo. Suidæ in V. Κλάυδιος: & l. 22. §. 6. D. ad Municipal. Id enim ceu arcanum Imperii primum adiuentum, firmando Imperio, ne quis videlicet Senatorum hac occasione conciliare sibi milites aut provinciales posset. Non eadem igitur de causa, qua Decurionibus id hac l. interdictum, ne Roma terrarum opimatissima sub tractis incolis rarefceret, ut ait Cassiodor. III. Var. 21.

Et hæc quidem prohibitio, (quæ Ampliatio notanda est) non tantum pertinet ad Decuriones profe-

cturos ad Comitatum suæ rei causâ, verum etiam ad Legatos Reipubl. causâ; veluti si quis Decurio Ciuitatis Carthaginensis decreto in Ambasciatam, ut loquuntur, ad Principem mittatur: de quo peregrinationis onere & Legationis genere quod Decurionibus incumberebat, suo tit. infr. de Legatis. & l. 189. inf. b. tit.

Neque tamen hæc lex est de omni Decurionum peregrinatione, verum (quæ Limitatio notanda videtur) de ea quæ fit ad Comitatum seu ad Principem. Voluit scilicet Constantinus a Proconsule Africae peti hanc licentiam: ne eo incio quisquam Decurionum ad Principem proficiceretur, qui superflua peregrinatione ei obstreperet. De quo plene tit. de legatis inf.

Notandus igitur, honos hic qui Proconsuli Africae delatus, ut ab eo videlicet licentia postularetur, etiam si Reipubl. causâ quis ad Principem mitteretur. Qui idem honos est, qui Praefectis Praetorio alibi tributus ab eodem Constantino M. ut docet lex 4. infr. de legatis. An vero ipsa desideria seu decreta, ad eius cognitionem & examen perferenda sint, dicitur de eo ad d. leg. 4.

Ex hac interim quoque lege discimus Legatos a ciuitatibus ad Principem, & Decurionibus sumptos, ἀρχὴς τῶν τῆδε πολιτευομένων, ut Libanius testatur etiam, ep. 797. ad Photium. v. & Amm. Marcellinum lib. 28. c. 6. Idemque colligere licet ex l. 189. infr. hoc tit. Sic ut onus id curialium esset, idque obire cogentur ut hæc lex docet, & diff. lex 189. Itaque peregrinationis onus id, incumbere dicitur eadem leg. & pro singulari beneficio quidam excepti eadem l.

Ex hac iam l. colligunt interpretes, cogi quem posse suscipere Legationem seu Ambasciatam: Quod hac sane l. recte de Legationibus provincialium ad Principem, deque Curialibus definitur, quia Curialium Corpus huic oneri obnoxium erat.

MILITIA *Curialem Curia non liberat.*

X. (a) Idem A. ad Maximum..... (b)

QUONIAM diuersis præstitimus, ut Legionibus, vel Cohortibus deputentur, vel Militiæ restituantur (c), quisquis huiusmodi beneficium (d) proferat, requiratur, utrum ex genere Decurionum sit, vel ante nominatus (e) ad Curiam, ut si quid tale probetur, Curia suæ & ciuitati reddatur. Quam formam circa omnes, qui iam dudum probati in Militaribus officiis agunt, vel restituti militiæ sacramento muniantur (f) vel postea per suffragia probabuntur (g), obseruari conueniet. PP. V. Id. Iul. Antiochiæ (h) Paulino & Iuliano Coss. [325.]

NOTAE.

- (a) Abest & hæc lex a *Cod. Iust.* seu horum temporum propria: Iungendaque huic videtur lex 4. *sup. de Veteranis.* GOTHOFER.
 (b) *Maximus* hic erat Vicarius Orientis; ut docet lex 12. *inf.* & lex 1. *Cod. Iust. in quibus causis coloni cap. cens. & subscriptio huius l. & d. l. 4. PP. Antiochiæ. ID.*
 (c) Ita sine legis, *restituti militiæ. ID.*
 (d) Rescriptum Principis seu indulgentiam, *ID.*
 (e) V. & l. 13. *inf. ID.*
 (f) Sustineri possit, sed tamen melius *muniantur. ID.*
 (g) Ut supra, *probati in militaribus officiis agunt.* De hac voce v. leg. 1. *supr. de Tyron. leg. 2. & 5. supr. de fil. mil. appar. ID.*
 (h) *Antiochia* vertex Orientis. *ID.*

P. 372.

MILITIA, *Curialis Curia non liberatur, nisi PRIMIPILO iam obnoxius sit.*

XI. (a) Idem A. ad Constantium PF. P. (b)

QUONIAM relictis Curia nonnulli ad Militiæ præsidia confugiunt, omnes, qui nondum primipilo (c) inueniuntur obnoxii, solutos militiæ ad eandem Curiam reuertere præcipimus: his tamen in militia permanens, qui pro loco (d), adque ordine iam pars tui (e) addiuntur. Dat. Non. Octob. Paulino & Iuliano Coss. [325.]

NOTAE.

- (a) Abest hæc lex a *Codice Iust. GOTHOFER.*
 (b) *Constantius* PP. sub Constantino M. Eidem inscribitur Anno superiore 324. lex 1. *inf. de infirmis. his quæ sub Tyr. ubi remouentur Licinii constitutiones & leges, & anno 327. lex 2. sup. de famil. heredit. Imo & Anno 315. lex 1. sup. de cohort. & lex 1. sup. de curs. publ. ubi dicitur Accepta Cavalis. Inscribitur eidem & lex 1. Cod. Iust. de agricolis & mancipiis: quæ & ipsa est de Curia, & forte huic iungenda. Neque dubito, quin hic Constantius Constantini M. ex patre frater, Galli & Iuliani pater sit: quique postea a Constantio Imp. (cuius patruus erat) occisus fuit. *ID.*
 (c) *Primipilo*, id est *pastus* (ut mox vocatur) *militari*: de quo *Primipilo, sup. leg. 6. de cohortalib.* Theodori Hermopolitæ locus inter alios, notetur lib. 9. tit. 19. *πριμπίλων ἐστὶ τὸ τοῖς πρώτοις ἀποντιταῖς στρατιώταις διδόμενον σιτηρεῖον, ὃν διατεμὲν τὰ τοῦ ἀντοῦ: Primipilum est annona, quæ datur primipili centurionibus, ut inter milites distribuatur. l. D.* Locum adduxit ex Schedis Theodori ineditis iam olim CVIACIVS ad leg. 3. *Cod. Iust. de cohortalib.* & post hunc CL. DV FRESNE *Gloss. græc. voc. πριμπίλων.* Quem consule. RITTER.
 (d) Loci vox propria. v. *Gloss. Theod. GOTHOFER.*
 (e) *γρ. Pastui.* Nimis enim remotum, quod Ranconnetus tentauerat, & ad superiorum *Cod. Theod.* editionum oras adnotatum, *Primipilatus.* *Pastus* vox hac in re propria, b. l. & l. 18. *sup. de extraordinariis.* Hinc & coniunctum, *pastus primipili, l. 8. 10. 11. 16. sup. de cohortalib.* *pastio primipili, l. 6. sup. de diuers. offic.* ipsique *Primipilares* ad pascendos milites solemniter ad limitem destinari dicuntur, l. 6. *sup. de Cohortalib.* De quo lib. 7. tit. *de erogas. mil. ann. ID.**

COMMENTARIUS.

MILITIA armatz, vel etiam Officialis obtinenda, ne Curia desolarentur seu vacuarentur, tribus constitutionibus hoc titulo Constantinus M. cauendum sibi putauit: puta his duabus legibus, & tertia insuper l. 13. *inf. b. l. &* quidem intra vnius

anni metas, qui incidit in annum Domini 325. & 326. Rursum intra Orientem ferme: nam & Maximus, cui prior hæc lex inscribitur, Vicarius Orientis fuit; quod docet lex 12. *sequens.* Imo & huius legis decima subscriptio, PP. Antiochiæ; pariter ut legis 4. *supr.*

supr. de Veteranis, quæ etiam huic decima l. coniungenda videri possit: quæque insuper argumento non disconuenit: nam & ea pariter Constantinus M. cauet, ne rei tributariæ, militiæ obtentu nimia fraus fieret. Superioribus scilicet annis, Licinio adhuc in Oriente rerum potente, vel vltro Curialium nonnulli ad Militiam confugerant, siue pro Constantini, siue pro Licinii partibus: vel etiam ipse Constantinus (quod proficitur ipse l. 10. *supr.* & l. 13. *infr.*) diuersis supplicantibus pro beneficio præstiterat, vt legionibus, seu militiæ Legionariæ, vel Cohortibus, id est, militiæ cohortali (nisi malimus hoc accipere de cohortibus militaribus, arg. l. 13. *infr.*) deputarentur, militiæ restituerentur. At nunc Constantinus, Licinio haud ita pridem, & recenter denicto, totiusque Orbis iam Dominus, atque ad pacis studia conuersus, militumque haud adeo egens, Ciuitatum commodis consulturus, omnes ad Curiam reuocari iubet: Neque eos tantum qui Curiali genere essent, verum etiam eos, qui iam ad Curiam nominati ad militiam confugerant: & sic, quod pariter ait l. 13. vel originem defugerant, vel spreta nominatione militiæ sese inferuerant (hæc scilicet duo decurionum genera fuerunt) alii inquam originales erant, seu origine Curiales, alii nominatione qui ad Curiam nominati lato inter Patres iudicio, quia scilicet, vt eadem *lex* ait, substantiam muneribus aptam possidebant, de quo & l. 5. *supr.* & plene *Paratitlon*. Et hæc quidem ita absolute Constan-

tinus l. 10. & d. l. 13. *infr.* At enim postea duæ ab eo exceptiones additæ, quarum prior continetur l. 11. puta eos ad Curiam non reuocandos, qui primipilo inueniuntur obnoxii, seu qui pro loco & ordine iam pastui (militari scilicet) attinentur, de quo *tit. de erog. mil. annon.* Altera, quæ continetur l. 13. & in præteritum, nempe eos e militia non reuocandos, qui viginti iam stipendia meruissent: & sic ante Imperii sui exortum (qui incidit in extrema Anni Domini 306.) ad militiam confugerant. Sane aliorum postea Imperatorum Constitutionibus est vbi nullius omnino temporis militia, vt Constantii l. 45. *infr. b. t.* est vbi breuior militia a Curiali conditione liberare cœpit, veluti quindecim annorum, scilicet trium lustrorum, ex Valentiniani Iun. constitutione l. 95. *b. t.* decem annorum ex Iuliani l. 56. *infr. b. t.* & Theodos. Iun. l. 28. *sup. de Cohortilib.* quinque ex Constantii l. 1. *sup. de Tabulariis*: Constantii l. 38. *infr. b. t.* Valentiniani Sen. l. 64. *infr. b. t.* & l. 6. *sup. de re militari*, cuius mentio fit, l. 16. *sup. de agentib. in reb. & leg. 28. sup. de cohortilib.* & Valentiniani Iun. l. 88. *infr. b. t.* Tandem, viginti annis, Constantini nostri l. 13. *infr.*

Notentur itaque quatuor hæc διαστήματα & interualla, per singula scilicet quinquennia: Quinquennalis, Decennalis, Quindecennalis seu trium lustrorum, & sic Indictionis integræ, Vicennalis tandem militiæ. Quæ omnia proculdubio ita varie statuta, prout militis tum vsus esset.

P. 376.

INCOLATVS in alia ciuitate obtentu, originali curia nemo liberatur.

XII. (a) Idem A. ad Maximum (b) Vic. Orient. (c)

SI qui vel (d) ex maiore, vel ex minore Ciuitate originem ducit, si, eandem euitare studens, ad alienam se ciuitatem incolatus occasione contulerit, & super hoc vel preces dare temptauerit, vel qualibet fraude niti, vt originem propriæ ciuitatis eludar, duarum ciuitatum Decurionatus onera sustinear, in vna voluntatis, (e) in altera originis gratia. PP. VIII. (f) Kal. Ian. Paulino & Iuliano Coss. [325.]

INTERPRETATIO. Si quicumque Curialis de ea in qua natus est ciuitate ad aliam (g) transire voluerit, condicionem curiæ debitam nullatenus possit euadere, nec si hoc ipsum meriti (h) interposita supplicatione tentauerit, nec vilo argumento necessitatis aut (i) seruitia ciuitatis suæ, pro eo quod habitationem mutare voluit, possit euadere. Nam quicumque hoc fecerit, & se in aliam ciuitatem transtulerit, hoc iubet, vt in vtraque seruiat ciuitate, hoc est, in vna pro condicione nascendi, & in alia pro habitandi voluntate deseruiat.

NOTAE.

(a) *Lex 5. seu vltim. Cod. Iustin. de municipibus & originariis. GOTHOFR.*

(b) Eisdem Maximo Vicario Orientis inscribitur Cod. Iustin. *lex 1. in quibus causis coloni censiti dominos accusare possint lib. 11. tit. 49.* Sed & dignitate ommissa, *lex 10. supra hoc tit. & lex 4. supr. de Veteranis.* Quanquam & subscriptio dictæ legis 10. etiam argumentum aliquod dignitatis in Oriente gestæ, præbet, hæc videlicet PP. Antiochia. Antiochia enim apex Orientis erat: de quo suo loco. Inscribitur ei & hoc ipso Anno, dignitate addita *lex 1. infr. de gladiatoribus*, ita Maximo PP. id est, Propræfecto: vbi etiam in subscriptione dicitur *lex PP. Beryto.* Errauit vero nuper Geographiæ sacræ Auctor, cum Vicarium & Comitem eundem fecit p. 276. *Edit. Amstelod. 1704. in f. ID.*

(c) Hinc & ex d. *lex 1.* notandum Orienti Vicarium hac tempestate præfuisse, cui tamen postea Comes præfuit. *ID.*

(d) Si quis cum &c. eandem &c. omisso altero si, Cod. Iust. *ID.* Si quis vel ex mai. &c. Cod. G. & Sighard. *RITTER.*

(e) Et in altera, Cod. Iust. in vna voluntatis, vna originis gratia, Cod. G. in vna voluntatis, in alia origin. Sighard. vna voluntatis, in vna origin. prima Cuiac. & Edit. in 4. *ID.*

(f) *V. Kal Ian. Cod. G. ID.*(g) *Ciuitatem* additur in Cod. G. ID.(h) *Nec si hoc ipso mereri*, Cod. G. *nec si hoc ipsum mereri*, Sichard. ID.(i) *Aus* abest a Cod. Goth. ID.

COMMENTARIUS.

INCOLATV alienæ ciuitatis, ius originis & Decurionatus onus euitari non posse definit *hac lege* Constantinus Magnus, quin contra, duarum ciuitatum onera ab eodem sustineri iubet: quod & ipsum iam olim cautum *leg. 1. Cod. Iust. de municip. & origin.* quæ & ipsa ad Syriam Phœnicen, Orientis prouinciam pertinet: quo spectat *hæc lex*.

Peculiare vero illud habet *hæc lex*, Primo, quod etiam *Rescripto* a Principe impetrato hæc in re locum esse nolit: ut cæteroquin *Rescripta* aduersus utilitatem publicam non valent: de quo vide *Paratitl. de diuers. rescript.* aliasque plures *leges* in id ipsum *hæc tit.* Huiusmodi vero *Rescripta* a Licinio impetrata antea fuisse videntur.

Secundo, peculiare id habet *h. l.* quod id obtinere nolit, siue ex maiore ciuitate quis ad minorem confugerit, quod sane euitandi maioris sumptus & oneris gratia quidam faciebant: cuius facti quoque exemplum extat *in l. 101. infr. hoc tit.* siue ex minore ad maiorem; quod maioris honoris captandi causa alii moliebantur: Non sunt scilicet suis defraudandi Curialibus minores Ciuitates, maiorum obtentu, ut nec suis voluptatibus aut ornamentis, de quo vid. *infr. de operib. publ. & tit. de scanicis.*

Vtrobique igitur Constantinus *hac leg.* Decurionatus onera sustinere eos iubet, & in loco originis, originis gratia; in altero, voluntatis seu incolatus ratione: quomodo & *leg. 5. supr.* seu pro habitandi voluntate, ut *Interpres* ad *hanc leg.* Quod & ipsum diserte cauetur *d. l. 1. Cod. Iust. de municip. & orig.* & postea Iulianus probauit *leg. 52. infr.* & quidem per eandem Phœnicen, Orientis prouinciam. De Decurione per Incolatus ius, vid. fufius in *Para-*

titlo. De eo sunt & hæc Inscriptiones: vna in Hispania, apud Gruterum CCCC XXXII. 7.

L. LVCRETIO. SEVERO. PATRICIENSI. ET. IN. MVNICIPIO. FLAVIO. AXATITANO EX. INCOLATV. DECVRIONI QVAM. TESTAMENTO. SPONI. SIBI. IVSSIT. DATIS. SPOR TVLIS. DECVRIONIB. M. F. AXATITANI. SIMVS. XII

Altera Dix Vocontiorum, quæ olim Dea Augusta, apud Gruter. CCCC LXXXIII. 2.

SEX. VENCIO
IUVVENTIANO
FLAMINI. DIVI. AVG
ITEM. FLAMINI. ET. CVRATORI. MVNERIS. GLADIATORI. VILLIANI. ADLECTO. IN. CVRIAM. LVGDVNENSIVM. NOMINE INCOLATVS. A. SPLENDIDISSIMO. ORDINE EORVM
ORDO. VOCONTIOR EX. CONSENSV. ET. POSTVLATIONE. POPVLI OB. PRAECIPVAM EIVS. IN. EDENDIS SPECTACVLIS. LIBERALITATEM

P. 357.

MILITIA Curialis ut & substantiam muneribus aptam possidens, Curia non liberatur.

XIII. (a) Idem A. ad Euagrium PF. P. (b)

QVONIAM Curias desolari cognouimus, his qui per originem obnoxii sunt Militiam libi per supplicationem poscentibus, & ad Legiones, vel diuersa Officia currentibus, iubemus, omnes Curias admoneri, ut quos intra viginti stipendia in Officiis deprehenderit, (c) vel originem defugisse, vel sprete nominatione, (d) militiæ se inseruisse, hos ad Curiam retrahant; & de cetero sciant esse seruandum: & (e) qui * derelicta Curia militauerit (f), reuocetur ad Curiam: non solum si originalis sit, sed & si substantiam (g) muneribus aptam possidens ad militiam confugerit, vel beneficio nostro fuerit liberatus. Dat. XVI. Kalend. Iun. Constantino A. VII. & Constantio Cæs. Coss. [326.]

NOTAE.

(a) Potissima huius l. pars a Cod. Iust. recisa est. GOTHOFR.

(b) *Euagrius PP.* huic inscribitur hoc ipso Anno *lex 2. supr. de Custod. reorum*, (omissa dignitate) *lex 2. supr. ad leg. Iul. de Adulter. lex 1. Cod. Iust. de his quæ vi metus causa*: De eo vide *Indicem Personarum. ID.*(c) *yp. deprehenderit*, Curia scilicet. ID.(d) *Vid. & l. 10. supr. ID.*(e) *yp.*

(e) *79. Vt. ID.*

* *Lege 17. C. Inſt. eod. tit. hæc vnica ſententia continetur cæteris reſecatis. ID.*

(f) In *Legione* ſeu militia Armata, vel in *Officialium* militia. *ID.*

(g) De hoc vide quæ noto ad *l. 53. infr. ID.*

C O M M E N T A R I V S.

Hæc lex iam ſatis explicata eſt ad *d. l. 10. n. ſupr.*

De FILIIS COMITVM, Præſidum, Rationalium, Magiſtrorum rei priuatae, Curiali origine deſcendentibus: deque SENATORIBVS ad Curiam reuocandis, vel non.

XIV. (a) Idem A. ad PF. P. (b)

DVDM (c) Lege † promulgata ſanxit Noſtra Clementia, *Vt filii Comitum* (d) & *Præſidum, & Rationalium, Magiſtrorumque priuatae*, (e) *qui tamen ex origine Curialium deſcendunt, Ordinibus neſterentur*, nunc præcipimus, Vt qui (f) *perfuncti muneribus idonei reperi ſint* (g), iudicio Clementiæ Noſtræ accedere ad honores præcepti, ad honeſtas promotiones perueniant: Eos vero quos neſcit Principaliſ auctoritas, iudicio Præfecturæ commiſimus, vti eos qui ex genere videntur (h) eſſe Curialium, & minus apri iudicio Principali, Ordinibus propriis reſtituent: (i) Illos vero quos iudicio noſtro proueximus, intactos eſſe perſiciant: Ita tamen vt hæredes eorum Curiis mancipentur. Si quis ſane Decurio euerrens ſiscalia (k) commodata, fugiens Curiam, ambitu ad Senatum Orbis inclytum (l) peruenierit: minime admittatur. Dat. VIII. Kalend. Decembr. Conſtantino A. VII. & Conſtantio Cæſ. Coſſ. [326.]

N O T A E.

(a) Ab eſt hæc lex a *Cod. Inſt. GOTHOFR.*

(b) Intercidit hic nomen Præfecti Prætorio; vel ſane ad omnes Præfectos Prætorio hæc lex data fuit, pariter vt *lex 18. infr. ID.*

(c) Quando? *ID.*

† Lex hæc Conſtantini M. non extat, *ID.*

(d) Rei militaris. *ID.*

(e) Scilicet rei. De his *Magiſtris rei priuatae*, dixi plene ad *leg. 2. ſupr. de iure ſiſci*: vid. & *leg. 1. ſupr. de collat. fund. patrimon. ID.*

(f) Hæc vox ſuſpecta videatur: & malit quis, *quique*, id eſt, quicumque: vel *ſinguli*: vel denique *illi. ID.*

(g) Melius, *ſunt*: locusque ita interpungendus, *præcipimus, vt quique perfuncti muneribus, idonei reperi ſint, iudicio Clementiæ noſtræ accedere ad honores: præcepti* (iuſſi vel excepti) *ad honeſtas promotiones perueniant. ID.*

(h) Id eſt, *ſunt. ID.*

(i) *Reſtituant*, vt habent Editt. prim. Cuiac. & illa in 4. *ID.*

(k) *Fiſcalia commoda. ID.*

(l) *Senatus orbis inclytus*, Senatus Urbis Romæ. *ID.*

C O M M E N T A R I V S.

P. 358.

DE FILIIS Decurionum, ſi modo lex hæc vitio caret, eſt hæc altera *hoc tit.* Conſtantini M. conſtitutio (prima quippe fuit *lex 7. ſupr.*) ſupplendis Curiis maxime intenti. Atque vt illa id voluit Conſtantine, vt filii Decurionum ab octauodecimo anno, quamlibet in patria poteſtate poſiti, ad Curialia ſeu ciuica munera vocarentur: ita ea lege, quam hic a ſe antea promulgatam memorat, quæque *huius* occaſionem præbuit, id voluerat, Vt filii Decurionum, quamlibet parentibus ad Dignitates ſubuectis, Ordinibus ſeu Curiis neſterentur: veluti ad *Comitis, Præſidis, Rationalis, Magiſtri rei priuatae* dignitatem: Quæ quatuor dignitates hoc Conſtantini æuo ordinariæ fuere, ciuiles ſcilicet, militares, fiſcales: E quibus etiam vltima, *Magiſtri ſcilicet rei priuatae*, vltra Conſtantini, eiſque liberorum im-

perium non ſtetit, quod oſtendi ad *l. 2. ſupr. de iure ſiſci*. Ad quas dignitates e Curialibus nonnulli promouebantur: de *Præſidatu*, vide quoque *legem 45. ſupr.*

Hæc quidem ita Conſtantine Magnus anteriore illa lege ſua: Atenim eam nunc temperare ei ita viſum. Nempe, Comitum, Præſidum &c. filios ex origine Curiali deſcendentes, ad Curiam reuocari vult: Niſi & ipſi ſuo (Principis) iudicio iam ad honores aliquos & honeſtas promotiones euecti ſint (ſic tamen vt eorum hæredes Curiis mancipentur) & hæc de primo *huius l. capite*. Vbi obiter notandum, Decuriones ad honores, dignitates & adminiſtrationes euectos ſub Conſtantino M. & iure quidem. Non item honorarios codicillos ab his iure impe-

impetrari potuisse: de quo etiam *l. 1. 2. 3. supr. de hon. Cod.*

Secundo capite *huius legis* Constantinus M. vetat quemquam Decurionem SENATOREM fieri, vel factum admitti, qui fiscalia commoda euerterit, atque ideo Curiam fugerit, ubi tria obseruanda sunt. I. *Ad Senatum* & Senatoriam dignitatem Decurionem aspirare potuisse hoc tempore, dummodo non fiscales rationes lacerasset. Atenim postea id abesse ferme prohibitum vel saltem nisi post fun-

ctiones omnes, & omnia patriæ munera expleta, permissum. Quo pertinent viginti sex præterea *huius tituli leges*, quas repete ex *Paratitlo*, & *Nouella* Theodosii in id expressa, *Ne Decurio ad Senatoriam dignitatem aspiret*. 8. II. Decuriones fiscalia commoda tractasse, quod de exactionibus annonarum accipio: de quo dixi ad *l. 8. supr.* III. Ad Senatoriam dignitatem adspirasse Decurionibus nonnullos ideo, ut ratiociniis fiscalibus se se subducerent, cui fraudi *hac l.* occurritur.

De VETERANORVM filiis ad Curiam vocandis.

XV. (a) Idem A. ad Annium Tiberianum (b) Com.

VNIVERSIS prouinciarum (c) Rectoribus intimato, Nostram Clementiam statuisse, Veteranorum filios Curialibus muniis innectendos: ita ut, & hii qui Perfectissimatus (d) sibi honore blandiuntur, trusi in Curiam, necessariis officiis publicis inferuiant. PP. XI. Kal. Mal, Karthag. Constantio & Maximo Coss. [327]

NOTAE.

(a) Abest & hæc *lex a Cod. Iust. GOTHOF.*

(b) Eidem *Annio Tiberiano* Comiti, inscribitur anno superiore 326, *lex 1. infr. quemadm. mun. ciuil. ID.*

(c) Hinc apparet, totam Africam omnesque Africæ prouincias, earumque Rectores Comitibus Africæ dispositioni suppositas fuisse. *ID.*

(d) De hac dignitate *suo tit. supr. lib. 6.* & in hoc argumento, *l. 5. supr. & l. 26. 42. 44. infr. ID.*

COMMENTARIUS.

VETERANORVM (seu militarium) filios ad Curias vocari iubet Constantinus M. *hac l.* pariter ut sex aliis: puta *l. 18. 19. infr. hoc tit. & l. 1. 2. 4. 5. supr. de fil. mil. appar.* ut & Constantius *leg. 32. & 35. hoc tit.* Valentinianus *l. 58. hoc tit. l. 6. 8. supr. de re milit.* nec non & in specie *l. 78. infr.* Valens *l. 7. supr. de fil. mil. app.* Gratianus & Valentinianus Iunior *leg. 89. infr. hoc tit.* Theodosius M. *l. 83. hoc tit. l. 11. supr. de fil. mil. apparit.* Et sic septendecim in vniuersum hac de re constitutiones *hoc Codice* occurrunt. Ex quibus omnibus id efficitur Veteranorum seu militarium filios partim indistincte remilitari non vrgente, ad Curiam vocatos, vel

electionem his datam militandi, vel ad Curiam sese applicandi, vel tandem frequentissime inutiliter tantum ad militiam, membris debiles, inualidos, vel torpore mentis se se donantes, ad Curiam vocatos.

In tantum vero veteranorum filii ad Curiam vocari iubentur hac Constantini M. lege ut et si Perfectissimatus honorem (de quo *suo tit. supr.*) adepti sint, in Curiam trudi velint. Quod & ipsum de aliis honorariis Perfectissimis statuitur *l. 5. supr. & l. 26. 42. 44. infr.* A qua vero ætate, id docebit *lex 18. 19. 35. 58. infr. hoc tit.* docuit etiam *lex 2. 4. 11. supr. de fil. mil. apparit.*

De DVVMVIRATVS refugarum pæna.

P. 339.

XVI. (a) Idem A.....

SI ad Magistratum (b) nominati aufugerint, requirantur: & si pertinaci animo (c) latere paruerint, (d) his ipsorum bona permittantur, qui præsentī tempore in locum eorum ad Duumviratus munera vocabuntur: ita ut si postea repperiti fuerint, biennio integro onera Duumviratus cogantur agnoscere: Omnes enim, qui obsequia publicorum munerum declinare tempraerint, simili condicione teneri oportet. Dat. III. Kalend. Octobr. Serdicæ, Constantino A. IX. (e) & Constantio IV. Coss. [329.]

NOTAE.

(a) *Lex 18. Cod. Iust. eod. tit. GOTHOF.*

(b) *Magistratum*, id est, Duumviratum: ut mox *infr. v. plene Paratitlen. ID.*

(c) Vox *eos* hic addita, *Cod. Iust. ID.*

(d) In

(d) In *Cod. Inst. potuerit*: Et istud tamen hic retinendum, *ID.*

(e) *yp. VIII. vt. duabus proximis legib. ID.*

COMMENTARIVS.

REVGAS decuriones, qui ad Magistratum, municipalem scilicet, id est, ad DVVMVIRATVM nominati sunt, & latent, primo requiri; dein non repertorum bonariis, qui in eorum locum sufficiuntur permitti: Tandem repertos postea biennio integro Duumviratum sustinere iubet *hac leg.* Constantinus M. vbi quatuor notanda veniunt.

Primo, ad Duumviratum nominatos saepe non modo a Nominatione appellasse; quod docuit *lex 2. supr.* verum etiam aufugisse: Idque ipsum fecere & alii Curiales subinde: Nempe propter imensa onera, quæ Duumviris & Curialibus incumbant: Quod ipsum ostendet rursus *lex 29. infr. hoc tit.* Et inter alia, ob sumptuosum maxime editionum seu ludorum edendorum onus, quod præter *d. l. 29.* (vbi prolixius) ostendit quoque *lex 169. infr. & lex 1. & 4. infr. de spectaculis*: & Libanius *de vita sua p. 2. Edit. Morelli. καὶ χεργίας*, inquit, *καὶ ἀγῶσι, καὶ λόγῳ, ὅσοι Φορὰς (vel πορ- Φορὰς) ἀρχόντων ἀπαντῶσιν* quod vertit Morell. & suppeditationibus ac certaminibus, & sermonibus, quibus magistratum purpure excipiuntur.

Secundo, notanda poena bonorum additionis ei, qui in locum refugæ Duumvir suffectus est: vt scilicet ea parte plectatur qua admittit; nempe in bonis, quæ eum ex parte erogare in patriæ, siue utilitates, siue voluptates oportuit. Quæ causa sane fuit, cur Decuriones opibus præditos eligi atque haberi oportuerit, qui scilicet huiusmodi *legitimos sumptus, νενομισμένα δαπάνηματα* sustinerent, vt loquitur *Dion. orat. 38. initio, pag. 468. Edit. Morell.* Cæterum quod hic definitur, suffectis bona refugarum permitti: id non accipiendum est, quasi in perpetuum his ea bona addicantur, verum interim, & ad usum: vt recte Glossa: Et sane *permittendi* vox id proprie significat: Neque ad id quidquam facit, quod Glossa putauit ad *leg. 14. supr. de murilegulis*: vbi v. quæ dixi.

Tertio, obseruanda poena, duplicandi temporis & Magistratus, quem quis euitare voluit: vt scilicet duplo tempore munus sustinere cogatur, qui id suo tempore defugit: Quomodo & poenæ refugis duplicari solent tempora: *leg. 8. §. 7. D. de panis. De qua duplicationis poena hic interpretes, & Baldus nominatim.*

Quarto, ex *hac l.* aperte discimus, Duumvira-

tum annum Magistratum fuisse: quod etiam docet *lex 1. infr. quemadm. mun. ciuil. lex 13. D. ad municip. & Canon. 56 Concilii Eliberitani pag. 256. Tom. 1. Concil. Ed. Harduin. Magistratum vero*, inquit, *vno anno, quo agit Duumviratum, prohibendum placuit, vt se ab Ecclesia cohibeat.* Vetus quoque *lapis* Patrono cuiusdam coloniz positus, apud Gruterum *CCCCXXI. l.*

RO. ANNO. QVO. ET. OPTIMVS
IMP. HADRIANVS, ETIAM
DVVMVIRATVS. HONOREM
SVSCEPIT.

Quod autem Dio Chrysostomus *Corinthiaca orat. 37. pag. 462. Edit. Morelli.* scribit, *πρὸς ἀρχόντων τῶν εἰς ἐνιαυτὸν ἀρχαμένων*, de iis, qui in annum magistratum eliguntur, id ad Rectores Prouinciarum pertinet, non ad Duumvires. Est tamen vbi Duumviri. Quinquennales dicti fuerunt de quibus ad *l. 1. infr. de Med. & Profess.* qui *DVOVIRI QVIN- QVENNALES* in veterib. Inscriptionibus. Meminit & Apuleius *lib. 10. pag. 202. edit. Lugdun. Bat.* apud Ioan. Maire: gradatim per mensis honoribus, quinquennali Magistratui fuerat destinatus. Quos ita dicti vulgo creditur, quod quinquennio id munus sustinerent. Et tamen vetus Inscriptio Pisauri in Flaminia, quam habet Guterus *CCCXXII. 8. annuū* quoque hunc Magistratum fuisse docet,

ALBIAE. C. F. BALBINAE
FLAMINICAE. PISAVRI. ET
ARIMINI. PATRONAE. MVNICIPI
PITINATIVM. PISAVRIENSIVM
HVIC. ANNO. QVINQVENNAL. PETINII
PRISCI. MARITI. EIVS. PLEBS. VREANA
OB. MERITA. EORVM
. CVL. IMP.
.
IVS. COMMVNE. LIBERORVM. CONCESSIT
L. D. D.

Ecce *annum Quinquennalium*: quo Quinquennalis munus gerebat: Vt proinde *Quinquennales* dicti fuerint quinquæ, qui quinto quoque anno recurrente id munus sustinebant.

VACATIO vel **IMMVNITAS** munerum ciuiliū neque
Rescripto Principis, neque Curiae consensu
data valet.

XVII. (a) Idem A. ad Lucretium Paternum. (b)

VACVATIS Rescribitis, † per quæ munerum ciuiliū nonnullis est Vacatio præstituta, (c) omnes ciuilibus necessitatibus adregentur: ita vt nec consensu Ciuium vel Curiae, præstita cuiquam Immunitas valeat, sed omnes ad munus societatem conueniantur. Dat. VIII. Kal. Nouembr. Hæracleæ, Constantino A. VIII. & Constantio IV. *Coss.* [329.]

NOTAE.

(a) *Lex 19. Cod. Iust. eod. tit. GOTHOF.*(b) An hic *Paterius*, Praefect. Aegypti, qui Paterius in oratione Constantini ad S. Cæsum; (apud Auctorem *vita Constantini lib. 1. c. 27.*) ID.

† Veluti Licinii, ID.

(c) *Præfatus* Cod. Iust. ID.

COMMENTARIUS.

IMMUNITATEM seu VACATIONEM a muneribus civilibus seu Curialibus, ne Rescripto quidem Principis, imo nequidem Civium seu Curiae consensu cuiquam dari posse, vel datam valere, definit hac l. Constantinus M. Neque Rescripto, inquam Principis: quod plures aliae leges quoque docent: de quo iam ad leg. sup. Neque Civium seu Curiae decreto seu consensu: quod comprobat etiam lex 65. in fin. 71. 77. 110. in fin. 113. hoc tit. & lex 2. supr. quid probare deb. Ambitiosa scilicet hæc, idest, gratiosa decreta in perniciem Reipublicæ Ordinis seu Decurionum leges improbant; l. 2. Cod. Iust. de decretis Decur. super immun. quibusd. conced. & arg. l. 4. D. de decretis ab Ord. fac. Scilicet, neque Curiae adversus propria commoda laboranti

locus esse debet, neque Principis potestas eo trahenda, uti jus suum Curiae detrahatur: Ut cæteroquin boni Principes Rescriptis suis deferri noluerunt, quæ in commoda publica peccarent: de quo plene *Paratitlo de divers. rescript.* Et Libanius tamen Ep. 248. ad Eutherium hac defensione quoque vitur pro Carterio, qui ab Arcæ Curialibus ad Curiam vocatus fuerat: καὶ τὸ μέγιστον, ὅτι αὐτῆς τῆς βαλῆς τὴν κύριαν ἀφαιρέσας: & quod maximum est, talem, qui propter Senatuum domum suam reliquerit.

Excipienda tantum vacatio temporaria, eaque a Principe solo impetrata, ex fontica aliqua causa, ut l. 1. supr. h. tit. l. 135. infr. h. t. seu l. vn. Cod. Iust. de his qui a Principe vacationem accep.

De SENATORIBVS Curialibus: & de Filiis MILITARIUM ad Curiam reuocandis.

XVIII. (a) Idem A. ad VV. CC. PF. P. (b) Post alia.

AD Senatuum Decurio non adspiret, manentibus athuc (c) his, qui eandem dignitatem consecuti sunt. Filios sane *Militarium* (d) iuxta prius præceptum † aut patris militiam adsequi (e) volumus, aut si detrectauerint militare, & triginta (f) quinque annos impleuerint, Curiis mancipari. Dat. VII. Kalend. Decembr. Constantino A. VIII. & Constantino IV. Coss. [329.]

NOTAE.

(a) Absit hæc lex a Cod. Iust. GOTHOF.

(b) Id est ad *Viros Clarissimos Praefectos Praetorio*: non ut alii opinati, ad *Viros Clarissimos Praefides provinciarum*. ID.

(c) Tamen, ID.

(d) *Militares* sunt veterani. ID.

† Tres, ante hanc, Constantini M. leges super hac re occurrunt: Omnium Prima data An. 319. lex 1. supr. de fil. mil. Apparit. Secunda, l. 2. eod. tit. Tertia, A. 327. lex 15. supr. hoc tit. ID.

(e) Adsequi, pro simplici sequi. ID.

(f) *Viginti quinque?* ID.

COMMENTARIUS.

CURIARVM statui, duplici cautione seu remedio consulit hac leg. Constantinus M. idque per uniuersum orbem Romanum: quam ideo ad Praefectos Praetorio emisit: cuius proculdubio & alia plura capita fuisse, verba illa Inscriptionis ostendunt, *Post alia*: scilicet, cum Curiae hac tempestate variis rationibus desolarentur; siue qua qui Decuriones iam erant, dignitatibus quæsitis Curias euitabant: siue quia deficientibus aliis Decurionum numerus non constaret, utriusque malo Constantinus occurrendum putauit: Nempe, ve-

tito in futurum Decurione ad SENATORIAM dignitatem adspirare, quo in argumento versantur viginti sex præterea huius tituli Leges; quas repetere licet ex *Paratitlo*. Item FILIIS MILITARIUM, idest veteranorum, militiam patris detrectantibus, Curiis mancipari iussis, iuxta priorem Legem suam: Quo in argumento quoque versantur quindecim præterea hoc Codice leges: & quidem ipsius Constantini M. septem in uniuersum: & ex his tres hac leg. anteriores: puta lex 1. 2. supr. de fil. militar. apparit. & l. 15. supr. h. t.

Milita-

Militares hac leg. dicuntur (pariter vt l. 32. infr. hoc tit. in eodem argumento) qui aliis legibus vt d. l. 15. supr. Veterani. Ammianus Marcellinus, lib. 14. cap. 5. si quis enim militarium vel honorarium &c. de quo dixi ad l. 1. supr. de off. iud. ciuiliu. Ita & in Glossis Aldori: Militaris opinatur, id est, vetus miles: vbi tamen nescio num non reponendum sit, militaris opinatur, non verus miles: vel militaris, id est, opinator & vetus miles. Militares scilicet, non Veterani modo dicuntur, qui in militia non vere militant neque aduersus hostem pugnant; verum qui alias rei militari inseruiunt, vt erant 1. Opinatores, id est, annonæ militaris exactores: & 2. Primipilares, annonæ distributores; de quibus l. 11. supr. de fil. mil. app. 3. vt & Aëtuarii: nam & hoc sensu Militarem vocat, atque a milite separat Pollio in Victorino Sen. quem Victor de Caesar. cap. 33. exerte Aëtuarium vocat.

Ceterum Constantinus M. Etatem 35. annorum impletam hic præstituit filiis militarium Curiaë mancipandis, qua parte variatum sæpe, & quidem a Constantino Magno ipsomet. Primo enim cum Decurionum filiis in curiam allegendis decimum octauum annum Constantinus M. iam inde ab A. 320. præstituerit, l. 7. supr. h. t. Inde Anno 326. ætas

25. annorum veteri iure statuta curialibus in veteranorum filiis in curiam allegendis, de quo ad leg. 2. supr. de filiis milit. apparitor. Deinde ingressus Anni decimi & octauo Anno Dom. 331. l. 19. prox. hoc tit. Tandem post sexdecim annos, A. D. 332. l. 4. d. t. de fil. mil. apparitorum: (Quæ omnes leges Constantinum Magnum auctorem habent:) Hancque vltimam dispositionem secutus etiam Constantius filius eius, l. 35. infr. hoc tit. Quid igitur est, quod hac leg. quæ data est Ann. 329. triginta quinque annos impletos desiderat Constantinus Magnus. Mihi mensea, vitium hic subesse, & rescribendum viginti quinque, quod omnino congruit d. legi 2. supr. de fil. milit. apparit. Ergo ætas hac parte a Constantino primum definita, annus 25. expletus, hac lege, & dicta leg. 2. mox ingressus anni 18. leg. 19. infr. Tandem annus decimus sextus expletus, d. l. 4. quod & postea fletit dict. leg. 35. infr. hoc tit. (Excepto casu legis 58. infr. hoc tit. vbi dicam) Et sic serius primum, mox maturius ad Curiam vocati Veteranorum filii: Curiarum commodum id deposcente, & Curia id agentibus, qui etiam septennes & octennes ad Curiam allegi volebant. Cui rei fibulam imponit Constantinus M. lege prox. 19.

Qua ÆTATE quis ad Curiam vocari possit.

XIX. (a) Idem A. ad Euagrium..... (b)

QVONIAM nonnulli diuersarum Ciuitatum Curiales intemperanter (c) minores, (d) quibus publica tutela debetur, ad Curiaë consortium deuocarunt, vt septem, vel octo annorum constitutos nonnullos nominasse (e) firmentur, (f) decernimus, vt omnino nullus in Curiam nominationibus deuocetur, nec functionum obsequia subire cogatur, nisi qui decimum & octauum annum ætatis fuerit ingressus. Quod & in futurum arceri volumus & eos eximi, qui infra eius ætatis terminos constituti iam nominati sunt, Curialibus vt (g) vinculis absoluantur: Cum enim decimum & octauum annum ætatis intrauerint, (h) si Militia (i) nomen inferere iuxta Legem † datam non potuerint, vel superfederint, Municipali poterunt dari obsequio. Dat. prid. Non. (k) Aug. Basso & Ablatio Coss. [331.]

INTERPRETATIO. *Minores decem (l) & octo annorum ætate, Curiales nec nominari a quibuscunque, nec ad seruitia applicari debere: quia hoc lex sufficere credit, vt ab decem & octo annis necessitati publice, si necesse fuerit, applicentur, ita vt si qui infra banc ætatem ante nominati iam fuerint, absoluantur.*

P. 362.

NOTAE.

(a) Abest hæc lex a Cod. Inst. & iungenda ei lex 3. supr. de filiis militarium apparitorum, & veteranorum: & forte etiam lex 10. infr. prox. GOTHFR.

(b) PP. vt d. l. 10. prox. ID.

(c) Intemperanter, citra modum aut distinctionem ætatis &c. ID.

(d) Veteranorum filios. ID.

(e) Nominarint, firmiter decernimus, Sichard. RITTER.

(f) Idest, affirmantur. GOTHFR.

(g) Vt abest a MS. G. & Sichard. RITTER.

(h) Fuerit ingressus, MS. G. & mox potuerit. ID.

(i) Hinc apparet, hanc leg. esse de Veteranorum filiis ad Curiam allegendis: quod etiam colligi possit quadamtenus ex coniunctione d. l. 3. GOTHFR.

† An aliquam legem gerit indicat? an vero formam quibuscunque legibus ante datam, veluti l. 1. 2. supr. de fil. mil. appar. & l. 15. 18. supr. hoc tit. ID.

(k) *Prid. Id. ita d. l. 20. infr. prox. ID. Dat. III. Non. April. MS. G. RITTER.*(l) *Dicam mox, GOTHOF.*

COMMENTARIUS.

DE VETERANORVM filiis in Curiam allegendis, deque ETATE hacin requisita, est hæc quoque Constantini M. Constitutio: de Veteranorum inquam, filiis; ut colligitur ex vltima *huius leg. sententia*: & ex parte etiam ex *lege 3. supr. de fil. mil. apparit.* quæ huic coniungenda venit, ceu vnus eiusdemque Constantinianæ Constitutionis pars. Nempe ea Constitutione integra Constantinus Magnus replendis tum Curias, tum Officiis Iudicium, (quæ duo corpora in prouinciis erant opinatissima, publicæque vtilitati seruientia) consultum iuit, ut videlicet ea integro sufficienteque numero haberentur. Quare & filios officialium in parentum locum procedere, seu eorum militiam subire iussit *d. l. 3.* Et filios Veteranorum vel paternam militiam subire, vel *si militia nomen inferre non possent*: ut *hac leg. dicitur*, Curia addici. Quo pertinet hæc *lex*. Sic tamen inter alia, ne hoc etiam obtentu priuatorum vtilitas penitus negligetur. Quod tamen hætenus fiebat: Curialibus videlicet Veteranorum filios etiam septennes vel octennes in Curiam allegentibus. Quod & alias

factum ostendimus ad *leg. 7. supra*. Quare ut aliis compluribus *legibus*, ita & hac quoque Etatem designatum iuit: a qua Veteranorum filii ad Curiam vocari possent: nempe ingressum anni octauo decimi: de quo ad *d. l. 7. & 18. prox. supr.* paulo plenius. Huc etiam quadamtenus aptari possit *lex 57. D. de re iudic.* Certe *hac l.* ingressum anni 18. requirit diserte Constantinus. *Nisi qui decimum & octauum annum atatis fuerit ingressus.* Et mox rursum: *Cum enim decimum & octauum annum atatis intraverint.* Et interpretes tamen minus pense de octodecim annis completis id accepisse videtur. Illud etiam notandum, non tantum minores octodecim annis *h. l.* deinceps in Curiam allegi vetari, verum etiam nominatos iam eximi. Et sic in præteritum quoque vim *huius leg.* porrigi, cum alias futuris ferme *leges* ponantur: & difficilius quis Curia liberetur in eam iam allectus: de quo ad *l. 51. infr.*

Et rationem addit Constantinus, *quod minoribus publica tutela debeatur.*

PROCVRATOR vel CVRATOR ciuitatis decurio
fieri non potest, nisi omnibus patriæ muneribus
expletis.

XX. (a) Idem A. ad Euagrium PF. P. (b)

NVLLVS Decurionum ad Procuraciones, vel Curas ciuitatum accedat, nisi omnibus omnino muneribus satisfecerit patriæ, vel ætate vel meritis. Qui vero per suffragium ad hoc peruenerit, Administrare (c) desiderans, non modo ab expetito officio (d) repellatur, sed Epistula (e) quoque, vel codicilli, (f) ab eo protinus auferantur, & ad Comitatum (g) destinetur. Dat. prid. Id. Aug. Basso & Ablauio Coss. [331.]

INTERPRETATIO. *Ista lex hoc iubet, nullum Curialem, nisi omnibus Curia officiis per ordinem actis, aut Curatoris, aut Defensoris officium debere suscipere; nisi omnibus, ut dictum est, ante muneribus satisfecerit, quæ patriæ ordine debentur: nam si præfatus contra hanc præceptionem, quolibet suffragio, aut sub quocunque obtentu honoris se munire voluerit, & obtentis careat, & ubi rerum (h) domini fuerint dirigantur. (i)*

NOTAE.

(a) Absit & hæc *lex* a *Cod. Justin.* Iungenda ei forte *lex superior 19. & lex 3. supr. de fil. mil. appar.* GOTHOF.

(b) *Euagrius PP.* sub Constantino M. v. *Prosopogr. ID.*

(c) Procuraciones vel Curas Ciuitatum. *ID.*

(d) Procuratoris vel Curatoris. *ID.*

(e) Principis, per quem factus est Procurator &c. *ID.*

(f) *Codicilli* administrationum. v. *Gloss. Theod. ID.*

(g) Comitatus, idest, ubi rerum Domini fuerint: ita Comitatum, hic recte describit Interpres: de quo plura in *Gloss. vid. & tur in Symmach. lib. 3. ep. 20. pag. 108. 109. Edit. Paris. 1604. in 4. ID.*

(h) *Rerum domini* pro *Imp.* Huius locutionis infinita testimonia, vide apud eundem Iurem, in *Symmach. lib. 1. Ep. 36. pag. 280. Edit. cit. ID.*

(i) *Dirigatur. ID.*

COMMENTARIVS.

AD PROCVRATIONEM vel CVRAM ciuitatis, Decurio, nisi omnibus muneribus patriæ functus, adspirare vetatur *hac l. a Constantino M. nequidem per suffragium, Epistola vel Codicillis a Principe impetratis, Procurationes* scil. vel *Cura ciuitatum* talia officia seu administrationes sunt, ut ea nemo expetere seu administrare possit, nisi qui omnibus prius muneribus patriæ satisfecerit, vel ætate, inquam, vel meritis: Nempe hac duplici ratione quis patriæ muneribus liberabatur, vel ætate seu senectute *l. 118. infr.* ubi dicam ex Basilii quoque *Ep. 389. fin. 84. Edit. Benediclin.* (de quo vid. & *l. vi. Cod. Iust. qui ætate:*) & aliis: vel meritis: *Meritis*, inquam, siue quia reuera quis omnibus honoribus in Republ. sua per gradus functus est; quod varæ etiam Inscriptiones veteres Decurionibus positæ præferunt; quia propter insignia merita in patriam, omnibus honoribus donatus est.

Procuratoris vel procuratoris ciuitatis fit quoque mentio, *l. 1. supr. de honor. Codicillis: l. 1. & 32. supr. de erogat. milit. ann.* Cæterum *παράλληλος* hæc posita hoc loco, *Procuratores vel Curas ciuitatum*: iidem scil. Procuratores & Curatores ciuitatum vel Reipublicæ. Curatorum fit diserte mentio octo legibus hoc Codice, *l. 3. 8. supr. de donat. l. 5. supr. de exhib. reis: l. 3. seu ult. supr. de superæactionib. l. omnis 5. supr. de iis quæ administr. l. 31. infr. de Episcopis l. 2. de canon. frum. V. R. l. 1. infr. de scenicis: in Glossis Curator Θεωνιστῆς καὶ λογιστῆς.* Curatoris quoque ciuitatis Antiochenæ meminit Ammianus Marcellinus *lib. 14. cap. 7. Lucius*, inquit, *quidam Curator Vrbi subito visus.* De hoc eodem Curatore accipio, & quod Capitolinus scribit in Marco Anton. *Phil. cap. 11. Marcum Curatores multis ciuitatibus e Senatu dedisse, quò latius Senatorias tenderet dignitates.* Unde patet, ut ex *hac l. in fin. ibi, epistula vel codicillis, a Principe hos Curatores creatos: quod & vetus Inscriptio docet Brixiz, apud Gruterum CCCXCII. 7.*

| | | | | | | | | |
|-----------------|----|----|----|----|----|----|----|----|
| P. | C. | L. | O. | D. | I. | O. | P. | F. |
| FAB. SVRAE | | | | | | | | |
| Q. | F. | L. | A. | M. | I. | N. | I. | D. |
| TRAIANI. PONTIF | | | | | | | | |
| II. | V. | I. | R. | Q. | V. | I. | N. | Q. |
| TRIB. LEG | | | | | | | | |
| II. | A. | D. | I. | V. | T. | R. | I. | C. |
| PIAE. FID. | | | | | | | | |
| C. | V. | R. | A. | T. | R. | E. | I. | P. |
| BERGOM | | | | | | | | |
| D. | A. | T. | A. | B. | I. | M. | P. | T. |
| TRAIANO | | | | | | | | |
| C. | V. | R. | A. | T. | R. | E. | I. | P. |
| COMENS. DAT | | | | | | | | |
| A. | B. | I. | M. | P. | H. | A. | D. | R. |
| ADRIANO | | | | | | | | |
| COLLEGIA | | | | | | | | |
| F. | A. | B. | R. | E. | T. | C. | E. | N. |
| T. | | | | | | | | |

Procopius *lib. 3. de bell. Goth. cap. 6. ἐπίτροπον βασιλεὺς αὐτὸν Νεαπόλεως κατεστήσατο.* Ut ipsum Neapolis Procuratorem Imperator creauerit. In Actis quoque Collationis Karthaginienf. *initio prim. cognit. pag. 1049. Tom. I. Concil. Edit. Harduin.* dicitur Rufinianus Scriba viri Clarissimi Curatoris *celse Karthaginif.* Et in Edicto Marcellini *in ead. Col-*

lat. Karthag. cognit. prim. c. 8. pag. 1052. fit mentio horum *Curatorum: Vniuersos etiam ciuitatum prouinciarum Curatores, Magistratus, & Ordinis viros, nec non & Actores, Procuratores, vel Seniores singulorum locorum.* Dignitas vero eorum media in municipiis fuisse videri posset, inter Defensores Ciuitatum, & Magistratus seu Duumuiros: & sic secunda, argumento ordinis literæ *d. l. 5. supr. de exhibend. reis:* Quod tamen non ita est: Nam imo viiores eos fuisse aperte docet *l. 8. supr. de donat. Administrationis* porro genus id fuit, ut hæc *lex* docet. Ad officium eorund scilicet pertinuit pax & securitas prouincialium in vrbibus, tam secularium quam Ecclesiasticorum. Ideo querelæ Prouincialium ad eos perferebantur (si quid eis denegaretur quod iustum videretur, vel iniustum quid aduersus eos admitteretur, & ideo iniurias suas cupientibus contestari apud eos Acta conficiebantur) ut docet *lex 1. infr. de scenicis: l. ult. supr. de superæact.* Nautici apud eorum acta quoque profitebantur incorruptas se species accepisse: *l. 2. infr. de Canon. frum. V. R.* Donationes quoque apud hos insinuabantur, *l. 3. supr. de donat.* quod eis postea ademptum *l. 8. eod. tit.* Horum literis iniuriæ Ecclesiis factæ & Ecclesiasticis in notitiam Iudicum perferebantur, *l. 31. infr. de Episcop.* Rei his offerebantur, quos innox ad Iudices dirigebant, *leg. 5. supr. de exhib. reis.* Talis fuit & Antiochiæ Theotecnus apud Eusebium *lib. 9. c. 2. εἰδέναι καὶ λογιστέον τὰ κατὰ τὴν πόλιν*, qui emendis & persequendis Christianis incubuit. Prohibiti iidem quicquam comparare dum Curatores essent, *leg. 5. de iis quæ administr.* De his tandem multa Pancirolus, *de magistr. municip. cap. 11.* & Doctissimus Valesius, *in Marcellin. lib. 14. cap. 7.* & hæc de Curis seu Curatoribus ciuitatum.

Procuratorum Ciuitatum frequens quoque mentio in veterib. *Inscript.* Interpretis certe ad *hanc leg.* error est, qui Defensorem Procuratorem interpretatur. De *Curatorib. Reipubl.* singularem librum *Vlpianus* olim scripserat, de quo quinque tantum per Pandectas fragmenta supersunt: ex quibus vel illud colligitur, collocatam ab his tænorî pecuniam publicam, vsuras Reip. debitas ab his exactas, *l. 33. D. de Vfuris.* operum publicorum curam iis incubuisse: *l. 5. D. de operib. publ. l. 1. D. de pollicit.* proinde discussores pecuniæ publicæ & operum publicorum fuisse: breuiter, ne quod detrimentum Respubl. caperet, attendisse: *l. 4. D. de decr. ab ordine fac. quæ leges omnes ex eo libro desumptæ sunt.* Hi sunt qui & *Patres ciuitatum* vocantur: hinc adeo Græci ad *l. 46. D. de damna infect.* & *l. 1. Cod. Iust. de solut. & liber. debitor. ciuitat.* Curatorem Reip. patrem Ciuitatis interpretantur: *ὁ πατὴρ τῆς πόλεως διαγιάζει τὰς δεσπότας τῶν καταπεσόντων οἰκῶν ἀναγεῖν αὐτὰς: ad curatoris reipubl. officium spectat, ut diruta domus a dominis extruantur.* Hoc igitur inter alia Curatores & Patres fuisse, quod Romæ *Ædiles*, & apud Græcos *αἰσυνόμοι.* *Vlpianus ad Demosthenis oration. contra Timocratem, pag. 819. edit. Wolfii,* notat: *αἰσυνόμος δὲ, ἐπὶ τῇ εἰναι καθαράν τὴν πό-*

ἀν ἀρχολάμμενος, ὁ παρ' ἡμῶν πατήρ: ἀφ' οὗτος, qui in eo occupatur, ut urbs munda sit, qui apud nos πατήρ appellatur. Meminit & Patris Arrianus in *Epictet. lib. 2. c. 10.* & Leo *l. 3. Cod. Iust. de his qui sponte mun.* Ex dicto Marcellini & Arriani loco,

& *l. 3. sup. de donation.* & *l. ult. de superexactionib. liquet*, præcipuum hunc honorem fuisse, & e Decurionibus creatum. Quod & ipsum hæc lex testatur.

P. 364.

Ad PRAEPOSITVRAM mansionum compelli non possunt Curiales, post Flaminii & Sacerdotii, vel Duumviratus honorem.

XXI. (a) Idem A. ad Felicem PF. P. (b)

QVONIAM Afri Curiales conqueſti (c) ſunt, quosdam in (d) ſuo corpore, poſt Flaminii (e) honorem & Sacerdotii, (f) vel Magiſtratus (g) decurſa inſignia, (h) Præpoſitos compelli fieri manſionum, (i) quod in ſingulis Curiis ſequentis meriti & gradus homines implere conſueverunt, iubemus, nullum prædictis honoribus ſplendentem, ad memoratum cogi obſequium: ne noſtro fieri iudicio iniuriâ videatur. Dat. prid. Non. Aug. Viminacio, (k) Conſtantio & Albino Coſſ. [335.]

NOTAE.

- (a) Abest hæc lex a *Cod. Iustin. GOTHOF.*
 (b) *Felici* huic ipſi variz aliæ Conſtitutiones inſcribuntur: ac nominatim *l. 1. infr. de excuſ. artif. lex 6. infr. de nauicul. l. 5. infr. de iudeis: l. 1. infr. ne Chriſtianum mancipium:* quæ omnes dicuntur PP. Karthagine; vnde apparet, Africam ſub Felicis PP. diſpoſitione fuiſſe. Quod hæc lex aperto teſtatur, quæ agit de *Afris Curialibus.* ID.
 (c) Legatione procul dubio miſſa, de quibus Legationibus ſuo titulo *infr. ID.*
 (d) *γρ. E ſuo. ID.*
 (e) *Flaminium* ſeu *Flamonium* municipii vnus fuit. ID.
 (f) *Sacerdotium* totius prouinciæ fuit, v. *Paratitl. de Paganis.* ID.
 (g) *Magiſtratus*, Duumviratus: v. *Paratitlon, & l. 16. ſupr. ID.*
 (h) De his *Inſignibus* Duumviratus, dicam *infr. ad l. 174. ID.*
 (i) Seu annonarum, vt vocantur *l. 2. infr. quemadmodum mun. ciuil. ID.*
 (k) Conſtantine hoc anno 335. egit in Myſia Viminacii, vnde mox Conſtantinopolim reſreſſus eſt: vide *Chronologiam.* ID. Non prætermittendus hic error Gothofredi in *Chronolog. Cod. Theodof.* (ad quam hic prouocat) qui ait, hoc Anno Conſtantinum M. *menſe Auguſto* in Myſia *Viminacii* egiſſe, vbi dara ab eo hæc lex 21. Sed cum Conſtantine die 25. Iulii Conſtantinopoli fuerit, (qui dies Nitalis fuit Conſtantini) ibique per aliquot dieſ ob *Tricennaliorum* ſolemnitatem, commemorari neceſſe habuerit: fieri non potuit, vt *die quarta Auguſti*, Viminacii, quæ vrb. eſt ad Danubium in Seruia ſita, fuerit. Nimia, enim inter Conſtantinopolim & Viminacium diſtantia, quam vt intra tam paucos dieſ, ex vna vrbe in alteram perueniri poſſit. Dat. itaque eo in loco accipi debet pro *Redd.* id eſt *Reddita.* Ex quibus intelligis, ſubſcriptiones legum Codicis Theodoſiani facile lectores in errorem inducere poſſe. *PAGIVS* in *Prolegom. ad diſſert. bypat. num. 24.* Recte iudicat V. C. nam & ipſe inductus eſt in maximum errorem, medelam hic factur. Legem certe non attendit, quæ, cum ad *Afris Curiales* pertinet, in Africa *Reddi* debuit, non in Seruia. Mendum igitur non in *Dat.* hæret, vt *Pagius* male conicit, ſed in *Viminacio*, quod vrbis nomen a librariis forte corruptum eſt. *RITTER.*

COMMENTARIUS.

DE PRAEPOSITIS MANSIONVM eſt hæc Conſtantini Magni Conſtitutio, qui ex Decurionibus ciuitatum ſub quibus manſiones erant, præponebantur: quod præter *hanc leg.* etiam ex Hieronymo in *Vita Hilarionis pag. 159. Tom. I. Oper. Edit. Francf. apud Chriſt. Genſch.* colligimus: vbi Conſtantii candidatus in profectione ſua Decurionibus commendatur. Hæc vero *leg.* definitur. Quinam e Corpore Decurionum Præpoſiti manſionum fieri non debeant; propter honorum videlicet ſplendorem: Nempe vt cæteroquin non omnia

munera omnibus Curialibus indici poterant, verum inferioris meriti & gradus Curiales ea implere cogebantur: ita & de hoc numero fuit *Præpoſitura manſionum*: non quidem vt infimi gradus, & meriti Curialibus ea imponi poſſet; verum vt ne ſummis in Curia honoribus functis: Cuiusmodi ſane tres erant, & vero *hac l.* memorantur: & duoquidem, ſicut dicam, ſacri, tertius profanus: nempe functis *Flaminii*, honore, vel *Sacerdotii*, vel *Magiſtratu*: de Magiſtrato ſeu Duumviratu iam dictum ſæpe, etiam ad *l. 16. ſup. De Flaminio & Sacerdotio.*

tio, quæcunque hoc Codice occurrunt exhibet plene Paratitlon tit. de paganis. Et de his tamen hic aliquid dicendum, vbi de Præpositura mansionum prius dixerō.

Præpositura igitur mansionum infra horum trium dignitatem fuit: vel etiam Præpositura annonarum: De qua est gemina germana ferme eiusdem Constantini M. ad eandem Africam pertinuens Constitutio biennio posterior, leg. 2. infr. quemadm. mun. ciuil.

Idem A. ad Concilium prouinciæ Afric.

Sacerdotaler, & Flamines perpetui, atque etiam Duumvirates, ab Annonarum præposituris, inferioribusque muneribus immunes esse præcipimus. Quod ut perpetua obseruatione firmetur, legem hanc incisam æneis tabulis iussimus publicari. PP. XII. Kalend. Iun. Karthagini Feliciano & Tatiano COSS. (id est, An. 337.)

Hoc tamen discrimen inter hanc legem, & nostram intercedit, quod Flaminiibus perpetuis tantum hæc a Præpositura annonarum immunitas datur: cum tamen Flaminio in vniuersum (temporario proinde quoque functis, seu post Flaminis honorem) hæc a præpositura mansionum immunitas hac leg. tribuatur. Denique immunes erant Sacerdotes & Flamines, etiam post Sacerdotium & Flaminium, a muneribus ciuilibus omnibus, etiam Præpositura annonarum & mansionum hac lege, & dicta leg. 2. & leg. 75. hoc titulo. Imo & filii eorum immunes erant a Curia & ciuilibus muneribus, si credimus Libanio Epistola 248. ad Euterium: τί δὲ, inquit, αὐτῶν; καὶ σκόπει γέ, ὡς ἂν ἔξω τῶν νόμων, οἱ τῆς ἀρχῆς ἐκλευταὶ Καρτίειον εἰς αὐτὰς ἐγχεῖσθαι, ὃ τὸ μὲν λειτουργεῖν ὑδαυόθεν προσήκει, παρ' ἡμῶν δὲ ἐπὶ λόγοις διατρίβει. Ἔτε γὰρ πατὴρ ἱερὺς αὐτῶν, τὸν τε πάππον εἰς ζητῆς, ἀρχόντα εὐρήσεις, καὶ τὸ μέγιστον ὑπ' αὐτῆς ἐκλήσθαι τὴν οἰκίαν ἀφαιμένον, ὡς δηλοῖ ταυτὶ τὰ γεγραμμένα, κέλαι δὲ ἀναγινώσκουσιν, καὶ μὴ τοσοῦτον παρὰ τὴν δικαίαν, μηδὲ ἰσὺ τῶν ἑκατονταρχῶν ἔξω, τῶν αὐτῶν ἀφίστασθαι τε, καὶ πάλιν λαμβάνεσθαι, ἀλλ' ἴσως ὡς ὁμοίως ἀδικον, τὰ τε αὐτῶν ἐκ κομίζεσθαι, τὰ τε ἂν αὐτῶν, αὐτῶν ποιῶν. ἀλλ' ἐκεῖνοι μὲν μηδὲν οὐκ ἐκινῶν, ἡμῶν δὲ γὰρ διὰ τῆς γενέσεως τὰ παρὰ τῶν νόμων ἰσχυρά. τῶν μὲν γὰρ ἂν αἰχνομενῶν εἰς ἐθελῶν πλεονεκτεῖν, δικαστὴ δὲ μηδὲνα εἶναι δυνατῶν τερὸν νόμου. καὶ εἰ μὲν ἐγγενὲς ὕπαι Καρτίειος, εἰ μὴ ἐμμελὲς ἐν ῥητόρων Φαιῶναι χορῶν, βραχὺς ἂν ἦν μοι λόγος, τῶν νῦν ἐπ' αὐτῶν πραττομένων. ἐλάσθη δ' ἄτω γενναίαν διαφθέραι, P. 365. καὶ τὸ ἥδη συνιλεγμένον ἐκβαλεῖν τῆς διανοίας, ὃ πέφυκε ποιῆν ὁ τῶν πραγμάτων θόρυβος, ἢ ὅτι οἶον, ἢ εὐτελές. καὶ σύ τοι τὸ ἀρχεῖν ἔχεις ἀπὸ τῆς δύναμει λέγειν. εἰκὸς δὲ σε ἐοικέναι τοῖς περὶ τὸν ἐρμῆν, καὶ φαίνεσθαι τιμῶντα τὰς ἀφορμὰς, ἀφ' ὧν ἐνταῦθα ἦκεν. Quid igitur petimus? Vide, nihil peti contra legem. Arce Senatores Carterium inter suos adfuerunt, cui publico munere fungi minime conuenit, cum apud nos literarum causa versatur. Pater enim eius sacerdos est, de quo vero, si quæras, imperantem illum inuenieris, & quod maximum est, ta-

lem, qui propter Senatam domum suam reliquerit, quod præsentis literæ ostendunt. Has velim legi iubeas, neque ius & fas adeo negligas: multominus Arce incolis integrum esto, ab iisdem abstinere, & eadem iterum sibi vindicare. Imo vero, sciant illi, æquum esse ea, quæ sua sunt, non referre, atque ea, quæ sua non sunt, sua facere. At illi quidem nihil non audeant, nobis veropere ea, quæ leges iubent, rata sint. Qui enim nullo pudore ducuntur, illorum est, aliena consecrari. Iudicis autem curare, ut quis lege sit potentior. Et sane si Carterius somno indulgeret, si non inter Rhetores aliquando locum esset tuiturus, exiguum admodum eorum, quæ de ipso aguntur, rationem esse habiturum; surculum vero tam nobilem perdere, & quæ iam collecta sunt, ex animo eiicere, quod negotiorum turba facere consuevit, id quidem nec sanctum, nec pium est. Tu vero etiam magistratum tuum a dicendi arte habes. Te itaque iurare decet eos, qui Mercurio operantur, & ostendere, quod magni facias illa, quæ occasionem tibi fecerunt, eo adspirandi.

Quid porro Mansiones fuerint, iam notum est ex dictis ad l. 4. sup. de off. Rectoris prouinciæ: Nempe loca & quodammodo stabula seu statua, quæ comiteantibus publico nomine, vel indulto, hospitia & necessaria præbebant, in quibus proinde pabula & annonæ erant: Ergo præpositi Mansionum, qui curabant, ut parata omnia in mansionibus essent. Cum quibus misceri non oportet Præpositos horreorum: de quibus l. 49. infr. h. t. & l. 8. 24. infr. de suscept. præp. hi enim erant qui præerant horreis publicis annonam publicam continentibus: & quidem alicubi in Africa, horreis, vbi annonæ populi Romani vñibus destinata adseruabatur: de quibus infr. tit. de suscept. præpos. & Arcariis. Item misceri nolo Præpositos annonarum, de quibus d. l. 2.

Nunc de Flaminio & Sacerdotio pauca: In id tantum, ut liqueat, quid fuerint, & in quo differrent. In commune certe hac l. indicatur, splendidos hos honores fuisse: quod & sequentia loca quoque Cenforini, Firmici, Marcellini, Pacati, docent. Quomodo vero hi inter se differrebant? Nempe Flamines singulorum municipiorum erant, Sacerdotes vero solidarum prouinciarum. Hinc adeo prouinciæ Sacerdotes lege 38. infr. de Episcopis, lege 46. 148. infr. h. t. prouinciæ, seu prouinciæ rum sacerdotium l. 75. 174. inf. & Nouella Martiani de matrimon. senator. 4. Firmicus hac ipsa tempestate Sacerdotes Prouinciarum, Cbaros semper ac Nobiles. Horum meminit iam antea Cenforinus de die Natali c. 15. Tutamen officiis municipalibus functus, honore sacerdotii in Principalibus tue ciuitatis conspicuus. Am. Marcellinus libr. 28. cap. 6. Occisur Decurionibus multis, inter quos Rusticianus sacerdotalis, & Nicasius enitebat Edilis. De horum priuilegiis & immunitate dicam inf. l. 75. Hinc adeo Flamen municipalis, Nouella Martiani 4. Hinc illud Sardonii lib. 5. ep. 7. Hi sunt qui inuident prædia prouincialibus, Flaminia municipibus. Latinus Pacatus in Panegyrico cap. 37. Reuerendos municipales purpura Flamines, insignes apicibus Sacerdotes. Hinc igitur passim iunguntur Flamen & Sacerdos, d. No.

d. Nouella Marti. 4. Sacerdotes & Flamines, d. l. 2. inf. quemad. mun. civil. Flaminii honor & Sacerdotii hac l. ipsum porro munus *Flaminium* hac leg. vocatur, & a Tertulliano *de spectaculis, c. 12.* quomodo & *Flaminio abire* dixit Valerius Maximus *lib. 1. c. 1. num. 4. & decedere* Gellius *lib. 10. cap. 15.* Quamquam *Flamonium* apud Sidonium *d. loco: Ili-dorus Gloss. Flamonium honor, qui datur Fla-minibus, & in duabus veterib. Inscriptionib. apud Gruterum CXCIV. 5.*

L. FL. VALENS
OB. HONOREM
FLAMONII
B. P. D.

Et apud eundem CCLIV. 5.

M. VLP. HAD. F. DIVI. TRAI. NEPOT
DIVI. NERVAE. PRONEP. AEL. HAD
ANTONINO. AVG. PIO. PONT. MAX
TRIB. POT. V. COS. IIII. P. P
Q. AVRELIVS. Q. F. PAP. TERTIVS
DEC. COL. SARM. OR. HONOR
FLAMONI. ET
H-S. LXXX. N. AD. ANNONAM
DEDIT
L. D. D. D.

Denique *Sacerdotium* fuit *ἀρχιερωσύνη*, *Flaminium* *ιερωσύνη*, ut recte Valesius *ad Marcellin. lib. 28. c. 6.* Idque primum de Flaminibus & de Sacerdotibus notandum est.

De iisdem secundo observandum, & quidem ex *d. l. 2. inf. quemad. mun. civil.* Flamines alios perpetuos fuisse, alios temporarios, de illis ad *eam l.* Sic occurrit FLAMEN QVINQVEN. in veteri inscript. *apud Gruterum CCLXI. 4. & ideo quoque bis flamen numeratur apud eundem CCCXV. 17.*

FLAMINI. BIS
D. D.

Notandum tertio, eos ex Curialium corpore fuisse, & ex his electos: quod præterea *l. 46. 75. 77. 102. 112. 145. 148. 166. 174. 176. inf. h. t.* Ammianus quoque Marcellinus *d. lib. 28. cap. 6. Occis, inquit, Decurionibus multis, inter quos Rusticianus Sacerdotalis, & Nicasus enitebat Aedilis.*

Quarto notandum ex *sine l. ne nostro fieri iudicio iniuria videatur*, colligi, Sacardotes Flamines, Duumviros, etsi publico provincie & civitatum tractatu habito crearentur, Principis tamen iudicio firmatos. Quod rationem ipsam attinet, ei vicinum est, quod Symmachus scribit, *lib. 10. ep. 34. Qui summi loci Iudices decolorant, Sacri testimonii facilitatem videntur incessere: & lex 3. Cod. Inst. de crimine sacrilegii.*

Tandem ex hac quoque lege discimus, Constantinum sub extremis etiam Imperii sui temporibus (triennio enim eius mortem hac lex antevertit) gentiliū sacerdotibus sua privilegia servasse, & quidem per Africam nominatim.

Ex OFFICIIS quibuscunque Curiales Curiae reddendos, exceptis Palatinis.

XXII. (a) Idem A. ad Euagrium PF. P. (b)

CVm Decuriones Decurionumque filii, deque his geniti, ad diversas Militias (c) confugiant, iubemus, eos in quibuscunque Officiis militantes, exemptos militia, restitui Curiae: exceptis his qui in Palatii nostri iam habentur Officiis. Dat. XI. Kal. Septemb, Constantinop. Nepotiano & Facundo. Coss. [336.]

NOTAE.

- (a) Abest hæc lex a *Cod. Inst. GOTHOF.*
(b) *Euagrius PP.* sub Constantino M. Eidem inscribitur *lex 13. 19. 20. sup. ID.*
(c) *Officia, inf.* etiam Palatii, in *sine leg. ID.*

P. 366.

COMMENTARIUS.

EMILITIA, seu OFFICIO quocunque civili, Decuriones filiosque Decurionum, & ex his genitos, ad Curiam revocari iubet hac l. Constantinus M. excepta sola PALATINA militia, qua Curialem tutum & securum esse iubet, & quidem simpliciter & absolute: pariter ut idem *l. 1. 3. sup. de priviil. eorum qui in S. Palatio:* Cum tamen Constantinus tum deinde Curialem ad Curiam e Palatio retrahi vetuerit, si quinquennium in eo impleisset, *l. 31. & 38. inf. h. t.* Contra, *Valentiniano Sen. eadem cum Constantino mens stetit, l. 67. inf. h. t. & l. 6. sup. de priviil. eorum qui in S. palatio &c.* Valentinianus Iun. quoque certum stipendiorum numerum praefixit *l. 100. triginta scilicet annorum, l. 88. inf. h. t.*

Itemque Theodosius M. decennii, *l. 12. sup. de priviil. eorum qui in f. palat:* Honorius ad Curiam retrahi simpliciter voluit, *l. 147. 154. inf. h. t.* Tandem Theodosius Iun. quindecim annorum numerum praefixit, *l. 14. sup. de priviil. eorum qui in f. palat.* ad hoc sane quoque argumentum pertinet Symmachi locus, *lib. 10. ep. 51. Cum Venantii Stratoris illiitam usurpatamque militiam Marcellus argueret, quod decurionum adscriptus albo, ut Gesta docuerunt, aduersum leges ad Palatina castra transisset, non debui obiecta reticere: ut in ea re que modum mei egrediebatur examinis, Aeternitas vestra ipsi legibus, quas tuctur, augustior iudicaret.*

ABSEN-

**ABSENTIBVS, ad Curiam nominatis, post tertium Edictum
30. adhuc dierum laxamentum ad sui defensionem
tribuit.**

XXIII. (a) Imp. CONSTANTIVS (b) A. ad Iulianum.... (c)

QVAMVIS eos, qui tertio Edicto vocati minime respondere voluerunt, Legum (d) seueritas obnoxios facias cætibz Curiarum, tamen humaniorem placuit sequi viam, & eos admonere Edicto, *Vt intra triginta dies sui præsentiam faciant*: Quod si intra hoc tempus neglexerit (e) vel sui præsentiam facere, vel defensore (f) ad iudicia mittere, qui absentia eorum iustas allegationes deponat, sententia super his lata sine aliquo cunctamine (g) conualefcant (h). Dat. V. Id. Octob. Antiochiæ, (i) Vrso & Polemio Coss. [338.]

NOTAE.

- (a) Adest & hæc lex a *Cod. Iust.* velut temporaria *GOTHOFR.*
(b) Est quidem hæc lex *Constantio* tribuenda: sed tamen pro more tum recepto addi oportuit *Constantini & Constantis* (fratrum) nomina. Verum obseruo, toto hoc *Codice* nullam legem occurrere, quæ trium horum fratrum nomina inscripta habeat, sed vel *Constantii* solius, vel *Constantini & Constantis* (vt l. 3. de dilat.) vel *Constantii & Constantis*. At in *Codice Iustiniano* duæ leges occurrunt, quæ trium fratrum nomina inscripta habent, puta l. 1. de Legatis, quæ data est ad populum: & lex 6. de dilat. quæ eadem est cum d. l. 3. ID.
(c) Non dubito, quin *Iulianus* hic Rector alicuius provinciae fuerit, sane ante quadriennium *Iuliano* Præfidi inscribitur l. 3. sup. de fide i. s. ID.
(d) Leges hæc sunt non modo generales, quæ in absentem, qui tertio Edicto vocatus non comparuit, sententiam pronunciari volunt: sed & speciales, de Decurionibus absentibus. ID.
(e) *pp. Neglexerint*. ID.
(f) De Defensore, hic locus est; absentia causas pro alio allegante, de quo multa in iure nostro. ID.
(g) *Cunctamen*. vid. *Gloss. Theod.* id est, mora. ID.
(h) De hac voce mox. ID.
(i) *Constantius* ex Pannonia, Imperio cum fratribz diuiso aduersus Persas repente in Syriam profectus est. *Iulianus erat*. l. p. 19. Edit. *Spanhem. Lips.* Hinc igitur *Antiochiæ* data hæc lex: & mox hoc eodem mense, *Emesa*, (quo *Antiochia* digressus *Constantius*) lex 25. inf. b. s. vid. *Chronologiam*. ID.

COMMENTARIVS.

CONSTANTII Imp. viginti septem constitutiones sequuntur, de Decurionibus: Ex quibus apparet, quis tum Curiarum & Curialium status fuerit: & retro quibus ipse *Constantius* rationibus Curiarum Decurionumque utilitati consultum iuerit: easque erigere fategerit. Cæterum ad quinque pariter fines hæc *Constantii* constitutiones referendæ veniunt. Primus respicit *Nominationum formam & ordinem*, quo pertinet lex 23. 28. & 46. Secundus eo, ne Curia vacuentur seu desolentur, Dignitatis alicuius aut honoris empti præsertim & honorarii, obtentu: l. 24. 25. 26. 27. (quanquam 24. 26. 27. potius *Constantino* fratri tribuendæ videntur) 34. 36. 42. 44. (excepto casu l. 25. inf. l. 36. in fin.) ne Senatoriæ dignitatis l. 29. inf. l. 42. 48. ne officio, vel militia quacunque etiam Palatina, l. 31. 37. 38. 42. (nisi quinquennio impleto, d. l. 31. 38.) etiam armata, l. 40. 43. eaque quantumlibet expleta, l. 45. ne Adnotatione, l. 46. ne colonatu rei priuatæ, l. 33. solo Clericatu excepto, in sp. l. 49. Tertius finis *Constantii* legum, hoc titulo, vt *Decuriones & Magistratus muneribus sibi iniunctis sedulo fungantur*: hinc adeo desertoribus pœna imposita l. 29. Quartus, vt nouis subinde supplementis, & substitutis aliis in deficientium locum, Curia repleantur. Hinc adeo Veteranorum filios in Curiam allegi vult l. 32. 35. Postremo & Curialibus sua quedam priuilegia firmat *Constantius*. Immunitatis videlicet ab extraordinariis muneribus rei priuatæ nomine l. 30. ab iniuria

corporis, l. 39. 47. Item vt condemnationibus tantum certis subiacerent, dict. l. 47.

Hæc prima omnium *Constantii* hoc titulo lex, adp. 36. NOMINATIONVM formam & ordinem pertinet, estque de ABSENTE & REFUGA ad Curiam per Edictum citato: scilicet hac tempestate, cum Curiarum refugæ multi essent, eos citari Edicto contigit & tertio quidem; quæ citationum forma est. Quo casu sanè eo, qui tertio Edicto vocatus fuerat, minime respondente, sententia super eo lata valere debeat, & Curia addici, ex Generali Notissimaque iuris legumque seueritate (vt hac l. expresse dicitur) de quo triuæ per edictum citationis more & effectu videndæ sunt leges *Decemvirales*, & l. 68. 69. Sc. D. de iudiciis. aliaque iam ab Interpretibus occupata. Et in specie tamen huius l. *Constantius* tertio Edicto vocatis Triginta adhuc dierum, seu mensis vnus laxamentum tribuit, humaniorem (vt ipsemet ait) viam insequens. Nempe etsi summo iure post tertium Edictum vocatus, sui præsentiam facere, vel defensorem, iustas absentia suæ causas allegaturum, ad iudicium mittere negligens, sententiam in se latam susterre teneatur, & sic in proposito casu, Curialia munera subire; attamen cum de statu personæ, nexuque & vinculo personali ageretur, vtique humanius visum *Constantio* iustos adhuc 30. dies ei tribuere quibus demum lapsis sententiam latam valere iubet, seu vt proprie loquitur *Conualefcere*: *Conualefcere* hic sententia dicitur vel pro simplici valere, vel quæ

antea lata, verum legitimo aliquo tempore suspensa, hodie demum vires & effectum fortitur. Non continet igitur *lex* ista ordinarium seu perpetuum aliquod ius, quasi tertio Edicto citatis XXX. adhuc de more dies tribuendi sint: Verum laxamentum tantum quoddam, quod hoc tempore *legum seueritate* exclusis Constantius ex humanitate tribuendum credidit: eosque in id Edicto adhuc commone-

ri voluit, vt intra dies 30. sui presentiam facerent ad sese defendendos: alioquin fore, vt sententia super his lata effectum fortitur. Vbi Edicti monitorii genus istud post trinum Edictum seu trinam sententiam notandum est. Itemque exemplo triginta dierum prescriptionis *ἡγουμένη διασφύματος* & laxamenti tituli, quod & aliis casibus tributum: vid. saltem *sup. tit. de exhib. reis. & l. 13. sup. de penis.*

DIGNITATES *affectantium ad Curiam euitandam* *pœna.*

XXIV. (a) Idem (b) A. Aconio Catullino (c) Vic. Afric.

QUICVMQVE fugientes obsequia Curiarum, affectauerint adumbrata nomina Dignitatis, etsi eos spes falsi honoris inluserit, triginta argenti libras inferre cogantur. Acc. Karthag. (d) Prid. Id. Decemb. Vrso & Polemio Coss. [338.]

NOTAE.

- (a) Abest hæc *lex* a *Codice Iust.* Ei omnino concordat, & plane similis est, hoc Anno altera eiusdem Constantis *lex 2. sup. de honor. Codicillis. GOTHOF.*
- (b) *Constantino*, vel *Constanti* hæc *lex* tribuenda est: neque enim Africa Constantio in Imperii cum fratribus diuisione obtigerat. *ID.*
- (c) *Aconius Catullinus* Vic. Africæ. Eidem inscribuntur Anno prox. 339. *lex 4. sup. quorum appellat.* & hoc Anno tres aliz puta *lex 26. inf. b. t. lex 2. sup. de honorar. Codicill. lex 5. inf. de operib. publ.* Verum hoc vnico loco integro nomine & dignitate, *Aconius Catullinus Vicarius Africa* dicitur. Atenim in *l. 26. inf.* Catullinus Vic. Afric. in *l. 2. sup. de honor. Codicill.* Aconius Vic. Afric. in *l. 5. de operib. publ. & l. 4. quorum appellat.* Catullinus simpliciter. *ID.*
- (d) *Karthago* sedes Vicarii Africæ erat: quare ibi Accepta *lex. ID.*

DIGNITATES *quæsitæ ad Curiam euitandam quibus* *proiunt vel non.*

XXV. (a) Idem A..... (b)

QUONIAM emperat dignitatis obtentu Curias vacuefactas esse non dubium est, placuit, vt cuncti qui suffragiis Dignitatum insignia consecuti sunt, inmeriti honoris splendore priuati, ciuiliū munerum solemnitate fungantur. Eorum sane intemeratas inconcussasque Dignitates volumus permanere, qui vel iudicio Prouinciarum in officium Legationis electi sunt, vel honestis testimoniis (c) adminiculis enitentes alium Dignitarum priuilegia insigniaque meruerunt. Dat. V. Kal. Nouemb. Emesa (d), Vrso & Polemio Coss. [338.]

NOTAE.

- (a) Abest & hæc *lex* a *Cod. Iust.* Eam forte intelligit ipse Constantius *l. 34. inf. GOTHOF.*
- (b) *Constantio* hæc *lex* tribuenda. Sed non liquet, ad quem emissæ, seu data sit. *ID.*
- (c) *pp. Testimonii. ID.*
- (d) Constantius in Syria consistens, vt testatur Iulianus *orat. 1. pag. 20. Edis. Lips. Spanhem.* & subscriptio *legis 23. sup. in* ter alia quæ in Persas molitus est, latrones Arabum in Syria grassantes per Legatos in Persas commouit, *dict. orat. 1. pag. 21.* nempe ipse Emesa in Syria, mox Laodiceæ & Heliopoli constitutus vrbe Syriæ Phœnices, Arabiæ vicina. Hinc igitur *Emesa* hæc *lex* ab eo data: cuius etiam Episcopum Eusebium Emisenum secum postea idem in Persas duxit, teste Sozomeno, *lib. 3. c. 5.* Ad hanc Emesæ moram pertinere videtur, quod memorat Libanius, *Orat. ad Theodosium 13. p. 413. Edis. Morell.* Verum malo ibi legere *Edeffa*: de quo ad *l. 3. inf. de Paganis. ID.*

DIGNITATES *emptæ & honorariæ ad Curiam euitandam nil profunt.*

XXVI. (a) Impp. Constantius (b) & CONSTANS AA. ad Catullinum, (c) Vic. Afric.

CVNCTOS ex Comite cuiuslibet (d) ordinis, & ex Præsidibus, & Rationalibus, & Magistris studiorum (e), denique ex Perfectissimis (f) honorariis, vel (g) affectus (h) eorum ad ciuica onera constringes: siquidem rectius patriæ, vel honoribus, vel Magistratibus expendere debuissent, quæcunque ab his, fœdantibus (i) honores, consumpta sunt. Dat. Kal. Nouemb. Vrso & Polemio Coss. [338.]

NOTAE.

- (a) Abest & hæc lex a *Cod. Iust. GOTHOFR.*
- (b) Inscrubendi erant *Impp. Constantinus, Constantius, & Constans. ID.*
- (c) De hoc *Catullino* dixi ad l. 24. *sup. ID.*
- (d) Siue primi, siue secundi, siue tertii ordinis: de qua triplici comitiua *sup. lib. 6. ID.*
- (e) Videri queat non posse hanc vocem stare: reponendumque *Magistris Sacrarum*: argumento l. 14. *sup.* verum de eo mox plenius. *ID.*
- (f) De his *suo tit. sup.* & in hoc ipso argumento l. 5, 15. *sup.* l. 42. & 44. *inf. ID.*
- (g) *Vel pro &*: vid. *Gloss. Theod. ID.*
- (h) *Affectus*, liberi: vide *Glossar.* & Iul. Capitolinum in *M. Anton. Philosoph.* cap. 24. & in *Gordianis* cap. 6. affectiones, l. 3. *inf. de naufragiis. ID.*
- (i) Data pecunia: sic *inf. l. prox.* fœda familiaris rei vexatione. *ID.*

DIGNITATES *emptæ ad Curiam euitandam nil profunt: idque nominatim Karthagine perque vniuersam Africam.*

XXVII. (a) Idem AA. (b) Haue Celsine (c) K. NB.

RARVM (d) Karthaginis splendidissimæ (e) Senaturn, & exiguos admodum Curiales residere conquestus es, dum vniuersi indebitæ Dignitatis infulas fœda familiaris rei vexatione, (f) mercantur: Igitur istiusmodi viri, demptis honoribus imaginariis, huiuscemodi (g) illi (h) erunt, quos fuerant consecuti, ciuicis muneribus subiugentur. Quod quidem per omnem (i) Africam solertissime seruari oportet. Dat. VI. Id. Ian. Treu. (k) Constantio II. & Constante AA. Coss. [339.]

NOTAE.

- (a) Abest hæc lex a *Cod. Iust.* velut historica, localis & temporaria. *GOTHOFR.*
- (b) Ec huic legi inscribendi erant *Constantinus, Constantius & Constans. ID.*
- (c) *Celsine* PP. inscribitur Anno superiore 338. l. 4. *sup. de petit.* & A. 341. sine vlla pariter dignitate *lex 6. sup. de donat.* quo sane tempore P. V. fuit, vt discimus ex *veteri Notitia Praefectorum urbis.* Ex hac l. constat, sub eius dispositione fuisse *Karthaginem*, & omnem *Africam.* Quare Praefectus Praetorio Italæ hic accipiendus. *ID.*
- (d) *Rarum* id est, Infrequentem. *ID.*
- (e) *Kartago* splendidissima. Vetus orbis Descriptio sub hoc eodem Imp. Constante decennio ferme post *hanc legem* de Africa agens pag. 268. in *Geographicis antiqu.* Iacob. Gronov. *Quæ multas & differentes ciuitates possident, vnam præcipuam & admirabilem nimium habes, quæ sic vocatur Kartago.* Alia elogia ex Himerio, Ausonio, Augustino, Saluiano, iam notata aliis, *alibi. ID.*
- (f) *Vexatio fœda familiaris rei*, erogatio, profusio: Ita l. 7. *inf. de operib. publ. ne Senatoria facultates harum rerum contemplatione vexentur. ID.*
- (g) *rp. Cuiusmodi illi erunt*: id est quicunque sint honores: Ita enim hic locus restituendus est; & vt feci interpungendus; non vero parenthesi hæc includenda (*huiuscemodi illi erunt quos fuerant consecuti*): vt quidam volunt; sic l. 134. *inf. b. t. & l. 9. de scænicis*: huiusmodi, pro *cuiusmodi*, vel *cuiuscunque. ID.*
- (h) Honores. *ID.*
- (i) *Africa* omnis, quæ sub dispositione Praefecti Praetorio erat. *ID.*
- (k) *Treuiris* Constantinus Imp. hoc tempore, *ID.*

COMMENTARIUS.

DIGNITATIBUS honorariis, imaginariis, adumbratis, seu honoribus per suffragia, scdamque familiaris rei vexationem (vt loquitur lex 27. vide & scdare honores l. 26. dicuntur,) coemptis, Curias euitari, quod passim Curiales hac tempestate affectabant, vetant his quatuor legibus Constantinus Iunior l. 24. 26. 27. Constantius l. 25. pariter vt l. 34. 36. 41. 42. 44. quæ omnes intra bimestre ferme latæ, ostendunt, quam late malum hoc tum grassaretur, tum in Oriente, quo spectat lex 25. tum in Occidente, ac præsertim in Africa, ac nominatim Karthagine, P. 369. quo spectant tres Constantini & Constantis leges 24. 26. 27. sic vt exinde contingerit Curias vacuieseri, quod diserte testatur d. l. 25. & 27. deque eo querelæ ad Principes perlata fuerint, vt docet d. l. 27. Scilicet vt cæteroquin scda honorum & dignitatum nundinatione hoc seculum infame fuit: de quo dixi prolixè ad leg. 1. & 2. sup. de honorar. codicill. & leg. 4. sup. de accusat. ita etiam per eam Curie nominationem vacuiescæ fuerant, Curialibus passim dignitatis adumbratæ nomina affectantibus seu dignitates ementibus & emercentibus. Quod factum Constantinus & Constantius atrocibus verbis insequuntur, cum non tantum *saluum honorem* eum vocant, l. 24. immeritum honorem, l. 25. imaginarios honores, l. 27. verum etiam aiunt *scdari honores* hac ratione, l. 26. scdamque hanc familiaris rei vexationem, id est profusionem, erogationem, consumptionem vocant, l. 27.

Porro quænam hæc dignitates fuerint, ostendit lex 26. Nempe ex ferme ipsæ, quæ Constantini M. lege 14. sup. Comitua excepta recensentur, & ex his duæ, lege Constantii 36. 41. 42. 44. inf. Hæc prima omnium est de Comitua de qua agitur l. 36. 41. 44. 75. 109. 127. 150. 189. eaque varii ordinis, l. 26. id est, siue primi, siue secundi, siue tertii (de qua triplici Comitua a Constantino M. instituta, dixi plene lib. 6. sup.) v. & dict. l. 127. 189. inf. (2.) *Præsides*, item *Rationales*, *Magistri studiorum*: vbi proculdubio rescribendum, *Magistri Sacrarum*: (quod ad scripturam propius, quam quod Doct. Valesius in *Ann. Marcell. lib. 5. c. 5. Priuata*.) nam & ita d. l. 14. quarto loco *Magistrorum priuata* (rei scil.) dignitas memoratur: tribusque aliis sociatur, & vero pariter proxime Rationalibus: quibus vtique & re ipsa vicini erant, de quo dixi ad d. l. 14. & ad l. 2. sup. de iure fisci. Nam quid quæso hic faciant *Magistri studiorum*? imo nulla talis dignitas fuit *Magistri studiorum*, quam alii ambire potuerint. Neque huc proinde facit, quod de Magistrorum filiis statuitur, l. 98. inf.

Exprimitur & dicta lege 26. honoraria *Perfectissimatus* dignitas: de qua agitur in hac ipsa re l. 5. 15. sup. & l. 42. 44. inf. De qua etsi suo titulo iam fuisse; attamen & hic quædam notanda veniunt, quæ ad Constantii huius leg. auctoris sæculum faciunt: & quidem non aliunde se impetita, quam ex his ipsis huiusce tituli legibus, quæ de Perfectissimatu agunt: quarum duæ Constantini M. sunt, puta lex 5. & 15. sup. tres Constantii puta hæc, & lex 42. 44. inf. Igitur notandum ex illis: Primo, Perfectissimatus dignitatem seu titulum pro magno tributum, & vero *administrationibus amplissimis*: quod docet dict.

l. 5. supra. Eos, inquit, qui in Palatio militauerunt, & eos quibus provincie commissæ sunt, quique, merito Amplissimarum administrationum honorem Perfectissimatus vel Egregiatus adepti sunt. Item lex 15. Ita vt Et hi, qui Perfectissimatus sibi honore blandiuntur, trusi in Curiam necessariis officiis publicis inseruiant. Ethæc sub Constantino M. Constantii quoque legibus, puta hac l. & l. 42. inf. etsi Perfectissimatus & Perfectissimi, a Præsidibus secerantur, attamen tanquam genus & species separantur, quia & alii Perfectissimi, quam Præsides fuere, veluti Rationales, qui & ipsi hac l. memorantur, vt docet lex Constantini M. 1. supra. de bon. vac. vbi plura. Item Duces sub hoc ipso Constantio: teste Ammiano Marcellino lib. 21. cap. 16. Nec sub eo, inquit, Dux quisquam cum Clarissimatu prouectus est: Erant enim, vt nos quoque meminimus, Perfectissimi. Secundo obseruandum a Perfectissimis & Perfectissimatu secerari Comites seu Comitum, & hac l. & l. 44. infra, Tertio item secerari tanquam inferiores dignitate a Clarissimatu, seu Clarissimis: l. 42. infra h. t. & superiore Ammiani Marcellini loco. Nunc ad rem.

Quid igitur ad hæc Constantinus & Constantius? nempe detrahi Curialibus hos honores iubent, l. 25. & 27. eosque ciuicis oneribus seu muneribus e Curialibus adstringi, l. 25. 26. 27. Sed & multam præterea his imponit Constantinus Iun. Imp. l. 24. vt & l. 2. supra de honor. Codicill. (quæ eundem Auctorem eodem tempore habet & in eandem sententiam, & pariter ad Africam pertinet) triginta videlicet argenti librarum: Idque (vt docet dict. l. 2.) præter multam aurariam, quæ in commune omnibus aliis dignitatibus mercatoribus præstituta fuerat. Atque adeo duplici multæ Curiales subiicit honores ementes, emendicantes; quod ea in Curiali longe turpior & exitiosior in perniciem ciuitatum & Curiarum cederet, in quibus Ciuitatum decus consistebat: de quo elegans locus est inter alios Libanii Orat. περί προσαιών num. 3. pag. 9. 10. Edit. Gothofred. & pag. 366. Edit. Oper. min. Gothofr. Cl. Troitz. sic vt Curie, ciuitatum anima essent; & τῆς ἑαλῆς ἰσχύς, ψυχὴ πόλεως ἐστίν, ait idem Libanius Orat. in Iuliani necem, p. 297. edit. Morell. Qua causa & Curiales nerui Reipubl. & viscera vocantur ciuitatum, Nouella Maiorani 1. & exinde apud Casiodorum non vno loco.

Et hæc quidem de dignitatibus emptis, vel per suffragia & ambitum quæsitis. Aliam rationem esse iubet Constantius dignitatum honorariorum, quas sequentes Decuriones affecti sunt l. Legati prouinciales: qui scilicet iudicio prouinciarum in officium Legationis electi ad Comitatum Principis, quæ vtique magna dignitas fuit. Hi scilicet honorariis Codicillis aucti, munerum immunitate gaudebant; vt docet lex 25. & l. 36. inf. & l. 1. sup. de honor. Codicill. & l. 23. sup. de cursu publ. de quibus Legatis erit inf. titulus peculiaris hoc ipso libro. Ad hanc vero immunitatis speciem referenda videri possit Synesii Ep. 90. in qua publici muneris immunitate frui se postulat, quæ ab Imperatore donatus fuerat, τῆς λειτουργίας ἀνεμείνω τῆς καταράτης, ἢ τὸ μὲν ἐπὶ βασιλῶν γίγνεται ἐκτός, si detestanda publici muneris

neris functione liberer, a qua quantum in imperatore erat immunis factus sum. Moxque de Legatione a se habita aliquid adiecit. II. Si qui honorarios Codicillos meruerunt a Principe honestis testimonii adminiculis enitentes.

Ex legis 27. interium, quæ de Africa & Karthagine agit, subscriptione hac *Dat. Triu.* apparet liquido, Karthaginem ut & Africam Proconsularem Con-

stantino Iun. Arelatenfi, eius leg. auctori cessione, non autem Constanti, ut Victor in *Epitom. cap. 41* & Zonaras *Annal. Tom. II. lib. 13. cap. 5. pag. 9. Edit. Venet. inter Script. R.B.* prodiderunt. Sane postea de ea inter Constantinum & Constantem dissensum, quæ dissensio tandem fatalis Constantino extitit; ut differte docet Victor *d. loco*, & Zosimus *lib. 2. cap. 41*. Numidiam vero Constanti cessione docebit *lex 29. inf.*

P.376.

NOMINATIONES ad honores & munera Kalendis Martiis fieri debere.

XXVIII. (a) Idem AA. (b) ad Anatolium Vicarium Afric. (c)

CONSTITVTIONIBVS† perspicue definitum est, Kalendis Martiis Nominationes fieri, ut splendorum honorum munerumque principia primo tempore procurentur: &c. *Dat. VI. Kalend. Decemb. Constantio II. & Constante AA. Coss [339.]*

NOTAE.

(a) Absit hac lex a *Cod. Inst.* & iungenda ei *lex 19. sup. de appellat. GOTHOFR.*

(b) Constantio soli tribuitur *d. l. 19.* Imo trium Imppp. *Constantini, Constantii & Constantis* nomina inscribenda erant. *ID.*

(c) *Africæ d. l. 19.* utrum verius? Mox dicam. *ID.*

† *Constitutiones* hæc nuppiam extant, *ID.*

COMMENTARIVS.

DE NOMINATIONIBVS ad Honores splendorum, id est Duumviratum & summes, & Munera, est hæc Constantii Imp. Constitutio: non de nominatione simplici ad Curiam; ut quidam male: quæ pars est prolixioris Constitutionis Constantianæ: qua partim tempora Nominationibus faciendis præstitutum fuit, quo pertinet hæc lex: partim vero Tempora Appellationum a Nominationibus, quo spectat *lex 19. sup. de appell.* quæ, ceu eiusdem Constitutionis pars, huic coassanda venit. Scilicet & hæc quoque lege id constituitur, quod superioribus perspicue definitum iam fuisse ait (e quarum tamen numero nulla superest) Kalendis Martiis Nominationes fieri debere. Quia causa forte *lex 2. sup. de veteranis*, qua immunitas a muneribus tribuitur, data dicitur *Kalendis Martiis*. Sed & appetente Nominationum tempore *lex 84. inf. h. t.* quæ formam Nominationibus præstituit, dicitur *PP. XV. Kal. Martii*.

Et rationem addit Imp. *Ut splendorum honorum munerumque principia primo tempore procurentur.* Primum tempus scil. vocat Ver: sicut pri-

mu. Ver in veteri comiteatus militaris formula: *si quis vestrum suos inuifere vult, comiteatum do: Primo Vere edico, adfistis: ut Diis bene iuuantibus bellum ingentis gloria prædeque futurum incipiamus*, apud *Liuium lib. 21. cap. 21* Nostrene vocem retinuimus, *Primitemp* pro Vere & alicubi inde, *Primeuere*. Notissima porro sunt iam ea quæ de mense Martio, qui olim apud Romanos mensis primuserat, notata: *Nota & Matronalia*, quæ eo agitata, ut & munuscula, quæ Kalendis Martiis misistata.

Illud notandum superest, hanc constitutionem esse Constantii Imp. *Anatolius* quippe, cui hæc lex inscribitur, erat *Vicarius Asiæ*, ut recte præfert *d. l. 19. sup. de appellat.* quæ huic, ut dixi, coassanda venit, non vero *Africæ*, ut hæc lex præfert. *Anatolius* scilicet hic *Syrus Beryto* oriundus, præstantissimusque Iurisconsultus, Beryto in Ponticam translatus, primum Consularis *Galatiæ* factus est teste *Libanio, Ep. 577.* deinde in proximam *Asiam* translatus, *Vicariusque Asiæ* factus est: Exinde *Illyricum* translatus, *PP. Illyrico* factus: de eo plura in *Prosopogr.*

DVVMVIRORVM desertorum pœna: vetitique Curiales SENATORES fieri, nisi cunctis honorib. expletis.

XXIX. (a) Idem AA. (b) Ordini ciuitatis Constantinæ (c) Circensium. (d)

MAGISTRATVS (e) desertores ad eam Grauitas Tua faciat necessitatē conditionis virgueri, ut quascunque pro his expensas ciuitas prærogauit (f), refundere protinus, ac repr-

repraesentante cogantur. Et * deinceps tenaciter obseruabit, ne qui derelicta Curia in ordinem veniant Senatorium, priusquam cunctas functiones ciuicis honoribus pensitaue- rint. Dat. XIV. Kalend. Feb. Naïssō (g), Acyndino & Proculo Coss. [340.]

NOTAE.

(a) *Lex 20. Cod. Iust. eod. tit. GOTHOF.*

(b) Inscibenda quoque huic legi *Constantini, Constantii, Constantis*, nomina. *ID.*

(c) Ita quoque habuit *Cod. Iust.* Cuiacius in *Ædesenæ* mutauit, ex vetustissimo libro, ut ipse quidem ait, de quo mox. Ve- teres quidam etiam legerunt *Sironensium*. *ID.*

(d) Hæc vox *Cod. Iust.* retracta ad initium legis; ita, *Circensium Magistratus desertores*. Quod erroneum est. Vindi- canda enim hæc vox Inscriptioni, & reponendum *Cirtensum*. *ID.*

(e) *Magistratus*, id est Duumuiratus, v. *Paratitlon*. *ID.*

(f) *Prærogauerit*, vel *prorogauerit*, *Cod. Iust.* *ID.*

• Sequentia rescata a *Cod. Iust.* *ID.*

(g) *Naïssō* pariter data mense proximo *lex 5. sup. de petition.* ad Callepium Rationalem trium prouinciarum (id est Siciliæ, Sardinia, Corsicæ.) Ex quo apparet hanc legem *Constanti* tribuendam: ac proinde etiam ad *Osdroenam* non perti- nere, quæ Constantio parebat. *ID.*

COMMENTARIUS.

P. 371.

DE DUUMVIRIS DESERTORIBUS est hæc Constantis Imp. constitutio: qui scilicet Duumuiratum gerentes, Magistratum & solemnia, seu *χορηγίας*, quæ Magistratibus incumbabant, desue- gebant; desererebant. Id scilicet interest, inter le- gem 16. *sup.* & hanc nostram: Illa est, de Nominatis refugis & latentibus, ne Duumuiratum capeffant: Hæc vero de iis, qui Duumuiratum gerentes, ubi so- lemnium expensarum tempus aduenit, sese e medio subducunt, & Magistratum iam susceptum deserunt, expensarum lucri: faciendarum gratia. Notum scilicet, Duumuiris seu Magistratibus magna onera in- cubuisse, ac nominatim, ne de sportulis dicam, quas Magistratum ineuntes erogare solebant, (quod Plinius testatur *libr. 10. ep. antepen.*) aliisque *χορηγίας*, spectaculorum, ἀγώνων edendorum onus: quod tes- tatur diserte *lex 1. 4. infr. de spectaculis & lex 109. infr. b. t.* sed & Tertulianus de spectaculis, *cap. 12.* ubi de Muneribus: *Licet*, inquit, *transferit hoc ge- nus editionis ab honoribus mortuorum, ad honores viuentium. Quæsturas dico, & Magistratus, & Flaminia, & Sacerdotia; cum tamen nominis di- gnitas idololatria crimine tenetur, necesse est quid- quid dignitatis nomine administratur, communicet etiam maculas eius a qua habet causas.* Et Liba- nius, pro Aristophane ad Iulianum p. 212. edit. Morell. καὶ προῆλθεν, δαπανῶν εἰς τὴν καλῶμεν ἑρατηγὴν λειτουργίαν. Quem locum non cepit Interpres Mo- rellus, dum vertit, deinde perrexit suppeditans ad officium eius qui Strategus nominatur. Item de vita sua p. 2. edit. cit. καὶ χορηγίας, καὶ ἀγῶσι, καὶ λόγους, ὅσους φορεῖς (ποφύρεας) ἀρχόντων ἀπαντῶσιν, quem locum itidem non cepit Mo- rellus, vertens: & suppeditationibus ac certami- nibus, & sermonibus, quibus magistratum pur- pure excipiuntur. Idque etiam discimus ex variis eiusdem Epistolis. Porro hæc spectacula erant va- rii generis, & expensæ magnæ. Igitur Duumui- ri sæpe ut hæc expensæ euitarent, Magistratum deserere nitebantur, Senatoria forte dignitate impetrata: ut docet extrema pars huius legis (de qua dignitate Se- natoria ambita a decurionibus ad euitandam videli- cet Curiam Curiaque munera, cum sint 26. præter- ea leges hoc titulo, quas repetere licet ex *Paratitlo*,

(inter alias duæ Constantini M. puta *lex 14. & l. 18.* Constantii totidem, puta *lex 42. 48. infr.* ubi dixi) vnica hæc est diserte de Duumuiris ad Senatoriam dignitatem confugientibus, euitandorum onerum Duumuiratus causa. Huic igitur fraudi occurrit *hæc l.* Constantis Imp. ne quid ciuitatum voluptati de- trahatur. Quare inbet, expensas quas Duumuirum facere oportuit, Ciuitatem prorogare, quas Duum- uir postea refundere cogetur; bonis eius forte cap- tis, si is absit. Cui similis est prorsus altera Con- stantii Imp. constitutio in Prætores pariter editionis suæ tempore absentes, puta *lex 6. supr. de Prætori- bus*: puta, ut pro eo, quem absentem tempus edi- tionis inuenerit, erogationem debitam fiscus expen- dat: post aduentum, cuncta quæ prærogata fue- rint, soluturo: videatur & Symmachus *libr. 4. ep. 8.* Etsi postea pœna insuper absentibus indicta: *l. 13. & 20. eod. tit. de prætorib.*

Nunc de Legis Inscriptione veraque lectione. Inscibitur ea scilicet *Ordini Ciuitatis Constantinae Cirtensum*, ita enim rescribendum est. *Constantina*, inquam: Quomodo etiam habet *Codex Iustinia- nus*: ubi tamen ex vetustissimo libro Cuiacius re- ponebat *Ædesenæ*, quæ vrbs Osdroenæ est: qui idem scribit videri hanc *l.* scriptam fuisse ad Præsidem Osdroëna. Quod non admitto, nam ut omitam huius Codicis lectionem, & aliorum omnium Codicum *Cod. Iustiniani*, sane hic *Ædesenæ* stare non posse, vel eo quoque conuincitur; quod hæc *lex* non Constan- tium Auctorem habet, cui Oriens, & sic Osdroëna, parebat, verum Constantem, ut ostendit subscri- ptio legis *Dat. NAÏSSO*, cui similis est altera in *l. 5. sup. de petit.* mense proximo data ad Rationalem trium prouinciarum, id est, Siciliæ, Sardinia, Cor- sicæ: Nam & hæ tres prouinciæ Constanti in Im- perii diuisione cesserant: & ipsa *Naïssus*, quæ Mæ- sia vrbs fuit; itemque Numidia, ut exinde discere licet, cum Africa Proconsularis Constantino cessis- set: de quo ad *l. 27. supr.* Ergo maneat, retinen- dam hic vocem *Constantina*. Neque etiam Con- stantina Phœnicia hic accipienda, quod Cuiacius putauit, ad hanc leg. sed indicatur apertissime *Con- stantina Cirtensum*, quæ ciuitas Numidia erat, cui- que *Constantina* nomen haud ita pridem inditum fuerat,

fuerat, de Constantini Imp. nomine Sex. Aurelius Victor Schotti c. 40. *Maxentii nece vix credibile quantum letitia, gaudioque Senatus ac plebes exultauerint.* Et mox: *Tum per Africam sacerdotium decretum Flauia genti: Cirtæque oppido, quod obfidione Alexandri (Vicarii Africæ) ceciderat, reposito exornatoque, nomen CONSTANTINA inditum: adeo acceptius præstantiusque Tyrannorum depulso nil est.* Cirtæ igitur (cuius multa mentio apud veteres, Lilius, lib. 30. cap. 12. Sallustium, in *Iugurtha* c. 21. Strabonem, lib. 17 pag. 1188 Edit. Almelouen. Hirtium de bell. Africano, cap. 25. Melam, lib. 1. c. 6. Ptolemæum, lib. 4. cap. 3. Æthiæ, pag. 722. Edit. Gronou. ad calcem Mele. Augustinum &c. (quæque postea Concilio A. D. 412. habito, quod *Cirtense* ideo dictum, famosa extitit: de quo Augustinus Ep. 152. (su. 141. edit. Benedictin.) & ep. 158. (su. 139. edit. Benedictin.) in qua & *Principalis Cirtensis* mentio fit) Constantinæ nomen inditum, & *Constantina Cirtensium* dicta; ad discrimen aliarum urbium, quæ *Constantinæ* pariter dicebantur. Quanquam & absolute quandoque *Constantina* vocatur: veluti in subscriptione legis 9. inf. de *susceptorib. legis* 15. de *naucular.* & in *Novella Valentiniani*, inter *Theodosianas*, 23. & apud Æthiæ, in *Cosmogr.* pag. cit. Augustinus lib. 2. contra *Petilian.* c. 99. Inter *Constantinam*, inquit, *vbi tu es, & Hipponem vbi ego sum, Calama, vbi ille est, vicinior quidem nobis; sed tamen interposita est.* Erat scilicet Petilianus Constantiniensis in Numidia Episcopus, quod diserte Augustinus testatur, titulo libri *tertii contra libr. Petil.* idemque Cirtensis. Inde Augustino alibi in *Inscriptione Commentariorum* in eius literas editorum, & exordio libri *primi* contra Cresconium, *Petilianus Cirtensis* nomi-

natur. Hæc cum Baronius minus attenderet, A. 398. n. 31. emendandum Augustinum putauit, ne duos Petilianos opus esset asserere.

Hæc cum ita fiat, iam & illud apparet, vocem *Circensium* non esse hic retinendam; quod etiam bonus Accursius recte vidit; qui ciuitatis nomen hic contineri recte diuinavit, multominus retrahendam eam vocem ad *initium legis*, quomodo *Codex Iustinianus* habet ita: *Circensium Magistratus doctores*: quasi hic designentur, qui ludis Circensibus præerant: & designatores: quod inter alia tentabat Alciatus hic (et si *Circitorum* vocem quoque hic tentet) & tueretur quoque Iuretus in *Symmachum* libr. 4. epistol. 8. Quasi vero Duumviri nonnisi Circenses ediderint, ac non etiam alia ludorum genera: puta Munerum siue ferarum, de quibus frequens quoque mentio in epistolis Libanii; siue Gladiatoriorum, & quidem in Africa (quo hæc lex per P. 374. tinet) vbi Gladiatorum ludi hac tempestate steterunt: quod pluribus ostendo ad l. 1. inf. de *gladiator.* & vero diserte docet vetus Orbis Descriptor sub Constantio & Constante, octennio ferme post hanc *legem* cap. 54 pag. 269. in *Geographicis antiqu.* Iacob. Gronou. Item Gymnicos ludos: quod docet Libanius in *Antiochico*, p. 358. edit. Morell.

His ita constitutis, apparet simul, quam nihil, imo quàm male *huius leg.* interpretatione defungantur *Codices Iustin.* Interpretes; etiam nuperus Commentator Hispanus ad *hanc leg. libr. 10. Codicis*, qui ibi omnia alia tractat, quam oportuit.

Tandem quod *h. l.* dicitur *Gratitas Tua*, ex eo colligat quis, hanc *legem* non tantum Ordini ciuitatis inscriptam, verum insuper *Prouincia Rectori*; (Consulari, inquam, Numidiæ.) quod & ipsum recte vidit *Glossa*.

Ab EXTRAORDINARIIS muneribus, veluti pro re priuata, Curiales immunes esse.

XXX. (a) Idem AA. (b) Nemesiano Com. (c)

CVRIALES omnium ciuitatum nullam pro re priuata nostra debent inquietudinem sustinere, nec huiusmodi oneribus, veluti extraordinariis, occupari: quoniam satis est, si ciuitatum munera per eos congrua (d) compellantur, (e) &c. Dat. prid. Id. Aug. Bessæ, (f) Acyndino & Proculo Coss. [340.]

NOTAE.

(a) Lex 21. Cod. Iust. eod. tit. GOTHOFR.

(b) Recte: tribuenda hæc lex, Constantio & Constanti, iam enim Constantinus Iun. obierat. ID.

(c) *Largitionum*: vt docet lex 5. sup. de *exact.* (vnde id Cuiacius *huic legi* in Cod. Iust. addidit) sed & argumentum *huius ipsius legis* id ingerit, ibi, *pro re priuata nostra.* Quæ ipsa verba ostendunt eum *largitionum priuatorum* Comitem fuisse. ID.

(d) *Congruæ*, C. Iust. quod magis congruere videtur: quanquam & istud sustineri potest: *Obsequia congrua*: l. 49. inf. in *fin.* ID.

(e) *99.* Inuersis literis compleantur, vt etiam habet Cod. Iust. ID.

(f) *Bessæ* in Thracia prope Philippopolim, cuius meminit quoque Itinerarium Antonini pag. 136. edit. Wesseling. (in quo tamen *Bessapara* legitur) vnde *Bessi*, metallarii. Aliam *Bessam* quoque memorat in Locris, Strabo lib. 9. pag. 632. Edit. Almelouen. & Stephanus voc. *Βέσσα*, ID.

COMMENTARIUS.

IMMUNES ab extraordinariis muneribus, id est a muneribus, quæ aliena sunt a ciuitatum muneribus, pronunciantur Decuriones, hac Constantii constitutione: pariter vt ab Honorio, *l. 31. inf. de susceptorib.* Ac nominatim a muneribus, quæ pro re priuata Principis sustinentur: veluti si rei priuatæ Principis administratio vel exactio his iniungitur. Quod quidem Ciuitatum quoque vtilitati datum: *Quoniam*, inquit Constantius, *satis est, si ciuitatum munera per eos congrua compleantur. Ne*

publica, inquit, Honorius *d. l. 31. vacillet vtilitas.* Quomodo etiam id, quod cauetur *l. 97. inf. ne Curiales ad conductionem vectigalium accedant*, ciuitatum vtilitatem respicit, pariter vt e conuerso, ne conductores vectigalium munera municipalia subeant, *l. 5. §. 10. D. de iure immunit.* Alioquin quod huic *l.* opponi posset) susceptio seu exactio annonarum & tributorum Curialibus imminerebat: de quo *l. 8. & 14. sup.*

*Ex omnibus OFFICIIS, etiam Palatinis, intra
quinquennium Curiales
retrahendos.*

XXXI. (a) Idem AA. ad Catullinum. PF. P.

NULLVS omnino ex Tabulariis, vel Scribis, vel Decurionibus, eorumque filiis, in quocumque Officio militet; sed ex omnibus Officiis, necnon et si intra nostrum Palatium militent, nec dum impleto quinquennio, repperiti & retracti, protinus Curiis Officiisque municipalibus reddantur. Dat. VIII. Kal. Iul. Lauriaco, Marcellino & Probi-
no COSS. [341.]

NOTAE.

- (a) *Lex 1. Cod. Iust. de Tabulariis, Scribis, Logographis &c.* Repetita ea totidem verbis *l. 1. sup. de Tabulariis, Logographis &c.* GOTHOF.

COMMENTARIUS.

Hæc Constantis *lex* explicata est *l. 1. sup. de Tabulariis*, vbi ea totidem verbis repetita extat.

*De VETERANORVM filiis in Curiam
allegendis.*

XXXII. (a) Idem AA. ad Hilarianum..... (b)

MILITARIVM (c) filios, qui gestandis armis idonei non esse dicuntur, Curiis iam-
iamque tradi oportet: Nam Reipublicæ incommodum (d) est, Curias hominum
paucitate languescere. Dat. XVI. Kalend. Septemb. Marcellino & Probi-
no COSS. [341.]

NOTAE.

- (a) Absent hæc *lex* a *Cod. Iust.* Eam firmat rursus Constantius *l. 35. infr. GOTHOF.*
(b) Hic procul dubio idem est cum *Mecilio Hilariano*, cui Anno 339. inscribitur *lex 3. & 4. sup. de Prætorib.* De eo v. plura in *Prolegogr. ID.*
(c) *Militarium*, idest, Veteranorum; pariter vt *l. 18. sup.* vbi dixi. *ID.*
(d) *Incommodum*, pro damnosum, noxium. *ID.*

COMMENTARIUS.

VETERANORVM filios in Curiam, & statim quidem, allegi, si armis idonei non sint, iubet hæc *leg.* Constant. Imp. pariter vt Constantinus *M. leg. 15. 18. 19. sup.* Constantius *leg. 35. infr. hoc tit.* Et duodecim præterea aliis *hoc Codice* constitutionibus: de quibus semel & sub vno obtutum & in *Paratitlo*, & ad *l. 15. sup.* quæ & ipsa vt dixi,

de eorum numero est. Est inquam hæc *lex* Constantis, non Constantii.

Ratio tantum hic expendenda venit. Ait, Constant. *Reipublicæ incommodum esse*, idest, damnosum, noxium, *Curias hominum paucitate languescere*: Quo pertinent, quæ iam notauimus ad *l. 27. sup.* de Curiarum vtilitate & præstantia: ex Libanio, Maio-

Maioſiani Nouell. 1. & Caffiodoro. Geminus cer-
te germanus eſt Vlpiani locus in leg. 3. §. 2. *de De-* cur. cum, inquit, *ex eius utilitate fit, ſemper Ord-*
nem plenum habere.

De POSSESSORIBVS idoneis ad Curiam vocandis:

quisque hac in re poſſeſſionis modus: tandem variis

hac in ipſa re eluſionibus

occurritur.

XXXIII. (a) Idem AA. Rufino (b) Com. Orient.

QVONIAM Sublimitas (c) Tua ſuggeſſit, multos declinantes obſequia, machinari, vt priuilegia rei Priuatæ noſtræ Colonatus iure ſectantes, Curialium Nominationes declinent, ſancimus, vt quicumque vltra viginti quinque iugera priuato dominio poſſidens, ampliorem (d) ex re Priuata noſtra iugerationis (e) modum cultura & ſollicitudine propria gubernauerit, omni priuilegiorum, vel originis, vel cuiuslibet excuſationis alterius fruſtratione ſubmota, Curiali conſortio vindicetur. Illo etiam Curiz ſimiliter deputando, qui minus quidem quam viginti quinque iugerorum proprietatem habeat, ex rebus vero noſtris, vel paruum, (f) vel minorem iugerationis modum ſtudio cultionis (g) exercet. Ita vt omni fraude ſubmota, ſi qui venditione ſimulata præſcribas Legi minuat facultates, omne quod ſimulata venditione ad alium tranſtulit, ſiſci noſtri viribus vindicetur. Quam pœnam illi etiam ſuſtinebunt, qui captioſa ſupplicatione delata, ſpeciale Reſcriptum in fraudem ſanctionis extorſerint. Dat. Non. April. Antiochiæ, Conſtancio III. & Conſtante II. AA. COSS. [342.]

NOTAE.

- (a) Abeſt & hæc lex a *Cod. Iuſt.* quæ tamen ſingularis eſt, & vtilis. *GOTHOF.*
(b) *Rufinus* Comes Orientis ſub Conſtancio: Meminit quoque Libanius *ep. ad nepotem eius Rufinum* 737. *ID.*
(c) *Sublimitatis* titulus tributus Comiti Orientis. *ID.*
(d) Aliquem non ampliorem quam 25. iugerum, ſed *ampliorem*, ideſt, præter & vltra 25. iugera, quæ iam habet. *ID.*
(e) *Iugatio* hic, & paulo poſt, quæ alibi *iugatio*. v. *Gloſſ.* *ID.*
(f) Forte, *parem*. *ID.*
(g) *Cultio*, ſupr. *cultura*. *ID.*

COMMENTARIVS.

P. 374. **D**E PLEBEIIS POSSESSORIBVS fundorum ad Curiam nominandis per diœceſim Orientis (cuius caput Antiochia erat, vbi hæc lex data) eſt hæc ſingularis admodum Conſtantii Imp. conſtitutio: Scilicet, quod & aliæ *leges* docent, puta *l. 5. 13. ſupr. l. 53. 72. 96. 133. 140. infr. hoc tit.* vbi opus erat, plebei cuiusque oppidi ciues, quos ſplendidior fortuna ſubueixerat, glebæ ratione, qui muneribus ſubſtantiam aptam poſſidebant, qui aliquorum prædiorum poſſeſſores erant, qui ex numero plebeiorum agro idonei erant, denique poſſidendi conditione (quæ omnia habes in *Paratiſto*) ad Curiam vocari potuere.

Quis autem cenſus & poſſidendi hac parte Modus præſtitutus fuerit? nulla *lex* *hoc Cod.* præter *hanc* edocet; quæ ſane huic rei modum ponit: neque enim aut æquum aut vtile erat, (& vt in eadem re loquuntur apud Vlpianum *l. 6. D. de muneribus*, Diui Fratres, *minus vtile, & nequaquam honeſtum*.) vocari paſſim omnes etiam tenuium fundorum poſſeſſores. Quomodo & *d. l. 6. D. de munerib.* ad Magiſtratum compelli Decuriones non voluerunt Principes, eſi ordo eos tangeret, *ſi tenues & exhauſti eſſent*. Igitur præſcriptus *hac lege*, facultatum

modus, vt quis ad Curiam vocari poſſet: Nempe, ſi quis vltra 25. iugera poſſideret: non vero ſi hunc modum non poſſideret: ſi inquam 25. tantum iugera, vel minorem adhuc modum: Vnde apparet, eum qui non vltra 25. iugera poſſideret, hac parte pro inidoneo *paupere* habitum: cum alioquin *paupertatis* modus aliter atque aliter æſtimetur: de quo Menochius 2. *de arbitr. c. 65.* ad cuius diligentiam accedere deinceps poterit hæc ſingularis lex, quam ipſe non vidit. Pariter vt *Nouella Valentiniani* inter Theodoſianas *de ſucceſſione curialium* 28. quæ 300. ſolidorum quantitas hac parte præſtituitur. Ergo hic cenſus legi hanc ad rem ſufficere viſus, partim ipſorum qui ad Curiam vocarentur contemplati, ne alioquin a neceſſariis ſibi operis tenuiores abducerentur: partim ne Curiz ſatis conſultum non eſſet, ſi tenuioris fortune poſſeſſores adſciſcerentur. Hic proinde *hac leg.* præſcriptus modus: nam de veteri Decurionum cenſu, vide Plinium *lib. 1. ep. 19.* & dicam ad *l. 169. inf.*

Circa hunc vero modum variæ adhuc quæſtiones enatæ, quia ſcil. & legi varias machinationes, fraudes, captiones (quibus vocibus *hac lex* vtitur) nonnulli facere tentarent.

Primum igitur quæsitum, Vtrum si possessor fundorum suorum ultra 25. iugera: Colonis simul fundorum rei priuatæ seu domus Principis esset, a curia ideo liberaretur? Quod sane quidam obtendebant, & ideo etiam ne ad curiam nominarentur, Coloni rei priuatæ fiebant: quandoquidem Colonis rei priuatæ, quemcunque tandem agri modum colerent, hoc priuilegii datum erat, ut eis immunitas a Curia competere: quomodo & immunitas competeat, ab extraordinariis & sordidis muneribus, *l. 5. sup. de extraord.* de quo ut & de Colonis in genere, & quidem rei priuatæ consule *Paratitlon de fugitiuis colonis*. Verum huic primæ machinationi seu fraudi occurrit *hæc leg.* Constantius, & definit, satis esse, si suo ipse & priuato dominio præscriptas lege facultates possideat, neque adscito alienæ, priuatæ puta rei, colonatu, legis vim eludi posse. Priuilegium scilicet rei priuatæ his deum prodest, qui rem tantum priuatam gubernant, seu studio cultionis exercent. Et sic hoc casu nominationibus Curialibus, ille quoque plebeius obnoxius erat, qui in domo Principis erat *ex hæc leg.* Quomodo etiam qui Curialis iam erat domus Principis obtentu Curia non liberabatur, *l. 114. infr.* ubi v. quæ dicam.

Imo, quod secundo iam capite huius leg. continetur *vers.* Illo etiam, etsi non integrum legeque præscriptum modum suo proprio dominio quis possideat ultra 25. iugera inquam; si tamen rei priuatæ fundos excolat, ad Curiam vocari eum posse definit *h. l.* Constantius. Tantum scil. abest, ut colonatu rei priuatæ idoneus possessor a Curia liberetur, ut contra colonatu rei priuatæ id efficiatur, ut qui ex persona sua, modoque possessionis suæ non omnino ad curiam ipse vocari posset, utpote non integrum censum Curiam possidens, iam possit, contributione (quæ ἐπιβολὴς quædam species notan-

da est) fundorum in vnum facta. Quod & ipsum singulare est.

Tertio capite, *vers.* Ita ut, fraudi eorum occurratur, qui simulata venditione rem suam infringere, legeque præscriptas facultates, ne ad Curiam vocarentur, imminuere solebant: proposita pœna confiscationis bonorum alienatorum in fraudem Curialis nominationis. Quæ tralatitia alioquin pœna est, rem suam imminuentis, frangentis in fraudem publicam.

Postremo capite *vers.* Quam penam, eadem pœna proponitur aduersus eos qui Rescriptum obreptitiæ, seu, ut hæc lex loquitur, *captiosa supplicatione* impetrauerint, ut a Curia excularentur, quamlibet præscriptum lege modum possidentes: ut cæteroquin Rescripta in fraudem utilitatis publicæ impetranti non tantum non prodesse, verum etiam fraudi esse solent, de quo *supr. tit. de diuers. rescriptis*.

Et hæc quidem singularis admodum huiusce legis, quæque in praxim utiliter deduci potest, quotiescunque agitur, de onere certo possessionis modo imposito, sententia est: quæ ad Orientis diocesium pertinet (ut docet inscriptio legis) & nominatim ad Curiam Antiochenam, ut ex eadem colligere est, collata cum subscriptione. *Dat. Antiochia*. Vnde apparet, exhaustam hoc tempore fuisse Curiam Antiochenam, eamque euitasse plures, modis omnibus, qui ad eam vocari possent. Cui etiam supplendæ deinceps Iulianus post Constantinum tam enixe incubuit: de quo ad *l. 51. infr.* ubi & de Antiochenæ Curia dignitate plura. Cum tamen, si Libanio credimus, in *Antiochico*, p. 358. 359. edit. Morell. postea sub Theodosio M. certatim quique eam appetent.

DIGNITATIBVS honorariis Curiam non euitari.

P. 375.

XXXIV. (a) Idem AA. ad Auxentium Præsid.

Aug. Tamnice. (b)

Eos qui Curialibus muneribus obnoxii honorariis dignitatibus gaudent, iuxta Legem † nostram, remoto hoc patrocínio, publicis utilitatibus obedire, ac satisfacere prudentia (c) Tua decernat. *Dat. VI. Id. April. Antiochiæ, Constantio III. & Constante II. AA. Co ss. [342.]*

N O T A E.

(a) Abest & hæc lex a Cod. Justin. GOTHFR.

(b) De hoc mox in *commentariis*: ubi inter cæteras vrbes, & præcipua, *Pelusium. ID.*

† Quam legem intelligit? *ID.*

(c) *Prudentia Tua* ad Præsidem. *ID.*

C O M M E N T A R I V S.

DIGNITATIBVS honorariis curias euitari non posse rursus definit Constantius *hæc leg.* pariter ut anterior aliqua lege id a se constitutum indicat. Quod sane ab eo factum *l. 25. supr.* ante quadriennium, ubi plura. Et deinceps variis constitutionibus *l. 36. 41. 42. 44. infr.*

In Inscriptione tantum huius legis notandum datam illam esse ad *Auxentium Præsidem Aug. Tamnice*, id est, *Augustamnica*, quæ Ægyptiæ dioceseos prouincia erat; de qua accipienda quoque *lex 9. Cod. Iust. de vestigal. & comm.* quæque sub dispositione Præfecti Augustalis seu Ægypti fuit, ut docet

Noti.

Notitia Imperii fol. 76. Athanasius *Apol.* 2, pag. 774. *Tom. I. Oper. Edit. Colon. su. Lips. apud Wtidm.* memorat eiusdem Constantii Epistolam de immunitate Clericorum Athanasii, ad Nestorium, eodemque exemplo ad Rectorem Augustamnicae, Thebaidis, & Libyæ A. D. 348. Meminit eius & Ammianus Marcellinus *lib. 22. cap. 16. init. Tres*, inquit, *provincias Ægyptus fertur habuisse temporibus præcis, Ægyptum ipsam, & Thebaidam, & Libyam: quibus duas adiecit posteritas: ab Ægypto, Augustamnica & Pentapolim, a Lybia sicciore dissociatam &c. In Augustamnica oppidum Pelusium est nobile, &c. & Cassum, ubi Pompeii sepulchrum est Magni, & Ostracine, & Rhinocolura.* Meminit & vetus *Notitia* prouinciarum Schonhouiana sub Theodosio M. conscripta pag. 85. ad calcem *Breniar. Festi edit. Cellar.* Ex hac interim lege collata cum canone 6. Concilii Nicani pag. 325. *Tom. I. Concil.*

Edit. Harduin. quo inter Ægypti prouincias Augustamnica non connumeratur, apparet Augustamnica prouinciam factam post Concilium Nicenum: hoc medio spatio ab A. D. 325. ad A. 342. quo hæc lex (qua antiquissima eius mentio continetur) lata est.

Illud adhuc obseruandum *Præsident Augustamnica* præfuisse sub Constantio vt hæc lex docet: verum *Correctorem* ei postea præfuisse docet *Notitia Imperii* fol. 3. Eaque etiam postea in duas subdivisa, quarum prima Consularem habuit, altera Correctorem, vt docet *Nouella Iustinian. 3. & Notitia.*

Tandem notandum cum varie hoc nomen efferratur, *Augustamnica* hic vocari pariter, vt & apud Athanasium, & Ammianum Marcellinum: *Augustanica*, modo *Augustamnica*, in *Notitia Imp.* fol. 3. 76. 86. & d. *Nouell. 8. Augustanea d. l. 9. Augustanis* vel *Augustamnīs*, in *Indice Schonhouiano.*

De VETERANORVM filiis ad Curiam vocandis.

XXXV. (a) Idem AA. Leontio PP. P. (b)

ITERATA † lege sancimus, vt Veteranorum filii, si post sedecim annos militiæ munus subire non possint, vel armis gestandis habiles non existant, Curiis mancipentur. Dar. V. Kal. Iul. Hierapoli, (c) Placido & Romylo (d) Co ss. [343.]

NOTAE.

(a) Absent hæc lex a *Cod. Iust.* Eam Constantius exscripsit verbotenus ex l. 4. *supr. de fil. mil. apparit.* quam & initia indicat. *GOTHOFR.*

(b) *Leontius PP.* Orientis sub Constantio, v. *Prosopogr. ID.*

† Post Patris Constantini legem, puta d. l. 4. *ID.*

(c) Hanc subscriptionem loci mox expendo. *ID.*

(d) Ita quoque l. *prox.* alias *Romylo*, Szpe v. & y. commiscetur in veteribus libris, & lapidibus: vt monuit iam Iuretus in *Synmacum*, lib. 1. ep. 57. *ID.*

COMMENTARIVS.

P. 376

VETERANORVM filios in Curiam allegi post decimum-seximum ætatis annum, si militiam subire vel nolint vel non possint, iubet hac l. Constantius: *Iterata lege*, idest, exemplo patris sui, non tantum l. 2. in fin. *supr. de Veteranis*, vt ipse restituo: verum etiam eiusdem l. 4. *supr. de fil. milit. appar.* totidemque pene verbis transcripta; Id enim sibi vult cum ait, *Iterata lege sancimus.* Neque enim anteriorem aliquam suam Constitutionem indicat, verum paternam illam, quæ & ipsa ad *Leontium PP.* data est. Nam quod ad l. 32. *supr.* attinet, est ea non Constantii, verum Constantis. Quod

rem ipsam attinet, de eo iam semel dixi ad l. 5. *supr.*

Obseruandum autem hanc legem datam a Constantio *Hierapoli*, pariter vt hoc ipso anno ibidem data lex i. *infr. de lenonibus.* vbi tum scilicet verfabatur Constantius bello Persico illigatus: qui ideo Veteranorum filios ad militiam exciendos putauit, b. l. & quidem proposito metu nexus Curialis, nisi nomina sua militiæ darent: pariter vt Constantinum legem illam simili occasione & sine tulisse, suspicor, in apparatu belli *Gothici.*

DIGNITATIBVS *honorariis non euitari curialia
munera neque capitationem
plebeiam.*

XXXVI. (a) Idem AA. ad Titianum..... (b)

VNIVERSI omnino ex Comitibus, vel ex Præfidibus, qui suffragio perceperint dignitates, ciuilibus oneribus muneribusque teneantur adstricti: plebeiam (c) quoque sustineant capitationem, *ne commoda publica sub* (d) *umbratili suffragiorum pactione lacerentur.* Eos tamen a prædictis oneribus excipi oportebit, qui (e) vel in Administratione, vel in Legationibus publicis versati sunt: Ita vt si quis contra interdictum Legis nostræ precationem obrulerit, eius patrimonium fisci nostri viribus proinus vindicetur. Dat. prid. Kalend. Iul. Triueris, Placido & Romylo (f) Coss. [343.]

NOTAE.

(a) *Lex 4. Cod. Iustin. de legationibus. GOTHOF.*

(b) Eidein *Tatiano* PP. inscribitur *lex 3. sup. de re milit. A. 349.* Hic est, de quo Hieronymus in *Chronico*, Anno Constantis octauo, idest, Anno 344. *Titianus vir eloquens Praefecturam Pratorianam apud Gallias administrat.* Verum de eo plura *ad d. l. 3. Tiberius Fabius Titianus* dictus integro nomine, vt ex Fastis Consularibus discere est. *ID.*

(c) Verba hæc, *plebeiam quoque sustineant capitationem*, absunt a *Cod. Iust. ID.*

(d) *Cum: Cod. Iust. male. ID.*

(e) *Qui in Legationibus publicis versati sunt:* ita *Cod. Iust.* rescatis cæteris omnibus; accomodate ad *titulum de Legationib.* in quem *hanc leg.* coniecit. *ID.*

(f) *Pro Romulo, pariter vt l. 35. sup. ID.*

COMMENTARIUS.

DIGNITATIBVS honorariis ciuilia onera muneraque curialia, imo & plebeiam capitationem euitari non posse definit *hac l.* Constantius, pariter vt de Curialibus muneribus definit Constantinus Iun. *l. 24. 26. 27. sup.* Constantius *l. 25. 34. sup. l. 41. 42. 44. infr. h. t.* Dignitatibus, inquam, honorariis: veluti ex Comitibus, & ex-Præfidibus: quæ & ipsæ Dignitates in hoc argumento memorantur aliis compluribus legibus Constantini *M. l. 14. sup.* Constantini Iun. *l. 26. sup.* Constantii *h. l. & l. 41. 42. 44. infr.* aliorum Imperatorum *l. 75. 109. 138. 150. 189.*

Est autem hæc *lex* proprie de honorariis dignitatibus, quæ hac ætate *per suffragia sub umbratili suffragiorum pactione* impetratæ sunt: Quæ huius æui labes fuit, & sæpe repressa: de quo alibi.

Exceptio tamen additur *hac eadem leg.* duobus casibus, quæ & Constantii *d. l. 25. & l. 1. sup. de bon. codicill.* nempe dignitatibus honorariis quem Ciui-
cis muneribus liberari, si administrationem aliquam provincie gesserit. Quod & ipsum placuit Constantino *M. l. 5. sup.* Constantio in sua *leg. 41. infr.*

Theodosio *M. l. 106. infr.* de quo *ad d. l. 5. sup. & l. 106. infr.* vel si Legatus ad Principem ciuitatis nomine missus fuerit: de quo posteriore agitur quoque *l. 25. sup. h. t. l. 23. sup. de cur. & l. 1. sup. de honor. codicill.*

Peculiaria tamen multa habet hæc *lex*: nam vt omittam *hanc l.* pertinere ad *Gallias* (cuius PP. Titiano hæc *lex* inscribitur) Primum *hac lex* non est tantum de Decurionibus, deque Curia non euitanda, verum etiam de plebeia capitatione, quæ ab aliis, quam Curialibus, seu a plebe præstabatur: id est, de censu; de quo *suo titulo*, de qua Capitationis voce dixi plene *ad l. 15. sup. de annon. & trib.* Notanda elegans ratio, *ne commoda publica sub umbratili suffragiorum pactione lacerentur*: id est, ne destruat publicæ utilitas obtentu honorum vmbri-
corum, honorariorum, per suffragia & pecunias redemptorum. Tandem, neque rescripto Principis immunitatem hanc honorariis Dignitatibus tribui, vindicari patitur Constantius; imo supplicantis bona confiscari iubet: simili ratione qua in *sp. l. 33. sup.*

MILITIA *[armata] cuiuscunque temporis: itemque
Calcarienti, Fabricensi Argentaria militia, Curiam
euitari non posse.*

XXXVII. (a) Idem AA. ad Placidum PF. P. (b)

CAVTVM † est, vt quicumque orti ex Decurionibus sese ad Militiam contulissent, in quibuscumque stipendiis deprehensi nulla absolui prærogatiua temporis possint, sed Ordinibus

nibus quos reliquerant, traderentur. Hoc & in Calcarienfibus & Fabricenfibus & Argentariis obferuetur, vt quicumque obnoxii officiis, vel muneribus ciuilibus ex (c) fupradictis fabricis fuerint, Curia refituti nec impetrato Refcripto liberentur. Dat. V. Kal. Iul. Leontio, & Salluftio Coss. [344.]

NOTAE.

(a) Abest hæc lex a Cod. Iust. GOTHOF.

(b) Placidus PP. qui fupiore Anno 343. cum Romulo Conful fuerat, fuit idem An. D. 346. & 347. Praefectus Vrbi: vt refatur *vetus Notitia Praefectorum Vrbi*. ID.

† Quænam illa lex? Sane tale aliquod a Conftantino M. conftitutum l. 10. & 13. fup. ID.

(c) In. ID.

COMMENTARIVS.

MILITIA armata fcil. cuiuscunque temporis seu quocunque tandem fipendiorum, eum qui Curiali origine effer, Curia non liberari antea cautum fuerat (de quo iam fatis ad l. 10. n. fup. b. t.) Id vero nunc ad tres FABRICAS porrigitur, extenditur: vt videlicet neque harum Fabricarum militia, quemquam Curia liberet: Quæ & ipfa mens poftca fuit Theodofio M. l. 81. inf. b. t. & Theodofio Iun. l. ult. fup. de fabricenfibus. ac nominatim circa fabricas armorum: vt maxime fcilicet Fabricenfium militia, ac maxime eorum, qui arma Reipubl. fabricarent cum maxime vtilis fit, imo neceffaria, de quo videnda Nouella Theodofii de bonis Fabricenf. 13. non ideo tamen Rerum publicarum commodis quidquam detrahi Principes voluerunt: quo tamen Curiales ipfi vel præcipuo velamento tutos fefe fore putabant.

Cæterum tres huiusmodi fabricæ hic memorantur: Calcarienfium, Fabricenfium, Argentariorum: Fabricenfes funt qui arma fabricabant, de quibus lib. 10. fuo titulo de fabricenfibus: Argentarii, qui argento potiffimum, fed & auro arma tegebant &

ornabant, qui ideo fabricenfibus hic iunguntur, idemque Barbaricarii dicebantur: de quibus l. 1. fup. de fabricenfibus, vbi dixi, & Notitia Imperii fol. 42. 141. Superfunt Calcarienfes, qui fcilicet obsequio seu follicitudini excoquendæ calcis seu excoctioni calcis in opera publica obftricti erant. De qua alioquin calcis excoctione in genere agitur l. 3. 4. fup. de decur & fient l. 15. 18. fup. de extraord. de ipsis Calcis coctorib. vrbis Romæ eft peculiaris inf. tit. 6. lib. 14. De calce reparandis mœnibus vrbis Romæ deftinata ex quatuor regionibus fuburbicariis, æft lex i. eozit. de calcis coctorib. de Terracinenfibus nominatim (qui in Campania) calcem reparandis mœnibus fubminiftrantibus, teftis eft l. 3. eo tit. & Symmachus lib. 10. ep. 53. Itemque de Tufcia fuburbicaria teftis eadem lex 3. Ergo & Regioner quædam calci fubminiftrandæ, & perfonæ ei coquendæ deftinatæ er. nt. Imo & certa quædam prædia deftinata. Hinc adeo Cefpes calcar us in Nouella Valentiniani, inter Theodofianas de Panta poli: 40.

MILITIA armata Palatina, veluti Domesticorum, Protectorum, Scholarium &c. Curiam regulariter euitari non poffe.

XXXVIII. (a) Idem AA. ad Anatolium PF. P. (b)

QVONIAM nonnulli, Curiis derelictis, Domesticorum (c) feu Protectorum fe confortio copularunt, Scholarii (d) etiam quidam nomen dederunt militiæ, aut Palatinis (e) funt officiis adgregari, cunctos iubemus, omni frustratione (f) fubmota, ad Curias reuocari. Ne tamen diurnitatis ratio videatur effer neglecta, quicumque fub armis militiæ munus Comitatenfe fubierunt, fi necdum quinque fipendia compleuerunt, nec pro publica defenfione præliis adfuerunt, reddantur. (g) Qui vero Palatini nominis præferunt dignitatem, fi Curialem trahunt originem, infra (h) tot annos militiæ nudati præfidiis, oppidaneis refituantur obfequiis. De qua re Magiftros (i) Equitum, ac Peditum, & v. c. Comitum (k) Domesticorum, nec non etiam Sacrarum Largitionum Comitum, (l) & Magiftrum Officiorum, (m) & Caftrenfem (n) (fub quibus cuncti (o) effer nofcuntur) credidimus commonendos, vt Tua infiftente Prudentia, & fcribente de nominibus fingulorum, vnusquisque propriæ conditioni reddatur. Dat. X. Kalend. Iun. Cafenæ (p) Conftantio IV. & Conftante III. AA. Coss. [346.]

NOTAE.

(a) Abest hæc lex a Cod. Iust. GOTHOF.

(b) Anatolio huic PP. infcribitur A. D. 349. lex prox. 39. inf. b. t. Cæterum Amm. Marcellinus, qui eius meminit A. 359. Illyrici Praefectum Praetorio fuiffe aperte docet lib. 19. cap. 11. & lib. 21. cap. 6. in Gefsis anni 360. Vt & Scit.

D d d

Aurel.

Aurel. Victor Schotti in *Traiano cap.* 13. Constantii temporum æqualis. Imo & Eunapius in *Proæresio p.* 149. 150. *edit. Commelin.* qui docet eum Beryciensem fuisse, & magnum Iuriscōsultum, & ad Præfecturam Prætorianam Illyrici peruenisse. Vide & de eo Himerium apud *Posonium Cod. CCXLIII. pag.* 1139. *Edit. Schott.* qui in eum orationem habuit. Extant & Libanii ad Anatolium hunc epistolæ plures 18. 78. 79. 211. 298. 306. 312. 314. 317. 336. 342. 351. 365. 366. 394. 423. 426. 436. 449. 463. 466. 478. 490. 494. 498. 551. 555. 556. 566. 587. 596. 651. 846. 920. 925. & plures, & inter Francisci Zambicarii latinas *lib.* 2. *ep.* 1. 2. *lib.* 3. *ep.* 258. 259. 261. ex quarum nonnullis etiam discimus, eum PP. Illyrici fuisse, *ID.*

(c) De *Domesticis, & Protectoribus* suo titulo *lib.* 6. *sup. tit.* 24. hi sub Comite domesticorum erant. *ID.*

(d) *pp. Scholari:* vel *scholarum:* & intelligit scholas, quæ sub Magistro Officiorum fuerunt, vel sub Castrensi S. P. *ID.*

(e) Comiti S. L. & R. P. qui sub Comite S. L. vel R. P. fuerunt, de quibus *suo titulo lib.* 6. *ID.*

(f) Ita pariter *l.* 33. *sup. ID.*

(g) Curiis. *ID.*

(h) An *Supra?* an *intra totidem,* mox dicam. *ID.*

(i) Sub quibus Milites erant. *ID.*

(k) Sub quo Domestici & Protectores fuerunt. *ID.*

(l) Sub quo Palatini erant. *ID.*

(m) Sub quo Scholæ Scutariorum, armaturarum &c. Agentium in rebus, Fabricensium, & similes. *ID.*

(n) Sub quo Castrensiæ. *ID.*

(o) Palatini. *ID.*

(p) *Cæsena* hæc *lex* data: pariter vt *lex* 42. *Ordini Cæsennatum* inscribitur, quæque ei coniungenda est *lex* 6. *sup. de annona* *Urbis* *Incendio* eius & in *Tabula Itinerar.* & in *Antonin. Itin. pag.* 286. *Edit. Wesseling.* & utrobique *Curia Cæsena* vocatur, De ea vid. Cluverii *Italiam. ID.*

COMMENTARIUS.

MILITIA tum Armata, tum Palatina (Domesticorum scilicet, Protectorum, Scholarum, Palatinorum) Curialem Curia liberari vetat *hæc l.* Constantius Imp. pariter vt Theodosius *M. l.* 120. *inf.* Constantius inquam: Ei scilicet *hanc leg.* tribuendam esse ostendit inscriptio ad Anatolium PP. qui cum PP. Illyrici fuerit, teste Ammiano Marcellino, *lib.* 19. *c. 11.* & *lib.* 21. *c. 6.* & Sexto Aurelio Victore Schotti in *v. Traiani, c. 13.* & Libanio, *non vna epist.* necesse est hanc *legem* Constantio accepto ferri, vt pote cui Illyricum cessit. Et sane *lex* 39. *prox. inf.* id ipsum ostendit: quæ cum eidem Anatolio PP. inscribatur, data dicitur *Antiochia,* quæ vtique sedes Constantii fuit.

Nec e obstat *huius leg.* subscriptio, qua dicitur hæc *lex* data *Cæsena:* referenda enim proculdubio hæc *lex* ad A. D. 353. quo Constantius Raueennæ aliquando constitit, vt docet *lex* 40. *inf. h. t.* a quo haud adeo remota est *Cæsena.*

Ergo Constantius illis Militiæ generibus Curia quem liberari vetat: Excepto si quis quinque stipendia compleuerit, de quo iam dictum plene ad *l. 10. ii. sup.* & ad *l. 5. sup. de diu. officiis.* Pariter vt Constantius *l. 36. sup.* seu *l. 1. sup. de Tabulariis:* vel etiam si de milite armato Comitatenſi agitur, si pro publica defensione præliis adfuit. Quid sint *Comitatenſes milites?* iam dictum ad *l. ult. supr. de re militar.* Ergo militia hæc quinquennali armata, curia liberari voluit Constantius *h. l.* qui alijs possent legibus abscisse militia armata, quam liberari noluit: *l. 40. 43. 45. inf.*

Est porro hæc *lex* hoc nomine singularis, quod

vt militum, ita & Palatinorum genera distincte proponit, & sub quorum Magistratuum (ad quos ideo hæc ipsa de re Constantius scripsisse se ait) dispositione, quique fuerint docet: nempe fuere *Milites* (quod clarum) sub Magistris Equitum & Peditum: *Domestici & Protectores,* sub Comite Domesticorum: *Palatini,* sub Comite S. L. *Scholares* partim sub Magistro officiorum, partim sub Castrensi: sub Officiorum scilicet. scholæ Scutariorum, Armaturarum, Agentium in rebus, Fabricensium: sub Castrensi S. P. Castrenſiani, Pædagogiani, Ministeriales &c. (de quibus vide quoque *d. l. 5. sup. de diu. offic.* in eodem argumento:) de quibus omnibus suis *titulis lib.* 6. Proinde & illud ex *hac leg.* apparet *scholaris* militiæ appellatione comprehendendi omnes qui sub Magistro Officiorum vel sub Castrensi S. P. fuerunt: Nempe in *scholas* diuisi fuere qui sub his egere. Quod vt ex *Notitia Imperii,* ita ex variis *huius Codicis* locis apparet, & ex Ammiano quoque Marcellino non vno loco: vbi & scholæ Agentium, Scutariorum, Gentilium Scholæ Palatinæ passim memorantur. Imo & scholæ Domesticorum, Protectorum: qui tamen a *scholaribus* hic separantur.

In *huius* interim *leg. fine,* exemplum illustre habemus, eiusdem constitutionis ad varios Magistratus scriptæ, prout ad eorum dispositionem illi de quibus agebatur pertinerent; de quo *alibi* semel. Habemus & id notandum, Præfectum Prætorio instituisse apud singulos Magistratus executioni legum, & in hac re nomina refugarum requirendorum ad eos scripsisse.

De immunitate Curialium a CORPORALIBVS iniuriis & pœnis
seu quæſtionibus: & EXHORTATIO ad eos, vt Iudicum
præcepta exequantur.

XXXIX. (a) Idem AA. ad Anatolium PF. P. (b)

IN perpetuum obseruandum esse sancimus, Vt citra iniuriam (c) corporis (quod in seruis) (d) etiam probrosum atque postremum est) cuncti Primarii (e) & Curiales præcepta aludi-

a Iudicibus exsequantur. Frequenti ergo monitione atque hortatu tam Primarios CU-P. 399. riarum, quam hos qui Magistratus gerunt atque gesserunt, sinceritas Tua incitare debebit, vt promptius præcepta suscipiant (f), omni corporalis contumeliæ timore sublato. Dat. Kalend. April. Antiochiz, Linenio & Catullino Coss. [349.]

NOTAE.

- (a) Abest & hæc lex a Cod. Iust. Eam indicat ipse Constantius L. 47. inf. & vt existimo Libanius Orat. *ἀπὸ ἀγγέλων* NUM. 7. p. 36. Edit. Gothofr. & pag. 386. Oper. minor. Gothofr. edent. Cl. Troitz. GOTHOFR.
 (b) De hoc Anatolio PP. Illyrici dixi ad leg. super. prox. 38. ID.
 (c) Contumelia corporalis, inf. sine leg. ID.
 (d) Similiter Gratianus l. 2. sup. de quæstionib. in hoc ipso argumento, Plumbatarum vero ictus, quos in ingenuis corporibus non probamus. ID.
 (e) Curiarum; vt paulo post. Et forte hic inducta voce *Cur*, legendum quis putes primi Curiales, Quamquam & postea quoque duo hominum genera designantur, tam primarios Curiarum, quam hos qui Magistratus gerunt, atque gesserunt. ID.
 (f) Id est exequantur, vt sup. ID.

COMMENTARIVS.

DE Immunitate Curialium a POENIS CORPORALIBVS, id est TORMENTIS seu QVÆSTIONE, & ICTIBVS Plumbatarum est hæc Constantii Imp. constitutio ad Anatolium PP. Illyrici, hoc titulo Prima, in hoc argumento. Scil. iniuria corporis, & corporalis contumelia, est tormentorum & quæstionis cruciatus: quo eodem sensu accipitur l. 47. (qua huius l. mentio fit) 61. 75. 80. 127. 190. inf. b. t. & l. 10. sup. de fide test. l. 6. sup. de quæstion. l. 4. inf. de Decuriis V. R. & l. 2. sup. de abolitionib. de hac ipsa vero re & privilegio Decurionum, ne ad altiora adfurgam, (vbi occurrit Diocletiani lex ii. Cod. Iust. de quæst.) est Constantini M. lex i. sup. ad leg. Corn. de falso: Constantii altera constitutio puta lex 47. inf. b. t. Valentiniani Senioris lex 61. & 75. inf. Gratiani lex 2. sup. de quæstionib. Theodosii M. lex 80. 85. 117. 126. 127. inf. b. t. & lex 15. sup. de accusationibus: lex 4. sup. de Tabulariis. Honorii lex 153. inf. & l. 6. sup. de quæstionibus, Theodosii Iunioris lex 190. inf. b. t. Quarum omnium non vna eademque sententia est, eui super eadem immunitate: quæ modo aucta, modo coercita. Scilicet Constantini M. l. i. sup. ad leg. Corn. de falso: honor hic Decurionatus, in commune dicitur, ne quæstioni subderentur Decuriones, excepto si Scriba, Tabularius, Decurio falsæ scripturæ argueretur. Constantii pariter l. 47. inf. cuncti decuriales ab iniuriis corporalibus tuti pronunciantur: At Valentiniani l. 61. & 75. Principales tantum: & hac quidem priore, tantum qui patronorum dignitatem adepti in vrbe Vulsinensium Tusciæ, ab iniuriis his vindicantur. Gratiani l. 2. sup. de quæstionibus, Decuriones a summo ad infimum exortes a poenis ficularum & tormentorum pronunciantur, excepto Maieslatis & altero adhuc crimine: Decemprimi etiam a Plumbatis. Theodosii M. l. 80. 85. omnes Curiales a tormentis reorum & plumbatis immunes definiuntur (Excepto l. 117. decoctore, qui plumbatarum ictibus subicitur.) Item l. 15. sup. de accusat. innoxii Decuriones cædi vetantur. Tandem l. 126. deuotos Principales nihil debentes, nihil corporalium pati oportere, deciditur. Honorii l. 153. Decuriones a verberibus non excusantur, nisi quibusdam exceptis: & Principalibus tantum non inferendas iniurias corporales statuitur l. 6. de quæstionibus. Theodosii Iun.

l. 190. infra, Quinque primates Alexandrini a corporalibus iniuriis immunes redduntur. Et sic varie admodum hoc ius habitum, sub quadruplici discrimine: Modo enim eadem ratio habita quæstionis, & plumbatarum, modo peculiaris horum ratio habita, de quo ad l. 85. inf. Modo Decurionibus immunitas hæc data, modo principalibus tantum: Modo vno in loco, idque sub quadam limitatione data, modo in alio non: Modo in omnibus causis, modo tributorum ratio excepta: & crimina nonnulla. Hac sane nostra Constantii lege cuncti, non Primarii Curiarum tantum, quique Magistratus gerunt, vel gesserunt, verum etiam Curiales ceteri citra iniuriam corporis præcepta Iudicum exequi iubentur: Et sic omnes Curiales immunes b. l. pronunciantur: quod etiam probat l. 47. inf. quæ huius sententia repetitur. Nam quod de Primariis & Magistratibus hic nominatim agitur, id eo fit, quia in hos potissimum Iudices sæuebant, vt quos præceptorum suorum executores sibi deligebant: Sane & apud alios huius seculi scriptores varia de hac immunitate testimonia occurrunt. Solemnis iam Prudentii locus est Peristephanon, de Romano, hymno 10. v. 108. seqq. qui ad Galerii tempora pertinet.

*Incensus hic Asclepiades, iusserat
 Euiscerandum corpus oculo eminus
 Pendere, & vncis ungulisque crescere.
 Apparitores sed furenti suggerunt,
 Illum vetusta genitum (nobilem) profapia
 Meritisque multis esse PRIMVM CIVIVM.
 Iubet amoueri noxiale stipitem
 Plebeia CLARVM pena ne dampnet Virum.
 Tundatur, inquit, terga crebris ICTIBVS
 PLVMBQVE ceruix verberata extuberet:
 Persona quæque competenter plectitur
 Magnique refert, vilis an sit nobilis:
 GRADV reorum forma tormentis datur.
 Pulsatus ergo Martyr illa GRANDINE;
 Postquam inter ictus dixit hymnum plumbeos,
 Erectus insit. Absit vt me Nobilem
 Sanguis parentum præstet, aut LEX CVRIÆ:
 Generosa Christi secta nobilitat Vires.*

Et quidem, quæ ad Constantini M. seculum pertinent: ea quæ de Ingentio Decurione scriba memorantur

rantur apud Optatum Mileuitanum *lib. 1. cap. penult.* & in Constantini M. Epistola apud Augustinum *ep. 68* (su. 88. num. 4. Edit. Benedictin.) & *lib. 3. contra Cresconium cap. 70.* & in Actis Felicis Aptungitani inter monumenta veter. ad Donatist. histor. pertinent. pag. 164 165. Edit. Optati Mileuitan. Lud. El. du Pin. Quorum omnium verba iam protuli ad l. 1. sup. ad leg. Cornel. de falso. Apud Libanium quoque quatuor loca occurrunt: vnus sub Iuliano Imperat. *orat. pro Aristophane p. 214. §. 215 Edit. Morell.* vbi agit de Aristophane Curiali, Pauli illius Catenæ (de quo tam multa Ammianus Marcellinus) iussu, plagis subiecto, denudatoque ad quæstionem: multaue addit de ignominia & iniuria istius rei, (quomodo *hac l. probosum id atque postremum* dicitur) & quod qui hæc perpesi essent, non possent, *ἐν τῷ ἐλευτηρίῳ περὶ κοινῶν φθίσιν* & *παράμειναι*, in Curia locum obtinere sententiamque dicere. Secundus locus est *Orat. aduersus Icarium pag. 464. Edit. cit. καὶ πληγαῖς*, inquit, *τὴν ἐλὼν ἔχ' ὄρεσε*, atque istibus curiam nulla dedecorauit insolentia. Quo loco etiam nominatim legis meminit recenter super eo latæ, & vt quidem censeo intelligit legem Theodosii M. 85. Tertius est sub Theodosio M. *orat. περὶ τῶν ἀγλαρεῶν, num. 7. pag. 36. Edit. Gothofr. & pag. 386. Oper. minor. Gothofr. Edit. Troitz.* vbi memorat constitutionem anterioris alicuius Imp. qui verbera Decurionum, quæ in vsum venerant, sustulerit; *αἱ κατὰ ἐλευθέρων πληγαί, διὰ κακίαν ἀρχόντων* eis ἐδόθη, *ὅτ' αὐτοὺς ἀνέηκε νόμος*: verbera Decurionum per malitiam magistratum, in consuetudinem venerant, hoc idem ille lege sustulit. Quod quidem de Constantio Imp. huius l. auctore, imo de hac ipsa lege accipio. Addatur & quartus *orat. adhuc inedita κατὰ ἱκαρίῃς*. Est de eadem re eiusdem *ep. 718. ad Maximum: & ep. 913. ad Cyrum.*

Ex hac interim quoque lege apparet, immunitatem hanc Decurionum ab impotenti Iudicum animo sæpe labefactatam, quod etiam ostendit l. 47. 80.

85. *inf. & l. 2. sup. de Quæstionib.* imo & tertius ille Libanii locus, *διὰ κακίαν*, inquit, *ἀρχόντων*: Quare necesse subinde fuit, huic rei modum imponi, impotenti videl. Iudicum animo in Ordinum & Curiarum ignominiam tendentium: Quod etiam apud Ammianum Marcellinum & Libanium non vno loco videre est.

De Primariis Curiarum affatim monuit Paratitlon, qui iidem & Primates & Principales: *summos Municipum Proceres* vocat Aufonius *Mosella v. 402.*

—Quos Curia summos

Municipum vidit Proceres propriumque Senatum.

Eunapius *Maximo, p. 96. Edit. Commelin.* τὸ κρείττον τῶν ἐλευτηρίων, *Senatus primores.* Symmachus *lib. 10. ep. 63.* & Tribon. *l. 57. C. lust. de Decurion.* Vertices Ordinis, Ammianus Marcellinus *lib. 14. cap. 7.* τὰ πρῶτ' ἔχοντες, Procop. in *anecdosis cap. 29.*

Ex hac interim quoque leg. apparet (pariter vt ex l. 32. de appellat. & l. 15. quor. appell. Curialibus id inter cætera incubuisse, vt Iudicum seu Rectorum prouinciarum iussu executioni mandarent. Et Ammianus Marcellinus *lib. 27. c. 7.* Ob executionem a Iudice recte maturari præceptam, *trium oppidum Ordines macari iussisset.* Ethæc quidem de priore huius l. sententia.

Atenim, quæ secunda sententia huius l. est, ne huius Immunitatis obtentu Curiales officio suo deessent, imo, vt eo promptius fungerentur, præceptisque Iudicum parerent, Primarios Curiarum &c. frequenti nominatione & hortatu eo incitare Præfectus Prætorio iubetur. Quæ sane sententiosa sunt. Nam & promissa sæpe pœnæ immunitate plerique inolescere solent: Contra, probrosi supplicii, vel corporalis contumeliæ metu sublato, tanto magis parendi voluntatem acui par est, promptiusque adeo præceptis legum Iudicumque obsequendum. Quorum sententiarum vsus alibi esse potest.

MILITIA armata, neminem Curia liberari.

XL. (a) Idem AA. (b) ad Taurum PF. P. (c)

CURIALES plerique ad inane vocabulum militiæ cucurrerunt, ac tanta arte rem gerunt, vt nec muniis militaribus obsequantur, nec oneribus oppidaneis profint. Igitur vniuersi nulla prærogatiua de vocabulo dignitatis in militia conquistæ, nulloque stipendiorum numero suffragante, restituantur Ciuitatibus. Dat. XII. Kal. Aug. Rau. Constantio VI. & Constante II. AA. Coss. [353.]

NOTAE.

- (a) Abest hæc *lex a Cod. Iust.* Hanc leg. suam intelligit Constantius l. 43. *inf.* quæ & ipsa ad Taurum PP. data est. **GOTHOF.**
- (b) Imo Imp. *Constantius A. & Constant C.* (id est Gallus) huic legi & l. proxima 41. inscribendi sunt: iam enim Constant Imp. mortuus erat, & Gallus mutato nomine Constant Cæsar adscitus. Et deinceps emendanda Inscriptio sequentium omnium *legum* vsque ad 50. quarum 42. 43. vni Constantio A. tribuendæ sunt, cæteræ *Constantio A. & Iuliano C. ID.*
- (c) Italiz Nouemio integro PP. Italiz fuit: vid. *Indicem Personarum*, & Ammianum *lib. 21. cap. 6.* Meminit & Sulpicius Severus *lib. 2. sacra hist. cap. 41.* v. plura in *Profop. ID.*

COMMENTARIVS.

MILITIAE armatae titulo inani Curialem liberari Curia vetat Constantius *hac leg.* imo e militia retrahi ad Curiam iubet, pariter vt *duabus aliis legib. 43. & 45. infr.* quarum 43. huic quam simillima est: Vtrobique scil. fraus ea perstringitur qua plerique Curiales vt commodis Curiarum luderent in speciem tantum, non vero adfectu, militare nomen obibant, cum tamen muniis militari- bus reuera non obsequerentur, vel sane post exiguum tempus missionem suffragio impetrarent. Quare cum hoc frequentissime fieret & quidem *magna arte res gereretur*, in commune Curialibus militia armata arcere Constantio visum; *hac l. paulo obscurius; clarius iam & explicatius d. l. 43. vt cæteroquin Curiales militia in commune prohibiti aliis constitutionibus: vt docent innumeræ leges hoc tit. & l. 1. 2. sup. Quid prob. deb. & lex 1. de Tyronibus*, quæ hoc ipso Anno data est. Quod tamen hac Constantii tempestate toleratum aliquandiu & aliquatenus fuerat, propter varia videlicet bella, ad quæ Constantio Imp. multo milite opus erat: ac nominatim hoc ipso Anno, quo vltimum Magnentius Tyrannus ex Italia fugatus, in Gallia oppressus est. Quare cum nec quidquam tolerantiam illam rei militari proficere videret Constantius, atque inter ea Curia defererentur, ius antiquum & tralatitium

ab eo repetitum, quo Curiales militare etiam vero affectu, vt loquitur *d. l. 43. vetiti*: Et quidem nullo stipendiorum numero suffragante. Quod postremum & ipsum aliis Imperatoribus placuit, Constantino M. l. 10. n. sup. Valentiniano Sen. l. 58. inf. Theodosio M. l. 113. inf. Imo Constantio ipsi, in tantum, vt etiam Veteranos retrahi voluerit, l. 45. inf. Breuiter ergo, *militia siue ficta, constante, siue finita*, Curialem Curia liberari noluit Constantius. Et tamen Libanius Ep. ad Aristanetum 991. de Pelagii cuiusdam filio agens, ait, eum vltro Curiam non fugisse, cum alii fugerent; imo Curialem nexum fugere potuisse, eo quod arma pro patria gereret. *Τὸν μόνον ὃ Φυγόντα τὴν Ἑλλην, τῶν ἄλλων τὸτο πεποιηκότων, ἀλλ' ἔτι τιθεμένων ὑπὲρ τῆς πατρίδος τὰ ὄπλα*: quique non solum auersatus est consilium aliorum, id facientium, sed & arma patriæ causa posuit. Et Epistol. 994. ad Brasidam: *Ἐχὼν γὰρ ἔπερ ἐβύλετο μὴ ἑλεῦεν, ἑλεῦεν το καὶ δαπανᾷ, καὶ τέρπεται δαπανώμενος*. *Ἀπὸ ταύτης τῆς γνώμης, καὶ νῦν πρὸς εὐτυχίαν πορεύεται*: cum enim si voluisset, a Senatu abstinere potuisset, & Senatorem agit & sumptus facit, ac sumptibus illis delectatur. *Hac eadem mente nunc etiam legatum agit.*

P. 181.

DIGNITATIBVS honorariis, neminem Curia liberari.

XLI. (a) Idem AA. (b) Ordini Carthaginiensium (c).

EX-Comitibus & ex-Præsidibus vniuersi, ceterique qui sine Administratione adumbratarum dignitatum codicillos honorarios meruerint, si ex vestro eosdem numero fuisse claruerit, in vestro consortio perseuerent: Fungantur oneribus & honoribus vniuersis, quos ratio municipalis exposcit; permanentibus Dignitatum titulis, quas eisdem constat indultas. Dat. X. Kal. Aug. Constantino (d) A. VI. & Constantio II. Coss. [353.]

NOTAE.

- (a) Absit & *hæc lex a Cod. Iust. GOTHOFR.*
 (b) Tribuenda & *hæc lex* vt superior Constantio A. & Constanti C. ID.
 (c) Eidem Ordini Carthaginiensium inscribitur & *lex 32. supr. de appellat. & lex 15. quor. appell. ID.*
 (d) *vg. Constantio*, vt etiam l. prox. infr. ID.

COMMENTARIVS.

DIGNITATIBVS honorariis sine administratione, veluti ex-Comitibus, ex-Præsidibus, Perfectissimatus (l. prox.) Curiales Curiam euitare vetat *hac lege* Constantius (in fauorem Curia Carthaginiensis) pariter vt l. 25. 26. 36. sup. & l. 42. 44. infr. (vt omittam aliorum Imperatorum leges.) Igitur qui huiusmodi dignitates impetrauerint, fungi omnibus oneribus & honoribus municipalibus iubet: sic tamen vt titulos dignitatum gerere possint: haecenus sc. dignitates eis prodesse concedit seu indulget b. l. & d. l. prox. 42. quomodo & Valens Senatoriam dignitatem haecenus quoque prodesse & constare vult, l. 69. infr. cum aliis constitutionibus Imperatores codicillos dignitatum Curialibus auferri vo-

Tom. IV.

luerint, l. 5. 24. 26. 27. supr. (& ipse Constantius l. 25. supr. & l. 44.) &c. Ait autem *sine administratione*; quia scil. Curiales administratione provinciae functos ad Curiam reuocari noluit, vt *hac leg. ita & leg. 36. supr.* alique Principes, de quibus ad *legem 5. supra, l. 106. infr.*

Cæterum inscribitur *hæc lex 41. Ordini seu Curia Carthaginiensium*, pariter vt *lex 32. supr. de appellat. & lex 15. supr. quorum appell.* (quæ inter se coniungendæ sunt.) Cuius sane vt & Cinitatis ipsius, de quo alibi, magna dignitas fuit: vt apparet etiam ex *epistola* Senatus Romani ad Curiam Carthaginensem apud Vopiscum in *vita Floriani cap. 5. De eadem est lex 27. supr. & leg. 176. infr.*

Ecc

Neque

Neque illud omittendum, hoc ferme tempore Constantium, deuictio in Pannonia Magnentio, (qui eis paucos dies post *hanc leg.* plene deuictus fuit) ut ei omnia per fugia clauderet, etiam in Siciliam &

Africam Carthaginem classem misisse: quo nomine Iulianus Constantium commendat *orat. 1. pag. 40. & orat. 2. p. 74. Edit. Lipf. Spanhemii.*

DIGNITATIBVS honorariis, ut & SENATORIA, nisi certo casu, OFFICIALI denique militia neminem Curia liberari.

XLII. (a) Idem AA. (b) Ordini Cæsenatium (c) Salutem dicit.

SI qui ex-Præsidibus, vel Perfectissimatus (d) accessione cumulati esse noscuntur, mantibus dignitatibus quas suffragio meruerunt, nihilominus in sui ordinis consortio perseuerent: fungantur officiis Curialibus, ac municipalium munerum cura, partita (e) Vobiscum obsequio, capiantur (f). Si quis autem Clarissimæ (g) meruerit infulas dignitatis, nec indulti muneris gratiam Codicillorum allegatione percepit, impetratæ fructum dignitatis amittat. Et cuncti, qui per Officia diuersa, nomina dederunt militiæ, si de Curialium numero originem trahunt, soluti sacramentis, Vestris Cœtibus adgre-gentur. Dat. XI. Kalend. Iun. (h) Med. Constantino (i) A. VII. & Constantio III. Cæs. COSS. [354.]

N O T A E.

- (a) Abest hæc *lex a Cod. Inst.* & iungenda ei est *lex 6. supr. de annon. & tribut. GOTHOF.*
 (b) Tribuenda hæc *lex* uni Constantio A. quamquam d. l. 6. præferat diserte Constantium & Constantem AA. vide quæ ibi notata. ID.
 P. 322. (c) Cæsenatium d. l. 6. (Alii sunt Cæsinae a Casino, in duabus veteribus Inscript. apud Gruterum CCCCXXXI. 7. & CCCCLXII. 4.) Cæsinae a Cæsena (Vrbe Flaminiae in qua & Rauenna) vbi etiam data a Constantio ante octennium *lex 38. supr. de qua ad d. l. 6. plenius. ID.*
 (d) De hac ipsa dignitate in hac ipsa re l. 5. 15. 26. (vbi prolixè) *supr. & l. 44. infr.* Ex hac sane lege liquet Perfectissimum a Clarissimato seu Senatoria dignitate fecerni, & hanc illa maiorem fuisse: de quo mox. ID.
 (e) *vg. Partito. ID.*
 (f) *Capi Cura* eleganter dictum. ID.
 (g) Senatoriæ. ID.
 (h) *vg. Ian.* ut habet Edit, in 4. siquidem ad hyberna demum his COSS. Mediolanum (vbi data hæc *lex*) Constantius icô fecdere cum Alamannis discessit, quod scribit Ammianus Marcellinus lib. 14. cap. 10. in fin. ID.
 (i) *vg. Constantio*, pariter ut l. *super.* & ut d. l. 6. diserte habetur. ID.

C O M M E N T A R I V S.

CÆSENATIVM ordini seu Curia hoc tempore Curialibus exhaustæ consulit enixe hac epistola Constantius Imp. Tribus videlicet hominum generibus ad eam reuocari iussit. Primo, iis qui DIGNITATES honorarias sine administratione ex-Præsidibus vel Perfectissimatus consecuti fuerant, ut dignitatis titulum eis conferuet pariter ut l. *super 41.* vbi plura iam diximus.

Secundo reuocari iubet Constantius eos, qui SENATORIAM dignitatem adepti fuerant nisi Codicillis eam impetrassent: Senatoria scil. dignitate Codicillis impetrata hoc tempore quis Curia liberabatur (ut exinde constat) quod alias & frequentius non ita obtinuit. Certe hac parte, quantopere Ius variauerit, ostendunt viginti sex præterea *leges hoc tit.* quas repetere licet ex *Paratitlo*: de eo Iure, quod sub Constantio huius legis auctore obtinuit, plura ad leg. 58. *infr.* Hæc certe leg. Constantius Curialem, Senatorem factum, liberari vult, si modo Codicillis quis commonstrare posset eam dignitatem sibi collatam: nempe vel superna codicillorum impressione, vel

scriptura interiore, ut docet *lex 1. supr. de honor. Codicill.* vbi plene dixi. Non si verbo tantum id a Principe impetrasse diceret. Vnde apparet, duplicem fuisse conferendæ dignitatis a Principe rationem, vel per Codicillos *δίπλως*, vel verbotenus. Quæ distinctio interea notanda, etiam ad vsum fori.

Ex hoc interim loco duo discimus. Primo, Senatoriam seu Clarissimatus Dignitatem maiorem fuisse Perfectissimatus dignitate. Quod & ipsum clare testatur de his ipsis Constantii temporibus Ammianus Marcellinus lib. 21. c. 16. Ostensurus quippe, Constantium nunquam erexisse cornua militaria: *Nec sub eo, inquit, Dux quisquam cum Clarissimatu prouectus est: Erant enim, ut nos quoque meminimus, Perfectissimi.*

Secundo, hinc discimus, Præfides seu Rectores prouinciarum, hoc æuo nondum Clarissimos fuisse. seu Senatorios, verum & ipsos Perfectissimos tantum. Etcerte ita passim hoc æuo vocabantur Rectores

ctores prouinciarum, *viri perfectissimi*: de quo plene suo titulo, lib. 6. de perfectiss. dignitate.

Tertio, Constantius, hac lege eos qui ad OFFICIA diuersa confugerant seu ad officialium militiam, Ordini Cæsenatium, reddi, militiaque solui iubet, si curiali origine sint.

Tandem obseruandum, hanc legem, partem esse prolixioris Constantii Imp. Constitutionis, ad Ordinem Cæsenatium emissæ.

Vnde alterum adhuc fragmentum superest in l. 6. *supr. de annona & tribut.* quæ proinde huic legi coniungenda venit. Nempe Constantius in Italia consistens, & Mediolani quidem, peculiarem Italiæ ciuitatum & Ordinum rationem habuit, vnde ipsi etiam subsidia annonaria & cellariensia proueniebant, vt docet d. lex 6.

MILITIA armata quacumque Curialem Curia non liberari.

XLIII. (a) Idem AA. (b) ad Taurum PF. P. (c)

INLUDERE commodis Curiarum, Decurionibus, ac Decurionum filiis, cautum † est non licere, etsi vero adfectu militiæ se obsequiis traderent: Tum (d) vero idcirco tantummodo ad militiæ sacramenta confugiunt, vt commodis oppidaneis obsequium denegetur. Fraudis huius commenta facile comprimentur: comperimus namque plurimos prædictorum nomen militiæ tradidisse, vel ad suffragia cucurrisse, ita vt post tempus exiguum honesta missione donentur, & muneribus patriæ perferendis curam sedulæ mentis intendant. Dat. XVI. Kalend. Aug. Med. Arbitione & Lolliano Co ss. [355.]

NOTAE.

(a) Absit hæc lex a Cod. Iust. Ei concordat omnino eiusdem Constantii lex 40. *supr.* quam & hic indicat. GOTHOFR.

(b) Tribuenda & hæc lex vni Constantio. ID.

(c) Italiæ. ID.

† Lege 40. *supr.* ID.

(d) Forte, Enim vero. Vel hæc verba Tum vero, sunt huius Codicis Conditorum; ac si dicerent, Et post alia, vel Et mox. ID.

COMMENTARIVS.

MILITIA Armata siue vera, siue ficta, quia plerumque ficta ea, curialem Curia liberari rursus vetat Constantius, confirmata & explicata anteriore lege sua 40. *supr.* quæ ad eundem Taurum P. P. data, paulo obcurior nonnullis cauillatoribus visa fuerat: Quandoquidem cum ea lege, dicitur in narratiua, Curiales plerosque ad inane vocabulum militiæ cucurrisse: dispositiua videbatur illos quoque tantum complecti, qui vel omnino non militassent, vel pauca tantum stipendia fecissent. Quorum tamen subtilitatem ipsa legis illius verba aperterespuebant: nam etsi narratiua de illis tantum sit, dispositiua tamen vniuersos complectitur: & quidem NVLLO stipendiorum NVMERO suffragante. Ergo apertius iam mentem suam explicat

Constantius. Et tamen confusa omnia hac l. sic vt periodis suis tenor non constet. Errore forte Conditorum huius Codicis, qui prolixiorem Constitutionem in pauciora contractam voluerunt: Nisi ita omnia constituamus: *Includere Commodis Curiarum Decurionibus ac Decurionum filiis cautum est non licere, etsi vero adfectu militiæ se obsequiis traderent: Enimvero idcirco tantummodo ad militiæ sacramenta confugiunt, vt commodis oppidaneis obsequium denegetur; comperimus namque plurimos prædictorum nomen militiæ tradidisse, vel ad suffragia cucurrisse, ita vt post tempus exiguum honesta missione donentur. Fraudis igitur huius commenta facile comprimentur, si muneribus patriæ perferendis curam sedule mentis intendant.*

DIGNITATIBVS honorariis Palatinis neminem Curia liberari.

XLIV. (a) Idem AA. (b) ad Martinianum (c) Vicarium Africæ.

QVICVMQVE intra Palatium Perfectissimus (d), aut Comes (e) prouectus suffragio est, ipolietur honoris indebiti dignitate: & si intra prouinciam repperitus fuerit otiosus, cuius (f) munia virare studebat, obsequiis competentibus subiugetur. Dat. XI. Kal. Iun. (g) Sirmio, Datiano & Cereale Co ss. [358.]

NOTAE.

- (a) Abest hæc *lex* a *Cod. Iust. GOTHOFR.*
 (b) Inscriptos oportuit *huic legi & sequentib.* vsque ad 50. *Constantium A. & Iulianum C.* ID.
 (c) Eidem *Martiniano* Vicario Africæ inscribuntur duæ *leges* proximæ 45. & 46. ID.
 (d) De hac ipsa *Perfectissimatus* dignitate in hac ipsa re v. *leg.* 5. 15. 26. 42. *supr.* ID.
 (e) De hac ipsa *Comitis* dignitate in hac ipsa re, v. *l.* 14. 26. 41. *supr.* ID.
 (f) *Cuius*, Curiz scil. veletiam, officii, vel corporis. ID.
 (g) *X. Kal. Iul. l. prox.* 45. ID.

COMMENTARIVS.

DIGNITATE honoraria *Perfectissimatus*, vel *Comitis*, Curialem necessitatem vitari non posse definit rursus *Constantius* *hac l.* vt *l.* 41. 42. *supr.* vt omittam aliorum *Impp.* similes constitutiones. Et hæc quidem ad Africæ Curiales pertinet, pariter vt duæ proximæ 45. 46. quæ ad eundem *Martinianum Vic. Africæ* datæ sunt, & quidem intra paucos

dies. Vnde apparet, enixam reparandarum¹ per Africam Curiarum curam hoc tempore *Constantium* gessisse: cum *Quadorum* interea & *Sarinatarum* motibus compescendis ipse *Sirmii* (vbi *hæc lex* & *seq.* 45. data est) vel *Murfæ*: (vbi data *lex* 46.) constitutus, intentus esset: de quo vid. *Chronol. Theodosianam.*

MILITES & VETERANOS Curiales, ad Curias reuocandos.

XLV. (a) Idem AA. (b) ad Martinianum Vic. Afric. (c)

PARVI habito generis & originis nexu plerique, muniis oppidanis improbe destitutis, ad Militiam confugisse dicuntur: Ideoque, non eos tantum qui etiam nunc in militia perseuerent, (d) sed Veteranos etiam statuimus euocari, executuros proprias allegationes in iudiciis conperentibus, Æquum est namque nullum se nomine honestæ missionis tueri; Vt etiam nunc in militia permanentes, vel iam otium consecutos, recipiant Curiz, si sibi obnoxios esse monstrauerint. Elicitas quoque Epistulas (e) adimi volumus Veteranis, Curiz decernentes esse reddendos, quos obnoxios esse claruerit. Dat. X. Kalend. Iul. Sirmio, Datiano & Cereale Coss. [358.]

NOTAE.

- (a) Abest hæc *lex* a *Cod. Iust. GOTHOFR.*
 (b) Inscriptos huic quoque legi oportuit *Constantium A. & Iulianum C.* ID.
 (c) Eidem inscribitur *lex* *super.* 44. & *infr.* *prox.* 46. ID.
 (d) *Perseuerant.* ID.
 (e) Veluti *Protektoriz* dignitatis. ID.

COMMENTARIVS.

F. 384.

MILITIAM Armatam, etiam veram, Curia non liberare definit *Constantius*, pariter vt iam definiuit *l.* 40. & 43. *supr.* (vt aliorum *Impp.* concordantes *leges* omittam) in tantum vt non modo adhuc militantes, verum etiam *VETERANOS* iam, honesteque missos ad Curiam reuocari iubeat: de quo iam ad *l.* 40. *supr.* In quo *Iulianus* diuersus fuit; nam is honeste a se missos, Curia liberari voluit, *leg.* 2. *supr.* de *Agentib.* In tantum vero *Constantius* id de *Veteranis* statuit, vt etiam *Epistolas* missionis, quibus ferme *Veteranis* dignitas ex *Tribunis*, vel *Protektoribus*

pro præmio addita, necquicquam prodesse velit. Breuiter, militia non tantum constans, sed etiam finita quamlibet, impetratis etiam ex *Tribunis* & *Protektoribus* epistolis, necquicquam prodest ad Curiam euitandam, *b. l.* & *l.* 153. 156. *infr.* b. t. De quibus *Epistolis* suo titulo, *supr.* de *testimonial. ex. Trib. & Protektor. lib.* 7. tit. 21. *Epistola* scilicet hoc sensu accipiendæ, *hac l.* & *l.* 1. *supr.* de *testim.* quæ emeritæ missionis epistola, *l.* 4. *supr.* de *Veteranis.* Alioquin & *Epistole* dimissionis generales fuere, de quibus *l.* 2. *supr.* de *Veteranis.*

De ADVOCATIS Curialibus: deque SACERDOTIBVS ex his creandis.

XLVI. (a) Idem AA. (b) ad Martinianum Vic. Afric. (c)

A(d) Solis præcipimus Aduocatis eorumque consortio dari prouinciæ Sacerdotem. Nec aliquis arbitretur, ita esse Aduocationis (e) necessitatem impositam Sacerdotio,

tio, vt & ab eo munerum oppidaneorum functio secernatur: cum nulla vnquam iura Patronis forensium quaestionum vacationem ciuilium munerum praeftituerint. Nullum igitur Aduocatum a Curia, cui tenetur obnoxius, patimur excusari: videlicet, si ciuico (f) nomine, aut vinculo incolatus, oppidanea necessitas eum detinet obligatum. Itaque apud alios (g) etiam Iudices operam dantes negotiis perorandis, obnoxios esse discernimus Sacerdotio: sic videlicet, & (h) vt intra eam prouinciam huiusmodi (i) honoribus mancipientur, vbi eos necessitas Curialis detinet obligatos. Dat. V. Kalend. Iul. Mursæ (k), Datiano & Cereale Coss. [358.]

NOTAE.

- (a) Abest haec lex a Cod. Inff. GOTHOFR.
 (b) Et huius l. inscribendus Imp. Constantius A. & Iulianus C. ID.
 (c) Eadem inscribitur hoc ipso Anno lex 45.46. *supr.* ID.
 (d) *E solis aduocatis*: ita Vetranius Maurus *de iure lib. cap. 37. pag. 1061. Tom. III. Thesaur. Iur.* Quo nil opus, ID.
 (e) Malim, inuerso modo: *Aduocationi necessitatem impositam Sacerdotii.* ID.
 (f) De his duabus causis, ex quibus quis Curialibus & Ciuilibus muneribus tenetur, Vide *Paratitl.* ID.
 (g) Quam suae ciuitatis & prouinciae. ID.
 (h) *77.* Inuerse, vt & ID.
 (i) *Cuiusmodi.* ID.
 (k) *Mursæ*, quae vrbs Pannoniae, data haec lex: vbi tum Constantius Sirmio digressus, consistebat, quo tempore ei cum Sarmatis & Quadris res erat, Marcellinus *lib. 17. cap. 12.* Frequens eius mentio in *Itin. Anton.* In *Peutingeriano* duplex *Mursa*, maior & minor. Ante hoc septennium A. 351. ad Mursam praelium conferuit Constantius cum Magnentio, consumptis ingentibus Romani Imperii viribus, victorque tandem euasit: de quo Mursensi praelio Iulianus *orat. 1. pag. 36. 39. & orat. 2. pag. 60. & 97. Edit. Lips. Spanhem.* Victor, Eutropius, Zosimus, Hieronymus *Chronico*, Socrates *lib. 2. cap. 32.* Idacius *Chronico*; Senerus *lib. 2. sacr. histor. cap. 38. ID.*

COMMENTARIVS.

P. 35.

DE ADVOCATIS (qui & Patroni forensium quaestionum, seu operam dantes negotiis perorandis apud Iudices, dicuntur de quibus *supr. lib. 2. tit. 10.* vbi v. Paratitlon) est haec Constantii lex, ad Africam pertinens: ac proinde est haec lex de *Aduocatis Africae*: pariter vt lex 2. *supr. de concuss. Aduoc.* quae iam olim, vt Poëta ait, *nutricula Causidicorum* erat: de quo ad *l. 1. infr. de studiis lib. V. R.* Vnde etiam certatim praeclearissimi Christianae pietatis Oratores & Defensores superiore & hoc saeculo prodierunt.

De his igitur duo *haec l.* statuuntur. Primum, SACERDOTEVM prouinciae ex Aduocatorum consortio, & ab ipsis dari oportere; denique Aduocationi impositam esse necessitatem Sacerdotii. De Sacerdotibus prouinciarum, de quibus alioquin agitur complurimis aliis huius tituli legibus: puta *l. 21. 75. 77. 103. 112. 145. 148. 166. 174. 176. infr. hoc tit.* & aliis huius Codicis legibus, dicitur plene *Paratitlo de Paganis, infr.* ad quorum sane curam Tempora Templorumque solemnina pertinebant. Hi igitur Sacerdotes cum ex Curialium Corpore crearentur, quod docent *dicta leges*: sane per Africam a solis *Aduocatis*, seu ex Aduocatorum corpore Sacerdotem dari voluit *haec l.* Constantius: nam & ipsi ferme Aduocati de Curialium numero fuere: vt docent aliae complures *leges*, quas mox dicam. Non alia, vt puto ratione, quam quia cum Causidicinam Gentiles ferme profiterentur, Africæ suae sibi solemnina seruari cuperent, non alii melius Templo- rum solemnina tueri posse viderentur, quam Aduo-

cati, & vero Aduocatis & defensoribus hac tempe- state Gentilibus opus esset. Et vero hanc coniecturam firmat apertissime Canon 97. *Concilii Africani* pag. 919. 920. 921. *Codic. Can. Eccles. African.* Tom. I. *Concil. Edit. Harduin.* qui scriptus est Anno D. 407. Placuit etiam, vt petant ex nomine prouinciarum Legati perrecturi, a Gloriosissimis Imp. vt dent facultatem defensores constituendi scholasticos, qui in actu sunt, vel in munere defensionis causarum, vt MORE SACERDOTVM PROVINCIÆ, iidem ipsi, qui defensionem Ecclesiarum susceperint, habeant facultatem pro negotiis Ecclesiarum, quoties necessitas flagitauerit, vel ad obsequendum obrepentibus, vel ad necessaria suggerenda, ingredi Iudicum secretaria. Ad quam sane Patrum Africanorum petitionem promulgata est ab Honorio lex 38. *infr. de Episcopis*: qua id indulgetur.

Secundo capite Constantius definit, ADVOCATOS, Curiales non ideo, quia his Sacerdotii necessitas imposita esset, ciuiliū seu Curialium munerum vacationem habere, si Curiales sint: Nempe enim nulla iura hanc Aduocatis vacationem dedere: Quod postremum ipsum cauetur quoque *leg. 77. 87. 98. 116. 152. 188. 189. infr. hoc titulo.* Igitur tandem definit, posse Aduocatum in alio etiam loco quam in patria sua causis orandis operam nauantem, ibi Sacerdotem prouinciae fieri, & nihilominus tamen in patria sua Curialibus muneribus obligari. Quod utique singulare, & Aduocatis satis graue: alibi Sacerdotio fungi, & alibi nihilominus Curialia munera obire.

**De IMMUNITATE Curialium a CORPORALIBVS
iniuriis deque modo MULTARVM quæ his imponi
possunt.**

XLVII. (a) Idem (b) AA. (c)

OPPIDANEIS Ordinibus consulentes, dudum iussimus †, ab iniuriis corporalibus tutam esse debere Ordinis dignitatem. (d) Condemnationibus (e) etiã modum imposuimus, qui Legibus † designatur. Ideoque sancimus, vt si Iudex (f), vel in condemnationibus exprimendis, vel in (g) corporalibus iniuriis vltra licitum contra Curialem exarserit, ipse quidem auri pondo quinque, Officium vero eius decem fisco inferat. Dat. XVIII. Kalend. Iul. Eusebio & Hypatio Coss. [359.]

INTERPRETATIO. In correptione Curialium certam patientiam Iudices debent retinere, vt in corpore vel in sanguine Curialium non facile audeant desuare: nam si qui contra hoc fecerit, ipse quidem Iudex quinque libras auri, & officium eius decem auri libras fisco cogantur inferre.

N O T A E.

(a) Abest & hæc lex a Cod. Iust. GOTHOF.

(b) Ex hac l. præscribendus Imp. Constantius A. & Iulianus C. ID. Constantinus & Constans, MS. G. & Sichard. m. le. RITTER.

(c) Sola Parisiensis vlt. Editio, & Chronologia ei addita, & exinde aliis Editionibus subtexta, suppleat Cæciliano PP. Vnde id suppletum, nescio. Nam superiores omnes Editiones, Tiliana, Cuiaciana, nil tale habent: Neque etiã Sichardi Codex Anianus, neque eius Manuscripti, quos viderim. Et sane Cæcilianus P.P. diu post fuit, A. 409. vt docent complures Leges, hoc Codice: & Zosimus, lib. 5. cap. 44. GOTHOF.

† Lege 39. ante decennium. ID.

(d) Dignitatis voce in eadem re vtitur lex 4. supr. de Tabular. Honoris, l. 1. supr. ad Leg. Corn. de falso. ID.

(e) Condemnationibus, id est, multis pecuniariis: de quo mox. ID. Condemnationis MS. G. RITTER.

† Non extant hæc Leges. GOTHOF.

(f) Iudex, id est, Rector provincie: v. Gloss. Theod. ID.

(g) In abest a MS. G. RITTER.

C O M M E N T A R I V S.

AQVÆSTIONE seu TORMENTIS, & Istibus, denique ab Iniuria corporali, hac rursus leg. Curiales omnes immunes pronunciantur, a Constantio Imp. confirmata anteriore quadam leg. sua puta l. 39. supr. quam hic indicat; & ad quam dicta etiã ex Libanio huc arcessi possunt. Itemque secundo capite, quod hic omisit Interpres, CONDEMNATIONIBVS, id est, MULTIS Curialium modum impositum anterioribus suis Legibus (quæ nupiam comparant) confirmat. Nempe duplici hoc priuilegio oppidaneis Ordinibus, vt ipse præfatur, id est, Curii ciuitatum seu oppidorum, consultum it hac leg. Constantius: tum ratione personarum seu corporum, tum ratione bonorum: personarum, ab iniuriis, videl. corporalibus Curiales vindicando (quæ sane ad totius Ordinis infamiam non possunt non pertinere, eiusque dignitatem imminuere.) Ratione item bonorum; condemnationibus scil. eorum, id est, multis (condemnatio enim est multa, b. l. l. 8. 9. de Iurisd. l. 13. de Prætorib. & l. 38. 48. supr. de appell. l. 2. supr. de milit. veste. leg. 1. supr. ne quis in palat. l. 16. supr. de re mil. l. 3. infr. de ponderator. l. 5. de Episcop. & l. vlt. Cod. Iust. de modo multar. de quo plura ad l. 12. supr. de re milit.)

seu pœnis pecuniariis modum imponendo: ne alioquin immodicis multis Curialium bona in damnum Curiarum imminuantur: quæ Curialibus seruari Curiarum interest. Hac igitur duplici fibula Iudicibus, id est Rectoribus provinciarum immodice sæuientibus, exardescens, qua voce hæc lex vtitur in Curiales in damna Curiarum b. l. occurrit Constantius: nempe & dignitati eorum consulendo & vtilitati. Quomodo pariter Honorius eadem constitutione Iudicum nimietati occurrit circa quæstiones Curialium & modum multarum, vt docet l. 6. supr. de Quæstion. & l. vlt. C. Iust. de modo multarum: quæ ex ead. l. desumptæ, & inter se coniungendæ coassandæ veniunt Legi 161. infr. hoc tit. & legi 8. supr. de contrah. empt. Scilicet hæc duo fuerant in quibus ferme Iudices erga miseros potissimum Decuriones, nimio plus indulgebant, & p. 386. vt loquitur hæc lex, vltra licitum exardebant. Et sic notetur quoque iam huius leg. exemplum, de Modo multarum: qui desumitur non ex Iudicis tantum dignitate, vt cæteroquin modi multarum, de quibus tot. Cod. verum ex obiecto seu subiectæ personæ ratione: de quo vid. Paratilon de Panis.

SENATORIA dignitate nuda Curialem Curia non liberari,
sed PRÆTORVM tantum honore per-
functos.

XLVIII. (a) Idem AA. (b) ad Senatum. (c)

SI qui forte Decuriones munia detrectantes; ad Senatus Nostri sese consortium contulerunt, exempti albo (d) Curia (e) propriis vrbibus mancipandi sunt. Qui vero Prætorum honore perfuncti sunt, residentes in Senatu, redhibere debebunt quæ ex rationibus fisci, aut vrbium visceribus abstulerunt, ita vt omnibus deinceps adipiscendi honoris huiusce aditus obstruatur. Dat. V. Non. Mal. Tauro & Florentio Coss. [361.]

NOTAE.

- (a) Absit hæc lex a *Codice Iust.* Iungendæ autem huic sunt octo *leges*, quas mox recensebo. *GOTHOFR.*
(b) Vel solius *Constantii* nomen præscribendum, vt aliis *legibus* ferme fit, quæ huic coniungendæ sunt; vel *Constantii A. & Iuliani C. ID.*
(c) Id est, Senatus Constantinopol. *ID.*
(d) *Album* Curia, seu Senatus Constantinopolitani. De Albo Decurionum in genere v. & l. i. & 2. tit. *D. de albo scribendo*: τῶν πόλεων λευκώματα. *Laticulum* vocat Cedrenus *Compend. histor. pag. 135. inter script. R. B. Edit. Venet. & pag. 169. Edit. Paris.* ἢ ἑλευτῶν ὀνόματα ἀπεγράφετο, in quo Senatorum nomina inscribebantur. Τὰ ἑλευτερῆς κατάλογον dixit Iulianus in *Misopog. pag. 367. Edit. Lips. Spanhem.* Extat huiusmodi album in prisco marmore, quod Lipsius vidit, & legitur apud Gruterum CCCH 2. *ID.*
(e) *Curia*, id est, Senatus. *ID.*

COMMENTARIVS.

DE SENATORIA & PRÆTORIA dignitate a Curiali quaesita est hæc Constantii *lex*; quæ pars est prolixæ admodum Orationis Constantii Imp. ad Senatum vrbis Constantinopol. emissæ, *super Senatorum priuilegiis & Prætorum designatione*, vt patet ex illis omnibus legibus, quæ exinde desumptæ huic coassandæ veniunt, quasque mox in vnam lineam coniciam, ex argumenti paritate. Igitur, vt de Senatoria dignitate primum agamus: Cum ea oratione Constantius Senatoribus immunitatem tribuat a lustrali collatione *l. 3. infr. de lustrali collat.* a collatione ad opera publica, *l. 7. infr. de operib. publ.* a tributis soluendis pro colonis suis profugis, *l. 7. supr. de annona & tributis*: a Metati onere, *l. 1. supr. de metatis*: a Synoneto per prouincias, *l. 1. supr. de publ. compar.* non tamen Senatoribus tribuit immunitatem a munere protofistalæ: *l. 1. supr. de protofistia* (quæ sex *leges* omnes ex eadem ratione desumptæ huic coniungendæ sunt:) sed neque a Curiali nexu seu obsequio, quæ huius *legis* sententia est: cum tamen sub ipsomet Constantio aliquando Curiales Senatoriam dignitatem consequi potuerint, & Senatoria dignitate indepta Curia liberari, quod docuit *lex 42. supr.* Verum nunc mutat Constantius: cui plures aliorum Impp. *leges hoc tit.* concordant: Et in vniversum, viginti septem *hoc tit.* in hoc argumento occupatæ sunt, quas repetere licet ex *Paratitlo*. Igitur Curialem, Senatorem antea factum Albo Curia seu Senatorum numero expungi, Curiaque suæ restitui iubet: Prætoribus tantum in præteritum exceptis (de quorum designationis forma agitur *l. 12. 13. supr. de Prætoribus*, quæ & ipsæ ex eadem oratione petitæ huic coassandæ sunt:) scilicet si Curialis Senator factus, mox Prætor designatus: Præturam, id est ludos Prætorios ediderit, eum non amplius in Curiam retrahi vult: verum in Senatu remanere: sic tamen, vt si quid, cum Curia migraret, ex rationibus fisci, vel vrbium visceribus abstu-

lit, (ex Decurionibus enim Exactores, Susceptores, Curatores Rerum publicarum creabantur, de quo alibi sæpe, & iam *supra*,) id redhibere, id est, restituere debeat. Quod Præturæ priuilegium notandum est: de qua alioquin in vniversum suo titulo prolixè *lib. 6. de Prætorib. & Nouella Theodosii 8. ne decurio ad Senatoriam dignitatem aspi-ret.*

Quicquid tamen Constantius hanc in partem hac *l.* cauerit, nihilominus post eius obitum con-
queri pergit Libanius, *Orat. in Iuliani Imp. necem p. 296. 297. Edit. Morelli.* Curias sub Constantio exhaustas fuisse, aliis ad Militiam confugientibus, aliis ad Senatum, aliis torpori se dantibus, aliis Ecclesiastici nominis obtentu munia declinantibus: nam id omnino vult: scil. Iuliani laudes persequens; ἐπιδείξατο δὲ, inquit, τὴν αὐτὴν πρόνοιαν (Ἰουλιανός), καὶ περὶ ταῖς ἐν ταῖς πόλεσι ἑαλαῖς: αἱ πάλαι μὲν πλήθεσι τε καὶ πλεῖστοις ἑθαλλόν, ἔπειτα ἦσαν ὀδὲν, μετερρηκῶτων πάλιν ὀλίγων κομιδῇ τινῶν, τῶν μὲν εἰς τὰ στρατιωτῶν, τῶν δ' εἰς τὸ μέγα σπινθῆριον, τῆς δὲ ἡν ἑτερόν τι τὸ δεχόμενον; καὶ οἱ μὲν ἐκάθευδον τε καὶ ἐχαρίζοντο τῷ σώματι, καὶ τῶν δ' τὴν αὐτὴν αὐτοῖς ἐλθόντων κατεγέλαν. τὸ δὲ ὑπαλειψόμενον ὀλίγον ὄν, ἐκαπιτίζετο, καὶ τὸ λειπεργέν τοῖς πλεῖστον εἰς τὸ προσαιτῶν ἐτελεύτα. καὶ τοι τίς μὴ οἶδεν, ὡς ἡ τῆς ἑλλῆς ἰχθυς, ψυχὴ πόλεως ἐστὶν ἀλλὰ κενεῖσθαι μὲν λόγῳ ταῖς ψυχαῖς ἐσθθῶν, ἔργῳ ἢ ἐχθρῶς, μετατιθεῖς ἐτέρῳ τε ἐκείνας φεύγοντας, καὶ διδῶς ἀτελείας παρανόμους (vel παρανόμους): εἰκόσιν ὅτι γὰρ διότις ἡδυνάμενοι βάρκια, καὶ αὐδύοντο μὲν οἱ σεσυλημένοι ἑλευταί, δυνά δὲ αὐτοῖς ὁμολόγῃν πεπονθέναι τε καὶ πάσχειν οἱ δικάζοντες, ἐσθθῶν δὲ ὄντες ἐτοιμοί, ἐσθθῶν μὴ εἶχον. ἀλλ' ἔδει ποτὲ καὶ ταῦτα τὴν αὐτῶν ῥώμην ἀπὸ λαβῆν. τὸ γὰρ δὴ πολλῶν ἐπαύων ἀξίον ἐκεῖνο γράμμα, τὸ δὲ πάντα ἄνδρα πρὸς ἑλλήν καλῶν, καὶ μηδὲν

ῥῆδὲν ἔχοντα ἰσχυρὸν, εἰς ἄφεσιν ἐγγραφέω id est, Offendit vero (Iulianus) hanc eandem providentiam circa Curias civitatum: quæ olim certe cum & multitudine & opibus florissent, in nihilum postea redactæ sunt, translatis rursus paucis in militiam, aliis in SENATUM; alios vero quid aliud cepit: & hi quidem sopori dediti corpori indulgebant, eosque qui iisdem deliciis non utebantur, deridebant: Ceteri paruo numero relictī fluctuabant anxii: & muneris publici functio plerisque in mendicandi necessitatem vertit. Et quis tamen nescit, Curiam vim (seu numerum) civitatis animam esse? Verum Constantius verbo quidem his animabus succurrens, rebus ipsis inimicus erat, alio transferens, qui eas fugiebant, & Immunitates tribuens iniustus. (vel sceleratis) Igitur similes factæ sunt vetulis, quæ panis obstita: & moriebant quidem spoliati Decuriones: neque distabantur Iudices gravia eos perperforatque, verum cum ad auxiliandum parati essent, iuvare non potuerunt: sed oportuit tandem, & hæc robur suum recipere: Hoc enim Edictum (Iuliani) profecto magna laude dignum est. Quod omnem virum ad Curiam vocari oporteat, eumque qui nullam iustam vacationis causam habeat, ei adscribi. Est hic locus Libanii singularis, cuius usus deinceps haud semel nobis erit ad Iuliani constitutiones, imo etiam ad l. prox. Huc etiam pertinet eiusdem Libanii epistola, ad Andronicum 145. in MS. Regio, & 150. Edit. Cl. Wolffii: ubi tamen sibi contrarius ob Senatoriam dignitatem, Phœnicem quendam a Curialibus patriæ muneribus liberari postulat. Μέτρον ἄριστον, ἔφη τις, καὶ ὁ λόγος ἀνάστημα

γίνεται τῷ πυθίῳ. σὺ δ' ὅτι μὲν τῇ τε ἄλλῃ καὶ τῷ πληθει τῶν βαλευτῶν μείζους ποιεῖς τὰς πόλεις, καλῶς ποιεῖς: ὅς τις δὲ εἰς μείζω βαλὴν καλεῖται, καὶ γέγονεν ἀντὶ φοινίκης ἄλλο τι σμυνότερον, μητοὶ τοιούτων ἀποστέροι τῆς τύχης, μὴδ' ἔτι φιλεῖ τὰς ἀρχομένους, ὥστε τὴν αὐτὴν μισεῖν. ἔγωγε δὴ καὶ φρατέρων τῶν ἐν φοινίκῃ λειτρυγῶν ἄφεςις, ὃν αὐτὰ καὶ δεήσει δαπανᾶν ἐν τῇ μεγάλῃ πόλει: Modum tenere optimum est, dixit aliquis & dictum hoc Apollini Pythio consecratum est. Tu vero quod cum in aliis rebus, tum in Senatorum numero amplificando, urbes facis maiores, recte facis. Sed qui maiorem ad curiam vocatur, atque ex Phœnicia ad augustius quiddam exiit, eum sua felicitate ne fraudaveris, neve ita subiectos ames, ut patriam tuam auerferis. Sit utique & Fraternalis eorum munus, quæ in Phœnicia habet, vacatio, quem statim oportebit in magna urbe sumptus facere.

Quod nominatim Libanius scribit, & hæc lex cum leg. 42. supr. fidem faciant, multos Curiales ad Senatoriam dignitatem sub Constantio sese contulisse: Ei rei fidem quoque egregie facit leg. 74. & 90. & 96. infr. quibus legibus Valens & Theodosius Magnus Imperatores, renocari e Senatu vel ex officialibus, ad Curiam Curiales iubent, qui Senatoriam dignitatem impetrassent a Consulatu Constantii 10. & Iuliani 3. id est, ab Anno proximo huius legis nostræ præcedente, puta Anno Dom. 360. seu a Iuliani tempore. Anterior a Constantio factis, intactis.

De CLERICATU, an & quando per eum Curialis Curia liberari possit.

XLIX. (a) Idem AA. (b) ad Taurum PF. P. (c)

SOLVM Episcopum facultates suas Curia, sicut ante fuerat constitutum, † nullus adigat mancipare, sed Antistes (d) maneat, nec faciat substantiæ cessionem: Sane, si qui ad Presbyterorum gradus, Diaconum (e) etiam, seu Subdiaconum, ceterorumque pervenerint, adstante Curia, ac sub obtutibus Iudicis promente (f) consensum (cum eorum vitam insignem, atque innocentem esse omni probitate constiterit) habere debet patrimonium probabilis (g) instituti, ut retineat proprias facultates: maxime si totius populi vocibus experatur. Quod * si qui forte, non Curialibus apud Iudicem profitentibus, non denique experente populo, ad eos (quos diximus) gradus adspirent, aut studio fraudulentæ (h) artis inreperint, patrimonium suum liberis tradant ad Curialia obsequia subrogatis. Quod si suboles defuerit, propinquis suis (quos tamen (i) gradus poterant legitimæ successione attingere) duas tradat propriæ substantiæ portiones, sibi tertiam reservaturus: scilicet, ut per propinquos (si tamen Curiales sunt, aut etiam, si Curia nunquam antea obsequium præbuerunt) præbeatur, susceptis facultatibus, obsequela: (k) Quod si filios aut propinquos non habuerint hii, qui derelicta Curia ad cultum (l) diviniæ reuerentiæ existimaverint transendum, duas portiones Curia debet accipere, relicta penes eum tertia, quem ante diximus ad Ecclesiasticorum consortium insidiosis artibus adspirasse. Ea vero quæ ad Curiam ex eorum iure transferint, Curia esse oportet, nec ex eius iure transferri. Sed quoniam verendum fuerit, ne alienatis facultatibus, aut in aliorum iura ante transcribitis, nulla ex parte possit Curia utilitatibus consuli, observari oportet, ut si patefacta fuerint fraudulenta consilia, qui qualibet necessitudine copulatus est, cum id potuerit demonstrare, easdem percipiat facultates, Curia muneribus præbiturus obsequia: Vel si propinquorum cesset indago, cuncta ad Curiam transferantur, quæ quolibet titulo alienata probantur, ex eo tempore, ex quo Curia munia cœperit de-
rectare,

rectare, qui viam (m) diuinæ cultionis affectat. * Si Præpositi horreorum, (n) huiusque qui suscepturi sunt Magistratum, (o) Præpositi etiam pacis, (p) seu Susceptores diuersarum specierum, ad Ecclesiam crediderint adspirandum postquam officia inpositæ sollicitudinis aut honoris adgressi sunt, ipsos primum Antistites supernæ legis conueniet reluctari, ipsisque primum adnitentibus, eosdem ad obsequia congrua reuocari; aut si hoc neglexerint a Curialibus, Iudiciali Officio suffragante, retrahendi sunt, &c. Dat. IV. Kal. Sept. Tauro, & Florentio Coss. [361.]

NOTAE.

- (a) Abest hæc lex a Cod. Iust. Omisit eam quoque Baronius, quæ tamen elegans est & ad historiam Ecclesiasticam pertinet. Iungenda autem ei lex 7. *supr. de cohortalibus*. GOTHOFR.
- (b) Ex huic legi, *Constantii* tantum nomen præscribendum est, vel certe *Constantii A. & Iuliani C.* ID.
- (c) *Taurus* PP. Italix sub Constantio: v. *Protopogr.* ID.
- † Constitutio hæc non extat: Sed & quid ea constitutum fuerit, non satis clarum est. Duplicem enim hæc verba, *sicut ante fuerat constitutum*, sensum admittunt. Verum de eo mox. ID.
- (d) *Antistes*, id est, Episcopus: sicut *fin. legis*, *Antistites supernæ legis*. Hæc ipsa voce vtitur Ammianus Marcellinus in Constantii ipsius rebus *lib. 21. in fin. & lib. 22. cap. 5.* & sub Valentiniano *lib. 27. cap. 3. ID.*
- (e) *Diaconorum, Subdiaconorum*. Quamquam etiam huius xui Latinitas, *Diacon, Diaconis*, & in plurali *Diacones* dixit: Quomodo etiam reponendum *l. 163. infr.* ac proinde in Genitiuo *diaconum*. Sic etiam Cyprianus *ep. 5. Cyprianus Presbyteris & Diaconibus, fratribus carissimis*. Synodi Sardicensis (quæ ante hos 20. & amplius annos habita) Epistola ad Eccles. in *fragm. a Pistaca editis, pag. 9. & p. 663. Tom. 1. Concil. Edit. Harduin.* Qui tunc ipsius Theogniti *Diacones fuerunt*. Pontius in *passione Cypriani pag. 13. Oper. Cyprian. Edit. Ioann. Felli Episcop. Oxon.* *Dalmaticam vero tradidit Diaconibus*. Subdiacones, apud S. Augustinum. Omitto sequioris xui exempla. ID.
- (f) Promere consensum. ID.
- (g) Ita *d. l. 7. si id probabilis vita studium postularit*. Hinc & *probabilis saculo disciplina*, pro Clericatu, *leg. 44. infr. de Episcopis*. ID.
- * SECVNDVM caput huius legis. ID.
- (h) Clandestinis artibus *d. l. 7. & infr. b. l. insidiosis artibus*. ID.
- (i) Taxatio hæc quo pertinet? ID.
- (k) *Obsequia*, pro obsequio. ID.
- (l) *Cultum diuinæ reuerentiæ*; mox vocat *infr. viam diuinæ cultionis*: id est, Clericatum. Eodem sensu in *Valentiniani leg.* in eodem argumento, *Cultus legis nostræ: leg. 21. infr. de Episcop.* in epistola Constantini ad Aelium (siue Ablauium, vti habent editiones varix) *pag. 259. Tom. 1. Concil. edit. Hard. quod minus dignus idem Cæcilianus cultu sanctissimæ Religionis habeatur*. ID.
- (m) Id est, Clericatum: sic *sup. cultus diuinæ reuerentiæ*. ID.
- * TERTIVM caput huius leg. ID.
- (n) De Præpositis horreorum vid. *infr. Paratit. de Susceptor. & leg. 5. 8. 16. 24. eod. tit.* ID.
- (o) *Magistratum*, id est, Duum-viratum. ID.
- (p) Ita quoque *l. 1. supr. de pignoribus: Præfectus pacis, vel Decurio*. Sed tamen rescribendum *pagis*, quorum mentio fit præterea *d. l. 1. supr. de pignoribus: l. 1. de his quæ administr. l. 1. de erog. mil. ann. l. 8. infr. de susceptoribus*. de quo ad *dist. l. 1. supr. de erog. milit. annon.* ID.

COMMENTARIVS.

CLERICATV, an & quomodo Curialis conditio ceuitari possit, definitur a Constantio *b. l.* (quæ hoc in argumento prima omnium hoc titulo occurrit, cum duæ tamen anteriores super eo Constantini *M. leges* occurrant, *l. 3. & 6. infr. de Episcopis*;) quæ etiam vltima est omnium quæ reperiuntur hoc Codice Constantii Constitutionum, si modo mensis in ea subscriptus recte habet. Qua de realioquin sunt in vniuersum hoc Codice quindecim constitutiones: puta duæ Constantini *M. d. lex 3. & 6. infr. de Episcop. Eccles. & Cler.* Constantii hæc lex, cui socianda & lex 7. *supr. de cohortal.* de quo mox: Iuliani lex proxima 50. *infr.* Valentiniani Sen. *lex 59. infr. hoc t. & lex 21. infr. de Episcopis*. Valentis *lex 19. infr. de Episcopis*. Valentiniani Iun. *l. 99. infr.* Theodosii *M. lex 104. 105. 121. 123. infr. hoc tit.* Arcadii *lex 163.* Theodosii Iun. *lex 172. infr. hoc tit. & l. 21. Cod. Iust. de Episcopis*. Constantini *M.* mens fuerat abscise, Tom. IV.

ne Decuriones ad Clericatum sese conferre possent, verum vt inde exempti Ciuitati Curixque redderentur, *d. l. 3. & 6.* (quarum vltima data est A. D. 326. post Concilium Nicænum, triginta quinque ante hanc Constantii legem ferme annis.) Exinde constitutum fuerat (ita enim initium huius legis accipio) & quidem, vt Decurio Clericus fieri posset, dummodo facultates suas Curix manciparet, seu substantiæ suæ cessionem faceret: Qua sane ratione Curiarum indemnitati consultum videbatur. Verum Clericatus fauore in dies magisque inualescente, magis adhuc Clericis fauere, euitandæ Curiali conditioni: sic vt per Clericatum plena sub Constantio immunitas a Curiali conditione quaesita fuerit. Quo pertinet etiam Libanii locus ille, quem ad *l. superiorem* protuli: vbi etiam si *κατανομις* legendum est, ea voce proculdubio Christiani nominis odor, Clericos indicare voluerit, καὶ διδύς, inquit, Fff

ἀτελείας παραμένει. Eodemque pertinet, & ad id, quod a Constantio hac parte factum fuerat, reuocandum, famosa Iuliani constitutio, l. 50. *prox.* cuius alii meminere, & ad quam plura.

Sententia certe Constantii *hac l.* est, Episcopum ex Curiali, etiam retentis bonis, Episcopum manere, neque bonis suis Curia cedere oportere, (quod & ipsum præsupponitur Theodosii *M. l. 121. infr.*) Cæteros quoque Clericos, puta Presbyteros, Diaconos, & reliquos, si in eorum Clericatum Curia in præsentia Iudicis consenserit, maxime si totius populi vocibus expetiti fuerint, pariter bona sua retinere. Quod quidem ipsum idem Constantius statuit, circa Beneficiarios vel Officiales Rationalis, vt si sub notione Iudicium Officiis consentientibus Clerici facti fuissent, bonis retentis Clerici manerent, *l. 7. supr. de Cohortilib.* quæ huic coniungenda est, ceu vnius & eiusdem constitutionis pars. Et hæc de his, quos retentis quoque bonis in Clericatu manere voluit Constantius. Qua parte plura notanda veniunt.

Primo, quod Episcopi eam rationem habeat Constantius, vt ad Curialem nexum euitandum, bonaque retinenda, nihil præterea spectari velit, sed solius Episcopatus gradum sufficere vult: Quæ sane reuerentia tributa Episcopatus apici.

Secundo notandum ex *hac l. & d. l. 7.* Curia consensum accedentem ad Clericatum Decurionis, Beneficarii, & Officialis Rationalis id effecisse, vt ne postea si bona sua Curia cedere cogeretur: quasi Curia ipsa hoc facto iuri suo renunciaffet.

Tertio obseruanda ex *hac l. & dist. leg. 7.* triplex solemnitas Clericorum eligendum hac ætate: 1. Consentiente videlicet Corpore, ex quo quis erat. 2. Iudice notionem adhibente. 3. Tandem sæpe totius populi vocibus aliquo expetito: scilicet etiam Synodi Laodicensæ *Canone 13. pag. 784. Tom. I. Conc. Edit. Hard.* Electi omnes populo permixti non fuerint, *μη τοῖς ὅλοις ἐπιτρέπων τὰς ἐκλογὰς ποιῆσθαι τῶν μελλόντων καθίστασθαι εἰς ἱερατεῖον:* quod non sit populi concedendum, electionem facere eorum, qui altaris ministerio sunt applicandi: *ut* *P. 389.* tamen populi Votorum ratio semper habita, vt docet quoque singularis apud Lampridium in *Alexandro Severo locus, cap. 45. in fin.* & iter apud Cyprianum *Ep. 34.* sed & *Ep. Synodica Concilii Niceni* apud Theodoretum *lib. 1. c. 8. μόνον ἡ ἀρχὴ Παύοντο, καὶ ὁ λαὸς ἀπέειπε:* modo idonei videantur, & populus eligat. Chrysostomi homilia, *ὅτε πρεσβύτερος προερχομένη:* cum presbyter fuit ordinatus, ad quam v. Habertum *Obf. 2.* & eiusdem Chrysost. *Homilia 14. in Act. Apostol. pag. 550. 551. Edit. Commelin.* S. Gregor. Nazianzenus *Orat. 21 de S. Athanasio, pag. 377. Edit. Colon. siu. Lips. Weidm.* Augustinus *Epist. 224 ad Alypium (siu. 125 Edit. Benedict.) & Epist. 240 ad Severum, (siu. ep. 63. Edit. Benedict.)* Synesius quoque *Ep. 76.* cum Antonium quendam ab Olbiatis Episcopum electum a Theophilo Alexandrino Ep. confirmari petit, ait, *ὡς τὸν ἡ πόλις ἡ πόλις ψήφισεν ἡνέχθη:* id est, in eum vniuersa populi suffragia delata sunt. vide etiam Hieronymum *lib. 2. aduers. Iovinian. in fin. & canon. 78. Cod. Canon. Eccles. African. pag. 906. Tom. I. Concil. Edit. Harduin.* Leonis I. *Ep. 87 seu 89. ad Episcopos Viennensis prouinc. & Cælestini I. Epist. 2. ad Epi-*

scop. Gallia cap. 5. pag. 1260. Tom. I. Concil. Ed. Harduin. Et stetit diu postea mos hic in Gallia, vt constat ex pluribus Gregorii Turon. locis *lib. 4. cap. 26. lib. 8. c. 22. & initio lib. 10.* & ex Concilio Aurelianensi. V. *Can. 11. pag. 1445. Tom. II. Concil. Ed. Harduin.* eiusque contentiosus ciuium, & ad Regem relationis formula extat apud Marculphum *l. formul. 7.* Cæterum, sicut Clerici ex Decurionibus seu Curialibus ex postulatione populi, facti; ita & retro Curatores & Duumviri decreto Curia deligati, POSTULANTE POPULO, seu EX POSTULATIONE POPULI: de quo sunt duæ Inscriptiones apud Gruterum *CCCCXXXI. l. & CCCCLXXXIII. 9.*

Sequuntur Clerici ex-Curialibus, quos vel in totum, vel pro parte bonis suis cedere voluit Constantius: nempe ii qui non a populo expetiti, non a Curia probati, verum insidiosis artibus, seu studio fraudulentæ artis ad Clericatum sese contulerunt. Igitur, hosce si liberos habeant, patrimonium suum totum liberis suis ad Curialia obsequia subrogatis tradere iubet: si propinquos tantum, seu legitimos successores habeant, duas partes, tertia ipsis Clericis seruata, sub eadem conditione tradere vult: si neutros habeant, duabus pariter facultatum suarum partibus Curia cedere vult, tertia sibi metipsis retenta. Quæ quidem omnia & circa Beneficiarios seu Officiales Rationalis similiter constituit Constantius *d. l. 7.* quæ huic coniungenda est. Interea euitandæ Curialis conditionis, per clericatum modi duo notentur, per facultatum suarum cessionem, vel omnium vel pro parte, vel in curiam, vel in subrogatum. De quibus multæ occurrunt *leges hoc titulo* De subrogatis alioquin seu rogatis, præterea *lex 59. 98. 99. 111. 115. 118. 155. 160. 163. 167. 187.*

Cæterum quia in fraudem Curia iidem clerici poterant bona sua quocumque titulo, statim vt clerici facti fuerant, alienasse, ideo Constantius vult, propinquum eius, si id detexerit, bona ea ad se trahere posse, Curia obsequia redditurum; propinquis vero cessantibus, Curiam ea reuocare posse. Quæ species notetur, reuocandæ alienationis in fraudem suam factæ a Clericis.

Tertio capite iam Constantius eos Clericos designat, qui ad Curiam reuocari ipsi possunt: nempe eos, qui vel Magistratum deseruerunt, vel ratiocinia Ciuitatum, qui, inquam, cum ratiocinia quedam in Curia positi administrarent, administratione non expleta ad Ecclesiam & Clericatum confugerunt, nempe ad rationes detrectandas, vel Duumviratum iam ingressi eum destituerunt. Id quod ipsum Constantius statuit circa Beneficiarios & Officiales Rationalis, si ad Clericatum confugerint, neglecta cursus exhibitione, vel primipili necessitate, vel interuersa ratione fiscali, *d. l. 7. de cohortilib.* quæ huic, vt dixi, coniungenda est. Illorum tria genera seu exempla *hac l.* proponuntur, puta si Præpositi horreorum, si Præpositi Pagis (nam ita scribendum, de quo plene *ad l. 1. supr. de erogat. milit. ann.*) vel susceptores diuersarum specierum iam creati & imposita sibi officia adgressi sunt: Scilicet ex Curialibus Præpositi horreorum, Præpositi Pagis, & Susceptores creati, quod vt ex *hac l.* ita ex plurimis aliis discere est.

Cœtera de Curialibus Clericis factis, & bonorum cessione ab eis Curiz facienda, *aliis* deinceps legibus: ac nominatim ad l. 59. & 104. *infr.* vbi & Ambrosii loca sternerentur. Cassiodori inter hæc locus non omittendus II. *Var.* 18.

Tandem hæc illa Constantii *lex* videatur, quam memorat Socrates, *libr. 2. cap. 41. pag. 153. Edit. Vallef. Paris.* de qua dixi ad d. l. 7. *de cohabit. lib.* Nisi potius hæc nostra cum d. l. 7. moderanda & temperanda illi lata fuerit.

I. De CLERICIS *Decurionibus ad Curiam reuocandis.* 2. de LVSTRALI collatione a Curia aliena. 3. de Curialibus qui ad POTENTIVM domos confugerant, retrahendis, Iuliani *Imp. lex.*

L. (a) Imp. IVLIANVS A. Secundo (b) PF. P.

Post alia.

DECVRIONES, qui vt Christiani (c) declinant munia (d), reuocentur. Et ab auriatque argenti præstatione, (e) quod negotiatoribus indicitur, Curiz immunes sint: nisi forte Decurionem aliquid mercari constiterit, ita vt Ordines ciuitatum ex huiusmodi reliquis (f) sarcinarum (vt iam diximus) amoueantur. Et quoniam ad Potentium domus confugisse quosdam relatum est Curiales, vt tam fœda perfugia prohibeantur, multam statuimus, vt per (g) singula capita singulos solidos dependat, qui ad Potentis domum confugerit, & tantundem qui receperit multæ nomine inferat: Nam si seruus inscio domino susceperit, capite punietur, & ingenuus qui inulto patrono (h) hoc fecerit, deportabitur. PP. III. Id. Mar. Constantinop. Mamertino, & Neuitta Coss. [362.]

P. 390.

NOTAE.

- (a) Abest hæc *lex* a *Cod. Iust.* Repetitur extant huiusce legis duæ priores sententiæ: l. 4. *inf. de lustrali collat.* Meminit huius l. Baronius A. 362. n. 280. Et iungendæ huic sunt tres leges: puta lex 10. *sup. de extraordinariis*: lex 2. *sup. de Protostasia*: lex 1. *sup. de locat. fundor.* proculdubio, & lex 1. *infr. de auro coronario.* GOTHOFR.
- (b) Ita quoque dictis legibus: vna lex 2. *sup. de Protostasia* excepta, vbi scriptum Sallustio PP. verum idem semper est. Ammianus Marcellinus lib. 22. cap. 3. Breni deinde Secundo Sallustio promoti Praefecto pratoris. v. plura in *Protop.* An vero idem cum Saturnino Secundo? ID.
- (c) Christiani, id est clerici: de quo mox, ID.
- (d) Curialia scilicet ID.
- (e) Id est, a lustrali collatione: de qua lib. 13. c. 1. ID.
- (f) Reliqua *δομῶδες*: vide *Glossar. Theodof.* ID.
- (g) Verba hæc *per singula capita*, melius starent infra, ita: & tantundem per singula capita, qui receperit multæ nomine, inferat. ID.
- (h) Patronus, respectu colonorum ingenuorum, b. l. & l. 1. *sup. de salgamo.* l. 1. *ne colenus* &c. ID.

COMMENTARIVS.

IVLIANI Apostatæ Imperatoris sex deque Decurionibus, constitutiones ordine sequuntur, quibus addenda eiusdem septima, puta lex 1. *sup. de proximis Comitib. dispos.* (vbi quædam dixi:) & octaua insuper lex 2. *sup. de Agentib. in rebus*: Ex quibus omnibus apparet inde quam enixe Iulianus Curiarum commodis consultum iuerit. Imo, eum nimio plus Curias fauisse additis iniuste Curiarum confortio quam plurimis, diserte scribit quatuor locis Ammianus Marcellinus. Primo quidem lib. 21. cap. 12. vbi de eius Næssi mora. *Nec priuatorum utilitates in tempore afflagranti despiciens, literæque audiens controuersas maxime municipalium ordinum, ad quorum fauorem propensior, iniuste plures muneribus publicis adnectebat.* Secundus Ammiani Marcellini locus est lib. 22. cap. 9. *Ancyram redit: eumque exinde progredientem vltierius multitudo inquietabat, pars violenter erepta reddi sibi poscentium, alii querentes consortiis se Curiarum addictos iniuste.* Et mox: *Illud amarum & notabile fuit, quod agre sub eo a Curialibus quisquam* Tom. IV.

appetitus, licet priuilegiis & stipendiorum numero & originis penitus aliena firmitudine communitus, obtinebat æquissimum: adeo vt plerique terri emercentur molestias pretiis clandestinis. Et iterum, lib. 25. cap. 5. *Illud quoque itidem parum ferendum, quod Municipalium ordinum cætib. patiebatur iniuste quosdam adnecti, vel peregrinos, vel ab iis consortiis, priuilegiis, aut origine, longe discretos.* Hæc ita libere Ammianus Marcellinus. At Libanius, *Orat. in Iuliani necem, p. 296. 297. Edit. Morell.* Iulianum vel eo maxime nomine commendat, quod Curias sub Constantio exhaustas, repleuerit: cuius verba iam protuli ad l. 48. *sup.*

Hæc sunt Veterum in genere testimonia. Ex ipsius quoque Iuliani scriptis & Epistolis id ipsum videre est; studium inquam eius erga Curias, & ad Decurionum numerum augendum; puta, ex ep. 11. ad Byzantios: & ex *Misopogone* p. 367. 368. 370. *Edit. Lips. Spanhem.* Nos quid eius leges præferant, videamus.

Primum igitur Curiales ad Curiam quamplurimos

mos reuocauit: puta Christianos hac l. 50. (quæ repetita extat hac parte, l. 4. *inf. de lustrali collat.*) item eos qui ad Potentium domos confugerant, hac ipsa l. 50. rursum eos qui ex materno genere Curiales Antiochiæ essent, l. 51. b. t. incolæ, item, et si alibi Decuriones essent, l. 52. b. t. Designata item ab ipso Corpora plurâ, ex quibus Curiales nominari possent, l. 53. b. t. Item Curias a lustrali collatione immunes reddidit hac ipsa l. Et contra tamen videre est ex nonnullis legibus, multa quoque in Curialium gratiam ab eo sancita, quæ prima fronte ferme in Curiarum dâma celsura viderentur. Nam & nouos Decuriones præteritis Susceptorum debitis onerari noluit, l. 54. b. tit. Et Curialis conditionis euitandæ modos nonnullos admittit: veluti numerum 13. liberorum l. 55. b. t. Militiam in scriniis quinquenniali, l. 1. *sup. de prox. Comitib. dispos.* cum antea Constantii leg. vicennalis militia requireretur, l. 1. *sup. de agentib. in rebus*: agentium item in rebus triennalem, l. 2. *sup. de agentib. in rebus*: Et hæc quidem interim summa est omnium Iuliani constitutionum, quæ hoc Codice occurrunt super Curialis & Decurionibus. Quæ quidem etiam omnes ferme ad Curias Orientis pertinent: vt ipsæ docent: ac nominatim ad Curias Orientalis diceceseos, & Syriæ, tum Cæles (vbi Antiochia) tum Phœnicæ: vt ostendunt lex 51. 52. 53. 54. 55. 56. Nam & ibi maxime hoc tempore hæsit Iulianus. Hæc vero nostra ad Byzantinam seu Constantinopol. vt puto, pertinet: quo spectat ipsius Iuliani *epistola* n. quam mox subiiciam: cui vel maxime fauit. Quæ causa cur Zosimus crederet lib. 3. cap. 11. Iulianum dedisse Vrbi Byzantinæ ius Senatus, vt in vrbe Roma.

De hac l. nunc videamus, quæ tribus capitibus constat, quibus tria sub Constantio siue vsurpata, siue sancita circa Curias & Curiales abrogatum it. Quorum primum quidem omnium celebratissimum est: CHRISTIANOS scilicet, qui Curialia munera declinauerant, reuocari iubet: Decuriones, inquit, qui vt Christiani declinant munia, reuocentur. An ait: sub Constantio, eo ipso quod quis Christianam fidem sequeretur, Curialem conditionem euitare poterat? Id vero hæc verba sonare videntur. Quin & ratio ipsa suadere; quandoquidem Curialia munera quam plurima cum Christianæ Religionis iniuria coniuncta erant, cum a Curialibus & in Curia, multa Gentilitæ superstitionis exercerentur: qua causa certe postea Theodosius M. Christianis Curialibus *Archicrosynam*, id est Templorum curam & Templorum solemnia, imponi vetuit l. 112. *inf.* ac præsertim cum potissima Curialium pars Gentiles essent: sic vt Christiano tot inter Gentiles non posset esse consultum. Sed & ipse Iulianus, ep. 11. ad Byzantios, id suadet. Ἰβλιανὸς Βυζαντιοῖς. τῆς ἐλευτᾶς πάντας ὑμῖν ἀποδεδώκαμεν, καὶ τὰς πατροκόλας, εἰ τε τῇ Γαλιλαίῳ ἑαυτὲς ἔδοσαν θρησκεία, εἰ τε ὅπως ἄλλως πραγματούσαιντο, διαδράναι τὸ ἐλευτῆριον, ἔξω τῶν ἐν τῇ μητροπόλει λελετηρηκότων. Iulianus Byzantiis. Senatores omnes vobis reddidimus, & Decuriones patricios, siue in Galileorum religionem se dederint, siue aliud quiduis gesserint, ut curiam effugiant, extra eos, qui in

vrbe primaria publico muneri præfuerunt. Vbi ἐλευταὶ Decuriones ipsi: πατροκόλοι vero sunt, qui a patre seu paterna origine descendunt. Κολῶν enim est ἑλθῆν τεστέ Hefychio. Vt proinde huiusce vocis loco τὰς πατροκόλας substituere non debuerit Petauius, in notis ad hanc *Epistolam*: qui in eo in vniuersum errat, quod hanc *epistolam* Iuliani ad Senatoriam glebam, seu glebalem collationem p. 391. retulerit: cum ea sit de Decurionibus, & Decurionum filiis, ad Curiam reuocandis.

Quod exceptionem vero attinet, quam Iulianus ea ep. addit, eius sensus hic est, eos Decuriones non esse reuocandos ad Curiam qui in vrbe Roma muneribus functi essent, quod etiam Petauius alibi perperam traduxit. εἰ τε Γαλιλαίῳ, inquit, ἑαυτὲς ἔδοσαν θρησκεία, εἰς, inquit, ad Galileorum (id est Christianorum) religionem se dedissent. Et putet quis etiam, hoc præmii & illicii loco datum a Constantio Decurionibus Gentilibus, ad amplexandam Religionem Christianam, vt Curialem nexum euitare possent: atque hunc esse huius loci sensum. Vt vice versa olim persecutionis tempore pœnæ loco, Christiani Curias addici soliti, ἐλευτῆρις ἐναρξίθ-μείδω, μὴ ἐλευταὶ ὄντες πρότερον: curiis mancipati, cum antea curiales non essent. Quod Constantinus M. postea reuocauit, teste Sozomeno lib. 1. c. 8. de quo pœnæ genere l. 66. & l. 108. *inf.* Et tamen non de omnibus Christianis hæc accipienda puto, verum de iis tantum qui ad Clericatum sese contulerant, quique vt Clerici, curialia munia declinabant. Id enim potissimum Iulianus egit, idque ei vitio verum a Christianis Scriptoribus. Testis Philostorgius, *Eccles. histor. lib. 7. cap. 4.* καὶ ἀλλὰ δὲ τῆς αὐτῆς κακοτυχίας συνεπῆγε τὰς τε γὰρ ἐν κλήρῳ κατελεγμένους εἰς τὴν τῶν ἐλευτῶν ἀνέστρεφε λειτουργίαν, &c. alia quoque bis adiecit, non dissimilis malignitatis. Eos enim, qui clero adscripti erant, ad publicas decurionum functiones retraxit. Sozomenus, lib. 5. c. 5. κληρικὸς μέντοι, πᾶσαν ἀτέλειαν καὶ τιμὴν καὶ τὰ σιτηρέσια ἀφῆλετο, καὶ τὰς ὑπὲρ αὐτῶν κεμένους νόμους ἀνέλε, καὶ τοῖς ἐλευτῆρις ἀπέδωκε: & clericis quidem immunitatem omnem atque honorem, & annonas ademit, legesque in eorum gratiam latas abrogauit. Quare Christianorum appellatione Iulianus Apostata Clericos hic designauit: Nempe vt Christianos generali Galileorum appellatione notauit, ita & Christianorum appellatione Clericos indicare voluit Iulianus: simili ratione qua ipsemet Theodosius M. in hoc ipso argumento, l. 123. *inf.* sed & Valentinianus Sen. in simili argumento, l. 11. *inf. de pistoribus*: pistorum consortium declinari vetat ad Ecclesias se conferendo, seu Christianitatis priuilegio. Tandem ita etiam Christiani proximorum locorum, pro Ecclesiasticis accipiendi sunt in Honorii l. 2. *sup. de postliminio*. Et hæc quidem de primo huius l. capite. Vbi si quis scire aueat, & quando decurionatus per clericatum euitari poterit, consulat in *Paratitlo*, vbi & singularum sententiam expressi.

Secundo capite pariter Iulianus aliquid quod circa Curias sub Constantio vsurpatum fuerat circa Lustralem collationem allegatum it: quod iam discussum ad hanc huius l. partem, quæ pariter vt supe-

superior repetita extat *l. 4. inf. de Iuliali collat.* erit enim proprius de illa dicendi locus, & iterum *l. 72. inf. b. t.*

Tertio capite, Iulianus Curiales, qui ad *Potentium* domos confugerunt, reuocari iubet, multa proposita tum ipsis fugitiuis, tum receptoribus, siue dominis ipsis, & Patronis siue seruis & colonis eorum.

Atque hæc est *huius l.* sententia, quæ quidem pars est prolixioris Iulianæ constitutionis, qua in vniuersum Iulianus indicto Christiano nomine & Constantinianis, ac Constantio potissimum odio, vetera iura, abolitis Constantineis, restitutum iuit, ac

nominationem circa Curias & Ciuitates, & circa Senatores. Hinc adeo voluit is possessiones publicas Ciuitatum iis restitui, *l. 1. sup. de locat. fundorum*, a Senatoriis domibus prototypias & exactiones plebeie capitacionis submoueri, *l. 2. sup. de Protostasia*. Extraordinariorum munerum a Principe indictorum immunitatibus reuocatis, cunctos possessores ea implere pariter compelli *l. 10. sup. de extraordinar.* Quomodo & aurum coronarium Senatoribus vel aliis indici vetat; *l. 1. inf. de auro Coronario*: Quæ *leges* omnes velut ex eadem constitutione desumptæ, *huic nostræ* coassandæ veniunt, atque hoc vinculo optime inter se omnes cohærent.

De Curia ANTIOCHENA & de Curialibus, ex MATERNO genere illi adscribendis; Iuliani Imp. lex.

LI. (a) Idem A. Iuliano (b) Com. OR.

EOS, † indulserunt Veteres Principes, qui (c) materno genere, Curialibus Antiochenis adscribi, quos (d) patris dignitas (e) nullius vindicaret iure (f) ciuitatis. Dat. V. Kal. Septemb. Antiochiæ, Mamertino & Neuitta Coss. [362.]

NOTAE.

(a) *Lex 22. Cod. Iust. cod. tit. iuris quod hac l.* continetur meminit quoque Zosimus *lib. 3. cap. 11.* Et Leo Imp. *l. 61. Cod. Iust. de Decur. GOTHOF.*

(b) Iuliano huic ipsi Com. Orientis inscribitur hoc ipso Anno *lex 3. sup. de contrab. empt. & lex 54. inf. b. t.* Eiusdem meminit Iulianus Imp. (quem Auunculum suum fuisse ait) in *Misopogone pag. 340. 365. Edit. Lips. Spanhem. &c.* & Ammianus Marcellinus *lib. 23. cap. 1.* qui etiam eum Auunculum Iuliani Imp. fuisse testatur; & Chrysostomus libro in *S. Babylonem contra Iulianum & gentiles num. 17. pag. 564. & Homil. 4. de laudibus S. Pauli Apost. pag. 492. Tom. II. Oper. Edit. Benediclin.* Et Theodoretus *lib. 3. c. 7. 8. 9.* qui & ipse Auunculum Iuliani fuisse scribit. Itemque Sozomenus *lib. 5. cap. 7.* & Philostorgius *lib. 7. cap. 10. & 12.* Hic antea Praefectus Aegypti fuerat, teste Iuliano *ep. 10. ad Alexandrinum populum.* vid. plura in *Prosopogr. & ad Philostorgium. ID.*

† *Eos* (etiam scilicet seu) quoque indulserunt. Constitutiones porro hæc veterum Principum non extant, *ID.*

(c) *Ex, Cod. Iust.* Forte hic legendum *pro*. Nisi ita hunc locum emendandum putemus: *Eos indulserunt veteres Principes, qui materno genere Curiales sunt, Antiochenis adscribi:* vel ita: *qui materno genere Curiales, Curialibus Antiochenis adscribi:* ortu errore ex repetitione eiusdem vocis, *ID.*

(d) Quorum pater nullius alterius ciuitatis muniti debetur, *l. 62. Cod. Iust. de Decurionib.* propter dignitatem. *ID.*

(e) *Conditio, Cod. Iust. Dignitas, de Curiali:* v. quæ dico ad *l. 92. inf. ID.*

(f) *Iuri, Cod. Iust. ID.*

COMMENTARIVS.

P. 392.

MATRE Curiali Antiochena natum Curiae Antiochenæ adscribi voluisse veteres Principes refert Iulianus Imp. hac constitutione: Idemque priuilegium istud determinat: Quæ quidem constitutio etiam ab ipso Iuliano Antiochiæ data est. Huius vero *iuris*, quod alii iam notarunt, meminit quoque Zosimus *lib. 3. cap. 11. in fin.* de mora quippe Iuliani Antiochiæ agens: *ὁ δὲ βασιλεὺς, inquit, ἐπηθήσας τὰ ἐκόντα τῇ πόλει, (Antioχείᾳ) καὶ πλεῖστον πολὺ παραδὸς ἐλευθῶν, ἐκ πατρὸς εἰς τὸ τοῦ καταγομένου. καὶ εἰ ὅσας ἐτυχὼν τεκῆσαι ἐλευθῶν θυγατέρας. ὅπερ ὀλίγαις δεδομένον ἔγνωμεν πόλει:* *imperator autem, urbe subleuata, ubi quidem hoc posceret aquitas, eique magno concessio decurionum numero, qui paternæ successionē munus hoc consequerentur, admissis & illis quotquot decurionum filie progenuissent, quod sane per paucis municipiis datum scimus.* Meminit dilerte quoque

Leo Imp. in *l. 61. Cod. Iust. de Decurion.* quæ eius gratiam certis personis ea *l.* comprehensis facit: *Lege, inquit Diuæ memoriæ Iuliani, quæ de materno Curialium Antiochenæ ciuitatis genere promulgata est, nihil in persona &c. iuris habitura:* Et innox: *circa alias sane vniuersas personas, de materno genere ad memoratæ Antiochenæ ciuitatis tantummodo curiam pertinentes, eandem legem præcipimus obtinere propriam firmitatem.* Huius ipsius denique priuilegii, Iuliano tamen authore non laudato, meminit idem Leo *l. 62. Cod. Iust. cod. tit.*

Neque tamen huius instituti seu priuilegii, sese primum Auctorem facit *hac l.* Iulianus, sed veteres Principes: Cum tamen Zosimus *dicto loco*, & Leo Imp. *d. l. 61.* ultra Iulianum non assurgant, hocque ius Iuliano acceptum ferant: sane neque ipse Iulianus, in *Misopogone suo pag. 367. Edit. Lips. Spanhem.* id sibi vindicat, cum tamen alias Antiochenis

exprobrat, adiectum a se Decurionum numerum, designatis etiam vnde eum auxerit, ἔπειτα τῇ ἐλευθερίᾳ τὸν κατάλογον διακοσίων ἐλευταῖς ἀνεπλήρωσα, φησὶ μὲν ὁ ἑδνός· ἐσκόπων γὰρ, ὅπως ἡ πόλις ὑμῶν ἔσται μείζων καὶ δυνατώτερα· δέδωκα δὲ ὑμῖν καὶ ἀπὸ τῶν ἐπιτροπευσάντων τῆς θησαυρῆς τῆς ἐμῆς, καὶ ἀπὸ τῶν ἐργασασμένων τὸ νόμισμα, τῆς πλοσιωτάτης ἐλομένως ἔχεν· Præterea senatorum numerum ad ducentos auxi, neque ulli rei pepercì: id enim unum spectabam, ut maiorem potentiorēque ciuitatem vestram redderem. Itaque dedi vobis ex iis, qui thesauros meos procurauerant, & qui nummum fecerant, locupletissimos, ut eis uteremini. Neque Libanius, cum oratione in Iuliani necem, p. 296. 297. ed. Morelli. Iuliani merita in Curias commemorat, huius rei vllam mentionem facit. Ergo huius priuilegii Iulianus auctor non fuit, verum antè & vetustius id priuilegium extitit: Indulserunt, inquit ipse Iulianus, veteres Principes: Putet autem quis de eisdem Principibus id accipiendum, qui Ilienſibus, Delphicis, Ponticis simile quoddam priuilegium tribuerunt vel conseruauerunt, de quo Vlpianus, in l. 1. §. 2. D. ad municipal. de quo postea. Quid igitur? Iulianus hac l. vetus priuilegium istud Antiochenæ vrbi datum, memorat simul & explicat: nempe veteres Principes hoc priuilegium indulſisse, puta vt matre Curiali Antiochena natus Curiz Antiochenæ obnoxius esset, si patrem liberum, vel alii Curiz obnoxium non haberet. Non igitur id priuilegium datum Vrbi Antiochenæ, si quis vtroque parente Curiali natus esset: Finge enim, patrem Laodiceenæ Curiz obnoxium, matrem Curiali stirpe Antiochena editam: Hoc casu priuilegium cessabit: quia patris dignitas, alterius iam eum vindicaret iuri ciuitatis. In concursu scilicet duarum Curiarum, ea vincere debet, quæ patris Curia est: atenim vbi vel vnus parens Antiochenæ Curiz obnoxius est, alter vero liber est a nexu Curiali, satis id est ad vindicandum eum Curiz Antiochenæ. Hic inquam huius leg. sensus est, quem expressa verba legis ingerunt. Imo & lex 62. Cod. Iust. de Decurionib. Si ille, inquit, qui ex filia Decurioni Antiochena splendidissima ciuitatis, & patre, qui Nullius alterius ciuitatis muniis debebatur procreatus est: &c. Quare diuersum ab hoc priuilegium est, quod datum olim fuit Ilienſibus, Delphicis, & Ponticis: tum eo, quod illud sit de filiis natis ex diuersarum ciuitatum parentibus, tum isto, quod priuilegium id non respicit Curias & Curiali nexu seu origine obligatos: verum est de nudo municipii iure, seu de municipibus (etſi lata significatione & ipsi Curiales municipes vocantur,) id est, Ciuibus, πολιταις, cuiusque municipii d. l. 1. §. 1. Inter quæ duo magnum adhuc discrimen est. Nempe, cum de cuiusque ciuitatis ciuibus, eorumque domicilio agitur, deque iure quo municipem Natiuitas facere queritur; regulariter paternæ origo inspicitur. Et tamen singulari priuilegio tribus illis olim datum, vt matris origo, quo ad municipii ius, spectaretur. Et certè, vt distincti sunt tituli Ad municipalem, & de Decurionibus, & filiis eorum: ita notandum, dictam legem primam desumptam ex Vlpiani lib. 2. ad Edictum, quo is de Modo Iurisdictiōis; & sic de iure domicilii & mu-

nicipii, egerat, vt docent præterea ex eo libro lex 3. D. de off. P. V. Lib. D. de off. Proconsulis: l. 1. D. de Iudiciis: l. 10. D. de Tutelis: lex 27. D. eod. tit. ad municipalem. Quare idem necessario tractauit, vbi quis municeps conferetur: Quod & ipsum tractauit Caius, lib. 1. ad Edictum, vt testatur lex 29. D. eod. tit. ad municipalem. Breuiter igitur, priuilegium hoc nostrum est de Curiali parente; illud de Munice tantum: hoc nostrum de vno tantum parente Curiali, matre inquam; illud vero de vtroque parente munice vtroque tamen, quod vtrique priuilegio commune est, matris origo præualeat.

Vtriusque priuilegii causas eruere nunc iuuat. Ego non dubito Ilienſibus id datum propter Venerem, a qua Iulii oriundi sunt, Suetonius in Iulio cap. 6. vel & propter Mineruam, maxime Ilienſem, cuius præcipua ibi ratio fuit, quod & ex Lilio discimus lib. 35. cap. 43. lib. 37. cap. 9. Strabone lib. 13. p. 886. Edit. Almeloëen. Philostrato de vit. Apollon. lib. 7. cap. 3. nam ea hæres institui potuit iure Romano, teste Vlpiano in fragm. tit. 22. §. 6. & quia Ilienſes Romanos ab se oriundos præferebant, Lilius lib. 37. c. 37. seu Ilium parens, (id est mater) vrbs Romæ habitata: vt Ilienſes apud Tacitum memorant lib. 4. Ann. c. 56. indicat idem lib. 12. c. 58. Ilienſes denique Romanæ gentis auctores, Sueton. Claudio c. 25. & consanguinei Romanorum, eod. cap. 25. indeque Iulii Cæsaris origo, cumque his συγγενεια, de quo Strabo quoque lib. 13. pag. 888. Edit. Almeloëen. Propter antiquam igitur coniunctionem originis Romanæ, vt Iuris Consultus l. 17. §. 1. D. de excusat. ob quam Ilienſibus quoque plenissima Senatusconsultis & constitutionibus Principum data immunitas, & excusatio a tutelis eorum pupillorum, qui Ilienſes non essent, d. l. 17. §. 1. D. de excusationibus: quod etiam ex Lilio discimus lib. 38. cap. 39 & Plinio lib. 5. c. 30. imo, omni publico munere soluti, Tacitus d. lib. 12. cap. 58. distributa in perpetuum remissa. Sueton. Claudio c. 25. ἐλευθερίαν καὶ ἀλευστεργήσιαν αὐτοῖς συνέφύλαξεν, libertatem publicarumque operarum immunitatem eis seruauit, de Iulio Cæsare, Strabo lib. 13. p. 889. Edit. Almeloëen.

Quod Delphicos attinet, verisimile est, obtendis se eos facinoram apud se non virum sacerdotem: quod & Tacitus testatur, lib. 2. Annal. c. 54. cuius etiam προμαντιδὸς Delphicæ meminuit Paulanias, in Laconicis cap. 4. p. 212. 213. Edit. Kuhn. Et Diodorus Siculus plenissime, lib. 16. p. 524. Edit. Henr. Stephan. ait, cum olim ibi a virginibus fortes ederentur, quæ seruandis oraculorum secretis magis idoneæ viderentur, lege postea sancitum, ne virguncula amplius, sed femina quinquagenaria maior, virgineo tamen ornatu Dei reſponſis præſideret, μηκέτι παρθένον χρησμεύειν, ἀλλὰ γυναῖκα πεντήκτειραν πενήκοντα ἑτῶν χρησμολογεῖν, κοσμεῖσθαι δ' αὐτῆς τὴν παρθενικὴν σκῆψιν. Denique de Pythia res nota est.

Igitur priuilegium hoc datum & conseruatum tribus illis ciuitatibus & prouinciis, eo quo dixi obtentu. Diuersum igitur id, vt iam supra dixi, a nostro erat etiam fine. Nempe illa ad replendas, municipum numero in genere ciuitates: hoc nostrum, ad replendas nominatim Curias. Et ita partim aduersus Cuiacium, partim aduersus Amayam sentio.

Vnde

Vnde vero seu cur *Antiochena* ciuitati id olim veteres Principes indulserunt? Nempe non noua aliqua origine vel ratione ducti: verum vt etiam hoc modo inter alia Curia Antiochena repleretur, frequentaretur Curialium & foeminarum liberis, & sic curiales haberet. Curiae scilicet Antiochenae hoc tempore, & quidem a Iuliano peculiaris ratio habita, tanquam vrbs, quae totius Orientis curia & vertex erat; de quo iam alibi saepe. De qua alioquin Curia Antiochena sunt & aliae leges; puta *lex 131. & 169. inf. b. t.* De eadem est & Aemilianus Marcellini locus *lib. 14. cap. 7.* Multus est & Libanius in *Antiochico* p. 357. 358. 359. 360. 361. edit. Morell. in asserenda Curia Antiochena: vbi etiam eam vocat *μόνη μυσίση των ἀπανταχῶ, καὶ ἀρίστη, maximam ex iis, quae vbiunque sunt, & optimam.* Et alibi *μύσιον, μέγα συνέδριον, μεγάλην ἑσλήν, Orat. 13. ad Theodosium, pag. 416. & Orat. inuestiu. in Lucianum pag. 433. Edit. Morell. & Orat. περί δεσποτῶν pag. 53. Edit. Gothofr. & pag. 399. Edit. Oper. minor. Gothofr. Cl. Troitz.* vbi iam quoque dictum. Idem Libanius *Epistol. 722. ad Iulianum Alexandrum* Syriae Rectorem commendat, quod Curiam Antiochenam in maius auxerit. Et de eadem agit & Zosimus *lib. 3. c. 11.* Leo in *l. 61. 62. Cod. Inst. de Decurionib.* Ipse tandem Iulianus huius l. auctor in *Misopogone*, memorat simul & Antiochenis exprobrat, quae in eorum & Curiae Antiochenae gratiam fecerat, *pag. 367. 368. 370. Edit. Lips. Spanhem.* Quo sane in numero est quoque illud quod *b. l.* firmat: ita tamen vt privilegium id ad suum casum restringat, vbi videl. *patris dignitas liberis nullius ciuitatis iuri vindicaret*, id est, vbi pater ipse non alterius ciuitatis Curialis esset. Quare haec Iuliani *lex* est restringentis vetus Antiochenorum privilegium ad suum casum, quo id olim indultum fuerat. Ergo notandi iam hi casus singulares; quibus matris origo, non & patris attenditur: siue ad frequentandas municipibus ciuitates augendamque magistratuum municipalium Iurisdictionem, quo tria illa exempla pertinent; siue ad frequentandas Curias, vt nominatim Antiochenam, de quo est haec *l. Antiochenae* alioquin huic Caele Syriae Ciuitati alia privilegia *Lege sua* ab antiquo competiere: Quale illud est quod memorat Papinianus *l. 37. D. de*

reb. auct. iud. possid. nempe, ius taciti pignoris seu hypothecae in bonis defuncti debitoria. Vbi quod dicitur, *lege sua privilegium accepisse*, accipi potest, imo debet ex veteri Principum concessione; simile enim privilegium nulla ciuitas habet, nisi nominatim id ei a Principe datum esset: *l. 10. D. ad municipalem.* seu nisi beneficio concessum id ei fuisset *l. 2. C. Inst. de iure Reip.* Et si non negem, *lege sua* & consuetudine antiqua ius istud quoque, vt alia multa, competere potuisse. Ad quas leges saepe in iure prouocatur, & apud Plinium *Epistolarum lib. 10.*

Proximus vero huic tractatus est de *Nobilitate*, vt statuto vel consuetudine effici possit, vt filius quoad matris nobilitatem, matris conditionem sequatur. De quo post alios hic Amaya: apud quem exempla Hispanica reperies: & Gallica notata ab aliis, v. c. Campanus matre nobili nobilis est. Quae de Lyciis olim prodita, notissima sunt ex Plutarcho, *de claris mulier. c. 9.* Herodoto, *lib. 1. c. 31.* De Locris Polybius *lib. 12. p. 656. 657. Edit. Casaubon. Paris. 1609. in f.* vbi & illud singulare, quod addit de centum virginibus mittendis quotannis ad Ilium: quod addi velim ad ea, quae supra de Ilienibus notabamus.

Quod Ponticos attinet, putem id ego tributum, Amazonum, quibus sese illi efferebant, commendatione, vt ferre fabulas praeferebant ciuitatum Curiae, ad quid impetrandum v. vel Tacitum *Annal. lib. 3. c. 60. & seq. & d. lib. 4. c. 55.* vbi ciuitates Asiae certantes proponuntur pro asylis iure sibi vindicando, & pro Templo apud se statuendo. Quis etiam nescit Sauromatas Amazonum *γυναικοπαταμίνας* memorari? Notanda & Strabonis narratio, *lib. 11. pag. 770. Edit. Almelouen.* de Gargarensum cum Amazonibus coitu, e quo si feminam parerent, ipsae enutriebant; si marem illis educandum mittebant. Denique qui res gestas a Pompeio scripsere, omnes auctores sunt de eius cum Amazonibus pugna: Plutarchus, Appianus, Alii: Inde igitur privilegium istud Ponticis ex beneficio eiusdem Pompeii Magni, vt Celsus refert apud Vlpianum *d. l. 1. §. 2. D. ad municip.* Quomodo fuerunt & aliae peculiares Ponticis ex lege pariter Pompeia, leges, super Curia & Decurionibus, de quibus Plinius, *lib. 10. ep. 113. 114. 115. 116.*

De INCOLIS quoque, etsi alibi decurionibus, ad Curiam vocandis, Iuliani lex.

LII. (a) Idem A. ad Iulianum (b) Conf. (c) Foenicis.

NON obstat Curialium petitioni, quod hii quos incolae (d) dixerunt, alibi Decuriones esse dicuntur: Poterunt enim & apud eos detineri, si eorum patitur substantia, & ante conuentionem incolatui renuntiare noluerunt. Sola vero possessione sine laris conlocatione praedictos onerari iuris ratio non patitur: quamuis res Decurionum comparasse dicantur. Sane Incolonus (e) iure tunc detinendi sunt, si non aut arma gesserunt, aut expeditioni militari praefuerunt, aut sub pracone (f) administrationis facti sunt Senatores. Dat. III. Non. Septemb. Antiochiae, Acc. Id. Octob. Tyro (g), Mamertino & Neuita Coss. [362.]

NOTAE.

- (a) Absit hæc *lex a Cod. Iust.* Eique iungenda *lex 1. sup. de dominio rei qua possitur*, etsi Inscriptio variet. *GO-THOFR.*
- (b) Ad *Julianum* hunc Libanius scripsit in *MS Regio*, ep. 214, ut ibi notatur; sed quæ reuera est, 218. & *Ep.* 638. (in Editione Cl. Wolffii sunt *Epistol.* 224. & 652.) quibus cum Phœnicæ præfuisse aperte testatur, v. *Prosep. ID.*
- (c) Quid si legas, *Comiti Orientis*, vt *l. 54. inf. ID.*
- (d) Apud se, ob laris conlocationem: vt *mox inf. ID.*
- (e) *Incolatus* hic, *incolatus*, *l. 5. 12. 46. sup. & l. 141. inf. ID.*
- (f) *75. Praconio*: de quo *mox. ID.*
- (g) *Tyros* sedes consularis Phœnicæ: nempe quia metropolis erat prouinciæ Phœnicæ. Hinc & diferte data Tyro metro-
poli, proposita vero Byrito, dicitur *lex 11. sup. de Tyronibus*. Hinc & *PP.* Tyro dicitur *lex 4. sup. de famosis lib.* quæ
data ad Dionysium Comitem, qui in Tyria Synodo Constantini iussu præfedit. Vide Epistolas duas apud Achanas.
Apol. 2. pag. 797. 798. Edit. Lips. Weidm. Auctorem vitæ Constantini, *lib. 4. cap. 42.* Theodoretum *lib. 1. c. 29.*
Idem ex Libanii epistola non una colligo. *ID.*

COMMENTARIUS.

P. 394.

INCOLATVS ratione, id est, si quis alicubi larem collocauerit, vt *h. l.* *mox* dicitur, seu domicilium suum contulerit, *l. 239. D. de V. S. παροικῶν, μέτοικον*. Græcis, ad Curiam vocari posse (quod etiam ostendit *lex 5. 12. 46. sup. & l. 137. 141. inf.*) definit *hæc l.* Iulianus Imp. sub quadruplici, qua ampliatio-
ne, qua limitatione, seu exceptione.

Prima *Ampliatio* hæc est: Nempe in tantum *Incolatus* ratione quem ad Curiam eius loci quem incolit, vocari posse definit, vt etsi alibi iam *Decurio* sit, forte originis ratione, attamen adhuc in altero loco *Incolatus* ratione ad Curiam peti possit. Et sic hoc casu duobus locis ad Curiam vocari queat; in vno originis nexu; in altero, *Incolatus* sorte, seu laris conlocatione: vel, vt dicitur *d. l. 12. sup.* in vna ciuitate voluntatis, in altera originis gratia. Et istud quoque inter alia, argumento est, quantopere Iulianus Curias fauerit. Quo etiam respexit forte Am-
mianus, *lib. 22. cap. 9.* cum scribit, ægre sub eo, a *Curialibus* quenquam appetitum (quæ verba etiam re-
spondent initio huius.) licet Originis penitus aliena firmitudine communitum, æquum obtinuisse: seu vt loquitur *lib. 25. cap. 5. municipalium ordinum* catibus passum Iulianum iniuste adnecti quos-
dam, ab his consortiis origine longe discretos. Et *Limitationes* tamen & exceptiones plures hac parte addit Iulianus, quæ singulares omnino sunt, & alio
utiliter traduci possunt. Prima est quæ simul ostendit, quid proprie per *Incolatum* intelligendum sit. Nempe ait, si iam possidendi rationem, etsi *Decurio-*
num quoque res comparauerit, hic non sufficere, sed laris collocationem spectandam: quæ incolatum constituat. Ergo vt maxime quis possideat fundos in ciuitate aliqua, si tamen inde oriundus non sit, neque ibi larem collocauerit, ad eius ciuitatis Curiam vocari non potest ex Iuliani mente: Imo & ex veteri iurisprudencia Pa-
piniana *leg. 17. §. 5. & 13. D. ad municipalem*. Quia scilicet hic incola non est *l. 3. 4. 6. Cod. Iust. de incolis: l. 239. §. 2. D. de V. S. l. 35. D. ad municip.* Et tamen Constantino M. aliquando, aliter visum vi-

detur *l. 5. in fin. sup. h. t.* sed & priuilegium hoc specialiter quibusdam datum ciuitatibus, vt pos-
sessores nudi fundorum ciuilibus muneribus ad-
stringerentur *d. l. 17. §. 5. & l. 6. C. Iust. de incolis & l. ult. §. 25. D. de munerib.* sed & decurionum no-
minatum bona possidentes Curialibus functioni-
bus obnoxii aliquando fuere ex Theodosii M. *l. 134. inf.*

Secunda exceptio est, *incolatus* ratione quem ad Curiam non vocari, si ante conuentionem, id est, ante nominationem ad Curiam, *incolatus* re-
nunciauerit. Tempestiue scilicet renunciationi hac parte locus est, id est si renunciatio nominationem præcesserit. Sera alioquin renunciatio foret post nominationem.

Tertia *Exceptio* hac *l.* additur a Iuliano: nempe *incolas* *Incolatus* iure ad Curiam vocari non posse, si arma gesserint vel expeditioni militari præ-
fuerint, (quod Militiæ priuilegium hac parte no-
tandum est) vel si sub præ-
oio Administrationis facti sint Senatores: sub præconio, ita enim legen-
dum est, id est testimonio, vt vocatur *l. 1. sup. de hono-
r. codicillis: & l. 25. sup.* denique si honore administrationis Senatores facti sint, *l. 73. 74. inf.* scilicet non nudam Senatoriam dignitatem in muni-
tatem a Curiali tribuere vult, in hac specie Iulianus, verum si ea quæ sita sit, sub honore & præconio administrationis, id est, prouinciam aliquam reuera *ἐμπράκτως* administrando. Nam quod de præconio iuræ; seu de præconibus Magistratum ex hac *l.* notatur, ineptum est; quos & ipsi Rectores prouinciarum non habuere, verum Maiores tantum Magistratus, veluti *PP.* vide Chrysostomum *Homil. de utilit. Lect. Scriptur. S. in princip. Actor III. pag. 77. Tom III. Oper. Edit. Benedictin.* & Hieronymum *Epist. 4. ad Rusticum monachum, pag. 30. b. Tom. I. Oper. Edit. Francf. apud Christ. Genschium.*

Et hæc quidem sententia est singularis ad no-
dum constitutionis Iulianæ, in argumento de *In-*
colis.

De NOMINATIONIBVS quibusdam Curialium reuocandis: deque DECVRIONVM FILIIS & PLEBEIIS locupletibus ad Curiam nominandis; Iuliani lex.

LIII. (a) Idem A. ad Sallustium PF. P. (b)

QVONIAM ex paucis plurima commissa (c) non absurde suspicamur, ex die Kal. Septembrium omnes omnino, præter solemnes, Nominationes, factas a Curiis (d) in irritum deuocamus. De præcedentibus porro iustum agitabis examen. Placuit etiam designare, quæ Corpora sunt, (e) in quibus Nominationis iuste sollemnitas exercetur: Decurionum enim (f) filios necdum Curiae mancipatos, & Plebeios eiusdem oppidi ciues, quos ad Decurionum subeunda munera splendidior fortuna subuexit, licet nominare sollemniter. Dat. XIV. Kalend. Octob. Antiochiæ, Mamertino & Neuita Co s s. [362.]

NOTAE.

(a) Abest hæc lex a Cod. Inss. velut temporaria, GOTHOFR.

(b) Sallustius PP. sub Iuliano Orientis: v. Profop. Idem qui Secundus, cui inscribitur lex 50. sup. ID.

(c) V. locum Iuliani in Misopog. de quo mox. ID.

(d) A Curia Antiochena positum, ID.

(e) Sint. ID.

(f) Enimvero. ID.

COMMENTARIVS.

P. 195. NOMINATIONES Decurionum perperam factas ex Kal. Septembribus, id est sedecim abhinc diebus, omnes, solemnes exceptis, irritas esse iubet Iulianus Antiochiæ positus, hac leg. quæ data est medio, paulo plus, mense Septembri, XIV. Kal. Octobris: commisso examine de anterioribus Sallustio PP. Orientis. Hoc primum. Contra, secundo capite Iulianus, quia in Nominationibus peccatum fuerat, designatum it, vnde Curiales & adfatim & idonee adsciri nominarique possint. Primo quidem Corpora quædam designare se ait, ex quibus Decuriones iuste nominarentur. Secundo, Decurionum filios (quos ipse πατερόλας vocat ep. ad Byzantios u.) Tandem & Plebeios splendidioris fortunæ ad Curiam vocari posse definit. Ad cuius legis historiam & sententiam pertinet omnino, quod ipsemet Iulianus in Misopogone p. 367. Ed. Lips. Spanhem. Antiochenis exprobat, nominatos ab iis ad Curiam quosdam non rite, tenuisque fortunæ & abiectos homines: Contra ibidem designat, vnde is Decuriones Antiochenis dederat: δέδωκα ὑν ὑμῖν καὶ ἀπὸ τῶν ἐπιτροπευσάντων τὰς θησαυρὰς τὰς ἐμὰς, καὶ ἀπὸ τῶν ἐργασαμένων τὸ νόμισμα τὰς πλασιωτάτας ἐλομένους ἔχειν. ὑμῶς δὲ ἐκείνων μὲν ἢ τὰς δυναμένους εἰλεσθε, λαβόμενοι δὲ τῆς ἀφορμῆς, ἐργάσασθε παραπλήσια, πόλει μὲν ἡδαιμῶς ἐννομαμένην προποντα, ὃ ὑμῶν ἄλλως (ἄλλω) τῷ τρόπῳ. Βάλεσθε ἐνὸς ὑμῶς ὑπομνήσω; βαλευτὴν ὀνομάσαντες, πρὶν προγραφῆναι τῷ καταλόγῳ, μετὰ τῇ τῆς θῆκας ὕψους, ὑπελάβετε καὶ ὑπεβάλλετε, ita Petauius) λειτουργία τῶν ἀνθρώπων ἄλλων (τὸν ἀνθρώπων: ἄλλον ita Petauius) ἐπ' (ἵσως ἀπ') ἀγορᾶς εἰκύσατε πένητα; καὶ ἐκ τῶν ἀπανταχῇ μὲν ἀπολελειμμένων, παρ' ὑμῖν δὲ διὰ περιττὴν φρονησιν ἀμειβομένων πρὸς χευστοὺς συρφετῶν ἀπορῶντα, μετρίως θσῖας ἐλεσθε κοινῶν. Πολλὰ τοιαῦτα περὶ τὰς ὀνομασίας κακῶς γινώσκων ὑμῶν, ἐπειδὴ μὴ πρὸς ἀπαντας συνεχρήσαμεν, ὧν τε ἐν ἐργασάμεθα τὴν χάριν ἀπεστέρηθμεν. Quem locum ita interpretor: Itaque dedi vobis etiam ex iis qui thesauros meos procurarant, & moneta artificum locupletissimos, ut eos adscisceretis: vos vero non ex iis idoneos accepistis, sed occasione sumpta

ea fecistis, quæ neque a malè instituta ciuitate, neque a vestris moribus aliena erant: vultis unum ex iis vobis commemorem? cum decurionem quendam NOMINASSETIS, antequam albo adscriberetur, causa adhuc pendente, hominem sumpstistis, & ministerio aliorum hominum a foro traxistis inopem: & ex eorum numero qui vndique destituti, apud vos ob superuacaneam quandam solertiam auro commutant verborum colluuiem, nullos redditus habentem, tenuisque fortunæ, vobis sortastis. Atque eiusmodi alia multa circa Nominationes cum peccaretis, neque omnia ipsi probaremur, benefactorum gratiam perdidimus. Ita inquam hunc locum interpretor alicubi corruptum & intricatum: Quod de iis ait qui thesauros Principis procurauerant: id accipiam de Largitionibus ciuitatum, de quibus dixi ad l. vn. de præb. salar. non vero, quod Petauius credidit, de Præfectis Thesaurorum & Comitibus. Quis enim putet Iulianum, ex his Decuriones adscisci voluisse, qui maioris dignitatis erant? Quod reliqua Iuliani verba attinet, unum tantum, non duo licentiæ, non popularium, sed Curialium exempla ibi memorat Iulianus: nempe quendam nominatum ad Curiam, appellentemque a nominatione, pendente iudicio, vi abstractum aliorum ministerio a foro petractum inopem. Berterii enim error est l. Pitbanon. 10. p. 350. Tom. IV. Thesaur. Iur. verba illa, καὶ λειτουργία τῶν ἀνθρώπων: ἄλλων ita accipientis, cum vice eius alii se muneribus ciuilibus obligassent, aut fideiussores accessissent, ut de patre dicitur in l. i. Cod. Inss. de Decurionib. Cuius Berterii & alter hic error est pag. 349. in fin. quod Filios Decurionum, licet paternam conditionem retinerent, eligi solitos b. l. argumento scribit: Nominati enim, id est ad Curiam vocati, non electi, nisi quod inidonei non nominati. Mox pergit Iulianus, in describendo homine illo, qui e foro petractus fuerat inops: nempe ait, eum fuisse ex eorum numero qui vndique destituti sunt, ἐκ τῶν ἀπανταχῇ ἀπολελειμμένων: verum qui ob superuacaneam solertiam, auro commutaret verborum colluuiem seu fœcem. Quibus verbis circumforaneum, circulatorum, agyrtam in foro, deque vico, ut ille

ait *Auspicem*, indicat, qui verbis aures alienas diuitabat, quod ille ait, suam vt vero domum repleret, saltem vt aurum colligeret. Tum addit, eum nullos reditus alios habuisse, tenuissimæque fortunæ fuisse, *ἀπορῆντα, μετρίας ὕστερας*: Quibus omnibus duo perstringit, quod & facultatibus inidoneum, & vilissimæ conditionis hominem nominassent ad Curiam: Contra igitur, Iulianus Antiochenis iam hac leg. proponit, nominandos 1. ex Corporibus quæ ipse designauit. 2. & filios Decurionum, 3. & e plebeis idoneos splendidiorisque fortunæ & meriti, qui Decurionum munera subire seu sustinere possint. Quod & ipsum cauetur l. 13. 33. 52. *supr.* l. 72. 96. 133. 140. *inf. b. t.* Huc vero pertinent variæ Libanii *epistolæ*, quibus id apud magistratus agit vt facultatibus inidonei ad Curiam nominati liberentur: inter alias *Epistol.* 339. ad Gaianum Phœnicia Rectorem (quomodo & eodem spectat *lex prox.* 52. *supr.* data ad Iulianum Consularem Phœnices) *Δόμνος πένης ὢν, ἀπειρία τε πραγμάτων καὶ συνήγο-*

ρων ἱερμὴα γίγνεται βαλευτῆς, δεῦρο δὲ ἐλθὼν, ὡς ἀναμαχέσαστο, δίκαιος ὢν ἀπαλλαγῆς τυχεῖν. ἀναβολὴν εὐρατο, καὶ μέλλον ἑωανέναι, δέτα μὴ γράψαι πρὸς σὲ βουλευτῆν αὐτῶν. Dominus vsu rerum & patronorum inopia ad incitas redactus Senator constituitur. Cum itaque hic veniret, vt se opponeret, iustumque videretur, vt onere hoc liberaretur, dilationem est consecutus. Domum itaque reuersurus petit a me, vt ad te scribam de ope illi præstanda. & mox. ἀλλὰ σε παρακαλῶ καὶ νῦν καὶ ἐσαυθις εἶναι δόμνῳ λιμένα, καὶ κείθεν τὰς ἀγαθὰς τυχεῖς, ὅτι τῶν ἀπώρων ἔχειται ἡς πέλειως ἐς πολὺ τὰς ἐξελάνειν, ἢ χορηγὸς παρεχέτω τῇ πόλει: te vero nunc obtestor, vt & nunc & in posterum Domno portus instar sis, & bonos illos Tyrius doceas, quod indigis inherere idem sit atque ciues ex ciuitate expellere, non autem ductores conciliare ciuitati. vbi ratio notanda est. Vide & *Epistolam* 377. ad Arislænum Bithyniæ Rectorem, & *Epistol.* 378. ad Alcimum. & *Epist.* 379. ad Themistium

Nouos Decuriones, qui susceptores non nominarunt, periculo nominationis præcedentis, illorum nomine non subiacerere.

LIV. (a) Idem (b) A. ad Iulianum (c) Com. OR. (d)

PROVIDENDVM (e) est eorum nouitati (f) Decurionum, qui nuper (g) nomen Curiis addiderunt, (h) ne præteritis (i) debitis (k) Susceptorum (l) onerentur; sed (conuentis propter hæc debita, qui (m) ea præcedentibus (n) delegationibus (o) contraxerunt (p) nullam (q) molestiam pro sarcina (r) nominationis alienæ sustinere patiaris. PP. (s) Byrritho, (t) Kalend. Nouemb. Mamertino, & Neuita Coss. [362.]

NOTA E.

- (a) *Lex 23. Cod. Iust. eod. tit. GOTHOF.*
 (b) IULIANVS Imp. de cuius enixo & nimio circa Curias studio dixi iam semel ad l. 50. *supr.* & dicam tamen adhuc mox. *ID.*
 (c) Iuliano C. Iust. Eidem porro Comiti Orientis, Iuliani Imperatoris auunculo, inscribuntur duæ præterea eiusdem Iuliani constitutiones: puta *lex 3. supr. de contrab. empt. & lex 51. supr. hoc tit.* De eodem vero vide & Iulianum rursum *ep.* 10. ad Alexandrinos, & *Misopogone edit.* in 8. p. 40. & 127. & *edit.* in 4. p. 103. & *Edit. Lips. Spanhem.* p. 365. & c. Ammianum Marcellinum *lib.* 23. *cap.* 1. Philostorgium *lib.* 7. c. 10. & 12. Theodoretum *lib.* 3. *hist. Eccles.* c. 7. 8. 9. Sozomenum *lib.* 5. *cap.* 7. Chrysostomum *de laudibus S. Pauli Apostol. homil.* 4. *pag.* 492. in fin. & *homil.* in S. *Babylam contra Iulian & Gentiles num.* 22. *pag.* 573. *Tom. II. Oper. Edit. Benedictin.* An vero is idem Iulianus, cui inscribitur *lex 52. supra?* vt sic idem Comes Orientis & Consul Phœnices fuerit? *ID.*
 (d) Comes Orientis, de hoc vide *Notitiam Theodosianam ID.*
 (e) Hac voce *Providendum*, quid indicetur, mox dicam. *ID.*
 (f) *Nouitati Decurionum*, id est nouis Decurionibus, metonymice. *ID.*
 (g) *Nuper*, id est, recenter, nouiter. *ID.*
 (h) *Addiderunt*: hanc vocem mox vrgebo: sunt qui legunt in *Cod. Iust. indiderunt. ID.*
 (i) *Præteritis*, id est, quæ tempore præterito, & antequam noui isti Decuriones adsciscerentur, contracta fuerunt. *ID.*
 (k) *Debitis*, id est, reliquis tributorum. vide *Gloss.* super hac voce *Debitorum. ID.*
 (l) De *Susceptoribus* his est *infr. titulus 6. huius libri. ID.*
 (m) *His qui*, *Cod. Iust.* inserta voce, *bis*: quæ tamen ipsa abest a nonnullis MSS. *ID.*
 (n) Id est, ex præcedentibus, seu propter præcedentes. *ID.*
 (o) *Delegationibus*, id est, iussionibus, commissionibus, & sic nominationibus, vt mox vocantur, ibi pro *sarcina nominationis*, ad suscipiendas videlicet species seu tributa: de quo mox plenius. Male *Glossa* interpretatur, id est, *officiis sibi delegatis*: *Delegationibus* porro suppl. *a se factis. ID.*
 (p) *Contrahere debita*, v. *Gloss. Theod. ID.*
 (q) *Nullam eos*, *Cod. Iust.* inserta voce *eos*: eos autem, nouos scilicet Decuriones. *ID.*
 (r) *Sarcina*, vide in *Gloss.* similia, & quidem vt hic, in re *Tributaria. ID.*
 (s) Data procul dubio hæc *lex* Antiochiæ, vbi Iulianus erat hoc tempore, vide *Chronolog. Theodof.* vide vel *legem 52. supr.* & l. 8. 9. *de operib. publ. d. l. 3. supr. de contrab. empt. ID.*
 (t) PP. id est, proposita: non vt aliz editiones habent PP. puncto inserto. Et Berythi proposita hæc Constitutio, pariter vt duodecim aliz *huius Codicis*: puta *lex 2. supr. de agentib. in reb. l. 11. de Tironibus l. 7. de filiis mil. appar. l. 41. de cursu publico: l. 3. de his qui cum dispensatore: l. 19. de ann. & trib. l. 4. trib. in ipsis spec. l. 2. de publ. comparat. l. 63. infr. b. t. lex 9. de laustrali collat. l. 1. de naufragiis: l. 1. de Gladiatoribus*: quæ omnes datæ sunt, vel ad Præfectos Prætorio Orientis, vel ad Comites Orientis, vel ad Consularem Phœnices, vel ad Magistrum officiorum, v. *Geogr. Theodof. ID.*

COMMENTARIVS.

NOVO'S Decuriones, id est, nouiter in Curiam allectos adgregatos, & vt Iulianus hic loquitur, qui nuper nomina sua Curii's addiderunt, vel, vt loquitur Symmachus in simili re lib. 10. ep. 59. quos Senatus recens ortus adiecit: pro Susceptorum, antequam, seu antequam ipsi Decuriones fierent, nominatorum, creatorum debitis, seu reliquis, non teneri oportere, definit hac l. Iulianus Imperator.

Quod vt intelligatur, tria prænoscenda sunt: de Susceptoribus.

Primo tenendum, Susceptores de quibus hac leg. agitur, esse, non vt Bartolus voluit, qui alios in ordinem Decurionum suscepit, verum annonarum, seu specierum & tributorum publicorum Susceptores (de quibus est hoc ipso libro titulus peculiaris infr. 6.) Quod cum non intelligerent e Veteribus quamplurimi, pars ludos hic egregios fecerunt, pars vocem superiorem substituerunt: vid. Pyrrhum ad hanc leg.

Secundo sciendum, Susceptores istos e Decurionum seu Curialium numero, seu ordine, in quibusdam prouinciis creati, seu nominari solitos; vt, præter hanc l. docet insuper l. 49. sup. h. t. & l. 24. 31. infr. t. de Susceptorib. & l. 2. sup. de Questionib. Quomodo & Exactores e Curia sumpti, de quo suo tit.

Tertio notandum, Susceptores istos creati seu nominari solitos, periculo aliorum Decurionum seu Ordinis, qui eos creasset; vt præter hanc leg. docet quoque infr. tit. de Susceptoribus: at non etiam lex 9. Cod. Iust. de iure fisci: quod credidit Accursius. Et sic si Susceptores aliquid vel negligentia vel fraude decoxissent, seu reliquati fuissent, ad redintegrationem (id est solutionem) specierum, creatores seu nominatores ipsos de more conueniri potuissent: seu vt hæc lex quadrifariam loquitur 1. Susceptorum debitis oneratos. 2. propter eorum debita conuentos. 3. Sarcinam nominationis eorum sustinere oportuisse. 4. vt qui eorum debita delegationibus contraxissent. Quod quidem interim quasi contractus genus obseruandum est, ex delegationibus, id est, propter delegationes a se factas, seu propter nominationem & negligentiam in ea adhibitam: pariter vt in tutelæ iudicio non exactæ penitus cautionis, vel non idoneæ, periculum pertinet ad Magistratus nominatores subsidiaria actione: toto tit. D. & C. Iust. de Magistratib. conueniendis. His ita præsuppositis iam ad historiam huius l. accedamus.

Quarto igitur obseruandum, hæc tempestate, Iulianum Imp. Curias, in quibus ciuitatum decus consistebat (vt docet Libanius, non vno loco, Oratione περί πρὸς αὐτὸν p. 9. 10. Edit. Gothofr. & p. 366. Oper. minor. Gothofred. Ed. Troitz. & orat. in Iuliani necem, p. 297. & in Antiochico, p. 357. edit. Morell. Maiorianus Imp. Nouell. 1. & Cassiodorus VII. Variar. ult. aliisque locis.) Sub Constantio Imp. exhaustas variis rationibus expletum iuisse, atque in id inixe, ad reprehensionem vsque nimio studio incubuisse; vt testatur idem Libanius dicta orat. in Iuliani necem, p. 296. 297. Edit. Morell. Ammianus Marcellinus quatuor locis lib. 21. c. 12. & lib. 22. c. 9. & lib. 25. c. 4. Cui rei fidem plenissimam faciunt ipsius Tom. IV.

met Iuliani constitutiones: & sex quidem hoc ipso titulo, puta, præter hanc legem nostram, lex 50. 51. 52. 54. 55. & duæ insuper aliz, puta lex 1. sup. de prox. comitib. dispos. lex 2. sup. de Agentib. in reb. quarum omnium constitutionum summam, seu breuiarium semel exhibui ad d. l. 50. sup. Inter alia vero hanc in rem a Iuliano actitata. (1.) Reuocati ad Curias Christiani, d. l. 50. sup. (quæ quantum ad hoc repetita extat l. 4. infr. de Iustali collat.) Christiani, id est Clerici (de quo & Iulianus ipsemet ep. u. ad Byzantios, & Sozomenus lib. 5. c. 5.) (2.) Reuocati item, qui ad potentiorum domos confugerant d. l. 50. (3.) Addicti ab eodem Curii's qui ex materno genere Antiochiæ Curiales essent d. l. 51. sup. cuius leg. meminit quoque Zosimus lib. 3. cap. u. & Leo Imp. l. 61. Cod. Iust. de Decurionib. (4.) vt & incolæ, et si alibi iam Decuriones essent, d. l. 52. (5.) Designata tandem plura Corpora, e quibus Curiales nominari possent, d. l. 53. (6.) His adde, quod quinto loco hic iam obseruandum est, & Volones, seu Voluntarios, Vltroneos, spontaneos quosdam Decuriones sub Iuliano fuisse, id est nonnullos, qui vltro nomina sua Curii's addiderunt (vt hic dicitur) vt & alias, seu sub aliis Imperatoribus, spontanei quidam munifici erant, seu vltro sese Curiarum cœtibus soli genitales amore inferebant, vel munera quædam Curialia obibant: vt docent tres præterea leges, puta lex 172. 177. & lex ult. infr. hoc tit. Et de his quidem proprie hanc legem accipiendam docent hæc verba, nomen Curii's addiderunt. Et sane si de πατρὸκόλοις, id est, filiis Decurionum, originis ratione ad Curiam vocatis quærat, proculdubio & hos periculo præcedentis nominationis obnoxios fuisse certum est. Error enim est scribentis, id indicari, nominatos ad Curiam solitos subscribere nominationi suæ, & ita in album relatos. Tandem sexto loco obseruandum, pertinere hanc legem proprie ad Curias Syriæ Phœnices, quæ sub Comite Orientis erat: & in qua præcipua vrbs fuit Berythus, vbi hæc lex proposita dicitur: pariter vt proposita ibi duodecim præterea leges, quas in Notis memorauimus: in quibus aliquam multæ sunt, quæ ad Comitum Orientis datæ sunt.

Nunc ad rem, & ad Quæstionem Decisionemque huius leg. Igitur cum tot noui homines nuper nomina sua Curii's addidissent, hinc iam agitari seu quæri cœpit, vtrum noui quoque isti Decuriones seu Curiales, & ipsi periculum præcedentis creationis seu nominationis & delegationis Susceptoris alicuius agnoscere tenerentur, eorum videlicet Susceptorum nomine, qui antequam ipsi Curii's nomina sua adderent, nominati, electi, creati, delegati ad id munus fuerant, decoxerant? Id quod hac l. negat Iulianus; quin contra definit, solos eos eo nomine conueniendos, solos indemnitati fisci consilere oportere, qui Susceptores nominassent: seu, vt lex, ait, qui hæc debita delegationibus suis contraxissent. Quæ verba nonnulli perperam ita accipiunt, quasi id indicetur, prius, seu primo Susceptores, tanquam principaliter obligatos conueniendos, quam nominatores. Quod & ab huius legis scopo alienum est, quorum de subsidiariis actionibus quæritur, & a verbis, quæ nominatores respiciunt; denique non pertinent

tinent hæc verba ad nominatores seu susceptores. Igitur Iulianus Comiti Orientis Iuliano Auunculo suo, mandat; vti nullam noui istius Decuriones molestiam pro sarcina nominationis alienæ patiantur. Æquitate quoque eius rei indicata his verbis: *Providendum est eorum nouitati Decurionum, qui nuper nomen Curiis addiderunt.* PROVIDENDUM ait: qua voce æquitas rei indicatur, aduersus iniquitatem vel indignitatem rei alicuius; vt hac l. ita & l. 10. C. Iust. de Decurion. & l. 7. C. eod. de postul. l. 23. §. 1. C. eod. de agric. & censit. l. 5. Cod. eod. vs in poss. l. vn. Cod. eod. sumptus iniuncti mun. l. 2. C. eod. de veter. Nempe vt generali æquitate nemo molestiam pro sarcina aliena sustinere debet (quam in rem occurrunt infinitæ Leges & sententiæ: vide vel l. vn. Cod. Iust. vt nullus ex Vicaneis, sed & Symmachi locus non abludit lib. 10. ep. 10. Pariter Ad presentem Iudicem veteris Curie culpa non peruenit, id est, non pertinet.) Ita speciatim Decuriones quoque, ac maxime qui nomina sua Curiis (vltro) addidissent: vt ita hoc quoque iure noui Decuriones ad Curiam prolestantur. Sui igitur quisque temporis, suæ nominationis sarcinam (vt loquitur lex) seu periculum sustinere debet, non molestiam pro sarcina alienæ nominationis sustinere: satis scilicet est, sui quemque temporis periculum præstare, l. 3. §. 1. D. de admin. rer. ad ciuitat. Quare conueniendi sunt pro Susceptoris debitis, seu reliquis, ii tantum Decuriones, qui Susceptorum debita præcedentibus delegationibus seu nominationibus in se deriuarunt, specie quadam, vt antea dixi, quasi contractus. Delegationibus, ait lex, id est nominationibus, Delegatio hac l. & l. 8. sup. de extraord. l. vn. sup. ne conlat. per logogr. l. 2. §. 4. de indictionib. l. 7. Cod. Iust. de off. Reçtor. proninc. l. vltim. Cod. eod. de can. larg. tit. est, non ipsa descriptio, verum *ἐκταγή*, iussio, inandatum, seu (vt nos hodie loquimur) *Commissio* alicuius rei exequenda, seu muneris obeundi: ac nominatim *Delegatio* est iussio, vt ad inferendas, ita & ad exigendas species annonarias & tributa. Suidas: *δηληγοῦν κατὰ Παιδαίης ἢ ἐκταγή τῶ σιτοπομπῆς, καὶ ἡ ἀνωγὼν μετακομὴ*: *Delegatio*. Sic apud Romanos vocatur procuratio rei frumentariæ, & annuæ transportatio. Sic delegari annone dicuntur l. 35. sup. de erogat. milit. annon. seu species, l. 1. sup. de excoctione vel transl. annon. (pariter vt mandari, l. 1. sup. de domest. & protectorib.) sic eadem delegari militi seu Opinatoribus (qui annonæ militaris Excoctores erant) l. 16. sup. de excoctionib. dict. l. 1. de excoctione: l. 34. sup. de annon. & trib. sic nauicularii delegatas species transferre dicuntur, l. 9. infr. de nauicular. Hinc & Delegatorie l. 2. sup. de erogat. mil. ann. & l. 16. sup. de excoctionib. Principis epistolæ iussiones, quibus provincie species inferri, iubentur: Leo Imp. in l. vlt. Cod. Iust. de canone largition. tit. *Delegatio ab amplissima Præfectura in diuersas provincias ex more quotannis emittitur.* Διὰ τὸ πῶτος Nouella 128. c. 1. Haloander *delegationem* recte vertit.

Et hæc quidem genuina est huiusce legis interpretatio, quæ iam solemniter euasit, non in scholis tantum, sed & in foro: Et tamen, vt multæ aliæ, haud recte vbiq; hactenus intellecta fuit. 1. Pars quippe (vt Interpretum errores hic admissos perstrin-

gam) id inde colligunt, Eos qui de nouo in Collegium veniunt, pro debito quod antea a collegio contractum est, non teneri: vt & Cines nouiter receptos seu novos incolas ad collectas, quæ pro cebitis veteribus aduentum suum præcedentibus imponuntur, non obligari: Quod vt a ratione iuris alienum est; ita ex hac l. male educitur. Est enim hæc lex, non de pecunia *mutuatitia*, seu de debito contracto ex necessitate vel vtilitate aliqua totius Collegii, Corporis, Vniuersitatis; verum de periculo ob negligentiam adhibitam in nominatione seu delegatione officii vni ex Corpore suo impositi. Debita scilicet contracta ex *mutuatitia* pecunia ob necessitatem aliquam vel vtilitatem totius alicuius Collegii, Corporis, Communitatis, Vniuersitatis, ad omnes ex æquo *Sanates, forctes* (vt in veteri est) vereres, nouos, collegas, incolas, allectos pertinent: arg. l. 7. in fin. D. quod cuiuscunque Vniuersit. & recepta vbiq; praxi: quomodo etiam iudicatum placito Parisiensi A. 1596. referente V. C. Brettio oratione 43: (vbi recte *hanc leg.* pro contraria sententia male referri notat p. 248. etsi verum ipse huius legis sensum affecutus non sit) & Curie Montispeletensis Anno 1590. referente Philippi Arr. 146. Atenim periculi ob malam nominationem seu delegationem de Corpore suo factam, alia ratio est, quia ibi culpæ suæ nomine nominatores soli tenentur: cuius vtiq; periculo nouos Decuriones qui nihil admiserunt, teneri æquum non est: *pæna* denique seu sarcina suos Actores tenere debet & caput noxa sequitur: Onus vero æque alienum Corporis & Collegii, omnes ex æquo subire oportet: Quique Vniuersitatem, vt ali-P. 398. cubi loquuntur, despondet, & debita despondet, seu creditoribus eo ipso momento obligatur. Sed & hic tamen, vt in concordiam dissentientes reuocem, distinguendum puto, inter causas mutui contrahendi; si enim mutuua contractum fuerit ob defectum tributorum soluendorum, certe nouos incolas obligari, æquum non est; si pro vtilitate perpetua loci, obligari eos æquum est. Et hæc de primo errore, qui ad hanc leg. admittitur.

Secundus error est, quod alii hanc *legem* quoque trahunt ad *Succeffores* in Officio seu dignitate, seu Officiales nouos; vbi quæri solet, an & quatenus ii pro decessoribus suis quoque mutuo ab iis contracto obligentur; (de qua alioquin quæstione præter alios fule Lucas de Penna, ad l. 2. C. Iust. de fundis rei priuat.) Quod & ipsum erroneum est. Neque enim hæc lex est de debito ab Antecessoribus in Dignitate aliqua constitutis contracto, neque de Successoribus eorum, seu in eorum locum successis; verum de nouiter in Corpus seu Collegium aliquod adgregatis, quique *ad priores* nouiter nomina sua Curiis addiderunt, vt hæc lex diserte loquitur, id est, qui aliis & prioribus siue mortuis siue deficientibus, vel forte etiam superstitibus insuper deque nouo additi & adgregati.

Tertius; alia item quæstio est, & aliena ab hac l. de onere seu reliquis possessionum nomine fisco debitis, vtrum videlicet Noui possessores qui per *ἐπιβολήν* forte (de qua agitur supra l. 4. de annon. & trib.) eas pacti sunt, eo nomine teneantur. Et si idem quoque eo casu caueatur, nempe vt ne ad decoctoris relicta, seu debita, qui nouus accedit per

per ἐπιβολῇ possessor teneatur: l. 2. in fin. C. iust. de omni agro deserto.

Quartus: imo & Quartum quoque illud ab hac l. alienum est, quod statuitur l. 2. sup. sine censu: non posse sc. fundum a priuato emi sine reliquis tributorum; Nouum enim fundi emptorem obnoxium teneri pro reliquis eius possessionis: cuius & hæc ratio est, quod tributa fundi nomine fisco debita, sint fundi onera, & sic cum fundo ambulent necessario, nouumque dominum & possessorem sequantur. Qua parte notanda interim differentia inter nouum possessorem seu successorem in dominio fundi ex causa ἐπιβολῆς, & ex titulo emptionis voluntariæ: Ille ad reliqua fisco non tenetur, hic tenetur.

Quintus: ab hoc tractatu alienus adhuc magis est tractatus de non conueniendi vno Decurione pro altero Decurione, etiam tributorum nomine: de quo est lex 31. sup. de annon. & tribut. l. 2. sup. de executionib. lex ult. sup. de executorib. l. 186. infr. h. tit. vt & de vno ex Vicaneis, pro aliorum Vicaneorum debitis non conueniendis, de quo peculiaris titulus est Cod. iust. Vt nullus ex Vicaneis &c. quem Titulum ad hanc l. Codicis iust. Interpretes tanquam hic fundamentalem allegant: perperam; Quandoquidem illis casibus non queritur de nouiter adgregato in Corpus aliquod, vtrum is ex præcedenti causa obligetur; verum de concorporali, vtrum scilicet manente eodem statu Corporis alicuius, vel Vni-

uersitatis, vnus ex eo Corpore pro alicuius concorporati sui debito conueniri possit, & quidem ex tributorum causa: quod illis legibus negatur: addita ea in d. l. vn. ratione, ex generali regula, scilicet esse, non solum legibus, verum naturali æquitati contrarium, pro alienis debitis alios molestari.

Sextus: denique ab hac l. alienus est tractatus de Repressaliis; vt & de Italia statutis, quibus cauetur vt si quid damni datum sit viatori, proximi pagani id sarcire teneantur.

Ergo maneat, huiusce legis hunc sensum esse: pro culpa male nominationis teneri tantum eos, qui ex Collegio illo puta Curæ, perperam aliquem ad munus publicum Susceptionis forte nominarunt: non vero qui non nominarunt, & sic novos Decuriones, vel etiam absentes: Quomodo & subsidiaria actione illa, de qua sup. quamque cum hac compono; in Magistratus Municipales, propter culpam eorum, actio datur, non in Ordinem Municipalem: Imo & si Ordo in se periculum receperit, ii tantum qui præsentibus fuerunt, tenentur: l. 1. in pr. D. de Magistratib. conuen. quia sc. æquum non est, ex vnus facto alios prægrauari, & nocere factum alicuius ei, qui nihil admisit. Quæ cum ita sint, & Prægnaticis & Iuris studiofis iam compertum erit, quomodo hæc lex in vsum tuto deriuanda sit, expunctis ferme omnibus Interpretum ad hanc leg. commentariis: quamque vnus ferme Cuiacius intellexit.

LIBERORVM XIII. numero a Curiali conditione, Curiaque quem liberari.

LV. (a) Idem A. Leontio (b) Consul. (c) Palæstinæ. (d)

QVI (e) pater sit XIII. liberorum, non modo ad Curiam non vocetur, verum etiam si sit (f) Decurio, honoratissima quiete (g) donetur. Dat. Kal. Mart. (h) Antiochiæ, Iuliano A. IV. & Sallustio Coss. [363.]

INTERPRETATIO. Lex ista hoc dicit, (i) cum qui pater esse probatur tredecim filiorum, non solum ad Curia seruitia non detinendum, (k) verum etiam si Curialis sit, honoratissima quiete donandum.

NOTAE.

(a) L. 24. Cod. iust. eod. tit. GOTHOFR.

(b) Leontius hic idem ille Palæstinæ Rector videtur, cui hoc ipso tempore, vna cum Alypio Templi Hierosolymitani instaurandi negotium Iulianus irritum mox successu, dedisse dicitur ab Ammiano Marcellino (vt omittam alios) initio lib. 23. Ad eundem extant plures Libanii epistolæ. ID.

(c) Proconsul postea sub Theodosio M. Palæstinam rexit: v. l. 42. sup. de appellat. l. 23. quorum appell. l. ult. de fisci debet.

(d) Palæstina adhuc indiuisa erat hac tempestate: imo & sub Theodosio M. vni adhuc Rectori parebat, teste Zosimo lib. 4. cap. 41 (vbi de Hilario) & veteri Indice Sebonbouiano pag. 83. Edit. Cellar. ad calcem Fests, qui sub Theodosio M. conscriptus. Dixi plura ad l. 30. sup. de erogat. mil. ann. l. 3. sup. de prosoft.

(e) Si quis Decurio pater sit duodecim liberorum, honestissima Munerum quiete donetur: Ita tum mutata, tum contracta hæc lex Cod. iust. ID.

(f) Iam. ID.

(g) Honoratissima quieti hic, & in interpret. legit, MS. G. RITTER.

(h) April. MS. G. ID.

(i) Hæc lex hoc præcipit, MS. G. ID.

(k) Id est, vocandum: vt in ipsa leg. GOTHOFR. Tenendum, MS. G. RITTER.

TREDECIM LIBERORVM numero, seu privilegio, patrem a Curia seu Curiali conditione functioneque, non subeunda tantum exculari; verum etiam impacta seu iniuncta iam, liberari definit *hac constitutione* Iulianus Imp. Quæ quidem constitutio toto iure singularis in *Codicem* quoque *Iust.* translata est; puta in *l. 24. cod. t. de Decur.* verum interpolata, contractiorque multo hunc in modum: *Si quis Decurio pater sit duodecim liberorum, honoratissima munera quiete donetur.* Et est ea quoque de vexatissimis: de qua multa Interpretes, & in his Vertranus Maurus, *lib. singulari de iure liberorum*, expresso c. 41. Ac maxime ideo vexata, quia cum Pertinacis rescripto seu Callistrati *l. 5. §. 2. D. de iure immunit.* pugnare vulgo creditur. Quare neque tralatitia eius interpretatione nobis defungendum erit. Mitto quæ ad Auctorem eius pertinent, puta *Iulianum* Apostat. Imp. (quanquam & mox quædam de eo ad rem necessaria notabuntur.) Mitto quæ de *Palæstina*, eiusque *Consulari*, & quidem *Leontio*, iam in *Scheltis* monuimus. Mitto diem *Kalendarum Martiarum* huic *legi*, (vt & *legi 2. supr. de Agentib.* de qua mox:) subnotatum, de quo ad *leg. 28. supr.* Mitto *legem* hanc *Antiochie* datam; de quo tamen mox aliquid. Sex igitur visionibus *huius leg.* explicatione defungemur. Primum erit de hoc *Tredecim liberorum privilegio*. (2.) sequentur tres *Ampliationes*. (3.) vt & *Limitatio* vnica quæ *b. l.* vel aperte, vel vi ipsa continetur. (4.) Quantopere species *huius leg.* aliena sit a specie *d. l. 5. §. 2.* ostendemus. (5.) Sparsimque videbimus, in quibus *hæc lex* in *Cod. Iust.* vulgato posita, ab *hac* abeat, & sic collationem earum instituemus. Postremo alienas Interpretum quæstiones ab *hac leg.* se mouebimus.

Prima igitur princepsque quæstio seu controuersia est de numero isto *Tredecim liberorum*: Quandoquidem vulgati receptique hætenus *Codices Iust.* habent, *duodecim*: & Pertinacis rescripto, quod continetur *d. l. 5. §. 2.* agitur de *sexdecim* liberorum privilegio: Qua causa emendandum hic numerum XIII. multi iam sibi persuadent, Verum tuenda omnino est *huius l. b. C.* lectio. Quod etiam probat Gothica interpretatio, *huic l.* subiecta: vbi expansis etiam literis scriptum exstat, *Eum qui pater esse probatur TREDECIM filiorum &c.* Quinimo & tertio loco eum ipsum numerum seruant libri quidam *Iustiniani*, quod Cuiacius quoque monuit, etsi vulgati habeant *duodecim*. Quare admitenda non est eiusdem Cuiacii emendatio, quasi & *hic*, & *ibi* reponendum sit XVI. arg. *d. l. 5. §. 2.* seu errore nato, ex notarum illarum VI. diductione: sic vt pro ea hic XIII. substitutum fuerit, ibi XII. Namque id omne mere diuinatorium est. Imo, si Cuiacii exemplo *hanc l.* emendare liberet, probabilius reponeret quis XV. arg. eius, quod Apuleius in *Apologia* pag. 283. Edit. Lugd. B. apud Ioan. Maire. 1623. ait, *Quindecim homines liberos populum esse: totidem seruos familiam: totidem vinctos ergastulum.* Verum nil mutandum, seruandaque adeo est *huius C.* lectio: & auctoritas sequenda: illis insuper quæ dixi argumentis. Et Apage mihi sis præcepto iudicium Amayæ, qui transmissa propria, suo-

que ordine, *huius l.* expositione in *l. 2. n. 67. C. de Decur.* pronunciat auctoritatem *vulgatorum Codicum* apud se maiorem esse, quam *Cod. Theod.* e latebris & tinea post multa sæcula in lucem extracti. Quod summæ imperitiæ est: Et quis etiam non eadem ratione *C. Iust.* omnem auctoritatem detrahat? nam & ipse ni fallor e latebris & tinea post multa sæcula in lucem extractus aliquando fuit. Et proculdubio Authentici *huius Codic.* fides maior esse debet, quam *Iustiniani*:

Os, humerosque adeo laceri, nasoque minoris.

Secundo loco videndum est, Quomodo hæc *lex* cum aliis concilianda sit, simul & eruenda *Ratio* huius numeri *Tertiodecimani*; XIII. inquam *liberorum*. Hætenus enim nos de iure seu privilegio vnus quandoque etiam duorum, trium, quatuor, quinque liberorum, leges, Scriptoresque alios loquentes audiuius, & quidem non in *lege Papia* tantum *Decimaria*, verum etiam in argumento vacationis a muneribus publicis. Qua parte sane ita ius fuit, vt a personalibus muneribus quinque liberorum numerus excusaret: de quo *inf. peculiari t. 17. de his qui numero liber.* ab oneribus vero patrimonialibus nullus liberorum numerus excusaret: *l. 2. §. 1. l. n. D. de vacat. mun. l. 6. §. 4. D. de muner. l. 5. C. Iust. de muner. patrim. l. 1. C. cod. de his qui numero liber. l. 1. C. cod. de sumptuum recuperat.* Imo ne ab omnibus quidem muneribus personalibus numerus liberorum excusabat vt in *d. l. 5. §. 2.* Callistratus diserte ait, colligere se ex Pertinacis rescripto, varie nec *absce*, numerum liberorum ad excusationem munerum municipalium prodesse, solumque iam cum ita ex facto contigisset, sedecim liberorum numerum: & sic fecunditas hæc seu *πολυπαυδία* Pertinacis æqua visa, ad immunitatem omnium *λειτεργιών* tribuendam in *d. l. 5. §. 2. D. de iure immunit.* Adhuc hac ratione: *ὅτι ἐστὶν ἀλόγων, ὥστε συγχωρησαι ἀπολάζειν τῇ παιδοτροφίᾳ καὶ ἀνέσθαι σε τῶν λειτεργιών: non est irrationabile, vt concedamus filiorum educatione remitti tibi munera* Quomodo etiam Chrysostomus *homil. 3. in acta Apostol.* pag. 473. Edit. Commelin. Episcopatus difficultas pro omnibus excubantibus representans, similis sollicitudinis exemplum apponit in patre decem filios habente, *δέκα*, inquit, *παῖδας ἔχων ὑποχείρις συνωκῶντας αὐτῷ διαπαντός, qui decem habet filios subditos, assidue cum ipso viuentes.* qui cogitur sine intermissione illorum curam gerere, *ἀδιαλείπτως αὐτῶν ἀναγκάζεσθαι φροντίζειν.* Quomodo & Apuleius 7 *Metamorphos.* pag. 125. Edit. Lugd. Bat. apud Ioan. Maire 1623. Plotinæ meminit, quæ decimo partus stipendio viri familiam fundauerat. Et sic quidem Pertinacis rescriptum accipiendum est de *Personalibus tantum muneribus*, non de patrimonialibus & realibus: quod hætenus ferme creditur, *λειτεργιών* scil. appellatione ibi munera & ministeria personalia indicantur. Ad rem. Prædictæ igitur *leges* omnes vt & Pertinacis rescriptum, cum *b. l.* nil commune habent. Ibi quippe agitur de muneribus, quæ municipibus quibuscunque iniungebantur seu imponebantur, etiam non

Decurionibus. Hæc lex nostra est de priuilegio seu immunitate a Curiali fortuna nexuque; puta vt tredecim liberorum numerus patrem a Curia liberet: cum hæcenus nulla lex occurrat, qua definitum sit numero liberorum patrem a nexu Curiali liberari: nisi quod pater trium incolumium liberorum legationibus publicis liberabatur: *l. i. C. Iust. de Legatione*. Etsi modi alii quamplures extent, inductique fuerint *Legib.* ad euitandam eam, de quo fidem faciunt tot *leges* vel *huius* t. quas cumulaui-
mus in *Parat.* Et ita quidem *b. l. ab illa l. 5. §. 2.* separanda cumque ea concilianda venit: non vt Accursius & sequaces, qui volunt hanc *l.* vt posita est *C. Iust.* pertinere ad intributiones municipum & ciuitatis: neque enim *b. l.* est de intributionibus: sed de functionibus Curialibus; & illæ cum onere sumptuque ferme coniunctæ erant.

Eoque pertinet illa *honoratissima* QUIETIS donetur: Vox enim hæc, *Quietis*, pertinet non ad intributiones, verum ad personales & Curiales functiones & immunitates. Quo ipso quoque sensu OTII vox effertur *l. 75. infr.* ibi: *habeantur immunes, otio fruituri*. Et Græci verbo ἡσυχάζειν id exprimunt, ἀφίστασθαι, ἀτελείας. Rectaque omnino sententia est Conarrumæ in epitome de sponsalibus parte 2. c. 8. & Rebuffi ad hanc leg. & post eos Ferrerii ad *decif.* 401. *Guidonis Papæ*, numerum liberorum quemcumque a muneribus patrimonialibus ex hoc iure, & ex hac *l.* non excusari: quod quinque *legib.* supra comprobatum est. Quamquam in praxi alicubi aliter obseruari notant, veluti Romæ, Mediolani. Inanis etiam Baldi distinctio est: aut pater, inquit, Decurio est, & nati duodecim ei profunt: aut Decurio non est, & ei ad omnium munerum excusationem, sedecim opus est. Nam si ei *Codicis* huius videndi copia fuisset, vidisset idem statui de patre iam Decurione, & nondum Decurione: de quo mox plura. Tandem mera diuinatio est Vertranii Mauri, qui ita distinguit & conciliat: Pertinacem scilicet in *d. l. 5. §. 2.* de muneribus tantum personalibus cauisse: deinceps sub ipso forte Pertinace, aliisque Principibus hanc immunitatem ob sedecim liberos ad omnia munera tractam: Tandem Iulianum hac *l.* voluisse tredecim liberos sufficere sæcundis patribus non solum a muneribus, sed etiam ab honoribus: & sic Iulianum e veteri obseruantia aliquid remississe. Quæ omnia gratis dicuntur.

His ita compositis, Ratio nunc querenda nobis est huius numeri tertidecimani, seu tredecim liberorum. An igitur dicendum, non aliam eius reddi posse rationem, quam aliorum multorum in iure, quorum sane non alia ratio reddi potest, quam quod ita ius constitutum fuerit *Diuis*, seu iure positio: ac nominatim in his quæ circa arithmetican versantur, numerosque *legibus* præscriptos? (2) An vero dicendum ex facti contingentia, istud ita constitutum, pariter vt in specie illa *Pertinacis*? Verum, neque istud placet: quandoquidem video, hanc constitutionem non ad singularem alicuius facti contingentiam aptari seu coarctari, verum ius certum & perpetuum ea contineri. (3) Putet igitur tertio quis, arcanam aliquam rationem repetendam ex prouincia *Palesina*, quæ vna ex Syriis pro-

uinciis erat, & ad cuius Consularem hæc lex emissæ est: sic sane etiam eiusdem Iuliani *lege 2. supr. de Agentibus in rebus*, quæ dicitur *PP. Berytho*, Syriæ-Phœnices scilicet eodem etiam die, quo hæc data iisdem Coss. alius quidam modus euitandæ Curie proponitur. Et vtrumque istud Iulianus ipse in Tertia Syria, puta Syria Cœle, *Antiochia* constitutus: (nam & ibi hæc lex data est) cui alioquin Syriæ in commune Iulianus in plurimis commodauit. Sane ita quoque olim, cum pro prouinciarum diuersitate immunitas a tributo capitis diuersimode competeret, in Syriis nominatim ea compete-
bat masculis ad 14. annos, fœminis ad 12. vt testatur *Ulpianus* in *l. 3. D. de censibus*. Denique Leges cuiusque loci in immunitatibus semper respici oportuit, *d. l. 5. §. 1. D. de iure immuni.* pariter vt consuetudines loci cuiusque, *l. u. D. de Decurionib.* Nam & circa Decuriones, muneraque Curialia consuetudines variæ fuere, suæque cuique Curie lex fuit & consuetudo: præter *d. l. u. l. 5. supr. l. 60. 68. 101. infr. hoc tit. l. 22. infr. de susceptorib.* pariter, vt sua nonnullis Curii priuilegia fuere, quale est illud Curie Antiochenæ priuilegium, quod memorat & firmat idem Iulianus Imp. in *l. 51. supr.* Verum nihil horum hic placet: Vt neque Quarta Amayæ sententia, quæ id ex *lege Julia & Papia* profectum vult: nullo teste vel authore: & quasi sola illa lex de iure seu priuilegio liberorum egerit.

Quare cum omnia vndique circumspectio, arcanam seu occultam & Pythagoricam Tertidecimani imparis numeri rationem, Iulianus, totus de Philosophia, Philosophisque circumfusus, istud captasse mihi videtur. Notum vulgo quam studiose Pythagoras & Pythagoræi τὴν περὶ τὰν ἀριθμῶν πρᾶγματῶν excoluerint; vnde Cicero 4. *Academ.* cap. 37. *Pythagoræi ex numeris, & mathematicorum initiis proficisci volunt omnia.* Apuleius *Florida.* 1. pag. 501. Edit. Lugd. Bat. apud Ioan. Maire. *Pythagoram sponte petiisse Ægyptias disciplinas, atque ibi a Sacerdotibus ceremoniarum incredulas potentias, numerorum admirandas vices, Geometria solertissimas formulas didicisse.* Tertullianus de *Anima* cap. 32. Numeros Pythagoræ sic tribuit, vt Epicuro Atomos, Ideas Platoni, Entelechias Aristoteli. Inter alios vero Numeros, summa Ternarii, Septenarii, Denariiue seu Decumani, apud eos Numeri ratio præcipue fuit: sic vt illos τελεῖς vocarent: Septenarium etiam Pythagoras Religionibus aptissimum prodiderit (teste Apuleio initio libri ult. *Metamorphos.*) hanc vero δαδά scilicet, quasi δαδά perfectissimum omnium, μᾶλλον τελεώτατον ἀπάντων, vtpote qui omnem numerorum differentiam omnem rationem, omnes species atque proportionem in se contineret: eoque etiam *Primum quadraturam* eum appellabant: propterea quod ex prioribus quatuor Numeris constaret, vno, duobus, tribus, & quatuor: de quo videndus vel Porphyrius in *V. Pythagoræ*; Chalcidius in *Timeum Platonis*. Tertullianus quoque de *Anima* c. 37. *Qui Numeros ratiocinantur, & DECVRIALEM numerum, ut exinde reliquorum parentem colunt, denique perfectiorem naturæ humane.* Sane & circa partem humani dimensionem, peculiarem quoque numerorum rationem Pythagoræis placuisse, testis est Paulus

Paulus in *sententiis* lib. 4. tit. 9. §. 5. Laetius in *Pythag.* lib. 8. *Segment.* 29. pag. 511. Edit. Wetsten. Censorinus, de die Natali cap. 9. §. 11. Ergo Tertiodecimano fortui partuique velut perfectissimo, ex duobus inquam Numeris perfectis composito, privilegium illud quod *hac l.* continetur, Iulianus tribuisse videtur, totus quantus, ut dixi Philosophus, Philosophisque circumfusus: quod etiam nonnullæ aliæ eiusdem constitutiones spirant. Ipse certe ep. ad *Serapionem* 24. pag. 394. Edit. Lips. Spanhem. de Numero pari, impari, Ternario, & Centenario aliquam multa habet; sed tamen pleraque ὑποθέσει δαλύνει. Decumanus porro numerus, alias pro maximo habitus & usurpatus, ut videre est in *fluctibus Decumanis* apud Festum. Accipere Decumano apud Ciceronem de fin. lib. 2. cap. 8. Ovis Decumanis apud eundem Festum, & aliis similibus. Tertium præterea supra Decimum numerum ideo Iulianus elegit potius quam binarium, & sic Duodecimum: Primo quidem velut perfectum & impari, quem Pythagoras velut perfectum laudabat, teste quoque Censorino de die Natali, c. 11. in fin. & Servio ad Virgil. Eclog. 8. v. 75. qui & veteri ex superstitione magis FAVVS habebatur, eodem Censorino præter alios teste, cap. 20 ubi ait, credere se ex eadem superstitione unum diem abundasse in *diem* Anni computatione a Numa vel Tarquinio inducti. Eundemque Pythagoræi dignati Iustitia titulo.

Secundo quia & alias Ternarius hic numerus olim ad confirmationem accedere solebat, ad incipientem maturitatem, ad menses & annos, eodem Censorino teste, cap. 7. Ergo & hac ratione Iulianus Ternarium numerum accedere voluit ad perfectam rei & privilegii maturitatem.

In Summam alioquin, Iulianus numerosa hac tantum sobole Curiam euitari posse voluit, non deducitior aliquo seu minore: peculiari scilicet genio suo atque effusissimo in Curias affectu: de quo late supra, ad l. 50. ex ipsiusmet Iuliani scriptis, eiusdemque constitutionibus: ex Libanio, item & Am. Marcellino: cuius inter alia duo loca, hic repetenda sunt.

Primus locus extat, lib. 22. cap. 9. Egredere inquit, sub eo a Curialibus quisquam appetitur, licet PRIVILEGIIS & stipendiorum numero & originis penitus aliena firmitudine communitus, obtinebat aequissimum. Alter lib. 25. cap. 4. Municipalium Ordinum catibus patiebatur iniuste quosdam adnecti, vel peregrinos, vel ab his consortiis, PRIVILEGIIS, aut origine longe discretos. Iulianus igitur pauca admodum privilegia ad Curiam euitandam admittit: eaque ipsa prolixi nonnisi numeri stipendiique, & imparis equidem semper numeri: sic enim & Curialem liberari voluit Quindecennali in seriniis militia, l. 1. sup. de proximis Comitibus. dispos. Sic & post Tertium annum militiæ in schola Agentium in rebus l. 2. de Agentibus in rebus. quæ, ut iam dixi, eodem die iisdemque COSS. PP. Berytho dicitur: atque adeo huic coniungenda videri possit, licet ad alium Magistratum data sit, & alibi propolita.

Facessat proinde iam Vertranii Mauri sententia, æquius multo, benigniusque Iustiniani ius esse, qui e tredecim liberis unum dempsit, & in duodecim

liberis fecunditatem parentum probans, antiquam Iuliani scilicet rigiditatem leniit, & severiorem remissit. Nam præterquam quod de Iustiniani mente minus liquet propter Codicum Manuscriptorum varietatem, totum istud ex Iuliani Imperatoris genio profectum est. Quin & si de Iustiniani mente liqueret, non alio tamen id sine fecisset, quam ut rotundum Numerum poneret, Assem scilicet liberorum, non ex aliqua maioris æquitatis specie.

Sequantur nunc tres Ampliationes huius privilegii, quæ hac eadem lege, partim disertim exprimuntur, partim vero indicantur.

Prima Ampliatio, seu amplitudo huius leg. seu privilegii, continetur voce Liberorum: Qui pater inquit, XIII. liberorum: Scilicet non masculos tantum, sed & fœminas, seu filias in hoc numero prodesse voluit Iulianus: de qua liberorum significatione in aliis iuris articulis noti sunt textus iuris. Interpretatio huic l. subdita, non ita perspicue, filiorum, vocem subdidit. Et certe nulla hac parte filiorum prærogativa præ filiabus. effi debuit: quandoquidem unica τῆς Φεμνίδος, σχολῆς hac parte ratio habita est. Cum alias aliquando potior masculorum ratio habita sæpe fuerit & habeatur.

Secunda Ampliatio est, ratione ipsorum Patrum: Nempe desinit Iulianus patrem XIII. liberorum non modo ad Curiam non vocandum, verum etiam si sit iam Decurio, quiete donandum: vel ut Interpretatio habet, non solum ad Curia servitiam non detinendum, verum etiam si Curialis sit, quiete donandum. Quod posterius tamen non tam facile admittendum, superueniensque adeo causa seu excusatio minus prodesse debere videbatur. Sic si ne enim superueniens excusatio non admittitur, in specie d. l. 5. §. 7. D. de iure Immunitatis. Sic privilegium fori quæsitum post vocationem in ius non prodest l. 7. D. de iudiciis: Sic a tutela suscipienda facilius quis quandoque excusatur, quam a suscepta: de quo vid. vel §. 2. 3. Inst. de excusat. tutor. l. 2. §. 8. D. eod. tit. Quo pertinet etiam vulgata iuris Regula, Non est novum, ut quæ semel utiliter constituta sunt, durent: licet ille casus extiterit a quo initium capere non potuerunt, l. 85. §. 1. D. de Regulis Iur. Sed enim, ut hic, ita & in eodem exculationis a tutela argumento, excusatio sæpe datur ex causa superueniente post susceptam tutelam: ut in specie l. 11. 12. §. 1. l. 15. §. 3. l. 40. D. de excusat. Ergo par hic ratio est, deferendæ & delatæ functionis Curialis.

Et Tribonianus tamen istud in d. l. 24. Cod. Inst. eod. tit. quæ hinc interpolata est, immutavit: & ad eum signate, qui iam Decurio esset, hanc leg. aptavit: inserta voce Decurionis initio leg. ita; si quis Decurio pater sit &c. cæteris, de eo qui nondum Decurio esset, rescatis. Quod quidem a Triboniano factum, quod quædam aliæ leges illi occurrerent, quibus a muneribus iniungendis aliqui facilius liberarentur: etsi verum sit non de Curiali nexu & functione ibi agi. Neque ad sentiendum Vertranio Mauro, qui ait, concinnatores Codicis Iustiniani, creati & in consortium ad leges non vetuisse patrem 12. liberorum, forte ut ex animi sententia liberum esset patri in ordine scribi, & honoris causa inter Decuriones præsidere. Neque enim hac l. quæri-

quæritur, vtrum pater tot filiorum Decurio esse possit si velit? vt multi spontanei, & voluntarii, vtronei Decuriones esse possunt; de quibus sunt aliquot *leges huius tituli*, neque priuilegia huiusmodi inuitis dantur; verum, vtrum vocatus ad Decurionatum excusare se possit. Quod autem de patre nondum Decurione ad Curiam vocato *h. l.* dicitur, id intelligendum est de omnibus, qui quacunque ratione ad Curiam vocari possunt, siue *πατέρες* illi sint, vt Iulianus ipse eos vocabat; id est Originales, & originis ratione, siue incolatus possidendi ratione: (nam & plebei re familiari inter suos conspiciu seu splendidioris fortunæ in Curiam allegi poterant:) siue denique ex certis Corporibus essent, huic rei destinatis: de quibus omnibus est eiusdem Iuliani *lex 53. supr.* deque eo plene in *Paratitlo*. Similis vero Ampliatio continetur & *l. 19. supr.*

Postrema Ampliatio continetur his verbis *honoratissima quiete donetur*. Nempe hoc casu equidem Iulianus patrem a muneribus Curialibus excusari, otioque eum & immunitate frui, *ἡσυχάζειν*: non vero Curialibus ideo priuilegiis exui; verum ei *honorifica* Curialium iura porro constare, Curialesque honores prodesse: non igitur tanquam expunctum vel proiectum haberi voluit, sed vt missione donatum: de cuiusmodi missione donato agitur quoque in *dicta* eiusdem Iuliani *l. 2. de Agentib. in reb.* Et vero hac quoque de causa videtur Tribonianus, *munerum* vocem hic inseruisse: ita, *honoratissima munerum quiete donetur*. Quam *munerum* tamen vocem, sunt qui hinc expungant, & in his Vertranus Maurus ope Manuscriptorum. Hoc etiam argumento, quod ita alioquin munerum & honorum discrimen indicetur; quod tamen Iuliani propositum non fuit. Quod MSS. attinet, id in medio relinquitur. Verum quod posterius istud spectat, fallitur Vertranus, homonymia vocis *honorum*. Verum est, Iulianum non minus honorum gerendorum, quam munerum subeundorum patri 13. liberorum, vacationem tribuere; sed enim *honores*, id est, priuilegia Curialium ei seruauit: neque *munerum* vox ideo ibi minus stare possit: quandoquidem ea voce & munera proprie dicta; & honores municipales significantur. Et hæc de Ampliationibus.

Limitatio quoque hic quædam tacite continetur, verbo, *Si pater*, inquit, *sit 13. liberorum*: vel, vt Interpres habet, *qui pater esse probatur*. Nempe is demum pater Curiali nexu & functione liberatur, cui sunt 13. liberi, nati superstitesque: neque enim amissi proderant in *lege Papia*, & in Excusatione a *Tutela* tribuenda.

Formant & hic Interpretes quæstionem, an, si

pater 13. liberorum pingue habeat patrimonium, hoc priuilegio potatur? Quod quidem ideo quæritur, quia *hanc l.* ad onera patrimonialia referunt. Verum, ei hoc priuilegium constare semper dicendum est, vtpote quod ob liberorum numerum & *P. 402.* sollicitudinem tributum est, nulla patrimonii ratione. Omitto & eam quæstionem, vtrum mortuis postea filiis, vel saltem aliquibus ex his, hæc immunitas duret: quam quæstionem late tractat Ioannes Andreas in *regula decet*. Omitto & eam quæstionem vtrum nepotes in locum liberorum hic succedant, sic vt & ipsi profint ad Curiam euitandam.

Hæc cum ita perspicue exposita sint, facessant iam hinc Accursianorum conciliationes *huius leg. cum d. l. 5. §. 2.* & in vniuersum *huius leg.* Interpretationes. In spongiam incumbat quidquid ferme Vertranus Maurus ad *hanc l.* tentauit. Cesset & Cuiaciana quam dixi *huius leg.* emendatio. Imo tandem cessent complures hinc alienæ quæstiones, quæ hic ab Interpretibus cumulantur: Cuiusmodi est illa, An post Honorii constitutionem, qua iuris liberorum impetrandi necessitas remissa est patri 12. vel 13. liberorum ad hanc immunitatem quærendam, diplomate Principis opus sit, vel fuerit? Quod quidem et si idem Vertranus recte neget, satis enim est in iure hanc excusationem, vt alias omnes, quæ legibus tribuuntur, proponi; attamen in eo peccat quod ius liberorum ab Honorio tributum, cum hoc commiscet: illud enim ius tributum liberos non habentibus, legibus Decimariis sublati: de quo *supr. tit. de iure liber.* Illud habentibus.

Secunda Quæstio, quæ huic legi male aptatur, vt iam notaui, est, An Pater 13. vel 12. liberorum, vt est in *vulgatis Codicibus Iust.* ab omnibus muneribus tam patrimonialibus quam realibus & Gabellis & aliis contributionibus immunis sit? ac nominatim etiam an a præteritis seu contractis a Ciuitate ante Immunitatem, seu susceptos tot liberos debitis? De quibus vide inter alios Guidonem Papæ *decif. 401.* & ibi Ferrerium, Rolandum a Valle *vol. 2. consil. 69.* Nos de *huius leg.* sententia tantum laboramus: nam vt dixi in praxi, priuilegium hoc alicubi ad patrimonialia quoque extensum fuit. Est enim hæc *lex* de Curiali tantum nexu & functione; non de illis.

Postrema Quæstio, hinc alienissima est, Vtrum idem dicendum sit de Matrè 13. vel 12. liberorum. Namque enim femina in Curialibus habebantur immunes, *l. 137. infr.* et si ex illis prodiiti sæpe nexu tenerentur, & ad Curiam vocari possent: & quidem inter alia Antiochiæ in Cœle-Syria, vt testatur eiusdem Iuliani *lex 51. supr.* & in specie *leg. 178. 179. infr.*

MILITIA ARMATA decennali, Curialem Curia liberari.

LVI. (a) Idem A..... (b)

QVI nati origine Curiali militare munus adamauerunt, vbi decem annorum stipendia confecta sunt, iussionum nostrarum auctoritate erunt Curia immunes. Si vero intra decennium recens (c) adhuc erit ratio militiæ limitaneæ, causa generis præponderauerit (d)

& originis: Curiis enim adgregabuntur. Dat. XII. Kal. Ianuar. Antiochiæ, Iuliano A. IV. & Sallustio Coss. [363.]

NOTAE.

- (a) Abest hæc lex a Cod. Iust. GOTHOFR.
 (b) IOVIANO tribuenda hæc lex. ID.
 (c) Recens est in sp. huius leg. quod intra decennium conficit. ID.
 (d) Præponderare debet: præponderabit. ID.

COMMENTARIUS.

MILITIA armata cum regulariter nemo Curiali nexu liberetur: de quo fuse in *Paratitlo*, decennali tamen eum militia liberari definit hæc leg. non Iulianus, verum IOVIANVS Imp. Iam enim Iulianus his COSS. media ætate bello Persico illigatus VI. Kal. Iulii mortuus fuerat: teste Ammiano Marcellino lib. 25. cap. 5. Socrate lib. 3. c. 18. Consularibus Idacianis his COSS. & Chronico Alexandrino pag. 693. Edit. Raderi. Contra, Iouianus iam a. V. Kal. Iulii Imperator factus, paulo post pace cum Persis facta Antiochiam venit, teste Amm. Marcellino lib. 25. cap. 10. Zosimo lib. 3. cap. 34. vbi mox Ciliciam mense Nouembri: tandem Antiochiam (vbi hæc lex data est) reuersus mense Decembri, quo hæc ipsa lex data est: de quo omni vide Chronol.

Cæterum *Limitanea* nominatum militia decennali Curiam euitari definit hæc l. Iouianus: cur? Nempe quia tum miles opp. situs erat Persis, in limite Persico, cum quibus hoc sæculo Constantio,

Iuliano, Iouiano res fuit: Non igitur alia militia? Imo per alias leges: nam & ita decennali militia Curialem Curia liberari definit lex 28. supr. de *cohortalib.* Imo quandoque quinque annorum stipendia hic sufficere, l. 38. (vbi dixi plene:) 64. 88. hoc tit. & l. 6. supr. de *re militari.* Etsi vicennalis militia quandoque hic exacta, l. 13. supr. hoc tit. vel quindecennalis, l. 95. infr. b. tit.

Porro id hic monendum, ad hoc tempus pertinere, quod Libanius queritur, Iuliano sublato, Curias exhaustas, prauis immunitatibus: vt Oratione in Iuliani necem p. 327. Edit. Morelli. Ἐσλευται δὲ τὴν δικαιοσύνην θεραπείαν ὑπὲρ τῶν παριδῶν ἀποδράντες, τὴν ἀδικον ἐλευθερίαν ἰδίωξαν: Senatores vero cultum iustissimum pro patria euitantes, libertatem iniustam prosecuti sunt. v. & eiusdem Orationem eis τὰς ἑαρὸν αὐτὸν καλέσαντας. Sed & ex Ammiano Marcellino, lib. 27. cap. 7. videre est, quantopere exhaustæ Curæ sub Valentiniano fuerint.

P. 403.

SENATORIA dignitate quando, quibusque conditionibus Curialis Curia liberetur.

LVII. (a) Imp. VALENTINIANVS &
 Valens AA. ad Mamertinum
 PF. P. (b)

NEMO ad ordinem Senatorium ante functionem omnium munus municipalium Senator accedat. Cum autem vniuersis transactis, patriæ stipendia fuerit emensus, tum eum ita ordinis Senatorii complexus excipiet, vt reposcentium (c) Ciuium flagratio non fatiget. Hii autem qui Legem nostram neglexerint, exempti Senatorio albo, (d) quoad municipalibus necessitatibus satisfaciant, non capiant cassi (e) honoris augmentum: nam qui cupiunt incrementum honoris adipisci, *perfunctos se esse muneribus*, Actis debent Ordinarii (f) Iudicis adprobare, in locum suum scilicet filiis subrogatis, si eos (g) successio (h) familiæ ad exsequendam vniuersam Legis nostræ mentem docebitur adiuuare. Dat. Non. Mai, (i) diuo Iouiano & Varroniano Coss. [364.]

NOTAE.

- (a) Abest hæc lex a Cod. Iust. Concordant duæ eiusdem Valentiniiani leges: puta lex 58. 65. infr. GOTHOFR.
 (b) Mamertinus PP. Italiae, Illyrici, Africae, vt diserte docet hoc ipso anno Ammianus lib. 16. cap. 5. Antea sub Constantio, Illyrici tantum. Idem Ammianus lib. 21. cap. 12. in fin. v. *Protopogor*, ID.
 (c) Denuo, ad munera Curialia. ID.
 (d) Album Senatorium: vt supr. l. 48. Album Decurionum. ID.
 (e) Cassi honoris, id est, inanis. ID.
 (f) Ordinarii Iudicis, id est, Reçtoris prouinciæ. ID.
 (g) Curiales scil. qui ex Curialib. Senatores facti. ID.
 (h) Id est, si filios successores habeant. ID.
 (i) Hadrianopoli. vt lex prox. ID.

COMMENT.

COMMENTARIVS.

VALENTINIANI Senioris constitutiones octo-
decim de Decurionibus sequuntur; puta *lex* 57.
58. 59. 60. 61. 62. 64. 65. 66. 67. 68. 70. 71. 72. 73. 75. 77. 78.
ex quibus apparet, quantum Imperatori isti Curiae
Ciuitatum cordi fuerint: Quod & ipse nuncupatis
verbis proficitur in *d. l. 66. infr. Ordinib.* inquit, *Cur-*
riarum, quorum nobis splendor vel maxime cordi
est &c. Ita quidem, vt ne Curiae ipsi conuiuenti
in damna sua, accedat, *l. 71.* neque Iudicibus *l. 68. 71.*
Primum igitur, quod ad Curialium Nominationem
attinet, eos nonnisi ab ipsis Curiis electos adgregari
vult, *l. 66.* non etiam poenae causa quenquam in Cu-
riam damnari, *d. l. 66.* Non Tabularios, qui ratio-
nem fideliter administratarum chartularum suo
tempore non dederint *l. 2. supr. de Tabulariis.* Item
Negotiatores quoque, si praediorum aliquorum pos-
sessores sint, ad Curiam nominari posse definit, *l. 72.*
Filios item militum (Curialium) Veteranorum, &
militarium ad Curiam vocari iubet *hac leg. 57. in fin.*
& *l. 58. in fin. 64. 78. hoc tit. & l. 5. supr. de remilita-*
ri. Et haec de Nominatione. Munera item a Cu-
rialibus gradatim sustineri, non autem a summo
gradu incipi iubet, *l. 77.* Item dignitate nullum
excusari, *leg. 71.* ac nominatum, non ante Senatorem
quenquam Curialem fieri, vel impetrata Senatoria
dignitate frui; imo nec ante ad gubernacula pro-
uinciae admitti *l. 57. & 77. hoc tit.* quam omnibus
muneribus decursis, *dict. l. 57. 58. 65. 69. hoc tit.* nisi
simul cum Senatoria dignitate Administrationis ho-
nore vel Palatino labore quis fulciatur, *leg. 67. &*
leg. 73. Et id adhuc in locum suum filiis substi-
tutis, *hac leg. 57. & seq. 58.* Non militia Curiam
euitari: *dict. leg. 58.* nisi Quinquennali, *l. 6. supr. de*
re militari: cui iungenda est *lex 64. hoc tit.* (Quo
casu tamen filios in Curiam allegi vult: *d. l. 64.*)
Non Clericatu, nisi vel cesfis facultatibus propinquo
succedaneo, vel Curiae ipsi, *l. 59.* Non conuolando
ad collegium Fabrorum, *l. 62.* Vt mirum pene vi-
deri possit, quod Libanius & Amm. Marcellinus de
Curiarum post Iulianum desolatione queruntur, tes-
tanturque locis, quae ad Iouiani *l. super. protuli:*
sic vt vnus etiam vel tres tantum Curiales super-
essent in quibusdam Curiis.

PRIVILEGIA etiam Curialium, ac maxime Sa-
cerdotum & Principalium confirmatum iuit: Ac
nominatim in Sacerdotibus creandis, *l. 60.* Item
caetera priuilegia Sacerdotum & Principalium *d. l. 60.*
75. Inter alia ne grauib. iniuriis adficiantur, seu
vt eorum corpus liberum sit ab iniuriis, *l. 61. 75.* Ne
denique Curiales, & Sacerdotes vltra terminos pro-
priae ciuitatis sui praesentiam exhibere iubeantur, *l. 60.*
De singulis ordine.

Haec lex est de SENATORIA dignitate indeptā
a Curiali, an & quatenus ea quis Curia liberetur:
quo in argumento versantur *viginti septem leges, hoc*
titulo, quarum Synopsin habes in *Paratitlo.* Igitur
Valentinianus *b. l. 57.* vetat Curialem quenquam,
SENATOREM fieri, nisi omnibus Curiae muneribus
decursis. Quod & ipsum *duabus* praeterea *legi-*
bus Idem cauet *l. prox. 58. 65.*

Hoc tamen sensu, quod Curialem ante munera
patriae expleta Senatorem factum, interim quidem
Senatoria dignitate frui vetet, Senatorioque Albo
expungi iubet: atenim muneribus expletis, Sena-
toria dignitate ante impetrata eum hodie frui per-
mittat: ac proinde in suspensio interim Senatoriam
dignitatem esse velit. Cui similis est Constantini *M.*
lex 14. supr.

Igitur vt Curialis Senatoria dignitate impetrata, 4.
frui possit, tria *hac l.* requirit.

Primo, vt perfunctus sit muneribus.

Secundo, vt id probet apud acta Rectoris pro-
uinciae.

Tertium additur, quod scil. in locum suum filios
subrogare teneatur, si filios habeat: nempe mens
haec fuit in vniuersum Valentiniano, vt Curias reple-
ret. Et haec quidem est extremorum huius *l.* ver-
borum sententia: *si eos successio familiae ad exe-*
quendam vniuersam legis nostrae mentem docebitur
adiuuare. De quibus autem filiis id accipiendum
sit, docebit *lex prox. 58.*

Atenim Valenti alia stetit sententia: scil. Cu-
rialem impetrata Senatoria dignitate statim frui
vult, & tamen onera Curialia explere *leg. 69. infra.*

SENATORIA dignitate, vel MILITIA quando & quomodo Cu- rialis Curia liberetur.

LVIII. (a) Idem AA. ad Mamertinum PF. P. (b)

QVI Curiali ortus familia, ante completa munera patriae, Senator factus est, fructu (c)
careat, quousque muneribus absoluitur: quibus expletis, si velit sumptuosum (d)
ordinem Senatorium vitare, denuntiet (e) dignitati: si permanserit, liberos quos post
(f) ediderit, habeat Senatores, Praetores iam (g) Quaestoresque, non muneri Decurionum
obnoxios. Militia vero (h) nullus gradus, nulla diuturnitas defendet eum, qui, vt Cu-
rialem contrahens originem, repetetur. Sed & qui nexum Curialem nascendi oportuni-
tate (i) vitauerit, nisi, cum duodeuiginti annos expleuerit, militiam exerceat, per quam
parentibus eius immunitas (k) quaesita est, securus esse non poterit, propter sortem ori-
ginis. (l) Dat. III. Id. Mai, Hadrianop. diuo Iouiano & Varroniano Coss. [364.]

NOTAE.

- (a) Abest hæc *lex* a *Cod. Iust.* Iungenda autem ei *lex 8. sup. de cohortalib. & l. 1. 8. sup. de cursu*: Imo & *lex 5. sup. de re militari. GOTHOFR.*
- (b) Italia, Illyrici, Africa: cui inscribitur & *lex sup. prox. ID.*
- (c) Senatoria dignitatis. *ID.*
- (d) Cui *sumptuosus Ordo* Senatorius hic vocetur, mox dicam. *ID.*
- (e) *79. Renuntiet. ID.*
- (f) Non ante, & quamdiu muneribus Curialibus fungebatur, susceptos, *ID.*
- (g) Qui Praetores, & Quaestores iam nominati possunt, de quibus *suo tit. sup. ID.*
- (h) Differentia hic constituitur inter Militiam & Senatoriam dignitatem. *ID.*
- (i) Qui patre olim Curiali hodie Milite natus erit, quæ hic *nascendi opportunitas* vocatur. *ID.*
- (k) A Curia. *ID.*
- (l) Quia patre, qui reuera Curialis originis erat, natus est: scilicet hic opponitur *ors originis, & nascendi oportunitas. ID.*

COMMENTARIUS.

DE SENATORIA dignitate, & de MILITIA utrum ea Curialem nexum Decuriones, eorumque liberi eurent, est hæc Secunda Valentiniani Sen. ad Mamertinum PP. *hoc tit.* Constitutio: Quæ quidem pars est prolixioris Valentinianæ Constitutionis, qua is tum Curia tum Officiis iudicum, specierum fiscalium transfectioni, cursuique publico, reique militari, prolixè consultum iuit: ut apparet ex *b. l. & l. 5. sup. de re militari, l. 8. sup. de Cohortalib. l. 18. sup. de cursu publ.* quæ velut eiusdem Constitutionis partes, huic nostræ coassandæ veniunt: sic quidem ut pleræque de *Liberis* agant eorum, qui publico munere funguntur. Nam ut hæc *lex* est de *Liberis* Decurionum, ita *d. l. 5. sup. de re militari, de Liberis Veteranorum: Lex vero 8. sup. de cohortalib. de Liberis Officialium.* Igitur & Curia tuendis, replendisque animum maxime intendit Valentinianus Sen. ea constitutione: Idque duplici ratione. Primum Curialibus vel Originem Curialem trahentibus non permisis aliquo dignitatis aut militiæ prætextu elabi: Quo pertinet *hæc lex.*

Secundo, variis hominum generibus designatis, qui ad Curiam nominari seu vocari, atque adeo Curia repleti possint: Quo pertinet secunda pars *d. l. 8. sup. de Cohort.* qua quatuor hominum genera designat, quæ ad Curiam nominari eique nece vult: Nempe 1. statuit, Officiales Rectorum Provinciarum si nondum 25 stipendia absoluerint, ad Curiam nominari. 2. ut & Liberos eorum, si militiam detrectauerint. 3. Itemque Subscribendarios, Tabularios, Logographos, Censuales post emensum munus, si & censu opulenti sint, & exercitatione quantulacunque eruditionis. 4. Tandem quoscunque alios nullis privilegiis subnixos, qui in quibuslibet urbibus, oppidis, municipiis otiosi, & vacantes reperiuntur. Et hæc de *d. l. 8.*

Huius vero *leg.* duo summa sunt capita: Prius caput est de SENATORIA dignitate. Nempe Curialem, Senatorem factum, nondum expletis patriæ muneribus, fructu Senatoriæ dignitatis interim carere, & sic explere munera patriæ debita oportere: quibus demum expletis Senatoria dignitate fruatur (de quo fuit iam quoque eiusdem Valentiniani Sen. *lex 57. sup. erit adhuc infr. lex 65.* Et in vniuersum in hoc argumento occupatæ sunt *leges viginti huius tituli* quas repetere licet ex *Paratitlo.*) In quo tamen Valenti alia stetit sententia: is enim vo-

luit Curialem statim frui dignitate Senatoria; & ta. p. 405. men munera Curialia explere, si velit scil. At Valentinianus interim Senatoriæ dignitatis fructum in suspenso esse vult, neque ubi dies fruendi venit inuito eam impingi vult: potest enim is die allapso, si velit Senatoriæ dignitati renuntiare, quem *sumptuosum Ordinem Senatorium* vocat, propter onera non tantum glebalis præstationis, verum ac maxime propter editiones ludorum Prætorias & Quaestorias, quibus Senatores obnoxii erant: de quo *suo tit. sup. libr. 6. de Prætorib. & Quaestoribus*: quo pertinent etiam quæ mox *hac l.* subiiciuntur de *Prætorib. & Quaestoribus*: Cum alias Senator semel factus, Senatoriæ dignitatis onera evitare non posset. Qui casus singularis obseruandus est, quo quis renunciare potest dignitati impetratæ; & quidem Senatoriæ: qua de re sunt quoque *lex 4. & ult. sup. de Senatorib. l. vn. de Com. ord. primi artium diu.* Et hæc de ipso Curiali, Senatore facto.

In *Liberis* eam hanc distinctionem inducit: nempe Liberos quoque ante diem Senatoria dignitate fruendi allapsum, seu ante expleta munera patriæ, Curia nece oportere: post munia demum expleta susceptos, ut *Senatorum* filios haberi: Quod & alias tralatitium est, liberos ante Senatorum dignitatem patris susceptos, Senatores non censerì, verum post tantum: de quo plene ad *l. 1. sup. de Senator. & glebalis collat.* Igitur paria sunt, susceptum fuisse quem, patre nondum Senatoriam dignitatem adepto, & inutiliter interim adepto, ut paria sunt non fieri quid, & inutiliter fieri. Quod *secundum singulare* obiter ex *hac l.* notandum venit. Et Valens tamen ut *superiore capite*, ita & *hac parte* voluit liberos hoc casu statim post patris dignitatem susceptos, Senatorios censerì *d. l. 69.* Contra quam Theodosius M. *l. 93.* Et hæc de Senatoria dignitate.

Secundum caput est de MILITIA armata: Igitur ea, cuiusque gradus, cuiusque temporis sit, vitari Curiam vetat *hæc leg.* Valentinianus sen. In quo tamen ipse sententiam postea mutauit: indulget enim is *l. 6. sup. de re militari* (quæ iungenda est cum *l. 64. inf. b. t.*) ut Curialis quinquennali militia liberaretur. Et hæc de ipso Curiali milite facto.

Quid de liberis eorum, qui patre Curiali, hodie milite suscepti sunt? Eos Valentinianus nisi expletis octodecim annis, militiam patris sequantur, ad Curiam teneri iubet. Scilicet hanc ætatem octodecim

decim annorum expletorum liberis militum (re-
uera Curialium) dedit, militiæ vel Curia eligendæ:
De qua ætatē iam *supra ad leg. 7. b. 1.* Alias sextus

decimus annus a Constantino M. huic rei præstitu-
tus *l. 2. sup. de veteranis: & l. 4. de fil. mil. appar.*
& a Constantio *l. 35. sup.*

CLERICATV, quibus conditionibus Curialis Curia liberetur.

LIX. (a) AA. Idem ad Byzacenos. (b)

QVI partes eligit Ecclesiæ (c), aut in propinquum bona propria conferendo eum
pro se faciat Curialem, aut facultatibus Curia cedit quam reliquit; ex necessitate
reuocando eo, qui neutrum fecit, cum Clericus esse cœpisset, & cetera. Dat. IV. Id.
Septemb. Aquil. (d) diuo Iouiano & Varroniano Coss. [364.]

NOTAE.

- (a) Abest hæc *lex a Cod. Iustin. & ab Annalibus Baronii.* Iungenda autem ei *lex 17. inf. de Episcopis:* videri possit e-
dem iungenda *lex 60. prox. & lex 9. sup. de petit. & l. 3. sup. de conlat. fundor. patr.* Quod temere non assero. *Id*
illo certe conueniunt omnes, quod ad Byzacenos datæ sunt eodem anno & mense. *GOTHOFR.*
- (b) Africæ, quibus inscribitur & *d. l. 60. prox.* aliæque quas siue huic, siue illi iungendas dixi. Ergo hæc *lex Valentiniani*
est: Quare errant qui putant *l. 63. inf. hanc leg.* indicari: est enim ea *lex Valentis*, qui *suam* ibi sanctionem allegat,
non fratris sui Valentiniani. *ID.*
- (c) Qui ex Curiali Clericus fieri vult: Pari sensu, *d. l. 17. ab Ecclesia suscipi*, est clericum fieri. *ID.*
- (d) Posteaquam Valentinianus & Valerius palatia sua diuisissent, Valentinianus Mediolanum, mox Aquileiam concessit hoc
Anno: vid. *Consularia Theodosiana. ID.*

COMMENTARIVS.

CLERICATV an & quomodo Curialem condi-
tionem euitare quis possit, tertia *hac* e Valen-
tinianæ *hoc tit.* super Decurionibus Constitutione
definitur: quæ pars est prolixioris Valentinianæ
constitutionis ad *Byzacenos* emissæ, cuius alterum
ἀπομόνον extat quoque *l. 17. inf. de Episcopis, Eccl.*
& clericis. quod proinde huic coassandum venit.
Nempe *ea lege* id egit Valentinianus, ne Immuni-
tatis Ecclesiasticæ obtentu, munia publica vel nerui
Reipubl. conciderent, ad Clericatum confugienti-
bus iis, a quibus munia publica per prouincias susti-
nebantur: puta *Plebeiis, & Decurionib.* Quare in
eum finem *ea leg. 17.* Valentinianus *Plebeiis* diui-
tes ab Ecclesia suscipi, id est ad Clericatum admit-
ti penitus vetuit. *Hac* vero, etsi Decuriones ad
Clericatum admittat, ita tamen admittit, vt Curia-
rum interim commodis consultum velit. Nam
cum Constantinus M. abscise Decuriones ad Clerica-
tum admitti vetuisset, *l. 3. & 6. infr. de Episcop. Eccl.*
& Cler. Constantius vero ad Episcopatum admitti
absolute voluisset; bonis retentis; vt & ceteros
Clericos, si Curia consensu ad Clericatum adlecti
fuissent: si vero non, liberis, quos haberent, fa-
cultatibus cessis; liberis vero deficientibus, pro-

pinquis: his deficientibus, Curia duabus Tertiis
bonorum cessis, Tertia retenta; *l. 49. sup.* Iulianus
vero Decuriones, qui vt Christiani (id est Clerici)
munia Curialia declinassent, reuocari iussisset, *l. 50.*
sup. Valentinianus Senior *hac leg.* non aliter De-
curionem clericatu se tueri posse definit, quam si
alterutrum ex his faceret, si inquam in propinquum
Curia pro se substitutum, bona sua transferret, vel
bonis Curia cederet. Quænam super hoc insectis
Principibus sententia steterit, docebunt *leges* sequen-
tes: Valenti inquam, *lex 19. inf. de Episcopis:* Va-
lentiniano Iun. *lex 99. inf.* Theodosio M. *lex 104.*
115. 121. 123. inf. b. 1. Arcadio *lex 163. inf.* & Theo-
dosio Iun. *l. 172.* Qui ab *huius leg.* dispositione haud
adeo abuserunt. Idem sane Valentinianus A. 371.
(id est septennio post *hanc leg.*) in Præfectura vrbis
Romæ Clericos a Curia haberi voluit immunes, si
ante ortum Imperii sui Clerici facti fuissent: cæte-
ros vero qui post, reuocari: *l. 21. infr. de Episcopis:*
pariter vt Valens decennii præscriptioni locum esse
vult, *l. 19. infr. de Episcop.* quæ *lex* si ad Annum
D. 373. referenda est (quod non puto) tum etiam de-
cennii tempus ab ortu Imperii sui in eum annum
computandum fuerit.

De PRIVILEGIIS SACERDOTVM & CVRIA- LIVM, deque CREATIONIS illorum more seruando.

LX. (a) Idem AA. ad Byzacenos.

SACERDOTES (b) vel Curiales ultra terminos propriæ ciuitatis non iubeantur (c) sui
exhibere præsentiam: (d) In (e) Sacerdotibus creandis, & in priuilegiis quæ hisdem
deferbantur, veteri more seruando. Dat. Prid. Id. Septemb. Aquil. diuo Iouiano &
Varroniano Coss. [364.]

NOTAE.

- (a) *L. 25. Cod. Inst. eod. tit.* Iungenda autem huic, *lex 9. sup. de petit.* Et forte etiam *lex 59. sup. prox. & lex 17. inf. de Episcopis: & lex 3. sup. de conlat. fund. patrim.* Quod postremum non temere adfero. GOTHOFR.
 (b) *Sacerdotes vel:* Hæc recedit *Τελευ.* tanquam antiquata, veterisque moris Gentilitii: pariter vt vltimam *huius leg.* sententiam. *ID.*
 (c) *A Moderatoribus prouinciarum:* Quod *ἡγεμόνως* loco additum *Cod. Inst. ID.*
 (d) *Nisi publica necessitas exegerit.* Exceptio hæc addita *C. Inst. ID.*
 (e) *Sequentia recita Cod. Inst. ea, quam dixi, ratione. ID.*

COMMENTARIVS.

DE PRIVILEGIIS & IURIIBVS Curialium:
 Deque SACERDOTVM creatione & priuilegijs, est hæc Valentiniani Sen. constitutio: quæ prolixioris Constitutionis Valentinianæ ad Byzacenem emissæ pars est: cuius pars est quoque *lex 9. sup. de petitionib. & delatoribus*, quæ proinde huic constanda venit: Imo forte etiam *lex 59. sup. prox.* (quæque ei iungenda est,) *lex 17. inf. de Episcopis: & lex 3. sup. de conlat. fund. patrim.* Quod si ita est, tum ea integra Constitutione videtur Valentinianus Byzacenis prouincialibus, Sacerdotibus, Curialibus non una ratione attritis, vexatis, opitulatum iuisse: siue mole tributorum, quo pertinet *d. lex 3. sup. de conlat. fund. patrim.* siue petitorum inhiatione, quo spectat *d. l. 9. sup. de petition.* siue quadam (obtentu Christianæ Religionis) nimietate: quo spectat *d. l. 59. prox. sup. & lex 17. inf. de Episcopis:* Tandem & hæc *lex nostra.* Scilicet & Plebeios diuites ab Ecclesia penitus suscipi, seu Clericos fieri vetat, *d. l. 59. prox. sup.* Denique & sua Sacerdotibus & Curialibus vetera iura, priuilegiaque flare iubet, *hac l.* quæ multi Gentilitiæ superstitionis odio & Christianæ Religionis obtentu turbatum ibant, triplici ratione: Primo, vltra terminos ciuitatis suæ vtrosque trahendo: Secundo Creationem Sacerdotum intorturbando: Tandem priuilegia eorum infringendo. Id quod omne Valentinianus sen. emendatum iuit: vt pote Religionis Libertate seu ἀθελοσπονχία Gentilibus facta, quod ipsemet proficitur, *l. 9. sup. de maleficiis:* & Ammianus indicat *lib. 30. cap. 9.* & Symmachus testatur *relat. ad fil. Valentiniani, lib. 10. Ep. 54. in fin.* de quo prolixè ad *l. 7. inf. de paganis sacrific.*

Igitur tria hæc lege statuit Valentinianus: Primo ne Sacerdotes, de quibus vide *Paratitlon. de Paganis:* & Curiales, iubeantur sui præsentiam facere vltra terminos propriæ Ciuitatis. Cuius Curialium priuilegij meminit & Iustinianus *Nouella 45. ἐπειδὴ περὶ οἱ νόμοι πολλὰ διδόναι τοῖς ἐκκλησιαστικαῖς προνομίαις, περὶ τὸ τὸ μὴ τύπτεσθαι, περὶ τὸ μὴ παρίστασθαι, μήτε εἰς ἑτέραν ἀγεσθαι χώραν, καὶ ἑτέρα μυσία:* quoniam *leges plurima curialibus præbent priuilegia, & vt non cadantur, neque ad aliam ducantur prouinciam, & alia plurima.* Scil. vt non minimæ molestiæ & vexationis est extra ciuitatem suam & prouinciam trahi, sui quæ præsentiam exhibere cogi, tandem itineribus fatigari seu vexari; quod docent insuper suppositi-
lex ult. inf. de Episcopali iudicio: & Nouella Martiani i. neminem exhiberi. Ita contra, multis id priuilegij loco datum, vt ne extra ciuitatem vel prouinciam suam traherentur; veluti pupillis, viduabus, & miserabilibus personis: a Constanti-

no *M. l. 2. sup. de offic. Iudicum omnium:* itemque *Nauicularius Orientis, l. 7. inf. de Nauiculariis:* Sacerdotibus item & Curialibus. Quod *hac l.* a Valentiniano sancitur, seu firmatur: Nempe, vt *ne vltra terminos propriæ ciuitatis iubeantur sui exhibere præsentiam.* Iubeantur, inquam, a Moderatoribus prouinciarum, vt *Τελευ. C. Inst.* addidit: siue priuati negotij ergo, siue etiam edendorum ludorum gratia, quæ sane sententia est *Legis 1. inf. de spectaculis:* (quæ & ipsa Valentinianum auctoritatem habet;) & *legis 3. & 4. eod. tit.* quæ Theodosium Iun. Auctorem habet: Quoque etiam pertinet Libanii querela sub Theodosio *M. Orat. contra Tisamenum, p. 449. 450. Edit. Morell.* Sed tamen malim ipse *hanc leg.* accipere de priore casu, nempe vt propter priuatum negotium, quod iis cum aduersario intercedit, vel criminis etiam causa, Sui præsentiam exhibere vetentur *hac l.* Sacerdotes & Curiales. Idque, quæ huius priuilegij ratio est, ob assiduam & constantem operam, quam Curia, vel Sacerdotio debent. Et hæc de primo *P. 407. huius l. capite:* Cum ea quam dixi sententia est. Non vero, quod etiam Amaya putauit, accipiendum id de spontanea absentia Decurionum: Quo nil ineptius. Exceptio, quam *hic* Tribonianus addidit, notanda & vera; nempe posse Decurionem ob publicam necessitatem vltra terminos propriæ ciuitatis iuberi, vt præsentiam sui exhibeat.

Secundo capite Valentinianus in *Sacerdotibus creandis* veterem morem seruari indulget: quem proculdubio Christiani nostri intorturbabant. Quisnam vero mos ille fuerit, quo propriæ Valentinianus hic respexit, non nostrum est diuinare: neque enim liquet, quidnam hac parte Christiani nostri intorturbauerint: Sane de ordinatione sacerdotum publico de more, tractatum est quoque *leg. 148. inf.*

Tertio capite iubet Valentinianus *Priuilegia*, quæ his veteri more deferebantur, seruari, quæ Arcadius postea his per Orientem ademit, *l. 14. inf. de paganis sacrific.* Quo numero fuit non tantum immunitas, qua post sacerdotium fruebantur: de quo *l. 75. inf. b. t.* verum etiam constante sacerdotio, puta immunitas ab omnibus muneribus ciuilibus ab Annonæ præpositura *l. 2. inf. quemad. mun. ciuil.* a præpositura mansionum, *l. 21. sup. b. t.* & inferioribus muneribus, *d. l. 2.* Item immunitas a quæstione, *l. 76. inf. b. t.*

Et hæc quidem ita Valentinianus *hac l.* quam Tribonianus non vna ratione interpolauit: detrahit omnibus, quæ *Sacerdotes* respiciunt; vt pote his penitus abolitis, quos Valentinianus adhuc tu-
 lerat

lerat sua ætate: Item expositione addita, a mod- addita, nisi publica necessitas exegerit. Haud ab-
ratoribus prouinciarum. Tandem & exceptione furde: propter ea, quæ supra iam diximus.

**A CORPORALIBVS iniuriis solos Principalium Patronos
immunes esse.**

LXI. (a) Idem AA. ad Terentium Corr. Tusc. (b)

VRBS Vulsinensium (c) Principales, qui tamen Patronorum adepti fuerint dignita-
tem, hanc prærogatiuam laborum atque officiorumferant, ne interdum ad libidinem
præue consulentium, Iudicum grauibz (d) adficiantur iniuriis: Dat. V. Kal. Nouemb.
diuo Iouiano & Varroniano Coss. [364.]

N O T A E.

- (a) Abest hæc *lex* a *Cod. Iust.* velut temporaria & localis. *GOTHOFR.*
(b) De hoc Terentio Correctore Tuscia dicam mox plene. Eidem inscribitur Anno proximo *lex 65. inf.* & hoc ipso
Anno *lex 4. sup. de iurisdic.* Eiusdem meminit Ammianus Marcell. *lib. 27. cap. 3. vid. Prosepopogr. ID.*
(c) De qua mox plene. *ID.*
(d) *Græues Iniuriæ* eodem sensu quo alias *corporis iniuria*, & *corporalis contumelia*, pro tormentorum & quæstionis
cruciatui, de quo plene *ad l. 39. sup. ID.*

C O M M E N T A R I V S.

A POENIS CORPORALIBVS, tormentis, seu
quæstione, plumbatisque Principales vrbis
Vulsinensium, si modo Patronorum adepti fuerint dignita-
tem, hanc prærogatiuam laborum atque officiorumferant, ne interdum ad libidinem
præue consulentium, Iudicum grauibz (d) adficiantur iniuriis: Dat. V. Kal. Nouemb.
diuo Iouiano & Varroniano Coss. [364.]
hac lege. Id enim est, quod *grauium iniuriarum*
appellatione indicatur; de quo, vt & hac siue Cu-
rialium siue Principalium tantum immunitate, plene
dixi *ad l. 39. sup.* quomodo & de Principalibus affa-
tim monet *Paratitlon*, quibus addenda & quæ nota-
ui *ad l. 5. sup.* Sane & ita quinque Primates Ordinis
Alexandriini Theodosius Iunior immunes esse iubet
a corporalibus iniuriis, *l. 190. inf.* Ex hac interim
leg. discimus hoc Valentiniiani iure & æuo, non
omnes Decuriones a quæstionibus immunes fuisse,
sed Principales tantum, quanquam & id Curialium
dignitati datum a Valentiniiano, ne torti ad Curi-
am admitterentur *l. 8. sup. de cohortalib.*

Quæ hac lege singularia occurrunt, nunc discuti-
amus. Primo obseruandum *Principalium* varias
species fuisse, & in his Honoratissimos, qui *Patro-*
norum adepti fuissent dignitatem: Quorum Patro-
norum (quod secundum) frequens mentio occurrit
in *antiquis Inscriptionibus*: vbi videtur, PATRO-
NOS CIVITATVM, COLONIARVM, MVNI-
CIPIORVM, PATRIÆ, REIPVBL. VICORVM
dici: Fit quoque mentio *l. 46. sup. de cursu publico*,
Patronatus Curiarum honorarii. Qui procul du-
bio idem Patronatus est: Nempe tum Principales,
tum alii, qui maxime grati Curia, meritis in Rem-
publ. veluti annonæ curatione accessissent, pro præ-
rogatiua laborum atque officiorum, vt *hæc lex* diserte
ait, hac Patronorum dignitate honorari soliti: cuius
magna prærogatiua fuit: sic quidem etiam, vt
& ex alio Ordine, alii quoque ad honorarium hunc
Curiarum patronatum aspirarent; quod docet *d.*
lex 46. sup. de cursu publ. Tertio obseruandum,
hanc *leg.* proprie pertinere ad vrbis Vulsinensium
Principales: quæ vrbis in Tuscia fuit, vt vel *Inscri-*
ptio legis ostendit; est enim ea data *ad Terentium*
Correct. Tuscia. Ita quidem vt opulentissima, va-
lidissima, nobilis, & caput inter tria Tusciæ Capita

olim habita foret: teste *Liuius lib. 10. cap. 37.* *Floro*
lib. 1. c. 21. & ex eo *Iornande de regn. success.* *Victore*
de Viris Illustr. c. 36. deque ea videndi *Strabo, lib. 5.*
pag. 345. Edit. Almelon. *Plinius lib. 3. c. 5.* *Tacitus lib.*
4. Annal. c. 1. *Ptolemæus lib. 3. c. 1.* *Valerius Maxi-*
mus lib. 9. c. 1. §. 2. extern. Mentio quoque eius in
utroque Itinerario Antonini, & *Peutingiano.* Ho-
die *Bolsena* vocatur. Olim *Nursia* Dæi cultu pe-
culiari insignis, teste *Tertulliano*, cum *Deos Decu-*
riones seu *Municipales* recenset, *lib. 2. adu. Nat.*
c. 3. & *Apolog. cap. 24.* Distabat autem ea 72. tan-
tum millibus passuum ab vrbe: vt ex *Itinerario An-*
tonini liquet *pag. 286. Edit. Wesseling.* Ac proinde in
Suburbicaria Tuscia erat, cuius mentio fit *l. 12. sup.*
de indulg. debet. *Novella Maiorani de adulteriis*
9. & apud *Gaium* & *Theodosium inter Auctores*
Limitum: pag. 253. Ed. Goef. Quæ intra centesimum
ab vrbe lapidem consistebat.

Sed tragulam scrupulumque iniiciunt a latere
nonnulli; & contendunt, *Annonariæ Tusciæ vrbem*
fuisse *Vulsiniam*; vt ita conficiant *Tusciæ Annona-*
riæ partem intra centesimum fuisse: contra, vt con-
ficiant, *Suburbicarias regiones* non occupasse to-
tum id, quod intra centesimum ab vrbe miliarium
decurrebat, & sic centesimum miliarium, & subur-
bicarias regiones non iisdem finibus decurrere:
(Quod tamen aliunde certissimum est). Contem-
dunt autem id auctoritate *Ammiani Marcellini, lib.*
27. c. 3. Hoc tempore, inquit *Ammianus*, vel pau-
lo ante, noua portenti species per *ANNONARIAM*
apparuit *TUSCIAM*: idque, quorsum euaderet
prodigialium rerum periti penitus ignorarunt. In
oppido enim *Pistoriensis*, prope horam dici tertiam,
spectantibus multis, *Afinus* *Tribunali ascensu* au-
diebatur *destinatus rugiens*, & *stupescit* omnibus
qui aderant, quique didicerant *referentibus aliis*,
nulloque coniectante *ventura*, postea quod portende-
batur *evenit*. *TERENTIVS* enim *humili genere in*
vrbe natus, & *pistor*, ad vicem *Premii*, quia pec-
ulatus *reum detulerat* *Orsitum* ex *præsfecto*, *HANG*
EANDEM PROVINCIAM CORRECTORIS ad-
ministra-

ministraverat potestate &c. Agnosco equidem portentum illud per Ammianum Tusciano Pistoriensi oppido apparuisse: sed nego primum, dicere Ammianum Marcellinum Annonariæ Tusciz tantum Correctorem Terentium fuisse: satis erat, pro subiectæ materiæ ratione dicere, Terentium Annonariæ Tusciz Correctorem fuisse: quia de portento in ea, Pistoriensi oppido sc. facto, diserte agebatur: sed non exinde conficitur, eum Annonariæ tantum Tusciz præfuisse. Quin & secundo loco verba illa, *hanc eandem provinciam* ad Tusciam in genere recte referas, non ad annonariam restringas. Et vero tertio, *Tuscia* Corrector indistincte & simpliciter hic Terentius vocatur *tribus huius Codicis legib.* puta *hac l. & l. 65. inf. hoc titulo:* & *l. 4. sup. de iurisdictione*, quæ generalis elocutio toti Tusciz Terentium præfuisse ostendere videatur. Nam si annonariam tantum Tusciam rexisset, id utique expressum fuisset, saltem aliqua ex his *tribus legibus*: quomodo sane cum Tuscia Annonaria & Suburbicaria administratione diuisæ postea fuerunt, *Rogatianus Consularis Tuscia suburbicaria* diserte vocatur in simili Inscriptione *Nouella Maiorani de Adulteriis* g. Verum quia hac tempestate in vnam utraque administrationem coaluerat (quomodo & Latium, quod & ipsum suburbicarium fuit cum Campania, ut docet *lex 12. sup. de penis:*) ideo in-

distincte, *Corrector Tuscia Terentius* vocatur: quomodo paulo ante sub Iuliano Imp. Auxonius, in *l. 6. sup. de Numerariis*: post Terentium Maximinus, *l. 8. sup. de accusat.* & apud ipsummet Ammianum Marcellinum *lib. 28. c. 1.* (*Is, inquit, post administratas Corsicam, sitidemque Sardiniam, rexit dein de Tusciam; & mox, etiam provinciam moderamina retinebat*: vbi nemo puto dicit Ammianum Marcellinum de Annonaria tantum sensisse.) Post Maximinum, Olybrius in *l. 72. inf. hoc ipso titulo*. vbi tamen non Corrector, verum *Consularis Tuscia* dicitur: quomodo sane sub Theodosio Iun. *Consularis Tuscia & Umbria* præfuit. Ergo iam tuto dicamus, Terentium utrique Tusciz præfuisse: & de Urbicaria id nominatim *hanc leg.* docere per vrbis Vulsiniensis mentionem: de Annonaria Ammianum, per Pistoriensis oppidi memoriam.

Illud *h. l.* obseruandum vrbis Vulsiniensium nominatim Principalibus, non omnibus, immunitatem a corporalibus iniuriis *hac l.* tribui, verum iis tantum qui *patronorum* adepti essent dignitatem: Quæ taxatio addita non fuisset, si Vrbs Vulsiniensium, metropolis fuisset hac ætate: sane enim vero simile, metropoleon per Italiam Principalibus hanc immunitatem simpliciter datam: quomodo data per Orientem Alexandrinis, *l. 190. infr.*

FABRORVM M officio & Consortio Curialem a Curia non liberari.

LXII. (a) Idem AA. ad Symmachum P.V. (b)

MVNICIPALIS, (c) qui ad fabrorum collegium, alia (d) officia inlusurus, inrepsit, statui pristino reformetur; nec in posterum Decurionum quis originem trahens ad hoc (e) officium aspirare audeat. Dat. IV. Id. Decemb. Mediol. diuo Iouiano & Varro-niano Coss. [364.]

NOTAE.

(a) Abest hæc *lex* a *Cod. Iust. GOTHOFR.*

(b) *Symmachus* sub Valentiniano Sen. P. V. Romæ: de quo alibi sæpe. *ID.*

(c) Decurionum originem trahens, ut *inf.* explicatur. *Municipalis*, ut Curialis, Alioquin absolute *Municipalis* aliquando, pro Magistratu municipali accipitur: ut *l. 3. sup. de donat. ID.*

(d) Curialia, municipalia. *ID.*

(e) Fabrorum scil. *ID.*

COMMENTARIUS.

FABRORVM collegio seu officio ut *h. l.* vocatur: (de quo v. & *l. 1. inf. de Centonariis & Dendrophoris*.) Curialem originem trahens, Curiam euitare vetatur hac Valentiniani Sen. constitutione: imo exinde ad Curiam retrahi iubetur.

Scilicet cum grauis esset Curialium conditio, ad varia alia Officiorum seu Collegiorum genera multi ad euitandum nexum Curialem sese conferebant: ut ex aliis multis *legibus* patet; veluti Fabricensium *l. 37. sup. & l. 8. inf. & l. ult. sup. de Fabricensibus*. ad collegium Fabrorum *h. l.* & quidem illud quod Romæ erat, in specie *hucus l.* quibus ideo *Municipales* hac *leg.* opponuntur. *Fabrorum* scilicet collegia, & quidem in maximis vrbibus fuere, compescendis incendiis: Quod officium *h. l.* notatur. Quo sine Plinius cum Bithyniæ præfesset, de colle-

gio Fabrorum Nicomediæ 150. hominum instituen-do ad Traianum retulit *lib. 10. epist. 42.* vbi etiam addit, sese attenturum, *ne quis nisi faber in id collegium recipiatur*: proculdubio inter alia, pariter ut *hac l.* nequis municipalis, seu Decurionum originem trahens. Neque tamen id Traianus, heteriis & Collegiis infestus tum admisit: *epist. 43.* Quod postea passim admissum.

Cæterum Curiali origine nati multi; ideo ad Collegium fabrorum idque Romæ sese conferebant; quasi iam tuti proculdubio futuri, obtentu vtilitatis vrbicæ: cuius utique intererat, (utpote incendio obnoxia) hoc corpus frequentia hominum multiplicari. Quod certe diserte etiam de fabrorum Corpore ait Constantinus M. *l. 1. infr. de Centonariis & Dendrophoris*, qua *leg.* iubentur in quibus-

buscunque oppidis Dendrophori fuerint, Centon-
riorum atque Fabrorum Corpori adnecti ea, quam
dixi, ratione subdita. Et tamen vtilitatem vrbis

Romæ in dispendium municipum *hac* cedere no-
luit Valentinianus.

*De MONACHISMO Valentis lex: eo Curialem Curia non liberari,
nisi cessis facultatibus.*

LXIII. (a) Idem AA. ad Modestum PF. P. (b)

QUIDAM (c) ignauia (d) sectatores, desertis ciuitatum muneribus, captant solitudi-
nes (e) ac secreta, & specie (f) religionis cum cœtibus Monazonton (g) congregan-
tur. Hos igitur, atque huiusmodi, intra Ægyptum (h) deprehensos, per (i) Comitem
Orientis, erui e latebris consulta præceptione mandauimus, (k) atque ad munia patriar-
um subeunda reuocari, aut pro tenore nostræ Sanctionis † familiarium rerum carere
inlecebris: quas per eos censuimus vindicandas, qui publicarum essent subituri munera
functionum. PP. Byritho (l) Kalend. Ianuar. Valentiniano & Valente (m) AA. Coss.

NOTAE.

(a) *Lex 26. Cod. Iust. eod. tit. Refutat hanc leg. Baronius An. D. 375. n. 10. 11. GOTHOF.*

(b) *Modestus PP. Orientis sub Valente: ad quem extant plures Basilii epistola: puta sex, 274. 275. 276. 277. 278.
279. (su. Ep. 104. 110. 111. 279. 280. 281. Edit. Benedictin.) Marcellinus lib. 29. cap. 1. & lib. 30. cap. 4. in
Gestis An. 370. & 374. Meminit eius & Gregorius Nazianzenus in monod. in Basilium su. orat. 20. num. 72.
73. pag. 348. 349. Edit. Oper. Colonienf. su. Lips. apud Weidmann. Idacius An. 369. vbi Domitium Modestum
vocat. De eo plene in Profop. ID.*

(c) Curiales scil. ID.

(d) Officia Curialia declinantes. ID.

(e) Solitudines: vid. & l. 1. inf. de Monach. ID.

(f) Sub specie, Cod. I. ID.

(g) Μονάζωντων. Ita passim μονάζοντες, etiam apud Chrysostomum, & Basilium, vel epist. 383. su. 23. Edit. Benedictin.
Quod in Monachorum vocem male mutatur. Risi, cum vidi scribentem nuper, Monazonton hic esse locum, in quo
solitarie viuunt Monachi. ID.

(h) Omissa hæc, intra Ægyptum, velut historica, in Cod. Iust. ID.

(i) Et hæc eadem ratione ibidem omissa, per Comitem Orientis. ID.

(k) Mandamus, Cod. Iust. eadem ratione: sic infra, Censuimus. ID.

† An huius ipsius sanctionis, an vero alterius cuiusdam quæ hanc præcesserat? Istud puto: argumento vocis manda-
uimus, & censuimus: Certe non hic intelligi potest lex 59. supr. quod quidam censent: cum ea Valentinianum,
non Valentem, ut hæc, auctorem habeat; ac præterea est ea de clericis; non de Monachis, ID.

(l) Beryti hæc, ut plures alia, proposita: de cuius rei ratione mox. ID.

(m) Ad quem Valentiniani & Valentis Consulatum hoc referendum sit: cum nullus additus sit, mox inquiram. ID.

COMMENTARIVS.

VALENTIS Imperatoris quinque *hoc titulo* con-
stitutiones sequuntur, de Decurionibus; etsi
non continua serie: his enim Valentinianæ non-
nullæ, seruata scilicet annorum serie inmixtæ sunt.
Ex iis vero apparet, quis tum in Oriente Curialium
status fuerit, quis contra erga eas Valentis animus.

Hæc prima omnium, Valentis, (non Valentinia-
ni etiam ut quidam allegant) constitutio, (ut appa-
ret ex Ægypti & Orientis in ipsa leg. mentio, in
Inscriptione Modesto PP. in Subscriptione Beryti:) omnium quoque celebratissima est, & controuersa
maxime. Certe, ante huius potissimum Codicis
editionem varias & ioculares Interpretationes nacta
fuerat, quas ne memorare quidem libet. Est vero
ea de MONACHISMO: & in summam ea definit
Valens Imp. non posse omnino Curialem conditio-
nem Monachismo euitari: sed si qui e Curialibus
ad monasticam vitam sese contulerint, erui eos oport-
tere: & ad alterutrum adigendos, vel inquam ad

Curia munia subeunda, vel bonis suis cedere oport-
tere his, qui loco suo patriæ Curiaque munera sub-
ituri sunt.

Hæc aperta est huius l. sententia, quæ Valentem P. 470.
Imp. ut dixi auctorem habet, quamquæ Theodosius
Iun. 70. ferme post annis post eum, Iustinianus
centum sexaginta ferme post, velut sibi quoque pro-
batam, Codicibus suis inferi volueret: & Iustinia-
nus quidem, velut generalem & perpetui iuris, de-
tractis vel mutatis ideo, quæ historicam & localem
tantum non facere videbantur, iis tribus inquam,
quæ in Notis iam signauimus.

Nos, ut iustam huius leg. interpretationem præ-
stare possimus, singularia quædam prius, & quidem
historica in ea sectabimur, quæ apud Interpretes
Codicis Iustinianei intacta sunt: mox, quæ aduer-
sus eam dicuntur, & retro, quæ pro eius defensione
dici possunt, expensuri.

Primo igitur notandum inscribi hanc leg. Modesto PP. de quo Modesto PP. cum plene semel egerim in *Prosopographia*, tria tantum ad rem hic monenda sunt. Primo hunc esse illum Modestum PP. (Orientis scilicet) cui cum Basilio, magno monasticæ vitæ Patre & Præcone, res aliquando fuit, mox tamen amicitia coaluit, literæque adeo inter eos inuicem commearunt, vti liquet ex Basilii ad eum epistolis pluribus.

Secundo notandum, hunc esse Modestum PP. cui Valens nonnulla in hoc aduersus Ecclesias Catholicas, & Ecclesiasticos, Monachosque bello, delegauit; & exequenda mandauit: vt videre est apud Theodoretum, *lib. 4. cap. 16.* Socratem *lib. 4. c. 16. & 18.*

Tertio de hoc ipso Modesto PP. obseruandum, ad eundem tres alias e quinque eiusdem Valentis Imp. constitutionib. *hoc ipso titulo*, in hoc ipso de *Decurionibus*, argumento, occurrere; puta A. D. 371 l. 74. & 76. & A. D. 375. l. 79. b. t. Vnde, ex his inquam quatuor legibus ad Modestum PP. datis, colligere est, quo quantoque studio Modestus hic Curiarum commodis cautum voluerit: sunt enim hæc leges ad eius suggestionem proculdubio datæ: Et hæc de Modesto PP.

Quarto, notandum, hanc quoque inter alias fugiendæ euitandæque Curiarum rationes miseros Curiales hac ætate adinuenisse, vt ad monachismum concederent, quasi ea re maxime tuti futuri, & latituri. Qua de re non alius nunc mihi occurrit locus. Videatur & de his sensisse Libanius *ep. inter Regias 604. & in Edit. Cl. Wolffii 608 ad Celsum Rectorem Cilicia*, vbi ob reductos ad Curias suas decuriones eum laudans ait: *τὴς μὲν ἐκ τῶν ἐξῶν κατήγαγες, τὴς δὲ ὑπὸ κλίνας κρυπτομένους ἐπέσας, ὡς ἐπὶ κίεδος τὸ λανθάνειν ἐκπαθῶν*: alios quidem ex montibus reduxisti, alios vero, sub lectis latitantes, ad duxisti, vt ad publica munera, tanquam ad lucrum profilirent. In montibus enim ferme Monachi degabant: v. quæ passim occurrunt de monachis in montibus ad Antiochiam.

Quinto notandum, pertinere hanc leg. ad Monachos Ægypti: cuius rei memoriam Tribonianus in *Codice suo* oblitterauit: ex hoc vero *Codice Docti Viri* suppleuere. Scilicet, vt in Ægypto primi, ita & frequentissimi hoc æuo Monachi fuere: Quam in rem videndus insignis Gregorii Nazianzeni locus, *Orat. 21. in Athanasium, p. 384. Edit. Lips. su. Colon. apud Weidm. Basilium, non vno loco*: Auctor vitæ Apollonii, *Quanti*, inquit, *populi habentur in vrribus (Ægypti) tantæ pene habentur in desertis multitudines Monachorum*. Legantur & Vitæ Patrum hanc in rem, Palladii inter hos *Lausiaca*: Imo & pagani huius æui Scriptores, Eunapius etiam, in *V. Aedesi*, p. 78. 81. *Edit. Commelin.* Ac nomination hac Valentis tempestate cum primis celebres, maximeque copia, fuere Monachi, de quibus adeo Lucianæ sub Valente hoc ipso tempore in Monachos persecutionis occasione, expressis capitibus prolixè agunt Scriptores Ecclesiastici: Rufinus, *lib. 2. c. 3. & 4.* Socrates. *lib. 4. c. 22. 23.* Theodoretus, *lib. 4. c. 19. 24. 25. 26.* Sozomenus, *lib. 6. c. 27. 28. 29. 30.* Hi vero *μονάζοντες* in Ægypto per solitudines & secreta diuisi erant, singulis suas domunculas, cellas

σποράδιον habentibus: vnde certo tempore congregabantur cœtus *μονάζοντων*, vt hæc lex aperte testatur, & historia Eccl. Scriptores hoc æuo sub Valente, in his Sozomen. *lib. 6. c. 31.* Atque hi *Anachoreta* dicti.

Sexto notetur, quod & ipsum omissum in *C. Iust.* iuberi *h. l.* Monachos e Curialibus intra Ægyptum deprehensos, per *Comitem Orientis* (de quo vid. *Notitiam nostram Dignitatum*) manu sc. militari erui: quomodo & alias Iudiciali officio suffragante, retrahi ab Ecclesia Curiales ad pristinam sortem & Curiam, *l. 49. in fin. sup.* vigore & solertia Iudicantium: *l. 3. sup. de his qui ad Eccles.* An igitur Comes Orientis in Ægypto quoque rem militarem accurauit? Minime. Putet quis hanc extraordinariam, vt loquuntur, *commissionem*, seu delegationem datam Comiti Orientis a Valente, rem militarem in Oriente, & quidem in Syria Phœnice quoque (vbi Proposita hæc lex) administranti: velut in proximo constituto: cum alioquin Dux Ægypti, *στρατηγός* (cuiusmodi Dux Ægypti sub eodem Valente memoratur, *l. 5. de Legatis*;) & ipse in Ægypto cum manu militari esset, idemque non in Athanasii tantum, sed & in hoc ipso contra Monachos negotio operam nauarit: vt testatur Socrates *lib. 4. cap. 24.* & Sozomenus *lib. 6. c. 12.* vbi male Inte pres τῶν τῇδε στρατευμάτων ἡγεμόνα, vertit, *Præfectum præfidiariorum militum*. Id quod factum fuerit, quia Curiales, in quos hæc lex lata est, in proximam Ægyptum, vt eo melius latere possent, ad Monachorum sese cœtus contulerant, quos proinde Comes Orientis, velut notiores sibi suæque, facilius internoscere, eruere, reducere, *vigore & solertia sua* (vt hac in re loquitur *d. lex 3. sup. de his qui ad Eccles. conf.*) posset; in tanta præsertim monachorum per Ægyptum multitudine, validaque manu, quam vt antea dixi, describunt Ecclesiasticæ historiæ Scriptores: per Ægyptum, inquam, ne quid nunc dicam de similibus Monachorum in Syria, & prope Antiochiam drungis, de quibus præter Ecclesiasticos Scriptores, Libanius Antiochenus, alique. Hæc inquam ita de Comite illo Orientis accipi hic posse videantur. Et tamen re penitus adhuc perpensa, putem ego potius hic indicari *Comitem Largitionum Comitatussum, Orientis simul & Ægypti*: qui male in *Notitia Imperii fol. 49. Comes Commerciorum per Orientem & Ægyptum* vocatur; nam pro Comitatussum, quomodo a Comite, Officiales Comitatus Orientis, *Comitiani* dicti *l. 18. sup. de cohortalib.* ita Comitiani, a Comitatu: *Comitatanorum* porro, id est largitionum Comitatussum, per Orientem & Ægyptum, nam & ita Comites Italianorum & Gallicanorum dicuntur, *l. vn. sup. de Consularib. & Præsidib.* & in *Notitia Imperii*: vt ita hic omnino intelligendus videatur, *Magnus* ille ipse, Comitatussum Largitionum Comes, quo satellite præcipuo vsus in hac ipsa contra Catholicos & Monachos persecutione Valens Imp. qui idem antea sub Iuliano Imp. Ecclesiam BERYTHI (vbi hæc quoque lex proposita dicitur) incenderat, mox Iouiano imperante suis expensis instaurare coactus fuerat, vti memorant *historia Ecclesiastica* Scriptores: Socrates, *lib. 4. c. 21.* Theodoretus, *lib. 4. cap. 19.* Sozomenus, *lib. 6. c. 19.*

c. 18. In quibus Theodoretus, vel potius Petrus Ep. Alexandrinus Catholicus, apud eum in *epistola sua*, eum Κομηταῖσιον λαγυτιῶν κόμητα vocat: Interpres male vertit *Comitem prouincialium largitionum*: Socrates, τὸν ἐπὶ τῶν βασιλικῶν θησαυρῶν, Sozomenus, ταμίαν τῶν θησαυρῶν, Interpres apud vtrumque, *Quasorem* male vertit. Proinde Comes *Orientis* cui Valens Imp. hac l. negotii huius in erendis per Ægyptum Monachis executionem committit, non fuerit ille, qui alias *Comes Orientis* dicitur, nempe Vir spectabilis, qui cum Præfecto Augustali seu Ægypti pari passu ambulabat, imo qui ordine, potior isto erat, vt ex *Notitia Imperii fol. 71.* discere licet, & l. 3. de *Præmicerio*: l. ult. de *Princip. agent. in reb.* Verum Comes largitionum Comitatus, Orientis simul & Ægypti, vtrique enim Diocesi præfuisse eum, testatur *Notitia Imperii fol. 40.*

Huic proinde Comiti recte Valens huius negotii executionem commiserit, vt pote cum non minus Ægypti, quam Orientis largitionibus Comitatus præfisset: & sic intra Diocesim suam: Quomodo & *Modesto PP.* hoc idem negotium Valens commisit (sub cuius dispositione erat quoque Ægyptus & Oriens), vt ex hac l. ad eum ideo directa discere licet, & ex scriptoribus Ecclesiasticis, vt iam ante notui: imo & tertio quoque, puta Præfecto Ægypti: vt fidem faciunt iidem Socrates lib. 4. c. 21. 22. Theodoret. lib. 4. c. 19. & 25. Sozomen. lib. 6. c. 19. in fin. & 20. in pr. de quo & Gregor. Nazianz. orat. in *Heronem* 23. pag. 417. Edit. Lips. VVeidm. Et certe, quod & ipsum apprimè congruit huic l. idem Petrus Alexandrinus *epistola sua*, de qua sup. memorat, potissimam partem eorum, in quos a Magno isto Comite scuitum fuit, fuisse *Monachos*: οἱ πλείους γὰρ ἦσαν μονάζοντες ἑξημὼν οἰκόντες δι' ἀσκήσιν. Sic omnia congruunt.

Septimo stabiliendus nobis venit characterismus temporis, seu Consulatus huic legi subscriptus, tum causis aliis, tum vt ita hæc constitutio ad suum annum in Annale Ecclesiasticos referatur. Dicitur ergo hæc lex Proposita Beryti *Valentiniano & Valente COSS.* Non adscripto numero Consulatus, quem vna quater gessere Valentinianus & Valens: puta A. D. 365. 368. 370. 373. Et videatur cui ideo hæc lex, quod etiam hæcenus creditur, atque ita credidit *Chronologia Theodosiana* Auctor, & Baronius, referenda ad Valentinianum & Valentem primum Coss. id est ad A. D. 365. sic enim sæpe absolute, numero Consulatus non addito, hic Annus designari solet. Verum huic renititur non vna ratio. Primo quidem, *Modesti PP.* nomen in Inscriptione *huius leg.* & ad quem lex hæc data est: Hic enim, quod ex *huius Codicis* constitutionibus discimus, post Auxonium demum, id est post A. D. 369. (eo quippe adhuc Anno Auxonius PP. Orientis erat:) vt & post pacem cum Gothis factam, teste Zosimo, lib. 4. cap. 11. Orientis Præfectus Prætorio factus est: eamque Præfecturam diuturno imperio ad annum vsque 378. tenuit. Secundo renititur & istud, quod Valens Imp. nondum inter initia Im-

perii, Anno. D. 364. & 365. Monachis & Ægyptiis aduersum se ostendit: quamdiu scilicet Athanasius vixit, qui vtique denixit A. D. 372. quod *historia Eccles.* Scriptores testantur. (a) Quare referenda hæc lex ad *Valentinianum & Valentem IV. COSS.* id est ad A. D. 373. qui quidem temporis characterismus biennio tantum anteuertit Annum, ad quem adnotata in *Prosperi Aquitanici Chronico* Valentis illa, de quo n. x, vt *Monachi militarent.* Simili sane etiam argumento legem 39. infra de *Episcopis*: quæ eidem *Modesto* inscribitur, ad verum consulatum suum retraxi. Ergo referenda hæc lex ad Annum 373. cum ante octo menses ferme anno superiore 372. Athanasius Ep. Alexandrinus obiisset (etsi ex Socratis sententia A. 371.) cui a Catholicis *Petrus*, ab Arianis *Lucius* in sede Alexandrina substitutus fuit: qui quidem *Lucius*, & vna cum ipso Valens Imp. tempestatem illam Alexandria & in Ægypto in Catholicos & Monachos, velut solutis iam repagulis excitauere. Et certe diserte Scriptores Ecclesiastici hanc in Monachos persecutionem post Athanasii mortem seu Annum 372. memorant.

His ita firmatis & præcognitis, de ista *Valentis* constitutione videamus: quam quidem velut Catholicæ pietati aduersam & Monasticam vitam subuertentem multi proseribunt, atque ea re non Valentem modo, Catholicæ Religionis alias infestissimum hostem, insectantur, verum etiam Iustiniano & Triboniano, absurda vt aiunt impietatis homini atheoque, dicam (quæ tamen his cum Theodosio Iun. *huius Codicis* Auctore communis esse debuit) scribunt: Alii Interpretationibus quibusdam non recte emolliunt: Omnes diuersam faciunt ab ea *Valentis lege*, quam memorant Historici, qua Monachi militare iussi coactique sunt: Iniquitatis inquam hanc *legem* arguunt plerique, quæ tamen recte intellecta, suoque fini aptata, in se nullam meretur reprehensionem: imo *consulta* omnino *præceptio* est, vt hac ipsa leg. Valens eam vocat: si modo meminimus, in quos ea lata fuerit: Non in Monachos scilicet in vniuersum hæc lex scripta est, vt ad Curiam omnes retraherentur: quomodo apud Basilium *epist. 264. fin. 237. num. 2. Edit. Benediclin.* Vicarius quidam (Ponticæ scilicet) dicitur omnes Sacerdotalis Ordinis vna voce Curie mancipasse, πάντας μὲν Φωνή τῶς ἱερατικῆς τῆς ἐν Καισαρείᾳ ἐκκλησίας παρέδωκε τῇ βασιλῇ, vt ceteroquin Monachis Valens pertinaciter his infensus odium indixerat, velut Catholicæ & Orthodoxæ fidei defensoribus potissimis, & Pagani quoque Scriptores certatim, & in his Zosimus, lib. 5. cap. 23. vbi ipse Monachos in vniuersum ait, ὅτε πρὸς πόλεμον, ὅτε πρὸς ἄλλην τινὰ χεῖραν ἀναγκάσας: neque ad bellum, neque alium reipubl. necessarium vjum idoneos. Verum in Decuriones tantum, qui desertis Curie patriæque suæ muneribus, atque in fraudem munerum ciuiliū ad monasticam sese vitam in Ægypto contulerant: Quos & ideo, non propter monasticam vitam, quasi desides fucosque, vt quidam male interpretantur, verum propter fugam munerum ciuiliū & curialium patriæque, ignauiæ sectatores hac leg.

(a) Vid. ANTON. PAGIVM in *Crit. ad. Annal. Baron. ad an. 372. num. 9. 10.* qui Athanasii mortem ad annum sequentem 373. refert.

leg. vocat, ob desertam videlicet ciuitatum munera: quia vt loquitur Libanius in *Iulian. necem Orat. funeb. p. 327. Edit. Morell.* τὴν δικαιοσύνην Σεα-
πίαν ὑπὲρ τῶν πατρίδων ἀποδράντες, τὴν ἀδικον
ἐλευθερίαν ἐδίωξαν, id est: quia iustissimum ministe-
rium patriis (iuis) dedignantem LIBERTATEM
seu immunitatem iniustam captarunt. Ignauia hæc
est, ἀπραγμοσύνη, vt Gregorius Nazianzenus de fi-
dis Monachis ait, *carmine in eos scripto, eis ἐπι-
πλάσως μονάζοντας pag. 138. Tom. II. Oper. Edit. Lips. Weidm.* cum quis publicæ rei ac maxime pecu-
niali vinculo nexuque personæ nexus, cui gnaui-
ter strenueque operam datam oportuit (nam &
gnauus seu nauus est ἡμπρακτός) necquicquam
commodat, sed vt eam frustretur alio sese confert,
quocumque tandem obtentu, etsi probabilis cætero-
quin ea professio sit. Alio vero sensu desidix
deditus dicitur in *l. 25. §. 1. D. de probation.* qui
scilicet rei priuatæ suæ incuriosus, in re sua ne-
gligens. Nam quod de Monachis pariter id Græci
explicant, inane est. Non igitur hac leg. Mona-
chismum ignauia nomine perstringit, non Mona-
zontum cædēs; verum eos tantum exinde erui, ab-
duci, qui specie Religionis, vt diserte ait, seu obtentu
Religiolæ professionis, ciuitatum munera dese-
rebant, quibus peculiari personæ vinculo nexi erant,
vt erant Curiales, quod ex hoc titulo plenissime di-
scere est. Quod etiam Accursius ex parte vidit.
Neque dubito de his quoque sensisse Libanum
Christiani Nominis & Monachorum oforem, cum
Orat. in Iuliani Imp. necem, p. 296. Edit. Morell.
causas, ex quibus Curiz sub Constantio vacuatæ
fuerant, recensens, & vitæ genera, ad quæ multi
transierant, veluti Militiam, Senatoriam dignita-
tem, hanc quoque addidit, καὶ οἱ μὲν ἐκάθευδόν τε
καὶ ἐχαρίζοντο τῷ σώματι: cum quidam sopori de-
diti iacerent, & corpori indulgerent. Falsa igitur
est eorum opinio, qui de omnibus Monachis indi-
cretim hanc leg. accipiunt: simili errore, quo do-
ctissimi Viri, & in his quoque Berterius, Pitbanon
diatrib. 1. cap. 10. pag. 848. Tom. IV. Thes. Iur. Cleri-
cos a Iuliano Imp. ad Curiam damnatos seu Cur-
iis mancipatos pœnæ loco tradunt, cum tamen is
ex Curialibus tantum Clericos factos, ad Curiam
suam reuocari iusserit *leg. 50. supr. hoc titul.* simili
rursus errore, quo Ambrosii locum *epistol. 29.*
eodem referunt; quod Ambrosii, inquam, alicuius pœ-
næ loco in Curiam dandi, seu damnandi; cum ta-
men is pariter sit de Episcopis ex Curiali genere
Curiz reddendis. Verum de hoc plenius ad *l. 66.*
& 105. infr.

Ad rem. Hæc cum ita sint, non magis proin-
de reprehendi hæc lex potest, quam tot aliæ Prin-
cipum Catholicorum etiam de Decurionibus, qui
ad clericatum sese contulerant, eorumque bonis
similiter ad Curiam reuocandis, quas quindecim
numero in vnum collectas habes in *Paratitlo huius
tituli*: vide præter alias eiusdem Valentis, ad eun-
dem Modestum PP. *legem 19. de Episcopis*: quæ re-
ferenda est ad An. D. 370. Eadem ratione Prin-
cipum constitutionibus reuocati Militares viri ad mi-
litiam Armatam, qui ad Clericatum confugerant:
vbi inter alias notanda, quam etiam notarunt alii
iam, Honorii Imp. *Orthodoxi lex 12. supr. de Vetera-*

nis: Et quoniam plurimos, inquit, vel ante mili-
tiam, vel post inchoatam vel peractam, latere Ob-
IECTV PIÆ RELIGIONIS (specie Religionis,
dixit Valens hac l.) agnouimus: dum se quidam vo-
cabulo Clericorum & insausis defunctorum obse-
quiis occupatos, (Copiatar intelligit) non tam obser-
uatione cultus, quam OTII ET SOCORDIÆ A-
MORE (Ignauia sectatores dixit hic Valens) de-
fendunt, nulli omnino tali excusari obiectione per-
mittimus, nisi qui aut fractus senio, aut membris
debilis, aut paruitate deformis indignus consortio
virovum fortium (id est militarium) reperitur.

Eadem ratio, vel certe haud abfimilis, in Valen-
tiniani Lege, sed in Pseudo philosophis pariter ad
Curiam reuocandis, *l. 7. infr. de Medicis & Professo-
rib.* (quæ & ipsa indita Codici Iustin. *l. 8. Cod. Iust.*
ead. tit.) Turpe enim est, vt PATRIÆ FVNCTIO-
NES ferre non possint, qui etiam fortunæ vim se
ferre profitentur. Ad eundem quoque finem col-
lineare videbatur Imp. Mauricii lex, de qua Grego-
rius M. *lib. 2. Registr. ep. 100 & 103. Vt nullus qui
actum publicum egit, qui officio vel manu signatus,
vel inter milites fuit habitus, ei in monasterio con-
uertere liceat, nisi forte si militia eius fuerit exple-
ta.* Verum, cur ea Gregorio tum displicuerit, do-
cent eius *epistola.*

Atque ita quidem retundendi sunt variorum im-
petus aduersus hanc leg. eiusque Auctorem, simul &
eius approbatores Iustinianum & Tribonianum:
Nam qui aliter eam vindicare nituntur, nã illi largi-
ter falluntur.

Alciati primum inane suffugium est, qui cense-
bat hanc legem in *Codice Iustiniano* relata, aliam
interpretationem accipere posse, quam cum
Valens eam tulit: Non eo inquam hic confugien-
dum est, etsi verum sit alias sæpe ad hoc arcanum seu
νεύριον confugi oportere, alioque sæpe sensu posita
constitutiones in *Codice Iustiniano*, quam in hoc
Codice; quandoquidem tam planus tam apertus &
perspicuus est huius leg. sensus, reque ipsa probabilis,
vt alio nouoque sensu eam donari nil opus sit.

Neque Amayæ fulmina pleraque placere de-
bent, ad submouendam ab hac l. inuidiam & repre-
hensionem, etsi ipse interea legem illam, qua Valens
dicitur statuisse, vt *Monachi militarent*, velut im-
probam iniquitatis arguat. Inter cætera ait, hanc le-
gem quoque Auctorem habere Valentinianum fra-
trem Valentis Catholicum Imp. (quomodo etiam de-
inceps hanc leg. de vtriusque nomine designat) quem
credendum non est, in re tam nefaria & abominanda
voluisse fratri hæretico consentire. Verum id erro-
neum est. Valentiniani quippe nomen huic legi in-
scribitur, non tanquam in eam consentientis, neque
quod huic quoque ea accepto ferenda sit, verum pro
more tum accepto, quod Valentis in Imperio colle-
ga esset.

Est & eiusdem aliud argumentum desumptum
ex temporum ratione, nempe quod hæc lex lata sit
Valentiniano adhuc superflite, altera vero & nefa-
ria lex, vt *Monachi militarent*, post eius mortem,
vt ex Hieronymi, si Deo placet, *Chronico*, & Oro-
sio, Pauloque Diacono & Iornande liquet. Verum
paulo post ostendetur, non aliam esse legem illam ab
hac nostra.

Inane est & tertium eiusdem post alios Interpretes suffragium, cum ait, hanc *legem* non esse de veris monachis, sed de pseudomonachis, hypocritis, habitu tantum monachis, non vita; imo qui vita sua monasticam dehonestabant, qui ficto quæsitoque Religionis colore, segnitiei tantum causa dolo & fraude, falso & furtive Monachorum cœtui sese adiungebant. Nam imo, ut iam antea ostendi, verba *huius leg.* non pseudomonachos respiciunt aut perstringunt, in quos sane est Gregorii Nazianzeni carmen illud, *εις ἐπιπλάσως μονάζοντας*, & huius generis Valentiniani consuetudine in Pseudophilosophos, quam antea memorabamus, verum in Curiales qui reuera, non ficti Monachismo sese & Monachorum cœtibus addiderant, desertis patriæ muneribus, quamlibet integra probabilique professione, attamen reuera in fraudem patriæ & Curiarum, quas integras haberi seruarique publice, non vero deferri, ut hoc æuo ferme fiebat, non vna occasione vel causa, intererat. Neque quidquam iuuat eum vox *captandi*, ibi, *captant solitudines ac secreta*: Ea enim vox hic usurpatur de iis, qui alienum quid a conditione & professione sua appetunt, & affectant, sectantur, (quomodo Libanius superiore loco, *διακοναί*;) & ad aliud vitæ genus transeunt: uti neque iuuat illa, *sub specie religionis*: neque enim illis verbis color tantum, & inanis obtentus simulatae fictæque Religionis indicatur; sed verus monasticæ Professionis obtentus, verus affectus: ut loquitur *lex 43. sup.* & ut in Honorii lege, de qua supra, *obiectum pia religionis*: quo obiecto, qua specie opposita, retrahi sese ad Curias amplius non posse sibi persuadebant. Idem addit, eo quoque probari, non agi hic de veris Monachis, verum de falsis fictis, quandoquidem veri Monachi nulla bona haberent, ut ex iure Iustiniano nouissimo patet, quæ tamen Monachis illis *hac l.* tribuuntur. Verum recte, etiam veris Monachis, & hoc quidem casu, bona tribuuntur, utpote quæ Curiam deferentes sibi retinebant solitudinibus captatis, retentisque *familiarium rerum inlecebris*, ut *hac l.* dicitur. Olimque, ut recte Cuiacius hic, Monachi capite minuti non censebantur, quin bona propria & testamenti factionem retinebant *l. 13. Cod. Iust. de sacros. Eccl.* Et quid fiet alioquin hoc æuo *Legi vnica*, imo *titulo, sup. de bonis Clericorum, & Monachorum*: ubi palam agitur, de verorum ni fallor Monachorum bonis, eorum testamentis, & successoribus? Quid fiet Basilii *ep. 304. siu. 284. Edit. Benediktin.* *Κηρύττορι: περὶ μονάζοντων, ὥς τῶν αὐτῆς συντελειῶν διαφεύγει: ad censitorem, causa monachorum, ut ipsis tributa dimittantur*, si Monachi nulla bona haberent? Et addit tamen idem Amaya hanc rationem, quod *lex hæc* nihil de Militia statuatur. Verum & hæc *lex* est de militia Curiali, mox ut ostendam, Reicienda quoque cum Amaya *n. 15.* opinio Ceualli, qui existimabat, Valentem voluisse *hac l.* Religionum multitudinem cohibere, eamque etiam videri Accursii sententiam. Neque enim Religionum multitudo hic cohibetur, quæ tum nondum talis erat, ut hodie; qua causa Romanum Pontificem ad eam cohibendam multi deinceps subinde hortati sunt; videndum est quoque ea de re concilium Lateranense quod habitum sub Innocentio III. quo si-

bula ei rei imposita. Verum Religiosorum tantum seu Monachorum factum, in fraudem patriæ munerumque Curialium.

Sed iam tempus est, ut de illa Valentis *lege* dicam, qua Monachi iussi coactique sunt militare, quæ hactenus alia ab *hac l.* creditur: & in quam vulgo transfertur inuidia omnis, quæ Valenti impingitur. Memorant equidem eam *legem* atque ita expriment Orosius (& hic quidem primus omnium) *lib. 7. c. 33.* Prosper Aquitanicus in *Chronico*, post Hieronymi *Chronicon*: nam Hieronymo id falso tribuitur. Paulus Diaconus, *lib. 12. p. 83. T. I. Script. Rer. Ital.* Iordanes de regni successu, *p. 238. T. eod. Script. Rer. Ital.* Verum altum de illa *l.* silentium apud *historia Ecclesiastica* Scriptores omnes, contra quam quidam scribere, etsi memorent illi Tribunos militesque submissos in Monachos, & Monasteriis eos eductos, cruciatos, interemptos: Etsi Socrates quoque *lib. 4. c. 21.* statim post mortem Athanasii Anno superiore 372. memorat Edictum seu mandatum Valentis ad Palladium Præfectum Alexandrinum, ut copiis militariibus Euzoii instituto inferuieretur in Lucio firmando in Episcopatu, contra in Petro deturbando: Etsi multa iidem ex professo narrent, de persecutione in Monachos sub Valente, & quidem in Monachos Ægypti: Etsi idem quoque Socrates, *lib. 4. cap. 21. & 22.* Sozomenus *lib. 6. c. 19.* memoret Valentis *πρόσκλημα*, non diu post superius illud, ut omnes qui fidem *Consubstantialitatis* tenebant, non Alexandria solum, verum ex vniuersa etiam Ægypto penitus expellerentur, & sic persecutionem in eos qui Alexandriam & Ægyptum incolerent excitatam: Sic ut Præfecto Ægypti quoque imperatum fuerit: ut cum ingentibus copiis omnes vbique persequeretur, quos Lucius indicaret. Etsi idem quoque addat, eodem tempore Monasteria in solitudine (quomodo in *hac leg. solitudinis* memorantur,) diuexata & expugnata. Quare, ut quod sentio dicam, nulla alia mihi videtur in Monachos ab hac diuersa de adigendis ad militiam Monachis constitutio a Valente promulgata: verum id ipsum esse quod *hac leg.* sancitur. Nempe, ut *militia*, & *militandi* *στρατίας καὶ στρατευοῦσαι* voce, hoc æuo designabantur quæcunque tandem officia, muniaque publica: vnde Militia non tantum Armata, sed etiam Togata Palatina, Officialium, Aduocatorum militia, *λευσπρία*, tandem omne publicum ministerium, atque adeo Municipalia quoque seu Curialia officia muniaque pro patria. Sic inter alia Libanius de quodam Curiali agens, Legatione apud Imperantem pro Cyro Syriæ ciuitate, *epist. inter Regias 979. & in Edit. Cl. Wolfii 991. τιθέμενον ὑπὲρ τῆς πατρίδος τὰ ὄπλα*, quod vertit Cl. Wolfius: *sed & arma patriæ causa posuit.* Sed & *stipendia* patriæ emetiri dicti Curiales, *l. 57. sup. hoc tit.* Etsi alias Curiales Militaribus opponantur. Inde igitur iam error ex huius vocis homonymia, quasi Monachi a Valente militare iussi fuerint, & quidem in Militia Armata, eoque adacti, & quidem Indiscretim; cum tamen Valens nonnisi Monachos ex Curialibus ad *Militiam Curialem* retrahi iusserit, quæ *huius leg.* est sententia. Certe Orosii quoque verba, qui primus illius *legis* meminit, hic non prætermittenda sunt: *Valens*, inquit, *velut effrenata libertatis audacia,*

dacia, Legem dedit, ut Monachi, hoc est Christiani, qui ad unum fidei opus, DIMISSA SECVLARIVM RE- RVM MULTIMODA ACTIONE se redigunt, ad militiam cogèrentur. Et mox: Huc Tribuni & milites misi, qui sanctos & veros milites Dei alio nomine persecutionis abstraherent, interfecerunt ibi agmina multa Sanctorum. Indeque breuius hæc Prosper, Diaconus, & Iornandes. Inde igitur quia in hac nostra Valentis lege agitur, de desertis ciuitatum muneribus a Monachis, & sic ut Orosius ait, de dimissa ab his secularium rerum actione: agiturque de his ad militiam (Cūrialem scil. adigendis, retrahendis, hinc enatus error, quasi Valentis Lege, Monachi militare, in armata scil. militia, iussi fuerint.

Quæ cum ita proculdubio sint, ex his apparet neque Baronio adlentiendum, cum ait, Valentem legi suæ, qua Monachos militare iussit, & ad militiam adegit, Anno scil. 375. ut ipse vult, hac l. nostra prælusisse. Neque me contra etiam illud mouet, quod Valentiniano demum mortuo, legem hanc qua Monachi militare iussi dicuntur, a Valente latam, Scriptores, quos superius memorauimus, dicant, Hic enim lapsus eorum est; metachronismo tantum biennii vel triennii. Maneat igitur, hanc legem nostram, eandem esse cum altera illa, neque aliam ab hac querendam. Maneat, ut eo redeam, hanc legem Iniquitatis non recte arcescit, quæ in se nihil iniquitatis continet: Etsi non negarim, Valentem hac quoque inter alias ratione, Lucii Ariapi pseudoepiscopi Alexandrini suasu, hortatuque Orthodoxis & Monachis infestissimi (de quo vid. Socratem lib. 4 c. 21. 22. Sozomenum lib. 6. cap. 19.) Monachos vexare, turbareue voluisse, uti sæpe euenit, ut per se alioquin æquæ, consultæque præceptiones, iniquitatis tamen speciem continere videantur, prout tempora sunt, & prout iniquus animus est eius, qui ea statuit, & sic in πειρασμός: Indeque atrocius forte ea lex confossa, expressæque in Valentis odium.

Ut ad Legis nostræ sententiam redeamus; adeoque magis magisque ostendamus, quam minime noua ea seu iniqua sit; de dispositione eius agamus: Nempe, Valens Imp. neque simpliciter adhuc Curiales e monastica vita retrahi iubet, quomodo sæpe alias Curiales e Clericatu abstrahi absolute Imperatores voluerunt: sed sub alternatiua, vel retrahi, vel bonis suis cedere oportere eis, qui vice eorum munera functionum subituri essent. Id vero ipsum de Clericis frequentibus constitutionibus statutum, ut videl. bonorum iacturam facerent; sic ut (exceptis quandoque solis Episcopis) modo vice sua Curialia munera subituris extraneis, vel propinquis, modo etiam Curie ipsi, modo in totum, modo pro parte, cedere necesse haberent: de quo vid. l. 40. 59. 99. 104. 121. 123. 163. 172. *infr. hoc tit. l. 7. supr. de cohortalibus: leg. 21. infr. de Episcop. vid. & Ambrosium epist. 2. aduers. Symmachum, p. 325. Ed. Paris. 1604.* Et nota hac in re elegantem leg. 104. *infr.* vnde explicantur illa huius leg. verba, mandauimus familiarium rerum carere inlecebris.

De Clericis sane retractis post multos annos questus iure Ambrosius ep. 29. *in fin.* Et sane sæpe ita quoque temporis & diuturnitatis hac in re rationem habuere Principes, ut fidem facit d. l. 19. & 21.

infr. de Episcop. l. 172. infr. hoc tit. alizque Cod. Iustin.

Alias, ut hunc Commentarium absoluiam, ut hæc lex probabilis est, ita politicum hoc ius & scemina ex ea quoque conficitur: Ita religiosa professione faueri, fauendumque, ut ne eare Reipublicæ fraus fiat, damnumque inferatur; quæ pars non vltima est imperatoris prudentiæ & potestatis, ludicumque adeo ab Imperatoribus constitutorum. Ad quod Scemina innumeræ aliz huius Codicis, ut & Iustiniani constitutiones spectant. Tandem, quidquid hac leg. caueatur, ut ne Curiales, Monachi fiant; exemplatamen deinceps extitere complurima Curialium, qui ad Monasticam vitam concessere: cuiusmodi exemplum est apud Synesium ep. 66. Valentem lege lata in Monachos Ægyptios persecutionem concitasse scribit, sed non dicit quamnam? Verum secundo, ut quod res est, dicam: Mihi mens ea est, non aliam Valentis legem querendam, quam hanc ipsam nostram; quam acerbius illi inlecebrati sunt, errore admissio, quod Valentem Imp. Monachos lege lata ad militiam cogi, seu militare iussisse volunt: cum ex Curialibus inter Monachos versantes tantum ad patriæ militiam non ad Armatam, & munera Curialia subeunda; idque non pœnæ loco, sed pro status sui originalis ratione, reuocari eos iusserit: quod & ipsum *ἑρτάσις* appellatione designatum, pariter ut Militia appellatione hoc æuo omne officium & obsequium publicum dictum est. Cui similis est error eorum, etiam doctissimorum, & in his Philippi Berterii p. 848. *Th. Iur.* qui Clericos a Iuliano ad Curiam damnatos, seu Curias mancipatos pœnæ loco tradunt, cum is tantum ex Curialibus Clericos factos ad Curiam suam reuocari iusserit, neque aliud quidquam l. 50. *supr. hoc tit.* Geminus rursus est error eorum, qui Ambrosii locum ep. 29. eodem referunt, ad morem inquam pœnæ loco Curie dandi alicuius, cum tamen locus ille pariter sit de Episcopis Curiali genere, retrahendis Curizque redditus. Tantum veritati obstrepit in scriptore affectus, accedente etiam haud plena vel perfecta Historiæ, vel etiam Iuris cognitione. Vnde haud satis bona fide constitutiones multas etiam a Veteribus memorari, deprehendere licet, de quo alibi: Exemplo quoque sit vel Iouani lex, de raptu vel matrimonio sanctimonialium.

Hæc cum ita sint; cessent aliz huius leg. Interpretationes: cessent retro deinceps iniquæ de hac Valentis seu Ariani constitutione, velut Catholicæ pietati aduersa, quærelæ, quæ & æquitate ipsa seu vtilitate publica commendatur, & Iustiniano postea probata fuit, & exemplis Christianissimorum Principum similibus firmatur; cessent inquam quærelæ aduersus ipsum Iustinianum vel etiam Tribonianum, quod hanc leg. Codici suo inserunt: Errorem quoque deinceps suum agnoscant Scriptores, qui Valentem Monachos lege lata ad militiam adigi voluisse scribunt. Neque Baronio adlentiendum, qui ait, Valentem legi suæ, qua Monachos ait ad militiam adigi iussos, Anno scil. 375. prælusisse hac leg. Est enim vnica tantum lex Valentis super eadem re, de militia inquam Curiali, & Monachis ad eam reuocandis. Errorem suum agnoscant, qui *pana loco*

loco Clericos a Iuliano Monachos a Valente Curii traditos volunt: Verum de hoc plenius ad *leg. 105. infr.* & ad *leg. 66. infr.* Quamquam *Tripartita* Author prodit multos Episcopos sub Valente Curie traditos.

Nunc postremo loco de characterismo temporis *huiusce leg.* Huic sane constitutioni subscribitur *Valentinianus & Valens AA. COSS.* neque tamen numerus Consulatus eorum adnotatur. Quare videatur *hæc lex* data A. D. 365. quo primus istorum Imp. Consulatus ita ferme designari solet, numero non addito: quod Amaya etiam credidit: Verum huic renituntur multa. Primo *Modesti PP.* nomen in inscriptione *legis*, qui sane ut ex constitutionibus *huius Codicis* apparet, post Auxonium

demum, id est, post A. D. 369. (eo quippe Anno adhuc Auxonius PP. Orientis erat:). PP. Orientis factus est, eamque Præfecturam diuturno Imperio tenuit ad Annum vsque 378. Secundo renititur & istud, quod Valens nondum Ann. 365. Monachis odium & bellum indixerat. Ergo *hæc lex* ad Valentinianum & Valentem III. AA. COSS. id est, ad Annum Domini 370. referenda est vel ad Valentem IV. AA. COSS. id est, ad A. D. 373. Qui quidem temporis characterismus proxime accedit ad eum, quem adnotatum reperio *commentitia illi Valentis legi, Vt Monachi Militarent.* Simili certe argumento *legem 39. infr. de Episcopis*, eidem Modesto PP. inscriptam, ad verum Consulatum suum reduxi.

MILITIA ARMATA Curiales, eorumque liberi Curia quando liberentur vel non.

LXIV. (a) Idem AA. Mauris Sitifensibus. (b)

PRIVILEGIO militiæ paternæ (c) se non vindicer, (d) quem auitus (e) Curia nexus adstringit: & (f) patrem sine dubio receptura Curia, si intra prædicti (g) temporis calcem suis paribus (h) adfuisse (i): Quod si militari auctore, & patre Decurione nascetur, paternæ erit succedaneus functioni. Dat. IX. Kalend. Mai, (k) Treu. Valentiniano & Valente (l) AA. COSS.

R. 415.

NOTAE.

- (a) *Lex 27. Cod. Iust. inod. sit.* Iungenda ei *lex 6. supr. de re militari*, quam indicat *lex 16. supr. de Agentib. in reb. & l. 28. supr. de cohortalibus. GOTHOF.*
- (b) De Sitifensi Mauritaniam dixi ad *l. 6. supr. hoc tit. ID.*
- (c) Qua pater Curialis quinquennali militia liberatur. *ID.*
- (d) Liberum a Curia. *ID.*
- (e) *Auitus* Cod. Iust. pro quo veteres habent *babitus*, id est, *auitus*, veteri scriptura, quod Concilius & Cuiacius ex MSS. Cod. I. recte tuiti sunt. *ID.*
- (f) Versiculus hic recisus a *Cod. Iust.* quia ad horum temporum rationem pertinet. *ID.*
- (g) Quinquennii *d. l. 6. ID.*
- (h) Curia muneribus. *ID.*
- (i) *vg. Absuisset. ID.*
- (k) *Mart. Cod. I. ID.*
- (l) Adde IV. id est A. D. 373. neque enim Valentinianus Anno 365. Treueris (vbi *hæc lex* data est) constitit, ut ex *Chronol. Theod.* liquet, & firmabunt insuper, quæ mox dicam de historica *huius leg.* occasione. *ID.*

COMMENTARIVS.

DE MILITIA ARMATA, an Curiales, eorumque liberi a Curia per eam liberentur, desinit *b. l. Valentinianus Sen. MILITARES* igitur ex Curialibus quinquennali equidem militia a Curia liberari vult: Quod diserte ab eo statuitur *l. 6. sup. de re mil.* quæ huic iungenda est; quod *b. l.* verbis remissiuus & relatiuis ad *l. 6.* indicatur, ibi, *si ante prædicti temporis calcem &c. prædicti*, nempe *ea l. 6.* quæ *lex* si non extaret, non constaret nobis, de quoniam temporis spatio Valentinianus hic sensisset: Unde obiter iungendarum inter se *Legum* utilitas apparet: & vice versa hac parte *ædificata huius Codicis* Conditorum, cui similem errorem notauimus *l. 70. infr.* Hoc vero spatium ita præstitutum a Valentiniano, quod iam sub Iouiano, & exordio Valentiniani Imperii, Barbaris Africanis vexantibus & militari socordia accedente, multi Curialium ad provinciam tutandam, ad militiam se conferrent. Quæ causa

quoque est *legis 95. infr. Valentiniani Iunioris.* Hæc inquam statuta de militaribus a Valentiniano Sen. pariter vt antea a Constantio *l. 38. sup.* & postea a filio eius Valentiniano Iun. *l. 88. infr.* cum tamen aliis Principibus aliud tempus placuerit, & quidem eidem Valentiniano Iun. *l. 95. infr.* quindecim annorum sex trium lustrorum. Hæc ita de militaribus ipsis, idque siue Auum siue Patrem habeat.

At enim *Liberorum* aliam rationem esse vult: nempe Liberi, etsi pater militaris sit, Auius autem Decurio: & vice versa, etsi Auius militaris sit, pater Decurio; Auitam tamen & Paternam conditionem Curialem sequi eos vult: Privilegium scilicet, Aui, aut Patris, necquicquam liberis hac parte prodesset, cum alteruter ex illis Decurio esset: Quod utique satis est ad liberos Curiali nexui vindicandos, Quod ipsum Valentiniano Iun. placet *l. 29. vbi eleganter ait, Auerum atque Maiorum stemmata his nihil*

nihil referre, aut prodesse. Quod quidem ad Brocardicum illud refertur: *Si id quod obest, fortius est eo, quod prodest, tunc id magis attenditur*, vid.

Luc. de Penna *hic*. Nos dicamus, *Curia causam potiore effe*. Quod Cuiacius recte dixit. Vide & quæ nos addimus ad d. l. 89. *infr.*

DIGNITATEM Curialibus non prodesse: nisi expletis patriæ muneribus.

LXV. (a) Idem AA. ad Terentium (b) Corr. Tusc.

OMNES Curiales, qui, qualibet gratia, prius ad altiore gradum properauerint, quam munia vniuersa percurrerint, ad ordinem necessitatum suarum reuocentur; nec ante ad usurpatam Dignitatem admittantur, quam quæ patriæ debentur, impleuerint. Non difficile autem intelligitur, id quod Senatorio Ordini concessum non est, concedi non posse Ordinibus ciuitatum. Dat. V. Kalend. Iun. Med. Valentiniano & Valente AA. Coss. [365.]

NOTAE.

(a) Abest hæc lex a Cod. Iust. GOTHOFR.

(b) De hoc Terentio Corr. Tusciae, iam dictum l. 61. *supr.* quæ eidem inscribitur. ID.

COMMENTARIUS.

DIGNITATE, veluti SENATORIA (de ea enim hic agi colligo ex *fine l.*) Curialem Curia liberari quemquam vetat Valentinianus Sen. *hac l.* nisi prius expletis omnibus Curiae muneribus. Quod & ipsam *duabus* præterea *legibus* ab eodem cautum est, l. 57. 58. *supr.* Et in vniuersum in hoc argumento occupatae sunt *leges 27. huius tituli*, quas repetere licet ex *Paratitlo*.

Vltima tantum *huius l.* sententia obscura est: cuius tamen hunc sensum puto: si Senatoria dignitas Curialem Curia non liberet, multo minus liberari quem posse consensu, vel per gratiam Ordinis ciuitatis: Quod sane aperte cauetur l. 17. *supr.* l. 71. 77. 110. *in fin.* 113. *infr.* hoc tit. & l. 2. *Supr.* quid probare deb. de quo ad d. l. 17. *supr.*

P. 416.

POENAE loco Curiae quem addici non debere.

LXVI. (a) Idem AA. ad Rufinum PF. P. (b)

ORDINIBVS Curiarum, quorum nobis splendor vel maxime cordi est, non adgregentur, nisi nominati, nisi electi, quos ipsi Ordines cœtibus suis duxerint adgregandos, nec quis ob culpam ob quam eximi deberet ex Ordine, mittatur in Curiam. Dat. XI. Kal. Iul. Rauen. Valentiniano, & Valente AA. Coss. [365.]

NOTAE.

(a) Abest hæc lex a Cod. Iust. Iungenda forte huic lex 3. *supr.* quibus equorum usus; alterutrum loci subscriptione emendata: illa enim cum in temporis notis omnino conueniat, *Data* scil. XI. Kal. Iul. Valentiniano & Valente AA. Coss. *Mediolani* tamen data dicitur, hæc vero *Rauennae*. GOTHOFR.

(b) Integro nomine *Vulcatius Rufinus*: quem Mamertino in Præfectura Prætoriana successisse, testis est Ammianus Marcellinus, lib. 27. cap. 7. At quo Anno, disquiro ad l. 3. *supr.* quibus equorum usus: v. de eo *Protopopr.* ID.

COMMENTARIUS.

POENÆ specie atque æstimatione, seu ob culpam aliquam, denique supplicii loco, quemquam in Curiam adgregari, damnari, addici vetat *hac lege* Valentinianus Senior: pariter vt Theodosius M. leg. 108. *infra*, (is enim eius legis Auctor est, non Gratianus, quod Berterius credidit, l. Pisth. 10. pag. 848. Tom. IV. *Theaur. Iur.*) Cum tamen illud hæcenus fieret: quod ex *hac lege* & *dist. leg. 108.* recte probatur. Non vero ex Constantini Magni, leg. 1. *supr.* de cursu public. nam quod ibi statuitur, vt quis Magistratibus municipalibus tradatur, eorumque obsequio transmittatur, id non accipiendum est (vt nonnulli faciunt, & in his Fornerius l. *Quæst.* 28.

idemque Berterius l. Pisth. 10. d. pag. 848.) de hoc poenæ genere, quo quis Curiae addicitur. Neque etiam, quod quis putaret, de alio haud ab simili poenæ genere, sed tamen deteriore, nempe vt non in dignitate aliqua constitutus obsequio Magistratus dederetur, scilicet inter eius apparitores & in cohorte eius deinceps futurus. Nihil inquam huius placere debet. Quid igitur? Magistratibus municipalibus dedendum, mox eorum obsequio, id est, eorum ministerio ad Iudicem, id est, Rectorem provinciae, transmittendum, & sic obsequio, auferendi casu, non dandi: item eorum, non Curialium, sed Magistratum, ex vulgata Iuris scientia, qua rei

a Magistratibus municipalibus detecti, prehensi, ad Præsides, eorum opera & ministerio transmittantur, vt docet *lex 5. sup. de exhibenda reis*: Quin & Acta seu Passiones Martyrum, passim.

Igitur *duæ* tantum hoc Codice *leges* sunt, quæ docent, pœnæ loco quosdam Curiis aliquando addictos seu mancipatos, nempe *hæc lex*, & *lex 108. infr. hoc tit.* Hoc more olim Christiani *μη φυλευται οντες πρότερον*, cum antea curiales non essent, soliti *φυλευταις αναξιματισται*, curiis mancipari, teste Sozomeno, *lib. 1. cap. 8.* & ex eo Tripartita *lib. 1. cap. 9.* Hunc quoque morem seu hoc pœnæ genus probauit Iustinianus, in Presbytero & Diacono Ordinem Ecclesiasticum deferente, *Novella 6. cap. 7.* Sed & Pontifices vsurpauere in Clericis, qui in Episcopos suos conspirassent; qua de re duo sunt textus in *Decreto, canone 31. caus. 11. quæst. 1.* At non illud admitto. Primum quod inter exempla pœnæ loco Curiis dandi memorant Clericos a Iuliano; Monachos a Valente, in Curiam pœnæ loco detrusos: quod refutaui iam ad *legem 63. supra.* Rursum non patior, eo quoque trahi *legem 39. infra, de Episcopis*: vbi Ecclesiastico munere deiectionis, vel Ecclesiam deferentes Curiaæ tradi iubentur: Neque enim tam pœnæ loco Curiaæ ibi tradi iubentur, quam ceu vacantes iam. Non patior eo trahi *locum Ambrosii epistola 29. fin. 17.* qui est de Episcopis, & ministris Ecclesiæ Curiali genere, ad Curiam retractis. Non patior eo trahi Iuonis *duas Epist. 53. & 66.* vbi Episcopis quibusdam obiicit quæd Clericos

tradi Curiaæ fecerint. Id enim alio pertinere recte ibi ostendit Iuretus.

Cæterum, pœnæ genus istud ideo olim visum, Curiis, inquam, mancipari; quod grauisima his variaque munera incumberent, quodque ex deferri non possent. Verum Curiarum splendori, simul & vtilitati consulturo Valentiniano Sen. quod sibi vel maxime cordi fuisse *hæc leg.* diserte testatur. (de quo iam dixi in ingressu constitutionum Valentinianearum *hoc tit.* puta ad *l. 57. & ad leg. 2. sup. de Tabulariis*;) id vetare visum *hæc leg.* vt & Theodosio *d. leg. 108.* Duplici ratione: Primum ideo, vt splendori Curiarum confulerent, & vt electi tantum ab ipsomet ordine adgregarentur: quorum hac de re iudicium esse oportuit, vt pote cum de comuni eorum vtilitate agatur. Secundo quia indignum visum Curiaæ quem addici pœnæ loco, & sic Dignitate decorari, quem potius si Curialis esset, pœnæ loco Curia expungi oporteret: cum *unumquemque* (vt ait eleganter Theodosius *d. l. 108.*) *crimen suum non debeat dignitas, sed pena comitari.* Eadem ratione Valentinianus Tabularios &c. post emensum munus Curiis adgregari vetuit, si cum in Officiis essent vilioribus aliqua eos suppliciorum macula turpauit: *l. 8. sup. de cohortalib.* Imo idem vel rationibus obnoxios ad Curias vocari vetuit, *l. 2. sup. de tabulariis.* Ex hac interim lege notetur, Curiales ab ipsomet Ordine nominatos & electos.

P. 417.

PALATINA militia seu dignitate sola Curialem Curia liberari.

LXVII. (a) Idem AA. ad Volusianum. P. V. (b)

NVLVS, exceptis (c) Palatinis, qualibet prerogatiua fultus, a debitis muneribus habeatur immunis. Dat. IV. Kalend. Iul. Mediol. Valentiniano & Valente AA. Coss. [365.]

NOTAE.

- (a) *L. 28. Cod. Inst. eod. tit.* Iungenda huic *lex 18. sup. de Prætoribus. GOTHOFR.*
(b) De hoc Volusiano P. V. dixi ad *leg. 18. sup. de Prætor. ID.*
(c) *Exceptis Palatinis*: hæc recita a *Tegler. ID.*

COMMENTARIVS.

DIGNITATE vel militia nulla Curialem Curia liberari seu excusari vult *hæc l.* Valentinianus Sen. pariter vt multis aliis *legibus*, puta *leg. 57. 58. 65. sup. 69. 71. 73. 77. infr. hoc titulo.*

Excipiuntur tantum *hæc l.* (quod Tribonianus omisit) *Palatini*, id est, qui in sacro palatio militant, inter Principes Palatinos. Quod & ipsum ab eodem Valentiniano constitutum in *sp. l. 73. infr. leg. 6. sup. de priuil. eorum qui in S. palatio*: & *l. vii. sup. de priuil. apparit. magist. pot.* (quæ duæ *leges* inter se coniungendæ sunt;) Pariter vt alii

Principes nonnulli, Palatinos hac parte exceperunt, vel simpliciter, vel post certum saltem annorum decursum vt docet *lex 1. 3. 12. 14. sup. d. 1. de priuil. eorum*: & de quo iam sæpe *supr.*

Et ita quidem hæc *lex*: prout sub *hoc tit.* posita est, intelligenda est. Et tamen ex coniunctione *l. 18. sup. de Prætoribus*: alius sensus huius *leg.* fuisse prima origine sua videatur: nempe, nullum Senatorem a muneribus, id est, ludis immunem esse, exceptis Palatinis, qui in Palatio Principis, officio aliquo fungerentur.

RECTORIBVS *prouinciarum non licere quidquam contra veterem consuetudinem in Curiarum perniciem gerere.*

LXVIII. (a) Idem AA. ad Seuerum P. V. (b)

QUÆ cum (c) in perniciem Ordinis Auellinatium, sine auctoritate ac iudicio Principali (d), Ordinarii Iudicis (e) nimia arrogatione, gesta sunt, neque vetustæ † consuetudini præiudicare debebunt, neque in futurum quandam necessitatem Legis imponere. Dat. prid. Non. Octobr. Veronæ, Valentiniano & Valente AA. Coss. [365.]

NOTAE.

- (a) Absit hæc lex a Cod. Iust. vt quæ nil definiat, & historica sit. *GOTHOFR.*
 (b) *Vic. Urb.* Ita hoc ipso Anno in Inscriptione legis 2. *supr. de actoribus, procuratoribus & conductoribus rei prin.* Quod verisimilius: hoc enim Anno *Symmachus* P. V. erat, *ID.*
 (c) *yp. Quæcumque. ID.*
 (d) Id est, Principis seu Imperatoris. *ID.*
 (e) Id est, Consularis Campaniæ, in sp. *huius leg. ID.*

COMMENTARIVS.

CONTRA CONSUEVDINEM veterem in perniciem Curia, Præses prouinciæ, absque Principis auctoritate, quidquam gerere vetatur *huc l. a* Valentiniano Sen. & cum de facto id alicubi contigisset circa ciuitatem *Auellinatium*, vetustæ consuetudini stari iubet: factumque a Iudice (Consulari videlicet *Campaniæ*) legis deinceps vim habere vetat. Quod quidem duplicem sensum accipere posse videatur.

Primo, quidem de consuetis Curiarum & Curialium omnium privilegiis iuribusque, veluti vt ne Curialis aliquis fideiculis & tormentis subiiciatur, quod sane in perniciem seu in contumeliam Ordinis exitiumque refertur, vt diserte ait *lex 2. supr. de questionib.* Verum hæc Interpretatio non placet: tale enim quid præsupponendum est, non quod libidini Iudicum & iniuriæ deinceps si quando locum faceret; verum tale factum, quod in NECESSITATIS legem transiret. Igitur accipi *hæc lex* debet de peculiari cuiusque Curia consuetudine: sua quippe cuique Curia non minus quam prouinciæ *lex municipalis*, suus *mos* fuit: *l. 5. 60. supr. l. 101. infr. suæ consuetudines, h. l. sua privilegia.* Sane ea consuetudo, de qua *b. l.* agitur, talis omnino accipienda est; quæ etsi non Rectoris arrogancia, Principis tamen auctoritate & iudicio mutari potuit. Quod cum

P. 418. attendo, accipienda videtur *hæc lex* de operibus extraordinariis, quæ solius Principis auctoritate & iudicio indici potuere: cum tamen interea sæpe ipsi Rectores prouinciarum in perniciem Ordinum, sua auctoritate & iudicio, nimia arrogatione, hac parte aduersus vetustam consuetudinem sese gerent. Vt cæteroquin (quod ex infinitis *huius tituli* legibus constat, aliisque) variz de Iudicum usurpationibus in perniciem Curiarum querelæ exortæ; quibus variis quoque constitutionibus occursum; veluti *leg. 21. 39. 47. 60. 61. supra, & leg. 85. infra hoc tit.* Imo & Mandatis hanc in partem prouisum, quæ Rectoribus in prouinciis proficiscentibus de more dabantur, ne quid in Curiarum perniciem molirentur: de quo *ad l. 80. infr. h. t.*

Putet quis Curiam Auellinatium Tributariis, ac nominatim frumenti functionibus a Rectore attri-

tam fuisse: cum tamen moderatius cum ea agendum esset: vel sane detractum aliquem frumentarii compendii modum, quem alioquin pauperibus ciuitatibus, & quidem Campaniæ Principes destinarent: quod exemplo Puteolanorum & Terracinen- sium liquet ex *Symmacho libro 10. epistol. 53.* Verum id admittendum non est: Nam & hanc legem ipsam intuentibus nobis, & *titulum*, sub quo ea posita est, non ciuitatis ipsius, verum Ordinis tantum, & Curia res in hoc casu agebatur: Ergo (quod iam monui) accipienda est de aliquo, ad quod præstandum a Rectore in præsens ita adigebatur, vt in futurum legem poneret: Eo quippe respicit arrogancia nimia iudicis, quæ *hac lege* capitur; eo verba illa, *in perniciem Ordinis &c.* illa denique, *neque in futurum quandam necessitatem legis imponere.*

Porro pertinet hæc lex proprie ex facti contingencia ad Curiam ciuitatis Auellinatium. Alia fuit *Abella*, seu *Auella*, quæ hodie *Auella Vecchia*: a qua Oppidani *Abellani*. Mentio eius apud Strabonem *lib. 5. pag. 382. Edit. Almoueen.* Ptolemæum *lib. 3. cap. 1.* Iustinum *libro 20. cap. 1.* Frontinum *de coloniis pag. 103. int. Script. Rei agrar. W. Goes.* & in *Itinerario Peutingeriano*: vbi ponitur inter Beneuentum & Salernum. Virgil. *Æneid. 7. v. 740.* & ibi Seruius: Silius Italicus *lib. 8. v. 544.* eam pauperem Sulci Cerealis vocat:

— & pauper sulci Cerealis Auella.

Aliud *Abellinum* vel *Auellinum* oppidum ad Sabatum flumini: Vulgus nunc *Auellino*, quod memorant etiam Ptolemæus *lib. 3. c. 1.* Frontinus *de Coloniis pag. 102. & 136. inter Script. Rei agrar. W. Goes.* Oppidani *Abellinates*, Plinio *lib. 3. c. 11.* Olim in Hirpinis censebantur, teste eodem Plinio *loc. cit.* & Ptolemæo *l. c.* Iique non vni, sed *Abellinates cognomine Protropi*, eo lem Plinio teste, & *Abellinates cognominati Marfi.* Atque hi sunt *Auellinates*, de quibus *hoc tit.*

De his illud quoque obiter obseruandum ex *hac leg.* *Auellinates*, & Consularem Campaniæ sub dispositione fuisse Vicarii Urbis, ita enim in subscriptione

ptione *huius leg.* reponendum est, ad *Seuerum Vicar. Vrb.* vt *leg. 2. supra de Actor. Procuratorib. & Conductor. rei priu.* Neque enim vltra suburbicarias regiones, seu centesimum miliarium, Præfecti Vrb. diœcesis ordinaria sese porrexerit: cum Vicarii Vrbis diœcesis sese vltra porrexerit: vt clarum ex *Notitia Imperii fol. 149.* Vicarii scilicet Vrbis dispositio seu diœcesis, quod summopere notandum, non ad instar Præfecturæ vrbane seu vrbicariæ diœceseos constituta hoc tempore fuit, verum aliter; quia scilicet Vicarius Præfecti Prætorio erat. Vt proinde diœcesis Præfecti Vrbis & Vicarii vrbis nequic-

quam inter se componi possint. Ac proinde Vrbicariæ diœceseos modus minime petendus sit ex diœcesi Vicarii vrbis, veltum ex diœcesi Præfecti Vrb. Vicarius enim Vrbis adeo tantum dictus, quod in Vrbe suam sedem haberet, maioris interim diœceseos, quam Vrbicariæ Præfecti Prætorio nomine & vice diœceseos. De quo alibi prolixè.

Ex hac tandem *lege παρρησια* istud efficiatur, *suas vetustasque consuetudines quibuscunque locis,* veluti Curiis, *a Rectoribus provinciarum seruandas.*

SENATORIA dignitate præmature indepta, Curialem eiusque
liberos ante Senatorios, non ideo Curia
liberari.

LXIX. (a) Idem AA. ad Auxonium (b) Vic. Diœceseos
Asianæ. (c)

VNIVERSI, qui præmatura (d) cupiditate Senatorios cœtus honoribus patriæ prætulisse noscuntur, habeant quidem incolumem statum Senatoriæ dignitatis, verum fungantur his honoribus, quos patriæ nondum reddiderunt. (e) Quinetiam liberos suos indicent, quos ante Senatoriam dignitatem quisque suscepit. Dat. prid. Non. Oct. Valentiniano & Valente AA. Coss. [365.]

NOTAE.

(a) Absent hæc *lex* a *Cod. Iust. GOTHOF.*

(b) *Auxonium* Vicarius diœceseos Asianæ sub Valente. Male vero hic Iuretus in *Symmachi lib. 3. ep. 53.* Ausonii nomen reposuit. *ID.*

(c) *Diœcesis* Asiana: cuius mentio quoque *l. 3. infr. de fide Catbol. ID.*

(d) Ante expletos honores patriæ seu Curia, *ID.*

(e) Præstiterant: *Reddere* est præstare debitum quid. *ID.*

COMMENTARIVS.

P. 419.

DE SENATORIA dignitate est hæc Valentis (de quinque eius *hoc titulo* constitutionibus, super Decurionibus,) constitutio: qua statuit is, Curialem, qui *præmatura cupiditate*, id est, ante expleta munera Curialia, Senatoriam dignitatem adeptus est, explere ea omnia debere. Et tamen Senatoriæ dignitatis statum eum incolumem habere, id est, statim Senatoria dignitate frui: cum superiores Principes vel Senatoriam dignitatem ante expleta munia Curialia omnino cassam esse voluerint, vt docent *legēs quædam superiores*: Et Valentinianus Valentis frater, eam in suspensio interim esse voluerit, neque ante ea frui Curialem, nisi post expleta demum munia patriæ, *l. 57. 58. supr.* vt & Theodosius Jun. *l. 180. infr.* Ergo Valens vtramque simul dignitatem Curialem & Senatoriam illi constare voluit, vtraque illæsa: & sic duplicem personam in his admisit & probauit. Quod & ipsum singulare est, cum regulariter duorum personam gerere difficile sit: Et vero Theodosius Jun. in hac ipsa specie *leg. 180. infr.* *Nec enim credimus vtrumque per unum, prout conuenit, posse compleri.*

Et hæc ita quidem (quod alterum *huius leg.*

caput est) vt eos *Liberos*, qui ex huiusmodi Curiali suscepti fuerunt ante Senatoriam dignitatem, Curia nequi vellet; statim vero a dignitate Senatoria susceptos, Senatorios censo. Qua parte rursus Valentinianus in contrarium iuit, priore videlicet, differentia semel constituta: nempe enim Valentinianus eos demum liberos Senatorios censeri voluit, qui post expleta Curialia munia suscepti fuissent, quo tempore primum reuera Curialis Senatoria dignitate ex eius sententia fruebatur, *d. l. 58. supr.* vbi dixi plura. Contraria item Theodosio Magno postea sententia stetit, *l. 93. infr.*

Et hæc quidem huius Valentianæ *legis* sententia est, de Curiali, Senatore facto ante expleta Curia munia: At eiusdem *lex 74. infr.* est de Curiali Senatore facto, postquam is perfunctus est muneribus. Quare error est Vertranii Mauri *de iure liber. cap. 25.* cum has *leges* ex diametro repugnare scripsit. Verum ad pleniorum *huius leg.* intellectum, videndæ sunt *viginti sex* præter hanc *leges* *hoc tit.* quas repetere licet ex *Paratitlo*, in eodem argumento occupatæ.

SVSCEPTIONIS officio honoris cuiuscunque obtentu nemo
liberetur.

LXX. (a) Idem AA. ad Mamertinum PF. P. (b)

QVISQVIS ex hoc (c) corpore, quod Susceptioni deputatum (d) est, honorem quemlibet suffragio meruit, etiamsi nostras purpuras adoravit, meritis careat dignitatis. Dat. III. Kalend. Febr. (e) Valentiniano & Valente AA. Coss. [365.]

NOTAE.

(a) Fugitiva hæc lex est: & abest a Cod. Inft. Iungenda autem ei lex 8. *supr. de diuers. offic.* Abrogatur l. 7. *infr. de susceptorib.* quæ paulo post data, eidemque Mamertino inscripta est. GOTHOFR.

(b) De hoc Mamertino PP. iam dixi ad l. 57. 58 *supr. id.*

(c) Officialium, d. l. 3. ID.

(d) A nobis. ID.

(e) Med. additum d. l. 3. ID.

COMMENTARIUS.

FUGITIVA hæc de Susceptoribus Valentiniani Sen. lex est, & aliena prorsus ab hoc titulo: & per errorem hunc in titulum ab huius Codicis Condiditoribus coniecta. Cuius erroris causa hæc est, quod Susceptores fernie e Corpore Curialium sumerentur, vt de Constantii & Iuliani ætate fidem faciunt lex 49. 54. *supr. hoc tit.* de Honorii ætate lex 24. *infr. de Susceptoribus*: & quidem per Gallias & Africam ex Valentiniani ipsius mente, vt docet lex 2. *supr. de questionib.* quæ ad Gallias pertinet; & l. 4. *de Susceptoribus*, quæ ad Africam spectat, quod de Africa rursum docet l. 9. *infr. de Susceptorib.* Atenim Valentinianus ex aliis Corporibus per certas provincias, veluti per Italiam & Illyricum, Susceptores eligi voluit, vt docet l. vn. *supr. de priuil. appar. magist. potestatis*: l. 6. *supr. de priuil. eor. qui in S. Palatio*: & l. 6. 7. 9. *infr. de Susceptorib.* & l. 8. *supr. de diu. off.* quæ huic nostræ coniungenda venit: Nempe non ex Palatinis verum ex diuersis officiis seu Officialibus Magistratuum Susceptores eligi voluit. Atque hoc illud Corpus est, quod hac l. intellexit Valentinianus, vt ex superioribus tot Legibus constat, ac maxime ex d. l. 8. *supr. de diuers. offic.* quæ huic vt dixi coniungenda est: Absque qua diuinandum hodiè nobis esset, de quonam Corpore Valentinianus hac l. sensisset, cum dixit, ex hoc Corpore: vnde coniungendum legum utilitas elucet, simul & de duplici errore

huius Codicis Condiditorum patet, dum & imperfectam, & fugitiuam hanc leg. in hunc titulum contulerunt; Quod eo mirum magis, quod integram constitutionem ipsi præ manibus habuisse videntur (quanquam & de eo quis dubitare posset:) similem errorem admissum notabamus *supr. in l. 64.*

Igitur Valentinianus in tantum Susceptores ex Corpore Officialium eligi vult, vt nullo honore seu dignitatis suffragio impetrato a Susceptionis officio excusari eos velit, etiamsi eum honorem, consecuti sint, vt Purpuram Principis adorarent: & de facto adorauerint. Quod alioquin ius purpuræ adorandæ pro magno habitum, magnaque priuilegia secum trahebat: de quo honore dixi semel plene ad leg. vn. *supr. de Præpositis S. Cubic.* & l. vn. *supr. de Comitibus & Trib. schol.* & quantum ad Officiales pertinet, quibus hic honos delatus ad l. 4. *supr. de diuers. off.* Imo & dignitate omnino eum careere vult hac l. Valentinianus. Quod postremum tamen Valentinianus abrogauit mox alia leg. ad eundem Mamertinum PP. data, puta leg. 7. *infr. de susceptorib.* Qui idem excipit ab hac Regula d. l. 8. *supr. de diuers. offic.* quæ huic iungenda est, ex Officialium Corpore Cornicularios Præfecti Prætorio, qui post missionem, adorandæ purpuræ ius adepti sunt, cuius leg. verba cum hac leg. omnino componi oportet: sed & dicta ad l. 6. 7. *infr. de susceptorib.* huc accessi.

PROMOTIONES saltuarias in Curia nec quicquam valere, retractandasque a Rectoribus prouinciarum, neque Curia notioni id relinquendum.

LXXI. (a) Idem AA. & Grarianus A. ad Amphilocium Conf. Campaniæ, siue (b) ad Sophronium (c) Conf. Picensi (d).

QVI, præterito aliquo vel honore (e) vel munere, ad locum (f) indebitum tetenderunt, etiamsi conhibente (g) Curia, vel aliquibus in Iudicium (h) causis tanquam probabilibus allatis, valuit obreptio, ad ea (i) quæ fugerant, retrahantur: Quiescat autem illa interlocutio (k), quæ (l), cum huiusmodi quærimoniæ (m) deferantur, (n) pronuntiet Iudex, Curiam suam nosse discrimen. Dat. III. (o) Non. Maii, Treu. Valentiniano & Valente III. AA. Coss. [370.]

NOTAE.

- (a) Abest hæc *lex a Cod. Iust.* Iungendaque ei, cum eodem die, loco, & Consule data, *lex prox. GOTHOFR.*
 (b) Ad duos eodem exemplo eadem constitutio emissa, de quo v. *Paratit. de Const. Princip. ID.*
 (c) *Sophronius* forte hic est, quem Ammianus in *Gestis An. 365. lib. 26. cap. 7.* cum Notarium, & postea Praefectum Constantinopoleos factum ait. *Σοφρονίου ἀρχοντος* inscribuntur aliquot Gregorii Nazianzeni epistolae. *ID.*
 (d) Cuius Piceni? An Annonarii tantum, an viriusque? dixi ad l. 4. *supr. quib. eq. vsus. ID.*
 (e) Curiali. *ID.*
 (f) Gradum, supremum munus. *ID.*
 (g) Connuente. *ID.*
 (h) Apud Iudicem seu Rectorem provinciae. *ID.*
 (i) Munera inferiora. *ID.*
 (k) Iudicis. *ID.*
 (l) *79. Qua. ID.*
 (m) De aliquo praemature excusato a Curia. *ID.*
 (n) Deferuntur. *ID.*
 (o) Eodem die, ut dixi, loco, & Consule data *lex prox. 72. ID.*

COMMENTARIVS.

IMMUNITATIBVS seu EXCUSATIONIBVS a munere aliquo per PROMOTIONES forte saltuarias, per Campaniam, & Picenum, intercedit, hac l. Valentinianus Senior: per Promotiones inquam saltuarias; loco puta *indebito* impetrato, id est, per saltum ad Duumviratum vel Sacerdotium forte aliquo promoti, ut in specie legis 77. *infr.* Nempe gradatim, & per ordinem omnia Curiae munia decurrere debebant Curiales: l. 75. 77. 138. 170. 182. *infr. hoc tit. l. 6. supr. de question.* Et id quidem ita a Valentiniano statuitur sub tribus Ampliationibus. Prima est, ut ne Curia quidem consensu huiusmodi promotionem saltuariam admittat b l. Valentinianus: Ne quidem Curia connuente, consentiente, Curiales aut Curia liberari possint, aut per saltum promoueri: quod etiam constituitur l. 17. (vbi iam dixi,) & l. 65. in fin. *supr.* & leg. 77. leg. 110. in fin. 113. *infr. hoc tit. & leg. 2. supr. quid prob. deb.* scilicet nequidem Curiae aduersus commoda propria laboranti locum esse voluerunt Principes.

Secunda Ampliatio est, ut maxime probabiles causae in iudicio apud Rectorem provinciae allatae dicantur: has promotiones saltuarias retractari oportere: quia plerumque Iudicium venalis esset gratia & ipsis facile obrepi posset: quod & ipsum statuitur leg. 1. 68. *supr.* & l. 77. 89. 172. *hoc tit.*

Tertia seu postrema Ampliatio hæc est: Si quan-

do scilicet de aliquo Curiali, a Curia praemature liberato, vel saltuatum promoti, querelae Curialium nomine ad Rectorem provinciae perferantur, hanc rem ad Curiam suam & Cognitionem accuratam reuocare vult hac leg. Valentinianus Sen. non vero eam rem insuper habere, Quod nonnunquam ferme facere soliti Iudices, qui querelis huiusmodi ad se perlatis interlocutoria sententia sua, rem ad Curiam remittebant, hac solempni ferme formula, *Curiam suam nosse discrimen:* ac si dicerent, *viderit ipsa Curia, quam rite hic vel ille excusatur sit, quandoquid in Curialium penuria in reliquorum periculum recidat.* Nempe non satis iusti periculi sui aestimatores visi Curiales Valentiniano; ut ceteroquin euenire solet, ut non facile quis iustus periculi sui & discriminis aestimator sit. Et satius visum, Rectorem provinciae hac parte inuigilare, Curiarumque commodis consulere: eo quod etiam forte Curialium inter se suffragia non semper congruerent vel concordatura essent. Ergo rem hanc determinari, dubiumque resolui a Iudice vult Va-P. 421. Valentinianus, non vero in arbitrium Curiae referri. Et hæc quidem est *huius leg.* sententia, quæ singularis admodum est, & in usum deriuari vtiliter potest, si quando de retractandis immunitatibus & excusationibus in Corpore aliquo alicui tributis agatur.

Etiam NEGOTIATORES PRÆDIORVM POS-
 SESSORES, ad Curiam vocari iure
 posse.

LXXII. (a) Idem AA. (b) ad Olybrium Conf. (c) Tusc. (d)

Si quis Negotiator fundos comparauerit, & ut aliquorum possessor prædiorum vocetur ad Curiam, ei necessitatis (e) umbra non adsit, quod (f) propterea pecunia quam habet in conuersatione (g), mercatoribus indictum aurum (h) argentumque agnoscit, sed Nominatione (i) facta, eius (k) pareat functionibus, cui se sponte dedit pecuniae usum in gleba (l) commodum conferendo. Dat. III. Non. Maii Treu. Valentiniano & Valente III. AA. Coss. [370.]

NOTAE.

- (a) Abest hæc *lex a Cod. Iust.* propter lustralem collationem abolitam. *GOTHOF.*
 (b) Addenda *hic, & l. prox.* nota Tertii Augusti *AAA.* puta Gratiani, vt *l. 71. prox. ID.*
 (c) Correctorem Tusciz præponit *lex 61. sup. & lex 4. sup. de iurisdic. & lex 8. sup. de accusat.* quæ omnes sunt eiusdem Valentiniani Sen. pariter vt *hæc.* Et quædam *hæc* antiquiores: vnde coniectura, sub Valentiniano primum *Correctorem*, mox *Consularem* Tusciz præpositum. Inanis enim eorum suspicio est, qui vni Tusciz, quæ hoc tempore duplex erat, Correctorem præpositum suspicantur, alteri Consularem: vt & eorum sententia, qui nihil Correctorem a Consulari distulisse censent, quos aperte refutat *Notitia Imperii.* Consulares enim Correctoribus digniores erant. Ergo non promiscua hæc sunt; sed mutationis indicia: quod & in aliis prouinciis accidit, quibus modo Corrector, modo Consularis præfuit, quorum exemplum vide apud Berterium 1. *Pitban. 5. ID.*
 (d) Dixi de hoc iam ad *d. leg. 61. sup. ID.*
 (e) Euitandæ, vt a necessitate Curiali excusetur, tutusque sit. *ID.*
 (f) Inuerso ordine scribendum, *propterea quod: ID.*
 (g) In communi vsu & commercio: v. *Gloss. Theodos. ID.*
 (h) Id est lustralem collationem, quomodo pariter designatur *l. 6. inf. de lustr. collat.* quo *tit.* vid. alias appellationes. *ID.*
 (i) Ad Curiam, seu munus Curiale, hoc sensu *Nominationis* vox accipienda passim *hoc tit. & l. 1. inf. de Episcop. ID.*
 (k) An Curiz? an necessitatis? *ID.*
 (l) Gleba, id est fundus, prædium, vt *sup. ID.*

COMMENTARIUS.

LUSTRALIS collationis, quam quis iam vt Negotiator soluit (de qua erit *inf. tit.* peculiaris, *lib. 13. t. 1.*) obtentu, Curiam, seu Curialia munera vitare quem, ad Curiam nominatum, si idem prædia quædam possideat, vetat Valentinianus Sep. *hæc l. & sic* Immunitatem a Curia Lustralis collationis onus tribuere vetat *hæc l.* pariter vt saltuariam promotionem, *lege prox.* quæ *huic*, ceu eodem die, loco & Consule data coassanda venit, etsi ad diuersos Magistratus datæ sint, pro argumenti videlicet diuersitate.

Finge (vt rem explicem) Negotiatorem quem esse: sane lustrali collatione soluendæ obnoxius is est negotiationis nomine: sed finge, eundem pro insito mortalibus desiderio, negotiantem, liberisque forte subnixum, pecuniæ partem in emptionem prædiorum collocasse, & sic prædiorum possessorem

esse; Quæritur, vtrum eo nomine ad Curiam vocari possit: (nam certum est, possessores prædiorum glebæ ratione ad Curiam vocari potuisse: quod etiam docet *lex 13. 33. 52. sup. lex 96. 133. & 140. infr.*) Et vero definitur, vt maxime iam vt negotiator pecuniæ mercisque nomine, in qua negotiationem quis exercet, lustralem collationem dependat, attamen adhuc prædiorum ratione quæ possidet, ad Curiam nominari seu vocari posse. Ergo tanquam negotiator, lustrale munus persoluet; tanquam possessor prædiorum, munia Curialia subibit. Sic & viceuersa Curiales negotiantes, lustrali collationi obnoxii erant: *l. 50. sup. & l. 4. inf. de lustrali collat.* Vnde apparet exemplum, quo pro rerum diuersitate, diuersæ qualitates & munia in eandem personam recte concurrunt: *Item non spectari hominis professionem, ubi possessionis nomine quid incumbit.*

SENATORIAM dignitatem non liberare Curia, nisi
tribus casibus.

LXXIII. (a) Idem A A. (b) ad Symmachum Proconsul
Afric. (c)

QUO nullo Administrationis honore fultus, nullis vel Palatini laboris insignibus, vel meritis iustis Militiæ, in consortium Senatus nititur peruenire, missa in hanc rem Legatione (d) reuocetur, eique reddatur Curia, quam voluit declinare. Dat. prid. Kal. Decemb. Treu. Valentiniano & Valente IV. (e) A A. Coss.

P. 422

NOTAE.

- (a) Abest & hæc *lex a Cod. Iust. GOTHOF.*
 (b) Addenda tertia Gratiani *A.* nota, vt *l. superiori. ID.*
 (c) Symmachus ipse Proconsularem virum se vocat *lib. 10. ep. 16* Africamque sibi charam & amicam dixit *lib. 2. ep. 63. & lib. 10. ep. 1. Sed & lib. 8. ep. 5.* gratulatur sibi, ob merita & laudes suas celebratas apud Africam, Sed & quod de statutis sibi decretis idem refert *lib. 9. ep. 105.* ad Africam id refero. *ID.*
 (d) Vide *inf. tit. de Legatis & decret. Legat. ID.*
 (e) Ordo legum huic vicinarum deposcit hic rescribi *III.* id est, An. D. 376. Quod etiam præfero. Nam anni 373. initio Iulianus adhuc PC. Africæ erat, vt docet *lex l. 1. infra ne sanctum bapt. &* initio Anni 374. Chilo, vt docet *lex 4. infra de excus. artif. ID.*

COMMENTEN-

COMMENTARIVS.

SENATORIA dignitate Curialis Curiam declinare vetatur a Valentiniano Sen. (pariter vt ab alijs Imp.) *hac l. similiter*, vt eiusdem *l. 57. 58. 65. 69. sup.* Et si ad Senatoriam dignitatem conuolauerit, renocari iubetur, mox Curiae quam declinare voluit reddendus; idque missa in hanc rem Legatione. Plurimi scilicet per Africam Curiales ad consortium Senatus conuolauerant, Romamque vel in Gallias perrexerant: de quo perlata ad Valentinianum, in Gallia constitutum, ex Africa querele. Igitur eos renocari nunc iubet *Legatione* hanc in rem missa: de quo Legationum provincialium & quereelarum genere, est peculiaris *infr. titulus* hoc ipso libro, *de legatis, & decret. legat.*

Tres tamen exceptiones seu limitationes adduntur: Prima, nisi aliquo *Administrationis* honore

fulti sint, id est nisi Rectores prouinciarum facti sint. Quod tamen Valentiniano ipsi postea displicuit: nempe ad gubernacula prouinciarum Curiales ascendere vetuit, nisi decursis gradatim Curiae muneribus, *l. 77. inf. b. 2.* Secundo, excipiuntur a Valentiniano *Palatini*, qui in Palatio S. militarint, & ad Senatoriam dignitatem peruenerint: nempe eorum qui in Palatio S. militabant, hoc priuilegium inter cetera fuit, vt Curia liberarentur, vel ipsa militia Palatina, *vt l. 67. sup.* vel saltem transitu per eam facto, ad senatoriam dignitatem *hac l.* Tercio excipiuntur iuxta *Militiae* merita, si per eam quis Senatorum adeptus sit honorem. In vniuersum ad *huius l.* intellectum, consulendae sunt *viginti sex* praeterea *leges huius tit.* in eodem argumento occupatae, quas repetere licet ex *Paratitlo*.

*De Curiali aliisque SENATORIB. factis in Senatus gratiam,
accurata Valentis lex.*

LXXIV. (a) Idem AAA. ad Modestum PF. P. (b) Post alia. (c)

IN his, qui ex Curiais ad Senatus consortia peruenerunt, hac forma seruetur, vt si perfectus (d) quispiam muneribus, & *filij subole* nixus fuerit, quem Senatorio necdum indepto honore suscepit, filium suum Curiae functionibus tradat, ipse optata Clarissimatus dignitate potiatur. Quod si ei *gemina vel numerosa, suboles* erit, tunc discrimen (e) prompte (f) dudum diualis Legis† adhibendum est, vt de duobus eius liberis ac (g) pluribus fortiendi vnus filii ad collegium Senatus habeat optionem: ita (h) vt ei, qui cum patre, vel post patrem, ad consortium Senatus legetur, diuisio (i) cum fratribus, per sortem, successionis patrimonij, idonea solius Glebae (k) substantia congregetur. (l) Plane si quis Curialis factus Senator, & vnus filii posteritate subnixus ipsum Senatui poposcerit connecti, seque promittat ad Curiae munera regressurum, eiusmodi captio (m) minime admittatur. Ceterum si de numero Curialium factus Senator *filium non habebit*, quem functionibus patriae heredem generis ac munerum derelinquat, glebae Senatoriae breuibus eximatur; (n) Circa eos forma data, (o) qui intra annos quadraginta (p) Consulatus (q) Constantii (r) decimi, & Iuliani III. Amplissimi Ordinis participasse collegium (s) monstrabuntur: Ceterum anteriore tempore adscitos ipsa æquum est antiquitate defendi. Si quis igitur Curialis. profapiae Senatorio adepto vel a nobis, vel a Diuis Principibus, honore subnixus sit, quantum ad liberos quidem pertinet, eadem (t) quæ superius comprehensa est forma seruetur, excepto scilicet eo, qui sine filio sit: & vt statuimus, retrahendus est: nisi vel antiquitate participati Senatus, vel praestituti temporis prerogatiua muniat, vel ius Gladii habuit, vel Praeconum (qui honores concessi ceteris (u)) & antiquum instar (x) Senatorii nominis fuerint consecuti: His veræ dignitatis titulis & Iudiciis, adiungendis, qui proprium decus Senatum (y) indepti, Praetura insignibus fuerint & honoribus ampliati, vel quos, veteris Tribunorum Plebis (z) appellatione resperfos, umbra (aa) nominis nobis annuentibus constititit populo praefuisse. Inanes vero umbras & cassas imagines (bb) dignitatum codicillis honorar. sectantes nihil adiuuari praecipimus: exceptis ¹³³ Eminentium elatis (cc) titulis Dignitatum, si & (dd) honorario nomine a summo gradu usque ad Consularitatem, haut exiguis profecto meritis, amplissima sibi honestamenta (ee) pepererunt: ceteris inferioribus dumtaxat honorariis dignitatibus ad ea officia quæ reliquerant, deducendis. Hæc *super obnoxiijs Curiali origine*. Ceterum suæ (ff) potestatis, & (gg) nullis per prouincias functionibus obligatis, (hh) vel longæ militiæ labore, vel Proximis (ii) erga nos iuuantibus, (kk) codicillos Senatorios reportauerint (nisi vitiis, aut actæ vitæ obprobriis Amplissimo Ordine deprehendantur indigni) indepti semel Clarissimatus dignitatem, perpetuo manebunt in ordine Senatorum. Dat. Kal. Mart. Constantinop. Gratiano A. II. & Probo Coss. [371.]

NOTAE.

- (a) Absert hæc *lex* a *Cod. Iust.* Eam Theodosius M. intelligit *l. 90. inf. GOTHOFR.*
 (b) *Modestus PP.* Orientis sub Valente: cui etiam inscribitur *lex 63. sup.* vbi dixi v. & *Protop. ID.*
 (c) Quæ intercederunt. *ID.*
 (d) *Perfunctus*, omnibus omnino functus. *ID.*
 (e) Id est, diuisio sobolis. *ID.*
 (f) *yp. Prompta*, id est, lata. *ID.*
 † *Lex* hæc non extat. *ID.*
 (g) *Aus*, vel etiam. *ID.*
 (h) De huius *versiculi* sententia mox dicam. *ID.*
 (i) *yp. diuiso cum fratribus, per sortem successionis, patrimonio.* *ID.*
 (k) Ad substituendam glebalem collationem, & Præturæ onera. *ID.*
 (l) Diuisioni subiiciatur, & in diuisione Senatori referretur. *ID.*
 (m) *Captio*, id est, fraus. *ID.*
 (n) Et retrahatur (ad Curiam scil.) vt mox explicat *vers. si quis igitur.* *ID.*
 (o) Hac forma data & obseruanda. *ID.*
 (p) *XI*, non *XL*. ex qua Notarum similitudine forte error natus. *ID.*
 (q) *A Consulatu.* *ID.*
 (r) A.D. 360. Hanc porro *huius leg* partem memorat & sequitur Theodosius M. *leg. 90. inf. ID.*
 (s) *Participare collegium*: similis locutio *l. 3, sup. de metatis*: de qua plura Iuretus in *Symm. lib. 7. ep. 99. pag. 207. Edit. Paris. 1604. ID.*
 (t) *Ea.* *ID.*
 (u) *Certis.* *ID.*
 (x) *Instar*, id est, ad exemplum. *ID.*
 (y) *yp. Senatus*, vel *Senatorum. Prætura* vero proprium decus Senatorum, de quo mox. *ID.*
 (z) *Tribuni plebis* in Oriente. *ID.*
 (aa) *Vmbra hac.* *ID.*
 (bb) *Cassæ* imagines, id est, inanes. *ID.*
 (cc) *Elati* tituli, eminentium dignitatum. *ID.*
 (dd) *Es*, id est, etiam, vel. *ID.*
 (ee) *Honestamenta* h. l. & l. 4. *sup.* vbi dixi: & in *Gloss.* *ID.*
 (ff) *yp. Caterum qui sua*, vel *caterum si sua*. Id est, qui Curiales non sunt, seu qui Curie nexi non sunt, ac proinde suæ sponis & potestatis, *austris* liberi sui que iuris, & vt mox dicitur, *nullis, per provincias functionibus obligati.* *ID.*
 (gg) *Pro id est.* *ID.*
 (hh) *yp. Obligati.* *ID.*
 (ii) *Proximi* hi quinam *hac l.* sint? mox dicam. *ID.*
 (kk) *Lauaminibus.* *ID.*

COMMENTARIVS.

DE SENATORIA dignitate siue a Curiali, siue ab alio indepta, est hæc altera *hoc titulo* constitutio: Prior enim fuit eiusdem *lex 69. sup.* Hoc discrimine, quod ea est de Curiali, qui *nondum* expletis patriæ seu Curie muneribus, Senatoriam dignitatem adeptus est: Hæc vero est partim de Curiali seu obnoxio Curiali origine, qui muneribus iam perfunctus, Senator factus est: quod primum est & potissimum *huius l.* caput: partim vero, de eo qui non Curialis, sed suæ potestatis liberque Senator factus est, Quatenus, inquam, hi in Senatorio Ordine manere possint, vel debeant, eorumque Liberi. Quæ quidem *lex*, vt multis locis corrupta est, ita antiquitatis plurimum continet, certamque & generalem *formam*, qua voce hic vitur ter, & formulam habet, de Ordine Senatorio, quique in eo stare possint vel debeant. Sane & vt plenior eius intellectus habeatur, consulendæ sunt insuper 26. præterea *leges huius tit.* quæ in hoc ipso argumento occupatæ sunt, quas repetere licet ex *Paratitlo*. Nos ea sectemur quæ hic continentur: quæ

sane notabilia pleraque sunt, & in vsum vtiliter de-
 riuari possunt.

Primo capite definitur, Curialium muneribus *perfunctum* (id est, omnibus defunctum) si filium vnicum habeat, ante Senatoriam dignitatem susceptum, eum Curie suæ tradere oportere: quod vtique tralatitium est, vt Senatoris filius hic ante Senatorius non censeatur, de quo plene semel ad *l. 1. sup. de Senator.* quæ & ipsa Valentis est; & ad *leg. 58. sup. h. t.* si vero filios duos vel plures habeat, vnum ex his in Senatorem allegendum: quæ diuifio prolis, (seu, vt *hac l.* vocatur, *discrimen*) singularis admodum est: eademque inducta in *spec. l. 79. & 105. infr.* Ita quidem (quod alterum singulare est) vt patri *Optionis* seu *eligendi* ius hac parte detur; id est, vt quem velit eligere possit: Et sic paterno affectui hæctenus indulget Valens: quæ *Optionis* seu electionis prærogatiua notanda est. Et hæc quidem non ex hac primum lege, verum ex anteriore quadam dudum *lege* quæ nuppiam comparet.

Ita rursum, quod Tertium singulare est, *ut ei qui ad consortium Senatus legatur, diuiso* (ita enim rescribendum) *per sortem successionis patrimonio, idonea solius gleba substantia congregetur*: id est ut pars ei in circumsunda familia adimicetur in solis prædiis seu fundis: Nempe ut ita senatorias functiones, glebalem videlicet præstare possit, Præturamque edere, quæ Senatoriæ functiones fuere: de quibus *suis titulis, libro 6.* Et hic quidem est huius l. sensus: non is quem affingebat Vertranus Maurus *de iure liberorum, c. 10. pag. 989 990. T. III. The-saur. Iur.* Ergo voluit Valens, & quem pater eligeret, proculdubio idoneum maxime, senatui offerri, & voluit instructum idonee fundis dari. Vnde iam liquet, quantum Senatui Constantinopolitano hac parte fauerit Valens Imp. præ Curiis ciuitatum. Vbi notanda extraordinaria hæc inter patrem & filium Senatores *Diuiso* ipso superflite. Et quidem, prædiorum seu fundorum ad patrem pertinentium.

At non admittit Valens hac parte Quartum istud, ut pater vnicum filium Senatui connectat, etsi promittat se ad Curiae munera regressurum. Non admittit, inquam, hunc cæcum vel fraudulentum parentis affectum: admittit quidem in delectu vnius ex pluribus filiis optando, seu eligendo, puta ut vnum præ alio, more parentum prædiligat, ut cum eo bona sua, prædia inquam diuidat, sed non admittit, ut succedaneum se vicarium & ἀντίστοιχον filii loco substituat, filio scilicet ad dignitatem Senatoriam subuecto per regradationem. Quam *captionem* minime admitti voluit, id est damnum in fraudem necemque Curiae. Et hæc quidem, de Curialis munerib. expletis, Senatore facto, vnum vel plures filios habente. Quænam vero *captio*? quia ipse facile Curialem euitaturus postea fit conditionem.

Et hæc quidem de Curiali Senatore facto, qui filium vel filios habeat. Quid si *filium non habeat*, quem loco suo Curiae substituere possit? Hoc casu iam vult Valens, hunc Senatorem ad Curiam retrahi, glebæque Senatoriæ breuibus, id est Senatoriæ dignitati eximi: scilicet Valens ita fauendum credidit, dummodo Seminarium Curiarum non deficeret: Et Exceptiones tamen hoc casu complures addidit ipse Valens Imp. quarum nonnullæ alio vili-ter traduci possunt.

Prima exceptio est *Temporis*, nisi videlicet ante vndecim annos sub Constantio Senatores facti fuerint: hos scilicet, qui tamdiu in Senatoria dignitate fuissent, æquum visum Valenti ipsa antiquitate defendi. Quam huius l. partem memorat & sequitur Theodosius *l. 90. inf.* Ex hoc interim loco & characterismo colligitur quoque, Senatores e Curialibus quam plurimos sub Constantio Imp. factos. Quod diserte testatur Libanius *orat. in Iuliani necem p. 296. Edit. Morell.* Et fidei faciunt *lex 42. 48. sup.* vbi dixi.

Secunda exceptio est *Dignitatis*: quod Curialis ille, Senator factus, ad Curiam retrahi non possit, cui veræ dignitatis administratio seu regimen, & Iudicis titulus obligit, cui Administratio seu regimen provinciae alicuius concessum fuit, qui Iudex seu Rector alicuius provinciae fuit: cum iurisdictione

Tom. IV.

& mero imperio alicubi fuit. Quod & ipsum constituit Valentinianus *l. 73. sup. prox.* vbi plura. Illud hic obiter notandum dignitatem eam Iudicis vel Administrationis hic describi per *iur. Gladii, & Praconum*: ita quidem ut addatur *hoc antiquum inflat*, id est, exemplum Senatorii nominis esse: scilicet meri imperii verique Senatorii nominis, & veræ dignitatis hæc symbola fuerunt, *Ius Gladii, & Ius Praconum.* De Iure Gladii observatio passiva est, de quo iam ad *l. vn. sup. ne sine iussu Principis.* Ius Praconum pariter inter symbola *ἀρχαῖς ἱεραῖς* fuit. Mitto vetustiora, veluti Apuleii *Floridorum primo, pag. 492. Edit. Lugd. B. apud Ioan. Maire 1623.* & quidem de Praconis vfu in ipso tribunali & cognitione iudicis in secretario, de quo *l. 1. sup. de off. Rector. prouinc. l. 5. & 6. sup. de proximis.* & Libanii locus *orat. κατὰ τῶν προοδευόντων num. 4. p. 114. Edit. Gothofr. & pag. 445. 446. Oper. min. Gothofred. Edit. Trotz.* Huius sæculi testimonia sublegere iuuat de Pracone, cuius comitatu procedebant Administratores, Præfectique Prætorio. De eo Libanii locus in *Tisamenum* ad Theodosium Imp. *p. 443. Edit. Morell. ὁ μὲν γὰρ θρόνος, καὶ οἱ κήρυκες, καὶ οἱ παρδῶχοι, καὶ ὁ τῶν ὑπερεόντων ἀρχιμὲνός τῆς ἀρχῆς &c.* sed enim *thronus, & pracones, & lictores cum fascibus, & ministrorum numerus magistratus insignia sunt.* Non vnus etiam locus occurrit apud Chrysostomum, veluti *homil. 59. in c. 18. Matthæi p. 524. Ed. Commel. & pag. 592. Tom. VII. Oper. Edit. Benedictin.* Hieronymus *Epist. 4. ad Rusticum monachum, pag. 30. Tom. I. Oper. Edit. Francf. ap. Christ. Genscb.* Alii sublati in altum humeris, & intra se nescio quid cornicantes, supentibusque in terram oculis, tumentia verba trutinant, ut si Praconem adideris, putes incedere Praefecturam. Ambrosius quoque in *Hexaem. lib. 3. c. 7.* Claris honoribus, præminens potestatis, tribunalibus celsus, solio sublimis, beatus populis estimatus, dum Praconum clamore deducitur. Addatur & Basilii locus concione *in Hexaëmeron*, prout Latine redditur ab Eustathio vetere scriptore, qui floruit sub Constantino M. in *Appendice Oper. S. Basil. Tom. I. pag. 651. Edit. Benedictin.* Seruius ad *XI. Aen. v. 500.* Quatuor erant apud Romanos, quæ ad honorificentiam pertinebant, equo desilire, caput aperire, via decedere, adsurgere: hoc etiam Pracones præcuntes Magistratus clamare dicebantur. Cassiodorus *2. Instit. diu. scriptur. cap. 32.* si Praefectum vox Praconis enunciet, se carpentum ipsius strepitibus rotis transire noscimus, nonne omnes voluptates cordis abiicimus, dum conspectum ipsius reuerentiamque metuimus?

Tertia quoque Exceptio est *Dignitatis*, nempe Senatores ex Curialibus factos, ad Curiam retrahi non vult Valens, eos qui iam *Prætura* insignibus fuerint decorati, ad ludos edendos; de quo iam dictum suo titulo *sup. lib. 6. & l. 58. sup.* Quod quidem proprium decus Senatus hic vocatur: quin & proprium hoc Senatus onus erat, vnde & *Prætorianum nomen* id vocatur *l. ult. sup. de Decur. & silent.* Nempe Senatorii Ordinis decus in ludorum & sic Præturæ editione hac tempestate consistebat, ut docuit ille *titulus*, Prætoresque editioni munerum ferme destinati erant, De quibus Prætoribus, &

LII

Præto-

Prætorum editionibus, sunt & aliæ Valentis constitutiones, puta *lex 19. 20. 24. sup. de Prætoribus.*

Quarta exceptio quoque est Dignitatis (nempe & hoc ad Curiam retrahi non vult Valens Imp.) qui Tribuni plebis iam facti sunt, & in eo magistratu populo præfuerunt. Vt Prætorum, ita & Tribuni plebis veteres appellationes sub Imp. etiam nouissimis, tum Romæ, tum Constantinopoli mansere; neque inani tantum umbra Tribuni vti, sed reuera populo præfuerunt. Hinc & illæ Constitutionum Inscriptiones hoc Codice: *Consulibus, Prætoribus, Tribunis plebis, Senatui suis salutem dicunt: l. 1. sup. de maternis bonis: l. 19. sup. de Iurisdic. l. 2. sup. de libertis.*

Non excipit Valens eos, qui honorarios tantum codicillos, & vt eleganter loquitur, *inanes umbras & cassas imagines dignitatum* impetrarunt: de quibus honorariis codicillis *suo titulo.*

Et tamen (quæ Quinta iam exceptio est) excipit Valens honorarios Codicillos eminentium Dignitatum, a summo gradu vsque ad Consularitatem, veluti Præfectorum Prætorio, & similibus: hac ratione, quod hæc amplissima honestamenta, *non exiguis profecto meritis*, in Rempubl. scil. vel Principem, tribui soleant. Vbi interim notandum, *Eminentium dignitatum* gradum porrigi vsque ad *Consulares.* Et hæc de primo capite *huius leg.* id est de Senatoribus obnoxiiis Curiali origine, quam conclusionem & transitum ipse Valens addit, qui ex-Curialibus Senatores facti sunt.

R. 425 Secundo capite Valens Imp. indistincte alios quam Curiales, siue eos qui Curiali origine obnoxii non erant, Senatores factos, ad Curiam trahi non vult, verum in Senatorio eos ordine perpetuum manere, neque ab eo vel recedere vel abstrahi quocunque prætextu: Idque sub vna Ampliatione, & sub vna Exceptione.

Ampliatio hæc est; quod id obtinere velit, siue

longo militiæ labore, siue Proximis iuuantibus apud Principem codicillos Senatorios reportauerint: vt omittam, quæ de duplici ratione ad Senatoriam dignitatem perueniendi in genere dicuntur, tum longo militiæ labore, tum codicillis a Principe impetratis. Illud in specie notandum, quod ait, Proximis iuuantibus erga Nos: nempe *Proximorum* apud Principem suffragiis, dignitates, aliaque, veluti bona (de quo *sup. lib. 10. tit. de petition.*) a Principe impetrabantur. *Proximi* sunt, quos Græci *συνδύτας, παγαδυναστέοντας*, Macedones *ἰταίγας* dixere: qui circa Principem versabantur: *Proches, ou près de la personne du Prince.* Quo ipso sensu Am. Marcellinus sæpe hanc vocem effert, vt *lib. 16. cap. 8. Proximorum*, inquit, *fauces aperuit primus omnium Constantinus.* Idem in huius ipsius Valentis rebus, *lib. 30. cap. 4. init. Intestina perniciis augebatur, per Valentis amicos & proximos, apud quos honestate utilitas erat antiquior.* Et alibi sæpe. Sic & apud Sulpitium Severum in *sacra historia lib. 2. cap. 1. 2. & 13.* Et iam olim Tacitus *Annal. 6. cap. 26. Neruam continuum Principis & Proximum amicorum* vocat, & *lib. 13. Annal. c. 13. Proximi*, inquit, *amicorum metuebant, orabantque.* Et alibi sæpe. Et hæc de Ampliatione.

Sequitur exceptio, *Nisi vitiiis, aut actæ vita opprobriis Amplissimo Ordine deprehendantur indigni.* Nempe hæc: us his fauet Valens *hac leg.* & per eos Senatui, dum ne Senatum dedecorent, eoque indigni sint. Ergo merum censuram hac parte haberi voluit, ad Senatus decus seruandum: In cuius gratiam hæc *lex* ab eo Data est: de cuius studio erga Senatum Constantinopolitanum, alibi plene dixi.

Ex quibus iam omnibus apparet, Valentem hac constitutione Senatui Constantinopolitano potissimum consultum iuisse: cuius & aliæ plures in id constitutiones extant.

SACERDOTIO & PRINCIPALITATE, GRADATIM & per ordinem, probeque functorum, priuilegia.

LXXV. (a) Idem AA. (b) ad Viuentium PF.P.(c)

QVI ad Sacerdotium (d) prouinciæ, & Principalis (e) honorem, gradatim & per ordinem, muneribus expeditis, (non gratia emendicatisque suffragiis,) & (f) labore peruenerint, probatis actibus, si consona est ciuium fama, & publice ab vniuerso Ordine comprobantur, habeantur immunes, otio fruituri, quod continui laboris testimonio promerentur: Liberumque sit corpus eorum ab his iniuriis, quas Honoratos non decet sustinere: Honorem etiam eis ex Comitibus addi censemus, quem hii consequi solent, qui fidem diligentiamque suam in administrandis rebus publicis adprobarint. Dat. IV. Kal. Iul. Treu. Gratiano A. II. & Probo Coss. [371.]

NOTA E.

- (a) Absit *hæc lex a Cod. Iuss.* partim propter *Sacerdotes, GOTHOF.*
- (b) Addenda Tertiæ Augusti nota, vt *l. super. ID.*
- (c) *Viuentius* sub Valentiniano Sen. PP. Galliarum: vt docet ex innumeris legib. *lex 4. infr. de censu: l. 3. sup. de relation. l. 1. sup. de fide & iure bastæ. vid. Profop. ID.*
- (d) De *Sacerdotibus prouinciarum* fule *Paratisto de paganis inf.* De his sunt quatuor præterea *leges huius tituli*, puta *lex 21. 46. sup. l. 148. 174. inf. ID.*
- (e) De *Principalibus* his fule in *Paratisto*: de quibus compluribus *legib. huius tituli*: dixi ad *l. 5. & 61. sup. ID.*
- (f) *Sed labore. ID.*

COMMENTARIVS.

SACERDOTIO prouinciarum (de quo etiam agitur l. 21. 46. sup. & l. 148. 174. inf. & PRINCIPALITATE Curiarum (de quibus quamplurimarum leges hoc titulo occurrunt) ac nominatim per Gallias (nam eo pertinet hæc lex) functis, tria privilegia a Valentiniano Sen. hac l. conceduntur: ut cæteroquin privilegiis gauisos eos aliunde notum est: Ac nominatim Principales Galliarum, ut docet l. 171. inf. de quibus est hæc quoque lex.

Sub hac tamen duplici Limitatione: Prima est, si gradatim & per ordinem, non per Gratiam & emendicata suffragia eo peruenerint: Scilicet gradatim ad Principalitatis munus Curiales eniti oportebat, quod docet præterea lex 5. sup. l. 71. sup. l. 77. inf. & l. 136. 170. 180. inf. h. t. & lex 6. sup. de questionib. ut & ad Sacerdotii munus, hac l. & d. l. 77. inf. GRADATIM (cuius vocis usus hac l. primum hoc tit. occurrit), inquam; quod ut in omnibus muneribus Curiarum requirebatur, ita in apiscendis summis: de quo ut sunt complurimarum leges hoc tit. ita apud alios Scriptores. Sic & Apuleius lib. 10. Metamorphos. pag. 202. Edit. Lugd. B. apud Ioan. Maire. GRADATIM, inquit, per mensis honoribus quinquennali Magistratui fuerat destinatus. Sic & in veteri Inscriptione, quæ Romæ inuenta, & apud Gruterum legitur CCCLIV. 1. HONORIBVS OMNIBVS PER GRADVS FUNCTO.

Secunda Limitatio est, si probatis actibus, & Censoria Cuium fama, & publice ab vniuerso Ordine seu Curia comprobentur, id est si munere prodigioso defuncti sint. De privilegiis alioquin Sacerdotum est quoque lex 12. sup. de iure fisci: & lex 14. inf. de paganis & duo Symmachi loci lib. 10. ep. 54. (quem postea proferam) sed & alter lib. 4. ep. 62.

Tria nunc privilegia illa, quibus hac quoque leg. Sacerdotes & Principales officio functi donantur procedant. Primo, immunes ab omnibus muneribus civilibus esse iubentur: veluti a Præpositura mansionum, l. 21. sup. a Præpositura Annonæ, l. 2. inf. quemadmodum. mun. civil. Deque ea immunitate præter has tres leges hoc Cod. est insuper hæc vetus Inscriptio apud Gruterum CCCCLXXXIV. 6. CVM. PRIVILEGIO. SACERDOTII. CABCINENSIS. MVNITVS. POTVISSET. AB. HONORIB. ET. MVNERIB. FACILE. EXCVSARI. &c. Sed & Symmachus lib. 10. ep. 54. Insigne, inquit, ducitur Sacerdotii, vacare muneribus. Idem lib. 4. ep. 62. ad Eufrasium Hispanum, Sacerdotii privilegium

memorat: quo intendebat Euentius, & ex eius quoque mente Symmachus, Sacerdotes Senatorii Ordinis possessores fundorum, a glebali collatione immunes esse: quod quidem per Hispaniam aliquandiu obtinuit, verum postea mutatum ab Honorio, l. 10. sup. de Senator. & Glebali collat. ad quem dicta vide.

Secundum privilegium est Immunitatis a Questionibus: id enim est, quod intelligitur his verbis, liberum sit corpus eorum ab his Iniuriis, quas Honorator non decet sustinere. Quod sane & ipsum, de Principalibus nominatim constitutum, aliquando tamen a Cuius l. 39. 61. sup. l. 85. 126. 190. inf. h. t. & l. 6. sup. de Question. scil. iniuriarum, quas Corpus sustinere dicitur hac l. intelligendæ sunt de Questionis iniuria: Nempe Iniuria, seu Corporis iniuria, & Corporalis contumelia & molestia, & questionum cruciatus; ut hac l. ita & l. 47. 61. sup. l. 80. 126. 127. 190. inf. h. t. d. l. 6. sup. de question. l. 10. sup. de fide test. l. 4. inf. de Decur. V. R. l. 2. sup. de abolition. Cæterum ab hac Questionum iniuria immunes fuisse Honorator docet hæc lex, seu honoribus prædiorum Corpora, quomodo & l. 6. sup. de malefic. de quo plene Paratilo de Questionib. Ac proinde & Sacerdotales seu Sacerdotio functi, itemque Principales.

Tertium privilegium est, honor ex Comitibus: quo Sacerdotio & Principalitate functos honorari vult Valentinianus. De qua Comitum dignitate dictum sup. lib. 6. & sunt præterea leges 26. 36. 41. 44. sup. Sane hæc lex docet, Comitum hanc delatam fuisse, & deferri debuisse his, qui fidem diligentiamque suam in administrandis rebus publicis approbassent: quique omnibus patriæ muneribus perfuncti essent: Quod etiam ostendit Theodosii M. lex 109. l. 150. & l. 189. inf. Sic etiam Theodoret. epistola 33. extat Στασιμω Κόμης καὶ Πρωτεύοντι: id est, Comiti & Principali seu Primati. Quomodo & antea sub Constantino M. Præsidatus prærogatiua tributa; l. 4. sup.

Ex hac interim quoque leg. apparet, quo statu locum Sacerdotes Gentilium sub Valentiniano Sen. fuerint, & quidem eximio; de quo Valentiniani facti alibi iam plene & sæpe; & quidem per Gallias: quo pertinere hanc l. ostendit ad Inscriptionem legis: propter ἐξαιροῦσθαι videlicet, ab eo indultam. Atenim hanc l. ideo quoque repudiavit Tribonianus.

LATENTES Curiales erui iubentur, occultatoribus eorum penis indictis.

LXXVI. (a) Idem AA. (b) ad Modestum PF. P. (c)

EX omnibus domibus (d) producti, qui origine sunt Curiali, (e) ad subeundam publicorum munerum functionem protrahantur: quippe cum Occultatoribus talium, præter iacturam exultationis, etiam rerum (f) discrimen incumbat, si ulterius progressi, utilitatem publicam priuatis studiis (g) & Parociniis (h) postponant. Dat. III. Id. Iul. Ancyra (i), Gratiano A. II. & Probo Coss. [371.]

NOTAE.

- (a) L. 31. *Cod. Iust. eod. tit. GOTHOFR.*
 (b) Tertii Augusti nota hic addenda, vt l. 74. *sup. ID.*
 (c) *Modestus PP.* Orientis sub Valente. vid. *Protop. ID.*
 (d) Potentiorum seu Magnatum: idque indicat in *fin. leg. vox, patrociniis. Domus* ferme Potentiorum dicta, de quo mox plura. *ID.*
 (e) *Curiales*, *Cod. Iust. ID.*
 (f) Id est bonorum. *ID.*
 (g) Id est, studiis, affectibus, eleganter: pro quo *Cod. Iust. Custoditis*: quod ineptum. *ID.*
 (h) De aliis Patrociniis, *apostasias*, generibus alibi. De Patrociniis vicorum est *tit. pecul. 24. lib. 11.* De Patrociniis reorum, v. *leg. 16. sup. de pœnis. ID.*
 (i) *Ancyra* Valens constitit anno 371. quod aliunde non disco. Illud eiusdem reperio, eum hoc ferme tempore *Nicomedia* (in Bithynia) mox in Cappadocia fuisse, indeque Antiochiam profectum, ex *Sozomeno lib. 6. c. 15.* De qua Antiochiae mora fidem facit Anno prox, *lex 19. sup. de Prætoribus ID.*

COMMENTARIUS.

LATENTES Curiales erui iubet ex omnibus domibus Valens *hac leg.* (quæ Quarta est e Valeris *b. t.* constitutionibus:) occultatoribus pœna infamiae & bonorum proscriptiois proposita, si eos occultare pergant. Scilicet Curiam vitantes, ad aliorum Potentium forte patrocinia studiaque sese conferebant. Ad potentium inquam; quod præter ipsam patrociniis rationem, quod certe nonnisi Potentium esse potest & solet, ostendunt illa insuper, ex omnibus Domibus protrahantur: Domus quippe vt iam dixi in *Notis*, de Potentium ferme domibus, ipsisque Potentibus, eoque sensu passim vox ea in constitutionibus accipitur: Eodemque tertio loco pertinet vox *protrahendi*, quod magna vi manuque opus esset ad eos protrahendos: Tandem id ostendit infamiae pœna, seu iactura æstimationis, quæ honestissimis & Potentioribus pœnæ loco indicta, vid. *Paratitl. de panis.* Et certe id nominatim testatur *lex 146. inf.* Itaque non omnino recte Glossa quæ e domibus ETIAM Magnatum, notauit: Imo abscise de Magnatum. Quæ Glossa & in eo errat, quod notat hic de non extrahendo quoquam e domo sua. Ad rem. Ergo hoc patrociniis genus *hac leg. vetatur.* Quod sæpe tamen tum in Oriente, tum in Occidente eueniebat. Ita-

que subinde Curialium occultatoribus, seu patrocinium his præbentibus, pœnam interminati Principes: Valens *hac l.* Honorius *l. 146. & l. 162.* (qua etiam vltima lege, Honorius ait, quam plurimas extarre *leges*, quæ Occultatores certa feriri pœna voluerunt:) At non item est de Occultatoribus his *lex 14. inf.* (seu *lex 39. C. Iust. eod. tit.*) quod Cuiacius tamen credidit, vt ad eam ostenderetur. Patrociniis interim variis hac tempestate vsus, imo abusus, aduersus publicam vtilitatem notandus, de quo *sup. tit. de patrociniis vicorum. & l. 2. inf. de nauibus. non excus.* & Libanii *orat. περί τῶν προστάτων*: Ad euitandas scilicet Curias, & necessitates & tributa publica. De Patrociniis reorum *suis locis.*

Illud adhuc notandum hic superest, errare Accursium, cum argumento vocis, *origine*, tradit aliud forte statuendum in *sp. huius leg.* si non origine, sed ex accidenti Curialis esset. Quæ Glossa recte reprobata est a Bartolo, arg. *l. 37. eod. tit.* quæ *hoc tit.* est *lex 102.* Nos addamus, historicam *huius leg.* rationem; nempe de Originalibus *hac l.* agitur: quod scilicet tum multi origine Curiali ad huiusmodi patrocinia confugerent: quo facto Curiae deferebantur. Itaque huic rei Valens Imp. nominatim mederi necesse habuit; & post eum Alii.

GRADATIM, & seruato ordine PROMOTIONES Curialium fieri oportere.

LXXVII. (a) Idem AA. (b) ad Probum Vicarium Vrb. (c)

NEMO, originis suæ oblitus & patriæ cui domicili iure deuinctus est, ad gubernacula (d) prouinciæ nitatur ascendere, prius quam decursis gradatim curiæ muneribus, subuehatur. Nec vero a Duumviratu, vel (e) a Sacerdotio incipiat, sed seruato ordine, omnium officiorum sollicitudinem sustineat; Quod nec his deferri, per gratiam aut conhibente Iudice, patitur, qui Aduocationis prærogatiua nituntur: Nec vero, Principium vel Sacerdotalium, cum nullam Curialium officiorum agnouerint functionem, in honores primos inreperant. Post munera vero & Magistratus gradatim patriæ persolutos, aditus singulis ad Administrationes publicas, nobis quoque adstantibus, recludatur, &c. Dar. VII. Kalend. Mart. Treu. Modesto & Arintheo Coss. [372.]

NOTAE.

- (a) Absent *hac lex a Cod. Iust. GOTHOFR.*
 (b) Tertii Augusti nota & hic addenda, *ID.*

- (e) Error in hac Inscriptione admissus: vel enim reponendum *ad Probum V. C. PP.* id est *virum clarissimum PP.* jam enim diu *Probus*. *PP.* erat, & quidem hoc ipso Anno, vt docet inter alias, *lex prox. 78. inf. & lex 8. sup. de fil. mil. ap.* vel rescribendum, ad *Máximianum Vic. urbis*: de quo *Amilianus multa lib. 28. cap. 1. vel ad Aginatium Vic. Vr- bis*: de quo idem *Amilianus ibid.* Verum in priore sententia hæreo. *ID.*
- (d) Ad Rectoris provincie munus, ad administrationes publicas, vt *sine leg. ID.*
- (e) Qui honores primi sunt, vt mox vocantur. *ID.*

C O M M E N T A R I V S.

GRADATIM munera Curialia a Curialibus suscipi iubet *hac l. Valentinianus Sen.* quod & ipsum aliis compluribus legibus statuitur, puta *l. 4. 71. 73. sup. l. 136. 179. 180. inf. b. t. & l. 6. sup. de quaest.* ac proinde *SALTARIIS* promotionibus occurrit, quibus nonnulli vel ad *Administrationes* publicas seu gubernacula provinciarum ascendebant: denique Rectores provinciarum fiebant (quod *hac l. vetat Valentinianus*: quod tamen antea permiserat, *l. 73. sup.*) vel non seruatō ordine in priores Curie honores inrepebant: veluti *Duumvirates*, sc. *Principaliū*, *Sacerdotiū*: Hi scil. primi honores Curie erant, seu summi, vt etiam vocantur *hac leg. & l. 16. sup. & l. 189. inf. l. 1. sup. de honor. codicill.* de quo vidi *Paratitlon.* & quidem de *Sacerdotibus* plenissime *Paratitlon, inf. de Paganis.* Ea pertinet quoque Censorini locus *de die Natali, c. 15.* Tutamen officiis municipalibus sanctus, honore *Sacerdotiū in Principibus tue Ciuitatis conspiciunt, Ordinis etiam Equestris dignitate gradum provincialium supergressus, non modo sine reprehensione & inuidia semper fuisti, verum etiam omnium omnino amorum cum maxima gloria consequutus es.* Quare ab his Curialem incipere vetat *hac l. Valentinianus*, sed per minoraprius officia quemque decurrere.

Et quidem sub duabus his ampliacionibus. Primo, quod nequidem per *Gratiam* (Curie sc.) neque per Rectoris provincie conuentionem, summos illos honores statim Curiali deferri permittat: Quod ipsum ab eodem *Valentiniano* statutum, *l. 71. sup.* vbi de eo plura. Secundo, quod nequidem ii qui *Aduocationis* prerogatiua nituntur, per huiusmodi gratiam, saltuatim ad summos honores peruenire possint, id est *Duumviri* vel *Sacerdotes* creari: & exinde statim rectores provinciarum fieri: sc. *Aduocato-*

rum hac ætate magna prerogatiua fuit, facileque opes aut *HONORES* quæsiuere præclaros, quod hoc ipso tempore testatur *Amm. Marcell. lib. 30. cap. 4.* Quare passim eo multi conuolauere tum suæ potestatis, tum Curiales, seu ad seminarium dignitatum (quod vtrique dixit *Valentinianus Nouella de postulando inter Theodosian. 34.*) hac ratione vel ciuilia munera euitaturi. Quod tamen noluerunt Principes, nullaque adeo iura *Aduocatis* munera dedere: quod firmat quoque *lex 46. sup. lex 87. 98. 106. 152. 189. inf. b. t. & lex 2. Cod. Inst. de aduoc. diu. iudicior.* Quin, neque saltuarias in his promotiones tulere: quo pertinet *hac lex*, atque adeo per saltum eos *Duumvires* vel *Sacerdotes* fieri vetat *hac l. Valentinianus*, vt maxime ex *Aduocatis* *Sacerdotes* sumerentur, quod docuit *lex 46. sup.* vbi plura. Vti retro Curialibus *Aduocationis* munere fungi licuit. *dist. l. 2.*

Ergo post munera demum gradatim expleta Curiales etiam *aduocatos*, ad *Administrationes* publicas admitti permittit, idque Principe quoque assistente: *Nobis*, Inquit, quoque *Assistentibus*. Quorum verborum hic sensus est; Etsi e *Præfectis Prætorio* hac tempestate Rectores provinciarum darentur, quod docet *lex 3. Cod. Inst. de off. P. P. l. 2. Cod. eod. de off. diu. iudicium.* & ostendit non vno loco *Libanius in epist.* attamen hoc casu cum de promouendo Curiali ad administrationem provincie agitur, etiam Principis auctoritatem requiri.

Et hic quidem est huius *l.* sensus. Quare error est *Vertranii Mauri, de iure liberorum, cap. 37. p. 106. Tom. III Thef. Iur.* qui ex *b. l.* colligebat, *Sacerdotes Gubernacula provincie habuisse*, dici *hac l.* Quod ineptissimum est.

VETERANORVM FILIOS Curie iam addictos, ad militiam non retrahendos.

LXXVIII. (a) Idem AAA. ad Probum PF. P. (b)

AD Inlustres Comites & Magistros (c) equitum ac peditum scribita porreximus, Vt scirent ab omnibus his Veteranorum filiis, qui vel Curie addicti sunt, vel ciuilibus muneribus, aliisque necessitatibus obsecundant, penitus abstinentiū: (d) vel, si qui forte retracti (e) essent, eos ita protinus Officiis anterioribus redderent, nec pro his vicarios expeterent Iuniores. (f) Dar. XVII. (g) Kal. Iun. Parauiōne (h), Modesto & Arintheo Coss. [372.]

N O T A E.

- (a) Absent *hac lex* velut temporaria a *Cod. Inst.* Iungenda autem ei *lex 12. sup. de cohortatib. GOTHOPP.*
- (b) *Probus* sup *Valentiniano Sen. PP. Illyrici*: vt docet *lex 28. sup. de cursu publico: l. vn. sup. ne damna provincial. & Ammianus lib. 30. cap. 5.* & quidem vtriusque tum Orientalis tum Occidentalis (quod vtrumque *Valentiniano* *bur- ius l. auctori in Imperii diuisione cesserat*) vt docet *lex 7. sup. de Metallis.* Item *Italia*, vt docet *d. leg. 28. & in ea*

quidem Sardinia, vt docet *lex 6. sup. de mesall.* Huius Probi PP. multa mentio apud Ammianum & Aufonium; & multæ huius Codicis constitutiones ei inscribuntur: vid. *Protop. ID.*

(c) Magistros equitum & peditum per Illyricum intelligit, item per Thracias: de quibus *Notitia Imperii.* Ac nominatim per Illyricum: cuiusmodi erat hoc tempore *Equitius*, de quo vid. *leg. 8. sup. de re militari. ID.*

(d) Id est eos ad militiam non vocandos. *ID.*

(e) Ad militiam. *ID.*

(f) *Iuniores*, id est Tyrones: pari sensu quo *l. 1. 6. 7. 10. 12. 15. 18. sup. de Tyronib. l. 13. sup. de agentib. l. 3. 9. 10. 14. sup. de Desertoribus: l. ult. sup. de fil. mil. appar. ID.*

(g) *XVI. d. l. 12. ID.*

(h) *Pœtauioue* alii, v. quæ scripsi in *Cbrpcol. ID.*

COMMENTARIUS.

VETERANORVM filios, Curtiis vel ciuilibus muneribus iam addictos, ad militiam retrahi, vel pro his, seu eorum vice, alios seu *vicarios* Tyrones exig: vetat *hac l.* Valentinianus Sen. Diuerso iure constituto, in veteranorum filiis, inter Officiales Reclitoris prouinciarum, adscitis hos enim cohortibus & Legionibus inferi iubet, *l. 12. sup. de Cohort. lib.* quæ *lex* eiusdem constitutionis pars est, cuius & *hæc* nostra ac proinde *huic* coassanda venit: Absque qua, nostra inquam *hæc*, foret, illius *legis* sententiam nunquam teneremus. Viceterla, *huic* nostra coniuncta maximam lucem fœneratur; & singularem differentiam inter Curiales & Officiales suppeditat.

Ergo veteranorum filios Curtiis addictos, ad militiam hoc tempore retrahi vetat *hac l.* Valentinianus: quamlibet scil. militiæ idoneos: Cum alias veteranorum seu militarium filii, armis idonei, ad militiam paternam vocari & euocari folerent: vt docet *lex 15. 18. 19. 32. 35. 58. inf. l. 83. 89. inf. h. t. l. 1. 2. 4. 5. 7. 11. sup. de fil. mil. appar. l. 5. 8. sup. de re militari.* Et vero ab ipso met Valentiniño euocati, *d. l. 5. 8. sup. de re militari. & d. l. 58. sup. h. t.*

Et quidem hoc ipso quoque tempore proculdu-

bio ad expeditionem aduersus Quados & Marcomannos: de qua vid. Amm. Marcellinum *libr. 29. cap. 6. &c.* Probo tum, cui hæc *lex* inscribitur *Sirmii* ferme consistente, vt idem ait; a qua non procul erat *Pataui*, vbi hæc *lex* Data dicitur, id est Accepta: quo proinde Probus iam sese contulerat.

Ergo cum hoc tempore Iuniores in arma conscriberentur aduersus Quados & Sarmatas, & exercitus supplementa agerentur, & Veteranorum quoque filii ad militiam de more excirentur, hæc *leg* ad Probum PP. Illyrici emissâ, itemque scriptis ad Magistros militum, Equitum, Peditum, emissis; cuiusmodi erat hoc ipso tempore *Equitius* per Illyricum Magister Armorum, eodem Marcellino teste, *lib. 29. cap. 6.* huic rei Valentinianus modum adhibuit & excipi voluit eos Veteranorum filios, qui Curia &c. iam addicti erant: sic etiam vt ne Vicarios quidem eorum loco Tyrones ab his exigi velit, pariter vt Honorius in spec. *l. ult. sup. de fil. mil. appar.* Cum alias tamen Vicarii Tyrones exigerentur a nonnullis qui ipsi militiæ nomina non darent, vel dare nolent: de quo vid. *Paratitlon de re militari:* de quibus Vicariis Tyronibus iam olim quoque Traianus ep. ad Plinium *39. lib. 10.*

P. 429. De PRIMIPILARIVM filiis Curia Ædesenæ, certo modo & diuisione adscribendis: deque perperam EXCVSATIS Curialibus retrahendis.

LXXIX. (a) Idem AAA. (b) Modesto PF. P. (c)

QVICVMQVE per Odroënam (d) Primipilariū, (e) maiore latatur numero filiorum, vnum loco suo veluti hereditario iure substituat, alterum, pro amore patriæ, Ædesiæ (f) Curia tradat obsequiis, ceteris quam (g) voluerit militiam prouifurus: Sin autem duos tantum procreauerit, Cohorti satisfacere cogatur & Curia: Quod si vnum procreauerit, eundem Ordini patriæ restituat, (h) nullo contra hanc formam (i) beneficio (k) valituro. Damus sanè licentiam tam patribus eorum, quam ipsis qui huius legis auctoritate Ciuitatum obsequio adgregantur, vt si quos Curiales patrocinio Principalium inuenerint excusari, in medium proferant, vt & ipsi similibus Officiis deputari pareant impetratis (l). Dat. III. Non. Decembr. Antiochiæ, Post Conf. Gratiani A. III. & Equit. V.C. [375.]

NOTÆ.

(a) *L. 5. Cod. Iust. de cohortalibus.* Meminit huius *l.* Theodosius M. l. 105, *infr. GOTHOF.*

(b) Reponendi hic *Impp. Valens, Gratianus & Valentinianus:* iam enim Valentinianus Senior obierat, *ID.*

(c) *Modestus* PP. Orientis sub Valente, vid. *Protopogr. ID.*

(d) Ita recte, Odroëna hic & *l. 105. infr. l. 8. infr. de paganis: & l. 2. infr. de pred. & mancip. Curial.* Alias quoque *Odroëna*, de quo mox. Et ita quoque in nonnullis Cod. Iust. Edit. *d. leg. 5. ID.*

(e) *Primipilarius* Cod. l. *ID.*

- (f) Ciuitatis Edefenæ scil. Vid. etiam subscriptionem *leg. 9. supr. de erog. milis. annon.* quæ ita habet, Dat. V. Kal. Octobr. Edefa. In Cod. Iust. hic, *Edeffena Curia*, & in impressis libris omnibus huius Cod. *Edefena. ID.*
- (g) *Qua militia* Cod. Iust. Et hoc tamen quoque rectum: *providere alicui rem*, vel *re. ID.*
- (h) Id est, tradat. *ID.*
- (i) Generalem. *ID.*
- (k) Priuilegio seu Rescripto speciali. *ID.*
- (l) Itaque quoque *Cod. Iust.* si hoc legitimum est, tum officia *impetrata*, fuerint ea, a quibus quis excusatus est, Sed malim *imperatis*, id est, iis quæ ipsis imperantur, & a Curia imponuntur: vel *pro parent*, legendum fuerit *careant. ID.*

COMMENTARIVS.

A E D E S E N Æ, per Oſdroënam (Meſopotamiæ provinciam,) Curia, ob penuriam municipum, seu Curialium, (vt diſerte teſtatur Theodoſius M. l. 105. *infr.* qua *hanc leg.* ſignat) duplici ratione Valeas Imp. hac l. conſultum it: De Oſdroëna provincia prius.

Oſdroëna illius provincie mentio fit quoque d. l. 105. & l. 8. *infr. de paganis*: & *leg. 2. infr. de præd. & mancip. Curial.* apud veterem Orbis deſcript. ſub Conſtantio c. 16. pag. 256. *Geographicorum antiquor. Iacob. Gronou.* apud Eutropium lib. 8. cap. 2. & 11. in Indice Prouinciarum Sconhouiſno pag. 83. *Edit. Cellar. ad calcem Feſti.* apud Ammianum, lib. 14. cap. 8. *Zoſimum lib. 3. cap. 12. l. 10. C. Iust. de adif. priuatis*: in *Notitia Imperii* fol. 71. *Nouella Iuſtiniani 8. in Ediſto ad Archiepiſcopos & Patriarchas ſcripto*, & alios. Quæ tamen Oſdroëna alibi, & poſſimum apud Græcos Oſroëna dicitur, veluti apud Dionem lib. 40. (in Craſſi hiſtoria vbi Abgarum, qui in denia Romanos abduxit, Oſroënum fuiſſe ait,) Herodianum lib. 3. cap. 9. lib. 6. cap. 7. & lib. 7. cap. 1. *Procopium Perſicor. lib. 1. cap. 17.* Suidam voc. *Οσδρόην.* *Zonaram in vit. Iuſtin.* & in *Nouella Iuſtin. 8.* Eaſque provincia Meſopotamiæ pars fuit. In ea Oſdroëna, vrbs primaria fuit *Edeſa*, (ſic enim hic, & d. l. 105. *infr.* vocatur *Edeſena Curia*, vt apud Zoſimum lib. 3. c. 12. *Εδεσσαί*) vel etiam *Edeſſa*, vt patet ex veteri Orbis deſcriptore ſub Conſtantio Imper. cap. 16. de qua accipienda quoque eſt *lex 8. infr. de paganis, ſacriſ. & templis*: Eius quoque frequens mentio in Conſtantii rebus apud Ammianum: Eam dignat quoque *Itinerarium vtrumque*, & quidem Antonini non ſemel. Eius meminit quoque Strabo, Plinius, Ptolemæus, Stephanus. Fit quoque eius mentio in Iuliani rebus apud Zoſimum, nam & ibi Iulianus fuit, lib. 3. c. 12. Quomodo & ibi data a Iouiano *lex 9. supr. de erog. mil. ann.* Ea Perſis vicina & oppoſita erat: Ibiſque Imperatores Perſico bello illigati agebant, ſic Conſtantius ibi aliquando verſatus, A. D. 328. vt teſtatur *Epistoſola* eius ad Athanaſium, apud Socratem lib. 2. c. 23. Iouianus A. D. 365. vt docet *lex 9. supr. de erog. mil. ann.* Ea denique ciuitas, (quod & Ammianus Marcellinus innuit, lib. 20. cap. 11.) & munita erat & comæatibus abundabat, quod ipſum diſerte ait *vetus orbis Deſcriptior* ſub Conſtantio d. c. 16. pag. 256. *Edit. Gronou.* Et vt maximæ vrbes adſolent, feſtiuitatibus & ſolemnibus luxuriabat: vt docet d. *lex 8. infr. de paganis, ſacriſ.* & Libanii loca, quæ ad eam *leg.* protuli. Quin & ſtatuarum pulchritudine, vt ex dictis locis videre eſt. Sane Ammianus quoque lib. 19. cap. 6. reſert, apud Edeſſam a Conſtantio Imp. Gallis quibusdam campiductori-

bus vt fortium factorum anteſignanis, armatas ſtatuas in regione celebri locari iuſſas, quæ ſuo (Ammiani Marcellini) ſæculo adhuc intactæ ſeruarentur.

Igitur Imperatores multa ad augendum eius vr-
bis decus conſtituere. Ita ornatum ſuum ei vrbi & feſtiuitates conſtare poſtea voluit Imperat. Theodoſius Magnus, quamlibet ſacriſcitiis prohibitis, d. l. 8. Et nunc Valens hac l. & poſtea idem Theodoſius d. l. 105. Curia eius conſultum voluere, aduerſus penuriam Curialium, quandoquidem Ciuitatum decus in Curialibus, ceu in anima & radice maxime conſiſtunt, quod ſub Theodoſio M. ſcribit Libanius, *περὶ τῶν πρὸς αὐτὸν νῦν. 3. p. 9. 10. Ed. Gothfr. & pag. 366. Oper. min. Gothfr. Edit. Cl. Troitz. & in Iuliani necem p. 297. & Antiochico, p. 357. Edit. Morell.* vt omittam alia hanc in rem teſtimonia. Eſſi parte altera miram ibi perſecutionem idem Valens Arianus, aduerſus Catholicos excitare dicitur per hunc ipſum Modeſtum PP. cui hac *lex* inferibitur; de quo videndus Socrates lib. 4. cap. 18. Theodoret. lib. 4. cap. 14. 15. & Sozomenus lib. 6. cap. 18. Barſa eius Epilcopo in exilium pulſo, eique alio ſubſtituto, quem *Λύκον* Theodoretus vocat cap. 15. *initio*, ſed ex quo *Lupi* nomen ei fuiſſe Interpres & Baronius perperam credidere. Neque abſurde coniiciat quis, hac perſecutione Valentis Edeſſam non tantum vacuatam cultoribus, (quod Scriptores illi indicant, & aliis exemplis apud Baſilium firmari poteſt,) ſed & Curialibus, quod Baſilius de Cæſarea ipſa teſtatur diſerte ep. 379. ſu. 74. *Edit. Benedicſtin.* Atque adeo hanc huius legis ferendæ Valenti occaſionem fuiſſe?

Verum ad *leg. noſtram.* Primum eius caput eſt de *Primipilariis liberis* in Curiam Edeſſenam allegendis: Primipilariū, id eſt, eorum qui ſunt, ſeu principatum tenent inter Officiales, ſeu in cohorte, (quod & ipſum docet *hæc lex*) Præſidis Oſdroëna, quomodo id explicat Theodoſius Mag. d. l. 105. qua hanc confirmat: & aliunde liquet, quinam *Primipilares* fuerint, de quo ſuo *titul. supr. lib. 8.* Ergo vt cæteroquin ex certis Corporibus nonnulli Curia neſti poterant, ſi quando Curialium penuria eſſet; de quo monuit *Paraſitil.* item & nunc Primipilariū liberos Edeſſenæ Curia neſti iubet Valens: ita quidem, vt ſi maiorem filiorum numerum habeat Primipilaris, vel ſi binos tantum, vnum Curia, alterum cohorti loco ſuo tradat cæteris prior caſu, quam volent militiam electuris: Quæ proliſ diuiſio in hac ipſa ſpecie ſtatuta diſt. *leg. 105. infra. leg. 11. supra de ſil. mil. app.* ſi vero vnum tantum, eum Curia tradat. Ita quidem vt ab hoc nullo Principis reſcripto excuſari poſſint. Quod ad

iura Liberatorum perpetam omnino refertur a Ver-
trano Macro *cap. 4. in fin.*

Altero capite Valens erui vult Curiales, qui a Cu-
ria excusati fuerant, Principalium patrocinio.

Nempe vt cæteroquin iniquitate notissimi fuere
Principales, in prægrauandis aliis, aliis vero excu-
sandi, ac nominatim circa rem tributariam, de quo
plene ad l. 4. *supr. de extraord. ita* & hac parte suam
iniquitatem exercuere, in Curiarum damna, nonnul-
lis per gratiam a Curialibus muneribus excusatis.
Quod *huic l.* occasionem dedisse videtur.

Hos igitur reuocari nunc patitur: Et vero a
Primpilaribus, eorumque liberis, quos Curie ho-

die adgregari propter eam Curialium penuriam
oportuit: vt ita solatii loco habeant, quod perpe-
ram excusatos muneris participes habere possint.
Nemo scilicet, accuratius eos peruestigaturus videtur,
quam quos aliena sarcina premere cepit: stimulos
addente vindictæ cupidine. Quod quidem inter ar-
cana Politica notetur.

Et hactenus quidem Valentis & Valentiniani Sen-
constitutiones de Decurionibus: Et quidem Valen-
tis quoque: quibus addenda eiusdem sexta l. 19.
infr. de Episcopis: ad quam dicta huc quoque ac-
cessi cupio: tandem & septima, l. 8. *Cod. Iust. de adif.*
priuati.

De IMMUNITATE Curialium a CORPORALIBVS INIVRIIS: id est a tormentis & ictibus plumbatarum.

LXXX. (a) Imppp. Gratianus, Valentinianus & THEOD.
AAA. Iuliano (b) PF. Ægypti.

OMNIS ordo Curialis a tormentis his, quæ reis debita sunt, & ab ictibus plumbata-
rum habeantur immunes: scituro Iudice, (c) quod si vel ipse, vel eius Officium,
contra veritum legis (d) aliquid vsurpare temptauerit, grauissimo se supplicio esse sub-
dendum. Grauitas igitur Tua, sanctionis maiestate perspecta, non solum a corporalibus
Curialium iniuriis temperabit, verum etiam tota (e) obseruatione prouidebit, vt si ali-
quid temerarium ab Officio aliquo fuerit perpetratum, seuerioris pœnæ discrimine vin-
dicetur. Dat. XVI. Kalend. April. Gratiano V. & Theod. I. AA. COSS. [380.]

NOTAE.

(a) Abest hæc *lex* a *Cod. Iust.* Iungenda autem ei *lex* 20. *infr. de operib. publicis.* GOTHOFR.

(b) *Iuliani* huius Praefecti Ægypti, ἀπὸ ὑπάρχου Ἀγυπτίας, epigrammata aliquot extant quarto *Ἀνθολογ. c. 21. & 24.*
& alibi, An vero hic Iulianus idem ille est, ad quem Gregor. Nazianzenus *ep. 166.* scribit? *ID.*

(c) *Iudex*, idest, Rector provinciae: v. *Gloss ID.*

(d) Huius. *ID.*

(e) *Tota*, idest, omni. Locutio hæc solemnibus Auctoribus huius zui: sic quoque l. 33. *infr. de hereticis*: Sic Ambro-
sius *serm. 62. 77. 83.* Sic Amm. Marcell. *initio lib. 15.* ad *sententiam tota facilitate completam.* vid. *Gloss.*
Theod. ID.

COMMENTARIUS.

THEODOSII Magni, constitutiones numero
Quinquaginta, de Decurionibus sequuntur: ex
quibus apparet, quo quantoque studio Curii ciui-
tatum Princeps hic consultum iuerit. Earum Syn-
opsis hic proponere iuiat, quæ ad sex sequentia ca-
pita referendæ sunt, vt ita characterem Theodosii
hac parte exhibeamus, & hic semel dicta omnibus
& singulis illis constitutionibus faciem præferant.

Primum caput est, de *Nominationibus* ad Curiam:
Vbi in genere *Nominationibus* istis modum & fibu-
lam imponit, l. 136. In specie vero definit ad Curiam
nominari posse e plebe quosunque idoneos l. 96.
133. item *Primpilarium* filios sub ea filiorum diui-
sione quæ proponitur l. 105. vt & *Incolæ* vacantes, l.
137. Non vero solis materni sanguinis vinculis l. 137.
non pœnæ loco, l. 108. Non hæredes fideicommis-
sarios, legatarios, donatarios Curialium, sed ad de-
naristimum tantum pro modo bonorum eos teneri:
l. 107. 123. (Nisi mariti vxorum hæredes sint, l. 124.)
Imo & possessores quosunque bonorum, l. 134. Et
hæc de *Nominatione* ad Curiam.

Secundum caput est, de Curialibus vel Curie de-
stinatis *Reuocandis* seu retrahendis, si qua ratione
Curiam euitare voluerint. Ac primum vbi & a
quibus reuocari possint, l. 110. item necessitate Curii
imposita eos reuocandi, pœna alioquin his imposi-
ta, leg. 110. 113. Vndecunque autem, seu ex quo-
cunque statu reuocari eos voluit, a fuga, l. 119. etsi
ad Clericatum se contulerint: quo pertinent qua-
tuor Theodosii M. *leges* 104. 115. 121. 123. nisi bo-
nis suis Curie cesserint: lege 104. 121. 123. vel ali-
os idoneos facultatibus suis instructos substitue-
rint, l. 115. etiam ex Militia seu officio quocun-
que l. 94. 129. 137. 139. ex officiis seu officio cohorti-
tis seu officiali militia Magistratum, leg. 83. 96. *in*
fin. 113. 133. 134. etsi Magistratus facti fuerint, l. 122.
134. veluti provinciarum l. 106. etsi dignitates am-
bitione vel pretio consecuti, l. 86. 87. 94. 118. 122.
123. 134. etsi Senatoriam dignitatem adepti, l. 82. 90.
93. 111. 118. 122. 123. 129. 130. etsi substituto alio, l.
111. 118. Qua parte tamen variaz Limitationes velet-
iam Ampliationes notandæ sunt. Ex militia quo-
que

que Armata, l. 3. *supr. de Tabular.* & l. 87. 113. 137. 139. *hoc tit. & l. 1. supr. quid prob. deb.* quamlibet Actuarius quis ibi fuerit, l. 125. Item ex militia Palatina, l. 120. ex Aduocatione, l. 87. 98. 116. ex Fabricensium corpore, l. 81. Generaliter etiam, qui discesserint, non subrogatis aliis, l. 91. 98. Veteranorum etiam filios, et si se Cohorti adgregauerint: l. 83. Imo et si Rescripto Principis quis liberatus fuerit, l. 102. 137. 139. vel etiam temporariam saltem vacationem impetrauerit, nisi in sp. l. 135. Et hæc de ipsismet Curialibus, vel Curiae debitis nexisque, retrahendis ad Curiam. Filios quoque eorum Curialium, qui ad dignitates euecti essent, ad Curiam Vocari iussit, l. 86. 98. 122. 123. 132. ut & eorum qui Senatores facti; siue ante patris dignitatem, siue post, natos, l. 93. Item filios eorum Curialium, qui Clerici facti, l. 123. itemque Magistrorum, leg. 98. *infr.* Tandem & Senes quoque muneribus functos Ordinationibus interesse voluit, l. 118.

Tertio capite includuntur constitutiones Theodosii M. quæ ad subleuandos Curiales pertinent, circa singularia Munera & onera, quæ Curialibus imminuebant. Scilicet Syriarchiæ munus propria voluntate suscipi deinceps voluit, l. 103. & Agonothesiæ in commune l. 108. Archierosynæ etiam munus Christianis Curialibus imponi vetuit, l. 112. veterem præstationem ad calefactionem thermarum Antiochiæ seruari iubet: l. 131. ab Equorum denique præstatione immunes pronuntiat, qui gradu meritorum usque ad honorariam dignitatem peruenerint: l. 138.

Quartum caput est, de Actibus quos Curialibus indictos voluit: nempe procurationis alienarum facultatum, l. 92. Susceptionis cuiuscunque vectigalis, l. 79.

Postremum caput est, de Priuilegiis & honoribus Curialium. Igitur omnibus in commune, & Curialibus adhuc muneribus fungentibus, Immunitatem a tormentis & plumbatis tribuit. Qua parte tamen Theodosius Magnus, non idem semper statuit, hac leg. 80. & 85. 117. 126. 127. addatur eiusdem lex 4. *supr. de Tabulariis:* lex 15. *supr. de accusat.*

Addatur & aliud caput Theodosianarum constitutionum, nempe de prædiis & mancipiis curialium sine decreto non alienandis, leg. 1. *infr. de prædiis, &c.*

Primis etiam Curialium, Comitum tertii Ordinis defert, leg. 127. Tandem Curialibus muneribus functis dignitatem pariter ex Comitibus, & osculi, confessusque ius cum Rectoribus prouinciarum, l. 109.

Prima omnium e Theodosii M. circa Decuriones *hoc tit.* constitutionibus isthæc est, de IMMUNITATE Curialium a QUESTIONIBVS & plumbatarum ictibus: Quo in argumento versantur (ut aliorum Principum constitutiones omittam, quas

semel cumulati ad l. 39. *supr.*) lex aliæ eiusdem Theodosii constitutiones: puta lex 85. 117. 126. 127. *infr. hoc tit. & lex 4. supr. de Tabulariis:* l. 15. *supr. de accusationib.* scilicet hac immunitate omnes Curiales ab initio donauit Theodosius hac l. pariter ut l. 85. *infr.* & d. l. 4. (quæ data est An. 384.) atenim postea coarctata isthæc immunitas ab eodem, Anno 385. l. 15. *supr. de accusationib.* & deinceps l. 17. 126. 127. *hoc tit.*

Ad hanc sane legem, vel ad l. 85. *infr.* respexit Libanius *orat. περὶ ἀγγαγιῶν, num 7. pag. 36. Ed. Gothofr. & pag. 386. Oper. min. Gothofr. Edit. Cl. Troitz.* An. 383. ad ipsummet Theodolium, αὐτὰ τῶν βαλεόντων πληγαὶ διὰ κακίαν ἀρχόντων οἷς ἔσθ' ἡμῶν, τὰτ' αὐτὸς ἀνέηκε νόμον, idest, Verbera Decurionum per malitiam Magistratum in consuetudinem venerant; hoc idem ille lege sustulit, ubi plura dixi, ut & ad dicit. leg. 85. Eiusdem meminit & *Orat. adu. Icarium. p. 464. Edit. Morell.* quam Ann. 381. habuit. ἐπαίετο τὸ μετὰ φρενὸν, καλύοντων μὲν παλαιῶν νόμων, κωλύοντος καὶ τὰ νῦν τεθέντος νόμου: percussus erat a tergo, vetantibus quidem legibus antiquis, cohibente vero lege recens lata. Et *Orat.* altera inedita κατὰ ἰακρίαν ad Theodolium: νόμον ἔθηκες, ὦ βασιλεῦ, μὴ ἔξειαι τὸ πτωχὸν παρὰ τῶν ἀρχόντων τῆς ἐν ταύτῃ τῇ τάξει καὶ τῷ ποσὶ ἡγοῦμαι: legem dedisti, Imperator, quod non liceat verberari illos a magistratibus, qui sunt in hoc ordine & salutandi ius habent: ubi etiam duo exempla subiicit Flauiani Proconsulis Asiæ (cui An. 383. inscribitur l. 18. *de Susceptorib.*) magistratu deiecti, & Præfecti alterius Ægypti, ideo quoque in vincula coniecti, quod eam leg. violassent: Quod postremum ideo quoque notandum est, quia hac lex, pariter ut lex 126. *infr.* de hac Curialium immunitate, ad Ægyptum quoque pertinent, & Præfectis Ægypti seu Augustalibus inscribuntur. Tandem sub finem *Orationis* Theodosium hortatur, ut legem a se super eo latam, violatorum pena sanciat: quo facto ultro iam quis sese Curiae daturus sit: cum violata ea Curiam defugere iuberet, ut initio *Orationis* scribit.

Cæterum huic l. iungenda venit, lex 20. *infr. de operibus publicis,* seu eiusdem Theodosianæ constitutionis imo mandatorum ut existimo pars, quæ Iuliano cum imperio in Ægyptum a Theodosio M. destinato, data fuerunt, ut indicant satis & huius & illius legis verba. *Iudex,* inquit illa, qui ad Præuinciam fuerit destinatus, &c. Grauitas igitur, ait hæc, Tua, sanctionis maiestate perspecta, non solum a corporalibus Curialium iniuriis temperabit, verum etiam tota obseruatione prouidebit. Sane & de operibus publicis aliquid Mandatis Principum comprehendi solitum, aperte docet lex ult. *D. de operib. publ.* Et de Decurionibus & principallibus ciuitatum, eorumque pænis, quæ Iudicibus interdictæ, apertissime lex 15. 27. §. 1. *U. 2. D. de panis:* itemque de reistormentis subiiciendis, ut docet *Tetullianus ad Scapulam, cap. 4.*

E FABRICENSIVM *corpore Curiales ad Curiam retrahendos, non alios.*

LXXXL (a) Idem AAA. ad Neotherium PF. P. (b)

FABRICENSES (c) Ordinibus restituantur, qui (d) originem Curialem & propriæ munera declinauerint ciuitatis: reliqui, (e) ne leui quidem inquietudine pullentur. (f) Dat. XVI. Kalend. April. Theſſal. Gratiano V. & Theod. I. AA. Coss. [380.]

N O T A E.

- (a) *L. 32. Cod. Inst. eod. tit.* Iungenda autem huic *lex prox. 82. GOTHOFR.*
 (b) *Neotherius* sub Theodosio M. PP. Orientis. Eidem præter alias multas inscribitur hoc ipso Anno in eodem ferme argumento *lex 3. supr. de Tabulariis: lex 3. de desertor. lex 11. de fil. mil. app. ID.*
 (c) Curialem Originem trahentes &c. *ID.*
 (d) *Qui*, hæc vox limitatiua est. *ID.*
 (e) Fabricenses. *ID.*
 (f) De hac pullandi voce v. *Gloss. ID.*

Ex OFFICIIS quibuscunque, & ex SENATORIA
dignitate, Curiales ad Curiam reuocandos.

LXXXII. (a) Idem AAA. Neotherio PF. P. (b)

OMNES ad Curiam præcipimus reuocari, qui ad munera subeunda originalibus vinculis occupati Officia conantur exhibere maiora: siue se splendidissimo Senatui tradiderunt, siue per Officia (c) militantes, obsequia patriæ denegarunt: si tamen Allegationum meritis deferuntur. Dat. XVI. Kal. April. Theſſalonica, Gratiano V. & Theod. I. AA. Coss. [380.]

N O T A E.

- (a) Abest hæc *lex a Cod. Inst.* Iungenda autem huic *lex prox. 81. supr. GOTHOFR.*
 (b) Orientis: dixi ad *d. l. 81. ID.*
 (c) An Officiales Iudicum? an Officia Palatina intelligit? Vid. *l. 134. infr. ID.*

C O M M E N T A R I V S.

DE REVOCANDIS Curialibus ad Curiam, sunt hæc duæ Theodosii Magn. *leges* inter se concordandæ, ceteri vnius & eiusdem constitutionis partes: quibus Curialis, quæ diuersis rationibus tum vacuata fuerant, consultum it, tribus scilicet. Erant nimirum, qui *Fabricenses* (de quibus *suor. tit. supr. lib. 10.*) Erant, qui *Senatores* facti fuerant: Erant denique, qui per Officia, ut existimo, Palatina militauerant: Qua triplici ratione cum maxime tutos sese fore Curiales putarent; obtentu inquam necessariorum prioris Reipublic. corporis Fabricensium: obtentu splendidissimæ dignitatis Senatoriæ: obtentu privilegiorum militiæ Palatinæ: his necquicquam obstantibus, & prævalente apud Theodosium M. Curiarum & sic Ciuitatum utilitate, & *Fabricenses* ad Curialem originem retrahi iubet *l. 81. quod & antea iussit Constantius leg. 32. supr. hoc tit.* Iussit & postea Theodosius Iun. *l. ult. supr. de Fabri-*

centibus: Intactis reliquis Fabricensibus, qui origine Curiali non essent, seu Curia non obnoxii, quod Glossa non cepit. Et *Senatoria* dignitate: vel Palatina militia necquicquam obstante, eos Curialibus muneribus perfungi iubet, *l. 82. pariter ut aliis quamplurimis Legib. quas in Synopsi constit. Theod. de decurionib. in ingressu l. 80. supr. protuli.* In vniuersum vero quid hanc in partem Principes & quam varie constituerint docent 26. præterea *leges huius tituli*, quas repetere licet ex *Paratitlo.*

Vicenerit pari æquitate, ut ciuitatum commodis nil detractum voluit, ita neque fabricis, Fabricenses scilicet suæ potestatis, & a Curiali nexu alienos ad Curiam vocari vetat.

Exceptionem, quæ additur *sine legis 82. explicat satis lex 74. supr.*

De VETERANORVM filiis, militiae inutilibus, ex COHORTALIVM officio ad Curiam reuocandis.

LXXXIII. (a) Idem AAA.

Si quis militaris prosapia se officio Cohortis adgregarit, & si (b) infractis viribus grandæuam præferat senectutem, aut debilitatis obtentu, bellico inconueniens operi iudicetur, de ignauia larebris, vel sera indagatione, retractus, Curiarum functionibus mancipetur. Scriba (c) Petro Consulari Fœnicis Damasco, prid. Id. Maii, Constp. (d) Graciano (e) & Theod. I. AA. Coss. [380.]

NOTAE.

- (a) Absit hæc lex a *Cod. Iust.* Iungenda autem ei lex 9. *sup. de fil. mil. appar.* Transcripta vero hæc lex pariter vt d. l. 9. ex Valentis l. 7. *sup. de fil. mil. appar.* **GOTHFR.**
 (b) Aliud si bellico operi conueniens sit, d. l. 9. **ID.**
 (c) Eadem subscriptio d. l. 9. **ID.**
 (d) Imo *Theffalonica*, qua in vrbe integro fere anno est commoratus Theodosius. Vid. *Cbron. Hist.* **ID.**
 (e) Addendum V. vt tribus quoque legib. superiorib. **ID.**

COMMENTARIVS.

VETERANORVM filii vel militare, si robusti sint, vel Curiaë mancipari, si debiles, vt aliis compluribus (de quibus semel ad l. 15. *sup.*) ita & hac Theodosii M. lege iubentur, iuncta l. 9. *sup. de fil. mil. appar.* quæ vtraque ex eadem constitutione desumpta, imo & exscripta est ex Valentis l. 7. *sup. de fil. mil. app.* Necquicquam obstante OFFICIALI militia seu cohortali, qua quis videl. in cohorte seu inter Officiales Rectoris prouinciæ militat. Neque enim Officialis militia Veteranorum filios Armata militia liberat, si valentes & armis idonei sint: vel Curia, si debiles: sed alterutrum eos subire necesse

erat: vt ita vtilem operam Reipubl. nauarent, vel in hostes, vel in ciuitatum Curias. Et quidem istud subsidiarie, illud vero potius & principe loco: vt ostendit hæc lex ac maxime coniunctio huius l. cum d. l. 9. Et vero id quoque nunc Theodosio M. magis curæ fuit, vt pote illigato Gothico bello, ad quod militari supplemento opus erat, de quo ad l. 9. *sup. de tironib.* vt & de huius l. subscriptione ad d. l. 9. *sup. de fil. mil. appar.* Ergo ab officiali militia veteranorum filii retrahendi, vel ad militiam vel ad Curias. Ad militiam inquam; quod & ipsum statuitur l. 12. *sup. de cohortalibus.*

In NOMINATIONIBVS Duumvirorum faciendis, quis Curialium NUMERVS requiratur.

LXXXIV. (a) Idem AAA. ad Camenium (b) Vic. Afric.

In Nominationibus, a singulis quibusque Ordinibus celebrandis, dudum expressæ † quantitatis (c) modum eatenus (d) volumus custodiri, Vt eorum (e) in (f) duabus, quæ Concilio (g) adesse debent, partibus, numerus derogeretur (h), quos aut obiectus debilitatis alienat, aut senectus pigra remoratur, aut Clericarus obsequia vindicarunt, aut crimen deferrionis absenrat, vt (i) ex reliquo numero duobus (k) tertiis supputandis. PP. Karthag. XV. Kal. Mart. Syagrio & Eucherio Coss. [381.]

NOTAE.

- (a) Absit hæc lex a *Cod. Iust.* Concordat lex 142. quam Tribonianus prætulit, **GOTHFR.**
 (b) Forte *Carterium*, cuius mentio apud Symmachum, lib. 5. ep. 43. & ad quem Symmachus scribit lib. 8. ep. 16. & lib. 9. ep. 6. & 18. Sane aperte his duabus postremis indicat Carterium Iudicem fuisse, sed nil temere addituro. **ID.**
 † Vbi hæc lex? **ID.**
 (c) *Quantitatis*, id est numeri Decurionum. **ID.**
 (d) Nempe vt duæ Tertie Ordinis adfint, *bic & sine leg.* **ID.**
 (e) Curialium. **ID.**
 (f) 77. E. **ID.**
 (g) *Concilium*, id est conuentus Curiaë. Vide *inf. tit. de Legatis.* **ID.**
 (h) *Derogetur*, id est detraharur, subducatur. **ID.**
 (i) 77. Et. **ID.**
 (k) 77. Duabus. **ID.**

VALENTINIANI Iun. decem constitutiones sequuntur, Theodosianis immixtae, puta haec *lex & lex 84. 88. 89. 100. 114.* Ex quibus ad Africam pertinent *lex 84. & 88.* Haec nominatim est de **NOMINATIONVM** seu *Electionum* ad Honores municipales & Duumviratum forma ad Africam pertinens: Et quidem de Numero Curialium, qui in Nominationibus requireretur. Igitur notandum, vetusti & tralatitii iuris fuisse, ut duae partes e tribus Ordinis sicut in aliis actibus Curialibus, ita & in Nominationibus faciendis requirerentur: *lege sc. municipali* (omnium municipiorum) cauebatur, ut Ordo non aliter haberetur, quam duabus partibus adhibitis, ait Iuris Consultus in *l. 3. D. de decretis ab ord. fac.* Addatur & *lex 3. cum seqq. D. quod cuiuscunque Vni.* Quod & ipsum rursus inculcatur *l. 142. inf.* ubi eleganter Honorius *duas partes Ordinis totius Curiae instar exhibere*, ait. Atque hic est, qui *hac l.* dicitur, *expresse dudum quantitatis modus*, quod & ipsum mox explicatur. Hoc certum.

Sed enim ut alia occasione saepe quaesitum, quomodo duae illae partes computandae essent, quod etiam ex *d. l. 3. cum seqq.* videre est, ita haec tempestate quaesitum, Vtrum omnes omnes computandi essent, qui Albo Decurionum continerentur: cum tamen ex iis, qui Albo Decurionum continerentur, quatuor hominum genera Concilio Curiaeque adesse non possent: nonnulli sc. ob debilitatem, alii ob senectutem, alii ob Clericatus obsequium (quo fit ut Curialis Clericus ab eo loco cui inseruit recedere

possit:) tandem ob desertionem & absentiam. Finge igitur iam, *trecentos* Curiales esse in Albo Decurionum: & finge *quinquaginta* ex iis quatuor causis abesse: quot requirerentur ad Nominationem & concilium celebrandum? An duceati (qui sane duas Tertias Decurionum in Albo conscriptorum faciunt;) ut ita omnibus computatis etiam absentibus, semper duae tertiae partes totius numeri Albo comprehensi requirantur: an vero duae Tertiae numeri tantum residui; deductis videlicet, seu ut *haec lex* loquitur, *Derogatis* absentibus, & sic duae tertiae praesentium seu in praesenti constitutorum, atque adeo 167. tantum. Et vero hoc ultimum *hac l.* ab Imp. Valentiniano Iun. definitur: pariter ut ab Honorio *d. l. 142.* Nempe duae partes Ordinis *in Urbe posita, quaeque adesse possunt*, in nominationibus *solemnibus* requiruntur, & totius Curiae instar exhibent. Quod quidem vtiliter in praxim deduci potest: Neque tamen, quod sciam, attingitur inter alias quaestiones, quas congerit Nouarius ad *l. 45. Cod. Inst. cod. tit.* quae est *d. lex 142. inf.* nam Amaya eam intactam reliquit. In praxim, inquam, deduci cum de numero requisito agitur in aliquo Corpore ad aliquid faciendum.

Ex eo interim, quod de *Clericatu* hac *leg.* additur colligere mihi videor, sub Imp. Valentiniano Iun. *huius l.* auctore, Clericatu Curialem conditionem euit tam: de quo alioquin varie admodum cautum est aliis legibus.

IMMVNES a PLVMBATARVM ictibus esse Curiales.

LXXXV. (a) Idem AAA. Eutropio PF. P. (b)

OMNES Iudices, prouinciarumque Rectores, a consuetudine temerariae usurpationis abstineant, sciantque, neminem omnino Principalium ac (e) Decurionum, sub quolibet culpae aut erroris offensa, plumbatarum (d) cruciariis esse subdendum. Quod si quis forte Iudicum in hanc pertinaciam illiciti furoris eruperit, quod (e) audeat Principalem ac (f) Decurionem, & suae (si sic dici oportet) Curiae Senatorem (g), plumbatarum (h) ictibus subdere, viginti librarum auri in latione multatus, & perpetua infamia inustus, ut (i) nec speciali quidem Rescripto notam vel (k) eruere (l) mercatur, & Officium quinquaginta librarum auri multam fisco nostro cogetur inferre: quoniam, ut pertinaciae Iudicis (m) resistat, liberam eidem contradicendi permittimus facultatem. Dat. XII. Kal. Aug. Heraclez, Eucherio & Syagrio Coss. [381.]

NOTAE.

- (a) *L. 33. Cod. Inst. hoc titulo.* Iungenda autem huic *lex proxime sequens 86. inf.* Hanc *leg.* forte intelligit Libanius *Orat. aduersus Icarium, pag. 464. Edit. Morell. GOTHOF.*
- (b) *Eutropius PP. Orientis sub Theodosio M. v. Profop. ID.*
- (c) *Aut, Cod. Inst. ID.*
- (d) *Plumbatarum* Vocem hic sustulit *Tg. Gov:* ut & rursus *infra. ID.*
- (e) *Vi. ID.*
- (f) *Aut, Cod. Inst. ID.*
- (g) *De hoc mox. ID.*
- (h) *Tormentis* C.I. subductis rursus *plumbatarum ictibus*, ut *supra* propter *l. 40. cod. tit.* quae *hoc titulo* est *lex 117. inf. ID.*
- (i) *Ne speciali*, ita *C. Inst. ID.*
- (k) *Vel, abest a Cod. Inst. ID.*

- (1) Ita quoque nonnullæ Editiones *Cod. Iust.* sed *ye, eluere*, vt & correctæ exemplaria *Cod. I.* præferunt. *Notam eluere*, propria significatione. *ID.*
 (m) *Sui*, additum *C. Iust.* *ID.*

P.435.

COMMENTARIVS.

A PLUMBATARVM ictibus immunes esse iubet Principales, & Decuriones *bac l.* Theodosius M. cui iungenda quoque *lex prox.* seu eiusdem Theodosianæ constitutionis pars: qua viceversa, Curiales qui Curiam dignitatibus inpetratis declinauerant, ad Curiam vocari iubentur. De Immunitate Curialium a corporalibus iniuriis, fidiculis, & tormentis, iam sæpe *supra* dictum est: ac nominatim *ad l. 39. sup.* Nunc de Immunitate nominatim a Plumbatis (de quibus alioquin Plumbatis dixi semel plene *ad l. 2. sup. de Questionib.* adductis etiam pluribus e Libanio locis.) Igitur vt anteriora omitam, Constantinus M. Decuriones immunes regulariter & indistincte a quæstionibus esse voluit, ac proinde & a plumbatis: *l. 21. Cod. Iust. de falsis.* Constantius pariter ab iniuria corporis eos immunes indistincte fecit, *l. 39. 47. sup.* Valentinianus scilicet alicubi non nisi Principales, patronorum dignitatem adeptos *l. 61. sup.* Sacerdotes, etiam & principales honore functos *l. 75. sup.* Gratianus vero Imp. cum omnes Curiales immunes præstitisset a fidiculis & tormentis a summo ad infimum, a plumbatarum tamen ictibus solos Decemprimos immunes præstitit, *l. 2. sup. de quæstionibus* Theodosius M. vt a tormentis, ita & a plumbatarum ictibus omnes Curiales immunes esse iussit, *l. 30. sup. h. t.* ac nominatim a Plumbatarum cruciatibus *h. l.* Postea vero *l. 117. inf.* iuxta præscam consuetudinem debitores saltem publicæ pecuniæ, vel superexactores, Plumbatarum ictibus subiecit, etiam principales *l. 126.* (non vero proximos Curia *l. 127.* hos enim immunes esse voluit.) Item noxios *l. 15. sup. de accusat.* Honorius regulariter verberibus eos subiciit voluit, *l. 153. inf.* solis Principalibus exceptis, *l. 6. sup. de quæstion.* Quæ & ipsa Theodosii Iun. mens fuit, *l. 190. inf. h. t.*

Ex quibus interim apparet, non tantam fuisse iniuriam plumbatarum, ac fidicularum.

Nos ad *legem* nostram redeamus. A Plumbatis igitur immunes præstantur *bac leg.* Decuriones a Theodosio M. idque peremptoriis & enixis admodum verbis & sententiis sex. *Primum* enim atrocibus verbis insequitur Iudices id vsurpantes: nam & *consuetudinem temeraria vsurpationis* vocat, & *pertinaciam illiciti furoris.* Iudices scilicet sæpe Curialibus infesti his intonabant, & vsque ad verbera tanquam in Contumaces procedebant: cui rei fibula sæpe imposita Principum constitutionibus: de quo *ad leg. 39. sup.* *Secundo*, Curialium dignitatem in id extollit, & Plumbatarum iniuriæ opponit, dum *Decuriones sue*, (*si sic dici oportet*) *Curia Senatores* vocat: nempe quod Senatus in Vrbe Roma, & similibus erat, id in aliis Curia fuerunt. Hinc adeo Majorianus *Novella de Curialib. 1.* *Quorum* (Curialium) *caturum recte appellauit Antiquitas, Minorem Senatum.* Et Majorianum, vt alias, sequutus Cassiodorus id imitatus non vno loco, *II. Var. 18.* ad Guldiam Episcopum, *Antiquitatem vocasse Curiam Minorem Senatum*, & in formula *Præf. Prator.* *VI. Var. 3.* *Curiales etiam verberat, qui appellati*

sunt legibus, Minor Senatus. & *IX. Var. 2.* in *Edicto Atthalarici R.* *Non enim incassum vobis Curiam concessit Antiquitas: non inaniter appellauit Minorem Senatum, Nervos quoque vocans ac viscera Ciuitatum.* Hinc adeo Iustinianus *Novella 38. in princip.* Curias exemplo Senatus Romani institutas ait, *κατὰ τὴν τῆς Κασιλευσσης πίστεως μέμνηται, secundum regie urbis instar.* Et Aulonius in *Mosella*, propriam Senatum vocat, *2. 401.*

— quos Curia summos
 Municipum vidit Proceres, propriumque Senatum.

Quare & dignitas Curialibus tribuitur, *l. 103.* de quo *ad leg. 92. inf.* Cuius similitudinis multas stricturas afferre liceret, vbi pari scilicet, passu virique ambulant, & a Senatorum exemplo argumentum ducitur, vt *bac l. & leg. 101. inf.* de quibus v. Berterium *1. Pithanon c. 10. Tom. IV. Thes. Iur.* Et non proprie tamen Senatores, *si sic dici oportet*, quare male Interpretes multi, qui vbi *Συλεύτας* Græci Scriptores vocant, *Senatores* vertunt; in his, Iuliani & Zosimi Interpretes, & Nicephori *lib. 10. c. 13.* Ambulare igitur Theodosius eos & hac parte pari passu voluit, quasi indignus cruciatus hic esset, vt & Senatore, ita & Decurione. *Tertio*, omnibus Iudicibus id interdicit, cum tamen videatur hic distinctio quædam aliquando facta, Iudicum maiorum scilicet qui decuriones plumbatis afficere possent: quod etiam colligere est ex eiusdem Theodosii *l. 117. inf.* *Quarto*, nullum culpæ aut erroris genus excipit: cum tamen ipsemet Theodosius postea culpæ distinctionem fecerit, *l. 15. sup. de accusationib.* & *l. 117. l. 126. 127. inf.* Qua causa Tribonianus, cum *banc l.* in *Codicem suum* transferret, eam interpolauit, detracta mentione *plumbatarum*, & prælata *l. 117.* quæ eo Codice *legem 40.* constituit. Quod vero hic dicitur, *culpe aut erroris*, male distinguit *Glossa*, quasi error sit, quod per ignorantiam delinquitur: Error enim & culpa hic *παράλλως* posita & pro eodem. *Quinto*, Pœnas seuerissimas proponit Iudicibus Curiales plumbatarum ictibus subiicientibus: nempe multæ 20. librarum auri & infamiae perpetuæ, (quæ ne quidem Rescripto Principis elui possit, cum alias Principis proprium sit, notam infamiae eluere:) & Officialibus eorum 50. lib. auri: sc. quod *sexto* loco obseruandum, atrocitatem facili plurimum arguit, quod Officiales, Iudici hac parte resistere debuerunt. Nempe vt in aliis multis, quæ passim occurrunt *boc Codice*, ita & hac parte Theodosius M. liberam facultatem Officialibus tribuit, resistendi pertinaciæ Iudicum. Tertulliani *de Anima* locus alludit *c. 40.* *Gravior inuidia est in Præsidem, cum Officia pulsantur: plus caditur quæ iubet, quando nec qui obsequitur, excusatur.*

Tandem de hac omnino lege sensisse puto Libanium *Orat. aduersus Icarium pag. 464. Edit. Morell.* quam hoc tempore habuit: *ἐπαιετο τὸ μετὰ Φρε-*

νῦν, καλούμενον μὲν παλαιὸν νόμον, καλούμενον
 δὲ τὸ νῦν τεθινόν, percussus erat a tergo, ve.
 tantibus quidem legibus antiquis, cobibente vero lege recens lata. *Vi & Orat. inedita κατὰ Ἰναξίου: & Orat. περὶ ἀγλααίων, pag. 36. Edit. Gothofred. & pag. 386. Oper. min. Gothofred. Ed. Cl. Trotz.*

P. 436.

DIGNITATIBVS, per ambitionem impetratis, Curiales,
 multo minus filios eorum, Curia li-
 berari.

LXXXVI. (a) Idem AAA. Eutropio PF. P. (b)

QVI laborem Curialis officii declinantes, per illicitæ ambitionis compendia (c) pro-
 uecti, (d) non merito, probantur esse, sed pretio, nulla debent ratione defendi, sed
 functionibus debitæ redhiberi. (e) Super eorum autem Filiis reuocandis, nullius dubie-
 tatis existet ambiguum. Dat. XII. Kal. Aug. Heracleæ Eucherio & Syagrio Coss. [381.]

NOTAE.

- (a) Absit hæc lex a *Cod. Iust.* Iungenda autem ei lex superior prox. 83. Eam intelligit inter alias Theodosius, l. 98. *infr.*
GOTHOFR.
 (b) *Eutropius* PP. Orientis sub Theodosio M. v. *Profopogr. ID.*
 (c) *Compendia*, sunt, per quæ quis non ordine seu per gradus, ad quamcunque rem enititur. *ID.*
 (d) Ad dignitates. *ID.*
 (e) *Redhiberi*, restitui: v. *Gl. Theod. ID.*

COMMENTARIUS.

DIGNITATE, per ambitionem, & per com-
 pendia, non merito, id est, vniuersis muneri-
 bus non expletis impetrata, Curialem Curia libera-
 ri vetat *hæc l.* quæ eleganti stylo conscripta est, Theo-
 dosius M. imo ea nil obstante, eum ad Curiam & Cu-
 rialia munera retrahi iubet: pariter vt l. 87. prox. & l. 94. 98. 122. 123. 134. *infr.* *hoc tit.* Denique, quod
 eleganter dicitur d. l. 122. inanere eos in sinu patriæ
 voluit, & veluti dicatos infulis mysterium perenne
 cultionis; id est, munera Curialia explere: Quod
 & de **FILIIIS** eorum reuocandis, & quidem multo
 magis, statuitur *hæc ipsa leg. & dict. leg. 98. 122. 123.*

Neque **ADVOCATIONE**, *neque* **MILITIA**, *neque*
DIGNITATE vlla Curialem a Curia
 liberari.

LXXXVII. (a) Idem AAA. ad Florum
PF. P. (b)

VNIVERSOS, qui se tam causarum actionibus, quam etiam sacramentis militaribus
 cessantes, (c) ac stipendiis manciparunt, ad obsequium Sublimis Tua iubeat redi-
 re Curiale. Eos vero quos empræ defensionem præferre conpererit dignitatis, cunctas
 quas crediderant subrahendas, complere præcipiat functiones. Dat. III. Kal. Aug. He-
 racleæ, Eucherio & Syagrio Coss. [381.]

NOTAE.

- (a) Absit hæc lex a *Codice Iust.* Eam inter alias intelligit Theodosius ipse l. 98. *infr.* **GOTHOFR.**
 (b) *Florus* PP. Orientis sub Theodosio M. v. *Profopogr. ID.*
 (c) Locus hic de menda suspectus videri possit, quod tamen ipse non puto. *ID.*

COMMENTARIUS.

ETRIPLICIVITÆ genere Curiales, ad quod mul-
 ti hac tempestate confugerant, reuocari iubet
 Theodosius Magnus, *hæc l.* nempe 1. ex **ADVOCATIONE**. Aduocatio scilicet Curia non liberat:
 quod ipsum cauerat duabus aliis eiusdem Theodo-
 sii Magni constitutionibus, puta leg. 98. 116. *infr.* *hoc*
titul. imo & quarta Valentiniani Senioris, leg. 77. *supr.*
 vbi dixi, pluresque alias *leger* similes attuli.

2. **E MILITIA** Armata: nam neque per hanc
 Curialem Curia liberari voluit Theodosius Magnus:
hæc leg. & leg. 3. supr. de Tabulariis & l. 113. 137. 139.
infr. de quo & aliorum Imp. constitutiones occur-
 runt, quas in *Paratitlon* congesit. Inter alias vero
 existat & Valentiniani Iunioris lex prox. 88.
 3. **DIGNITATIBVS** emptis, de quo ad prox.
leg. supr. 86.

MILITIA Armata, vel Palatina, Curiam euitari non posse, nisi post certum tempus.

**LXXXVIII. (a) Idem AAA. ad Syagrium PF. P. (b)
Post alia. (c)**

CVRIALES, nisi per quinquennium armata militia, vel per triginta annos dignitas Palatina defendat, certum est origini esse reddendos: ita viseruat quinquennii de præterito condicione, & in posterum istiusmodi personis a consortio militiæ celsioris (d) exclusis, omnes, qui intra præscriptum tempus inter Palatinos habeantur, seu inter Protectores, (e) aut Domesticos, restituantur suæ fortunæ. PP. (f) V. Id. April. Karthag. (g) Post conf. Syagri & Eucherl vv. cc. [382]

NOTAE.

- (a) Abest hæc lex a *Cod. Iust. GOTHOF.*
(b) Eidem Syagrio inscribitur *lex prox. 89.* Ad hunc extant plures Symmachi epistolæ *lib. 1.* Meminit huius Syagrii PP. *Ammianus lib. 28. cap. 2.* Ausonius hunc carminibus suis patronum elegit, carmine ad eum scripto. vid. plura in *Prosopograph.* Fuit autem PP. Africa & Italiz: de Africa liquet vel ex *huius l.* subscriptione. Illyrici etiam, in qua Moesia prima, vt docet subscriptio *legis 89 prox. ID.*
(c) Quæ interciderunt, *ID.*
(d) *Celsa, celsior* militiæ: militiæ epitheta. Ita & Sex. Aurel. Victor. *ID.*
(e) De his *suo titulo, supr. lib. 6. ID.*
(f) Data forte ipso Consulatu Syagrii & Eucherii. *ID.*
(g) *Karthagini PP.* hæc lex ad Curias Africa, & nominatim forte ad Karthaginensem, *ID.*

COMMENTARIVS.

MILITIA Armata, vel PALATINA, veluti Protectoris Principis aut Domestici (de quibus suo titulo *lib. 6. supr.*) Curiam vitari vetat *hac l.* Valentinianus Iun. & quidem in posterum abscise: in præteritum vero id indulget, immunitatem scilicet a Curialibus muneribus, ἀπαρχασιώνων, vt loquitur Gregor. Nazianzenus *ep. ad Nestarium 51. vel 3.* si quinquennium quis in militia Armata exegerit, si triginta annos in dignitate Palatina: In quo argumento multæ aliz *leges* occupatæ sunt: quæ e *Paratitlo* peti possunt. Imo ipsemet Valentinianus Iun. per eandem Africam: *lex 95. infr.* qua quinquaginta militum Armata Curiale Curia liberet: & alteram *l. 100. infr.* qua Palatinam militiam regulariter a Curia non liberare statuit: Quæ Theodosio M. nominatim hac parte sententia fuerit, dic-

cam ad *legem 100. infr.* etiam ex Ambrosii *ep. 29. su. lib. 2. epist. 17. in fin. pag. 25. Tom. V. Oper. Edit. Paris. 1614.*

Illud interea obseruandum, quod *hac l. de Palatinis stipendiis* constituitur ad Syagrium, quem omnes qui Palatinis stipendiis enitescunt, suo præsidio iurare solitum, scribit Symmachus *libro 1. epist. 98.*

Illud etiam obseruandum, *hanc leg.* pertinere ad Curiam Karthaginensem: Nempe cum Curialium recensio hac tempestate ibi ageretur, conperitum est, multos dilapsos: Igitur hanc rem ad suam curam reuocans Valentinianus, Curiam Karthaginensem *l. 2. consultum* iuit. Ad quam ipsam Curiam Karthaginensem pertinet eiusdem Valentiniani *lex 84. supr. & lex 95. infr.*

**De FILIIS Decurionum, & VETERANORVM ad
Curiam vocandis.**

LXXXIX. (a) Idem AAA. ad Syagrium (b) PF. P. (c)

OMNES omnino quos paterna obsequia *Municipes* (d) fecerunt, resultandi (e) Curiae nexibus, quælibet a uorum atque maiorum stemmata referant, (f) licentiam penitus amittant: non minore Rectoribus, si hoc concesserint, periculi denunciatione confectis. *Veteranorum* quoque filios, armis in pares, seque otio, vel debilitate membrorum vel mentis torpore, donantes, vindicet Curiarum necessitas. Dat. (g) III. Non. Iul. Viminacio (h) Post conf. Syagri & Eucherl vv. cc. [382.]

NOTAE.

- (a) Abest & hæc lex a *Codice Iust. GOTHOF.*
(b) Eidem Syagrio PP. inscribitur *lex 88. vbi dixi. De eo v. & Prosopogr. ID.*
(c) Italiz, Africa, Illyrici. *ID.*
(d) *Municipes*, idest, Curiales, *b. l. & l. 4. supr. & l. 105. 110. 130. 137. 143. 144. 147. 154. infr. hoc tit. & l. 41. infr. de operib. publ. l. 2. supr. quid prob. deb. l. 17. infr. de iust. l. 1. vid. Paratitl. ID.*

(e) *Result.*

(c) *Resistere* Curiae nexibus: idest, ab ea resistere, tam declinare *b. l. & l. 131. infr. ID.*

(f) Vel *preferant*. *ID.*

(g) Forte pro *reddita*, vel *accepta*. vid. *Chronol. ID.*

(h) *Viminacium*. in Moesia prima. *ID.*

P. 438.

COMMENTARIUS.

FILIOS Curialium, ut & Veteranorum ad Curiam adstringi iubet *hac l.* Valentinianus Iun. quod & alii Principes multis constitutionibus sanxere, quas ex *Paratitlo* petere licet: Hæc sane cothurno Gallicano plurimum assurgit.

1. Filios porro *Curialium* in tantum ad Curiam adstringi iubet, ut adstringi velit, etsi Avorum atque Maiorum stemmata *referant*, vel *preferant*: idest, Avum & Maiores suæ potestatis, seu non, Curiales habeant: satis scilicet est patrem Curialem esse, cuius conditionem filii sequuntur: necquicquam eos iuvante Avorum vel Maiorum conditione. Quod & ipsum placuit Valentiniano Sen. huius Va-

lentiniani Iun. patri, *l. 64. supr.* vbi etiam dixi. Vnde apparet potius hanc partem haberi rationem conditionis Patris quam Avi & Maiorum: & sic Maiorum libertatem ab ultimo parente sic infringi, ut inde liberi statum capiant nulla ratione habita Maiorum. Quod singulari ratione & favore Curiarum introductum est: & ad alia si quando in praxin deduci potest.

2. Filios quoque *Veteranorum* Valentinianus Iun. *b. l.* Curiae vindicari iubet, nempe armis impares, vel otio se donantes, vel debilitate membrorum, vel mentis torpore seu ignavia. De quo iam pluribus *Legibus*.

De Curialibus SENATORIBVS factis.

XC. (a) Idem AAA. Proculo (b) Com. OR. (c)

VNIVERSOS, qui ex Consulatu (d) diui Pii (e) Constanti decimi (f) & Iuliani tertii (g) (hoc enim tempus est quod Diuorum parentum (h) nostrorum Valentiniani, (i) & Valentis decreta + signarunt) ex genere Curiali ad Senatoriam dignitatem adspirasse constiterit, vel restituendis (k) omnibus functionibus quas debebunt, curabis addicere, vel si cunctis functionibus obsecuti sunt, in substituendis quam maxime idoneis obnoxios facere non desistas. Dat. VIII. Id. Mart. Constantinop. Antonio & Syagrio Coss. [382.]

NOTAE.

(a) Absit hæc *lex a Cod. Inst.* Hanc inter alias legem suam ipse Theodosius intelligere videtur, *leg. 98. infr.* Forte *huic* iungenda *lex prox. 91.*

(b) *Proculo huic Comiti* Orientis inscribitur præterea anno prox. *lex 103. infr. hoc tit. & lex 14. supr. de cohortal.* Ad eundem etiam scripta est *lex 22. infr. de Operib. publ.* omnia dignitatis appellatione. Meminit huius Libanius *de vita sua*, p. 66. 68. & *Oratione ad Icarium* (eius in Comitibus Orientis successorem) p. 455. 456. 458. *Edit. Morell.* quibus locis omnibus administrationem eius tyrannicam suggillat: suumque in eum odium testatur. Tandem & quomodo cum dedecore magistratu decesserit, narrat. Extant & plures ad eum Libanii *epistolæ*: in quibus tamen ei adulatur iam ad Præfecturam Urbis promotus. *ID.*

(c) Cuius sedes Antiochiæ. *ID.*

(d) Qui congruit A. D. 360. *ID.*

(e) Pii cognomen *b. l.* tribuitur Constantio a Theodosio M. Quod alibi quod sciam, non occurrit. *ID.*

(f) *Decimum*. *ID.*

(g) *Tertium*. *ID.*

(h) *Parentes* suos *hac l. & l. 105.* Valentinianum & Valensem vocat Theodosius M. nempe quia decessores in Imperio. De qua appellatione vide, quæ dico prolixè ad *leg. vn. de act. cert. temp. fin. ID.*

(i) Exemplum *hac & d. l. 105.* habemus, laudatarum constitutionum sub duorum Collegarum Imperatorum nomine, cum tævera tamen vix tantum Auctor constitutionis esset, & quidem in *sp. huius l. Valentis. ID.*

+ *Legem 74. supr.* intelligit Theodosius M. *ID.*

(k) Idest, ad præstandas omnes functiones. *ID.*

COMMENTARIUS.

SENATORES ex Curialibus intra hos viginti duos annos (a Consulatu videlicet Constantii X. & Iuliani III. id est, ab Anno Dom. 360.) factos, Theodosius M. *hac l.* (quæ data est Anno D. 382.) ad alterutrum adigi iubet: vel inquam ad Curialia munia explenda; vel, si ea iam expleuerint, ad alios idoneos loco suo vicarios (ut vocantur *l. in. infr.*

ἀντὶφύχες) Curiae substituendos. Quæ Alternatiua duabus aliis præterea eiusdem Theodosii M. constitutionibus continetur, puta *l. prox. 91.* (quæ forte *huic* coniungenda est) & *l. 98. infr.* vbi & ratio redditur huius subrogationis: *ne quid*, inquit, *Patriæ perisse videatur*; quæ hanc inter alias indicare videtur. Sunt alioquin plures aliæ Theodosii

dosii M. constitutiones *hoc titulo* in hoc Senatorum ex-Curialibus factorum argumento occupatæ, puta *lex 82. supr. lex 93. III. 118. 122. 123. 129. infr.* Ita quidem vt *d. l. III. & l. 118.* hanc Vicarii alterius substitutionem non admittant. Et in vniuersum 27. constitutiones *hoc titulo* occurrunt in hoc argumento occupatæ, quas repetere licet ex *Paratitlo*.

Illud obseruandum, *hac l.* eum quem dixi *Consulatum* huic rei terminum figi, atque adeo eam, quam dixi, Alternatiuam proponi Curialibus Senatoribus factis: ac proinde Theodosium antea, idest, ante eum Consulatum, seu ante 22. annos, Senatores factos inquietari noluisse: verum ipsa antiquitate seu præscriptione 22. annorum & vltiore defendi: Idque exemplo, firmataque nominatim super eo constitutione Valentis (quam sub vtriusque Imp. collegæ nomine allegat; Valentiniani inquam, & Valentis; pro more tum recepto:) puta *P. 439. ta l. 74.* qua hoc ipsum *παράπρυμα ἀφ' ὧ* a Valente hac in re statutum fuerat. Hoc tamen inter vtrumque discriminare; Quod Valentianæ constitutionis tempore, quæ data est An. 371. vndecim annorum præscriptio tum sufficiebat, vt pote cum non plures Anni ab eo Consulatu ad eam Valentis constitutionem effluxissent: Hoc vero, huius Theodosianæ constitutionis tempore, ad euitandam eam

quam dixi Alternatiuam, & absolutam Senatoriæ dignitatis potestatem 22. anni requirerentur (tot enim ab eo Consulatu 360. ad hunc *huius leg.* annum 382. effluxerant:) Sed tamen (quod ex historica veritate petendum est,) eadem semper occasione. Nempe *παράπρυμα* illud positum ideo, quia Constantii sæculo e Curialibus ad Senatoriam dignitatem euecti fuerant: quod diserte docet Libanius, *orat. in Iuliani necem, p. 296. Edit. Morell.* cuius verba iam retuli ad *l. 48. supr.* & fidem quoque facit *lex 42. & ea ipsa l. 48. supr.* Quamquam fatendum, grauius istud vitium, vt videl. qui forte viginti annis in Senatoria dignitate iam moraretur, ad Alternatiuam illam quam dixi adigetur. Sed enim vel Theodosii M. moribus istud conueniebat, Curiarum commodis ac nominatim Antiochenæ (nam eo *hac lex* pertinet) enixe fauentis, vel certe Proculi Com. Orientis, cui *hac lex* inscribitur, scæuis & tyrannicis moribus, quos perstringit Libanius, *de vita sua, p. 66. 68. & oratione ad Icarium, p. 455. 456. 458. Edit. Morell.* De quo plura ad *l. 14. supr. de cohortalibus:* quæ eidem *Proculo* inscribitur: quæque pariter & scæuius adhuc, Principes officiorum a Senatoria dignitate ad officia retrahi plumbatis coercitos iubet.

De REVOCANDIS Curialibus.

XCI. (a) Idem AAA. Dario Conf. (b)

Si qui Curiales Curia derelicta, neque debitas patriæ reddiderint functiones, nec, cum ipsi discederent, idoneos subrogarunt, ita eos constringi oportet, vt & agenda persoluant, & in locum suum idoneos pro publica vtilitate constituent. Dar. VIII. Id. Aug. (c) Constantinop. Antonio & Syagrio Coss. [382.]

NOTAE.

- (a) Absit *hac lex* a *Cod. Iust.* Et forte iungenda ei *lex 90. prox. supr.* cuius eadem sententia est. Et hanc constitutionem suam intelligit Theodosius *leg. 98. infr. GOTHOF.*
 (b) Forte reponendum hic *Com. S. L.* pariter vt reponendum loco eiusdem vocis *Consulem*, in Inscriptione *l. 1. supr. quæ bonis ex Leg. Iulia cedere:* vel loco vocis *Consularem*, in Inscriptione *legis 3. sup. de Maritægulis.* Nisi putemus hunc *Darium Consularem* alicuius provincie fuisse & forte *Syriae-Cæles. ID.*
 (c) *VIII. Id. Mart. d. l. 90. prox. ID.*

COMMENTARIVS.

DISCEDENTEM a Curia Curialem & ante expleta munera, neque substituto idoneo, ad vtrumque iam adigi iubet *hac l.* Theodosius M. & munera inquam explere, & expletis iis idoneum aliam substituere. Hæc ita *hac l.* Theodosius in

aliis Curialibus alio se conferentibus relicta Curia: Atenim ad Senatoriam dignitatem sese conferentibus Alternatiuam iniungebat, *l. super.* vel inquam munerum explendorum; vel si munera iam antea expleuit, substituendi alterius; vbi vide quæ dixi.

PROCVRATIONE alienarum facultatum Curiales interdiciuntur.

XCII. (a) Idem AAA. Floro PF. P. (b)

Si quis Procurationem facultatum (c) suarum Curiali crediderit esse mandandam, totius (d) dignitatis exceptione depulsa, (e) patrimonium eius, quod crediderat Curiali, proscriptio fiscalis inuadat. Ille vero, qui immemor liberratis, & generis, infamissimam (f) suscipiens vilitatem, (g) existimationem suam seruili obsecundatione damnauerit (h) deportationis (i) incommodo subiugetur. Dar. X. Kalend. Nouembr. Constantinop. Antonio & Syagrio Coss. [382.]

NOTAE.

- (a) *L. 34. C. Inſt. eod. tit.* Hanc leg. memorat Theodoſius Iun. *Novella 4. ne Curialis prædium alterius conducat: ſimul & ampliatur. GOTHOFR.*
 (b) *Orientis: cui eidem inſcribitur lex 96. infr. ID.*
 (c) *Facultatum, id eſt, poſſeſſionum, fundorum, prædiorum. ID.*
 (d) *Omnis, cuiuſcuſque. ID.*
 (e) *Graviſſima pœna plectetur. Ita hæc mutavit Tſiſov. ID.*
 (f) *Infamiſſima. ID.*
 P. 449. (g) *Vilitatem habetur in nonnullis C. Inſt. male. Qui error alibi frequens. ID.*
 (h) *Ita l. 6. ſupr. ad leg. Iul. de adulter. viril. corpus alieni ſexus damnare patientia. ID.*
 (i) *Tradatur exilio. Ita Tſiſov. ID.*

COMMENTARIUS.

PROCURATIONE alienarum facultatum vt expreſſe hic dicitur, ſeu rerum, ideſt, prædiorum ſeu fundorum alienorum Curialibus interdicit Theodoſius M. *hac leg.* Quam multo poſt Theodoſius Iun. A.D. 438. *Novella ſua 4. Ne Curialis prædium alterius conducat,* memorat ſimulque *Providentiſſimam ſanctionem* vocat, & extendit interpretatione ſua ad *Conductionem*, imo & ad *fideiſſionem* conductionis: vnde deſumpta eſt *lex 30. Cod. Inſt. de locato.*

Nonnulli ſcilicet actus Curialibus olim interditi fuere, veluti Tabellionum, *l. 3. ſupr.* Locatio item vectigalium, *l. 97. infr.* (vbi de eo dicam) adductis etiam *Legibus Digefſorum*: Conduccio prædiorum Reip. vel ſaltuum, *l. 2. ſupr. de locat. fund. iur. emphyt.* Procuratio tandem facultatum alienarum ſeu prædiorum *hac l.* Verum hæc omnia alia atque alia ratione. Illud ſcilicet propter honeſtatem dignitatemque Ordinis Curialis: *Ille vero* (inquit, Theodoſius *hac l.*) *qui immemor libertatis & generis infamiſſimam ſuſcipiens vilitatem, exiſtimationem ſuam ſervili obſecundatione damnauerit.*

Ergo Procuratio alienarum facultatum ſeu rerum, fundorum, prædiorum alienorum actus ſervilis ſeu *ſervilis obſecundationis*, olim viſum, *vilitatisque infamiſſima*: Contra, maior dignitas viſa Curialis, quam vt ad hanc vilitatem descenderet, cum exiſtimationis ſuæ detrimento, ſimul & totius Ordinis indignitate immemor libertatis & generis.

Quod quidem ad Procuratores negotiorum falſo hætenus trahitur ab Interpretibus *huius leg. Codice Inſt. l. 34. de Decur.* quæ hinc eo translata eſt. Peruulgato exinde iam Pragmaticorum & Doctorum errore; quaſi Procuratoris negotiorum vile munus olim fuerit. Quod falſum eſt. Pari errore, quo contra Aduocati munus ſeu officium nobile eſſe perperam colligunt ex *l. 7. Cod. de poſtulan-*do: quæ *lex* huic ſententiæ fundamentum non eſt: eſt id aliunde recte colligatur. Nam hæc *lex* non eſt de Procuratoribus negotiorum, verum de procuratoribus alienarum facultatum, vt diſerte hic dicitur, ideſt, poſſeſſionum, fundorum, qui ſcilicet fundos alienos procurandos, colendos accipiebant, mercede Actores, quod vtique vile & ſervile munus fuit, & ad id adhibiti ſervi: v. *ſ. 7. Inſt. de iur. l. 16. D. de publicanis: l. ult. D. de off. præſidis: & paſſim hoc Codice & apud Symmachum.* Denique Procuratores hi fundorum ſervis paſſim iunguntur & actoribus, eodemque iure habentur. v.

vel *l. 2. ſupr. de pignoribus: l. vn. de peculio: l. vn. quod inſu:* quæ omnes inter ſe coniungendæ ſunt: Et dominos ex æquo habere dicuntur. v. & quæ de his *Salvianus Maſſilienſis de gubernat. Dei lib. 5. cap. 89.* Sic ſane & militibus hoc ipſum interdictum, *l. ult. Cod. Inſt. de locato conducto.* Hinc & iis qui rem alienam adminiſtraſſent, Perfectiſſimatus dignitas collata non proderat, non magis quam ſervili origine deſcendentibus, *l. unic. Cod. Inſt. de perfectiſſ. dign.*

Ergo huius prohibitionis ratio poſita eſt in *Dignitate Decurionum*, contra in vilitate Actorum horum & procuratorum: denique *σχις* ſeu Decurionum ſtatus comparatus cum Actorum vilitate huic interdicto locum fecit, vt hæc *lex* apertiſſime docet. Nam eſt Curialis nexus onera ſecum afferret & traheret, & quoad Curialium munerum rationem, Decuriones variis, & abiectis etiam quibusdam nexibus, & vinculis tenerentur quod variæ *huius tituli* leges palam faciunt, & Senatoriæ dignitati opponantur; de quo vid. vel *leg. prox. 93.* attamen cæteroquin hic honos quidam fuit in municipiis, a plebeiis diſtinctus; ac multo magis ab omni actu ſervili diſcretus: idque non hoc tantum Theodoſii Magni ævo, quod quidam opinati, verum vetuſto iam iure: Hinc adeo *honor* his tribuitur *l. 4. 5. 29 49. in fin. 71. 72. 77. 182 189. hoc tit. l. 7. in pr. & ſ. 2. & l. 12. D. de Decurionib. l. 15. & 17. ſ. 4. D. ad municip. l. 2. Cod. Inſt. de Aduocatis.* Imo & dignitas diſerte *l. 108. infr. 51. ſupr. & l. 6. 12. in fin. D. de Decurionib. l. 13. ſ. 1. D. de leg. Corn. de falſ. l. 2. D. de Albo ſcrib. d. l. 15. & l. 22. ſ. 5. D. ad municipalem: & paſſim alibi.* Hinc adeo & alias ſolicite cautum, ne ſordibus quibusdam inquinaretur & dehoneſtaretur Ordo curialis *l. 2. ſ. 2. l. 12. D. de Decurionibus & l. 8. Cod. Inſt. eod.*

Hæc igitur huius interdiſtionis ratio fuit, quam & pœnæ atrocitas teſtatur: nempe enim Curiali procurationem hanc ſuſcipienti deportationis pœnam imponit Theodoſius M. cuiusmodi ſane pœna non ſtatuitur in aliis actibus, qui interditi Curialibus; *l. 30. Cod. Inſt. de locato: l. 3. ſupr. ſeu l. 15. Cod. Inſt. de Decurionib.* At procurationem facultatum ſuarum Curiali mandanti, eius patrimonii quod Curiali credidit, proſcriptio imponitur, omni exceptione ſubmota: quam pœnam Tribonianus arbitriam reddidit, cum huius pœnæ loco, in *d. l. 34. graviſſima pœna* plecti eum ſanciat. Hanc vero noſtram *legem* hac parte ſi vidiffet bonus Accuſus,

fius, non ex ea collegisset, eum, qui procuracionem quod dedisset: non item laborasset in hac l. conciliandam, cum l. 5. *Cod. Inst. de condit. ob caus.*

De SENATORIBVS Curialibus eorumque filiis ad Curiam reuocandis.

XCIII. (a) Idem AAA. Clearcho PF. P. (b)

CVNCTI, qui ex Decurionibus Senatorum se splendori & collegio miscuerunt, eorumque omnis suboles, vel quæ prius edita est, vel quæ postmodum docetur esse suscepta, remittatur ad Curiam. Dat. VII. Kalend. Decembr. Antonio & Syagrio Coss. [382]

P. 441.

NOTAE.

- (a) Abest & hac lex a *Cod. Inst.* eam intelligit Theodosius l. 98. *infr. GOTHOF.*
 (b) *vsq. PV: hic & l. 3. supr. de sent. ex per. recit.* quod testatur l. 1. *supr. de sent. ex per. rec.* & l. 3. *infr. de Aquaductu*: & Socrates lib. 4. *historia Eccles.* c. 8. ubi differt huius Clearchi PV. meminit, & Anno proximo, l. 1. *supr. de dignitatum ordo. id.*

COMMENTARIVS.

SENATORES ex-Curialibus factos, omnes, una cum omnibus filiis, ad Curiam remitti, retrahi iubet *hac leg.* Theodosius M. cuius in hoc argumento, de Senatoribus ex-Curialibus factis plures aliæ hoc titulo extant: puta *lex 32. po.* (quæ hoc ipso Anno data est) *supr. lex iii. iis. 122. 129. 132.* Et in vniuersum 27. *hoc titulo leges* occurrunt in hoc argumento occupatæ, quas ex *Paratitlo* repetere licet. Et hac quidem lege, Primum Omnes filii retrahi iubentur, pariter vt *dict. leg. 32. & dict. leg. iii. iis. 129.* nempe intra hos 22. annos, vt d. l. 90. id enim & hac l. præsupponendum. Secundo, Rursum cum filiis, pariter vt filios reuocari idem voluit Curialium ad dignitates euektorum, l. 86. 98. 122. 123. *hoc tit.* vel Clericorum factorum, l. 123. Magistrorum, l. 98. *infr.* Tercio, cum omnibus filiis, line ante Senato-

riam dignitatem, siue post susceptis. Cum tamen alias filii post Senatoriam dignitatem suscepti Senatorii ferme censeantur: sane in hoc ipso argumento Valentiniano Sen. eadem quæ Theodosio mens stetit, l. 57. *supr.* puta vt Curialium, qui nondum expletis muneribus Curiales facti sunt, liberi, post eam quoque dignitatem suscepti, retrahantur. Contraria vero Valenti, *leg. 69. supr.* De qua questione plene ad l. 1. *supr. de Senatorib.* & *gleb. collat.* Quarto, tandem remitti Curiales Senatores factos cum filiis iubet, nempe a Præfecto urbis, cui hac lex inscribitur pari causa, qua & *lex 155. 160. 180.* hic enim Senatus & Senatorum Princeps fuit: de quo ad l. 4. & *ult. supr. de iurisdic. l. 13. supr. de accusat. leg. 10. supr. de maleficiis,* & Symmachus lib. 10. ep. 62.

Ex DIGNITATE vel MILITIA quacunque retrahendis Curialibus.

XCIV. (a) Idem AAA. Constantiano (b) Vic. Dioces. Pontic. (c)

VNIVERSOS, quos, furtiuam (d) militiam (e) & fraudes varias dignitatum, obsequia ciuitatum Grauitas Tua conpererit refugisse, ac per ambitum honoris indebiti, necessarium patriæ ministerium denegasse, ad Collegium Ordinum, & consortium functionum, amota reuocare dilatione contendat: neque eos sub excusatione alicuius Officii, vel honoris permittat euagari: qui tunc demum libero poterunt honore gaudere, si vniuersis muneribus nominationibusque completis, absolutam possidere cœperint dignitatem. Dat. Prid. Kalend. Febr. Constantinop. Merob. II. & Saturnino Coss. [383.]

NOTAE.

- (a) Abest hac lex a *Cod. Inst.* Eam quoque intelligit Theodosius ipse l. 98. *infr. GOTHOF.*
 (b) Eidem Constantiano Vicario Dioceseos Ponticæ inscribitur Anno superiore 382, *lex 42. supr. de cursu publ.* & hoc ipso Anno 383. *lex 12. supr. de exactionib. lex 7. supr. de desertorib. lex 10. infr. de hereticis. id.* In d. l. 10. Constantiniano, legitur, quod probat Gothofredus ad d. l. 7. *supr. de desertor.* Pleraque tamen leges Constantiano habent, *RITTER.*
 (c) Pontica diocesis: de hac, & Vicario eius vid. *Notit. Imp. fol. 79.* ubi vndecim eius provincie numerantur; in veteri *Notitia Sconthouiana pag. 84. Edit. Cellar. ad calcem Festi.* nonnisi octo: vtpote nondum Cappadocia in duas diuisa: & Galatia (quæ & ipsa indiuisa) Asiaque adscripta, itemque Hellepontus. *GOTHOF.*

(d) *Per* sustinam: vox, *per*, hic restituenda: vt *infra*. mox habetur *ac per ambitum*, *ID.*

(e) *Id est*, officium, vt *infra*. *ID.*

C O M M E N T A R I V S.

DIGNITATE seu honore, vel OFFICIO seu militia quacunque Curialia munera vitari vetat *hac elegantissima leg.* rursus Theodosius M. vt aliis quamplurimis Legibus, quas Paratitlon omnes exhibet: Quid igitur? Reuocari eos ad Curiam iubet: & tum demum dignitate seu honore frui, cum omnibus muneribus Curialibus functi fuerint. Ergo in suspenso dignitatem interea esse vult, quam *absolu-*

tam postea possidere incipient, seu *libero honore* gaudebunt. Quod ipsum aliis quoque Legibus constituitur.

Singulare illud habet *hæc lex*, quod pertineat ad Curias *Pontica* dioceseos, in qua numerat *Index Sconbouianus* octo prouincias; *Notitia Imperii* vndecim; & in his quidem *Bithyniam*, *Paphlagoniam*, *Pontum*, *Cappadociam*, *Armeniam* &c.

R. 442.

De Curialibus ex MILITIA Armata, reuocandis.

XCV. (a) Idem AAA. ad Eufignium (b) Proc. Afric.

VIRI Ordinibus nati ad militiae non debent sacramenta confugere. Post quindecim vero (c) stipendia, vinculo prioris Ordinis liberetur, qui se tribus lustris addidue militasse, & neque bellicis necessitatibus, neque muneribus militaribus ostenderit defuisse. Dat. IV. Kal. Mart. Med. Merob. II. & Saturnino Coss. [383.]

N O T A E.

(a) Absit *hæc lex* a Cod. *Iust.* GOTHOFR.

(b) *Eufignio* huic Proconsuli Africæ inscribitur hoc ipso Anno 383. *lex vn. supr. de mand. Principum*: hic paulo post PP. fuit: vt docent plures constitutiones *hac Cod.* Sed & plures extant ad eum Symmachi epistolæ, *lib. 4. ab ep. 67. ad finem libri*. Sane Africæ quoque mentio fit *ultima Epistola*. Ex quo putabat Iuretus, eam ad hunc eius Proconsulatum Africæ referendam. Quanquam & ad ingruentem Romæ famem ob Africæ penuriam, non tantum Proconsularis, verum prouinciarum Africanarum, referri possit. *ID.*

(c) Tamen, *ID.*

C O M M E N T A R I V S.

MILITIA armata quindecenniali, Curialem Curia liberari iubet *hac lege*, Valentinianus Iunior, idque per Africam Proconsularem. Quindecenniali ergo militia (per integram Indictionem) liberari permittit, qui tamen superiore Anno *leg. 88. supra*, per eandem Africam, nonnisi in præteritum quinquenniali militia eum liberari permiserat, in posterum vero Curiales omnino a consortio militiae excluderat: vt proinde videatur Valentinianus Iunior *hac lege* sua illi derogasse:

Hac interim *leg.* obseruetur, *tria lustra*, seu *quindecim annos* hic pro eodem sumi: Vt dubitandum non sit, *lustrum* quinque annorum spatium fuisse.

Cur autem hoc quindecim annorum spatium definit Valentinianus Iunior? Nempe quia ante quindecim retro annos sub Valentiniano Seniore Patre eius iam inde ab exordio Valentiniani, Barbaris Africam vexantibus (quod Ammianus testatur *libro 26. cap. 4. in fin. & libro 27. cap. 9. & libro 28. cap. 6.*) & militari socordia accedente (quod Ammianus testatur, *dicto libro 27. cap. 9.*) Multi Curialium fas putarent ad prouinciam tutandam, ad militiam sese conferre: Quæ causa videtur cur Valentinianus Senior Anno 368. quinquenniali militia per Mauritaniam Curiales Curia liberauerit, *leg. 64. supr.*

1. De PLEBEIIS idoneis ad Curiam in Mysia vocandis: 2. Deque ORIGINALIBVS Curialibus ex officiis prouinciæ retrahendis.

XCVI. (a) Idem AAA. Floro PF. P. (b)

CONCESSVM (c) Curialibus prouinciæ Myssiæ, (d) vt si quos e plebe (e) idoneos habent, ad Decurionatus munia deuocent: ne (f) personæ famulantium (g), facultate locupletes, onera, pro quibus patrimonia requiruntur, obscuritate nominis vilioris euadant. In quorum desiderio (h) etiam istud adiectum est, vt Originales, (i) qui ad diuersa prouinciarum Officia confugerunt, ex diui Iuliani † tempore, ad Curiales functiones, sublata omni ambiguitate, retrahantur. Dat. III. Non. Mar. Const. Merob. II. & Saturnino Coss. [383.]

NOTAE

- (a) Abest hæc *lex a Cod. Iust.* Iungendaque ei videtur, etiam ad alium data, *lex 1. 2. sup. de priuileg. eor. qui in Sacro Palat. GOTHOF.*
- (b) Florus sub Theodosio M. PP. Orientis, in qua Præfectura Thraciæ Diocesis erat, cuius prouincia Myſia secunda. Eisdem inscribitur & *lex 9. 2. sup.* aliaque plures. *ID.*
- (c) Ad desiderium eorum. Et est abruptum hoc initium, quod desumptum ex prolixiore constitutione, quæ ita ferre habebat: *Noueris sublimitas Tua a nobis concessum &c.* vel quid simile. *ID.*
- (d) *Secunda*, seu inferioris; quæ sub PP. Orientis fuit in Diocesi Thraciarum; vt docet *Index Sconbonianus pag. 31. Edit. Cellar.* qui hoc ipso tempore scriptus sub Theodosio M. & *Notitia Imperii* sub Theodosio Iul. fol. 4. *ID.*
- (e) *Plebs & Plebei* Curialibus oppositi: sic & in *vet. Inscript.* ORDO & PLEBS: Item ORDO & POSSESSORES. Apuleius lib. 10. *Metamorphos.* pag. 193. *Edit. Lugd. B. apud Ioan. Maire.* Tanta denique miseratione, tantaque indignatione Curiam, sed & plebem marem inflammauerat. Ibidemque *Decuriones & Populares* opponit eodæ sensu: *partim Decuriones deprecari, partim populares compeſcere.* *ID.*
- (f) Vel, *nec.* *ID.*
- (g) *Famulantes* vocat e plebe Artifices, plebeios, populares. *ID.*
- (h) Hinc apparet, *hanc leg.* emissam ad desiderium (& Legationem forte ad id missam) prouinciæ Myſiæ. *ID.*
- (i) Origine Curiales. *ID.*

COMMENTARIVS.

MYſiæ prouinciæ Curias exhaustas Curialibus duplici ratione repleti iubet *hac l.* Theodosius M. Idque, ad desiderium ipsiusmet prouinciæ Myſiæ, vt hæc ipsa *lex* aperte docet: ea scilicet querelas suas de Curialium suorum paucitate ad Imp. Theodosium M. hoc tempore pertulerat, desideria sua super eo explicans, *desideria* (inquam) quæ vox hac in re propria est, vt docent varix *leges, infr. de Legatis, & decret. legat.* forte etiam Legatione in id missa. Ad hæc igitur Myſiæ prouinciæ desideria respondens Theodosius Magnus *hac leg.* duo ad replendum Curialium numerum his concedit.

Primo, vt *Nouos* Decuriones allegere possint, quos e plebe idoneos viderint, seu facultatibus & possessionibus locupletes, *Non obstante obscuritate nominis vilitatis.* Quo obtentu quidam eos ad Curiam non vocandos contendeant. Verum Theodosius M. reponit hoc casu satis esse quod facultates haberent, onerataque Curialia, patrimoniam requirerent: Ac si diceret, hac in re census tantum rationem habendam; quandoquidem Curiales functiones onerataque censum desiderarent. De quibus oneribus vide plene *Paratitlon.* Hoc vero ipsum de plebeiis idoneis ad Curiam vocandis statutum quoque a Constantino M. l. 13. a Constantio l. 33. a Valentiniano Sen. l. 72. *supr.* Idque ipsum Iulianus quoque concessit Antiochenis, l. 53. *supr. hoc tit.* Imo ipsemet Theodosius postea Tripolitani, l. 133. *infr. hoc tit.* & Honorius l. 140. *infr.* quibus locis vide quæ noto.

Secundo Theodosius M. (quod & ipsum e desiderauerant Myſi) retrahi iubet *Originales*, qui *Officiales* Rectorum prouinciarum, relicta Curia, facti fuerant. Quod & ipsum alias ab eodem Theodosio M. statutum, l. 113. 134. *infr.* Neque tamen omnes, verum eos tantum qui Officiales facti fuerant inde a *Iuliani Imp. tempore*, ab hinc viginti duobus scil. annis, (25. anni sunt a Constantis l. 56. *supr. de diu. off.*) tot enim sunt ab initio Imperii Iulianei, id est, a fine Anni 361. ad huius *leg.* Datum, id est, Ann. Domini 383. initium. Quod ipsum ferme *παράληψα* αφ' & ab eodem Theodosio M. statutum in retrahendis Curialibus, qui Senatores facti fuerant, l. 90. imo & a Valente antea l. 74. *supr.* Scil. anteriore tempore, sub Constantio Curiales, vel Officiales vel Senatores factos, Theodosius M. annositate ipsa & præscriptione tanti temporis tutos esse voluit, vt sane multi tum temporis sub Constantio scil. Curias euitauerant, quod docet disertè Libanius *orat. in Iuliani necem*, pag. 296. *Edit. Morell.* fideinque faciunt Constantii l. 42. 48. *supr.*

At Breuioris temporis præscriptione tutos esse voluit Theodosius M. eos, qui ad Palatinam militiam sese contulerant, nempe decennali militia, l. 12. *supr. de priuileg. eor. qui in S. Pal.* quæ huic *legi*, etiam ad alium data, iungenda videtur, cum non tantum argumento conueniat, verum etiam temporis characterismo congruat.

A CONDVCTIONE VECTIGALIVM Curiales regulariter arcendi.

XCVII. (a) Idem AAA. Cynegio Com.
S. L. (b)

SCITAS, excepta diocesi (c) Agyptiaca, vbique seruandum esse, ne vsquam penitus in susceptionem vel minimi vectigalis Decurio conductor accedat; Sed eorum professionibus (d) & personis omnis hæc diuersarum locationum summa credatur, qui ad exhibendam publicis rationibus fidem, periculo & fortunæ coguntur, & vitæ. Dat. VIII. Id. Mar. Constantino. Merobod. II. & Saturnino. Coss. [383.]

NOTAE.

(a) Abest: hæc lex a Cod. Iust. GOTHOFR.

(b) Cynegio huic Comiti S. L. inscribitur hoc ipso Anno & mense lex 1. 2. *supr. de primil. eorum qui in S. Pal.* quæ superiori legi iungenda videntur. ID.

(c) Diœcesis Aegyptiaca. ID.

(d) Recte, non possessionibus, vt quidam reponunt. ID.

P. 444.

COMMENTARIUS.

VECTIGALIVM SVSCEPTIONE, seu CON-
DUCTIONE, quorumcunque, vel minimorum,
Decurionibus hac l. interdictit Theodosius M. quod
& antiquo iure his interdictum fuit l. 4. & l. 6. §. 2. D.
de Decurionib. Pariter vt Decuriones prohibiti
conducere prædia publica vel fiscalia, l. 2. §. 1. D.
de administr. rerum ad ciu. pert. prædia Reipubl. vel
saltus, l. 2. *supr. de locat. fund. iuris emphyteut.*
(Quæ omnia publicos actus Curialibus interdictos
contingunt: nam de priuatis actibus Curialibus in-
terdictis dictum l. 92. *supr.*) Ratio autem huius
interdicti hac ipsa lege satis redditur: nempe quod
Ad exhibendam publicis rationibus fidem, periculo
fortune & vitæ cogi non possint. Facile scilicet Cu-
riales vectigalium conductores rationes conturba-
turi videntur: neque conturbatis, sisco facile con-
sultum esse potest: quandoquidem fortunæ eorum
& vitæ in cello locatæ. Adde & quod miseros pro-
vinciales facile ita concutere possent. Sic & vice-
uersa conductores vectigalium ad munera municipa-
lia vocandi, vel admittendi non sunt, l. 5. §. 10. D. de
iure immuni.

Id vero ius ab Vrbe ad municipia traductum:
nam & Senatoribus id olim interdictum, teste vel
Alconio contra Antonium; Idque siue per se, siue per
alium. Xiphilinus in Epitome Dionis, inuit Adri-
ni pag. 358. Edit. Sylburg. ἐνομοθέτησε δι' ἀλλὰ τε,
καὶ ἵνα μηδὲς ἐλευθερὸς μὴτ' αὐτὸς μὴτε δι' ἐτέ-

ρα τίλλῃ τιμιθῆται: multas leges sanxit, sed
praesertim, vt ne Senator per se, neue per alium ve-
ctigalia conduceret. Qui Dionis locus de Senatori-
bus accipiendus est, non vero de Decurionibus: quod
tamen Cuiacius & Briffonius credidere.

Ergo Susceptores vectigalium Curiales esse pro-
hibiti, cuiuscunque tandem vectigalis etiam minimi,
μηδ' ἐλάχισα τελωνίεσθαι: cum tamen (quæ ra-
tio dubitandi erat) non magnum periculum videretur,
si minimum aliquod vectigal conducere his li-
ceret.

Et hæc quidem ita de susceptione, id est, de con-
ductione vectigalium Curialibus interdicta: alias
enim susceptiones specierum annonariarum & auri,
Curialibus impostæ, de quo *inf. t. de susceptorib. l. 4.*
7. p. 24. 31. De exactionibus quoque dixi l. 8. 14. *supr.*
Et fidem facit sub ipsomet Theodosio M. Libanius,
περὶ προσασιῶν, num. 3. pag. 9. Edit. Gothofred. &
pag. 366. Oper. min. Gothofr. Ed. Cl. Troitz.

Excipitur tamen ab eodem Theodosio M. h. l.
diœcesis Aegyptiaca: ibi scilicet susceptores seu con-
ductores vectigalium Curiales esse posse indicat.
Cuius exceptionis ratio in obscuro est. Similis alio-
quin provinciarum exceptio in altero susceptionis
genere: nempe per Illyrici prouincias susceptores
specierum ex Officialibus sumpti, per Africam ex
Curialibus, Valentiniani l. 9. *infr. de susceptorib.*

*De CVRIALIBVS & Curialium filiis ad Curiam reuocandis,
retinendis, quatuor capita.*

XCVIII. (a) Idem AAA. Postumiano PF. P. (b)

IN (c) muneribus peragendis, si qua soluta ante non fuerant, vel in substituendis idoneis,
ne quid patriæ perisse videatur, vel in filiis retinendis, (d) priorum præceptorum de-
creta † Sublimitas Tua custodiat. Eos quoque (e) qui Aduocationis obtentu Curialia
onera declinant, onera (f) vniuersa compellat, (g) quæ, etsi necessitas non exigit, tamen
patria non remittit. (h) Ipsos quinetiam filios Magistrorum (i) qui ex Curiali stirpe de-
scendunt, simili modo obnoxios (k) esse decernat. (l) Dat. VIII. Id. April. Constantinop.
Merob. II. & Saturnino Coss. [383.]

NOTAE.

(a) L. 35. Cod. Iust. eod. tit. hinc interpolata, detractis primæ sententiæ verbis, quæ ad horum temporum rationem pertinent,
iungendaque huic, lex 10. *supr. de bonis proscriptorum.* GOTHOFR.

(b) Postumianus sub Theodosio M. PP. Orientis: ad quem vt extant plures hoc Codice Constitutiones, ac nominatim quæ
que lex 102. 104. *infr. hoc tit.* & Gregorii Nazianzeni ep. 71. De eo plura in *Præfopagr. ID.*

(c) Recita Cod. Iust. hæc priora vsque ad *In filiis. ID.*

(d) In conditione paterna: recte Glossa. ID.

† Intelligit legem 36. 37. 90. 91. 94. *supr. ID.*

(e) Eoque Cod. I. ID.

(f) γρ. Ad onera. Pro quo Τεῖνον, agere vniuersa. ID.

(g) Subli-

(g) Sublimitas tua, ἀνὸ τῆ κοινῆ. ID.

(h) Ita interpungendus hic locus: haftenus male, remittit ipso. Quinetiam &c. Et sane Cod. Iust. quoque locus hic ita euolutus: *Ipsos quin etiam &c.*

(i) *Magistri*, id est, Professores *hac l. & l. 10. 11. 13. infr. de med. & profess. l. ult. de stud. lib. V. R. & magistri studiorum, l. 5. d. tit. de Med.* vnde *Magistrations*, loca in quibus docebant *d. l. ult. infr. de studiis.* Ita Ammiano *lib. 27. c. 9. magister Rhetoricus & lib. 22. c. 10. in fin. & lib. 25. c. 4. Magistri Rhetorici & Grammatici. ID.*

(k) Curiz. ID.

(l) Sublimitas tua, ἀνὸ τῆ κοινῆ. ID.

R. 445.

COMMENTARIVS.

SUPERIORES ferme *leges* suas omnes hac enixa constitutione sua, Curiarum commodis consulens, super Curialib. eorumque filiis ad Curiam retrahendis quatuor capitibus confirmat & executioni tradi iubet Theodosius M. puta legem 86. 87. 90. 91. 93. 94. *sup.* (1.) Nempe Curiales qui ad DIGNITATES prouecti fuerant ad Curiam retrahi iubet, si nondum munera omnia subierint: si subierint, alios substituere loco suo idoneos cogendos: quod diserte cauetur *d. l. 90. 91.* Cuius subrogationis ratio *hac l.* redditur, ne, inquit, *quid patriæ perisse videatur*, ac si diceret, substituto idoneo iam neque eum qui excusatur, excessisse videri. Secundo capite FILIOS eorum ad Curiam retineri iubet: quod sane vt *l. 86. 93. supra*, cauetur: ita & *l. 122. 123. infra.*

Post hæc iam, quæ Tribonianus recidit, duo alia capita quæ Tribonianus retinuit expressiora addit, quæ maiorem alioquin dubitandi rationem habere videbantur: quæque enixum Theodosii in Curias studium arguunt. Quanquam & primum ex his iam antea quoque ab ipso cautum fuerat *l. 87. sup.* Nempe definit, ne quidem ADVOCATIONE, (quanquam hæc fauore dignissima videretur) Curialia onera euitari posse: sed Curialem Aduocatum ad vniuersa onera compellendum: Quod & postea ab eodem Theodosio M. tertia constitutione repetitum *l. 116. infr.* sed & iam olim cautum a Valentiniano Sen. fuerat *l. 77. sup.* vbi dixi ad id plura: quæ dubitandi rationem illustant. Notanda tan-

tum hic illa, *quæ etsi necessitas non exigit, tamen patria non remittit*: Nempe, et si satis magnus alioquin Decurionum numerus sit, neque necessitas semper vel in præsens urgeat, attamen non ideo ea in perpetuum remittit. Remittere est penitus liberare omnibus: Et quæ hodie necessaria non sunt, olim necessaria forte futura sunt. Quare minus huc pertinet illa Regula, quam hic allegat Glossa: quædam habere possunt, etsi vtilia nobis non sunt *l. 19. D. de seruit.*

Alterum, quod ipsum magnam dubitandi rationem habere videbatur, quod *hac l.* expressim a Theodosio M. cauetur, istud est, ipsos etiam MAGISTROS, id est Professorum filios, Curialium stirpe descendentes, Curiz obnoxios reddendos: Quod etiam Constanti Imp. visum *l. 26. sup.* si modo ibi vox, *magistris studiorum* stare potest: quod non puto. Cum tamen aliorum Principum Constitutionibus non ipsi tantum Magistri seu Professores a Curialibus muneribus immunes essent, de quo *l. 1. inf. de Medicis & Professorib.* verum etiam filii eorum: *l. 3. d. t.*

Et hæc quidem ita Theodosius M. Curiarum commodis enixe hoc tempore consultum cupiens, qui & de filii sui commodis eadem constitutione, vnde *hac lex* desumpta est, aliquid cauerat, *l. 10. sup. de bonis proscriptor.* quæ huic coniungenda est: vbi & de Filiis pariter deportatorum. Vide quæ ad *illam leg.* dixi.

IVDAEOS a Curialibus muneribus immunes non esse.

XCIX. (a) Idem AAA. ad Hypatium (b) PF. P. (c) Post alia.

IVSSIO †, qua sibi Iudææ (d) legis homines blandiuntur, (e) per quam eis Curialium munerum datur (f) immunitas, rescindatur: * cum ne Clericis quidem liberum sit, prius se diuinis ministeriis mancipare, quam patriæ debita vniuersa persoluant. Quisquis igitur vere Deo dicatus est, alium instructus (g) facultatibus suis, ad munera pro se complenda constituat. Dat. XIII. (h) Kal. Maii, Med. Merobaude II. & Saturnino Coss. [383.]

NOTAE.

(a) *L. 4. fin. 5. vt quædam habent Edit. Cod. Iust. de Iudæis.* Iungenda huic procul dubio *lex prom. 100. GO. THOFR.*

(b) *Hypatii* huius geminam Præfecturam memorat Ammianus Marcellinus, *lib. 29. c. 2.* id est Præfecturam vrbis, quam gessit A. 379. vt docet *lex 26. sup. quorum appell. & Prætorianam, vid. Presep. ID.*

(c) Italiz. ID.

† An Vetus, Seueri & Antonini. *l. 3. §. ult. D. de Decurion.* An Iuliani? *Iussu* porro est Recriptum: vt *l. 102. inf. vid. Paratit. de Constit. Princip. ID.*

(d) Iudæice, C. Iust. ID.

(e) Sibi blandiri. vid. *Gloss. Theod. ID.*

(f) Deba.

(f) *Dabatur C. Iust. ID.*

* *Sequentia omnia recedat T. 1. De cuius rei ratione mox, ID.*

(g) *79. InstruSum. ID.*

(h) *XIII. dist. 1. prox. 100. XVIII. vel XVII. dist. 1. 4. su. 5. Cod. Iust. ID.*

COMMENTARIUS.

DE IUDÆIS est hæc Valentiniani Iun. constitutio: qua negatur eis immunitas a Curialibus muneribus pariter ut Honorii *l. 177. 158.* & Arcadii *l. 165. infr.* Idque Iudæis omnibus: cum Constantini constitutione *2. 3. inf. de Iudæis:* excepti essent Hierei &c. & Arcadii *l. 13. inf. de Iudæis,* Archierei, & Honorii *l. 24. infr. de Iudæis,* qui inter agentes in rebus sunt & Palatinos. Et sic octo in uniuersum hac de re constitutiones exstant *hoc Co-*
p. 446. dice, & hæc quidem Valentiniani Iun. His addatur omnibus Iustiniani *Novella 45.* Id vero hac *l.* statuitur, rescissa Constitutione quadam, qua immunitas ea his tributa fuerat, pariter ut similem immunitatem circa milites Armatae vel Palatinae militiae Curiales abrogat *l. prox. 100.* quæ huic coniungenda est ceu vnus & eiusdem constitutionis pars.

Dubium vero, quamnam, seu cuius Imp. constitutionem hic intelligat Valentinianus Iun. Dubium etiam, num ea immunitas omnes Iudæos comprehenderit? quod suadere videantur generalia *huius l.* verba, *Iussio qua sibi Iudææ legis homines blandiuntur:* an vero Patriarchas; Presbyteros, Hiereos, Patres Synagogarum tantum: quod suadere videtur, tum comparatio clericorum, quæ mox sequitur, tum illa *sine legis:* *Quisquis igitur vere Deo dicatur est.* sane iam olim Seuerus & Antoninus eis, qui Iudaicam superstitionem sequuntur, honores adipisci permiserant: sed & necessitates eis imposuerant, quæ superstitionem eorum non læderent: teste Vlpiano *l. 3. §. ult. D. de Decurion.* De Alexandro Seuerò memorat quoque Lampridius, *c. 22. eum Iudæis priuilegia referuasse.* Quænam vero ea fuerint? non explicat. Ut ut sit, pristina seu veteri obseruatione, Iudæos ad Curiam vocari non potuisse testatur Constantinus M. *l. 2. 3. inf. de Iudæis:* qui hoc eis ademit: exceptis tantum binis vel ternis per singulas ciuitates Hiereis, Archisynagogis, & Patribus Synagogarum *d. l. 2. & 3. eod. tit.* quas Constantini M. iussiones intelligit Arcadius *l. 13. de Iudæis:* Qui hoc ipsum a Constantio, Valentiniano (Seniore sc.) & Valente decretum *ibidem* ait: Idque ipse confirmat *ea l. 13.* Et vero de hac simili iussione *hanc leg.* accipio: qua scil. Hierei tantum &c. excepti fuerant a Curiali conditione (quod & ipsum Valentinianus Iun. eis adimit) Duplici argumento: Primo, quod hac *l.* comparatio instituitur Clericorum.

Quamquam forte dicere quis posset (quod verum non puto) Valentem Imp. Iudæos omnes in commune Curialibus muneribus aliquando immunes fecisse, deque ea Valentis iussione Valentinianum Iun. hic sentire: nam & Cedrenus scribit, Valentem *Iudæos in honore habuisse,* videri tandem cui posset Gratiani *legem* aliquam *hic,* & *l. prox. 100.* intelligi. Sed in priorē sententia hæreo: de quo etiam aliquid ad *l. 13. infra de Iudæis.*

Quidquid huius sit, Valentinianum Iun. nunc sequamur, & argumentum eius a CLERICIS ad Iudæos, a maiore ad minus scilicet; Iudæis videlicet non dandam immunitatem definit, cum ne Clericis quidem Christianæ Religionis seruientibus, seu diuino ministerio mancipatis hæc immunitas competat: imo non ante Clerici fieri possint, quam persolutis omnibus patriæ muneribus: vel sane substituto idoneo, cui facultatibus cesserint, vel (ut postea Theodosio placuit) facultatibus suis ipsi Curia cessis: *l. 104. 115. 121. 123. inf. b. t.* Circa quod tamen varie censuere Imperatores Constantinus M. Constantius, Iulianus, Valentinianus, Valens, Theodosius, Arcadius, Theodosius Iun. quorum constitutiones, earumque summam in *Paratitlo* semel exhibui. Sane Valentiniano seniori, patri huius, eadem sententia stetit; scilicet ut bonis suis cederet Clericus ex-Curiali factus, *l. 59. sup. & Theodosio l. 104. 115. 121. 123. inf. b. t.* quæ Valentiniano Iuniori quoque *hac lege* sententia placet.

Huius temporibus propriè conueniunt ea, quæ Ambrosius scribit libello suo altero ad hunc ipsum met Valentinianum, aduersus Symmachum *pag. 325. Edit. Symmachi Paris. 1604. Si priuilegium quærat Sacerdos (Christianus) ut onus Curiale declinet, patria atque auita & omnium facultatum possessione cedendum est. Quomodo hanc Gentiles si haberent, ingrauerent querelam, quod Sacerdos ferias ministerii sacri erat totius patrimonii sui damno, & priuatus vniuersæ commoditatis dispendio vsum publici mercetur obsequii: prætendens communis salutis excubias, domestica inopia se mercede solatur; quia ministerium non vendidit, sed gratiam comparauit. Conferte causas: Vos excusare vultis Decurionem, cum Ecclesiæ excusare non liceat Sacerdotem.*

De REVOCANDIS ad Curiam ex quacunque militia, Curialibus originalibus.

C. (a) Idem AAA ad Hypatium PF. P. (b)

OMNES, qui ex origine Curialiam se diuersis gradibus inferuere militiae, reddi propriis Ordinibus oportebit: Exceptis his, quibus Legis † verustæ (quæ certum numerum stipendiorum, vel Palatinae militiae viris statuit) opitulatur auctoritas. *Dar. XIII. Kal. Maii, Med. Merobaude II. & Saturnino Coss. [383.]*

NOTAE.

(a) Absit hac *lex a Cod. Iust.* Iungendaque ei *lex super. 99. GOTHOF.*

(b) Italiz, dixi ad *l. super. ID.*

† Quenam hac *lex vetusta*? *ID.*

COMMENTARIVS.

MILITIA Palatina, origine Curialem regulariter Curia excusari vetat: contra, Curia eum, militia non obstante, reddi iubet Valentinianus Iun. *hac leg.* Proculdubio recenti aliqua *leg.* (cui *lex vetusta hac leg.* tacite opponitur.) contraria abolita, pariter vt alia simili *lege* abolita circa Iudæos, *l. superiore*, quæ huic coniungenda venit eeu vnus eiusdemque Constitutionis pars. Ex qua vtraque coniuncta patet, Valentinianum Iun. ea constitutione, vnde vtraque desumpta est, recentem aliquam Institutionem, quæ in Curiarum damna processerat, abolitum iuisse.

Exceptionem tamen idem addit *hac leg.* quam ex *lege vetusta* repetit, quæ sc. præcesserat recentem *legem*, quam initio abrogatum ir: nempe vt Curiales militia Palatina post certum stipendiorum seu annorum numerum repeti non possint. Excepti quoque fuerunt nonnulli Palatini, *l. 5. sup. de diuers. offic.* Quenam autem illa *lex vetusta*? Sane vetustioribus *legibus*, aliz atque aliz temporum metæ positz: quinque annorum Constantii & Con-

stantis *leg. 31. 38. sup.* Totidem in præteritum ab ipso met Valentiniano Iun. in futurum triginta annorum, *l. 88. sup. b. tit.* Theodosius M. decem annorum spatium definit *l. 12. sup. de priuileg. eor. qui in S. Pal.* quæ hoc ipso Anno 383. data est, vbi vide plura. Sane Ambrosius quoque *ep. sua ad Theodosium Imp. 29. fin. lib. 2. ep. 17. in fin. pag. 215. T. V. Oper. Edit. Paris. 1614. & Ep. 40. num. 29. Edit. Benedictin.* quam scripsit An. 393. testis est, tum, eos qui Imperatori militarent, certo militia tempore seruatos (immunes scilicet a Curia.)

Ad hanc *leg.* vero proprie facit, quod Anno proximo 384. scribebat Symmachus *lib. 10. ep. 51.* ad hunc ipsum met Valentinianum Iun. Cum Venantii stratoris illicitam usurpatamque militiam Marcellus argueret, quod Decurionum adscriptus Albo, vt *Gesta* docuerunt, aduersum *leges* ad Palatina castra transisset; non debui obiecta reticere, vt in ea re, quæ modum mei egrediebatur examinis, *Æternitas vestra* ipsis *legibus*, quas tuetur, augustior iudicaret.

MATRIS *originem non spectandam sed patris: abolitis hac in re contrariis Rescriptis, moreque Prouinciæ.*

CI. (a) Idem AAA. ad Basilium Com. S.L. (b)

EXEMPLO Senatorii Ordinis, patris originem Municeps (c) vnusquisque sequatur: Nec valeant specialiter delata Rescripta, si quis se matris origine defendens, (d) a maiore Curia ad minorem transferri fortasse promeruerit: Neque vlla pro more prouinciæ referri finatur exceptio. Dat. XVI. Kal. Iul. Rom. (e) Merobaude II. & Saturnino Coss. [383.]

NOTAE.

(a) *L. 36. Cod. Iust. eod. tit. GOTHOF.*

(b) *Basilio* huic Com. S. L. Anno 379. inscribitur *lex 1. sup. qui bonis cedere:* & hoc ipso Anno 383. *lex 40. sup. de appellat.* Hic idem est, cuius meminit Symmachus, *lib. 10. ep. 47. ID.*

(c) *Municeps*, id est Decurio, *b. l. & l. 4. 89. sup. l. 105. 110. 130. 137. 143. 144. 147. 154. inf. l. 41. inf. de operib. pub. l. 2. sup. quid prob. l. 17. inf. de iust. l. 1.* Cæterum hanc vocem omisit *Tpißov. ID.*

(d) *Defensa* C. Iust. barbare. *ID.*

(e) *Veron.* Valentinianus Iun. quippe Verona hoc tempore fuit: vbi etiam sequenti die ab eodem data *lex vn. sup. de mand. Principum.* cum paulo ante Pataui fuisset: vbi datæ ab eo *l. 3. de Apostatis. l. 5. de inoff. test.* inter se coassandæ. *ID.*

COMMENTARIVS.

PATRE Curiali natum patris Curiam sequi iubet *hac l.* Valentinianus Iun. non matris: Quod quidem iuris tralatitiū regula est: Verum singulæ plura circa id continentur. Primum enim id exemplo Senatorii Ordinis firmat *hac l.* Valentinianus Iun. scil. Senatorius filius is demum est, qui patre, non qui matre Senatoris filia natus est: & sic ad vtramque istud omnino pertinet illud Ambrosii *Commentar. in Lucam lib. 3. initio, pag. 42. Tom. III. Oper. Edit. Paris. 1614. Viri, inquit, persona queritur, qui etiam in SENATV-Œ RELIQUIS* Tom. IV.

CVRIIS ciuitatum generis asseruat dignitatem. Quamquam singularis quædam exceptio indicari mihi videtur *l. 1. sup. de Senatorib.* Nota interim argumentum ab exemplo Senatus ad Curias: de quo ad *l. 85. sup.*

Deinde duas istius R. Ampliationes *hac l.* Valentinianus adiicit. Primo non prodesse in contrarium *Rescriptum* Principis in id specialiter impletum: Quod quidem ambuisse nonnullos hac tempestate, Valentinianus Iunior *hac l.* indicat, sic quidem vt maternæ originis obtentu minores Curias affecta-

affectarent nonnulli, maioribus posthabitis; ad fugam videl. maiorum onerum, quia minor Curia erat matris, maior vero patris, ut ita minoribus oneribus subiacerent: quæ utique onera maiora erant pro dignitate ciuitatis. Ergo priuilegia seu beneficia vni specialiter personæ data hoc casu non valere iubet *hac l.* Valentinianus Iun. Imo nec (quæ secunda iam ampliatio est) Priuilegio seu More Prouinciæ quæquam matris potius, quam patris Curiam sequi permittit.

Dices olim materna origine priuilegio aliquo censitos nonnullos: ac nominatim Ilienſibus, Delphicis, Ponticis tale priuilegium concessum fuisse, ut docet Vlpianus *leg. 1. §. 2. D. ad municipalem*. Verum. Sed id priuilegii genus hic abrogatur: non quidem quod ad tres illos, quos dixi; est enim hæc *lex* Valentiniani Iun. qui prouinciis illis non imperabat, verum Theodosius M. Igitur necesse est in Occidente quoque prouincias quasdam fuisse, quibus id olim priuilegii datum fuerat, ut utroque parente Curiali natus, matris Curiam sequeretur, non patris.

Proinde patet; Primo, non abrogatum *hac l.* quod nonnulli censent Ilienſium, Delphicorum, Ponticorum priuilegium, verum simile aliarum prouinciarum in Occidente; nisi eam accipiamus ex Theodosii Iun. mente, qui eam in *Codicem suum* retulit. Secundo patet, neque abrogatum *hac l.* pri-

uilegium illud Antiochenum, de quo agitur in Iuliani *l. 51. sup.* est enim illud ab eo de quo *b. l.* agitur diuersum, & quidem maius: nempe quo libero patre natus, matre vero Curiali solis materni sanguinis vinculis alicubi illigabatur. Abrogatum potius illud *l. 137. inf.* Tercio hinc apparet, lapsum non Accursium tantum, sed & Cuiacium, cum dis-
ferentiam *hac l.* indicari putant inter beneficium personale, & ciuitati aut prouinciæ datum hoc sensu: non posse equidem beneficio specialiter vni personæ delato id alicui deferri, ut matris potius quam patris Curiam sequatur: sed valere priuilegia prouinciæ alicui hæc de re concessa. Nam imo vtrumque *hac l.* negatur: prius quidem, *vers. nec valeant*: posterius vero, *ultimo versiculo*: *neque vlla &c.* vbi *referri exceptio* vetari dicitur, cum inhibetur quis sese more veteri prouinciæ defendere, eumque allegare & obtendere. Quare *versiculum* hunc idem perperam accepit de consuetudine iuri contraria: cum contra accipiendus sit, de *vetusto more prouinciarum*, quibus id scilicet priuilegii loco datum olim fuerat: etiam in Occidente: Id enim hic significatur per *morem prouinciæ*: Nempe vetusta concessio, antiquum priuilegium. Ut prouide haud adeo huc faciat Interpretum tractatus de *Consuetudine*, & vtrum *Consuetudo* exculat, vel *Consuetudo* legi contraria valeat.

RESCRIPTO Principis neminem a Curia excusari.

CII. (a) Idem AAA. Postumiano (b) Iter. PF. P.

QUOTIESCUNQUE se ex Rescriptis nostris aliquid impetrasse contendunt (c) hii, quos obnoxios Curia, vel origo fecerit, vel latum inter partes (d) iudicium designarit, nullam prorsus spem Curias (e) declinandi ex colore sacra Iussionis accipiant. Dat. XIII. Kal. Aug. Constp. Merob. II. & Saturnino Coss. [383.]

NOTAE.

- (a) *L. 37. Cod. Iust. eod. tit.* Iungenda autem huic *lex 1. sup. quid probare debeant ad quamcunque militiam venientes*: Quæ etiam huic argumento responderet. *GOTHOFR.*
(b) *Postumianus*, PP. & quidem iterum Orientis: ad quem extat quoque *lex 98. sup. b. t. & l. 104. inf.* & Gregorii Nazianz. *ep. 71.* vid. *Protopogr. ID.*
(c) *Contendunt*. C. Iust. *ID.*
(d) *78. Patres*: id est Curiales, de quo mox, *ID.*
(e) *Curiam* C. Iust. *ID.*

COMMENTARIUS.

RESCRIPTO Principis quemquam Curia liberari vetat Theodosius M. *b. l.* pariter ut militiæ Armatae obtentu: *l. 1. sup. quid probare deb.* quæ huic legi, seu eiusdem Constitutionis pars iungenda est. Qui alioquin duo Curialis conditionis evitandæ modi quam maxime opportuni & efficaces videbantur: Nempe Principis auctoritas seu beneficium & Militiæ, seu Reip. defendendæ studium. Quod vtrumque tamen repellit constitutione sua, unde hæc desumpta nominatim, Theodosius M. Principalem auctoritatem in necem Curiarum non admittendam ratus, ut cæteroquin Rescripta in fraudem publicam valere noluerunt Principes, de quo *ut. de diu. rescript.* ac nominatim in hoc argumen-

to in fraudem Curiarum *b. l. & l. 10. 13. 101. sup. l. 137. 139. 156. 167. inf. b. t.*

Vnum tantum singulare *hac l.* notandum, quod ait *lex, vel latum inter partes iudicium designarit*, vbi omnino rescribendum *inter Patres*, id est inter Curiales. Nempe duplici ratione quis Curia teneatur, vel originis ratione, vel lato inter Patres iudicio, seu designatione, qua voce hæc *lex* utitur: denique Nominatione: sic *leg. 10. sup.* vtrum ex genere Decurionum sit, vel ante nominatus ad Curiam. Et *l. 1. 3. sup.* vel originem defugisse, vel sprete nominatione se militiæ inseruisse. Lato igitur *inter Patres iudicio*, idem est, quod publico tractatu, *l. 148. inf.* publico consilio, *l. 53. sup. de appell.* publica ordi-

dinatione l. 118. inf. sic & Apuleius lib. 10. pag. 193. Edit. Lugd. B. apud Ioan. Maire. Placuit salubre consilium, & sileo iussus praeo pronunciat, Patres in Curiam convenirent. Non est igitur hic locus de autoritate rei iudicatae inter Partes, quomodo id

omnes accipiunt, quæ enim partes hic esse possunt? Verum de DESIGNATIONE seu Nominatione inter Patres, publico tractatu & consilio habito, ordinatione, nominatione.

De SYRIARCHIAE munere.

CIIL. (a) Idem AAA. ad Proculum (b) Com. Or. (c)

VOLUNTATE propria unusquisque (d) Syriarchia (e) munus suscipere debet, non necessitate inposita. Dat. (f) VI. Kal. Aug. Salmariz, (g) Merob. II. & Saturnino Coss. [383.]

NOTAE.

- P. 449. (a) Absent hæc lex a Cod. Inst. velut huic tempori adstricta deque re iam abolita, Concordat illi altera eiusdem Theodosii lex 109. inf. Meminit Libanius Orat. περί των ἀγωναίων p. 36. Edit. Gotthofred. & p. 386. Oper. min. Gotthofred. Edit. Cl. Troitz. & Orat. in Tifamenem, p. 447. Edit. Morell. GOTHOF.
- (b) Proculo huic Comiti Orientis inscribitur hoc ipso Anno lex 12. inf. de operib. publ. & lex 14. sup. de cohortal. & Anno superiore 382. lex 90. sup. b. t. Eiusdem meminit Libanius de vita sua, p. 66. 68. & Orat. ad Icarium, non uno loco: p. 455. 456. 458. Edit. Morell. (qui sane Icarium ei in Comitium successit.) Quibus locis administrationem eius tyrannicam suggillat, suumque in eum odium testatur: tandem & narrat, cum quo dedecore Magistratu decesserit. ID.
- (c) In hac Orientis diocesi erat Syria, ut vel ex hac l. apparet, & docet apertissime Notitia Imperii fol. 71. ID.
- (d) Curialis, Dunmuis. ID.
- (e) De Syriarchia hæc, dixi plene ad l. 1. sup. de prædiis Senatorum. ID.
- (f) Pro Reddita. ID.
- (g) De hac subscriptione in Commentario. ID.

COMMENTARIUS.

SYRIARCHIAE munus, arbitrio cuiusque relinquitur nemine ad id coactum; hæc l. Theodosius M. denique Syriarchia munus, munus voluntarium, non necessarium esse definit Syriarchia huius sit quoque mentio l. 1. sup. de præd. senatorum, ubi prolixè ostensum est, eam Sacerdotium provinciae Syriæ fuisse, ludis edendis & quidem muneribus ferarum obnoxium, ἀγωναίων, quomodo similem Asiæ Sacerdotem seu Asiarchen Rufinus munerarium vertit, lib. 4 c. 14. Et alibi similia provinciarum Sacerdotia memorantur, veluti Bithyniarchia, Cappadocarchia, Lyciarchia, itemque speciale Antiochiæ Alytarchia. Sane Syriarchia nominatim præter hanc l. & d. l. 1. mentio quoque fit l. ult. inf. de expens. ludorum l. 1. Cod. Inst. de naturalib. liberis: l. vn. Cod. eod. de off. Com. Orientis. & Nouella Iustiniani 89. c. ult. Ergo Syriarchia munus fuit ludorum seu munerum edendorum in Syria, sic ut modo pro ipsa χορηγία, seu δαπανήματι, Syriarchia accipiat, modo pro ἐπιμελείᾳ, seu ipso præsidendi munere. Quare Syriarchi Agonothetæ dicuntur, eorumque nomen votiva festivitatis solemnitas dedicasse: d. l. ult. inf. de expens. ludorum: & d. l. vn. Cod. Inst. de officio Com. Orientis. Denique Agonothetæ nomine, de qua Theodosii pariter l. 109. inf. agitur, ea comprehenditur.

Porro Curialibus hæc munera seu Agonothetæ olim, & vero hac tempestate incubuere, quod vel hic titulus docet, sub quo hæc lex, & d. l. 109. inf. posita sunt: ut & d. l. vn. Cod. Inst. de off. Com. Orientis: & Libanii locus in Tifamenem, quem mox proferam: & idem varis epistolis: munera, inquam, hæc ferarum; (nam & alii ludu duumviris Curialibus incubebant, veluti Gladiatorii, Circenses, de quibus est & Libanii locus ep. 384. ad Arifanetum: Sceni-

ci, de quibus ad leg. 29. sup.) Atenim cum hoc Agonothetico munere etiam Curiales grauarentur in necem Curiarum, primo quidem arbitrio cuiusque id relictum a Theodosio M. b. l. & 109. inf. Mox sub Theodosio Iun. id ad Iudices ferme transit, ut docet lex ult. inf. de expens. ludorum. Imo Curialibus omnino interdictum id a Leone, d. l. vn. C. Inst. de off. Com. Orientis, qui idem Alytarchiam, (muneribus edendis Antiochiæ) sollicitudine Comitibus Orientis (cui etiam hæc lex nostra inscribitur) exerceri voluit: Syriarchiam vero, sollicitudine Consularis Syriæ. Ad quod quidem etiam munus collatio quædam facta ex possessionibus priuatorum, veluti Curialium, ut docet d. l. ult. inf. de exp. ludorum: imo etiam Senatorum: quod decennio post hanc leg. abolitum ab eodem Theodosio M. d. l. 1. sup. de præd. Senatorum. Neque tantum pecunia in id exacta, verum & fera, & ferarum Curatores alendi dabantur: Quod docebit mox Libanii locus: & alter eadem orat. p. 449. Edit. Morell. Ergo Theodosius M. Syriarchia Agonothetiam, & Agonothetiam omnem, voluntate propria suscipi iubet hac l. & l. 109. inf. nemine ad id invito coactum. Et hæc quidem illa est Theodosii M. constitutio, quam memorat Libanius duobus locis: Oratio περί των ἀγωναίων p. 36. Edit. Gotthofred. & pag. 386. Oper. minor. Gotthofred. Edit. Cl. Troitz. ad Theodosium M. ipsum, quam hoc ipso Anno 383. scripsit, vel certe A. 385. καὶ τοῖς ἐπαλοῖς τοῖς περί τῶν μεγάλων καὶ τῶν ἰσθμίων, ἐπὶ τὰς διὰ τῶν θεῶν λειτουργίας, ἀνάγκαις ἡγεῖτο τὰ πρότερον, συγγνώμῃς τῶν ἐπὶ πόσας, ὅτε καὶ ὅσον ἐλατύνει, ὅτε ἴσως ἀπολλάσσει, &c. id est: sed e maximarum laudum tuarum numero istud est: ut publica ferarum munera necessitas quæ

antea adigebatur; id vero tu Indulgentia fecisti, neque prohibens volentes, neque trahens inuitos. Alter Libanii locus est in eius orat. in Tisamenem, ad eundem Theodosium, p. 447. Edit. Morell. Dainna quippe a Tisamene Curialibus illata memorans, nominatim memorat damna illata ferarum muneris occasione: Quare ubi dixit τὴ διὰ τῶν θηρίων λειτῆργήσονται, dixitque Tisamenem inuitos ad id adigisse, τὴν λειτῆργίαν δὲ τῆς ἀθλῆς ὑπομείναι καλεῖσθαι, ὅς συνθήκην publicam certamina sustinere iuberet, subiicit, σὸν ἐν τῷ τῷτο τολμαῖν ἢ ἐκσιλεῖν, περιβεβῆναι νόμον. σὺ γὰρ ἡμῖν τῷτον προπαύσειν ἐθήκας, τὴν μὲν ἀνάγκην τῆς τοιαυτῆς δαπάνης ἀναίρων, γνώμης δὲ τὸ πρᾶγμα ποιεῖν. Λέγει οὖν ὁ νόμος; Ἐλέει καὶ τῷτο ποιεῖν; ἠδὲ οὐ καλεῖσθαι; ἀλλ' ἢ ἐθέλεις; ἠδὲ οὐ καταναγκάζων, ἀλλ' ἔτι ἀνάγκησιν κομίζων τῷ νόμῳ προσήγε τὰς ἀνάγκας &c. καὶ τοὶ καὶ ἐν μὲν πάντες ἔσαν ἐνδοεῖς, τὰ εἰς χρήματα καὶ πολὺς ὁ χρυσὸς παρ' ἐκάστῳ θηρία δὲ ἢ ἐβόλοντο τρεῖς, ἠδὲ τὰς ταῦτα ὑπομεινῶντας ἀνθρώπους, καθ' ἐξουσίαν ἐφύγον ἂν τὸ ἀνάλωμα, &c. id est, Tuam hoc audens, o Imperator, contumeliose abrogat legem: tu enim nobis propius sanxisti, necessitatem quidem tantæ impense remittens, voluntatis vero hanc rem efficiens: Nempe ait lex, vin, ὅς hoc facere, nullus est qui impediat; non vis, nullus est qui coacturus sit. Sed hic etiam si lex legeretur, necessitatem adigit &c. Et quantum non omnes essent indigi, quantum ad pecunias attinet, imo magna vis auri penes unumquemque foret, feras tamen alere noluerunt, ὅς eos qui ferarum curam habent: quantum potuerunt, hunc sumptum effugerunt. Repetita porro constitutione Theodosius M. id ipsum postea rursus constituit, l. 109. inf. An. 385. ad Cynegium PP.

De hoc vero ferarum munere Antiochiæ in Syria est quoque Libanii epistola 889. ad hunc ipsum

Proculum, cui hæc lex inscribitur, ubi de Argyrio quodam agit; ἵπποδα τοῖς πατράσιν ἐξῶν Ἀργυρίου ὁ πολιτευόμενος ἐπὶ ταῖς καλαῖς λειτῆργίαις, διὰ τε θηρίων, καὶ τῶν πρὸς ταῦτα μαχομένων ἀνθρώπων εὐφραίνει τὴν πόλιν ἡμῖν; Argyrius, maiores suos imitaturus, quando munere publico in republica præclare fungitur, feris hominumque cum illis certaminibus urbem nostram demereri instituit. De eiusdem ferarum muneribus quæ a Curialibus Antiochiæ in Syria edebantur sunt eiusdem Libanii epistola, ad Andronicum 217. ad Florentium 220. quæ singularis est: ad Eusebium 218. ex epistola autem 217. discimus, optimos venatores ferarum ex Phœnicia petitos, κορυγίας, πρὸς τὰ θηρία μαχομένους vid. & ep. 503. 513. 514.

Supereft huius leg. subscriptio. Dicitur verop. 450. ea, Dat. Salamaria, ubi nonnulli reponebant, Samaria. Reponat quis Solaramia: quæ in Syria Apamæna vel Palmyrena erat, haud longe Emesa & Laudicia scabiosa, & Palmyra & Damasco: cuius mentio quoque fit in Itinerario Antonini, pag. 197. Edit. Wesseling. ubi male Salaminia habet editio. Heliopolis eodem tractu est, & Heliaramia eadem, Græca voce in Itiner. Peutling. Solis videl. Aramia vel Aramea. Aramia vel Aramæa, Aramæi pro Syria & Syris: vid. Iosephum Antiquit. Iud. lib. 1. c. 7. & Strabonem lib. 1. pag. 71. Edit. Almeloucen. & Aram etiam olim Damascus: vid. Hieronym. de loc. Hebr. Et forte Solaramia vox conficta e tribus sol, Ar, Ramia. ἄρξ & παμῆρης vel παμῆρης Reges: de quibus obelici Inscripção apud Marcellinum, lib. 17. cap. 4. Quid si Salamaram hic intelligamus, quæ in Pamphylia, cuius meminit Hierocles in vetustissima prouinciæ Notitia. Verum huic renititur huius l. Inscripção, quæ data est ad Com. Orientis, in qua diocæsi non fuit Pamphylia.

De CLERICIS Curialibus, & cedendis ab eis bonis.

CIV. (a) Idem AAA. (b) Postumiano PF. P. (c)

CURIALES, qui Ecclesiis malunt seruire, quam Curiiis, si volunt esse quod simulant, contemnant illa quæ subtrahunt: Nec enim eos aliter, nisi contemptis patrimoniiis liberamus: Quippe, animos diuina obseruatione deuinctos non decet patrimoniorum desideriis occupari. Dat. VII. Id. Nou. Constp. Merob. II. & Saturnino Coss. [383]

NOTAE.

- (a) Absit hæc lex a Cod. Insh. Quæ & ipsa ad Historiam Ecclesiasticam pertinet, & tamen omissa est a Baronio. GOTHOF.
(b) Reponendi hic, & deinceps sequentib. legib. usque ad legem 125, inclusiue, IMPPPP. VALENTINIANVS, Theodosius & Arcadius, utpote Gratiano iam mortuo: vid. Chronolog. ID.
(c) Postumianus sub Theodosio M. PP. Orientis. Ad quem inter alias est quoque lex 98. 102. sup. & extat quoque Gregorii Nazianzeni epistola 71. vid. Prosepopr. ID.

COMMENTARIUS.

CLERICVM ex-Curiali factum, Curia Curialibusque oneribus & descriptionibus non aliter liberari vult b. l. Theodosius M. (pariter vt idem tribus aliis constitutionibus; puta l. 11. 121. 123. inf. b. l.) quam cesso patrimonio suo, Curia scilicet, b. l.

& l. 121. 123. inf. & sic cum patrimonii iactura & periculo: vel alio nominatim idoneo ex patrimonio suo subrogato d. l. 15. Quæ & ipsa sententia biennio post stetit Theodosio M. eidem in simili casu l. 46. sup. de cursu publ. Imo in hac ipsa re hoc ipso

Anno stetit Valentiniano Iun. l. 99. *sup.* ad cuius sententiam referendus est Ambrosii locus ad Valentinianum Iun. scribentis, non vero ad *hanc leg.* quæ Theodosii M. est, is trahendus. Pariter vt ad *hanc l. male* refertur eiusdem Ambrosii locus alter, *ep. 36. ad Theodosium*, de quo ad l. 36. *inf. de Episcopis*. Recte autem referri potest Gregorii Nazianz. locus, quem profero ad l. 121. *inf.* In eo eadem mens stetit quoque Valentiniano Sen. l. 59. *sup.* Nam quid hanc in partem censuerint superiores Principes, docet satis *Paratitlon*.

Ratio tantum *hac l.* respectu Clericorum ipsorum notetur. *Quod animos diuina obseruatione de-*

uinctos, id est Ecclesiis feruientes, non debeat patri-
moniorum desiderijs occupari. Sic & *leg. 63. sup. de*
Monachis retrahendis ad Curiam, *mandauimus fa-*
miliarium rerum carere inlecebris. Ad quam ra-
tionem vide quæ dixi ad l. ult. *sup. ad leg. Iul. pecul.*
Ipsarum vero Curiarum respectu ratio hæc altera
redditor ab eodem Theodosio M. l. 123. *in fin. inf.*
nempe quod *Curia habere debeat solatium facultat-*
um, cui deest in functionibus numerus personarum.

Hæc porro *lex*, saltem hoc ius postea Arcadio
displeuit in specie l. 3. *sup. de his, qui ad Eccles. conf.*
vnde desumpta est *lex 12. Cod. Iust. de Episcop. Eccl.*
& *cler.*

De PRINCIPALIVM officij Præsidis Osdroënae liberis, ad Curiam Ædesenam vocandis.

CV. (a) Idem AAA. (b) Cynegio PF. P. (c)

Openuriam Ædesenorum (d) Municipum, (e) Diui Parentes (f) Nostri statuerunt, †
Vt Officij Præsides (g) Osdroëna prouinciae Principum (h) liberi, si singuli essent, memoratae
ciuitatis Curialibus iungerentur: sin vero bini diuisa fecunditate, singuli militiae, singuli vero
Curiae necterentur, Quod cum ita sit, iubemus & præsentis lege, & superiore seruata, vt omnes
omnino, qui ordine militiae ad Principatum venturi sunt, vel venisse monstrantur (etiam si
aliqua calliditatis arte se a Principatus munere putauerint subtrahendos) memoratae Cu-
riae suos liberos tradant, diuidantque cum Ædesena ciuitate subolem Reipublicae profutu-
ram. Hii quoque, qui iam, contra legem, ante Principatum patrum quibuslibet sacramentis
innexi sunt, retracti, memoratae Curiae congregentur. Dat. pridie Non. Maii, Const. Ri-
chomere & Clearcho Coss. [384.]

NOTAE.

(a) Absent *hæc lex a Cod. Iust.* velut historica & temporaria. GOTHOFR.

(b) Nempe, Valentinianus THEODOSIVS & Arcadius: vt *leg. super. ID.*

(c) Cynegius sub Theodosio M. PP. Orientis: cui decem constitutiones super Decurionibus *hoc tit.* inscribuntur, puta hæc
lex: & lex 106. 107. 108. 109. 111. 115. 116. 117. 118. Quibus addenda undecima, *lex 1. inf. de præd. & mancip.*
Curial. Vnde apparet magnam huic Cynegio Curiarum curam fuisse. De quo Cynegiodixi *sup. plene l. 19. de peti-*
tionib. & l. 15. sup. de accusat. etiam ex Zosimo, Libanio, qui eius non uno loco meminit, & Idacio. vid. *Presopogr. ID.*

(d) Vid. l. 79. *sup. ID.*

(e) Id est Curialium b. l. & multis aliis *legibus. ID.*

(f) Parentes suos b. l. & l. 90. *sup.* vocat Theodosius M. more solito decessores suos in Imperio Valentinianum & Valentem,
de quo more dixi ad l. 1. *sup. de act. certo temp. fin. ID.*

† Valentis *legem 79. sup.* intelligit. *ID.*

(g) 99. *Præsides ID.*

(h) Primipilarium, d. l. 79. *ID.*

COMMENTARIVS.

ÆDESENÆ per Osdroënam Curiae, Curialibus
hoc tempore exhaustæ consultum it *hac l.*
Theodosius M. confirmata super Principalium Of-
ficij Curiae nectendis vel inter eam & Officium di-
uidendis, *lege* Valentis Imp. puta l. 79. *sup.* ad quam
dicta sufficiant. Quatuor tantum *hac lege* singula-
ria notentur. Primo, eos etiam Principalium filios
ad Curiam retrahendos, qui nati ante Principatum
patris, iam alij sacramentis nexi sunt. Principa-
lium sc. Filij etiam ii sunt & censentur, qui ante
Principatum patris nati sunt, sicut Senatorum filij

in honoribus, qui ante patris dignitatem nati. De
quo ad l. 1. *sup. de Senator. & gl. coll.* Secundum
singulare est id, quod de *diuisione prolis* hic adii-
tur. De quo iam supra non semel, ac nominatim
ad d. l. 79. Tercio ad Osdroënam pertinentia no-
tentur: quæ hic indicantur, de Præside videl.
Osdroënae, de eius Officio, & Principibus in eo: de-
que Ædesa in Osdroëna, de quibus ad d. l. 79. Po-
stremo, ex collatione *huius l.* cum d. l. 79. discimus
Principales officij, qui *hac l.* vocantur, eosdem cum
Primipilaribus fuisse.

PROVINCIAE administratione Curialem non li-
berari.

CVI. (a) Idem AAA. Cynegio PF. P. (b)

CURIALES, quicumque (c) perfuncti provincialibus dignitatibus fuerint, ad perfoluen-
da ea, quae debent patri, detinentur. (d) Dat. VIII. Id. Iul. Heraclea, Richomere &
Clearcho Coss. [384.]

NOTAE.

(a) Abest & haec lex a Cod. Iust. GOTHOF.

(b) Orientis: cui decem constitutiones hoc titulo inscribuntur dixi ad l. super 105. ID.

(c) Quantuncumque. ID.

(d) Detinentur. ID.

COMMENTARIUS.

DIGNITATIBUS provincialibus, Administra-
tione, inquam provinciarum quamlibet perfunctos
Curiales, ad Curiae munera quae nondum subierunt,
teneri iubet hac l. Theodosius M. Quae & ipsa sen-
tentia est duarum aliarum Theodosii M. constitu-
tionum, l. 122. 134. inf. (ut ceteroquin idem gene-
ratim dignitatibus quamlibet honoratos, reuocari
ad Curiam voluit: l. 86. 87. 94. sup. 122. 123. 134.
inf.) Idemque Valentiniano Iun. visum, l. 110. inf.
& Arcadio l. 159. inf. quod tamen mox emenda-
uit quadamtenus l. 160. inf. Aliis certe Principi-

bus aliter hac parte visum: nempe provinciarum admi-
nistratione reuera functos ad Curiam retrahi non
posse: Constantino M. l. 5. sup. Constantio, l. 36. 41.
sup. Quid Theodosio Iuniori visum? docebit
lex 187. inf. Vnde apparet, & Curialium penu-
riam indies maiorem fuisse, cui retractis etiam post
administrationem provinciarum Curialibus, succurri
oportuerit, & provinciarum administrationem
magis magisque euiluisse: Cum ab initio ea Cu-
rialibus muneribus liberaret,

BONORVM Curialis, ex lucratiua quacunque causa possessores, pro
modo emolumentum ad denarium collationem
teneri.

CVII. (a) Idem AAA. Cynegio PF. P. (b)

QUICUNQUE heres Curiali vel legitimus, vel electus testamento (c) graduue, (d)
successerit, quique fideicommissarius aut legatarius eiusdem arbitrio (e) morientis
extiterit; vel si quem liberalitas locupletauerit forte viuentis, quos (f) a Curiae nexu
condicio solet dirimere, sciant, pecuniariis descriptionibus, pro ea tantum parte patri-
monii in quam quisque successit, ad denarium (g), siue uncias, sese auctoris (h)
sui nomine retinendum. Dat. prid. Kal. Septembr. Veronae, (i) Richomere & Clear-
cho Coss. [384.]

NOTAE.

(a) Abest & haec lex a Cod. Iust. GOTHOF.

(b) Cynegius PF. sub Theodosio M. Orientis scilicet, cui decem hoc titulo Constitutiones inscribuntur, de quo ad l. 105. & in
Prosopogr. ID.

(c) Primo gradu. ID.

(d) Secundo gradu, substitutus scilicet. ID.

(e) Arbitrio, id est testamento: ut l. 4. inf. de Episcopis. vid. Gloss. ID.

(f) Nulla hic numeri mutatio est, sed Syllepsis quam Synthesin nominant, de qua monent Grammatici: monet & Grono-
uius de pecunia veter. lib. 2. c. 4. pag. 76. Edit. Lugd. B. 1691. ID.

(g) Ita quoque l. 123. inf. denarium vel uncias habeatur obnoxium. ID.

(h) Auctor, a quo bona descendunt. ID.

(i) Beroe inter Heracleam & Hadrianopolim Thraciae: cuius mentio in Itin. Peut. lit. E. med. sane Theodokum hoc An-
tho conscripsisse Heracleam mense Iunio, docet l. 7. sup. de Palat. S. L. lex 106. inf. hoc tit. l. 11. sup. de murilegulis: lex 1.
de expensis ludorum: mox mense Septembri. Constantinopoli. Quare Heraclea digressus & Constantinopolim re-
dicens, Beroe quoque in transitu conscripsit. ID.

COMMENTARIUS.

LUCRATIVA ex causa Possidores bonorum ali-
quorum Curialis, non Curiales, descriptioni
seu collationi cuiusdam pecuniariae subiaci iubet

Theodosius M. hac l. pariter ut idem l. 123. inf. b. t.
Scilicet ne translatis Curialium in non Curiales bo-
nis, Curiarum commoda omnino destituerentur
vfas

vlus hoc nouo remedio ad eas sustinendas & erigendas, possessiones eorum bonorum non Curiales ex causa lucratiua ad certam descriptionem pecuniariam, id est collationem seu præbitionem adstringere, Ordinibus seu Curiis annuatim faciendas: De qua collatione, descriptione præter hanc legem, est insuper altera illa eiusdem Theodosii M. *hoc ipso titulo, d. lex 123. inf. & quatuor Theodosii Iun. puta lex 173. in fin. & l. vn. inf. tit. expresso de imponenda lucratiua descriptione: & l. 16. supr. de Agentibus: & Nouella eius u. l. 2.* Cuius descriptionis seu collationis auctorem puto Theodosium M. & quidem hac ipsa leg. eius quippe verba omnino nouam sanctionem redolent.

Sub tribus porro Limitationibus hæc descriptio seu collatio imposita.

Primo imposita ea *Possessionibus* seu iugationibus, non rebus mobilibus aut se mouentibus, vt expresse id definit Theodosius Iun. *d. Nouella u. l. 2. & l. vn. quæ inde desumpta Cod. Iust. de impon. lucrat. descriptione.*

Secundo imposita hæc descriptio seu Collatio nonnisi *Lucratiuis*, seu iis, qui ex lucratiua causa possessiones detinerent, vt loquitur *d. l. vn. vt habet ille tit. de impon. lucratiuis descript.* quibus lucratiuæ facultates ex bonis Curialium prouenerant, vt ait *d. l. 173.* si quid ex lucratiua causa ex substantia Curialium, diuersa largiendi occasione peruenisset, vt *d. l. 123. infr.* Quod hæc (eo quoque nomine singularis) *lex* specialiter edisserit. *Primo* si quis hæres Curiali extitisset, quocunque iure 1. siue ab intestato, 2. siue ex testamento, 3. idque siue primo siue secundo substitutionis gradu. *Secundo* item si quis fideicommissum aut Legatum testamento Curialis accepisset. *Tertio* denique si donatione inter viuos quid ab eo acceperit: Quod & ipsum *d. Nouella* continetur. Quæ quidem eorum, quæ ex lucratiuo titulo ad alium perueniunt, & oneroso, differentia & in aliis iuris articulis cernitur, sic vt hæc difficiliter ad collationem vocetur, illa proclinius, quod in *Vicesima quoque hereditatum* videre est. Neque tamen omnes, verum iis adhuc exceptis, de quibus *d. Nouellarum Theodosii Iun. tit. u. l. 2* pariter vt excepti nonnulli *lege Vicesima hereditatum.*

Tertio, imposita hæc descriptio seu collatio, pro *vata possessionis* seu pro ea tantum parte patrimonii, in quam quisque successisset: Quod vt *hac l.*

ita & *d. l. 123. inf. & d. l. 16. supr. de agentib. in reb. diserte* cauetur.

Modus autem qualis fuerit huius collationis sub Theodosio Iun. docebit *d. lex vn. inf. de impon. lucrat. & d. Nouella u.* Sane hac lege & dict. leg. 123. inf. ad denarium siue vncias possessores illos teneri dicitur. *Denarismus* aliquando accipitur pro computatione per nummos æreos. Epiphanius *de mensuris & ponder. in fin. pag. 184. Tom. II. Oper. Edit. Colon. apud Ierem. Schrey. καὶ Φόλλος δύο λεπτοὶ κατὰ τὸν δηναρισμὸν, ἀλλ' ἢ κατὰ τὸν ἀργυρισμὸν; item follis, si ad denarios, non ad argenteos redigatur duo minuta continet.* *Denarius* scil. exigua ærea moneta fuit. Aurelianus Imp. apud *Vopiscum in Vita Aureliani c. 10. Philippeor.* inquit, *minutulos quinquagenos, aris denarios centum.* Ideo *Denarii* in lusu puerorum apud Macrobiū, vbi de nummo æreo loquitur. Et quæ apud Marcum *c. 12. v. 42. λεπτὰ δύο* dicuntur; *duo denarii* dicuntur Hilario *in Enarrat. Psalm. 128.* quæ Lucæ *c. 10. v. 35. δύο δηνάρια*, Ambrosio *duo æra*. Ergo *Denarii* vsus *ἀντὶ τῆ χαλκισμῶ*, seu exigua stipe ærea. Huiusmodi denariorum sex millia solidum constituebant, æuo Casiodori *lib. 1. ep. 10.* Verum de hoc Denarismo hanc leg. & *d. l. 123.* non accipio: sed vel de quacunque exigua præbitione in pecunia (fuit enim & denarius aureus & argenteus) vel de denario argenteo. Igitur singulas vncias auri, idest, duodecimam assis seu aurei partem, huius Denarismi seu præbitionis nomine, pro singulis iugis seu capitibus, præberi oportuisse puto. Vnde huiusmodi possessores ad *denarium* siue vncias *teneri dicuntur, hac l. & d. l. 123.* hæc enim promiscue dicuntur: vnciæ scil. singulæ, pro singulis iugis seu capitibus. Atenim postea duplicata hæc præbitio: sic vt quaternas siliquas (idest, duas vncias, nam siliqua vigesima quarta pars solidi fuit, teste Isidoro *Origin. lib. 16. cap. 24.*) Theodosius Iun. solui voluit, *dict. l. vn. infr. de impon. lucrat. descript. & dict. Nouella u. l. 2.*

Notandum tandem hanc descriptionem impositam possessoribus bonorum Curialium, non Curialibus: neque ad Curiam ideo vocatos, etsi hæredes legitimos vel donatarios. Quare queritur Libanius *orat. inedita πρὸς Θεαγύδατον*, quod filius ipsius naturalis, qui ex lege Valentiniani, a Valente confirmata (puta *l. 1. supr. de naturalibus*:) acceptis eius bonis, ad Curiam ideo vocatus fuerat, eo superflite.

POENÆ nomine in Curiam damnari neminem posse.

CVIII. (a) Idem AAA. ad Cynegium PF. P. (b)

NE quis Officialium, Curiz, poenæ specie atque æstimatione, edatur, (c) nisi si quis forte Curiam diffugiens ob hoc coeperit militare, (d) ne ingeniris (e) fungatur officiis. (f) Omnes itaque omnino Iudices tuæ (g) censuræ subditos admonebis, ne quis (h) æstimet, Curiz, loco supplicii, quemquam deputandum: Cum utique *Vnumquemque criminofum non dignitas debeat, sed pœna comitari.* Dat. VIII. Id. Nou. Const. Richomere & Clearcho Coss. [384.]

NOTAE.

(a) L. 38. Cod. Iust. eod. tit. GOTHOFR.

(b) Cynegius PP. Orientis sub Theodosio M. ad quem Cynegium decem Theodosii M. constitutiones *hoc titulo* occurrunt: v. de eo plene *Prosopogr. dixi & ad l. 105. supr. ID.*

(c) *ut. Dedatur, ut etiam habetur Cod. Iust. ID.*

(d) Inter Officiales. Male Gl. sub Magistro militum: *Militia quoque Officialium dicta. v. Gloss. ID.*

(e) *Idest, Originalibus. ID.*

(f) Curia, cui natus. *ID.*

(g) Iudices seu Rectores provinciarum censuræ Praefectorum Praetorio subditi: de quo passim *leges huius Cod. ID.*

(h) *Ne quis eorum existimet, G. Iust. eorum, Iudicium scil. ID.*

COMMENTARIUS.

PŌENÆ specie atque æstimatione, locoque supplicii, Curia quemquam dedi vetat *hac l. Theodosius M. pariter ut Valentinianus Senior l. 66. supr.* Vbi de hoc pœnæ genere plene, & quam male *leges* nonnullæ aliæ eo trahantur, vel aliorum scriptorum loca, etiam ab his, qui ex professio de hoc pœnæ genere egerunt, & testimonia veterum collegerunt.

Quatuor tantum singularia *hac l.* notentur. Primo hypothesis eius. Nempe *Officiales* nominatim a Rectoribus provinciarum delinquentes, supplicii loco Curia dedi, tradi solitos testatur. Quod *h. l.* nominatim vetatur. Secundo notetur *Exceptio*: quod sc. ii. *Officiales* Curia dedi possint, qui Curia deserta ad Officialium militiam confugerunt. Quæ quidem, ut verum dicamus exceptio non est: neque enim hoc casu Officialis pœnæ loco Curia tam datur, quam Curia refuga eidem redditur. Tam parum accurati fuerunt Imperatorum hac ætate Quæstiones, legum alioquin condi promi. Quamquam dici possit, & hoc pœnæ genus esse, ad aliam militiam quem retrahi

inuitum, quam fugerat. Tertio notetur, Ratio generalis *huius l.* cuius hic sensus est, meliorem non debere fieri conditionem eius, qui punitur. Cum qua non convenit prorsus *lex p. supr. de penis*: in cuius specie mutatio tantum de corpore æquali in æquale pœnæ loco, vetatur, hac iam alia ratione, scil. quod pœna deteriore facere debeat, eius qui punitur conditionem non æqualem. Summa sane ex his duab. hæc recte conficitur, pœna, non æqualem, *d. l. 9.* multo minus meliorem eius, qui punitur, conditionem fieri oportere. E contrario igitur, deteriore fieri pœnam oportere: quod cuique cernitur in *sp. l. ult. inf. de pistorib.* seu *l. 2. C. Iust. de appar. P. V. & l. 8. d. t. de pistoribus.* Inde Urbaniciani vel annonarii Apparitores recte in Corpus Pistorum damnantur, *d. l. ult. Patronus, in Caudicariorum & Mensorum corpore l. 9. infr. de suavit.* Et ita quidem hæc *leges* distinguendæ sunt, suisque enunciatis aptandæ. Quarto notetur, *Dignitatem* Curiaibus tribui, quod iam plene expendi ad *l. 85. & 92. & ad hanc postremam* maxime.

P. 454

EMERITORVM, idest, omnibus muneribus perfunctorum Curialium tria privilegia.

CIX. (a) Idem AAA. Cyncgio PF. P. (b)

NEc cogi ad Agonothetiam (c) volumus inuiros: & ad eum statum cuncta referenda sunt, in quo inveniuntur: Atque ideo, Curiales, qui uniuersa persoluerint, nihilque iam vel ex honoribus reliquum habeant quod debere videantur, (d) (dumtaxat (e) huius (f) ac similium pro qualitate generis functionum) postquam patriæ cuncta reddiderint quæ publica poscit utilitas, etsi præsentare (g) forsitan nolunt, tamen propter personarum conditionem præstare (h) cogendi sunt, & (i) concessa sibi generaliter, atque in perpetuum ex Comitibus dignitate lætentur. Osculum quoque his, in provincia, iudicantibus, & confessus indultus sit. Dat. VI. Kal. Maii, Arc. A. I. & Baurone Co s s. [385.]

NOTAE.

(a) Absit hæc *lex a Cod. Iust. GOTHOF.*

(b) Orientis: cui decem *hoc t. Constitutiones* inscribuntur: de eo dixi ad *l. 104. ID.*

(c) *Agonothetia, ἀγωνοθεσία, Pollux Onomast. lib. 3, c. 30. init. ἀγωνοθεσία, ἀγλαθεσία.* Hinc Agonothetæ, *l. 2. infr. de expensis ludor. ID.*

(d) *Videantur debere, pro debeant:* v. similia plura in *Gloss. Theod. ID.*

(e) *Dumtaxat, μὴν, μὴν, ἄλλῃ τῇ, ἀλλῇ* Gloss. vid. & de hac quoque voce *l. 13. supr. de Prætor.* Et sic, exceptis his, Priscianus lib. 18. p. 1200. Edit. Putschii, ἀλλῇ πλῆ. Hoc Attici construunt omni cum casu absque vocativo: *quomodo & nostri, nisi & DVNTAXAT: ut nisi illius iussu, nisi illi congrue, nisi illum doceam, nisi illo præsentis. ID.*

(f) *Agonothetia scil. ID.*

(g) Siue *Præsentari, vel se præsentare:* Imo, *præsentare Agonothetiam. ID.*

(h) Siue *Præsentari:* Imo, *præstare, idest, exhibere ID.*

(i) Forte, *ut. ID.*

COMMENTARIUS.

DE EMERITIS Curialibus, qui scilicet, *Pæna publica, omnibus muneribus Curialibus* (de quibus *FNCTI* sunt in Curia sua & patria seu Re. sunt quoque variæ Inscriptiones veteres, quodque

ea laude censebantur) excepta Agonothesia, deque eorum priuilegiis & honoribus est hæc Theodosii M. constitutio, inemendatissima, vel certe obscurissima: In quo alioquin etiam argumento versatur *lex 4. 14. 75. supr. l. 189. infr.* ita quidem vt dicta *lex 75.* huic nostræ quoque respondeat quoad Comitium dignitatem. De priuilegiis inquam & honoribus eorum est hæc *lex*: quæ iis competebant, quæque nonnulli hoc æuo imminuta volebant: coactis partim iis quamlibet emeritis ad munus Agonothesiæ, partim spoliatis iis, honoribus illis, qui emeritos seu omnibus patriæ muneribus defunctos, manebant. Aduersus quod Theodosius M. & ab Agonothesia eos liberat, & ad eum statum eos haberi, reduci, referri vult, in quo nunc inueniuntur emeriti scil. De singulis ordine: quæ & tribus priuilegiis absoluntur.

Primum est, vt Emeriti muneribus omnibus in patria perfuncti, ad *Agonothesium* inuiti non compellantur. Quod & ipsum iam ab eodem Theodosio Magno cautum, circa Syriarchiam, idest, circa Syriæ agonothesium seu Sacerdotium, *leg. 103. supra, hoc titul.* vbi dicta huic arcesse possunt.

Secundum priuilegium est, quod omnibus in patria muneribus defunctos in eo statu spectari, præsentari vult in quo inueniuntur, idest, eo loco haberi, quo haberi debent, & constituti sunt Emeriti: Comitium proinde dignitate eos haberi vult, & Ex-Comitibus dignitate letari: scilicet vt variis pro varietate temporum honoribus Curiales, omnibus honoribus functi a Principibus decorabantur: de quo ad *leg. 4. supr.* ita hoc æuo Comitium dignitas his delata, & quandoque ante tempus quæsitæ, hæc *leg. & leg. 26. 36. 41. 44. 75. supr.* vbi dixi; *l. 150. infr.* vid. & *l. 127. & 139. infr. eod.* Et quidem sub hac duplici Ampliatione eam Comitum dignitatem Emeritis tribuit hæc *leg.* Theodosius M. Primo, vt si muneribus aliis omnibus defuncti sint, excepta duntaxat Agonothesia, & similibus functionibus, quarum gratiam his hæc *lex* facit, hæc nihilominus Comitium competat. Secundo, vt competat ipso iure generaliter, vt ait *lex*, solo statu, Emeritorum, in quo inueniuntur, considerato; etsi præsentare forte nolint: propter suam conditionem tamen præstare cogendi sint & eminere: Præsentari, idest, oculis publicis subici, sisti, exhiberi cum ea dignitate: sic & domus summe dicuntur lauacris publicis præsentari, *l. 3. infr. de Aqueductu*: sic præsentari Examini, *l. 3. de bonis vacantibus*: sic dicuntur Rei præsentari, idest in publicum extrahi, adprehendi, sisti: *l. 31. circa fin. de Episcop. infra.* sic munera patriæ exsolvere

l. 161. infr. hoc tit. quanquam possit & vox præsentare, hic stare, hoc sensu, etsi Agonothesium præsentare vel pensitare (quæ vox etiam propria hac in re, vid. *leg. 29. supr.*) vel præsidere Agonothesiæ nolint, tamen Comitium decorari debeant: Nempe Emeritos Agonothesium inuitos subire non vult Imp. Et licet ipsi Emeriti Comitium non petierint, attamen inuitos eos sequi iubet splendorem & dignitatem Comitium: atque in eo statu Decuriones, ipsorumque res æstimari, ad eum statum cuncta eorum referri, in quo inueniuntur, ac proinde præstare seu eminere propter personæ conditionem cogendos: Comitium scil. capaces, quia iam Emeriti, etsi eam non petierint, concessa tamen eis est, & debetur generaliter, id est omnibus, qui vniuersis in patria muneribus functi sunt, etsi eam non petierint, aut petere noluerint, seque eo nomine præsentari: vti sunt qui contenti conscientia recte factorum, honores spernunt, seu honore non vtuntur: vt & alias quoque cunctis honoribus functi, honore sibi publice dato contenti, impensam remittebant: de quo sunt veteres *Inscriptiones*. Idque rursum in perpetuum, vt etiam gloriæ cursus sempiternus &c. cum alioquin aliquando Comitium nonnisi ad certum tempus deferretur, vt *leg. 189. infr.* Quæ quidem omnia diligenter obseruanda sunt, velut singularia; puta vt inuitos dignitas comitetur, præstareque seu eminere aliqui cogantur: vt cæteroquin decus & gloria Virtutis, recteque factorum comes est, & illustris peruagataque multorum & magnorum, vel in suos vel in patriam nominatim fama meritum, teste Cicerone, *orat. pro M. Marcello cap. 8. in fin.* etsi non ambitiose affectata; etsi qui eam possidet, præsentare se nolit, seu offerre & obicere gloriæ. Et sic quæ causæ totius, huiusque loci coniectio est, Emeriti etsi ad Agonothesium cogi non possint, cogi possunt ad admittendam dignitatem, & præstare semper debent propter personæ conditionem, nam & id contemnere, angusti atque demissi animi a nonnullis dicitur: & eiusdem conditionis homines ea re ad benemerendum de patria alligi oportet, quod politicum scemina hinc duci potest.

Huic additur a Theodosio M. hæc l. & Tertium priuilegium Emeritorum, seu eorum, qui omnibus patriæ muneribus functi sunt: Osculi, inquam, & Confessus ius cum Iudicibus seu Rectoribus provinciarum: Nempe hi illos Osculi honore, & in Confessum secum recipere debebant. De quo Osculi, Confessusque honore dixi plene ad *leg. 4. supr. de domest. & protect.* & ad *leg. unic. de Præpos. S. Cubiculi.*

De REVOCATIONE Curialium, vbi & quorum facienda sit: & de concludio Curiarum hac in re, plectendo.

CX. (a) Idem AAA. ad Neotherium PF. P. (b)

VNIVERSOS Municipes (c) sibi met debitos Ordo (d) apud proprium repetat Cognitorem. (e) Siquidem nullum magis vniuscuiusque forum competens poterit appellari, quam patriæ. Si quis tamen provinciam rexerit Curialis, aditum sibi interclusum Senatoriæ (f) dignitatis intelligat, nisi patriæ quidquid debet ante dissoluerit. Et ne concludio forte Municipum, quæ sunt iussa frustrentur, sciant singularum Ordines ciuitatum,

tum, triginta libris auri se esse multandos, nisi ad reposcendos proprios, sedulis institerint querelis, Dat. V. Kal. Iun. Med. Arcad. A. I. & Bautone Co ss. [385.]

NOTAE.

- (a) Abest hæc lex a Cod. Infr. GOTHOF.
 (b) Eidem Neotherio de Curialibus hoc ipso Anno, mense Iulio inscripta est altera eiusdem Valentiniani Iun. lex 2. *supr.* quid prob. deb. ID.
 (c) Municipales hic & *infr.* sunt Curiales: vid. *Paratitlon.* ID.
 (d) Id est, Curia. vid. *Paratitlon.* ID.
 (e) Id est, Rectorem provinciae. ID.
 (f) Et sic a Curia excusationem. ID.

COMMENTARIUS.

DE REPETITIONE Curialium, seu de reuocatione ad Curiam eorum, qui Curiae vel Curialibus quibusdam adhuc muneribus tenentur, est hæc Valentiniani Iun. constitutio: Vbi videl. ii repeti possint, & Quinam? Quoque & quanto studio repeti deberent? Primo igitur, Apud Rectorem provinciae, seu ordinarium Cognitorem repeti Curiales a Curia debent: Forum scilicet. competens vniuscuiusque nullum magis est, quam patriæ seu provinciae. Non igitur alio properandum eo fine, ad Principem forte vel ad Praefectum Praetorio: verum in sua quisque patria apud Iudicem provinciae a Curia repetendus est. Quod & ipsum cauetur ab Honorio l. 161. in fin. hoc tit. vbi de occasione & ratione huius rei. Secundo, etiam eos Curia-

les qui Prouinciā rexerint, si nondum omnia Curiae munia explerint, repeti iubet: Quod & Theodosio quoque visum, l. 106. *supr.* l. 122. 134. *infr.* & Arcadio, l. 159. 160. *infr.* Sed olim displicerat Constantino M. l. 5. *supr.* & Constantio, l. 36. 41. *supr.* Interim ex hac ipsa l. notandum, Senatoriam dignitatem a Curia immunem praestitisse sub Valentiniano Iun. de quo iam saepe; nam & in eo argumento versantur huius tituli *leges* 27. quas repetere licet ex *Paratitlo.* Tandem poenam 30. librarum auri Curialibus minatur, nisi sedulo Curiales suos repetierint: vtilitatem suam scilicet. & commodum his spernere non licet. Quo pertinet etiam, quod cauetur l. 71. *supr.* imo & l. 17. 65. in fin. 77. *supr.* l. 113. *infr.* & l. 2. *supr.* quid probare deb.

F. 476a

SENATORI factio Curiali, non satis esse filium vel Vicarium relinquere suo loco, sed Senatoriis & Curialibus oneribus teneri.

CXI. (a) Idem AAA. Cynegio PF. P. (b)

NEMO prorsus Curialium, substituto filio, vel quolibet alio, deferendorum munerum patriæ habeat facultatem: Sed vnusquisque, qui relicto in aliqua ciuitate, vel filio, vel vicario, Ordini se implicat Senatorio, tam suis, quam subrogati muneribus obligatos, (c) sub specie munerum publicorum enormia virubique cogatur patrimonii subire dispendia. Dat. prid. Kal. Maii, Consip. Honor. NB. P. & Euodio Co ss. [386.]

NOTAE.

- (a) Abest hæc lex a Cod. Infr. Iungenda autem ei lex 4. *supr.* de proximis. Hanc legem indicat & confirmat Theodosius l. 118. *infr.* GOTHOF.
 (b) Orientis: huic Cynegio decem hoc titulo *Leges* inscribuntur. ID.
 (c) 77. *Obligatus.* ID.

COMMENTARIUS.

SENATORES ex Curialibus factos nequidem substituto alio Vicario muneribus Curialibus liberari patitur Theodosius M. hac l. vi & l. 118. *infr.* quæ ad eundem Cynegium data *hanc l.* indicat simul & firmat, cum tamen antea hanc subrogationem idem Imp. admissit l. 90. 91. 98. *supr.* Imo in tantum ut huiusmodi Senatorem ex Curiali factum tam suo, quam substituti nomine, munera subire cum velit: & ut loquitur, enormia virubique cogatur patrimonii subire dispendia: *virubique*, id est, tam in Senatu, quam in Curia municipali: ut sensus hic sit, cum tam Senatoria quam Curialia oner-

ra sustinere oportere: quod sane diserte cauetur, l. 137. *infr.* hucque pertinet l. 122. *infr.* Igitur διπλῆς λειτουργός, ut in re non absumili loquitur Synesius ep. 38. vbi in transcurso, διπλῆς λειτουργός non est, quod Berterius putauit, i. Pithan. c. 10. pag. 853. Tom. IV. Thef. Iur. Magistratus municipalis, verum Senator, qui ad duplicis Senatoriae glorie onus in specie illius *epistole* vocabatur. Primo, quia Senator & Senatoria bona possidebat: Secundo, quia Ducatum administrauerat: quod Synesius damnat, scribens ad Aurelium Praefectum Praetorio, idque ab eo amoueri postulat: ὅστις ἐν προγονοῦ λαμπρό-

λαμπρότατον ὄν, καὶ τὴν πατρῶαν εὐλοῖαν ὑπο-
τελῇ τῇ συγκλήτῳ διαδεξάμενον, ἐπειδὴ γέγο-
νεν ἡγεμῶν, ἀξιάται συντελεῖν, ὥσπερ οἱ νεοῦ-
λοὶ, καὶ γενέσθαι διπλῆς λειτουργῆς; τὸ μὲν τι
διὰ τὴν εὐλοῖαν, τὸ δὲ δι' ἣν ἤρξεν ἀρχὴν: qui
cum clarissimis maioribus natus sit, agrosque pa-
ternos senatus vectigales iure hereditario acceperit,
posteaquam Dux factus est, eadem quæ recens
in Senatum adscripti tributa exiguntur, duas ut
pensionationes soluat, unam quidem bonorum, aliam
vero magistratus, quem gessit, nomine. Ex quo lo-
co etiam illud apparet, Duces rei militaris Ducatu

functos Senatoriz glebz obnoxios statim factos, ut-
pote iam Senatores. Quod & ipsum non intellexit
Petavius, ad eum locum scribens, p. 49. 50.

Ait autem lex, enormia cogatur patrimonii sub-
ire dispendia: Nempe, quia talia fuerunt & Senato-
ria & Curialia: de quo iam sæpe. Inde sane Sena-
torius Ordo sumptuosus. l. 58. sup. hoc tit. Tandem
qui nosse volet, quantopere hac parte Principes va-
riauerint, consulat is leges omnes, quæ 27. hoc tit.
occurrunt in hoc argumento de Curialibus, Senato-
ribus factis, occupatz: quas quidem ex Paratit. re-
petere licet.

*De ARCHIEROSYNA a potioribus, non tamen Christianis, subeunda
Theodosii M. lex.*

CXII. (a) Idem AAA. Florentio (b) PF. Au-
gustali. (c)

IN consequenda Archierosyna ille sit potior, qui patriæ plura præstiterit, nec tamen
a Templorum cultu, obliuatione Christianitatis, (d) abscesserit: Quippe indecorum
est, imo (ut verius dicamus) illicitum, ad eorum curam Tempia & Templorum sole-
mnia pertinere, quorum conscientiam veræ (e) ratio diuinæ religionis imbuerit, & quos
ipsos decebat tale munus, etiam si non prohiberentur, effugere. Emissa (f) XVI. Kal.
Iul. Const. Honor. NB. P. & Euodio Coss. [386.]

NOTAE.

(a) Abest & hæc lex a Cod. Iust. utpote iam Paganis ritibus omnibus sublatis. Item ab Annalibus Ecclesiasticis Baronii, qua
tamen augeri potuerunt. GOTHOFR.

(b) Florentio huic Praefecto Augustali inscribitur quoque An. 384. lex 1. sup. de bis qui plebem: Lex 9. sup. de fidei testium:
Eius quoque meminit Farrago Alexandrina edita a Scaligero, sub Anno 365. Arcadio Augusto filio Theodosii, & Ban-
zone Consulibus sub Florentio Augustalo. Eo Anno natus est Honorius Constantinopoli V. Idus Septembris. ID.

(c) Id est Aegypti. ID.

(d) Id est, ex pagano Christianus factus. ID.

(e) γρ. Vera ratio: vel veneratio. ID.

(f) Emissa, h. l. Eadem subscriptio l. 9. sup. de Agentibus in reb. leg. 11. sup. de diu. officiis. l. 30. 50. sup. de appellat. l. 3.
inf. de Numerariis: & Nouella Theodosii 23. Dicam de hac formula & subscriptione in Prolegomenis. ID.

COMMENTARIUS.

ARCHIEROSYNÆ munus hac l. Theodosius M.
ut illi deferri iubet, qui patriæ plura præstite-
rit; ita ab ea excipit Christianos: eosque adeo Ar-
chierosynam amplecti vetat.

Quinam fuerint ἀρχιερεῖς, quid ἀρχιερωσύνη,
veliplo nomine satis patet: Frequens sane eorum
mentio in veteribus quoque Inscriptionibus. In
Glossis etiam ἀρχιερωσύνη, Pontificatus: Sacerdota-
les prædices dixisse videtur Tertullianus, cap. 11. de
spectaculis. Sunt & qui apud Suetonium, in Cali-
gula c. 22. & Domitiano c. 4. & apud Capitolinum,
in M. Antonino c. 4. Magisterium sacerdotii, & Ma-
gisterio fungi in collegio Sacerdotum, pro Archie-

rosyna dici putant, sed male. Αρχιερεῖς certe huius-
modi fuere olim Scopelianus Afrix, de quo Philo-
stratus in eius vita pag. 515. Edit. Morell. sub Iuliano
item Apostata, Arlacius Galatiz, Theodorus Afrix,
ad quos extant Iuliani Epistola 49. & 63. Chrysan-
thius Lydiæ, apud Eunapium, in vita Maximæ
pag. 101. & in eius ipsius vita pag. 193. Edit. Com-
melin.

Ex Iuliani interim epistolis discimus, quidnam
hoc quo munus eorum fuerit: nempe non ipsum
sacra celebrare, facere; verum ἀρχεῖν ἱερῶν ἀπάν-
των, καὶ ἀπονέμειν τὸ πρέπον ἑκάστῳ: item ἐπι-
τροπεύειν τὸν αἰσθητὸν κόσμον: (a) nempe, Tem-
plis

(a) Verba hæc, ἐπιτροπεύειν τὸν αἰσθητὸν κόσμον, plane non pertinent ad munus ἀρχιερέων, sed ad ludæorum, quorum su-
perstitionem depingit Iulianus, Deum. Ita enim scribit ad Theodorum Epist. 63. in fin. "Ἄλλ' ἵνα μὴ ἐν ἡ-
μῶν θεοσις ᾖ, ἵνα περ ἐν τιμῶν αὐτῶν ἀληθὲς θεὸς δυνατὸς καὶ ἀγνώστους, ἵνα ἐπιτροπεύῃ τὸν
αἰσθητὸν κόσμον, ὅπως οὐ γὰρ, ὅτι καὶ ἡμεῖς ἀποὶς διακρίνομεν ὁρίσμεθα. Sed illi quidem impii ex parte
Dei cultores existunt, quandoquidem eam colunt, quæ venera sit potentissimus & optatus, quique sim-
bolum mundi regis; qui equidem, ut optime noui, uobis etiam aliis colitur nominibus. De munere
vero plura videbis in Epistola altera Iuliani, quam Noster exciuit.

plis præesse, & cuique quod conueniret tribuere, externumque ornatum, qui sub sensu caderet, adcurare: Sacerdotes denum, iugiter, in officio continere, honestatique eorum consulere. Id ipsum vero ostendit quoque diserte hæc lex: nam quæ initio eius *Archierosyna* dicitur, eadem mox definitur & describitur, minus esse, ad cuius curam *Templa*, & *Templorum solemnia* pertinent: ubi *Templorum* appellatione, ut alibi passim, *Templa* Gentilium proprie intelliguntur. *Solemnia* vero *Templorum* quid sint, paulo plenius disquirendum venit: vnde patet, quantopere Christianus Princeps Theodos. M. communionem omnem, seu participatum, confessionem, *μετοχην* cum gentilibus & gentilitiis ritibus auersatus sit. Igitur *solemnia Templorum* quomodo & *solemnitates* passim dicuntur apud Tertullianum, aliosque, & in l. 19. de *pagan. sacr. & temp. & consuetudinis Gentilitæ solemnia*, l. 2. de *maleficiis & math.* erant, quæ votorum, id est, lætitiæ publicæ & religiosæ, celebritates dicuntur, in eiusdem Theodosii M. l. 8. de *paganis*: vota publica, l. 17. *cod. tit.* festi conuentus ciuium, communisque lætitia hominum, d. l. 17. Ludi seu priscarum voluntatum solemnitates, l. 3. *cod. tit.* quibus scil. superstitionis Templorum, seu Gentilitæ aliquid adharebat. Festa item conuiuia, indidem profecta, eodemue pertinentia, ut colligitur ex l. 19. *dict. tit.* Kalendarum item Ianuariarum, per hæc adhuc tempora, solemnitas, quæ & festis conuiuia peragebantur: ut horum temporum Scriptores, ne vetustiora afferant, testantur Ambrosius *Sermone* 11. in die *circumcis.* Dom. p. 15. Tom. V. Oper. Edit. Paris 1614. Libanius, *Progymnasmate peculiari in id.* pag. 178. Tom. II. Oper. Edit. Morell. Asterius quoque *homilia* 4. *peculiari* inter Rubenianas pag. 51. Prudentius, lib. 1. contra *Symmachum* v. 237. seqq. Augustinus *epist.* 64. siu. 22. Edit. Benedictin. Vota item proprie ita dicta, quæ tertio die Kal. Ianuarias pro salute Principis in Templis suscipiebantur, festisque pariter conuiuia *θυγαίς* transigebantur: quæ agitata adhuc sub Constantino M. quod discimus ex Kalendario Heruagiano: imo sub hoc eodem Theodosio M. per Asiam, ut prodit eius xui scriptor Eunapius, *sub finem vite Maximi* pag. 13. Edit. *Commelinæ* quæ & ipsa in synodo Trullensi, canon. 62. pag. 230. *Pandect. Canon. Gvil. Beuereg.* Tom. I. *βῆτα* dicuntur, ubi Balsamo, & Matthæus Blastares, in *Nomocanone κατὰ σοῦχον* c. 3. *περὶ τῶν ἱερῶν*, de moribus *græcanicis*, lit. E. pag. 111. Tom. II. *Pandect. Can. G. Beuereg.* ioculariter lapsi sunt, cum *βῆτα* ista ὑπὸ τῶν βῆτῶν, id est ὑπὸ τῶν προβάτων deduxere, idque festum in honorem Panis agitatum prodidere. Hoc numero erant & Saturnalia, *Brumæque*, quæ Tertullianus memorat de *Idololatria* cap. 10. & 14. quæ & ipsa in dicto *canone* Trullano *Bromalia* dici videntur, quæ idem Balsamo & Zonaras in *not. ad dict. Can.* p. 231. & Matthæus Blastares *loc. cit.* in honorem Bacchi (qui *Bromius* dictus) agitata scribunt: quod etiam sequitur Tzetzes, in *lib. 2. ἱερῶν* p. 154. In hoc quoque solemnium numero fuere, lustrorum sacrificia, de quibus supra dictum, Ad hæc igitur, & similia, Templorum solemnia, eorumque curam, Christianos hoc xuo Gentiles adigendos putabant. Est & ubi ea a Christianis ipsis vitro contagione qua-

dam cum Gentilibus concelebrata, inque ritus Christianos transiere: de quo sunt huius xui Scriptorum querelæ, quos alibi memorauimus. Quare & Synodi & Principes, quantum in se, hanc rei obtinam iure: & hac quidem lege Theodosius M. vetitis Christianis ab horum solemnium cura. Quod tamen Christianos quosdam Curiales adhuc fecisse seu amplexatos hæc lex indicat: sic quidem, ut magno ambitu eam adsequi affectarent, quod ex principio & fine l. colligo. Quasi scil. illicitum non esset, neque Christianæ Religioni aduersum: cura scil. *ὑπαρχίας & κόσμου* templorum. Verum id Theodosio M. hac l. displicet. Quomodo iam olim quoque ab horum solemnium ritu Christianos dehortatus est Tertullianus, de *Idololatria*, cap. 14. ubi inter alia: o melior fides Nationum in suam sectam quæ nullam SOLEMNITATEM Christianorum (sibi) vendicat, non Dominicum diem, non Pentecosten: Etiam si nossent, Nobiscum Non COMMUNICASSENT: timerent enim ne Christiani viderentur: nos ne Ethnici pronunciemur, non veremur? Et Augustinus *sermone* 6. de verbis Domini siu. *sermon.* 62. de verbis Euangel. Matth. 8. num. u. pag. 362. Tom. V. Oper. Edit. Benedictin. Si queritis unde vincantur Pagani, unde illuminentur, unde ad salutem vocentur; Deferite SOLEMNITATES eorum, deferite nugas ipsorum, & si non consentiunt veritati nostræ, erubescant paucitati suæ. Hæc igitur solemnia illa sunt Templorum, quæ agitata, etiam cum magna dictorum factorumque licentia; de quo sub eodem Theodosio M. Libanius *ἐν ταῖς διαμαρτυρίαις* p. 413. 414. Edit. Morell. Quorumque cura *Archierosyna* dicta: eaque Curialibus seu Senatoribus ciuitatum, & potioribus quidem inter eos, quique patriæ plura præstitissent, pro magno delata: In tantum, ut Christiani quoque Curiales eam amplecterentur, imo quod ex hac l. discimus, magna prelatione ambient: ideo scil. quod *Archierosyna* hæc non nisi *ὑπαρχίας & κόσμου* cura iam esset: & munus, ut ipsi putabant, superstitione vacuum, etsi circa *Templa* Templorumque solemnia occupatum. Idque nominatim factum per Ægyptum seu Ægypti diocesim, quæ quinque prouinciis hoc adhuc tempore constabat, *Ægypto, Thebaide, Libya, Pentapoli, Augustamnica*. Quibus accesit mox sexta, ut ex *Notitia Imperii* discere est *fol. 75. Arcadia* scilicet de nomine Arcadii (cuius nomen huic quoque legi in P. 413. scribitur. Et quidem censéo ab ipomet Theodosio M. huius leg. auctore, addita: meminit quippe eius iam *Notitia prouinciarum Sconbouiana*, quam sub Theodosio M. scriptam ostendi ad l. ult. *sup. quibus equorum usus*. Ad rem. Ad Ægyptum igitur proprie hæc lex pertinet: ad cuius ideo Præfectum (qui *Augustalis* dicebatur) hæc lex data est, cuius metropolis Alexandria: Per Ægyptum, inquam, quæ superstitionum mater, & ubi hoc adhuc tempore sacrificia stabant: quod docet anno superiore proximo 385 19. *infr. de pagan.* anno quippe demum proxime sequente 387. missus Cynegius Præfectus Prætorio in Ægyptum, sacrificiis ibi prohibendis, quod testatur Zosimus, lib. 4. cap. 37. & Idacius *Chronico*: quod consummatum A. D. 391. per Euagrium Præfectum Augustalem, & Romanum Comitem Ægypti, Theophilo Ep. Alexandrino satagente, ut testatur Eunapius,

pius, in *vita Adefsi* p. 73. & 77. Edit. Commelin. & adstipulantur non tantum Ecclesiasticæ historiæ Scriptores, & Zosimus *lib. 5. cap. 23.* verum etiam *lex ii. de paganis*, vt ad eam iam olim adnotatum. Interea igitur, antequam id fieret, his Coss. HONORIO Nobili Puero & Euodio Coss. id est A. D. 386. cum per Ægyptum Tempia Templorumque solemnia adhuc starent, Archierosynæ quoque munus stetit, seu Templorum, solemniumque istorum, cura: Quæ Christianis quoque impacta, imo etiam ab his vitro suscepta. Quod Theodos. M. *b. lege* interdicat: Neque dubito, ad suggestionem Theophili, Ep. Alexandrini, quo, vt dixi, instante, sacrificia per Ægyptum prohibita, templaque oclusa & euersa fuere.

Et Ratio summopere hic notanda, quam subiicit Theodosius M. quæque pro generali regula seu canone in hoc argumento subternenda est: cui scrupulo conscientis iniecto: *Quod indecorum sit, imo, vt verius dicamus, ILICITUM, ad eorum curam Tempia & templorum solemnia pertinere, quorum CONSCIENTIAM vera ratio (veneratio) diuinæ religionis imbuerit: & quos decebat, tale munus, etiam si non prohiberetur, effugere.* Nempe, etsi Christiani Archierosynæ munus obeunt, non ipsi quidem Templorum cultu superstitioneque mentem suam & conscientiam obligarent, etsi etiam solemnia illa haud adeo superstitione tum implerentur, attamen vel ipsa Tempia, Templorumque solemnia curare Christianos, non indecorum modo, verum etiam illicitum visum: isque casus, conscientie casibus annumeratus: *ἀσέβειον* in simili re dixit Gratianus Imp. apud Zosimum, *libro 4. cap. 36.* Et huc vero proxime iam pertinet Tertulliani locus de *Idololatr. c. 16. in fin.* neque consilio, neque sumptu, aliaue OPERA in huiusmodi fungar: & cap. 17. Neque sacrificet, inquit, neque sacrificiis auctoritatem suam accommodet, non hostias locet, non CVRAS TEMPLORVM (v. & l. 17. D. de alim. legat.) deleget, non vestigalia eorum PROCVRET, non spectacula edat de suo aut de publico, aut edendis PRÆSIT. Sunt enim hæc omnia, vt & istud de quo hac l. etsi non sacrificia, certe ADSACRIFICII saltem genera; quam vocem ex Agobardi C. quo & ipse prius vltimum, Tertulliano recte restituit vir doctissimus d. c. 16. quomodo & admilitiam dixit Arcadius Charisius, l. *unic. D. de off. Praef. Prætorio.* vbi Magistratos equitum Dictatoribus olim adsociatos dixit, PARTICIPALES curæ ADMILITIÆ gratia. Admilitia est commilitium, συστρατία: vt ad sacrificium, συνδουσία. Nempe eo solo quod Templorum solemnia, inuectaque ea a Gentilibus superstitionis finis aliquo essent, atque ita publice celebrarentur in honorem sacrilegi ritus, eorum curam Christianis non competere, non conuenire censuit Theodosius M. superstitionis inquam sine aliquo inuecta: exempli gratia, votorum celebritates ludique in honorem Deorum ferme instituti erant, vt pluribus exequitur Tertullianus *lib. de spectaculis*: quin, vt idem ait *cap. 4.* paratura omnis spectaculorum ex Idololatria constabat. Sic & Constantinus Imp. ludorum originem ex templis exortam testatur, l. 3. de *Paganis, sacrif. & templis.* Et ante eum Lactantius *lib. 6. diuin. Instit. c. 20. extremo.* Ludorum celebrationes Deorum festa sunt: siquidem ob natiuita-

tes eorum, vel templorum nouorum dedicationes, sunt constitutæ: ibidemque, quod ad hanc rem nostram egregie facit, concludit: *Si quis spectaculis interest, ad quæ Religionum gratia conuenitur, discessit a Dei cultu, & ad Deos se contulit, quorum Natales & festa celebravit.* Et Dio *lib. 60. pag. 667. Edit. Wechel.* ἐν γὰρ ὅτῃ τῇ αὐγύεσσι νῆμῃσι, ἐν ἣ ἐγγεγνητο, ἡγῶνίζοντο μὲν ἱπποὶ, ἡ δὲ ἐκείνων δὲ, ἀλλ' ὅτε ὁ τῷ ἑκάστῳ νὰς ἐν ταύτῃ καθίστατο, καὶ διὰ τῆτο ἐπὶ τοῖς ἀγῶσι ἐτερίμυτο: quæ enim equestria certamina Kalendis Augusti, qui est natalis eius (Clandii) exhibentur, instituta sunt propterea, quod ea die Martis ædēs consecrata fuit, & ideo ea anniuersariis ludorum certaminibus honoratur. Notumque, Natales, seu encænia & Dedicationes Templorum, festos fuisse. Idemque dicendum est de Conuiujs Epulisque, συμποσίς, in honorem Deorum institutis: quorum gratia fuere & Φρατρίαι, confraternitates. Et vero hac ipsa de causa Conuiuia hæc, sicut & Ludi, in Christianis improbatæ: ad quæ est etiam vbi Gentiles præpotentes eos cogere solebant. Cui rei similiter obuiam ire Patres Africani paulo post, A. D. 399. (vt ipse quoque censo) in Concilio Karthaginensi sub Honorio Imp. Theodosii M. huius filio, conditis in id duobus canonibus, qui in C. Africae existant, 60. & 61. p. 398. Tom. I. Concil. Edit. Harduin. Illud etiam petendum (ab Imperatore) vt quoniam contra præcepta diuina CONVIVIA multis in locis exercentur, QUAE AB ERRORE GENTILI ATTRACTA SVNT, ita vt nunc a paganis Christiani ad hæc celebranda cogantur, ex qua re temporibus Christianorum Imperatorum persecutio altera fieri occulte videatur, vetari talia iubeant, & de ciuitatibus & de possessionibus imposita pena prohiberi. Et canon 61. Nec oportere etiam quemquam Christianorum cogi ad hæc spectacula: maxime, quia in his exercendis quæ contra Dei præcepta sunt, nulla persecutionis necessitas a quoquam adhibenda est, sed, vt oportet, homo in libera voluntate subsistat sibi diuinitus concessa: CORPORATORVM enim maxime periculum considerandum est, qui contra præcepta Dei magno terrore coguntur ad spectacula conuenire. Hactenus Patres Africani, qui diserte Conuiuia ista ab errore Gentili attracta fuisse aiunt, ἐν τῇς ἐθνικῇς πλάνῃς προσερχόμενα, vt habet Græca interpretatio: & vt Balsamo ad canon 63. Concil. Carthaginens. pag. 597. Tom. I. Pandect. Canon. Guil. Beueregii: ἀρχὴν ἐκζητοῦσα ἐν τῇς ἐθνικῇς πλάνῃς, quæ a grecis errore habuerunt principium. Quare etiam tandem, cum voluptates istæ festaque Conuiuia, quæ per vota publica fiebant, Imperatorum Christianorum constitutionibus aliquamdiu per eandem Africam Gentilibus agitare licuisset, etiam Honorii l. 17. de *paganis* A. D. 399. quanquam addita cautela & taxatione, absque villo sacrificio atque vlla superstitione damnabili (quam legem etiam retinuit longe post Iustinianus) paucis annis labentibus, A. D. CDVIII. ab eodem Imperatore sublata penitus vetitæque fuere, vna cum cæteris paganæ superstitionis reliquijs, l. 19. d. t. de *paganis*: Non liceat, inquit, omnino in honorem sacrilegi ritus funestioribus locis exercere conuiuia, vel quidquam SOLEMNITATIS agitare. In tantum etiam, vt Honorius Epi-

scopis locorum hæc ipsa prohibendi Ecclesiastica manus facultatem tribuat *eadem illa lege*, quam Tribonianus tamen omisit, *priore prælata*.

Iam igitur liquido tenemus horum temporum disciplinam, mentemque adeo Imperatorum Christianorum, omnem Constitutionibus suis *μνηστικῶν* *συμψηφιστῶν*, cumque Gentilibus *ἑτεροζυγίων* damnantium, si quid superstitionis & ad sacrificii adhaeresceret. Vnde iam patet, & quidem ex *hac l.* quam grauis eorum hodie error sit, qui Afiarcharum, Sy-

riarcharum, & similia munera Christianos hoc tempore citra Idololatriæ culpam vel suspicionem gessisse scribere audent: eo quod videant hæc nomina muneraque hoc tempore adhuc persenerasse: non ^{P. 419.} inspecta *b. leg.* quæ id Christianis interdicat. Denique notetur & hæc *lex*, una cum *tribus*, de quibus iam egi alias in argumento & quæstione, vt loquuntur, Idololatriæ Gentilitæ participatæ vel interdictæ.

De REVOCANDIS ad Curiam Curialibus, ex quibuscunque OFFICIIS, MILITIAQUE Armata: & de CVRIARVM conludio hac in re plectendo.

CXIII. (a) Idem AAA. Vniuersis Com. & Magistris (b) Equitum & Peditum.

ADMONITIS VV. CC. Ducibus, (c) Tribunis, Præpositis, cunctos (d) transfugas statuatur Inlustris Magnificencia Vestra ad originem (e) pristinam reuocari, seu qui diuersis Officiis (f) dedicati, seu qui sacramentis militaribus mancipati sunt: nemo se annofitate (g) tueatur: nemo, si tamen eius pater, aut auus Decuriones fuerunt, factum suum incongrua usurpatione defendat. Ordine (h) quoque meminerint se condemnationi (i) obnoxios & periculo, quibuscunque in locis reppertos, non (k) eriam renitentes ac repugnantes, huius statuti auctoritate reddiderint. (l) Dat. III. Non. Sept. Valentis, (m) Honor. NB. P. & Euodio Coss. [386.]

NOTAE.

- (a) Absit *hac lex a Cod. Inst.* Iungenda autem huic *lex 22. sup. de annona & tributis*: et si Alii, puta Cynegio PP, inscribatur, *GOTHOFR.*
 (b) De his v. *Notitiam Imperii. ID.*
 (c) *Duces, Tribuni, Præpositi*: tria Magistratuum militarium nomina sub Magistris militum. *ID.*
 (d) Curiales scil. *ID.*
 (e) Curialem. *ID.*
 (f) Magistratuum militarium. *ID.*
 (g) *Annofitas. ID.*
 (h) *ꝑꝑ. Ordines. ID.*
 (i) *Condemnatio, pro multa*: vid. *Gl. Tb. & Parat. de pœnis. ID.*
 (k) Ita locus hic interpungendus: non vero ita refingendus, *etiam non renitentes. ID.*
 (l) Curis suæ. *ID.*
 (m) *ꝑꝑ. Melantia*, & hic & *d. l. 22.* Qui locus in Thracia fuit, *XVIII.* lapide a Constantinopoli: vid. *Itinerarium utrumque*, & dicta ad *d. leg. 22. sup. de annon. & trib.* Thraciam scil. ab hostibus Groëthingis inuadam Theodosius Imp. victis hostibus, *his COSS.* hoc tempore vindicauit: victorque tum filio Arcadio Constantinopolim rediit *IV. Id. Octobr.* Marcellinus *Chronico.* Idacius Sirmondi *Anno Theodosii 7.* Consularia Idaciana *his COSS.* Cuius rei historiam Zosimus *lib. 4. cap. 38-39. ID.*

COMMENTARIUS.

EMILITIA Armata, & OFFICIIS, Curiales transfugas; ad Curiam reuocari iubet *hac l.* Theodosius M. diligentia Ducum, Tribunorum, Præpositorum: Idque 1. non obstante vlla temporis præscriptione: 2. propositaque pœna Ordinibus Curiarum, nisi eos retraxerint, quamlibet renitentes ac repugnantes. Quod de retrahendis e militia Armata Curialibus *hac l.* definitur, id ipsum ab eodem Imp. constitutum, *l. 3. sup. de Tabulariis: l. 87. sup. 137. 139. inf. b. t.* vt & quod de retrahendis ex officiis,

l. 83. 96. sup. l. 134. inf. b. t. denique & quod de multandis ordinibus Ciuitatum, qui Curiales suos non retraxerint iam dixi ad Valentiniani Iun. *leg. 110. sup.*

Cæterum id nunc a Theodosio M. constitutum, vtpote finito bello Scythico: vindicata Thracia ab hostibus, & victore cum Arcadio filio Constantinopolim cursum tendente: de quo Marcellinus, *Chronico, his COSS.*

E DOMO Principis quoque retrahendi Curiales.

CXIV. (a) Idem AAA. ad Eufignium PF. P. (b)

CVRIALES, qui sese priuilegio Domus Nostræ defendi posse crediderint, ad Curiam retrahantur, & vt (c) propriis functionibus mancipientur, & publica damna sarciant: Tamen (d) si quis ex his Domui diuinæ detectus fuerit quippiam debere, exsoluat. Dat. VIII. Kal. Ian. (e) Honor. NB.P. & Euodio Coss. [386.]

NOTAE.

- (a) *L. 39. Cod. Inst. cod. tit.* Iungendaque *buic*, vt videtur, *lex 4. Cod. Inst. de metallariis.* GOTHOFR. Difficilis coniectura hæc. Dicta enim *leg. 4.* agitur de prouinciis Orientalis Illyrici, quod ad Theodosium, non ad Valentinianum pertinet. RITTER.
- (b) *Eufignius* sub Valentiniano Iun. PP. Italix: quanquam & Illyrico Orientali quoque præfuisse suadet *d. l. 4. in ea enclitica* agitur de Macedonia, Moesia, Dardania. GOTHOFR.
- (c) Absit hæc vox, *Vt*, a *Cod. Inst.* & vèro abesse debet: nisi inuerso more legamus, *vt &.* ID.
- (d) Sequentia refecit in *Cod. Inst.* quod non oportuit. ID.
- P. 460. (e) *Mediolani* scil. vbi data vel hoc ipso Anno ad Eufignium inter alias, *lex 4. supr. de Exsecutor. lex vnic. supr. si de mom. fu. app. & Anno prox. 387. lex 4. supr. de domest. & protect. lex 48. supr. de appell. ID.*

COMMENTARIVS.

PRIVATÆ rei Principis obtentu, vel priuilegio DOMVS Principis, pûta si ad domum Principis sese quis contulerit, forte colonatus, conductionis, procurationisue iure, Curialem Curia liberari vetat; contra ad Curiam retrahi eum iubet *hac leg.* Valentinianus Iunior: cum tamen eo, obtentu & priuilegio multi Curiales intos sese fore, *defendique posse crederent.* Vti idem Imp. Procuratores metallorum qui ex Curialibus ordinari soliti, refugas, ad procuracionem reuocari voluit, *l. 4. Cod. Inst. de metallariis*, quæ ad eundem Eufignium data huic omnino iungenda videtur.

Ergo e domo quoque Principis qui Curiales erant

retrahantur, *hac leg.* pariter vt qui nondum Curiales erant, si præscriptam lege modum possiderent, quamlibet rei priuatæ colonos, nominationibus obnoxios esse voluit Constantius *l. 33. supr. vbi alia quædam dixi.*

Ita tamen hoc casu Valentinianus Iun. Curia fauendum credidit, vt ne in damno versaretur Domus Principis, hunc enim Curialem si quid domui Principis deberet, exoluere iubet, quod Tribonianus tamen recidit. Ergo Curialem reuocari vult saluo domus Principis iure, & sic intactum vtrique ius suum seruari. Quod iuri & æquitati conueniens est.

CLERICOS *Curiales, nonnisi substitutis pro se aliis idoneis, Curia liberari.*

CXV. (a) Idem AAA. Cynegio PF. P. (b)

CLERICI ad Curiam pertinentes sciant, ex patrimonio suo, si ipsi immunes cupiunt permanere, alios idoneos esse faciendos, qui recedentum (c) præsentiam personarumque restituant (d) in publicis muneribus subeundis. Dat. prid. Kalend. Ian. Constp. Honorio NB.P. & Euodio Coss. [386.]

NOTAE.

- (a) Absit hæc *lex a Cod. Inst.* Omisit eam quoque Baronius. GOTHOFR.
- (b) Orientis: cui Cynegio decem *hoc tit.* constitutiones inscribuntur. ID.
- (c) Curialium ad Clericatum. ID.
- (d) Repræsentent. ID.

COMMENTARIVS.

CLERICATV Curialem non aliter liberari vult Theodosius M. nisi idoneo vice sua substituto, ex patrimonio suo *hac l. A. D. 386.* Quod & ipsum placuit Valentiniano Iun. *l. 99. supr.* vel nisi cesso Curia patrimonio suo, *l. 104. supr. l. 121. 123. infr. hoc tit.* Quid aliis Principibus hanc in partem visam, docent alia *leges*, quarum summam exhibui in *Paratitlo.* Huius sane *Vicariis* pro se subrogandi aliis casibus, exempla similia alia occurrunt, tum ad euitandam Curiam probata vel improbata,

l. 49. 59. 98. 99. III. supr. l. 118. 155. 160. 163. 167. 187. tum ad colonariam conditionem euitandam *l. 16. Cod. Inst. de Episcop.* Sane refugarum etiam in locum subrogatis patrimonia Curialium cedere voluit idem Theodosius, *l. 119. infr.* Tandem & bonorum suorum cedendorum a Clericis exemptum simile idem Theodosius M. ad eundem Cynegium PP. superiore Anno 385. inuexit, *l. 46. in fin. supr. de Cursu publ.*

ADVOCATOS *Curiales non ideo Curia liberari.*CXVI. (a) Imppp. (b) Valentinianus, THEOD. & Arcad.
AAA. Cynegio PP. P. (c)

OMNES qui ex origine Decurionum, ad perorandas causas, laudum atque industriae amore ducuntur, reddant patriae cui nati sunt debitas functiones, Nec sese superflui (d) nominis prerogativa defendant: Quandoquidem facilius parere muniis possint, si necessitatem publicam, eo tempore quo student causis industriae fauore tolerauerint. Dat. VI. Kal. April. Constantinop. Valentiniano A. III. & Eutropio Coss. [387.]

P. 461.

NOTAE.

- (a) Abest & hæc *lex a Cod. Iust.* Eique iungenda videtur *lex prox. 117. GOTHOFR.*
(b) Non huic primum legi hi Imperatores inscribendi fuerunt: verum inde a l. 104. *supr. ID.*
(c) Orientis: cui Cynegio PP. decem *hoc tit.* constitutiones inscribuntur. *ID.*
(d) Aduocati. *ID.*

COMMENTARIUS.

ADVOCATIONE Curialem Curia liberari vetat; quinimo ea non obstante eum ad Curiam retrahi iubet Theodosius M. *hac l.* pariter ut duabus aliis *legibus*, puta l. 37. 98. *supr.* ut & Valentinianus Senior l. 77. ubi plenius dixi: Sed & Constantius *leg. 46. supr.* & Valentinianus Iun. *leg. 2. Cod. Iust. de Aduocat. diuers. iudic.* Quid Theodosius Iun. tandem hanc in partem senserit ostendet *lex 188.*

Ratio tantum huic l. subdita, obseruanda, quæ ipsa obscura videri posset, quam tamen hanc puto:

Aduocationis obtentu Curialem Curia non liberandum: quamlibet enim eo tempore causis studeat, & ad perorandas causas laudum atque industriae amore ducatur, facilius tamen muniis parere posse, & necessitates publicas tolerare, quo tempore causis studet: ac si diceret, eo opportuniorem quoque eum ad munia publica subeunda esse. Nempe Aduocatorum maior *industria* est ad necessitates publicas tolerandas, muniaque publica subeunda: quia & in vniuersum laudum atque industriae amore ducuntur, ut *initio legis* dicitur.

PLUMBATIS *cædi quinam Curiales, & quorum Iudicum auctoritate possint.*

CXVII. (a) Idem AAA. Cynegio PP. P. (b)

QUILIBET Principalium, vel Decurionum, vel decoctor pecuniæ publicæ, vel (c) fraudulentus in Adscriptionibus (d) illicitis, vel immoderatus in Exactione (e) fuerit inuentus, iuxta pristinam consuetudinem, non solum a vobis (f) (quibus propter loci (g) dignitatem, rerum summa commissa est) verum (h) a Iudicibus Ordinariis, (i) plumbatarum ictibus subiiciatur. Dat. die Kal. April. Constantinop. Valentiniano A. III. & Eutropio Coss. [387.]

NOTAE.

- (a) L. 40. *Cod. Iust. eod. tit. GOTHOFR.*
(b) Orientis: cui Cynegio PP. inscribuntur decem *hoc tit.* constitutiones. v. de eo *Prosepg. ID.*
(c) Si vel: *Cod. Iust. superflue. ID.*
(d) De Adscriptionib. his, vid. *supr. Parat. de annona & tribut. ID.*
(e) De Exactione, suo tit. *ID.*
(f) Praefectis Praetorio. *ID.*
(g) Locus pro Magistratu. *ID.*
(h) Verum &, *Cod. I. ID.*
(i) Ordinarii Iudices separantur a Praefectis Praetorio: & sunt Rectores prouinciarum, & tamen apud An. Marcellinum PP. ordinarii Iudicibus adnumerantur. *ID.*

COMMENTARIUS.

PLUMBATARVM ictibus (de quibus in *Paratitlo*,) immunitatem, quam contra pristinam consuetudinem Principalium Curialibus dederat, (ut docet quoque eius *lex 80. & 81. supr.*) siue reuocat, siue coarctat Theodosius M. *h. leg.* pariter ut l. 126. 127. *infr. hoc tit.* expressis casibus, qui-

bis plumbatis subiici possunt, & Magistratibus, a quibus id fieri potest.

Tribus igitur casibus eos plumbatis subiici posse definit: nempe si Principales vel Decuriones, decoctores, eueriores pecuniæ publicæ sint, vel ob Adscriptionem tributorum improbam, vel ob im-

moderatam Exactionem. Tria hæc scilicet sunt, quæ Principalibus Curialibus (inter alia) olim demandabantur: Pecuniæ inquam publicæ ad Rempubl. pertinentis cura & administratio, *b. l. & l. 14. q. 3. supr. de quo infr. tit. de Curatorib. Kalend.* item Adscriptiones seu distributiones tributorum faciendæ, *les Affictes des Tailles*: quod docet etiam *lex 5. supra, de iis quæ admin.* vbi plura etiam ex *Saluiano*: v. & *Symmachum lib. 10. epistol. 41. circa medium ferme*. Rursum Exactiones tributorum: quod docet etiam *boc titulo, lex 8. 14. in fin. supr.* vbi plura etiam ex *Libanio, & Basilio*. Circa hæc tria igitur Curiales & Principales decutores, fraudulentis, immoderati sæpe deprehendebantur, Hæcque ferme præcipua Curialium & Principalium crimina fuerunt, ut ostendit quoque *Symmachus, lib. 9. ep. 10. Principalibus*, inquit, *& Tabulariis liberum est aliorum a dispendio vindicare, aliis indebitum munus imponere*, & *Saluianus lib. 5. de Gubernat. Dei cap. 4.* Quare plumbatis eos his casibus subiici voluit *bac l. Theodosius M. ad faciendam videl. publicam disciplinam*.

Et quidem (quæ *Amplatio* hic additur) non tantum a Præfectis Prætorio, verum etiam a Iudicibus ordinariis seu Rectoribus prouinciarum: A quibus alioquin miseros Curiales sæpe vindicare oportuit. De his igitur maior dubitatio erat, minor de Præ-

fectis Prætorio; quia hæc loci istius seu Imperii dignitas tanta erat, ut his rerum summa commissa esset, ut hic dicitur. Nempe Præfectis Prætorio summa rerum commissa erat: proxima Imperatori dignatione. Quare similiter & iudiciorum summam tenere dicuntur in supposititia *l. 1. infr. de Episcopali iudicio*: summa iudicii potiri, a *Symmacho lib. 1. ep. 12.* de quo plura ad *d. l. 1.* similiter omnino *Amnianus lib. 17. cap. 3.* de *Florentio Præfecto Prætorio cui Augustus summam rerum commiserat*. *Cassiodorus in formula Præf. Prætorianæ VI. Var. 3. Et licet aliæ dignitates habeant titulos præfinitos, ab ista Totum pene geritur, quidquid in Imperio nostro æquabili moderatione tractatur*. Vbi & mox, *curarum omnium pulcherrimam molem* vocat. Alio sensu *Euagrius lib. 3. cap. 42.* Præfecturam Prætorianam vocat *νοτοφάται των ἀρχών*, id est, *summam inter magistratus*. Ergo Præfecto Prætorio summa iudiciorum, summus Magistratus commissus.

Interim nota *bac l.* Iudicibus ordinariis idem ius *bac l.* tribui hac in re, quod Præfectis Prætorio: cum alias de suo æuo *Cassiodorus, d. formul.* pro priuilegio quædam Præfecturæ Prætorianæ inter alia numeret, *Curiales etiam verberat, qui appellati sunt legibus minor Senator.*

De RETRAHENDIS Curialibus e Senatoris dignitate: substituendi filii potestate adempta: & de SENIBVS, ut ad Ordinationes conueniant.

CXVIII. (a) Idem AAA. Cynegio PF.P. (b)

DECURIO fortunam, quam nascendo meruit, suffragiis atque ambitione non mutet! Et si vacare per *Senectutem* potuerit, propter Ordinationem, (c) quæ per plurimos cito definiri solet, Curiam non relinquat. Illud * vero iterata lege † præcipimus, Ne in locum proprium homo Curialis filium suum substituatur, & ipse otiosus defendatur *Senatorii* nominis dignitate. Si quis vero ad indebitum honorem posthac adspirare ausus fuerit, auctoritate Ordinarii Iudicis remotus, patriæ reddatur & ciuibus. Dat. prid. Non. Iul. Constantinop. Valentiniano A. III. & Eutropio Coss. [387.]

NOTAE.

(a) *L. 41. Cod. Iust. eod. tit. GOTHOFR.*

(b) Orientis: cui Cynegio PP. hæc vltima e decem constitutionibus *boc tit.* inscribitur. *ID.*

(c) *Ordinatio*. *Paulus l. 7. D. de decurionib.* Hôpores & munera non *ordinationi*, sed potioribus quibusque iniungenda sunt. v. dicta ad *l. 140. infr. ID.*

* Sequentia omnino rescata *Cod. Iust. ID.*

† Indicat *legem 111. supr. ID.*

COMMENTARIVS.

MOBIS pluribus vitandæ Curiae, quibus nonnulli Curias vel Curiales actus hac ætate euitare satagebant, intercedit, vel in totum, vel in tantum; hac enixa *leg. sua Theodosius M.*

Primus modus est, *DIGNITATIS* honorariæ scilicet, honoraria dignitate suffragiis atque ambitione impetrata, Curialem Curia liberari omnino seu in totum vetat. Quod & ipsum idem statuit complicitibus aliis *legibus*, puta *l. 86. 87. 94. supr. videnda & l. 122. 123. 134. infr. & statuitur initio huius leg. ibi, Tom. IV.*

suffragiis atque ambitione non mutet: sic & *d. l. 86. qui laborem declinantes, per illicitæ AMBITIONIS compendia profecti, non merito probantur esse, sed pretio*. Sic, *d. l. 94. per AMBITVM honoris indebiti*. Quare primus ad hanc *leg.* Cuiacii error hic est, qui hoc interpretatur de emendicatis Decurionum suffragiis.

Secundus modus est *SENECTUTIS*. Scilicet et si per *Senectutem* quis regulariter vacatione munerum potiat, quod docet *lex vn. Cod. Iust. quæ ætate*:
Qqq

etate: lex 5. D. de iure immunit. idque etiam Theodosius Magnus hac l. comprobatur, ut & Constantinus M. l. 20. *supr.* de quo eo est insignis Basilii locus, *Epist.* 389. *fiu. Ep.* 34. *num. 2. init.* Edit. *Benedictin.* ad quendam provincie Rectorem, *δέξαι καὶ τὴν ὑπὲρ τῆς ἀθλῆς γέγοντος ἱερείαν, ὃν ἀφῆκε μὲν τῶν δημοσίων γράμματα βασιλικόν, μᾶλλον δὲ καὶ πρὸ τῆς βασιλείας αὐτοῦ τὸ γῆρας ἰδοὺ αὐτῷ τὴν ἀναγκαίαν αἰτίαν.* ἱεραῖας δὲ καὶ αὐτὸς τὴν ἀνωθεν χάριν, αἰδοῖ τῆς φύσεως, καὶ προμηθεία τῶν δημοσίων, μοι δοκεῖν, ὡς ἂν μὴ ἀνδραγαπα παρανοῶντι διὰ τὸν χρόνον κινδυνεύει τι τῶν κοινῶν: *meam quoque pro misero sene precationem excipe, quem diploma regium muneribus publicis exemit, vel potius cui & ipsa ante regem senectus immunitatem necessariam dederat. Confirmasti & ipse beneficium regis, naturam reueritus, & publicis rebus providenti, ut mihi videtur, ne quod periculum, homine propter etatem desipiente, in republ. inuaderetur.* In quibus extremis verbis, vides duplicem istius immunitatis ob senectutem rationem αἰδοῖ τῆς φύσεως, & προμηθεία τῶν δημοσίων. &c. Cui plane accedit illud Cassiodori IX. *Var. 4. Curialis si nulla valetudine corporis continetur, ad solas deceptiones apponitur: & dum adeste quid proderit, si eum contingat defectum viribus inueniri: similis quippe est absenti, a quo non potuerint imperata compleri.* Attamen senem non ideo Curiam omnino relinquere vult; nempe Curiam frequentare eum vult

propter ordinationem, id est, propter ea quæ Curia ordinanda habet, & decreta facienda; ac nominatim propter Nominationes & electiones, quæ ordine ferme fiebant, unde & ordinatio pro ipsa nominatione dicebatur. Quo ipso sensu l. 7. *D. de decur. Honores & munera non ordinationi, sed potioribus quibusque iniungenda sunt: Ordinationi, id est, ordini & electioni, quæ sit ordine.* Et rationem addit, *quia Ordinatio per plurimos cito definitur solet:* Nam cum maior Curialium numerus in Nominationibus, & ordinationibus, & generaliter in omni-
bus Curia decretis requireretur, quod docuit *lex 84. supr.* vbi dixi, sane plurimi ad ea compellendi fuerunt, de quo ad l. 142. *infr.* etiam alias a Curialibus muneribus immunes: Quod vtiliter hodie alio traduci potest. Quare secundus hic error est Cuiacii, qui hunc *huius leg.* sensum putavit, senem, qui post Decurionatum ad senectutem peruenit, Curia solui non posse, ne cæterorum quidem consensu & emendicato, quod fieri solet & facile.

Tertius modus est per Senatoriam non tantum dignitatem, sed & SUBSTITUTIONIS remedio, substituto scil. filio forte, (vel alio) Curialem Senatoria dignitate impetrata, Curia liberari vetat firmata *leg.* sua anteriore super eo, ad eundem Cynegium PP. puta l. 11. *supr.* vbi plura. Qua parte circa Senatoriam dignitatem quantopere ius variauerit, docent 27. *leges huius tituli*, quas repetere licet ex *Paratitlo.*

De FVGACIBVS seu DESERTORIBVS Curialibus per Bithyniæ oppida, mansionesque quasdam Edicto euocaudis, & si non reuertantur, quid facto opus sit.

CXIX. (a) Idem AAA. Tatiano PF. P. (b)

CLAVDIOPOLIS, Prusadis, ac Totai, & Vordis oppidorum, siue mansionum per Bithyniam, Curiales publicis includere functionibus per suam fugam cognouimus: iubemusque, (c) ut Edictis primitus euocati, vtilitatibus se patriæ, & ei cui nati sunt restituant ciuitati: Quod si, etiam post publicam admonitionem, fugæ & indeuotionis (d) vita (e) præfertur, tunc ex idoneis quibusque Corporibus, ac potissimum ex his, qui in Sublimitatis Tux Officio probatam militiam peregerunt, in locum fugacium (f) subrogentur, ita ut quorum subeunt necessitates, & patrimonium consequantur: illis qui sponte patriam reliquerunt, id necessitatis habituris, (g) ut perpetuo (h) careant, cui nihil commodi contulerunt. Dat. XI. Kal. Iul. Scupis, (i) Theod. A. II. & Cynegio Coss. [388.]

NOTAE.

(a) Absit hæc *lex* a *Cod. Iust.* utpote temporaria & localis. *GOTHOF.*

(b) *Tatiano* huic PP. inscribuntur *hoc tit.* sex Theodosii M. constitutiones, puta hæc *lex* & l. 120, 121. 122. 123. 127. (& plures alie *hoc Cod.*) Hic Cynegii, ad quem fuerunt decem *hoc tit.* constitutiones, successor in Prefectura Prætoriana fuit: ut docet *Zosimus lib. 4. cap. 45* & *Idacii Consularia*, his COSS. sane vel ex *h. l.* satis apparet, eum PP. Orientis fuisse, de eo plura in *Prosopogr.* ID.

(c) Et ideo iubemus. ID.

(d) *Indeuotionis* vox hac in re. v. *Gloss.* ID.

(e) Reponerat hic Iurestinus in Symmachum *lib. 10. ep. 57. nota:* quomodo deuotionis nota, l. 10. *supr. de re militari.* Verum, nil hic muto: sibi quippe poenam minatur Imp. ideo *nota* vocabulo vsus: Hic vero narratiuis verbis ait, fugacem *indeuotionis vitam præferre:* id est, vitam indeuotam, vitæ genus indeuotum. ID.

(f) *Fugaces.* ID.

(g) *Subiectis.* ID.

(h) *Ea (patria scil.) careant.* ID.

(i) *Maccedonia* vrbs: vbi & altera *lex* a Theodosio data: An. 379. puta *lex 2. supr. de Palat. S. L.* In itinere *Pem- giniario pag. 750. Oper. M. Velferi.* male editum *Scumis*, pro *Scupis.* ID.

COMMEN-

COMMENTARIVS.

FVGACES Curiales per Bithyniam Edictis euocari, si euocati non reuertantur, eorum in locum substitutis bona eorum addici, ipsisque ad patriam reditum in perpetuum præcludi iubet *b. l. Theodosius M.*

Pertinet autem hæc *lex* nominatim ad Bithyniæ Curiales (ad quos pertinet quoque *l. s. sup.*) cuius aliquot oppida & mansiones nominantur. I. *Claudianopolis*: cuius meminit & Ptolemæus *lib. 5. c. 1.* & Xiphilinus in Epitom. Dionis in *V. Hadriani pag. 356. Edit. Sylburg.* (Antinoum Hadriani ἀντινοῦν inde fuisse ait:) & Antonini *Itinerarium pag. 200. Edit. Wesfeling.* II. *Prusadis* (quæ antea *Cius*) meminerunt multi: Strabo, *lib. 12. p. 844. 845. Edit. Almelouen.* Plinius, *lib. 5. c. 32.* Stephanus *de Urbibus voc. πρῦσα.* & Memnon in *excerptis apud Photium Cod. CCXXIV. c. 43. p. 738. Edit. Schotzi.* A qua distinguenda Prusa, de qua Strabo quoque, Plinius & Ptolemæus. Et hæc quidem duo Bithyniæ oppida sunt, quorum *hac l.* mentio fit. Sequuntur *Mansiones* duæ: 1. *Tottaium* (nam hic scribendum *Tottal*) Eius meminerunt quoque *Itineraria tria.*

Itinerarium Burdigalense p. 572. 573. 574. Edit. Wesfeling.

Ciuitas Nicomedia. M. XIII.
Mutatio Hyribolum. M. X.
Mansio Libum. M. XI.
Mutatio Liadia. M. XII.
Ciuitas Nicia. M. VIII.
Mutatio Schine. M. VIII.
Mansio Mido. M. VII.
Mutatio Chogea. M. VI.
Mutatio Thateso. M. X.
Mutatio TVTAIO. M. IX.
Mutatio Protunica. M. XI.
Mutatio Artemis. M. XII.
Mansio Dable. M. VI.

Peutingerianum pag. 755. 758. Oper. M. Velferi.

Nicomedia. XVII.
Eribulo. XII.
Pronetios. XXVIII.
Nicea. XI.
TATEABIO. XXIII.
Dablis. XI.

Itiner. Antonini, pag. 140. 141. Edit. Wesfeling.

Nicomedia. M. P. XXII.
Item Libo. M. P. XXI.
Nicia. M. P. XXIII.
Mido Orientis. M. P. XVI. vel Oriens medio.
TOTTAIO M. P. XXVIII. male al. Coryaeum.
Dablis. M. P. XXVIII.

Ergo *Totaium* Bithyniæ Constantini M. & Constantii ætate mutatio primum fuit, deinceps *Mansio* facta: Quod sane maiuserat: & quantum mansionibus oppida, & ciuitates præstabant, tantum mutationibus mansiones: quæ & ideo rariores illis: de quibus mutationibus & Mansionibus plene dixi semel ad *leg. 9. supr. de annona & tributis.*

Ex hac sane *leg.* singulari admodum apparet, Curias & Curiales quoque in mansionibus nonnullis fuisse, maioribus scilicet cuiusmodi *Tottaium* fuit. Quomodo & in maioribus nonnullis mansionibus Episcopi fuere: sic enim *Act. 3. Conc. Chalced. p. 374. T. II. Concil. Edit. Harduin.* Helpidius mansionis Thermanorum Episcopus memoratur.

Voridos mentionem nullibi reperio: nisi ea sit *Βόριδος, πόλις πορτινῆς*, unde τὸ ἐθνικὸν Βορυσταῖος, referente *Stephano Voc. Βόριδα.*

Tandem observandum, hanc *leg.* emissam ad Tatianum PP. Orientis, pariter ut quinque alias *hæc tituli* leges, puta *l. 120. 121. 122. 123. 127.* Ad quem eundem cum extent plures Libanii epistolæ, ex earum *Ep. 770.* discimus, eum Curiarum repARATIONI fauissè. Vide & quæ dicam ad *l. prox.*

De RETRAHENDIS Curialibus, ex militia Magistrorum officiorum & Palatina Comitibus S. L. & R. P.

CXX. (a) Idem AAA. Tatiano PF. P. (b)

VNIVERSOS, qui ad indebitam militiam (c) similiter (d) adspirarunt, datis litteris ad Iulustrem virum Magistrum Officiorum, (e) Comitem sacrarum ac priuarum (f), solutos militia, Ordinibus (g) propriis atque officiis iussimus subrogari. (h) Dat. XVI. Kal. Ian. Med. (i) Timasio & Promoto Coss. [389.]

NOTAE.

(a) Abest & hæc *lex* a *Cod. Iust. GOTHOF.*

(b) *Tatianus* PP. Orientis, (Cynegii successor) cui *lex hortis de Decurionibus*, Constitutiones inscribantur: puta præter hanc *leg. lex 119. supr. lex 121. prox. lex 122. 123. 127. infr. de eo vid. Prologogr. ID.*

(c) Scholarius seu Magisterianorum, qui sub Magistro officiorum Palatinorum, & qui sub Comitibus S. L. & R. P. *ID.*

(d) Vox hæc videri possit relativa ad integram constitutionem, unde hæc desumpta est. Sed & hac voce forte indicatur, æquo iure omnes Magisterianos, & Palatinos hæc parte habendos, *ID.*

(e) De Magistro Officiorum *supr. lib. 6. ID.*

(f) De Comitibus S. L. & R. P. *supr. lib. 6. ID. Tom. IV.*

(g) *Ordinibus*, id est, Curis vid. *Paratilon*, ID.

(h) Id est, reddi, restitui: pari sensu vt l. 134. *infr. vers. eos etiam*. ID.

(i) Mediolani hoc tempore Theodosius M. constitit, post Maximum scil. deuictum v. *Cbro*:

COMMENTARIVS.

MAGISTERIANA militia seu scholari sub Magistro Officiorum, vt & PALATINA sub Comite S. L. & Comite R. P. Curialem quemquam liberari vetat *hac l.* Theodosius M. contra exinde eum Curiae reddi iubet: Pariter vt Constantius 138. *supr.* vbi dixi.

Et hæc quidem in proclui *huius l.* sententia est; Atenim Tatiano Praefecto Prætor. inscriptam eam notari cupio, pariter vt quinque aliz *hoc tit.* in hoc argumento de Decurionibus inscribuntur: puta *lex 119.*

supr. lex 121. 122. 123. 127. infr. Qua occasione omittere non possum, sub hoc ipso Tatiano PP. Legationem ab Antiochenis missam, ad excitandam rursus Curiam Antiochenam, quæ antea conciderat: vt discimus ex Libanii *Ep. 770.* ad hunc ipsum Tatianum scripte, de quo rursus ad l. 123. *infr.* Sane & hæc quoque *lex* eodem pertinet, ad excitandas inquam instaurandasque Curias: quæ vacuæ factæ fuerant.

De CLERICIS MAIORIBVS ad Curiam retrahendis vel non.

CXXI. (a) Idem AAA. Tatiano PP. P. (b)

QVI ante secundum (c) Consulatum Mansuetudinis Mez ex Ordine Curialis (d), vel Presbyteri fastigium, vel ministerium (e) Diaconi, vel Exorcistæ suscepit officium, omne eius patrimonium immune a Curialibus nexibus habeatur ac liberum. Is vero, qui se ad religiosa diuini cultus obsequia, quocunque (f) sub nomine, post memorati Consulatus tempora præscripta contulerit, omni sciat cedendum esse patrimonio. Dat. P. 465. XV. Kal. Iul. Med. (g) Valentiniano A. IV. & Neotherio Coss. [390.]

NOTAE.

(a) Absit hæc *lex* a *Cod. Iust.* Hanc *leg.* memorat, simul confirmat idem Theodosius l. 123. Eam quoque indicat & abrogat Arcadius l. 3. *sup. de his qui ad Eccles. An.* 398. Reducit rursus quadamtenus A. 399. l. 163. *infr.* Forte *huic* iungenda *lex 17. infr. de Episcop.* Quod temere non adfero. GOTHOFR.

(b) Orientis: cui Tatiano PP. *lex* hoc titulo constitutiones inscribuntur. ID.

(c) Id est A. D. 388. ID.

(d) Sustineri possit: sed malim *Curiali*. ID.

(e) *Ministerium* Diaconi: v. *inf. paratilon de Episcopis*. ID.

(f) Etiam Presbyteri, Diaconi, Exorcistæ. ID.

(g) Mediolani adhuc hoc tempore hærebat Theodosius M. post Maximum deuictum, vid. *Cronolog.* ID.

COMMENTARIVS.

CLERICATV Curialem præcise non aliter liberari voluerat anteq. Theodosius M. quam alio vicario vice sua ex patrimonio suo substituto, *l. 115. sup.* vel nisi cesso Curiae patrimonio suo, l. 104. quod & postea ab eodem statutum l. 123. *infr.* Atenim *hac l.* nunc A. D. 390. aliquam & temporis & gradus distinctionem facit: Nempe per Clericatum eos liberari vult citra patrimonii cessionem, & sic retento patrimonio, qui Presbyteri, Diaconi, vel Exorcistæ, non vero inferioris gradus Clerici, ante secundum consulatum suum facti fuissent, id est ante A. D. 388. quo Theodosius II. & Cynegius COSS. fuere, quo etiam Consulatu data est *lex 119. sup.* Et sic præscriptione, quæ duos annos & semis excederet, Curialem per Clericatum Curia liberari voluit. Deinceps vero ab eo Consulatu Clericos quosunque etiam Presbyteros, Diaconos, Exorcistas factos patrimonio suo cedere secundum anteriores suas constitutiones iubet. Quam constitutionem suam idem memorat simul & confirmat, l. 123. *infr.* Et hæc quidem ita Theodosius Imp. Mediolani constitutus hoc tempore: forte etiam non sine Ambrosii Me-

diolanensis Episcopi consilio. Qui sane postea Anno 393. *Ep. 29. su. Ep. 17. Tom. V. Oper. pag. 215. Edit. Paris. Cardinal. Felicitis de Monte Alto*, occasione eius quod ob incensam Iudæorum synagogam Theodosii M. iussu contigerat (quo pertinet *lex 9. infr. de Iudæis*;) Theodosio M. hæc obiecit, quæ postea rursus aptabo *legi 137. infr. Quomodo excusabo apud Episcopos? Qui nunc, quia per triginta & innumeros annos Presbyteri quidam gradu sancti, vel Ministri Ecclesie retrahuntur a munere sacro, & curia deputantur, grauiter gemunt: Nam cum ii, qui vobis militant, certo militia tempore seruiunt* (Fornerius pater III. *select. 7. pag. 89 Tom II. Thef. Iur.* reponit *seruiuntur*) quanto magis etiam eos considerare debetis, qui Deo militant? Quomodo inquam hoc excusabo apud Episcopos, qui queruntur de Clericis &c. Quem Ambrosii locum Fornerius pater, male quasi de Episcopis exhibet. Sane & antea quoque Valens similem temporis distinctionem hac parte adhibuerat *l. 19. infr. de Episcop.* & Valentinianus Sen. l. 21. *infr. de Episcop.* & postea Arcadius filius eius l. 163. *infr.* & Theodosius Iun. ex filio

filio nepos *l. 172. inf.* Et in vniuersum quid Principes hanc in partem statuerint v. *leges*, quas in *Paratitlon* ciueci.

Ex hac interim *lege* quoque colligere licet, cum de Episcopis *bac l.* nihil dicatur, hac tempestate indistincte Episcopos Curiali conditione liberatos. Quæ sane iam olim Constantii sententia fuit, *l. 49. sup.*

Notanda quoque tria Clericatus nomina & *κυριολογία* circa vnum quodque eorum: *Presbyteri fastigium*: proximum scilicet *Presbyteri* vocabulum nomini Episcoporum est, *l. 5. inf. de heretic.* & superior locus *Presbyteris* inter Clericos tribuitur, *l. 10. sup. de fide test.* Ideo & secundus Ordo, & secundum sacerdotium *Presbyterorum*, Optato Mileuitano *lib. 1. de schismat. Donatistar. cap. 13.* *Presbyter, antistes in Ordine secundo*, Sidonio, *lib. 4. ep. 11. in carmine addito v. 13.* Inde Diaconi ministerium proprie: Tandem & Exorcistæ tertio loco & gradu mentio fit: cuius pariter mentio fit quarto loco, Subdiaconorum tertio, *l. 24. inf. de Episc. Eccl. & Cler.*

Notandum & illud, *bac l.* nominatim agi de *Presbyteris*, Diaconis, Exorcistis a Curia liberandis, non de aliis Clericis inferioris Ordinis & Ministris: pariter vt *leg. 172. inf. b. t.* Quæ distinctio & alias usurpata: vide *l. 163.* & quæ dico ad *leg. 7. inf. de Episcopis.* Eoque refero Gregorii Nazianzeni *ep. ad Iulianum 106.* qua Clericos sibi ministrantes *της απογραφης*, Curiali descriptione, liberari postulat: iustiore ratione adhuc, quam *Officiales* omnis generis Iudicibus ministrantes Curia liberantur, & ciuitatibus donantur. καὶ μὲν τοὶ καὶ τὰς περὶ ἐμὴ κληρικῆς, ὅσας περὶ ἡττάμην, τῆς γραφῆς (ἀπογραφῆς habet Codex Bodleianus) ἐλευθέρωσαν. ἀκούον ἐν θυμῷ τοῖς, ὅτι λίαν τῶν ἀπίστων (ἀτό-

πων Bodl.) εἶναι, ἀλλ' οὐ μὲν, καὶ ἔστιν ὅλην κα-
θ' ἑαυτὴν τῶν θείων, σὶ δὲ μὴδὲ πρόμα ἐκλεσθαι ἴ-
ναι χερσὶν καὶ ἀλλὰ μὲν πολλοὶ πάντας τὰς
περὶ τὸ ἔγμα δοθῆναι, ἡμῖν δὲ μὴδὲ τὰς συνόν-
τας καὶ θεραπείοντας, καὶ ταῦτα παρ' ὑμῶν
τῶν οἰκιστῶν: quinetiam clericos meos, quos a
te proposci, tributi pensione libera: Illud tecum re-
putari, rem esse magnopere incredibilem, alios suas
quoque omnes facultates Deo consecrare, te autem
ne gratis quidem benignum esse velle: atque aliis
urbibus omnes eos, qui sacrarium ambiunt, do-
nari. Nobis autem ne eos quidem, quorum con-
suetudine utimur, & a quibus colimur, & obser-
uamur, idque a vobis, quibuscum summa nobis est
familiaritas. Quo loco *γραφῆ* vel potius *ἀπο-
γραφῆ*, est descriptio, vt vocatur quoque *l. 123.
inf.* seu functio, quæ ratione patrimonii sustinetur.
Item δὲ περὶ τὸ ἔγμα, sunt *Officiales*, qui Tribu-
nalibus Iudicium præsto sunt, quos hic comparat Gre-
gor. cum iis, qui Episcopis ministrant, ἐπισκόποις
συνόντες καὶ θεραπείοντες. Quare errat inter-
pres Gregorii, qui *γραφῆ* vel *ἀπογραφῆ* ibi, tri-
butum vertit: item qui τὰς περὶ τὸ ἔγμα inter-
pretatur, qui *Sacrarium ambiunt*. Gregorius
quippe ibi argumentum ducit ab *Officialibus*, qui mi-
nistrant Iudicibus, seu his ad *Tribudalia* eorum ap-
parent, ad Clericos qui ministrant Episcopis.

Tandem obseruandum, hanc *l.* Theodosii M.
(quam & ipse postea rursus confirmauit *l. 123.
inf.* ab Arcadio primum abrogatam famosa
illa *leg.* (quam Eutropio auctore tulit, quamque
Scriptores Ecclesiastici & Chrysostomus memo-
rant & proscribunt) *3. sup. de his qui ad Eccl.* Atenim
postea rursus ab eo quadantenus reducta *l. 163. inf.*
vbi dicam.

De DIGNITATIBVS, non Curialibus origine, vel originariis delatis, P. 494.
an & quatenus iis profint: & de FILIIS Curialium retra-
hendis.

CXXII. (a) Idem AAA. Tatiano P. P. (b)

HII quibus detulimus splendidos Magistratus, (c) quosque etiam ornauimus insigni-
bus (d) Dignitatum, si non habent Curiam, cui aut necessitudinis foedere, aut (e) ne-
xu sanguinis teneantur, in splendidissimum ordinem Senatorium, & illam nobilissimam (f)
Curiam, cooprentur. His (g) vero ratio diuersa fit, qui statim vt nati sunt, Curiales effi-
cæperint: Hii namque prærogatiua quidem concessæ dignitatis vtantur, atque eos præ-
stici honoris splendor exornet, sed maneant in sinu patriæ, & veluti dicati infulis (h) my-
sterium perenne custodiant: sit illis piaculum inde discedere. De Filiis vero eorum,
vri (i) natiuis Curii debeant permanere, adfatim cautum est, cum adempta sit patri-
bus licentia discedendi. Dat. IV. Non. Sept. Veronæ, Valentiniano A. IV. & Neothricio
Coss. [390.]

NOTAE.

- (a) Absit hæc *lex* a *Cod. Iust.* Forte iungenda huic *lex* *l. inf. de Monachis. GOTHOFR.*
(b) Orientis. Huic Tatiano PP. *sex* hoc titulo *leges* inscribuntur: *de cur. Profopogr. ID.*
(c) Prouinciæ alicuius regimen forte. *ID.*
(d) Honorariis. *ID.*
(e) Hæc duo vnum & idem sunt. *ID.*
(f) Nobilissima Curia, id est Senatus, & hic opponitur Curia municipalibus. *ID.*

- (g) *In his vero, id est, bonorum respectu.* Sed retinenda lectio: *his ratio diuersae esse debere dicitur, in quorum persona ratio aduersa est. ID.*
 (h) *Infulis dicati, ID.*
 (i) *Vni natiuitas, id est, ex in natiuit. ID.*

C O M M E N T A R I V S.

MAGISTRATV (puta Administratione provinciae) itemque DIGNITATIBVS honorariis, quas *Senatoria* dignitas aut comitatur aut sequitur, eum qui genere Curialis non sit, et si alias possidendi vel incolatus ratione ad Curiam nominari possit, Nominatione liberari: Contra eum qui genere Curialis sit, Dignitate quidem *Senatoria* frui: at nihilominus vna cum filiis patriae munera explere iubet *hac l. Theodosius M.*

Quod de Magistratu seu administratione functis Curialibus dicitur, id iam antea quoque Theodosio M. placuit *l. 106.* & placebit postea *l. 134. infr.* et si aliis Principibus contra visum, scilicet hac ratione Curialibus muneribus Curialem liberari, de quo ad *d. l. 106.* De dignitatibus honorariis & Senatoria dignitate saepe, in hoc enim argumento occupatae sunt *hoc titulo, leges 27.* quas repetere licet ex *Paratitlo.*

Illud obseruandum, *hac l.* discrimen statui inter eum qui Curialis sit, & eum qui ad Curiam tantum Nominari potest: Ille difficilior liberatur, hic facilius. Eadem alioquin ratio fuerit, si iam Nominati reuera fuerint, *l. 10. 13. 94. sup.*

Quod de Filiis statuitur *sine l.* id ipsum & alius Theodosii constitutionibus continetur: puta *l. 86. 98. sup. 123. infr.* Et quidem eodem argumento, a minori ad maius, *d. l. 36. sup. & l. 123. infra h. t.*

Obiter notandae allusiones, quibus Curiales Theodosius M. cum Sacerdotibus & Flaminiibus comparat. Nempe (1.) & illis *Infulas* tribuit, *infulisque veluti dicatos* ait. (2.) *Mysterium* perenne eos similiter custodire. (3.) sine *piaculo* patria discedere non posse. Quae tria ferme Flaminiibus, & quidem perpetuis conueniunt: *Infule* inquam, *Mysterii* perennis custodia; & non sine *piaculo* a *Flaminio* discessio.

PLENISSMIMA *Theodosii M. lex qua superioribus a se legib. constituta potissimum firmat: 1. circa Curiales SENATORES vel CLERICOS factos: 2. circa Bonorum alienationes Curialib. factas: 3. circa FILIOS eorum: 4. Circa DONA eorum.*

CXXIII. (a) Idem AAA. ad Tatianum PF. P. (b)

DVDM super his qui relicta Curia, vel Senatoriam dignitatem adepti sunt, vel Christianitatis (c) obtentu Curialium se consortio separarunt, euidens sanctionum & nostrarum processit auctoritas, Vt si eorum personas, vel honor, (d) vel religio defenderet, quod ex Curiali substantia vel ipsi retinerent, vel in alios transfulissent, obnoxium publicis (e) descriptionibus haberetur. II. Euidens etiam praecepto & nostro tempus expressum est, ex quo Consulatu, (f) si qui de Curialibus ad Ecclesiam (g) confugissent, omni scirent patrimonio Curiae esse cedendum. III. Quidquid (h) ex substantia Curialium ad vnumquemque diuersa largiendi occasione peruenerit, denarium, vel vnicuique habeatur obnoxium, in ea parte, in qua auctoris sui nomine fuerat retentatum. IV. Eos vero qui honores aliquos consecuti, naturale nomen dignitate mutarunt, hos etiam post honorem muneribus obligamus, quibus debitores patriae monstrabuntur. V. Super filiis autem eorum euidens sanctionis & definitum (i) est, quae cum patres patria non concedat excedere, non potest filios Curiae muneribus liberare. VI. Si qui autem diuino cultu occupati, & sacrosanctis mysteriis seruientes, legitima filiorum successione nituntur, si nullum filii eorum adhuc in Ecclesia locum tenentes, (k) vel his, quae per leges comprehensa sunt, non defendantur officiis, hos cum patrum facultatibus, Curiae inservire decernimus. Vacuas vero & inanēs sine naturali (l) successione fortunas, (vt euidenter expressimus &,) sibi Curia vindicabit, habitura solatium facultatum, cui desit (m) in functionibus numerus personarum. Dat. V. Kalend. Aug. Constantinop. Tatiano & Symmacho Coss. [391.]

N O T A E.

- (a) Abest & hac lex a *Cod. Inst. SOTHOR.*
 (b) Orientis, vt docet *differte lex 19. sup. de extrordin.* Cui quinque aliae *hoc titulo* Constitutiones inscribuntur: de quibus dixi ad *l. 120. ID.*
 (c) *Christianitatis*, id est clericatus: de quo dixi ad *l. 30. sup. ID.*
 † Intelligite *legem 121. 122. sup.* Minime; mox dicam, *ID.*
 (d) *Senatoriis, ID.*

(e) Curiz. ID.

† Intelligit *legem* 121. *sup.* ID.

(f) Nempe Theodosii II. & Cynegeii, id est, An. D. 388. ID.

(g) Seu Clericatum. ID.

(h) Sententia, hæc est *legis* 107. *sup.* ID.

† Intelligit *legem* 86. vel sane, l. 122. *sup.* ID.

(i) *Definitum*, pro definitione, ID.

(k) *yp. Tenent.* ID.

(l) Id est, filiis. ID.

† Quamnam intelligat *legem*? mox disquiram. ID.

(m) Vel *Deficit.* ID.

COMMENTARIVS.

SATVRA seu MISCELLA hæc Theodosii M. constitutio est: qua partim varias *leges* suas anteriores iterat & confirmat, puta *legem* 86 121. 122. *sup.* partim & novas superaddit. Ne Curiz scil. Viris, aut viribus deficerent, Dignitatum aut Clericatus specie vel item bonorum alienatione: denique & filios Curialium retrahendos. Quam in rem septem capita cumulat. I. Primo Curialium, qui SENATORES vel CLERICI ante hæc facti fuerant (ante consulatum sc. Theodosii II. & Cynegeii, id est A. D. 388. id enim ex sequenti capite præsupponendum) & sic Curia liberati, substantiam seu bona siue ea ipsi retineant, siue in alios postea transulerint, constituit obnoxia esse oportere *publicis descriptionibus*, ἀπογραφῇ, de quo ait dudum eundem functionum suarum processisse auctoritatem. Et nulla tamen hanc in sententiam extat. Nam si de *Senatoria* dignitate queritur, voluit Theodosius Curiales Senatores factos, obsequiis seu munerib. patriæ perfungi l. 82. *sup.* At *lege* 90. ad alterutrum eos adigi, vel ad Curialia munia explenda, vel si ea iam expleuerint, alios loco suo idoneos Curiz substituendos. *Lege* 93. eos remitti ad Curiam. *Lege* iii. et si alium substitueret, sub specie tamen munerum publicorum enormia patrimonii subire dispendia. *Legem* 8 eum patriæ reddi, non per substitutum excusari. Ergo in hac sententiam nulla præcedens Theodosii M. constitutio extat: Et in vniuersum quantopere Principes hac parte variauerint, docent 27. *huius tituli leges* quas repetere licet ex *Paratitlo*. Si de *Clericatu* queritur, nulla pariter in hac sententiam extat: *lege* quippe 104. *sup.* Curialem Clericum factum, patrimonio suo Curiz cedere voluit. L. 115. alium idoneum facultatibus suis instructum substituere: Tandem l. 121. (quod secundo *huius l.* capite iteratur) a Consulatu suo secundo Clericos factos patrimonio suo Curiz cedere voluit. Nulla de descriptionibus his agit. Itaque aliz super eo fuerunt constitutiones. Et vero id omnino coherere videtur d. l. 121. Descriptiones porro hic sunt, extraordinariæ contributiones, quæ cogentibus diuersis negotiis agitabantur: vti docet quoque *lex* 173. *inf.* quæ de his ipsis *descriptionibus* est: Cui quoque affinis est descriptio illa, quæ imposita lucratius bonis a Curialibus descendentibus, de qua est peculiaris *titulus* 4. *inf.* Quare & hac *leg.* & d. l. 173. de vtrisque agit. Ergo & hoc quoque casu, quo quis antehac relicta Curia, Senatoriam adeptus dignitatem, vel Clericatum, in eo

statu Theodosii *leg.* firmatus est, bona Curialia, siue ea retinuit, siue in alium transulit, publicis descriptionibus, id est extraordinariis contributionibus obnoxia ea haberi voluit. Et hæc de primo *Capite*.

Secundum iam *Caput* illud est, quod d. *leg.* 121. continetur: nempe vt a Consulatu suo secundo Clerici facti, patrimonio suo cedant Curiz.

Tertio *Capite*, iterat Theodosius hac *leg.* dispositionem *legis* 107. *sup.* nempe LVCRATIVO titulo possessores bonorum Curialium, pro modo possessionis ad denarium seu uncias teneri, de quo plene iam ad *leg.* 107. *sup.* & l. 173. *inf.* & *suotit. inf.* 4.

Quarto *Capite*, Honoribus, magistratu forte, ad ministratis, Curialem reliquis, si quæ debeat, Curiz muneribus adstringi.

Quinto *Capite* sententiam *legis* 86. & 122. *sup.* iterat de Filiis Curialium, qui honoribus decorati p. 462. multo magis ad Curiam retrahendi sunt.

Sexto *Capite* id ipsum & de Clericorum filiis, nisi & ipsi Clerici facti iam fuerint, statuit: nempe vt facultatibus parentum instructi Curiz inferuiant.

Postremo *Capite* cauet Theodosius M. Curialium vacuas & inanes sine naturali successione fortunas Curiz cedere, id est bona Decurionum sine hærede decedentium, Curiz adquiri: de quo est *sup.* titulus peculiaris, de bonis Decurionum: Id enim sunt vacuæ & inanes sine successione naturali fortune, nempe bona Decurionum sine hærede deficientium. Et ratio subdita id maxime firmat, *habitura* [Curia] *solatium facultatum, cui desit in functionibus numerus personarum.* Hac vero de re tres mihi constitutiones occurrunt; Constantinū M. d. l. vii. *sup.* de bonis Cleric. Theodosii M. hac: Theodosii Iun. *lex* 4. C. *Inf.* de heredit. Decurion. His adde quartam & antiquiorem hac nostra eiusdem Theodosii M. quæ hic memoratur. Verum de hoc plene iam ad d. *leg.* vii. vbi quædam habes ad huius loci illustrationem. Tandem verosimile mihi, datam hanc *legem*, ad Legationem alicuius vrbis: cuiusmodi Antiochenam Legationem memorat hoc tempore Libanius ad Tatianum hunc ipsum scribens Ep. 770.

MARITVS *non Curialis, vxoris Curialis heres Curie
mancipandus.*

CXXIV. (a) Imppp. THEOD. Arcad. & Honor. AAA.
Filoxeno (b) Vic. Thraciar. (c)

SI quis filiam Decurionis vel Principalis, (d) suo iunctam consortio, nullis exstantibus liberis, fatali sorte perdidit, atque eius ultimo hereditatem fuerit adeptus arbitrio, (e) si ab omnibus alienus officiis est, & nullis, (quibus merito excusari possit,) privilegiis adiuuatur, eius mox ciuitatis Curie mancipetur, in qua, antea, vxore viuente, sine rerum dominio & proprietate, liber, (f) Curie obnoxias facultates heres coeperit vxoris possidere. Dat. III. Non. April. Const. Arcad. A. II. & Rufino Coss. [392.]

INTERPRETATIO. *Si quis filiam Curialis accipiat (g) vxorem, & hac ipsa in coniugio eius mortua fuerit, & omnia ad maritum, quaecumque supradicta videbatur possidere, testamenti voluntate peruenerint, omnibus curia necessitatibus maritus ille qui heres est, teneatur obnoxius.*

NOTAE.

(a) Absit hac lex a Cod. Iust. **GOTHOR.**

(b) *Filoxenus* vicarius Thraciarum sub Theodosio M. **ID.**

(c) De Vicario Thraciarum vid. *Notitiam Imp.* fol. 82. Meminit quoque Vicarii Thraciarum Basilus, ep. 264. suu. *Epist.* 237. *Edit. Benediclin.* **ID.**

(d) De Principalibus, in *Paratitlo.* **ID.**

(e) Id est testamento: Anianus, *testamenti voluntate.* **ID.**

(f) Non Curialis. **ID.**

(g) *Acceperit*, MS. G. **ID.**

COMMENTARIVS.

MARITVM non Curialem & ab omnib. officiis alienum, ab vxore Curiali non exstantibus liberis heredem testamento institutum, si vxori heres existat, Curie ciuitatis mancipari iubet *hac leg.* Theodosius M. Quod quidem Nouum admodum ius est, quod pro Curiarum commodis Theodos. M. adinuenit: Qui idem noui ceteroquin iuris reperi eodem fine neque vna ratione exitit. Hic scil. est, qui Possessorem bonorum Curialis ex lucratiua causa pro ea parte patrimonii in quem successit, ad denarium vel uncias, id est ad certam pensationem Curie primus adstrinxit, *l. 107. 123. sup. hoc titulo.* Imo ad Curiales functiones suscipiendas *l. 134. inf.* Hic est, qui Praedia & mancipia Curialium sine decreto alienari vetuit, *l. 1. inf. de praed. & mancip. Curial.* Hic denique est, qui eam quae *hac l.* continetur Curialis conditionis subeundae rationem inuenit.

Quae quidem tria praecipua instituta Theodosii M. sunt, quibus Curiarum commodis consulendum putauit: & quidem *Bonorum Curialium* ratione.

Notabiles interim & singulares casus hos ex *hac*

l. nota. Primus casus est, quo quis ratione bonorum conditionem mutat. Secundus quo maritus vxoris conditionem sequitur. Tertius notabilis casus est, quo nullis exstantibus liberis, & citra ius liberorum, & non obstante *leg. Papia decimaria*, maritus solidum ex vxoris testamento capere poterat; sub hac tamen lege, vt curiae necceretur, Curiarum scil. fauore: Quomodo idem priuilegium datum Nauiculariis Orientis, annonae fauore a Constantino M. *l. 7. inf. de nauicular.* Donec simul & semel omnibus postea coniugibus ius liberorum daretur a Theodosio Iun. de quo *suo tit. l. 2. 3. sup. de iure liberorum.*

Duae tamen limitationes hic adduntur. Prior, si modo maritus ab omnibus alienis officiis sit. Haec tamen scil. Curiae hac in re fauetur, vt ne aliis officiis iniuria fiat. Quid enim si Cohortali sit, vel Officialis? Posterior, si nullis, quibus excusari possit, privilegiis excusetur. Haec tamen scil. Curiae fauendum, ne suis privilegiis quis exuatur: veluti aetatis priuilegio ob liberos: de quibus Excusationum causis, *v. l. 20. 55. sup. &c.*

ACTVARIII *ex Curialibus facti, ad Curiam reuocandi.*

CXXV. (a) Idem AAA. Victorio (b) Proc. Asiae. (c)

SVMMOTO priuilegio militari, quo sibi Actuarii blandiuntur, eum qui euidenter ostenditur Curiali patre genitus, mox necessariis atque origini suae debitis functionibus mancipari praecipimus. Dat. VIII. Kal. Maii, Constantinop. Arcad. A. II. & Rufino Coss. [392.]

NOTAE.

- (a) Abest hæc lex a *Cod. Iust.* Iungenda autem ei lex 8. *supr. de reparat. appellat.* GOTHOFR.
 (b) Victorio huic PC. Afix infcribitur Anno proximo 393. lex 50. *supr. de appellat. lex 4. supr. de cognitor. & procur. lex 2. supr. de conslit. Princip. & Anno 394. lex 22. infr. de herediis.* vid. *Prosofr. ID.*
 (c) Quznam diocesis fuerit Proconsulis Afix ex Eunapio in *Maximo pag. 107. Edit. Commelin. & Notitia Imperii fol. 69. discere est. ID.*

COMMENTARIVS.

ACTVARI quoque officio seu militia, Curialem Curia liberari vetat: contra, ea non obstante, Curialem ad Curiam retrahi iubet Theodosius M. *hac l.* Quæ pars est prolixioris constitutionis Theodosianæ: qua Curiarum commodis non vna ratione consultum iuit: Reuocatis videlicet Curialibus ad Curiam *hac l.* Item Nominatis ad Curiam, appellationum tempore coarctato: quo pertinet lex 8. *supr. de repar. appell.* quæ huic ceu eiusdem Constitutionis pars coollanda venit. Magnus equidem *Actuariorum* fauor in militia olim fuit, magna auctoritas, imo *pruilegium*, vt hic vocatur:

vt pote qui in singulis numeris militaribus eius rationia pertractarent, quantum scilicet cuique militi, quotque annonæ deberentur, vt postea erogationis faciendæ tempore, Sulceptori pittacio id significarent, *ὡς πομπὰς τοῦ στρατοῦ*, l. 16. *supr. de erogat. mil. ann.* de quibus Actuariis plena dixi, ad l. 11. *supr. de erog. mil. annone.* Et tamen hoc militare priuilegium, quo sibi Actuarii blandiebantur, & quantacunque ipsorum in exercitu dignitas & auctoritas esset, Curiarum commodis, cedere voluit *hac l.* Theodosius M. neque hanc militiam non magis, quam aliam Curis præiudiciu generare.

De PRINCIPALIVM immunitate a corporalibus molestiis.

CXXVI. (a) Idem (b) AAA. ad Potamium (c) PF. Augustalem.

PRINCIPALES, deuoti (d) & nihil debentes, habeant priuilegium, vt nihil corporaliu molestiarum patiantur: scitura Experientia Tua, nisi præceptionis nostræ forma seruetur, & Officiu, & ipsam Sedis Tux iudiciariam potestatem, propositæ (e) multæ esse subdendam. Dat. X. Kal. Iul. Constantinop. Arcad. A. II. & Rufino Coss. [392.]

NOTAE.

- (a) Abest & hæc lex a *Cod. Iust.* GOTHOFR.
 (b) Huic *legi* & tribus sequentibus inscribendi sunt duo tantum Augusti: nempe Theodosius & Arcadius: vt pote Valentiniano Iun. iam cæso.
 (c) Potamio huic Præfecto Augustali inscribitur quoque hoc ipso Anno lex 2. *supr. de defensor. ciuis. lex 3. infr. de his qui sup. Relig. contend. l. 51. supr. de cursu publ. ID.*
 (d) Deuosi, & nihil debentes, *παράκλητοι*. ID.
 (e) Cuinam? viginti librarum auri, l. 85. *supr. ID.*

COMMENTARIVS.

DE Immunitate Principalium a CORPORALIBVS molestiis seu iniuriis, est hæc Theodosii M. constitutio: de qua Curialium immunitate sunt quinque aliæ eiusdem Theodosii M. constitutiones, vt omittam aliorum Principum super eo constitutiones: Quo numero est quoque Constantii lex 39. vbi ostensum, quid per *corporalem iniuriam & molestiam* intelligatur, nempe tormentorum & quæstionis cruciatus, & plumbatarum ictus. Initio scil. Theodosius M. hac immunitate omnes Curiales potiri voluerat, l. 80. 85. *supr.* Atenim postea eadem ab eodem coarctata fuit: cui rei fidem facit lex 117. *supr. hæc lex, & l. 127. infr.* Inter alia Curialibus & Principalibus eam ademit *hæc lex, & d. l. 117.* si indeuoti essent, idest, si quid deberent, si decoctores pecuniæ publicæ essent: *Principales* scil. adscriptiones tributorum, & exactiones faciebant, p. 470. vt ex *hac leg. & d. l. 117.* liquet: & ex Saluiano lib. 5. cap. 4. Symmacho, lib. 9. ep. 10. Postea tamen Honorat. IV.

narius, Principales hos solos ab iniuriis his corporalibus immunes reddidit, l. 6. *supr. de Quæstionib.* non alios Curiales, leg. 153. *infr. hoc tit.*

Ergo *hac l.* Theodosius M. *Principales* (extra quam si quid publico deberent) ab iniuriis Iudicum seu Reclorum prouinc. vindicatum iuit, idque per *Ægyptum* hac *constit.* ad Potamium Præf. Augustalem data. Pariter vt idem hoc ipso Anno defensores iussit, plebein & Decuriones ab omni improborum insolentia & temeritate tueri, constitutione ad eundem Potamium P. Augustalem, paulo ante *hanc l.* data: puta l. 2. *supr. de defensor. ciuis.* Rursum, vt idem hoc ipso Anno ad eundem paulo post *hanc l.* publici cursus exhibitionem Curialibus viritim pensata locorum, hominum, facultatum qualitate distribui l. 51. *supr. de cursu publ.*

Illud omitti non oportet, *hanc l.* Theodosii ad *Ægyptum* nominatim pertinere, & ad Præfectum Augustalem datam: Quo pariter pertinet quod Libanius

banius, *orat. xat. Inagls* inedita scribit: de Theodosii Magni constitutione, qua is Curiales a Iudicibus verberibus subici vetuit: quamque transgressum Flavianum Proc. Afæ (cui inscribitur *l. 18. infr. de susceptoribus*. A. D. 385.) magistratu deiecerit;

imo & Præfectum Ægypti, eo quoque nomine accusatum, in vincula coniecerit. Ad eundem sane quoque Ægyptum pertinet de hac ipsa re eiusdem Theodosii *lex 80. supr.*

De PRIMO in Curia, & Comitua Tertii Ordinis ei tributa.

CXXVII. (a) Idem AAA. (b) Tatiano PF. P. (c)

QUICUNQUE decursis perfunctis (d) officiis, primum obtinuerit in sua Curia, sequentibus ceteris, (e) locum, Comituius tertii ordinis habeat dignitatem, ut ab omnibus eum iniuriis dignitas concessa defendat: Ita tamen, ut hoc honore donatus, a nexu propriæ originis non recedat. Dat. prid. Kalend. Iul. Constp. Arcad. A. II, & Rufino Coss. [392.]

NOTAE.

(a) Abest hæc *lex* a *Cod. Iust. GOTHOF.*

(b) Duo tantum AA. huic *legi* inscribendi, puta THEODOSIUS & Arcadius, pariter ut *legi 126. supr. & leg. 128. 129. infr. ID.*

(c) Orientis: cui Tatiano PP. sex *hociuslo* constitutiones inscribuntur, & hæc quidem ultima. *ID.*

(d) Sustineri possit: sed malim *perfunctus*, *ID.*

(e) Decemprimis, alijs. *ID.*

COMMENTARIUS.

PRIMO Curia Comituiam Tertii Ordinis (de qua dignitate *lib. 6.*) atque adeo immunitatem ab omnibus iniuriis, (corporalibus scilicet id est, questionibus, tormentis, plumbatarum ictibus,) sic tamen, ut ne ideo a Curia nexu liberetur, tribuit *hac l.* Theodosius M. De Primo Curia sunt dua præterea *leges hociuslo*. puta *lex 171. 189. infr. hoc tit.* scilicet, ut in schola Domesticorum erat Primicerius, scholæ Caput, quem sequebantur Decem-primi, *l. 7. 10. supr. de Domesticis*: Item ut in Senatu Princeps Senatus erat, qui sententiam primus rogabatur; ita & in Decurionum Albo Primus quidam erat, cuius peculiarrem rationem habere cœpit Theodosius *hac l.* Comitua Tertii Ordinis, (atque adeo immunitate ab

Iniuriis omnibus ei tributa, de quo *ad l. super.*) Et tamen Theodosius Iun. postea, Primo Curia Alexandrinæ, Comituiam primi ordinis tribuit, per quinquennium, cum immunitate a Senatoriis oneribus *l. 189. infr.* sub eadem tamen conditione, ut in Curia permaneret. Illud ex *hac l.* notandum, Comitua tertii Ordinis hoc privilegium tributum, ut immunitatem ab omnibus iniuriis tribueret. De qua Comitua Tertii Ordinis sunt præterea *lex 9. 10. infr. de Suariis: lex 17. supr. de proximis*. Quamquam & iniuria appellatione, possit quoque hic intelligi collatio omnis, & functio Senatoria: nam & ita *dict. leg. 189.* immunitas a Senatoriis oneribus huic tribuitur.

MILITARES Magistratus iniuriis & VERBERIBUS Curiales Principales afficere vetiti.

CXXVIII. (a) Idem (b) AAA. Abundantio (c) Com. & Magistro vtriusque mil.

MILITARIBUS (d) viris nihil sit commune cum Curtiis: nihil (e) sibi licitum sciant, quod suæ non subiectum est potestati: Nullum iniuria, nullum verbera (f), nullum graui pulsatione, Tribunus, Dux ille, (g) an (h) Comes sit, Curialem Principalem, (i) contingat. Si quis posthac temerario & inconsiderato ausu vllum ex Principalibus viris usurpata adtrectauerit iniuria, sciat se decem auri libris esse mulrandum. Dat. prid. Kal. Aug. Constantinop. Arcad. A. 1. (k) & Rufino Coss. [392.]

NOTAE.

(a) *L. 42. Cod. Iust. eod. tit. GOTHOF.*

(b) Duo tantum AA. huic *legi* inscribendi: puta Theodosius & Arcadius: pariter ut *legi 126. & 127. supr. & l. 129. infr.* vtpote Valentiniano mortuo, Et sic Valentiniani nomen expungendum, quod *Codice Iustin.* recte abest. Vbi tamen contra-

- contrario errore tertium HONORII A. nomen male infartum, quia Anno demum proximo 393. HONORIVS A. adscitus. ID.
- (c) Alius ab hoc est *Abundantius*, δ τῷ ἐπαινετικῷ τῷ γένει ὑπερῶν, de quo Socrates lib. 7. c. 7. Huic vero eidem inscribitur Anno prox. l. 3. *supr. de Salgamo hosp. non prabendo: lex 18. supr. de erog. milit. ann.* de hoc eodem Abundantio agit Zosimus lib. 5. cap. 10. in Arcadii rebus, ubi nominatim ait eum, *ἐν Θεοδοσίᾳ ἐπαρχὸν ἀποδεδυμένον*, & Claudianus lib. 1. in *Eutropium* v. 154. Item Hieronymus in *Epitaphio Neposian.* p. 17. Tom. 1. *Oper. Edit. Francof.* qui Pytiunte exulasse etiam in summa rerum inopia ait. vid. *Prosopogr. ID.*
- (d) Tribunis, Ducibus, Comitibus, qui omnes sub Magistro militum fuere, ut *hæc* quoque *lex* docet, ID.
- (e) *Nililque*, Cod. Iust. addita copula, ID.
- (f) *ἡ. Verbere*, ut Cod. 1. *fl.* ID.
- (g) *Duxue ille*, C. Iust. Quamquam & MSS. Codices Iustin. ita quoque habent, ID.
- (h) *Aut* Cod. Iust. Elegantius illud. Seruius ad 1. *Æneid. v* 333. an *Phæbi soror*, adnotat antique dictum *an*, pro *sue*. Valentinianus *Novella 3. de Homicidio casu an voluntate facto.* Apud Symmachum non semel Veluti lib. 9. ep. 42. *fando an lectione*, & lib. 8. ep. 51. *Cervorum an Aprorum.* v. plura apud Iurem in lib. *Symm. 9. ep. 42. iD.*
- (i) *Principalemue* copula rursus addita Cod. Iust. ID.
- (k) *ἡ. II. ID.*

COMMENTARIVS.

A MILITARIVM, *ἐπαρχίαν*, Virorum (veluti Tribunorum, Ducum, Comitum) iniuriis Curiales vindicat *h. l.* Theodosius M. adempta eis in Curiales omni potestate. Non quidem ea ratione, ut Iudicium ciuiliū Iurisdictionem *hæc l.* fundet, quod hæctenus creditur (id quod aliunde satis notum: Indices enim Curialium, Rectores prouinciarum fuisse docet *lex 39. 47. 80. 85. 110. 118. supr. & lex 150. 164. 181. infr.*) verum ut audaciæ Iudicium militare occurreret. Ea scil. fuit Ducum militarium *ἐπαρχίαν* hac Theodosii M. tempestate, audacia, ut miseros Curiales, ac maxime Principales, exactores tributorum, patrocinium rusticis ipsis præbentes, iniuriis afficerent, *verberibus, grauique pulsatione contingerent, attræstarent*: Quod Libanius egregie ostendit. *Orat. περὶ προσεσίων*, quam ipse edidi: ubi queritur prolixè, quomodo Duces isti *ἐπαρχοὶ* iniuriis affecerint miseros *Exactores*, quos Curiales fuisse ostendit. Ut omnino credam hanc *leg.* latam ad eam ipsam Libanii querelam: Omnia quippe egregie congruunt: etiam tempus, quo eam Orationem habitam iam ex animi mei coniectura indicauim, puta hoc Anno ipso 392. Item argumentum; utrobique scil. agitur de iniuriis, quibus Duces militares Curiales adiciebant. Rursus utrobique agitur de Principalibus seu Exactoribus: Principales scil. & Decuriones tributorum exactores fuere: quod ostendit vel *lex 8. 14. in fin.* imo & *lex 117. supr. hoc tit.* quæ eiusdem Theodosii M. est. Ac nominatim Principales, ut ostendit *d. l. 117. supr. & Saluianus lib. 5. cap. 4.* qui inter Curiales primi, &

a Curialibus cæteris appellatione distinguuntur: et si alias & ipsi Curiales, generalique Curialium nomine veniant: De quo in *Paratitlo.* Ideo etiam hic forte *ἀσυνδέρως* dicitur, *Curialem Principalem*: nam & mox *finel.* non nisi *Principales* uosbuiantur: non quasi Curiales & Principales pro iisdem indistincte accipiantur, verum quia Principales e Curialium numero erant, non vero Curiales omnes etiam Principales.

Et ita quidem deinceps hæc constitutio interpretanda venit, cuius arcana nondum introspexerunt Interpretes Codicis Iustin. etiam Cuiacius, in quem *hæc lex* relata est. Neque enim Duces militares in *sp. huius l.* Iurisdictionem in Curiales sibi vindicabant præ Ciuilibus magistratibus, verum militaris sui cinguli terrorem Curialibus suo munere defungentibus obiciebant. Et si fateor generaliter *hæc l.* omnem Ducibus militariis, in Curialibus in Curias & Curiales *potestatem* adimi, & illorum iniuriis verberibus, pulsatione, hos vindicari.

Cæterum quod hic adhuc notandum, ideo *hæc lex* inscribitur Comiti & Magistro utriusque militiæ; nempe quod Militares illi viri, Tribuni, Duces, & Comites sub eius dispositione essent: ac proinde *hæc lex* ad eum data, ut per eum ea illis innotesceret, inque officio suo illi per eum continerentur.

Notandum & illud, generalem hanc *huius l.* prohibitionem esse: scil. prohibitio *huius leg.* non tantum respicit Tribunos, verum etiam Duces & Comites, quorum maior dignitas erat,

De SENATORIA dignitate, MILITIA & ADMINISTRATIONE.

His non obstantibus Curiales functionibus adstringendos.

CXXIX. (a) Idem AAA. (b) Rufino PF. P. (c) Post alia.

QUICVNQUE est e Curia Senator effectus, quicumque militiam cum esset Curialis adgressus est, restituitur, obstringendus ei quam declinauerat functioni. Quinariam iubemus eos ad munera relicta & ad cognoscenda (d) constringi, quos *Administrationum* honor diuersa suffragiorum ambitione prouexit, ut eo quidem quem adepti sunt, honore *P. 472.* non careant, sed ab ea quam reliquerant functione non absint. Prouidendo, ne (e) quis-

Tom. IV. Rrr 2 piam

piam Curiae natus ad consortium Senatoriae dignitatis adspiret: Cum ita sibi videat, (f) & praeferita & praesenti iussione praescriptum, ut ei, vel affectata vel emendicata huius Ordinis gratia prodesse non possit. Dat. X. Kalend. Decembr. Const. Arcad. A. II. & Rufino Coss. [392.]

NOTAE.

- (a) Abest & haec lex a Cod. Iuss. GOTHOF.
- (b) Duo tantum AA. *bui*: l. inscribendi pariter ut tribus superioribus, puta legi 126. 127. 128. nempe Theodosii & Arcadii. ID.
- (c) Rufinus sub Theodosio M. PP. Orientis; Tatiani (cui *sex* hoc tit. *leges* inscribuntur,) successor, de quo Zosimus lib. 4. cap. 51. 52. & Ambrosius ep. 53. *suu. lib. 6. Epist. 50. Tom. V. Oper. Edit. Paris. 1614.* Ei praeter *hanc* l. quinque *leges* *hoc tit.* inscribuntur: puta legi 134. 135. 136. 137. 139. Ex quo coniectura duci potest, de Rufini PP. studio erga Curias: de quo ad leg. 137. *infr. v. Profepogr. ID.*
- (d) *Cognoscenda*, id est, functiones, quae cognosci seu agnosci & praestari debent, *Cognoscere* scilicet in argumento functionum publicarum est agnoscere, subire, praestare, vid. l. 17. *supr. de Pratorib. l. 14. in fin. supr. de Annona: l. 4. infr. de Centurionib. l. ult. infr. de patrociniis vicorum.* *Cognoscenda* porro, pro functionibus publicis quae cognosci debent. Sic *proponenda*, pro vectigalibus publicis, quae pro propositis mercibus dantur, l. 2. *supr. de veteranis*: ubi vide plura, quae dixi: sic *defendenda* provinciarum, id est, ea quae per provincias defensione egent, l. vn. *infr. de Hirenarchis. ID.*
- (e) Curialis Curiae natus. ID.
- (f) Deinceps scilicet. ID.

COMMENTARIUS.

SENATORIA dignitate, MILITIA & ADMINISTRATIONE provinciae scilicet Curialem Curialibus muneribus non liberandum, neque in praeteritum, neque in futurum definit, *haec l. Theodosius M. de quo iam saepe*: ac nominatim de eo sunt eiusdem Theodosii M. *lex 82. 90. 93. 111. 118. 122. 123. supr. Et lex 130. infr. Et in uniuersum 27. hoc tit.*

leges occurrunt in hoc argumento occupatae, quas repetere licet ex *Paratitlo*. Illud singulare *haec l.* quod ut Curialem non obstante administrationis honore, Curialibus functionibus teneri vult, ita rerum Administrationis indeptae honore nihilominus non priuandum, quod & aliis *legibus* cautum *supra, & leg. 134. infr.*

SENATOR fieri, quando seu quibus legibus, Curialis possit.

CXXX. (a) Idem AAA. (b) Aureliano PF. V. (c)

SI quis Municipem (d) ad Senatorium transire ordinem omnibus muniis perfunctus optauerit, (e) bona sua, quibus substitui idoneus possit, sciet Curiae semper esse obnoxia. Dat. III. Kal. Mart. Constantinop. Theod. A. III. & Abundantio Coss. [393.]

NOTAE.

- (a) Abest haec lex a Cod. Iuss. Iungendae autem ei duae proxime sequentes *leges*. puta *lex 131. 132. infr. Item lex 3. supr. de consiliis. Principum. l. 29. 30. infr. de operibus publ. lex 1. supr. de Praediis Senatorum: lex 26. supr. de Pratoribus.* Et forte etiam *lex 11. infr. de annoniis ciuicis. GOTHOF.*
- (b) Reponendi hic *Imppp. THEODOSIUS, Arcadius & Honorius*, ut & sequentibus omnibus *legibus* Theodosianis *ad 140. usque*: ut etiam recte inscribuntur *d. l. 29. 30. infr. de operibus publ. d. l. 1. supr. de praed. senat. d. l. 26. de Pratoribus.* quas *huic* coniungendas dixi. ID.
- (c) Ita Tiliiana Editio prima recte habebat, quod postea mutatum in PP. operarum menda. Ita quoque *d. l. 3. supr. de consiliis. Principum.* Ita quoque *d. l. 29 & 30. infr. de operibus publ. Ita d. l. 1. supr. de Praed. Senatorum: & d. l. 26. supr. de Pratoribus.* Ita quoque *l. 4. supr. de Senatoribus: l. 11. 12. infr. de annoniis ciuicis.* Ac tribus aliis *Legibus PP.* puta *l. 131. 132. 138. infr. hoc tit. ID.*
- (d) *Municipum*, id est, Curialium hic & alias saepe. v. *Paratitlon. ID.*
- (e) Deinceps: argumento etiam *d. l. 3. supr. de consiliis. Principum. ID.*

COMMENTARIUS.

SENATOREM fieri Curialem deinceps Theodosius M. *haec l.* sub duabus conditionibus permittit.

Primo, si omnibus muniis perfunctus fuerit.

Secundo, sub *haec lege*, ut bona eius Curiae obnoxia sint, quibus substitui idoneus possit: Duobus scilicet his concurrentibus, quibus Curia undique consultum esse possit. Quod & ipsum eidem Theodosio M. visum olim *l. 90. in fin. cuius & aliae plures*

plures in hoc argumento de Curialibus, Senatoribus factis, leges extant, puta *lex* 82. 90. 93. III. 118. 122. 123. 129. Quarum nonnullis in earum specie substitutioni alterius locum esse noluerat, vt *d. l. 1. 1. 1. 18.* Et in vniuersum si quis ad plenum scire volet, quam varium hac parte ius fuerit, consulat *is 27. huius tituli leges*, quas repetere licet ex *Paratitlo*.

Est autem *hac lex*, prolixæ admodum constitutionis Theodosianæ pars, ex qua supersunt complures aliæ leges *hoc Codice*, quas in *Notis* iam indicaui quæque adeo *huic* coniungendæ veniunt. Ea constitutione Theodosius M. plenissime confirmatum iuit varia, quæ perperam inuecta constitutaque fuerant a Tatiano PP. Orientis, (cui in Præfectura Prætoriana successerat Rufinus, cui superior *lex* 129. inscribitur) & a filio eius Proculo P. V. (Aureliani, cui *hac lex* inscribitur decessore) qui paulo ante proscripti fuerant: de quo Tatiano agitur *l. prox. 131. inf. l. 12. 13. sup. de bonis proscriptorum. l. 9. sup. de indulg. crim. l. 23. sup. de annon. & tribut. de Proculo, l. 12. inf. de annon. ciuicis*: (cuius tituli *l. II.* pars

illius Constitutionis est, atque adeo *huic* coassanda:) Et quidem perperam inuectas constitutasque in damna Curiarum; quo pertinet *hac lex* cum *duabus sequentibus, l. 131. 132.* In damna ornatus Ciuitatum ac nominatim vrbis Constantinopolitanæ, quo spectat *d. lex 29. 30. inf. de operib. publ. & d. l. II. inf. de annonis ciuicis.* In damna Senatorum, quo respicit *d. lex 1. sup. de præd. Senatorum: & d. lex 26. sup. de Prætoribus.* Quæ quidem omnia ita infirmatum it Theodosius M. vt tamen retroacta non irrita faciat, sed futurum nouum ius constituat: Quo pertinet clausula illa generalis: *d. l. 3. sup. de constit. Principum*, quæ exinde quoque desumpta vna cum superioribus omnibus *huic* coniungenda venit: *omnia constituta non præteritis calumniam faciunt, sed futuris regulam imponunt.*

Illud semel monendum *hanc l.* aliasque quibus Senatorius ordo erigitur vel subleuatur, ad Aureliani PV. & PP. data: ad eius proculdubio suggestionem: de quo est vetus epigramma *lib. 4. Antholog. cap. 4. ep. 17.* de quo ad *l. 4. sup. de Senatorib. & gleb. collat. & l. 1. de præd. Senatorum.*

De THERMARVM calefactione Antiochiæ.

CXXXI. (a) Idem AAA. (b) Aureliano PF. P. (c)

IN calefaciendis apud Antiochiam (d) Thermis, veterem præstationis (e) consuetudinem seruari placet: Constat enim merito submouendum, quidquid a Tatiano (f) probatur adiectum. Dat. III. Kalend. Mart. Constantinop. Theod. A. III. & Abundantio Coss. [393.]

NOTAE.

(a) Absit & *hac lex a Cod. Inst.* velut temporaria & localis, *GOTHOF.*

(b) Theodosius scil. Arcadius & Honorius. *ID.*

(c) Dicam mox de hac Inscriptione. *ID.*

(d) Syriæ Coeles. *ID.*

(e) A Curialibus faciendæ: quod vel Rubrica *huius tituli*, sub quo *hac lex* posita est, ostendit: & auctoritas Libanii, de qua mox, *ID.*

(f) PP. Orientis, de quo mox. *ID.*

COMMENTARIVS.

DE THERMARVM Antiochiæ Calefactione ad quam Curiales certum præstationis modum conferebant, est *hæc* Theodosii M. *lex*, qua veterem præstationis modum seruari iubet: submoto eo, quod Tatianus PP. adiecerat & superexegerat. Cuius occasione multa hic obseruanda veniunt.

Primo tenendum, hanc *legem* esse partem prolixæ Theodosianæ constitutionis, qua Theodosius M. a Tatiano PP. potissimum constituta, & Prouincialium humeris superimposita, sublata iuit: ex qua constitutione plura alia fragmenta supersunt *hoc Codice*, huic proinde coassanda, quæ ad *superiorem l. 130.* (quæ & ipsa de earum numero est) in lineam conieci. Quomodo & aliud superindicti genus ab eodem adiectum Theodosius infirmatum iuit hoc ipso anno, *l. 23. sup. de annonæ & tributis.*

Secundo, obseruandum nominatim a Tatiano in damnum Curiarum & Curialium multa sancita, quo pertinet *hac lex*, cum *superiore prox. & inferiori prox. 132.*

Tertio de Tatiano hoc, cuius *b. l.* mentio fit, & quatuor insuper legib. *hoc Codice*: puta *d. l. 23. sup.*

de annonæ & tributis: l. 9. sup. de indulg. criminum: lex 12. 13. sup. de bonis proscriptorum, tenendum, eum, cum PP. Orientis diu fuisset (cui sane inscribuntur etiam *hoc titulo* sex constitutiones *supra*, puta *lex 119. 120. 121. 122. 123. 127.* & de quo Zosimus *lib. 4. c. 45.* & Idacii *Consularia*.) reum maiestatis factum, cum filio Proculo P. V. De quo Asterius *homilia in festum Kal. p. 60. Edit. Rubenii.* Zosimus *lib. 4. c. 52.* Chronicon Alexandrinum *his ipsis COSS. A. 393. pag. 709. Edit. Raderi.* Itaque infirmata Tatiani acta a Theodosio M. *dict. l. 12. 13. sup. de bonis proscriptorum: dict. l. 23. sup. de annonæ & trib. & b. l. vt & filii eius Proculi P. V. l. 12. inf. de annon. ciuicis.*

Quarto obseruandum, per Syriam nominatim, & Antiochiæ quidem perperam quædam a Tatiano inuecta: nempe collationem quandam, quæ Syriarchiæ nomine a Senatoriis possessionibus exigebatur; quam ideo abolet Theodosius M. *d. l. 1. sup. de præd. Senatorum*: quæ & ipsa inter alias *huic* coniungenda est: Item collationis a Curialibus faciendæ incrementum

mentum ad calefactionem Thermarum Antiochiæ: quod hac l. abolet.

Quinto notandum, cum potissima earum legum pars, quas huic coniungendas dixi, etiam l. prox. 130. sup. Inscriptio proferat Aureliano P.F. V. idque etiam aliæ leges firment; attamen hanc leg. & l. 132. prox. inf. quæ & ipsa huic iungenda venit. & l. 138. inf. præferre Aureliano P.F. P. In eo sane recte, quod in genere dignitatem P.F. P. præferat; Orientis scilicet, sub quo Syria erat & Antiochia, quibus nihil commune cum P.F. V. Constantinopolitanæ scilicet fuit: sed in eo male, quod Aureliano P.F. P. præferat: neque enim Aurelianus P.P. fuit, sed P. V.

P. 474. Contra Rufinus hac tempestate P.P. erat. Quare mens ea mihi, Theodosium M. prolixam illam constitutionem suam, qua Tatiani P.P. & Proculi P. V. acta, infirmatum iuit, & ad Rufinum P.P. & ad Aurelianium P. V. eodem exemplo seu coniunctim emisisse; sic quidem ut quædam capita respicerent urbem, atque adeo officium Aureliani P. V. alia vero provincias, atque adeo officium Præfecti Prætorio: Quæ postea capita cum discernerent huius Codicis Conditores, singulaque singulorum officiis convenientia reddere deberent, in eo lapsi videntur, quod huic capiti inter alia, ut & d. legi i. sup. de prædiis Senatorum, Aureliani P. V. nomen inscripserint, cum Rufini P.P. debuerint.

Nunc de ipsa huius l. sententia. Sexto notandum, Thermis Antiochiam illustrem maxime fuisse: de quibus etiam Lampridius, Alex. Severo cap. 53. Amin. Marcell. initio lib. 31. sed Libanius cum maxime Antiochenus ipse, in Antiochico p. 358. & 376. & ad Icarium p. 456. & de vita sua, p. 47. Edit. Morell.

Septimo sciendum, calefactionem Thermarum inter munera & quidem personalia olim fuisse, ut docet lex i. §. 2. lex 18 §. 5. D. de munerib. & hono-

rib. Item pecuniam ex redditibus civitatum ad id subministratam, ut docet lex 32. inf. de operib. publicis: & d. §. 5. de quo plura inf. tit. de mancip. thermarum. Antiochiæ sane Curiales certum quid ad id contulere: quod præter hanc leg. quæ adeo posita est sub h. t. de Decurion. docet Libanii Antiocheni locus in Antiochico p. 358 Edit. Morell. ubi de Curia Antiochena & Curialib. Antiochenis, sumptibusque ab his in patriam factis (de quibus agitur inf. l. 169) ex professo agens addit: ὡν μὲν τὸ πλῆθος διατρέφοντες ἐν ταῖς χρεαῖς, καὶ ἐκιδέσσει τὰς τῆς γῆς ἐνδείας ἀφανίζοντες· αἱ δὲ τὴν πόλιν ἅπασαν λυτῶν τε ἀπελαύσει, καὶ διαμαρτῶν χάρισιν ὡφελόντες τε καὶ ψυχραγωγῶντες, quæ verba ita interpretatur Morellus: Quandoquidem nunc multitudinem educant ad usus, & largitionibus ad terræ necessitates communiunt opes: deinde semper sanctum civitatem functione & spectaculorum suavitatibus fouent atque exhilarant. Idem Ep. ad Aristenetum 384. ὁ καὶ ἦπται τῇ λειτουργίᾳ, καὶ γὰρ ἐκείνος πληκῆτος ὡς τὰ τοιαῦτα, ἀνέλισκε φιλοτιμία φθάνων τὰς ἀπὸ τῶν νόμων ἀνάγκας, ὡν μὲν ἐν ἀργυρίῳ ἡμῖν, θεραπεύει λυτῶς τὰ σώματα, μέλλων δὲ ἵππων ἀμίλλας χαρίζεσθαι τῇ πόλει, δώρων βασιλικῶ τετιμηται. δύο τε θέρπια τὸ δῶρον. quæ vertit ita Cl. Wolffius: Hic publicum munus suscepit. Ille enim in iuuenili etiam ætate sua libenter impendit, gloriæ studio ipsam, quæ ex legibus nascitur, necessitatibus anteuertens. Iam Argyrius noster, corpora balneis reficit, idem vero certamen equestre, urbi nostræ representaturus, dono regio affectus est. Id vero duplici equorum quadriga continetur. Et forte etiam eodem pertinet illud quod Amm. Marcell. initio lib. 31. scribit, Antiochia vocis præconum audiebantur assidue, mandantium congeri ligna ad Valentini lauacri succensionem, studio ipsius Principis conditi.

E TRIBVS filiis Curialis vnum Senatui dare potest.

CXXXII. (a) Idem AAA. Aureliano P.F. P. (b)

SI quis Curialis tres mares filios suscepit, vnum dare (c) Senatui non vetetur. Dat. III. Id. Mart. Constp. Theod. A. III. & Abundantio Coss. [393.]

NOTAE.

(a) Abest & hæc lex a Cod. Iust. quia eam abrogat l. ult. Cod. Iust. de Decurionib. Quænam huic coniungendæ sint? iam dictum ad duas leges superiores, quæ & ipsæ de earum numero sunt. GOTHOF.

(b) pp. P. V. vel Rufino P.P. de quo ad leg. super. 131. ID.

(c) Dare Senatui, id est Senatorem efficere, ad Senatorum dignitatem euehere, sociare Senatui, ut hoc explicat Iustin. dist. l. ult. ID.

COMMENTARIUS.

DE FILIIS MARIIVS Curialium, est hæc Nobilissima, & singularis admodum Theodosii M. constitutio; intra quem videl. modum, & qua ratione illi voluntate patris, Senatui dari atque adeo a Curia liberari possint. Regulariter scilicet filii Curialium Curiali conditioni obnoxii erant, ut docet lex 7. 22. 26. 31. 37. 49. 53. 57. 58. 69. 74. 86. 93. 98. 122. 123. 155. 174. 184. & quidem etiam eorum Curialium filii, qui ad dignitates euecti, ve-

luti ad Senatoriam, erant: de quo (ut omittam aliorum Principum constitutiones) sunt aliæ plures Theodosii M. hoc tit. puta lex 86. 93. 98. 122. 123. & promiscue quidem quandocunque sc. nati, ex d. l. 93. Item eorum etiam qui Clerici facti essent d. l. 123. itemque Magistrorum, d. l. 98. inf. Et multo magis eorum, qui in Curiali conditione statuque erant: Ac proinde non poterat pater Curialis filium suo facto aliquo iureque patrio Curia liberare.

Et

Et singulari tamen nunc privilegio id a Theodosio M. hac l. indulgetur Curiali, vt si pater sit trium marium filiorum, vnum ex his Senatui dare possit: seu sociare Senatui: Vt ita prolem suam masculam inter Curiam & Senatum diuidat, potiore tamen semper parte penes Curiam remanente, nempe duobus filiis Curix relictis: tertio vero Senatui dato, & ad Senatoriam si fors dignitatem euecto, & ad Curiam minime retrahendo. Quæ prolis seu trium marium filiorum diuisio inter Curiam & Senatum maxime notanda est: de qua est quoque *lex 74. sup.* vbi iam dixi. Diuisionis alioquin prolis inter Curiam & aliud Corpus quædam exempla quoque habuimus *l. 79. & l. 105. sup. h. t. & l. u. sup. de filiis milit. Apparit.*

Porro non fauore iuris trium liberorum, quod vulgo secundo errore creditur: neque enim patri ipsi vllum privilegium hic datur, seu ob secunditatis privilegium id constitutum: verum quia satis visum Theodosio M. si Curialis duos filios Curix sufficeret, vnde immortalitatis genere quodam Curialium numerus, suffecta gemina prole mascula, semper constaret: quare Tertium Curix saltem Nobiliori, Senatui inquam, dare, patri licere voluit Theodosius M. & ante eum Valens, *l. 74. sup.* Idque etiam Senatus Constantinopolitani fauore, quem Maximum Senatum vocat Iustinianus *l. ult. h. t.* vbi hanc memorat; vt & ipse hac ratione repleretur. Qui sane Princeps & aliis variis rationibus Senatui Constantinopolitano studuit, vt docent *lex 3. sup. de Senatorib. l. 5. C. Iust. de dignitatib.* Ergo hunc evitandæ Curialis conditionis modum probavit Theodosius M. nempe vt filius Curialis hominis Senator factus Curia liberaretur, si vnus e tribus maribus filiis esset. Hæc enim huiusce legis sententia est, quam tamen Iustinianus postea abrogauit, *l. ult. Cod. Iust. de Decurionib.* repleto iam satis Senatu Constantinopolitano.

Falluntur enim tertio errore, qui hunc sensum huic l. assignunt, quasi pater ipse vnum ex tribus maribus Curix offerendo, Curia liberaretur: neque etiam cum hoc quidquam commune habet, quod a Theodosio Iun. primum constitutum ad replendas Curias, vt naturalis filius Curix oblatum, legitimus fieret; de quo vide *leg. 3. 9. Cod. Iust. de natural. liber. §. ult. Institut. de nuptiis, Nouellam Iustiniani 89.*

P. 475. Haud absimile vero est, quod ex Senatusconsulto Sabiniano, pater adoptivus vni ex tribus maribus in adoptionem a patre naturali sibi dato, Quartam testamento suo relinquere tenebatur (sicut arrogato impuberi Quarta ex diui Pii sanctione debebatur) vt docet Iustinianus *l. pen. §. 3. Cod. Iust. de adoption. & §. 14. Instit. de hered. quæ ab intest. & ibi Theo-*

philus: Quo etiam alludit Marcus Seneca Rhetor in controuersia prima libri 2. Quod quidem privilegium S. C. Sabiniano datum, seu Quadrantem Sabinianum, inductum Alii censent in genere fauore trium liberorum, & ob secunditatis privilegium. Alii, quia qui ex paruo isto numero vnum in adoptionem daret, non tam exonerandæ familiæ suæ, quam adoptantis gratia id facere videretur. Sed enim vera ratio hæc est, fauor scil. non in commune trium liberorum, neque enim idem statum de filia ex tribus liberis in adoptionem data, verum fauore masculorum, per quos familia nomenque propagatur: pariter vt in *sp. huius leg.*

Ad legem nostram redeamus: Theodosius M. igitur diuisionem hanc trium filiorum inter Senatum & Curiam a Curiali patre factam probavit, si duos Curix relinqueret, Tertium Senatui Constantinopolitano daret: siue quia vel ante hanc leg. id obtineret, in necem Curiarum, vt vel vno filio Curix relictio, ceteri Curia liberari possent, siue contra, paulo ante hanc leg. vnus filii e tribus maribus Senatui dandi ius non esset. Cui rei argumentum præbent non tantum verba huius leg. indulgentiam præstare vnus tantum filii Senatui dandi facientis, Vnum, inquit, dare Senatui NON VETVR. Verum etiam tota illa & proluxa Theodosii M. constitutio, vnde desumpta est, vna cum tot aliis, quas huic coniungendas dixi ad duas ll. superiores, quæ & ipsæ de earum numero sunt: Ea scil. constitutione, inuecta a Tatiano PP. Orientis, & Proculo filio eius P. V. in necem nominatim Curiarum, Theodosius M. infirmatum iuit; quo pertinet hac lex cum duab. superioribus. Hinc sc. præstationis modum maiorem Curialibus a Tatiano indictum pro calefactione Thermarum Antiochiæ submouet, *d. l. 131.* Inde Curialem ipsum Senatorem fieri non nisi duobus concurrentibus permittit *d. l. 130.* cum proculdubio siue Tatianus, siue Proculus eops facilius liberari paterentur. Similiter igitur Theodosius voluisse videtur hac l. vel ne Curialis filios tam facile, totus numero Curia liberare posset, quam siue Tatianus, siue Proculus permiserat. Vel contra id a Tatiano & Proculo ademptum hac l. restituisse, sic vt Curialis vnum e tribus maribus filiis Senatui Constantinopolitano dare posset. Vel denique nouum hoc nunc ius a Theodosio adinuentum replendo Senatui Constantinopolitano.

Cæterum dare filium Senatui, vt & hoc addam, nihil aliud est, quam sociare Senatui, quomodo id effert Iustinianus *l. ult. C. Iust. de Decurionib.* Neque temere dare: quia scil. in patris potestate filius est, quem & ideo Curix dare potest. Quo modo quidam dixit, *utilem Resip. filium dare.*

De PLEBEIIS diuitib. in Curiam allegendis.

CXXXIII. (a) Idem AAA. Siluano Duci & Corr. (b) Limitis Tripolitani.

QVICVNQVE ex numero Plebeiorum, præsentibus singulorum (c) Ordinibus ciuitatum, agro, vel pecunia idonei conprobantur, muniis Curialibus adgregentur. Qui vero nullam rei familiaris substantiam habent, militare in Apparitorum numero non ventur. Dat. VI. Kal. April. Const. Theod. A. III. & Abund. Coss. [393.]

NOTAE.

(a) Absit hæc lex a Cod. Iust. GOTHFR.

(b) Siue Comes, vt Nestorius Comes & Dux (Limitis Tripolitani) pariter dicitur l. ult. sup. quorum appell. De Ducis prouincia Tripolitane, Notitia Imperii fol. 166. Tripolitana prouinciae mentio quoque d. l. ult. & l. 19. sup. de appell. & apud Ammian. lib. 28. cap. 6. Limitis Tripolitani mentio quoque in itin. Antonini p. 73. Edit. Wesseling. ID.

(c) 79. Singularum. ID.

COMMENTARIVS.

PLEBEIOS, agris vel Pecuniis locupletes, ad Curiam nominari iubet per Tripolitanam hac l. Theodosius M. pariter vt idem per Mysiam, l. 96. sup. Valentinianus per Tusciam, l. 72. sup. & Iulianus Imp. Antiochiæ, l. 53. sup. vbi vide quæ notauimus ex Iuliani Misopogone. Constantius item per Orientem, & forte etiam Antiochiæ, l. 33. sup. Constantius per Bithyniam, l. 5. sup. addatur eiusdem lex 13. sup. Et tandem tralatitii iuris fuit, vt plebei, substantiam muneribus aptam possidentes, si quando Curialium inopia esset, ad Curiam nominari possent. (Quis modus autem huic legi suffecerit? videnda singularis Constantii lex 33. sup.) Quare

plebei huiusmodi idonei, si ad aliud corpus sese contulissent, inde reuocari poterant ad Curiam: veluti ab Apparitorum seu Officialium Ducis vel Iudicis. Scilicet non Curiali tantum stirpe sati, ab Apparitorum officio ad Curiam retrahi potuerant: de quo est (vt omittam aliorum Principum constitutiones) eiusdem Theodosii l. 96. 113. sup. & l. 134. inf. verum etiam ii, qui Nominationibus obnoxii erant: veluti veteranorum filii, l. 23. sup. & Plebei idonei facultatibus, h. l. Idonei, inquam; nam minus idonei hac l. militare in Apparitorum munere non ventantur.

P. 476.

- I. Ex OFFICIIS & DIGNITATIBVS, Curiales retrahendos.
2. BONORVM Curialium possessores, ad Curiam vocandos.

CXXXIV. (a) Idem AAA. Rufino PF. P. (b)

OMNES, qui Curiali obstricti sanguine, diuersis se Officiorum (c) priuilegiis, & actuum præiudiciis, adgregarunt, reddendos muniis esse non ambigas. (d) Eos etiam, qui adepti Honores esse dicuntur, debitis statuas functionibus subrogandos, (e) manente priuilegio Dignitatis. Ac ne ab his sententia promenda se temperet, quos Præfidalis Officii defendit obscuritas, quosue (f) nullum munus adlegat (g) Nauiculariæ functionis. Vtique eo super hac re Iudicantis est sententia porrigenda, vt quoniam Curialium fundos, diuersis titulis, huiuscemodi (h) homines tenere cœperunt, intelligant sese, quos nulla militia priuilegia, nulla honorum suffragia, non ætatis (i) defensabit (k) infirmitas, in eorum locum suscipiendis functionibus subrogandos, quorum, vel habendo, vel habitando, (l) sibi patrimonialia præsumpserunt. Dat. prid. Id. April. Constantinop. Theod. A. III. & Abundantio Coss. [393.]

NOTAE.

(a) L. 43. Cod. Iust. eod. tit. Iungenda huic, lex 14. sup. de exactionibus. GOTHFR.

(b) Rufinus PP. Orientis scil. cui præter hanc leg. quinque hoc titulo constitutiones inscribuntur: de eo plura in Prologo. ID.

(c) Præfectorum. ID.

(d) Ambiges, vulg. Cod. Iust. & cœtera omnia ibi rescata, & subtextus versiculus ex l. 137. inf. ID.

(e) Id est reddendos: pari sensu quo l. 120. sup. ID.

(f) Et generaliter omnes quos. ID.

(g) Alliges. Quanquam istud tueretur quis, arg. l. 22. sup. ID.

(h) Pro cuiuscemodi, id est, cuiuscunque modi seu generis homines. Ita & l. 9. inf. de scanicis: Quicumque ex huiusmodi force progeniti: sic Pacatus Panegyrico Theodosii c. 9. Et ne contraberes corporis veterum cuiuscemodi semper opere infidumis ovis versisse rubiginem. Quod in cuiuscunque modi, non necessario emendatur, vnum enim idemque est, quomodo sane Macrobius 1. Saturnal. 7. ID.

(i) Senectutis, l. 118. sup. ID.

(k) Defensabit, v. Gloss. ID.

(l) Præsumpserunt hic affecta a Theodosio M. Quastore: habitando, nempe possessiones, seu fundos. ID.

COMMENTARIVS.

DEBILITATIS triplici potissimum ratione Curiis hac tempestate, succurrit Theodosius M. *hac l. & l. 14. sup. de exactionibus*: quæ huic, cui eiusdem constitutionis pars, coassanda venit. Triplici inquam ratione debilitatis: vel longinquis itineribus quo pertinet *d. l. 14. vel Curialibus ad honores & officia varia confugientibus*: vel denique translatis in alios Curialium Officiis: Ad quæ duo posterior pertinet hæc Theodosianæ Constitutionis pars.

Vt de priore dicamus: Pars scil. Curialium diuersis sese Officiorum privilegiis, & Actuum præiudiciis adgregarant, id est diuersa officia veluti Magistratus seu actus varios in Republ. gesserant, quibus sese a Curiali conditione tutos immunesque deinceps fore putabant. Pars Honores Dignitates, seu honorarios Dignitatum codicillos indepti fuerant. Alii Præsidum officiales facti fuerant. Alii ad alia Corpora sese contulerant. Hos igitur omnes ad Curiam reuocari nunc iubet Theodosius M. Quod & aliis pluribus *legib.* iam antea iusserat: vt nominatim postremum istud *l. 96. 113. sup.* Vt & eos qui ad alia quæcunque Corpora sese contulerant, solis Nauiculariis exceptis: scilicet qui ad Nauiculariam functionem sese conferebant, a Curia & Curiali nominatione immunes reddebantur: imo ex Curialib. sæpe nauicularii adsumebantur: vt docent aliæ plures constitutiones: puta *lex 5. 14. 17. 19. 25. inf. de nauiculariis*: Quod tamen non probat

lex 149. inf. b. t. Quod vero dignitates indeptas attinet, etsi Theodosius velit Curiales ad debitas functiones teneri, attamen priuilegia Dignitatum his constare seu manere vult. Quod notandum aliisque plurib. iam *supra* cautum. Et hæc de priore *huius l.* capite.

Posterior caput respicit fundos Curialium in alios translatos: qua re Curie plurimum debilitatæ fuerant. Igitur eorum fundorum Possessores in Curialium locum suscipiendis Curialibus functionibus subrogari iubet *hac l.* Theodosius M. Cum tamen *l. 107. 123. sup.* ad denarium tantum, seu vnciarum præstationem fundorum Curialium ex causa lucratina possessores teneri voluerit. Verum ista fuit Theodosii hac parte nunc seueritas: *Vsq. eo*, inquit, *super hac re Iudicantis est sententia porrigen- da*: proculdubio quia ea prædia sine decreto alienata, occupata fuerant: cuius rei alioquin poena alia ab eodem proposita iam ante *hanc leg.* vt comparator pretio & loco multaretur, *l. 1. inf. de prædiis & mancip.* Et hoc tamen *capite*, tres exceptiones & excusationes admittit additque Theodosius M. nempe bonorum Curialium possessores ad Curiam vocandos, nisi 1. *militie* alicuius priuilegio defendantur. 2. vel *honorum* suffragiis: 3. vel *Etatis* infirmitate. Quæ sane excusationum causæ in commune Curialibus tributæ: de quibus iam *sup.*

P. 477.

VACATIO *temporaria, a Curie muneribus quando data valeat.*

CXXXV. (a) Idem AAA. Rufino PF.P. (b)

NVLLVS vacationem temporariam (c) Curialis accipiat, nisi id forte veris ac probatis causis Annotatio (d) nostra concefferit. Dat. prid. Non. Iun. Const. Theod. A. III. & Abundantio Coss. [393.]

NOTAE.

- (a) *L. vn. Cod. Iust. de his qui a Principe vacationem acceperunt. GOTHOFR.*
 (b) Orientis: cui præter *hanc leg.* quinque præterea *hoc tit.* inscribuntur. *ID.*
 (c) *Temporalem* vulg. Cod. Iust. *ID.*
 (d) *V. l. 137. & 139. infr. ID.*

COMMENTARIVS.

VACATIONEM Temporariam a Curialibus muneribus Curiali quandoque dari veris & probatis causis æquitas postulabat: fontica forte aliqua causa intercedente. Hanc porro Vacationis Temporariæ dandæ potestatem cum Iudices seu Rectores prouinciarum sibi vindicarent, idque in Curiarum sæpe damnum fieret, hanc eis potestatem Principes sæpe adeptum iuere: Constantinus M. *l. 1. sup. hoc tit.* Theodosius M. *hac l.* hac potestate sibi tantum suæque adnotationi seruata: vacationis, inquam nominatim temporariæ: Libe-

rari enim a Curia in totum, ne Principis quidem beneficio vel Adnotatione Curialis potuit; *l. 10. 13. 17. 102. 137. 139. 154. 156. b. t.*

Et modum tamen adhuc rei huic adhibet: nempe vacationem temporariam ita a se impetratum demum valere vult, si *veris ac probatis causis* eam tribuerit: Quo pertinet quoque *lex 1. infr. de his qui numero liber.* & *tit. Cod. Iust. de his qui a Princip. vacationem acceperint*, in quem *tit. hæc lex* collata est: & *tit. Cod. eod. si tutor vel curator, falsis allegationibus excusatus sit.*

Neque DEBITOS Curia, excusandos: neque Non DEBITOS, allegandos.

CXXXVI. (a) Idem AAA. Rufino PP. P. (b)

NEc debitis (c) Curia licitum potest esse, negare aut vitare, quod declinare non possunt; nec Curia esse liberum debet, eos experere, quos iustis adferros privilegiis non poterunt obtinere. Dat. IX. Kalend. Iul. Constantinop. Theod. A. III. & Abundantio Coss. [393.]

NOTAE.

(a) Abest haec lex a Cod. Iust. GOTHOF.

(b) Rufinus PP. sub Theodosio M. Orientis scil. cui quinque praeterea Constitutiones *hoc tit.* inscribuntur: vid. de eo *Præfopogr. ID.*

(c) Id est, iis qui Curia debentur, qui Curia tenentur. Ita quoque *leg. 139. infr. Curia debiti.* Ita quoque *leg. 162. infr. ID.*

COMMENTARIUS.

GENERALE & VAGUM hoc e Theodosii M. ad Curiam deuocent. Et proculdubio fuit hoc constitutione caput est, neque ad quam proprie speciem referendum sit, sciri potest: Fibulam tantum generalem imponit, vt Curialibus ita & Curia: illis, ne *Immunitates* sibi indebitas vindicent: Quare huc pertinentia alia ex *Paratitlo* accessi possunt. his, ne iustis *privilegiis*, id est, *Immunitate munitis*

1. De RETRAHENDIS *undecumque Curialibus.* 2. De INCOLIS & VACANTIBVS *allegendis.* 3. At non MATERNI *Generis ratione.*

CXXXVII. (a) Idem AAA. Rufino PP. P. (b)

OMNES, qui Municipibus (c) genere aut actu (d) tenentur obnoxii, a Militia vel a quibuslibet retrahi mandamus Officiis: nec * Rescripta, aut Adnotationes, (e) ad munerum fugam prodesse permittimus. Incolas etiam, & Vacantes, (f) qui tamen idonei sunt, iubemus adstringi. Nullus ** sane solis (g) materni sanguinis vinculis ligetur: (h) quia *Mulierum* (i) *infirmas nunquam huiusmodi functionibus reddit obnoxios, a quibus ipsa habeatur* (k) *immunis.* Dat. V. Id. Aug. Constp. Theod. A. III. & Abundantio Coss. [393.]

NOTAE.

P. 478. (a) Abest *haec lex* a Cod. Iust. Nisi quod verficulus, *Nec rescripta*, subtextus est *legi 43. Cod. eod. & lex 44. Cod. eod. de sumpta est ex ultimo verficulo, nullus.* Iungendaque ei famosa *lex vn. supr. si quis Imperatori maledix.* GOTHOF.

(b) Orientis, cui sex in vniuersum *hoc tit.* constitutiones inscribuntur. *ID.*

(c) Municipibus, id est Curialibus: v. *Paratitlon. ID.*

(d) Ita *lex 177. actu muneris ipsius*: iam Curiales *impugnatores*: *Ordinarii* vocantur, *l. 16. infr. de Nauicul.* id est, iam in Ordinibus Curiarum constituti. *ID.*

* Verficulus hic subtextus a Triboniano *legi 43. Cod. Iust. de Decurion.* quæ alioquin desumpta est ex *lege 134. infra. ID.*

(e) V. *l. 135. supr. & l. 139. infr. ID.*

(f) Non est mutanda haec vox, in *vagantes. ID.*

** *Lex 44. C. Iust. eod. tit.* hinc desumpta est. *ID.*

(g) *Solis.* Cod. Iust. *ID.*

(h) Municipibus, seu Curia. *ID.*

(i) *Mulieris.* Cod. Iustin. nonnullæ Edition, verum haec numeri mutatio frequens hoc aucto: Imo etiam eius exemplum extat *leg. 150. infra. ID.*

(k) *Habetur,* vulg. Cod. I. *ID.*

COMMENTARIUS.

GENERA varia hominum, qui ad Curiam reuocari, vel etiam vocari nunc primum seu Nominari possunt & debeant, qui vero non; *haec lege* proponit Theodosius M. Curia replendis serio incumbens, scripta *lege* ad Rufinum PP. Reuocari inquam: scilicet omnes Curiali genere ortos, vel etiam

iam Curia iam obnoxios actu ipso (qui ordinarii vocantur *l. 16. infr. de nauicul.* quia iam in ordine Curialium constituti) & ut loquitur *lex 164. initis iam muneribus, & simillime l. 177. infr.* actu muneris ipsius, reuocari iubet: Non obstante Militia, armata forte, de quo (ut omittam aliorum Principum constitutiones) sunt præterea eiusdem Theodosii M. *lex 87. 113. supr. l. 3. de Tabulariis.* Non obstante etiam quolibet officio. Nec quicquam tertio loco iuuante Rescripto vel Adnotatione Principis: quod Tribonianus subtexuit *legi 43. C. iust. de Decurion.* cuius prior pars desumpta ex *l. 134. supr.* Quæ & ipsa mens aliis Imperatoribus, ut Theodosio ipsi, stetit *l. 10. 13. 17. 102. sup. & l. 139. & Honorio l. 154. 156. infr.* Et hæc de reuocandis Curialibus vel Curia debitis: Quæ & ipsa sententia fuit (ut alias omittam) omnium reliquarum Theodosii M. constitutionum quæ ad eundem Rufinum Præfectum Prætorio datæ sunt *hoc titulo: puta legis 129. 134. 135. 136. supr. & l. 139. infr.* Quæ *leges* omnes intra selqui annum datæ sunt. Vnde colligere licet inde quam desolata fuerint hoc tempore Curia; inde quantopere res hæc non tantum Theodosio Imp. verum Rufino isti PP. curæ fuerit. Mirum vero nihil his omnibus *legibus* nuncupatum de Curialibus Clericis factis ad Curiam retrahendis contineri, (nisi forte ipsa generalitate, comprehensi fuerint, cum tamen Ambrosius hoc ipso Anno, vel sane proximo 394. ut ostendo ad *l. 9. infr. de Iudeis:* (quo data est *l. 139. infr.*) *ep. 29. su. lib. 2. epist. 17. p. 215. Tom. V. Oper. Edit. Paris. 1614.* ad ipsummet Theodosium conqueratur, Presbyteros & Ministros Ecclesiæ tum nulla præscriptione temporis obstante, a munere sacro retractos, Curiaque deputatos: *Quomodo hoc purgabo factum? Quomodo excusabo apud Episcopos? Qui Nunc, quia per triginta & innumeros annos Presbyteri quidam gradu functi, vel Ministri Ecclesiæ retrahuntur a munere sacro & Curia deputantur, grauiter gemunt. Nam cum ii qui vobis militant, certo militie tempore seruentur, quanto magis etiam eos considerare debetis qui Deo militant? Quomodo inquam hoc excusabo apud Episcopos, qui queruntur de Clericis, & impressione graui vastari scribunt Ecclesias? Hoc tamen in notitiâ Clementiæ Tuae peruenire volui, de hoc ut placet, arbitrio tuo consulere & temperare dignaberis.* Et hæc quidem de Curialibus reuocari iussis.

Vocari etiam seu Nominari ad Curiam *Incolas & vacantes* idoneos iubet: *Incolas;* quod & ipsum antea constitutum, & obtinuit *leg. 5. in fin. 12. 46. 52. supr. & postea l. 141. infr. Vacantes,* hæc enim lectio retinenda, neque in *Vagantes* mutanda (de qua voce, ut & de *Vacantibus*, dico ad *l. vn. infr. de mancipib.*) id est, nulli certo corpori adstrictos, nulla Corpori societate coniuncti; quod & ipsum cautum postea ab Honorio *l. 179. infr. hoc tit.* Sic quoque Valentinianus Iun. & Theodosius Idoneos ex otiosis functioni Mancipatus addici voluere, *l. vn. infr. de mancipib.* (cui addendus & geminus locus Symmachi *lib. 10. ep. 58.*) ad quam *l. infr.* plura: & quidem de voce *Vacantium.* Sic Gratianus omnes vacuos publico officio in complexum Ordinis Naticu-^{P. 479.} larii applicari voluit, *l. 3. infr. de naufr.* Cæterum exigit *hæc leg.* Theodosius M. ut incolæ hi & vacantes idonei sint, facultatibus scilicet sic & Valentinianus III. *Nov. inter Theod. 38. in fin.* ciues vel incolæ in nullo obnoxios, quorum substantia summam 300. solidorum egrediatur Curia sociari voluit: qui non haberent, Clericos fieri permisit. Et hoc de his, quos ad Curiam siue reuocari, siue nominari voluit *hæc leg.* Theodosius Magnus.

At enim extremo *huius leg.* capite, quod relatum in *l. 44. Cod. iust. eod. tit.* ut proinde non sit ad *hanc l.* admittenda Accursii Glossa, *hanc l.* ad eum casum arctantis, quo videlicet patris conditio filium alio trahit. Simpliciter enim & absolute id *hac l.* negatur. Ad Curiam nominari non vult aliquem ideo solum, quod MATRE Curiali ortus sit: Sic & Valentinianus Iun. matris originem hæc in re spectari noluit *l. 101. supr.* Quare abrogatum *hac l.* Antiochenorum privilegium videatur, de quo est Iuliani *lex 51. supr. & Iosimus lib. 3. cap. 11. in fin. & l. 61. 62. Cod. iust. de Decurion.* Et postea tamen Honorius matre ingenua Curiali natum, Curia teneri voluit in *sp. l. 178. & 179. infr.* ubi vide quæ dicam. Ratio interim quæ *hac l.* redditur, notanda: quæ eo tandem reducit, neminem alium ab altero conditioni alicui illigari, qui ipse ab ea immunis sit: nam quæ alia huc Interpretes adferunt, hinc aliena fiat.

Illud tandem obseruandum, *huic l.* coassandam esse famosam *l. vn. supr. si quis Imperatori maledixerit.* tanquam eiusdem Constitutionis partem: et si nulla Argumenti affinitate inter se cohæreant: Quanquam vide quæ *ibi* dixi.

EMERITOS Honoraria vel Senatoria dignitate decoratos, & ab Equorum præstatione, & a Senatoria gleba immunes esse.

CXXXVIII. (a) Idem AAA. Aureliano PF. P. (b)

CVRIALES, qui gradu meritorum vsque ad Honorariam peruenerint dignitatem, nulla Equorum præstatio maneat, ne (c) gleba Senatoria ab his poscatur, quos non (d) ita fecit obligatos. Dat. VI. Id. Decembr. Constantinop. Theod. A. III. & Abundantio Coss. [393.]

NOTAE.

(a) Adest hæc *lex* a *Cod. iust. GOTHOF.*

(b) PP. ut *l. 131. 132. supr. & l. 3. supr. de constit. Principum*, hoc ipso Anno. Attenim in *l. 130. supr.* & aliis plurimis eiusdem Anni, P. V. recte. ID.

Tom. IV.

(c) An reponendum *Nec*? An vero, *sed*? *ID.*

(d) Reponebat V. C. Iuretus, in *Symm. lib. 4. ep. 62. Nouitas*: de quo mox. *ID.*

COMMENTARIUS.

DE Curialibus, qui gradu meritorum, id est, muneribus perfuncti, post præstita patriæ munerera, *DIGNITATE* aliqua honoraria, & sic *SENATORIA* honorati sint, est hæc Theodosii M. constitutio. Quæ ut intelligatur, tria prænotanda sunt.

Primo, Curialibus, qui perfuncti omnibus patriæ muneribus erant, varia privilegia concessa, variosque honores collatos, ad honestas promotiones eos peruenisse: Comitui honoratos, vel *Præsidentis* honore seu prærogatiua: l. 4. 14. 109. *supr.* & l. 189. *infr.* Quæ *Honoraria* dignitas hic vocatur: de quo plene suo titulo *supra*, libr. 6. de honorar. *codicillis.* Et ipsi hac dignitate decorati, dicti *Honorati*, vel etiam *Honorarii.* Vid. etiam *l. vn. supr. de oblat. equorum.*

Secundo, repetendum est, Senatores peculiari cuidam descriptioni seu præstationi, Senatoriæ scil. glebæ obnoxios fuisse: de quo suo tit. lib. 6. de Senatorib. & *glebal. collat.*

Tandem prænotandum, ab Honoratis, extra Ordinem pro rerum necessitate, ut usus armorum instrueretur, castrensi usu efflagitante, equos exactos: de qua collatione, fuit *supr. tit. 17. lib. 11. de Equorum collat.* ubi consulendum *Paratitlon*: Est & *Symmachi locus*, lib. 10. *ep. 27.*

Quarto præstruendum, ab utraque præstatione & *glebali*, Senatores quosdam, & equorum collatione Honoratos quosdam exceptos fuisse; quorum notitia fumenda ex *Paratitlo* illorum titulorum, & tit. qui a præbitione *tironum & equorum.*

His ita præmissis, Theodosius M. hoc numero esse voluit Curiales, qui perfuncti patriæ muneribus, *Honorarii* seu Senatores facti fuissent, nempe ut & ii ab equorum collatione immunes essent, imo

& a Senatoria seu *glebali* collatione: *Nec* (ita scil. repono) *Gleba Senatoria ab his poscatur, quos non ita fecit obligatos.* Vbi V. CL. Iuretus in *Symmachi lib. 4. ep. 62. p. 143. Edit. Paris. 1604* reponebat, *nouitas*; loco, *non ita.* Forte utrumque recte retineas hoc modo, *quos nouitas non ita fecit obligatos.* *Nouitas*, id est, noua allectio, quomodo & *nouitas* dicitur l. 54. *supr. hoc tit.* Neóελος *Synefio Epist. 38. in fin.* (de qua voce dixi ad leg. 4. *supr. de Senat. & glebal.*) Alioquin eodem semper sensu omiſſa voce *nouitas*, verba illa, *non ita fecit*, relata ad superiora, *honorariam dignitatem*, hunc sensum habeant: *Honorariam* seu Senatoriam dignitatem, quoad cætera quidem, honores inquam & *περονμία*, Curialibus pro merito promotis prodesse: quoad onera vero non obligare: *Non ita fecisse obligatos.*

NON ITA, id est, non sic, ut onera *Honorariæ* seu Senatoriæ dignitatis agnoscerent. Ergo in præsentia casu *nouus* hic Honoratus & Senator ex Curiali factus, neque ut Senator Senatoriam glebam agnoscere debet, neque ut Honoratus, extraordinariam collationem: Si modo hic pro *ne, nec*, reponamus. Et ^{P. 480.} tamen putet quis contra hic legendum, pro *ne, sed*, vel *ne*, vel tale quid: & pro *NON ITA*, *nouitas*: ut id velit Imperator, etsi hic de quo *h. leg.* agitur ad extraordinariam collationem adigi non possit, attamen ad Senatoriam glebam obligatum esse.

Tandem extat quoque *Synefii epistola*, ad hunc eundem *Aurelium*, 38. in eodem argumento, at non eadem specie versans, quam excutio ad l. 4. *supr. de Senator. & glebal. collat.* nisi vocem *Curiales* hic inducamus, eamque ad Inscriptionem redactam mutemus in *Orientali*, vel nisi dicamus, eandem speciem esse, quam *Synefius* ipse non intellexerat. Quod cogitandum relinquatur.

I. De RETRAHENDIS Curialibus ex militia. 2. De bonis eorum qui ad OFFICIA externa transferunt, Curiae vindicandis.

CXXXIX. (a) Idem AAA. Rufino PF. P. (b)

OMNES ilico, qui Curii debiti *Militarint*, (c) patriis (d) muneribus restitui oportet. In qua re Sublimis Auctoritas Tua prouidebit, ut de singulorum nominibus ad Sedem Vestram singulæ quæque referant Ciuitates, ne quis dissimulatione suggerentium deliteſcat, ut cuncti sine frustratione aliqua restituti, Curiarum munus (e) cum omni posteritate deseruiant. Quod ita fixum volumus intemeratumque seruari, ut aduersum hoc Potestas, nulla (f) denique Adnotatio (g) audiat. Quod si quis ex illis in Officia externa transferit, omnis eius substantia iure Curiz & possessione teneatur: Dat. III. Kal. Jun. (h) Constp. (i) Arcad. III. & Honor. II. AA. Coss. [394.]

NOTAE.

(a) Abest hæc *lex* a *Cod. Iust.* Iungenda forte huic, *lex* 12. *infr. de scanic. & l. 18. supr. de cohortal. GOTHOFR.*

(b) *Oriensis*: cui *lex* hoc *sic*, constitutiones, e quibus hæc vltima, inscribuntur, *ID.*

(c) Vbi? *ID.*

(d) Paternis. *ID.*

(e) *pp. Munis.* Ita deseruire obsequiis religiosis, l. 26. *infr. de Episc. orteri deseruire l. 4. infr. de Nautical.* Quanquam & aliud sustineri possit, *Deseruire* scil. munus, vel *munus.* *ID.*

(f) *pp.*

- (f) *yp. NVLLA*, id est, *nulla, nulla. ID.*
 (g) *Vide l. 135. 137. supr. ID.*
 (h) *Iul. d. l. 12. ID.*
 (i) *Heracleiz additum d. l. 18. & d. l. 12. ID.*

COMMENTARIVS.

AMILITIA, Curiz debitos, retrahi iubet *hac postrema lege* Theodosius M. nec quicquam contra valitura aut Potestate vlla, aut Rescripto: Item eorum qui ad OFFICIA externa transierunt bona Curiz vindicanda. De quo iam sæpe *supr.* Et hoc ipso tamen tempore Ambrosius *ep. sua 29. iiii. lib. 2. epist. 17. p. 215. Tom. V. Oper. Edit. Paris 1614.* ad Theodosium M. Imp. queritur, Presbyteros quosdam diu gradu functos & ministros Ecclesiaz,

retractos a munere sacro & Curiz deputatos: cum tamen ii, qui Imperatori militarent, certo militia tempore seruarentur.

Illud peculiare habet hæc *lex*, quod ad executionem huius *l.* iubeat, singulas ciuitates de singulorum Curialium nominibus, qui Curis sese subduxere, ad Præfectum Prætorio referre, ne dissimulationi vel frustrationi locus esse possit.

Qui NOMINANDI ad munera.

CXL. (a) Impp. Arcad. & HONOR. AA. Theodoro
PF. P. (b)

AD subeunda patriæ munera, dignissimi, & meritis & facultatibus, eligantur: (c) ne tales (d) forte nominentur, qui functiones publicas implere non possint, (e) Dat. XIII. Kal Febr. Olybrio & Probino Coss. [395.]

NOTAE.

- (a) *L. 46. Cod. Iust. hoc tit.* Hanc *legem* suam indicare mihi videtur Honorius, *l. 148. infr.* vbi *lex* hæc totidem pene verbis repetita extat. Quanquam est vbi *ea*, ab *hac* recedit. *GOTHOF.*
 (b) *Theodorus* sub Honorio PP. Galliarum: hoc Anno 395. vt aperte testatur Claudianus, *panegyrico in huius Theodori Consulatum*, A. 399. quem vide *a versu 47. & Symmachus, lib. 9. ep. 23.* Eidem inscribitur & *l. 148. infr.* vbi hæc *lex* repetitur. Postea A. D. 397. 398. 399. PP. Italiae fuit. vid. *l. 157. infr. b. tit. ID.*
 (c) *Curiales eligantur*, Cod. Iust. *ID.*
 (d) Ita quoque *d. l. 46. C. Iust.* At *d. l. 148. infr.* nec huiusmodi nominentur. *ID.*
 (e) *Possunt*, Cod. I. *ID.*

P. 481.

COMMENTARIVS.

ARCADII, HONORII, & THEODOSII Iunioris, VALENTINIANIQUE III. constitutiones sequuntur ad finem tituli. Et quia hæc prima omnium *lex* est Honorii, ideo Honorianarum constitutionum *hoc titulo* synopsis breuiter proponam, quæ sunt vigintiseptem: (puta *lex 140. 141. 142. 143. 144. 145. 146. 147. 148. 149. 150. 151. 153. 154. 155. 156. 157. 158. 161. 162. 166. 170. 171. 174. 176. 178. 179. 181.*) Ex quarum potissima parte discere est, quanta sub Honorio per Occidentis Imperium, Italiz inquam, & Galliarum Præfecturam, Curialium penuria fuerit, quanta Curiarum & Curialium munerum fuga, præcipitante iam Imperio. Ad frequentia igitur capita Honorianas illas constitutiones refero.

Primum caput esto, de *Nominationum* forma. Nempe dignissimos Curiales eligendos, *hac l. 140.* A maiore Curiz parte, *l. 142. infr.* Ad Curiam vocandos homines etiam incolatus ratione, *l. 141.* ex fœminis Curialibus & seruis alienis susceptos, *l. 178. 179.* ex Vacantibus *l. 179.* Principales nominatim quindecennales esse oportere: *l. 171.* eligendosque sine ordinis præiudicio probatos, *dict. l. 171.* Sacerdotes quoque dignissimos eligendos, *l. 148.* non tamen inuitos Sacerdotum filios ad id cogendos, *l. 166.*

Secundo capite *Duumviris* sibi imponitur,

ne potestatem fascium extra metas Ciuitatis extolant: *l. 174.*

Tertium caput est de *sacerdotibus* (de quorum electione iam actum primo capite:) Restituti scilicet ii ab Honorio cuique ciuitati suæ, ad ludorum editionem, *l. 145. 174. 176.*

Quartum caput est de retrahendis Curialibus eorumque filiis ad Curiam: de quo generales sunt *leges*, puta *170. 181.* Apud Iudicem provinciz repetendos, festina cognitione imo etiam manu iniecta, *d. l. 164. 181.* Retrahendos autem quocunque tandem sese contulerint: siue peregrinentur & absint, quo casu quid faciendum sit, definit *lex 143. 144. 161. b. t.* siue Militiz alicui se sociauerint, *dict. l. 143. 144. 154. 179. 181. infr.* siue militiz Armatae, Palatinæ, Officiali se vel Apparitioni Prætorianæ dederint, *l. 147. 154.* siue sub Potentium vmbra lateant: *l. 146.* siue ad Nauiculariam functionem se dederint, *l. 149.* siue Testimoniales ex-Tribunis & Protectoribus imptauerint, *l. 153. 156.* et si Iudæ, *l. 157. 158.* Pœnzque propositæ in occultatores, *l. 145. & 162.*

Quinto capite forma *Actorum* Curialium seu municipalium faciendorum præscribitur, *l. 151.*

Tandem de Priuilegiis Principalium agitur *l. 171.*

Huius igitur Honorii *legis*, cuius ipse meminit videtur *l. 148. infr.* sententia apertissima hæc est:

NOMINANDOS ad munera publica dignissimos, qui munera publica implere possint: *dignissimos* inquam, meritis & facultatibus (in his sc. *duobus* dignitas, ubi de muneribus publicis subeundis agitur, consistit.) Quod sane diserte ab eodem Honorio rursum sancitur circa Principales *L. 171.* Quod de Sacerdote prouinciae nominatim *hac l.* cautum indicat *lex 148.* ubi eadem prope *huius l.* verba proponuntur, & *hæc lex* indicatur. Quo pertinet quod dicitur a Paulo, *in l. 7. in pr. D. cod. tit. honores & munera non ordinationi, sed potioribus iniungenda.* Ordinationi inquam, quæ vox non est sollicitanda; *ordinationi*, id est *ordini*, quo quis ordinatur, seu

ordinationi, secundum ordinem, ut quisque in ordinem allectus est: Sic & in tutelis potior quæ esse debet, non gradu generis, sed & substantia rei familiaris, Paulus II. *sent. 28. §. 2.* Ordinationis vox propria quoque in Decurionibus *L. 118. sup. xisporoula.* Ergo nominari vult dignissimos Honorius, & idoneos facultatibus: pariter ut statuitur *L. 13 33-53-72. 96. 133. sup.* Quod tamen non factum cum magno Curiarum damno hæc *lex* arguit. Sicuti in Antiochenæ Curiae Nominationibus ad Curiam quoque olim arguebat Iulianus *in Misopogone juo, & l. 53. sup.* unde dicta huc quoque arcesci possunt.

De INCOLATVS iure.

CXLI. (a) Idem AA. Ennoio (b) Proc. Afric.

INCONCVSSA volumus permanere, quæ de incolatus iure antiquitus sunt constituta. Dat. XVII. Kal. Iun. Med. Olybrio & Probino Coss. [395.]

NOTAE.

- (a) Abest hæc *lex* a *Cod. Iust.* & iungendæ ei *leges* quatuor sequentes: una cum *L. 53. sup. de appellat.* Forte etiam *lex 149. inf. & lex 25. inf. de Nauicular. GOTHOFR.*
 (b) Sic quoque quatuor *legib.* sequentibus: imo & *L. 149. infr. & dist. l. 53.* At *L. 25. infr. de nauicul. & l. 16. Cod. Iust. de iure delib.* Ennodio, imo in *Cod. Iust.* nonnullis exemplar. *Annodio. ID.*

P. 422.

In NOMINATIONIBVS faciendis duæ partes Curiae sufficiunt.

CXLII. (a) Idem AA. Ennoio Proc. Afric.

NOMINATIONVM forma vacillare non debet, si omnes, qui albo (b) Curiae continentur, (c) adesse non possunt; ne paucorum absentia, siue necessaria, siue fortuita, debilitet quod a maiore parte Ordinis salubriter fuerit constitutum: Cum duæ partes Ordinis in vrbe positæ totius Curiae instar exhibeant &c. Dat. XVII. Kal. Iun. Med. Olybrio & Probino Coss. [395.]

NOTAE.

- (a) *L. 45. C. Iust. cod. tit.* Quibus hæc *lex* iungenda sit? iam dixi ad *legem superiorem. GOTHOFR.*
 (b) De Albo Curiae, in quo nomina Curialium descripta erant, vid. *leg. 48. sup. & tit. D. de Albo scribendo: Iulianum Misopogone, pag. 367. Edit. Liff. Spanhem, Synesium epist. 92. ID.*
 (c) *Detinentur, C. Iust. ID.*

REFVGARVM EVAGANTIVM Curialium intra quinquennium non recurrentium pena.

CXLIII. (a) Idem AA. Ennoio Proc. Afric.

FRAVDEM ciuium non ferendam in dispendium ire ciuitatum animaduertimus, cum Municipis, (b) aut peregrinando, munera ciuitatum, aut militæ ambitione, declinant: Intra quinquennium igitur, nisi ad Curiam reuerterint, (c) facultates eorum pro muneribus & oneribus Curiae addici decernimus. Dat. XVII. Kal. Iun. Med. Olybrio & Probino Coss. [395.]

NOTAE.

- (a) Abest hæc *lex* a *Cod. Iust.* De coniunctione aliarum *legum* iam dixi. *GOTHOFR.*
 (b) *Municipis*, id est *Curiales b. l. & leg. prox. 144. v. Parapiston.* Cæterum hic *77. municipis. ID.*
 (c) *Reuerterint. ID.*

De Eodem.

CXLIV. (a) Idem AA. Ennoio Proc. Afric.

NE diu in fraudem ciuitatum Municipes (b) euagentur, vel ad militiam socientur, nisi intra quinquennium ad ciuitates proprias reuertantur, facultates eorum pro muneribus & oneribus Curiae addicantur. Dat. XVII. Kal. Iun. Med. Olybrio & Probino Coss. [395.]

NOTAE.

(a) Abest hæc lex a *Cod. Iust.* Quænam ei coniungenda: iam dixi. **GOTHOFR.**

(b) *Municipes* id est Curiales vt *l. prox. 143. sup. vid. Gloss.*

SACERDOTALES *ludis edendis Karthagine restituti.*

CXLV. (a) Idem AA. Ennoio Proc. Afric.

AFRICANI (b) Sacerdotes (c) Karthagini restitui, ibique arbitrato suo agere cum fauorabili editione placuit: Quod facientes, Diui patris † Nostri beneficium renouamus. Dat. XVII. Kal. Iun. Med. Olybrio & Probino Coss. [395.]

NOTAE.

P.483.

(a) Abest hæc lex a *Cod. Iust.* Quibus ea coniungenda sit? iam indicaui ad *ll. superiores* & mox dicam plenius. **GOTHOFR.**

(b) *vg. Africanos Sacerdotes*, id est, Africanos Sacerdotes. **ID.**

(c) De *Sacerdotalibus*, *inf. paratitlo de paganis.* **ID.**

† Theodosii M. **ID.**

COMMENTARIVS.

AD AFRICÆ Curias & Curiales pertinent **Q**VINQVE hæc leges, quæ etiam eiusdem Constitutionis Honorianæ ad *Ennoium Proconsulem Africa* partes sunt: quæ proinde inter se coniungendæ veniunt, quibus insuper addenda sexta, iadidem desumpta; puta *lex 53. sup. de appellat.* quæ etiam argumento conuenit *legi 142.*

Ea constitutione Honorius Curiarum per Africam commodis & splendori consultum iuit: Tripliej ratione, 1. *Nominationum* videlicet ad Curiam & Curialia munera iure firmato: quo pertinent *tres leges*, puta *lex 141. 142. & d. l. 53. sup. de appellation.* Secundo *Retractis* ad Curiam refugis: quo spectat *lex 143. 144.* Tercio, *Sacerdotalibus* ludorum editionibus Carthagine restitutis, quod sit *l. 145.*

Quod **NOMINATIONES** attinet, tria capita hæc sunt. Primum est de **INCOLIS** ad Curiam vocandis, Antiquo iure ea in re firmato, *l. 141.* nempe *Incolatus* ratione ad Curiam incolæ nominari potuere: quod docuit iam supra, *lex 5. 12. 46. 52. 77. 137. hoc titulo;* de quo vid. *Paratitlon.*

Secundum est (quod vnum retinuit Tribonianus, & retulit in *l. 45. C. Iust. cod. tit.*) de **FORMVLA** *Nominationis*: nempe, primo satis esse, si duæ partes Ordinis in Vrbe positæ adsint, *l. 142.* quod & ipsum iuris tralatitium est, neque tantum constitutum hæc *l. 142. & l. 84. sup.* vbi iam dixi: verum etiam antiqui, *l. 3. D. de decret. ab Ord. fac. l. 3. cum tribus legib. seqq. D. quod cuiusque Vniuers. nom.* puta vt maioris partis iudicio stetur, & maior pars sit si duæ partes e tribus adsint, de quo ad *d. leg. 84. sup.* Notanda interim brevis & elegans sententia: Quod duæ partes Ordinis in Vrbe positæ, totius Curiae instar exhibeant. Quod ad alias Vniuersitates &

Corpora recte traduci potest. Cæterum ex *huius leg.* initio apparet, nonnullos nominatos, vt nominationes eluderent, frustrari solitos cauillando numerum *Decurionum* integrum non adfuisse, & sic nullam esse nominationem: Igitur, definit Honorius *Nominationum* formam non ideo vacillare debere, si modo duæ Tertiae adfuerint. Et quidem duæ Tertiae, in *Vrbe positæ.* Quod explicaui iam ad *d. l. 84.*

Tertium est de **DIGNIORIBVS** eligendis: & præterea *Nominationes* fieri debere in Consilio publico, (id est tractatu habito, vt dicitur *l. 148. inf.*) quo sc. dignissimi eligantur, & quidem ab ipsis Curialibus, quorum interest, quique pleniorẽ idoneorum hominum in Vrbe notitiam habent. Ac non etiam per *Libellos* vel *Edicta*, quod statuitur *d. l. 53. sup. de appellat.* seu *l. 27. Cod. Iust. cod. tit.* quæ his *legibus* iungenda est, ac nominatim *legi 142.* per *Libellos* inquam vel *edicta* scil. Rectoris provinciae, qui videlicet iubeat, hunc vel illum ad Curiam, vel Curiale munus quoddam vocari. Et hæc de *Nominationibus* seu de primo Capite Honorianæ Constitutionis.

Secundum caput seu secunda ratio Constitutionis Honorii est de **RETRAHENDIS** Curialibus fugacibus ad Curiam, siue a fuga, siue a Militia. Frequens enim hæc Curialium fuga, hoc etiam æuò vt in Occidente, ita & in Oriente: cuius exemplum hæc ætate ipsa in Synesii fratre, vt ex *epist. eius 92. ad Hefychium*, discimus: vbi & meminit multæ, *Quias* nomine exactæ. Est inquam locus ille de Curialibus, non de Senatoribus, vt interpret male. Hæc *leg.* Honorius quinquennii spatium his tribuit, intra quod reuertantur, alioquin bonis eorum Curiae vindicandis. Quod quidem bis cauetur *l. 143. & 144.*

& 144. quæ ex eadem constitutione desumptæ totidem pene verbis. Vt mirum videatur, Codicis huius conditores (quod inter nūvos eorum pono) eandem sententiam ex eadem constitutione consequenter bis posuisse. Quomodo etiam mirum, in quinque sententias vnam hic constitutionem discerptam, cum alias vno capite exhiberi ferre soleant omnes eodem pertinentes. Sed enim idem rursus factum vel *hoc ipso titulo*, in discerpta vna Honorii constitutione ad Florentinum P. V. in *quatuor leges*: quæ continentur l. 153. 154. 155. 156. & alia Theodosii Iunioris, in *quatuor ll. 189. 190. 191. 192.*

Postremo capite Honorius SACERDOTALES Africanos Karthagini restitui iubet ibique eos arbitrato suo agere cum fauorabili editione; id est ludos, si velint, edere, priuilegio inuicem hac parte Theodosii M. patris sui renouato. Vbi tria obseruanda veniunt (nam de *Sacerdotalibus* quoniam fuerint abunde monuit *Paratitlon huius tituli, & de paganis inf.*) Primo, quidnam illud sit quod *restitui* iubeat *Africanos Sacerdotes Karthagini*: Inde enim colligi videtur, eos Karthagine antea pulsos fuisse. De sacerdotibus sane seu Sacerdotibus Africanis præter *hanc l.* est *lex ult. sup. de Titonibus. lex 21. 46. sup. lex 166. 174. 176. inf. h. t. lex 2. inf. quemadm. mun. ciuil. l. 52. 54. inf. de hereticis*. Videtur itaque Theodosius M. eos summouisse medio Principatu suo: mox tamen Honorium a Karthagenensibus exoratum, videri voluisse Theodosium patrem suum eos restitutum fuisse, nisi mors eum præuenisset: Idque Honorius more Principum qui noui, vel renouati iuris inuidiam a se amoliri satagentes, simul etiam videri volebant, superiores ætate Principes ac maxime, quorum in recenti gratissima memoria esset, de ea iam agitalle, *Quod facientes*, inquit Honorius, *Diui patris nostri beneficium renouamus*. Ergo cum aliquando sacerdotes Africanos Karthagine submoti fuissent, Populo Karthagenensi id postulante (vt pote populo ludicris maxime dedito) Honorius eos restitutum iuit *hac l.* & quidem sic vt satis ostendat, quantum Karthagenensium voluptatibus indulserit: Pariter vt Gratianus, qui & ipse Gymnicum agone ibidem sublatum restitu-

tum iuit, l. 3. *inf. de seanicis*; quæ consulenda est: & quidem in eo quoque quod pariter Primatum arbitrio Gymnici agonis conditionem remittit; sicut Honorius *b. l. sacerdotum arbitrio ludorum editionem*.

De quibus Sacerdotalibus editionibus est præ-P. 414. terea l. 2. *inf. de expens. ludorum*: l. 1. *inf. de Spectaculis*: *lex 109. supr. hoc tit.* vbi pariter Theodosius, neminem ad Agonothesium cogi vult, & *lex 176. inf. h. tit.*

De quibusnam autem Sacerdotalibus hæc lex accipienda est, an de ipsismet Karthagenensibus, quasi ipsi antea Carthagine submoti, nunc ab Honorio restituantur? Minime: de Africanis, id est, quibuscunque quarumcunque prouinciarum Africa Sacerdotalibus accipiendum est: *Africanos* inquit, *Sacerdotes Karthagini restitui placuit*, Nempe vt in Oriente aliquando in Vrbe Constantinopolitana ludos edere coacti, etiam Illyricianæ Præfecturæ Magistratus, seu ex Macedonia & Dacia: vt docet *lex 4. inf. de spectaculis*, ita & (quod docebit adhuc *lex 178. inf.*) Sacerdotes omnium Africa prouinciarum Karthaginem commeabant, ibi ludos edituri, & editionibus famam & nomen, tanquam in Principe vrbe, captaturi. Quod aliquando sublatum fuit: suam scilicet cuique prouinciæ & Ciuitati voluptatem, suos ludos relictos oportuit: Quod & ipsum diserte statuitur a Valentiniano Sen. l. 1. *inf. de spectaculis*: vbi de eo ex Iuliano & Libanio quoque plura dixi. & postea a Theodosio Iun. l. 3. & 4. *inf. de spectaculis*. Ettamen aliter statutum *h. l. & d. l. 176.* ab Honorio Imp. Karthagenensis vrbis voluptatibus fauente: permissis Sacerdotalibus Africanis Karthagini arbitrato suo agere cum fauorabilibus, aditione *fauorabili*, propria voce, qua scilicet fauorem & applausum populi Karthagenensis eliciant.

Interim ex *hac l. & l. 166. 174. 176. inf.* apparet, Sacerdotia prouinciarum per Africam sub Honorio nutasse, ea quam dicam ratione ad l. 174. verum Honorium Africanorum voluptatibus & ludis consententem, ea erectum iuisse.

Aduersus PATROCINIA Petentium.

CXLVI. (a) Idem AA. Dextro PF. P. (b)

MVLTOS animaduertimus, vt debita præstatione (c) patriam defraudarent, sub ymbra Potentium latitare: Oportet igitur statui multam, vt quisquis in præscribiti iuris formam inciderit, (d) pro Curiali quinque auri libras fisco nostro cogatur inferre: pro Collegiato, (e) vnam. Omnes igitur, quos tegunt expellant, ne Clementia Nostra ob contumaciam diffimulantium in maiorem indignationem exurgant. (f) Dat. XVII. (g) Kal. Iul. Med. Olybrio & Probino Coss. [395.]

N O T A E.

(a) Absit hæc *lex* a *Cod. Iust. GOTHOF.*

(b) *Dextro* sub Honorio PP. Italix, v. *Protopog. ID.*

(c) Vel Curix, vel Collegio: *Præstatio* est functio. *ID.*

(d) Id est, Curialem vel Collegiatum occultarit. *ID.*

(e) De *Collegiatis* erit *inf. tit. lib. 14. ID.*

(f) *77. Exurgat. ID.*

(g) Eodem ipso die data *lex 20. supr. de extraordin. lex 6. de excusator. enact. ID.*

COMMENTARIVS.

PATRONIS & OCCULTATORIBVS potentibus, Curialium, & Collegiatorum (de quibus suo tit. lib. 14) certam multam imponit *hac leg.* Honorius Imp. Et minorem tamen longe his, quam illis: vipote quod etsi utrique patrie deseruient, ut *hac quoque lex docet*, tamen in Curialibus ciuitatum splendor staret: qua causa Libanius, *Orat. περὶ τῶν προσασιῶν*, p. 9. & 10. Edit. Gothofred. & pag. 365. 366. Oper. minor. Gothofred. Edit. Troitz. Ciuitatum decus in his constituisse dicit: Idemque in Iuliani necem, p. 297. Edit. Morell. anima Ciuitatum Curiales vocauit, ἡ τῆς πόλεως ἡ ψυχή, *Senatus robur, anima ciuitatis est*, idemque in Antiochico pag. 357. Edit. cit. totam Ciuitatis formam in Curia tanquam in radice stetisse, ὡς περὶ ἐπὶ τὸν δένδρον. Maiorianus Nouella 1. Curiales neruos Reip. & viscera ciuitatum vocat: quibus similia occurrunt apud Cassiodorum non uno loco.

Ergo potentibus Curialium Patronis Occultatoribus, quinquelibrarum auri multam *hac leg.* imponit Honorius Imp. Qui idem l. 162. Leges varias in

occultatores Curialium. Iates, Iudices exequi iubet. Maiorem vero longe poenam, infamiae videlicet & honorum proscriptionis, imposuit Valens l. 76. *supr.*

Illud notandum, Honorii cum primis suo per Occidentem Curiales Curiam fugisse (vipote tum vel maxime attritos) Quare tot tamque frequentes in hos Honorii constitutiones promulgatae: puta praeter hanc legem *leges* 143. 144. 155. 162. 179. 181. *infr.* De Potentibus sub quorum feruore vincti Curiales Curias fugiebant, seu de Potentiorum patrocinio, dictum iam ad d. l. 76. *supr.*

Hic illud etiam singulare est, quod Honorius in posterum maiorem poenam occultatoribus & potentibus minatur, si ultra Curiales vel Collegiatis defenderint: Ne, inquit, Clementia Nostra ab *conuinciam dissimulantium in maiorem indignationem exurgat*. Quae res ostendit, quantopere res haec ei curae fuerit, imo eam esse oportuerit, fugam plerisque instruentibus.

P. 495

De RETRAHENDIS Curialibus. 1. Ex Militia. 2. Officiis Palatinis. 3. Apparitione Praefecti Praetorio. 4. Ministeriis reliquis.

CXLVII. (a) Idem AAA. Palladio PF.P. (b)

QUICVMQVE Decuriones patre atque maioribus adprobantur, & armatam quacumque occasione adepti docentur esse Militiam, absoluti sacramento militari, ut constitutum est, ad munia ciuilia reuocantur. (c) Si quos etiam huiusmodi homines Palatinorum officiorum consortia retinent, exempti matriculis, ad propriam urbem sub prosecutione (d) dirigantur. Ac si in Apparitione Praetoriana (e) aliquis inuentus fuerit Decurio inmorari, pari condicione ad ciuitatem originariam dirigatur. Reliqua quoque Ministeria, adque officia (f) Palatina pari forma legis adstringimus, ut quisquis Municeps (g) deprehensus fuerit, absolutus militari cingulo, reddatur muneribus ciuitatis: & cetera. Dat. V. Id. Septembr. Rau. D. N. Theod. A. VII. & Palladio Coss. [416.]

NOTAE.

- (a) Abest haec *lex*, quae ab ordine hic suo aberrat, a C. Iust. Iungenda autem huic, l. 6. *supr. de relat. GOTHOFR.*
- (b) Palladius sub Honorio PP. Italiae: Eidem inscribitur hoc ipso Anno super eadem re, *lex* 181. *infr.* post quam *hac po-* ni debuit. ID.
- (c) *79. Reuocentur. ID.*
- (d) De Prosecutione hac Curialium fugitiuorum rursus l. 175. & 181. De Prosecutionibus fugitiuorum reorum, dixi ad l. 5. *sup. de exhib. reis. ID.*
- (e) Id est Praefecti Praetorio, ID.
- (f) Iam supra de his. ID.
- (g) Municeps idest, Curialis. v. Paratit. & Gloss. ID.

COMMENTARIVS.

RETRAHI Curiales ad Curiam, & sub idonea prosecutione ad proprias vrbes dirigi, iubet Honorius Imp. *hac leg.* quae Anno 416. data est. Quo tempore variis iamdudum arumbris, toto Occidente concussis, vrbes ministeriis suis desolatae fuerunt. Quare Honorius serio ad Curias replendas animum adiecit, Quae hoc tempore desolatae admodum fuerant: Curialibus passim alio sese con-

ferentibus, veluti ad Armatam militiam, ad Palatina officia, ad Apparitionem Praetorio Praefecti, ad alia denique ministeria. Igitur exinde retrahi Curiales & ad Curias suas remitti nunc iubet Honorius. Cuius in eandem sententiam plures deinceps Leges occurrunt. Ac nominatim *lex* 186. *infr. b. i.* quae hoc ipso Anno data est, & ad eandem Palladium PP. ante *hanc leg.* Cui hanc *leg.* subiici oportuit, longo

longo demum post intervallo: Quam hinc magno errore huius Codicis Conditores collocarunt. Sub Theodosio M. tamen testis est Ambrosius Ep. 29. ad Theodosium Imp. lib. 2. epist. 17. in fin. pag.

25. Tem. V. Oper. Edit. Paris. 1614. & Ep. 40. num. 29. Edit. Benedictin. eos, qui Principi militarent, certo militis tempore servatos a Curia immunes: quo ad l. 100. supr.

Qui SACERDOTES Prouinciæ ordinandi.

CXLVIII. (a) Idem AA. Theodoro PF. P. (b)

CVM (c) super ordinando Sacerdote prouinciæ (d) publicus esset (e) ex more tractatus, idem (f) nostra autoritate decretum est, ut ad * subeunda patriæ munera dignissimi, & meritis & facultatibus, eligantur: nec huiusmodi nominentur, qui functiones debitas (g) implere non possint. Dat. IV. Kal. Octobr. Mæd. Olybrio & Probino Coss. [395.]

NOTAE.

(a) Vide dicta ad l. 140. supr. Est enim ex hac lege & d. l. 140. desumpta l. 46. Cod. Inst. eod. tit. GOTHOFR.

(b) Theodorus sub Honorio PP. Galliarum scil. hoc Anno 395. Cui eadem hoc ipso Anno inscribitur lex 140. supr. vbi plura dixi. ID.

(c) Principio hoc decretata hæc lex in Cod. Inst. ID.

(d) Alicuius per Praefecturam Prætorianam Galliarum. ID.

(e) An præteritum respicit, an vero futurum, esset, pro foret, futurus esset, & celebrandus? Prius illud verius, ut ita indicetur lex 140. supr. ID.

(f) Forſitan hæc vox ſuſtineri poſſit, ceu relatiua ad anterius caput aliquod integre conſtitutionis Honorianæ, vnde hæc deſumpta eſt: ſin hoc non placet, hic reponendum fuerit, *id demum*, vel, *id dudum*. ID.

† Intelligit leg. 140. supr. h. tit. ut quidem cenſeo: vbi eadem quæ ſequuntur verba occurrunt. ID.

■ Hinc deſumpta eſt d. lex 46. Cod. Inſt. Totidemque pene verbis hæc ſententia extat ſuperiore Honorii conſtitutione, puta l. 140. supr. ID.

(g) Id eſt, publicas vt d. l. 140. ID.

COMMENTARIUS.

DE NOMINATIONVM seu ORDINATIONVM forma eſt hæc Honorii conſtitutio: qua ſe deſinit, in genere, NOMINANDOS ad munera publica digniſſimos tum meritis, tum & facultatibus, quo videl. ii functiones ſeu munera publica digne ſuſtinere poſſint: Non igitur ſecundum præiudicium Ordinis: (eo enim reſpiciat hæc lex:) Quo pertinet vulgatum ius illud leg. 7. D. de mun. & hon. honores & munera non ordinationi, ſed potioribus coniungenda. Imo idem iſtud iam antea totidem pene verbis ab eodem Honorio decretum fuerat, l.

140. supr. ad quam ſeſe hac leg. referre videtur Honorius. Atque vt in vniuerſum id obtinet in præcipuis Curia munerebus: ſane id ſpeciatiim conſtitutum ab eodem Honorio in Principalibus eligendis: l. 171. (quæ & ipſa ad PP. Galliarum pertinet.) Et in ordinando Sacerdote prouinciali hac l. de quibus prouinciæ Sacerdotibus iam supr. affatim Paratiſto huius tit. & infr. tit. de paganis. De eorum vero creatione eſt quoque lex 60. supr. Hic interim locus obſeruandus eſt, de Sacerdotibus & quidem ſub Honorio.

De RETRAHENDIS Curialibus ex NAVICVLARIORVM corpore: & bonis Nauiculariorum ab his quaſitis prodendis.

CXLIX. (a) Idem AA. Ennoio (b) ſuo Sal.

CVRIALES, in exitium Curiarum, ſe conantur exuere, (c) quacumque occasione patrimonii qualitercumque (d) quæ ſit in, (e) nauiculariorum onere (f) volentes ſuam originem (g) commutare: Qua in re, qui totum inhibere non poſſumus, ratione diuidimus: Ciuitas ergo quem genuit non amittat: patrimonium, quod ex ordine Nauiculariorum aduenerit, prodatur (h) pro moderatione quem (i) ditat: quia * nec emere, nec donatum adſequi, nec damnosam quiſque (k) hereditatem adire compellitur: cum & in deliberationibus coniunctionum futurarum commodis proſpiciatur heredum. Neminem igitur Sublimitas (l) Tua ad expediendas publicas neceſſitates, parenti (m) Curia ſe permittere, deſque operam, vt & Ordines Curiarum noſtrarum reddantur indemnes, & patrimonio

patrimonia Nauiculariorum non pereant, sed functionis vterque (n) status habeatur incolumis. Dat. VII. (o) Kal. Ian. Olybrio & Probino Coss. [395.]

NOTAE.

- (a) Pontissima huius l. pars abest a Cod. Iust. Iungenda autem ei lex 25. *infr. de Nauicular.* GOTHOFR.
 (b) Ita quoque habent quinque *leges supr. & l. 53. supr. de appellat. & lex 24. supr. de aqu. & tributis; Atenim diff. l. 25. & l. 16. Cod. Iust. de iure delib.* (quæ ex hac l. desumpta est,) Ennodio, & Annodio, in nonnullis Edit. ID.
 (c) Statu Curiali, ID.
 (d) Emptione, donatione, successione, *vers. Cuius ergo.* ID.
 (e) *yp. Quæ sit, nauiculariorum onere volentes &c.* ID.
 (f) *Nauiculariorum manere.* ID.
 (g) Curialem, ID.
 (h) An *prodat* ciuitas scil. id est, An vero reponendum *proficiat*, vel *profit* ad nauiculariam videl. functionem sustinendam: non pereat, vt *infra?* Neutrum. Recte *prodat*, Curialis scil. ID.
 (i) Siue *pro moderatione* (id est, modo & ratione) *quæ eum ditat.* ID.
 • *Lex 16. Cod. Iust. de iure delib.* hinc desumpta est. ID.
 (k) Pro *quisquam*, vt etiam habetur *Cod. Iust. ID.*
 (l) *Sublimitatis* Titulus Proconsuli Africa hic tribuitur, ID.
 (m) Id est, *qua genitus.* ID.
 (n) *Vivusque.* ID.
 (o) *VI. Cod. I. ID.*

COMMENTARIVS.

NAVICVLARIORVM patrimonii obtentu Curialem conditionem euitari vetat *hac l.* Honorius Imp. Quæ pars est prolixioris Honorianæ constitutionis de Curialibus & Nauiculariis: ex qua superest altera portiuncula, puta *lex 25. infr. de Nauicular.* quæ huic legi coassanda venit. Finge Curialem velle misse, vel donato accepisse, vel successione, *qualitercunque quæsiuisse*: vt *hac l.* dicitur, (qui tres ferme præcipui sunt acquirendi rerum dominii modi) patrimonium alicuius Nauicularii: Hac occasione conabantur nonnulli sese exuere Curiali conditione, ceu Nauicularii patrimonii possessores & Nauiculariæ iam functioni obnoxii: cui Curiarum vtilitatem cedere par videbatur: Quomodo sane sæpe & Curialibus Nauicularii adsumebantur & Curiales, qui ad Nauiculariam functionem sese contulerant, ad Curiam non reuocabantur, vt docet *lex 134. supr. & lex 5. 14. 19. infr. de Nauiculariis.* Verum Honorius Imper. *hac l.* id non admittit, sed P. 487. vtrique functioni Curiali & Nauiculariæ consulum cupiens, *Rationem rem diuidit*, vt ipse eleganter loquitur: id est, rationem proponit & distinctionem, qua (vt dicitur *sine leg.*) *functionis vterque status habeatur incolumis*: Nempe & Curialem ipsum ad Curiam retrahi iubet, & patrimonium ex Nauiculariorum corpore descendens, pro modo seu rata eius, ad Nauiculariam functionem teneri vult: Quod & ipsum aliis multis *legibus* cauetur: nempe vt possessor patrimonii Nauiculario muneri obnoxii, ad Nauiculariam functionem pro modo patrimonii teneatur, *l. 3. 19. 20. 27. 35. infr. de Nauicular.* de quo plenius *tit. de prædiis Nauicular.*

Cæterum rationem huius posterioris quoque reddit Honorius (quæ obscura & intricata videri possit): Curinquam Curialis pro rata patrimonii ex Nauicularia functione descendens, Nauiculariæ functioni teneatur, (quam quidem etiam sententiam solam Tribonianus in *leg. 16. Cod. I. de iur. delib.* retulit,) Quia inquit, *nec emere, nec donatum assequi, nec*

damnosam quisquam hereditatem adire compellitur. Cuius hic sensus est, sibi quemque debere imputare, qui vltro ex bonis alii conditioni obnoxiiis quid emit, aut donato accepit, aut ex hereditate nactus est; quia scire debuit onera damnaque rem sequi: & vt dicere solemus, rem cum suo onere ambulare & transire: & eo ipso quod exinde bona adquisiuit, vltro in Corporis illius onera consensit. Quod quidem de hereditate ab inuito non acquirenda, multis aliis legibus inculcatur *tit. de acq. hered. de donatione inuito non acquirenda*, vide dicta ad *leg. 69. de Reg. Iur.* Addit eundem in finem (quod *Tit. C. de* velut obsecrum omisit, cum tamen ad *eum tit.* maxime faceret) ideo *& in deliberationibus* (scilicet per deliberationes, deliberandi ius) *coniunctionum futurarum commodis prospici heredum.* Cuius hic sensus est: Etiam in successione aliis deliberationi locum esse, seu deliberandi tempus dari heredi, vtrumne per aditionem hereditatis quis deliniceps vltro pro alio, pro defuncto scilicet, teneri velit *coniuncta* deinceps *persona*; velut hæres pro *authoritate*, vt eius munus agnoscat, vt loquitur *d. lex 19. infr. de Nauicular.* ac nominatim velut hæres, *d. l. 35. infr. de Nauicular.* Id enim sibi volunt illa, *in deliberationibus coniunctionum futurarum, commodis prospiciatur heredum.* Nisi malit quis, *coniunctionum futurarum*, hic legere: vt ita, *conventiones futurae* sint onera, quæ hæredes subituri sunt. Verum nil temere muto.

Interim iam patet ex hac scilicet integra lege, quam multa deinceps ad illustrationem *d. l. 16. C. I. de iur. delib.* adferri possint. Et quidem quæ vis & effectus illius sententiæ sit, quis finis? quæ omnia ibi desiderantur, velut a corpore suo diuulsa? Illud etiam, quod aiunt Interpretes, eam sententiam ad extraneos hæredes referri oportere, non ad necessarios, idque constare ex *hac leg.* non vanequeque verum est: nam & Curialis necessarius hæres Nauicularii esse potest.

COMITIVAM etiam honorariam adeptus Curialis, Rectorum prouinciarum iussis obsequi debet.

CL. (a) Idem AA. Cæsario PF. P. (b)

CURIALES, qui Honorariam adepti sunt Comituiam, (c) formidare debent eos, quorum sunt Moderationi commissi, nec se existimare ideo meruisse dignitatem, ut Iudicum præcepta despiciant. Quod si in eadem culpa perseverent, quinque librarum auri multæ obnoxius (d) subiugetur, honore quoque quem prodit spoliandus. Dat. IV. Kalend. Ian. Constantinop. Olybrio & Probino Coss. [395.]

NOTAE.

(a) *Lex 47. Cod. Iust. hoc tit. GOTHFR.*

(b) *Cæsarius PP. sub Arcadio Orientis: vid. Prosopogr. ID.*

(c) *Dignitatem, add. Codice Iustin. ID.*

(d) *Obnoxii subiugentur, honore quoque quem prodiderint, spoliandi, C. Iust. verum hæc numeri mutatio non infrequens: cuius exemplum extat quoque l. 137. supr. ID.*

COMMENTARIUS.

ARCADII constitutiones Honorianis immixtæ sequuntur octo, hæc *lex 150. lex 152. 159. 160. 163. 164. 165. 167.* Quarum hæc summa est. Retrahendos Curiales ad Curiam, licet administrationem nactus *leg. 159.* (quod abrogatum postea ab eodem *l. 160.*) licet Clericos factos, sub distinctione tamen temporis & gradus, *l. 163. 172.* licet Iudicos, *l. 165.* licet substitutum dare velint, *l. 167.* Repetendos apud Iudicem, citra fori præscriptionem, *l. 164.* Postremum Curiales Iudicibus, id est, Rectoribus prouinciarum subesse, licet Comituiam honoratos. Quæ huius *l.* sententia est: Nempe Curiales Curialibus muneribus Principalibus functi, Comituiæ honore decorabantur a Principe, veluti ob Legationem apud Principem gratiosè obitam, ob fidem & diligentiam suam approbatam, Comituiæ inquam vel primi, vel secundi, vel tertii ordinis: quod etiam ostendit *lex 75. 109. supr. & l. 189. infr.* Ergo hi Curiales Comituiæ dignitate tumidi, cuius inter alios hic quoque effectus erat, ut osculo eos excipere Iudices tenerentur confessumque his deberent *l. 109. in fin.* Moderatoribus prouinciarum

seu Iudicibus ideo CONTUMACES sæpe sese præbebant, eorumque iussa detrectabant: quorum alioquin imperio suberant (quod ostendit etiam *lex 39. 47. 80. 87. 110. 117. 118. supr. 164. 175. 181. infr.*) Quare cum de eo perlata fuissent ad Arcadium querelæ, contumacibus huiusmodi Curialibus poenam duplicem propositum iuit; puta multæ quinque librarum auri & spoliationis honoris: quem hoc facto prodere dicuntur: Prodere dicitur honorem, qui eo abutens priuandum eo sese præbet. Hinc iam patet, falsam esse Glossam, quæ huic *l.* aptat *legem ult. Cod. Iust. de iurisd. omn. Iudicum:* & Iudices in hac *l.* interpretatur speciales scil. qui præsunt Curia: Iudices enim hac *l.* sunt Præsides, Rectores seu Moderatores prouinciarum, ut recte quoque Lucas de Penna; *quorum moderationi sunt commissi*, inquit, *hæc lex.* Quibus verbis Moderatores prouinciarum indicantur. Hinc ergo conficitur, honorariam huiusmodi dignitatem Curiali collatam, non ideo eximere a Iurisdictione Ordinarii.

De GESTIS municipalibus: & quis numerus Decurionum in his requiratur.

CLI. (a) Idem AA. Petronio Vic. Hispaniar. (b)

MUNICIPALIA gesta non aliter fieri volumus, quam trium Principalium* præsentia, excepto (c) Magistratu, & Exceptore publico: Semperque hic numerus in eadem actuum (d) testificatione seruetur; Sic enim & fraudi non patebit occasio, & veritati maior crescit (e) auctoritas. Dat. Non. Maii, Med. Arcad. IV. & Honor. III. AA. Coss. [396.]

Hæc lex interpretatione non indiget.

NOTAE.

(a) Absent hæc *lex a Cod. Iust. GOTHFR.*

(b) *Petronius Vicarius Hispaniarum sub Honorio: Eidem inscribitur Anno super. 395. lex 1. supr. quorum bonorum: vbi de eo dixi plura etiam ex Symmacho, & Anno prox. 397. lex 5. unde vi. ID.*

* *Trium Curialium, MS. G. & impressi omnes, præter ultimam Parisinam. RITTER.*

(c) Id est, præter Magistratum, & Exceptorem publicum. *GOTHFR.*

(d) *Sichard. eodem auctoritate testificationis, RITTER.*

(c) Ita habebat Tiliana editio: postea editum *maior crescet*, quod sane habent Anianei Codices multi: verum quid si, *maiorescitis*, compulsi licetis hic legamus: *GOTHOFR. Veritatis maior crescet*, MS. G. & Sichert. *accrescet. RITTER.*

COMMENTARIVS.

GESTORVM seu Actorum in municipiis faciendorum solemnitate *bac l.* præscribit Honorius Imp. (ac nominatim in sp. *huius legis* per Hispanias) Quemadmodum & Valentinianus III. *Novella inter Theodosianas 23. vers. illud etiam permoti.* Sub quot scil. & quarum personarum testificatione ea confici debeant: ut ita fraudi occasio non pateat, & veritatis maior auctoritas sit. Gestas scilicet seu Acta negotiorum præcipui momenti fieri solita notum est; etiam priuatorum, veluti testamentorum, *l. 4. sup. de testam. donationum, l. 1. 3. 8. sup. de donationib: querelarum, l. 3. de superexact. & similibus*, id est, publice actis firmari, gestis alligari, apud acta publicari. Quæ solemneshæc in re formulæ fuerunt. Cuiusmodi actorum formulas nobis exhibet Marculphus 2 *formul. 37.* & alius incertus *formularum Auctor, form. 3.* De his municipalibus actis est quoque *lex pen. & ult. sup. de exhib. reis.* Augustinus inter alia, *epist. 171. Quidam gestis municipalibus Codices sanctos & instrumenta Ecclesie persecutoribus tradiderunt.* Et postea: *Gestis municipalibus oppugnatum.*

Igitur Quinque personarum præsentiam in gestis municipalibus requirit *bac l.* Honorius; Primo *Magistratus*, quod ceu indubitatum præsupponit: idque etiam docet *d. lex 3. 8. sup. de donation.* id est Duumviri, si videl. ea ciuitas vel oppidum in quo acta conficiuntur Magistratum habeant: alias apud Defensorem plebis in qualibet Ciuitate fuerit reperiendus, *d. l. 8.* Quomodo & Marculphus *d. loco*, & alter ille *formularum Auctor*, formam gestorum

iuxta consuetudinem Rom. describentes, Defensorum & Principalium inter alia solemnia meminere: *Adstante venerabili Viro illo Defensore, una cum honoratis Principalibus suis &c.*

Secundo, *Exceptorem publicum* in actis faciendis requiri ut certum est, ita & *bac l.* præsupponit Honorius: is enim erat, qui gesta conficiebat, qui negotiorum acta excipiebat, perscribebat. Id quod etiam Valentinianus *d. Novella* ait, *si, inquit, publico fuerint Exceptore præscripta* (perscripta.) Exceptores, ut singulorum Magistratuum provincialium fuere, veluti P. P. Proconsulum, Vicariorum, Legatorum; quorum mentio in *Actis collat. Karthagin.* quæ habita sub eodem Honorio: & in *Notitia Imperii* sub Valentiniano III. & Theodosio Inn. de quibus *sup. lib. 8. t. 1. de Numerariis, Actuariis, Scriuariis & Exceptoribus*, & speciatim *ad leg. 2. dist. titul.* Ita & in singulis Curiis fuere, qui acta municipalia perscriberent, *Greffiers.*

Præter Magistratum & Exceptorem publicum, requirit in gestorum confectioe, (ac speciatim per Hispanias, quo spectat in sp. *h. l.*) Honorius *Principalem* trium præsentiam, id est, summatum trium inter Curiales: de quibus in *Paratitlo affatim.* Sane & Valentinianus III. de quo *sup. dist. Nou. 23.* pariter per Africam, quia publico infortunio ad paucos redactus erat ordinum numerus, in *municipalium gestorum confectioe tres Curiales sufficere* definit: *In municipalium*, inquit, *gestorum confectioe sit firmitas, si apud tres Curiales publico fuerint Exceptore præscripta.*

P. 419.

ADVOCATOS vrbls Constantinopol. provincialibus functionibus arceri.

CLII. (a) Idem AA. Africano P. V. (b)

NE quis ex corpore Togatorum (c) provinciales suscipiat functiones: scilicet, (d) ut & ambientibus claudatur ingressus, & inuitis necessitas auferatur. PP. (e) Constp. III. Non. Aug. Arcad. IV. & Honor. III. AA. Coss. [396.]

NOTAE.

(a) *L. 3. Cod. Iust. de Advoc. diu. iudiciorum. GOTHOFR.*

(b) *Præfecto Prætorio*, Cod. Iust. male. Eidem sane Africano inscribitur Anno superiore 395, *lex 6. infr. de Aqueductu* & hoc Anno *lex 13. infr. de annoniis ciuicis: lex 3. sup. de præd. Senator. lex vn. sup. de dilot. ex consensu*: & Anno prox. 397. *lex 4. sup. de testam.* Cæterum fuit hic P. V. Constantinopolitanz: quod etiam ex subscriptione legis discimus. *ID.*

(c) Id est aduocatorum: quod notum. Cæterum hic additum Codice Iustin. *Minime Curialibus auxibus illigatus.* Verum contrarium hic exaudiendum: de quo mox. *ID.*

(d) *Ita quidem ut.* *ID.*

(e) *Dat. Cqd. l. ID.*

COMMENTARIVS.

ADVOCATOS vrbls Constantinopol. & volentes, & inuitos, provinciales functiones suscipere vetat *bac l.* (quæ relata est in *l. 3. Cod. Iust. de Advoc. diu. iudic.*) Arcadius Imp. A. D. 396.

Quod quidem quem sensum habeat, quæue ratio huius interdicti sit, obscurum admodum est. De Triboniani equidem mente, cum *hanc leg.* in *Codicem* suum referret, & emblemate etiam corrumperet, haud adeo obscurum est: Nempe Ad-

uocatos, si Curialibus necibus non sint illigati, si non sint Curiales: non posse prouinciales functiones suscipere, eas scil. quæ Curialibus, indici solent. Quæ quidem ipsa sententia videtur posita *huius leg.* uti *hoc Cod.* posita est: argumento ipsius tituli, sub quo ea collocata est; alioquin titulo non responsura. Verum longe alia eius sententia mihi videtur. Hæc nimirum *Togator*, id est, Aduocatus, de qua *Togatorum* appellatione obuia sunt testimonia: inter alia passim titulis, *Cod. Inst. de Aduoc. diuers. iudicior. & Iudicum.* in foro Præfecti Urbis Constantinopolitane (nam de his *hanc legem* accipiendam indicat tum ipsa legis inscriptio, tum subscriptio: quibus etiam singularia priuilegia competierunt postea, ut docet *lex 5. 8. 9. Cod. Inst. de Aduoc. diuers. iudicior.*) etsi Curiales sint, non esse ad prouinciales functiones admittendos volentes, vel adigendos inuitos, (Nam administrationes prouinciæ etiam his postea committi potuerunt sub Theodosio Imp. ut docet *lex 9. Cod. Inst. de Aduoc. diu. iudicior.*) Prouinciales functiones, veluti ut extra ordinem Compulsores in prouinciis mittantur, ut ad Curias agendas, & similia. vid. *leg. 6. C. Inst. de Aduoc. diuers. iudicior.* Idque vetitum etiam Aduoca-

tis volentibus. Nempe, ut existimo, ne translatis in prouincias Aduocatis, forum Præfecti Urbis obmutesceret, vrbisque ipsa necessariis cum primis Viris priuaretur, atatesque plerumque iurgantium veteranos litibus consensescerent, ut ipsemet Arcadius loquitur ad eundem Africanum P. V. scribens *l. 2. n. supr. de dilat. ex conf.* Quod quidem ab Arcadio statutum ad relationem Africani P. V. ad quem datæ aliquot *leges* ab Arcadio, vtriusque studium arguunt, tum in efferenda tuendaque Urbis Constantinopolitane magnificentiæ: velut *l. 13. infr. de annonis ciuicis* (quæ parum abest quin huic legi iungenda videatur) *lex 4. supr. de testamentis: lex 6. infr. de Aquaductu:* tum in litibus terminandis; ut ostendit exerte *d. lex vn. supr. de dilat. ex consensu.* Quod cum ita sit, apparet, *hanc l.* non omnino ab *hoc tit.* fugitiuam esse.

Cæterum simile prorsus priuilegium est, quo Theodosius Iun. *l. 189. inf.* postea Alexandrinis principalibus aduocatione fungentibus, onus peregrinationis remisit, nec curam publicam, nisi in sua ciuitate eis committi voluit.

De TESTIMONIALIBVS HONORARIIS ex-Protectoribus, Domesticis, &c. Curialibus eas nil prodesse, imo eruendas.

CLIII. (a) Idem AA. Florentino P. V. (b)

NONNULLI Decurionum honorarias ex Protectoribus, (c) vel Domesticis, vel quaslibet alias (d) obtinent missiones: vnde licet superiore præcepto consultum sit, ut sic penes eosdem emendicata dignitas permaneret, nec quicquam ob hoc patriæ negaretur, nunc alius intuentes, honoris eius ab his penitus amouemus umbracula: ita vti quis id meruit, ac si nihil impetrauerit habeatur: neque ob hoc sordido quolibet minime tueatur, (e) vel a verberibus (si id modo personæ eius qualitas patitur) iudiciali emendationis excusetur. Dat. XII. Kalend. Ian. Med. Cæsario & Attico Coss. [397.]

P. 490.

NOTAE.

- (a) Abest hæc *lex a Cod. Inst.* Iungendæ autem ei tres *leges* sequentes: puta *lex 154. 155. 156.* itemque *lex 2. supr. de Comitibus rei milit.* *lex 19. supr. de diu. offic.* (vnde desumpta est *lex 48. Cod. Inst. de Decurionibus: lex 9. supr. de Senatoribus.* Imo & *Lex 1. Cod. Inst. ubi quis de Curiali &c.* quæ tamen in vulgat. Edit. inscribitur *Floro PP. GOTHOF.*)
 (b) Romæ. ID.
 (c) De his titulus 21. *supr. lib. 7. de Testimoniali ex-Tribunis, & Protectoribus, & d. l. 156. infr. ID.*
 (d) Veluti ex Tribunis. ID.
 † *Legem 3. supr. d. tit. de Testimoniali. Ex-tribunis & Protect.* intelligit. ID.
 (e) Fortè passivo significatu, pro, defendatur, excusetur, (ut mox *sine leg.*) nisi malimus hic scribere *minime exuatur:* ut *l. prox. nullis postremo temporibus exuatur:* & *l. 155. curialia vincula non exuant.* ID.

De RETRAHENDIS Curialibus ex Palatina vel Armata MILITIA.

CLIV. (a) Idem AA. Florentino P. V. (b) Postalia.

Si qui Municipum, (c) vel Palatinam, vel Armatam aliquando militiam debitæ prætulit functionibus, nullis priuilegiis, nullis postremo temporibus exuatur, nec ei anno-

rum spatia stipendiorumque merita supplicentur: sed teneat suum Curia, & perpetua sibi obnoxium vindicatione defendat &c. Dat. XII. Kal. Ian. Med. Cæsario & Attico Coss. [397.]

NOTAE.

- (a) Abest hæc lex a *Cod. Iust.* Quibus autem iungenda sit? iam dixi ad *leg. super. GOTHOF.*
 (b) *Florentinus* sub Honorio P. V. Romæ scil. *y. Profopogr. ID.*
 (c) Id est Curialium, vid. *Parasit. ID.*

De DIGNITATIBVS SENATORIIS vel ILLVSTRIBVS
Curialibus collatis.

CLV. (a) Idem AA. Florentino P.V. (b) Post alia.

QUIA * ex * splendidissimum Ordinem (c) submoueri (d) dignitatibus (e) non oportet, quisquis honorum (f) emensus Curialia onera, vel honestis, (g) vel Administrationis, (h) vel quarumcunque aliarum dignitarum, infulas impetrauerit, ipse quidem decoretur insignibus, sed liberi, (i) omnisque successio * paternæ dignitatis obiectu Curialia vincula non exuant, nisi forte quis iam Senatore susceptus consortio Curiz Nobilioris (k) adnectitur. Inlustrium quoque virorum liberos, si non otio & torpore degeneri paternam exuere virtutem, fas erit excusari. In his tamen, qui ante expleras Curialium munerum functiones, meruerint dignitates, speciali humanitate tribuimus, ut quæ illis inponentur a patria, per substitutos (l) præbere simulauerint, (m) non vetentur, nec agentis persona quærat, dummodo debiti * enim * negetur officii &c. Dat. XII. Kalend. Ian. Med. Cæsario & Attico Coss. [397.]

NOTAE.

- (a) Abest hæc lex a *Cod. Iust.* Quibus autem ea iungenda sit? dixi iam ad *l. 153. supr. ID.*
 (b) Romæ. *ID.*
 ** Forte, *q. ID.*
 (c) Id est, Curiam, & sic Curiales. *ID.*
 (d) Reperendo, seu vindicando scil. Curiali. *ID.*
 (e) A dignitatibus. *ID.*
 (f) Siue *horum*, Curialium: Neque tamen illud muto. Forte *Senatorum. ID.*
 (g) *q. Honestat;* id est, honorarias: de quibus honorariis codicillis suo *tit. lib. 6.* Neque audio reponentem, *potestas. ID.*
 (h) Prouinciæ forte alicuius. *ID.*
 (i) Hoc loco indicat Honorius *legem* Valentis 69. *supr. ID.*
 * *Lex 48. Cod. Iust. eod. tit.* hinc interpolata, & ex *d. l. 19. supr. de diuers. offic. ID.*
 (k) *Nobilior.* Curia, præ Curia municipum, est Senatus. *ID.*
 (l) Similiter *l. 21. C. Iust. de Episcopis, l. 60. Cod. eod. hoc tit. ID.*
 (m) *q. Simulauerint. ID.*
 ** *Parifensis Editio* habet *non*: sed nondum pleno sensu. *q. Nihil. ID.*

De TESTIMONIALIBVS iterum.

P. 491.

CLVI. (a) Idem AA. Florentino P.V. (b) Post alia.

OMNES Ordines, (c) Collegia, (d) Centuriones, (e) ac si qui cuiusque (f) muneribus, vel Officiis (g) ubicumque sunt Corporati, (h) ita generaliter inligemur, ut Testimoniales (i) impetratas sciant sibi nihil honoris, priuilegii excusationisue conferre: &c. Dat. XII. Kal. Ian. Med. Cæsario & Attico Coss. [397.]

NOTAE.

- (a) Abest hæc lex a *Cod. Iust.* Quibus autem ea iungenda sit, dixi iam ad *l. 153. supr. GOTHOF.*
 (b) Romæ. *ID.*
 (c) Curia. *ID.*
 (d) De Collegiis suo *tit. lib. 14.* de his quoque *l. 162. & l. 179. infr. ID.*
 (e) De Centurionibus suo *titulo 15. infr. hoc ipso lib. ID.*

- (f) *De Quibusque pro quibuscunque: vel cuiuscunque munera vel officii.* ID. *supra de quibusque*
 (g) *Vid. l. 1. 3. supra de div. offic. ID. supra de quibusque*
 (h) *De Comitibus infra lib. 14. tit. 1. & 2. ID.*
 (i) *De Testimonialibus his, est quoque lex 154. supra. & titulus peculiaris lib. 6. ID.*

COMMENTARIUS.

DE RETRAHENDIS ad Curiam Curialibus sunt hæc quatuor Honorii leges eius constitutionis partes, quibus coassanda sunt & tres aliæ, puta *lex 19. supra de diversis officiis* & *lex 2. supra de Comitibus rei milit.* l. 9. *supra de Senatoribus*, velut ex eadem constitutione delumptæ. Imo & *lex 1. Cod. Iust. ubi quis de Curiali*: emendata Inscriptione, reponendum enim ibi loco Flori P. P. nomen Florentini P. V. & in Subscriptione loco XII. Kal. Aug. restribendum XII. Kal. Ian. ut in his *legibus* nostris: Cætera congruat propter Coss. appositos scilicet: & inscriptos Imperatores, & argumentum legis: Ea quippe *lege* cavetur, ut cuiuscunque loci, in quo reperti fuerint, Curia, officii, aut aliis quibuscunque corporibus obnoxii, Iudices eos submota penitus emendicati honoris præscriptione, eorum societati quos declinaverint, aggregent: quod etiam proximè accedit ad l. 156. Ad rem. Hæc integra constitutione Honorius in uniuersum hoc egit, ut certo corpori nexi, Curia, officii, aut aliis quibuscunque Corporibus, ut diserte ait *d. lex 1. Cod. Iust.* & consentit *d. l. 156.* ad id retrahantur: 1. Curiales inquam, quo pertinent quatuor hæc leges: itemque *d. lex 2. de Comit. rei milit.* & *d. lex 1. Cod. Iust.* Item 2. Collegiati, Centuriones, Corporati: quo spectat quoque *d. lex 156.* seu quarta, seu postrema ex his quatuor legibus: ut & *d. l. 1. Cod. Iust. ubi quis de Curiali.* Tandem 3. Apparitores: de quo est *d. lex 19. supra de diversis officiis*: & *d. lex 1. Cod. Iust.*

De CURIALIBUS primum. Ergo Curiales ad Curiam retrahi iubet Honorius: Idque etsi Testimoniales ex Protectoribus vel Domesticis vel similes impetraverint, de quo est *lex 153.* De quibus Testimonialibus fuit *supra* peculiaris *titulus lib. 7.* est etiam *lex 156.* Et vero de Testimonialibus his a Curialibus impetratis, utrum ex his quidquam profint, sunt eo *titulo* tres leges: Prima Constantini M. Secunda, Constantii: Tertia Honorii ad eundem Florentinum P. V. data: sic quidem ut eam Honorius *hac l.* memoret, simul ei derogat: scilicet Honorius *hac l.* Testimoniales Curialibus in tantum prodesse non vult, ut nequidem dignitatem penes eos remanere velit: cum tamen superiore illo præcepto, (id est, *d. l. 3. supra de testimoniis*) cauisset, ut penes eos dignitas maneret salvis debitis Curiaë muneribus. Cui uti dixi *hac l.* derogat Honorius, aliter ut ipse profitetur, *manu intuen*, sic ut ab his penitus dignitatis umbracula amoveri iubeat. Proinde cum antea & ex illa *l. 3.* dignitatis illius privilegio, Curiales a sordidis & minimis muneribus excusarentur, itemque a verberibus, excusari nunc vetat Honorius *hac l. 153.* (unde notandum est primum privilegium Testimonialium ex protectoribus & similibus) quo scilicet immunitas a sordidis & minimis muneribus adquirebatur: itemque a verberibus, seu Plumbatarum ictibus, aliæque privilegia.

Secundo, exinde colligitur hæc Honorii tempe-

state Curiales in commune a verberibus his immunes non fuisse: Quod sane altera quoque eiusdem Honorii constitutio docet, puta *lex 6. supra de questionibus*, qua ostenditur, Principales tantum ab his immunes fuisse sub Honorio. Quomodo & soli Decemprini a plumbatis pariter immunes fuere Gratiani *leg. 2. supra de questionibus* & Theodosii Iun. *l. 190. infra hoc tit.* Et vero id ipsum hic indicatur, si modo id persone eius qualitas patitur. Porro quod de Curialibus *hac leg.* & rursum *l. 156. infra* statuitur, Curialibus necquicquam prodesse Testimoniales: id ipsum statuitur & de Collegiatis, Centurionibus, Corporatis, *d. l. 156.* de quibus *suis titulis lib. 14.* ac nominatim de Collegiatis quoque agitur *dicta leg. 3. supra de testimoniis*: qua tamen dignitatem penes eos manere Honorius iusserat, salvo obsequio debito urbi. Et hæc quidem de *leg. 153. & 156. hoc tit.* & sic de Curialibus quos retrahi voluit ad Curiam Honorius, non obstantibus Testimonialibus, quas dixi.

Secundo loco, puta *l. 154.* retrahi quoque Curiales iubet ex quacunque MILITIA Palatina, Armata, non obstante quacunque temporis præscriptione: de qua iam sæpe *supra* (Quod & ipsum ab eodem, statutum de Apparitoribus, ut & ipsi ex Palatina Militia, vel Armata retrahantur, *leg. 19. supra de diversis officiis*: quæ & ipsa his quatuor legibus ac nominatim *huic legi 154.* coassanda venit.) Excepto tantum eo militaris Corporis viro, qui per⁴⁹² merita laboris diu fudati Comitum primi Ordinis iam impetrauit, vel ambitu secundam Comitum, mox & primam, *l. 2. supra de Comitibus rei milit.* quæ & ipsa his quatuor legibus, & huic nominatim *l. 154.* coassanda venit.

Tertio loco Honorius *l. 155. h. tit.* SENATORIAE dignitatis aliam aliquatenus rationem hac parte haberi vult: Nempe enim Curiali Senatori facto Dignitatem seu insignia constare iubet: Et quidem si post emensa Curialia onera, simpliciter & absolute: Liberis tantum ante Senatoriam patris Curialis dignitatem susceptis Curiaë nectendis. Quod tralatitii iuris est hæc in re, ut videl. liberi ante Senatoris dignitatem suscepti Senatorii non censeantur, de quo *ad l. 1. supra de Senatoribus & alibi*. Nisi Illustrium virorum liberi sint, id est, nisi patres eorum olim Curiales hodie in Illustri dignitate positi sint, veluti Præfecti Pr. Præfecti Urb. Magistri officiorum, Quæstoris, Comitibus S. L. & R. P. & similibus. Dandum hoc putavit Illustri dignitati Honorius, & ad eam euectorum virtuti, ut etiam liberi Illustriorum Virorum, etsi patre adhuc Curiali nati, Curia liberentur, si modo non otio & torpore degeneri paternam virtutem exuerint. Quod quidem eleganter dictum, & in praxi notandum: Parentum scilicet dignitates & privilegia his demum liberis competere, qui non otio & torpore degeneri paternam virtutem exuerunt. Quod sibi dictum putent

putent qui Nobilitate tumidi, nil minus quam Nobiles habendi sunt.

Et hæc quidem de Curialibus Senatoribus factis emensis Curiz muneribus. Iis quoque, qui nondum expletis Curiz muneribus Senatoriam dignitatem nacti sunt, id speciali humanitate tribuit Honorius, d. l. 155. ut per substitutos patriæ servire possint: Nempe enim dummodo debiti officii nihil Curiz denegaretur, agentis personam quæri hoc ca-

su noluit. Qui casus singularis est, quo per substitutum quis Curiz munus defungi & Curia liberari potest. Qui addendus & pluribus aliis, qui h. tit. continentur. Noteturque hæc hac parte sententiæ, quæ & aliis similibus aptari potest: non agentis personam quæri, seu attendi, dummodo nihil debiti officii negetur. Satis est scilicet debitum exolui, expungi, per quamcunque personam id fiat.

IVDÆOS quoque Curiales ad Curialia munera teneri.

CLVII. (a) Idem AA. Theodoro PF. P. (b)

OMNES qui quolibet (c) Curiz iure debentur, cuiuscunque superstitionis (d) sint, ad implenda (e) munia (f) teneantur. Dat. Id. Feb. (g) Med. Hon. A. IV. & Euty-
chiano Coss. [398.]

NOTAE.

- (a) L. 49. Cod. Iust. hoc tit. Iungenda forte huic lex 158. prox. GOTHOFR.
(b) Theodorus sub Honorio PP. antea Galliarum A. 395. quo pertinet l. 140. supr. At nunc hoc tempore, Italiz, Africæ, Illyrici, Trium insularum: ut docet diserte Claudianus in huius Manlii Theodori Consulatum. Quæ dioceses quatuor sub PP. Italiz fuerunt. Sane de Italiz provinciis, quod ex sub dispositione huius Theodori PP. fuerint, docet exerte l. prox. 158. infr. De hoc Augustinus non semel, qui eum maxime commendat & Christianum fuisse docet: de ordine lib. 1. c. 11. Retract. lib. 1. cap. 2. de Ciuit. Dei, lib. 18. cap. ult. Cui & apud Mediolanum positus liberum de beata vita inscripsit. ID.
(c) Quolibet modo d. l. 158. prox. & d. l. 49. Cod. Iust. ID.
(d) Iudaica etiam, Superstitio, de Iudaica proprie hac l. & l. prox. 158. & l. 10. supr. de Iurisdic. l. 24. 28. infr. de Iudæis: & l. 3. §. ult. D. de Decurionib. ID.
(e) Complenda, d. l. 158. ID.
(f) Suarum ciuitatum munia, d. l. 158. implenda munera, Cod. l. d. l. 49. ID.
(g) Siue Septembr. ut l. prox. 158. & Cod. Iust. ID.

CLVIII. (a) Idem AA. Theodoro PF. P. (b)

VACILLARE per Apuliam Calabriamque plurimos Ordines ciuitatum comperimus, quia Iudaicæ superstitionis sunt, & quadam se Lege, † quæ in Orientis (c) partibus lata est, necessitate subeundorum munerum æstimant defendendos. Itaque hac auctoritate decernimus, ut eadem, si qua est, Lege cessante (quam constat meis (d) partibus esse damnosam) omnes, * qui quolibet modo Curiz iure debentur, cuiuscunque superstitionis sint, ad complenda suarum ciuitatum munia teneantur. Dat. Id. Septembr. Med. Honor. A. IV. & Eutychiano Coss. [398.]

NOTAE.

- (a) Abest hæc lex a Cod. Iust. GOTHOFR.
(b) Eidem inscripta lex superior de eadem re. ID.
† Arcadii legem 13. infr. de Iudæis, ut puto, intelligit. ID.
(c) Cui Arcadius præerat. ID.
(d) Occidentis, cui Honorius præerat. ID.
* Repetita hæc totidem pene verbis l. 157. supr. ID.

COMMENTARIUS.

P. 493.

IVDÆOS omnes, Curiali conditione, ad Curiam teneri iubet his duabus legibus Honorius Imp. datis ad eundem Theodorum PP. Italiz (quarum postrema nominatim ad Apuliam & Calabriam pertinet.) Pariter ut tertia constitutione, puta l. 24. infr. de Iudæis. Sic quidem ut legem, quæ in Oriente lata dicebatur, valere in Imperio suo Occidentis pro-

hibeat: proculdubio Arcadii legem 13. infr. de Iudæis, quæ superiore anno 397. mense Iulio, ante quatuordecim menses lata fuerat: quæque Arcadius Archisynagogos, Patriarchas, Presbyteros, cæterosque, qui in eius Religionis sacramento versabantur, exemplo Clericorum, a Curialibus muneribus immunes reddiderat. Quam & ipsi Arcadius postea

V v v

Iustu.

sustulisse videtur, *l. 105. infr. b. t.* Quanam vero super hoc *Constantini* sententia fuerit, docet eius *lex 2. 3. infr. de Iudæis*: quanam *Valentiniani Iun. lex 99. supr.* quanam *Iustiniani Nouella 45.*

Illud *hac l.* notandum, multos per Italiam, ac nominatim per Apuliam & Calabriam Iudæos, & quidem sub Honorio fuisse.

Secundo notandum hac tempestate cum duo Imperatores essent, seu Impp. *ἑνωσις* foret, vnus legem seu Constitutionem in alterius quoque Imperio laudari seu allegari a nonnullis consueuisse: sed tamen legis vim non obtinuisse, verum si damno-fa ea esset alterius Imperio, repudiatam. Quo pertinet quoque Theodosii Iunioris *Nouella 1. & 2. item-*

que quod memorat Libanius, *de vita sua. p. 48. Edit. Morell.* de *Valentiniani lege* (puta *l. 1. supr. de naturalibus filiis*): a Valente primum improbata, mox probata: Quamquam & hic speciatim quoque disfidii alicuius inter Arcadium & Honorium notam hanc quis putet.

Tandem neque illud prætermitti cupio, *has leges* inscriptas Theodoro PP. Italiz, ad eius relationem: qui *has leges* ab Honorio expresserit, Christianæ Religionis studio & in Iudæos odio incensus. Ex Augustino quippe clarum, Theodorum hunc Christianum virum fuisse, cui & Librum *de beata vita* inscripsit, quod ipsemet testatur *lib. 1. retrahat. cap. 2.*

De PROVINCIÆ administratione: Exinde Curiales ad Curiam retrahendos; & qua lege.

CLIX. (a) Idem AA. Eutychiano PF. P. (b)

OMNES omnino Curiales in originalibus, ac debitis perpetuo Curiis perseuerent, & qui ex his ad prouinciarum regimen adque Administrationum, (c) qualibet fraude, adque ambitione peruenerint, sciant se (d) eo, quem meruerant honore, priuandos: & non solum ad Curiam, velut manu (e) mox injecta, reuocandos, & cunctis rursus ab exordio muneribus seruituros, verum etiam media patrimonii parte multandos. Dat. VIII. Kal. Nou. Constantinop. Honor. A. IV. & Eutychiano Coss. [398.]

NOTAE.

(a) *L. 50. Cod. Iust. eod. tit.* Hanc leg. suam memorat, & ex parte abrogat Arcadius *l. prox. 160. GOTHOF.*

(b) Eutychiano huic tres aliz constitutiones hoc ipso titulo inscribuntur Anno prox. 399. puta *lex 163. 164. 165. infra. ID.*

(c) *Administrationem.* C. Iust. ID.

(d) *Sciant se non solum in sua Curia remansuros, sed etiam cunctis rursus ab exordio muneribus seruituros.* Ita hunc locum mutauit & contraxit Tglšov. ID.

(e) Similiter *l. 3. supr. de his qui ad Eccl.* hoc ipso Anno ad eundem Eutychianum in eodem Decurionum argumento. Datur sane reuera manus injectio a Theodosio Iun. *l. 181. infr. ID.*

DEROGATVR hac leg. superiori legi 159.

CLX. (a) Idem AA. Optatio P.V. (b) Post alia.

SI quis ex Curia vsque ad diem Iduum (c) Nouembrium Conf. DN. Honorii Augusti, Fratris æternitatis meæ, quarti & Eutychiani V. C. Administratione donatus, Senatorio est ordini mancipatus, Senator quidem esse non definat, neque ad nouellæ Legis † vincula pertineat, sed de substituto, & rebus (vt antea † caueramus) omnia incunctanter quæ sunt iussa custodiant. (d) Dat. VIII. Kal. Dec. Constantinop. Honor. A. IV. & Eutychiano Coss. [398.]

P. 494.

NOTAE.

(a) Absent hæc *lex* a *Cod. Iust.* GOTHOF.

(b) *Optatus* P. V. Constantinop. sub Arcadio: vid. *Prosopogr. & leg. 4. sup. de vsur. & Sacratem lib. 6. cap. 18. infra. ID.*

(c) Atqui data *lex* 159. *sup. VIII. Kal. Nouemb.* non die Iduum Nouemb. Quare forte *VIII. Kalendarum.* ID.

† *Legem* suam 159. *sup.* intelligit. ID.

† An intelligit *legem* Honorii 155. *sup.* quam & ipse Arcadius in nomen suum hic transferat? Non puto, anteriorem aliquam Arcadii *legem* hic intelligi oportet. ID.

(d) Sive *custodiantur*: Nisi & hic numeri enallagen putemus. ID.

COMMENTARIVS.

DE Curialibus, qui ADMINISTRATIONEM vel provincie regimen atque adeo ad Senatoriam dignitatem pervenerunt, sunt hæc *dixit* Arcadii *leges*: Quorum *priore* Quatuor de his statuit. 1. eos ad Curiam manu mox injecta ita retrahendos (pariter ut qui ad Ecclesiam confugerunt: quod idem paulo ante hoc ipso Anno ad eundem Eurychianum PP. statuit, *l. 3. supr. de his qui ad Ecclesiam*) 2. ut & honore eos privari iubeat. 3. & omnia Curialia munera ex integro subire velit, etsi nonnulla iam obierint. 4. & diuidia præterea patrimonii parte multari. Quæ utique magna fuit nunc Arcadii seueritas, & cauterium seuerum: verum quod temporis ratio fors flagitabat, cum Curie passim deferrentur: ut non debuerit adeo Vertranus Maurus *de iur. liber. c. 23. pag. 1023. Tom. III. Thef. iur.*

adeo inuehi in hanc legem, velut Tyrannicam: præsertim cum non expletis muneribus plurimi ad dignitates procederent desertis Curia. Verum ad mitigationem mox sententiam rediit Arcadius *posteriore lege*, qua saltem in præteritum, vetustioris hac parte legem restitutum iuit. Nempe dignitate Senatoria eis relicta, perque substitutum Curie munia explere iussit: deque rebus eorum seu patrimonio, alio & mitiore iure constituto. Hæc vero *lex 159.* eo singularis est, quod poenæ loco *de integro*, seu ab exordio, & iterato, omnia munia quis subire cogatur. In vniuersum vero qui scire auct quam varie hanc in partem senserint Principes, consulat *is leges 27. huius tituli*, in eo argumento occupatas, quas repetere licet ex *Paratitlo*.

De RETRAHENDIS Curialibus ex OFFICIIS in quibus-
cunque prouinciis: deque his EVOCANDIS per
Edicta.

CLXI. (a) Idem AA. Messalæ PF. P. (b) Post
alia.

PLECTIBILI (c) seueritate eorum fraudibus obuiandum est, qui genitalem Curiam deferentes, ad indebita Officia fraude callidæ molitionis inrepunt. Et quamuis prouisum fuit, congruæ emendationis occursum, quemadmodum isti, militiæ nomine & honore suspensio, Officiis redderentur, tamen quia hoc callido consilio repperunt, ut euitatis prouinciæ suæ finibus, tanquam his eorum tantum interdictus fuisset accessus, peregrinos expectarent commearum, ne diutius in perniciem Curiarum latitandi spes, & solarium eos impunitatis exacuatur, horum cupiditatibus obuiamus, ut ex eorum bonis, qui se, vel Prosecutioni, (d) vel muniis ciuitatum, interdictæ dudum ambitione Militiæ, vel qualibet fraude subtraxerint, Curia quas deferuerant, consulatur. Itaque, si vocati edictis, intra anni meras (hii tamen qui manifestis Curie nexibus inligantur) latere potius quam redire maluerint, nec (e) suffecerint (f) qui ad vicem eorum munera patriæ post emensum annum (ut ordinis ratio postularit) exsoluant, sciant interpellatis prouinciarum Moderatoribus, ex facultatibus suis Curia quas destituerunt consulendum: Neque enim de inmaturo præiudicio, temporis possunt breuitate (g) causari, &c. Dat. XVII. (h) Kal. Septemb. Theodoro (i) V. C. CONS. [399.]

NOTAE.

(a) *Lex 51. Cod. Iust. eod. tit.* hinc desumpta est, rescata inter alia priore eius sententia. Iungenda autem huic *lex 8. supr. de contrab. empr.* (seu *lex penult. Cod. Iust. de rescind. vendit.*) & *lex 6. supr. de Questionibus*: & *lex ult. Cod. Iust. de modo multarum. GOTHOF.*

(b) Italia. *ID.*

(c) Vid. *Gloss. v. Plectibile*, & de delicto quod plectendum: sic *Plectibilia* absolute pro delictis, *l. 5. inf. de hereticis*: *Sidonio lib. 4. ep. 13.* &c. *Plectibilis* usurpatio *l. 16. inf. de pistoribus*: & de poena: sic *plectibilis* seueritas *b. l. ID.*

† Qua lege? *ID.*

(d) De Prosecutionis onere, quod Curialibus incumbere vide quoque *l. 2. infr. de Iudais*: & forte Libanii *Ep. ad Euphemium 210. ID.*

(e) Hanc sententiam quoque rescuit *Tpi6ov. ID.*

(f) Sufficere, hic & *l. 1. quemadm. mun. ciuil. pro substituere. ID.*

P. 499. (g) Breuitatem, C. Iust. & melius *ID.*

(h) *29 XII.* ut omnes illæ leges habent, quæ huic coniungendæ sunt, *ID.*

(i) Hinc emendanda subscriptio *l. ult. C. Iust. de modo multarum*: *Theodosio II. & Cynegio, pessime*: orto errore ex *Theodori* nomine. *ID.*

COMMENTARIUS.

DE RETRAHENDIS ad Curiam Curialibus, qui derelicta Curia ad indebita officia seu militiam, siue intra eandem prouinciam, siue intra peregrinam sese contulerant, est hæc Honorii constitutio: Quæ pars est prolixioris Honorianæ constitutionis: qua Honorius Imp. occursum iuit tum Iudicum nimietati, siue circa quæstiones: quo pertinet *lex 6. sup. de Quæstionibus*: siue circa condemnationes seu multas, quo spectat *lex ult. C. iust. de modo multarum*: de quo dixi ad *leg. 47. sup. hoc titulo*: & *diff. leg. 6.* Tum Curialium fraudibus, callidis molitionibus, consiliis, cupiditatibus, ambitioni: quo pertinet (præter hanc legem,) *lex 8. sup. de contrah. empt.* Quæ tres leges ex eadem constitutione desumptæ, huic nostræ coassandæ veniunt: Et quidem argumenti quoque paritate conuenit *d. l. 8. sup. de contrah. empt.* Nam ut illa Curialibus in perniciem Curiarum vel fugientibus, vel prædia sua vendentibus occurritur, ita & hac Curiam, officio aliquo seu militia appetita, detrahentibus. Rursum ut illa, venditio in fraudem Curie facta rescinditur, ita & hac Officium in Curie fraudem procedere non patitur. Igitur Edictis vocari eos iubet, & si intra annum neque redierint, neque alium loco suo suffecerint, ex bonis ipsorum Curis consuli iubet *hac l.* Honorius. Edictis ergo euocari voluit Honorius: de qua Euocatione fuit quoque Theodosii M. patris *lex 19. sup.*

Item anni spatium ad redeundum his largitur ne (inquit) de immaturo præiudicio temporis possint breuitatem causari: Anni scil. spatium sufficiens visum & necessarium euocatis ad redeundum, de quo vid. etiam *tit. sup. ut intra annum.* Quare iocularis lapsus hic Glossæ, quem notauit iam Lucas de Penna, quæ *immatuum*, interpretatur *valde maturum*. Est interim hac parte *lex* hæc singularis & practicabilis: vnde recte conficitur, non esse nimium arctandum quemquam breuitate temporis: sed competens spatium assignandum cuique ad aliquid faciendum, ne causationi seu querelæ locus sit. Tertio notandum Honorium substitutos hoc casu admisisse loco Curialium pariter ut Arcadius in *sp. l. 160. sup.* & alii Principes, vid. vel *leg. 84. sup. & 163. infr.*

Duo *hac l.* notanda adhuc superflunt. Primo fraus Curialium, qui ut eo melius Curiam euitarent, in peregrina prouincia officia ambiebant, quasi nunquam requirendi, vel reperiendi.

Secundo obseruandum, inter alia Curialia muneris prosecutionis onus (de quo dicam ad *l. vn. inf. de auri publici prosecutoribus*, & ex Synesii *ep. 18.*) vel maxime effugisse, quod & ipsum docet *lex 2. inf. de Iudais*: prosecutionis inquam, rerum & specierum fiscalium, de quo *tit. de auri publ. prosecutorib. l. 1. sup. ne opera a coll.* Error enim est Cuiacii hic, qui prosecutioni putat eos subtrahere sese dici, qui longissime absunt.

De RETRAHENDIS Curialibus & collegiatis ex corpore Centonariorum & OCCULTATORIBVS puniendis.

CLXII. (a) Idem. AA. Benigno (b) Vic. Vrb. Rom.

NE relictis vrbibus (c), plures sese ad corpus Centenariorum (d) transferant, spectabilitas Tua, quoscunque, & vbicunque latentes, Curis adque Collegiis debitis (e) adprobari, matura exsecutione restituar. Siquidem, tot existentibus Legibus † quæ Occultatores certa feriri poena voluerunt, exsecutiones præstare Iudices conueniat, non re-ferre. Dat. Kal. Dec. Med. Theod. V. C. CONS. [399.]

NOTAE.

- (a) Absit hæc *lex* a *Cod. iust.* Iungenda autem huic *lex ult. sup. quibus Equorum vsus &c. GOTHOFR.*
 (b) Eadem inscribitur, non tantum *d. lex ult.* sed & anno prox, 400. *lex 26. inf. de susceptorib. ID.*
 (c) Curis & Collegiis vrbium, *ID.*
 (d) *79. Centonariorum*: de quibus *titulus 3. lib. 14. inf. ID.*
 (e) *79. Debitis*. Ita quoque *l. 136. 239. sup. ID.*
 † Veluti Valentis *l. 76. sup.* Honorii ipsius *l. 146. sup. ID.*

COMMENTARIUS.

ELATEBRIS erui Curiales & Collegiatis, & in Occultatores eorum poenas statutas exerceri iubet *hac l.* Honorius Imp. sicut & Latronum latebris idem occurrit *l. ult. sup. quibus equorum vsus*: quæ (quod summo opere notandum) ceu eiusdem constitutionis pars huic *l.* coassanda venit. Nempe Benignus Vicarius V. Romæ, ad Honorium hoc tempore retulerat, tum de Latronibus & Pastoribus, & per Valeriam Prouinciam, & Picenum: ad quod caput rescribit Honorius *d. l. ult.* Retulerat & de Curialibus & Collegiatis (de quibus postremis suo *tit. inf.*

lib. 14.) Quid de his acto opus esset, & quidem qui ad Corpus Centonariorum (de quo suo *tit. lib. 14. inf.*) sese contulerant. Ad hoc caput Tria in effectu re-^{p. 496.} scribit Honorius. Primo, ex Corpore Centonariorum eos retrahendos: Quomodo sane & viceversa Centonarium ex Corpore suo ad Curiam subtrahere vetiti, *l. 2. inf. de Centonariis*. Secundo occultatores Curialium & Collegiatorum multa iam statuta feriendos: Qua de re sane sunt *b. r.* duæ præterea leges: Valentis *lex 76. sup.* eiusdem Honorii *lex 146. sup.* Postremo, Iudices, & puto, Benignum

gnum ipsum arguit, quod super hoc ad se retulerit; cum executioni leges tradere debuerit, non referre. Quomodo & alij Principes similiter alios Iudices reprehendunt. Notetur igitur hic casus, quo Iudices, in violatores legum, executiones præ-

stare conuenit, id est leges exequi, non ad Principem referre. Non est scilicet Relationibus, sed executioni locus, ubi leges apertæ sunt, & res dilationem non admittit.

De CLERICIS ex Curialibus factis.

CLXIII. (a) Idem A A. Eutychiano PF. P. (b)

SI qui ex secundo Diui patris (c) Nostri Consulatu (d) Curiam relinquentes, Clericorum se consortio manciparunt, si iam Episcopi, vel Presbyteri, Diaconos (e) esse meruerunt, in sacris quidem & secretioribus dei mysteriis perseuerent, sed aut substitutos pro se Curia offerre cogantur, aut iuxta Legem † dudum latam tradant curia facultates: Residui omnes, Lectores, (f) Subdiaconi, vel hii Clerici quibus Clericorum priuilegia non debentur, debitis mox patriæ muneribus præsententur. Dat. III. Id. Decembr. Theodoro V. C. Coss. [399.]

NOTAE.

- (a) Absent & hæc lex a *Cod. Iust.* & ab *Annalibus* Baronii. Confirmari videtur *l. 172. inf. GOTHOF.*
 (b) Eidem *Eutychiano* inscribuntur *h. s.* tres alia: *leges*, puta *lex 159. sup.* & *duæ leges prox. 164. 165. ID.*
 (c) Theodosii M. *ID.*
 (d) Id est An. D. 388. *ID.*
 (e) *γρ. Diacones*, vt *l. 49. sup.* non vt Iuretus in *lib. 2. Ambrosii adu. Symmach.* p. 327. *Edit. Symmach. Paris 1604. in 4. vel Diaconi. ID.*
 † Legem Theodosii M. *l. 121. sup.* latam Anno 390. quæ & confirmata, *l. 123. ID.*
 (f) De Lectoribus: vid. & *l. 7. 24. inf. de Episc. Eccl. & Cler. ID.*

COMMENTARIVS.

CLERICATV AN & quomodo Curia quis liberari possit *hac l.* definit Arcadius Imp. (nam quid definiuerint alii retro Principes, superiores leges docuerunt) cuius de eadem re altera constitutio extat: puta *lex 3. sup. de his qui ad Eccles. confug.* Et non absimilis Theodosii Jun. filii eius, puta, *lex 172. inf.* & altera eiusdem *lex 21. Cod. Iust. de Episcopis*: si Triboniano credimus. Quarum illa *hanc* tempore præcessit, & ad eundem Eutychianum PP. data est. Imo hæc lata ad eam abrogandam, & reducendam aliquatenus Theodosii M. patris sui *legem 121. & 123. sup.* scilicet Theodosii M. iis *legib.* constituerat, Vt qui ex secundo Consulatu suo, id est ab Anno Domini 388. Clerici facti fuerant, quocumque sub nomine, omni patrimonio suo cederent: Quo pertinet quod Ambrosius scribit *epist. 29. su. ep. 17. lib. 2.* Atenim Arcadius noster, Anno superiore 398. *l. 3. sup. de his qui ad Eccl. conf.* ad eundem Eutychianum data, quamque Eutropio auctore tulerat: (hæc enim illa est Arcadii constitutio quam Scriptores Ecclesiastici & Chrysostomus proscribunt:) Decuriones velut manu iniecta mox reuocari voluit, sic vt ulterius *legem* patris sui prodesse eis non pateretur, quæ cessione patrimonii subsecuta, Decuriones esse clericos non vetabat. Verum hoc Anno *b. l.* ad eundem Eutychianum data, sublato

iam Eutropio, *legem illam 3.* Arcadius antiquauit, Patrisque constitutionem *l. 121. & 123.* reduxit: sub hac temporis & gradus consideratione (vt Theodosius Jun. filius eius loquitur *l. 172. inf.*) nempe vt qui ab An. D. 388. ad Clericatum sese contulissent (quod & ipsum *παράπρυμα* Theodosii M. posuerat *d. l. 121.*) si iam Episcopi vel Presbyteri, aut Diaconi essent, vel substituto per se alio vel secundum Patris *legem* cesso Curia patrimonio Curia liberarentur: alii vero Clerici, puta Lectores, Subdiaconi, & Clerici, quibus Clericorum priuilegia non debentur, ad Curiam retraherentur: Cum tamen Theodosius M. *d. l. 121. & 123.* omnes Curiales ab eo Anno factos Clericos sub quocumque nomine Curia liberauerit, si patrimonio suo Curia cederent. Et si idem quod ad eos, qui ante eum Consulatum Clerici facti fuissent, pariter peculiarem Presbyterorum, Diaconorum & Exorcistarum rationem habuerit. Et sane, & in aliis quoque partibus horum superioris loci Clericorum peculiaris ratio habita, vt ostendit *inf. tit. de Episcopis*: quo *tit. dixi ad leg. 7.* Et in hac ipse re, vt ostendit Theodosii M. patris *lex 121. sup.* & Theodosii Jun. filii *lex 172. inf.* Tandem quod ait, *vel hii Clerici, quibus Clericorum priuilegia non debentur*, id accipio de *Copiatii*, de quibus ad *l. 1. inf. de Iustali collat.*

De RETRAHENDIS Curialibus ex MILITIA, non obstante fori PRÆSCRIPTIONE.

CLXIV. (a) Idem AA. Eutychiano PF. P. (b)

Si quis vmquam, natus patre Curiali, vel (c) initis muneribus Curia affectata Militia, a suis consortibus (d) in Iudicio Rectoris prouinciae lite pulsabitur (e), nullo fori præscriptionis obice (f), quæ quidem habeat locum, [vti (g)] licebit: In aliis actionibus, apud eundem prouinciae Moderatorem suis allegationibus vtatur. Dat. V. Kal. Ian. Theodoro V. C. CONS. [399.]

NOTAE.

(a) Abest hæc *lex* a *Cod. Inst.* **GOTHOF.**

(b) Eidem Eutychiano PP. inscribuntur tres aliz *leges* hoc titulo, *lex* 159. 163. *supr.* & l. 165. *prox. ID.*

(c) Curialis quis duplici ratione est, vel quia natus patre Curiali: vel quia iam iure nominatus munera iniit: & sic actu, vt l. 137. *supr. ID.*

(d) Concurialibus. **ID.**

(e) *Pulsari* lite: v. *Gloss. ID.*

(f) *Obice* præscriptionis: v. *Gloss. ID.*

(g) Hanc vocem Tilius his notis inclusit, proculdubio quam ex ingenio suo, & recte, addidit. **ID.**

COMMENTARIUS.

DE FORO eius, qui olim Curialis, Militia seu Officio vel Dignitate aliqua hodie munitus est, est hæc Arcadii constitutio: Quodnam videl. eius forum competens sit? Ibi ita distinguit: si, inquit, lite pulsatur a Curia, vt videl. Curialis declaretur, atque adeo vel substitutum loco suo dare cogatur, vel patrimonio suo cedere (quod vtique statutum fuit ab Arcadio l. 160. *supr.*) posse Curialem recte in Iudicio Rectoris prouinciae lite pulsari seu conueniri: neque posse eum præscriptionem fori veluti Senatorii, vel militaris, tanquam Senator vel miles hodie obicere. In eo scil. pristinum statum & conditionem sequi cogitur, atque adeo coram Recto-

re Prouinciae recte conuenitur. In aliis vero actionibus, si non tanquam Curialis, vel ob Curialem personæ statum conueniatur, posse hunc Curialem allegationibus suis vti apud Rectorem prouinciae, id est, præscriptionem fori allegare, seu subiicere. Quæ distinctio summopere notanda est: Posse scil. quem modo eiusdem fori præscriptionem allegare, modo non posse: Item duplici statu quem censeo posse, & pristino & nouo: & pro eius diuersitate, forum fortiri. Quæ quidem corporis, iurisdictionis, Forique præscriptionis, materiis adiici vtiuer possunt.

IVDÆOS non ideo Curia liberari.

CLXV. (a) Idem AA. Eutychiano PF. P. (b)

QUICVNQUE ex Iudæis obnoxii Curia comprobantur, Curia mancipentur. Dat. III. Kal. Ian. Theodoro V. C. Coss. [399.]

NOTAE.

(a) L. 10. *Cod. Inst. de Iudæis*: vbi Consulatus emendandus. **GOTHOF.**

(b) Eutychiano huic PP. inscribuntur hoc ipso titulo *supr.* tres *leges*, puta lex 159. 163. 164. De eo plene *Prologogr. ID.*

COMMENTARIUS.

IVDÆOS quoscunque Curia mancipari iubet hac *leg.* Arcadius Imp. A. D. 399. *Quoscunque* inquam, cum antea tamen idem Imperator Archisynagogos, Patriarchas, Presbyteros Iudæorum &c. exemplo Clericorum a Curialibus muneribus im-

munes fecisset, l. 13. *inf. de Iudæis*. Quid hanc in partem senserit Constantinus M. docet eius lex 2. 3. *inf. de Iudæis*: quid Valentinianus Iun. lex 99 *supr.* quid Honorius, lex 157. 158. *supr.* quid Iustinianus, *Nouella eius* 45.

De FILIIS Sacerdotum ad Sacerdotium non cogendis.

CLXVI. (a) Idem AA. Pompeiano Proc. Afric.

IUSTA veterum morem Mecilianus Legatus (b) adstruxit, (c) Vt Sacerdotum filii inuiti ad Sacerdotium non cogantur: Antiquam igitur consuetudinem Laudabilitas Tua præci-

præcipiat custodiri, ita vt neque vllus indebite teneatur, & tam (d) idonei Sacerdotes deesse non possint. Dat. prid. Kal. Iul. (e) Med. Stilicone & Aureliano Coss. [400.]

NOTAE.

- (a) Abest hæc lex a *Cod. Iust.* Iungenda autem ei lex 18. *infr. de iustrali collat.* Imo & lex 2. *supr. ad leg. Iul. de ambitu*: quæ habet subscriptum diem *Prid. Kal. Iun.* Sed & lex 3. *supr. de concess. Aduoc. l. 28. supr. de annona: lex 27. infr. de suscep.* cui subscriptus dies *Pridie Kal. Ian.* Tandem & lex 60. *supr. de appell.* vbi subnotatus dies *Kal. Ian.* Vnus enim idemque dies & mensis omnibus his legibus subnotandus venit. GOTHOFR.
- (b) Africæ proconsularis: de quibus legatis *suo tit. infr.* & quidem de vno tantum legato, de quo fidem quoque facit l. 186. *infr.* & l. 34. *supr. de annona*: & lex 3. *infr. de legatis*, vbi dicam. ID.
- (c) Idest, petiit. ID.
- (d) 77. Tamen. ID.
- (e) Ian. alii. ID.

COMMENTARIVS.

SACERDOTVM filios ad Sacerdotium prouinciarum inuitos cogi non posse definit *hæc l.* Honorius Imp. idque ad Legationem Africæ Proconsularis, quam Mecilianus apud eum obierat, id rescribens: Qui hoc tempore de multis aliis Legatus ad Honorium Imp. ab Africa Proconsulari missus fuerat; vt præter *hanc l.* docent tot illæ leges, quæ huic coassandæ veniunt, & in his *lex 18. infr. de iustrali collat.* De Sacerdotio prouinciæ dictum iam sæpe supra, & monet plenissime *Paratitlon de Paganis*. Sed & adhuc nonnulla dicentur *infr. ad l. 174.* quæ huc omnino quoque faciunt. De legatis

prouinciarum, & vno quidem aliquando (vt hic) ad Principem, erit *infr. titulus peculiaris hoc ipso libro*. Interim notetur privilegium hoc, & quidem antiquum iuxta veterem morem, secundum antiquam consuetudinem, vt filii Sacerdotum a Sacerdotio (per Africam) immunes essent. Satis scilicet visum tam graue onus Sacerdotii ex vna eademque familia ab vno, patre inquam, sustineri. Quod & alio fors quoque vtiliter transferri potest. Aliunde igitur idoneos sacerdotes eligi voluit Honorius.

Per SVBSTITVTVM Curialibus muneribus fungi quem non posse.

CLXVII. (a) Idem AA. & Theod. A. Anthemio PP. P. (b)

NE quis Curialium per substitutionem (c) muneribus se patriæ, quibus natus est abstrahat, intercludi (d) Curialibus iussimus licentiam supplicandi. Dat. III. Non. Octobr. Constantinop. Arcad. A. VI. & Probo Coss. [406.]

NOTAE.

- (a) Abest & hæc lex a *Cod. Iust.* GOTHOFR.
- (b) Orientis: totos vndecim annos, cui tres aliæ *hæc tit.* inscribuntur, puta l. 163. 169. 173. Ad eum extat *epistola* Chrysostomi 147. *T. III. Ed. it. Benedict.* (vbi eius Consulatus & Praefectura meminit) V. & Synesium *ep. 47. 49. 73. 75. 79.* Socratem *lib. 7. c. 1.* Sidonium *carm. 2. v. 94.* & Chron. *Alexand.* hoc ipso Anno 406. *pag. 715. Edit. Raderi.* Hic est, qui post Arcadii mortem totam Imperii molem pro Theodosio Iun. adhuc impubere suis humeris sustinuit, teste Socrate *lib. 7. c. 1.* cuius ideo factum quoddam seu prouisionem incunctanter probat Arcadius l. 169. *infr. minus* *Διότιος* Synesio: τὸν τότε ἀνθρώπων φρονιμώτατος, omnium hominum prudentissimus, Socrati. Multis & eximiis laudibus ornatus a Chrysostomo *di. ep. 147. ID.*
- (c) Idest, per substitutum alium. ID.
- (d) Et super eo intercludi. ID.

COMMENTARIVS.

SVBSTITVTO pro se alio, etli a Principe quis id impetrauerit, quemquam, a Curia liberari vetat *h. l.* Arcad. Imp. Quod ipsum a Theodosio M. patre Arcadii vetitum, l. 11. & 18. *supr.* circa Curialem nominatim Senatorem factum. Atenim *hæc l.* Arcadii accipienda de simplicibus Curialibus nam dignitatem sortitos, vel etiam Clericos factos pro se alios substituere permisit: l. 160. & 163. *supr.* sane & hæc substitutio multis aliis legibus probata, de quibus *supra*.

Hac vero leg. improbata in Curialibus seu Cu-

riæ nexis. Atenim idem Arcadius hanc substitutionem admisit in censitis seu adscriptitiis, hi quippe clericati, seu Clerici facti, & capitationis farci nam per dominum agnoscere possunt, & in ruralibus obsequiis quo maluerint SVBROGATO vti, vt cauetur *leg. 16. Cod. Iustin. de Episcop.* quæ ad eundem Anthemium PP. data Anno Dom. 409. & legi proximæ forte iungenda. Atque ita ex his duabus legibus inter se coniunctis differentia nescitur inter Curiales, & censibus adscriptos.

De RETRAHENDIS *Curialibus ex quacunque* MILITIA.

CLXVIII. (a) Impp. Honor. & THEOD. AA. Anthemio PF. P. (b)

VNIVERSARVM ciuitatum Ordinibus consulentes, retro Principum statuta firmamus, vt nemo nexui Curiae mancipatus ad cuiuslibet militiae sacramentum audeat aspirare, vel hoc admissio, mox abstractus militia, obsequiis oppidaneis mancipetur. Dat. XV. Kalend. Iun. Constp. Honor. VIII. & Theod. III. AA. Coss. [409.]

NOTAE.

- (a) Abest & hae lex a Cod. Inst. Forte iungenda huic est lex 4. *supr. ne conlationis translatio.* GOTHOFR.
 (b) Cui tres aliae hoc tit. inscribuntur; lex 167. *supr.* (vbi dixi) lex 169. *prox.* & lex 173. *infr.* ID.

COMMENTARIUS.

THEODOSII Iunioris tredecim Constitutiones sequuntur, puta praeter hanc leg. lex 169. 172. 173. 175. 177. 180. 182. 183. 184. 187. 188. 189. 190. 191. 192. Quarum omnium Synopsis haec esto.

MILITIA quacunque seu OFFICIO Curia-

lem liberari vetat hac l. Theodosius Iun. vniuersarum Ciuitatum Curiae consulturus, quae hac tempestate plurimum labefactatae fuerant. Quod ostendunt & ceterae Theodosii Iun. constitutiones. Sane prohibitio similis est legis 180. 183. 188. *infr.*

De DVVMVIRORVM censu Antiochia erecto per praebitionem 600. solidorum, ad Ludos eo facilius edendos.

CLXIX. (a) Idem AA. Anthemio PF. P. (b)

SEXCENTORVM solidorum praebitionem, qua Magistratuum (c) census Antiochenae per Syriam ciuitatis, cum frequenter nutaret, erectus est, (d) gratanter admittimus. Fruatur itaque decora Ciuitas (e) tuae prouisionis (f) iugiter incrementis, & largitione Nostrae Clementiae, vt sub hac oblectatione (g) populus (h) sua tristitia (i) confoletur. Dat. V. Kalend. Octobr. Constp. Honor. VIII. & Theod. III. AA. Coss. [409.]

NOTAE.

- (a) Abest haec lex a Cod. Inst. Iungenda huic lex 18. *supr. de exactionibus.* Neque adeo improbabiler lex vn. *supr. de Nili agger.* & lex 2. *supr. quis in gradu.* GOTHOFR.
 (b) Eidem inscribuntur tres aliae hoc tit. puta lex 167. (vbi de eo dixi plenius, vt & ad l. 26. *supr. de cohort.*) l. 168. *supr.* & lex 173. *infr.* ID.
 (c) Idest, Duumvirorum, qui ludos edebant: ideo *infr.* vt sub hac oblectatione populus suam tristitiam confoletur. ID.
 (d) A te, Anthemio PP. vt *infr.* mox, tuae prouisionis incrementis. ID.
 (e) Antiochia. ID.
 (f) De hac Prouisionis voce v. Gl. Theod. ID.
 (g) Vid. leg. 2. *infr. de expens. ludor.* ID.
 (h) Antiochenus. ID.
 (i) *yp.* Vel sua tristitia: vel suam tristitiam. Ita quoque Arcadius l. 2. *infr. de Maiuma: Ludicras artes concedimus agitari, ne ex nimia harum restrictione TRISTITIA generetur.* ID.

COMMENTARIUS.

DE ANTIOCHENORVM in Syria Magistratum, seu Duumvirorum, Censui incremento seu supplemento, est haec Theodosii Iun. lex, quae pars est Constitutionis prolixioris Theodosianae, vnde desumpta pariter est lex 18. *supr. de exactionibus:* & aliae forte, quas iam indicaui. De quo censu antequam ago, in genere sciendum: Quemadmodum census quidam Senatorius olim Romae fuit, ne videlicet rei foret familiaris tenuitas Amplissimo Ordini dedecus, aut sordidioris quastus cupiditatem iniiceret, teste Dione, lib. 54. ad an. V. C. 741.

& Suetonio, in Octauio cap. 41. Ita & suus quidam in municipiis Decurionum census requirebatur, quod aperte testatur Plinius, lib. 1. ep. 19. & Paulus in l. 21. §. 4. D. ad municip. & Liban. *περί τῶν νεοσασίων*, p. 9. Edit. Gothofred. & pag. 366. Oper. min. Gothofred. Edit. Cl. Troitz. Ad tuendum videl. Ordinis decus, & subeunda munera. Quare & Constantii leg. modus praescriptus, vt ad Curiam quis nominari posset, si quis ultra 25. iugera possideret: quod docet insignis eius l. 33. *sup. h. t.* Ve. p. 500. rum de hoc in commune Decurionum censu non est

est *hæc lex*: Neque etiam de eo censu, qui in Decurionibus legendis spectabatur, quem sane alias spectatum iudicium est: cum maxima his onera incumberent, ac maxime Antiochiæ, (de quo plene mox:) Verum, est hæc *lex* de census Duum virorum Antiochenorum supplemento. Nempe ut Senatorum censum collapsum Principes olim sæpe expleuere, seu non habentibus supplere, veluti Augustus, teste Suetonio in *Octauio cap. 41*: Nero, teste eodem Suetonio. *c. 10.* & Tacito *lib. 13. Annal. c. 34.* Vespasianus, quod scribit idem Suetonius *c. 17.* Hadrianus, auctore Spartiano in *eius vita cap. 7.* Quo facto non ipsis tantum Senatoribus consultum iuere, verum etiam dignitati Ordinis Senatorii: præsertim si Senatores non suo vitio decoxissent, verum liberalitate forte in Rempublic. aliaque qua causa probabili. Ita & hæc tempestate Duumvirorum Antiochenorum censum Anthemius PP. & Theodosius Iunior Imperator erectum iuere, cum frequenter is *nutaret*: nutaret inquam, sic ut Magistratus Antiocheni oneribus, quæ sibi incumberent, implendis non sufficerent, ænominatim ludis ad populi oblectationem edendis: Ea scilicet expensarum & sumptuum magnitudo pro vrbis magnitudine & decore, Populique in ludos studio requirebatur, ut iam vel locupletissimi iis non sufficerent: accedente etiam Iudicum (ut hoc addam) nimio in ludos studio, vnde Curialium vires attritæ: quod docet *lex 2. infr. de expens. ludorum*, & Libanius *περὶ τῶν δισμωτῶν*, p. 63. Edit. Gothofred. & pag. 407. Oper. minor. Gothofred. Edit. Cl. Troitz. vbi iam dictum.

De Antiochenæ ciuitatis dignitate decore pulchritudine alibi iam sæpe dictum, & ad *veterem Orbis descriptorem*, sub Constantio p. 12. vbi plura congesti, quæ ostendunt, quam vere decoram Ciuitatem Theodosius Iun. *hæc leg.* vocet, cum duplici ferme elogio ea Vrbs olim censeretur, *μεγάλης καὶ καλῆς*, ut videre est apud Philostratum in *vita Apollonii*, cap. 12. pag. 21. Edit. Morell. Libanium in *Basilico* p. 122. & orat. pro Rhetorib. pag. 86. de *vita sua*. p. 1. 2. initio *Monodiæ* supr. *Daphnæo incenso* pag. 185. & ad Theodosium *περὶ εὐσεβείας* pag. 390. Edit. Morelli. & prolixè in *Antiochico*. De populi quoque Antiocheni in ludos studio dixi alibi: & est inter alios insignis Herodianus locus *lib. 2. in Pertinace*, cap. 7. in fin. & Procopii *Perficorum lib. 1. cap. 17.* Itaque de Antiochenæ Curie dignitate dixi ad l. 51. supr. & ad Libanium *περὶ τῶν δισμωτῶν*, p. 18. 19. Edit. Gothofred. & pag. 406. Oper. min. Gothofred. Edit. Cl. Troitz.

Ergo & ipse Ciuitatis decor, & populi studium, magnas ut in commune expensas requirebat, ita nominatim Curialibus indicebat: Vnde peculiaris etiam Curialium Antiochenorum Principibus ratio fuit: ad quos pertinet *lex 51. 53. 131. supr.* sic etiam satis grauatos immodico sumptu prægrauari nolent, quo spectat *d. lex 131.* & fortunis locupletes nominari iuberent: quo spectat *d. l. 53.* denique facultatibus lapsos erigerent, quo pertinet hæc *lex* nostra. Insignis est admodum Libanii *Antiocheni* locus in *Antiochico* p. 357. 358. Edit. Morell. de ingen-

tibus sumptibus Curialium Antiochiæ, quos animose faciebant, sic quidem ut iam tum (quod sane euenisse postea hæc *lex* ostendit) præuiderit fore, ut ad incitas multi redigerentur, *ὥς ἴδη φόβον, μὴ πρὸς ἑνδεῖαν ὑπεκχέουσι παρῆναι, ἐν πολυτέλει οἰδοὶ τὰς ἀναλώσεις ποιῆμενοι, νῦν μὲν τὸ πλῆθος διατρέφοντες ἐκ ταῖς χρεῖαις, καὶ ἐπιδοῦσι τὰς τῆς γῆς ἑνδεῖας ἀφανίζοντες; αἰὶ δὲ τὴν πόλιν ἀπασαν λῆττον το ἀπολαύσει, καὶ θεαμάτων χάρισιν ὠφελῶντες τε καὶ ψυχαγωγῶντες, &c.* quæ ita vertit Morellus: ut iam timor insit ne ad necessitatem redigantur, dum multiplicibus modis impensas faciunt: quandoquidem nunc multitudinem educant ad usus, & largitionibus ad terræ necessitates comminuunt oper: deinde semper cunctam ciuitatem fruitione & spectaculorum suauitatibus fouent atque exultant. Et mox: *ὅσπερ γὰρ θεῶν τινα ἐγγυητὴν ἔχοντες, ὅτι ὧν ἂν πρόωπονται διπλάσια παρὰ τῆς τύχης ἀφίξειται, ἔως ἐκκεχυμένως ἀναλίσκων εἰς ἀγῶνας ἱππικῆς τε καὶ γυμνικῆς, οἱ μὲν ἀξίως τῶν ὄντων σφίσιν, οἱ δὲ μολονῶς ἢ κατὰ τὰ ὄντα σφίσιν &c.* quæ vertit Morellus: perinde enim ac sponsores Deorum aliquem haberent, fore, ut dupla eorum, quæ profundunt a fortuna restituerentur, sic prodige ac prodigialiter infumunt in certamina equestria & ludos gymnicos, quidam pro dignitate facultatum suarum, alii supra fortunas. vbi plura etiam de certamine circa maiores sumptus faciendos. Qui quidem locus integer ad hanc *leg.* egregie facit. Ergo cum & vrbis magnitudo decorque, & populi studium tam magnos sumptus præsertim in ludica exigent, & Curiales ipsi, Magistratusque suoque ingenio ad ea ferrentur, sic vitigendi nullus iam prope modus esset, Magistratum census quantumuis magnus foret, ad id sufficere non visus; vnde paulatim voluptates ludique in populum frigescere. Igitur ne solitis, ἐγκυκλίσι Oblectationibus, populi Antiocheni quidquam detraherent, iisque populus sua tristitia consolaretur (quem ipsum finem Arcadius ludis in populum proponit *l. 2. infr. de Maiuma*: e re visum, Magistratum censum Antiochiæ, cum frequenter nutaret, idest, in ludos non sufficeret, erigere. Et vero visum Anthemio PP. cui *h. lex* inscribitur, quique molem Imperii Theodosiani hac tempestate sustinuit: de quo dixi plene ad *leg. 167. supr.* & ad *l. 26. supr. de cohort.* eum erigere sexcentorum solidorum præbitione & incremento, e vectigalibus scilicet publicis. Id quod *h. l.* confirmat Theodosius Iun. pro suo partim in vrbera Antiochenam studio, quo pertinent elogia, quibus eam prosequitur: partim Populi oblectandi cupiditate per ludorum celebritates, quas Duumviri odebant: de quibus Magistratum editionibus fuit iam *l. 29. supr.* & *l. 1. 4. infr. de spectacul.* est & Tertulliani locus *lib. de spectaculis*, c. 12. Libanii pro *Aristophane ad Iulianum* p. 212. & de *vita sua*, p. 2. Edit. Morell. Idem alibi* docet peculiarem vestem Romanam Decuriones ideo gestasse. καὶ διὰ τὸ τοῦτο ὁ λειτουργῶν, ἡμεῖς ὁ Ῥωμαῖος, φορεῖ, δούτων Ῥωμαίων, ἑκάς μὴδὲν ὑβερτικὸν περὶ τὸ σῶμα τὸ ταῦτο γήγηται: ἀλλ' ὁ θεομαστός

* Locum non inuente. Forte est in *inedita* Orat. aduers. Icarium.

μάσιος ἄτος καταγελά μὲν τῶν λαβόντων, καταγελά δὲ τῶν δεδοκότων, εἰ δὲ τὴν ἐοδίῃα δύνασθαι τοσούτον, ὅποσον ἔχει παρὰ τῆ νομῆς, propterea etiam is, qui munus edit, toga romana utitur, concedentibus ipsis Romanis, ne quis corporalibus in-

iuriis cum afficiat. Sed mirus ille, & eos qui togam acceperunt, & eos qui dederunt, ridet, togam non plus tribuit, quam a lege ei scit esse tributum.

De RETRAHENDIS Curialibus.

CLXX. (a) Idem AA. Liberio PF. (b)

Post alia.

EOS Curiales, qui non expletis muneribus, declinarunt esse quod nati sunt, reddi vrbibus debita censura (c) præcipimus, &c. Dat. VI. Kal. Dec. Rau. Honor. VIII. (d) & Theod. III. AA. COSS.

INTERPRETATIO. *Quicumque curialis non actis seruitiis, quæ debebat, a debito officio declinauit, ad ciuitatis unde discessit seruitia reuocetur.*

P. 501,

NOTAE.

(a) Abest hæc lex a *Codice Iustin.* Iungendaque ei lex 2. *infr. de Collegiatis*: & Lex 2. *supr. de coherentalibus.* GOTHFR.

(b) Italiae. ID.

(c) *Ant debita censura*, Sichard. RITTER.

(d) *pp. Honorio IX, & Theod. V. AA. COSS.* vt habetur d.l. 2. & d.l. 25. GOTHFR.

COMMENTARIVS.

RETRAHI seu reuocari Curiales, qui muneribus patriæ non expletis Curiam declinarunt, alia forte militia, iubet hac l. Honorius Imp. pariter vt Apparitores seu Officiales, l. 25. *supr. de coherentalib.* & Collegiatis ac Corporatis, l. 2. *infr. de Collegiatis*: quæ duæ leges ceu eiusdem constitu-

tionis partes huic coniungendæ sunt: & ex quibus huius l. subscriptio emendanda venit: Quod cum ita sit, προθύσεσθον hic admissum ab huius Codicis Conditoribus: huicque & proximæ tres anteferri debuerunt leges, puta lex 171. 172. 173.

De PRINCIPALIBVS 1. *Quanto tempore id munus sustinere debent:* 2. *Qui eligendi.* 3. *Secundo inter eos primi priuilegia quandoque tribuenda.*

CLXXI. (a) Idem AA. Dardano PF. P. Gall. (b)

PLACVIT Principales (c) viros e Curia in Galliis non ante discedere, quam quindecimum in Ordinis sui Administratione (d) compleuerint, per quæ annorum moderata curricula impleant patriæ gratiam. Et quamuis cunctos deceat reuocari, qui breui tempore videntur (e) elapsi, sectandam tamen moderationem esse censuimus, vt eos tantum ad declinatas necessitates nunc redire iuberemus, qui ante hoc recessisse sexennium dereguntur. Nec quemquam conuenit constituta salubriter annorum spatia recusare, quando, expletis omnibus, splendoris & honoris ornamenta succedunt. (f) Sane quoniam Principalem locum, & Gubernacula Vrbium probatos administrare (g) ipsa magnitudo deposcit, sine Ordinis præiudicio, consensu Curie eligendos esse censuimus, qui, contemplatione, actuum, omnium possint respondere iudicio. Cum (h) vero qui, vsque ad secundum (i) euectus locum, Administrationem (k) aut ætate implere, aut debilitate nequiverit, suffragium meritorum, & transactæ testimonium vitæ, tamquam Primus constituto tempore Curiam rexerit, obrinere conueniet. Dat. VII. Id. Decemb. Rau. Honor. VIII. (l) & Theod. III. AA. COSS. [409.]

NOTAE.

(a) Abest hæc lex a C. Iust. GOTHFR.

(b) Hic est ille Claudianus Postumus Dardanus PP. Galliarum, & quidem bis, cuius meminit & Olympiodorus apud Photium Cod. LXXX. in gestis Anni 413. pag. 186. Edit. Scabotti. Prosper Chronico: in Anno 413. Sidenius lib. 5. epist. 9. Ad quem & Hieronymus & Augustinus scribunt; & Hieronymus quidem Epistola ad Dardanum in fin.

fin. pag. 47. Tom. III. Oper. Edit. Franc. duplicem eius Praefecturam commemorat. Tandem & vetus de eo Inscriptio extat prope Sistaricum in Il. Narbonensi, quam etiam Girmondus in Siquaniū protulit.

CL. POSTVMVS, DARDANVS. V. INL. ET. PATRICIAE. DIGNITATIS. EXCONSULARI. PROVINCIAE. VIENNENSIS. EXMAGISTRO. SORINI. LIB. EXQVAEST. EXPRAEF. GALL. ET. NEVIA. GALLA. CLAR. ET. INL. FEM. MATERFAM. EIVS. LOCO. CUI. NOMEN. THEOPOLI. EST. VIARVM. VSV. CAESIS. VTRIMQVE. MONTIVM. LATERIB. PRAESTITERVNT. MVROS. ET. PORTAS. DEDERVNT. QVOD. IN. AGRO. PROPRIO. CONSTITVTVM. TVECTIONI. OMNIVM. VOLVERVNT. ESSE. COMMVNE. ADNITENTE. ETIAM. V. INL. LEONAC. FRATRE. MEMORATI. VIRI. CLAUDIO. EXCONSULARI. GERMANIAE. PRIMAE. EXMAG. MEMORIAE. EXCOM. RERV. PRIVATVT. ERGA. OMNIVM. SALVTEM. EORVM. STVDIVM. ET. DEVOTIONIS. PVBL. TITVLVS. POSS. OSTENDI.

Ita Rirmondus clarius quam ut ex Scaligero habebat Corpus Inscriptum, CLI. 6. Quamquam neque omittendum, quod ibi in fine extat T. VEV. SARO. SS. Vbi latere puto Varanis Consulatur ita, FLAV. VARONE. COSS. nam & ita promiscue Varane, Varana, imo & Varone, quomodo scriptum est l. 15. sup. de proximis; quod in Bantone perperam transit l. 3. infr. de Religione. Qui quidem in Consulatus Anno 410. congruit: acque adeo proxime huius leg. COSS. sequitur. ID.

(c) De Principalibus, vid. Paratitlon. ID.

(d) Administratio tribuitur Principalibus hic & sine legis rursus & mox infr. tit. de iudicium Gubernacula vrbium administrare dicuntur. Item sine legis, Curiam regere. Magnitudo (muneris vel officij) tribuitur infr. ID.

(e) Pro, sunt elapsi. ID.

(f) Succedant. ID.

(g) Dixi iam supra ad vocem, administratione. ID.

(h) 75. Eum. ID.

(i) Id est, Principalitatem seu principalem locum. ID.

(k) Iam dixi sup. ad vocem Administratione. ID.

(l) Hunc Consularum hic non immuto, in quem incidit, prima Dardani Praefectura, unde Anno (ut mihi videtur) proximo 410. ex Praef. Praetorio Galliarum vocatur. Postea enim Anno 413. Praefecturam eandem rursus gessit: quo Anno de eo agunt Olympiodorus, & Prosper in rebus Louini Tyranni. ID.

COMMENTARIVS.

F. 502.

DE PRINCIPALIBVS quidem GALLICANIS Curiarum (de quibus Paratitlo plene, & de quorum munere in genere nonnulla hac lege asperguntur quae in Notis discussi.) Tria haec ab Honorio Imp. constituuntur: Quo tempore sane Gallia misere a Barbaris gentibus & Tyrannis lacerabatur, Dardanio Galliarum (quatenus Imperio Romano reliquae erant) Praefecturam pro Honorio gerente, de quo in Notis ad hanc l. plene dixi. De quibus Curias per Gallias sunt quoque lex 75. 141. 148. sup. l. 2. sup. de Questionibus: l. 3. inf. de Iudicis. Et de Principalibus per Gallias est insuper d. lex 75. sup. & insignis locus Saluiani lib. 5. c. 4.

Primum caput est, de TEMPORE Principalitatis, quanto videl. tempore Principales eo munere fungi oporteat: nempe Quindecennium integrum Honorius Principalium administrationi hac l. ponit, & sic inductionem integram, seu *συνήκιστα* *πεντακαιδεκαετηρίον*. Ante hoc tempus eos Curia recedere vetat: contra, gratiam hac tempore patriae implere Ordinem suum seu gubernacula vrbium administrare iubet: denique Curiam regere. (Ita enim hac leg. Principium munus describitur.)

Tom. IV.

Quorum muneris potissima pars fuit, adscriptio & exactio tributorum, ut docet lex 17. sup. l. 5. sup. de his quae admin. lex vn. sup. de priuileg. Dom. Augustae, & Saluianus lib. 5. c. 4.

Porro non temere spatium hoc quindecim annorum statui a se addit Honorius, ac proinde id reculare non posse Principales, quandoquidem, expleto eo munere, *splendoris & honoris ornamenta succedant*. Quindecennii onus defugere non debet, qui eo exacto tot honoribus eumulatur; Nempe Principalitatis honore defuncti immunes ab omnibus muneribus habebantur honoremque ex Comitibus consequabantur, & ab iniuriis corporalibus immunes erant, l. 75. sup. quam legem notandum est, & ipsam ad Galliarum Principales pertinere. Ceterum iubet Honorius hac l. eos Principales ad Curiam reuocari, qui tanto tempore Principalitatis munere non functi & Curias per Gallias recesserant: si modo inter hoc sexennium recessissent, id est ab A. D. 404.

Secundum caput est de NOMINATIONE seu ORINATIONE Principalium: Nempe sine Ordinis praedictio, eos esse eligendos, qui probatis

ut sint: quique, ut hac l. dicitur, *contemplatione actuum, omnium possint respondere iudicio*. Quod & ipsum idem Honorius iam antea pariter per Gallias constituit duabus constitutionibus puta l. 140. & l. 148. *sup.* ut ad subeunda patriæ munera dignissimi & meritis & dignitatibus eligantur, neque tales forte nominentur, qui functiones publicas implere non possint, ac nominatim Sacerdotes, d. l. 148. Principales b. l. scilicet ipsa Magnitudo huius muneris (quod antea descripsimus) deposcit, ut probati

maxime eligantur. Quo pertinet in genere aliquin vulgatum illud l. 7. D. de munerib. honores & munera non ordinationi, sed potioribus iniungenda.

Tertio capite Honorius hac l. singulari indulgentia, etiam ad SECVNDVM euectis Curia locum, suffragio meritorum, si Primum inter Principales locum implere non possint, vel ætate, vel debilitate, *Primi* tamen privilegia tribuit: de quo primo Curia agit & l. 127. & l. 139. *inf.*

I. De SENTENTIS gratiosis in fraudem Curiarum reuocandis. 2. de Curialibus CLERICIS factis. 3. de SPONTANEIS retinendis. 4. de FILIIS eorum.

CLXXII (a) Idem AA. Herculio (b) PF. P. Illyrici.

SENTENTIAE conquiscentes, quæ in præiudicium Curiarum transactis temporibus (c) sub examine Magnificæ Sedis Tuæ contra rationem veritatis prolata Curia debitos per gratiam absoluerunt: Vniuersique, quos fors nascendi municipalibus muneribus obligauit, fortunam (d) propriam subire cogantur. Eos autem, qui sub patrocínio Clericatus muneribus debitis patriam fraudauerunt, reddi sub ea conditione præcipimus, ut pro temporis consideratione, & gradu quem in Ecclesiis obtinent, vel ipsi ad statum pristinum redeant, & functionibus municipalibus obsecudent, vel eorum patrimonia Curia confignentur. His etiam, qui vltro se Curiarum cœtibus inferuerunt, in ea, quam elegerunt fortunam (e) a residentibus: Circa eorum filios Legum† auctoritate seruata. Dat. IX. Kal. Jun. Constantinop. Varane V. C. CONS. [410.]

NOTAE.

(a) Abest hæc lex a Cod. Inst. Iungenda ei forte lex ult. *sup.* ne conlat, translatio postulat, GOTHOF.

(b) Herculio huic PP. Illyrici præter hanc leg. & d. l. ult. inscribitur Anno 408. lex ult. *sup.* de Equor. collat. & An. 412. lex 49. *inf.* de operib. publ. ad eundem extat Io. Chrysostomi epistola 201. Tom. III. Edit. Benedictin. ID.

(c) Ab A. D. 408. a quo Herculio hic PP. Illyrici reperitur. ID.

(d) Fortuna hic, & mox rursum *inf.* aliisque locis pluribus pro statu, conditione: vide Gloss. Theod. Fortuna propria, *idm* τὴν ἑαυτοῦ, eodem sensu in eadem re apud Socratem lib. 2. c. 41. ID.

(e) 29. Fortuna residentibus, nisi malit quis, in ea, quam elegerunt fortunam amare residentibus. Sed prius illud malim. ID.

† Leges de filiis vltroreorum Decurionum. ID.

COMMENTARIUS.

ILLYRICI Orientalis (cuius duæ dioceses fuerunt, Macedonia & Dacia, & illius quidem provinciae inter alias Achaia, Thessalia, Epirus) Curia quatuor rationibus seu capitibus consultum in hac l. Theodosius Iun. Anno Domini 410. pariter ut l. 177. *inf.* ea Historica ratione, quam expendam *dict.* l. 177. *inf.* Et hoc quidem.

Primo Reuocari ad Curiam iubet eos, qui perperam contra rationem veritatis ab Herculio PP. Illyrici cui hac lex inscribitur, per gratiam Curia absoluti fuerant. Quod & ipsum aliis legibus cauetur, sententia per gratiam Curia liberatum ad Curiam retrahendum, l. 68. 77. & *sup.* & d. l. 177. *inf.* veluti, si cum angustia esset Ordinis, necessitate expressa gratiola professione Curia liberatus fuit, ut *insp.* *dict.* l. 177. vbi vide quæ dico.

Secundo, Clericos ex Curialibus factos ad Curiam statumque pristinum redire, nisi longo iam tempore Clerici fuerint. (Quod & Valentinianus

ti, l. 19. *inf.* de Episcop. & Theodosii M. Aui congituit, l. 121. 123. *sup.* de hoc vide & Ambrosium ep. 29. *fin.* lib. 2. ep. 17. *in fin.* Tom. V. Oper. Edit. Paris. & Arcadii Patris huius, l. 163. *sup.* vbi dixi) vel nisi summam aliquem gradum inter Clericos iam teneant, veluti Episcopi, Presbyteri &c. Quo casu facultatibus eos cedere vult Theodosius Iun. hac l. Quod & ipsum Theodosii M. Aui, Patrisque Arcadii menti conuenit *dictis* legibus: de quo dixi ad d. l. 163. Quæ leg. Arcadius vel substituti dandi, vel cedendarum facultatum necessitatem iniungit. Quod prius si Triboniano credimus, etiam Theodosius Iun. postea probauit, l. 21. Cod. Inst. de Episcop. quæ coaslanda venit l. 187. 188. *inf.* Memorat & ipse Theodosius Iun. suam super hoc constitutionem, l. *vn.* *sup.* de bonis Clericorum. Anastasius memorat Bonifacium Pontificem, qui sedit ab A. Domini 419. ad 423. constituisse, nec seruum Clericum fieri, nec obnoxium Curia, vel cuiuslibet rei. Ceteros qui non

diu Clerici fuerunt, vel inferiorem locum tenent, iubet Theodosius Iun. *hac l.* vel ad Curiam retrahi, vel patrimonio suo Curiae cedere. Quod & ipsum ad mentem Theodosii M. & Arcadii est: quod docent *leges illæ*. Tandem vt dixi memorat super hoc Theodosius Iun. constitutionem suam, *leg. vn. sup. de bonis Clericor.* quæ ad *hanc l.* forte respicit.

Tertio capite necessitatem imposuit Theodosius Iun. spontaneis, vltro-neis, voluntariis Decurionibus, in Curia remanendi: Voluntarii scilicet, spontanei, vltro-nei Decuriones quidem erant, qui vltro seu sponte se Curiarum cætibz inferebant vel Curialia quædam munia subibant, patriæ utilitatibus subuenientes: de quibus agitur in Iuliani præterea *l. 54. sup.* & duabus præterea *legibus* eiusdem Theodosii Iun. puta *dict. l. 177.* vbi vid. quæ dicam adhuc plura & *l. vlt. & Nouell. eius ii. c. 1.* de his qui sponte munus aliquod vel honorem largiuntur, agi-

tur & *toto titulo Cod. Iust. de iis qui sponte munera susceperunt*; vbi *spontanei Munifici* dicuntur: sicut *Voluntarii Munifices, l. 3. Cod. Iust. de iis qui sponte mun. sub.* De iisdem accipio & *leg. 54. sup.* Hi igitur in ea quam elegerat fortuna se h. Curia relidere tenebantur, neque ab ea recedere poterant, vt docet *hæc lex*: nisi cautione ea obseruata quam idem Theodosius Iun. induxit *dict. l. 177. infr.* vbi plura: Quam ipsam sententiam recantauit *d. Nouell. ii. in 1. Constit. addita ibi ratione*, Diuerso iure circa eorum filios obseruando: neque enim voluntariorum Decurionum filii Curiali nexu tenebantur. Id quod & *legibus* iam ante latis comprehensum fuisse *hæc lex* docet: & vero postea obtinuit vt docet *lex 3. 4. Cod. Iust. de iis qui sponte mun.* in qua posteriore etiam Iustinianus rationem assignat: *hoc enim, inquit, speciali beneficio alacriores ad conferendam Ciuitatibus huiusmodi opitulationem constituere properauimus.*

De DESCRIPTIONIBVS Curialium iuste faciendis: ad id varia constituta.

CLXXIII. (a) Idem AA. Anthemio PF.P. (b)

AD inferiorum (c) Curialium releuandas fortunas, & inpressionem (d) potentium (e) cohibendam placuit, vt, ab instanti octaua (f) Indictione, Descriptiones, (g) quæ (h) per singulos Ordines (i) agitantur cogentibus diuersis negotiis, non sumant (k) ante principium, quam aput acta prouinciarum Rectoribus intimentur, & ex eorum fuerint auctoritate (l) firmatæ. Sed & aurum, quod ex huiusmodi contributione redigitur, ita debet Susceptori (m) aurario consignari, vt securitatibus (n) nomen inferentis, dies, Consul, mensis, causa, & summa comprehendatur: quo & Descriptionis æquitas (o) inlustreretur, & describitur (p) documentis euidentibus fulciatur. Hoc etiam obseruando, vt Quadrimestris (q) quoque breuibus, qui ab (r) Excellentiz Tuæ Officio sollemniter diriguntur, celebratæ Descriptionis disunctio (s) societur: vt (t) vestra potestatis scientiam formidantes, nihil ad releuationem locupletum, adque inopum perniciem, audeant peremptare. Quod & (v) circa hos optimum est custodiri, quibus lucratiuæ facultates ex p. soc. bonis Curialium obuenerunt, & (x) ipsi fructu prouisionis simillimæ potiantur. Quam dispositionem si quis Iudicum, Numerariorum, (y) vel Curialium mutilandam (z) crediderit, interminationi, quam Vestra (aa) Sedes statuerit, subiacebit. Dat. VII. Kalend. Sept. Constantinop. Varane V. C. CONS. [410.]

NOTAE.

- (a) *L. 1. Cod. Iust. de Apochis publicis & descriptionibus Curialibus. GOTHOFR.*
- (b) *Anthemio* huic PP. tres aliz constitutiones *hoc titulo* inscribuntur: puta *lex 167. vbi dixi plene: 168. 169. supra. ID.*
- (c) *Inopum, inf. ID.*
- (d) De *inpressionis* voce vide *Gloss. ID.*
- (e) Et *in idem Curialium*: additum C. Iust. *Qua l. 177. sup.* nil adeo opus erat, vt & vox *ibi, &* superflua est. *Locupletum, infra. ID.*
- (f) Congruit omnino Chronicon *Marcellini, & Alexandrinum* dum huic Anno 410, Indictionem VIII. tribuant: de qua dixi semel plene. Absunt autem hæc verba a Cod. Iust. *ID.*
- (g) *Descriptiones*, id est indictiones, contributiones, vt vocantur *inf. ID.*
- (h) Si *quæ*, C. Iust. vt mox, *agitantur. ID.*
- (i) *Ordines*, id est, Curias. *ID.*
- (k) Id est non ante executioni tradantur, seu exactio fiat. *ID.*
- (l) *Receptæ sententiis*: ita C. Iust. Quæ mutatio fieri non debuit: *Auctoritas proprie. ID.*
- (m) De *susceptoribus* & quidem auri, *suo eis. inf. ID.*
- (n) *Securitatibus*, id est apochis v. *Gloss. & quæ notabo ad l. 135. inf. ID.*
- (o) *Æquitas & æqualitas, ID.*

- (p) *Descriptus*, id est descriptioni seu contributioni subiectus: male *C. Iust.* (vt iam Accursius & post eum Cuiacius recte notauit,) *descriptio*, *ID.*
 (q) De his suo titulo *sup. lib. 11. c. 25. ID.*
 (r) *Ad excellentiam suam officium*, *C. Iust.* Male: de quo mox. *ID.*
 (s) Quod genus alterum quadrimestruorum Breuium. *ID.*
 (t) *Vs omnes*, *C. Iust. ID.*
 (v) *Quod & tunc optimum est custodiri, cum lucratina &c.* *C. Iust. ID.*
 (x) *79. Vt & ipsi*, *C. Iust.* ita, *vt & in opes & locupletes &c.* *ID.*
 (y) De *Numerariis* suo titulo *sup. lib. 8. ID.*
 (z) *Esse crediderit*, *Cod. 1. ID.*
 (aa) *Nostri*, *Cod. Iust. ID.*

COMMENTARIUS.

DESCRPTIONIS a Curialibus faciendæ a *pro-
prietate* seu Contributionis & Auri quidem
æquitati seu æqualitati consultum ita *hac l.* Theo-
dosius Iun. Imp. aduersus impressionem Potentium
Curialium, contra ad releuandas fortunas inferiorum
seu tenuiorum Curialium. Scilicet potentium
Curialium impressione sæpe eueniebat, vt sarcina
tributorum in inferiores recideret, ipsique contribu-
tionum sarcinam euitarent, atque adeo inferiores
prægrauarent: Vt cæteroquin de potentioribus &
Curialibus hac in re tributaria frequentes querelæ
fuere. Et quidem duum generum: partim quod
ipsi adscriptionibus vacantes, id est modum tribu-
torum exaquant, *faisans le departement de la
Taille*: (Curialium enim muneris fuit adscriptio
tributorum, *l. 117. sup.*) plebem seu inferiores sarcina
aliorum prægrauarent. Quam in rem est haud
multo post hanc legem Saluiani Masfiliensis querela
libr. 5. c. 7. 8. Sed & videnda *lex 26. sup. de annona &
tributis*: vbi dixi plura. Partim vero, quod de-
scriptionum, quas ipsimet sustinere debebant, sarcina
inter se non æqualiter distribuerent. Quo
pertinet *hac lex*. Est scilicet hæc *lex de Contribu-
tione*, quam ipsimet *Ordines*, id est Curie seu Curia-
les facere debebant, seu de illatione, quæ ab iis exi-
gebatur. Nempe vt ab aliis hominum generibus
per prouincias, puta a potentioribus, minoribus-
que possessoribus tributa exigebantur, ita a Curia-
libus quoque qui & fundorum ferme potissimique
possessores erant: Et quidem extra ordinem *cogen-
tibus diuersis negotiis*, vt *hac leg.* dicitur: (neque
enim quod Cuiacius putauit, hæc *lex* de voluntaria
auri Coronarii oblatione accipienda est) aperte enim
hæc *lex* loquitur de *tributorum* collatione, vt recte
quoque notauit Amaya *hic, n. 17.* vt patebit ad-
huc magis ex *tit. infr. de Auro Coronario*: Ita quidem,
vt peculiare quoddam ratiocinium, peculiaris exac-
tio & susceptio Curialis adscriptionis istius esset:
Nempe Curialis, personæ Curialium conueniebat
seu exigebat, vt docebit *lex 12. sup. de exactionibus*.

Igitur, ne inferiorum Curialium fortunæ pes-
fundarentur, arg. *l. 1. 2. infr. de prædiis & mancip.*
Curial. Potentiorum impressione, Quinque *hac leg.*
constituit Theodosius Iun. tot scil. eius sunt capita ad
hunc quem dixi Æqualitatis inter Curiales finem.
Primum constituit, vt *Adscriptio ipsa, l'Assiette*, quo
eius æquitas illustretur, Rectoribus prouinciarum
insinuetur, vt ex eorum autoritate firmetur, ante-
quam ea executioni tradatur, seu exactio secundum
eam fiat: Quo scilicet Rector prouinciæ discutiat
seu expendat, vtrum Adscriptione nemo iniuste præ-
grauatus fuerit. Hoc primum remedium, cui haud

omnino ab simile est quod statuitur *leg. 5. infr. de
censu, & l. 4. de censitoribus*.

Secundo solutionis factæ *Apochis* modum ac-
curatum præstituit Theodosius Iun. quo scilicet ex
iis quoque descriptionis æquitas illustretur, & qui
descriptus est, seu contributioni subiectus *documen-
tis* ita euidentibus *fulciatur*, id est per hæc securus
sit probareque adeo possit solutionem solutionisque
modum. Igitur *Apochis* seu quittantiis solutionis
a Curiali factæ, iubet quatuor inferi: 1. *Nomen* infe-
rentis. 2. *Tempus*; Nempe diem, Consulem, &
ensem. 3. *Causam* solutionis. 4. *Summam*, seu
quantitatem: Nempe ex his quatuor tum descri-
ptionis æquitas illustrari potest: tum etiam si qua
deinceps de solutione vtrum ea facta fuerit, contro-
uersia oboriatur, is qui descriptus est; & tribu-
tum soluit, facillime *documentis* euidentibus so-
lutionem a se factam & solutionis modum com-
probare fulcireque adeo potest. Cui similes sunt
de Apocharum huiusmodi forma Constitutiones,
Valentiniani Sen. *l. 16. infr. de suscept.* Theodosii M. P. 595.
l. 18. infr. de suscept. & *l. 19. sup. de annona & tribut.*
& Valentiniani Terti *leg. 52. inf. de suscept.*

Tertio loco, seu capite, quod Interpretes etiam
nuperi prætermittunt; Tertium medium & reme-
dium, ad eum quem dixi æqualitatis scopum, adiicit
Imperator *hac leg.* Nempe *Quadrimestruis Breui-
bus*, qui scil. a Præfecto Prætorio solemniter mit-
tuntur, misisque fuerunt, celebratæ descriptionis
dispunctionem sociari iubet: De *Quadrimestruis*
Breuib fuit *supra, titulus peculiaris, lib. 11. c. 25.*
Summatim sciendum, quia tripartita in annum,
per quaternos menses, solutione, Tributa solueban-
tur, (quod non tantum ex variis *legibus* quæ *hoc Co-
dice* continentur, constat; verum etiam ex Libanio,
Orat. in Tisamenem pag. 448. Edit. Morell. Maioriano,
Novella 4. Cassiodoro *variis locis* liquet:) ideo
Breues, qui conficiebantur, rei tributariæ, seu no-
titias huius rei, *Quadrimestruos Breues* dictos: Et
quidem *Adscriptionis faciendæ* *Breues* *Quadrimen-
strui* a Præfectis Prætorio conficiebantur, ad quos
summa rei tributariæ pertinebat, (quod etiam Zo-
simus prodit *libr. 4. c. 10.*) instante scilicet Indictio-
ne, quod etiam *hac lex* testatur, vel exactione,
mittebat Præfectus Prætorio in prouincias ad Re-
ctores prouinciarum, qui eius dispositioni suppositi
erant, *Breues* *Quadrimestruos*, quibus contineba-
tur modus tributorum, quem Reip. necessitas tum
exigebat: (Vnde apparet recte legi *hac l. Qui ab Ex-
cellentia Tue officio solemniter diriguntur.*) His
in prouinciam perlatis Adscriptio fiebat per singu-
los. Inde quod secundum genus *Quadrimestruo-
rum*

rum Breuium fuit, Adscriptionis seu Descriptionis istius disunctio, seu Brevis & Notitia, λογρικὸν fiebat: quo continebatur modus adscriptionis, quantum cuique indictum fuisset. Igitur Theodosius Iun. *bac l.* vt Adscriptio æquabiliter fieret neque locupletes forte releuarentur, inopes vero prægrauarentur, adscriptionis factæ disunctionem seu breues cum primis quadrimestris breuibusa Præfecto Prætorio missis, ad eum remitti iubet: vt ita in officio continerentur ii, qui Adscriptiones faciebant: cum scirent, huius Adscriptionis Notitiam ad scientiam Præfecti Prætorio mittendam, qui sane si quem prægrauatum iniuste videret, etiam iniustæ Adscriptionis auctorem punire posset: vt inquit *h. l. vestra Potestatis* (alloquitur Præfectum Prætorio) *scientiam formidantes, nihil ad releuationem locupletum atque inopum perniciem audeant pertemptare.* Et hæc quidem tria media seu remedia sunt, quibus Theodosius Iun. iniustæ Curialium Adscriptioni occurrendum putauit.

Quod & ipsum etiam obseruari vult (quod Quartum *huius leg.* caput est) non tantum in Adscriptionibus seu Contributionibus *Auri*, quæ a Curialibus fiebant vel deposcebantur; verum etiam in Adscriptionibus, seu descriptione eorum, qui ex Lucratina causa Curialium facultates possidebant: Vt cæteroquin his subinde collatio indicabatur, de quo agitur quoque *l. 107. & 123. sup.* & peculiari titulo, *inf. de imponenda lucrativis descriptione*: Vnde hoc caput illustratur: Nempe vt triplex forma superior & hic obseruetur, eodem fine & scopo.

Fine tandem *legis sanctio* continetur: *penam* scilicet comminatur, & quidem a Præfecto Prætorio imponendam, si hanc dispositionem Iudices, id est Rectores prouinciarum, Numerarii item vel Curiales neglexerint: *Numerarii* inquam, seu Tabularii: hi quippe rationes publicas tractabant, conficiebant: de quo *suo tit. lib. 8. de Numerariis*: qui & cæteroquin fraudibus notissimi fuere.

Ex his iam ita clare distinctis, apparet nullam in *bac l.* battologiam, quod quidam volebant, occurrere. Sunt enim, vt dixi, distincta diuersaque *huius leg.* capita ad eundem finem tendentia. Item, quam male *lex* hæc a Cuiacio de *Auri Coronarii oblatione* accipitur.

Agitur enim in *bac l. de Descriptionibus* quæ

per singulos Ordines agitantur, *indictione*, seu Anno instante & recurrente; agitur de descriptionibus *missis in prouincias, cogentibus diuersis negotiis*. Quæ ab ipso principio apud Acta prouinciarum Rectorum *intimari*, & ex eorum autoritate *firmari* oportebat. Agitur de *Auro* contribuendo, & *susceptorum Aurario* consignando. Agitur de *Descriptionis* æqualitate, & apocha a Susceptore tradenda. Agitur de *Quadrimestris Breuibusa*, qui a PP. *solemniter* dirigebantur. Agitur de *descriptione Lucrativis* imposita: quæ omnia solemnem & publicam indictionem denotant, non voluntariam oblationem. Liqueat etiam, quam semiple ne *huius leg.* sensum finemque adeo assecuti sint Alii, qui tertium *huius leg.* caput omnes prætermiserunt. Quod tamen ad rem praximque facit.

Tandem hoc liquet, quam parum ad *banc leg.* faciant tractatus alii, qui ad eam adaptantur, veluti de insinuatione actus alicuius, quam *lex* requirit, apud Iudicem facienda. Vtrum eam a Iudice approbari decreto suo oporteat; an vero sola Iudicis scientia sufficiat, & actorum testificatio? Istud enim, in *sp. huius l.* expresse requiritur pro formæ essentiali, nempe vt *Gestoris auctoritate* firmetur Adscriptio: pro quo Tribonianus *sententias* dixit pro *auctoritate*: ineleganter seu incondite. *Auctoritatis* eorum vox hac in re propria, non adeo *sententiarum*. Item ex *bac leg.* perperam inferitur, quod quoties ad probationem actus, seu dispositionis, requiritur, vt fiat per scripturam, non possit ea probatio fieri per testes. Neque enim tale quid hic dicitur aut queritur: verum forma tantum & triplex quidem præstituitur, qua æqualis adscriptio Curialibus seruetur: deque ea æqualitate fides fieri seu constare possit: nempe *Adscriptionem* ad Rectorem prouinciæ mittendam & ab eo approbandam, accurata dein *Apocharum forma præscripta seruataque*: Tandem *Quadrimestris Breues* specialis descriptionis factæ, ad Præfectum Prætorio mittendos, a quo prius contributionis faciendæ in genere quadrimestri Breues missi fuerant. Non hic igitur quidquam de talibus quaesitum. Denique tota hæc *lex*, etiam ea parte, qua de *Apochis* agit, non tam ad probationem solutionis factæ pertinet, quam ad seruandam *Æqualitatem contributionis & Adscriptionis*.

P. 506.

1. DVVMVIRORVM potestas limitata. 2. RETRAHENDI Curiales ad SACERDOTIVM, vt & FILII ad Curiam.

CLXXIV. (a) Idem AA. Euchario (b) Proc. Afric.

DVVMVIRVM impune (c) non liceat extollere potestatem fascium extra metas (d) propriæ ciuitatis. Curiales (e) etiam, Sacerdotio prouinciæ, sed & filios, reddi præcipimus propriæ ciuitati. Dat. VI. Id. Mart. Rau. Honor. IX. & Theod. V. AA. Coss. [412.]

NOTAE.

(a) *Lex 53. Cod. Inst. eod. tit. GOTHOF.*

(b) *Euchario* huic Proconsuli Africae sub Honorio octo insuper aliae *leges* hoc ipso Anno inscribuntur, quæ forte omnes, septem saltem, huic lociandæ videantur. Certe argumento haud dispariant, de quo dicendum mihi *hic. ID.*

(c) Sic & *l. ult. D. de iurisdic. ID.*

(d) *Extra*

(d) *Extra metas territorii propria ciuitatis.* Ita Cod. Inst. addita scil. voce *territorii.* ID.

(e) *Sequentia sustulit Tribonianus: causa notissima.* ID.

COMMENTARIUS.

DVO CAPITA hac Honorii constitutione continentur, quibus singularum ciuitatum commodis consultum sit, aduersus maiorum ciuitatum usurpationes. Prius scilicet caput est, de *DVVM-VIRORVM*, seu magistratuum municipalium potestate: non in quo ea consistat, seu quanam iurisdictionis species, quis modus his competierit, (de quo aliae constitutiones sunt.) Verum *Quousque* ea procurrerit: Nempe intra metas propriae ciuitatis, id est intra Territorium ciuitatis; quam *Territorii* vocem hic addidit Tribonianus, quo nihil opus fuit; *meta Ciuitatis*, & *Territorium*, idem sunt: item termini ciuitatis, seu Urbis, iidem. Ergo Duumvirorum potestas omnis territorio Ciuitatis circumscribebatur: *Impune* quoque adeo non licere eis vult Honorius, potestatem fascium extra metas propriae Ciuitatis extollere. Pariter ut IC. Paulus lib. 1. ad Edict. l. ult. in princ. D. de iurisdic. *Extra territorium ius dicenti IMPUNE non paveri*, definit. Quae & ipsa est de Magistratibus municipalibus & Duumiris, ut docent aliae leges ex eodem libro desumptae, & vox *TERRITORII*: de qua voce vide l. 239. §. 8. de V. S. Allusit etiam Tertulianus lib. 2. ad Nationes, cap. 8. *Satis etiam video Deos Decuriones Curiaeque municipii, quibus honor intra muros suos determinatur*: Ita sane omnium quoque Magistratuum vrbano, provincialium potestas suis vrbis terminis circumscribebatur; de quo l. ult. D. de off. P. V. eiusque occasione in Apostolico nostro plene: & provincialium, de quo ad l. 20. 16. sup. de accusatione. Et tamen iurisdictionis suae terminos saepe his egredi contingebat. Quare etiam saepe suos intra cancellos coërceri eos oportuit, & vero hac l. Duumiri coërcentur, proculdubio, quod maiorum Ciuitatum Duumiri aliarum minorum ciuitatum Territoria propriae ciuitati suae consulentes peruaderent. Quod per Africam factum hac lex ostendit, & a Proconsule Africæ coërceri vult.

Interim ex hac leg. constat. Duumiris, qui Graecis *ὑπομαχοὶ*, falces fuisse: Quod etiam discimus ex Apuleio lib. 10. p. 202. Edit. Lugd. B. apud Ioan. Maire. *Gradatim, inquit, permensis honoribus, quinque annali Magistratus fuerat destinatus. Et ut splendori capeffendorum responderet FASCIVM, munus Gladiatorium triiduanum spectaculi pollicitus, latius munificentiam suam porrigebat.* Quod recte negabat de veteri iure, Lipsius l. Elector. 23. ut discere est ex Cicerone 2. Agraria in Rullum cap. 34. Fuerunt his sc. olim Apparitores *ὑπομαχοὶ*, ut discimus ex Actis Apost. c. 16. v. 35. cum bacillis: at non etiam Lictores cum fascibus: multo minus fuerunt his *secures*; quod alioquin probare conantur nonnulli ex Ansonii Idyllio IX. v. 399. seqq. male intellecto: verba quippe eius ad Rectores provinciarum pertinent, non ad Duumiros: nam de his iam antea egerat. Locus integer hic sternendus nobis est. Moseley scilicet laudibus defunctus Ansonius accinctum sese olim ait, ad deprædicandos ipsos Belgæ fama & magistratibus claros:

Quis mihi tum non dictus erit? I. Memorabo quietor

Agricolae: II. LEGVMQVE catos sandique potentes,

Præsidium sublime reis. III. Quos CURIA summos

MUNICIPVM vidit PROCERES, propriumque Senatum.

IV. Quos prætextati celebris facundia ludi Contulit ad veteris præconia Quintiliani.

V. Quique suas REXERE vrbes, purumque TRIBVNAL

Sanguine, & innocuas illustrauere Secures.

VI. Aut Italum populos, Aquilonigenasque Britannos

Præfecturarum titulo tenuere secundo.

VII. Quique caput rerum Romam, populumque patresque

Tantum non primo rexit sub nomine, quamuis Par fuerit primis.

Hoc scil. loco Aufonius Belgarum sese laudes cantaturum olim promittit; septemque hominum genera, quibus Belgæ illustres erant, designat: Primo, *Possessores quietor*, id est dignitatibus & officiis vacuos, rura sua colentes: secundo, *Iurisconsultos* & *Oratores*, qui in Belgio fuerunt: Tertiò, *Duumiros*: Quarto, *Oratores & Professores*: Quinto, *Rectores provinciarum*: Sexto, *Vicarios*: Septimo, *Præfectos Vrbi*. Tertiò scil. loco his verbis apertissime *Duumiros* significat:

— Quos Curia summos

Municipum vidit Proceres, propriumque Senatum.

Quinto vero loco *Rectores provinciarum* istis: *Quique suas rexere vrbes, purumque Tribunal Sanguine, & innocuas illustrauere secures.*

Nempe gradatim affurgit Aufonius in hac enu-P. 507. meratione, neque bis eandem potestatem adsignificat. Nullum vnquam *Tribunal*, nullæ *secures* tribuit Duumiris: *Tribunal* enim est Maiorum Magistratuum: veluti Rectorum provinciarum, quos hic commendat ob innocentes secures & tribunal. Denique *Regere vrbes* dicuntur Rectores provinciarum: quia in vrbe metropoli totius provinciae agentes, quæ Vrbs caput erat, inde totam provinciam regebant, & ab vrbe Metropoli tota provincia censebatur.

Ergo tandem purum tribunal sanguine, & innocuas secures dixit Aufonius, administrationem provinciae sine cæde & innocenter transactam.

Secundo capite huius leg. (quod Tribonianus recidit) singularum pariter ciuitatum & Curiarum splendori Honorius consultum sit. Nempe Curiales sacerdotio provinciae, & filios eorum propriis ciuitatibus suis reddi seu restitui iubet, quod scilicet maiores ciuitates in præiudicium minorum sibi vindicabant. De filiis Curialium in genere ad Curiam reuocandis compluribus aliis legibus dictum est: de Curialibus sacerdotio provinciae restituendis, seu, quod

quod idem est, de Sacerdotio prouinciæ (de quo agitur, & l. 21. 46. 75. 166. *sup.*) restituendo *hac l.* pariter cauetur & quidem per Africanam. Quod quidem prouinciæ Sacerdotium per Africanam sub Honorio Imp. admodum nutasse comperio, inualescente magis magisque Religione Christiana & Patribus Africanis (quod ex *Codice Africano* liquet) Gentilitiam superstitionem modis omnibus conuellere fat-

agentibus, contra, Africanis (pro more suo) voluptates seu ludos suos sibi tuentibus. Qua de re variis occasionibus ad Honorium relatum, imo & legationes decretæ: Qui & l. 145. & 166. *sup.* & *hac l.* & l. 176. *inf.* suum Africæ Proconsulari Sacerdotium, & quidem idoneis electis, atque adeo suas voluptates constare voluit.

De RETRAHENDIS Curialibus ex officio Magistrum militum & PROCESSVS ea in re.

CLXXV. (a) Idem AA. Lupiano (b) Com. & Mag. mil. per Orient.

HI quos Moderatores prouinciarum, maximique (c) Fœnices, (d) Ordinibus ciuitatum prosequenribus (e) docti, ex consortio Curiali ad Officium Culminis Tui demigrasse suggererint, mox sub fida *prosecutione* (f) ad eiusdem Iudicis *transmittantur* examen qui super eorum nominibus rettulerint, (g) vel sponte ciuilia munera subituri, vel si litigandum putauerint, post sententiam Cognitoris, si id ea suggererit, Ordini mancipandi. Dat. XV. Kal. Iun. Constantinop. Honor. IX. & Theod. V. AA. COSS. [412.]

NOTA E.

(a) Absit hæc *lex* a *Cod. Iust. GOTHOFR.*

(b) Sive *Lupiano. ID.*

(c) *ꝑꝑ. Maximique. ID.*

(d) *Fœnice* (in qua Tyrus & Berithus) in diocesi Orientis: vt ex *hac l.* patet: & *Notitia Imperii*: & *Notitia prouinciarum Sconboniana. ID.*

(e) Id est monentibus, infinuantibus. *ID.*

(f) De hac *Prosecutione* Curialium refugiarum, est quoque *lex* 147. 161. *sup.* & *lex* 181. *inf.* & generatim de prosecutione reorum & fugitiuorum dixi ad l. 5. *sup. de exhib. reis*: v. & l. 32. *inf. de susceptor. ID.*

(g) *ꝑꝑ. Retulerit. ID.*

COMMENTARIVS.

EX OFFICIO seu Officiali militia *Magistri militum* Curiales ad Curiam retrahi iubet *hac l.* Theodosius Iun. quo multi Curiales, ac maxime Phœnices hac tempestate sese contulerant, & de quo Ciuitates maxime Phœnices conquestæ fuerant apud Rectores prouinciarum, ac nominatim Consularem Phœnices. Itaque iubet *hac l.* eos a Magistro militum per Orientem, ad Rectorem prouinciæ mitti, sub fida prosecutione, *sous bonne garde & conduite.*

Cæterum est proprie hæc *lex* de Curialibus Phœnices, in qua Tyrus, Berithus, Damascens fuere: quo pariter diserte pertinent Iuliani *lex* 54. & Theodosii M. *lex* 83. *sup.*

Processus interim hac in re totus qui obseruabatur, notetur 1. *Ordines* Ciuitatum, seu Curia, Rectores monebant de refugis Curialibus, seu his prosequenribus, docebantur: de qua relatione Curiarum, alibi. 2. *Rectores* nomina refugiarum Curialium ad Magistrum militum, seu Magistratum ad cuius officium sese illi contulerant, referebant: de qua relatione ad l. 181. *inf.* 3. sub fida prosecutione ad Rectorem prouinciæ examen a Magistro militum transmitti Curiales oportebat: de qua prosecutione, v. & l. 147. 161. *sup.* l. 181. *inf.* 4. Tandem Rector sententiam proferebat, ordinique Curialem mancipabat: de quo sententiæ genere iam ad *leg. us. sup.*

P. 508.

SACERDOTALIBVS *aliarum prouinciarum Africæ, qui spectandorum ludorum Sacerdotalium gratia Karthaginem venerant, certum spatium præscribitur, ad reuertendum domum.*

CLXXVI. (a) Idem AA. Iuliano II. (b) Proc. Afric.

EXCEPTIS his qui Karthaginensi (c) Curia munus Sacerdotii transegerunt, omnes quicunque ex aliis prouinciis adque Ciuitatibus hoc honore (d) decorantur ad proprias Vrbes redire præcipimus. Quidquid sane prouinciarum (e) nomine agi Sacerdotalium superflua (f) turba consuevit, id ab eo qui Sacerdotium (g) reddet, suo tempore

iubemus impleri. Ac nequid festis (h) ac legitimis diebus subtraxisse videamur, etiam illud definiendum esse censemus, ut quicumque propter pompam illius (i) diei Karthaginem forte conuenerit, intra quinque dies ad propria rediturus, ex eadem Urbe discedat. Ne autem certa (k) statuta in puerum ullus audeat violare, triginta librarum auri multa statim a Proconsulari Officio exigi (l) se cognoscat, qui in Karthaginensi urbe (excepto ipsius (m) Decuriae (n) viro) habitandi gratia voluerit residere cum dierum (o) numerum qui est statutus excesserit, ipsius quoque dignitatis (p) privilegio (q) spoliandum esse (r) non dubitet. Inhiberi autem etiam illas (s) occasiones praesenti auctoritate censemus, ne comparatis Sacerdotalibus (r) aliquis subito (u) rebus, domicilium se habere coningat: cum specialiter statuisse videamur, (x) ut quisque illo redeat, unde eum ducere originem constat. Dat. VI. Kalend. Feb. Rau. Post. conf. Honor. IX. & Theod. V.AA. Co ss. [413.]

NOTAE.

- (a) Abest & haec lex a Cod. Iust. GOTHOFR.
 (b) Iulianus hic iam Anno 412. PC. Africae fuit, ut docet lex 64. sup. de appellationib. Fuit & Anno proximo 414. quo ei inscribuntur lex 3. sup. de integr. restit. lex ult. sup. unde vi: lex 54. 55. inf. de haereticis. ID.
 (c) An in Karthaginensi Curia, vel Karthaginensis Curiae: & ut mox inf. dicitur, ipsius Karthaginensis Curia viro? ID.
 (d) Sacerdotii. ID.
 (e) Omnium Africae. ID.
 (f) In, & sub superflua turba: *superflua* autem hic pro abundante. ID.
 (g) Sacerdotium reddere dicitur, qui sacerdotales ludos edit. Reddere, pro soluere, praestare. hic, & l. 69. 91. 169. sup. ID.
 (h) Festi dies, ἑορταίαι: sic Hesychio: ἑορταίαι, ἑορταίαιος ἡμέρα; & (ita enim continuo spiritu lego apud Hesychium) ἑορτὴ ἑορτῇ κατὰ μέτρον. Ergo ἑορταίαι quilibet festus dies, non tantum Kalendarius. Erit quoque apud Synesium in *Encomio caluitii* pag. 77. Edit. Petau. accipienda haec vox; ut alibi passim. ID.
 (i) Cuius? quo Sacerdotales illi ludi eduntur. ID.
 (k) Certa statuta, sunt expressa, fixa, v. Gl. Theod. ID.
 (l) Id est, exactum iri, seu exigendum se, ut infra mox, *spoliandum sese*. Mira autem locutio *multa exigi*, nisi malis hic, *multam*. ID.
 (m) Id est, qui Karthaginensi Curiae munus Sacerdotii transegit, ut sup. initio legis. ID.
 (n) *q. Curia*, ut sup. initio legis. Quid enim hic Decuriae? de quibus inf. lib. 14. ID.
 (o) Quinque. ID.
 (p) Sacerdotalis. ID.
 (q) De Privilegiis sacerdotii dixi ad l. 21. sup. ID.
 (r) *q. Sese*: saepe hic error hoc Codice admissus: quo mox *sese*, in *esse* migravit. ID.
 (s) Barbaries styli. ID.
 (t) *q. Sacerdotium aliquis*. ID.
 (u) Σύγγροι. ID.
 (x) Pro Statuerimus. ID.

COMMENTARIUS.

DE SACERDOTIBUS, & Sacerdotalibus editionibus seu ludis Karthagine, est haec singularis admodum Honorii lex, cui alioquin concordat eiusdem altera lex biennio post, puta lex 20. inf. de paganis. Et haec quidem signate, si dicendi genus spectes mira barbarie, & styli colluione scatens: verum haec non ultra moror. Sententiam legis antequam expendo, circumstantias prius omnes premere & illustrare iuuat.

Primo Curia Karthaginensis h. l. mentio fit: de qua quoque est lex 27. 41. sup. cui etiam inscribitur d. lex 41. & lex 32. sup. de appellat. & lex 15. sup. quorum appell. verum de ea plene dixi ad d. l. 27. sup.

Secundo de sacerdotibus hac leg. agitur, de quibus Paratitlon inf. tit. de Paganis: Et quidem de sacerdotibus Africanarum prouinciarum, ad quos pertinent quoque lex ult. sup. de Tyronib. lex 21. 46. 60. 166. 174. sup. b. i. lex 2. infr. quemadm. mun. civilia: lex 52. 54. inf. de haereticis.

Tertio, observandum ab his sacerdotibus ludos editos: de quibus sacerdotilibus ludis est praeterea lex 2. inf. de expensis ludorum: l. i. infra de spectaculis: lex 2. sup. de praed. Senatorum: lex 103. 109. 145. sup. b. i. lex 20. inf. de Paganis: lex ult. sup. de Tyronib. Itaque Sacerdos Iouis opt. Max. Karthagine sedisse dicitur in gestis purgationis Felicis in monument. veter. ad Donatistar. histor. pertinent. pag. 163. Edit. Optati Mileuitan. Lud. Ell. du Pin. & Sacerdos Tripolis ut & Lepti apud Ammianum lib. 28. cap. 6.

Quarto, Sacerdotes hos in Metropolitibus egisse.

Quinto notandum, ludos Sacerdotales solemnes cum magna pompa Karthagine, principe totius Africae ciuitate, cum maxime editos: de quibus est & d. lex 20.

Et ita quidem editos, quod sexto notandum, ut non tantum Africae Proconsularis Sacerdotes seu ipsius

ipſius Curia Viri Karthagine eos ederent, non tantum Africani alii Sacerdotes eius rei cauſa Karthaginem proficiſcerentur; verum etiam ceteri Sacerdotes ipſi aliarum Africae prouinciarum nomine ludos Karthagine ederent. Quod Honorio & *bacl. & l. 145. ſupr.* placuit: Quomodo aliquando etiam per hæc tempora in Oriente ad vrbs Conſtanti-nopolitanae feſtiuitatem & decus, coacti Magiſtratus ſeu Duumiri, etiam ex Præfectura Prætoriana Illyrici, (id eſt ex Macedonia & Dacia) ſpectacula in vrbe Conſtanti-nopolitana edere, & pecuniam ad id conferre; vt docet *lex 3. 4. de ſpectaculis.*

Septimo obſeruandum, certo quodam ſtatutoque die ludos illos Sacerdotes Karthagine editos, & vt ex collatione *legis 20. infr. de paganis*, cum *hac leg.* colligere mihi videor, VII. Kal. Nouembris, ſic tamen, vt poſteius diei pompam, feſti ad-huc ac legitimi dies quidam celebrarentur, nempe quoque dies proximi.

Octauo notandum, tanto ſtudio ſpectaculorum in vrbe Karthaginienſi viſendorum peregrinos, ex aliis prouinciis Sacerdotes teneri ſolitos hac tempeſtate ſub Honorio Imp. vt non modo diutino tempore ſpreta patria ſua ibi morarentur; verum etiam domos ibi ea de cauſa compararent, & domicilium quodammodo conſtruerent.

His ita præcognitis, de huius legis ſententia videamus.

Igitur Honorius ab vna parte Karthaginienſium feſtiuitatibus nil detractum cupiens, (quibus indulſiſſe cum oſtendit præter *hanc leg. & d. lex 20. infr. de Paganis*, cum maxime *lex 145. 166. 174. ſupr. hoc*

tit. & lex ult. infr. de ſcanicis?) parte altera aliarum ciuitatum, quarum Sacerdotes Karthaginem migrabant, patriæque ſua plus nimio aberant, decori nil detractum cupiens, vt *hac l. ita & d. l. 20. infr. de paganis*, peregrinis illis Sacerdotalibus certum tempus præſtituit, quo ad proprias vrbes feſtinare cogantur, & Karthagine recedere: nempe intra quintum diem poſt ludos editos, vt *hac l.* diſerte dicitur, vel vt numero dierum non expreſſo dicitur *d. l. 20. intra Kal. Nouembres*; vnde (quod antea indicaui) efficere mihi videor, ludos illos Sacerdotes editos VII. Kal. Nouembr. poſt quem diem ad Kal. vsque Nouembres, quinque dies intermedii interiarent. Et hæc quidem ita, vt maxime Sacerdotes, Karthagini ædes ſubito comparauerint, & domicilium ibi habere ſe conſingant.

Et ſic exemplo eſſe poteſt *hac lex* ad multa. 1. Primum Exemplum habemus *hac leg. (& d. l. 20. infr. de Paganis)* intra quem finem & modum Metropolitanis ciuitatibus faueri oporteat, ne alioquin minoribus quid decedat. Quod & alias proſpectum circa Curiales, *l. 20. ſupr.* pariter vt circa ornatum publicorum operum, *l. 1. & 14. infr. de operibus publ.* circa ſpectacula & ſcænicos, *l. 4. infr. de ſpectac.* ne videlicet illa e minoribus ad maiores ciuitates transferrentur. 2. Habemus exemplum, Tempore aliquibus præſtituto, vltra quod alibi extra ciuitatem ſuam & prouinciam commorari non poſſunt: de quo ad *leg. 2. infr. de Legatis*. 3. Exemplum habemus, vbi Domum comparaffe alicubi, non ideo iſtam domicilium importat.

De SPONTANEIS duum generum, 1. de Non Curialibus, Curiale aliquod munus ſubeuntibus, non ideo ad Curiam vocandis. 2. De Curialibus, qui ANTE TEMPVS munus aliquod ſponte ſubeunt, non ideo liberandis.

CLXXVII. (a) Idem AA. Leontio (b) PF. P. Illyrici.

ET si veterum Principum ſanctiones, † eos qui nullis Curia nexibus obligati, ſoli genialis amore, vel liberalitatis cupiditate ſuadente, munus Curiale ſubierint, obligari neceſſitatibus Curiarum præcipiunt, tamen vaſtato Illyrico conſulentes, apud omnes dumtaxat Illyrici ciuitates, præcipimus obſeruari, vt quisquis poſthac integræ opinionis, (c) a confortio Curia penitus alienus, vltro munus Curiale purauerit (d) ſubeundum, vel oblata dumtaxat pecunia (per quam id (e) ex integro (f) poterit experiri) (g) vel actu muneris ipſius, vel (h) inſignibus ſubeundis, (id eſt, ſiue cum populi plaſu, ſiue etiam verecundæ & tacitæ conſcientiæ remuneratione contentus) a debito (i) Ordine vel maiore (k) eius parte, illius videlicet ciuitatis, in qua munus ſpontaneum crediderit (l) explicandum, in iudicio (m) Rectoris prouinciæ, vel abſente eo, apud Duumuiros, ſiue Deſenſorem (n) eiſdem ciuitatis, primo ſe Curia non teneri, incorrupta Ordinis adſtipulatione, perdoceat: Dein, ſi certum munus ſe explicaturum promiſerit, Curialium præſentium reſponſione munitus, Quod nec ipſe, nec facultates eius aut ſucceſſores, utpote (o) Curialis, inquietudine (p) ſuſtinebant, liberet (q) ab omni ſecurus moleſtia Curiali, promiſſum munus adſoluat. (r) (Nec enim quod coeperit, ſemiplenum deſerere permittatur) ita vt pro hac liberalitate, peracto munere quod ſponte promiſit, eum honorem in ea ciuitate habeat, quem Curialis habet eodem munere (s) ſuſcepto pariter & impleto. Sed ſi quis ex P. jio. Curiali proſapia, vel gratia vel anguſtiis Ordinis abuſus, prætextu Legis (c) per munus ali-

quod (v) se putauerit Curia liberandum, post expletum munus, & gratiosam vel necessitate expressam professionem (x) Ordinis, nihilominus pulsetur (y) a Curia, utpote Curialis. Quam legem, ex quo lata est, videlicet valituram per omnem (z) diutaxat Illyricum præcipimus obseruari. Dat. XVI. Kalend. Maii, Constantinop. Lucio V. C. CONS. [413.]

NOTAE.

- (a) Abest hæc *lex a Cod. Iust. GOTHOFR.*
 (b) *Leontius* sub Theodosio Iun. PP. Illyrici. Eidem inscribitur Anno super. 411. *lex 31. supr. de erog. mil. ann. ID.*
 † Vide *Legem 2. 3. 4. C. Iust. de his qui sponte publ. mun. subeunt. ID.*
 (c) An suæ spontis, iurisque & arbitrii? an potius integræ famæ, & existimationis? *ID.*
 (d) Id est in animum induxerit, posthac subire: vt *infr. crediderit. ID.*
 (e) Munus scilicet, *ID.*
 (f) *Ex integro*, id est, in totum, plene, *ἀναλόγως*: pari sensu, quo *leg. 16. de bonis proscriptorum*: & *leg. 23. infr. de susceptoribus. ID.*
 (g) *vt. Expediri*, id est, impleri. *ID.*
 (h) *Vel, pro, seu. ID.*
 (i) *vt. Adhibito. ID.*
 (k) Vt ceteroquin maior pars totius Curiae instar est. Vid. quæ dixi ad *l. 141. supr. ID.*
 (l) Eodem sensu, quo *supr. pusuuerit. ID.*
 (m) Id est, apud acta, *ID.*
 (n) Vid. *titulum supr. de defensorib. ciuitatum. ID.*
 (o) Sic *infr. sine Legis*: vt pote Curialis: vt pote, pro quasi: Quare nihil hic mutandum. *ID.*
 (p) *vt. Inquietudinem. ID.*
 (q) *vt. Liber &*, diuisis literis, *ID.*
 (r) *vt. Absoluat*: nisi *adsoluat*, pro simplici *soluat*; sed proculdubio *absoluat* reponendum, quod sequentia mox ibi, *ne enim* docent; item illa mox, *peractio munere*: & post, *eadem munere suscepto pariter & impleto. ID.*
 (s) Curiali. *ID.*
 (t) Huius. *ID.*
 (v) Speciale seu singulare munus aliquod. *ID.*
 (x) *Professio*, id est, testatio Ordinis aliquem Curia liberantis. Ita *supr. responsio. ID.*
 (y) *Pulsetur*, conueniatur, & retrahatur: vid. *Gloss. ID.*
 (z) *Omne. ID.*

COMMENTARIUS.

DE SPONTANEIS Voluntariis, Vltroneis, Curiale munus aliquod subeuntibus iisque duplicis generis, est hæc Theodosii Iun. constitutio: qua speciatim ILLYRICI Orientalis, (cuius duæ diœceses fuerunt Macedonia & Dacia, & illius quidem, provinciarum, inter alias, *Achaia, Thessalia, Epirus*) Curialis, consultum it: A. D. 413. pariter vt *l. 172. supr.* Curialis inquam Illyrici debilitatis, per hoc tempus Illyrico ipso vastato; quod *hac l. diserte* dicitur: Nempe ab Alarico, iam inde ab A. D. 406. de quo videndus Zosimus *lib. 5. cap. 26. 27. 28. 29.* Eodemque pertinet & *d. l. 172. supr. & lex 15. 18. supr. de extraord. lex 4. supr. de Equorum collat. & l. 2. sup. de petitionib. lex 49. infr. de operib. publ.* Vt & quod scribit Seuerus sanctus Endelechius, *Carminis de mortibus bouum.* Honorius igitur vt vastato Illyrico variis legibus illis & rationibus opitulatum iuit; ita & Curialis eius nominatim, vt *d. l. 172. supr.* ita & *hac l.* duplici ratione.

Primo, SPONTANEIS seu VOLUNTARIIS non Curialibus ad Curialia munera subeunda illiectis, de quibus voluntariis sunt præterea eiusdem Theodosii Iun. duæ Constitutiones, puta *d. l. 172. supr. & lex ult. infr.* & elegantissima *Nouella* eiusdem *11. de his qui sponte munus aliquod vel honorem largiuntur*, & *tit. Cod. Iust. de his qui sponte munera susceperunt.* Scilicet cum *d. l. 172.* in fa-

uorem Curiarum Illyrici, & ad eas conseruandas Theodosius Iun. statuisset, vt qui vltro sese Curiarum cœtibus inseruissent, in ea quam elegerant fortuna residerent. Imo quod diserte *huius l. initio* dicitur, cum veterum Principum *legibus*, ii qui Curiarum nexibus non obligati, munus Curiale subiissent, obligari necessitatibus Curiarum præcepti fuissent; Theodosius Iunior vastato Illyrico consulturus, & vt multos ad Curialia munera subeunda, saltem ex parte, alliceret; cautelam inducendam putauit, qua & Curialis consultum esse posset, neque voluntarii a Curialibus muneribus subeundis detererentur, & ciuium beneuolentia intercluderentur. Quod utique futurum erat, & vero fiebat: si vnus forte muneris alicuius obtentu quod quis vltro patriæ amore, vel innata magnificentia, subiisset, deinceps semper Curiarum obnoxius maneret, & status sui præiudicium pateretur: vel etiam, si munere aliquo Curiali defunctus, non & privilegio aliquo potiretur. Igitur, vt securus deinceps esse posset, neque status sui præiudicium pateretur, cautelam hanc inducit, puta vt non Curialis munus aliquod subiurus vltro, præsentem Curia, vel maiore eius parte coram Rectore provinciarum; vel absente eo, apud Duumuiros seu Defensorem ciuitatis sese sistat, & munus aliquod sese explicaturum promittat, possitcentur, & ubi se Curiarum non teneri ostenderit, Curiales

riales contra respondeant, id est, contra spondeant, id est contra praeiudicium status eius, & bonorum, & hereditum, futurum. Et hæc quidem ita nunc Theodosius Iun. hoc tempore per Illyrici ciuitates. At enim is postea in genere constituit, vt ne munus ita sponte susceptum cuiquam praeiudicaret, dicta Nouella u. vt & Leo l. 3. Cod. Iust. de his qui sponte: & Iustinianus l. 4. eod. tit. imo & iam antea & Dioclet. & Maximian. l. 2. eod. tit. Et sane hac parte multum interest & interesse debet, sciens ne aliquis in Decurionum numerum referri sese passus sit, vel nomen suum addiderit, vt dicitur l. 54. supr. an vero speciale tantum munus aliquod Curiale subierit, vltroque in se suscepit: de quo vid. d. tit. Cod. Iust. de his qui sponte &c.

Nos ad huius leg. sententiam redeamus. Ergo igitur Theodosius Iun. hac protestationis cautela sponte munus aliquod suscipienti cautum iuit: Et (quod secundum) effectum eius insuper prouocauit, tributo ei, qui sponte munus aliquod susceperet hoc præmio, vt eo munere defunctus isdem priuilegijs potiretur, quibus Curialis si id munus impleffet. Quomodo & Leo Imp. in d. l. 3. Cod. Iust. de his qui sponte: Spontaneum qui omnia Decurionum munera, functiones vel honores sua sponte peregrisset, Patrem fieri ciuitatis constituit.

Et hæc quidem sententia est primi Capituli: vbi multa singularia notanda veniunt.

Primo quidem, indicatur duplex muneris Curialis vltro subeundi ratio, vt & duplex causa impulsiva: puta id factum vel oblata tantum pecunia, vel actu ipso muneris ipsius & insignibus susceptis. Quod & ipsum videre est ex tit. D. de pollicitationib. Item, quod alii id facerent cum populi plausu; alii verecundæ & tacitæ conscientie remuneratione contenti: quod eleganter hic dicitur. Et in commune verum est. Ex iis scilicet qui quid laudabile instituunt, alius alio popularis plausus auræque appetentior est: alius quippe gloriæ minus cupidus, solo verecundæ & tacitæ conscientie fructu contentus esse solet: & certe benefactorum satis magnus viro bono fructus est, bene fecisse: contra, alius, non tantum patriæ suæ utilitatibus cedit, & aliquid tribuit, verum & gloriæ cupiditate paulisper ius publicum, seu competens sibi priuilegium relaxat, vt diserte dicitur l. 2. Cod. Iust. de his qui sponte &c.

Secundo notetur, quod hic obiter indicatur, eum, qui munus aliquod patriæ promissit, id abfoluere teneri: quod & passim inculcatur tit. D. de pollicitat.

Tertio, notetur b. leg. hoc casu priuilegia Decurionum non Curiali quandoque tributa. Sane & alias ob merita in Rempublicam, nonnulli ORNAMENTIS DECVRIONALIBVS ornati, vt in Inscris. apud Gruterum CCCLXXII. 7. HONOR DECVRIONATVS GRATIVVS decretus ab Ordine. apud eundem CCCXCIII. 5. CCCCLXXV. 3. vt commodis PUBLICIS AC SI DECVRIO FRVERETVR. CCCLXXV. 3.

Quarto, eo nomine singularis & practicabilis hæc lex esse potest, quod egregium Exemplum continet vsus Protestationis in iudicio, ad ius suum conseruandum, & vt ne actus vltro susceptus cuiquam praeiudicet, eiusque exemptionem lædat: Cuius sane protestationis alterum exemplum eadem in re occurrit, leg. 1. in fin. & l. ult. Cod. Iust. de his qui sponte munera. De cuiusmodi protestationum vsu, multa Interpretes & Pragmatici: quibus hoc quoque Exemplum accedere poterit.

Quinto, notetur forma protestationis: nempe in iudicio ea fiebat, seu apud acta Rectoris prouinciae, vel eo absente apud Duumuiros vel Defensores ciuitatis, hi enim omnes actorum consuecendorum ius habuere. De Defensoribus, vide Paratit. supr. lib. 1. de Defensor. ciuit. Deinde protestationem sequebatur in hac sp. Responso Curialium, seu declaratio, se spontaneo huic Curiale munus obsecuti non intendere, in futurum praeiudicare. Cuiusmodi certa lex & pactum seruandæ immunitatis memoratur & l. 1. d. t. Cod. Iust. de his qui sponte: cuique adeo illustrandæ hæc lex proderit. Eaque protestatio & bonorum & liberorum quoque immunitati tuendæ fiebat: cuius protestationis simile Exemplum respectu liberorum in eodem argumento vide in l. ult. d. tit. Cod. Iust. de his qui sponte. Imo & citra protestationem eorum immunitas in tuto posita Leonis, d. l. 3. & Iustiniani, d. l. ult. Et hæc de primo huius leg. capite, primoque Spontaneorum genere.

Secundum caput est de altero Spontaneorum genere: de Curialibus inquam, qui munus aliquod, ad quod non adstringebatur, subibant: sub gratia vel necessitate, expressa professione Ordinis, eum a Curia sic liberandum. De eo igitur hac l. id cauetur, Curialem hoc pretextu, vel obtentu, non ideo Curia liberari: Scilicet erant hac tempestate Curiales, qui seu per gratiam, seu angustiis Ordinis abusi, captata necessitate Curiarum, munus aliquod in se sponte recipiebant expressa seu extorta professione, seu promissione Ordinis, vt deinceps Curiali nexu omnino liberarentur. Igitur hanc Curialis conditionis euitandæ rationem legemque improbat b. l. Theodosius Iun. eoque non obstante Curialem ad Curiam retrahi per Illyricum iubet.

Et sic illustre iam Exemplum habemus in hac l. quænam vis sit muneris extra ordinem suscepti, partim ab eo, qui ex personæ conditione ad id non tenetur, partim qui alioquin conditione sua Curia alligatus est: Necessitatis videlicet alicuius ab illo vltro susceptæ rationem necquicquam ei obesse: huic non prodesse ad euitandam conditionem suam. Denique insignis hæc lex est in argumento de iis, quæ per Necessitates publicas facta sunt, vt ea neque obfint ad vltra constringendum, neque profint ad liberandum.

De natis ex MATRE ingenua Curiali, ad Curiam vocandis.

CLXXVIII. (a) Idem AA. Seleucho
PF. P. (b)

OMNES qui Curiali genere, origine, vel stirpe gignuntur, Curiarum nexibus obligentur: Æquum est enim, ut ingenua matre nascentes, & quorum natales origo demonstrat, ex matre ingenua nati, maiorum suorum dignitatibus socientur. Nec quisquam priuatorum (c) suorum (d) iuri (e) Lege nostra putet aliquid derogatum, qua eorum morem (f) secuti, Reipublicæ nostræ ex feminis cupimus esse consultum, &c. Dat. XII. Kal. Febr. Rau. Honor. X. & Theod. VI. AA. Coss. [415.]

NOTAE.

- (a) Iungenda huic, *lex prox. 179. infr.* Abest autem hæc *lex* a *Cod. Iust. GOTHOF.*
(b) Eidem inscribitur Anno 412. *lex 52. infr. de hæresicis: lex 31. supr. de Annon. & tribut. l. 22. supr. de coheredibus, lex 35. infr. de nauic. & Anno 414. lex 3. supr. de indulg. debitor. & hoc ipso Anno 415. lex 5. C. Iust. de Adfessorib.* Cæterum apparet ex *d. l. 52. & d. l. 31.* ei Africam suppositam fuisse: ergo Præfectus Prætorio Italiz fuit. *ID.*
(c) Dominorum, quorum seruis iunctæ fuerunt ingenuæ mulieres. *ID.*
(d) Forte, *suo. ID.*
(e) Ex SC. Claudiano scil. *ID.*
(f) Quo scil. natos ex seruis suis & ingenuis fœminis, suo priuato dominio vindicant. *ID.*

De natis ex MATRE ingenua iterum. 2. & de VACANTIBVS Curiz & Collegiis nectendis. 3. De REVOCANDIS ex Militia. 4. De POENA reluctantis. 5. De SERVI Actoris, Procuratoris pœna.

CLXXIX. (a) Idem AA. Seleucho PF. P. (b)
Post alia.

SENATVSCONSULTI (c) Claudiani auctoritatem firmantes, (d) ingenua stirpe creatos, quorum maiores Curiz seruierunt, ciuitatibus iussimus redhiberi, Quod non solum de futuris, sed etiam de præteritis obseruandum esse censemus. Vacantes (e) quoque, & nulla veterum dispositione vllius corporis societate coniunctos, Curiz, atque Collegiis (f) singularum vrbiū volumus subiugari. Eos etiam, qui ad Militiz cuiuslibet sacramenta venerunt, conuentos propriis volumus inseruire muneribus. Ita ut si quis de reddendis, ac iungendis eligendisue Curialibus vocem relictationis obiecerit, quinque librarum auri multa protinus feriat, fisci nostri compendiis profutura. Seruus vero, Actor, siue Procurator flammis (g) detur vtricibus, obnoxiiis Curialibus nihilominus restitutus. Dat. XII. Kal. Febr. Rau. Honor. X. & Theod. VI. AA. CONS. [415.]

NOTAE.

- (a) Abest & hæc *lex* a *Cod. Iust.* Eique iungenda *lex 178. prox. supr. GOTHOF.*
(b) Italiz: dixi ad *leg. super. ID.*
(c) Non debuit hæc prima sententia diuelli a *leg. superiore.* Cæterum de SC. Claudiano fuit *supra, tit. 9. lib. 4. ID.*
(d) In cæteris scil. *ID.*
(e) Concordat *lex 137. supr. ID.*
(f) De Collegiatis *titulus 7. lib. 14. infr. v. & l. 156. supr. & l. 161. ID.*
(g) Vid. *Fornerium l. Quotid. 7. pag. 134. Tom. II. Thef. Iur. ID.*

COMMENTARIUS.

REPLENDIS quæ exhaustæ fuerant Curii, ut aliis pluribus legibus (quarum synopsis protuli ad *l. 140. supr.*) ita & *his duabus*, quæ vnius constitutionis partes sunt, & inter se coassandæ veniunt, animum attendens Honorius Imp. partim novos quosdam ad Curiam vocari, partim vero Curiz iam debitos reuocari satagit: patris penè exemplo: *l. 137. supr. NOMINARI* inquam, seu vocari ad Curias duo hominum genera iubet.

Et primum quidem (quæ sententia est totius legis 178. & l. 179. in pr.) nouo instituto, natos ex MATRIBVS ingenuis Curiali stirpe ortis, & seruis alienis actoribus procuratoribus; Nouo inquam instituto, tum aduersus generalem iuris constitutionem: qua Matre Curiali orti non & Curiz debentur, ex Valentiniani Iun. constitutione, l. 101. *supr.* & Theodosii M. d. l. 137. *supr.* (exceptis singulari privilegio olim Antiochenis, etiam Iuliani l. 51. *supr.* de qua Zosimus lib. 3. cap. 11. in fin. & lex 61. 62. Cod. Iust. de Decurion.) Item aduersus SC. Claudiani auctoritatem; quo tum ipsa mulier ingenua quæ se seruo alieno coniunxisset, ancilla aliena, domini scil. ipsius priuati fiebat: ex eaque nati, serui nascebantur: de quo SC. Claudiano fuit supra titulus 9. lib. 4. est & initium huius l. 179. Et duplici tamen ratione Honorius hoc nouum ius commendat, SC. Claudiani de cætero auctoritate firmata, vt ipsemet ait. Primum ab *Æquitate*: quod scil. æquum sit, ingenua matre natos, & quorum natales origo demonstrat, maiorum suorum dignitatibus sociari: ac si diceret, non tam factum matris hic spectandum, quæ suæ honestatis immemor seruili contubernio sese subdidit, quam originem natalium, & maiorum dignitatem: atque ita natalem & naturalem rationem ciuili præualere. Item, quod hac parte huic iuri etiam ipsorum dominorum mos (vi

scil. SC. Claudiani) & exemplum præluat: nam quemadmodum cæteroquin domini priuati, natos ex seruis suis, sibi que debitis & ingenua matre sibi vindicant, ita æquum esse, vt Respubl. sibi vindicet ex suis, sibi que debitis Curialibus natos: Id enim est quod ait, *Nec quisquam priuatorum, suorum iuri Lege nostra putet aliquid derogatum, qua, morem eorum secuti, Reipubl. nostra ex faminis cupimus esse consultum.* Ac si diceret, constet SC. Claudiani auctoritas priuatis; si ingenuæ seruis ipsorum nuperint, sed eundem morem seruari æquum est, idem ius, in hoc casu; Reipublicæ respectu. Quod sane in eam æquitatem incidit, qua commendatur *tit. quod quisque iuris.*

Secundo, vocari quoque ad Curiam vult vel ad Collegia, (nam & vtriusque id commune est, vt multa alia *hoc tit.*) posteriore capite seu leg. Honorius, VACANTES, id est nullius Corporis societate coniunctos: quod & ipsum Theodosio M. placuit d. l. 137. *supr.* vbi dixi. Tandem reuocari ex quacunque MILITIA refugas Curiales iubet: quod vt innumeris aliis legibus constitutum est, ita & ab Honorio ipso haud semel, veluti l. 143. 144. 147. 154. 155. *supr.* & l. 181. *infr.* Tandem penam ignis proponit seruis Actoribus, & Procuratoribus.

P. 519.

De RETRAHENDIS Curialibus ex Senatoria dignitate.

CLXXX. (a) Idem AA. Vrfo P. V. (b)

LICET augeri Cærum Amplissimum cupiamus, cuius consortio gratulamur, tamen si quis functionibus inuolutus, & nexibus Municipalis (c) Ordinis innodatus, codicillos Clarissimatus potuerit impetrare, nec suscipiendos eos Tua Sublimitas, nec penitus allegandos esse cognoscat: *Nec enim credimus utrumque per unum, prout conuenit, posse compleri.* Dat. XIV. Kal. Marr. Constp. Theod. A. VII. & Palladio CONS. [416.]

NOTAE.

(a) Abest hæc *lex* a Cod. Iust. GOTHOF.

(b) Vrfo P. V. Constantinopol. huic inscribitur hoc ipso Anno *lex 2. infr. de frumento vrbis Constantinop.* & Anno superiore 415. *lex 1. supr. de Decurion. & silent.* Meminit hoc ipso Anno Chronici Alexandrini Auctor pag. 718. 719. Edit. Raderi: vbi ait *spectacula edita editore Vrfo P. V. ob victoriam de Attalo Tyranno reportatam* IV. Kal. Iulias: καὶ ἐπεὶ τὴν θύρην, θεωρήσαντος Οὐρσῶ ἐπαρχῶς πόλεως: subiicitque ludos Equestres ob eandem victoriam actos Nonis Iuliis. Itemque eodem Anno pridie Kal. Octobr. Theodosium Iuniorem Heraclea Constantinopolim reuersum in foro Theodosiano aurea corona donatum ab Vrfo Præfecto Vrbis & a Senatu. Quæ omnia paulo post *hanc leg.* euenere, ID.

(c) Municipalis Ordo h. l. & l. 2. *supr. de Questionib.* & Amm. Marcellinus lib. 21. c. 12. *hæcque audiens controuersas, maxime municipalium Ordinum.* ID.

COMMENTARIVS.

SENATORIOS codicillos, necquicquam Curiali prodesse ante Curiz munera expleta, definit *hac l.* Theodosius Iun. vt & l. 182. 183. *infr.* & l. 187. argument, a contrario, & codicillos huiusmodi suscipi vel admitti vetat ab Vrfo Præfecto Vrbis, tum *hac l.* tum d. l. 183. nempe quia hic Senatus Princeps erat (de quo iam sæpe dixi.) Qua parte, quænam Principibus aliis sententia steterit, edocent *leges, supra numero 23.* quas repetere licet ex *Paratitilo.* Sane Theodosius Iunior ipse *hac leg.* sen-

tentiæ huius suæ tum rationem reddit, tum obiectioni tacite per occupationem occurrit: Rationem hanc reddit: *quod non credat utrumque per unum, prout conuenit, posse compleri.* Vnde apparet, antea nonnullis ita vitum, Curialem Senatorem fieri posse, vt utroque munere fungeretur. Quod Valenti certe placuit, l. 69. *supr.* sed & Arcadio patri huius Theodosii, cuius constitutione, Curialis, Senator factus, Senator manebat, & per substitutionem Curiz seruiebat, *leg. 160. supr. hoc titul.* Et ipse.

ipsem Theodosius Jun. postea l. 137. *infr.* concurrere hunc in Spectabilibus adnisi. Quod ipsam rationem attinet, multæ in eandem sententiam similes sententiæ occurrunt, puta haud satis bona fide animum, & facultates vnius hominis in plura intendi. De quo ad d. l. 69. *supr.*

Obiectioni vero per occupationem *initio leg.* occurrit, dum ait, augeri quidem Cœtum Amplissimum, i. e. Senatui cupere se, cuius etiam confortio gratuletur. Sic & Iulianus l. 1. *supr. de exhib. rei:*

ait, se in Senatorio Ordine seipsum quoque numerare & Arcadius Theodosii nostri pater, l. 3. *supr. ad leg. Corn. de Sicar.* Senatorem partem Corporis sui esse ait. Ante hos omnes Alexander Imp. *ad Senatum*, teste Lampridio cap. 11. *in fin.* Et vos ipsi, Magnifici, unum me de vobis esse censete potius, quam Magni nomen ingeritis. Omitto alia. Sed enim hæcenus sese Senatui satisfactum eumque augeri cupere, si modo per Curia muneribus obnoxium id fieri possit. Quod ipse non eredit. Et cum fieri non possit, originis rationem præualere.

De RETRAHENDIS Curialibus ex MILITIA Armata, vel OFFICIO: RECTORVM que ea in re officio: & PROCESSVS termino.

**CLXXXI. (a) Idem AA. Palladio
PF. P. (b)**

SALVIS his, quæ iam dudum tam a nobis, quam a retro Principibus Parentibus Nostris super Curialibus statuta noscuntur; hac etiam generali (c) lege sancimus, ut si quis (d) suum Decurionem vindicare (e) voluerit, si Iudicis (f) defuit copia, in eundem manus iniectione concessa, sciet ad examen Cognitoris resultantem esse deducendum: ita ut Moderator provinciae, si quaestio fortasse fiducia defensionis vlla generatur, nisi intra tres menses causam originis competenti disceptatione cognoverit, atque convictum cum poena restituerit debitis muneribus, vel liberum ab inquietudine vindicaverit, (g) decem librarum auri multam cogatur exsoluere: eius etiam Officium pari damni interrogatione teneatur. Si (h) quos sane Curia obnoxios, in diuersis Officiis, atque Militia, *p. 14* subterfugientes Decurionatum ante (i) esse claruerit, si per suspectam personam, & periculo suo idoneam, originis nexum procurare noluerint, exutos sacramento militiae ad ciuitates proprias dirigi conuenit, sub prosecutione (k) idonea: Ita ut de eorum nominibus qui armatum adpetierit (l) sacramentum, ad Viros Illustres Magistros militum scribita mittantur, ut eorum auctoritate soluto (m) cingulo militari, reddantur muniis ciuitatum. Dat. V. Non. Maii, Rau. DN. Theod. A. VII. & Palladio Coss. [416.]

NOTAE.

- (a) Lex 54. Cod. Iust. eod. tit. hinc desumpta, reciso principio legis, & altero huius l. capite. **GOTHOFR.**
- (b) Eidem inscribitur super hac ipsa re eodem Anno l. 147. *supr.* quæ ibi perperam posita est. **ID.**
- (c) Deinceps valitura. **ID.**
- (d) Ordo scilicet id est, Curia. **ID.**
- (e) Curia vindicare maluerit, ita Cod. Iust. **ID.**
- (f) Praesides, C. Iust. **ID.**
- (g) Pronunciauerit: C. Iust. **ID.**
- (h) Alterum hoc caput repudiavit Tribonianus, quia in præteritum respicit. **ID.**
- (i) Hanc generalem legem. **ID.**
- (k) De hac Prosecutione Curialium agitur quoque l. 147. 175. *supr.* **ID.**
- (l) *vg.* Adpetierint. **ID.**
- (m) Sustineri possit, sed malim soluti. **ID.**

COMMENTARIUS.

DE RETRAHENDIS ad Curiam, e militia Armata vel Officio Curialibus, & quænam forma hac in re seruanda sit, est hæc Honorii constitutio, cui similis est altera ad eundem Palladium hoc ipso Anno puta l. 147. *supr.* quæ isti perperam præposita est. Partim in futurum respiciens: partim in præteritum.

In futurum igitur, si quis Curialis dicatur ad militiam seu officium aliquod relicta Curia se con-

tulisse. 1. Manus iniectionem in hunc ordinibus tribuit si Rectoris provinciae copia defuit: Qui casus singularis notetur manus iniectionis. Sane & Arcadius l. 3. *supr. de his qui ad Eccl. confug.* & l. 159. *supr. hoc tit.* Decuriones, qui ad Ecclesiam confugerint, vel ad administrationem velut manu iniecta ad Curiam reuocari iussit: sed vigore & solertia Iudicantium, ut dict. leg. 3. expresse dicitur.

Sed hic aperte manus injectio tribuitur ipsis Ordinibus, si Iudicis seu Præsidis copia desit: sic vñ ad examen Iudicis deducatur. Singularis proinde hic casus est de manus injectione, quo quis capitur etiam sine præcepto Iudicis: de quo hic Interpretes. 2. Iubet Honorius *hanc Cognitionem*, super Curiali intra trimestre terminari a Rectore prouinciæ, proposita multa Rectori, vt & Officio eius pœna decem librarum auri si vltra distulerint. Publice scilicet. interest cito huiusmodi causas & *vñobis* terminari: de qua trium mensium præscriptione videndi Græci: videndus Eustathius *de temporum in-teruallis* pag. 219. Tom. II. Iur. Græc. Marquard. Freberi. Et sic notetur casus, quo lis seu processus terminari debet intra tres menses. Et hic quidem in futurum.

In præteritum vero eos, qui ad militiam aliquam vel officium derelicta Curia confugerant, idoneum

sufficere, substitutum loco suo iubet (quod & alias cæntum sæpe,) alioquin ad Curiam retrahendos: etiam a militia Armata. Vbi obiter Tria singularia notanda.

Primo, quod dicitur personam aliam vice sua a Curiali sufficiendam *periculo suo idoneam*: idest, bonis suis instructam: Vnde expresse *infr. leg. 187.* suarum periculo facultatum. Hactenus enim periculum hic vertitur, de quo sæpe *supr.*

Secundum est, quod de *Prosecutione* Curialium ad cinitates suas, additur: de quo agitur quoque *l. 147. 175. supr.* Postremum est, quod ad Curiales, qui ad militiam Armatam confugerant repetendos, de eorum nominibus ad Magistros militum scribi oporteat, vt ipsi solutos militia reddant: de quo ad *l. 175. quoque supr.* sic & ad Præfectum vrbi scriptum *l. 183. infr.* ad reddendos, qui ad Senatum confugerunt.

De RETRAHENDIS Curialibus e SENATORIA dignitate.

CLXXXII. (a) Idem AA. Monaxio PF. P. (b)

NEMO posthac munerum ordine transcurso, (c) ad altioris (d) Curia honores audeat peruenire, sed prius vniuersis functionibus per ordinem propriæ ciuitatis expletis, tum demum ad competentem honorem singuli venire deproperent Dat. VII. Kal. Sept. Eudoxiop. (e) Theod. A. VII. & Palladio CONS. [416.]

NOTAE.

(a) Abest & hæc *lex a Cod. Iust. GOTHOF.*

(b) *Monaxius* PP. Orientis, sub Theodosio Iun. v. *Prosopogr. ID.*

(c) *Transcurso*, idest, præterito, neglecto. *ID.*

(d) *An altioris Curia*; idest, Senatus? Istud puto. *ID.*

(e) Ibidem data III. Kal. Sept. hoc Anno *lex 23. supr. de pœnis*, quæ videri possit huic socianda. De hac Eudoxiop. *l. 41. infr. de operib. publ.* vbi dixi. *ID.*

COMMENTARIVS.

P. 515. **S**ENATOREM ex Curialibus quemquam fieri vetat *hac l.* Theodosius Iun. nisi vniuersis prius Curia muneribus expletis: quæ & ipsa eiusdem sententia fuit *l. 180. supr.* Quid vero hanc in partem senserint alii Principes, edocent viginti quinque alix *huius tituli* constitutiones, quas repetere licet ex *Paratitlo*. Hæc inquam *huius l.* sententia

est: vbi ordine *transcurso* accipi oportet, non pro Ordine expleto; Verum contra, pro præterito, neglecto, insuper habito; Item *Altior Curia* hac *leg.* est, opposita Curia ciuitatum, Senatus scilicet & quidem in sp. *huius l.* vrbs Constantinop. sic & Nobilis Curia, *supr. leg. 155.* pro Senatu.

De RETRAHENDIS Curialibus ex Senatoria dignitate.

CLXXXIII. (a) Idem AA. Monaxio PF. P. (b)

NEMINEM obnoxium Curia, & publicis functionibus inuolutum, ad incongruam sibi fortunam (c) deinceps adspirare, elicitis codicillis Clarissimus, (d) Magnitudo Tua permittat: vt singula ciuitates retineant obnoxios suis muneribus: Super hoc enim etiam & Inlustri Præfectura Urbana (e) nostra est commonita sanctione. Dat. XV. Kal. Maii, Constantinop. Hon. XII. & Theod. VIII. AA. COS. [418.]

NOTAE.

(a) Abest hæc *lex a Cod. Iust. GOTHOF.*

(b) *Monaxio* huic PP. Orientis inscribitur quoque *superior lex prox. 182. vid. Prosopogr. ID.*

(c) *Fortuna, τύχη*, pro statu, conditione. v. *Gloss. Theod. ID.*

(d) *Clarissimus*, idest, Senatoria dignitas: v. *Gloss. & Paratit. de Senatorib. ID.*

(e) Sub quo Clarissimi seu Senatores fuere. *ID.*

Tom. IV.

Zzz

COM.

COMMENTARIUS.

DE SENATORIIS codicillis, ne quidquam pro-
sint ad Curialem conditionem euitandam, est
hæc altera Theodosii Iun. constitutio plane similis
legi 180. supr. Quam varie porro hanc in partem ius
constitutum, edocent *leges huius tit. 27.* quas repe-
tere licet omnes ex *Paratitlo*. Illud hic singula-
re notetur: hac super re, de Curialibus Senatorios

codicillos adeptis retrahendis non tantum ad PP.
hanc *leg.* emissam, sed & ea de re ad Præfectum Vr-
bis scriptum: Ideo scilicet, quia hic Senatus Præful
erat, de quo sæpe. Denique prout militia, aut di-
gnitas esset, ad quam Curiales confugissent, ita ad
Magistratus varios scriptum. vid. quæ scripti ad *l.*
181. supr.

*De LIBERIS Curialium & Cohortalinorum ex militia patris
Palatina ad Curiam vocandis, non obstante patris
vacatione.*

CLXXXIV. (a) Idem AA. Asclepiodoto PF. P. (b)

LIBEROS Curialium, vel Cohortalinorum, (c) quandoque (d) susceptos, siue ante præ-
rogatiuam & tempora expressa (e) præsumptæ militiæ (f) siue post decursâ stipen-
diâ, originalem sequi condicionem oportet: Quoniam satis est parentibus eorum, vaca-
tionem a Nostra Clementia pro remuneratione fuisse concessam. Dat. XVII. Kal. Maii (g)
Constp. Asclepiodoto & Mariniano Coss. [423.]

NOTAE.

- (a) Abs est hæc *lex a Cod. Iust.* Repetitur *l. 14. supr. de priuil. eor. qui in S. Palatio*: cui hæc omnino iungenda videtur,
vna cum *l. 28. supr. de cohortalibus. GOTHFR.*
(b) *Asclepiodotus PP.* cui plures hoc anno *leges* inscribuntur, quas vide in *Prosopograph. ID.*
(c) Cohortalium, *d. l. 14. ID.*
(d) *Quandoque*, pro *quandocunque. ID.*
(e) Decennii *d. l. 28. de cohortal. vel XXV. annorum d. l. 14. ID.*
(f) *Palatinæ, Armatæ. ID.*
(g) Error hic admissus: *77. XV. Kal. Iun. vt d. l. 14. & d. l. 28. ID.*

COMMENTARIUS.

DE FILIIS Curialium & Cohortalinorum est
hæc Theodosii Iun. constitutio: nempe, vt
quamlibet ipsi Curiales & Cohortalini decennali
Palatina militia, a Curia & cohorte liberentur, libe-
ri tamen eorum non liberentur. Quæ quidem *lex*
repetita extat totidem verbis *l. 14. supr. de priuil. eor. qui in S. Palat.* Vnde hoc ἀποκρίσιον desumptum
est; vbi semel dicta sufficiant. Absque qua etiam
foret, ad genuinam huius *l.* sententiam coniecturis
nobis enitendum esset. Adeo & hac parte huius

Codicis conditores incuriosi fuerunt. Singularia
interim duo *hac leg.* notentur.

Primo, Priuilegia & vacationes parentum filiis
hoc casu non prodesse.

Secundo, liberos quandocunque susceptos hoc
casu retrahendos ad Curiam, non tantum scil. ante
militiam Palatinam patris susceptos, sed etiam post
eam decursam, cum alias liberi post militiam su-
scepti, non retrahantur: de quo vid. *leg. 58. supr. &*
leg. 187. infr.

*De DISCVSSIONE Apochæ super solutis tributis, ab alio Iudice
seu successore non retractanda.*

CLXXXV. (a) Imp. Theodosius & VALENTINIANVS AA.
Celeri (b) Procons. Afric.

SEMEL securitatem (c) de refusione (d) munerum (e) emissam, ab alio Proconsule (f)
non liceat reficari: Et ideo Spectabilitas Tua, saluberrimæ ac iustissimæ præceptio-
nis formam secuta, prohibebit in posterum, eos ad Discussionem (g) transacti muneris
constringi, quos claruit acceptæ securitatis prosperitate (h) latari. Dat. V. Kal. Maii, (i)
Rau. Post cons. Felicis & Tauri VV. CC. [429.]

NOTAE.

- (a) *L. 2. Cod. Iust. de Apochis publicis & descriptionib. Curialibus.* Iungenda autem ei *lex prox. 186.* Imo iungenda
quoque *lex 34. supr. de annona & tribut. & lex ult. de appellat. GOTHFR.* Ex his quatuor legibus satis
probari

probari potest Wandalos, anno 318. quod Gothofredo nostro placuit in *Chronolog.* in Africam irruptionem non fecisse. Etenim non est dubium, quin *Valentinianus* aliquam huius rei mentionem in quatuor his legibus iniecit, atque significasset, aut calamitates, aut fidelitatem subditorum fundamentum esse fauoris a se illis concessi. Imo eas leges *Valentinianus* ne dedisset quidem, pars enim Africæ, quæ post Vandalorum irruptionem in Romanorum remanserat potestate, non legibus, sed subsidio indigebat. Quare cum post mensem Aprilis anni 429. nulla amplius exstet hoc Codice constitutio, quæ Africanorum causa data fuerit, præter *legem* 33. de *susceptor.* anno 430. in gratiam provincie Byzacenæ datam, manifestissimum est, Wandalos ante mensem Maii anni 429. in Africam non ingressos, nec provinciam Byzacenam ante annum 430. a Wandalis sub iugum missam fuisse. Vide ANTON. PAGIVM in *Crisis ad Annal. Baron. an.* 428. num. 3.4.5. latius hoc deducentem. RITTER.

- (b) *Celer* PC. Africæ sub Valentiniano III. Ann. Dom. 429. v. *Prosopogr.* Eiusdem Mentio apud Augustinum, *epist.* 210. & 237. siue *Ep.* 56. & 57. *Edit. Benedictin.* GOTHOFR.
 (c) *Securitatem*, id est, apocham, *h. l.* & *l.* 173. vid. *Gloss.* ID.
 (d) Id est, solutione. ID.
 (e) Id est, tributorum. ID.
 (f) *Iudice*, Cod. Inst. ut ita generalis hæc lex esset, ID.
 (g) *Discussio*, est retractatio, vid. *supr. tit. de Discussoribus*, ID.
 (h) *Prosperitas* securitatis. ID.
 (i) Ita quoque *lex prox.* 186. At *d. l.* 34. & *d. l.* ult. *Mart.* ID.

De Curiali, pro ALIO non conueniendo.

CLXXXVI. (a) Idem A A. Celeri Proc.
Afric.

LEGATIO (b) Proconsularis (c) provincie, per Bubulcum (d) Spectabilem Virum Comitem, Curiales pro aliis qui in eodem territorio (e) possident defleuit adstringi, quod (f) ab obnoxiiis sæpe debetur, deuotissimi (g) quique cogantur exsoluere. Quæ res pro arbitrio Compulsorum, vel Opinatorum, (h) siue Iudicum, in eam famam, mali iugitate, peruenit, ut nullus pene Curialis idoneus in Ordine cuiusquam urbis valeat inueniri. Cuius præsumptionis abolita consuetudine, iubemus, * neminem Curialem pro alieni territorii (i) debitis adtineri, sed tantum Municipem (k) pro gleba propria conueniri, Spectabilis Tua salubrem sanctionem secuta, vnumquemque debitorem suo deinceps nomine faciet adtineri. Dat. V. Kal. Maii, Rau. Post conf. Felicis & Tauri VV. CC. [429.]

NOTAE.

- (a) Potissima pars *huius l.* abest a *Codice Iustin.* Iungenda autem ei *lex prox.* 185. *supr.* & *lex* 34. *supr.* de *annona & trib.* & *lex ult. supr.* de *appellat.* GOTHOFR.
 (b) De Legationib. his, *suo tit. infr.* v. & *l.* 8. *infr.* de *Censitorib.* & *leg.* 41. *infr.* de *Episcopis.* ID.
 (c) Africæ: dixi ad *l.* 26. *supr.* de *erog. mil. ann.* ID.
 (d) Huius Comitæ & Legati Bubulci mentio & *dist. leg.* 34. de *annon. & tributis*: vbi tamen perperam editum *Bubuli.* ID.
 (e) Ciuitatis scil. ID.
 (f) Et quod. ID.
 (g) *Deuotissimi*, qui tributa soluerunt: *denotionis* hac in re vox propria. v. *Gloss. Theod.* ID.
 (h) De his *Compulsoribus & Opinatorib.* agitur quoque *d. l.* 34. vbi dixi: Sed & ad *leg.* 26. *supr.* de *erogat. mil. an.* ID.
 * *Lex* 17. *Cod. Iust.* de *omni agro deserto* hinc desumpta est. ID.
 (i) *Territorium* hic alio sensu quam *supra*, pro gleba, & possessione. Qua ipso sensu vsurpatur hæc vox & *leg.* 34. *infr.* de *oper. publ.* & *l.* 2. *supr.* de *exactionib.* (cuius eadem sententia est, quæ *huius leg.*) Possessio dicitur *leg.* 31. *supr.* de *ab. non.* ID.
 (k) *Municipem* id est, Curialem, v. *Gloss.* ID.

COMMENTARIVS.

VALENTINIANI III. Placidie filii, duæ constitutiones sequuntur, eiusdem prolixioris constitutionis Valentinianæ partes: vnde desumptæ quoque sunt *lex ult. supr.* de *appellat.* & *lex* 34. *supr.* de *annona & tributis*, his duabus proinde coassandæ. Quæ quidem constitutio seu sanctio salubris, saluberrima, ut *his ipsis legib.* vocatur; de *Re tributaria* in vniuersum fuit, emissæ ad Legationem

provincie Africæ: (de Legationum genere erit *supr. tit. de Legatis*, vbi plene:) quæ Bubulcum Comitem ad Valentinianum miserat, querelis ad eum perferendis, & malis desendis, quibus rei tributarie occasione premebatur: Cuiusmodi sane quatuor querelæ fuerunt, quibus totidem illius constitutionis suæ capitibus Valentinianus mederi instituit hac saluberrima constitutione: sic quidem ut quatuor *leg.* illæ

totidem querelis respondeant. Scil. vt a duabus illis incipiam, quas hinc nostris coassandas dixi: Vna ex querelis fuit, quod pro dissimulatione iudicum, compulsores aut opinatores misso, Africani possessores in prædam mitterentur, quo pertinet *d. l. 34. supr. de annona & tributis*. Altera querela fuit, quod appellationum a Rationali in priuatæ rei causis occasione ad longinqua traherentur: quo spectat *d. lex ult. supr. de appellat.* Duabus aliis querelis, respondent hæc duæ leges nostræ. Prior est, quod etsi *Apochas*, seu securitates tributorum, a se solutorum sub alio Proconsule haberent, attamen ab alio Proconsule ex refricarentur. Igitur definit *hac l. 18.* Valentinianus III, *Apocha* semel acceptam, in perpetuum eum, qui accepit securum redere: *accepta securitatis prosperitate letari*, vt eleganter loquitur, neque retractari aut refricari amplius oportere. Quam vt saluberrimam, ita iustissimam præceptionis formam vocat, ita vel ipsa *securitatis* vox, quæ pro *Apocha* & *hic* & *l. 173. supr.* passim accipitur, satis ostendit: quomodo & Græci *ἀποχὴν*, & *ἀσφάλειαν* dixere. De quo alibi plenius. Cassiodori tantum locus nunc procedat XI. Var. 7. Merito testimonium solutionis, securitas dicitur, de quo non solum animus, sed substantia communitur.

Cæterum pertinet hoc caput, seu dicta *lex 18.* vt ad omnem aliam tributorum solutionem, ita & ad descriptiones seu contributiones Curialium; argum. *huius tituli*; de quibus *supr. ad leg. 121.* Ergo *Apocha* semel accepta, collator seu Tributarius securus est, ex hac Valentiniani III, pariter vt ex Ho-

norii *lego 26. & 27. infr. de susceptoribus*, & *l. 2. supr. de discussoribus*. Neque ea refricari a successore iudice potest, vel sub eo. Quæ *huius legis* hypothesis est: scil. sæpe infecuti iudices securitates seu *apochas* & quitantias, sub decessoribus suis emissas ad disquisitionem & discussionem reuocabant; eaque re Tributariis molestiæ imo prædæ sæpe intabantur: Quomodo & Susceptores earundem *Apocharum* occasione, prouinciales vexabant, *l. 26. 27. infr. de Susceptor. & Discussores*, *l. 2. supr. de Discussorib.* videnda & *lex 2. §. ult. Cod. Inst. de Quadrienn. præscript.* Denique publica *Apocha* semel solemniter facta excludit reuisionem, discussionem, retractionem dictis legib. & *l. ult. Cod. Inst. de apochis publ.*

Altera querela, cui respondet *lex 186.* iam Curiales in specie spectans, erat, quod Curiales alii pro aliis in eodem ciuitatis Territorio, tributa soluere cogerentur; idque tam passim fieret, scilicet, vt *hæc lex* eleganter loquitur, *hæc res in eam famam mali iugitate peruenisset*, vt iam nullus pene Curialis idoneus reperiretur: Quam præsumptionis consuetudinem *ea leg.* vetat Valentinianus: pariter vt aliis quoque legibus vetitum in genere, ne alius pro aliena possessione & gleba conueniatur, *l. 31. supr. de annona*; & *l. ult. supr. de Executoribus*. Speciatim ne Vicanus pro aliis Vicanis, de quo *tit. Cod. Inst. vt nullus ex Vicaneis*: denique ne Decuriones pro aliis, vt *hac l. ita & l. 2. supr. de exactionib.* Cætera quæ ad *huius leg.* illustrationem quis requirere posset, repeti possunt ex dictis ad *d. l. 34. supr. de Annona & tributis*.

De Curialibus SPECTABILI vel ILLVSTRI dignitate decoratis.

CLXXXVII. (a) Idem AA. Isidoro PF. P. (b)

QUI ante hanc legem Spectabilium, vel Inlustrium quocumque modo sortiti sunt Dignitatem, parto semel honore & priuilegiis perfruantur. Si qui vero postea (c) ex Decurionibus, vel subiectis (d) Curia, ad Spectabilium gradum processerint, per se tam Curialia, quam Senatoria subeant munera, eorumque liberi post Senatoriam suscepti dignitatem patrum obstringantur exemplo. Quod si qui inter Inlustres etiam viros locum occupauerint, non laborioso Administrationis actu: sed honorario * titulo dignitatis, Senatui quidem per se respondeant, Curia vero per substitutos, suarum periculo (e) facultatum, statim (f) † faciant; quorum liberos, & (g) post eorum Inlustrem dignitatem progenitos, non solum Senatorum, sed etiam Decurionum munia per se, non per subrogatos, subire conueniet: &c. Dat. III. Non. April. Constp. Isidoro & Senatore Coss. [436.] Eodem exemplo (h) Eubulo PF. P. (i) Illyrici.

P. 519.

NOTAE.

- (a) Hinc interpolatæ, vt videtur, *lex 60. Cod. Inst. eod. tit. & l. 21. Cod. eod. de Episcopis, & Cleric.* quarum tamen inferior variat, *Thomæ PP.* Iungenda autem huic, *lex prox. 188. & lex ult. sup. de coheredatib. GOTHOF.*
- (b) Isidoro huic PP. Orientis scil. inscribuntur reliquæ omnes *huius tit.* Constitutiones. Ad eundem Isidorum vid. Isidori Pelusiota *Epistolas. ID.*
- (c) Posthac. *ID.*
- (d) Subiecti Curia *hac leg. & leg. prox.* id est debiti Curia, vt alibi vocantur, qui ad Curiam nominari possunt, nominationibus obnoxii. *ID.*
- * *D. lex 21. C. Inst. de Episcop.* hinc interpolata videtur. *ID.*
- (e) Vid. dicta ad *leg. 181. sup. ID.*
- (f) *vs. Satisfaciant*: vt *dict. l. 21. Cod. Inst. de Episcopis. & dict. l. 60. Cod. eod. tit.* (quæ hinc interpolatæ, vel sane ex eadem constitutione desumptæ) *satisfacere non videntur. ID.*
- (g) Etiam.

(g) Etiam. *ID.*

(h) Ita quoque *d. l. ult. sup. de cohortalib.* τῷ αὐτῷ τῶν Socrates lib. 2. c. 23. in fin. *ID.*

(i) Eubuli huius PP. Illyrici nomen inscribitur quoque *d. leg. ult. sup. de cohort.* iisdem verbis. *Isidoro PP. Eodem exemplo Eubulo PP. Illyrici. ID.*

*De Curialibus qui ad MILITIAM aliquam confugerunt, vel
ADVOCATIONEM in foro Illustrium Magi-
stratum.*

CLXXXVIII. (a) Idem AA. Isidoro PF. P. (b)
Postalia.

Sⁱ * quis Decurio, aut subiectus Curiz, vllam ante hanc legem gessit *Militiam*, aut cœptam dudum etiamnunc gerit, aut *Causidicinam* (c) in foro Amplissimæ præfecturæ Orientis, atque Illyrici, vel Urbano proficetur iudicio, in eodem latorum pridem Constitutionum † sanctio obseruetur: Post hanc vero Legem, si quis ex his ausus fuerit vllam affectare militiam, nulla præscriptione temporis muniatur, sed ad conditionem propriam retrahatur: ne (d) ipse, vel eius liberi post talem ipsius statum procreati, quod patriæ debetur valeant declinare, &c. Dat. III. Non. April. Const. Isidoro & Senatore Coss. [436.]

NOTAE.

(a) *Lex 55. Cod. Iust. eod. tit.* hinc desumpta, quam plurimis detractis. Iungenda autem ei *lex. prox. sup. 187. & lex ult. sup. de cohortalib. & lex 21. Cod. Iust. de Episcopis. GOTHOF.*

(b) Orientis: dixi ad *leg. superiorem. ID.*

* Totidem verbis hæc *lex* integra legitur *d. l. ult. sup. de Cohortalib.* excepto, quod quæ de Decurione, aut subiecto Curiz hic dicuntur, ibi de Cohortali vel subiecto cohorti, definiuntur. *ID.*

(c) *Causidicina* hic & *l. ultim. sup. de cohortalib.* & apud Symm. lib. 5. epist. 16. 75. & lib. 9. epist. 29. Ammianum lib. 30. cap. 4. Ad ultimum id habet *Causidicina* cum cæteris metuendum & graue: simili forma Apuleio lib. 7. in fin. p. 135. Edit. Lugd. B. apud Ioan. Maire. *Indicina & vesticina* atque *iuridicina* Tertulliano de *Pallio* c. 3. *ID.*

(d) Non minus bene, nec ipse: Quoniam illud etiam habet *d. lex ult. ID.*

COMMENTARIVS.

DE DIGNITATE Spectabili, vel Illustri, deque MILITIA seu officio quocunque, item de ADVOCATIONE (seu CAUSIDICINA,) an & quando ex Curia liberent, his duabus legibus tractatur: Quæ prolixioris Theodosianæ, Theodosii inquam Iun. constitutionis partes sunt: vna cum *l. ult. sup. de cohortalibus*: & *l. 21. C. Iust. de Episcopis, Eccl. & clericis*: quæ proinde his duabus coassandæ veniunt: qua quidem constitutione in vniuersum Theodosius Iun. tum Curiarum tum & cohortalium militiæ commodis consulitur, euitandæ alterius conditionis modos accidit. De Cohortali militia est *d. lex ult.* De Curiali conditione sunt hæc *dux leges*, & *d. l. 21. Cod. Iust. de Episcop.* an & quatenus ea euitari possit, aut Dignitate, de quo est *lex 187.* aut Militia, vel Causidicina: de quo est *lex 188.* vel etiam Clericatu, de quo est *dict. l. 21.* si modo a Triboniani emblemate ea vacua est.

I. De DIGNITATE igitur si quærat, Theodosius Iun. ea constitutione puta, *l. 187.* distinxit. Primo quidem inter Dignitatem Clarissimam, & alias maiores Dignitates, Spectabilem videl. & Illustriam (hæc enim tria Dignitatum genera hoc tempore fuere: de quo consulenda plene *Notitia Imperii*, quæ decennio ferme ante *hanc leg.* conscripta, sub harum ipsarum legum Auctore Theodosio Iun.) Igitur *Clarissimam* seu Senatoria dignitate indistincte Curialem conditionem euitari non

posse tacite definit: quod & ipsum eidem iam placuerat *l. 180. 183. sup.* In Spectabilibus, vero vel Illustribus iam ante *hanc l.* factis, & sic in præteritum nullo inter eos discrimine, verum indistincte Curiales ad Spectabilem vel Illustriam dignitatem euectos, Curia liberandos definit. In futurum vero Spectabiles iam ab Illustribus separat. Nempe *Spectabiles* per se, non per substitutum, tum Curialia quam Senatoria munera subire oportere: & sic viroque munere fungi vult. (Qui tamen antea, *p. 390. d. leg. 180. sup.* testatus fuerat, non credere se vitrumque per vnum, prout convenit posse compleri.) Idemque de filiis etiam post patris senatoriam dignitatem susceptis definit. (recte, nam ante susceptos ex patre Curiali, omnino Curiales manere, etiam aliz *leges* docent, puta *lex 58. 74. contra l. 93.*) In Illustribus subdistinguit inter Illustrem dignitatem *ὑπερακτον*, & honorariam, (vt cæteroquin distinguï solet,) vel enim actu ipso & laborioso administrationis, Illustres sunt, & *ὑπερακτοι*, (singe Curialem Magistrum officiorum, vel Quæstorem aut Comitum S. L. vel R. P. factum,) & tum proculdubio voluit Theodosius Iun. Illustrem huiusmodi virum Curiali nexu liberari: quod utique datum tam cessæ Dignitati, eique *ὑπερακτω*. Vel honorariis titulis tantum sunt Illustres: & hoc casu definit Theodosius Iun. ipsos quidem Senatui seu Senatoriis muneribus per se respondere, Curiz vero per substitutos periculo suarum facultatum; At liberos, etiam post

honorariam hanc Illustrem dignitatem patris, vtraque munia explere oportere per se, non per subrogatos. Et hæc quidem sententia est Theodosii Iun. leg. 187. Quis vero in vniuersum hac in re circa Dignitates Principum sensus fuerit, edocent 27. huius tit. leges, quas repetere licet ex *Paratitlo*. Ergo notetur hic casus, quo Curialis cum regulariter per substitutionem seu substitutum muneribus patriæ se abstrahere non possit, l. 167. nequidem Senatoria dignitate indepta, ex Theodosii M. l. iii. 118. *supr.* & Arcadii l. 167. attamen pro se alium substituere potest seu subrogare, & sic per Vicarium (vt vocatur, d. l. iii.) Curia liberari. Quod & ipsum pluribus aliis casibus obtinet, seu constitutum est, 1. ex speciali humanitate, vt loquitur *lex* 155. Idque in Curialibus ad munus aliquod Ecclesiasticum promotis, ex Constantii l. 49. 59. Valentiniani Iun. l. 99. Theodosii M. l. 115. Arcadii l. 163. Item ad dignitatem aliquam subuectis, ex Theodosii M. l. 90. 91. 98. Honorii l. 155. Arcadii l. 160. & hac Theodosii Iun. l. 187. vnde deformatæ videntur l. 21. C. *Iust. de Episc. & Cler.* & l. 60. C. *cod. de Decur.* cum qua nihil commune habet prolixus Interpretum Tractatus, ad hanc nominatim *legem*, quando is cui commissio aliqua data est, seu officium demandatum, eiusque persona electa, alium substituere interim, seu quandoque pro se, impeditus, vel absens, per substitutum deferuire possit. Leges enim illæ *se. decim*, quas modo vnam in lineam conieci, in alio longe argumento versantur: nempe in conditione, qua quis alicui nexus est, nascendi ferme, an, & quando, ea liberari in totum possit, si in alium statum & hominem promotus sit, substituto alio? Idque ex *speciali humanitate*.

Conditio autem sub qua huiusmodi substitutio quandoque admittebatur, ea erat, vt suarum facultatum periculo a substituente id fieret, vt hac l. & d. l. 21. C. *Iust. de Episcop. & Cler. & leg. 60. Cod. eod. de Decur.* cessis vel in totum vel pro parte facultatibus substituto: l. 49. 59. 90. 91. 98. 99. 115. b. 1. Quare & hinc alienus est Tractatus in specie illa ipsa quam tractant Interpretes, quis & quando qualificatus esse debeat qui substituitur, & an substituens teneatur de excessibus & delictis substituti? Illud enim hæctenus hic requiritur, vt debitum non negetur officium, l. 155. & vt ex patrimonio suo Curialis alium idoneum faciat, l. 115. idoneos substituat, d. l. 90. 91. 98. periculo suarum facultatum, vt dicitur l. 187. Et hæc quidem de *lege* 187.

2. De MILITIA quoque seu officio quocunque, & CAUSIDICINA in foro aliquo Illustrium Magistratum (de quo postea) ad quam Curialis derelicta Curia sese contulit, ita distinguit Imp. tum hac l. 188. tum d. l. vlt. *sup. de Cohortalibus* (vbi d. *lex* 188. repetitur:) Nempe in præteritum, in his latas pridem constitutiones obseruandas. De Militia equidem seu officio (Palatino, puta vel Apparitionis Præfecturæ Prætorianæ,) aperta est Theodosii Iun. constitutio, qua Curiales exinde ad Curiam retrahi vetat, si quinquennio toto a collegis seu a Curia reuocati non fuerint, & sic quinquennii præscriptione eos muniri vult, l. 14. *sup. de privileg. eorum qui in sacro Palatio*. quæ iungenda est *legi* 184. *sup. b. 1.* (vbi tempora expressa præsumpta militiæ, & diuersa

stipendia, de quinquenniali illa militia accipienda sunt, ex d. l. 14. absque cuius alioquin *legis* ope, dicta *lex* 184. hodie a nobis non intelligeretur:) Filios vero eorum indistincte ad Curiam reuocari vult; d. l. 14. & d. l. 184. De *Causidicina*, quid antea statuerit Theodosius Iun. non reperio: nisi quod eiusdem constitutio extat C. *Iust. ad Cyrum P. V.* data ante decennium An. 426. puta l. 5. C. *Iust. de Aduocatis diu. Iudiciorum*: qua Aduocatis Præfecti Vrbis, quidquid antea præstitisset Privilegiorum, Togatis per Præfecturam Orientis, quoque tribuit. Et proculdubio simile aliquid quod de officiis Palatinis statuerat. Et cæteroquin Togatis seu Aduocatis in foro Præfecti Prætorio & Vrb. singularia quædam privilegia tributa: vide l. vlt. *sup. de postul. l. vlt. sup. de Senatorib.* Quod & ipsum testatur Valentinianus *Novell. 10. vers. in diuersis*, vt cæteris qui sub his agebant. Et hæc quidem in præteritum: de quo plura. In futurum vero Theodosius Iunior amota omni temporis præscriptione, Curialem eiusque liberos quandocunque susceptos ex quacunque militia ad Curiam retrahi iubet. Et hæc quidem est harum duarum *legum* sententia.

Duo tantum obseruari cupio. Primo quod d. l. 21. C. *Iust. de Episcop.* dicitur, id quod de Curialibus, Illustrem dignitatem honorariam adeptis hac *leg.* nostra 187. definitur, vt per substitutum periculo suarum fortunarum Curia muneribus satisfacere possint, id inquam constitutum ad similitudinem Episcoporum, Presbyterorum, & Diaconorum (nam & hi ex ipsiusmet Theodosii Iun. constit. l. 172. *sup.* cedendo Curia facultatibus liberantur:) Quæ comparatio (si Tribonianus facinore *lex* illa immunis est) Theodosiana notanda est; quasc. cum Illustribus ciuilibus dignitatibus, comparantur Illustria & præcipua officia Ecclesiastica.

Secundo de *Causidicina* seu *Aduocatorum* privilegiis videndum & accuratius. Sane sæpe antehac annis Curiales Causidicina, seu Aduocationis obtentu, curialia munera euitare, vel per saltum ad maiora euehi, quod incunctanter & absolute respuerunt superiores ætate Principes, Constantius l. 46. *sup.* Valentinianus Sen. l. 77. *sup.* Theodosius M. l. 87. & 98. 116. *sup.* Arcadius sane l. 152. *sup.* Togatis fori Præfecti vrbis Constantinopol. provincialium functionum immunitatem dedit. Mox primus ferme Theodosius Iunior Causidicinam in immensum euexit: tributis in commune omnibus omnium Iudicum Aduocatis, privilegiis nonnullis, veluti peculii quasi castrensis iure, l. vlt. *sup. de postulando*: seu l. 4. C. *Iust. de Aduocatis diu. Iudiciorum*. At specialibus privilegiis collatis nonnullis Aduocatorum: puta Aduocatis in foro Præfecti Prætorio Orientis, Illyrici & Præfecti vrbis Constantinopol. vt vel hæc *lex* nostra 188. & d. vlt. *sup. de cohortalib.* docet. Ac primum quidem Togatis seu Aduocatis in foro Præfecti Prætorio Orientis; quæ mox idem ad Aduocatos in foro Præfecti vrbis traduxit: l. 5. *Cod. Iust. de Aduocatis diu. Iudiciorum*, quæ decennio ante hanc *leg.* 188. data est: & ad Aduocatos in foro Præfecti prætorio Illyrici: vt ostendit hac *lex*, & eiusdem *lex* altera, data triennio post hanc *leg.* nostram: puta l. 7. *Cod. Iust. de Aduocat. diu. Iudiciorum*,

rum. Hinc igitur est, quod *bas leg.* diserte agitur de Causidicina seu Aduocatis in foro Præfecto Prætorio Orientis atque Urbis: quibus singularia præ cæteris priuilegia a Theodosio Iun. tributa fuerunt; vt cæteroquin sæpe sub Præfecto Prætorio operam nauantibus eximia iura tribui solita: de quo ad *l. 2. sup. de Adsectorib. & l. ult. sup. de postulando*, & *l. ii. sup. de Numerariis*. Et vero cum tributa essent, Curialibus occasionem ea dedere, passim ad Aduocationis munus ambiendum indictis foris, vt præter hanc *leg.* docet eiusdem Theodosii Iun. *Nouella de postulando* 16. (quæ triennio post hanc *leg.* data) *Eneruasse Curias, vel prouinciarum officia, effusam Amplissimæ Præfecturæ iudicio postulandi cupiditatem, inlecebris immunitatis accensam comperimus*. Itaque ea *Nouella* Theodosius statuit, Curiales; qui ultra 64. priores in amplissimo foro postulandi sibi vsurpauerant licentiam, per substitutum, vel suffectum munia Ciuitatis suæ agnoscere: nulloque sacrarum constitutionum, quæ

de Aduocatis late sunt, beneficio frui, nisi ad filici patronatum peruenerint. Vnde apparet, quod ad huius *l. nostræ* intellectum facit, Causidicos, qui iam *butur l.* tempore essent in foro Præfecti Prætorio, si modo in Ordine essent, non supernumerarii, substituto Curix dato a Curia liberatos: Et quamquam hoc grande priuilegium immunitatis Curiali nexu, ad alios Aduocatos prouinciarum vel spectabilius Iudicum non porrigeret Theodosius Iun. attamen munerum quorundam immunitatem & his tribuit *d. Nouella de postulando* 16. vnde desumpta est *lex 6. C. Iust. de Aduoc. diu. iudiciorum*. Quo numero est quoque ea, de qua *l. prox. 189.* Et hæc de Theodosio Iun. Valentinianus quoque Tertius, eius in Imperio Collega, *Nouella 10. cap. in diuersis*: Curiales Causidicos, qui certatim ad priuilegia Causidicis Inlustri Prætorii, Prætorianæ Præf. atque urbana, debita festinabant, suffectum Curix præstare voluit.

De CVRIA ALEXANDRINA quatuor leges.

I. De PRINCIPALIBVS illius Curix, ad quæ munera teneantur: & de PRIMI dignitate.

CLXXXIX. (a) Idem AA. Isidoro PF. P. (b)

ALEXANDRINIS Principalibus, etsi Aduocatione fungantur, nihilominus (c) onus Peregrinationis (d) incumbat, nec Cura (e) publica, nisi in sua tantum ciuitate committatur. Et primus (f) Curix, qui in (g) muneribus vniuersis expletis ad summum (h) peruenerit gradum, Comitium primi ordinis trui (i) per (k) quinquennium dignitate præfita: (l) nec Senatoriis minime (m) functionibus obstringatur, in Curia (n) tamen permaneat. Dat. Prid. Non. Iun. Constantinop. Isidoro & Senatore C. o. s. s. [436.]

NOTA E.

- (a) *L. 56. Cod. Iust. vob. tit.* Iungendæ autem huic sunt duæ leges proximæ 190. 191. (Imo tertia seu ult. huius tit.) Item *lex 3. supra de Indictionib. lex 2. infra de frum. Alex. lex 2. inf. de Alexand. pleb. primatibus. GOTHOFR.*
- (b) Orientis: dixi ad *l. 187. sup. ID.*
- (c) Pro nullo magis, minime, non: de quo mox: sic & infra hac ipsa lege duplici abnutiuo, *Nec minime. ID.*
- (d) Id est Legationis: Eodem sensu peregrinationis vox accipitur, *lege 9. infra de Legatis*, vbi dicam adhuc aliquid. *ID.*
- (e) Cura publica, an est munus aliquod publicum personale, & administratio, quæ principalibus committebatur? videtur curatoris ciuitatis munus indicari. v. *Gl. Theod. ID.*
- (f) De hoc Primo Curix agitur etiam *l. 127. 171. inf. sup. ID.*
- (g) Πρωτοκρον: cum, C. Iust loco, *qui in. ID.*
- (h) Primi Curix. *ID.*
- (i) Locus plane vitiosus: pro quo, in *Cod. Iust. fruatur*. vide etiam *leg. 127. supr.* vbi Comitium tantum tertii ordinis, primo Curix datur. *ID.*
- (k) Post biennium, C. Iust. *ID.*
- (l) Sequens ita immutata C. Iust. in *Curialibus tamen permaneat. ID.*
- (m) *Nec minime*: duplici abnutiuo. Hæc autem verba a Triboniano repudiata sunt. *ID.*
- (n) Id est in Ordine Alexandrino. *ID.*

R. 321.

2. De QVINQVE PRIMATIBVS Curix Alexandrinæ immunibus ab iniuriis corporalib.

CXC. (a) Idem AA. Isidoro PF. P. (b)

QVINQVE Primates (c) Ordinis Alexandrini a Corporalibus (d) iniuriis immunes esse censemus (e) vt voce libera commoditates patriæ defendant: cum possint, si quid egerint

egerint criminose, pecuniariis coerceri dispendiis: Æstimabuntur (f) autem præsentē Curia viri Spectabilis Augustalis (g) iudicio. Dat. Prid. Non. Iun. Constp. Isidoro & Senatore Coss. [436.]

NOTAE.

- (a) L. 57. *Cod. Iust. cod. tit.* Quibus autem ea iungenda sit, iam ad *superiorem* dictum. GOTHOFR.
 (b) Orientis: dixi ad l. 187. *sup.* ID.
 (c) *Summates*, C. Iust. Quomodo etiam Symmachus *lib. 10. ep. 63*: *Summates Aricinis Urbis*, dixit: *Summos Municipum Proceres* dixit Ausonius *Mosella v. 401*. τὸ πρῶτον τῶν βαλευνῶν Eunapio in *Maximo pag. 97. Edit. Comelin.* Classis quoque *Summates l. 31. inf. de Nauicular.* ID.
 (d) Id est, a Quæstionibus & tormentis: dixi plene ad l. 39. *sup.* ID.
 (e) Id est iubemus. ID.
 (f) Pecuniaria dispendia, condemnationes, multæ. ID.
 (g) Præfecti Augustalis, seu Ægypti. ID.

3. De eo qui TRIGINTA annis Alexandria ciuilia munera obiit.

CXCI. (a) Idem AA. Isidoro. PF. P. (b)

EVm qui triginta annos (c) in Alexandrina ciuitate ciuilibus inhæserit muneribus, corporalibus muniis, non pecuniariis, excusari conueniet: (d) habita consideratione videlicet meritorum, ut hoc bene cognitum (e) priuilegium consequatur, nec eo passim fruantur indigni. Dat. Prid. Non. Iun. Constantinop. Isidoro & Senatore Coss. [436.]

NOTAE.

- (a) L. 58. *Cod. Iust. cod. tit.* Quænam autem ei iungenda sint, dictum ad l. 189. GOTHOFR.
 (b) Orientis: dixi ad l. 187. *sup.* ID.
 (c) *Annis*. C. Iust. Editiones nonnullæ. ID.
 (d) *Conueniet*: C. Iust. ID.
 (e) *γρ. Cogniti*, ut C. Iust. *bene cogniti*, id est, *bene meriti* opponuntur hic indignis. ID.

4. De SPONTANEIS munificibus Alexandriae.

CXCII. (a) Idem AA. Isidoro PF. P. (b)

SI quos spontaneos Hypomnematografi (c) Munificos (d) suis exhortationibus ad publicas nominauerint functiones, Augustalis (e) iubemus non expectandum esse consensum, qui sit plerumque venalis, sed viriusque partis sufficere voluntatem, ut incipiat functio quam nullus incusat: tum ad memoratum Iudicem (f) tam nominari quam etiam Creatores (g) consona relatione currente, (h) quam (i) si suscipere, vel confirmare distuleris, sciat se vigintiquinque auri librarum condemnatione plectendum. Dat. Prid. Non. Aug. (k) Constp. Isidoro & Senatore Coss. [436.]

NOTAE.

- (a) *Lex 59. Cod. Iust. cod. tit.* Quibus autem legibus hæc coniungenda sit, dixi iam ad l. 189. GOTHOFR.
 (b) *Isidorus PF.* Orientis scil. dixi ad l. 187. *sup.* ID.
 (c) *ὑπομνηματισταί.* ID.
 (d) *Munifici*, id est, munera præstantes, subeuntes: *Liturgi* propria voce in Ægypto, l. ult. *sup. de patrociniis vicorum.* ID.
 (e) *ὑπομνηματισταί* iterum, quam hic sustulit *Τριβων.* ita: *Iubemus non expectandum esse consensum pro tempore viri Spectabilis Augustalis.* ID.
 (f) Id est Præfectum Augustalem. ID.
 (g) *Creatores* C. Iust. ID.
 (h) Ita quoque *Cod. Iust.* imperfecta sententia: quare *γρ. current.* ID.
 (i) Relationem consonam. ID.
 (k) *γρ. iam, ut tribus superiorib. legibus.* ID.

COMMENTARIVS.

DE ALEXANDRINA Curia, eiusque Curialibus, sunt hæc quatuor Theodosii Iunioris *leges*: quæ omnes partes sunt vnius & eiusdem prolixæ constitutionis, non *Novella* (vt Cuiacius prædixit) *Theodosiana*, ex qua supersunt tres aliæ insuper *leges hoc Codice* (atque adeo his quatuor constandæ) puta *lex 2. inf. de frum. Alexandrina: lex 2. inf. de Alexandrina plebis Primatibus: & lex 3. sup. de Indictionibus*. Ea constitutione Theodosius Iuniorum possessoribus in commune per totam Ægyptum circa rem tributariam consultum iuit, quo spectat *d. lex 3. sup. de Indictionibus*; tum Alexandrinæ ciuitati speciatim: & quidem per partes, singulis eius partibus: Puta Corporatis, quo pertinet *d. lex 2. inf. de Alexandr. plebis Primatibus*: Item Plebi Alexandrinæ, quod argumentum est *d. legis 2. inf. de frum. Alexandrino*. Tandem & Curia: seu Curialibus Alexandrinis: quo pertinent hæc *leges nostræ*. Ita quidem, vt Præfecto Augustali seu Ægypti sibilam his ferme *legibus* impositum eat, quod docent maxime *lex 190. & lex 192. seu ult.*

Singularum sententiam prius quam explico de Curia & Ciuitatibus Alexandrinis in genere videntur: est: quo præter has quatuor *leges* pertinent quoque *lex 80. 112. 126. sign. b. t. & apertissime lex 42. 43. inf. de Episcopis: Lex 19. sup. de petitionibus: lex 15. inf. de legatis*. Sed & Libanii *Epistol. 608. ad Celsum*. Synesii locus *ep. 18. 19. & 21.* Igitur initio Alexandrinis Curia: seu Buleutarum ius ab Augusto denegatum, utpote rerum nouarum studiosis, auctor est Dio *lib. 51. ad an. V. C. 724. pag. 455. Edit. Wechel. 1606, τοῖς Ἀλεξανδρεῦσιν, αἰτ. ἀνευ βαλευτῶν πολитеύεσθαι ἐκέλευσε: τοσαύτην πῶ νωτεροποῖαν αὐτῶν κατέγνω*: Alexandrinis vero sine Curialibus rempublicam administrare iussit: ita quidem eorum studium rerum nouarum redurgebat. Imo eiusdem quoque Augusti *lege*, in Senatum Rom. cuius Alexandrinus legi non potuit, teste eodem Dione *ibid.* Quomodo & Alexandria: ciuitatis ius, ex institutione Principum, non temere dabatur, teste Plinio *lib. 10. ep. 5. & 23.* At datum Alexandrinis Curialium ius postea a Seno Iov. testis Spartianus in eius *vita cap. 17. init. Alexandrinis*, inquit, *ius Buleutarum dedit, qui sine publico consilio, ita vt sub Regibus, ante vivebant, vno Iudice* (puta Iuridico Alexandria: contenti, quem *Cæsar dedisset*. Quemadmodum & mox mutatam alterum illud Augusti institutum ab Antonino Caracalla Seno filio, auctor Dio *prædicto loco*: qui alias in Alexandrinos mire sæuit, omnibus etiam *ῥαῖς καὶ συσσιτίαις, σφετεράς τε & sodalιτιῖς*, ibi sublati, teste Xiphilino in *Ep. Dionis pag. 435. Ed. Sylburg.* Ergo & in Senatum Romanum Alexandrinus cuius deinceps legi potuit, & Alexandria ipsa suum peculiarem Senatum seu Curiam habuit: Ita quidem, vt vrbis dignitate, quæ post urbem Romanam *δευτερεῖα* habuit, *Magna*que dicta etiam a Synesio *ep. 21.* Curia Alexandrina summo loco censeretur; quo fit, vt Theodosius M. (Theodosii nostri Auius) *Senatorum* appellatione eos designet, haud aliter atque vrbis Romæ *l. 19. sup. de petitionib.* cuius inscriptio ita habet, *ad Senatores Ciuita-*

tis Alexandrina. Exinde igitur variis Principes subinde constitutionibus Curia: & Curialibus Alexandrinis consultum iure. Sane Theodosius Iunior his enixe consultum it *quatuor hisce legibus*: quarum quinque sunt capita.

Primum caput est de PRINCIPALIBVS Alexandrinis. Notum iam in Curia, seu inter Curiales certo numero fuisse Principales quosdam, qui ferme numero decem fuere, vnde Decemprini *l. 2. sup. de Question. l. 39. inf. de Episcopis: l. 54. inf. de hereticis.*

Hi igitur, vt cæteroquin eximio iure præ cæteris Curialibus seu Senatoribus erant, ita singulari hoc privilegio donantur *hac l. 189. a Theodosio Iun.* puta vt eis *Peregrinationis* onus non incumbat, nec Cura publica nisi in sua tantum ciuitate committatur: *Peregrinationis* onus est Legationis ad Principem: quo eodem sensu *peregrinationis* vox accipitur quoque *l. 9. inf. de Legatis*, & apud Symmachum *non semel*: de cuiusmodi Legationibus Alexandrinis, præter *hanc l. est & lex 19. sup. de petitionib. l. 42. inf. de Episc.* Et de Legationibus in genere *inf. tit. de Legatis*. Scilicet, cum cæteroquin, qui Legati mittebantur ad Principem, ex prouinciis & ciuitatibus, e Decurionum numero mitterentur, quod docuit *lex 9. sup. b. t.* vbi vid. quæ dixi, *hac l.* Principales Alexandrini excipiuntur. Item a cura publica: Cura publica nam eadem est cum iis, quæ vocantur procuraciones & Curæ ciuitatum *l. 20. sup.* An sunt Administrationes & munera, quæ Curialibus non tantum intra urbem ipsam committebantur, verum etiam extra urbem, veluti translatio auri (vt etiam docet Synesius *ep. 18. 19. 21.*) Cogendarum angariarum onus *l. 1. C. Iust. quemadm. mun. ciuit.* sane iisdem Principalibus hoc quoque privilegium datur *hac l. a Theodosio Iun.* vt ne Cura publica, nisi in sua tantum ciuitate his committatur. Et hæc quidem non tantum ipsorum Principalium fauore, verum etiam Ciuitatis ipsius Alexandrinæ, eo quod in his Principalibus, ciuitatis decus consisteret, & Alexandrina ciuitas suo pte ingenio lenis, & ad tumultus præceps, Principalium opera & præsentia egeret.

In tantum porro Legationis immunitatem tribuit *hac leg.* Principalibus Alexandrinis, vt eis tribuat, *etsi Aduocatione fungentur*. Videbantur scilicet saltem excipiendi, eo quod desideria vrbis Alexandrinæ ad Principem melius perlaturi, & Aduocatorum operam desiderare hoc maxime negotii genus videretur: Et tamen neque his legationis onus imponendum statuit: *Nihilominus*, ait, *peregrinationis onus incumbat*. Vbi nihilominus aperte positum pro *nihilominus*, vel pro *minime*, non, quod Glossa recte vidit, & Cuiacius quoque probauit ad *l. 7. §. 2. D. pro emptore*, qui Roberti censuram perperam incurrit 2. *Receptarum c. 29.* sane etiam Grammaticæ Artis Magistri id monent, *nihilominus* quandoque pro *non accipi*. Priscianus *lib. 18. pag. 1196. inter Putschii Grammat.* Et vero recte idem Cuiacius monuit eodem sensu accipiendum in *d. l. 7. & in l. 13. §. ult. Cod. Iust. de iudiciis*. Interim ex hoc loco intelligimus

gimus Aduocatis peregrinationis onus ferme incubuisse: de quo ad l. 2. *sup. de concuss. Aduocat.*

Secundum caput quod continetur *eadem l. 189.* est de PRIMO Curiae Alexandrinae: Inter Principales sc. quidam Primus erat, qui principalem & summum in Curia locum obtinebat, qui gubernacula urbis administrabat Curiasque regebat: de quo praeter hanc leg. agitur & l. 127. 171. *sup.*

P. 525. Qui quidem ideo eximio iure erat. Itaque Alexandrinae Curiae, Primo, *hac l. 189.* Theodosius Iun. Comitum Primi Ordinis dignitatem tribuit, quae secum trahebat Senatoriam dignitatem (cum tamen Theodosius M. Comitum tantum Terti Ordinis huic Primo Curiae tribuerit, l. 127. *sup.* de qua lib. 6. *sup.*) sub his tribus tamen conditionibus. Primo, utper quinquennium tantum ei hanc dignitatem tribuat. Quod quidem singulare admodum est, ut videlicet dignitas alicui, & quidem Senatoria, non in perpetuum, sed ad tempus detur, & proficit. Aliter quam in l. 109. *sup.* ubi dignitas ex Comitibus omnibus in patria muneribus perfunctis in perpetuum tribuitur. Secundo, ut licet Comitum Primi ordinis Primus Alexandrinae Curiae habeat, Senatoriis functionibus immunis sit: id est non teneatur ad Senatoriam glebam, & Senatorias editiones, aliaque Senatoria onera: Quod quidem & ipsum singulare est, ut Senatoria dignitate quis fruatur, & tamen onerum Senatoriorum immunitate gaudeat: de quo alibi ad leg. 1. de decurion. & silent. & Paratitl. de Senatorib. & de glebal. Tercio, ita Comitum hanc Theodosius Iun. Primo tribuit, ut tamen eum in Curia manere velit, quod & ipsum Theodosius M. statuit *dict. l. 127.* cum ei Comitum Terti ordinis tribuat.

Tertium caput, quod continetur l. 190. est de privilegiis Quinque PRIMATVM Curiae Alexandrinae: quos Summates Tribonianus maluit dicere: Quomodo summates Aricinae urbis Symmachus lib. 10. ep. ultim. Nempe e numero Principalium, non tantum Primum, suo & eximio iure quodam haberi voluit Theodosius Iun. verum & suo quodam iure Quinque Primates: In commune Principalium quaedam privilegia fuere: at inter Principales pecuniaria Quinque Primatum: pecuniaria adhuc Primi. Ergo quinque primates Curiae Alexandrinae a Corporalibus iniuriis, id est a quaestionibus & tormentis immunes esse iubet *hac l. 190.* Theodosius Iun. Quod ostendit, hoc tempore Curiales, imo ne principales quidem in commune a quaestionibus & tormentis immunes fuisse: & quidem Alexandriae: cum tamen antea vel Curiales in totum hac immunitate fruerentur: de quo compluries dictum *sup.* & quidem intra Aegyptum, atque adeo Alexandriae sub Theodosio M. ut docet *lex 80. sup.* vel saltem principales deuoti, & nihil debentes, etiam intra ipsam Aegyptum l. 186. *sup.* Quae quidem immunitas Alexandriae postea infracta: quam Quinque Primatibus saltem *hac l.* Theodosius Iun. restituit.

Et rationem addit, *Ut, inquit, voce libera commoditates patriae defendant.* Nempe enim metu tormentorum & iniuriarum corporalium, quas Iu-

lices miseris Curialibus intonantes infligebant, saepe Curiales miseriae suas deslere non poterant, & ad Indices querelas perferre, forte de nimia tributorum sarcina, vel de Officialium deprædationibus, & id genus aliis: Iudiciis modum non habentibus, rapinis Officialium conuiuentibus. Et verò si id alibi factum, factum in Aegypto, & Alexandria a Iudicibus, & quidem a Praefecto Augustali, cuius consensus plerumque venalis erat: ut exerte docet *lex ult. b. t.* Cui ideo hac parte fibulam imponi subinde oportuit, & a Theodosio M. d. l. 80. & 126. *sup.* & vero imponitur a Theodosio Iun. *hac l.* sicut imponitur & alia parte huius Constitutionis Theodosianae d. l. ult. b. t. ut ita voce libera commoditates patriae Primates defendant: Quas infringi hac ætate plurimum contigit, aucto in immensum tributorum modo, & quia pecuniis magistratus & officia redimerentur: de quo sunt hoc ipso tempore querelae Isidori Pelusiota: & quidem ad hunc ipsum Isidorum PP. (cui hæc leges inscribuntur) lib. 1. ep. 485. & ad Archontium 487. & aliis epistolis. Imo exertis verbis idem Isidorus lib. 3. ep. 50. Theodoro Praefecto Augustali insolentiam in omnes & superbiam exprobrat.

Igitur Quinque Primates Curiae Alexandrinae, ea quam dixi de causa, Corporalibus iniuriis subijci vetat Theodosius Iun. sed pecuniariis tantum dispendiis coerceri, si quid criminosè egerint. Et hac parte tamen etiam fibula imposita Praefecto Augustali: puta ut praesente Curia huiusmodi multa pecuniaria aestimetur a Praefecto Augustali, coram toto videl. Curiae confessu: cuius praesentia exhibeatur, ne modum excedat, & insolentia efferatur, *μη πρὸς ὕβριν ἰσχυροῦσαι*, ut scribit Isidorus Pelusiota ad PP. Augustal. *dict. Ep. 50. lib. 3.*

Quartum caput, quod continetur l. 191. est de CURIALIBVS in commune, qui diutino tempore, puta per 30. annos bene cogniti, id est, recte Curialibus muneribus inhaeserunt, functique sunt: Nempe & hos Theodosius Iun. privilegio quodam muniendos credidit: puta ut deinceps immunes essent a Corporalibus seu personalibus muneribus, non vero a pecuniariis seu patrimonialibus. Quae quidem munerum distinctio & alibi cernitur, puta, ut patrimonialium munerum vacationem saepe non habeat, qui personalem habet: de quo tit. D. de munerib. & honor. & tit. de vacat. & excus. muner.

Postremum caput, (quod continetur *postrema, seu ultima lege*, puta 192.) est de VOLUNTARIIS Curialibus: de quibus sunt tres aliae constitutiones eiusdem Theodosii Iun. puta *lex 172. 177. sup.* & *Nouella eius 11. & tit. Cod. Iust. de his qui sponte muner. aliaque leges*, de quibus consule *Paratitlon huius tituli.* Nempe cum aliorum idoneorum inopia, Voluntarii saepe homines Curiales functiones subirent, vel soli genitalis amore, vel certe excitati exhortationibus aliorum, & quidem Hypomnematorum, atque ita Curiae bono & leuamento id cessurum erat, saepe fiebat, ut cum de ea re ad Augustalem perferretur, eiusque consensus hac in re exquireretur, ut inquam huiusmodi negotium Praefecti Augustales inturbarent, voluntarii

tariis his forte factum non cupientes, & male fau-
tes, plerumque etiam aucto corrupti (de quo iam
sup.) aliis forte ad id munus anhelantibus; Theodo-
sius *lun. hac l.* id iam constituendum putauit, vt ne
de ea re amplius ad Augustalem referretur, neue
eius consensus hac in re requireretur: verum vt
vtriusque partis sufficeret voluntas, & Ordinis, qui
id præbisset; & voluntarii, qui sponte munus sub-
ire vellent: solo *confirmatonis* iure; idque sub graui
multa, Præfecto Augustali imposito: Nempe sic
suum hac parte Curiae iudicium relinqui voluit;
quæ discrimen suum nosset: Cui alioquin iudicium
suum non relinquendum, cum contra de adscriben-
do seu eximendo aliquo a Curia per gratiam agitur,
l. 86. & 87. sup.

De *Hypomnematographo* Alexandriæ cuius *hac l.*
mentio fit, alter præterea locus occurrit apud Stra-
bonem *lib. 17. p. 1148. Edit. Almeloueen.* (quod etiam
Alciatus *hic* indicauit) & ita quidem, vt secundum
ordine inter alios Alexandrinæ vrbis Magistratus
ponat, τῶν δὲ ἐπιχωρίων, inquit, ἀρχόντων κα-
τὰ πόλιν μὲν οὗτε ἐξηγητὴς ἐστὶ πορφυρεῶν ἀμ-
πεχόμενος, καὶ ἔχων πατρὶες τιμὰς, καὶ ἐπι-
μέλειαν τῶν τῇ πόλει χρησίμων. (huic respon-
det *Primus Curiae*, de quo *l. 189.*) καὶ ὁ ὑπομνη-
ματογράφος, καὶ ἀρχιδικαστὴς τῆς αἰτίας δὲ
ὁ νυκτερός στρατηγός: ex indigenis magistrati-
bus in urbe est exeges, (sui. interpret) qui purpu-
ram gestat, & patrios honores habet, & eacurat, quæ
vrbis sunt necessaria. Item *Commentariorum scri-
ba*, & iudicium præfectus. Quartus est Prætor no-
cturnus. Quo quidem loco Quatuor Alexandrini
Primates designantur, quo tempore nondum Cu-
riam habebat vrbis Alexandrina.

P. 324. Ergo *Hypomnematographus* secundus fuit inter
Principales, & primores Curiae Alexandrinæ. Quod-
nam munus eius fuerit, partim ex *hac l.* partim ex
nominis indicio in partem cognoscere licet: nempe
eum Nominationes ad liturgias seu munera publica
Ciuiilia & Curialia fecisse, munera distribuisse, &
commentarios harum rerum fecisse, vnde nomen il-

li. ὑπομνήματα scil. *Commentarii*, quod etiam Ci-
cero filius *Epistolarum lib. 16. ep. 21.* & Columella do-
cet *lib. 7. c. 5.* Alioquin & *hypomnematographi* me-
minit Ioannes Episcopus Citri in responsis ad Con-
stantinum Cabasilam, pag. 327. *Tom. I. luv. Græc.*
Rom. Marqu. Freberi. & Codinus *inter officia Ec-
cles. Const. l. xpe.* & in primis pag. 3. *Edit. Paris. Iacob.*
Goari. ὑπομνηματογράφος, εἰς τὸ γράφειν τὰ
ὑπομνήματα, A commentariis, scribendis commen-
tariis (memorialibus) vacat. Et in genere Glossæ
veteres: ὑπομνηματογράφος, *Aluarius Memo-
rariu.* Sed quid moramur? Lucianus in *Apolo-
gia* de se *Hypomnematographi* munus Alexandriæ
amplexato, περὶ τῶν ἐπὶ μισθῷ συνόντων: p. 491.
Edit. Grauii. id munus graphice describit: εἰσι hy-
pomnematographum non nominet. ἔγωγε οὖν, εἰ
συνέψαιμι, δόξαίμην ἂν σοὶ ἵπτο μικρότατον τῆς
ἀνθρώπινης ταύτης ἀρχῆς ἐγκυχερίσθαι, τὰς δίκας
εἰσάγειν, καὶ τὰς αἰτίας ἐπὶ τῇ προσηκύσαν ἐπι-
τιθέναι, καὶ τῶν περὶ τομίων καὶ λεγομένων ἀπα-
ξαπάντων ὑπομνήματα γράφειν, καὶ τὰς τε ῥη-
τορίας τῶν δικαιολογούντων ῥημίζειν, καὶ τὰς τῶ ἀρ-
χόντων γνώσεις πρὸς τὸ σαφές αὐτὰ καὶ ἀκρι-
βές αὐτὸν εὖν πῶς ἐπὶ τῇ μεγίστῃ διαφύλαττον, καὶ πα-
ραδίδοναι δημοσίᾳ πρὸς τὸν αἰετὸν ἀποκοσμομένης.
Quem Luciani locum de Adfessoribus male accep-
tum, huc recte transtulit Valesius in *Marcellinum*,
lib. 28. cap. 1. Locus ita vertendus: Equidem ego, si
consideres, videbor tibi non minimam Ægyptiacæ
administrationis partem obtinere, dum lites indu-
co, & ordinem ipsi conuenientem impono, & facto-
rum dictorumque omnium *Commentarios* scribo, &
litigantium allegationes ordine, & Præfetti cogni-
tiones dilucidissime & accuratissime cum summa fide
custodio, & in omne æuum reponendas publice tra-
do. Ergo fuit *Hypomnematographus* inter præci-
pua Alexandrinæ vrbis munia; & *Commentarios*
Curiae & Curialium faciebat; & exinde ad eum
quoque nominationum ad munera Curialia Cura
pertinebat: quod *hac l.* docemur.

DE PRÆBENDO SALARIO.

TITVLVS II.

LIB. X. COD. IVST. TIT. XXXVI.

De SALARIO non præbendo ex viribus Reipubl. nisi Principis
iussu.

I. (a) Imp. Constantinus A. (b) ad Marcellinum Corr. (c)
Post alia.

N VLLI salarium tribuatur ex viribus (d) Reipublicæ, nisi ei qui iubentibus no-
bis specialiter fuerit consecutus. (e) Grauitas (f) igitur Tua placitis obse-
quatur; &c. Dat. V. Non. Oct. Constantinop. Limonib & Catullino Coss. [349.]

NOTAE.

- (a) *Lex vn. Cod. Iust. eod. tit.* Iungenda huic *lex 6. infr. de operib. publ. GOTHOFR.*
- (b) *29. Imp. CONSTANTIVS & Constanti AA.* Quomodo habet *huius leg. inscriptio*, (prout eam edidit Cuiacius in *Cod. Iust.* nam in editis idem error, qui hic admissus est,) & *d. legis 6.* quæ huic nostræ iungenda est. Ex vero id temporum ratio ostendit. Sane idem error & aliis multis legibus admissus: veluti *l. 3. de din. rescript. l. 2. de Jurisd. l. 1. infr. de lenonib. ID.*
- (c) *29. Com. Ori.* id est, Comitum Orientis, ut habetur *d. l. 6. & in editione Cod. Iust. Cuiaciana. ID.*
- (d) *Viribus* recte, non *iuribus* ut in vulgat. *Cod. Iust.* quod tamen emendauit Cuiacius. *Viribus* id est, redditibus, vectigalibus, canone Reipubl. pensione hic & *l. 26. infr. de operib. publicis*: & apud Eumenium pro *restaurad. Schol. c. 11.* (imo & in Constantii Chlorig rescripto) apud eundem ibidem *cap. 14.* & apud Symmachum, *lib. 10. ep. 10.* Eodem sensu & *l. 13. in fin. supr. de Prætoribus.* Quare etiam qui *iuribus* & hic, & apud Eumenium reponunt, repudiata C. Theod. lectione. *ID.*
- (e) *Salarium, ID.*
- (f) *Reliqua absunt a Cod. I. ID.*

COMMENTARIVS.

SALARIVM ex *Viribus*, id est, (ut modo in *Notis* ostendi) vectigalibus seu redditibus ciuitatis cuiquam tribui vetat *hac l. Constantius Imp.* nisi ex speciali suo scilicet Principis iussu: cui *legi* iungenda est *lex 6. infr. de operibus publicis*, seu eiusdem Constantianæ constitutionis pars, qua in consilium adhibita seu admota, & *huius legis* inscriptio emendanda, & ipsa feliciter intelligi potest.

Ut ea intelligatur, præsupponendum est suos quosdam redditus, sua vectigalia singulis ciuitatibus seu Rebus publicis sub Imperatoribus Romanis fuisse, (quæ vires hic vocantur, aliisque locis quos iam in *Notis* indicaui:) ut docet quoque præter *hanc l. lex 18. 26. 32. 33. 48. dist. tit. de operib. publicis: lex 1. supr. de locat. fundorum*: videndus & Symmachus *lib. 10. ep. 10.* ubi hæc verba occurrunt ad rem: *Habenda est ratio vectigalium publicorum, & lauacri æstui instauratio cum Reipubl. viribus conferenda: ut si quid redundat expensis cæteris, in sumptum operis conferatur.* Qui locus multa habet ad illustrationem *huius leg. & d. l. 6. de operib. publ.* veluti ex fundis, quos Respublica habebat, locatis: & Ammianus *lib. 25. cap. 4.* Horum reddituum pars reparationi ciuitatis seu operum publicorum destinata erat, ut docet præter *d. l. 6. lex 18. 26. infr. de operib. publ. & d. l. 1. supr. de locat. fundor.* pars vero aliis necessitatibus seruiebat: Omnisque is redditus a Decurionibus administrabatur, quod docet *dist. lex 33. infr. de operib. publ.* e quorum numero Curator Reipubl. & Kalendarii eligebatur, qui eam pecuniam curabat: de quo Curatore, suo mox titul.

Rationcinium porro horum reddituum de more suo tempore ad Rectorem provincie perlatum fuisse videtur ab eo dispungendum: vel certe extra ordinem discussio harum pecuniarum nonnullis, ab Imperatoribus committebatur, uti videntur, in quas probabiles causas ea pecunia expensa fuisset, vel quidam in reliquis resideret, ut ita mox quod improbe expensum, reliqua a Decurionibus & Curatore Reipubl. & Kalendarii in utilitatem Reipubl. exigeretur seu exsculperetur. Tale quoddam negotium Constantius Imp. Constitutione sua seu Mandatis (cuius pars hæc est, simul & *d. l. 6. infr. de oper. publ.*) Marcellino Comiti Orientis (cuius metropolis fuit Antiochia) commississe videtur, atque inter cætera mandasse hæc duo inter alia. Scil. ut in dispungendis rationibus ciuitatum ea quidem quæ ope-

ribus publicis impensa constitisset, accepto ferret seu probaret, quæ sententia est *d. legis 6. infr. de oper. publ.* Atenim non item probaret, si Decuriones salarium alicui ex viribus seu redditibus ciuitatis suæ in iussu Principis tribuissent.

Quod quidem alioquin tralatitii iuris fuit: puta ut regulariter Decuriones salarium alicui decernere vel constituere non possent: quod docuit etiam Vlpianus *lib. singulari de officio Curatoris Reipubl. l. 4. D. de decretis ab Ordine faciendis.* Nonnumquam tamen id potuerunt, puta ob liberalem Artem & Medicinam, puta si cui Professori municipali, vel Medico salarium constituerent: *d. l. 4. §. ult. & l. 16. §. 1. D. de alimentis Legatis.*

Item Legatis ad Principem a ciuitate misfis, *l. ult. §. 12. D. de mun. & honor. l. 2. §. ult. D. de Legat.* Licuit etiam Decurionibus facultatibus lapsis non tam salarium, quam alimenta decernere teste Hermogeniano, huius æui, ut videtur, Iurisconsulto, *l. 8. D. de Decurion.* Et tamen *hac l.* indistincte & peremptoriis verbis Constantius nulli salarium tribui vult ex viribus Reipubl. nisi iubente Principe specialiter. Sane ante eum quoque Constantius Chlorus auus ipsius, cum Eumenio Rhetori scholam Augustodunensem committeret, salarium modumque eius ex viribus Reipubl. Augustodunensis ei ipse constituit: *Salarium te*, inquit in Epistola apud Eumenium pro restaurand. schol. *cap. 14. in sexcentis millibus nummum ex Reipublica viribus consequi volumus, ut intelligas meritis tuis etiam nostram constituere Clementiam.* Et ipse Eumenius orat. pro restaur. schol. *cap. 11. Salarium me liberalissimè Principes, ex huius Reipub. viribus in sexcentis millibus nummum accipere iusserunt.* Qui locus ad *hanc l.* singularis est.

Sed & Gratianus Imp. postea *l. u. infr. de Medicis & Professorib.* cum Gallicanis ciuitatibus Professorum deligendorum arbitrium daret, liberum tamen esse noluit, ut suos Doctores & Magistros placito sibi compendio iuuarent.

Et Libanius tamen, oratione ad Antiochenos *a p. 85. ad 99. Edit. Morel.* a Decurionibus Antiochenis postulat, ut Quatuor Rhetorum seu Sophistarum salarium augeat datis agris. Quomodo igitur hæc inter se concilianda erunt? Et num putabimus *huius l.* vnicæ sententiam eam esse ut ne Professoribus quidem vel in alias probabiles causas salarium

larium ex viribus Reipubl. citra iussuionem Principis constitui potuerit? Sane e tribus vnum cenfeo: vel ita omnino Constantium censuisse hoc tempore pariter vt Gratianus *d. l. ii. peculiari aliqua & temporaria ratione*: Quod ciuitates in salariis decernendis modum non tenerent, *hanc l.* accipiendam, de salario aliquo extraordinario, quod per ambitiosa Decurionum decreta decerneretur, ac proinde eandem eius sententiam esse, quæ Vlpiani *d. l. 4. D. de Decretis ab ordine fac.* Vnde proinde de solitis & necessariis salariis hæc *lex* accipienda non videatur, quæ vti que infcio Principe decerni possint.

Quomodo etiam in opera publica impensa, accepto ferri oportere voluit Constantius

d. l. 6. infr. de operib. publ. quæ huic coniungenda est.

De praxi *huius legis* videndus inter alios Montanatus *de administ. vniuersitatum, prag. i. n. 1. 2.* Giurba *consil. crim. 65. n. 52.* Vel denique non tam Decurionibus *hac l.* fibulam imponi, & sic eo non proprie *hanc leg.* pertinere, quam Iudicibus seu Reëtoribus prouinciarum, etiam ipsimet totius Diceseos Iudici, veluti Comiti, eo quod Reipubl. vires huiusmodi salariis exhaustirent; Quam sententiam confirmare videntur illa *huius legis* verba; *Gratitas igitur Tua, placitis obsequatur.* vt ita *d. l. 6.* quoque is sensus videatur, ea quæ ex viribus Reipubl. operibus publicis impensa a Comite Orientis confliterit, accepto ferendum a Principe.

~~~~~

P. 356.

# DE PRÆDIIS ET MANCIPIIS CVRIALIVM SINE DECRETO NON ALIENANDIS.

## TITVLVS III.

LIB. X. COD. IVST. TIT. XXXIII.

*De prædiis Decurionum sine decreto non alienandis, omiffa in Rubrica, & l. 1. infr. mentione Mancipiorum: Nempe quia id ad rustica restringitur a Zenone l. 3. Cod. l. eod. tit. Concordat huic Valentiniani Nouella 10. cap. si quis Curiali.*

### PARATITLON.

**P**RÆDIA *Rubr. & l. 1. 2. b. t.* vrbana & rustica, *d. l. 1. & 2. b. t.* seu possessiones, *l. 2. b. t.* loca, *d. l. 1. b. t.* fundi, *d. l. 2. b. t.* Item Municipia quælibet, *d. l. 1. b. t.* Curialium seu Decurionum sine decreto alienari non potuerunt *Rubr.* id est, vendi, *d. l. 1. 2. b. t.* sic vt comparare ea nullus cuiuscunque conditionis esset, posset: *d. l. 2. b. t.* nisi probata necessitate apud Rectorem prouinciæ: alioquin comparator & pretio & loco comparato cum fructibus multabatur: *d. l. 1. & 2. b. t.*

I. (a) Imppp. Valentinianus, THEODOSIVS & Arcadius AAA.

Cynegio PF. P. (b)

**S**I quis Decurionum, vel rustica prædia, vel vrbana, vel (c) quælibet mancipia, venditor necessitate coactus addicit, interpellat Iudicem (d) conperentem, omnesque causas singillatim, quibus strangulatur (e), exponat: vt (f) meæatur, valituram in perpetuum comparatori, probata adfertione, sententiam: Ita enim fiet, vt nec inmoderatus venditor, nec empor (g) inueniatur iniustus. Denique nihil erit postmodum, quo venditor, vel circumuentum se insidiis, vel obpressum potentia (h) comparatoris queri debeat: quandoquidem sub fide actorum, & de necessitate distrahentis, & de voluntate patuerit comparantis. Quod si quis contra verum oculcis molitionibus, per subpositas fraude personas cuiuslibet loci, quem tamen (i) Decurio distrahat, (k) comparator extiterit, sciat se pretio quod dederit, (l) & loco (m) quem comparauerit, esse priuandum. Dat. VIII. Kalend. Decembr. Constantinop. Honor. NB. P. & Euodio Coss. [386.]

## NOTAE.

- (a) L. 1. *Cod. Inst. rod. tit. ex hact. & l. 2. prox.* confusa est. Hanc intelligit & explicat Theodosius Ion. l. 2. *prox.* & Zeno l. 3. *Cod. Inst. rod. tit.* Forte hanc iungenda est *lex 2. infr. de sustceptor.* seu *lex 9. Cod. Inst. rod. tit.* **GOTHOF.**
- (b) Orientis: de quoad l. 105. *supr. de Decurionib. ID.*
- (c) *Vel qualibet mancipio*: hæc omissa C. Iust. paucis in Rubrica expuncta *Mancipiorum* mentio, ea causa, quam dixi ad Rubric. **ID.**
- (d) Id est, Rectorem prouinciae, vt l. 2. *prox. ID.*
- (e) *Singulari. ID.*
- (f) Pro his, vsque ad Ita, hæc Tribonianus seu clariora ex l. 2. b. 2. prætulit, *et ita demum distrabenda possessionis facultatem accipias, si alienationis necessitatem probaueris: infirma enim venditio erit, si hac fuerit forma neglecta. ID.*
- (g) *Cuiuscunque sit conditionis*: add. *Cod. Inst. ID.*
- (h) Veluti quis Principalis est l. 2. *infr.* Atque hæc postea dubitandi causa fuit, **ID.**
- (i) *Ei, Cod. Iust. additum. ID.*
- (k) *Distrabebat, Cod. I. ID.*
- (l) *Dedit, Cod. I. ID.*
- (m) *Et locum quens comparauit cum fructibus esse restituendum*: ita *Cod. Iust.* quæ ferme ex l. 2. *infr.* prætulit, Tribon. **ID.**

P. 379.

## II. (a) Impp. Honor. &amp; THEOD. AA. Asclepiodoto. PF. P. (b)

**Q**VONIAM de Constitutione (c) inclytæ recordationis Aui (d) nostri *de alienandis prædiis Curialium* promulgata dubitatum est, vtrum soli Principales (e) sine decreti interpositione collegarum possessiones emere verentur, an omnibus comparandorum huiusce (f) fundorum copia sine prædicta (g) obseruatione negata sit, generali sanctione decernimus, Vt si curialis prædium vrbani, aut rusticum vendat cuiuscunque (h) conditionis emptori, apud Rectorem prouinciæ idoneas causas alienationis alieget, non perfunctorie a Iudice, sed verissime requirendas, vt ita (i) demum distrabenda possessionis facultatem accipiat, si alienationis necessitatem probauerit: (k) Infirma enim erit venditio, si hæc fuerit forma neglecta, ita vt & prærium emptor amittat, & venditori cum fructibus intactam possessionem restituat. Quæ quidem de futuris contractibus obseruanda sunt. Præteritas vero emptiones, in Osdroëna (l) specialiter prouineia, confectas, licet ex tempore legis sub Diuo Auo nostro promulgatæ sine gestorum restitutione a qualibet persona celebratas infirmari oporteat, (m) tamen ex prima (n) transacta nuper indictione, ita volumus infirmari, vt alterius (o) fortunæ vel honoris homines, qui sine decreto prædia Curialium in memorata prouincia comparauerunt, receptis pretiis possessiones quas emerant, dominis restituant; ita vt si vfuras vel sumptus rei melioratæ poposcerint, a venditore percipiant, fructus inuicem redituri. Dat. V. Id. Aug. Eudoxiop. (p) Asclepiodoto & Mariniano Coss. [423.]

## NOTAE.

- (a) Absit hæc *lex* a *Cod. Iust.* nisi quod duas exinde tantum sententias *legi* 1. Tribonianus inseruit. Eam quoque indicat & explicat Zeno Imp. l. 3. *rod. tit.* Iungendaque ei videtur *lex 61. infr. de hereticis. GOTHOF.*
- (b) Orientis. **ID.**
- (c) *Legem* 1. *supr.* intelligit. **ID.**
- (d) Theodosii M. **ID.**
- (e) Principales Curialium: de quo *mox. ID.*
- (f) Pro huiusmodi. **ID.**
- (g) Id est, sine decreti interpositione. **ID.**
- (h) Etiam non Principali, non Curiali. **ID.**
- (i) Hanc sententiam seu clariorem, posthabita alia d. l. 1. inseruit *TpCov. ID.*
- (k) Et hoc alterum Tribonianus inseruit d. *leg. 1. ID.*
- (l) De Osdroëna est quoque Valentinus *lex 79. supr. de Decurionib.* Theodosii M. *lex 8. infr. de Paganis: lex 105. d. tit. de Decurionib. ID.*
- (m) Forte oportet. **ID.**
- (n) Id est, A. D. 418. seu Honorio XII. & Theodosio VIII. AA. Coss. **ID.**
- (o) Quam Curialia. **ID.**
- (p) Ibidem data d. l. 61. **ID.**



## COMMENTARIUS.

**D**E PRAEDIIS, & mancipiis Curialium, sine decreto Iudicis seu Rectoris provinciae non alienandis, sunt hae duae constitutiones: Quarum prior Theodosius M. auctorem habet: Qui sane huius Noui iuris inuentor fuit; Curiarum commodis ita consulens, ne aliquin translatis temere in alios Curialium praediis vel mancipiis, sustinendis curialibus muneribus minus idonei euaderent: & ut Casiodorus *in formula ad PP. ut sub decreto Curialis praedia vendat*. VII. Var. 47. ait: *ut ad necessitates publicas (Curiales) melius sufficerent, si substantia suauinapulus haberent. A quibus enim; ut idem subiicit, munia poterunt sustineri, si ciuitatum nerui passim videantur abscindi*; Qui sane Princeps & in aliis nouo iure adinuento, Curiae enixe consultum iuit. Hic enim est, qui ante *hanc leg.* possessorem bonorum Curialis ex lucratiua causa pro parte patrimonii, in quam successit, ad denarium seu uncias, id est, ad certam pensationem Curiae, primus adstrinxit, *l. 107. 123. d. t. supr. de decur.* imo & ad Curiales functiones suscipiendas *l. 134. d. t.* Hic est, qui post *hanc leg.* maritum non Curialem ab vxore Curiali non extantibus liberis, haereditatem testamentum institutum, si vxori haeres existeret Curiae ciuitatis mancipari voluit, *leg. 124. supr. de Decurionib.*

Ergo Theodosius M. praedia seu mancipia Curialium sine decreto alienari vetuit: praedia, inquam, sine rustica, & itidemque mancipia quolibet; quod tamen postremum ad mancipia rustica postea restrictum: ut docet *lex 3. Cod. Iust. eod. tit.* similiter ut *leg. 22. C. Iust. de administr. tut.* similis mancipiorum differentia inducta. Quae causa est, cur ex *huius tituli Rubrica*, & *l. 1. hoc tit. mancipiorum* mentionem Tribonianus sustulerit, *Cod. Iust.* Sane & Maiorianus, *Nouella sua 1. de Curialib. & distractione praediorum*, cum decretum in alienatione praediorum Curialium Praefecti Praetorio requireret, mancipia a praedio seicunxit, & in eorum distractione decreti solemnitate queri voluit, contentus in horum distractione, quinque primorum Curiae subscriptione & consensione.

Ergo Theodosius M. praedia seu mancipia Curialium sine decreto alienari vetuit, id est, nisi probabili causa damnorum (ut loquitur Casiodorus) probata, ineluctabili necessitate, ut Maiorianus loquitur, qua Curialis strangularetur, apud Iudicem competentem, id est, Rectorem provinciae, & sub fide actorum. Qua parte tamen postea, ut iam indicauimus, in praediis alienandis solis Praefecti Praetorio decretum requisivit Maiorianus *d. Nouell. 1.* quod videlicet provinciales Iudices facile (perfunctorie *l. 2. hoc tit.*) aut gratificantes id indulgerent, ut ipsemet ait: Quod Maioriani ius & alias probarunt, etiam Gothorum Reges apud Casiodorum VII. Var. ult. ubi formula continetur, *ad Praefectum Praetorio, ut sub decreto Curialis praedia vendat*: ubi inter alia, *Quamuis hoc vestra potestate fuerit, legum auctoritate concessum*: quae tota consulenda, ut & *IX. Var. 2.*

Et Penam addidit Theodosius M. si alienatio, citra decretum facta fuisset: nempe ut infirmata & rescissa venditione, emptor pretio quod dedisset, &

loco seu praedio quod comparasset, multaretur: ita videl. (quomodo id Theodosius *Iun. l. 2. hoc tit. explicat*) ut pretium emptor amitteret, & venditori possessionem restitueret: neutrum tamen exprimitur, quid de pretio fieri oporteat? de quo tamen anxie quaerunt Interpretes. Accursius id *Erario* seu fisco inferendum, non autem venditoris lucro cedere putat, multarum *legum* argumento: cui tum alii, tum Cuiacius adfentitur, hac ratione, quod venditor sit etiam ipse in vendendo in mala fide; & ut alii explicant, Ne Decurio ex sua malitia lucrum reportet. Quod ipse minus probo: Curialis quippe venditoris lucro id cedere puto.

Primo, quia de fisco nihil *his duab. legib.* exprimitur.

Secundo, quia miseris Curialibus hac quoque procul dubio ratione consultum voluere Theodosius Magnus, & Theodosius Iunior, qui immoderate, vel falsa necessitatis alicuius specie, vel occultis molitionibus Potentiorum & Principalium ferme, praedia his sua vendere adigebantur: quod *leg. 1. hoc tit.* indicatur.

Tertio, quia Curiarum commodo *leges* hae a Theodosio latae fuere, quarum Curialibus pretium cedere satius, vel saltem consumptum iam ab his repeti inutile visum. Et certe (quod Quartum) cum Theodosius *Iun.* dicat, nullo addito, *emptorem pretium amittere*, & venditori cum fructibus illam possessionem restitui oportere; eo ipso ostendit, pretium penes Curialem venditorem remanere. Sed quid diutius moramur? Zeno *l. 3. Cod. Iust. eod. tit.* aperte ait, *lata super hoc leges a retro Principibus in plurimis suis partibus locutas esse de pretio non redhibendo*: quibus verbis clare ostenditur, pretium penes venditorem remansisse.

Pretio igitur hoc casu multari emptorem, rescissa venditione, notandum est: pariter ut in *l. 7. Cod. Iust. de agricolis & censitis*: & *l. ult. Cod. eod. de fundis rei priuatae*: seu *Nouella 28. Theodosii de rescind. vend.* Aliter atque in *sp. leg. vn. C. 1. non licere habitatorib. metrocomia.*

Et haec quidem est Noua istius Theodosii M. constitutionis, quae continetur *l. 1. sententia*, quam deinceps memorat Theodosius *Iun. leg. 2. prox.* & Zeno *l. 3. C. Iust. eod. tit.* & circa quam dubia deinceps quamplurima moueri coepere, quae *legibus* aliis tolli oportuit. Primum dubium quod nobis occurrat, illud est, quod a Theodosio *Iun.* sublatum *diff. l. 2. hoc tit.* Nempe dubitatum, utrum omnibus personis interdictum esset sine decreto praedia Curialium emere, an vero solis *Principalibus* Curialibus id interdictum esset? Id quod nonnulli colligebant ex *ipsa* Theodosii M. *lege*, forte an etiam ex ipsius praefatione, sed reuera ex ipsa etiam, quae exinde superest, *lege 1. supr.* ex illis verbis: *Denique nibilerit postmodum, quo se oppressum POTENTIA comparatoris queri debeat*: item ex illis; *per subpositas fraude personas*: Quomodo & Casiodoro *IX. Var. 2.* in Edicto Athalarici R. *Praedia Curialium, unde maxime MEDIOCRIBUS parantur infidia, nullus illicita emptione peruadat.* Nempe enim, qui inter Curiales erant Potentiores (hi vero *Principales* erant) vel momentarias, neque adeo

urgentes, Collegarum suorum necessitates, captantes, vel etiam occultis molitionibus per suppositas fraude personas, quia inuidiosum erat aperte, huiusmodi collegarum prædia ad se traxisse videntur: quibus ideo Theodosius M. *πρωτῶς* occurrere videatur. Quomodo sane & in aliis, inferiorum Curialium fortunas ab impressione potentium releuari oportuit. Et vero releuauit ipse Theodosius Iun. l. 173. *supr. de Decurionibus*. Neque abluat Casiodorus IX. Var. 2. *Prædia inquit, Curialium, unde maxime Mediocribus parantur infidia, nullus illicita emptione peruadat*. Et forte verum esse potuit, hanc primam fuisse Theodosio M. huius noui iuris inuehendi occasionem: sed tamen non hæcenus postea res stetit. Igitur Theodosius Iun. l. 2. omnem, non Principalem tantum, a Curialibus prædis emendis, generali sanctione arcendum credidit. Ita etiam, vt expressius adhuc addat. 1. Non tantum pretio emptorem multandum, 2. non tantum prædium ipsum venditori Curiali restituendum, verum etiam 3. *fructus* insuper prædii: & quarto quidem (vt ex *fine leg. 2.* colligitur) sumptibus rei melioratæ amissis. Quæ omnia singularia admodum sunt, in hac venditionis rescissione: vt ferme in simili specie l. 7. *C. Iust. de agricolis & censitis*: & l. ult. *Cod. eod. de fundis rei priuata*.

Ethæc quidem ita in futurum Theodosius Iun.

intactis iis alienationibus, quæ ante *Annum D. 418* factæ fuerant: Quomodo similiter postea Valentinianus III. *Nou. 10.* de his alienationibus, quæ ab eo tempore, quo Italiam Alaricus intrauit, nullam moueri quæstionem voluit.

Eas vero, quæ deinceps ab Anno Domini 418. intra hoc sexennium ad *huius leg. sue* tempus factæ fuerant a quibuscunque, ita rescinuit; vt emptor pretium recipiat cum vsuris & emponematis, seu meliorationibus, fructibus inuicem restitutis; vel his compensatis: quod iuris tralatitii est. Et hæc quidem de primo dubio, quod circa Theodosii legem oritur fuerat: & sic de l. 2. *huius tit.* De cæteris dubiis videnda *lex 3. Cod. Iust. eod. tit. & Nouella Iustiniani 38. 101.* Porro illud obseruandum, *hanc l. 2.* proprie pertinere ad Osdroënam Mesopotamiæ provinciam, de qua sunt *hoc Codice* præterea Valentis *lex 79. supr. de Decurionibus*: Theodosii M. l. 105. *supr. de Decur. & lex 8. infr. de Paganis*.

Tandem notetur loco Decreti Iudicis, Valentiniano III. d. *Nou. 10.* satius visum, si *Primores* Curiz, qui vendendi necessitatem ignorare non possunt, in collegæ venditionem subscriberent: Quod Maiorianus in *mancipio* distrahendo requisiuit, nempe quinque Primorum Curiz subscriptionem, atque consensionem, *Nouella eius. de curialib. & agnat.*



## DE IMPONENDA LUCRATIVIS DESCRIPTIONE.

### TITVLVS IV.

#### LIB. X. COD. IVST. TIT. XXXV.

Ad huius Tituli argumentum pertinent duæ Theodosii M leges; puta *lex 107. 123. supr. de Decurionibus*. duæ aliæ Theodosii Iunioris: puta *lex 173. dict. tit. de Decurionibus*. & *lex 16. supr. de Agentibus in rebus*. Addatur & *Nouella* Theodosii II. l. 2. (vnde desumpta est *lex vn. Cod. Iust. eod. tit. de impon. lucratiua descript.*

### PARATITLON.

**L**UCRATIVA *hoc Titulo* sunt ea, quæ non Curialis ex lucratiua causa de substantia Curialis perceperit, *leg. 16. in fin. supr. de Agentibus*. Seu possessiones, quas quis ex lucratiua causa detinet, quæ aliquando Curialium fuerunt, *leg. unica hoc tit.* ea quæ ex substantia Curialium ad aliquem diuersa largiendi occasione peruenerunt: *leg. 123. supr. de Decurionibus*. quæ lucratiuæ facultates ex bonis Curialium cui obuenerunt: *leg. 173. dict. tit.* puta si quis non Curialis, legitimus vel testamentarius hæres, fideicommissarius aut legatarius Curialis fuerit, vel etiam viuentis locupletatus fuerit liberalitate, *leg. 107. supr. de Decurionibus*. Huiusmodi lucratiuis certa descriptio imponebatur, *Rubr.* seu ad pecuniariam descriptionem tenebantur *dict. leg. 107.* descriptiones sustinebant, *dict. leg. 16. in fin.* auctoris sui nomine, *dict. leg. 107.* De qua descriptione quinque sunt *hoc Codice* Constitutiones: pura Theodosii Magni, (qui eius auctor videtur) duæ *leges 107. 123. supr. de Decurionibus*: Theodosii Iunioris tres: puta *lex 173. dict. tit. lex 16. in fin. supr. de Agentibus in rebus*: & *lex unica huius tit.* & Quarta insuper eiusdem nempe *Nouella constitutio II. leg. 2.*

Hæc igitur descriptio imponebatur Lucratiuis tantum, ut dictum est. Item possessionibus tantum, seu iugationibus, non rebus mobilibus aut se mouentibus *leg. vnic. hoc tit. & in Nouella Theodosii ii. leg. 2. seu leg. vnic. Cod. Iust. eod. titulo.*

Tertio, imposita hæc descriptio seu collatio, pro rata possessionis, seu pro ea tantum parte patrimonii, in quam quisque successisset: *dict. leg. 107. 123. de Decurionib. & leg. 16. de Agentibus.*

Quarto, neque tamen omnibus, verum excepti ii, qui designantur *dict. Nouella ii. leg. 2.*

Quinto, Modus huius descriptionis quis fuerit? ostendunt *dict. leg. 107. & 123. & leg. vnic. huius tituli.* vbi dicitur.

## I. (a) Imp. THEODOSIUS & Valentinianus AA. Florentio PF. P. (b)

**H**ii qui ex lucratiua causa possessiones detinent, quæ aliquando Curialium fuerint, pro singulis earum iugis & capitibus quaternas filliquas annuæ (c) Ordinibus nomine descriptionis exsoluant; ita ut præbitionis istius forma non præiudicet illis Ciuitatibus, in quibus consuetudo præcedens, vel pacta quædam, vel alia necessitas, ampliorem summam exigere persuadet: &c. Dat. V. Id. Iun. Const. Felice & Tauro Coss. [428.]

P. 530.

### NOTAE.

- (a) Absent hæc *lex a Cod. Iust.* Hanc *leg.* suam memorat Theodosius Iun. *Nouellarum* xi. l. 2. vnde desumpta est *lex vnic. Cod. Iust. eod. tit.* Iungenda autem ei *lex 1. Cod. Iust. de præd. Decur. sine decreto non alienandis*: & *lex 1. Cod. eod. quando & quib. quarta pars debetur ex bonis Decurionum, & de modo distributionis eorum.* GOTHOF.
- (b) Orientis, *ID.*
- (c) Συγγων, constituendus ita locus hic, *annua descriptionis nomine Ordinibus exsoluunt*: vel reponendum, *annui, ID.*

### COMMENTARIUS.

**D**E MODO descriptionis seu collationis, quæ Lucratiuis possessionibus (quæ nam vero illæ sint ostensum in *Paratitlo*) imponebatur, seu quæ a non Curialibus, ad quos scilicet ex lucratiua causa, possessiones Curialium deuenerant exigebatur, Ordinibusque seu Curiis annuatim inferebatur, est hæc Theodosii Iunioris constitutio: Quæ quidem *lex* pars est prolixioris constitutionis, quæ is multiplici ratione Curiis consultum iuit: ut patet ex *leg. 2. Cod. Iustinian. de præd. Decur. sine decreto non alienandis*: & ex *leg. 1. eodem Codice Iustinian. quando & quibus pars quarta debetur ex bonis Decurionum, & de modo distributionis eorum*: quæ ex eadem constitutione desumptæ, huic nostræ coassandæ veniunt. Et triplici quidem ratione ea constitutione Curiis consultum iuit.

Primo quidem, ratione *Bonorum*, quæ ipsimet Curia deferuntur. Scilicet res Mobiles hæreditario iure Curia quæritas (quum scilicet Decurio intestatus & sine legitimo hærede decesit, *lege unica supra, de bonis decurionum, & leg. 4. Cod. Iust. de hæreditat. Decurionum*, quæ eiusdem Theodosii Iunioris est:) vendi, & nomina expungi, id est, debitores Curia liberari vetat, nisi venditio aut expunctio nominis seu liberatio, ex Ordinis decreto fiat: Redactamque exinde pecuniam in prædiorum comparationem impendi; prædia denique idoneis locari iubet. Quæ sententia est *dictæ legis 2. Cod. Iust. de prædiis Decurion.*

Secundo, ratione *Bonorum* quæ ad *Curiales* pertinent: Scilicet ea bona per successiones Curia commodis penitus eripi citra aliquam commodi Agriculuram noluit: Quare si non Curialis, Curiali si-

ue ex asse, sine pro parte hæres esset, Quartam enim hæreditatis, vel hæreditariæ partis, delibari, Curiaque dari voluit *dict. leg. 1. Cod. Iust. quando & quibus quarta pars*: (quam constitutionem suam idem memorat *Nouella ii. leg. 2.* vnde desumpta est *lex vñ Cod. I. eodem titulo.*)

Tertio, ratione bonorum seu possessionum, quæ ex Curialium bonis decesissent, & ad alios ex quacunque lucratiua causa peruenissent: Certum scilicet aliquem præstationis modum ab his annuatim Curiis exsolui hoc capite iubet. Quod non ab ipso primum constitutum, verum a Theodosio Magno cuius *leges* duæ super hac re sunt, puta *lex 107. 123. supra de Decurionibus*: sunt & aliæ tres præterea eiusdem Theodosii Iunioris constitutiones: puta *lex 173. supra de Decurionibus*; *lex 16. in fine supra de Agentibus in rebus*: & eiusdem *Nouella constitutio ii. leg. 2.*

Cæterum *Modus* istius collationis annuæ nouus, maiorque *hac lege*, a Theodosio Iunioris hic definitur: puta ut quatuor filiquæ pro singulis iugis seu capitibus annuatim Curiis exsoluantur: cuius constitutionis suæ meminit ipse Theodosius Iunior *Nouellarum suarum titulo ii. leg. 2.* vnde desumpta est, *lex unica Cod. Iust. eodem titulo.* Antea scilicet denarius, siue vnciæ singulæ, pro singulis iugis præbebantur Theodosii Magni constitutione *dict. leg. 107. & 123. supra de Decurionibus*: id est, quoddecima assis pars. Atenim duplicatur quæ hæc præbitionis, scilicet sextam assis partem præstari vult: quatuor enim filiquæ sextam solidi partem faciunt: *filiqua* enim, ut Isidorus scribit *Origini* XVI. 24. *vigesima quarta pars solidi est*: & sic duæ fili-

quæ viciam faciunt. Siquæ Græcis *negotia* dicuntur.

Et tamen alicubi seu in nonnullis Ciuitatibus maiorem summam exigi patitur idem Theodosius Iunior, pro Consuetudine videlicet vel Pacto, vel si quæ alia Necesitas maiorem præstationem exigat. Tria hæc scilicet ferme modum collationibus, & tri-

butis faciunt (præter expressas *leges*) *Consuetudo*, *Pacta*, & *Necesitas* quædam extraordinaria. Et consuetudo quidem in his seruanda, ac nominatim in collationibus tributorum & exactionibus *leg. 11. 15. 18. 19. de exactionibus: leg. 23. 29. de annona. l. 1. de excoct. l. 10. de extraordin. vt & in aliis multis: de quo vid. Indicem.*



P. 531.

## QVEMADMODVM MVNERA CIVILIA INDICANTVR.

### TITVLVS V.

#### LIB. X. COD. IVST. TIT. XLII.

#### P A R A T I T L O N.

**M**VNERA Ciuilia *Rubr.* onera seu functiones, *l. 3. hoc tit.* indici quomodo oporteat his tribus constitutionibus, quæ ad Africam omnes pertinent, definitur. Nempe I. *Duumuiros*, etsi populi suffragiis in Africa nominatos, periculo tamen Magistratum creari, scil. sufficiens iis in futurum anni officium nominationes impertiunt, id est, quibus Duumvirorum sibi in annum proximum sufficiens onus incumbit, *l. 1. hoc tit.*

Secundo, *Maioribus* honoribus fungentes, vel functos, ab inferioribus muneribus immunes esse, veluti Sacerdotales, Flamines perpetuos, Duumvirales *leg. 2. b. t.*

Tertio, *Iterare* eandem functionem neminem cogi, si alii sint, qui eam nondum subiere, *l. 3. b. t.*

#### I. (a) Imp. CONSTANTINVS A. Tiberiano (b) Com. per Afric.

**H**II Magistratus (c), qui sufficiens (d) Duumuiris in futurum anni (e) officium nominationes impertiunt, periculi sui contemplatione prouideant, vt quamvis populi quoque suffragiis nominatio in Africa ex consuetudine celebretur, tamen ipsi nitantur pariter, ac laborent, quemadmodum possint hii, qui nominati fuerint, idonei reperiri. Iam (f) æquitatis ratio persuadet, nisi idonei fuerint nominati, ipsos, quorum est periculum, adtineri. Dat. Nicomediæ (g) III. Kalend. Aug. Constantino A. VII. & Constante Cæs. Co ss. [326.]

#### N O T A E.

(a) Absit hac lex a Cod. Inscr. GOTHOF.

(b) Eidem Tiberiano Comiti inscribitur Anno 327. *lex 15. supra. de Decur.* vbi tamen dioceseos nomen, cui is præerat, puta Africæ, mentio non fit; quanquam ea ex subscriptione satis colligi potest, dicitur enim ea lex PP. *Karthagine.* Cæterum integro nomine *Annius Tiberianus* vocatur eadem *leg. 10.*

(c) Id est, Duumuir. *ID.*

(d) Substituendis sibi. *ID.*

(e) Hinc apparet, Duumvirorum annum fuisse officium. Quod etiam docet eiusdem Constantini M. *lex 16. supra. de Decur.* vbi plura dixi. *ID.*

(f) *yp. Nam. ID.*

(g) Desiderari aliquid in hac subscriptione videatur: Anno quippe 325. verum est Constantinum Magnum Nicomediæ fuisse: vnde etiam data *lex 4. supra. de accusat.* nam ita eius subscriptionem accipio: ibidemque Vicennalia eius edita, Hieronymo teste, in *Chronico.* Quomodo & de Constantini Magni eo tempore mora fidem faciunt ea, quæ narrat Epiphanius, *bæresi 48. su. 68. num. 5. & 6. pag. 721. Edit. Colonienf. apud Iorem. Schrey.* Quare ad superiorem Consulatum ea referenda videatur, vel sane ad Annum 329. videtur enim Constantinus Magnus non semel in Bithynia egisse inde ab An. Domini 325. *ID.*

## COMMENTARIVS.

**D**E DVVMVIROVM nominatione seu creatione est hæc *lex* Constantini M. de qua nominatione est quoque *lex* 2. 8. 16. *supr. de Decur. lex* 10. 12. 19. *supr. de appellat. lex* 8. *supr. de reparat. appell.* Et quidem hæc de nominatione Duumvirorum per Africam: quomodo ea scilicet facienda sit, ut ita Idonei habeantur. Primum (quod præsupponit Constantinus, neque nunc primum constituit) in Africa *populi suffragiis* Nominatio ex consuetudine celebrabatur: Qui mos forte per Africam inuectus ex *Ecclesia* ubi Sacerdotes, qui Ecclesiæ præerant, *populi suffragiis*, *χρηστονία*, prædicatione eligebantur, quod iam notum est. Vel sane eodem exemplo, quo iam olim etiam apud Athenienses Magistratus per *χρηστονία* *populi* eligebantur. Et nihilominus tamen secundo Duumviros ipsos hanc nominationem celebrare, periculum huius nominationis eos respicere, iubet per Africam, haud aliter atque per alias dioceses & prouincias, ubi Duumviri *populi suffragiis* non creabantur, verum a Duumviris solis scilicet periculo suo creabantur, ut docet

*lex* 1. 2. *C. Inst. de pericul. nominat. l. u* 13. 15 §. 1. *D. ad municipal. l. 2. §. 7. D. de administr. rer. ad ciuit. pertinent. l. 3. Cod. Inst. quo quisque ordine &c.* scilicet cum nollet Constantinus M. consuetudinem suam Africæ ademptam, & videret tamen *populi suffragiis* non vtique semper idoneos Duumviros creari (ut sæpe vanæ sunt *populi* voces & cæci impetus, vel affectus) Duumviros nihilominus qui magistratum gererent hoc Anno, operam & laborem suum impendere voluit, quo idonei successores nominarentur & haberentur, alioquin nominationis istius periculum in ipsos non minus recasurum, quam in aliis diocesis & prouinciis: ubi soli Duumviri successores sibi & suo quidem periculo nominabant: Idque Constantinus ait *aquitatis rationem persuadere*: quomodo & maiorem esse rationem agendi cum nominatore, dixit Papinianus, *l. u. D. ad municipalem*, quia fidei nomine conuenitur: id est, quia fidem suam Reipubl. obstrinxisse videtur, promittendo idoneum quem sibi nominaret.

## II. (a) Idem A. ad Concilium (b) Prouinc. Afric.

**S**ACERDOTALES (c) & Flamines (d) perpetuos, atque etiam Duumvirates (e) ab annuarum Præposituris inferioribusque muneribus immunes esse præcipimus. Quod ut perpetua obseruatione firmeretur, legem hanc incisam æneis (f) tabulis iussimus publicari. PP. XII. Kal. Iun. Karthagini (g) Feliciano & Tatiano Coss. [337.]

## NOTAE.

- (a) Adest & hæc *lex* 2. *Cod. Inst.* Huic *legi* gemina germana est altera eiusdem Constantini Magni *lex* 21. *supra, de Decurionib. GOTHOF.*  
 (b) Par Inscriptio & Subscriptio alterius Constantini M. Constitutionis, *l. 15. supr. de appellat. ID.*  
 (c) De Sacerdotibus & Sacerdotio prouinciæ functis, dixi ad *d. l. 21.* vide & *Parat. infr. de Paganis. ID.*  
 (d) De Flaminius dixi quoque *d. l. 21. ID.*  
 (e) Id est, Duumviratu functi, a quibus Magistratus decursa insignia, *d. l. 21. ID.*  
 (f) De hoc more legum æneis tabulis incidendarum, dixi affatim ad *l. 1. supr. de alim. qua inopes l. 4. supr. de priuilegiis eorum qui in sacr. Pal. & l. 1. supr. de Veteranis. ID.*  
 (g) Similis subscriptio & inscriptio *d. l. 15.* Karthagini ceu in metropoli Concilium Africæ habitum, v. *tit. infr. de Legatis & decret. Legat. ac nominatim l. 12. 13. eo tit. ID.*

## COMMENTARIVS.

**A**B INFERIORIBVS muneribus, etiam a Præpositura annuarum, immunes, per Africam esse iubet hæc *l.* Constantinus M. *Sacerdotes & Flamines & Duumvires*: *Sacerdotes*, inquam, Sacerdotio prouinciæ functos: sic Am. Marcellinus *lib. 23. cap. 6. occis. Decurionibus multis, inter quos Rusticanus SACERDOTALIS, & Nicastus enitebat Edilis. Flamines* (id est, ciuitatum Sacerdotes) perpetuos, & *Duumvires*, (id est, Duumviratu functos.) Ad querelam Concilii Africæ, quod Karthagine hoc tempore, coactum fuit. Patet ut ante biennium, ad eorundem Afrorum Cu-

rialium querelam, gemina germana *leg. 21. supr. de Decur.* ubi dicta hic repetere nil attinet: Hoc tantum discrimine, quod *ea l.* Flaminius flaminii honore defunctis hanc immunitatem tribuit, hac vero lege diserte, *Flaminibus perpetuis.* Flaminum scilicet alii perpetui non erant, quod *ea lex* docet: alii vero erant, quorum mentio fit quoque in *veteribus Inscriptionibus.* Inter alias apud Gruterum sæpe, vt *CCLXXXIII. 6. CCCLXXXVIII. 3. CCCII. 5. CCCXXXIX. 5. CCCXLVI. 7. CCCCLXXVIII. 7. CCCXCIII. 8.* & in ea quæ Tarracone *CCCCXXXIX. 5.*



CN. MVNATIVS. M. F. PAL  
 AVRELIVS. BASSVS  
 PROC. AVG  
 PRAEF. FABR. PRAEF. COH. III  
 SAGITTARIOR. PRAEF. COH. II  
 ASTYRV. CENSITOR. CIVIVM  
 ROMANORVM. COLONIAE. VICTRICENSIS  
 QVAE. EST. IN. BRITANNIA. CAMALODVNI  
 CVRATOR. VIAE. NOMENTANAE  
 PATRONVS. EIVSDEM. MVNICIPI  
 FLAMEN. PERPETVVS. DVVMVIRALI  
 POTESTATE. AEDILIS. DEDICATOR. IIII.

Ergo nunc hac l. Constantinus solis Flaminibus perpetuis hanc immunitatem tribuit, quam antea omnibus Flaminibus etiam Sacerdotio functis.

Interim ex b. l. & d. l. 21. liquet, quam difficulter in Africa, Sacerdotes & Flamines & Duumvires hac immunitate potiri potuerint: quibus gemina constitutione intra biennium Constantinus M. consulere necesse habuerit: Quam & ideo nunc æneis tabulis publicari iubet, ut perpetua observatione firmaretur: de quo more æneis tabulis publicandarum constitutionum, quas maxime cordi haberent, & priuilegiorum, Principes, ac nominatim Constantinus M. dixi iam non uno loco, & inter alios leg. 4. *supr. de priuil. eorum qui in S. Palat.*

Proculdubio enim Christiana Religione per Africam magis magisque inualecente, ægre ea immunitas consistit: præsertim a præpositura annonæ: de quo dixi etiam ad leg. 21. *supr. de decurion.* & in *Paratitl. de susceptor. præpos. & arcar.* Ad huius l. sententiam accedit omnino illud in l. 2. *Cod. Iust. quemadm. mun. ciuil. indic. maioribus honoribus functos ad minores deuocari non oportere*; quia alias, ut Græci adnotarunt, *δοκῶν ὑπέχειται*.

### III. (a) Impp. Arcadius & HONORIUS AA. Probrino Proconf. Afric. (b)

QVIS tam inueniri iniquus arbiter rerum (c) potest, qui in Urbibus magnifico statu præditis, ac votiuia (d) Curialium numerositate (e) locupletibus, ad iterationem quempiam transacti oneris impellat, (f) ut cum alii necdum pene initiati Curia sacris fuerint, alios (g) continuatio & repetitæ sæpe functiones adficient. (h) Dat. XVI. Kal. April. Med. Cæsario & Attico Coss. [497.]

#### NOTAE.

(a) L. 52. C. *Iust. de Decurionib.* GOTHOFR.

(b) Mirum *hanc l.* quæ data est A. 397. Proconsuli Africæ inscribi, cum tamen Gildo Africæ hoc tempore incubaret. Sed proculdubio Africam proconsularem nondum occupauerat Gildo. ID.

(c) *Ζύχνης* in hac sententia: pro, *Quis tam iniquus rerum arbiter inueniri potest.* ID.

(d) *Votiuia*, votis expetenda, desiderata, grata, desiderabilia: sic l. 1. *supr. de feriis: ista gratum ac iucundum est, eo die quæ sunt maxime votiuia compleri.* Ita apud Tertullianum lib. 1. *ad Nationes, cap. 9. Votiuia*, pro frugibus, & prouentu expetito. ID.

(e) *Numerositas.* v. *Gloss.* ID.

(f) *Compellat.* Cod. Iust. ID.

(g) *Es continuatio*, C. Iust. quasi ab hoc repetitæ functiones differant. Quod erroneum est. ID.

(h) *Es adficient.* ID.

#### COMMENTARIVS.

ITERARE seu repetere eandem functionem, seu transactum onus, aliis Curialibus existentibus, seu si aliorum Curialium copia sit, quemquam cogi vetat hac elegantissima leg. Honorius Imp. (pariter ut Diocletianus & Maximianus l. 3. *Cod. Iust.*

*quemadm. mun. ciuil.*) Et quidem per Africam proconsularem. Denique æquabiles vices in muneribus subeundis seruari hac parte voluere Principes; quod etiam Iurisconsulti prodidere, l. 3. §. 15. *D. de muneribus.*

# DE SVSCEPTORIBVS, (\*)

## PRAEPOSITIS ET ARCARIIS.

### TITVLVS VI.

#### LIB. X. COD. IVST. TIT. LXX.

(\*) ὑποδέκται Græcis, vt Athanasius *Ep. ad solitar. vit. agent. pag. 861. Tom. I. Oper. Edit. Colon. fiv. Lips. apud Weidm.* Georgium ὑποδέκτην ἐν Κωνσταντινῇ πόλει ταμιακῶν, appellat. Glossæ, χρυσοὑποδέκτης, *Susceptor aurarius.*

### PARATITLON.

I. SVSCEPTORES, (de quibus *boc tit. ac præterea l. 1. infr. tit. prox. de Ponderatorib.* quæ iungenda cum *l. 2. boc. tit.*) *l. ult. de fisci debitoribus, l. ult. ad legem Iul. repetund. leg. 49. 54. 70. de Decurionib. leg. 47. supr. de cursu publ. l. vn. de quadrim. breuib. l. vn. supr. ne conlatio per logograph. l. 19. supr. de annon. l. 1. 14. de exactionib. l. ult. sup. de superexact. l. 1. 11. 13. 24. supr. de erog. milit. annon. l. 6. supr. de priuileg. cor. qui in S. Palat. l. 8. supr. de diu. offic. l. vn. supr. de priuileg. apparit. magist. pot. l. 2. supr. de Quæstionib. l. ult. de indulg. deb. meminit & Ammian. Marcellinus lib. 17. cap. 10. (non etiam lib. 19. cap. 11.)* varii fuere: Alii quippe specierum susceptores erant, *l. 9. b. t.* (vnde & susceptio specierum, *l. 7. seu diuersarum specierum susceptores l. 49. in fin. supr. de Decur. qui & susceptores cano-*  
P. 534. *nis, l. 24. b. t.*) puta annonariarum (vnde susceptor specierum annonariarum *d. l. 9.*) & quidem diuersarum, *l. 49. supr. de Decur. veluti vini, l. 15. boc titulo.* Qui Allecti dicebantur *l. 12. 13. boc titulo. dict. l. 2. supr. de quæstionib. l. 15. 18. de extraord. Amianus ad l. 2. infr. de Episcop.* vnde allegationis officium *l. 11. boc titulo.* Item vestium: vnde susceptor vestium, *l. 4. 31. boc titulo & l. 1. sup. de milit. veste: susceptio vestium, l. 31. b. t.* Tandem auri argenti susceptor vel suscipiens: de quo *l. 2. 12. 13. 17. 29. 30. boc titulo.* vnde susceptor auri argenti, *l. 17. b. t. susceptor aurarius l. 173. de Decurionib. susceptor aurariz Principis, l. 29. boc titulo,* qui scilicet aurum largitionale suscipiebant, *l. 30. b. t.* seu solidos ad largitionum subsidia perferendos: *l. 13. b. t.* Qui quidem omnes, fuere sub dispositione Rationalium: *l. 2. b. t. & supra hos, Comites S. L. l. 11. 13. 30. 32. b. t.* De his varia capita tum *b. t.* tum *Paratitulariis legibus* continentur.

Primum caput est de eorum CREATIONE: ex quo videlicet hominum genere crearentur, & a quibus. Creabantur igitur *l. 5. 9. b. t.* constituebantur, *dict. l. 5. 6. b. t.* ordinabantur, *dict. l. 5. b. t.* eligebantur *dict. l. 6. b. t.* in quibusdam prouinciis veluti per Illyricum, *l. 6. 7. 9. b. t.* in Oriente, *l. 5. b. t.* & pro temporum diuersitate, Principumque placito, ex Officiis diuersis, quæ extra Palatium militant: *l. 6. b. t.* ex Officialium diuersorum corpore, *l. 7. 9. boc titulo v. & l. ult. supr. de his qui cum dispens. veluti ex officio Præfidi, l. 5. b. t. Proconsulari, l. 31. b. t.* (exceptis Officialibus Magistrorum Equitum, & Peditum: *l. 6. b. t.*) item ex Largitionalibus ciuitatum, post militiam, *dict. l. 6. b. t.* ex Tabulariis, Numerariis, *l. 7. b. t.* Non vero ex Palatinis *l. 6. de priuileg. eorum qui in sacro palat.* (Excipe cohortales, qui ad Palatinam militiam aspirarunt, *l. 23. de Cohortilib.*) Non ex Clericis: *l. 1. de Episcopis.* Item non ex Curialibus, *l. 7. boc titulo.* Quod postremum tamen aliter aliquando habuit, nempe vt susceptores ex Curialibus crearentur: puta aliquando si Officiales non sufficerent, *d. l. 5. b. t.* item Susceptor aurarius ex Curialibus creabatur, *l. 14. supr. de exactionibus:* item susceptores Canonis Vrbicarii, *l. 24. boc titulo.* Sed & per certas prouincias ex Decurionibus Prouincialibus creabantur, veluti per Præfecturam Galliarum, *l. 2. supr. de quæstionib. per Africam, l. 4. 9. 31. boc titulo:* denique per Ægyptum, ex Honoratorum quoque numero quandoque creati, *l. 4. boc titulo:* ex Negotiatorum denique corpore susceptor aurariz per Africam eligebatur, *l. 29. b. t.* Item poenæ loco nonnulli susceptorum officio deputabantur, vt ex Valentiniani *l. vn. infr. ne Præfect. Præfectiani si exactiones,*

vel Horreorum custodiz vel curarum munus usurpauerint. Eligebantur autem ab Officio proconsulari, eius periculo in Africa susceptores vestium, l. 4. b. t. alibi susceptores a Curia creati, l. 20. *boc titulo*, in celeberrimo cœtu Curiz, consensu & iudicio omnium sub actorum restitutione *dict. l. 20.* susceptores rei priuatæ, a Procuratoribus rei priuatæ, l. ult. *supr. de iure fisci*. Creatoresque seu Nominatores eorum, pro his tenebantur, l. 1. & 4. in f. 8. 9. 20. 29. *boc titulo*: & l. vii. de quadrim. breuib. & l. 54. *supr. de Decurionib.* Neque quicquam ex eorum substantia mercari poterant per suppositam personam, *dict. leg. 8. b. t.* Ipsorumque substantiæ & fideiussorum facultates diligenter describebantur, antequam gererent, l. 25. *boc titulo*.

Quod Numerum eorum attinet, vnus tantum in quaque dicecesi auri susceptor aliquando fuit, l. 17. b. t. mox duo *dict. l. 17. b. t.* & tandem duo per singulas prouincias l. 30. b. t. Annuumque Susceptorum munus fuit, l. 4. 7. 10. 11. 22. 24. b. t.

Officium porro eorum erat collationem a prouincialibus seu possessoribus factam suscipere l. 10. b. t. (neque tantum noui anni seu præsentis; verum etiam reliquorum, *dict. l. 10.*) In eumque finem modum iugationis & species singulas, earumque numerum, quantitatem, præsentibus defensoribus perscribebant l. 23. b. t. Itemque annonam susceptam erogare, l. 7. b. t.

Modus autem susceptioni & susceptionibus varius præstitutus, partim pro indemnitate & utilitate prouincialium, partim vt fraudandi potestas susceptoribus adimeretur. Primum, per tres vices Annona seu annonariæ species inferebantur, l. 15. *boc titulo* & l. 15. *supr. de annona & tribut.* l. 3. *supr. de conlat. fund. patrim.* (vnde quadrimenstrui breues: de quibus l. 27. *boc titulo* & suo tit. peculiari, *supra*.) Et licebat tamen possessori quandocumque intra quatuor priores menses solidum canonem conferre, l. 15. *supr. de annon. & tribut.* Aurumque intra annum quandocumque inferre licebat, l. 2. *boc titulo*. & l. 3. *supr. de conlat. fund. patrim.* Secundo, Mensura & pondera in singulis stationibus collata publice erant: l. 19. b. t. de quibus & l. 32. b. t. seu modii ænei & lapidei cum sextariis arque ponderibus per mansiones singulas & quasque ciuitates: l. 21. b. t. Quo scilicet susceptoribus fraudandi potestas adimeretur: *dict. l. 19. b. t.* constitutis videlicet sub oculis tributariis omnium rerum modis: *dict. l. 21. b. t.* Tertio, si Aurum susciperetur, pondus auri inferre, multis solidos suos in vnum conferentibus, oportebat, seu massam obryzæ soliditate, l. 12. b. t. obryzæ materiem, *dict. l. 12. b. t.* auri obryzam, l. 13. b. t. in obryzæ massam soliditatemque redintegratum, *dict. l. 12. b. t.* ad compendium videlicet simplicis satisfactionis, & ne adulterini alioquin solidi subrogentur, *dict. l. 12. & 13. b. t.* Item pro multis & in diuersis locis constitutis possessionibus, idem Tributarius simul pro omnibus vna solutione susceptori inferre potest: ne separatim ab vnoquoque auro exacto, multis & assiduis incrementis prouincialium utilitas fatigetur, l. 2. *boc titulo*. Quarto Apocharum, l. 16. 27. 32. *boc titulo* l. 2. 22. *supr. de annona*, (quæ & Cautiones dicuntur, *dict. l. 2. supr. de annona*: apocharum Cautiones, l. 16. *boc titulo* & Securitates, *dict. l. 19. supr. de annona*: & l. 2. 27. 32. *boc titulo* l. 173. 185. *supr. de decurion.* l. 2. *supr. de discussoribus*.) formæ & stabilitati prouisum. Scilicet susceptores apochis collationis factæ titulum designare oportebat, nomen inferentis, diem, consulem, mensẽ, causam, summam, l. 16. 18. 27. 32. *boc titulo dict. l. 173. supr. de Decurionib.* vid. & l. 19. *supr. de annona*. Iisque similes, seu pari relatione, publicæ securitates gestis tenebantur, l. 26. *boc titulo*. Has semel recte factas, postea reficere fas non erat *dict. l. 185. supr. de Decurion.* Quinto, Inferre collationem factam, susceptores statim oportebat (non autem penes eos diu manere,) l. 17. b. t. puta sacris thesauris, aurum & argentum, l. 17. b. t. frumentum horreis, l. 16. b. t.

Vice versa leuandi dispendii causa Epimetra quædam susceptoribus conferebantur, l. 2. 3. 14. (quæ repetita l. 11. *supr. de iure fisci*.) l. 21. *boc titulo* & l. 4. *infr. de auro coronario*: & l. 4. *infr. de suariis*: & quidem tam susceptoribus epimetra pro obryza eius auri; vnde incrementum obryzæ, *dict. l. 2. b. t.* & l. 4. *de aur. coronar.* quam susceptoribus specierum: puta centesima aridorum fructuum, id est frumenti &c. l. 3. 14. 15. *boc titulo*. Vicesima vero laridi & vini, *dict. l. 15.* Postea ita constitutum, vt Vicesima quidem laridi & vini; at Quinquagesima frumenti, hordei Quadragesima præberetur: l. 21. b. t. in Armenia tantum longinquitatis causa ampliora epimetra constituta, d. l. 21. Priuilegia quoque nonnulla & præmia data susceptoribus legitime obsequio functis l. 7. b. t.

II. PRÆPOSITI, Rubr. & l. 5. b. t. (vnde Præpositura, l. 25. b. t.) veluti Præpositi annonarum (vnde Præpositura annonarum, l. 2. *supr. quemadm. mun. ciuil.*) Item Præpositi horreo-

horreorum, l. 5. 8. 24. *boc titulo* eodemque pertinet l. 16. & *ultim. boc titulo* l. 49. *supr. de Decurion. l. 1. supr. de erog. mil. annon.* qui & custodes horreorum, *infr. tit. ne praefectiani*: Præpositi pagorum, de quibus l. 8. *boc titulo* & l. 1. *supr. de erog. milit. ann. l. 1. supr. de pignor. l. 49. supr. de Decurion. l. 1. supr. de iis quæ administ.* Mansionum, l. 21. *supr. de Decurion.* susceptorum custodumque genus erant: qui scilicet horreorum seu annonarum quæ in his conditæ custodiam curamque gerebant, l. *ultim. h. t.* Quos quidem illico apocharum cautionibus illationis modum annotare oportebat, *dict. l. 16. boc titulo* vetitque alia quàm fiscalia frumenta in horreis his fiscalibus conderè, *dict. l. 16. h. t.* Ab hac Præpositura nonnulli immunes fuere: de quibus *dict. l. 21. supr. de Decurion. & dict. l. 2. supr. quemadm. mun. civil.*

III. ARCARII Rubr. & l. 14. (quæ repetita l. 11. *sup. de iure fisci*.) & l. 32. *boc titulo* erant, quibus reditus domui Principis debiti tradebantur, *dict. l. 14. & 11. supr. de iure fisci.* qui ad Arcæ Ratiocinium, l. 30. *boc titulo*, ad suscipiendam Arcæ seu Aurariæ Principalis rationem, l. 29. *boc titulo* & l. 12. *supr. de Numerar.* apponebantur: de qua susceptione accipio quoque l. 25. *h. t.* Quique sub Comite R. P. erant: *dict. l. 14. h. t. & d. l. 11. supr. de iur. fisci. & l. 25. boc titulo.* Quibus Centesimæ quoque (Epimetri loco) dabantur d. l. 14. *h. t. & l. 11. de iur. fisci.*

CREATOREM susceptoris, si susceptor decoxerit, deco-  
tionis periculo subiicere iubet Constan-  
tinus M.

I. (a) Imp. CONSTANTINVS A. ad  
Edictum. (b)

**S**I quem Susceptorem euertisse confiterit (c) rationem, & ad soluendum non esse idoneum, Creator eius hac necessitate teneatur, vt quidquid ille dilapidauit, ipse de propriis rebus instauret, (d) compellaturque damnum omne sarcire, quod esset inlatum, (e) si in idoneis nominandis competens adhibitum esset (f) examen. Dat. VII. Id. April. Crispo II. & Constantino II, AA. CONS. [321.]

P. 336.

## NOTAE.

- (a) Adest hæc *lex a Cod. Iust. GOTHOF.*  
 (b) Inscriptio similis duarum præterea legum: puta *legis 7. supr. de Decurion. & l. 3. supr. de extraordin.* vbi dixi. Quæ utraque eiusdem Constantini M. est. *ID.*  
 (c) *Euertere Rationem*, est, vt mox subiicitur, *dilapidare*, item, *ad soluendum non esse idoneum*. Papæ hac in re voces: vide *Glossar. ID.*  
 (d) *Instaurare* est restituere, & vt mox dicitur, *damnum sarcire*: vide *Gloss. ID.*  
 (e) Videtur omnino deesse, *non*: vel rescribendum *dilatatum*: id est non factum, euicatum: verum, prius magis probò. *ID.*  
 (f) Pro, *fuisse. ID.*

## COMMENTARIVS.

**C**ONSTANTINIM. duæ constitutiones, *boc titulo*, de Susceptoribus proponuntur: Hac prior definitur CREATOREM seu NOMINATOREM Susceptoris (puta Magistratum seu Duumvirum) si hic rationem euertit, id est soluendo non sit, denique si quid ex eo quod suscepit, dilapidauit, pro eo teneri, periculi denique eius vicarium esse. Quod ipsum quoque definitur a Iuliano, *famosa l. 55. supr. de Decurion.* a Valentiniano, l. 4. *infr. & l. 9. infr. boc titulo*, a Valente, l. 8. *infr. boc titulo*, vbi inueteratis legibus id constitutum ait, a Theodosio M. l. 20. *infr. boc titulo. & l. vn. supr. de quadrim. brui. & Honorio, l. 29. infr. boc titulo.* Et sic Octo in vniuersum,

de hoc Electorum seu Nominatorum periculo, constitutiones *boc titulo* occurrunt. In hanc ipsam rem vide Brettii Orationem 31. *Si les Esleus qui ont recue vn mineur comme Certificateur d'un Comptable; en doiuent estre tenus? v. l'Ordonnance de François I. de l'an 1543.*

Simili sane periculo, & Nominatores Magistratum seu Duumvirorum ipsorum, subiiciebantur: de quo ad l. 1. *supr. quemadm. mun. civil.* videndus eam in rem, *titulus Cod. Iust. de periculo Nominatorum.* Idem subsidiarie, Nominatores Tutorum: de quo noti sunt textus *Iuris.*

## II. (a) Idem A. ad Eufraxium Rationalem (b) trium (c) prouinciarum. Post alia.

**P**RO (d) multis (e) etiam, & in diuersis locis constitutis, liceat (f) simul auri pondus inferre, (g) ita ut pro omnibus fundis securitas (h) emissis cautionibus detur: ne separatim ab unoquoque (i) auro exacto, multis & assiduis incrementis (k) prouincialium utilitas fatigetur. Hoc (l) quoque addimus, ut unusquisque quod debet, intra anni metas, quo tempore voluerit, inferat & per Tabellarium (m) apparitorem inlatio cognoscatur: absque \* omni mora auro suscipiendo, ne (n) quis in aliena ciuitate sumptus faciat, vel (quod est grauius) legem commissi frustratus incurrat: Nam si soluere volens a Suscipiente fuerit contemptus, testibus adhibitis contestationem debeat proponere, ut hoc probato, & ipse securitatem debitam, commissi nexu liberatus, cum emolumentis accipiat: & qui suscipere neglexerit, eius ponderis quod debebatur duplum fisci rationibus per vigorem Officii Tui (o) inferre cogatur. Dat. (p) XIV. Kal. Aug. Paulino & Iuliano Coss. [325.]

### NOTAE.

- (a) *Lex 1. Cod. Inst. eod. tit. ex hac l. desumpta est quam plurimis refecatis. Iungenda autem ei lex 1. infr. de ponderator. & auri inlat. GOTHOFR.*  
 (b) Rationali *hac lex* inscribitur, notissima ratione. *ID.*  
 (c) Siciliz, Sardiniz, Corsicæ, ut ex *Notitia Imp.* liquet, & vero a Cuiacio hic recte notatum est, & ex parte probat quoque *l. vn. sup. communi diuid.* quæ & ipsa Gerulo, Rationali trium prouinciarum inscribitur. *ID.*  
 (d) *Prima* hæc sententia a Triboniano refecata est. *ID.*  
 (e) Fundis scilicet. *ID.*  
 (f) Eidem, qui diuersarum possessionum nomine tributum debet. *ID.*  
 (g) *Et ad quatuor*: vna solutione. *ID.*  
 (h) *Securitas*, id est apocha: quo sensu & alias sæpe securitas effertur vel *b. t. vt l. 27. 32. vid. Gloss. & Symmach. lib. 10. ep. 43. Anm. Marcell. lib. 17. cap. 10. Sidonium lib. 5. ep. 13. Calliodorum XII. Var. 7. in fin.*  
 (i) Fundo: seu vnius cuiusque fundi seu possessionis nomine. *ID.*  
 (k) *Vox hæc Incrementis* non sollicitanda est, neque mutanda ea in *intrimentis*: nam ea *epimetra*, quæ Susceptoribus dantur, intelligenda sunt: pariter ut *l. 4. inf. de auro coronar. ID.*  
 (l) *Secundi* huius capitis hæc sententia recisa quoque a Tribon. Cui omnino conuenit *lex 3. sup. de conlat. fund. parim. & lex 35. sup. de annon. & tribus. ID.*  
 (m) Scribe *Tabularius apparitor*, ad differentiam Tabularii ciuitatis; de quo *suo tit. lib. 8. sup. ID.*  
 \* Hinc iam, superioribus recisis, desumpta est d. lex 1. C. *Inst. eodem. ID.*  
 (n) *Ne quis per hanc occasionem sumptus facere compellatur*, ita Tribonianus hunc locum refinxit, iis, quæ de commissio mox subiiciuntur, refecatis, quæ tamen in sequentibus mox retinuit. *ID.*  
 (o) *Præfidis*, Tribonian. Qui & alia mox, quæ *ab hac lege* absunt, de pœna Iudicis negligentis hac in re, minus penso *hac* saltem *leg. consilio*, neque satis expensa *huius l. Subscriptione* addidit: Quandoquidem *lex* hæc Rationali inscribitur. *ID.*  
 (p) *PP. d. l. 1. Data* autem, proculdubio vel *Niceæ*, vel *Nicomediæ. ID.*

### COMMENTARIUS.

**F**ASTIDIO Susceptorum circa AURI illationem & susceptionem occurrit, contra Tributariorum leuamento succurrit *hac l.* Constantinus M. quæ pars est prolixioris constitutionis ad Rationalem trium prouinciarum (id est, Siciliz, Sardiniz, & Corsicæ:) cuius altera quoque pars extat *leg. 1. infr. de Ponderator.* quæ proinde *huius l.* coniungenda venit. Ea constitutione Constantinus varia constituit circa Auri illationem & susceptionem pro Tributariorum, qui aurum inferunt, utilitate, ne in damno scil. versarentur: definito, Quantum, Quo tempore, Qua in materia, Qua æstimatione, Quo pondere aurum inferri oporteat.

Huius sane *legis* duo sunt ad eum finem capita. Primo capite *simultaneæ* & massalis solutionis potestatem prouincialibus tributariis facit. Finge: fundos habeo in diuersis locis constitutos: & finge me pro singulis certam auri quantitatem, & variam quidem, annuam fisco debere; Queritur, vtrum partia-

lem solutionem pro singulis fundis separatim & distinctim facere cogar: an vero simul, & in *abpolo* *ma* *vi* auri pondus pro omnibus fundis inferre possim, sic ut Susceptor id accipere cogatur? Et definit Constantinus Magnus, id posse me: Addita ratione; *ne separatim ab unoquoque*, seu vnius cuiusque fundi nomine, auro exacto, multis & assiduis incrementis *prouincialium utilitas fatigetur.* Scilicet Susceptores simultaneam, & massalem solutionem accipere detrectabant, ut ita ex partialibus & separatis solutionibus maius compendium facerent: *Incrementi* scilicet, seu *epimetri* nomine Susceptoribus quid dari solebat, non tantum cum species annonariæ inferebantur, (de quo *Epimetri* genere est *lex 3. 14. 15. 21. infra, hoc titulo*.) verum etiam cum auri materia: de quo præter *hanc legem*, est *lex 4. infra de auro coronario*: id quod *hac lege*, *Incrementum* vocatur: & incrementum obryæ *diffa lege 4.* Nempe quia auri materia, quæ inferebatur, mox recoquenda



quenda erat (quod *obryza* vocabatur: de quo alibi dixi:) & sic recocta ad largitiones Principis mittebatur: Quare incrementi nomine aliquid a provincialibus exigebatur.

Quod quidem maius erat cum partialis solutio fieret, quam cum massaliter totam auri quantitatem a se debitam quis, vnica solutione pro omnibus fundis suis soluebant: Nam vt cæteroquin partialis solutio multa incommoda habet respectu creditoris, de quo est elegans *Novella Iustiniani 4. & lex 3. D. fam. l. c. c. i. c.* ita & hæc, respectu debitoris.

Ex his apparet, recte hic legi multis, & assiduis incrementis: quomodo sane etiam *dict. leg. 4. diserte obryza incrementum* dicitur: Sed & Symmachus libro 4. epistola 56. inter sæculi sui bona memorans: *Flandæ*, inquit, *monetæ nequitiam decoquit largæ purgatio*: Nullo iam provincialis auri INCREMENTO *trutinam Spectator* (id est, Susceptor qui spectat & probat auri pondus) *inclinat*. Quo quidem Symmachi loco discimus a Gratiano hoc incrementi genus sublatum: Quod quidem sublatum discimus a Theodosio Magno Gratiani collega, in auro coronario, *leg. 4. infra, de auro coronario*. Non igitur intrimenti, vel intertrimenti vox hic subiicienda, quod aliquando suspicabar.

Et ita quidem primo *huius legis* capite Susceptorum fastidio & cupiditati occurrit Constantinus Magnus, viceuerfa provinciales subleuari instituit.

Quod & ipsum altero *huius leg.* capite facit. Nempe *Quocunque tempore*, intra anni metas, provincialis aurum inferant, id suscipere Susceptorem absque omni mora iubet: Quomodo etiam iubet Valentinianus in *leg. 3. supra, de collationibus fundorum patrimonial.* & Valentinianus Tertius *leg. 35. supra, de annonæ & tributis*: & *leg. 32. in princ. infra, de Susceptoribus*: sic quidem, vt et si annonariorum specierum pensatio per quaternos menses trina solutione fieri deberet, attamen quocunque anni tempore aurum inferri posset: *d. l. 3. de conlat. fund.*

Et vero istud ita nunc a Constantino Magno iubetur, Quod Susceptores nonnulli auri solutionem omni tempore accipere detrectarent, verum statis temporibus id inferri vellent: proculdubio, vt ita suscepto citius auro, compendium ex eius nun-

dinatione aliquod facerent: Cum contra, utilitas provincialium exigeret, vt provincialibus nullum statum tempus auro inferendo præscriberetur, dummodo citra annum soluerent, eo quod non tam facile aurum provinciales nanciscerentur: & statim vt nati essent id suscipi vtile esset, ne alioquin diutius asseruare coactis id elaboretur.

Ergo quodocunque oblatum suscipi iubet *hæc lege*, Constantinus Magnus, ne alioquin duobus incommodis miseri Provinciales afficiantur.

Primo, si coacti diu residere & sumptus facere in aliena ciuitate cogantur; Nempe quia, (quod exinde colligitur, & vero aperte testatur *lex 32. 34. supra, de annonæ*;) aurum solui in vrbe Metropolitana oportebat: de quo etiam ad *legem 17. infra*, atque adeo eo Tributarios, tributum soluendi nomine, conferre se oportebat.

Secundo, ne alioquin miseri provinciales ob non solum Canonem in legem & nexum commissi incidant. Vnde apparet, *hanc legem* propriè accipiendam esse de Patrimonialibus & Emphyteuticariis possessionibus, pariter vt *dicta lex 3. supra, de collationibus fundorum patrimonialium, vel Emphyteuticorum*: Cuiusmodi sane in Sardinia fuisse docet *lex vnica supra, de communi diuidend.* ad quam *hæc* quoque *lex* nostra pertinet, vt pote Rationalium Provinciarum, (id est, Siciliæ, Sardinia, Corsicæ) inscripta. Nempe notum est, Emphyteuticarias possessiones ob non solum canonem in commissum cecidisse. Ergo ne in commissum caderent provinciales, vel sumptibus in aliena Ciuitate a Susceptoribus delusi, & frustrati attererentur, illico absque omni mora aurum suscipi voluit Constantinus M.

Alioquin delusus provincialis collator, tantum abest vt in commissum incidat, vt contra, contestatione super eo publice facta, hac oblatione (quod in priuatis debitis non idem obtinet) liberetur, secuti *P. 98.* ritatemque, id est, apocham accipiat: vna cum *emolumentis*: id est, sic vt sumptus a frustratore repetere possit: frustrator, vero Susceptor duplum summæ collatæ fisco soluere cogatur. Vbi varia ad praxim notanda sunt de *Præstatione*, & *oblatione*, eiusque vi, quoad tributa publica, ad pœnam euitandam, ac nominatim pœnam Commisfi.

### III. (a) Imp. CONSTANTIVS, & Constans AA. Claudio PF. Annon. Alexandria. (b)

**S**VSCEPTORES, centesimæ dimidium, Annotatores (c) vero ceterorumque Officiorum diuerfos homines quos rationibus (d) constat obnoxios esse, alterum dimidium habere recensimus: Et nihil impetratoribus beneficii per Rescriptum, aduersus ordinem constitutionis (e) possint prodesse commenta. Dar. Kalend. Aug. Limento & Carullino COSS. [349.]

#### NOTAE.

(a) Abest & hæc *lex* a *Cod. Iust. GOTHOF.*

(b) Nota, in Oriente pro Annona Constantinopolitana pecuniariam *Præfectus Annonæ Alexandria* fuisse: haud aliter ac in Occidente pro Annona Urbis Romæ, non tantum Romæ *Præfectus Annonæ* fuit, verum & Carthagine Africae peculiaris, vt docet *lex 12. infr. de Nauticis. & lex 1. infr. de Naufragiis: lex 13. de annon. & tribut. lex 1. de actionib. ID.*

(c) Annotatores: de h. m. o. *ID.*  
*Tom. IV.*

(d) Annonariis, seu Annonæ Alexandrinæ. ID.

(e) Huius scil. ID.

## COMMENTARIUS.

**D**E EPIMETRO Susceptorum specierum annonariarum, est hæc Constantii Imp. constitutio, pariter vt lex 14. (quæ & repetita extat *l. u. sup. de iur. fisci*.) *l. 15. 21. b. t. & l. 4. inf. de Suariis*: scil. dispendiis Susceptorum rerum annonariarum leuandis, & damno (quod *Diametron* vocatur *l. 5. de naufr. l. ult. inf. de nauicul.*) quod inter susceptionem & erogationem necessario euenit, epimetron aliquod his dabatur: vt diserte vocatur, *l. 15. inf. b. t. seu auctarium*, & manifestâ quædam, ac superpondium: Quomodo & Nauiculariis datum, pro tuerenda eorum substantia, *leg. 1. inf. de frument. Alexandrino*: *l. 7. 36. 38. inf. de Nauic. l. 5. inf. de Naufr.* Modus autem huius epimetri pro varietate specierum varius fuit; suus scil. modus epimetri vini & laridi fuit: de quo *d. l. 15. inf. b. t. & l. 4. inf. de Suariis*. suus vero aridorum fructuum seu annonæ frumentariæ: quo pertinet *b. l. & l. 14. quæ repetita vt dixi l. u. sup. de iur. fisci*: & *l. 15. inf. b. t.* Nempe Centesima, vt *b. l. diserte statuitur, & d. legib.* de quo iam dixi ad *d. l. u. sup. de iur. fisci*. Ergo Centesima Susceptoribus data: sic tamen vt eam Centesimam diuidi velit *b. l. Constantius* inter Susceptores, & Annotatores (Hi proculdubio sunt qui apochas scribebant, de quibus apocharum scriptoribus *l. 27. inf.*) cæterosque Officiales, qui rationibus annonæ obnoxii sunt. Annotatores *b. l.* sunt proculdubio iidem cum Tabulariis (de quib. *l. 2. sup.*) Præfecti annonæ, qui annonæ modum vel susceptum vel subuectum adnotabant Alexandriæ, *ὑπογραφεὶς, λογαγεῖς*, qui *κεθόλογοι* proprie

dicti, *l. i. inf. de frum. Alex.* Quibus ideo salarium quoque debebatur, vnde & Sidonius *lib. 5. ep. 7.* Tabulariis salarium tribuit. Cæteri rationibus annonæ obnoxii videntur esse Zygoſtæ, quorum mentio fit *d. l. i.* qui sc. admetiendo frumento præerant. His ergo omnibus Centesima inter eos diuidenda, destinata erat.

Diuisioni porro inter eos rationem hanc esse vult Constantius, vt Susceptores dimidium Centesimæ, cæteri omnes circa annonam suscipiendam occupati, & annonæ rationibus obnoxii Logostæ, Hypographi seu Crithographi, alterum dimidium.

Pertinet autem *b. l.* proprie ad Annonam Alexandrinam: quæ Alexandriam subuehebatur, partim in Alexandrinæ vrbis vsus, partim vero recondebatur subuehenda Constantinopolim, de quo plenè dicam ad *l. i. inf. de frum. Alex.* cui quidem annonæ Alexandrinæ (vt huius *l.* Inscriptio docet) peculiaris Præfectus præfuit, haud aliter atque Romæ & Karthagini Africæ, vt de hac quoque docet *l. 12. inf. de nauic. & l. 2. inf. de naufr.* Annonæ huius Alexandrinæ sub Constantio huius *l.* auctore mentio in rebus Athanasii, apud Athanas. *Apolog. 2. p. 729. Tom. I. Oper. Edit. Colon. su. Lips. apud Weidman.* Socratem *lib. 2. c. 13.* & Sozomenum *lib. 3. c. 7.* Et quis scit, an non eo quoque hæc lex pertineat, quandoquidem Constantius tum annonæ Alexandrinæ maximam curam habuit, quam ab Athanasio ad proprios vsus diuenditam, literis scriptis conqueſtus est, vt docet dict. *Apolog. 2. pag. 737.*

## IV. (a) Imp. VALENTINIANVS &amp; Valens AA. ad Marmertinum PF. P. (b)

**A**D virum Clarissimum (c) Proc. Africæ dari (d) litteras iubemus, vt siue ex Principaliū, (e) siue ex Honoratorum (f) numero, pro (g) merito fidei suæ industriæque, Susceptor vestium electus fuerit, huiusmodi necessitatis sarcinam vno duntaxat anno sustinere præcipiatur. Exceptis tamen his, qui Palatinæ militiæ priuilegiis muniuntur, vel qui Officiis ac ministeriis functi merito stipendiorum, merito dignitatis ornatum se adprobant consecutos. Ita tamen vt creationis periculum a Proconsulari Officio non recedat. Dat. XIV, Kal. Iul. (h) Valentiniano & Valente AA. Coss. [365.]

P. 539.

## NOTAE.

- (a) Repetitur hæc lex, inuersione tamen sententiarum ordine, & detractis nonnullis, *l. 1. sup. de militari veste*. Abrogatur ex parte *l. 31. inf. hoc tit. GOTHOF.*  
 (b) Italix, Illyrici, Africæ: vid. Ammianum *lib. 26. cap. 5.* de Illyrico & Africa testatur lex hac 4. & lex 9. Eidem inscribuntur *hoc tit.* quoque lex 6. 7. 10. ID.  
 (c) Spectabilis vocatur *d. l. 1. ID.*  
 (d) A te Præfecto Prætorio. ID.  
 (e) De his Principaliū, *supr. tit. de Decurion.* ID.  
 (f) De Honoratis his dixi ad *l. 1. sup. de offic. Iudicum ciuiliū.* ID.  
 (g) Hæc absunt a *d. l. 1. ID.*  
 (h) Mai. Mediolani: *d. l. 1. ID.*

## COMMENTARIUS.

**D**ICTA ad *l. i. sup. de militari veste*: vbi hæc lex repetita extat, paucis immutatis; itemque dicenda ad *legem 6. & 7. infra*, quæ eodem Anno ad eundem datæ, super eodem argumento, sufficiant.

## V. (a)

## V. (a) Idem AA. ad Secundum PF. P.(b)

**P**ERFENSO (c) prospeximus (d) studio, vt Susceptores & Præpositi (e) horreorum ex Præsidali Officio qui per diuersa Officia militiæ sacramenta gestarunt, congrua ratione crearentur. Sed quoniam Præses (f) Ciliciæ adseruit, deesse ex his corporibus, quibus possit hæc sollicitudo committi, ne in præsens tempus fisci nostri seu publica emolumenta vacillent, Excellentia Tua, vbi eos deesse peruiderit quos Susceptores ac Præpositos creari scitis prioribus iusseramus, verustum morem consuetudinemque sectabitur: scilicet vt ex eo Ordine (g) constituantur, ex quo ante consueuerant ordinari: modo, vt ipse Ciliciæ Præses & ceteri Magnitudinis Tuæ literis vrgueantur, vt idoneos ex diuersis Officiis tota (h) sagacitate vestigent, eosque gerere præstitutam scitis Nostræ Mansuetudinis sollicitudinem faciant: Nam si qui per gratiam fuerint prætermissi, necesse habet exigere publica commoditas vltionem: Nec enim dubium est, eos, Officiales qui nunc diuersis Officiis obsecundant, plurimos prætermittere, quorum si qui in huiusmodi fuerint arte deprehensi, dabunt poenas (facultatibus traditis Curiis) (i) etiam capitis ac salutis. Dat. IV. Non. Iul. Cæsarea (k) Valentiniano & Valente AA. COSS. [365.]

## NOTAE.

- (a) Absent hæc lex a Cod. Iust. GOTHOF.  
 (b) Secundus PP. sub Valente, Orientis scil. vt ex Cilicia mentione apparet. Vid. de eo *Prosepogry. ID.*  
 (c) De hac *Perfensi* voce dixi semel ad l. 2. *supr. de constit. Princip. ID.*  
 (d) Pro, *Prospexeramus*, vt *infr. iusseramus. ID.*  
 (e) De *Præpositis horreorum* l. 8. 24. *infr. ID.*  
 (f) De *Præside Ciliciæ* vid. *Notitiam Imperii. fol. 3. ID.*  
 (g) Quisnam ille? Curialis proculdubio, vt ex *fine* etiam *legis* docemur. *ID.*  
 (h) *Tota*, id est, integra, omni, seria. v. *Gloss. ID.*  
 (i) Ex quibus Susceptores, in defectum Officialium creandi. *ID.*  
 (k) Valens Imp. *Cæsarea Cappadocia* constitit hoc tempore Anno 365. quod etiam testatur Ammianus *lib. 26. cap. 7.* sanctus & Gregorius in *Monodia Basilii*, Valentem aliquando Cæsarem constituisse testatur. Nempe in Syriam Antiochiam profecturus, Cæsarem aliquandiu constitit: verum inde propter Tyrannidem Procopii mox retractus: vid. *Amm. Marcellinum d. loco.* Quare & hæc subscriptio facit ad stabiliendum characterisimum Procopianæ Tyrannidis: de quo ad Philostorgium, *lib. 9. c. 5.* Plura etiam in *Chronol. ID.*

## COMMENTARIVS.

**E**X quonam hominum genere Susceptores creari seu ordinari oporteat, hac Valentis Imp. constitutione definitur. Ad quod caput pertinet quoque lex 4. *supr. lex 6. 7. 9. 29. 31. infr. hoc tit. &* quidem vnde nam ordinari debeant Susceptores annonarum & Præpositi horreorum *b. l. & d. l. 8. 7. 9. inf. b. t.* Quod quidem ius varie habitum fuit. Modo enim ex Curialibus electi fuerunt, seu ex ordine Curiali, vt l. 2. *sup. de quest.* de quo *hanc l.* quoque accipio circa *medium*: modo non ex Curialibus aut Palatinis, sed ex Officialibus Præsidum seu Rectorum prouinciarum, vt *b. l. & d. l. 6. 7. 9. infr. b. t. & l. vn. supr. de priuil. app. mag. pot. l. 6. de priuil. eorum qui in S. Palatio*: (non etiam ex Officialibus Magistrorum Equitum & Peditum *d. l. 8. prox. & d. l. vn. supr. de priuil. ap. mag. pot.*) etiam ex Tabulariis & Numerariis *d. l. 7.* ex largitionibus ciuitatum, post militiam *d. l. 6.* similisque diuersitas reperitur circa Susceptores vestis, vt docet *l. 4. supr. & l. 31. infr. hoc tit. &* circa Susceptores auri, *l. 29. hoc tit.* Valentis circa Susceptores annonarum mens hæc est, & vero etiam ante *hanc leg.* id ius

fuisse se indicat, ex Præsidum Officialibus eos eligendos, quatenus fieri possit, sic vt prætermitti nemo idoneus ad id debeat: & in defectum tamen eorum, & in subsidium ex eo ordine constituendos, ex quo ante consueuerant ordinari, id est, ex Curiis: vt ex *fine legis* quoque discere licet: statuit enim *ibi* Valens facultates *tradi Curiis*, si qui Officiales idonei prætermissi fuerint, id est, Susceptores creati non fuerint, ideo scil. facultates Curii tradi vult, quasi læsa Curia, in quam hoc onus ob Officialium præteritionem & excusationem recideret. Caterum *hanc leg.* extorsit Valenti allegatio seu relatio *Præsidis Ciliciæ*, qui deesse ex Corpore Officialium adseruerat, qui Susceptores creari possent. Ideo Valens in præsens id statuit, vt ex Ordine Curialium Susceptores & Præpositi horreorum creentur, discussio tamen prius Officialium Corpore, & in subsidium tantum. Quisnam Valentiniano fratri & collegæ eius hoc ipso tempore mens fuerit? ostendit *lex 4. 8. 7. 9. hoc titul.* de qua ad *leg. 6. 7.*

## VI. (a) Idem AA. ad Mamertinum PF. P. (b)

**T**AMETSI iam Lege † apertissime cautum sit, de Officiis diuersis, quæ extra Palatium sunt, Susceptores debuisse constitui, tamen & hac iussione similiter designamus, ab his, qui \* in Officio Magistrorum equitum & peditum militarunt, siquidem (c) ordinis sint militaris, inquierudinem submouendam: Eligendos autem Susceptores e diuersis Officiis, scilicet, quæ extra Palatium deputantur: additis etiam Largirionalibus (d) ciuitatum; quos post militiam volumus inter cetera corpora susceptionis munus agnoscere. Dat. XV. Kalend. August. Valentiniano & Valente AA. Coss. [365.]

## NOTAE.

(a) Potissima huius l. pars abest a C. Iust. Hanc leg. intelligit lex 9. infr. b. tit. GOTHOF.

(b) Italix, Illyrici (quo proprie hanc l. pertinere ostendit lex 9. infr.) Africæ: cui inscribuntur tres præterea hoc tit. leges, puta lex 4. supr. & lex 7. prox. & lex 10. infr. & in eodem susceptionis argumento lex 2. Cod. Iust. de Apparit. Praef. Prat. ID.

† Intelligit legem 4. supr. (seu l. 1. supr. de milit. veste:) quæ eidem Mamertino inscribitur: sed ad Africam pertinet: vel etiam legem vn. supr. de priuil. apparit. Magistr. pos. Cui iungenda lex 6. supr. de priuil. eorum qui in Sacr. Palat. (quæ Artemio Correctori Lucanix inscribuntur) Imo anteriorem etiam, cuius d. l. 6. mentio fit. ID.

\* Lex 2. C. Iust. de apparitor. Magistr. milit. hinc interpolata. ID.

(c) Non dubitauit, verum pro quia sunt &c. ID.

(d) Idem d. l. vn. supr. de priuil. app. Magistr. pot. De his dixi ad l. 3. supr. de priuil. eorum qui in S. Palatio. ID.

## VII. (a) Idem AA. ad Mamertinum PF. P. (b)

**A**D Susceptionem specierum veniant, qui ante omnia sciant se Decuriones non esse: Ex corpore igitur diuersorum Officiorum quisquis idoneus repperitur, tam moribus quam facultatibus, veluti matriculæ per singulas prouincias nomen suum adscribat, vt hac ordinatione dispositi annuas (c) Susceptiones peragant: ita vt nihil præterea Muneris pertimescant, atque expleta susceptione, erogationibusque (d) perfectis, transacto illo officio, cum apud Iudicem (e) fidele obsequium comprobarint, iudicii nostri digna præmia consequantur. Adiungi autem ad hoc corpus debent, etiam illi qui ex Officiis singulis (f) sint, hoc est, ex Tabulariis & Numerariis similibusue (g) officiis eorum Officiorum, de quorum Ordine hoc corpus constitui volumus. Quicumque vero ex his ad honores potiores per suffragium peruenerint, Susceptionis munus (h) perfungantur, ita vt salua sit dignitas quam habent, nec ex hac ordinatione Curiale consortium pertimescant. Dat. prid. Non. Aug. Sirmio, Valentiniano & Valente AA. Coss. [365.]

## NOTAE.

(a) Abest hæc lex a Cod. Iust. GOTHOF.

(b) Italix, Illyrici, & Africæ, cui tres præterea super eadem re leges hoc titulo inscribuntur, puta lex 4. 6. supr. & l. 10. infr. ID.

(c) Annuum Susceptionis munus fuit, b. l. & 4. supr. l. 10. 11. 22. 24. infr. b. t. ID.

(d) Susceptores non tantum annonam suscipiebant, sed & erogabant. ID.

(e) Rectorem prouinciae. ID.

(f) Dicam mox. ID.

(g) Veluti Scriuarii, Actuarii, &c. ID.

(h) Pro munere. ID.

## COMMENTARIUS.

**E**X quonam hominum genere Susceptores creari seu ordinari oporteat a Valentiniano Sen. septem constitutionibus definitum reperio. Quarum quatuor b. t. continentur: puta lex 4. 6. 7. 9. b. t. & quibus tres priores eidem Mamertino PP. Italix, Illyrici, Africæ, inscribuntur: postrema Dracontio Vicario Africæ. Quibus addenda in eandem sententiam eiusdem ad eundem Mamertinum eodem Anno lex 8. supr. de diuers. offic. (seu lex 1. Cod. Iust. de Apparitor. Praefector. Pratorio) & lex 70. supr. de Decurion. quæ d. legi 8. iungenda est. Item eiusdem

lex vn. supr. de priuil. apparitor. Magistr. pot. & lex 6. supr. de priuil. eorum qui in S. Palatio (& ex quibus lex 6. huius tituli conflata est) quæ Artemio Correctori Lucanix inscriptæ inter se coniungendæ sunt. Nos hic omnium instar septem legum sententiam sub vnum conspectum dabimus, e quibus hæc duæ postremæ superiore anno 364. datæ sunt: Quinquæ vero illæ priores hos Anno 365. Valentiniani igitur mens his legibus præcipua hæc est, vt susceptores, non ex Palatinis l. 4. 6. b. t. l. 6. supr. de priuil. apparit. magistr. pot. item non ex Decurionibus, l. 7. b. t. eligantur:

gantur: verum ex duplici hominum genere: Primo, ex Officiis seu Officialibus Rectorum prouinciarum, dictis legib. omnibus: etiam Numerarii & Tabularii, d. l. 7. de quibus suo tit. exterique, qui in suo officio, seu inter Officiales, singuli in suo genere sunt: d. l. 7. veluti Numerarius, quem sane vnicum habuerunt ordinarii Rectores, vt testatur *Notitia Imperii*, cum alii Spectabiles & Illustres plures haberent: Etiam ii, qui ad honores potiores per suffragium peruenerunt, d. l. 7. cum tamen antea dignitate omnino caruissent, d. l. 70. *sup. de decurionib.*

Excepti tantum Officiales Magistrorum Equitum & Peditum, d. l. 6. b. 1. & d. l. vn. *sup. de priuilegiis appar. magistr. pot.* addita etiam d. l. 6. exceptionis istius ratione: videlicet quod Apparitores Magistri Equitum & Peditum sint Ordinis Militaris (quod vnum ex ea leg. retinuit Tribonianus, & in l. 2. C. *lusi. de Apparit. magistr. militum*, coniecit:) Certe id quoque discimus ex l. 4. *de diuersis officiis*. Idemque egregie confirmat *Notitia Imperii*, & tribus quidem locis: in *notitia* videl. *Magistri militum Præsentalis* fol. 21. item *Magistri militum per Thracias* fol. 36. denique *Magistri militum per Illyricum* fol. 39. *Officium*, inquit, *Magisterie potestatis in Numeris militat (vel militum) & in officio deputatur*. Quo etiam refero quod ait Theodosius Iun. in l. 4. *Nouella 14. de amota militaribus fori præscriptione*. Cum alias duobus locis in eadem *Notitia Imperii*, puta in *Notitia alterius Præsentalis Magistri militum* fol. 30. & in *Notitia Magistri militum per Orientem*, fol. 33. *Officium Magisterie potestatis Cardinale haberi* dicatur: vbi Cardinale quid sit, non magis quam quid Cardinales Presbyteri, Diaconi, ad hanc diem sciunt. Sunt I. nonnulli (veluti Iuretus in *Iuonis epistolam* 131. p. 671. Pancirolus in *Comment. ad Notit. Imper. & Salmas. de Primatu Pape*, Ep. 1. p. u.) qui Cardinale, principale & præcipuum, seu præcipuæ auctoritatis atque in Cardine cuiusque officii constitutos, illustriores interpretantur. Sunt qui Cardinales Presbyteros, qui olim Regionarii, inde dictos scribunt, quod cardini & custodiæ vnius Tituli addicti essent; ad differentiam eorum, qui in eisdem titulis seu paræciis seruebant, sed non Curam principaliter gerebant, non præerant Cardini Ecclesiæ: inque id citant Gregor. lib. 1. ep. 15. (& ibid. in Edit. *Benedictin.*) & ep. 72. lib. 7. *indict.* 2. (sui. lib. 9. *indict.* 2. ep. 70. Edit. cit.) Dictos etiam Cardinales Presbyteros omnes Ecclesiarum Cathedralium & matricum, vt adhuc in Ecclesia Rauennatenensi & Compostellana Canonici vocantur Cardinales. II. Diaconos vero Cardinales dictos, qui peculiariter Rom. Ecclesiæ adstricti erant, vocati sanctæ sedis Apostolicæ Diaconi. Ad horum exemplum aliis in Ecclesiis Diaconos Cardinales dictos, apud eundem Gregorium ep. 14. lib. 2. (sui. lib. 3. *indiction.* 11. ep. 14. Edit. *Benedictin.*) III. Episcopos etiam sæpe dictos Cardinales Sacerdotes, Gregor. ep. 13. lib. 2. (sui. lib. 3. *indict.* 11. ep. 13. Edit. cit.) ad exemplum eorum qui potissimum consilio Pontificis deuouebantur, & qui eius promotioni & consecrationi præerant, apud quos olim electio erat. His omnibus Cardinalibus euagandi & parochiam deferendi licentia denegatur sub pœna depositionis, vt est

in c. 2. *quia nonnulli*, c. 6. *conquerente*, & can. *vis. de Clericis non residentibus*.

Quid igitur? *Cardo* in omnibus dicitur *κέντρον* quod fixum & immobile est: hoc sensu *Cardo* ianua, mundi cardo, cœli cardo, cuiuscunque reigitor *Cardinale officium* hic, quod adfixum & immotum in cardine suo, Magistro militum, inquam, non vero per Numeros militares militans, quomodo tria illa Magistrorum militum officia, quæ modo dixi. Quod ex oppositis ita inter se *Notitiæ* locis clare conficitur. Sic sane olim *Cardinales* inter Donatistas dicti, non præcipui & principales, vt nonnulli volunt; verum, qui in radice sua, seu cardine & matrice manebant, oppositi his, qui inde in minutas particulas, seu minutissimas partes diuisi, præcisi fuerant & recesserant, puta Donatistæ, qui Primiano adhererant, & apud eum manserant, Maximiniani scilicet qui secesserant, oppositi. Augustinus lib. 1. *de Baptismo*, cap. 6. p. 84. Tom. IX. Oper. Edit. *Benedictin.* Quapropter inter eos & ipsos quodammodo *CARDINALES* Donatistas, quorum Episcopus apud Carthaginem Primianus est, iam de hac re nulla est controuersia. Voluit enim Deus per Maximinianistas eam finire, vt quod charitate suadente nolebant, exemplo suo cogente faterentur. Sed adhuc propterea inde disputamus, ne illi sibi videantur aliquid dicere, qui nec istis communicant, qui apud se potius quanto pauciores tanto sinceriores Donatistas REMANSISSE contendunt. Qui si Maximiniani soli essent, nec ipsorum salutem contemnere deberemus: Quanto magis ergo, quia eadem pars Donati in multa minutissima frustra confissa est, quæ omnes minuta particule hanc unam multo grandiores, in qua Primianus est, de reprobo Maximinianistarum baptismo reprehendunt, & singula conantur afferere, apud se tantummodo verum baptismum REMANSISSE, nec omnino esse alibi, neque in toto orbe terrarum, quæ Ecclesia Catholica expanditur, nec in ipsa GRANDIORE parte Donati, nec in ceteris præter se unam ex minutissimis partibus. Quæ omnes particule, si aduertere voluerint vocem, non hominis, sed ipsius manifestissima veritatis, & animosum spiritum sue peruersitatis domare, non utique ad partem Donati maiorem, de qua præcise sunt, sed ad ipsam viriditatem RADICIS Catholica de ariditate propria reuertentur. Ita quoque Petilianus partis Donatistarum in collatione Carthaginensi l. c. 165. pag. 1096. Tom. I. Concil. Edit. Harduin. numerum suorum Catholicorum numero opponens: Et quanquam, inquit, nobis multitudinem pax nutriat & conseruet, illis multitudinem bella conquirit, dum absentibus nobis, aut in locis, aut in ciuitatibus nostris, aut in Diocesisbus passim multas imagines erigunt, vt numerosi esse videantur: Tamen, etsi par sit vtriusque aduersitatis numerus, maior meus debet videri, qui & me absente persistit, & s. 344. cum ipse sit CARDINALIS & Authenticus, nec emulatione multiplici superatur. Ergo Cardinales Donatistæ non simpliciter, vt quidam voluit, fixi; verum qui in cardine & matrice fixi manserant. (Sic & scapi Cardinales apud Virruuium architect. lib. 4. cap. 6. in foribus seu ostiis: Fores, inquit, ita compingantur, uti scapi Cardinales sint ex altitudine



dine luminis restat duodecima parte: Inter duos scapos tympana ex duodecim partibus habeant ternas partes. Vbi scapi, id est, recta illa ligna in valnis, quibus fores sustinentur & reguntur mouenturque, cardinales sunt, cardinati, qui cardines in se habent, vel ut alii malunt, quorum Cardinibus, seu cuspidibus, valvæ ipsæ voluuntur, seu fores inuertuntur aperiendæ, vel claudendæ. Minus enim accurate La Cerda in Aduersariis c. 94. n. 2. Cardinales ibi absolute pro cuspidibus & dolatis ligniculis compactis vel incorporatis accipit: & quid est pro incorporatis, compactis? ut ita cardinale sit, quod annexum, insertum, compactum: additum enim oportuit quod cardini annexum. Sic & idem cardinalium lignum, inter duos scapos cardinatum dicit lib. 10. c. 21. Erigebantur & arrectaria duo compacta pedum 35. crassitudine sesquipedali, latitudine pedum 11. coniuncta capitibus transversario cardinato tigno, & altero mediano inter duos scapos cardinato, & laminis ferreis religato. (vide & c. 20. vbi & similiter intercardinatas traves dicit.) Sic & Casiodorus, VII. Variarum 31. in formula Principatus vrbis Romæ: Cum in vrbe Roma plurima fieri censeamus, & necesse sit ibi potestatem (partem) esse Comitiani officii, ut utilitates publicæ videantur impleri, nostro more prospeximus, ut quia Principem nostrum CARDINALEM obsequiis nostris deesse non patimur, tu eius locum Vicarii nomine in Vrbe Roma solemniter debeas continere: Quatenus & ille Primatus sui labore perfruatur, & tu in alterius honore possis discere, quod in tuo debeas feliciter exhibere. Vbi Casiodorus, Principem Cardinalem apertissime vocat, non primum Principem Agentium in rebus, ut nonnulli tradunt, verum eum, qui obsequiis Principis adhærebat, eique opponit eum qui alibi eius locum impleveret Vicarii nomine: Quomodo in Notitia Imperii, Cardinale officium fixum, immotum, adhærens, & in obsequio Magistri militum: quod & ideo haberi Cardinale officium dicitur Magisteriæ potestatis, non ut alia, quæ militant in Numeris. Sicigitur iam quoque Cardinales Episcopi Presbyteri, & Diaconi in vrbe Roma, de quibus multa mentio apud Gregorium in epistolis, lib. 1. ep. 79. 81. (siu. lib. 1. indict. 9. ep. 80. & 83. Edit. Benedictin.) lib. 2. ep. 9. (siu. lib. 2. indict. 10. ep. 12. edit. cit.) lib. 7. ep. 72. (siu. lib. 9. indict. 2. ep. 70. edit. cit.) lib. 12. ep. 2. (siu. lib. 14. indict. 7. ep. 7. edit. cit.) Paschal. II. Ep. ad Didacum Compostellanum apud Baron. Annal. Tom. XII. ad an. 1104. num. 19. quod immoti, fixi, Ecclesiæ suæ Pontificique adhærent, matricique Ecclesiæ operam naturent. Leo certe IX. ep. 1. ad Michaëlem, c. 32. Tom. VI. Concil. Edit. Hard. p. 944. dicit, Clericos Romanæ Ecclesiæ Cardinales vocari, quod summo Pontifici proxime adhærent: addito, quod hic sit veluti Cardo totius Ecclesiæ. Inde tandem & cardinandi in cardinandique voces enata, de quibus prolixè Iuretus, in Iuonem, p. 671. (vid. & Concilia Gallicana) & incardinari in Ecclesia aliqua, vel Metropolitaneitate. In Ecclesia apud alios, & Hincmarum, referente Flodoardo lib. 3. hist. Rbem. c. 25. 29. Sic Presbyteri Cardinales pro Presbyteris vrbis, oppositi Presbyteris agrorum, concilio Neocæsariensi. can. 13. Tom. I. Concil. Edit. Hard. p. 285. 286.

ut in Zachariæ PP. epist. ad Pipinum, c. 4. Tom. I. Concil. Gall. p. 564. & Tomo III. Concil. Ed. Hard. p. 1907. Neque quidquam moror, quod Marianus Scotus in Chronico, Præfectum Prætorio Orientis vocat virtum superillustrum & Cardinalem. Sic sane Paschalis Papa II. ad Didacum Compostellanum Ep. apud Baronium tomo 12. ad an. 1104. num. 19. Cardinales Presbyteros & Diaconos vocat. Hoc vero nomen omnibus Ecclesiis commune multis adhuc adhæsit, ut Rauennati, Aquileiensi, Pisanæ, Mediolanensi, Compostellanæ, Beneuentanæ, D. Pauli Londoniensi; sed potissimum Romanæ. Errat La Cerda Aduers. 35. n. 13. qui Cardinales Diaconos in Concilio Romano sub Syluestro ait dici, qui licet diuersis in locis agerent, vnus tantum Ecclesiæ eiusdemque primariæ cardine continerentur. Inde & Cardinalia opera Christi, auctori, qui sub Cypriani nomine latet, illa, in quibus salutis nostræ negotium consistit. Verum hæc obiter, neque ingrato diuerticulo.

Igitur excepti a susceptionis officio fuere Officiales Magistri Equitum & peditum, ea quam dixi ratione. Excepti pariter Cornicularii Præfecti Prætorio, qui annis singulis exeunt, d. l. 8. sup. de diuers. offic. d. l. 1. sup. de apparitor. Præfect. prætor. His exceptis ex Officialibus susceptores sumi voluit Valentinianus. Secundo sumi voluit ex Largitionibus ciuitatum d. l. 6. h. t. & d. l. vn. sup. de priuileg. apparitor. magistr. pot. Cum tamen & veteri ante Valentinianum consuetudine ex Curialibus Susceptores crearentur, d. l. 9. h. t. Et vero ipsemet Valentinianus electionem Susceptorum ex Officialibus ad Illyricum, restringit, d. l. 9. & sic ostendit legem 6. & 7. ad Illyricum tantum pertinuisse: cuius sane Præfecto Prætorio Mamertino ex inscribuntur (fuit enim is Præfectus Prætorio Illyrici teste Amm. Marcellino) quomodo etiam lex vn. sup. de priuileg. apparitor. magistr. potest. ad Italiæ provinciam Lucaniam pertinet (cui ipsi Italiæ Mamertinus eodem Amm. Marcell. teste præfuit) In Africa vero veterem ex Curialibus eligendis Susceptoris consuetudinem diferte probat d. l. 7. vtriusque diuersi facti sui rationem ea l. reddens.

Et hæc quidem in summam & præcipua est harum constitutionum sententia: nam quæ singularia in his obseruanda sunt, præter ea, quæ iam notauimus de militia Armata Officialium seu apparitorum Magistrorum militum suis locis & titulis, sub quibus reliquæ illæ leges positæ sunt, discedunt.

Tria tantum obseruanda sunt: Primo ex l. 7. susceptionis munere fideliter functos, ab omnibus immunes a Valentiniano pronunciari: & præmia iudicio suo digna promittit. Secundo ex l. 9. Nominatores seu Creatores pro nominatis teneri: quod etiam canetur l. 1. 4. sup. l. 8. prox. 20. 29. inf. h. t. Tercio obseruandum per Illyricum id quod supra dictum constitutum, Mamertino sc. Præfecto Prætorio suggerente, de quo Amm. Marcell. lib. 21. c. 10. ut editi Codices habent, male sensisse videtur: Sed locum illum iam restituerunt, & in Neuitam recte transtulerunt: argumentum etiam certissimo eius quod idem rursum de Neuita ait eodem lib. 21. cap. 12.

P. 547.

## VIII. (a) Idem AA. ad Secundum PF. P. (b)

**I**UXTA inueteratas leges, † Nominatores Susceptorum & eorum qui ad Præposituram horreorum (c) & pagorum (d) creantur, teneantur obnoxii, si minus idonei sint, qui ab hisdem fuerint nominati: Nec quicquam ex eorum substantia, celebrata per interpositam personam emptione, mercetur. Dat. (e) III. Kalend. Aug. Constantinop. Valentiniano & Valente AA. Coss. [365]

## NOTAE.

(a) L. 2, Cod. Iust. eod. tit. GOTHOFR.

(b) Secundus PP. vid. Profopogr. ID.

† Etiam Constantini M. l. 1. sup. ID.

(c) De Præpositis horreorum, agitur &amp; l. 5. sup. 24. inf. l. 49. sup. de Decur. l. 1. sup. de erogat. mil. ann. ID.

(d) De Præpositis paganis, dixi plene ad l. 1. sup. de erogat. mil. ann. ID.

(e) Vid. Chronicon bislor. ID.

## COMMENTARIVS.

**D**E NOMINATORIBVS Susceptorum, & Præpositorum, siue horreis siue pagis (de quibus suis locis iam plene:) Duo hac l. constituuntur a Valente Imp. Primum, ut periculo Nominatorum Susceptores creentur, id est pro his nominatores teneantur: Quod inueteratis legibus iam obtinuisse Valens profitetur: uti de eo Valentinianus l. 9. inf. morem obtendit. Sane Constantini M. lege iam id definitum l. 1. sup. & Valentiniani l. 4. sup. & l. 9. inf. & postea Theodosii M. l. 20. inf. Honorii l. 29. inf. Mitto antiquiora Constantino, quæ Accursius colligit. Secundo constituit hac l. Valens, ut ne Nominatores quicquam ex rebus, nominati, per interpositam personam eruant: Per interpositam, inquam, personam; unde colligat quis potuisse ipsos emere palam: Neque enim hoc facto quidquam deperit fisco, cum nil intersit, ipse nominatus, an vero nominatores bona illa habeant: atenim multum interest, ipse nominatus habeat an extraneus, cum quo

nulla est fisco actio: Nondum enim Gratiani lex lata fuerat, qua Susceptorum substantiam, & fidei forum facultates diligenti descriptione collectas ad officii Palatini notitiam perferri oportuit, de qua l. 25. inf. Quare hac tempestate si quis extraneus ex Susceptoris bonis quid emisisset, securus erat: nisi is fraudis consilio id egisset, ut interposita persona nominatus pauperior fieret. Et tamen alia est Accursii, Lucæ de Penna, ipsiusque Cuiacii interpretatio; nempe nominatores non potuisse quidquam ex nominati bonis emere: neque ipsos palam, seu luce clara, neque per interpositam ut dixi personam & sic in fraudem fisci. Quare quod hic dicitur ita accipiendum fuerit, quasi dixisset, etiam per interpositam personam. Unde iam illud alias quoque decantatum efficiatur; Quod qui directe peruenire non potest ad aliquid, nec per indirectum & interpositam personam possit.

## IX. (a) Idem AA. ad Dracontium (b) Vic. Afric.

**S**USCEPTORES specierum idcirco per Illyrici prouincias ex Officialium corpore creari præcipimus, † quod cognitum est, illos & re & fide idoneos haberi, quam (c) eos qui in (d) Curia suscipere consueuerint: Verum in prouinciis Africæ Tua Sinceritas hoc ab his officium iubeat amoueri, atque eos susceptores specierum annonariarum manere, quos ad hanc necessitatem vetus consuetudo constringit: maxime cum, si Susceptores de Curia dati aliquid vel negligentia vel fraude decoxerint, ad redintegrationem specierum (sicuti moris est) Ordo (e) qui creauerit possit artari. Acc. prid. Kalend. Septembr. Constantinæ, (f) Valentiniano & Valente AA. Coss. [365.]

## NOTAE.

(a) Absit hæc lex a Cod. Iust. De hac lege dictum est ad l. 6. 7. sup. quarum hæc limitatio quædam est. GOTHOFR.

(b) Complures aliæ leges huic Dracontio inscribuntur, quæ ex Indice personarum repetendæ ID.

(†) v. Præcipimus. Et intelligit legem 6. 7. sup. ID.

(c) "Εκ τῆς τῆς magis: vid. Gloss. ID.

(d) Seu ex Curia. ID.

(e) Curia, ID.

(f) Cirsensium, quæ in Numidia: de qua l. 29. sup. de Decuriõibus. Similiter Acc. Constantina dicitur lex 15. inf. de Nauicular. quæ data ad Hesperium PP. sic aliæ nonnullæ leges, quæ Dracontio isti Vicario Africæ inscribuntur, dicuntur Acc. Kartbag. v. lex 13. sup. de annona &amp; tribut. &amp; l. 10. sup. de iure fisci. Dat. Adrumeno, i. e. Accepto, aut Reddito; cum Valentinianus in Africa non esset. ID.

## X. (a) Idem AA. ad Mamertinum PF. P. (b)

**S**USCEPTORES noui non modo præsentis anni (c) debita, verum etiam species quæ (d) ex reliquis inferuntur, quia nouæ sunt ac (e) recentes, suscipiant. Dat. Frid. Kalend. Nou. Rom. (f) Valentiniano & Valente AA. CONS. [365.]

## NOTAE.

- (a) *L. 3. C. Iust. eod. tit. GOTHOF.*  
 (b) Eidem inscribuntur supra tres leges: puta *lex 4. 6. 7. sup.* De eo plene in *Profop. ID.*  
 (c) Annum susceptionis officium fuit, ut hæc *lex* docet & *lex 4. & 7. sup. & l. 11. 22. 24. inf. ID.*  
 (d) *Quas ex Reliquis inferunt: C. Iust. male. ID.*  
 (e) Ita quoque *meliores Cod. Iust.* alias male in *C. Iust. Adreſcentes. ID.*  
 (f) Error refidet in hac subscriptione. *ID.* Forte rescribendam *Remis.* Coniecturam videtur firmare *Ammianus lib. 16. cap. 5. scribens: prope Kal. Nouembris venturo Valentiniano Parisios. RITTER.*

## COMMENTARIUS.

**Q**UIDNAM Susceptores, seu cuius temporis debitas species suscipere debeant definitur hæc Valentiniani *leg.* Susceptores scil. munus & officium, etsi annum sit, (quod præter hanc *l.* docet *lex 4. & 7. sup. & l. 11. 22. 24. infr.*) nihilominus tamen præteriti etiam anni Reliqua suscipere potest. Nouus susceptor omnia suscipere potest, quæcunque inferuntur & fisco debentur, ex quocunque tempore ea debeantur. Tempus equidem susceptionis annum est, at susceptionis materia non ideo anno susceptionis terminatur, seu coarctatur. Denique non spectandum vtrum susceptionis suæ tempore quid deberi incipiat, seu debitum contractum

sit, sed illud tantum, vtrum debeat: satis enim est deberi, etsi retro deberi cœperit. Et rationem addit Valentinianus: *Quia, inquit, species quæ ex reliquis inferuntur, nouæ sunt ac recentes.* Ac si diceret, non originem debiti hac parte spectandam, sed tempus solutionis: cœterum ut susceptor ipse nouus est & recens solutio. Et tamen dicitur *l. vn. inf. de patronis horr. Portuens.* veteris erogationis ratiocinium nouis commeatibus inferi non oportere. Vbi vide quæ dico. Hanc vero *legem* collectorib. taliarum seu collectarum aptant Interpretes, quod videl. residua exigere teneantur, etsi speciale mandatum non acceperint.

XI. (a) Idem AA. ad Florentium  
C.SL. (b)

**N**EMINEM (c) biennio iugi Allegationis (d) officiis inferuire permittat: (e) Neminem (f) ab huiusmodi munere ad id (g) munus adstringi, nisi prius se vinculo sollicitudinis superioris absoluerit: Nam *neque eos, qui placuerint, grauari, iusti est; neque illos qui displicuerint, tenere, prudentis.* Integro igitur singuli anniuersario anno (h) transcurso, cogantur exponere, quibus titulis suscepta disperferint, ut facilius, si quis in furto fuerit deprehensus recentem queat redintegrare iacturam. (i) Dat. XV. Kal. Octobr. Mantebri, (k) Gratiano NB. P. & Dagalaifo CONS. [366.]

## NOTAE.

- (a) *Lex 4. Cod. Iust. eod. tit. ex hac l. & l. 22. inf. conſtata est. Quæ lex 22. huic concordat. GOTHOF.*  
 (b) Eidem inscribitur *A. 464. lex 6. inf. de Iustali collat. & An. 365. lex 3. de immunit. concess. ID.*  
 (c) Absit hæc prima sententia a *C. Iust. ID.*  
 (d) Dicam de *Allegatione* hac, & *Allegis*, ad leges proximas 12. & 13. *ID.*  
 (e) Excellentia Tua scil. *ID.*  
 (f) *Neminem susceptionis munere functum ad idem munus &c. vbi nupigum est Tribonianus, qui omittendo primam huius l. sententiam, vinculum etiam rationis omisit, verbum inquam. ID.*  
 (g) *79. Idem, ut Cod. Iust. ID.*  
 (h) *Idem, ut Cod. Iust. ID.*  
 (i) Hic subiiciuntur *C. Iust. priore legis 22. inf. ID.*  
 (k) Necessè est omnino locum fuisse in *Gallia Belgica*, vbi hoc Anno 366. & ferme *Remis*, Valentinianus constituit. Teatatur quidam *Montebriſiacum*, quod stare non potest. *Mantebrum* omnino videtur pagus hodie satis magnus, *Montebriſiacum* dicitur diuidia ferme leuca *Remis*: vbi hodiernum supersunt vestigia stræ publicæ, seu viæ militaris, *ID.*

## COMMENTARIVS.

**D**E TEMPORE susceptionis, & eius muneris ITERATIONE seu Continuatione, est hæc Valentiniani Sen. constitutio: cui similis est altera Theodosii M. *lex 22. inf.* ex qua utraque *Τελων. legem 4. Cod. Iust. eod. tit.* conflauit, retentis huius leg. inscriptione, & subscriptione. Quamquam Haloandrina editio inscriptionem *legis 23.* præferat, atque ideo, pro ratione temporis eo titulo *Octaua*, non Quarta sit. Quod non minus rectum esse potest quam illud: eadem enim semper duarum legum confusio est.

Igitur *hac l. & d. l. 22. ANNVM* tantum susceptionis munus esse iubetur, quod etiam alix *leges* plures indicant, puta *lex 4. 7. 10. sup. & lex 22. inf. & Honorii lex 9. sup. de execut. & exaction.* (quamquam in *sp. leg. 24. inf. h. t.* idem Honorius probatos semel quinquennio in huiusmodi officii statione permanere voluit:) non etiam biennale: hac ratione, *Quod neque eos qui placuerint*, id est, qui probe munere defuncti sunt, *grauare, iussi*, seu iustum sit, (cui conuenit illud Libanii *in Basilico p. 148. Edit. Morell. Οὐκ ἀξίον διπλὴν Φορτίω τὰς αὐ-*

*τὰς ἐπιτελέσας*, quod vertit Morellus, *nonint onere perpetuo eosdem contere*) neque illos qui *dissplicuerint*, id est male functi sint, *tenere, prudentis sit.* Igitur anno transcurso, susceptionis rationem reddere iubentur: ut ita in furto deprehensi, recen-tem queant iacturam redintegrare. Nempe, facilius solutio reliquorum sperari & accipi potest ab eo qui recenter & breuissimo tempore munus aliquod gesit, quam ab eo, qui continuum & diuturnum munus gerit. Et hæc quidem ratio *hac l.* redditur. Sed & altera ratio hic reddenda, puta prima-  
ta prouincialium utilitas: quam Theodosius M. *d. l. sua 22.* exprimit. *Ne alioquin, inquit, continua-  
to munere vexandorum prouincialium potestatem  
susceptor habeat, & in concussionum dominatione  
teneatur*, ut eleganter *ea l.* dicitur, seu ut Honorius de Exactionibus *d. l. 9. sup. de executorib. & exa-  
ction.* *Ne exacto annuo spatio eius regionis visce-  
ribus prædator infideat.* Quod utiliter alio traduci potest. Breuitate scilicet temporis quod ille dixit, ut summa potestas, ita & munus ratiocinii obnoxium, optime constringitur.

## XII. (a) Idem AA. ad Rufinum PF. P. (b)

**N**VLLA debet esse causatio, (c) quin solidi ex quocunque titulo (d) congregati, (e) sicut iam pridem præcipimus, (f) in massam obryæ soliditatemque redintegrentur: Et ita fiat omnis inlatio, ut Largitionum (f) & prosecutorum (g) Allectorumque fraudibus aditus obstruatur. Facile etenim eos (h) prouincix Rector a dispendio vindicabit, qui binis solidis seu ternis necessitatem solutionis implebunt, si, postquam viritim nominatimque (i) susceperint solidos plurimorum, ea quam superius memorauimus qualitate poscenda, omnium debitum completur (k) in massam. Sane, si idem Suscipientium deprehenditur, (quod fuerat ante,) fastidium, cum obryæ materies adferatur, quæ non potest displicere, sed (l) congrua animaduersione plectendus (m) est, qui id calumniatur (n) & reprobat, quod ad compendium simplicis (o) satisfactionis inuentum est. Prius tamen ad Comitatum Mansuetudinis Nostræ massa obryæ, (p) quæ fuerit repudiata, mittatur, ut qua sit mente reiecta videamus. Dat. IV. Id. Nou. Gratiano NB. P. & Dagalaifo Coss. [366.]

## NOTAE.

(a) Abest & hæc *lex a Cod. Iust. GOTHOFR.*

(b) Italix, Illyrici, Africæ, post Mamertinum: testis Ammianus *lib. 27. cap. 7. & 11. ID.*

(c) Frustratio Largitionalium, Prosequutorum, Allectorum seu Susceptorum. *ID.*

(d) Id est præstationis & collationis genere. *ID.*

(e) Id est collecti, suscepti a susceptoribus. *ID.*

† *γρ. Præcipimus*: intelligit enim anteriorem legem. *ID.*

(f) *γρ. Largitionalium*, ut *leg. prox. infr.* de his dixi ad *l. 3. sup. de priuileg. eor. qui in S. Pal. ID.*

(g) De his auri *Prosecutoribus* suo *tit. inf. 8. ID.*

(h) Collatores, prouinciales, tributarios, possessores. *ID.*

(i) Id est, per singulos, & viritim. *ID.*

(k) Pro *Compleatur. ID.*

(l) *γρ. Sub. ID.*

(m) *Plectens* habent impressi omnes. *RITTER.*

(n) *Calumniari*, est frustrari, eludere, falsoque arguere. *GOTHOFR.*

(o) Dicam in *Commentar. ID.*

(p) De *Obryæ* dixi plene ad *l. vn. sup. de oblat. votor. ID.*

## XIII. (a) Idem AA. (b) ad Germanianum (c)

Com. S. L.

**Q**UOTIESCUMQUE solidi ad Largitionum subsidia perferendi sunt, non solidi, pro quibus adulterini sæpe subduntur, sed aut idem (d) in massam redacti, si aliunde qui solui (e) potest habere Materiam, auri obryza dirigatur: pro ea scilicet parte, quam unusquisque defendit: (f) ne diutius, vel Allecti vel Prosecutores vel Largitionales adulterinos solidos subrogando in compendium suum fiscalia emolumenta conuertant. Illud \* etiam cautionis adicimus, (g) ut quotiescumque certa summa solidorum pro tituli qualitate debetur, & auri massa transmittitur, in septuaginta duos solidos libra feratur accepto: & cetera. Dat. VI. Id. Ian. Rom. (h) Lupicino & Iouino Coss. [367.]

## NOTAE.

- (a) Prior *buius l.* pars abest a C. Iust. Iungenda autem huic *lex 4. sup. de metallis*: & *lex 1. Cod. Iust. de veteris numism. potest.* GOTHOFR.  
 (b) Alexandro Imp. *haec leg.* perperam adscripsit Balduinus, obseruante etiam Contio *libr. 1. subces. cap. 2. & libr. 2. cap. 19. ID.*  
 (c) Eidem *Germaniano Com. S. L.* inscribuntur quoque *lex 1. sup. de piscis*: & *lex 3. sup. de murilegulis. ID.*  
 (d) *77. Iidem in massam redactis, aut si aliunde, &c. ID.*  
 (e) *77. Solui. ID.*  
 (f) *77. Dependit. ID.*  
 \* Secundum caput *buius leg.* unde desumpta est *lex 5. Cod. l. b. t. ID.*  
 (g) *Adicimus, id est, adiucimus. ID.*  
 (h) *77. & hic, & d. l. 4. Rem.* (id est Remis:) ubi tum Valentinianus Sen. egit: vid. Ammianum, & *Chron. Theodosianum. ID.*

## COMMENTARIUS.

**D**E AVRI illatione sunt hæc duæ Valentiniani Sen. qui Occidenti præerat, *leges*, quarum posterior, puta *lex 13.* pars est prolixioris constitutionis Valentinianæ, unde duæ aliæ præterea *leges* super sunt, puta *lex 4. sup. de metallis*: & *lex 1. C. Iust. de veteris numism. pot.* (quæ proinde *huic l. 13.* coassandæ veniunt:) Qua constitutione Valentinianus totus occupatus fuit circa speciem Auri, quatenus sc. id tum in commercatione, & conuersatione publica erat: quo pertinet *d. lex 1.* tum ad Largitiones perferendum erat, quo pertinet *d. lex 4. sup. de metallis*: & hæc *lex nostra 13.* His igitur duabus *legibus* Valentinianus de MASSA auri, ad Largitiones perferenda cauet: tum de eius Massæ æstimatione. Primo scil. Valentinianus Sen. Susceptorum, Prosecutorum, Largitionalium partim *fraudibus* occursum, qui adulterinos solidos subrogando, in compendium suum fiscalia emolumenta sæpe conuertebant, partim *fastidio* eorum, qui sæpe materiam auri a Tributariis oblatam sibi perperam respuebant, & sic tum fisci, tum provincialium utilitati consulturus, ipsis quidem Tributariis electionem dedit, vel solidorum susceptori dandorum, si materiam sibi oblatam respuerit, materiaque ad Principem missa, perperam eam reiecit deprehensus fuerit: ut congrua animaduersione susceptorem plechi velit: Atenim quomocunque aurum collatum fuisset a Tributariis, susceptores auri massam, non solidos ad S. L.

mittere vult: & ideo si solidos acciperent, eos conflare & in materiam & massam auri redigere voluit. *Quod quidem*, ut inquam ab una parte, Tributarii materiam auri seu massam conferre possent, ab altera, Susceptores quamlibet solidos accepissent massam auri ad Largitiones Principis mittere cogerentur, ipsemet Valentinianus *ad compendium simplicis satisfactionis inuentum fuisse* ait; id est, tum ut a fastidio Susceptorum provinciales vindicaret, tum ut fraudibus Susceptorum &c. occurreret, qui adulterinos sæpe solidos subdebant. *Compendium simplicis satisfactionis*, est facilitas & integritas solutionis. Et hæc quidem de primo harum legum capite, deque ipsa auri massa ad Largitiones perferenda: & sic de prima cautione, Valentinianus Senior.

Secundo capite (quod continetur *sine legis 13.*) seu secunda cautione, *Æstimationem* auri massæ facit: nempe Libram massæ seu auri, quæ ad Largitiones transmittitur, pro septuaginta duobus solidis accepto ferendam esse, id est susceptorem totidem septuaginta duos solidos intulisse videri, quot libras auri inferret. Quæ quidem libræ auri æstimatione noua iam est, cum antea, & quidem sub Constantino M. octoginta quatuor solidi auri libram efficerent, ut docet *lex 1. inf. de ponderator.* (quæ iungenda est cum *l. 2. b. t.*) verum aucto iam auri pretio sub Valentiniano



niano Sen. solidi aurei quoque æstimatio ab eo aucta fuit, atque adeo imminuta iam libra auri, sic vt pauciores numero, quam ante, solidi libram efficerent. Cuius rei Valentinianus hic noster omnino primus auctor est: *hac l. initio Anni 363. cum constitutione sua integra* (vnde duæ postea partes supersunt *huic coniungendæ, puta lex 4. sup. de metall. & lex 1. C. iust. de veter. numism. pot.*) circa Auri speciem varia constitueret, atque inter alia proportionem eius iustam iniret: quomodo scilicet vendi, emi solidos Principum oporteret: quo spectat *d. lex 1. quot vnciæ ballucæ pro singulis libris fisco inferendæ essent: quo spectat d. l. 4. quot solidi obryziaci in libram auri requirerentur: quod argumentum est huius l. 13. in f.* Quot denique modii tritici solido venderentur. Eo enim pertinet Valentiniani *lex, de qua Suidas in v. Μαυρίμ, de quo dixi ad l. 7. de pratorib.* Sic igitur tenemus deinceps auctorem & tempus libræ auri ad 72. solidos **P. 349.** redactæ, cum ante octoginta quatuor solidis libra censeretur. Eoque etiam spectat omnino eiusdem Valentiniani *lex 2. C. iust. de veteris numism. potest.* quæ Iuliano non PP. verum PF. Annonæ sc. (vt docet *lex 2. inf. de canone frum. V. R.*) inscribitur, quæque ad hunc ipsum Annum 367. referenda est, & huic vel puto coniungenda, cuius verba hæc sunt: *Pro immunitione (libræ), quæ in æstimatione solidi forte, tractatur, omnium quoque pretia specierum decrescere oportet.* Scilicet Valentinianus, cum libram auri imminueret, solidi æstimatione aucta, simul tum cauendum credidit, vt omnium specierum pretia decrescerent: & quidem *leg. ea ad Præf. Annonæ, qui foro rebusque venalibus præerat, de qua l. plura sup. iam ad l. vn. de oblat. votor. & peculiari dissertatione.*

Porro quando in pretio solidi verlamur, cuius æstimatio seu taxatio hoc tempore aucta fuit obseruanda duo. Primo peculiare pretium statutum solidis, quos publico vsu exposcente, collectarii seu numularii vendebant. Et subinde id auctum, prout auri enormitas crescebat, & pro foro rerum venalium. Quomodo post hanc *legem* auctum a Gratiano Imperatore, quantum æquitas illius temporis postulabat. Augeri & deinceps iidem petiere a Valentiniano Iun. eius fratre per Symmachum *P. V. lib. 10. ep. 42. Vendendis solidis, quos plerumque publicus vsus exposcit, collectariorum Corpus obnoxium est, quibus arca vinaria statutum pretium sumministrat. Huic hominum generi, taxationis exigue vilitate (vtilitate) nutanti, Diuus frater (Gratianus) muninis vestri tantum pro singulis solidis statuit conferendum, quantum æquitas illius temporis postulabat, D. Imperator: sed paulatim auri enormitate crescente, vis remedii Diualis infracta est. Et cum in foro venalium rerum, maiore summa solidus censeatur, nummulariis pretia minora penduntur. Petunt igitur de Aternitate vestra, pro ratione presentis, iustissima diffinitionis augmenta, qui iam tanto oneri sustinendo pares esse non possunt. Hac est causa querimonia, quam diuinis sensibus vestris fides Gestorum plenius intimabit. Si petitionis genus probabile iudicatis, quæso, vt huic quoque parti præcepto mansuetudinis vestra salubre remedium deferatur. Eodemque pertinet*

Tom. IV.

*Nouella Valentiniani Tertii inter Theodosianas 25. de pretio solidi: vbi statuitur, ne vnquam intra septem millia nummorum solidus distrahatur, emptus a collectario septem millibus ducentis: Equabilitas enim pretii, & commodum venditoris, & omnium rerum venalium statuta custodiet.* Collectarii scilicet erant, quod Rufinus etiam recte obseruauit, nummularii, certo corpore in id destinato, qui cogebant, colligebant solidos aureos, emebantque, vt videlicet postea eos publico vsu exposcente, venderent: de his Collectariis præter hanc *legem, & Symmachum, & dict. Nouellam Valentiniani, Acron in Horatium, lib. 1. Satyr. 6. ad vers. 86. S. Augustinus de Miraculis S. Stephani, lib. 22. de ciuit Dei c. 8. Suidas: κολλεκταρίων, ἀργυραμοιβός, ἥτοι ὁ κίεμα ἀντὶ ἀργύρου ἀλλασσόμενος, τραπεζίτης, ὁ ἀργυροπότης.* Collectarius, qui nummos viliores & minus argenti permutat, mensarius, argentarius. Vide & eundem in *ἀργυραμοιβός.* Glossæ P. I. Iemonis, *Collectarius, Mensarius.* Sic quem *τραπεζίτην* vocat Eusebius *lib. 5. Hist. Eccles. cap. ult.* Rufinus vocat *Collectarium.* Honorius *l. 16. Cod. iust. si certum per. ci. ius legis sententiam recte Merillius adsecutus est l. Obs. 30.* Nempe id *ea leg.* prohibetur, ne in prouincia iam positis Iudicibus tænebris pecunia mutua detur; neue ei, qui honorem ambiat, honoris pretium det Collectarius ad emendam potestatem scilicet; Nam hoc facto fiebat, vt ipsi iam Nummularii reuera prouincias regerent, Marcellinus *lib. 30. de Valentiniano nostro, c. 9. Scrupulosus in deferendis potestatibus celsi, nec imperante eo Nummularii prouinciam rexerunt, aut administratio venundata.* Scilicet sui temporis abusus taxat, Theodosii inquam M. de quo Zosimi locum adde singularem, *libr. 4. cap. 29. in fin. καὶ ἦν ἰδὼν ἀργυραμοιβούς, καὶ ὁλοσάτας, καὶ ἄλλας ἐν ἀγοραῖς τὰ τῶν ἐπιτηδεύματων ἀιχρότατα μετιόντας, ἐπιφερομένους τὰ τῶν ἀρχῶν σύμβολα, καὶ τοῖς πλῆθον ἔχονσι χρήματα τὰς ἐπαρχίας παραδιδόντας, adeoque videre erat argentarios, & nummularios, & alios professiones fœdissimas in foro obeuntes, magistratuum insignia ferre, maioremque pecunie vim habentibus prouincias tradere.* Ergo huic malo, *hac l. Honorius mederi instituit.* Quod 40. ferme annis post stabat in Oriente, de quo Synesius *epist. 72. & 73.* Ergo maneat, Valentinianum Seniore *hac l. huic æstimationis, redactæque libræ ad 72. solidos auctorem esse.* Quam æstimationem secutus est postea Honorius *ea l. vn. de oblat. votor.* Quod pertinet etiam locus in *Actis Marcellini Papæ, quem corruptissimum restitui ad d. l. vn. pag. 463. Tom. II. vbi & de obryza, & auro obryziaco.*

Hactenus de ipsa *legum* sententia. Nunc videndum est de *Allectis*, quorum mentio fit *his duabus legibus, & l. 2. sup. de questionib. & l. 15. & 18. sup. de extraordin.* Meminit & Anianus *l. 2. inf. de Episcop.* Sidonius *libr. 5. epist. 7.* A quibus & *Allegationis officium, l. 11. sup. de quo mox plura.* Denique & in *Glossis* de his locus est, *Ex allectis, ἐκ τῶν λογογεγῶτων.* Atque ita in vniuersum nouem loca de his mihi

occurrunt. (a) Fuerunt autem nihil aliud *Allecti* hi, quam fufceptores tributorum ficalium. Ideo fcilicet de his *hoc titulo*, qui est de fufceptoribus, *tribus legibus*, agitur. Ideo etiam Profecutoribus & Largitionalibus iunguntur, quafi circa idem occupati. *Allecti* fcilicet circa fufceptionem: *Profecutores* ad profecutionem: *Largitionales* ad custodiam. Ideo fufceptores & *Allecti* *παγαλῆδες* nominantur, *dict. l. 2. sup. de Questionib.* Quos *Allectos*, inquit, aut *Sufceptores* memorant, & *Exactores* ab Interprete ad *l. 2. inf. de Episcop. non Exactores n n Adlectos facere*. Inde & *Allegationis* (sen *Allectionis*) officium quod vocatur *l. u. hoc titulo*; id Tribonianus *l. 4. Cod. Iust. de Sufceptoribus*, in *fufceptionis*, tanquam notius mutauit. Quod cum ita fit, non plene vim & officium *Adlectorum* cepit *Glossarum* Auctor, qui eos *λογογράφος* interpretatus est. Erant porro *Allecti*, *Sufceptores* ficalium tributorum; non tantum specierum annonariarum, qua causa his menfuræ tribuuntur a Sidonio *libr. 5. epist. 7.* ficut *Arcariis* pondera: verum etiam auri, quod hæ *leges* apertissime testantur. Breuiter igitur *Allecti* dicti *Sufceptores* ficalium tributorum, ad vtrumque Principis ærarium pertinentium. Quibus iunguntur & Legati, qui ad Principem mitti confueuerant ex prouinciis, in *l. 15. & 18. sup. de extraordinariis*: & vtrisque sumptus a prouincialibus datos, eadem *leges* ostendunt: vbi Græci male *Allectos* interpretantur,

*τὸς ὑπὸ βασιλείας καλούμενος*, id est, a Principe publici negotii ergo euocatos.

Nominis ratio in obscuro. Ego putem *Adlectos* dici, quod videlicet *Sufceptores*, qui non ex Curialibus eligebantur, Curialibus muneribus hac ratione adlegerentur: quafi ad Curialia munera adlecti & Curialium proinde privilegijs gaudentes. Haud aliter atque *Adlecti* quoque dicti, & *Allectionis* honor, *l. 10. sup. de Prætoribus*: *l. 1. sup. de Decur. & silent. l. 7. 8. 9. 10. sup. de domesticis*: *l. vn. sup. de prapof. lab. leg. 19. sup. de Palatinis*: *l. 7. sup. de priuil. eorum qui in S. Palat. pro immunibus*, & immunitate a Senatoriis functionibus, a Præturæ onere, quafi iis iam functi reuera essent. Tandem ex his omnibus apparet, *l. u. sup. non Adlegationis*, verum *Allectionis* legendum esse.

Secundo loco obseruandum, quod de *Massa* P. 518. auri ad *Largitiones* Principis perferenda toties inculcatur: Eo quippe etiam pertinet *scrinium* peculiare *aurea massa*, cui & *Primicerius* præerat *sacra massa*, distinctum ab altero *Aurea*, seu *Auri ad reponsum*, quod sub Comite S. L. fuisse docet Theodosius M. *l. 7. §. 1. C. Iust. de Palat. S. L.* & *Notitia Imperii in Com. S. L. Orientis & Occidentis*. Ad quam *massam* perperam refert quidam *massam veternersem*, cuius ineminit *Ammianus Marcellinus lib. 14. cap. u.* nam ibi *massa*, pro fundo vsurpatur.

(\*) Pauca habet de *Allectis* Cuiacius *Obferuat. XI. 27.* & Sauro ad Sidonium *l. c.* Occurrunt *Allectores* & *allectura* apud Gruterum in *Inscript. CCXLV. 7. & CCCCLXXI. 9.* hosque eisdem cum *allectis*, & *allecturam* idem, ac *allegationis* aut *allectionis* officium fuisse, videtur probare *Inscriptio CCCLXXV. 3.*

L. B E S I O. S V P E R I O R I  
V I R O M A N D. E Q. R.  
O M N I B V S. H O N O R I B V S  
A P V D. S V O S. F V N C T O  
P A T R O N O. N A V T A R V M  
A R A B I C O R. E T. R H O  
D A N I C O R. P A T R O N O  
C O N D I . . . . .  
C O N S I S T E N T I V M  
A L L E C T O R I. G A L L I A R V M  
O B. A L L E C T V R A M. F I D E L I  
T E R. A D M I S T R A T A M  
T R E S. P R O V I N C I. G A L L I A R.

Indicauit iam hæc loca CL. DV FRESNE, quem consule in *Glossar. voc. Allecti*.

#### XIV. (a) Idem AA. (b) Alexandriano (c) Com. R. P.

SINGVLAS (d) tantum dependant centesimas, qui reditus domus nostræ debitos *Arca-riis* quotannis iuxta consuetudinem tradunt: ita tamen, vt earum quoque singularem centesimarum ratio semper euidentis scientiæ tuæ digesta referatur, vt erogationibus cunctis aperta instructione patefactis reliquorum ratio ex eadem centesima possit agnoscī. Dat. VII. Kalend. Octobr. Dorostoli, (e) Lupicino & Iouino Coss. [367.]

#### NOTAE.

(a) Reperita extrat hæc lex, paucis tamen auctor, sine inquam *butus l. præmissio, l. 11. sup. de iure fisci.* GO-THOFER.

(b) Idem AA. & *Gratianus A. Ita d. l. 11.* & vero ita quoque hic reponendum: vid. *Chron. Theod. ID.*

(c) Eidem

- (c) Eidem inscribitur l. 1. *supr. de Equorum collat.* & l. 11. *supr. de petition. ID.*  
 (d) Notulæ ad d. l. 11. ad hanc quoque sufficiunt. *ID.*  
 (e) *Doroſtori*, dixi ad d. l. 11. *ID.*

## COMMENTARIVS.

**D**E ſententia huius l. dixi ad l. 11. *supr. de iure fi-*  
*/ci*: vbi ea repetita extat, finis etiam ſeu ſcopi  
 expreſſione anctior, *vt perſpicue*, inquit, *Colonorum*  
*utilitatibus conſulatur*, decima Indictione ſingula  
 S&c. De Arcariis tantum hic ſemel videndum  
 eſt, quorum mentio fit b. l. & l. 32. *infr. hoc tit.* De  
 quibus etiam accipienda *lex 26. 29. 30. infr. b. i.* Eo-  
 rundemque mentio fit apud Sidonium lib. 5. ep. 7.  
 Hactenus igitur (etiam Cuiacius) Arcarios inter-  
 pretantur; Præfectos Arcæ Præfecti Prætorio: de  
 qua l. 9. 16. 17. *supr. de indulg. debit.* & l. 5. *supr. de*  
*executoribus*: l. 6. *Cod. Iuſt. de exactor. tribut.* &  
*Nouella Maioriani 4. de indulg. reliquorum*: & eius-  
 dem *Nouell. 1. de Curialibus*: ſeu Præfectos arcali-  
 bus titulis: quorum mentio fit *Nouell. Theodoſii 21.*  
*Neque domum diuinam &c.* Verum errore ſum-  
 mo. Verum quidem eſt, ſuam quandam fuiſſe  
 Præf. Præt. Arcam, cuius mentio fit etiam apud  
 Syneſium *epiſt. 127.* & l. 5. *supr. de executoribus*, imo  
 & Arcarios Præfectorum Prætorio: quorum me-  
 minit Caſiodorus l. *Var. 10.* & XII. *Var. 20. 23. 27.*  
 Sed enim vt aliæ Arcæ fuere, ita & Arcarii alii. Mit-  
 to Arcam & Arcarios Pontificum, de quibus Sym-  
 machus lib. 1. ep. 62. & *in veter. Inſcript.* apud Gru-  
 terum CCCLXXXIII. 4. & DCCCIX. 2. Mitto Ar-  
 cam peculiarem vini, vinariam, de qua l. 26. *infr.* &  
 l. 13. *infr. de calcis coſtor.* Symmachus lib. 9. ep. 121.  
 & lib. 10. ep. 42. & Arcam Quæſtoriam, cuius idem  
 meminit lib. 10. *epiſt. 33.* Item Arcam Oleariam, de  
 qua l. *ult. infr. de Curat. Kalend.* & Arcam frumen-  
 tariam, d. l. *ult.* & l. 1. *infr. de frument. Vrb. Conſt.*  
 Hac ſane lege, ſeu d. l. 11. *de iure fiſci.* &  
 l. 32. *infr.* Arcarii non Arcæ Præfecti Prætorio  
 præpoſiti fuerunt; verum Arcæ reddituum domus  
 Principis: vt hæc *lex* apertiffime teſtatur: *Vt per-*  
*ſpicue Colonorum utilitatibus conſulatur, decima*

*Indictione ſingulas tantum dependant Centeſimas,*  
*qui redditus Domus noſtra debitor quotannis Arcariis iuxta conſuetudinem tradunt.* Nempe rei  
 priuatæ Principis Arcæ fuit, de qua accipienda quo-  
 que *lex 29. 30. infr. hoc tit.* quæ *fiſcalis Arcæ* dicitur  
 l. 12. *de Numerariis.* Eaque Largitionaliſus titulis  
 opponitur, & auro largitionali, d. l. 30. *b. tit.* & d.  
 l. 12. *de Numerariis*: quomodo Arcarius & Suſcep-  
 tor opponuntur: l. 32. *infr. hoc tit.* Meminit & Am-  
 broſius lib. 1. *aduerſ. Symmach.* pag. 318. *Edit. Sym-*  
*machi Paris. 1604.* a qua hi Arcarii: quorum etiam  
 mentio fit l. 32. *infr. b. i.* Nempe vt duplex redditus  
 fuit Principum, ſacræ inquam Largitiones, & Res  
 Priuatæ: atque adeo duplex ærarium, duo diuerſi  
 Comitæ S. L. & R. P. ita & diuerſa ratiocinia  
 fuerunt, diuerſi Suſceptores vtriuſque: Rei pri-  
 uatæ redditus ſeu ratiocinium, Arcæ proprie dictæ, &  
 Suſceptores eius Arcarii, Largitionaliſus titulorum  
 proprie Suſceptores, d. l. 32. Hinc adeo Ambroſius  
 priore lib. *adu. Symmachum* d. p. 318. *Quodenim iam-*  
*dudum vel fiſco vel Arcæ eſt vindicatum, de tuo ma-*  
*gis conferre videbere, quam de ſuo reddere.* Hinc  
 l. 12. *supr. de Numerariis*, *fiſcalis Arcæ*, & Largiti-  
 ones tituli pariter opponuntur. Hinc l. 32. *infr.*  
 Arcarius & Suſceptor opponuntur quoque, ceu di-  
 uerſi Æarii (quod ſub duobus diuerſis Comitibus  
 eſſent): Hinc relata in conditis, & contenta in Arcæ  
 opponuntur, l. 2. *infr. de hi. quæ ex publ. conlat.* De  
 his accipiendus & Sidonium lib. 5. ep. 70. vbi iſtis *Ar-*  
*cariis pondera* tribuit, vt *meſuras Allectis*: Quo-  
 modo etiam *pondera* vtriſque Suſceptoribus & Ar-  
 cariis tribuuntur d. l. 32. *infr.* de quibus ponderibus  
 agitur & l. 19. (vbi dicam) & l. 21. *infr.* Tandem  
 & in *Gloſſis* recte Arcarius, *ὁ ἐν τῇ οἰκίᾳ ἀναγκαῖος*  
*ῥεῖρας.*

P. 549.

XV. (a) Imppp. (b) Valentinianus, Valens, & Gratianus AAA.  
Probo P.P. (c)

**A** Poſſeſſoribus per tres vices petatur annona. In epimetris autem eam conſuetudi-  
 nem Sinceritas Tua faciat obſeruari, vt in aridis quidem fructibus, centeſimam le-  
 uandi diſpendii cauſa a poſſeſſore Suſceptor accipiat, laridi vero & vini viciſſimam con-  
 ſequatur. PP. VII. Id. Ian. Sabariæ (d) Valentiniano NB. P. & Victore Coſs. [369]

## NOTAE.

(a) Abest hæc *lex* a *Cod. Iuſt. GOTHOF.*

(b) *yp. Idem AAA*, qui l. 14. *supr. ID.*

(c) Italiz, Illyrici, Africæ: qui Ruſino in ea Præfectura iam Anno ſuperiore ſuffectus fuit. vid. *Ammianum lib. 27.*  
*cap. 11. ID.*

(d) Sabariæ Pannoniæ primæ vrbs: vid. *Notitiam Imperii, & orbis Rom. deſcript.* & *Cod. Theod.* Ibi ſæpe Principes hæ-  
 ſere; veluti Conſtantine M. vt docet ſubſcriptio *legis 1. ſupr. de conſtit. Princip.* Conſtantine l. 6. *supr. de peti-*  
*Valentinianus Sen. bñus I.* Auctor, teſte *Ammiano lib. 30. cap. 5.* in geſtis anni 375. (qui vltimus fuit Valentiniani.)  
 Ibi propoſita hæc eiſdem *lex*, quæ data ad Probum PP. Illyrici (in quo Pannonia fuit.) Italiz, Africæ. *ID.*

## COMMENTARIUS.

**DE TRINA** solutione annonarum & EPIME-  
TRO specierum annonariarum, est hæc Valen-  
tiniani Sen. constitutio: De priore dictum ad l. 15.  
(quæ eidem Probo PP. inscribitur) l. 6. *sup. de annona*  
*& tributis*: & leg. 11. *sup. de exactioib.* & l. 3.  
*sup. de conlat. fund. patrimon.* quæ omnes, excepta  
l. 16. sunt eiusdem Valentiniani Sen. quem sane huius  
instituti auctorem fuisse, ostendi ad d. l. 15. De poste-  
riore iam dictum ad l. 3. 14. *sup.* Addatur & lex 21.  
*infr.*

*Fructuum* tantum distinctio notanda, quæ &  
ipsa sit l. 1. *sup. de usuris*; ubi dixi: & d. l. 21. *infr.*  
l. ult. D. *de iure fisci*: & Nouell. Iustin. 32 cap. 1.  
Et Epimetri, pro diuersitate eorum, diuersus mo-  
dus: nempe largiora pro larido; nam & id colla-  
tum a possessoribus ad militarem scil. annonam (de  
quo *sup. tit. de erog. mil. ann.*) & pro vino, quam  
pro aridis fructibus. Minor nempe in his diminu-  
tio, quam in illis.

## XVI. (a) Idem AAA. ad Chilonem. (b)

**FRUMENTA** quæ horreis (c) inferuntur, pro inlationis modo, ilico apocharum cautio-  
nibus annotentur. Non autem oportet in horreis fiscalibus nisi fiscalia frumenta con-  
stitui. Dat. V. Id. April. Treu. Post consulatum Gratiani A. III. & Equiti V. C. [375.]

## NOTAE.

(a) L. 6. *Cod. Iust. cod. tit.* cuius Inscriptio ex hac lege emendanda, GOTHOF.

(b) Dicitur hic Chilo *Vicarius Africa* Anno superiore 374. in inscriptione legis 4. *infr. de censuf. Artificum*: at hoc An-  
no 375. *Proconsul Africa*, in Inscriptioe legis 7. *infr. de pradiis nauicular. ID.*

(c) Fiscalibus, vt mox *infr. ID.*

## COMMENTARIUS.

**DE FRUMENTI** susceptione, & in *Horrea* inla-  
tione (quorum horreorum peculiares *Præpositi*  
fuere, de quibus est lex 5. 8. *sup. lex 24. infr. lex 49.*  
*sup. de Decurion. lex 1. sup. de erog. mil. ann.*)  
duo iniungit b. l. Valentinianus Sen. & quidem per  
African.

Primo, vt illico *Apochas* iis, qui horreis fru-  
menta fiscalia inferunt, quemcunque tandem mo-  
dum inferant, tradant. Susceptores, apochisque mo-  
dum illationis adnotent. Quod a Valentiniano  
ideo constitutum, ne alioquin idem ab eodem bis  
exigeretur, quod vtique fieret facile, si non illico  
apochæ darentur, præsertim, si forte *Præpositus* hor-  
rei mutaretur, inter moras, nondum illato toto cano-  
ne horreis fiscalibus.

Et hoc quidem primum est, quod hac l. a Va-  
lentiniano Sen. constituitur, pro securitate collato-  
rum: similiter vt a Theodosio M. l. 18. *infr.* &  
l. 19. *sup. de Annon. & tribut.* a Theodosio Iu-  
niore l. 173. *sup. de Decurion.* a Valentiniano Ter-  
tio l. 32. *infr. hoc tit.*

Alterum vero, quod hac l. iniungit, est pro se-  
curitate & vtilitate filci: puta, vt Horreis fiscalibus  
nonnisi fiscalia frumenta inferantur; ne alioquin  
obtentu scil. priuati frumenti, fraudes fierent, fiscali  
ibidem recondito.

Haud abfimili ratione superimponi aliquid a  
priuatis, naui speciebus fiscalibus onustæ, vetitum  
l. vn. *infr. ne quid oneri publico*: Itemque prohibi-  
tum vehiculis, quibus aurum cæteræque species largi-  
tionales deferuntur aliquid imponere, l. 47. *sup. de*  
*curs. publ.*

De *Horreis* alioquin in quibus annona publica  
recondebatur, dixi ad tit. *de condit. in publ. horreis*:  
& *Paratitlo de operib. publ.* Hæc sane lex est de  
*Horreis Africae*. De quibus est & Ammiani Mar-  
cellini locus lib. 28. cap. 1. cum *Africam Proconsule*  
*regeret, Carthaginiensibus victus inopia iam las-*  
*satis, ex HORREIS populo Romano destinatis fru-*  
*mentum dedit.* In Itinerario quoque *Peutingeria-*  
no in Africa locus notatur ad *Horrea*, pictura hor-  
rei reddita,

XVII. (a) Imppp. Gratianus, VALENTINIANVS,  
& THEOD. AAA. Habe Hypati  
K. NB. (b)

**VNVS** (c) posthac in vna Diocesi (d) auri vel argenti Susceptor ne sit: Nec diu pe-  
nes ipsos Susceptores maneat facta conlatio, sed statim quodcumque a prouincia-  
libus fuerit exsolutum, sacris thesauris inferatur. Dat. III. Kal. Mal, Constantinop. (e)  
Post Conf. Antonl & Syagri. [383.]

## NOTAE.

(a) Lex 7. *Cod. Iust. cod. tit.* hinc desumpta, priore sententia omissa. GOTHOF.

(b) *Hypati* duos hoc tempore, imo hoc ipso Anno reperio. Vnum, qui *Geminati Praefecturam* gessit, teste Ammiano  
lib. 29. cap. 1. puta ann. 379. *Praefecturam* vrbis, vt docet lex 26. *sup. quorum appellat.* & *Praefecturam Præto-*  
*rianam*, vt alie complures ostendunt An. 381. & hoc Anno 383. Et quidem Italia, vt docet subscriptio legis 13.  
*sup.*

*sup. de extr. ord. l. 99. & 100. sup. de Decurion. & alia plures.* Alterum Hypatium PF. Augustalem: cui inscribitur hoc Anno *lex 27. sup. quorum appell.* De quo *banc l.* accipiendam apparet ex subscripto Constantinopoleos nomine in subscriptione. *ID.*

(c) Prima hæc sententia recita a Triboniano. *ID.*

(d) Dicecesis. *ID.*

(e) Vocem *hanc sup.* tuor. *ID.*

## COMMENTARIVS.

**T**HEODOSII M. septem ordine constitutiones sequuntur puta *lex 17. 18. 19. 20. 21. 22. 23.* quibus omnibus partim Susceptorum fraudibus occurrit: partim vero illationis tributorum facilitati consulit. Hæc sane *lex* est nominatim de auri & argenti Susceptoribus: qua duplex modus his adhibetur, tum pro prouincialium commodo, tum pro fisci utilitate.

Priore scilicet parte *huius l.* quam Tribonianus a *Codice suo* recidit, PLURES in vna Dicecesi Susceptores auri vel argenti esse iubet, cum antea vnus tantum esset in vrbe totius Diceceseos metropolitana, quo aurum perlatum a collatoribus, vt colligitur ex *l. 2. sup.* & vero inferri deinceps per Africam Karthaginem postea quoque voluit Honorius Imp. *l. 32. sup. de Annona & tributis.* & Valentinianus Jun. *l. 34. eod. tit.* Verum pro facilitate solu-

tionis, & ne longinquis itineribus distraherentur miseri possesores seu collatores, plures iam Susceptores auri vel argenti Theodosius M. esse voluit. Et sane ex *l. 30. infr.* duo Susceptores auri per singulas prouincias postea fuere: cuiusmodi plures prouinciæ in vna dicecesi fuere: est enim Dicecesis plurium prouinciarum *σύνεμα, ἢ πολλὰς ἐπαρχίας ἔχοντα ἐν αὐτῇ*, de quo alibi sæpe.

Secundo capite *huius l.* Theodosius M. Aurum statim vt susceptum a Susceptoribus thesauris inferri iubet, non vero diu penes eos manere: Quod ipsum hoc ipso anno rursum cautum *l. 1. C. Inft. de canone Largit. tit.* Idemque cautum de auri publici prosectoribus, *l. vn. inf. de auri publici prosectoribus.* & Nauiculariis, *l. 33. sup. de Nauiculariis.* quæ duæ postremæ *leges* inter se coniungendæ sunt.

## XVIII. (a) Idem AAA. Flauiano (b) Proc. Afia.

**Q**VISQVIS posthac, quem Exactionis vel Suspensionis prouincia manet, non specialiter & Quid, & in qua specie, & ex quibus titulis, (c) & pro qua Indictione videatur (d) accepisse, rescriberit, (e) quadrupli eius rei quam debitor dedisse se dicit, (f) inlatione mulctetur: Officium quoque, nisi (g) ad fraudes, si forte deinceps iteratæ fuerint, detegendas tale commissum & inquisitione subiaceat. Dat. VI. Id. Maii, Const. Merobaude II. & Saturnino Coss. [383.]

## NOTAE.

(a) Absit *hæc lex a Cod. Inft.* Hanc *leg.* suam indicat Theodosius *l. 19. sup. de annona & trib.* GOTHOFR.

(b) Ad hunc Flavianum PC. Asia pertinere videtur quod Symmachus scribit *lib. 2. ep. 24.* Propempticum quoque ad hunc Flavianum Proconsulem, & *Demetrius* Himerii Sophistæ memorat Photius in *Biblioth. n. 165. p. 354. Ed. Scottii.* Tandem & Libanius eius meminit Oratione inedita *κατὰ Ιακωβίς*, vbi etiam scribit eum ideo magistratu a Theodosio M. depositum, quod contra *legem* suam, Decuriones verberibus affecisset, & cum de poena eius deliberaret Theodosius, eum consensu nauigio aufugisse. Item altera inedita *ἐν τῷ τῶν ἑσπέρων*, eius meminit. *ID.*

(c) Causa, *l. 173. sup. de Decur.* *ID.*

(d) Id est, accepit. *ID.*

(e) In apochis. *ID.*

(f) Et docet seu probat. *ID.*

P. 331. (g) Locus hic corruptissimus est; quem ita restituo: *Et Officium quoque, si ad fraudes, si forte deinceps iteratæ fuerint, detegendas ob tale commissum & (id est, etiam) inquisitioni subiaceat. ID.* Certe hic Marullius incuriosius inspicere Schedas Nostræ, ridicula enim hæc est restitutio. Quid verba velint, facile quis assequi potest, sed a Quæstore in ipsa Constitutione quo scripta sint ordine, diuinare hic difficile. Forte legendum, *officium quoque, segne ad fraudes (si forte deinceps iteratæ fuerint,) detegendas, ob tale commissum inquisitioni subiaceat. RITTER.*

## COMMENTARIVS.

**D**E APOCHIS ab exactoribus vel Susceptoribus faciendis, est hæc Theodosii M. constitutio: de necessitate inquam, & forma earum faciendarum: pariter vt Valentiniani Sen. *lex 16. sup.* & altera Theodosii M. (qua *hanc* indicat) puta *lex 19. sup. de annona & tributis.* & Quarta Theodosii Jun. *lex 173. sup. de Decur.* Quinta Valentinia-

ni Tertii *l. 32. infr. h. t.* Scilicet & Apochas ideo tributa inferentibus ab Exactoribus vel Susceptoribus dari voluerunt Principes, & vero iubet *h. l.* Theodosius M. & *d. l. 19.* & speciatim Apochis illis inferri, Quid, in qua specie, ex qua causa, pro qua indictione solutum fuerit. Et quidem ea de causa ne debitor deuotus iterum exigatur, contra vt debitor



tor de solutione a se facta docere possit: & vt dicitur *d. l. 173. vt descriptus* (id est, contributioni seu collationi subditus) *documentis euidentibus fulciatur*. Ergo id ita constitutum, pro securitate collatorum, aduersus superexactorum fraudes, denuo soluta poscentium. Ad quem finem collineat quoque id, quod ab Honorio cauetur *l. 27. inf.* ne ii qui

apochas scripserunt fraude susceptorum intra indicationem mutantur.

Panam autem quadrupli minuitur *bac l.* Theodosius exactori vel Susceptori, Apochas huiusmodi non conficienti: Quinimo & officialibus Receptoris prouinciæ, si fraudibus his detegendis inquisitionem suam non adhibuerint.

## XIX. (a) Idem AAA. Postumiano PF. P. (b)

**I**N singulis stationibus (c) & mensuræ & pondera publice conlocentur, vt fraudare cupientibus fraudandi adimant potestatem. Dat. V. Non. Octobr. Merobaude II. & Saturnino CONS. [383.]

### NOTAE.

(a) Absit hæc *lex a Cod. Iust.* Concordat ei *lex 21. infr. GOTHOF.*

(b) Orientis. *ID.*

(c) Id est, locis vbi tributa soluuntur, *Bureaux de Receptes*. Sive in ciuitatibus, sive in mansionibus, *dict. leg. 21. infra. ID.*

### COMMENTARIUS.

**C**IRCA MENSURAS & PONDERA (quæ Susceptoribus in usu, de quibus est quoque Sidonii locus *lib. 5. ep. 7.*) Susceptorum fraudibus occurrit *b. l. Theodosius M. vt & l. 21. inf.* Itemque Honorius Imp. *l. ult. supr. de superex.* vnde interpolata est *l. 9. seu pen. Cod. Iust. de defens. ciu. & Valentinianus Tertius l. 32. infr.* (qui idem alio fine ponderum exactium acturum se proficitur *Nouella sua, inter Theodosianas, 25. in fin.*) & Maiorianus *Nouella 1. cap. Illis quoque fraudibus.* Ergo Theodosius M. & *bac l. & d. l. 21.* vt fraudare cupientibus, fraudandi adimat potestatem, iubet Mensuras & pondera publice conlocari in singulis stationibus, *b. l.* id est, in singulis locis, vbi tributa suscipiuntur, in ciuitatibus & mansionibus, vt ait *d. l. 21.* Id enim sunt *stationes*, quod nos vocamus *Bureaux de Receptes*: quomodo & *statio fiscalis* dicitur *l. 1. Cod. Iust. de compensationib.* In vniuersum sane & iam olim, vt fraudibus occurreretur negotiatorum, non Edilium modo munus fuit mensuras exigere: quod docet Persius *Satyr. 1. in fin. lex 13. §. 8. D. locati: lex 12. D. de per. & com. rei vend. vid. & Plautum in Rudente, Actu 2. scen. 3. v. 43.* sed etiam Romæ publicæ mensuræ & pondera in Capitolio seruata, ad quorum modum priuatorum mensuræ, si quando controuersia esset exigerentur (quemadmodum & hodie mos est; Modum hunc vocamus *L'estallon*, & mensuræ examen, *Estaloner, Estalage*.) Hinc inscriptio illa veteris mensuræ, seu congii ænei apud Gruterum *CCXXIII. 3. IMP. CAESARE. VESPAS. VI. COS. T. CAES. AVG. F. III.* MENSURAE. EXACTAE. IN. CAPITOLIO. Hinc adeo *amphora Capitolina* apud Capitolinum *Maximinis c. 4. init.* Fannius quoque in *Carminibus de pond. & mensuris*, vt obseruat Calaubon: *ad loc. cit. Capitolin.*

*Amphora sit cubus, quam ne violare liceret*

*Sacræ autem Ioui Tarpeio in monte Quirites.*

verum postea sub Valentiniano Sen. circa Ann. Dom. 367. Prætextatus P. V. per vniuersas vrbes regiones pondera instituit: teste Ammiano Marcel. *lib. 27. cap. 9.* cum auiditati multorum ex libidine truti-

nas componentium occurri nequiret: Quo etiam aliquatenus pertinet *lex 4. infr. de suariis.*

Examinandorum seu Exigendorum sane ponderum & mensurarum curam Imperatores ad se sæpe reuocauere: testis superior illa *Inscriptio: & Nouella 25. in fin.* Valentiniani, inter *Theodosianas*, vbi *Exagia ponderum* a se agenda prædicit: *Exagium*, ab exigendo, seu examinando, quomodo in veteri illa *Inscriptione*, MENSURAE EXACTAE dicuntur: Testis & *Nouella* Maioriani 1. *vers. illis quoque fraudibus*: qua Maiorianus iubet a Præfecto Prætorio ad singulas non tantum prouincias, sed etiam ciuitates *pondera examinata* mitti, quibus tum Exactores, tum Negotiatores vtantur: ac nominatim Exactores, qui tum vetustis caliginibus abutentes, *Faustine* aliorumque nominum pondera varia subiiciebant, nescientibus tributariis, ad eorum modum exigebant. Eodem pertinet, & Theodorici R. apud Casiodorum V. *Var. 39.* dispositio, aduersus Exactorum assis publici, seu tributorum, fraudes, ponderum trutinæque grauitate possessores prementium: *vt totius, inquit, fraudis abrogetur occasio, ad Libram cubiculi nostri, quæ vobis in præfenti data est, vniuersas functiones publicas iubemus inferri.* Est & eiusdem Casiodori PP. locus *ep. 16. XI. Variar. ad Ligures.* Hinc est, quod in ponderibus atque mensuris vos suggeritis ingrauatōs: & ideo nostra cura prouidebit, vt nullius vos ulterius ex ea parte vexare possit iniquitas. Quia graue scelus esse iudicamus, aut men-  
P. 552.  
suras modum excedere, aut libram æquisimi ponderis iustitiam non habere. Milites etiam sedis nostræ, nec non Exactores atque Susceptores, a quibus graua vobis inferri dispendia suspicatis, præceptis nostris fecimus conueniri. Afferuatæ deinceps mensuræ & Pondera, in Vrbe Roma a Papa, vel Senatu; testis Iustiniani *Pragmatica sanctio*, cuius initium, *pro petitione Vigilii, cap. 19.* Imo & in Ecclesiis eodem fine afferuata, testis Iustiniani *Nouella 128. c. 15.* Neque tantum pondera & mensuræ publice posita, ne Tributariis ab Exactoribus ex ponderum iniquitate dispendium inferretur; verum

rum etiam Rectorum prouinciae & officialium curae eares delegata, ut viderent ne id fieret, *d. l. 32. infr.* itemque Defensorum, *d. l. ult. supr. de super-exact.* qui ceteroquin in id constituti erant, ut plebem & possessores ab omni iniuriarum genere vindicarent: de quo ad eam *leg. 32. infr.*

## XX. (a) Idem AAA. Cynegio PF. P. (b)

**E**XACTORES, (c) vel Susceptores in celeberrimo coetu Curiae, consensu (d) & iudicio omnium, sub actorum testificatione firmentur: Prouinciarumque Rectores (e) eorum nomina qui ad publici munus officii dediti (f) adque obligati fuerint, innotescant: Et animaduerrant quicumque nominauerint, ad discrimen suum vniuersa, quae illi gesserint redundare. (g) Dat. VI. Kalend. Nouembr. Constantinop. Honorio NB. P. & Euodio Coss. [386.]

**INTERPRETATIO.** *Exactores & Susceptores publicae functionis non secretim, sed publice praesentibus aliis Curialibus vel populo, necessitates agendas expediendasque suscipiant: & qui nominati vel electi fuerint, Iudicibus innotescant: scituris hiis qui de electione talium fuerint apud acta professi, quod si quid euerterint, ad eorum a quibus electi sunt, dispendium pertinebit.*

## NOTAE.

- (a) *Lex 3. Cod. Iust. eod. tit. GOTHFR.*  
 (b) Orientis. Eidem inscribuntur & duae aliae *leges* hoc ipso titulo puta *lex 21. & 23. De eo v. Prosopogr. ID.*  
 (c) *Susceptores & arcarii, Sichard. RITTER.*  
 (d) *Et confesso & iudicio, Sichard. ID.*  
 (e) *vs. Rectoribus, ut Interpr. Iudicibus. GOTHFR. Rectoribus edidit Sichard. prouinciarum quoque rectoribus legit, MS. G. RITTER.*  
 (f) *Editi, Cod. Iust. prior. Cuiac. & Edit. in 4. Sichard. & MS. G. male. GOTHFR.*  
 (g) Id est, redundatura, *ID.*

## COMMENTARIVS.

**D**E CREATIONE Exactorum vel Susceptorum est haec Theodosii M. constitutio, qua modus ei triplex imponitur, quo utilitatibus publicis consultum esse possit: ubi praesupponitur ante omnia, *Creari* eos a Curia oportuisse: quod etiam docet *lex 9. supr.* ubi dixi: (quod tamen ius variavit, ut ostendit *lex 4. supr. b. tit. & lex ult. supr. de iur. fisci*.) Hoc praesupposito creari eos iubet, non

*secretim*, quod addit Interpres, sed publice in coetu celeberrimo seu frequentissimo Curiae, consensu & iudicio omnium, actis super eo confectis.

Secundo, nomina eorum Rectori prouinciae insinuari, ut ita actibus eorum inuigilare possit: Tandem, Nominatores, Curiam scilicet, pro iis teneri: quod tralatitii iuris est, ut docet *lex 1. 4. 8. supr. & l. 29. infr. b. 1.*

## XXI. (a) Imppp. Valentinianus, THEODOS. &amp; Arcad. AAA. Cynegio PF. P. (b)

**M**ODIOS aeneos, seu (c) lapideos, cum sextariis adque ponderibus, per Manfrones (d) singulas, quasque (e) ciuitates, iussimus conlocari, ut vnusquisque tributariis (f) sub oculis constitutis rerum omnium modi (g) sciat quid debeat Susceptoribus dare: ita ut si quis Susceptorum, conditorum (h) modiorum sextariorumque vel ponderum normam putauerit excedendam, poenam se sciat conpetentem esse subiturum, Et submotis, quae contra utilitatem populorum omnium haecenus gesta sunt, frumenti quinquagenimas, hordei quadragenimas, vini & laridi vicensimas Susceptoribus dari praecipimus. Humanitatis autem necessitate commoniti (i) Susceptoribus (k) in Armenia susceptionibus, longinquitatis causa, frumenti & hordei quadragenimas, vini & laridi quintasdecimas dari praecipimus. Dat. III. Kal. Decembr. Conspr. Honor. NB. P. & Euodio V. C. Coss. [386.]

## NOTAE.

- (a) *L. 9. Cod. Iust. eod. tit. Forte iungenda huic, lex 1. supr. de praed. & mancip. Curial. GOTHFR.*  
 (b) *Orientis, ut vel haec lex docet, cum Armenia meminisset: Eidem Cynegio PP. inscribitur lex 10. prox. supr. & l. 23. infr. De eo plene in Prosopogr. ID.*  
 (c) *Vel, Cod. Iust. ID.*  
 (d) *De Manfionib. dixi ad l. 9. de annon. & tribut. ID.*  
 (e) *Idem.*  
 (f) *Idem.*  
 (g) *Idem.*  
 (h) *Idem.*  
 (i) *Idem.*  
 (k) *Idem.*

- (e) *Mansiones, singulasque ciuitates*, ita C. Iust. malim hic *per mansiones & singulas &c. ID.*  
 (f) *pp. Tribunarius*, vt C. Iust. *ID.*  
 (g) *pp. Modii*, vt C. Iust. *ID.*  
 (h) *Conditorum* id est, publice conlatorum *ID.*  
 (i) *Commozi*, C. Iust. *ID.*  
 (k) *Commozi, in Armenia partibus susceptoribus*, ita Cod. I. *ID.*

## C O M M E N T A R I V S.

**D**VABVS Susceptorum FRAVDIBVS & super-exactionibus, circa MENSURAS & pondera & circa EPIMETRI enormitatem occurrit hac l. Theodosius M. A. D. 376. vbi initio notandæ quatuor tributorum species, quæ a populis seu tributariis fisco præstabantur, puta frumentum, hordeum, vinum, laridum, de quo *suor. de annona & tribut.* Aduersus priorem fraudis & superactionis speciem illud ipsum rursus constituit, quod & iam constituerat l. 19. sup. (ad quam leg. vide quæ dixi) ad Postumianum Cynegii, cui hæc lex inscribitur, in Præfectura Prætoriana Orientis decessorem ante triennium An. 383. puta, vt Mensuræ & pondera publico loco conlocentur per singulas ciuitates & mansiones; In his scil. duobus locis annona & tributa soluebantur: hæcque duæ stationes erant, vt vocantur d. l. 19. (*Bureaux*) Nam & Mansiones annonis instrui oportuit, in iisque annona species afferuandæ condebantur, vt docet lex 9. sup. de annona & tributis: & lex 4. sup. de off. Rectoris prouinciæ, quibus locis iam dixi.

Rationem porro huius instituti sui, vt Theodosius M. reddidit d. l. 19. ita & hac l. adhuc apertius: Atque ita de primo capite, de quo iam plura ad d. l. 19. sup. De duobus tantum hac parte videndum.

Primo, Mensuræ, quarum hac l. mentio fit, obseruandæ: puta Modii, & Sextarii: & Modii quidem vel ænei, vel lapidei. De Modio & Sextario locus Volusii Mæciani de ponderibus & mensuris in fin. hic sufficiat nunc. *Mensurarum liquoris atque grani expeditio, & forma & appellatio est.* Nam QUADRANTAL, quod nunc plerique AMPHORAM vocant, habet VERNAS duas, MODIOS tres, SEMODIOS sex, CONGIOS octo, SEXTARIOS quadraginta octo. Et mox: *Nota mensurarum; Quadrantal 4. Modius 8. Sextarius ad vinum 1 ad granum 1/2.* De Modiorum &

Sextariorum modo, quem inquam modum continuerint, non est hic dicendi locus.

Secundo, notanda pena, quam Susceptoribus hac l. minatur Imp. de quo ad ad l. ult. sup. de superexactionib. vbi & de Defensorum inspectione hac in re.

Secundo huius l. capite Theodosius M. EPIMETRI modum, quod a Susceptoribus nimium exigebatur, præstituit: de quo epimetro sunt præterea quatuor hoc C. constitutiones: Constantii lex 3. sup. Valentis lex 14. sup. quæ repetita l. 11. sup. de iure fisci: Valentiniani Sen. lex 15. sup. & l. 4. inf. de Suariis: Ex Constantii scil. leg. 3. sup. Centesimam susceptoribus annonæ seu frumenti, denique aridorum fructuum præstitutam discimus: vt & ex Valentis Imp. d. l. 14. seu l. 11. & Valentiniani d. l. 15. sup. Quam consuetudinem vocat d. l. 15. At laridi, & vini Vicefimam, d. l. 15. Atenim hæcenus non stetit alicubi susceptorum cupiditas, cui etiam velificati in tantum, cum in totum reprimere non possent Imperatores; & quidem pro longinquitate itineris. Itaque Theodosius M. firmata vini & laridi Vicefima, hac leg. frumenti quinquagesimam, hordei quadragessimam susceptoribus per Præfecturam Orientis, vnde annona Constantinopolim subuehebatur, dari vult. At cur maius Epimetrum hordei, quam frumenti? Proculdubio, quia plus intertrimenti in hordeo est, quam in frumento. Et hæc quidem regulariter: At in Armenia maius adhuc Epimetrum indulget, ex humanitate, propter longinquitatem videlicet itineris: quia hæc remotissima & vltima Imperii Romani Persis vicina prouincia erat, vnde annona pariter Constantinopolim subuehenda erat longinquo admodum itinere. Igitur Susceptoribus in Armenia vt hordei, ita & frumenti quadragesimas dari vult: & sic æquo iure iam habet frumentum & hordeum, (Cur tam varie?) vini vero, & laridi, quintasdecimas.

## XXII. (a) Idem AAA. ad Paulinum (b)

PF. Aug.

**N**ON perpetui Exactores (c) in continuata vexandorum prouincialium potestate, veluti concussionum dominatione, teneantur, sed per annos singulos Iudiciaria (d) sedulitate mutentur: nisi aut consuetudo ciuitatis, aut raritas Ordinis (e) eos per biennium esse compellat. Quod (f) nisi factum fuerit, scias te, & Officium tuum, non minus multa, (g) quam graui pœna esse compellendum. Dat. prid. Kalend. Decemb. Constanti-nop. Honor. NB. P. & Euodio V. C. Cōss. [386.]

INTERPRETATIO. Lex ista hoc iubet, non debere Exactores, qui vno anno exegerint, secundi anni exactionem suscipere, & possessores superflua (h) exactione vexare. Sed hoc obseruari debere, vt annis singulis iudiciaria electione mutentur, nisi forte aut consuetudo ciuitatis, aut raritas Curialium per biennium eos Exactores esse compellat: aliter enim si factum fuerit, & Iudicem & Officium suum multa pariter & grauis pœna constringat.

NOTAE.

dofius M. nempe Medium iugationis possessorum, id est modum tributariæ functionis & illationis: id enim est *Iugatio*: de quo vid. *Glossarium Theodos.* item in qua specie tributum solutum fuerit, item quantitatem seu numerum: v. g. quot frumenti mo-

dios, quot vini amphoras &c. Quam & ipsam formam iam antea præscripserat Theodosius l. 18. *supr. h. t. & leg. 19. sup. de annonæ & tributis*: præscripserunt & Alii, de quibus ad eas *leges*.

P. 555.

## XXIV. (a) Impp. Arcad. & HONOR. AA. ad Senatum & Populum. Postalia.

**S**VCEPTORES canonis (b) horreorumque (c) Præpositi, singulis annis, audiente Viro Spectabili Vicario, (d) & præfecto Annonæ, (e) expensionem susceptorum specierum probare cogantur: ita ut si qui eorum idonei probabuntur, quinquennio in huius officii statione permaneant: & electi deinceps de Curiis memorato muneri subrogentur; & cætera. Dat. XII. (f) Kal. Maii, Med. Cæsario & Attico Coss. [397.]

### NOTAE.

- (a) Abest hæc *lex* a *Cod. Iust.* Iungendæ autem huic *lex* 3. *inf. de Canone frum. V. R. lex* 27. *inf. de nauicul. lex* 5. *inf. de Naufragiis.* Et *lex* 3. *C. Iust. quæ res venire.* Item *lex* 6. 7. *sup. de Senatorib. lex* 31. *sup. de Prætoribus.* **GO-THOFR.**  
 (b) Frumentarii vrbis Romæ, ut docet etiam *d. lex* 3. *inf. de canone frum. V. R. ID.*  
 (c) De Præpositis horreorum agitur etiam *leg. 5. 3. sup. ID.*  
 (d) Vicarium vrbis Romæ intelligit, quod docet *d. lex* 5. *infr. de Naufrag. ID.*  
 (e) Præfectum annonæ in vrbe Roma intelligit, *ID.*  
 (f) *79. XVII. vi dictis legibus, ID.*

### COMMENTARIUS.

**P**ROBATIS seu fidis susceptoribus Canonis vrbis Romæ, & Præpositis horreorum habendis, tria *bacl.* constituit Honorius Imp. quæ pars est prolixæ Orationis Honorianæ ad Senatum & populum Vrbis Romæ: Quæ in vniuersum tum voluptatibus populi Romani consultum iuit: quo respiciunt ex ea oratione *lex* 6. 7. *sup. de Senatorib. & lex* 31. *sup. de Prætoribus*: tum Canonis frumentario V. R. quo pertinet hæc *lex*, & *lex* 3. *inf. de canone frum. vrb. R. lex* 27. *inf. de Nauiculariis: lex* 5. *inf. de naufragiis: lex* 3. *C. Iust. quæ res venire*: quæ *leges* omnes huic nostræ coassandæ veniunt. Et quidem Canonis frumentario V. R. triplici ratione consultum iuit ea oratione Honorius.

Primo, circa *solutionem* eius, aduersus Immunitates quorundam, quo spectat *dict. lex* 3. *infr. de canone frum.*

Secundo, circa *Translationem* seu dilationem eius ad urbem Romanam, reparata sc. classe Nauiculariorum, quo pertinet *d. l. 27. inf. de Nauicul. & fraudibus* eorum variis occurrendo: quo spectat *d. lex* 5. *inf. de Naufrag. & l. 3. C. Iust. quæ res venire.*

Tertio tandem circa *erogationem*, & *custodiam* eius canonis, quo pertinet hæc *lex* nostra: Tribus circa Susceptores & Præpositos horreorum (in quibus canon seruabatur) constitutis.

Primo, *Rationem* eos reddere erogationis singulis annis iubet etiam Vicario Vrbis, & Præfecto Annonæ: (quomodo & apud eosdem a Nauiculariis, iacturæ vel naufragii casum probari iubet, *d. l. 5. inf. de naufragiis*, quæ & ipsa inter alias coniungenda est.)

Secundo, *Quinquennio* in hoc officio eos permanere vult, vbi semel idonei probati fuerint rationibus redditis: Cum alias susceptionis munus annuum fuerit: (quod docuit *lex* 4. 7. 10. 11. (vbi dixi plene) 22 *sup. in v. & de Exactore ipsiusmet Honorii lex* 9. *sup. de executor. & exaction.*) Et vero idem Honorius hoc ipsum præsupponit *l. 27. inf.*

Postremo ex *Curialibus*, electos subrogari Susceptores & Præpositos horreorum iubet: de quo iam multoties: Sane Præpositos horreorum ex Curialibus quandoque sumptos, docet quoque *lex ult. infra.*

## XXV. (a) Idem AA. Firmino (b) Com. R. P.

**P**ALATINVM (c) iubemus procurare Officium, ut nullus Præposituræ, (d) vel cuiuscumque Susceptionis (e) subeat munus ante, quam iuxta Legem † diuæ memoriæ Gratiani, & susceptorum substantiæ, & fideiussorum facultates diligenti descriptione collectæ (f) ad eiusdem officii notitiam perferantur: cessante Responso (g) quod per subreptionem in Aerarii nostri dispendium elicitum est. Dat. XV. Kalend. April. Med. Theodoro V. C. Cons. [399.]

### NOTAE.

## NOTAE.

- (a) Absit hæc *lex* a *Cod. Inst. GOTHOF.*  
 (b) Eidem *Firmino Com. R. P.* inscribitur Anno superiore 398: *lex* 22. *sup. de petitionib.* Et tamen eodem Anno *inf. de pto legis ult. sup. de domib. ad rem priu. pertin. & l. ult. sup. de contat. fund. patrim. & lex* 1. *C. Inst. de collat. fidei fiscal.* præferunt *Firmino Com. S. L. ID.*  
 (c) Palatinos *Comitis R. P.* de quibus *suo tit. lib. 6. sup. ID.*  
 (d) Præposituræ horreorum, de qua *leg. 8. sup. ID.*  
 P. 356. (e) Auri specierum. *ID.*  
 † *Legem* hanc Gratiani non reperi. *ID.*  
 (f) De hac voce dico *inf. ad leg. 1. de Paganis, sacrif. & templis. ID.*  
 (g) Id est rescripto: quod & ipsum non extat. *ID.*

## COMMENTARIVS.

**B**ONA seu facultates Susceptorum, & fideiussorum eorum, (*des Cautions des Receueurs*), antequam illi munus subeant, describi a Palatinis iubet *hac l. Honorius Imp.* Vt ita scilicet fisci indemnitati consultum esse possit. Quod quidem a Gratiano iam antea constitutum, mox labefactatum rescripto aliquo fuisse, indicat *hac l.* Cæterum, non

alio sine id constitutum, quam ne Susceptoribus bona in fraudem fisci alienare liceret, quod antea licebat, rerum suarum commercio nullo modo eis interdicto, verum extraneis ad emptionem bonorum admisis: nominatoribus tantum vetitis. ea per interpositas personas comparandi ex Valentis *leg. 8. sup.*

## XXVI. (a) Idem AA. Benigno (b) Vic. Vrb. Rom.

**S**ECVRITATES (c) semel publicatas & gestis lectas binis (d) Susceptoribus inputari, & cœptam arcæ (e) discussionem (f) volumus in apertum quæsitâ ratione deduci, & omnes publicas securitates quæ gestis tenentur, a susceptoribus ferri accepto. *Dat. VI. Id. Iun. Med. Stilichone & Aureliano Coss. [400.]*

## NOTAE.

- (a) *L. 11. Cod. Inst. ord. tis. GOTHOF.*  
 (b) Eidem *Benigno* Vicario vrbis Romæ inscribitur Anno superiore 399. *lex* 162. *sup. de Decur. & lex ult. quib. equorum vsus.* Qui quidem antea Præfex Sardinie fuisse videtur, de quo *Symmachus lib. 9. ep. 39. ID.*  
 (c) *Securitates* hic, & mox rursum, id est *Apochas*. vid. *sup. Paratitl. ID.*  
 (d) *79. Vini*, vt etiam habetur *C. Inst. d. l. 11. ID.*  
 (e) *Vinariæ*: de qua *l. 3. inf. de calcis coctoribus. ID.*  
 (f) *Mercedis discussionem*, *Cod. I. ID.*

## COMMENTARIVS.

**D**E APOCHARVM a Susceptoribus semel datarum firmitate, est hæc Honorii constitutio. Nempe, datas semel, atque inde semel publicatas Gestisque insinuat, lectasque semper firmas permanere oportere: neque villo obtentu posse collatorem, qui semel apocham accepit, rursum exigi. Quo pertinet eiusdem Honorii *lex prox. & Tertia* Valentis. ii Terti, puta *lex 185. sup. de Decurionib.* superiores enim *leges* quæ de Apochis agunt *h. t.* sunt vel de Apocharum dandarum necessitate, vel de conficiendarum forma: hæc vero *lex & prox.* est de earundem firmitate. Tot sc. *legibus* Apocharum securitate muniri collatores oportuit, aduersus Susceptorum fraudes: modo Apochas non ilico dantium, modo non ea forma, qua oporteret, modo fidem earum postea in dubium reuocantium, easque retractantium. Quod postremum & Rectores provinciarum quandoque facere soliti, *l. 185. sup. de Decurionib.* vt & Discussores earum occasione prædas in maximas agebant *l. 2. sup. de discussores.*

Hæc inquam huius Honorianæ constitutionis

sententia seu Thesis est: At hypothesis seu species respicit nominationem *Vini* collationem, in vsus vrbis Romæ, cuius separata ratio, titulus, susceptio & Arca vinaria fuit: cuius *hac l.* mentio fit, & *l. 3. inf. de calcis coctoribus*: & *l. 4. inf. de suariis.* & apud *Symmachum lib. 7. ep. 95. lib. 9. ep. 121. lib. 10. ep. 42. & 47.* & in autoritate *Aproniani* apud *Gruterum in Inscript. DCXLVII. 7.* Cuius etiam peculiaris Rationalis fuit Romæ, *Rationalis vinorum* dictus, vt docet *Imperii Notitia fol. 18.* De quo plene ad *d. l. 3. inf. de calcis coctoribus.*

Cæterum, sæpe factum, vt Arcæ illi *vinariæ*, seu ex hoc titulo, & collatione vini, multa in reliquis traherentur, id est, multa ei deberentur, nondum soluta: vnde factum, vt Imperatores subinde, *discussionem* huius tituli, seu horum Reliquorum exactionem iniungerent, *vellentque*, vt *hac l.* dicitur, *arca discussionem in apertum quæsitâ ratione deduci*: Quod vt ab Honorio Imp. factum & ante hanc *leg. & hac l.* ita & a superioribus Principibus, Constantio, Valentiniano Sen. Gratiano, Valentiniano Iun. vt docet *Symmachus duab. epist.* in eodem argumento



gumento lib. 9. ep. 121. & lib. 10. ep. 47. quas cum *bac l.* componi velint. Cum igitur huiusmodi discussio fingat, & susceptoribus eo nomine convenirentur, priores collatores quasi Reliquatores saepe indicabant, ut maxime apochis hi muniti essent, & sic debita sol-

uisse se monstrarent. Verum *bac l.* has apochas Susceptoribus imputari, seu ab iis accepto ferri oportere, definiit Honorius: ut & ceptam Arcæ vinariæ discussiorem, ad exitum perducere.

P. 557.

## XXVII. (a) Idem AA. Pompeiano (b) suo Salutem.

**N**E fraude Susceptorum, dum subducunt eos, (c) qui Apochas scribserunt, denuo soluta poscantur, manifeste sancimus, ut periculo totius Corporis (d) intra ipsam Indictionem mutare eos non liceat, a quibus emissæ sunt securitates: (e) nisi falsitatis arguantur, & plurima inprobare non audeant. Item Tabulariis Quadrimestruos (f) breves publicari iubemus, ut si hisdem relatæ securitates fideliter continent debitum, (g) duplex non teneat exactio. Si \* autem aliquid a Susceptore, vel Tabulario fraudis admissum, & (h) possessor deprehendat, nemo eorum semel in (i) interuersione conuictus id rursus officium gerat, in quo ante decoxit, et si Rescriptum nostrum elicitum clandestina supplicatione detulerit. (k) Dat. prid. Kal. Ian. (l) Med. Stilichone & Aureliano Coss. [400.]

### NOTAE.

- (a) Prior & potior huius l. pars adest a *Cod. Inst.* Iungenda autem ei *lex 28. supr. de annona & tributis: lex 3. supr. de concuss. Aduoc.* Imo & *lex 2. supr. ad leg. Iul. de Ambitu: lex 166. supr. de Decurion. l. 18. infr. de lustrali collat. lex 60. supr. de appellat. GOTHOF.*
- (b) Proconsulari Africæ: ut habent *dictæ leges: imo & lex prox. 28. infr. ID.*
- (c) Annotatores, *ID.*
- (d) Curiz, *ID.*
- (e) Id est, Apochæ. *ID.*
- (f) De *Quadrimestruis Breuib.* est *supr. titulus 25. lib. 11. ID.*
- (g) *Debitum*, id est, tributum propria voce, v. *Gloss.* solutum scilicet. *ID.*
- \* *L. 1. C. luss. cod. tit.* hinc desumpta est, rescata priore huius l. parte. *ID.*
- (h) *Eff:* ita *C. luss. ID.*
- (i) De interuersione. *Cod. I. ID.*
- (k) Intulerit, *Cod. I. ID.*
- (l) Ita quoque *d. l. 3. supr. de concuss. Aduoc. l. 28. supr. de annona & trib.* At *dict. leg. 2. de ambitu*, editum *Prid. Kalend. Iun.* Tandem *Kal. Iun.* in *l. 60. de appell.* *Prid. Kal. Iul. d. l. 18. de lustrali collat. & d. l. 166. de Decur. ID.*

### COMMENTARIUS.

**D**E APOCHARVM firmitate est hæc Honorii Imper. constitutio, pariter ut eiusdem *lex super. 26. & Valentiniiani III. lex 185. supr. de Decur.* in eandem sententiam fundata possessorum seu collatorum, qui semel collationis factæ apochas acceperunt securitate, aduersus Susceptorum & Tabulariorum fraudes. Quæ quidem *lex* pars est prolixæ Constitutionis Honorianæ ad Pompeianum PC. Africæ, emissæ ad Africanorum querelam & legationem, Meciliano Legato in id ad Honorium missio, ut ostendit *l. 166. supr. de Decur.* quæ indidem desumpta, huic inter alias plures coniungenda est. Inter ceteras autem querelas, aliquamultæ rem *Tributariam* respexere, qua miseri & tenuiores quidem Africani variis rationibus atterebantur, concutiebantur: partim Potentiorum immunitate, quo pertinet *lex 28. supr. de annona & tribut. lex 18. infr. de lustrali collat.* partim Compulsorum deprædationibus, quo spectat *lex 3. supr. de concuss. Aduoc. &c.* Tandem & Susceptorum Tabulariorumque fraudibus, quo pertinet etiam *lex 2. supr. ad leg. Iul. de ambitu: & de quo est hac lex*, cui *leges illæ superiores*

omnes, seu ex eadem constitutione desumptæ, cum aliis, quas in *Notis* indicaui pluribus, coniungendæ veniunt, & vero argumento vel fine saltem pariant. Ergo Susceptorum & Tabulariorum fraudibus, concussionibus, occurrit Honorius *bac l.* bis videl. tributum a miseriis collatoribus exigentium, quascunque tandem Apochas præferrent solutionis iam factæ. Scilicet Susceptores, ut Apocharum vim eluderent, e medio subducebant eos, qui Apochas scriplerant, ut ita non existente, qui manum suam agnosceret, denuo soluta poscerent. Ergo Honorius triplici ratione huic Susceptorum & Tabulariorum fraudi & concussioni *bac l.* occurrit.

Primo enim vetat *scriptorem Apochæ*, mutari intra Indictionem seu annum, ut ita eo comminus constituto, de fide Apochæ constare possit.

Secundo, Quadrimestruos Breves tributorum, insertasque eis apochas ad Tabularios deferri iubet: quod & ipsum cœnetur *leg. 2. supr. de annona & tribut.* de quibus Quadrimestruis Breuib. suo *tit. 25. supr. lib. 11. & ad leg. 173. supr. de Decu-*

*Decurion.* vt & de Tabulariis in hanc rem, *l. 1. supr. de exact.*

Postremo, quod vnum caput Tribonianus retinuit in *l. 12. Cod. Inst. eod. tit.* Susceptorem vel Tabularium fraudis semel & concussione a possessore conuictum, idem officium repetere vetat, etiam ex Rescripto Principis: Quod & ipsum statuitur de Officialibus, *l. 14. 18. 20. supr. de diu. offic.* Hic in-

terim casus addendus, cæteris, quibus Rescripta non valent, de quo *suo tit. de diuers. rescript. lib. 1.* Ergo non fraudulentum, idem officium repetere posse præsupponit: de quo ad *leg. 24. supr.* In quo Officiorum aliam rationem esse voluit Honorius: nullo modo enim promotos ad Principatum officii, eoque functos eum repetere vult, *d. l. 2. supr. ad leg. Iul. de ambitu:* quæ inter alias huic coniungenda venit.

P. 558.

## XXVIII. (a) Idem AA. Pompeiano (b) Proc. Afric.

**S**i apochæ (c) ad Susceptores nomine militum deferantur, nihil (d) ex ea pecunia intra prouinciam (e) tibi creditam prorogetur, quam (f) sub testificatione gestorum ad instructionem (g) prouinciæ Numidiæ, vel (h) Mauritanie oportet integram peruenire: vt illic deuotissimus (i) miles emolumenta (k) sibi debita ex integro (l) consequatur. Si quis autem post interdictum Mansuetudinis nostræ apochas putauerit esse deferendas, inaniter eas sciat esse delatas, nec in acceptum ei qui suscepit (m) referendum. Dat. IV. Kalend. Mart. Med. Post Consul. Stilichonis & Aurel. VV. CC. [401.]

### NOTAE.

- (a) Absit hæc *lex a Cod. Inst.* Quæ ab *hoc tit.* fugitiva est, & melius posita fuisset sub *tit. de erog. mil. ann. GOTHOFR.*  
 (b) Eidem inscribitur *lex superior* 27. vt omittam alias plures. *ID.*  
 (c) De alio *Apocharum* genere est *lex*, quam *superiores:* nempe de Apochis, non quas Susceptores dabant collatoribus, verum quas ipsi accipiebant, erogationem facientes. *ID.*  
 (d) Ne pars quidem minima. *ID.*  
 (e) Africam. *ID.*  
 (f) Eam enim. *ID.*  
 (g) *Instructio* prouinciæ, est prouisio annonæ, rerumque necessariorum ad tuendum limitem, militemque alendum & instruendum. Ita Limitem instruere, *l. 15. supr. de extraordin. mansiones* instruere, *l. 21. supr. de annona & tributis:* armorum usus instruere, *l. vn. supr. de oblat. equorum.* *ID.*  
 (h) Vel, pro *et.* *ID.*  
 (i) Vox propria, *deuotissimus miles.* vid. *Gloss. ID.*  
 (k) *Emolumenta* sunt commoda & annonæ debita *hac l. & l. 16. supr. de exactionibus,* ubi plura dixi. *ID.*  
 (l) *Ex integro*, id est, integre, plene; debito loco & tempore: *b. leg. & leg. 16. supr. de bonis proscriptor. leg. 177. supr. de Decurion.* *ID.*  
 (m) Id est, Susceptoris. *ID.*

### COMMENTARIVS.

**D**E ANNONÆ MILITARIS Susceptoribus est hæc Honorii constitutio: Ea scilicet PROPRIO quidquam pecuniæ militi a Susceptore alibi, ac nominatim in sp. *huius l.* extra locum, quo militaris annona eroganda est, vetat: Et quamlibet Susceptor apochas sibi a milite datas ostendat, nequicquam eas ei prodesse vult: Quæ melius in *titulum de erogatione militaris annonæ* relata fuissent: Quo etiam titulo *lex u.* inter alias huic concordat. Nempe cum viderent Imperatores, & vero videret Honorius militem, prorogata sibi ante tempus annona, postea egere, vel etiam militiam deferere; atque ita destinatam limiti & prouinciæ annonam desiderari, imo securitatem limiti deesse, non suppetente suo tempore & loco militi stipendio & annona, eam militi prorogari vetare: Et vero vetat *hac l.* Honorius Imp. per Africam. Cuius legis hypothesis historica spectanda est.

Primo notandum, eam pertinere ad prouinciam Numidiæ & Mauritanie, quæ limitaneæ prouinciæ hac tempestate non tantum a Tyrannis sæpe perculsæ fuerant: cuiusmodi post Gildonem, Marchari-

dum Tyrannum hoc ipso anno proscriptum memorat Honorius *alia lege*, puta *l. 18. supr. de bonis proscript.* verum ac potissimum a Barbaris veluti Mauris lacescit. Quare & sub Comite Africæ (cuius modi hoc Anno memoratur Bathonarius *d. l. 18. & Gaudentius l. 3. de equorum collat.* quæ ad hoc ipsum argumentum pertinet) miles limitaneus erat Barbaris oppositus; & sub Duce Mauritanie, (de quo videnda viginti quinque circiter post *hanc leg.* annis scripta *Notitia Imperii fol. 165.*) itemque Numidiæ, quæ & deinceps sub Valentiniano III. a Vandalis magis magisque afflictæ, (quod vt alios omittam docet ipsius Valentiniani Constitutio *Nouella inter Theodosianas 23. & altera 38.*) & tandem cælo Valentiniano, occupatæ fuerunt circa A. D. 457.

Ad instructionem igitur (quod secundo loco obseruandum est) harum prouinciarum seu limitibus, & qui in eærat, militis, ex omnibus Africa prouinciis pecuniæ quid conferebatur: ac nominatim ex Africa proconsulari.

Quæ quidem, (quod Tertio notandum) suo tempore integra in Numidiam, & Mauritaniam trans-

transmitteretur ad limitem, & sub gestorum seu actorum testificatione consignabatur. Eamque ibi suo tempore miles ibidem constitutus consequeretur: vetita militi & Susceptori epochandi & prorogandi stipendii licentia: epochandi inquam, id est, epochism antecessum datis exculpandi stipendii (alio quippe sensu l. 1. 2. *supr. tributat in ipsi speciebus*, epochandi vox exaudienda, pro adoratione specierum.)

Illud postremo notari velim, hoc Anno ipso 401. multas alias extare Honorii *leges*, quæ ad eandem rem & annonam militarem per Africam pertinent, partim eidem Pompeiano Procons. Africæ

inscriptas, vt *legem 2. supr. de equorum collat. leg. 1. supr. de Indictionib.* partim prouincialibus prouinciarum Proconsularis: puta *legem 26. supr. de erogat. mil. ann. leg. 29. supr. de annona & tributis*: partim ad PP. & Com. S. L. puta *d. legem 3. supr. de Equorum collat.* ita quidem, vt si *hæc lex* illis iungenda non sit, vt pote cum non vnum eundemque diem præferant, sane eodem pleræque pertinent, ad Instructionem inquam limitis & militis Africani: Et quidem ad indictionem & collationem extraordinariam factam ab Afris Africæ Proconsularis, imo & ab ipsis Numidis, Byzacenis, Tripolitanis; vt fidem facit *d. l. 29. de annona & tributis*.

P. 359.

## XXIX. (a) Idem AA. & Theod. A. Septimino (b) Proc. Afric.

**D**V D V M præcipimus, † vt ex corpore Negotiatorum ad suscipiendam tuendamque (c) aurariæ (d) nostræ rationem adponeretur idoneus, qui tamen fide omnium & periculo fuisset electus. Et nunc eadem renouantes (e), ex Negotiatorum, siue quolibet alio corpore ad suscipiendam Arcæ (f) rationem idoneum adponi præcipimus: ea dumtaxat, conditione seruata, vt tam de suis, quam Officii sui facultatibus Iudices nouerint eruendum, si quid ille ex commissa sibi ratione crediderit vsurpandum. Dat. X. Kalend. Mart. Rau. Theod. A. I. & Rumorido Coss. [403.]

### NOTAE.

(a) Abest hæc *lex* a Cod. Inscr. GOTHOFR.

(b) Eidem Septimino Proconsuli Africæ inscribitur hoc ipso Anno *lex 64. supr. de cursu*: & *lex 19. infr. de lustrali*. Eiusdem mentio fit in *Actis Collationis Karthag. die 3. c. 174. pag. 1168. 1169. Tom. I. Concil. Edit. Harduin.* vbi continentur preces Catholicorum Idib. Septembr. his ipsis COSS. *Theodosio A. & Rumorido* aduersus Donatistas Karthagine oblata, simul & eius responsum. ID.

† Legem suam 17. *infr. de lustrali coll.* intelligit, datam An 399. ID.

(c) Custodiendam. ID.

(d) Id est, lustralis collationis: quæ *Auraria* simpliciter hic vocatur, & apud Cassiodorum II. *Var.* 16. *Auraria* pensio eidem II. *Var.* 30. functio auraria, l. 11. 13. 18. 19. (quæ *buie* etiam coniungenda videtur,) *de lustrali coll.* pensio auraria, l. 3. *supr. de testim. ex trib.* l. 36. *infr. de Episcopis*. ID.

(e) Putaret quis reponendum, *renouantes*: quod non probo. ID.

(f) *Arcæ* ratio, id est, auri collatio: de hac *Arcæ* & *Arcariis* dixi ad *leg. 14. supr.* ID.

### COMMENTARIUS.

**D**E AVRI LVSTRALIS seu collationis (quæ a negotiatoribus præstatur, de qua *suo titulo infr. lib. 13*) susceptione, est hæc Honorii *lex*: quis inquam, ex quo Corpore, quo periculo Susceptor lustralis collationis creandus sit, confirmata partim, partim vero abrogata quadam l. sua anteriore, puta l. 17. *infr. de lustrali collat.* Etsi ea sit proprie de Distributionis onere: quod proculdubio susceptionis muneri coniunctum fuit. Igitur, ex Negotiatorum Corpore eum creari posse definit, quomodo & definitum erat d. l. 17. vbi de eius rei ratione dixi. Atenim b. l. nunc duo immutat. Nam & Ex alio

Corpore quolibet creari posse definit: & (non vt antea periculo Negotiatorum, seu Corporis) verum periculo Iudicum seu Rectorum prouinciarum, & officialium eorum. Et hæc quidem de *huius l.* sententia. Alioquin *Coactoris auri lustralis* mentio in *veteri Inscriptione* apud Gruterum CCCXLVII. 4.

P. AELIO. T. F. QVAEST. R.  
AVRI. LVSTRALIS. COACTORI  
AC. CIVITATIVM VOLMERII. ET  
PETOVII. CVRATORI. Q. L. AB  
LIVS. AESOPIVS. B. M. M. P.

## XXX. (a) Idem AAA. Lucio (b) Com. S. L.

**D**V OS Tabularios (c) & Susceptores totidem, per vniuersas prouincias oportere constitui Clementia Nostra præcepit. Super (d) hoc autem admonuimus & Prætorianam amplissimam Præfecturam, quo sciret, eos qui aurum largitione (e) susceperunt, nihil cum Arcæ (f) ratiociniis habere commune: Iudices autem prouinciarum quinque libris auri multandos, & Præfatos officiorum capitali poena plectendos, si hoc vel (g) in præfenti non fuerit custoditum, vel postea commutatum. Dat. VI. Kal. Feb. Basso & Philippo Coss. [408.]

NOTAE.

## NOTAE.

- (a) *L. 13. Cod. Iust. eod. tit. GOTHOF.*  
 (b) *Vid. Prosopograph. ID.*  
 (c) *Seu Numerarios*, hoc add. *Cod. Iust.* de quo dixi ad *l. 9. supr. de Numerar. vt & de Tabulariis. l. 12. d. 1.* qua hoc ipsum statuitur, quod *b. l. ID.*  
 (d) Hæc recita *C. Iust.* & sequentia sic immutata. *Scire autem volumus prætorianam Amplissimam Præfecturam eos qui &c.* Nempe quod ea, ad horum temporum rationem adstricta essent. *ID.*  
 (e) *72. Largitionale* vt *C. Iust. ID.*  
 (f) *V. quæ dixi plene ad l. 14. supr. ID.*  
 (g) *Si hoc non fuerit custoditum*; ita contractius *C. Iust. ID.*

## COMMENTARIVS.

P. 560.

**D**E NUMERO, distinctisque muniis Tabulariorum (qui & Numerarii, qui scilicet ratiocinia tributorum tractabant & conficiebant) & Susceptorum, est hæc constitutio, siue Arcadii siue Honorii. Nempe definit duos Susceptores per singulas prouincias constitui oportere: quorum vnus aurum, quod ad S. L. pertinet, suscipiat: alter, Arcæ præsit, de qua mox. Antea etiam Valentinianus Iun. non vnum tantum per integram diocesim, verum plures Susceptores creari voluerat *l. 17. supr. hoc t.* Imo & Theodosius M. pariter in prouinciis singulis duos Tabularios conlocari voluerat; ad quorum vnum largitionales tituli pertinerent, ad alterum fiscalis arcæ ratiocinium; *l. 12. supr. de Numerariis.* Pari quoque ratione & comminatione, ne videlicet alter alterius actibus sese immisceret. Noluit scilicet Theodosius M. illa lege. Noluit *hac l.* filius eius, diuersorum titulorum stationes & ratiocinia confundi. Quo pertinet quoque *lex 1. Cod. Iust. de compensat. & l. 3. C. eod. de canone largition. titulor.* vid. & quæ scripsi ad *leg. 1. supr. ne conlat. translatio.* De cæteris quæ ad *huius l.* illustrationem faciunt, alibi dixi: de Tabulariis *titul. de Numerariis &c. & ad l. 2. supr. de annona & tributis.* Item de Arcæ,

nempe hic per eam non intelligi Arcam P. P. verum rem priuatam Principis; ad *legem 14. supr.* quod (vt omittam nunc alia argumenta) euincit optime *d. lex 12. supr. de Numerariis*: quæ huic omnino concordat, vbi diserte *fiscalis Arca* vocatur, & *Largitionalibus titulis* opponitur. Quanquam de *hac l.* dubitari posset; quandoquidem Imp. ait, *se super hoc admonuisse*, *Prætorianam amplissimam Præfecturam*, quo sciret, eos qui aurum largitionale susceperunt, nihil cum Arcæ ratiociniis habere commune.

De duobus superest videamus. Primo cur Tribonianus voci Tabularios adiecerit seu Numerarios *hac leg. vt & l. 4. Cod. Iust. de Numerariis*: (quæ desumpta est ex *leg. 12. supr. de Numer.*) disquirat Cuiacius: nempe ideo putat ille, vt intelligeretur non de Tabulariis Receptorum prouinciarum agi, qui olim Numerarii dicebantur.

Quod minus probo: Ideo scilicet Tribonianus adiecit, seu Numerarios, quia in plerisque Iudicium officiis, qui Tabularii alicubi dicebantur, alibi ferme Numerarii vocarentur: & vero Theodosii Iunioris tempore vbique per Orientem, vt docet *Notitia Imperii.*

## XXXI. (a) Imp. HONOR. &amp; Theod. AA. Euchario (b) suo Sal.

**H**VMILIBVS (c) officiis, aut extraordinariis oneribus, occupari Curiales non patimur, ne publica vacillet utilitas. Susceptionem itaque vestium (d) æquius est ab Officio Proconsulari, vel ab his qui in eodem meruerunt, sollempniter (e) procurari. Horum namque interest, huiusmodi explorare rationem, & quærere qualitatem eorum, (f) quorum ad contuendum (g) cura commodior est. Neque enim æquum est, vt ad Officium lucella (h), ad Curialem susceptionis tantum damna pertineant. Hanc igitur ab Ordinibus (i) iniuriam submouemus: Exceptis his, si (k) qui Curialium Officio (l) memorato aut militasse aut militare fuerit deprehensus. Dat. pridie Kal. Mar. Rau. Honorio IX. & Theodosio V. AA. COSS. [412.]

## NOTAE.

- (a) *L. 14. seu pen. Cod. Iust. eod. tit.* Iungendæ autem ei sunt aliz leges: puta *lex 19. 20. 21. supr. de Exactionib. lex 32. supr. de annona & trib. lex 9. supr. de curiosis: lex 23. supr. de cohortalib.* Imo, et si Inscriptio alia sit, *lex 22. 24. d. 2. de Cohortal. GOTHOF.*  
 (b) Proconsuli Africæ, vt habent aliz *Leges. ID.*  
 (c) *Humilibus. C. Iust. ID.*  
 (d) *Militarium. ID.*  
 (e) Id est, sollempni actu & munere: Non vero, quod *solebant* officia Proconsularia hanc susceptionem procurare, quod *Cuiacius* credit. *ID.*  
 (f) *72. Earum*, vestium scilicet. *ID.*  
 (g) Ita recte: male *C. Iust. constituendum*, & male *Cuiacius*, qui *II. Obs. 2.* vtrubique *constituendum* reponerat: de quo mox. *ID.*  
 Tom. IV. Fff f (a) *Lex.*

(h) *Lucra C. Iust. ID.*(i) *Curia, seu Curialibus. ID.*(k) *Hic, qui, Cod. I. & infr. fuerint deprehenfi. ID.*(l) *In Officio C. Iust. ID.*

## COMMENTARIUS.

**D**E VESTIS, militaris scil. quam provinciales conferebant (de qua fuit *titulus* peculiaris *supr. l. 7. de militari veste*;) susceptione, est hac Honorii lex: pariter vt Valentiniani Sen. *lex 4. supr.* (quæ & ipsa repetita extat *l. 1. d. t. de militari veste*.)

Et hæc quidem pars prolixioris constitutionis Honorianæ missæ ad Proconsulem Africæ, potissimum de *re tributaria*, eiusque illatione, exactione, susceptione: vt ostendunt tot illæ *leges* exinde desumptæ, quæ *hic* coassandæ veniunt: Ac nominationem etiam de Officiis, quæ Curialibus indigna sunt: quo præter *hanc leg.* pertinet etiam ex illarum *legum* numero *lex 21. seu vlt. supr. de exact.* Item de officiis, ad quæ *Officiales* adspirare vetantur: quo pertinet *dicta lex 22. 23. 24. supr. de cohortalib.*

Igitur, vt Curiales prædiorum, ad rem Principis priuatam pertinentium, Actores seu administratores fieri vetat *ea l. vlt. ita & hac l.* Susceptores vestium militarium. Quod tamen antea sub Valentiniano Sen. factum docet *d. lex 4. supr. h. t.* Contra, vt illam administrationem, ita & hanc susceptionem Officialibus Iudicum, & in his Proconsulis Africæ, siue adhuc in officio sint, siue iam eo functi, demandari iubet. Et quidem quatuor rationibus hoc munus a Curialibus in Officiales & quidem Proconsulis Africæ in specie *huius l.* transfert *hac l.* Honorius: quarum *due priores*, Curiales respiciunt; *due posteriores*, Officiales: Prima scil. ratio hæc est, Quod id *humile* officium sit, respectu scil. Decurionum, de quorum dignitate dixi semel. Secundo, quod id *extraordinarium* onus sit, quo occupari non oporteat Curiales, ne *publica* alioquin *vacillet utilitas*, id est, ne desertis Curiarum muneribus, & Ciuitatibus, Ciuitatum commoda destituantur, Vrbesque deferantur, quibus Curiales affixos esse oportet, vt pote in quibus & decus & nerui ciuitatum consistant. Contra duplici ratione in Officiales Iudicum hoc munus transferri iubet Honorius.

Primo quod facilius & commodius hoc munus exequi possint Officiales, seu, vt *hac l.* dicitur, *quod eorum ad contuendum cura commodior sit.* Ad *contuendum*, id est, ad inspiciendas, & explorandas vestes quæ conferantur, vt in vsum militarem eæ sint, & commodæ. Quomodo Ambrosius *sermone 4. in Dominic. 2. Aduent. initio, pag. 5. Tom. V.*

*Oper. Edit. Paris. 1614. agens de iis, qui Natalibus Principum accurate sericis vestibus accincti sunt, vel habitum, inquit, contuendo: & Symmachus lib. 6. ep. 81. Contuitum, atque conuictum dixit. Et Augustinus lib. 5. de Genesi ad litteram cap. 16. num. 34. p. 192. Tom. III. Oper. Edit. Benedictin. dixit, contuitum actumque. Ita enim hic locus & defendendus, & explicandus est: Non vt Cod. Iustin. legitur constituendum, nullo sensu: Non etiam vt Cuiacius reponebat II. Obf. 8. consuendum hoc sensu: Cohortaliū esse, quærere qualitatem eorum, qui consuendis vestibus operam commodius daturi sunt. Non vt Ræuardus III. *coniect. 8.* explicat, ad inspiciendum & obseruandum, quoniam milites vestibus indigeant, quasi hic sensus sit: Officialibus huiusmodi curam longe commodiorem esse, propter assiduam præsentiam eorum.*

Ergo sensus est, Officialibus ideo hanc curam iniungendam, quod cum & ipsi milites sint, & militari habitu, de veste militari, vt in ea commoda sit, commodius iudicare possint; *contueri*, est explorare, & quærere qualitatem vestium, vt *hic* dicitur, spectare, probare: quomodo & *Spectatorem* auri pro Susceptore & Ponderatore auri dixit Symmachus *lib. 4. ep. 56.* Nempe vestes etiam militares (vt cætera quæ inferebantur, aurum, equi; de quo ad *leg. vn. supr. de stratorib. & l. vn. supr. de oblat. equor.*) spectabatur, num commodæ essent: Quo pertinet quod statuitur *l. 33. supr. de cursu publ. Tales vestes a prouinciis dirigendas*, (seu a prouincialibus conferendas) quæ priusquam moueantur, (id est, ad limitem transmittantur) *Inspectione Reſtoris prouincie displicere non possint.* Et sic huius loco clarissimum lumen intulisse mihi videor, cui tenebras h. ætenuis iniecere Viri docti, praua emendatione, vel erronea interpretatione. Postrema ratio ab æquitate desumpta est: quia ad Officiales lucella perueniant, ideo & susceptionis damna, seu onus pertinet ad eosdem oportere. Ex quo apparet, ex vestium militarium collatione lucelli aliquid ad Officiales peruenisse.

Vltima *huius leg.* parte exceptio proponitur, nempe eos Curiales ad hoc munus adstringi posse, qui inter Officiales vel militarum, vel militum.

## XXXII. (a) Imp. Theodos. & VALENTINIANVS AA. Volusiano PF. P. (b) Post alia.

**A**V R V M siue argentum cumque (c) a possessore confertur, Arcarius (d) vel Susceptor accipiat: ita vt prouinciæ Moderator eiusque Officiū ad crimen (e) suum nouerit, pertinere, si possessoribus vllum fuerit ex aliqua ponderum iniquitate (f) inlatum dispensdium. Possessori (g) sane securitatem (h) sub designatione titulorum (i) Arcarius vel Susceptor emittat: & quidquid ex prouinciis ad nostrum dirigeretur (k) ærarium, id (l) non solum ad Inlustres Viros ærarii nostri Comites, (m) sed etiam ad Eminentiam Tuam pari relatione deferatur. Contra (n) hæc nostra si quisquam (o) vetito ausu Palatinus audebit, libebit prouinciæ Moderator eundem correptum ad Sublimitatis Tux iudicium sub prosecutione



secutione (p) dirigere: Licebit prouinciali, etsi probatur obnoxius, Palatini contra vetitum exactionem sibi vindicantis temeritatem legitime repellere: Quam si prouincialis pulsare (q) nequiverit, & delata ad Illustres Viros ærarii Comites querimonia, impediens Palatino Officio, non meruerit ultionem, tunc demum licebit Magnificentie Tuz possessorum querelas & probata apud se dispendia vindicare. Dat. III. (r) Kalend. Mart. Rau. Post Conf. Felicis & Tauri VV. CC. [429.]

## NOTAE.

- (a) *L. ult. Cod. Iust. eod. tit.* Iungenda autem huic proculdubio *lex 35. supr. de annona & tributis. GOTHOFR.*  
 (b) Italix scil. cui eidem hoc ipso Anno inferbitur famosa *lex 4. Cod. Iust. de legibus: & Anno superiore 428. lex ult. supr. de Tyronibus. ID.*  
 (c) *Quodcunque, Cod. Iust. An Quandocunque, argum. l. 2. supr. & dist. leg. 35. supr. de annona; & leg. 2. supr. de conlat. fundor. ID.*  
 (d) De Arcario dixi ad l. 14. *supr. ID.*  
 (e) Et discrimen. *ID.*  
 (f) *Iniquitatis* vox hac in re propria: *Iniqua* ita mensuræ apud Persium *Satyr. l. v. 144. & l. 13. §. 8. D. locati.* Iniqua pondera, l. 32. *D. de action. empti. v. Gloss. ID.*  
 (g) Hæc sententia recita a *C. Iust. ID.*  
 (h) Id est, apocham, v. *Gloss. ID.*  
 (i) *V. l. 18. supr. ID.*  
 (k) *D'rigitur, Cod. l. ID.*  
 (l) *Id ad illustres Viros ærarii nostri Comites relatione deferatur. ita Cod. Iust. ID.*  
 (m) Comitem S. L. & Comitem R. P. *ID.*  
 (n) Cætera absunt a *Cod. Iust.* in d. l. ult. Relata vero mutatis nonnullis, in peculiarem legem 5. *Cod. eod. de executorib.* in cuius Inscriptione male *Honorius & Theodosius* inscripti. *ID.*  
 (o) *Quicquam. ID.*  
 (p) De Prosecutione hac, dixi ad l. 5. *supr. de exhib. reis. ID.*  
 (q) Id est repellere, vt *supr. ID.*  
 (r) *XVI. d. l. 35. de annona & tributis. ID.*

## COMMENTARIUS.

**F**ASTIDIO & INIQUITATI Susceptorum circa auri & argenti illationem occurrit hac l. Valentinianus III. Placidie F. quæ pars est prolixioris constitutionis, ex qua desumpta quoque videtur *lex 35. supr. de annona & tributis:* atque adeo huic coniungenda: (pariter vt eorundem fastidio alii Principes aliis constitutionibus occurrerant, & in his Constantinus Magnus l. 2. *supr. hoc tit.* & quæ ei coniungenda est, *leg. 1. infr. de Ponderatoribus:*) Septem in id constitutis.

Primo enim, aurum & argentum suscipi a Susceptore iubet, *cumque*, id a possessore confertur: si *cumque*, pro *quodcunque* (vt habet *C. Iust.*) accipiendum, tum sensus fuerit, aurum & argentum siue in massa, siue in solidis & pecunia oblatum, suscipi oportere: si vero *cumque*, pro *quandocunque* accipiendum, tum sensus fuerit, quocunque tempore, aurum & argentum inferatur, id suscipi oportere: quam interpretationem præferendam puto argument. d. l. 35. *supr. de annona: & l. 2. supr. de conlat. fund. patrim. & l. 2. supr. hoc tit.*

Secundo, si ex Ponderum iniquitate possessori fuerit aliquod dispendium illatum, id ad Rectoris prouinciæ, eiusque Officii discrimen & periculum pertinere vult. Nempe enim vt in singulis ciuitatibus & mansionibus mensuræ & pondera erant, (quod docet *lex 19. 21. supr.*) ita vt essent, ad Rectorum prouinciarum curam pertinebat.

Tertio, *Apochas* a Susceptoribus, possessoribus dari iubet, sub designatione titulorum, id est ita, *Tom. IV.*

vt iis exprimatur, ex qua causa quid illatum fuerit: de quo iam sæpe supra, ac nominatim l. 18.

Quarto, relationem fieri iubet eius, quod ex prouinciis ad ærarium Principis transfertur, non tantum ad Comites S. L. & Comitem R. P. verum etiam ad Præfectum Prætorio. Nempe vt omnis tributorum ratio ad curam Præfecti Prætorio pertinet, quod etiam Zosimus scribit *lib. 2. cap. 33.* ita eum inuigilare oportuit, ne qua fraus circa ea admitteretur: Et vero inuigilare potuit quam facillime, vt pote cum omnis tributorum forma ab ipso procederet: sic vt Translationis modum cum indictionis & adscriptionis modis compararet.

Quinto, *Palatinum* Comitum S. L. vel R. P. aduersus hæc quidquam ausum, & contra vetitum exactionem sibi vindicantem, a Rectore prouinciæ corripere, & ad P. P. transmitti puniendum iubet: de qua transmissione dixi ad l. 5. *supr. de exhib. reis.* Hinc sane quoque apparet, qualem P. P. curæ incubuerit rei tributarie ratio, & vt innocenter ea haberetur. Item hinc & ex duab. proximis sententiis apparet Palatinos Comitum S. L. & Comitum R. P. exactionis tributorum largitionali munere hoc tempore fungi non potuisse, sed Arcarios & Susceptores peculiare fuisse largitionaliu titulorum, quæ ad Principis ærarium deferbantur. Cum tamen aliter id aliquando habuerit, vt docet *lex 18. supr. de exaction.*

Quod & aliis constitutionibus aliter antea definitum fuit, veluti a Theodosio Iun. l. 17. *supr.*

de exactionib. ab Honorio, l. 5. p. sup. de executor. a Valentiniano Iun. l. 10. sup. de Palat. S. L. Ex his tertio apparet, ex hac inquam & postrema sententia, Rectoribus prouinciarum corripiendi tantum Palatinos potestatem datam; at non etiam puniendi.

Sexto Repellendi Palatinorum exactionem sibi vindicantium temeritatem prouincialibus, essi debi-

tores sint, potestatem tribuit hac l. Valentinianus Iun. Qui casus addendus est aliis, quibus se vnicuique sine Iudice vindicare licet.

Postremo, si prouincialis Palatino repellendo impar fuerit, atque ita ab eo exactus fuerit, tunc a Comitibus S. L. & R. P. puniri iubet: quod si factum non fuerit, tum vindictam sumere iubetur P. P.

### XXXIII. (a) Idem AA. Theodosio PF. P. (b)

**A** Byzachena (c) prouincia dudum impetratum fuisse comperimus, vt urbium suariorum (d) Curiales horreorum custodiam curamque susciperent: ideoque sancimus, Proconsularis (e) prouinciæ horreis non præfici Principalem. Dat. XV. Kalend. Mar. Rau. Theodosio XIII. & Valentiniano V. (f) AA. Coss. [430.]

#### NOTAE.

(a) Absit hæc lex a Cod. Iust. velut Temporaria, GOTHOFR. Vide quæ dicta sunt, de hac lege ad legem 185. sup. de Decurionib. not. a in fin. RITTER.

(b) Italiz: in qua Præfectura Prætoriana fuit Byzacena. GOTHOFR.

(c) Byzacena: in qua Hadrumetum. ID.

(d) γρ. Suarum, vt ad margin. notatum a Cuiacio. ID.

(e) Africa. ID.

(f) γρ. ILLID.

R. 563.

#### COMMENTARIUS.

**P**RÆPOSITI horreorum (de quibus agitur & leg. 5. 8. 16. 24. sup. hoc tit. & l. 49. sup. de Decur. & l. 1. sup. de erog. mil. annona:) ex quonam hominum genere creari debeant hac Valentiniani Tertii leg. definitur. Nempe alibi ex Curialibus, alibi non item: sane & anteriores constitutiones variatum hac in re quoque docent: nam ex Curialibus creatos docet quoque d. lex 5. & 24. sup. Ex præfidi officio d. lex 5. Ergo & hac quoque lex eandem varietatem ostendit: & quidem intra eandem Africæ diocesim, scilicet Byzacenæ prouinciæ, id iam olim concessum singulari priuilegio, relinquit Valentinianus Tertius, vt urbium suarum Curiales seu Principales Præpositi horreorum essent: Atenim Proconsulari prouinciæ, id est, Africæ proconsulari, id denegat hac l.

Et hæc quidem est huius leg. sententia, qua oppositio fit Byzacenæ prouinciæ, & Proconsularis prouinciæ, id est, Africæ (sola enim Africa Proconsularis in Africæ diocesi fuit; Byzacena vero Consularis tantum, vt docet quoque Notitia Imperii fol. 154. hoc ipso tempore conscripta.) Atque ita apparet, perperam hic Negatiuam a nonnullis insertam, ne urbium suarum, nisi putemus loco Proconsularis prouinciæ, legendum hic Consularis prouinciæ.

Cur autem Curiales seu Principales (excepta Byzacena) præpositos horreorum fieri noluerit Valentinianus hac l.

Puto, propter Principalium potentiam, quibus deprædandi facultas suppetebat: de quo etiam Saluiani querela est: Eodemque pertinet lex 73. sup. de Decurionib.



## DE PONDERATORIBVS ET AVRI INLATIONE.

### TITVLVS VII.

LIB. X. COD. IVST. TIT. LXXI.

#### PARATITLON.

**P**ONDERATORES duum generum hoc titulo memorantur. Prius eorum qui lidem sunt cum Susceptoribus, qui scil. aurum quod a collatoribus inferebatur, appendebant: quibus appendendi forma præscribitur l. 1. b. 1. Alterum eorum qui Græcis ζυγογράται, qui scil. per singulas ciuitates constituti, vt exortas de solidis contentiones dirimerent: l. 2. b. 1.

2. De AVRI INLATIONE, quot solidi in libram computari debeant? est *d. lex 1. h. t.* & in qua re fieri possit, est eadem *lex 1. & lex ult. hoc tit.*

# I. (a) Imp. CONSTANTINVS A. ad Eufraxium Rationalem (b) trium (c) Prouinciarum.

**S**i quis (d) solidos appendere (e) voluerit auri \* cocti, septem (f) solidos quaternorum scrupulorum nostris vultibus figuratos (g) adpendat pro singulis vnciis, quatuordecim vero pro duabus, iuxta hanc formam omnem summam debiri (h) inlaturus. Eadem ratione seruanda, & si materiam (i) quis inferat, vt solidos dedisse videatur. Aurum \*\* vero quod inferitur, æqua lance & libramentis paribus suscipiatur: scilicet, (k) vt duobus (l) digitis summitas lini retineatur, tres reliqui liberi ad Susceptorum emineant, nec pondera deprimant, (m) nullo examinis libramento seruato, nec (n) æquis ac paribus suspensio stare momenti; & cetera. PP. (o) XIV. Kal. Aug. Paulino & Iuliano Coss. [325.]

P. 564.

## NOTAE.

- (a) Abest prior *huius l.* pars a *Cod. Iust.* Iungenda autem ei *lex 2. supr. de Susceptoribus. GOTHOFR.*  
 (b) *Rationali* hæc *lex* inscribitur, quia agitur de illatione auri ad rem priuatam Principis pertinentis. *ID.*  
 (c) Id est, Siciliæ, Sardinie, Corsicæ: de quo ad *d. l. 2. plenius. ID.*  
 (d) Collator, tributarius *ID.*  
 (e) Id est, dependere, soluere, præstare. *ID.*  
 \* Asteriscus hic abundat, mox vt ostendam. *ID.*  
 (f) *Sex*, Pancirolus *l. var. 66. p. 127. Edit. Lugd. 1617.* male, quem sequitur tamen Sauotus *p. 178. ID.*  
 (g) V. quæ dixi ad *l. 1. supr. de vobis. aris, & Gloss. ID.*  
 (h) Id est, tributis, v. *Gloss. ID.*  
 (i) Id est, massam auri: de quo *mox. ID.*  
 \*\* *Lex 1. Cod. Iust. eod. tit.* hinc & ex *vers. eadem supr.* interpolata est *ID.*  
 (k) Sequentia absunt a *C. Iust. ID.*  
 (l) Ita mos olim thus in acerram iniiciendi. Duobus digitulis: Hieronymus ad *Heliodor.* summis digitis: Lactantius *lib. 1. c. 10.* eminalis digitis: Prudentius *Peri Stephan. hym. 3. v. 21. ID.*  
 (m) *Deprimat*, Susceptor scilicet. *ID.*  
 (n) Cironius *IV. Obseru. iur. Can. c. 5.* emendat *sed.* Alias, inquit, non constaret sensus: imo vox *nec* hic retinenda: nempe relate ad vocem *nec*, sup. & vocem, *nullo. ID.*  
 (o) *Dat. d. 1. 2.* Est qui *hanc l.* tanquam *Antiochia* latam laudat, male. Constantinus M. hoc tempore in Bithynia fuit, vel Niceæ, vel Nicomedie, *ID.*

## COMMENTARIVS.

**D**E AVRI illatione & susceptione eiusque forma, est hæc Constantini M. *lex*: Quæ pars est prolixioris Constantianæ constitutionis ad Rationalem trium prouinciarum (id est, Siciliæ, Sardinie, Corsicæ: vnde desumpta quoque est *lex 2. supr. de Susceptoribus*, huic proinde coassanda:) qua in vniuersum de *Auri illationis forma*, eiusque susceptione egit, pro prouincialium seu collatorum vtilitate, aduersus Sulceptorum tum fastidium, tum fraudes: Quo pertinent quinque capita quæ *his duabus legibus* continentur: nempe duo capita *dicta lege 2. supr. de Susceptoribus*: tria vero *hac lege*. Duo illa sunt, de Massali solutione admittenda ab vno diuersorum fundorum nomine, item de solutione quocumque tempore admittenda, absque omni mora. Tria vero *huius l.* capita sunt, 1. de Æstimatione solidi, eiusque proportionem ad libram: 2. de libertate solidorum vel materiæ auri soluendæ: 3. de iusta tandem eius ponderatione. De singulis ordine.

Primo igitur *huius l.* capite, quod a *Cod. Iust.* abest propter immutatam libræ solidorumque æstimationem, Constantinus M. *Solidos septem* auri cocti quatuor scrupulorum, pro singulis vnciis, quatuor-

decim pro duabus inferri seu dependi vult, & sic, (duodecim enim vnciæ libram efficiunt) octoginta quatuor solidos in libram auri computari seu libram auri efficere. Quomodo sane totidem argenteorum, (84. inquam) argenti libra vetus Romana erat teste Plinio, *lib. 33. c. 9.* & Celso, in *Ep. ad Natalem*: & *lib. 5. c. 17.* vbi pariter ait, in *uncia pondus denariorum septem esse*.

Et ita quidem nunc Constantinus Magnus ea causam quam mox dicam: Vt proinde Pancirolus, & post eum Sauotus *Part. 3. c. 17. p. 178.* hunc locum emendare non debuerint, & pro septem, sex: pro quatuordecim, duodecim reponere. At postea Valentinianus Senior aucto iam auri pretio 72. solidos in libram auri accepto ferri voluit *leg. 13. supr. de Susceptoribus*: quod etiam probauit Honorius *leg. vnic. supr. de oblation. vtorum*: de quo ad *eam leg. vnic.* plenissime, vbi & *legem 2. Cod. Iustinian. de veteris numismat. pot.* eodem pertinere ostendi, locumque ex Marcellini actis tum produxi, tum emendavi: & terapud eduxi, quo id ita a Valentiniano constitutum. Porro tria in his solidis requirit, vel præsupponit Constantinus.

*Primo*, ut sint solidi *Auricosti*, id est, solidi obryziaci, auri puri, ad obrussam; de quo ad d. l. *vn. supr. de oblat. votorum*.

*Secundo* requirit, ut solidi sint Quaternorum Scriptulorum. Ita sane denarius vetus quatuor Scriptulorum fuit: teste Varrone, 3. *Annal.* apud Charisium inter *Grammaticos Putschii* pag. 81. Nummus argenteus quatuor Scriptulis fuit maior quam nunc. Ita enim legendus ille locus. Cleopatras in *Appendice Thes. Græc. Lingu.* pag. 219. τὸ δυνάμιον ἔχει γράμματα δ'.

Ergo ex hac leg. apparet, in vncia auri fuisse tum Scriptulos 28. non ut postea, viginti quatuor: Quod Sanoius tamen negabat, (Et id tamen adhuc probatur ex l. 3. & 12. *supr. de metallis*;) atque ideo hanc legem cum Pancirolo, ut dixi emendabat *Part. 3. cap. 17.* vide eundem *cap. 23. pag. 232. 233.* De scriptulis interea exactis in solidis, est quoque locus in Pseudoplati Comœdia Querolo: *Quid tam simile quam solidus solido? Etiam hic distantia queritur in auro, vultus, ætas & color, nobilitas, literatura, patria, grauitas, atque ad scriptulos queritur in auro plus quam in homine.*

*Tertio* requirit Constantinus Magnus, ut sint figurati suo vultu: In genere equidem iam egi de vultibus Principum & Iconio nummis impresso ad leg. *unicam, si quis solidi circulum*: Sed aut aliorum Principum vultibus figuratos solidos non adinuerit Constantinus Magnus? An vero aliud pretium aliorum ante se Principum solidis dederit, aliud vero suis? Hoc existimem. Nempe antea maioris modo, modo minoris numeri fuerunt, neque stato pondere, id est alio atque alio, sic ut certo solidorum numero libra nondum constaret: & minore tamen semper: quandoquidem maiores aurei tunc erant: At Constantinus Magnus hac leg. deinceps statum solidorum numerum esse voluit cusa a se moneta aurea, *stata*, seu solidis aureis certo numero & minore pondere, sic ut 84. librarum efficerent.

*Secundo* huius l. capite Constantinus M. arbitrium dat collatoribus loco solidorum *Materiam* auri scilicet inferendi: id est rudem materiam, massam auri, aurum infectum, auro signato & solidis oppositum: id enim vt b. l. ita & l. 3. *infr. b. t.* Materia dicitur. Quo etiam sensu *obryze materis* dicitur l. 12. *supr. de Susceptoribus*. Imo & Lampridius in *Alexandro Severo cap. 39.* cum ait; *formas binarias, ternarias & quaternarias, & denarias et 365 iam, atque amplius usque ad bilibres quoque & Centenarias, (id est Nummos solidorum duorum, trium, quatuor, decem, centum,)* quas Heliogabalus inuenerat, *Alexandrum resoluissè præcepisse, neque in usu cuiusquam versari, atque ex eo his Materia nomen inditum*: Quia scilicet materiam potius referrent: quam nummum qui in conuersatione esset. Quem locum nondum ceperunt Interpretes alioquin clarissimi. Ergo arbitrium datum b. l. a Constantino Magno vel solidorum dandorum, vel materis. Quod & ipsa Valentiniiano Sen. constitutum dicit. l. 13. *supr. de Susceptorib.* vide etiam l. ult. b. t. ubi dicitur.

Postremo huius l. capite Constantinus M. ad collatorum seu provincialium indemnitate, formam seu modum *Ponderandi* auri a Susceptore, ne

collatori fraudem faceret eleganter præscribit. Nempe, quia Susceptores inter alias fraudes trutinam tenentes, ut minus id quod inferebatur, videretur, pondera sæpe deprimebant, trutinam inclinabant, ut ait Symmachus, lib. 4. *epist. 56.* ut propenderet in alterutram partem, digito forte percutientes, seu commouentes, quod *παρασαλεύειν* Græci dicunt, ut Chrysostomus in *posteriore ad Timotheum homil. 5. in ἡθικῇ*, pag. 1654. Edit. Commelin. ὁ ζυγὸς εἰς ἑξὶν παρασαλευομένην τὴν πλάστιγα, ὃ κερὶ δικαίως τὰ σαθρὰ περιφρονέμενος: sicut enim statera, si lancem loco motam habeat, pondera iuste non indicat. Quare huic fraudi occurrit hac l. Constantinus M. ubi multa ad statheticam & staterem pertinentia occurrunt. Nam & *Staterem* memorat, & *Lancem*, & *Examen*, & *Linum*, eiusque summitem, & *Pondera*. Iam quod ipsum ponderandi actum attinet, *suspensum staterem* memorat, *equam lancem*, *libramenta paria*, *aqua ac paria momenta*. Quæ nil attinet nunc pluribus aliunde illustrare. Illud enim hæcenus hic spectare iuuat, quæ Constantinus hac l. præstituit, ne iniquo pondere collator grauetur. Prius tamen illud monendum; Agi hic de statera duabus lancibus non de statera, quæ vnâ tantum lancem habebat, quod Cuiacius credidit; seu de *Libra ponderaria*, quæ etiamnum *libra Romana* audit, *la Romaine*, ou *Crouchet*: qua ponderantur ea, in quibus plus minusue paulo erretur, non multum interest: resque inercalæ, quæ ad pondus non ad lancem explorantur. Cuius vna tantum lantæ est, stater *μονοπλάστιγξ*, quæ scapum seu hastam habet punctis distinctam, & quæ cum aliquid appendimus æquipondium per scapum tamdiu ducimus, & per puncta percurrimus, donec steterit examen *ἀκλυνῆς*, & sub ansa lateat: Quod Latini dicunt *compescere examen certo puncto*. Persius *Satyra V. v. 100.*

*Diluis belleborum, certo compescere puncto Nescius examen.*

*Castigare examen, Idem Satyra I. v. 20.*

*Examenue improbum in illa*

*Castiges trutina.*

Vbi vetus schol. *Examen est lingua, vel lignum, quod mediam hastam ad pondera adequanda tenet. Castigare autem est digito libram percurrere, ut temperetur & præ agitatione post æquum conquietat. Trutina vero, quod & stateri, de qua hac l. agitur commune est, est foramen, intra quod est ligula de qua examinatio est. De hac est hic Cornuti locus ad Persium *Satyr. I. v. 21.* quo ait, *trutinam esse foramen, intra quod est lingua bilancis, ad quod est examinatio & æquilibrium*. Cassianus *collat. 23. c. 5.* Cum e contrario theoricæ bonum inde pensaret, ac velut in vna lance tantum laborum profectum, in altera delectationem diuinæ contemplationis appenderet, diu examine pectoris sui quodammodo castigato. Claudianus in *Stiliconem lib. 1. v. 74.* alulit:*

— per castra per vrbes

*Per populos animi cunctantis libra cucurrit.*

Vitruuius *libr. 10. c. 8.* Id autem ex *Trutinis*, quæ *STATERÆ* dicuntur licet considerare. Cum enim ansa

ansa proprius caput, unde lancula pendet, (ubi ut centrum est collocata.) & equipondium in alteram partem scapi per puncta vagando, quo longius, aut etiam ad extremum perducitur, paulo, etiam pari pondere amplissimam pensionem parem perficit, per scapi librationem & examinationem longius a centro recedentem. Videndus & Aristoteles *Question. Mechan. 20.* Cum itaque steterit examen ἀλυσ, ισορροπία Græcis dicitur, παρὰ ἄλλων, quod in Glos- sis Interpondium, σήκωμα, Sacoma, quam vocem retinet Vitruuius lib. 9. cap. 3. æquatum examen Vir- gilio, ult. *Æneid. v. 725.* Equato examine lances. Æqua ac paria momenta; item, examinis libramen- tum, item, æqua lanx & libramenta paria; h. l. æqui- librium, æquamentum, Festo & Nonio cap. 1. n. u. & 28. quam vocem restituo & l. 52. §. 2. D. pro socio. Nam & exæquandi vox in iudicio societatis propria, l. 63. §. 5. eod. tit. Contra pessumdare in stathmeti- ca erat, quod dicitur hic pondera deprimere, cum pon- dus lancem degrauat, εἰς τὴν τριχῶν, Hip- ponacti in epigrammate, id est ἐπὶ τριχῶν, Tresbu- chans: translatione a nauibus, quæ εἰς ἑκάστην τριχῶν procumbunt, prout læua siue dextra, ut Catullus lo- quitur, spirat aura. Hoc Polluci Onomast. lib. 1. c. 9. Segm. 114. pag. 78. Edit. Hemsterhuis. διατορχῶν & ἀνατορχῶν dicitur. Recentes Græci πλάγιάζον dicunt: Iuuenalis dixit, alternum latus, Satyr. 12. v. 31. ubi Glossæ, latus dabat nauis, id est, δι- τορχῶν.

Nunc ad huius leg. sententiam redeamus. Er- go Constantinus Imp. hac leg. inter cætera, quibus collatorum indemnitate & vtilitati consultum iuit integra constitutione sua, vnde hac lex desumpta est, iustam quoque ponderandi, ne cui frâus fieret in statere, au tresbuchet, ou balance, rationem seu formam hanc primum in genere præstituit, ut aurum æqua lance & libramentis paribus fuscipia- tur. Hoc in genere, quod vnum retinuit Tribonia- nus. Atenim specialius adhuc hac l. Constantinus formam præscribit, quomodo id fieri debeat, seu ἰσοσταθυσία tenenda.

Primo constituit ut summitas lini retineatur, le cordon attaché au bout de la boucle, non vero an- sa, le bout de la chassé.

Secundo, ut duobus digitis tantum summitas lini retineatur.

Tertio, ut tres reliqui digiti liberi ad suscepto- rem emineant, ne alioquin ab eo pondera depriman- tur arte aliqua, non seruato examinis libramento, nec æquis ac paribus suspensa statera momentis. Quæ sane accurata ponderandi ratio tum æqua tum necessaria visa, ut Constantinus, pro suo in tribu- tarios & prouinciales studio, eorumque indemnita- ti consulturus, hanc super eo constitutionem edere voluerit, eamque quam dixi rationem præ- scribere.

P. 566.

## II. (a) Imp. IVLIANVS A. ad Mamertinum PF. P. (b)

**E**MPTIO venditioque solidorum, quos excidunt, (c) aut deminuunt, aut (ut proprio verbo utar cupiditatis) (d) adrodunt, (e) tanquam leues eos vel debiles nonnullis re- pudianibus, impeditur: Ideoque placet, quem sermo Græcus appellat, per singulas ci- uitates, constitui *Zygostaten*, qui pro sua fide atque industria, neque fallat neque fallatur ut ad eius arbitrium atque ad eius fidem, si qua inter vendentem emptoremque in soli- dis exorta fuerit contentio, dirimatur. Dat. (f) IX. Kal. Mai, Salonæ, (g) Iuliano A. IV. & Sallustio Coss. [363.]

### NOTAE.

- (a) L. 2. *Cod. Inst. eod. tit.* hinc interpolata est, sublata omni memoria emptiois solidorum. *GOTHOFR.*  
(b) Illyrici: ut expresse testatur Amm. Marcell. in *gestis Anni superioris* 362. lib. 21. cap. 12. vid. & lib. 26. c. 5. hinc & da- ta hæc lex, id est, *Reddita Salonæ*: de quo mox. *ID.*  
(c) Nonnulli monetæ arrofores. *ID.*  
(d) Auaritiæ. *ID.*  
(e) Vid. quæ scripsi ad l. vn. sup. si quis solidi circulum. *ID.*  
(f) *Data*, pro *Reddita*: hoc enim tempore Iulianus bello Persico illigatus erat. vid. *Chronicum Theodof. ID.*  
(g) *Salonæ* vrbs Dalmatiæ in Illyrico, cui Illyrico præfuisse Mamertinum, ostendi ad *inscript. legis. ID.*

### COMMENTARIVS.

**Z**YGOSTATEN, (pro quo miseri Interpretes *Nycostratem* ioculari interpretatione suppone- bant) qui inter priuatos contrahentes, einentes, ven- dentes, controuersias dirimat, per singulas ciuita- tes constitui iubet Iulianus Imp. *Zygostata* scil. in id publice constituti, ut nummos probarent, de quibus etiam Iustinianus *Edicto u.* ex quo Edicto & illud discere licet, signa ponderum ab his nummis im- pressa fuisse. Aliud vero (quod proximum tamen huic) *Zygostasia* munus est, (de quo *h. l. de frum.*

*Alexandr.*) occupatum Alexandria in admetiendo frumento, pondere & quantitate eius exigendis, cum quibus comparandi veniunt *μετρεσόμενοι*, qui Atheniserant XV. quorum quinque in Pyraeo, quin- decim in vrbe curabant, ut mensuræ iustæ essent, te- ste *Harpocratiōne in Lex. voc. μετρεσόμενοι*. Ad hoc *Zygostatas* etiam perperam a Cuiacio refertur Sy- nefii locus, ex *Ep. eius ad fratrem* 127. *ὡς ἀπὸ τῆς με- τρώσεως, ὡς ἐξ ὕψους ἀπὸ τῆς κατασκευῆς τοῦ δη- μόσια σφραγίδι τὸ χρυσίου: ubi enumerauerunt, ubi*



ubi appenderunt, ubi denique publico sigillo aurum obfignauerunt. Est enim locus ille, de obfignatione pecuniæ publico debite, ponderatæ, & in sacculo reconditæ. Denique de *ζυγοστάσι* in genere in stathmetica varia loca occurrunt: *ζυγοστάσι* nempe erat rei pondus cum sacomate æquare, vel duas res pares inter se facere, quod venuste ad alia translatum: ad bellica & politica quoque consilia & libramenta. Ergo *Ζυγοστάτην* per singulas ciuitates, qui priuatorum super nummis controuersias tollat, constitui voluit Iulianus: cum olim probandæ pecuniæ a priuatis ad Trapezitas *ἀργυραγοικῆς*, seu nummularios iretur, vt probat *lex 39. D. de solutionibus*: & Apuleius *lib. 10. pag. 195. Edit. Lugd. B. apud Ioan. Maire.* item Hieronymus *aduersus Rufinum lib. 1. pag. 137. Tom. II. Oper. Edit. Francf. apud Christ. Genscb.* de quo *ἐξέτασµὴ ἀργυραγοικῆς* in genere est & Clementis Alexandrini locus *lib. 6. Stromat. c. 2.* & Luciani *de conscrib. histor. pag. 608. Tom. I. Oper. Edit. Grauii.* Instituti autem hi *Ζυγοστάται* a Iuliano propter frequentes controuersias, quæ tum incidebant inter contrahentes super aureis seu solidis: eo quod multi leues & debiles tum circumferrentur, nempe excisi, deminuti aut adrosi, quos & ideo nonnulli repudiabant. Ita sc. obseruo, a Constantini M. potissimum temporibus excisam aut deminutam vel adrosam pecuniam auream (quo pertinet Constantini M. *lex vn. sup. si quis solidi circum-*) utpote crescente auri pretio & enormitate (vt testatur Symmach. *lib. 10. ep. 42.* sub Valentiniano Iun.) & cupiditate, quod etiam Auctor vetustus subditus *Notitiæ Imperii* disertè scribit & queritur, *c. 2.* Inde igitur & auri pretium actum, atque adeo libra auri ad pauciores solidos redacta mox a Valentiniano Sen. quadriennio post *hanc leg.* de quo dixi plene ad *l. vn. sup. de oblat. votorum*: & ad *l. 1. sup. h. t.* Hinc illa iam inter contrahentes, ementes & vendentes difficultas, (ob quam *Ζυγοστάτην* publice per singulas ciuitates constitui voluit Iulianus, qui scil. eas dirimeret:) Cui similem difficultatem memorat Auctor *Notitiæ* subditus *c. 3. Inter damna Reipub. non ferenda, solidorum figura aliquantum fraudibus deprauata, diuersa populos ratione*

*solicitat.* & Regia maiestatis imaginem dum per moneta culpam refutatur, imminuit: Ementis enim eundem solidum fraudulenta calliditas, & vendentis damnoſa necessitas difficultatem quandam ipsis contractibus intulerunt, ne rebus posset interesse simplicitas.

De more porro emendorum, vendendorum solidorum hac ætate, præter *hanc l.* & superiorem illum Auctoris *Notitiæ* subditi locum, est & *d. lex vn. sup. si quis solidi circum-* & *Nouella Valentiniani inter Theodosianas 25. de pret. solidi.* Et Symmachi locus, *d. lib. 10. ep. 42. vendendis solidis,* quos plerumque publicus vsus exposcit collectariorum corpus obnoxium est, quibus arca vinaria statutum pretium sumministrat. Ex quo loco discimus quoque, certum Corpus Nummulariorum fuisse, qui Collectarii dicebantur, qui sc. auream pecuniam colligebant, eamque cupientibus vendebant: de quibus Collectarii est quoque *lex Honorii 16. C. iust. si certum pet. & d. Nouella Valentiniani 25.* & Acronis locus in *Horat. 1. Satyra 6. v. 63. Rufini lib. 5. c. ult. & Augustini de mirac. S. Stephani lib. 22. de ciuit. Dei cap. 8. Suidæ, & Glossarum Palæmonis*: de quo plene ad *d. l. vn. sup. si quis solidi circum-*

Imo ex eodem Symmacho, & *d. Nouell. Valent. 25.* discimus, pretium publice positum solido, quo maius exigere Collectarii non possent, auctumque subinde, prout in foro rerum venalium au-<sup>P. 367.</sup>gebatur.

Obseruandum interea *hanc l.* Iuliani ingenium redolere, Ieronis Græculi, vt olim vocabatur, teste Amm. Marcell. *lib. 17. cap. 11.* quo pertinet illa, quos *excidunt aut deminuunt, aut (vt proprio verbo utar cupiditatis) adrodunt*: item illa, quem *SERMO GRÆCVS appellat Ζυγοστάτην.* Item illa *l. 1. sup. de domestic. ad plurimos suos & terminer:* vbi dixi. In eodem centu quoque pono cognitionis eiusdem seu sententiæ formulam Græcam in *l. 5. sup. de fide testium.* Sane vetus Imperatorum mos ille iam hoc tempore exoleuerat, quo Græcis verbis abstinendum sibi putabant in Orationibus & Decretis suis.

### III. (a) Impp. VALENTINIANVS & Valens AA. ad Dracontium. (b)

SI quid ex proscriptionibus vel condemnationibus (c) deſcitur, si quid ex ceteris titulis, (d) qui annui atque ſolemnes (e) ſunt, vel veteres vel (f) recentes, aut (g) pecularis in ſingulis, aut certa per paucos, aut vniformis in cunctos, cogit (h) indiſtio, (i) non in materia (k) conſeratur, ſed ſub condicionalium (l) oculis ac periculis, diu multumque ſammæ edacis (m) examine in ea obryza (n) detinetur, (o) quemadmodum (p) pura videatur. (q) Dat. Prid. Non. Aug. Nemaſia, (r) Poſt conſſ. Gratiani N. P. & Dagalaifi Coſs. [367.]

#### NOTAE.

(a) Abest hæc *lex a Cod. Iust. GOTHOF.*

(b) *Dracontius* hic fuit Vic. Afric. A. 364. 365, imo & hoc Anno 367. menſe Aprili, vt docet *lex 4. inf. de præd. nauicul.* Obſtare tantum videatur *lex 16. sup. de annona & tribut.* quæ cum ad eundem *Dracontium* data ſit, data dicitur *Nicomedia*, Bithyniæ ſc. Verum ad eam *legem* in id inquiri. *ID.*

- (c) *Condemnationib;* id est, multis. v. *Gloss. ID.*  
 (d) *Titulis*, id est, causis tributorum: vid. *Gloss. ID.*  
 (e) *Solennes*, id est, ordinarii, canonici. v. *Gloss. ID.*  
 (f) Nota titulos ordinarios canonicos, alios veteres, alios recentes. Nempe recentes quidam tituli seu collationes, induta indicataque fuerant. *ID.*  
 (g) *Aut si quid. ID.*  
 (h) *Cogit*: Vid. *leg. 1. inf. de auri publ. prosecutor. vbi dico. ID.*  
 (i) Cuius tres interim species hic observandæ. *ID.*  
 (k) Non purgata. Nisi malimus hic ita reponere, *hoc in materia. ID.*  
 (l) *Conditionales*: de his dixi ad l. 5. *sup. de iure fisci*: & ad l. 3. *sup. de Numerariis, ID.*  
 (m) *Edax flamma*. Virgil. *IL. En. v. 758.*

*Illicet ignis edax summa ad fastigia, vento  
 Voluitur, exuperans flamma, fuerit æstus ad auras. ID.*

- (n) De obryza, & de hoc proinde loco dixi ad l. vn. *sup. de oblat. votor. ID.*  
 (o) *yp. Detineatur. ID.*  
 (p) Id est, ut ea ratione, modoque. *ID.*  
 (q) Sit, & euadat. *ID.*  
 (r) De *Nemasia* hac mox. *ID.*

## COMMENTARIVS.

**D**E AVARI illatione est hæc Valentiniani Sen. Constitutio: cuiusmodi inquam, seu quale Aurum conferri debeat: Idque in omni collationum genere, siue ex bonorum proscriptioe; siue multæ nomine aurum exigatur; siue canonici & ordinarii tributino nomine; siue ob extraordinariam indicationem. Hæc quatuor scilicet auri fisco inferendi causæ sunt; eaque proinde prima illationum & debitorum fiscalium diuisio, a causa, cuius nomine ea fit, desumpta notanda est; vel inquam ea debentur & inferuntur ex Proscriptioe bonorum, vel Multæ nomine, de quo est quoque Synesii ep. 127. vbi agit de Euthalio Lydia Præside, a Rufino PP. quindecim libris auri multato: qui que insigni impostura duobus marsupiiis confectis, in quorum altero æreos nummos condiderat, in altero vero aureos, id quod æreis plenum erat loco aureorum subiecit: vel ob Canonicos titulos, id est solemnæ pensitatione tributorum; vel denique Extraordinaria Indictionis nomine. Quæ prima, ut dixi, illationum diuisio hic proponitur. Altera desumpta est a diuersitate personarum & modi: Nempe alia peculiaris est in singulos, alia certa per paucos, alia denique vniformis in cunctos. *Peculiaris in singulos*, nempe adscriptione facta pro modo possessionis cuiusque. *Certa per paucos*, puta Honoratos, Senatores, Decuriones, Negotiatores. *Vniformis in cunctos*, nulla possessionis, vel dignitatis ratione habita, aut professionis.

Ergo his omnibus casibus Valentinianus Sen. aurum fisco inferri non vult in *Materia*, id est, in materia impura, non obryza. *Materia* sc. cum alias omnem auri massam significet, ut *leg. 1. sup. h. t.* vbi dixi; hic significat impuram, cui opponitur *hac leg. & l. 4. inf. de auro coron.* obryza: de qua semel plene dixi ad *leg. vn. sup. de oblat. votor.* vel ex *hac sane lege* apparet, obryzam esse examen auri quod per ignem fit, diu multumque donec id purum vndique appareat. Quid igitur? Prius materiam flammæ edacis examine in obryza detineri iubet Imp. ut puta sit: idque fieri sub Conditionalium oculis ac periculis vbi Conditionales sunt Ministeriales publici, qui varia ministeria præbe-

bant publico; & inter alia, nummis, auroque flando, probando; de quibus Conditionalibus dixi plene ad *leg. 5. sup. de iur. fisci*: & l. 3. *sup. de Numerar.*

Id vero ab Imp. *huius leg.* Authore constitutum puto, ne, quod solebant, *Spectatores*, qui auri materiam illatam spectabant, probabant, (qua *Spectatoris* voce Symmachus quoque vitur loco, quem mox apponam) incrementi nomine propter obryzam aliquid exigenter, eoque nomine prouinciales concuterent: de quo incremento obryzæ nomine, sunt *duæ leges*, hoc C. puta *lex 2. sup. de Susceptor.* & *lex 4. infr. de auro coronar.* qua etiam id incrementum obryzæ duodecim annis post *hanc leg.* in auri coronarii oblatione sublatum. Eoque etiam pertinet quod Symmachus scribit *lib. 4. epist. 56.* (procul dubio ad Gratianum A.) *Flanda monetæ nequitiam decoquit larga purgatio*: Nullo iam prouincialis auri incremento trutinam *Spectator* inclinaret: neque dubito Symmachum de *hac ipsa lege* ibi cogitasse.

Et hæc quidem ad *huius l.* sententiam sufficiant: quæ & eo quoque nomine singularis est ob subscriptum *Nemasia* nomen, cuius nulla alibi, quod sciam mentio occurrit. Nos vbi ea fuerit, inquiramus. Igitur sub Valentiniani Sen. non sub Valentis, Imperio fuisse ostendit *Dracontius*, ad quem *hac lex* data est: quem utique Vicarium Africæ fuisse iam in *Notis* ostendimus. Valentiniani tantum itinera hic nobis prosequenda sunt. Igitur in Galliis hoc Anno Valentinianum constituisse docet huius Anni *Chronologia*, & quidem *Remis*, vbi mense adhuc Iunio erat, ut docet *lex 5. infr. de censu*: tum *Ambianis*: quod de Ambianis docet subscriptio *legis vn. sup. de ingratis liberis*: idque mense Augusto proximo, post *hanc leg.* Hæc *lex* data est mense Iulio, qui medius est inter Iunium & Augustum; quare & *Nemasia* hæc inter *Remos* & *Ambianos* medio loco posita fuerit necesse est: & vero locus ille hodie vocatur *Nemay*, haud procul *Remis*, & inter medius *Remis* *Ambianos* pergenti: quo sane perrexit hoc tempore Valentinianus, ea quam eurrant de causa, ad *leg. vn. sup. de ingratis.*

# DE AVRI PVBLCI PROSECUTORIBVS.

## T I T V L V S VIII.

### LIB. X. COD. IVST. TIT. LXXII.

*De Auri Publici Persecutoribus.*

*De Reorum prosecutione, dixi ad legem 5. supra de exhibend. reis.*

*De Animalium persecutoribus, vide tit. ne operæ a conlat. exig. & leg. 2. supr. de Tractor. & statuis: & leg. 2. infra de venat. ferar.*

*De Frumenti persecutoribus, id est, Nauiculariis, dixi ad leg. 4. infr. de Naufrag. & ad leg. 33. infr. de Nauicular. quæ iungenda est legi vn. hoc tit.*

*De specierum argenti aurique persecutoribus, l. 18. 40. 47. 48. supr. de cursu publ. deque iis plene Paratitlo de Annona & tribut. & tit. de excoct. & transl. annon.*

*Du Port, voicture des deniers à l'Espagne. vide Cod. Henry, 12. tit. 24. des Clercs conducteurs des deniers, art. 1.*

## I. (a) Impp. Honor. & THEOD. AA. Anthemio PF. P. (b)

**A**VRI persecutores, (c) partim nulla præmissa (vr adsolet) persecutoria, aurum præsumunt (d), partim diutius retentant (e) quod statim fuerat assignandum. Ideoque censemus, (f) ne quis absque præcepto Viri Inlustri Comitis sacrarum largitionum, vel coquendum (g) aurum sumat, vel capiat (h) deinceps retinendum. Data XIII. (i) Kalend. August. (k) Honorio VIII. & Theod. III. AA. COSS. [409.]

### NOTAE.

(a) Lex 1. Cod. Iust. cod. tit. Iungenda autem huic legi, lex 33. infr. de Nauicular. & lex 2. Cod. Iust. de off. Ciuil. Iudicis, GOTHOFR.

(b) Orientis: de quo iam sæpe. Ad eum scripsit Synesius, v. *Prosopogr.* ID.

(c) Persecutores, & mox persecutoria, vulg. Cod. I. ID.

(d) Præsumunt persequi, Cod. I. ID.

(e) Retentare, est detinere, vid. *Gloss. Theod.* ID.

8569. (f) Id est, iubemus. ID.

(g) Ita quoque habet C. Iust. sed repono *coquendum*: de quo mox. ID.

(h) Accipiat. ID.

(i) Ita quoque d. l. 2. At d. l. 33. XIV. ID.

(k) Constantinop. add. d. l. 33. & d. l. 2. ID.

### COMMENTARIUS.

**D**E PROSECUTORIBVS auri est hæc vnica hoc titulo Theodosii Iun. Constitutio: de quibus tamen sunt aliz hõc Cod. leges plures, puta Constantini M. lex 2. infr. de Iudic. Valentiniani Sen. lex 18. supr. de cursu publ. & l. 12. supr. de Susceptor. Theodosii M. lex 40. 47. 48. supr. de cursu publ. lex ult. sup. de his qui cum dispens. Honorii lex 161. supr. de Decur. & sic in vniuersum nouem hoc Cod. constitutiones. Est & Libanii locus orat. pro Aristophane; p. 213. Edit. Morell. ὁ δὲ, ὃν ἡδὴ γεγαυῖσθαι &c. τῆς δὲ δοκῆσθαι διακονῆν, μετὰ ἀμαζῶν χειρῶν ἀγροῶν ἀπικνεύων: alter ille cum iam militis ornatum habet, &c. eos vero qui ministrare videbantur cum curribus aurum vehentibus, amandabat. Scilicet, vt aliarum rerum & specierum ad largitiones Principis perferendarum certi deductores, pro-

secutores erant; de quo munere agit quoque Arcadius Charisius in recensu munerum personalium in municipiis: l. ult. §. 3. D. de munerib. ita & auri publici, qui scil. aurum sacris largitionibus inferendum, *cogendum* deferrebant, & quidem cursu publico: vt docet d. l. 18. & 47. 48. sup. de cursu publ. lique vel ex Curialium numero erant, vt docet d. l. 161. & d. l. 2. infr. de Iudeis; vel Palatinorum, l. 48. sup. de cursu publ. Id quod ex Synesii quoque ep. 18. & 19. discere est, vbi meminit Decurionis seu Curialis (ita enim verbum oportuit) Urbis Alexandrinæ (ad quem pertinent & duæ sequentes epistolæ 20. & 21.) quia Curia (ita enim vertendum *ἑλευτήριον*, non *Consilium*) Alexandrina missus fuerat ad prosecutionem, seu perferendum aurum ad Comitum S. L. in militum stipendia, *χευσιον αἰς ὑμῶν* (alloquitur fratrem Com. S. L. dist. ep. 18.) *τομῶν τετρατάταις κμιστοῖς*: cum pecunias ad vos in militum stipendia perferret. Item ep. 19. *ὅς ἐπὶ χευσίᾳ διακουῖν πρὸς ὑμῶν ἐκ δαπάνης δημοσίας ὁδόν*: qui auri perferendi gratia publica ad vos via profectus est. Et ita quidem Prosecutores hic intelligendi sunt: non vt Alciasius olim, & post eum alii, qui in iudicio contra eos persequuntur, qui aurum debent. *Prosequi* enim hic, est deducere, deducere. *Prosequi*, inquam; nam ita hic *Prosequutores* dicuntur, & *Prosequutoria*; non vt Amayas *Persecutores*: quanquam hac in re ipsa, hæc vox *persequendi* usurpatur ab Arcadio Charisio l. ult. §. 3. D. de munerib. & honor. nisi vitium ibi sit.

Ad rem. Fraudibus igitur auri prosecutorum eorum, vt aliis legibus illis, ita & hac leg. Theodosius Iun. occursum it; quæ pars est prolixioris Theodosianæ constitutionis de re Tributaria: qua is partim collatorum indemnitate aduersus Exactorum & Iudicum iniurias consultum iuit, quo pertinet l. 2. C. Iust. de off. ciu. Iudic. (quæ huic proinde iungenda est) partim fisci utilitati, pœna imposita auerſi oneris reis, puta Nauiculariis, seu frumenti prosequutoribus, d. l. 33. infr. de Nauicul. (quæ inde desumpta huic iungenda est:) & auerſi oneris reis prosequutoribus auri hac leg.

Cæterum vt duum generum fraudes Prosecutorum hac parte fuere; vel enim citra præceptum (quod hic *Prosecutoria* vocatur, nempe *prosequendi* iussio) Comitum S. L. sæpe aurum deferendum, *cogendum*, (vt hic legendum, de quo mox;) capiendum, vt mox infra, præsumebant; vel diutius retinebant, quod statim fuerat assignandum: ita Duo b. l. interdicuntur auri Prosecutoribus. Primo, ne absque *Prosecutoria*, id est præcepto Comitum S. L. aurum præsumereant, seu *cogendum* aurum fumerent; Vbi *coquendum* aurum, pro *decoquendum*, absumendum, interuertendum accipit post Accursium, Lucam de Penna, Cuiacius quoque, sed male; Alii *coquendum* accipiunt pro *purificandum*: Scilicet solidi collati Susceptoribus in mas-

sam mox redigendi erant, massæque in obryza seu flamma tenenda: quod indicatur d. l. 12. sup. de Susceptor. Vnde & cocti auri sit mentio l. vn. sup. de oblat. vot. & 161. de auro coram. infr. Verum & id male. Susceptoribus enim id incumberebat, non prosequutoribus. Igitur Comitum S. L. præceptum prius eos expectare vult, a cuius scil. nutu pendebant omnia, quæ sacris Largitionibus debebantur: de quo in *Notitia dignitatum*. Secundo loco vetantur Prosecutores diu retinere aurum, sed statim *assignare*, id est, Largitionibus inferre. Igitur vt paulo ante indicaui, hic omnino reponam *cogendum*, vbi scriptum erat *coquendum*, vel *urgendum*: Debita cogere, l. 39. sup. de appellat. Pensiones cogere, l. 17. sup. de extraord. Cunctantes cogere, l. 1. sup. de liberali causa. Cogere est rem aliquam in suum & debitum locum compellere: sic apud Virgilium Eclog. 3. v. 20. *Tityre coge pecus* (qui idem Eclog. 7. v. 2. *Compulerantque greges*) vbi Seruius, id est, collige, in vnum redige. & Eclog. 3. v. 98. *Cogite oues pueri*: vbi Seruius, in ouilia colligite. Item *Æneid.* u. v. 234. seqq.

Ergo concilium magnum, primoque suorum

Imperio accitos, alta intra limina cogit:

Olli conuenere, fluuntque ad regia plenis

Tecta viis.

Plautus pariter *Bacchidib.* Actu 5. scen. 2. v. 15. de ouibus, *Cogantur quidem intro*. Sed quid aliunde testimonia conquirimus? *Cogendi* vox propria in his erat, quæ in Fiscum seu *Æcarium* referenda essent, referrentur. Sic Varro dixit lib. 4. de Lingua Latina pag. 27. Edit. Gothofred. coactum in publicum: Tacitus lib. 6. Annal. cap. 2. in fiscum cogi. Iurisconsulti nostri, *cogi ad*, vel *in fiscum bona*; l. 31. 45. §. 2. D. de iur. fisci: l. ult. §. 8. D. de bonis eorum, qui ante sentent. l. ult. princip. D. de requirend. a fisco cogi partem, l. 24. D. de falsis. *Cogendum* vero aurum fumere, hic est, aurum præsumere prosequendum. Sane *capiendi* voce mox id ipsum indicatur, vel *capiat deinceps retinendum*: pariter vt a Theodosio M. d. l. ult. sup. de his qui cum disp. Imo pariter vt idem Theodosius Iun. d. l. 33. infr. de Nauicul. (huic coniungenda) & Honorius l. 3. Cod. Iust. quæ res venire non poss. capitalem pœnam minuitur Nauiculariis, qui fiscales species susceperint deportandas, si recta navigatione contempta, litora denia sectati, eas auertendo distraxerint. Imo pariter vt Susceptores specierum diu penes se eas retinere vetantur, l. 17. sup. de Susceptoribus: l. 1. Cod. Iust. de canone larg. tit. Tandem & Honorii lex 1. Cod. Iust. de off. Com. S. L. ad eundem finem pertinet, quæ iubentur Iudices, aurum exactum ad sacras Largitiones sine ulla dilatione mittere. Idque est, quod *sine legis* dicitur, ne &c. vel *capiat deinceps retinendum*: id est, diutius retinendum.



# DE HIS, QVÆ EX PVBLICA CONLATIONE INLATA SVNT, NON VSVRPANDIS.

## T I T V L V S I X.

### LIB. X. COD. IVST. TIT. LXXIII.

Conferendus cum hoc *Titulus 24. libro 10. supra de his, qui cum dispens. contraxerunt.*

## PARATITLON.

**I**NLATA ex publica collatione *Rubr.* a Republica collatione suscepta, *l. 1. b. t.* quæ in conditis referuntur, vel in arca continentur: *l. 2. b. t.* quæ ex priuatæ rei canone sunt, vel eo, quod ex iisdem titulis Iudices exegerint, *l. 3. seu ult. b. t.* denique ex Largitionibus sacris, vel ex priuato ærario, *l. 2. supr. de his qui cum dispensatore,* veluti aurum *d. l. 2. & 3. supr. de his qui cum dispens.* ex vrbicario canone, *l. ult. infr. de canone frum. V. R.* horreaticas species, *l. ult. supr. de conditis in publ. horreis:* annonas horreis deputatas, *l. 12. infr. de operib. publicis:* species annonarias, *l. 3. supr. de erog. mil. ann. vsurpare, Rubr. b. t. & d. l. 3. supr. de erogat.* veluti mutui interuentione opposita inuadere, *l. 1. b. t. commodare, d. l. 2. supr. de his qui cum disp.* præsumere *l. 2. b. t.* ad quemlibet titulum vsurpare *d. l. 2. hoc tit.* ad alias necessitates transferre, *l. 3. b. t.* prohibentur *hoc titulo, & dictis legib.* omnes Iudices *l. 1. 2. 3. hoc tit.* sine sublimium potestatum iussione, *l. 2. b. t.* Proposita poena seu feueritate grauissima *d. l. 3. hoc tit.* Quadrupli, *l. ult. infr. de canone frum V. R.* deportationis & proscriptionis omnium bonorum, & summa poena *l. 12. infr. de operib. publ. & l. ult. supr. de cond. in publ. horreis. d. l. 2. supr. de his, qui cum disp. contrax.*

## I. (a) Imp. CONSTANTINVS A. (b)

**N**VLLVS Iudicum id quod a Republica (c) ex collatione suscepit, mutui interuentione obposita, vel inuadat vel conetur inuadere. Dat. prid. Non. Mart. Treu. (d) Paulino & Iuliano Coss. [325]

## NOTAE.

- (a) *L. 1. Cod. Inst. eod. tit. GOTHOF.*
- (b) Præfecto Prætorio Galliarum inscripta fuisse videtur *hæc lex:* de quo ad *subscript. ID.*
- (c) Ciuitate aliqua. Nempe totius Reipublicæ canon & tributum simul Iudicibus inferebatur vid. & *l. vn. supr. de præb. salario. ID.*
- (d) Treueris non fuit hoc Anno Constantinus M, verum in Macedonia primum, mox in Bichynia. Quare *Data* hic, pro *reddita*, scilicet P.P. Galliarum: quomodo & alix leges nonnullæ *Datæ* Treueris similiter accipiendæ sunt: veluti *l. 3. unde vi. l. 5. de proximis, l. 5. de Veteranis: l. 2. de Numerar. ID.*

## II. (a) Imppp. Gratianus, Valentinianus, & THEOD. AAA. Haue Lampadi (b) K.N.B.

**N**VLLVS (c) penitus ex eo, quod refertur in conditis, (d) vel in arca (e) continetur, ad quemlibet titulum (f) vsurpet, nisi forte præsumendi facultatem Sublimium Potestatum (g) iussione perceperit. Dat. III. Id. April. Constantinop. Antonio & Syagrio Coss. [382.]



## NOTAE.

(a) *Lex 2. Cod. Inst. eod. tit. GOTHOF.*(b) Putabam aliquando reponendum hic *Pulladi*: cui inscribitur *lex 2. & 3. sup. de his qui cum dispens.* Iane Lampadius, cui *hæc lex* inscribitur, alius est ab eo, qui in Occidente sub Honorio postea fuit, cuique inscribitur *Lex 11. Cod. Inst. de vestigalib.* & de quo Zosimus *lib. 5. cap. 29. in fin. & lib. 6. cap. 7.* in Gestis Armi 408. & 409. ad quem extant & dum Symmachi *epistola 62. & 64. lib. 3. & cuius meminit lib. 6. ep. 64. & lib. 9. ep. 31. ID.*(c) *Iudex: vt l. 1. sup. & l. ult. infr. ID.*(d) Pro in condita. Condita autem in hortis, v. *infr. tit. de conditis in publ. borr.* non sola condita militaria. *ID.*(e) *Arca priuatæ rei: Condita specierum, seu largitionalium titularum.* De Arca & Arcanis dixi *ad leg. 14. sup. de Susceptoribus. ID.*(f) Id est, expensam & causam publicam. *ID.*(g) An PP. vt *l. 6. de indulg. debitor.* An Comitibus S. L. & Comitibus R. P. *ID.*

## III. (a) Impp. Arcad. &amp; HONOR. AA. Messalæ PF. P. (b) Post alia.

SCIANT Iudices, (c) nihil sibi ex Priuatæ rei canone, vel eo (d) quod ex hisdem titulis exegerint, (e) ad necessitates alias transferre licere: nisi malunt (f) grauissima seueritate suam (g) licentiam coherceri. Dat. XVI. (h) Kalend. Iun. Med. Theodoro V. C. Coss. [399.]

## NOTAE.

(a) *L. 3. Cod. Inst. eod. tit. & plenius l. ult. Cod. Inst. de collat. fund. patrimon. GOTHOF.*(b) *Italiz. ID.*(c) Id est, Rectores prouinciarum, vt *l. 1. sup. ID.*(d) *Ex eo, d. leg. 3. & ult. Cod. I. ID.*(e) Ita quoque *d. l. 3. at d. l. ult. contigerit. ID.*(f) *Maluerint, d. leg. ult. Cod. I. ID.*(g) *Eorum licentiam, d. l. ult. ID.*(h) Eodem die Data hoc Anno ad Dominatorem Vlc. Afric. *lex 35. infr. de hereticis. ID.*

## COMMENTARIUS.

CONSTANTINI M. THEODOSII M. & HONORII Imperatorum, tres constitutiones *hoc titulo* continentur, in eodem argumento: Quibus videlicet *Iudices*, seu Rectores prouinciarum, ex collatione illata, vsurpare quidquam vetantur. Id enim interest inter *hunc titulum* & *titulum 24. lib. 10. sup. De his qui cum dispensatore contrahunt*; quod ille sit de priuatis, & de exactoribus, & Prosectoribus, aliquid vsurpantibus ex fiscalibus: hic vero de Iudicibus ipsis seu Rectoribus prouinciarum. Nam qui aliter distinguunt, non recte distinguunt.

Ergo 1. vetantur Iudices vsurpare seu contingere illata, siue suscepta a Republica ex collatione: siue ea ipsi susceperint, *l. 1. hoc tit. & exegerint, leg. ult. hoc tit.* siue in condita relata sint, aut in Arca contineantur, *l. 2. hoc tit.* quod *Canonis* appellatione indicatur, *l. ult.* vbi *priuatæ rei canon* opponitur ei, quod ex iisdem titulis Iudex exegit, id est, ipse exegit ex iisdem rei priuatæ scilicet titulis; veluti ex patrimonialium fundorum canone & præstatione, quod docet *lex ultim. Cod. Inst. de collat. fundorum patrimonialium*, vbi *lex ultim. huius tit.* (quamlibet posita pariter ultimo loco *tit. huic* gemino) amplior extat relata his verbis: *Per omnes prouincias patrimonialium fundorum ab ordinariis iudicibus canon exigatur & quicquid exactum fuerit dirigatur*, id est, siue species annonariæ sint, siue largitionales, siue ad rem priuatam Principis pertineant: de quo est, etiam diserte *dict. lex ultima hoc titulo.*

Id enim *Arcae* appellatione *d. l. 2. h. t.* intelligendum esse dixi plene *ad l. 14. sup. de Susceptor.* Non vt (qui secundus error notandus) Cuiacius etiam de Arca P.P. Qui & ideo male tertio errore *legem ultim. huius tituli* ita distinguit a *l. 2.* quasi *dict. leg. ultim.* agatur de priuato Erario, non etiam *dict. leg. 2.*

Et sic in condita relata & in Arca contenta, distinguenda sunt, quæ etiam sub dinerarum Potestatum dispositione fuere, puta illa sub Comitibus S. L. hæc sub Comitibus R. P. qui *sublimium Potestatum* appellatione intelligendi sunt: *leg. 2. hoc tit.* Quod pœnam attingit, quæ proponitur *l. 2.* bonorum proscriptionis & deportationis ea est, & proponitur iterum, & *l. ult. sup. de conditis in publ. borr. & l. 12. infr. de operib. publ.*

2. *Vsurpare* autem vetantur suoapte motu citra sublimium Potestatum iussiones, hi enim soli præsumendi facultatem tribuere potuerunt: puta Comitibus S. L. & R. P. sub quorum dispositione fiscalia fuere.

3. *Vsurpare* item quocunque obtentu: Neque *mutui interuentione* opposita, *l. 1. hoc tit.* veluti ad alium quemlibet titulum, in quem destinata sunt, *l. 2. hoc tit.* seu ad necessitates alias Reipubl. *l. ult. hoc tit.* veluti in operum publicorum expensas. *Mutui interuentione opposita* innuadere *l. 1. hoc tit.* est generaliter, eam in alium vsum mutuari, & mutare, non tantum priuato alicui inuicem dando, vt vulgus quarto errore interpretatur, qui & hac ratione quinto

errore differre putant dictam legem 1. a leg. 2. Quo etiam pertinet Ammiani Marcellini locus, lib. 28. cap. 1. *Hymettius, cum Africam Proconsule regeret, Carthaginiensibus victus inopia iam lassatis, ex horreis Romano populo destinatis, frumentum dedit: pauloque postea, cum prouenisset segetum copia, integre sine ullaresistuit mora. Verum quoniam denis modis singulis solidis indigentibus venundatis, emerat ipse tricenot, interpretii compendium ad*

*Principis ararium misit. Ideoque Valentinianus per nundinationem suspicatus parum quam opportunat missum, eum bonorum parte multauit.*

Denique omnis usurpatio, nundinatio rerum, ex publica conlatione illatarum, Iudicibus his legibus interdicatur.

4. De poena usurpantis Iudicis satis monuit *Paratitlon.*

# NE (\*) PRÆFECTIANVS, EXACTORIS, VEL CVRIOSI, HORREORVM (\*\*) CVSTODIS EVNGATVR OFFICIO.

## T I T V L V S X.

(\*) Absit hic *Titulus a Codice Iustinian.*

(\*\*) *Vel horreorum, habent impressi omnes.*

### I. (a) Impp. VALENTINIANVS & Valens AA. ad Zosimum (b) Præsidentem Epyri nouæ.

**C**OMPÉRIMVS, Imperatoris iussionis † auctoritate neglecta, Præfectianos (c) ad perniciem prouincialium exitiumque remeasse, & exactionibus in Prouincia (d) meritis tuis credita, vel potius lucris & quæstibus suis, contra vetitum laborare: Præterea, vel horreorum gerere custodiam, vel Curarum ius arque arbitrium sibi præsumere. Horum si quis existat, volumus, huius auctoritate præcepti, in futurum Susceptorum Officiis eum deputari, deque eius nomine vniuersa Clementiæ Nostræ auribus intimari. Dat. XIV. Kal. Dec. Med. Valentiniano & Valente IV. AA. Coss. [373.]

#### NOTAE.

(a) L. 2. Cod. Iust. de apparitorib. Præfectorum Prætorio hinc interpolata est. Eam vel similem indicat Maiorianus *Novella 4. de Indulgentiis reliquorum.* GOTHOF.

(b) Zosimo huic Præsidi Epyri nouæ inscribitur hoc ipso Anno altera adhuc *lex vn. sup. de stratoribus.* vbi & de Epyro noua aliquid dixi. Fuit autem hic in eo Magistratu successor Paulini, cui inscribitur Anno superiore 372. *lex 22. infr. de Episcopis.* Fortean Zosimi Historici, qui Aduocatus fisci fuit, pater hic. *ID.*

† *Lex* hæc nusquam comparet: nisi intelligat *legem 2. sup. de Curiosis*: vel certe Iuliani *institutum*, de quo mox. *ID.*

(c) Id est, Apparitoribus PP. & quidem Illyrici in specie huius leg. sub quo fuit *Epirus noua*: vt ex *Notitia Imperii fol. 15. liquet.* Cæterum hoc tempore fuit PP. Illyrici Probus. Porro iniuriam facit Cuiacio vir doctus, quasi is ad *Novellam 119. Præfectianis*, Adfessores Præfecti Po. connumerauerit. Nam imo Præfectianos ab Adfessoribus clare separat. *ID.*

(d) Epyro noua, *ID.*

#### COMMENTARIVS.

**D**E PRÆFECTIANIS est hæc Valentiniani Sen. lex: de quibus agitur & l. 19. *sup. de diu. off. Nouella Valentiniani 14. de Princip. agent. in reb. & Nouella Maioriani 4. de Indulgentiis reliquorum* (quæ etiam huic l. concordat) id est, de Præfecti Prætorio Apparitoribus seu Officialibus, de quibus est peculiaris tit. C. Iust. de Apparitorib. Præfectorum Prætorio & priuilegiis eorum: Multaque eorum mentio hoc Codice: ac nominatim tit. de diuers. offic. l. 5. 6. 7. 9. *sup. de executorib. & exactionib. & lege 14. sup. de exactionibus*: (quæ in eodem argu-

mento versantur in quo hæc lex:) De iisdem est quoque Synesii locus *epist. 127.* vbi agitur de exactione multæ cuiusdam impostæ Euthalio Lydiæ præfidi a Rufino PP. Meminit & Chrysostomus non una epistola, vbi *ἡ ἀρχὴ* vocat: meminit & Amm. Marcell. lib. 17. cap. 3. *infin.*

Cæterum Præfectiani hi, utpote Inlustris maxime potestatis, puta Præfecti Prætorio Apparitores, maiorisque adeo meriti (quomodo & alii in foro Præfecti Prætorio: de quo dixi ad l. 188. *sup. de Decur. l. 2. sup. de assessorib. & l. vlt. de postulando*) singu-

singularibus privilegijs supra alios Apparitores fruebantur, de quo *leg. 8. sup. de diuers. offic. & d. tit. C. Iust. de Apparit. Praef. Praet. & privileg. eor. vice versa* etiam, quia timendi magis & terribiles prouincialibus erant, quibus *militaris terror inferebat formidinem*, ut dicitur *l. 6. sup. de executor. superioris militiæ autoritate terribilibus*, Majorianus *d. Nouell. 4. de superioris cinguli fastigio* (male, fastidio) blandientes, *ibid. armata potestatis ministri, ibid. a nonnullis actibus submoti fuerunt Principum constitutionibus, ne alioquin in perniciem prouincialium & exitium, (ut hac leg. dicitur) procederent, Iurisque & quaestibus suis indulgerent*. Igitur hac de causa vetiti iam anterioribus constitutionibus Præfectiani Exactionib. tributorum incumbere, ut hac *l. docemur*. De Iuliano Cæsare certe Am. Marcell. *lib. 17. cap. 3. in fin. Inusitato exemplo id petendo Cæsar impetrauerat a Praefecto (Prætorio Florentio) ut secunda Belgica multiformibus malis oppressa, dispositio sibi committeretur, ea videlicet lege, ut, nec Præfectianus, nec Præsidialis Apparitor ad soluendum quemquamurgeret*. Ergo & id quoque a Iuliano C. tum obseruatum, & forte lege generali emissa, quam hic Valentinianus intellexerit. Quod & hac *l. a Valentiniano Sen. per Epirum* nouam vetatur, qui & duobus alijs præterea muneribus seu iniurijs iis interdicat: puta ut ne Præfectianus Exactoris munere fungatur; ne Custodis horreorum, aut Curiosi. De Exactoris munere hoc idem postea statutum fuit ab Honorio, *d. l. 5. 6. sup. de Executor. & Exaction. & a Maioriano, d. Nouella 4.* Ratio huius interdictionis (iuxta hanc legem, & *d. leg. 5. 6. sup. de Executor.*) ea Nouella pluribus redditur: puta quod senioribus exactionibus possessorem, Curialemque concuterent, & ita omnia pro arbitrio sue depredationis extorquerent; & cum minimum aliquid publicis comodis inferret, duplum aut amplius in sportulis audus & præpotens executor acciperet: denique quod superioris militiæ autoritate terribiles forent, & in prouincialium viscera & damna sæuientes, nec arguere quisquam apud prouincialem Iudicem posset, quod iis, totum sibi de superioris cinguli fastigio blandientibus, resupina potestas prouincialis, id est, ignauius Rector prouinciæ, famularetur, nec de longinquis regionibus cum magno sumptuum, expensarumque detrimento ad Comitatum Principis venire auderet ille, qui quereretur, cui sub duro patientiæ gemitu tolerabilior videretur depredatio sæuientis, quam sub magno obseruationis incommodo sustinendus impetrandæ vitionis euentus: & quæ sequuntur. Et hæc quidem de Exactionis munere.

Eadem ratione, secundo loco, Præfectiani ab Horreorum custodia, seu præpositura hac *l. arcen-* tur; de qua consulendum Paratitl. tit. de suscepto-rib. præpositis sup. de custodibus horreorum est quoque locus apud Valer. Maximum *lib. 9. c. 3. §. 7. Nempè*, quia & facile interuere aliquid ex anno-na poterant, neque tam facile erat ab his annonam consequi.

Tertio loco, & Curarum iure atque arbitrio Præfectianis interdicatur, id est, ut *h. t. Rubrica* satis indicat, Curiosi munere: Quod & ipsum iam antea vetitum a Constantio *l. 2. sup. de Curios.* cum sub

Constantino e Præfectianis principularibus, stationarii seu Curiosi fumerentur, *l. 2. sup. de cohortalib.* imo aliquandiu adhuc sub Constantio, ut docet *l. 2. sup. de Curiosis: & lex 6. sup. de diuers. offic.* Sane & postea sub Honorio, Apparitores Stationarios, id est, Curiosos fuisse, docet *lex 31. inf. de Episcop.* de quo munere suo *tit. 29. lib. 6.* quod erat, ut cursum publicum gubernarent, inspicerentque, ne quis circa vel supra euectionis auctoritatem cursum moueret, seu vsurparet, in quem finem Curiosi remotas stationes peragebant, ut callida machinamenta & fraudes commearum depellerent. Breuiter, cursus publici præpositi erant: Itemque reos Iudicibus nunciabant. Ratio autem huius Interdicti hac quoque parte aperitur, ne videl. quenquam hac occasione facile concuterent; terribiles ipsa potestate armata. Sic & Theodos. *M. l. 3. C. Iust. de off. Rector. prou. vetuit, ne quis Iudicem in prouincia sua Præfectianum, non magis quam Palatinum, aut militem intercessorem, id est, executorem cuiusquam litigatoris petitione in quolibet priuato seu publico negotio tribueret.*

Pœna autem Præfectiano Exactionis, vel Horreorum custodiæ, vel Curarum seu Curiosi munus vindicanti, isthæc imponitur hac *l.* quam Tribonianus omisit; ut Susceptorum officio deputetur. Quod notandum, non tantum in genere pœnæ genus, quo quis pœnæ loco ex alio Corpore, alteri leuiori additur, de quo ad *l. 9. sup. de pœnis*: verum in specie pœnæ genus, susceptoris officio deputari: (de quo susceptorum officio alias *suo tit. sup.*) sc. cum Susceptores ex Valentiniani huius mente, ferme ex Officialibus Rectorum prouinciarum fumerentur non ex Apparitorib. Præfecti Prætorio, ut docet *lex 4. 6. 7. 9. sup. de suscept. l. 70. sup. de Decurion. lex vn. sup. de priuil. app. mag. pot. l. 6. sup. de priuil. eorum qui in S. Pal. & lex 8. sup. de diu. offic. & l. 1. Cod. l. 1. de Appar. PP.* sane nil mirum si Præfectiani peccantes, contra priuilegium sibi datum, pœnæ loco in sequiorem militiam darentur.

Cæterum pertinet hac *lex* ad querelas, quæ hoc tempore perlatæ ad Epirotas ad Valentinianum: cuiusmodi ei paulo post perlatæ de ipso Probo P. P. teste Amm. Marcell. *lib. 30. cap. 5.* Posteaquam sc. scriptor ille Valentinianum eo nomine reprehendit, quod querendæ vndique pecuniæ vias, absque iustorum iniustorumque discretionis scrutaretur, quem & Probus P. P. sequebatur, vnde subditorum domus & fortunæ tum succisæ, tributorum oneribus vectigaliumque augmentis, oppressis etiam quibusdam flagitantium amaritudine: addiditque, Valentinianum hæc tanquam auribus cera illitis ignorasse: par-furum tamen fortasse Pannoniis, si hæc ante ingemiscenda compendia comperisset: quæ nimium sero tali didicit casu: subiicit; Ad prouincialium res-duorum exemplum etiam EPIROTÆ actiuros sibi gratias a Praefecto mittere compulsi Legatos, Iphichum quendam Philosophum, spectatum robore pectoris hominem, adegere, non sponte propria pergere ad id munus implendum. Qui cum Imperatorem vidisset, agnitus, aduentusque sui causam interrogatus, Græce respondit: atque ut Philosophus veritatis professor, querente curatius Principe, sibi qui misere, ex animo bene sentiunt de PRÆFECTO; Gementes, inquit,

inquit, & inuiti. Quis ille verbo tanquam telo percussus, actus eius (Probi P.P.) ut sagax bestia rimabatur, genuino percunctando sermone quos noscibat: ubinam ille esset, verbi gratia honore inter suos  
 P. 174. antecellens & nomine, vel ille diues, aut alius Ordinis primus: dumque disceret periisse aliquem laqueo, abiisse alium trans mare, consciuisse sibi alium mortem, aut plumbi vitæ crepta extinctum, in immensum excanduit, vrente irarum nutrimenta tunc Officiorum Magistro Leone &c.

Locus hic Amniani Marcellini huic l. in multis respondet, quæ data est ad Præsidem Epiri aduersus Præfectianos, occasione eius quod recenter compe-

rerat: Comperimus, inquit; & forte ex legatis Epiroticis. Certe tempora congruunt, narrat enim hæc Amm. Marcell. hoc ipso tempore, sequente altero consulatu A. 374. quanquam & id paulo ante comperisse potuit. Certe Epirotarum damna hæc hoc tempore, ut ex illo loco clare discimus, ita & ex hac lege, imo & altera adhuc lege, hoc ipso Anno 373. data ad eundem Zosimum Præsidem Epiri novæ: puta l. vii. de stratoribus quæ & data, id est, reddita est Apolloniæ: ubi eorum collationi probationique modum ponit aduersus stratorum concussionibus: ut hac l. Præfectianorum concussionibus occurrit.

# DE CVRATORIBVS KALENDARIJ, ET FIDEIVSSORIBVS EORVM.

## TITVLVS XI.

Non extat hic Titulus Cod. Iustin. pro quo Lib. XI. Titulus 32. de debitorib. ciuitatum est: sub quo lex vn. huius tit. posita est: subducta ubique mentione Kalendarii & Curatoris Kalendarii. Sanè melius quoque fecissent huius Codicis Conditores, si legi, quæ sub hoc titulo posita est, Titulum de debitoribus ciuitatum inscripissent: quandoquidem potissima eius pars eo pertinet; etsi non negem, indirecte quoque eadem omnia ad Curatores Kalendarii referri.

De Curatoribus porro, seu Curatoribus ciuitatum, qui alii ab his sunt. v. l. ultim. de superexaction. l. 31. de Episcopis: l. omnis 5. de iis quæ admin. l. 5. de exhib. reis: l. 2. de Canone fr. V. R. l. 1. de scenicis: l. 3. & 8. de donat. l. 20. de Decurionib.

I. (a) Imp. CONSTANTINVS A. Locrio Verino (b) suo  
Salutem.

**A**PV r eos (c) quos superstitis integris facultatibus esse peruideris, vel quorum (d) heredes incolumbia retinere (e) patrimonium, sortes (f) Kalendarii (g) perseverare debent: ita tamen, ut annuas vsuras suis quibusque (h) temporibus exsoluant: cum simul & Reipublicæ utile sit, retinere idoneos debitores: & ipsis commodum (i), cumulum (k) debiti minime nutrir. (l) Et quia nefas est, obnoxiiis (m) corporibus (n) alienari circumscribi Ciuitates, placuit, si qui debitor Republicæ ciuitatis quippiam ex eo patrimonio quod habuit, cum pecuniam Reipublicæ sumeret, donauerit, vel distraxerit, vel qualibet in alium ratione contulerit, qualitate rei alienaræ perspecta, arque omnibus debitoris facultatibus consideratis, quas habuit cum ei pecunia crederetur, prorata ab eo, qui ex debitoris facultatibus aliquid derinet, ex sorte arque vsuris postulari. Itaque quotiens minus idoneum deprehenditur eius patrimonium, cuius nomen Kalendario (o) ciuitatis alicuius inuenitur obnoxium, Iudex omni diligentia (p) sollicitudine debet inquirere, ad quos ex qualibet condicione transierint debitoris facultates, ut singuli æqua æstimatione habita pro rata rerum, quas possident conueniantur, personalem actionem contra eum habituri debitorem, qui ipsis soluentibus liberatur: ab eo autem, a quo constat fortunarum suarum partem maximam recessisse, etiam reliquam portionem, quæ apud eum resederit, transferri ad idoneum (q) oportebit. Quod si quispiam debitor Rei-

Reipublicæ ciuitatis fisco nostro locum fecerit, (r) emptores quidem, qui ex (s) fisco nostro comparauerint, manifestum est, secundum ius vetus & rescripta Diuorum (t) Constitutionesque nostras, nullam debere molestiam sustinere: cum (v) huiusmodi casibus Rempubicam placuerit fortuita dispendia sustinere. Qui vero aliquid ex eiusdem bonis Principali liberalitate fuerint consecuti, iuxta legem latam obnoxii erunt Reipublicæ, habita solidarum facultatum consideratione, quæ fuerat debitoris, cum pecuniam Reipublicæ sumeret, ut pro rata corporis, quod ex largitate nostra retinent, competentem fortis atque vsurarum partem exigantur. Quod si quis debitor non comparauerit, (x) vel certe ita omnia sua consumpserit, ut nemo aliquam rem ex eius bonis possideat, id quoque (y) debitum conuenit ad dispendium Reipublicæ pertinere. Ideoque periculo (z) Curatoris Kalendarii, & Magistrarum (aa) & Creatorum, (bb) apud idoneos, vel dominos rusticorum prædiorum, pecunia conlocanda est. PP. III. Kal. Feb. Volufiano & Aniano Coss. [314.]

## NOTAE.

- (a) L. 2. Cod. Iust. de debitorib. ciuitatum. GOTHOFR.  
 (b) Ad eundem Verinum data Anno 319. lex 1. sup. de inoffic. test. & Anno 326. lex 2. inf. de Suariis: dignitate pariter omitta: & in iisdem legibus non *Locrius* ut hic, sed *Lucius* audit. Is Anno 318, 319. Vicarius Africæ fuit, ut docent aliquot *leges hoc C.* & Epistola Constantini, seu Indulgentia Donatistarum ab exilio, ad hunc *Verinum*, quæ memoratur in Indice gestorum tertie cognitionis Carthaginiens. cap. 548. Tom. I. Concil. Edit. Hard. pag. 1143. Eum *Consularia* Cuspiniana *Præfectum Urb.* faciunt A. D. 323. & 324. quo etiam pertinet *lex un. sup. de his qui ven.* & l. 1. sup. famil. ercisc. Imo & lex 2. inf. de suar. Ergo *buius l.* tempore, putem Rectorem alicuius provincie fuisse. ID.  
 (c) Debitores Reipub. ID.  
 (d) Debitorum. ID.  
 (e) *Retinens* C. Iust. Neque tamen istud mutandum: repetendum enim hic *ἀνὸ τῶ νόμῳ περὶ κέρους*. ID.  
 (f) Id est, pecuniæ mutue sumptus ex Kalendario. ID.  
 (g) *Reipublica*, C. Iust. subducta hic & ubique *bac l.* Kalendarii appellatione. ID.  
 (h) *Quibuscumque* C. Iust. nonnullæ Edition. ID.  
 (i) Scilicet *fit, ἀπὸ τῶ νόμῳ*. ID.  
 (k) *Molem*, l. 3. inf. de Censorib. ID.  
 (l) *Nutrir*, id est augeri: sic apud Persium Satyra V. v. 149, 150, nummi *quincunce nutrir* dicuntur, id est, quincunce vsura. Apud Horatium est, *nummos pascere*, lib. 1. ep. 18. v. 35. Ita censum nutrire hæredi, Boëtius lib. 2. de Consol. Philof. prof. 4. pag. 28. Edit. Sitzmann. Nutrire frontis audaciam, apud Hieronymum, pro augere. Imitatio vero Græca, ubi *τρέφειν*, pro *αὐξάνειν*, & quidem ubi de scenore, ut *bac l.* agitur &c. ID.  
 (m) Recte *obnoxii*, non per *παρονομίας*, ut credidit Cuiacius in *Comment. ad b. l.* ID.  
 (n) Id est, rebus, facultatibus: hic, ut inf. ut *pro rata corporis*. ID.  
 (o) *Ciuitati alicui*. C. Iust. subducta hic & duobus præterea locis, & sic ubique, *bac l. Kalendarii* mentione. ID.  
 (p) *Indulgentia & sollicitudine*, C. Iust. ID.  
 (q) Ex nouis possessoribus. Vid. etiam *leg. 11. & 24. sup. de susceptor.* ID.  
 (r) Id est cuius bona confiscata seu publicata fuerint: pariter ut l. 3. sup. de bon. proscript. & l. 5. C. Iust. de iure fisci. ID.  
 (s) Pro *a*, ut Cod. Iust. ID.  
 (t) *Diuorum Principum*, Cod. I. ID.  
 (v) Hæc ratio, cum sequente sententia (quæ ad petitiones bonorum pertinere videtur, a Iuliano sublatas) vsque ad, *Quod si quis*: omitta C. Iust. de quo mox. ID.  
 (x) *Comparueris*, ut Cod. I. ID.  
 (y) Abest hæc vox a Cod. Iust. ID.  
 (z) *Cura Patris ciuitatis*. Ita Cod. Iust. loco istorum, *periculo Curatoris Kalendar. & Magistratum & Creatorum*, De quibus patribus dico ad l. 1. sup. de locat. fundorum. ID.  
 (aa) Id est Duumvirorum. ID.  
 (bb) Qui Curatorem Kalendarii creant. ID.

## COMMENTARIVS.

DE DEBITORIBVS Ciuitatum, qui mutuum sc. seu scænebrem pecuniam ex Kalendario seu rationibus ciuitatum sumperunt, est hæc Constantini M. constitutio: Quæ quidem pecunia a Curatoribus Kalendarii administrabatur, & collocabatur ipsorum periculo, de quo *fin. legis* sc. ut sua quædam pecunia, sui que redditus Ciuitatum fuere

(de quo iam sæpe dixi:) ita & his pecuniis administrandis Curator præficietur, qui *Curator Kalendarii* *bac l.* vocatur, id est pecuniarum ciuitatis, & rationum, pecuniarumque scenori locatarum, id enim *Kalendarium* est, ratiocinium pecuniæ scænebris (notissima ratione a Kalendis, quibus vertentibus scænus exigebatur.)

HHH h

Et



Et quidem etiam cum de ratione pecuniarum ad ciuitates pertinentis agitur: Quo ipso sensu Eumenius Panegy. Flavianum nomine Constantino dicit, Constantium Aeduis pecunias ad CALENDARIA largitum scribit cap. 4. *Diuus pater tuus ciuitatem Aduorum uoluit iacentem erigere, non solum pecuniis ad Calendaria largiendis, & Lauacris, qua corruerant extruendis, sed & metacis undique transferendis.* Indicat sc. Eumenius Constantium Aeduis, seu Flavianum Reip. pecuniam donasse, quam mox fœnori occuparent, & ex qua fœnori locata quæstum facerent per Curatorem suum, Kalendarii sc. Nam qui ibi ad *Caldaria* reponunt, toto cœlo errant. Curatorum Reipubl. olim munus id erat, de quo videnda vel *lex 33. D. de usuris.* Curatores enim Ciuitatum, de quibus ad *leg. 20. sup. de Decur.* alii ab his fuere. Quorum quidem Curatorum Kalendarii frequens mentio in *veteribus Inscriptionib.* de quarum nonnullis postea.

Ergo de Debitoribus Ciuitatum ex pecunia fœnori sumpta est hæc Constantini M. constitutio: singularis admodum: utpote qua Ciuitatum utilitati seu securitati variis rationibus consultum sit, cum hactenus iis haud ita in omnibus consultum esset.

Primum igitur, bene semel collocatas pecunias penes eosdem debitores, imo & eorum hæredes, perseverare, *neque mutari debitores* iubet; id est, si debitores, vel eorum hæredes integras facultates habeant, & incolumia patrimonialia. Quod sane ipsum & iam antea de ipsis debitoribus cautum fuerat *l. 33. D. de usuris.* Nondum de hæredibus debitorum. Atenim Constantinus nunc etiam penes debitoris hæredes locupletes seu idoneos pecuniam perseverare vult. Quo genere hæreditarium & perpetuum quodammodo fœnus inducitur, quod antea morte finiebatur: Idque ipsarum ciuitatum commodum: quod sc. Reipublicæ utile sit retinere idoneos debitores. Igitur hoc præceptum nunc datur Curatorib. Kalendarii. Atque hæc quodammodo species est *des rentes constitutæ*: ut notauit ex *hac l. in C. iust. posita Loyseilus du desguerpiss. l. 1. c. 6. n. 3. 4.* Ad quam speciem quoque pertinet *Nouella Iustin. 160.*

Sic tamen, si annuas vsuras suis quibusque temporibus exoluant; si modo vsuras suo tempore soluant, intra annum. Vnde colligi posse videatur, vsuras Rebuspubl. debitas annuas fuisse: vel sane id indicari, ut mensuræ vsuræ vnus anni intra annum, ante finitum annum soluantur: Idque ipsummet debitorum quoque commodum; quod sc. cumulum debiti minime nutrir, ipsummet debitoribus commodum sit. Nempe & istud quia ipsummet debitorum interest, ne vsuræ cumulentur, quibus dilatis debitores minus soluendo plerumque fiant. Et hæc quidem de debitoribus Reip. eorumque hæredibus idoneis seu locupletibus.

Secundum caput huius *l.* est de debitoribus ciuitatum ex mutuatiua pecunia indoneis factis, & possessoribus bonorum debitoris. Qua parte Constantinus M. tres casus distinguit: vel enim debitores *Alienatione* bonorum indonei facti sunt: vel *Publicatione*, vel *Fuga*: & *disapidatione* bonorum.

Si *Alienatione*: ut quia ex facultatibus suis seu prædiis quid debitor alienauit, distraxit, & sic minus idoneus factus est: tum hoc casu Constantinus M. possessores singulos pro rata eius quod possident, in sortem & vsuras conueniri iubet.

Sane & ante hanc *l.* debitorum ciuium bona suo quodam modo ciuitatibus *obnoxia* fuerunt, id est, tacito quodam iure obligata, sic ut ciuitas in res debitoris suo ordine manum mittere posset, iisque securitatem sibi conciliare: Quæ omnium creditorum conditio est, etsi nullam in bonis debitoris hypothecam habeant, siue expressam, seu tacitam & legalem, quo sensu quoque *obnoxia corpora* eorum dicuntur, *hac leg.* Nondum tamen, distractis iis, in possessores eorum, vllam actionem habebant (quod proprium Pignoratitiæ seu Hypothecariæ actionis fuit.) verum iure priuatorum censebantur, *l. 16. D. de V. S.* sic ut nisi ex singulari beneficio seu privilegio Principis id haberent nonnullæ ciuitates, vel nisi ex lege municipali id ita obtineret, nullum pignoris ius haberent: *l. 8. D. qui potiores: l. 3. in fin. & leg. 4. Cod. Iust. eod. tit. l. ult. C. cod. de his qui in prior. cred. l. 2. C. cod. de iure Reipubl. l. 37. D. de reb. aut. iud. possid. l. 10. D. adminipalem: l. 33. §. 1. D. de usuris.* Atenim hac *l.* Constantinus M. primus (nam quod *l. ult. C. Iust. quo quisque ordine*: continetur, id recte Cuiacius suspicatus est a Triboniani manu esse) in commune omnibus Ciuitatibus, mutuam pecuniam dantibus, singulari privilegio, ipsarum commodis consulens ius & privilegium pignoris cuiusdam dedit in possessores bonorum debitoris sui, quæ possidebat eo tempore, cum pecuniam mutuam sumeret. Dixi *cuiusdam*: nam etsi hoc privilegium ad ius pignoris accedat; attamen non omnino pignus est: Nam si pignus esset, v. gr. in solidam rem agi posset aduersus eum, qui vnâ etiam aliquam rem pignoratam possideret, cum sit indiuidua pignoris causa. Atenim Constantinus *b. l.* tacitum quasi pignus & diuiduum dedit Ciuitatibus: Quomodo & Iustinianus postea legatariis bona testatoris tacite obligata voluit, *l. 1. C. iust. communia de legatis*, & hanc actionem hypothecariam aduersus hæredes perinde, ut personalem diuidi voluit. Ergo dicamus tuto, hypothecaria quadam teneri emptorem voluisse Constantinum (quod tamen negabat Cuiacius) verum anomala. Nam etsi (quæ argumenta sunt Cuiacii) *lex* hæc non dicat, *conmatam fuisse hypothecam*: item etsi non dicatur, *possessionem ab eo auocari, aut venditionem rescindi*, attamen satis est, ad cuiusdam hypothecæ effectum, si possessor bonorum debitoris, debitoris & possessionis nomine teneatur: Nam quo alioquin colore possessor conueniretur, nisi ex vi cuiusdam hypothecæ, rem efficientis: quod utique satis est ad pignus constituendum. Et sane ideo *obnoxia corpora*, seu res *obnoxia*, seu nexæ *hac l.* proprie vocantur, quia solutioni debiti obligatæ, non (qui aliter est Cuiacii natus) per *peruuliam* pro patrimonio eius, cuius nomen ciuitati obnoxium est, ut paulo post loquitur. Nam ut nomen debitoris obnoxium Kalendario dicitur, quia inter debitores censetur: ita nil vetat, quin & *corpora obnoxia* dicantur, quæ iure quodam hypothecæ tenentur. Imo quis

quis negare possit, Constantino M. mentem hanc quoque fuisse, vt possessores bonorum primo quidem personali actione conueniri posse definiret, postea tamen idem vellet, vt si solutionem pro rata sua detrectarent, ad venditionem eorum bonorum pergeretur, qui vtique *hypothecaria* proprius effectus est. Ergo personalem ita dedit, & quasi hypothecariam, vt tamen si ea mota Ciuitas suam non consequeretur, ad bonorum venditionem, & sic ad veram hypothecariam procederetur. Et sane ita quoque *hac ipsa l.* etsi personalem possessori, qui debitoris nomine soluit, actionem aduersus debitorem praestet; attamen etiam realem tribuit ad auocanda sibi vindicanda bona aliqua, quae penes debitorem sint. Et haec quidem de primo casu, quando videlicet Debitor ciuitatis, inidoneus factus est, Alienando bona sua.

Secundus casus est de *Publicatione* bonorum: Hoc casu sane, si ex delicto forte debitor ciuitatis locum fisco fecerit, & a fisco possessionem horum bonorum priuatus quis acceperit, titulos possessionis distinguit Constantinus M. vt si ex titulo oneroso accepit, emptionis puta; tum possessio nullam molestiam sustineat, sed Respublica hoc dispendium sustineat; si ex titulo lucratiuo, vt tum possessor teneatur pro rata, vt primo casu. Emptor sc. qui quida fisco emit securus est: Quam in rem & ius vetus, & superiorum Principum, & suas constitutiones allegat Constantinus M, Zenonis sane constitutio, *l. 2. C. Iust. de quadrien. praescript.* alia est: est enim ea de his, qui rem alienam e fisco, qui ius nullum in iis bonis habet, vel alio quo titulo acceperunt: At haec de iis, qui rem fisco iure quaesitam ab eo emerunt, vel Principis liberalitate acceperunt.

Vnde simul apparet ciuitati creditrici, poenas fiscales fuisse hoc tempore praetatas, & bona ad fiscum transisse sine onere aeris alieni, cum alias poenis fiscalibus creditores praefarentur.

Tertius casus est, de *Debitori ciuitatis non comparente*, vel qui *omnia sua consumpsit*, sic vt nemo aliquid ex eius bonis possideat, quia scilicet nulla bona immobilia habebat, & tum hoc casu, ad dispendium Reipubl. id pertinere in praeteritum iubet. In futurum enim id periculo Curatoris Kalendarii & Magistratum seu Duumvirorum, & P. 177. Creatorum, qui Curatorem crearent, cedere iubet: qui apud idoneos, vel dominos rusticorum praediorum, pecuniam publicam collocare debuerunt, & vero vt deinceps collocent *hac l.* monentur. Ex quo tria notentur. Quorum primum quoque tralatitium est, vt curator pro debitore, cui inconsulto pecuniam publicam credit, teneatur, & Curatoris nomine, Magistratus creatores, id est Duumviri & Curiales caeteri, qui scilicet Curatorem creant, de quo periculo Nominatorum, est *tit. Codicis Iust. & plures hoc Codice leges*: Atque hi fideiussores *Rubr. huius tit.* vocantur. Secundum est, quod nominatim rusticorum praediorum dominis pecunias publicas credi oportere definit Constantinus M. Nempe maior cautio in iis, & maioris momenti. Quod & in aliis iuris articulis videre est, imo & ex aliis eiusdem Constantini constitutionibus. Postremum est, quod Curatores Kalendarii a Curia nominati, creati fuerint. Et tamen aliquando ab ipsis Imperatoribus electos eos, docet non vna inscriptio apud Gruterum, vt CCCCXLI. 5. CCCCXLVI. 7. MXCI. 7.

## II. (a) Imppp. VALENTINIANVS, Theodosius & Arcadius AAA. ad Hellenium (b) Vic. vrb.

**K**ALENDARIOVM (c) nomen, (d) tam Olcariae arcæ, quam frumentariae, non multo ante Oratio † ad Senatum missa nascitur (e) antiquas sane igitur ea, quae aboleri ante censuimus, nouis calumniarum facibus (f) inardescant, (g) tua prouidebit instantia: Nos enim, quo sanctius quae cauta sunt obseruentur, viginti librarum auri multa Iudicem censuimus esse plectendum, ac Primates officii capitali coercendos esse sententia. Dat. Non. Aug. Honor. NB. P. & Euodio Coss. [386.]

### NOTAE.

- (a) Absit *hac lex a C. Iust.* velut huius temporis, *GOTHOF.*  
 (b) *Hellenii* huius vicarii vrbis, nullam *alibi* mentionem reperio. *ID.*  
 (c) Et reliquorum ex hac causa, vt videntur. *ID.*  
 (d) An *nomina*? Nil opus. Kalendariorum nomen, id est, debita Kalendario comprehensa; & sic Reliqua. *Nomen* enim pro debito: qua voce vitur in hac ipsa re Symmachus *lib. 10. ep. 47. ID.*  
 † Oratio haec Valentini Iun. De his porro Principum Orationibus ad Senatum, iam sepe dixi: vid. & Symmachum *lib. 1. ep. 39. lib. 6. ep. 62. lib. 10. ep. 2. ID.*  
 (e) *pp.* Nascitur antiquasse: *Ne igitur &c. ID.*  
 (f) *Faces* Calumniarum. *ID.*  
 (g) *Inardescere*, pro exardescere. *ID.*

### COMMENTARIVS.

**A**RCÆ Olcariae & Frumentariae Kalendaria, vt Oratione sua paulo ante, ad Senatum eiusque petitionem & querelas emissa, ita & *hac* rursus *sc.* Tom. IV.

ge, quo sanctius ea obseruaretur, ad vicarium Vrbis data, Valentini Iun. proposita seuerissima poena Iudicibus, id est Rectoribus prouinciarum viginti

ginti librarum auri, Primatibus vero capitali poena, antiquatum & abolitum it.

Olei scilicet & Frumenti præcipua cura fuit Romæ, uti ea abundarent: quæ quidem etiam ex parte gratuita in populum dabantur; de quo canone, tum frumentario dicam ad *tit. inf. de canone frum. V. R.* tum olei, ad *tit. de mensis oleariis: & l. ult. d. tit. de can. frum. V. R.* Atque ut specialis Arca seu ratiocinium & Kalendarium fuit frumenti, de qua Arca *l. 1. inf. de frum. V. Constantinop.* Ita & Olearia, cuius *b. l.* mentio fit (quomodo & variæ Arce fuere; de quibus semel dixi ad *l. 14. sup. de susceptoribus*;) Harum igitur arcarum Kalendaria, seu Kalendariorum nomina, Valentinianus Iun. per vicarium vr̄bis Romæ, & antea, & *bacl.* antiquatum fuit seu aboluit.

Quidnam autem ea fuerint, & cur antiquata ea? non docemur: Illud equidem scimus, quid Kalendarium fuerit; puta Ratiocinium eorum, quæ Reipubl. seu Ciuitati debentur: de quo ad *l. superiorem.* At nondum ita res in bono lumine collocatur. Circumstantiæ equidem *hac l.* comprehensæ suggerunt, per Vicariam Vr̄bis hæc Kalendaria fuisse, id est, per Vicarii Vr̄bis diocesim, & sic per Campaniam, Tusciam, Umbriam, Picenum suburbicarium, Siciliam, Apuliam, Calabriam, Bruttios, Lucaniam, Samnium, Sardiniam, Corsicam, & deinceps etiam Valeriam, ut docet *Imperii Notitia*, & ex parte, *lex ult. sup. quib. equorum usus.* Item docemur, eas Arcas, & Kalendaria olearia & frumentaria ad Vr̄bem Romam respexisse.

Tertio ad Senatus Romani requisitionem antiquata. Et vero Quarto antiquata seu abolita præcidendis calumniis, id est, calumniosis quæstionibus, inquisitionibus, quæ per prouincias Vicarianas Vr̄bis inde inardescabant, seu enascebantur. Igitur ita ipse existimem, *hanc leg.* Indulgentiæ cuiusdam speciem esse: qua pecunia, quæ in coëmptionem olei & frumenti destinata

erat, & sic Kalendarii nomen, id est, reliqua condonantur, *antiquantur*, (id est abolentur: ut *l. 17. de panis*;) Notum aliunde, canonico oleario, & frumentario, & vinario, destinata Romæ & Constantinopoli certam pecuniam fuisse, quo si harum specierum Canon solemniter ex prouinciis ob sterilem aut grauem annum non proueniret, exinde coëmi extra ordinem posset; ut de canone frumentario docet *l. 1. inf. de frum. V. Constant.* de canone vinario *l. 3. inf. de calcis coctorib.* Hæc igitur Arca Olearia & frumentaria est, & hoc vtriusque Kalendarium, cuius hic aboleatur nomen, id est, reliqua indulgentur iis Arcis & Kalendario debita: vel simpliciter videantur Reliqua canonis, seu illationis olei ipsius & frumenti Vr̄bi Romæ ex Vicariis vr̄bis prouinciis debiti, hac indulgentia remitti, & sic discussionem eius prohiberi; quomodo iam ad postulationem Senatus Romani antiquata fuerent: eo quod veternotis litibus & calumniis, canonis vr̄bicarii obtentu multorum patrimonialia lacefferent. Quomodo & aliarum Arcarum reliquiarum discussiones, (huiusmodique Kalendarii nomina,) inuidiosæ sæpe visæ: veluti Vini sub eodem Valentiniano Iun. ante biennium A. 384. Symmacho teste *lib. 9. ep. 121. & lib. 10. ep. 47.* de quo dixi ad *l. 26. sup. de susceptoribus.* Denique eo pertinet & *calumniarum* vox, nempe ad discussiones rerum fisco vel publico debitarum; vid. *l. ult. sup. de petitionib.* Neque temere est, quod Imperator studium hæc in re suum & enixum testatur; & *Calumniarum* istarum detestatione, & voce *sanctius*, & *penarum acerbitas*, quas comminatur Iudicibus, imo & Primatibus officii capitalis poenæ, Adeo res hæc curæ cordique illi fuit, ne nouis calumniarum facibus res hæc inardesceret, ut ipse loquitur eaque re multorum semita attentaretur. Illud modo mirum, Reliqua Arce Oleariæ & frumentariæ *b. l.* aboleri; antiquari, at non & *Arce vinariæ*, quæ tamen tot apud eundem Principem turbas dedit ante biennium, ut ex *illis* Symmachi tum P. V. *epistolis* discimus.

# DE LEGATIS, ET DECRETIS LEGATIONVM. TITVLVS XII.

LIB. X. COD. IVST. TIT. LXIII.

*De Legationibus: vbi duæ tantum huius Tituli Leges relatæ extant: puta lex 12. & 15.*

P A R A T I T L O N.

**L**EGATI, *Rubr. & l. 1. 3. 5. 6. 7. 8. 10. & l. ult. b. t.* (vnde Legatio *l. 10. 12. 14. 15. b. t.* Legatio publica, *l. 36. sup. de Decurion.* necessaria Legatio, *l. 10. b. t.* Legationis officium, *l. 25. sup. de Decur.* vide etiam Symmachum *lib. 1. ep. 11. & lib. 5. epist. 94.* Dicitur & peregrinatio in sp. *l. 9. hoc titulo: & l. 189. sup. de Decurion.*) quinque generum *hoc Codice* occurrunt.

1. Vel enim erant Legati, qui ad gentes veluti Axumitas & Homeritas ire præcipiebantur, *l. 2. b. t.*

2. Vel retro eant Legati Gentilium Regulorum seu Regalium ad Imperatorem Romanum, *l. 5. b. t. & l. 9. sup. de re militari, & l. 57. sup. de Cursu publico*: veluti Armeniæ vicinarum Gentium, *d. l. 57.* (Sofanenz, *l. ult. de aur. coron.*) Item Regis Arsacis Armeniorum *l. 1. sup. de Annona & tributis*: Item Ægypto Vicinarum: *d. l. 5. vt & Galliæ Rhenoq; vicinarum* (id est Francorum & Allamannorum) *d. l. 9.* His vero cursus publici facultas dabatur & pabula annonæq; his præbebantur, *d. l. 57. sup. de curs. publ. & d. l. 2. b. t. & d. l. 9. sup. de remil.*

3. Tertio erant Legati Senatus Populique Rom. ad Imp. Romanum, *l. 32. sup. de cursu publ.*

4. Quarto, erant & Legati missi a Numero vel Tribuno, *l. 17. in fin. supr. de re milit.*

5. Quinto denique (quod *b. t.* proprium est) erant Legati Prouincialium, *l. 3. 12. 14. b. t. l. 21. 23. & d. l. 32. sup. de curs. publ. l. 3. de censitorib. l. 13. 18. de extraord. l. 25. de Decurionib. l. 34. de annon. & tribut. l. 1. de honor. codicill. l. 18. de exaction.* Qui sc. a Prouincialibus ad Comitatum, *leg. 6. 7. 10. b. t. & l. 9. sup. de Decurion.* ad Sacrarium Principis, *l. 8. & l. 16. b. t.* mittebantur, *l. 1. & 12. b. t.* delegabantur, *l. 7. b. t.* dirigebantur, *l. 9. b. t.* destinabantur, *l. 15. b. t.* Quod Peregrinatio, & Peregrinationis onus vocatur *l. 9. b. t. & l. 18. sup. de Decurion.* & apud Symmachum non semel; de quibus est proprie *hic tit.* in ceniū videl. *titulorum de Decurion.*

Huiusmodi autem Prouincialium Legati varii quoque fuerunt; quatuor inquam generum: vel enim a certo tantum Corpore Legati erant, *l. 11. b. t.* veluti Senatorum Ciuitatis alicuius, vt puta Alexandrinæ, *l. 19. sup. de petition.* Item a Corpore Nauculariorum, quo pertinet *lex 1. inf. de prædiis Naucul.* vel erant Legati Ciuitatum seu Vrbium singularum, *l. 4. 7. 8. 11. 15. 16. b. t. & l. 9. sup. de Decurion.* veluti Alexandrinæ Ciuitatis, *l. 19. de petition. & l. 189. sup. de Decurion. & l. 42. inf. de Episcop.* Hierapolitanæ, *l. 8. inf. de Censitorib.* Capuanæ, de qua vid. Symmach. *lib. 10. ep. 53.* Antiochenæ, & similibus, de quibus frequens mentio in *epistolis* Libanii: vt & frequens horum Legatorum mentio apud Firmicum *Matthes. libris*: Argiuorum Legationis apud Iulianum *epist. 35.* quod Interpretenz fugit. Vel erant Legati Prouinciarum integrarum, *l. 9. 10. 11. 12. 13. b. t. & l. 25. sup. de Decurion.* (vnde Prouinciæ legatio, *l. 1. sup. de honor. Codicill.*) Veluti Africanarum Prouinciarum, *l. 1. b. t.* Tripolitanæ, cuiusmodi legationis meminit Ammianus Marcellinus *lib. 15. cap. 5. & lib. 28. cap. 6.* Africæ specialiter ita dictæ, *l. 6. b. t. & l. 166. sup. de Decurion.* Meminit & Legationis Africæ Symmachus *lib. 2. ep. 4.* Cum qua eadem est Proconsularis Prouinciæ Legatio, *l. 186. sup. de Decurion.* Eoque etiam pertinet *lex 15. supr. de appellationib. & lex 2. quemadmodum munera ciuilia.* Item Prouinciæ Byzacenæ. Quo pertinet *lex 1. sup. de libertis: & lex 3. sup. de inoff. testam.* Vt & Achaïæ, *l. 18. sup. de exactionib.* Siciliæ, vide Symmachum *lib. 1. epist. 11.* Alii denique Legati erant integræ Diocèses, *l. 9. b. t.* De his vero Legatis prouincialibus est *hic titulus.*

Enimvero in id coibant Prouinciales in cœtum & concilium, vel solemne & ordinarium, vel extraordinarium: Solemnis concilii (quod sc. legitimo die annuum erat) extat mentio apud Ammianum Marcellinum *d. libro 28. cap. 6.* Eoque pertinent omnes fere huius Tituli leges. De extraordinario est tantum *lex 12. 13. b. t. lex 1. sup. de Præfect. Prætor.* (Quod quidem a Præfecto Prætorio postulabatur, *d. l. 12. & 13.*) Hinc adeo huiusmodi cœtus *l. 1. b. t.* vocantur Concilia *l. 15. sup. de appellationib. l. 2. sup. quemadm. mun. ciuil. l. 1. sup. de libertis. l. 3. sup. de inoff. testam. l. 12. 13. b. t.* Marcellinus *d. l. 28. c. 6.* Consilia, *l. 1. hoc titulo.* In quibus agitabatur de implorando Principis auxilio, *l. 4. hoc titulo* indulgentiis impetrandis *l. 14. hoc titulo*, atque adeo Legati ad Principem mittebantur: etiam ad censum releuandum nominatim quoque Legationes missæ a ciuitatibus, *l. 3. de Censitoribus.* Si necessitas aliqua eos vrgeret, *l. 12. b. t.* si oppressi essent & quædam perferrent, *l. 9. b. t.* si necessaria fortuitis remedia essent, *d. l. 12. b. t.* si remedia fessis quibusque necessaria, *d. l. 14. b. t.* Breuiter, damnis suis deplorandis, vt loquitur Symmachus, *lib. 10. ep. 53.* Quo pertinent voces sequentes, *Querela, Deslendi, Subclaminationis, l. 9. b. t. l. 4. sup. de exactionib. l. 186. sup. de Decurionib.* Desideriorum *l. 3. 6. 7. b. t. l. 96. sup. de Decurionib. &c.* Et quidem ira, vt Iudices (& quidem si ordinarii essent, etiam Præfecti Prætorio) conuenarus huiusmodi prohibere non possent, *l. 1. 8. 9. 12. b. t.* de quorum sæpe iniquitate agebatur v. *l. 15. sup. de appellation.* Aliquando etiam ad aurum coronarium ad Principem perferendum, arg. *l. 15. b. t.* quæ causa est, cur *Titulus de auro Coronario*, huic cohzreat.



*Forma* huiusmodi conuentus hzc erat. Si ab vna *vrbe* conuentus habendus esset, vniuersi Curiales in locum Curie conueniebant, *l. 15. b. t.* Si vero a *Prouincia* integra, cum omnes, qui Primatum insignibus honorabantur, *l. 12. 13. b. t.* in vna frequentiore seu opulentiore totius Prouinciæ vrbe conueiebant, *d. l. 12. & 13. b. t.* (veluti Carthagine, vt docet *lex 15. sup. de appellat. & l. 2. sup. quemadm. munera civil. indic.*) Idque in æde publica, vel in aliqua fori parte, ad quam omnium posset esse concursus: *d. l. 13. b. t.*

Inibi de rebus in commune pertinentibus tractabatur: Itaque propria hac in re vox, *Tractatus, l. 4. 7. 9. 12. b. t.* Mox quod inter omnes communi consilio tractatuque conuenerat, *l. 12. b. t.* literis comprehendebatur, scribebatur *l. 42. infr. de Episcopis*: propria omnium subscriptione firmabatur, *l. 15. b. t.* Et hæc quidem sunt, quæ vocantur *Decreta l. 15. de accusationibus, l. 1. 3. 10. 11. 16. b. t. & l. 42. infr. de Episcopis*: Desideria, *l. 3. 6. 7. 8. 9. 11. 16. b. t. l. 9. & 96. sup. de Decurion.* Petitiones, *l. 3. 4. 7. h. t.* Postulata, *l. 16. b. t.* Edicta vt existimo: ad cuiusmodi Edicta varia Principum rescripta *hoc Cod.* continentur, veluti Constantini *l. 3. de extraord. l. 7. de Decur. In Quarta.*

His peractis Legati ordinabantur, seu eligebantur *l. 8. 9. b. t. l. 25. sup. de Decurion.* qui videl. desideria hæc apud Principem explicarent, seu prosequerentur, *l. 7. & 11. b. t.* qui has petitiones adueherent, *d. l. 7. b. t.* Et quidem spectabiles Viri, si a Prouinciali Concilio mitterentur, *l. 186. sup. de Decurion. l. 34. sup. de annon.* Si ab Urbibus, Decuriones, *l. 9. sup. de Decurion.* Idque vario numero, modo vnus, *l. 3. & 9. h. t. l. 186. sup. de Decurion. & l. 34. sup. de annon.* modo plures, *l. 18. sup. de exactionib. l. 8. infr. de Censitoribus*: puta duo, *l. 9. b. t. & Symmachus lib. 4. ep. 9. & lib. 6. ep. 22. & Ammianus Marcellinus lib. 20. c. 8. lib. 28. c. 6.* Modò tres *l. 7. hoc tit.* cuius exemplum quoque extat apud Libanium, *Ep. 771. ad Proclum*; & Sidonium, *lib. 1. ep. 7.* A quo tamen munere quidam immunes erant, veluti Principales Alexandria *l. 189. sup. de Decur.*

Horum igitur Legatorum fidei a Communi committebantur, *l. 16. hoc t. ea,* quæ apud Principem prosequenda haberent, quæ proprie *Mandata* dicuntur, *l. 11. b. t. & apud Symmachum plurib. locis,* & in his *lib. 1. ep. 11. & apud Sidonium lib. 1. ep. 7.* Vel etiam Decreta, Ammiano Marcellino *lib. 28. c. 6.* Vnde decreta Legationum, *Rubr. huius tit.* Gesta decretalia, Sidonio *lib. 1. ep. 7.* pagina decretalis, apud eundem, *lib. 7. ep. 9. in Concionis initio.* Dicebantur & instructiones legationum, *l. 14. b. t.* Hinc Legationes, quas instruxere decreta, *l. 10. b. t.* Itemque Legatus, & Legatio instructa Mandatis, apud Symmachum *lib. 1. epist. 11. & lib. 4. epist. 52.*

Antequam vero ad Principem perferrentur a legatis decreta illa, actis Rectoris Prouinciæ insinuari ea oportebat, ex *l. 3. 4. 15. b. tit.* non ex *l. 9. & 12. hoc tit.* mox ad Præfectum Prætorio mitti, *d. l. 3. 4. 7. 10. 12. 14. 15. hoc tit.* Qui scilicet impudentiorem petitionem refutaret: & quæ eius auxilio protinus implenda essent dispiceret, cæteris, quæ Principis nutu & indulgentia digna essent, reseruatis; *dictis proxime legib. omnibus.* Probata igitur prius a Præfecto Prætorio, & eliminata Prouincialium desideria ad Principem perferri oportebat, *d. l. 8. b. t.* Neminique Legatio libera committi poterat, *l. 15. hoc tit.* Alioquin si intempestiua Legatorum admonitio esset, *l. 18. sup. de exactionib.* si non cum necessariis desideriis & probabilibus rebus aduenirent, *l. 6. hoc tit.* si superfluis rebus Principem occuparent, *l. 9. hoc tit.* si inutilia decreta essent, *l. 42. infr. de Episcopis*: Legati huiusmodi cursu publico in reditu vti non poterant, *d. l. 6. b. t.* Item, si mandata, literarum auctoritate, demonstrare non possent, protinus remeare cogebantur sine vllò effectu *leg. 11. hoc titulo.*

His Legatis sumptus e publico dabantur, indictione possessionibus facta, *l. 15. & 18. sup. de Extraordin.* vbi dictum. Iisdem ad Principem proficiscentibus cursus publici facultas patebat, *l. 6. & 9. b. t. l. 32. sup. de cursu publico*: (quod idem in Legatis Gentilium obseruabatur *l. 9. sup. de re milit. & l. 57. sup. de cursu publ.*) Hos Legatione fungentes, vel functos, sæpe Principes ornarunt honorariis codicillis; quorum inde peculiaris ratio habita, & porior quam cæterorum, qui honorarios codicillos impetrarant, quoad munus immunitatem, qua post fruebantur, *l. 1. sup. de honor. codicill. & l. 25. 36. sup. de Decur. l. 23. sup. de cursu publ.*

Responsio ad huiusmodi Legationes ad solum Principem pertinuit, etsi Præfecti Prætorio id sibi vindicare sæpe moliti, vt docet *lex 10. 12. 14. 16. hoc tit.* Certe Legationes Ciuitatum tractabant Magister, & Scrinium Epistolarum: vid. *tit. de Magistr. Scrin. & tit. de prox. comit.*



*comit. disp.* Huiusmodi vero rescriptorum multa sunt *hoc Codice* exempla; vt apparet vel ex Inscriptione *l. 2. quemadm. mun. civil. l. 3. de inoff. testam. l. 1. de libertis.*

## I. (a) Imp. Constantinus (b) & Constans (c) AA. ad Taurum PF. P. (d)

**I**N Africanis prouinciis, vniuersis Consiliis (e) liberam tribuo potestatem, vt congruente arbitrio studii (f) condant cuncta decreta (g), aut (h) commodum (i) quod credunt consulant sibi, quod sentiunt eloquantur (k) decretis conditis, missisque Legatis. Nullus igitur obfistat cœtib. Dictator (l), nemo Consiliis obloquatur. Dat. Kal. Aug. Med. Arbitione & Lolliano Coss. [355.]

### NOTAE.

(a) Absit hæc *lex a Cod. Iust. GOTHOF.*

(b) *yp. Constantinus*: qui error & aliis *legib.* insidet hoc ipso Anno. *ID.*

(c) Id est, *Gallus Cæs. ID.* Sed hic iam anni superioris sine iussu Constantii est occisus. Vid. *Chron. histor.* delendum itaque Constantis nomen. *RITTER.*

(d) *Tauro* huic PP. plures alie constitutiones inscribuntur A. 353. 355. 357. 358. 359. 360. 361. ac nominatim hoc ipsa Anno nonnulla, in quibus Africae pariter mentio fit, puta *lex 2. de erogat. mil. ann. lex 8. supr. de exactionib. v. Protopograph. GOTHOF.*

(e) *Consiliis* hic, & mox iterum *fine l. 2.* alibi *Concilia*, de quo in *Comm.* Sidonius vtrumque iungit *lib. 2. ep. 1. in Concilio iubet, in Consilio tacet. ID.*

(f) *Arbitrium studii*, id est, arbitrium, seu studium: *studium* autem pro voluntate & arbitrio. *An studii? ID.*

(g) *Decreta*: de his in *Paratitlo*, & in *Comment. ID.*

(h) *Aut*, pro *et. ID.*

(i) *Ital. 3. infr. petita comoda consequatur. ID.*

(k) Hinc *Eloquium* Legati, *l. 34. supr. de annon. et tribus. ID.*

(l) *Dictator* figurate, qui rei alicui obfistit, vel alicui rei obloquitur: vel certe etiam proprie, de quo mox. *ID.*

### COMMENTARIUS.

**C**ONSTANTII Imp. hæc *lex* est: qua cunctis Consiliis vel Conciliis per prouincias Africanas liberam tribuit facultatem, coeundi in commune, consulendi, decreta condendi, Legatosque ad Principes mittendi, citra cuiusquam impedimentum, scilicet erant, qui cœtib. his & Legationibus obfisterent, & obloquerentur: proculdubio Magistratus & publica officia in prouincia gerentes, qui auctoritati suæ tantum decedere putabant, vel etiam veriti, ne Legati ideo ad Principem mitterentur, vt aduersum se querelas proponerent. Quare quantum in se, huiusmodi consiliis, cœtib. & Legationibus ii subinde intercessere: Contra Principes subinde prouincialium querelis, sua damna deplorantibus, voces laxandas putanere, vetitis Iudiciis huiusmodi cœtib. & Legationibus intercedere: puta Constantius *hac l. Valentinianus Iun. l. 8. 9. infr. Theodosius M. l. 12. infr.* Cui haud adeo abstinile est, quod Principes appellationes ad se impediri Iudicium terrore vetuere: & quidem idem Constantius hoc ipso Anno, *l. 2. supr. de his, qui per metum Iudicis*: in quam eandem sententiam addatur & *lex 15. supr. de appellat.*

Ergo Consiliis publicis id licere voluerunt Principes, vt Legatos citra auctoritatem Magistratum & Rectorum ad se mittere possent: Quod olim non ita licuit; Legatorum enim mittendorum potestatem a Magistratu olim petitam, ex Philone & Iosepho ostendam *ad l. 15. infr.* Quod & ipsum hodie definiunt Pragmatici, posse scil. Ambasciatores sine *Proregis* licentia a consilio ciuitatis ad Principem

mitti pro causis publicam vtilitatem concernentibus, si videl. de eo quaestio sit, quod a Prorege fieri non possit, vel quod cum prouidere posset Prorex, non vult, aut contrarium etiam prouidet. De quo videndus Ponte, *de Potestate Proregis, tit. 2. §. 7. Trentacinquies, consil. 4. Mialdus, in consil. in aliquib. Glossa, Comitum & Baronum, num. 55. Giurba Consilio Criminali 69.* Nec quicquam ei obstante *l. ult. Cod. Iust. de Legationib. seu l. 15. infr. & Nouella Iustiniani de mand. Princip. 17. cap. 3. vt ostendam ad l. 2. infr. & ad dict. l. 15.* Denique Baldi illud in *l. decernimus, num. 6. Cod. Iust. de sacros. Ecclæs. verum semper fuit, inquit, quod large loquendo, omnis ciuitas est sub Tyrannide, si subditi libera voce non possunt bonum publicum ita defendere.* Sed & Synesii locus elegans est *libro de Regno*, seu in formula bene imperandi, ad Arcadium Imp. *pag. 27. Edit. Petau.* quo huiusmodi Legationibus *εὐπρόσδοξ*, id est, *facilem & accessibilem* eum esse oportere suadet, quo laborantibus populis succurrat. Et certe verissima est illa, quam dixi, Baldi sententia: & inter arcana vel flagitia dominationis illud quoque actitatum scimus, & vbi metus motuum esse potest, hanc sapere rationem adhibitam, ne aliquibus in consilium coeundi domi facultas pateret, & illud, extra prouinciam seu regnum aliquod, alteri annexum, Curia, de rebus ad id pertinentibus, habeatur.

Cæterum quod ait Constantius, *Nullus obfistat cœtib. Dictator*, vel figurate accipi possit pro eo, qui alicui rei pro imperio suo intercedit; vel proprie: *Dictatores* enim vocarunt ciuitates quædam Magistratus

Stratus fuos, ut de Lannio constat ex Or. pro Milone cap. 10. & Spartiano in Hadriano cap. 19. init. Eiusdem Dictatoris municipalis mentio in vnica veteri Inscriptione Romæ, apud Gruterum CCXIII. ex Commentariis publicis desumpta, ex qua forte ratio dubitandi huius l. colligatur, scil. eo quod Dictatorum fuit Consilium cogere.

L. PUBLILIO. CELSO. II. C. CLUDIO.  
CRISPINO. COS. IDIBVS. APRILIB. M.  
PONTIO. CELSO. DICTATORE. C. SVETO-  
NIO. CLAVDIANO. AEDILE. IVRI. DICENDO.  
PRAEF. AERARI. COMMENTARIVM. COTTI-  
DIANVM. MVNICIPI

CAERITVM. INDE. PAGINA. XXVII.  
CAPITE. VI.

M. PONTIVS. CELSVS. DICTATOR. ET. C.  
SVETONIVS. CLAVDIANVS. DECVRIONES.  
IN. TEMPLO. DIVOR. CORROGAVERVNT.

Item *ibidem* :

IN. CVRIAM. FVERVNT. PONTIVS. CEL-  
SVS. DICTAT. &c.

Mox :

PAGINA. ALTERA. CAPITE. PRIMO.  
MAGISTRATVS. ET. DECVRION. CVRIA-  
TIO. COSANO. SAL. IDIB. AVG. DESI-  
DERANTI. A. NOBIS. VLPIO. VESBINO.  
CONSILIVM. DECVRION. COEGIMVS. &c.

Quod si ita est, tum locus hic notetur, de Dictatoribus per Africanas provincias.

Superfunt hac l. duo adhuc illustranda. Primum est, quod *Consilia* hac leg. dicuntur his, quæ alibi *Concilia* vocantur: vt l. 12. 13. b. t. l. 2. *supr.* quemadmodum. mun. ciuilia: l. 1. *supr.* de libertis: leg. 3.

*supr.* de inoff. testam. Vnde & Inscriptiones Constitutionum quarundam ad Concilium huius, vel illius provinciae, & quidem provinciae Africanæ, leg. 15. *supr.* de appellationibus, Byzacenæ, d. l. 1. *supr.* de libertis: d. l. 3. *supr.* de inoff. test. Ammianus Marcellinus lib. 28. cap. 6. *Qua spe Tripolitani frustrati, formidantesque extrema, adlapso legitimo die CONCILII, quod apud eos est annum, Seuerum & Flaccianum creauere Legatos.* Sed tamen istud consilium quoque recte habet: quomodo & vox quæ sequitur consulant sibi: & Curiales in Consilium cogi dicuntur, leg. 4. *supr.* de Decurionib. Sane & iam olim ita Consilium hoc sensu dictum, cuius consilii habendi ius non omnes Ciuitates habuere: Lilius de Capua lib. 26. c. 16. *Placuit, corpus nullum ciuitatis, nec Senatus, nec plebis Concilium, nec Magistratus esse. Sine Consilio publico, sine imperio multitudinem, &c.* Spartianus in Seuerio cap. 17. init. *Alexandrinis ius Buletarum dedit, qui sine publico Consilio, ita vt sub Regibus ante vivebant, vno Iudice contenti, quem Caesar dedisset.* Dio lib. 51. pag. 455. Edit. Wechel. de eadem re dixit, ἀνευ βουλῆς τῶν πολιτῶν ἐλάλει. Nos vocamus, Conseil de ville.

Alterum est de Decretis Legationum: de quibus, præter ea quæ continentur Paratitlo, tria apud alios Scriptores loca occurrunt. Mamertinus gratiarum actione pro Consulatu, c. 7. *Omnes Vrbes quæ Danubium incolunt adita, omnium audita DECRETA, leuati status, instaurateque fortune.* Ammianus Marcellinus lib. 28. cap. 6. *Venerunt in comitatum Legati: aditoque Principe, verbis quæ perpeffi sunt ostenderunt: obtulerunt DECRETA, textum continentia rei totius: Quibus lectis &c.* Sidonius Apollinaris lib. 1. ep. 7. *Gesta decretalia* vocat: ibidemque provinciale mandatum appellat: & in Concione Bituricensi lib. 1. ep. 9. *Paginam Decretalem.*

## II. (a) Idem AA. (b) & Iulianus C. Mufoniano PF. P. (c)

NVLVS, ad gentem Axumitarum & Homerita(d) ire(e) præceptus, ultra annui temporis spatia debet Alexandria(f) de cetero demorari(g): Nec post annum(h) percipere alimonias annonarias. (i) Dat. XVIII. Kal. Feb. Med. Indictione XV, (k) Constantio A. VIII. & Iuliano Cæs. Coss. [356.]

### NOTAE.

- (a) Absent hæc lex a Cod. Iust. velut temporaria & historica. GOTHOFR.  
(b) Alterum hoc etiam A tollendum: solus enim Constantius Augustus hoc tempore erat. ID.  
(c) Mufonianus PP. (Orientis scil.) sub Constantio Imp. De eo plene dico in Prosopogr. ex Amm. Marcellino, Athanasio & Libanio. Ex hac certe quoque leg. inquam, discimus aperte, eum PP. Orientis fuisse: ex Axumitarum & Homeritarum, vt & Alexandria mentione. ID.  
(d) Et comarita: Ita prima editio Tiliana: ex quo Homeritarum deinceps fecerunt: Minore mutatione reponam, Homeritas. ID.  
(e) Id est, Legatione fungi. ID.  
(f) ἢ Alexandria &c. demorari, vel emorari, de quo mox. ID.  
(g) Demorari: nostrum inde demeurer: ē. emorari. ID.  
(h) Circumacto anni tempore, l. 27. de erogat. mil. ann. ID.  
(i) Annonas vel emolumenta d. l. 27. ID.  
(k) Indictionem XV, nota, quæ incidit in A. D. 356. ID.

## COMMENTARIUS.

**D**E LEGATIS ire præceptis, seu misis ad GENTILES Æthiopiz & Arabiz Felicis, AXUMITAS scilicet & HOMERITAS, est hæc Constantii Imp. constitutio, quæ hoc titulo fugitiva videatur: est enim hic titulus proprie de Legationibus prouincialium misis ad Imperatores, quod Curialium munus erat. Nisi forte putemus, hanc l. non esse de Legatis ad has Gentes misis ab Imperatore Constantio, verum a Curia Alexandrina, quibus a Republica alimoniz annuariz præbebantur: de quo postea.

De huius l. sententia antequam agamus, de Gentibus, seu Gentilibus istis prius videndum est: de quibus alioquin ad Philostorgium quoque iam prolixius egi. Hic enim Scriptor nos plurima de his edocet: sic ut non plura aliunde vel certiora, quam ex hac l. & ex Philostorgio habere possimus. Itaque & Philostorgium hæc in re nunc sequemur, cui & ea lociabimus, quæ tum lex nostra suppeditat, tum alii scriptores de his habent. Et quidem de AXUMITAS primum.

De his igitur (quorum nullam mentionem reperio apud Strabonem aut Plinium) insignis παρῆκασις est apud Philostorgium, *hystor. Ecclesiastica lib. 3. c. 6.* ubi initio situm eorum describit: nempe 1. Æthiopes eos fuisse ait: 2. Ad primas maris Rubri oras & ad sinistram quidem exteriorem, eos habitasse: 3. Ante hos Auxumitas Orientem versus ad exteriorem Oceanum habitasse Syros (de quibus mox.) Quibus omnibus graphice situs eorum describitur. 4. Auxumitas denique dictos a metropoli Auxuma. Quæ omnia verissima sunt. Auxumitæ scilicet, Æthiopica gens fuit, mari Rubro ab Homeritis disparati. Quod & Ptolemæi tabulæ docent; gradus, ut ipsemet ait *65. 30. n. lib. 4. cap. 8.* & Arrianus, *periplo maris Erythraei* init. & Procopius, *1. Persicorum cap. 19. 20.* & *περί κτισμάτων lib. 5. cap. 8.* Theodoretus *Quest. in 3. Regum 33. pag. 312. Tom. I. Oper. Edit. Sirmond. Paris. 1642.* Nonnosus apud Photium, num. 3. pag. 6. 7. Edit. Schotti. In nummo quoque Imp. Heliogabali legimus ΑΞΟΤΜΕΙΤΩΝ. Et Axomitæ horum meminit quoque, iunctim cum Blemysibus (qui & ipsi Æthiopes fuere) & Arabibus Felicibus Vopiscus in *v. Aureliani cap. 33. in fin.* Blemys, inquit, Axomites, Arabes, Eudamones, Indi, Baſtriani, &c. & Tacitus Imp. apud eundem Vopiscum, in *Vit. Aurel. cap. 41.* Illum Saraceni, Blemys, Axomites, Baſtriani, Seres, Hiberi &c. veluti presentem pene venerati sunt Deum. Pariter ut Epiphanius in *Ancorato num. 58. pag. 60. Tom. II. Oper. Edit. Colon. τὴν μεγάλην Ἀθιοπίαν, Ἀνθίτην τε καὶ Βλεμύναν, καὶ Ἐξομίτην*: minorem Æthiopiam, Anubiticum tractum, Blemys, & Axumitidem. Et Stephanus in *v. Ἀξομίτης*, ubi & metropolim ipsam Ἀξομίτην nominat, pariter ut Arrianus, in *periplo*. Meminit horum & Epiphanius *heresi Sethianorum 39. num. 7. pag. 239.* & in *heresi Manichæorum 66. num. 83. pag. 703. Tom. I. Oper. Edit. cit.* Ἀξομίτην metropolin vocat Philostorgius l. c. pariter ut Ptolemæo Ἀξομίτην vel Ἀξομίτην dicitur, ἐν τῇ ἑσπέρειαν, in qua regia. Nonnosus, apud Photium, num. 3. pag. 6. Edit. Schotti, ait, maximam ciuitatem esse, & quasi totius Æthiopiz metropolim, sitam vero eam μεσημεριώτεραν καὶ ἀνατολικώτεραν τῆς Ρωμαιοῦ

Tom. IV.

ἀρχῆς, magis ad meridiem & orientem, quam Romanum imperium. Ibi vero regnasse Reginam Sabz iuxta Theodoretum, Æthiopum Annales memorant (quod Philostorgius *lib. 3. c. 4.* Homeritis adferit) Imo & Candacen Reginam (cuius Eunuchus a B. Philippo baptizatus est, & a qua, ut & a Philippo Apostolo, antiquitatem Christianismi repetunt.) Quorsum vide & Strabonem *lib. 17. p. 1175. 1176. Edit. Almeloucen.* Hodie retento veteri nomine Chaxuma vel Chassuma vocatur: de quo videnda Æthiopica hystoria Francisci Alvarez *cap. 38. 39. 40. 41.* & Odoardus Barboza. Ait vero inter alia Philostorgius, d. c. 6. ante Auxumitas Orientem versus habitare Syros: pro qua voce Nicephorus *lib. 19. cap. 18.* hunc locum exscribens, reposuit perperam *Assyrios*. De hisce vero Syris hæc tradit Philostorgius. Primo, ut iam dixi, eos supra Auxumitas Orientem versus ad exteriorem Oceanum habitare: πρότερον δὲ τῶν τῶν Ἀξομίτην, ἐπὶ τὸν ἕξο τῶν πρὸς ἀνατολὰς καθήμενους ὠκεανὸν παρακίσειν οἱ Σύροι, ante hos autem Auxumitas, Orientem versus, ad extimum pertingentes Oceanum, accollunt Syri. Secundo ait, eos hanc Syrorum appellationem apud illos ferre. Tercio, nominis istius rationem reddit, nempe quod Alexander Macedo hos Syria pulsos eo colonos deduxerit, verbis sane corruptis: pro quibus hæc habet Nicephorus, Ἀλέξανδρος ὁ Μακεδὼν ἐκ Συρίας ἀναστῆσας ἐκὼν κατὰ κίσειν. Quarto, eos & nunc patria seu Syriaca lingua vfos. Quinto, hos nigros valde esse, utpote cum acutis solis radiis adurantur. Postremo, apud hos gigni xylocassiam, & Cassiam & Cassianum, cinnamomum, & Elephantorum multitudinem: de quo ferme & Strabo *libro 16. pag. 119. 120. Edit. Almeloucen.* Plinius *lib. 12. cap. 19.*

Superioribus omnibus inspectis Syri hi videntur. 573: tur, Troglodytarum Adulitæ, (hodie Adol) Megabari, Aualitæ, Mossyli (qui aliis Syli) cum Azania forte: Nam & situs respondet: siti quippe illi supra Auxumitas ad exteriorem Oceanum, Orientem versus, & nigerrimi sunt, & Elephantorum ibi multitudo ingens est (vnde & ibidem Elephas mons), & regio hæc myrrhifera & cinnamomifera est, & aromatum ferax: Quibus alioquin Æthiopia olim accensita, vide Plinium *lib. 12. c. 19.* Solinum *c. 30. &c.* At Syrorum ibi nomen apud nullum præterea scriptorem occurrit, neque vlla alibi Syrorum eo deductorum ab Alexandro Macedone mentio, nisi quod inter Adulim & Cassumam (id est, Auxumam) Syri ibi apparent. Et certe Philostorgii hic inter alios error est. Arabes equidem Syros dictos reperio, διὰ τὴν ἐκ τῆς ὁμοῦ ἐπιμύζαν αὐτῶν, teste Eustathio in *schol. ad Dionys. Perieget. v. 336.* Imo Sytorum nomine regio omnis ab ora Syriæ maritima vsque ad Babylonem, & a Babylonia vsque ad Isficum flumen continebatur. Item & illud compertum, Alexandrum e Syria Africam petere statuisse, teste Q. Curtio *lib. 10. cap. 1.* Tandem & illud notum, & Afros & Æthiopes legatos ad Alexandrum Babylonem misisse memorari ab Arriano *lib. 7. pag. 475. Edit. Blancardi.* Verum de Syriæ in Æthiopia nulla alibi mentio. Et hæc de Auxumitarum situ.

Quod Religionem seu Fidem Auxumitarum attinet, nihil de ea πρὸς Philostorgius, nisi quod & hos Arianam fidem sectatos indicare voluisse videtur: ait enim *lib. 3. c. 6. in fin.* Theophilum Indum eo profectum res ibi constituisse, indeque ad Romanos repedasse: καὶ τὰ ἐκείσε καταστράμειν ἐν τῇ Παλαιᾷ ἀνακομιδῇ ἐρχετο, cum cuncta negotia illic probe ordinasset, inde ad Romanorum ditionem redire cepit. Athanasius certe, *Apol. I. ad Constantium pag. 693. Tom. I. Oper. Edit. Colon. sin. Lips. ap. Weidm.* ait, ad se fama perlatum, Constantium ad Auxumitanos scripsisse, ut Frumentium Episcopum inde ad se mitterent, & Athanasium ubique etiam apud Barbaros requirerent, & ad Commentarienses Praefecti Augustalis mitterent, populosque & clericos ad communionem haerese Arianae cogere, eosque qui ex his non obtemperarent, interfici curarent: Quod & opere ipso completum sit. Ipsa Constantii epistola, ad Tyrannos Auxumitos scripta (a Tyrannis quippe populi illi reguntur), quod Arrianus diserte quoque passim testatur) quam exhibet Athanasius, *pag. 696. Edit. cit.* eos unum cum Romanis dogma servare iubet, τὸν ἰσὺν Παλαιῶν μεταδίδόντες, ἐν τῇ αὐτῶν κρατὶ δόγμα ἐν ταῖς ἐκκλησίαις κελεύμεν: paria cum Romanis impertientes, unum cum illis in Ecclesiis dogma retinere iubemus. Frumentiumque Episc. in Egyptum ad Georgium Episc. Alexandrinum Synodumque Egypti mitti, ne videlicet sermonibus suis Auxumitanos corrumpere, βλασφημῶν εἰς τὸν κρείττονα, in summum numen blasphemias dicens, & ut ab Athanasio Episcopus peccatam factus, fidemque Arianam amplexans, in Episcopatu rite constituatur. Vnde constat, Auxumitanos orthodoxam fidem per Frumentium Episc. ab Athanasio missum tenuisse hoc tempore, quo Theophilum Indum Arrianum ibi fuisse narrat Philostorgius: verum ad Arianam fidem Constantium, & Georgium Episc. Alexandrinum, eos traducere studuisse. Quod forte tentatum ab his per Theophilum Indum, quod tamen nullus praeterea scriptorum Ecclesiasticorum refert. Et haec de Auxumitis.

De Homeritis & Legatione ad eos a Constantio Imp. missa, ad fidem Christianam his insinuandam & exinde Theophili ad Auxumitas profectio Philostorgii bene longa narratio est, *lib. 3. c. 4.* quam excipit Nicephorus ex parte *lib. 8. c. 35.* & plenius *lib. 9. cap. 18.* Cui nihil tale apud alios historiae Ecclesiasticae Scriptores occurrit: cuius etiam occasione Philostorgius in longam παρέκβασιν sese effundit, *cap. 7. 8. 9. 10. 11.* Hanc vero Legationem, ut temporis rationem stabiliamus, memorat Philostorgius medio tempore inter ea quae contigere A. D. 341. post quam Athanasius Alexandria pulsus fuisset Georgiumque eius loco ordinari iussisset, & A. D. 346. priusquam Athanasius ad Constantium Imp. in Occidentem se contulisset. Quare medio hoc quinquennii spatio. Quod tamen Baronius de cennio post referre maluit ad Annum Dom. 354.

Nunc de ipsis Homeritis, & quidem quid Philostorgius de his scribat de eorum scil. Nomine, Origine, Situ, Rituque, quam partem excipit quoque Nicephorus, tacito, ut alias ferme, Philostorgii no-

mine, *lib. 8. cap. 35.* Φασιν inquit. Homeritas igitur Philostorgius & *lib. 2. cap. 6. & lib. 3. c. 4.* iterum, cum Sabaeis eosdem facit, pariter ut Procopius Gazensis, in *3. Regum*, ad illa verba, *Regina Saba*, p. 532. *Edit. Gesnerian.* & vetus Auctor apud Surium, quem Baronius citat A. 522. num. 19. 20. de quo adde etiam quae post haec scripsit Geographiae sacrae Auctor, Sam. Bochartus *Part. I. lib. 2. c. 15. p. 97. 98. Edit. Lugd. B. 1707.* qui tamen apud Ptolemaeum distinguuntur, & apud Arrianum in *periplo*. Ceterum a Saba metropoli Sabaeos dictos ait: Additque Sabaeos hos ex Chettura Abrahami vxore ortos, de quo & Iosephus *lib. 1. c. 16.* vnde proculdubio habet Philostorgius. Subiicit & Regiam inde ad Salomonem accessisse; cum tamen Iosephus *lib. 8. cap. 2. num. 6. in fin. p. 271. Edit. Lips. apud Weidm.* Regiam illam Aegypti & Aethiopiae, τὴν Αἰγυπτίαν καὶ Αἰθιοπίαν faciat. Verum eandem cum Philostorgio sententiam sequitur & Theodoretus in *3. Reg. q. 33.* sequuntur hodie viri docti: nam & Arabia Felix, auri & aromatum abundantissima est, & Iudaeae respectu ad Austrum & ipsa spectat, cuius Aesri Regina dicitur a Christo: denique a Iudaea remotissima, & in finibus terrae vnde ea venisse dicitur. Hoc primum. Qui de hac regione Saba, deque Sabaeis plura scire volet, legat is doctissimi viri dissertationes *Geogr. sacr. Part. I. lib. 2. c. 26.* vbi multa ex hoc Philostorgio nostro.

Quod Situm Homeritarum attinet, Philostorgius ad extremum Oceanum eos collocat, & specialius adhuc in Arabia maiore seu Felice, cuius metropolis Saba. Recte haec ferme omnia Philostorgius. Homeritae enim ad Oceanum siti Arabum gens fuit, Saracenis proxima, gentibus his inter se mari Rubro seu Arabico disparatis: quod ex Plinio discere est, *lib. 6. c. 28.* (quos & idem inter Arabas numerosissimos fuisse ait, ex relatione Aelii Galli) & Ptolemaeo *lib. 6. c. 7.* Procopio. i. *Persic. cap. 19. 20.* & Procopio Gazensi in *3. Regum* ad verb. *Regina Saba*, p. 532. *Edit. latin. apud Gesneros.* Theodoro quoque *quest. 33. in lib. 3. Regum*, *pag. 312. Edit. Paris. Sirmond.* Nonnoso apud Photium, *n. 3. pag. 6. Edit. Schotti.* De quibus & Vranius *primo Arabicorum*, apud Stephanum voc. χατραμωίτης. Καμηλοκόμοι: Χατραμωίται, Σαββαῖν, καὶ Ομηρίται. Camelocomi Chatramota, h. e. Camelos ornantes Chatramota, Sabbei, & Homeritae. Vbi legendum puto Σαββαῖ δὲ καὶ Ομηρίται, Sabbae, id est, Sabbaei, qui & Homeritae: quam coniecturam meam probavit postea Vir doctissimus S. Bochartus *Geograph. sacr. Part. I. lib. 2. c. 15. p. 98.* E regione Homeritarum Axumitae fuisse, de quibus *supra*. Denique Homeritae inter Arabes seu in Arabia censiti, a Plinio quoque *dict. lib. 6. cap. 28.* Arriano in *periplo maris Erythraei* *pag. 154. Edit. Blancard. & Ptolemaeo lib. 6. cap. 7.* Quare manifestus error est Stephani, qui Homeritas Aethiopum gentem facit, quod de Axumitis verum est: Et eorum maxime, qui Homeritas eosdem cum Axumitis faciunt, hoc tantum discrimine, quod qui prius Homeritae dicebantur quamdiu in Arabia fuerunt, postea in Aethiopiam translati Axumitae dicti fuerint. Quibus vel haec lex & Philostorgius refutandis deinceps sufficient, qui tam clare eos distinguunt. Procopius quoque Gazensis,



P. 184. zenſis, in 3. *Regum* ad verba illa, *Regina Saba*, pag. 532. Edit. latin. apud Gefneros, de Sabæis. ἔθνος ἐστὶν Αἰθιοπικόν: ἐντεῦθεν δὲ καὶ θάλασσα φασὶν αὐτὴς τῆς θαλάσσης τῆς Ἰνδικῆς, ἐνομάζεσθαι δὲ αὐτὴς Ὀμπερίαν, καὶ ἀντικρὺ δὲ εἶσι τῶν Αὐξυμιτῶν: μέση δὲ τῶν καίωνων ἡ θάλασσα: Gens est Ethiopica, sitam esse aiunt ad mare Indicum. Vocant autem Homeritas, sunt ex aduerso Axomitaram, medium autem inter illos mare est. Qui locus egregie cum Philostorgio concinit, in describendo eorum situ.

Nunc de Homeritarum Urbibus. Philostorgius igitur lib. 3. c. 4. Homeritarum metropolin, non Sabam tantum (vnde Sabæi) verum & Tafarium quoque fuisse ait. Τάφαρα hæc dicitur apud Stephanum. Τάφαρα, inquit, ἡδετέρας, πόλις τῆς εὐδαίμονος Αραβίας, ὁ πολίτης Ταφαρηνός (ſequentia reperiuntur etiam in voce Ἰδανα) ὡς Ζααρά Ζααρηνός, Ἀύαρα, Αὐαρηνός, ὡς Οὐράνιος ἐν Αραβικῶν γε. το. Ταφάρα, neutro genere, urbs Arabiae felicit. Ciuit. Ταφάρενους, ut Zoara, Zoarenus, Auara, Auarenus, ut Vranus Arabicorum libro tertio. Ammianus quoque Marcellinus, lib. 23. cap. 6. inter eximias Arabum beatorum ciuitates hanc Tapharum memorat, & Taphron, vel ut alii, Taphra vocat. Ac licet abundet orbibus mediterraneis atque maritimis, campisque copiosis & vallibus, has tamen habet ciuitates eximias, Geapolim & Nascum & Baraba, itidemque Nagara & Mephra, & ΤΑΦΡΟΝ (al. ΤΑΦΡΑ) & Dioſcυριάδα. Apud Ptolemæum quoque, lib. 6. cap. 7. ταπφαρίται (nam ita diſerte codices quidam habent, eſſi alii Σαπφαρίται) iuxta Homeritas in Arabia Felice memorantur: & mox Σάπφαρα vel Σάπφαρη μητρόπολις; ut & lib. 8. pag. 241. Σάπφαρ: vbi & interuallum eius ab Alexandria designat. Et apud Arrianum in periplo maris Rubri pag. 147. Edit. Blancard. τὰ παρὰ ἐμπορία βαβυλωνία: Item Αφά, quam diſerte metropolin Homeritarum vocat pag. 154. edit. cit. Et hæc de Tapharo seu Saphare, de quo vir doctiss. quoque Geogr. ſacr. Part. 1. lib. 2. c. 30. vbi hunc quoque locum allegat. Atenim præter Sibam & Taphron, duo præterea Homeritarum emporia memorat Philostorgius: nempe Emporium Romanum, & Emporium Perſicum. De Romano Homeritarum emporio tria ait, 1. ſitum id extrorſum ad Oceanum: 2. Regionem vocari Adanen: & ſic Emporium Romanum illud fuiſſe in regione, quæ vocatur Adane. De hæc Adane Vranus quoque lib. 3. Arabicorum, & Herodianus lib. 4. apud Stephanum in Ἰδανα. Ἰδανα ἔστι καὶ ἐτέρα πόλις ἐν μεσογείῳ τῆς εὐδαίμονος Αραβίας, ὡς Οὐράνιος φησὶ ἐν Αραβικῶν γε. το. Adana eſt & alia urbs in mediterranea felicit Arabia parte, ut Vranus inquit Arabicorum libro tertio. Sic & apud Ptolemæum, ad marginem τῆς Αραβίας ἐμπορία, adſcriptum, Aden aliis vocari. Ea vero hodiernum Aden urbs regnumque dicitur. 3. Ait Philostorgius ad Romanum Homeritarum emporium appellere Romanos ſolitos: (nempe commercii ergo.) Hoc vero præculdubio emporium illud eſt, quod Ptolemæus lib. 6. c. 7. in Homeritis regione diſerte vocat Αραβίας ἐμπόριον, vbi ad marginem, ut dixi, adſcriptum, Aden aliis vocari: cuius eiſdem meminit & lib. 8. p. 242. vbi & diſtantiam eius ab Alexandria designat: a quo eodem Tom. IV.

in eadem Arabia Felice alia Emporia memorantur diſt. lib. 6. cap. 7. puta in Adramitarum regione, καὶ ἐμπόριον καὶ ἄκρον, Cane emporium & extremum: in Eleſarorum, Μύσα ἐμπόριον, Ὀκλήρις ἐμπόριον, Muſa emporium, Ocelis emporium: in Mediteranea Arabia, Ὀμανὸν ἐμπόριον, Omanum emporium, quorum etiam omnium interualla ab Alexandria (quo ſcil. merces Arabicæ conuehebantur) deſcribit lib. 8. p. 241. 242. Nempe felix illa diueſque Arabia, Romanorum commerciiſ patuit; in quem finem emporia quædam ſeu commerciorum loca deſtinata erant, pariter ut apud alias vicinas Romanis gentes, commerciorum loca fuere: vnde vel Ammianum Marcellinum, & Itiner. Peutingerianum: uti viceuerſa certa commerciorum loca in Orbe Romano Barbaris patuere: de quo utroque vide vel l. 4. c. Iuſt. de commerciis & mercatoribus. Et hæc de Romano Emporio apud Homeritas. Perſicum quoque apud eosdem emporium memorat Philostorgius: nempe quo Perſæ commercii ergo comeabant, quibus Arabes felices a læua Perſico mari collimitabant, ut ait Marcellinus lib. 23. cap. 3. qui etiam ait, ibi fuiſſe Emporia denſa. Verum quænam ſine Romana ſue Perſica emporia ibi fuerint, ſi quis ſcire aueat, & quid ad quemque locum comportatum, commerciatumque fuerit, legat is Arriani periplo maris Erythraei. Et hæc de ſitu vrbibusque Homeritarum.

Quod Ritum morisque Homeritarum attinet, ait Philostorgius (quod etiam exſcripſit Nicephorus, lib. 8. c. 35.) Primo, circumciſam eam gentem fuiſſe. Quod Epiphanius quoque ſcribit in hæreſi Ebianaorum 30 n. 33. pag. 160. Tom. I. Oper. Edit. Col. on. apud Irem. Schrey. Certe de iis quoque populis paſſim Ethiopibus, Troglodytis (qui poſtea Axumitis dicti,) & Herodotus, & Agatharchides lib. 5. de mari Rubro, cap. 30. apud Iſotium Cod. 250. pag. 1358. Edit. Schotti, & Diodorus lib. 3. Biblioth. hiſtor. pag. 115. Edit. Henr. Stephan. & pag. 165. Edit. Rhodomanni, & Strabo, lib. 16. Geograph. pag. 116. 117. 119. Edit. Almeloueen, notat, eos κολεβάς τὰς βαλάνους, glandes mutilas, iuno & γυναικας Ἰσδαίκως ἐκτεταμμένας, mulieres iudaice exciſas fuiſſe, & a Pytholai promontorio ruſſum εὐλαλῆρας, integros, fuiſſe. De Idumæis, in genere, (quorum pars Homeritæ) Ammonius & Iuſtinus dialogo cum Triphone Iudeo pag. 245. 246. Edit. Pariſ. & pag. 192. Edit. Londin. Syani Thirlbii. De omnibus ex Chettura ortis, & Egyptiis tradit Theodorētus Quaſt. in Geogr. 68. pag. 53. Tom. I. Oper. Edit. Sirmond. Denique Ethiopes qui circumciſi ſunt, ex poſteris Chetturæ ſunt. De ortis ex Chettura in commune eſt egregius locus Alexandri Polyhiſtoris apud Iosephum lib. 1. c. 16. quem & Eusebius adducit præpar. Fu. lib. 9. c. 20. Nunc etiam qui eorum Chriſtiani ſunt, ex vetuſti moris reuerentia circumciſionem retinent.

Secundo, quod tempus circumciſionis attinet, ait Homeritas circumciſos octauo die: Nempe more Iudaico. Et Iosephus tamen lib. 1. Antiq. c. 13. & Origenes in diſſertat. contra fatum, quæ apud Eusebium extat, lib. 6. c. 11. & in collectione Græca, cui Φιλοναλίας nomen. & Eustathius in Hexæmeron pag. 60. aiunt, Arabas ſeu Iſmaëlitas, quos



Epiphanius Saracenos explicat, post decimum tertium annum id facere.

Tertio ait Philostorgius, Homeritas sacrificasse Soli, Lunæ, dæmonibus indigenis: Quod etiam habent acta Metaphrastis apud Surium 24. Octobr. & apud Baronium in *Annalib. ad an. 522. num. 20.* totidem pene verbis, ubi de Axumitarum & Homeritarum Rege: *Omnes, qui erant in sua potestate habebat circumcisos, partim quidem Iudaicam sequentes superstitionem, partim autem plane Gentiles, Soli & Lunæ sacrificantes & dæmonibus, &c.* Certe Arabes Soli & Lucifero sacrificasse testatur quoque Nilus, in narratione de cæde Monachorum montis Sinai, & Theoduli filii captiuitate. Et iam olim Arabes duo tantum numina coluisse Arrianus scribit, lib. 7. de expedit. Alexandr. pag. 486. Edit. Blancard. Cælum, quod Scythiam astraque alia in se contineret, & Dionysium, ob famam ducti ad Indos exercitus. Sic & Blemyes Soli sacrificasse, & quidem humana hostia, scribit Procopius 1. Persic. cap. 19. Postremo ait Philostorgius, Iudæos quoque multos apud Homeritas fuisse, idque duobus locis scribit. Prodit id quoque Procopius 1. Persic. cap. 20. init. *ἵνα δὲ Ὁμηριτῶν ἔγνω πολλὰς μὲν Ἰουδαίους ὄντας, cum audisset Homeritarum non paucos genere Iudæos esse.* & prædicta acta apud Surium sub Iustino Imp. Inno Strabo ex Eratosthen. lib. 16. Geograph. pag. 112. Edit. Almeloucen. in Arabia hac Felice Syros incolere ut & Iudæos, & post hos primos incolere homines agricolas. Ut proinde mirum non sit, si circumcisa gens ea fuerit, quando & ex Chetura Abrahami ea orta: & Iudæi his plurimi immixti fuere. Et hæc quidem de Homeritis ipsis, eorumque moribus.

Nunc, de Legatione, quod huic leg. propius iam, P. 585. quam a Constantio ad Homeritas missam Philostorgius scribit, quæque eius Legationis exitus fuerit. Quam quidem narrationem a Nicephoro, ut dixi, ex Philostorgio mutuata Baroni pro suspecta habuit A. D. 354. num. 14. 15. 16. quando nulli præterea ex historicis idem memorant. Addo, Philostorgium sibi vix in omnibus constare videri, ut ex collatione capituli 6. libro 2. & c. 4. lib. 3. colligitur. Tandem, non alio siue hæc scripta a Philostorgio, quam in Arianorum gratiam. Nōs Philostorgium sequamur, qui non omnino saltem falsus, vel in omnibus.

Primo spectandum illud, agi hic de amica Constantii ad Homeritas legatione, pariter ut ad Axumitas. Nempe, ut ab antiquo Homeritæ & Axumitæ Romanorum Fœderati fuere, & Legati utrinque missi (quod de Sabaitis nominatim testatur Arrianus, in periplo maris Rubri pag. 154. Edit. Blancard. qui & mentionem facit Legatorum a R. Homeritarum ad Imp. cum muneribus missorum) ita & sub Constantio Imp. nominatim, sub quo nunc versamur, fidem facit de Axumitis, Constantii Imp. epistola ad Tyrannos Axumitarum Atzanam & Sazanam, in qua ut iam dixi de Frumentio Episc. Auxumitano & Athanasio Alexandrino agit, quam memorat Athanasius, Apolog. ad Imp. Constantium pag. 693. & ipsam consignat pag. 696. Tom. I. Op. Edit. Lips. apud Weidm. ubi & sine epistola Constantius eos vocat ἀδελφὲς τιμαρτῆς, fra-

tres honoratissimos. Eaque refert, se se his paria cum Romanis iura tribuisse, τῆς αὐτῆς περὶ τὰς ἀδελφῶν ὑμῶν, καὶ τῶν ἰσῶν Ρωμαίων μεταδίδόντες: hac cura cum & vos prosequi dignamur, paria cum romanis impertientes. De utrisque, de Axumitis inquam & Homeritis, testis hæc ipsa eiusdem Constantii Imp. constitutio: quæ eo ipso Anno 356. data est, quo superior illa eiusdem Imperatoris epistola ad Tyrannos Axumitarum.

Fœderati igitur Romanis fuere & Homeritæ & Axumitæ hoc Constantii ævo: ut & deinceps quoque mansere, etiam sub Iustiniano, Procopio teste, lib. 1. Persicor. cap. 19. & Nonnosio, apud Photium Cod. 3. pag. 6. Edit. Schotti. aduersus Persas videlicet, quibus vicini erant; quibus cum Persis sane Constantio Imp. hoc ævo res erat, qui tum Armeniam & Mesopotamiam incurfabant, cum Musonianus PP. esset (cui hæc lex inscribitur) teste Ammiano Marcellino, lib. 15. cap. ultim. lib. 16. cap. 9. lib. 17. cap. 5. Inde igitur Legationes istæ a Constantio ad Homeritas & Axumitas missæ, ut non tantum ex Philostorgii loco liquet, verum etiam ex hac l. quæ proinde Philostorgium non omnino neque ubique falsum in hac narratione ostendit.

Finis porro, quod secundum, Legationis istius, quam memorat Philostorgius, a Constantio videlicet ad Homeritas missæ, a Philostorgio redditur, lib. 3. c. 4. puta ut ad pietatem seu fidem Christianam eos traduceret: de quo etiam c. 6. lib. 2. Et Metaphrastis apud Surium 24. Octobr. & apud Baronium in *Annal. ad an. 522. num. 20. 21. seqq.* cuius verba, siue ex Philostorgio siue e Nicephoro mutuata, hic apponere iuuat, ut appareat quomodo ea inflexa ab eo Scriptore fuerint: *Ciuitas in Homeritide quæ vocatur Nagran, cum iam longo ab hinc tempore venisset ad agnitionem veritatis, & pietatem suscepisset, nempe ex quo Constantius Magni Constantini filius ad Sabaos, qui nunc vocantur Homeritæ, orti vero sunt ex Cætura Abrahæ, misit Legator: & Rege gentis illius muneribus sibi conciliato, edificauit hæc in ciuitate Ecclesias: & quendam virum pium, qui ad vitam declinarat monasticam, & moralibus & actiuis virtutibus erat magnus, atque adeo omnibus sui temporis superior, misit, ut præfesset iis, qui ad veram accesserant religionem. Quo quidem tempore, Iudæi resistentibus, & Barbaro suadentibus, ne tam facile hospitem admitteret in ciuitatem, neque circa res diuinas aliquid innouaret, nisi prius vir religiosus aliquod signum ostenderet (quomodo solent isti petere, ut qui sint increduli) quod quidem si præstiterit, tunc ei concederet ingressum in ciuitatem. Ille diuinis fretus promissis, quod signa sequerentur eos, qui crediderint, annuit citra ullam dubitationem, & eorum quæ petebantur miraculorum magnam ostendit operationem. Ab eo autem tempore ciuitas Dominum pure colens, & orthodoxa diuinorum patrum sequens dogmata perseuerabat, &c.* Quæ præterea sub Iustino & Iustiniano Imp. apud hos populos facta circa fidem Christianam, vide apud Cedrenum, & Historia Miscella Scriptorem. Tertio, Theophilum Legationis istius a Constantio ad Homeritas missæ, principem fuisse, ait Philostorgius: De quo Theophilo multa habet, ut toto opere

re passum, ita c. 4. lib. 3. quæ etiam exscripsit Nicephorus lib. 9. c. 18. deque eo Thalassii locus est apud Suidam. voc. Θαλασσιος.

Ad Legationem ipsam Constantii ad Homeritas redeamus: Eam vero magnificam & munificam valde describit Philostorgius: Inter alia vero munera ad Homeritas a Constantio missa, ait, & ex eo Nicephorus, & ducentos equos e Cappadocibus nobilissimis, missos. De Cappadocum equorum nobilitate & præstantia nota iam res est: deque his & nosmetipsi iam ad *Veterem Orbis descriptionem*, & plenius *inf. ad l. 1. de equis curulib.* Tanta vero eorum nobilitas fuit, ut Imperatorum ferme vñibus seruirentur, unde & *Divina animalia in diæta Veteri orbis descriptione*, pag. 261. *Geographico. antiquor. Edit. Gronov.* id est Imperatoria, de quibus & Nemesianus *Cynegetico* v. 241. & Claudianus *in laudem Sereni* v. 192. Ex his equis erant Palmati illi, de quibus Nemesiani locus, Helychii, lib. 5. *Chronicorum, in Glossis Nomicis* voc. παλματίας. lex vii. de grege dominico: & d. lex i. *inf. de equis Curulibus*: tandem & *Itinerarium Hierosolymitanum* pag. 577. *Edit. Wesseling.* prout eius verba iam olim restitimus. Huiusmodi equis nonnullis nulli fas fuit uti, vel factionibus dividere præter Imperatorem, ne Consulibus quidem: vide Capitolinum *in Gordianis* cap. 4. De quo accipio & quod ab eodem Philostorgio dicitur, lib. ii. c. 6. Et hæc quidem quæ modo notauimus vir doctiss. S. Bochartus *Geogr. sacr. Part. i. lib. 3. c. ii. p. 177. 178. Edit. Lugd. Bat. 1707.* verbatim inferuit, calculoque suo probauit. Ergo & inter dona, munera, & quidem nobilissima & ad Reges externos missa fuere equi Cappadoces, & ideo ad Homeritas quoque a Constantio nostro *huius l. auctore* missi.

Quod Exitum huius Legationis attinet, ait Primum Philostorgius lib. 3. cap. 4. Iudeos obstinatos alioquin & pertinaces, (ἡ δὲ τῶν Ἰουδαίων ἀκεία ἐπίνοια) miraculosis Theophili operib. inuitam licet & ἀντιλέοντα manus præbuisset. Quo pertinet quoque Metaphrasis locus *sup.* Secundo ait & ex eo Nicephorus, Homeritarum Regem ad Christi fidem conuersum, tresque ab eo Ecclesias locis opportunissimis excitatas: Primam quidem in metropoli gentis, Tapharone: Secundam, in *Emporio Romano*, quo Romani commercaturi commicare solebant, extrorsum ad Oceanum: Tertiam, ad alteram regionis partem, ad fauces videlicet Persici maris, in *Emporio Persico*. Unde discimus iam, Homeritarum regionem a mari Rubro & Oceano ad Persicum mare vsque tum procurrisse: cum tamen Ptolemæus suo tempore Homeritarum fines inter Madocen ciuitatem, & Melan montem coarctaret. Atque hæc quidem hæcenus, de Axumitis & Homeritis.

Nos ad Legationes, quæ hoc tempore ad eos missæ, atque adeo ad *huius l. sententiam*, unde diu emorati sumus, redeamus. Ergo ad has quoque gentes hoc tempore Legationes missæ, pariter ut ad alias gentes, quæ Romanis fœderatæ, & amicæ erant. Quo quidem numero fuere quoque Armenii: de quo fidem facit *lex i. sup. de annona & trib.* ut & de Satrapis gentibusque Armeniæ vicinis *lex 57. sup. de cursu publ. ult. inf. de auro coronario*:

Saraceni item, de quo dixi ad *l. 16. sup. de Tironib.* fidemque etiam facit sub Theodosio Iun. *Nouella eius* 31. Missæ inquam Legationes ad has gentes: *p. 586.* siue auxilii, siue amicitie fœderisue, siue fidei causa. Igitur Constantius *hæc l.* modum aliquem hisce Legatis sæpe desideriosis ad Axumitas & Homeritas missis ponit: vetito quemquam Legatum ad eos ire præceptum, seu missum ultra annui temporis spatia Alexandriæ demorari *χρονότεύοντα*, atque adeo post annum ei annonias præstari. Qua parte tamen constitutio hæc, ut vulgo ea habet, vix fidem mereatur: illud ipsum inquam, quod annui temporis spatium Legatis ire præceptis ad illas gentes, concedatur ad demorandum Alexandriæ: cum & has Legationes propere obiri publice tum interesset, & quidem in abrupto sæpe periculo, belloque tum temporis cum Persis flagrante, quale sane bellum hoc ipso tempore flagrabat, Persis Armeniam & Mesopotamiam incurstantibus, ut docet Ammianus Marcellinus *lib. 15. 16. 17.* cum Musonianus, ille ipse, cui hæc lex inscribitur, Præfectus Prætorio esset, quod idem Marcellinus testatur, *d. lib. 15. cap. ultim. & lib. 17. cap. 5.*

Quare hic aliud quid latere necesse est. Multæ equidem aliæ constitutiones occurrunt, quibus temporis faciendi morandique aliquibus præfixa sunt spatia.

1. Ut ecce, Prosecutores equorum & animalium, sacro vsui deputatorum, seu necessariorum, ultra quonque dies in vna ciuitate residere vetiti a Theodosio *M. l. 2. sup. de tractoriis & statuiis.*

2. Iis, qui transductioni ferarum deputati erant, tres vel quatuor menses in Hieropolitana vrbe residere solitis, septem dierum tantum mora concessa a Theodosio *Iun. l. 2. inf. de venat. fer.*

3. Exactor etiam ultra anni spatium in vñscribis regionis, ad quam missus erat, remorari vetitus: *l. 9. sup. de exactor. & exactionib.*

4. Protectori quoque vel Domestico, cui aut tuitio locorum, aut quidem longior necessitas commissæ erat, aut iudicium præceptis obtemperare iustus erat, circumacto anni tempore annonæ vel alimenta regulariter non debebantur: *l. 27. sup. de erog. mil. ann.*

5. Datus etiam Nauiculariis ad ἀνολὴν καὶ καθολὴν, seu ad securitates, id est apochas repositandas annus, vel biennium.

6. Datum & spatium sacerdotalibus prouinciarum Africanarum, ultra quod Karthagini morari non possent, *l. 176. sup. de Decurionib.* Verum hæc ad *hanc l.* nil faciunt, & peculiare suas habent rationes, non magis quam species *legis 27. sup. de petitionib.* Putet ergo quis Legatis ad Axumitas & Homeritas missos Alexandriæ tamdiu sæpe moratos, siue quod opportunam nauigandi Alexandria per Mare Rubrum occasionem caperent, siue vitandis latronum Arabum Saracenorum insidiis, siue nimio earum regionum æstui: siue denique etiam vrbis voluptate capti, diuturnam nimis ibi moram facerent, visum fuerit Constantio Imp. his temporis istius annui spatium præfixire, intra quod nauigandi occasionem opportunam inuenire satis possent. Verum neque id fidem meretur. Putet quis igitur hic legendum loco, *annui temporis*, ultra

*verni temporis*, quomodo etiam Ammianus Marcellinus loquitur *libr. 19. cap. ultim.* Putet alius, Legatos hoc tantum temporis insumpsisse ad magnificentiam & apparatus, vel ad munera colligenda: prout scilicet erant hæ Legationes magnificæ, ut ex Philostorgio *supra* ostendimus. Horum inquam, nil placet. Quid igitur? Legatum hic non Alexandria demorari, verum, Alexandria emorari vult Constantius. Emorari in genere est tardare, moram facere, *ἡμερίσαι*: ut & Demorari apud Tacitum *libr. 15. cap. 59.* Lactantius etiam *libr. 4. Instit. diuin. c. 10. cum Moses Dux eorum ascendisset in montem, atque ibidem quadraginta diebus demoraretur.* Iuriconsultus quoque in *l. 2. S. 4. D. de iudiciis*, in hoc ipso Legationum argumento: non compelluntur se defendere Roma, quam diu Legationis causa ibi demorantur. Alioquin est & moram iniicere alteri: ita Claudianus *de bello Getico. v. 385.*

— — neu vos longe sermone petito

Demorer.

V. & l. 8. Cod. Iust. qui pet. tutor. Emorari tandem est, ab aliquo loco diu abesse, moramque alibi facere. Et hoc iam sensu Constantius Imp. Legatis ad Axumitas & Homeritas, ex Alexandria missis, ad aditum & reditum annum præstituit: vltra quem si emorarentur, scirent sibi vltra, seu post annum, alimonias annonarias denegandas. Dixi ex Alexandria; nam ea scilicet veluti centrum huius Legationis erat, seu terminus a quo & ad quem, inde inquam Legati proficiscebantur, eoque redibant. Quæ quidem etiam æquali spatio disita erat ab Axumitis & ab Homeritis, ut ex superius dictis constat. Sensus igitur huius l. apertus: Anno hanc vtramque Legationem absolvendam; quæ sane commode absolui intra annum potest; quandoquidem etiam opportuna intra annum nauigandi eo ex Ægypto, indeque Alexandriam redeundi, tempestas esse potuit. Auctor enim est Arrianus, in *periplo maris Erythraei*, pag. 146. Edit. Blancard. opportunum nauigandi tempus ex Ægypto Auxumam fuisse a Ianuario ad Septembrem vsque: in vltiora vero emporia, mense Iulio pag. 150. sicut & ad alia maris Erythraei loca, pag. 164. 170. 174. In Homeritarum vero regionem & Mazam & Sabbatham, mense ferme Septembri pag. 155. Ed. cit. Ergo vltra annum emanfori, moratori Legato, post annum annonæ præberi vetitæ. Quomodo & alias moratoribus, emanforibus hæc eadem poena imposita. Sic enim & Protectoribus vel domesticis extra ordinem & Comitatu alio missis, ad aliquid peragendum, post annum annonæ & emolumenta regulariter non debebantur, *dict. leg. 27. supr. de erog. mil. ann.* Ideoque in Exactore, *dict. l. 9. supr. de exe-*

*ctor. exactionib.* Et sic tribus his legibus annui temporis spatium præfinitur officii quibusdam peragendis, vltra quod annonas exigere non possent, ut in genere ceteroquin otiosos & publico palci non oportet: Quomodo Capitolinus de Antonino Pio in *vita eius c. 7. Salaria*, inquit, multis subtraxit, quos otiosos videbat accipere, dicens, Nihil esse sordidius, imo crudelius, quam si Rempublicam ita arroderent, qui nihil in eam suo labore conferrent. Proculdubio enim Legati ad Axumitas & Homeritas missi, moras ibi nectebant, rerum forte novarum mirabili-umque, de quibus Arrianus, & Philostorgius, nimio plus curiosi; *τῆς ἀνταρπιδῆς* incuriosi: cum tamen annui temporis spatium his sufficere deberet.

Et quid si id quoque factum putemus in specie huius l. a Legatis & Curia Alexandrina eo missis (ut Legationis onus Decurioibus impingebatur, dep. 187. quo consule Paratitlon) quibus ex viribus ciuitatis viatica & annonæ præbebantur, ut docet *lex 15. & 18. supr. de extraordin.* Ergo his annui temporis spatium datum ad Legationem perficiendam: hinc, ne Curias suas diutius defererent, inde ne eas sumptibus onerarent: forte etiam Athanasii fideique causa ibi agentes, aduersus Constantii & Arrianorum institutum & voluntatem: quæ & ipsa arcana forte ratio Constantio hac l. proposita fuit.

Ex superioribus interim multo ante dictis apparet de nuperi Scriptoris errore, qui Æthiopiam, prouinciasque has barbaras etiam Epiphaniæ ævo, sub Valente sc. Romanis nondum cognitæ, fidemque Christianam nondum amplexatas scribit. Cuius & hic alter error est, quod Episcopo Alexandrino cecidisse scribit; in errorem hunc inductus ex *Libye* appellatione, quæ sane Episcopo Alexandrino supposita erat: non vero Africana, seu Africa; verum Libya Ægypti prouincia, cui etiam Dux peculiaris præfuit, ut ostendit vel *lex 16. supr. de Numerariis*: In qua Libyæ appellatione peccatum quoque a Synesii Interpretibus.

Illud postremum, hac l. obseruandum, subscribi ei *Indictionem XV.* quæ sane respondet *Constantio IX. & Iuliano Cæs. II. COSS.* id est An. D. 357. Quare ad eum Consulatum referenda hac lex: vel sane reponenda hic *Indictio XIV.* ut ita referatur ad A. D. 356. nisi Constantii tempore, cuius hac lex est, eadem Indictionum ratio fuerit in Oriente, quæ in Occidente, vbi sane congruit *Indictio XV.* Anno 356. Et est alioquin antiquissima hæc omnium *hoc Codice* Indictionum mentio: quam altera tamen antiquior adhuc sedecim annis anteuertit: *Indictio* inquam *XIV. Marcellino & Probino COSS.* id est A. D. 341. quæ adnotata reperitur in conciliabulo Antiocheno apud Athanasium, *libro de Synodis*: cuius ope, Indictionum memoriam iam ad annum 327. vel 328. retrahere possumus: sicut huius l. ope ad A. D. 343.

### III. (a) Impp. VALENTINIANVS & Valens AA. ad Mamertinum PF. P. (b)

PROVINCIALES, desideriorum (c) suorum decreta, (d) initio apud acta Ordinariorum (e) iudicum profecti, ad Sedis Tuæ Eminentiam mittant, ut inpudentior petitio (f) refutetur, aut iustior petita commoda (g) consequatur. Si qua autem eiusmodi

modi fuerint, quæ Magnificentiam Tuam probabili cunctatione destruant, (h) super his satis erit consuli scientiam nostram, ita ut cunctas petitiones cum litteris tuis Legatorum vnus (i) aduectet. Dat. III. Kal. Iun. Serdica, diuo Iouiano & Varroniano Coss. [364.]

## NOTAE.

- (a) Abest hæc lex a *Cod. Iust. GOTHOFR.*  
 (b) *Mamertinus* sub Valentiniano Sen. PP. Italiae, Illyrici, Africae: cui inscribitur & *lex prox. 4.* alique complures *hoc Cod. vid. Profopogr.* de eo quoque Marcell. non *uno loco. ID.*  
 (c) *Desideria*: sunt petitiones, postulata, *b. l. & l. 6. 7. 8. 9. 12. 16. b. 1. l. 9. & 96. sup. de Decurionib. ID.*  
 (d) *Decreta*. Mamertinus quoque cui hæc lex inscribitur hanc vocem in hac re usurpat. vid. quæ dixi ad *l. 1. sup. ID.*  
 (e) *Ordinarii Iudices* sunt Rectores prouinciarum. *ID.*  
 (f) *Petitiones hic & l. 4. 7. inf. proprie.* Symmachus quoque in hac ipsa re *lib. 1. ep. 11. in fin. ID.*  
 (g) *Commoda*, vid. & *l. 1. sup. ID.*  
 (h) *Destringant*, & distineant; *ID.*  
 (i) De Legatorum numero dicam ad *l. 4. ID.*

## IV. (a) Idem AA. ad Mamertinum PF. P. (b)

**I**uxta legem † Diui Constantini, nihil, post tractatum (c) habitum, ciuitatum (d) voluntate, mutetur, siue mutiletur, sed integre atque inlibate ciuitatum petitiones ad Magnificentissimæ Sedis Tux notitiam perferantur: ut \* sit examinis tui, quænam ex his auxilio tuo implenda protinus, quæ Clementiæ Nostræ auribus inrimanda videantur. Dat. VII. Id. Septemb. Aquil. diuo Iouiano & Varroniano Coss. [346.]

## NOTAE.

- (a) Abest & hæc lex a *Cod. Iust. GOTHOFR.*  
 (b) *Mamertino* huic inscribitur & *lex 3. prox. sup.* de eo v. plura in *Profopogr. ID.*  
 † *Constantini* lex hæc notanda, quæ nullibi extat; neque enim indicari puto Constantii legem *1. sup. ID.*  
 (c) *Tractatus* vox propria hic, & *l. 7. 9. 12. inf. & l. 15. inf. de Episcop.* Ita tractatus publicus, Amm. Marcell. *lib. 14. cap. 11. ID.*  
 (d) An restituendum *ciuilium ptatum*, id est Iudicum ordinariorum, ut vocant *l. 13. sup.* Quomodo *ordinaria potestates* dicuntur eodem sensu Amm. Marcell. *lib. 21. cap. 16. & Potestates* absolute non semel *hoc Cod.* pro Iudicibus v. *Gloss. Theod.* simili certe errore in *l. 16. D. de acquir. rer. dom.* scriptum in *ciuitatem*, pro in *ciuis ptatem*. Verum sustinetur potest hæc lectio interpunctione hac; *nihil post tractatum habitum, ciuitatum voluntate, mutetur. ID.*  
 \* *Legis. Cod. Iust. eod. tit.* quæ alioquin desumpta est ex *l. 12. inf.* inserta est hæc sententia. *ID.*

## COMMENTARIUS.

P. 588.

**V**ALENTINIANI Senioris tres *hoc titulo* constitutiones super Legationibus prouincialium ad Principem & ad se quidem missis vel mittendis occurrunt: hæc duæ, inquam, ad eundem Mamertinum PP. Italiae, Illyrici & Africae datæ: & Tertia præterea, puta *lex 6. infr.* Ad triplicem finem. Primo, ne Iudicum potestate impediuntur vel interturbarentur; secundo, ne inanes sumptus prouinciales in Legationes facerent; Postremum, ne sibi Principi superfluis & non necessariis Legationibus obstreperetur. Ad quem triplicem finem pertinent omnes *huius tituli* Leges de Legationibus prouincialium: & pertinent etiam tres Valentiniani leges: ita quidem, ut *dist. l. 6.* ad Legationes ex Africa diserte pertineat, quo forte etiam pertinent hæc duæ. Quinque igitur *his duabus legibus*, & *dist. l. 6.* a Valentiniano Sen. eum in finem constituuntur.

Primo constituitur *l. 3.* Prouinciales decreta ad Principem per legatos mittenda, initio seu ante omnia apud acta ordinariorum Iudicum, id est Rectorum prouinciarum prosequi, seu insinuare debere. Id inquam statuitur *dist. l. 3.* quod indicari quoque videatur initio *l. 4.* ubi vetantur decreta *mutari vel mutilari*, a Iudicibus videl. Id ipsum certe

a Theodosio Iun. constitutum *l. 15. infr.* unde desumpta est *lex ultim. Cod. Iust. eod. tit.* per Ægyptum, de Præfecto Augustali; puta ut Alexandrini Legatos missuri decreta sua Præfecto Augustali insinuant. In quo æqua fuit Præfecti Augustalis conditio cum Rectoribus prouinciarum; ut *hæc lex 3.* cum *illa l. 15.* collata ostendit: non vero maior auctoritas, quod Cuiacius credidit: De quo dicam adhuc ad *eam l. 15.* Et hæc quidem ita Valentinianus Sen. & Theodosius Iun. cum tamen alii nonnulli Principes decreta hæc requirere prouinciæ Rectorem, aut Vicarium, seu decreta in examen Cognitoris perferri, noluerint; Valentinianus inquam Iunior, *l. 9. infr. hoc titulo* Theodosius M. *l. 12. inf. hoc tit.* Nempe, quia sæpe eueniebat, ut desideria prouincialium ad Imperatorem non perferrentur, vel saltem non integra; sed Iudicum voluntate mutarentur, siue mutilarentur: vel denique Legationes interturbarentur: quomodo sane euenit Legationi Tripolitane ad hunc ipsum Valentinianum Sen. per Romanum Comitem Africae, ut memorat Ammianus Marcellianus *lib. 28. cap. 6.* Et vero statim post *legem 3.* euenisse indicat, eiusdem *lex 4.* ad eundem Mamertinum emissa trimestri post. Qua causa (quod



(quod secundum iam caput *harum duarum legum* est) malo isti *ca. l. 4.* mederi instituit Valentinianus, vetitis Iudiciis ordinariis mutare vel mutilare decreta Civitatum: idque secundum anteriorem aliquam Constantini constitutionem, quæ nusquam illi occurrat. Illud equidem (quod Tertium *his duabus legibus* continetur) Valentinianus voluit, ut decreta ad notitiam *Præfecti prætorio* perferrentur: sic quidem (quod Quartum) ut is impudentem petitionem respueret: contra, ut iustam & probabilem vel ipse auxilio suo protinus impleteret, remediumque implorantibus præberet: vel si cunctationi locus esset, tum demum legatus provincialis vel civitatis, cum decretis, cumque literis *Præfecti prætorio* ad Principem proficisceretur. Denique probata atque eliminata a *Præfecto prætorio* desideria & decreta ad se Principem perferri voluit Valentinianus Sen. *his duabus legibus*: ut & Valentinianus Iun. *l. 10. infr.* (hic tamen ut decisio omnis Principi servaretur,) & Theodosius M. *l. 12. infr.* Theodosius Iun. *l. 14. 15. 16. seu ultim.* Et sic regulariter id ita obtinuit. Quamquam Valentinianus Iun. aliquando ne ipsum quidem *Præfectum prætorio* decretum requirere Edicto suo voluit *l. 9. infr. hoc titulo* admonitis tantum provincialibus, ne superfluis & improbabilibus petitionibus Imperatorem occuparent. Verum mox, ut dixi, ad Regulam rediit idem *dict. l. 10.* Nempe *Præfecti prætorio* dignitati, utpote contiguæ potestati, & ἀποφύγων tantum βασιλεία, & sub quo diocèseōn provincialiumque Rectores erant, quibus denique Summa rerum demandata erat, hanc δοκιμασίαν tribuerunt Principes: partim ut improbables petitiones respuerent, partim ut quæ ipsi providere possent, dispicerent: atque adeo ne improbabilibus aut non necessariis legationibus & petitionibus Principum actus turbarentur. Tribuit nominatim Valentinianus *his duabus legibus*: qui & alia ratione provincialibus occurrit *l. 6.* ne non necessariis desideriis & non probabilibus rebus distringeretur: ad quam *leg. ex Ammiano Marcellino* aliquam multa notabo. Nescio an non Cassiodori quoque locus VI. *Var. 3. in formula Præfecti prætorio*, huc pertineat: ubi inter cætera munia *Præfecturæ*, & hoc ponit, *legatos gentium veraces* (al. *voraces*) explet *ordinationibus* suis. Huc certe facit omnino Mecenatis inter cætera bene administrandæ Reipubl. consilium, teste Dione *lib. 52. pag. 485.* Edit. Leonclau. μήτε πρεσβείαν τινα πρὸς σέ, πλὴν ἐν πρᾶγμα

τι διαγνώσεως ἐχόμενον εἶναι, πεμπέτωσαν, ἀλλὰ τῷ τε ἀρχόντι σφῶν δηλώτωσαν ὅσα βύλωνται, καὶ δι' ἐκείνου σοὶ τὰς ἀξιώσεις, ὅσας αὐτὸν δοκιμασίᾳ προσφίρεταισαν. ἢ ὡς γὰρ ἔτ' ἀπαλῶσαι τι, οὐτ' ἀποφύγων διαπραχθῆναι, ἀλλ' ἀνεργίως τὰς ἀποφύσεις ἀνευ δαπάνης ἢ καὶ πραγμάτων τινος λαμβάνει: neque ad te legationem, nisi res cognitionem tuam requirat, ullam mittant: sed quæ voluerint *Præfecto* suo indicent, ac per eum tibi postulata sua, quæ quidem ipse probaverit offerant. Ita & sumptus, & turpi rei conficienda ratio vitabitur, ac integra responsa sine ullo impendio ac labore auferent.

Postremo capite *legis 3.* definitur numerus Legatorum ad Principem. Nempe Valentinianus Sen. unum tantum Legatum cunctas petitiones seu desideria & decreta provincialium, una cum literis *Præfecti prætorio* adnectare iubet. Ea scilicet re partim sumptui, partim curæ publico consulens: ne, inquam, maiore Legatorum numero Respublica annonis gravaretur, cursusque publicus fatigaretur. Quod quidem unius tantum Legati provincie nomine mittendi præscriptum placuit quoque sub Honorio, ut docet *lex 166. supr. de Decurionib.* & sub Valentiniano III. *lex 186. dicto tit. de Decurionib.* & *l. 34. supr. de annona & tributis.* Cum tamen aliquando duorum Legatorum numerus, a diocesi vel a provincia mittendus præfinitus fuerit, *l. 9. hoc titulo*, cuius rei exempla occurrunt apud Symmachum *libr. 4. epist. 9. & lib. 6. epist. 22.* & apud Ammianum Marcellinum, *libr. 29. cap. 8. & lib. 28. c. 6.* Iuno & tres quoque missi in *l. 17. hoc titulo.* (ubi v. quæ notabo cætera) & apud Sidonium Apollinarem *libr. 1. epist. 7. (a)* sicut & a Senatu Romano totidem missi ad Honorium Zosimo teste, *libr. 5. cap. 44.* Missi & ab Antiochia Constantinopolim ad Theodosium *libr. 1. l. 1. Epist. 771.* ad Proclum; ἤδη τῶν πρεσβείων ἡγεμίων, ἥρσις τις ξένου πολέως, ὅσσοι τινες εἰν: ὁ δὲ ἔφησι, τρεῖς. ἐγὼ δὲ τῶν τετῆς ἀνάσας, καὶ γὰρ ἱεὺς παρῶν, & τρεῖς ἔδην πρεσβεύειν, ἀλλὰ τίς τῆρας. πᾶς, ἥρσις, τέτταρες; ὅτι πολὺ πρὸ τῶν τριῶν ἔφην ἡγεῖσθαι πρόκλητον &c. cum legati iam electi essent, cui: quidam peregrinus interrogavit, quot numero essent. Ille vero, tres esse, respondit. Ego tres audiens, (præfente enim eram) non tres, sed quatuor, legationem illam obire dixi: Quomodo vero, ait, quatuor? Iaco dicebam ego, quod longe ante tres illos Proclus electus est.

(a) Imo quatuor missos docet excitata apud Sidonium epistola. En verba: *Interea legati Provinciae Gallicæ, TONANTIVS, FERREOLVS præfectorius Affranii Syagrii consulis & filia nepos, THAVMASTVS quoque, & PETRONIVS, maxima rerum verborumque scientia præditi, & inter principalia patria nostra decora ponendi, præmum Arvandum publico nomine accusaturi cum gestis decretalibus insequuntur.*

## V. (a) Idem AA. Victori (b) Duci (c) Ægypti.

CVM Legati Gentilium (d) venerint (e) obsignari eorum tabulas (f) oportet, ut ad Mansuetudinem nostram fides eorum (g) quæ a Regulis (h) profectæ fuerint litterarum, & numerus perferatur: ne, per hanc (i) occasionem, etiam addendi in epistulis possit his (k) facultas aperiri. Dat. V. Kalend. Ianuar. diuo Iouiano & Varroniano Coss. [364.]



## NOTAE.

- (a) Abest & hæc *lex a Cod. Iust. GOTHOFR.*  
 (b) *Victor* alius est Magister militum, cui hoc Anno ipso inscribitur *lex* 12. *supr. de erogat. mil. ann. vid. Præfopogr. ID.*  
 (c) *Dux Aegypti* vnus hac tempestate: postea enim fuit & peculiaris *Dux Libyz*: vid. *Notitiam fol. 89. & leg. 16. supr. de Numerariis. ID.*  
 (d) De *Gentilibus* dixi ad l. vn. *supr. de Nuptiis Gentilium. ID.*  
 (e) In Romanum solum & limitem, cuius *Dux* erat per *Aegyptum Victor. ID.*  
 (f) *Tabula. ID.*  
 (g) *yp. Earum. ID.*  
 (h) De *Regulis* his *Gentilium* mox dicam, *ID.*  
 (i) Non obsignatis videl. *Tabulis. ID.*  
 (k) *Legatis. ID.*

## COMMENTARIUS.

**D**E *GENTILIVM* Legatis est hæc Valenti Imp. constitutio: *Gentilium*, inquam, id est, Gentium exterarum Imperio Romano circumfularum: Quo sensu *Gentiles* hoc tempore vocabantur, & vero vocantur, non hac tantum *leg.* verum etiam l. vn. *supr. de nupt. Gentil. l. i. supr. de terris limitaneis: l. 62. supr. de appellat.* Apud Ansonium in *Gratiarum act. cap. 4.* Amm. Marcellinum non vno loco: & *Notitiam Imperii*: de quo dixi plene ad d. l. vn. Et quidem de *Legatis Gentilium* hac l. agitur, qui in Orientis Imperio *Agypto* vicini fuere: cuiusmodi erant *Axumitæ*, *Homeritæ*, de quibus l. 2. *sup.* aliique similes, *Saraceni* &c. Inscribitur enim hac *lex Victori, Duci Aegypti.* Qui quidem *Gentiles* sub *Regulis* egere, quod hac *lex* testatur, & *Ammianus lib. 23.* qui in gestis Anni Superioris 363. memorat *Saracenorum Regulos, cap. 3. Callinico profectus in statione quadam sub pellibus mansit, ubi Saracenorum REGVLI Gentium genibus supplices nixi, oblata ex auro corona, tanquam mundi nationumque suarum dominum (Iulianum) adorarunt, suscepti gratanter, ut ad furta bellorum adpositi, &c.* Et lib. eod. cap. 5. init. *Adscitis Saracenorum auxiliis, quæ animis obtulere promptissimis* (aduersus *Perfas*.) De *Regulis*, & *Regalibus* aliarum gentium, & quidem *Francorum*, & *Alemannorum*, dixi plene ad l. 9. *supr. de re militari.*

De his igitur *Gentilium* *Legatis* id hac l. cauetur a Valente, vt quamprimum venerint, id est, limitem Imperii Romani, & sic *Agyptum*, ingressi fuerint, eorum *tabulæ* obsignentur, & sic ad se Principem fides *literarum*, quæ a *Regulis* profectæ sunt, & numerus perferatur: Ratione hac addita, quæ tamen alteram adhuc implicat, ne per hanc occasionem, id est, non obsignatis eorum *tabulis*, ETIAM addendi in *Epistolis* possit *Legatis* facultas aperiri. Cuius rei & rationis hanc sententiam puto: Ideo scil. obsignandas esse *tabulas* *literasque* *Legatorum Gentilium*, ne immutetur textus *literarum* a *Legatis*: Quod facile fieri poterat, & vero euenisse coniecere licet, quod infidi quidam in Imperio Romano cum *Legatis* agitantes, non tantam Imperatoris & Impe-

rii Romani eiusque tantopere colendi, eique se submittendi rationem habendam dicerent: vel etiam ipsimet *Legati* confusiones in Imperio Romano videntes, animos exinde fumerent, *literasque* adeo cultus & honoris plenas ipsi mutarent asperarentque. Et hæc quidem ratio hac l. redditur, quæ tamen alteram adhuc implicat, verbo ETIAM. Et sane hæc ratio respicit tantum prius illud, nempe, vt fides earum, quæ a *Regulis* profectæ fuerint *literarum* perferatur. Atenim alter adhuc finis Valenti hac l. propositus fuit: nempe vt Numerus quoque earundem perferretur: Vt ita sciret Imperator, an & ad priuatos forte aliquos *literæ* perlatæ fuissent, quique adeo iam suspecti Imperio essent, si clam *literas* a *Regibus* exteris acciperent. Sic quoque Theodosius Iun. l. 2. *supr. de litor. & itin. cust.* ob Tyrranicum tunc furorem & Barbaricam feritatem voluit, *literas* quas quis habere se diceret ad alium, portitore detentis cum omnibus chartis, signatas ad se transmitti. Alia ratione in Gallia *Legati Apostolici* facultates suas (vt vocant) id est, mandata ad Parlamentum deferre tenentur: de quo videndi sunt, qui de *Libertatib. Eccl. Gallicanæ* scripserunt.

Ait autem hæc *lex*, *Tabulas*, quas mox *Literas*, & *epistolas* vocat: cuiusmodi *Literarum* a *Regibus* *Perlarum* missarum meminit *Themistius, Orat. 13. ad Constantium, pag. 301. Edit. Petau. Flexie 1613. in 8.* καὶ εἶδον ἐγὼ ἐν Ἀλῃ ἐν τῷ ἄρῃ τῆς Ἀντιόχειας ἀνδρας ἐκ Σάρων καὶ Ἐκβατανῶν ἀφ' ὧν ἦν συν κρηπίδαι, καὶ γράμματα ἀρχαῖα εὐσσω λευκῇ ἐνείλιγμένα, τὰ δὲ γράμματα ἐξηλικάρει τὸν ὑπαρχον σπονδὰς περὶ τὴν Ἀχαιμενίδαις καὶ δεξιὰν ἐκ βασιλέως: Et nuper ego *Antiochie Susis*, atque *Ecbatanis* missos, caduceatores vidi, unaque bysso candida inuolutas *literas* per antiquas, quibus *literis* a *Præfecto* petebatur, vt sedus ab imperatore ac dextram *Achæmenidis* impetraret.

De his *Legatis Gentilium*, vt id addam, id quoque observandum, iis cursus publici vsum concessum: vt docet *lex 9. supr. de re militari; l. 57. supr. de cursu public.* & *Menandri* locus quem ibi attuli.

## VI. (a) Idem AA. &amp; Gratianus A. ad Claudium (b) Proc. Afric.

P. 590.

**L**EGATI qui ad Comitatum (c) nostrum non cum necessariis desideriis (d) & probabilibus (e) rebus aduenerint, cum iniuriis sui ad prouinciam animalibus  
 Tom. IV. Kkk k pro-

propriis reuertentur. Dat. IV. Non. Februar. Treu. Valentiniano NB. P. & Victore.  
CONSS. [369.]

## NOTAE.

- (a) Abest & hac lex a Cod. Iust. GOTHOFR.  
(b) Claudius Proconsul Africae sub Valentiniano Sen. A. D. 368. 369. 370. vid. *Profopogr. ID.*  
(c) Comitatus vox pro Aula Principis: vid. *Gloss. Theod.* Quae etiam a Graecis huius xui Scriptoribus retenta: dixi ad *vetere orbis descript. c. 25. p. 30.* Hac ipsa voce passim vtuntur Scriptores, & in his Amm. Marcellinus in hoc ipso Legatorum argumento: imo & in ea ipsa historia, quae huic l. occasionem praebuisse videtur, lib. 28. cap. 6. *ID.*  
(d) Desiderium vox hac in re propria: hac l. & l. 3. *supr.* & l. 7. *infr.* *ID.*  
(e) Probabiles res, quae probabiliter Principi adferri possunt, vt loquitur lex 9. *infr.* in fin. *ID.*

## COMMENTARIUS.

IMPROBABILIBUS & SUPERFLUIS prouincialium Legationibus occurrit hac constitutio Valentinianus Sen. Nempe, vt subditis laborantibus vel oppressis, miseras suas desendi, auxiliaque a se deposcendi fiduciam fecere, plenamque copiam dedere Principes, Legationibusque ideo *εὐπερίστοδοι* fuere, & vero qui bene administrandi Imperii praecipua tradidere, hoc inter potissima inculcauere, de quo dixi ex Synesio ad l. 1. *supr.* Ita viceuersa superfluis & improbabilibus querelis & Legationibus fatigari sese iidem Principes noluerunt: & vero noluit Valentinianus Sen. hac leg. & l. 3. 4. *supr.* Quibus duabus legibus, vt aliarum fibulae adhibentur, ita & hac nostra poena imponitur: poena inquam, puta vt Legati cum propriis animalibus remeare cogantur. Nempe, cum alioquin Legatis prouincialibus ad Comitatum Principis misis cursus publici copia pateret, vt non tantum hac lex satis indicat, verum expresse testatur lex 9. *infr.* hoc *tit.* (vbi de eo plura) & lex 32. *supr.* de *cursu publico*: pariter vt Legatis Gentilium, quod ostendit lex 9. *supr.* de *re militari*: & lex 57. *supr.* de *cursu publico*: constituit Valentinianus, vt Legati qui misi fuerint cum improbabilibus & superfluis

rebus, & decretis, non iam cursu publico domum remeare possint, verum propriis animalibus. Quae quidem Valentiniani constitutio, & quidem per Africanam; inscribitur enim hac lex Proconsuli Africae, non abhorret ab iis, quae hoc ipso tempore, imo & Anno memorat Ammianus Marcellinus strictim, primo in gestis Anni superioris 368 libro 27. cap. 9. sed diligentius postea lib. 28. cap. 6. de Legatis misis ad Valentinianum a Tripolitanis & Leptitanis Afris, ad desendas miseras suas: qui tamen, satagente Romano Comite Africae, & Remigio Magistro Officiorum dilati delusique, etiam per Palladium Notarium eo missum a Valentiniano, imo & postea interfecti. Valentiniani scilicet animum eo tempore potentes quidam in Comitatu obfidebant: a quibus prouincialium Legationes velut superfluae & improbabiles, frustra querentium & mentientium saepe traducebantur & eludebantur. Illud enim longe verius, quam quod hac l. obtenditur, quasi delicatae nimium improbaeque prouincialium querelae forent. Quod si ita est, tum ponenda fuerit hac lex inter inani colore speciosas; re vero inanes.

## VII. (a) Imppp. Gratianus, Valentinianus &amp; THEOD. AAA.

## Eutropio P. P. (b)

CVM desideria (c) sua singulae (d) ciuitates cupiunt explicare, non viritum Legatos mittant ad nostri numinis Comitatum (e), sed tractatu (f), habitoque conuentu, tres e prouincia, qui petitiones aduehant, delegentur: multae competentis denuntiatione praestitutis (g) his, qui prouincias moderantur. Dat. VI. Kal. Aug. Constp. Gratiano V. & Theod. I. AA. CONSS. [380.]

## NOTAE.

- (a) Abest & hac lex a Cod. Iust. GOTHOFR.  
(b) Eutropius PP. Orientis sub Theodosio M. v. *Profopogr. ID.*  
(c) Desiderii vox propria hic & l. 3. 6. *supr.* *ID.*  
(d) Plures, omnes vnius prouinciae. *ID.*  
(e) De hac Comitatus voce ad l. 6. *supr.* & in *Gloss. ID.*  
(f) De hac *Tractatus* voce ad l. 4. *supr.* *ID.*  
(g) Obligatis, obnoxiiis. *ID.*

P. 591.

## COMMENTARIUS.

**D**E NUMERO Legatorum ad Principem mittendorum est hæc Theodosii M. constitutio, aduersus inconditam Legatorum turbam: qua Respublicæ sumptibus, annonis & cellariis fatigabatur, cursusque publicus atterebatur. Quem eo ipso sine cohibere quoque alii Principes, Valentinianus Sen. leg. 3. *supr.* vbi iam dixi: & Valentinianus Iun. l. 9. *infr.* Et hæc quidem lex est de numero Legatorum, non quidem ab vna prouincia aut diocesi, vel etiam ab vna ciuitate missorum, de quo sunt alix *leges*, verum a singulis, seu pluribus, vel omnibus etiam ciuitatibus eiusdem prouinciæ, defendendis eorum sigillatim miseris seu aduersis. Nempe ciuitates singulæ vnus eiusdemque prouinciæ, malebant sæpe per Legatos suos *viritim* sua desideria, *idias* *χρείας* explicare, quam *καὶ αὐτὰς* *χρείας* eas committere, quasi etiam diligentius singuli Legati singularum ciuitatum desideria *viritim* explicaturi, responsaque *vsuri*. Et certe Theodosius quoque *hæc l.* singulis ciuitatibus desideria sua sigillatim & *viritim* explicandi potestatem reliquit: quomodo & Valentinianus Iun. l. 9. *infr.* Atenim illud *hæc l.* constituit, vt hoc casu singulæ non *viritim* Legatos mitterent, verum quotquot tandem ciuitates essent, perferendis omnium desideriis, Tres

tantum Legati deligerentur, mitterentur. Quod sufficiens visum. Certe integræ etiam dioceseos vel prouinciæ nomine duos tantum Legatos mitti voluit Valentinianus Iun. l. 9. *infr.* Olim equidem vnus ciuitatis nomine Tres, nonnisi Legati mitti potuere, non plures ex edicto Vespasiani, l. 4. *in fine*, D. de Legationibus: quæcunque tandem Ciuitas esset. Cætera de numero Legatorum, ex Ammiano Marcellino, Libanio, Zosimo, Sidonio Apollinari, notata iam ad l. 3. *supr.* Et hæc quidem de numero Legatorum a prouincialibus seu subditis ad Imperatorem missorum. Neque enim hic nunc agimus de numero Legatorum a Romanis ad externos missorum: quanquam & ibi ternarius sæpe numerus placuit, veluti in mittendis Legatis ad Attalum & Nicomedem.

Cæterum ad historicam huius l. causam refero hunc Zosimi locum: lib. 4. cap. 25. initio. Θεοδοσίῳ, inquit, τῷ βασιλεῖ κατὰ τὴν ἑσσεαλονικὴν διατρίβοντες, πολλοὶ πανταχόθεν κατὰ κοινὰς καὶ ἰδίας ὑπάρχοντες χρείας, τῶν προσηκόντων τοιγαύτως ἀπηλλάσσοντο: Dum Imperator Theodosius Thessalonica commoratur, multi propter publicas & priuatas necessitates illuc undique confluentes, imperatis ab eo, quæ par erat, discedebant.

## VIII. (a) Idem AAA. ad Seuerum P. V. (b)

**Q**VAECUNQUE ciuitas Legatos ad Sacrarium (c) nostrum voluerit ordinare, liberæ ei tribuatur facultas: ita tamen, vt a te (d) probata atque eliminata ad nos desideria (e) perferantur. PP. Karthag. (f) VIII. Kalend. April. post Conf. Syagrii & Eucherii VV. CC. [382.]

## NOTAE.

(a) Abest & hæc lex a C. Iust. GOTHOF.

(b) 79. hic & in aliis nonnullis *legibus* huius Anni PP. quomodo recte scriptum in l. 6. *supr.* de desertoribus: & l. 13. *supr.* de cohortalib. Idque etiam subscriptio huius l. suadet PP. Karthag. (vnde simul discimus hunc Seuerum PP. præfuisse Africæ.) Imo & argumentum, ad Præfectos enim Prætorio *δοκιμασία* decretorum pertinebat. Vide autem de Seuero plura in *Prosopogr.* ID.

(c) Sacrarium Principis *hæc l.* & l. 16. *infr.* hoc tit. & l. 11. *supr.* de penis, pro Consistorio Principis: v. *Gloss.* Theod. ID.

(d) Præfecto Prætorio. ID.

(e) De hac *Desideriorum* voce iam *supr.* ad l. 3. ID.

(f) Hinc quoque clarum, in Inscriptione ferri non posse P. V. ID.

## IX. (a) Idem AAA. ad Prouinciales.

**S**IVE integra Diocesis (b) in commune (c) consuluerit, siue singulæ inter se voluerint Prouinciæ conuenire, nullius Iudicis potestate tractatus (d) vilitati earum congruus differatur: neque prouinciæ (e) Rector, aut Præfidentis Vicariæ (f) potestati, aut ipsa etiam Præfectura (g) decretum æstimet requirendum. Illud etiam addimus, vt si integra Diocesis vnum, vel duos elegerit, quibus desideria (h) cuncta committat, redæ cursualis vnus hisdem tribuatur euectio: Si vero singulæ prouinciæ separatim putauerint dirigendos, singularum angariarum copia præbeatur, dummodo (i) (sicut licere volumus) oppressis desistere, quæ perferunt. Ita prouinciales nostri nec in cassum peregrinationem (k) suscipiendam, eaque ad sacras (l) aures deferenda cognoscant, quæ probabilitur (m) Principibus adferantur, nec superfluis Perennitatem nostram existiment actibus occupandam. Dat. VI. Id. Mai, Brixia, Antonio & Syagrio Coss. [382.]

## NOTAE.

P. 592.

(a) Abest & hæc lex a Cod. Iust. GOTHOF.

T. IV.

Kkk k a

(b) Dio-

- (b) *Diaecesis* hic recte opponitur singulis prouinciis: est enim *διαίρεσις*; & πολλὰς *ἐπαρχίας* ἔχουσα ἐν ταύτῃ: Quod et aliis quoque *legibus* clarum: de quo in *descrip. Orbis Rom.* & in *Coniect. de suburbicariis* iam. *ID.*
- (c) In *communis* hac *lege*, & aliis pluribus *huius Codicis*. v. *Gloss. Theod.* & quæ congerit doctissimus Sauare *lib. 7. epist. 7. Sidonii. ID.*
- (d) De hac *Tractatus* voce iam ad l. 4. *supr. ID.*
- (e) Hic prouincia vni respondet. *ID.*
- (f) Hic integræ *Diaecesi* præerat. *ID.*
- (g) *Prætoriana*: idest, *Præfectus Prætorio. ID.*
- (h) De hac *Desideriorum* voce iam supra ad l. 3. *ID.*
- (i) Forte *sansummodo*. Mox noua sententia inchoanda *sicut licere &c. ID.*
- (k) *Peregrinatio* pro legatione *hac l. & l. 189. supr. de Decurionib.* & apud Symmachum *lib. 7. epist. 54. 114.* Publica legatio est *ἐπεσόριος*, seu *ἐκδημιος πόλιτευμα*, vt significanter Græci apud Pollucem, *lib. 4. cap. 3. Sect. 28. pag. 363. Edit. Hemsterhuis.* Vnde & Legatum dixere *ἐξάσιον ἀπὸ τῶν πρεσβυτέρων πᾶ ἐξέσιον*, si fides *Erymologico* in *ἐξέσιον. ID.*
- (l) *Sacra* aurea Principis, v. *Gl. & Iuretum*, in *Symmach. lib. 4. ep. 54. p. 134. Edit. Paris. 1604. ID.*
- (m) Ita *supr. l. 3. probabilis cunctatio*: & l. 6. *cum necessariis desideriis & probabilibus rebus. ID.*

## X. (a) Imppp. VALENTINIANVS, Theod. & Arcad, AAA. Principio PF.P.(b)

**Q**UOTIESCVNQUE ex diuersis prouinciis ad sacrum Mansuetudinis nostræ Comitatum (c) Legationes, quas instruxere (d) decreta, (e) necesse erit commere, in auditorio (f) quidem Celsitudinis Tuæ vniuersa tractentur, (g) sed ita, vt nullum finem capiat ordo gestorum, (h) inlibaræque rerum decisio singularum nostro auditui sententiæque seruetur: ita vt deinceps Excellentiæ Tuæ cum in Consistorio (i) Mansuetudinis nostræ secundum consuetudinem ex decretis petitiones Legatorum de nostris Scriniis (k) recitantur, motum proprii arbitrii (l) ratione decursa sententiis quas pandimus (m) referat. Dat. Non. Nouemb. Aquil. Arcadio A. I. & Baurone Coss. [385.]

### NOTAE.

- (a) Abest & *hac lex* a *Cod. Iust. GOTHOF.*
- (b) *Principius* PP. Italix sub Valentinianno Iun. vid. *Prosopogr. ID.*
- (c) Comitatus *h. l. & l. 6. 7. supr.* vbi v. dicta, & *Gloss. Theod. ID.*
- (d) *Instruendi* vox propria: v. & l. 14. *infr. ID.*
- (e) *Decreta*, hic, & *sine l.* rursum: vid. *Paratitl.* & dicta ad l. 1. *ID.*
- (f) *Auditorium* Præfecti Prætorio. *ID.*
- (g) Videantur, discutiantur. *ID.*
- (h) *Gesta* de Decretis prouincialibus; hinc gesta decretalia Sidonio *lib. 1. ep. 7. ID.*
- (i) *Consistorium* Principis. v. *Gloss. Theod. ID.*
- (k) De his Principis scriniis v. *supr. lib. 6. & dicam quoque mox, ID.*
- (l) *Arbitrium*, & consilium, sententia: v. *Gloss. Theod. ID.*
- (m) *Pandimus*, idest, proferimus, publicamus, v. *Gloss. Theod. ID.*

## XI. (a) Idem AAA. ad Eufignium PF. P. (b)

**S**I quis vel Ciuitatis, vel Prouinciæ, vel corporis (c) alicuius ita prosequi desideria (d) voluerit, vt non omnia mandata litterarum decretorum (e) auctoritate demonstret, inauditus, ac sine effectu, (f) remeare protinus iubeatur. Dat. XV. Kal. Mart. Ticeni, Honor. NB. P. & Euodio Coss. [386.]

### NOTAE.

- (a) Abest & *hac lex* a *C. Iust. GOTHOF.*
- (b) *Eufignius* PP. Italix sub Valentinianno Iun. Ann. 386. 387. vid. *Prosopogr.* & Symmachi ad eum *epistolas* nouem posteriores *lib. 4. ab ep. 67. ID.*
- (c) Veluti *Nauiculariorum*, vt l. 1. *infr. de præd. Nauicular.* Mercatorum, Negotiatorum: de quibus vide etiam quas dixi ad leg. 16. *infr. de iust. collat. ID.*
- (d) De hac desideriorum voce, ad leg. 3. *supr. ID.*
- (e) *Acóvδεται*, pro, *litterarum & decretorum. ID.*
- (f) *Effectum*, pro effectu. *ID.*

**V**ALENTINIANI Iunioris quatuor constitutiones hæ sunt de Legatis provincialium seu subditorum ad Imperatorem: quæ omnes absunt a Codice Iustiniano: quas una fidelia illustrare animus est, non modo quia eundem Imperatorem auctorem habent, verum quia coniunctæ omnem ferme Legationum materiam continent; & nonnullæ eadem continent, quæ iterare molestum foret. Igitur quatuor capita *his quatuor legib.* continentur.

Primum est de *Libertate seu facultate* Legatorum ad Principem mittendorum: de quo est *lex 8. & 9. in pr. & vers. sicut.* Nempe Valentinianus Iun. plenam libertatem seu facultatem tribuit provincialibus in commune consulendi, inter se conveniendi, tractandi, Decreta condendi, Legatos ordinandi, & ad Principem mittendi, suasque per eos miseras deflendi; si quæ nonnulli pro potestate inturbare vel impedire volebant: Quod & alii Principes sæpe cauere: Constantius *l. 1. sup.* Theodosius *M. l. 12.* de quo iam dixi semel ad *leg. 1. sup.* Super eo vero ut plures extant Valentiniani Iun. Constitutiones, ita & plures Ampliationes quoque eadem continent.

Prima Ampliatio est ipsorum provincialium respectu: Nempe & *Corporibus* hanc licentiam Legatorum ad Principem mittendorum tribuit *l. 1. u.* cuius rei exemplum poni potest in Corpore mercatorum & negotiatorum, de quibus aliquid dixi ad *leg. 16. infr. de iust. collat.* imo Nauculariorum, ut *l. 1. inf. de prad. Naucularior.* quæ data dicitur ad *Decretum Nauculariorum:* Adde & piscatorum, cuius exemplum apud Strabonem *lib. 10. pag. 743. 744. Edit. Almelouen.* Et Ciuitatibus, *l. 8. u.* & Prouinciis singulis, *l. 9. u.* & Integris Diœcesibus *d. l. 9.* Quod quidem postremum forte non facile concedendum videretur, quoties scilicet plures prouinciæ inter se capita conferrent. *Diœcesis* hic, ut & *l. 1. u. inf. de Medicis & Professorib.* aliisque pluribus, est iuncta plurium inter se prouinciarum administratio: quod vel *hæc lex* aperte ostendit: ubi discrete singulæ prouinciæ integræ diœceses opponuntur. Bissio ad *can. 9. Concil. Chalcedonens.* pag. 123. *Tom. I. Pandect. Canon. Guil. Beueregii.* διοίκησις ἐστὶν ἡ πολλὰς ἐπαρχίας ἔχουσα ἐν ἑαυτῇ: *Diœcesis* autem est, quæ multas sub se habet prouincias. Adde eundem ad *can. 17. eiusd. Concil.* pag. 133. *Ed. cit.* Eoque sensu passim iam inde a Constantini M. temporibus *Diœceses* vox elata: ut apparet ex ipsiusmet Constantini epistola ad Ecclesias apud Socratem *lib. 1. c. 9.* Eo sensu passim usurpatur *hoc Codice & Iustiniano*, apud Ammianum Marcellinum, Notitiam Imperii, Scriptores Ecclesiasticos, & in Conciliis: ubi passim Prouinciæ & Diœceses opponuntur, ut hic: veluti *l. 14. Cod. iust. de fundis patrimonial.* in Actis Concilii Constantinopolitani *I. can. 2. pag. 809. 810. Tom. I. Concil. Ed. Harduin. & pag. 87. Tom. I. Pandect. Can. Guil. Beuereg.* Concilii Ephesini *Epistol. Synodica Cyrilli Alexandrini Episcop.* pag. 1238. & in Decreto eiusdem Concilii de Episcopis Cyprici *pag. 1620. Tom. I. Concil. Edit. Harduin. sue canon. 8. eiusdem Concil.* pag. 104. apud Beueregium, & in

*citat. can. 9. & 17. Concilii Chalcedonens.* & in *Epistola 18. cap. 1. Innocentii I. Papæ ad Alexandrum Antiochenum* pag. 102. *Tom. I. Concil. Ed. cit.* Has vero Diœceses vel *Præfecti* quidam eximii rexerunt, veluti *Præfectus Augustalis*, qui *Ægypti* diœcesim rexit: *Præfectus quoque Vrbi*, qui *Vrbis Romæ* diœcesim, quæ pluribus regionibus seu prouinciis, quæ *Vrbicariæ* seu suburbicariæ dicebantur, constabat, vel *Vicarii* *Præfectorum Prætorio:* unde *Vicarii* passim, *Diœceses* *Vicarii*, vel *Pro Præfectis* diœceses regere, curare, administrare, temperare dicuntur *hoc Codice*, apud Ammianum Marcellinum, & in *Notitia Imperii.* Imo *l. 9.* id ipsum indicatur. *vers. neque prouinciæ Rector*, collato cum *initio leg.* Regebant & *Proconsules* nonnulli diœceses; veluti *Proconsul Asiæ*, quod etiam testatur *lex vn. Cod. iust. de ratiociniis operum publ.* Tandem & *Comites* nonnulli, ut *Comes Orientis.* At *Præfectus Prætorio* pluribus diœcesibus præerat, quod indicatur quoque *l. 9. hoc tit. vers. aut etiam Præfectura*, cum *præcedenti versiculo* collato. Hoc exemplum secuta quoque Ecclesia in gradibus Episcoporum constituendis, imo & quod huic argumento propius est, in generibus Conciliorum: nam & ibi fuere singularum prouinciarum & integrorum diœceson Concilia. De quo sunt iam iusti libri. Nos ad Ampliationes nostras redeamus.

Secunda Ampliatio est, *l. 9. ratione Iudicum seu Magistratum:* Nempe huiusmodi consiliis seu conciliis, tractatibus, decretis, Legationibus, neminem intercedere, neminem ea impedire posse definit: nullum inquam Iudicem, non prouinciæ Rectorem, non Vicarium, imo neque ipsummet *Præfectum Prætorio:* cuius alioquin summa & Imperatoris contigua pene maiestas fuit, ἀπὸς τοῦ βασιλέως. Cui congruit & Constantii *lex 1. sup.* Quod tamen tentare nonnulli sæpe conati; prouincialium de se quoque querelas impedituri.

Tertia Ampliatio est, quod *Decretum* prouincialium ad Principem mittendum, a quibuscunque Iudicibus requiri vetet Valentinianus Iun. eadem *l. 9.* neque id eis ostendere necesse sit: *neque Rectori*, inquit, *prouinciæ*, *neque Vicario*, *neque ipsimet PP.* cum tamen antea aliquando apud Acta Rectoris prouinciæ decreta intimari oportuerit ex Valentiniani Sen. *l. 3. sup.* & Theodosii Iun. *l. 15. inf.* verum id nunc prohibitum a Valentiniano Iun. *d. l. 9.* pariter ut a Theodosio *M. l. 12. inf.* Imo & hæc ipsa prohibitio, ut dixi a Valentiniano Iun. porrecta ad *Præfectum Prætorio:* cum tamen alii Principes decreta probari & elimari vulerint a *Præfecto Prætorio*, eique *δοκιμασίαν* hanc tribuerint: ut Valentinianus Sen. *l. 3. & 4. sup.* Imo & ipsemet Valentinianus Iun. *leg. 8. ante hanc leg.* & Theodosius *M. l. 12.* & Theodosius Iun. *l. 14. 15. 16. seu ult. inf.* Quare singularis est & unica hæc *l. 9. Valentiniani Iun.* nunc interdictio: quam proculdubio elicit aliquæ temporalis necessitas sue utilitas.

Imo (quæ postrema Ampliatio est,) idem *l. 10.* etiam eum *Præfectum Prætorio* qui in Comitatu Principis agebat, in auditorio quidem suo decreta tractare posse definit; sed ita, ut nullum ibi sine cap,



capiat ordo gestorum, inlibataque rerum decisio Principis auditui & sententiæ servetur: suo igitur vnus arbitrio, suoque consistorio decisionem & *ἀπόκρισιν* seruatiā voluit Valentinianus Iun. d. l. 10. Qua parte, vt rem clare proponam, quinque iura diuersa reperio. Modo enim Principes ita Præfecti Prætorio examinis decreta Legationum subiici voluerunt, vt etiam eliminandi ea, potestas esset, id est reiiciendi improbas petitiones, vel etiam remedia ad postulata largiendi, quæ dilationem non ferrent, & digna nutu & indulgentia Principis ad eum referendi: vt Valent. Sen. l. 3. & 4. *sup.* Theodos. M. l. 12. Theodosius Iun. l. 14. Modo, Præfectos Prætorio decreta requirere noluerint, vt Valentinianus Iun. nunc l. 9. modo ita & ad notitiā Præfecti Prætorio Præsentalis seu Comitatus referri, vt tamen integra omnia Principi seruarentur: l. 10. modo ita perferri, vt etiam pensarent ordinarentque, num Legati venire deberent necne, quæ Theodosio Iun. mens est, d. l. 15. *inf.* modo ita, vt omnino Legati a Principe audirentur; quæ postrema Theodosii Iun. mens est, *leg. 16. seu ult. b. t.* Hæc sc. tam varie pro Reipublicæ vsu & necessitate, prout prouincialium improbæ petitiones esse iam lolerent, prout ipsi Præfecti Prætorio sese iam gererent: vt sit, quantumcumque examen aliquando, seu *δοκιμασία* decretorum, vel *tractatur* super his Præfectis Prætorio tributa fuerit, non illico tamen *ἀπόκρισις*, vt diserte Valentinianus Iun. d. l. 10. sic fane & *canone 9. Concilii Sardicensis pag. 644. Tom. I. Concil. Ed. Harduin.* cautum reperio: *Qui Romam venerit* (Legatus Concilii nomine) *Sanctissimo fratri & Coepiscopo nostro Romano Ecclesie preces quas habet, tradat, vt & ipse prius EXAMINET, si honesta & iusta sint, & præstet diligentiam atque sollicitudinem, vt ad Comitatum perferantur.* Quod quidem eximium Episcopi Romani inter alia iuratum *πρωτόμυσον* fuit. Cui simile statutum est Synodi Carthaginensis *Canone 106. Codicis Africani pag. 924 925. Tom. I. Concil. Ed. Harduin.* Ergo auditui suo & decisioni seruari voluit omnia Valentinianus Iun. ita vt Præfectus Prætorio Italix præsentalis seu in Comitatu constitutus, ad decreta seu Legationem ex Africa forte, vel Italia (data enim est d. l. 10. ad Principium PP. Italix) sententiam suam expromeret, cum recitarentur ea decreta prouincialium, seu petitiones Legatorum in Consistorio Principis; sc. in Consistorio Principis, quod d. l. 10. docet, petitiones Legatorum & decreta recitabantur de scriniis Principis, vbi ea asseruabantur. De *scriniis*, inquam: ac nominatim, quod testatur *Notitia Imperii* in Magistrum *scriniorum fol. 62. & 147. ex scrinio Epistolarum*: nam ibi ita: *Magister Epistolarum, LEGATIONES Ciuitatum, consultationes & preces tractat.* Tandem facere non possum, quin hic Amm. Marcell. locum adscribam *lib. 28. cap. 6.* quia multa habet cum hac l. 10. congruentia, *Tripolitani adlapsi legitimo die Concilii, quod apud eos est annuum, Severum & Flavianum creauere LEGATOS.* Et mox. *Venerunt in COMITATVM LEGATI, aditoque Principe &c. obtulerunt DECRETA, textum continentia rei totius. Quibus lectis cum neque relationi. Officiorum Magistri fa-*

*uensis Romani flagitiis, nec contraria referentibus crederetur, promissa DISCEPTATIO plena dilata est: ex more, quo solent inter potiorum occupationes Iudi Potestates excelsæ.* Vbi Potestates excelsæ sunt Imperatores; id enim vult Marcellinus, potiorum in Aula occupationibus Imperatorum destinata eludi, differri. Et hæc tamen quidem de primo capite harum Valentiniani Iun. constitutionum: de plena inquam Legationum mittendarum a Prouincialibus ad Imperatorem licentia.

Secundo capite vicissim Valentinianus Iun. duo circa hæc prouincialibus iniungit. Primo quidem, l. 9. quemadmodum licere vult oppressis deslere apud Principem quæ perferunt, ita contra, Probabilia tantum ad se perferri vult, neque superfluis sese occupari. Quo pariter pertinent plures *huius tituli* leges; inter alias *lex 6. supr.* vbi dixi. Alterum monitum continetur l. 11. nempe, Mandata omnia seu decreta *scripta* exhiberi oportere: alioquin Legatum non audiendum, & sine effectu protinus remeare. Quod sane moris iurisque tractitii fuisse non tantum *ea lex*, aliæque *plures* ostendunt, verum & alii quoque *S. ptores*: veluti Ammianus Marcellinus *lib. 28. cap. 6.* superiorem iam loco: ibi inter cetera: *obtulerunt DECRETA, textum continentia rei totius.* Petilianus in collat. Carthag. *die 3. c. 140. pag. 1163. Tom. I. Concil. Harduin.* Sidonius quoque Apollinaris *lib. 7. ep. 7.* agens de Aruandi PP. Galliarum apud Imp. accusatione. *Interea Legati prouincia Gallie Aruandum publico nomine accusaturi, cum Gestis Decretalibus insequuntur &c.* De quibus alioquin Decretis Legationum, & in *Paratillo*, & ad *leges superiores* dixi. Ergo scripta decreta seu mandata omnia Legatos prouinciales exhibere voluit Valentinianus Iun. *dict. l. 11.* cum quo num idem sit illud, quod Theodosius Iun. definit l. 15. *hoc titulo* nulli penitus Legationem liberam committendam, ad *eam l.* ostendam. Similiter fane idem Valentinianus Iun. triennio ante hanc *leg. in l. vn. supra, de Mandatis Principum*, a se missis fidem haberi vetuit, asserentibus se cum mandatis Principis venire secretis; contra, sacris literis tantum esse credendum: Quo etiam pertinet Athanasii locus, quem *ibid.* protuli. Ergo neque suis, neque ad se missis Legatis fidem adhiberi voluit, nisi mandata exhiberent. Huius ratio hæc est, quod sæpe nonnulli mandata quidem aliqua exhiberent, sed tamen præter hæc secreto quædam sibi commissa exponerent, quasi vitandi periculi gratia, & horum illorumue offensionem metuentes, neue forte auxilii a Principe impetrandi spe exciderent, si mandata omnia vulgarentur: cum tamen interea Legati sæpe de suo ingenio & peculio, nonnulla apud Principem vulgarent ad conciliandam aliquibus inuidiam. Quare OMNIA mandata literarum & decretorum auctoritate demonstrari voluit Valentinianus Iun. Appositissimum sane ad hoc exemplum, apud Ammianum Marcellinum *dict. libr. 28. cap. 6.* vbi Romani Comitatus per Africam arte, Municipales Tripolitani Iouinum Legatum, a se ad Valentinianum Sen. missum, destinatus asserabant, nihil eorum mandasse quæ docuerat Principem: eo vsq; iniquitate grassante, vt ipse quoque Iouinus ad salu-

tis suæ discrimen confiteretur, se Imperatori mentitum: unde factum ut Valentinianus Iouinum supplicio capitali puniri præceperit. Ex quo exemplo quoque apparet, ipsorum etiam Legatorum interesse, ut omnia mandata literarum & decretorum auctoritate demonstrare possint, ne aliquin παρρησιόχας, seu falsæ Legationis argui possint.

Postremo capite quod continetur l. 9. *vers. illud etiam*: Valentinianus Iun. id agit, ut ne GRAVES nimium sumptuosæque fisco, Cursuique publico, Legationes mittantur; tum numero definito Legatorum, puta ut etiam integra Diocesis vnum vel Duos tantum Legatos mitteret; de quo Legatorum in commune numero iam dictum ad l. 3. & 7. *sup.* tum definito Cursu publico quatenus eo uti Legati possent. Nempe Rhedam *Cursualem* tribui iubet Legato vel Legatis duobus ab integra diocesi misis: singulas vero angarias singulorum Legatis. Rheda *Cursualis*, quæ simpliciter Rheda dicitur l. 8. 9. 24. 28. 30. 40. 47. 48. *sup. de cursu publico*: & l. 2. 5. *sup. de Curiosis*, Fiscalis rheda Sæuero Sulpitio *dialog. 2. cap. 3.* eademque est cum Vehiculo, Carpentio & Quadriga: de quo consule Pa-

ratillon *de cursu publico*. Ei mille librarum onus imponebatur; *dist. l. 8. 17. 28. 30. 47. 48. sup. de cursu publ.* cum carro sexcentarum librarum onus imponeretur, *dist. l. 47. birotæ ducentarum, dist. l. 8.* Rhedæ huic æstivo tempore octo mulæ, hiemali decem iungebantur: *dist. l. 8. Angaria* vero, de qua agitur, & l. 4. n. 16. 21. 28. 30. 45. 48. & l. vltim. *sup. de cursu publico*: & *dist. l. 5. sup. de Curiosis*: unde & Angarialis copia, *dist. l. 4. angariarum cursus, dist. l. 16.* protelo boum ducebatur: bina quippe boum paria ad singulas angarias subiugabantur, *dist. l. n. iisque mille quingenta pondo imponebantur, dist. l. 28. 30. de quo plene ad l. 4. de cursu publ.*

Ergo rhedam mille librarum dioceseos Legat. *197* to, vel Legatis duobus dari voluit Valentinianus Iun. angariam vero mille quingentorum pondo Legatis omnibus, quotquot essent misis a singulis prouinciis ex vna Diocesi. Nempe licere voluit Valentinianus Iun. singulis prouinciis separatim ex vna Diocesi vno tempore Legatos mittere, sic tamen ut omnes angariam tantum usurpare possent. Et sic hac ratione & prouinciis & cursui publico consuluit Valentinianus Iun.

## XII. (a) Imppp. THEOD. Arcadius & Honor. (b) AAA. Apodemio PF. P. (c) per Illyricum.

**S**i quod extraordinarium concilium (d) postulatur (cum vel ad nos est mittenda Legatio, vel vestro sedili (e) aliquid intimandum) id quod inter omnes communi concilio (f) tractatuque (g) conuenerit, minime in examen Cognitoris Ordinarii (h) perferatur (i): Prouincialium enim desideria (k), quibus necessaria sæpe fortuitis (l) remedia deposcuntur, vobis solis (m) agnoscere atque explorare permittimus: (n) nobis (o) probationem ac iudicium reseruamus. Ad prouinciale Concilium in vna frequentiore (p) totius prouinciæ Vrbe cunctos volumus conuenire, qui Primatum (q) honorantur insignibus: exceptis Præfectoriis (r), quos dignitatibus ampliatos indignius (s) a consiliantibus (t) præteriri, indignius vero ad publicum (v) honoris iniuria (x) deuocari: Vnde honestum esse censemus, de singulis quæ tractanda erunt intra domos suas eos consuli. Et (y) ne plebi mixta dignitas inclinetur (z), nec eius cuius præsentia copia deerit probatum in Republica consilium neglegatur: scil. ut in loco publico de communi utilitate sententia proferatur, adque id quod maioris partis probavit adensus solemniter firmet auctoritas. Dar. V. Kal. Aug. Constantinop. Arc. A. II. & Rufino Coss. [392.]

### N O T A E.

(a) *Lex 5. Cod. Iust. eod. tit. GOTHOFR.*

(b) *Honorii* nomen hic expungendum: utpote qui Anno proximo primum Augustus creatus fuit: vid. *Chronolog. ID.*

(c) *Apodemius PP.* per Illyricum sub Theodosio M. A. D. 392. cui inscribitur hoc ipso Anno *lex prox. 13.* dicitur hoc ipso Anno PP. Illyrici & Afric. l. 21. *de nauicular.* quæ & ipsa data est Constantinopoli: & Anno prox. dicitur PP. II. Illyrici & Ital. in l. 51. *de appellat.* quæ pariter data est Constantinopoli: Verum de hoc dico ad l. 2. *sup. de consil. Princip. ID.*

(d) *Consilium* C. Iust. hic male: quæ tamen alibi inter se variant, *ID.*

(e) *ve. Vestra Sedi Ill.* id est, *vestra sedi Illustri.* Sane & ita quoque C. Iust. *vestra sedi.* Quare iocularis est lapsus Viri alioquin doctissimi Ioan. Sauneronis in lib. 1. *Sidon. ep. 3. pag. 23. Edit. Paris. 1609.* qui hinc colligebat, Prætorianam Sedem dictam, *Sedile.* Sedes sc. dicta de Illustribus Dignitatibus, de Præfectura Prætoriana, & Urbana, ut l. vlt. *inf. de pistorib.* Eo sensu quoque INL. PATRICIAE. SEDIS. in inscriptione, quæ a Sirmondo refertur ad Sidonium lib. 1. ep. 9. unde Scriptor *de Officiis Dom. August. lib. 2. cap. 19. pag. 467. Edit. Lips.* ioculari lapsu, nouum nobis & inauditum Patricium, *qui sedibus*, id est, Stationibus militum imperabat, effinxit. *ID.* Accuratam Nostri esse emendationem, scriptumque fuisse a librariis *Sedi Ill.* fidem etiam faciunt Editio prior Cuiac, & quæ in Quanto prodita in quibus legitur, *Vestra sedili.* *RITTER.*

(f) *ve. Consilio.* ut etiam habetur C. Iust. & l. 13. *inf. cum ad sensu omnium atque consilio.* *GOTHOFR.*

- (g) De hac *Traſſatus* voce iam ſup. ad l. 4. ID.  
 (h) V. l. 3. ſup. ID.  
 (i) *Referatur* C. Iuſt. Et iſtud tamen retinendum. ID.  
 (k) De hac *Deſideriorum* voce iam ad l. 3. ſup. ID.  
 (l) *Fortuiſis caſibus*, Cod. I. ID.  
 (m) Abest hæc vox ſolis, a C. Iuſt. ID.  
 (n) In C. Iuſt. ſubiiciuntur iſta, deſumpta ex l. 4. ſup. *Vt ſint examiniſ tui, quæ ex his auxiliis ſuo protinus implenda ſint, & quæ Clementia Noſtra auribus intimanda videantur.* Quam appoſite, mox videamus. ID.  
 (o) Sequentia omnia recita a C. Iuſt. vsque ad *In loco publico &c.* ID.  
 (p) Opulentiore, l. 13. *prox. inf.* ID.  
 (q) *Primates* hic ſunt Honorati, de quibus ad l. un. ſup. de off. Iud. omn. Alias *Primates*, pro principalibus Curiarum, tit. de Decur. ID.  
 (r) *Præſectarii*, qui? mox dicam. ID.  
 (s) *ꝑꝑ. Indignum.* ID.  
 (t) *Conſultantes*, id eſt, in conſilium euntes, conſulentes, conſultantes, vid. *Gloſſ. Theod.* ID.  
 (v) *Ad publicum*, ſeu in publicum coſtum. ID.  
 (x) Cum honoris iniuria, ID.  
 (y) Duæ rationes ſuperioris conſtituti. ID.  
 (z) Recte: neque mutandum in *inquinetur*: ſc. l. 41. *inf. de Epiſcopis*: inclinari dicitur deſpectus humilitatis. ID.

### XIII. (a) Idem AAA (b) Apodemio (c) PF. P. per Illyricum.

**P**ROVINCIALE concilium (d) quo tempore iniri debeat, cum adſenſu omnium, atque conſilio propria auctoritate definiat (e): ira vt ipſe conuentus in vna opulentiore (f) totius prouinciæ vrbe, absque vllius (g) iniuria celebretur. Inde, quod in conſilium (h) communia vota deducunt, vel in æde (i) publica, vel in aliqua fori parte <sup>p. 196.</sup> tractetur, ad quam omnium poſſit eſſe conuerſus (k), ne quid diſpoſitio (l) paucorum tegat, quod in communem vilitatem expetat ſollicitudo cunctorum. Si quis autem eorum virorum, quos emeritos (m) honor a plebe ſecernit, prouincialium extraordinario cupit intereſſe conſilio (n), pro ſuo loco (o) atque ordine, ſeruata reuerentia dignitatis, vel ad eum locum in quo cunctorum deſideria (p) poſſit agnoſcere, ire debebit, vel procuratoribus deſtinatis ſententiæ ſuæ promere voluntatem: modo, vt quod voluerit paucorum voluntas publica conuocetur (q) auctoritas. Dat. IV. Id. Sept. Conſp. Arcad. A. II. & Ruſino Coſ. [392.]

### NOTAE.

- (a) Abest hæc lex a Cod. Iuſt. GOTHOFR.  
 (b) Tollendum hic, vt & ſuperiori lege, *tertiam A.* ID.  
 (c) Eidem inſcribitur *lex ſuperior*. vbi dixi. ID.  
 (d) Extraordinariam ſc. vt *verſ. ſi quis autem, inf. & l. ſuper.* ID.  
 (e) *ꝑꝑ. Definias*, vel *definiat*, Sedes tua ſc. vel quid ſimile, quæ verba in integra conſtitutione fuerint. ID.  
 (f) Frequentiore, l. 12. *prox. ſup.* ID.  
 (g) An alterius vrbiſ? Dicam mox. ID.  
 (h) De quo deliberandum venit. ID.  
 (i) V. l. 8. *inf. de paganis.* ID.  
 (k) *ꝑꝑ. Concurſus*, vel, *conuentus.* ID.  
 (l) *Diſpoſitionis* vox propria v. *Gloſſ. Theod.* ID.  
 (m) Et hoc rectum: quanquam non minus recte, *emeritus bonos.* ID.  
 (n) Tolertari poſſit, etſi malit quis *concilio.* ID.  
 (o) *Locus* pro dignitate: vid. *Gloſſ. Tb.* ID.  
 (p) Deſideriorum vox proptia; dixi ad l. 3. ID.  
 (q) *ꝑꝑ. Non vocetur.* ID.

### COMMENTARIUS.

**T**HEODOSII M. duæ hæc conſtitutiones ſunt, ad eundem Apodemium PP. Illyrici, intra ſequi-menſem datæ: quarum poſteriore prior adhuc explicatur, partim vero & emendatur: de ſolemnitate puta ſeu forma CONCILII prouincialis EXTRAORDINARIÆ. Duo ſc. Conciliorum prouincialium ſecularium genera fuere: vnum *ordinarium*, quod ſolemniori more ſingulis annis conſtituto tempore celebrabatur: vt teſtis Amm. Marcell. lib. 28. cap. 6. *Tripolitani adlapſo legitimo die Concilii,*

liti, quod apud eos annuum est, Severum & Flaccianum creauere Legatos. Sic & Honorius Imp. non Constantinus Tyrannus, quod hactenus creditum, (a) Edicto suo A. D. 418. septem prouinciarum Concilio tempus definit ab Idibus Augusti ad Idus Septembris: Alia vero *extraordinaria concilia* erant, de quibus sunt hæc *due leges*, & *lex vn. sup. de Præf. Prætor.* nempe necessitate aliqua extraordinaria cogente, & fortuitis necessaria remedia deposcentibus: cuius causa postea vel ad Principem mittenda erat Legatio, vel Præfecto prætorio aliquid significandum veniebat. Hæc *due sc.* Aræ erant, hæc duo suffugia, vnde remedia fortuitis expectari poterant: puta Princeps: quæque ipsi proximo erat ceruix, Præfectus Prætorio. De huiusmodi extraordinario concilio, eiusque solemnitate sunt, vt dixi, hæc *due* Theodosii M. *leges.*

Primum igitur definitur, a quo *Potestas*, *Tempus*que eius conuocandi pendere debeat? Nempe postulandum id, ait *lex 12.* quoque tempore iniri debeat, cum ad sensu omnium & consilio. Præfectum Prætorio definire debere, ait *lex 13.* Ergo indicendi concilii potestas penes hunc erat, sed tamen adhuc cum ad sensu prouincialium: neque vt concilium sua auctoritate inturbaret vel regeret. Quomodo & in Ecclesia indicendi Concilii, tempusque definiendi ius, non ideo absolutam potestatem infert.

Secundo definitur. Quæ vrbs celebrando concilio huiusmodi prouinciali deligenda sit? Nempe Opulentior, vt ait *lex 13.* seu frequentior, vt ait *lex 12.* aliquam totius prouinciæ urbem ad id deligi iubet Theodosius M. Idque ait *d. l. 13. absque ullius iniuria.* Nempe quia ad iniuriam suam pertinere ciuitates ferre credebant, si aliæ ad concilium, celebrandum sibi præferrentur: vt cæteroquin magna hæc æmulationis materia inter Vrbes, quibus etiam *negi negotiæ* ingens certamen erat: de quo fidem faciunt vel Dio Chrysostomus, Aristides, & Ausonius. Sic & ad iniuriam pertinere suam eadem putabant, si non ipsæ iudicium hyemationi sedem præberent: de quo est eiusdem Theodosii M. *lex 6. Cod. Inst. de off. Rectoris prouinciæ*, vbi etiam hæc ipsa *Iniuriæ* vox occurrit: *Ciuitas*, inquit, *Rhodiæ* iniuriam suam non tam decenter, quam sero conquesta est. Quare litem hanc nunc Theodosius, quod ad concilii celebrationem attinet, hoc Eusebiano & quidem necessario dirimit: puta, vt in id opulentior seu frequentior Ciuitas eligeretur, vel vt eam vocat *lex 11. inf. de Medicis & Professorib.* frequentissima: siue ea Metropolis sit siue alia. Metropoles sane in id plerumque delectæ, quia & ipsæ opulentiores, & frequentiores. Hinc adeo *lex 15. sup. de appellationib.* & *lex 2. sup. quemadmodum mun. ciuil.* quæ datæ sunt ad Concilium prouinciæ Africa, dicuntur PP. Karthagine. Et ita quidem hæc verba *legis 13. absque ullius iniuria*, accipienda videntur.

Tertio definitur a Theodosio M. *Locus* ciuitatis, qui & ipse maxime frequentari possit, & ad quem omnium possit esse concursus: non in genere tan-

tum *l. 12.* locus publicus, verum signate, *l. 13. in ade publica, vel in aliqua fori parte.* In æde publica, veluti in Basilica, Thermisue, non in Palatio tantum, quod tamen solum hic per ædem publicam nonnulli accipiunt. Adde & Tempa olim Gentilium: quorum nonnulla, vt diserte ait idem Theodosius M. decennio ante, *lege 8. inf. de paganis, sacris. & templis*, frequentæ dedicatæ, cœni etiam, populo quoque communia facta. Ergo huiusmodi locum publicum concilio celebrando deligi voluit, ad quem omnium possit esse concursus: ne alioquin ait *lex 13. paucorum forte dispositio tegat, quod in communem utilitatem expetit sollicitudo cunctorum*, id est, ne dum locus paucorum capax est, paucis quoque coeuntibus pauci decernant, disponant, quod communem sententiam & calculum *597.* requirit: vt in loco publico, inquit, *lex 12. in fin. de communi utilitate sententia proferatur.*

Quartum caput est, de *Personis*, quas ad Concilium conuenire, non tantum e plebe, (id est, vulgus Curialium, possessorumue) verum etiam eos, qui *Primum honorantur insignibus*, ait *lex 12.* vel vt plenius explicat *lex 13. eos Viros, quos emeritos, vel emeritus honos, a plebe fecernit.* De Primatibus alioquin urbium, vicorum, castellorum, vide *leg. 13. sup. de desertoribus.* Primates *leg. 4. de decurion.* & Primates Ordinis Alexandrini *l. 190 de Decurionib.* Primates viri *l. 3. infr. de Scenicis*: vid. plura in *Paratito de Decurionib.*

Ergo & honoratos omnes ad Concilium conuenire voluit Theodosius M. *Præfectoriis* tantum exceptis, *leg. 12.* id est, exceptis iis qui Præfectura (siue Prætorianæ, siue urbis) functi. Sidonius *lib. 1. ep. 7.* Interea Legati prouinciæ Gallia, Tonantius, Ferreolus Præfectorius, Afranii Siagrii Consulis & filia nepos, Thaumastius quoque, & Petronius inter principalia patriæ nostræ decora ponendi &c. Meminit idem & *lib. 1. epist. 9.* Pauli Præfectorii: qui scilicet Præfecturam Prætorianam gesserat *Eudoxio & Dioscuro Coss.* Reliqua vide in *Gloss.* Ad hos igitur Præfectorios Viros domum mitti seu intra domos suas eos consuli iubet, *dist. leg. 12.* Quo exemplo quoque ad domum mitti solet in dignitate positorum vel ad testimonium dicendum, aliæ quæ de causa, *l. 15. D. de iureiurando: leg. 2. §. 1. Cod. Inst. de iureiurand. propter calumn.* Nouella Iustiniani *123. cap. 7.* de quo est quoque Taciti locus *lib. 2. Annal. cap. 34.* deque eo dixi ad *legem 8. sup. de fide testium.*

Et rationem huius exemptionis seu priuilegii reddit Theodosius Magnus elegantibus verbis: nempe, quod *hos his Dignitatibus ampliatores, decoratos, indignum quidem sit a consiliantibus præteriri*, id est, absque his in consilium a plebe iri, consilia in commune absque his capi, indignius vero ad publicum cum honoris iniuria deuocari: contra, honestum esse, ne plebi mixta Dignitas inclinetur, & interea tamen non negligatur probatum Primatis in Republic. consilium.

Ergo Præfectoriis id priuilegii datum *leg. 12.* vt & alia, quale illud etiam, quod ex Sidonio *lib.*

(a) Vide ANTON. PAGIVM in *Critic. ad Annal. Baron. ad an. 418. num. 78.*

*lib. 1. epist. 7.* colligere est, de iure sedendi in Senatu Romano. Et tamen alia quædam mens mox Theodosio sedit *dist. leg. 13.* aliæque ratio placuit, non iam Præfectoriis propria, verum cæteris quoque Primatibus communis: Permisit scilicet, vel electionem dedit Primatibus omnibus, ut vel Concilio ipsi adessent si vellent, ubi locus & ordo seu reuerentia Dignitati eorum debita seruaretur; vel si nollent, procuratores suos eo mitterent.

Quod quidem Eurenaticon vel *προνομίον* procuratoris loco suo mittendi, præcipuis Dignitatibus & alias datum: & quidem hoc ipso Anno 392. ab eodem Theodosio Magno, in causis ciuilibus: ita quidem etiam, ut ex necessitate id eos facere vellet, *leg. 25. Cod. Iust. de procuratoribus.* Inno & a Zenone postea datum iis, uti causam iniuriarum possent in iudicio excipere, vel mouere per procuratorem: *leg. ultim. Cod. Iust. de iniuriis:* quo rursus respexit *leg. 3. in medio princ. Cod. eod. ubi Senatores:* quod utrumque a Iustiniano quatenus probatum, videnda eius *Nouella 71.* Sane eodem exemplo

Religionis iam & Sacerdotii veneratione, tributum a Valentiniano Tertio Episcopis & Presbyteris, qui præcipui sunt Sacerdotes, ut si in eos actio peruationis & iniuriarum atrocium dirigatur, per procuratorem litigare possint, *Nouella, de Episcopali iudicio 12.* Et hæc quidem est harum duarum Theodosii Magni constitutionum sententia, super solemnitate Concilii prouincialis extraordinarii, eo scilicet fine, quem ipse passim effert *utraque lege*, ne paucorum forte prauis affectibus hæc agerentur, quæ pro communi calculo haberi par est: & ut ipsemet ait, ne paucorum voluntas publica vocetur auctoritas. Ad quem finem spectat quoque *leg. 15. infr.* Qua parte & illud tralatitium ingerit *leg. 12.* ut id quod maioris partis probarit adensus solemniter firmet auctoritas. Sic & Ambrosius *libello priore adu. Symmachum* egregie paucorum e Senatu petitionem de repetendis & recuperandis expensis sacrorum, eludit. Tandem sunt hæc *leges* insignes, quarum usus esse potest & hodie.

#### XIV. (a) Impp. Honorius & THEOD. AA. Anthemio (b) PF. P. & Patricio (c)

**O**MNIVM legationum prouincialium instructiones (d) aput Sublimitatem Tuam actis legi pensarique præcipimus, ut quæ digna nutu (e) vel indulgentia Nostræ Clementiæ probabuntur, eligere ac referre ad nos Sublimitas (f) Tua non ambigat. Nam remedia fessis (g) quibusque necessaria, nostro arbitrio decernentur. Dat. XIV. Kal. Octobr. Constantinop. Basso & Philippo Coss. [408.]

#### NOTAE.

(a) Abeft & hæc *lex a Cod. Iust. GOTHOFR.*

(b) *Anthemius PP.* Orientis sub Theodosio Iun. de hoc plene in *Protopogr. ID.*

(c) *Patriciatus* dignitas, aliarum Illustrium dignitatum *προσθήκη* ferme erat: de quo dixi ad *l. vn. supr. de Consulibus. ID.*

(d) *Instructiones*, sunt decreta Legationum. Quæ vox hodie seruatur. Sic *l. 10. supr. legationes*, quas instruxere decreta. Sic Legatus & Legatio instructa mandatis apud Symmachum, *lib. 1. ep. 11. & lib. 4. ep. 52. ID.*

(e) *Nutus* Principis, pro auctoritate, & quidem maiore quam PP. *ID.*

(f) *Sublimitatis* titulus tributus Præfectis Prætorio, v. *Notitiam. ID.*

(g) *Fessi* sunt, vexati, oppressi. v. *Gloss. Theod. ID.*

#### COMMENTARIUS.

**T**HEODOSII Iunioris tres ordine constitutiones sequuntur de Conuentibus & Legationibus prouincialibus: Ex quibus colligere licet, Theodosium Iun. collapsum sub Arcadio Imp. patre ipsius, hunc Legationum morem erexisse, firmasse que: quod præter *hanc leg.* vel maxime docet *lex ult.* Eique rei etiam argumento alicui est, quod nulla hic *Arcadii* de his Legationibus constitutio occurrat: quodque Synesius ad ipsum scribens, malaque quæ tum Imperium premebant denotans, inter cætera Arcadium hortatur *de regn. pag. 27. Edit. Petau.* ut ad Legationes has audiendas *εὐπρόσδοον, accessu facilem*, se præbeat, commodis eius rei notatis: & hoc quidem inter alia, quod *huius leg. fin.* quoque indicatur, ut hac ratione Imperator collapsa erigat, populisque egentibus liberalitate sua succurrat & munerum seu debitorum indulgentiis, iis qui tributis attriti sunt, subueniat: *ἐγγεῖν τὸ πεντακὸς ἢ κ' ἰδῶν, καὶ ἐπιδοῦναι τοῖς ἀπορρυμένους τῶν δήμεων, καὶ ἀνήσει λειτουργῶν τὴν πάλαι λειτουργίαν πονῶντας, &c.*

*id quod collapsum est, etiamsi non viderit, restaurabit, & in egestate laborantes populos largitionem faciet, & publicis sumptibus iam dudum vexatis publica munera remittet.*

Id vero nunc Theodosius Iun. præstat hac constitutione, qua remedia fessis quibusque necessaria se decreturum pollicetur: Quæ data est ad Anthemium PP. & Patricium: & quidem Anthemii istius proculdubio suasu & consilio. Is enim mortuo Arcadio his Coss. & Theodosio octenni Imperium nato, summam rerum pro eo administrabat, teste Socrate, *lib. 7. c. 1. ὑπὸ δὲ τῷ υἱῷ τῷ νέῳ Θεοδοσίῳ οὐκ αὐτῇ τυχεράνonti, τὰ τῆς Εἰσας ἐτάττετο: ANΘΕΜΙΟΥ Τῆ ὑπάρχου τὴν διοίκησιν ποιῶντος τῶν ὅλων: orientis vero imperium sub ditione fuit Theodosii iunioris eius filii, qui tunc temporis octo annos natus erat. Anthemius vero Præfectus Prætorio, summam rerum sub illo administrabat. Quo loco & prudentiam eius singularem commendat, & cum Troilo Sophista consiliorum communicatio-*

nem;



nem: de quo utroque multa idem Synesius, de quo *supra*.

Ergo & hæc lex ab Anthemii & Troili Sophistæ consilio proculdubio profecta est: & illius quidem, qui summam rerum sub Theodosio Iun. nunc administrabat, & quidem non tantum Præfectorio dignitate, sed & *Patricii*, qui parens Principis censebatur: de quo *suo tit. supr. lib. 6.* Atque ea quoque iam causa est (vt ad *huius l.* sententiam

nunc descendam) vt Theodosius Iun. *hac l.* iubeat, omnium Legationum provinciarum institutiones, seu decreta, mandata, preces, apud Anthemii PP. acta legipensarique, vt quæ digna nutu vel indulgentia Principis ab eo probarentur, ab eodem eligerentur, & ad se Principem referrentur. Quibus haud absimiles alioquin sunt Valentiniani Sen. *lex 3. & 4. supr.* Theodosii M. *lex 12.* non ita similes aliz, de quo omni fusc ad *leg. 10. supr.*

## XV. (a) Idem AA. Monaxio PF. P. (b)

**Q**UOTIENS Legatio (c) destinatur, (d) vniuersos Curiales præcipimus, qui intra Urbem (e) consistunt (si non ægritudine, vel alia inexcusabili necessitate impediuntur) in locum Curiz conuenire, & decreta sua propria subscriptione firmata Viro Spectabili Præfecto Augustali insinuare: vt eius relatione Tuis (f) Virtutibus intimata, & sub examine tuo perpenſa, venire necne Legati debeant, ordinetur: Nulli penitus Legatione libera committenda: Et Auro Coronario, non (sicut nuper factum est) ab his (g) colligendo, qui venditis (h) honoribus, vt ad gradus altiores venirent, contra licitum coëmerunt: Quos quidem, recepta summa (i) quam dederunt, vniuersa munia patriæ implere præcipimus: sed a Curia omni (k) præstanda; vindicta huius facinoris Tuz Sublimitati permessa, &c. Dat. III. (l) Non. Octob. Cōsp. DN. Theod. A. VII. & Palladio V. C. Coss. [416.]

### NOTAE.

- (a) *L. ult. C. Inſt. eod. tit.* Iungenda autem huic est *lex 42. infr. de Episcopis. GOTHOFR.*  
 (b) *Monaxius* PP. Orientis sub Theodosio Iun. v. *Proſopogr.* Quod vel ex hac ipsa quoque *leg.* liquet, vt pote in qua agitur de Præfecto Augustali seu Alexandriæ. *ID.*  
 (c) *Ab Alexandrina ciuitate:* additum *Cod. Inſt.* Quod etſi rectum, haud adeo tamen opus erat. Id enim satis claret ex eo, quod de Præfecto Augustali dicitur: ac multo magis adhuc ex coniunctione dictæ *leg. 42. infr. de Episcopis. ID.*  
 (d) *Destinatur*, idest, designatur, proponitur: vel, pro destinanda est. *ID.*  
 (e) *Vbi*, idest, Alexandria: vid. quæ dico ad *l. 9. infr. de operib. publ. ID.*  
 (f) *Vt eius relatione comitati, tuis virtutibus suas petitiones intiment, & sub examine tuo perpenſa Legatione vt ordinetur:* ita *Cod. Inſt.* de quo mox: reliquis etiam reſecatis. *ID.*  
 (g) Curialibus scil. v. *infr. tit. de auro coronario. ID.*  
 (h) *Venditis bonores*, a Curia scil. *ID.*  
 (i) Vnde aurum coronarium collectum. *ID.*  
 (k) Summa ad aurum coronarium. *ID.*  
 (l) III. Kalend. in d. l. 42. de *Episcopis. ID.*

### COMMENTARIUS.

**A**LEXANDRIÆ vrbs, quod etiam vidit Tribonianus, & ideo *legi*, quæ hinc petita est, addidit, ad se Legationibus, vt & Coronarii auri præstationi a Curia Alexandrina, formam certam præstituit *hac l.* Theodosius Iunior: Quæ quidem pars est prolixioris Theodosianæ constitutionis, emissæ ad Legationem Alexandrinam: vnde desumpta est quoque *lex 42. infr. de Episcopis*, quæ proinde huic *legi* coassanda venit, coassataque plurimum huic *luris* adfert. Ea vero constitutione in vniuersum decreta quædam Legationis Alexandrinæ ceu inutilia vel improbabilia damnatum iuit, vt docet *d. lex 42.* Et quidem in tribus: circa parabolanos primum; quod continetur *d. l. 42.* dein circa decretorum formam, tandem & circa auri coronarii per Legatos oblationem, quæ duo sunt *huiusce leg. capitula.*

Primo scil. capite, ne inutilia deinceps, ne improba, ne non certa, Legati deinceps adferrent, hanc formam & solemnitatem Legationibus & de-

cretis Alexandrinæ ciuitatis præstituit. Initio Curiales omnes, qui intra urbem consistunt, si non sonitica causa impediuntur, ægritudine videl. vel alia necessitate, in locum Curiz conuenire iubet. Mox & (quod Secundum) Decreta Legationis, propria subscriptione firmare eos vult: Eaque (quod Tertium) ita firmata Præfecto Augustali seu Alexandrino insinuare. Hæc Tria inquam initio requirit Theodosius Iun. vt ita liquere possit, ordine omnia transacta, potiorisque partis consensu, non a paucis, vel per tumultum: Cuiusmodi etiam tumultus Alexandriæ obortus Anno superiore 415. inter Cyrillum Ep. Alexandrinum, & Orestem Præfectum Augustalem, simul & Iudæos: de quo dicam plenius & opportunius ad *d. l. 42.* Ad quem finem spectat quoque forma & solemnitas, quam præscribit Theodosius M. *l. 12. 13. supr.* vbi dicta consuli velim. Tria hæc proinde vniuersalis, beneque ordinati, & maturi concilii argumenta, notæque sunt: 1. si vniuersi coierint, quos res tangit: 2. si decre-

ta, propria subscriptione firmata fuerint: mox & 3. ea Præfecto tradita: qui iam relatione sua (quod *Quartum*) omnia legitime transacta testetur: & quidem in specie *huius l.* apud Præfectum Prætorio Orientis; sub cuius ipse dispositione erat. Insinuari igitur decreta apud Rectorem voluit Theodosius Iun. pariter vt Valentinianus Sen. *l. 3. supr. hoc tit.* apud alios Rectores prouinciarum: cum alii Principes hanc insinuationem apud Iudices ordinarios sua ratione remiserint: veluti Valentinianus Iun. *leg. 9. supr. Theodosius M. l. 12. supr.* Aliter quam Theodosius Iun. nunc, sua & *περιστάτων* de causa. Pariter vt subscriptionem Curialium in decretis Legationum requirit, de quo non est præterea constitutio. Quod quintum requisitum, ad Legationum vrbis Alexandrinæ in sp. *huius l.* solemnitatem, attinet, tale est, vt Theodosius Iun. *h. l.* velit Relationem super Legatione decreta a Præfecto Augustali ad PP. Orientis fieri, qui in præsentia agebat seu in Comitatu Constantinopoli: qui postea (quod Sextum) relatione sub examine suo perpenſa ordinet, venire necne debeant Legati. Quod magnum & singulare Præfecti Prætorio præfentialis *πρόβουλον* est proculdubio *περιστάτων*: propter turbas & tumultus Alexandrinos tum obortos. Cum alias etiam quod decreta Legationum, seu desideria prouincialium attinet, Præfecto Prætorio id quandoque tributum, vt ea probare, eliminare, refutare posset: *l. 3. 8. 10. 12. 14. supr.* De quo vtroque etiam *l. ult. prox.* Sane & olim Legatorum mittendorum licentiam a Præfecto Augustali petitam, itemque a Præfide vel Pro præfide Syriæ, discimus ex Philone, in *Flaccum pag. 979 & Legatione ad Caium pag. 1026. 1027. Edit. Francofurt. apud Ierem. Schrey. & Iosepho lib. 20. Antiqu. Iudaic. cap. 1.*

Subiicit Theodosius Iun. postremo loco: *nulli penitus Legationem liberam committendam.* Quo quid intelligatur videndum est. Libera equidem olim legatio in re priuata dicebatur, cum quis rei suæ ergo sine mandatis, vt Cicero 3. *de legibus c. 8. & Orat. in Rullum 2. cap. 17.* loquitur, legationis specie & honore cohonestatus obibat: Alias libera Legatio dicta, quæ nulla certa formula, nullis certis mandatis adstricta, sine scriptis; quod ipsi vetitum in prouincialium Legatis, *l. 11. supr.* quales Græcis Legati *ἀνεργάτορες* dicti, cum videl. mandatis continebatur, nihil aliud, quam, vt Legatus ita ageret, vti facto opus esset. Quæ nos vocamus *Lettres de creance.* Et hoc vt puto sensu *Libera legatio*, nulli committenda *h. l.* dicitur. Sic sane quoque a Principe missis credi vetuit Valentinianus Tertius, si secreta mandata obtenderent, *leg. vnic. supr. de mandatis Principum.* Ergo neque a Principe missis, neque ad Principem delegatis Libera legatio decerni potuit. *Liberam quoque Legationem*, vt a prouinciis ad concilium, & a Concilio ad Co-

mitatum missi haberent, petiere sub Honorio A. D. 407. Patres Africani: vt docet *canon. 94. pag. 919. 920. & canon. 97. pag. 921. 922. Codicis Africani Tom. I. Concil. Edit. Harduin.* vbi Græcus Interpres hanc liberam Legationem, vocat *ἐλευθέραν τοποσησίαν, & αὐτεξέσιον τοποσησίαν.* Canonii 97. hæc verba sunt: *Placuit, vt Legationem liberam habeant ad Comitatum missi delecti Legati.* Vbi quid sit *libera legatio?* non explicant Balsamon & Zonaras. Et hæcenus quidem de primo *huius l.* capite.

Alterum caput *huius l.* est de *Auro Coronario*, quod & ipsum a *Legationum* tractatu seu argumento alienum non est, mox vt ostendam, de quo alioquin erit mox peculiaris *titulus.* Ergo vetat *hac l.* Theodosius Iun. Aurum coronarium colligi ex honorum venditionibus in Curia Alexandrina: quibus videl. nonnulli auro contra dato, ad altiores gradus promoti, munerum quorundam Curialium immunitatem, emerebantur & emercebantur. Vnde varia interim de auro Coronario obseruare licet. Primo Aurum Coronarium ad Principes per Legatos missum: sic Amm. Marcellinus de Tripolitani *lib. 28. cap. 6.* eos *Seuerum & Placcianum Legatos creasse, Victoriarum aurea simulacra Valentiniano ob Imperii primitias oblaturos, vtque tacrymosas prouinciæ ruinas docerent intrepide.* Libanius quoque testis *Ep. 766. ad Eusebium*, loco quem afferam ad *l. 1. tit. prox. de auro coron.* Eunapius quoque in *Excerptis Legationum*, Legationes ad Iulianum missis memorat, cum coronis aureis, vt & ad Valentinianum. Zosimus etiam *lib. 3. cap. 12.* meminit coronæ a populo Edeseno Iuliano oblatae, Iulianæ que in urbem suam inuitato. Hoc ipso etiam anno, paucis ante *hanc l.* diebus, puta *pridie Kal. Octobris* Theodosius Iun. ab Heraclea Constantinopolim reuersus in foro Theodosiano aurea corona ornatus fuit ab Vrſo P. V. & a Senatu, vt scribit Auctor *Chronici Alexandrini pag. 718. 719. Edit. Raderi.* Secundo ex *hac l.* colligimus aurum coronarium illud collatum & collectum a Curialibus: de quo prolixè ad *l. 2. 3. 4. infr. tit. prox. de auro coronario.* Tertio discimus collatum quandoque perperam ab iis, qui, vt a nonnullis Curia muneribus liberarentur, gradus altiores in Curia emebant: sic vt Curia hæc mercimonii genera agitarent, neque quidquam ad aurum Coronarium singuli Curiales conferrent: Quod Theodosius Iun. *hac l.* vetat. Quomodo & parabolanorum locum Alexandriæ pariter perperam redemptum damnat, *d. l. 42. infr. de Episcopis, quæ huic*, vt dixi *legi* confirmanda est. Et ita quidem illud impetebat Theodosius, vt eos, qui immunitatem munerum emercati fuerant, vniuersa patriæ munera implere velit: recepta tamen summa quam dederunt. Quod vltimum humanitatis etiam plenum; nam alioquin fœde erogata non repetuntur, seu turpiter data non condicuntur, v. *sup. si cert. pet. de suffrag.*

## XVI. (a) Impp. THEOD. & Valentinianus AA. Hierio PF. P. (b)

**C**IVITATVM postulara, decreta vrbium, desideria populorum, liquido Tua Sublimitas recognoscit (c) ad Imperialis officium pertinuisse responsi, admissosque sacra-

riis (d) nostris semper sui Imperatoris aspectu (e) decoratos esse legatos, (f) dixisse libere, (g) quæ illorum fuerant, a Communi, (h) fidei constantique (i) commissa. Dat. Kal. Iun. Nicomedix, (k) DD. NN. Theod. XII. & Valentiniano II. AA. COS. [426.]

## NOTAE.

- (a) Abest *hec lex* a Cod. Iust. GOTHOFR.  
 (b) Hierius PP. Orientis sub Theodosio Iun. ID.  
 (c) Recognoscat, ID.  
 (d) *Admissos sacrariis*, pro, *admissos intra sacraria*. *Sacrarium*, l. 2. *supr.* & l. 11. *supr. de penis*, pro consistorio v. *Gloss. Theod.* ID.  
 (e) Ita quoque l. 1. *supr. de honor. cod. qui prouinciae Legatione suscepta nostris sunt obtutibus illustrati*. ID.  
 (f) Ita locus hic interpungendus, ID.  
 (g) *Intrepide*. In eadem re Amm. Marcellinus lib. 28, cap. 6. *creauere Legatos, ut lachrymosas prouinciae ruinas decerent* INTREPIDE. ID.  
 (h) *A communi*, ἀπὸ τῆ κοινῆ, idest, a ciuitate, prouincia: vt Græcis κοινὴ Ἀσίας, Βιθυνίας &c. In medio sunt nummi & marmora, quæ id testantur. Apud Ciceronem non uno loco. Sic a Communi Cretensium Legati (quod huc maxime facit) in suaſione legis Manilia cap. 16. vt restituit Guillelmus. *Commune* pro Republica & Corpore passim apud Symmachum, & quidem in eodem argumento lib. 1. ep. 11. *Ad Dominos & Principes nostros Sicilia Commune legauit*: & lib. 4. ep. 46. vbi v. Iuretum plenissime p. 131. *Edit. Paris*, 1604. At non eadem formula, verum alia occurrit leg. 10. *supr. de Tyronibus*. ID.  
 (i) Nota hæc duo: de quibus mox. ID.  
 (k) *Nicomedia* hoc tempore constitutus erat Theodosius Iun, vbi datæ nonnullæ aliæ *leges*, puta lex 21. 22. 23. *supr. de diu. offic.* ID.

## COMMENTARIUS.

**L**IBERVM Legatorum Prouincialium ad se accessum, aduersus Præfectorum Prætorio usurpationem firmat hac constitutione sua Theodosius Iun. Scilicet Præfecti Prætorio, non contenti eo quod δοκιμασία, seu constitutum fuerat, vt ad eorum notitiam decreta Legationum mitterentur, & vt probata atque eliminata ab his desideria perferrentur: de quo l. 3. 8. 10. 12. 14. 15. *supr.* respondendi insuper arbitrium ἀπόκρισιν sibi vindicabant: vnde fiebat, vt Legati in aspectum Principum non venirent, Imperatorque adeo minus nosset prouincialium querelas, Legatique sine effecto remearent: Quod ab Hierio PP. factum ei exprobrare videtur *hac leg.* Theodosius: Ideo notato eo, & τὸ χεῖμα τῶν πρεσβειῶν, ἄλλως τε ἰσθὲν καὶ διῦρο τῶ πάντες ἄξιον, dicens, ἐνπρόσθοδον se nunc, καὶ πάτερα ὡς ἦπιον, Legatis prouincialibus sese nunc præbet, vt loquitur Synesius de regno pag. 27. *Edit. Petau.* profiteturque adeo Legatos intra Consisto-

rium suum admittendos, suoque adſpectu dignandos: libertatemque his omnem constitutam eloquendi, quod ipsis commissum fuerit: denique a se Responſum reddendum. Quod certe apprime conuenit consilio Synesii de regno pag. 27. *Edit. Petau.* quod patri eius Arcadio præbuerat. Cæterum quia de admittendis Legatis in Consistorium Principis hic agitur, de eorum in Consistorium introductione, sunt loca apud Ambrosium, & apud Ammianum Marcellinum. Sed & illud notandum ex Philone ad Caium pag. 1018. *Edit. Francfurt. apud Ierem. Schrey* fuisse olim in Aula Imperatoris τὸν ἐπὶ πρεσβειῶν, qui legationibus admittendis præerat. Postremum neque illud omittendum, duas præcipuas Legatorum dotes *hac leg.* perstringi, *fidem* & *Constantiam*: nempe vt sedulo & libere seu intrepide mandato fungantur munere. Quæ iis, qui de Legatorum officio scripturi sunt, adornanda relinquo.



# DE AVRO CORONARIO.

P. 601

T I T V L V S XIII.

LIB. X. COD. IVST. TIT. LXXIV.

Cohæret hic *titulus*, superiori: statque in materia de Decurionibus: quia e Curialibus Legati ad Imperatorem mittebantur, qui aurum coronarium deferrent, l. 15. *supr. de legatis*.

## P A R A T I T L O N.

**A**VRUM CORONARIUM, *Rubr. & l. 1. 2. 3. 5. ult. hoc tit. & l. 15. supr. de Legatis:* in triplici genere reperio: vel enim Principi conferebatur: quod quidem erat munus, *l. 1. b. t. praestatio, l. 2. b. t. conlatio, l. 2. & 5. b. t. oblatio, l. 3. b. t. quæ Principi fiebat, vel in auro, vel in coronis aureis signisque diuersis, l. 4. b. t. vid. & l. ult.* Ea-que, vel necessitate aliqua postulante indicebatur: quod abrogatum a Iuliano, *l. 1. b. t. amore proprio, vel ob indulgentiarum lætitiā, vel rebus prospere gestis (ideſt, parva victoria) d. l. 4. b. t.* Ab ordinibus Curiarum, *d. l. 4. b. t.* id est, a Decurionibus, *l. 2. b. t. seu Curialibus, l. 3. b. t. a possessoribus, d. l. 2. b. t.* non etiam a Senatoribus, *l. 1. & 2. b. t.* Idque propria voluntate, non indictione facta; voluntatis enim motus id erat, non necessitatis, *d. l. 1. & 4. b. t.* Omnes autem Decuriones possessores ad hanc collationem tenebantur, seu lege vel consuetudine cogebantur, *l. 2. b. t. pro substantia sua, l. 3. b. t.* Paucis exceptis, qui ab hac collatione immunes erant, *d. l. 2. & 5. b. t.* Quandoque etiam colligebatur aurum coronarium ab his, qui venditis honoribus, ut ad gradus altiores venirent, contra licitum (honores) cōmēbant, *l. 15. supr. de Legatis:* Per Legatos porro aurum coronarium Principi offerebatur, *d. l. 15.*

II. *Satrapæ* quoque, veluti Sofanenz, aurum coronarium seu coronam Imperatoribus Romanis pro deuotione, quam debebant Imperio Romano solemniter offerre tenebantur, *l. ult. b. t.*

III. *Iudeorum* quoque Patriarchæ, Coronarii auri nomine, olim quid a Iudæis postulare soliti: *l. ult. infr. de Iudæis:* vbi dicam.

Et ita tres hæ auri Coronarii species *hoc Codice* memorantur.

## I. (a) Imp. IVLIANVS A. ad Sallustium PF. P. (b)

**A**VRUM coronarium munus est voluntatis, quod non solum Senatoribus, sed ne aliis quidem debet indici, (c) licet quædam indictionum necessitas postulauerit: sed nostro (d) arbitrio referuari oportebit. Dat. III. Kal. (e) Mal, Mamertino & Neuitta Coss. [362.]

## NOTAE.

(a) Absit *hæc lex a Cod. Inſt.* Non improbabiliſſe vero ei iungatur *lex 2. supr. de immunitate concessa. GOTHOFR.*

(b) *Sallustius PP.* sub Iuliano, cui multæ aliæ *leges* inscribuntur, vid. *Prosopogr.* vbi multa de eo. *ID.*

(c) A curiis, vel a te Praefecto Praetorio. *ID.*

(d) An *noſtrum?* Minime. *ID.*

(e) Pridie Kal. *d. l. 1. ID.*

P. 602.

## COMMENTARIVS.

**Q**UIA argumentum de *Auro Coronario* ingredimur, præter ea quæ iam *Paratitlon* exhibuit, superiorum temporum hac parte memoriam recolere iuuat, quibus auri Coronarii mentio fit, atque ea parte *Tria* obſeruare. 1. Vnde auri coronarii vſus manarit? 2. Quanam occasione id collatum? 3. Et retro id indultum seu remiſſum fuerit?

Vt de poſtremo iſto prius dicam, Auguſtus id remiſit: teſtis *Lapis Ancyranus in continuat. l. Seriei, oppoſito latere: QVAE MIHI CONSTITUTE. RVNT. CIRCLITER. MILLENIS. AVRI. CORONARI. POND. TRIGINTA. QVINQUE. MILLIVM. MVNICIPIS. ET. COLONIS. ITALIAE. CONFERRENTIBUS. AC. TRIVMPHOS. MEOS. QVINTVM. CONSVL. REMISIT. ET. POSTEA. QVOCIESCVNQUE. IMPERATOR. M. AVRI. CORONARIUM. NON. ACCEPI. DECERNENTIBVS. MVNICIPIS. .... QVAE. ANTE. SACRAVIRAM.* Teſtis & *Dio, lib. 51. pag. 458.*

*Edit. Leonclau. Hanou. 1606. ὅτι παρὰ τῶν πλείων τῶν ἐν τῇ Ἰταλίᾳ τὸ χρυσίον τὸ τοῖς σεφάνοις προσήκον ἐκ ἰδεῖσθαι: quod ab urbibus Italiae aurum coronarium non acceperat.* De Adriano Imp. Spartianus, in eius *vita cap. 6. Aurum Coronarium Italiae remiſit, in prouinciis minuit, & quidem difficultatibus arariis ambitiose ac diligenter expoſiſtis.* De Antonino Pio *Capitolinus, in eius V. cap. 4. in fin. Aurum Coronarium, quod Adoptionis ſuae cauſa oblatum fuerat, Italicis totam, medium prouinciis reddidit.* De Antonino Caracalla *Dio, in excerptis Valerianis lib. 77. p. 745. Edit. Pariſ. 1634. χρῆς γὰρ τῶν σεφάνων τῶν χρυσῶν, ἃς αἰς καὶ πολλὰς τῶν αἰνῶν πολλὰς ἦται, λέγω δὲ ἐκ αὐτοῦ τῆτο τὸ τῶν σεφάνων ποῖμα: πόσον γὰρ τῆτο γέ ἐστιν; ἀλλὰ τὸ τῶν χρημάτων πλήθος τῶν ἐπὶ ἐνομᾶτι αὐτῇ διδομένων, οἷς σεφάνην αἱ πόλεις τὰς αὐτοκράτορας ἐβάθαιον &c. ἃ πάντα ἐκῆνος τοῖς σερατίταις ἐχαιζέτο, ἢ καὶ ἐκαπήλευε: nam præter coronas aureas, quæ tanquam ſemper*

*semper aliquibus ab se victis hostibus exigebat: intelligi autem non ipsas ex auro fabricatas coronas. Quantum enim id quidem? sed pecunia vim coronarum titulo ac nomine datam, qua imperatores a ciuitatibus coronari solent, &c. cuncta ille aut donabat militibus, aut cauponum more vendebat. De Alexandro Seueri Lampridius, in eius Vita, cap. 32. in fin. Aurum negotiatorium & Coronarium Romae remisit.*

Prima vero Auri coronarii origo inde manauit, quod quotiescunque Romanorum Duces rem feliciter gessissent, prouinciæ, sociæque ciuitates Regesque etiam amici vel foederati, dono darent illis coronas aureas, vel auri pondo tot: quod appellatum est *Aurum Coronarium*, ad triumphum decorandum. Quod duobus locis Cicero testatur, in *Pisonem* cap. 37. & in *Rullum* 2. cap. 4. quorum priore etiam ait, legem Cæsaris vetuisse, *decerni & accipere Aurum Coronarium, nisi decreto Triumpho*. Eiusque moris etiam vestigia olim apud Græcos apparent, vbi Corona etiam aurea donum Victoriæ oblatum. Infinita alia, præsertim in historicis Romanis, exempla. v. vel *Macchabæorum librum* 1. cap. 13. v. 37. Polybium in *Excerptis Legation.* pag. 828. & pag. 836. & in *fragmentis* pag. 1014. Edit. Casaubon. Isidorum *Origin.* lib. 18. c. 2. Festum, aut potius eius Epitoma Paulum, voc. *triumphal coron.* Iustinum lib. 11. cap. 10. Hirtium de bello *Alexandrino* cap. 71. in fin. Plutarchum in *Vit. Pauli Æmilii* pag. 273. Edit. Wehelian. Curtium lib. 4. cap. 2. Athenæum lib. 12. pag. 213 in medio, Edit. Aldin. 1514. in fol. Liuium lib. 7. cap. 10. & alibi sæpe, vt lib. 34. 37. 38. 39. 40. Appianum, vbi de Syllæ funere, lib. 1. de bell. ciuil. p. 417. Ed. Henr. Stephan. Paris. & p. 693. 694. Alexandr. Tollii, & lib. 2. de bell. ciuil. vbi de Cæsaris triumpho pag. 491. Ed. Par. & pag. 802. Ed. Tollii. Valerium Maxium lib. 3. cap. 2. num. 24. Quare & Claudius Imp. cum de Britannia triumpharet, inter Coronas aureas vnâ septem pondo habuit, quam contulerat *Hispania citerior*, altera nouem, quam *Gallia Comata*, sicut titulus indicauit, teste Plinio, lib. 33. c. 3. cuius & alter locus videndus, lib. 34. c. 6. & Suetonius in *Neron.* c. 25. Ad Titum quoque ita pro victoria de Iudæis coronæ missæ a Vologeso Rege Parthorum, Ioseph. 7. de bell. Iud. c. 24. De his quoque Coronis a prouinciis donatis sensit Tertullianus, de *Corona* c. 13. *Sunt & prouinciales (coronæ) aureæ, imaginum iam non virorum capita maiora querentes.* Probus Imp. ipse Coronarum ab omnibus Galliæ ciuitatibus sibi oblatarum meminit, in ep. ad Senatum apud Vopiscum in Probo c. 15. Coronas quas mihi obtulerunt omnes Galliæ ciuitates aureas, vestre P. C. Clementiæ dedicaui &c. Quod vero Auctor *Panegyrici* 8. ad Constantinum, c. pen. scribit de signo Dei dato ei a Senatu: deque scuto & corona aurea ab Italia dedicatis, id alio pertinet. Sub Constantio sane Imp. alludit Themistius, *Orat.* 13. pag. 295. Edit. Petau. 1613. *Flexia in* 8. γιγνώσκων ὅτι καὶ πρῶν ἢ χρυσῶν δὴ τῶν σέφανων χρυσὴ ἀπὸ φθῶς πολλῶν τετράνταν, οἷσι πολλοὶ αὐτῶ ἀφικνῶνται καὶ πολλὰ χρεὼν πέμπειν ὑμῶν ψήφισαμένων, &c. Quod probe istud nouerim, cum vos nuper mittendam ad eum coronam decreuistis, non auream quidem illam ex auro obryzo & multorum

talentorum, quales pleræque ad eum variis ex locis feruntur. De auro coronario Iuliano oblato, Am. Marcell. lib. 25. cap. 4. & postea Iouiano, Idem *ibid.* cap. 9. vbi agit de corona ei a Nisibenis oblata: sub Valentiniano idem testis, lib. 28. c. 6. vbi de victoriarum simulacris ei ob Imperii primitias oblati a Tripolitanis per Legatos: sub Theodosio M. quoque Seruius in *VIII. Æncid.* v. 721. cuius verba proferam mox, huius auri coronarii meminit. Testis & Eunapius in *excerptis*, de quo ad l. 3. inf. De iisdem accipio & quod Libanius Ep. ad Eusebium 766. ἔτι πρόσθεν ἔμεσα πέμπει καὶ σέφανος βασιλεῦσιν, εἰδὺια μὲν τὴν αὐτῆς πενίαν, ἀσχυρομένη δὲ ὁμῶς τῶ τῶν πόλεων ἐκπεσεῖν ἀξίωμα, &c. *Emesa iterum legatos & coronas regibus mittit, sue quidem paupertatis probe sibi conscia, pudore vero etiam suffusa, quod ex urbium numero exciderit.* Sub Arcadio Imp. meminit Synæsius, de regno, p. 2. Edit. Petau. vbi ait se a Cyrenensibus Legatum missum ad Arcadium Imp. ἐμὲ σοὶ πέμπει Κυρήνη, σέφανος οὐτα χρυσῶ μὲν τὴν κεφαλὴν, φιλοσοφία δὲ τὴν ψυχὴν; me ad te, cum auro caput, cum animum *Philosophia coronaturum, Cyrene mittit.* Sub Theodosio Iun. Auctor *Chronici Alexandrini*, An. 416. pag. 718. 719. Edit. Raderi. vbi meminit oblatæ ei Coronæ aureæ a Senatu, reuerſo Heraclea Constantinopolim: eodemque Anno ipsemet Theodosius Iun. huius Auri Coronarii meminit l. 15. sup. de *Legatis*. Meminit & Cyrillus Alexandrinus sub Theodosio Iun. *præfat. librorum adu. Iulianum* pag. 2. *Oper. Iuliani & Cyrilli* Edit. Lips. Ergo victoriarum & triumphorum occasione primum hæ Coronæ aureæ, vel etiam Coronarum Auro oblatum a subditis: nam quod Seruius VIII. *Æncid.* v. 721. scribit *Aurum Coronarium* dici, quod a victis gentibus dabatur, impositum ab Imperatoribus propter concessam vitam, verum non est, nisi de iis gentibus accipias, quæ non penitus subiectæ, sed in obsequio Imperii Romani continebantur, de quibus ad leg. ult. Deinceps vero adulatio siue affectus, alio eum morem propagare, ob quamcunque tandem lætitiā (veluti Imperii primordia, Adoptiones, id genus alia,) quas causas perstringit lex 4. vbi dicam plenius.

Nos etiam misis nunc aliis, & quidem Valentinianis & Theodosianis constitutionibus, quæ deinceps sequuntur, de hac constitutione videamus. Igitur hæc lex est IULIANI Imp. de Auro Coronario: Qua quidem definit, Aurum Coronarium inunus esse voluntatis: pariter vt Theodosius M. l. 3. & 4. inf. Fuit hæc sc. Φιλὴν λειτουργία, vt Strabo loquitur de Spartanis lib. 8. pag. 562. Edit. Ahnlonceen. καὶ ἐν χάριτι λόγῳ δίδόμενον, & muneris beneficiique loco datum, vt Suidas ait voc. σέφανικόν τέλεμα. qui & notat *ibid.* apud Galatas Ancyranos σέφανικόν dictum, πᾶν τὸ ἐν χάριτι λόγῳ δίδόμενον. Fuit proinde hæc altera species quædam oblationis, quæ a subditis fiebat Imperatoribus: pariter vt auri oblatiti; quod cum glebali collatione, & cum hoc Auro Coronario multi perperam confundunt, de quo ad l. 14. sup. de *Senatorib.* & *gleb. collat.* & l. 12. sup. de *proximis*: Fuit tertia ab hac pariter separata seu diuersa oblationis sc. votorum: de quo lib. 7. tit. de *oblatione votorum*.



Nemini igitur Coronarium aurum indici posse definit hac l. Iulianus, forte a Præfecto Prætorio, cui hac lex inscribitur: non tantum Senatorio, quod iadubitatum erat, de quo ad l. 2. prox. plene; verum neque alii cuicumque, quacumque necessitate postulante: verum id arbitrio suo relinqui oportere: cum tamen ad necessitatem quandam hæc res iam procesisset, Principum quoque anteriorum auiditate, ut ex hac l. colligi potest, contra primum eius institutum, quo Φιλικὸν id, seu Φιλικὴ λειτουργία erat, & αὐτοπραγίας genus quoddam. Est proinde hæc indulgentia quædam Auri Coronarii, a Iuliano omnibus facta. Quomodo & Amm. Marcell. lib. 25. cap. 4. in παρὰ τὰς εἰσόδους de Iuliani moribus, Coronarii ab eo indulti meminit, Liberalitatis eius, inquit, testimonia plurima sunt & verissima: Inter quæ indicata sunt tributa admodum leuia, CORONARIUM indultum: remissa debita multa diuturnitate congesta.

Sic & capitationis indulgentiam immunitatemque nonnullis tributam plenissime idem Iulianus interpretatus est, l. 2. sup. de immunitate concessa: quæ & ex eadem Iuliani constitutione desumpta huic nostræ coassanda videtur. De Iuliani alioquin indulgentiis collationum seu tributorum in commune, dixi plene ad eius l. 1. sup. de indulg. debitor. Cæterum quoque Coronarium aurum, seu Coronas Aureas idem Iulianus admittit, quas vrbes & provincie sollemniter ad eum ob aduentum, aliamque gratulationis causam misere. Testis Eunapius; in excerptis Legat. pag. 12. Tom. I. Script. Rer. Byzant. Ed. Venet. Μετὰ τὴν Ἰβλιανὴν τῆς βασιλείας ἀναγόμενους πρεσβεῖαι πανταχόθεν συνέβαινον, καὶ σεφάνοι πολλοὶ χρυσοί, εἰ αὐτῶ παρὰ τῶν ἔθνων ἀνεκομίζοντο· ἐν ταῦθα καὶ οἱ τὴν ἰωνίαν οἰκῶντες. Λυδοὶ δὲ &c. Post Iuliani ad imperium euectionem, honorificæ ad eum legationes conuenerunt, & coronas aureas a gentibus attulerunt. In his Ioniæ habitantes: Lydi quoque, &c. Et idem tamen hac parte rursus moderate admodum agit: statuto, ne 70. solidis maiores Coronæ aureæ deinceps mitterentur: de quo est singularis Libanii locus in Orat. funebri in Iuliano necem, p. 305. Edit. Morell. ubi agens de Corona Imperatoris. ὁ χρυσοὺς δὲ ἔτῳ, inquit, ἀνέμνησέ μοι χρυσοῦν σεφάνων, ὅς αἱ μὲν πόλεις ἔπεμπον διὰ πρέσβεων, ἀλλήλας ὑπεβάλλασαι τῷ σαβῶ, χιλίων ἔτῳ κατήρων, δι' ἑκατὼν δὲ ἐκείῳ τῶν ὁ παρ' ἐτέρων ἔλκων πλέον, ὁ δὲ ἐπιτιμῆσας τῷ μεγέθει σαφῶς εἰδὼς, ὡς ἂν ἀνεύοντα τὰ τοιαῦτα συλλέγοιντο, νομοθετῇ, τὸν σεφάνον ἀπὸ κατήρων ἐβδόμηκοντα φοιτᾶν, τὴν μὲν τιμὴν ἴσην νομίζον ἑκατέρω δυνάσθαι φιλοχρημάτων δὲ ἴσως κέρδη ζητῶν ἐν τιμῶν χρήματι: Aurum autem istud reuocabat in mentem aureas coronas, quas vrbes mittebant per legatos, quæ dispares erant inter se pondere: quædam erat mille staterum, alia duorum millium. Hisce missa ab aliis ponderis fuit grauioris: at hic princeps magnitudinem reprehendebat, cum probe nosset, ut non sine labore huiusmodi colligerentur, lege sanxit, statuitque, ut corona septuaginta staterum in frequenti esset usu, ratus pretium alterutrius æquale esse; sed pecunie amantis esse, lucrum querere in pretiorum figura. De quo loco etiam aliquid ad l. vn. sup. de obl.

votor. Duplici igitur hac ratione Iulianus Auro Coronario modum posuit: qui alioquin eas adinstitit. Quod & Zosimus testatur, lib. 3. c. 12. qui diserte hoc ipso scilicet Anno post hanc leg. ab Edesensibus eum accepisse scribit: ὑπανήσαντες Ἐδεσηνοὶ πανδημεὶ, σεφάνον τε προσέφερον, καὶ μετ' εὐφημίας εἰς τὴν σφῶν πόλιν ἐκάλουν. ὁ δὲ ἀποδεξάμενός, καὶ ἐπιστὰς τῇ πόλει, καὶ ὅσα εἶδε χρηματίσας, ἐπὶ Κάρρας ἐβάδιζε: populus Edesenorum uniuersus, ei factus obuiam, & coronam offerebat, & faustis acclamationibus in urbem suam inuitabat. Imperator accepto dono, ciuitatem ingressus, & decretis ei, quæ par erat, Carras perrexit. Idem & a Regulis Saracenorum accepit, teste Am. Marcellino lib. 23. c. 3. Saracenorum, inquit, Reguli gentium genibus supplices nixi, oblata ex auro corona, tanquam mundi nationumque suarum Dominum adorarunt. Forte de eodem accipias, vel de Valente, quod Libanius, ep. ad Photium 797. Πάλιν ὁρᾷς, ὅς μάλις ἐθέλεις, τὸς ἀκρὺς τῶν τῆδε πολιτευομένων, σεφάνοντας ἄξιον βασιλεία σεφάνων, καὶ νενικηκότα, καὶ μεγάλην δόναμιν, καὶ ταχέως: vides iterum, quos maxime videbas, præstantissimos scilicet eorum, qui rebus apud nos præsent, Regem, coronis dignissimum, collaudaturi, qui & vicerit, & magnam quidem hostium multitudinem, & celeriter.

Postremo loco omittere non possum, formulam seu typum Orationis, quam habere debebat Legatus, Coronam Imperatori vrbis alieuius nomine offerens, apud Menandrum Rhetorem, cap. περὶ σεφανωτικῆς. pag. 632. Edit. Aldin. ubi inter alia, μετὰ τὴν ἀνδρείαν, τὰ κατὰ τὸν πόλεμον εἶρεῖς, καὶ λοιπὸν περὶ τὴν κατ' εἰρήνην, καὶ μετὰ ταῦτα ἐπάξεις: ὅτι, τοιγάρτοι διὰ τῆτο σεφανοῦ σε ἡ πόλις ἅμα μὲν χάριτας ἐκτείνουσα ὑπὲρ ὧν ὡς ἡμέραι εὐεργετήμεθα: ἅμα δὲ καὶ διομένη καὶ ἱκετεύουσα καὶ θαρρῶσα τῇ σὴ σωτῇ πάντα φιλανθρωπία ὅτι ἄνδρος ἐντεύχεται. Εἶτα ἀξιώσεις ἀναγνώσθαι τὸ ψήφισμα: fortitudine commemorata, expones res eius non bello modo, sed etiam breuiter pace gestas: deinde adiciis hac: propterea igitur ciuitas te coronat, non modo gratam se ostendens pro beneficiis, quibus quotidie afficimur; sed etiam suppliciter rogans & confidens summa tua in rebus omnibus indulgentia, se a te repulsam non laturam. Deinde iubebis recitari decretum ciuitatis.

Supereff videamus, quid sibi velit Iulianus postrema huius leg. parte, cum ait: arbitrio suo id reseruari oportere? Certe enim, cur arbitrio suo id indici non posse definiat? Videatur igitur tantum Iulianus hac Coronarii auri indictione Præf. Prætorio, ad quem indictionum cura pertinebat, interdixisse: verum sui iuris id fecisse, quando necessitate postulante id exigeret. Quæ & ipsa indulgentiæ species est. Cui tamen statim aduersatur, quod initio dixit, aurum coronarium munus esse voluntatis, quod nemini debet indici. Quare videatur his verbis Iulianus id tantum voluisse, ut munus hoc voluntatis est, ita & sui arbitrii esse, num id admittere velit: quod hic expressum forte fuerat, sed recifum ab huius Cod. Conditioribus. Eoque pertinet quod Marcell. dicit, ab eo Coronarium indultum.

## II. (a) Impp. VALENTINIANVS & Valens AA. ad Mamertinum PF.P.(b)

**V**NIVERSI, quos Senatorii nominis dignitas non tueretur, ad auri coronarii præstationem vocentur, exceptis his quos Lex† præterita ab hac conlatione absoluit. Omnes igitur possessores, aut inter Decuriones coronarium aurum, aut inter Senatores globalem (c) præstationem deinceps recognoscant.(d) Dat. V. Kal. Septemb. Emonæ (e) duo Iouiano & Varroniano VV. CC. Coss.[364.]

### NOTAE.

- (a) Abest hæc lex a C. Inst. GOTHOFR.  
 (b) Mamertinus sub Valentiniano Sen. PP. Italix, Illyrici, Africæ. V. vel Amm. Marcell. lib. 16. cap. 5. & Prosopogr. ID.  
 † Lex hæc nullibi extat. ID.  
 (c) De Globali collatione, suo tit. sup. lib. 6. ID.  
 (d) Recognoscant, pro agnoscant, soluant, præstent. ID.  
 (e) Emona oppidum inter Pannoniam superiorem & Noricum: testè Zosimo lib. 5. cap. 29. Designatur & eo tractu in Itinerario Peutingeriano: & Itinerario Antonini pag. 129. Edit. Wesseling. vbi Hemona vocatur. Ibi Idacius refert, imagines & statuas Constantini a Licinio dejectas. De eadem in reb. Maximi Tyranni, Pacatus Panegy. ap. 37. & Capitolinus in Maximinis, cap. 21. & in Maximino Iun. cap. 5. Ergo & hoc tempore Valentinianus per Emonam transit: cum ex Mœsis, Pannonia, Aquileiam (vbi mox ab eo data 4. sup. de Legatis:) inde Mediolanum tenderet. Quod & ipsum iter postea fuit Theodosio M. aduersus Maximum Tyrannum mouenti A. D. 388. vid. Chronolog. ID.

P.604.

## III. (a) Idem AA. ad Probum PF.P.(b)

**N**VLLVS, exceptis Curialibus, quos pro substantia sui (c) aurum coronarium offerre conuenit, ad oblationem hanc adtineatur (d). Dat. IX. Kal. Iul. Sabariæ (e), Valentiniano & Valente (f) AA. Coss.

### NOTAE.

- (a) Abest hæc lex a Cod. Inst. GOTHOFR.  
 (b) Probus PP. sub Valentiniano Sen. Italix, Illyrici, Africæ: successus A. D. 368. Rufino, v. Amm. Marcell. lib. 27. cap. 11. & lib. 30. cap. 5. & Prosopogr. ID.  
 (c) Sua. ID.  
 (d) Adtineatur, pro teneatur. ID.  
 (e) Sabariæ in Pannonia Valentiniani hæc lex data dicitur: vbi Dat. pro Acc. interpretandum. Erat enim hoc Anno 368. Valentinianus in Gallia. Sic & Anno prox. 369. ibi PP. dicitur lex 15. de Susceptorib. quæ eidem Probo PP. inscribitur. ID.  
 (f) Adde II. vt sic referatur hæc lex ad A. D. 368. vel III. vt referatur ad A. 370. neque enim Probus A. D. 365. PP. erat, Eum vero Sirmii vel Sabariæ constituisse comperio: de Sirmio testis quoque Ausonius Carm. subtexto epistola 16. ID. Subscriptionem ex Quinquennialibus diiudicandam statuit PAGIVS dissertat. bypat. Part. 2. cap. 4. num 9. Cum enim & Valentiniani & Valentis annus imperii quintus inchoetur an. 368. non alio, quam hoc, constitutio hæc data videtur. KITTER.

### COMMENTARIVS.

**V**ALENTINIANI Senioris hæc duæ constitutiones sunt, de Auro Coronario: Quibus idem definitur: Nempe, solos CVRIALES, seu Decuriones, ad Auri Coronarii præstationem seu oblationem teneri: Quod & ipsum discimus ex l. 15. sup. tit. prox. de Legatis: Non vero Senatores: Quod & ipsum Iuliani leg. 1. sup. cauetur. Sua sc. Senatoribus distincta coilatio imminabat, globalis inquam, de qua suo tit. 2. lib. 6. vt & aurum oblatitium, de quo l. 14. cod. tit. vt & illud, de quo Symmachus lib. 10. ep. 26. Sua itidem Decurionibus seu Curialibus & peculiaris, nempe Auri Coronarii. Cur autem Senatores ad Auri Coronarii præstationem non tenerentur: hæc proculdubio causa est: quod Auri Coronarii præstatio, quocunque tandem nomine prætexeretur, subiectionis cuiusdam indicium esset. & in Regibus & Satrapis exteris, deuotissimis, l. 6.

Tom. IV.

inf. a quo Senatores alienos esse voluerunt Principes, velut qui pars corporis ipsius Imperatoris essent: de quo plene ad leg. 3. sup. ad leg. Cornel. de fiscariis. Et quidem (quæ Ampliatio additur) vniuersis Decurionibus, exceptis tamen nonnullis, quos Valentinianus ab hac Auri Coronarii oblatione absolutos seu immunes factos indicat, quadam lege anteriore. Quænam vero lex illa sit? & quinaui illi Decuriones sint, qui hac immunitate ab Auro coronario donati fuerunt? nusquam reperio.

Illud ex vtraque lege discimus, Aurum Coronarium admisisse Valentinianum Sen. de quo exstant quoque præterea testimonia. Prius est Eunapii in Excerptis Legationum pag. 12. Tom. I. Script. R. B. Edit. Venet. βαλεντιανὸν ἀνὰ ῥήσας ἐν Ν. καὶ αὐτῆς βιθνίας γίνεται, προσέχαι τε, ὅσαι συνεπεφοίτησαν ἐπὶ τῷ τῶν, τὸς χερσὶς ἔχουσιν ἐφ' αὐτῶν ἐκείν.

Mmm m

ἐκείνῳ ἀντιθέγοντο: *Valentinianus apud Nicæam Flaccianum creauere Legatos, victoriarum aurea simulachra Valentiniano ob Imperii primitias oblatur.* Ex quo loco apparet, Coronæ loco, Victoriarum aurea simulachra, *Coronarii* nomine, quandoque oblata: de quo ad l. prox.

#### IV. (a) Imppp. Gratianus, Valentinianus & THEODOSIUS AAA. Pancratio P. V. (b)

**Q**UÆ diuersarum Ordines Curiarum, vel amore proprio, vel indulgentiarum (c) læticia, vel rebus prospere gestis admoniti, in coronis aureis signisque diuersis obtulerint, in quacumque fuerint oblata materia, in ea suscipiantur: ne id quod voluntate offertur, occasione obryzæ (d) incrementi (e) necessitatis iniuriâ insequatur. Dat. IV. Id. Aug. Vico Augusti, (f) Auxonio & Olybrio Coss. [379.]

#### NOTE.

(a) Abest & hæc lex a *Cod. Iust. GOTHOF.*

(a) Malim in inscriptione *huius l.* quæ data est Anno Domini 379. reponere *Com. R. P.* Fuit enim eo Anno Pancratius Comes R. P. vt docet *lex 12. sup. de iure fisci*: Itemque anno 380. vt docent *quatuor leges*. Anno vero demum 381. & 382. fuit P. V. vid. *Prosopogr.* Et sane etiam id argumentum *huius l.* suadet, quod ad P. V. non pertinet, verum ad *Com. R. P. ID.*

(c) De *Indulgentiis* debitorum fuit *sup. tit. 28. lib. 11. ID.*

R. 65. (d) De *Obryza* dixi semel plene *lib. 7. ad tit. de oblatione votorum. ID.*

(e) De *Incremento* (nihil enim hic mutandum) *Obryzæ*, dixi ad l. 2. *sup. de Susceptoribus. ID.*

(f) *Vico Augusti* quidam notatur in Africa in *Itin. Peutinger. lit. C. dextra*: & in *Itinerario Antonini pag. 43. 53. 54. 55. 56. Edit. Wesseling.* verum locum, qui *Augustis* vocatur in *Tabula Peutinger.* & *Antonini Itinerario pag. 220.* haud procul *Ratiaria & Oescæ*, accipio: quique in Dacia Ripensi locatur in *Notitia Imperii.* Prætoriam Augustam vocat Ptolemæus *lib. 3. cap. 8.* Eo scil. tractu fuit hoc tempore Theodosius M. vid. *Chronol. ID.* Ptolemæi *Prætoriam Augustam* alienam esse a ciuitate *Augustis*, quam Antoninus memorat, indicat Cl. Wesselingius in *obseruat. ad Antonin. pag. 220.* & patebit facile insipienti Ptolemæum. RITTER.

#### COMMENTARIUS.

**T**HEODOSII M. tres constitutiones sequuntur de Auro Coronario: Quarum duæ priores sunt de eo quoda *Curialibus*, & sic a Romanis conferebatur: Tertia vero de eo quod *Exteri Satrapæ*, pro deuotione erga Imperium Romanum offerebant: Ex quibus omnibus *legibus* apparet, quam moderatum sese hanc in partem Theodosius M. gesserit, non adroganti moderatione, quod ille dixit, verum summa ciuilitate. Igitur *hac l. VOLUNTARIAM* hanc Auri coronarii oblationem esse vult, quam scil. a *Curialibus* factam ostendit, pariter vt *lex 2. 3. sup.* Idque Triplici sub Ampliatione, quæ tres etiam singulares obseruationes, ad Auri coronarii materiam pertinentes, suppetant.

Prima Ampliatio & obseruatio est, de *CAVSIS & OCCASIONIBUS* Auri Coronarii Principibus offerendi: vbi tres causæ proponuntur. Prima causa *ob Amorem proprium*, id est, solo amore & affectu in Principem: Quem amorem testati proniciales variis occasionibus: veluti *ob Imperii primitias*, quomodo Iuliano oblatum *μὴ δὲ τῆς Κασιλεύας ἀναγέγουσα*, testis est Eunapius, in *excerptis Legationum pag. 12. Tom. I. Script. R. B. Ed. Venet.* de quo plene ad l. 1. *sup. de Valentiniano*, testis Eunapius *eodem loco*, & Ammianus Marcellinus *lib. 28. cap. 6.* Item Adoptionis causa: quomodo Antonino Pio oblatum, teste Capitolino in *eius vita cap. 4. in fin.* Item, ob aduentum Principis; quomodo Edesseni Iuliano obtulere, teste Zosimo, *l. 3. c. 12.*

Theodosio Iuniori, Constantinopolitanus Senatus, Heraclea Constantinopolim reuerso, quod scribit Auctor *Chronici Alexandrini Ann. 416. pag. 719. Edit. Raderi.* Iouiano etiam Nisibeni: qui Coronam aliquandiu recusans, coactus denique susceperat, Siluano causarum defensore confidentius exclamante: *Ita Imperator, a ciuitatibus residuis coronaberis*, teste Marcellino *lib. 25. cap. 9.* Item cum Legati ad Principem mitterentur, alicuius rei impetrandæ causa: Quo alludit Themistius, *Orat. 13. p. 295. Edit. Petau. Flexia 1613. in 8.* Ita Synesius de Regno, *pag. 2. Edit. Petau.* missum sese ad Arcadium Imp. scribit cum Corona, vt Cyrenæ patriæ suæ calamitatibus succurreret, *ἐμὲ σοι πέμψει Κυρηνήν τε Φανάσοιτα χερσὶ μὲν τὴν κεφαλὴν, φιλοσοφία δὲ τὴν ψυχὴν: mittit me Cyrene auro caput tuum, philosophia vero animum coronatura.* Vel etiam vtroque simul fine, & ob Imperii primitias, & impetrandi alicuius causæ, vt in loco Amm. Marcellini, *lib. 28. c. 6.*

Secunda causa & occasio Auri coronarii Principibus offerendi dicitur, *ob Indulgentiarum lætitiā.* Nempe, cum Princeps tributorum reliqua indulgeret, vicissim Aurum coronarium & ob hanc lætitiā oblatum. Cuius rei & moris non alia mihi nunc occurrit memoria, quam *hac leg.* De ipsis sane *Indulgentiis debitorum*, fuit *supra titulus peculiaris*, vbi nil tale occurrit. Illud etiam reperio, hoc ipso tempore & anno, Gratianum *Indulgentiā debitorum seu tributorum dedisse*, chartis abo-

abolitis, quo nomine eum laudat Aufonius, in *Gratiarum actione* cap. 32. Ad quam indulgentiam hæc lex referenda videretur, nisi hæc *lex* Theodosium M. auctorem haberet.

Postrema hæc causa & occasio Auri Coronarii Principibus offerendi dicitur, *Ob res prospere gestas*, seu ob victorias de hostibus; quæ ut antiquissima seu prima, ita quoque præcipua fuit Auri Coronarii offerendi causa, nempe cælis hostibus, & Imperatore aliquo ideo nuncupato, ut ex dictis ad *leg. i. supra*, abunde constat. Gellius *lib. 5. capite 6. Triumphales corona sunt aureæ quæ Imperatoribus ob honorem Triumphi mittuntur*, id vulgo dicitur *Aurum coronarium*: vide & Ciceronem, *contra Rullum 2. cap. 4.* & Dionem *lib. 42. pag. 208. & lib. 48. pag. 382. Edit. Wechel. 1606.* Datæ vero & imitatione moris illius in conuiuio, apud Tacitum, *libro 2. Annal. cap. 57.* veluti Neroni ob Musicam, teste Suetonio, in *Nerone capite 25. & 32.* Denique Seruius scribit VIII. *Æneid. v. 721. Aurum Coronarium fuisse*, quod a victis gentibus dabatur propter concessionem vitæ. Hinc & fraus illa olim, triumphum ob leuiculas causas impetrantium: nam ἐπὶ τῇ προφάσει ταύτῃ χρυσίον πολλὸν παρὰ τῶν δῆμων ἐς τὴν Σεφάνης ἐσιπράττον, eius nomine magnam auri coronarii vim a populis exegerunt, ut scribit Dio, *libro 49. pag. 417. Edit. Wechel.* Quo pertinebat & illa *lex*, quæ vetabat decerni & accipi Auri coronarium, nisi decreto triumpho: de qua Cicero in *Pisonem c. 37.* Et hæc quidem de causis & occasionibus auri Coronarii offerendi.

Nunc de *Materia*, in qua Aurum Coronarium offerebatur: Nempe hæc *lex* testatur, non tantum in *Coronis Aureis*, quæ prima & præcipua materies & origo fuit; verum & in *Signis* diuersis aurum coronarium oblatum. Quod & ipsum aliunde discimus. Neque tamen huc pertinet, quod de Clypeo aureo in curia Romana, Senatus Romani iudicio, collocato scribit Pollio, in *Claudio cap. 3.* Id enim non Imperatori oblatum, sed dedicatum.

Rursum neque huc pertinet, quod Auctor *Panegyrici s. ad Constantinum* scribit *cap. 25.* de Signo, Scuto, Corona aureis Constantino M. dedicatis: *Merito igitur tibi Constantine, & nuper Senatus SIGNVM Dei (al. dedit) & paulo ante Italia SCVTVM & CORONAM, cuncta aurea dedicarunt*, ut conscientia debitum aliqua ex parte releuarent: debetur enim, & sæpe debebitur & Diuinitati simulacrum aureum, & virtuti scutum, & corona pietati. Quo loco quod SIGNVM initio dicitur, mox aureum simulacrum vocatur: vbi etiam nonnulli legunt, *signum Dei non dedit.* Neque tamen Ba-

ronium audio, qui signum Christi interpretatur, nam ut maxime Constantinus iam nomini Christiano nomen addidisset, attamen Senatus, suo adhuc more, idest gentilitio, Constantinum Magnum colere instituit: haud aliter atque Oratores ipsi eum suo more & gentilitio laudibus prosecuti. Ergo Senatus Constantino M. dedicauit signum aureum, seu simulacrum, in speciem Dei, radiato fors etiam capite. Et sane Sextus Aurelius Victor *de Cesarib. cap. 43.* cum edidisset gaudia Senatus & plebis Romanæ, ob victoriam de Maxentio, honoresque Constantino M. delatos memorat, ait nominatim, *STATVAS locis quam celeberrimis, quarum plures ex AVRO aut argento essent, sacratas.* Ergo ut dedicata sæpe in honorem Imperatorum signa diuersa, ita & Auri coronarii specie signa ipsis oblata, quod hæc *lex* docet. Cuiusmodi sunt & *Victoriarum aurea simulacra*, quæ Tripolitano per Legatos suos Valentiniano Seniori obtulisse, ob Imperii primitias, scribit Ammianus Marcellinus, *libr. 28. cap. 6.*

Sequitur tertia Ampliatio & præcipua quidem, cuius causa hæc *lex* lata est: Nempe suscipi iubet Valentinianus Aurum coronarium in quacunque *MATERIA* fuerit oblatum, *etiam si non in obryza*, idest, in auro, etsi non flammæ edacis examine puro reddito: de quo plene dixi semel, ad *legem vnicam supr. de oblatione votorum*: vbi tamen solidi obryziaci ab Honorio desiderantur in oblatione illa votorum, de quo ad *eam leg.* Ex hac certe *lege* id discimus, aurum ad obryzam redditum, decrementi aliquid cepisse: & ideo qui materiam acciperent, nondum videl. ad obryzam perpurgatam, obryzæ nomine, incrementi, inquam, vel ut quis tentaret, *intertrimenti*, quo nil opus, aliquid postulas. Incrementum, in remonetaria, quod hodie, *remède du fin*: sic & *l. 2. supr. de Susceptoribus, ne separatim ab unoquoque auro exacto, multis & assiduis INCREMENTIS provincialium utilitas fatigetur*, vbi vid. quæ dixi: Quanquam ibi incrementa sunt *ἐνίστατα*. Denique omne quod alteri rei superadiicitur, incrementum dicitur: quomodo & incrementum vsurarum, *l. ult. supr. de administr. & periculo tutor. ἐνίστατον*. Ergo incremento, seu *ἐνίστατον*, non est obnoxium aurum coronarium: Neque, quam rationem addit Imp. id quod voluntate offertur, occasione obryzæ incrementi necessitatis iniuria insequatur. Quod sensum perspicuum habet ex his quæ diximus initio, & ad *leges superiores*, quod hæc oblatio Φιδυκὴ sit, meræ voluntatis, & αὐτοματίας. Denique huc pertinet vulgatum illud, *donato equo in os eius inspicendum non esse.*

## V. (a) Idem AAA. (b) Cynegio PF. P. (c)

**A**D conlationem auri coronarii placuit, neminem, absque consuetudine, (d) esse cogendum. Dat. XV. Kalend. Febr. Constantinop. Richomere & Clearcho Coss. (e)  
[384.]

## NOTAE.

(a) L. vn. Cod. Iust. eod. tit. hinc petita, spretis reliquis huius tituli. Iungendaque huic l. 23, *infr. de operib. publicis.* GOTHOFR.

(b) Reponendi hi Imppp, Valentinianus THEODOSIVS & Arcadius. vid. Chronol. Theod. ID.

Tom. IV.

Mmm m 2

(c) Orient.

(c) Orientis: de hoc Cynegio PP. multa iam alibi, etiam ex Libanio. vid. *Profopogr. ID.*

(d) Vid. *l. prox. 6. ID.*

(e) Hoc anno Sextus Imperii Theodosii annus incepit, ideoque eius *Quinquennalium* hoc, vel præcedenti anno actuum occasione, hæc lex data est. Sed Gothofredus, qui ad hæc solemnia animum non advertebat, scribit in *Commentario*, alterutra occasione oblatum aurum coronarium nunc Theodosio M. vel ob filium Arcadium anno elapso Augustum appellatum, vel ob victoriam aliquam de hostibus reportatam, forte de Sarmatis, aut Persis, sed leuè hæc coniecturæ. Et ex hac quoque lege discimus, inter causas auri coronarii principibus offerendi, *Quinquennalia*, & id genus festa, numerata fuisse. ANTON. PAGIVS *differt. bypat. Part. 2. cap. 4. num. 3.*

## COMMENTARIUS.

**SECUNDA** hæc Theodosii M. constitutio est de Auro Coronario Principibus a suis offerri solito; & ipsa moderationis plena: quam & solam Tribonianus, cæteris posthabitis, in *Codicem suum* tetulit: nam ut *superiore lege* in voluntatem Curialium eius oblationem omnino coniecit, etiam quoad materiam, in qua Aurum coronarium offerretur: ita & hæc quoque *leg.* quoad **PERSO-NAS**: Neminem scilicet ad collationem Auri Coronarii cogi vult, *absque consuetudine*. Quibus verbis id indicare videatur, eos qui veluti consuetudine ab hac collatione immunes sunt, immunitate porro potiri oportere. Sic enim & Valentinianus Sen. *l. 2. supr.* ab auri Coronarii collatione exceptit eos, quos *lex* aliqua præterita ab hac collatione absolueret. Quomodo in commune in collationibus & solutionibus functionum publicarum, consuetudini standum docent aliæ leges, *sup. tit. de annona & tributis*.

Porro *quinam* ab hac collatione Immunes fuerint, diuinare non licet, nisi in genere, quosdam ob dignitatis privilegia immunes fuisse: Cui rei quoque argumentum præbet *lex 23. infr. de operib. publicis*, quæ ex eadem Theodosii M. constitutione desumptæ huic coniungenda est: Ea quippe lege e contrario, ad *Portus & Aqueductus Theodosiani* in vrbe Constantinopolitana, *inflationem, omnes certatim, facta operarum collatione instare iubet: sic, ut nemo queat ab huiusmodi consortio, dignitatis privilegiis excusari*. Eiusdemque legis argumento existimet quis *hanc l.* pertinere ad Aurum Coronarium Theodosio M. oblatum a *Senatu Constantinopolitano* (quomodo sane a Senatu Constantinopolitano oblatas aureas Coronas Imperatorib. docet Auctor *Chronici Alexandrini*, A. 416. pag. 718. 719. Edit. Raderi.) Cum alias Coronarii auri oblatio Senatoribus non incumberet: Quanquam forte eadem *huius l.* sententia videri possit, quæ *legis proxime*: ubi & illa pariter verba occurrunt, *secundum consuetudinem moris antiqui*.

Cæterum alterutra occasione oblatum aurum Coronarium nunc Theodosio M. vel ob filium Arcadium Augustum appellatum: vel ob Victoriam aliquam de hostibus reportatam, forte de Sarmatis aut Persis. Illi coniecturæ blanditur ipse dies, quo hæc *lex* data est: Nam Arcadius *XIV. Kal. Feb.* id-

est, pridie eius diei, quo hæc *lex* data est, a Patre suo Constantinopol. Imperator creatus fuit. Renititur tantum Consulatus. Superioribus enim Consulibus, *Ann. D. 384.* Arcadium Augustum a Patre creatum referunt Socrates, *lib. 5. c. 10.* Sozomenus, *lib. 7. c. 12.* Marcellinus *Chronico*, Alexandrinum, & Idaciana *Consularia*, Paulus Diaconus *lib. 12.* Posteriori vero coniecturæ blanditur, quod his Coss. Persarum Legatus Constantinopolim ingressus est, testis Auctor *Chronici Alexandrini*.

Ex hac interim *lege* discimus, cum Aurum Coronarium munus voluntatis ferme esset, *l. 1. & 4. supr.* attamen alicubi & aliquando necessarium fuisse, *neminem*, inquit, *absque consuetudine esse* COGENDVM. Ergo secundum & iuxta consuetudinem aliqui cogi poterant. Certe a Satrapis id exactum, docet eiusem Theodosii M. *lex prox. ult. Secundum consuetudinem moris antiqui*. Et a Curialibus sub Valentiniano Sen. *l. 2. 3. supr.*

Falsissima igitur est Amayæ sententia, collationem Auri coronarii *hac l.* prohiberi, & omnino *sublatam*, nisi consuetudine iam esset recepta. Mox & causas eius indagare tentat, quamquam nec eas ipsas mox probet (adeo titubare in *hisc legibus* eum deprehendas) nempe quod oblatio hæc originem duxisset a Gentibus denictis, quare collationem hanc indignam visam, & odiosam, & qui *P. 507* dem post *Antonini* constitutionem, qua omnes in orbe Romano Cives effecti sunt: item, quæ ratio ipsi plausibilior videtur, quod Auri coronarii oblatio ad superstitionem, occasionem præberet. Nempe quia coronarum usus frequens in sacris Gentilium foret, eæque etiam Diis offerrentur. Item quod huiusmodi Coronæ, si ob triumphum darentur, eas triumphaturi in templis Deorum dedicarent. Quæ omnia inania sunt. Neque enim, ne alia addam, de Coronis hic res est, verum de Auro coronario, quo Principes ad necessitates suas, vel publicas utebantur: arg. *l. 1. h. t.*

Denique quam inepta interpretatio illorum, *absque consuetudine*, (quæ addit) ait propter Iudæos: illos enim solos ex consuetudine ad id cogi potuisse, translato scil. in fiscum Imperialem iure illo Auri Coronarii, quod Patriarchis suis olim præstabant.

## VI. (a) Idem AAA. (b) Gaddanæ (c) Satrapæ (d) Sofanenæ. (e)

**A**VRUM coronarium his reddi restituique decernimus, quibus inlicite videtur (f) ablatum, ut, secundum consuetudinem (g) moris antiqui, omnes Satrapæ, pro



pro deuotione quæ Romano debetur Imperio, coronam ex propriis (h) facultatibus faciant Serenitati Nostræ sollemniter offerendam, Dat. xviii. Kalend. Iul. Consil. Valentiniano A. III. & Eutropio Coss. [387.]

## NOTAE.

- (a) Absit hæc *lex a Cod. Iust.* quia temporaria & Historica. *GOTHOFR.*  
 (b) *Valentinianus* scil. THEODOSIVS & Arcadius. *ID.*  
 (c) *Gaddanam* quoque Syriæ Palæstinæ monachum, memorat Palladius in *Lausaca*, p. 132. 133. *ID.*  
 (d) Dicam mox de his *Satrapis*: vt & de hac *Sophanena*. *ID.*  
 (e) In adiectiuo *Sophanena*, prouincia scil. alioquin substantiuæ *Sophane*, vel *Sophene*. *ID.*  
 (f) Idest, ablatum est. *ID.*  
 (g) Vid. l. 2. §. *supr.* *ID.*  
 (h) Non aliis ablatum Aurum coronarium. *ID.*

## COMMENTARIVS.

DE AVRO CORONARIO, quod a SATRAPIS earum prouinciarum, quæ deuotionem Imperio Romano debebant, offerri solebat, est hæc Theodosii M. constitutio, Data Anno Domini 387. eaque ipsa data ad huiusmodi Satrapam, Gaddanam, inquam, Satrapam Sofanenæ. Sane iam olim Gentes Exteræ, vel propter conceptum de Romanis metum, vel quadamtenus victæ, comiter Romani Imperii maiestatem coronis, auroque coronario oblato colebant, & sic deuotionem suam testabantur, vel pro deuotione, quæ debebatur Imperio Romano, vt *b. l.* dicitur. Mitto antiquiora de Coronis, triumphantibus Imperatoribus missis. Elegans apud Suidam locus de Rhodiis voc. *σεφανικὸν τέλεσμα*. *Σεφανικὸν*, inquit, *τέλεσμα* παρὰ Ῥοδίοις ἔσας ἱκαλῆτο, ἐπεὶ δὲ αὐτοὶ νομοὶ ἦσαν οἱ Ῥοδίοι. βραχὺ δὲ τι μέγος Ῥωμαῖος ἐπὶ τιμῇ πᾶμπαντες ἐτήσιον, ὥς ἂν φόρον ἡγεμόσι μάλλον, ἢ σεφανον φίλοις δίδοντες: Tributum coronarium apud Rhodios sic dictum. Rhodii enim, cum liberi essent, Romanis exiguum quoddam munus honoris causa quotannis mittebant, non tanquam tributum dominis, sed vt coronam amicis. Seruius etiam ad illud Virgilii, *Æn. VIII. v. 721.* *Dona recognoscit populorum.* Aurum Coronarium, inquit, dicit, quod triumphantibus hodieque a victis Gentibus datur: Imponebant autem hoc Imperatores propter concessam aurum. (al. immunitatem) Tale fuit Demaretaum vitum, a Carthaginiensibus Demarete Gelonis coniugi pendi solitum, cuius meminit Diodorus Siculus *lib. II. Bibl. histor. pag. 256. Edit. Stephan. & pag. 21. Edit. Rhodoman.* Ita & Iuliani temporibus Saracenorum Reguli siue Phylarchi, genibus supplices nixi, oblata ex auro Corona, tanquam Mundi nationumque suarum dominum adorarunt: teste Ammiano Marcellino *lib. 23. c. 3.* Ita Procopius de Theodato Gothorum Rege notat, *libro I. de bello Goth. cap. 6. init. p. 10. Edit. Venet. inter Script. R. B.* pactum eum cum Petro, Imperatoris Iustiniani legato, tota Sicilia secedere, & quod *πῶμψη δὲ αὐτῷ καὶ σεφανον χρυσῶν ἀνὰ πᾶν ἔτος κατὰ τετρακοσίας ἑλκοντα λίτρας*, ad ipsum quotannis coronam mitteret auream tercentum pondo. Neque ab hoc vicinera alienum est tributi genus illud, quod inclinante Imperio, Romani ipsi, Barbaris Gentibus sub inani muneris vel doni, vel fœderis, vel pacti, vt vocabatur, nomine soluebant: Veluti Scythiis, de quo The-

mistius, *Oratione 10. pag. 236. Edit. Petau. in 8. FRANCIS:* de quo Saluianus, *lib. 6. de gubernat. Dei in fin.* Persis, de quo Procopius *Perficis lib. 2. cap. 10. in fin.*

Igitur hac tempestate sub Theodosio Magno Satrapæ quidam quarundam prouinciarum Coronas aureas Romano Imperio pendebant. Quid Satrapæ fuerint Persarum? iam notum; nempe Rectores erant, Prætores, Præfecti prouinciarum seu præfecturarum, *ἡπαρχῶν*, quæ inde *Satrapia*: de quo Brissonius expresse *Perficorum* 1. & inter alios veteres, Ammianus Marcellinus *lib. 23. cap. 6.* De hoc vero Satraparum, vel Satrapiarum Persicarum Orbi Romano vicinarum numero, nonnullæ hæc tempestate iuris Romani fuere. Quinque huiusmodi olim Persis ereptæ a Maximiano, verum a Iouiano Imperatore restitutæ: quas memorat Ammianus Marcellinus *libro 25. cap. 7. Profecto venisset ad præsidia Corduene vberis regionis, & NOSTRÆ*, ex eo loco in quo hæc agebantur centesimo lapide disparatæ. Petebat autem Rex obstinatus, vt ipse aiebat, sua dudum a Maximiano erepta, vt docebat autem negotium, pro redemptione nostra QVINQUE REGIONES Transligritanas: Arzanenam & Moxoënam, & Zabdicenam, itidemque Rehimenam & Corduenam cum castellis quindecim, & Nisibim, & Singaram, & castra Maurorum, munimentum perquam opportunum, vbi subiicit, tradita omnia a Iouiano Persis, quæ petebantur.

De his regionibus etiam videndus Sextus Rufus Festus in *Breuiario cap. 14 in fin.* Petrus Patricius in *excerptis Legationum pag. 21. Tom. I. Script. Rer. Byzant.* ita quinque illas regiones enumerat, *Intilinem, SOPHENEM, Arsanicem, Cardonem, Zabdicenam.* Satrapæ Corduene meminisse. 608 Ammianus Marcellinus in rebus Constantii, *lib. 18. cap. 6.* Itemque Satraparum Armeniæ in rebus Valentis, *lib. 27. cap. 12.* Certe Arsaphis Sopheneosis, subscriptus reperitur Concilio Nicæno *p. 316. T. I. Concil. Edit. Hard. Sofanene*, eiusque Satrapæ nulla expressa apud Ammianum mentio, qui tamen Historiam suam ad finem Valentis, id est, An. 378. (decennio ante hanc leg.) perduxit: sed Satrapæ huius Sophanene memorat quoque *Nouel. 31. cap. 1. §. 3. & Eustathius in Dionysium ὡρεγνήτην p. 132. Edit. Londin. Guil. Hill.* Sed omnium manifestissime Sophanene huius, inter prouincias Romanas, meminit *vetus Index seu Notitia prouinciarum* sub

sub hoc eodem Theodosio M. circa hæc tempora conscripta, quam Sconbouius primus edidit, & postea Cellarius cum Festo publicauit: vbi *Orientis prouincia X.* ita recensentur p. 83. Edit. Cellar.

*Syria Cilicia, (γῆ. Cæle) in qua est Antiochia Syria Palaestina.*

*Phænice.*

*Isauria.*

*Cilicia iuxta montem Taurum.*

*Cyprus.*

*Mesopotamia, inter Tigrim & Euphratem.*

*Eufratesia.*

*Osdroène.*

*Sophane.*

Ergo Sophanen *Notitia illius* Auctor sub Theodosio M. inter *Orientis prouincias* numerat, non etiam *Syriæ prouinciam* postremam facit, quod Berterius alioquin tradidit. Facit & mentionem *Claudiana lib. 1. in Eutropium v. 219. A. D. 399.* sub Arcadio,

*Ne non Eutropio quæstus numerosior esset,*

*In mercem veniunt Cilices, Iudea, SOPHENE,*

Huius alioquin *Sophenæ & Sophanenæ* mentio apud Strabonem *lib. 11. pag. 792. 799. Edit. Almeloucen.* Plinium, *lib. 5. c. 12. lib. 6. c. 9. Iosephum lib. 7. Ant. Jud. c. 5.* vbi meminit Adrazari Arachi filii, Regis τῆς σωφηνῆς, qui Rex *Tzobe, 2. Sam. 8. Melam de sit. orb. lib. 1. cap. 11. initio.* Stephanum voc. σωφηνή, qui vel veteris *Syriæ* faciunt, vel *Armeniæ* finibus includunt: Quod etiam facit Iustinianus *1. ult. Cod. Iust. de off. Magistrum milit.* quam & postea in prouinciam redactam *Armeniæ* adscripsit: & ex ea & *Balbitenæ*, quartam *Armeniam* fecit, quod docet *Nouella eius 31. cap. 1. §. 3.* vbi τὸ σωφηνή, vel τὸ σωφην, recte ex illius xui vsu scribitur, quomodo & *Eustathius in Dionysium τὸ σωφηνή* vocat; qui tamen Iustino id tribuit: vnde σωφηνήν *Armeniam* vocat Procopius, vbi *Martyropolis* ciuitas erat, *lib. 3. περὶ κτισμάτων cap. 2. initio.*

Ex hac sane quoque leg. vt ex *Notitia Sconbouiana, & Claudiano* discimus, eam in prouinciæ Romanæ formam, & formulam redactam: Et quamquam suo peculiari quodam iure haberetur, attamen decernendi ius in ea habuisse Theodosium

M. Ait enim is *hic* verbis imperatiuis, ad Satrapam eius scribens: *Aurum Coronarium his reddi restituique DECERNIMVS.* Item, *Romano Imperio* debuisset. Inde Satrapæ eius, vt & aliarum Satrapiarum, veluti *Balbitenæ, & similitum, ibi, omnes Satrapæ,* Aurum coronarium seu coronam Imperio Rom. debebant: Quam ex propriis facultatibus suis mitti voluit, & vero vult *hac l. Theodosius Imp.* proculdubio, quod iis Satrapias illas reliquisset: non vero a *Sophenæ prouincialibus* exigi seu colligi. Denique Satrapas ipsos, tanquam in signum recognitionis coronam ex propriis facultatibus sibi offerre voluit, ac nominatim Satrapam *Sophanæ* seu *Sophanenæ.* Nam, vt eo redeamus, cum cæteri ferme *Sophanen, vel Sophenem,* vident, Arrianus vt obseruat Stephanus *loc. cit. τὴν σωφηνήν Sophaninen* vocat: quomodo & *hac l. Sophanene* vocatur, & ab Eutropio, *lib. 6. cap. 11.* eiusque interprete Pæzanio: vbi Tigrani a Pompeio adeptam *Syriam, Phænien, Sophanen* ait: & a Procopio 3. *περὶ κτισμάτων, cap. 2.* Quamquam in *1. ult. Cod. Iust. de off. Magistrum milit.* *Sophanena* distinguui videri posset. Ea vero paulo post Romano Imperio detracta fuit: quare nulla eius mentio in *Notitia imperii,* quæ sub Theodosio Iun. conscripta fuit A. D. 427.

Ex *hac l.* interim, vt dixi, recte colligitur, Satrapas hos, hoc xuo quosdam fuisse Romano Imperio subditos, deuotos: & hactenus Satraparum nomen hac tempestate ibi stetisse: Nondum enim Satrapæ a consiliis Imperatori Romano fuerunt, quod tamen vulgata Constantini Donatio præfert: Nondum Satrapæ in obsequio & ministerio eorum; quod tamen facit Auctor vitæ Athanasii. Tandem neque huc faciunt Satrapæ, quorum non vna mentio fit apud *Sidonium Apollinarem:* Illi enim Persarum Imperii fuere.

Vt ad *huius leg.* sententiam redeamus: Noluit Theodosius M. ex his Satrapiis, ac nominatim *Sophanenæ,* colligi aurum coronarium, verum Satrapas ipsos Coronam ex propriis facultatibus dare: Et quia contrarium factum fuerat, & illicite exactum a *Sophanenens,* id his reddi restituique iubet.



# DE HIRENARCHIS.

P. 609.

## TITVLVS XIV.

### LIB. X. COD. IVST. TIT. LXXV.

De his agitur quoque lege *ult. supr. de patrocini. vicorum: 1. ult. supr. de iure fisci: leg. 21. supr. de diu. officiis.* Dicuntur *Hirenarchæ* *hac leg. vn. & d. 1. ult. de iure fisci & d. leg. ult. de patrocini. vicor.* *Irenarchæ d. 1. 21. de diu. offic.*

I. (a) Imp. Honorius & THEOD. AA. Anthemio PF. P. (b)

**H**IRENARCHARVM vocabula, (c) quæ ad simulacra (d) prouincialium tutelæ, quieris ac pacis per singula territoria (e) haud sicut stari (f) concordiam, radicibus amputanda (g) sunt. Cesset igitur genus perniciosum Reipublicæ: cesset Rescriptorum

rum Hirenarchas circiter (h) inconuulsa (i) simplicitas: Et Celsitudinis Tuæ sedes (k) prouinciarum defendenda (l) suscipiat, (m) pacis huiusmodi locupletioribus commissura præsidia. Dat. VIII. Kal. Ian. Constantinop. Honor. VIII. & Theod. III. AA. Coss. [409.]

## NOTAE.

- (a) *Lex vn. Cod. Inst. eod. tit.* hinc interpolata est, & in contrarium plane sensum detorta. *GOTHOFR.*  
 (b) *Anthemius*, PP. Orientis sub Theodosio Iun. vid. *Prosopogr. ID.*  
 (c) *Vocabula Irenarcharum*, pro ipsis Irenarchis, quomodo, *nomina Principum*, pro Principibus ipsis. vid. vel *leg. vn. sup. si quis Imp. maledix. ID.*  
 (d) *Adsimulata*, pro simplici, *simulata*. vid. *Gloss. Theod. ID.*  
 (e) *Territoria ciuitatum. ID.*  
 (f) *yp. Stare. ID.*  
 (g) *Amputare*, pro *abolere. ID.*  
 (h) *Inuersa locutio. ID.*  
 (i) *yp. Inconsulta*: Nam quomodo *inconuulsa*, si Irenarchæ amputari seu cessare iubentur, & sic conuellantur? *ID.*  
 (k) *Sedes*, Præfecti Prætorio. *ID.*  
 (l) *Defendenda prouinciaram*, id est, ea quæ per prouincias defendi debent: sic *cognoscenda*, in l. 129. de *Decurionibus*: sic proponenda, l. 2. de *Veteranis*, quibus locis dixi. *ID.*  
 (m) Per singula territoria. *ID.*

## COMMENTARIUS.

**H**IRENARCHIS (qui viri erant militares) abolit, locupletioribus per prouincias & ciuitatum territoria, pacis præsidia seu tuitionem a Præfecto Prætorio committi iubet *hac l.* Theodosius Iun. non etiam Honorius, etsi nomen eius pro more *huc leg.* inscriptum sit. *Irenarcharum*, præter *hanc leg.* fit mentio quoque *tribus* insuper *aliis*, & quidem eiusdem Theodosii constitutionibus; puta l. *ult. sup. de patrocini. vicor. l. ult. sup. de iur. fisci: l. 21. de diuers. offic.* (nam quod *Præpositos pagis* attinet, qui alicubi perperam *Præpositi pacis* dicuntur: alii plane ab his sunt, ut alibi plene dixi: quos tamen Amaya quoque nuper cum his confundebat.) In *Digestis* vero, duobus tantum locis, puta *leg. 6. D. de custod. reor. & leg. 18. seu ult. §. 7. D. de munerib.* non vero in *leg. 11. D. de custod. reor.* quod scribit Amaya. Fuere autem Irenarchæ, qui in id constituti erant, ut prouincialium tutela suscepta, quietis & pacis per singula territoria concordiam stare facerent, quod *hac l.* diserte dicitur: seu qui disciplinæ publicæ & corrigendis motibus (non moribus) præsticiebantur, ut ait *d. lex ult. §. 7.* Mentio fit & in veteri Inscriptione Græca apud Gruterum *CCCCXLVIII. 1. ΕΙΡΗΝΑΡΧΟΤ ΤΗΣ ΜΗΤΡΟΠΟΛΕΩΣ ΑΓΚΥΡΑΣ.* Quare munus eorum fuit, *latrones* adprehendere, eosque de locis & receptatoribus interrogare, & elogiis seu notoriis scriptis, ad cognitionem Magistratus mittere *d. l. 6. D. de custod. reorum.* Latrunculatores *ληστοδῶνται, βιοκλῶνται, ἀφοπλισαὶ* his haud abhinciles, quorum multa mentio in *Novellis Iustiniani.* Horum mentio quoque apud Eusebium *lib. 4. hist. eccles. c. 17.* ubi *Præfectum pacis* vertit Rufinus. Libanius quoque *Ep. ad Modestum 100. & ad Urbanum 101. & ad Firminum 446.* meminit Zenobii cuiusdam qui Eluse erat *τῆς αἰχμῆς ἐκείνης Φυλαξ*, pacis custos constitutus, *d. ep. 100.* seu, ut *d. ep. 101. ἐκείνης ἐν ἐλῳσῃ πρὸς αὐτὸν, πατὴρ ἐκείνου* *ἐκείνου*, quem ait *d. ep. 100. μάλα Φερέσσις* *τὴν πόλιν*, urbem egregie tuentem, loco suo deturbatum fuisse ab improbo insidiatore, *ἀπὸ τῆς ἐπιθεμίας τῆς τάξεως.* Græci apud Cuiacium ad *leg. 9. Cod. Inst. de iure fisci*, eos ita describunt: *εἰρηάρχαι, οἱ τῆς τῆς δῆμῳ εὐταξίας ἐπιτελεῖντες.* Glossæ Græco Latinæ, *εἰρηάρχης* pacator, *Irenarcha.*

De iisdem sensit & Augustinus *ep. 159. 160. fiv. 133. 134. Edit. Benedictin.* Illorum, inquit, notoria, ad quos tuenda publica pacis vigilantia pertinebat. Quod vero Dionysius, qui vulgo Areopagita, vel Michael Syngelus in encomio Dionysii, Salvatorem nostrum *Irenarcham* vocat, non eodem prorsus sensu dicitur; verum quia is pacis nostræ cum Deo sequester est. *Irenarchæ* hi, *pacis adfectores* vocantur *Legum Visigoth. lib. 2. tit. 1. leg. 16. & 26.* In foro Iudicum *Mandati de paz.* In ipsa vrbe Roma similes, *Pacerii*, quorum munus dissensiones ciuium sedare *lib. 2. Statutorum V. R. r. 83. 85. 87. 89.* At Nostri hi per territoria ciuitatum statuti erant: sunt igitur proprie, qui apud Gallos *Prouosts des Mareschaux.* Eisdem vero cum *Stationariis* facio *Irenarchas*, quique sub *Irenarchis* his erant: quorum fit mentio *l. 31. inf. de Episcopis: & l. 1. sup. de Curiosis.* More ab Augusto primum instituto, teste Suetonio, in *vita eius, c. 32. Grassatores*, inquit, *appositis per opportuna loca stationibus, inibuit.* Et auxit Tiberius, eodem teste, *c. 37. init. Imprimis tuenda pacis a grassaturis ac latrocinii seditionumque licentia curam habuit. Stationes militum per Italiam solito frequentiores disposuit.* De iisdem est & Iuuenalis locus *Satyræ 3. v. 305.* De iisdem & Tertullianus sub Sauero Imp. *Apolog. c. 2. Latronibus vestigandis per universas prouincias militaris statio sortitur.* Ergo iidem *Irenarchæ & Stationarii*, saltem qui *Stationarii* præerant, Græco enim vocabulo in Oriente *Irenarchæ*, qui alibi *Stationarii.* Ab his diuersi, qui in ipsa vrbe Roma erant. Alii inquam milites stationarii positi, etsi eodem fine in ipsa vrbe Roma: quorum fit mentio *l. 1. §. 12. D. de off. P. V. Diuersi Curici, & Frumentarii, de quibus tit. de cursu publico.* Diuersi prorsus *Limenarchæ*, de quibus *l. 4. D. de fugitiv. & l. 18. §. 10. D. de munerib. & honor. & portuum litorumque custodes*, de quibus *tit. de litor. & itin. custod.* Denique toto cælo diuersi Defensores ciuitatum. Quos tamen omnes Amaya cum his *Irenarchis* perperam commiscuit. Qui & nescio quid de *Quastore* a Iustiniano instituto *Novella 80.* hic male adspersit. (a)

Hi vero *Irenarchæ* nostri in vsu fuere etiam Christianorum Imperatorum, quorum constitutio-

nes

P. 610.

(a) De *Irenarchis* vide differentem *CVIACIUM* ad *leg. 9. Cod. I. de iur. fisci*, & Observationem. l. 33. & Cl. du FRESNE in *Glossar.* utroque, qui tamen male *præpositos pacis* ex *leg. 49. de Decur.* sup. huc transfert, cum ibi *παγάρχης* intelligendi sint.

nes *hæc Codicis* continentur, temporibus: de quibus, ut dixi sunt & Augustini loca. Erant autem hi *Militares* viri, quod etiam ex Amm. Marcell. discimus *lib. 21. cap. 3. Capto*, inquit, *a militibus stationariis Notario, quem miserat ad Constantium, scrutatoque si quid portaret, epistola eius reperta est.*

Verum, ut ad *huius l.* sententiam nunc descendamus, cum Irenarchæ isti terribiles iam forent & perniciosi, primique ipsi quietis ac pacis per singula ciuitatum sc. territoria concordiam stare haud finirent, Theodosio Iun. radicitus eos amputare, ut ipse loquitur, est visum: *Militares* sc. viros, qui irenarcharum munereungebantur, cum nihil minus essent quam pacis custodes; At munere ipso *eignvaexias* non ideo sublato: sed tantum hominum genere, e quibus Irenarchæ deinceps fumerentur, iisque qui nominandi eos ius haberent, immutatis: vult sc. Theodosius Iun. ut deinceps Præfectus Prætorio suscepta prouinciarum defensione pacis præsidium seu *eignvaexias* per ciuitatum territoria locupletioribus committat, eosque Irenarchas constituit: Poculdu-bio enim viles hactenus homines, paupertate ipsa ad rapacitatem prout cinguloque militari tumidi, hoc munus obibant: atque ita rapinis infames. Id inquam, vult Theodosius Iun. *hac l.*

Et sane stetit quoque deinceps Irenarchas, docent tres illæ quas dixi eiusdem Imperatoris constitutiones, *hac l.* posteriores: puta *lex vlt. sup. de patrociniis vicorum. l. vlt. sup. de iure fisci: lex 21. sup. de diu. offic.* Et deinceps etiam post *hanc leg.* Irenarchias munus inter cætera ministeria publica, quæ a Vicariis sustinebantur, fuit: quod docet *d. l. vlt. sup. de patrociniis vicorum.* Sic quidem etiam, ut certo

casu Irenarchæ ipsius Principis manu ordinarentur, quod discimus ex *d. l. 21. de diu. offic.* cum alioquin *hac l.* id Præfecto Prætorio iniungatur. Denique ad hanc omnem Irenarchas creandi formam & formulam, respexisse puto eundem Theodosium Iun. *d. l. vlt. sup. de iure fisci.* Et hæc quidem de *huius l.* sententia. A qua in totum abiit Tribonianus interpolatione sua. Nam & contra quam hic dicitur, Irenarchas *ad simulata prouincialium tutela, quietis ac pacis per singula territoria, haud fuisse tum stare concordiam*: nempe id ita memorans de facto: Tribonianus contra legitimum eorum usum hic describit, nempe Irenarchas *ad prouinciarum tutelam quietis ac pacis per singula territoria facere stare concordiam.* Deinde, quod ius eligendi attinet, vult Tribonianus Irenarchas a Decurionibus iudicio Præsidum prouinciarum idoneos nominari: cum contra, Theodosius id Præfecto Prætorio iniungat. Vbi interim triplicem nominandorum seu ordinandorum Irenarcharum formam obseruare licet: puta 1. a Præfectis Prætorio: 2. a Principe ipso. 3. & Decurionibus Præsidibusque prouinciarum. Quod Decuriones attinet, sane Decuriones ipsi quoque latronibus quandoque inuestigandis operam nauauere: quod discimus ex famosa *l. 13. Cod. Iust. de fideiussoribus*, de cuius *leg. sententia*, contra communem errorem, dixi ad *l. 1. sup. de his qui latrones.* Et certe ideo quoque *hic titulus de Irenarchis* hoc loco positus est, in censu videl. *titulorum* ad Decuriones pertinentium, quod munus istud locupletioribus, atque adeo & Decurionibus, qui locupletissimi ferme erant in urbibus, imponeretur.

P. 611.

# DE CENTVRIONIBVS.

T I T V L V S XV.

Abeſt hic Titulus a Cod. Iustin.

I. (a) Impp. Arcad. & HONOR. AA. Vincentio PF. P. (b)

**H**Ac auctoritate (c) sancimus, Ut quicumque Centurionum corpus deseruit, nullis dignitarum priuilegiis excusatus, debitum munus subire cogatur. Dat. Id. Septembr. (d) Med. Theodoro v. c. CONS. [399.]

## NOTAE.

- (a) Abeſt hæc *lex* a *Cod. Iust.* vna cum ipſo *Titulo*. GOTHOFR.  
 (b) *Vincentius* PP. Galliarum ſcil. ut exerte docent vel *tres leges infr. tit. de his qui condit. propriam*: vbi dicam: vide *Proſopogr. ID.*  
 (c) *Auctoritate*, id eſt, legis auctoritate. *Auctoritas* hoc ſenſu pro Principis conſtitutione *b. l. & l. 1. infr. de his qui condit. propr. l. 14. ſupr. de indulg. debet.* Quomodo & apud Symmachum & alias uſurpatur: de quo Iureus in *Symm. lib. 7. ep. 122. v. & Gloſſ. Theod. ID.*  
 (d) *79. Decembr.* vid. *Chronolog. ID.*

## COMMENTARIVS.

**D**E CENTVRIONIBVS eſt *hæc lex* Honorii Imp. & quidem ad Gallias pertinens: deque iisdem eſt & altera eiusdem Honorii *lex 156. ſupr. de Decurionibus.* Quinam vero *Centuriones* fuerint? obſcurum admodum eſt: Neque enim *Centuriones* hic accipiendi ſunt, qui in militia armata: non etiam

illi, qui inter Officiales Iudicium fuere, de quibus *Constantinus M. l. 1. ſupr. de offic. Reſt. prou.* Verum certum Corpus (quomodo hic vocatur *Centurionum Corpus*) fuit in Municipiis, debita *patria* munera & perſonalia & ciuilia implentium: quomodo in *ſine leg.* dicitur eos *debitum munus ſubire*: pariter ut

cæte-

cæteri omnes, de quibus *hoc libro* agitur: veluti (1.) *Decuriones*, de quibus, *titulis quinque priorib.* (2.) *Insueptores*, *tit. 6. h. lib.* (3.) *Ponderatores*, *tit. 7. hoc lib.* (4.) *Prosecutores*, *tit. 8. cuius appendix titulus 9. Exactores, Curiosi, horreorum Custodes tit. 10. huius lib.* (5.) *Curatores Kalendarii*, *tit. 11.* (6.) *Legati tit. 12. cuius appendix est tit. 13.* (7.) *Hirenarchæ*, *tit. 14. Mancipes*, *tit. 16. Quare diserte iunguntur cum ordinibus, Collegiis, aliisque Corporatis, ubicumque, cuiuscunque muneris vel officii, d. l. 156. Quod quidem primum est, quod de his Centurionibus notandum est.*

Secundo discimus ex *hac leg. & d. l. 156.* illigatos fuisse huic officio suo: Et ideo hoc corpus, seu hoc munus multos deseruisse seu detrectasse, pariter vt alia Corpora alii detrectabant, & vt detrectarent ad *Dignitates* adspirasse, Testimoniales honoris impetrasse; vt ita, inquam, *Dignitatum* priuilegiis ab hoc Corpore & debito munere excusarentur: Cui *hac leg.* occurrit Honorius; pariter vt *Curialium* & *Collegiatorum* fugæ per easdem Gallias Anno prox. 400. constitutione ad eundem Vincentium PP. Galliarum data, cuius tres partes extant *infra tit. ultim. de his qui condit. propr.* Item *Colonorum* fugæ; *l. 13. C. Iust. de Agricol. & censit.* Militum *l. 10. supr. de desertorib.* quæ & ipsæ datæ sunt eodem Anno 400. ad eundem Vincentium P. P. Galliarum; Nempe is hac tempestate & miserrimus Imperii Rom. ac nominatim etiam Galliarum status fuit, vt plerique attriti nimium, conditione sua relicta, alio sese conferrent, seu ad alium statum; Quod ruituri mox per Gallias Imperii præambulum fuit. Denique vt & Ciuitates ministeriis destitutæ, splendorem quo pridem nituerant, amitterent: quod diserte dicit Honorius *d. l. 1. infr. de his qui condit. propr.* & cultoribus propriis seu colonis, fundi desti-

tuerentur: quo pertinet *d. lex. 13. & Gallicani* limitis securitas & custodia destitueretur, iis, qui militiæ debebantur, militiam deferentibus: quo spectat *d. lex 10.*

Hæc, inquam, hæcenus de his Centurionibus, ex *hac leg. & d. l. 156.* discimus. Neque aliunde scire liquido possumus, quidnam eorum muneris fuerit; etsi munus ciuile personale fuisse, totius quoque *huius libri* argumentum ostendat. Cuius etiam muneris nulla mentio extat in recensu munerum Ciuium personalium apud Hermogenianum, & Arcadium Charisium in *lege 1. & l. 15. D. de munerib. & honorib.* cum tamen ibi memorentur cætera ferme, de quibus *hoc libro*: puta *Prosecutores, Curfus publici Curatores*, id est, *Curiosi, Exactores, Custodes ædium, Curatores Kalendarii, Irenarchæ, Legati.* Forte hi sunt, qui sub *Nyctostrategis* erant in *d. l. 18. §. 12.* vbi proxime iunguntur cum *Legatis*: pariter vt hic haud procul. In Municipiis scil. Centuriones omnes vrbanii milites, qui nocturnis vigiliis & excubiis præerant: cum aliis *Nyctostrategis* & in Vrbe Roma, & Alexandria *Νυκτοστρατηγός* eorum Praefectus diceretur, vel *Νυκτίπαρχος*. vid. *tit. D. de offic. P. 612. Praef. Vigil. & Strabonem Geograph. lib. 17. pag. 1148. Edit. Almelooven. & Nouell. Iustin. 13.* At in municipiis Centuriones omnes huiusmodi milites municipales: quomodo & in Militia Armata, Palatina Centurionum munus id erat, vigilias obire: de quo Tacitus in *Annalib. 15. cap. 30. & lib. 2. hist. cap. 29.* & Irenarchis hic Centuriones iunguntur, quia vt illis pacis cura incumbere, ita & his pacis nocturnæ sollicitudo: sic & Centurionem rerum nitentium apud Amm. Marcell. *lib. 16. cap. 6.* Vir doctissimus Valesius *pag. 130. Edit. Gronou.* interpretatur, qui signorum ac statuarum ex ære ac marmore in Vrbe curam gerebat, noctuque cum militibus obseruabat, ne quis ea confringeret aut mutilaret.



# DE MANCIPIBVS.

## T I T V L V S XVI.

Abeſt hic Titulus a Cod. Iuſtin.

I. (a) Imppp. VALENTINIANVS, THEOD. & Arcad. AAA.  
Albino P. V. (b) Rom.

**Q**VICVMQVE vel Rescripti aduersus veteres sanctiones subreptiua defensione (c) munitur, vel de minusculis Corporibus, aut certe otiosis, idoneus adprobatur, functioni Mancipatus est addicendus. Dar. XVII. Kal. Septemb. Rom. Timasio & Promoto COSS. [389.]

### N O T A E.

- (a) Abeſt hæc lex a C. Iuſt. Iungenda autem huic legi eſt lex 11. ſup. de maleficiſ & mathem. GOTHOFR.  
(b) Albino huic P. V. variæ hoc tempore conſtitutiones inſcribuntur: de quo mox, v. & Proſopogr. ID.  
(c) Exceptione, immunitate, ID

### C O M M E N T A R I V S.

**D**E MANCIPIBVS eſt hæc Valentiniano-Theodoſiana conſtitutio ad Albinum P. V. Romæ: dixi *Valentiniano-Theodoſiana*: Romam enim hoc tempore Theodoſius Imp. cum Valentiniano Iun. & Honorio F. poſt Maximum Tyrannum denictum profectus eſt, vt docet Latinus Pacatus *ſub ſin. Panetom. II.*

*gyrici* (quem hoc ipſo Anno 389. dixit.) & Socrates *lib. 5. cap. 14.* Sozomenus *lib. 7. c. 14.* Prudentius *lib. 2. adu. Symmachum,* & Claudianus, in *6. Conſul. Honorii. v. 57. ſqq.* Idacius Sirmondi *An. Theodoſ. XI.* Et quidem iam inde a mēſe Iunio: quod tradit Marcell. *Chronicæ*: & Chron. Alexandr. *his COSS.* Id vero docent  
N n n d quo.



quoque variae constitutiones huius Codicis: ita quidem ut illud ostendat trimestri ferme ibi eos egisse, mense videlicet Iunio, Iulio, Augusto. Quoquidem tempore Theodosius & Valentinianus vbi Romae plurimum consuluerunt, quod etiam diserte testatur Pacatus Panegyrico d. c. ult. tum in negotio Religionis, ut docet lex 18. inf. de hereticis: l. 2. sup. de feriis: tum in civilibus quamplurimis: partim indiciorum ordinem spectantibus, d. l. 2. sup. de feriis: l. 49. sup. de appellat. partim vero criminalibus: quo spectat lex 11. sup. de maleficis: (quae ex eadem constitutione desumpta huic nostrae iungenda est, & de qua mox plura:) quod etiam testatur Socrates lib. 5. c. 18. Tandem, ad Annonam & ornatum voluptatemque Urbis spectantibus: quo pertinet lex 5. 6. inf. de Suariis: lex 5. inf. de aqueductu: Tandem & lex haec nostra: Quae pariter ut omnes illae leges, Albino P. V. Romae inferbantur.

De quibusnam autem Mancipibus haec lex exaudienda sit quæri potest. Fuerunt enim Mancipes varii generis. Fuerunt Mancipes iidem cum Pistoribus: Quo sensu Mancipes dicuntur l. 18. inf. de Pistorib. l. 2. 3. inf. de frum. V. Conf. l. 4. sup. de executoribus. unde & ministerium ipsum dicebatur Mancipatus, d. l. 18. Socrates lib. 5. c. 18. loco (qui huic l. omnino aptandus videtur,) ἦσαν ἐξ ἀρχαίᾳ κατὰ τὴν μεγίστην Ρώμην οἰκοὶ παμμεγέθεις, ἐν οἷς ὁ τῇ πόλει χορηγούμενος ἄρτος ἐγίνετο. οἱ τε προϊδόμενοι τῶν, οἱ μάγκηπες τῇ Ῥωμαίων γλώσση καλεῖσθαι: erant in urbe roma aedes amplissima a priscis temporibus aedificate, in quibus panis fiebat, qui civibus dividebatur. Harum aedium praepositi, quos Romani patrio sermone mancipes vocant. Voxque ea non semel a Graecis usurpata; quia & quos Iustinianus Novella 80. c. 5. πρῶτες τῶν ἀρτοποιητικῶν ἐργαστηρίων nominat, Mancipes hos intelligit. Quin & Pistrinum ipsum mancipium dictum. Suidas, Ἀρτοποιεῖον τὸ μαγκηπίον, ἐν ᾧ αἱ ἀδοὶ γίνονται: Artopoleum locus, in quo panem pinjuntur.

De his igitur Mancipibus accipienda videatur haec lex: Quandoquidem Socrates, d. lib. 5. c. 18. memorat hoc tempore Theodosium inter cetera quibus Romae commodavit, ibi positum, post Maximum devictum duplici dedecore Romam liberasse, quorum alterum istud fuerit, quod cum Romae pistrina seu officinae Pistorum ληστῆρια, seu latronum latibula facta, atque inibi multi, peregrini maxime, clam intercepti, seu suppressi, spoliati, pistrino addicti fuissent, re intellecta Mancipes ipsos graui supplicio affecerit, & officinas seu pistrina penitus disturbauerit. γνὼς ταῦτα ὁ βασιλεὺς, τὴς μάγκηπας μὲν ἐτιμωρήσατο, τὴς δὲ ληστοδόχας δικὰς ἐκένευσ καταστραφῆναι ἐκέλευσε: quod cum imperator cognosceret, mancipes quidem ipsos supplicio affecti, aedes vero, quae latronum erant receptacula destrui iussit. Quare de his Mancipibus eo argumento haec lex sumenda videatur.

P. 613. Sed & altero, ex coniunctione legis 11. sup. de maleficis, quae ex eadem constitutione desumpta est: quae geminam plane seueritatem Theodosius exerit in Agitatores, qui maleficæ artis conscios clandestinis suppliciiis pariter supprimerent. Quod si ita est, tum dicendum foret, iis quæ dixi in Mancipes, id est, Pistores constitutis, supplicioque de Mancipibus sumpto, cum mancipium iam inopia esset, Theodosium

ad hanc leg. descendisse, ut aliunde vacuatum Corpus redintegraret: reuocatis ad eam functionem mancipatus iis, qui perperam etiam Rescriptis ab hac functione liberati fuerant: Quod sane ante triennium Valentinianus lun. diserte statuit d. l. 18. sup. de Pistoribus: vbi mancipum etiam & mancipatus vox usurpatur. Et his quidem argumentis videri possit Mancipes hic pro Pistoribus accipiendos

Sed tamen cum & alia Mancipum genera Romae fuerint, videri possit haec lex non minus de iis accipienda. Nempe fuerunt & Mancipes thermarum seu salinarum, qui videl. Romae exhibitionem Thermarum curabant: de quibus suo titulo inf. lib. 14. l. vn. de mancipibus thermarum: & l. 3. sup. de collat. donatar. & Symmachus, lib. 10. ep. 58. Ausonii ep. 19. De his inquam Mancipibus haec lex accipienda videatur: & quidem fortissimo argumento, ex Symmacho desumpto lib. 10. ep. 58. quæ omnino cum hac l. argumento pariat: sic enim ille cum P. V. existeret, (A. 384. vel 385.) ad Theodosium Imp. (sic enim habet inscriptio) scribit. Cum Mancipes, inquit, salinarum magno ex numero ad paucos redacti, necessitati publica molem ferre non possent, delata supplicatione meruerunt, ut his, qui decreti atque EXCVSATI ante fuerant, redderentur, & EX ALIIS CORPORIBVS, seu VACANTIBVS, iusta supplementa incunctanter acciperent D. Imp. Allegata igitur preceptione diuina, cum plerosque consortio suo ante decretos muniri Macedonii suffragio reperissent, Relationem super eorum muniminibus impetrarunt: vestra enim tantum clementia liberum est, inique elicitarescripta rescindere. Et post alia, quæ addit de Nauiculariis ad Mancipatus functionem a mancipibus vocatis, subiicit: Nunc perennitatis vestrae stabilitatem publica causa deposcit, ne OBREPTIVIS supplicationibus subsidia integrati Corporis subruantur & c. Erit iam sacrosancti numinis vestri illorum antiquare suffragia, quos ostenditur ambitus liberasse. Haec tenus Symmachi locus: Qui omnino cum hac l. pariat: Nam ut hac l. ita & eo loco agitur de Mancipibus excusatis a mancipatu obreptiis supplicationibus & Rescriptis: Rursum ut hac l. ita & eo loco agitur de reuocandis iis ad functionem Mancipatus, rescisis Rescriptis: inique elicitis, & insuper aliis ei functioni vel Corpori addendis ex aliis Corporibus, vel vacantibus. Quod ipsum omnino est quod hac l. constituitur. Quare eo pertinere videatur omnino haec lex: Quod si ita est, tum dicendum fuerit, dilatum ad superiorem Symmachi Relationem, responsum Imperatoris, nunc demum processisse, cum idem rursus Albinus P. V. post Symmachum vrsisset, & Imp. ipse iam Romae constitutus infrequentiam Mancipum vidisset.

Et in hac sane sententia hærendum puto: Quæ si vera est, tum inter natos huius Cod. Conditionum, huius tit. seu legis positio ponenda fuerit, quæ sane sit tit. inf. de mancipib. Thermarum, reddenda erat, & in alium librum coniicienda, quam in hunc, vbi agitur de muneribus municipalibus, inter quæ alioquin erat & calefactio Thermarum seu balnei publici, l. 1. & 18. §. 5. D. de munerib. Verum de omnibus Mancipibus, etiam Pistorum, hanc leg. quoque accipiam.

Interim ex hac leg. & predicto Symmachi loco, exemplum habemus redintegrati Corporis, non tantum

tum reuocatis eis, qui perperam excusati fuerant; verum etiam suppleti ex aliis Corporibus, & quidem minusculis, vel certe otiosis: Et quidem redintegrati seu suppleti Corporis Romæ: quomodo etiam *lex vn. de Equesfri dign. & l. i. de stud. lib. V.R.* ostendunt, peregrinos Romæ agentes Corporibus ibi & Corporatis quandoque adnexos: sic extra urbem quoque Gratianus ordinem Nauiculariorum ampliari hominum adiectione cupiens, quosunque vacuos publico officio in complexum ordinis Nauicularii applicari voluit: *l. 3. inf. de naufragiis*: sic Theodol. M. & Honorius Vacantes, & nulla veterum dispositione vllius Corporis societate coniunctos, Curæ atque Collegiis singularum urbium subiungari voluerunt: *l. 137. 178 sup. de Decurionib.* sed & idem Theodosius M. supplementa militiæ agitari voluit ex vagis vacantibus, *l. 3. sup. de Tabulariis*.

Porro, qui *Otiol* hac leg. vocantur Vacantes, *d. l. 178. & d. l. 3. de Tabular.* Vacui publico officio, *d. l. 3. de naufrag.* Apud Symmachum quoque *vacantes lib.*

*ro. ep. 58.* Suidas, βακάνης ὁ ἀργαστής: *vacans a negotiis, otiosus.* βακάνιστοι apud Synesium *ep. 67. ad Theophilum pag. 216. Edit. Petau.* quam vocem sollicitari ibi nolo, quod faciunt nonnulli, mutata ea in βακάνισται. Nam & ipse Synesius Barbaram etsi vocem, attamen in Republ. vlsitam scribit, *συνηθεστέραν ἐν πολιτείᾳ φωνήν.* Sed & Lampridius in *Alexandro Seuero cap. 15.* Iureiurando deinde *constringit, ne quem adscriptum, id est, Vacantium haberet.* Quod ibi recte tuentur Meursius in *Gloss.* & Salmastius. Pollio in eadem re *de Balista: vacantem* dixit. Glossæ quoque iuris, βακάνιστον, ἀργόν: & in lit. γ. *βακάνιστον*, (pro βακάνιστον) ἀργόν. Suidas: βακάνιστος. ἀργαστής, μὴ παραιμένον τῷ πρᾶγματι αὐτοῦ: Vacantius: otio deditur: qui in negotiis incaptis non constanter perseverat. Theodorus Prodromus in *Lexico*, βακάνιστος, ἀργαστικός. De Comitibus tandem vacantibus fuit *sup. lex vn. de Comitib. vacantib. (\*)*

(\*) Adi etiam CL. DV FRESNE in *Glossario vtroque.*



## DE HIS QVI NVMERO LIBERORVM, VEL PAVPERTATE EXCVSATIONEM MERVERINT.

### TITVLVS XVII.

LIB. X. COD. IVST. TIT. LI.

#### I. (a) Imp. CONSTANTINVS A. Dalmatio. (b)

QVONIAM cognouimus, nonnullos vacationem a nobis personalium munerum impetrasse, alienos pro suis *liberis* (c) nostris conspectibus offerentes, iubemus, eos, cum hoc probatum sit (d) indulto beneficio priuari: Eos autem, qui cuiuscumque sexus liberos quinque habeant, (e) impetrata semel vacatione potiri, ita vt si in hoc numero filius legitimæ (f) ætatis inueniatur, obeundis statim pro suo patre muneribus adplicetur: patribus qui filios vel filias quinque habuerint promissa legibus † immunitate seruanda. Quod si quis propter *censum tenuem* (g) vacationem meruerit, atque hoc probauerit, beneficio potietur, si (h) propter rerum angustias ad personalia vocabatur (i) obsequia. Dat. XIV. Kal. Feb. Sirmio, Crispo III. & Constatino II. Coss. [324.]

#### NOTAE.

- (a) *Lex vlt. Cod. Iust. eod. tit.* hinc desumpta est: priore huius l. sententia, ceu historica, omissa: quæ tamen ad intellectum eius plurimum facit. GOTHOFR.  
(b) De *Dalmatio* hoc plene in *Prosopograph.* ID.  
(c) Sustineri potest: malim tamen, *liberos.* ID.  
(d) Probatum fuerit. ID.  
(e) Reuera. ID.  
(f) Idem maior 25. annis. ID.  
† Legem Isliam & Papiam intelligit: de quo mox. ID.  
(g) *Tenaiorem*, Cod. Iust. ID.  
(h) De hoc in *Comment.* *Nec propter rerum angustias ad personalia vocetur obsequia:* ita Τρεῖς: de quo mox. ID.  
(i) *Vocabitur.* ID.

#### COMMENTARIVS.

DE VACATIONE seu EXCVSATIONE a muneribus personalibus, quibus de causis, puta ob numerum *Liberorum* quinque videlicet, & ob *Paupertatem*, est hæc Constantini Magni constitutio: Eo partim fine, ne eius Vacationis obtentu, Reipublicæ, muneribusque publicis fraus fiat: viceversa, vt vacationes illæ iure seu legitime impetratæ, firmantur.

Tom. IV.

Idque constitutione data ad *Dalmatium*, Censorum, scilicet, siue fratrem suum, siue fratris filium: quæ & ipsa *lex*, nescio quid redolere videtur quod ad *Censoris* officium pertinet: de quo in *Prosopogr.* plene.

De vtraque vacatione seu Excusatione, quam dixi, separatim, & quidem ordine *legis* seruato.

Notum igitur primum, Vacationem a muneribus

bus personalibus tributam, seu promissam iam olim patribus ob *πολυπαίδιαν*, & quidem ob numerum quinque liberorum, ut hic quoque diserte exprimitur, per prouincias: idque nominatim *Legibus* cautum, quod hæc *lex* diserte ait: *promissa*, inquit, *legibus immunitate seruanda*. *Legibus*, id est, *lege Iulia & Papia*: de quo etiam *titul. Cod. Iust. qui numero liberorum*, & altero *titul. lib. 10. de his qui numero liberorum*: *leg. 18. D. de excusat. leg. 1. 2. 8. 11. ultim. D. de vacation. & excusation. muner. & princip. Instit. de excus. & vetus Iuuenalis Scholiastes, ad Satyram 9. v. 90.* De quo nos iam olim ad ipsam *Legem Papiam* prolixè. Mutato iure a Lacedæmoniis, apud quos *lex* fuit, teste Aristotele, 1. *Polit. 9. τὸν μὲν γεννήσαντα ὕψ τετταράς ἀτελῆ εἶναι πάντων*: qui genuit quatuor filios ab omnibus oneribus liberum esse: vel ut *Ælianus*, VI. *Var. 6.* ob quinque liberos, *τὸν παραχόμενον ὕψ πέντε πατρὸν τῶν λειταργῶν ἀφῆσθαι*, eum qui quinque filios suppeditat *Reipublicæ*, ab omnibus officiis publicis & sumptibus immunitatem habere.

Ad rem: Ergo ob numerum quinque liberorum P. 615 per prouincias, legibus vacatio munerum personalium parentibus promissa olim fuerat: Nam quod de 13. liberis cauetur *l. 55. sup. de Decur.* id alio pertinet: de quo ad eam *leg.* sic tamen, ut plena fides fieret Iudici, vel Principi (ut in specie huius *l.*) de numero Liberorum: Principi, inquam, si eius copia esset. Neque enim admittenda est obteruatio, etiam Cuiacii, Duareni, & Vertranii Mauri, vacationem promitti a *legibus*, impetrari vero a Principe, quam impetrationem velut non necessariam Theodosius Iun. remittit, *l. 2. sup. de iure liberorum*. Quid enim? An qui in prouinciis procul a Principe semoti essent, quamlibet liberis subnixi manifeste, haud aliter hac vacatione potiri potuerint, quam si eam a Principe impetrassent? Immo, statim ut fidem Magistratui fecissent de numero legitimo liberorum, *l. 1. D. de vacat. mun.* Quo sane pertinebat quoque olim professio in Acta, seu *παιδογραφίας*. Quid igitur? In specie huius *l.* quidam liberis subnixi, & ad munera vocati, ad Principem pronocauerant, etiam tum præsentem & comineantem, atque adeo fide facta de liberis, vacationem a Principe ipso impetrauerant: liberis suis forte conspectui Principis oblatis. Quomodo & alias conspectui Principis, ad mouendum eius affectum oblatis liberi: vid. *Suetonium, Claudio, cap. 21.* *Plinium, Panegy. c. 36.* numerusque liberorum cæteroquin Principes mouere solet: vid. *l. 57. §. 1. de ritu nupt.* Igitur quod de oblatis Principi conspectui liberis, deque impetrata ab eo vacatione, seu indulto beneficio, *hac leg.* dicitur, id ita ad appellationem euenerat: & quia probationem *πολυπαίδας*, seu fidem de numero liberorum fieri oportuerat: quo pertinet & probandi vox *hac leg.* Quod quidem etiam luculenter ostendit initium legis, quod a Triboniano recisum est: ubi agitur de his, qui falso obtentu liberorum, vacationem impetrauerant: Nempe enim quod a Iudice sperare non poterant, id per obreptionem a Principe impetrare conabantur, circumuenta eius religione, & sic ambitione potius quam iuris ratione, ut loquitur *lex ult. C. Iust. si tutor vel curator fal-*

*sis alleg.* Denique nonnisi veris ac probatis causis impetratam vacationem a Principe valere iubet, pariter ut Theodosius M. *leg. 135. sup. de Decurionib.* seu *leg. vn. C. Iust. de his qui a Principe vacat. accep.* Quod autem *d. leg. 2. sup. de iur. liber.* cauetur; id alium plane sensum habet: Ea quippe *leg.* ius liberorum omnibus coniugibus orbis, simul & semel communicatur: de quo ad eam *leg.* Nunc ad rem. Ergo ne huius vacationis obtentu fraus muneribus personalibus fieret, duplici cautela prouidet *hac leg.* Constant. M.

Primum sc. vacationem ob liberos falso suppositos tributam reuocari iubet: Ut contra, rite impetratam manere ratam fixamque vult. Nempe enim nonnulli tum vacationem impetrauerant, oblatis Principi alienis liberis, pro suis: Quæ quidem fraus & obreptio notanda, in quærendo ob *πολυπαίδαν* legum priuilegio: quæ tamen non ultra puniitur, quam ut vacatio impetrata reuocetur, seu vacatione non potiat, qui eam impetrauit: Longe grauior vero pœna in altero obreptionis Principi genere in *sp. legis vn. sup. de his qui a non domino*: quæ eiusdem Constantini est: Gemina porro huic fraus illa est, qua simulatis olim adoptionibus fraus hanc in partem facta: quod de Claudii Imp. temporibus testatur Tacitus *Annal. 15. cap. 19.* unde factum geminum sub eo Senatusconsultum, *Ne simulata adoptio in vlla parte muneris publici inuaret.* Eodemque pertinet *lex 2. §. 2. D. de vacat. mun.* Imo & ante ipsas *Leges Iulias & Papias*: cum & tum præmia parentibus aliqua proposita fuissent, ut ostendit P. Scipionis Oratio de moribus apud Gellium *lib. 5. c. 19.* Cui fraudum generi obuiam itum quoque olim, professionibus & *παιδογραφίαις* quas dixi. In vniuersum vero de immunitate, & quidem speciatim a tutela, falsis allegationibus impetrata: vid. *tit. si tutor vel curator falsis allegat.*

Secundo, substitui filium legitimæ ætatis seu maiorem 25. annorum patri ob quinque liberos excusato iubet Constantinus, ut ita pro patre statim munia is subeat: quæ substitutio filii in patris excusati locum tenenda est: qua Constantinus M. muneribus Rerum publicarum consultum iuit, cum id antea non esset. Sane & alias sæpe per substitutos, patris muneribus consuli voluere Principes in locum eorum, qui a muneribus excusarentur, de quo *sup. tit. de Decurionib.* Et hæc de duplici cautela, ne obtentu *πολυπαίδας*, munera personalia destituantur.

Sequitur de Excusatione ob Paupertatem. Igitur ut alias quoque census tenuitas seu paupertas, onerum patrimonialium vacationem tribuit, ut docet *lex 7. D. de excusat. l. 4. §. 2. D. de muneribus & honorib.* ita & *hac l.* Constantinus eam vacationem confirmat: Sub hac tamen cautela hæc immunitas olim tributa, ut iidem muneribus personalibus subiicerentur. Quod diserte definitur *d. l. 4. §. 2.* Et vero id ipsum indicari extremis huius *l.* verbis, cuius videatur, quæ in *C. Iust.* diuersimode leguntur. Mihi tamen potius mens ea est, Constantinum hoc velle, ut is cui vacatio ob tenuem censum tribuitur, plena immunitate potiar: sic, ut si propter rerum angustias, & pensandis muner-

ueribus patrimonialibus ad personalia hæcenus vocatur obsequia, id est personalib. muneribus subiectus fuit, vacatione plenissima & beneficio deinceps potitur. De pauperibus ad Curiam non vocandis, plenius dixi ad leg. 53. sup. de Decurionib. etiam ex Libanio.



P. 616.

## SI CVRIALIS RELICTA CIVITATE

RVS HABITARE MALVERIT.

T I T V L V S XVIII.

LIB. X. COD. IVST. TIT. XXXVII.

I. (a) Impp. Valentinianus &amp; VALENS AA. ad Tatianum PF.

Ægypt. (b)

**I**UDICIARIO (c) omnes vigore constringes, ne vacuatis vrbibus ad agros magis, (d) quod frequenti Lege prohibetur, larem Curiales transferant familiarem. Data VI. Idib. Maii, Marcianopol. Lupicino, & Iouino Coss. [367.]

## NOTAE.

- (a) Abest hæc lex a Cod. Iust. prælata l. 2. infr. quæ expressior est, & perfectior. **GOTHOFR.**  
 (b) *Tatiani* huius PF. Ægypti seu Augustalis, meminit Auctor vitæ Athanasii, Simeon Metaphrastes, p. 89. & alius incertus Auctor p. 58. *Tom. I. oper. Athanasii. Edit. Lips. seu. Colon. apud Weidm.* & Auctor vitæ Athanasii apud *Photium Cod. 258. pag. 1450. Edit. Schotti.* Item Auctor Farraginis Alexandrinæ, quam edidit Scaliger p. 70. & quidem his ipsis Consulibus & aliis, qui respondent A. 368. 370. 371. 374. 375. 376. 378. Sic ut Augustalem secundum fuisse ostendat. Illud cum primis notandum, quod de eo notat, eum intrinisse in Alexandriam primum Augustalium VI. Kal. Februarii, & quidem his ipsis Coss. Item quod postea addit, eum condidisse in Alexandria fluvium, (id est, lauacrum vel Aquæductum) qui vocatur *Tatianus*, & portas fecisse auro perfusas, quæ Augustoris duo dicerentur *Petrinæ*. **ID.**  
 (c) Iudiciario vigore, hæc l. & l. ult. sup. de superexalt. vid. de hac formula Iurenus in *Symmaci Ep. 10. lib. 10. ID.*  
 (d) *augustinus* hæc vox magis. **ID.**

II. (a) Impp. ARCAD. (b) &amp; Honor. AA. Eutychiano PF. P. (c)

Post alia.

**C**VRIALES omnes iubemus interminatione moneri, Ne ciuitates fugiant, aut deserant, rus habitandi causa: fundum quem ciuitati prætulere scientes fisco esse sociandum, eoque rure esse (d) carituros, cuius causa impios se, vitando patriam, demonstrarint. Dat. XVIII. Kal. Ian. Constantinop. Arcad. iv. & Honor. III. AA. Coss. [396.]

## NOTAE.

- (a) *Lex vn. Cod. Iust. eod. tit. GOTHOFR.*  
 (b) Hanc leg. Constantino perperam tribuit Balduinus in *Constantino suo, lib. 2. p. 128. & pag. 85. Edit. Halens. ID.*  
 (c) Orientis, cui multæ aliz leges inscribuntur: Verum de eo plene in *Prosopogr.* Huius meminit quoque Socrates *lib. 6. c. 2. in fin.* Quod Contius iam 2. *subscit.* indicauit. **ID.**  
 (d) *Se, C. Iust. & forte hic reponendum se se, ut sæpe alias. ID.*

## COMMENTARIUS.

**R**VRIS habitationem derelicta vrbe Curialibus interdicitur his duabus legibus Valens Imperator & Arcadius: Quod & ante frequenter Legibus prohibitum idem Valens testatur: sic quidem, ut Valens iudiciario vigore constringi omnes ad inhabitandam patriam velit, leg. 1. Arcadius vero nominatim fundum seu rus confiscari iubet, quo se Curialis derelicta patria contulerit.

Quod facinus etiam impietati deputat: eoque rure esse carituros, inquit, cuius causa impios se, vitando patriam demonstrarint. Impius scilicet est, qui patriam vitat, seu fugit: Fugit inquam, vel lata fuga, imposita munera ciuitatis & prouinciarum, deferendo, de quo est lex 8. sup. de

contrahend. emptio. seu lex penult. Cod. Iust. de rescindend. vendit. (cuius tamen species cum hac vulgo confunditur:) vel secessu in rus, larem familiarum eo transferendo: Quæ species est harum duarum legum: Quæ & ipsa nihilominus fugæ species est, qua tum ornatus ciuitatum qui in Curialibus consistebat, ut antea ostendi, etiam ex Libanio, tum munera ciuitatum desituuntur.

Illud notandum, Valentis legem 1. pertinere nominatim, ad Ægyptum, cuius Præfecto Tatiano ea inscribitur, (de quo in notis iam dixi:) Quo argumento, alterutrum e duobus censeo, vel eodem hanc legem pertinere, quo famosa illa eiusdem Valentis lex 63. sup. de Decurionibus, quæ & ipsa ad



*Ægyptum* pertinet, ad Curiales inquam, latebras & secreta captantes, atque ad cœtus Monazonton conuolantes; vel Catholicos Clericos plures, vt persecutioni Valentis Ariani sese subducerent, rus concessisse. Nam hoc illud tempus est, quo renouata fuit Valentis in Catholicos persecutio (vt testatur diserte Socrates *lib. 4. c. 11.* adscripto hoc ipso Consulat<sup>u</sup> Lupicino & Iouino COSS.) etiam in Alexandrinos, per eum ipsum Tatianum Præfectum *Ægypti* (cui hæc *lex 1.* inscribitur,) vt testantur duo Auctores *vite Athanasii*, pag. 58. & 89. Tom. I. Oper. Edit. Lips. seu Colon. apud Weidm. quoque ipso anno Rufinus *lib. 2. c. 3.* notat, fugas ciuium & exilia.

Neque dubito (vt & hoc addam) ad eundem finem spectare, quod Auctor Farraginis Alexandrinæ, (quam edidit Scaliger) tradit, Tatianum hunc Augustalem primum Alexandriam introiisse his ipsis COSS. Lupicino & Iouino COSS. VI. Kal. Februarii: Nempe, vt præsentia sua Athanasio Ep. Alexandrino obfisteret, omnesque in obsequio Imp. Valentis contineret: Cum hæctenus Præfecto Augustali, vt pote fasces Consulares præferenti Alexandriam ingredi fas non fuerit: de quo est insignis locus Trebellii Pollionis, in 30. *Tyrannis in Emiliano* p. 195. Edit. Sahnas. Paris. 1620. in f.



## DE HIS QVI CONDITIONEM \*

PROPRIAM RELIQUERVNT.

T I T V L V S XIX.

Abeſt hic *Titulus a Cod. Iuſſin.*

\* Collegiati l. 1. & 2. 3. h. t. Curiales, d. l. 2. & 3. h. t. Colonatus aut Inquilinatus, l. 2. h. t.

I. (a) Impp. Arcad. & HONOR. AA. Vincentio PF. P. (b) Gall.

**D**ESTITVTAE ministeriis (c) ciuitates splendorem quo pridem nituerant, amiserunt: Plurimi siquidem Collegati cultum vrbium deferentes agrestem vitam secuti in secreta sese & deuia contulerunt; Sed talia ingenia huiusmodi auctoritate (d) destruimus, vt vbiicumque terrarum repperiti fuerint, ad officia sua, sine vllius nisi exceptionis reuocentur. De eorum vero filiis qui tamen intra hos proxime quadraginta (e) annos docebuntur fuisse suscepti, hæc forma seruabitur, vt inter ciuitatem & eos quorum inquilinas vel Colonas vel ancillas duxerint, diuidantur: ita vt in vltiorem gradum missa successio nullam calumniam perhorrescat, &c. Dat. III. Kal. Iul. Med. Stilicone & Aureliano vv. cc. COSS. [400.]

### NOTAE.

- (a) Abeſt hæc *lex a Cod. Iuſſ.* vt & *duæ ſequentes*, quæ huic ſunt coniungendæ, vna cum l. vn. ſupr. *utrum vi:* & l. 13. *Cod. Iuſſ. de agricolis.* GOTHOFER.  
 (b) Vincentio huic PP. Galliarum inſcribitur quoque Anno 398. *lex 58. ſupr. de curſu:* *lex vn. ſupr. de Burgariis:* Anno 399 *lex 26. ſupr. de annona & tributis:* l. vn. ſupr. *de Centurionibus:* hoc ipſo Anno 400. *Lex 6. ſupr. de metatis:* l. 10. ſupr. *de deſertoribus* l. 61. ſupr. *de curſu.* Ad hunc ipſam ſunt tres Symmachi epiſtolæ l. b. 9. epiſt. 7. 9. 23. ex qua poſtrema etiam apparet, eum PP. Galliarum fuiſſe. De hoc ipſo Vincentio & Sulpitius Seuerus *dialogo 1. c. 26.* vid. *Proſopogr.* ID.  
 (c) Collegiatorum. ID.  
 (d) Auctoritas, ideſt, funcſtio, conſtitutio, hic, & l. vn. ſupr. *de Centurionib.* (vbi dixi:) quæ eidem Vincentio PP. Galliarum inſcribitur: & l. 14. ſupr. *de indulg. debitorum.* vid. *Prolegomena.* ID.  
 (e) A Iuliani temporibus, ſeu ab A. D. 361. ID.

P. 618.

II. (a) Idem AA. Vincentio PF. P. Gall.

**A**CTIONES (b) publicas priuatasque non eadem ratione concludimus: siquidem statui publico inſpenſus prouidendum eſt. Eum igitur qui Curia, vel Collegio, vel Burgis (c) ceterisque Corporibus inſra eandem prouinciã poſt (d) triginta annos, in alia quadraginta ſine interpellatione ſeruierit, neque res Dominica, neque actio (e) priuata (f) continget, (g) ſi Colonatus (h) quis aut Inquilinatus (i) quaſtionem mouere temptauerit, &c. Dat. III. Kal. Iul. Med. Stilicone, & Aureliano COSS. [400.]



## NOTAE.

- (a) *L. 6. Cod. Iust. de fund. rei priuat.* hinc desumpta. Iungendæque ei *lex 1. supr. & lex 3. prox. infr. & lex vn. supr. vtrum vi: & lex 13. Cod. Iust. de Agriculis. GOTHOF.*  
 (b) *Adiones* hic, pro actibus accipiunt nonnulli, & pro muneribus: quo sensu vox *Adionum* sumitur in *l. 17. Cod. Iust. de Episcop.* quæ substituta a Triboniano, loco votis *Actuum*, quæ est in *l. 42. infr. de Episcop.* Malim proprie pro iure persequendi accipere. *ID.*  
 (c) De *Burgariis* fuit *supr. titulus* peculiaris *14. lib. 7. ID.*  
 (d) *Per*, vt *Cod. Iust. ID.*  
 (e) *Vel intentio priuata*, ita *Cod. Iust.* immutatum: de qua alioquin *intentionis* voce vid. *Gloss. & Iuretum in 5. Symmachii 75. ID.*  
 (f) An rei priuatæ Principis nomine, & a rei Dominicæ actoribus: an vero a priuato, vt *leg. proxima?* Hoc verum. *Actio priuata*, est priuatorum hominum, vt *leg. sequ.* super statu suo a priuato. *ID.*  
 (g) *Inquietatio*, *Cod. Iust. ID.*  
 (h) De Colonis vid. *Paratit. de fugitiu. colon. ID.*  
 (i) De Inquilinis, vid. *tit. de Inquilin.* vbi dixi. *ID.*

## III. (a) Idem AA. Vincentio PF. P. Gall. Post alia.

**M**ANENTE hoc præcepto (b) Mansuetudinis Nostræ, vt is qui triginta annis docebitur functus officiis, neque vlla vnquam interpellatione pulsatus intra eandem dumtaxat prouinciam, nihil calumniæ super statu suo a priuato, neque a rei Dominicæ actoribus pertimescat: Intra definiti temporis metas si quis docebitur fuisse conuentus, iure legitimo in Ordinaria (c) sede pulsabitur, vt illic de statu eius sententia proferatur. Primates (d) sane Ordinum, (e) Defensoresque ciuitatum, (f) pænæ denunciatione constringimus, ne passim vagari Curia, vel Collegii defugas in publica damna pariantur: Quod si per gratiam tacuisse detegentur, pœnam relegationis excipiant. Dat. III. Kal. Iul. Med. Stilichone & Aureliano Coss. [400.]

## NOTAE.

- (a) Absit & hæc *lex a Cod. Iustin.* Iungendæ autem ei sunt *duæ superiores leges, & lex vn. supr. vtrum vi: & lex 13. Cod. Iust. de Agriculis. GOTHOF.*  
 (b) Quod continetur *l. 1. supr. ID.*  
 (c) Apud Ordinarium Iudicem, idest, Rectorem prouinciæ. *ID.*  
 (d) De Primatibus Ordinum dixi ad *leg. 190. supr. de decurion.* *ID.*  
 (e) Idest, Curiarum. *ID.*  
 (f) De Defensoribus ciuitatum *suo tit. supr. ID.*

## COMMENTARIUS.

**C**OLLEGIIS, Curia, Burgis cæterisque Corporibus ne videl. Collegiatis suis, Curialibus, Burgariis & Corporatis, (de quo quadruplici hominum genere *sunt tituli.*) destituerentur seu fraudentur, cauet *his tribus legibus* Honorius Imp. cui iungendæ sunt & *l. vn. supr. vtrum vi: & lex 13. Cod. Iust. de Agriculis*, ceu vnæ & eiusdem Constitutionis partes: Qua in vniuersum Honorius id agit, ne a Conditione propria personæ temere recedant seu distrahantur: a conditione inquam priuata, quo pertinet *d. l. vn. supr. vtrum vi: & d. l. 13. Cod. Iust. de Agriculis*, vel publica seu ciuitatum quo spectant *hæc tres leges*: Et quidem per Gallias: Nempe hoc illud tempus est, quo tum per Italiam quo pertinet eiusdem Honorii *lex 1. infr. de Collegiatis*: (quæ *his tribus* concordat) tum ac maxime per Gallias omnia tumultus plena iam erant, conditionisque suæ pertæsi quamplurimi, sine quia a priuatis dominis atterebantur, siue a ciuitatibus, conditionem suam variis rationibus deferebant: ac maxime hi, sic vt partim militiæ desertores quamplurimi essent, de quo est *lex 10. supr. de desertoribus*, quæ eidem Vincentio PP. Galliarum inscribitur: partim vero (quod diserte dicitur *initio l. 1. destituta ministeriis Ciuitates, splendorem, quod priuident niuauerant, amitterent*, Curiaque, & Bur-

*leg. 2. veluti Centurionum: de quo est quoque l. vn. supr. de Centurionibus*: quæ eidem Vincentio PP. Galliarum inscribitur.

Idque vel agrestem vitam sequendo, & in secreta sese, denique conferendo, idest, aliorum coloni facti, vt docent extrema *legis 1. vel status controuerſiam* patiendo, de quo est *lex 2. vel denique passim vagando*, quo pertinet *lex ult.*

Igitur Honorius Collegiator, de quibus agitur *omnibus huius tituli legibus*, ad officia sua reuocari iubet *l. 1. hoc t. vbicunque terrarum reperti*, seu quorumcunque coloni vel inquilini facti fuerint: scilicet hæc ætas est, qua multi functionibus publicis attriti, dedititios inquilinos & colonos se potentium & ditum faciebant, eorumque inquilinas colonas, ancillas ducebant, & quasi in ius eorum ditionemque transcendebant, & quidem per Gallias, quod etiam 40. ferme post *hanc l.* annis Saluianus testatur, & queritur prolixè *lib. 5. de gubern. Det c. 9.* Denique iugo inquilinæ abiectionis addicebantur, & *sicbant præiudicio habitationis indigenæ*. Hos igitur ad Collegia sua reuocari iubet Honorius, siue vilius exceptionis nisu, seu nulla temporis præscriptione obſtante. In filiis vero eorum, temporis distinctionem aliquam facit: nempe ante 40. annos susceptos ad Collegium non retrahendos neque calumiam perhorrescere oportere: Intra 40. annos,

annos, id est, a Iuliani temporibus, & ab A. D. 361. susceptos, inter dominos & ciuitatem diuidendos: inter dominos inquam, quorum vel inquilinas, vel colonas vel ancillas duxerant: Et sic ex inæquali hoc coniugio Collegiatorum filios diuidi vult Honorius: qui tamen per Campaniam ante triennium indistincte agnationem, id est, filios ex inæquali huiusmodi matrimonio natos, matris conditionem sequi voluit, & sic dominis cedere, non etiam diuidi l. 1. *infr. de Collegiatis*. Ceteroquin diuisionis huiusmodi filiorum exempla & alia hoc Codice plura occurrunt. Et hæc quidem de Collegiatis, qui inquilini vel coloni aliorum facti; & sic de l. 1.

Secundo capite, puta l. 2. & 3. agit viceuersa Honorius de iis, qui ex Colonis vel Inquilinis, Curiales vel Collegiati vel Burgatii olim facti sunt, quibusque hodie status controuersia mouetur. Igitur hanc actionem *Præscribi* vult Honorius triginta annis, si intra eandem prouinciam, qui colonus &c. dicitur, Curia, vel Collegio, vel Burgis seruierit sine interpellatione: 40. annis, si in alia prouincia. Hac scil. præscriptione hanc actionem & repetitionem excludit nunc Honorius: ratione eleganter addita, qua simul dubitandi ratio profligatur. *Actiones, inquit, publicas priuatasque non eadem ratione concludimus: si quidem statui publico impensius prouidendum est.* Nempe superiore ca-

pitate præscriptionem omnem respuit Honorius, & Ciuitatibus opponi vetat, suos repetentibus, hoc vero capite, aliis a Ciuitate aliquem repetentibus aliquam præscriptionem iure opponi definit: Non iisdem scil. finibus actiones priuatas & publicas concludi oportet; cum præcipua sit & esse debeat ratio status publici, cui impensius & enixius prouidendum est, ut ceteroquin priuata utilitas publicæ cedit. In tantum, ut Princeps quoque ipse *huic l.* succumbat: Nam & rei priuatæ Principis actoribus, aliquem, velut suum a Curia vel Collegio repetentibus, prædictam præscriptionem nocere vult Honorius: potiore ciuitatum & publici status, quam utilitatis suæ, curam habens. Porro idem Honorius nouemdecim post annis per Italiam leg. 1. *supr. de Inquilinis & colonis*, hanc præscriptionem adhuc coangustauit ad 30. annos indistincte, si coloni vel inquilini repetantur: ad 20. annos, si scæminæ. De qua distinctione ad eam l. 1.

Postremo capite Honorius pœnam relegationis comminatur Primatibus Ordinum, de quibus *titul. supr. de Decurionibus*, & defensoribus ciuitatum, de quibus *suo titulo lib. 1.* ubi vide *Paratitlon*, si vagari Curia vel Collegii alicuius defugas passi fuerint, & per gratiam tacuerint. Nempe Primatibus Curiarum hæc cura incumbere, ut & Defensoribus ciuitatum: de quo *suis titulis*.

### Addenda & emendanda.

Pag. 11. in Comment. leg. 5. colum. 2. lin. 6. lege *Αἰνεῖται*. & lin. 7. sequent. scribe *βραχὺ*.

Pag. 13. colum. 2. lin. 30. scribe *πισταυρον*.

Pag. 27. in Commentar. colum. a. lin. 21 scribe *ἐποσι*. & lin. 22. dele punctum post *βασιλέα*. & lin. 24. scribe *ομοίως*.

Pag. 28. in Comment. colum. b. lin. 46. scribe *ἐφατε*.

Pag. 41. init. leg. 30. scribe *Imppp*.

Pag. 47. in Commentar. colum. 1. l. 35. scribe *οισπεραξιν*, & mox, nouellis.

Pag. 71. in Comment. leg. 2. colum. a. lin. 10. scribe *vicanis*.

Pag. 105. in Comment. leg. 3. colum. b. lin. 12. scribe *διαφεύγει*.

Pag. 137. in Comment. colum. a. lin. 36. scribe *de domesticis*. & lin. 46. *explicat*.

Pag. 157. not. h. lege *thermarum*.

Pag. 168. colum. b. lin. 49. dele punctum post *untur*.

Pag. 262. in Comment. col. b. lin. 16. scribe *θαττον*.

Pag. 324. in inscriptione legis 25. lege *Thalassum*.

Pag. 339. in Commentar. col. a. lin. 9. scribe *λαβισται*.

Pag. 392. lin. 7. in notitia legum, quæ ad historiam ecclesiasticam pertinent, lege ita; *Arcadii lex 163. & Theodosii Iun. lex 172.*

Pag. 407. not. d. lin. 4. scribe *βουλευτής*.

Pag. 411. in Comment. col. b. lin. 5. scribe *lib. 25. cap. 4.*

Pag. 439. in Comment. leg. 63. col. b. lin. 13. scribe *legem 19. infr.*

Pag. 448. not. ff. lin. 1. scribe: *caterum qui sua, vel caterum si sua.*

Pag. 534. in Comment. col. b. lin. 23. scribe *lege 32. de susceptor*.

Pag. 586. in fin. legis 22. *gravi pena esse compellendum*, variant libri, *esse plectendum* legunt MS. G. Edit. Cuiacian. prior. & illa in 4. Sed *esse plectendos* Ed. Sichard.

Pag. 587. in not. e. leg. 23. ita lege: *Vel pro ut 5. vel 78. 5.* Cætera prudens lector emendabit aut feret. Est enim hic loci typosetorum tanta ignorantia & oscitantia, ut & purgatis plagulis ab erroribus, nouos superaddant.

